

Errors in numbering:

v.1 p.41 (second group of paging) Table VI numbered
IV at top of page

v.1 p.135 (second group of paging) Table II numbered
III at top of page

v.1 p.35 (third group of paging) p.35 numbered 37 and
Table II numbered IV at top of page





Digitized by the Internet Archive
in 2014



E. H. Edgell 1871



NOBILISSIMIS, AMPLISSIMISQVE

VIRIS,

PETRO HASSELAER,

Curatori Societatis Indiæ Orientalis, & antehac in Collegio
Præfectorum Rei Maritimæ delegato, Militiæ Urbis Tribuno;

ANDREÆ BICKER, I. V. D.

bis ad Ser^{mos} Polonorum Suecorumque Reges, & nunc ad
Ser^{nam} Suecorum Reginam Legato, Societatis Indiæ Orientalis
Curatori; in Collegio, tum Illustrissimorum Potentissimorum-
que Hollandiæ, ac West-Frisiæ Ordinum, tum Præfectorum
Rei Maritimæ, delegato, Tribuno Urbis Militiæ;

GERBRANDO NICOLAI F.

PANCRATIO, antehac Curatori Societatis Indiæ Orientalis;

GUILIELMO BACKER,

DE CORNELIIS, eadē antehac dignitate perfuncto;

PRUDENTISSIMIS

AMSTELÆDAMENSIS

REIPUBLICÆ

CONSULIBVS,

Salutem plurimam, & perpetuam

Felicitatem optat vovetque

IOHANNES BLAEV.



NOBILISSIMI, AMPLISSIMI, PRV-

DENTISSIMIQUE CONSVLES,

Artes necessitas genuit, usus
commendat, amoremque con-
ciliat. Vnde & eæ præferuntur aliis, quibus ca-
rere difficilior mortalium vita potest; quæque
non

non ad oblectationem meram, sed conservatio-
nem generis humani sunt comparatæ. Ex his
omnium calculo facile primas Medicina obti-
net; siue hominem spectes, quem curat; siue sa-
nitatem, in corporis bonis exoptatissimum. Ea
cum in multas se partes diffuderit, unam habet
dignitate, necessitate, usibusque eximiam, ANA-
TOMICEN. Quæ in sectione corporis, ad stupo-
rem admirandi, occupata, & singula ejus artifi-
cia membratim oculis ingerens, totiusque Na-
turæ compendium docte & ingeniose resolvens
ac examinans, valde dignitatem ejus in illustri
ponit. Quid, quod infinitam Creatoris Dei po-
tentiam, sapientiam, bonitatem, quavis etiam
minima particula liquido ostendat? Potentiam,
formando; sapientiam, ordinando; bonitatem,
conservando singula, ineffabili conspiratione
soluta, & libertate nexa. Necessitatem artis sua-
det & evincit, quod sine hac læsis affectisque
partibus adhiberi medela nequeat. Vsum, tum
hæc ipsa; tum notitia, quam nobis nostri, & cu-
jus imago sumus, Dei vivi exhibet. Effecit utra-
que, ut plurimi se in hac cum cura exercuerint,
tum veteres, tum recentiores. Veteres multa
latuerunt. nempe ut invenirent sequentia secula,
quo deficiam ingeniiis, torporemque excuterent,
& gloriam ab hominibus Deus, gratiam homi-
nes à posteris consequerentur. Recentiores in-
ter familiam ducit SPIGELIUS. Cujus opera
quan-

quantum rei Anatomicæ accesserit, quælibet in hoc Opere pagina loquitur. Quo vero perfectius, &, quanta fieri potuit industria, auguste ederetur, adjecimus ab ASELIO, HARVEJO, & WALÆO, postmodo in hac scientia atque arte observata. Huic tamen labori nostro, Vos, VIRI MAGNIFICI, verum dabitis splendorem, si Augustissimis Vestris Nominibus inscriptum, qua orbis patet, & admiratio Vestri longe lateque penetravit, favore prosequi non dedigne-
mini. Quem spondere mihi videor, quoties cogito Vestram in tuendis civibus sollicitudinem, in fovendis exteris benignitatem, in promovendis omnium fortunis studium; denique in universa Republica Vestra conservanda prudentiam, in augenda justitiam, in ornanda liberalitatem. Quæ quantum indies crescit, (crescat autem, & floreat ut Cedrus Libani) tantum Deus Opt. Max. Vobis sapientis consilii porro etiam magis magisque suggerat tam stupendæ moli regundæ. Ita precor, ita voveo. Amstelædami è Typographejo meo VIII Kal. Maji.
C I O I O C XLV.

Joanna Hugger

Continentur

T O M O P R I M O

ADRIANI SPIGELII *Bruxellensis*, De Fabrica Humani Corporis, libri decem.

IVLII CASSERII *Placentini*, Tabulæ Anatomicæ, cum DANIELIS BVCRETII *Vratislaviensis*, Supplemento.

ADRIANI SPIGELII, De Formato Fœtu, liber singularis.

IVLII CASSERII, Tabulæ de Formato Fœtu.

GASPARIS ASELLII *Cremonensis*, De Lactibus, five Lacteis venis, Dissertatio.

GVILIELMI HARVEII *Angli*, De Motu Cordis & Sanguinis in animalibus, Exercitatio Anatomica.

IOHANNIS WALÆI *Leidenfis*, Epistolæ duæ, de motu Chyli & Sanguinis.

T O M O S E C V N D O

ADRIANI SPIGELII *Bruxellensis*,

De Semitertiana, lib. I v.

De Arthritide, liber.

De Lumbrico lato, liber.

Isagoges in Rem Herbariam, libri II.

ANTONII VANDER LINDEN *Nerdeni*, De monstrosis Vermibus, Observatio rara; pag. 92.

L E C T O R I S A L V T E M.



*U*oties, quod vivimus, seculum considero, ea mihi venisse tempora videntur, quæ dum sua detestatur, exoptata olim à magno illo salutis humanæ præsidis artis interprete Galeno videmus libro 11. *Methodi medendi cap. v.* εἰ μὴ γάρ, inquit, μεγάλη τις ἡρότις καὶ δαιμονία μεταβολὴ τῶν ἀνθρωπείων πραγμάτων, οἷχέῃ πάντα τὰ καλὰ, καὶ συγκέχυῃ, καὶ διέφθαρῃ, μηδε-

νὸς ἀλήθειαν παρδάζοντι, ἀλλὰ τὸ δόξαν μόνον. Nisi magna quædam & divina quasi virgula humanarum rerum fiat conversio, nihil boni superest, sed perturbata & corrupta sunt omnia, dum nemo ad veritatem, omnes ad id, quod cuique videtur, totum convertunt studium. Etenim eo licet nondum pervenisse artes, quibus in solatium mortalitatis indigemus, ut nihil posteritati, quod addat, reliquum existimem: tantum tamen abesse censeo, ut jure quis de confusione earum aut corruptione conqueri hodie possit, ut obstupescere potius omnes credam, quandocunque intentius culmen istud perfectionis intuentur, ad quod adscenderunt. Non dicam longum fore, si quis ire per omnes & demonstrare velit, quantum singula lucis pro obscuritate, pro confusione ordinis, pro tadio facilitatis, denique integritatis pro corruptela acceperint: tantum negabo possibile esse, ut quis omnia, quæ nova, quæque memorabilia in artibus tum ingenuis tum mechanicis intra annos non usqueadeo multos fuere reperta, plene recenscat. Nobis, quod rem præsentem attinet, in sola Anatomica & paucis id ostendisse sufficiet. Anatomica ars est, quæ corpora animantium rite dissecandi rationem docet, quò ea (Celsi verbis utor) quæ natura ante clausisset, eorumque posituram, colorem, figuram, magnitudinem, ordinem, duriciem, molliciem, lævorem, contactum; processus deinde singulorum & recessus; & sive quid inferitur alteri, sive quid partem alterius in se recipit, cognoscamus. In qua cognitione nuda qui subsistunt, neque aut ad sui notitiam pergunt, quò curare discant, ut sit mens sana in corpore sano; aut erigunt se ad Conditoris sui potentiam, sapientiam, bonitatem agnoscendam, admirandam, prædicandam, ne illi sæde magis & crudeliter lacerasse cadavera, quam rite dissecuisse dicendi sunt! Rite dissecare apud Homerum, est omnia καὶ μοῖραν ἱπταμένως καὶ ἀειφραδέως, uti oportet scienter ac dextre dividere. Nam & olim laniare in sacrificiis pro lubitu animalia apud Gentes ipsas non licebat; &, ne fieret, cavisse apud populum suum Deus videtur, cum & macrandi modum illis præscripsit, & partes offerendas definiivit. Quemadmodum vero vel hinc duntaxat vetustissimum esse cum cura secandi atque inspiciendi animalia morem constat; ita nec dubium videtur ab his ad humana cadavera transitum fuisse, postquam

compererunt Medici etiam in interioribus partibus & dolores & morborum varia genera nasci, quibus nemo adhibere remedia posset, qui ignoraret: non vero, cum dolor intus (*Celsi rursus verba sunt*) incidit, scire quid doleat, eum, qui qua parte quodque viscus intestinumve sit, non cognoverit. Et cum per vulnus alicujus viscera patefacta sunt, eum qui sanæ cujusquam colorem partis ignoret, nescire quid integrum, quid corruptum sit. Ita ne succurrere quidem posse corruptis, aptiusque extrinsecus imponi remedia, compertis interiorum & sedibus & figuris, cognitaque eorum magnitudine: similesque omnia, quæ posita sunt, rationes habere. Quando autem & qui incidere corpora mortuorum primum, eorumque viscera atque intestina scrutari cœperint, ne mentiri quidem ausa antiquitas fuit. Verisimile est, Anatomicam apud Ægyptios cum plerisque artium natam, ad alias deinde gentes propagatam, apud Græcos tamen aliquanto magis, quam in cæteris nationibus excultam fuisse. Inter hos enim multos ex sapientiæ professoribus peritos ejus fuisse testantur Aristoteles, Galenus, & Ruffus Ephesius. Clarissimos vero ex his Empedoclem, Alcmaeonem Crotoniatam & Democritum. Hujus autem (ut quidam crediderunt, inquit Celsus) discipulus Hippocrates Cous, vir & arte & facundia insignis, uti primus quidem ex omnibus memoria dignis ab studio sapientiæ medicinam separasse putatur, ita eum credibile est Anatomicam hujus gratia studiosius instituisse, plurimosque sectatores habuisse. Eos Galenus in priscos & juniores distinguit, & ab illis negligentius Anatomicam explicatam, plurimum vero ab his illustratam asserit. Quos ipse omnes insecutus & præstantissimos præceptores & acre ingenium nactus rudem adhuc & imperfectam illam ita exornavit atque perfecit, ut merito quam antecessoribus præripuit, præferre unus posteris palmam dicatur. Id certe effecit, ut alii ex his aut primam putarent gloriam sua vel ex Galeno, tamquam è fonte rivus, elicere, vel ad ejus emulationem omnia componere; aut istam assequendi desperatione multis annis nihil alii adjicere aut emendare conarentur. Unde factum fortassis, ut apud Arabes, medicina studiosissimos & in ea tradenda augendaque ad invidiam usque Græcorum æmulos, vix umbram tamen perfectæ Anatomies extitisse Averrhoes candide profiteatur: quin hæc ipsa protinus evanuerit, cum omnis eruditionis eclipsin universus orbis densissimæ barbariei interjectu passus fuit. Ex qua haut aliter Anatomica quoque emerfit, ac solent quæ, tenebris obruta, illuminari primum incipiunt. Ea enim quemadmodum confusa initio atque indistincta horridaque, sensim accedente majore luce non disjuncta distinctaque solum, sed & ordinatiora pulchrioraque apparent: ita Anatomica ante sesquiseculum præter propter sub Mundino primum in Italia resurgens, rudis quædam & indigesta moles fuit, donec ei formam Iacobus Carpus amplissimis commentariis donaret. Quæ deinceps excoli paulo subtilius ab Nicolao Massa cæpit, & certatim mox à Iacobo Sylvio & Andrea Vesalio expoliri: dum uterque lectis, quæ non ita pridem è tenebris eruta fuerant, Galeni de re anatomica scriptis, totis in ea animis incubuerunt, ille interpretando, hic examinando omnia clariora atque hoc effectum reddentes, ut & Galeni industriam plures indies

dies admirarentur & suam diligentiam alii post alios imitarentur. His enim auctoribus cum, pristino integritatis prisca nitore recuperato, pulcherrima artis speciem Anatomica induisset, & simul laudem utilitatis meruisset, incredibile quot ea, non mediocres viros in sui amorem pertraxerit. Qui exemplum quisque sibi boni patrisfamilias ob oculos ponentes ampliora, quae acceperant, facere, maioraque ad posteros transmittere sategerunt. Hinc, prout cujusque ingenium tulit, variis viis ad promovendam rem anatomicam itum est. Alii enim, quibus & commoditas & copia secandorum cadaverum atque in rem praesentem veniendi major erat, totos se observationibus dederunt, ut aut novis illam & antecessorum diligentiam elapsis inventis ditarent; aut amplificarent raris quibusdam & dissimilibus naturae lusibus; aut denique reperta semel & bene tradita iis, quae saepius & eodem semper modo se offerebant, confirmarent. Alii, qui aut valetudinis tenerioris aut animi imbecillioris fœtore vel fœditate rei praecepta absterrebantur, vel robusti satis & prompti destituebantur necessariis, huc potius studia sua contulerunt, ut instituto inventorum examine, aut quae laborare difficultatibus & obscurata controversiis videbantur, discussa caligine in apertum producerent; aut omnino etiam, praeclaris quibusdam questionibus in medium prolatis, vocarent in dubium quae vel ob auctorum reverentiam vel consensum plurimum, vel inquirendi tedium aliquanto facilius credita pro veris passim ratisque admittebantur. Alii rursus utrumque laborem conjungentes simul animum ad investigandum quod delectare novitate posset & prodesse notitia, simul ad elucidandum magis à majoribus accepta, eaque vel meliore & ad sectiones instituendas aut naturam ipsam accommodatiore ordine, vel utiliore & ad praxin medicam manucente scriptiois formula ornandum admovent. Denique alii integrum artis systema condendo; alii enixius uni alicui parti incumbendo, plurimum tamen adjutum anatomicam nec sine fructu & industria laude ieverunt. Non est quod ad istos mihi statutos ordines cunctos revocem, qui scriptis apud nos inclaruerunt, cum & in manibus illa sint, & passim in recentiorum libris fideliter satis memorentur ea, quibus & praeiverunt aliis & aeternam meritorum suorum memoriam fecerunt. Quis enim nescit quantum admirando Gabrielis Fallopii, Vesalii in Patavino Gymnasio successoris, Observationum operi debeamus? quantum eruditus Bartholomæi Eustachii de Renibus ceterisque opusculis? quantum Iulii Cæsaris Arantii accuratae Uteri in gravidis & Fœtus humani historiae? Quis Constantino Varolio acceptum non refert ab inferis cerebrum secandi ordinem novum illum, quique nova multa & vetera omnia longe clarius oculis exhibet? Eidem Coli valvulam Riolanus attribuit, cujus inventae gloriam sibi Bauhinus vindicaverat: etsi alii eam Salomoni Alberti censeant deberi. Sed quid est, cur non uterque eodem tempore deprehendere illam potuerint, & proferre in lucem, & participare laudem? Venarum valvulas si non reperit (video enim dubitari;) perfecisse tamen Hieronymus Fabricius ab Aquapendente videtur quidquid ad earum notitiam spectat. Stapedem, inter auditus ossa tertium, Ioannes Philippus Ingrassias; vesiculas seminarias Gulielmus Rondeletius; meatum autem, per quem pregnantibus semen in cervi-

cem uteri, majoris voluptatis gratia & ad leniendam gestationis fastidia emittitur, facundissimus Fernelius notavit primus. Magnæ (fatendum est) magnis istis viris gratiæ debentur. At vero quantas meruisse Realdum Columbum, Casparum Bauhinum, Andream Laurentium, Iohannem Riolanum filium, & qui omnes secutus, numnon affecutus? est, Casparum Bartholinum putamus? qui non contenti in una aliqua artis parte singulare quid & ævo dignum elaborasse, in tota excellere voluerunt, atque universam corporis humani fabricam fusioribus alii, alii præstioribus, omnes plenius commentariis proponere. Qui omnes etsi ad perfectionis fastigium protulisse Anatomicam poterant videri, & ademisse posteris novi aliquid inveniendi gloriam, id ut fecerint tantum abest, ut viam potius straverint ad plura alia investiganda. Neque enim exhaustiri naturæ thesauri queunt, & tanta ejus in fabricando Homini corpore solertia est, ut Galenus eam licet magni viri diligenter & assidue scrutentur, non omnem tamen inventuros vere dixerit, sed semper aliquid in occulto mansurum, ventura quod ætas querat. Cujus rei & clarissima nobis & felicissima testimonia exhibent hodie qui animos se ad contemplandum erectos, & simul manus ad penetrandum dextras habere ingeniosissimis inventis, inventorumque firmissimis demonstrationibus demonstrant. Omitto nunc novam iterum & admirandam illam methodum, qua cerebri totiusque capitis admiranda longe quam antea subtilius perquirere & cognoscere exactius docuit vir magni ob multas virtutes & raras ingenii dotes æstimandus D. Franciscus Sylvius, Medicus Amstelredamensis; quam nuper una cum quibusdam aliis suis rarioribus observationibus Clar. Bartholini Institutionibus Anatomicis, velut auro gemmulas, inseri à Doctiss. Thoma Bartholino Auct. F. passus est. Non dicam de foramine è dextro in sinistrum cordis ventriculum sanguinis isthac transitui pervio per Cæcilium Folium reperto, an magis asserto? Nihil quoque de novo Pancreatis ductu Patavii primum à D. Ioh. Georgio Wirfung observato, Amstelredami autem ejusdem D. Francisci Sylvi cura accuratius ad vivum expresso & per Cl. D. Vopiscum Fortunatum Plempium, amatum mihi & æstimatum, rumpantur ut ilia Codro, Virum cum eruditissimis de Fundamentis medicinæ commentariis nuper exhibito. Istos, inquam, ut taceam, possuntne majores aliqui produci testes supra hos, quorum nunc vere nobiles sapientis ingenii fœtus & conjunctim edimus, & simul aternitati consecratos volumus? Exspectas forte, Lector, ut quod dixi, probem. Sed quare me tibi vis præjudicium facere? Adi singulos ipse, lege, cense. Fallor, nisi de Adriani Spigelii, Clarissimi Viri, decem de Humani corporis Fabrica libris verissimum invenias, quod ad te D. Daniel Bucretius Vratislaviensis scripsit, cum primum eos Venetiis ante annos septemdecim promulgaret. Opus esse, cum infinitis observationibus, tum methodo succincta, præclaris partium usibus, & dissectorum historiis mirifice exornatum. Ad hæc cum rari admodum sint, quibus refectionum studium placeat, nisi Medicinæ, cujus fundamentum est, gratia: totum opus sic institutum esse, ut perpetuo ad artis usum referatur. Hinc tot præcepta Chirurgis in suis operationibus notanda; tot difficilium Hippocratis locorum explicationes; viarum, per quas

quas morborum transmutationes fiunt, tum consensus partium, demonstrationes: plurima insuper ab aliis aut non attacta, aut perperam descripta *passim* occurrere. Et quæ vulgo in musculorum doctrina confusio est, circa venarum arteriarumque usum obscuritas, circa viscerum actiones difficultas; hic elegantem ordinem, claram lucem, miram facilitatem habere. Cujus laudis participem eundem D. Bucretium qui fecerit, nihil equidem auctori detrahit. Cum nemini non possit non videri in partem illius vocasse, quem plurimum in vita dilectum sibi præ ceteris in testamento nominaverat ad opus istud concinnandum postremaque manu perficiendum. Quique illud tam fideliter atque industrie est exsecutus, ut nihil in ordine, operisve forma aut stili elegantia magnopere desideretur. Qui insuper Historiam tabulis, non tantum septuaginta sex à Iulio Casserio Placentino, ob egregiam in diffecando dexteritatem celeberrimo Viro, confectis & viginti aliis, quæ desiderabantur, à se additis, omnibus elegantissimis, sed & tabulas notis, & hæc è regione explicationibus exornavit. In libellis de Formato Fœtu & Arthritide etsi secundas auctoris curas non immerito quis requirat, bene tamen de Socero & publico meritis est Liberalis Crema, qui eos in lucem dedit & alterum tabulis Casserii quoque fecit absolutiorem. Cætera Spigellii, quia ipso viro fuere edita, talia sunt, ut & egregie nobis ingenii vigorem, eruditionis varietatem, judicii promptitudinem, felicitatem denique ejus in praxi depingant; & simul dulce desiderium relinquunt Operis Epistolarum anatomicarum in libro de Semitertiana promissi, itemque Commentarii in Psellum de Lapidibus, & Chirurgicorum: de quibus etsi serio inquisitum fuit per Cl. D. Iohannem Rhodium (qui, ut est ingenio mire benigno ac facili ad aliorum conatus promovendos, id nobis honoris dedit;) nihil tamen reperiri potuit, quod utiliter in publicum exeat, nisi una Hymenis pictura, quam in hac editione primi damus. Fruamur igitur istis, quæ & invitare nos ad legendum materierum novitate queunt, & non sine magno fructu lecta dimittent. Nam ea tractant, quæ vel nemo alius, vel non ita plene, perspicue, docte. Unum illud, quod in Lumbrico lato hiulcum est, integri scilicet descriptionem, supplere potes ex lib. II. c. XLII. Observationum Magni Viri D. Nicolai Tulpæ, Senatoris, Archiatri & Anatomici Amstelredamensis gravissimi, felicissimi, facundissimi. Alterum, quod in Vieri observatione suspectum & Spigellii de ea judicio dubium est, huic plenam fidem facit ex Charissimi Parentis mei p. m. Antonii vander Linden, Medici olim Amstelredamensis, Observationibus excerpta similis Monstri historia & ad vivum expressa imago. Redeo ad Anatomicam. In ea nobis Scriptores tres supersunt, quos Spigellii operibus interserere non sine gravi causa visum est, qui ea persequerentur quæ post Spigelium demum cognita Anatomiam passim illustrarent, limitarent, corrigerent, magno ad medendum usu. Non probat Galenus commentarium anatomicum, nisi novi aliquid contineat. Quomodo igitur istos non probemus tantum, sed admiremur etiam, qui in interioris naturæ sacrarium admissi inde nobis retulerunt, quæ universa antiquitas aut nescivit penitus, aut nisi per spississimam nubem non vidit. Quam intricata semper questio fuerit, multorumque animos torserit, Eadem mesenterii venæ ad-

distributio
nem.
translationē.

vehantne simul hepatis chylum & ab eo sanguinem intestinis revehant, an non?
ex Laurentio, aliisque constat. Eam tandem Gaspar Asellius, Vir eruditissi-
mus, non opinionibus in natura male fundatis, sed experimentis decidit irrefra-
gabilibus, ostenso novo vasorum in mesenterio genere, quod chylum ab intesti-
nis suctum per ἀνάδοιν ad jecur distribuat, quemadmodum reliqua mesaraica
per διάδοιν ex eodem sanguinem ad intestina deferunt. Quod Venarum lactea-
rum inventum, si quis animum advertat, plurimas in arte nostra utilitates sup-
peditare tum ad cognoscendum, tum ad curandum morbos veteribus ignotos, nec
posteris satis perspectos, potest. Uti & alterum illud Guilielmi Harveji, cele-
berrimi Viri, de Motu cordis & Sanguinis in corpore circulatione. Qua in re
si cui non satisfacit numquam satis laudatum Harveji scriptum, is adeat avi
nostri Phœnicis Cl. D. Iohannis Walæi Epistolas duas ad Thomam Bartho-
linum, quas ex nova Auctoris cura emendatas plurimumque auctas isti in com-
mentarium subjunximus. Ita enim erudite novam illam de Motu sanguinis
sententiam proponunt, tradunt methodice, adstruunt nervose, denique argumentis
ab experientia simul & ratione depromptis, & contra omnes etiam objectiones
immotis probant, ita plene omnes illius motus circumstantias, incompertas antea,
deducunt, ut neque scriptionem quis accuratorem, neque firmiorem demonstra-
tionem cupiat, nisi qui Solem sibi postulat ostendi. Taceo inventam ab illo no-
viter veram chyli concoctionem, expulsionemque ejus è ventriculo, quam non
minimam lucem, morbis allaturam auguror, imo jam persentio. Quod reliquum
est, Lector optime, magnopere laborandum mihi apud te non existimo in expo-
nenda ratione cur novæ hujus operis editioni, augustissimis typis & primigeniis
Casserii tabulis adornandæ, operam aliquam impendere & extare in eo memo-
riam mei voluerim; tum quod vitio verti aut posse aut deberi sciam nemini,
qui diligentiam suam vel publicæ utilitatis studium in alienis quoque scriptis
probare umquam posteritati studuit; tum quod omnium, quæ isthoc volumine
continentur, eam esse & dignitatem & utilitatem satis jam innui, ut erubescere
non debeam propter laborem male collocatum. Quem etsi eum esse satis intelli-
gam, qui nihilo plus splendoris dare istis queat, quam quævis inerrans Soli: at-
tamen nec supervacaneum nec sterilem inveniet, quisquis antecedentes editio-
nes cum hac postrema conferre non gravabitur. Indices in subsidium memoriæ
& temporis compendium duplo ferme numerosiores damus & in paucos contra-
ctos & iis ne decipiaris, correctissimos. De erratis, quæ nobis à Typographia ab-
sentibus, irrepsērunt, operæ non est monere. Nam & nemo non oculatissimus cor-
rector dormitat quandoque, & sunt ea tam minuta aut evidētia, ut sistere
lectionem nequeant. Nunc te dimitto, benivole Lector, cum prece, ut nobis &
labori huic fav eas, & valeas. Dabam Franckera Frisiorum, IV Idus Febr.
CLO IO C XLV.



Orrida mortalis spectacula cernite scenæ,
 Frustraque, queis miserè dilaceratur Homo.
 Vita Salusque istis habitant in partibus, & qua
 Vita hominum, sese mors quoque parte locat.
 Adspice, qui temet nescis, feralè cadaver,
 Nexaque centenis ossibus ossa stupe.

Illa tuæ sunt fulcra domus, tabulata trabesque.

Hæc sunt ingenii stamina dura tui.

Exuviae tantæque rigent velamina molis.

Et quæ cuncta tegit molliter ossa, cutis.

Carnea compages sequitur, motusque magister

Musculus & facili pondera lege movet.

Currunt innumeris venarum flumina rivis,

Et membris præbent pabula læta suis.

Viscera visceribus famulantur & ordine pulchro

Officium varia quodlibet arte facit.

Summa tenet Ratio, tunicis secura cerebri,

Et quia sideribus proxima, sola sapit.

Palpitat æterno Cor implacabile motu,

Et media prudens se regione locat.

Est, quæ bile tumet statio, quæ nutrit amores,

Est, ubi ren falsas ejaculatur aquas.

Fecundos matrona sinus ostendit. & illa

Humani generis capsula prima patet.

Quæ reges Priamosque habuit, Brutosque Ducesque,

Et quos fullo suos dixerit esse lares.

Singula miramur. stomachi jecorisque labores.

Et distincta suis viscera mille locis.

Hæc supplex Natura vide, fabrumque potentem

Suspice & artifices hic venerare manus.

Pingite pictores tabulas, & pascite vestris,

Deliciis domini, lumina imaginibus.

Hæ mundum sanant tabulæ. diversa Creator,

(Vera loquor, gentes) S P I G E L I V S Q V E facit.

Totum hominem Deus hos ipsos compegit in artus.

Totum hominem nostro destruit ille bono,

Et tantum dissolvit opus. ne spernite, quavis

In tabula cerni se cupit ipse Deus.

Has ubi scæva, dolens, lævis conspexit ocellis,

Credidit Impietas, se Ratione regi.



Quem terris Bruxella dedit, Pataviq; Lyceum
 Obstupuit grandi Palladis ore loqui;
 Talis erat Veneto radians SPIGELIVS auro.
 Talis erat, vivum quem volet ipsa Salus.
 Exuviis late nostris clarescit & extis.
 Materies famæ fulgida sectus Homo est.

Hunc Italio Belgæ dedimus. novus iste Machaon
 Luxit in Ausonio Fax peregrina solo.
 Non querimur, Patres Veneti. nunc redditus illum.
 Inter scripta sibi frustra superstes agit.
 Emeruere Duces servato cive triumphum.
 Hic in dissecto cive disertus orat.

C. Barleus.

A D R I A N I
S P I G E L I I

B R V X E L L E N S I S

A N A T O M I C A,

O P E R V M O M N I V M

T O M V S I.



A M S T E R D A M I,
Apud IOHANNEM BLAEV,
C I O I O C X L V.

ADRIANI SPIGELII
BRUXELLENSIS

D E

H V M A N I
C O R P O R I S
F A B R I C A,

Libri Decem.

BENEVOLO LECTORI S.



Offero Tibi, Benigne Lector, Adriani Spigelii Clarissimi Viri, decem de Humani Corporis Fabrica Libros, quos mihi vita discessurus, ut in ordinem redigerem, commisit. Opus est, cum infinitis observationibus, tum methodo succincta, præclaris partium usibus, & dissectorum historiis mirifice exornatum. Ad hæc, cum rari admodum sint, quibus resectionum studium placeat, nisi Medicinæ, cujus fundamentum est, gratia: totum opus sic institutum est, ut perpetuo ad Artis usum referatur. Hinc tot præcepta Chirurgis in suis operationibus notanda; tot difficilium Hippocratis locorum explicationes; viarum, per quas morborum transmutationes fiunt, tum consensus partium, demonstrationes. Accedunt plurima ab aliis aut non attracta, aut perperam descripta; sed imprimis nova Cerebrum disseccandi ratio, ad investigandos Capitis affectus maxime necessaria. Nec enim certe locum hic habet illud tritum Comici, *Nullum est jam dictum, quod non dictum sit prius*. Latuere multa majores nostros, quæ superior ætas edocuit, multaque nunc quoque abstrusa oculos fugiunt, quæ tempus in apricum producet. Quanta vulgo in musculorum doctrina confusio; circa venarum, arteriarumque usum obscuritas; circa viscerum actiones difficultas? Hic tamen nullus dubito, quin elegantem ordinem, claram lucem, miram facilitatem invenias. Ne quid tamen desiderari posset, quod ad operis perfectionem faciat, ex Musæo ejusdem, Iulii Casserii Placentini, celeberrimi Dissectoris Tabulas Anatomicas, omnes novas, nec antehac visas, addidimus. Quæ sane quanti præstent aliorum adhuc editis, id nullo negotio edocebit, quod quæ in aliis singula fere tantum sunt commendatione digna, in his universa reperiantur. Elegancia ad vivum accedens: multitudo necessaria; perfectio absoluta; magnitudo perspicua: artificium admirabile. Scio plurimis, nec iis indoctis, divitula has videri ab ipsis sectionibus: at recte rem æstimantibus videre licet, & iis, quibus nunquam Anatomias cernere contigit, in Authorum obscura alias lectione, facem esse: iis vero, quibus tam felices esse datum fuit, ut nonnunquam intuerentur, in tanta rerum varietate in fluxæ memoriæ subsidium cedere. Tuum est, benigne Lector, benevolo hæc suscipere animo, primisque nostris conatibus, vel Atheniensium monitu, quibus lege cautum erat, ne primi ingenii foetus exploderentur, favere. Venetiis, Anno M. D. C. XXVII.

INDEX CAPITVM

In Libris decem de

FABRICA HVMANI

Corporis contentorum.

LIBER I

Externarum partium Appellationes, Figuram, Magnitudinem, & mutuam inter se Proportionem exponit.

CAP. I. Externarum Capitis partium appellationes succincte explicat,	Pag. I
II. De appellatione externarum Thoracis partium,	7
III. De appellationibus partium externarum infimi Ventris,	7
IV. De appellationibus partium externarum, quæ generationi sunt dicatæ,	9
V. De appellationibus Manus, & partium in ea contentarum,	10
VI. De appellationibus Pedis, & partium in eo contentarum,	12
VII. De humani corporis figura, & magnitudine: tum quo pacto hæc secundum ætatē, sexum, regiones, & morbos differat,	13
VIII. De Figura, & Magnitudine Capitis, partiumque in eo contentarum,	16
IX. De Figura, & Magnitudine Thoracis, ac Mammillarum,	17
X. De proportionē Infimi Ventris, & Pudentorum utriusque sexus,	18
XI. De mutua Artuum inter se proportionē,	20

LIBER II,

Qui ossium historiam proponit.

I. Ossis naturam, usum, & differentias explicat,	21
II. De partibus ossium, ubi nomina, quorum frequens in ossium historia mentio fit, simul explicantur,	24
III. De ossium inter se structura, ac connexu,	26
IV. De nutrimento, quo ossa aluntur, & per quas vias ad ipsa deducatur,	29
V. An ossium aliquod sit principium, quemadmodum Venarum, Arteriarum, & Nervorum, tum quale illud sit, investigatur,	31
VI. Brevis omnium totius corporis ossium divisio, & enumeratio instituitur,	31
VII. Agit de Cranio in univēsum, suturasque Capitis proponit,	32

VIII. De ossibus Capitis, sive Calvaria propriis agit,	34
IX. Describit tria ossicula auditui inservientia.	37
X. De osse Cuneiformi, & Spongioso,	37
XI. Agit de osse Iugali,	39
XII. Ossium Faciei, sive Maxilla superioris, & inferioris, descriptionem tradit,	39
XIII. Dentium numerum, historiamque proponit,	42
XIV. Ossis hyoidis historiam tradit,	44
XV. Describit Claviculas,	45
XVI. Sterni, sive ossis pectoris historiam proponit,	46
XVII. Scapularum historiam explicat,	47
XVIII. Quæ de spina in univēsum dici possunt, persequitur,	48
XIX. De vertebra Cervicis,	49
XX. De Thoracis, ac Lumborum vertebra,	50
XXI. De osse sacro,	52
XXII. De osse coccygis,	52
XXIII. De Costis,	53
XXIV. De osse Innominato,	54
XXV. De osse Humeri,	57
XXVI. De ulna, & Radio,	58
XXVII. De ossibus extremae Manus, & Sesamoideis appellatis,	59
XXVIII. De osse Femoris, & Patella,	61
XXIX. De Tibia utroque osse,	62
XXX. De ossibus Pedis extremi,	63
XXXI. De Vnguibus.	66

LIBER III,

Qui de Cartilaginibus, & Ligamentis agit.

I. Cartilaginis naturam, usum, & differentias proponit,	68
II. De Cartilaginibus supremi ventris, sive Capitis,	70
III. De Cartilaginibus mediis, infimique Ventris,	71
IV. De Ligamentis agit, quorum naturā, usum, & differentias breviter persequitur,	72
V. De ligamentis, quæ in capite, thorace, ac imo ventre occurrunt,	74
VI. De	

I N D E X C A P I T V M.

- VI. De ligamentis Artuum, ac primo Manus, 75
VII. De ligamentis Cruris universi, 76

L I B E R I V,

Qui Musculorum historiam persequitur.

- I. Quid sit Musculus, & quæ ejus actio, 78
- II. Quæ sit musculi constructio, & quibus ex partibus constet, 81
- III. Enumerantur omnes musculorum differentie, quæ alicujus sunt momenti, 85
- IV. Quæ difficultates sese in musculorum historia offerant, & quibus modis tollantur. 88
- V. Frontis, palpebrarum, oculorum, nasi, buccarum, labiorum, maxilla inferioris, & aurium musculos proponit, 89
- VI. Persequitur historiam musculorum lingue, ossis hyoidis, faucium, & laryngis, 95
- VII. De musculis Caput, & Cervicem moventibus, 97
- VIII. De musculis Thoracis, 100
- IX. De musculo Subclavio, 106
- X. De infimi Ventris, & primum, de musculis abdominis appellatis, 107
- XI. De musculis Lumborum, 114
- XII. De musculis Testium, Vesicæ, Ani, & Penis, 115
- XIII. De musculis Scapula, 116
- XIV. De musculis ossis Humeri, 117
- XV. De musculis ossis Cubiti, 119
- XVI. De musculis Radii, 120
- XVII. De musculis Carpi, vel potius toti manui dicatis, 121
- XVIII. De musculo, cujus latus tendo mediae volæ subnascitur, quem Palmarem vocant, 122
- XIX. De musculis manus digitos flectentibus, 122
- XX. De musculis manus digitos extendentibus, 124
- XXI. De musculis manus digitos oblique ad latera trahentibus, 125
- XXII. De musculis Femoris, 126
- XXIII. De musculis Tibiæ, 128
- XXIV. De musculis Tarfi sive Pedis, 129
- XXV. De musculo, cujus latus tendo, mediae plantæ subnascitur, & Plantaris propterea vocatur, 131
- XXVI. De musculis pedis digitos flectentibus, 131
- XXVII. De musculis pedis digitos extendentibus, 132
- XXVIII. De musculis pedis digitos ad latera oblique moventibus, 132

- XXIX. Brevis omnium totius corporis musculorum enumeratio, memoriæ gratia, instituitur, 133

L I B E R V,

Quo Venarum natura, earumque per universum corpus series describitur.

- I. Venarum naturam, actionem, & usus explicat, 138
- II. Differentias Venarum breviter enumerat, 141
- III. Disceptionem Medicorum & Philosophorum de principio Venarum continet: tum Authoris sententiam in medium adducit, & probat, 142
- IV. Cur duæ Venæ, Portæ nempe dictæ, & Cava facta sit, tum quæ ipsarum inter se differentia sit, & connexio, 146
- V. Ramos, sive propagines Venæ portæ recitat, & Hippocratis aphorismum huc maxime facientem explicat, 148
- VI. Superiorem, sive Ascendentem Venæ cavæ truncum, tum ramos per caput dispersos, recitat, 153
- VII. Axillaris Venæ per brachium distributæ seriem proponit, 157
- VIII. Inferiorem, sive descendentem Venæ Cavæ truncum explicat, 159
- IX. Iliaci rami exterioris per crus disseminati propagines, & ramos enumerat, 162
- X. Sanguinis definitio proponitur, & declaratur, 164
- XI. Animalium quædam sanguinea, quædam exsanguia esse, & quamobrem, 166
- XII. Sanguinem heterogeneum esse probatur, inde quibus ex partibus constet, & quæ harum causæ sint, investigatur, 167
- XIII. Differentias sanguinis persequitur, 168

L I B E R V I,

Qui Arteriarum naturam, earumque per universum corpus distributionem persequitur.

- I. Arteriarum naturam, actionem, & usus cum differentiis explicat, 171
- II. Superiorem, sive Ascendentem Arteriæ magnæ truncum, & propagines per caput distributas, proponit, 174
- III. Axillaris Arteriæ per brachium digestæ seriem enarrat, 176
- IV. Inferiorem, sive descendentem Arteriæ magnæ truncum, ejusque per medium ac infimum ventrē propagationem proponit, 177
- V. Iliaci

- v. Iliaci rami per crus propagati soboles, 183
 vi. Venæ arterialis, & Arteriæ venalis historiam complectitur, 184

L I B E R V I I,

Qui universam Nervorum historiam complectitur.

- i. Nervorum naturam, actionem, & differentias explicat, 185
 ii. De Nervis Cerebri, 188
 iii. De nervis spinalis medullæ proprie sic dictæ, & primo quidem vertebrarum cervicis, 193
 iv. De nervis medullæ vertebrarum Thoracis, 196
 v. De nervis medullæ vertebrarum Lumborum, 197
 vi. De nervis medullæ ossis Sacri, 198
 vii. De nervis per Brachia distributis, ibid.
 viii. De nervis per Crura digestis, 200

L I B E R V I I I,

Qui historiam infimi ventris continet.

- i. De Cute, 202
 ii. De Pinguedine, 210
 iii. De membrana carnosâ, 213
 iv. De Peritoneo, ibid.
 v. De situ, tam naturali, quam eo qui præter naturam est, omnium quæ in imo ventre continentur, viscerum, 216
 vi. De Omento, 219
 vii. De Gula, 223
 viii. De Ventriculo, 224
 ix. De intestinis, 227
 x. De Mesenterio, 222
 xi. De Pancreate, 234
 xii. De Hepate, ibid.
 xiii. De Vesicula biliaria, 237
 xiv. De Liene, 239
 xv. De Renibus, & his succenturiatis glandulis, itemque canalibus urinæ transitum concedentibus, 243
 xvi. De Vesica urinaria, 245
 xvii. De partibus genitalibus in mare & primum quidem de iis, quæ seminis generationi inserviunt, 247
 xviii. De iis partibus, quæ virilis seminis excretioni sunt dicatæ, 249
 xix. De partibus genitalibus in fœminis, & primo quidem de Pudendo muliebri, 254
 xx. De Utero, 257
 xxi. De testibus, ipsisque annexis vasibus præparantibus, deferentibus, & cæcis, 260
 xxii. Traditur actio & usus singularum partium, quæ ad genitalia mulierum referuntur, 261

- xxiii. Exponit differentias, quæ in partibus genitalibus gravide, & ejus quæ utero non gerit, observantur, 263

L I B E R I X,

Qui medii ventris historiam complectitur.

- i. De quatuor communibus medii ventris integumentis, 265
 ii. De mammis utriusque sexus, 266
 iii. De Pleura, sive costas succingente membrana, 268
 iv. De Mediastino, sive membranis cavitatem thoracis intersepientibus, 269
 v. De Pericardio, & humore in ipso contento, 270
 vi. De Corde, ejusque partibus externis, 271
 vii. De Cordis partibus internis, Ventriculis inquam, & Valvulis, 273
 viii. De actione, & usu Cordis, partiumque ipsius, 275
 ix. De unione vasorum cordis in fœtu, quæ in nato perit, ubi modus simul aperitur, quo non ipsa solum perditur, sed & vasa umbilicalia in editis cavitatem suam amittunt, 279
 x. De Pulmonibus, & eorum aspera Arteria, 280

L I B E R X,

Qui supremi ventris historiam continet.

- i. De capillis, & quatuor communibus summi ventris integumentis, 285
 ii. De Pericranio, 287
 iii. De duabus cerebrum obcingentibus membranis, 288
 iv. Cerebri, quatenus id in Veteri jectiōe se offert, historiam nectit, 290
 v. Cerebelli, ejusque partium juxta Veterum dissectionem, enarratio, 292
 vi. Spinalis medullæ, secundum Veterum placita, descriptio, 293
 vii. Cerebri eam diffecandi rationem, quam Recentiores invenerunt, primum proponit, mox partium ejus beneficio inventarum, aut aliter comparentium, historiam nectit, 294
 viii. De Actione & usu Cerebri, 296
 ix. De oculo interno, sive visus instrumento, 299
 x. De aure interna, sive organo Auditus, 301
 xi. De naso interno, sive olfactus instrumento, 303
 xii. De gustus, tactusque instrumentis, ibid.

A D R I A N I S P I G E L I I

B R V X E L L E N S I S ,

D E

H V M A N I C O R P O R I S

F A B R I C A ,

L I B E R P R I M V S ,

Externarum partium Appellationes, Figuram, Magnitudinem,
& mutuam inter se Proportionem exponens.

C A P V T I.

Externarum Capitis partium appellationes succincte explicat.

s nu-
neris, quos
margini ad-
scripsimus,
pro demon-
stratione
eorum quæ
in historia
raduntur,
primus Li-
brum desi-
gnat, secun-
dus Tabu-
lam, tertius
figuram.



Vmani Corporis fabricam tradituri, initium ab externarum partium historia desumendum duximus, sapientissimi Plato- nis præceptum sequentes, qui omnem, quæ à recta ratione de aliqua re suscipitur tractationem, ab iis exordium petere iussit, quæ tum oculis, tum animo manifestiora essent. At hæ partes ex cæteris nec ita abstrusæ latent, ut quisquam sit cu- jus oculos subterfugiant: nec ita difficiles explicatu, quin vel rudis quisque animo suo comprehendere valeat. Accedit, quod hæc prævia tractatio, ad reliquorum quæ nobis post- modum dicenda sunt, & majoris momenti erunt, & mentem

Ratio ordinis

requirent solertiorẽ, perfectam absolutamque cognitionem immensum quantum utilitatis afferat. Quemadmodum enim, qui vastam orbis terrarum descriptionem tradituri sunt, ut regionum, urbiumque immensam multitudinem promptius edoce- ant, rudia primum lineamenta ducunt, quibus amplum quendam situm crassa miner- va repræsentant, ut montes postea, oppida, fluminaque tradentes, quo sese referant, citra negotium inveniant. Sic in tam difficili corporis nostri fabrica, in qua tanta par- tium varietas, tantaque multitudo sese offert, ut vix hominis unius ætas ad ediscendum sufficiens esse videatur, si primum rudem quandam veluti tabulam menti adumbratam in externis partibus exhibuerimus, ad quas interiorum postea situm referamus, pluri- mum operæ pretium fecisse merito videbimur. Est igitur externarum partium tracta- tio, non utilis tantum cuius, qui operam suam locare dissectionum studio voluerit; sed prorsus etiam necessaria, nisi animo semper anceps dubiusque hæere cupiat, ejus in- star, qui in vasta montium congerie, aut sylvarum inviis viis errabundus, quo pedem figat, hinc inde ambiguus cursitet. Tractatio autem hæc, etsi prima fronte levis ad- modum esse videatur, non tamen levis in ea sese offert difficultas, quod nomina illa, qui- bus externæ partes veniunt, infinita pæne sint, tum quod partes ipsæ plurimæ existunt, tum quia authores varietate vocum supra modum delectati fuisse videntur. Vt tamen huic medeamur malo, & aliquod memoriæ subsidium conferamus in medium, metho- do utemur, quæ obscura omnia dilucidet, ignota cuncta aperiat, difficultia quæque pla- nissima reddat. Exordiemur autem à generali totius corporis divisione, quæ etsi diver- sa à scriptoribus vulgo tradatur, unam tamen illam servandam censuimus, quam Gale- nus ubique locorum secutus est, sed imprimis de us. part. 21, universum corpus, in ventres & artus, sive extrema, dirimendo. Vocatur VENTER insignis aliqua corpo- ris cavitas, in qua viscus aliquod primarium reconditum est: ARTVS vero, extremæ partes, trunco corporis ramorum instar adnatæ, cujusmodi sunt Manus ac Pedes. Hos Græci *καὶ α*, illos *καὶ λ* appellant, non tamen sine insigni vocis ambiguitate. Vsurpatur

*Difficultas
hujus tracta-
tionis.*

*Generalis re-
ctus corporis
divisio.*

i. d.

2. d.

A

enim

κοιλίας vox
ambigua est.

1.

2.

3.

4.

1. 2. 3.

Caput.

Capitis ambi-
gnitas.Capitis ety-
mologia.

1. 2.

Divisio ca-
pitis.Partes calva-
ria quatuor.

Synciput.

Occiput.

Tempora.

Vertex.

2

Facies.

enim κοιλία nonnunquam strictiore significato pro abdomine, sive infimo ventre, quo-
modo Hippocrates sumpsisse videtur, cum 2 aphor. 53, ὁ κόσι, inquit, τὰς κοιλίας ὑγρὰς
ἔχουσι, νέοι μὲν ὄντες, βέλπιον ἀπαλλάσσει τὴν ξηρὰς ἐχόντων. quibus alvus est humida, dum qui-
dem juvenes sunt, melius degunt, quam hi, qui siccas habent. Interdum adhuc stri-
ctius sumitur, & Ventriculum significat, unde τὸ σῆμα τῆς κοιλίας dicitur, quod apud La-
tinos orificium Ventriculi appellatur. Sic & Pollux accepisse videtur, dum ἐνθα, inquit,
τῇ κοιλίᾳ συνάπτεται ὁ σῆμαχος, hoc est, ventriculo gula adaptatur. Strictissime tandem, au-
thore Philotheo, ad lib. 1 aphor. 15, pro quavis cavitate parva, quæ in profundo sita
est, sumitur, sive cibum suscipiat, sive non, quemadmodum κοιλία ἔργκεφάλα, καὶ τῆς
καρδίας, cerebri cordisque ventriculi dicuntur. Hinc apud Aristotelem 1 hist. animal. 17,
ἡ δὲ καρδία ἔχει μὲν τρεῖς κοιλίας, cor quidem tres ventriculos habet. Nos hoc loco κοιλίας voca-
bulo cum Galeno insignem aliquam cavitatem intelligimus, quæ viscus aliquod prin-
cipale complectitur, cumque tria sint, totidem quoque *Ventres* constituimus, ex qui-
bus *primus* & superior est Caput; *medius*, Thorax; *infimus*, Abdomen, improprie sic
dictum. CAPUT ergo primus venter est, qua voce ampliore propriaque significa-
tione Medici nonnunquam capite pro cerebro utuntur, dum hoc læso, caput affectum
esse dicunt. Interdum etiam angustiore adhuc, pro capillata tantum parte, qua ratione
sumpsit Hippocrates dum περὶ τῶν κεφαλῇ τραυμάτων, de vulneribus capitis, librum inscrip-
sit: intelligit enim tantum ea vulnera, quæ calvaria infliguntur, quo pacto & nostræ
ætatis Chirurghi hanc vocem accipiunt, faciei vulnera, à capitis vulneribus distingen-
tes. Dicitur autem Caput, vel, quia sensus ab eo initium capiant, quæ notatio Var-
roni ad Ciceronem placet: vel, quia cerebrum capit, partium omnium nobilissimam.
Græcis κεφαλῇ, quasi dicas, κέφυλον aut κέλυφος, quod putamen, vel testam significat. Di-
vidi solet in duas partes, in capillatam, & glabram. *Capillata*, τριχωτὴς Aristoteli 1 hi-
stor. animal. 7, & κρανίον, Latinis ^a *Calvaria*, & *Cranium*, vocatur, quod iterum in qua-
tuor minores dirimitur, in anticam scilicet, posticam, & laterales partes, quas inter
Vertex, tanquam centrum in medio, constitutus est, hujus divisionis author. Pars
enim quæ à vertice ad anteriora & frontem tendit, Synciput: quæ huic contraria est,
à vertice ad posteriora & cervicem excurrens, Occiput dicitur: hinc ab eodem vertice
ad latera utrinque & aures, Tempora, sive, ut quibusdam placet, Timpora, pertingunt.
^b *Synciput* ergo, quasi summum caput vocatum, Aristoteli βρέγμα dicitur, Homero βρε-
χμός, ὅπῃ δὲ βρέχειν, quod irrigare significat, eo quod humidissima capitis pars & mollissima
in infantibus videatur, cum neque ossea sit, sed membranosa: neque corroborari queat,
sed tenera maneat, donec, Plinio tradente, primus sermo eruperit. ^c *Occiput*, ὀπίον, ἀπὸ
τὸ ὀπίωδες, εἶναι, quod fibrosa ea pars sit, & nervosa, principio nervorum illic existente.
^d *Tempora*, quod ætatis tempus indicant, in Viris quidem canitie, in Fœminis calvitie:
Græcis κροτάφοι, ὅπῃ δὲ κροτῆν περὶ πλὴν ἀφλῶ, quod eo loci ad tactum pulsus sit evidens. Duo
sunt, utrinque ad latera syncipitis, inter oculos & aures, ubi caput paulo compressius
est, posita. Media hinc inter has partes ^e *Vertex* est, veluti centrum calvaria, circa
quem pili quasi in gyrum vertuntur, à quo & nomen accepit teste Quintiliano, lib. 8
institut. Aristoteli, & Introductori κρυφή dicitur, ὅπῃ δὲ κρύπτειν, quasi dicas κρυφή, quod
ea pars capitis crinibus maxime tegatur. Sunt nonnulli, quibus geminus est, non osse
tamen, sed capillorum tantum æquamento, & hi δικρύφου, bivertices dicuntur. Cæterum
pili, qui calvariam contegunt, speciali voce Latinis *Capilli*, ad aliorum discrimen appel-
lantur, quasi dicas, capitis pili, sed Pollux κόραις, ἀπὸ τὸ κείρεσθαι, quod tonderi consueve-
rint. Inter hos linea quæ ad frontem à vertice excurrit, in dextram sinistramque par-
tem capillitium dirimens, potissimum vero in mulieribus, Aristoteli λύσωμα, καὶ λύσσις
τῶν τριχῶν dicitur. Doctissimus Gaza, *Discrimen*, ὅ ἐστιν *æquamentum capillorum vertit*. In his no-
tanda est crispitudo, & rectitudo, itemque color, ex quibus de temperamento hominis
judicium fiat.

Altera pars capitis glabra, & capillis privata, calvæ subjecta est, & in faciem atque
aures dividitur. ^f *FACIES*, Græcis πρὸς ὤμων, ἀπὸ τὸ πρὸς ὤμῃν ὅπῃ εἶδαι, καὶ φωνῇ εἰς τὸ πρὸς ὤμῃν
ἀπαπέμπειν, quod solus homo inter cætera animantia erectus sit, vocemque anteverfus
emittat, ut docet Aristoteles, 3 de part. anim. 1. Propterea & πρὸς ὤμων ὅπῃ μόνος τῶν ἄλλων
ζῶων

a, 1. 2.
a. d.

b, a

c, c

d, b. b.

e, d.

f, 1. 1. 1.
a. d.

ζῶν ἀνθρώπου ἐνομαζέται, eodem teste, 1 histor. anim. 8, cum uni homini facies concessa sit, reliquis animantibus cunctis, Rostrum. Vocatur autem *Facies* totum id, quod à capillorum terminis in syncipite exordiens, ad mentum usque excurrit. In hac præclarum quoddam divinæ sapientiæ elucescit specimen, venerandaque majestas, quæ vel crudeles quosque animos ad mansuetudinem, vel indomitos ad amorem ducat. Quin imo in eo faciei decor speciesque olim honore fuit, ut primæva ætate honores & opes, pro faciei cuiusque dignitate distributas fuisse prodiderit Lucretius lib. 5:

Et pecudes, & agros, divisere atque dedere,

Pro facie cuiusque, & viribus, ingenioque.

Nam facies multum valuit. —

Est enim speculum animi, morum index, & sedes mentis, unde & Vultus dicitur, quod voluntatem detegat. Partes habet plures, frontem, nasum, oculos, genas, labia, os, & mentum, de quibus singulis nunc ordine dicendum.

1, I. I. I. b. ^a FRONS ergo, Latinis à ferendo dicta est, quod animi mores præ se ferre soleat, Frons. Græci à situ μέτωπον vocant, quasi dicas, partem post oculos sitam, μετὰ πὰς ὀφθαλμοῦς. Superius, syncipite; inferius, superciliis & glabella; ad latera, temporibus utrinque coercetur. Hujus cutis, quæ sola in homine mobilis est, περιμετωπὴς vocatur, at latino nomine caret. In hac lineæ apparent, ex quibus contracta fronte ^b Rugæ generantur, ρυτίδες, & ἀμαρυγὰὶ nuncupatæ. Has Physiognomi observant, qui & propterea Metoscopi appellati, cum naturæ, fortunæque hominis signa, & indicia esse profiteantur. Sunt autem hæ lineæ duplices; aliæ enim in longum, aliæ vero in latum extenduntur, & illarum iterum septem sunt, singulæ singulis Planetis dedicatæ. Nec tamen omnes in omnibus conspicuæ sunt, sed quædam interdum absunt. Vt plurimum comparent, quas Mercurio, Veneri, & Iovi tribuunt, suntque omnes evidentiores si supercilium tollatur, quod paulò altius cogitantibus evenire solet, & tunc ὑπερσκιώδης vocatur, ac si diceres, supertentorium, quemadmodum si quis rectas cum transversis ruget, quod irascentibus accidit, νεφελή, & νεφέλη, hoc est, nubes appellatur. ad hoc allusit Poëta, dum canit,

Deme supercilio nubem. —

d. Ex inferiore parte frontem excipiunt ^c SUPERCILIA, quæ & propterea eleganter Supercilia. hirsutas frontis extremitates cognominat Ruffus. Pili sunt oblonga serie, in frontis & oculorum confinio extensi, ut sudores ab illa defluentes excipiant, ab his depellant. Græcis ὑπερύες dicuntur non nota etymologia; Latinis à situ supercilia, quod supra palpebras locata, quæ antiquitus Cilia, ab officio oculos celandi, vocabantur. Pars ergo ipsorum, quæ nasum respicit, ὑπερύων κεφαλῇ Superciliorum caput: quæ ad tempora, ὑπερύων ἄκρῃ, Superciliorum cauda vocatur. Vt autem palpebræ duæ sunt, ita & supercilia duo, quorum interstitium μεστέφρυον, quasi medium supercilium à Græcis; à Latinis, quod pilorum expers sit, ^d Glabella dicitur, quamvis nonnunquam hirsutum quoque reperitur, Glabella. protensis ad nasum, & coeuntibus invicem superciliis, quod signum Aristoteles 1 hist. animal. 9, σφυγνῆ, austeri & acerbi hominis esse tradit, & tunc σπώφρυς vocatur.

1, I. I. 4. ^e NASVS postea sub glabella succedit inspiciendus, quem ab officio Græci ῥίνα, ῥίνας Natus. τὸ ῥέειν, & μυκίησθαι, ac μυξώϊσθαι, à muco, cerebri excremento, quod per ipsum fluit, appellant. Dividitur in partem superiorem, quæ ossea est, ac immobilis: & in inferiorem, quæ Nasi divisio. cartilaginea, mobilisque. Vtraque iterum in duo latera dispescitur, & inter ipsa in partem mediam, quæ acuminata est, & ῥάχης, ^f spina, ac dorsum dicitur, cuius summitas, ῥιθμὸς, ^g Colatorium, ab usu suo vocatur, quia mucus per ipsam tanquam per cribrum colatur, quamvis, ut ostendemus inferius, id non nisi præter naturam fiat. Os enim ῥιθμοειδές, sive spongiosum, odoribus potius, quam excrementorum purgationi dicatum est à Natura. Foramina duo, quæ inferius patent, ῥίνας Aristoteli, ῥώθωνες Dioscoridi, Latinis ^h Nares, à gnavitate, ut inquit Donatus, quia odoratu nos edocent adesse præfsto, quæ oculi nondum cernunt. Has, medii instar parietis, distinguit cartilago, κίων, seu ⁱ Columna appellata, cui superiore parte interseptum osseum, ἀφραγμα Aristoteli cognominatum, jungitur. Partes vero mobiles, quæ inferius sunt, πώλαι Polluci, Latinis ^k Ale, & narium pinnae vocantur. Extrema autem nasi rotunditas protuberans, σφαίριον, Ale. ^l nasi orbiculus, & globulus: at pili in narium antro crescentes, ^m Vibrissi, & Vibrissæ, quod ⁿ Vibrissi. iis evulsis caput vibretur, concutiturque.

^a OCVLVVS EXTERNVS, sic dictus ad differentiam interni, qui ad aliam tractationem pertinet, sub superciliis, & à latere radice narium collocatus est, duabus partibus constans; una, quæ pro integumento interni oculi servit; altera vero, quæ ad ipsum quidem oculum internum pertinet, at quatenus nobis sine dissectione in conspectum se profert, suo quasi jure ad externum referri videtur. Prior illa, ^b PALPEBRÆ ^{b, d. d.} vocatur, à palpitando, quod inter loquendum frequenter palpitent, & à nobis moveantur, Græcis βλέφαραι, ὡς τὸ βλέπειν à videndo, quod iis apertis homo videat: vel certe, quia sunt βλέπων φάρα, hoc est, *Visus tunica*, & *opercula*, unde nec male, & eleganter profecto à Poëta, ἑμμάθηλα, *Oculi folia*, dicuntur. Sunt autem palpebræ in utroque oculo binæ, quarum quæ superior est, oculum à superiore parte operiens, καίλις: altera, quæ inferior, & ab infima parte contegens, καίλον, καὶ ἀνάκαλον Polluci vocatur. Hæ cum ad oculi tutelam, maxime dormientibus, claudantur, si in somno conniveant, ut albi

^N *Observatio.* aliquid cernatur, indicia Medicis præbere solent exitialium febrium, indubitataque mortis. sic enim hoc signum Hippocrates 1 prognostic. interpretatur, nisi forte à superpurgatione, aut magno alvi profluvio, vel etiam alia externa causa contigerit, tum enim minus malum portendit: alias summam omnium naturalium, vitaliumque facultatum imbecillitatem significat. In quibusdam tamen naturale esse, apertis dormire oculis, observavimus. Quare cavendum est, ne præcipiti nimium judicio hic forte labamur; sed qualis valenti conditio fuerit, prius investigemus. Cæterum pili qui utriusque palpebræ extremitates cingunt, ἀπὸ τῶν βλέφαρων, ^c βλεφαρίδες dicuntur: Latinis quibusdam, inter quos est & doctissimus Theodorus Gaza, *Cilia*, sed male vocantur, id quod recte summus vir Scaliger jam ante observavit, & monuit: Plinius, & Lucretius *palpebras* vocant. Cartilagine autem semilunares, quæ palpebrarum extremitates firmant, & inversis ipsis visui se offerunt; clausis, invicem junguntur, παρὰ, *palpebrarum crepidines*, & Antiquis *Cilia* quoque dicebantur. Harum fines sese invicem secantes; utrinque oculorum angulos constituunt, τῶν ὀφθαλμῶν καὶ θῆς, quorum qui ad nasum est, ^d *Major angulus*; qui ad tempora, ^e *Minor*, & est, & nuncupatur. Græci tamen majorem peculiari voce, & proprie ἐγκαυθὸν appellant, quam vocem postea Vesalius ad carunculam eo loci positam traduxit. Hesychio pulchre πηγὴ dicitur, *fons*, quod lachrymæ inde quasi scaturire videantur. Est enim illic ^f *Foramen in inferioris palpebræ tarso*, magnitudine quidem exiguum, sed profunditate summum, ex quo lachrymæ emanant. Hoc si acriorum humorum fluxu tentetur, sive lachrymæ illi sint, sive pus ab inflammatione vicinarum partium affluens, affectum parit, quem Medici nostri *Fistulam lachrymalem*, Græci αἰγύλωπα vocant. Si quis exactius foramen id videre desideret, bovis modo macerati oculum intueatur, in eo enim insigne admodum esse consuevit. Est etiam in fœminis majus, quam in maribus, & in iis, qui lachrymis delectantur, quam qui ab ipsis abstinent. Tandem inter ossa, & utramque palpebram, exiguæ quædam cavitates reperiuntur, semicirculares, quarum superior, ^g *Cavum oculi*, καίλον; inferior, ^h *subcavum*, ὑποκαίλον dicitur. Vtraque cavitas, sed præcipue inferior, in cachexia, & hydrope intumescere consuevit, maxime vero, si à longo mensium, aut hæmorrhoidum profluvio nascantur. Idem in longis vigiliis, & incipientibus ophthalmiis contingit. Menstruo autem fluxu laborantibus, tumor fit lividus: at lue venerea pressis, pallidus, cum insigni splendore, qui mihi semper Gallici morbi certissimum signum dedit.

Oculus. Palpebris sic visis, visorium deinde organum inspicendum est, quod Oculus appellatur, ab occultando. Græci à munere suo ὀφθαλμὸν, quasi ὡς τὸς ὁράμεν, *visus cubiculum*: & ὄμμα, ὡς τὸ ὁπεῖσθαι, à videndo vocant. In hujus medio niger circulus, lucidusque admodum est, speculi instar, speculi etiam officio fungens, quod imagines repræsentet oppositas, ⁱ *Pupilla* dictus, Aristoteli κόρη, Ruffo γλῶνη. Hunc ambit alius, magnitudine quidem priorem superans, sed claritate victus, quem Græci ἱριδα vocant, à similitudine, qua cælestem arcum, varietate, & pulchritudine colorum refert, unde & Romani quoque hanc vocem retinentes, ^k *Iridem* appellarunt. *Colores Iridi Aristoteles*. 1 histor. animal. ^{k, m.} 10, quatuor tribuit, atrum, cæsum, fulvum, & caprinum: Galenus, art. medic. 26 tres tantum constituit, glaucum, nigrum, & medium inter hos duos. Generantur autem hi, aut multitudine, aut paucitate, aut situ quodam certi humoris. Solus tamen ferè Homo inter cætera animantia, diversi coloris oculos obtinet, nec ratione tantum

tantum individuorum, sed & integrarum nationum. *Niger* enim fere est *Æthiopi-*
bus color : *caesus* Belgis, & Septentrionalibus : *fulvus*, Italis, vicinisque gentibus.
Fuerunt autem ex antiquioribus Græcis, qui *σεφάλλω* vocavere; posteriores tamen extre-
mitatem tantum ipsius, quæ inter Iridem proprie dictum, & album est, hac voce di-
gnantur. Est autem ^a *Album oculi*, τὸ λευκόν, totum id, quod, extra dictas partes, albi colo-
ris existit, & à cornea tunica constituitur. Ossa vero, vel impendentia, vel subjecta ocu-
lis, ὑπόπια, καὶ ὑποφθαλμα vocantur. Latine si velis reddere, non male *Subocularia* dixeris.

Album oculi.

I. I. I. b.

Sequuntur nunc duæ aliæ partes, quas Arist. i histor. animal. i i, σιαγένας vocat, ἑστὶ σείοντα
πεισαγόμεναι, quod motæ concutiantur, facitque unam earum anteriorem, quam ἡκειον
vocat : alteram posteriorem, quam ἡκειον. Partes sunt, quæ utrinque auribus, naso,
oculisque subsunt, & ad mentum usque protenduntur. Latinis, ut puto, recte *GENÆ*
dicuntur, τὰ πρὸ τῆ γένειοι, quod hæ partes barbam in viris producant, unde, nec inepte
fortassis, *Barbitium* in his appellarentur, si cui nomina fingere placuerit. Est autem
duplex *Gena*, superior, & inferior, ἡ ἄνω καὶ κατω ἡκειον Aristoteli, dict. loc. *Superiorem* (quæ
& ^b *MAXILLA SUPERIOR*) constituunt sub oculis, inter nasum & aures, duæ illæ ro-
tundæ faciei eminentiæ, soli homini concessæ, quæ pudoris sedes esse consueverunt.
rubescunt enim primum omnium pudore affectis. latine dicuntur *Malæ* à similitudi-
ne (ut quibusdam placet) qua malum, sive pomum, non rotunditate solum sua, sed
& colore subrubro referunt, quamobrem & Græcis μάλα vocantur. Cicero tamen, in
Orat. malam à maxilla dictam fuisse ostendit, abjectis mediis literis, quomodo voces
sæpe contrahuntur, non usus causa; sed aurium. Sic ex axilla, ala : ex taxillo, talus fa-
ctus est. Polluce teste, γνάθι etiam dicuntur, unde mutuavit nomen *Parasitus* ille apud
Terentium. Hippocrates, lib. de morb. mulier. eleganter κύκλους τῶν ποσάπων, circulos fa-
ciei nominat. Solet autem hæc pars in Peripneumoniacis inflammari, aut maxime ru-
bere, quod fit, quia sanguinis copia affluens, propter tenuitatem ipsius cutis, quæ hoc
in loco summa est, imprimis transparet, tum etiam, quia vasa ibi majora sunt paulum,
& pinguedo nulla subjecta, quo fit, ut humoris abundantis, vel concurrentis eo color
facillime transpareat. ^c *Inferior* autem pars, quæ laxior est, & aëre inflata tumet, pro-
prie γνάθος dicitur, *Bucca* Latinis. In hac in nonnullis ridentibus rima, in aliis ruga, in
quibusdam fovea comparet, quam Martialis *Gelasinum*, τὸ πρὸ τῆ γνάθου appellat.

Gena.

Maxilla su-
perior.

Observatio. n

Bucca.

Gelasinum,

Labia.

K

Sub naso, & genis continentur ^d *LABIA*, quæ & *LABRA* Ciceroni, Aristoteli χείλα,
τὰ πρὸ τῆ χείρας λόγον, quod vocem fundant. Opercula sunt oris, dentium deformitatem te-
gentia, numeroque duo. *Superius*, ἀνώχελον dicitur; *inferius*, κατώχελον. Extremitates
ipsorum rubeæ, πορφυροί : sin committantur invicem, πορφυροί dicuntur. Ipsum autem
foramen, quod apertura sua producant, τὸ στόμα, *Os* cognominatur.

2. 3. 1.

Aperto ore, aut sublatis labiis occurrunt in maxillæ utriusque circuitu ^e *DEN-*
TES, Græcis ἐδόντες, quasi ἔδοντες, ab ἔδω, quod est, comedo, dicti. Latinis etiam *Den-*
tes, quasi edentes. Horum numerus diversus est, non quidem ratione sexus, ut male cen-
suit Aristoteles, (cum viderim fœminarum dentes superasse numerum dentium ma-
rium) sed ratione ipsorum individuorum, cum in aliis plures, in aliis sint pauciores : ma-
gna tamen pars triginta duos obtinet, ut utrique maxillæ sedecim competant. Ex qui-
bus quatuor sunt Incisores, qui medium locum occupant; duo Canini, utrinque unus,
ad incisorum latus; & quinque Molares. *Incisores*, πριμοί, τὰ πρὸ τῆ πριμείας, dicti sunt, ab offi-
cio, quia cibum acie sua tenui, (à qua & ἐξῆς, acuti appellantur) secant : à loco vo-
cantur πρώτοι, *primores*, ab Hippocrate. *Canini*, κυνώδοντες, quia reliquis sunt longio-
res, & respondent dentibus duobus acutis admodumque exsertis canum. *Molares*,
μύλαι, quia incisum cibum, veluti molæ, conterunt, & in minutissimas partes redigunt.
Sed cum hi postremi non semper, aut omnibus omnes crescant, aut non omni tempore :
sed sæpe in matura ætate exserantur primum & nascantur, quemadmodum ultimi
molarium, qui propterea quoque σωφρονιστῆρες ab Hippocrate sunt appellati, quod plerum-
que oriantur ubi Homo jam sapientiæ annos attigit, fit, ut maxima sit de numero den-
tium apud authores discrepantia. Cæterum *margines* illi maxillarum, in quibus seria-
tim continentur, Græcis φάτνια dicuntur : at *alveoli*, quos singulos singuli habent, βέττια.
Intervalla autem quæ dentes à se discernunt invicem, ἀρμια vocantur. Caro dentium,
quæ circa φάτνια est, dura atque immobilis, dentes ceu vallum cingens, *Gingiva* Latinis,

Dentes.

xxxi.

Incisores. iv

Canini. 2

Molares. x

Gingiva.

ἄλυν Græcis, ἀπὸ ἑλᾶν, ab involvendo, quasi involucrum dentium. Hinc ἐπὶ λῖς medicis, tumor in gingivis natus vocatur. Inter superius labrum & nasum pars quædam occurrit, in qua primum barba erumpere solet, quæ ^a μύσαξ dicitur, ἀπὸ ἑ μυκλήρης à muco, qui ex naribus eo destillat. à situ aliis ὑπόρρινον, quasi sub naribus collocatum diceret. Cavitas quæ in hoc sub ipsa nasi columna insculpta est, & in duas partes mystacem dirimit ^b φίλτρον dicitur, quod amoris illecebra in eo contineatur. Barba hic primum prodiens, si pili adhuc sint molliores, περπωγώνιον, hoc est, anterior barba, quia ante inferiorem exeat: adauctis vero, rigidioribusque factis, μύσαινες, Latinis quoque *Mystaces* græcam vocem retinentibus, dicitur.

Maxilla inferior.

Sub labro humiliore ^c Maxilla INFERIOR est, γένειον, & Mentum, ab eminendo dictum. Eminet enim à gula, & pars est faciei infima, in orbicularem acutiem definens. Circa hoc pili nascuntur, qui primum erumpentes χνῆς, Lanugo: adulti, ὑπώλη, καὶ πώγων, Barba, dicuntur. Pili vero à lateribus, sub temporibus & genis prodeuntes, ἑλῶ vocantur, quod instar vermis Iuli appellati se involvant, primamque lanuginem constituent.

Aures.

Temporibus ^d AURES adstant, sic dictæ, quod sonos vocesque accipiant, & quasi haurire videantur, cum sint instrumentum auditus. Proprie tamen auris totum organum significat, interna externaque aure constans. Græcis ὠς vocatur: at ὠπον, extremam tantum auris partem, quæ in capitis lateribus prominet, & de qua hic agendum est.

Auricula.

Latini Græcos imitati *Auriculam* dixerunt, quamvis hanc vocem male nonnulli pro parva aure acceperint. Hujus ^e superior pars, cartilaginosa, nomine caret græco, teste Aristotele, 1 hist. animal. 11, Gaza tamen interpres, latine *Pinnam* vocavit. ^f Inferior,

Pinna.

quæ carnea est, λόβος eidem, ὡς πὸ λοβεῖν, quod abscindere significat, & deturpare. Solet enim hæc pars turpiter flagitiosis abscindi ad manifestanda scelera. Gaza *Fibram* reddidit. Cæterum extremus pinnæ ambitus & circumferentia, à tortuositate sua ἑλῖξ, ^g Helix, vocatur: interior & priori respondens, ^h ἀνῆλῖξ. Cavitas autem ipsa, quam circa consistit, κόγχη, ⁱ Concha, à similitudine, quod conchiliorum in morem anfractuosa sit, & tortuose cava. Iuxta hanc eminentia quædam est versus tempora, quam ^k τρεῖς γωνῶν ^{k, l} vocant, sive *Hircum*. Est enim pars hæc pilis hirsuta, & in plerisque densam hirci barbulam imitatur. Huic opposita pars ^l ἀντίτραχηλος dicitur. Foramen autem inter hæc, ^m Meatus auditorius, πύλος ἀκουστικός, in quo sordes colliguntur, Hippocrati ῥύπις ἐν τοῖς ὠσὶ cognominati. Latini veteres *Cerumina* vocarunt, forte à colore, & substantiæ consistentia, qua utraque ceram flavam refert.

Collum.

Sub capite tandem occurrit pars quædam oblonga & rotunda, figuræ cylindraceæ, ad humeros usque protensa, quæ etsi inter medium & supremum ventrem sit media, ad caput tamen rectius, quam thoracem referri posse videtur. Dicitur autem ⁿ Collum, quod præcipue torquibus coli, ornarique consuevit. quibusdam etiam *Cervix* vocatur, quamquam non desint alii, qui cervicem posteriorem tantum colli partem nominare velint. Græci τραχήλον vocant. Galenus tamen, lib. de ossibus, αὔχενά quoque appellat, & cum τραχήλος confundit. Musæus similiter promiscue uti videtur, cum παρθενικῆς inquit, ὁδοῦ, ὡς ἔστιν τ' αὔχενά καὶ στήν, virginis benevolentem collum & coloratum exosculatus. Sic Aristoteles quoque 1 histor. animal. 11, cum αὔχενά definit esse, πὸ μετὰ τὸν ὤμον καὶ θώρακος, quod inter faciem, & thoracem est. Dividitur in partem anteriorem, & posteriorem. Anterior, ἀνθερεῶν dicitur, ἀπὸ τῆς θρεῖν ἀνθεῖν, quod pili ibi efflorescant, Aristoteli λάρυγξ. In hac cernitur caput asperæ arteriæ scuto suo prominens, vulgo, *Pomum Adami* dictum; aliis *Nodus gutturis*; Aristoteli, loco citato. δέλημα. At in infima, & vicina thoraci parte cavitas est, acuto angulo pectori incumbens, ^o Iugulum, λαυκανία, ἢ λαυκανία dicta. Humerus tamen vocem hanc non tantum pro ista cavitate accepit, sed & illis duabus, quæ sub imo collo, & thoracis summo, utrinque juxta claviculas sunt. Hinc Plinius, 2 histor. natur. Vni, inquit, homini duo sunt Iuguli, dexter, & sinister. Posterior colli pars, ab occipitio ad scapulas usque excurrens, ἀνχλὼν proprie, Aristoteli ἐπωμῖς, quod supra humeros sit sita. Sunt autem ὠμοὶ, seu ^p Humeri, partes illæ ad latera colli positæ, quæ initium præbent toti manui, & constituuntur ab eminentia, quam caput brachii efficit, dum lato scapularum offi conjungitur. His pars est contraria sub brachii articulo cava, μαχάλη, & ^q μαχαλῖς dicta, Latinis *Axilla*, & per syncopen, *Al*.

Colli partes.

Anterior.

Iugulum.

Posterior.

CAPVT II.

De appellatione externarum Thoracis partium..



EDIVS venter, qui cordis partiumque vitali facultati destinatarum domicilium est, collum excipit. Hic Latinis Medicis, Thorax vulgo, græca voce appellari consuevit, quantumvis *Θώραξ* apud Græcos non parva ambiguitate laboret. Aristoteles enim pro toto corporis trunco, medio infimoque ventre constante accipit, cum 1 hist. animal. 7, corpus in summas partes dirimit, & τὸ ἀπὸ ἀυχένου, inquit, μέχρι αἰδοίων κύτους, *Θώραξ* καλεῖται, quod à collo ad pudenda usque pertendit, Thorax vocatur. Eadem significatione Aristotele antiquior Hippocrates, libro de arte, & doctissimus Plato in Timæo, sumpsere. Non mirum ergo si Iecur in thorace situm nonnunquam apud hos Authores legamus, quos nonnulli præcipiti nimis iudicio ignorantie in rebus Anatomicis accusarunt. Galenus tamen propria semper acceptione usus est, quem merito Recentiores sequuntur, qui Thoracem eam tantum partem vocant, quæ collo subjecta, utrinque costis clauditur. Sic Aristoteles & ipse nonnunquam accepisse videtur, ut 1 hist. animal. 13, ubi, *μέλιν*, inquit, τὸ *Θώρακα* ἐν τοῖς περιθίοις γαστρί, καὶ πάσης ῥίζα ὀμφαλίου, Venter infra Thoracem parte priore situs est, cujus radix umbilicus. Dicitur autem *Θώραξ*, ἀπὸ *Θορεῖν*, quod cor continet, viscus perpetim saliens. Constat tribus partibus; anteriore, lateralibus, & posteriore. ^a Anterior, à colli cavitare propè claviculas incipiens, ad molles usque partes extenditur, & *σῆθος*, *Pectus* dicitur. ^b Medium pectoris, quod à jugulo in cartilaginem mucronatam definit, *στένον* communiter, quasi *στερεόν*, quod ibi pectus solidum sit, osseumque, dicitur. Latini *Sternum* vocant, quandoquidem in medio costarum sternitur. Ad hujus latera, rotunda duo corpora carnosaque eminent, utrique quidem sexui communes, sequiori tamen & fœminino majores. Græci ^c *πίπας* vocant generali nomine, & *μαστῆς* specialiore, fœminarum mammas, quasi *μαστῆς*, manfos, siquidem alimentum infantibus suppeditant. Latini, in Viris, *Mammillas*; in Mulieribus, ^d *Mammæ*; in cæteris Animalibus, *Vbera* appellant. Harum moles dum præsertim lacte turgēt, *ἀσκώμα*, *Vter* dicitur: at pars, quæ in centro eminet veluti apex, *θήλη*, ^e *Papilla*: circuitus vero obfuscus hanc ambiens, *φῶς* Latinis ^f *Areola*, à similitudine.

Etymologia
thoracis.
Divisio tho-
racis.

Pectus.

Sternum.

Mamma.

Papilla.

Areola.

Dorsum.

Scapula.

Spina.

^g *Posterior* pars pectori opposita, quæ à cervice ad costarum finem, & lumborum usque principium porrigitur, *νῶτον*, ^h *Dorsum*, & *Tergum* dicitur, *μετὰ φρένον* etiam, quod post *φρένες*, hoc est, diaphragma posita. Hujus partes sunt *Scapula*, *ὠμοπλάται*, & *Spina*, *ράχης*. ⁱ *Scapula* vocantur eminentiæ illæ duæ superiores à lato scapularum osse prognatæ: at ^j *Spina*, acuta illa protuberantia, quæ per totam dorsum longitudinem excurrens, tergum in dextram sinistramque partem dispescit.

^k *Laterales* tandem partes inter anteriorem posterioremque continentur, & *πλευραὶ*, *Lateræ* vocantur. Initium suum ducunt sub ala, & cum costis terminantur. Laterum ergo unum quidem dexterum est, alterum sinistrum; sed cum ex costis consent, carne alternatim constipatis, spatia illa intermedia quæ carnea sunt, *Intercostalia* dici meruerunt.

CAPVT III.

De appellatione partium externarum infimi Ventris.



ERTIVS VENTER, qui naturales partes, nutritioni generationique dicatas complectitur, sub honore infimo loco situs est, substantia carnea & mollis. Circumscribitur cartilagine mucronata, lateribus duobus, lumbis, & ossibus pubis. Aristoteles 1 hist. animal. 13, vocat proprie *γαστήρα*, alii improprie *Πηγάσπιον*. Latini *Ventrem* appellant, abutentes vocabulo in pressiore significato, quod evitare volens Celsus, rectius *imum Ventrem* dixit, ad discrimen capitis & thoracis, ventrium superiorum. Sunt qui *Abdomen* cognominant, sed præterquam quod admodum improprie, elegantioribus quoque adversantur, qui hanc vocem porcis potius, quam hominibus tribuendam censent.

Infimus ven-
ter.

Abdomen.

1 Divisio imi
ventris.

Anterior
pars.

consent. Dividitur in partem anteriorem, & posteriorem; illa, à cartilagine ensiformi incipiens, ad ossa pubis usque extenditur, Galeno *ὑποχόνδριον* dicta: hæc, ab extremis costis ad ossis sacri extrema pertingit, & quibusdam *διάζωμα* appellatur. ^a Anterior rursus in tres ^{a, 1. 1.} regiones, *supremam*, *mediam*, & *infimam* secatur, quas Galenus 2 aphorism. 35, ex Hippocrate, & Aristotele *ὑποχόνδριον* vocat, *τὰ πρὸ τ' ἑμφαλον*, & *τὸ ἥτερον*. ^b Superior ergo pars ^{b, 1. 1.} à mucronata cartilagine ac costarum finibus, ad umbilicum fere terminatur. ^c Media, ^{c, 1.} supra infraque umbilicum, trium circiter aut quatuor digitorum spatium complectitur, & quia hunc in media veluti centrum coercet, Umbilicalis dicitur. ^d Infima, ab hac ^{d, 1.} inchoans, ad pubis ossa terminatur. Singula harum partium ab Anatomicis iterum in alios subdividuntur, in duas, inquam, laterales & mediam, quarum appellationes nunc breviter persequemur.

Supremam ergo regionis latera, proprie ^e *ὑποχόνδρια* dicuntur, quasi *subcartilaginea*, si ^{e, 1. 1.} quidem *ὑπὸ τῶν χονδρῶν*, sub cartilaginibus costarum spuriarum sunt sita. Celsus, lib. 4. cap. 8, Latinis proprie *Præcordia* dici scribit, quamvis Plinius lib. 11 nat. hist. cap. 37, hac voce diaphragma intellexerit. Inter hæc pars media, ^f *ὑπερπλάγιον*, quasi *Super-ventrale* ^{f, 1.} vocatur, in qua occurrit cavitas quædam, Polluci *σφαγή* dicta, antiquis ^g *καρδία* Cor, unde ^{g, 1.} dolores circa illam partem fientes, *καρδιαλγίαι*, & *καρδιαγμοὶ*, cordis dolores appellantur, alii *περὶ κάρδιον* dixerunt, quasi dicas, *Præcordium*, aut *Anticordium*, alii *σπλάγχιον*, os *Ventriculi* nuncupant, quia sub eo ventriculi os superius lateat, & hæc est regio, cui solemus remedia adhibere pro stomachi malis.

1 Regio umbilicalis.

Porro ^h *regio umbilicalis* (in qua umbilicus situs, & corporis totius, & abdominis ^{h, 1.} centrum,) Græcis appellatur, *τὰ πρὸ τ' ἑμφαλον*, quæ circa umbilicum consistunt. *ἑμφαλον* autem, *ἡ μὲν πνεῖν*, à respirando dictus est. Respirare enim per eum animal, dum utero concluditur adhuc, Antiqui credebant. Media ejus pars *μεσομφάλιον*, & *ἀκρομφάλιον* dicitur: cavum autem *παγκόσμιον* appellatur. Cutis rugosa, quæ circa umbilicum est, *γῆρας*, *Vetula*, quod in modum frontis vetulæ rugosa sit in homine. In cane enim, & aliis animalibus nullæ comparent rugæ, sed durus tantum & glaber nodus. Tota hæc regio umbilicalis, in nobis sanis, nonnihil monticuli instar, in medio ventris protuberat, & in non admodum pinguibus cadaveribus maxime conspicua est. Lateralibus partibus caret, etsi Laurentius lib. 6, histor. anatom. cap. 2, ipsi assignarit, & nominibus quoque insignirit.

Infima regio.

1

2

Ilia.

Pubes.

Infima regio, quæ Hippocrati *ἥτερον*, aliis *ὑπογάστριον*, in tres partes dispescitur. *Mediam* Aristoteles lib. 1 hist. anim. 3, ⁱ *ἥτερον* vocat, quod Gaza vertit *sumen*, & *abdomen*: ^k *Laterales* ^{i, 1.} partes usque ad hypochondria sese extendentes, *λαγῶνες*, quod libidinis, quam *λαγχνείαν* vocant, ibi sit sedes. Hippocrates *κενεῶνες* appellat, quod inter coxendicis ossa & costas consistentes, molles sint, & vacuæ esse videantur. Latini *Ilia* dicunt, eo quod *ilium* intestinum sub ipsis lateat. Alii *χολὰς* vocant, *ἡ δὲ τὸ δέχεσθαι τὰς χολὰδας*, hoc est, *τὰ ἐντὲρα*. Intestinatorum enim, præcipue tenuiorum maximam in se partem continent. Sub *ἥτερον* continetur ^l *Pubes*, quam *ὑπὸ σπλάγχιον* dicunt, *ἡ δὲ τὸ σπλάγχιον*, quod in libidine hæ partes ^{l, 1.} concutiantur. Alii *ἡ ἑλω*, Latini *Pubem*, quæ tamen voces, & pilos qui pudendis excrefcunt, & locum in quo crescunt, & ætatem denique qua crescere incipiunt, videlicet decimumquartum in maribus, & duodecimum in fœminis, significant. Quamprimum enim semini & mensibus via patet; pili quoque in pube puerorum, & virginum erumpunt, rariore reddita cute ab aucto calore. Hanc ad dexteram sinistramque partem circumstant ^m *βελόνες*, *Inguina* appellati.

Situs partium
in infimo
ventre.

1

Lumbi.

Cæterum hæ partes, & earum appellationes, tanto diligentius observandæ sunt, quanto frequentior earum apud Medicos mentio occurrit, tum in applicandis ventri remediis, tum in investigandis locis affectis. In *dextro* enim *hypochondrio* lecur fere totum situm est, cum parte quadam ventriculi: In *sinistro* lien totus: In *medio loco* ventriculi magna portio, cujus tamen plurima quoque pars in sinistro continetur hypochondrio. *Sub umbilicali regione* intestinum jejunum totum collocatum est: *sub iliis*, utrinque, intestinum *ilium*, & in *dextro* quidem, coli, ilei, & cæci portiones, quæ sibi invicem annectuntur; in *sinistro* vero, portio magna coli, & recti intestini. Sub *ἥτερον* continetur *Vesica*, rectumque intestinum; in fœminis quoque uterus.

Posterior infimi ventris pars, ⁿ *L V M B O S* continet, sive *ἐσφύες*, qui initium ducunt à ^{n, 1. 1.} flexu

flexu dorſi, & ad uſque nates pertingunt. Horum pars utrinque carnea ψάα, ἀπὸ τῆς ψαῦσις, à palpando dicitur, Latinis eadem de causa *Pulpa*. Ad horum dextrum latus Ren dexter; ad lævum, sinister situs est. Est & altera pars sub lumbis, carnosa, utrinque coxendicum innominatis ossibus apposita, quam γλῆνες Græci appellant, & γλέτια, ^a *Clunes*, ac *Nates* Latini, ab innitendo, opinor, quod sedentes ipsis innitamur. Sic Aristoteles quoque 4 histor. animal. 10, ἰχία apud Græcos, ὡς καὶ τὸ ἰχθὺς τὰς κατηγόμενας eadem etymologia dicta esse, & propterea etiam solum hominem ἰχία habere, existimat. Quamvis enim & alia quædam animalia sedere nobis videantur, ut propterea doctissimus Homerus ἰχία tribuat Apro, Iliad. θ. dum canit,

ἄπληται καλὸπιθεῖ ἰχιάπε γλῆνες πε.

Et Leoni, Iliad. 5.

ἐρῇ τὴν πλάγος τε καὶ ἰχία ἀμφοτέρωθεν
μαστίεται.

Solus tamen Homo ex omnibus commode sedet, cui carnosæ & magni contingere, & pro subſternaculo pulvinarique, tomento repleto, inserviunt, ut citra molestiam sedendo, cogitationibus rerum divinarum animum rectius applicare posset. hinc Philosophus 4 de part. 10, Simiam ἰχία habere, & ἐρῶν pernegat: rationem addens, ἀλλὰ τὸ πῶς μορφῶν ἐπιμφορεῖται, καὶ μηδὲ ἑρῶν τ' εἶναι ἢ ἀμφοτέρωθεν, ὡς μὲν ἐν δίπυς ὦν, ἐρῶν ἐκ ἑχέ, ὡς τὴν τετραπύς, ἰχία. hoc est, simia quod forma ambigua sit, ut & in neutro, & utroque genere sit constituenda, ideo nec caudam habet, nec nates. Ut bipes enim, cauda vacat: ut quadrupes, natus. ^b *Fissura*, quæ nates dirimit, διχάλα Herophilo dicitur, in qua foramen advertitur, ^{Podex.} ubi est exitus intestini recti, & excrementorum duriorum, quod ^c *Podicem*, & *Anum* à rugis anilibus, quas habet, appellant.

C A P V T I V.

De appellationibus partium externarum, quæ generationi sunt dicatæ.



GENITALES PARTES, μέγιστα γυνήκεα, αἰδοῖα appellatæ, quod iis importuno tempore & loco detectis, pudore afficiamur, Latinis *Pudenda* ^{Pudenda.} eadem ratione, & *Naturalia* vocantur. Variant hæ partes pro sexus diversitate, & aliæ maribus datæ sunt, aliæ foeminis. De utrisque hic agemus, initio ab illis accepto. *Genitalia ergo marium* commode in duas ^{Genitalia marium.} dividuntur partes, in eam quæ uterum ingreditur, & illam quæ extra, ^{1. 1. 7.} sacci instar propendens, remanet. Hanc ^d *Scrotum*, & *Scortum* vocant, quod coriacei ^{Scrotum.} sacculi similitudinem referat. Scorteia enim Veteribus dicebantur, quæcunque ex aluta, aut pelle fiebant. Vulgus *marfippium*, & *bursam virilem* vocat: Græcis ἰχθὺς, & ἰχθὺς, Aristoteli etiam ὀχία dicitur. In hoc continentur partes, quæ semini genitali conficiendo destinatæ dicuntur, ὄρχεις, quos à numero quidam διδύμες, quasi gemellos, & à figura ^{κυνάμεις}, *Fabas* appellant. Latini *Testes*, quod testimonium præbeant virilitatis. Altera ^{δ.} pars longa & carnosæ, ^e *Penis* dicitur, à pendendo: Græcis πύλος, à figura, quasi *clavus*: ^{καυλός}, *caulis*: ^{σπρυγγώδες νεύρον}, *Nervus fistularis*: ^{σῆμα}, à stando: & ^{πέος}, *penis*. Vulgo ^{Penis.} etiam *Mentula*, quod rigida hæc pars, viro mentem eripiat, vel à seriis ad jocosa & Venerea avertat. Pars vero, quæ inter anum & penis initium interiacet, in sexu masculino ^{ἐπὶ σῆμα}, quod sub pene sit sita; in utroque sexu, latiore significato, ^{περίνεον} *Perineum* dicitur, quo loci incisio fieri consuevit à Lithotomis. Cæterum penis rursus duas habet partes, unam, quæ semper cute tecta est, & dura, ac veluti nervosa, totiusque nomine gaudet: alteram, quæ carnosæ est, sphaerica, & in complexu Venereo à cute denudatur, ^{8. 16. 1. I. H. K.} alias cute tecta, ^{βάλανος} dicitur, sive ^f *Glans* à similitudine. Nonnulli *Cerasum* eadem de ^{Glans.} causa vocant. Cutis autem illa ^{πέος} Galeno, & ἀκροποδία quibusdam, ^g *Præputium* Latinis ^{Præputium.} dicitur, estque illa, quæ Iudæis abscinditur, unde Recutiti vocantur, olim sanctissimi fœderis, nunc impiæ incredulitatis signum est. Ligamentum quod præputium, ex inferna parte glandis alligat, ^{κυνόδεσμον}, *Vinculum caninum*, & ^{κύων}, *Canis*, dicitur. Vulgus ^{8. 16. 4. I.} ^{χαλινόν}, *frenum* appellat. Circulus qui glandis extrema cingit, ^{σεφάνη}, ^h *Corona*: foramen autem in medio glandis, urinæ & seminis exitui destinatum, ^{ἐρήθρα}, *Meatus urinarius* ^{ἐρήθρα.} vocatur.

Genitalia
fœminarum.

Labia vulvæ.

Rima magna.

Nympha.

Clitoris.

Externum
uteri osculum.Caruncula
myrtiformes.

Hymen.

FOEMINARVM GENITALIA pluribus adhuc partibus constant, quam marium. Vocantur Galeno αἰδοῖον γυναικῶν, *Pudendum muliebre*. A Poëtis Latinis *Cunus*; communiter *Vulva*, quod propter longam fissuram, qua labia genitalium disparantur, valvas æmuletur. Occurrunt in his primum, ^a *Labia vulvæ*, κρήμνα Hippocrati dicta, quæ sunt duo oblonga & mollia corpora, substantiæ carnosæ, & spongiosæ. In horum medio rima est magna, quam ῥίσμα, seu *Fissuram magnam* appellant, quia revera longe major est altera rima, quæ uteri exterius osculum constituit. Diductis sic labiis, in conspectum veniunt duo alia corpora. ^b *Nymphae* dicta, νύμφαι, vel quia primæ sponsum admittant; vel, quia nympharum officio fungantur. ut enim illæ rivis, & scaturientibus præfunt aquis: sic hæ urinæ rivulo præfectæ videntur. Ab aliis περίγια, & περιγύματα, sive *Alæ* dicuntur. Sunt autem duæ productiones, fungosa carne constantes, utrinque una, in principio fere inter se junctæ, & sub utroque vulvæ labio latentes, ubique fere contiguæ, ad finem commissuræ ossium pubis ascendunt, ubi junctæ, Clitoridem veluti præputium quoddam integunt. In harum apice ^c *Clitoris* est, κλειδορῆς dicta, ab obscæno verbo κλειδορῆεν, quod, his partibus lascive contrectatis, semen effundere significat. Nonnullis Recentioribus *Penis*, aut *Mentula muliebris* dicitur. Est enim processus exiguus, in anteriore & elata pubis parte, ubi nymphae conveniunt, respondens in pluribus peni virili, puta in situ, substantia, spirituum repletionem, & erectionem. Diductis postea nonnihil nymphis, alia rima conspicitur, quæ ^d *externum cervicis uteri osculum* constituit, supra quam aliud ^e foramen cernitur, quod ex implantatione colli vesicæ urinariæ prodit. In illa autem majore rima, conspiciendæ veniunt quatuor *carunculae*, quas *myrtiformes* appellant, quod myrti baccas referant. Harum anterior, urinarii meatus foramen, quod in hanc uteri partem definit, obtegat: altera huic opposita posterior est, duæ reliquæ sunt laterales. Servantur hæ carunculæ usque ad interitum, nec minus in vetulis, quam juvenibus cernuntur: in iis tamen, quæ utero non gestarunt, integriores sunt. Has carunculas conjungit membrana quædam, in medio perforata, ὑμην, sive *Hymen* dicta, apud omnes scriptores decantatissima, quæ virginitatis signum vulgo habetur, & revera quando adest certissimum esse solet, de qua tamen re inferius, ubi historiam uteri aggrediemur, pluribus acturi sumus.

CAPUT V.

De appellatione Manus, & partium in ea contentarum.

Artus.

Manus.

Ambiguitas
voci manus.

X PEDITIS hætenus appellationibus earum partium, quæ in tribus ventribus citra dissectionem conspectui se offerunt, reliquum est, ut ad Artus nunc accedamus. Appellamus ARTVS, sive κῶλα, partes nostri corporis, ex trunco ramorum instar exstantes, suntque manus, & pedes, χεῖρες, καὶ πόδες. ^f χεῖρ, sive MANVS vocatur, quicquid inter summum humerum, & extremos digitorum apices continetur. Hac enim significatione olim sumebatur, qua usus est doctissimus juxta atque antiquissimus scriptor Homerus, & post eum Hippocrates, qui propterea discriminis gratia, non χεῖρα simpliciter, sed χεῖρας ἀκραν vocavit, quam Latini, & nos hodie manum dicimus. Hanc Galenus lib. de inæquali intemp. cap. 2, in tres præcipuas partes dividit, in βραχίονα, in πῆχυν, & τὸ ἀκρόχειρον, id est, in brachium, cubitum, & extremam manum. Contracta enim & composita voce ἀκρόχειρον vocat, quam ab Hippocrate ἀκραν χεῖρα appellari diximus. Has partes Poëta non ineleganter versu complexus est, dum sic canit,

— laudat digitosque manusque,

Brachiaque, & nudos media post parte lacertos.

Aristoteles vero i hist. animal. 15, Manum, sive τὴν χεῖρα appellat βραχίονα, quem Latini secuti sunt, vocantes *Brachium*, quicquid ab humero dependet. Hujus partes constituit ὤμων, ἄγκωνα, ὠλέκρανον, πῆχυν, & χεῖρα. ^g ὤμῳ, sive *Humerus*, pars illa est, quæ à summo humero ad proximum usque articulum cubitive flexuram pertingit. ^h ἄγκων flexura est cubiti, seu incurvatio brachii: hujus contrarium est ⁱ ὠλέκρανον, nempe exterior *cubiti protuberantia*, sive gibbositas. πῆχυς, Latinis ^k *Vlna* & *cubitus* dicitur, estque pars, quæ à brachio, sive humero, usque ad manum extremam, seu summam, se extendit. χεῖρ, ^l *Manus* quoque

1 Humerus.

2 Cubitus.

3 Manus.

f, i. i. i.
B. τ.

g, h.

i, k.

l, n. τ.

quoque Latinis dicta, à cubito, sive ulna extrema incipit, & in aciem digitorum terminatur. Porro manus interior pars, quæ cava est, dicitur ^a ἡνάρ Græcis, *Vola* Latinis, ^b ἀνὰ πρὸς βάλλειν, à projiciendo. Pars huic contraria, quæ prona est ^b ἀνὰ ἡνάρ & *Dorsum manus*. At *Palma* fit ex manu expansa, ut *Pugnis*, ex contracta. In vola notandæ sunt *Lineæ*, & *Monticuli* à Chiromantis sic appellati. Linearum principalis est, quam *Vitæ* ap- *Linea Manus.* pellant, propterea, quod ex ejus longitudine aut brevitate, longam aut brevem vitam conjicere liceat. Hujus meminit Aristoteles, 10 Problem. 48, ubi *πυλὴ*, *cæsuram* vocat. Quærens enim, cur illi qui per totam manum cæsuram habent, longioris vitæ sint; respondet, quia articulis carentia brevioris sunt vitæ, ut pisces. Ergo quæ articulata sunt, longiori vitæ usura fruuntur. At 1 de histor. animal. cap. 15, *ἄρθρα*, *articulos* vocat, quorum unum aut duos per totam volam currentes, longævis assignat: brevioris vero vitæ hominibus, duos quidem; at non per totam longitudinem protensos. Si tamen numerum linearum quæsieris, non duas, sed tres ut plurimum invenies; *unam*, quæ fit à flexu pollicis, & *cæsuræ vitæ* dicitur: *alteram*, quæ a quatuor digitorum flexu conficitur, & vocatur ^d *Cerebri linea*: *tertiam*, quæ à trium tantum digitorum flexu constituitur, & appellatur ^e *Mensalis*, quod cum dicta figuram trapeziam, sive mensalem referat. *Monticuli* *Monticuli.* sunt eminentiæ quædam in vola manus, quorum septem Chiromantæ faciunt, singulos singulis planetis dedicantes. Sic igitur ^f *Pollicis* tuberculum, Veneri dedicare solent: *indicis*, Iovi: *medii*, Saturno; *annularis*, Soli: *minimi*, Mercurio: *Triangulum* in vola manus, Marti: *Hypothenar* tandem, Lunæ.

Cæterum ἀκρόχειρον, sive *Manus extrema* in tres partes subdividitur, in *καρπὸν*, *μετακαρπὸν*, & *δάκτυλος*. ^g *καρπὸν*, Latini *Brachiale* vocant, quandoque *Carpum* Græca voce, estque ea *Carpus.* 1 manus pars, quæ cubiti flexuræ proxima est, sive quæ palmam cubito jungit. ^h *μετακαρπὸν*, *Metacarpus.* 2 *postbrachiale*, elegantioribus Latinis *Palma*, ea pars est, quæ inter brachiale, & digitorum principium consistit. *δάκτυλοι* sunt ipsi *Digiti*, qui numero sunt quinque. Ex his duo, *Digiti.* 3 qui extremi sunt, nomen à magnitudine acceperunt, cæteri à situ, vel officio. Primus ergo, ⁱ *Magnus* vocatur, quod omnium sit maximus crassissimusque, cujus cum robur respondeat magnitudini, *Pollex* dicitur, quod cæteris quatuor æquipolleat. Græci *Pollex.* eleganter, ut pleraque omnia, *ἀνὴχειρα* vocarunt, quasi *promanum*, ut qui totius manus munere fungi queat, & sit instar omnium reliquorum digitorum. Non desunt tamen, qui *ἀνὴχειρα* dictum velint, quod cæteris oppositus sit, & ex adverso situs. Alter extremus, dicitur ^k *Minimus*, & *Auricularis*, opinor, quia ad aures expurgandas eo communiter utimur. *Pollici* proximus, ^l *δείκνυς δάκτυλος*, ¹ *Demonstratorius* Ilidoro, ab usu, à quo apud Græcos, omnes in universum digiti nomen suum sortiti, ut dicantur *δάκτυλοι*, ^m *δείκνυς* ab indicando. Hoc enim digito fere præ aliis utimur in demonstrando. Vnde Poëta,

— pulchrum est digito monstrari, & dicier, Hic est.

Latinis *Index* dicitur. Alius hujus usus est, sed minus conveniens honesto viro, à quo *Index.* Introductorio *λαχανὸς* dicitur, ⁿ *δείκνυς*, quod lambere significat, quia quidam inciviliter comedentes sine cochleari, pulstem hoc digito lambunt, & nutrices infantibus hoc digito pulstem præbent. ^o *Medium* appellant, qui hunc sequitur, à loco. Græci si- *Medius.* militer *μέσων*. nonnulli, ut Poëta, *impudicum* vocant, & *Obscænum*. Cynædis enim olim monstrabatur à pædiconibus, quo sæpe allusit Martialis in suis carminibus. Huic adstat quartus, proptereaque Græcis ^p *δάκτυλος* dictus, Latinis ^q *Annularis*, quia in eo annulos ut plurimum gestamus. Dicitur etiam *ιατρικὸς*, *medicus*, quod Medici Ægyptii, qui primum Anatomiam docere aggressi sunt, summo hunc honore prosequendum, & annulo dignandum censuerint, ut quem ipsa Natura principali membro jungere voluerit, quod ait Appion apud Gellium, lib. 10 Noct. Atticar. cap. 10. Erat enim inter ipsos fabula, nervum quendam à corde ad hunc immediate transmitti. ^r

Digitorum porro singulæ partes, quæ inter articulos sunt, ab Aristotele, ^s *φάλαγγες* dicuntur; Gaza reddidit *Internodia*. Protuberantiæ autem manus in pugnum contractæ, & articuli ipsi, *κνέδυλοι*, *Nodi* Gazæ. Pollicem uno condylo flecti, cæteros binis, tradit Philosophus. Reperio tamen *κνέδυλος* fuisse triplici nomine donatos, & *κνέδυλος*, ^t *πρὸς κνέδυλος*, ac *μετὰ κνέδυλος* dici. ^u *κνέδυλος* vocatur medius nodus digitorum in pugnum contractorum. ^v *πρὸς κνέδυλος*, ille qui ungui est vicinior. ^w *μετὰ κνέδυλος*, qui metacarpio. 2. 3

Latini quibus exprimant, non habent peculiares voces, promiscue tamen omnes nodos, internodia, vel articulos vocant.

Ungues.

Tandem extremitates digitorum unguibus munitæ sunt, quos Græci ὄνυχες vocant. Horum initia ab antiquis ῥιζώνυχες *unguium radices* dicuntur. ab aliis sic vocantur *margines*, ex quibus erumpunt. Circa has semilunula quædam candicans est, ἀναβολή, *exortus* appellata, quod circa unguis exortum, & principium consistat. Reliqua pars ἄργεμϙ dicitur, ab albore. Cæterum puncta illa alba, quæ nonnunquam in superficie videre est, νεφέλαι *nubecule*, à similitudine vocantur. at unguium in summo extremitates, ἀκρωνυχία.

CAPUT VI.

De appellatione Pedis, & partium in eo contentarum.

Crus.



Diviso cruris.

Femur.

Femur.
Coxendix.

Perineum.

Tibia.

Genu.

Patella.

Poples.

Malleoli.

Es tandem restat, Græcis πῆς dictus, Aristoteli 1 hist. animal. 15, σκέλϙ, Gazæ Crus. Latinis recentioribus, qui nomine proprio carent, ad discrimen minoris, *Magnus pes*. Est autem totum id, quod à clunibus originem ducens, sese usque ad digitorum extremos ungues extendit. Dividitur ab Aristotele citato loco, & à Galeno, libr. de inæqual. intemp. 2, in tres partes, in μηρὸν *femur*, κνήμην *tibiam*, & πῶδα *parvum pe-*

dem. Prima pars ^a F E M U R, μηρὸς, διὰ τὸ μερῶς εἶναι, à dividendo, quia truncum bifariam dividere videtur, Hesiodo μηρὸν dicitur. Celsus *Coxam* appellasse videtur, quem & alii recentiores Aristotelis Interpretes sequuti sunt. Hoc vel ideo diligentius observandum est, ne perperam eos intelligamus, dum vocibus coxæ ac femoris promiscue utuntur, & nunc os femoris, *Coxam*, nunc è contrario os coxæ, *Femur* appellant. Pars interna femoris, ὠδμηρὸν dicitur, ^b *Femen*: at protuberantia exterior circa articulum, ^c ἰχίον, *Coxendix*: spatium autem inter duo femora ad nates interjacens, ^d πλινχάς. Sic enim Galenus, comm. 4, de fract. interpretatur, scribens, apud Hippocratem πλινχάδα significare, ἄπεν τὸ μετὰ τῶν βεβῶνων ἐκατέρωσ σκέλεσ, totum id quod inter utriusque cruris inguina est; & subjungens docet, τὸ μέσον ἐν τῇ πλινχάδι, medium quod est in hoc spatio, πένιναιον,

^e *Perineum* vocari. Pollux in plurali πλινχάδας vocat, Latini *interfemina*.

Altera pars ^e T I B I A est, κνήμη dicta, quæ vox ambigua significatione, modo totam illam partem denotat, quæ inter femur, & parvum pedem sita est, ossibus geminis suffulta, & de qua nunc sermo habetur: modo peculiariter illud os, quod ex his maximum est. Eodem pacto & *Tibia* Latinis promiscue accipitur, quemadmodum & πῆχυς, jam utrumque os cubiti, jam eorum longissimum significat. Celsus, *Crus*, à currendo vocat. Hujus ^f *pars anterior* Aristoteli 1 histor. animal. 15, ἀντικνήμιον est, Latinis absque nomine mansit, ut nonnulli græcam vocem vertentes, *Antetibiale*, vel *Protibiale* vocarint.

Gaza tamen *Cream* antiquissimo nomine appellat. *Posterior* ^g γαστροκνήμιον, quasi tibix venter, Latinis *Sura* dicitur, unde Plinius, *Sura*, inquit, soli homini data est, quippe carnosâ tibix pars. Et hæc illa est, propter quam Momus Iovem reprehendit, quod tibiam in parte posteriore offendiculis minus obnoxiam carnosâ munimento ornasset. Notare tamen debebat Momus, oculos duos parte priore sitos esse, quibus quæ ante nos sita sunt prospicimus, in posteriore nullos esse. ^h *Exterior*, ὠδανκνήμιον: ⁱ *interior*, περικνήμιον

appellatur. In superiore parte tibix flexura est, & articulus quo femori jungitur, & γόνυ vocatur, *Genu*. Hujus pars anterior, qua extenditur, sive potius os ipsum quo genu integitur, Hippocrati ^k ἔπιμυλῖς, Aristoteli μύλη, *Mola*, Celso *Patella*, *Mola genu*, & *Rotula*. At posterior pars, qua flectitur, & curvatur, ^l ἰγνύς, Latinis *Poples*. Hinc Vena poplitea celebris, quæ sub hac parte ad pedem per tibiam excurrit. In inferiore tandem parte, qua tibia cum pede conjungitur, duæ sunt eminentiæ laterales duræ ac ossæ, quarum altera interior vocatur, altera exterior, suntque processus ossium tibix, & fibulæ. Aristoteles σφυρὰ vocat, alii σφυρία, quos sequuti Latini ^m *Malleolos* dixerunt, quia malleum instrumentum fabrilè referunt, cum ab utroque latere capitula in hoc loco protuberent. Medici vulgo *Talos* vocant, ut cum in suppressis mensibus venas tali aperire jubent: sed errant, ut jam olim quoque Galenus monuit, ante cujus tempora hic error exortus ad nostra usque dimanavit. Nec enim hi processus talum constituunt, sed sub his


sub his talus, five astragalus latet, tactui, & oculis, ob ligamenta & tendines nequaquam se offerens. De his tradunt Physiognomi, invidios eos esse, quibus multum extant: segnes autem & pigros, quibus subsident, atque hoc verissimum esse signum ac infallibile produnt.

Tertia pars sequitur, ^a *Parvus pes*, qui à tibia incipiens, in extremis digitorum apicibus definit & terminatur. Vocatur Aristoteli *πῆξ*, ut Latinis quoque *Pes*. Platoni *πῆξ ἀκρῶ* *Pes extremus* dicitur, quemadmodum Hippocrati modo *ἀκρὰ χεῖρ* dicebatur, cui respondet similisque est in pluribus pes parvus. Dividitur enim similiter in tres partes, in *πυδῖον*, *μετὰ πυδῖον*, & *δακτύλος*, quemadmodum manus in *καρπὸν*, *μετὰ καρπὸν*, & *δακτύλος*, quæ partes singulæ singulis respondent.

^b *Πυδῖον* prima pars est, Aristoteli *πῆξ*, *Calcaneus*, Polluci *πῆξ*. Hinc forte nomen habent *Perniones*, tumores hoc loco exorti temporibus frigidis. Vocatur & *πῆξ* communiter. ^c *Μετὰ πυδῖον*, vel *μετὰ πῆξ*, altera pars, post calcem, ubi prima ossium articulatio incipit, quæ plantam constituunt, Aristoteli *ἀνώνυμα* est, à quo tamen in duas secatur partes, ^d *superiorem*, quam *νυκτωδὲς* vocat, *nervosum*: & ^e *in inferiorem*, *τὸ σαρκώδες*, *carneum*. Illam Ruffus *ἑθῶ*, *Dorsum pedis* Latini: hanc *καῖλον τῆς ποδὸς*, *Concavum pedis*, *Introductorius* vocat. Quibus hæc pars interior, non cava, sed ita pleniuscula est, ut solum toto attingant vestigio, *Plancti* vocantur, & Aristotele volente, versuti sunt ac fraudulentii. Tertia pars *Digitos* quinque complectitur, qui digitis manuum respondent, quorum quidem nomina sunt, ^f *Pollex*, *pollici proximus*, *medius*, *medio proximus*, *minimus*. Omnium vero extremitates unguibus munitæ, quas *ὄνυχες* Græci vocant, & plicaturam habent, Aristoteli *κάμπη* dictam, ubi scribit, pedum digitos *μονοκάμπηδες* esse. Cæterum constant ex tribus ossibus, totidemque articulis nectuntur, ut ex historia ossium patebit: una tamen curvatura est, quæ cæteris manifestior paulo, & propter quam fortasse Philosophus *μονοκάμπηδες* appellavit.

C A P V T V I I.

De humani corporis figura, & magnitudine: tum quo pacto hæc secundum ætatem, sexum, regiones, & morbos differat.



V I D I M V S hætenus ea, quæ ad partium externarum appellationes spectare videbantur, à quibus antequam discedamus, quæ tum totius corporis figura sit, ac magnitudo, tum singularum etiam partium invicem proportio, & qua ratione juxta ætates, sexum, regiones, ac morbos differat, intueamur. Multæ enim sunt, & extra, & intra corpus figurarum species, si Hippocrati, libr. de veteri Medicina, credimus, quæ inter sese quod ad affectiones pertinet, tum ægroto, tum sano, maximopere differunt, quæ omnia (eodem præcipiente) nosse oportet quomodo discrepant, quo causas singulorum cognitas probe observes.

Quænam autem sit *Figura* totius corporis, quadratane, an circularis, aut neutra, merito dubitari potest. Nam qui hominem *ἑυσαρκον*, & ad naturæ leges conformatum *τετράγωνον* appellant, five quadratum, illi quadratam jam figuram humano corpori assignare videntur. Qui vero, quod umbilicum videant medium esse corporis, ac veluti centrum, à quo ad extremitates sursum deorsumque, æquales ducuntur lineæ, circularem figuram tribuunt, sub rotunda comprehendere videntur. At enim, cum illi truncum tantum corporis intelligant, hi vero male conclusionem inducant: relinquatur, neutri opinioni subscribendum esse. Nec enim certe simplex figura est, sed ex variis externarum partium figuris composita: neque nomen ullius figuræ est, quod huic commode tribuas, nisi forte humanam figuram dicere volueris, quin imo hæc ipsa quoque determinari nequitiam potest, cum ad arbitrium voluntatemque cujuslibet, singulis quasi temporum momentis mirifice varietur, cujusmodi mutationes *χημαλισμὸς* appellavere, & eos qui se in varias hoc pacto figuras commutant, *χημαλίζον* Veteres dixerunt. Recte ergo concluditur, certam figuram humano corpori tribui non posse, sed veluti *Promethea* in omnes esse omnibus momentis variabilem. Cæte-

Figurarum
corporis muta-
tiones quan-
tum scire
referat.

rum has figuras, cum in aliis plurimis artibus, tum vero in medica ad unguem nosse ita refert, ut plane necessarium sit, non tantum ad perfecte cognoscendos morbos, sed & eorundem eventus prudenter prædicendos, & feliciter curandos. *Ad cognoscendos* quidem morbos, quod luxata ossa fractave non aliter fere pateant, quam quia figurari illa membra, ad quæ pertinent, ut decet, non possint. *Ad prædicendum* vero quantum valeat expressit satis Hippocrates in Prognosticis, ubi figuram hominis sani decumbentis describit, & ex ægrorum decubitu quid sperandum metuendumve sit docet. *In curatione* autem luxationum, & fracturarum, qui medias figuras ignoraverit partium omnium, omnium doctissimorum consensu frustra laborat. Atque hæc de figura.

Magnitudo
humani cor-
poris.

Magnitudinem quod spectat, ea triplex est, pro triplici genere dimensionum, longitudine nempe, latitudine, & profunditate. Hæ autem, vel in debite proportionati mediocritate consistunt, vel ab ipsa declinant in excessum aut defectum, qui rursus vel major, vel minor esse potest. Sed ut animo perfecte comprehendantur, ante omnia explicare oportet, quæ magnitudo homini esse soleat, si omnibus numeris Naturæ legibus sit satisfactum, ut corpus habeamus, ad quod veluti ad Polycleti quandam statuum cætera omnia expendantur. Sic enim nullo negotio intellexerimus, qui longus aut brevis, qui crassus aut gracilis, qui latus aut angustus sit vocandus. Tale autem hic in Europa nostra æstimabitur, quod in *longitudine* quidem sex pedes Geometricos conficit, in *latitudine* autem & *crassitie*, unum tantum cum tertia parte: ab hac proportionem qui jam declinant Improportionati dicentur. Quamquam non ita strictis terminis hic ipse excessus defectusve debeat definiri, quin illi qui parum duntaxat ab illa exacta regula discedant, adhuc proportionatorum in album referantur. *Longus* ergo hac ratione erit, qui septem, aut paulo minus, pedes constituat in longitudine: cæterum latitudine, & crassitie conformis optime proportionato corpori fuerit. *Parvus* contra, qui à sex pedibus deficiat in longitudine, in cæteris dimensionibus corpori proportionato respondeat. *Crassi* similiter sunt, quibus cum longitudo debita sit, ut sex quidem pedes comprehendat; tamen diameter latitudinis plus, quam unum conficiat: aut ambitus etiam, seu circumferentia thoracis, vel infimi ventris, plures quam tres pedes contineat, cum in proportionato corpore tres exacte æquet, adeoque æqualis sit dimidiæ longitudini totius corporis. Ediverſo si hos nondum attingant, *Graciles* dicentur, cujuscmodi Hippocrates in Epidemicis *φινωδέας* appellat, & tali admodum obnoxios statuit. Cæterum magnitudo hæc, etsi à nobis sic definita sit, quod ut plurimum talis esse soleat: usque adeo tamen inæqualis est, ut penes ætatem, sexum, regiones, & morbos, maxime differat.

Magnitudo
proportiona-
ti corporis.

Longus qui
dicatur.

Parvus.

Crassus.

Gracilis.

Differentia
magnitudi-
nis corporis
secundum
1.
Ætatem.

Quæstio.

2.
Sexum.

Iuxta *ætatem* sane, cum alia sit magnitudo infanti, alia puero, alia adolescenti, alia juveni, atque homini jam consistentis ætatis, alia denique senescenti, & decrepito. *Infans* enim parvus est, & brevis, major puer, adhuc major *adolescens*: *juvenis* vero, aut qui consistentem jam ætatem attigit, non modo longior, sed & corpulentior est, quibus non secus atque arborum quam plurimis accidit, quæ dum tenellæ adhuc sunt, in altum assurgunt graciles, mox ubi longitudinem debitam nactæ fuerint, in truncum abeunt crassiores. De *decrepitis* restat dubitatio, verumne sit, quod à quibusdam statutum esse video, eorum corpora decreſcere, cum ad senilem ætatem provehantur, eosque breviores seipsis fieri. At ego breviores fieri pernego, graciliores fieri lubens largior. Ossa enim, secundum quæ longitudo corporis exporrigitur, cum partes sint duræ ac solidæ, nec ætatis diuturnitate, nec morbi ullius sævitia unquam imminuuntur. At caro, ut ab aliis pluribus causis, sic ab ætate facile depascitur, consumiturque. Quod si breviores esse videantur seipsis juvenibus, seniores facti, id ideo accidere credendum est, quod articuli omnes, tum à musculis à caloris inopia tensis, tum à ligamentis ficcatis & occallescentibus incurvantur. Atque hæc causa est, quam propter divinus olim Hippocrates, 2 aphor. 52, Iuventutem in corporis longitudine degere, liberale & non indecorum pronunciarit: at senectutem, inutile, & deterius. Cum enim proceri antea essent, in se curvantur, faciliusque sic flexura turpis advertitur, difficiliusque toleratur.

Sed & varietas magnitudinis secundum *Sexum* advertitur. In humano enim genere, fœmina fere masculo minor est, cum in cæteris animalibus sit major. Hoc in omnibus insectis

Tabj

infectis videre est, ut in pulice, musca: sed & in sanguineis plerisque, ut in vipera & serpentibus. Causa est, quod fœminæ in brutis, vel fœtus, vel ova, in ventre gestare debeant uno tempore complura, unde corpus majusculum requirebatur: fœmina autem in humano genere cum singulos gerat fœtus, nec perpetuo ventrem plenum habeat, minorem quam mas staturam nacta est. Quin & cum mulier ad pariendos, & educandos tantum liberos nata sit, ad quæ officia magnitudo corporis nulla requirebatur, Vir expressam DEI conditoris imaginem referens, ad orbis imperium, cæterorumque animalium dominium conditus est, quare magnitudine tum animi, tum corporis merito præcellere debuit. Illud etiam prætereundum non est, inter fœminas Virgines graciliores fere esse, quia post congressum crassiores evadunt, venis universi corporis in complexu venereo à calore exagitato dilatatis, id quod spatio vel unius diei post coitum statim advertere licet.

Quanta vero magnitudinis varietas sit penes *Regiones*, perquam bene nos docuit Hippocrates, in libro de aëre, aquis, & locis. Summatim enim colligens, quæ multis dixerat, longe, subjicit, pulchriora, & majora omnia in Asia, quam Europa nascuntur, idque ob temporum anni temperiem fieri credendum est. Asia enim in medio Solis exortu ad auroram sita, à frigiditate, & caliditate omni excedente remotior est. Europæi forma, & magnitudine corporis perquam inter se differunt, idque propter temporum maximas, & frequentissimas mutationes. Sic Dani, Batavi, & Germani, ut plurimum magni sunt, ac pulchri: Angli item & Scoti. Galli, & Hispani contra, magna ex parte breves; at Itali & Græci mediocris staturæ. Veneti etiam proceri, & eleganti staturæ dignitate eminent, id quod Patritii Nobilesque docent, qui aborigines sunt, reliquum vulgus, quod ex omnibus orbis partibus confluit, promiscuum est. Hoc loco de Pygmæis dicendum erat, qui *ἄνθρωποι πύγμαι* dicti, à statura, qua ulnam non excedunt. Verum ego Poëtarum fabulas esse crediderim, pro quibus tamen Aristoteles minime haberi vult, sed veram esse historiam 8 hist. animal. 12, asseverat. Ego quo minus hoc statuum, tum autoritate primum doctissimi Strabonis 1 Geograph. coactus sum, tum potissimum nunc moveor, quod nostro tempore, quo nulla mundi pars est, quam nautarum industria non perlustrarit, nihil tamen unquam simile aut visum est, aut auditum. Accedit, quod Franciscus Alvarez Lusitanus, qui ea ipsa loca peragravit, circa quæ Aristoteles Pygmæos esse scribit, nempe per quæ Nilus in Ægyptum fluit, nullibi tamen tam parvam gentem à se conspectam tradidit, sed populum esse mediocris staturæ, & Æthiopes tradit.

Tandem & Morbi corporis magnitudinem variant, cum visi sint, quos febris quartana in gigantæam molem erexit: nec credo quisquam est, qui ignoret historiam Antonii Antverpiensis, qui nostra adhuc ætate vixit, & cum pusillus admodumque debilis in lucem prodiiisset, illico puer ex morbo in maximum gigantem evasit. Hujusmodi tales à Græcis *ἐκτέτακτοι* vocantur, in quibus latet vitium, quod prodigiosum augmentum, cum immatura morte accersit. Fuit enim Salamine Eutheminis filius, qui in tres cubitos intra triennium adolevit. Sed homo incessu tardus, sensu hebes; puber postea factus, subita membrorum contractione absumptus est, ut narrat Plinius. Eodem modo, nec adhuc pubertatem attingens Cornelii Taciti, nobilis historici, Equitisque Romani filius, diem suum misere obiit. E diverso & Nanos fieri nonnunquam ex morbis compertum est, quoties superiores partes ad justum augmentum perveniunt: brachia vero, & crura, tenera & parva manent, quemadmodum in luxationibus non restitutis solet accidere.

Ab his antequam discedamus, operæpretium est inquirere, verumne sit, quod à nonnullis creditur, Veterum corpora nostris multo majora fuisse, sensimque homines decrescere. Habemus enim Homeri locum, aliorumque Vatum, qui de breviori hac statura conqueruntur, ad quem allusit Juvenalis Poëta, Satyra 15, cum inquit,

Nam genus hoc vivo jam decrescebat Homero,
Terra malos homines nunc educat, atque pusillos.

Et profecto, si qua fides historiis est, corpus Orestis, quod oraculi jussu ex terra effossum, septem cubitorum fuisse creditur, qui apud Romanos pedes conficiunt, teste A. Gellio, duodecim cum quadrante. Quin imo in Creta quoque, Plinio scribente, terræ

motu

occipitii, ad primam usque thoracis vertebram, tres: at *laterales partes*, ab aure infima, ad summum usque humerum, fere septem uncias conficiunt. *Latitudo colli*, sive Diameter, quatuor unciarum est: at *Peripheria*, sive circumferentia, pedis unius. Ex his facile intelligitur, quod collum *tenue aut crassum* dicantur apud Hippocratem, in quo elegans locus est 6 epid. sect. 1, ubi de iis, qui $\phi\epsilon\zeta\omicron\iota$ sunt, sive caput habent acutum differens: siquidem, inquit, validam obtineant cervicem, robusti erunt, cum alias, tum præcipue in ossibus. Prudentissime vero divinus Vir ut cætera id addidit, cum quales sunt colli vertebræ, tales & thoracis, & lumborum, & ossis sacri, merito esse consueverint. Quibus igitur colli vertebræ crassæ, iis quoque & lumborum, & thoracis crassæ esse debent, reliquaue ossa omnia, nisi natura monstrofi aliquid parere cupierit. Rursum cum cæteræ partes omnes ossium magnitudini respondeant, ita ut muscoli magni sint, quo magnis ossibus movendo esse possint: & venæ magnæ, atque arteriæ, & nervi denique ut magnis musculis alimentum sufficiens, calorem debitum, & animale spiritum abundantem transportent: profecto recte concluditur, eos qui validam cervicem obtinent, robustos esse, quia musculos magnos validosque acceperunt. Meminit autem Hippocrates potius colli, quam alterius partis, ex qua robur colligatur, quod collum ex iis sit, quæ maxime visui se offerunt; signa autem semper manifestissima esse debeant. Hinc patet clara expositio alterius loci, quæ apud eundem Hippocratem habetur, sexta epidem. sect. sexta, ubi Ossium, inquit, naturam ex capite colligere oportet, deinde nervorum, & venarum, & carniū, & aliorum humorum, & supernorum, & infernorum. Oportet enim hanc sententiam de proportionatis intelligere, & in quibus omnia sibi respondent. Magnum enim caput, magnam cervicem requirit, ut tuto sustentetur. Cervix magna, magnum thoracem, & hic reliquas partes majores desiderat: ita ut capitis magnitudinem, aut parvitatem, cæteræ partes omnes sequantur, siquidem natura proportionis leges observet.

C A P V T I X.

De Figura, & Magnitudine Thoracis, ac Mammillarum.

THORAX, sive Medius venter, figuram ovalem obtinet. Parte enim superiore, qua cervicem tangit, angustior est: inferiore, qua infimum ventrem, latior: antè vero in pectore, & postè circa dorsum, depressior. *Magnitudinis* autem ipsius hæc est ratio, si naturalis sit. *Pectus*, quod à jugulo incipit, & in mucronata cartilagine terminatur, octo uncias Geometricas conficit. *Dorsum*, à prima thoracis vertebra, ad duodecimæ finem, sive ad primæ lumborum initium pertinens, pedem Geometricum, unciamque unam obtinet: ita ut pectus dorso quinque unciis sit brevius. *Lateræ*, à claviculis ad extremum thoracis excurrunt, ubi menses costæ finiunt, unciasque novem cum dimidia habent. *Peripheria* autem thoracis, duorum pedum Geometricorum est, duarumque unciarum. Si spiritum reddas, una uncia angustatur: si accipias, duabus dilatatur. Hæc proportio naturalis est: mutari tamen sæpe solet, tum à natura ipsa, tum à causis internis; quandoque etiam ab arte, & extrinsecus incidentibus. A natura quidem, cum mala conformatio sit in utero; à causis internis, cum à destillatione sit gibbositas: ab arte denique, cum infantibus pectus nimium fasciis constringitur. Sunt enim cum alia recens natorum ossa, tum imprimis costæ thoracis admodum teneræ, & flexibiles, ut ipsis quamcunque velis figuram facillime largiaris. Quanto autem sanitatis ac vitæ dispendio pleræque matres infantum suorum pectora angustent, imprimis Anglia edocebit, regio quæ perversam hanc fasciandi rationem ut plurimum sequitur, quo fit ut maxima hominum pars, tabe & destillationibus ibi conficiatur. Ineptum etiam est, & ultra fidem perniciosum illud studium, quod fere Virgines adhibent, ut junceæ videantur, loris, & mortifero artificio pectus in angustias cogentes, ignaræ, se angustando thoracem, januam tabi, marcorique aperire. Quibus enim strictior est thorax, ii sanguinis sputo, & destillationibus, partiumque in thorace contentarum inflammationibus necessario redduntur opportuni, cum pulmones talibus maxime incalescant. Nam cum reliquum corpus proportionem suam, debitamque magnitudinem

Latitudo.

Peripheria.

Collum tenue
& crassum.Thoracis
figura.

Magnitudo.

A quibus causis
mutetur
proportio Tho-
racis.Quam perni-
ciosum sit ni-
mis stringere
infantium
Thoracem.

tudinem retineat; thorax autem angustior fiat, plus sanguinis circa pectus colligitur, quam aut idem digerere, aut à sese possit propellere, unde in cavitatibus illis stabulans (præsertim vero Venæ arteriosæ, & Arteriæ venosæ) in multorum morborum causam degenerat. Accedit, thoracem ipsum compressum multo imbecillior fieri, unde sanguis calidior eo affluens, vel ibi hærens, acrior redditus, facillime vasa erodit, neque se defendere natura jam amplius potest. Hinc non immerito tales falsè ridentur à Terentio in Eunuchò, dum sic inquit:

*Haud similis virgo est virginum nostrarum: quas matres student,
Demissis humeris esse, victo pectore, ut graciles fient.
Si qua est habitior paulo, pugilem esse ajunt; deducunt cibum,
Tametsi bona est natura, reddunt curvatura juncæas.*

Mihi ergo earum gentium consuetudo cum primis arridet, (quam & Venetiis observari cernimus) quæ latum potius, quam angustum pectus; crassum, quam tenue exoptat, & propterea infantum thoracem, levi fascia involvit magis, quam stringit.

Mammarum
magnitudo.

In pectore sitæ sunt *Mammæ*, quæ ratione sexus, & ætatis, maxime differunt, item ratione morborum, aliorumque accidentium corporis. In *Viris* enim non attolluntur, quod glandulas vix habeant: in *Mulieribus* globi instar decenter prominent. *Virginibus* etiam, antequam ad pubertatem accedant, vix præter papillas aliquid comparet; at vero cum aptæ conceptui fiunt, sensim excrescunt. *Vetulis* & *extenuatis*, oblongæ fiunt, turpiterque dependent, absumptis cum pinguedine glandulis, solaque cute restante: *pinguibus* contra turgent, & quandoque in insignem molem ascendunt. *Mulieribus* etiam *ventre gerentibus*, incrementa sumente fœtu, & cum hoc utero, sensim augentur, ut partus tempore instante satis tumidæ videantur. Quamobrem qui *mammarum decentem magnitudinem* scire voluerit, *Virgines* aspiciat adultæ ætatis, & quæ corpus habeant staturæ decentis. his enim attolli in eam solent magnitudinem, ut manu sua commode undique tegantur. Ab hac quæ discedunt, majores, vel minores dicentur, prout ad excessum, vel defectum declinent. Atque hæc Medico prudenti diligenter consideranda sunt, vel ideo, ut judicium accuratum de nutrice bona ferat, cum monente

Quæ nutrix
eligenda.

Moschione, mediocres mammæ in bona nutrice semper eligendæ sint. *Grandes* enim, lac copiosum non generant, eodem auctore: *parvæ* autem frigiditatem denotant, & steriles fœminas, ut vitari debeant tales ab iis, qui conjugium liberorum procreandum gratiâ suscipiunt.

Papillarum
magnitudo.

Papillæ, ipsum quasi centrum mammarum constituunt, admodumque & ipsæ variant. *Virginibus* enim leviter prominent, & fragæ instar rubent: *lactantibus*, ob suctionem infantis exseruntur, & livent: *effætis*, oblongæ fiunt, nigricantque. Has jubet inspicere Hippocrates 6 epidem. sect. 5, si de uteri affectibus judicare velimus. Si enim papillæ, & quod in iis rubet, palle scat, morbosum est, inquit, *ἀργεῖον*, sive conceptaculum, & uterus.

C A P V T X.

De proportionem Infimi ventris, & Pudendorum utriusque sexus.

Umbilicus
centrum imi
ventris.
Magnitudo
imi ventris.



INFIMVS VENTER, qui naturalem debitamque servat proportionem, *Umbilicum* habet in ipso medio veluti centrum, æqualiter ab omnibus extremis distantem. Eadem enim *longitudo* est, & quidem sex unciarum, ab ipso ad usque mucronatam cartilaginem sursum; ad pubis ossa deorsum; ad lumborum, atque ossium ilium extrema, versus latera. *Peripheria* autem, seu totus ambitus, duos Geometricos pedes cum duabus uncias, adeoque uncias viginti sex efficit: at *diameter*, quæ ab umbilico ad dorsum ducitur, præter propter novem, vel decem. Cæterum hæc proportio magnitudinis diversimode variatur à causis, tum naturaliter, tum præter naturam incidentibus. *Secundum naturam* quidem, ut à cibo, & potu, à fœtu in utero contento, à nimia pinguedine. *A causis præter naturæ* institutum accidentibus, ut flatibus, in tympanitide; aqua, in ascite; tumore, in lienis affectibus. Contra quandoque venter attenuatur in inedia, in alvi fluxibus diuturnis, aut vehementibus, in quibus ita decrescit sæpenumero, ut tumorem illum

A quibus cau-
sis proportio
variatur.

Nota.

illum circa umbilicum, de quo diximus, Venter deperdat, & ad dorsum veluti retractsus videatur, id quod sæpissime consuevit fieri à superpurgationibus, longis item diarrhæis, & dysenteria. Atque in talibus caute omnino agendum est cum purgantibus, quandoquidem facillime lædantur, & exsolvantur. Liberius validissima quæque offeruntur, si vel morbus, aut natura ægri requirat, iis, qui ventrem mediocriter protuberantem habent. Et huc respexisse puto admirabilem Hippocratem, cum libr. de veteri Medic. circa finem, Medico prudenti cognoscendas, & considerandas esse inquit, *κειλίας μακράς, & στρογγύλας*, ventres longos, & teretes. Ex figurarum enim inspectione cognoscimus prompte, qui apti sint ad helleborum, & alia generosiora purgantia assumenda. Quibus enim partes in abdomine contentæ fortes sunt, beneque constitutæ, tuto purgari possunt; quibus contra tenues, periculose medicamenta accipiunt. Et hoc illud quoque est, quod aphorismo trigesimo quinto secundæ sectionis legimus, melius esse in omni morbo, partes circa umbilicum & pectinem crassitudinem habere: at vehementem tenuitatem & eliquationem pravam esse. Periculosam enim vel ad infirmas purgationes existere. *Mulieres* quæ amplo valde sunt ventre, admodumque protuberante, ut venter ad coxas dilabatur, ineptæ sunt ad conceptionem. His enim uteri os à pinguedine omenti, ex 5 aphor. 46, comprimitur, & steriles fiunt, nec priusquam attenuentur, concipiunt. *Parvus venter* ab Aristotele in physiogn. inter primaria loca, ex quibus sapientiæ decor in homine apparet, refertur. Apud alios *venter carus*, & *exsuctus*, invidum denotat, & sordidum: *rotundus*, sive potius teres, sobrium: *longus*, segnem & voracem: *prominens*, somniculosum, pigrum, & stupidum: quibus autem *umbilicus* admodum *protuberat*, inter salacissimos referuntur.

PUDENDORVM quoque in utroque sexu proportio tenenda est, ut de sterilitate, vel fecunditate iudicium sit clarum. Atque ut à *Virili* initium ducam, ubi id erectum est, in homine ætatis adultæ, sex uncias obtinet in *longitudine*, quatuor in *ambitu*, seu peripheria. *Major mentula*, vulvam potius replet magnitudine, quam uterum fecundo semine. Est etiam ineptior ad Venerem, quam neque animose aggreditur, nec diu sustinet, victis pondere musculis, qui rigidam hastam tenent. *Parva* contra, & salacior est, & fecundior, quia titillando cervicem uteri, magis prolecat fœminarum semen, & diutissime pugnam perfert. Est & aliud incommodum, quod longa mentula secum trahit, cum fœminas uterinæ suffocationi obnoxias reddat, quod ligamenta uteri, cervicem nimium in coitu elongando, admodum laxet.

PVDENDI MULIEBRIS proportionem, plerumque ab ore licet desumere. Quibus enim os, & oculi magni sunt, iis quoque amplum est pudendum: observatumque est à me multiplici experientia, omnibus crassis, & pinguibus, mammaeque, & ventrem amplum habentibus, amplas quoque esse vulvas. Contra, quibus mammae depressæ, aut parvæ, os quoque parvum, mentumque acutum, & labia parva sunt, strictam esse, & angustiore vulvam. Quibus stricta ergo sunt genitalia, viros quidem delectant magis; at pariunt facilius quibus sunt ampla. Cæterum narrat Consalvus Oviedus in historia Indica, Vrabenses fœminas vulvam habere angustissimam, ut ægerime viros admittant, quod ipsis tamen puto arte potius, quam naturæ beneficio contingit, cum sciam duabus maxime rebus incumbere, parvis puta mammis, nec pendentibus, & angusto pudendo. Nec mirum id cuiquam videatur, cum in hisce quoque regionibus familiare id admodum sit scortis nostris, ut arte pessariisque adstringentibus, cervicem uterinam sibi reddant angustiore. Has matronæ nonnunquam etiam honestæ imitantur; cum mariti ex lupanari redeuntes, de conjugum laxis genitalibus conqueruntur, quas strictas alibi invenerint, ignaræ in quæ pericula se conjiciant, cum menstruo sanguini primum viam, deinde fœtui januam claudant, & seipsas demum in mortem præcipitent, quod sæpe cum mortuo, ob angustiam exitus, fœtu, simul ipsæ misere animam exspirare cogantur. Et hæc pericula maxime evenisse iis vidimus, quæ cum alias strictam haberent vulvam, in gratiam mariti angustior arte reddiderunt: sed miseræ, inepti & temerarii consilii infelices poenas capite tandem luerunt, & voluptatem mariti improbam, tristi amaritudine condierunt.

Pudendorum
virilium pro-
portio.

Magna men-
tula.

Parva men-
tula.

Observatio.

Pudendorum
muliebrum
proportio.
Observatio.

CAPVT XI.

*De mutua Artuum inter se proportionione.*Proportio
artuum.

ESTANT ARTVS, siue Manus, & Pedes, quæ hanc inter se *proportionem* habent, ut quibus longi sunt pedes, iis quoque brachia, siue manus sint longiores. Dextræ tamen partis artus, siue manus sint, siue pedes, sinistris semper robustiores sunt, & crassiores, quod solet contingere ob exercitia, & motum corporis, quæ magis dextra, quam sinistra parte perficiuntur. Hinc contra fit, ut iis sinistra partes crassiores sint, qui læva utuntur, & ambidextri sunt. *Præter naturam* tamen hæ partes quoque crassiores fieri possunt, ut in tumoribus: vel tenuiores, si impediatur alimenti sufficiens affluxus, ut in luxatis non restitutis sæpe contingit, maxime si ipsis adhuc pueris aut adolescentibus hoc malum eveniat. Pedes ergo & brachia in corpore proportionato æqualia sunt: hoc est, tanta est longitudo ab osse pubis, ad calcanei usque extremum, quanta ab ala usque ad medii digiti extremum apicem. At quanta pedum longitudo est, tanta quoque trunci esse solet, siue superiorum partium, ut Aristoteles loquitur, hoc est, distantia inter ossa pubis, & capitis supremum verticem. Quamobrem *crus proportionati corporis*, tres continebit pedes, cum totum corpus sex conficiat, ut superius dictum est. Si consueta mensura efferre libeat, triginta sex uncias Geometricas dicemus. Ab hac mensura qui deficient, aut excedent, breviora, aut longiora crura habebunt.

Observatio. *Notandum* autem corollarii loco hic est, observatum à me multiplici esse experientia, eos qui longos habent pedes, ut plurimum alvo esse fluentiore. Observandumque propterea id diligentius est, ut cautiores simus in præscribendis purgantibus, nec validiora talibus offeramus, quos facile in pericula conjicere possumus.

FINIS LIBRI PRIMI.



ADRI-

A D R I A N I S P I G E L I I
B R V X E L L E N S I S,
D E H V M A N I C O R P O R I S F A B R I C A :

L I B E R S E C V N D V S,

Qui Ossium historiam proponit.

• C A P V T I.

Ossis naturam, usus, & differentias explicat.



A C T E N V S externas humani corporis partes persequuti sumus, earumque appellationes, figuram, ac magnitudinem exposuimus, ut confusa primum ac communi quadam omnium partium habita cognitione; distinctiorem postea, ac definitam animo facilius comprehendamus. Cum ergo jam de iis partibus nobis agendum sit, quæ citra dissectionem in conspectum non veniunt, ut methodo progrediamur, initium ab ossibus sumendum duximus. Quemadmodum enim totius corporis, omniumque partium basis ipsa sunt, ita quoque solidæ in anatomicis eruditionis primum ac maxime

Ordinis ratio.

præcipuum fundamentum merito ab omnibus sapientibus habentur. Quod si pro aliis scientiis facilius capeffendis, locorum atque imaginum beneficio, subsidium fluxæ memoriæ quærimus; mihi certe in hoc dissectionum studio maxime enitendum videtur, ut in tanta partium varietate, aliquod auxilium eidem inveniamus. Nec vero melius meo invenietur iudicio Ossibus, quæ pro locis artificiosis, quam aptissime nobis servire queunt, cum plerasque dissecandas partes, aut annexas sibi habeant, aut certe intra sese coërceant, ut nihil promptius sit addiscere, unde incipiant, quo tendant, ubi desinant, qua figura, ac magnitudine singulæ partes sint præditæ, quam illi, qui perfectam ossium cognitionem fideliter animo suo complexus fuerit. Nam quod in tentoriis præstant pali, in ædibus parietes, id nimirum in animalibus ossium substantia est. Ad horum enim imitationem, Galeno docente, 1 de Anat. admin. 2, cætera quæque in animante effingi mutarique solent, ut si calvaria quidem rotunda sit, cerebrum quoque necessario tale fiat; & si oblonga, talem quoque figuram huic ipsi animali cerebrum induat. Iam vero si maxillæ parvæ, faciesque tota existat rotundior, necessario quoque ipsorum muscoli protinus parvi erunt: aut si longæ, longa statim ejusmodi animali tota erit facies, ejusque muscoli tales comparebunt. Quamobrem profecto non solum ad apprehendendam cæterarum partium naturam, sed etiam ad retinendam felicius, absolutam ossium doctrinam cæteris omnibus præmittere, necessarium videtur.

Ossium cognitio maxime utilis & necessaria est.

Antequam tamen ad singulorum historiam accingamur, nonnulla in genere de ossibus considerabimus, imprimis quid ipsum Os sit, quos usus præstet, & quas habeat differentias. Os ergo, Græcis ὀστέον, & contracte ὀστὴν dicitur, unde & Latini suam fortasse os.

mutuarunt vocem. Dicitur autem ὀστέον, quasi ὀστέον, ab adjuncto proprio, quod firmissima sunt ac durissima in nostro corpore substantia: vel ὀστέον, ab officio opinor, quia (ut eleganter Hippocrates noster) τῷ σώματι στέον, καὶ ὀστέον, ἢ εἰς τὸ παρῆ-

Ossis definitio.

χόναι, toti corpori stabilitatem, rectitudinem, & formam exhibent. Est autem ^a Os, si definitionem ejus quæras, pars nostri corporis simplex, omnium durissima ac siccissima, ad stabilimentum cæterarum partium creata. Dico os esse partem simplicem, intelligendo incompositam, & similem, sive, ut Aristoteles 1 histor. animal. 1 loquitur, ἀπλόγρον, ἢ ὁμοιομερῆ.

Corpus enim nostrum ex partibus constat duplicibus, quarum aliæ sunt similes ac simplices, aliæ dissimiles & compositæ. Simples vocamus, os, nervum, venam, arteriam, cartilaginem, membranam, & denique cutim, non quidem quod revera tales sint (constant enim ex materia & forma, tum ex quatuor elementis, imo vero ex fibris

Partes corporis duplices.

Similares partes rectius con-
similes dicuntur.

Ufus ossium.
Primarius, &
maxime generalis.

Particulares.

1.

2.

3.

Differentia
ossium.

A tempera-
mento.

& propria substantia invicem intertextis) sed quia simplices ad sensum apparent, neque in alias ita facile dividi possunt, quemadmodum quæ dissimilares vocantur. Quamcunque enim in simplicibus partem divellas, eandem semper invenies cum reliquis, ut quæcunque frustula ossis, & sint, & dici ossa possint, omnes item nervi cuiusvis particulæ, nervi merito cognominentur. Hæc causa est, cur ab Anatomicis similes partes appellatæ fuerint, quamquam mea opinione, rectius fortassis consimiles dicerentur, si Græcæ vocis ὁμοιομερῆς proprietatem tueri velis, quæ partem sibi similem significat. Nam si accuratius rem omnem lustremus, simile profecto à simili plurimum differt, tantum puta, quantum denominativum quodcunque à re unde denominationem hausit. Sic differt angulus ab angulari, annulus ab annulari. Dicitur etiam Os simplex à nobis, ne erremus ob æquivocationem vocis ossis, intelligentes simul ea, quæ ossibus jungi solent, ut cartilagines sunt, & ligamenta, ac periostium, quo pacto Medici communiter sumunt, cum inquirunt, ossa ex suo loco excidisse. Os ergo à nobis definitur, quod simplex est substantia, & ab aliis omnibus libera, ac nuda. hanc dicimus esse *durissimam ac siccissimam*, ad differentiam earum partium simplicium, quæ in nostro corpore reperiuntur, & duræ sunt ac siccæ, sed non æque duræ ac ossa, quæ omnium sunt durissima. Cæterum cum cartilagines quoque nonnunquam duræ admodum fiant, imo temporis progressu etiam in ossa degenerent, propterea in definitione, usum finemque ossium addidimus, qua ipsa à cæteris similaribus partibus quam maxime separantur, dicentes, *ossa stabilimentum, ac fundamentum omnibus partibus largiri*. Hic enim ossium usus *primarius* est, maximeque generalis, quem & propterea Galenus sæpe inculcat, sed imprimis 1 de anat. Admin. 1, quem locum modo in medium adduximus. Non tamen hic usus ita universalis est, atque communis omnibus, quin multa in corpore reperiantur ossa, quibus hæc sustinendi corpus provincia minime competere videatur, cum nec dentes, nec jugale os quicquam sustineant, sed illi potius cibis incidendis, hoc temporali musculo muniendo sit præfectum. Quamobrem præter generalem hunc usum, alii quoque erunt, iique *particulares*, quorum & mentionem diversis in locis idem Galenus injicit. Ac *primus* quidem est, ut sint firmamenti loco ac tutelæ subjectis partibus, quo pacto cranium cerebro inservit, os jugale temporali musculo; costæ, partibus vitali facultati destinatis; vertebræ, spinali medullæ. *Alter* usus est, adjuvare melioremve reddere actionem alicujus organi. sic patella in genu ambulationem, ossa sesamoidea in digitis manuum apprehensionem perficiunt, dum scilicet hos articulos firmant, ne in motu extra suam sedem labantur. *Tertius* est apprehensio, quem usum præstant dentes, tum qui cibum incidunt, ut incisorii; tum qui frangunt, velut canini; aut comminuunt, tanquam molares. Est autem maxima ossium differentia inter se, quas ut omnes investigemus, ea quæ singulis partibus compositionem quandam habentibus accidere solent, ordine intueamur. Primoque *Temperamentum* ipsum, quod etsi omnibus ossibus citra discrimen frigidum, & siccum contigit, unde omnia quoque dura sunt, ac firma: alia tamen aliis multo sunt sicciora durioraque, nec tantum ratione ætatis, sed & sexus, & morborum, & ossium denique inter se in homine adulto. Ratione enim *ætatis*, puerorum ossa mollia admodum & humida sunt, si conferas cum ossibus senioris: quin imo pleraque cartilagines potius, aut membranæ, quam ossa vera videri queunt, donec progressu tandem ætatis solidiora & sicciora, ab interno calore indurata, fiant. Signo esse possunt primum in lucem editi infantes, qui hac de causa pedibus insistere nequeunt, sed vacillant. Hoc monstrabit idem lallans, nequiesque proferre articulata verba eorundem lingua, donec hyoidis os, quod basis instar, linguæ & musculis ejus substernitur, siccatum firmitusque redditum fuerit. Siccissima è diverso sunt ossa decrepitorum, in quibus cartilagines quoque in ossium naturam perquam multæ sæpe degenerant. *Virorum* quoque ossa duriora esse fœminarum ossibus summus naturæ genius Aristoteles, 2 de part. animal. 9, prodidit. In *calidis* autem morbis, ardentibusque febribus, sic exsiccari ut fere lapidescant, experientia demonstrat. Sed enim, & in homine adulto si invicem conferantur, durissima quædam invenientur esse; ut ossa temporum petrosa, quæ à nimia duritie petris simili cognomentum acceperunt; & tria auditus officula, os item fœmoris, tibiæ, humeri, cubiti & radii: quædam contra molliora, ut ossa digitorum: quædam respective molliissima, cujusmodi

cujusmodi sunt vertebræ, ossa carpi, tarfi, & denique omnes epiphyfes. Nonnulla extrinsecus obducuntur durissima crusta, intus vero mollem laxamque substantiam coërcent, quemadmodum cranium duplici lamina investitum: plurima contra simplicem tantum habent substantiam, ut os fœmoris, aliaque duriora. Ratione *figuræ*, o. ὅτι ἡ φύσις αὐτῶν
ἴση ἐστὶν ὡς ἀπὸ τῆς
κατὰ φύσιν ἰσότητος A figuræ. magna est differentia ossium. Alia enim triangulum referunt, ut scapulæ ossa: alia quadrangulum, ut duo ossa syncipitis: nonnulla pentagonum, ut os occipitis. Cubi formam refert, os cyboides: naviculæ, os naviculare dictum: clavis antiquæ, ossa claviculæ. Stapedis, mallei, & incudis, tria auditui inservientia ossicula, quibus & propterea hæc nomina imposita. Sunt & alia, quæ quod sesamæ semen referant, sesamoidea sunt appellata. Fibula quoque denominationem accepit ab acu fibulæ rectæ antiquorum, quam repræsentat tibiæ junctæ. Reperiuntur etiam ossa quæ curva sunt, ut costarum ossa: item quæ v Græcorum referunt, ut os illud quod linguæ radici præfigitur, proptereaque ὑψιλαοειδὲς dictum. Nonnulla multarum figurarum sunt, ut os quod communiter cuneiforme à situ inter alia ossa, sed πλὺμοειδὲς multiforme, à figurarum multitudine, quas habet, nuncupatur. Multa quoque sunt ossa, quæ figura carent, qualem quidem recensere liceat inter Geometricas, aut aliarum rerum formas: figuram tamen habent propriam, ut os fœmoris, humeri, cubiti, quia habent figuram quæ soli fœmori, humero, aut cubito competit, non alteri ossi. Nec tamen figura in toto osse semper spectatur, sed etiam in partibus, unde factum est, ut sæpe à partis figura totum os nomen mutuarit, quemadmodum secunda vertebra ab Hippocrate *dens* dicta, quia processum habet, qui denti quoquo pacto assimilari queat. Sic processus, sinus, & cervices quædam sua nomina habent. Processus enim qui stylum refert, στυλοειδὲς, qui acui similis, βελονοειδὲς, dicitur. Illi qui sub auditorio meatu sunt, à similitudine quam habent cum mammillis *μαστοειδὲς*, mamillares dicuntur. Processus ossis cuneiformis, quod vespertilionum alis assimilentur, *περικοειδὲς*, aliformes nominantur. Ratione *meatuum* etiam ossium multiplex differentia nascitur. Quædam enim insignem cavitatem habent medulla plenam, ut os fœmoris, tibiæ, humeri: quædam vero sinus tantum quosdam, cavernulasque obtinent, spongiæ aut pumicis instar, A meatibus. cujusmodi sunt in majorum quidem numero, os sacrum, corpora vertebrarum, sternum, talus, os calcis, & denique ossa verticis, quæ inter duas laminas substantiam spongiformem continent; inter minores vero, ossa carpi, & tarfi. Nullum enim os, quod parvum est, inquit Galenus 11 de us. part. 18, medulla præditum est, nec ullam habet effatu dignam cavitatem, sed quasdam tantum cavernulas exiles, & angustas, idque in eum finem sic institutum est, ne si parva ossa ampliter cava forent, debilitate animali noceant; si magna, solida gravitate sua incommodent. Nonnulla habent foramina quædam, eaque vel magna, ut os occipitis, ubi spinalis transit medulla, & vertebræ, item ossa pubis, quæ insignia foramina habent: vel parva, uti capitis pleraque ossa, in primis quod cribriforme dictum, ob copiam foraminum quibus cribrum exprimit: alia contra foraminibus carent. Si *superficiem* consideremus, alia ossa A superficie. lævia sunt, ut os frontis, & duo verticis; alia aspera, ut fœmoris, humeri, os occipitii, quæ asperitates à Natura sunt conditæ, vel ob muscutorum firmiorem exortum, & insertionem, vel eorundem tutiorem progressum. In *magnitudine* quoque notatu dignum reperitur discrimen. Sunt enim quædam ossa maxima, ut os fœmoris, quod omnium in corpore maximum est, deinde tibiæ os, & humeri: quædam sunt mediocria, ut ossa radii, & cubiti: quædam parva, ut digitorum, carpi, tarsique ossa: nonnulla minima, ut quæ sesamoidea appellantur, & tria ossicula auditus. Sunt quoque alia longa admodum, at gracilia, cujusmodi est fibula, & costæ: quædam contra lata atque ampla, ut ossa innominata dicta, & sacrum, scapularum quoque ossa triangula, frontis, syncipitis, & occipitii: quædam vero sunt crassa, ut astragalus, & calcis. Ratione *numeri*, tot sunt ossa, quot commode partium muneribus satisfaciendo A magnitudine. erant, adeoque nec plura, nec pauciora. Quamvis profecto Natura benignissima unicum potius os, quam plura extruxisset, quod unitas continuasque plurimum ad partium robur momenti adferat, sed motus corporis impedit, qui multitudinem exposcit. Quo nomine ipsa quoque cum plura pro uno in aliqua parte constituit, summa semper providentia cavit, ne temere quicquam crearet, sed vel ad motum illius par-
tis com-

tis commodum, vel ad tutum vasorum transitum respiceret. Huc pertinere videtur, quod quarundam partium ossa in prima generatione plura sunt, quæ postea in unum os ætate crescente coalescunt. Sic maxillæ inferioris ossa duo sunt in infante, tempore procedente in unum abeunt. Occipitis tria sunt ossa, nonnunquam plura, quæ postea unum efficiunt. Sic sternum in senibus ex uno osse constat, in adultis ex tribus, in pueris qui pubertatē nondum egressi ex quatuor, in modo natis ex octo. Ex his autem ossibus, quædam cito coeunt, quemadmodum sunt occipitis, & maxillæ inferioris, quæ in primo septennio coalescunt; alia tardius, ut ossa capitis, quæ non nisi in ultimo senio uniuntur, primumque fere obliteratur sagittalis futura, hinc lambdoides, post hanc coronalis, extremum denique squammosæ, quæ temporum ossa cranio jungunt. Senibus enim diuturnitate, & siccitate non secus atque appendices futuræ sic abolentur & connascuntur, ut vix vestigium aliquod remaneat: postremæ tamen semper sunt temporales, nec unquam observatæ fuerunt obliterated reliquis remanentibus.

A situ. In situ quoque ossa admodum variant: sed cum situs, & sedem ossis, & connexionem ejusdem cum altero indicet, Natura quidem provida, *sedem* cuique eam largita est, quam exposcebat, ut instituto muneri promptius satisfaceret. Alia ergo ossa sunt superiora, alia inferiora, alia antica, alia postica. *Nexus* vero diversus est valde, prout inservire debebat motui evidentiori aut obscuro, vel etiam robur & stabilitatem partibus communicare. Ratione *sensus* nonnulla, sed oppido quam levis occurrit differentia. Soli enim dentes tactu præditi, reliqua sensu destituta videntur, si quidem os citra periostrum consideres, à quo mutuare sensum ossa consueverunt. Quanquam profecto nec ipsi etiam dentes per se sensum habeant, sed eum potius acceptum referant membranæ, quæ internam dentium concavitatem succingit. Ut enim cætera ossa omnia foris membranam quandam obtinent qua vestiuntur, quæ propterea *περίοστρον* dicta est, ita dentes intrinsecus undique tenui quadam pellicula, quæ tactum exquisitissimum ipsis largitur, circumvolvuntur. Tandem *ratione temporis suæ generationis* ossa differunt. Sunt enim quædam quæ una in utero cum homine generantur, quemadmodum ossa capitis, fœmoris, tibiæ, cubiti, radii, & pleraque alia: quædam edito in lucem fœtu nascuntur, cujusmodi sunt ossa carpi, & pedii omnia. Dentes quoque jam nato accedunt, ex quibus quidam celerius, quidam tardius prodeunt, nonnulli etiam in senio, ut sunt illi, quos *σοφιστην* sapientiæ dentes Hippocrates vocavit, quod tum demum homini erumpant, cum jam sapientiæ ætatem attigerit. Ex iis etiam quæ in utero prodeunt, nonnulla perfecta absolutaque in lucem veniunt, ut tria officula auditui inservientia, cætera omnia imperfecta nascuntur, quod vel processus ipsis, vel sinus, aut aliquid aliud desit.

C A P V T I I.

De partibus ossium, ubi nomina, quorum frequens in ossium historia mentio fit, simul explicantur.



AMETSI ossa, ut supra jam à nobis determinatum est, simplices sint partes, nec propriam propterea figuram requirant, ut quæ organicis duntaxat competit: ob usum tamen, quem vel ad motum corporis, vel ad fulcimentum molliorum membrorum conferunt, diversas partes, formamque peculiarem acceperunt. Nisi enim certa ossium inter se fieret articulatio & commissura, profecto motus omnis animalis necessario periret: neque si nullibi aut protuberarent, aut in se subsiderent, quidquam aut nasci ex ipsis, aut inseri iisdem potuisset. Quamobrem provida Parens sic ossa condidit, ut modo collium ritu extuberarent, modo vallium instar rursus subsiderent. Cæterum cum protuberantiæ ejusmodi aut cavitates variæ sint, ac propterea diversas fortitæ fuerint appellationes, in præsentiarum de ipsis agendum duximus, ut ossium quæ sequetur dehinc particularis historia, in qua sæpissime earum mentio nobis facienda est, ab illis tenebris, quæ ignoratis his vocabulis affundi solent, libera præstetur. Ossa autem in quibus eminentiæ hæ aut cavitates reperiuntur, non unius semper sunt generis, sed quædam partes ossis præcipuæ, quædam vero partes tantum adnatæ.

Voco

Voco nunc *partem præcipuam*, quæ os est à Natura primario constructum, durissimum-
que adeo, & in medio adnatarum partium consistit: *Adnatam* vero illam, quam Natu-
ra ossi primario, quasi ipsa sui oblita, os brevius factum, necessario elonget, adjunxit.
Illa, vulgo communi appellatione Os dicitur; hæc apud Græcos propriam accepit de-
nominationem, & *Ἐπίφυσις* vocatur; Latini autem cum multa habeant nomina, quibus
exprimant, rectissime ab elegantioribus *Appendix* vocatur, quo pacto & nos semper in
sequentibus appellabimus. Horum naturam qui velit intelligere, vituli, agni, alte-
riusve junioris animalis os grandiusculum, puta fœmur, aut humerum, à carnibus libe-
rum, (prius tamen bene coctum,) duriore contractet manu, protinusque partem ossis,
quæ appendix est, discedere experietur. Sunt autem epiphyfes ossa quidem ut cætera,
minus tamen quam præcipua, duræ, propterea quod ita solidam substantiam nactæ
non sint, sed potius cavernulis plurimis, spongiæ pumicisve in modum intus plenæ.
Accedit quod nec cavitatem, ut cætera tam amplam acceperint, quin potius cavitatem
reliqui & præcipui ossis medulla plenam, obstruant, ut Galenus idcirco non sit veri-
tus scribere, appendices omnes opercula esse ossium medullam continentium. Pro-
vectioribus tamen calore aucto, & accedente motu ita indurantur, ut parum à reliquo
osse differant. At enim Natura in efformandis his appendicibus, mea quidem senten-
tia, singulare suæ providentiæ exemplum reliquit. Nam cum ossa integra, ex prima-
rio, adeoque duro, sicco, & solido osse, constare haudquaquam possent, quod ani-
mali fuissent ponderi, sicque motum, cui destinata erant, impediissent potius, quam
eidem aliquid tulissent adjumenti: neque tamen ex ejusmodi quoque molli & rariore,
quales sunt epiphyfes, quod tum muneri suo minime satisfecissent, & singulis momen-
tis fracturis opportuna periculis hanc mortalium vitam cumulassent: Natura soler-
tissima ingeniosum commenta est inventum, & mediam quidem ossis partem, duram
solidamque, extremas vero molliores rarioreque fabricata est. Hac ratione provida
prudensque Parens, quod imminebat grave discrimen facillimo negotio avertit,
cum ita comparatum sit, (quemadmodum vel in scipione, cui quis innititur, id videre
est) ut semper in medio rupturæ periculum fiat maximum. Quare ut hoc evitaretur,
aut medium durius, aut crassius faciendum erat. Sed crassius cum commode non pos-
set, ingeniose durius effecit. Omnibus ergo grandioribus ossibus epiphyfes affixit,
nec tamen hoc solo nomine: sed etiam ut gratia articulationis molliores ossium extre-
mitates fierent, & muscoli, qui (ut carnei) molles sunt, tutius ab iis originem ducerent,
inque eas infererentur. Quin nec opportuna articulatio tam duras ferebat partes, cum
durum duro junctum in motu facillime atteratur: neque durum molli tuto conjungi-
tur, cum hoc facile vincatur. Et hæc causa est, cur præter magna ossa, minora quo-
que suas habeant epiphyfes. Ossibus ergo omnibus, quæ articulari inter se ad motum
evidentem debebant, epiphyfes adnatæ sunt: non tamen lævi, planaue superficie,
cum facile sic divellerentur, sed quibusdam asperitatibus cum ossis alterius sinibus
commixtis. quæ sane unio in tenera ætate, junioribusque, admodum infirma est, pro-
ptereaque citra coctionem, aut putredinem, facillime ab ossibus separabilis. Ossa
autem, sive appendices sint, & epiphyfes, sive ossa primaria præcipuaque, superficiem
habebunt, aut æqualem ubique, & nullibi asperam: vel inæqualem, & alicubi protu-
berantem, alicubi cavam, & exsculptam, sinuosamque. *Protuberantia ossis*, Græcis
ἀπέφυσις dicitur, Latinis *Processus*, estque ea ossis pars, quæ ex ipso extra superficiem
eminet, ac quasi protuberat. Tales processus in singulis fere ossibus reperiuntur, præ-
cipue tamen in ^a vertebra, cum nulla sit, quæ non pluribus donetur; & in ^b maxilla in-
feriore, quæ utrinque duos insignes processus obtinet. *Sinus* autem est insculpta quæ-
dam ossi cavitas, qualis est in ^c Coxendicis osse, in ^d scapula, aliisque insignis. Vter-
que autem processus, & sinus multiplex est: sed imprimis processus, cum alius acutus
sit & tenuis, alius vero rotundus, & sphaericus. *Acutus*, Græcis *τεράχηλον*, & *ἀνώχλον*, Col-
lum, & *Cervix* dicitur, estque protuberantia quædam acuta, & longiuscula. Differt
tamen collum, quod aliud quidem simpliciter acutum sit, & à latiore basi in angustio-
rem verticem abeat, *κράνιον* dictum à Græcis, à Latinis *cervix* aut *processus acutus*, cu-
jus quoque plures sunt species, prout vel *stylum* refert, & dicitur ^e *στυλοειδής* aut *γροφιοειδής*:
vel *mammæ*, ^f *μαστοειδής*; vel *anchoræ*, ^g *ἀγκυροειδής*; vel *rostrum corvini*, *κροταειδής*: Aliud
collum,

Appendix.

Vfus appendi-
cum.

1.

ἀπέφυσις δ
Processus.

Sinus.

Processus acutus,
τεράχηλον, Cervix.

κράνιον.

D

collum,

1, 2. 8. G.
H. I. K.
2, 2. 7.
fig. 2. 3. 4.
A. B.
2, 2. 9. fig.
5. 6. 7. a.
1, 2. 7. 13.
A. B.1, 2. 3. 2. O.
N.
1, 2. 7. 13.
N. O. P.

κεφαλή.
Caput.

κόνδυλος.

Sinus.

κεφάλη.
Acetabulum.

γλήνη.

ἴπυες.
ἄφρες.
χείλη.

c

collum, sive cervix ubi acutum aliquantisper mansit, in latam extremitatem definit, quæ vel caput constituit articuli, ut ^a cervix fœmoris, qui ossi coxendicis articulatur; ^a, 2. 10. 1. A. vel sinum, quemadmodum ^b scapulæ cervix. At processus qui rotundo eminent tubere, *Capita* vocantur, κεφαλή, & κεφάλαια, suntque processus, qui alterius ossis cavum articulationis gratia ingrediuntur. Hæc capita, aut oblonga sunt, & prominentia, ut est ^c fœmoris caput; vel depressa, ut ^d digitorum capita. Illa à Græcis κεφάλαια, nomine generis: hæc κόνδυλοι dicuntur. Sic enim Galenus has voces accepisse videtur, cum ^e de motu musculorum, κεφαλῶν cum κήρυξη, κόνδυλον autem cum γλήνῃ & sinu confert. Latini non habent proprias voces, quibus has Græcorum exprimant. *Sinus* autem cavitas est caput excipiens; & cum caput duplex sit, (ut dictum,) sinus quoque bifariam commode dividitur. Altior enim profundiorque, qui κεφαλῶν, seu caput eminentius suscipit, κήρυξη, Latinis *Acetabulum* dicitur, qualis est, cujus jam sæpe mentionem injecimus, coxendicis sinus, qui fœmoris caput excipit. Depressior vero ac superficialius, qui capiti respondet depressiori, sive κόνδυλῳ, γλήνῃ ab ocularis sinus forma, quæ palpebris clausis apparet, cognominatur. Tales invenire licet in ossibus tarfi, ubi pedii ossibus junguntur, quemadmodum & in carpi ossibus, ubi postbrachiali copulantur. Quamobrem κήρυξη, sinus erit insignis admodum & conspicuus: γλήνῃ autem adeo obscurus, ut ambiguum merito videatur, si vere sinuum numero debeat ascribi. Cæterum in summitate sinuum processus quidam occurrunt, labiorum instar, qui in profundis maxime sunt conspicui, & Græcis ἴπυες, ἄφρες, & χείλη, Latinis *Labra*, & *Supercilia* appellantur. Atque hæc sunt illa vocabula, quibus ossium partes ab Authoribus inscribuntur, quæ tanto diligentius memoria mandanda sunt propterea, quod particularis ossium historia, his non optime prius intellectis, necessario obscura atque difficilis valde videatur.

C A P V T I I I.

De ossium inter se structura ac connexu.

Articulus.

Ipsius ambi-
guitas.

1.

2.

3.

4.

5.

A T V R A solers omnium parens, Hominem sapientiæ studio, & earum rerum, quas toto mundi complexu coërcuit, contemplationi addixit. Quare non ex uno osse continue fabricari debuit, ne Homo omnium dominator, immobilis trunci instar, in uno perpetuo loco affirmatus hæreret, sicque varietatem tantarum rerum ubique diffusam ex oculis conspectuque amitteret. Plura ergo fecit ossa, ex quibus constaret, & ut commode invicem moverentur, non temere, sed ut cætera omnia, divino artificio, singularique solertia, inter se copulavit. Hujusmodi *ossium compagem*, Græci σκελετόν vocant, quasi resiccatum aridumque (intellige σῶμα,) ὑπὸ τῷ σκέλει, quod ¹ ficcare significat: cæterum mutuam illam connexionem ἄρθρον sive *Articulum*, quemadmodum Hippocrates libro de locis in homine indicavit, dum ὅσα γὰρ, inquit, ἐστὶν αὐτὰ συμβάλλουσιν, πάντα ἄρθρα πύξουσιν, hoc est, quæcunque ossa invicem committuntur, ea omnia articulos efficiunt. Quamquam id vocabuli ambiguitate non careat maxima, quam explicare nunc decrevimus, quod plurimam lucem in authorum lectione studiosis adferre possit. Significatione enim *generali*, ἄρθρον appellant Græci, extremitatem ossium inter se connexorum, sive caput sit, sive sinus, quemadmodum in diarthrosi: sive etiam asperum aliquid, ut in suturis. *Magis stricte*, pro capite tantum sumitur, ut testis est Galenus, in proœmio libr. de oss. ad Tyrones, cum inquit, Hippocratem extremam partem alterius ossium sibi invicem cohærentium, ἄρθρον vocare, non tamen quamvis, sed quæ orbiculata est, & in cavum proxime inseritur. Hoc pacto in libr. de articulis ab initio scribitur; Humeri articulum uno modo prolabi, in alam videlicet, novi. *Sæpe* pro ipsa conjunctione ossium, ut dixi, accipitur, quomodo & Galenus in proœmio dicti libri de ossibus ad Tyrones, definit, naturalem esse ossium σύνταξιν, & constructionem. Interdum tamen *pressiore significatione*, non quamlibet, sed eam tantum notat, quæ motus edit manifestos. Sic Hippocrati, libr. de arte, ἄρθρα vocantur, ἐν οἷσιν αἱ συμβόλαι τῶν κινητῶν ὀστέων ἐγκυκλίονται, in quibus ossium, quæ moventur, commissuræ vertuntur. *A medicis* etiam locus circa articulos ossium, ἄρθρον vocatur, ut cum vocant ἄρθρων ἀλγύματα, dolores articularum, qui tamen non in ipsis articulis sunt,

culis sunt, sed potius in partibus articulos circumstantibus, puta in tendinibus, car-
nibus, nervis, & membranis. hincque Arthritis nomen accepit, & arthritici dolores.
Cæterum ut omnes ossium compositiones in medium afferamus, (iplas potius ex stru-
cturæ varietate, quam ab usu, & motu evidentiore, ut plerique Anatomici petentes) Compositio
ossium du-
plex.
alias dicimus continuas esse, alias contiguas. Græci dicunt alias κατὰ σύμφυσιν, per coalescen-
tiam fieri, alias κατ' ἄρθρον, per articulationem. In quibusdam enim ossium nexibus ita jun-
guntur invicem, ut prorsus sensum eorum compositio effugiat, & potius unum os
continuum, quam duo, videatur, quemadmodum in structura eorum, quæ κατὰ σύμ-
φυσιν dicuntur juncta esse: in quibusdam laxiore modo committuntur, & duo sepa-
rata ossa remanent, seque invicem contingunt tantum, ut sic facile evidens structura
conspectui se offerat. κατὰ σύμφυσιν ergo copulari dicuntur ossa duo, quæ continua sunt, I.
κατὰ σύμφυ-
σιν. & ita inter se nexa, ut in unum coalescant ac ita connascantur, ut sine alterius partis
ruptura, separari à se invicem non queant. Quemadmodum autem duplex est unio; I
prima, quæ per se fieri dicitur, cum duæ partes divisæ nullo intercedente medio coeunt,
quemadmodum vulnera quæ per primam intentionem curari dicuntur: altera, quæ 2
per accidens, interveniente aliquo heterogeneo, quemadmodum illa, quæ per se-
cundam intentionem consolidantur, ubi aut per carnem, aut cicatricem labia vulne-
ris inter se junguntur: eodem modo etiam ossa inter se, modo nullo interveniente me-
dio coalescunt, quæ vera & legitima, modo aliquo medio intercedente, quæ minus
propria symphysis vocatur. Priorem illam speciem observare tibi licet in maxilla infe-
riore, quæ ex duobus ossibus per σωχόνδρῳσιν junctis, in unicum os degenerat, cartila-
gine illa, quæ utrumque intervenit, ita ossescente, ut ne vestigium quidem ejus
postea relinquatur. Cum ergo in prima hominis nativitate, ossa duo maxillæ per os.
σύμφυσιν improprie dictam juncta fuerint, per legitimam deinde copulantur, ubi car-
tilago abolita fuerit. Sic ergo in ossibus fœtus ex utero egressi, innumeras cernere li-
cebit appendices, per σωχόνδρῳσιν, & σωδάρῳσιν unitas, quæ postea vinculo intermedio δ
evanescente, ac in osseam naturam abeunte, primaria symphyseos specie cæteris ag-
glutinantur. Sic vertebræ quoque singulæ, ex tribus ossiculis infantibus constant,
cartilagine sibi junctis, quæ paulo post in unum continuumque os facessunt. Sic ossa
innominata, sic sternum se habet. Sed advertenda hic diligenter causa est, quam huic
diversitati symphyseos Galenus libr. de ossibus, assignavit. Molliæ enim, inquit, &
spongiosa ossa facile coalescunt, & ita connascuntur, ut unum evadant: at quæ dura
sunt, & solida, ac densa, quo coeant, medio aliquo indigent. Quæ enim multum
natura à se invicem distant, ut durum, & molle, ea uniri, nisi per medium, non
possunt. Molle quidem cum molli facile connascitur: at durum cum duro coire, nisi
quid interveniat, quod utrumque liget, non potest. Quare quæ sicciora, & densio-
ra sunt ossa, alterius inventu coalescunt. Sed cum medium illud triplex sit, carti-
lago nempe, nervus, & caro, tres quoque vulgo symphyseos species ponuntur, σωχόν-
δρῳσις, σωδάρῳσις, & σωσάρῳσις. Ego tamen relinquens σωδάρῳσιν, quod nullum os alteri per
nervum proprie dictum jungatur, alias duas species pono, quas propriis magis voca-
bulis insignio, σωδέσῳσιν, & σωλένῳσιν. cum ipsi etiam Veteres, per σωδάρῳσιν, ligamen-
tum, & tendinem intellexerint: impropriis tamen potius, quam certis, & definitis
vocibus uti in hoc negotio voluerint. His addo postea aliam quoque differentiam, de
qua ante me nullus verba adhuc fecit, σωλήνῳσιν: adeo ut pro ratione medii quintuplicis, Quinque
species sym-
physeos quæ
medium ha-
bet. V.
quinque etiam species constituam, σωχόνδρῳσιν inquam, σωσάρῳσιν, σωδέσῳσιν, σωλένῳσιν,
& σωλήνῳσιν. Est autem σωχόνδρῳσις unio ossis continua, facta intercedente cartilagine,
& utrumque os colligante. Sic ossa inferioris maxillæ in pueris, sic pubis ossa in adultis
junguntur. In medio enim pectine, cartilago est, quæ utrumque os unit, & disse-
canti per longitudinem pubis ossa, evidentissime apparet. σωσάρῳσις, sive concarnatio,
ea unio est, quæ fit per carnem. Hoc pacto generatim loquendo, omnes articuli mu-
sculis obducti committuntur. Cum enim ab uno plerumque osse originem trahentes,
alteri inserantur, ligamenti cujusdam vicem subire creduntur, quo utrumque copule-
tur, & nectatur. Dicitur hæc unio σωσάρῳσις, quia muscoli, quorum ope fit, à plerisque
Veteribus, ut Hippocr. lib. de artic. & potissimum Aristot. carnis nomine appellantur.
Vnde & de musculis loquens, 2 de part. animal. 9, (quos tamen nunquam hac voce
expressit)

expressit) Caro, inquit, circa ossa consistit, vinculis fibrarum modo tenuibus adhærens, cuius causa ossium genus habetur. *συνδέσµωσις* est, cum ligamento accedente fit nexus. Hoc autem, modo latum est, & totum articulum involvit, ab uno osse enascens, & alteri implantatum, quale fere articulos omnes conjungit, utque illud est, quod os fœmoris cum coxendice, os humeri cum scapula ligat: modo rotundum, & teres, validissimum tendinem referens, & tantum maximis ossibus, & quæ facile excidere possent ex suo sinu, appositum, ut utrique fœmoris capiti, tum illi, quod superius coxendicis cavitati præponitur, tum illi duplici, quod tibiæ jungitur. Nonnulla ergo ossa duplici *συνδέσµωσι* uniuntur, ut fœmoris articuli, qui rotundum & teres ligamentum habent: nonnulla tantum simplici, ut digiti. *συνένωσιν* vocant illam unionis speciem, quæ per tendinem fit. Sic patella fœmori, & tibiæ; sic ossicula sesamoidea appellata, digitorum ossibus nectuntur, quod tendo hæc intercipientis ad ossa alligat. Ultima tandem species est *συνύµνωσις*, quæ fit ope membranæ, qua ratione in recens natis ossa syncipitis cum osse frontis junguntur.

II.
κατ' ἄρθρον.

κατ' ἄρθρον, sive per articulum componuntur, quæ contigua sunt, cumque vel laxa sit, vel stricta hæc compositio, & laxa iterum, vel motum habeat evidentem, vel motu evidenti, aut etiam omni careat, hinc sequitur, tres alias oriri differentias, quarum illa, quæ stricta est & compacta, *συνάρθρωσις*, Coarticulatio dicitur; altera, quæ laxa, & conspicuum motum partibus largitur, *διαρθρωσις*, sive Perarticulatio vocatur; tertia, quæ laxa quidem, sed motum, aut nullum, aut certe non evidentem habet, *ἑδείρεα* Neutra, cum Galeno de ossibus ad Tyrones, cap. 13, vocari potest, quia ratione compositionis *διαρθρώσεσσι* est similis; cæterum propter impeditum motum *συναρθρώσεσσι*. Hæc fortassis *διαρθρώσεσσι* spuria, si cui nomina libeat fingere, non incommode appellabitur. *διαρθρώσεσσι* ergo tres species sunt, *ἐνάρθρωσις*, *ὑπερθρωδία*, & *γίγγλυμος*. *Enarthrosis* est, qua cavitas profunda rotundum & eminens caput excipit: sive, ut propriis vocabulis utar, qua *κεφάλῃ κεφαλαίων* suscipit, qualis articulatio est ossis fœmoris cum Ischio. *Arthrodia*, qua caput depressum, cum sinu leviter cavo jungitur, ut est articulatio capitis cum prima vertebra, radii cum humero, & digitorum inter se. In qua articulatione maxima sane latitudo conspicitur, quæ in majori minorique capitis rotunditate, aut sinus profunditate sita est. *Ginglymus* tandem est, quando os idem est, quod excipit, & quod excipitur, fitque cum unius ossis gibba, alterius cava subeunt: & rursus unius ossis sinus, alterius gibba admittunt, non secus ac ostiorum fenestrarumque cardines, qui Græcis *γίγγλυμοι* dicti, huic tertiæ articuli speciei nomen invenere. hac ratione cubitus cum humero, & vertebræ inter se copulantur. Cæterum hæc vocabula *ἐναρθρώσεσσι*, *ὑπερθρωδίας*, & *γίγγλυμος* etsi priscis illis, & antiquis Anatomix Patribus in usu non fuerint, neque cognita satis, non dubitavit tamen Galenus ad usum primus, doctrinæ gratia revocare, cum in quavis methodo aut disciplina, in qua inopia verborum obscuritati occasionem parit, vocabula pro arbitrio cujuscvis fingere liceat, dummodo proposito convenient, & recto judicio inveniantur. Neutrius species similiter tres sunt, iisdemque appellationibus donatæ. Prima est *Enarthrosis*, quæ rotundum caput, & sinum profundum obtinet, motu tamen caret, qualis est ossis tali cum naviculari. Altera *Arthrodia*, quæ caput depressum, & sinum superficialiter cavum habet, quemadmodum ossa pedii cum tarso, & tarso ossa inter se. Tertia *Ginglymus*, in quo ossis unius cavum alterius gibbum, aut contra, suscipit. Hac articulationis specie, ossicula auditui inservientia conjuncta sunt, quæ etsi mutuo se excipiant, motum tamen evidentem nullum habent. *Synarthrosis* quoque tripartita est, & in *ῥαφήν*, *ἁρµωνίαν*, & *ῥύμφωσιν* dividitur. *ῥαφή* seu *Sutura*, est compositio quædam, ad rerum consutarum, vel compactarum similitudinem facta. Consutis similes sunt futuræ vulgo dictæ nobiliores, & propriæ, coronalis, inquam, sagittalis, & lambdoides, quæ ossa frontis, verticis, & occipitii jungunt: Compactis vero assimilantur, futuræ temporum, squamosæ appellatæ. Sciendum tamen, ne æquivocatione quis hic decipiatur, apud Authores etiam melioris notæ, futuram aliquando pro altera synarthroseos specie, quæ Harmonia dicitur, accipi, ut cum multas capitis Harmonias futuras appellant. Est autem *Harmonia* compositio, in qua ossa quæ se invicem contingunt, usque adeo sibi æqualiter incumbunt, ut neutrum in alterum aliquid asperitatis immittat, sed prorsus æquilinea sint, ad quem modum maxillæ superioris,

rioris, & nasi ossa pleraque junguntur, os sphæroides, cribrosum, & cætera. Raro tamen exquisita harmonia reperitur, sed semper fere ossa extremitatibus suis aliquid aspredinis habent. quæ causa est, ut harmonia inter suturas quoque relata sit à peritioribus, & veluti improprie dicta futura constituta. *Gomphosis*, tertia synarthroseos species, *ὀστέων ἁμωσις*, id est, clavo, denominationem habet. In hac os ossi clavi ritu infigitur, quomodo dentes maxillarum præsepiolis impinguntur, qui ut omnes, ita soli in universo sceleto hanc articulandi rationem observant. Atque hi quidem modi sunt, quibus inter se ossium compositiones fiunt: cæterum cum illa articulatio omnium sit nobilissima, quæ motui inservit, Natura quoque perfectiorem eam cæteris condidit, magisque compositam. Præter enim ossa, quæ ad eam constituendam concurrunt, alia quoque accedunt, cujusmodi sunt, ligamenta, & humor quidam unctuosus, crassus, albus, ac pituitosus. *Ligamentum*, Græcis *συνδεσµός* dicitur, quod colligat copuletque inter se ossa articulum facientia, estque bipartitum, cum modo latum sit, modo rotundum ac teres, quemadmodum tum antea dictum est, tum libro sequenti fufius dicetur. *Humor* albicans, tenax, ac glutinosus, in spatio quo ossium extremitates sibi articulantur, continetur, vulgoque articulorum humor dicitur. Variat quantitas ejus pro articuli magnitudine, cum majores plus, quam minores contineant. Augetur tamen etiam, aut diminuitur, pro causarum præter naturam corpori accidentium diversitate. Nam pituitoso humore suppetente copiosior est, itemque si articuli debilitati fuerint, ut alimentum suum neque concoquere queant, nec residua expellere. *Deficit* quoque post longas febres, exercitia vehementia, & inediam plurium dierum. *Copiosior est* junioribus, quam senibus, quibus exsiccatur. Interdum quoque, pravis humoribus in corpore scatentibus, malignam qualitatem induit, & sævos dolores excitat. Cæterum quocunque modo præter naturam se habeat, motum articuli lædit, maxime tamen si penitus absit, ut notavimus sæpius, cum tumore circa articulos oborto, apertoque abscessu, humor hic efflueret. Chirurghi enim imperiti, purulentam materiam esse existimantes, summa adnitebantur opera studioque, ut prorsus evacuarent: sed una cum humore hoc, motum parti adimebant, immobilem articulum relinquentes, sicque intemptivo & imprudenti officio, ægrotis admodum officiebant.

3. Gomphosis. d

Alia quæ ad articulationem laxam concurrunt.

1. Ligamentum. d

2. Humor articularis. d

CAPUT IV.

De nutrimento quo ossa aluntur, & per quas vias ad ipsa deducatur.



ET si jam ad particularem ossium historiam pedem movere fas erat, quod ea omnia, que in universum de ossibus dici poterant, persecuti esse videamur: libuit tamen in gratiam curiosi ingenii duo addere, quæ tamen nec sua prorsus utilitate carebunt. Investigabimus primo, quodnam sit ossium alimentum, & per quas vias ad ossa perveniat: deinde, cum omnium Anatomicorum consensu, venæ, arteriæ, & nervi, originem certam ab uno quodam principio ac primo habeant, dubitabimus, an simile quid in ossibus reperiatur: quibus sic præmissis, ad pressiora viam parabimus. Ac de nutrimento quidem quale illud sit, si Aristotelem sequamur, dubitatione nulla animus fluctuabit. Passim enim, ut 2 de partibus animal. 3, 4. de partib. 2, 2. de gener. 4, 3. de gener. 1, & 2. de somno 3, sanguinem esse animalibus sanguineis alimentum ultimum omnium partium: ex sanguibus vero, id quod vice sanguinis habetur analogum, pronunciat. Imo determinatius loquens, de ipsis ossibus affirmat, 2 de partib. animal. 6, eaque sanguine necessario ali attestatur, quod omnes partes eo nutriantur, ex quo facta sunt, at omnes ex sanguine constant; quare etiam omnibus ex sanguine alimentum petendum est. Obstat tamen autoritas primo Hippocratis, libr. de alimento, ubi *medullam ossium nutrimentum* inquit: deinde Galeni, qui 11 de usu part. capit. 18, Demonstravimus, inquit, medullam proprium esse ossibus alimentum, & ossibus cavitare carentibus tale quiddam in eorum cavernulis contineri, neminem quoque mirari oportere, si medulla sit crassior eo succo, qui in cavernulis continetur, quamquam ejusdem usus gratia hic extiterit. Quin alibi, ut 3 de natur. facult. cap. ultimo, qualis, inquit, est carnibus sanguis, talis ossibus medulla est. Cæterum in hac controversia, quæ apud Me-

Sanguis ex Aristotele alimentum ossium.

Medulla ossium alimentum ex Hip. & Galeno.

Medullam
non esse ali-
mentum ossium
monstratur.
1.

2.

3.

Sanguinem
esse alimen-
tum ossium
probat.

Obiectio.

Medulla quem
usum præstat.

Explicatur lo-
cus obscurus
Aristotelis.

dicos satis celebris est, & habemus quæ contra Galenum dicamus, & alia, quæ pro Aristotele in medium afferamus. Multa enim sunt argumenta plurimæque rationes, quæ convincere videntur, medullam nullo pacto ossium alimentum esse. *Mirum* enim primum videtur, cur Natura medullam ossibus pro nutrimento assignare voluerit, cum ad alendum ea sit ineptissima, ut quæ temperamentum prorsus contrarium ossibus sit nacta, calidum puta atque humidum, illis contra frigidis & siccis existentibus. *Præterea* medulla pinguedo quædam est, unde & pinguis in pinguibus, sevo autem similis est in iis animalibus, quibus sanguis sevo similis per coctionem evadit. at pinguedo, 2 de part. animal. excrementum est utile, non alimentum corporis. *Quin imo*, si medulla ossium proprium nutrimentum constituatur, omnia ossa medullam continebunt necessario. at omnia ossa non habent, ut parva, teste vel ipso Galeno libr. de ossibus ad Tyron. *Quin*, si medulla potius, quam sanguis alimentum aptum statuatur ossium, profecto absurdum sequeretur admodum grave, sanguine multo frigidior, & ficciorem medullam esse, quod à nullo tamen concessum unquam videtur. Et hæc sunt quæ movent, ut à Galeno discedamus: cur Aristoteli autem contra faveamus, maxime ista impellunt. Nullum est animal, quod ossa habens, sanguine careat: neque ullum, quod, sanguine carens, os habeat. Attamen quæ ossibus prædita sunt, non omnia medullam habere videntur, quemadmodum Leo: ex quo consequi videtur, ossa necessario nutriri sanguine, & non medulla. Si quis *objiciat* Realdum Columbum, qui libr. 1 anat. cap. 19, ossa Leonis solida esse negat, sed medullam intus continere scribit, quod Florentiæ ossa Leonum viderit amplis cavitatibus prædita: si quis etiam opponat Epicurum, qui apud Athenæum 8 diognosiph. Aristotelis 3 histor. anim. 7, nimis curiosas ac ementitas observationes (sic vocat) deridet, negatque Leonis ossa ita solida esse ac dura, ut collisis invicem, non secus atque ex lapidibus, ignis profiliat. Huic respondeo, non bene concludere argumentum Columbi, ossa leonum medullosa esse, quod amplis cavitatibus sint prædita, cum sinus ossium, non ad medullam continendam, sed ad evitandum pondus ossium inutile primario conditi sint. Nec sequitur vel ideo quoque, quod etiam modica medulla in ampla cavitate contineatur, quemadmodum in vervecum ossibus, proportionem cavitatis, parum medullæ coërcetur. Et hæc causa est cur Aristoteles quoque 3 histor. animal. 20, & 2 de part. animal. 6, vere affirmet, medullam non nisi in ossibus conclusam esse, non tamen propterea omnia ossa medullam intra se continere, sed ea tantum, quæ cava habentur, tametsi ne ipsa quidem omnia contineant. Causam subjungit: Ossia enim Leonis, partim nullam, partim admodum exiguum habent, quamobrem & nullam omnino medullam Leones habere nonnulli existimarunt. Si quis autem quærat, cum medulla ossium alimentum non sit, quem *usum* præbeat, is hanc responsionem à me ferat, ossa ob perpetuum motum, & quod natura sua sicca essent, requirere, ut assiduo humectentur, cui usui præstando medulla perquam apta est. *Sed restat explicandus locus*, qui apud Aristotelem habetur 2 de part. anim. 6, quod contrarius videatur dictis, tum à nobis, tum ab ipso etiam Philosopho, aliis, iisque pluribus in locis. Ossium enim ibi inquit, naturam inesse animalibus necesse est, & ut medullam quoque habeant, quæ pro alimento contineatur, ex quo ossa consistant, necesse est. Videtur hic locus manifestissime statuere, medullam ossium nutrimentum esse: sed facile satisfieri huic difficultati potest, si quis græca tantum verba inspexerit, quæ male hic ab Interprete versa, sic sonant: ἀναγκαῖον ἐνίοις ὑπάρχειν καὶ μυελόν, ἐμπεριλαμβανομένης τῆ τροφῆς, ἐξ ἧς γίνεται τὰ ὀστά. Reddidit Interpres passive, ἐμπεριλαμβανομένης τῆ τροφῆς, cum hoc verbum passivum non sit, sed medium, & propterea active vertendum erat hoc pacto: Necesse est quibusdam inesse & medullam, quæ contineat alimentum, ex quo ossa generentur. Quodnam autem sit alimentum illud, statim subjungit, ἐπὶ ᾧ ἡ τροφή πᾶσιν αἷμα, εἶρηται πρότερον, quod autem omnibus partibus alimentum sit sanguis, jam ante dictum est. Quasi diceret, quodnam sit alimentum illud, facillime erit ex aliis, quæ à me dicta jam sunt & tradita, colligere, cum semper statuerim docuerimque, sanguinem omnium partium ultimum esse alimentum. Cum ergo sanguis ossa alat, quæritur per quas vias ad ossa deferatur? Per venas, quæ sibi foramina in ipsis etiam durissimis ossibus efformarunt, per quæ transeant, & alimentum deducant, uti videre est in calvaria, fœmore, & tibia. Solent etiam vasa in ipsis cavitatibus ossium majoribus undique

undique medulla stipari & sustineri, ad quod Philosophus allusit, cum inquit, medullam esse, non quidem alimentum, sed alimentum in se continere.

CAPUT V.

An ossium aliquod sit principium, quemadmodum venarum, arteriarum, & nervorum, tum quale illud sit, investigatur.



RECEPTVM est ab omnibus fere dissectionum Professoribus, Vasa appellata principium aliquod primum habere, à quo oriantur. Hinc Iecur venarum, Cor, arteriarum; Cerebrum, nervorum fere origo statuitur. Ratio quæ in hanc opinionem ipsos induxit videtur fuisse omnium vasorum continuïtas, & quod nulla vena seorsim esset, sed omnes partes viderentur unius. Hæc causa si alicujus momenti est, ut certe esse ab omnibus creditur, recte dubitare meritoque videmur, sitne ossium quoque principium aliquod, cum ossa alia aliis nexa, & omnia inter se apta videantur, unamque continuam seriem venarum in morem constituere: imo os nullum sit, quod seorsim ipsum per se subsistat, ut loquitur Aristot. 3 histor. animal. 7. Accedit & ratio, quæ id concludere firmiter videtur. Cum enim ossa motus gratia invicem coarticulata sint, motus autem omnis fiat à mobili in quiescente, recte videtur sequi, unum os alterum motum semper sustentare. at cum quiescens illud in alio quiescat, tandem ad aliquod primum quiescens pervenire necesse est. Hoc ut inveniatur, accipiendum ab initio est, illud statui merito ossium principium, quod longitudinem ac rectitudinem totius hominis contineat, & à quo veluti ex trunco rami, reliqua ossa exoriantur. At hæc conditiones non alteri, quam spinæ dorsi competunt, unde recte etiam ipsa ossium principium esse statuere convenit.

CAPUT VI.

In quo brevis omnium totius corporis ossium divisio, & enumeratio instituitur.



VM jam recta nobis ad particularem ossium historiam eundum sit, præmittere eorum omnium numerum placuit. Sed cum is admodum ratione ætatis differat, aliisque sit in recens natis, quam homine perfectam ætatem adepti, nos eum afferemus, qui in adulto reperitur, ossaque describemus, qualiter se in perfectis habeant. Nam ea, in quibus differentia sunt infantium ossa, ex iis quæ de formato fœtu scripsimus, satis patebunt, ubi diligenter totum hoc negotium complexi sumus. Univerſa ergo ossium compago, quadripartito à nobis dividitur, in caput puta, thoracem, infimum ventrem, & artus. CAPUT vocatur, totum id quod supra colli vertebra situm est, & bifariam iterum, in Cranium, sive calvariam; & Faciem, sive maxillas dispeſci potest. *Calvaria* est, quicquid supera parte cerebrum tegit, & ipsum vicissim capillis tectum est, quibus decidentibus calvities oritur, à qua nomen ipsa calvaria accepit. Græcis *κεφάλιον* dicitur quasi *κεῖν*, galea, à figura & usu: *κέγχ* autem & *σκαφίον*, si inverte consideretur. Constat hæc in adultis communiter ex quatuordecim ossibus, quorum alia sunt propria ipsi, alia communia cranio cum maxilla superiore. *Propria* sunt, os frontis, duo syncipitis, occipitis unum, & temporum duo: sex deinde auditui dicata ossicula, in qualibet aure tria, malleus, incus, & stapes. *Communia* similiter duo sunt, cuneiforme, & spongiosum. *Maxilla duplex* est, superior, & inferior. *Superior*, præter communia duo dicta, utrinque sex propria obtinet. *Inferior* ex uno osse constat. Vtrique infixi sunt *Dentes*, quorum in homine adulto trigintaduo sunt, in qualibet puta maxilla sedecim, ex quibus quatuor incisarii, duo canini, & decem molares. THORAX dividitur in partem anteriorem, laterales, & posteriorem. *Anterior*, duas claviculas, & os pectoris, ex tribus constans ossibus in adulto homine, complectitur: *laterales*, constas, utrinque duodecim: *posterior*, scapulas duas, & duodecim vertebra. Thoraci adjungenda est *Cervix*, quæ septem Vertebra complectitur, & os hyoides dictum, quod

IV.
Capitis ossa
recensentur.

Calvaria ossa.

xiv.

Maxillarum
ossa. xxxv

Thoracis
ossa.

v.

24.

xiv

xviii

quod ad linguæ radicem in summitate laryngis situm est, & maxima ex parte undecim ex ossibus componitur. **INFIMVS VENTER** Antica parte duo pubis ossa habet; ad latera ossa ilium, & coxendicis; postica sede lumborum quinque vertebrae, sex ossa ossis sacri, & quatuor coccygis. **ARTVS**, in manus, & pedes dividuntur. **MANVS** iterum in humerum, cubitum, & extremam manum. *Humeri* os unum est. *Cubitus* duo habet, Radium, & Vlnam. *Manus extrema*, Carpum, Metacarpium, & Digitos continet. *Carpus* octo constat ossibus, duplici serie distinctis. *Metacarpium* quatuor ossa habet. *Digitus* quinque sunt, & singuli tria tenent, ut sic quindecim sint omnium. Præter hæc ossa duodecim quoque sunt alia minima, quæ cum sesami semen referant, sesamoidea sunt appellata. **PES** quoque trifariam dividitur, in fœmur, tibiam, & pedem extremum. *Fœmur*, unum os est. *Tibia* duo habet, tibiam & fibulam. *Pes extremus*, in tarsum, metatarsum, & digitos dispescitur. *Tarsus*, septem habet ossa: *Metatarsus*, quinque: *Digitus*, quatuordecim. Ad hæc referri debent duodecim sesamoidea, & *Patella*, quæ fœmori, & tibiæ antepositur. Atque hæc est omnium ossium enumeratio, quæ si in unam redigantur summam, **CAPVT**, quinquaginta novem habebit: **THORAX**, sexaginta unum: **INFIMVS VENTER**, viginti unum: **MANVS** una, quadraginta duo; **PES**, totidem, adeoque ambæ manus & pedes, centum sexaginta octo: **ET TOTVM CORPVS HV-MANVM**, trecenta & novem.

CAPVT VII.

Agit de Cranio in universum, Suturaeque capitis proponit.



Calvaria
ossis.

Suturarum
ossis.

1.

2.

3.
Observatio.

Substantia
cranis.

CEREBRVM viscerum omnium nobilissimum, cum in excelso corporis loco collocandum esset, qui externis injuriis maxime expositus est, provida in singulis Natura, osseo tegumento tanquam valle quadam circumsepsit, ut contra irruentes calamitates liberum foret, atque optime munitum. Non tamen ex uno solidoque osse construxit, sed ex pluribus, quæ certo quodam articulationis genere conjunxit inter se, quale in universo reliquo corpore reperire non licet. Cum enim Calvaria non tantum propugnaculi cujusdam munere fungeretur, quod habet proprium quasi officium ab aliis ossibus: sed firmamenti etiam cujusdam, atque stabilimenti, quod ipsi cum cæteris commune est: ne cerebrum partium omnium nobilissimum subito concideret, ventriculosque, & cavitates suas obstrueret, firmandum omnino erat. Id quod Natura commodissime fecit, fibras quasdam membranæ duræ, qua cerebrum involvitur tegiturque, per capitis suturas trajiciendo, ut cerebrum, quod perquam prompte mollietiei gratia concideret, suspensum veluti, & affirmatum teneretur. Verendum enim profecto foret, si magna illa cerebri moles sustentaculis his, quibus veluti in æquilibrio perpetuo detinetur, careret, ne in validis illis motibus (quales eveniunt in saltationibus) ubi cerebrum concutitur, aut in se periculose ipsum concideret, aut vero allisum ad cranium, plurimum damni pateretur. Accedit ad hunc usum alius, non minus nobilis, quod cum in summo excelsoque corporis loco collocandum foret, in quo vapores in summa effumantes perpetuo suscipit, cranium exitus præpararetur, per quem fumi illi exspirarent, quos singulari invento Natura per suturas depellit. Hinc illud est, quod vulgo videmus, eos qui futuris omnimode carent, continuo capitis dolore affici, facillimeque ab internis causis oblædi. Contingit enim fere ipsis, quod illi, qui, ut Galenus narrat, doloris gratia fasciis circa caput constrictus erat, in eum uti dolorem incidant, ut fere inflammationis periculum incurrant, etsi levibus à causis tententur. Non desunt qui & alium assignent usum, ut una scilicet parte læsa, altera servaretur incolumis, & fractura cum osse finiretur, nec ultra serperet. Sed nos sæpissime experientia, rationem hanc admodum esse frivolam edocti sumus, cum ictus pluries per ipsas etiam suturas penetrasse viderimus. Os ergo quod cerebrum tegit, ^a Calvaria dicitur, Græcis κεφαλή, à quo Latini suam vocem *Cranium* mutuarunt, quasi κεφαλὴ, Galea, quod militaris galeæ formam referat, & usum præstet. Substantia hujus ratione ætatis plurimum variat. In nuper enim natis membranea potius est, quam ossea, præsertim circa suturas, maximeque coronalem, ubi ad aliquot usque annos tantam molli-

ciem

ciem retinet, ut manuum compressioni promptissime cedat. *Crassities* etiam non eadem Crassities.
semper est, cum senum cranium, quam juvenum multo sit crassius; & marium, quam
fœminarum. Quin imo & regionum diversitas varietatem parit, si quidem verum est,
ut credimus, quod Oviedus in Indica historia testatur, Indis cranium esse adeo cras-
sum, ut aciem gladii quoque acutioris eludat. Sed nec in uno eodemque homine æqua-
lem ubique crassitiem retinet, cum in aliis atque aliis locis crassius sit, quemadmodum
in singulorum Cranii ossium historia fufius id dicemus. *Figura* ejus sphaerica est, & qui- Figura.
dem oblonga, qualem cerebrum ipsum, cujus gratia est conditum, efflagitat. *Super-* Superficies.
ficies autem tam intima, quam extima sede lævis est: intima quidem, ne duram mem-
branam; extima vero, ne pericranium læderet. Illa tamen ^a inæqualitates quasdam
habet, quæ cerebri vasorum referunt vestigia: hæc vero processus nonnullos, pro
exortu quorundam musculorum. Constat autem ex duobus ossibus, tenuibus qui-
dem, sed duris admodum, ^b uno interiore, ^c altero exteriori, quæ inter ^d substantia
quædam pumici non absimilis, & plena sanguine medullaque continetur, cujusmodi
quoque in aliis ossibus cernitur, veluti sunt illa carpi, & tarsi. Vocantur hæc ossa ab
Anatomicis duæ *Calvaria lamine*, quarum quæ exterior est, crassior, & durior: quæ in- Calvaria la-
terior, tenuior molliorque existit. Et hæc ratio est, cur sæpe in capitis validioribus mina.
ictibus, extima remanente illæsa salvaque, intima rumpatur. Viris autem, quam
mulieribus utraque est crassior: senibus etiam, quam juvenibus. Et hæc est illa cele-
bris Hippocratis διπλή, quam ipse describens libr. de vuln. capit. spongiæ similem
pronunciat, & os ipsum in se carunculas multas humiditas habere affirmat. Cranium
ergo cum ex diversis ossibus constet suturarum beneficio invicem connexis, antequam
ea omnia membratim intueamur, suturarum natura, & singulæ species explicandæ
sunt. Est autem S V T V R A, ut supra quoque dictum est, certa quædam ossium capitis Sutura.
compositio, rerum filo consutarum referens imaginem. Dico esse *compositionem*, ex quo
ipsius genus intelligatur, nempe quod non sit ένωσις & unio, sed articulatio quædam
καὶ ἄρθρον facta. Hujus formam accuratius explicant verba ultima, cum & ipsa futura
ab hac similitudine consutorum pannorum nomen repererit. Cæterum non convenit
aliis hæc species articuli, nisi solis capitis ossibus, quæ verum subjectum suturarum sunt;
competit autem usque adeo, ut quemadmodum solis his propriæ sunt, ita etiam omni-
bus capitibus insint, raroque admodum inveniatur caput suturarum expers, neque illud
nisi in senibus fortasse, in quibus cum ætate ob siccitatem sensim oblitterantur, & ap-
pendicum more coalescunt, *primoque* fere occipitis futuræ id usu evenit, *deinde* sagittali,
hinc coronali, *ultimo* omnium temporalibus, seu squamosis. Insunt etiam *utrique sexui*
numero pari, nec verum est quod tradit Aristoteles 2 de part. cap. 7, maribus esse plu-
res, pauciores fœminis, cum experientia repugnet, quamvis ratione admodum pro-
babili Philosophus niti prima fronte videatur. In infantibus quoque reperiuntur om-
nes, sed rectam potius lineam, & harmoniam, quam suturam referunt. Cum ergo
omnibus capitibus adsint, recte, mea sententia, vulgo ab Anatomicis in *proprias* &
communes dissecuntur. *Proprias* vocant, quæ soli cranio competunt; *Communes* quæ ad Sutura dupli-
cranium pariter, os cuneiforme, atque maxillam superiorem pertinent. *Propriae ite-* ces.
rum, vel *veræ* sunt, vel *mendosæ*; & veræ numero tres, mendosæ quinque. Id tamen
habent peculiare inter se, quod veræ simplices sint, mendosæ autem duplices. Dico
simplices, quod conjuge destituantur, & una tantum sit: verbi gratia, una solum
est coronalis, una sagittalis, una lambdoides; at mendosæ conjuges suas habent, qua-
rum una dextrum, altera sinistrum capitis latus occupat, quemadmodum in utroque
latere sunt squamosæ agglutinationes. *Prima* ergo verarum σφαιραία dicitur, *Coronalis*, Suturæ pro-
vel quod coronæ instar capitis anticam partem cingat; vel quia coronæ olim puella- priae veræ tres
rum eo loci gestabantur. *Alter*a λαιμοειδής, à λ majusculo Græcorum, cui similis, sunt.
quemadmodum eadem ratione ψιλοειδής ab inverso ^u quod refert, cognominatur. *Oc-* Coronalis.
cipitis futura, à situ dici posset, aut si omnino græcæ notationi insistere velimus, *Lamb-* Lambdiformis.
diformis non male vocaretur; sed vulgo græca fere vox in usu est, & lambdoides appel-
latur. has inter duas, media est, que ὀφειλαία, *Sagittalis*, à figura sagittæ dicitur. ^e *Coro-* Sagittalis.
nalis ergo semicirculum refert, transversim ab uno temporum ad alterum diductum,
qua frontis ossa ossibus syncipitis necuntur. ^f *Lambdoides* est, quæ occipitii basi, &
E utrinque

Figura.

Superficies.

Calvaria la-
mina.

Sutura.

Qua sutura
prior oblittere-
tur.
Sutura utri-
que sexui in-
sunt, & qui-
dem pari nu-
mero.Sutura dupli-
ces.
1
2
1/2Suturæ pro-
priae veræ tres
sunt.
Coronalis.
Lambdiformis.

Sagittalis.

Cur dicantur
vera.

utrinque processibus mammillaribus duobus cruribus insistent, verticem in occipitii summitate ponit. ^a *Sagittalis* tandem quæ inter has media, verticem lambdoidis, cum centro coronalis conjungit. Vocantur hæ futuræ veræ, quod futurarum, id est, pannorum filo confutorum imaginem vere exprimant, mendosis contra lineam tantum referentibus. Non tamen in utraque lamina sub forma futuræ apparent, sed in exteriori tantum, sive superiore. nam in ^b intima, harmonia potius necuntur, quæ causa esse solet, quam propter interior futura, quam exterior, multo celerius aboleatur, pereatque. In nonnullis capitibus strictiores quoque sunt, in aliis laxiores; in nonnullis grandiores, in aliis exiliores.

Sutur. mendosarum quinque paria.
Primum.

Mendosarum autem ^c *par primum* omnium maximum est, maximeque conspicuum, & insigne, squamosas combinationes referens, à quibus etiam nomen accepit, ut

λεπιδοειδὴ περισκολλήματα à Græcis, squamiformes agglutinationes à nostris dicantur, cum per hanc verticis ossa & temporum inter se jungantur, ex crasso osse in exacte acutam lineam squamarum ritu desinentia, ita ut externa illa, hæc interna parte attenuentur.

Secundum.

Initium ducunt à latere posteriore basis processuum mammillarium, & circulari ductu, quem toto progressu observant, ad basim capitis feruntur, totum latus cranii conficiunt. ^d *Alterum par*, in latere capitis consistit, totoque ductu, anteriori & superiori parti paris primi, seu squamosarum agglutinationum socium est, à cujus summitate initium accipiens, oblique deorsum ad originem primæ communis protrahitur. ^e *Tertium*,

Tertium.

in basi posterioris sedis capitis est, quod initium suum cum principio crurum lambdiformis futuræ continuum habet, in basi processuum mammillarium, juxta quorum latera posteriora toto ductu oblique fertur, usque ad basim capitis, qua capitula sunt, quibus cum prima vertebra connectitur. ^f *Quartum*, propè processus vespertilionum

Quartum.

alis similes in capitis media prope basi inferius, rectam quasi lineam transversam exprimit, utrinque contermina duabus illis rimis asperis, quæ à sphæroidis, & temporum finibus conficiuntur. ^g *Quintum*, in anteriore internæ calvariæ parte transversim ad

Quintum.

offis cribrosi, sive spongoidis angulos inferiores, harmoniam potius, quam futuram refert, cum una recta linea esse videatur, etsi duæ revera sint, à duobus lateribus cuneiformis ossis, qua frontis ossi junguntur, effectæ. *Communium quinque sunt*, ^h *Prima*, in supercillii exteriori sede obliqua, quæ frontis ossis processum exteriorem, cum primo maxillæ superioris osse conjungit. ⁱ *Secunda*, in oculi sede externa & laterali, à fine fere

Communes futuræ quinque.
Prima.
Secunda.

secundæ propriæ mendosæ deorsum recta ducitur, ad foramen usque in cavis temporum existente, & communis est cuneiformi, cum maxillæ superioris osse primo. ^k *Tertia*,

Tertia.

in elatiore oculi orbitæ parte, & narium summitate sita est, oblique à radice illius ad summitatem hujus perducta. Jungit frontis laminam, quæ partem orbitæ superiorem efformat, & processum interiorem, cum maxillæ superioris ossibus, secundo, tertio,

Quarta.

quarto, & quinto. ^l *Quarta*, obliqua est, in ipso ossis jugalis medio, quæ processum

Quinta.

primum ossis temporalis, cum primo maxillæ superioris osse connectit. ^m *Quinta*, inter processus pterygoidei sita, antrorsum ducitur, cuneiformi ossi cum septo narium communis.

C A P V T V I I I.

De ossibus capitis, sive Calvariæ propriis agit.

Os frontis.

Figura.



RANIVM ergo, ut dictum, sex ossibus constat propriis, uno frontis, & occipitis, duobus syncipitis, totidemque temporum, quæ omnia inter se futurarum beneficio connectuntur. Primum OS FRONTIS est, ⁿ κατὰ μέτωπον ὄν, quod in anteriore parte situm, totam frontem, & oculorum orbitæ elatiorem partem constituit. *Figuram* habet circula-

Connexio.

rem fere, ^o patellam non incommodè profundiusculam exprimens, nisi juxta oculorum sedem, à rotunditate in rectam lineam abiret. Habet enim cavita-

Substantia.

tem insignem admodum, qua cerebri anteriorem convexam partem excipit. *Connectitur* superius, ^p ope futuræ coronalis duobus syncipitis ossibus, ^q inferius, ossibus maxillæ superioris, & cuneiformi; ^r à lateribus, duobus processibus ossis cuneiformis alas vespertilionum imitantibus. *Substantiam* inter verticis ossa & occipitis, mediam habet.

nam ut

nam ut illa tenuissima sunt, ita hoc crassissimum. Non tamen æquabilem præ se fert ubique crassitiem, sed ad elatiorem oculorum sedis regionem tenuissimum est: tenue etiam ubi temporalibus ossibus committitur: in cæteris autem partibus, ubi frontem excipit, crassius est, quam verticis ossa, duplicique lamina substantiam pumici similem complectitur, tenuius tamen fit sensim, ubi hinc ad verticis ossa, quibus committi debet, declinat. Est autem *unicum* os in adultis, quamvis in pueris geminum sit, in quæ Numerus.

2. 4. 2. In hoc osse observanda est ^a *Caverna satis ampla*, inter utramque laminam ad nasi radicem consistens, interdum una, nonnunquam (& magna id quidem ex parte,) gemina, utrinque tum ad superciliarum sedem sublimiorem sita, à qua foramina duo ad narium cavitatem expanduntur. Hanc membranula viridis succingit, materiam in se continens viscidam, & cerebri substantiæ non valde absimilem. Voci inservire, ut canora magis sit, vulgo traditur: sed ego existimem, ad odores hauriendos facere, cum ibi aër excipiat odor prægnans, conserveturque paulum, ne præterlabatur tam subito nares. Exemplum si vis similis rei, auriculam inspice, quam Natura quoque ad latera capitis velut aliquod velum expandit, ut fugientem sono refertum aërem detineat, leviterque remoretur. ^b *Foramina* habet duo in sede superciliarum media, in Foramina. oculi orbitam desinentia, per quæ ramus primus nervi tertiæ cerebri conjugationis in musculus frontis egreditur. ^c *Processus* quoque constituit quatuor, quorum majores, Processus. duo ad majorem oculi angulum: minores ad minorem consistunt.

2. 6. 3. ^d *SYNCIPITIS OSSA*, aliis *ossa verticis* dicta, quod Vertex horum centrum sit, Syncipitis ossa. locus inter frontem, & occiput medius. Græcis *βρέγμα* ἐστὶν, ἀπὸ τῆς βρέχων τὴν κεφαλήν dicuntur, quod cerebrum ibi semper sit madidum. *Número* duo sunt, quadrilateræ figuræ, sed altera parte longioris, ut Euclides loquitur, cum quatuor constent lineis, quarum laterales transversis longiores sunt, non tamen plana, sed concava ipsa sunt, Numerus. ob capitis sphaericam figuram, cui accommodantur. *Committuntur* ^e anterioribus lineis, Connexio. b. ossi frontis, futura coronali: c. ^f posterioribus, ossi occipitii, futura lambdiformi: d. ^g internis lateribus, sibi invicem, sagittali: at ^h exterioribus, ossibus temporum, ob quarum e. conjunctionem, in ⁱ squamas degenerant. *Maxima* sunt, omnium consensu, inter ossa cranii: sed & tenuissima quoque, ac infirmissima, cum omnium tardissime in pueris indurescant & ossium naturam induant, imo Plinio teste, non ante sermonis usum. 2. 6. 3. A. Crassa tamen sunt æqualiter, nisi ubi in squamas attenuantur. *Superficiem* habent ^k ex- Superficies. 2. 6. 4. A. B. B. b. b. trinfecus lævissimam: ^l interius asperiusculam, ob vestigia, quæ venæ ^m Iugulares per cerebri meninges dispersæ imprimunt. Et hæc Chirurgis sedulo notanda sunt, ne, ubi terebra cranium aperiendum erit, imperite venas cum vitæ periculo vulnerent, sed caute agendo eas illæsas conservent.

2. 6. 5. f. 6. ⁿ *OCCIPITIS OS*, τὸ κατὰ ἰνόν ὀστέον, ἀπὸ τὸ ἰνῶδες εἶναι Galeno appellatum, quod ibi Occipitis os. fibræ nerveæ oriantur, ab Arabibus memoriæ dicatum est, & posticam capitis partem claudit. *Figura* pentagonum fere exprimit: ^o primum enim, & secundum latus sunt, Figura. A. A. quibus verticis ossibus jungitur, ope futuræ lambdoideæ: B. B. ^p tertium, & quartum, quibus ossibus temporum additamentis lambdoideis, sive futura tertia mendosa: C. ^q quintum, quo cuneiformi. *Unicum* est *numero* in adultis, quamquam in recens natis tripartitum sit. *Substantiam* habet duram, adeoque crassam, ut omnium calvariæ ossium crassissimum perhibeatur: inæqualis tamen est crassities illa, cum in superiore parte admodum crassum sit, duplicemque habeat testam: inferiore, qua basin cranii accedit, Substantia. 2. 6. 5. tenuissimum, & unica simplicique lamina donatum. ^r *Externa superficies* lævis est, præ- Superficies. D. D. terquam ubi sinus quosdam habet semicirculares, quorum ^s duo superiores insignes sunt admodum, pro musculis, tum iis qui caput extendunt, tum qui scapulam dorso admovent, quos Cucullares vocabimus: ^t duo vero inferiores parvi, circulos fere conficientes, pro musculis rectis caput extendentibus exsculpti. ^u *Interior* impense inæqualis est, idque ob sinus multiplices ipsi insculptos, ^x quorum duo transversî per totum os excurrunt ad latera ossium temporalium, qui propter sinus, primum & secundum crassæ cerebri membranæ conditi sunt. ^y *Vnus* inter hos rectus per totum caput usque ad nasi verticem distrahitur, pro sinu tertio ejusdem membranæ. Duo alii rotundi

- sunt super hos, aliique duo infra, ^a quorum illi minores, cerebri prominentias, quod bipartitum est; ^b hi majores multo, cerebelli protuberantias, excipiunt. ^c *Capita*, sive appendices duas habet, ad basim sitas, qui primæ colli vertebræ articulantur, & capitis motui, flexioni extensionique dicato, inserviunt. Quod spectat *foramina*, ^d *unum* habet maximum, rotundum pæne, in basi sua inter prædicta capitula situm, per quod ex cranio spinalis medulla ad dorsum descendit. ^e *Duo alia* huic adjacent, (secundum inquam, & tertium) inter dicta capita & styloidem processum sita, oblonga, & satis ampla, per quæ ab inferioribus, venæ jugularis internæ ramus major, arteriæ carotidis minor, ascendentes, cranium intrant: sextum autem par nervorum totum descendit, & ex calvaria prodit. His vicina sunt, sub ipsis quasi capitulis posita ^f *duo alia*, (quartum, & quintum,) quæ rotunda, vix sextam partem amplitudinis prioris obtinent, per quæ nervorum septimum par transitum habet.
- ^g *TEMPORVM OSSA*, τῶν κροταφῶν ὀστέα, ad latera ossium verticis situm suum sunt nacta. Minima sunt ex omnibus calvariæ ossibus, utrinque unum, multiplicem figuram referentia. nam in superiore parte semicirculum fere effingunt: at inferiore, ob asperas inæqualitates, modo processibus extuberantia, modo foraminibus subsidentia, scopulos horridasque rupes. ^h Elatiore parte, qua circularia sunt, *junguntur* ossium verticis exterioribus lateribus futura squamosa: ⁱ *anterius*, maxillæ superioris ossi primo processu suo primo: ^k *posterius* ossi occipitis, futura tertia mendosa. *Substantiam* habent duram admodum: ^l *parte* tamen superiore, & circulari, tenuem valde, & duplici illa lamina, quam cætera calvariæ ossa habere diximus, destitutam: ^m *inferiore* vero, quæ ad basim cranii est, eo usque duram, ut lapideam duritiem vel æmuletur, vel æquet, unde, & totum propterea os apud Græcos λιθοειδές, lapidiforme dictum est, apud Latinos, Petrosum. *Sinus* habent duos: ⁿ *primus*, inter processum mammillarem, & alterum jugale os constituens situs est, amplius, rotundus, longusque satis, qui ex lato foramine in angustius intro tendi, cartilagineque incrustatus, πρὸς ἀκροτικὸς, sive *meatus Auditorius* dicitur, per quem soni ad interiorē aures deferuntur. ^o *Secundus*, primo adjacet, in basi cranii, sub processu primo, jugale os efformante, situs, transversus & oblongus, cartilagineque contactus, qui capitulum maxillæ inferioris excipit. *Foraminibus* etiam pluribus donantur. ^p *Primum* est in calvariæ interna sede, in processu petroso, figuræ ovalis, longo ductu in os penetrans usque ad labyrinthum, quod viam præbet nervo auditorio, sive quintæ conjugationi. ^q *Alterum*, satis amplum, inæquale, & oblique antrorsum ductum, sub appendice styloide situm, per quod arteriæ carotidis major ramus, ad ossis cuneiformis foramen quintum fertur, indeque cerebrum petit. ^r *Tertium*, inter occipitis & temporis os, quibus commune est, magnum, & inæquale, pro ingressu venæ jugularis, & arteriæ carotidis: at egressu nervi sexti paris. ^s *Quartum*, inter processum mammillarem, & appendicem styloidem situm, in canalem oblongum terminatur, & arteriam carotidem immittit. ^t *Quintum*, retro processum mammillarem, ad latus transversum futuræ lambdiformis, per quod ramus primus venæ jugularis externæ cranium ingredientis, transit. Hoc modo in uno, modo in utroque latere deesse solet.
- Processus* quatuor sunt. ^u *Primus*, à meatu auditorio, vel anteriore sede sinus capitis maxillæ inferioris, ex lata basi antrorsum fertur, & cum processu ossis primi maxillæ superioris concurrens, futura obliqua necitur, os jugale, de quo postea, constituens. ^x *Alter*, ex lata basi, in posteriore temporalium ossium sede, & capitis fundo, in obtusum verticem definit, vaccinam exprimens mammillam ob longitudinem, unde μασταιδής, mammillaris dicitur. ^y *Tertius*, acutus, longus, inter sinum secundum, & dictum modo processum situs, συλοειδής dicitur, & γροφιοειδής, quod styli quo scribimus formam referat. ^z *Quartus* est internus, durissimus, quem os petrosum vocant, in quo triplex illa internæ aures cavitas, de qua postea libro ultimo dicemus, continetur.

CAPV T IX.

Describit tria ossicula auditui inservientia.



N prima auris cavitate, quam Concham vocant dissectionum periti, tria reperiuntur ossicula, miro artificio efformata à Natura, quorum historia etsi ad eam tractationem pertinere videatur, quæ auditus organis dicabitur: tamen, ne omisisse quicquam in hac ossium enumeratione credamur, paucis de ipsis agere decrevimus hoc loco. Ceterum ignota hæc Veteribus fuisse nemini mirum videatur, cum & ipsa per se minutissima sint ut facile visum effugiant, & in illo durissimo osse, quod à petra similitudine nomen habet, abscondita lateant. Recentiorum tamen industria, qui omnes humani corporis partes summa diligentia rimati sunt, eruta & in lucem producta fuerunt. Qua in re prima palma merito debetur Ioanni Carpo Bononiensi, qui princeps Incudem, & Malleolum dicta ossicula in conspectum protulit: altera Ioanni Philippo Ingrassia, viro undequaque eruditissimo, qui tertii, (cognomento stapedis) inventionem sibi ipsi jure ascribit. Sunt autem numero tria, quæ nomen potius à figura, quam usu acceperunt, cum Malleus, Incus, & Stapes dicantur. Substantiam habent durissimam juxta ac densissimam, non minus tamen cavam pro continenda medulla. Magnitudo autem recens natis infantibus cum adultioribus eadem reperitur, nullaque in re differentiam est cernere, nisi in duritie, propterea quod veluti cætera ossa omnia infantibus molliora sunt, ita hæc quoque ossicula perfectam duritiem, abundante adhuc illa humiditate naturali, nondum acceperunt. Periostio quoque carent, tametsi alia ossa, vel intus, ut dentes: vel foris, ut reliqua omnia, obtineant. Id quod solerti admodum Natura consilio effecit, ne scilicet ad soni receptionem inepta fierent, cum insonora fiant dura corpora, si molli substantia tegantur, ut puta si quis campanæ pannum imposuerit.

Capitulum
Incudis, 1
Mallei.
Ingrassia in-
ventor stape-
dis. 2
3

2. 7. 1. D.

MALLEUS ergo, qui primum ossiculum est, ad tympanum, sive membranam primæ cavitati subtensam, situm habet, ad finem meatus auditorii. Hic a capitulo constat crassiusculo, & oblongo, tenui angustæque inhærens cervici, quod uti cum incude secundo ossiculo articuletur, sinum lævem obtinet. Processus habet duos ex cervice erumpentes, quorum b superiori, minori, & curvo, chorda tympano subtensa adhæret: c inferiori, membranula toto ductu incumbit.

Malleus. 1

Processus.

F.

E.

G.

I.

H.

Alterum est, INCUS, malleo adjacens, capitulo, & duobus cruribus donatum. d Caput enim crassiusculum habet, in cujus vertice levis cavitas, quæ malleoli tuberculum excipit: crura vero duo habet, e alterum quidem longius tenuiusque, stapedis vertici alligatum: f alterum vero, crassius, brevius, & latiusculum, quod squamoso temporum ossi innititur.

Incus. 2
Caput.

Crura.

L. L.

K.

M.

Tertium, STAPES, à forma stapedis nostratis, quam eleganter exprimit, in media quasi parte primæ cavitatis situm est, ad fenestellam ovalem. Constat ex g curvo arcu in duo minutissima crura desinente, quæ h basi transversæ insistent. In summa sui parte i capitulum habet minutissimum, & rotundum, & arcum quasi medium, cui longius incudis crus, sive processus, insistit. Basis fenestræ ovali, & membranæ illam claudenti apponitur. Cavitas autem, quæ in petroso osse occurrit, ubi de auditus organis verba faciemus, describetur à nobis, nunc sufficiat ossiculorum historiam tradidisse.

Stapes. 3

Capitulum.

Basis.

CAPV T X.

De osse Cuneiformi, & Spongioso.



OSA quæ Calvariæ propria sunt vidimus: nunc reliqua duo, quæ cum maxilla superiore communia habet, cuneiforme puta & spongiosum, intueantur. CVNEIFORME, nomen habet à situ suo, non forma, cum cunei instar cæteris ossibus calvariæ, imo omnibus pæne capitis & maxillæ superioris, in medio interpositum sit. Vnde factum ut eandem appellationem apud Græcos quoque retinuerit, quibus σφωειδής vocatur: quia tamen ex diversis constat ossibus, & variam propterea formam

Os cuneiforme. 1
mc.

refert, *πολύμορφον* etiam, seu *multiforme* dicitur, quamvis ipsæ etiam partes postea à propria figura peculiaria nomina sint sortitæ. *Iungitur* antèrui ossi frontis futura mendosa quinta: posterius, occipitis additamento futura quarta: ad latera longo ductu comes est temporum ossi petroso, à quo tamen rima aspera disparatur. Superius maxillæ superioris primum os, quartum, & sextum attingit: inferius per aliformes processus, palati ossa. Hoc ut varium est, ita *substantiam* quoque nactum *variā* & inæqualem. nam ad latera & temporum cava, tenue, sed admodum densum & solidum est: in medio autem, ubi capitis basin constituit, crassum, imo omnium capitis ossium crassissimum, non tamen solidum, sed cavitatem conficiens similem duabus cavitatibus, quas in superciliorum elatiore sede, ad nasi verticem, & frontis basin effingi diximus, ne caput temere aggraves. *Processibus* donatur, & in interna calvaria parte & in externa. In interna quidem ^a *duobus* anteriore sede positis, ex lata basi in acutum mucronem desinentibus, ^b & aliis ^b *duobus* posteriore regione sitis, quadratis pæne, ad latera in plerisque extuberantibus, qui cum ossis crassam partem cingant, ephippio non absimilem, *Sella turcica* à forma dicuntur. *Extra calvariam* similiter duplex processus est, ^c *anterior* quidem utrinque unus, ad latera foraminum in narium amplitudinem dehiscientium, qui à forma vespertilionum alis simili, *πτερυγοειδῆς* dicti, *processus aliformes*: ^d *posterior* similiter duo, à dictis ^d nati, ^e *duobus* apicibus versus styloidem processum extuberantes, quorum anterior obtusus & parvus, posterior longus & acutus est. Sunt etiam *Sinus* plures huic ossi. ^f *In sella* quidem medio quadratus, latusque, glandulam pituitariam dictam continens, cui à cerebro mucosa excrementa destillantia transmittuntur, à quo postea quatuor alii deducuntur, oblongi, qui pituitam ad inferiores partes à glandula derivant. ^g *Duo* ^g *anteriores*, ad secundum foramen in oculi sedis radice positum, per quod nervi motorii oculi ingrediuntur orbitam, excurrunt, & pituitam ad oculi pinguedinem, musculorum humectandorum gratia ferunt, ne scilicet in nimio continuoque motu exsiccentur, à qua postea per glandulam in majori oculi angulo positam ad nares transmittitur: ^h *Duo posteriores*, ad inæquale, & asperum foramen, quintum sphænoïdis, extenduntur, per quod pituita ori & palato potissimum influit. ⁱ Est & *sinus insignis* in processibus aliformibus, qui sedem tutam præstat musclicis in ore latitantibus. Hic profundus est longusque. *Foramina* plura obtinuit, quorum ^k *primum* juxta processus anteriores sellam constituentes circularè est, pro nervorum opticorum in orbitam ingressu. ^l *Secundum*, huic subjacens ibidem, quod ex inferiore parte rotundum, mox sursum abit, longamque ^m rimam efformat, quæ nervos secundi paris oculorum motui dicatos, tum tertium nervorum cerebri par transmittit. Per idem foramen insignis quidam ramus arteriæ carotidis ad oculos abit; tandem pituita, & humiditates cerebri in glandula collectæ, unde lacrymæ fiunt. Per elatiorem autem sedem Vena ex oculi sede crassæ cerebri membranæ distribuitur. ⁿ *Tertium* ad latus prædicti externum, parvum, sed exacte rotundum, per quod quarti nervorum paris ramus primus, ad temporales, & in ore latitantes musculos porrigitur. ^o *Quartum*, in externo latere orbitæ oculi, quod oblongum est maximumque, rimam potius, quam foramen exprimens, cum antèrui latius sit, posterius circa oculi radicem tenuius. Per hoc ramus quartus tertii paris, & primus quarti nervorum cerebri, in temporales musculos distribuuntur, & pituita oculi orbitam per secundum foramen ingressa, ad fauces elabatur. ^p *Quintum*, longum & asperum, sub finem sinus posterioris sellæ turcicæ, per quod arteriæ carotidis major ramus in caput ascendit. ^q *Sextum*, ad hujus externum latus, longum, ellipsin figuram, five ovalem referens, quartum nervorum cerebri par transmittens. ^r *Septimum*, à posteriore prædicti sede situm, exiguum admodum, & exacte rotundum, pro venæ jugularis internæ ramo secundo & minore, qui in crassæ meningis substantiam ingreditur, & cujus vestigia in sincipitis ossibus apparent.

Alterum commune calvaria os, ab aliis qui cribro conferebant, (ob foramina nullo ordine disposita, quibus cribri ritu pertusum est) *ῥημοειδῆς*, CRIBRIFORME & CRIBROSUM dicitur: aliis, qui spongiæ comparare maluerunt, quod foramina dicta anfractuosa, non directæ cernerent, *σπγγιοειδῆς*, & os *Spongiosum* appellatur. Os hoc unum non est, sed multiplex, diversæ substantiæ, formæ, & situs. ^s *Prima pars*, os est, quadratum altera parte longius referens, à quo totum postea nomen accepit, in anteriore, sed interna

Connexio.

Substantia.

Processus.
Interni.

1.

2.

Externi.
1.

2.

Sinus.
1.

1.

2.

Foramina.
1.

2.

3.

4.

5.

6.

7.

2 Os cribri-
forme.Partes ipsius.
1.^a, 2. 5. 1.
G. G.^b, H. H.^c, 2. 5. 2.
K. K.^d, M. M.^e, c. d.^f, 2. 5. 1.^g, K. K.^h, L. L.ⁱ, 2. 5. 2.
L. L.^k, M. G.
3. k.^l, N. G.
3. l.^m, n.ⁿ, 2. 5. 2.
2. 5. 1. C^o, 2. 3. 1.^p, 2. 5. 1.^q, Q. Q.^r, R. R.^s, 2. 5.
E. E.

interna calvariae parte situm, cribri in modum tortuosis foraminibus perforatum, & tenuissima membrana similiter perforata obtectum, per quæ odores ad cerebrum penetrant. His obstructis à pituita huc effusa, Gravedo oritur, hyberni temporis in locis frigidioribus commune admodum malum. ^a Altera est, processus in hujus medio, longus & triangularis, apicem acutum in supremitate habens substantiæ solidæ, qui totam primam partem in duas distinguit, & à forma cristæ galli quam refert, *Crista* communiter appellatur. Huic è directo opponitur inferiori in sede ^b pars tertia quæ os tenue est, sed durum tamen, sursum ad olfactus foramina, deorsum ad nares tendens, & sic totam narium amplitudinem ac odoratus organa bifariam, in dextram sinistramque partem distinguit. *Quarta*, spongiæ similis est, multis cavernulis prædita, unde & totum os spongiosum dictum.

Hujus ossis ut partes diversæ sunt, ita quoque usus varii. *Prima* pars, aëri odore imprægnato ad cerebrum aspiranti viam concedit, quæ ut tutior sit, anfractuosa facta est, ne cerebrum qualitate aëris nimium frigida lædatur, sed prius ab osse attemperetur. In catarrhis quoque, pituitæ & cerebri excrementis viam largitur, quamvis id non secundum naturam fiat, cum provida Parens odoribus potius quam cerebri inquinamenti illam viam destinaret. Copia enim magna, obstructis præsertim legitimis viis, ipsa sibi vi viam parit, & quacunque datur exitus novum iter adornat. *Secunda*, seu galli cristæ, falci subternitur, & sinui tertio duræ meningis tutam sedem, cui connascatur, donat. *Tertia*, nasum distinguit, ut cum cæteris sensibus duplicia organa odoratus habeat. *Ultima* tandem, sensim destillantia cerebri excrementa suscipit colligitque, ne ruentia impetuose & continue ex naribus, fœde sapientissimi animalis vitam contaminent.

C A P V T X I.

Agit de osse Jugali.



O S JUGALE, Græcis στυγῶδες ὀστῶν dicitur, quod jugi instar, maxillæ superioris lateribus utrinque affirmetur. Os unum non est, sed ex duobus constat, nec tamen, ut reliqua Calvariae ossa, propriam circumscriptionem obtinet, ut separari à cæteris queat: sed aliis continuum, cum ossa ex quibus conflatur, aliorum sint processus, mediante futura sibi connexi. *Alter* enim pars & ^c posterior, processus est ossis temporum juxta meatum auditorium anteriore sede situs: ^d altera vero antica, processus maxillæ superioris ossis primi, minorem oculi angulum constituentis. Hæ duæ apophyses, quarum illa anteriora, hæc posteriora petit, in medio ^e futura obliqua connectuntur, & os Jugale efformant. Ex quo, vel nemine monente, statim situs hujus ossis se prodit & manifestus est, nempe ad latus utrumque faciei, inter meatum auditorium, & primum maxillæ os. Latum alias est, sed subtile: durum tamen, ac fere solidum, nisi cavernulas contineret medulliferas, pro sui nutritione. Firmamentum, & quasi propugnaculum præbet tendini temporalis musculi, quem complectitur, ut tuto ad processum ^f inferioris maxillæ, cui inseritur, properet. Stabilimentum etiam aliorum musculorum est, maxime tertii paris maxillæ inferioris, quod ^g vocatur, quod ad manducationem imprimis conferat.

C A P V T X I I.

Ossium Faciei, sive Maxillæ superioris, & inferioris, descriptionem tradit.



F ACIEM bifariam dividimus, in maxillam superiorem, & inferiorem. *SUPERIOR MAXILLA*, ἡ ἄνω ὀψύς à nobis vocatur, quidquid præter enarrata ossa in cranio superiore continetur, adeoque illa faciei pars ossea, quæ inferiorem oculorum sedem & latera, nasi partem osseam, malas, & palatum, dentium denique superiorum seriem constituit. *Substantia* est osseæ, non tamen exacte duræ solidæque, sed quæ pumicis in modum cavernulis medulla plenis conficitur: inæqualis etiam, cum alibi partes tenuiores, alibi crassiores obtineat, & sic modo durior, modo mollior sit. Quocirca, & solers

Connexio.

Sutura propria maxillæ superioris.

& solers Natura non ex uno osse, sed ex diversis condidit, ne scilicet, cum inter se substantiæ ratione differentiam requirerent, importune continua essent. *Conjunxit* autem tum inter se, tum cum aliis conterminis ossibus capitis, puta calvariæ, & sphæ-noidis, harmonia potius, quam futura, si externam faciem respicias: futura autem, quam harmonia, si internam. Has enim compages si accurate consideres, forinsecus harmoniæ videbuntur, & quandam lineam efformare: at si effringantur, mutuum quendam intus contextum referunt futuris non absimilem. Sunt autem duplices, aliæ communes calvariæ cum ossibus maxillæ superioris, quarum quinque sunt, jam superius enarratæ, ubi de futuris egimus: aliæ propriæ maxillæ ossibus, novem numero, de quibus nunc dicendum. nam harum beneficio ut ossa determinantur, ita quoque earum descriptio tradenda est.

1. ^a *Prima* ergo in oculi orbita initium ducens in mediâ sede inferioris partis, oblique ac fere circulari progressu deorsum ad latus externum ossis malæ protrahitur, indeque
2. per temporum cava. ^b *Secunda*, in ipsa orbita est, & latere ejus interno, anteriore
3. sede, circularis, & oblonga, quæ totum secundum maxillæ superioris os ambit. ^c *Tertia*, in eadem orbita est, inque eodem latere, sed sede inferiore, ab ossis cuneiformis futura communi secunda rectâ ad faciei anteriora ducitur, & in dicta secunda futura terminatur. ^d *Quarta*, in nasi dorso est, à supercilicrum interstitio per nasi longitudi-
4. nem osseam totam delata, quintum os bifariam dividens. ^e *Quinta*, ad nasi latus exte-
5. rius quartæ toto ductu socia est & comes, à futura communi tertia, recta deorsum se-
6. cundum ossis quinti longitudinem protensa ad usque nasi partem cartilagineam. ^f *Sexta*,
7. in palato est, per cujus partem posteriorem transversim ducitur. ^g *Septima*, in eodem
8. est, sed secundum longitudinem ejus totam excurrent, à posterioribus antrorsum.
9. *Octava*, in interna faciei sede est, in ipsa narium amplitudine, septo cum quinto osse communis. *Nona*, eidem septo cum quarto, & sexto maxillæ communis est. Ex his futuris quædam simplices sunt, ut quarta, sexta, septima, octava, & nona: quædam duplices, in utroque latere occurrentes, ut reliquæ, puta prima, secunda, tertia, & quinta. Atque hæ sunt futuræ, quæ ossa maxillæ superioris dividunt, quorum numerus etsi apud Authores variet, aliis undecim, aliis duodecim ponentibus: nos tamen cum doctissimis Anatomicis duodecim statuemus, adeo ut sex sint paria ossium in universum.

Ossa maxillæ superioris.

1. ^h *Primum*, quod externum oculi angulum efformat, & rotundam illam extuberantiam, Hippocrati κύκλον προσώπου, faciei circumum appellatam, durum satis ac solidum. Superius jungitur ossis frontis processui externo in cauda supercilii, futura communi prima; inferius, cum quarto maxillæ futura prima propria; posterius sphæ-noidi, futura communi secunda; & tandem processu suo, cum processu ossis temporum ad latera capitis, ubi os jugale conficit futura communi quarta.
2. ⁱ *Secundum*, in oculi majore, & interno angulo consistit, estque ossium maxillæ superioris minimum, rotundum, tenuis squamæ instar, cui caruncula lachrymalis innititur, quam propter ^k foramen etiam inferiore ex parte habet satis insigne, in nasi amplitudinem dehiscens, ut mucum excrementaque cerebri, ad pinguedinem oculi transmissa, per nares expurget. Per hoc idem ramus tertius tertii nervorum cerebri paris in narium amplitudinem, ad tunicam hanc succingentem, transmittitur. Iungitur elatiore sede ossi frontis futura communi tertia; depresso & anteriore, cum quarto maxillæ; posteriore, cum sequente.
3. ^l *Tertium* par, substantiæ quidem solidæ ac duræ est, æque tamen ac secundum tenue, nisi quod amplius intus sinibus aëre plenis scateat. Figuram exprimit quadranguli altera parte longioris. Nectitur quatuor ossibus; superius, ossi frontis futura communi tertia; inferius, quarto maxillæ futura propria tertia; anterieus, secundo maxillæ futura propria secunda; posterius, cuneiformi, communi tertia.
4. ^m *Quartum* omnium maximum est, & crassissimum, non tamen æque densum, sed intus refertum cavernulis infinitis medulliferis, maximam faciei partem constituens, maximeque genam superiorem, qua causa à Galeno in Vsu part. 19, os malæ nuncupatur. Hoc superiores dentes omnes complectitur, mystacem constituit, narium foramina, denique omnia fere quæ ad superiorem faciei partem pertinere videntur, quocirca

quocirca & pluribus (quam ullum ex maxillæ) ossibus committitur. Superiùs quidem juxta nasum, ossi frontis, sed brevi ductu, futura communi tertia; inferiùs, cum cuneiformi futura communi secunda; anteriùs, cum secundo in oculi angulo interno futura propria secunda; posteriùs, cum tertio futura propria tertia, & tandem cum suo compari futura propria septima. *Foramina* quoque habet notatu dignissima. ^a *Primum*, duo circa orbitæ oculi sedem inferiorem, quorum alterum in ipsa orbita est, alterum foris, per quod ramus secundus, tertii nervorum cerebri paris, ad faciei musculos excurrit.

^b *Dein*, unum in palati anteriore parte, retro duos medios incisorios, in ipsa divisione ossis palati, siue futura propria septima, per quod ex palato in narium amplitudinem venula atque arteriola una cum tunica palatum succingente transmittitur.

^c *Quintum* est formæ quadrangulæ, oblongum, durum, mediocriter crassum, cum suo pari nasi osseam partem constituens. Superiùs annectitur frontis processui interno portiuncula futuræ communis tertiæ; inferiùs, futuram quidem non habet, sed asperum admodum & inæquale existit, & cum cartilaginibus nasi committitur; anteriùs cum suo conjugate, futura quarta propria; posteriùs, cum quarto futura quinta.

^d *Sextum*, cum suo pari palatum efformat, & narium amplitudinis posteriorem partem, anteriùs semicirculum, posteriùs rectam fere lineam exprimit. Ex his jam patet, quot & quæ ossa sint, ex quibus oculi orbita conficitur. Alia enim ad frontem, alia ad sphænoidis os pertinent, alia ad maxillam superiorem. Ad frontis os unum pertinet, quod superiorem oculi partem constituit: ad cuneiforme unum, in externo latere, posteriore sede, positum. Quatuor ad maxillam superiorem, sicut os primum, secundum, tertium, & portio quarti. Primum exterius latus cum dicto sphænoidis efficit: sed hoc anteriorem, illud posteriorem partem. Secundum, & tertium, interius latus: quartum, inferiorem partem. Ex quo fit, ut tota orbita ex sex ossibus confletur, quorum figura & substantia qualis sit, ex dictis satis manifestum est.

Quæ, & quot ossa, oculi orbitam constituent.

Maxilla inferior.

Altera faciei pars, MAXILLA INFERIOR est, quæ homini inter cætera animalia, sola sinia excepta, brevissima est, ut cui manus obtrigere, quarum beneficio cibum ori apportat, ne brutorum instar hunc assumpturus caput terræ inclinet. Est etiam soli homini rotunda, ut majestas illa divinitatis faciei impressa, splendidius eluceat, & pulchritudine sit commendabilior. Habet tandem & hoc peculiare, quod cum cæteris animantibus plerisque omnibus ex duobus ossibus per symphysin junctis, constet, homini (siquidem ad ætatem justam pervenerit) simplex sit, & ex unico confletur. Dico, cum ad justam ætatem succreverit, quod infantibus bifida sit, & cartilagine copiosa in medio mento jungatur: at in adultis ita coalescat, ut nullo modo, ne coctione quidem separari queat, quæ aliorum animantium maxillam facillimo negotio dividit.

Mobilis.

Mobilis est ciborum gratia, qui motu ejus ad masticandum indigent, tum in accipiendo, tum in mandendo cibo. Quocirca & cum superiore ejusmodi articulo commissa est, qui ad motum evidentem aptissimus esse possit, ut postea dicetur, quod in officio communi societate æqua utraque maxilla conspiret.

Dura.

Dura quoque propterea est, non tamen ita, ut ubique solida sit, cum pondere suo incommodare posset: verum sinibus cavernulisque medulliferis referta. *Crassa* est, dentium recipiendorum gratia, quem usum ipsa quasi Natura docere videtur, cum edentulis maxillam attenuat. Nam dum dentium seriem senibus ætas longa abstulerit, crassities quoque maxillæ adimitur, atque aboletur.

Crassa.

Figura arcum pulchre refert, nisi quod posteriore sede attollatur, & bicornis duos utrinque *Processus* altos exigit, quorum ^e *anterior*, *καρῶν* à Græcis dictus, ex lata basi, in tenuissimum exacteque angustum verticem protuberat, os jugale subit, tendinique validissimo muscoli primi maxillæ inferioris, siue temporalis, sedem accommodat.

Processus.

^f *Posterior*, cervice insigni erectum ^g capitulum transversum & longum efformat, quod in sinum secundum ossi temporum insculptum adaptatur, cartilagine incrustatum. Interponitur autem inter caput & sinum alia quoque præter hanc cartilago, lævis atque mollis, quæ non tantum ligamenti officio fungitur, ut processum in sinu suo contineat: sed etiam motum lubricum admodum reddit, adeo, ut aptissimus & validissimus fiat articulus, qui non ambulationi, non apprehensioni, sed vitæ usui maxime necessario institutus erat.

Foramina.

Foramina habet ^h *duo*, utrinque unum in superficie interna ad processuum dictorum fundamenta & origines, quæ per os postea

Foramina.

F

ad ante-

ad anteriora penetrant longissimo ductu, & in externæ superficiei foraminibus desinunt. Per hæc tertius ramus quarti nervorum cerebri paris, cum venula & arteria ad dentium cavitates perfertur. Ductus autem hic à quovis facillime potest investigari in maxilla siccata, si quis foraminibus æneum filum indiderit. ^a Duo alia in exteriori superficie parte anteriore comparent, per quæ vasa modo dicta ad musculos, labium, & cutim illic locorum collocatam deferuntur. Sunt etiam *asperitates* quædam in maxilla occurrentes diligenter notandæ musculorum gratia, cum vel caput ibi, vel tendo infertur. ^b Prima est in anteriore ossis & exteriori parte, qua mento subest, ubi utrinque ad latera extuberat, pro capitibus tertii paris labiorum, quod deprimens inferioris labii vocabimus. ^c Altera, in eadem anteriore parte, sed sede interna levior asperitas, ubi inseritur tendo secundi paris maxillam deprimentis. ^d Tertia tandem, in latere interno, sed postrema parte, sub capitulo maxillæ, juxta sinum per quem nervus ingreditur cum cæteris vasis, ut efformet sedem tutam tendini quinti paris proprii, quem maxillæ adductorem vocabimus.

Cavitates. Præter hæc jam enarrata foramina, notandæ veniunt *Cavitates* utriusque maxillæ marginis, quas vulgo dentium alveolos, & præsepiola Anatomici periti vocare consueverunt. Dentium enim continendorum gratia factæ sunt, quibus numero & figura sic exacte respondent, ut neque hanc, neque illum proprium habeant, sed dentibus correspondentem. Tot enim cava sunt, quot dentes, cum quilibet primum erumpens, sibi proprium ac peculiare condant præsepiolum; concidens etiam secum una alveolum suum perdat, ita ut ne vestigium quidem maneat reliquum, donec (si forte) novus subeat, qui propriam postea sedem domiciliumque (ut ita dicam) sibi omnibus modis respondens præparet, & efformet. Hoc autem formam dentis in cunctis sic æmulari, adeoque exacte undique cingit, & adhæret, ut neque laxius vacillantem, neque angustius infirmum reddat, sed æqua intervalli proportionem denti adaptetur.

C A P V T X I I I.

*Dentium numerum, historiamque proponit.**Dentes:**Articulario dentium.**Observatio.**Substantia.**Figura.**Cavitates.*

DENTES ergo sic siti sunt, nempe in alveolis marginum utriusque maxillæ, sive, ut Galenus loquitur, lib. de off. ad Tyr. ἐν τοῖς τῶν φωνήων βολβοῖς. Articulantur autem certo, nec alteri ossi communi nexu, quem ῥιμψων Græci, quasi dicas Conclavationem, appellant, quod instar clavorum maxillis sint inserti, quanquam pro diverso quo adaptantur modo, diversas etiam alias articulationum species conficere videantur.

Nam *ratione nervi*, qui ipsis insitus, malis affirmat, stabilitatemque largitur, synneurosin efficere parent; *ratione gingivarum*, quibus veluti obvallantur, syssarcofin generare putantur. Notandum tamen hoc diligenter, observatum à me esse, dentium (præsertim incisorum caninorumque) radices quibus alveolis infiguntur, nonnunquam curva acutie latius præsepiolis suis infigi, quo fit ut plurimum roboris ipsa articulatio nanciscatur, sed admodum periculose ipsi postea dentes evellantur, cum cedere nequeant, nisi pars quædam una de ipso alveolo auferatur, quod tamen sine gravissimis symptomatibus fieri vix potest. *Substantiam* duram habent solidamque, imo ossium fere omnium durissimam, cum diutissime flammam incremabiles sustineant. Hæc durities stabilimenti loco inservit, ne inter mandendum atterantur, quanquam ne sic quidem satis firmi sint, cum semper ex continuo usu illis aliquid decedat, quod satis manifeste in illis apparet, quibus dens aliquis excidit, cum oppositus semper reliquis eminere videatur, cujus rei causa non est alia, quam quia ut cæteri, conjuge destitutus, non atteratur.

Figuram autem singuli acceperunt clavi, cum omnes parte qua eminent extra alveolos, nonnihil lati ac rotundi: posterius qua infiguntur, longi & acuti sint. Non tamen omnes eandem figuram obtinent, & hanc quam diximus, sed ratione usus sui admodum discrepant, ut postea dicturi sumus, dum singularum specierum enumerationem historiamque instituemus. ^e *Cavitatem* quoque habent singuli intus, eamque satis insignem conspicuamque, non quidem ubique, sed juxta radicem, substantia quadam membranulam æmulante succinctam, quam etiam dissectionum professores membra-

nam

nam indigetant, & cujus ratione dentes ipsi exquisitissimum sensum obtinere, quod perioftii vicem subeat. Differt tamen magnitudo hujus cavitatis, tum ratione dentium ipsorum, qui majores sunt, minoresve: tum ratione ætatis, cum in puerulis ad septimum usque annum, ampla satis sit cavitas, tenui quadam squama apum favis simili circumsepta, atque albo quodam humore, velut muco, oppleta: at in adultis, rescicato hoc, tota cavitas in angustum sinum coeat. *Vasa* habent omnis generis, venas, arterias, & nervos, à quibus tum nutrimentum, tum vitam, ac sensum accipiunt, quo ita acuto pollent, ut vix pars nostri corporis inveniatur, quæ læsa maleque affecta, majores cruciatus, ac dentes ipsi, possit infligere. *Nutriti* autem debebant, cum semper atterantur; *vivere*, ut nutriantur; sentire, ut expositi multis injuriis in loco externo, fugere noxia facilius queant. A primis enim qualitatibus, calore & frigore, admodum læduntur, & propterea eas fere solas quoque percipiunt: Secundas, sine sensu & noxa perferunt tuto, sustinentque. Non duritie premuntur, non lima læduntur: at levi frigore tacti stupefcunt, levi calore affecti, impense dolent. Ineptum autem est, quod Aretæus prodidit, solos Deos esse qui norint, cur ab illis, quam ab his potius lædantur, cum causa cuiusvis satis in promptu esse videatur. Dentes enim non ipsi per se sentiunt, sed membrana illa est, quæ ipsa, & propter quam illi sentiunt, in penitioribus dentium sinibus abdita. Ergo, cum nec durities, neque mollities, nec lima, neque ferrum ad ipsam membranam penetret, innoxia illa manet: at calor frigusque, dente calefacto aut refrigerato, ad ipsam membranam successive tandem penetrat, & quia membrana frigidiusculum nata est temperamentum, fit ut celerius à frigore quoque, atque à calore afficiatur. Caterum *venas* habent à jugularibus; *arterias*, à carotidibus; *nervos molles*, à tertio nervorum cerebri conjugio *propagatos*. Hæc vasa cum primaria sint, mirum profecto non est, si corpus, primum dentibus erumpentibus, tam misere afficiatur, alvi profluviis, febribus, & convulsionibus, tractis in consensum partibus principibus, hepate, corde, & cerebro. *Superficies* candida est, nitida, ac æqualis, si quidem Naturæ leges observent: sin; nigra, inæqualis, crassaque materia septa, tartaro vini doliis adhærescenti non absimilis. *Magnitudo* moderata est, cum homo ad mansuetum contubernium natus, exertis, instar apri, dentibus non indiguerit. Nec tamen omnes æquales sunt; sed incisores minores, majores canini, maximi molares, & inter hos, posteriores. *Numero* communiter in utraque maxilla sunt sedecim: variat tamen ratione individui sæpe, at non, ut Aristoteles censebat, ratione sexus. Diversitas autem hæc in molaribus est, qui modo plures sunt, modo pauciores, raroque admodum debitum numerum explent. Physiognomis dentium numerus absolutus laudatur, cum & robur facultatis generatricis, & copiam materiæ sufficientem ostendat, quæ duo plurimum ad sanitatis usuram conducere censentur. Sunt autem dentes triplices, ratione tum figuræ, tum usus: obtinuit tamen consuetudo, ut ab usu potius quam à figura appellationem habeant, sicque incisores, canini, molaresque vocantur.

^{1. 3. 1.}
^{2. item}
^{7. fig.}
^{3. 4.}
^{8. 8. 8.}
^{h. h.}
^{l. l. l. l.}
^a INCISORES, à Græcis quoque *τομῆς*, eadem notatione dicti, quatuor sunt, in utraque maxilla siti anteriore parte, unde & *πρόθεν* nominantur, qui figuram, qua sede gingivis eminent, acutam habent. *Vsus* enim ipsorum est, ingestam ori cibum incidere, inque partes dividere, quas molares facilius comminuant. ^c CANINI, *κυνόδοντες*, sunt duo, utrinque unus, extremis incisoribus, tanquam socii adstantes. *Figura*, incisorum figuræ non admodum dissimilis est, nisi quod extremitate sua acutiores nonnihil, cæteris quoque dentibus emineant. Horum *munus* est, ut loco, ita auxilio adstare incisoribus: & si quid duriusculum fuerit, quod ab illis dividi nequierat, ab his frangatur, & dirimatur. *Vsum* hunc in nobismetipsis facile advertemus, si nuces, ossa, aliaque solida, non incisoribus, sed caninis frangere nos attenderimus, edocti hoc ab ipsa quasi Natura officium. Vocantur etiam *Oculares* à vulgo, quod eos ab oculo dependere putat, cum evulsis ipsis oculorum actiones lædi videt, sed alia id ratione accidit, quam docet Anatomica inspectio, quæ testatur, nervorum oculos moventium portionem in hos deferri. *Radices*, ut prædicti incisores, habent singulas, robustiores tamen, altiusque infixas. ^d MOLARES, *μῦλαι*, & *μυλῆται* dicti, quod veluti molis cibus ab ipsis atteratur, loco sunt postremi, in buccarum cavitate occulti. *Numero*, si adsint omnes, quinque, utrinque, ad latera caninorum consistentes, ut sic omnes in universum, si utriusque

Obs. re.

Superficies.

Magnitudo.

Numero.

Incisores. 1

Canini. 2

Obs. re.

Molares. 3

maxillæ numerum requiras, viginti conficiant. Non tamen omni ætate omnes adsunt; ut plurimum quidem quatuor illi, caninis proximi, & junioribus adsunt: at ultimi duo, (adultioribus solum, unde & σωφρονήσιδες Hippocrati dicti, quod non erumpant prius, atque homo sapientiæ studio idoneus evaserit. Latinis propterea sapientiæ dentes nuncupati: aliis, ut vulgo, Genuini dicti. Atque hi in causa sunt, ut inter se Authores varient in numero dentibus assignando, aliusque alio plures, vel pauciores, enumeret. Modo enim videre liceat in hoc latere quatuor, in alio quinque; modo in superiore maxilla omnes adesse, modo in inferiore quosdam deficere. *Figuram* habent à cæteris paululum discrepantem. cum enim illi acuti sint, hi latam habent superficiem & inæqualem, quatuor acutis eminentiis exasperatam, quas inter foveola quædam occurrit, ab ipsarum concursu enata. Quare & pars extra gingivas producta, non velut reliquorum acuta, sed quadrata est, quæ perfectior in tribus posterioribus, adeo ut hac causa à Ruffo Ephesio, *τεταπέλαι*, & *Mensæ* appellentur, quas non ineleganter videntur exprimere, tum lata hac superficie, tum triplici radice, cui hæc incumbit, cum & nostræ mensæ cuidam radici semper insternantur. *Radices* autem non simplices habent, ut reliquijam enarrati, sed plures, in quarum numero quædam occurrit discrepantia, tum ratione maxillæ, tum etiam dentium inter se. Et inter se quidem, cum proximi caninis, habeant pauciores; plures, tres posteriores: at ratione maxillæ, cum duo superioris maxillæ caninis proximi communiter binis, reliqui extremi ternis radicibus affigantur; at inferioris maxillæ illi singulas habeant; hi, binas. Sunt etiam superioris dentes, majoribus radicibus præditi, ut ita satis clare pateat, & numero, ac magnitudine ab istis, inferioris maxillæ differre. Id quod non temere, sed provido NATURA fecit consilio, cum illi, qui penduli futuri erant, firmamentum fidelius requirerent: hi, suo pondere satis muniti, onus supervacuum respuerent. Ex his nemini obscurum esse potest, quem *usum* dentes præstent corpori. Nam masticando, cibos ventriculo præparant, ut ipsius in chylum conversio sit facilior. Hos *dividunt* Incisores; *frangunt* Canini; *comminuunt* Molares, & molæ instar in minimas partes dividunt. hinc *lati* facti sunt, ut excipiant facilius, retineantque fidelius: *asper* autem, ut comminuant perfectius. Sic enim & molares lapides ferreis malleis exasperari videmus, cum nihil æquali superficie præstent.

CAPUT XIV.

Ossis hyoidis historiam tradit.

SUB maxilla inferiore, in elatissima laryngis parte, ^a os continetur, ^{a, 2. 7. 6} quod unitatis nomine exprimitur, & à similitudine quam habet cum ^{7. 8.} litera Græcorum υ, υψιλοειδές, & contracte υοειδές; aut cum Λ, λαμβδοειδές dicitur. Meo tamen iudicio rectius comparari figura ejus cum inferiore maxilla poterit, quod antèrius sinuosum, posterius cornua, veluti processus longos educit. Sunt nonnulli Veterum, qui *φάρυγγες* vocavere, vel, quia faucibus subserviat velut basis; vel, quia laryngi substernatur, quem nonnulli *φάρυγγο* vocavere. Os tamen hoc unum non est, sed multiplex, & ex pluribus conflatum, magnaue ex parte in *Viris* adultæ ætatis, ex undecim constat: in *Mulieribus*, ex paucioribus, nonnunquam etiam ex tribus tantum componitur. ^b *Primum* os, quod ^{b, A. B.} in medio consistit duorum lateralium, majusque est, ac latius ipsis, etsi paulo brevius, exterius, sive ^c parte anteriore, convexum est, & in obtusum angulum terminatur, at ^{c, a.} ^d interius, concavum. *Sinus* habet, ^{d, D.} ^e unum in elatiore regione transversum & depressum, ut ^{e, C.} ^f primum sibi dicatorum musculorum, sive attollens par, excipiat: ^{f, c.} ^g duos alios in parte inferiore, utrinque unum, quibus secundum, detrahens par, inseritur. Hoc *basin* ossis hyoidis inferius in musculorum historia vocabimus. Ex hujus ^{g, G. G.} ^h lateribus *duo alia* ^{h, E. F.} ⁱ ossa secundum scilicet, & *tertium* educuntur, quæ humiliora hyoidis latera dicemus, (alii ^{i, I. K.} *Cornua* appellant.) & cartilagine, ac ligamento cartilagineo satis lato, firmiter sibi junguntur. Habet & alios ^k *duos* processus superiora latera dictos, quod ex superioribus & ^{k, L. M.} *lateralibus* partibus prodeant, qui *quartum*, & *quintum* os faciunt, teretes sunt & graciles, quibus postea ^k *alia tria* ossicula ut plurimum adduntur, & ossium horum numerus undecim denarius

Primum os
hyoidis.

Secundum, &
tertium os.

Quartum, &
quintum os.
Reliqua ossa.

denarius absolvitur. ^a *Connectuntur* hæc ossa cum partibus adjacentibus, puta maxilla inferiore, sterno, scapulis, appendice styloide, lingua, laryngis thyroide cartilagine, œsophago. *Connexio* autem hæc non uno fit modo, sed partim per eam unionis speciem, quæ *συνάρκωσις* dicitur, & fit interventu carnis: partim per illam, quæ *συνείρωσις*, vel *συνήμωσις*, ut nos privato nomine & strictiore appellavimus, si quidem liceat eas etiam huc voces trahere, quæ ossibus alias proprio quasi jure competere videntur. Primum enim os, linguae fundamenti instar subternitur, quo nomine & *basis linguae* dicitur, quod hujus elatiori sedi lingua innitatur, cum reliqua cavitas hyoidis epiglottidem excipiat: inferior sedes, una cum secundo & tertio ossiculo, toto ductu quatuor validis ligamentis laryngis scutiformi cartilagini adnectitur, at hæc tandem extremitatibus suis ejusdem processibus committuntur. Reliqua ossicula totidem ligamentis appendici styloidi junguntur. Quamobrem qui explorare manu in vivente etiam homine ossiculum hoc voluerit, illi prompte se offeret primum illud à nobis descriptum, quod cæteris grandius est, si digitos paululum supra laryngem gutturi injiciat: reliqua lateralia, fere in intimioribus partibus latitant, nec sese tactui produnt. Cæterum quomodo reliquis partibus, quas enarravimus, ut sterno, œsophago, aliisque, musculorum interventu connectatur, dicetur eo loco commodius, quo ejus musculorum historia à nobis tradetur. *Vides* *Facit hoc os* plurimum ad detinendum meatum faucium ea forma, qua ipsum os est apertum, tum ut commode cibus per œsophagum quando comedimus descendat, tum ut aër in asperam arteriam, dum respiramus, & loquimur, per laryngem transferatur.

C A P V T X V.

Describit Claviculas.

CLAVICULÆ, ^b *κλῆιδες* Græcis dictæ, non quod thoracem claudant, ut *Etymologia* Anatomici quidam prodiderunt, sed quia figuram referant clavium antiquarum. Exprimunt enim formam *f* Latinorum literæ oblongæ, ad cujus similitudinem antiquitus claves ædium conficiebantur. Memini enim & me dum Juvenis Patavii literis & Medicinæ incumberem, in antiquissimis ædibus hujus figuræ claves adhuc usurpatas vidisse. Ex quo patet, *figuram* clavicularum non rectam esse, sed partim convexam, partim concavam, adeoque duos quasi constituere semicirculos. *Figura* Qua enim parte ^c ab osse pectoris discedunt, extrorsum gibbæ flectuntur; ^d qua vero summo humero junguntur, in anteriora curvantur, & cavæ fiunt. *Numerus* Duo sunt numero, una utrinque, inæquali crassitie præditæ. nam ^e prope jugulum dimidia sui parte teretes propemodum sunt: ^f at ubi humerum respiciunt, latiusculæ evadunt. illa pars, sedem largitur principio primo primi humerum moventis musculi, quem Pectoralem vocant: hæc, principio primo secundi, quem attollentem esse, & Deltoidem appellari dicemus. *Connexio* *Connectuntur* ergo duobus ossibus, ^g sterno nempe, & scapulæ, sed sterno superiore parte ossis primi, in sinu cartilagine in crustato, capitulo oblongo, depresso, & triangularis fere figuræ: at summo humero, sive scapulæ processui superiori, oblongiusculo, & lato quasi capite. *Caput* quod sterno nequitur, cartilaginem habet, aliis capitibus quoque communem: sed præter hanc etiam propriam, tenuem & æqualem, similem omnino illi, quem in inferioris maxillæ, cum superiore articulo positum esse superius diximus, lævem admodum, unctuosoque humore oblinitum. *Substantia* *Vides* *Vsus* autem est, sustinere scapulas, ne una cum humero in pectus cadant, id quod evenire videmus, ubi clavicula fracturam patitur.

CAPUT XVI.

Sterni, sive ossis pectoris historiam proponit.



HORACIS parte ^a anteriore in homine os occurrit, ab aliorum animalium sibi correspondente osse plurimum differens, tum brevitatem, tum amplitudine sua. Hoc communiter Græcis *στέρον*, quasi *στέρον*, ab usu dicitur, quia munit, firmatque pectus. Nonnullis à figura *ξίφοειδής*, *ensiforme*, quæ tamen vox solius hominis sterni, non aliorum animalium competit, ut audiemus. Latini, *Os pectoris*, à situ appellant, quia anticam humani pectoris partem occupat. Quanquam vero unitatis nomine vulgo exprimitur, neutiquam tamen os unum est, sed ex pluribus compositum, cartilagineum beneficio invicem connexis & unitis, communiterque in hominibus protractæ ætatis ex tribus conficitur, quorum ^b *primum* & ^c *ultimum*, semper in omni ætate unum idemque est: ^d *secundum* vero admodum differt, & modo plura, modo pauciora, modo etiam unum constituit, pro ut ætas hominis infantie aut virilitati proximior est. Recens natis ^e ex tribus ut plurimum conflatum est, quæ septennio elapso inter se coeunt, & in unum concedunt. *Substantia* autem horum ossium, non ut aliorum solida est, sed rubens, & fungosa, ac plena cavernulis, duplici cincta quasi testa, quarum tamen anterior posteriore multo solidior est. Puerulis in primo ortu totum cartilagineum est, postea in os abit: sic tamen, ut superiores partes inferioribus prius solidescant. *Figuram* habet, si tria ossa considerentur juncta, manubrii alicujus gladii Veterum, quæ lunatis erant lateribus. Primum enim latum cum sit, partem illam quæ sub manu consistit, refert: at lunata pars secundi, partem gladii quam manu apprehendimus: tertia tandem, gladii apicem. Est autem ^f *os primum* omnium crassissimum amplissimumque: crassius etiam seipso parte superiore, inversum referens triangulum, cujus vertex abscissus sit, nisi quod latera, sive crura lunata sint utrinque. Superior pars in extremitate utraque ^g sinum obtinet longum, & cartilagine incrustatum, qui claviculæ caput, de quo dictum, excipit: in horum medio ^h foveam habet lunatam, quam *σφαγνὴ*, jugulum, vocant. ⁱ *Secundum os* minus crassum est, minusque latum, sed multo priore, imo fere quadruplo longius, pluribus sinibus exasperatum, quibus postea costarum tertiæ, quartæ, quintæ, & sextæ cartilagine protuberantes inseruntur. ^k *Tertium* minimum est, quod neque crassitie, neque longitudine cum reliquis conferri potest; at latius tamen secundo est, cujus infimæ sedi adnectitur. Huic in fine ^l *cartilago* apponitur oblonga, quam *ξίφοειδῆ*, *ensiformem*, & *mucronatam* appellant, sed imperite, cum ignarum dissectionum vulgus, canum intuens cadavera, videntque nulla ratione hanc vocem sterni coaptari posse, cartilagini postea nomen tribuerit, ut quod aliqua ratione propius ad similitudinem ensis accederet. At enim, qui humani cadaveris copiam habuere, satis vident, quam bene hæc appellatio toti sterni possit congruere. Cæterum cartilago hæc, cum incertæ sit figuræ, ut plurimum tamen est triangularis, nonnunquam bifida, sæpe rotunda. Sub hac cavitas occurrit, nostris *scrobiculus cordis*, Veteribus *καρδία*, *Cor*, dicta, quod ibi *καρδία* sita sit, sive orificium supernum & sinistrum ventriculi, cujus dolores omnino similes apparent doloribus cordis, unde & *καρδιαλγίαι*, & *καρδιωγμοὶ* à Practicis Medicinæ scriptoribus vocantur. Quem *usum* præstet nemo non videt. Propugnaculum enim est thoraci, & firmam sedem costis, cui implantentur, largitur. Cum enim thorax necessario ex costis fabricandus esset, ne vel osseus totus, ut Caput; vel carneus foret, ut infimus Venter, quorum utrumque motum ipsius mirum in modum impedisset, cum os continuum inflexile, & caro instabilis futura esset, alicubi profecto firmamentum & sustentaculum, cui infererentur, requiri videbatur.

Sternum ex
tribus ossibus
in adultis con-
stat.

Primum os.

Secundum os.

Tertium os.

Cartilago
ensiformis.

Usus.

^a. 2. 7. 16
A.

^b. 2. 7. 11
A.

^c. 1. 5.
^d. P. 9. 1.

^e. P. 9. 9
1. 8.

^f. A.

^g. e. f.

^h. g.

ⁱ. P. 9. 1.

^k. 1. 8.

^l. 1.

o.

CAPUT XVII.

Scapularum historiam explicat.



CAPVLARVM, ^a quas Græci ὀμοπλάτας appellant, quasi dicas, ossa Scapula. humeri latitudinem constituentia, duæ sunt, utrinque una, in dorso, inter primam & quintam thoracis costam sitæ, cum raro admodum ad sextam usque pertingere videantur. Hæ in gracilibus tabi obnoxiiis, quod impense protuberent, alæ videntur, ex quo hujusmodi περιμετέδεις, hoc est, alati, dicuntur, signumque futuræ tabis secum circumferunt,

teste Galeno 4 Aphorism. *Figura* ipsarum convexa ^b foris est, tutelæ gratia, ^c intus concava; illam nos *dorsum scapulae*, hanc *cavitatem* vocabimus. Tota autem scapula tri- *Dorsum sca-*
pula
Cavitas sca-
pulae
Lateralia tria.
1.

angulum, & quidem scalenum, ut Mathematici loquuntur, exprimit, cum inæqualibus lateribus constet, primumque tanto secundo sit majus, quanto secundum tertio. Est autem ^d *primum latus* illa scapulae sedes, quæ juxta dorsi longitudinem, thoracis verte-
brarum spinis proxime obtenditur, quamvis non exquisitè lineam rectam exprimat, sed
superius inferiusque ad externa corporis paululum se flectat. ^e *Alterum latus*, ab infe-
riore primi sede, obliquo ductu sursum fertur: at ^f *tertium* à superiore ejusdem regione,
recta fere linea, ad exteriora similiter cum secundo progreditur, ubi postea utrumque
veluti in vertice trianguli, in processu illo, qui sinuosam cervicem pro humeri capite
constituit, coit. Vocatur primum latus *Basis*, quod fundamentum sit reliquorum late-

rum cui insistent: at reliqua duo, *Costa*, ducta appellatione à triangulis, in quibus *Basis.*
Costa.
à Geometris costæ dicuntur latera basi incumbentia: discriminis tamen gratia secun-
dum *Inferior*; tertium autem, *Superior costa* vocatur. Cæterum ut in omni triangulo tres
reperiuntur anguli, veluti & tria latera, ita hic quoque tres sunt, duo tamen præcipue
musculorum gratia ab Anatomicis notantur. ^g *Alter angulus elatior* est, qui à basi, &
superiore costa circumscribitur: ^h *alter humilior*, à basi, & inferiore costa continetur.

In illum inseritur secundus scapulae, Elevator, musculus; ab hoc, enascitur quartus hu-
meri, Deprimens, sive Rotundus. *Connectitur* autem scapula diversis partibus interventu
musculorum, adeoque per illam unionis speciem, quam supra *συνάκρωσις* vocari diximus,
ossi scilicet occipitis, tum vertebrae cervicis, dorsi, ac costis. Et ossi quidem occipitis, per
musculos cucullares dictos, sive primum par scapulas moventium, qui iidem etiam dorsi
vertebris annectunt. *Vertebrae* autem *cervicis*, per secundum par earundem, Elevans,
quos patientiæ musculos vocabimus. *Dorso*, per rhomboidem, sive par tertium: *Costis*
vero, per serratum minorem, sive scapularum par quartum adducens. *Substantiam* ha-

bent duram ac solidam, si partes duntaxat nonnullas exceperis, quæ spongiæ modo raræ
sunt, ac pluribus cavernulis distinctæ. Crassitiem tamen admodum inæqualem habent.

Costa enim inferior crassiuscula est; superior, tenuis; medio modo se basis habet: at
superiori in sede, qua costæ invicem coeunt, crassissima evadit, conspirantibus quasi
lateribus in illam crassitiem: in cæteris quæ inter has sunt partes, tenuissima est. *Pro-*

cessibus donatur *tribus*, quorum ⁱ *primus* oppido quam brevis est, breviorque ^k *cervice*
donatus, in ^l sinum definit, superiore parte acutum, inferiore orbiculatum. Sinus hic
humeri caput excipit, pro cuius tamen ratione haud alte satis exsculptus est, quod ideo
factum videtur, ut omnis generis motus promptius humerus obiret. Ne tamen ideo
articulus luxationibus fieret opportunior, provida Natura ligamentis validis, & pecu-
liari processu cavit, maxime tamen præter cartilaginem, qua sinum hunc incrustavit,
aliam in ambitu adjungens, quæ sinui quidem haudquaquam adnascitur, ligamentis
tamen adstrictus, crassior incipit, sensimque versus centrum extenuatur. Hoc pacto,
cum sinus debitam altitudinem non haberet, ope cartilaginis majorem profunditatem
nactus est: nec tamen propterea in illis circumrotationibus vel tantillum impeditur, cum
caput humeri cartilaginem, utpote mollem, ubique obsequentem inveniat. Quæ res
Chirurgiæ candidatis observanda est, ut in humero restituendo cautius discant agere,
neque vi ipsum importune, ut plerique, intrudant, sed legitima potius extensione facta,
sensim reponant, cum citra gravem articuli noxam cartilago illa avelli lædive non possit.

Alter processus, ^m *Spina scapulae* dicitur, qui validus est, ex dorsi ipsius tota propemodum
latitudine

latitudine

latitudine

latitudine

latitudine

latitudine

latitudine

Dorsum sca-
pula
Cavitas sca-
pulae
Lateralia tria.
1.

2.
3.

Basis.
Costa.

Anguli.

Connectio.

Substantia.

Processus.
1.
Cervix.

Observatio.

2.
Spina Scapulae.

latitudine enatus, non in ipso quidem longitudinis medio, sed sede aliquanto elatiore, & nonnihil sub angulo superno. Hic ubi ex ^a angusto quasi vertice, juxta basin scapulæ ad anteriora delatus est, sensim fit latior ac crassior, cumque ad cervicem jam fere appulit, à scapula discedens, ^b in longam, moderateque curvam, & latiusculam appendicem finit, quæ supra humerum evecta, ad anteriora deferretur, & in extremitate sua antica ^c lævem sinum insculptum obtinet, cui claviculæ caput articulatur. Totus autem hic processus qui dorso scapulæ neëtitur, *Spina scapulæ* dicitur: at illa pars spinæ, quæ abscedit, & supra humerum fertur, Græcis ἀκρωμίων, Latinis *Summus humerus*, quo nomine & nobis, in musculorum præsertim historia, semper vocabitur. Spina autem duas *cavitates* efficit, *superiorem* & *inferiorem*, quarum utraque μελαγχένιον, *Interscapulum* dicitur, adeoque ἡ ἄνω ἢ κάτω, ^d *superius*, aut ^e *inferius*. ^f *Tertius processus* ille est, qui ex costa superiore, qua cervici contermina est, enascitur, minor prædicto, & situ quoque inferior. Semicirculum refert, cum ^g ex angusta basi ^h in acutiorem verticem circulari linea fastigietur, humeri articulo præfixus, quo firmiter in sua sede contineatur, minusque excidat. Sed quia figura hæc pluribus, & quidem diversis rebus accommodari commodè potest, factum hinc est, ut diversa nomina ipsi ab Authoribus imposita sint, prout quisque huic, aut alteri rei assimilare voluit. Hinc aliis à cognatione quam habet cum *C Græcorum*, σιγμοειδής; aliis, ab *anchoræ* figura, ἀγκυροειδής; aliis denique, à *rostri corniculæ* forma, ρογχειδής dicitur. Nos latine *Ancoriformem* processum appellabimus.

Summus humerus.

3.
Ancoriformis processus.

1.
Vetus.

2.

3.

Vetus scapularum per se satis manifestus est ex historia. Cum enim sinum pro humeri osse contineant, ipsius gratia creatas esse, haud difficulter quivis crediderit. Et quo in loco articuletur humerus, si absque scapulis foret, cum costæ Thoracis, non modo opportunitatem; sed etiam locum penitus omnem denegent, ut ideo in reliquis etiam, præter hominem, animalibus, scapulæ os brachio articuletur? Accedit, quod plures hinc musculi, humeri motui dicati, commodè enascantur: ut taceam interim Naturæ providum consilium, quo dorso voluit prospicere, dum scapulis quasi clypeo quodam textit, & adversus externas injurias à tergo incidentibus, munivit.

C A P V T X V I I I.

Quæ de Spina in universum dici possunt, persequitur.

Spina.



Vertebra.

SPINA DORSI, ⁱ Græcis quoque ἀκανθα, à spinosis processibus appellata, non ex uno constat osse, tametsi id tutius fortasse erat: sed ex pluribus conflata est, tum propter motum, cujus beneficio corpus flectitur extenditurque, tum propter nervos, qui ex medulla, quam continet, pluribus ramis in universum fere corpus disperguntur. Hæc ossa Græcis σπένδυλοι, Latinis VERTEBRÆ vocantur, numeroque sunt viginti quatuor: ^k septem quidem Cervicis: ^l duodecim Thoracis: ^m quinque denique Lumborum. Vocamus autem nunc ⁿ *Dorsum* doctrinæ facilioris gratia, quicquid à prima colli vertebra ad sacrum os protenditur, etsi magna pars eorum qui corporis humani historiam literis prodiderunt, os quoque sacrum dorso addiderint. Habent hæc vertebræ quædam communia inter se, adeo ut omnibus totius spinæ vertebris competant: quædam communia vertebris solius cervicis, thoracis, aut lumborum: nonnulla etiam propria. Hæc ut fideliter omnia & ordine tradamus, primum ea quæ generalissima sunt, quæque de omnibus in universum dici possunt, hoc capite persequemur, deinde quæ singulis competunt breviter subjiciemus.

Communia omnibus dorso vertebris.

1.
Corpus.

° Commune ergo hoc omnibus est (excepta prima) spinam constituentibus vertebris, habere in antica sui parte ^p corpus quoddam extuberans nonnihil anteriùs, sive ea parte, qua pectus respiciunt; posterius, qua dorsum, modice cavum: supra vero, infraque, plana superficie donatum. Corpus hoc non ex solido osse ac duro: sed molli, fungoso, ac pumicis substantiam referente conficitur, quod ideo quoque levissimum est. Magnitudinem hujus quod spectat, minus id est (quemadmodum ipsæ etiam vertebræ) superioribus, adeo, ut quo remotior quæque est à prima cervicis, tanto majora sumat incrementa, ut propterea merito lumborum vertebræ, omnium quæ in spina continentur, sint maximæ. Id quod Natura sapientissima summo effecit consilio, cum ea corpora,

a, 2.7.13.

b, K.L.

c, M.

d, Q.

e, R.

f, fig. 13.

g, O.

h, P.

i, 2.7.

k, A.1

l, B.1

m, C.

n, A.

o, 2.15.

p, G.1.

pōra, quæ sustinent, majora semper sustinendis esse debeant. Ne tamen propterea benignissima Parens animali pondere incommodaret, ingeniose aliud quoque commenta est, & quanto majorem fecit unamquamque, tanto fungosiorē quoque, ut ita dicam, pluribusque & majoribus cavernulis refertam efformavit, ut adeo vertebrarum lumborum corpora levissima quoque sint, & nullo fere pondere prædita. His corporibus tria deinceps processuum genera adnata sunt, transversi nempe, obliqui, & acuti. ^{2.} *Processus.* ^a Transversi dicuntur, qui ad corporis vertebræ latera consistunt, utrinque unus: Obliqui autem, qui situm obliquum obtinent, & quatuor singulis sunt, quorum duo ^b ascendentes, ^c duo alii ^c descendentes, pro mutua vertebrarum inter se articulatione effecti. Inter hos in medio unus est, posteriore sede ^d acutus, ex utriusque horum concursu enatus, deorsumque delatus, superne acuta linea se stringens, at inferne latiore basi extendens. ^{3.} *Foramen proprium.* ^e Habet præter hos processus, quælibet vertebra ^e foramen grandiusculum, inter corpus vertebræ, & triplices processus consistens, quod transitum præbet medullæ à cerebro per totum dorsum descendenti. Atque hoc quidem foramen proprium dicitur: nam à lateribus, qua inter se committuntur, excavatæ sunt, & sic dum invicem junguntur, ex cavo superioris inferiorisque, unum quasi rotundum foramen (unde ^f commune vertebrarum foramen dicitur) constituunt, quod postea nervo exitum, venæ autem, & arteriæ, ingressum in spinæ cavitatem largitur. ^{4.} *Foramen commune.* ^{5.} *Connexio.* Caterum harum *connexio*, quo pacto inter se fiat, libro tertio, ubi de ligamenti agemus, fusius dicitur.

C A P V T X I X.

De Vertebris Cervicis.



^g ^h ⁱ ^j ^k ^l ^m ⁿ ^o ^p ^q ^r ^s ^t ^u ^v ^w ^x ^y ^z ^{aa} ^{ab} ^{ac} ^{ad} ^{ae} ^{af} ^{ag} ^{ah} ^{ai} ^{aj} ^{ak} ^{al} ^{am} ^{an} ^{ao} ^{ap} ^{aq} ^{ar} ^{as} ^{at} ^{au} ^{av} ^{aw} ^{ax} ^{ay} ^{az} ^{ba} ^{bb} ^{bc} ^{bd} ^{be} ^{bf} ^{bg} ^{bh} ^{bi} ^{bj} ^{bk} ^{bl} ^{bm} ^{bn} ^{bo} ^{bp} ^{bq} ^{br} ^{bs} ^{bt} ^{bu} ^{bv} ^{bw} ^{bx} ^{by} ^{bz} ^{ca} ^{cb} ^{cc} ^{cd} ^{ce} ^{cf} ^{cg} ^{ch} ^{ci} ^{cj} ^{ck} ^{cl} ^{cm} ^{cn} ^{co} ^{cp} ^{cq} ^{cr} ^{cs} ^{ct} ^{cu} ^{cv} ^{cw} ^{cx} ^{cy} ^{cz} ^{da} ^{db} ^{dc} ^{dd} ^{de} ^{df} ^{dg} ^{dh} ^{di} ^{dj} ^{dk} ^{dl} ^{dm} ^{dn} ^{do} ^{dp} ^{dq} ^{dr} ^{ds} ^{dt} ^{du} ^{dv} ^{dw} ^{dx} ^{dy} ^{dz} ^{ea} ^{eb} ^{ec} ^{ed} ^{ee} ^{ef} ^{eg} ^{eh} ^{ei} ^{ej} ^{ek} ^{el} ^{em} ^{en} ^{eo} ^{ep} ^{eq} ^{er} ^{es} ^{et} ^{eu} ^{ev} ^{ew} ^{ex} ^{ey} ^{ez} ^{fa} ^{fb} ^{fc} ^{fd} ^{fe} ^{ff} ^{fg} ^{fh} ^{fi} ^{fj} ^{fk} ^{fl} ^{fm} ^{fn} ^{fo} ^{fp} ^{fq} ^{fr} ^{fs} ^{ft} ^{fu} ^{fv} ^{fw} ^{fx} ^{fy} ^{fz} ^{ga} ^{gb} ^{gc} ^{gd} ^{ge} ^{gf} ^{gg} ^{gh} ^{gi} ^{gj} ^{gk} ^{gl} ^{gm} ^{gn} ^{go} ^{gp} ^{gq} ^{gr} ^{gs} ^{gt} ^{gu} ^{gv} ^{gw} ^{gx} ^{gy} ^{gz} ^{ha} ^{hb} ^{hc} ^{hd} ^{he} ^{hf} ^{hg} ^{hh} ^{hi} ^{hj} ^{hk} ^{hl} ^{hm} ^{hn} ^{ho} ^{hp} ^{hq} ^{hr} ^{hs} ^{ht} ^{hu} ^{hv} ^{hw} ^{hx} ^{hy} ^{hz} ^{ia} ^{ib} ^{ic} ^{id} ^{ie} ^{if} ^{ig} ^{ih} ⁱⁱ ^{ij} ^{ik} ^{il} ^{im} ⁱⁿ ^{io} ^{ip} ^{iq} ^{ir} ^{is} ^{it} ^{iu} ^{iv} ^{iw} ^{ix} ^{iy} ^{iz} ^{ja} ^{jb} ^{jc} ^{jd} ^{je} ^{jf} ^{jj} ^{jh} ^{ji} ^{jj} ^{jk} ^{jl} ^{jm} ^{jn} ^{jo} ^{jp} ^{jq} ^{jr} ^{js} ^{jt} ^{ju} ^{jv} ^{jw} ^{jx} ^{ky} ^{kz} ^{la} ^{lb} ^{lc} ^{ld} ^{le} ^{lf} ^{lg} ^{lh} ^{li} ^{lj} ^{lk} ^{ll} ^{lm} ^{ln} ^{lo} ^{lp} ^{lq} ^{lr} ^{ls} ^{lt} ^{lu} ^{lv} ^{lw} ^{lx} ^{ly} ^{lz} ^{ma} ^{mb} ^{mc} ^{md} ^{me} ^{mf} ^{mg} ^{mh} ^{mi} ^{mj} ^{mk} ^{ml} ^{mm} ^{mn} ^{mo} ^{mp} ^{mq} ^{mr} ^{ms} ^{mt} ^{mu} ^{mv} ^{mw} ^{mx} ^{my} ^{mz} ^{na} ^{nb} ^{nc} nd ^{ne} ^{nf} ^{ng} ^{nh} ⁿⁱ ^{nj} ^{nk} ^{nl} ^{nm} ⁿⁿ ^{no} ^{np} ^{nq} ^{nr} ^{ns} ^{nt} ^{nu} ^{nv} ^{nw} ^{nx} ^{ny} ^{nz} ^{oa} ^{ob} ^{oc} ^{od} ^{oe} ^{of} ^{og} ^{oh} ^{oi} ^{oj} ^{ok} ^{ol} ^{om} ^{on} ^{oo} ^{op} ^{oq} ^{or} ^{os} ^{ot} ^{ou} ^{ov} ^{ow} ^{ox} ^{oy} ^{oz} ^{pa} ^{pb} ^{pc} ^{pd} ^{pe} ^{pf} ^{pg} ^{ph} ^{pi} ^{pj} ^{pk} ^{pl} ^{pm} ^{pn} ^{po} ^{pp} ^{pq} ^{pr} ^{ps} ^{pt} ^{pu} ^{pv} ^{pw} ^{px} ^{py} ^{pz} ^{qa} ^{qb} ^{qc} ^{qd} ^{qe} ^{qf} ^{qg} ^{qh} ^{qi} ^{qj} ^{qk} ^{ql} ^{qm} ^{qn} ^{qo} ^{qp} ^{qq} ^{qr} ^{qs} ^{qt} ^{qu} ^{qv} ^{qw} ^{qx} ^{qy} ^{qz} ^{ra} ^{rb} ^{rc} rd ^{re} ^{rf} ^{rg} ^{rh} ^{ri} ^{rj} ^{rk} ^{rl} ^{rm} ^{rn} ^{ro} ^{rp} ^{rq} ^{rr} ^{rs} ^{rt} ^{ru} ^{rv} ^{rw} ^{rx} ^{ry} ^{rz} ^{sa} ^{sb} ^{sc} ^{sd} ^{se} ^{sf} ^{sg} ^{sh} ^{si} ^{sj} ^{sk} ^{sl} sm ^{sn} ^{so} ^{sp} ^{sq} ^{sr} ^{ss} st ^{su} ^{sv} ^{sw} ^{sx} ^{sy} ^{sz} ^{ta} ^{tb} ^{tc} ^{td} ^{te} ^{tf} ^{tg} th ^{ti} ^{tj} ^{tk} ^{tl} tm ^{tn} ^{to} ^{tp} ^{tq} ^{tr} ^{ts} ^{tt} ^{tu} ^{tv} ^{tw} ^{tx} ^{ty} ^{tz} ^{ua} ^{ub} ^{uc} ^{ud} ^{ue} ^{uf} ^{ug} ^{uh} ^{ui} ^{uj} ^{uk} ^{ul} ^{um} ^{un} ^{uo} ^{up} ^{uq} ^{ur} ^{us} ^{ut} ^{uu} ^{uv} ^{uw} ^{ux} ^{uy} ^{uz} ^{va} ^{vb} ^{vc} ^{vd} ^{ve} ^{vf} ^{vg} ^{vh} ^{vi} ^{vj} ^{vk} ^{vl} ^{vm} ^{vn} ^{vo} ^{vp} ^{vq} ^{vr} ^{vs} ^{vt} ^{vu} ^{vv} ^{vw} ^{vx} ^{vy} ^{vz} ^{wa} ^{wb} ^{wc} ^{wd} ^{we} ^{wf} ^{wg} ^{wh} ^{wi} ^{wj} ^{wk} ^{wl} ^{wm} ^{wn} ^{wo} ^{wp} ^{wq} ^{wr} ^{ws} ^{wt} ^{wu} ^{wv} ^{ww} ^{wx} ^{wy} ^{wz} ^{xa} ^{xb} ^{xc} ^{xd} ^{xe} ^{xf} ^{xg} ^{xh} ^{xi} ^{xj} ^{xk} ^{xl} ^{xm} ^{xn} ^{xo} ^{xp} ^{xq} ^{xr} ^{xs} ^{xt} ^{xu} ^{xv} ^{xw} ^{xx} ^{xy} ^{xz} ^{ya} ^{yb} ^{yc} ^{yd} ^{ye} ^{yf} ^{yg} ^{yh} ^{yi} ^{yj} ^{yk} ^{yl} ^{ym} ^{yn} ^{yo} ^{yp} ^{yq} ^{yr} ^{ys} ^{yt} ^{yu} ^{yv} ^{yw} ^{yx} ^{yy} ^{yz} ^{za} ^{zb} ^{zc} ^{zd} ^{ze} ^{zf} ^{zg} ^{zh} ^{zi} ^{zj} ^{zk} ^{zl} ^{zm} ^{zn} ^{zo} ^{zp} ^{zq} ^{zr} ^{zs} ^{zt} ^{zu} ^{zv} ^{zw} ^{zx} ^{zy} ^{zz} ^{aa} ^{ab} ^{ac} ^{ad} ^{ae} ^{af} ^{ag} ^{ah} ^{ai} ^{aj} ^{ak} ^{al} ^{am} ^{an} ^{ao} ^{ap} ^{aq} ^{ar} ^{as} ^{at} ^{au} ^{av} ^{aw} ^{ax} ^{ay} ^{az} ^{ba} ^{bb} ^{bc} ^{bd} ^{be} ^{bf} ^{bg} ^{bh} ^{bi} ^{bj} ^{bk} ^{bl} ^{bm} ^{bn} ^{bo} ^{bp} ^{bq} ^{br} ^{bs} ^{bt} ^{bu} ^{bv} ^{bw} ^{bx} ^{by} ^{bz} ^{ca} ^{cb} ^{cc} ^{cd} ^{ce} ^{cf} ^{cg} ^{ch} ^{ci} ^{cj} ^{ck} ^{cl} ^{cm} ^{cn} ^{co} ^{cp} ^{cq} ^{cr} ^{cs} ^{ct} ^{cu} ^{cv} ^{cw} ^{cx} ^{cy} ^{cz} ^{da} ^{db} ^{dc} ^{dd} ^{de} ^{df} ^{dg} ^{dh} ^{di} ^{dj} ^{dk} ^{dl} ^{dm} ^{dn} ^{do} ^{dp} ^{dq} ^{dr} ^{ds} ^{dt} ^{du} ^{dv} ^{dw} ^{dx} ^{dy} ^{dz} ^{ea} ^{eb} ^{ec} ^{ed} ^{ee} ^{ef} ^{eg} ^{eh} ^{ei} ^{ej} ^{ek} ^{el} ^{em} ^{en} ^{eo} ^{ep} ^{eq} ^{er} ^{es} ^{et} ^{eu} ^{ev} ^{ew} ^{ex} ^{ey} ^{ez} ^{fa} ^{fb} ^{fc} ^{fd} ^{fe} ^{ff} ^{fg} ^{fh} ^{fi} ^{fj} ^{fk} ^{fl} ^{fm} ^{fn} ^{fo} ^{fp} ^{fq} ^{fr} ^{fs} ^{ft} ^{fu} ^{fv} ^{fw} ^{fx} ^{fy} ^{fz} ^{ga} ^{gb} ^{gc} ^{gd} ^{ge} ^{gf} ^{gg} ^{gh} ^{gi} ^{gj} ^{gk} ^{gl} ^{gm} ^{gn} ^{go} ^{gp} ^{gq} ^{gr} ^{gs} ^{gt} ^{gu} ^{gv} ^{gw} ^{gx} ^{gy} ^{gz} ^{ha} ^{hb} ^{hc} ^{hd} ^{he} ^{hf} ^{hg} ^{hh} ^{hi} ^{hj} ^{hk} ^{hl} ^{hm} ^{hn} ^{ho} ^{hp} ^{hq} ^{hr} ^{hs} ^{ht} ^{hu} ^{hv} ^{hw} ^{hx} ^{hy} ^{hz} ^{ia} ^{ib} ^{ic} ^{id} ^{ie} ^{if} ^{ig} ^{ih} ⁱⁱ ^{ij} ^{ik} ^{il} ^{im} ⁱⁿ ^{io} ^{ip} ^{iq} ^{ir} ^{is} ^{it} ^{iu} ^{iv} ^{iw} ^{ix} ^{iy} ^{iz} ^{ja} ^{jb} ^{jc} ^{jd} ^{je} ^{jf} ^{jj} ^{jh} ^{ji} ^{jj} ^{jk} ^{jl} ^{jm} ^{jn} ^{jo} ^{jp} ^{jq} ^{jr} ^{js} ^{jt} ^{ju} ^{jv} ^{jw} ^{jx} ^{ky} ^{kz} ^{la} ^{lb} ^{lc} ^{ld} ^{le} ^{lf} ^{lg} ^{lh} ^{li} ^{lj} ^{lk} ^{ll} ^{lm} ^{ln} ^{lo} ^{lp} ^{lq} ^{lr} ^{ls} ^{lt} ^{lu} ^{lv} ^{lw} ^{lx} ^{ly} ^{lz} ^{ma} ^{mb} ^{mc} ^{md} ^{me} ^{mf} ^{mg} ^{mh} ^{mi} ^{mj} ^{mk} ^{ml} ^{mm} ^{mn} ^{mo} ^{mp} ^{mq} ^{mr} ^{ms} ^{mt} ^{mu} ^{mv} ^{mw} ^{mx} ^{my} ^{mz} ^{na} ^{nb} ^{nc} nd ^{ne} ^{nf} ^{ng} ^{nh} ⁿⁱ ^{nj} ^{nk} ^{nl} ^{nm} ⁿⁿ ^{no} ^{np} ^{nq} ^{nr} ^{ns} ^{nt} ^{nu} ^{nv} ^{nw} ^{nx} ^{ny} ^{nz} ^{oa} ^{ob} ^{oc} ^{od} ^{oe} ^{of} ^{og} ^{oh} ^{oi} ^{oj} ^{ok} ^{ol} ^{om} ^{on} ^{oo} ^{op} ^{oq} ^{or} ^{os} ^{ot} ^{ou} ^{ov} ^{ow} ^{ox} ^{oy} ^{oz} ^{pa} ^{pb} ^{pc} ^{pd} ^{pe} ^{pf} ^{pg} ^{ph} ^{pi} ^{pj} ^{pk} ^{pl} ^{pm} ^{pn} ^{po} ^{pp} ^{pq} ^{pr} ^{ps} ^{pt} ^{pu} ^{pv} ^{pw} ^{px} ^{py} ^{pz} ^{qa} ^{qb} ^{qc} ^{qd} ^{qe} ^{qf} ^{qg} ^{qh} ^{qi} ^{qj} ^{qk} ^{ql} ^{qm} ^{qn} ^{qo} ^{qp} ^{qq} ^{qr} ^{qs} ^{qt} ^{qu} ^{qv} ^{qw} ^{qx} ^{qy} ^{qz} ^{ra} ^{rb} ^{rc} rd ^{re} ^{rf} ^{rg} ^{rh} ^{ri} ^{rj} ^{rk} ^{rl} ^{rm} ^{rn} ^{ro} ^{rp} ^{rq} ^{rr} ^{rs} ^{rt} ^{ru} ^{rv} ^{rw} ^{rx} ^{ry} ^{rz} ^{sa} ^{sb} ^{sc} ^{sd} ^{se} ^{sf} ^{sg} ^{sh} ^{si} ^{sj} ^{sk} ^{sl} sm ^{sn} ^{so} ^{sp} ^{sq} ^{sr} ^{ss} st ^{su} ^{sv} ^{sw} ^{sx} ^{sy} ^{sz} ^{ta} ^{tb} ^{tc} ^{td} ^{te} ^{tf} ^{tg} th ^{ti} ^{tj} ^{tk} ^{tl} tm ^{tn} ^{to} ^{tp} ^{tq} ^{tr} ^{ts} ^{tt} ^{tu} ^{tv} ^{tw} ^{tx} ^{ty} ^{tz} ^{ua} ^{ub} ^{uc} ^{ud} ^{ue} ^{uf} ^{ug} ^{uh} ^{ui} ^{uj} ^{uk} ^{ul} ^{um} ^{un} ^{uo} ^{up} ^{uq} ^{ur} ^{us} ^{ut} ^{uu} ^{uv} ^{uw} ^{ux} ^{uy} ^{uz} ^{va} ^{vb} ^{vc} ^{vd} ^{ve} ^{vf} ^{vg} ^{vh} ^{vi} ^{vj} ^{vk} ^{vl} ^{vm} ^{vn} ^{vo} ^{vp} ^{vq} ^{vr} ^{vs} ^{vt} ^{vu} ^{vv} ^{vw} ^{vx} ^{vy} ^{vz} ^{wa} ^{wb} ^{wc} ^{wd} ^{we} ^{wf} ^{wg} ^{wh} ^{wi} ^{wj} ^{wk} ^{wl} ^{wm} ^{wn} ^{wo} ^{wp} ^{wq} ^{wr} ^{ws} ^{wt} ^{wu} ^{wv} ^{ww} ^{wx} ^{wy} ^{wz} ^{xa} ^{xb} ^{xc} ^{xd} ^{xe} ^{xf} ^{xg} ^{xh} ^{xi} ^{xj} ^{xk} ^{xl} ^{xm} ^{xn} ^{xo} ^{xp} ^{xq} ^{xr} ^{xs} ^{xt} ^{xu} ^{xv} ^{xw} ^{xx} ^{xy} ^{xz} ^{ya} ^{yb} ^{yc} ^{yd} ^{ye} ^{yf} ^{yg} ^{yh} ^{yi} ^{yj} ^{yk} ^{yl} ^{ym} ^{yn} ^{yo} ^{yp} ^{yq} ^{yr} ^{ys} ^{yt} ^{yu} ^{yv} ^{yw} ^{yx} ^{yy} ^{yz} ^{za} ^{zb} ^{zc} ^{zd} ^{ze} ^{zf} ^{zg} ^{zh} ^{zi} ^{zj} ^{zk} ^{zl} ^{zm} ^{zn} ^{zo} ^{zp} ^{zq} ^{zr} ^{zs} ^{zt} ^{zu} ^{zv} ^{zw} ^{zx} ^{zy} ^{zz}

^{1.} *Oblongi colli homines cur phthisi obnoxii.*

^{1.} *Communia vertebrarum cervicis.*

^{2.}

^{3.}

^{4.}

^{5.}

^{1.} *Propria vertebrarum cervicis.*

^{1.} *Primæ Tuberculum.*

^{1.} *Sinus.*

Processus.

vertebræ appendicem excipit, cartilagine similiter obductam. *Processus* ^a *ascendentes* pa- ^a, H.
riter ac ^b *descendentes* paulum differentes habet ab aliis, cum utrique sinuati sint, illis oc- ^b, I.
cipitis tubercula; his, secundæ ascendentes, excipientibus. Super illis motus capitis in
priora & posteriora fit, hoc est, flexio capitis & extensio; super his, circa dentiformem
processum circularis, quo caput ad latera ducitur. ^c *Transversi* processus simplices sunt, ^c, G.

Spina.

majores tamen ac reliqui, quod propter musculorum caput moventium sextum septi-
mumque par contingit. ^d *Spina*, sive posterior, admodum ab aliis differt. nam neque ^d, L.
bifida, ut cæteræ colli, neque acuta, ut thoracis, sed simplex est, in tuberculum, &
obtusum valde angulum terminans, brevissimaque, imo vero vix spinæ dignanda no-
mine, cum spina si ibi esset, plurimum musculis ea in parte delatis (quos infra rectos

Foramina.

minores caput extendentes vocabimus) incommodatum fuisset. ^e *Foramen* obtinet in ^e, M.
medio proprium, majus cæterarum foramine: at inferius cum secunda, ut & secunda
cum tertia, commune efficit, non tamen reliquis simile: sed per sinus rimæ formam
exprimentes, exsculptos ad processus obliquos descendentes, quibus secundæ vertebræ
ascendentibus processibus, committitur. In reliquis cervicis vertebrais, sinus commune
foramen efformans, orbicularis est.

^{2.}
Secundæ
Corpus.
Processus.

^f *Altera vertebra* corpus nanciscitur, sed strictius id est, minusque aliarum corpori- ^f, 2. 8. nu.
bus. *Processus* ^g *transversos* similiter minores habet, & ^h foramina ipsis insculpta mi- ^h, 1. 1.
nora, deorsumque respicientia: ⁱ *posteriorem* bifidum, ut cæteræ. ^k *Superiores* leviter ex- ^k, G.
tuberant, ^l *inferiores* leviter sinuantur: ex medio autem corpore inter duos ascenden- ^l, C.
tes processus, ex elatiore regione ^m alius quidam erumpit, nulli alteri vertebræ com- ^m, E.
munis, altus, admodumque solidus, & acutus, qui cartilagine contactus, in sinum primæ
vertebræ, de quo diximus, inseritur, super quem circularis capitis motus obitur. Hic
cum dentis, præsertim canini, formam exprimat, idè, & *Dens magnus* Hippocratis,
à dissectionum peritis vocatur, quamvis Hippocrates totam potius vertebram hoc no-
mine, quam processum hunc solum indigitarit. Hic elatiore in parte, qua primam
vertebram superat, asper est, ut tutiorem sedem ligamento largiatur, quo cum osse oc-
cipitii connectitur anteriore parte magni foraminis, per quod spinalis medulla ex cra-
nio descendit.

Dens magnus
Hippocratis.

^{3.}
Quatuor se-
cundæ subja-
centium.

ⁿ *Tertia* deinde, *quarta*, *quinta*, & *sexta vertebra*, sive quatuor secundæ subjacentes, ⁿ, 2. 8. n.
similes fere sunt in omnibus. ^o *Laterales processus* omnes aliis ampliores habent, & bifi- ^o, 1. 1.
dos, non secus ac bifidæ quoque sunt ipsarum ^p spinæ, quo validiore nexu plures mu- ^p, G.
sculi adaptarentur: quamvis sexta spinam non ita manifeste duplicem habeat. *Obliquos*
processus quoque habent similes, ex quibus ^q *ascendentes* quidem tuberculo, sive capite ^q, H.
donantur, leviter admodum extuberante, ut difficile sit distinguere, capitulum sit, an si-
nus vocandus: ^r *descendentes* vero modice exsculptum orbicularem sinum obtinent. ^r, I.

^{4.}
Septimæ.

^s *Septima* tandem, omnium cervicis maxima est, & quemadmodum loco, ita quoque ^s, 2. 8. n.
figura thoracis vertebrais propior. nam neque ^t transversos processus, neque ^u postero- ^t, 1. 1.
rem habet bifidum, sed admodum extuberantem ac propendentem, non secus ac tho- ^u, K.
racis spinæ dependent.

CAPUT XX.

De Thoracis, ac Lumborum vertebrais.

Communia
vertebrarum
Thoracis.



SEPTEM cervicis vertebrais, *duodecim* ^x THORACIS excipiunt. Quan- ^x, 2. 8. n.
quam interdum etiam tredecim inveniantur, quibus totidem costæ re- ^y, 1. 1.
spondent, sed rarum id est: nonnunquam etiam undecim, ut dictum, ^y, G.
sed multo adhuc rarius.

Corpora harum orbicularia sunt ^y *anterior*, ^z *posterior* leviter cava, ac ^y, A.
quasi lunata, ^a *superius* *inferiusque* plana superficie donata, dummo- ^a, B.
do primam excipias, cujus elatior sedes inæqualis est, similisque omnino vertebrarum ^a, C.
colli. Et quamvis planæ sint, circa tamen ambitum omnes leviter extuberant, ut liga-
menta firmitus illic vinciantur, ne vertebræ extra suam sedem tam prompte prolaban-
tur. *Processus* obtinent similiter, ut reliquæ dorfi, quatuor quidem obliquos, at duos
laterales, unumque posteriorem acutum, sive spinam. *Obliqui* inserviunt articulationi,
quorum

quorum beneficio inter se committuntur : sic tamen, ut semper ^a superiores capitulorum vicem gerant, & inferioribus proxime adjacentium superiorum vertebrarum inarticulentur : ^b inferiores contra, sinuum, leviterque cavati sint, ut capitula proxime inferiorum vertebrarum excipiant. Et hanc articulationis rationem communem habent cum cervicis vertebis, adeo quidem, ut à secunda colli ad undecimam usque thoracis eadem sit omnium inter se, quo ad juncturam, ratio. Duodecima enim propriam postea obtinet, & quemadmodum prima cervicis utrosque obliquos, ascendentes dico & descendentes, sinuatos habebat, ut infra supraque capitula exciperet, infra secundæ colli, supra capitula occipitis : ita thoracis ultima utrosque capitatos habet, ut supra ab undecima thoracis, infra à prima lumborum excipiat. ^c Transversi processus rotundo veluti capite extuberant, sursumque feruntur. Magnitudine æquales fere sunt inter se in superioribus novem : at in tribus inferioribus sensim decrescunt. ^d Spinæ omnibus data, sed tamen haud eadem magnitudine & forma : omnibus tamen simplices sunt, neque ut colli bipartitæ. Superiorum enim novem proceræ admodum sunt, supra acutæ, infra latiusculæ, oblique deorsum latæ : inferiorum trium, ut laterales quoque liquido superioribus breviores, sed utrobique crassiores tamen, rectæque delatæ. Id vero in duabus infimis, undecima, inquam, & duodecima, manifestius apparet, in quibus multo adhuc rectius progrediuntur, lumbarium spinarum, ad quas accedunt propius, ritu; non ita tamen, quin agnoscas deorsum spectare, & thoracis morem sequi. Foramina naclæ sunt, ut aliæ dorsi vertebræ, ^e proprium unum, maximum, in medio, per quod medulla transit : communia duo, utrinque unum, quæ fiunt ex sinibus inter corpus & processus obliquos exsculptis, sic tamen, ut in thoracis vertebis uterque sinus, tam superioris, quam inferioris vertebræ, æqualis sit, adeoque magnitudine ambo sibi respondeant.

Atque hæc quidem communia magna ex parte cum aliis obtinere : duo adhuc sunt reliqua ipsis propria, ac singularia. Primum quidem, sinus duo, utrinque unus, pro costarum capitibus inferendis, lævis admodum, & cartilagine investitus. Sinus hic à prima usque ad nonam, uni atque alteri vertebræ communis est, utraque dimidiam veluti partem conferente, non secus ac modo diximus, communia foramina, juxta quæ & ipsi hi sinus consistunt, ab utriusque veluti symbola produci. In reliquis tribus inferioribus, totus in ipso corpore, ejusque superiore parte, incisus est. Alterum est similiter ^f sinus lævis, cartilagine succinctus, insculptus transversis processibus novem vertebrarum superiorum, quibus costæ inferuntur, & quasi affirmantur. Vnde fit, ut longiores quoque tribus cæteris inferioribus sint, & quamdiu costas excipiunt, etiam processus harum gratia conditos proceriores exigant. Sinus autem hi, non æqualiter omnibus insculpti sunt : sed in prima vertebra deorsum magis spectant, in ultima, sive nona, paulo sursum : in mediis, medio quodam modo se habent.

^g Thoracis vertebis immediate LUMBORVM quinque subjiciuntur, quæ ^h corpus obtinent semicirculare, sed oblongum, grandius corpore superiorum, ut facilius ab ipsis ferantur, cum Naturæ legibus admodum conveniens sit, ut basis paulo latior validiorque sit re, quam sustinet. Constat autem ex substantia rara, & pumicis ritu plena foraminibus, partim ut gravitate minus animali molestum sit, partim ut venæ alimentum deferentes, viam apertam liberamque inveniant, per quam excurrant. ⁱ Superiores processus, juxta ^k ac inferiores, alio se habent, & prorsus contrario, quam in Thorace, modo. In illis enim superiores capitula exigebant, inferiores sinus : in his superiores sinus efformant, inferiores capita. Vtrique oblongi sunt, evidenterque figuram suam exprimunt, ut nullo negotio agnoscas illos sinus esse, hos capitula. ^l Transversi, tenuiores quidem sunt, longiores tamen thoracis vertebis, excepta prima & quarta, quæ omnium minimæ : tertia omnium longissima, & quinta crassissima est. Feruntur omnes recta, solam quintam si demseris, quæ ex principio latiore in acutum definit angulum, modice curva, in processu sursum delata, ut ilium ossa sibi vicina evitet. ^m Posteriores processus validi sunt, breviores tamen pro ratione sui corporis : figuræ pæne quadrilateræ oblongæ, nisi quod inferius latus paululum sinuatum sit ; exterius vero, modice convexum. Crassi sunt, non tamen æqualiter, cum superiore sui parte acutiem illam spinis propriam fere retineant, inferiore latefant : at omnium crassissimi in fine fiant. Magnitudine inæquales sunt invicem. nam ut vertebræ, quo inferiorem

Propria vertebrarum thoracis.
1.

Lumborum vertebræ quæ communia habent.
1.

locum occupant, eo majora habent corpora: ita contra, quo superiores sunt spinæ, eo majores quoque sunt, adeo ut in majoribus vertebra, minores sint spinæ, & infima, quæ alias maxima est, minimam omnium obtineat spinam. *Foramina* denique habent, ^a *unum proprium*, quod maximum est, & medullæ spinali viam transitumque præbet: ^{a, M.} *duo communia*, per quæ nervi ad partes vicinas exeunt, at venæ arteriæque intrant. Hæc ex vertebrarum sinibus conjunctis componuntur, *hoc tamen pacto*, ut totum fere foramen à superiore confletur, inferiore vertebra pauculam partem conferente: quemadmodum contra *in cervicis vertebra*, ut dictum, inferior maximam tribuebat; *in thorace* autem, utraque æqualem.

CAPUT XXI.

De Osse Sacro.



Os sacrum ex pluribus componitur ossibus.

Foramina.

Processus.

VLTIMAM dorsi partem ^b OS SACRUM excipit, ^{b, 2. 9. 1. & 2.} *ἱερὸν* veteribus Græcis, ab amplitudine sua dictum, quibus omnia magna Sacra vocabantur. Horum consuetudinem Latini postea imitati sunt, cum os sit omnium dorsi latissimum, quodque instar fundamenti reliquis substernitur, ac totam vertebrarum molem sustentat. Quamvis autem dum sacrum vocatur, unitatis nomine veniat, unum tamen os minime est, sed ex pluribus coagmentatum, magnaue ex parte à quinque, (nonnunquam etiam sex) conficitur, prout scilicet coccygis os, vel quatuor in se continet, vel ex tribus tantum componitur. Id tamen de tenera ætate duntaxat intelligendum est, in qua hæc ossa separatim cernere licet, cartilagine invicem contexta, cum in adultis ita jungantur, ut unum potius, quam multiplex appareat, fereque ne vestigium quidem juncturæ ullum videatur, nisi anteriore sede, in qua levia quædam cartilaginum rudimenta in conspectum se proferunt. Sunt autem hæc ossa *Vertebra*, id quod non solum ex forma ipsorum, sed etiam usu satis manifeste patet. *Ex forma* quidem, cum in omnibus, & corpus sit, & processus: *ex usu* autem, quod vertebrarum ritu excavata sint pro spinali medulla recipienda, quæ in hoc quoque osse tandem finem suum recondit. Ac ossa hæc quidem contrario modo se habent, ac reliquæ dorsi vertebrae, cum illæ, quo inferioribus approximabant magis, tanto incrementa majora sumebant: hæc è diverso liquido decrescant. Quare supremum omnium maximum est, infimum minimum, cum sensim angustentur, ac propterea non absurde figuram trianguli totum os sacrum exprimat, aut cucullam aliquam Monachorum. Partem habet ^c gibbam, & ^d concavam; illa dorsum, ^{c, fig. 2. d, fig. 1. e, 1. 2. 3. & 4. f, in fig. 1. g, in fig. 2. h, B.} hæc pectus respicit. In utraque ^e *foramina* cernuntur, quæ ex sinibus vertebrarum conficiuntur unitis junctisque, ^f interiora tamen majora multo, quam ^g exteriora sunt, similiterque nervorum transitui patent. Habent & ^h *magnum foramen*, per quod medulla descendit, sed quod evidenter in inferioribus una cum ipsa medulla decrescit. *Processibus* donatum est omnis generis. *Obliqui* obscuriores paulo sunt, præterquam in prima, in qua conspicue eminent ⁱ superiores, sinuosique capitula excipiunt infimæ lumborum vertebrae. ^k *Transversi* longiores sunt, sic inter se uniti, ut unus esse omnibus videantur: quanto autem elatiores ipsi sunt, tanto quoque crassiores existunt. Horum cuivis in postrema sede, asper & inæqualis sinus insculpitur, qui ilium os suscipit. ^l *Posteriores*, ^{i, C. k, D. D. l, E. E.} siue *spinæ*, similes sunt spinis vertebrarum lumborum, minores tamen multo, & qui, quo sunt decliviores semper, imminuuntur magis, adeo ut ultima processum minime accipiat, sed orbiculari duntaxat eminentia extuberet.

CAPUT XXII.

De osse Coccygis.



Coccygis os compositum.

Substantia.

COCYGIS OS, ^m quod *Cauda* vulgo sermone latino appellatur, quemadmodum & sacrum os, haudquaquam simplex est, sed ex pluribus coagmentatum. Constat enim ex quatuor, vel tribus ossibus, sed uti diximus, pro ratione sacri, quod quinque aut sex obtineat. *Substantiam* habent ossicula hæc admodum mollem & spongiosam, nullo nec processu, neque foramine, aut cavitate donata, nec medullam continentia spinalem,


spinalem, quæ omnia in reliquis vertebrae inveniri, antea diximus. Omnia tamen ^a superiore sede latiora sunt, quam ^b inferiore, superiusque semper ossiculum subsequens magnitudine vincit, adeo ut in mucronem terminentur, psittaci rostro non valde dissimilem. In Mulieribus hic paulo extrorsum cedit ob uteri cervicem, ne in gravida comprimatur: in Viris introrsum curvatur, ut intestinum rectum, cujus gratia conditum est, defendat. Et hanc causam esse puto, quam propter puerulis, in quibus cartilaginis naturæ, quam ossis propius accedit, frequens satis & familiaris morbus sit ani procidentia. Sphincter enim musculus, ac ipsum quoque rectum intestinum huic ossiculo nexu coherent, & cum humida admodum sit puerorum temperies, fit ut harum partium fundamentum instabilius reddatur. *Connectitur* autem ossi sacro, beneficio cartilaginis, sed nexu admodum laxo, ut in conatu valido, dum excrementa majora feceruntur, cedere valeat. Absque eo enim foret, sapissime profecto luxationem incurreret, quemadmodum videmus contingere quoque non raro in partu difficiliore foeminae, quibus tamen facile, fascia circa nates valide constricta, restituitur. Habet autem *prima* superne ^c sinum exiguum, quo postrema sacri ossis vertebra excipitur: at ubi sacrum os ex quinque vertebrae constituitur, supremum coccygis ossiculum, transversos duos processulos acutos exigit, qui sursumeducti, processui quintæ sacri ossis vertebrae valide coalescunt, foramenque conficiunt, per quod sextum nervorum par ossis sacri educitur.

Nota

Connexio.

CAPUT XXIII.

De Costis.



THORAX, cum motus gratia, neque ex uno osse, ut caput, constare potuerit: neque ex sola carne, quemadmodum abdomen: sed partim propter cor, omnium viscerum nobilissimum, firmum propugnaculum requirebat, partim propter pulmones motu indigebat, Natura solertissima perquam commode utrique prospexit, dum carnes ossibus alternatim intertexuit. *Ossa* ^d ergo *Thoracis* *anterior* quidem sunt, ^e Sternum, & Claviculae: *posterius*, ^f Vertebrae: *à lateribus*, ^g Costae, quæ sic ingenioso invento carnibus contextæ sunt, ut & muniri firmiter ossium, & moveri commode carni gratia posset.

Sunt autem *Costae duodecim*, tam in maribus, quam foeminis, ut figmentum & fabula merito habeatur, deesse unam potiori sexui, quod sequior ex costa virili sit conditus. Illud sane inficias nequit iri, & experientia ipsa confirmat, fuisse nonnullos, in quibus tredecim repertæ sunt, sed rarum admodum id est, rariusque adhuc defuisse unam. Quicquid sit, cum duodecim ut plurimum inveniantur, ^h septem superiores legitimæ vocari solent ab Anatomicis, ⁱ inferiores quinque, spuria. Vocantur *Legitimæ*, quod vere sint costae, perfectum complentes circulum, & ad sternum usque pertinentes: at *Spuria*, quia minores illis sunt, nec thoracem ambient, aut pectoris os attingant, sed potius in latere ipso finiantur. *Substantia* omnium partim ^k ossea est, partim ^l cartilaginea, cum ex osse constent admodum fungoso quidem, & molli, sed in veris multo duriore, quam in nothis, quibus molle ac pæne cartilagineum est, ut tum ipsæ costae, tum per ipsas partes subjectæ sint tutiores. *Cartilago* quoque veris sic crassa est & dura, ut senescentibus facili adeo negotio in ossa convertatur, quemadmodum & Virginibus, mammis augefcentibus, quo firmior sedes incumbentibus mamillis paretur. Spuriis tamen contra ita mollis est, ut neque in extrema senecta cartilagineam naturam, ut cæteræ, exuat, sed si quo forte pacto mutetur, duriuscula tantum non nihil fiat. Est etiam brevior multo legitimis, utcunque crassior: spurii contra, tenuis, & angusta. Cæterum *com-*

Costarum numerus.

Divisio.

Substantia.

Cartilagineae.

Connexio.

Figura.

Magnitudo.

Vsu.

1.

nectantur, & alligentur. At spuriae antea, sursum quasi retortae, longo ductu se comitantur, ac tandem sibi ipsis quasi, & cartilaginibus verarum, una excepta duodecima, agglutinantur: posterius autem octava & nona, non secus ac legitimae duplici articulo vertebris connectuntur, decima rarissime duplici, saepissime uno: at undecima, & duodecima unico duntaxat capitulo, sinui corporis vertebrae inhæret. Sinus autem ille non æqualiter in omnibus se habet, eodemque modo; sed in prima quidem vertebra in ipso corpore totus insculptus est: at in octo sequentibus ad latera processuum superiorum & inferiorum, utrique communis, ut dictum: ternae ultimae, infimo loco politae, similiter proprios habent. *Figura* omnibus semicircularis contigit, gibba exterius, interius concava. at *magnitudo* non eadem est, cum superiores inferioresque breviores sint, mediae, longiores. Prima ergo & ultima, omnium brevissimae sunt, paulo major secunda & undecima, hinc tertia, & decima, sexta vero, septima, & octava longissimae, quod Thorax inferius & superius angustus, in medio autem amplissimus sit. Cæterum costarum longitudini, cartilaginis longitudo respondet, cum longiores longiorem cartilaginem habeant. Eodem pacto latitudinis & crassitiei eandem rationem obtinent: unde prima costa, quae latissima est, in latissimam finit cartilaginem: undecimae vero, & duodecimae, quae tenuissimae sunt, tenuissima quoque adjuncta est cartilago. Ipsa autem ossea costarum pars, posteriore sede, qua vertebris nectuntur, crassa est & stricta: at anteriore, quo propius à sterno absunt, attenuatur latiorque fit magis. Vnde evenit, ut illa quidem pars *νωπὶν*, remulus; hæc, *πλάτη*, palmula vocetur, desumptis eleganter his vocibus à remis, à quibus & totae costae *σάρα* vocantur, cum figura, & situ, si totius thoracis ossa respicias, non incommode remigium exprimere videantur. Superna parte hebetes sunt: inferna, acutae, sic tamen, ut in hac ^a sinum, canali similem, secundum totam ipsarum longitudinem efforment, qui crassior est circa vertebrae, at in progressu ad anteriora sensim attenuatur, in quo intercostalia vasa, venae, inquam, arteriae, & nervi tuto reconduntur. *Vsu* costarum nemini ignotus est. Natura enim provida nobilissimo visceri in Thorace contento, Cordi scilicet, firmamentum ac tutelam ossibus his parare voluit: cui promptitudo motus, in inspirantibus expirantibusve accedit, fultis carnibus osseis his fundamentis.

a. 1. 7. 18.
F.

CAPUT XXIV.

De osse Innominato.



Os innominatum ex tribus compositum ossibus.

1.

2.

3.

ANATOMICI illud os, ad latera sacri consistens, INNOMINATUM ^b Galenus, libr. de off. ad Tyrones, capit. 30, appellavit, quod suo tempore nomine careret, quanquam hac ipsa occasione proprium nomen invenerit, quo à cæteris omnibus distinguitur, dum hodieque Innominatum vocamus. Meminit tamen ejus multis ante Galenum seculis doctissimus Poëtarum Homerus, in Iliade, propriamque imposuit appellationem, *ἰχέον* vocando, quae postea à Ruffo, & qui post ipsum doctiores exstiterent Anatomici retenta fuit, cum vulgo os, *ἰχίς*, aut *ilium* dicatur. Vt cunque autem unitatis nomine ubique veniat, minime tamen unum ac simplex est, sed ex tribus cartilaginum beneficio invicem junctis, conflatum. Et junctura quidem hæc in pueris ad septimum usque annum maxime evidens est: in adultioribus vero, cartilagine illa exsiccata, sensim perit, ut adeo per *σύνφυσιν*, sive unionem, in simplex & unicum os, tria illa abeant. Vsu tamen venit adhuc apud omnes, qui nobis humani corporis descriptionem traderunt, ut ossa innominata etiam in adultis trifariam dividantur, ac sic veluti triplicia proponi soleant. ^c Primum os, ilium, sive *λαγώνων ὀστέον* vocant, quod lateri respondentem sedem constituit: ^d Secundum, Coxendicis, quod illam partem conficit, cui acetabulum pro fœmoris capite insculptum est: ^e Tertium, os pubis, aut pectinis, magnoque foramine est incisum. Primum elatiorem sedem occupat: secundum, inferiorem: tertium, anticam. Horum ossium discrimina in magno illo ^f coxendicis sinu deprehendi solent, in quo ^g lineae ducuntur cartilaginosa à centro ad circumferentem ambitum, quarum duae versus superiora excurrunt, sed altera ad anteriora, ut prima; altera ad posteriora, ut secunda: tertia à centro ad inferiora trahitur. Ex his primae duae

b, 2. tabb.
1 & 2. scæ
imprimis 1
9. figuris
6 & 7.c, 2. 1 &
d, 1. 1.

e, 1. 1.

f, a.

g, 2. 9. 1.

VII. 1. 1.

duæ ilium os constituunt: secunda & tertia coxendicis: tertia & prima, os pubis.

^a Os ergo **ILIVM**, omnium latissimum maximumque, superius semicirculi fere imaginem refert, & intrinsecus cavum, extrinsecus convexum est. Semicirculus ille ^b *Spina ossis Ilium* dicitur; at ^c *cavitas*, *Costa*; ^d *gibbositas* vero, *Dorsum*. *Spina* hæc, appendix est admodum aspera, ob musculorum nexum, cum ab externa ejus parte abdominis obliqui ascendentes oriantur, & desinant descendentes: ab interna, pars carnosâ transversa: ab anteriore, primum par tibiam flectentium. *Dorsum*, tres primi fœmur extendentes, quos *Glutæos* vocabimus, occupant, à quo cum & enascantur, ^e tres habet asperas lineas sibi insculptas, ut principium stabilius nanciscantur: at *Costam*, fœmur flectens secundus, sive *Iliacus internus*, totam contegit. *Connectuntur* hæc ossa cum sacro ^f longo ductu, qui simillimus est ejusdem transversis processibus, variis tuberculis sinibusque exasperatus, adeo ut exacte horum ossium sinus, processibus illius, & contra processus sinibus respondeant, sicque firmior conjunctio fiat.

^g Alterum ^h **OS COXENDICIS**, aut **COXÆ** dictum, inter Ilium & pubis ossa medio loco situm est, quod sinum habet, (quem ⁱ *coxendicis acetabulum* vocant) pro excipiendo fœmoris capite, quo major in humano corpore non datur, si conferas cum cæteris, quibus aliarum partium articuli connectuntur. Sinus hic *undique* ^j *labris cingitur*, posteriore tamen parte magis, quam antica; & superiore, quam inferiore; ut fœmur nobis sedentibus in acutum angulum commodius flectatur. ^k Deficiunt tamen hæc labra, qua parte sinus pubis ossa respicit, ob venam ibi transeuntem, quæ articulo nutrimentum deducit, pro generando humore glutinoso & tenaci, ad irrigationem articuli maxime necessario, quod facillime in validis illis motibus, quibus continuo agitur, præsertim in longis itineribus, summo cum animalis detrimento exsiccaretur. Est autem hic sinus cartilagine contactus ubique lævissima, præter ^l anteriorem partem, quæ foraminibus exasperata ob ligamentum teres, quod inde originem ducens, capiti fœmoris inseritur. Notandus vero hic quoque alius ^m *sinus est ossis coxendicis*, posteriori & internæ ipsius sedi insculptus, circa quem veluti ad trochleæ rotulam, tertius fœmur circumagentium musculus, sive *Obturator internus* reflectitur. Nec prætereunda silentio est, ejusdem ⁿ *appendix*, quæ toti infimæ ipsius sedi, cui sedentes innitimur, adnascitur. Hæc admodum lata est pro ratione ossis cui adnascitur, cum ab ea insignes musculi originem ducant, tres nempe posteriores tibiam flectentes, tertius puta, quartus, & quintus. Habet tandem etiam *duo tubercula* in ambitu acetabuli, unum ^o *internum*, alterum ^p *externum*. Ab illo initium sumit secundus tibiam extendentium, sive *Rectus*; in hoc, quod acutum valde est, ligamentum inseritur, quod à quinto ossis sacri processu exoritur.

^q Tertium tandem ^r **OS PUBIS** in anteriore parte positum est, ubi cum osse pubis alterius lateris committitur ^s *linea aspera & crassa recta* descendente, quam intercedit cartilago quædam non admodum dura. ^t *Foramen* habet omnium totius corporis maximum, auriculam non absurde exprimens, inter sinum coxendicis, eamque partem, qua suo conjugi, seu alterius lateris ossi pubis committitur, positum. Levitatem affert ossi hoc foramen, sedemque præbet duobus fœmoris musculis, extrinsecus externo, intrinsecus interno obturatori, sive secundo & tertio circumagentibus musculis, qui à se invicem ligamento forti, quod foramen hoc subteñdit, disparantur. Supra foramen hoc insculptus est ^u *sinus*, per quem venæ & arteriæ transeunt, quæ ad crura deducuntur, sive *Vasâ cruralia* appellata. Cæterum hæc tria ossa cum sacro juncta constituunt cavitatem, quam vulgo ^v *Pelvim* vocant, in qua intestinorum, vesicæ, & uteri pars, continetur. *Vsus* horum ossium est, fœmoris caput in se recipere, & sic universum corpus sustinere; deinde partes infimi ventris tum fulcire, tum munire, præsertim vero intestina, vesicam, & in fœminis genitalia membra.

Cæterum cum *in fœminis aliqua differentia* circa hæc ossa occurrat, & haud parum à virilibus diversa sint, sub calcem hujus capituli illud discrimen breviter subicere decrevimus. *Primum circa ilium ossa* invenitur, quæ latiora multo atque ampliora sunt in fœminis, spinam quoque magis in latera educunt, id quod uteri gratia factum est, ut ipse dum in magnam attollitur molem gravidus, his tanquam fulcris innitatur, suumque pondus facilius sustineat. *Alterum, in coxendicis ossibus cernitur*, quorum inferiores partes à se magis,

3. à se magis, quam in viris distant, ut infanti ex utero egredienti, transitus sit major. *Tertium, in ossibus pubis* advertitur, in quibus linea aspera, qua diximus inter se hæc ossa committi, in foeminis multo brevior est, ac in maribus: at cartilago contra, ipsa ossa inter se connectens, duplo crassior, laxior, ac mollior. *Processus quoque inferiores*, qui sub dicta linea siti sunt, ad externa magis à se diducuntur, ut sic in foeminis cavitas infimi ventris, quam Pelvim nominavimus, multis modis, quam in maribus sit major, quod cum intestino recto, vesicaque, uterum, & quando plenus est, foetum etiam continere debuit.

QVÆSTIO. De his ossibus quæstio esse solet inter Medicos, verane sit quorundam sententia, quæ pro certa à pluribus accipitur, ab antiquissimis Authoribus confirmata, de ossium pubis partus tempore inter se divulsione. Nos cum brevitati studeamus, relictis argumentis quæ pro utraque parte in medium afferri consueverunt, quid sæpenumero non tantum ipsi propriis oculis viderimus, sed aliis etiam in publico Theatro conspiciendum dederimus, brevissime hic proponemus. Incedimus enim media via, nec in omnibus hiscere, nec in nulla, ex plurimis observationibus statuimus, sed in illis tandem, quæ partum habent admodum difficilem ac laboriosum, aut partes ad foetus egressum necessarias, oppido quam angustas sunt nactæ. Nec quoque ita à se dividi credimus, ut à se mutuo dehiscant: sed ligamento laxiore reddito, adeoque sequace ad extensionem, nonnihil hiare arbitramur. Fieri autem id posse facilius notavimus, quo tum major ante partum ad illa membra generationi foetusque exitui dicata; tum in illis maximis doloribus, quibus in partu difficili (præsertim si diutius duret) misera mulierculæ conficiuntur, humorum affluxio fieri consuevit. Sæpe enim sæpiusque vidimus, vasa illa, quæ alias minuta satis sunt, dum utero non gestant, in eam accrevisse gravidis magnitudinem, ut minimi digiti apicem fere crassitie adæquarint. Quamobrem profecto fieri nequit, quin ligamenta omnia, adeoque & cartilagine hæc pubis ossium irrigentur, & molliores postea redditæ, ad aliquem hiatum maximopere præparentur. Neque tamen ossa pubis duntaxat, sed & articulationem illam, quæ sacrum os cum ossibus ilium connectit, pro majore minoreque difficultate, quam partus peperit, laxatam fuisse advertimus: unde illud est, quod exacto labore gravi, de doloribus circa os sacrum & pubem puerperæ nonnunquam conquerantur, cui ut obstetrices remedium inveniant, in lectum collocatas, pedibusque crucis in modum impositis, jubent quiescere, ut illa ossium separatio, humoribus digestis, solide iterum uniatur. Quam autem promptum sit ut hæc ligamenta laxentur, quilibet experiri potest, si ossa innominata, adhuc sacro juncta, & ligamentis suis investita accipiat, cartilagineque duorum pubis ossium abscissa, ipsa pubis ossa mutuo à se dividat. Videbit protinus juncturam illam laxari admodum posse, quam ipsam nos quoque sua natura in foeminis, quam maribus laxiorem esse factam deprehendimus. Id vero quoque observandum est, ligamentum illud os sacrum innominatis alligans, anteriore parte, qua abdomen spectat, tenue satis esse; posteriore vero crassissimum, ut adeo affluentibus humoribus haud difficulter remitti queat, sicque anteriore parte ossa ilium à sacro hiscant, posterius autem juncta maneant. Quod sane Natura solertissima in eum fecisse videtur finem, ut luxatio horum ossium præpediretur, quæ necessario contingeret, si ligamentum utraque parte laxaretur. Revera autem se ita habere, oculisque ipsis cerni posse illam (ut sic dicam) dehiscentiam, probare citra negotium potuimus sæpe in publicis demonstrationibus, in quibus foeminarum ex difficili partu mortuarum, (cute sive adhuc integra, seu secta) foemur alterum sustulimus, vidimusque os pubis illius lateris, digiti fere latitudine eminuisse, quod alias fieri sine laxitate ligamentorum utriusque articuli non potuit. Simile accidit cum alterius lateris foemur elevaremus, id quod & ab aliis doctis viris sic observatum est. Ex his autem merito omnes, & jure conclusimus, pro difficultate in laborioso partu, magis minusve ossa pubis & sacrum, dehiscere, cartilagine, & ligamento facile ad omnem hiatum, ob maximum humorum ad illas partes affluxum, sequacibus.

Observatio.

Dolores circa os sacrum, & pubem, post difficilem partum.

Nota.

CAPUT XXV.

De osse Humeri.



HACTENVS trium ventrium ossa vidimus; restat ergo ut & artuum ossa inspiciamus, quos supra in Manus ac Pedes divisimus, vocantes *manum* quicquid à summa scapula ad extremos usque digitos pertingit. Hæc in tres partes ab Anatomicis dispescitur, in Humerum, Cubitum, & Extremam manum. Dicitur ^a Os HUMERI, quod à Græcis *βραχίων*, à Latinis quoque BRACHIVM, & HUMERVS *συνεχόμενον* vocatur, & inter scapulam ac cubitum, quibus supra infraque committitur, interjacet. Os est *substantie* durissimæ ac solidissimæ, in medio per totam longitudinem fistulæ modo excavatum, partim ut medullam contineat in se, partim ut homini levitate consuleretur. *Figuram* habet teretem, sed variis exasperatam lineis, pro variorum musculorum insertione, aut exortu, superius inferiusque admodum latefcens.

Elatiore enim sede, ^b *appendice* donatum est, ex qua duo exigit *capita*; quorum ^c *alterum internum*, amplum & circulare est, læve, ac undique cartilagine incrustatum, quod sinui cervicis scapulæ committitur, & omnes humeri motus, ante, retro, dextrorsum, sinistrorsum, ad superiora denique, & inferiora perficit. Perfectissima enim articulandi ratione connexum est, cujusmodi Enarthrosin vocant, & omnibus motibus ciendis absolvendisque, maxime est accommodata & opportuna. ^d *Alterum caput externum* est, quod non, ut prius, in alium sinum recipitur, sed gratia ligamentorum inferendorum factum est, illoque multo minus existit, sed magis inæquale, quod beneficio sinus, undique prius caput ambiens, ab illo magno divellitur. Caput hoc iterum in duo alia dividitur, ^e *anterior* puta, ^f *posterior*que, ex quibus illud multis modis majus grandiusque est; hoc, minus. Dirimuntur autem intercedente ^g *sinu* quodam tereti, qui pro recipiendo primo primi cubitum flectentium musculi, principio exsculptus est, quem inferius Bicipitem appellari dicemus. Totus postea humerus deorsum fertur, ita tamen, ut sensim angustetur, in quo progressu parte ^h *anterior* teres est, ⁱ *posterior* depressus & latior, quæ sane figura musculis, illic locorum positis, maxime opportune est, & apta.

^k *Infima parte* iterum, & evidenter latefcit, maximamque varietatem, ob processuum sinuumque copiam repræsentat. Cum enim duobus ossibus conjungi debuerit, Cubito & Radio, utrumque autem os duobus motibus agitur, factum etiam est, ut capitibus differentibus indiguerit. Est ergo ^l *inferius interiusque caput* pro Cubito, cui, quod cardinis imaginem quoquo pacto exprimit, per *γυγλυμενον* conjungi dicitur, sed quia trochleam refert, *Trochlea* etiam, aut *Rotula* nomen, ab Anatomix Professoribus accepit. Nam præter quod orbicularem formam mediam accepit, planam utrimque à lateribus, media quoque ipsius pars sinuata est, non secus ac trochlea, qua parte funem suscipit, utrimque modice prominens. Non tamen exacte trochleæ comparaveris, quod ab interna parte magis, quam externa extuberet. *Sinus* habet *duos*, ante, retroque unum, levi squama inter se distinctos, quorum ^m *ille*, qui anticam sedem occupat, minor est, & anteriorem processum cubiti suscipit: ⁿ *hic*, major multo, posteriori ejusdem processui dicatus. A latere externo *aliud caput* conjunctum habet, cartilagine tectum, cui radius committitur; sed quia is non nisi anterieus flectitur, & in primum aut supinum aptatur, anteriora non excedit. Utrunque ad latera horum capitum, eminentiæ adsunt, quas *Tubera*, & *Tubercula* vocant: quarum illam, quæ trochleæ vicinior est, ^o *internum*; alteram, ^p *externum* vocant: utrumque exortibus variorum musculorum destinatum. Plerique enim musculi, qui cubiti radiique ossibus interna parte incumbunt, ab interno quoque tubere ortum suum habent: similiter ab externo, forinsecus situati. Majus est longe interius externo; utrumvis tamen à tubere in acutam lineam definit, & longo ductu superiores humeri partes ascendit. Ad horum latera sinus sunt, & primo quidem ad latus ^q *externi* in parte humeri posteriore, pro quarto pari nervorum brachii; deinde ad ^r *interni*, in facie anteriore, pro tertio conjugio nervorum illic transeuntium: in posteriore vero, pro quinto pari. ^s *Foramina* in-

H

signia

Manus partes.

Os humeri.

Substantia.

Figura.

Appendix superior. Caput superius.

Caput superius externum.

Appendix inferior.

Trochlea.

Sinus.

Capitulum.

Tubercula humeri.

Foramina.

signia nulla habet, sed in elatiore sede, parva quædam, nullo disposita ordine, quæ pro ligamentorum insertione, aut educatione sunt condita. ^a In medio longitudinis, interna parte unum est evidentissimum, quod deorsum vergens, in ipsam ossis substantiam intimiorem penetrat, ut per id ramus insignis ad ossis nutritionem, in cavitatem medullarem traducatur. ^{a, 2. 9. fig. 8. l.}

C A P V T X X V I.

De Vlna, & Radio.

Cubitus, &
ejus ossa.



L T E R A brachii pars ^b C V B I T V S dicitur, & duobus constat ossibus; quorum illud, quod *minus*, superiore sede locatum est; hoc, majus putata, inferiore: vel, si mavis cum aliis loqui, illud exteriorem; hoc internam partem tenere dicas. Ratione enim situs brachii, appellatio apud Authores variat, ut modo superius dicatur illud, si cubitus pectori applicetur, totumque brachium in media figura jaceat: modo exterius, si totum à trunco recta dependeat. *Primum os*, *κερκίς*, *Radius* dicitur: *alterum*, *πῆχυς* Græcis, Latinis *Cubitus*, utrisque, abusu quodam nominis, totius appellationem parti tribuentibus. Hunc ergo evitare conantes nonnulli, *Vlnam* nominarunt: toti autem parti propriam appellationem retinuerunt, *Cubitum* vocantes. Cæterum hæc duo ossa ita inter se summo Naturæ ingenio constructa sunt, ut *Cubitus* quidem flexionis, & extensionis munus obeat; & flexionis quidem, in acutissimum angulum, at extensionis ad rectam tantum lineam, quam nunquam excedit: *Radius* vero, manus potissimum gratia conditus sit, quam pronam supinamque reddit. ^{b, 2. 9. fig. 10. & 11.}

Vsus.

Communia
ntriusque
ossis.

1.

2.

Contraria.

Habent hæc ossa quædam communia inter se, quædam contraria, nonnulla propria. *Communia* quidem, primo *substantiam*, quæ utrique durissima est ac solida, si appendices tantum excipias: utrique etiam fistulæ in modum excavata, ut medullam excipiant, & pondus inutile evitent. Deinde *figuram* non dissimilem valde inter se habent: Vtrumque enim os longum est, variis exasperatum lineis, musculorum gratia; capitibus etiam utrimque donatum, ex quibus in utrovis unum majus latiusque est; alterum, minus tenuiusque. In eo tantum *admodum contraria* sunt, quod *Cubitus* superiore parte grandiusculum caput obtinuit, motus sui gratia, inferius vero tenue: *Radius* vero è diverso, cum ad flexionem, & ad extensionem parum conferat, cujus gratia potissimum articulus ille humeri inferior, cui superiore parte committitur, conditus est, tenue habet caput ac rotundum; inferius autem latum, ut carpi ossa recipiat, quibuscum totam postea manum pronam supinamque præstat. Voco supernam partem eam, quæ summum locum occupat, cubito cum brachio toto dependente à trunco; infimam, quæ contra, inferiorem.

Propria Vlnæ

Gibber.
ἀγκών.

Sinus σιγμα-
ειδής.
Processus si-
gniformis.

Sinus latera-
lis.

Processus sty-
loformis.

Radii pro-
pria.
Capitulum
superius.

Sed enim ^c V L N A elatiore sede, qua majus caput exigit, ^d à posteriore parte gibba est & convexa: ^e à priore, sinum obtinet maximum, cartilagine incrustatum, & semicircularem. Illam partem, *Gibberum* Barbari appellant; Hippocrates ἀγκῶνα; Galenus, modo ὠλέκρανον, modo cum Hippocrate ἀγκῶνα: hanc vero, à figura C Græcorum, semicirculari etiam, σιγμαειδής, *sigmiformem*. Sinus autem hic, superius, inferiusque *processum* exigit, quorum ^f ille, sinui posteriori humeri, (de quo diximus præcedenti capite) ^g hic, anteriori inferitur. Ille, posterior; hic, anterior cubiti processus dicitur: ille, magnus est, & obtuso; hic, minor, & acuto prominet angulo. *Committitur* autem hic sinus cum trochlea inferioris humeri capitis, cui omnibus modis exacte responderet, & cujus etiam gratia in medio toto ductu inter duos processus obtuso angulo protuberat. Habet autem & alium præter hunc, ab externo latere sigmiformi ^h sinum, qui quartam fere circuli partem conficit, & capitulum minus atque superius radii excipit, cartilagine similiter investitus. Post hæc cubitus ad manum descendit, sensim gracilior factus, donec in ⁱ capitulum illud minus, de quo diximus, finiat, quod sinum habet rotundum, à cujus latere posteriore ^k *processus* quidam parvus enascitur, quem à figura *στυλοειδής*, *styloformem* ^{k, g.} dixerunt. ^{f, c. g, d.}

At ^l R A D I V S elatiore parte ^m *cervicem* habet, cui parvum ⁿ *capitulum* affixum est ^{l, 2. 9. 14. fig. 1.} ^o sinu rotundo præditum, cartilagine tecto; in quem recipitur caput exterius inferioris humeri ^{m, i. n, l. o, m.}

humeri appendicis. Ad latus quoque ^a paululum prominet, & similiter cartilagine incrustatum est, qua parte sinui illi laterali cubiti, quartam circuli partem conficienti, implantatur, cujus ope manus prona redditur, & supina. Sub hoc capitulo, interna parte, ^b *Tuberculum oblongum* eminet, sinu aspero donatum, in quod inseritur validissime primus cubitum flectentium musculus, Biceps vocatus. Hinc deorsum ad manum Radius progreditur oblique, sensim ab Vlna discedens, ita ut in medio magno satis dehiscant intervallo, & spatium relinquatur illic positus musculus. Ad manum autem ubi fere pervenit, ^c *Capitulum latum* efficit, quod sinum habet geminum, carpi ossicula recipientem. Interna sede sinum lateralem obtinet, qui inferius cubiti tuberculum suscipit.

Cæterum quoad nexum Cubiti cum Radio, monendum hoc diligenter videtur, duo hæc ossa inter se articulo differente omnino committi, cum radius à superiore parte excipiat à Cubito: at contra inferiore, Cubitus à Radio. Cujus quidem articulationis ratio hujusmodi est, quod Radius ad carpum latior sit, ad humerum vero Cubitus. Quare cum ea parte, qua latiora sunt hæc ossa, felicius aliorum articulationes admittant, factum est, ut pro crassitie aut tenuitate, excipiant, vel excipiantur. Sinus enim in majore osse commodius semper insculpitur, cum continens contento debeat esse majus. Hoc etiam sub finem addendum est, connecti duo hæc ossa invicem *Ligamento longo*, quod internos musculos ab externis separat, & à duabus lineis acutis, quæ se mutuo respiciunt, exoritur, cum altera in externo Cubiti latere sit, altera in Radii interna parte.

Tuberculum.

Capitulum
inferius.
Sinus latera-
lis.
Connexio Vlnæ,
cum Radio.Ligamentum
longum.

CAPUT XXVII.

De Ossibus extremae Manus, & Sesamoeideis appellatis.

IERTIA brachii pars, ^d *Manus* reliqua est, ἀντρέχεις Græcis dicta, quæ totum id, quod à cubito radioque dependet, complectitur. Constat similiter tribus partibus, κάρπῳ, sive *Brachiali*; μετεκάρπῳ, sive *Postbrachiali*, & δακτύλοις, *Digitis*. ^e *Carpus*, suprema pars est; ^f *media*, metacarpium; ^g *infima*, digiti.

CARPVS ergo superne radio connectitur, inferne metacarpio, ex octo constitutus ossiculis, quorum substantia mollis, & intus plena foraminibus est, etsi foris solida esse videatur; quod in prima generatione non ossa sint, sed cartilagines, postea vero sensim indurescant. *Figuram*, hæc universa invicem juncta, convexam exterius, intus concavam obtinent: at singula per se considerata, diversas & indicibiles, nullique alii rei, quam sibi proprias referunt, cum magna ex parte nexum adjacentium ossium horum figura sequatur. *Connectuntur* inter se ope cartilaginum ac validorum vinculorum, ea articulationis specie, quam Neutram à Galeno vocari supra diximus, quod ratione ipsius compositionis Diarthrosin æmulentur, cum laxa sit connexio; at ratione obscuri motus, Synarthrosin. Componitur ergo ex octo ossiculis, sed duplici serie invicem distinctis, quarum utraque quatuor in se continet: ita ut superior ordo tria externa simul sic juncta habeat, merito ut omnibus unum esse videantur, & quartum omnium minimum, minimo digito subtensum: inferior autem series quatuor aliis postbrachialis ossibus nequitur.

^h **M**ETACARPVS autem, quæ altera manus pars est, ⁱ quatuor conficitur ossibus, non quinque, ut voluere nonnulli, qui primum pollicis os in hujus album referre sunt conati; sed male, ut recte notavit Galenus, cum diversa & alia sit articulatio huic, quam metacarpi ossibus, tum manifestus motus. *Articulatio* quidem, quia per Diarthrosin carpo committitur, reliquis per Neutram connexis: at *motus*, cum in illo manifestus sit, ante, retro, dextrorsum, sinistrorsum: in his vero, aut nullus, aut certe ita obscurus, ut nulli pateat. Ossium horum *Substantia* dura est ac solida, intus fistulæ in modum cavæ, quemadmodum & ipsa ossa figuram teretem obtinent, quæ tamen latior ab ^k externa parte est, præsertim superiore sede, ubi planam superficiem habent: ^l interna vero, gibba, duobus quasi planis utrimque ab extremitatibus externæ partis elevatis, & in unam lineam acutam coeuntibus. Atque hæc causa est, cur inter bina ^m intervallum semper cernatur, pro musculis digitorum interosseis, de quibus postea dicemus, recon-

Manus extre-
ma.
Pars.

Carpus.

Figura.

Connexio.

Metacarpus.

Substantia.

Figura.

- Magnitudo.* dendis, cum sese exacte tangere non possint. *Magnitudinem* quod spectat, si cum digitorum ossibus conferas, multo majora sunt: si inter se componas, inæqualia cernes, & longitudine, & crassitie. Longissimum enim, crassissimumque est primum, quod indici præfigitur: minus longum crassumque secundum est, quod medio subtenditur: tertium adhuc brevius, quod auricularem sustinet digitum: omnium vero brevissimum, tenuissimumque est minimi; adeo ut, proportionem servata, semper ipsa decrescere videantur. ^a Supra ^b infraque habent *appendicem*: illa, carpi ossibus; hac, digitis junguntur: illa, sinum habet; hæc, capitulum rotundum, & oblongum, cartilagine tectum, sed à lateribus compressum.
- Appendices.*
- Digit.* DIGITI ^c tandem, quindecim constant ossibus, cum quinque sint, & singuli terna ^{c. c.} habeant, pulchra serie sibi juncta, quam Græci *φάλαγγα*, sive *aciem*, appellant, utpote quæ ab ipsis invicem nexis aliquo pacto videatur exprimi. Cæterum ipsa ossa peculiaria nomina non acceperunt, sed Pollicis, verbi gratia, aut Indicis, primum, secundum, vel tertium dicimus: *Primum* quidem vocantes illud, quod metacarpio proximum est: huic vicinum, *Secundum*: at *Tertium*, quod ab isto dependet. Duram habent omnia *Substantiam*: *Formam* autem, intus cavam, foris convexam: inferius latam, supra angustam: dextrorsum vero, & sinistrorsum rectis lineis exasperatam, quibus quasi terminis primum & secundum os clauditur à lateribus. Acutum est tertium, quod ex lata basi in rotundum definit capitulum. *Magnitudo* inæqualis est; minimum enim est tertium, hoc majus secundum, primum omnium maximum; id quod Naturæ legibus admodum conveniens est, cum partes sustinentes sustinendis semper majores esse debeant. Habent *Appendices* supra infraque: at tertium superiore tantum parte, cum inferna alteri ossi nulli nectatur. *Superiores Appendices* obtinent sinus: *inferiores*, capita: & *Primi* quidem *ossis* superior, unico tantum constat, pro capitulo ossis metacarpii sibi correspondentis recipiendo: inferior vero duplex capitulum, oblongum, utrimque anteriore sede extuberans. *Secundi* vero superior, sinum duplicem, oblongo distinctum tuberculo, pro dicto capite: inferior autem similiter duo capitula. *Tertium* tandem, supra duplicem sinum; at inferius capitulum habet asperum, foris parum, intus plurimum eminens, & quasi lunatum, ut tendinem recipiat musculorum digitos flectentium. *Eodem prorsus modo se habet & Pollex*, nisi quod primi ossis superior appendix sinum obtineat non ita cavum, sed potius antè postèrè extuberantem: inferior vero unico capitulo constat, unde & ipsi sinus, in appendice superiore secundi ossis respondens, necessario simplex est.
- Officula sesamoeidea.* Ad hæc ossa merito referri debent etiam illa minima, quæ in manu occurrunt, sesamo semini comparata, & propterea ^d *σεσμοειδή*, *sesamoeidea* à Veteribus Anatomicis appellata. *Sita* sunt hæc in interna manu, in digitorum internodiis, & *substantiæ* sunt in ortu cartilaginosa, postea ossæ, sed pumicis ritu foraminulenta, efficta ad similitudinem patellæ, quæ fœmoris tibiæque articulo præfigitur, cujus usum quoque in omnibus referre videntur. Horum *numerus* etsi incertus sit, quod modo plura, modo pauciora reperiuntur, pro subjectorum diversitate, omnibus tamen fere doctioribus duodecim tantummodo recensentur; quorum duo secundo pollicis ossi, qua primo jungitur interna parte, bina deinde singulis primis quatuor reliquorum digitorum internodiis, ubi cum metacarpio nectuntur, & denique secundo ac tertio indicis internodio utrobique unum præfigitur, idque mediantibus tendinibus musculi tertium digitorum articulum flectentis. *Usus* est, prohibere quo minus in validis digitorum extensionibus ossa luxentur, & ex sua sede profiliant.
- Situs.*
- Substantia.*
- Figura.*
- Numerus.*
- Connexio.*
- Usus.*

a, 2. 9. fig.
16 & 17.
b, m.

d, 2. 9. 1
18 & 19
sed sum
rum fig.
17 cerni

CAPV T XXVIII.

De offe Fœmoris, & Patella.



T brachium trifariam dividebatur, ita quoque Crus commodissime in tres partes dispescitur; in Fœmur puta, Tibiam, & Pedem extremum.

Crus tres partes.

^a Fœmur, Græcis *μυρρὸς*, os est, ut humerus, unicum, omnium quæ in corpore nostro sunt maximum, non solum longitudine, sed crassitie quoque, robore, ac soliditate reliqua superans. *Substantiam* enim ha-

Fœmur.

Substantia.

bet si quod aliud durissimam, intus tamen fistulæ in modum excavatam, non tantum ne pondere nimio homini incommodaret; sed etiam, ut medullam in se reciperet, quæ ad nutritionem ossium, ut ostendimus, propter illam naturalem, quam habent, siccitatem cum duritie junctam, maxime est necessaria. *Figuram* nactum est oblongam, non tamen rectam; sed antè ^b gibbam, ^c posterius concavam, utrimque circa extremitates, maxime vero inferna parte impense latam: cæterà in harum medio exacte teres, nisi à postica sede ipsam inæqualem redderet ^d aspera linea, satisque protuberans, quæ à summa ipsius ad infimam usque partem ducitur. *Connectitur* superius ossi coxendicis, inferius autem tibiæ.

Figura.

Connectio.

Habet *duas Appendices*, quarum *Superior*, versus interiorem partem, ^e cervicem exigit satis insignem, oblique sursum protensam, cui ^f caput impositum est, omnium quæ in corpore sunt maximum, exacte semiglobosum, læve, æquale, ac densa cartilagine incrustatum, quod in medio fere ^g foramen habet, cui fortissimum ligamentum rotundum, ex sinu ossis coxendicis pronatum, inseritur. Sed præter caput, & cervicem, *duos* quoque *Processus* educit, quorum *alter* ^h *externus*, ex lata basi sensim angustatus, insignis admodum, imo omnium processuum, qui alteri ossi non committuntur, in corpore maximus est: *alter*, ⁱ *internus*, multis ab illo parasangis, si magnitudinem spectes, superatus, obtusum referens tuberculum. *Processus* hi duo, cum aliis nostri corporis commune habent officium, ut musculorum insertiones excipiant, indeque appellationem propriam sunt nacti, ut apud Græcos *ροτάτορες*, *ὅτι τὸ ῥοτᾶν*, à Latinis *Rotatores* dicantur, quod scilicet eos musculos excipiant, qui fœmoris motui auxilium præstant. Circa primum & majorem, sinus, impressiones, ac linea diligenter observanda sunt, cum in libro quarto horum frequens futura sit mentio, quando de fœmoris musculorum insertionem loquemur. ^k *Sinus* in interna parte est eximius, in quem secundi & tertii fœmur circumagentis musculi tendines implantantur. *Impressiones* ^l *quatuor sunt*, ad gibbam ejus sedem & externam. ¹ *Prima*, in procliviori & humiliore sede est, ampla, ut extendentium fœmoris primi: ^m *secunda*, in anteriore sede, quæ aliquatenus aspera est & sinuosa, ut ejusdem secundi: ⁿ *tertia*, in inferiore sede, ac inter duas impressiones media, gibba nonnihil, ut tertii: ^o *quarta*, in elatiore, & apice ipso processus, ut quarti tendinem suscipiat. ^p *Linea* denique *aspera*, à prima impressione deorsum ducitur, nonnihil oblique per fœmoris posteriora incedens, ubi primus musculorum fœmoris inseritur.

Appendix superior.

Processus, sive rotatores.

Sinus.

Impressiones.

Linea aspera.

Inferior fœmoris appendix, duo insignia capita in posteriorem potius, quam anteriorem partem vergentia constituit, quorum ^q *alterum*, quod *internum* est, & corpus respicit, crassius existit: ^r *alterum externum*, latius, cæterum magis depressum. Inter hæc ante retroque *Sinus* est: ^s *ante* quidem, lævis admodum & cartilagine tectus, qui patellæ tuberculum excipit: ^t *retro*, grandis, & qui pollicis latitudinem exæquat; partim, ut sedem præbeat firmam valido illi ligamento ex fœmore enato, quod tuberculo inter duos sinus in tibiæ elatiore sede exsculptos, enato inseritur; partim, ut viam tutam præstet vasis per crus excurrentibus, nempe nervo omnium maximo, venæ, & arteriæ. Vtrumque caput ad latera sinus obtinet, qui sedem præbent tendinibus musculorum tibiæ illic transeuntibus.

Inferior appendix. Capita duo.

Sinus duo.

^u *Foramina* quoque sunt circa appendices levia, quæ inserviunt validiori ligamentorum rotundorum articulos ambientium insertioni. Illud tamen oblivioni tradendum non est, in posteriore parte inferiorum capitum, duo ossa sesamo semini similia reperiri, quæ Natura solers ad primi pedem moventis musculi duo principia affixit, ne

Foramina.

scilicet musculus ab illis capitibus in motu validiori attereretur, damnumque caperet.

Cæterum cum Patellæ modo mentio injecta sit, occasione situs ejus in anteriore inferioris appendicis fœmoris parte, ipsaque ad articulationem fœmoris cum tibia faciat, eodem capite de ipsius quoque historia differemus. Est ergo ^a P A T E L L A, sive ^a μύλη, ^a 2. 10. f. 9. 10. ^b Mola, & Barbaris *Rotula*, os subrotundum, latum, vix duos transversos digitos exæquans, ^b foris planum, & foraminulis refertum, ^c intus gibbum quodammodo, & cartilagine tectum, quod ^d fœmoris & tibię ossi antè prius præponitur, ne ultra modum extendantur, neve à tibia fœmur procidat, sicque in locis declivioribus, & ubi pedis extensio firmior requirebatur, ambulatio impediretur, aut prorsus pessumiret, quemadmodum solet accidere iis, quibus hujusmodi os fractum aut luxatum est, cum plana quidem loca tuto adire, at decliviora sine metu casus, nequeant. *Substantia* hujus, in primo ortu mollis est, & cartilaginea, talisque per plures menses remanet, postea sensim in durius os ætate provectis abit. Plenum tamen foraminulis est, quemadmodum reliqua omnia, quæ ex cartilaginibus in ossa transeunt. *Connecitur*, non secus ac sesamoidæ ossa digitis, ita his duobus ossibus, beneficio tendinum crassiorum, secundi, tertii, & quarti tibiam extendentium musculorum, qui per genu ad tibiam descendunt, & tuberculo ipsius anteriori implantantur.

C A P V T X X I X.

De Tibiæ utroque osse.



T I B I A ^e altera pars cruris est, inter genu & pedem sita, duobus constans ^e 1. 1. 1. ossibus, quorum illud quod crassius est, nomen totius retinet, & Tibia, Græcis κνήμη vocatur: alterum, quod tenuius, Fibula, πέρνη. Illud, internam; hoc, externam partem occupat: utrumque substantiam habet duram solidamque, intus fistulæ in modum excavatæ.

T I B I A autem, ut ab hac initium dicendi faciamus, duabus donata ^f 2. 10. 4. 5. 6. A. est Appendicibus, quarum utraque reliquo osse latior est. Illa quæ ^g Superior est, fœmori per enarthrosin committitur, nonnihil ab anterioribus ad posteriora discedens, quo loco sese in duas findit eminentias, extra os aliquantulum protuberantes. Habet hæc *Sinus* in summitate ^h duos *Sinus oblongos*, sed superficiales tantum, lævi incrustatos ^h B. B. *Tuberculum* cartilagine, quibus inferiora duo fœmoris capita excipit. Inter hos ⁱ *Tuberculum* est interjectum, inæquale, & asperum, posteriore ossis sede, aspero eminens apice, in quem inferitur validissimum illud ligamentum, quod ex sinu illo magno & amplo inter capita inferioris fœmoris appendicis interjecto, enasci, & procedere, capite præcedente diximus. Ne vero in tam levibus his sinibus, qui necessarii maxime erant, si tibia ad acutum admodum angulum flecti debebat, facile exciderent, sicque perpetuum luxationis periculum homini impenderet, Natura peculiarem in ambitu utriusque cartilaginem apposuit, quæ crassa versus centrum sensim attenuatur, & ligamentorum ope annectitur. Habet etiam ^k *Capitulum in posteriore parte*, sub externa protuberantia, quod superioris fibulæ appendicis sinum ingreditur. Hoc rotundum habet ambitum, admodum tamen leviter prominens, & cartilagine incrustatum. ^l Reperiuntur autem & foramina plura in anteriore sede capitis tibię, quæ superficiem illam asperiores reddunt, & ^m *Tuberculum insigne*, secundum longitudinem primæ lineæ, superiore sede nonnihil ^m F. excurrentem, in quod tendo inferitur, ex tendinibus secundi, tertii, ac quarti tibiam extendentium musculorum commixtus. Hinc tibia recto tramite deorsum tendit, nonnihil semper angustata, non tamen ut pleraque ossa omnia teretis figuræ est, sed triangulæ, ex tribus composita lateribus, quæ à totidem lineis conficiuntur. ⁿ *Prima linea in anteriore* ⁿ 1. sede est, acutissima, & *Spina tibię* dicitur: *duæ in posteriore* sunt, quarum altera ^o interna, ^o 2. & obtusa est; altera, ^p externa, acuta similiter, quæ ligamentum suscipit tibię oblongum. Ex his conficiuntur *Tria latera*, quorum duo, anteriore sede; unum, posteriore est. ^q *Primum*, in anteriore parte à latere interno est, gibbum, & omni carne destitutum, quod ^r *Secundum*, externo latere, pro musculis in tibia hærentibus anterioribus: ^s *Tertium*, posteriore sede, pro musculis posterioribus. Hoc, superiore parte lineam habet asperam, longo ductu ad inferiora excurrentem. Circa hanc lineam,

Tres lineæ.

1.

Spina.

2.

Interna.

3.

Externa.

Tria latera.

1.

2.

3.

lineam, media fere sede, ^a foramen insigne est exsculptum, quod in partem internam ossis penetrat, & venulam deducit pro ossis nutritione. ^b Altera appendix, inferiorem tibiæ partem constituit, multo priore minor, qua ipsa cum talo per ginglymum articulatur. ^c Sinum habet geminum, cartilagine tectum, linea media à posteriore parte in priorem excurrente distinctum, ubi postea in leve tuberculum terminatur. Horum qui ab interna parte consistit, major est & profundior, ob ^d processum quem ibi locorum tibia exigit. Processus enim crassus est, intus cavus, foris gibbus & excarnis, *Malleolus internus* ab Anatomicis vocatus. Externa autem parte in hac appendice, alius sinus oblongus occurrit, qui fibulæ caput inferius suscipit, asper, & nulla cartilagine munitus.

^e FIBULA autem, tibiæ adstans ab externo latere, multo minor est ipsa crassitie, etsi longitudine æqualis, cum infra tibiam excedat, quantum superna parte ad genu superatur. Solida quoque est, & duplici appendice firmata; quarum ^f superior in latere interno, sinum habet cartilagine tectum, à quo excipitur capitulum laterale, quod sub tibiæ superiori appendice subsistit. ^g Inferior vero in acutum angulum definit, & in sinum inseritur externum & oblongum inferioris tibiæ appendicis, nulla, quemadmodum & sinus, tectum cartilagine, ibique *Malleolum externum* constituit, qui cum interno talum in sua sede continet, imo magis, quam ille, cum fibula descendat altius, & producat: ex quo fit, ut exterior interiore semper humilior appareat. ^h Reliqua fibulæ pars, quæ inter hæc duo capita interjacet, inæqualis est, & triangulum exprimit, tribus lateribus inter se junctis, in quibus aptissime locantur pedem ac digitos moventes muscoli. Conficiuntur latera hæc ex totidem ⁱ lineis: una, anteriore; duabus vero, posterioribus. Anterior, acuta est, quemadmodum & posteriorum interior: exterior autem, rotunda. Ab anteriore & interiore, primum latus constituitur: ab anteriore & exterior, secundum: at tertium, à duobus posterioribus. Cæterum cum hæc duo ossa, ^j inter se in medio dehiscant, ut muscoli pedis illic commodius reponantur, ligamentum membraneum Natura condidit, quod utrumque os medio spatio complectitur. Iungit autem externam tibiæ lineam cum interna fibulæ.

CAPV T XXX.

De ossibus Pedis extremi.



QUEMADMODUM Manus extrema tribus constabat partibus, carpo, metacarpo, & digitis; ita ^m Pes quoque extremus totidem conficitur, illis plane respondentibus, ⁿ Tarso inquam ^o Metatarso, ^p & Digitis. Præter has tamen & ^q alia quædam est, cui nulla manus particula accommodari potest, quam tria ossa componunt, puta Talus, Calcaneus, & Os naviculare à forma appellatum. Vtunque autem non desint nonnulli, qui & hæc ad tarsum recte referri statuunt, quia tamen insigne quoddam discrimen inter ipsa & carpi ossa, quibus exacte tarsi à nobis vocata ossicula respondent, advertitur, doctrinæ facilioris gratia distinctionem hanc ossium pedis, quam illam sequi cum probatissimis Authoribus maluimus, quartam hanc pedis ossium partem *Innominatam* vocantes. Incipiamus ergo ab istis tribus primum, postquam nonnulla ab initio, ipsis communia, enumeraverimus.

OSSA hæc ergo omnia, tum tria scilicet dicta, tum quatuor quæ tarsum constituunt, in primo ortu mollia sunt, & cartilaginea potius, quam ossea dicenda: progressu autem temporis in solidiorem abeunt substantiam, quæ tamen ut omnium aliorum, quæcunque in recens natis cartilaginea esse solent, pumici similis est, & plena cavernulis. Quamquam nec omnia æqualiter mollia sint in ipsis etiam infantibus, sed alia aliis duriora, inprimis calcis os, quod ut omnium durissimum postea est, ita etiam in tenella ætate, medio modo inter ossa & cartilagine se habet. Figuram nacta sunt inter se omnia differentissimam: *magnitudinem* etiam inæqualem, cum omnium maximum sit calcaneus, hinc talus, inde os naviculare, tum cyboeides, sive cubiforme; posthæc cuneiformia, quorum primum majus, alterum minus, tertium medium, à quantitate cognominatur.

TALVS

Appendix inferior.

Sinus duplex.

Malleolus internus.

Fibula.

Appendix superior.

Appendix inferior.

Malleolus externus.

Linea tres.

Communia ossibus tarsi.

2.

3.

Talus.

Figura.

Sex latera.
1.

2. 3.

4.

5.

6.

Calcaneus.

Naviculare
os.

Convexitas.

Convexa pars

Situs.

Quatuor of-
sa tarfi.
Forma.

^a TALUS ergo, Græcis ἄστυς, καὶ ἀστέρας, quæ vox à Romanis civitate donata est, cum & vulgo *Astragalus* vocetur. Os est variæ formæ, quo cum tibia fibulaque committuntur, sicque pes flectitur extenditurque, nonnihil etiam ad latera movetur. Hôc ergo non solum Homo donatus est, sed cætera quoque omnia animalia, quæcumque pedibus in digitos scissis incedunt. Vt autem ejus historia facili methodo tradatur, cum sex constet lateribus, ordine singula examinanda erunt. Et sane ^bsuperius, quadratam fere figuram exprimit, nisi quod ^cposterior linea ^dpriore paulo brevior sit, cæterum cartilagine molli ac lubrica incrustatum. Non tamen plana superficie constat, sed rotunda ac gibba, in cujus medio, lateribus nonnihil prominentibus, ^elevem quandam sinum habet, in quem linea, inferiorem tibiæ sinum bifariam secans, inferitur, ut tibia sic cum talo per ginglymum articuletur. Vocatur Græcis à forma ^fπτερωτός, à Latinis nonnullis *Quatrium*. Latera autem hæc, quorum illud ^finternum est, hoc ^gexternum, ^hsuperne lævi cartilagine, qua malleolos suscipiunt, obducta sunt: ⁱinferne sinus habent asperos, in quos ligamenta inferuntur, quæ duo ossa tibiæ talo colligant. Verumtamen illud, exiguo spatio incrustatum est; hoc, longiore; quod fibula externum constituens malleolum, altius descendat, quam processus tibiæ, internum efficiens. ^kAnterior pars, in ^lcervicem oblongam excurrit, ^mcui exquisite rotundum capitulum priore loco adnascitur, quod postea in sinum navicularis ossis inferitur, atque hujus beneficio in latera pes circumducitur. Inter hoc, & superius latus, occurrit ⁿsinus rotundus, mediocriter cavus, in quod dum pes ad acutissimum angulum flectitur, tuberculum illud, quod in medio lineæ anterioris sinus tibiæ eminet, ingreditur. ^oPosterior latus, quod omnium minimum est, totumque asperum, ^psuperne transversum sinum per totum latus exigit, quod recipit ligamentum tibiæ: ^qinferne sinum habet descendente parvum, per quem transeunt tendines musculorum pedem moventium. ^rInfima pars, cujus beneficio cum calce necitur, quia parte posteriore hoc recipere, parte anteriore ab ipso recipi debeat, ^sillic sinu, ^thic capite, utroque cartilagine obducto, donatur. Caput rotundum est, oblongum, sed triplo minus sinu; sinus à posterioribus ad externa excurrit oblique, coracoidem scapulæ processum non male exprimens. ^uInter hunc autem & illud, ubi talus calcem non attingit, sinus longus & satis profundus occurrit, modice latus, cui è regione calcis sinus respondet. In hoc coacervatur mucosa quædam substantia, quæ ligamenta cartilaginea, hoc loco talum calci jungentia, irrigat & humectat, ne in longis crebrisque motibus nimium exsiccentur.

CALCIS OS, & ^xCALCANEVS, Græcis πτέρνα, alterum os est, quod talo sub-^ysternitur. Hujus ^ysuperius latus, partim talum excipit, ut anteriore parte, ubi ^zsinum habet & ^acaput, quibus ipsi committitur: partim à talo liberum est, quemadmodum sede ^bposteriore, ubi sinum habet asperum, qui ligamentum accipit à tibia talum constringens. Latus utrumque sinuatum: ^cinternum quidem, admodum evidenter, quod tendo ibi transeat primi oblique pedem moventium, & duorum tertium & secundum internodium flectentium, quemadmodum & venæ, arteriæ, ac nervi; at ^dexternum, versus anteriora parvum sinum obtinet, eumque cartilagine tectum, pro tendine secundi oblique pedem moventium, & secundum eundem flectentium musculorum. ^eInfima pars, latiuscula est: ^fposterior, modice gibba ^gleves sinulos habens, in quos tendo primi & secundi pedem extendentium infiguntur. ^hAnterior leviter prominet capite amplo, quo cubiformis sinui fere plano coarticulatur.

ⁱNAVICVLARE tertium est, σκαφοειδές, à naviculæ forma appellatum, cum oblongum sit, & ^kintus cavitate insigni exsculptum, ^lforis convexitate prominens. *Cavitas* hæc lævi cartilagine obtegatur, in quam ingreditur caput Astragali; at *convexa pars* similiter incrustata, ^mtres obtinet superficies, adeo leves, ut ambiguum sit, excipiant, an excipiantur. His committuntur tria tarfi ossa: inter quæ maximum, internum latus occupat; minimum, externum. *Situs* ergo est in parte interna pedis, cujus beneficio præcipua tarfi pars talo committitur.

Hæc tria ossa quatuor Tarfi sequuntur, quæ unum ordinem conficiunt: sed *primum* *calci*, *reliqua tria naviculari committuntur*. Efficiunt autem omnia, juncta inter se, fornicem: cum parte superiore, convexa sint; inferiore, concava. Tria etiam illa naviculari

culari commissa, fornicis in modum à terra eleuantur, solo cubiformi ipsam attingente, adeo ut insignis relinquatur cavitas in pede, in qua recondantur tum tendines, tum muscoli, ne in ambulatione conterantur lædanturque, si plana inferior plantæ superficies foret. Hæc quia superiore sede lata sunt, inferna angusta, adeoque non inepte cuneum exprimant, Falopius *χαλκιδῆς*, hoc est, Cuneiformia appellavit, quæ nomina etiam nos retinebimus; distinctionis autem gratia, cum aliis Anatomicis magnitudinis suæ rationem addemus. *Connectuntur* hæc ossa inter se cartilagineis ligamentis: qua tamen parte se mutuo respiciunt, ab omni cartilagine nuda sunt ac libera: antèrius vero, qua metatarsi ossibus; & posterius, ubi naviculari nechtuntur, lævi cartilagine incrustantur.

Connexio.

Ex His ergo primum est *κυβοειδές*, ^a CUBIFORME, sic dictum à senis lateribus, quibus cubo respondet. Hoc ^b anteriori calcis lateri præponitur, cum quo posteriore suo latere nechtitur; antèrius, metatarsi ossi quarto & quinto jungitur, ubi superficiem geminatam habet; interno, quarto tarfi. Reliqua tria latera, externum, superius, & inferius nulli junguntur, sed soluta sunt.

Cubiforme.

^c CVNEIFORME MAIUS, sive Tarfi secundum, maximum ex cuneiformibus, internum pedis latus occupat, antèrius latum & longum, quo primum os pedii, quod maximo digito, sive pollici, substernitur, suscipit. Hoc an sinuatum sit, an prominèat, ambiguum valde est: videtur tamen prominere, cum primum pedii os, quod huic conjungitur, sinum levem quidem, at evidentem satis habeat. ^d Posterius sinum habet, quo navicularis processulum internum suscipit: ^e superiore latere, convexum; ^f interiore, cavum; utroque tamen admodum aspero.

Cuneiforme majus.

^g CVNEIFORME MINUS, sive Tarfi tertium, quod medium locum obtinet, ^h supernam partem quadratam habet, leviter arcuatam; ⁱ infernam acutam, unde omnium aptissime cuneum exprimit: ^k anteriorem, posterioremque, triangularem, cartilagine incrustatam, quarum illa metatarsi secundum os suscipit, hac jungitur naviculari; at ^l latera quadrata, sed oblonga, ex quibus *internum*, sinum ingreditur lateris externi primi cuneiformis; *externum*, cum tertii interiore jungitur.

Cuneiforme minus.

^m CVNEIFORME MEDIUM, seu Tarfi quartum, simile minori, nisi quod majus est; ⁿ superna sede similiter quadrilateram figuram, altera parte longiorem refert: ^o inferne acuminatum, sed obtusiore modo, in cuius medio tuberculum exiguum, cui primus pedem oblique moventium, sive Tibiæ posticus inseritur: ^p antèrius, tertium metatarsi os admittit; *posterius*, levi sinu naviformis externum tuberculum suscipit: *lateribus*, tarfi os tertium, & primum, attingit.

Cuneiforme medium.

Tarsum excipit ^q METATARSUS, altera pedis pars, quam Græci *πῆδον*, Celsus *Plantam*, alii *Pecten* appellant. Componitur ex quinque ossibus, cum pollex, sive magnus digitus suum quoque sibi ex his vendicet, secus ac in manu. Omnia vero *Substantiam* habent solidam, intus fistulæ ritu excavatam, longioraque sunt multo, quam ossa metacarpi in manu, cum ipse etiam pes manu longior sit. In *Magnitudine* eam observant proportionem, ut omnium crassissimum sit quod ^r pollicem sustinet; ex reliquis longissimum, quod ^s indici substernitur; hinc quod ^t medio; ^u reliqua quoque sensim breviora fiunt: crassitiem tamen pene æqualem retinent. Vtrinque desinunt in *capita*; ex quibus ^x antèrius multo ^y posteriore minus est, rotundum fere, compressis tamen admodum lateribus. Caput hoc versus superiora magis, quam inferiora diductum est, secus ac in manibus, cum pedum digitos in extensione paulo magis, atque manuum, elevari necessum fuerit. Caput tamen illius quod pollici præpositum est, orbiculatius cæteris est, quod præ aliis digitis magis ad latera moveatur. *Posteriora* capita crassa sunt superius, infra acuta, à lateribus compressa, ut non inconcinne triangulum efficiant. Sinum levem quidem, at conspicuum tamen, cartilagine contactum habent. Anteriora ergo, in sinus digitorum profundos, & quidem primorum articulorum inferuntur: at posteriora, tarfi ossa excipiunt: & *Primum* quidem, quod pollici substernitur, cuneiforme majus; *Secundum*, quod indici subest, cuneiforme minus; *Tertium*, quod sustinet medium; cuneiforme medium, sive tertium: *duo reliqua*, cubiformis duo capitula: ex quo patet, per arthrodiam neutram cum tarso coarticulari. Verum os pollici substratum, inferne processum exigit, ubi inseritur secundi pedem oblique

Metatarsus.

Substantia.

Magnitudo.

Appendices.

Connexio.

oblique moventium, five Peronei primi tendo. Illud etiam, quod è regione minimi situm, externo latere insignem processum habet, cum quo neçtitur tendo secundi pedem flectentis musculi. Cæterum *media pars horum ossium*, quæ interjecta est capitibus, quo loco magis recedit à tarso, gracilior fit, supra lata, infra acuta est, lateribus in acutam lineam ex superna superficie coeuntibus; unde fit, ut spatium inter singula relinquatur, in quo musculi interossei reconduntur.

Digiti.

^a DIGITORVM OSSA pedem finiunt. Sunt autem quatuordecim, quod pollex ^{4, 2. 10. 11. 12. C. C.} duobus tantum constet; reliqui vero, ternis. Ossa hæc substantia, situ ac structura, à manus digitorum ossibus parum differunt: sed magnitudine apprime cedunt. Omnibus *Substantia* solida est, & cava: omnibus *tria internodia*, eaque duplici appendice munita, quarum anterior caput est geminum, & excipitur à sinu similiter duplici prioris internodii: posterior contra, excipit. Hoc discrepant solum, quod articuli primi profundiore habent sinum, cum in eos majora capita metatarsi inserantur.

Substantia.
Internodia.

Sesamoidea
ossicula.

Sesamoidea quoque ossa sunt eodem propemodum ordine, numero, ac situ, quo in manu: sola magnitudine differunt, cum pedis ossicula minora sint, prout etiam ipsi digiti.

C A P V T X X X I.

De Unguibus.

Ungues.

An sint partes
nostri corporis.



VNGUES, Græcis *ὄνυχες* dictos, ad ossium historiam referendos censuimus, quod extrema ossium tegant. Hos nonnulli ex albo partium nostri corporis delendos censuere, quod in nullo similarium, quæ vulgo recensentur ordine, commode reponantur. Nec enim, inquit, *Cartilagine* sunt, quia præcisi renascuntur, neque in vivis solum, sed etiam in mortuis, ut tradit Aristoteles *Histor. animal. xi.* Nec ossa dici possunt, cum substantiam habeant oppido quam mollem. Multo ergo minus ad alias reducuntur, cum videantur his aliqua affinitate conjuncti, neque sint tamen: à cæteris autem, plurimis parasangis distent. Verum hæc disceptationes Logicæ sunt, quibus optime satisfacimus, si ungues sui generis partes statuerimus, quæ neque ad cartilaginem proprie, neque ad ossa commode reduci possint; *mediam* tamen *inter utramque substantiam* habeant. Sic infra ostendemus, cutim quoque, etsi similis pars revera sit, ad nullam tamen speciem vulgo commemoratarum referri: sed sui generis esse propriam. Nec defunt tamen & alii, qui prorsus partes esse negent, quia scilicet non vere nutriantur, neque vitam habeant, & accrescant quidem, sed accretione imperfecta, quæ non fiat secundum omnes dimensiones, quemadmodum in ossibus, & carnibus, verum secundum solam longitudinem. Quam sententiam probant argumento, ut ipsis videtur satis firmo: negant enim venas, aut arterias ad ipsas accedere, quod necessarium foret ad nutritionem, & veram accretionem.

Augentur secundum

1.
Longitudinem,

2.
Profunditatem,

3.
Latitudinem.

Habent venas, arterias, & nervos.

Sed concedamus ipsis *augeri secundum longitudinem* evidenter satis, quia, ut postea audiemus, erat id imprimis necessarium, quod nimio usu perpetuo atterantur, quemadmodum etiam dentes, quos similiter supra in longitudine magis atque aliis dimensionibus, eodem nomine augeri retulimus: probat tamen ipsa experientia, eos etiam secundum profunditatem & latitudinem accessiones facere, etsi non ita conspicue, nisi quis oculis etiam animi & mentis simul velit advertere. Et *secundum profunditatem* quidem: nam si quis vitro aut cultro abradat ita, ut ad summam tenuitatem unguis abeat, & non citra dolorem prehendere quidquam queant, paucis diebus debita crassitie recuperata, ipsum denuò munere suo fungi videas; etsi hujus ipsius limites, quos Natura semel præscripsit, nulla postea ratione egrediatur. Et quis est qui nesciat, senioribus multo, quam juvenibus crassiores esse, ut quibusdam propterea magno labore præscindantur? *Secundum latitudinem* autem, cum nemo ita sit ineptus, quin confiteri cogatur, juxta ætatem augeri ungues, & juvenibus esse latiores multo, quam puerulis, recensque natis. Illud autem quod *venas* negant & *arterias*, quæ tum nutritionem, tum vitam apportent, refutat satis historia & inspectio anatomica; imo vero Galenus ipse, qui *admin. Anatom.* vasa omnis generis in unguum radices porrigi testatur, adeoque non

non venas solum, sed & arterias, & nervos, à quibus & exquisitus ille sensus est unguium, etsi *sensus non proprius*, verum communicatus; *non per se*, sed per accidens sit, *Sensu.* quia unguis substantiam ipsam nervi non ingrediuntur, pari modo ut neque ossa, nec dentes: sed sub unguibus ad digitorum summa repunt, quemadmodum & venæ, & arteriæ, quæ & ipsæ in substantiam non penetrant. *Substantia* ergo horum media est *Substantia.* inter cartilaginem & os, quare & mediocriter dura & flexilis: tenuis etiam admodum, & mediocriter lata, ita ut extremum digitorum commode contegat. Quare *magnitudo* *Magnitudo.* omnibus æqualis non est, sed proportionem digitorum sequitur. Pollici maximus est unguis, minimo digito minimus, cæteris mediocris, & quidem secundum omnem dimensionem: crassiores autem sunt pedum ungues, quam manuum. *Figura* sunt ante *Figura.* & retro semicirculari: sed ante latiores: exterius, gibbi; interius, qua parte carnes tangunt, concavi. *Numero* respondent digitis, & sunt viginti; ut manus decem, totidemque pedes habeant. *Connectuntur* autem, quo minus vacillent, ligamento quodam *Connectio.* circa radicem: & quia antè tantum liberi sunt, ubi prominent; posterius, circa radicem & latera, cuti carniq; connasci debuere, foris cutem circum, intus autem cutem subnatam habent, tendinesque digitos flectentium musculorum subjacentes. Quæ res sane iis diligenter advertenda est, qui externorum morborum curationibus animum applicant, ne in affectibus unguium, si discedant, corrodentibus substratam tendineam carnem auferre conentur, cum & ea res sine immensis dolorum tormentis transigi nequeat, & deformitas renati unguis sequatur. Quin potius magna solertia studeant, quidquid adest illius carnis, eo aptare, ut speratam novi unguis generationem facili negotio assequantur. *Colorem* nullum habent proprium; sunt enim pellucidi: sed quemadmodum cutis, ita & ipsi à subjectis partibus colorem mutuuntur, qui talis in unguibus apparet, qualis in illis revera est. *Color.* Hinc Europæis ungues albicant, pauca rubedine interfusa; contra Æthiopibus nigricant. Hominum enim, inquit Aristoteles *III* histor. animal. ix; & *II* de Generat. vi, nigrorum dentes, naturam ossium æmulantur: quamobrem Æthiopum dentes & ossa candicant, ungues nigricant suæ cutis in modum. Paulo autem ante dixerat, colores cornuum, unguium, & ungularum, cutis pilorumque colorem sequi. Contingit ergo ut unguium colores pro varietate temperamentorum diversi sint, & ex colore eorundem morbi etiam sæpenumero innotescant, ut icterus, ex flavis unguibus; febrium paroxysmi, ex lividis.

Vsvs Unguium est, tegere extremas partes, tum manuum, tum pedum. Sed *Vsus.* quia manus apprehensionis gratia factæ sunt, pedes autem ambulationis: in illis tegunt, ut res firmiter apprehendamus; in his, ut securius terræ insistamus. Quis enim non cessissent digiti, nisi robore muniti essent? aut quis pedes solo se firmarent, si apices digitorum cederent molliæ? ut adeo utrique solers Natura recte prospexerit. Accedit, quod quæ minuta sunt, nec digitis arripi possint, ea unguium beneficio tractamus: & quæ dura pedibus propulsanda, ea facile abigimus. Sic nullum unquam beneficii genus in nos benignissima Parens effundit, quin protinus ex illo immensum bonorum Ilias redundet, ubique bonitate inæstimabili divina quadam sapientia condita.

FINIS SECUNDI LIBRI.



A D R I A N I S P I G E L I I
B R V X E L L E N S I S ,
D E H V M A N I C O R P O R I S F A B R I C A ,
L I B E R T E R T I V S ,

Qui de Cartilaginibus, & Ligamentis agit.

C A P V T I.

Cartilaginis naturam, usus, & differentias proponit.

Ratio ordinis.



I, quæ Natura provida, rerum omnium parens, tum substantiæ, tum usus ratione ita inter se conjunxit, ut eadem propemodum, aut certe parum differentia esse videantur, Ars Naturæ imitatrix, & methodus separare à se invicem non debent, jure profecto meritoque videmur facere, si postquam ossium historiam universam tradidimus, nunc eodem pacto Cartilaginum tractationem prosequamur. Nihil enim in toto corpore ossibus sic simile est, ac cartilagine ipsæ, cum substantia ita conveniant, ut ex cartilaginibus facilis sit in ossa transmutatio; quemadmodum jam sæpe monuimus in superioribus, apophyses omnes, & ossa pleraque in pueris cartilagine esse, postea vero in osseam naturam progressu temporis degenerare. Usus autem & ipse usque adeo convenit, ut idem prorsus esse videatur, cum sustentandi molliores partes gratia, non secus ac ossa ipsa effecta & composita esse pareant. De his ergo ut agamus, insistentes nostræ methodo, ea primum quæ generatim de his dici possunt, in medium afferemus: deinde, quid in singularum historia observandum sit, breviter quoque trademus.

Cartilaginis definitio.

Est pars,

Similaris,

Dura, & sicca, Flexibilis.

Usus.

CARTILAGO ergo, ut à definitione initium capiamus, *pars est nostri corporis, simplex, dura, ac sicca, sed flexibilis, ad stabilimentum securum partium molliorum, & ad eludendos duriorum rerum extrinsecus accidentium impetus.* Dico esse *partem*, quia definitio partis ipsi convenit, quæ est, esse corpus toti cohærens, & communi vita fruens, in aliquem usum aut actionem comparatum. Adjungo autem esse *simplicem*, quia cum partes nostri corporis, vel similes sint, vel organicæ, cartilago similis est, quia tota sibi similis est, nec reperire licet particulam cartilaginis, quæ non naturam & nomen totius mereatur. Est autem *dura & sicca*, quibus verbis à cæteris omnibus similaribus partibus separatur: sed quia cum osse convenit in hoc ipso, additur vox *flexibilis*, quæ ab osse distinguit. Cartilagine enim omnes hoc in se habent, ut quamquam duræ sint & siccæ, semper tamen flexibiles maneant. Tandem *usus* subjungitur, qui est *stabilimentum partium molliorum securum.* *Stabilimentum* quidem, quia fundamentum largitur non secus ac ossa, fundamenti autem ratio in eo sita est, ut & robur conferat, & rectitudinem, & formam. Hanc stabilitatem præstat non quibusvis partibus, sed mollioribus. quia enim molles necessario erant faciendæ ob suam actionem, sed molles se tueri sustinereque non poterant, ideo solers Natura partem duram molli addidit, ut hujus quidem beneficio actioni præessent, illius autem opera consisterent. Verum etsi ossa quoque idem officium mollioribus partibus præstent, *cartilago* tamen *securius* id facit; qua voce similiter, ab osse distinguitur. Hanc securitatem explicuimus ultimis verbis, dum dicimus, cartilagine *ad eludendos impetus rerum externarum duriorum facere.* Ossa enim, cum nimis dura sint, à duro forinsecus accedente facile franguntur: at cartilagine, cum moderatam obtineant duritiem, & flexibiles sint, cedunt facile, sicque impetum omnem declinant. Quamobrem videmus partes illas, quæ expositæ admodum sunt injuriis externis, cujusmodi sunt nasus, & aures, cartilagineas esse factas, cum infinitis modis frangerentur, si ex duro aliquo osse constarent, nisi crassitie, quæ tamen indecora foret

foret & admodum molesta, munirentur. *Stabilitas* ergo ipsis, à duritie: at *securitas*, à flexibilitate est. Cæterum hic usus egregie in larynge, sive capite asperæ arteriæ, conspicitur, quæ cum ex cartilaginibus tota efficta sit, muscoli plures ipsi & implantantur, & ab ipsa enascuntur. Sunt tamen & alii multi, quos cartilago præstat, usus; sed secundarii. *Primum* enim, ossium laxa articulatione junctorum extrema regunt: *Deinde*, propugnaculorum vicem obeunt ad tuendas partes subjacentes: quod quidem munus, etsi ossibus quoque competat, in hoc tamen discrimen est, quod cartilagine ibi sint, ubi propugnaculum flexibile requirebatur. Sic sterni & costarum cartilagine factæ sunt. *Tertio*, ossa inter se ligant, quemadmodum ossa pubis inter se cartilagine juncta sunt, & ligamenta multorum ossium cartilaginea existunt, qualia sunt imprimis ligamenta vertebrarum corpora connectentia, & illa teretia, quæ in articulo fœmoris cum coxendice, & altero cum tibia inveniuntur.

Sed enim maxima cartilaginum inter se differentia est, quas omnes ut in unum colligamus, ea nunc ordine, quæ singulis partibus quandam compositionem subeuntibus advenire solent, inspiciamus. Ac primo quidem *Temperamentum* ipsum, quod tamen si omnibus cartilaginibus frigidum sit & siccum, alias tamen aliis sicciores, adeoque etiam duriores existere cernimus, nec id tantum ipsarum cartilaginum inter se, sed etiam ætatis, sexus, & morborum ratione contingere. Et ipsarum quidem inter se, quia aliæ sint admodum duræ, & quæ tandem in ossa degenerant, ut sunt quatuor illæ quæ laryngem efformant: aliæ molles, ut quæ articulos connectunt mutuo, & ligamentorum munia subeunt, *χονδροσυνδεσμοὶ* propterea dictæ: aliæ tandem mediam in duritie & mollitie naturam præ se ferunt, & quæ nunquam ossescunt, cujusmodi sunt, epiglottis, & palpebrarum cartilagine. Ratione *ætatis* differunt; pueris enim cartilagine omnes molliores sunt, senibus contra sic indurantur sensim, ut nonnullæ fragiles, ac friabiles, ossium instar, fiant. *Fœminæ* etiam mollioribus præditæ sunt, ut quæ maribus humidiores esse consuevere: id tamen è diverso peculiare habent præ maribus, quod cartilagine illæ costarum, quæ mammis substant, his augescentibus in ossa abeunt, ut pondus sustentent facilius, cum flexibilis alias cartilaginum substantia, cum periculo partium in thorace contentarum compressa subsideret. Tandem *morbi* ipsi calidi, ut febres ardentes, duriores & sicciores ipsas reddunt. Ratione *figuræ* quoque magnum est discrimen, à cujus multiplici varietate diversa etiam nomina sunt sortitæ. Sic illa quæ pectoris ossi subnectitur *ἐπιφρεϊδής*, ensiformis dicitur: sic laryngis cartilagine diversa nomina obtinere, cum alia *θυροειδής*, scutiformis; alia *καρκοειδής*, annularis; alia *δυσύλαινοειδής*, guttalis vocatur. Sunt & semicirculares quædam, ut palpebrarum cartilagine, & quæ in bronchiis pulmorum conspiciuntur, *σχιμοειδής* dictæ à Græcorum C, quod expriment. Magnitudo quoque diversa est, cum aliæ sint magnæ, aliæ parvæ, quædam inter utrasque mediocres. Magnæ sunt laryngis, parvæ bronchiorum, mediæ palpebrarum. Ex magnis quædam longæ sunt, ut costarum; quædam latæ, ut auriculæ: & contra ex parvis, aliæ breves, aliæ angustæ. Ratione *superficie*, pleræque omnes, quæ ossium extremitates incrustant, lævitate politæ sunt: nonnullæ inæqualem asperitatem obtinent, ob musculorum ibi vel exortum, aut insertiones, quemadmodum laryngis cartilagine. Quo ad numerum, tot sunt, quot requirebantur. Natura enim, neque deficit unquam in necessariis, nec abundat in superfluis: plures tamen sunt infantibus, pauciores adolescentibus, paucissimæ omnium senibus, quia in his sensim, ut sæpe dictum est, in ossa faceffunt. In *situ* præcipua occurrit discrepantia: verum cum situs nomine duo includantur, sedes scilicet cartilaginis ratione corporis totius, & connexio cum vicinis partibus: *sedem* quidem unaquæque obtinuit, quam requirebat, & cujus beneficio, quam commodissime usum suum præstaret; sicque aliæ sunt supernæ, infernæ, anticæ, posticæ, internæ, externæ, dextræ, aut sinistræ: at *connexio* paulo aliter se habet. Sunt enim quædam cartilagine, quæ nulli parti junguntur, sed solitariae sunt; quædam aliis conterminis committuntur, & vel cartilaginibus, vel ossibus. Solitariae sunt, palpebrarum cartilago, & auricularum, quia aliis non associantur. At cartilaginibus junguntur, ut scutiformis laryngis, & guttalis cum annulari. Ossibus vero quam plurimæ nectuntur, ut omnes illæ quæ capitibus, vel sinibus affiguntur. Connexio autem hæc, fit vel alligando invicem ossa ligamenti instar, ut illa quæ pubis ossa inter se jungit: vel adna-

Differentiæ
cartilaginumA tempera-
mento.

Ab ætate.

A sexu.

A figura.

A magnitu-
dine.

A superficie.

A numero.

A situ.

A sede.

A connexion.

Ejusque modi.

scendo, ut narium cartilagines ossibus narium, & cartilago ensiformis sterni: vel articulando, ut cartilagines costarum cum osse pectoris per arthrodiam. Vtunque enim in cartilaginibus tam exactam articulationis speciem observare non liceat, qualis in ossibus occurrit, tum quia pauciores sunt atque ossa; tum quia alios potius usus, quam articulationis præstare debeant; in iis tamen quæ ossium subeunt officium, expressa est utriusque compositionis vestigia cernere. Nam ut de prima specie verba faciam, quæ articulatio dicitur, Arthrodiam sat manifeste tum in costarum cum sterni, tum scutiformis cartilaginis cum annulari conjunctione cernimus. Nec obscura est altera species, quæ per symphysin perficitur, cum cartilaginem nasi cum ejusdem ossibus sine medio uniri quivis videat: & alias plurimas cum medio jungi, inter quas maxime evidens est connexio illarum semicircularium, quæ in bronchiis asperæ arteriæ per *συνάρτησιν* à nobis vocatam, nemine repugnante, junguntur.

Ordo.

Sed ut ad ipsam historiam nunc pedem moveamus, facilioris doctrinæ gratia methodum nostram observantes, singularum tractationem, pro trium Ventrium Artuumque divisione partiemur. At enim cum multæ, præsertim artuum cartilagines, vel ad ossium extremitates incrustandas, aut articulorum sinus augendos faciant, de his quidem commodior agendi locus in superiore libro fuisse videtur; in quo si quando dicendi occasio sic tulit, earum historiam inspersimus. Quæ sane, ut in præsentiarum haud tædiose repetatur, de iis tantum cartilaginibus dicturi sumus, quæ alii cuipiam, quam illi motui dicato usui inserviunt, & de quibus superiore libro dicendi ansa data non fuit.

C A P V T II.

De Cartilaginibus supremi ventris, sive Capitis.



Cartilagines palpebrarum

IN Capite complures sunt cartilagines dignæ accurata consideratione: revocari tamen memoriæ gratia ad tria capita quam commodissime poterunt, si cartilagines palpebrarum, nasi, vel aurium dicamus esse.

Vfus.

PALPEBRARVM cartilagines duæ sunt, cum utrique una contigerit, adeoque altera superior, altera inferior; ex quibus sane superior in homine major est, minor in avibus. Vocantur hæ à Græcis *ταρσοί*, à Plinio & Latinis *Cilia*, quæ in extremitate palpebrarum, inter cutem ac membranam palpebras succingentem sitæ, corniculatam lunam haud male exprimunt. *Vfus* harum cartilaginum est, moderate palpebram sua duritie expandere, expansamque tenere: queis sine foret, dum palpebræ ad oculos claudendos corrugantur, in se penitus subsidissent, æquabilemque illam, quam faciunt compressionem, haud unquam peregissent. Reperitur & alia quædam cartilago in oculi orbita, sede interiore superioreque, quam primus Fallopius, doctissimus Anatomicus invenit, & à figura atque usu *Trochleam* vocavit: de qua sequenti libro, ubi de oculorum musculis agemus, tractabitur, cum eo pertinere potius, quam huc ipsius historia videatur.

Trochlea oculi.

Cartilag. Nasi.

NASI cartilagines quinque sunt, ex quibus *prima* septum est cartilagineum, quod ab osseo septo exortum, nasum bifariam secat. *Duæ* sunt postea *laterales*, quæ ab inferiore & latiore duorum nasi ossium parte incipiunt, crassiores, ac duriores conjunctæ, hinc circa finem narium attenuantur, sic ut cartilagines esse desinant. *Duæ* aliæ *postremae*, in infima narium parte positæ, extrema prædictarum cartilaginum regentes, & singulæ in unum foramen nasi in extremo finientes, idque expansum tenentes. Hæ sub septo cartilagineo sibi invicem junguntur, ac per membranas & cutim colliguntur, indeque foramina utraque nasi ambiunt, alas ejus constituentes. Duriores sunt sub septo cartilagineo, & quasi semilunares, curva parte ad nasi septum cartilagineum obversæ, circa alas molliores, & fere semicirculares. Aliquando hæ singulæ in duas veluti partes dirimi conspiciuntur: nam quæ alas constituit, ab ea quæ septo cartilagineo subjacet, dividitur, ac tunc nasus ex septem cartilaginibus constare videtur.

Cartil. Auriculæ.

AURICULA tandem, sive *externa auris*, parte superiore, quam Pinnam vocari diximus, cartilaginea est; at inferiore, quæ Lobus vocatur, carne constat. Est autem cartilaginea facta, ut & duritie sua sustinere se, & flexibilitate tueri contra externas injurias posset. Enascitur ex foramine meatus auditorii, quod in osse temporum est, hinc sese in orbicu-

in orbicularem cartilaginem continuam expandit, ac cum in principio sui exortus durior sit & crassior, sensim, quo longius ab origine procedit, mollior, tenuiorque evadit. Habet hæc cartilago varias circumvolutiones, & modo simas, modo gibbas partes, quæ omnes proprias sortitæ sunt appellationes, quas ipsas supra libro primo, ubi de nominibus auriculæ egimus, jamdudum persequuti sumus.

C A P V T I I I.

De Cartilaginibus Medii, Infimique ventris.



LN Thorace Pulmones siti sunt, quorum aspera arteria pæne tota ex cartilaginibus confici videtur. Nos ut ordine omnes persequamur, arteriam in *Caput*, sive Laryngem, & in *Fistulam*, cum peritioribus Anatomicis dividemus.

Arteria
aspera.

^a LARYNX ergo ex quatuor constat cartilaginibus, quibus quinta superposita est, *ὑπερλωπὴς* dicta. Vocatur ex illis ^b prima, *θυρεοειδής*, *scutiformis*, ^c secunda *κρικοειδής*, *annularis*: ^d tertia, & quarta, *δευλαιοειδής*, *guttales*. Vtemur autem vocibus græcis, tum quia usitatiores sunt apud Authores, tum etiam quia in sequenti libro, ubi laryngis musculos enarrabimus, memoriæ gratia ex græcis appellationibus nomina musculis imponemus.

Larynx.
Cartilaginea
Laryngis.

^e Prima ergo cartilago *Thyroides*, sive *Scutiformis*, sic dicta à figura, quæ scuto antiquorum non est dissimilis, omnium quæ in larynge sunt, maxima est; anteriore parte sita, adeo ut in vivo etiam homine digitis contrectari possit; & in maribus nonnullis, iis scilicet, qui temperamentum nonnihil siccus nacti sunt, admodum evidenter conspicua sit, quam Pomum Adami tunc vocare solent, ficta fabula, protoplastæ nostro, ob divinæ vocis, post contempta monita, minas pavescenti, de pomo deglutito aliquid circa eam gulæ sedem restitisse. Hæc unica numero est, foris convexa, intus cava, quadrilaterum altera parte longius non inepte exprimens, nisi quod in sui medio, anteriore & superiore parte, (quæ similiter in vivo tangi potest nullo negotio) ^f *fissuram* habeat, in extremitatibus autem sat eminentes processus. In singulis enim terminis ^g *processus* obtinet, adeo ut supra infraque bini sint, quorum ^h *illis*, qui longiores sunt, ossis hyoidis inferioribus lateribus, interventu ligamenti oblongi jungitur: ⁱ *hisce*, qui breviores, cum secunda cartilagine, sive cricoide articulatur. Articulationis autem ea species est, quæ *δερθεωδία* dicitur, cum capitulo depresso, in sinus cricoidis leviter cavos processus illi inserantur. Ex quo consequitur, Thyroidem cartilaginem evidenti motu esse præditam, cujus scilicet beneficio Larynx tum dilatatur, tum constringitur.

1.
Thyroides.
Situs.

ⁱ Altera *Cricoides*, ut situ, ita etiam magnitudine secunda est; annuli nomen à figura sua adepta. *Innominata* etiam quibusdam dicta, quod ante Galeni tempora appellatione caruerit. Hæc merito omnium laryngis cartilaginum Basis dicenda est, cum infimo loco sita, reliquas omnes sustineat. Neque enim fistulæ cartilaginibus, utpote nimium infirmis, inniti; neque cum iisdem admodum tenuibus ullo pacto articulari poterant: quare cricoides facienda erat, quæ utrumque officium præstaret, & simul Laryngem perpetuo apertum servaret. ^k Anterior gibba est, semicircularis, ac tenuis: ^l posterior latior, plana, ac major, ubi in ^m medio linea quædam aspera eminet, quam Galenus *Spinam innominatæ cartilaginis* vocabat.

Figura.

Fissura.

Processus.

2.
Cricoides.

Situs.

Visus.

Figura.

Spina.

ⁿ Tertia, & quarta, *Arytenoides*, omnium minimæ sunt, superiori & posteriori cricoidis sedi, in cavitate thyroidis insistentes. Iunguntur enim cum cricoide per ginglymum, ut & flecti, & extendi, partim recta, partim ad latera possint, tum pro claudenda, tum pro aperienda rimula. Vocantur autem *δευλαιοειδής*, sive *Guttales*, quod gutturnii figuram repræsentent, si inspiciantur dum superiores utriusque processus communi adhuc membrana involvuntur. Est autem gemina: nam qui simplicem statuere, ab hac ipsa membrana decepti sunt, quæ utramque tegens, utriusque separatam substantiam dissimulavit. *Processibus* donantur similiter superioribus, & inferioribus. ^o Superiores molles, laxi, & extra recurvati, simul juncti gutturnii formam affabre referunt: ^p inferiores, rimulam, sive Glottidem constituunt.

3. 4.
Arytenoides.
Connexio.

Numerus.

Processus.

His omnibus in elatiore sede, sed intra Thyroidem superjacet alia, mollis admodum cartilago,

- Epiglottis. cartilago, quam ^a Ἐπιγλωττίδα vocant, ἔπ' ἐπὶ τῇ γλωττίδα καίεται, quod supra glottida, five ^{a, 9. 1. f.}
 Figura. rimulam sit posita. Hæc enim glottidi incumbens, hederæ folium ex Hippocratis sen- ^{1. 2. N.}
 tus. tentia refert, & rigida atque erecta existens, viam spiritui pulmones ingredienti largi-
 tur: sed flexibilis admodum, & assumptorum pondere pressa, rimulam exacte claudit,
 ne quidquam asperæ arteriæ illabatur.
- Fistula. ^b FISTULA tandem asperæ arteriæ, quam βρόγχον vocant, ἀπὸ τῷ βρέχεισθαι, ab irrigan- ^{b, O.}
 do, quod Veteres potum in hanc descendere crederent, quemadmodum cibum in ven-
 triculum, tota ex cartilaginibus pluribus, membranarum beneficio mutuo connexis,
 conflatur. ^c Cartilagines autem hæ annuli figuram referunt, & tenues sunt, ac moderate ^{c, P.}
 latae, integrum tamen circulum non absolvunt: ^d sed ea parte, qua dorsum spectant, ^{d, Q.}
 tanguntque œsophagum, quarta quasi parte deficiunt, sicque Græcorum C expri-
 munt, unde σγμοειδῆς, sigmiformes dictæ. Vt autem integer circulus perficiatur, mem-
 brana subvenit, quæ reliquam partem succingit, etsi rotundum exacte circulum mini-
 me faciat. Ex his superiores majores sunt, & latiores; inferiores, minores atque angu-
 stiores, donec paulatim in minimas degenerent. Feruntur enim non tantum ad jugu-
 lum usque, quod quibusdam visum est: sed cum toto canali per universos pulmones di-
 sparguntur. Id tamen verum est, ubi ad jugulum pervenere, ac jam pulmonum substan-
 tiam ingrediuntur, circulum eas perfectum complere, quod asperam arteriam, ad aëris
 tractionem expulsionemque semper patere necessum foret.
- Cartil. ensi-
formis. Est & alia in THORACE cartilago, quam ^e ξιφοειδῆ, & ensiformem vocari diximus, ^{e, 2. 7. 1}
 quæque ossi pectoris subnectitur. De hac agendi cum melior occasio fuerit superiore ^{C.}
 libro, ubi sterni historiam persecuti sumus, hoc loco nihil, quod ipsam respiciat, ad-
 dimus.
- Cartil. inf-
mi ventris. In INFIMO VENTRE cartilago nulla est, nisi una, eaque insignis, quæ in pueris
 præcipue conspicua, toti superiori ossis ilium circulo adnata, quam ^f Spinam & Appendi- ^{f, 2. 9. 1}
 cem ossium innominatorum appellant. Ab hac insignes, & plurimi muscoli originem suam ^{9. 6. 7. 1}
 ducunt, ut propterea ipsius mentio nobis sæpissime postmodum injicienda sit; sed ta-
 men in adultioribus penitus in osseam naturam, quemadmodum & cæteræ appendices
 omnes, degenerare consuevit.

CAPUT IV.

*De Ligamentis agit, quorum naturam, usum, & differentias
breviter persequitur.*



Ratio ordinis.

Definitio li-
gamenti.
Est pars simi-
laris.

Media inter
cartilaginem
& membra-
nam.

VIDIMVS Ossa & Cartilagines, quæ diximus in nostro corpore basis
 cujusdam & propugnaculi vices obire, cum molliores partes sine susten-
 taculo sese tueri, & erectas conservare minime potuerint. Sed cum nec
 ipsæ inter se connecti valerent, nisi vinculis quibusdam stringerentur,
 maxime ea ossa, quæ articulatione insigni & laxa opus habebant, liga-
 menta solers Opifex condidit, quibus invicem sic conjunxit, ut & vaca-
 re suis muniis commode possent, ac secure & absque periculis luxationum persistere.
 De his ligamentis merito videmur hoc loco agere, postquam illorum historiam tradi-
 dimus, cum imperfecta esse videatur, nisi quo pacto invicem alligarentur, perspectum
 cognitumque foret.

Est autem **LIGAMENTVM**, pars similis nostri corporis, sensu carens, inter cartilagi-
 nem & membranam substantiæ ratione media, pro colligandis invicem ossium articulis. Dicitur
 esse pars similis, quia quamcumque ejus particulam inspicias, alteri consimilem vide-
 bis. Est autem media inter cartilaginem & membranam, quod illâ quidem mollior sit, hac
 autem durior. Non tamen (ut dicitur) æqualiter semper ab utroque extremo distat,
 sed interdum ad cartilaginis, quandoque ad membranæ naturam propius accedit, unde
 fit, ut duplicis generis ligamenta oriantur, Membranea scilicet & Cartilaginea. Nec
 vero hæc mediocritas in temperamento duntaxat & substantia consistit; sed & in iis,
 quæ temperamentum sequi consueverunt. Quod enim sic medium est, tantum à fri-
 giditate & siccitate cartilaginis declinat, quantum ad membranæ naturam propius, &
 contra, accedit. Eadem ratione mollius quoque ac flexibilius erit, quanto minus fri-
 gidum,

gidum, & potissimum minus ficcum est. Sunt autem facta *pro colligandis ossium articulis*, quibus verbis *usus* ligamentorum *primarius* indicatur, à quo etiam nomen acceperunt, ut Ligamenta Latinis, Græcis *συνδεσμοί*, seu Vincula dicantur. Alligant autem non tantum ea, quæ immobilia manent, ut pubis ossa: sed & illa, quæ ad motum connexa, quemadmodum sunt Articuli. Hoc tantum discrimen utriusque vincendi rationis est, quod illa arctius: at ista laxius paulo stringantur. Laxitas autem in eo consistit, ut moveri quidem sic vineta commodè possint, elabi autem nequeant, nisi magna aliqua vis & subita forinsecus accedat. Cæterum ut hoc munus fidelius exsequerentur, *sensu omni* *Carent sensu.* *carendum* *ipsis erat*, cum perpetuo dolori, & nunquam cessantibus cruciatibus obnoxius fuisset Homo, si allisis ad ligamenta ossibus, sensus (certe molestus futurus) perciperetur. Præter hunc usum, alias etiam partes in sua sede continent, & quidem vel Viscera, quæ suspendunt, ut hepar & uterus: vel Ossa, ut ligamentum secundæ vertebræ: vel Musculos, & musculorum Tendines, ut ligamenta annularia in manibus, cruribusque. Nonnulla etiam, non secus ac cartilaginea, ossium acetabula adaugent, cuiusmodi ligamentum illud est, quod circa sinum scapulæ, quo humeri superiori capiti committitur, observatur, ut supra, cum ejus historiam persequeremur, complexi sumus.

Sunt autem complures *differentiæ*, quas omnes ut venemur, methodum consuetam observabimus, inspicientes ea, quæ partibus aliqua compositione præditis accedunt. Ac primo quidem ratione *Temperamenti* ipsius & *Substantiæ*, magna est & insignis differentia, notatu dignissima. Cum enim dixerimus ligamenta media esse inter cartilaginem & membranam, hinc fit, ut quædam sane in medio inter utramque consistent, alia vero ad extrema nonnihil declinent; & sic, quædam mollia valde sint, quædam dura admodum, nonnulla mediocria: alia membranis similia, alia cartilaginibus, alia mediæ inter hæc substantiæ. Quæ membranis similia sunt, dicuntur *Membranea*: quæ cartilaginibus, *Cartilaginea*, Græcis *συνδεσμοί* *καὶ* *σκληρόν* *ὀστέον*. Sunt membranis similia, communia illa ligamenta, quæ articulos ambiunt: cartilaginibus vero, quæ intercedunt articulos; & vel Teretia, quæ ab unius ossis capite in sinum alterius feruntur; vel Lata, ut quæ colligant vertebrarum corpora. Sunt etiam omnia in tenera ætate molliora, quam in senili: & in sexu fœmineo, quam masculino, & in iis tandem qui humidi temperamento sua natura sunt nati. Ratione *figuræ*, alia teretia sunt, ut cartilaginea, quæ intercedunt ossa, quemadmodum est illud quo caput fœmoris cum coxendicis acetabulo jungitur; alia sunt *lata*, ut quæ ambiunt articulos, illa scilicet quæ *Communia* vulgo dicuntur. *Magnitudo* quoque diversa est. nam quæ articulos majores devinciunt, necessario majora sunt; minora, quæ minores. Magnitudo autem hæc non in una dimensione respicienda est, sed tam in longitudine, quam latitudine, aut crassitie consideranda venit. Crassiora enim sunt, ubi vel robur magnum requiritur propter validos motus, quibus articulus subjicitur; vel ubi ob cavitatem superficiariam invalida est debilisque ossium connexio. *Numerus* etiam insignem, & diligenter advertendam differentiam parit. Non enim Natura unum tantum uni articulo tribuit, sed ubi luxationis periculum metuendum erat, complura consarcinavit. Ita fœmoris articulus cum coxendice, præter commune, quod latum est, at totum articulum ambit, etiam teres cartilagineum accepit; ejusdem vero fœmoris cum tibiæ superiore appendice, complura, & quidem sede posteriore, quod ea debilitate maxime laborare videbatur. *Situs* etiam ratione discrimina quædam advertuntur. Sic enim nonnulla ligamenta *super* *perna*, quædam *inferna*, dextra, sinistra, antica, aut postica sunt. Præcipua tamen differentia hæc est, quod quædam extra articulum sita, totum ipsum investiunt, ut ea sunt, quæ dicuntur *Lata*: quædam vero in ipso articulo inter ossa, ut sunt *Teretia* illa duo, quæ utrumque fœmoris articulum alligant, partim superiorem cum coxendicis acetabulo, partim inferiorem, cum duobus sinibus tibiæ: illa etiam, quæ inter duo corpora vertebrarum sunt posita, & cartilagineam naturam æmulantur. Adnascuntur autem ossibus articulum constituentibus, capitum scilicet circumferentiis, & cavitatum superciliis, ubi plerumque foramina quædam occurrunt, & superficies admodum aspera est, ut tum exortus, tum insertio sit firmior. Sed tempus jam videtur ut ipsam historiam aggrediamur.

Vfas.

1.

2.

3.

Differentiæ
ligamentorum.
A temperamento.

Ab ætate.

A sexu.

A figurâ.

A magnitudine.

A numero.

A situ.

De Ligamentis, quæ in Capite, Thorace, ac Infimo ventre occurrunt.

Ligamenta
capitis.Ligamentum
quo caput pri-
mæ colli ver-
tebrae alliga-
tur.Ligamenta
capitis & se-
cundæ verte-
bræ.1.
2.Ligam. primæ
vertebræ cum
secundæ.Ligamenta re-
liquarum colli
vertebrarum.1.
2.Inferioris ma-
xillæ ligamen-
tum.
Ossis hyoidis.

Lingua.

Ligamenta
Thoracis.
Vertebrarum.Costarum cum
vertebris.Costarum cum
sterno.Ligamenta
infimi ven-
tris.
Ossis ilium &
sacri.Ossis sacri &
coxendicis.

CAPITIS, sive supremi ventris ligamenta duplicis sunt generis: quædam enim totum respiciunt, quædam vero duntaxat partem. Totum caput respiciunt, quæ ad primam & secundam vertebram pertinent, super quas capitis motus, tam recti, quam laterales perficiuntur: partem vero, quæ maxillam inferiorem, os hyoides, & linguam concernunt.

Caput ergo primum cum prima vertebra connectitur ligamento membraneo, quod totum articulum ambit. Validissimum autem hoc est, atque ita robustum, ut vertebra prima facilius frangi, quam luxari possit, cum luxatio talis necessario lethalis futura esset.

Cum secunda autem vertebra duobus connectitur ligamentis. Primum validum est, teres, ac cartilagineum, quod ex apice ipsius dentis secundæ vertebræ cervicis enatum, occipitis ossi à parte priorē, prope primum ipsius magnum foramen, per quod spinalis medulla elabitur, implantatur. Secundum, ab uno latere primæ cervicis vertebræ, ad alterum transversim procedit, & processum dentiformem secundæ vertebræ, à posteriore parte amplectitur, ac in loco detinet. Sive, secundum illud est, quod sinum quadratum primæ vertebræ (sic supra à nobis vocatum) pro dente excipiendo exsculptum, posteriore sede claudit. Validissimum autem hoc est, & cartilagineæ naturæ, ne dens in vehementioribus capitis versus posteriora motibus, ex suo sinu exsiliens, cum inevitabili vitæ periculo, spinalem medullam illuc transeuntem, comprimatur.

Iungitur deinde & prima vertebra cum secunda, ligamento tenui membraneo, quod neque substantia, neque colligandi modo ab aliis communibus differt.

Reliquæ vertebræ duobus ligamentis alligantur. Primum, validissimum est, pingui ac mucoso humore oblitum, qualis in aliis quoque articulis conspicitur, quod vertebrae undique ambit, estque ligamentum commune. Et quamvis robustum sit undique & crassum, tale tamen potissimum à lateribus versus anteriorem partem, ubi ipsæ quoque vertebræ nonnihil crassiores sunt, apparet. Secundum ligamentum, cartilaginofum est, & corpora vertebrarum intercedit, cuius etiam latitudinem & figuram refert.

Inferioris maxillæ articulum cum ossibus temporum commune ligamentum obvolvitur.

Os hyoides duo quoque habet ligamenta, eaque valida, quæ ipsius lateribus committuntur: sed & alia cartilaginosa ac rotunda obtinet, utrique lateri implantata, quibus partibus adjacentibus adnectitur, & velut in æquilibrio servatur.

Lingua quoque ligamentum validissimum membraneum obtinet, quod medio ipsius corpori substernitur. Hujus extremo circa apicem linguæ funiculus quidam adnascitur, quem Linguae frenum appellant. hoc si longius sit, ut ad dentes usque priores exporrigatur, impedit linguæ (quemadmodum sæpe in pueris videmus) liberum motum, adeoque tunc sermoni plurimum officit, unde peculiaris huic negotio chirurgica operatio dicata est.

THORACIS vertebræ, ut & LUMBORVM eadem habent ligamenta, quæ diximus esse reliquis, præter primam & secundam, Cervicis vertebris. Cæteri ipsius articuli, communibus ligamentis membraneis, puta totum articulum involventibus, vinciuntur. Nam quæ Costas cum vertebris jungunt talia sunt, paulo tamen validiora crassioraque existunt, potissimum in prima & secunda costa. Eadem sunt etiam, quæ easdem costas cum sterno connectunt; sed tenuiora, minusque robusta.

IN INFIMO VENTRE paulo plura occurrunt. Primum est, quod ilium os sacro validissime connectit. hoc robustum est, totumque articulum circumamplectitur, membranam referens forinsecus, at qua parte inter utrumque os inseritur, durum ac cartilaginofum existit. Hoc ligamentum in partu difficili laxari posse, ^a supra à nobis probatum fuit.

Alterum ligamentum est, quod os sacrum cum coxendice jungit, & hoc duplex est. Vnum, quod teres, validissimum ab osse sacro exoritur, ubi quintum ipsius os cum sexto committitur, & in externum tuberculum ossis ilium inseritur, sub primo fœmur circum-

circumagentium musculo, Pyriformi, statim occurrens. *Alterum*, ex eodem loco enatum in posteriorem appendicem coxendicis implantatur.

Tandem *pubis* quoque *ossa* varia ligamenta obtinent. *Primum*, cartilagineum est, quod *ossium pubis*. lineam eorum asperam committit. *Alterum*, quod circulariter ea ambit. *Tertium*, membraneum, quod foramen pubis ossium succingit, & secundum ac tertium fœmur circumagentes musculos, Obturatores vulgo dictos, distinguit.

C A P V T V I.

De Ligamentis Artuum, ac primo Manus.



VM MANVS dicatur, quicquid à scapula dependet, varia ligamenta erunt, quæ ad manum pertinent. *Primum*, quæ scapulam cum humero jungunt; deinde, quæ humerum cubito, & cubitum radio, utrumque autem carpo, inde hunc metacarpio; ac tandem digitorum ossa inter se connectunt.

Ligamenta ergo quæ *scapula* humerum alligant, quinque communiter numerantur. *Primum*, commune est, latum & membranofum, quod ex superciliis cervicis scapulæ orbiculatim enatum, universumque articulum involvens, in humeri internam ac priorem ipsius capitis partem totam inseritur. *Alterum* ligamentum, omnium robustissimum & suprema sede positum, à toto externo ancyroidis processus latere eductum, oblique vehitur, internoque summi humeri, sive acromii lateri, nullibi humerum attingens, implantatur. *Tertium*, rotundum, ab externo latere ejusdem ancyroidis processus exoriens, in externum humeri caput, interna parte, desinit. *Quartum*, ex superiore parte cervicis scapulæ, quæ proxime ancyroidi processui adjacet, & acuta est, prodiens, mox internum humeri caput superans, capiti ejusdem exteriori adnascitur. *Quintum*, ex eodem, quo quartum, loco erumpens, obliquè fertur, & in posteriorem partem externi humeri capitis inseritur. Hæc ligamenta humeri esse, eoque facere vulgo creduntur, quo minus propter levem illum scapularum sinum luxationibus opportunus sit: meo tamen judicio solum *primum* est, quod huic muneri satisfacit: *secundum*, quod humerum ne attingit quidem, pro superscapulari potius superiore, sive primo humerum circumagente exstructum est, ne, dum contrahitur forte, ex sua sede profiliat, cum ab hoc tendo ipsius (non minus atque à ligamentis annularibus in manu musculorum digitos flectentium tendines) superna parte coërceatur. Atque hunc usum genuinum esse parvo negotio patebit cuivis, qui diligenter animum velit advertere, ipsamque inspectionem anatomicam consulere. Tracto enim ad suum principium hoc musculo, protinus licebit cernere, quam promptum ipsi foret è suo loco excidere, nisi ligamento, eoque tam valido, prohiberetur. Reliqua tria eo facta sunt, ut insertionibus trium musculorum humerum circumagentium inserviant. *Tertius* enim, sive infra-scapularis dictus, in *tertium* ligamentum implantatur: *Primus*, sive superscapularis superior, in *quintum*: & *Secundus*, sive inferior superscapularis, in *quartum*.

Cubitus ex Radio & Ulna compositus est, quæ ligamentis & humero, & carpo, tum inter se etiam junguntur. *Humero* quidem, membraneis communibus: at *Carpo*, primum similiter communi, sed deinde & aliis duobus, quorum alterum ulnam, alterum radium carpo adnectit, utrumque vero teres est. Illud, à processu styloide ossis cubiti oritur, inque os carpi quartum terminatur: hoc, à radii apice nascitur, & in carpum desinit. *Utrumque autem os*, sibi invicem membraneo ac valido ligamento jungitur, quod *ex tota ulnæ acuta linea enatum*, in totam acutam lineam radii adversam infigitur, & musculos internos cubiti ab externis dirimit separatque.

Carpi ossa, *Metacarpii*, & *Digitorum*, ligamenta communia acceperunt, quæ articulos orbiculatim sic ambiunt, ut totos invicem colligent. Hoc tamen *metacarpii ossa* peculiare præ dictis obtinent, quod non ligamentis tantum forinsecus, sed intus etiam, qua se mutuo respiciunt, cartilaginibus vinciantur.

Cæterum præter hæc, quæ nunc exposuimus ligamenta, & quæ ad articulationum securitatem faciunt, alia quoque in manu occurrunt, tendinibus ad digitos abeuntibus inservientia, quibus sic coërcentur, ne in valido motu extra locum exsiliant.

Ligamenta manus.

Ligamenta scapulam humero alligantia.
1.

2.

3.

4.

5.

Usum.
1.
2.

3.

4.

5.

Ligamentum cubiti & humeri.
Cubiti, & carpi.

Cubiti, & radii.

Ossum carpi ligamenta.
Ossum metacarpii.

Ligamenta annularia.

Hujusmodi ligamenta *Annularia* vocantur, transversim manum subeuntia, & duo sunt: ^a *unum*, in interna manus sede, pro flectentium: ^b *alterum*, in externa, pro extendentium muscutorum tendinibus. Sed & Digiti quoque singuli ejusmodi ligamenta interna parte obtinent, eodem fungentia munere; quæ secundum eorum longitudinem ad latera pronata, canalem æmulantur, per quem flectentium digitorum tendines expanduntur.

^a, 4. 22.
^b, 4. 24.

C A P V T V I I.

De ligamentis Cruris universi.



CRURUS dicitur, quicquid à coxendicis articulo, in aciem digitorum pedis extremam porrigitur. Quare articuli complures erunt in crure qui ligamentis indigent: ac primum quidem fœmoris cum coxendice parte elatiore; ejusdem cum tibia & fibula sede inferiore: tum tibiæ cum fibula, & utriusque ossis cum talo. Pedis tandem extremi, ubi talus, tarsus, pedium, & digiti sua ligamenta requirunt.

Ligamentum
quo fœmur ossi
coxae alligatur.

1.

2.

Fœmoris ergo caput superius cum acetabulo coxendicis duobus adstringitur ligamentis. *Primum*, commune est & membraneum, quale in aliis quoque articulis cernitur, latum, totam horum ossium commissuram orbiculatim ambiens, quod robore ac crassitie, ut ipse articulus aliis, ita cæteris ligamentis præcellit. *Alterum*, in ipso acetabulo, interque articulum occurrit, teres & cartilagineum. Hoc ex humiliore acetabuli sede enascitur, quo loco supercilium ejus osseum non est, sed ligamento tantum constat, & in medium fœmoris caput, ubi foramen hanc in gratiam exsculptum habet, inseritur.

Ligamentum
genu.

1.

2.

3.

4.

5.

6.

Inferius caput fœmoris cum tibia, fibulaque, pluribus necitur ligamentis. *Primum*, commune est, & membraneum, universum articulum involvens, excepto sinu illo, in anteriore parte, ubi patella est, cum eo loco ^c validissime tribus tendinibus, secundi, tertii, & quarti tibiam extendentium muscutorum vinciatur. *Alterum*, crassum ac validum in poplite situm, à medio partis posterioris tibiæ incipit, rectaque ascendens, in duo capita abit, quæ postea in duo inferiora fœmoris capita, qua parte maxime inter se recedunt, implantantur. *Tertium*, quod secundo fœmoris ligamento respondet, cartilaginofum ac robustum est, & ex sinu illo magno, qui est inter duo capita inferiora fœmoris, juxta insertionem modo dicti, enascitur, ac inter articulum consistens in tuberculum illud, quod inter duos sinus superioris tibiæ appendicis est, qua parte aspero eminet apice, implantatur. *Quartum*, gracile est, & inter duo capita fœmoris inferiora inseritur, ex medio ligamenti secundi nunc enarrati, ea parte, qua in duo capita dirimitur, enatum, & sursum ad fœmur delatum. *Quintum*, teres, genu externo lateri obducitur. *Sextum* contra, interno lateri attenditur.

^c, 4. 35.

Ligam. tibiæ
fibulaque.

1.

2.

Tibia cum fibula primum superne per validum ligamentum necitur, quod ossa hæc, ut cætera solent, undique exterius circumdat: at vero ea parte, qua invicem distant secundum longitudinem, ^d *membraneo*, lato, ac tenui, & obliquis fibris à tibia, ex qua oritur, ad fibulam, cui inseritur, tendente. Simile est in omnibus ligamento illi, quod cubitum radio jungit, similiterque musculos anteriores tibiam occupantes, à posterioribus dirimit.

^d, 4. 39.
D.D.

Ligam. tibiæ
fibulaque
cum talo.

1.

2.

3.

Tibia fibulaque cum Talo necitur tribus ligamentis. *Primum* est commune, membraneum, quod totum articulum ambit: *reliqua duo* cartilaginea sunt; ex quibus *secundum*, à processu tibiæ malleolum internum conficiente ortum, inseritur interno tali lateri, quod à malleolo excipitur: *tertium* contra, ab appendice fibulæ externum malleolum constituyente enatum, in externum ejusdem tali lateris implantatur.

Ligam. tali
& ossium pe-
dis.

1.

2.

3.

4.

5.

Talus cum pedis ossibus ligamentis alligatur pluribus. *Primum*, commune est, calcis articulum cum talo ambiens orbiculatim. *Secundum*, cartilagineum, ab inferiore tali sede ortum, in calcem inseritur. *Tertium*, totum articulum externa sede cingit, ex cervice tali nascitur, & naviculari ossi implantatur. *Quartum*, calcis os cubiformi committit, & articulum circumamplectitur, robustum est, ac cartilagineum. *Quintum*, à tali cervice in os cubiforme inseritur.

Tarsi

Tarsi tandem, *Pedii*, ac *Digitorum pedis* ligamenta illis, quæ in manu sunt, respondent: quemadmodum etiam eodem modo in pedio, ac metacarpio, quæ ossium intervallis immittuntur, cartilaginea sunt, cæteris membraneis existentibus.

Præter hæc, etiam ligamenta, quæ ad articulos spectant, alia, similiter ac in manu annularia occurrunt, quæ tendines ad pedes transmissos continent. Horum *primum* transversum est, in anteriore pedis parte, tibiam cum fibula nectens. *Alterum*, ab interno malleolo enatum, in os calcis inseritur. Hoc etsi simplex videatur, triplex tamen est, tres veluti annulos effingens. *Tertium*, ab externo malleolo, in idem calcis os implantatur. Per hoc transeunt duorum musculorum tendines, secundi scilicet pedem flectentis, & abducentis. *Tandem* in digitorum inferna sede ligamenta occurrunt, qualia in manu, per quæ transeunt tendines musculorum digitorum internodia flectentium.

Ligam. inf.
mi pedis.

Ligamenta
annularia.

1.

2.

3.

4.

FINIS TERTII LIBRI.



A D R I A N I S P I G E L I I
B R V X E L L E N S I S ,
D E H V M A N I C O R P O R I S F A B R I C A ,
L I B E R Q V A R T V S ,
Q u i M u s c u l o r u m h i s t o r i a m p e r s e q u i t u r .

C A P V T I .

Quid sit Musculus, & quæ ejus actio.

Ratio ordinis.



Utilitas & necessitas doctrina de musculis.

Quæ requirantur ad lectionem hujus libri.

MUSCULVS. Etymologia.

Unde muscoli dicantur opinio Authoris.

VM ea in libris superioribus universa hætenus tradiderimus, quæ ad ossium, & hisce respondentium cartilaginum, atque utraque vincientium ligamentorum historiam pertinere videbantur, quæ ut totius corporis, ita etiam solidæ alicujus in studio anatomico cognitionis fundamenta diximus: videtur reliquum nunc esse, ut tractationem de Musculis aggrediamur, qui ita longe lateque se fundunt, ut maximam corporis nostri partem, non immerito conficere videantur. Argumentum est non solum summe utile, sed & maxime necessarium, in quo diligens versetur oratio, tum quia ad ægrorum curationem, cujus gratia potissimum Medici Anatomix animum applicant: tum ad eorum, quæ postmodum dicenda sunt, absolutum perfectumque intellectum plurimum conducat. Quemadmodum enim musculorum historia, in explicando situ singulorum, summam ubique ossium rationem habet, ut frustra sit, qui se aliquid promoturum in illa crediderit, nisi hanc animo prius fideliter comprehenderit, cum & ab ossibus aut cartilaginibus plerique omnes oriantur, & in ossa similiter aut cartilagine desinant: sic Venarum, Arteriarum, & Nervorum tractatio (medico futuro unice necessaria, Philosopho autem summe jucunda) nec unquam tradi feliciter, nec addisci potest, nisi prævia musculorum cognitio, eaque exacta, fundamenta posuerit, quibus reliqua superstruantur. Illud ergo hoc loco sub initium monendum duximus, uniceque observandum est ab omnibus, qui fructum aliquem ex his laboribus nostris haurire velint, ne quis ad lectionem hujus quarti libri accedat, quin exactam ossium cognitionem sibi antea comparaverit, eaque summa diligentia legerit, ac perfecto maturoque judicio apprehenderit, quæ à nobis in secundo libro superius accurate perscripta sunt. Obscura enim & inutilis erit tota hæc tractatio citra illius præviam cognitionem: at clarissima contra & perspicua futura sunt omnia, si bene, quæ exposita fuere, perspecta quisque habuerit.

MUSCULVS ergo, ut à nomine exordium ducamus, Græcis *μῦς* dicitur, sive *μύων*, quod contrahere significat, quæ ejus est actio: sive à figura, ut plerique, & haud male fortassis, arbitrantur, quandoquidem musculus referat excoriatum. Caput enim magna musculorum pars acutum habet; ventrem autem rotundum; longissimamque caudam, muris instar. Eadem nominis ratione Latinis quoque Lacertus dicitur, ab animalis sic appellati similitudine: unde factum, ut Lacertosus vulgo musculosum denotet, & eum, qui carne abundat. Quanquam revera omnibus in universum musculis ea figura tribui haudquaquam opportune queat, cum alii potius rotundi sint, ut qui sphincteres dicuntur; alii triangulares, ut Deltoides, humerum elevans, à Δ litera Græcorum cognomen nactus; alii quadrilateri, ut tertius scapulæ musculus, Rhomboides, à Geometrarum figura quatuor lineis comprehensa, sic appellatus. Existimarim ergo primos nominum impositores, cum Anatomix ignari essent, musculos vocasse, quod inter secandum tum demum horum naturam adverterint, cum hujus formæ musculos deprehenderent: reliquos postea, qui diligentiores inspectionibus aliis idem munus competere observarunt, etsi forma non responderet, mutare tamen commune

mune nomen, quod jam ab omnibus quasi receptum erat, neutiquam voluisse. Sic sci-
mus membranam carnosam dici, non quod revera carnosâ sit in homine, præcipue in
adulto; sed potius, quia in brutis talis videatur, in quibus se exercebant olim, qui pri-
mi hoc nomen excogitarunt: similitudinis tamen gratia, quæ inter hominum & bru-
torum carnosam membranam est, communis illa vox postmodum retenta fuit. Idem
in pluribus aliis rebus contigit, ut primo scilicet inventum nomen, tametsi haud ita
aptum fuerit, reliquis etiam, quæ aliquam adfinitatem habuere, accesserit. Sic Geome-
tria dicta est à dimensione terræ; quia hujus occasione primum reperta est, etsi proprie
circa magnitudinem versetur, cujus affectiones persequitur. Sic Medicina, à medendo,
quantumvis non medeatur tantum ægris: sed etiam sanis, quo minus in morbos decli-
nent, prospiciat. Credibile enim est, primos nobilissimæ artis inventores, miserando
mortalium fato commotos, de restituenda amissa sanitate prius, quam de præsentī
conservanda, aut tuenda cogitasse. Cæterum musculorum mentionem Aristoteles in
genuinis operibus nullam injecit, ut adeo plerisque ignorasse videatur: etsi revera ab
Hippocrate se multo antiquiore didicisse poterat, qui aliquoties ipsorum in suis scri-
ptis meminit, ut I I de fracturis, & alibi: sed potissimum libro de Arte, ubi, quæcun-
que, inquit, partes carnem in orbem circumscitam habent, quam Musculum vocant,
hæ omnes ventrem obtinent. Meminit tamen sæpe *carnium* Aristoteles, per quas indi-
stincte cognovisse musculos, à non paucis creditur. Præcipuus locus est I I de part.
animal. cap. IX: in quo cum occasionem habeat mentionem de his aliquam aspergen-
di, caro, inquit, circa ossa consistit, vinculis modo fibrarum tenuibus adhærens, cujus
causa ossium genus habetur. Sic etiam Hippocrates musculos carnes vocat, ut IV aphor.
XVI. At ille fortasse musculorum nomine dignatus non est, sed generali tantum *carnium*
appellatione. Quanquam Author Problematum (quisquis etiam is sit) *carnium* no-
mine eorum meminerit.

Aristoteles
musculos
mentionem
non fecit.

Carnes vocat.

Cæterum musculus à Galeno definitur, I de mot. muscul. *ἔργον κινήσεως τῆς κατ' ἐγμῶς*.
In qua definitione cum aliqua difficultas sit, sciendum est, duplicem esse in nobis mo-
tum; *unum*, qui à voluntate & arbitrio dependet; *aliū*, qui citra omnem voluntatem
perficitur: ex quibus hic, naturalis: ille, animalis dicitur. *Naturalis* quidem, quod iis
proprie competat, quæ animæ naturalem facultatem, hoc est, vegetativam habent:
animalis vero, quia solis animalibus inest. *Naturalis* ergo ille est, qui in alimenti attractio-
ne, retentione, & expulsionem fit, nec solum in ventriculo & intestinis, sed in toto quo-
que corpore, omnibusque ejus partibus: *Animalis* vero, apprehensio, & ambulatio, fæ-
cum & urinæ expulsio, attractio item aëris, aut detentio voluntaria. *Naturalis* enim
à sola natura regitur, nec sisti à nobis aut concitari potest, quemadmodum ciborum
attractoriam ventriculi vim, nemo pro suo arbitrio, aut sistere potest, aut impellere, sed
ipsa pro dispositione ejus secundum, aut præter naturam se habente peragitur. *Animalis*
autem à voluntate animalis totus dependet, & modo intermitteri potest, modo perfici;
quo pacto in nostra voluntate est, aut apprehendere aliquid & capere, aut idem re-
linquere; ambulare, aut confidere. Hic autem etsi animalibus brutis juxta, ac ratione
præditis communis sit, in illis tamen sine electione fit, in his cum electione: in illis, spon-
taneus; in his, voluntarius dicitur. Cæterum cum spontaneum voluntarius perpetuo
præsupponat, nec citra eum reperiatur unquam, Galenus profecto recte, mea senten-
tia, musculum definivit, *instrumentum esse motus κατ' ἐγμῶς*, sive *secundum animi appetitum*,
cum non semper opus sit, ut cognitio appetitioque intellectiva ad movendum partes
commoveat, sed etiam cognitio vel appetitio sensitiva sufficiat. Ex his jam concludi-
mus, *quicquid in nostro corpore ad libitum movetur, id omne per musculos agi, neque ullum in corpore in-
veniri musculum, quin voluntarium motum expedire possit*. Appellat autem *ἔργον*, id est, *partem*
instrumentalem, qua voce indicat, sub quo partium genere contineatur. Est enim pars
dissimilans musculus, quæ ex pluribus similaribus componitur, quæque actionem cer-
tam ac determinatam edit, quæ sane duo propria sunt omnium organicarum partium
πρόμειλα, & infallibilia indicia. Nonnunquam tamen & in similarium catalogum referri
à doctissimis videas: sed quatenus scilicet similes partes vocantur, quæ ad vere orga-
nicarum constructionem veniunt, ex quorum numero sunt muscoli, qui ad manus, pedis
capitis, imo omnium fere organorum constitutionem concurrunt.

DEFINITIO.

Motus du-
plex.
Naturalis.

Animalis.

Musculus pars
est dissimilans

Quomodo si-
milaris inter-
dum dicitur.

Quam-

Motus musculi est usus actionis ejus.

Estque parvis, cui musculus inseritur: ad eoque varius.

ACTIO musculi propria.

Quid per contractionem intelligendum.

Motus Tonicus.

Relaxatio.

Quatuor musculorum motus.

Figura extrema & media.

Media figura totius corporis quæ?

Media figura partium singularum quæ deprehendatur.

Nota.

Musculi perfecta definitio.

Quamquam autem Galenus musculi definitionem proponens, ut partis organicæ, ejusdem etiam actionem, tanquam finem, à quo organis forma omnis supervenit, indicare videatur, dum motus instrumentum esse asserit: motus tamen actio musculi proprie haudquaquam dici potest, sed potius effectus quidam est, & usus actionis eorundem. Est autem motus partis ejus, cui musculus inseritur: nec tamen motus ille localis semper est, sed alterius quoque usus gratia perficitur, ut constrictionis alicujus partis, verbi gratia, vesicæ & ani; aut apertionis, ut labiorum; denique aliorum usum ergo. Motus autem localis ad omnes differentias locorum fieri potest, si & partis illius necessitas postulet, & musculi dati sint necessarii, unde quædam sursum & deorsum, dextrorsum & sinistrorsum, ante & retro moventur. Destinatus enim omnibus motibus musculus est, & plerumque uni unus: interdum, sed raro, duo, ubi validior scilicet vis requiritur, ut cubiti, tum flexioni, tum extensioni.

Propria autem musculi actio, contractio est; sed contractio non quævis, verum in se ipsum; nec in quamvis sui partem, sed ad principium. Hanc contractionem necessario duo consequuntur: primo, ut pars illa, cui insertus est musculus, moveatur; & deinde, ut ad illam partem, ubi musculi principium est, trahatur. Id autem, quod movetur, non semper os est; sed aliæ etiam & variæ partes, quibus musculi dicati sunt, quemadmodum postea in differentiis dicetur. Fit autem contractio hæc voluntarie, sequiturque situm fibrarum, modo rectum, modo obliquum, modo transversum, idque ratione corporis.

Cæterum, per contractionem non ipsum tantum contractionis motum, qui est adhuc in fieri: sed etiam contractionis jam factæ perseverantiam intelligimus, cum non minus sustinendo partem attractam, quam dum adhuc se contrahit, agat; tametsi quiescere omnino videatur. Motus hic, distinctionis gratia, Tonicus dicitur, cum in eodem perpetuo tenore ac situ partem conservet. Præter hanc tamen actionem, & alia musculis tribuitur, quam secundariam vocant, estque sui relaxatio. Cum enim musculus unus contrahitur, alter qui oppositum motum peragit relaxatur: verbi gratia, dum flectentes cubitum contrahuntur, relaxantur extendentes: & dum hi laxantur, illi contrahuntur. At enim, ut modo contractionis perseverantia non minus actio, quam ipsa contractio, vocabatur: ita nunc relaxationis perseverantia non minus motus musculi, quam relaxatio erit, ut sic in universum quatuor enumerari queant musculorum motus, Contractio, contractionis conservatio, sive tonicus motus, Relaxatio, & relaxationis perseverantia.

Has Galenus agnovit lib. 1 de mot. muscul. cap. 8, ἡ γὰρ συστέλλονται, inquit, ἡ ἐπεκτείνονται, ἡ μεταφέρονται, ἡ παραμένει, aut enim contrahuntur musculi, aut extenduntur, aut transferuntur, aut tensi manent. Vterque autem hic motus, modo extremas, modo medias figuras habet. Extremas voco, in quibus summe contrahuntur, aut relaxantur musculi: medias contra, quæ ab extremis motibus æqualiter distant. Ex his sequitur, extremas omnes dolorificas esse, medias jucundas: illas, diu ferri non posse; has, quam diutissime: illis nos uti in actionibus corporis; his, in otio & quiete. Habet autem mediam figuram, & totum corpus, & singulæ similiter partes. Totius corporis mediam figuram describit Hippocrates, lib. 1 Prænot. eleganter, dum ægrotum à medico deprehendi vult, primo in latus dextrum, aut sinistrum, non in dorsum, aut ventrem decumbentem; deinde manus, collum, & crura modice inflexa habentem, ac tandem totum corpus flexibile situm. Subjungit, ita enim plurimi ex sanis decumbunt, quia scilicet hæc figura optime toleratur, & citra dolorem. Medias figuras partium singularum invenies, si facta extrema articuli, tum flexione, tum extensione, notaveris locum inter has medium, membrumque ad eum postea reducas. Hæ singulæ diligenter in omnibus notandæ & addiscendæ sunt, quod neque fracta ossa conjungi, neque luxata restitui in suum locum possint, nisi quis mediam partis illius figuram exacte noverit. Notandum autem coronidis loco est, nonnullos esse musculos, qui semper in media figura situm suum obtinent, cujusmodi sunt sphincteres dicti, quorum extremæ in dilatatione aut contractione fiunt. Sic etiam frontis musculi, ut postea dicetur, in media figura perpetuo sunt nisi à nobis contrahantur.

Quod si quis jam perfectam, & omnibus numeris absolutam musculi definitionem colligere velit, ex dictis facile poterit, dicendo: Musculum esse partem nostri corporis organicam, destinatam contractioni voluntariæ versus suum principium, pro motu partis cui inseritur, & cujus musculus esse dicitur.

CAPV T II.

Quæ sit musculi constructio, & quibus ex partibus constet.



VM ergo musculi actio, ut dictum, voluntaria sit sui ipsius versus principium contractio, videndum nunc est, quænam ejus sit constructio tam concinna, tamque elegans, ut actioni huic tam nobili apte satisfaciat. Id vero nos haud magno negotio consequuturos arbitramur, si quæ sint ejus partes, ex quibus conflatus est, prius diligenter exploratum habuerimus: deinde, cui ex his ipsis actio proprie competat, vel accepta referenda sit, solerti rationis indagine perscrutemur. Omne enim instrumentum ita dispositum esse debet, ut finem, cui destinatum est, quam aptissime assequatur: non tamen omnes ipsius partes proprie ipsam concernunt, sed quædam sunt, à quibus immediate fluit, quædam usum tantum nonnullum præstant.

Cæterum duplex vulgo traditur partium musculi divisio, quarum alia dissimilariū est, alia similariū. DISSIMILARIUM tres enumerantur, principium scilicet musculi, medium, & finis. *Principium*, alias *caput* quoque dicitur, servata similitudine cum mure excoriato: *medium*, *venter*: *finis*, *cauda*. Græci hanc etiam *ἀνδραποδισμὸν* vocant, *enervationem*, quasi musculus ibi in nervum desinat: aliis *τίγων* dicitur, seu *Tendo*. Est autem *principium*, ut communiter ab omnibus definitur, prima musculi pars, quæ ex ligamento ossis & nervo insimul mixto generatur, ut ex utroque composita, inter utrumque mediam quandam naturam obtineat, & nervo quidem sit durius, ligamento autem mollius. *Medium* vero, pars tumida musculi esse dicitur, ex carne musculosa composita, majorem ejus corporis partem constituens. *Finis* tandem, pars nervea & pellucida, in quam musculus terminatur. Verum quemadmodum, ut dictum est, nec nomen musculi omnibus sic appellatis apte convenit, aliis aliam figuram obtinentibus: ita profecto neque hæc divisio sic omnibus tribui potest, ut commode beneque assignata videatur, præterquam quod etiam falsa quamplurima docet, ut modo ostendemus. *Non potest omnibus tribui*, cum multi sint, qui toti carnei, & in quibus finis tendinosus non est, ut sunt moventes cutim frontis, multique laryngis, item ani & vesicæ musculi sphincteres, in quibus secundum substantiæ modum, principium nec à medio, nec medium à fine differt. Sunt nonnulli in quibus medium tendinosum est, ut secundum par maxillæ inferioris, digastricum dictum; & quartum ossis hyoidis, Coracohyoideum appellatum. *Falsa etiam tradit*, cum principium neque in omnibus nervaceum sit, ut in carneis enumeratis, & aliis quamplurimis, de quibus in differentiis musculorum dicitur: neque in quibus nervum mentitur, ex ligamento ossis nervoque compositum est, cum nec ligamentum, nec nervus ad ipsum accedat. *Non ligamentum*, quod oppido quam multi sint musculi, qui non ab ossibus originem ducunt, sed à membranis, à cartilaginibus, à tendinibus, ut ostendetur in sequentibus. Quin & ii ipsi, qui principium suum ab osse aliquo habent, à ligamento tamen sunt alienissimi, ut tres illi natium fœmur extendentes, Glutæi nuncupati. *Non etiam nervus* esse potest, quod multi sint, ad quos nervus non pertingit, imo nec accedit quidem, quemadmodum postea ex inferioribus clarum erit ac manifestum. Si ergo nervi neque accedunt, neque attingunt musculos, quomodo dici possunt ipsorum capitis materiam esse, & principium generationis? Quod si vero accedant etiam, quam multi sunt, quorum superficiem tantum lambunt, non vero etiam in interiora penetrant? Et ut nervos etiam in nonnullis sese insinuare largiamur in intima, vel in medium implantantur, & sic caput ne attingunt quidem: vel, si caput etiam ingrediantur, usque adeo parvi sunt, ut ne cogitatione quidem à prudenti & sanæ mentis homine comprehendi possit, atque tunc quomodo tam exilis nervus, tam magnum corpus, ut caput nonnunquam esse solet, formare & constituere potuerit? Quamobrem jam recte concludere videmur, principium hoc pacto determinatum non bene esse, cum neque omnibus musculis nervaceum caput competat, neque quibus forte contigit, ex nervo & ligamento conflatur. *Sed nec medium bene definitum est*. nam in iis, qui toti carnei sunt, non differet à principio, aut fine. Adde, quod in dictis bigastricis medium non carneum sit, sed tendinem

Divisio partium musculi. Dissimilares musculi partes.

Principium.

Medium.

Finis.

Divisio allata falsa.

1.
Quia non omnibus potest tribui.

2.
Quia falsa tradit. Principium musculi male definitum.

Medium musculi male definitum.

L

habeat.

Finis male
definitus.

Divisio ta-
men hæc veri-
nenda.

1.

2.

Vera partium
dissimilium
musculi di-
stinctio.

Partes simi-
lares muscu-
li.

TENDO.

Similaris.
Simplex.

Sui generis.
Per musculi
corpus diffu-
sus.

Vnitus vel di-
visus.

Carne stipa-
tus.
Diffusus se-
cundum mu-
sculi longitu-
dinem.

1.

2.

3.

habeat. *Finis etiam male distinctus est* : quia neque in omnibus nervaceus est , ut in sphinctere , & carneis : neque in quibus nervosus est , ut ostendemus jam statim , à principio diversam naturam obtinet. Vnde patet , quam male finis à Græcis *συνόριον* dicatur , cum nervaceus omnibus non sit ; & ab aliis inepte *τένον* , sive Tendo speciali nomine , cum à principio non sit distinctus in substantia. Erronea ergo , & falsa est hæc musculi in partes dissimilares , hoc modo acceptas , divisio : servari tamen potest , quatenus quibusdam musculis ex aliqua parte convenit ; in quibus scilicet tres hæ partes distinctæ sunt , etsi profecto materia & substantia alia sit , quam statuta est ab ipsis. Vt etiam esse potest ad faciliorem doctrinam , cum principium semper sit in parte , ad quam movetur altera mota : finis autem in illa , quæ movetur : medium , inter utramque interjectum. Præterea dicendum nobis sæpe erit , contractionem fieri versus principium : in principio , aut medio nervum inferi , aliaque in quibus has partes distinctas propriis appellationibus esse oportet. Non tamen has partes secundum substantiam definire licebit , quæ differentissima est pluribus , nec uniformis semper in principio , medio , aut fine omnibus : sed juxta usum potius determinare decet , qui omnibus & semper similis est , dicendo ; *Principium* esse illam partem musculi , quæ inserta est parti , ad quam fit contractio : *Finem* , illam , quæ parti quæ movetur : *Medium* autem , quicquid principio & fini interjacet. Atque hæc de partibus musculi dissimilaribus.

SIMILARES , quæ ad musculi constructionem concurrunt , septem sunt numero , Vena scilicet , Arteria , Nervus , Caro , Tendo , Membrana , & Pinguedo. Ex his quædam sunt , quæ musculo cum aliis nostri corporis partibus communes sunt ; quædam , quæ propriæ. *Communes* sunt quinque , Venæ , Arteriæ , Nervi , Membrana , & Pinguedo. *Proprie* , de quibus primo dicemus , duæ ; Tendo , & Caro.

TENDO. **TENDINEM** vocamus , *partem similem , simplicem , & sui generis , per totum musculi corpus , secundum longitudinem ejus diffusam , quæ modo unita , modo divisa est , carneque stipata , & cum contractioni maxime accommodata sit , ad arbitrium nostrum contracta , partem , cui insertur , unà movet*. Voco *similem* partem , ut genus assignem : sed addo *simplicem* , ut distinguam ab illis similaribus , quæ simplices non sunt , sed compositæ , quemadmodum diximus musculum quoque similem dici , etsi revera pars sit organica & ex pluribus composita. Est autem , neque nervus , neque ligamentum , neque ex utroque mixtus , quod alii voluerunt , ut ostensum : sed *sui generis pars* , quæ ligamento mollior , nervo durior est. Addo , *per totum musculi corpus diffusa* , ut denotem nullam musculi partem esse , in qua tendo non reperiatur : etsi reperiamus sæpe partes ubi caro non sit , ut fere semper esse solent , in quibus tendo unitus est. Nec enim sic diffusus per musculum sub eadem semper forma & modo apparet : sed *quandoque unitus est , interdum vero divinus*. *Vnitus* est sæpe in principio ; sæpissime in fine ; nonnunquam etiam in ventre , sed rarissime , ut in dictis digastricis. *Divinus* contra sæpissime , imo semper in medio , si à digastricis discedas ; raro in principio ; rarissime in fine. Verum ubi divinus est , semper *carne stipatur* , quo autem modo , dicetur postea , cum de carne sermonem instituemus. Dicitur autem diffusus esse *secundum totam musculi longitudinem* , quibus verbis tria docentur. *Primo* , tendinem duci recta juxta longitudinem musculi , non oblique , neque transversim. *Deinde* , esse simplicem hunc ductum , quia si secundum longitudinem tantum ducitur , erunt tantum fibræ rectæ in musculo , non rectæ transversis , aut obliquis intermixtæ , ut in membranis , & in venis fieri solet. Nec est quod aliquis objiciat , fibras (quæ nihil aliud sunt , quam divinus tendo) nonnunquam obliquas dici , & transversas , uti accidit in musculis abdominis , à quibus propterea obliqui ascendentes , & descendentes , item transversa vocantur. Id enim nominis ipsis impositum est , non ratione ductus in corpore musculi : sed ratione situs musculi in corpore , qui obliquus , aut transversus est. *Tandem* , id etiam illa verba edocent , tendinem non tantum in fine esse , ut plerique Galeni asseclæ tradunt , sed etiam in principio , & medio , quod etsi rationibus confirmari poterat pluribus , probare tamen satius una duximus experientia , quæ clarissima obscurorum est Magistra , fidelissima ignotorum doctrix , certissima dubitationum solutrix. Sume enim , si adhuc ambigis , musculum , eumque à carnibus libera , & inspicere , an non principium medio , & medium fini cohæreat , imo continuum sit ? Liberabis autem facile , si in aqua per plures dies maceraveris , aut in eadem

eadem abunde decoxeris. Cum vero in aliis atque aliis tendo magis appareat, crassior-
que sit, accommodatissimus ad hoc negotium musculus erit, supernus ille in pectore,
aut cruribus gallorum Indicorum, in quo exacte, quod desideras, conspicias. Sub-
jungitur in definitione, *contractioni maxime esse aptum*: aptissime. Instrumentum enim
accommodatum esse debet, ad efficiendum suam actionem, bene, expedite, jucunde.
Vt id fiat, eo conspirare debent omnia, quæ ad ejus constitutionem & fabricam faciunt,
substantia, temperies, temperiem consequentia, & tandem materia. *Substantia* tendinis
est sui generis, nervo non valde dissimilis, qui & ipse in se contrahitur, ut patet in ner-
vorum præcisionibus. *Temperies* est frigida & modice sicca, id quod tum constitutio
ipsius excarnis, tum venarum & arteriarum inopia ostendit. *Temperiem sequentia* sunt,
mediocritas inter molliem & duritiem, ut neque propter illam flaccidus sit nimis, ne-
que propter hanc, inflexilis. *Materia* autem, est semen, quod omnibus partibus gene-
rationis principium est, quæcunque spermaticæ dicuntur.

Quam vero aptus propterea sit ad contractionem, hinc patet abunde, quod prin-
cipio musculi præcisso, protinus ad finem se contrahat: sine vero, mox ad principium:
at medio, ad utrumque. Imo, si aquæ injiciatur, confestim totus in se contrahi videbi-
tur, quemadmodum etiam in fracturis id observatur, ubi subito in se musculi cœunt,
cujus gratia in restitutione extensio semper maxime necessaria est, & difficilis. Vltimis
tandem verbis docetur, tum actio tendinis, nempe *contractio*; tum actionis usus, *par-*
tis scilicet cui inseritur commotio: sicque insinuat leviter, tendinem esse partem illam, quæ
primas in musculo tenet, & cui actio tribuenda est, quæ per ipsum in musculo imme-
diate perficitur. Id si demonstratione indigeat, satis ostendetur ex eo, quod diximus,
ad contractionem unam ex cæteris musculi partibus maxime accommodatam esse: at
inter cæteras methodos, quibus investigamus præcipuas alicujus organi partes, hæc
etiam, & quidem præcipua est, quæ tum ex fabrica desumitur, tum aptitudine ad
obeundum munus, cum neque finem Natura unquam velit sine mediis, neque media
sine fine. Quin imo, tendines quoque cernere est robustiores aut debiliores esse in
musculis, prout actio validior imbecilliorve requiritur. quæ res certe clarissime docet,
tendinem motus gratia imprimis factum esse. Hinc recti abdominis musculi, cum, uti
ostendemus, totam fere superiorem corporis partem flectere debeant, tendineis in-
terfectionibus firmatæ sunt, ut robur ipsis aspergeretur, qui ob longitudinem alias tan-
to oneri flectendo non erant. Sic deltoides humerum attollens musculus, sic fœmur
extendentes Glutæi, crassissimas fibras obtinent: quod ille quidem, totius brachii;
hi vero, universi cruris motui sint dicati. Manifestissime autem hoc, quod dicimus, in
pennatorum quorundam cruribus videre est, quorum tendines per intervalla cartila-
gineos fieri cernas, quod firmamento indiguere, ut qui noctu dormientium totam
molem sustinere debeant. Et in his continuitatem etiam tendinis, melius quam in ullis
aliis musculis videre licebit, quod durissimæ ac crassissimæ sint fibræ, nec facile dum
caro separatur, lædantur divellanturve. Accedit, quod similis pars in nullo organo
occurrat: & quod motus musculi imminuatur aut tollatur, pro tendinis dissectione.
Seca enim tendinis partem per transversum, mox imminute musculum moveri; seca
integrum, omnem musculi motum tolli advertes: at incisa carne secundum longitu-
dinem citra tendinis noxam, motus detrimentum haud ullum persentiet. Tendo ergo
præcipua musculi pars est, per quam contractio perficitur. Tendo autem hic, *modo*
unitus est, modo divisus. *Divisus* quidem, ut aptior sit ad sui contractionem: *unitus* vero,
ut accommodatus ad partis tractionem. Non enim tantum in se contrahi debebat, sed
etiam contractione sua simul partem, cui inseritur, movere. Vt contraheret se, divi-
sio ejus erat necessaria; ut moveret partem una, unitio. Quare omnes quidem mu-
sculi divisum alicubi habent tendinem, non tamen omnes unitum, quia in omnibus
contractione opus est, non in omnibus valida attractione. Vnitus ergo est in illis, in
quibus magna moles, magnumque os appensum ad commovendum. Ad contractio-
nem autem divisio erat propterea necessaria, quia tendo, qui durus est sua natura, ne
facile rumpatur ab ossis, quod appenditur, pondere, divisus fit mollior; quemadmo-
dum filum æneum tenue, flexile est; crassum, inflexile. Ad tensionem autem unio re-
quiebat, quia sic tendo durior fit: durities autem necessaria est, ne cedat ponderi

Modus excar-
nandi muscu-
lum.Contractioni
maxime ap-
tus.Substantia
tendinis.

Temperies.

Temperiem
consequentia.

Materia.

Tendo prima-
ria musculi
pars probatur
esse.

1.

2.

3.

4.

Tendo cur
modo unitus,
modo divisus
sit.

1.

trahendi ossis. Sic animalia bruta, & homines, quibus duriores sunt tendines, fortiores sunt; sic Viri, mulieribus; sic adulti, infantibus robore præstant. Non tamen propterea tantum uniti sunt, sed etiam ne muscoli in principio & fine comprimantur; neve articulorum, circa quos fere tendines inferuntur, si carnei manerent muscoli, motus impediretur. Nam si copiosa caro musculorum finem constitueret, & crassa foret, mole profecto nimia onerarentur articuli, & sic circumsepirentur, ut nec flecti, nec extendi possent: si pauca caro & tenuis esset, quæ finem largiretur musculis; aut ponderi ossis movendi cederet, aut certe rumperetur. *Ex his patet*, non discedere à nostra sententia, qui statuunt, carnem fibrosam præcipuam musculi partem esse. In verbis enim tantum leve est dissidium, cum illi carnem fibrosam; nos potius fibras carnosas, hoc est, tendinem divisum carne stipatum primariam partem vocare velimus. Nec diversi à nobis sunt, dum ipsi tendinem, nos finem tendineum, non actionis, sed melioris tantum gratia conditum affirmant, quandoquidem & nos dicimus, tendinem in fine unitum, ad ponderosorum ossium elevationes factum esse. *Ceterum*, quoniam Tendinis vox ambigua est, & sic modò pro unito, modò pro diviso sumitur, quoties postea in historia musculorum Tendinis mentionem facturi sumus, semper unitum intelligemus, cum ita fere apud omnes Authores usus ferat, neque aliud vocabulum, quo exprimamus, commode inveniatur; quod hoc loco monuisse volumus.

CARO. CARO altera musculi pars est, usque adeo necessaria, ut nullus omnino sit, qui carne destituatur, proptereaque caro cum musculo apud Hippocratem, ut IV aphor. XVI, sæpissime confundatur. Non tamen in omnibus musculi partibus est, sed tantum ubi tendo dividitur, quem stipat caro, & infarcit. Id ut intelligatur facilius, quomodo fiat, exemplum elegans affert Vesalius fiscellæ, per quam plures crebrioresque junci porrecti, quos circa lac affusum in caseum concreverit. Iuncis respondent fibræ tendineæ; lacti, sanguis; caseo, caro, quæ ex sanguine, coacto à calore, concrevit. Ex quo fit, ut peculiare carnis genus sit musculosum, & quidem perfectissimum, cum pro diversitate infarctionis quadruplex vulgo enumeretur carniū species. *Prima* est, in qua unico & simplici ordine, juxta scilicet longitudinem, fibris accedit, & circumponitur, qualis est musculorum. *Alter*a, in qua duplici ordine, secundum longitudinem & transversum, quemadmodum in ventriculo, intestinis, & aliis. *Tertia*, in qua nullo ordine, vasis, arteriis scilicet & venis, accrescit, mollis & rara, qualis est glandularum. *Quarta* denique, in qua sanguis effusus circa venas nulla serie dispositas, concrevit postea, & est viscerum caro, unde & ab Erasistrato *παρέγχυμα*, quasi *παρέκχυμα*, id est, sanguinis affusio, à Galeno autem similis & simplex caro, ab Aristotele II de part. animal. I, *περίχυμα* dicitur, cum inquit: *καθάπερ πέονι ὕδατι ἰλὺς, τ' ἄλλα παλάγχνα τ' ἀπὸ τῶν φλεβῶν ῥύσεως ἔσονται οἷον περιχύματα ἐστίν.* hoc est, si latine veritas, proinde quasi *fæx aquæ profluentis, cetera viscera, veluti profusiones sanguinis per venas fluentis consistunt.* Carnis ergo usus est, divisos tendines infarcire. Infarciri autem necessario debebant, ut, quia tenues sunt, à molli carne robur acquirerent, atque invicem distincti tenerentur, nec in se conciderent. Quin ut in æstu caro umbraculo foret, & humiditate sua exsiccatio prohiberetur: in algoribus autem tegumento, & caliditate impediret, ne emorerentur.

NERVVS. Ex communibus prima pars NERVVS est, qui plerisque omnibus musculis inest, adeo ut paucissimi sint qui ipso careant, quemadmodum dicitur. Quibus autem datus est, iis aut in principium musculi inseritur, veluti maximæ musculorum parti; aut in medium. In finem nullus unquam, teste Galeno, nisi in longissimis, in quibus ex adjacentibus partibus accedit, semper tamen principio simul transmittitur, & versus finem, nunquam versus principium implantatur. Insertio autem vel superficialis est, ut membranam tantum attingat; vel profunda, ut in intimas usque partes penetret. *Distributio.* Finditur autem in muscolum, non perinde ac stamen: sed ut plantæ radix, aut vena aliqua, quæ in minimos furculos divaricatur: ita nervus in minimas fibellas absumitur. Quin si profunda petat, nudus etiam perpetuo incedit, neque unquam carne cinctus aut incrustatus est, quemadmodum tendinis fibræ. Id vero diligenter notandum, musculis non inferi in parte externa, sed interna, quæ ossa respicit, quod tutelæ gratia Natura fecisse videtur, ut in profundioribus semper partibus incedens, externis injuriis minus esset obnoxius, cum nec ab aere, nec aliis incidentibus, tam facile lædi queat.

Eadem

Quomodo caro fibrosa præcipua musculi pars dicatur.

NOTA.

CARO.

Quatuor carniū genera.

1.

2.

3.

4.

usus.

Insertio.

Distributio.

Eadem ratione *VENÆ*, & *ARTERIÆ* sparguntur. Semper enim, aut principium, aut medium ingrediuntur; finem nunquam, nisi in longissimis, quibus à vicinis ramus transmittitur. Nunquam tamen superficiales sunt, sed semper ad interna penetrant, præsertim *Venæ*, quibus etiam hoc peculiare est, ut communi sua tunica, quam habent dum extra musculos incedunt, careant, sicque simplicissimæ sunt.

VENA.
ARTERIA.

MEMBRANAM etiam omnis musculus habet, qua foris tegitur. Tegitur autem, tum ut ab aliis separetur, tum ut ab externis injuriis defendatur.

MEMBRANA.

PINGVEDO tandem in quibusdam adnascitur, quam cum negare vellent nonnulli, turpiter admodum se dederunt, quod vel ex boum mactatorum carnibus id didicisse poterant, & nemo tam in dissectionibus sit rudis; quin viderit mulierum quarundam secundum glutæum, seu fœmur extendentium musculum quandoque ita commisceri pinguedine, ut ambiguum relinquatur, huic caro, an illa carni adnata, vel intertexta sit.

PINGVEDO.

Ex his jam dictis tandem concludimus, musculum vere motus voluntarii organum dici. Cum autem in omni organo quatuor requirantur partium genera, ut Galenus tradidit 1 de usu part. cap. VIII, quarum primum illud est, à quo primò actio proficiscitur, & cui principatus debetur: alterum, sine quo actio perfici non potest: tertium, quod meliorem reddit, & juvat: quartum denique, quod conservat. Primi generis erit *Tendo*, modo quidem unitus, modo divisus, qui se, & secum totum musculum ac partem, cui inferitur, contrahit. Secundi, *Nervus*; sine quo actio fieri non potest, cum facultatem motricem à cerebro beneficio spiritus animalis advehat. Tertii, *Caro* est; quæ juvat contractionem. Quarti tandem generis, *reliquæ*: *Venæ* enim, nutriunt; *Arteriæ*, vitam infundunt; *Membranae*, tegunt, ac defendunt; *Pinguedo*, humectat, & ne exsicceetur in nimis motibus musculus, prohibet. In omni autem motu, *Musculus* motum peragit, *Nervus* facultatem advehit, *Cerebrum* autem transmittit.

Partium requisitarum in organo genera.

Primum in musculus.

Secundum.

Tertium.

Quartum.

C A P V T III.

Enumerantur omnes musculorum differentia, quæ alicujus sunt momenti.



MUSCULORVM complures sunt differentia, non tamen omnes ejusdem momenti. Quamobrem potiores tantum in medium afferamus, & quæ ad explicandam historiam universam aliquod pondus habere videntur. Sed cum immensus horum sit numerus, ne sine methodo ac ordine quidquam agamus, in tres classes universa musculorum discrimina dispescemus, adeo ut prima contineat eas differentias, quæ à toto muscoli corpore petita sunt; altera, eas quæ à dissimilaribus partibus, principio inquam, medio, ac fine ducuntur: tertia denique, quæ à septem similaribus, tendine, carne, nervo, vena, arteria, pinguedine, & membrana desumuntur. Loci autem, ac fontes, ex quibus hauriemus, quinque præcipue erunt, substantia scilicet, figura, magnitudo, numerus, & situs.

Tres classes musculorum.

Loci ex quibus differentia desumuntur.

Ergo in prima classe, quæ *TOTVM MUSCVLI CORPVS* respiciunt, si substantiam consideres, alii quidem carnei erunt, quemadmodum sunt plerique linguæ & laryngis muscoli; item illi, qui fronti cutis movendæ dicuntur destinati: alii vero, partim carnei, partim tendinei, ut palmaris in manu, & flectentes digitos; alii exterius carnei, intrinsecus nervosi, ut temporales: alii foris nervosi, intus carnei, ut extendens cubitum primus. Si figuram spectes, multiplex erit differentia. Quidam enim figuram triangularem habent, & eam æquilateram, sive quæ similis est literæ Δ Græcorum majusculæ, quemadmodum Elevator humeri, qui & propterea Deltoides dictus, adductor item scapulæ ferratus; aut scalenam, ut obliqui descendentes. Alii quadrilateram, & quidem quadrati, ut primus radii pronator; aut altera parte longioris, ut primus tibiæ extendens; aut rhombi, ut scapulæ tertius abducens; aut trapezii, ut detrahens buccas sub collo latitans, *πλάτυσμα μυῶδες* Galeno dictus. Alii pentagonam figuram sortiti sunt, ut adducens humerum, Pectoralis appellatus. Alii rotundam exprimunt, ut Diaphragma. Alii, non figuras Mathematicorum, sed aliarum rerum referunt, & vel Naturalium, ut pisciculos, quemadmodum Biceps, quem & Itali propterea Piscetto ap-

Differentia musculorum primæ classis.

A substantia.

A figura.

A magnitudine.

A numero.

A situ.

Differentiæ
musculorum
secundæ clas-
sis.
Capitis.
Substantia.

Figura.

Magnitudo.

pellant; vel mures excoriatos, ut magna pars musculorum tendentium in tendinem unitum & oblongum: vel Artificialium formas æmulantur, ut annulos, quemadmodum sphincteres vesicæ, & ani, unde hic à Germanis quoque in gallinis annulus dici consuevit. *Magnitudo* quoque varia est. Maximus omnium est primus thoracem extendentium, quandoquidem à fine ossis sacri, ad primam thoracis vertebra, in quibusdam etiam ad occiput usque ascendat: minimus, internus auris: crassissimus, flectentium fœmur tertius, Triceps. Cæteri in horum medio consistunt, & maioribus aut minoribus propius accedunt. Si quis tamen in his distinguendis curiosior esse voluerit, in magnos, medios, & minimos dividat, & singulas classes iterum dispescat in tres ordines, maximorum, mediorum, & minimorum in singulis. Sic Maximi minimorum erunt, qui minimum digitum æquant: Medii erunt, quales sunt plerique laryngis: Minimi, ut auris internæ musculi, aut qui unguem digiti exæquant. *Numerus*, si quidem omnium musculorum spectetur, à nobis postea explicabitur sub finem. Vtunque autem ipse constans fere sit ac invariabilis, quo pacto sapientissima nostri corporis Parens sibi perpetuo consentit & mutari nescia est, ut quæ ubique perfectionis summum fastigium affecuta, propter quod mutationis indiga non est: inter authores tamen maxima de musculorum numero dissensio oritur, ob difficultatem quæ hic occurrit in secundo, cum & Galenus jam olim conquestus sit, natura ita inter se coaluisse plerosque, ut videantur unus esse, & cum unus aliquis in multos desinat tendines, jam non unus amplius solus esse videatur, sed quot sunt tendines. Si quis vero de singularum partium movendarum musculis sermonem faciat, jam quidem eadem occurrit difficultas: id tamen certum est, alias aliis plures paucioresve habere. Cæterum de hac re loquendi uberior nobis occasio dabitur sequenti mox capite, in quo conabimur, quantum in nobis est, huic difficultati remedium aliquod invenire. Circa *Situm* tot sunt differentiæ, quot locorum discrimina. Alii enim ante, alii retro: alii ad dextram, alii ad sinistram; alii supra, alii infra jacent. Sunt etiam alii in superficie corporis, alii in intimioribus partibus & profundis: alii extra corpus, alii in corpore; extra, ut abdominis musculi appellati: intra, ut iliaci interni, & ψόας dictus. Alii secundum longitudinem locantur, ut biceps cubitum flectens: alii oblique feruntur, ut radii pronator secundus: alii transversum sibi situm vendicant, ut pronator radii quadratus. Et hi, vel ratione corporis totius, quemadmodum musculi abdominis recti, obliqui, & transversi; vel partis tantum alicujus, ut enumerati.

Quæ à DISSIMILARIBVS PARTIBVS petuntur differentiæ, majoris momenti sunt, & ad explicandam musculorum naturam plus faciunt. Primum ergo recensamus quæ à CAPITIBVS desumuntur, & quidem ab ejus *substantia*: sic alii carnei sunt in exortu, fibris tendinosi tantum interjectis divisisque, ut fœmur extendentes, sive Glutæi tres, natium auctores: alii nervei, ut biceps cubitum flectentium primus capite primo, & recti abdominis: alii membranosi, ut aniscalptor: alii mixto constant principio, partim carnosum, partim nervosum, ut alterum caput bicipitis est, quod à scapulæ processu anchoræ simili supra humeri caput defertur, & caput primi extendentium cubitum, sive Longi. Alii partim carnosum, partim membranosum habent principium, ut oblique descendentium abdominis: alii carnosum, sed ossibus interstinctum, ut primus pedem extendentium, Gasterocnemius externus, qui mox in exortu sesaminum ossiculum sibi innatum utroque capite habet, quo inferiorum fœmoris capitum vim eludat. Remanent autem hi, vel diu quales fuerunt in ortu, quemadmodum Biceps; vel statim substantiam mutant, ut maximi in sura musculi, & plurimi in externa internaque cubiti sede, qui mox carnosi redduntur. Alii, principia mista confusa habent, ut Bicipitis secundum est; alii distincta, ut Cucullaris dictus, qui carnosum principio ab occipite, membranoso à vertebra colli ac thoracis exoritur. *A figura* quoque magna differentia sumitur. Aliis principium est teres, ut bicipiti, & cubitum flectentium primo; aliis rectum, ut tertio scapulæ, sive rhomboidi: aliis fere circulare, ut tribus fœmur extendentibus Glutæis: aliis ferræ in modum compositum, ut ferratis dictis, quarto scilicet, & quinto scapulæ musculo. *A magnitudine* exurgunt etiam multæ. Aliis est crassum, ut Glutæis & Deltoïdi humerum attollenti: aliis tenue, ut latissimo humerum abducenti: aliis latum, ut pectorali, & eidem latissimo dicto: aliis angustum, ut rectis abdominis: aliis longum, ut bicipiti

ut bicipiti cubitum flectenti : aliis breve , ut rhomboidi scapulæ tertio. *Numerus* capitis etiam complures suggerit differentias. Plerique enim unum habent caput , quemadmodum pectoralis humerum adducens, Glutæi fœmur extendentes, & cæteri : nonnulli duplex , ut biceps appellatus à gemino capite : alii triplex , vel quadruplex , ut levator scapulæ. Sed præcipuæ differentia suppeditantur à *situ* capitis, sive à loco ex quo ortum adipiscuntur. Alii enim nascuntur ab osse , quemadmodum maxima musculorum pars , alii à cartilagine , ut omnes quos laryngis proprios appellant : alii à membrana , ut omnes oculi , qui à dura membrana nervum opticum investiente , originem suam accipiunt , & Lumbricales dicti in manu , qui à membrana cingente tendines tertii digitorum internodii flexoris enascuntur : alii , quasi ex alio musculo prodeunt , ut duo penis inferiores, qui ab ani sphinctere exoriuntur.

A VENTRE non minus multæ petuntur differentia. *Substantia* tamen fere omnibus carnea est , nisi bigastricis dictis, ubi tendinem habent interjectum. *Figura*, aliis teres , ut bicipiti ; aliis angularis , ut rhomboidi. *Magnitudo* , vel magna , aut parva , pro magnitudine ipsius musculi. Sic venter , longus , aut brevis ; latus , aut angustus ; crassus , aut tenuis. *Numerus* , vel unicus est , ut in plerisque ; vel duplex , ut bigastricis , secundo scilicet inferioris maxillæ , & quarto ossis hyoidis.

A FINE tandem inter dissimilares partes potissimæ derivantur differentia , ex quibus *substantia* hæc suppeditat. Finis , vel simplex est , vel mistus ex duplici substantia : simplex , aut carneus , ut rhomboidis , & intercostalium omnium ; aut tendineus , ut pectoralis humerum adducens , & flectentium digitos extendentiumve : aut membranæus , ut oblique descendendum & ascendendum , item transversorum abdominis. Mistus finis , ex carne & nervo , ut inferioris carpum flectentium. A *figura* etiam quædam elici possunt differentia , quia aliis finis est teres , ut temporalium musculorum , sive primi paris maxillæ inferioris : aliis , acutus. A *magnitudine* alii fines sunt crassi , ut pectoralis , & bicipitis ; alii tenues , ut plantaris. Alii lati , ut rhomboidis scapulæ ; alii angusti , ut omnium teretium. Aliis longissimi , ut flectentium digitos , & palmaris , ac plantam succingentis lato tendine ; aliis brevissimi , ut quadrati , primi in pronum agentis radium. A *numero* , alii simplicem habent ac unicum , quemadmodum plerique omnes ; alii plures , ut flectentes & extendentes digitos. Sed & plures interdum musculi unum constituunt tendinem , ut duo suræ maximi , sive pedem extendentes , qui tendinem unicum calci inserunt. Quin & duo cubitum extendentes in unum coeunt ; & uni loco implantantur. Sic tres quoque tibiam extendentes maximi , secundus , tertius , & quartus , in unum tendinem nervosum desinunt , qui patellæ adnascitur. *Situs* suppeditat præcipuas. Intellego autem per situm , insertionem. Inseruntur enim vel in ossa , ut plerique omnes ; vel in cartilagine , ut laryngis multi ; vel in membranas , ut obliqui & transversi abdominis in peritonæi lineam albam ; vel in cutim , ut frontis & labiorum musculi.

Tandem à SIMILARIBVS PARTIBVS discrimen musculorum petitur , & primum à TENDINE , qui ratione *figura* , vel unitus est , vel divisus. Vnitus plerumque in principio , & fine : divisus fere semper (si bigastricos tantum excipias) in medio. Si *magnitudinem* spectes , unitus vel longus est , aut brevis ; vel crassus , aut tenuis ; vel latus , aut angustus ; vel planus , aut teres. Si *numerum* inspicias , aut simplex , aut multiplex. Differentias autem tendinis , quæ ratione *ortus* sunt , aut *insertionis* , ex dictis facile colligere est.

CARO nullas differentias , quod sciam , utiles præstat.

NERVVS has porrigit ; alii musculi nervum habent , alii ipso destituuntur. Carent , ut pronator radii quadratus ; habent , fere omnes reliqui. Ex his autem , aliis in principium , aliis in medium inseritur , & vel superficietenus , vel in intimiora.

Similiter ARTERIA omnibus non adest , quemadmodum lato illi quadrato genas moventi , quem Galenus *πλάτοςμα μυῶν* appellat.

VENAS omnes habent ; similiter & MEMBRANAS , per quas etiam à se invicem distinguuntur : sed aliis crassior est , aliis tenuior.

PINGVEDO in omnibus non reperitur hominibus , sed in obesis tantum : neque in omnibus musculis , sed in quibusdam solum , inter quos præcipui sunt Glutæi , & inter hos secundus , qui ilium ossibus obtenduntur.

CAPUT IV.

Quæ difficultates sese in musculorum historia offerant, & quibus modis tollantur.



RDVAM, maximisque difficultatibus involutam esse musculorum historiam, à nemine nisi admodum rudi, in dubium incertumque revocari potest. Nam cum *numerus* ipsorum pæne immensus sit, fieri profecto nequit, quin summa se offerat protinus difficultas: & cum *incertus* apud eos, qui in hoc argumento hæcenus versati sunt, maxima etiam subito obscuritas nascitur. De *Actione* autem & *Vsu*, ita ab omnibus traditum est, ut si quam mihi gloriolam novarum opinionum vendicem, quas veritati propius accedere statuam, quam receptæ sententiæ, non merito profecto à quoquam arrogantiae sim reprehendendus. His tamen omnibus difficultatibus remedium afferre conabimur, ut neque *numero* quis ab hoc studio deterreri, nec *obscuritate* defatigari, neque *ignorantia* veri usus errare debeat. *Numero* medebimur ordine: *Obscuritati*, bonis præceptis: *Ignorantiæ*, experientia, & ratione. Nihil enim tam immensum, quin methodus comprehendat; nihil tam obscurum, quin ratio dilucidet; nihil tam ignotum, quin animus solers investiget.

*Musculorum
divisio.*

Vt ergo musculorum omnem numerum in certas redigamus classes, retineatur divisio illa nostri corporis, quæ supra proposita est, dicendo, *Musculos*, vel *ad Ventres*, vel *Artus* pertinere: & *ad Ventres* quidem, qui respiciunt caput, thoracem & abdomen: *ad Artus* autem, qui manus, aut pedes. Cæterum vel integrum Ventrem, vel aliquam tantum ipsius partem respiciunt: utriusque autem tot fere sunt, quot motus ipse obtinet, cum ita pæne comparatum esse cernamus, ut tot cuique parti dicati sint muscoli, quot ipsa motus exsequitur. Quanquam interdum uni motui etiam plures dicantur, & interdum pluribus motibus unus duntaxat destinetur musculus. Vni quidem motui plures, ut flexioni cubiti, quemadmodum & extensioni, duo: pluribus motibus unus, quemadmodum carpi flexioni, & obliquo ad latera motui, flectentes serviunt, illic quidem simul agentes, hic separatim & seorsim. Fere enim ubique id observavit solers Natura, quæ nihil unquam frustra condidit, sed semper vario potius multiplicique usui sua opificia prudentissime destinavit, ut *ubicunque conjugia musculorum sunt, recta si totum par moveat; ad latera, alteruter se contrahens, ducat; sicque postea flectat, aut extendat, cum*

Appellationes.

motu obliquo, unus idemque musculus. Sed enim ut facile animo comprehendantur, propria singulis nomina assignabimus ab actione cujusvis petita, quibus interdum à situ quoque differentiam addemus. Vocabimus ergo flectentes aut extendentes, adducentes aut abducentes, levatores aut depressores, denique circumagentes. *Flectentes* quidem, qui ad acutum angulum articulum movent; *Extendentes*, qui ad rectam lineam. *Adducentes*, qui ad internam partem; *Abducentes*, qui ad externam ducunt. *Levatores*, qui sursum; *Depressoires*, qui deorsum pellunt. *Circumagentes* tandem, qui membrum in orbem circumgyrant. In hoc ordine non tantum id erit commodi, ut facili negotio quoscunque musculos animo quisque suo comprehendat, sed & situm omnium, tum ratione corporis, tum inter se etiam, id quod scire plurimum profecto ei, qui in hac tractatione cum fructu versari cupit, interest. Vt autem verum omnium *Numerum* assequamur, qui alias ita diversus est, ut nullus Anatomicorum cum altero sit concors, quandoquidem illa diversitas ex eo potissimum orta est, quod duplici nonnulli capite constent, & unicum finem habeant, sicque unicus potius, quam duo videantur esse: nonnulli unicum caput & fines plures, sicque plures potius, quam unus: tum alii diversæ substantiæ capita obtineant, & diverso loco prodeuntia, totam litem sic dirimemus unico præcepto. *Omnes muscoli simplices, aut plures erunt, prout una membrana, vel pluribus, inter se juncti, aut distincti fuerint.* Est enim hoc axioma & principium in arte Anatomica, ut distincti muscoli dicantur illi, qui distinctis membranis involvuntur. Sic ergo nobis Gasterocnemii, qui ab aliis duo statuuntur, unus erunt, & Gasterocnemius externus dicentur, quia una membrana teguntur. Et quanquam cum alio musculo subjacente, quem Gasterocnemium internum vocabimus, unum tendinem conficiant, tamen cum

*Utilitas harum
appellationum.*

Numeri propositio.

Nota.

priore

priore Gasterocnemio externo ipsum non confundemus, quod scilicet ab eo distinctam membranam, quæ ipsum investit, obtineat. Eodem pacto, primus cubitum flectentium, etsi geminum caput habeat, unus tamen erit musculus, quia una membrana est, qua venter postea involvitur in quem capita desinunt.

In *Actionibus* enarrandis nostram sententiam libere proferemus, & qua causa impulsus à communi opinione recedamus, ubi necessarium videbitur, aperiemus. *In singulorum autem historia persequenda, hanc rationem observabimus*, ut diligenter explicemus, substantiam, figuram, magnitudinem, numerum, & situm partium dissimilariarum in musculis, ex quibus fontibus antea differentias eorundem hausimus.

C A P V T V.

Frontis, palpebrarum, oculorum, nasi, buccarum, labiorum, maxillæ inferioris, & aurium musculos proponit.



GGREDIAMVR nunc ergo singulorum musculorum historiam, incipientes ab iis, qui ad caput pertinent, inter quos primum locum illis assignabimus, qui in anteriore parte capitis, seu facie occurrunt, cujuscumodi sunt frontis, palpebrarum, oculorum, nasi, genarum, labiorum, maxillæ inferioris, & aurium.

Musculi ergo, ab aliis simpliciter ** FRONTIS*, à nobis (ut simul usum addamus) *CVTIS FRONTIS* appellati, ii sunt, qui cutem frontis os tegentem adducunt. Quamquam profecto rectius fortasse *Superciliorum muscoli* dicerentur, cum non frontis corrugandæ, sed potius supercilii attollendi gratia videantur facti. Quod si adducentem humeri latissimum musculum, non dorsi musculum dicimus, quia in dorso situs est, sed humeri potius, quod & in hunc inferatur, & hujus motibus destinatus sit; merito profecto jureque maximo, musculi hi duo qui frontis dicuntur, superciliorum muscoli appellandi erunt, in quæ tum implantantur, tum quorum motui inserviunt. Nec ab hac sententia alienus videtur Galenus ipse lib. ix de *Vsu part.* cum frontis cutem & musculum tam stricte coalescere scribit, ut amborum motus unicus sit, qui supercilia attollat. Quidquid hujus sit, *^b oriuntur* hi musculi ab elatiore frontis parte, ubi capillorum finis est ad temporales musculos, eo loci, quo membrana carnosâ cranio firmissime adnectitur, rectaque deorsum progressi, *^c in cutem*, quæ supra oculos est, & in supercilia inferuntur. Crassiores sunt in medio, quam in extremis, & revera musculosam substantiam habent, nec (uti nonnullis complacuit) membrana tantum carnosâ sunt, carneis fibris hoc loco aucta, cum ipsi potius subjecti sint, etsi in macilentis difficulter admodum à cute separentur, facilius in obes, quibus inter hos & cutim pinguedo interjacet; quæ ratio quoque est, cur in obes, dum frons attollitur, minus rugis exasperetur. Horum usus est, cutim frontis cum supercilio attollere quandocumque lubuerit, ut illo elato, palpebra una aperiatur. Quod si in media figura maneant (quemadmodum supra diximus in media figura perpetuo hos musculos persistere) nisi pro lubitu arbitrioque nostro dimoveantur, supercilia in situ naturali detinent, qui usus quantus sit, & quam necessarius, tum demum satis nobis manifestum fieri consuevit, cum videmus dissectis à vulnere per transversum ipsorum fibris, supercilia dependere, & palpebrarum apertionem impediri. Quamobrem diligenter etiam horum musculorum fibræ observandæ iis sunt, qui chirurgiæ operam suam locant, ne scilicet in frontis abscessibus, transversim incaute cutim incidant, sed potius fibrarum ductus sequentes, deorsum scalpellum recta diducant.

^d PALPEBRÆ duæ sunt in utroque oculo, quarum *superior* sursum deorsumque movetur, ut oculus & aperiri & claudi queat: *inferior* sursum tantum. Debit aperiri, ut videret oculus: sed debuit & claudi, ne periret. Quî enim ad oculum externa visibilia penetrassent, nisi oculus nudus ipsis exponeretur? Quî autem ab externis injuriis liber tutusque præstaretur, nisi nuditatem, quando opus est, tegeret defenderetque? His ergo motibus tres destinati sunt musculi, unus rectus, & duo semicirculares. Ille oculum aperit, & propterea à nobis *apertor oculi*, aut *attollens palpebram* superiorem dicetur: hi contra claudunt, & ideo *claudentes* vocabuntur. ** Aperiens*, in superiore

M

orbitæ

Assimilariarum figuratio. Methodus.

Ratio ordinis.

MUSCVLI FRONTIS.

Rectius superciliorum musculi dicerentur.

Revera musculosam substantiam habent.

Vsu.

Nota.

PALPEBRARVM muscoli. Motus palpebrarum.

Numerus musculorum.

Aperiens.

orbitæ regione situs est, supra juxtaque oculi elevatorem, cum quo^a ab eodem principio oritur, nempe ad foramen per quod in orbitam opticus nervus transit, eodemque progreditur ductu, eadem figura substantiaque, puta carnea, præditus, donec tandem^b tendine satis lato ab illo discedens, in cartilaginem superioris palpebræ inferatur, cæterum illo paulo minor est, ut qui minus pondus commoveat. Hujus *usus*, palpebram attollere, & sic oculum aperire. *Claudentes* palpebras, sive *Semicirculares*, duo sunt. Vnus, superior, in superiore palpebra situs; alter, inferior: ille, major est; hic, minor. Non desunt autem, qui singularem esse & unicum velint hunc musculum: ego tamen geminum statuo, quod in admodum musculosis duos esse perpetuo observarim distinctis principiis & insertione, tametsi fibras eorum circulares sese invicem contingere verum sit: his adde, quod distinctos nervos, & à distinctis locis uterque accipiat. Cæterum siti sunt hi muscoli inter membranam carnosam, & eam quæ à pericranio educitur, figuram habentes semicircularem, ex quibus^c superior sive major, ^d acuto principio, ex interiore oculi angulo, & supercilii parte, quæ naso proxima est, enascitur: sicque versus externum angulum transversim incedit, statim carneus, & ita^e latior factus, ut totum spatium illud occupet, quod inter supercilium & tarsum oculi, sive extremum cartilaginis, è quo pili erumpunt, interjacet, tandem^f in angulum externum inseritur. ^g Minor vero membranosus, ac tenuis, ^h à nasi vertice, juxta anteriorem angulum inferioris palpebræ exortus, principio similiter acuto, ubi, transversim vectus, ad mediam palpebræ partem pervenit, carnosior factus, externum angulum circuit, & ad superiorem palpebram ascendens, ⁱ in ipsam lato fine inseritur. ^j Hi duo muscoli contracti in se, oculos claudunt, cum major superiorem palpebram detrahat, minor inferiorem attrahat, elevetque. Superior ergo palpebra attollitur recto, sive aperiente; interdum etiam ubi opus est, musculo frontis: detrahatur contra, primo circulari, sive claudente: inferior tantum attollitur, & quidem secundo claudente.

**OCVLO-
RVM musculi.** Motus oculorum.

Oculi variis cientur motibus, sed ad tres commodissime omnes referuntur, ad rectos, obliquos, & tonicum. Rectis, moventur sursum, deorsum, dextrorsum, sinisterorsum. Obliquis, volvuntur sursum ac deorsum: tonico, ad interna ducuntur. Recto utimur cum oculos elevamus ad cælum, vel deprimimus ad terram, adducimus ad interna & nasum, aut abducimus ad externa. Obliquis, dum amatorie oculum volvimus. Tonico, cum demisso capite cernui terram contemplamur. Rectorum ergo primus, nobis à suo munere Elevator dicetur: secundus, depressor: tertius, adducens: quartus, abducens. Obliquorum primus volvens interior, juncto discriminis gratia nomine situs: alter, exterior. Tonico motui in homine peculiares muscoli dicati non sunt, sed in belluis tantum, quod illi os sublime Natura dederit, cælumque jusserit tueri: has pronas è contra ad pastum abjecerit. Vbi ergo opus est, tonico motui recti ad sua principia simul contracti, in homine præsent. Ex his concluditur, sex esse in universum oculorum musculos, quorum quatuor recti sunt, duo obliqui. Dicuntur Recti aut Obliqui, tum quia motus rectos, aut obliquos efficiunt: tum quia recto, aut obliquo ductu progrediuntur, & oculo inferuntur. ^k Sunt autem omnes in oculi orbita siti, substantia carnei, & figuram pyramidalem cum oculo constituentes. Ex his Recti crassiores sunt obliquis, magisque carnosi: singuli eandem figuram & magnitudinem inter se observantes. Eadem enim quoad principium, omnibus origo est; eadem quoad progressum, structura: quoad finem denique, eadem insertio. Principium enim omnibus est contiguum & acutum, juxta foramen, per quod nervus opticus orbitam oculi ingreditur, à cujus membrana exoriuntur. Medium, sive Venter carnosus omnibus, & teres fere. Finis, tendo tenuissimus & membraneus, quod corneæ tunicæ, qua parte pellucida est, juxta iridem inferuntur, sicque oculum totum anterieus cingunt, oculique candidum constituunt. Obliqui contra tum ab his, tum inter se differunt. ^l Primus ergo, attollens, sive elevator, in elatiore orbitæ sede situs est, depressore paulo major, quod difficilius sit onus aliquod attollere, quam deprimere. Hic ab aliis etiam Elatus, & superbus dicitur, quod his, præ aliis hominibus, rotundior esse, & ad officium suum promptior videatur. ^m Secundus sive Depressor, parte inferiore, & opposita priori situs est, ipsoque minor, qui ab aliis quibus etiam Humilis vocatur. ⁿ Tertius, Adducens, internum oculi angulum occupat, Bibitorius ab aliis dictus, quod bibentes, ut vitrum intueamur aut poculum, eo uti consue-

k, vide
1. fig. 5. in
suo m-
tes depri-
tur: fig. 6.
nihil se-
cernunt &
fig. 7. & 8.
tra sunt in
illa qui
parte su-
re, at
inferiore
spicua.

l, 4. 7
& 8.

m, 1.

n, 4.

confuevimus. ^a *Quartus*, abducens, externum angulum occupat, *Indignatorius* dictus, ^{Quartus.} quod torvum faciat visum, qualis iratis convenit. ^b *Quintus*, qui *Obliquus primus* est, & ^{Quintus.} *Volvens* sive *Circumagens exterior* nobis dictus, aut *inferior*, à situ, cum in exteriori, & interna orbitæ sede sit positus, inter oculum & tendines depressoris, & adducentis musculorum. Minor etiam à magnitudine, cum sexto admodum cedat. Hic à rima, quæ in inferiore parte orbitæ est, & primum maxillæ os quarto jungit, originem ducens carnosum principio, gracilis, nec penitus teres, oblique toto suo ductu fertur per externum oculi angulum, sensimque ascendens ex inferioribus ad oculi sedem superiorem, in tendinem brevem & aliquomodo rotundum, sed nervosum definit, qui juxta iridem implantatur obliqua linea, inter elevatoris & abducentis musculorum tendines, ubi & alter obliquorum inseritur, ita ut idem tendo utriusque esse videatur. Hujus munus est, oculum oblique deorsum ad externum angulum circulari motu volvere, sicque pupillam naribus admove. ^c *Sextus* qui ultimus est, & *Obliquorum secundus*, ^{Sextus.} *Circumagens interior*, aut *superior*, vel etiam *major* dictus, quod omnium oculi musculorum sit longissimus: tametsi ut cæteros longitudine sua universos superat, sic è contrario tenuitate omnibus impense cedat. Hic exacte obliquus, ut præcedens, non est: sed partim rectus, partim obliquus: rectus, quamdiu progreditur usque ad trochleam; obliquus, cum ab hac discedit. *Oritur* ex eodem loco, à quo adducens nascitur, nempe à foramine per quod nervus opticus orbitam intrat, rectaque progreditur versus externam partem interni anguli, quo ubi devênit, modice crassescit, rursusque attenuatur, ac teres efficitur, & per trochleam ibi sitam transit, à qua ubi evasit, flectitur, sed ita, ut rectum angulum cum dicta jam & exposita sui parte constituat, & versus superiorem oculi regionem incedens, jam obliquus fieri incipit, supergrediensque levatorem musculus, inter ipsius & abducentis tendinem superiori oculi regioni inseritur, ubi quintus etiam innascebatur. ^d *Trochlea* autem hæc, sic dicta est à doctissimo Fallo- ^{Trochlea.} pio, primo inventore, quod trochleæ & figuram, & usum huic musculo præstet, cum ibi reflectens oculum neutiquam movisset, nisi invenisset, ubi firmare se valens, vires acquireret. Est autem Trochlea hæc, cartilago exigua, teres, canalis modo excavata, & particulæ alicujus paleæ non absimilis, quæ in oculi angulo interiore per ligamentum suspenditur: à qua musculus nomen suum accipiens, *Trochleæ musculus* à nonnullis dicitur. *Vsus* est, oculum versus internum angulum circulari quodam motu volvere, sicque pupillam à naribus abducere.

NASVS non quidem totus movetur, sed ejus tantum inferiores partes cartilagineæ, ^{NASI MV-SCVLI.} quas ^e Alas vocari supra diximus. Hæ aut adducuntur, aut abducuntur, ut vel aperiantur nares, vel claudantur. Duplici huic muneri, duplex musculorum genus tributum est, & utrique muneri par geminum, quorum illud Abducentes, aut Aperientes, hoc Abducentes, vel Claudentes nasum, vocabimus. ^f *Primum* ergo par, ^{Primum par.} *nasæ alas* abducens, sive *nares aperiens*, exiguum est, carnosum magis, quam membranosum, quod ^g ab osse maxillæ, juxta labiorum primum par proprium, & à subjecto ipsi sinu ortum trahens, ^h partim in nasæ alam inferiorem, partim in labii superioris elatiorem partem, & philtrum dictum, inseritur. ⁱ *Alterum* par, utrumque nasæ latus contegens; triangulum refert, ^k cum in vertice ipsius acuto & carnosum principio exoriatur, descendensque oblique per nasæ ossa, in latam basin desinat, ac carnosum remanens, ^l in alas implantetur. Hæ duo paria, nasæ alas versus superiora trahendo, dilatant & aperiunt nares. *Constringentes alas*, sive *Claudentes nares*, minimi sunt, ut vix nisi in nasutis exacte videri distinguere queant; quorum *Primum par* externum est & carnosum, circa alarum radicem exortum, quod ascendens transversim eas perreptat, tandemque ubi ad summum dorsum pervenerit, in nasæ globulum inseritur. *Secundum* vero, ^{Quartum.} internum est, & in narium cavitate absconditum sub tunica nasæ, membraneum ab ossibus nasæ, ubi desinunt circa cartilagineas, exoritur, & alis inseritur. Illud, contractum deprimit alas; hoc, introducit, & sic nares constringit. *Constringit autem* ^q *alius adhuc musculus*, qui communis est, Orbicularis puta labii superioris, qui deorsum trahens labium, nares simul constringit & occludit.

^m GENÆ vel BVCCÆ tribus agitantur motibus; trahuntur enim deorsum, moventur introrsum, & extrorsum. *Deorsum*, cum unum oris latus trahimus, ac cynicum

GENARVM musculi.
Motus genarum.

Numerus
musculorum.

spasmodum mentimur : *introrsum* aguntur, cum inter comedendum, buccis extra dentium limites excisos cibos in locum suum repellimus : *Extrorsum*, cum buccas inflamamus, quod tubicines faciunt. Primis duobus motibus musculi dicati sunt, & quidem duo, quorum *primus* à Galeno, 1 de dissect. muscul. *πλάτυσμα μυῶδες*, *musculi dilatatio* dicitur, à Recentioribus ob figuram, *quadratus* : *alter*, *Buccinator* ab usu, quasi ad tubarum inflationem conferret, tertiumque buccarum motum perageret, qui nullius tamen musculi ope perficitur : sed potius laxatis hujus fibris contingit, dum spiritu in oris amplitudine retento, clausis labiis distenditur hic musculus maximam buccarum partem constituens. Quare secunda ipsi actio debetur, nimirum buccarum adductio contractioque, cui à Natura destinatus est. Sunt autem musculi hi, non proprii buccarum, sed cum labiis communes, ut adeo nec unquam moveantur, quin eodem motu labia quoque trahant ; quia tamen plus buccis, atque illis inservire videntur, ad has potius revocare volumus, sufficitque si moneamus hic, ipsos *Communes buccarum labiorumque* dicendos esse, & quidem primum illum, detrahentem quadratum : hunc vero, contrahentem, aut adducentem communem appellitandum. *Detrahens* ergo *quadratus*, tenuis est musculus, etsi latus ampliusque, membrana quippe carnosus fibris adhaerens. Hic sub collicute statim latitans, totamque inferiorem maxillam in facie succingens, originem suam à spinarum vertebrarum cervicis regionibus, colli parte externa, scapula, clavicula, & pectoris osse ducit, sensimque ad faciem obliquis fibris ascendit, & in mento implantatur ea sede, ubi labrum superius cum inferiore jungitur. Hujus *munus* est, buccas deorsum trahere. ^a *Contrahens* alter, praedicto in superiore sui sede subjacet, totam buccarum eam partem, quam inflamamus conficiens, cum ille ipse sit musculus, qui à cohibito in ore spiritu distenditur. Hic à summis gingivis maxillae superioris, in summas gingivas inferioris terminatur circuli instar, totus tenuis ac membranofus, variisque fibris intertextus, cujus internam partem oris tunica succingit, ut ita prompte ab ipsa separari non possit. Hic dum contrahitur, intro vertitur, sicque cibum, qui extra dentium sepes elapsus est, iterum, quasi manu, in locum propellit, & dum cibum coneritur, intus Lingua, foris hic contrahens, cibum quo minus à dentibus decidat, retinent.

Detrahens
quadratus.

Contrahens.

Labiorum
musculi.
Motus labio-
rum.Numerus
musculorum.

LABIA multis ducuntur motibus. Trahitur enim utrumque *sursum*, *deorsum*, *ad latera*, & *in seipsum*. *Sursum* autem, recta, vel oblique : *ad latera*, dextrorsum, vel sinistrorsum. Quare musculorum alii attollentes erunt, deprimentes, abducentes, aut sphincteres : non tamen cuilibet motui peculiares sunt dicati, sed ut in manu ad latera movent iidem qui flectunt aut extendunt, si scilicet alteruter tantum agat, non totum par : ita hic quoque musculorum attollentium alteruter si agat, oblique labium trahitur : at si uterque, recta. Musculi autem hi, partim communes sunt cum buccis, ut dictum, quos jam enumeravimus : partim proprii, de quibus nunc dicemus. Sunt autem propriorum quatuor paria, quorum *primum*, Attollens par superioris labii dicemus : *alterum*, Abducens ad latera : *tertium*, Deprimens inferni labii : *quartum*, Corrugans & Constringens, quod etiam Osculatorium alias ab usu vocavimus, cum hic musculus labia contrahat dum basia figimus. *Primum par* si simul agat, labium superius recta totum : at si alteruter tantum, oblique alterutrum ejus latus attollit. *Secundum par*, ad latus trahit, vel utrumque, vel alterutrum, prout par totum, aut unus tantum agit. *Tertium*, deorsum totum inferius labium ducit : sed habet socium primum par commune, detrahentem quadratum, à quo oblique etiam movetur ad alterutrum latus, dextrum aut sinistrum, prout alteruter tantum agit. *Quartum*, constringit & in se ducit labium : sed uti semicirculares illi palpebrarum, constringendo se, superiorem palpebram deorsum, & inferiorem sursum trahunt : ita hic Constringentes, sive Osculatorii superius labium non tantum stringunt, sed etiam deprimunt : inferius autem simul etiam attollunt. ^b *Primum ergo par*, sive *attollens labium superius*, ^c à primo superioris maxillae osse, ubi mala consistit, principio lato & carnosio educitur, deorsum oblique in anteriora fertur, & ^d in labii superioris latera prope narium pinnas inseritur. ^e *Secundum par*, *ad latera trahens*, sive *abducens*, ^f à cavitate malis subjecta, carnosum, sed teres exoritur, multa involutum pinguedine, ^g & in eam sedem inseritur, ubi duo labia invicem conveniunt, & junguntur. ^h *Tertium par*, *deprimens inferius labium*, ab ⁱ infima anteriore-

Primum par.

Secundum.

Tertium.

b, 4.1.1.
c, 8.d, h.
e, h.
f, i.
g, K.
h, I. 68.
i, 2.7.
d, d.

anterioreque ea sede inferioris maxillæ carneum pronascitur, ubi asperitas quædam est, protuberans ad menti quasi latera, mox oblique ascendens, in labii medium inferitur, latum ubique permanens. ^a *Quartum par, Constringens*, utrumque quasi labium efformat, & in quibusdam maxime conspicuum est, quibus scilicet magna sunt & crassa labia. Constat autem ex substantia fungosa, sed orbicularibus fibris sphincteris instar prædita, ex quibus utriusque labii extrema conficiuntur: quæ in nobis, dum valemus, rubicunda apparent; pallida, dum ægrotamus.

Tandem ^b *MAXILLA INFERIOR* & ipsa plures motus obtinet, cum cibo neque recipi in os, neque dividi acceptus, aut comminui possit, nisi oris cavitas aperiatur iterumque claudatur, dentes autem abducantur, & mutuo collidantur. At cum & in mola, saxo uno quiescente, alterum circummoveatur, si frumentum comminui debeat, quiescente superiore maxilla circumagitur inferior. Habet enim *motus sex simplices*, ex quibus *unus compositus* nascitur, quorum beneficio sursum, deorsum, dextrorsum, sinistrorsum, & retrorsum ducitur. *Priores duos*, ut cibo intraturo os aperiatur, ingresso claudi possit, & dentes incisarii vel canini postea dissecant, aut frangant: ut vero molares & comminuant, *ceteros quatuor*, ex quibus compositus ille constat, quo ad omnes partes circumducitur. Non enim volvitur, ut oculus, sed in diversa trahitur, unde nec uno motu prædita est ut ille, sed ex pluribus composito: neque proprium & unicum obtinuit musculum circumagentem, sed illos habet omnes sibi servientes, qui præstant simplices ex quibus ipse componitur. His motibus quinque musculorum paria destinantur, ut adeo decem in universum sint maxillæ inferioris musculi, quinque à dextro latere, & totidem à sinistro. Horum *primum*, vulgo *Temporales musculi*, *περὶ τὰ φάρυγγα* à situ dicuntur, & celeberrimi sunt apud omnes Medicinæ scriptores; à nobis autem, *attollens maxillam temporale par* vocabitur. Hoc maxillam inferiorem valide ad supremam adducit, sicque os claudit, dentesque constringit. *Alterum*, deorsum trahit, & *deprimens digastricum*, sive *biventre* dicitur, invento nomine ab usu & figura. *Tertium*, dextrorsum & sinistrorsum movet. Vulgo *μασσητήρες* dicuntur, quod propria eorum actio sit *μάσσησις*, manducatio, at nos *laterales ab usu* appellabimus. *Quartum par*, antrorsum movet, & à nobis *abducens pterygoideum* vocabitur, ut usus cum situ jungatur in appellatione. *Quintum*, retrorsum movet, à Galeno *μασσητήρ ὁ ἐνθεν ἐν τῷ στόματι*, *mansorium alterum in ore latitans* vocatum IV admin. anat. IV, & de dissect. muscul. VI. A nobis *adducens maxillam* nominabitur.

^c *Temporalis* igitur *attollens*, totam ossium temporum cavitatem adimplens, ^d principium suum ab osse frontis, syncipitis, temporum, & sphænoide, carnosum ac semicirculare, & latum habet, qui sensim carnosior redditus, simulque angustior descendit, & sub osse jugali, brevi, sed carnosio validissimoque tendine, ^e in processum maxillæ inferioris, quem *περὶ τὸν λω* vocari diximus, inferitur, quem undique & amplectitur. ^f Velatur hic musculus externa sui parte pericranio, quod ipsum supervehitur, & involvit, cum interna parte nudus sit, nudoque accumbat offi. Est autem hoc loci durum admodum, crassum, ac nerveum, cujus nomine exterius hic musculus livet, proptereaque occasionem dedit Columbo doctissimo, ut exteriorem hujus musculi tendinem esse crederet. Continet enim in media sui carnea substantia, validi tendinis latum & quasi semicirculare principium occultatum, quod paulatim coangustatur perinde ac ipse musculus, antequam in *περὶ τὸν λω* implantetur. Hic tendo, per totum dispersus musculus, in causa est, cur ipso vulnerato inflammatoque, acerbissimi succedant dolores, aliaque periculosa & lethalia symptomata. Sed & membrana, qua involvitur, cum ab interna cerebri crassa meninge oriatur per suturas cranii excidente, totamque calvariam investiente, ut inferius monstrabitur, fieri nequit, quin inflammata principium suum primum lege confortii afficiat. Cæterum hic musculus sursum maxillam trahit, & sic os claudit: tanta autem violentia & robore præditus est, ut meminerim, me, dum Juvenis essem, florentibus adhuc annis, aliquot plumbi libras dentibus sustulisse, & portasse.

^g *Alterum par, Deprimens biventre*, à nonnullis etiam *περὶ τὸν λω* dictum, quod à styloide processu ossis temporum similiter vocato, initium nervosum & latiusculum ducit, statimque carnosum, tenue, ac teres factum, descendit, ^h & in medio, ubi ad flexuram inferioris maxillæ pervenit, carneam substantiam exuit, totumque in tendinem nerveum atque exacte teretem degenerat, pauloque progressum, iterum carneam naturam induit,

Quartum.

MAXILLÆ inferioris musculi.

Motus maxillæ inferioris.

Numerus musculorum.

Primum par.

Secundum.

dui, & juxta latus internum maxillæ inferioris progreditur, donec perveniat ad anteriorem partem, quæ mento subest, ubi ^a internæ ejus sedi, quæ propterea aliquantulum exasperata est, inseritur. ^b Duos ergo habent ventres hi muscoli, à quibus etiam *Digastrici* vulgo: à nobis Biventre dicuntur, quibus in medio tendo interjacet. hunc ^c membrana quædam adjacentibus partibus adnata, involvit, trochleæ speciem exprimens, quam sapientissima Natura propterea condidit, ut cum muscoli hi ab inferioribus colli partibus originem non ducant, sed potius ex superioribus nascantur, circa infernas maxillæ partes, veluti ad trochleam reflecterentur. Deorsum ergo maxillam movent, & os aperiunt. ^d *Tertium par, laterale*, duplici principio exoritur, quorum ^e alterum nerveum, juxta futuram, qua primum maxillæ os cum quarto jungitur, originem ducit validam, atque amplam: ^f alterum, carneum, ab osse jugali; sicque versus mentum fertur, ^g totique maxillæ inferioris amplitudini, valida insertionem implantatur. Hujus fibræ ob capita diversa, & diversimode se respicientia decussatim interfecantur, unde fit, ut quamquam ad latera dextrorsum, & sinistrorsum hoc par moveat, tamen simul nonnihil vel ad anteriora, aut posteriora movere queat. *Quartum par, Pterygoideum abducens*, quod antorsum directe ducat maxillam, & quasi abducatur à capite: partim à superno, sed externo latere processuum aliformium; partim ab aspera & acuta linea ossis cuneiformis ipsi adjacentis ortum ducit, & quidem initio, tum nerveo valido, tum carnosissimo, rectis postea fibris progreditur, majus factum & crassius, validoque tendine definit in maxillæ inferioris internam partem lateralem, quæ est sub tendine temporalis musculi, & opposita ei, quam occupat prope hunc finis tertii paris, sicque antorsum movet ipsam maxillam. *Quintum tandem par, maxillam abducens* dictum, quod quasi ad caput ipsam attrahat. Hoc crassum est, ac breve, à cavitate interna processuum aliformium nervosum admodum pronatum, mox carneum, amplum, crassumque redditum, recta descendens, maxillæ inferiori, tendine valido, nerveo, latoque implantatur parte interna, sed postrema, juxta sinum per quem nervus ingreditur, ubi ejus gratia asperitates leviter protuberantes inveniuntur. Hic productam maxillam revocat, & retrorsum movet.

AVRIVM musculi duplices sunt, cum alii ad *externam aurem* ab Anatomicis sic dictam, alii ad *internam* referantur: illos, cum Latinis scriptoribus Auriculæ; hos, Auris, doctrinæ gratia vocabimus. Auricula autem, etsi in plerisque omnibus hominibus immobilis sit, raroque inveniantur, qui brutorum instar movere soleant: aliquam tamen ipsi movendi vim inesse, ex eo licet comprobare, quod motus instrumentis præditam videamus, cum & muscoli, & nervi circa ipsam reperiantur. Motus tamen sensui vix evidens est, quod ipsi muscoli exigui admodum sint, & propterea etiam à Galeno XVI, de VI. part. VI, & XI, ejusdem XII. delineamenta tantum quædam musculorum vocentur. Si tamen in nonnullis evidentior sit, magisque conspicuus, ii etiam postea hos musculos crassiores corpulentioresque sunt nacti. Moventur autem in his quatuor motibus, *sursum, deorsum, antorsum, & retrorsum*, quibus totidem muscoli dicati sunt, *attollens, detrahens, adducens, & abducens*. ^h *Attollens*, in anteriore parte faciei situs, musculo temporali maxillam attollenti superpositus, tenuis est, & membraneus, à fine musculi frontis externo, ubi temporali contiguus est pronatus, sensimque angustior redditus descendit, & in auriculæ superiorem partem inseritur. ⁱ *Detrahens*, in posteriore capitis parte situs, latus, carneus, ac fibrosus quandoque invenitur, à mammillari temporum processu originem suam petens. hic in progressu angustatur, & in tendinem definit, qui totam auriculæ cartilaginis radicem amplectitur, sic ut una ejus portio superiorem, altera mediam, tertia inferiorem attingat. *Adducens ad anteriora*, communis est musculus, quippe particula illius, quem vocavimus Quadratum buccas detrahentem. Hic enim nonnunquam carnosus redditus, fibrisque suis ascendens, in radicem auriculæ implantatur. *Abducens ad posteriora* in occipitio situs est, ab involucris musculorum occipitii ortus, supra mammillarem processum, principio angusto, deorsum transversim fertur, aurique posterius implantatur. *AVRIS* vero *interna* duos musculos habet, nostra ætate inventos à duobus Excellentissimis Anatomicis, Hieronymo inquam Fabricio ab Aquapendente, & Iulio Casserio Placentino. Ex his alter, extra; alter, intra primam cavitationem & tympanum situs est, unde externus ille, hic internus nominatus fuit. ^k *Externus*, exiguus est.

a, 2. 7. 3.
b, 4. 2. 1.
B. B.
c, ad lit. a
C.

d, 4. 1.
I. 1. 4.
e, b. 1.

f, b. 2.
g, c. c.

h, 4. 1. 5.

i, T. T.

k, 4. 1.

guus est, à cute & membrana meatum auditorium investiente, exortus, postea carneus fertur, & exterius tendine brevi in membranæ, tympanum dictæ, exteriori partem, ejusque fere centrum, inseritur ea sede, qua intus malleus membranæ adnectitur. ^a *In-* ^{Secundum.} *ternus* vero, in osse petroso situs est, admodum exiguus. Hujus origo est, in ossis cuneiformis basi eo in loco, quo cum radice processus petrosi, & additamento ossis occipitis foramen effractum constituit: mox carneus redditus, iterumque ubi medium sui superavit, angustior, in duos tendines abit gracillimos, quorum alter, in superiorem mallei processum, alter in cervicem implantatur.

C A P V T V I.

Persequitur historiam muscutorum linguæ, ossis hyoidis, faucium, & laryngis.



LINGVA, cum non modo vocis primarium instrumentum sit, sed & cibis volvendis in ore inserviat, motus voluntarios complures obtinuit. Movetur enim *antorsum*, & extra os exseritur: trahitur *retrosum*, ad superiora, ad inferiora, *dextrorsum*, *sinistrorsum* stringitur, & dilatatur. Pro his motibus absolvendis sex muscutorum paria accepit, quibus nomina

LINGVÆ musculi.

Mors linguæ.

Numerus muscutorum.

memoriæ gratia imponemus, nostro more, ex officio, ortu, ac insertione inventa. *Primum par*, *linguales* continet, qui à basi ossis hyoidis carnei oriuntur, & in apicem linguæ desinunt, longiores quam latiores, & lati magis quam profundi, crassiores etiam in exortu, quam fine. Obliquis & transversis præcipue fibris donati sunt, sed & rectis, quæ omnes per totum corpus sic disperguntur, & invicem confunduntur, ut nequeant à sese mutuo, vel summa adhibita industria, seungi. Videtur autem tota linguæ moles ex his duobus musculis constare, qui mediante linea candida, quam Hippocrates primus, *διερξν*, *Medianam* in Coacis vocavit, dividuntur, quæ superficie tenus linguam percurrit, & in dextram partem sinistramque secant. Hos linguales etiam idcirco musculos vocavimus, si tamen muscoli dicendi sunt, in quos cæteri deinceps enumerandi terminantur. Quod si quis accuratior in album muscutorum referendos deneget, illi ego non usque adeo repugnaverim, cum in omnibus muscoli naturam non referant, nec tamen in omnibus etiam discrepent. Vsum autem, meo judicio, habent, ut *transverse* quidem fibræ, linguæ corpus in se contrahant increassentque: *oblique* vero dilatent, & à sese abducant; at *rectæ*, ad palatum & fauces retrahendo constringant.

Primum par.

^b *Secundum par*, *Extrahens linguam*, *Genioglossum* ab ortu & insertione dictum, quod ab asperitate, quæ in media maxilla inferiore, sed interna facie est, initio angusto satis pronatum, mox latius redditum, in linguæ fere radicem inseratur, contractumque linguam extra dentes labiaque profert. *Tertium par*, *Retrahens*, *Hyphoglossum* eadem ratione dictum, ex ossis hyoidis media superioreque sede ortum, carneum, secundum linguæ longitudinem productum, in ipsius medio inseritur. Hoc contractum, intro & ad posteriora recta trahit. ^c *Quartum par*, *Attollens*, *Myloglossum*, ab inferioris maxillæ interno latere, juxta molarium dentium radices, initio lato exoritur, fibrisque transversis delatum, sub linguæ basi, in ligamentum, qua faucibus ligatur, inseritur. Hoc, si totum agat, linguæ apicem recta sursum & retrosum, ad palatum & superiores dentes elevat: at si alteruter contrahatur, in suum tantum latus oblique attollit. ^d *Quintum par*, *Deprimens*, sive *Ceratoglossum*, à superioribus ossis hyoidis cornibus, si quidem adsint: sin desint, ab humilioribus nascitur, & in linguæ latera, juxta ejus radicem inseritur. Hoc si totum agat, lingua deprimitur, versusque inferiores dentes recta deorsum & introrsum: at si alteruter, oblique in alterutrum tantum latus trahitur. *Sextum par*, *oblique trahens*, *Styloglossum*, carnosum, gracile, à styloide processu, acuto principio exoritur, & crassius latiusque factum, linguæ lateribus implantatur, ut si alteruter agat, lingua ad latera recta dextrorsum aut sinistrorsum ducatur: sin uterque, ad ipsas fauces retrahatur.

*Secundum.**Tertium.**Quartum.**Quintum.**Sextum.*

^e **O**S HYOIDES sursum movetur, deorsum, antorsum, retrosum, & ad latera. Hos motus præstant quatuor muscutorum paria. *Primum* enim par, recta sursum movet, & simul modice antorsum: *secundum*, deorsum recta, & parum retrosum: *tertium*, &

OSSIS HYOIDIS musculi.
Motus ossis hyoidis.*quartum*

- Primum par.* *quantum* ad latera, sed illud sursum nonnihil, hoc simul deorsum. ^a *Primum par*, quod ^{a, 4. 2. 1.} ^{4. 2. 2. f} rectè attollens vocabimus à primario usu, & *Geniohyoeideum*, quod à menti, sive maxillæ potius inferioris mento subjacentis interiore parte, enatum, in basin ossis hyoidis, circa elatiorem partem, ubi sinus ejus gratia exsculptus est, amplo fine inferatur. *Latium* hoc est, breve, & carneum. ^b *Secundum par*, *detrabens*; *Sternohyoeideum*, à sterni elatiore internaque sede, latiusculum & carneum exortum, sub cute in collo, ad asperam arteriam, & laryngis thyroidem cartilaginem attensum, ascendit, eadem semper servata amplitudine & substantia, ac tandem in basin hyoidis infigitur. ^c *Tertium par*, ^{c, P. F.} oblique sursum trahens, sive *Styloceratohyoeideum*, ^d à processus styloidis radice exortum ^{d, b. b.} in cornua hyoidis totum gracile ac teres ^e ea sede definit, ubi cum basi junguntur. ^{e, c. c.}
- Quartum.* ^f *Quartum*, oblique deorsum trahens, *Coracohyoeideum* appellatum, gracile ac longum, ut nullum hoc simul gracilius & longius in corpore reperiatur, ^g duplici donatum est ventre ^h tendine distincto, quemadmodum secundum par maxillam inferiorem detrahens. ^{f, 4. 1. 4.} ^{L. 4. 2.} ^{H.} ^{g, L. L.} ^{h, f}
- ⁱ Oritur enim carnosio principio ex superiore scapulæ costa, juxta cervicem ipsius, ac processum Coracoidem, & sub scapulæ elevatore, (quem Patientiæ musculus vocavimus) occultatus ac latitans, ^k oblique sub caput flectente pari mastoideo ascendit, ^{k, X.} ubi, ut ipsi veluti digniori cedat, ^l carnosam substantiam exuit, & in tendinem nervosum ac teretem degenerat. Hunc ubi superavit, iterum carne donatur, carnosusque remanet; ^m donec in cornua hyoidis, eadem sede ac par tertium, sed loco paulo inferiore, ^{m, h.} inferatur.

FAUCIUM musculi.

FAUCIUM musculi, à nonnullis *Pharyngis*, sive principii Oesophagi musculi dicuntur, cum caput Oesophagi superius, membrana faucium esse videatur. Sunt autem illi, qui deglutitioni inserviunt. Cum enim pro nostro lubitu deglutiamus cibos potumque, necessario musculi, instrumentum voluntarii motus, creandi erant, quos Natura oesophagi principio merito jure maximo tribuit. *Dilatantur* autem fauces, vel *constringuntur*: & dilatantur quidem, paribus duobus; constringuntur autem, tribus.

Motus faucium.

Primum par dilatans.

Primum par dilatans, quod aliquibus *Sphenopharyngeum* dicitur, à cuneiformis ossis acuto apice, principio tenui & nerveo enascitur, per internam pterygoidis cavitatem descendit, & in tendinem tenuem definit, qui in palati partem cutaneam, à qua gargarcon dependet, inseritur. *Secundum par*, ab eodem fere loco prodiens, & descendens,

Primum par constringens.

in totam fere faucium lateralem, ac posteriorem partem inseritur. *Primum par constringentium*, *Oesophagium*, oesophagi superiori & posteriori parti præpositum, quod totum carneum est, lata origine secundum laterum scutiformis cartilaginis longitudinem exortum, sphincteris musculi more circa gulæ initium circumfertur, adnasciturque fibris transversis, quibus caput gulæ in deglutitione constringi consuevit. ^{n, 4. 4.} ^{B. B.}

Secundum.

in faucium posteriore ac laterali cavitate, quam ambit, situm, *Cephalopharyngeum* dicitur, propterea quod ortum suum habeat inde, ubi caput cervicis primæ vertebræ jungitur, postea descendens, in hyoidis latera, thyroidem cartilaginem, & oesophagi principium, cujus tunicam conficere videtur, inseritur. ^o *Tertium par*, *Stylopharyngeum* appellatum, ^{o, 4. C.} ab interna styloidis processus facie, gracili principio exoritur, & tendine membraneo, thyroidi cartilagini, lateribus ossis hyoidis, & radici linguæ implantatur.

LARYNGIS musculi.

Laryngis cartilaginee mobiles.

Motus laryngis.

LARYNGIS (sic vocant Caput asperæ arteriæ) musculi dicuntur, non quod moveant Laryngem totam, sed quod cartilagine ipsius. Cum autem ex cartilaginibus quatuor constet, tres tantum sunt mobiles, Thyroides, seu scutiformis, & duæ Arytænoides, sive guttales. Cricoides, annularis dicta, immobilis est, quia illas sustinet, cum omne mobile moveatur super immobili, & quiescente. Sunt ergo duplices Laryngis motus, quibus tum dilatatur constringiturque, tum clauditur & aperitur: unde & duas articulationes nacta est, quarum singulæ diversis motibus inserviunt. *Prima* enim est thyroidis cum cricoide, per arthrodiam: *altera*, arytænoidis cum eadem cricoide, per ginglymum. Dilatatio & constrictio, pendet ab illa: clausio & apertio, ab ista. Itaque cum Thyroides dilatetur, & constringatur; Arytænoides vero, è contra aperiatur & claudatur: voluit Galenus, in thyroidem dilatantes & constringentes musculos; in arytænoidem vero, aperientes & claudentes inseri: ut jam concludendum sit, *laryngis musculos*, alios esse dilatantes, alios constringentes, alios aperientes, alios claudentes. *Constringitur* larynx cum thyroidis latera flectuntur, & intro moventur; *dilatatur*, cum eadem

eadem extenduntur, & foras pelluntur. Sic clauditur, cum arytænoides flectitur, & in
 cavitatem truditur: *aperitur*, cum extenditur, seu extrorsum revellitur. Vterque au-
 tem motus, vel rectus est, vel ad latera. ^a *Flectens Thyroidem* ergo, unum par est, quod
^{4. 2. 1. 1. M. & 4. 3. C.} *Hyothyroides* dicitur, propterea quod ab ossis hyoidis tota inferiore parte, latum, car-
^{d. d.} nosumque exoriatur, sicque descendens rectis fibris, totamque thyroidem cartila-
 ginem exterius contegens, ^b in ejus infimam partem implantatur. Hoc dum contrahi-
 tur, superiorem thyroidis partem flectit, introrsum pellit, & sic rimulam constringit.
 Trahit simul etiam laryngem sursum; unde fit, ut nos ipsi in nobis, dum acutam vo-
 cem formamus, laryngem sursum ferri, observare soleamus. *Extendentium thyroidem*,
^{4. 2. 1. N. d. e.} duo sunt paria. ^c *Primum*, vulgo *Bronchium* dictum, at nobis invento nomine nostro
 more, ab ortu & insertione, *Sternothyroideum*. ^d Hoc à sterni superiore, & interiore par-
 te, ubi jugulum est, initio lato, & carnosum exortum, eandem latitudinem & substan-
 tiam servans, fibris rectis toto ductu lateribus arteriæ asperæ attensum, ascendit,
^{e f.} tandem in thyroidis infernum latus, eodem fine inseritur. Inferiorem thyroidis par-
 tem constringere, simulque totam deorsum trahere creditur, unde superior pars exten-
 ditur, unaque rimula dilatatur. Hunc motum deorsum versus, similiter notare licet,
 & tactu percipere, dum gravem vocem edimus. Atque *hec duo paria Communia* ab Ana-
 tomicis vulgo dicuntur, quod caput, sive initium in alia parte habeant, quam Laryn-
 ge: sequentia autem omnia, dicuntur propria, quia tota sunt in larynge, initium ab
^{f. 2. 1. O. & 4. 4. H. H. 1. 2. 8. D. 1} ipso, & finem habentia. ^f *Alterum par extendentium*, *Cricothyroideum anticum* dictum, in
 inferiore, & antica laryngis parte positum, originem habet carnosam, à cricoidis
 cartilaginis antica parte, & in lateris exterioris thyroidis inferiorem sedem carneum
 implantatur. Hoc dum contrahitur, extendit cartilaginem, & sic rimulam dilatat,
 pro gravi ac magna voce. *Flectens recta arytænoidem*, sive *Claudens rimulam primum par*,
^{g. 2. 6. F. 1. 4. 2. 8. 1 F.} *Thyroarytænoidem*, carneum, ac latum, in laryngis amplitudine transversim situm est,
 & à thyroidis parte interiore media, secundum totam ejus longitudinem exoritur, sur-
 sumque progressum, in latera Aritænoidis, quæ glottida constituunt, inseritur. Hoc
 arytænoidem cartilaginem ad thyroidem trahit, à posterioribus antorsum ducit, &
 sic glottidem comprimit, & claudit. Hoc par, si in angina inflammetur, cum exacte
^{h. 2. 6. D. 1. 4. 2. 8. 1 G.} claudat rimulam, lethalem morbum adducit. ^g *Flectens ad latera*, sive *Claudens secundum*,
^{i. 4. 2. 8. 1 G.} *Arytænoidem*, admodum parvum est, & exile, carnosum, obliquis fibris ab arytænoi-
 de incipiens, ubi jungitur cricoidi, & in arytænoidem desinit, ubi cum conjuge col-
 ligatur. Hoc arytænoidem oblique, & ad latera, dextrorsum, aut sinistrorsum mo-
 vet, sicque basin ejus constringit, & glottidem claudit. ^h *Extendens recta*, sive *aperiens*
^{i. 4. 2. 8. 1 G.} *rimulam par primum*, *Cricoarytænoidem posticum*, à cricoidis postica & inferiore sede, car-
 nosum exortum, mox rectis fibris ascendit, & cavitatem quæ in cricoide est adim-
 plens, in inferiorem arytænoidis sedem, qua cum cricoide articulatur, nervosum de-
 finit. Hoc extendit arytænoidem, & retrorsum ad exteriora convertit, sicque glot-
 tidem aperit. ⁱ *Extendens ad latera*, sive *aperiens rimulam secundum*, *Cricoarytænoidem laterale*,
 à cricoide, qua parte latior est, angusto principio carneum prodiens, mox amplius fa-
 ctum, ad arytænoidis latera juxta articulum implantatur, ea parte, quæ à priori pari
 attacta non est. Hoc extendit ad latus, sicque rimula aperitur. Ex his manifestum est,
 opponi inter se, primum flectentium & primum extendentium: secundum item cum
 secundo. Quantum enim secundum par flectentium ad mutuum contactum trahit,
 tantum secundum extendentium exterius deducit, & invicem disparat.

Flectens Thy-
roidem;Extendentes
Thyroidem.
Primum par;

Secundum;

Flectens Ary-
tænoidem.
Primum par;

Nota.

Secundum.

Extendens A-
rytænoidem.
Primum par.

Secundum.

CAPUT VII.

De musculis Caput, & Cervicem moventibus.



NTER musculos, qui ad caput referuntur restant adhuc illi, qui ca-
 put universum movent. Movetur autem CAPUT, motu vel primario,
 vel secundo: *primario*, supra primam colli vertebram antorsum, &
 retrorsum, hoc est, *flexione & extensione*, eaque vel recta, vel obliqua,
 prout totum par simul agat, aut alteruter tantum contrahatur muscu-
 lus. Deinde supra secundam, circa processum ejus dentiformem,

CAPITIS
musculi.
Motus Capi-
tis.
Primarii.

N

circum-

- Secundarii.* circumvolutione quadam, veluti ad axem. Secundario motu, & per accidens, beneficio colli, quo modo caput movetur similiter ante & retro, sed & ad latera, dextrorsum & sinistrorsum. Dicamus primo de iis musculis, qui proprii sunt capitis, & septem paria numerari solent, ita ut in quovis pari unus musculorum dextram, alter sinistram partem occupet. Ex his unum par flectit, quatuor extendunt, duo circumagunt.
- Flectens.* ^a FLECTENS par, à nonnullis *Mastoideum* dicitur, quod ad processus temporum mastoideos, sive mammillares inseratur. Anteriore colli parte situm est, sub quadrato buccas detrahente musculo. ^b Oritur autem duplici principio, cavitate quadam inter se distincto, quorum alterum nervosius est, & à summo sterni incipit: alterum, carnosius, & à claviculae parte elatiore, qua sterni conjungitur, procedit. Oblique deinde, totum carnosum redditum, ad collum ascendit, longum potius, quam latum, & latum verius, quam teres in initio; at ubi ^c ad mammillarem processum devenerit, teres fit, & carnosus crassoque sine ipsi inseritur. ^d Hoc in homine etiam vivo observatur, praesertim in macilentis & senioribus, in quibus admodum conspicuum est. Quod si totum par agat, caput recta flectitur: sin alteruter tantum musculus contrahatur, caput ad anteriora quidem ducitur, sed ad latus.
- Extendentes.* ^e EXTENDENTIUM primum par, *Triangulare*, aliis *Splenium* dictum, oblongum est, latum, & vertebri instratum, duplicique principio exoritur. Altero enim ex apicibus quintae, quartae, tertiae, secundae, & primae thoracis vertebrarum prodit, altero à quinque inferiorum colli vertebrarum spinis, ubi rectis fibris sibi mutuo nectuntur, & ^f cum ad tertiam colli vertebram pervenerint, sejunguntur, ^g fibrisque nonnihil obliquis in occipitio medio, quod inter utramque aurem est, inseruntur. ^h Intervallum hoc, quod interjacet inter utrumque cum diducuntur, triangulum æquilaterum fere efformat, ⁱ quod exprimit etiam totus musculus, sed scalenum, à quo & nomen imposuimus, ut triangulare par vocaremus. ^k Primum latus, amplum est, ab exortu usque ad tertiam vertebram, ubi dehiscunt: ^l alterum, ab hoc loco ad occipitium: ^m tertium, ab occipitio ad exortum. Est autem hoc par in thorace nerveum, in cervice vero carnosum. ⁿ Secundum extendentium par, priori subiectum, *Trigeminum*, aut *Compositum*, quod ita distincto triplici principio sit praeditum, ut ex tribus musculis in unum coeuntibus conflatum esse videatur. ^o Primus, principium acutum habet, ex transversso processu, quartae, & quintae thoracis vertebrae enatum, quod illico ab exortu carneum redditum, per reliquas thoracis vertebrae, ascendit, & ubi ad colli radicem pervenerit, carneam naturam exuit, inque teretem tendinem abit; mox vero, ubi hunc superavit, iterum carneam induens substantiam, usque ad occipitium ascendit, ibique in medium ipsius inseritur. ^p Alter, à septimae cervicis vertebrae spina, brevi, nerveo, teretique principio oritur, sed mox ascendens carnosus redditur, & cum priore ante ejus insertionem coit. ^q Tertius, ex primae secundaeque thoracis vertebrarum transversis processibus, partim nervosus, partim carnosus prodiens, oblique extrorsum reductus, ad radicem processus mammillaris, cum secundo junctus, occipitio valide affigitur. His musculis, aut secundi paris principiis variis, carnea quadam moles subjicitur, & secundo pari adjungitur, ita ut secundum hoc par ex quatuor quinqueve initiis, aut musculis constare videatur. ^r Tertium par, *Recti majores* dicti, sub propositis statim occurrunt, parvi sunt, substantia carnosus, forma graciles, teretesque. Hi ab apice spinæ secundae colli vertebrae prodeunt, ubi contigui sunt invicem, sed statim à se diducti ascendunt, & in medium occipitium m inseruntur. ^s Quartum par, *Recti minores* appellati, sub majoribus siti sunt, quibus figura, substantiaque & progressu respondent, sed magnitudine cedunt. Teretes enim à tuberculo primae colli vertebrae, spinis aliarum dorsi vertebrarum analogo, contigui similiter prodeunt, mox à se invicem abscedentes, & sursum delati, in occipitium medium desinunt, sub finibus rectorum majorum. Horum musculorum omnium ope, si totum par simul agat, caput recta extenditur: at si alteruter, in latus movetur. Praefecit autem sapientissima nostri corporis architectrix NATURA tot musculos extensioni capitis, quod ad acutum fere angulum caput extendendum erat, ut Homo caelestium corporum contemplationi commodius vacaret. Ad hoc autem requirebantur parvi muscoli, cum longi id praestare non possent. At quia iidem invalidiores necessario futuri erant, nec diu officio
- satis-

satisfacerent, cum pondere suo caput ad anteriora ruat, magnos longosque in auxilium surrogavit. Moventur ergo semper longiores prius, at ubi admodum acutum ad angulum caput extendendum est, recti subveniunt. Voluit enim Natura, ut assidue caelestium corporum divinas moles contemplando patriæ nostræ memores redderemur, & illa simul revocaremus ad animum, quæ dignos nos caelestium animorum jugi societate post obitum aliquando præstarent.

CIRCUMAGENTIVM duo sunt paria, qui vulgo *Obliqui* dicuntur à situ, estque alterum par superius; alterum inferius; utrumque subjacens rectis extendentibus, quibus substantia & forma respondet. ^a *Superius par*, è medio occipitio juxta externum latius rectorum majorum exortum, oblique descendens, in apicem transversus processus primæ colli vertebræ transversim inseritur. ^b *Inferius par*, à spina secundæ cervicis vertebræ pronatum, oblique ascendit, & in processum transversum primæ vertebræ cum præcedente inseritur. Hi cum contrahuntur, circulariter versus spinam, retro primam vertebram super secunda circumagunt, unde fit, ut caput super ipsam consistens, una circulariter moveatur. At quia exigui admodum sunt, duo priora extendentium paria, ubi alteruter agat, horum motum (non secus ac rectorum, ut antea diximus) adjuvant.

Caput etiam *secundario movetur ratione cervicis*. Cervice enim mota, caput ipsi incumbens una cietur. Habet autem CERVIX motum quadruplicem, cum agatur ante, retro, dextrorsum, & sinistrorsum. Absolvuntur hi motus quatuor muscutorum paribus; non tamen ita, ut quilibet motus suos sibi proprios vendicet, sed cum duo paria priora flectentia sint, & antorsum moventia, duo posteriora extendentia retrorsum: si simul illa agant, aut hæc, caput recta: at, si alteruter, oblique ad latus, flectitur, aut extenditur. Quod si vero flexores & extensores sui lateris simul contrahantur, in illud latus, dextrorsum aut sinistrorsum agitur, in quo ipsi suum situm obtinent. At si omnes simul agant, cervix erecta & rigida servatur, ac in tonico motu, ut in Tetano. Duo ergo prima paria flectentia erunt, quæ parte anteriore colli, ut primum; & laterali, ut secundum, locata sunt: reliqua duo extendentia, in posteriore colli parte, sub capitis musculis.

FLECTENTIVM ergo ^c *primum par*, sive *Longum*, sub œsophago jacens, longum est, principio acuto & carneo, à quintæ thoracis vertebræ corpore, parte anteriore, ubi costæ jungitur, enatum. Hoc superiora petens, omnibus vertebrarum corporibus à latere adnectitur, usque ad primam cervicis, ubi uterque musculus se tangit, & acuto nervosoque tendine desinit in processum primæ vertebræ, qui est analogus corporis vertebrarum reliquarum, ut cervix flectatur. ^d *Secundum par flectentium Triangulare*, sive ut aliis placet, qui simul speciem trianguli, quod refert sua figura, exprimunt, *scalenum* dictum, carnosam amplamque originem, à prima superioreque thoracis costa habet: postea versus caput iter faciens angustatur, & in omnium colli vertebrarum transversos processus (prima & secunda nonnunquam excepta) qua interiora spectant, obliquis fibris terminatur. Hi musculi si simul agant, rectà anteriora versus, cervicem, & consequenter caput flectunt: at si alteruter solum agat, in latus contracti antorsum cervicem inclinant.

^e *EXTENDENTIVM primum par*, à sex superiorum thoracis vertebrarum transversis processibus (unde *Transversales* quibusdam dicuntur) exorti, paulatim crassiores facti, in omnes cervicis vertebrarum processus transversos, externa sede infiguntur. *Secundum par*, inter spinas situm, unde & *Spinatum* aliquibus vocatur, totam cervicem occupat. Hoc è radicibus spinarum septem superiorum thoracis vertebrarum principia plura sumit, sursumque ascendit, ac similiter ex singulis transversorum processuum cervicis radicibus alia sibi asciscit; tandem hisce, in totam inferiorem spinæ secundæ vertebræ partem valide implantatur, ubi dexter cum sinistro jungitur, etsi toto per cervicem progressu mutuo sibi ita accubuerint, ut, non nisi spinis à sese disparati fuerint. Hæc duo pariter cervicem primo, deinde & caput extendunt; vel recta, si uterque simul agat; vel oblique, si alteruter tantum.

Circum-agentes.

Superius par.

Inferius.

CERVICIS musculi. Cervicis motus. Numerus muscutorum

Flectentium primum par.

Secundum.

Extendentium primum par.

Secundum.

CAPVTVIII.

De musculis Thoracis.

THORACIS musculi.



BSOLVIMVS musculos omnes, qui ad primum Ventrem, five Caput pertinere videbantur : nunc eorum aggrediemur historiam, qui ad secundum mediumque referendi sunt, quos THORACIS musculos doctrinæ gratia vocabimus : etsi non ignorem vulgo ab Anatomicis sic appellari illos tantum, qui respirationi dicati sunt, & vel dilatant thoracem, aut constringunt ; quibus opponuntur DORSI musculi, qui thoracem extendunt. Verum cum ab horum sententia sim alienissimus, & eos musculos plerosque omnes, qui communiter ad respirationem facere dicuntur, alium usum habere longe diversum ab eo, qui vulgo docetur, & ratione, & experientia anatomica invenerim, à me hoc loco *Thoracis musculi* vocabuntur, omnes quicunque ad thoracis, hoc est, medii Ventris motum quemcunque conferre statuentur. Dico quemcunque ; ut non solum intelligatur ille, quo dilatatur, & stringitur : sed &, quo flectitur, aut extenditur.

Thoracis motus.

Primarii.

Secundarii.

THORAX ergo, vel primario movetur, vel secundario. *Primario*, à musculis sibi propriis ; *secundario*, à musculis lumborum. Motis enim lumbis, thorax ipsis incumbens, una necessario movetur, quemadmodum cervice mota, Caput, ut dictum est. Cietur autem quintuplici motuum genere, *primario* ; cum dilatetur, & constringatur, flectatur, extendatur, & ad latera circulariter moveatur : *secundario*, triplici. Ad latera enim movetur, flectitur, & extenditur. Dilatatur autem Thorax, & constringitur, respirationis gratia. Respiratio autem duabus constat partibus ; Inspiratione, in qua recipitur aër, & attrahitur in asperam pulmonum arteriam ; & expiratione, in qua iterum à pulmonibus expellitur : in illa, cum sine thoracis motu respiratio nunquam fiat, thorax dilatatur ; in hac, contrahitur, & in se stringitur. In Dilatatione autem, non totus thorax dilatatur, sed tantum ejus partes inferiores, superioribus contra modice angustatis : in Contractione vero, inferiores constringuntur, superiores partes è diverso nonnihil dilatantur. Quamobrem & Natura sapientissima, cum univsum thoracem intertextis ubique inter carnes ossibus, flexibilem motuique accommodatissimum reddidit : tum vero infimas ejus partes cartilaginibus fere solis muniendo, imprimis ad hunc usum adaptavit. Cæterum etsi hic motus naturalis alias sit, non quidem, quod citra musculi subsidium perficiatur, quo pacto alios motus naturales fieri cernimus (semper enim Diaphragma hic primas partes tenet, quod musculus vere est, & recte esse statuitur ;) sed quia nobis ad respirationem etiam non advertentibus, Thorax nihilominus semper amplior fit aut angustior, ne unquam respiratio deficiat, cum qua vita pari passu perpetuo ambulat : vere tamen & animalis motus est, quandoquidem respirationem intendere, aut sistere ad tempus, pro nostro arbitrio, quam commodissime possumus. Quis enim in loco admodum calido constitutus, thoracem, ut aërem attrahat in copia, pro suo lubitu non extendit ? contra in admodum frigido, non aliquantulum contrahit ? Si ergo motus est voluntarius, ut instrumentis motui huic destinatis, hoc est, musculis peragatur, necesse est.

Musculi Thoracis ex opinione aliorum quot sint.

Respiratio duplex.

Ab Anatomicis ergo MUSCVLI THORACIS, (sic vocant,) *id est*, dilatationi, & constrictioni ejusdem inservientes sexaginta quinque recensentur, à nonnullis etiam plures, illis scilicet, qui Intercostrales, in Interosseos atque Intercartilagineos, sed male, ut postea probabimus, distinguunt. Vtrique ergo lateri thoracis, triginta duos assignant, nempe *intercostrales viginti duos*, ex quibus undecim externi, totidem interni sunt : *unum* utrique lateri communem, puta *Diaphragma* : *quatuor* deinde musculos, *Abdominis* vocatos, de quibus sequenti capite, & tandem *sex Thoracis proprios* appellatos. Iam ipsam *Respirationem* duplicem quoque faciunt ; unam liberam, alteram coactam. *Liberam* vocant illam, in qua aëris quantum sufficit, placide tum accipitur, tum expellitur : *Coactam* vero, in qua magna vi, & magna copia attrahitur, similiterque truditur. Illa contingit, cum naturaliter se calor noster habet ; hic, cum præter naturam. Illa, citra nostram voluntatem fit, unde & *Naturalis* jure dicetur ; hæc, nostro arbitrio concurrente

rente accidit, ex quo *Voluntaria* à nobis non inepte vocabitur. Illa, à solo diaphragmate contracto, aut laxato fit: hæc, cooperantibus diaphragmati cæteris musculis sexaginta quatuor, ut ipsi dicunt.

At enim, ut lubentissime amplector hæc omnia, simulque coactus experientia concedo, in libera respiratione diaphragma solum moveri: ita è contrario novi, in coacta, solos intercostales musculos, & Diaphragma operari. Rejiciuntur ergo à me, tum abdominis quatuor paria, tum sex thoracis conjugia propria. At ne citra rationem rejici videantur, nostræ opinionis fundamenta breviter hic proponemus, refutatis argumentis, quæ Adversarios in hanc sententiam protraxere. *Ac quod musculos Abdominis attinet*, ut ab iis exordium nostrum petamus, duo primariò videntur esse, quæ doctissimos Viros adduxerint, ut respirationi eos inservire crederent. *Primum* est, quod non visu solum, sed & tactu deprehenderint, in thoracis validioribus motibus, musculos hos, proportionem quadam observata cum Thoracis motu, moveri. Inspirare enim si qua vi cupias, abdomen protinus exigi dilatarique videbis; expirare si è contra cupias fortiter, inigi advertes, & intro contrahi: ut propterea Galenus, lib. de dissect. musc. cap. xxvi, ad exsufflationes, & ad vocatas spiritus cohibitiones, sive τὴν πνεύματος κατὰ λήψεις, ut Praxagoras olim vocabat, tum ad acutas quoque magnasque voces edendas, Naturam hisce musculis uti, non veritus sit scribere. *Alterum* argumentum est, eam partem moveri semper, in quam fines musculorum desinunt. Quod si jam anatomica inspectio demonstraret, abdominis musculos in thoracem inferi, quemadmodum Andreas Laurentius probavit, oblique descendentes illic desinere, finemque suum figere; profecto sequi hinc merito jureque videtur, Abdominis musculos thoracis motibus plurimum auxilii præstare. At enim nihil hic quidem promptius erit nobis, quam his rationibus satisfacere. Nam quod primam spectat, haud ulla ratione diversus ab iis sum, qui in utraque respirationis parte abdominis musculos una cum thorace uniformiter moveri credunt, quin lubentissimo illud animo amplector, ut cui testimonium perhibet ipsa experientia; non tamen propterea, quod ipsi hinc inferunt, unquam elargiar, instrumenta videlicet eo nomine fieri respirationis, numerumque illum musculorum, qui respirationi serviunt, augere. Nec enim thorax, costæve, quod hi muscoli moveantur, sive distenditur, seu stringitur: sed si quis motus thoracis est, ille totus quantus quantus Diaphragmati ac Intercostalibus musculis acceptus referendus est. Et hoc ipsum erat, quod postulatur, ut thoracis dilatationi constrictionive inservire dicantur, ut videlicet, ex ipsorum contractione motuve thoracis ille motus consequeretur: cum contra fieri videas, ut motus abdominis, qui in valida respiratione percipitur, moto thorace accidat, cum eleveur in inspiratione, ut cedat descendentibus visceribus, & contrahatur in expiratione, ut ascendentes iterum in suum locum, sese undique accommodet, eaque contineat. Solent enim cum Diaphragmate in respiratione viscera una descendere, & ascendere, quemadmodum id in vivis dissectionibus eleganter intueri licet. Ex quibus consequi videtur, accidentalem tantum hunc motum esse: neque musculos ipsos per se contrahi, sed vel pelli, thorace dilatato; vel iterum recedere in suum locum, contracto. *In secundo argumento* errorem noto doctissimorum alioquin Columbi, & Laurentii, qui oblique descendentes abdominis finem circa thoracem esse crediderunt, originem autem à superiore ossis pubis iliumque parte, tum à transversis lumborum processibus. Nam si recta rem omnem tecum reputes, ipsamque potius inspectionem confulas, quam vanos novarum opinionum fucos, aut probabiles sententias, principium horum musculorum (quod paulo post, cum de abdominis musculis agemus, demonstraturi sumus,) ex inferna parte costæ sextæ, septimæ, octavæ, & nonæ, antequam in cartilagine abeunt, carnosum, tum à membrana è vertebrarum lumborum ligamentis, & dimidia ossis ilii appendice membranofum enasci deprehendes. Id quod, etsi & argumentis probari quamplurimis nullo negotio poterat, unicum tamen duntaxat hoc loco, sed Achilleum in medium adducemus. Cum enim apud omnes dissectionum Proceres, tanquam axioma quoddam, & indubitata fidei principium receptum sit, illic perpetuo musculorum originem esse, ubi nervorum insertiones comparent, cum nunquam in finem, raro in medium nervi implantentur; profecto circa costas, dictasque partes, principium horum musculorum esse, necessum est. * Singulis enim fibris pecti-

Sententia
Astrucii.
Ex omni
Astrucii.

Musculos ab
dominis ad
respirationē
nihil facere.
Argum. ad-
versariorum.
Primum.

Secundum.

Responsio ad
argumenta.

Ad primum.

Ad secundum.

Principium
oblique de-
scendentium
esse circa pu-
bis ossa.
Argumentum
primum.

Secundum.

Responsio.
Ad primum.

Ossa pubis &
ilium moveri.

Ad secundum.

Conclusio.

Musculi
Thoracem
dilatantes ex
sententia Au-
thoris.

natis, quibus cum serrato majore conjungitur, ex enumeratarum costarum interstitiis singuli nervi porriguntur, ut nemo possit ambiguus, vel anceps animo de origine porro hærere, dummodo vel concedat Anatomicis suum principium, vel ipsi sensui propriam fidem nolit derogare. At enim cum doctissimi Viri & ipsi habeant argumenta, quibus suam opinionem fulciant, neque sint admodum de nihilo, illa hic in medium afferenda esse merito censuimus. *Primum*, inquiunt, si statuamus finem oblique descendentium circa Ilium & pubis ossa, aut ea mobilia dicendum erit esse, aut accusanda imprudentiæ Natura, quæ musculos motus voluntarii organa, in partes immobiles inseruit: at illud dicere ignari erit motuum humani corporis, cum sciant omnes immobiles esse pubis & ilium ossa: hoc vero summæ impietatis, quandoquidem nimis quam verum illud est, Naturam nihil unquam temerario consilio; sed omnia summa potius & incredibili providentia construxisse. *Secundo*, eandem rationem, quæ nostræ sententiæ fuit fundamentum, contra nos adducunt. Nam Galeno teste, inquiunt, si nervi in musculorum vel principia, vel paulo post, raro in medium, nunquam ultra medium desinunt, & musculi hi nervos habere conspiciantur circa pubis os, & lineam candidam, profecto principium ipsorum circa has partes esse necesse est, finem autem circa costas. Neque vero alio instituto, illic principium, hic finis positus est, nisi ut costas deorsum trahendo, thoracem una constringant. Sed enim magni hi Viri, dum à Galeno in hoc negotio discedunt, & imprudenter mihi facere, & ejus opinionem non recte assecuti videntur. *Largiamur enim ipsis*, ilium & pubis ossa immobiles esse: indene recte inferent, propterea musculorum finem illic non esse? Nam ex Galeni quidem sententia si loquamur, nihilominus hi musculi officio suo fungentur, cum munus eorum præcipuum ipso docente sit, abdomen sua contractione comprimere: quam certe compressionem citra pubis ossium motum quam optime perfici posse, quis est qui non observet? Cum enim abdomen convexum sit & prominens, maxime ubi cibo potuve Venter turgescit, horum musculorum contractione ab utroque latere in planum componitur. Quamobrem non bene illi videntur concludere, qui, quod ilium ossa moveri non credant, propterea musculorum oblique descendentium fines illic inferi haudquaquam posse existimant. Sed & ego in sequentibus demonstraturus sum, revera & pubis & ilium ossa moveri, tametsi unanimem omnium Anatomicorum, qui hactenus quidquam in lucem prodiderunt, in contrariam sententiam consensum esse videam. *Nunc ad secundum argumentum me conféro*, in quo ut haud ægre concedo, Nervos circa lineam candidam iliumque ossa conspici: nego tamen ex iis esse, qui sensum motumve his musculis offerant, de quibus scilicet Galenus loquitur, cum Nervos inquit in musculorum capita desinere, vel paulo post, vel circa medium, nunquam ultra medium. ^a Nervi enim illi perforant, & pertranseunt hosce musculos, non sane ut iis inserantur, quod dictis Authoribus visum est; sed ut hinc ex abdomine, mox ad membranam carnosam cutimque digerantur, sicque his partibus sensum præbeant.

Sed de hac re plura dicendi locus infra dabitur: nunc sufficiat demonstrasse, Abdominis vocatos musculos, ad dilatationis constrictionisve in Thorace motum nihil omnino facere; cum non his motis Thorax: sed potius Thorace moto ipsi moveantur. Falsum autem & hoc est, finem oblique descendentium circa thoracem inferi; quod si vero Ascendentes, & Recti inferantur, jam longe alio fine, quam thoracis gratia inferi, inferius ostendemus, ubi horum musculorum actio aperietur. Quinimo de cæteris etiam, quos proprios Thoracis appellant, quid statuendum sit, membratim dicemus postea, cum singulorum historiam persequemur. Nam quod ^b *Subclavium* attinet, eum Claviculæ inferi statuimus, ut ipsam deorsum trahat. Ostendemus enim finem non habere circa primam costæ partem, ut communis est opinio: sed potius in clavicula. ^c *Serratum* vero *majorem* scapulæ assignabimus, similiter demonstrantes Anatomicos circa principium ipsius hallucinatos fuisse. ^d *Duos posticos serratos*, superiorem, ac inferiorem, Dorsi Capitisque musculos continere, ne in validis motibus exorbitent, & propterea ligamentorum annularium, in manu ac digitis positorum, munere fungi dicemus. ^e *Sacro-lumbum* autem, Dorsum oblique extendere similiter probaturi sumus. *Quare jam concludentes dicimus*, musculos thoracem dilatantes constringentesque non alios esse, præter Diaphragma, & Intercoştales: & Diaphragma quidem semper movere, & solum in libera

a, 8. N.
N. N.

b, 4. F.

c, D.

d, 4. C.
& E.

e, K.

libera ac naturali respiratione: in coacta autem, Intercoſtaliū operam ſibi adiungere. Dilatat autem & conſtringit Thoracem, unus idemque muſculus *Diaphragma*. Quæ res ſi prima fronte mira alicui videatur, cum vix mente multis comprehendere poſſe credatur, quomodo contrarii motus ab eodem muſculo proveniant: mirari is mox deſinet, ſi advertat tale quid in ſphinctere quoque muſculo, tam veſicæ, quam ani comparere. Idem enim Sphincter, & conſtringere poteſt veſicam, contrahendo ſe, ut contineat urinam: & dilatare eandem, laxando ſe, ut urinam reddat. Sic diaphragma, contrahendo ſe ad principium, Thoracem dilatat: at laxando, conſtringit, ut in uſu ejus jam demonſtraturi ſumus. ^a *Intercoſtales* vero muſculi, ut duplices ſunt, externi, & interni; ita etiam duplici funguntur munere. Illi enim, dilatationem in coacta reſpiratione adjuvant: hi, conſtrictionem.

^b Muſculus ergo, qui *Διάφραγμα* Platoni dicitur, Hippocrati *Φρένες*, & *Διάφρεξις* vocatur, *Διὰ τὴν Διάφραξιν*, quod ſecernere, & ſeparare ſignificat, quia ſcilicet infimum ventrem à medio ſeparat. Ariſtoteles communiter *Διάζωμα* appellat, *Succinctum*: interdum & *Σειζωμα*, & *Πειζωμα*. Galenus modo *Διάφραγμα*, modo *Φρένες* vocat: at Latini Corn. Celſum ſequentes, communiter *Septum tranſverſum*, ab officio, & ſitu. Plinius, ob viciniam cordis cui prætenditur, *Præcordia*, quaſi *Πειραγδία*: at Macrobius, *Diſſeptum* vocat. Nonnullis, qui Græcam vocem *Σειζωμα* exprimere ſtuduerunt, *præcinctum* appellatur. Eſt autem *Diaphragma*, muſculus, unus omnium fama celeberrimus, id quod hæc vocum, quibus apud diverſos authores venit, multitudo ſatis ſuperque teſtatur. *Situm* habet in corpore tranſverſum, Thoracem ab infimo ventre ſeparans. Situs autem eſt obliquus, ob thoracis, quem ſuccingit, obliquum ambitum, quem ſterni infima pars, & cartilagineſ spuriarum coſtarum conficiunt: quare & *magnitudo* ipſius tanta neceſſario eſt, quanta ambitus univerſus medii ventris, quem ſuccingit. *Figuram* obtinet nulli alteri muſculo communem, cum muſculus ſit latus, tenuis, atque orbicularis, & in medio ſui principium naſtus, ^d à quo, tanquam à centro ad circumferentiam fibræ craſſæ excurrunt. ^e In medio enim habet circulum quendam nerveum, qui ejus origo eſt, quem circum ^f alius quidam, totus carneus conſiſtit, per quem, ^g fibræ ab illo egreſſæ, ad peripheriam ſparguntur. Quemadmodum autem circulus interior, quo vicinior centro, tanto nervoſior eſt: ita quo coſtis & thoraci propius accedit exterior, tanto carnoſior craſſiorque ſemper efficitur. Anneſtitur enim, & inferitur toti thoraci intrinſecus: ^h *antere* quidem *parte*, ſterni infimæ ſedi, prope mucronatam cartilaginem, quæ ejus eſt propugnaculum, tum ultimæ veræ coſtæ: ⁱ à *lateribus*, coſtarum ſpuriarum extremis, & toti duodecimæ coſtæ: ^k *poſterius* vero, cum undecimæ dorſi vertebræ, quam ſpectat, inferi debuerit; at vero ibi ^l arteria magna deſcendat, & ^m lumbalis adneſtatur muſculus, *Ψέας* dictus; in ⁿ duos veluti proceſſus (quos *productiones Diaphragmatis* vocant) deſinit, hinc inde ad vertebras inſertos, nervoſos, & carne commixtos, qui acutiores redditi deſcendunt, donec ad excarnes lumborum vertebras uſque devenerint, ^o ubi valida inſertione implantantur. Muſculus hic etſi unicuſ ſit, in ſtructure tamen ſua duplex eſſe omnibus modis videtur. Conſtat enim, ut dictum eſt, primum ^p duobus *circulis*, quorum ſubſtantia, partim nervea, partim carnea eſt: deinde ^q *Venas* habet duas à trunco cavæ aſcendentis, Phrenicas dictas: duas item *arterias*, venarum comites, & homonymas: totidemque ^r *nervos*, à ſpinali medulla, Cervicis vertebris incluſa, inter quartam, & quintam vertebram prodeuntes: duas etiam *membranas*, quibus integitur; ſuperiorem, quæ thoracis cavitatem reſpicit, à pleura; inferiorem, quæ ventriculum & jecur ſpectat, à peritonæo originem ducentem. Duo quoque ſunt *foramina*, quæ habet: ^s alterum, à dextris, in circuli nervei medio, pro Venæ cavæ ex convexa hepatis parte ad cor, aſcenſu: ^t alterum, à ſiniſtris, poſterius nonnihil, ut œſophago, & duobus nervis ad ventriculum deſcendentibus, tranſitum præbeat. ^u Inter utramque productionem, diviſio quoque eſt ſemicirculo ſimilis, per quam Arteriæ magnæ truncus, & Vena ſine pari, ſive *ἀζυγόν* tum nervi ſexti paris deſcendunt. Hoc, dum contrahitur verſus principium, fibræ omnes colliguntur in ſe, & Thoracis inferiores partes, quibus inferuntur, ſic propellunt, ac cavitatem ipſius ampliorem reddunt: at dum laxatur, ſurſum abit (quo pacto in mortuis cadaveribus ſemper reperitur, quod exſpirando moriamur) & ita una trahit intro inferiores thoracis partes, cavitæſque minor ſit, ac conſtringitur.

^a INTER-

Diaphrag-
matis.
Nomen.

Situs.

Magnitudo.

Figura.

Diaphragma
in omnibus
duplex.

Circuli
Vena.
Arteria.

Nervi.

Membrana.

Foramina.

INTER-
COSTA-
LES mu-
sculi.

Externi.

Interni.

Cur nonnulli
tot Interco-
stales posue-
rint.

Extendentes
Thoracem.
Numerus.

Sacrolumbum
par thoracem
non dilatat.

Primum par.

^a INTERCOSTALES Musculi quadraginta quatuor numerantur; in quovis scilicet latere viginti duo; ex quibus undecim externi, totidemque interni sunt. Nam cum ^b duodecim costarum interstitia undecim sint, in singulis musculi locantur. Sunt autem omnes hi musculi lati admodum, sed pro costarum à se distantia minime longi, toti carnei, obliquis fibris donati, unde cum contrarias habeant fibras, fit, ut se decussatim interfecerint. Externi ergo, à superiorum costarum inferna regione orti, in inferiorum proxime costarum elatiorem sedem inferuntur. Initium autem habent primum à transversis vertebrarum processibus, quibus costas suo capitulo adnecti diximus: mox carnosus, obliquas fibras validas deorsum & antrosum spargunt, sicque progrediuntur per totum costarum ductum, donec perveniant ad cartilagineas, ubi costæ ossæ esse desinunt, ibi enim & ipsæ terminantur. Interni musculi contra, ab inferiorum costarum superna regione orti, in superiorum proxime costarum inferiorem sedem implantantur. Hi non à processibus vertebrarum, ut externi, sed potius ab ea parte, qua costæ paululum inflectuntur, originem trahunt, mox carnosus obliquas fibras sursum & antrosum porrigunt, ac totum costarum intervallum implent, non tantum qua parte ossæ sunt, ut dicti: sed etiam, qua cartilagineæ, eodem semper servato fibrarum ductu, donec tandem in ipsum os pectoris, sive sternum desinant. Caterum, cum externi musculi circa cartilagineum initia desinebant, ita ut spatia intercartilaginea vacua relinquuntur, hinc factum est, ut Natura, quæ à vacuo ubivis abhorret, illa inania intervalla internis musculis expleret, proptereaque ad exteriorem illius spatii superficiem elevaret. At enim evenit postea, ut, quia fibræ partis, quæ inter cartilagineas est, diversæ; imo contrariæ videantur illis, quæ inter ossa collocatæ sunt: nonnulli, etiam ex iis, qui familiam ducunt inter Anatomicos, Intercostales musculos sexaginta octo enumerarint, alios dicentes musculos esse Intercostales, alios Interosseos; & utrosque iterum, vel externos, vel internos. Cum ergo undecim costarum intervalla sint, verarum quidem sex, & quinque spuriarum: in verarum singulis quatuor collocant, duos interosseos, & duos intercartilagineos: in quolibet autem spuriarum spatio, duos tantum. Externi ergo musculi contracti ad suum principium, sursum, & extrorsum costas ducunt, unde thorax dilatatur, & sic cavitas major fit: Interni vero, sursum, & introrsum, unde constringitur, & cavitas fit minor.

EXTENDITVR deinde Thorax; cui motui quatuor musculorum paria Anatomici destinant: quorum *primum*, Dorsi longissimum: *alterum*, Semispinatum: *tertium*, Quadratum: *quartum* denique, Sacrum appellitant: ex his priora tantum duo amplectimur, posteriora vero lumbis adscribimus. Nam & in lumborum vertebrae inferuntur, & lumbos movent, ut postea dicemus, quantumvis de hoc lumborum motu ante me Anatomicorum nullus mentionem fecerit. Adjicio autem illis duobus Dorsi tertium par, quod *Sacrolumbum* vocatur, sed vulgo constituitur unum ex illis, quæ thoracem dilatant. Nec enim profecto vel mente animoque concipere valeo, quomodo ille ad thoracis dilatationem quidquam faciat: ut taceam (quod certe unice meæ opinionis veritatem evincit) uno principio, quemadmodum audiemus, continuo cum dorsi longissimo enasci; unde profecto necessario sequitur, in usu quoque in eundem finem conspirare. Non enim musculis, diversis actionibus & partibus dicatis, ut manifestum est, unum continuumque caput habere convenit. *Primum* ergo ^c *Thoracem extendentium*, *Dorsi longissimum* dicitur, non tantum quod inter dorsi musculos, sed universos totius corporis longissimum est, cum ab extremo ossis sacri enatum, ad primam usque thoracis vertebra, quandoque ad processus etiam mammillares ossium temporum porrigatur.

^d Hoc ex spinis omnibus ossis sacri, & vertebrarum lumborum, itemque interna ossis ilium sede, qua sacro nequitur, principio extrinsecus nervoso admodum & valido, sed acuto; intus vero carnosus, egreditur: postea ascendens, vertebrarum lumborum transversis processibus innixum, carnosius redditur, ^e ac *singulis transversis vertebrarum thoracis processibus*, sensim angustius redditum, ab undecima ad primam usque, unum tendinem nervosum, veluti *ansulam* largitur, & sic tandem ^f in primam thoracis vertebra definit: nonnunquam, ut diximus, usque ad processus mammillares temporum, quibus implantetur, ascendit. Huic pari ^g *Sacrolumbum* totum externo latere adjacet, ^h *lumborum* cuius principium cum principio hujus unum idemque est, & ab extremo ossis sacri usque

a. 4. 1. 5.

b. 2. 7. 6.

c. 4. H.
H. & L.
& 4. G.
H. 1. 4.
5. 1. 1. E.

d. 4. 1. 3.

e. 4. 1. 5.

f. 4. 1. 4.

g. L. 1.

usque ad duodecimam thoracis vertebram, adeoque toto per lumbos progressu continuo. ^a *Secundum par thoracem extendentium, Semispinatum*, totum vertebris incumbit, ^{Secundum.} inter spinosos, sive posteriores, & transversos processus. Hoc ^b à duodecima thoracis vertebræ spina principio acuto erumpens, mox carneum redditur, ^c *singulis thoracis spinis* nervosos tendines, quo pacto prius par processibus transversis, veluti ansulas nerveas elargitur, donec tandem ^d in spina primæ thoracis vertebræ, acuto fine desinat. ^e *Ter-* ^{Tertium.} *tium, Sacrolumbum*, ut diximus, commune & idem principium habet ab osse tum sacro, tum ilium, ut & vertebris lumborum cum Dorfi longissimo, cujus quoque externo lateri toti totum adjacet: sed ubi ad duodecimam thoracis vertebram deventum est, duo muscoli esse videntur, etsi profecto difficillime à se sectione separentur, similiterque sensim tenuius redditum, *singulis costis thoracis* ^f duos tendines, sive nerveas ansulas, similes prædictorum, ea parte, qua incurvantur & nonnihil inflectuntur costæ, inserit. Cæterum notandum est, ex his tendinibus nonnullos foris esse sitos, quosdam in facie interna. Qui foris sunt, & cutem respiciunt, majores sunt quasi duplo, & longiores robustioresque: ex adverso, qui interiorē sedem occupant, tenuiores. Cuivis ergo costæ duos largitur tendines, unum foris jacentem, alterum intus: qui ^g foris situs est, inferiori costæ parti; qui ^h intus, superiori inseritur. *Horum ergo mus-* ^{Resutatur ij} *sculorum munus est*, Thoracem, & totam dorfi spinam extendere. Et quanquam à me, ^{Anatomici,} ne recedam ab Anatomicorum consuetudo diffecandi numero, tria paria recenseantur: ^{circa nume-} *revera tamen unum tantum par est*, quemadmodum tum videre licet ex principio continuo, quid vero dico continuo? imo vero uno eodemque, dorfi scilicet longissi- ^{rum musculo-} *mi & sacrolumbi*: tum quia difficillime admodum ipsa sectione separari possunt. Quod ^{rum dorfi.} si verum est illud quoque Anatomicorum axioma, quod supra fundamenti loco proposuimus, singulos musculos proprias habere membranas, quibus toti involvuntur: hi autem muscoli singulis tecti undique non sunt, ut cuivis videre licebit in sectione, merito unus certe constituendus videtur. Crediderim autem Anatomicos ideo separasse, quod viderint ansulas diversis partibus inseri. Nam *Longissimus* transversis processibus: *Spinatus*, spinis: *Sacrolumbus* vero, flexuræ costarum duos largitur. Sed enim Natura, ut ubivis solertissima est, sic hoc summa fabrefecit providentia, & hoc pacto commodo motui commodissime prospexit. Ut enim extenderetur thorax, musculum alicubi inseri necesse erat: at inseri uno fine continuo non poterat, quia carneus imbecillior, tendineus autem neutiquam bene costis inter se disparatis implantatus fuisset: plures ergo fecit tendines, ut singulis costis singuli essent; & quia illi tendines non poterant commode totam partem occupare, plures fecit, quorum alios circa spinas, alios transversos processus, alios costarum flexuras inseruit, iis scilicet locis, ubi ^{Cur ejusmodi} *vel articuli sunt, vel robur ad motum habent.* Sic videmus & ^{ansula facile.} *i* Sacrum lumborum musculum, triplici ansularum genere donatum esse, per omnia similem his tribus, nec tamen triplicem ab ullo musculum, sed unicum duntaxat poni. Cæterum quidquid de ^{Vfus.} hac re statuatur, tendines duorum, spinati inquam dorfique longissimi, recta dum contrahuntur extendunt: at sacrolumbi, si alteruter agat, oblique: sin totum par, priorum duorum actionem adjuvat.

His musculis adnumeramus duos illos, quos *serratos posticos* appellant, non quidem, ^{Serrati postici.} quod in dictorum actione obeunda concurrant: sed quia actionem eorum conservent, & expeditiorem reddant. Nec enim extendunt thoracem, ut illi, sed prohibent tantum, ne in violenta validaque dorfi, atque capitis musculorum, quos similiter continent, contractione exsiliant. Ex quo patet, eos munere fungi prorsus eodem, quo ligamenta annularia, quæ circa carpum ac digitos cernuntur. Prohibent enim tendines musculorum digitos flectentium, ne dum contrahuntur, ex suis sedibus labantur. Sic primus humerum circumagentium musculus, ut in historia ipsius dicetur, & potissimum supra capite sexto libri tertii jam dictum est, ligamento secundo humeri in suo loco retinetur. Nam quod aliqui hos thoracem dilatare credant, nullo unquam tempore, quo pacto fieri id queat, animo colligere potui. Sunt enim ita imbecilles, cum nihil fere carnei obtineant, sed toti quanti ex membrana consent, ut nulla ratione tam validæ actioni, qualis hæc profecto est, præesse possint. Taceo, quod ipsis costis non ^{Resutatur u-} *inferantur, sed tantum musculis; at certe ut ineptum fuisset, tam valido motui tam* ^{fus, quæ ad-} *imbecilles* ^{scribunt Ana-} ^{tomici.} ^{1.} ^{2.}

3. imbecilles musculos, utpote membranofos destinare: ita ineptius profecto etiam, in
 Superior. carnes & musculos inferere, ut Thorax moveretur. Et quomodo, fodes, dilatabitur ca-
 vitas thoracis, trahentibus his musculis costas ad spinas, & quidem superiores, cum po-
 tius in dilatatione Thoracis inferiores ipsius partes extendantur, superiores constri-
 ngantur, ut demonstratum est, sed nec dubitari à quoquam potest? Cæterum duo sunt,
 quorum alter Serratus posticus superior, alter inferior dicitur. *Serrati* quidem vocan-
 tur, ob serratum finem, hoc est, serræ in modum denticulatum: at *Postici* ad differen-
 tiam aliorum, qui in anteriore corporis sede locati sunt, ut duo illi ultimi scapulam mo-
 ventes; quartus inquam, & quintus. Vocantur deinde *superiores*, aut *inferiores*, ratione
 loci, quem inter se in dorso occupant. ^a *Superior* ergo supra ^b musculorum capitis pri-
 mum par, sive Triangulare situm est, minor ^c inferiore. Oritur ^d à spinis vertebra-
 rum trium inferiorum colli, & primæ thoracis, membranofus ac tenuis; obliquo deinde
 progressu descendens, carneas fibras assumit, ac ^e quatuor superiorum costarum
 Inferior. tribus intervallis tripartito fine ac serrato inseritur. ^f *Inferior*, similiter membranofus,
^g ex spinis vertebrarum duarum, quandoque trium inferiorum dorfi enatus, transver-
 sim ^h supra dorsum extendentes defertur, & fibris carneis adauctus, ⁱ ad costarum in-
 feriorum quatuor intervalla inseritur.

Flectentes
Thoracem.

FLECTITVR Thorax, cum versus terram antorsum incurvamur. Huic motui nul-
 lum assignarunt Anatomici musculum. Ego vero ^k *Rectos* ipsi *abdominis*, si quidem flexio
 recta fiat: sin ad latera, ^l *Ascendentes obliquos* tribuo. De his capite proprio dicetur, cum
 de Abdominis musculis sermonem auspicabimur, quos male sic Veteres vocabant,
 cum abdominis tantum usui destinatos crederent, nec scirent quo pacto Thoracis
 motibus inservirent. Quamvis autem huc proprie illi referendi sint, quod hæc actio
 illa longe sit nobilior, quia tamen (dummodo error agnoscat) haud multum in-
 terest, quemcunque in locum rejiciantur, & ea quæ à majoribus nostris sunt tradita,
 aut longo usu communia facta, si quo modo tolerari possint, non temere deferenda
 sint, sub nomine musculorum abdominis, quod à secundario usu acceperunt, de iis
 postea agemus.

Circumagē-
tes thora-
cem.

Supereft tandem *circularis motus*, quo ad latera Thorax ducitur. Hunc in nobismet ipsis
 sedentibus, aut stantibus, dum inferiores partes quiescunt, nos autem ad latera supe-
 riores, puta thoracem & ipsi incumbens caput trahimus, levi negotio licebit advertere.
 Absolvitur autem à ^m *Transversis abdominis musculis*, de quibus & mox acturi sumus, cum in
 ipsorum actione multa egregia Naturæ secreta, nec ab aliis usque adeo bene adversa,
 abstrusa lateant.

C A P V T I X.

De musculo Subclavio.

Subclavius
musculus.



Subclavius ⁿ *musculus* vocatur ille, qui sub Clavicula situs est, & spatium
 illud, quod inter ipsam & primam thoracis costam interjacet, totum
 occupat. Habet hic ^o principium carnosum à primæ costæ elatiore
 parte, ea sede, ubi sternum jungitur, deinde ^p obliquissimo, ac quasi
 transverso ductu ascendens, ^q in claviculæ partem humiliorem, qua
 costam respicit, prope acromium, carneo fine, eoque lato implanta-

Vfus ex alio-
rum opinione
refutatur.

1.

2.

3.

Vfus ex opi-
nione autho-
ris proponitur
et confirmatur.

tur. Huic munus assignant Anatomici, in coacta respiratione primam costam sursum & ex-
 trorsum trahere, ut thoracis cavitas nonnihil amplior fiat, quo nomine & principium
 ejus in clavicula, finem vero in prima costa reponunt. At vero cum Galeni authorita-
 te, in dilatatione inferiores potius partes, quam superiores extendantur, imo superio-
 res constriquantur, non video quamobrem sic dilatari debeant superiora. Accedit,
 quod obscurum adhuc sit, quem usum præstare valeat ejusmodi unius saltem costæ di-
 latatio: ut taceam, quam male ponatur principium ad claviculam, cum nervus circa
 costam inferatur, consentibus unanimi omnibus consensu, exortum cujusque musculi
 ad nervi implantationem esse. Quamobrem alium nos assignabimus usum, nempe de-
 trahendi Claviculam, cum sursum una cum scapula mota est. Revocandum enim hic
 in memoriam erit, quod supra secundo libro propositum est, Claviculas scapularum
 gratia,

gratia, quas sustineant, conditas esse. Cum ergo scapulæ sursum elevantur (ut quilibet vel in seipso explorare potest) simul clavicula tollitur, quæ ut postea in locum redeat, musculo detrahente subclavio indiguit. Nec enim benignissima Parens, utcunque suo pondere in locum redire posse videri poterat, quod omne grave deorsum sua natura feratur, musculo destitutam esse voluit, cum nonnunquam, ut decumbentes, eo beneficio careremus. Quare motus voluntarii instrumentum ipsi impertiit, non secus ac humero quoque detrahentem musculum concessit, quem Rotundum appellabimus. Accedit, hoc ipso non tam claviculæ, quam scapulæ ipsi prospectum fuisse, cum ea alioquin, nisi claviculæ beneficio propter hunc musculum una detraheretur, detrahente musculo (at quanto malo) & loci situsque sui injuria caruisset. Caterum hunc verum esse usum haud multa industria edoceri possumus, solis clavicularum fracturis vel leviter consideratis. Ecce enim si frangantur hæ juxta sternum, humerus subito cum scapula decedit: & illa pars, quæ sterno proxima est, ascendit, sursumque erigitur, uti testatur Chirurgorum maximus Hippocrates, lib. de fracturis: sin contra juxta acromium rumpantur, neutram partem ascendere conspicias? Hujus sane rei causam investigans doctissimus Hippocrates dicto loco, ingeniosam quidem rationem adducit, non tamen, si recte rem expendas, cum difficultates patiatur plurimas, veram: vera autem hæc est, quam ex Anatomicis fontibus deducimus. Cum musculus inseratur illi parti, quæ juxta acromium est, dum bifariam frangitur Clavicula, statim contrahitur musculus Subclavius, (ut solent muscoli, fractura facta, subito in se coire) sicque humerum, ac humero appensam scapulam una secum detrahit; altera autem pars, ut quæ vi muscoli detinebatur in loco, ab ipso sic libera facta recta ascendit: quod si rumpatur juxta acromium, non ascendit, quia musculus detinet adhuc Claviculam. Quæ sane res manifeste etiam nobis, ut cætera taceam, ostendit, principium in costa, finem autem in clavicula ponendum esse, contra ac cæteri Anatomici hætenus omnes ad unum fecerunt.

C A P V T X.

De infimi Ventris, & primum, de musculis Abdominis appellatis.

VIDIMVS supremi mediique Ventris musculos: restat nunc ut INFIMI quoque inspiciamus. Hi vel totum infimum Ventrem movent, vel aliquas tantum ejus partes. *Totum movent*, qui Lumbos flectunt, aut extendunt: at *partes*, qui vel externas movent, & quidem anteriorem duntaxat, quam proprie Abdomen vocant: vel internas, ut testes, vesicam, anum, & penem. De his ordine nunc agemus, initium capientes ab iis musculis, qui abdominis motui dicati sunt, quod in sectione prius occurrant. Musculi ergo Abdominis vocantur, antiqua appellatione, quod abdominis, hoc est, anterioris in imo ventre partis motui inserviant, qui usus primis hujus nominis impositoribus solus erat cognitus, cum potius Thoracem flectentes, vel circumagentes rectius dicerentur, inventa appellatione ab usu primario, ut supra cap. VI II diximus. Horum a Galeno quatuor recensentur paria, quæ utrumque abdominis latus integrum, & obvelant & comprimunt: nostro tamen seculo studio industriaque diligentissimi Gabrielis Fallopii quintum par accessit, quod ab ipso quoque nomen accepit, ut Fallopiatum dicatur. Hoc, non nego, cum totum abdomen non comprimat, sed levem tantum ipsius partem, haud ita bene cum cæteris abdominis par dicetur: ne tamen in vocabulis nimium curiosi videamur, cum aliis hoc nomine dignabimur. Majoris momenti illa quæstio est, quam multi agitarunt, sitne distinctum à cæteris par, an iisdem tantum veluti particula connexum: at revera peculiare propriumque esse, ab inventore sic probatum est, & probabitur paulo postea à nobis, ut jam dubitationi nullus sit amplius locus, nisi potius sensibus nostris, & rationi ipsi; quam authoritati Veterum aliquid derogare velimus. Sed ut, nos hodie multa adhuc latere, modestiæ cujusdam est ingenuæ confiteri: sic plurima Veteres olim latuisse, prudentiæ.

INFIMI
VENTRIS
musculi.
Motus infimi ventris.

Numerus
musculorum

Sunt ergo quinque in universum musculorum abdominis paria, ex quibus duo obliqua dicuntur, ut *primum*, & *secundum*; unum *rectum*, ut tertium; & *transversum*, ut quartum; tandemque *Fallopianum*, sive ut à figura vocant, *Pyramidale*. Ex his duo priora primum locum occupant, statimque sublatis quatuor communibus corporis integumentis occurrunt, & quia illius fibræ descendunt, hujus ascendunt, illud, oblique descendens; hoc, ascendens dicitur: inde Rectum se profert, cui infima sede pyramidale incumbit, utrique autem transversum subjacet. Vocantur autem hi muscoli Obliqui, Recti, aut Transversi, à fibrarum ductu simili, non quidem considerato ratione ipsius corporis muscoli, cum superius probatum sit, hujus respectu fibras musculorum perpetuo recta ferri, rectasque in omnibus esse: sed ratione situs muscoli in illo corpore.

Obliqui descendentes.

^a OBLIQVI ergo DESCENDENTES, *originem primum carnosam ducunt* ex parte inferna costæ ^b sextæ, septimæ, octavæ, & nonæ ^c principiis pluribus serratis, sive ad similitudinem dentium serræ pectinatim stipatis, quibus cum ^d quinto scapulæ musculo similiter serrato, (unde & serratus major dicitur,) necuntur: interdum etiam ^e nervosa exilitate pectorali junguntur. Nascuntur autem ex costis, antequam in cartilagine desinant, ut fundamentum habeant robustius, nec, si flexibile sit, facile cedat. *Oriuntur deinde* ^f membranoso etiam principio, à tenui membranæ in modum ligamento, è transversis vertebrarum lumborum processibus, ^g dimidiaque ossis ilium appendice, sive spina, enato. Hinc progressi ^h latum nervosumque tendinem, ac quasi membraneum efformant, quo una ad anteriora feruntur, & *partim* in medio ipsius abdominis, ad ⁱ lineam candidam *membranosi*, *partim carnosi* ^k in ossis ilium summitate, *partim nervosi* ^l in pubis ossium superiorum regionem inseruntur. Incipit autem tendo ipse membranoso, circa ^m lineam semilunarem à me vocatam (cum semilunæ respondeat) quæ fit à concursu tendinum musculorum, cum obliquorum, tum transversorum ibi incipientium.

Linea Semilunaris.

Linea candida.

At ⁿ Candidam lineam Anatomici illam appellant partem, quæ à mucronata cartilagine, per medium abdominis & umbilicum ad os usque pubis excurrit. Est autem membrana tendinea, ex concursu finium tendinum ipsorum enata (unde & candicat) quæ supra umbilicum latior, infra angustior est. Tendo tandem hic, ubi ad musculos rectos pervenit, validissime cum subjecti oblique ascendentes tendine, usque ad lineam candidam jungitur, ac sic miscetur, ut separari à se invicem citra dilacerationem haud possint.

Oblique ascendentes.

^o OBLIQVI ASCENDENTES sub prioribus immediate siti sunt, proptereaque obliqui interni ab Anatomicis recentioribus vocantur. Hi ^p carnosum initium ab ^q ossis ilium appendice, & membranoso à membrana lumborum prædicta, tum ossis sacri spinis desumunt, mox carnosam originem ascendentes, ^r fibris suis contraria serie atque descendentes musculi, quas crucis in modum dissecant, positæ, ^s inferioribus duabus costis, undecimæ inquam, & duodecimæ annectuntur, paulatimque ^t in latum tendinem, eumque nerveum ac membranoso, ut Descendentes circa lineam semilunarem transmutati, decimæ, nonæ, atque octavæ costis, qua parte cartilagineæ fiunt, implantantur. Cum primum autem semilunarem lineam superarunt, & jam rectos attigere musculos, ^u bifariam (visu pulchrum & admirabile) tendo ipse scinditur, sicque in duos quasi abit, ex quibus ^x superior, cum portione obliqui descendentes validissime, ut diximus, conjungitur, quousque in lineam candidam uterque terminetur: ^y inferior autem, sub musculis rectis progreditur, quos ubi superavit, superiori adnectitur, sicque simul in lineam dictam desinunt, & veluti vagina quadam rectos musculos includunt. Cæterum superior ille tendo impense robustis nexibus, tribus illis rectorum musculorum intersectionibus, de quibus postea loquemur, sic valide alligatur, ut non nisi magna quadam difficultate divelli ab iisdem possit.

Recti.

Duo extrema rectorum.

^z RECTI MUSCULI, carnosi sunt, & robusti: figuram fasciarum latam & oblongam exprimentes. Longitudine enim totum abdomen adæquant, at latitudine quatuor transversos digitos, crassitie minimum. Hi sub ^a obliquorum tendinibus in medio laterum abdominis locati, *duo habent extrema*, ex quibus ^b alterum, & *infernum nervosum est*, ab anteriore elatioreque ossis pubis parte exortum, quod sub pyramidalibus dimidia sui parte latitat: ^c alterum & *superius carneum*, ad ossis pectoris latera, ab ultimarum costarum verarum cartilaginibus enatum. ^d Reliqua pars, quæ inter hæc media, tota

carnea

carnea est, præterquam quod interfectionibus quibusdam nervosis distincta. Vocantur autem ^a *Interfectiones* ab Anatomicis, nerveæ quædam fibræ horum musculorum, oppido quam densæ, & carnibus mutuo intertextæ, internodia quædam referentes. Græci *περιεσφάς*, & *circumscriptiones* vocant, quia musculus distinguere videntur, & partes ipsius circumscribere. Harum ut plurimum semper tres observantur, ex quibus una sub umbilico est, *duæ* vero supra: nonnunquam etiam tres supra consistunt, & tum tertia directe umbilico opponitur. Interdum etiam quatuor, si abdomen sit longiusculum; sed rarum id est, multoque adhuc rarius, omnes deesse. Illud autem silentio ne utiquam prætereundum est, musculos rectos circa pubis ossa conjunctos, paulatim versus umbilicum, & superiores umbilico partes disjungi, usque eo, ut circa sternum digiti fere latitudine, & quod excurrit paulo, separati videantur. Multo autem memorabilior, magisque digna spectatu est illa in ^b facie interiore vasorum insertio, ex quibus alia descendunt, alia ascendunt. ^c *Descendunt* à superiore parte, Venæ & Arteriæ Mammariæ; ^d *ascendunt* contra ab inferioribus sursum Epigastriæ, tandemque per ^e anastomoses circa regionem umbilico adjacentem invicem junguntur. Hæc Vasa consensum illum insignem inter uterum ac mammæ inferre, tradunt Anatomici; sed cum in maribus similiter cernantur, pro nutritione quoque & vita condita esse, credibile est. Anastomosis etiam illa in maribus raro, aut nunquam observatur, quod necessaria non fuerit: at in gravidis atque puerperis, in quibus hæc vasa, ut uteri quoque, impendio tument, maxime sensui objicitur. Nervos etiam habent, qui tum in utrumque extremum, tum in singulas interfectiones tam frequentes inseruntur, ut nonnulli ex ipsis nervis interfectiones contextas esse sibi persuaferint. In superius extremum inseruntur, orti ab extremis thoracis vertebris ab intercostalibus prodeuntes, qui peritonæum perforant: in inferius (alii id non observant) à primo lumborum pari exporriguntur.

Rectis ^f TRANSVERSI substernuntur, qui infimi sunt inter musculos abdominis. Hi initium primo sumunt ^g *nervæum membranofumque*, à ligamento prædicto ex transversis vertebrarum lumborum processibus enato, deinde aliud ^h *carnofum*, ab interioribus costarum notharum finibus, quibus sat longo ductu, in interna thoracis parte junguntur, mox carnosus redditus, ⁱ latum tendinem circa semilunarem lineam, ut obliqui, ejusdem etiam cum illis substantiæ efformant, & sic versus ^k lineam candidam properant, cui tandem, ut priores inseruntur. Tendo hic cum tendine obliqui ascendentis superius valide jungitur; sed multo adhuc validius inferne cum peritonæo, cui incumbit, cum ita contumaciter sibi id nectat, ut in homine integre ac citra dilacerationem à se mutuo separari vix possint. Hic tamen tendo juxta pubem peritonæum deserit, ut sic nudum sese offerat visui. *Cæterum in his musculis*, quemadmodum & in obliquis, diligenter observandum est, tendines binis in locis perforatos esse, ^l uno scilicet juxta umbilicum; altero vero, in ^m *descendentibus* quidem, juxta ossis ilium spinam inferiorem; at in reliquis, prope os pubis. Et circa umbilicum quidem, uno foramine, ut vasa umbilicalia prodeant; at circa ilium & pubis ossa duobus, utrinque uno; per quæ in maribus ad testes & scrotum vasa seminaria præparantia ex abdomine egrediuntur, rursusque à testibus ex scroto deferentia per eadem abdomen ingrediuntur, ut postea in parastatas desinant: at in fœminis, ligamenta rotunda ab utero ad summam pudendi partem transeunt. Quod si foramina hæc laxentur, quæcunque causa sit, sive extrinsecus adveniens, sive interne nata, herniæ oriuntur, quæ vel umbilici esse dicuntur, vel inferiorum foraminum. Et tunc vel omentum, vel intestina excidunt, & vel in inguina tantum, aut etiam in scrotum, unde variæ species herniarum oriuntur. Fœminis tamen hernia non nisi ad inguina fieri potest, cum scroto careant.

Cæterum, his quatuor paribus Galeno cognitis, ut diximus, Gabriel Fallopius præclare de anatomico studio meritis, ⁿ quintum par adjunxit, quod ipse PYRAMIDALE vocavit, & *succenturiatum*. Pyramidale quidem, à figura: *succenturiatum* autem, ab usu; quia cæteris abdominis musculis in compressione vesicæ, dum urinam reddimus, subsidio venire creditur. Hoc nonnulli inter musculos referendum pernegant, sed portionem tantum esse carneam, & rectis musculis adnatam contendunt. Sed revera musculus distinctus, tum quia à musculorum rectorum extremo inferiori, propria membrana separantur: tum quia proprias habent fibras, à fibris rectorum distinctas. Modice enim hæc obli-

Non reperitur
in omnibus.

hæ obliquæ sunt, cum illæ recta prorsus secundum abdominis longitudinem excurrant. Quod si quis neget musculos separatos vocandos esse, propterea quod in omnibus hominibus non reperiantur, id quod & Fallopius ante me, & ego quoque sæpissime notavi, cum in quibusdam ambo, in nonnullis alteruter desit: huic respondeo, eundem doctissimum Fallopium hoc quoque observasse, nemini defuisse, nisi illis, in quibus musculorum oblique ascendentium principium non incepit primum à spina, sive appendice ossis ilium, sed inferius à ligamento illo valido, quod ab eadem spina, usque ad pubis os excurrit. Tum enim ascendentium principium horum munere fungitur, sicque ipsi merito deesse possunt. *Oriuntur* autem principio carnosio, nec admodum lato, ab ^a ex- ^{a, c} terno pubis osse, & inferius ^b rectorum extrema conscendunt, hinc obliquis fibris car- ^{b, a} nosi vecti, in tendinem abeunt nerveum, ac teretem, quo in lineam albam definunt. Interdum minor est tendo, & qui ^c ad dimidium tantum longitudinis spatii, quod infra ^{c, H.} umbilicum est, alligatur: quandoque longior, & qui usque ad ^d umbilicum pertingit. ^{d, G.}

visio.

Actio com-
munis.
Primaria.

Secundaria.

Nunc ut *usum* quoque horum musculorum intueamur, sciendum, sive agant ipsi, sive quiescant, usum eos præstare multiplicem. *Dum enim quiescunt*, primo quidem propugnaculi cujusdam munere funguntur, sicque viscera & partes in infimo ventre contentas, ab externis injuriis defendunt: *deinde* & tegumenti locum subeunt, quod calorem viscerum foveant, sicque concoctioni ipsius alimenti plurimum utilitatis afferunt. *Dum agunt*, *vel una omnes* in idem officium conspirant, *vel singuli* peculiarem usum præstant; ut ita duplex actio prodeat, communis inquam, & propria: ac communis iterum, vel primaria, vel secundaria. *Primariam* vocamus æquabilem illam abdominis compressionem, in qua muscoli omnes eodem tempore ad sua principia singulari quadam concordia trahuntur: *secundariam* contra, quæ hanc immediate sequitur; qualis in fœmineo quidem sexu fœtus est exclusio, in utroque autem fœcum, & urinæ. De hac Galenus expresse scripsit lib. de muscul. dissect. cum portionem horum musculorum infernam, præcipue illorum, qui vesicæ ipsi incumbunt, mictioni apprime conducere ait: illam facili negotio demonstrare licuerit, cum abdomine omni ex parte æqualiter compresso, quicquid in intestinis continetur, aut sursum, aut deorsum necessario tendere cogatur. At superius cum egredi nequeat, pressis similiter à Diaphragmate (dum spiritus cohibetur) intestinis: nec in lateribus consistere possit, iisdem similiter ab obliquis & transversis musculis cohibitis, necessario profecto per inferiora & anum egredi cogetur. Eodem modo in partu uterus à musculis undique urgetur, unde onus suum quam primum deponere omnibus modis conatur. Cæterum hæc compressio, & alium usum largitur, qui non minus scitu dignissimus est. Cum enim erigentibus nobis subito corpus, aut celeriter currentibus, intestina visceraque, nisi impedirentur, ad infima imi ventris necessario corruerent, quod alligata ita non sint, quin delabi (nisi sustentaculo impediuntur) queant; Abdominis muscoli, utpote ad contractionem promptissimi, omni ex parte, tum à lateribus, tum etiam anteriore sede protinus subveniunt, & in loco naturali, unanimi ac æquabili compressione detinent. Ex quo humanæ vitæ duo maxime salutaria emergunt commoda: tum ne viscera locum mutent, & confundantur: tum ne peritonæum tam valido lapsu rumpatur, & herniæ obtingant.

Actio pro-
pria.

Obliquorum
descendentium
actio propria

Circa *propriam* cujusque horum musculorum actionem & usum, maximas difficultates invenio: sed nec mirari satis queo, quomodo tot præclarissima ingenia, quæ hætenus tot seculis floruerunt, & in hoc ipso negotio tanta industria insudarunt, tam alieni tamen, sive à veritate, sive ab aliqua solidiore cognitione fuerint. Quamobrem quæ adhuc usque nostra industria assequi potuimus, tanto majore nunc fide ac diligentia, quanto obscuriora aliis fuere, proponemus. Cæterum ipse proprius usus, ut ipsi muscoli, quintuplex est: ex quibus, ut ab his exordiamur, **OBLIQVI DESCENDENTES**, qui, ut vulgo creditur, Thoracis constrictioni inserviunt, quandoquidem superius jam demonstratum est, erronèam fuisse Realdi Columbi, & Andreæ Laurentii de ortu horum musculorum ab inferioribus partibus sententiam: veram contra Galeni, qui initium circa superiores locavit. Si ergo à thorace hi muscoli originem suam capiunt, finem autem in linea candida, ac ilium, tum pubis ossium summitate ponunt; quotiescunque contrahentur, plures præstabunt usus. *Primo* enim, propter insertionem in lineam candidam, mediam abdominis regionem oblique sursum trahunt; ex quo fit, ut latera utrinque compri-

comprimantur, & tum faeces ex lateribus pellantur, nec in validis respirationibus, vel saltibus, vel in forti spiritus cohibitione, ubi thorax admodum dilatatur, intestina, & viscera in lateribus posita deorsum cadant, unde & plurima, & maxima pericula nascerentur. Absque his enim musculis foret, in dictis modo casibus, ut viscera aut maxime confunderentur, aut peritonæum rumperetur: quæ mala impediuntur, dum statim se contrahunt, visceraque inclusa, quasi manibus, excipiunt. Sic videmus, sive venter turgeat cibo, sive inanis in se coeat, musculos hos semper æqualiter abdomini insterni, atque sic in suo situ omnia retineri. Accedit ad hunc usum alius, isque propter implantationem in ilium pubisque ossium summitatem, cum innominatum os oblique attollant; quemadmodum Recti musculi contra, recta thoraci admovent. Caterum quia hujusmodi motus ab omnibus Anatomicis negatus est, paulo post, ubi de Rectorum usu loquemur, revera hunc dari, multisque nominibus concedendum esse, demonstrabimus.

De OBLIQUE ASCENDENTIBVS Columbus sic statuit, non tantum intestina his comprimi, qui communis est omnium abdominis musculorum usus: sed & costas quoque thoracis detrahi, atque hoc pacto ad ejusdem dilatationem conferre. Hujus opinionis, ut de se ipso fatetur, occasio inde ipsi primum nata est, quod costis inferioribus finem horum musculorum implantari adverterit. At ego potius nequaquam eo nomine thoraci inservire posse crediderim, quod unanimis sit Anatomicorum omnium consensus, dilatationem thoracis, non nisi inferioribus costis extrorsum motis fieri; quod si jam detrahant comprimantque ipsas, profecto musculis dilatationi inservientibus contrarium potius, quam socium motum præstabunt. Quamobrem & de alio ego usu cogitavi, & cum thoraci juxta ac lineæ candidæ inferi videam, hinc duplicem quoque usum distinctum emergere mihi persuadeo. Quatenus enim *thoraci implantantur*, oblique eundem flectere videntur, quemadmodum Recti (ut dicitur modo) recta: at quatenus *lineæ albæ inferuntur*, oblique abdominis mediam regionem detrahere, simulque latera comprimere. Ex his manifestum fit, eosdem cum oblique descendentes usus ab ascendentes, quantumvis à contrariis motibus, proficisci. Vult enim sagax in omnibus Natura eidem muneri contrarias præficere fibras, ut validior esset compressio, cum & communiter id observemus, positis decussatim manibus, impendio majore robore, quam æqualiter sibi incumbentibus, quamcunque rem à nobismetipsis premi. Præter hos usus, & alius est, ille videlicet, quo Rectis musculis auxilio veniunt, quæ res tum in extensione Thoracis, tum flexione ejusdem maxime erat utilis, & necessaria. In *extensione* quidem versus posteriora, cum prohibeant, ne Recti musculi nimium extensi, ruptionis periculum incurrant: in *flexione* vero ad anteriora (qui motus longe validissimus est, & insigne robur ac conatum requirit) ut minore labore difficultateve contrahant. Quo nomine si quis sit, qui obliquos hos musculos, ob maxime necessarias, & robustissimas Rectorum musculorum actiones, conditos à Natura professus fuerit, non utique à veritate, meo quidem iudicio, longe aberraverit. Sed & quam bene id statuere liceat, fufius à nobis postmodum demonstrabitur, ubi prius usum Rectorum plenius explicuerimus. Interim ut, quidquid hoc muneris fuit, commodius exsequerentur, sapientissimus rerum Opifex gemino tendine utrumque sic involvit, ut quasi in vagina quadam coercitus & conclusus videatur. De quo sane si breviter hoc loco quid dicere & perspicue voluerimus, non rectius licebit, quam si ligamenti annularibus, quæ circa carpum in manu, tarsumve in extremo pede occurrunt, tendinem hunc contenderimus. Vt enim illa tendines musculorum, qui flexioni extensionive digitorum dicati sunt, in sua sede valide inter contrahendum detinent: eadem ratione hi quoque tendines, ne forte Recti in corporis, sive Thoracis flexione exorbitent, quam optime præpediunt. Atque hæc quidem de usu Obliquorum nunc breviter dixisse sufficiat.

In RECTORVM musculorum usu proprio indicando, tanto diligentius laborandum nobis est, quanto verius est illud, quod modo diximus, obliquos abdominis musculos propter hos ipsos (etsi non primario) conditos esse. Quoad Galenum tamen videtur is horum musculorum usum statuisse, compressionem tantum anterioris partis abdominis. Libro enim v de usu part. cap. xiv, rectos musculos, ἀπὸ τῆς στήθων ἀρχῆς τῆς ἰσχῆρος

Oblique ascendentes
actio, & usus
proprius.

Rectorum musculorum
actio, & usus
proprius.

ἡ ἑξὺς ὅσων ἐκπετρύχης, hoc est, à pectore usque ad pubis ossa extensos ait: & paulo post; *Secundum*, inquit, *abdominis longitudinem extensi*, prope utramque cartilaginis ensiformis partem, πὼ ἀνωθεν ἐκφυσιν ἔχουσι, καὶ ὅτι τὰ τὴ ἑξὺς ὅσων κατὰ φέρονται, hoc est, *superiorem enascentiam habent*, & ad pubis ossa feruntur. Ex quibus verbis concluditur, horum musculorum principium ex Galeni mente, à cartilagine ensiformi prodire; finem autem in ossibus pubis constitui. Quin & quod hic obscurius dictum est, expressius alibi scripsit. Et de principio quidem, v de Vsu part. cap. xv, testatus est, quo loci à mucronata cartilagine capita rectorum pendere tradit: & lib. v de Anat. administ. cap. vii, partem musculi recti, quæ ad cartilaginis ensiformis latera adnectitur, πὼ ἀνωθεν ἀρχὴν, hoc est, *superius principium* appellat: paulo autem post, κεφαλὴν sive caput vocat. De fine autem eorundem, ibidem capite vi loquens, in ossa pubis, carnis interventu, implantari ait. Quod si ergo secundum Galenum, in pubis ossibus finis, at in pectore principium est, dum sese contrahent versus principium, anteriora abdominis comprimunt, immotis etiam ossibus pubis. Quæ contractio eisdem sane usus circa anteriorem imi ventris regionem obtinet, quos antea obliquos; circa laterales ejusdem sedes, præstare diximus. Dum enim Venter turgit cibo, aut in validis respirationibus viscera descendunt, vel fæces excernendæ sunt, *retinet* ibi, ne viscera rumpant ventrem, aut *excipit* hic, ne inter se confundantur, vel *comprimit*, ut fæces facile expellantur. Cæterum contra Galeni sententiam Recentiores quasi ad unum omnes insurgunt, inter quos & doctissimus est Andreas Vesalius, & Gabriel Fallopius, qui Rectos musculos à pubis osse enasci, & ad sternum deinde ferri, ad cujus latera costis inserantur, contendunt. In quam opinionem delapsi sunt, quod pubis & ilium ossa immobilia esse crediderunt. Cum ergo musculi, non nisi in mobilem partem inserantur, quod voluntarii motus sint organum, non nisi in thoracem inferi, & à pubis osse enasci possunt. Posito autem fine circa thoracem, in alium lapsi sunt errorem, credentes horum musculorum id esse munus, ut respirationi infervirent, thorace deorsum tracto, quo superius dilatetur. Ego vero, ut ab his maxime dissentio, ita Galeni sententiam tanquam veram lubenter amplector: aliam tamen adhuc actionem, & multo quam illa quæ à Galeno inventa est, nobiliorem addo. Vt enim de obliquis dixi, eos non tantum propugnaculi esse loco, nec solum tegumenti, *dum quiescunt*: ita non tantum, *dum agunt*, abdomen comprimere; sed & thoracem oblique flectere: sic idem de Rectis quoque nunc inquam, eos præter cætera hæc enumerata officia, pectus etiam ad pubis ossa, & pubis ossa e contra ad pectus trahere, sicque Thoracem flectere. Mirabile sane auditu est, ex contractione eorundem musculorum, duos diversos motus cieri; at si quis tantum velit animum advertere, re ipsa se, ut dico, hæc habere, facillimo negotio cognoverit. In lecto enim decumbens, manum abdomini admoveat, qua parte recti sunt musculi, percipiet manifeste, dum inter surgendum thoracem erigit, contractionem horum musculorum fieri, & ab his pectus ad ossa pubis flecti. Contra, si supinus in lecto decumbens, & capite declivi, pedibus vero extra lectum terræ insistentibus, inferiores partes ad supernas velit contrahere, sicque in lectum se volvere, eosdem rectos musculos contrahi animadvertet, pubisque ossa cum utroque innominato versus pectus flecti. Et quamvis hoc ipsum satis esse possit, ut dubitandi de motu illorum ossium nullus amplius relinquatur locus: ne quis tamen anceps hæere ulla ratione valeat, duobus adhuc aliis motibus probare idem conabor. Primo enim si quis utroque crure terræ, pedibus conjunctis, insistat, alterum deinde totum crus perpendiculariter elevet, observabit à terra transversæ manus intervallo crus tolli, id quod neutiquam posset contingere, nisi innominatis ossibus motis, aut fœmoris osse ex acetabulo suo exsiliante. At enim, ut hic ratione & animo hunc motum assequimur, ita tactu quoque facile percipiemus, si manum lateri ipsorum ossium imponamus. Quin imo adhuc manifestius patebit idem, si quis leviter ad latus scabelli alterutro clune insidens, alterius cruris digitis valide innitatur terræ, & clunem, quo non insidet, elevet, tunc enim hæc innominata ossa moveri sursum tam patebit, quam patet vere digitos motu præditos esse, dum manum in pugnum contrahimus, imo innominata ossa ad ipsas usque costas spurias attolli comperiet. Concludamus ergo, ossa ilium & pubis moveri; sed ossa ilium per se, propter articulationem cum osse sacro; ossa autem pubis per accidens, quatenus ilium ossibus per σπυρῶνδρωσιν junguntur, unde illis motis & ipsa

Recti thoracem flectunt.

Ossa innominata moveri probatur.

Conclusio.

ipsa cientur. *Motus* autem utriusque *vel obliquus* est, *vel rectus* : & *obliquus* quidem ab Obliquis descendentibus oritur : *rectus* autem, à Rectis. Atque hæc quidem nostra est de rectis musculis opinio ; in quam sane non temere, neque fortuito incidimus, sed primum his experiētiis, & deinde ratione ducti, quam maxime quidem necessariam esse nobis persuaferamus. Cum enim omnes corporis musculos intuiti, dorsum & thoracem extendi videremus, necessario alios quoque qui eundem flecterent, dari collegimus. Vt enim præclare Galenus lib. de mot. muscul. docet, nulla omnino est particula, quæ uno duntaxat musculo moveatur : sed si quidem desuper aliquis enascatur, omnino alius inferna parte contra adnascetur ; & si ex dextris aliquis, omnino alius ex sinistris. Vnaquæque enim particularum, quæ à musculis moventur, veluti à quibusdam habenis in contrarium distracta, vicissim habet alterum ipsum intensum, alterum laxatum. Cum ergo Thorax antorsum flectatur, musculo à quo flectatur indigebit, nec vero præter rectos alius ullus erit, qui id officii præstet. Quin imo id clarissime vel inde licet colligere, quod musculis his per transversum sectis, flexio thoracis protinus tollatur. At enim cum ex hac opinione maximum incommodum sequi videatur, & quod in Anatomicis merito inter absurdissima reponi possit, antequam hinc discedamus, ipsi satisfaciendum est. Si enim pectus ad ossa pubis, & hæc ad pectus moveantur, idque beneficio rectorum musculorum, sequetur inde, rectos musculos duo habere principia, duosque fines ; principium, inquam, unum, & unum finem in pectore, alterum vero in ossibus pubis. Dum ergo trahentur pubis ossa thoracem versus, principium horum musculorum in thorace erit, finis ad pubis ossa : contra, dum Thorax versus pubem, principium ad pubem, finis juxta pectus. At omnium Anatomicorum consensu principium cum fine in uno musculo, eodem loco esse nequit. Sed enim ego principium unum, & unum finem pono. Dum enim contrahuntur, unum os quiescit, alterum movetur ; sic pectore quiescente, moventur pubis ossa ; his quiescentibus, cietur pectus. Itaque ratione unius temporis, quo agunt, unum principium est, unusque finis ; at respectu diversi, quo vel partes superiores deorsum, vel inferiores sursum trahuntur, duo principia, & duo fines erunt. Quod si quis neutiquam sibi satisfactum esse hac responsione putaverit, sed instet adhuc, nihilominus duo principia, duosque fines futuros esse, ego id neutiquam absurdum esse dixero, sed potius anatomicis demonstrationibus facili negotio confirmari posse. Si enim verum est, quod apud Galenum passim legimus, nervum in musculis inseri vel in principio, vel circa principium usque ad medium, nullibi ultra medium : profecto concludendum erit vel ex hoc ipso, duo esse horum musculorum principia, unum superius, alterum inferius, cum utriusque extremo nervi, ut in historia ostendimus, inserantur, nec vero nervi solum sic, sed & Venæ, & Arteriæ implantantur. Et cum vasa hæc non minus tantum in principium, & circa medium musculorum inserantur, nunquam in finem, utraque hic per utrumque extremum dispergi videmus, & per superius quidem, vasa mammaria descendunt ; per inferius, epigastrica ascendunt. Sed videamus nunc quanto artificio Natura hos musculos ad edendos modo dictos motus conformavit. Primum *binos* fecit, ut cæteros abdominis musculos, quod, uti optime Galenus prodidit, corpus nostrum sit geminum, dextrum & sinistrum : deinde ut fortior sit motus. Fibræ autem rectæ per corporis longitudinem excurrunt, si quidem rectæ corporis flexioni sint destinatæ. Sunt etiam *toti quasi carnei*, nullo manifesto tendine, nisi parvo admodum & exiguo ad pubis ossa apparente, ut magis contrahi in se possint, & incurvari, cum carnea portio in musculo, non tendo unitus contrahatur, propterea ut facilius, & citra dilacerationem, in validis dorso extensionibus cederent. Tendines enim uniti distendi se ultra modum, cum rigidi fere semper maneant & tensi, non facile patiuntur. Cæterum Natura hos musculos, non uti in simiis & canibus, *ad jugulum usque traduxit*, sed circa cartilaginem mucronatam terminari voluit, quod homini corpus, ut hisce animalibus, sic incurvandum non fuit, cum ipsa dum quiescunt, ita corpus inflectant, ut nasum ipsi quasi flexuræ genu imponant.

Sed enim cum hi muscoli, dum moventur, facile exsilire è loco suo possent, tum in validis quoque dorso extensionibus lacerari, Natura hic quoque sedulo prospexit, & utrumque veluti vaginæ, ita tendini gemino oblique ascendenti musculi inseruit ;

P

tendineas

Quales sint
motus ossium
innotinatio-
rum.

Responderet
absurdum quæ
ex Authoris
sententia se-
qui videntur.

Artificium
Naturæ in fa-
brica muscu-
lorum recto-
rum.

Transversorū
musculorum
actio & usus
proprius.

tendineas quoque intersectiones largita est, quibus plurimum robur his musculis accessit.

DE TRANSVERSIS musculis nemo dubitavit, quin versus interiora abdomen trahant. Quæ sane actio in ventris contractione maxime erat necessaria, sed imprimis in flexione thoracis, quam à musculis rectis peragi diximus. Nec enim Recti dum agunt, versus interiora flectentur, nisi tendo transversorum, qui lineæ candidæ alligatus est, validissime cum inferiore parte tendinis oblique ascendentis, qui rectos involvit & coërcet, conjunctus foret, quemadmodum superior ejusdem pars, cum tendine obliqui descendentis, unde fit, ut muscoli recti versus interiora trahantur. Sed præter hunc usum, actionem quoque insignem habent, quod thoracem, vel potius truncum ad latera circulariter movent, quemadmodum supra capite nono indicavimus.

Pyramidalium
musculorum
actio & usus
proprius.
Ex sententia.

1.
Fallopium.

2.
Aquapendens.

3.
Aulhoris.

Actio tandem propria musculorum PYRAMIDALIVM, Fallopio teste, est, ut quoties obliqui ascendentes circa pubem operam suam non locant, ipsi oblique partem illam deprimant. Observatur enim interdum abesse, vel uterque, aut alteruter, quod evenire solet, eodem Fallopio teste, in iis, quibus musculorum oblique ascendentium principium, non à spina, seu appendice ossis ilium, sed inferius, à ligamento illo valido, quod ab eadem spina usque ad pubis ossa percurrit, incipere solet. Tunc enim, inquit idem, oblique ascendentes muscoli, ea quæ sub pube sunt, oblique deorsum trahunt. Contra Excellentissimus Aquapendens, quod tendinem usque ad umbilicum porrigi videret, umbilicum deorsum movere credidit. Trahendo autem umbilicum, vesicam leviter ad meliorem urinæ excretionem comprimi. At Ego, præter hæc totam lineam candidam, à mucronata cartilagine, versus pubis ossa leviter deorsum trahere existimo, ut muscoli obliqui tam ascendentes, quam descendentes, firmitus ad se traherent, ac rectis musculis in magna corporis extensione auxiliarentur.

C A P V T X I.

De musculis Lumborum.

LUMBORUM
musculi.
Lumborum
motus.



UMBRI tribus cientur motibus, quos duo musculorum paria perficiunt. Flectuntur enim ante, extenduntur retro, & ad latera moventur, dextrorsum, aut sinistrorsum. Flectuntur Quadratis vulgo dictis: sed extenduntur Sacro. Ex his, si totum par agat, rectus motus sequitur: sin alteruter, obliquus; ad illud scilicet latus, in quo musculus situs est. Quod si flectentium alteruter cum alterutro extendentium una agat, ad latus movent, eo prorsus modo, quo supra quoque Cervicem moveri diximus: recta quidem, si paribus concurrant in opere viribus; at antorsum magis, vel retrorsum, prout flectens, aut extendens magis contrahitur.

Flectens lumbos.

^a FLECTENS ergo par, sive Lumborum quadratum, à figura sic dictum, in abdominis interna regione situm est, & ^b ab ossis ilium ^c posteriore superioreque cavitate; tum ossis sacri superiore, latum, crassum, ac carnosum enascitur, supra lumborum vertebrae ascendens, & processibus earum transversis adhærens, sicque sensim angustius redditum; tandem ^d duodecimæ costæ inferna parte carnosum ^e implantatur.

Extendentes lumbos.

^f EXTENDENS par, sive Sacrum, sic ab exortu vocatum, quod ab ^g ossis sacri externa parte, ubi ipsi spina cum ilium osse connectitur, ^h enascatur, mox ascendens carnosius redditur, & ⁱ triplici tendinum genere, veluti ansulis, donatur: quorum primum elatius, in singulos transversorum vertebrarum lumborum processus inseritur: alterum inferius, in eorundem processuum radices: tertium, in spinas singularum vertebrarum. Hinc sensim latius redditur, posteaque angustius, & in ^k duodecimæ thoracis vertebræ spinam, acuto fine terminatur. Hujus fibræ oblique versus interiora ascendunt. ^l totus autem musculus sub principio longissimi dorsi, quem supra descripsimus, occultatur.

a, 4. 1. N. pan
anterior
monstrat
4. 5. R. 3
4. 6. P. 0
steriore
b, 4. 6. N.
c, c. c.
d, 12.
e, d. d.
f, 4. 5. N.
N. in e
conspic.
G. 4. 6.
L. M. n.
nihil d.
zus 1, 7.
G. G.
g, 4. 6. N.
h, 4. 6. N.
i, 2. 2.
k, M.
l, 4. 5. N.
sculo 12.
extra m.
levato 12.
canus.

CAPUT XII.

De musculis Testium, Vesicae, Ani, & Penis.



ESTES cum natura penduli essent, vasa spermatica, quibus alligantur, pondere suo nonnunquam nimium distraxissent, nisi provida in omnibus Natura musculos largita foret, qui à Græcis *νεμωστές*, hoc est, *Suspensorii* vocati, quod eorum beneficio suspendantur. Sunt ergo ^a duo muscoli, ut duo testes, utrinque unus, oblongi, graciles, ex fibris rubicundis, carnosus, ac rectis conflati, qui à ligamento illo valido, quod à spina ossis ilium ad ossa usque pubis excurrit, originem suam ea in parte ducunt, ubi transversus abdominis musculus desinere consueverunt: hinc per ^b foramina tendinum (quæ à nobis in historia illorum musculorum exposita sunt) una cum vasis spermaticis, quibus valide adnectuntur, transeunt, donec tandem ^c in testem desinant.

Testium mus-
culi.

Numerus.

^d **VESICA** duos habet musculos; *unum*, qui urinam retinet; *alterum*, qui pellit.

VESICA
musculi.

Quam fœda enim foret humana vita, si urinæ stillicidio continuo corpus contaminaretur? at quam infelix contra, nisi in nostra foret potestate, & cum volumus, urinam reddere, aut eandem retinere? Quare Natura musculum quidem dedit *alium*, cujus beneficio clausum teneri vesicæ os posset, & cum opus, aperiri: *alium*, quo mediante pro nostro arbitrio, urina detrudi. Vocatur ille ab officio *σφιγκτηρ*, *Vesicæ constrictor*: hic, nomine caret, cum nec ab aliis in musculorum ordinem relatus sit, sed pro prima vesicæ propria membrana habitus. Primus autem Excellentissimus Hieronymus ab Aquapendente Præceptor noster hunc usum tribuit, cujus auctoritatem nos sequentes, *Urinæ detrusorem* appellabimus. ^e *Constrictor* ergo in ^f collo vesicæ situs est, à cujus substantia distingui, ut ani spincter, haud potest, cum, si rem recte æstimare volueris, ipsius cervicis substantia sit carnosior, transversis orbicularibus fibris intertexta. Hic dum in media figura situs est, usque adeo exacte Vesicam occludit, ut ne guttula quidem urinæ inde effluere valeat; contra ubi laxatur, urinam emittit. Hunc usum facile addiscimus, dum eos intuemur, quibus paralyti laborat: aut ab imperitis Lithotomis in calculi extractione, transversis fibris incisis, læsus est. His enim præter voluntatem perpetuo stillicidio urina effluit. ^g *Detrusor urinæ* alter est, inter communem, & secundam propriam vesicæ membranam situs, cum revera prima propria ipsius membrana sit, sed nonnihil ^h fibris carnosus conspersa, quæ sese egregie, facta aliqua sanguinis affluxione, in conspectum proferunt. Hic dum contrahitur, cum fibræ per vesicæ corpus recta excurrant, vesicam veluti manus comprimit, unde quidquid in ipsa est, expellitur. Hinc videmus non tantum urinam effluere cum volumus, sed & concitato quodam impetu detrudi, & in altum fundi. Quo in munere tamen & *Pyramidales* abdominis muscoli, & in quibus hi desunt, *Transversi* succurrunt, quod quivis vel in seipso experiri potest. Et hinc est, quod senes urinæ aliqua difficultate laborent, quia animale facultatem debilitatam habent vitæ diuturnitate: itemque ii, qui herniam habent, quod laxato peritonæo, & tensione illa maxime necessaria dempta, utcumque pyramidalium musculorum vis robusta sit, vesica haud ita bene comprimatur.

Vesica constrictor.

Detrusor urinæ.

ⁱ **ANVS**, sive *podex*, qui ^k recti intestini finis est, tres sortitus est musculos; quorum *primus* ipsum constringit (unde *σφιγκτηρ* etiam dictus) ne præter voluntatem nobis alvi feces erumpant, ubi vel abdomen validius comprimitur, aut spiritus diutius retinetur: *duo posteriores* eundem post excretionem sursum in suum locum retrahunt, præsertim post insignes conatus, in quibus è suo loco prodire ut plurimum consuevit. Vtriusque usum & nobilitatem optime agnoscimus, cum paralytin forte patiuntur: tunc enim læso illo, excrementa præter voluntatem erumpunt: *his vero* affectis, dependet turpiter podex, & digitorum fœda opera, ut in locum restituatur, eget. Illum ergo ab usu, Ani constrictorem: hos, Levatores imposterum vocabimus. ^l *Constrictor* autem musculus, orbicularis est, & latus, ab inferioris ossis sacri vertebra enatus, intestino recto, magno spatio, transversis fibris circumannectitur. hic, cum superiore sui sede, qua in abdomine est, multo quam inferiore, ubi cuti proxima, crassior sit, imo cuti ita adnascatur, ut (quemadmodum illi in palpebris labiisque) separari ab ipsa vix queat, Galenum com-

ANI mus-
culi.

Constrictor.

Levatores.

movit, ut duos constitueret constrictores musculos, & partem quidem inferiorem cuti connexam, *Cuticulosum*; alterum vero superiorem, *Transversum* vocaret: quem nostro tempore nonnulli & ex Recentioribus secuti sunt. ^a *Levatores* duo exigui sunt, lati, membranosi, ac tenues, sub vesica siti. Hi à ligamentis ossium pubis, coxendicis, & sacri, à parte interna enati, ad podicis utrumque latus descendunt, ac elatiori constrictioris regioni inseruntur.

a, 8. 14.
R. 8.
K. K.PENIS
musculi.

Collaterales.

Inferiores.

PENIS quatuor habet musculos, intra fœmora, non procul à scroto sitos; ex quibus duo *Collaterales* sunt, qui breviores ac crassiores: duo vero *inferiores*, qui longiores, tenuioresque. ^b *Collaterales*, sive *penem erigentes*, ut ab usu nomen indamus, à coxendicis appendice, infra principium corporum penis, nervosi prodeunt, mox carnosii redditi, oblique ascendunt, & in ^c penis corpora prope exortum ^d implantantur. Hi penem in congressu venereo retinent, ne versùs Austrum, vel Aquilonem (ut joco dicitur) se vertat: sed recta semper in ipsa pugna persistat. ^e *Inferiores*, sive *Vrethram trahentes*, ab ^f ani constrictore carnosii ^g exorti, & ^h internis suis lateribus uniti, recta sub ⁱ pene ad anteriora properantes, tandem ad ^k medii canalis latera inseruntur. Inferiorem ^l canalis, sive urethræ partem trahunt, ut aperiatur, cum alias tumentibus penis nervosis corporibus à spiritu affluxu, constringerentur.

b, 8. 15.
G. 8.
T. T.c, D. D.
d, e.e, 8. 16.
F. 8.
S. S.

f, l.

g, a.
h, b. b.i, D. D.
k, c.
l, E.

C A P V T X I I I.

De musculis Scapulæ.

SCAPULÆ
musculi.Scapulæ mo-
tus.

X P E D I V I M V S adhuc usque omnes, qui ad tres Ventres pertinebant, musculos: nunc breviter eos quoque aggrediemur describendos, qui ad ARTVS, & primum quidem ad MANVM spectare videntur. Hi à me in musculos scapulæ, ossis humeri, cubiti, radii, carpi, & digitorum dividuntur. Agemus autem in præsentia de Scapularum musculis, quæ quadruplici cientur motu, *antorsum*, *retrosum*, *sursum*, & *deorsum*. Non tamen singulis motibus singuli destinantur muscoli, quemadmodum in enarratis quamplurimis, ut nec ideo nostro more appellationes ab usu deductæ imponendæ sint, sed à figura potius appellationes commodæ donandæ.

Primum par.

^m *Primum* ergo *Cucularis* dicitur, quod cum conjuge suo cucullos monachorum non inepte exprimat. Hic primo ⁿ transversim ab inferiore parte ossis occipitii versùs aurem, ubi ^o sinum ejus gratia exsculptum diximus, principio carnosio oritur, deinde ^p recta secundum corporis longitudinem ex processibus posterioribus vertebrarum colli, & octo superiorum thoracis, principio membranoso & lato, junctus suo conjugi alterius lateris. ^q Hinc versùs scapulam ad externum corporis latus procedens, semper angustior redditur, donec tandem in totam scapulæ ^r spinam, & ^s summum humerum, ^t basinque fere mediam, & claviculæ partem, quæ lata est, nervoso simul & carnosio ^u fine inferatur. A Galeno *Trapezius* dicitur, quo nomine Geometræ figuram quadrilateram inæqualibus lineis circumscriptam appellant. Habet enim *quatuor latera*, quorum ^x *primum* in osse occipitii transversum est, carnosum, & primum principium à nobis constitutum est. ^y *Alterum*, per spinam vertebrarum cervicis, & octo superiorum thoracis descendit, membranoso, quod secundum initium posuimus, & quo cum suo compari jungitur. ^z *Tertium*, ab externa primi lateris sede incipit, & ad summum humerum oblique descendit. ^a *Quartum*, à cervice scapulæ, quæ ad claviculam est, ad octavam usque thoracis vertebram procedit, circa quam secundum latus desinebat. Cæterum cum latissimum habeat principium, & angustum satis tendinem ac finem, ipsius fibræ vario quoque ductu feruntur, ex quibus quædam rectæ sunt, quædam obliquæ. ^b *Rectæ*, quæ medium quasi ipsius occupant: ^c *obliquæ* autem, tum quæ versùs humerum ab occipite ad scapulam *descendunt*, tum quæ à vertebra inferioribus thoracis *ascendunt*. Cum ergo versùs dorsum scapulæ retrosum moveat, patet omnibus se contrahentibus, recta quidem moveri: at oblique sursum, aut deorsum, si vel illæ, vel hæ cicantur magis.

m, 4. 14.

A. A. 6.

16. A. A.

B. 4.

B. B.

n, a. b.

o, 2. 6. 5.

D.

p, 4. 14. t.

q, a. c. d.

d. c.

r, L.

s, M.

t, N.

u, c.

x, a. b.

y, b. d.

z, a. c.

a, c. d.

b, 2.

c, 2. 6. 5.

Secundum.

^d *Secundus*, *scapulam attollens*, & *levator* dictus, à me vero per jocum *patientia musculus*, quod ægre ferentes, quæ nobis forte adversa accidere, scapulam hujus ope, cum humero,

d, 4. 14. 6.

+ 4. 17. A.

humero, patientiæ amarum ingeminantes nomen, elevemus. Hic à vertebrarum cervicis, primæ, tertiæ, quartæ, & quintæ transversis processibus, ^a quatuor quasi separatim initiis exoritur: secundæ autem processibus non alligatur, tametsi & ab his quandoque proficiscatur. Cæterum hæc mutuo coeuntia postmodum descendunt, totique superiori rhomboidis lateri junguntur, validum carnosumque constituentia musculus, donec ^b elatiori tandem scapulæ angulo, ^c lato ac carneo tendine inserantur. Scapulam versus anteriora & colli latera: sed cum humerus scapulæ jungatur, per accidens hunc quoque attollit.

^d *Tertius, Rhomboides*, à rhombo, quem exprimit, vocatus est. Dicitur Rhombus ^{Tertium.} apud Mathematicos figura quadrilatera, lineis quidem, at non angulis, æqualibus constans. Hic sub ^e cucullari immediate situs est, & ^f à posterioribus processibus, sive spinis trium inferiorum colli, triumque superiorum thoracis, carnosus exoritur, obliquis postea fibris tenuis ad scapulæ ^g basin descendit, cui toti carneus tam lato fine, quam principio ortus est, inseritur. Scapulam ergo sursum nonnihil ad posteriora trahit, dorsoque applicat.

^h *Quartus, ferratus est minor*, qui totus sub ⁱ pectorali musculo in anteriore thoracis ^{Quartum.} sede latitat, sic appellatus à ^k principio ferræ in modum variis fibris carnosis acuminatis constipato. Minor autem ad differentiam majoris, cujus historiam sub finem hujus capitis trademus, quod ab eo magnitudine superetur. Hic à ^l secunda, tertia, quarta, & quinta (interdum & à sexta) quatuor puta costis superioribus, dummodo primam demseris, antequam in cartilagine abeant, ^m principio lato, sed in quatuor quasi ferrarum dentes, singulis costis adnexos, diviso oritur, mox oblique versus scapulam descendens, simulque sensim angustior redditus, in ⁿ latum tendinem, partim carneum, partim nerveum abit, quo juxta processum anchoriformem scapulæ implantatur. Hujus fibræ ob latum principium invicem diductæ sunt: si tamen omnes simul agant, recta pectori scapulam admovent: sin superiores duntaxat, sursum magis: at si inferiores, deorsum ducunt.

^o His quatuor paribus, quæ communiter ab Anatomicis sic recensentur, ^o *quintum par* ^{Quintum.} cum doctissimo Sylvio adjungimus, quod vulgo secundum Thoracis par cum Vesalio faciunt, & *ferratum majorem* appellant. Nam & insertio nervorum circa ferratas compages, me in thorace, non scapula, principium habere docuit; & quivis vel in seipso experiri potest, ab hoc musculo scapulam moveri, si deorsum illam vehementer versus pectus duxerit, & thoraci manum imposuerit circa latera, simul etiam scapulæ circa basin. Nec vero intelligere ulla quivi unquam ratione, qua musculus hic thoraci movendo sit, si in mobili scapula principium musculi constituatur, cum tam validæ actioni destinatus sit. Non ergo à scapula, sed à thorace originem nanciscitur, & quidem à ^p costis octo superioribus, nonnunquam etiam nona, antequam in ^q cartilagine desinunt, ^r ferratis & acutis principiis, quibus cum principiis similiter ferratis ^s oblique descendens abdominis musculi nequitur. Hinc carnosus juxta costas ad latera thoracis ascendens, in ^t scapulæ basin interiorē totam amplo carneoque fine implantatur. Hic dum ad suum principium contrahitur, scapulam ad anteriora quidem, ut ferratus minor, sed versus inferiora ducit.

CAPUT XIV.

De musculis ossis humeri.



HUMERI OS quinque cietur motibus. Ducitur *antorsum*, movetur *retrosum*, elevatur *sursum*, trahitur *deorsum*, denique *in gyrum circumvertitur*. Musculi, qui hos motus absolvent, septem sunt numero, quibus ab usu nomen largiemur.

HUMERI
ossis musculi.
Septem
musculorum.

^u *Adducens humerum* primus est, *Pectoralis* vulgo à situ vocatus, cum ^{Primum.} thoracis anteriorem partem occupet. Hic principium habet latissimum à diversis partibus enatum, etsi unicum sit & continuum. Nam *in superiore* sui parte à ^x clavicula media, qua parte teres est, & pectori proxima, oritur: *in media*, ^y à tota longitudine sterni, & ipsi annexis cartilaginibus: *in infima*, à sextæ, septimæ, & octavæ costæ

costæ cartilaginibus. *Prima pars* carnosæ, *secunda* & *tertia* membranosa & nervosa est: unde & Galenus in tres dividi posse non male statuit. Carnosus autem, statim crassius redditur, sensimque angustior versus humerum, & externam corporis partem prope-
rans, donec tandem ad latus thoracis in ^a tendinem brevem, sed latum, nerveum, ac
robustum desinat, qui ossi humeri secundum longitudinem, non multo sub ipsius capi-
te inter ^b deltoidem attollentem, & ^c cubiti primum flectentem, sive Bicipitem, infle-
ritur. Principium autem, ut triplex quasi est, ita fibræ quoque triplices sunt. Quæ
enim ^d à primo principio oriuntur, descendunt: quæ ^e à secundo, recta feruntur, at quæ
^f à tertio, ascendunt. Vt ergo cum omnes contrahuntur, recta humerum adducunt pe-
ctori: ita, cum primi principii solius, paulo versus superiora: cum tertii, ad inferiora
pectoris admovent.

Secundus.

^g Elevator, vel Attollens humerum, secundus est, *Δελτοειδής*, Deltiformis, à figura, quæ
Δ Græcorum majusculum refert dictus, cum sit triangularis, & fere æquilaterus. Non-
nullis à situ etiam *ἐπωμὴς*, quod capiti humeri, ad scapulæ articulum, quem *ὤμων* vocant,
infernatur. Hic similiter ut pectoralis, cujus modo historiam retulimus, principium
habet latissimum, quod triplex esse videtur, pro triplici parte ex qua enascitur, etsi con-
tinuum revera sit, & unicum duntaxat. Anterior enim ex media clavicula, qua parte
lata est, & humero vicina nascitur: in medio, à summo humero, qua claviculæ jungi-
tur: posterior vero, ex tota scapulæ spina, non quidem sic, ut tota ossium amplitudo
ipsius principii tribuatur, sed prominentior tantum sedes, & ita veluti ex crassiore li-
nea educantur. Sunt autem hæc principia omnia nervea, ita tamen, ut statim carnea
crassaque reddantur, totusque musculus carnosus descendens, paulatim angustetur,
donec in validum tendinem, carnosum foris, intus nerveum desinat, qui transversim
in humeri medio sub ipsius cervice implantatur. Cum ergo triangularis sit, primum
ejus latus erit, quod à media clavicula, per summum humerum, ad scapulæ spinam
ac basin producit: secundum quod à clavicula, ab interna parte, qua cum externo
pectoralis dicti latere jungitur, ad humeri eam sedem, cui implantatur, deorsum tra-
hitur: tertium, quod à basi scapulæ, ubi spina incipit, ad eam usque partem humeri,
cui inferitur, perducitur. Ex his lateribus primum maximum est, duo reliqua mino-
ra, & inter se æqualia. Vt autem principia diversum situm habent, ita quoque fibræ
diversæ sunt. Primi principii, oblique ad posteriora: secundi, recta deorsum: tertii,
oblique ad anteriora, feruntur. His omnibus simul agentibus, recta humerus attolli-
tur: at primo principio solo contracto, versus priorem corporis partem & faciem; ter-
tio autem, versus posteriora.

Tertius.

^h Abducens, tertius est, qui & Latissimus, à magnitudine, cum totum fere dorsum
cum suo conjugate tegat, à sædo usu, quem interdum præstat, scalpendo vel tergendo
nates, *ανίσκαλπτορ*, vel *ανιτερσος* dicitur: absque eo enim foret, id officii haud exhiberetur.
Oritur hic principio ⁱ membranoso, latissimo, à posterioribus processibus vertebrarum
thoracis, qui à sexta ejusdem vertebra ad ossi sacri medium pertinent: tum vero & à
superiore ossis ilium parte: mox superiora petens, ubi ad eam sedem dorsi pervenit,
qua costæ incurvantur, membraneus esse desinit, carnosusque redditur, ac ^k scapulæ
angulum inferiorem supervehitur; ubi angustatus, valido brevique ^l tendine, at lato,
infra humeri caput superius, inter pectoralem dictum, & rotundum detrahentem, in-
feritur. Hujus tendo, cum tendine pectoralis, cavitatem quæ in ala est, constituit: cum
ille internum, hic externum ipsius latus conficiat. Cæterum, quia latissimum habet
principium, alias quidem fibras sublimiores, alias humiliores nactus est; ex quo fit, ut
omnibus licet retro trahatur humerus, illis tamen solis agentibus, magis versus superio-
ra, his contra ad inferiora deprimatur.

Quartus.

^m Deprimens humerum, quartus est, qui Rotundus quoque dicitur, & à parte postero-
re situm habet, oblique sub ala. Carnosus est, crassusque, ac si cum aliis humeri muscu-
lis conferatur teres: unde teres potius, quam rotundus ab iis vocaretur, qui latinæ lin-
guæ proprietatem sanctius observandam censent. Rotundum enim dicitur, quod sphæ-
ricum est; at teres quod longum, nec angulosum, ut hic musculus. Quicquid sit,
ⁿ oritur hic musculus carnosus initio, ex ^o inferiore angulo scapulæ, sicque carnosus in-
feriori ipsius costæ adhærens progreditur, ad cujus medium ubi pervenit, eam deserit,
& modice

& modice sursum delatus, tendine nerveo brevi, sed lato validoque, humero infigitur eadem ipsa regione, qua primus humeri musculus adducens pectoralis inferebatur, cum ipsi contrarium motum perficiat. Vtunque autem brachium suo pondere deorsum moveatur, indiguit tamen hoc musculo, tum ut nostro pro arbitrio motum hunc obiremus, tum ut versus inferiora duceretur tunc etiam, quoties à suo pondere auxilium non habet, ut quando in lecto, aut stragulis recumbimus. Est autem multo minor deltoide, suo contrario; quod major vis requiratur ad elevandum aliquod pondus, quam ad deprimendum. Hinc videre licebit, omnes depressiores, attollentibus sibi contrariis minores esse. Sic validissimus est maxillam inferiorem attollens, Temporalis: longe infirmior deprimens, Biventer.

^a *Circumagentium humerum* tres sunt, ex quibus ^a *primus*, *superescapularis superior*, carnosus ^{Quintus} & oblongus, interscapulum superius totum occupat. Oritur enim à scapulæ basi, quæ supra spinam est, & antorsum recta procedit; at ubi ad superiorem cervicis scapulæ partem pervenit, sub secundo humeri (ab aliis vocato) ligamento, hujus gratia (ut ^b supra demonstravimus) exstructo delatus, tendine lato, & valido articulum supervectus, ad articuli ligamentum oblique cervici inseritur. ^c *Circumagentium secundus*, ^{Sextus} & *superescapularis inferior*, infernum interscapulum integit. Hic à scapulæ basi, quæ infra spinam est, carnosus principio enatus, antorsum fertur, & angustior factus, tendine lato brevique humeri ligamento quarto, quod ejus causa conditum est, inseritur. ^d *Circumagentium tertius*, *subscapularis*, in cavitate scapulæ situs est, quam totam occupat. Oritur ex basi tota interiore parte carnosus, talisque permanens, anteriora petit: sed in progressu sensim ad cervicem scapulæ angustatus, tendinem tandem acquirit latiusculum, quo in humeri ligamentum alterum implantatur. *Musculi hi postremi* humerum, & per consequens totum brachium circumagunt, unde & nomen habent: sed subscapularis ad interiora; superescapularis inferior, ad exteriora, quemadmodum & superior, sed hic simul modice elevat. Horum usus commodissime demonstrari potest, si brachium totum in media figura ponatur, & postea, neque humero à pectore abducto, neque mutata figura media humeri cum cubito, cubitus ad exteriora ducatur, rursusque ad interiora.

C A P V T X V.

De musculis ossis Cubiti.



OSSIS CUBITI duobus agitur motibus. Flectitur enim, & extenditur recta. Vterque motus duos habet musculos, ut in universum quatuor sint, qui ad cubitum pertinent: *illi*, in anteriore; *hi*, posteriore humeri sede siti sunt.

^e *FLECTENTIVM* ergo *primus*, nobilis apud Italos, quibus *Piscetto* dicitur, sive *Pisciculus*: vel, quia piscis figuram refert: vel, quia piscis instar sub cute velociter agitur. Authoribus communiter *Biceps* vocatur, quod capite, sive principio gemino, eoque distincto à scapula prodeat. ^f *Alterum* enim, quod exterius est, tendineum ac teres, à superiore supercilio acetabuli scapulæ pronascitur, & sub ligamenti articuli, supra caput humeri, per ^g fissuram in hoc osse, ejus gratia constructum, deferitur, ubi ^h ligamento ex illo canali pronato involvitur: ⁱ *alterum*, priore latius, partim ex tendine, partim ex carne constans, à ^k processu scapulæ anchoriformi enatum, internum humeri caput supervectum, descendit, tandemque infra ipsius caput cum priori ^l coiens, ^m validum ac carneum musculus constituit. Inseritur autem hoc loco ⁿ carnosam quædam portio in humeri medium, ubi privatam asperitatem habet, pro ejus elevatione, quam ^o nonnulli peculiarem musculus facientes, ad humerum referre conati sunt, credentes cum pectorali conspirare, & humerum pectori adducere. Verum Biceps ipse musculus, mox ab humero abscedens, ^p subiectum sibi alterum flectentem conscendit, & partim teres, partim carnosus factus, paulatim angustatur, donec in robustum ^q tendinem, crassum, teretem, ac nervosum finiat, qui in ^r tuberculum oblongum sub capite superiore radii, hujus gratia exsculptum, inseritur. Atque hic est ille tendo, qui in Venæsectione ab imperitis Chirurgis sæpenumero lædi, magno cum

OSSIS
CUBITI
musculi.
Motus cubiti.

Flectentes.
Primus.

Secundus.

gno cum ægrotorum periculo solet. Quin imo vulnera ipsi etiam musculo inflicta, gravissima sunt, tum quia tendines habet in duobus initiis, tum quia Nervi sub ipso, Venæ, ac Arteriæ insignes incedunt. Occupat autem in situ suo internum potius ossis humeri, quam externum latus. ^a *Flectentium secundus*, *Brachialis* vocatus, primo subjacet, quo etiam brevior est, penitus carnosus. Hic externum anterioris ossis humeri latus, & mediam inferiorem ipsius longitudinis sedem, cui etiam proxime, ac immediate adnatus est, occupat. ^b Nascitur enim circa medium ipsius, ubi humerum attollens deltoides, & pectoralis adducens inseritur, principio carnosum, lato, ac duplici, partim versus externum, partim versus internum latus: illud, paulo sublimius est; hoc, paulo inferius. Inter utrumque autem nudum spatium in osse intermedium relinquitur, mox tamen in unum coeunt, & humeri ossi validissime adnata, musculum carnosum, & quo magis descendit, ^c ampliorem redditum, constituunt, donec ^d lato & carnosum fine, tandem in ligamentum articuli, tum cubiti ac radii appendicem, anteriore sede, implantetur. Hi duo muscoli, cum rectas habeant fibras, recta cubitum flectunt, nec unquam in latus declinant.

Extendentes.
Primus.

^e *EXTENDENTIVM primus*, in posteriore humeri facie, sed interna sede situs, duplici constat principio, ^f uno valido latoque, quod partim carneum, partim nerveum, ex inferiore scapulæ costa, paulo sub cervice, ubi sinus peculiaris ejus gratia exsculptus est, enascitur, carnosumque deinde factum, recta descendit, & humero juxta internum latus connascitur, procul ab ipsius cervice, juxta insertionem musculi tertii humeri, ubi cum ipso ^g alterum principium carnosum, ibi enatum, commiscetur, ita ut unus fiat musculus, qui per medium humeri, inter externum & internum latus, partim carnosus intus, partim nerveus foris, deferitur, donec tandem ad internum latus posterioris olecrani processus implantetur.

Secundus.

^h *Extendentium secundus*, externam sedem occupat, & à cervice humeri, ac proprie, ab ejus capitis radice, principio nervoso, enascitur: mox carnosus redditus, descendit, ac ubi ad dimidium longitudinis humeri pervenit, cum prædicto ita commiscetur, ut à se nullo modo separari queant, sicque unus quasi musculus ex utroque fiat. Hic tandem in externum olecrani latus, præsertim parte illa, cui innitimur, partim carneus intus, partim nerveus foris, inseritur. Hi duo muscoli, similiter ut flectentes, rectas fibras à principio ad finem usque habent, quamobrem & recta cubitum extendunt.

CAPUT XVI.

De musculis Radii.

RADII
musculi.
Motus radii.

RADIVS duobus motibus agitur; uno, per accidens, cubiti osse moto, cum quo una flectitur, & extenditur; altero, per se, quando immoto cubito, vel intro, vel extrorsum ducitur, & sic manum pronam reddit, aut supinam. Duo ergo erunt musculorum Radio inservientium genera: quorum illi, ab usu *Pronatores*; hi *Supinatores*, vocantur. Illi, *internum* cubiti latus: hi, *externum* occupant.

Pronatorum.
Primus.

ⁱ *PRONATORVM primus*, sive *Quadratus*, totus carnosus, ab ^k inferiore & interna cubiti parte, prope ^l carpum duorum digitorum latitudine enascitur, transversim ^m supra ligamentum, quod radium cubito jungit, ⁿ ad radium progreditur, & interiori ipsius lateri, ^o sine juxta cum principio æque lato implantatur, sicque *Quadratum*

Secundus.

Mathematicorum exprimit, cum quatuor latera, & fere æqualia habeat. ^p *Pronatorum secundus*, sive *Terès*, à radice ^q interioris humeri tuberculi, & ab interno latere ossis cubiti, sive ulnæ, qua humero jungitur, prodit, ibique cum radio, valido & carnosum principio necitur, hinc obliquo ductu per internum ^r radii latus progreditur, ^s cui paulo ante medium longitudinis, carnea insertione implantatur, à qua aliud mox caput nervosum enascitur, quod versus medium radii pergens, ejusdem radii externo lateri adnectitur, ea parte, ubi hujus gratia asperitatem obtinet. Hi duo muscoli dum ad principia sua contrahuntur, Radium antorsum movent, & sic manum, quæ radii inferiori parti, beneficio carpi connectitur, una pronam reddunt: illo, inferiorem; hoc, superiorem partem commovendo.

SUPINA-

SUPINATORVM ^aprimus, sive Longior, quod omnium, qui cubitum perreptant, musculorum longissimum ventrem obtineat. Hic ^b ab externi humeri tuberculi acie carnosus enatus, ^c radio oblique insertitur, & ubi ad imam radii partem pervenit, ^d in tendinem membraneum degenerat, qui ^e superiori parti appendicis imæ radii illigatur, nonnihil in partem internam vergens. ^fSupinatorum secundus, sive tenuior, aut brevis, secundo pronatorum figura & situ non dissimilis, ab ^g externa parte ligamenti articuli inferioris humeri capitis, & à cubiti posteriore processu carnosus enascens, oblique, foris membranofus, intus carneus, progreditur, & ^h in radium fere medium valide implantatur. Hi duo muscoli, sese ad principia contrahentes, versus exteriora radium ducunt, sicque manum resupinant; sed ille, inferiorem; hic, superiorem partem trahit.

CAPUT XVII.

De musculis Carpi, vel potius toti manui dicatis.



CARPI, sive Brachiali, tres motus competunt. *Flectitur* enim, *extenditur*, & *in latera movetur*. Ex his motibus flexio & extensio, proprios habet musculos: at motus, qui in latera fit, à flectente & extendente illius lateris, ad quod movetur, si simul agant, perficitur. Vtrique autem motui, *duo dicati sunt muscoli*, ex quibus alter internum, alter externum cubiti latus occupat; unde vel externos, vel internos vocabimus. Qui *flectunt*, anteriorem sedem tenent, & ab interno humeri tuberculo oriuntur: qui *extendunt*, posteriorem, & ab externo tuberculo enascuntur. Cæterum cum Manus, beneficio Carpi, Radio jungatur, fit, ut flexo, vel extenso brachiali, Manus simul flectatur, extendatur, & in latera trahatur.

FLECTENTIVM ergo interior, carneo nerveoque principio acuto ^k ab ossis humeri tuberculo interiore exoritur, ^l carnosus deinde per totam cubiti longitudinem, cui immediate adnatus est, progreditur, & ad carpum in tendinem, partim ^m nerveum, partim ⁿ carneum degenerat, qui in carpi os quartum primi ordinis inseritur. Hic sub ligamento transverso non transit: sed tantum communi omnium musculorum membrana involvitur. ^o *Flectentium exterior*, ^p ab eodem tuberculo, nec longe à prædicto enascitur: hinc transversim nonnihil juxta latus externum ^q primi digitos flectentium, qui ipsi magna ex parte subjicitur, radio adhærens incedit. Antequam autem carpum attingat, circa ipsius radicem in ^r tendinem teretem degenerat, qui illic tamen non desinit, sed transverso ligamento adnatus, ultra ipsum per internam partem progreditur, & latior redditus, in radicem ossis metacarpi, indici præposito, inseritur. *His duobus* simul agentibus, Carpus, & cum ipso Manus recta flectitur: at alterutro agente, oblique nonnihil in latus illius, qui contrahitur, movetur.

EXTENDENTIVM ^sinterior, ^t cubito incumbens, à radice ^u externi humeri tuberculi, & à summo cubito initium sumens, per illius longitudinem fertur, qui cum ad ^x carpum accesserit, in ^y tendinem teretem ac validum abit, quo supra ^z cubiti inferiorem appendicem in sinum, juxta ^a styloidem processum, & in ^b ossis metacarpii, quod minimo digito subtenditur, partem superiorem, non procul à carpo implantatur. ^c *Extendentium exterior*, ab acie illa ossea, quæ in humero est, supra tuberculum exte- rius ^d latiusculo principio exoritur; ^e inde, carnosior factus, per ^f radium progreditur usque ad dimidium longitudinis, quo cum pervenit, in validum ^g tendinem degenerat, qui statim in ^h duos fere rotundos dividitur, latiores tamen, quam crassiores, sicque ambo per radium descendunt, nonnihil à se invicem ⁱ discendentes, sub ligamentum transeunt magis inter se diducti, & ubi supra ^k carpum progressi sunt, ^l alter in metacarpii ^m os primum, indicem sustinens; alter, in ⁿ secundum, medio substratum, inseritur.

CAPVT XVIII.

De musculo, cujus latus tendo mediae volæ subnascitur, quem Palmarem vocant.



Palmaris mus-
culi descri-
ptio.

SV B cute in manu ^a latus quidam tendo visitur, qui ortum habet in-
terdum ^b à musculo, ut cæteri tendines; interdum ^c musculo caret, &
solus sic expanditur. Vtriusque historiam nunc trademus, exordientes
ab illo, qui à musculosa carneaque substantia oritur, quod plerumque
hujusmodi inveniatur. Vocatur autem hic musculus *palmaris*, à tendi-
ne, qui palmæ manus subtenditur, totamque fere investit. Hic in cu-
biti anteriore, vel (si mavis dicere) interna regione, inter ^d duos carpum flectentes,
quibus utrinque adnascitur, situs est, cæteris ibi sitis musculis omnibus superstratus.
Oritur autem ab ^e interno tuberculo ossis humeri, rotundo nerveoque ^f principio,
mox carnosus redditus, ^g ventre tamen angusto, antequam ad dimidium longitudinis
cubiti pervenit, nonnihil oblique defertur, & attenuatus, in ^h tendinem teretem &
longum degenerat, quo ulterius progressus, carpi ligamentum internum transcendit,
& ubi volam attigit, in ⁱ membranam latissimam expanditur, quæ cuti valide adna-
scitur, per totam volam fertur, demptis ^k duabus partibus, quarum illa minimo, hæc
maximo digito subjacet, donec ad digitorum radices & prima internodia pervenerit,
ubi in ^l internum cujusque eorum latus terminatur.

Observatio.

Musculum hunc interdum geminum in utroque brachio, & ab eodem loco exortum
fuisse, doctissimus Fallopius observavit. Vnus tamen duntaxat in tendinem latum desi-
nebat, qualis descriptus à nobis est: alter, in ligamentum illud transversum carpi in-
ferebatur.

Palmaris
tendo.

Quod si tendo hic ^m sine musculo reperitur, quemadmodum non semel inveniri so-
let; tum ipse *vel* à tendinibus duorum musculorum carpum flectentium, qui juncti inter
se, antequam ad carpum perveniant, lateſcunt; *vel* ab ⁿ interno carpi ligamento exor-
ritur. Hujus *usus* est, non, ut sine pilis palma servaretur, aut sensus esset acrioris, cum
è regione pollicis & minimi digiti, quibus partibus non subtenditur, non minus & pili
absint, & adsit sensus: sed potius, ut cutim volæ in apprehensione validius attrahat &
corruget, ne cutis mobilitas firmam rerum comprehensionem impediat.

Caro quædā
quadrata.

Solet autem ad externum hujus tendinis latus, ^o *caro quadam quadrata* reperiri, quam
nonnulli pro peculiari musculo habent, quamvis effigiem musculorum tenuium ac bre-
vium modo duorum, modo etiam trium, referat. Oritur autem à membrana carnea,
tegente illam regionem, ubi situm est octavum carpi os, & supra ^p abducentem mini-
mum digitum incedens, in ^q latus externum hujus tendinis inferitur, ut ipsum, cum ma-
num aperimus, extendat.

CAPVT XIX.

De musculis manus digitos flectentibus.

DIGITO-
RVM mu-
sculi.
Motus di-
gitorum.



Digitorum
flexores..

DIGITI manus flectuntur, extenduntur, aut in latera moventur. Quare tria
erunt musculorum genera, qui *digitis* operam locant; Flectentes, Ex-
tendentes, & Oblique moventes. At cum *Pollex* à cæteris plurimum
variet, in singulis generibus, alii erunt qui digitos, alii qui pollicem fle-
ctent, extendent, vel ad latera ducent. Agemus primum de flectenti-
bus digitos, propterea quod ipsi in cubito positi sint, à quo discedere
nobis religio sit, non diligenter prius omnibus in ipso perspectis.

Musculi igitur *digitos flectentes* à nobis vocantur, qui quatuor digitorum phalanges, ex-
cepto pollice, incurvant. Horum sex sunt, ex quibus *primus*, secundum digitorum os fle-
ctit, unde ab usu (nostro more) Flexorem secundi digitorum internodii vocabimus: *al-*
ter, tertium os flectit, unde Flexor tertii internodii dicitur: *reliqui quatuor*, primum arti-
culum curvant. Quamvis autem non ignorem, tertium os citra secundum flecti haud-
quaquam posse; quia tamen ille secundo, hic tertio inferitur, ab usu primario nomen
hoc ipsis remanebit.

DIGI-

DIGITORVM ergo ^asecundi internodii flexor ille est, qui ab ^b humeri tuberculo interno, principio tereti, aliquantulum nervoso, sub ^c principiis musculi palmaris, & ^d duorum carpum flectentium enascitur: hinc ^e carnosus latiorque redditus, versus medium radii & cubiti, utrique nonnihil inhærens, descendit: inde ulterius progrediens, ex toto carnosus ac rotundus prope carpum redditur, ad quem antequam perveniat, in ^f quatuor carnosas partes dividitur, quarum quælibet in ^g tendinem exquisitè rotundum, nerveum, ac pellucidum abit, qui omnes simul membrana quadam communi, tenui ac mucosa involvuntur, quo tutius iter faciant, sicque sub interno carpi ligamento transeunt, & ad digitos per volam properantes, ^h in quatuor digitorum secundum os, latiores & tenuiores facti, minores tendines in minora ossa, & majores in majora implantantur, cum tendinum magnitudo ossium magnitudini respondeat. Cæterum dum digitorum prima ossa perreptant, *ligamento transverso*, quod ab uno ossis latere ad alterum pertinet, & per quod etiam subsequenter musculi tendines transeunt, tanquam fornici subjiciuntur. Prohibet autem hoc ligamentum, quo minus è sua sede & à digito declinent tendines, vel contracti eleventur nimis, præsertim ubi secundum, aut tertium digitorum articulum flectimus, ex quo tum cutis attolleretur, tum vola nimium impleretur. Prius autem, quam secundum digitorum os attingant, ⁱ singuli longa sectione finduntur, rimamque efficiunt, per quam transeunt tendines sequentis, qui tertium digitorum os flectit.

Flexor secundi internodii.

Ligamentum transversum.

Fissura.

^k Flexor ergo tertii digitorum internodii, ^l dicto totus substernitur, sive principium ejus, seu ventrem, aut tendines consideres. Adnectitur autem *interno* sui latere cubito: *externo*, primo pollicis flexori. Originem ergo ducit parte, & quidem exigua, ab ^m interno humeri tuberculo, reliqua tota ab anterioris olecrani processus radice. Hoc initio facto, exacte ⁿ carnosus & teres efficitur, non secus ac dictus, sicque ad ^o cubiti latus descendit, cujus mediam partem ubi superaverit, angustior redditur, & in ^p quatuor carnosas partes, perinde ac primus, dividitur, quæ antequam ad carpum pertingant, in quatuor ^q tendines degenerant, eo crassiores prædicti musculi tendinibus, quo ipse totus toto crassior est. Involvuntur autem hi tendines membrana nervosa, lubrica, ac humida, magisque quam aliæ membranæ rubra. Transeunt autem sic tecti annulare carpi ligamentum, quemadmodum prioris tendines, quibus ubique subjiciuntur. Ab hac ubi recesserint, æqualiter inter se diducuntur, teretesque facti, ad digitos tendunt, horum ligamenta & fissuras tendinum primi transeuntes, tandem in tertium internodium, latiores redditæ, implantantur.

Flexor tertii digitorum internodii.

^r Flectentes primum internodium, teretes sunt, oblongi, ac graciles, unde à similitudine, quam nonnihil cum lumbricis habent, *lumbricales* sunt dicti. Hi ^s initium suum ducunt à membranæ, quæ quatuor tertium digitorum internodium flectentis tendines involvunt, carnosique postea progredientes, tandem in primum internodium tendine tereti, ac nervoso, inferuntur.

Flexores primi internodii.

POLLEX flectitur: sed flectitur tribus internodiis, variisque modis: quare pollicis flexorum alios primi, alios secundi, alios tertii internodii, doctrinæ gratia, vocabimus.

POLLICIS flexores.

^t Primi internodii pollicis flexor primus, à ^u ligamenti annularis, quod in carpo est, sede superiore, qua parte pollicis substat, carneus exoritur, ascendensque pollicis ossis primi totius internæ regioni adnectitur, carnosusque in superius ipsius capitulum inseritur. *Secundus*, partim ex eodem loco, partim ab osse carpi, pollicis substrato, enatus, in radicem primi ossis pollicis, usque ad medium longitudinis implantatur. Dicto totus subjicitur, à quo magnitudine etiam plurimum superatur. Hi duo pollicis os flectunt, ac manui adducunt.

Primi internodii pollicis flexor primus.

Secundus.

^x Secundi internodii pollicis flexor primus, ab osse metacarpii indicem fulciete exoritur, paulo sub ipsius capitulo, principio carnosus, lato, sed tenui, sicque progrediens versus pollicem, sensim angustior redditur, ut triangulum perquam referat, in capitulum inferius secundi ossis pollicis tendine membraneo, qua parte indicem spectat, inseritur.

Secundi internodii pollicis flexor primus.

^y Secundus, prædicto ab inferiore parte contiguus, ex media sede ossis metacarpii, medio digito præposito, lato principio enascitur, sicque ad pollicem progrediens, in medium secundi ossis pollicis, parte interna implantatur. ^z Tertius, secundo contiguus, à metacarpii osse annularem sustinente, similiter latiusculus exoritur, & eodem loco, ubi

Secundus.

Tertius.

secundus,

Quartus.

Tertii internodii pollicis flexor.

secundus, definit. Quinque hi musculi omnes carnosus sunt: ex quibus duo primum internodium flectentes, una cum abducente pollicem, pollicis monticulum sic vocatum à Chiromantis: at tres secundi internodii, quicquid inter lineam vitalem & monticulum dictum, carnosum interjacet, constituunt. Flectunt autem secundum os versus reliquos digitos, sic quidem, ut simul agentes, pollicem indicis lateri apponant; at singulis, ad vo- lam usque perducant, & primo quidem, ad partem, quæ sub indice est; secundo, quæ sub medio: at tertio, quæ sub annulari. Quartus autem, his tribus substratus, perinde ac ipsi carnosus, ab osse metacarpii indicis subdito, infra medium usque ad articulum cum carpo enascitur, ac eodem, quo dicti modo, ossi secundo pollicis jungitur. Hic pollicem indicis admovet, & superponit.

^a Tertii internodii pollicis flexor unus est, qui non in manu, ut prædicti: sed in cubito carnea sui parte situs, totoque ductu secundo digitos flectenti musculo, latere externo adjacet, cui ad exortum aliquantulum est continuus. Principium habet carnosum ac teres, ab osse cubiti, prope sinum in quo radii caput suscipit; deinde per radii totam longitudinem progreditur, à quo, eidem firmiter adnatus, ubique principium aliquod ducit, quemadmodum etiam à ligamento illo membraneo, quod radium cubito jungit: hic ubi sic progressus ad carpum pervenit, in tendinem teretem & nerveum propria membrana mucosa involutus, degenerat, qui per ligamentum transversum carpi, cum tendinibus duorum digitos flectentium transiens, & per sinum ossis carpi pollicem fulcientis hujus tendinis gratia insculptum, inter musculos, primum, & secundum pollicis os flectentes, occultatur: hinc ligamento transverso, quod in secundo pollicis osse est, exceptus, in ejus tertium os, tendine nonnihil dilatato, valide inseritur. Flectit tertium pollicis internodium, cui infigitur.

4. 22. 1.
H. & 4.
fig. 1. G.
nonnihil
tra situm
1 ib. fig.
M. M.

CAPUT XX.

De musculis manus digitos extendentibus.

EXTEN-
SORES
DIGI-
TORVM.Secundi ac
tertii internodii extensores.
Primus.

Observatio.

Secundus.

Primi internodii extensores.

POLLICIS
tertium os ob-
lique exten-
dens.

Quemadmodum alii erant musculi, qui digitos flectebant, alii qui pollicem: ita qui extendunt eosdem, diversi sunt ab iis, qui pollicis extensioni destinantur. Extenduntur autem in digitis, tertium, & secundum os, ab iisdem & simul, cum alterum absque altero extendi nequeat: primum vero, peculiare musculos habet.

^b DIGITORVM ergo extensor primus ^c trium interiorum digitorum ^d tertium & secundum os extendit, & ab ^e humeri tuberculo exteriori oritur, initio partim carneo, partim nerveo, statimque carnosior factus, inter ^f duos carpum extendentes descendit, ac juxta carpum angustior redditus, in ^g tres carnosas partes finditur, quemadmodum flectentes longi, qui mox degenerant in ^h tendines nerveos pellucidos, exacte teretes, & ligamento membraneo, à radii appendice pronato, colligati, sicque una per sinum in externa radii parte exsculptum, ad carpum deferuntur, ubi transeuntes ⁱ ligamentum annulare, mox à se diducuntur, latioresque fiunt, ac primus indicem, alter medium, tertius annularem digitum petit, ac in ^k secundum & tertium internodium inferuntur. Tendines autem hi usque ad extremum tertii ossis apicem pertingunt, ac sub ipsis unguibus recumbunt. Ex quo causa petenda est, tam lævi doloris, quem experimur, si quando dolorifici quid circa illas partes fuerit. ^l Extendentium secundus, ab ^m eodem tuberculo, acuto principio, & nerveo nascitur, à quo prior, cui ad ⁿ medium ventrem etiam sic commiscetur, ut ad exortum prorsus unus esse videatur. Hic juxta cubitum progrediens, ubi ^o ligamentum transversum superaverit, in ^p tendinem nerveum, ac teretem abit, qui ad minimum digitum, latior factus progreditur, ac secundo & tertio ejus internodio implantatur.

Primum vero internodium extendunt, octo illi musculi, quos Interosseos vocabimus, tum scilicet, cum duo simul agunt, ut capite sequenti dicemus, cum ad eum potius, quam ad hunc locum referendi videantur.

^q POLLICIS tertium os extendens, à cubiti exteriori sede, ad ejus lineam asperam, carnosus exoritur, ubi ligamentum est membraneum, quod cubitum radio jungit, ad radium oblique defertur, cujus appendicem priusquam attingit, in tendinem teretem degenerat,

4. 22. 1.
D. D. 4.
27. 1.
c, 4. 2.
nu. 1.
d, III. II.
e, B.
f, L. 1. 1.
g, b. b.
h, F. 2.

i, E.
k, II. II.

l, 4. 2. 1.
N. N.
m, B.
n, c. 2.

o, E.
p, c.


q, 4. 1.
fig. 1.
fig. 2.

degenerat, ac sub ligamento transverso ad manum abit, ac totius pollicis longitudini, qua indicem spectat, ad ejus tertium os usque inseritur. ^a *Secundus, secundi & tertii pollicis internodii extensor*, ab eadem cubiti linea juxta ipsius longitudinem carneus enatus, oblique supra radium conscendit, & in duas impares partes sibi mutuo hærentes dividitur, sinuque proprio in radii appendice inciso, insidet, ac ligamento peculiari obducitur. Superior portio aliquamdiu carnea remanet, at postea in tendinem teretem degenerat, qui in os carpi, pollicis subjectum, inseritur: at inferior, statim ac paululum processit, in portiones duas carneas subdividitur, quæ singulæ in tendinem finiunt, quorum alter radici primi pollicis internodii, alter membranoso nexu, secundo & tertio pollicis ossi validissime adnascitur.

Secundus tertii & secundi pollicis internodii tensor.

CAPV T XXI.

De musculis manus digitos oblique ad latera trahentibus.



DIGITI, præter flexionem & extensionem, etiam ad latera moventur, sicque adducuntur, vel abducuntur. Dico *adduci*, cum versus pollicem trahuntur: *abduci*, cum contra ab ipso retrahuntur. Eodem autem pacto, & *pollex* ipse *adduci* dicetur, aut *abduci*, cum vel digitis admovetur, aut ab ipsis removetur. Musculi qui hos motus perficiunt, plures sunt, ex quibus quidam, ut octo priores, *communes* quasi sunt, & in genere quatuor digitis destinantur, excepto pollice: duo alii *proprii* sunt, alter indicis, alter minimi. Pollex deinde suos quoque habet peculiares.

^b *Communes* ergo octo sunt, qui vulgo ^b *Interossei* à situ vocantur, quod inter ossa metacarpii positi sint. *Sunt autem octo*, carnei ac teretes, ab iisdem quibus connascuntur ossibus exorti, secundum quorum longitudinem totam recta feruntur. Hi ubi ad digitorum radices perveniunt, in ^c tendines abeunt, qui lateribus digitorum, quibus connati erant, attensi, usque ad secundum internodium tendine suo feruntur. *Sunt autem* ^d *sex in tribus internodiis ossium metacarpii locati*, adeo ut bini in singulis, ex quibus unus ad internodii, alter ad externodii digitum deferatur. ^e *Alius deinde primo ossi metacarpii ejusdem, quod Indicem sustinet*, incumbit ea parte, qua pollicem respicit. ^f *Alius ultimo ossi metacarpii parte manus externa, sive in dorso, adhæret*. Musculi hi, *quatenus* reliqua quoque præter primum internodium, suis tendinibus attingunt, secundum etiam, ac tertium os extendunt, quod primum à Galeno observatum est, lib. 1 de Vsu part. cap. XVI 11. Et hæc causa est, cur digitorum extensore abscisso, digitorum extensio tamen non aboleatur; quia scilicet interossei simul agentes extensionem perficiant. *Quatenus* autem primo ossi implantantur, si contrahatur uterque unius digiti, primum internodium extendunt: at si alteruter, tum abducit, aut adducit.

Digitos abducens. Interossei.

^g **I**NDICEM *abducens*, duobus extendentibus digitorum inferiores duos articulos, secundum scilicet & tertium, subjicitur. Oritur hic à cubito medio, qua parte oblongam & asperam lineam pro ejus exortu os habet, principio exacte carnosum: hinc oblique ad radium descendit, & carpi appendicem conscendens, in tendines duos dispescitur, qui postea per sinum proprium, in radii appendice exsculptum, sub ligamento annulari versus manum deferuntur. Horum superior ad indicis, inferior ad medii digiti radicem oblique implantatur, ut invicem à pollice abducant.

Indicem abducens.

^h **M**INIMUM *digitum abducens*, in vola manus positus est sub minimo digito, brevis, at validus, ab osse quarto carpi carnosus enatus, postea per metacarpium delatus, ossi primo minimi digiti, latere externo, gracilis & nervosus inseritur. Hic minimum digitum à cæteris abducit; & præcipuum usum habet, dum sphaericas figuras apprehendimus, cum eo tempore maxime à cæteris digitis minimus sit abducendus.

Minimum abducens.

ⁱ **P**OLLEX *ad latera dum movetur*, vel abducitur à cæteris digitis, vel adducitur. ⁱ *Abducens*, à carpi ossis pollicem sustentantis interiore parte, nervoso principio, juxta primum flexorem primi pollicis internodii, enascitur: mox carnosus factus, deorsum fertur, & in primum pollicis internodium, tendine membraneo inseritur. Hic ab indice abducit. ^k *Adducens*, spatium quod inter pollicem & indicem visitur, in externa manus sede, occupat. Hic ab ossis metacarpii, quod indicem sustinet, partis posterioris

Pollicis abducens.

Pollicis adducens.


rioris latere externo carneus oritur, & in pollicis internodii primi totum latus internum carnosus inferitur. Adducit pollicem ad indicem.

CAPUT XXII.

De musculis Fæmoris.

CRURIS
musculi.

Fæmoris
motus.



X artubus Manum vidimus: sequitur nunc, ut Cruris quoque musculos videamus, qui pro partibus cruris varii sunt, adeoque alii fæmoris, tibiæ, pedis, alii digitorum. F O E M V R, triplicem motum habet: extenditur enim, flectitur, & in gyrum movetur. *Extenditur*, cum fæmur versus exteriora ducimus, quemadmodum cum divaricatis admodum cruribus stamus. Extendimus autem vel *recta*, cum recta ab altero abducimus: vel *oblique*, versus anteriora corporis, aut posteriora, cum ad easdem partes trahimus. *Flectitur* autem, cum attollimus, quemadmodum sedentes flexo fæmore sedemus. Flectitur autem similiter *recta*, vel *oblique*. *Recta*, cum versus corpus tollitur, ut ad neutrum latus inclinet, & quando cum spina rectum angulum facimus; at *oblique*, cum versus latus parum movemus, ubi vere flectitur; similiter & cum fæmur fæmori imponimus. *Circumagitur* autem, cum fæmur circumvertitur, quod solet evenire, dum stantes pede recto, & terræ affixo, oblique crus movemus. Hic motus duplex est, & vel ad interiora, vel exteriora corporis. *Ad interiora* quidem, cum genu ad poplitem ducitur, & calcaneus foras fertur. *Ad exteriora*, quando genu foras, & calcaneus intro movetur. Extensio, *trium*; Flexio, *quatuor*; Circumvolutio, *totidem* musculorum beneficio peragitur. Extendentes partem posteriorem occupant, & ossis innominati, sive coxæ dorso incumbunt. Flectentium duo priores, in ventris cavitate sunt siti: duo posteriores, fæmori insident. Circumagentes coxendicis sedem occupant; unus internam, tres externam. *Extendit recta*, *tertius*: at versus anteriora, *secundus*; ad posteriora, *primus*, si toti agant. *Flectunt recta*, *flectentium primus*, & *secundus*: *oblique*, *tertius*, & *quartus*. *Circumagit*, versus superiora, *primus*; introrsum, *secundus*; ad exteriora, *tertius*; ad posteriora, *quartus*.

Numerus mu-
sculorum.
Situs.

Extendentes
fæmur.
Primus.

Secundus.

Tertius.

Flectentium.
Primus.

^a EXTENDENTIVM ergo *primus*, quem cum duobus sequentibus *Glutæum* appellant, quod natum carnosam molem conficiant, discriminis vero gratia *majorem*, quod maximus sit omnium, & fere alterius lateris natem totam efformet. Statim detracta cute occurrit, & principium habet latissimum, à diversis ossibus enatum. Nam ^b *superior* ejus pars ab ossis Ilium spinæ circumferentia tota: at ^c *lateralis* ab ossis sacri parte humilior: ^d *inferior* autem, à coccyge prodit. Ex omnibus ergo his initiis, ut semicirculo carnosus exortus, oblique nonnihil descendit, ac ^e coxendicis articulum supervehitur, ubi mox gracilior, & angustior totus redditur, & in ^f tendinem validum ac latum definit, qui partim ^g in primam rotatoris majoris impressionem, partim in ^h asperam lineam, quæ sub quarta impressione deorsum ducitur, implantatur. ⁱ *Secundus*, sive *Glutæus medius*, ab ossis ilium spinæ anteriore sede, paulo humilior, quam *primus*, sub quo totus fere latet, quemadmodum & ab ilium ossis dorso, ^k principio carnosio, lato similiter, ac semicirculari exoritur, oblique in partem exteriorem descendens, sensim angustatur, & supra coxendicis articulum, quem contegit, vectus, in tendinem membranæ in modum latum validumque finit, qui in ^l secundam majoris rotatoris impressionem transversim implantatur. ^m *Tertius*, sive *Glutæus minor*, lividus in omnibus hominibus, præsertim in robustis, in quibus etiam ea secundi pars, quæ tertio superjecta est, livida apparet, totus sub medio latitat, quo tanto minor est, quanto ille primo. ⁿ Nascitur hic à posteriore, & inferiore sede dorsi ossis ilium, ubi coxendicis os incipit circa acetabulum, principio lato, crasso, carnosio, ac semicirculari. Hinc oblique descendit versus anteriora, inhærens fibrosis nexibus ligamento illi, quo fæmoris caput coxendicis sinui conjungitur, paulatimque angustatus, in latum ac validum tendinem abit, qui in ^o tertiam impressionem majoris rotatoris inferitur.

^p FLECTENTIVM *primus*, Græcis ψόας dicitur, vel, ut nonnullis placet, ψύα. Latini *lumbalis musculus*. Oritur hic à latere corporum ^q duarum ultimarum thoracis vertebrarum, & ^r trium superiorum lumborum, tum à transversis processibus eorundem,

^a principio

a, 4. 29.
C. C. t
H. I. K.

b, a. a.

c, a. b.

d, b. c.

e, G.

f, d.

g, 2. 10.

& 3. m.

h, F.

i, 4. 29.

L. & 4.

B. B. t

E. F.

k, c. e.

l, 2. 10.

& 3. m.

m, 4. 30.

G. t 33.

a. b. b.

n, a. a. &

9. 5. &

num. 3.

o, 2. 10.

& 3. m.

p, 4. 31.

D. t G.

G.

q, A. A.

r, C. C.

^a principio carneo & livido. Figura vero quodammodo teres est, ex acuto initio paulatim crassescens, sicque per interiora ^b ossis ilium deferitur, qui ubi ad ^c ossa pubis pervenit, in teretem & validum ^d tendinem mutatur, & per ^e sinum ossis pubis, eo nomine exsculptum, prope os coxendicis deferitur, & in superiorem partem, ^f minoris rotatoris implantatur. Transít autem per sinum hujusmodi, tum ne, si quando contrahatur, à loco suo recedat; tum ne tendo musculi ab acuto ossis processu lædatur. Situs ergo est in abdomine nonnihil oblique, & statim in lumbis remotis visceribus imi ventris ac intestinis, occurrit conspiciendus. ^g *Secundus*, *Iliacus internus*, ab aliis communiter dictus, quod in ^h ossis ilium interna parte, quam totam occupat, sub priore situs sit. Nascitur hic ab universa ⁱ spina, sive appendice interna ossis ilium, ^k principio carnosio semicirculari, sed mox ex lato initio ^l angustior, contra ex tenui crassior factus, in priora fertur, & in ^m tendinem degenerans, per ⁿ sinum ossis pubis prædictum deferitur, ac tendini prædicti musculi connatus, in ^o minorem rotatorem quoque inseritur, sed sede paulum, quam prior, humiliore. ^p *Tertius*, cognomine *Triceps*, omnium fœmoris, imo universi corporis maximus est. Videtur enim hic musculus ^q tria habere capita, quæ in musculi unius finem congregiuntur. Horum *primum*, à coxendicis appendice nerveum, deinde carneum principium sumit, quod postea in ventricosam carnem degenerat, quæ per fœmoris posteriora delata, gracilescit, & in teretem tendinem, cujus terminus est in interno fœmoris capite prope poplitem, abit. *Secundum* caput, anterius ab ea coxendicis sede, quæ cum osse pubis committitur, carneum enascitur, & obliquis, ac fere transversis fibris, ad radicem minoris rotatoris, & superiorem partem lineæ asperæ fœmoris terminatur. *Tertium*, carneum, ab inferiore coxendice incipit, & partim obliquis, partim rectis fere fibris inferiori parti lineæ asperæ implantatur. Hunc communiter pro quarto extendentium habent; sed revera quicumque recte ipsum consideraverit, nobiscum in classem eorum, qui flexioni præsumt, ascribet. ^r *Quartus*, lividus est, & cum priore minime confundendus, etsi ejus portio quoquo pacto esse videatur. Oritur ab ^s ossis pubis parte anteriore, prope cartilaginem, qua duo ossa sibi invicem committuntur, principio lato ac carneo, quo postea oblique descendit, donec in tendinem amplum, sed brevem degeneret, qui fœmoris lateri interno, è regione minoris rotatoris, usque ad dimidium longitudinis fœmoris implantatur.

^t *CIRCUMAGENTIVM primum*, qui *Iliacus externus* dicitur, & *Pyriformis*, ^u à tribus humilioribus ossis sacri vertebra, tereti & crasso principio exoritur, sic ut non modo à lateribus externis ipsius enascatur, sed etiam in interiore ejusdem ossis parte, ubi à sui conjugis principio haud multum distat. Hinc transversim excurrrens, in teretem ^x tendinem mutatur, & ^y majoris rotatoris quartæ impressioni, quæ in apice hujus processus est, implantatur. Musculum hunc Anatomici inter extendentes referunt, & quartum numero faciunt: sed quam bene diligentior consideratio, quæ me docuit, & ipsos facile, si advertant, edocebit. ^z *Secundus*, qui cum sequente *Obturator* dicitur, propterea quod ^a foramen ossium pubis, principiis suis obturent. Et quia hic ab externa foraminis parte oritur, *externus obturator* dici consuevit, quemadmodum tertius, internus dicitur, quod ab interna regione, qua hypogastrium respicit, pronascatur. Oritur ergo à membrana foramen succingente, & ab ossium pubis ac coxendicis oris, carneus & amplus; deinde transversim ad posteriora fœmoris procedens, angustior fit, validum producens tendinem, qui in sinum magni rotatoris inseritur. ^b *Tertius*, sive *obturator internus*, ab interno ambitu foraminis ejusdem pariter carnosus enatus, & amplus, ac validior prædicto, totam internam ossium coxendicis & pubis sedem occupat, sensim angustior evadit, & ^c tres, quatuorve tendines porrigit, qui ad externam coxendicis partem, trochleæ modo, supra ^d sinum coxendici in hunc finem exsculptum, ac crasso validoque ligamento obductum, reflexe feruntur, ^e carneoque marsupio (quod visu certè est pulcherri-
mum) ut robustior fiat, & minus in suis motibus ab osse offenderetur, investiti, tendinem unum constituunt, qui in sinum magni rotatoris, in quem & prior, inseritur. ^f *Quartus*, partim ab externo tuberculo ossis ilium, partim ab appendice coxendicis exoritur, sub sinu trochleæ, circa quem prior circumvolvebatur, & cui propterea etiam subjicitur. Brevis postea ac carnosus, ad posteriorem partem majoris rotatoris procedit, ibique in
illud

Secundus.

Tertius.

Quartus.

Circumagentes fœmoris.
Primus.

Secundus.

Tertius.


Quartus.

illud spatium, quod inter utrumque rotatorem est, inseritur. Quare hic musculus cum Vesalio fortasse non incommode in duos dividetur.

C A P V T X X I I I.

De musculis Tibiæ.

TIBIÆ
musculi.
Numerus.
Situs.



Motus.

Flectentes.
Primus.

Secundus.

Tertius.

Quartus.

Quintus.

TIBIA tribus motibus cietur. Flectitur enim, extenditur, & nonnihil oblique versus exteriora ducitur. *Flectunt*, quinque; *extendunt*, quatuor; unus, *oblique movet*. Primus & secundus flectentium, in anteriore fœmoris parte jacent: ille, externa; hic, interna; at reliqui, in posteriore. Extendentes omnes in anteriore sede fœmoris: Oblique autem movens in posteriore, ac superna tibiæ. Flectentes omnes simul contracti recta tibiam flectunt: at primis quatuor solum agentibus, nonnihil ad interiora; quinto autem, modice ad exteriora circumagitur. Per hunc enim motum, pedis extremitas in qua digiti sunt, nonnihil extrorsum ducitur. Extendentes simul agentes, similiter recta extendunt, quemadmodum & primo, & secundo, deorsum moto: at tertio solum, ad exteriora; quarto, versus interiora movetur.

^a FLECTENTIVM primus, quem ego *Sartorium musculum* vocare soleo, quod sartores eo maxime utantur, dum crus cruri inter consuendum imponunt. Alii *fascialem* appellant, nonnulli etiam *fasciam*, quod hanc referat, cum longus admodum sit, & æquali fere latitudine decurrat, si caput & caudam demiseris. Omnium musculorum nostri corporis pæne longissimus est. Ducit enim principium acutum, carnosum, & nerveum, ab ^b anteriore parte appendicis, sive spinæ ossis ilium, deinde statim totus carneus factus, & latiusculus, oblique per fœmoris interiora descendit, ut decussatim reliquos musculos supervehatur. Tandem ad caput internum imæ fœmoris appendicis delatus, in tendinem nervosum, latum, vel (ut Vesalio placet) teretem mutatur, qui statim infra genu, in ^c ossis tibiæ lineam acutam, parte anteriore & interna implantatur. ^d Secundus, quem *Gracilem* vocant, nerveo amplexu principio, ab ^e osse pubis, juxta longitudinem cartilaginis, qua sibi invicem committuntur, oritur. Carnosus postea redditus, per fœmoris interiora carneus descendit, donec ad fœmoris internum caput pervenerit, ubi exacte teretem tendinem assumit, qui ^f in primam tibiæ lineam, juxta primum, paulo tamen inferius, illigatur, ad quam nonnihil latiusculus evadit. ^g Tertius, *seminervosus* nuncupatur, quod ejus substantia, partim nervea, partim carnea sit. Oritur enim nervosus, ac gracilis, ab elatiore, & maxime posteriore sede ^h appendicis ossis coxendicis, nervosusque diu permanens, tandem in medio ⁱ carnosus factus, multiplicibus fibris per posteriora fœmoris, ad ^k poplitem fertur, prope quem in tendinem teretem degenerat, qui ad anteriora tibiæ reflexus (ubi & prædicti duo) sub genu in eam terminatur. Habet tamen hoc peculiare hujus tendo præ reliquis, quod ad tibiæ usque medium longitudinis pervenit, reliquorum tendinibus tibiæ implantatis, haut æque descendentibus.

^l Quartus, *semimembraneus* dictus, ex ^m eodem loco, quo commemoratus prodit, gracili & nerveo principio, rectisque fibris per posteriora fœmoris deorsum excurrans, toto ductu, usque ad medium fœmoris nerveus remanet, ubi primum carnosior redditur & crassior, sicque ad ⁿ poplitem in tendinem teretem desinit, quo in tibiæ latus internum inseritur. Primi enim quatuor flectentes, in latus internum tibiæ illigantur; at quintus, in fibulam. Illi, internam illam duritiem in poplite efficiunt; iste, externam.

^o Quintus, *biceps* vocatus, ex ^p eadem ossis coxendicis appendice ac tertius & quartus, initium ducit nerveum & acutum, sed gracilius nonnihil: mox carnosus redditus, per fœmoris posteriora sensim deorsum versus exteriora decurrit. At ubi medium iter absolvit, & jam dimidium quoque longitudinis ipsius fœmoris superavit, attenuatur, & externa sui sede nerveus admodum videtur, quasi jamjam in tendinem abiturus: at interna sede, ex fœmore ^q alia quædam pars accedit, atque ita adnascitur, ac si duplici principio musculus constaret. Sic ergo ex duobus *initis* in unum musculum degenerantibus crassescit, ac descendens, foris admodum nervosus, in tendinem robustum abit. Tandem per sinum externum externi capitis fœmoris, in hunc finem exsculptum, repens, externo lateri superioris appendicis fibulæ pertinaciter inseritur.

^r EXTEN-

^a EXTENDENTIVM *primus*, *Membranofus* dicitur ab Anatomicis, & *musculus lati* Extendentiū
Primus.
tendinis. Hujus enim ^b principium acutum, intus carneum, exterius nerveum, origi-
nem ducit ab eo ^c latere ossis ilium, & ipsius spina, quod anterius proximum est initio
musculi primi tibiam flectentium, sive sartorii: postea forma lacertæ descendit, &
majori rotatori adnectitur, ubi mox carneam substantiam deponit, & in ^d tendinem
degenerat latum, membranofum, ac nerveum, quo latiore in universo corpore repe-
rire non est, cum omnes musculos totius fœmoris investiat. Duplici hic fibrarum gene-
re donatus est, rectis nempe in externa fœmoris sede, at transversis in interna. Si tamen,
quid sentiam, dicendum est, existimem eam hujus tendinis portionem, quæ rectis fibris
prædita est, tendinem revera hujus musculi esse; at quæ transversis, ligamentum potius
peculiare, musculis internis in contractione cohibendis, destinatum. ^e Tandem patel-
lam in genu amplexus, tibiæ fibulæque, cruris puta anteriori exteriorique sedi, statim
sub genu ^f implantatur. ^g *Secundus*, *Rectus* cognominatus à recto progressu, figuram Secundus.
veri musculi habet, flectentium tibiam primo extrorsum adjacens. Oritur enim princi-
pio acuto ac nerveo, ab ^h ossis ilium tuberculo interno: inde in ventrem carnosum, ac
teretem faciens, recta per fœmoris longitudinem & anteriora, inter ⁱ duos Vastos,
sive tertium & quartum tibiam extendentium, medius descendit: at ubi ^k patellam at-
tigit, in latum validumque ^l tendinem definit, quo patellæ, tanquam in eam terminatu-
rus, valide adnascitur: ulterius autem progrediens ad ^m anticnemium, sive anteriorem
tibiæ sedem, in ejus medium, statim ac patellam superavit, eo loco inseritur, ubi ⁿ tu-
berculum in hunc usum peculiariter creatum, evidenter admodum prominet. ^o *Ter-* Tertius.
tius, quem à mole insigni *Vastum externum* appellant, ^p principio lato, ac nerveo, à ra-
dice ^q majoris rotatoris fœmoris, quam undique amplectitur, enatus, fœmoris parti
superiori exteriorique valide adhærens, sensim crassescit, ac carne livida, fibris rectis
prædita, usque ad ^r patellam descendens, in latum ac membranofum ^s tendinem abit,
qui cum exteriori parte ^t tendinis prædicti musculi secundi commixtus, patella supe-
rata, in idem cum ipso tuberculum inseritur. ^u *Quartus*, *Vastus internus* appellatus, ^x prin- Quartus.
cipio nerveo, partim à ^y cervice fœmoris, partim ^z à magno rotatore prodit, statimque
carnosus redditus, fœmoris anteriori & internæ sedi perpetuo adhærens, & diversis
fibrarum generibus auctus descendit; qui ubi jam ad genu fere appulit, in tendinem
membranofum terminatur, qui cum ^a tendine secundi & tertii commixtus, valide pa-
tellæ adnascitur: mox hac iterum deserta, in tuberculum superius anterioris tibiæ sedis,
ubi & illi, implantatur.

^b OBLIQUE MOVENS, *suppopliteus* Galeno, in poplite situs est, sub initio gaste- Oblique
movens.
rocnemii interni, sive secundi pedem extendentium, unde nec nisi illo remoto in con-
spectum prodit. ^c Initium ejus latum ac nerveum est, à capite fœmoris externo, sive, ut
nonnullis visum, à ligamento articuli genu posteriore: hinc carnosus factus, oblique
incedit ad posteriorem ac interiorem superioris tibiæ appendicis radicem insertus.

CAPV T XXIV.

De musculis Tarsi, sive Pedis.



Es triplicem habet motum. Extenditur, flectitur, & ad latera mo- PEDIS
musculi.
vetur.

Extendunt, musculi duo; *flectunt*, totidem; totidem etiam *ad latera*
trahunt.

^d EXTENDENTIVM *primus*, *Gasterocnemius externus*, quod suram Extendentes.
Primus.
constituat, Græcis γαστροκνήμιον dictam, vocatur. Idem *Gemellus externus*
ab iis dicitur, qui nobiscum pro uno musculo habent, etsi duo nonnullis esse videan-
tur, quod distinctis originibus prodeant, qui tamen & una membrana contecti sunt,
& in unum tendinem una cum subiecto Gasterocnemio, aut gemello interno transeunt.
^e *Primum* ergo ipsius principium sub poplite, ab interno fœmoris capite enascitur carno-
sum, latumque; & per tibiæ posteriora interioraque descendens, latius ac crassius,
^f cum altero mox junctum evadit, quod cum primum ad medium longitudinis ejus-
dem pervenerit, in ^g tendinem cessat, alterius principii tendini similiter commixtum.

R

^a Alterum

^a Alterum autem pariter sub poplite, sed ab externo fœmoris capite, carneum incipit, ⁴, 4.38. 5. sensimque per posteriora similiter, sed exteriora cruris descendens ut prius, cum quo coit, latefcit, & prope eundem locum, quo primum etiam, paulo tamen superiorem, in tendinem transit, qui cum priore ita commiscetur, ut unus ex utroque tendo fiat validus, latus, ac nerveus, quique paulo post cum tendine Gasterocnemii interni ^b coiens, in ^c calcis posterius latus inferatur. Hujus musculi duobus capitibus, quem- ^b, fig. 2. ^c, R. ^d, S. S.

Secundus.

^e Secundus, Gasterocnemius internus, quorundam soleus, externo subjacens, colore lividus, à posteriore fibulæ appendice, nerveo validoque ^f initio enatus, inde ^g ventricosus factus, fibulæ ac tibiæ adhærens, amplitudine sua ultra hæc duo ossa sese extendit in progressu, at ubi medium fere tibiæ superavit, angustior factus, in ^h tendinem abit, qui non procul à calcaneo ita valide externi gasterocnemii tendini connascitur, ut unus inde tendo fiat, qui in ⁱ calcis posterius latus inferitur. Hic ille est tendo, quo ⁱ, R. Hectorem Achilles circa Troiæ mœnia traxisse Poëtarum maximus canit, quem Hippocrates *tendinem magnum* vocavit, & quo hodierno tempore macellarii boves suos suspendunt. Cæterum diligenter memoriæ mandandus est, quod obortæ circa hunc inflammationes misere universum corpus in consensum trahant. ^b, N.

Flectentes.
Primus.

^k FLECTENTIVM primus, ab aliis *tibiaeus anticus*, à me *catena musculus* vocatus, quod ^k, 4. 3. ^{C. C.} dissecto per transversum hujus tendine, aut amputato, catenam ægri, cujus beneficio ambulantes pedem flectant eleventque, portare cogantur. Hic exacte musculorum figuram illam observans, qua lacertam exprimunt, antèrius à ^l tibiæ ^m fibulæque ^l, F. ^m, D. superioribus appendicibus, quo loco sibi invicem coarticulantur, quemadmodum & à communi ligamento, quod utrumque hoc os connectit, acuto carneoque principio exoritur. Cæterum illico dilatatur, sed ubi ad medium fere longitudinis tibiæ pervenit, iterum coarctatur, & sensim in ⁿ tendinem nerveum, robustum, ac teretem finit, ⁿ, b. b. in vivis quoque sub cute admodum, si pedem flectas quantum pote ad acutum angulum, conspicuum, qui nonnihil oblique inferius anticnemium supervectus, prope pedis articulum, in internum latus ossis tarfi, quod pollicis ossi præponitur, implantatur. Tendo autem hic prope articulum, antequam ulterius vehatur, sub ligamento transverso, sive annulari, quod ab inferiore tibiæ fibulæque appendice nascitur, transit. ^o Secundus, alteri oblique pedem moventium substratus, *peroneus secundus* quibusdam, ^o, 4. 3. ^{H. H.} ^{2. G. 1.} ^{3. F. F.} ^{p, c.} ^{q, D. 1.} ^{r, h. h.} ^{s, E.} ^{t, i.} ^{u, 4. 3.} ^{E. E. 4.} ^{40. 1. 1.} ^{41. 4. 1.} ^{L. L.} ^{x, c.} mihi *semifibuleus* dictus, ^p originem ducit oblongam, carnosam, ^q fibulæ adhærentem: at cum medium longitudinis fibulæ superavit, in ^r tendinem degenerat teretem, qui ad fibulæ posteriora, sub ^s externo malleolo, reflectitur, & in os tarfi parvum digitum sustinens duplici ^t insertione implantatur, unde à me *bicornis* dici consuevit.

Secundus.

Oblique moventes.
Primus.

^u OBLIQUE MOVENTIVM primus, sive *adducens pedem*, quod ad interiora pedem trahat, hic à me *nauticus* vocari solet, quod eo nautæ potissimum utantur, dum malum scandunt: ab aliis *tibiaeus posticus* dicitur. ^x Originem habet carnosam à tibia, fibulæque, & ligamento, quod utrumque hoc os necit, cui attentus, inter posteriores musculos jacens, ^y tendinem teretem prope internum malleolum profert, quem ubi superavit, ligamento valido investitus, ad plantam pedis transit, & in tarfi ossis, quod cubiformi vicinum est, sedem inferiorem implantatur. ^z Secundus, sive *abducens*, quod ad exteriora trahat, *Peroneus primus* aliorum, sive *fibuleus*. Oritur valido nervosoque ^a principio à ^b superiori fibulæ appendice, externoque fibulæ toti lateri adhærens, descendit teres & carnosus, externa parte lividus; at interna, qua musculos spectat, rubicundus. Hic ubi ultra medium longitudinis fibulæ progressus est, carneam substantiam deponit, sicque in ^c tendinem degenerat, qui oblique retro sub ^d malleolo externo transit sinum, ^e ligamento involutum transverso, qui à fibula ad calcaneum & latum sub planta pedis admodum reflexus, in radicem ossis pedii, quod pollicis prostat, inferitur. ^a, B. ^b, V. ^c, D. I. ^d, R. ^e, P.

Secundus.

CAPV T XXV.

De musculo, cujus latus tendo, mediæ plantæ subnascitur, & Plantaris propterea vocatur.



L NTER eos musculos, qui in Tibia situm habent, occurrit nonnullus, qui in omnibus propemodum convenit cum alio quodam, cujus historiam ^asuperius complexi sumus. Vt enim ille longissimo primo ac impense tereti tendine, per universum cubitum interiorem excurrerat; inde, ad carpi ligamentum annulare appellens, in latissimam expandebatur membranam, totam manus volam succingentem, unde & Palmaris dictus: sic iste per totam posteriorem tibiæ sedem tendine tereti descendens, postea in plantam expanditur, ideoque Plantaris vocatur. ^bSitus enim est sub externo Gasterocnemio, & ab exteriori fœmoris capite sub poplite, ^cprincipio terete carneo ac gracili exoritur, postea nonnihil dilatatus oblique à parte externa internam versus descendit, ac statim in gracilem & longissimum ^dtendinem, quo major inter teretes in humano corpore non datur, degenerans, ad latus interius cruris, inter duos gasterocnemos, & horum tendines repit. Tandem prope calcaneum à latere tendini gasterocnemiorum adnexus, ad ^einternum calcanei latus, & ab hoc ulterius ad plantam pedis pervadit, ubi in eadem latitudine diu incedens, sensim postea trianguli ritu latefcit, & prope digitorum primos articulos totam plantam obtegens, ^fad singulos quinque digitos inferitur. Non ergo secius in totam plantæ sedem, ac palmaris in volam totam absorbitur. Quod si desit hic musculus, tum hujus tendo latus, ut & palmaris, à digitorum flexore altero surrogatur. Videtur autem cum figura eadem, eundem quoque usum habere in planta, quem habet palmaris in vola manus: nequaquam autem, ut vulgo statuitur, pedis vel tarfi extensioni ancillari.

CAPV T XXVI.

De musculis pedis digitos flectentibus.



DIGITI PEDIS flectuntur, extenduntur, aut in latera moventur. Quare tria jam erunt musculorum genera, qui digitis dicati sunt, flectentes scilicet, extendentes, & oblique moventes. Ex his quatuor in tibia siti sunt, flexor scilicet tertii digitorum internodii, flexor pollicis, extensor tertii digitorum articuli, & pollicis tensor: reliqui, in pede.

DIGITORVM
pedis
musculi.
Numerus &
situs.

^gDIGITORVM tertii internodii flexor, sive perforans, gasterocnemio interno subjacet, & à ^htibiæ posteriore sede, sub ⁱpoplite, ^kinitio longo carnosoque oritur, per longitudinem tibiæ, cui adnascitur, excurrens, ac ultra ejusdem medium vectus, in ^ltendinem desinit, qui prope ^mmalleolum internum fit nerveus ac teres, & sub ipso à ligamento, quod ab inferiore tibiæ appendice ad calcaneum procedit, vinctus, ad plantam pedis progreditur, ac in ⁿquatuor tendines secatur, qui singuli tandem ad ^otertium internodium, sive ultimum os quatuor digitorum, ut id flectant, inferuntur.

Digitorum
flexores.
Flexor tertii
internodii.

^pFlexor secundi internodii, Perforatus dictus, carnosus nervosusque à ^qcalcaneo inferiore oritur, ac ubi medium pedis superavit, in ^rquatuor teretes tendines secatur, qui in ^ssecundum digitorum internodium, quod flectunt, inserti, perforati sunt, ut per eos musculi prioris tendines ad tertium internodium transire queant.

Flexor secundi
internodii.

^tFlexores quatuor primi internodii, Lumbricales dicti, usu, figura, atque exortu lumbricalibus in manu positis similes sunt. Oriuntur enim eodem pacto ^uà tendinibus perforantis musculi, & tertium articulum flectentis, parvi teretesque, & parvo ^xtendine in latus ^yprimi digitorum internodii inferuntur. Horum actioni plurimum opitulari videtur ^zcarnea quædam portio, quæ ab anteriore parte lateris inferioris calcis duobus acutis initiis enata, non admodum crassa, recta antorsum progreditur, ad divisuram tendinis tertium digitorum internodium flectentis, ibique principiis quatuor musculorum lumbricalium inferitur.

Flexores primi
internodii.

POLLICIS
flexor.

^a POLLICIS flexor, à ^b fibulæ posteriore sede, longe sub appendice superna, prope medium longitudinis fibulæ, carnosus acutusque prodit; deinde ventricosior factus, prope ^c malleolum internum in ^d tendinem teretem mutatur, qui oblique sub malleolo, eodem, quo ^e flexor tertii internodii, munitus ligamento, ad ^f tertium pollicis internodium accedit. Hic tendo sæpe cum tendine flecentis tertium articulum ad indicem excurrentis connascitur, & antequam attingat secundum pollicis internodium, os sesamoides grandius, quam in cæteris digitorum internodiis est, acquirit.

a, 4. 41.
I. I. 4.
1. N.
b, C. C.
c, N.
d, K. K.
e, D. E.
f, a.

CAPUT XXVII.

De musculis pedis digitos extendentibus.

DIGITO-
RVM Ten-
sores.
Tensor tertii
internodii.



DIGITORVM ^g tertium internodium extendens, nerveo & acuto principio à superiore & anteriore tibiæ appendice oritur, statimque factus carneus, & adnatus ^h ligamento, quod tibiæ os fibulæ annectit, recta descendit ad pedem, ubi in ⁱ quatuor tendines dividitur, qui sub ^k transverso ligamento, & annulari, quod à tibiæ fibulæque appendice exit, uniti perreptantes, sese expandunt in quatuor digitorum tertium & secundum internodium, ut ipsa extendant. Cæterum ipsi tendines ^l ligamento quodam

g, 4. 42.
G. 1. 4.
I. I. L. 2.
b, X.
i, H. H.
H.
k, P.

Tensor secundum
internodii.

^m Extendens digitorum secundum articulum, in ⁿ pedis dorso situs est, & originem suam accipit à transverso ligamento carneam & latam, ex qua quatuor veluti separati muscoli prodeunt in progressu, quem ad digitos moliuntur, & ex his quatuor, aliquando etiam quinque ^o tendines, qui singulorum digitorum tria internodia, sed præcipue secundum, adeunt, ut hæc etiam extendant, ligamento, ex digitorum articulorum lateribus prodeunte, adnexi.

l, K. K. K.

Tensores primi
internodii.

Primum autem internodium extendunt ^p interossei, de quibus in sequenti, & ultimo hujus libri capite dicemus.

m, 4. 39.
L. 1. 3. 4.
n, Q.

POLLICIS
tensor.

^q POLLICIS tensor, ^r principium carnosum à medio fibulæ, vel (uti Vesalio placet) à tibiæ externo latere, quo à fibula dehiscit, desumens, quemadmodum & à ^s ligamento, quod tibiæ fibulæ conjungit, cui pertinaciter adnascitur; dein ^t tendinem generans, super anticnemium inferius fertur, & sub ^u transverso ligamento, ad tria pollicis internodia, quibus inseritur, vadit, ut ea recta extendat. Aliquando hic tendo bifariam in duos dirimitur; quorum alter, in pollicis internodium ultimum; alter, in os pedii inferatur.

o, M. M.
M.

p, 4. 39. 2.
I. I. L.

q, 4. 40. 2.
1. 4. 39.
N. N.
r, X.
s, b.
u, P.

CAPUT XXVIII.

De musculis pedis digitos ad latera oblique moventibus.

DIGITO-
RVM obli-
que motores.



DIGITORVM obliqui motores, ^x Interossei dicuntur, quod inter ossa habitent. Horum in manu octo duntaxat habentur, at in pede decem, quod metacarpium, à metatarso osse uno superetur, unde quatuor emergunt ossium intercapedines, in quibus octo existunt muscoli, quibus si duo alii adnumerentur, ^y unus nempe ad pollicis, ^z alter ad parvi digiti externum latus, numerus denarius complebitur. Singuli autem à sui lateris ^a osse pedii, carnosi enascuntur, ibique secundum ossis longitudinem ducti, spatia illa interossea replent, & carnosi fere inferuntur in quinque digitorum ^b radices, siue ossa prima, brevibus, & aliquantulum latis tendinibus. Horum si uterque simul agat, qui uni digito inseritur, primum internodium extenditur: at si alteruter, oblique movetur. Quod si internus contrahatur, adducitur digitus; si externus, abducitur.

x, 4. 39.
I. I. L.
1. 4. 43.
C. C.
& c. &
D. D.
& 3. G.
y, 4. 40.
M.
z, ib. Q.

POLLICEM
adducens.

^c POLLICEM adducens, scilicet ad internum pedis latus, interno pedis lateri exporrectus, ab ^d interna calcis parte, vel (uti Vesalius voluit) à ligamento calcem cum talo connectente, ^e originem trahit nerveam, dein ^f carne crassescens, & teres factus, cum osse pedii, cui pollex superstat, cohærens, recta fertur ad externum latus primi pollicis internodii, cui teretem ^g tendinem porrigit, ut pollicem à reliquis digitis abducatur, siue ad interna trahat.

a, 4. 35.
K. K. K.
b, L. L.
L. L.

c, 4. 41.
E. F. F.
Q. Q.
d, A. A.
e, e.
f, E.
g, F. F.

^a MINIMUM abducens, externum pedis latus occupat, ab externa ^b calcis parte, ubi ^c tuberculo donatur, prodiens nerveus, sed statim carnosus redditus, musculi forma procedit, & ^e processui ossis metatarsi, cui minimus digitus superstat, annexus, ^d tendine carneo brevi, mox in ^e teretem tendinem abit, qui lateri externo ^f primi internodii minimi digiti, ut ipsum à cæteris abducatur, implantatur.

CAPUT XXIX.

Brevis omnium totius corporis musculorum enumeratio, memoriae gratia, instituitur.



VM jam universa musculorum historia à nobis ad finem feliciter perducta sit, operæpretium facturi videmur, si brevem omnium enumerationem hic instituerimus, & in tabula quadam sub uno aspectu oculis proposuerimus, ut quotiescunque visum est, facillima omnium repetitio instituatur. Musculi ergo, vel ad Ventres, vel ad Artus pertinent. Qui ad Ventres, vel Caput, Thoracem, aut Imum Ventrem concernunt, & vel totum movent, vel aliquam ejus partem. Qui Artus respiciunt, vel Brachia, vel Crura trahunt.

CAPITIS musculi, re- feruntur vel id	Frontem,	aut potius Supercilia, quam attollit musculus <i>Frontalis</i> .
	Palpebras, quarum	Superiorem { attollit, <i>Aperiens oculum rectus</i> .
		{ deprimat, <i>Claudens oculum superior</i> .
		Inferiorem, attollit, <i>Claudens oculum inferior</i> .
	Oculum, quē mover	recta { sursum, <i>Attollens</i> .
		{ deorsum, <i>Deprimens</i> .
		{ ad interiora, <i>Adducens</i> .
		{ ad exteriora, <i>Abducens</i> .
		oblique { deorsum ad exteriora, <i>Circumagens exterior</i> .
		{ sursum ad interiora, <i>Circumagens interior</i> .
	Nasi alas, quas	abducunt { <i>Primus nares aperiens</i> .
		{ <i>Secundus nares aperiens</i> .
		adducunt { <i>Primus nares constringens</i> .
		{ <i>Secundus nares constringens</i> .
	Genas, quas	deorsum trahit, <i>Detrahens quadratus</i> , Galeno <i>πλάτυσμα μυῶδες</i> dictus.
		intro movet, <i>Contrahens genas</i> , male vulgo <i>Buccinator</i> dictus.
	Labia, quæ	attollit, Primum par, <i>attollens labium superius</i> .
		ad latera movet, Secundum par, <i>labia abducens</i> .
		deorsum trahit, Tertium par, <i>deprimens inferius labium</i> .
		constringit, Quartum par, <i>labia constringens</i> .
	Maxillam inferiorem, quam trahit	sursum, Primum par, <i>Attollens, Temporale</i> .
		deorsum, Secundum par, <i>Deprimens biventre</i> .
		dextrorsum, } Tertium par, <i>ad latera trahens</i> .
		sinistrorsum, }
		antorsum, Quartum par, <i>abducens, Pterygoideum</i> .
		retrorsum, Quintum par, <i>adducens maxillam</i> .

Aures, quarum	{externam	{sursum, deorsum, antorsum, retrorsum,}	movet	{Primum par, Attollens. Secundum par, Deprimens. Tertium par, Adducens. Quartum par, Abducens.
		{internam movet		{Externus. Internus.
Linguam, quam movet	{Stringendo, & Dilatando, Antorsum, Retrorsum, Sursum, Deorsum, Dextrorsum, & Sinistrorsum,	{Primum par, Linguale dictum. Secundum par, Exerens, Geneoglossum. Tertium par, Retrahens, Hypsiloglossum. Quartum par, Attollens, Myloglossum. Quintum par, Deprimens, Ceratoglossum. Sextum par, Oblique trahens, Styloglossum.		
Os hyoides, quod movent	{recta	{sursum, Primum par, Attollens, Geniohyoideum. deorsum, Secundum par, Deprimens, Sternohyoideum.		
		{oblique {sursum, Tertium par, Oblique attollens, Styloceratohyoideum. deorsum, Quartum par, Oblique detrahens, Coracohyoideum.		
Fauces, quas	{Dilatant	{Primum par, Sphenopharyngeum. Secundum par, Dilatans.		
		{Constringunt {Primum par, Oesophagium. Secundum par, Cephalopharyngeum. Tertium par, Stylopharyngeum.		
Laryngem, qui	{Dilatatur	{dum ejus cartilagineum thy-	{extendit	{Primum par thyroidis, Sternothyroideum. Secundum par, Cricothyroideum anticum.
		{roideum		
	{Constringitur	{roideum	{flectit,	{Hyothyroides.
	{Clauditur	{dum arytaenoidem	{flectit	{recta, Primum par flectens arytaenoidem, Thyroarytenoideum. oblique ad latera, secundum par, Arytenoideum.
	{Aperitur	{noidem	{extendit	{recta, primum par extendens, Crycoarytenoideum postum. oblique ad latera, secundum par, Crycoarytenoideum laterale.
Caput, quod	{Flectit, Flectens par mastoideum,	{recta, si totum agat. ad latus, si alteruter tantum contrahatur.		
	{Extendit, Extendentium par	{Primum, Triangulare, vel Splenium dictum. Secundum, Trigeminum, vel Complexum. Tertium, Recti majores. Quartum, Recti minores.		
Cervicem, quam	{Circumagit	{Primum par circumagentium, Obliqui superiores. Secundum par circumagentium, Obliqui inferiores.		
	{flectit	{Primum par flectentium, sive Longum. Secundum par flectentium, sive Triangulare.		
	{Extendit	{Primum par extendentium, Transversi. Secundum par, Spinatum.		

THORAX
mvetur

{	Primario , à musculis pro- priis, quorum alii illum	{	Dilatant in respiratione { libera , Diaphragma solum se contrahens.
			{ coacta, Diaphragma, & Intercostales externi.
		{	Constringunt in respiratione { libera , Diaphragma solum relaxatum.
			{ coacta, Diaphragma, & Intercostales interni.
		{	Extendunt
Secundum par, Semispinatum.			
Tertium par, Sacrolumbum.			
Flectunt	{ recta , Recti abdominis musculi.		
{		{ oblique ad latera , Oblique ascendentes abdominis.	
{	Secundario , lumbis motis; sicque	Circumducunt , Duo transversi abdominis musculi.	

INIMI VENTRIS
miculorum, alii per-
tinnt ad

{	Abdomen , quod comprimunt parte	{	Laterali, { Obliqui descendentes.	
			{ Obliqui ascendentes.	
			{ Transversi.	
		{	Anteriore , Recti.	
				Inferiore , Pyramidales.
{	Lumbos, quos	flectit, Lumborum flexor Quadratus.		
		extendit, Lumborum tensor Sacer.		
{	Testes , quos	elevant , Cremasteres.		
{	Vesicam, quam	constringit, Sphincter.		
		elevant , Ani levatores.		
{	Penem , quo- rum alii	hunc erigunt , Collaterales , penem erigentes.		
		urethram trahunt , Interiores penis musculi.		

MANVS musculi, pertinent vel ad	Scapulam, quam	{	Diversimode movet, Primum par, Cucullare. Sursum trahit, Secundum par, Attollens. Retrorsum ducit, Tertium par, Rhomboides. Antorsum, versus superiora, Quartum par, Serratum minus. Antorsum, versus inferiora, Quintum par, Serratum majus.
	Humerum, quem mo- vet	{	Antorsum, Adducens, Pectoralis. Sursum, Attollens, Deltoides. Retrorsum, Abducens, Latissimus. Deorsum, Deprimens, Rotundus. Circumagit, { exteriora { Circumagentium primus, five Superfascularis superior. versus { interiora, Circumagentium secundus, five Superfascularis inferior. interiora, Circumagentium tertius, five Subfascularis.
	Cubitum, quem	{	flectunt { flectentium primus, five Biceps. flectentium secundus, five Brachialis. extendunt { extendentium primus, Gemellus, vel Major. extendentium secundus, five Minor.
	Radius, quem	{	pronant { Pronatorum primus, five Quadratus. Pronatorum secundus, five Teres. supinant { Supinatorum primus, five Longus. Supinatorum secundus, five Brevis.
	Carpum, quem	{	flectunt { flectentium interior, Cubiteus. flectentium exterior, Radiens. extendunt { extendentium interior, Cubiteus. extendentium exterior, Radiens.
	Cutim manus, scil.	{	Palmaris musculus, ☞ Caro musculoſa quadrata.
	Digitos, quorum alii	{	Flectunt, nim. { Tertium, Flexor tertii internodii. internodium { Secundum, Flexor secundi internodii. Primum, Flexores quatuor primi internodii, Lumbricales. Extendunt, { Tertium, & Secundum { primus extendentium digitos. internodium { Secundum { secundus extendentium digitos. Primum, Octo musculi interosseii. Ad latera mo- { Digitos quatuor, Interosseii musculi. vent { Indicem, Abductor indicis. Minimum, Abductor minimi.
	Pollicem, quorum alii	{	flectunt, in- { Primum { Primi internodii pollicis flexor primus. ternodium { Ejusdem internodii flexor secundus. { Secundum { Flexor primus, } { flexor secundus, } secundi pollicis internodii. { flexor tertius, } Tertium, Tertii internodii pollicis flexor. extendunt { Primus pollicem extendentium. Secundus pollicem extendentium. ad latus movent { internum, Adducens pollicem. externum, Abducens pollicem.

CRURIS
musculi,
pertinent
ad

Femur, quod	Extendit	oblique { retrorsum, Primus fœmur extendentium, <i>Glutæus major</i> . antorsum, Secundus fœmur extendentium, <i>Glutæus medius</i> . recta, Tertius fœmur extendentium, <i>Glutæus minor</i> .
	Flectit	recta, { Primus fœmur flectentium, <i>Væas</i> . Secundus fœmur flectentium, <i>Iliacus internus</i> . oblique, { Tertius fœmur flectentium, <i>Triceps</i> . Quartus fœmur flectentium, <i>Lividus</i> .
	Circumagit	versus superiora, Primus fœmur circumagentium, <i>Pyriformis</i> . introrsum, Secundus fœmur circumagentium, <i>Obturator externus</i> . extrorsum, Tertius fœmur circumagentium, <i>Obturator internus</i> . ad posteriora, Quartus fœmur circumagentium, <i>Quadrigeminus</i> .
Tibiam, quam	Flectunt	Primus, <i>Sartorius</i> , vel <i>fascialis</i> . Secundus, <i>Gracilis</i> . Tertius, <i>Seminervosus</i> . Quartus, <i>Semimembranosus</i> . Quintus, <i>Biceps</i> .
	extendunt	Primus, <i>Membranosus</i> . Secundus, <i>Rectus</i> . Tertius, <i>Vastus externus</i> . Quartus, <i>Vastus internus</i> .
	oblique movet,	<i>Suppopliteus</i> .
Tarsum, quem	extendunt	Primus tarsi extensor, <i>Gasterocnemius externus</i> . Secundus tarsi tensor, <i>Gasterocnemius internus</i> .
	flectunt	Primus flectentium tarsum, <i>Tibicus anticus</i> . Secundus flectentium tarsum, <i>Peroneus secundus</i> .
	oblique mo- vent ad latus	internum, Primus, sive <i>Adducens</i> , <i>Tibicus posticus</i> dictus. externum, Secundus, sive <i>Abducens</i> , <i>Peroneus primus</i> vocatus.
<i>Cutim plantæ, Plantaris musculus.</i>		
Digitos, quorum alii	flectunt in- ternodium	Tertium, <i>Perforans</i> . Secundum, <i>Perforatus</i> . Primum, <i>Quatuor lumbricales</i> .
	extendunt in- ternodium	Tertium, <i>Tertii internodii tensor</i> . Secundum, <i>Secundi internodii tensor</i> . Primum, <i>Interossei</i> .
	oblique ad late- ra movent, ut	<i>Interossei</i> , & <i>Minimum digitum abducens</i> .
Pollicem, quem	flectit,	<i>Pollicis flexor</i> .
	extendit,	<i>Pollicis tensor</i> .
	oblique movet,	<i>Pollicem abducens</i> .

FINIS LIBRI QVARTI.

A D R I A N I S P I G E L I I
B R V X E L L E N S I S ,
D E H V M A N I C O R P O R I S F A B R I C A ,
L I B E R Q V I N T V S ,

Quo Venarum natura , earumque per universum
corpus series describitur.

C A P V T I .

Venarum naturam , actionem , & usum explicat.

Ratio ordinis.



*Cur de Venis
primo agen-
dum.*

*Vena vox am-
bigua.*
1.

2.

OSsivm, cartilaginum, ligamentorumque & musculorum historiam hactenus persequuti sumus. Sed quemadmodum ad hanc methodum, qua primo omnium de his egimus, ipsa quasi Natura nos impulit, quæ velut fundamenta quædam nostri corporis hæc efformavit: ita nunc, ut, omiſſis Viſceribus, historiaque trium Ventrium, quæ neceſſario ſequi videbantur, Vaſorum, ſive Venarum, Arteriarum, & Nervorum tractationem aggrediamur, eadem nos cogit. Horum enim fundamentum ipſi muſculi ſunt, ſecundum quorum ductus ipſorum ſeries diſtribuitur. Et quanquam nec viſcera ab his immunia, liberaque ſint, quia tamen muſculorum tanta moles & copia eſt, ut univerſum præne corpus conficiant, merito videmur poſt horum explicationem vaſorum doctrinam aggredi. Caterum ex vaſis omnibus de Venis primo agendum videtur, quod ipſæ tum notiores cæteris ſint, tum ſimpliciores. Vnicam enim tantum habent tunicam, cum Arteria duas, Nervi multiplicem. Vehunt, præterea ipſæ ſanguinem, arteriæ calorem, nervi ſpiritum, ex quibus ſanguis omnium eſt notiſſimus.

Eſt autem *Vena* vox, quæ Græcis φλὲψ, dicitur, ambigua admodum, cum *lata ſignificatione*, pro quocunque vaſe ſanguinem in ſe continente, ſive arteria foret, ſive vena communiter nunc dicta, Veteribus accepta fuerit. Hac ſignificatione ſumpſerunt priſci illi Medici, qui ante Galenum floruerunt, ut pluribus in locis ipſe teſtatur. Hoc etiam pacto intelligendus eſt locus ille apud Hippocratem lib. de aëre, locis, & aquis, ubi *Scythas* inquit, *ſibi ipſis ſterilitatem inducere, ſectis circa aures venis*. Loquitur enim de arteriis, ex quibus ſibi tantam ſanguinis copiam detrahebant, ut in ſomnum, & quandoque animi deliquium inciderent, unde univerſum corpus impendio refrigerabatur. Et hinc factum eſt, ut utrumque vaſ, tam vena, quam arteria, Eudoxo ἐπακθισμός, Heſychio autem, antiquo Grammatico, non ineleganter δεξαρμένη dictum ſit, quod carnalis eſſet, qui ſanguinem recipiat. *Strictiore ſignificatione* cœpit ſumi circa Galeni tempora, pro eo vaſe, quod ſanguinem quidem continet, paulo tamen craſſiorem, quam ille eſt, qui in arteriis coërcetur, quique perpetuo quieſcit, nec movetur. Ne tamen ambiguus ſermo obſcuritatem pareret, poſteriores illis antiquiſſimis Græcis diſtinguere cœperunt, & alias quidem venas ἀσφυϊκὰς, pulſu carentes, alias σφυϊκὰς, ſive *Pulſatiles* vocabant, quomodo & Marcus Tullius Arteriam, *Micantem venam*, quod modo ſe attollat, modo deprimat, perquam eleganter vocavit. Micare enim, ut proprie, per intervalla reſplendere, aut coruſcare, micarum inſtar, ſignificat: ita poſtea, pro eo, quod certis interpoſitis intervallis movetur, ac ſe in conſpectum proferat ſurripitque, accipitur. Sic ergo 11 de nat. Deorum: *Iam vero*, inquit, *Venæ & Arteriæ micare non deſinunt, quaſi igneo quodam motu*. Nos, quia de Venis nunc acturi ſumus, cum Galeno eas tantum intelligemus, quæ motu deſtituuntur, & quas Hippocrates, ſive quicumque author ſit libri de morbo ſacro, αἱματιπιδας, *ſanguinarias* vocavit, ut ab arteriis diſtingueret, quæ calorem, & ſpiritus vitales per corpus diſfundunt.

Diſtinguenda

Distinguenda autem merito est *Vena* ab *Arteria*, cum inter utramque differentia, insigneque discrimen reperiatur. *Substantia* enim primo diversa est, cum *Venis* sit membranosa, *Arteriis* nervosa; unde *Arist.* 111 *Hist. de animalibus*, cap. v, ἀρτηρία, inquit, ὑπερβαίνει τὴν φλέβα, *Vena Aorta* appellata, nervosa est. *Crassitie* quoque differunt, cum *Vena* ex membrana admodum tenui & molli constet; *Arteria* vero ex tunica quintuplo crassiore. Tum vero & *color* utramque ad visum confestim distinguit; cum illa, caerulea fere sit, hæc, ediverso alba, & candida. Iam *sanguis*, quem vehit illa, quam differens est, ut modo dicemus? & cum *Venæ* extimas quoque partes subeant, *arteriæ* intus hærent, nec nisi tribus fere in locis ad superficiem corporis accedunt, puta circa tempora, carpum, & penem, ut taceam nunc usum, & alia complura, in quibus notabile discrimen advertitur.

Est autem *VENA*, si definitionem ipsius requiras, *vas membranosum, simplex, triplici fibrarum genere intertextum, sanguinem fibrosum, & crassiore, pro nutritione totius corporis, omniumque partium conficiens, & deferens*. Dico esse *Vas*, sive ἀγγεῖον, ut formam genusque ipsius assignem. Tria enim vasorum sunt genera in nostro corpore, *Venæ* scilicet, *Arteriæ*, & *Nervi*. Qui ergo vasorum naturam norit, naturam quoque *Venarum* universalem perspectam habebit. *Vasa* enim omnia, similes partes sunt; non in illa tantum significatione, qua similes respectu organicarum dicuntur, ad quarum compositionem veniunt, quemadmodum muscoli interdum similes partes vocantur: sed etiam, quatenus opponuntur parti compositæ, & simplicem naturam habent, ita ut quælibet pars *venæ*, *vena* & sit, & dici possit. *Vasa* quoque omnia oblonga sunt, & teretia corpora, quæque universo corpori aliquid deferunt, ac deportant; quæ sane conditio *Venis* non minus, ac *arteriis*, & *nervis* competit. Ut tamen à cæteris vasis distinguamus, in definitione, *Venas sanguinem deferre* addidimus, qua quidem in re à *Nervis* maxime differunt, cum hi spiritus animales purissimos, & ab omni terrestriore materia liberos vehant: hunc autem sanguinem fibrosum, & crassiore dicimus, ut & ab *arteriis*, in quibus liquidior tenuiorque fluit, distinguantur. His enim duabus vocibus utriusque sanguinis discrimen exprimere hic voluimus, non quod aliæ differentiæ non sint, quam hæ duæ, sed quia istæ præcipuæ sint, & familiam ducant, maximeque formalem distinctionem insinuare videantur. Primo enim *Venarum* sanguis fibrosior est, id est, plures habet fibras. Quid autem fibræ sanguinis sint, præclare explicat *Arist.* 11 de part. anim. cap. iv: & 111 *Histor. de anim.* cap. vi: ubi αἷμα δὲ τὸν ἄνθρωπον, inquit, ἵνες εἰσὶν, fibræ autem sunt, quicquid in sanguine terreum est: sed de his postea pluribus, cum de sanguinis natura agemus. Secundo idem quoque crassior est, cum contra *arteriarum* sanguis attenuatus sit magis per concoctionem, eam scilicet, quæ in Corde fit, unde eleganter *Philosophus*, 11 de gener. anim. cap. vi, hunc, περιμεικτὸν καὶ καθαρωτάτον, & πρῶτον τοῦ αἵματος, concoctum, purissimum, & primum: illum, deterius nutrimentum, appellat. *Color* quoque utriusque sanguinis discrimen evestigio exprimit: cum ille, nigrior sit; hic, rubicundus: ille, spirituum expers; hic, prægnans: ille, quiete fruens; hic, perpetuo & indefinente motu agitatus. *Ultima differentia* in definitione quoque attracta est, per quam simul & actio & usus *Venarum* explicatur. *Actio* quidem, quia sanguinem conficit concoquendo: *Usus*, quia deferat per totum corpus confectum jam, & inde distribuit, propter nutritionem corporis. Sanguis ergo *Venarum* fibris & crassitie sua nutrit: at *Arteriarum*, spiritibus & calore vivificat. Cæterum *substantia venarum* membranosa est, tenuis, & rara; & propterea simplex, ut per eam sanguis hic ad nutritionem facilius transsudat: triplici autem fibrarum genere intertextæ, rectis, obliquis, & transversis, non tantum propter usum, quem privatum habet; sed etiam propter actionem, quæ publica est. Rectis enim attrahit: obliquis, retinet: transversis, expellit. Rectæ, secundum longitudinem ipsarum expanduntur; oblique, & transverse, secundum latitudinem: sed illæ, oblique; hæ, rectæ feruntur. Has qui velit cernere, truncos oportet insignes *venarum* majorum animalium uti elixet: quod si similes his quid intueri libeat, fibras in ventriculi interna tunica, vel viscera contempletur. Est autem hæc substantia omnis sensus expers, quia & uri, & scindi possunt *venæ* citra dolorem, idque magna sane *Naturæ* providentia, cum *venæ* hoc pacto, modo sanguine deficiente, in se subsidere: modo abundante, turgere, & extendi commode queant, Homoque ab illa molestissima ἀνπαθία vendicetur, quam necessario alias incurreret, si sensum al-

Discrimen
Vena & Ar.
teria.

1.

2.

3.

4.

5.

Definitio
Venæ.

Vena est vas.

Vasorum natura.

1.

2.

Venarum sanguis in quibus ab arteriarum sanguine differat.

1.

2.

3.

Substantia.

Fibra.

Vena carens sensu.

Sunt simplices
non tamen
ubique.

Nota.

Figura.

Magnitudo.

Numerus.

Necessitas hi-
storia Venarum.

Situs.

VALVULÆ

Inventor Val-
vularum.

GLANDVLÆ.

quem fuissent nactæ. Non minus enim à sanguine copioso distentæ, si sensu præditæ essent, dolore nos afficerent, ac partes carnosæ solent cum inflammantur. Cæterum hæc *tunica simplex* est, non ubique tamen, sed ubi musculis defenditur, aut alia quapiam parte ambiente. Quæ enim cuti proximæ, vel suspensæ sunt, duplici tunica constant, accedente à vicinis partibus alio involucro. Sic enim tutius vena deducitur, cum partibus conterminis alligatur: nec sanguis frustra exsudat, quando per partes, quæ multum nutrimenti non requirunt, vena progreditur: in illis autem, quæ unica tunica investuntur, facile transfudat. Hoc tamen *notandum* est, illis una cum membranis adnatis sensum accedere, ut dolores oriantur sæpe circa dorsum in febribus, & lumbos, cum menses instant, turgente ibi sanguine. *Figura* venis est cava, canalium in morem. Sic enim & plurimum capitimenti, & tutior est vena adversus externas injurias. Quo ad *magnitudinem*, tanta cuivis parti est vena, quanta requirebatur. Magnis ergo magnæ quoque venæ sunt; parvis contra, parvæ. Sed & magnæ illis sunt, quæ plurimo alimentum indigebant, quod id absumatur facile, & vel ob raritatem substantiæ, vel calorem abundantior, vel motus continuitatem. Sic pulmones, & muscoli magnas habent venas: ossa contra minores, quia densiora sunt, frigidiora, & motus expertia. *Numerus* venarum tantus est, ut numero exprimi non possit. Infiniti enim sunt ramuli, qui cum separati non sint, sed ab aliis atque aliis dependant, qui tandem in magnos truncos definunt, aut potius à truncis oriuntur, venarum numerum ut plurimum definire solemus, dum truncorum, ex quibus descendunt, numerum exprimimus. Quamobrem si vulgatam intueamur opinionem, quatuor erunt Venæ, ex quibus reliquæ omnes nascuntur. Prima vena, *Umbilicalis* est: Secunda, *Arteriosa*: Tertia, *Vena portæ*: Quarta, *Cava*. Cæterum cum umbilicalis primo quidem revera peculiaris truncus non sit: sed ^a ramus tantum Venæ portæ, ut cuivis clare patebit, qui persequi cum industria venam hanc in hepatis parenchymate conabitur: deinde, cum in lucem prodeunte fœtu venæ officio amplius non fungatur, sed ligamenti loco hepatis inserviat; tres duntaxat videntur esse venæ, à quibus cæteræ omnes enascantur. Sed enim cum Vena arteriosa ad pulmones solos abeat, nec præter hos alteri alicui parti nutrimentum deferat, duas tantum ponemus primarias Venas, Portæ scilicet vocatam, & Cavam. Est autem maxime necessaria futuro medico perfecta distributionis omnium Venarum cognitio, non solum ut in morbis ex fluxione humorum dependentibus, quales frequentissimi esse consueverunt, utrumque fluxionis terminum, mediaeque vias exacte cognoscat; sed & pro revellendis, aut divertendis iisdem, locum venæ sectionibus aptum, apte possit decernere. Quamobrem autem duæ venæ sint, nec, ut arteria, una continua, in sequentibus, cum res scitu maxime digna sit, quanta fieri poterit, summa diligentia explicabimus. *Situs*, venarum, connexionem, & sedem earundem indicat. *Sedes* quæ sit unicuique ramo ex historia patebit, in qua omnium ductus describemus: ad *connexionem* autem, origo pertinet. De hac cum controversiæ sint inter Philosophos & Medicos, quod illi quidem Cor, at hi Iecur principium venarum constituent, totum tertium hujus libri caput huic negotio assignabimus.

Dignissimæ autem sunt, quarum mentio hic fiat, ^b membranulæ quædam exiguæ ^{b, c, d} quæ in nonnullis majoribus venarum ramis reperiuntur, sed imprimis in illis, qui in artus, brachia inquam, & pedes disseminantur. *OSTIOLA* & venarum *VALVULAS* appellant, quod sanguini impetuose in motibus harum partium irruenti, viam valvularum in morem intercipient. Hæ ^c exterius, si quando validius brachium fascia strin- ^{c, d, e} gatur, manifeste nodis per venas apparentibus, advertuntur. Earum primus inventor nostra ætate fuit, *Hieronymus Fabritius*, ab *Aquapendente*, Vir de Anatomico studio, & Medicina oppido quam bene meritus. Is in Theatro princeps magnum hoc Naturæ mysterium humanis primum oculis; sed postea elegantiore tractatu animis quoque objicit. Constant hæc Valvulæ ex membrana quadam tenuiore, quam est ipsa vena, valvulis illis figura prorsus similes, quæ in corde reperiuntur. Cavitate sua Venæ cavæ truncum spectant, at convexa sede exteriores artuum partes.

Neque vero hoc loco prætereundæ sunt ^d *GLANDVLÆ*, quas Græci *adēvas* vocant, ^{d, e, f, g, h, i, k, l, m, n, o, p, q, r, s, t, u, v, w, x, y, z} quæque substantia laxæ, & molles, Venis, & Arteriis à Natura appositæ sunt, non tamen ubique, sed tantum circa vasorum divaricationes: neque in his omnibus, sed in iis tantum,

a, hoc
ro den.
stratus
hepate
carni.
2. D.

d, 4. R.
e, in sen-
terio ju-
tissim.
T. T.

tantum, quæ ruptioni perquam opportunæ essent, vel quia suspensæ sint, & remotæ ab aliis partibus; vel, quia circa articulationes laxas, quæ in angulum admodum acutum flectuntur, consistunt; vel, quia partibus adjacent, quæ motibus aut validis, aut continuis agitantur.

ACTIO Venis nulla vulgo communis tribuitur: ostendam tamen capite tertio, re- ACTIO.
vera venis αἱμάτωσιν, quam Aristoteles Cordi, Galenus Hepati tribuit, competere: hepar autem, & cor, longe aliam actionem obire. Interim concludamus, Venarum actionem sanguinis confectionem esse: Vsum autem, ejusdem confecti per corpus distributionem. Hanc ut perficiant, quatuor facultates habent ministrantes. Attrahunt enim chylum ex intestinis, per fibras rectas; attractum retinent, per obliquas; concoquunt, per calorem partim proprium, partim influentem à Corde, quam ab arteriis per anastomoses hauriunt: expellunt tandem, quæ generata sunt, excrementa. Caterum cum Venæ per universum corpus sanguinem deferant, dubitatum est ab antiquis, an eadem sanguinem quoque pro nutritione ad singulas partes expellant. Fuit enim Erasistratus, qui ex venis sanguinem effundi statuit, & sic non deferri tantum per venas, sed etiam trudi credidit. At ego contra existimem, postquam chylus in sanguinem versus sit, à carnibus potius, cæterisque partibus trahi. Faventem habemus in hac opinione ipsum Hippocratem, quem unum omnium Anatomicorum doctissimum existimo, qui vi Epid. sect. vi, eleganti sententia, σάρκας inquit ἐλκὲς καὶ ἐκ καὶ λήϊς, ἔξωθεν εἶναι. δῆλον δὲ ἡ αἵσθησις ὡς ἐκπνοὴ καὶ εἰσπνοὴ ὅλον τὸ σῶμα. Carnes attractrices & ex ventre & extrinsecus esse. Indicio est sensus ipse, quod exspirabile, & inspirabile est totum corpus. Carnes ergo sunt quæ attrahunt: non tamen carnes tantum, quæ proprie sic dicuntur, cujusmodi est musculorum substantia, sed quævis pars nostri corporis, quæ sanguine nutritur.

C A P V T II.

Differentias Venarum breviter enumerat.



Differentiæ Venarum diligenter tradendæ sunt, tum quia ad historiam particularem plurimum momenti conferunt; tum quia nonnullæ earum sunt, quæ Medicinæ Candidatis sæpe in arte occurrunt. Ratione ergo substantiæ, Venæ inter se differunt, quia crassiores sunt, vel tenuiores; simplicem tunicam habent, aut duplicem; eamque sensu carentem, aut sensu præditam, ut diximus. Ratione Magnitudinis, discrimen est notatu dignissimum, propter febrium doctrinam, in qua frequens ejus occurrit mentio. Sunt enim Venæ quædam magnæ, aliæ mediæ, nonnullæ parvæ, aliquæ etiam minimæ. Magnæ sunt, ut Truncus Venæ cavæ^a ascendens, & ^b descendens, rami ^c iliaci, ^d subclavii, ^e jugulares, & ^f emulgentes. Mediæ, illæ in quas rami ^g iliaci, & ^h subclavii dividuntur, Vena jugularis externa, ⁱ rami majores Venæ cavæ, per jecoris substantiam transeuntes. Parvæ vero, quæ in habitu corporis consistunt, & per musculos dispersæ sunt, aut per viscera, ut per Iecur, Lienem, Renes, Intestina, Mesenterium, Vterum, Pudenda. Minimæ tandem vocantur illæ, quas περιχισμὸς Græci, quasi Capillares appellant, quia pilorum crassitiem non multum superant. Hæ perquam bene in ^k hepate, aut ^l liene à sua carne liberato, sed & in alba oculi tunica in homine vivo conspicuæ sunt, cum ophthalmia laboramus, alias visum ob tenuitatem effugiunt. Quoad figuram, quædam rectæ sunt, ut venæ cavæ^m truncus, & ⁿ emulgentes; quædam curvæ, ut ^o capreo-
lares, præparantes scilicet dictæ, ubi cum ^p arteriis similiter præparantibus multis vasorum osculis implicantur. A sede, multiplex differentia peti potest. Aliæ enim per Ventreres excurrunt, aliæ per Artus, & ab hac nonnullæ nomen habent proprium, unde ^q Phrenicæ dicuntur, quæ diaphragma perreptant; ^r Iugulares, quæ per jugulum feruntur; ^s Renales, quæ per renem: nonnullæ nomine tali destituuntur. Connexionis ratione etiam discrimen est. Quædam enim cum carne nectuntur, ut quæ in musculis sunt; quædam cum Nervo, ut Basilica in brachio; quædam cum Arteria, ut pleræque omnes majores. Vt plurimum enim quævis vena arteriam sibi sociam habet, & fere vena arteriæ incumbit: sæpe tamen duntaxat & lateri adjacet. Hac enim ratione sanguis per universum corpus, ad partes tam superiores, quam inferiores facile propellitur,

Differentiæ venarum.

A substantia.

A magnitudine.

A figura.

A sede.

A connexionione.

Ab usu.

& simul ventilatur motu, atque à putredine conservatur. Cæterum ut raro admodum venam sine comite arteria reperire est; imo nunquam, si discedas ab iis, quæ *Cutaneæ* dicuntur, qualis est ramus *Cephalicus*: ita contra, nunquam videre licet arteriam, quæ absque socia vena incedat. Vbicunque enim arteria est, ibi quoque vena cernitur. Ratione *usus* denique, maxima est differentia. Nam etsi, ut statuimus, primarius venarum usus sit sanguinis per universum corpus distributio: sunt tamen & alii quidam particulares. Sic nonnullæ chylum ad sanguinis generationem attrahunt, ut sunt ^a *mesaraicæ*; quædam excrementa purgant & evacuant, quemadmodum ^b *Vteri* venæ, & *Hæmorrhoides*; quarum illæ menstruatim; hæ vero nonnunquam, quicquid in corpore excrementosi est humoris, expurgant. ^c *Emulgentes* etiam sanguinem à sero liberant. Sed & sunt, quæ materiam deferunt pro semine, ut ^d *præparantes* dictæ; & quæ semen jam confectum deportant ad glandulas seminales, ut ^e *Deferentia* vasa.

^a, 8.7.
L.P.^b, 8.2.
N.N.^c, 8.1.
E.^d, T.7^e, X.

C A P V T I I I.

Disceptationem Medicorum, & Philosophorum de principio Venarum continet: tum Authoris sententiam in medium adducit, & probat.

Hippocratis
de Venarum
principio sen-
tentia.Probatur
argumentis
duobus.
1.

2.

Vena non ha-
bet principium
originis.Neque radi-
cationis.
1.

2.

3.

DE Venarum principio inter Peripateticos & Medicos maximam est. Illi enim Cor, hic Iecur principium faciunt; utrisque suum ducem Aristotelem, aut Galenum sequentibus. Ego vero frustra quæri existimo quodnam sit Venarum principium, cum prius quærendum sit, an illud detur. Habemus enim auctoritatem doctissimi Hippocratis, lib. de ossibus, minime profecto spernendam, ubi *Venæ*, inquit, *per corpus diffuse, spiritum & fluxum, ac motum exhibent, ab una multæ germinantes, atque hæc una, unde oriatur, & ubi desinat, non scio. Circulo enim factò, principium non invenitur.* Hæc sententia, ut à summo in re Anatomica viro profecta est, sic optime rationibus stabiliri posse videtur. Nam uti hinc incipiamus, probat ipsa ocularis inspectio, Venas omnes per se subsistere. Cum autem nemo sic absurdus adhuc fuerit, ut parti, quæ per se existat, principium adscribere voluerit, quemadmodum haud quisquam fuit, qui cordis, cerebri, aut jecoris originem ad aliam ullam partem revocaverit, cur Venarum principium quæramus? Vt cunque autem etiam anxie aliquod investigaverimus, nullum revera est, ad quod reduci, quodcumque statueris, possit. Cum enim *tria* vulgo ponantur *principiorum genera*; *unum, ὁρίσεως*, Originis, quod ipsi rei (ut loquuntur) dat esse; *alterum, ριζώσεως*, sive Radicationis, à qua velut à radice res exoritur: *tertium* tandem, *δουκίσεως*, Dispensationis, unde facultas ac virtus influit; nullum commode venis assignari potest. Nec enim originis principium ab alia parte habere possunt, cum nulla pars sit, quæ ante venas generetur. Partes enim omnes, quæcunque ad nutritionem faciunt, ut Cor, Iecur, Venæ, Arteriæ, ac si quæ sunt aliæ, simul formantur in utero, sequiturque Natura in hac re periti pictoris consuetudinem, qui ut primum lineamenta quædam rudi minerva ducit, quæ postea coloribus & aliis ornamentis perficiat; sic ipsa, primum rude omnibus partibus simul stamen, ut sic dicam, largitur, postea subtegmen injicit.

At neque Radicationis principium in venis statuendum est. Cum enim similitudo hæc ab arboribus desumpta sit, in quibus radix est, Truncus, & Rami: eandem similitudinem in venis accommodari, nisi unico in casu, quoad propagines scilicet, & divisiones docendas, non posse, hinc demonstrari facillimo potest negotio, quod radicationis principium inepte ponatur in iis, in quibus radix nulla est. Radicem enim quis est, qui in venis velit statuere, cum nulla sit venarum pars, quæ radicis gerat officium? Radix enim alimentum trahit à terra, pro trunco, & ramis: at ex venis nullæ sunt, quæ pro aliis trahant alimentum. Quod si videantur forte esse, quemadmodum Venæ *Mesaraicæ*, jam non sanguinem illæ, sed chylum tantum, & materiam ex qua sanguis, & ultimum alimentum tandem generatur, attrahunt. Atque ut largiamur quoque, dari aliquod venarum radicationis principium, non video, quæ venæ *mesaraicæ* rectius statui possint, cum aliæ non sint in corpore, quarum actio propius ad radicis officium, quam earum, accedat, & tamen hæ ab omnibus repudiantur. Taceo, si quod ponendum fuerit dari Radicationis principium, non unum, sed plura potius, utpote tria, aut minimum duo ponenda

ponenda esse, cum portæ vena unum, alterum cava, tertium arterialis sibi vendicet: at tot principia non nisi absurde omnino statuentur. Nam si duæ, vel tres essent venarum radices, illæ vel in unica aliqua parte forent, vel in pluribus; sed neque in una esse possunt, neque in pluribus. Ergo non possunt esse duæ, aut tres radices. Non possunt esse in pluribus, quia plura venarum principia radicationis constituenda essent, cum tamen & à Galeno, & ab Aristotele unum tantum ponatur. Non in una, quia una illa pars contineret in se necessario partes contrarii officii. Cum ergo neque unum principium radicationis, neque plura statui possint, quin protinus nascantur incommoda varia, sequitur, nullum prorsus radicationis principium ponendum esse.

Sed nec tandem *Distributionis*, sive ut loquuntur, *dispensationis principium*, à quo facultas, aut sanguis emanet, admittendum est. Ostendemus enim, nec sanguinem alibi, quam in venis confici, nec facultatem in venas aliunde influere. Ac jam omittamus Galeni auctoritatem, qui lib. VI II, de natur. facult. cap. IX; ubi in Venis sanguificam facultatem ponit, sic tandem inquit: Cæterum potentia illa, vel facultas in Venis, quam sanguificam appellant, atque etiam alia quævis facultas, in relatione ad aliquid intelligitur. *Et paulo post*: Ac quod agentis causæ substantiam ignoramus, facultatem eam, sive potentiam appellamus, in Venis quidem potentiam quandam sanguinis factricem dicentes. Sufficit in medium attulisse rationem unicam, quam diligentius postea pluribus confirmemus, & explicemus. Sanguificatio enim, vel in corde constitui debet, vel in jecore, vel in Venis, propterea quod animalia omnia, quæ sanguinem habent, omnes hæc partes habeant: quæ vero sanguine destituuntur, iisdem quoque careant. Sed neque in corde, neque in jecore constitui potest; relinquitur ergo, ut in Venis ponatur. *Quod autem neque in corde, neque jecore fiat*, ex eo manifestum esse potest, quod antequam Cordis, aut Hepatis parenchyma exstructum est, sanguis in venis generetur. Nam dum pullus in ovo delineatur duobus primis diebus, sanguis jam fit in venis umbilicalibus, antequam vel jecoris vel cordis parenchyma factum est, in quo alii sanguificationis facultatem consistere affirmant. *Quod autem nec in Hepate tantum fiat sanguis*, speciatim ex actione ipsius læsa probari potest. Si enim ipsum sanguinis officina foret, scirrhus affectum, paucis certe dierum spatio in mortem quosvis conjiceret, cum fame & tabe pereundum esset, omni sanguinis generatione intercepta. Sed enim videmus esse quamplurimos, qui multo tempore, & per annos etiam, cum scirrhus jecoris vitam traxerunt. Quin imo, si à lecore sanguis conficeretur, utique ab ipso parenchymate jecoris, non à venis per ipsum dispersis fieret. Sed non fit à parenchymate. Quod enim non tangit nutrimentum, ab eo sanguificatio procedere non potest, cum omnis actio naturalis, qualis alimenti est concoctio, per contactum fieri debeat. Sed jecoris parenchyma non tangit nutrimentum, quia venæ potius sunt, quæ ipsum proxime tangunt, ut pote in quorum conceptaculis continetur.

Quare recte concludimus, Venarum nullum omnino esse principium, cum à nulla parte, neque oriantur velut à materia componente; neque ab ulla, tanquam radices emergant; neque tandem ab ulla facultatem sanguificam mutuentur. Venæ ergo sanguinem generant, sed cum per totum corpus possint præparare, in hepate tamen potissimum conficiunt. Cæterum quia non sufficit probasse tantum opinionem nostram: sed necessarium omnino sit, argumentis etiam adversariorum satisfacere, ne cui scrupulos injiciant: nunc quidem ad ea paulo propius accedemus, primum quidem Aristotelis, deinde & Galeni rationes expendentes. Cæterum cum duplex uterque principium statuatur, unum Radicationis, alterum Distributionis, utrumque tamen ab una parte derivet, & ille quidem à Corde, hic vero à Lecore, argumenta sic ordine proponemus, ut primo quidem ea in medium afferamus refutanda, quæ dispensationis; deinde & illa, quæ radicationis principium dari confirmant, quod ex illis, tanquam à fundamentis, argumenta hæc ut plurimum dependeant.

Sit ergo principium ab ARISTOTELE, qui his rationibus probat Cor esse venarum dispensationis principium. *Primo*; ubi est fons caloris, ibi est sanguinis officina: at in corde est fons caloris. Ergo ibi quoque sanguinis officina, & per consequens, inde in venas & caloris & sanguinis distributio. At enim non valet consequentia, quod cordis calor etiam extra cor in venis sanguinem generare possit: nam neque calor hic primario ad san-

Neque distributionis.

Quod in Corde, & jecore sanguificatio non fiat.

1.

2.

3.

Refutantur argumenta Aristotelis quibus probat cor esse principium dispensationis.

1.

ad sanguinis generationem concurrat, sed secundo, quatenus scilicet venarum calorem innatum, qui primarius opifex est, fovet suscitaturque. Hinc factum, ut majoribus venis, vel procul à corde distitis, arterias Natura ubique sociarit, quo idem calor in venis etiam longinquis custodiretur. *Secunda ratio est.* Quaecunque pars sanguinis cisterna est extra venas, illa sanguinis officina merito aestimanda venit: atqui cor est talis cisterna: Ergo & sanguinis officina merito appellanda erit. Respondeo, consequentiam non bene inferri. Non enim in cordis ventriculos alimentum fluit, ut ibi in sanguinem elaboretur, sed ut sanguis crassior & frigidior, partim attenuetur, partim calidior evadat; inde per arterias in universum corpus pellatur, pulmonibus quoque, & partibus supra cor positis suppeditetur. *Tertia ratio.* Si sanguis aliunde non venit, quam à corde, necessario cor sanguinis officina statuitur. Quod verum foret, si probari posset non aliunde venire. Adeoque illud si probet Aristoteles per partium generationem, & animi passiones, falsam dico esse probationem. Non enim verum est, cor prius fieri, ac sanguinolentum est, cum omnes partes in prima seminis delineatione simul formentur. Nam, ut ante diximus, quemadmodum pictor animal depicturus, primum ipsum delineat, mox coloribus perficit, ita Natura omnes partes prius delineat, postea absolvit. Simul ergo cavitates, tum in corde, tum venis, & arteriis, aliaque quavis parte, quod opus efformat. Hinc facultatem nutritivam, maxime omnium necessariam suscitatur, per quam maximum fit desiderium omnibus partibus alimentum debitum attrahendi. Ex quo fit, ut quamprimum partes formatæ sunt, omnibus modis trahatur ab ipsis alimentum, quod est sanguis. Prius ergo sanguinem adesse necesse est, antequam cor generetur, ut genitum statim alimentum inveniat. Patet ergo per generationem male probari ex corde sanguinem omnem promanare: sed nec ex passionibus animi id convincet, dum dicit, ibi fluxum & refluxum sanguinis esse, ubi animi & sensuum motus oriuntur, & propterea ex corde, quia ibi sedes passionum. Probandum enim est assumptum. Quod si dicat, Iram, quæ una est ex passionibus animi, ab omnibus vulgo definiri, accensionem sanguinis circa cor; id quidem male fieri responderim. Sequeretur enim, animal quod sanguineum non est, irasci non posse, & ea quæ ex sanguine sunt, animi affectiones non pati, quod tamen ipsum vel commune illud, & tralatitium proverbium, quod vulgo fertur, coarguit, ἔχιδνα καὶ μέλας ἀλλήνα, ἢ μύρμηξ ἐν ἐνέστῃ ἡ χολή, habet & musca splenem, & formicis sua bilis inest. Locusta certe, quæ ex crustaceis est, & metuit, & irascitur, cum polypo congressa. Testatur hoc Aristoteles lib. vii hist. de anim. cap. ii: ubi, Locustæ, inquit, vel pisces majores convincere possunt. Evenit usu, ut locustis polypi superiores sint, & adeo ut, si in retibus eisdem senserit locusta polypum, præ metu emoriatur. Pavet & locustam congrus, & rursus polypum congrui lacerant. Sed quid de apibus dicendum, quàm non in hostes suos, & fures sui dulcis illius liquoris furibundæ? ut in eos involant, ut aculeis pungunt? Vesparram nidos aggredere, quibus ad ulciscendum ἄλκιμον ἦτορ, non κακὸν δόλω doctissimus Poëtarum Homerus tribuit. Constat ergo animalibus quoque, quæ sanguinem non habent, animi affectiones esse.

Refutantur
argumenta,
quibus probatur
cor esse
principium Radicationis.

1.

2.

3.

Sed neque Radicationis principium in Venis constitui Cor potest, quamquam multis id demonstrare rationibus conetur Aristoteles. Venarum enim, inquit, primo principium, aut Iecur est, aut Cor, aut Cerebrum. Sed neque Iecur, nec Cerebrum: Ergo Cor. At enim negatur major, cum prius probandum foret, an sint principia venarum, antequam quod sit conemur ostendere. Deinde, ubi unum est principium, ibi in medio collocari debet: at in animalibus unum est principium. Negari debet & major, & minor. Major, quia non semper aptissimus locus est principio medius, cum modo cernamus magis in superiore parte positum esse cor, quemadmodum in piscibus, serpentibus, & lacertis: modo in medio, ut homini, aliisque nonnullis animalibus. Minor quoque negatur, quia plura sunt præter cor principia animali; ut cerebrum, quod nervorum principium est, & motui inservit, & sensibus. Tertio, si tria vasa oriuntur à corde, Arteria, inquam, magna, Vena arterialis, & Arteria venalis, cur non Vena quoque cava? Ex hoc argumento non sequitur, omnes venas ex corde provenire, quemadmodum certe nullatenus vena portæ hinc oritur, quæ cor ne attingit quidem, sed tantum eas, quæ basi cordis infixæ sunt. Quamobrem hæc ratio, Aristotelis opinionem destruet potius, quam probabit, cum demonstrare manifesto liceat, Portæ Venam à corde longissime distare, tantum abesse, ut ab ipso nascatur.

Iam

Iam ad argumenta GALENI deveniamus, quibus duo probare conatur. Primo, Iecur esse principium Venarum Dispensationis, deinde & Radicationis. *Primum* probat similiter ut Aristoteles, quia scilicet Iecur sit sanguinis officina. Cum ergo Venæ sanguinis sint canales, ipsum necessario ex officina petent, & per consequens ex Iecore, quare Iecur erit principium distributionis venarum. Quod autem sit sanguinis officina Iecur, probat hoc primum argumento. Cujus substantia est convenientior ad sanguinis generationem, quam cordis, in eo debet constitui sanguinis officina: at in Iecore parenchyma est talis substantiæ, quod vel cujuscvis oculi probant, cum sanguinis instar rubeat. At non probant, inquam ego. Verum quidem est, ut hoc largiar, animalibus nonnullis rubrum esse parenchyma, ut homini, & quadrupedibus: pluribus tamen etiam viride est, ut Lampetræ; & nonnullis album, ut piscibus. Si ergo verum illud foret commune Galeni axioma, quod mutatur in mutantis speciem abit, sequeretur, viride & album hepatis parenchyma, sanguinem ejusdem coloris generare: at sanguis tamen lampetræ, & piscium ruber est. Quin imo nec in homine quidem ipso rubrum est parenchyma per se, sed tantum à sanguine colorem habet. Id inde patet, quod maceratum paululum in aqua, aut leviter coctum, albedinem protinus, sanguine scilicet eloto, contrahit. *Secundo*, si sanguinis officina ponatur in corde, Iecur frustra esset conditum. Non sequitur. Habet enim usum admodum in animali nobilem, ut scilicet eam, quæ in ventriculo sit, chyli concoctionem adjuvet, tuendo fovendoque ipsius calorem, id quod & ipse Aristoteles, & Galenus quoque agnovit, sed & à nobis inferius, ubi de hepate sermo erit, prolixius postea demonstrabitur. Et hinc est, quod animalia, quibus Ventriculus est oblongus, & secundum longitudinem corporis positus, eadem & Iecur oblongum, & ventriculo adnatum habeant. Cætera argumenta quæ ad Aristotelis opinionem demoliendam faciunt, non opus est, ut hic multis refutentur, cum tantum nostram adstruere, quantum illam destruunt, videantur. Similitudo autem, quam ab officina ferraria in medium affert, prope quam recrementa ferri inveniuntur, unde concludit Iecur sanguinis officinam necessario esse, quod & circa ipsam sint excrementorum receptacula, puta vesicula fellis, invalidior illa est, quam ut mereatur refutari. Non enim probat parenchyma hepatis sanguinem conficere, sed tantum venas in hepate, præ reliquis venis potissimum sanguinem generare, quia & ex ipsis ad vesiculam fellis canales transmittuntur, non à parenchymate. Nos autem & ipsi largimur hoc lubenter, & ejusdem sumus sententiæ, venas in Iecore præ aliis universi corporis ad sanguinis concoctionem facere.

Radicationis principium esse jecur, sic probat Galenus. *Primo*, Quemadmodum in arboribus sunt radices, truncus, & rami: ita & in Venis. Vt ergo radices arborum ex terra nascuntur: ita etiam radices venarum ex aliquo viscere prodire necesse est. Tale autem erit Iecur, cum circa illud radices videantur, non circa Cor, neque circa Cerebrum. Respondeo, hanc similitudinem nihil probare de officio venarum, ut aliæ scilicet sint tanquam radices, aliæ velut truncus, rami, aut surculi: sed tantum formam, & modum distributionis, prout nobis per corpus sparsæ apparere solent, insinuare potest. Quod si Iecur Radicationis principium poni debeat, probandum erit, Venas quæ per ipsum disperguntur, Radicum officio fungi. *Secundo*, Minora majorum non sunt principia: at Cava circa cor minor est, quam circa hepar. Ergo circa Cor principium esse non potest, sed potius circa Iecur. Vtraque propositio falsa est, & vel experientia prompte refutari potest. Nam si de falsitate majoris dubitas, aspice, fodes, fluviorum ortus, quomodo ex parvis sæpe fonticulis nascantur. Si de minoris falsitate ambigis, profecto aut oculorum hebetudine laboras, aut, si quidem recte hæc intuearis in homine, & cæteris animalibus sanguineis, nihilominus autem tuis ipsius oculis fidem detrectes, laboras ἀπιστία & ἀγνοία, infirmitate judicii, ut loquitur alibi Aristoteles.

Cæterum sub finem hujus capituli, postquam & nostram opinionem stabilivimus, & adversariorum argumentis, quibus suam adstruunt sententiam, satisfacimus, restat ut illis etiam argumentis respondeamus, quibus nostram impugnant. Quod ergo à Venis sanguificatio haut fiat, sic argumentantur. *Primo*, Pars frigida & alba inepta est ad sanguificationem. Venæ sunt tales, quia membranæ. Ergo, ineptæ sunt ad sanguinis generationem. Respondeo, Venarum substantiam frigidam quidem esse per se,

T

calefieri

Revelantur
rationes G. A.
L. E. N. I. qui-
bus probatur Ie-
cur esse Prin-
cipium Dis-
pensationis.

1.

2.

3.

Revelantur
rationes, qui-
bus probatur
Iecur esse Prin-
cipium Radica-
tionis.

1.

2.

Refutantur
argumenta,
quæ contra
sententiam
Auctoris asse-
riuntur.


1.

calefieri tamen abunde, tum à partibus vicinis, & imprimis à parenchymate hepatis, in quo maxime ipsa sanguificatio celebratur, tum etiam ab influente ex Corde calore, qui potissimum per arterias communicatur, & quæ ipsæ sua vicinitate mutuisque osculis plurimum caloris aspergunt. Cæterum si Venæ ob membraneam substantiam ad sanguinis generationem ineptæ sunt, non video profecto quomodo ventriculus ita aptus ad chyli confectionem esse queat, qui & ipse ex membranis, paucis carnosissimis fibris intertextis, exstructus est. *Secundo*, Quod mutatur in mutantis speciem mutatur. Ergo, si sanguinem Venæ generant, quæ albæ sunt, humorem quoque candidum generabunt: at sanguis ruber est. Ergo, à rubra aliqua fit substantia. Falsa est major. Id enim expresse discas ex pluribus animalibus, sed iis præcipue, quæ virides adhuc plantas, & gramina comedunt, qualia sunt oves, bovesque, quæ viridem quoque chylum conficiunt, cum tamen ventriculi tunica interior sit alba. *Quin imo* & inter homines, qui vinum bibunt rubrum, cæterum parum comedunt, iis ruber quoque fit chylus, à quo usque adeo tinguntur sæpe intestina, ut ignaris possint illudere in dissectionibus, quo ab inflammatione horum, hominem mortuum esse, sibi persuadeant. Atque id non semel, sed toties totiesque hic Patavii in suspensis, & aliis vidimus, cum alias Patavini rubris vinis delectentur. Cæterum quod chylus alias plerumque albus sit, si quis carnibus vescatur, id contingit propterea, quia quemadmodum de hepate ante diximus, colorem ipsum rubicundum non habere per se, sed à sanguine, qui coctione propterea postea facile amittitur: ita & carnes dum in stomacho concoquuntur, amittunt colorem illum carneum, & in album chylum transmutantur.

C A P V T I V.

Cur duæ venæ, Porta nempe dicta, & Cava facta sit; tum quæ ipsarum inter se differentia, & connexio.

Cur duæ, non una Vena facta sit.



NATURA provida & solers, non unam Venam condidit, quemadmodum unam arteriam: sed duas; unam, quam Portæ vocant; alteram, quam Cavam: quod duplicem oportuerit esse eum sanguinem, qui corporis nutritioni dicatus est, illum quidem crassiores, qualis in Vena portæ continetur: hunc tenuiorem, ut est ille, qui in vena Cava. Partes enim, quas naturales vocant, & alimentum concoquunt, crassiores indigebant alimento: at carnosæ & musculosæ, tenuiore, magisque elaborato. In crassiore enim materia & solidiore, & diutius calor conservatur, & fortior quoque est: calore autem omnis concoctio absolvitur. Quod si unus jam esset continuusque ductus in venis, quemadmodum in arteriis, prohiberi certe non poterat, quo minus hic duplex sanguis confunderetur. Duæ ergo factæ sunt, quæ ne consortio mutuo carerent, ecce quam ingeniosum Natura effinxit commentum, ut utrique prospiceret. Si enim unam fecisset duntaxat, ut demonstravi, confusio orta foret: si duas, non esset communio facta. Sic ergo conformavit, ut nec una esset revera, nec duæ, sed & duæ viderentur, & una. Hanc rem consequuta est, duarum venarum ramos mutuis quibusdam oscillis, quæ anastomoses vocant, inter se conjungendo, unde & sanguis diversus est in utraque, & transire simul potest ab una ad alteram, nec tamen confunditur, quia in Cavam tenuior tantum pars abit, faculentior vero remanet in Vena portæ. Cum ergo duæ sint, altera quidem Portæ vena dicitur, altera vero Cava.

Vena Porta unde dicatur. Porta Hepatis.

Dicitur **VENA PORTÆ**, non Porta, ut quidam barbare & inepte loquuntur, quia ad portas, puta hepatis, enascitur. Sunt autem *Portæ*, sive *πύλαι*, ab Hippocrate nominatæ, eminentiæ duæ in cava jecoris sede, quo loci hæc vena erumpit, cumque chylus ad hepar per hanc ipsam ascendat, tanquam per januam & portam per has eminentias hepar ingredi videtur. De his loquens Hippocrates, libr. de dissectionibus, *περικυρωσίας*, inquit, *ἔχων δύο, ἀς καλέσαι πύλας ἐν δεξιῇ τῇ πύλῃ καὶ ἀριστερῇ*, hoc est, duos apices, sive eminentias habens, quas portas appellant in dextris sitas. hinc *11 Epid.* mentionem injiciens hujus venæ, ipsam *φλέβα ὅτι πύλας ἐν λόβῳ ἡπατος* appellat, venam quæ ad portas, & lobum hepatis est sita. Dicitur quoque *σελεχάια*, *ἀπὸ τῆς σελεχῆς*, à caudice, quia similis arboris trunco videtur. Vt enim hic ex multis radicibus assurgit, ita quoque & hæc vena

hæc vena ex multis ramis, per Mesenterium, Ventriculum, & Lienem sparsis. Fuerunt etiam, qui hanc eandem venam *Jecoris manum* indigitarunt, quod per eam tanquam manum hepar alimentum ex ventre & intestinis attrahat. Arabes, *Venam lacteam* appellant, non, quod lacteo, hoc est, albidiore magis colore sit prædita, quam reliquæ Venæ, sed quod lacteus succus, chylus puta, ex intestinis per eam in Iecur intret. Vulgo à Medicis *Vena portæ* dicitur.

Altera CAVA vocatur, ob insignem ipsius cavitatem, unde καὶ μέγλη, Cava, & *Vena cava*. Magna Galeno, xiv de Vsu part. cap. vii, appellatur. Interdum etiam μέγιστη, maxima, iv de Vsu part. cap. v: ab Hippocrate, ἡ πικρὴ, jecoraria vocatur.

De harum propaginibus antequam dicamus, operæpretium facturos nos esse duximus, si nonnulla afferamus in medium, quæ de utraque in universum dici possunt, & imprimis si collatione mutua instituta, utriusque differentias explicemus. Ratione enim *substantiæ*, ingens discrimen advertitur, cum Vena Portæ (etsi utraque sit membranea) multo sit crassior Cava, ac fusca magis. Cava contra, candidior est, & tenuior. Evenire id, opinor, cum quia illa crassiore nutritur sanguine, tum quia magis nigro: hæc vero tenuiore, ac rubicundiore. Durior quoque est substantia Venæ portæ; mollior, Cava; quia illam aptiorem ad dilatationem & constrictionem, quam hanc conveniebat esse, propterea quod Cava in se sanguinem complectatur mobiliorem, tum per se, quatenus tenuior est, tum per accidens, quatenus semper cum arteria conjungitur, quod Venis portæ haud ita contingit. nam cæteræ quidem soboles, si Splenicum ramum excipias, non admodum arterias comitantur. Porro tenuitatis causa, copiosum serum est, quod in Venæ cavæ sanguine continetur. Id enim cum modo abundare debeat, modo deficere, ut vena modo magis, modo minus dilatetur, necesse est. Ratione *magnitudinis*, utriusque venæ per Iecur dispersæ magna est differentia. Nam ^a truncus Cavæ, qui in hepate est, multo amplior est, quam ^b venæ Portæ truncus, cum illa pluribus partibus nutriendis, quam hæc, dicata sit. Nec enim portæ vena aliam nutrit, quam jecoris partem cavam, intestina, mesenterium, pancreas, lienem, ventriculum, & omentum: at Cava reliquas omnes corporis partes, omnes musculos, omnia ossa, caput cum cerebro, cor, pulmones, diaphragma, renes, uterum, vesicam, & pudenda. Notatu autem dignissimum videtur, plures ^c ramos venæ Portæ per jecoris substantiam sparsos, pauciores ^d venæ Cavæ. Iam quoad *connexionem*, conjunguntur hæ venæ invicem per ^e ἀναστρωσιν. Est autem *Anastomosis*, quam Exosculationem Latini commodè dicerent, conjunctio vasorum per oscula, seu parvos quosdam meatus. Cæterum, cum anastomosis duplici fiat ratione; una, cum extrema vasorum extremis aliorum junguntur, quo pacto epigastrica vasa cum mammariis in facie interna Rectorum abdominis musculorum nectuntur, quemadmodum libro præcedente ostendimus: altera, cum rami ramis incumbentes, in medio pertusi foramine, sibi adnascuntur: quo posteriore modo anastomoses Venæ cavæ & portæ, in hepate contingunt. Circa has *primum* notatu dignum est, non omnes propagines per jecoris substantiam dispersas, per anastomosin hoc pacto conjungi; quin imo ^f plurimas esse venæ portæ, quæ ne pertingant quidem ad cavam; plurimas etiam ^g cavæ, quæ ad venam portæ non accedant. Cujus quidem rei causa adhuc dignior notatu est, cum ex ea pateat, has anastomoses non esse factas, ut omnis sanguis ex porta deferretur ad cavam, sed quidam tantum, isque tenuior. Si enim omnis traducendus foret, quæ ratio esse possit, cur non omnes furculi portæ, omnibus venæ cavæ ramulis conjungerentur, quemadmodum videmus contingere in utero, ubi furculi per placentam sparsi, cum iis, quæ per fundum uteri disseminantur, pares numero facti sunt, singulique singulis per anastomosin innectuntur. *Alterum* observatu dignum est, anastomoses has exiles admodum esse, ut Veteres propterea inconspicuas censuerint: quanquam certe oculos non usque adeo subterfugiant, si quis animum quoque velit advertere. Laxiores enim non requirebantur, siquidem cum tenui sanguine portio etiam crassioris & sæculenti sanguinis transiisset. Nec vero propterea tantum hæ anastomoses factæ sunt, ut scilicet ex portæ vena, sanguis ad superiora transcoletur, sed &, ut rursus ex cava etiam in ipsam inedia tempore nonnihili cederet, dum venæ Mesaraicæ sunt inanitæ. Quin nec alimento tantum viam præbent, sed & pravis quoque humoribus, & excrementis, quæ interdum ab universo corpore

per cavam ad intestina ; nonnunquam contra à portæ vena ad cavam transferuntur. Verum id esse apte nos docet aphorismus apud Hippocratem decimus quartus , sectionis sextæ , ubi , Ab Hydrope detento , si aqua à venis ad ventrem confluxerit , solutionem fieri , docet. Ecce quomodo Venæ ad ventrem , per portæ venam , aquam illam transcolant.


Excarnæ He-
par.

Cæterum si quis , quæ diximus hætenus , oculis ipsis usurpare velit , ille hepar ex carne , & ab omni parenchymate nudum ac liberum intueatur. Faciet autem excarnæ hepar , si prius nonnihil in aqua decoquat , eo scilicet usque , donec caro mollitiem contraxerit , inde in vase aqua pleno sinistra manu submergat , & dextra interim cultello ligneo , aut lapideo , vel certe ferreo , non valde acuto , leviter fricet. Sic enim sensim caro separabitur , & quæ separata est , ab aqua subito eluetur. Est & alius modus non minus elegans , & facilior , si formicarum acervo impositum relinquatur , donec (quod brevi spatio fit) exederint. Apparebit sic postea substantia utriusque venæ , si in frigidam projicias , perquam bene , ut differentiam utriusque , & visu , & tactu usurpare queas : tum anastomoses eleganter contempleris. Cæterum , quia supra à nobis sub principium capitis dictum est , ob duplicem sanguinem , duplices esse factas venas ; duplicem autem sanguinem ob partes diversæ naturæ nutriendas , ut veritas hujus rei comprobetur , ecce tibi hepar , in cujus gibba parte , ubi vena Cava est , diversam intueberis substantiam ab ea , quæ est in sima , ubi Vena portæ stabulatur. Illa enim multo est mollior , & quæ à Iecore nullo negotio discedit : hæc contra durior , & validius adhærens. Nec vero temere id accidisse credendum est , sed Naturæ singulari quadam providentia , quæ semper finis gratia optime & prudenter agit. Nam Venæ portæ radices duriori substantia fulciri debebant , ut essent magis patulæ : at Cava molliori , ut impleri , distendi , & subsidere possent , quemadmodum antea demonstratum est.

C A P V T V.

Ramos , sive propagines Venæ portæ recitat , & Hippocratis aphorismum huc maxime facientem , explicat.

Per quas partes Vena Portæ dispergitur.



NOTA.
Divisio Venæ
portæ in Radices,
Truncum,
& Ramos.

ACCEDAMVS ergo jam paulo propius ad ipsam Venarum historiam , in qua à Vena portæ initium faciemus , tanquam ab ea , quæ non ita late patet , aut diffunditur , ut Cava. Solet enim per infimum duntaxat ventrem distribui , nec extra hunc propagines ullas , imo nec per hujus omnes partes , sed illas tantum , quæ nutritivæ facultati dicatæ sunt , ut puta Iecur , Vesiculam fellis , Ventriculum , Lienem , Pancreas , Omentum , Intestina , & Mesenterium , ramos dispergere : nam ad reliquas , ut Renes , Vesicam , & eas , quæ generationi inserviunt , Cava propagines suas transmittit. Cæterum , ut facilius , quæ ejus sit distributionis ratio , intelligatur , doctrinæ gratia , totam venam assimilantes arbori , in quatuor dividemus partes , ex quibus aliam *Radices* vocabimus , ut quæ in hepate est ; aliam *Truncum* , quæ indivisa progreditur ; tertiam *Ramos* , ubi truncus dividitur : quartam , *Propagines* , aut *Surculos* , venas quæ ad latera , non divisus truncus diffundit. Quæ certe appellationes diligenter observandæ sunt , quod proprietate harum vocum obscuræ huic de venis tractationi lucem adferre conati sumus. Ut autem tum memoriæ facilius commendari , tum brevius perscribi à nobis cuncta queant , ab insertionem (sequuti doctissimos quosdam Recentiores) appellationem omnibus tribuamus.

RADICES.

Ex ambitu ergo Iecoris ^a venæ quædam perexiguæ & capillares , sensim versus internam ejusdem regionem exporriguntur , ac paulatim in majores ramos abeunt , ita ut tandem ^b quinque producantur , quæ iterum veluti radices collectæ circa medium ipsius cavæ partis , paulo tamen versus posteriora juxta dorsum concurrentes , ^c caudicem ac truncum insignem constituunt , qui tandem juxta ^d eminentias illas hepatis (quas *πίλας* à Græcis appellari diximus) ^e erumpens , Vena portæ dicitur , & jam trunci nomen meretur.

TRUNCVS.
Surculi ante
divisionem
Truncienati.

^f Truncus autem hic ab ^g hepate jam secedens , oblique nonnihil descendit versus lævam sub ^h duodeno , ubi supra vertebra stabilem locum nanciscitur. Antequam tamen in ramos

^a, 8.8. l.
H. H.

^b, E. E. E.
E. circ. u.
cum I.

^c, B. I.

^d, 8.8. N.

^e, B.

^f, 5.1.

^g, F.

^h, H.

in ramos dividatur, duas propagines sive furculos de se spargit, quorum ^a primus, tenuis admodum, ex antica & suprema parte trunci, simul ac ex jecore prodiit, enatus, in vesicæ biliaræ cervicem & corpus, sive in exteriorem ipsius tunicam, multiplici ramorum subtilissimorum serie, cujusmodi superius Capillares venas vocari diximus, diffunditur. Appellatur hic furculus Græce κυστικός, si latine velis dicere, vesicalem appelles. Vesalius duos esse ramos ait, qui per vesicam felleam excurrunt, unde & Cysticæ gemellæ quibusdam dicuntur, sed parum hoc interest. Secundus priore insignior, sed tamen inferior, ex eadem anteriore sede, dextraque magis enatus, pyloro inseritur, in cujus posticam partem, quæ dorsum respicit, plures ramulos spargit, unde Gastricus vulgo dicitur, sed fortasse memoriæ gratia rectius Pyloricus, cum & alii sint rami, qui gastrici vocantur.

His duobus furculis sic propagatis, inferiora Truncus petit, & sinistrorsum semper nonnihil inclinans, in duos ramos insignes dispescitur; quorum alter, ^b sinister est; alter, ^c dexter. Sinister, elatior paulum dextro, sed minor: Dexter, humilior, sed major. Sinister, per Ventriculum, Omentum, quandam Coli intestini partem, & Lienem spargitur: Dexter, per Intestina, & Mesenterium. Ille, Vena splenica, sive Lienaris: hic, Mesenterica dicitur.

^d SPLENICA ergo vena postquam sic prodiit ex Trunco, versus ^e Lienem, ^f omenti membrana suffulta, transversim fertur, in quam antequam absumatur, furculos quosdam producit, partim à superiore sui sede, partim ab inferiore. A superiore quidem ^g furculum, qui ad lævam Ventriculi partem, qua dorsum respicit oblique ascendens, in tres dividitur propagines, ex quibus utrinque extremarum una in ventriculum porrigitur, & in plures mox furculos diffunditur. Media vero per eandem posticam sedem ascendens, per superiorem Ventriculi regionem se diffundit, & sinistram orificium undique coronæ in modum cingit, à quo & στεφανία, sive Coronaria dicitur. Hæc rursus ramulos semper quosdam sursum ad œsophagi finem, alios deorsum per ventriculum effundit. Totus hic ramus Gastricus dicitur, quasi Ventricularis, quia omnium, qui ventriculum adeunt, maximus est & capacissimus. Ab inferiore duo furculi enascuntur: unus, gracilis, deorsum ad inferioris membranæ Omenti dextram partem, & ad Colon ei annexum alios ramulos transmittens. Dicitur Epiplois dextra vulgo, Latine Omentalem dixeris. Alter, respondens ramo qui ab elatiore parte oritur, & coronarium furculum producit, in inferiorem omenti membranam inseritur, ac post exortum statim in duos ramos dividitur, qui magno à sese intervallo diducti, quamplurimos alios furculos progenerant, qui in inferiorem omenti membranam, quæ colon instar mesenterii dorso alligat, quemadmodum & in Coli partem, quam alligat, absumuntur. Vocatur Epiplois, vel Omentalis postica. Postquam sic Splenicus ramus plures furculos dispersit, jam ^h Lieni approximans, in duos finditur ramos, ⁱ superiorem, & ^k inferiorem, qui in alios, in ipso parenchymate Lienis dissipantur. Ex superiore, modo antequam Lienem ingreditur, modo quando jam ingressus est, aliquando geminus, interdum triplex furculus egreditur, valde celebris apud rei medicæ scriptores, quem ^l Vas breve vulgo, sed nos venosum (ad discrimen arteriosi sibi respondentis) appellamus. Hic in sinistram fundi ventriculi partem, aliquando altius etiam, & circa orificium sinistram inseritur. Quæ causa est, cur Medici nonnulli, & vulgo quoque Anatomici, inepte censuerint, ex Liene melancholicum humorem per hunc refundi in stomachum ad excitandam famem. Sæpe tamen cadavera invenias, in quibus prorsus desideretur. Ex inferiore ramo, qui humiliorem Lienis partem petit, una oritur propago, quæ satis ampla & insignis, dextrorsum reflectitur, ut præcedens, & Ventriculi fundum sinistra parte cingit, elatiori quoque Omenti membranæ à læva frequentes ramulos transmittit, & Gastroepiplois sinistra dicitur. ^m Est & alius ramus insignis, qui in plerisque reperitur à ramo splenico inferiore, rarissime à Liene ipso enasci. Hic deorsum fertur, & toti sinistra coli parti furculos aspergens, ulterius secundum totam intestini recti longitudinem progreditur, ac tandem in ejus substantiam membranofam, & podicem, plurimis exiguis furculis terminatur. Frequentissima hujus mentio fit apud Medicos, quibus hæmorrhoidalis interna, ad differentiam externæ, à Cava vena productæ, vere ac proprie hæmorrhoids dicitur. Dico proprie, ac vere, quia hæmorrhoides interdum venas quoque narium, gingivarum, & oris, sanguinem, & sine dolore quidem fundentes appellant. In hac ampla significatione Philosophus accepit

1.
Cysticus.2.
Gastricus.R. A. M. l.
duo.1.
Splenicus.Qui furculi à
splenico ramo
orientur. ante-
quam in Lie-
nem absuma-
tur.A superiore
parte qui
orientur.

Coronaria.

Gastricus.

Ab inferiore
parte prode-
untes.1.
Epiplois dex-
tra.2.
Epiplois posti-
ca.Divisio rami
splenici.Superioris ra-
mi propagatio.Inferioris ra-
mi propagatio.
1.

2.

Hæmorrhoi-
dalis interna.

lib. III de part. animal. ubi menstruam etiam purgationem speciem hæmorrhoidum facit. Proprie tamen dictæ Hæmorrhoides Medicis sunt, venæ hujus in ano dilatationes, à bile, tum atra, tum flava, & tam falsa pituita, quam melancholico humore excitatæ. Et hæ duorum sunt generum, *Cacæ*, quæ nullum sanguinem fundunt, sed iustar acini uvæ protuberant in, vel extra anum: aliæ *apertæ*, quæ sanguinem, quem continent, fundunt. De harum curatione peculiarem libellum, vere aureum, doctissimus Hippocrates scriptum nobis reliquit. Reliqua pars rami splenici in ^a Lienem totum absumitur, ibidemque in varias, & minutissimas propagines diffunditur, circa ^b cavam, & mediam lineam ipsum parenchyma ingressa. Atque hi quidem sunt furculi, quos splenicus ramus producit.

II.
Mesentericus ramus.

Dexter.

Glandulæ.

Sinister.

Propagines
ante mesenterici
divisionem enatæ.
Gastroepiplois
sinistra.
Intestinalis.

Vfus.
Primus.

^c *MESENTERICA* vena, sive *dexter venæ portæ ramus*, quamprimum atque à dorso prodit, ac ^d mesenterio committitur, in duos præcipuos ramos dividitur, qui mesenterium inter duas tunicas pertranseunt, singuli in ramulos finduntur infinitos, & hi in tenues iterum furculos, qui intestina adeunt, Venas illas, adeo celebres apud Medicos, quæ *Mesaraicæ* vocantur, constituunt. Ex his primus, *Mesenterica dextra* dicitur, à dextra, quam occupat parte, & similiter duplex est, unde factum, ut Vesalius, & qui hunc sequuti sunt, alii fere omnes, tres Mesentericas enumerent. Hæc in Jejunum, Ileum, Cæcum, & Coli intestini dextram partem, qua renibus & jecori adjacet, inseritur, & quamvis utraque plurimas de se soboles spargat, ut perquam arduum sit numero aliquo ipsas exprimere, tum quia variant admodum pro ratione subjectorum, tum quia non eundem omnino ordinem seriemque observant, notatum tamen fuit, ut plurimum quatuordecim esse, quæ postea iterum in infinitos furculos alios disperguntur. Hi ubi ad intestina pervenerunt, circa intimam ipsorum tunicam osculis tantum hiant, neque cavitatem ipsam ingrediuntur, cum crusta quadam interius illa succingatur. Quemadmodum autem, ut diximus supra, in pluribus nostri corporis partibus, vasorum divaricationes Glandulis quibusdam attenduntur, partim ut tutiores sint in progressu, partim ne concidant, & una sanguinis fluxus refluxusque maxime necessarius impediatur: ita hic quoque vasorum, quæ per mesenterium diffunduntur, divisiones ^e *glandulæ* quædam suffulciunt, proportionem cum propaginibus suis ubique observantes, adeo ut majores ramos majores glandulæ; minores, exiliores quoque sustentent. Hæ ubi scirrhus laborant, compressis vasis, & impedita chyli per venas, ac consequenter, sanguinis per corpus distributione, tabes & totius corporis marcor oboritur. *Mesenterica sinistra* in mediam mesenterii partem, quemadmodum & eam Coli sedem, quæ à læva Ventriculi regione ad rectum usque intestinum excurrit, dispescitur. Ab hac interdum hæmorrhoidalis interna, de qua modo diximus, quemadmodum id Vesalius annotavit, exoritur, quæ Colo furculos quosdam largiens, tandem per totam longitudinem Recti intestini progrediens, in podicem definit. Cæterum antequam in hos ramos Truncus mesentericus dividatur, duas prius propagines emittit, quarum *altera Gastroepiplois sinistra* dicta, quæ Ventriculi fundum dextrum antèrius posteriusque perreptat, quemadmodum & omenti membranam superiorem: *altera*, aliis *Intestinalis*, nobis *duodena* dicta, ad Duodeni medium, & Jejuni principium pertingit, & per eorum longitudinem descendit.

Vfus Venæ portæ præcipuus est, partes quæ in imo Ventre sitæ sunt, & crassiore sanguine, ac faculentiore indigent, ut sunt omnes nutritioni dicatæ, nutrire. Debuit enim crassior esse sanguis, ut esset calidior, cum calor semper in crassiore corpore sit potentior. Sic ergo RADICES, Iecur nutriunt: TRUNCVS, Pancreas: ex SVRCVLIS, Vesiculam quidem felle, Cycticus. RAMVS SPLENICVS, omnia nutritioni dicata viscera, præter mesenterium, & intestina. ac Ventriculum, ejus furculus pyloricus, gastricus, utraque gastroepiplois, & Vas breve. Nec enim expellendi ad ventriculum humorem melancholicum, sed nutritionis præcipue gratia, Vas breve factum esse à Natura existimo, cum sanguis, qui in Liene generatur, non melancholia sit, & humor excrementitius, sed optimus potius, quamvis paulo crassior, quam alius sanguis, quia scilicet & partes per splenicum ramum crassiore, quam per mesentericum alendæ, indigebant. *Omenti superiorem membranam*, utraque gastroepiplois; *inferiorem*, epiplois dextra & postica: *Lienem* duo rami, in quos Splenica vena dirimitur, & qui per ejus lineam mediam parenchyma ingrediuntur. DVO RAMI MESENTERICI, *Mesenterium*, & *intestina* fere

a, vide
fig. 4.
b, 8.9.
A.

c, s. 1. l.
sed imp.
8.7. qu.
jus de.
stration.
ra dicat.
d, 8.7.

e, T.

fere omnia. Et intestinum quidem *Duodenum*, propago duodena: *Iejunum* autem, *Ileum*, *Cæcum*, & *Coli dextram partem*, dextra mēfenterica. *Sinistram* autem *Coli* sedem, & totum *Rectum*, hæmorrhoidalis; at *mediam partem*, quæ sub ventriculo est, Epiplois posita. *Secundus* usus est, attrahere chylum, eumque ad hepar deferre, in cuius Venis præcipue sanguificatio celebratur. Eadem autem Venæ, quæ mēfenterium nutriunt, chylum etiam attrahunt, ut infra, cum ejus historiam persequemur, dicemus. *Tertius* usus est, excrementa è corpore evacuare per intestina. Sic videmus *per ramum mēfentericum*, ex Iecore interdum refundi biliosum serosumque humorem in dysenteria, & diarrhæa biliosa: *per Hæmorrhoidalem venam*, fæcem melancholicam. *Quartus* usus, adjuvare coctionem hepatis. Sic videmus *per splenicum ramum* attrahi crassiorem partem chyli, quæ melancholia dicitur, non quia ibi sedes melancholiæ sit; sed ut beneficio arteriarum, quæ copiosissimæ sunt in Liene, attenuetur & concoquatur, nec coctionem, quæ in hepatis venis celebratur, inturbet & impediat, quemadmodum consuevit fieri, quotiescunque Lien aliquo morbo laborat, ut sanguificationis opera statim lædatur.

CÆTERVM quoniam Hæmorrhoidalium Venarum mentio hic facta est, visum fuit non inopportunum fore, si huc explicationem pulcherrimi aphorismi, qui duodecimus est sectionis sextæ, cum sine anatomica historia intelligi nequeat, & ab aliis ita fideliter enodatus non sit, ut erat necessarium, conjiciam. Scribit in eo Hippocrates, αἱμορροΐδας ἐνθέντι χρόνιος ὡς μὴ μία φυλαχθῇ, κίνδυνος ὁδρωπὴ συνέρχεται, ἢ φθίσιν, hoc est, à diuturnis sanato hæmorrhoidibus, nisi una omnino non servetur, periculum est aquam intercutem, aut tabem supervenire. In hujus explicatione, de veritate ipsius aphorismi primum dubitabimus, deinde de modo, quo ex sanatis diuturnis hæmorrhoidibus hydrops, aut tabes fiat, disputationem instituemus. Dubitare autem merito possumus de veritate, quod idem Hippocrates, in libro de hæmorrhoidibus (quem ego maxime genuinum esse statuo, quidquid etiam dicat doctissimus alioquin Mercurialis) hæmorrhoidas nos urere jubet, vetatque ullam citra unctionem relinquere, sed omnes urere. Et sane *Actius*, libro XIV conciliare cupiens hæc duo loca, ad illa verba, ὡς μὴ μία φυλαχθῇ, hoc est, nisi una servetur, victus rationem, non hæmorrhoidem subintelligendam censet, quasi diceret Hippocrates, non sanabis diuturnas hæmorrhoidas habentem, nisi æger convenientem victus rationem à te præscriptum diligenter servaverit, alioquin enim periculum est, ne in tabem, aut hydropem incidat. Cæterum *Galenus*, in commento illius aphorismi expresse scribit, docere Hippocratem, nisi una hæmorrhoidis servetur, periculum illud fore, nec ullam omnino diætæ mentionem injicit. Quin & ipsa quoque cottidiana experientia, cum victu quoque exacto hæc mala insequi satis testatur; & ratio desumpta à modo, quo id potest contingere, quemque mox explicabimus, uberrime declarat. Ex quo sane patet, duo hæc Hippocratis loca controversa adhuc & sibi invicem repugnantia, ex hac Aëtii responsione relinqui. Vera autem responsio erit, si dicamus, Hippocratem, dum in libr. de hæmorrhoidibus scribit, urendas esse omnes ad perfectam sanationem, non loqui de diuturnis hæmorrhoidibus: sed de iis tantum, quæ recentiores sunt, aut in quibus jam aliò Natura tentavit expulsionem humoris illius, qui alioquin per hæmorrhoidas expurgari solebat, sive id per fonticulos factum sit, sive per fistulam, seu ulcus aliquod in crure. Hæ enim sanari citra periculum tabis, vel hydropis quam optime possunt, maxime integris adhuc & salvis visceribus, ac imprimis omnium, succedente bona victus ratione. Nec vero omnes diuturnæ hæmorrhoides sanatæ necessario hydropem, vel tabem inducunt, sed ut plurimum tantum horum malorum periculum intentant. Interdum enim repente materia melancholica in Cerebrum rapta, Mania oritur, ut Alcippo contigit apud Hippocratem, IV, Epidem. Hic enim, inquit, hæmorrhoidas habens curari vetabatur: nam curatus insanivit, sed acuta febre superveniente sanatus est. Pro secundo quesito explicando, primum *Galenum* audiamus. Is enim in commentario hujus aphorismi, hæmorrhoides ob fæculentum sanguinem, & melancholicum, quem ad ora quarundam venarum Iecur propellit, fieri inquit, adeoque interclusa hac via, multitudinem crassi humoris aggravare hepar, & ejus calorem nativum suffocare: hoc extincto, non generari amplius sanguinem, sed aquam tantum, quam postea natura propellens in abdomen, hydropem facit. Quod si multitudinem humoris melancholici Iecur ad pulmones deferat, rupto aliquo vase, fieri tabem.

Hæc


1. Hæc interpretatio præter quod admodum obscura nobis videtur, nec veritati prorsus est consentanea. Primum enim falsum esse judico quod Galenus in commento statuit, impossibile esse, ut absque multitudine fæculenti & crassi sanguinis hæmorrhoides fiant, cum & rationibus, & autoritate probari possit, à bile quoque, & pituita provenire. *Autoritate quidem* Hippocratis, qui initio libri de hæmorrhoidibus, hæmorrhoidum morbum hoc modo fieri testatur, cum bilis scilicet, aut pituita ad venas recti intestini decubuerit, sanguinem qui in venis est calefacit. Calefactæ autem venæ ex vicinis venulis sanguinem attrahunt, & ubi replentur, interna sedis pars intumescit, & capita venarum supereminent. *Ratione vero* sic probatur: cum enim insaniam proficisci à pituita, & bile testetur Hippocrates lib. de morbo sacro; & VI aphorism. XXI, insanientibus si varices, aut hæmorrhoides supervenerint, insanix solutionem fieri profiteatur, profecto non solveretur insania, si tantum melancholicus humor per hæmorrhoidas prodiret, nec enim causa morbifica excerneretur. Sed & nos ipsi in Germania olim vidimus, à falso catarrho molestatos fuisse Viros nobiles, sanatos tamen postea ex hæmorrhoidum larga fluxione; ut propterea existimem, non modo melancholiam, sed falsam etiam pituitam & bilem per hæmorrhoidas purgari consuevisse. Quare si contingat jam diu hæmorrhoidibus conflictatum postea sanari, bilis illa, & pituita, vel obstructions in Iecore aut Liene parit, vel in aliqua copia coacervata, distendendo vasa in abdomine contenta perrumpit, vel sua qualitate exedit, & in abdomine hydropem facit, vel in Iecore obstructions parando, nativumque calorem extinguendo, plurimum aquæ, & serosi humoris, loco sanguinis generat, qui per venas transiens Leucophlegmatiam efficit. Quod si hic humor ad pectus, aut pulmones retrocedat, vasa eorum perrumpit, aut exedit: hinc sputum sanguinis, deinde puris sequitur, ex quo tandem tabes, ut in aphorismo XI lib. VI docet Hippocrates. *Ceterum* hoc loco imprimis notandum est, duplices esse Venarum propagines, quæ Hæmorrhoidas constituunt. Aliæ enim sunt propagines Venæ portæ, de quibus jam egimus; alia vero Cavæ, quæ à ramis Iliacis pronascuntur, de quibus postea dicendum. Quod si per Venæ portæ propagines dicti humores melancholici, biliosi, aut pituitosi, & falsi fluant, hæmorrhoides internæ fiunt, quibus sanatis, refluit materia in ramos venæ portæ per inferiorem ventrem dispersos, in cujus spatium venæ, humoribus his aggravatæ, sarcinam suam deponunt, & ascitim, primam hydropis speciem faciunt. At si per ramos Venæ Cavæ fluxerint, hæmorrhoides externæ fiunt, & his, præter Hippocratis præceptum, sanatis, tabis periculum imminet, quod hinc per venam cavam ad pulmones, propter cor, facilis sit materiæ peccantis transitus. Et hoc est quod jamdudum observavimus, plurimos fistulis ani diu afflictos, postea vero Medicorum imprudentia sanatos, in sputum sanguinis, & inde in tabem incidisse. Quin imo meminimus, curatam aliquando in Germania à nobis fuisse puellam, quæ in media coxa fistulam habuit, & per tres annos frustra multorum auxilium imploraverat, sed curatam tandem, post tres quatuorve menses, in sanguinis copiosum sputum incidisse. Ego, etsi vix decimum attigerat annum, ex pede ægro, in quo fistula laboraverat, sanguinem illico detraxi, corporeque purgato, & inusto prope locum, in quo fistula fuerat, cauterio, ipsam à tabe præsentissima, facile sic vendicavi. Sputum hoc sanguinis non aliunde continebat, quam ab acri illa, & biliosa materia, quæ cum nullum per fistulam amplius exitum inveniret, ad pulmones, per ramos venæ cavæ postmodum ascendit. Signate autem Hippocrates inquit, periculum esse ne fiat hydrops, aut tabes, quia nonnunquam evenit, ut neutrum horum accidat, sed alius potius morbus subsequatur, quemadmodum evenit Alcippo, qui in insaniam, & hinc in febrem acutam incidit. Interdum etiam dysenteria oritur, aliaque mala: quandoque etiam accidit, ut copiosis mictionibus, sudoribus, remediis, & bona victus ratione præserventur.

Duplices Hæmorrhoides.

Nota.

CAPUT VI.

Superiorem, sive Ascendentem Venæ cavæ truncum, tum ramos per caput dispersos, enarrat.



ALTERA jam vena, quam ^a *Cavam* vocari diximus, consideranda est, quæ latius multo quam Portæ vena patet, cum per universum corpus distribuatur. Ejus enim munus est, omnes nostri corporis partes, quæ ad alimenti concoctionem non faciunt, enutrire, quæ cum longe lateque pateant, venam quoque Cavam maximam esse longeque diffusam necesse est. Et quia tenuiore quodam magisque elaborato sanguine alias conveniebat, nec ita crasso aut sæculento, quemadmodum Ventriculum, Lienem, Omentum, sanguis quem conficit, & vehit Cava, purior, tenuior, atque sincerior quoque est.

Ufus venæ Cavæ.

In hujus historia tradenda, etsi minime cum iis sentiamus, qui vel à Iecore deducunt ipsius principium, vel à Corde; quia tamen alicubi principium tractationis quærendum nobis est, communem Anatomicorum consuetudinem sequendum duximus, adeoque quasi à Iecore originem capiat, doctrinæ facilioris gratia, sic de ea perpetuo loquemur. Accedit, quod in Iecore quasdam veluti radices spargit, haud secus ac vena Porta, in cujus historia cum propterea initium ab ipsis ceperimus, merito hic quoque exordium in Cava quærendum erit. Cæterum Cava, quanquam per universum corporis truncum, recto progressu excurrat, & insignem caudicem ^b constituat, per medium infimumque Ventrem, rectæ instar lineæ continuæ, vel canalıs potius ritu digestum: solet tamen ratione hepatis bifariam dividi, & sic alius ejus truncus Ascendens, alius Descendens vocari. Revera enim verum illud non est, quod multi persuasum sibi habent, Cavam suo è Iecore egressu, quemadmodum Arteria magna, ubi ex corde prodit, in duos findi truncos: interim tamen cum trunci dicuntur posthæc à me, doctrinæ gratia duntaxat id fieri, credendum. ^c *Ascendens* ergo, & *Superior* dicitur, qui supra hepar consistit, & circa jugulum terminatur; ^d *descendens* vero, qui infra hepar est, & ad crura usque pertingit. Vterque enim postea in ramos dispescitur; quorum ^e illi, ad caput sursum feruntur, ut jugulares; & brachia, ut ^f brachiales: hi, ad crura, & ^g crurales vocantur. De his ergo omnibus nunc ordine sic dicemus, ut prius trunci ascendents historiam, deinde ramos ejus, partim ad caput, partim ad brachia progredientes enarremus: hinc descendentes truncum, ejusque ramos ad crura digestos, aggrediemur.

Ratio ordinis qui in historia ejus servanda.

VT ERGO EX CAVA HEPATIS parte venulas complures, veluti radices enasci ^h diximus, quæ semper in majores sensim insertæ, tandem circa medium omnibus simul coeuntibus Truncum constituiebant; ⁱ ita non diverso modo, ex ambitu convexæ ejusdem partis, numerosa venarum soboles erumpit, quæ postea in unum ^k truncum conspirat. Truncus hic ^l Diaphragmatis nervosam partem in dextro latere perforat, quam transiens, indivisus usque ad jugulum progreditur, & quia versus superiora ascendit, **ASCENDENS TRUNCUS** communiter ab iis, qui Cavam ex Hepate prodire censent, vocatur. Amplior est multo Descendente, quod partes superiores solo hoc nutrantur: inferiores autem pleræque omnes in ventre imo contentæ, Vena portæ. Quamvis autem in ramos nullatenus findatur, usque dum jugulum attigerit, propagines tamen quasdam ad latera spargit, & quidem tres insigniores. ^m *Prima* est, quæ *vena Phrenica* dicitur, utrinque una, & per diaphragmatis (quod *φρένες* vocatur) universam sedem numerosa sobole distribuitur, ramulos ad pericardium vicinum, & mediastinum transmittens, quod ubi jam superavit, & thoracem ingressa est, modice sinistrorsum inclinatur, pericardium ingreditur, & è regione octavæ thoracis vertebræ admodum latefcens, in ⁿ dextrum cordis ventriculum validissime inseritur, ut non immerito hinc Aristoteles oriri censuerit. Antequam tamen sic implantetur, ^o *alteram* propaginem educit, quæ insignis est, & secundum cordis posteriora, ac latus sinistrum, versus anteriora porrigitur, cordis basin coronæ instar succingens, unde & *Coronaria* dicitur. Hæc plurimos ramos per exteriorē cordis superficiem totam dispergens, potissimum vero per partē levam, ut quæ copiosiore alimento ob continuum & majorem motum,

TRUNCUS ASCENDENS.

Propagines trunci ascendents.

Phrenica.

Coronaria.

quam dextra pars, indiguit. Quia vero parenchyma cordis durum est ac solidum, propterea & crassiore quoque sanguine nutriendum erat, ex quo factum, ut hic ramus, antequam cor ingressa sit vena, exoriatur, quando scilicet adhuc sanguis paulo crassior est, nec dum in cordis sinibus attenuatus fuit. Prope hujus originem *Valvula* est, quæ sanguinis ad Cavam refluxum, propter continuum cordis motum facillimum, prohibet. Vbi jam cor superavit Cava, gracilior redditur, & pericardium denuo perforat, à vertebis dorsi discedit, & supervecta œsophagum, asperam arteriam, atque aortam, (sibi mutuo sic incumbentia, ut vertebrarum corporibus œsophagus adjaceat, huic insisteretur arteria aspera, eique iterum incumbat aorta,) per mediam pulmonum divisionem, quo loci dextra pars à læva diducitur, sursum contendit. Cæterum quia hoc pacto dorsum attingere neutiquam poterat, ramuli autem, si quos eduxisset, periculo ruptionis (suspensi scilicet) admodum fuissent opportuni, ^a *tertiam* propaginem simul atque pericardium egressa est, constituit. Hanc venam *ἄζυγον* Græci, Latini *sine pari*, aut *conjugæ carentem* appellant, quod in homine una tantum sit, nec parem, aut conjugem in sinistro latere, ut aliæ venæ, habeat: in ruminantibus tamen animalibus gemina est, & utrinque conspicua. Egreditur vero circa quintam thoracis vertebam, & quidem ex Cavæ posteriore, & dextro latere, descendensque non recto gradu procedit, sed versus dextram nonnihil inclinans, retrorsum ad spinam quasi reflectitur. Cum primum autem octavam, vel nonam costam attigit, supra spinam in duos *ramos*, quorum alter *dexter*, alter *sinister* est, discinditur, qui descendentes diaphragmatis divisionem, quæ inter duas ipsius productiones est, transeunt, sicque in infimum ventrem expanduntur. Ex his sinister, qui quandoque major est, circa transversos vertebrarum processus, ac sub sinistra productione Diaphragmatis, & primi fœmur flectentis origine latens, in emulgentem sinistram, & vel juxta principium, vel (uti frequenter solet) in medium inferitur. *Dexter* vero, similiter sub membranis circa transversos dextri lateris processus, dextraque productione septi, & ejusdem primi fœmur flectentis principio, qui dextrum latus occupat, progrediens, aliquando ipsi trunco Cavæ, interdum primæ lumbari implantatur. Et hæc observatio doctissimo Fallopio debetur, qui hujus sinistri rami beneficio materias in thorace collectas, sive aqueæ sint, sive purulentæ, aut sanguineæ, evacuari voluit, de qua tamen re sequenti libro breviter aliquid dicemus. Cæterum ab hac Vena, ab utroque latere, tam dextro, quam sinistro, in itinere versus inferiora, furculi egrediuntur, ex quibus tamen dextri insigniores, magisque ampli sunt, quorum decem plerumque semper numerari solent, qui ad inferiorum costarum totidem intervalla excurrunt, & *Intercostales venas inferiores* constituunt. Dico autem plerumque semper decem esse, quia raro valde evenit, ut ab hac vena omnia intervalla ramis donentur, cum duo superiora, primum scilicet, & secundum spatium, à quarto ramo jam jam enarrando, furculos suos nanciscantur. Cæterum furculi hi recta progrediuntur, & quidem juxta inferiorem sedem costarum, ubi horum gratia sinus exsculptos esse secundo libro docuimus. Et hic sane locus diligenter Chirurgiæ candidatis notandus est, propter Thoracis apertionem in empyemate, ut sciant in superiore costæ loco sectionem faciendam esse, cum ex inferiore magno vitæ periculo vasa læderentur. Non tamen *per costarum verarum* totam longitudinem excurrunt hæ venæ, sed cum ossea parte una terminantur. Intercartilaginea autem sex septem verarum costarum spatia, Venæ Mammariæ propagines nutriunt, quemadmodum mox dicemus. In *spuriis* tamen costis, ultra cartilagineas etiam versus abdomen pertingunt, in cujus musculos se insinuant. Propagantur autem & ab eadem vena alii quidam exigui ramuli, per quos alimentum Vertebrarum medullæ, & Musculis, circa quos scilicet feruntur, derivatur; nonnulli etiam in mediastinum juxta dorsum implantantur. Hac ergo Vena sine pari sic constituta, Cava ad ^b jugulum ascendit, suffulta Mediastino, mollique ac glanduloso quodam corpore, quod Græci *θυμὸν* appellant, & in elatissima Thoracis sede positum est, ut venarum divaricationes hic suspensas, ab omni ruptionis periculo tutas præstaret.

Atque hic primo Cava vena in ^c *duos insignes ramos dirimitur*, à quibus oriuntur venæ omnes, quæ tum ad caput, tum brachia, aut musculos quosdam abdominis excurrunt. Ex his alter ad dextram, alter ad lævam partem abit, qui quamdiu in Thorace adhuc sunt, *Subclavii* appellantur, quia sub claviculis incedunt: at quam primum exciderunt ex ipso,

3.
ἄζυγον.

Nota.

Venæ Cavæ
in duos ramos
subclavios divisio.

a, C.

b, D.

c, E.

F. ex ipso, & axillam attigerunt, ^a *Axillarium* nomine vocantur. Ex utroque complures emergunt propagines, quarum aliae ex superiore parte, aliae ex inferiore enascuntur. In harum enarratione hunc ordinem observabimus, ut quae propius à trunco absunt, prius à nobis proferantur; posterius, quae longius recedunt.

e. *Prima ergo propago*, juxta radicem ipsius bivaricationis emergit, & ^b *Intercostalis superior* dicitur, utrinque una, quae exilis admodum descendens secundum costarum radices usque ad tertiam, in duo superiorum costarum intervalla, Venae sine pari instar,

f. ^c *furculos duos transversim propagat*. Quod si Vena sine pari omnibus (ut nonnunquam fit) spatiis propagines offerat, deesse ipsa tunc merito solet. Interdum tamen eadem vena à Trunco quoque Cavae, priusquam in subclavias bipartitur, originem ducit.

g. ^d *Altera vena*, modo ab anteriore bifurcationis sede; modo à subclavii rami radice gemina, utrinque una; modo etiam è medio trunco, antequam dividatur, unica enascitur, quae ubi sternum demum attigit, in dextrum & sinistrum ramum dirimitur. Solet enim Natura ludere, cum in aliis suis operibus nonnunquam, tum in primis in Venarum exortu, adeo ut non eodem modo in omnibus corporibus Venae spargantur. Vocatur autem *Mammaria*; quae, undecunque exoritur, antorsum ducta, ad elatiorem pectoris ossis sedem contendit, secundum ipsius latera descendit, & ubi ad cartilaginem mucronatam pervenit, circa ipsius latera thoracem egreditur, sub rectis abdominis musculis recta procedit usque ad umbilicum, juxta quem per ^e *anastomosis* cum ^f *epigastrica* ascendente, & sibi occurrente, conjungitur, cujus beneficio insignis ille inter uterum atque

10. vide
4.11. N.
f. 5.

mamas consensus exoritur, de quo inferius, capite VI II, ubi historiam venae Epigastricae persequemur, pluribus agemus. Cæterum antequam Thoracem relinquat, in descensu ad sex superiorum utriusque lateris septem verarum costarum spatia intercartilaginea singulos ramos transmittit, quae cum cartilaginibus juxta finem partis ossis costarum terminantur, quo loco ramos Venae sine pari (quibus cum extremis junguntur) cessare monuimus. Ab his venis, quae cartilaginum intervallis hoc modo distribuuntur, aliae nonnullae notatu dignissimae emergunt, quae tum in musculos pectori incumbentes, tum in mammam disseminantur.

h. ^g *Tertia* juxta has enascitur, quandoque etiam à trunco prodit, quae *Mediastina* dicitur, quia in mediastinum, sive membranam thoracis cavitatem intersepientem, secundum totam hujus longitudinem, cum nervo diaphragmatis sinistro exorrecta, propagatur. ^h *Quarta*, *Cervicalis* vulgo dicta, vena utrinque ampla est, quae sursum oblique contendens versus posteriora, ad transversos vertebrarum cervicis processus abit, perque earundem foramina conscendens (unde rectius fortasse *Vertebralis* cognominaretur) musculis vertebrae proxime incumbentibus soboles largitur. Hac ubi processum transversum septimae vertebrae superavit; insignem ramum ad sinum, qui in cervice est, per foramen nervorum exortibus dicatum, derivat; deinde alium, ubi supra sextae vertebrae processum venit, & alium rursus, ubi à quinta evasit, sicque porro, donec ad primae vertebrae (quam tamen non attingit, nedum in cranium penetret, ut Vesalius voluit) processum pervenerit, juxta quem partim ad eundem sinum fertur, partim in posteriores colli partes distribuitur. Sunt enim *duo sinus* oblongi, sanguine referti, qui ex dura cerebri membrana conficiuntur, utrinque unus, ad latera medullae Cervicis consistentes. Ab his ramuli distribuuntur, qui spinae medullam, conterminasque partes enutriunt: initium autem circa articulationem capitis cum prima vertebra capiunt: finem juxta septimam colli vertebrae reponunt. Sinus hi duo, quorum alter dexter est, alter sinister, communionem quandam inter se habent, per tubulum, eumque brevem, qui ab uno ad alterum, circa eam fere colli regionem, quae inter secundam & tertiam vertebrae est, transversim derivatur. Tandem ⁱ *quinta vena* est, *Muscula inferior* vocata, quae à posteriore parte enascitur, & in musculos tum humiliorem cervicis, adeoque caput & cervicem extendentes, unde melius *Cervicalis* diceretur; tum sublimiorem thoracis sedem juxta vertebrae occupantes, multis ramis distribuitur.

A sublimiore sede subclavium, dum adhuc in thorace est vena Cava, cum tres prodeant, duae sunt notatu dignissimae propagines, quae sub musculis caput flectentibus versus superiora viam intendunt. Prior internam magis partem spectat, & *Iugularis interna* dicitur: altera ad exteriora vergit, & *Iugularis externa* communiter vocatur. Vtraque enim

Propagines
quae ex infe-
riore parte
subclavio-
rum
prodeunt.

1.
*Intercostalis
superior.*

2.
Mammaria.

3.
Mediastina.

4.
Cervicalis.

Propagines
quae ex supe-
riore sede
subclavio-
rum
oriuntur.

^{1.}
Iugularis interna.

Ejus divisio
in ramos ex-
teriores, &
interiores.
Exterior.
Interior, &
ejus subdivi-
sio.

^{2.}
Iugularis ex-
terna.

Divisio.
Profundus.

Exi tres
calvariam
ingredientes.

1.
2.

3.

Cutaneus qui
venas faciei
constituit.

^{3.}
Muscula su-
perior.

Axillaris di-
visio in duos
ramos.

enim juxta jugulum oritur, & secundum hunc ad caput ascendit: ex quibus illa, major; hæc, minor est in Homine; contra in Brutis. Cæterum cum appellationes pleræque omnes, & optimè, non à loco, per quem transeunt, sed ab insertione sint derivatæ, rectius fortassis *Cephalicæ*, & *Capitales* dicerentur. ^a *Iugularis interna*, juxta articulum, quo clavicula sterno necitur, originem ducit, statimque ab exortu, cum arteria carotide & nervo sexti paris, tanquam itineris comitibus, ad asperæ arteriæ latus conjungitur, indeque ad fauces viam parans, circa itineris medium in duos ramos dirimitur; ex quibus alter, exterior dicitur; alter, interior. *Exterior* quidem, quia capitis interiora non subit, sed ad maxillæ inferioris angulum bifariam divisus, alterum ramum ad fauces, alterum prope aures & faciem distribuit. *Interior* autem ramus, universo ductu Carotidi arteriæ usque ad calvariæ basin commissus est, ad quam ubi appulit sede posteriore, similiter in duos ramos scinditur, sed amplitudine inæquales. ^b *Primus* enim major est & posterior, cum oblique retrorsum ducatur; qui ubi in musculos œsophago subjectos, & anteriorem cervicis vertebrarum sedem occupantes furculos propagavit, per occipitii foramen secundum cum arteriæ carotidis ramo minore cranium ingreditur, per quod idem foramen sextum par nervorum descendit, sicque membranæ crassæ sinum ^c *primum* ^d & secundum subit. ^e *Secundus* ramus, *gracilior* & anterior, carotide arteria penitus relicta, anticam capitis partem petit, & posteaquam in via auditus organo furculum non admodum insignem largitus est, calvariæ per cuneiformis ossis foramen septimum ingreditur. ^f Hic per crassæ membranæ basin & latera multiplici ramorum serie dispergitur, quorum ^g vestigia in ossium syncipitis interna superficie observari, superius lib. 11 diximus. Hos duos ramos, cum ad Cerebrum vadant, *Encephalicos*, quasi dicas *Cerebrales*, vocabimus, & illum quidem majorem; hunc, minorem. ^h *Iugularis externa* sub cute, & Quadrato genas detrahente musculo ascendens, per colli latera, ubi ad aurem pervenit, ⁱ in duos ramos scinditur, quorum alter à me *profundus* dicitur, quia musculos ingreditur, & ad intimiora penetrat; alter, *cutaneus*. ^k *Profundus*, in primis suis divaricationibus glandulas obtinet, circa fauces consistentes, & notatu dignas propagines de se mittit ad Laryngem, glandulasque ipsi adnatas, tum ad faucium & ossis hyoidis musculos; ex quibus ille, qui sub lingua per totam longitudinem prorepit, insignis est, & in multiplices ramulos, dispergitur, qui elevata lingua etiam citra faucium coarctationem satis conspicue cernuntur, passimque à Chirurgiæ scriptoribus *Ramula* appellantur, & in ori vicinarum partium inflammationibus non sine magno plerumque successu secantur. *Ab hoc profundo ramo* tres oriuntur, qui interiora capitis & calvariæ subeunt. *Primus* quidem, postquam ad fauces & os ramulos sparfit, per quintum foramen ossi temporum insculptum, cranium ingreditur. ^l *Alter*, ex oculi sede anteriore per cuneiformis foramen secundum, unde secundum nervorum par elabitur, transit, ac per crassam membranam versus superiora aliquot furculis excurrit. *Tertius*, ex narium amplitudine per ossis cribrosi foramen in eandem membranam disseminatur. Hæ duæ anteriorem hanc partem nutriunt, cum sinus tertius ad ipsam non pertingat, sed juxta septem processuum mammillarium desinat. Cæterum ^m *Cutaneus* ramus, cutim capitis perreptans, & sub aure glandulis, quas Parotides vocant, suffultus, in duos ramos dispescitur; quorum alter ⁿ *anterior*, oblique per genas sursum fertur ad oculi angulum internum, in itinere naso ramulos impertiens, & procedens ad supercilium, junctusque cum reliquo alterius lateris ramo in media fronte, rectam venam constituit, quam ^o *Frontis* appellant, & in insania maxima cum utilitate inciditur. Huc alludit Satyricus, cum de inepto quodam loquens illi *mediam* jubet *pertundere venam*. *Alter* ramus, *posterior*, per posteriora fertur, & ad ^p tempora atque ^q occipitis cutim ramos propagat. *Tertia*, quæ à superiore subclavium ramorum sede enascitur, *Muscula superior* vulgo dicitur, respectu illius, quæ ejusdem nominis ex humiliore loco prodit. Erumpit autem juxta jugularem externam, & in posteriores cervicem occupantes musculos, ipsamque hujus regionis cutim dispergitur, quo nomine ^r *Cervicalem superiorem* non inepte vocabimus.

SED nunc ad eam unde digressi sumus venæ subclaviæ distributionem, revertamur. Hæc thoracis cavitatem egressa ^s *Axillaris* vena vocatur, atque ubi ad alas pervenit, in ^t *duas* insignes propagines dividitur, ^u *Cephalicam* scilicet, & ^v *Basilicam*, quæ postea per ^w *totum*

totum brachium disseminantur. Antequam autem sic dividatur, duos producit de se furculos: ^a primum, qui vena *Scapularis interna* dicitur, & per musculos internam scapulæ partem occupantes propagatur: ^b alterum, *Scapularem externam* nominatum, grandiusculum, musculis ejusdem scapulæ externam & gibbam partem obsidentibus implantatum. ^c *Basilica* vero & ipsa, antequam brachium ingrediatur, duas propagines profert: ^d unam, *Thoracicam superiorem* vocatam, quod ex elatiore, quam subsequa parte oriatur, & insignis admodum, per internam faciem musculi pectoralis humerum adducentis excurrat; aliis item musculis pectus occupantibus, quemadmodum & mammarum cuti in fœminis, ramos distribuat. ^e Altera, *Thoracica inferior* dicitur, insignis similiter & grandis, quæ secundum thoracis latus descendens, per tertium humerum abducentem latissimum musculum imprimis distribuitur, plurimos de se ramulos spargens, qui postea cum ramis venæ sine pari extra thoracem procidentibus per anastomofin junguntur. atque hæc nonnunquam etiam à priori, sive *Thoracica superiore* prodit. His sic ramulis constitutis *Axillaris* in brachium porrigitur.

Axillaris furculus ante divisionem.

Basilica ramis ante ingressum in Brachium.

C A P V T V I I.

Axillaris Venæ per brachium distributa seriem proponit.



VENA ergo ^f *AXILLARIS*, quam primum brachio approximât, in duos finditur ramos, sed eos inæqualis amplitudinis. ^g *Superior* enim, quem *Cephalicum* vocant, gracilior est; at ^h *inferior*, qui *Basilicus* dicitur, triplo fere amplior existit. *Cephalica* etiam vena subcutanea quasi tota est, nec nisi uno ramo ad profundiores musculorum recessus penetrat, unde neque Arteriam, nec Nervum intimioribus scilicet corporis recessibus addictos, comites habet. *Basilica* vero, partim sub cute prorepat, partim sub musculos sese recondit, unde & magnitudine illam merito superare debuit, ut quæ pluribus partibus alendis destinata erat. Habet eadem & Nervos & Arterias itineris sui comites, quæ causa esse solet, ut hac vena incisa, sanguis cum impetu profiliat: secta è contra *cephalica* effluat leniter, quod imperitos dissectionum Medicos, Venæ sectioni adstantes, ad animi & corporis robur, aut imbecillitatem imprudenter referre cernimus. De utriusque per brachium distributionis ratione nunc breviter dicturi sumus, initium capientes à superiore, tanquam ramo minore.

Divisio Venæ Axillaris.

Discrimen ramorum venæ Axillaris.

1.

2.

Nota.

ⁱ *CEPHALICA* ergo *Vesalio Humeraria vena* dicitur, quod per humerum ad manum propagetur; ab aliis *cubiti exterior* à situ, quia in cubito latus externum occupat: quemadmodum *Basilica* contra, internum. A Recentioribus quibusdam communiter *Cephalica* appellatur, quod in capitis affectibus secari soleat, ob errorem Veterum, qui à jugulari externa eam pronasce, & propterea à capite immediate sanguinem evacuare, imperite credebant. Enasceatur autem ab *axillaris venæ superiore* parte, tendinemque ferrati minoris, qui scapulam pectori adducit, transcendens, inter deltoidem musculum, qui humerum elevat, ac principium pectoralis, qui eundem adducit, qua parte à clavicula exoritur, excurrit, sicque ad externum latus primi cubiti flectentis (quem bicipitem vocant) per humerum descendit, cujus nomine inter bicipitem & deltoidem fonticulos inurere doctiores Chirurghi prudenter consueverunt, cum semper ad locum venæ insignioris fonticuli fieri debeant, ut materia facilius evacuetur. Quamquam vero indivisa sit, dum sic per humerum deducitur, graciles tamen nonnullos ^k furculos utrinque in musculos dictos, & cutem disseminat. Tandem ubi ad cubitum pervenit, sub membrana carnosa, ut decet subcutaneam venam, reconditur, sicque citra dissectionem oculis sese offert. At circa ipsum articulum cubiti ad externum humeri tuberculum, in tres fere ramos ^l dividi consuevit; quorum alter, exterior est; alter, interior; tertius, medius. Priores duo subcutanei sunt; tertius, profundus. ^m *Primus*, sive *medius*, qui frequenter abesse solet, gracillimus est & profundior, in musculorum, imprimis vero duorum, secundum & tertium digitorum articulum flectentium, quemadmodum & longi radii supinatoris substantiam se penetrat. ⁿ *Secundus*, & *interior*, ac præcipuus ex his tribus ramis, oblique sub cute deducitur, ac cum *basilicæ ramo interno* tribus digitis infra cubiti articulum coit, cum qua ^o *Medianam venam*, Medicis sic dictam, constituit. Hæc oblique per

VENA CEPHALICA.

Nota.

Rami venæ Cephalicæ.
1.
Medius.

2.
Interior.

3.
Exterior.

Salvatella.

VENA BASILICA.

Rami Basilicae.
1.
Profundus.2.
Subcutaneus.Dividitur
subcutaneus
in internam
& externam.Venarum
distributio non
eadem est om-
nibus.

mediam cubiti regionem descendens, ad radium complures furculos dispensat, tandemque & ipsa in duos discinditur ramos minores: quorum ^a exterior, ad carpi sedem anteriorem versus pollicem abit; alter ^b interior, ad indicem & medium excurrit. Ille exterior, nonnullis *Cephalica manus* dicitur, & magna cum utilitate in capitis, dentiumque affectibus aperitur. ^c Tertius tandem ramus, sive exterior cephalica, longum radii supinatorum musculum conscendit, variis in cutim dispersis venulis, sicque ^d oblique per radium fertur, cujus medium longitudinis ubi attingit, externam cubiti sedem ingreditur, ibidemque cum ^e basilicæ ramulo jungitur. Huic junctus ad externam carpi sedem procedit, & illi regioni, quæ ante minimum & annularem digitum est, quemadmodum & ipsis etiam digitis venas largitur. Hæc vena communiter, maxime quæ minimum digitum spectat, *Salvatella* dicitur, & in sinistra manu à Practicis incisa, in affectibus melancholicis, præcipue lienis inflammationibus & quartanis febribus admodum commendatur. De qua re cum nonnunquam disputetur, egoque experientiam Practicis favere observarim, causam indagare conatus sum, invenique complures anastomoses hic esse venæ hujus cum arteriis, quemadmodum circa extremas partes anastomoses luculentiores esse solent, tanquam in partibus remotis à fonte caloris, & quæ propterea sanguine calidiore spirituosoque indigebant. Secta ergo hac vena, quia proximæ anastomoses sunt, fieri nequit, quin sanguis arteriosus quoque effundatur, id quod in cubiti venis incisis non ita fieri potest, ob anastomoses paulo remotiores à loco in quo vena aperitur. Et hinc fit, ut sanguis, qui ex manu evacuatur, multo sit pulchrior & rubicundior illo, qui ex brachio educitur; quod semper arteriosus hic simul evacuetur. Cum autem in Liene sextuplo plures Arteriæ sint, quam Venæ, plurimum profecto adjumenti accidere ipsius affectionibus necesse est, quod ex iis vasis sanguis, in quibus peccavit, evacuetur.

Alter ramus axillaris, interior, & amplior, ^f BASILICA est, quæ pro situ brachii diversi diversa nomina apud Practicos Medicinæ scriptores invenit. Dextri enim brachii *Hepatica* dicitur, at sinistri *Splenica*: illam in Hepatis, hanc in Lienis affectibus pro sectione eligunt. Erumpit autem sub ala, & propaginibus pluribus ad copiosas ejus loci glandulas dispersis, per humerum, ad latus bicipitis, inter flectentes & extendentes cubitum musculos defertur, nec procul ab egressu è thorace in duos ramos insignes ^g dividitur, quorum alter profundus, alter subcutaneus, à situ & progressu dicitur. ^h Profundus ramus, qui fere crassior est, ad intimiores brachii partes toto ductu sese penetrat, ubique arteriam brachialem comitem asciscens, quemadmodum & nervi tertii ramum quartum. Fertur autem inter duos cubitum flectentes musculos, cujus articulum ubi superavit, in duos ⁱ scinditur ramos, quorum ^k exterior, juxta radium (unde *Radiceus* dici posset) ad manum descendit, ac versus pollicem & indicem, quemadmodum & medium digitum, ramulos dispergit: ^l interior autem juxta os cubiti (à quo *Cubitei* appellationem meretur) incedens, digito medio ac minimo ramulos, sed ut ille quidem, musculis in externa manus facie; sic hic, in interna sitis largitur. ^m Subcutaneus ramus alter est, qui per internam humeri regionem defertur, variis de se ramulis ad cutem & adjacentes partes disseminatis; at ubi ad humeri tuberculum internum accesserit, in ramum internam & externam, similiter ut Cephalica, ⁿ dividitur. ^o Interior infra cubiti flexuram oblique defertur, & cum ^p interno Cephalicæ ramo connexus, ^q Medianam venam, de qua diximus, constituit. ^r Exterior vero, juxta humeri tuberculum internum bifariam divisus, majore ramo secundum ulnæ regionem ad carpum deorsum fertur, & ad digitum minimum sese dispergit: altero vero, ad internam manus sedem derivatur.

Cæterum hoc loco operæpretium est cum aliis doctissimis Anatomicis admonere, credendum non esse, eandem in omnibus hominibus Venarum seriem & ductum inveniri, cum sectio cadaverum demonstret, vix inter mille duos eandem Venarum distributionem accurate servare. Quamobrem nec in eligendis locis pro Venæ sectionibus tam scrupulosos nos, ut solent quidam imperiti, esse decet, sed eam potissimum eligere, quæ tutissime secari possit, quod quam optime oculis sese offerat. Nonnunquam enim Cephalica sic gracilis est, ut vix conspectui pateat; interdum contra Basilica. Quare ille quam optime egerit, qui prudens potius consilium, quam scrupulosam imperitorum opinionem sequetur.

CAPUT VIII.

Inferiorem, sive Descendentem venæ Cavæ Truncum explicat.

VPERIOREM Venæ cavæ Truncum & Ramos persequuti sumus; restat ergo nunc, ut & de inferiore agamus. Nec tamen revera, quod supra quoque monuimus, duo Trunci sunt, ut Galenus volebat; sed unus, qui à divisione circa ^a quintam lumborum vertebram, ^b ad usque jugulum continuo ductu pertingit: at doctrinæ gratia sic à nobis ratione Hepatis distinguitur, quod quasi in medio consistens, in superiore, & inferiorem scindere videtur. Vt ergo ^c superior est, qui ab hepate ad jugulum excurrit: sic ^d inferior, qui ab eodem inchoans, ad os usque sacrum terminatur. Sed & quemadmodum Superior indivisus per Thoracem excurrebat, propagines tantum nonnullas spargens ad latera; sic & Inferior per abdomen totum integer delabatur, non nisi surculis de se quibusdam dispensatis. Cæterum ubi quintam lumborum vertebram attigerit, in ^e duos insignes ramos Iliacos dictos, non secus ac superior in Subclavios scinditur, qui postea in crura se penetrantes, Crurales ramos constituunt, ut illi in brachia digesti, Brachiales. Dicamus ergo hoc capite de Trunco, ejusdemque propaginibus, quamdiu adhuc in Ventre inferiore est, deinde ad Crurales accedamus.

^f A TRUNCO ergo DESCENDENTE, antequam in ramos abeat, quatuor nascuntur venæ. Cum enim primum à posteriore hepatis sede prodiit, ad dextrum dorsum declinat, ac propaginem ex sinistro sui latere educit, quam ^g Adiposam sinistram appellant, quod ad adipem & exteriorem renis membranam, à peritonæo enatam excurrat, quemadmodum & ad glandulam reni incumbentem. Huic in ^h dextro latere respondet alia, quæ tamen raro admodum à trunco emanat, sed potius à superiore & media sede emulgentis, & quia eodem, quo sinistra, modo distribuitur, Adiposa dextra nuncupatur. Interdum tamen videas contrarium quoque evenire, & dextram ex trunco, sinistram ex emulgente prodire. Naturæ enim in Venis varios lusus est cernere, nec facile in cadaver incidas, quin aliquid circa illas novi, & ab aliis diversi reperiās. Hinc progressa Cava, ubi ultra medium dorsum pervenit, circa primam lumborum vertebram ⁱ secundum par venarum perquam insigne educit, quod recta ad Renes prope- rat, in quorum substantiam totam exhauritur. Hinc & Renale vocatur ab insertionem; ab usu autem, Emulgens, quia quidquid serosi est in sanguine, per hoc par renes emulgere, & ad se trahere videntur. Amplissimum ergo est, sed breve tamen, nec æquale, nec è directo sui conjugis enatum. Breve, quia longitudo nulla requirebatur, quæ fere ob præ- viam quandam præparationem à Natura vasis concedi solet. Inæquale, quia sinistram dex- tra longiorem esse conveniebat, quod ab ea spermaticam educere necessarium erat. Ex- ordium autem utriusque è directo sibi non respondet, ne altera alterius actione impeditur. Sinistra tamen dextra altior est, quia & ren lævus præ dextro altiorem locum est nactus. Cæterum emulgentes rami simul atque ex trunco emersere, non subito ipsam renum cavitatem adeunt, sed in duos prius majores ramos dividuntur, arteriisque associati, sic concavam partem ingrediuntur, ac postea in minores dirempti, per substantiam renum universam disperguntur, tandem extremis fibellis in processus quosdam carneos (quos Mammillares vocant) terminantur. Venæ hæ non tantum ad deferendum renibus ali- mentum, sed etiam ad serosos humores deducendos conferunt, cum eos ad mamma- res carneos processus deponentes, in fistulas ureterum percolant, unde in pelvi colligi- tur, sensimque ad Vesicam (ut dicetur, cum renum historiam aperiemus) destillat. Atque hic locus notandus est, in quo calculi renales generari consueverunt, cum non sit in vasis emulgentibus, Vena, inquam, aut Arteria: sed potius in cavitate ipsa renum, sive in pelvi, & tubulis illis ureterum. In his enim, si quando materia viscosa suscipitur, vel ob insignem calorem inibi exsiccat, vel propter frigiditatem in arenam aut calcu- lum concrevit. Materia autem hæ non tantum crudus sanguis est, qui mucis instar in massa sanguinea nonnunquam abundare solet: sed sæpe etiam pituita illa excrementi- tia, quæ à capite per venas & arterias, tum in cavam, tum aortam, quandoque etiam in Ventriculum & Intestina descendit. Cujus rei signum manifestissimum esse videtur, quod

Venæ Cavæ
Truncus in-
ferior.

Propagines
quatuor à
Trunco ante
divisionem
enascens.

Adiposa.

Emulgentes.

Locus in quo
calculi renum
generantur.

nota

Cur sinister re
magis, quam
dexter calculo
obnoxius.

3.
Spermatice.

4.
Lumbares.

Divisio Trun-
ci in duos ra-
mos Iliacos.

Propagines
ante divisio-
nem hanc
enatae.

Interioris Ili-
aci propagi-
nes, ante
egressum ex
peritoneo.
1.
Glutinae.

quod qui calculosis affectionibus obnoxii sunt, destillationibus & Colicis doloribus creberrime affligantur. Hos cum nonnulli à flatibus oriri sibi persuadeant, me cottidiana experientia docuit, à pituita esse, quod eos, qui renum calculo laborant, Colon intestinum copia hujus semper refertum habuisse observarim, eademque ablata, etiam calculi generationem cessasse. Quamobrem & Clysteres deterforios blandeque pituitam purgantes, non solum calculis praesentibus, sed & minitantibus sui generationem, frequenter maxima cum aegrorum utilitate injicio. Vitanda autem perpetuo sunt omnia, quae calculos pellunt, dolore etiam non praesente, cum quia pleraque hujusmodi calida sunt, tum quia materiam crudam copiose ad renes sunt propellendo. Haec persequi propterea nobis visum est, ut anatomicum studium ad ipsum accommodemus Medicinæ usum, praesertim cum videamus hunc generationis calculi locum vulgo ignorari, quod celeberrimus Fernelius, quem maxima fere Medicorum pars sequitur, lib. vi Patholog. cap. xxi, censuerit, arenularum generationem in propria renum substantia fieri, hinc fluentis urinæ impetu rapi, & in cavum ferri, sicque per ureteres in vesicam urinam arenulis refertam prolabi. Quod si quis etiam quaerat, quae causa sit, quam propter sinister ren magis, quam dexter calculo sit obnoxius, id ideo evenire statuentum est, quod Colon intestinum reni sinistro magis incumbat, in cujus cellulis cum pituita hæc, de qua diximus, scateat, vel per poros ipsius transudat, & in renes trahitur, vel ob viciniam ejus, vehementer renes refrigerantur, cum sæpe experientia nos docuerit, materiam ejusmodi pituitosam revera actu frigidissimam esse in corpore, quod perceperunt satis ii, qui per alvum eam copiose excreverunt. ^a Tertium hinc sequitur par, ^a *Venæ spermaticæ*, seu *Seminales* vocatae, quod materiam pro conficiendo semine deferant. ^b Hæ origine inter se variant. ^b *Sinistra* enim ab inferiore sede, & media emulgentis exoritur, & peritonæo, qua parte musculos in lumbis jacentes integit, eidem furculis aliquot communicatis, adhærens incedit, ac oblique descendit: at ubi pubis os attingit, ipsum superequitans, peritonæum ac foramina obliquorum & transversorum abdominis musculorum transit, cujus processibus suffulta, in gyros quosdam varicosos abit, qui ^c cum arteria spermatica per anastomoses junguntur, ac tandem in ^d testem sui lateris definit. ^e *Dextra* vero, non ex emulgente, sed ex ipso trunco, ejusque anteriore parte, paulo infra emulgentem enascitur, similemque postea progressum observat. Atque hoc quidem pacto in *maribus* se habent, in quibus tamen Naturæ lusus quamplurimos sæpius notare licebit: in *mulieribus* vero, etsi eundem exortum habeant, & eundem usque ad os sacrum cum his progressum, non tamen peritonæo excidunt, neque ad pubis ossa pertingunt, sed priusquam ad testes perveniant, in duos finduntur ramos inæquales, quorum *minor* in uteri latera versus ipsius fundum disseminatur; *mater* arteriæ spermaticæ sociatus, & per anastomosin junctus, in sui lateris testem ingreditur. ^f *Quar-* f. 44
tum tandem *par*, *Lumbares* sunt duæ, aut tres, quas vena cava à posteriore sui parte, qua corpora vertebrarum lumborum spectat producit, unde nec nisi Cavæ trunco elevato in conspectum se proferunt. Hæ per vertebrarum foramina, per quæ nervi exeunt, ingrediuntur, sicque spinali medullæ alimentum deducunt. Ab his duæ, lateri medullæ utrinque attensæ, versus cerebrum ascendunt, quibus postea duæ venæ à jugulari interna descendentes per anastomosin junguntur.

His propaginibus sic eductis, ubi fere sacrum os Cava attingit, circa quintam lumborum vertebram, arteriæ magnæ subternitur, ac in duos insignes ramos, ^g *Iliacos* vocatos discinditur, qui paululum progressi iterum finduntur in ^h duos inæqualis magnitudinis; ex quibus alter, interior; alter, exterior dicitur. Interior, gracilior; exterior, amplior est, & major. *Antequam tamen sic dividantur*, alias duas spargunt propagines, quarum ⁱ *prima*, *Muscula superior* communiter dicitur, quæ transversim per lumborum & ⁱ abdominis musculos disseminatur, unde *Musculam lumbalem* vocarem: ^k *altera*, *Sacra*, quod ^k ossis sacri foraminibus superioribus, aliquot exiles venulas ad spinalem medullam, & os sacrum nutriendum porrigit.

Prodeunt autem ab utroque ramo plures venæ, antequam extra peritonæum ad crura vadat, & ab interiore quidem duæ. ^l *Prima*, ab externo latere exoritur, *Muscula media* ^l dicta, quod in omnes musculos natium, eorundemque cutem dispergatur. Alimentum enim defert omnibus iis musculis, qui ossis ilium anteriorem partem, sive dorsum occupant,

a, x. 8.
vide l.
14. v.

b, v.

c, 8. 14. x.
d, y.
e, 5. 3

g, x. 2.
h, y. 8.

i, 5.

k, 6.

l, 7.

occupant, quemadmodum & ipsi coxendicis articulo: ut propter hanc causam maxime advertenda sit ab iis, qui doloris coxendicis, sive Ischiadis causam paulo curiosius considerare velint. hanc ego *Gluteam* ab insertionem non male vocari posse censuerim, quod in glutæos musculos implantetur. ^a Altera, ab interno latere prodit, & vena insignis est, *Hypogastrica dicta*, à sua in omnes fere hypogastrii partes distributione. Ab hac ramus emergit, *Hæmorrhoidalis externa* dictus, quod quotiescumque sanguine fæculentiore aut fervido salsove turget, hæmorrhoidas ani externas efficiat. Hic sacri ossis foraminibus furculos dispensat, sed majores ramos in recti intestini musculos, usque ad ani externam cutim largitur. Est & *alius ramus*, qui ab eadem hypogastrica oritur, quem *Cysticum* vocamus, & notatu tam in Viris, quam fœminis dignissimus est. In Viris quidem, quia in Vesicam absumitur: in Mulieribus vero, quia in his pinguedine suffultus, quibusdam furculis vesicam adit: sed frequentioribus uteri fundum, & evidentioribus Cervicem, per quas venas solas nonnulli Virginibus, quidam etiam Mulieribus menstruatim sanguineas purgationes fluere existimant. Sed enim menses, non modo per hosce ramos, sed & per eos, quos à ramo spermatico transmitti diximus, & qui fundum Vteri, non Cervicem petunt, effluunt. Nec enim per cervicem tantum sive virginibus, sive fœminis: sed per uteri imprimis cotyledones expurgari singulis mensibus sanguis menstruus consuevit. Id quod Patavii hic publice in Theatro, primo nostræ Professionis anno monstravimus in cadavere cujusdam fœminæ menstruis laborantis. Vidimus enim hypogastricos ramos & vasa spermatica, cum testibus sanguine refertos fuisse, ipsumque uterum crassiorē sanguinem apertis interna uteri parte venarum osculis, & manifeste patentibus, fudisse. Vidi tamen bis in aliis, ex venis cervicis tantum, non etiam ex utero prodiisse: & in alia contra, ex solo utero fluxisse. Frequentissimum tamen est, ut ex utrisque purgentur, nec non nisi præter naturam ex alterutro, cum obstructions videantur fluxum impedire.

Hypogastrica.

Hæmorrhoidalis externa.

Cystica vena.

Fluxus menstrualis per quas vias fiat.

Cæterum quo tempore menses instant, uteri os hiare, aliquoties dum ulcera pudendi ac cervicis uterinæ curavimus, observatum à nobis est & visum. Vidi etiam tunc madore quodam fœtido relaxari hæc partes, & cervicem ampliorem multo, quam esse solebat alias, comparuisse. Quamobrem mirum nemini videatur, quod à nonnullis nostræ ætatis scriptoribus observatum est, tempore mensium usque adeo laxatas nonnullis fuisse has partes, ut sponsæ, quantumvis Virgines revera essent, propterea in jus vocatæ, ac pro defloratis habitæ fuerint. Quare si contingat, ut noviter conjugium ingressi, de suarum virginitate dubitent, quod vulvam admodum laxam invenerint, considerare oportebit, num fortasse menses ea tempore institerint. Tandem quod reliquum est trunci interioris, ad pubis os contendit, & ab externo Iliaco sobolem, quæ cum ipso unam venam effingit, assciscit, sicque peritonæum & ossis pubis foramen transiens, in crus spargitur, ac fere ultra fœmoris medium latere interno protenditur.

Ab exteriori ramo similiter venæ quædam prodeunt. Et primo quidem quæ ab elatione sede pronascitur, ^b *Epigastrica dicta*, quod epigastrii musculos, nempe Rectos abdominis vocatos accedat. Præcipuo enim sui ramo extra peritonæum progrediens, utrinque sub recto musculo recta ascendit, donec prope umbilicum pervenerit, ubi cum Mammariis venis descenditibus, per anastomosin conjungitur. Anastomosis autem hæc in maribus raro adesse solet: at in fœminis, eleganter conspicua est, unde & Galenus lib. de dissect. Venar. & Arter. cap. vii, per hæc duo vasa maximum illum Vteri cum Mammis consensum fieri testatur. Consensum autem hunc pluribus aphorismis quinta sectione doctissimus Hippocrates explicuit. Aphorismo enim quinquagesimo: Mulieri, inquit, menses si cohibere velis, Cucurbitam quam maximam ad mammas appone. Trigésimo vero septimo: Mulieri Vterum gestanti, si mammae repente graciles fiant, abortit. Et trigésimo octavo: Mulieri uterum gestanti, si altera mamma gracilis fiat, gemellos gestans, alterum abortit. Et si liquidem dextera gracilis fiat, masculum: si sinistra, fœmellam. Sic utero laborante, pallidæ fiunt papillæ, & in uteri hydrope, eadem attolluntur. Est tamen consensus etiam non tantum ratione Venarum; sed & Nervorum à sexta conjugatione prodeuntium. Vnde si mulieri aut virgini mammae, imprimis papillæ tractentur manibus blande, libidinem accendi videmus, ut propter hanc quoque causam illæ fœminæ libidinosiores habeantur, quæ mammosæ sunt, quemadmodum

Exterior Iliaci propagines ante egressum ex peritonæo spargit.

Epigastrica.

Consensus inter cum mammis.

Pudenda.


Musculi inferior.

Afra apud Martialem. Eadem ratio est amoris, quem matres vel alumnae concipiunt ex infantium lactatione, qua quanto illis major voluptas & prurigo excitatur, tanto hos tenerius diligunt, & saepius naturae fontibus admovent. Notare autem, quoad originem hujus venae convenit, saepissime eam à Crurali ramo, jamjam describendo, exortum suum trahere, saepius tamen ab Iliaco. ^a Altera vena, Pudenda est, quae ab interna sede Iliaci externi jam peritonaeum egressi enascitur, & Pudenda dicitur, quod in pudenda utriusque sexus absumatur. In viris enim, in scrotum & penis cutem distribuitur: in feminis autem, ad cutim & labra pudendi, ad nymphas, caeterasque partes; tum vero in utrisque in glandulas circa inguina jacentes propagatur, unde tempore pestiferi aut venerei bubonis materiae in glandulas confluxio oritur. Tandem ^b muscula ^{b, 12.} inferior est, quae ad coxendicis articulum abit, & in musculos ac cutim eo loci sitos diffeminatur, quo nomine, meo judicio, appellatione strictiore melius Coxendica vel Coxalis diceretur.

CAPV T I X.

Iliaci rami exterioris per crus diffeminati propagines, & ramos, enumerat.

Cruralis vene divisio in Truncum, & ramos.



XTERIOR ergo ^c Iliacorum ramus, ubi dictas propagines emisit, è peritonæo excidit, & ad inguina fertur, per elatiorem & interiorem ossis coxendicis regionem, per quam primus & secundus fœmur flectentium musculi descendunt, atque ^d venam CRURALEM constituit. ^{d, 1.} Hujus historiam ut facili methodo tradamus, in Truncum illam & Ramos dividemus.

Quatuor propagines Trunci cruralis ante divisionem. 1. Saphæna.

Saphænae propagines quatuor.

1.

2.

3.

4.

Ischia.

Muscula.

Poplitea.

TRUNCVS autem, antequam findatur in ramos, quatuor expandit propagines, ex quibus prima illa est, quam ^e Saphenam, & venam Malleoli interni appellant, propterea quod juxta hunc excurrat. dicitur & communiter à Medicis vena tali, sed improprie, ut monuimus superius libro primo. Oritur autem statim post egressum ex peritonæo, ab interiore latere Trunci, quae arteria comite carens per fœmoris & tibiae interiora sub cute recta descendit, ac ubi jam ad malleolum internum pervenit, in pedis elatiorem sedem expanditur, ubi ramum per transversum spargit, à quo postea alii complures oriuntur, qui ordine ad singulos digitos distribuuntur. Ab hac aliae propagines sparguntur in itinere, quae tamen raro invicem numero aut magnitudine correspondere reperiuntur, quemadmodum Naturae lusum in venis, cum primis autem Artuum saepius animadverti, jam aliquoties monuimus. Inter has ^f prima non procul ^{f, 17.} ab ipsius venae exortu, in superiorem cutem internae fœmoris regionis duplici ramo spargitur; quorum exterior, qui crassior est, anteriorem externamque fœmoris partem sub cute perreptat: interior vero, interiora petit, & in peritonaeum spargitur. ^g Secunda, ^{g, 18.} cum jam ad medium fœmoris pervenit, propagatur. ^h Tertia, circa genu oritur, duasque ^{h, 19.} producit soboles; unam, quae in anterioris genu sedis cutem, secundum patellam diffeminatur; altera vero, spargitur in ejusdem posterioris cutim, ubi flexura est, seu poples, cui etiam orbiculatim circumvolvitur. ⁱ Quarta, ad Tibiae medium, antorsum & ^{i, 20.} retrorsum ducitur. E regione saphænae ^k alia vena, ab exteriori sede Trunci educitur; ^{k, 14.} at brevior, quam ipsa saphæna est, & extrorsum ac transversim in cutim ossis coxendicis anteriori regioni obductam, tum in musculos ejusdem loci porrigitur, quam Recentiores Ischiam vocant. Productis his propaginibus Truncus postea in musculos fœmoris os amplexantes reconditur, ac ^l tertiam digerit propaginem, quam Musculam appellant, ^{l, 15.} & gemina esse consuevit. Exterior enim, quae minor est, tibiam extendentium musculis secundo & quarto, simul & cuti soboles offert; interior, & amplior, tibiam extendentium tertio, & fere omnibus fœmur circumstantibus musculis furculos largitur. Hinc truncus ad posteriora se flectens, sensimque descendens, alios quosdam in membranas musculorum dispergit, & mox quartam venam educit, quae in fœmoris posteriora excurrit, & ^m Poplitea dicitur, celebris apud Medicinæ scriptores, maxime vero eorum ^{m, 16.} Principem Hippocratem, qui vi Epidem. sect. 1, text. v, ipsius apertionem in renum doloribus admodum commendavit. Quia tamen non raro profundius sita est, quam ut sine

ut sine insigni difficultate secari possit, fonticulos in sura, ad quam ipsa spargitur, in-
 ustos plurimum adjumenti in pluribus morbis attulisse frequenti experientia edoctus
 sum. Huic venæ, ubi propagata est, à musculæ interiore ramo soboles nonnunquam
 accedit; *sæpe etiam* duæ à trunco statim prodeunt propagines; quarum *altera*, elatior
 est; *altera*, humilior; quæ deinde in progressu uniuntur. Spargit autem statim ab ex-
 ortu ramos quosdam in cutem fœmoris, circa elatiorem & posteriorem ipsius partem:
 deinde recta per medium poplitem, sive flexuram tibiæ in suram descendit, cui pluri-
 mos furculos incerto ductu, cum alii recta, alii transversim, nonnulli oblique progrediantur, distribuit. His sic disseminatis ramulis, ad talum usque progreditur, ibique tandem terminatur.

Atque hic est progressus Trunci cruralis, & hæ, quas spargit antequam dividatur, propagines. Fœmoris enim ossi accumbens sic descendit, ac juxta ipsum obliquatur, ut, ubi genu attingit, inter duo fœmoris infima & posteriora capita feratur, ^a quo loci in ^b duos ramos, interiorem & exteriorem bifariam scinditur. Sunt autem inæqualis amplitudinis, cum exterior tenuior sit, interior major: uterque tamen per tibiæ & infimum pedem dispergitur. ^c Interior, descendens aliquot propagines in musculos, qui in posteriore tibiæ parte siti sunt, ac præcipue in eos, qui suram constituunt, maxime vero ^d ad interiorem sedem gasterocnemii externi transmittit, sicque postea deorsum progrediens, ubi ad Tibiæ inferiorem appendicem pervenit, & aliquot soboles cuti impertivit, ^e sub malleolo interno reflectitur, & ad pollicem usque excurrit. ^f Exterior, in duos statim scinditur ramos minores, similiter inæquales; quorum ^g interior, qui major est & in profundo latitat, in suræ musculos totus exhauritur, recta inter duo capita gasterocnemii externi, sive primi pedem moventis, tum inter gasterocnemium internum, & tibiæ anticum, ac tandem inter digitorum flexores, secundum longitudinem excurrans, & in itinere musculis, per quos transit, ubique furculos quosdam distribuens. Hic ubi ad medium longitudinis Tibiæ pervenit, in *interiorem & exteriorem iterum subdividitur*. Horum interior, furculum juxta tibiæ & tali articulum distribuit, cum musculorum tendinibus descendit, & in pollicem, indicem, ac medium distribuitur. Exterior, juxta fibulam progreditur, ac ubi ad ligamentum pervenit, quod tibiæ os fibulamque colligat, ramum educit, qui ligamentum perforans, in pedem excurrit, dispersus in musculos, qui pedis digitos extrorsum reflectunt.

^h Exterior, & minor ramus, exterioris rami ex divisione illa, quæ juxta poplitem fit, ad elatiorem fibulæ appendicem abit, tum ad externam & posteriorem tibiæ partem, ubi plurimos spargens ramulos, ad externum malleolum proficiscitur, tandemque in pede finitur.

Atque hæc est historia universa venarum Portæ & Cavæ, in qua distributionis seriem omnem absolvimus. Restare videtur, ut de Umbilicali quoque, & Vena arteriosa verba faciamus. Sed quia Umbilicalis nihil aliud est, quam propago quædam insignior à Vena Portæ emergens, & per umbilicum excurrans; tum vero in adulto homine ligamenti potius, quam Venæ vicem obeat, quod hepar in suo situ contineat, ut testantur historiarum eorum, qui abscisso umbilico aut vulnerato, subito interiere, impedita respiratione ob hepatis pondus decidentis è suo loco, & secum diaphragma detrahentis, operæpretium non duximus quidquam de ea pluribus hic agere. Quod si quis obstinate peculiarem venam esse rationibus ex cerebro suo natis, velit contendere, illi non melius consulere novimus, quam ut sensum accuratius consolatur; aut, si amplius contendere velit, caput helleboro purget, ut oculorum illa hebetudo nonnihil abstergatur. Cæterum de Vena arteriosa commodius sequenti libro, cum Arteriæ venosæ historiam explicabimus, quod magna inter utramque similitudo sit, & propterea eadem opera utraque tradenda, verba faciemus.

Divisio Trunci in duos ramos.

Interior.

Exterior.

Conclusio historia Venarum Umbilicalis.

Vena arteriosa.

C A P V T X.

Sanguinis definitio proponitur, & declaratur.

Ratio tractationis.



Anatomia quid sit.

Ordo.

V M de Venis hætenus egerimus, quas sanguinis, tanquam ultimi alimenti, receptacula esse diximus, reliquum esse videtur, ut quædam de sanguine breviter subjiciamus. Neque veremur hic, ut forte nobis Aristarchus quispiam propterea dicam scribat, quod methodi leges violemus, ad historiam humani corporis, partes quas vocant contentas revocando, quia scilicet plurimorum animis alte infederit, Anatomiam non nisi continentium tantum partium contemplationem sibi vindicare. At enim pertinent ad Anatomiam omnia, quæcunque in corpore nostro sub oculos cadunt, sive partes sint solidæ, sive fluidæ, ab aliis comprehensæ; cum Anatomia perfecta, sit totius corporis, omniumque partium, ex artificiosa sectione acquisita cognitio. Caterum cum brevitatis studium in omnibus nobis propositum sit, ea huc duntaxat, quæ maxime necessaria & scitu dignissima in hoc argumento videntur, in medium adducemus. Primum ergo quid sit sanguis; deinde, quæ animalia sanguine prædita sint, quæ eodem careant, dicturi sumus; tum cur alia sanguine, alia ichore nutriantur investigabimus: inde videbimus, sanguis homogeneus sit, uniusque naturæ, an ex diversis constet partibus; & ubi demonstraverimus, ex pluribus conflatum esse, rationem hujus compositionis proponemus, partesque omnes & earum causas venabimur, tandem differentias trademus.

SANGVIS ergo, qui & *sanguen* olim, genere neutro (unde Lucretius, *Visceribus viscus gigni, sanguenque creari*)

Sanguinis synonymia nulla.

Homonymia.

Græcis *αἷμα* dicitur; & *synonymia*, quod ego quidem norim, omnino caret. Ex seipsum enim linguis, quas calleo, nulla est, quæ sanguinis synonymum habeat. Quæ certe res mihi perquam mira sæpe accidit, cum fere ea omnia, quæ familiaria nobis esse consueverunt, pluribus appellationibus nobilitari soleant. Contra, *homonymia* in omnibus invenitur linguis, & apud Græcos Latinosque rei Medicæ scriptores celebratissima est. Primo enim, sanguinis voce integra illa humorum massa, quæ in Venis & Arteriis levibus continetur, intelligitur: In qua significatione vulgo sumitur, cum dicimus sanguinem mittere, elicere, purgare, dejicere, mingere, & similia. Sic Poëta quoque sumpsit, dum canit,

*Sævus amor docuit natorum sanguine matrem
Commaculare manus.*

Alter significatio minus communis est, & quæ locum habet tantum apud eruditiores, cum pro certo & determinato humore accipitur, unoque ex illis multis, qui in venis continentur, nempe pro eo, qui omnium maxime rubicundus est, purus, dulcis, calidus, & humidus. Sic apud Galenum sæpe sumitur, hodieque apud eos, qui ossa non sanguine, sed melancholia nutrir dicunt. Sunt & aliæ acceptiones, quas libens prætereo; ut cum, Poëtæ præsertim, pro genere accipiunt, sive familia; ita Virgilius II Æneidos,

—hortamur fari, quo sanguine cretus,
Quidve ferat, memoret: quæ sit fiducia capto.

Item pro vi ac vigore, ut M. Tullius succum ac sanguinem Reipubl. vocat, quem alii præstantiam ac nobilitatem vocarent. Nos vero in prima hic significatione sumimus, & sic definimus;

Definitio.

SANGVIS, est humor rubicundus, aspectu homogeneus, ex cibo potuque, viscerum & vasorum ope elaboratus, per Venas & Arterias animalium sanguineorum pro alimento ultimo vitæque ad omnes partes fluens. Definitionem hanc, quia universam sanguinis naturam nobis breviter aperit, diligenter nostro more explicabimus. Primum ergo *humorem* esse dicimus, ut genus assignemus, simulque distinguamus ab omnibus aliis partibus corporis, quæ Contentæ dicuntur, aut Impetum facientes: tum vero etiam à sanguine concreto, qui sanguis amplius dicendus non est, sed *σπέρμα* potius & grumus. Addimus autem humorem esse *rubicundum*, quæ vox illum à cæteris omnibus humoribus & contentis nostri corporis partibus

partibus separat, cum rubicundi non sint: tum à sanguine etiam non perfecte sano, qui omnis generis colores suscipere valet. Ut autem & ab illo sanguine distinguamus, qui quarta pars est massæ in venis arteriisque contentæ, & cui tum humorem, tum rubicundum esse competit, subjicitur sanguinem, quem definimus, *aspectu* esse *homogeneum*. Revera enim, ut demonstrabimus postea, homogeneus non est, sed ex pluribus diversis partibus conficitur: at alter ille, & aspectu judicatur, & revera quoque est homogeneus. Quia autem sanguis humor est, ut terminetur, receptaculo indiget: *Subjectum, si-
ve locus.* receptaculum autem hoc, duplex nobis statuitur, dum *per Venas, & Arterias* fluere indicamus. In nullo enim sanguineo, sanguis extra vasa continetur, nisi in Corde solo, teste Aristotele, 111 Hist. de anim. cap. 11: & 1 de part. animal. cap. viii. Competit autem sanguis animalibus tantum, nec tamen omnibus, sed iis duntaxat, quæ *sanguinea* dicuntur. Animalia enim pro duplici nutrimento gemina sunt; quædam scilicet, quæ sanguine nutriuntur, & *ἔναιμα* dicuntur ab Aristotele, à Latinis Sanguinea: nonnulla, quæ ichore aluntur, *ἀναιμα* vocata, & Exsanguia. *Animalia du-
plici sunt.*

Generatur autem sanguis ex cibo potuque, & quidem ope tum *viscerum*, scilicet Ventriculi; tum *vasorum*, puta Venarum, quæ illum ex chylo in Hepate præcipue, & Liene elaborant. Nec vero frustra generatur, sed *ut sit alimentum*; nec quodvis, sed *ultimum*. Triplex enim est alimentum, ut docet Hippocrates lib. de Alim. Et id quod hoc nutrit, & quod velut nutrimentum est, & quod nutrimentum futurum est. Sanguis ergo est alimentum, quod hoc nutrit. Quamobrem quoties cibo non ingeritur, sanguis deficit; quoties ingeritur, augetur: tum si alimenta bona assumantur, sanguis integer est; si prava, vitiosus, ut loquitur Aristoteles 11 de part. animal. cap. 111. Est autem *alimentum omnium partium totius corporis*, quæ verba propter eos tenenda sunt, qui negant Ossa, Cerebrum, Ungues, & Pilos sanguine nutriri. Et quo ad *Ossa* quidem, quod Galenus demonstrasse videatur, ossa aut medulla, ut magna; aut medullari humore, ut parva, nutriri. Quoad *Cerebrum*, quod Vesalius ostenderit, Venas in ipso nullas reperiri. Quoad *Ungues & Pilos*, quia in mortuis crescere sint visi, ut testis est Aristoteles; cum tamen in mortuis nutritio, quæ per sanguinem fit, cesset. Galeno, & qui ei adherent, satisfacimus opinor superius libro secundo, cum de hac re ex professo egimus: *Vesalio*, experientia & inspectio anatomica contradicit: Reliquis, qui ungues & pilos nutriri negant, nunc satisfaciamus. Non sequitur, ungues & pili post mortem augentur, non igitur nutriuntur sanguine, cum nulla pars sit, quæ post obitum augeatur. Hæ enim partes non ita perfectæ sunt, ut reliquæ, unde neque ita perfecta nutritione aluntur, sed vivunt in nobis more plantarum, quæ abscissæ etiam à suo trunco, aliquamdiu nutriri solent. Sic ergo & in mortuis excrecere possunt, cum eorum attractrix facultas, quippe in solidiori materia consistens, non ita facile post obitum evanescat. Si quis dicat, ungues & pilos partes non esse, & propterea non nutriri, partes autem non esse, quod ablatae regenerentur; illi opponimus dentes, qui excidentes, eadem, qua ante erant, forma renascuntur, non secus ac ungues: imo, quod mireris forte magis, alveolum novum (cum unà cum dente suo alveolus perpetuo pereat) recondunt. Cum ergo dentes regenerentur, nemo tamen propterea nostri corporis partes esse unquam negavit. Quamobrem jam concludimus, sanguinem partium, quotquot sunt in corpore, omnium alimentum esse ultimum: quin nec alimentum aliud, quod quidem ultimum sit, præter sanguinem reperiri. Quod si *semen* à quibusdam spermaticis partibus assignetur; *bilis*, felleæ vesiculæ; *Chylus*, ventriculo; eos aut ignaros esse dissectionum oportet, qui venas has per partes digestas, sanguine plenas non viderint, aut Naturæ institutum, quæ ubivis (summæ id sapientiæ clarissimum signum) eandem rationem consiliumque sequitur, non capiunt. Et quæ ista esset tam insignis providentia, partes nutrire sanguine, ut certe hæ omnes nutriuntur, alimento in pluribus organis tam anxie elaborato: deinde & semine, quod ipsis transmitti non potest; & bile, excremento sævo; & chylo, alimento adhuc crudo? Additur deinde, & *Vita*: non enim alimentum tantum est, sed & vitam partibus largitur. Vita hæc spiritibus donatur, qui in sanguine sunt, estque illa facultas partium, nutriendi se sanguine, & (dum licet ætatis ratione) augendi. Quanquam autem imprimis hæc vox Arteriarum gratia adjecta sit, ut antea alimenti vox, causa Venarum: non tamen ille usus sic Venoso

*Materia san-
guinis.
Efficiens.
Finit.*

*Refutantur
qui ungues &
pilos nutriri
negant.*

Observatio

sanguini debet tribui, ut Arterioso prorsus dematur: nec hic ita Arterioso arrogari, ut venali nullatenus competere credatur. Nutrit enim venosus sanguis; sed & vitam tribuit. Vitam largitur arteriosus; sed & nutrit. Sic tamen ille alimentum copiose suggerit, ut solus nutrire: sic iste vitam infundit, ut solus vita donare videatur. Hinc Vena abscissa, tabescit fere pars, relicta arteria: Arteria dissecta, pæne emoritur, illæsa utcunque vena: si tamen parva pars sit, tueri se alterutrius vi potest.

Definitio ergo hæc vera est; sed & perfecta, cum omnes sanguinis causas contineat. *Formam* enim exprimit, dum dicimus humorem esse rubicundum, aspectu homogeneum: *Subiectum*, dum dicimus animalibus competere sanguineis: contineri autem his, in Venis & Arteriis, tanquam in proprio conceptaculo & loco. *Materia remota*, cibus & potus est; *propinquior*, chylus. *Efficiens*, calor tum viscerum, tum Venarum, partim innatus, partim influens. *Finis*, alimentum & vita omnium partium.

C A P V T X I.

Animalium quædam sanguinea, quædam exsanguia esse, & quamobrem.



DIXIMVS animalia quædam sanguine nutrirî, quædam ichore; illaque sanguinea, hæc exsanguia vocari. Hac occasione moniti, in præsentiarum duo investigabimus; primum, quæ sint illa animalia; deinde, quamobrem sic diverso nutrimento alantur. *Sanguinea* ergo animalia, aut pedes habent, aut pedibus carent. *Quæ pedes habent*, vel bipeda sunt, ut homo, avis; vel quadrupeda, ut bos, asinus, canis, simia. *Pedibus carent*, serpentes, pisces, cetæ, & id genus. *Exsanguium* alia ἐντομα sive insecta sunt, quæ incisuras parte sui vel prona, vel supina habent, aut etiam utraque, ut musca, vespa, papilio, scorpio: alia μαλακία, sive mollia, quæ sanguine carent, & foris molli carne obducta, intus solida continent, more sanguineorum animalium, ut sepia, polypus, loligo: alia ἐσχαρόδερμα, id est, testata, quibus pars mollis & carnea intus, solida foris est, fragilis ac rutilis, ut omne genus concharum; alia denique μαλακὸς σκελετος, hoc est, crustata, quæ carnosam & mollem partem intus, foris solidam, sed collisilem habent, ut astaci, squillæ, & omne cancerorum genus. Hæc ergo omnia ichore nutriuntur, qui per carnes eorum partim ope canalium fertur, partim (ut in plerisque) per inconspicuos meatus transmeat, non secus atque panni particula madefacta, aqua per reliquum pannum paulatim penetrat.

Cur alia animalia sanguine, alia ichore nutriantur.

De his jam quæritur, cur diverso alimento nutriantur? Cui quæstioni duo habeo, quæ reponam. Primo, animalia duplicis esse generis, quædam perfectiora, nonnulla imperfecta. *Imperfecta* voco, non quæ simpliciter talia sunt, sed quæ pauciora organa respectu aliorum habent, cum nihil sit à sapientissimo rerum Opifice conditum, quin in suo genere summum perfectionis gradum attigerit. Perfectiora econtra, quæ plura habent organa, pluresque obeunt actiones, ac quadam quasi majori sapientia instructa sunt. Hæc ergo cum instrumento sapientiæ indiguerint, sanguinem necessario, quod id ipsum sit, requirebant. Patet hoc ex pulcherrimo Hippocratis loco, qui libro de flatibus continetur, ubi eleganter, Opinor, inquit, inter omnia quæ in corpore sunt, nihil magis ad prudentiam conferre, quam sanguinem. Sed elegantius adhuc probat. Nam cum in constanti, sic pergit, habitu persistit, consistit etiam prudentia: sanguine vero permutato, concidit & prudentia. Huic consentit doctissimus Aristoteles, qui 11 de part. animal. cap. 11, ex sanguinis differentiis iudicium de sapientia colligit. Est certe, inquit, roboris efficacior sanguis, qui crassior & calidior est: vim autem sentiendi intelligendique obtinet plenior, qui tenuior, frigidiorque est. Lib. autem 11 de Partib. cap. 14: Naturam sanguinis causam esse, cur permulta animalibus accidant, tum per mores, tum etiam per sensum, quod sanguis materia sit totius corporis. Porro sanguinea omnia sapientiora esse longe exsanguibus, inductione facta per singula genera declarari sine negotio posset, cum sensibus aut omnibus, aut certe quampluribus sint prædita, ut taceam interim curam, quam de victu, generatione, & futuris adhibent. Potest & alia ratio assignari, nempe quibusdam in frigidior aëre degendum fuisse, ut sanguineis, unde calore indigebant: quibusdam in calido tantum, & propterea hyberno tempore in cavernis, ut exsanguibus. Cæterum cum & inter

inter sanguinea nonnulla sint, quæ sese in latibulis abscondant frigidioribus temporibus, quemadmodum serpentes & lacertæ faciunt, considerandum est, magnam inter sanguinea latitudinem, & alia aliis calidiora esse, frigidioraque: & propterea quæ parvo calore prædita sunt, jam ad exsanguium naturam accedere. Sunt autem serpentes & lacertæ, inter sanguinea maxime frigida: ex quo contingit, ut quo magis ad septentrionem accedas, tanto pauciores invenias, cum in calidioribus locis commodius vivant.

C A P V T X I I.

Sanguinem heterogeneum esse probatur; inde quibus ex partibus constet, & quæ harum causæ sint, investigatur.

SANGVINEM qui in venis coercetur, aspectu quidem homogeneous esse, & unius naturæ, in definitione diximus: at si quis tamen vasculo exceptum concretumque inspiciat, non secus ac ipsum lac diversis constare partibus animadvertet. Sed & quemadmodum lac ex butyro constat, quod supernatat; & caseo, quod in imo subsidet; ac sero tandem, inter utrumque medio loco positum: sic sanguis è venis extractus, si alicubi in vase servetur, in serum, & fibrosam massam concrevit. Sanguis ergo homogeneous non est & uniformis, sed ex diversis constat partibus. Cæterum qui Medicinam nobis hætenus illustrare conati sunt, alias adhuc partes in sanguine ponunt, & minutius ista inquirunt. Cum sero enim, inquit, bilem flavam aut atram permisceri: cum fibris vero, sanguinem stricte acceptum, pituitam, & melancholiam. Et ut confusa sunt, si mediocriter se habeant, ita si copiosior sit pituita, eam supernatare; si sanguis, in medio consistere; si melancholia, in fundo hære: ut adeo quinque sint humorum genera, quæ in sanguinea illa venarum massa continentur, serum scilicet, bilis, sanguis, pituita, & melancholia. In hanc sententiam inducti sunt potissimum, quod videntes diversas esse nostri corporis partes, quamlibet earum sibi simile alimentum exposcere crediderunt. Partes enim aliæ, calidæ sunt & siccæ; aliæ, frigidæ & humidæ: nonnullæ, calidæ & humidæ: quedam etiam, frigidæ & siccæ. Ex primis partibus, est Vesicula felleis; ex secundis, Cerebrum, & Ventriculus; ex tertiis, Carnes, Musculi, Cor, Iecur, & Parenchymata vocata; ex quartis, Ossa, Cartilagine, & Ligamenta. Primas ergo pro nutrimento, Bilem; Secundas, Pituitam; tertiis, Sanguinem stricte acceptum; quartas denique, Melancholiam requirere. Alterum est quod eosdem delusit, cum in ægrorum sanguine, dum Venas aperuerunt, diversitatem ejusmodi partium plurium animadvertent, quare & rationi (jam adductæ) & experientiæ omnino fidendum esse sunt arbitrati. At ego ut omnes partes sanguine proprie dicto nutriri existimo; ita in hominibus perfecte sanis diversitatem ejusmodi dari, omnino pernego. Nec enim ita necessaria fuit, ut ipsi quidem sibi persuadent, tot humorum in sanguine congeries, ut unaquæque pars suo temperamento conveniens inveniat alimentum. Sanguis enim ab Omnipotente illo Opifice sic temperatus est, ut unicuique parti in legitimum nutrimentum facile concedat. Nec difficile est hoc ostendere ad oculum, si Plantas inspicias; quæ cum diversis partibus constent, uno alimento reficiuntur. Nec vero partes unius tantum plantæ, sed & complures, naturam inter se diversissimam habentes, una eademque pluviali aqua nutriuntur, & sæpe herba venenata pulcherrimo & suaveolenti lilio adstat, utroque luxuriante, etsi uno rore, eademque pluvia irrigentur. Quod si hanc diversitatem, in venæ inveniant sectionibus, id huc neutiquam trahendum est, cum ab illo perfecto sanitatis limite ii declinent, & jam vitiosi humores superent, ac massa sanguinea penitus sit turbata. Cæterum nos in præsentia, non de morbo, sed quam sanissimo sanguine, ejusque natura verba instituimus. Non ergo nutriuntur partes diversæ, diversis tota substantia humoribus, quia id opus non est: nec ita diversi humores reperiuntur. Illud tamen verum est, sanguinem diversum reperiri, pro varietate partium quæ nutriuntur. Vena enim Portæ dicta, ut supra monuimus, sanguinem feculentiores vehit, quam Cava; quod partes nutritioni destinatas alat: sanguis etiam qui pulmones nutrit, longe spirituosior est ac purior, eo qui in Cava coercetur. Nulla tamen

Partes sanguinis.

Ex opinione aliorum.

Quomodo delusi: sine his autem.

Sententia Lutheri. Respondetur ad argum. primum.

Ad secundum.

Conclusio.

Causa partium
sanguinis di-
versarum.
Materia san-
guinis.

tamen hic est differentia essentialis, neque etiam confusus cum aliis fluit. Ex his jam concluditur, sanguinem dupliciter considerari posse, tum in homine perfecte sano, & qui intra Naturæ limites continetur, tum qui à perfecta illa & consummata valetudine ad minus prosperam declinat. Sani ergo hominis sanguis, tribus tantum partibus constat, fero scilicet aqueo, rubro liquore, & fibris sanguineis. At eorum, qui minus sani sunt, diversis, pro exsuperante uno, aut pluribus humoribus, bile, pituita, melancholia, vel fero. Quia tamen plurimum refert nosse, quæ causa hujus diversitatis tam materialis, quam efficiens sit, de utraque nunc breviter quædam subjiciemus. Sanguinem ergo ex cibo & potu tanquam remotiore materia; ex chylo autem, ut propinquiore, fieri, iidem Medici concedunt. Hunc enim in Ventriculo confectum ad Hepar trahi per mesaraicas venas, ibique in sanguinem mutari docent, qui ex diversis constat partibus, & heterogeneus est, quod in chylo totidem partes contineantur, bilis nempe, pituita, serum, melancholia, & sanguis. In qua sane sententia omnium bonorum auctorem Hippocratem sequi videntur, qui lib. iv de morbis; *In omnibus*, ait, *cibis & potibus, & biliosi quid est, & aquosi, & sanguinei, & pituitosi; in alio plus, in alio minus. Quapropter & quæ eduntur, & quæ bibuntur, alia aliis præstant ad sanitatem.* Quæ quidem Hippocratis sententia non ita intelligenda est, ac si in ipsis alimentis humores hi præexistant, ex quibus postea in venas trahantur; sed quod alimenta in hosce mutantur, cum quibus idem temperamentum obtinent, si calor noster accedat, qui causa est efficiens, separans has partes, ac distinguens, siue calorem hunc postea in Venis, siue in Iecore consistere dicamus. Pars ergo chyli tenuior & calidior, in bilem abit; crudior & frigidior, in pituitam; frigidior & siccior, in melancholiam; temperata vero, in sanguinem facessit. Ex hoc fit, ut alimenta quæ temperata quidem sunt, sanguinis plurimum generent: calida & sicca, multum bilis: frigida & humida, plurimum pituitæ: sicca autem & frigida, copiam melancholiæ: humidus tandem victus, & plurimus potus, plurimum feri generet. Cæterum ut alimenti ratione, humores varii generantur, etsi calor unus idemque sit, & naturaliter se habeat: ita calore declinante ad statum, qui præter naturam est, tametsi alimenta sint optimi succi & uniformia, humores nihilominus diversi procreabuntur. Si enim fervens sit calor, alimentum quantumvis temperatum non in sanguinem, sed potius plurimam bilem vertetur: at si deficiat, contra in pituitam abibit. È diverso, si calidi temperamenti sit cibus, à calido hepate aut venis, in bilem prorsus absumetur; à frigido autem, in laudabilem sanguinem redigetur. Probari hoc potest quam optime exemplo mellis, quod cum facile in bilem vertatur à moderato calore, faciliusque ab immodico, tum vero in frigido corpore in sanguinem potius mutatur. Quamobrem & senibus pro sanguine suppeditando alimentum est aptissimum, juvenibus autem pro bile: & si quis præcalidum jecur habenti carnes etiam boni succi dederit, animadvertet facile in bilem traduci. Ex quo constat, ut quis de alimentorum sano usu sanum deferat judicium, illi omnino necessarium esse, ut alimenti temperiem, cum moderato calore conferat & componat. Alimenta enim intemperata, in temperatis naturis præva sunt: in intemperatis ejusdem ordinis, pessima: at contrarii, optima & salubria.

Nota.

CAPUT XIII.

Differentias sanguinis persequitur.

Differentiæ
sanguinis.
A copia.

DIFFERENTIÆ sanguinis à variis desumuntur; à copia, qualitate, consistentia, loco, & iis quæ sanguini permiscuntur. Et ratione copię quidem, non modo animalia diversa inter se plurimum differunt, cum quædam minimum fere habeant, ut serpentes; quædam plus, ut laceratæ; nonnulla multum, ut pennata ac quadrupeda: sed & Homines ipsi, qui inter omnia animalia maxime abundant sanguine, ratione ætatis, regionis, sexus, temperamenti, & temporum anni, mirifice invicem discrepant. Pueri enim fere sanguinem copiosum habent, qui deficere videtur senioribus; plusque illis est, qui calidas & humidas regiones incolunt, quam qui frigidas siccasque; itemque mulieribus, quam viris, quod non se tantum, sed & (cum utero gerunt) foetum alere debeant. Temperamentum calidum vel humidum, vel ex utroque compositum feracissi-

feracissimum est sanguinis: frigidum contra & siccum, sterile. Ex illo Plethora nascitur, morbus in quo supra vires sanguinis copia in venis congeritur; quemadmodum in Athletis olim fieri solebat, quibus eam, cum ad summum pervenisset, nec posset proficere amplius in melius, in deterius mox ruituram haud cunctanter solvere, sectâ venâ, Hippocrates monuit Aphor. 111 lib. 1. Sic Vere turgent humores, & copiosissimi sunt, Ætate pauciores.

Ratione qualitatis quoque diversitas sanguinis observatur. Sic sanguis alius calidior est, *A qualitate.* frigidior, humidior, aut siccior. Et hæc differentia similiter secundum ætates, sexum, regiones, temperamentum, & anni tempora maxime observatur. Calidior est & humidior sanguis puero, quam seni; & juveni calidior, quam puero. Vir calidiorem & sicciorē habet muliere. Æthiopibus, & qui Africam Asiamque, aut cæteras orientales, & meridiem spectantes regiones incolunt, calidior est multo, quam Europæis, aut iis qui occidentem vel septentrionem inhabitant. Iam in temperamento diversitatem esse tam clarum est, ut calidi, aut frigidi dicantur non alia de causa, quam quia calido aut frigido sanguine sint præditi. Ætate etiam sanguis plus fervet, quam Vere, Autumno, aut Hyeme. Ad qualitatem videtur pertinere etiam color, in quo differentia insignis advertitur: alius enim alio est rubicundior, aut flavior, aut nigrior.

Est & sanguis alius alio crassior, ex quo superior pars corporis cum inferiore diffidet, & fœmina cum mare, & dextra pars cum sinistra ejusdem corporis, uti docet Aristoteles, 11 de Part. animal. cap. 11. Alius sanguis nullo pacto concrevit, ut damarum, & cervorum: alius facile, ut taurinus; unde fit, ut epotus venenorum instar hominem enecat, intercepta voce, dolente stomacho, & retenta urina; cum alii tamen sanguines, ut hirci, capri, cervi, & leporis in antidotorum numerum à Dioscoride referantur, lib. 11, cap. xcvi. Non enim revera venenum est, sed concretionē enecat, quod tum ipsa curatio evincit, quæ per ea expeditur, quæ sanguinem dissolvendi vires habent; tum quia coctus, à pauperculis in Italia citra noxam comeditur. Cæterum hujusmodi *Observatio.* differentia & inter homines maxime advertitur, observatum autem à me id præcipue est, eos qui rara & molli cute sunt præditi, ut plurimum sanguinem habere non facile concrevibilem: contra, qui densa & dura pelle constant, iis subito in grumos cogi. Illos timidos, sed prudentes esse notavit jam olim Aristoteles, loco citato. Omnibus tamen hominibus concrevit, & si quando in pestilenti febre emissus per Venæ sectionem haud coëat, quemadmodum & nos sæpe vidimus, insignem semper putredinem denotavit.

Est & diversitas sanguinis penes vasa, in quibus continetur. In venis enim proprie *A loco.* dictis, atrior est sanguis, crassior, ac terrestrior, copiosoque sero præditus; in arteriis autem, rubicundior est, pulchrior, & pauciore sero resperisus; ita ut qui per arterias diffunditur, vere sanguis; contra qui per venas, fæx potius sanguinis dici mereatur. Nec tamen uniformis est omnis Venarum sanguis, sed faculentior, crassior, nigerque magis in venæ Portæ propaginibus observatur, quam qui in Cava est: rursusque qui in hujus est propaginibus, crassior est eo qui in trunco, & majoribus ramis conspicitur, adeo, ut qui continetur in capillaribus venulis, maxime omnium rubedine clara efflorescat. Et hinc causam colligere licet, quæ multos sane latet Medicos, cur scilicet per *Nos.* cucurbitulas, & hirudines rubicundior sanguis, quam per Venæ brachii sectionem evacuetur. Est & notabilior rubedo in eo sanguine, qui cordis & pulmonum substantiam, musculorum item carnem, quam alias partes nutrit.

Tandem differentia ab iis deductæ, *que sanguini permiscuntur*, maxime observandæ *A permixtis sanguini.* sunt. Interdum enim sanguinea massa pura est, ut in iis qui perfecta sanitate fruuntur: interdum permixtos habet diversos humores, & vel unum, vel plures; & vel intra Naturæ limites adhuc contentos, aut præter naturam se habentes; & hos vel putridos, vel putredine carentes. Sunt autem humores hi Bilis, Pituita, Melancholia.

Cæterum antequam huic libro extremam imponam manum, cum in dubium nostro seculo à doctissimis quoque Viris fuerit revocatum, possetne sanguis inclusus Venis putredine corripī, quod crediderint, quasque res in suo loco salvas integrasque præstari, quid sæpenumero in tot dissectionibus, quæ à me administratæ fuerunt,

observarim, in medium afferam. Vidi enim non tantum in mortuis, sed sæpe etiam dum in abscessibus curandis occuparer, sanguinem illum qui in Venis est in merum candidumque pus abiisse. Nec vero pus tantum offendimus, sed & vermes ex putredine generatos, & potissimum in trunco venæ Portæ, qua hepar egreditur; qui affectus Oribus frequentissimus est, si in humidis & udosis locis pascantur. Sunt hi vermes lati, nigrique, sensim in apicem desinentes. Sed & in Cavæ trunco descendente, non longe ab emulgentibus venis Patavii, in frequentissimo Theatro, insignem alium duorum transverforum longitudine invenimus, similem prorsus erucæ, quem multi maxima cum admiratione inspexerunt. Nec refert, quod sanguis in Venis tanquam in proprio loco sit, cum locus non diutius rem à corruptione vendicet, quam omnia in ipso lege Naturæ dispensentur.

FINIS LIBRI QUINTI.



A D R I A N I S P I G E L I I
B R V X E L L E N S I S,
D E H V M A N I C O R P O R I S F A B R I C A,
L I B E R S E X T V S,

Qui Arteriarum naturam, earumque per universum
corpus distributionem persequitur.

C A P V T I.

Arteriarum naturam, actionem, & usus cum differentiis explicat.



VENAS merito Arteriæ excipiunt, ob affinitatem. Nam & tunica, ex qua constant, non admodum dissimilis est; & sanguis, quem vehunt à sanguine illarum, non nisi elaboratione exactiore differt, & copia spirituum. Quod si Venarum diligentissima cognitio digna est futuro Medico, ut certe est, quemadmodum diximus, multo adhuc profecto dignior est hæc ipsa, quam nunc de Arteriis instituimus tractatio. Hæc enim nos in plurium abditarum rerum cognitionem sic deducit, ut quæ aliis videntur inpervestigabilia, aut certe non nisi maximo ingenii acumine penetranda, facillimo negotio

Ratio ordinis.

Utilitas doctrinae de Arterius.

aperiat. Quamobrem etsi non ignoremus Anatomicam à nobis hic neæti historiam, non videbimur tamen abs re facturi, si oblata occasione nonnulla asperferimus, quæ medicinam potius spectabunt, ut ostendamus vel obiter, quantum utilitatis in ea arte Anatomix cognitio afferat, & quo pacto eandem ad usum deducere liceat.

Est autem *Arteria* vox Græca origine, Romana civitate donata, cum Latini proprio vocabulo, quod designent, careant. Dicitur ergo ἀρτηρία, vel ὡς αἶμα τὸ αἶμα, quia continuo motu attollatur semper, & deprimatur; vel, ut video placere plerisque omnibus, ὡς αἶμα τὸ αἶμα τηρεῖν, quod aërem, sive spiritum conservet. Arteria enim ab Antiquis vocabatur fistula illa cartilaginea pulmonum, per quam aër externus attrahitur: unde apud Hippocratem, lib. de Diffect. legimus, Arteriam ex utraque faucium parte originem ducere. Sic Plato accepit, sic & Platonis discipulus Aristoteles. Inter Latinos consuetudinem Græcorum imitatus est Celsus, qui libr. IV, cap. I, exiguam in arteriis, sub ipsis faucibus linguam esse asserit; intelligens ἀρτηρία, quæ in larynge est, sive capite asperæ arteriæ. Posteriores tamen, cum & hos de quibus nunc acturi sumus sanguinis tubulos, perpetuo motu distendi viderent; existimantes non ab alia causa, quam aëre inflari, Arteriæ appellationem ipsis tribuerunt. Ne tamen æquivocatio obscuritatem pareret, illam quidem asperam arteriam; hos vero, læves dixere; tandemque circa Galeni tempora simpliciter Arterias appellarunt, adeo ut quoties vel Galenus, vel Medici Galeno posteriores Arteriarum mentionem injiciant, de his ipsis nobis sint intelligendi. Invenio tamen & ἐπειροσφόρων φλέβα, *Venam micantem*, sive *pulsatilem* dictam, ad distinctionem reliquarum Venarum, quæ non pulsant; cum, uti superius monuimus, Venæ vox utramque antiquitus complecteretur. Aristoteles plerumque τὴν ἐλάττω φλέβα, *Minorem venam* appellat, ratione Cavæ, quam majorem vocat, sive ampliolem: ab aliis tamen ἀρτηρία dici, III Histor. de animal. cap. III testatur, & rationem etymologiæ adjiciens, ἐν τῇ περὶ αὐτῆς, inquit, καὶ ἐν τοῖς πνεύμασι τὸ νευρώδες αὐτῆς μέμον, eo quod *nerrosa ejus pars conspici vel in mortuis queat*. Sed deesse mihi videtur vox aliqua, quæ obscuritatem magnam huic loco aspergit, quam si liceat suspitione addere, erit fortasse τὸ αἶμα. Illud tamen non ignoro, Veteribus Græcis ἀρτηρία dictam fuisse vaginam cultrorum Macedonibus familiarium, quorum manubrium nonnihil incurvatum erat, ad quam sane figuram quamproxime accedere videtur arteriæ magnæ truncus, qua parte ex corde originem suam ducit.

Arteria etymologia.

Ambiguitas.

Synonyma.

Definitio.

Est vas.

Cavum.

Membrana
duplex.
Exterior.

Interior.

Membrana
arteriarum
sensu carens.

Actio.

Vsus.

Pulsus.

Pulsus cordis
innatus.Pulsus cordis
arteriarumque
sit simul.

Est autem **ARTERIA**, si definitionem ipsius requiras, *vas cavum, duplici membrana constans, distensione ac contractione præditum, ut sanguis tenuior ac spirituosus à Corde pro vita omnibus partibus deferatur.* Dico esse *vas*, ut genus ipsius assignem, quod cum Venis & Nervis commune habet. Differt autem à Nervo, quia est *cavum*; à Vena, quia *duplici membrana constat.* Membrana tamen non est, ut Vena, exacte; sed nonnihil ad Nervi naturam propius accedit, cum facile & in se contrahi & extendi queat, unde & ab Aristotele sæpe sæpius *νευρώδης φλέψ*, *Vena Nervosa* vocatur. Nec simplex etiam membrana est, sed *gemina*; quarum altera, exterior est; altera, interior. *Exterior*, tenuis, rara, ac mollis, qualem in venis cernere est, quæ rectas quidem fibras complures, paucas obliquas, transversas vero nullas obtinet. Quæ causa est, ut ab humorum acedine interiore exesa, aneurisma exoriatur, extensa exterior, quæ facile cedit, cum transversis fibris careat. *Interior*, crassa est, imo crassitie fere quintuplo venarum tunicas superans, densa, ac dura, quæ tota ex fibris transversis constat, rectis & obliquis prorsus destituta. Hanc præter & tertia est, à Galeno lib. vii de Admin. anatom. cap. v addita, quæ in superficie interiore hærens, telis aranearum per similis est, in grandioribus sane arteriis imprimis conspicua, sed maxime eo in loco, ubi arteria magna ex corde derivatur. Habent tamen nonnunquam & *aliam* forinsecus, quæ ipsas vel integit, vel vicinis partibus alligat, quod tamen non accidit, nisi ubi vel nudæ incedunt, aut quoque pacto suspensæ sunt, quod idem & supra de Venis diximus. Hanc *in infimo ventre* à Peritonæo mutuuntur; *in medio*, à Pleura. Sunt autem membranæ hæc omnis sensus expertes, eandem ob causam, quam de venis retulimus, ne scilicet in plethora extensæ, aut ab acris humoribus in cacochymia vellicatæ, dolore hominem perpetuo affligerent. Reliquis verbis actio & usus designantur. *Actio* quidem, quæ est *distensio & contractio*, Græcis *διαστολή*, *ἐνσυστολή* dicta. *Vsus* autem, *ut sanguis tenuior ac spirituosior, à Corde omnibus partibus distribuatur, cujus beneficio vita conservetur.* Actio hæc *Pulsus* dicitur Latinis, quamvis apud antiquiores Græcos nullum obtinuerit nomen, vel quia animadversa non fuerit, vel quia neglecta manserit. Posteriores *σφυγμὲν* vocarunt, quod vocabulum apud Hippocratem non pulsum, qui naturaliter arteriis inesse solet, denotat; sed dolorem potius illum, qui in inflammationibus insignioribus circa carnes, ab arteriarum pulsu excitatus, percipi consuevit: quo pacto Aphor. xxi lib. vii legimus, à forti in ulceribus pulsu malum esse sanguinis profluvium. Caterum motus hic idem est, qui cordis; nec differt, nisi in hoc, quod Arteriis secundo in fit, Cordi primario. *Cordi enim innatus est*, cum à propria suæ carnis substantia distendatur, contrahaturque, ut in animalium quorundam cordibus videre est, quæ dissecta effusoque omni prorsus sanguine, diutissime nihilominus adhuc pulsant. *Arteriis contra, à Corde pulsandi facultas influit*; ex quo fit, ut abscissis arteriis, aut ligatis, nullus omnino percipiatur motus, quod scilicet à Corde nihil accipiant, cujus vi & potentia moveantur. Contingit autem simul cum cordis motu motus arteriarum, adeo ut dilatatio cordis arteriarum dilatationi, & contractio contractioni, temporis momento respondeat. De qua re si quis dubitet, experimentum per seipsum facere non magno negotio poterit, si manu ad cordis regionem applicita, altera pulsum arteriæ, quæ circa carpum est, observet. Manifestius autem & ipsis oculis usurpare poterit, in vivi animalis dissectione, ejus præsertim quod vitam paulo longius protrahit, ut erinacei; in quo cordis arteriarumque pulsationes simul fieri quam optime notabit. Ex hoc motu usus insignis enascitur, ut sanguis spirituosus per totum corpus digeratur. Dum enim dilatantur, à Corde accipiunt: dum constringuntur, ad partes pellunt. Est autem maxime necessaria hæc sanguinis pulsio, cum absque ea ad superiores partes, & transversas sanguis nunquam abiret. Quæ causa est, ut venis arteriæ semper jungantur, quarum beneficio motus venosi sanguinis perficiatur. Imo vero hinc accidit, ut animalia quæcunque venas obtinere, eadem quoque arterias sint nata; quod ad venosi sanguinis tum conservationem, tum usum, arteriarum præsentia videatur esse maxime necessaria. Hoc ipsum manifesto experimento discimus, cum venis valide ligatis & pertusis, sanguinem tamen nullatenus, aut admodum tarde, & citra impetum fluere videmus, laxatis postea vinculis, vi quadam & impulsu sanguinem spargi. Id quod non alia profecto de causa evenit, quam quia Arteriæ una cum Venis ligatæ, motu prorsus destituuntur,

tuuntur, laxatæ deinde motu suo impellunt, & vi quadam sanguinem effundunt. Et *Observatio.* hæc quoque ratio est, cur Vena Cephalica semper sine impetu, at Basilica vi quadam sanguinem ejiciat: quia hæc, arteriam comitem habet; illa, comite caret. Atque hic verus usus est dilatationis & contractionis Arteriarum. Est & alius, ut scilicet per dilatationem calor ventiletur, & externus aer suscipiatur. *Cæterum* sanguis, quem arteriæ vehunt, tenuior est, quam qui in vena Cava continetur, utpote à calore in sinistro cordis ventriculo coctus magis, & elaboratus; ex quo fit, ut & spirituosior sit, cum spiritus ex *αἰσώδης*, sive attenuatione sanguinis generetur, ut tradit Galenus. *Spiritus* autem hi, *Vitales* vocantur; quod vitam partibus omnibus largiantur, cum ligatis aut abscissis arteriis, partem ad quas sanguis arteriosus non vehitur, emori, & gangræna perire videamus. Cum enim satius foret, ut in uno loco caloris fons constitueretur, adeoque in Corde; totum autem corpus ex uno corde constare minime posset, hinc expediebat ab ipso per arterias tanquam per tubulos naturalem omnibus partibus calorem distribui & communicari. Calor autem in tenuissima necessario substantia, qui spiritus sunt, stabulatur, ut diffundi per totum corpus temporis momento posset: ne tamen in itinere longiore dissiparetur, sanguinem illi, materiam scilicet crassiorē, in qua calor diutius, quam in spiritu conservaretur, prudens naturā pro repagulo adjunxit. Adde, quod ex sanguine in singulis partibus, dum in vapores dissolvitur, alii continuo spiritus nascuntur, sicque vita indefinente refectioe protrahitur. Ex his ratio nunc reddi potest, cur Arteriarum substantia densior crassiorque facta sit, quam Venarum. Nimirum *ratione actionis* suæ, ut in *dilatione* facilius aperiatur, & apta manere diutius possit: in *contractione* autem, non penitus subsideat. *Ratione vero usus*, ne sanguis tenuior spiritusque subtilissimi aut exsudent, aut evanescant. *Nervosa* autem est hæc substantia, quod in *dilatatione* arteria abbreviari semper soleat, & versus cor trahi: in *contractione* contra elongari, & versus extrema extendi; ad quam actionem non alia substantia, quam nervosa aptior est. *Fibræ* autem in *interiori tunica* transversæ sunt; in *exteriore*, rectæ obliquis mixtæ, quod & accipere sanguinem debeant, & acceptum propellere. Non difficulter accipiunt à corde propulsum, at difficilior ad extimas partes distribuunt. *Transversæ* ergo fibræ interiori positæ sunt, ut actionem adjuvarent operosiorē: *Rectæ* vero, & *obliquæ* foris.

DIFFERENTIAS Arteriarum quod spectat, perinde ac Venarum, quibus admodum *Differentiæ.* respondent, complures sunt; primarias tamen duntaxat hic enumerabimus. *Ratione* ergo *magnitudinis* insignis est differentia, & magni momenti in Medicina. Sunt enim *A magnitudine.* quædam *maximæ*, ut Truncus Aorta dictus, sive arteria magna per dorsum excurrent: quædam *mediocres*, ut arteriæ carotides, emulgentes, & iliacæ: quædam *minores*, quæ per artus & caput repunt: *omnium minimæ*, sunt capillares, quæ in habitum corporis, viscerumque substantiam disperguntur. *Quædam rectæ incedunt*, ut jugulares: *quædam tortuosæ sunt*, & *capreolares*, ut præparantes arteriæ ad testes accedentes. *Nonnullæ* superficiem corporis accedunt, sed paucæ admodum sunt, ut *Cutaneæ* vocatæ, quæ ad tempora, frontem, penem, scrotum, & digitos excurrunt; reliquæ omnes in penitioribus corporis partibus latent, & *Profundæ* vocantur. In qua re à Venis quamplurimum differunt, quæ per totum corpus sub cute sparguntur. Sed benignissimus opifex, & ab externis injuriis sic defendere voluit, quæ periculose læderentur, & muniis suis locum aptiorem destinavit, cum in profundo consistentes, Venarum sibi comitum sanguinem ad qualvis externas partes promptius impellant. Intima autem omnia sic pervadunt Arteriæ, ut & in recessus ossium (nonnullorum opinione ipsis inaccessibiles) penetrent. Nec tantum cavitates illas, quas medulla occupat, una cum venis ingrediuntur: sed ipsam etiam ossium substantiam (res mirabilis!) pertundunt, quemadmodum in ulceribus Tibiæ, iis qui Chirurgiæ operam navant sæpe licebit advertere, *A connexion.* si una ossium caries insignis occurrat. Differentiæ quæ *ratione connexionis* observantur, facile ex superiore libro desumentur, ubi de venarum connexionē egimus.

CAPUT II.

Superiorem, sive ascendentem Arteriam magnæ Truncum, & propagines per caput distributas proponit.

Ortus Arteriarum magnæ.



Coronaria arteria.

Diviso in duos Truncos.

Quas partes uterque alit. Ordo dicendorum.

TRUNCVS ASCENDENS.

Observatio.

E numero Arteriarum & ortu, nulla est apud Authores rerum Anatomicarum controversia, sed unanimis consensus, universas propagines, quæ per corpus disperguntur ab una ortum ducere, quam Aortam vocant; hanc autem ex Corde derivari. Sed cum Cor duobus constet finibus, dextro, & sinistro; ex ^a elatiore sede sinistri sinus, sive ventriculi educitur, ubi amplissima est, duriorque & cartilaginosa, quam alibi. Simul autem ac enata est, & priusquam pericardio excidit, ^b duos protinus graciles furculos, utrinque unum propagat, quos *Coronarias arterias* appellant, quod cum Coronali vena, coronæ in modum cordis basin amplectantur, à quibus secundum cordis longitudinem multæ soboles deorsum sparguntur. Sunt autem plures & insigniores circa sinistram, quam dextrum Ventriculum, quemadmodum & de Vena superius diximus, quod sanguine copiosiore cor ea parte indiguerit, cum perpetuo & violentiore, quam dexter sinus, motu agitetur, in quo plus sanguinis digeritur: amplior tamen longiorque est illa, quæ à dextro arteriæ latere enascitur. Interdum etiam unica tantum est, cujus orificio exigua valvula adposita reperitur. His sic disseminatis propaginibus, sub Venæ arteriosæ trunco ascendit nonnihil, & pericardium perforat, quod ubi superavit, in duos ramos ^c scinditur, quos ob insignem magnitudinem Truncos; & quia ^d alter ascendit, ^e alter deorsum progreditur, illum Ascendentem, hunc Descendentem vocabimus. Insignis autem utut sit uterque, Descendens tamen & inferior ascendentem & superiorem multis partibus superat, quod pluribus ille, quam hic partibus sit dedicatus. *Ascendens* enim partes duntaxat quasdam Thoracis, Caput, & Brachia; at *inferior*, Thoracis plurimas, Infimum ventrem universum, & Crura adit. De arteria ergo magna, ut perspicue agamus, primo Truncum ascendentem, ejusque per thoracem & caput progressum, postea ramos ad brachia digestos exponemus. Hinc descendentem aggrediemur, & ejus per thoracem, ac infimum ventrem, tandemque per crura distributionem explicabimus.

^f ASCENDENS ergo, sive *superior Aortæ TRUNCVS*, inter asperam arteriam, venamque cavam, & mediastinum sursum contendit, œsophago attensus. Quem situm diligenter notare oportet eos, qui rationem desiderant aphorismi, qui est vigesimus quartus quintæ sectionis apud Hippocratem: *Frigida enim, inquit, veluti nix, glacies, pectori inimica sunt, tussis movent, & sanguinis eruptiones, ac defluxiones inducunt.* Pectori quidem inimica sunt, quia dum deglutiuntur per œsophagum, asperam arteriam ipsi adjacentem una cum gula refrigerant; quæ pars cum frigida per se sit, facile à frigido tam vehementi læditur noxamque trahit: hinc tussis, & alia pectoris mala, longo ordine se consequuntur. Sanguinis autem profluvia accidunt, arteria magna similiter refrigerata, unde spiritus vitales & sanguis ad cor repelluntur, indeque ad caput cum impetu transmittuntur, quo repleto, tum ex naribus stillans, sanguinis eruptiones, tum indigestus ad inferiores partes propulsus, catarrhos & destillationes parit. Et hinc quoque ratio reddi potest, cur à potu frigida post vehementes corporis motus, & exercitia, nonnulli protinus suffocati fuerint, cardiaca & syncope gravissima supervenientibus. Arteria enim refrigerata valide, sanguis congelatur, tam is qui in Aorta fuit, quam ille qui in Corde stabulatur, ex quo horrenda primum sumptomata, deinde repentina mors evenit. Vidimus autem secta vena sanguinem his crassum ac frigidum, nec nisi maxima cum difficultate prodiisse, unde & præsentius remedium iis non invenimus, quam in his, quæ ob tenuitatem partium grumos sanguinis dissolvendi vim habent. Hinc etiam ratio reddi potest, cur in ardentibus febribus lingua nigrescat, & difficulter ægri deglutiant. Etsi enim verum est (quæ causa vulgo affertur) ex universo corpore vapores ad caput plurimos transmitti, non minimam tamen hujus nigredinis culpam arteriæ vicinitati licebit adscribere, quæ accensa ac inflammata, Oesophago, & sic consequenter ipsi etiam linguæ gravia mala impertit.

Cæterum

Cæterum ascendens truncus in hoc versus superiora progressu, in duas ^a subclavias arterias dividitur; quarum altera, ad dextram; altera, ad sinistram excurrit. Vocantur autem quamdiu in thorace sunt, *subclaviæ*; eadem ratione, ut subclaviæ Venæ, quod sub claviculis incedant: at cum primum è Thorace exciderint, nomen mutant & ^b *axillares* vocantur. Ab utraque subclavia, ubi primam costam attigere (nam ante nulla propago emittitur) plures surculi tam ab inferiore, quam superiore parte propagantur. Ab inferiore, ^c *Intercostalis superior*, quæ costarum radicibus attensa, quatuor superiorum costarum intervallis singulos ramos largitur, sub costis usque ad cartilagineas cum venis excurrentes, à quibus ad dorsi medullam, vicinosque musculos soboles sparguntur. Ab elatiore sede prodit primo ^d *Cervicalis* vulgo dicta, sed rectius *Vertebralis*, quæ retro magis & versus corpora vertebrarum enascitur; oblique autem ascendens, juxta septimam colli vertebram per foramina transversorum processuum & superiorum vertebrarum colli, ut *Cervicalis* vena, transit, ubi complures propagines producit, quæ ad spinalem medullam per foramina communia, per quæ nervi exeunt, intrant. Aliquam multas etiam ad musculos in posteriore cervicis sede sitos exigens, ascendit ad occipitium una cum Vena, & per primum ejus insigne foramen, per quod spinalis medulla ex capite descendit, cranium ingreditur. Hinc ^e sub medulla spinali, quæ in calvaria adhuc est, cum socia oppositi lateris ^f unitur, ^g sicque sub cerebri media basi versus anteriora recta excurrit: at ubi jam sellam ossis cuneiformis, cui glandula pituitaria incumbit, attingit, in ^h duos ramos dividitur; alterum dextrum, alterum sinistram; quorum uterque ad latus sellæ, ad nervorum secundum par repit, ubi utrinque ⁱ in surculos infinitos dirempti, inter primum & secundum nervorum par disseminantur, ac tenui membrana complicati ^k plexum choroidem constituunt. ^l Altera est *arteria mammaria*, quæ reflexa sub sternone (comite vena mammaria) secundum ipsius latera descendit, & ubi ad cartilagineam ensiformem pervenit, circa latera ejus thoracem egreditur, & substructa rectis abdominis musculis, per ipsorum inferius latus recta descendit, tandemque circa umbilicum cum ^m epigastrica arteria ascendente per ⁿ anastomosis conjungitur. Prius vero quam thoracem relinquit, ad sex septem verarum costarum spatia intercartilaginea singulos ramos diffundit, qui una cum cartilaginibus terminantur. ^o *Tertia*, *Muscula* alias, sed strictiore appellatione rectius *Cervicalis*, cum in musculos in cervicis regione positos ad occipitium usque disseminetur.

His ramis eductis, subclavia ex cavo thoracis exit, & primam costam superans, oblique vergit ad alam, sicque ^p *Axillarem* arteriam constituit, quæ postea in brachium diffunditur. Ante tamen propagines aliquot spargit, & ab inferiore quidem parte tres, ex quibus prima ^q *Scapularis interna*, quæ in musculos scapulæ cavitatem occupantes vadit. ^r Altera, *Thoracica superior*, quæ ad pectoralem musculum humerum adducentem abit, cæterosque pectori instratos, & satis ampla est. ^s *Tertia*, *Thoracica inferior*, quæ & ipsa insignis, secundum totum thoracis latus descendens, per musculum latissimum humerum abducentem potissimum dispergitur. Ab elatiore parte, una nascitur ^t *Scapularis externa*, quæ summum humerum conscendens, in musculos gibbam scapulæ sedem obtegentes disseminatur. Reliqua pars arteriæ axillaris ad brachium, comite vena basilica, progreditur, in quod totum postea exhauritur; de cujus distributione sequenti capite dicemus.

^u Quod restat tandem de ascendente trunco, juxta superiorem sterni partem Thy-mo suffultum in ^x duos ramos dividitur, quos *Carotides* appellant, sive *Soporales*, quod his obstructis aut quocunque modo occlusis, statim in somnum incidamus, cujus periculum in adolescente Realdum Columbum in magna hominum frequentia fecisse testatur Valverda in Anatome, lib. VI, c. XI. Inæquales sunt magnitudine, cum dexter multo sit sinistro crassior: tendunt autem recta versus superiora, secundum colli latera deducti, asperæ arteriæ & venis jugularibus internis membranæ beneficio connexi, ac ubi ad fauces pervenerunt, in duos ramos ^y dividuntur; quorum alter, externus est; alter, internus. Ille, minor; hic, major. ^z *Exterior*, ^a ad buccas & faciei musculos soboles propagat, deinde ubi ad aurem pervenit, circa ipsius radicem bifariam ^b dividitur: ^c alter enim ramus auris posteriora petit, à quo duæ arteriæ sub aure maxillam inferiorem per primum ipsius foramen ad processus situm ingrediuntur, & secundum ejus longitudinem

Divisio Trunci
ascendentis
in duos Ra-
mos.
Arteriæ sub-
claviæ.

Ramus ab in-
feriore subcla-
viæ parte or-
tus.
Intercostalis
superior.
Rami à super-
iore parte or-
ti.

1.
Vertebralis.

2.
Mammaria.

3.
Muscula.

Axillaris ar-
teria.
Ejus ramus an-
tequam in bra-
chium absum-
itur.
Ab inferiore
parte.

1.
Scapularis in-
terna.
2.
Thoracica su-
perior.
3.
Thoracica in-
ferior.
Ab elatiore se-
de Scapularis
externa.

Carotides.

Divisio Ca-
rotidum.
Exterior, sive
ramus faciei.

Interior, sive
ramus Ence-
phalicus.

Divisio ejus
in minorem,
& majorem.

Majoris sub-
divisio.

dinem in omnium dentium inferiorum radices disseminantur; reliqua pars per foramen secundum, quod ad mentum positum est, egrediens, in labrum dispergitur. ^a Alter, per tempora & frontem repit, in musculos faciei absumptus. ^b Interior ramus Corotidis arteriæ, sive arteria Encephalica, in fauces defertur, ac ubi linguæ & laryngi propagines disseminavit, circa Calvariæ basin in duos inæquales ramos dividitur; minorem scilicet, & majorem. ^c Minor, & posterior, cum venæ jugularis internæ encephalico ramo majore ad cranii posteriora fertur, per occipitii foramen secundum ingreditur, ac crassæ membranæ sinum subit. ^d Major, & anterior, ubi per foramen proprium in osse temporum exsculptum cranii cavitatem ingressus est, atque ad ossis cuneiformis sedem pervenit, ubique sub dura membrana incedens, primum utrinque ramum in latus crassæ membranæ propagat, deinde in brutis infinitos furculos dispergens, ^e Rete illud mirabile constituit, quod revera quidem & in Homine invenire est, at respectu brutorum exiguum, & non nisi umbra quædam videtur. His furculis sic constitutis, cerebri crassam membranam perforat, ex qua ubi emerfit, propaginem aliam per cuneiformis ossis foramen secundum ad oculum ejusque musculos, quemadmodum & ad maxillæ inferioris attollentem temporalem musculum extra Calvariæ propagat: inde recta ascendens ad latus glandulæ pituitariæ in duos ramos dividitur; quorum alter, interior; alter, exterior est. ^f Interior cum sua conjuge oppositi lateris ^g unitur, unitæque in ^h plurimas arteriolas absumuntur, quæ per tenuem membranam ipsiusque Cerebri substantiam ad principium nervorum opticornum disperguntur. ⁱ Exterior, reflexus & tenui membrana suffultus, in cerebri priorem ventriculum abit, divisus in multos ^k furculos, qui cum ^l arteriis illis à ^m vertebrali enatis uniuntur; alii quidem cum illis, quas per basin capitis sub cerebro vertebralis spargit; alii vero cum illis, quos per tenuem membranam & cerebri substantiam disseminat, cum quibus ⁿ plexum choroideum constituunt.

C A P V T I I I.

Axillaris Arteria per brachium digesta seriem enarrat.

Truncus arteriæ axillaris.



Divisio in
duos ramos.
Exterior.

Interior.

ARTERIA ergo ° Axillaris, ubi ad brachium pervenit, ^p Brachialis trunci nomen asciscens, unico ac indiviso trunco ultra cubiti flexuram per internam brachii partem fertur, utrinque propagines quasdam graciles ad musculos humeri internam sedem occupantes disseminans. Incedit autem interno sive profundo basilicæ venæ ramo tanquam comes individuus attensa, unde ductum quoque & seriem illius ubique sequitur. Statim autem secundum posteriorem humeri sedem, qua ipsi cubitum extendentes muscoli adhærent, descendens, propagines ^q duas, quarum inferior insignis admodum, educit; sicque versus cubiti flexuram retorquetur, quam ubi attigit, ^r duos furculos, utrinque unum, in articulum exporrigit, adeo detectas, ut sæpe ibi pulsus satis evidenter percipiantur. Sub cubiti deinde flexura per internam ipsius regionem incedens, inter duos musculos, secundum & tertium quatuor digitorum internodium flexentes demersa, in ^s duos difsecatur ramos insignes; quorum alter, exterior; alter, interior est. ^t Exterior, secundum radium fertur (unde Radieus à me dictus) & recta carpum petit, quo loci Pulsus ipsius à Medicis solent explorari, cum manifestus admodum sit, quod cuti proxime arteria subjiciatur. Non longe autem à carpi radice ^u ramulum emittit, qui sub tendinibus musculorum pollicem extendentium in externam manus regionem excurrit, & in musculos, qui inter primum pollicis os & metacarpi, quod indicem sustinet, siti sunt, absumitur. Hoc ramo propagato, sub annulari interno carpi ligamento & palmaris musculi lato tendine incedens, ^x in tres dividitur ramos, haud secus ac Vena & Nervus ipsius comites. Ex his ^y primus, pollicis; alter, indicis internam regionem petit; tertius, internum latus interioris medii digiti sedis. Primus & secundus, in duos quisque ramos dirimitur; tertius, indivisus est. ^y Interior ramos, os cubiti sive ulnam recta percurrit (Cubiteus eo nomine à me vocatus) & in manus volam dispergitur. Adeo autem abditus est in musculos, ut ejus pulsatio difficulter percipiat, nisi in macilentis, unde Medici digitos in exteriorem ramum semper injiciunt, dum

dum pulsum in carpo tangunt. Progreditur autem sub transverso ligamento carpi, & sub tendine palmaris musculi, Vena & Nervo comitibus; ac duos quidem ramos in minimum digitum, totidemque in annularem; at unum in externum medii latus dispergit.

CAPUT IV.

Inferiorem, sive descendente Arteria magna truncum, ejusque per medium ac infimum ventrem propagationem proponit.



ARTERIAM ^a magnam, ^b cum primum pericardium superavit, in duos dividi ramos, quorum alter superiora petat, alter ad infernas partes descendat, supra diximus. De superiore jam egimus, reliquum est ut alterum quoque explicemus.

^cDESCENDENS ergo TRUNCUS arboris caudici proportionem respondens, ad quintam Thoracis vertebram detorquetur, & nonnihil sinistrorsum declinans, vertebrarum corporis sinistro lateri adhæret, sicque sensim descendit. Vbi jam Diaphragma superavit, quod per divisionem illam semicirculum referentem, quæ inter septi transversi productiones est, transit, mox per lumborum vertebrae excurrit, medio ipsarum corpori innixus, donec ad ultimam pervenerit, ubi juxta os sacrum ^d in duos insignes ramos ^e dividitur, quos à situ cum aliis Anatomicis Iliacos dicemus. In hoc itinere complures de se spargit propagines, quæ diligenti observatione dignissimæ sunt, quod plurimum in morbis accidentium rationem facillime hinc liceat reddere. Sunt autem, octo arteriæ Intercoştales, duæ Phrenicæ, una Cæliaca, hinc Mesenterica superior, duæ Emulgentes, totidem Spermaticæ, tandem Mesenterica inferior, & Lumbares. *Ex his intercoştales*, dum in Thorace adhuc Truncus est, sparguntur; *reliquæ*, dum per Infimum ventrem procedit. *Aliæ autem venæ Portæ ramos comitantur*, ut Cæliaca, & utraque Mesenterica: *aliæ Cavæ*, quemadmodum cæteræ. De his ordine nunc agemus, initio ducto ab Intercoştalibus, quæ supremum locum obtinent. Mox ergo ac ^f Descendens truncus emerfit, à posteriore sui sede ramulos utrinque ad octo inferiorum costarum intervalla transmittit, quos ^g *Intercoştales inferiores* appellant respectu Intercoştalis superioris, de qua supra diximus. Hæ Venis & Nervis ejusdem nominis associatæ, recta secundum humiliorem costarum sedem, ubi ipsarum gratia sinus peculiare exculpti sunt, progrediuntur. Sed quemadmodum venæ intercoştales in legitimis quidem costis, ad cartilagine tantum usque: at in spuris, ulterius nonnihil provehuntur, ad latera inquam abdominis: ita & Arteriæ in illis cum costarum ossea parte, desinunt, in his paulo longius excurrunt. Cæterum hæ arteriæ propagines quasdam per nervorum foramina ad spinalem medullam & musculos dorsi vertebris incumbentes transmittunt, non secus atque in venis intercoştalibus propagari diximus. *Vfus* autem est, vitalem spiritum & sanguinem musculis intercoştalibus diffundere, quem præter & alium insignem obtinent, aquam scilicet & pus in Thorace collectum in arteriam magnam, & hinc per ramos emulgentes ad vesicam deportandi. Tametsi neutiquam sum nescius doctissimum Fallopiū aliosque, qui ante me in nobilissimo hoc Patavino Gymnasio docuere, aliam monstrasse Auditoribus suis viam, per quam vel pus vel aqua, renum auxilio, educeretur, venam nempe sine pari, cujus ramulus in sinistro latere in sinistri renis emulgentem progreditur. At enim hæc via, quam per Intercoştales arterias monstramus, brevior multo est: ut taceam, per arterias facilius, quam venas materiam quamcunque congestam rapi posse. Neque est quod aliquis hic vereatur, ne ab his excrementosis pravisque humoribus, vitales spiritus contaminentur, unde Cor gravissima symptomata incurrat, cum lubentes id & æquo animo largiamur: nam & experientia sæpenumero nos docuit, dum per urinas pus evacuatur, ægros in syncopen aliaque mala incidisse, interdum etiam in repentinam mortem; nempe tunc, quando aut copia aut malitia nimia humor peccabat, & Naturæ tantam vim inferebat, ut calor spiritusque succumberent. Sed me huc vocat ad expositionem locus quidam apud Hippocratem, cum diu animum meum, sæpeque anxium tenuerit. Locus est in Coacis prænotionibus; *Quibus*, inquit, *totus pulmo inflam-*

TRUNCUS
DESCEN-
DENS.
Ejus pro-
gressus.

Propagines.

Intercoştales
inferiores.

Vfus.

1.
2.
Per quas vias
materia in
Thorace col-
lecta ad vesti-
cā perveniat.

Explicatio lo-
ci Hippocrati-
ci.

matus fuerit una cum Corde, ut ad latus allabatur, hi toti resolvuntur, & jacet æger frigidus, sensus exors, moriturque secunda, aut tertia die. Si vero etiam sine corde contigerit, minus diu vivunt: quidam autem etiam servantur. Diu cogitavi mecum, quis Cordis & Pulmonum cum Cerebro nervisque consensus ille foret, ut æger ab harum partium inflammatione totus resolvatur, cum idem Hippocrates eodem in loco doceat, ea parte ægros resolveri, & livores foris circa costam apparere, qua Aortæ appellatæ (sic videtur vocasse pulmonum lobos) ad latus inflammatæ decidunt. Si vero non valde inflammatæ sint, ut ad latus non decendant, dolorem quidem fieri per totum, non tamen resolveri, neque livores apparere. Multis tandem apud me deliberationibus habitis, in hanc deveni sententiam, non aliam esse causam, quam consensum, qui inter has arterias Intercoştales est & spinalem medullam. Nascitur hic à propaginibus illis, quas in spinam se penetrare per foramina vertebrarum thoracis diximus. Quamobrem si Pulmones & Cor sic valida inflammatione tententur, ut in arteriam magnam sanguinis copia affatim irruat, sicque ipsa postmodum tumeat, tumeant etiam hæc vasa intercostalia, & consequenter surculi illi, qui spinalem medullam adeunt, fieri profecto nequit, quin & hæc & Nervi ex ipsa progredientes comprimantur, unde quid aliud quam resolutiones earum partium, in quas ii Nervi inferuntur, & movendi facultatem impertiunt? Hanc sententiam mirifice mihi confirmare videtur elegans quædam observatio, quæ apud doctissimum Cornelium Gemmam habetur, libro de hemitritæo pestilenti. Cuidam, is inquit, Iuveni studioso per univrsum morbi curriculum sinister oculus contractior fuit. Doluit sinistrum latus, præsertim per exasperationem totius circuitus; ac circa crism inflata arteria cruris sinistri secundum longitudinem movebatur, ut nobis conspicua, veluti retractus funis quispiam, verti sursum deorsumque videretur. Quis hic non libens confiteatur, materiam hanc in arteriis fuisse, cum crisis per arterias facta fuerit? Cæterum ex his ipsis ratio quoque reddi potest alterius cujusdam observationis Galenicæ, quæ iv de locis male affect. cap. iv est, ubi sic inquit: In quodam qui à vehementi peripneumonia infestabatur, brachii tam externæ, quam internæ partes, à cubito ad summos usque digitos sensus difficultate laboraverunt, atque motus quoque nonnihil læsus est. Huic præterea nervi, qui in primo ac secundo intercostali spatio inveniuntur, noxam subierunt. Et paulo post: Huic homini celeriter sanitas reddita est, adhibito scilicet medicamento eo loci, unde nervi prodeunt, juxta primum ac secundum intercostale spatium. Propter eosdem intercoştales ramos, Ioannes Valeriola, Filius Medici illius cujus Observationes habemus, puer adhuc in gravi pleuritide convulsiones passus est.

Observatio.

Phrenicæ.

^a Phrenicæ arteriæ, duæ sunt, utrinque una, quæ ex Trunco enatæ statim atque è Thoracis cavo egressus est, in septum transversum, præsertim vero in humiliorem ipsius sedem juxta vertebrae dorsi, in plures ramos sectæ disseminantur. Nonnullos etiam surculos in superiorem partem spargunt, quæ postea ad pericardium abeunt, qua parte diaphragmati adnascitur.

Cæliacæ.

^b Cæliacæ, una est, sic dicta, quod ad *καλιαν*, id est, Ventriculum ramos transmittat. Hæc Venæ Portæ Splenico ramo simillima, Ventriculo, Iecori, Vesiculæ felleæ, Omento, Duodeno, Iejuni initio, Coli intestini parti, Pancreati, & Lienis ramos plurimos largitur. ^c Oritur autem ex anteriore corpore ipsius Trunci, & à superiore parte inferioris membranæ omenti, toto ductu suffulta, in duos ramos insignes quidem, sed amplitudine tamen inæquales dividitur; quorum ^d alter, ad dextram; alter, ^e ad lævam abit. Ille, minor est; hic, major. ^f Dexter ergo in pancreate, sub posteriore ventriculi regione reposito, venæ portæ descendenti jungitur, ac ibi omenti membranæ innixus, ad hepar vadit, cujus exilitas profecto notatu digna est, si hepatis intuearis amplitudinem, quod Veteres olim, hodieque multi sanguinis officinam constituere. Inferitur autem parte cava, prope venæ portæ truncum, & tam parva est, quod majori arteriâ ea Iecoris pars, quæ Portæ radices suscipit, non indiguerit: reliqua autem pars, quæ Cavæ propagines habet, vitalem spiritum copiosissime per venam Cavam ex Corde transmissum suscipiat. Antequam tamen hepar ingrediatur, in itinere plures surculos, eosque partim ex elatiore, partim ex humiliore sui sede disseminat. Et ex elatiore quidem, duos; primum, quem Pyloricum voco, & ex medio ductu pronascitur, ac in posteriorem sedem dextri orificii ventriculi pluribus ramulis divisus spargitur: alterum, ^g Cysticæ gemellas, quæ duo sunt exiles rami, & in Vesicam felleam abeunt, ac protinus in multas propagines

Rami duo. Dexter.

Propagines ex elatiore sede prodeuntes.

1.

2.

propagines dividuntur. Ex inferiore sede similiter duo oriuntur. *Primus, Epiplois dextra*, quæ in dextram sedem inferioris membranæ omenti, & in Coli partem ipsi adnexam inferitur. *Alter*, in duos scinditur ramos; quorum *unus, Intestinalis*, ad Duodenum & Jejuni principium progreditur: *alter, Gastroepiplois dextra*, paulo insignior, ad dextrum fundi ventriculi latus deflectit, & superiore omenti membrana suffulta, ex superiore parte soboles quasdam in Ventriculi anteriorem & posteriorem sedem propagat: ex inferiore autem, in Omenti, cui innititur, membranam. ^a *Sinister ramus, & major*, *arteria Splenica* dicitur, inferiori omenti membranæ, glandulisque in ipsa repositis adhærens, cum Splenica vena, cui attenditur, & cum qua pari ratione soboles digerit, ad Lienem progreditur. In itinere autem similiter ab utraque sui parte ramos digerit. Et ex superiore quidem, ^b *Gastricam*, quæ in medium posterioris Ventriculi partis, sive ejus, qua dorso incumbit, porrigitur, inde ascendens, Ventriculi sinistrum orificium coronæ instar cingens circumit, & surculos partim sursum, in œsophagi finem; partim deorsum, eosque majores & frequentiores, in ventriculum dispergit, sicque *Arteriam Coronariam* constituit, similem Venæ coronariæ, quam à Portæ vena oriri, superiori libro diximus. Ex inferiore autem sede, *Epiploin sinistram* ea fere parte educit, quæ jam Lienem attingit, quæ in inferioris omenti membranam, & quidem ipsius sinistram partem excurrit. Hæc protinus ab exortu in duos ramos scinditur, qui admodum à se mutuo diducuntur, ex quibus aliæ arteriæ plures oriuntur, quæ in dictam Omenti membranam, & colon intestinum ipsi adnexum omnes exhauriuntur. His venis constitutis ^c *arteria splenica* Lieni magis approximat, & non secus ac Vena splenica, quam toto itinere comitem habuit, ^d in duos ramos ad literæ Y similitudinem dirimitur, quorum alter superior, alter inferior dici queat, qui postea per cavam ipsius partem ingressi, in infinitos surculos dirimuntur, ut Arteriarum quintuplo plures sint, quam Venarum. Ex quo fit, ut in inflammationibus Lienis, si manus sinistro hypochondrio apponatur, palpitare ipsum videatur. Ante tamen ingressum arteriæ, inferior ramus cum inferiore ramo venæ anastomosin insignem facit, & surculum ad inferiorem omenti membranam propagat. Ex superiore autem, una *Gastroepiplois sinistra dicta*, quæ superiori omenti membranæ annexa, in sinistram fundi ventriculi sedem derivatur, anteriori & posteriori parti, vel etiam superiori omento ramulos largiens. Altera, *Vas breve arteriosum* constituit, venæ ejusdem nominis in morem ad sinistrum ventriculi latus & orificium adducta. *Vsus dextri rami*, qui ad Iecur vadit, præter communem quem habet, iste est, ut bilem quoties fellis vesicula obstructa est, ad intestina deponat, maxime vero ad Colon, in quod nonnulli ipsius rami inseruntur. Ex quo fit, ut ulcera in dysenteriiis plerumque semper in crassis intestinis, ac præcipue Colo: rarissime in tenuibus inveniantur. Arteria enim hæc, ubi vel hepar calidius copiosam bilem generat, aut fellis vesica obstructa est, bilem in se copiosam suscipiens recta ad Colon transfert. Eodem pacto *sinistri rami*, sive *Splenicæ arteriæ* usus, præter communem, is est, ut Bilem, Melancholiam, Serososque humores, si quando his Lien abundaverit, ad intestina deturbet. Quin & per eandem hanc viam hydropicorum aquæ, nonnunquam vel ad intestina aut renes, & vesicam demandantur. Hic idem ramus ille est, per quem potus per universum corpus tam subito penetrat, & per quem pravi humores vomitu educuntur. Hic idem in causa est, ut cibo repleti, parum: ubi vero concoctio in ventriculo facta sit, plus urinæ reddamus. Plurimum enim distento Ventriculo, premitur: at vacuo, munere suo fungi potest. Hic idem ramus nos edocet, tenuem victus rationem præscribendam esse iis, qui purgantia assumpturi sunt, ut patula medicamentis sit via, tum ea, per quam excrementa ad ventriculum; quam illa, per quam ad intestina transmittuntur. Hic idem quoque ramus, si duos mesentericos addas, Melancholiæ hypochondriacæ sedes est. Cum enim à Viscerum, quæ in imo ventre continentur, obstructione hoc malum nascatur, arterias plurimum hic pati necesse est, quod vel symptomata, quæ in hoc affectu contingunt, satis edocere queant.

^e *Mesenterica superior* paulo infra Cœliacam enascitur, venæ mesaraicæ in modum (quæ socia ejus est) numerosis propaginibus in Jejunum & Ilium intestinum, tum eam Coli regionem, quæ à cavo hepatis ad dextrum usque renem pertingit, sicque fere in superiore mesenterii partem distributa. Quo loci observandum est, arteriam modo venæ,

Ex inferiore.

Sinister.
Arteria Splenica.Propagines
ex superiore
parte digestivæ.
Gastrica.

Ex inferiore.

Vsus.
Dextri rami.
Causa ulcera
crassorum
intestini
frequentiora.

Sinistri rami.

Mesenterica
superior.

Observatio.

modo contra venam arteriæ incumbere, sicque inter utramque membranam mesenterii deferri. Habent autem hæ arteriæ in mesenterio multis in locis Glandulas, quæ ad vasorum, & maxime arteriarum liberam perspirationem factæ sunt, ex quo fit, ut scirrhus laborantibus vasa comprimantur, & marcor universi corporis insequatur.

^{5.} *Emulgentes.* ^a *Emulgentes arteriæ* duæ sunt; *una*, dextra; *altera*, sinistra. Vtræque sub prædicta prodit, ubi prima secundaque lumborum vertebra ligamento copulatur. Prodeunt autem ab utroque trunci latere, quamquam non è directo, quemadmodum & Emulgentes venæ, cum dextra sinistra sit humilior. Hæ ubi ad renem accessere, in duos ramos finduntur, quibus in sinus cavitatis renum inseruntur, & non secus ac Venæ in ipsorum substantiam infinitis furculis absumuntur. Harum *usus*, præter communem, est serum, quod copiosissimum in arteriis reperitur, expurgare.

^{6.} *Spermatice.* ^b *Spermatice*, sive *feminales* similiter duæ sunt, quæ ex Trunco arteriæ magnæ parte anteriore, sed contiguis principiis enascuntur: non enim, ut sinistra spermatice vena, sic læva arteria ab emulgente prodit. Descendentes postea venis sui lateris attenduntur, & in viris quidem, per peritonæi processus ad testes deferuntur: in feminis autem, ubi testibus nonnihil approximant, in duas partes scinduntur; quarum altera, ad testes; altera, ad uteri fundum defertur. Arteriæ autem ad uterum sic perveniunt, ut ipsum irrigent tantum ad latera, non etiam ad interiora penetrent. Quod quidem summa providentia Naturæ sapientissimæ contigit, quandoquidem haud ita tutum fuerit ad internam usque superficiem ipsas deducere, cum ingressu fœtus maximum sanguinis profluvium, non parvo puerperæ periculo fuisset excitatum, si interna superficie placentæ fuissent adnexæ. Hinc & fit, ut puerperia paulatim fluant, non cum impetu, aut confertim.

^{7.} *Mesenterica inferior.* ^c *Mesenterica inferior*, paulo supra, quam arteriæ truncus in ramos Iliacos finditur, juxta os sacrum nascitur, & in Coli sinistram partem rectumque intestinum abit, cum venis hæmorrhoidalibus ad extremam usque anum descendens, & Hæmorrhoidales arterias constituens. De utriusque Mesentericæ usu quæritur, an, præter communem, proprium obtineant? Galenus enim lib. iv de Usu part. alterius cujusdam mentionem videtur injicere, cum velit nonnullam chyli portionem ab ipsis attrahi. Et libro, an sanguis in arteriis contineatur, cap. v: Si ventrem imum, inquit, & interiorem membranam dividerimus, arterias in mesenterio plane conspiciemus, in hædis quidem nuper natis lacte refertas, in adultis autem animalibus, alterius cujusdam rei plenas.

^{2.} Quibus verbis, experientia anatomica edoctus, ostendit non Venas tantum, sed & Arterias mesaraicas chylum ad se manifesto trahere. Quod sane cum revera ita se habeat, credibile omnino est, chylum ab his postea vel in venas transferri, vel ab ipsis arteriis in sanguinem converti. Nec profecto mirabile id cuiquam videbitur, qui consideraverit, etiam fœtui dum utero adhuc concluditur, maternum sanguinem per arterias umbilicales transmitti. Quod si sanguis per venas receptus, elaborandus adhuc est, ut certe quivis Naturæ diligentior indagator elaborandum esse statuet, profecto is qui per arterias accipitur, tanto exactiori elaboratione indigebit, quanto venoso est præstantior. Elaboratur autem in ipsis Arteriis, & Liene, raptus in Celiacam, & ad splenem deductus, ut libro viii pluribus dicemus. Atque hic usus mesentericarum arteriarum præclarus est, dum Homo perfecta sanitate fungitur: præter quem nos alium quoque addimus, quoties à sanitatis limite declinaverit. Suscipiunt enim arteriæ hæ excrementa universi corporis, ut ad intestina deponant, non secus atque Venæ, per quas & attrahit Chylum Natura, & expellit similiter humores noxios è corpore; Bilem puta, Pituitam, & Melancholiam. Et bilem quidem, frequenter in continuis & intermittentibus febribus biliosis, quarum crisis per alvi fluxus succedit. Pituitam, quoties Podagricis dysentericiæ accidunt, quæ à doloribus liberant, si prudentis Medici auxilio Naturæ institutum fuerit adjutum. Melancholiam tandem, ab utroque, sed inprimis Hæmorrhoidali ramo: unde Hippocrates, vi Epidem. Qui Hæmorrhoidas innatas habet, neque dolore lateris, neque pulmonum inflammatione, neque furunculis, aut terminthis, pariter neque lepra, cancro, aut aliis morbis corripitur. Pectoris enim maximus cum hæmorrhoidali arteria consensus est, quod truncus, ex qua oritur, à corde descendens, in primo statim exortu intercostales ramos propagat. Omnes porro atrabiles humores ex toto corpore hinc

hinc expurgantur, ut inde cancri & lepræ nasci nequeant. Ex his spontaneis purgationibus, quas Natura ipsa molitur, de iis, quæ ope Medici perficiuntur, & Artificiales dici possunt, judicium jam ferre licet. Invaluit enim nostra ætate opinio quorundam, purgationes corporis per Clysteres institui non posse, sed per medicamenta tantum ea, quæ per os assumuntur. At ego, si Clysteres medicamenta purgantia in se contineant, universum corpus commodissime evacuari non tantum crediderim, sed etiam experientia edoctus attestari possum. Totum namque Colon intestinum cum clysteris materiam suscipit, vis ipsa Medicamenti per arterias ex trunco Aortæ noxios humores trahit. Quo posito, rationem licebit reddere (quod sæpissime vidimus) cur ex elleboro albo facta suppositoria, eadem symptomata inducant, quæ solent inferri iis, qui elleborum album per os sumserunt. Similiter hinc causam licebit petere, ob quam unctio supra umbilicalem regionem facta medicamentis purgantibus, ventrem non instrenue purget. Per arterias enim medicamenti vis attrahitur, & per arterias eadem postea purgat. Hæ arteriæ sunt, per quas Colici dolores in Arthritidem, & contra Arthritici in Colicos permutantur, ut apud Hippocratem habemus vi Epidem. sect. iv. *Qui articulari morbo, inquit, detentus intestini dolore dextra parte vexabatur, levius habebat: ubi vero hic morbus curatus fuit, magis dolebat.* Hujus rei hæc erat causa, quod humor ille qui arthritidem excitabat, ex articulis ad Colon intestinum deferebatur, unde Colici dolores aucti sunt. Andreas Laurentius hujus rei rationem inquirens, ad occultos nobisque incognitos ductus refert, ad quos confugiendum mihi minime videtur, si dicamus, ex Arteriis cruralibus in Truncum, & ex hoc in mesentericos ramos, tandem ab his ad intestina humores translatos esse: hæc enim via brevissima est & commodissima. Nec est ut vereamur illam, quam objicient nobis spirituum vitalium contaminationem, si excrementitii humores per arterias vadant: hoc enim magnam ipsorum tum in Anatomicis, tum solida Medicina ignorantiam prodit, facillimumque foret, si velim excurrere, hoc loco probare, magnam quasi partem fluxionum in nostro corpore per arterias fieri. Nam & in Arteriis Naturæ vis eminet, & robustior est, ut quamprimum lacepsitur, aptissima sit ad expulsionem: & sanguis continuo pulsu agitatus, tum sua natura omnia ad fluxionem aptiora reddit. Et quis non credat per Arterias excrementa ferri, qui fluxiones à Liene considerat, in quo cum quintuplo plures arteriæ sint, quam Venæ, necessarium certe est, ex Arteriis Lienis illam saburram per Arterias exportari?

Cur suppositoria ex elleboro facta symptomata inducant.
Cur unctio umbilici facta purgantibus alvum moveat.
Qui Colici dolores in arthritidem & contra, vertantur.

Magna pars fluxionum per arterias fit.

^a *Lumbares* quatuor, à posteriore sede trunci arteriæ magnæ, secundum ipsius longitudinem, dum circa lumborum regionem progreditur, exoriuntur. Hæ in lumborum vertebrae per communia foramina, & ad ipsorum medullam, nec non in musculos vicinos excurrunt. Quin & ad medullæ latus dum vertebrae ingressæ sunt, utrinque ad Cerebrum, una cum venis lumbaribus ascendunt. Sunt autem omnes sibi æquales, si duas demseris, quæ juxta os sacrum prodeunt, cum non solum ad medullam in vertebrae, & ad conterminos musculos deriventur, sed etiam transversim per peritonæum & abdominis musculos transmittantur. Ex his duæ posteriores *Musculæ superiores* à nonnullis vocantur, & à Lumbaribus distinguuntur. Atque hæ arteriæ sunt, quas si observemus, multarum rerum, de quibus gravissime disputatum est hætenus inter Medicos, facillimo negotio rationes reddemus. Sed imprimis difficillimæ illius quæstionis, quæ inter Medicos agitata est, per quas vias & quomodo Colici dolores in Paralyfin aut Epilepsiam terminentur. Habemus enim observationem apud Paulum Æginetam, lib. III, c. XLII, ubi, *Colica*, inquit, *velut pestifera quadam contagione finiebat, plerisque ad morbum comitalem, aliis ad artuum resolutionem, servato sensu: & qui ad Comitalem delapsi sunt, plerique perierunt; qui vero ad Resolutionem, plerique servati sunt, velut in judicatione causa translata.* Ex Colo enim per mesentericas arterias humor morbificus regressus est, ex quo postea translatus in arteriæ magnæ truncum, ad lumbares quoque pervenit, quæ turgescens sanguine, vicinos compresserunt nervos, ex quibus paralyfis crurum. Et hanc nos sæpe observavimus, cum in aliis, tum in nobismet ipsis, præsertim annis superioribus, quibus Patavii Epidemii erant. Neque tamen semper Paralyfis perfecta est, sed sæpe (ut ego vocare soleo) imperfecta, quod ambulandi potentia non prorsus ablata sit, sed summa quadam difficultate cruribus ægri insistant. Hanc multi eo tempore, hallucinantes circa morbi cognitionem, pro debilitate magna virium ex

^{s.}
Lumbares.

Qui Colici dolores in Paralyfin, aut Epilepsiam abeant.

morbo contracta habentes, cibo & potu copiosiore, sed frustra tollere conabantur. De qua re lib. iv de febre semitertiana, cap. xiii, pluribus egimus. Hæc quoque causa est, cur post Colicos dolores Epilepsiæ fiant, imo etiam Lethargi, ut sæpe vidimus; quia materia à mesentericis arteriis transmissa ad Lumbares; ab his facile ad Cerebrum, ad quod ipsa vasa transmigrant, ire potest.

Cæterum Truncus Arteriæ magnæ, ubi ad ultimam lumborum vertebra pervenit, cum toto ductu, quem enarravimus, sub vena cava ad latus sinistrum iter habuerit, hic venam conscendit, ne ab ossis sacri durtie in continuo illo motu atteratur. ^a Dividitur autem non secus ac ipsa Cava in ^b duos ramos insignes, quos Iliacas arterias à situ Anatomix periti appellant, & oblique deorsum ad fœmur delatæ, Græcorum Y inversum exprimunt. Proferunt autem & ipsæ antequam fœmori inferantur, non secus ac Iliacæ venæ, quibus exacte omnino respondent, ramos aliquamultos. Etenim *ex inférieure arteriæ sede, antequam Iliacæ dividantur*, ^c *Sacræ* prodeunt, quæ insignes sunt, deorsumque sacro ossi innitentes delatæ, ipsius foramina ingrediuntur, & ad medullam ipsius ac posteriora sacri ossis excurrunt. Et per has quoque via est materiæ dolorem Colicum facientis, ut Paraly sin crurum efficiat. *Hinc paulo infra divisionem trunci*, Iliacæ in duos subdividuntur ramos; quorum alter, interior est, & minor: alter, exterior & major. ^d *Minor*, vel *interior Iliaca*, duas propagines educit, unam ab externa; alteram, ^e *ab interna sede*. ^e *Exterior Muscula* vulgo dicta, à nobis strictiore appellatione, *Glutæa*, quod cum vena ejusdem nominis, inter sacrum & coxendicis os, ubi invicem abscedunt, descendat, pluresque furculos in musculos ilium ossi incumbentes, Glutæos dictos, quod natium sint authores, porrigat. ^f *Interior, Hypogastrica* dicitur, quæ insignis admodum est & ampla, rectaque deorsum ad ossis sacri inferiorem sedem delata, in *viris* Vesicæ fundo & Cervici, tum etiam recto intestino soboles quasdam largitur, quæ etiam hæmorrhoidales arteriæ dici possunt. In *Mulieribus* vero, quibus paulo amplior hic ramus est, præter dictas partes, etiam in inferiorem uteri fundi regionem, & pariter in illius cervicem numerosam propaginem distribuit. *Hinc rationem licet petere*, ob quam si Vteri ad medium coxendicis processerint, convulsiones fiant, ut testatur Hippocrates, lib. de natura muliebri. Item, si Vterus ad coxam decubuerit, cur menses supprimantur, & dolor fiat in imo ventre, & in laterum mollitudine. Sanguis enim, qui ad Vterum à Natura pellitur, arteriis compressis à decubitu, in uterum deponi non potest, unde necessario regurgitans, vicinas Venas & Arterias replet, quæ intumescences dolores hos efficiunt. Vidimus enim sæpenumero in dissectionibus sic turgidas fuisse has venas, ut septuplo sese ampliores fuerint. *Hinc etiam ratio reddi potest aphorismi illius*, qui est trigessimus secundus quintæ sectionis apud eundem Hippocratem; ubi Mulieri sanguinem vomenti erumpentibus mensibus solutionem fieri testatur. Quod sane, cum omnium consensu fiat per revulsionem, & vero Venarum beneficio contingere nequeat, quod Venæ Ventriculi à Portæ vena, at Vteri à Cava oriantur, non alius consensus quærendus est, quam ille, qui fit per Arterias, maxime cum nec arteria hypogastrica procul à Cæliaca distet. *Ex his similiter* ratio reddetur sequentis hunc aphorismi, ubi mensibus deficientibus hæmorrhagiam narium salutarem censet. *Reliqua pars Iliacæ minoris* descendit, & ^g arteriam Vmbilicalem educit, quæ juxta longitudinem arteriæ magnæ defertur, validisque membranis Vesicæ urinariæ lateribus connectitur. Cavitatem autem amittit in iis, qui in has jucundas vitæ auras prodire, quod quomodo fiat, postmodum libro nono pluribus ostensuri sumus.

^h Cæterum hinc non secus ac vena Iliaca, quæ ipsi jungitur, per foramen ossis pubis tendit, quod antequam transit, sobolem ab exteriori Iliaco ramo enatam accipit, sicque foramen exit, à quo ubi discessit, in musculos partim quibus foramen obturatur, partim qui ab osse pubis nascuntur, perinde atque interna Iliaca Vena absimitur. Tandem ubi ad medium fere longitudinis fœmoris terminatur, ipsius extremum cum ⁱ ramis extremis Musculæ cruralis internæ, de qua sequenti capite, ^k coit & unitur.


^l *Major*, five *exterior* similiter duas producit soboles, quarum ^m *prima* est *Epigastrica* dicta, & paulo antequam peritonæum perforat, ab externa parte oritur, sursum reflectitur, ac per internum latus musculi recti ascendit, donec circa umbilicum cum mammaria arteria descendente per anastomosi conjungatur. ⁿ *Altera*, *Pudenda*, quæ interior propago

Sacræ.

Propagines
arteriarum
iliacarum.
Interioris, five
minoris.1.
Muscula.2.
Hypogastrica.Arteria Vm-
bilicalis.Exterior, five
major Iliaca.
1.
Epigastrica.2.
Pudenda.

propago est exigua, cum in tot ramos, quot Vena, non dirimatur. Statim autem, ut à peritonæo abiit, enascitur, & transversim secundum commissuram ossium pubis delata, ad pudendas partes in penis cutim exhauritur. Quod reliquum est hujus Trunci, in crus abit, de quo nunc agemus.

C A P V T V.

Iliaci rami exterioris per crus propagati soboles.

O S T Q V A M enarratos ramos ^b exterior truncus eduxit, è peritonæo discedit, & ad inguina in crus fertur, per eandem, quam Vena cruralis viam, cui substratus est, & ubique socius jungitur, sicque arteriæ ^c Cruralis Truncum (quem ita vocabimus semper) constituit. Statim autem ac peritonæum superavit, ab exteriori parte propaginem educit, quam ^d Musculam cruralem anteriorem vocant, quæ deorsum lata, in

Truncus cruralis. Et eius antequam dividatur propagines.

1. Muscula cruralis exterior

2. Muscula cruralis interna

musculos fœmoris os anteriore sede amplexantes propagatur. Huic è regione interdum, sæpius paulo infra, sed sede interna tamen, alia educitur, ^e muscula cruralis interna vocata, quæ per tertium fœmur flectentium, sive Tricipitem, & per eos, qui interiori fœmoris regionem tenent, usque ad genu pluribus ramis distribuitur, quorum extrema junguntur cum extremis Iliacæ interioris, quam per foramen ossium pubis ad crus descendere diximus. His propaginibus educitis, Cruralis truncus ab inguine cum Vena crurali descendit, & juxta fœmoris os ita reflectitur, ut ubi ad poplitem pervenit, inter duo fœmoris posteriora capita consistat. Semper enim hoc solers Natura observat, ut vasa circa eam articuli partem deducat, ubi flexura est, ne si ea parte irent, qua extenditur articulus, ipsa comprimerentur. In ipso autem medio quasi itinere, dum per fœmur descendit, ^f propaginem educit, quæ in plures furculos dirempta, per musculos in posteriore fœmoris regione sitos, una cum Vena poplitea excurrit, tandemque per poplitem descendens (unde *Poplitea* dicitur) frequenti sobole in suram digeritur. In poplite autem jam consistens, utrinque ^g propaginem ad latera articuli genu educit, altius subinde demersam, quæ partim in articulo ipso, partim in duos musculos Gasterocnemios suram constituentes exhauriuntur, unde & *Surales arteriæ* dicuntur. Postquam ^h in poplite Cruralis truncus consistit, ⁱ ab externo latere sobolem profert, quæ juxta fibulam descendit, & inter abducentem pedem, & secundum tarsum flectentium musculos reconditur, & in reliquos anteriorem tibiæ partem occupantes quousque carnei sunt, & secundum anteriorem malleolum contorqueri incipiunt, distribuitur. Paulo sub hoc dicto ^k alia educitur ex posteriore trunci sede, quæ usque ad commixtionem tendinum Gasterocnemiorum descendit. ^l Alia deinde ex eadem posteriore trunci sede, sed sub secunda prodit, quæ descendens & ligamentum transversum transiens, per pedis dorsum excurrit, in digitos abducentes musculos diffusa. ^m Reliquum trunci per tibiæ posteriora deorsum fertur, & circa malleolum internum pedi ⁿ furculum offert, qui pollicis musculum adit, & pedis deorsum perreptat. Ipse autem truncus inter tendines musculorum digitorum pedis latens, in duos ramos ^o diffecatur; quorum ^p interior, pollicis duos, duos indici, unum medio: ^q exterior vero, duos minimo, duos huic proximis digitis, inferiore sede largitur. Caterum etsi arteriarum progressus magna ex parte talis sit, qualem descripsimus, quod tamen supra de Venis diximus, non solum pro individuorum diversitate, sed etiam laterum in eodem homine, ipsorum distributionem plurimum variare, id etiam de arteriis tenendum est, quæ aliis hominibus alio modo se habent.

Arteriarum non eadem semper propagatio est.

CAPUT VI.

*Vena arterialis, & Arteria venalis historiam complectitur.**Vena arterialis.**Arteria venalis.**Ortus.**Insertio.**Distributio.**Vsus.*

T perfecta omnibusque suis numeris absoluta sit hæc de Venis & Arteriis tractatio, colophonis loco historiam tertiæ Venæ & secundæ Arteriæ nobis apponere libuit. Vocatur^a *Vena, arterialis*; & Vena quidem^{a, vid.} ab officio, quod Veteres sanguinem deferre ex dextro cordis ventriculo credidissent: at arterialis, à tunica arteriarum membranæ simili, cum simplex non sit, ut Venarum, sed gemina. Arteria contra, *venalis* dicitur; & arteria quidem, quod aërem devehere attractum per pulmones Antiqui statuerint: Venalis autem, quod substantia corpori venarum respondeat, cum simplex sit tunica, nec admodum crassa. Rejecimus autem utriusque tractationem in hunc præcipue locum, ut de utraque simul ageremus, cum & ex eodem viscere nascantur, & in idem inferantur, prætereaque eadem distributione gaudeant. *Enascuntur* enim ex Corde; & Vena quidem ex editiore sede dextri ventriculi; Arteria autem ex sinistri. *Implantatur* autem & exhauritur utraque in Pulmonum substantiam, & Vena quidem per dextrum asperæ arteriæ latus porrigitur, Arteria autem per sinistram. Mox in duos utraque *secatur* ramos; quorum alter, ad dextram; alter, ad sinistram pulmonum partem abit, utroque iterum bifariam secto, atque his in ramos alios, donec in minutissimos furculos dispergantur. Rami autem majores sese invicem comitantur, ut vena cum arteria perpetuo incedat, multis anastomosibus junctæ, in quarum medio asperæ arteriæ rami excurrunt. Insignia autem vasa sunt, majoraque longe, quam pulmonum magnitudo requirere videtur, cum partes illæ, ut diximus libro superiore, quæ plurimum dissipantimenti, venas ampliores requirant; nulla autem sit, quæ pulmonibus ob perpetuum & indefinentem motum plus digerat. Harum *usum* omnes fere, qui hætenus in Anatomicis aliquid scripserunt, unanimi consensu prodiderunt esse, ut Vena quidem pulmonibus alimentum afferat; Arteria autem à pulmonibus haustum aërem ad Cor deducat. Quæ opinio absurdissimo fundamento nititur, sanguinem scilicet nulla ratione in hac arteria contineri, in quo confutando prolixiores essemus, nisi anatomicam inspectionem, & experientiam satis superque falsitatem demonstrare sciremus. Quare ab iis potius standum existimo, qui à dextro cordis ventriculo ad pulmones per Venam arterialem sanguinem transmitti credunt, & hinc in Arteriam venalem per anastomoses deduci, à qua postea ad Cor transportatur, ubi magis elaboratur sanguis ille dextri ventriculi, & fit spirituosus, sicque per Arteriam magnam in universum corpus, pro vita singularum partium, pellitur. Nec verum est aërem in Arteriam venalem rapi, cum foramina ibi nulla sint, sed aër qui per Laryngem in asperam pulmonum arteriam raptus est, bronchia omnia refrigerat, quod frigus cum adjacentibus vasis communicetur (diximus enim ubique bronchia ferri in medio Venæ arteriosæ & Arteriæ venosæ) refrigerat simul sanguinem in ipsis contentum, qui Cor ingrediens calorem illum nimium attemperat, ut propterea opus non sit aërem in substantia ad Cor transferri.

FINIS LIBRI SEXTI.



ADRIA-

A D R I A N I S P I G E L I I
B R V X E L L E N S I S,
D E H V M A N I C O R P O R I S F A B R I C A,
L I B E R S E P T I M V S,

Qui universam Nervorum historiam complectitur.

C A P V T I.

Nervorum naturam, actionem, & differentias explicat.



X vasis superest ut de N E R V I S agamus, quos etsi in postremum locum rejecimus, ob causas, quæ superius à nobis sunt expositæ, primo tamen loco haberi ab iis debent, qui vel ex Philosophiæ studio delectationem, vel ex Medicinæ usu fructum aliquem eximium & præclarum cupiunt percipere. Quis enim est, qui nesciat animalium totam naturam in sensu motuque consistere, quarum facultatum vectores sunt Nervi? sed multo minus quisquam ita ignarus est, quin sæpe sæpiusque cognoverit, maximam morborum partem, qui nostrum corpus infestant, has ipsas vires lædere, quibus affe-

Utilitas huius doctrinae.

ctis, Homo omnium animalium præstantissimum, à trunco inutili & à stipite, non nisi sola & quam misere etiam trahit, vita differre potest. Quare non solum jucundissima est Nervorum cognitio: sed & ex omnibus maxime necessaria, ut ad unguem teneatur: at cum in ea haud leves sese difficultates offerant, conabimur quantum in nobis est, summa omnia perspicuitate ac diligentia persequi. Exordiemur autem à definitione, quam postea nobis consueto more breviter enodabimus, cum primum vocis homonymiam, ne qua obscuritas nascatur, è medio tulerimus.

Nervi ergo vox multiplici vulgo significatione sumitur. Primo pro ligamentis, de quibus libro tertio scripsimus; quo pacto accepit Hippocrates lib. de Arte, cum Nervi, inquit, ad ossa protensi, articulorum sunt vincula. Sic & Arist. lib. III Hist. de anim. dum ossa omnia, sive foris vicissim tangantur, sive alterum inferatur alteri, nervis ligari profiteretur. hinc natum est, ut apud Anatomicos συνδρῶσις ea articulationis ossium species dicatur, quæ ligamentorum inter se connexionione perficitur. Vocantur & nervi tendines illi, qui in musculorum sine cernuntur; ex quo factum deinde, ut illa musculi in tendinosam substantiam degeneratio, συνδρῶσις dicatur. Sed & Venas nervos fuisse nominatas ab Hippocrate, author est in Onomastico Erotianus, & exemplum ejus rei habemus in lib. de usu humidorum. Arterias quoque eodem nomine antiquissimis venisse, Ruffi Ephesii testimonio constat. Propria tamem significatio illa est, qua nos utemur, & cui ipsa quoque nominis ratio maxime convenit, cum νεῦρον, & τὸ ἐνέειν, à nutando, seu flectendo: & τένειν (nam & sic vocatur) ὡς τὸ τένειν, à tendendo, propria scilicet nervorum actione dicatur. Musculi enim nervorum potissimum beneficio, & flectere quamcunque partem, & tendere consueverunt.

Homonymia.
1.

2.

3.

4.

5.

Est autem N E R V V S, Vas candidum, duplici constans membrana, ad omnem intensionem aptissima, in qua substantia quædam alba ac medullaris continetur, à Cerebro, unde oritur, spiritum animale pro sensu & motu singularum partium voluntario deferens. Dum vas dico, genus ipsius exprimo, eademque volo intellecta, quæ in superioribus libris hoc nomine intelligenda diximus: puta, esse longos, teretes, canales, & si quæ sunt alia. Est autem vas candidum, qua voce statim à Vena & Arteria, quæ & ipsæ vasa sunt, distinguitur; cum alba quidem sint, præsertim Arteriæ; non tamen ad eum appulerint gradum, ut vasa candida dici mereantur. Constat vas hoc duplici membrana, ut vulgo tradunt, quarum utraque à cerebri membranis oritur, cum nervus cerebrum compactum videatur. Exterior ergo crassa est, & à crassa meninge nasci dicitur, ad quam ex vicinis venulis surculi quidam

Definitio.

Vas generis nervi.

Duplex membrana nervi. Venula ingreditur, & nutrit nervum suum.

Nervi ex in-
numeris funi-
culis contenti.

Cerebrum ut
hic sumendum.

Facultas quæ
vehunt nervi.
Non esse alios
nervos senso-
rios, alios mo-
torios.

Facultas ani-
malis.

impense exiles derivantur, iis, quæ per corneam oculorum tunicam disperguntur, non dissimiles. Has in iis nervis, qui paulo crassiores sunt, evidenter conspicias: at maxime omnium comparebunt, si qua inflammatio circa nervos suborta fuerit, quemadmodum eadem venulæ, quæ corneam pervadunt, cum ob tenuitatem cerni alias non possint, in ophthalmiis egregie in conspectum se proferunt. Vanum ergo est, quod Aristoteles observavit, lib. 111 Hist. de anim. cap. v: humorem circa nervos mucori similem consistere, albidum, glutinosum, ex quo ipsi nervi & nascantur & nutriantur, cum alimentum suum ab his venulis habeant. *Interior membrana* tenuior est, & à tenui cerebri membrana profecta. Sed revera, si accurate advertas animum, nervos potius ex infinitis quibusdam funiculis contextos, & ope harum membranarum invicem connexos observabis. Id enim tibi, si per transversum nervum dissecueris, manifeste clarum reddetur. Vtunque sit, utraque membrana *ad intensionem aptissima* est, ut hoc solo nomine, quæcunque in corpore tendi apta nata sunt, quemadmodum uniti musculorum tendines & ligamenta ossium, propterea nervorum appellationem sibi adsciverint. Tenduntur enim in longitudinem quam maxime, si trahantur: rursusque relaxati, in priorem contrahuntur magnitudinem. Quod ipsum Aristoteles laudato loco nobis suggerere voluit, dum nervi naturam fissilem inquit, & in longitudinem tendi; scindi autem per latitudinem non citra difficultatem posse. *Continet autem in se gemina hæc membrana substantiam albam ac medullarem*, quam si alicubi, perquam optime tibi certe licebit cernere in nervo optico, membranis suis involuto, & nonnihil digitis compresso. Substantia hæc nihil aliud est, quam ipsissimum cerebrum, à quo nervi omnes exortum suum trahunt, si quidem cerebri vocabulo quis intelligat, non illud tantum, quod calvaria continetur, sed etiam per spinam universam producit. Exortus autem hic non tantum ratione ipsius productionis intelligitur; sed etiam facultatis, cum à Cerebro nervi & prodeant, & facultatem nanciscantur. Sunt enim, ut reliqua omnia vasa, canales quidam, in sese deducentes facultatem, ad obeundas actiones illas in singulis partibus, quibus destinatum est id viscus, à quo oriuntur, cum in singulis partibus ipsum esse nequeat. Vt ergo Cor, cum universum corpus ex uno corde extrui neutiquam potuerit, facultatem vitalem per arterias undique diffundit: ita Cerebrum, quod in solo capite sua substantia consistit, ut viribus sit ubique, nervos in omnes partes digerit. *Facultas hæc, sensus est, & motus*: non ita tamen, ut quævis pars ad quam nervus pertingit, sentiat & moveatur: neque ut alius nervus sit sensus delationi, alius motui destinatus, quemadmodum censuerunt nonnulli: sed ut unus idemque nervus, pro partis constitutione vel utrumque, vel alterutrum impertiat. Clarissimum hoc est in sexta nervorum conjugatione, quæ laryngis musculis, utrumque: Lien renibusque, alterutrum tantum largitur. Et hunc esse nervorum usum, ex eo licet satis concludere, quod nervo constricto aut dissecto, protinus sensus motusque ejus partis auferatur, in quem nervus ille inferitur. Hoc in canibus eleganter demonstrare licet: aut, quod melius est, in suibus, dum nervi Recurrentes dicti filo constringuntur. Si enim alterutrum ligaveris, mediam tantum vocem edi: at si utrumque, protinus totam auferri observabis: redire autem iterum vocem confestim, si vinculum dissolveris. *Nervi ergo sentiendi movendique facultatem deferunt*: & horum quidam solum sensum, ut qui in cutim inseruntur, & primum par Opticum vocatum: nonnulli motum simul & sensum, quemadmodum secundum par, in oculorum musculos digestum. Quin imo nec unum tantum sensum, utcunque ipse nervus unicus sit, sed interdum plures dispensat uni organo; ut dictus Opticus oculo non videndi tantum, sed & tangendi facultatem offert. Ita sextum par nervorum cerebri laryngi, motum & sensum; cordi, sensum solum tactus; Ventriculo autem, præter hunc etiam famis & sitis sensum largitur. Repudianda ergo eorum est sententia, qui octo nervorum paria intra calvariam orta, sensoriis tantum dicata putant; reliqua vero extra nata, motui; cum clarissimum cuius sit, secundum nervorum par, oculorum; sextum autem, laryngis musculis motum tribuere. Cæterum *motus* hic *voluntarius* est, qui & sisti cum cupimus, & concitari potest: *facultas* ipsa à Galeno *animalis* dicitur, quod solis animalibus insit, & per eam animalia à plantis distinguantur. Cum autem nulla facultas, si proprie loquamur, ab anima separabilis sit, dicimus tamen ipsam ad hanc aut illam partem deduci, quod anima immediatum illius facultatis organum eo transmittat, spiritum

spiritum nempe animale, in cerebro ex vitali spiritu elaboratum. Revera enim ipsius spiritus substantiam à Cerebro per nervos diduci, ex eo videtur perspicuum, quod partes compressæ & stupentes, ubi motum recipiunt, aliquid formicarum instar repentium persentire videntur. id enim profecto nequiquam contingeret, nisi pars affluxionem spirituum interceptam antea redire ad se perciperet. Probare hoc conatur & alio modo, nec male profecto Galenus, lib. VII de Placit. cap. IV, exemplo oculorum, quorum uno clauso, alterius pupilla subito dilatari ob spirituum affluxum (non certe alia de causa) conspicitur. *Neque vero* est, ut quisquam nervorum angustias accuset, quæ spiritum non admittant, cum cuivis id notorium sit, spirituum animalium tantam esse subtilitatem, ut fulminis instar omnia pervadant: & in vivo sanoque corpore non omnia ita collapsa esse, dum calore vitali adhuc perfusa sunt, quin pori satis aperti ubique & evidentes, etiam ipsis in ossibus reperiantur. Qui enim de poris cujusque partis ac densitate recte judicaturus est, eum modò mactatorum animalium carnes, nervos, visceraque contemplari oportet, quemadmodum sæpe nos conspicuos nostris oculis poros in pluribus invenimus, qui in diu extinctis prorsus latebant. Frustra quoque nonnulli propterea ambigunt, quod ægre animo comprehendant, quî temporis momento à centro corporis ad extimas usque partes hic spiritus diffundatur. Sed ego profecto etsi mirer & ipse, & in hac re immensam Conditoris nostri potentiam agnoscam, non possum tamen non propterea facile, quî fiat id, animo concipere, cum idem in sanguine videamus contingere, qui uno ictu oculi, modo à corde ad vultum effunditur, modo à facie ad cor iterum regurgitat. Quis enim non sæpenumero vidit, vultum cujuspiam commisso aliquo scelere, temporis momento rubedine suffusum; rursus roseum vultum nunciato aliquo desideratissimi amici insperato obitu in pallorem subito conversum? Quod si sanguis, qui sua natura terrenus est, spirituum vitalium beneficio, indicibili quadam velocitate agitur; quid non speremus de animalibus spiritibus, quibus nescio an subtilius quid alicubi in tota hac rerum universitate reperiatur? Quamobrem jam concludamus, *usum nervorum non esse alium, quam animalis spiritus à Cerebro transmissi, temporis momento, pro sensu motuque voluntario partium, deductionem.*

Videamus nunc quæ differentiæ in nervis occurrant: quas ut ordine investigemus omnes, ea contemplabimur, quæ singulis instrumentis insunt, deducta à substantia, forma, magnitudine, numero, similibusque. Prima ergo differentia est, quæ occurrit *ratione substantiæ*, cum ii, qui à cerebro proficiscuntur, dum adhuc in cranio est, molliores sint; qui vero ab eodem prodeunt, dum per spinam dorsi fertur, duriores. Rursus ex iis, qui à cerebro enascuntur in cranio, molliores sunt illi, qui ab anteriore parte, quam qui à posteriore: & ex iis, qui dum extra calvariam fertur, oriuntur, molliores sunt qui à superiore, quam qui ab inferiore proveniunt. Duri ergo erunt, qui ex cervicis medulla emergunt: duriores, qui ex thoracis: omnium durissimi, qui ex medulla in vertebis lumborum & ossis sacri contenta enascuntur. Omnes autem, summatim loquendo, quanto breviores sunt, tanto quoque sunt molliores: & quanto longiores, tanto duriores; cum in ipso itinere magis magisque indurescant. Cæterum Galenus lib. XVI de Usu part. cap. I existimat, molliores esse factos ad sensum; cum facilius objectorum species admittat quod molle est: duros, ad motum; cum sint robustiores. At ego longe aliud Naturæ consilium fuisse statuo, cum mollium nervorum quidam musculos moveant, ut secundum par: & durorum aliqui sensum impertiant, ut è cervice prodeuntes nonnulli, alique sparsi ad cutem rami, adeoque respexisse eo potius, ut quibus longum iter faciendum est, in ipso itinere salvos integrosque præstaret. *In figura* hoc discrimen observatur, quod etsi omnes nervi teretes sint ac rotundi, circa origines tamen nonnulli aliquantulum depreffi videantur. In optico quoque *sensibilem meatum* notavimus cum Herophilo & Galeno; in reliquis utcunque magnis nunquam id observare licuit. Sed *magnitudo* complures suggerit differentias. Respondet enim ubique (ut iusta solet esse Natura in omnibus) magnitudini earum partium, quibus distribuuntur; inque primis illorum, qui motui inserviunt. Nam qui sensum deferunt, potius sentiendi magis minusve exquisitam facultatem respiciunt, unde oculi insignem nervum obtinent, Hepar exiguum. Sunt ergo alii *crassissimi*, ut qui in brachia & crura distribuuntur: alii *mediocres*, qui ad sensum organa digeruntur; alii *graciles*, qui in musculos exiguos

Spiritus in substantia nervos pervadunt.

1.

Respondetur adversariis.

1.

2.

Vfus.

DIFFERENTIÆ.

A substantia.

Cur quidam nervi molles, alii duri.

A figura.

A cavitate.

A magnitudine.

Ab exortu.

propagantur. Notatu autem dignissimum illud est discrimen, quod *ab exortu* petitur. Nonnulli enim uno continuoque principio prodeunt, ut Optici; alii pluribus & distinctis, postea in se coeuntibus, ut tertium, quartum, & quintum par cerebri, dum in cranio adhuc est. Vtunque autem prodeant, alii, *secundum Veteres*, à Cerebro proprie & stricte sic dicto; alii vero, à spinali medulla exordiuntur; & hi iterum, vel à principio ipsius medullæ, dum scilicet adhuc in cranio est; vel à progressu, dum in spina fertur. At *nobis* omnes ad unum ex medulla cerebri oblongata prodire videntur, cum (quemadmodum ultimo libro docebimus) spinalem medullam, non ut vulgus, processum cerebelli oblongatum, sed tam cerebri, quam cerebelli productionem cum doctissimo Varolio credamus. Alii ergo dum hæc medulla calvariæ adhuc inclusa est, enascuntur; quorum communiter cum Galeno septem paria vel conjugationes censentur, utrinque enim prodeunt: non incommode tamen octavum par addideris, quod olfactui inservit: alii vero, postquam cranium reliquit, & per dorsi vertebrarum foramina procedit, jamque spinalis medulla proprie dicitur. Horum triginta paria sunt; septem medullæ cervicalis, duodecim dorsalis, quinque lumborum, tandemque sex medullæ ossis sacri. Hi omnes eadem serie & modo in utroque latere disperguntur, excepto solo sexto pari ejus medullæ, quæ in cranio adhuc est, cujus dexter nervus, aliter paulo ac sinister distribuitur. Ab illis, omnibus sensuum vocisque instrumentis, tum visceribus, rami transmittuntur: ab his, universis musculis, qui sub capite sunt. Cæterum, ut breviter loquamur, nec obscuritatem tamen inferamus iis, quibus nostra de cerebro sententia nondum cognita est, quam infra demum persequemur; illos nervos, qui ab oblongata cerebri medulla nascuntur, dum in cranio adhuc est, *Cerebri nervos* perpetuo vocabimus; reliquos vero, qui oriuntur, dum per spinam descendit, *nervos à spinali medulla proprie sic dicta profluentes* dicemus. Priorum officia nonnemo duobus carminibus expressit, quæ cum digna sint ut memoriæ mandentur, huc descripsimus:

Optica prima; oculos movet altera; tertia gustat;

Quartaque, quinta audit; vaga sexta est; septima lingue.

*Nervorum
paria 38.*

Sunt igitur nervorum in universum triginta octo paria, quæ diligenter unicuique addiscenda, qui feliciter medicinam facturum est, ut sciat quo loco remedia applicanda sunt, dum sensum aut motum alicujus partis, vel imminutum, vel prorsus abolitum videt. Sed nos nunc singulorum historiam aggrediamur à Cerebri nervis exordientes.

C A P V T I I.

De Nervis Cerebri.

*Primum par
cerebri.*



X octo conjugationibus, quæ à medulla cerebri oblongata, dum cranii limitibus adhuc coercetur, oriri diximus, primo loco se offert ea, quæ^a *Opticos nervos constituit*, fama apud omnes dissectionum proceres admodum celebratos. Hi enim non tantum, si crassitiem spectes, maximi sunt: sed etiam omnium corporis nervorum facile molliissimi.^b *Oriuntur* autem ex medio basis cerebri, parte anteriore, ex opinione Veterum; sed revera, si capite inverso dissectionem administres (quæ ratio genuina à Varolio primum ostensa est) ex principio truncorum priorum spinalis medullæ, ut quasi in occipitio eorum sit exortus, statimque versus conjugem sensim contententes, supra ossis sphæroidis sellam uniuntur, (non, ut voluerunt quidam, tantum junguntur) & commune corpus quadratum confusa interiore medulla constituunt. Inde protinus iterum separati, uterque in sui lateris oculum oblique fertur, per^c foramen, quod ossis cuneiformis primum est, orbitam ingredientem, & in ipsum oculi centrum desinentes. In hoc pari commode licebit demonstrare duas illas membranas, quas dixi in nervis esse, à duabus cerebri meningibus derivatas: tum ipsam etiam substantiam interiorem medullarem, quæ à Cerebri corpore proficiscitur. Ipse tamen nervus in plures ramos, ut alii, non discinditur; sed latefcens, oculi tunicas constituit, & ex crassa quidem membrana, Corneam; ex tenui, Vveam: ex medullari autem substantia, Retinam efformat. Cum primum enim ad oculi centrum appulit, membranae hæc expanduntur, & humores sphæra confecta in se concludunt. Nervi hi oculis videndi facultatem subministrant, unde

*Exortus
ipsius.
Progressus.*

Insertio.

*Membrana
degenerant in
tunicas oculo-
rum.*

a, 7. l. 1.

b, 10. l. 1.

*c, 2. l. 1. M.
& 2. l. 1.*

unde ipsis obstructis vel compressis cæcitas oritur. His Galenus foramina ascripsit, & ^{visu.} Herophilus propterea ^{Foramina} ^{nervorum} ^{opticos.} *ὀφθαλμικὸς ὁριστικός* *visorios meatus* indigitavit, docentes sensibilem & conspicuam ipsis inesse cavitatem, quibus tamen omnes fere Anatomici contradicunt. Ego vero in Patavino Gymnasio & frequenti multorum confessu superioribus annis ostendi, meatus quosdam à principio nervorum, usque ad illum locum, ubi coeunt invicem, productos esse, mox inde versus oculum evanescere. Ac proinde non tantum excusari posse Veteres, sed etiam vera scripsisse monstravi, præsertim cum nullus eorum fuerit, qui insignes hos ductus esse prodiderit: sed tantum meatus ejusmodi, qui non prorsus visum effugiant, si quis ad lucem claram in magno animali, statim postquam mactatum fuerit, id velit expendere. Has enim tres condiciones & ipse Galenus lib. VI de Placit. cap. IV, & libr. de Oculis, ut quis conspiciat, requirit. Cæterum antequam hinc discedamus, problemata quædam in medium adducam, ut præter ipsam ^{Problemata.} historiam usum quoque demonstrem eorum, quæ à me dicuntur, imprimis cum nostra tempestate ab iis fere tantum dissectionis studium colatur, qui medicæ arti industriam suam locant. Primum ergo sit, quæ causâ fuerit, ut multi ex pluribus (præsertim sibi de industria concitatis) sternutationibus in cæcitatem derepente lapsi sint. Fit hoc, vel quia arteriarum carotidum rami, qui nervis opticis sic vicini sunt, ut tangant, repleantur & repleti hos comprimant: vel, quia copiosus, isque pituitosus humor ex cerebro ad opticos nervos traductus fuit, qui obstruxit. Illos, quandoque setaceo curatos vidi: hos, quibus ab humoribus pituitosis malum hoc enatum fuit, nunquam convaluisse memini, nisi quemdam luevenerea laborantem, qui hydrargyro inunctus, liquefactis omnibus humoribus, sanitati restitutus fuit. Sed boni piique Medici non est, ea in usum revocare, quæ periculi plena plus damni afferant, si noxia sint; quam boni apportent, si proficua. Et satius est profecto cæcitatem non pellere, quam mortem adducere: quamvis plerumque quos ratio non juvat, eos temeritas juverit, ut eleganter inquit elegantissimus Medicorum Celsus. Interim in oculorum affectibus, qui in medica praxi ^{Observatio.} versantur, ea quæ per palatum pituitam educunt, adhibere discant potius, quam ad nares noxios humores attrahere. Vt taceam præter periculum quod evitant, plus etiam commodi ex masticatoriis nasci, quod tum experientia longa hætenus docuit, tum Anatomia persuadet, cum nervi optici in suo exortu non longe à palato distent: longius autem à spongioso osse, & via sit præter naturam ad quam humores ducuntur, ut dabitur dicendi occasio inferius, & jam ante me à doctissimo Vesalio demonstratum fuit. Quæritur deinde, quo pacto extra orbitam oculus, non rupto nervo optico possit excidere, ^{1.} cujus rei quamplurimas habemus historias. Sed non difficile est respondere ex iis quæ ante dicta sunt, nervos scilicet admodum extendi secundum longitudinem posse. Dum ergo humiditatis plurimum hic suscipit in inflammationibus oculorum, facile fit, ut laxetur: ipsi autem muscoli plurimum intumescences, cum amplius in orbita contineri nequeant, extra profiliunt. Plerumque enim ab inflammationibus oritur oculorum procidentia, quales sunt historiæ doctissimi Vegæ, qui mulierem quidem, procurato menstruorum fluxu: at juvenem inunctionibus digerentibus curavit. Dignissima autem mentione quæstio est, & cui explicandæ occasionem mihi suggerit ^{2.} quod legi apud nonnullos, cæcos à vulnere transversim fronti inflicto, nonnullos vero à copioso alvi profluvio derepente exorto, visum & quidem subito recepisse. Causâ non fuit alia, quam compressio horum nervorum à conterminis vasis, venis puta & arteriis sanguine tumidis enata, quas sine mora vulnus tale evacuavit. Quamobrem & ego nonnunquam, nec sine fructu, in ea cæcitatæ specie, quam Barbari *Guttam serenam* appellant, ^{Nota.} mediam frontis venam pertundo, ex quo sanguinem eò usque deduco, donec sua sponte fluere cessaverit.

^a SECUNDUM PAR à lateribus basis anterioris cerebri, prope primi originem ^{Secundū par.} ^{Exortu.} *Veteres* Anatomici enasci dicunt: ^b *at nova dissectio* demonstrat, ad principii spinalis medullæ intimam partem prodire, & in suo exortu sic unitos, ut angulum communem efficiant, quæ causa est, cur ad easdem partes uterque oculus simul commoveatur. Tenius est multo si cum primo conferas, & durius, exitque è cranio per ^c foramen secundum ossis cuneiformis, quod oblongum est, sicque oculi orbitam intrat. Mox in plures ^{Rami.} ^{1.} furculos dispescitur, qui ad musculos oculi vadunt: & *primus* quidem supra primum

par, sive opticum ascendens, in duos, tum palpebræ, tum oculi levatorem digeritur: ^{2.} *alter* valde conspicuus, pluribus furculis in adducentem disseminatur: *tertius* nec ipse ob- ^{3.} *scurus*, primo in duas, mox in plures fibras divisus, in oculi depresso- ^{4.} rem: *quartus*, in obliquum inferiorem, sive minorem circumagentem oculum versus angulum exteriorem. Tandem fibras quasdam tenues educit, quæ junctæ cum primo pari, exterioribus oculi membranis distribuuntur, adeo ut ad quatuor tantum musculos oculi hoc secundum *par* propagetur, tum ad eum, qui palpebram attollit. *Vsus* hujus *paris* est, facultatem motricem musculis oculorum impertire.

Tertium par. ^a **TERTIVM PAR** ex inferna & posteriore medullæ cerebri sede, exiguo nervulo ^{4, 7. 1. 3.} oritur, rectaque sub cerebri basi versus anteriora excurrit, secundæ conjugationi, cum qua dictum ^b secundum ossis cuneiformis foramen oculi orbitam ingreditur, atten- ^{b, 2. 5. N.} *sum*. Mox in quatuor ramos digeritur; ex quibus ^c *primus*, obliquorum oculi superio- ^{c, 7. 5.} ri & majori, sive Trochleæ musculo vocato, ramulum offert, inde per ^d foramen ossis ^{d, 2. 1. &} frontis supra orbitam exsculpto elapsus, in cutem & ^e musculum frontis (quem potius ^{e, 4. 1. 4.} supercilii musculum dixeris) definit. Ramus hic diligenter notandus est, quod obser- *varim* olim, ipso levi vulnere læso, palpebram prolapsam, dum supercilii musculus pro- *pterea* paralyfin incurrerit. Vidi etiam eandem paralyfin natam ex medicamentis fri- *gidis* & narcoticis, pro somno conciliando importunius adhibitis. Sed & ex his ratio *reddi* potest, cur Hippocrates 1 prognostic. inter lethalia signa retulerit, in acutis mor- *bis* semiapertis oculis dormire. Malum enim hoc signum est propterea, quod signifi- *cet* siccatos esse admodum nervos, adeoque & cerebrum; ex quo fit, ut ægri tales ple- *rumque* convulsi postea moriantur. Solet quoque in nonnullis Epilepsiæ præludium in *palpebris*, facie tota ac oculis eodem nomine oboriri, cum tertium hoc par ab hu- *moribus* epilepsiam generantibus vellicetur, sicque convulsio oculorum & faciei nascat- *ur*. ^f *Secundus* ramus, deorsum fertur & per ^g quarti maxillæ superioris ossis foramen, ^{f, 7. 1. &} ^{g, 2. 1. &} ^{2. 7. 1.} quod sub oculi orbita est, excidit, statimque in faciei anteriore parte in plures dissectus *propagines*, in musculos superius Labium & nasi alam abducentes, tum in ipsum labium *ac* gingivas dentium incisiorum absumitur. ^h *Tertius*, per ⁱ foramen secundi ossis ma- ^{h, 7. 1. &} ^{i, 2. 1. &} ^{2. 7. 1.} xillæ superioris, post carunculam lacrymalem in oculi interiore angulo positam, in na- *rium* amplitudinem transmittitur, per tunicam ejus diffusus; ex quo fit, ut acutissi- *mo* sensu sit prædita, leviterque tantum attacta sternutationem efficiat. ^k *Quartus*, per ^{k, 7. 1.} ^{l, 2. 1.} ^{2. 7. 1.} eam rimam, quæ inter primum superioris maxillæ os est, & cuneiforme in externo *oculi* angulo, sive per quartum foramen ossis sphænoidis egreditur, & ad interiorem *temporalis* musculi partem secedit. *Vsus* hujus est, dictis musculis vim ac facultatem *movendi* adferre.

Quartū par. ^m **QUARTVM PAR** ex medulla cerebri, sede posteriore enascitur, & per foramen ^{m, 7. 1. 4.} ossis cuneiformis ⁿ sextum è cranio egreditur, rectaque descendens tres ramos à se pro- ^{n, 2. 1. Q.} ^{o, 7. 1. 5.} ^{p, 2. 1. 5.} ^{q, 2. 1. 5.} *pagat*. ^o *Primus* est statim à transitu, qui vitis aut cucurbitæ capreolorum in morem ali- *quoties* contortus, & ^p duobus furculis ^q nervi auditorii (de quo jam dicturi sumus) *unitus*, postea in maxillæ inferioris attollentem temporalem & abducentem, tum buc- *carum*, furculos digerit. Hinc ulterius descendens, ^r *secundum* promit, qui in gingivas *superiorum* dentium molarium, ipsos etiam dentes furculos seriatim propagat. ^s *Ter-* ^{s, 2. 1. 5.} ^{t, 2. 1. 5.} ^{b, 2. 1. 5.} *tius*, à posteriore parte egressus, ^t maxillæ inferioris foramen ad processum funda- *menta* in superficie interna insculptum ingrediens, radicibus dentium ordinatim ramu- *los* largitur, ac tandem per ^u *anteriorius* foramen in exteriore superficie positum egre- *diens*, in inferius labium ejusque cutem terminatur, quod ^x reliquum ejus est in linguæ *tunicam* juxta radicem exhauritur, & sic aptitudinem saporis dignoscendi offert. *No-* *tetur autem hoc loco*, duo hæc paria quæ nunc recensuimus, tertium inquam, & quar- *tum*, ab Anatomicis communiter pro uno recenseri, eoque tertio: sed hac tamen di- *stinctione*, ut dicant hoc ipsum duplici radice oriri, altera quidem tenuiore, altera *crassiore*. Tenuiorem radicem vocant, quam nos tertium par statuimus: Crassio- *rem*, quam nos quartum. Sed nos distinguimus, quod revera neque in exortu suo, *neque* in progressu invicem conjungantur. Quartum autem par quod ipsi statuunt, *à* tertio non videtur distinguendum, ut Valverda ipse libro VII Anatomix, cap. IV *concedit*.

^a QUINTVM PAR ex medulla cerebri oblongata; ea sede, qua cerebelli portio annectitur, prodit: enatum ex duobus nervis, quorum alter mollior, alter durior est. Egrediuntur hi una membranam, & per foramen ossis temporum, quod in processu ejus petroso insculptum est, insigne satis & tortuosum, auditus organa intrant. Inde *durior* illa portio confestim in priora abit, per canalem peculiarem vecta, ac rursus per idem os, oblique ad posteriora recurrit, & in primam auris internæ cavitatem secedit: hinc reflexus magis duas propagines educit; unam, superne; alteram, inferne: sed utrinque per proprium foramen transit. ^b *Superior* per transversum ejusdem ossis foramen fertur, per quod venula quoque in auditus organum pertransit, & paulo post egressum ^c quarti paris ramo, prout nos tradidimus; vel ut communiter alii paria numerant, tertii, quem capreoli vitis ritu in orbem agi diximus, commiscetur. ^d *Inferior* per tertium ejusdem ossis foramen, quod angustum valde est, & tortuosum exit, & transversim supra musculum maxillæ inferioris lateralem delatus, in fauces descendit, aliquam multis propaginibus in nares disseminatis. Confestim autem ^e quarti paris propagini capreolum imitanti commiscetur, sive furculo illi, qui ad linguam abit, à qua ad dentium radices, & musculos buccarum, uti & cutim auriculæ radicem ambientem abit. Per hunc ramum Anatomici credunt fieri, ut qui surdi nascuntur, etiam muti fere fiant. Cæterum *mollis* illa portio, cum dura portione fertur: at ubi ad primam auris illam cavitatem pervenit, membranæ in modum per ipsam expanditur, sicque merito Nervus auditorius dici meretur, cum spiritus omnes ad auditum ipse suggerat.

Quintū par.
Exortus.

Dux portio-
nes.
Durius.

Mollis.

^f SEXTVM PAR paulo magis versus inferiorem ac posteriorem partem, quam quintum exoritur: nec uno, sed compluribus à se diremptis nervulis, qui tamen statim simul junguntur, etsi non adeo coalescant, ut unicum omnino efforment, sed duos distinctos semper, una tamen membrana à dura cerebri meninge enata coercitos, quæ res imposuit multis, ut pro uno habuerint. Sic juncti descendunt simul è cranio per ^g secundum & tertium foramen occipitii, per quod idem minor Carotidis arteriæ & major venæ Iugularis ramus calvariæ ingrediuntur. Duo ergo cum sint nervi, *alter* in egressu magis vergit ad partem priorem dicti foraminis, ac *minor* est: *alter*, ad posteriorem, ac *major*. Ille, mox ab egressu è cranio recta deorsum ad linguæ fauciumque musculos tendit, & ad partes in ore collocatas, in quas totus absimitur: *hic* contra, ^h *primam propaginem* ad eos, qui posteriorem cervicis partem occupant, præcipue in primum scapulæ musculum, sive Cucullarem: deinde septimo pari, dictæque Arteriæ & Venæ membranarum quarundam beneficio adhærens, ad laryngis latera descendit, cujus musculis, præcipue internam cavitatem tenentibus, transversim ⁱ furculos largitur. Hic cum plures nervorum propagines inter se concurrant, iterumque disjungantur, *plexus* quidam constituitur, in quo *nodi* glandulis, vasorum divaricationibus attentis, non absimiles reperiuntur, quod primum observavit doctissimus Anatomicorum Fallopius, qui olivaris corporis imaginem referre voluit. Cæterum ipse nervus major, inter eadem, quæ dixi, vasa medius incedens sensim à larynge ad asperam arteriam fertur, ad cujus latus descendens, ad Thoracem tendit. Prius tamen quam hunc ingrediatur, supra jugulum in duos ramos dirimitur; ex quibus alter, exterior est & minor: alter, interior & major. De horum distributione & propaginibus nunc breviter agemus, sed ita, ut cum dexter quam sinister truncus aliter dissemine-
& sinistri.

Sextum par.
Exortus.

Minor nervus.
Major nervus, & ejus propagines.

1.

2.
Plexus nervorum sexti paris.
Nodi.

Rami nervi majoris.

^k DEXTRI ergo nervi *ramus exterior*, protinus à divisione ^l propagines emittit ad flectentem caput Mastoideum vocatum musculum, tum hyoidis, sternohyoideum inquam, & laryngis, sternothyroideum; inde thoracis cavitatem ingreditur, ac ubi ad arteriam axillarem pervenit, ab interiore sui latere nunc tres, nunc duos educit ^m furculos, unum sub altero, qui circa dictam axillarem arteriam, tanquam axem, aut (ut verius dicam) trochleam quandam reflectuntur, & una coeuntes unum constituunt ⁿ nervum, qui dextro asperæ arteriæ lateri membranæ beneficio adnexus, ab infima sede ad summam recurrit, ad dextrum laryngis latus festinat, glandulæ incumbens, quæ dextri lateris radici apposita est. Hanc ubi superavit, in plures confestim ^o furculos dirimitur, quæ in sui lateris musculos in larynge sitos, & qui capita deorsum habent,

DEXTRI
nervi ramo-
rū historia.
Exterioris
propagines.

1.

2.

Dexter recurrens nervus.

habent, motum ipsis concedentes, absumuntur. Atque hic nervus à progressu ^a *Recurrrens* dicitur, estque celeberrimus apud omnes, à sapientissima Natura magna prudentia conditus, ut in musculos laryngis, quorum capita deorsum spectant, inferatur, cum omnes nervi motum largientes capitibus inferi debeant, & versus finem spectare, non contra. Et quia larynx vocis instrumentum est, vox autem non nisi motis musculis perficiatur aut aperientibus laryngis cartilagine, aut claudentibus: idcirco constri-ctis vinculo, aut abscissis his nervis, qui facultatem se movendi contrahendique musculis impertiunt, vox animali demitur. Id in canibus aut porco, quod ille latrando, hic grunniendo indefinenter vocem edat, egregie demonstrari potest. Altero enim nervo resec-to, dimidium vocis adimitur; at utroque protinus tota aufertur. Constituta recurrente propagine, ramus exterior sub jugulo oblique descendens, postquam in itinere ^b *furculos mediocris amplitudinis* in Pleuram & Pulmonis tunicam digessit, tum ^c alios Pericardio & Cordi ipsi largitus est, ulterius descendit intra mediastini duplica-turam, & juxta vertebrae in duos ^d ramos dividitur, qui *stomachicum nervum dextrum* ^e constituentes oblique feruntur, & diaphragma inde una cum oesophago perforantes, cui nullum tamen ramum impertiunt, in sinistram Ventriculi orificium ^e pluribus ra-mis, reticuli instar, exhauriuntur, id quod ita cum sinistro nervo cingunt, ut totum ex nervis constare videatur. Hinc tantus non modo cum cerebro ventriculi consensus est; sed etiam cum corde, ut ii affectus, qui officio superiori dolorem inferunt, cor-dis esse videantur, & revera quoque sint, patiente eodem corde dolorem ob dolen-tem hunc nervum. ^f Atque hæc vera causa est, nervi scilicet hujus communio, non

Vnde consen-sus Ventriculi & Cordis.

Interioris trunci pro-pagines.

Rami tres.

1.

2.

3.

SINISTRI nervi ramo-rum historia. Exterioris pro-pagines.

1.

2.

3.

Recurrrens si-nister.

4.

5.

6.

Interioris pro-pagines.

1.

2.

3.

^g SINISTRI autem *nervi* ^h *ramus exterior*, statim in descensu Pleuræ primum & Pul-monis tunica extrorsum, mox Pericardio ac Cordi ipsi furculos introrsum offerens, ad arteriæ magnæ truncum descendente ea sede, qua primum è corde prodit & ad spi-nam inflectitur, ⁱ tres educit furculos, qui ad dictam arteriam revoluti in unum coeunt ^j *nervum*, qui *sinister* ^k *Recurrrens nervus* vocatur, & similiter ut dexter sursum progreditur & in laryngis musculos propagatur. Inde *tenuem* educit *furculum*, qui per cordis basin ejusque tunicam capillorum modo distribuitur. ^l Reliquum postea descendit, & dex-trorsum oblique se inclinans ad orificium superius Ventriculi abit, in cujus partem dex-tram, ut dexter ante in sinistram, diffunditur, multos in ramulos, retis in modum, dis-tributum. Ab hoc *furculus* secundum elatiorem Ventriculi regionem ad pylorum de-fertur, quem ubi nonnullis furculis quasi implicavit, ^m in cavum jecoris proficiscitur. ⁿ *Interior ramus*, primum ab intercostalibus propagines assumit, deinde diaphragma penetrans in tres propagines dividitur. ^o *Prima*, quæ transversim ad ^p *Lienem* proficisci-tur, & in itinere ^q *duos furculos* educit; ^r *unum*, qui similiter in inferiorem omenti mem-branam & coli intestini partem, quæ ipsi attenditur; ^s *aliud*, qui in Ventriculi fundum ^t *sinistram* superioremque omenti membranam mittitur. ^u *Secunda*, in mesenterii sini-stram partem, ejusque loci intestina abit. Nonnunquam etiam furculos promit, qui cum vasis seminariis ad testes per processus peritonæi excurrunt. ^v *Tertia*, sinistram ^w *renem*

renem ejusque pinguem membranam : quod ^a reliquum est, ad sinistram vesicæ & uteri fundi partem accedit. *Ufus* hujus paris ut satis manifestus est, ita nobilissimus ; cum *exterior ramus*, visceribus mediis : at *interior*, omnibus infimi ventris ramulos largiatur, & dexter quidem, dextri; sinister autem, sinistri lateris. Præter hunc usum, Recurrentibus quoque ramis ad vocem formandam confert, facultatem motricem Laryngis musculis impertiendo.

^b SEPTIMUM PAR in postrema occipitii sede, ubi medulla cerebri jamjam cranio egressura est, exoritur, adeoque omnium in Calvaria nascentium nervorum durissimum habetur. Oritur autem aliquot radicibus inter se disjunctis, quibus utrinque in unum coeuntibus, per ^c quartum & quintum occipitii foramen (quæ inter maximum illud, unde spinali medullæ descendenti via patet, & illud, ex quo sextum par exit, sita sunt) cranium egreditur, statimque post egressum cum sexto pari membrana communi involvitur, unde quidam non diligenter advertentes commisceri crediderunt, sicque una descendunt. Vbi ad linguæ radicem pervenit, in omnes ejus musculos ^d surculos digerit, nonnullos etiam ad quosdam ossis hyoidis & laryngis transmittens, quemadmodum & eos, qui à styloide appendice initium petunt. *Ufus* hujus conjugationis est, facultatem sentiendi movendique à cerebro linguæ musculis deferre.

Septem his paribus, quæ vulgo sic recensentur, ^e OCTAVVM addimus, quod nervos olfactorios constituit, per quos à cerebro ad externos rerum odores apprehendendos facultas defertur. Hos vulgo ex cerebri substantia medullari in basi ipsius juxta primum par pronasci asserunt : at sectio cerebri nova, quæque inverso administratur ordine docuit, ad cerebri extrema latera oriri ea sede, quæ supra auditus foramina est; unde patet, hæcenus dimidia tantum sui parte demonstrata fuisse. Sunt autem in exortu suo admodum acuti & à se distantes : cæterum sensim versus priora proficiscentes, inter supremam & mediani cerebri prominentiam crassiores evadunt, & ad se inclinant propius, sicque tandem supra ossis spongiosi sinus intra cranium recumbunt. Intruduntur hi in cerebri processus mammillares : at Galenus & Marinus (quos fere tota Anatomicorum cohors sequuta est) Nervorum nomine vocare noluerunt, etsi colore, ductu, & usu ipsis omnino respondeant, quod nec productiones reliquorum nervorum instar habeant, nec cranii cavitatem egrediantur : sed mihi non aliud profecto committere sophisma videntur, quam ii, qui dentes à numero ossium expulerunt, quod membrana exterius non investiantur, ut alia, etsi hoc neque ad ossium, neque illud ad nervorum essentiam quidquam faciat.

CAPUT III.

De nervis spinalis medulla proprie sic dicta, & primo quidem vertebrarum Cervicis.



ATVRA solers rerum parens quemadmodum Nervos condidit, ut essent vehiculum facultatis spirituumque in Cerebro genitorum, quod Cerebrum ipsum per totum corpus diffundi haudquaquam poterat : sic cum idem minime posset Nervos universis partibus opportune largiri ob nimiam distantiam, Spinali medullam effinxit, quæ nihil aliud est, quam cerebri cerebellique medulla per longum dorso vertebrarum ductum extensa.

Proinde visis jam iis nervis, qui à Cerebri medulla, dum adhuc in cranio coercetur, originem suam ducunt : reliquum nunc est, ut & eos inspiciamus, qui proficiscuntur ab eadem medulla spinæ vertebrae inclusa. Dicitur autem medulla, non quod affinitatem aliquam cum medulla ossium ratione suæ substantiæ obtineat : sed quia medullæ instar vertebrarum ossibus inclusa est : at substantiam continet cerebro similem, quam & ipsam Plato medullam vocabat, & hoc nomine spinalis vel dorsalis dicitur, ad differentiam utriusque, in spina non coercitæ, sed vel in calvaria, ut Cerebrum, vel in ossium cavitate, ut quæ proprie medulla indigitatur. Substantia hæc duabus tegitur membranis, non secus ac Cerebrum ipsum, unde originem deducit ; altera, crassa ; altera, tenuiore ; quas involucrum quoddam tertium, validum & membraneum investit, quod Galenus vertebrarum ligamentum putavit. Facta autem in eum finem est, ut motum &

Conjugationes,
sive paria spi-
nalis medulla.

Vnde prodeant
nervi ex spina.

Nota.

Primum par
cervicis.
Prius princi-
pium.

Posterioris prin-
cipium.

Secundi
paris
Prius princi-
pium.

Posterioris prin-
cipium.

Tertii paris
Ramus ante-
rior.

sensum musculis & membranis, ad quas Cerebri illa paria non pertingunt, distribuat. Proinde cum nervorum ab ea nascentium bene magna sit multitudo, eam tamen ad certas quasdam classes facile reduxerimus, si dicamus omnes *triginta* constituere paria, ex quibus *septem* ad medullam pertinent, dum per cervicis vertebrae vehitur; *duodecim*, dum per thoracis; *quinque*, per lumborum; & tandem *sex* ad eam, quæ sacri ossis foraminibus continetur. Egrediuntur autem nervi hi per foramina vertebrarum; & *vel gemino exortu*, priore ac posteriore parte, quemadmodum accidit in primis duabus colli & quinque sacri ossis conjugis, quæ non à lateribus, hoc est, dextra vel sinistra parte oriuntur, sed antè & postèrè binos ramos educunt: *vel simplici*, per unum in utroque vertebrarum latere exsculptum, ut in reliquis ad unum omnibus evenire solet, in quibus unus nervus à dextro, alter à sinistro latere procedit. *Primum* autem & *secundum par* à *gemino initio incipit*, ne si simplici inchoaret, à vertebrarum commissura læderetur, quod crassius foret: aut si foramen majus fieret, vertebrarum os, quod per se satis tenue fuit, ruptioni obnoxium redderetur. Vtrumque ergo malum ut evitari posset, duplex initium sapiens Opifex exstruxit: unum quidem, ab anteriore; alterum vero, à posteriore parte. *Cæterum* ubique dextri rami ad dextrum latus, sinistri ad lævum abeunt, & eodem utrobique modo distribuuntur.

^a *PRIMUM* ergo par, ^b *primo* & *priore principio*, ab anteriore spinalis medullæ parte ^{g, 7 m. l.} exoritur, & inter occipitis os ac primam cervicis vertebram egreditur, juxta latera illius ligamenti teretis, quo supra dentiformem secundæ vertebræ processum occipitis ossis anteriori lateri alligari diximus, atque sic in musculos collo insidentes & œsophago substratos, cervicis, inquam, flexores distribuitur. ^c *Altero*, & *posteriore*, similiter per foramen, quod occipitis ossi ac primæ cervicis vertebræ commune est, juxta posteriorem partem excidit, sed *gemino surculo*; quorum *alter*, gracilis, in rectos minores & superiores obliquos capitis extensores absumitur; alter, in principium musculi scapulam attollentis exporrigitur.

^d *SECUNDUM* par ^e *priore principio* (quod gracilius est posteriore, quamquam ^{h, 7 m. l.} utrumque sat gracile videatur) ab anteriore medullæ parte enato, inter primam & secundam vertebram ad latus processus dentiformis exit, quod in musculos collo incumbentes, quemadmodum & primi paris ramus prior, qui inter se complicantur, distribuitur, totumque fere in faciei cutim exhauritur. ^f *Posteriore*, per latera posterioris ^{f, 7 m. l.} secundæ vertebræ processus elabitur, sed mox in duos ramos inæqualis amplitudinis finditur; quorum *ille*, qui ^g *crassior* est, à priore parte ad posteriorem contendit, qua ^{g, 1} inter se musculi, utrinque cervicis partem posteriorem occupantes, congregiuntur, ibique ^h commixtus cum ⁱ *terti* paris nervorum surculo *tertio*, per medium dictorum ^{h, 1} musculorum excurrit, ex posterioribus ad anteriora revertens, sicque in ^k *universam* ^{k, 1} capitis cutem ad usque summum verticis, quemadmodum & ad aures distribuitur. *Alter*, qui *tenuior* est, in rectos majores & obliquos inferiores capitis extendentes musculos inseritur. De hisce ramis Galenus mentionem facit libro *iv* de Locis male affect. quem locum non pigebit huc transcribere, cum ad hujus doctrinæ usus illustrationem plurimum faciat. *Caput*, inquit, *cujusdam non ita pridem impositis medicamentis vehementer calefacientibus ulceraverunt, putantes sensum ipsius graviter læsum hoc pacto posse revocari. Nos vero hunc ipsum sanavimus, inventa sede affecta tum ex reliquis accidentibus, tum ex procatarcticis causis. De singulis enim diligenter interrogavimus, atque unam ex ipsis hanc esse invenimus, cum sub multa pluvia à vento impetuoso ambulasset, pallium circa cervicem madefactum, adeo ut vehementi se frigore in ea parte affectum sentiret. Itaque si sciveris, ex primis spina vertebris quatuor nervos ad caput ascendere, à quibus cutis ipsum ambiens sensum accipit, facile sedem affectam invenies. Hac igitur sanata, capitis quoque cutis sanata est, utpote quæ nulla primaria affectione laborabat. Atque hinc satis apparet, quanti intersit medendi rationi sedem affectam bene investigasse; ei vero inquirendæ, Anatomæ esse quam peritissimum.*

¹ *TERTIUM* par, ex communi & laterali foramine, quod inter secundam & tertiam ^{l, 7 m. l.} vertebram est, emanat, statimque ab egressu in duos ramos scinditur, ex quibus ^m *ante-* ^{m,} ^{n,} ^{2, 8} *rior* in quatuor propagines subdividitur. ⁿ *Prima*, primum cervicem flectentium, sive ^{o, 7 m. l.} longum accedit: ^o *secunda* descendit, & cum ^p *surculo* quarti paris unita in musculos œso- ^{p,} ^{q,} ^{2, 8} *phago* subjacentes finitur: ^q *tertia*, ascendens, cumque ^r *secundi* paris modo dicti ramo ^{r,} ¹ *crassiore*

crassiore coiens, in cutim capitis posteriorem exhauritur. ^a *Quarta*, communicata primum musculis transversalibus, sive primo pari cervicem extendentium & scapulæ levatori; quorum ille, in transversis processibus cervicis finem; hic, initium habet: tandem in quadratum buccas detrahentem, quem *πλάτυσμα μυῶδες* à Galeno vocari diximus, digeritur. ^b *Posterior*, in secundum par thoracem extendentium implantatur.

^c *QUARTVM par*, ex communi foramine tertiæ quartæque vertebrae prodit, ac perinde ut tertium in duos ramos inæquales diducitur. ^d *Anterior* & *major*, in tres alios furculos finditur: quorum ^e *primus* ^f cum alio tertii paris ramo jungitur, & ad primum par & longum cervicem flectentium proficiscitur: ^g *alter*, in transversalem cervicis seu primum extendentium, & primum scapulæ musculum, Cucullarem dictum: ^h *tertius*, cæteris gracilior, cum quinti paris furculo, & quinti cum sexti uniti ramo junctus, juxta mediastinum seu thoracem intersepientem membranam, & supra pericardium deorsum procedit, ut ex tribus hisce principiis nervus diaphragmatis exstruatur. ⁱ *Posterior*, versus spinam commigrat sub musculis eo loci collocatis, quibus etiam aliquam multos ramos largitur, inde inter musculos utriusque lateris cervicis deorsum delatus ad quadratum buccas detrahentem musculum fertur. *Hoc loco operæpretium est querere*, quæ ratio sit, quod qui resolutione totius corporis tentantur, nihilominus Diaphragmatis motum liberum aliquamdiu habeant. *Respondent nonnulli*, id fieri, quod etsi à cerebro nihil spirituum transmittatur, attamen ex spinali medulla diffundi queat. Sed illi id quod in principio est petunt, cum nos ponamus nihil hinc spirituum venire, quod videamus omnes totius corporis musculos, ad quos à spinali medulla nervi mittuntur, resolutos esse. *Quare aliam responsionem querendam duxi*, dicendumque, Diaphragmati duos motus competere; unum, qui est voluntarius, quo utimur dum valide respiramus; alterum, naturalem, ubi fibræ per se extenduntur & contrahuntur. Hoc ergo naturali motu Homo servatur, cum videamus respirationem illam parvam esse & debilem, ac quanta sufficit, ut pulmones moveri aliquantulum possint.

^k *QVINTVM par*, inter quartam & quintam vertebra exit, & perinde ut duo proxime præcedentia, in duos ramos finditur. ^l *Anterior*, aliquot furculos educit. ^m *Primus*, cervicis flexores petit. ⁿ *Alter*, cum quarti & sexti paris propaginibus, quandoque & septimi, tum scilicet cum quarti ramus deest, juxta latus œsophagi per vertebrarum cervicis anteriora descendit & diaphragmati inseritur, sicque nervum phrenicum constituit. ^o *Tertius*, ad secundum humeri musculum, attollentem scilicet & Deltoidem dictum, per humeri sedem superiorem & externam fertur, unde ramuli primo & secundo, hoc est, Cucullari & levatori scapulæ musculo transmittuntur. ^p *Quartus*, ad scapulæ cervicem in duos scinditur; quorum ^q *prior*, in Deltoidem, qua parte à clavicula enascitur, abit: ^r *posterior*, & crassior in quartum par ossis hyoidis, quod coracohyoideum vocant, inseritur; inde musculo superscapulari superiori & deltoidi, qua parte à scapulæ spina oritur, ramulum impertitur. ^s *Posterior*, versus spinam torquetur, & eodem modo ac posterior quarti paris ramus distribuitur.

^t *SEXTVM par*, sub quinta vertebra egreditur, similiter ut reliqua paria in duos ramos divisum. ^u *Anterior*, & *major*, ubi *furculum* ^x illum propagavit, quem cum ^y quarto quintoque pari diximus jungi, ad ^z nervum phrenicum constituendum, ulterius procedens cum duobus sequentibus, septimo inquam colli primoque thoracis pari unitur, rursusque ab illis disjungitur, & iterum cum iis unitus, retiformem quendam plexum efformat, à quo nervi prodeunt, qui ad brachium feruntur. ^a *Posterior*, fertur ad musculos posticos, caput & cervicem extendentes.

^b *SEPTIMVM par*, à medulla derivatur cervicis, & per commune foramen sextæ septimæque vertebrae prodit. Hujus *ramus anterior*, & *major*, ^c cum sexta colli ac prima thoracis statim ab egressu suo conjungitur, & ad brachium maxima ex parte cum cæteris fertur. ^d *Posterior*, & *minor ramus*, ad musculos cervici incumbentes, & quadratum buccas detrahentem abit.

Posterior.

Quartū par.

Ramus anterior.

Propagines.

1.

2.

3.

Posterior.

ÆSTIO.

Quintū par.

Ramus anterior.

Propagines.

1.

2.

3.

4.

Posterior.

Sextum par.

Ramus anterior.

Propagines.

1.

2.

Posterior.


Septimū par.

Anterior ramus.

Posterior.

CAPUT IV.

De nervis medulla vertebrarum Thoracis.



Omnia Tho-
racis conjugia
bifida.

SPINALI medulla, dum per dorſi vertebraſ excurrit, duodecim conjugationeſ prodeunt, ut recte doctiſſimus Veſaliuſ cenſuit, utcuſque in totidem vertebraſ undecim tantum foramina ſint exſculpta, quemadmodum objiciebat Columbuſ, quia inter extremam cerviciſ vertebraſ, & primam dorſi, primum par intercedit, quare inter thoraciſ potiſ quam colli paria adſcribi debet. *Omnia hæc conjugia poſt egreſſum bifariam dividuntur; alterque ramuſ, qui major eſt, ſemper antorſum; alter, qui minor, ad poſteriora reflectitur, & ad muſcuſoſ dorſo incumbenteſ.*

Primum par.

^a PRIMVM ergo par nervorum, qui à medulla thoraciſ prodeunt, ex communi foramine ſeptimæ cerviciſ vertebraſ, primæque thoraciſ egreditur, eodem modo atque quinque proxime dicta paria, eademque etiam ratione in duoſ ramoſ conſeſtim dividitur.

Anterior ramuſ.

^b Anterior & major, ^c partim ſeptimo cerviciſ, partim ſecundo thoraciſ nervo unitur, eo modo, quem antea expoſuimus; ^d totuſque ſic in brachia poſtea exhauritur, ^e unica propagine excepta, quæ ad principium ipſiuſ enata dictiſ conjungitur, & in priora juxta primæ thoraciſ coſtæ longitudinem ad ſternum excurrit, ſubclavio muſculo ſurculum elargiens, deinde reflexuſ ſurſum in muſcuſoſ, qui à ſterni ſummo originem ducunt, abſumitur. Taleſ ſunt flexor capitiſ, Maſtoideuſ dictuſ, detrahent hyoideſ, ſive ſternohyoideuſ, & primuſ thyroideſ laryngiſ cartilaginem extendentiuſ, ſive ſternohyoideuſ. In hoſ tamen poſterioreſ duoſ nonnunquam rami à ſexta cerebri conjugatione & tertia thoraciſ tranſmittuntur. Idem etiam ramuſ ubi alam exceſſit, commigraturuſ ad brachium aliam quandam ſobolem à poſteriore ſui ſede educit, quæ ad muſculum ſcapulæ cavitatem occupantem abit. ^f Poſterior ramuſ & minor, ſub muſcuſiſ, qui vertebraſ adnati ſunt, latitat, & ſoboleſ aliquot in ſecunduſ cerviciſ flexorem muſculum, & extendenteſ Caput ac Cervicem impertit: at ubi ſeptimæ vertebraſ ſpinam attingit, tranſverſim ad humiliorem ſedem abit, & in inferioreſ partem primi ſcapulæ muſculi ſeu Cucullariſ, & tertii ejuſdem ſive Rhomboidiſ, tum ſerratuſ poſticuſ ſuperioreſ ſurculoſ digerit.

Secunduſ par.
Ramuſ anterior.

^g SECUNDVM par, inter primam & ſecundam thoraciſ vertebraſ erumpit, & perinde in duoſ ramoſ finditur. ^h Anterior cum primo thoraciſ pari unitur, atque ſic cum quinto, ſexto, ſeptimoque cerviciſ, primum ac ſecunduſ thoraciſ nervoruſ paria uniuntur invicem, ut alii ab aliis non dignoſcantur, ſed rete efficiant, haud diſſimile illiſ galeriſ, quæ ex Cardinaliuſ pileiſ dependent; ex quo poſtea omneſ nervi, qui ad brachia vadunt, emergunt & originem trahunt. hic ⁱ ramuſ ſpargit, qui per primum coſtaruſ intervalluſ ſecunduſ primæ coſtæ ductuſ ad uſque pectoriſ oſ progreditur, primum intercoſtaleſ nervuſ conſtituenteſ, à quo ^k ſurculi in muſcuſoſ thoraciſ incumbenteſ diſtribuuntur. ^l Poſterior ramuſ, eandem quam præcedentiſ pariſ, diſſeminationem habet.

Reliqua decem paria.

^m RELIQUA decem paria nervoruſ thoraciſ, eandem & exortuſ & diſtributioniſ rationem obſervant. Omnia enim è communibuſ vertebraruſ foraminibuſ ad latera prodeunt, & ab egreſſu ſtatim in duoſ inæqualeſ finduntur ramoſ; quoruſ alter, anterior eſt & major; alter, poſterior & minor. ⁿ Anteriores, qui intercoſtaleſ nervoſ conſtituunt, in priorē partē feruntur, & ſinguli ramuluſ ſecunduſ longitudinem ordine largiuntur interiori ramo ſexti pariſ, qui ſub pleura ad coſtaruſ radiceſ deſcendit. Rami hi cum veniſ & arteriis intercoſtalibuſ junguntur, cum quibuſ ſimul tranſeunt ſecunduſ coſtæ longitudinem ad partē priorē, per ſinuſ, qui ab inferiore & interna coſtaruſ ſede inſculptuſ eſt. Cæteruſ qui ad veras coſtaſ pertinent, ad ſternum uſque progrediuntur: at qui ad ſpuriaſ, in abdominiſ anteriora ſupra peritonæuſ feruntur. Ab hiſ multi rami in muſcuſoſ iutercoſtaleſ diſſeminantur, non tantuſ internoſ, ſed & exteriorēſ, quemadmoduſ & alioſ ^o qui thoraciſ incumbunt, qualeſ ſunt quartuſ & quintuſ ſcapulæ muſcuſ, ſive duo ſerrati antici, tum & ^p latiffimuſ humeruſ abducenſ. Similiter ^q in primum par muſcuſoſuſ abdominiſ, tum cutē thoraciſ ab intercoſtali

Anteriores
rami.

a. 7. l. 1.

b. 6.
c. p.
d. 33.
e. 7.

f. 7.

g. 7. 0. 3.

h. 6.

i. 6.

k. 2.

l. 7. l.

m. 7. 0. 3.

10. 11.

&c. ne

ad 1 in-

cluſi

n. 7.

o. 2.


p. 2.

q. 2.

costali quinto circa costæ medium propago musculum intercostalem perforans abit : & quadripartita in pectoralem humerum adducentem , tum cutim distribuitur , à quibus ^a surculi papillas postea petunt , & acutissimum sensum impertiunt. ^b *Posteriores* re-
trorsum ad spinam contendunt inter musculos vertebri adnatos , qui thoracis extensioni præsumt. Nec tamen in hos toti exhauriuntur , sed ubi spinarum apices jam attingere , inter utriusque lateris musculos , qua parte sibi mutuo junguntur , excidunt ; sicque postea musculis omnibus , qui ab apicibus spinarum vertebrarum exoriuntur , nervos concedunt. Tales muscoli sunt primus caput extendentium Triangularis vel Splenius dictus , tertius scapulam movens sive Rhomboides , primus scapulæ Cucullaris , tertius humerum abducens latissimus, Aniscalptor vocatus, tum serratus posticus. Aliquamulti quoque surculi in cutem dorsi distribuuntur.

CAPUT V.

De nervis medulla vertebrarum Lumborum.



SPINALI medulla, dum per lumbos fertur, tametsi quatuor tantum foramina sint, quinque tamen paria oriuntur, cum inter ultimam thoracis vertebam & primam lumborum primum par intercedat. Perinde autem, ut de thoracis nervis diximus, & egrediuntur per communia foramina, & distribuuntur egressa, cum à singulis statim ab exitu *unus ramus*, *isque grandior*, ad anteriora : *alter minor*, ad posteriora dispergatur. *Anteriores rami*, ad abdominis musculos ; *posteriores*, ad eos excurrunt, qui vertebrarum spinis, ossibusque innominatis incumbunt, unde ramulos nonnullos & cuti lumbos investienti impertiunt. Eodem autem modo anteriores invicem nectuntur, primus cum secundo, secundus cum tertio, tertius cum quarto, & quartus cum quinto, quemadmodum diximus brachii nervos inter se, dum plexum retiformem constituunt, complicari.

^c PRIMVM ergo *par*, quemadmodum & cætera, sub peritonæo egressum vertebrarum commune foramen, quod inter ultimam thoracis & primam lumborum vertebam est, protinus ab egressu in duos finditur ramos. *Anterior*, qui major est, in diaphragmatis carneas portiones, tum principium primi fœmur flectentium musculi, *ψῶας* dicti, abit. ^d Ab hoc surculus quidam principium ducit, cum præparante arteria ad testem plerumque porrectus. ^e *Posterior*, in musculos lumborum vertebri à posteriore parte incumbentibus, ut sunt primus & tertius thoracem extendentium ; quorum ille dorsi longissimus ; hic, sacrolumbus dicitur, cum sit lumborum extensor : at ubi à spinarum apicibus prodeunt, qua parte musculi dicti sibi junguntur, ad latera excurrunt, & in latissimum humeri abductorem implantantur.

^f SECUNDVM *par*, sub primo fœmur flectentium musculo *ψῶας* egreditur, inter primam & secundam lumborum vertebam. Hujus *anterior propago*, ad secundum fœmur flectentium ossis ilium cavitatem implentem, & primum tibiam flectentium fascialem, tum cutim fœmoris digeritur. *Posterior*, abdomen egrediens, tribus fœmur extendentium, sive Glutæis, & tibiæ extensori membranoso distribuitur.

^g TERTIVM *par*, similiter sub primo fœmur flectentium musculo, inter secundam & tertiam vertebam prodit. *Anterior ramus* prope ilium ossa transit, duas propagines digerens ; *unam*, quæ ad genu, ejusque cutem proficiscitur : ^h *alteram*, quæ Venam malleoli interni, Saphenam dictam comitatur. *Posterior*, reflectitur & in musculos lumbis instratos disseminatur.


ⁱ QUARTVM *par*, omnium lumbalium nervorum maximum est, & sub dicto musculo fœmur flectente, tum pubis osse delatum, venam & arteriam cruralem comitatur.

^k QUINTVM *par*, & ultimum, inter quartam & quintam vertebam emergit, cujus *anterior ramus* foramen, quod inter coxendicis os, pubis atque ilium est, transit, & propagines duobus fœmur circumagentibus, Obturatoribus dictis ; alias, flectentium fœmur secundo & tertio offert ; alias, ad penis musculos digerit : *posterior*, in musculos & cutem vertebri instratam abit.

CAPUT VI.

De nervis medullæ ossis Sacri.

Primum par.



MEDULLA tandem, quæ ossis sacri vertebrae coërcetur, sex ultima nervorum spinæ paria egrediuntur. Ex his ^a *primum*, inter ultimam lumborum vertebrae & primam ossis sacri emergit, eodem prorsus modo, ac reliqua à lumborum vertebraeeducta, similiter eodem quoque modo in duos ramos distribuitur. *Anterior*, etsi nervis cruralibus admisceatur, ^b surculum tamen juxta ossis ilium internam regionem transmittit, & in abdominis musculos ac secundum fœmur flectentium dispergitur. ^c *Posterior*, in musculos ab ilium osse pronatos, maximeque in primum fœmur extendentium sive Glutæum magnum, tum cutim natium disseminatur.


Reliqua quinque paria.

RELIQUA Quinquè paria, propriam quandam rationem habent; adeo ut priusquam egrediantur ex osse, singula ab utroque latere gemina sint, sicque à singulis utrinque geminus nervus feratur; unus, in anteriorem; alter, in posteriorem partem. *Anteriorum tres superiores*, veluti & primi paris, ad crus abeunt: *duo inferiores*, in ani & vesicæ musculos: & *in fœminis* ad uteri cervicem; *in viris*, ad penem: *in utroque autem sexu*, ad pudenda externa. *Posteriores*, distribuuntur musculis ossis ilium & sacri, posteriorem sedem occupantibus. Hujusmodi sunt primus & tertius thoracem extendentium, sive dorsi longissimus & sacrolumbus; flexor lumborum Sacer dictus, & latissimus humerum abducens, tum tres fœmur extendentes, natium authores, ideoque Glutæi dicti. Atque hic est spinalis medullæ extremus finis, quæ in coccygis os penetrans, hoc modo terminatur: hæcque historia triginta parium nervorum, quæ ex spinali medulla egrediuntur, quæ diligenter & accurate memoriæ mandanda est, ut sciamus cui loco remedia applicari debeant, si quando ab externa causa, puta casu ab alto vel contusione, aut insigni compressione pars aliqua vel motum, vel sensum, aut utrumque amiserit. Principio enim semper illius nervi, qui in affectam partem inseritur, applicanda sunt; non loco, in quo symptoma animadvertitur.

CAPUT VII.

De nervis per Brachia distributis.

Ortus nervorum brachii.



NUMERATIS nunc iis nervis, qui per viscera & musculos trium Ventrium disperguntur; reliquum est, ut eos quoque describamus, qui per artus propagantur. Occurrunt hic primum *per brachia digesti*, quorum sex paria vulgo ab Anatomicis constituuntur, orta à quinto, sexto, septimoque pari nervorum à medulla cervicis prodeuntium, & à primo ac secundo illorum, qui è thorace emergunt. Egrediuntur hi nervi per communia vertebrarum foramina utrinque, & protinus ab exitu inter se anterioribus majoribusque ramis uniuntur, mox à se iterum separantur, rursus junguntur, & postremo separantur, adeo ut videantur retiformem quendam *plexum* efformare, qui non melius quam cum galeris illis Cardinalium comparari potest. Nervorum hic implexus sub clavicula eo loci, quo Venæ Arteriæque axillares thoracis cavitatem egrediuntur prodit, & ab hac omnes brachii nervi originem suam ducunt. Incertus tamen admodum exortus est ob nexum; quamobrem nos in ipsis referendis cæterorum vestigiis, quam nostris observationibus potius insistemus, ne temere & præter necessitatem novarum rerum studiosi fuisse videamur.

Plexus nervorum brachii.

Primus.

^d PRIMVS ergo nervus, qui ad brachium fertur, soboles est duplex, tertia nempe & quarta anterioris rami quinti paris cervicis. ^e *Alter* enim ramus, ad secundum humeri musculum deltoideum fertur, & cutem ipsi instratam: ^f *alter*, versus scapulæ cervicem, ubi in duos finditur; quorum ^g *prior*, in deltoideum, qua parte à clavicula oritur, abit: ^h *posterior*, in quartum par musculorum ossis hyoidis, coracohyoideum inseritur; inde supercapulari superiori & deltoidi, quo loci à scapulæ spina oritur, ramulum largitur. *Hic*, per humeri elatiorem partem excurrit: at reliqui

at reliqui quinque nervi, per alam ad brachium feruntur, ibidemque in plures disperguntur ramos.

^a SECUNDVS crassior est, & à plexu illo retiformi, de quo diximus, originem sumit, neque tamen à quo nervo satis perspicuum esse potest. Hic per anteriorem & mediam brachii partem deferitur, quod sub primo cubitum flectente, sive bicipite musculo ea sede ingreditur, qua duo ejus capita inter se uniuntur, & ubi tendines inferuntur tum pectoralis humerum adducentis, tum deltoidis eundem attollentis. Sub hoc ergo musculo reconditus, ^b duos furculos utrinque unum emittit, qui duo capita bicipitis ingrediuntur; deinde circa medium longitudinis humeri, sub eodem bicipite musculo incedens, ^c alium furculum profert, quo mediante cum tertio nervo jungitur, indeque descendens ab externo latere in progressu ^d furculum distribuit capiti longioris radium pronatoris. Vbi jam ad cubiti flexuram pervenit, juxta externum latus tendinis dicti bicipitis muscoli ad membranam carnosam ductus, in cutem digeritur, duos in ramos divisus; quorum alter, externus est; alter, internus: ille, gracilior; hic, crassior. ^e Externus ergo, cum venæ cephalicæ ramo per cubiti sedem externam aliquo usque delatus, ad pollicis internodium secundum ^f distribuitur. ^g Internus, in duos ramos sub comuni brachii vena sive Mediana subdividitur; quorum qui ^h exterior est, obliquè sub cute procedens, relicta vena versus radium abit usque ad carpum: ⁱ interior vero, basilicæ ramo interiori, cum obliquius incedat, attensus, in cubiti regione in duos ramos præcipuos finditur; quorum ^k unus, per radii; ^l alter, per cubiti regionem ad carpum, indeque hoc superato, in manus internæ cutim distribuitur.

^m TERTIVS brachii nervus, sive tertius, qui ad brachium fertur, proxime secundo subjacet, & perinde ut ipse à plexu illo retiformi oritur. Hic dum per alam progreditur, antequam adhuc brachium attigit, ⁿ sobolem expromit, qui inter pectoralem humerum abducentem & deltoidem eundem elevantem sub cute dispergitur. Cum primum autem brachium attigit, sub Bicipitem musculum sive primum cubiti flexorem se recondit, ac deorsum una cum secundo nervo procedens, ^o ramulum in caput secundi cubitum flectentis expromit. Hinc descendens à secundo nervo ^p ramum accipit, quo mediante invicem junguntur, indeque ulterius per brachii anteriora in cubiti flexuram contendit, æquali semper intervallo à secundo nervo distans, interni humeri tuberculo ejusque anteriore sede invehitur. Vbi hoc superavit, complures ^q propagines educit, quæ una cum ramis à quinto nervo, qui per ejusdem tuberculi posticam regionem vehitur, diductis in musculos, internam cubiti sedem occupantes & ab interno humeri tuberculo enatos distribuuntur. Tales sunt duo quatuor digitorum extrema internodia flectentes, & ille qui tertium pollicis articulum curvat. Inde aliam expromit propaginem, quæ inter dictos hos musculos per radium una cum Vena arteriaque ad carpum deferitur, & sub transverso ligamento transiens, tenues quosdam furculos disseminat in abductorem pollicis musculum & duos primum ejusdem articulum flectentes. Posthæc ubi ad volam manus pervenit, in tres ramos ^r dirimitur; quarum prima, furculos duos pollici; secunda, duos indici; tertia denique, unum medio digito circa internum latus communicat.

^s QUARTVS nervus, omnium qui ad brachium feruntur amplissimus est, cum triplo fere cæteros crassitie vincat. Oritur hic non minus ac reliqui à plexu retiformi, indeque per brachium similiter ac tertius, ubique inter musculos in profundis latitans, vena basilica arteriaque axillari sociis deferitur. Protinus autem ac brachium ingressus est, ^t plures, sed exiguos furculos in capita musculorum cubitum extendentium derivat, & antequam ad dimidium longitudinis humeri pervenerit, oblique deorsum ad os humeri contorquetur, interque hoc & musculos cubitum extendentes progreditur. Prius tamen quam totus reflectatur, ab interno sui latere ^u furculum educit, qui inter dictos musculos, tum secundum cubitum flectentium incedit, & in cutim internam brachii sedem investientem absumitur, sursum deorsumque fibris nonnullis propagatis. Sobole hac disseminata, sensim properat per posteriorem sedem ad externum brachii latus, per sinum externi humeri ossis tuberculi in postica ipsius regione exsculptum invehitur, ubi similiter ^x furculum promit, qui cutem accedit humiliori sedi externi lateris brachii obductam; deinde ^y alium, qui in cutim usque in carpum digeritur. Inde juxta cubiti articulum

Secundus.

Progressus.

Propagines.

1.

2.

3.

Rami.

Externus.

Internus.

Tertius.

Soboles ante ingressum brachii.

Soboles post ingressum in brachium.

Quartus.

Propagines.

1.

2.

3.

3.
Rami duo.
Externus.

culum in duos ramos dividitur, externum & internum; qui in profundo & inter musculos abditi, quemadmodum & totus truncus, ad carpum descendunt. ^a Externus, secundum ^a, A. radii longitudinem incedit, & ubi ad carpum pervenerit, transversum ligamentum ab exteriori parte transit, moxque in duos ramos ^b subdividitur; quorum *unus*, duplici ^b, Z. furculo in externam pollicis sedem; *alter*, partim in indicem, partim medium absumitur. ^c Internus vero secundum cubiti longitudinem porrectus, soboles exigit plures; & ^c, II. ^d primam quidem, in musculum primum digitorum extensorem; ^e secundam, in extendentium digitos secundum: ^f tertiam, in extendentem carpum interiorem. In ipso autem ^g progressu tribus musculorum principiis ab ulna sive cubiti osse originem ducentibus propagines largitur. ^h Reliquum quod est, in carpum terminatur. ^h, 31.

Quintus.

ⁱ QUINTVS nervus, inferius quam quisquam commemoratorum ex eodem plexu ⁱ, 7.2.11. retiformi productus, quartoque junctus, per brachii internam sedem inter flectentes & extendentes cubitum musculos descendit. Nullam hic sobolem de se spargit, sed integer remanet eo usque, dum ad internum humeri tuberculum devenerit, ad cuius posteriorem sinum reflectitur, & pari postea serie cum tertio nervo, qui per anteriorem regionem ejusdem tuberculi procedit, distribuitur. Vterque enim ^k propagines largitur ^k, 33. musculis, qui ab interno humeri tuberculo enascuntur, & cubiti internam sedem occupant. ^l Surculum quoque educit, qui per radium vectus, inter musculos secundum ac ^l, 34. tertium digitorum internodia flectentes incedit, sicque ad volam manus abit, & ramum educit primum, qui bipartitus minimi digiti interiori parti inseritur: deinde alium, qui & ipse bifariam sectus, in annularem; ac tandem alium, qui ad externam sedem interni lateris medii digiti proficiscitur. Cæterum ex eodem hoc quinto nervo, & ab externo latere juxta medium longitudinis radii ^m alius quidam surculus enascitur, qui divisus in tres ^m, 35. ramos, in externam partem medii, annularis, ac minimi digiti disseminatur.

Sextus.

ⁿ SEXTVS nervus, ab infima sede plexus retiformis emergit, & per axillam, humeri- ⁿ, 7.2.11. que & cubiti interiorem sedem sub cute incedens, ad internam humeri ossis tuberculum properat, pluribus in hoc itinere surculis ad ^o cutim vicinam dispersis. Cum primum autem tuberculum hoc attigit, in multas propagines scinditur; quarum *aliæ*, basilicæ Venæ ramis subjiciuntur; *aliæ*, incumbunt, sicque sub cute delatæ ubi ad carpum devenerint, ^p terminantur. ^p, 38.

C A P V T V I I I.

De nervis per Crura digestis.



ERVORVM, qui per crura propagantur, quatuor sunt paria. Oriuntur hæc à tribus inferioribus lumborum, & quatuor superioribus ossis sacri conjugis, quæ ubi per communia vertebrarum foramina egressa sunt, non secus ac nervi, qui ad brachium distribuuntur, retiformem quendam plexum, illo tamen longe majorem efformant. Nec tamen æquali magnitudine præditi sunt, sed ^q primus & ^r tertius tenuis est, unde ^q, 7.2.11. & ^r, 56. ^s secundus, paulo crassior, etiam tibiam attingit: at ^s, 50. ^t quartus, tres reliquos etiam junctos solus crassitie superat, & usque ad extremos digitorum apices defertur. ^t, 61.

Primus.

^u PRIMVS ergo, ex elatiore plexus retiformis parte, ^x qua tertius lumborum nervus cum quarto coit, exoritur. Fertur autem deorsum statim sub peritonæo ad fœmur, externo lateri tendinis primi fœmur flectentium muscoli incumbens, ad quod ubi pervenit, ^y sobolem educit, quæ per cutem anteriorem fœmoris usque ad genu articulum excurrit, ibique terminatur, & ^z primo tibiam flectentium musculo, tum secundo & tertio eandem extendentium surculos offert. ^y, 48. ^z, 49.

Secundus.

^a SECUNDVS nervus, ex eodem plexu nascitur, & quidem infra primum, è regione connexionis tertiæ & quartæ lumborum vertebræ. Hic cum vena & arteria crurali (quæ sunt rami iliaci exteriores) in fœmur per inguina descendit, quod ubi attigit, statim ^b propaginem insignem à latere interno exigit, Venæ saphænæ seu malleoli interni ^b, 51. toto ductu, quo sub cute per interiora cruris ad magnum pedis digitum fertur, ab anteriore parte incumbens. Vt autem ipsa saphæna in itinere nonnullos surculos ad proximam

proximam cutim digerit, ita & nervus hic complures propagines educit, quas inter
^a præcipua illa est, quam anteriori genu regioni offert. Caterum ipse ^b truncus, ubi Trunci pro-
gressus.
 hanc sobolem eduxit, una cum trunco Venæ & Arteriæ cruralis in fœmur penetrat, &
 in musculos dispergitur interiorem fœmoris partem occupantes, ^c præsertim in ter-
 tium fœmur flectentium & quartum tibiā extendentium, sicque postea supra genu
 terminatur.

^d TERTIUS, sub secundo ex plexu nascitur, è regione commissuræ quartæ & quin- Tertius.
 tæ vertebræ lumborum. Hic supra secundum fœmur flectentium sive iliacum inter-
 num delatus, pubis ossis foramen transit, & duobus fœmur circumagentibus, quos Ob-
 turatores vocant, puta hujus istius foraminis, tum duobus penem erigentibus musculis,
 qui à coxendicis osse enascuntur, ^e propagines largitur. Inde, non secus ac duo præce-
 dentes nervi, descendit, & ^f in cutem, fœmoris interiora investientem, nervulos dige-
 rit: ^g reliqua pars in alto permanet, cujus ^h præcipua soboles partim in secundum, par-
 tim in tertium tibiā flectentium absumitur.

ⁱ QUARTUS *nervus*, ex ossis sacri quatuor superiorum parium anterioribus ramis Quartus.
 unitis invicem constituitur. Quo nomine & reliquos, imo omnes totius corporis ner-
 vos, non crassitie duntaxat, sed & duritie, quod ab extremis in spina prodeuntibus con-
 ficiatur, vincit. Hic per sinum in posteriori ossis coxendicis sede insculptum fœmo-
 ris posteriora subit. Protinus autem ^k insignem propaginem ex posteriore sede exigit,
 quæ sub primo fœmur extendentium sive Glutæo magno aliquamdiu hæret, inde in cu-
 tim nates & fœmoris posteriora ad mediam usque longitudinem tegentem dispergitur.
^l Alias deinde utrinque & quidem fere tres ad capita musculorum tertii, quarti, & quin-
 ti tibiā, tum tertium fœmur flectentium dimittit. Inde *truncus nervi* inter musculos Trunci pro-
gressus.
 posteriorem fœmoris partem occupantes juxta os descendit usque ad dimidium longi-
 tudinis ipsius; ^m ramumque alium distribuit carnosæ illi moli quinti tibiā flectentis
 musculi, Bicipitis dicti, quæ ipsi, postquam ultra fœmoris medium progressus est, in-
 terna parte adnascitur. Prodeunt & hinc alii furculi, qui in cutim posteriorem fœmo-
 ris digeruntur. Vterius autem provectus ipse truncus, tandem ad genu pervenit inter
 duo capita ossis fœmoris, & utrinque ⁿ ramulum impertit in primum pedem extenden-
 tium & plantarem musculum, moxque in sinu posteriore ipsius genu sive poplite in
 duos inæquales ramos ^o dividitur, qui per tibiā & pedem soli distribuuntur. Nec Divisio.
 enim ullus est, qui per tibiā excurrat nervus, præter hos duos ramos quarti; si ex-
 cipias solam illam insignem propaginem, quæ à secundo nervo derivata, ut diximus,
 comes saphænæ venæ per interiora cruris descendit. ^p *Exterior ramus*, gracilior est, &
 versus eam partem abit, qua fibulæ appendix superior cum tibiā committitur, in iti-
 nere ^q sobolem spargens, quæ sub cute ad malleolum externum abit, interea plurimos
 furculos ad cutim digerens. ^r Ramus autem ipse inter musculos anteriorem tibiæ se-
 dem occupantes transit, & ligamentum tibiæ fibulæque longum permeans, una cum
 tendinibus musculorum digitos extendentium, sub transversō ligamento abit, & ad
 latera superioris digitorum sedis ramulos diffundit. ^s *Interior*, per posteriorem cruris
 sedem defertur, latens inter plantarem & primum oblique pedem moventium muscu-
 lum, tum longos digitorum flexores, junctusque postea cum ramo externi, qui liga-
 mentum permeat, ad plantam pedis abit, & in utrumque inferius digitorum latus so-
 bolem dispescit.

FINIS LIBRI SEPTIMI.

A D R I A N I S P I G E L I I
B R V X E L L E N S I S,
D E H V M A N I C O R P O R I S F A B R I C A,
L I B E R O C T A V V S,
Q u i h i s t o r i a m I n f i m i v e n t r i s c o n t i n e t.

C A P V T I.

De Cute.

Ratio ordinis.



Partes infimi
Ventris.

A C T E N V S similes nostri corporis partes vidimus : nunc ad dissimiles accedamus, ad quarum constitutionem ipsæ concurrunt. Hæ merito ratione trium Ventrium dividuntur, ex quibus de infimo primum agendum est, quod sectionis quoque initium ab hoc fieri soleat, teste Galeno, lib. v de admin. Anatom. cap. vi; siquidem facillime omnium ob intestina & his inclusas fæces putredine corripiatur. Cæterum cum hujus appellationes libro primo, statimque ab initio persequuti simus, nunc partes ipsas inspiciamus, quas optime in externas & internas dividemus. *Externæ*, Abdominis no-

mine vulgo & quidem proprie veniunt, quia abdunt conteguntque viscera imi ventris : & ierum vel communes sunt, vel propriæ. *Communes* dico, quæ cæteris quoque Ventribus competunt, cum universum corpus involvant, quales sunt illæ, quas communia nostri corporis integumenta vocant; Cuticula inquam, Cutis, Pinguedo, & Membrana carnosæ. *Propriæ* sunt, quas solum Abdomen habet, ut decem abdominis muscoli, & peritonæum. Harum partium situs in corpore ille est, ut dissecantibus primum Communes occurrant, his Propriæ subiaceant, & eo quidem ordine quo ipsas nunc enumeravimus. De externis primum dicamus, deinde & internas persequamur.

CUTIS.

Synonymia.

Figura.

CUTICULA.

Nota.

Substantia.

Origo.

Primum igitur integumentum ex communibus Cutis est, quam Græci δέρμα vocant; Hippocrates, δέρον; Herodotus, ἀνθρώπων; Latini, *Cutem*, *Pellem*, *Corium*, & in quadrupedibus, *Alutam*. Dicitur δέρμα & δέρας, vel δὲ δέρεσθαι, quod facile excoriatur; vel certe, quasi πέμα, cum terminus sit & superficies totius corporis. *Figura* Cutis, membranarum in modum plana & depressa est; omnium tamen quæ in corpore sunt crassissima & amplissima, quod sola universum corpus involvat & tegat. *Substantia* constat duplici; una, externa & quæ superficialis est; altera, interna. *Externam* Græci ὑπιδερμίδα vocant, Latini C U T I C U L A M, *Cutis operculum*, & *summitatem*. *Interna*, totius nomine gaudet, quod respectu externæ maxima mole sit prædita, & quasi totam cutis substantiam constituere videatur. Dicitur autem externa ὑπιδερμὶς & ὑπιδερματὶς, ὅτι ὑπὲρ τὸ δέρμα πέσται, quia cuti incumbit; quasi dicas, quid supra cutim positum; non (ut quidam male interpretati sunt) Cuticula diminutive. Vocabula enim in -is desinentia, non sunt diminutiva apud Græcos, sed quid simile referunt ei, à quo denominationem habent. Sic ἐπ' ὤμῳ musculus, quo nomine dicitur Deltoides humeri os attollens, non parvum aut exilem humerum, sed potius musculum humero impositum significat. *Substantia* hujus tenuissima est, & quædam quasi cutis veræ efflorescentia, quam tunicis cæparum Anatomici non inepte assimilarunt. *Exsanguis* etiam & *sensus expers*, densior tamen cute, unde fit ut ecchymata & pustulæ sub ea nascantur, cum humores aquei à centro ad circumferentiam pulsi, cutim quidem penetrare, sed cuticulæ cancellos egredi nequeant. Sic tamen densa est, ne transpirationem impediat. *Oritur* autem, non ut quidam nostræ ætatis crediderunt, ex recrementis tertiæ coctionis, cum tenue per poros insensibiliter evanescat, crassum autem sordium specie cuti forinsecus adhæreat, & facile in balneis abscedat: sed potius à viscoso vapore sanguinis à calore interno elevato, & tum aëris ambientis, tum cutis respectu partium internarum frigiditate condensato. Simile quid

quid enim hic accidit illi, quod videmus in pultibus fieri, in quibus si oleosi & visceri plurimum abundet, concrefcit in superiore parte levis quædam cuticula. Est autem necessario vapor hic viscidus, quia simplex facile digeritur, & in halitus insensibiles abit: at viscosus adhæret externis partibus, ibique condensatur. Sunt ergo tres causæ ad cuticulæ generationem concurrentes; *Materialis* quidem, vapor, & is oleosus ac viscidus: *Efficiens*, *interna*, hunc ipsum elevans calor viscerum & cæterarum partium; *Externa* autem, eundem condensans frigus. Hæ prout intensiores fuerint aut remissiores, ita crassior aut tenuior Cuticula reddetur. Adnascitur autem generata cuti tam valide, ut difficulter novacula aut cultro separetur: vi tamen ignis aut ferventis aquæ nullo negotio decedit in cadavere; in vivo homine attritione etiam & vesicatoriis medicamentis. Observarunt autem nonnulli, Vesicantibus adhibitis, cuticulam hanc duplicem fuisse, prioreque ablata, aliam subtus superiore longe crassiorem compa-
visu.
 1. ruisse. Hujus *usus* est, ut subjectam sibi cutem, quæ exactissimi est sensus, ab externo frigore aut intenso calore defendat. Frigido enim tempore nimium constricta cutis transpirationem præpediret, nisi cuticula frigoris ambientis, immediato contactu prohibiti vim hebetaret. Contra calido nimium attenuata, omnem dissipasset internum calorem, nisi densitate sua Cuticula caloris exitum interciperet. *Sunt* & nonnulli,
 2. inter quos Galenus est, qui statuunt, cuti, quatenus tactus instrumentum est, inservire; cum medii cujusdam officio fungatur. *Tertius* usus est, ne Ichor ex Venis & Arteriis
 3. emanet; quem usum facile ipsa Natura ostendit, ubi cuticula decessit ex attritione aut aliis causis. Exsudat enim continuus quidam magno cum dolore humor.

CUTIS VERA, Cuticulæ, qua sextuplo crassior est, subjicitur. Hujus *substantia* non ex Vena & Arteria constat, ut hætenus plurimi crediderunt, perfrasi fortassis à principe Philosophorum Aristotele, libro de spirit. capit. iv, ubi, *Cutis*, inquit, *tribus hisce, vena, arteria, & nervo constat. Vena quidem; nam dum pungitur sanguinem emittit: nervo autem, quia tendi potest: arteria denique, quia perspirationem habet; nam sola arteria spiritum suscipit.* Sed enim si in propria significatione Philosophus horum nomina accepit, vera hæc sententia omnino esse nequit. Ex vena enim constare non potest, quod cætera animalia, quæ ex sanguine sunt, cute carerent, cum tamen cutim & polypus, & sepia, & loligo habeat. Quod si vena alicubi cutim ingredi videatur, id non tam generationis, quam nutritionis gratia accidit. Sed nec arteria ad ejus constitutionem quidquam facit, cum non nisi tribus in locis arteriæ cutim accedant, cæteræ per totum fere corpus in profundo lateant. Nec tandem nervus ad cutis compositionem concurrat, cum pauci admodum nervi sub ipsa cute appareant, potiusque in partes interiores disseminentur. Quod si per nervum corpus intelligat, quod distendi & contrahi nervi in modum queat, ab Aristotelis partibus jam merito sim, qui cutis substantiam sui generis esse, nec ipsi similem in universo corpore reperiri posse, adeoque vere ab Anatomicis nervum carne præditum vocari statuo. Et *nervum* quidem, vocabulo in communi significatione accepto; at *carnem*, sui generis. Constat enim ex fibris quibusdam nerveis, quarum beneficio & distenditur, & iterum stringitur. Caro autem vocari potest quæcunque substantia, quæ fibris hujusmodi intertextitur. Est autem substantia hæc, in Cute glutinosa & spermatica: & *glutinosa* quidem, quod, uti Aristoteles libro i i i Hist. de anim. ipsaque experientia apud eos qui è pellibus animalium gluten conficiunt, testatur, in omni cute mucosus quidam humor sit, sed in quibusdam paucus, in aliis uberior, ut in bubulo corio. *Spermatica* autem dicitur, quia semen suæ constitutionis materiam habet. Ex quo fit, ut cutis coalitus accidat κατὰ δέυσιν σκόνιν & per medium heterogeneum, quod cicatricem Chirurghi vocant, quæ semper reliqua cute durior est & poris caret, unde nec pilis unquam regitur: contra cuticula etsi deperdatur, facile restituitur. In pueris tamen, propter cutis tum humiditatem, tum humoris glutinosi copiam, observatum est consolidationem vulneris per cutem veram factam fuisse. Sunt autem Cutis complures differentiæ, quas scire & ad perfectam ipsius cutis cognitionem, & usum in medica arte plurimum interest. Ac cum, Aristotele teste lib. v de Generat. anim. cap. i i, cutem præ cæteris animalibus Homo suapte natura pro magnitudine corporis tenuissimam habeat, maximum tamen ratione ætatis, sexus, regionis, temperamenti, partium, & morborum, discrimen in crassitie & densitate observatur. Ratione *ætatis* quidem, cum pueris tenuis sit cutis &
 C c 2
 porosior;

Causa.

Causa.

visu.

2.

3.

CUTIS
VERA.Quomodo cu-
tu nervi di-
ci queat.Differentia
Cutis.
A crassitie &
densitate.

Problemata
ano.
1.

A colore.

porosior ; adultis , crassior & densior. Ratione vero *sexus* , cum Fœminis tenuior ac rarior , quam Viris. Totum enim corpus fœminis spongiosum est , ut inquit Hippocrates libro de morbis. In frigidis quoque *regionibus* cutis & crassior multo est & densior , quam in calidioribus , in quibus rarior ac tenuior , ut Æthiopibus. Et hæc quoque causa est inter alias , ut qui ex frigidioribus plagis ad ea accedunt loca , quæ circa æquinoctialem lineam sita sunt , facillime febribus corripiantur. Cum enim densior sit cutis , fit ut calor ille insignis ab externo excitatus aëre , libere perspirare , ut conveniebat , non possit , unde retentus calorem præternaturalem , adeoque febrem inducit. Sic contra , qui ex calidioribus regionibus ad septentrionales accedunt , de immenso frigore conqueruntur , à quo tueri se vix vestimentis etiam queunt , quod rarior cutis aërem frigidum nimium admittat. Si *temperamenta* spectes , frigidioribus densior est cutis , minoribusque pertusa poris ; contra calidioribus spongiosa nonnihil. Ratione *partium* quoque differentia observatur. In fronte enim ac lateribus tenuis est , tenuior adhuc in vola manus , at tenuissima omnium in labiis ac scroto. E contra in capite & sub calcaneo tam crassa , ut cuticulam solam sub calce paleæ hordei latitudinem crassitie adæquasse aliquoties observarim : tam duram autem , ut eadem cuticula primo ictu cultri quantumvis acuti aciem eluserit. Dorsi etiam cutis insigni duritie , densitate , & crassitie præ aliis prædita est. Quod si quis interroget , cum cutis crassissima capitis sit , qui fiat tamen ut cuticula tenuissima tegatur , quæ fere cutis sibi subjunctæ crassitiem aut tenuitatem observare solet , & pro sui generatione copiosam in capite materiam habeat. Elevantur enim ex infernis partibus ad caput crassi & viscidum humores , quæ crassam potius , quam tenuem efficiant. E contra , pedum calx , quæ tenui cute tegitur , & pauca excrementa crassa generat , crassissima tamen cuticula obducatur ? Ad hæc respondeo , cuticulam capitis propterea exiguam esse , quod pili , qui hac corporis parte longissimi proveniunt , excrementa omnia pro sui materia aut nutrimento rapiant. Nec tamen calvis cuticulæ crassities propterea adaugetur , quod ipsis materia illa in pilos non absumatur , cum per eam cutis partem , quæ calva est , excrementa vix transpirent , utpote quæ jam densatos & oclusos poros habeat. Cæterum sub calce densior est cuticula , etsi excrementa viscida eo paucissima confluant , quia nempe tenuior pars eorum excrementorum , quæ ad ipsam pertingunt , ob motum in deambulando dissipatur , remanente parte crassiore , quæ per poros cutis pulsa callorum modo indurefcit , ut rectius fortassis callum , quam Cuticulam dixeris. Hoc nomine qui manibus dura tractant , callosam cuticulam in vola contrahunt. In morbis calidis densior fit Cutis : in siccis autem , quam humidis tenuior. Æstivo , quam hyberno tempore , rarior est cutis ; ex quo fit , ut pelles animalium , quibus nos adversus frigora munimus , si æstate excoriantur , minus nostrum calorem servant , ac eorum quibus hyeme detractæ pelles fuerint. Cutis autem *color* etsi naturaliter albicat , magna tamen coloris ratione differentia notatur. In vivo enim homine & qui inculcata corporis sanitate fruitur , tum in temperata vel frigidioris orbis Zona degit , suffuso albedini rubeo colore , rosea apparet : in mortuo vero pallida est , quod sanguis , qui cutem tingit , ad interiora repens externas partes deferat. Differt etiam ratione *ætatis* , cum pueris rubicundior sit , adultis albidior. Tenuior enim est sanguis pueris , adultis vero crassior : at qui tenuiorem habent sanguinem , rubicundiores sunt ; qui crassiorem , pallidiores , quia crassus sanguis ad externas partes non ita facile pellitur. Ratione *sexus* discrimen magnum est , cum fœminis candidior sit ob vitam sedentariam , quæ & ipsa præpedit , ne sanguis ad extrema feratur : at Viris , qui corpus continuis exercitiis defatigant , rubet magis , nisi forte pinguedinis copia prohibeat. Ratione *regionis* color quoque valde differens est. Scytharum enim gens , teste Hippocrate libro de aëre , aquis , & locis , fulvi coloris est ; cujus causam subjicit , intensum esse frigus. Nec enim ad eos sol propius accedit , ex quo fit ut à frigore albedo exuratur , & fulva fiat. Phasiani flavum habent colorem , similem illis , qui ictero detinentur , eodem teste. Cum enim stagnantibus utantur aquis & fructibus non bene maturis , fit ut obstructions in visceribus cumulent. Versantur præterea toto vitæ suæ tempore in palustri aëre , humidis crassisque vaporibus inquinato. E diverso Asiani , tum quoad corporis colorem , tum quoad formam pulcherrimi sunt , & quidem ob contrarias causas , nempe aëris temperiem & omnium , quæ in alimentum

alimentum ipsis cedunt, perfectam maturitatem. Qui sub Æquinoctiali linea habitant, nigri sunt; à qua qui distant magis, albidiores videntur. Vnde duplex genus Æthiopum nascitur, unum quod nigerrimum est, quale est quod Nigritarum regna magnamque Abyssinorum partem incolit: alterum vero, quod inter fulvum, nigrum, & rubrum quodammodo ambigit, quales sunt Mauritanii, & qui Fessæ regna occupant. Hispani qui non procul à Freto Herculeo habitant, nigriores sunt Gallis & Italis; hirsutus, Germanis & Belgis. Peruviana autem regio quantumvis sub Æquinoctiali lineâ sita sit, formosos tamen & candidos alii homines, quod à montibus & ventis, maximeque à terræ vaporibus aer apprime temperetur ibi. Caterum Æthiopes nigri sunt, cum cutim & cuticulam habeant molliorem, porosque amplos & valde laxos. Ex quo evenit, ut ipsis, dum calidissimo in aëre versantur, una cum sudoribus adustorum humorum vapores, quibus ob continuum æstum abundant, expirent, ex quorum crassiore substantia siccata & veluti torrefacta cuticula nigra generatur. Nam & sanguinem calore exsiccatum atrum fieri, & carnem, quæ ex sanguine constat, nigrescere si soli exponatur, nemo est qui non viderit aliquando. Sunt autem Æthiopes, infantes adhuc & recenter nati, non nigri, sed rubicundi; quod ideo fit, quia cuticula ipsis, ut nobis quoque progressu tantum temporis cum augescere incipiunt, crescat: atque hæc quidem mea est de nigredine Æthiopum sententia. *Temperamenti autem ratione* color cutis sic variat. *Frigidis & humidis* albo colore cutis candicat; at *calidis & siccis*, subflava est & rosea; *siccis & frigidis*, fusca; *calidis & humidis*, rubicunda. Vt enim quisque in corpore humor abundat, teste Hippocrate libro de humoribus; ita diversus in cute color efflorescit: quæ tamen sententia de ea tantum cute intelligenda est, quæ alba cuticula tegitur; non de Æthiopum, quæ nigra vel fulva. Sic ergo pituitosis, pallet vel albicat; biliosis, flavescit; melancholicis, fusca est; at sanguineis, rubet. *Partes* quoque diversos colores monstrant. In Genis rubedo plerumque est, quod venæ à jugularibus ortæ complures ibi excurrant, & cuticula tenuior sit, quam alibi; unde facili negotio venarum ille calor transparet, & ex rubeo illo sanguinis & candido cuticulæ divinus quidam roseusque color emergit. Quod si vel rariores ibi venæ sint, vel cuticula crassior, pallor faciem perpetuus occupat. Rubedo enim illa perpes non est, sed pro varietate humorum & passionibus animi vehementer mutabilis. Circulus mammillas ambiens, quem Aream supra vocavimus, in Virginibus quidem pallet; at in Gravidis & Lactantibus, fuscus est; in Vetulis, niger; & iis, qui antiquo aliquo affectu laborant, croceus. *In morbis* quoque diversis, diverso colore cutis subfunditur. In Ictero enim, flavescit; in Virgineo morbo, pallida redditur. In magnis Lienibus, arquatoque morbo, & scorbuto, nigrescit: in alio, maculis, iisque nigris, ferrugineis, vel flavis conspergitur. In malignis quibusdam febribus, quas Peticulares nostri Medici appellant, maculis afficitur, quæ pulicum morsibus non absimiles sunt: in iis autem, qui Veneno pesteque extincti sunt, dorsi cutem præ cæteris partibus contaminatam fuisse sæpe observavimus. Cujus quidem rei causam fuisse existimo, quod paulo ante mortem dejectis ob vim veneni omnibus viribus, sustinere se & tueri in latere ægri nequierint, adeoque in dorsum devolverint, unde quicquid sanguinis in corpore fuit, ad partem declivem per venas & arterias, à venæ Cavæ & Aortæ trunco per dorsum excurrentes, repente ad cutim decubuerit, unde nigro ipsa colore postea suffusa fuit. Habet autem cutis temperamentum, in *primis* quidem *qualitatibus*, inter calorem & frigus, inter humidum & siccum temperatum: in *secundis* autem, inter durum & molle, medium. Cum enim tactui inferviat, ut externas injurias, antequam ab ipsis internæ partes lædantur, persentiat, medium inter tangibiles qualitates temperamentum habere debuit, cujus beneficio omnia extrema quam exactissime cognosceret. Cutis tamen, quæ internam manus sedem investit, exacte mediam temperiem nacta est; quod manus, quæ apprehendendi organum est, præ aliis omnibus partibus externis malis opportuna fuit. *Sensu* quoque omnis cutis prædita est; in aliis tamen aliisque partibus magis. Exquisitissimus sensus illi est, in quam vel plures nervi inferuntur, vel quæ cum membranis immediate connectitur, maxime si tenuitas accedat. Hinc obesi valde, quibus pinguedo copiosa inter cutem & membranam carnosam intercedit, minus sentiunt: at circa lumbos à levi tactu titillatio molesta percipitur, quod ibi musculorum membranæ copiosæ statim subsint,

Observatio.

A temperamento.

A sensu.

*A superficie.**A foraminibus, & Poris.**A motu.**A situ.**A pilis.**A Venis.**Ab Arteriis.**A Nervis.**ACTIO
Cutis.
Privata.**Publica.*

& cutis tenuior sit. *Levis* est tota cutis, extrinsecus; intus ob connexum cum aliis partibus, aspera & inæqualis. In quibusdam tamen partibus rugis & sectionibus insignita, ut in fronte; ex quibus nonnullæ transversæ sunt, quædam rectæ. Sunt etiam in vola manus, tum planta pedis, quas Chiromantæ contemplantur. Mulieribus quoque à partu rugæ in abdominis cute nascuntur, quas propterea nonnullæ, quæ turpiter virginitatem perdiderunt, ut factum dissimulent, certis remediis tollere conantur. Est etiam continua cutis, nisi ubi meatibus quibusdam, partim manifestis, quos *Foramina* vocabimus; partim obscuris, quos *Poros* dicemus, donata est. Sunt autem pori infiniti illi meatus exigui, quos extrema venarum & arteriarum oscula constituunt, in cute, quam cuticula, majores, qui parvitate oculorum obtutum fugiunt, nonnihil tamen ubi crassior est, ut in plantis pedum, conspicui. Ob hos poros, cum innumeri sint, cutem nassæ piscatoriæ doctissimus Plato assimilavit. Hi in cadavere facile visui se offerunt, si candela aut fervente aqua cutis amburatur. Solent quoque in Vivis hyberno tempore conspici, cum derepente corpus denudatur, ubi cuticula anseris depulmati cutem æmulatur. *Foramina*, grandia sunt & maxime conspicua; qualia in oculis, naribus, ore, auribus, umbilico, pudendis, & ano reperiuntur: quæ à poris non tantum magnitudine, sed & forma ipsa differunt, quæ poris rotunda est, propter venarum & arteriarum teretem figuram, cæteris vero varia, pro usu singularum partium, quibus insunt, commodiore. Est autem tota cutis immobilis in homine, excepta illa, quæ frontem investit. In nonnullis tamen, sed rarum admodum id invenitur, occipitii cutis movetur, quibus peculiare propterea muscoli sunt tributum. *Situs*, & sedem cutis & connexionem denotat. Sedes est in extrema corporis parte, quod universi corporis tegumen sit, & munimentum. *Connexio* autem, eadem non ubivis cernitur. In quibusdam enim partibus major est, adeo ut difficulter & vix separari queat, quemadmodum in plantis pedum & volis manuum, in quibus firmioris apprehensionis gratia connascitur subjectis partibus: in quibusdam minor & facile separabilis, ut in infimo ventre, brachiis, & cruribus. In nonnullis locis *connectitur Tendinibus*, ut in vola manus; in aliis cum *Venis*, ut in brachio; in quibusdam cum *Musculis* & *Carne*, ut in fronte; in plerisque omnibus cum *Pinguedine*; in nonnullis etiam cum *Membrana carnosâ*, ut in collo. In brutis animalibus contextu perpetuo pilis munitur, in Homine autem interpolata admodum est, adeo ut paucis in locis pilosa appareat. Et quamquam per universum pæne corpus, sed rari valde pili nascantur, vola tamen manus & planta pedis prorsus ab omnibus immunis est. Venas habet, quas *Cutaneas* vocant, quæ inter cutem & membranam carnosam feruntur. Sunt autem *duæ à Iugularibus*, per caput & collum disseminatæ: *duæ ab Axillaribus*, per brachia, pectus, ac dorsum propagatæ: una denique *ad inguina*, à ramo venæ Cavæ epigastrico. In pede Saphæna est, sive Malleoli interni vena, per totam cruris internam sedem recto itinere excurrens. Harum dextræ cum sinistris, inferiores cum superioribus junguntur. Dextræ quidem cum sinistris, ut Iugulares circa frontem, ubi in unam venam coeunt, quæ Frontis dicitur; itemque circa mentum. Superiores cum inferioribus in lateribus abdominis & thoracis, ubi vena ab epigastrica ascendens cum mammaria descendente, eodem modo ac sub abdominis rectis musculis, quemadmodum diximus libro quarto, jungitur. *Arterias* paucas obtinet, easque exiles, ad tempora & frontem, penem, scrotum, & digitos sitas. *Nervos* nullos habet proprios, sed fibras tantum ex nervis, quæ ad subjectas partes transmittuntur, propagatas.

Quod *actionem cutis* spectat, nullam ipsi dissectionum Professores assignant, quod pars sit simplex & similis, non organica & instrumentalis. Id tamen de communi tantum intelligendum volunt, cum privatas necessario habeat ob sui nutritionem. Attrahit enim alimentum, idemque retinet, concoquit deinde, & si quid tandem excrementosi relictum est, id etiam expellit. Sed revera & Communem habet actionem, sensum nempe tactus; cujus utilitas ad universum, quod investit corpus, redundat, dum de quorumvis, quæ extrinsecus occurrunt, caliditate vel frigiditate, durtie, mollitie, asperitate aut levitate, cæterisque tum primis, tum secundis qualitatibus dijudicat. Non enim sensu tactus per se ad sui conservationem tam exacto indiget: sed ob partes internas; quæ facile ab externis injuriis consumptæ forent, nisi sensus ope animal

animal eas evitaret. Quis enim ignem fugeret, aut corpus adversus frigora muniret, nisi cutis, utrumque detestans, nostri defensionem injungeret? Cæterum usus habet ^{usus.} multiplices, qui tamen omnes eo respiciunt, ut cutis & tegumentum sit, & optimum munimentum. Hinc Hippocrates lib. de Off. nat. Cutim ait omnibus partibus *ὅνδεστιν καὶ σύνταξι* largiri, omnia inter senectere & colligare. Quatenus ergo tegumentum est, omnia involvit: quatenus munimentum, ab omnibus injuriis tam externis, quam internis defendit. Id quomodo præstet operæ erit pretium nunc paucis explicare. Primo igitur *temperamentum* accepit medium inter omnes omnium qualitatuum excessus, ut de omnibus tanto rectius judicaret, & eas, quæ mediæ sunt ac propterea gratæ, amplecteretur; quæ extremæ & ideo ingratae, fugeret. Habet præter hoc temperamentum & aliud, cujus beneficio omnem aëris incursum innoxie sustinet, quod sane nulli alteri totius corporis parti, præterquam Cuti soli concessum est. Nam siue carnem seu ossa externo exponas aëri, calido frigidove, ita alterari subito videbis, ut putredinem minentur: cum Cutis innoxia omnes toto vitæ curriculo aëris injurias constanter sustineat perferatque. Ac certe idem hic evenire mihi videtur, quod videmus vulgo accidere in fructibus arborum, pomis scilicet & pyris, quæ putamine suo investita diu à putredine illæsa conservantur; at detecta vel brevis semihorulæ spatio colorem, & cum colore temperamentum immutant, sicque corrumpuntur. Quæ causa est, cur in Vulneribus subito partium actio lædatur, ut neque alimentum recte concoquant carnes, neque recrementa expellant. Signo pus est & sanies, quæ in vulneribus colliguntur; & illud quidem, ex crassioribus; hoc vero, ex tenuioribus excrementis: quod per insensibilem transpirationem, ut in partibus sanis fieri solet, dum calore robusto, nec debilitato fruuntur, minime digerantur. Aër namque externus subito atque detectam aliquam internam partem attigerit, temperamentum nativum corrumpit & destruit. *Figuram* etiam habet eandem, quam universum corpus, cui obducitur; quemadmodum & *magnitudinem*. Ut tamen, quatenus corpus modo augetur, ob victus rationem lautiorē & crescentem ætatem; modo imminuitur, ob jejunia & senectutem, æquabiliter undique corpus contegeret, nervosam naturam, quæ & extendi & contrahi possit, nata est; ut propterea cutem, quam extrema obesitas ad rupturæ periculum extenderat, marcor in arctam contrahat angustiam. Est etiam *crassa ac densa*, ne à pungentibus aut incidentibus facile pertundatur, & sic periculose vasa subjacentium partium læderentur. Fecit quoque Natura *debilem*, ut facile excrementa reciperet, nec ad internas partes cum vitæ discrimine repelleret. *Meatibus* autem quamplurimis pertudit, iisque tum magnis, tum parvis; tam ut necessaria in corpus reciperentur, quam inutilia extra pellerentur. Nam *per foramen*, quod oculorum commissæ palpebræ claudunt, rerum simulacra, quæ oculus excipit, intrant: at lachrymæ & reliqua, quæ oculi expurgant, recrementa egrediuntur. Per *nares* ad refrigerium cordis, aër attrahitur: emanat autem mucus è cerebro sensim destillans. Ex *ore* egreditur sputum, & alia quæ à cerebro orique vicinis partibus, stomacho inquam, & pulmonibus transmittuntur. Ingreditur contra cibis potusque, & aër ad refrigerium cordis. *Aures* flavam & crassam cerebri bilem expurgant: contra sonum ab aëre externo excipiunt. *Pudendum muliebre* virile semen suscipit: emittit autem menstruas purgationes, tum urinam, & foetum. *Anus* in utroque sexu, & in Viris pudendi foramen, nihil externi excipiendo, sed excrementis tantum exonerandis sunt destinata. Per *umbilicum*, dum adhuc uteri cancellis foetus includitur, sanguis maternus per vasa umbilicalia recipitur, cæterum nihil expellitur. Per *infinitos* autem *illos cutis poros* primo tenuior ac serosior sanguinis pars evaporat, quæ ubi copiose prodit aut concrefcit, sudorem generat: sin parce, aut non coëat, insensibiliter evanescit. Prodit & pars crassior & fuliginosior, ex qua pili: tum tertiæ concoctionis excrementa, è quibus cutis sordes: & oleosi tandem ac visceri vapores, unde Cuticula generatur. Transpirant autem hæc tum beneficio caloris innati, tum Medicamentorum discutientium: quam transpirationem Græci *ἀδρὸν ἀππορῶ*, insensibilem appellant; quia externis sensibus investigabilis non est, ratione tamen colligitur, cum videamus sponte vel ope medicamentorum tumores præternaturales sic discuti, ut tota materia in ipsis in halitus inconspicuos absorbeatur. Quare cum per tot foramina & infinitos

cutis meatus partes corporis interiores expurgentur, non mirum est quod scripsit Hippocrates, eos qui cutem rariorem & frequentioribus poris perviam habent, ab internis minime lædi; densam autem & duram cutem habentes facile offendi, quod excrementis in corpore contentis non pateat liber per cutem exitus. Præclaram quoque aliam apud eundem legimus sententiam vi Epidem. sect. 111, text. 1, his verbis: *Cutis raritas, Ventris constipatio: Cutis constriçtio, carniū incrementum*. Quæ certe sententia etsi prima fronte apprime mira videatur, ita tamen vera est, ut merito oraculi loco sit habenda. Raritas enim cutis facit copiosam humiditatis per habitum corporis dissipationem. Humiditate vero excrementorum ad cutem conversa & profusa, sicca necessario alvi recrementa, & per consequens alvus etiam ipsa dura redditur. Per hæc cutis spiracula insigne quoque refrigerium corpori accedit; non tantum, quia sic à calidis excrementis liberatur; verum quia nonnihil etiam externi aëris per ea recipiat; cum & per hæc virtutes medicamentorum exterius vix corpus attingentium usque ad intima viscera penetrent, ut ab iis, quæ periapta dicuntur, fieri videmus. Quod si cutis hæc spiracula occludantur, non solum prohibetur corporis dissipatio, & detinetur materia, à qua incrementum carnes capiunt; sed etiam calor internus augetur, auctusque potentior evadit ad coquendum & apponendum alimentum ultimum corpori quidem toti, sed imprimis carnibus; haud aliter ac fieri solet tempore coctionis ciborum in ventriculo, quo revocatis ad interna spiritibus & sanguine, pori cutis occlusi à retrocessione caloris, quæ in multis sese, imbecillioribus præsertim & à morbis gravioribus convalescentibus levi horrore manifestat, retinent intus calorem & muneri suo obeundo promptiorem reddunt. Atque ista causa est, cur mulieres plerumque carnosiores sint, quam viri; quia scilicet earum corpora minus digeruntur ob cutis majorem densitatem. Eandem ob causam evenit ut plerumque etiam sint laxiori alvo, retentis fæcum humiditatibus: ut & viri sint plerumque graciliores & alvo astrictiori. Obtinuit autem cutis, qua parte crassior est, poros evidentiores, quod inde plura è subjectis partibus crassioraque excrementa ad cutem eleventur; tum etiam quia in crassa cute, cum ductus longiores esse debebant, merito ampliores conditi sunt, ne levi facta mora, in via hæreant & obstructions facilius pariant. In faciei nonnullis partibus & in vola manus, tenuissima est & ægre à musculis subjacentibus separatur, quod ex partes, aut exquisitiori tactui sint destinatæ; aut firmiorem apprehensionem præstare debeant. Propter hanc cutis tenuitatem in vola manuum calor major, quam aliis partibus percipitur, si quando in Iecore aut Corde nimius est. In facie vero, ira, tristitia, & aliæ animi perturbationes statim se produnt, mutato variis modis colore. Dum enim commovetur in affectibus animi sanguis, & vel ad cor recedit ab externis partibus, aut à corde in has effunditur, ejus perturbationem cutis tenuissima statim per coloris mutationem indicat. Movetur autem cutis in fronte, quia musculis arctissime connectitur, qui voluntarii motus sunt organa. Voluit enim Natura ut Homo ipso vultu omnem animi voluntatem desideriaque exprimat, si quando verbis aperire non liceret.

An cutis organum tactus
Arist. lo. us
obscurus.

Restant adhuc duo in Cute consideranda, quorum alterum apud Recentiores controversum est, alterum à me proponetur. Quæritur enim passim, an cutis Tactus sit organum, quod summus Philosophorum Aristoteles insensibilem esse scribat. Libro enim 111 Hist. de animal. cap. xi; ἀναισθητόν, inquit, τὸ δέρμα πνυρόμερόν ἐστι καὶ αὐτὸ μάλιστα δὲ ποῖσιν, τὸ ἐν τῇ κεφαλῇ, ἀλλὰ τὸ μετὰ τὸ ἀσπυρρότατον εἶναι πρὸς τὸ ὅσεν. Quæ verba quia doctissimus alias Theodorus Gaza haud satis fideliter expressit, sic interpretari libet: *Sensu cutis, cum secatur, per se ipsa caret; præsertim in capite quod inter eam & os, nihil sit carnis*. Contra lib. 1 Hist. animal. cap. iv, tactum in corporis parte similari ponit, ut in carne, aut aliqua hujus generis. Opinionem hanc Aristotelis ratio videtur stabilire, cum videamus carnem detectam cute dolere magis, quam cutem, adeoque sensu pollere acutiore. Præterea cum cutis æqualiter omnia non sentiat, ex Avicennæ auctoritate, tactus organum minime censebitur, quod omne Sensorium & extrema & media objecta æqualiter sentiat, uti oculus, qui medios & extremos colores suscipit. Galenus tamen contra, quem multi (& præsertim Medici) sequuntur, Cutem tactus organum statuit, motus temperamento, quod moderatissimum accepit; tum nervis,

Galenus sententia.

tum nervis, qui cum spirituum sensibilibus latores sint, infinitis extremitatibus in cute finiantur. Accedit, quod cutis tangibilibus objectis vicinior est, quam caro, cum totius corporis quidam sit quasi terminus. Sed enim utraque sententia conciliari facili negotio potest, tametsi Philosophi & Medici tantopere inter se decertent. Id tamen necessarium est, ut prius recte Aristotelis mens accipiat, quæ à quibusdam nimis maligne ^{Arist. defensio.} torquetur. Plerique enim qui eam animo imbibere sententiam, Aristotelem prorsus Anatomix rudem fuisse, dum unum atque alterum ejus textum vix legerunt, misero sic malitiose insultant, ut neque quid velit Philosophus, neque quæ loquatur, si à Galeno dissentire ipsis videatur, considerare cupiant. Hinc indicta causa condemnasse sufficit, quia præjudicium fatuum sanæ menti nullum relinquit locum. Idem certe & hic optimo Viro & de studio medico, nedum philosophico optime merito contigit, ut ex ignorantia vorum, quibus aliter paulo quam Galenus usus est, quod alio scilicet tempore scripserit, graves calumnias audiat. Per Cutem enim, cuticulam intelligit: per Carnem ^{Estes loci explicatio.} autem, quicquid quocunque modo fibris nerveis intertextum est. Quamobrem & per carnem non tantum veram & primario dictam intelligit, qualis est illa musculorum; sed etiam quæ Cutis Galeno dicitur, tum membranas nervosque, & sic reverà tactus sensorium quam optime exprimit, cum illud certum sit, unum & immediatum esse constituendum. Quodcunque autem ex his ponas, alterum objicietur, cui non quadrabit, quod à te statutum sit. Galenus autem per Cutim, veram cutim cum cuticula junctam intellexit: & Cutim, ad simpliciter; Cuticulam vero, ad bene sentiendum conditam esse statuit. Cæterum ut constat, Galenus recte quidem cutim ipsam sentire credidit; at immediatum tamen tangendi organum non ita bene, ut Aristoteles, expressit. Si enim verum est, cutim proximum tactus instrumentum esse; quæ causa erit, cur membranæ remota cute suprajacente sentiant, & viscera, quæ cute carent, itemque nervi? Caro ergo immediatum instrumentum est; non quidem illa musculosa, sed quæ pars est similis, fibris nerveis intertexta, quæ & musculis, & membranis ac cuti competat, etsi sui quæque postea sit generis. Sed de hac re inferius plura dicemus, cum de instrumento tactus agendum erit. Cæterum, quod dixi, cuticulam ad bene recteque sentiendum datam esse, ex Galeni dogmate; facit ut hoc loco moneam, multum referre diligenter hoc annotasse. Videmus enim sæpenumero graviter eos, qui medicinam ^{Observatio.} faciunt, errare, dum in quibusdam tumoribus internis frigidos humores & pituitam causam constituunt, quod ægri de frigiditate quadam conquerantur, cum potius calidi humores sint & biliosi, qui peccant. Nam quod frigiditatem persentiant, non fit, quia frigidus humor sit, sed quia cutis ab interna sua facie, & caro quæ cuticula caret, sentiendi quidem, at sensibilia dignoscendi & dijudicandi perfectum instrumentum non sunt, nec percipere objecta sub propria forma queunt, hoc est, calidum sub specie calidi, sed potius sub forma frigiditatis. Nunc videamus, quæ causa sit, quam propter ^{Cur Homo inserpellatus sentit pilis segastis.} Homo non quavis sui parte, ut cætera quadrupeda animalia pilis tegatur, sed in aliis tantum atque aliis partibus nonnihil pilorum habeat. De hac re ut judicium feramus, causas pilorum prius explicare necesse est. Communis ergo & recepta hæcenus ab ^{Pilorum causa.} omnibus sententia est, *materialem* pilorum causam esse tertiæ coctionis excrementa, hoc est, fuliginosos vapores per cutis spiracula & poros transeuntes: probabo tamen libro ultimo, sanguinis potius esse crassiorem partem. *Efficientem*, calorem qui pilorum materiam, tum ad cutim propellit, tum siccatur & in pili formam reducit. *Finem* tandem; ut cutem & ei subjectas partes tueantur, ornent, & à fuliginosis excrementis corpus liberent. Cæterum homo, ut brevibus agamus, prona sui parte pilosior est, quam supina. Pectus enim habet, siquidem mas sit, dorso pilosius, & ventrem ab umbilico usque ad peritonæum densissimis pilis horridum. In fœmore item & tibia pili frequentiores longe antica parte, quam posteriore videntur: at solum caput in postica pilosum est. Contra evenit in canibus plurimisque aliis quadrupedibus, quæ supina parte pilosiora multo sunt, quam prona; caput tamen minus, quam collum dorsumve pilis horret. Homo ergo pilosissimum habet caput parte posteriore & circa verticem, quod cum erectus corpore incedat, has partes habeat externis injuriis, præsertim ex alto cadentibus, quales sunt pluvix grandinesque, magis obnoxias. Prona autem parte capiti subjecta sexus masculeus in homine pilis abundat præ supina, quod recta incedens

dens inter progrediendum currendumque recto corpore hanc partem plurimis exponat malis. Si quis enim per pluvias nivesque & ventos obambulet, anteriorem partem majores pluviarum injurias perpeti, quam posteriorem viderit. Ex quo fit, ut qui septentrionales plagas incolunt, & Germani adeo ipsi anteriorem partem præ posteriore vestibus crassioribus aut pluribus muniant. Fœminæ glabro magis pectore sunt & prona parte, quod carnosiores ibidem, quam Viri. Canes contra, cæteraque animalia quadrupeda cum prona incedant, prona parte minus cæli & tempestatum injuriis exposita sunt; supina magis, unde in hac pilis crassioribus, longioribus ac densioribus armantur. Et hi ipsi pili à dorso paulatim versus latera inclinant, ut cutis, quantum fieri potest, minimum madefiat, sed aqua instillans protinus ad latera declinet, & inferior pilus superioris ductum excipiat ac sequatur. Cæterum quo magis Omnipotentis illius nostri Opificis sapientiam admiremur, silentio hoc minime involvendum est, pilos densiores longioresve esse animalibus, pro cæli in quo versantur aut nascuntur temperie, itemque pro morum varietate. Quo ergo frigidior regio est aut ventosior, eo animalia pilis longioribus densioribusque sunt vestita. Hinc fit ut Irlandia, quæ una est ex Septentrionalibus regionibus frigidissima, canes producat, quorum pili ob prolixitatem Leonis jubar æmulantur. Sed & Canes, quorum opera in aquis ad venationes utimur, densissimis pilis donati sunt, ne vis aquæ aut frigoris ipsis noceat. At venaticis canibus, qui sylvas camposque incolunt, breves paucioresque largita est sapientissima parens pilos, ne cum ad cursum destinati sint, pilorum copia & longitudine impendantur. Allatum etiam est superiore ætate ex India novum quoddam canum genus, pilis undique nudum, si mentum duntaxat excipias. Summa enim cæli temperies, & perpetua nullis nubibus tentata serenitas pilorum tegumenta repudiat. Et hanc causam esse reor, quod fœves in Italia quoque rariores habeant setas pilosque, quam in Germania aut Belgio. Quinimo huc pertinet, quod à Navigatoribus accepimus, qui novam Semblam perlustrati sunt, quæ regio ob intolerabile frigus perpetuasque nives & ventos inhabitabilis est, albos ibi ursos reperiri, tam densis & prolixis pilis obsitos, ut tormentis bellicis lædi aut occidi minime potuerint. Contra Æthiopes & qui Africam incolunt, capillos habent breves, crispas & raros, barbam similiter crispam & raram: at Europæi, & si qui in aliis frigidioribus locis habitant, prolixiores comas barbamque alunt, & quo frigidior quæque regio est, eo uberiore proventu & lætiore barbam profert. Vnde fit, ut Germani Italiam prolixiorum ferant, & visi sint nonnulli, qui barbam pedibus tenus longam in sinu reconditam gestaverint. Sic unicuique animali clementissimum illud ac omniprovidum Numen prospexit, ut quam commodissime hoc, quidquid habet jucundissimæ hujus auræ beneficio fruatur.

C A P V T I I.

De Pinguedine.



PINGVEDINEM, quam Græci *πινελω*, & *πότις*, Latini Pinguedinem & Pinguetudinem appellant, Author lib. definit. Medicar. definit, affusionem esse alimenti, sensus expertem, maxime circa membranas concrementem. Nos humorem dicimus oleosum nostri corporis, à calore moderato elevatum, & circa frigidiorens densioresque partes concretum. Sunt autem duæ pinguedinis species: una, quam Adipem simpliciter vocant; altera, quam Sevum: illam Græci, *πινελω*; hoc, *σέαρ* appellant. Differunt autem pluribus inter se modis. Primo, quod in diversis animalibus generentur; cum adeps in iis nascatur, quæ ab utraque parte dentata sunt, cornuum expertia, ac multifida. Sevum autem in illis, quæ ab utraque parte dentes non habent, & cornua gerunt, tum sanguinem crassiorum obtinent. Præterea sevum concretum frangitur; adeps non frangitur. Adeps facile ab igne liquefcit, non autem facile congelatur, mollior, & humidior remanet: at sevum non ita facile liquefcit, sed liquefactum celerrime coit. Hanc differentiam diligenter observatam fuisse à Celso videre licet, dum adipem vocat bovinum, ursinum, caninum, felinum: Sevum autem bubulum, hircinum, caprinum. Nonnulli tamen sunt Medici, qui promiscue utuntur, & quamcumque oleosam substantiam cujusque animalis

Definitio

Dua pinguedinis species

Differunt utrinque

animalis adipem aut sebum pro lubitu appellant, ut monuit Galenus, qui tamen & ipse proprietatem hanc vocum sæpe neglexit. Quin imo lib. 11 simpl. cap. de pinguedine; *Si voles, inquit, oleosam & pinguem in animalibus substantiam omnem adipem appellato: sed & pinguedinem appellare totum hoc genus licet.* Sternitur autem pinguedo hæc, de qua nunc agimus, inter cutim & membranam carnosam in homine: in brutis vero membranæ sub-
jicitur, unde fit, ut cutem universam moveant. *Materia* pinguedinis sanguis est, ut testatur Galenus, lib. 11 de temperam. cap. 111: & Aristoteles lib. 11 de Part. cap. v. Id quod ratione etiam confirmare licet, cum nullum ex iis, quæ sanguine carent, vel adipem habeat, vel sebum, siquidem sanguis deest. Non tamen quivis sanguis est, sed optime tantum elaboratus & concoctus. Vnde quibus concoctio laudabilis non est, pinguedine destituuntur; & quæ pingua sunt, sanguinem purum ac paucum habent: macri autem omnes atricolorem, crudum, ac copiosum, cum latis venis. Nec tamen & concoctus omnis pro pinguedine aptus erit, sed qui oleosus est. Vnde Galenus cum ex sanguine pinguedinem gigni docuisset, lib. 11 de temperam. cap. 111, & lib. xvi de Vt. part. cap. 11, addit, gigni ex sanguinis portione oleosa sive pingui, per tenues venas effusa. Oleosum autem hoc ex aërea maximeque laudabili alimenti parte coctione conficitur, quæque in sanguine perquam bene respondeat butyrosa, uti in lacte vocatur, substantiæ. Vnde & videmus animalia pingua butyri plus in lacte continere; minus, macra. Gignitur autem maxime post tertiam concoctionem Medicis sic vocatam, quod tunc maxime aptus sit & elaboratus sanguis. Vnde & Philosophus lib. 111 de Part. animal. cap. 1x, finem probæ concoctionis sanguineæ adipem & sebum esse testatur. Loquitur autem de coctione sanguinis, quæ in renibus fit, in quibus cum alia non fiat quam tertia illa dicta, recte colligitur ea secundum Aristotelem in illa tertia coctione fieri. Accedit, quod in quavis parte tum temporis demum ex sanguine eleventur vapores illi oleosi, qui allidentes ad membranas in pinguedinem, quemadmodum crassiores reliqui in carnem mutantur. Cum ergo sanguis materia sit pinguedinis; sed sanguis maxime oleosus & concoctus, patet infantes, quibus sanguis tum in alimentum partium absumitur totum, quod adhuc crescant, tum serosus admodum est, non pinguescere, verumque esse quod lib. 111 Histor. de animal. cap. xvi 11 prodidit Aristoteles; omnia ætate provecta potius, quam novella pinguescere: sed præcipue, cum jam suæ longitudinis & latitudinis modum adepta, augeri in profundum incipiunt. Patet etiam eos, qui obesi valde sunt, sæcundos minime esse aut salaces, cum materia seminis in pinguedinem absumatur. *Efficiens* duplex est, prout duplex est actus generationis ipsius pinguedinis. Debet enim & materia ipsa attolli, & deinde concreescere. Elevatur igitur sanguinem oleosum in vapores resolvendo Calor; sed calor non quivis, sed *moderatus*; cum *nimius* materiam adurat, & in bilem vertat; *moderato minor*, nec concoquat bene sanguinem, nec in vapores resolvat. Qui ergo calidi nimium sunt, pingues esse non possunt: neque qui frigidum nimium temperamentum sunt nati. Vt autem concreseat, debet alicubi appellere, ne dissipetur: appellere autem debet ad corpus non quodvis, sed frigidum. Maxime ergo accommodatæ sunt membranæ, quæ utramque hanc conditionem observant, cum & ob densitatem suam non facile oleosum hunc vaporem amittant, & ob frigiditatem facile condensent. Voco autem frigiditatem non illam, quæ positiva à Philosophis appellatur, cum talis vita remanente nulla in corporis parte datur: sed calorem qui minor est, quam ille, à quo vapor elevatus est. Nec mirum videri debet, quomodo minor calor concretionem efficiat, cum videamus plumbum liquidum, ubi ab igne removetur mox cogi, etsi in locum satis calidum, igne tamen paulo frigidiorum pervenerit. Hinc fit, ut animalia hyeme pinguiora fiant, cum & obstrueta sit cutis, & frigidiores externæ partes, internæ autem calidiores, ut & concoquere melius alimentum & coctum elevare ac in vaporem solvere queant. Iis etiam qui versantur in calidioribus locis & exercitiis dediti sunt, nulla aut perquam pauca pinguedo est, quod consumatur materia illa; at iis, qui otiosam vitam agunt, copiosa provenit. Circa membranas igitur quam optime gignitur, quod nulla pars sit aptior ad concretionem faciendam, neque densior. Concreescit autem sic, ut ipsas membranas undique involvat, & in minimos quosque poros sese insinuet, adeoque per universam membranam pinguedo dispergatur, quod quivis, si quam in hac re vel obiter collocare velit operam, adverterit.

*Materia.**Cur infantes
obesi non sint.**Cur obesi
sæcundi.
Efficiens.*

An pinguedo
sentiat.

Dubitatio.

Temperamen-
tum.

Differentia à
pinguedinis
copia.

Quæ requi-
rantur ad
pinguedinis
generationem.

Vfus.
Generalis.

Particulares.

Et ex his facile responderi potest ad vulgatam illam quæstionem, an pinguedo sentiat? sentire enim pinguedinem dicas, si quis hac voce intelligat pinguedinem, quo pacto Anatomici crassa minerva loquentes sumunt, ut dum pinguedinem dicunt totum hoc, quod ex pinguedine stricte accepta & membrana, circa quam concrevit, constat. Non sentire inquires, si pinguedinem intelligat à membrana illa separatam, ut est illa, quæ proprie & à Medicis sic dicitur. Cæterum hoc loco dubium occurrit, cum dictum à nobis sit elevari à calore vapores oleosos, itemque eosdem concrefcere à calore partis unius & ejusdem, quo pacto ab eadem causa duo diversi effectus sequantur, ab uno scilicet calore. Sed respondeo, haud simplicem esse calorem nostri corporis, sed duplicem; unum, influentem; alterum, innatum. Influentem constituunt spiritus; innatum, temperamentum ipsius partis. Ille, major est; hic, minor: ille, elevat; hic, cogit; ille, calor vere dici potest; hic, respectu illius frigus. De Temperamento adipis quanquam plurimum concertant inter se artis proceres, ex causa tamen materiali, quæ concoctus est sanguis & aëreus; ex efficiente, qui calor est; ex forma ejus, quæ oleosa: ex fine tandem, qui est concoctionem juvare partium, unde in copia omento accrescit, facile judicatur calidus esse. Sed imprimis & Galeni autoritas notanda est, qui lib. iv de Vfu part. cap. ix; pinguedo, inquit, quod calida res sit, cognoscitur sensu ipso, utentibus ea vice olei. Indicat autem id non minimum, quod facile in flammam transmutetur, tanquam ad flammam proxime accedat, nihil enim frigidi prompte comburitur. Alba est in omnibus animalibus; in homine tamen minus, quam in cæteris: animalibus senioribus etiam flava fit. Differt pinguedo copia, ratione sexus, ætatis, temperamenti, regionis, partium, vitæ generis, temporis anni, & tandem morborum. Copiosior enim fœminis est, quam Viris. In recenter natis, nulla est; at in iis, qui justam ætatem attingere, copiosior. Calidis & siccis, nulla aut exigua; at calidis & humidis moderate, copiosa: frigidis item moderate & humidis. Qui calidas incolunt regiones, aut calido anni tempore degunt, minus pinguescunt: at qui in frigidis & frigido tempore vivunt, copiosam habent. Vitæ genus sedentarium etiam obesos reddit; at valida & continua exercitia, maximeque hominum carnifices curæ, macros reddunt. Inedia etiam & morbi longi, prorsus absumunt. Sed & partes non omnes habent, neque omni tempore: sed eæ tantum, quæ indigebant. Sic clunes habent copiosam, ut commodius sedeamus: sic omentum, ut foveat calorem internum viscerum: sic eadem de causa abdomen. At cerebrum, palpebræ, & aures, manusque carent, quod ipsorum actioni nimium incommodasset. Vt autem partes ipsæ pinguedinem generent, præter materiam, sanguinem inquam oleosum, qui in corpore redundare debet, vasa primum requirunt magna, unde fit, ut circa palpebras & caput pinguedo nulla nascatur, at copiosissima circa collum, nates & lumbos. Deinde ut membrana adsit crassa, quæ prohibeat evaporationem, unde pulmones carent, qui tenuissima investuntur membrana. Tandem, ut calida sit pars, quæ bene coquat sanguinem, & attollat, unde partes externæ & cerebrum non habent, reliqua autem viscera omnia, ipsumque adeo etiam Cor, etsi Aristoteles negarit. Cæterum non uniformis est pinguedo, quæ in humano corpore reperitur: sed sub cute quidem adeps; at sebum circa omentum, renes, cor, oculos, & ossium articulos. Vfus pinguedinis multiplex est, quatenus tum universum corpus investit, tum quibusdam partibus adnascitur. Vt enim totum corpus contegit, & adversus externas injurias protegit, & calorem naturalem conservat. Protegit quidem, tum contra frigus, tum calorem, adeoque & æstivo & hyberno tempore. Et æstivo quidem, adversus calorem; quia cum aër tum tenuis sit, & pori aperti, quatenus oleosa est pinguedo, ejus in corpus ingressum prohibet, non secus ac videmus Seplasiarios, dum succos conservare student ab aere, oleum superfundere: deinde quatenus aër omnes partes exsiccat, rursus humiditate innata conservat. Hyberno, contra frigus, ne penetret & lædat viscera sua qualitate, quia pinguedo à levi frigore constringitur, & quasi coit, unde fit ut nequeat aër penetrare. Conservat autem calorem internum pariter tempore calido; quia, ut modo dictum, quatenus oleosum est, exire & dissipari non patitur: frigido autem, quatenus sua caliditate fovet. Particulares autem usus, quos diversis partibus præstat, plures sunt. In clunibus pulvinaris vicem gerit; in musculis explet loca inania; Vasis substernitur, ut tuto eant; in Visceribus, coctionem juvat. His nonnulli alium adhuc usum assignant, nempe ut inedia tempore sit loco alimenti.

Existimant

Existimant enim pinguedinem quo pacto antea vaporis specie ex venis excidit, ita postea in venas redire ac in sanguinem mutari, quod tamen falsum esse credo, quandoquidem pars nulla nutrire partem alteram queat, aut alia alii fieri nutrimentum. Quod vero per inedia & penuriam alimenti ac sanguinis tum sanis tum ægrotantibus imminuatur, id evenire propterea credendum est, quod æque ac partes reliquæ, illa digeratur, dissipetur, atque absumatur à calore interno depopulante partes, quia deficit alimentum in quod agat. At vero quod præ carnibus aliisque solidioribus partibus citius defecisse pinguedo deprehendatur, causa est mollitudo ejus & levissima concretionem compactio, tum & promte liquabilis natura.

CAPUT III.

De membrana carnosâ.



SUB Pinguedine membrana reperitur, pinguedinem ita undique complectens, ut cum ipsa multifariam dividi queat. Hanc Græci, *σαρκώδης*, Barbari, panniculum carnosum; Recentiores latinæ linguæ studio magis addicti, Membranam carnosam appellant. Vocatur autem carnosâ, non quod carnosâ sit in homine; sed quod in brutis, quorum corpora prius disseccuerunt primi Anatomici, carnosâ fibrâ con-
 sperâ fuerit reperta, ut nonnulli propterea musculum asseruerint, quamquam certè & in multis animalibus musculi fungatur actione, cum hujus beneficio cutis reddatur mobilis, in canibus, equis, aliisque. Retentum ergo fuit hoc nomen postea in homine, & impositum membranæ illi, quæ cum ipsa habuit analogiam. Sic supra musculos vocatos esse diximus omnes eas partes, quæ analogiam ullam obtinere cum musculo, cui merito illud nomen tributum à principio fuerat. Est tamen & in quibusdam locis in homine carnosâ, ut in fronte & collo, quamvis utrobique musculus dicatur esse. Adhæret autem cuti usque adeo valide, ut difficulter ab ipsa separetur. In recens natis, rubra est; at in adultioribus, alba. Oblita est interius mucoso & lento quodam humore, procul dubio ad faciliorem musculorum motum, ne ob frequentem motum musculorum superficies exsiccetur. Sensum exquisitissimum obtinet aliarum membranarum in morem, usque adeo, ut vellicata ab acribus humoribus aut puncta, motum concussivum & horrores excitet, quales in febribus adverti solent. *U*sus ejus est, ut sua densitate vapores elevatos à sanguine excipiat, & frigiditate respectiva condenset, sicque firmus sit paries cui pinguedo adhæreat; tum calorem foveat internarum partium, ne aut dissipetur is nimium aut lædatur ab externis injuriis. His addunt nonnulli, ut cutim adeuntia vasa fulciat, cum inter hanc & cutim ferantur omnes illæ arteriæ vel venæ, quas subcutaneas appellant. Sed revera membrana carnosâ à pinguedine non ita jure distinguitur, cum ejus gratia potissimum facta sit, ut scilicet oleosos vapores & pingues excipiat, tum & ipsa membrana ad pinguedinem ita se habeat, quemadmodum fibræ in carnibus & musculis, ut cuivis patebit, qui tractare pinguedinem voluerit. Vbique enim dispersa quasi filamenta membranæ per ipsam conspiciet, plenamque veluti fibrarum esse. Accedit, quod in obesâ à pinguedine distincta neutiquam reperitur.

CAPUT IV.

De Peritoneo.



ABLATIS ^a quatuor tegumentis communibus, de quibus nunc diximus, ^b Musculi abdominis occurrunt; quorum quinque sunt paria, ut supra libro quarto docuimus. Primum, Obliqui sunt Descendentes; secundo, Ascendentes; hinc, Recti, & Pyramidales; quibus postea omnibus Transversales subjacent. His ergo & ipsis remotis una cum tendinibus ^c Membrana quædam occurrit totam infimi Ventris cavitatem succingens, quæ Græcis *περιτναϊκή χιτών*, hoc est, tunica prætensa; aut *περιτναϊκὸν σκέπημα*, id est, operimentum prætensum; interdum etiam simpliciter *περιτναϊκὸν* dicitur. Hippocrates

lib. vii Epidem. etiam *περιτναία* in plurali numero nominavit. Arabes *Zipbach* appellant, communi membranarum nomine, κατ' ἐξοχὴν. Latini Græcam vocem Romana civitate donarunt, & *Peritonæum* vocant. Non defunt tamen, qui vocibus magis quam rebus additi, *Abdominis membranam* nominant. Dicitur autem peritonæum *περιτναία*, ab officio scilicet quo fungitur. Prætenditur enim non tantum infimo ventri universo, sed etiam omnibus ipsi inclusis visceribus, quibus membranam largitur.

Figura. Comparatur à plerisque ob figuram, sacco, qui sphaericæ figuræ sit, & ovalis, oblongus, ac nonnihil depressus. *Superficies.* Interior superficies, qua viscera respicit, lævis, æqualis ac lubrica est, humore quodam aqueo in abdomine contento irrigata: exterior vero, qua musculis abdominis adhæret, aspera & inæqualis. *Substantia.* Substantiam habet membraneam, tenuem quidem, at validam & densam, fibris quibusdam exiguis præditam, quæ extenso & distracto leviter peritonæo (obscurè tamen) comparent, ut propter hanc causam aranearum telis sit à nonnullis Anatomicis assimilata. Non tamen ubique eadem est tenuitas, sed sub umbilico crassior, usque adeo ut manifeste ibi duplicata videatur: supra umbilicum vero, & à lateribus ita tenuis, ut simplex omnino appareat. Quin imò neque æqualem crassitiem in omnibus visceribus, quibus circumtenditur servari conspicies: sed in quibusdam, teste etiam Galeno lib. vi de administrat. anatom. cap. v, seipso crassiore constare substantia, in nonnullis tenuiore. Hac ratione in Iecore tenuissimum visitur, itemque in Liene, minus in Renibus: crassum contra in Ventriculo, Intestinis, & Vesica, ita ut quibusdam imposuerit, credentibus esse partem peculiarem prædictorum viscerum. Andreas Laurentius in Viris à cartilagine ensiformi ad umbilicum usque crassiorem esse hanc membranam notavit; contra, in fœminis ab umbilico ad pubem esse validiorem. Ego tamen, ut verum fatear, nunquam tale quid observare potui, nec Naturæ in hac re consilium intelligo. *Connexio.* Annectitur, superius quidem Diaphragmati: inferius, ossibus pubis & ilium: antè, validissime transversis abdominis musculis, & imprimis tendinibus, ac circa lineam candidam: retro, capitibus eorundem musculorum, & membranæ nervorum è lumborum vertebra prodeuntium. Anatomici autem unanimi consensu in ea sententia sunt, nullum esse viscus infimi ventris, nec ullam ejusdem arteriam aut venam, quæ citra viscerum insertionem libera incedit, quin ab hac membranam accipiat. *Exortu.* De exortu autem lis est, cum nonnulli peritonæi originem à ligamenti illis repetant, quibuscum vertebræ lumborum & os sacrum connectuntur. Doctissimus Fallopius à validissimo nervorum plexu, à quo mesenterium oriri dicitur, pronasce credit: at Picolhomineus Ferrariensis, cum quo & ego facio, duplex peritonæi principium constituit; unum, quod vocat principium ex quo; alterum, quod appellat à quo. Illud geminum esse vult, primum à prima, & secundum à tertia lumborum vertebra; quia hic crassissimum, & non nisi disruptum separari potest, sic valide adnectitur: hoc à dura & tenui membrana cerebri derivat. Prodeunt enim circa dictas vertebra nervi, qui colligati inter se utraque meningē, dum ulterius provehuntur, membranam hanc constituunt. Nec immerito propterea hic adeo crassum est, cum postea in plurimas membranas, tanquam productiones quasdam dividi & extenuari debeat. Ex qua opinione non male fortasse consensus illius insignis, quæ intestinorum & quorundam imi ventris viscerum cum capite est, rationem reddemus. Observatione autem omnino dignissimum videtur, *Peritonæum* ubique duplex esse, sed præsertim circa lumborum vertebra, ubi Vena Cava, Arteria magna, & Renes utrique interjacent. Sed & in hypogastrio manifesto in duas tunicas dispescitur, in quarum amplo intervallo Vesica continetur, & Vterus. Quamquam igitur ex Galeni omniumque Anatomicorum dogmate constet, universa infimi ventris viscera peritonæo includi, revera tamen distinguendum est, & alia quidem in ipsa cavitate, alia vero extra hanc in spatio, quod ex duplicatione oritur, sita esse dicendum. Et in cavitate quidem omnia illa, quæ à Venæ Portæ ramis nutriuntur, ut sunt illa, quæ nutritioni & coctioni ciborum famulantur: in duplicatura autem, quæ à Cava alimentum accipiunt, ut sunt ea, quæ modo enumeravimus. *Foramina.* Vasa quoque umbilicalia duplicato peritonæo, ut tutius incedant, fulciuntur. Foramina quoque habet; & superius quidem, qua Diaphragmati jungitur, tria. Primum in dextra parte, ut Venæ cavæ truncus ascendens; secundum, in sinistra, ut Oesophagus cum nervis orificio


orificio stomachi insertis; *tertium*, ut Aorta, Vena sine pari, & nervus sexti paris transeat. *Inferius* circa anum & inguina, ubi vasorum tria genera ad crura transmittit. ^a *Anteriorius*, ut umbilicalia vasa, ^b Vena inquam, ^c duæ arteriæ & ^d urachus exeant. ^e *Processus* ^{Processus} etiam obtinet duos, in anteriore facie juxta pubis os sitos, utrinque unum, qui non minus in maribus, quam fœminis reperiuntur. Sunt autem oblongæ productiones exterioris peritonæi membranæ, Cucurbitæ, quibus Chymici utuntur, perquam similes, arctæ superius, inferius laxæ. Hi foramina tendinum musculorum obliquorum & transversorum egredientes, in *Viris*, ad scrotum abeunt, & sic extra ventris cavitatem dependent: in *Mulieribus* autem, ad inguina producuntur, & in Vulvæ elationem sedem terminantur. Descendunt autem cum *illis* Venæ & Arteriæ spermaticæ una cum cremasteribus musculis, & remeant contra à testibus, similiter processibus istis inclusi cum parastatis, vasa deferentia: in *his* vero uteri ligamentum rotundum, quod in latam ac nervosam exilitatem supra pubis os degenerat, cui Clitoris alligatur. Adhæret autem à principio interior peritonæi membrana exactissime, quæ foramen, per quod egrediuntur dicta vasa ex infimo ventre, constringit & claudit, qua disrupta, exterior laxatur, & sic hernia fit, descendente postea vel omento, vel intestino, aut etiam utroque. *Venas & Arterias* à vicinis partibus obtinet: *Nervos* autem exiles ab iis, ^{Vasa} qui ad abdominis musculos propagantur. *V s v s peritonæi primus ac præcipuus est*, ut sit ^{V s v s} operimento omnibus partibus, quas investit, non solum quo ab externis injuriis liberæ sint, sed etiam ne ipsorum calor aut humores expirent vel effluant. Nisi enim Iecur, Lien, Renes, & Ventriculus involuta membrana hac forent, externa vasorum oscula, quæ in nonnullis valde sunt patentia, præsertim arteriarum, sanguinem effudissent. Hinc factum est, ut solers Natura iis visceribus, in quibus plures arteriæ sunt, & adeo discrimen imminet majus, crassiorem largita sit tunicam, ut ab omni effusione tutam præstaret. *Secundus usus est*, ut viscera omnia suis sedibus alligeret. Sic Hepatis ligamentum à peritonæo est, & omnes membranæ, quæ ab ipso oriuntur, reliqua vincunt. His usibus ut satisfaceret, primo *figuram* dedit ovalem, sed depressam, quia talis erat ipsius infimi Ventris figura. Decuit enim vestem aut sepimentum partis investiendæ aut obvallandæ figuræ coaptare. Quare & in aliis visceribus, quibus portio aliqua ipsius obducitur, figuram eandem observat. Porro *internam superficiem* lævam fecit, ut viscera in abdominis compressione citra offensam premerentur: & quo mollior adhuc contactus ille fieret, lubricam reddidit aquoso humore, in abdominis cavitate circa intestina natante, qui ne unquam deficeret, ex vaporibus à ventriculo & cæteris visceribus exhalantibus continuo regenerari voluit. *Externa superficies* contra aspera est, ut transversis abdominis musculis validius adneceteretur. *Substantiam* autem largita est membranæ, ut facile distendi citra ruptionem, & in sese contrahi sine complicatione posset. Partes enim imi ventris modo alimentis turgent, ut Ventriculus; modo flatibus, ut Intestina; modo fœtu, ut Uterus; modo etiam urina, ut Vesica: modo etiam evacuata in se concidunt. Hanc autem membranam *firmam* esse voluit, quia non nisi magno cum detrimento & incommodo peritonæum rumpitur; tum quia robore quoque indiget, ut viscera in suis sedibus alligata conservet. Nihilominus tamen, ne nimis pondere premat, tenuis est ubique, præterquam sub umbilico, quod magno consilio factum est, cum hac parte maxime omnium ruptioni opportunum foret. Sidentibus enim aut stantibus viscera ad imam partem devolvuntur, quorum pondus ut innoxie peritonæum sustineat, hanc ejus partem munire ac firmare debuit. Et hinc fit, ut quibus tenuius peritonæum à primo ortu contigit, in magna spiritus cohibitione, vehementi saltu aut clamore, in quibus versus inferiora decidunt intestina, facili negotio peritonæum rumpatur. Est & circa viscera quædam, *tenuius*; circa alia, *crassius*. Nam in quibus copiosæ sunt arteriæ & spiritus, ne dissipentur, ut in Liene: aut humores, ut in Ventriculo, ne effluant, iis crassiorem membranam concessit. Crassior etiam iis est, quæ repletæ valde intumescunt, ut Vesicæ, utero, & ventriculo, ut simul cum his extendi queat, quod fieri non potuisset, si tenuior his tunica obtigisset. *Connexionem* tandem cum musculis abdominis transversis validissimam habet, ad æqualem ventris compressionem in respiratione & fæcum expulsionem faciendam. Neque enim inter ipsa spatium licebat intercedere, quod musculis contractis peritonæum

næum in rugas ivisset. Connexio autem hæc validior est circa tendines, quam carnosam partem, quod cum caro musculorum in abdominis compressione contrahatur, impedita fuisset, nisi laxius carnibus connecteretur. *Exortus* causam nunc nullam inquirō, cum de origine adhuc sub iudice lis sit, & ego omnes partes simul & formari & generari credam, quamvis de peritonæi principio, si quod est, maxime omnium Picolhominei sententia mihi arrideat.

C A P V T V.

De situ, tam naturali, quam eo qui præter naturam est, omnium quæ in imo ventre continentur, viscerum.

Ratio ordinis
in sequenti-
bus.



Viscerum imi
ventris divi-
sio.

DIXIMVS ab initio hujus libri, partes infimi ventris esse duplices, continentes & contentas, sive externas alias, alias internas. De illis abunde hæcenus egimus, restat nunc ut & harum historiam persequamur. Sunt autem duplicis generis: quædam enim considerari queunt, quatenus ad fœtum pertinent in utero adhuc conclusum, quales sunt Secundinæ & Vasa umbilicalia, de quibus in libro de Formato fœtu complura diximus; quædam quatenus tum embryoni, tum nato homini sunt communes, quarum tractationem nunc aggrediemur. Antequam tamen membratim de singulis agamus, prius omnium situm explicabimus, nec tantum eum qui homini competit dum inculcata sanitate fruitur, sed etiam dum ab exquisita illa valetudine declinat. Argumentum non tantum utile, sed & maxime necessarium omnibus cognitu, qui animum ad Medicinam appellant, ut tum affectas partes ex situ cognoscere, tum medicamenta applicare norint. *Viscera* ergo quæ in imo ventre coërentur, vel individui conservationi, adeoque Nutritioni inserviunt; vel speciei, & propterea Generationi. Quæ ad nutritionem faciunt, vel ad coctionem alimenti conferunt, vel ad excrementorum in coctione genitorum expulsionem. Quæ ad coctionem conferunt, vel primam faciunt, ut Ventriculus, qui cibum in ore masticatum in chylum convertit, cujus propterea actio est *χύλωσις*, & Chylificatio dicitur: vel secundam, ut Venæ, præsertim quæ in Hepate sunt & Liene, ad quæ duo viscera chylum ex intestinis Venæ mesaraicæ mesenterio deductæ ferunt. Primam coctionem adjuvant Omentum & Pancreas: secundam, dictorum viscerum parenchymata. Excrementa autem suscipiunt, primæ quidem coctionis, Intestina: at secundæ, Vesicula fells. Serum vero, quod *χρημα* & *ρεοφῆς* Hippocrati vocatur, Renes; à quibus ad Vesicam demandatur per Vreteres. *Generationi inservientes partes*, pro sexus diversitate duplices sunt; *Viriles & Muliebres*, de quibus postea dicturi sumus, dum huic tractationi colophonem supremum imposuerimus. Omnes ergo hæ partes infimo ventri includuntur, qui *superius* quidem septo transversō & cartilagine ensiformi; *inferius*, ossibus pubis; *anteriorius*, abdomine proprie sic dicto; *posteriorius*, lumborum vertebri & osse sacro; *ad latera utrinque* superius quidem, costis spuris; at inferius, ossibus ilium & coxendicis circumscribitur.

HEPATIS
situs natura-
lis.

Nonnaturalis
situs.
I.

Cæterum ^aHEPAR in dextro hypochondrio situm est, concava sui parte ^bVen- ^{a, b, c, d, e, f.}
triculum; convexa vero, diaphragma tangens. Hoc in medio ^cfissuram habet, in ^{c, d.}
quam vena umbilicalis inseritur, à qua in ^dduas partes (quas *Lobos* posthac semper voca- ^{d, e.}
bimus) dirimitur. Earum *dextra*, dextrum hypochondrium totum occupat, ad renem
usque ejusdem lateris pertingens, cui sæpe etiam incumbit. *Sinistra* brevior est, ad mu-
cronatam cartilaginem extensa, quæ anteriorem ventriculi partem ac pylorum ambit.
Situs hic, qui Hepati naturalis est, non raro mutatur, sic tamen ut nullam quandoque
ipsius aut vicinorum viscerum actioni noxam inferat; interdum vero, ut graviter lædat.
Illum, nonnaturalem situm vocabimus; hunc, præter naturam. *Nonnaturalis* ergo situs
quadruplici potissimum occasione contingit, dum vel decumbimus, sedemus, ambula-
mus, aut respiramus. *In decubitu* enim, siquidem *supini* jaceamus, intra præcordia se re-
condit, & Diaphragma premit, unde fit, ut qui obesi sunt difficilius respirent decum-
bentes, cum septum transversum magna hepatis mole nimium afficiatur: at si in alteru-
trum latus volvantur, à ventriculo vel abscedit, vel eidem circumvolvitur. Abscedit
quidem, si dextro innitantur: at amplectitur undique, si sinistro. Hinc causam licet
petere,

petere, quampropter in jecoris inflammatione ægri de dolore in dextro hypochondrio conquerantur decumbentes in latere lævo: contra minus doleant, jacentes in dextro. Trahitur enim tum ligamentum hepatis pendentis quasi, quod & ipsum cum sit inflammatum, non potest non graves dolores excitare. Patet autem ex his, eos qui cubitum ituri primum in sinistro latere dormiunt, multo rectius ciborum concoctioni consule-
re, quam faciunt ii, qui in dextro recumbunt. Hepar enim ventriculum undique ambiens mirum in modum chylicationem adjuvat, propriumque stomachi calorem fovet ac tuetur. *In sedentibus aut ambulanti-^{2. 3. 4.}*bus, ad umbilicum magis vergit. *In respiratione* autem, quemadmodum & cætera infimi ventris viscera, dum diaphragma contrahitur & inspiratio fit, versus inferiora descendit: at dum relaxatur, & exspiratio contingit, superiora petit. Ex quo fit, ut in cadaveribus Jecur sub spuris cartilaginibus & in præcordiis reconditum semper inveniatur, cum exspirando moriamur, & propterea simul cum Diaphragmate ascendat. *Præternaturalem quoque situm* Hepar interdum occupat, quod evenit ubi prægrande est, & magnitudine laborat. Solet enim quibusdam in maximam molem accrescere, ut utrumque hypochondrium impleat, quod plerunque nimium obesis obtigisse vidimus. Observatum autem à me hujusmodi voraces fuisse, quod propterea evenisse crediderim, quod eorum ventriculus plurimo calore sic circumdatus plus digerat concoquatque. Ita memini legisse me olim apud doctissimum Gemmam Frisium historiam mulieris, quæ cum prodigiosæ fuisset ingluviei, post mortem hepar habuisse tanta mole præditum, ut membra spiritalia vicinasque omnes partes compresserit. Posse vero hepar mire increfcere, in anseribus jam olim observatum, quibus opipara saginatione tantum aliquando redditum est, ut libram unam, etiam duas quandoque penderet. Nonnunquam ab insigni inflammatione sic tumet hepar, ut notaverim naturali loco non contentum, & ventriculum & magnam tenuium intesti-
norum partem cooperuisset. Quod si umbilicalis vena laxetur rumpaturve, jecur ad Diaphragma sursum trahitur, cujus motus cum impediatur ob compressionem, fit ut una cum respiratione vita tollatur.

Præternaturalis situs.
1.

^{7. H.} ^a LIEN alterum Hepar est, ex Aristotelis opinione lib. i i i de part. anim. cap i i i; ideoque in sinistro hypochondrio ex hepatis regione situm. Hic *cava* sui parte, ventriculum tangit; *gibba* & *superiore*, Diaphragma; *at inferiore*, reni sinistro incumbit. Mutat & hic situm, partim à causis naturæ vim nullam inferentibus, dum sedemus, respiramus, aut decumbimus, quod tamen admodum exiguum est: partim ab aliis, quæ destruunt naturam. Evenit hoc potissimum laxatis ligamentis ab humorum affluxu, aut ab ingenti aliquo tumore, quod sæpius contingit. Observatum autem est usque adeo nonnunquam extensum fuisse, ut umbilicum attigerit; nonnunquam etiam ulterius porrectum, non parvam dextri lateris partem occupasse. Narrat *Vesalius* lib. v de Hum. corp. fabr. cap. ix, historiam adolescentis, cujus cadaver Patavii aperuit, in quo Lien in eam magnitudinem erat profectus, ut vix hepati cesserit, cujus anteriori parti adnatus etiam, ventriculum compresserat. Notavit & *Georgius Garnerius* vidisse se Lienem cujusdam Nautæ viginti tres libras pendentem, & in abdomine tam late protensum, ut totam ejus cavitatem implere videretur. Vidi & ego frequenter maximos Lienes: sed & in Cuniculo aliquando Lienem in dextro, Hepar autem in sinistro hypochondrio positum fuisse. Id quod idem *Cornelius Gemma* in humano cadavere vidit, & *Aristoteles* in aliis animalibus, ut testatur lib. i Histor. de animal. cap. xvi i. Cæterum quibus de suo loco movetur Lien, aut quibus aliquo morbo laborat, & præsertim scirrho, iis necessario Ventriculus imbecillior est, quia ad fundum calore illo, quem Lien sanus impertire solet, non fovetur, sed frigidityte potius extranea afficitur.

LIENIS situs naturalis.

Non naturalis.

Præternaturalis.
1. 2.

^{8. G.} Inter hæc duo viscera ^b VENTRICVLVS medio loco positus est, ollæ instar inter carbones circumcongestos. *Superius* hujus orificium, quod stomachus dicitur, Lieni proximum est, & sinistrum hypochondrium tenet, à suo situ immobile: at *inferius*, quod Pylorus vocatur, contra dextrum hypochondrium spectat. *Fundus* in horum medio positus est, qui nonnihil situm suum mutat. *Decumbentibus* enim, ad Diaphragma magis ascendit, cui ratione superioris orificii adnectitur: *stantibus* & *sedentibus*, ad umbilicum cum pyloro descendit. *Ventriculo* etiam *cibis repleto* nonnihil ad inferiora & abdomen antorsum vergit. Quod diligenter notandum est vel ideo,

VENTRICVLVS situs naturalis.

Non naturalis.

1.

2.

3.

E e

ut pro

ut pro stillicidiis alium atque alium locum eligamus, si æger decumbat aut sedeat. Satius tamen esse crediderim, ut sedentibus fiant, cum versus abdomen Ventriculus his volvatur: decumbentibus autem supine, ad spinam retrorsum trahatur. Eligendus vero tunc erit locus, qui sub mucronata cartilagine in medio est. Porro in *vulnere diaphragmate*, ad superiora Ventriculus ascendit, cuius rei historiam Pareus lib. ix Chirurg. cap. LXXXI, refert. Cum enim quidam in nervosa Diaphragmatis parte transfossus esset, post obitum Ventriculus, quem anxie in suo loco Pareus quæsierat, in Thorace repertus est, etsi vulnus, per quod ascenderat, vix pollicem latum æquaret. Notavit & Vesalius lib. v, cap. iv, Omentum ita præter naturam auctum fuisse cuidam, ut Ventriculum ex sua sede sic deorsum distraxerit, ut ejus munere deficiente, variisque singultibus obortis, occasio mortis inde nata fuerit.

PANCREAS
TIS situs.

PANCREAS naturalem suum situm non mutat, cum Ventriculi posteriori parti, ejusque fundo adnatum sit, quemadmodum & duodeno intestino & Venæ portæ, quam intra se comprehendit. Vbi admodum intumuerit, id latus Ventriculi comprimit, ac coctionem turbat.

DVODENI
situs.

Ex intestinis ^a DVODENVM similiter perpetuo eundem locum observat. Ortum enim ducit à pyloro, & ad posteriora sub ventriculo reflectitur, ut lumborum vertebris ligamentis membranis adnectatur, quo recta absque ulla circumvolutione deorsum feratur. ^b IEIVNVN *intestinum* totum fere umbilicalem regionem occupat: at

IEIVNI &
ILEI situs
naturalis.
Non natura-
lis.

IEIVNI & ILEON in iliis situm, quæ inde nomen acceperunt. Hæc duo locum non naturaliter mutant, *ventriculo* cibus referto, à quo comprimuntur. Sic in *valida spiritus retentione* &

1.

2.

3.

4.

5.

6.

Præter natu-
ralis.

1.

2.

3.

4.

5.

CÆCI situs.
Præter natu-
ralis.

cui incumbunt. Præter naturam situm mutant *discentis intestinis* à flatibus, ut in Colicis doloribus, multoque magis *laxato nonnihil mesenterio* ab humoribus, ut in obesibus, propter nimiam humiditatem. In *hydrope*, in umbilicum labuntur, quod diligenter iis notandum est, qui paracentesin exercent. In *hernia*, similiter ad umbilicum, inguina aut scrotum descendunt. In *vulnere* autem, una pars intra alteram reconditur, unde Chordapsus nascitur. ^c CÆCVM in dextro ilio situm est, & naturaliter vix locum mutat, quod dextro lumbo alligetur: vidi tamen præter naturam in suspenso quodam, quem Patavii secimus, cæcum totum cum parte ilei & coli, qua sibi invicem nectuntur, in scrotum prolapsum fuisse. Id tamen an ex violentia mortis, in qua valide ob spiritum retentum imi ventris viscera deorsum pressa sunt, an ex hernia antiqua contigerit, scire non potui. ^d COLON in dextro ileo, ubi vacuus & commodus locus est, exoritur ac re-

COLI situs
naturalis.

Non natura-
lis.

1.

2.

3.

ni dextro incumbens, ope peritonæi alligatum lateri ascendit, sub hepate fellis vesiculam contingens. Hinc fit, ut bile transsudante, luteo colore, qui semper in colo visitur, inficiat & sæpe ulcera excitet, quæ in crassis intestinis frequentiora multo sunt hac quoque de causa, quam in tenuibus. Inde sub fundo ventriculi per medium ventris transversim incedens, annexum inferiori omenti portioni, ad sinistrum renem reflectitur, cui peritonæi beneficio alligatum per inania ejus lateris deorsum ad os sacrum fertur. Ad hoc ubi pervenit, in nonnullis dextrorsum reflectitur, deinde rursus ad os sacrum volvitur, ubi tandem in rectum intestinum terminatur. In quibusdam tamen citra hanc circumvolutionem recta, ubi prima vice ad regionem ossis sacri circa initium recti intestini pervenit, finire solet. Ex quo vel nullo monente patet obiter, Colon intestinum in aliis atque aliis longius esse aut brevius. *Hunc situm mutat* ventriculo alimentis referto, cum quo descendit versus umbilicum nonnihil, quemadmodum & rursus superiora petit expleto & vacuo. Sed & naturaliter descendit aut ascendit, pro motu corporis. Nam ambulantibus & sedentibus magis descendit, quam decumbentibus. Sic gravidis ultimis mensibus ascendit, utero aucto & comprimente. Laterales tamen partes non mutant situm, quia valide lumbis annectuntur, nisi si forte contingat, ut copia humorum laxetur ligamentum.

Præter

Præter naturam in colicis doloribus, dum flatibus distenditur è sua sede naturali abit.

^a OMENTUM sub peritonæo immediate in anteriore parte situm est, ad ^b Ventriculi fundum, & deorsum supra intestina ad ^c umbilicum usque expanditur. Situm ergo pro ventriculi, aut intestinorum repletionem, aut inanitionem mutat, tum pro eorundem motu. Dum igitur stamus, currimus, aut equitamus, deorsum cum utroque vergit: dum decumbimus, cum iisdem ascendit. Interdum superior membrana locum mutat, permanente in situ inferiore, & quod sit ventriculo vacuo: interdum inferior descendit, ut cum intestinum à Ventriculo premitur. Obesis quinetiam totum omentum sic descendit ob pondus, ut uteri os comprimatur, unde Hippocrates v Aphor. XLVI: *Quæcunque præter naturam crassa non concipiunt, iis omentum os uteri comprimit, & priusquam extenuentur non concipiunt.* Et lib. de natura muliebri; *Omentum præpingue superincumbens uteros comprimit, neque genituram suscipere finit.* Gravidis sic attollitur, ut inter uterum & peritonæum nihil omenti intercedat. *Præter naturam* intestinis flatibus repletis versus superiora convolvitur, quemadmodum id toties in dissectionibus vidimus. Labitur autem penitus extra corpus in vulneribus abdominis penetrantibus, & in hernia tum quæ scroti est, tum quæ inguinis aut umbilici.

^d VESICA urinaria, in hypogastrii cavitate, quam sacrum, ilium & pubis ossa efformant, sita est, una cum recto intestino. Hæc in suo semper loco permanet, præterquam distenta & repleta, ubi fundus versus tenuia intestina pertingit.

^e VTERVS in eadem hypogastrii cavitate inter ^f vesicam urinariam ^g rectumque intestinum jacet; ex quibus illa, priorem; hoc, posteriorem sedem obtinet: adeo ut in non gravidis fundus uteri sacri ossis initium haud superet. Mutat tamen hunc situm tum in gerentibus, in quibus una cum foetu crescit & augetur, sicque sacro ossi longe supereminet: tum præter naturam etiam obstructionibus affectus, laxatisque ligamentis, in quibus partim sursum fertur, ut contingit Hystericis dictis mulieribus: tum extra sinum cadit, & vel totus, vel pars ejus duntaxat, turpiterque sic dependet. Sed de hoc motu prolixiorum instituimus sermonem inferius, cum uteri tractationem persequemur; hic nonnulla tantum dixisse, occasione sic data, sufficiat.

CAPUT VI.

De Omento.



QVOD Latinis ^b Omentum est, id Græcis *Ὠμήλωρ*, & contracte *Ὠμήλωρ* dicitur. Hippocrates lib. de Glandulis, *Ὠμήλωρ* in plurali numero vocavit, & lib. v Epidem. *Ὠμήλωρ*. Nonnullis *παγκρεμὼν* & *παγκρῶν* appellatur, à similitudine retis piscatoriæ, quam denominationem plures retinuerunt, ut Germani, Belgæ, & Itali, qui *Reticello* sive *rete* nuncupant. Arabibus *Zirbus adiposa*, & interdum etiam simpliciter *Zirbus* vocatur. Dicitur autem *Ὠμήλωρ*, *ὡς δὲ τὸ Ὠμήλωρ*, quasi supernatans, quod superioribus intestinis veluti innatet. Est autem membrana densa ac tenuis, ex plurimis venis arteriisque cum pinguedine copiosa in formam retis contexta. Qua enim parte pinguedo cernitur vasis adnata, filum retis exprimit, quæ errabundo ductu varie inter se excurrunt; qua vero parte membranea est, cancellos seu vacua illa spatia, quæ retium chordis interjacent. Porro quo quisque obesior est, eo copiosior pinguedo in omento reperitur, ut nonnunquam observatum sit, copia & pondere suo peritonæum rupisse aut valde laxasse. Maximum autem inter cætera animantia Homines habent, unde & *Ὠμήλωρ κειμήριον*, quasi omentum gerentes à Poëtis dicuntur. Reliquis enim umbilicum vix attingit: at homini sæpe ad ossa usque pubis porrigitur. Mulieribus tamen magis, quam Viris; ¹ obesis, quam macris, unde in illis quidem uteri os comprimendo, sterilitatem: in his, peritonæum laxando, herniam causatur. Figura marsupium aucuparium refert, ut Galenus lib. vi de anatom. administr. testatur, cum è gemina membrana constet in fundo connexa, & orbiculatum orificium habeat. Id eleganter videre licebit, si ex ejusdem consilio aqua repleveris. *Connectitur* semper, teste Galeno lib. cit. de adm. anat. cap. v, tribus partibus, ⁱ Ventriculo, ^k Lieni, & ^l Colo. Superior enim pars Omenti, fundo ventriculi seu gibbæ ejus parti secundum longitudinem adnascitur,

Præter naturam.
OMENTI
situm natura-
lis.
*Non natura-
lis.*

1.

2.

3.

Præter naturam.
Præter naturam.

VESICÆ si-
tus naturalis.
*Non natura-
lis.*

VTERI situs
naturalis.
*Non natura-
lis.*
*Præter natu-
ram.*

Synonymia.

Etymologia.

Substantia.

Magnitudo.

Connectio.

Membrana
duas.

Origo.

Vasa.

VSVS.
1.

& paulatim descendens ad ilium & pubis fere ossa protenditur, mox subtus regreditur, & ad Coli intestini dextram partem, quæ Ventriculo proxime est subjecta, reflectitur, cui pauculis quibusdam ligamentis, tum etiam ventriculi simis alligatur. Nonnunquam, eodem teste, Iecinoris fibræ, & spuria cuidam costæ adnectitur. *Componitur* ex membranis duabus; quarum altera, superior; altera, inferior est. ^a *Superior*, ad Ventriculi fundum, à tertia ipsius tunica & communi oritur, ac hepatis & Lienis cavo committitur. ^b *Inferior*, à peritonæo statim sub septo transverso ad dorsum enascitur, & hepatis cavo, diaphragmati ac duodeno intestino, tum lienis simo, ac tandem coli intestini toti illi parti, qua sub ventriculo incedit, annectitur. *Exortus* ergo omenti ex iisdem est sedibus, quibus adnascitur. Habet & vasa omnis generis. *Venas*, à sola vena Portæ: & superior quidem membrana, utramque Gastroepiploidem, dextram & sinistram: inferior autem, epiploidem dextram & posticam. *Arterias* totidem, à Cæliaco & Mesenterico ramo. At *nervos* exiguos, à sexti paris ramo costali.

VSVS Omenti præcipuus est, ut Ventriculi & Intestinorum nativum calorem pinguedine sua foveat & coctionem juvet. Hunc Galenus lib. 1v de Vsu part. cap. ix, eleganter probat, adductis in medium exemplis eorum, quibus ob vulnus in abdomine inflictum excidit, & postea abscissum est. His enim omnibus Ventriculi coctio læsa fuit, plurimisque tegumentis eguere, ut calorem imi ventris tuerentur. Contra tamen apud Forestum legimus, fuisse juvenem, qui omento ablato nihilominus commode vixit: sed huc trahendum non est, cum videamus quandoque in Natura plurima præter rationem fieri. Assignat & alium usum Galenus lib. 1v de Vsu part. cap. xi, qui statuit, tempore inedia calori nativo alimentum sua pinguedine suggerere: verum illud nobis vero simile supra visum non fuit. Hippocrates vero lib. de glandul. adhuc alium usum omento tribuit, humorem videlicet ab intestinis copiose influentem, si à glandulis excipi & absumi una vice non queat, in se veluti in æstuario quodam asservandi. *Glandulae enim*, inquit, *in intestinis majores sunt, quam alibi in corpore, & pascuntur humectationem nimiam ex intestinis exprimentes: intestina vero ex vasis in omentum suscipiunt, ac remittunt humiditatem. Omentum autem in glandulas distribuit.* Cæterum quia Author hujus libri mea sententia Hippocrates non est, cum Galenus in 1 comm. de Art. text. XLVI, expresse scribat, Hippocratis librum de Glandulis injuria temporis periisse, non multum in hujus loci declaratione laborabo: præsertim cum & absurda doceat, utpote Glandulas in omento reperiri, quod à nemine unquam Anatomicorum statutum est. Nisi si forte Omenti nomine abusus est, & Mesenterium intellexit. Quicquid sit, quia præcipuus, ut dixi, usus est, Ventriculi & Intestinorum coctionem juvare, videamus nunc quomodo huic usui Natura satisfecerit. Primum ergo *figura* cavitati inferioris ventris accommodata fuit, ut commodissime omnes ipsius partes contegeret. *Magnitudinem* autem obtinuit, quantum erat spatium tegendorum viscerum: sed homini tamen, quam reliquis animalibus majus, quod cum erecto corpore incedat, nullisque munitus sit pilis, facile ab externis injuriis lædatur, & tam à frigore, quam nimio calore. At enim cætera animantia cum prono corpore ambulent, tot cæli aërisque injuriis non sunt opportuna: ut taceam, quod extremis cruribus foveant abdomen. Hinc fit, ut animalia, quæ omento destituuntur, quemadmodum sunt Lepores & Cuniculi, abdominis calorem contractis pedibus foveant, maximeque post cibum assumptum, ut quod ingesserunt, felicius concoquant. *Substantia* membranea est, ut commodè distendi & laxari posset, ventre repleto aut inanito: ad quam rem *tenuitas* ipsius plurimum facit, quantumvis & ne oneri sit subjectis partibus prohibeat. Est autem *densa*, quo minus internus calor dissipetur, aut externus aër ingrediatur. Illo enim expirante, debilitas omnium viscerum: hoc inspirante, corruptio sequeretur. Hoc nomine & *pinguedo* copiosa intertexta est, quæ hic egregie olei officio fungitur, quod nostri Sepplasiarii expressis plantarum succis affundunt, ut ab externi aëris ingressu vendicentur. Non mirum ergo, si minus commode vivant, quibus omentum in magnis abdominis vulneribus ablatum est. Non tamen totum omentum ex pinguedine propterea constat, sed quibusdam locis membrana singulari Opificis providentia interpolata est. Debit enim dilatari & constringi quoque, quod munus membranæ substantiæ maxime omnium competit. Pinguedo autem hæc prope venas & arterias consistit,

consistit, ad tutelam vasorum, quæ externis quamplurimis periculis erant obnoxia, sed maxime compressioni in ventris repletionem & pluribus corporis motibus. Est autem *membrana*, ex qua Omentum conficitur, *gemina*, ut modo Ventriculo, modo Intestinis, quorum actio alterna est, inserviat. Stomacho enim repleto cibus, at vacuis intestinis, superior membrana attollitur, relicta in suo loco inferiore: contra repletis intestinis, inferior ascendit. *Connectitur* autem cum superioribus partibus abdominis, quod infimis annexum, dum homo erectus incedit, in se convolutum fuisset. Inferius liberum est, ut modo superior, modo inferior membrana ascenderet. Imprimis tamen ventriculo alligatur, tanquam mediæ inter colon & lienem parti, à qua æqualiter dependet. Ne tamen in decubitu ad latus hinc inde volveretur, à lateribus, lienem quidem in sinistro, colo autem & hepati in dextro adnexum est. Quo ad *exortum*, eo loco pronasce conveniebat, cui jungitur, quod inde venas & arterias pro sanguine & vita hauriat.

Caterum sub finem hujus capituli corollarii loco adjicere libuit explicationem aphorismi Hippocratis, qui est quinquagesimus quintus septimæ sectionis, huc maxime facientis, & qui sine anatomica scientia declarari nequit potest. Inquit ergo Hippocrates; οἷσιςιν ἀν τὸ ἥπαρ ὑδατὶς πληθύνει εἰς τὸ σπένδαλον ῥαγὴ, τέτοιςιν ἡ κοιλίη ὑδατὶς ἐμπιπλάται, καὶ ἀποθνήσκουσιν. Quibus Hepar aqua plenum in omentum irruerit, iis venter aqua repletur, & moriuntur.

In hujus explicatione duo quærentur; *primo*, per quas vias Iecur aqua plenum in omentum irrumpat; *deinde*, an, & cur necessario moriantur. Videndum tamen primum est, quid per Hepar intelligat, tum per aquam, inde Omentum, & tandem per verbum *irruerit*. Per Hepar enim duo intelligere licet, vel totum jecoris corpus, vel unam tantum ipsius particulam. Galenus exteriorem ipsius partem intellexisse videtur, cum in commento inquit, hepar aptissimum esse ad generandas vesicas aqua plenas, ὑδάπδας dictas, & quidem in ea, quæ ipsum exterius ambit, membrana. Meo tamen iudicio non inepte totum viscus hac voce sumi potest, quatenus ex venis & parenchymate constat, cum universum venosum genus, quod in jecore est, aqua impleri & distendi possit. Sed & ipsum verbum πληθύνει, id nobis tacite videtur insinuare, cum jecur aqua plenum dici non possit, si una tantum ipsius pars nonnihil aquæ contineat. Per

Hepar.

Aquam autem, similiter duo commode intelligimus. *Primo* quidem humorem serosum ac frigidum instar aquæ: quomodo accepisse videtur idem Hippocrates, lib. I de morb. mulier. ubi hydropem mulieribus ab aquoso liene fieri scribit, cum mulier insigni febre laborans plurimum biberit, nec revomuerit, aut per urinas, sudores vel alvum reddiderit. Tunc enim Lienem aqua repleti, quæ postea in Ventrem, aliasque partes fluat. *Deinde* & humor biliosus, tenuis, & aquæ instar fluidus, qualis plerumque iis, qui ascite laborant, in ventris cavitate continetur. Talis enim copiosissime in fervido jecore generari potest, præsertim ex usu vini generosi aut alimentorum, quæ hepatis calidam intemperiem augeant. Cumulari autem potest tum in ipso, tum in toto corpore & venoso genere, indeque ad jecur ob partis debilitatem transferri. Mea ergo sententia per aquam hoc loco uterque humor, & calidus, & frigidus, dummodo fluidus sit instar aquæ, sumi potest. Aquam hanc in Omentum, εἰς σπένδαλον irrumpere ait: quæ verba intelligi possunt, primo quasi dixerit, τὰ τὸ σπένδαλον, *supra omentum*, in cavitatem abdominis, quæ scilicet inter peritonæum & intestina continetur. Et in hac significatione videtur accepisse Galenus in commento, dum inquit, ex vesicis hydatidibus dictis, quæ sub cute jecoris sunt, si perumpantur, aquam effundi ad locum membranæ abdominis interioris epigastrio respondentem, in quo aquæ hydropicorum congregari solent. Sumi etiam potest pro substantia omenti, quæ ex venis & arteriis constat: in qua notatione sumserunt nonnulli Recentiorum, autoritate Hippocratis fulti, qui lib. I de Morb. mulier. Splenem aqua tumidum excrementa sua in corpus, & maxime in Omentum per venas deponere scribit. Sed & interna tandem illa cavitas, quam omenti duplicatio constituit, intelligi potest. Nec ex his una tantum est expositio quæ mihi arrideat, sed, si quod res est fateri debeo, omnes sanæ veræque videntur. Nec enim moveor autoritate Galeni, qui negat in cavitate omenti ex hepate quidquam influere, nisi prius exedatur, cum Anatomica inspectio me longe aliud docuerit, ut postea dicemus. Hæc autem aqua non destillat sensim, ut voluerunt quidam declarare verbum ῥαγὴν, sed irrumpit & magna vi ac confertim illabitur. τὰγὴν enim impetum fluxionis

Aqua.

Omentum.

irruerit.

denotat, ut patet clare ex Aphor. xxxi, lib. v: Vbi γυναικί, inquit, αἷμα ἐμείσθῃ, τὸ κατὰ μιλίων ῥαγόντων λύσις. Mulieri sanguinem vomenti, menstruis confertim erumpentibus, solutio accidit. Galenus enim in comm. testatur, Hippocrati in more esse positum, ut confertim factas evacuationes sive arte, sive natura, per verbum ῥάγειν designet; adeoque & in hoc aphorismo τὸ κατὰ μιλίων ῥαγόντων, idem esse atque ἀθρόως ἐκκερθέντων. Et sane proprium est mensium in sanis mulieribus cum impetu fluere, non paulatim. Sic Aristoteles lib. vii Histor. de anim, cap. i, τὰ κατὰ μιλία κατὰ ῥάγειν scribit, cum primum virginibus decimo quarto anno erumpunt. Irrumpere ergo hic fluxionem confertim factam significat: priorque aphorismi pars ex toto jecore serosum & biliosum humorem confertim excerni posse testatur, & quidem vel in omenti partem superiorem, quæ est in abdominis cavitate circumsepta à peritonæo & intestinis: vel in venas, quæ per omentum disperguntur: vel denique in partem interiorem, quæ est cavitas, quam duplicatum peritonæum constituit.

Tres viae per
quas aqua in
omentum ir-
rumpit.

Si quæretur nunc per quas partes hæc fluxio fiat; ut tres sunt partes, quæ per omentum intelliguntur, ita tres quoque vias esse dixero. *Prima*, est exterior illa pars Iecoris, quam tegit membrana à peritonæo profecta, & quæ nullo modo omento includitur, aut eidem etiam alligatur. Hanc ipsam quoque viam agnovisse videtur Galenus, cum in commento hujus aphorismi inquit, ruptis vesiculis aqua plenis in jecoris superficie contentis, aquam in abdominis cavitatem, cui Omentum includitur, effundi. Sed & citra vesiculas evenire potest, ut aqua confertim ex hac jecoris parte effluat, perrupta illa membrana à magna serosi humoris copia, vel exesa etiam à nimia biliosi acrimonia. Non minus hanc viam doctissimus Fernelius scivisse videtur, qui lib. vi de morb. & symptom. part. cap. viii, causam Hydropis ascitis non aliam esse testatur, quam viscerum, Iecoris inquam, Lienis, & Mesenterii sive fissuram, sive erosionem: eos autem gravissime hallucinari, qui cæcos quosdam ductus sibi imaginantur, per quos in abdominis spatium confluat, cum ascites peræque omnes invaderet, & natura humoribus distribuendis inutiliter tot vias parasse videatur. Adde, inquit, quod iis, quos ex urina dies viginti suppressa, extinctos novimus, aquæ nil quicquam deprehensum est, per cæcos illos ductus in abdominis spatium refluxisse, quoniam integra his, non pertusa erant sanguinis serique conceptacula. Hinc fit, ut ascites iis fere superveniat, qui rupta vel exesa viscerum vena cruentis vomitionibus, aut dejectionibus opportuni sunt. Licet enim suppressus sanguis sit, serosus tamen humor per derelictam fissuram præterfluit, inciditque in spatium abdominis. Ego tamen hanc Fernelii opinionem haudquam semper veram existimo, cum ex jecore aquam etiam sine manifesta continui solutione, sive tunicæ & membranæ exterioris, sive etiam ipsius substantiæ effluere statuas: sed per cæcos membranæ ductus, qui ampliores reddi possunt, quando membrana copia humoris nimium dilatata attenuataque fuerit, ut mediante nostro calore per ipsam aqua transsudare, ac sic paulatim stillare queat. Cæterum hoc modo paulatim tantum humores à jecore excidunt, non confertim fluunt. Ascites ergo ut plurimum sic oritur, hoc est, citra aliquam membranæ deperditionem aut fissuram, si quando ab Hepatis vitio originem trahit. Si enim omnis hydrops ex manifesta continui solutione accideret, derepente in omnibus generaretur, cum plerunque tamen semper paulatim aqua in abdomine colligatur. Quin imo cum omnis continui solutio in ejusmodi visceribus lethalis fere sit, nullus omnino convalesceret, cum multos tamen in principio curatos viderimus. *Altera via* per quam aqua in Omentum confertim irrumpit, venæ sunt. Ex jecore enim per venam Portæ in ramum Splenicum & Lienem ipsum humor deponitur, qui deinde in ramos Ventriculæ adeunt, à quibus propaggines ad Omentum disseminantur, influit; quarum tunicas vel copia dilacerat, vel acrimonia exedit, & sic in spatium abdominis vel omenti cavitatem fluit. Sunt & qui statuunt, citra vasorum solutionem, quæ difficulter hic contingere queat, cum vasa omenti undique copiosa pinguedine cingantur, per cæcos ductus humorem transsudare, ubi omenti venæ aqua repleta fuerint. Quæ sententia mihi profecto non displicet, cum sciam ex Hippocrate per tunicas arteriarum venarumque ex abdominis capacitate ad renes etiam crassos humores pelli, qui certe non aliam viam, quam cæcos hos ductus sequuntur. Quin imo aquam in abdomine contentam quandoque confertim ad intestina

Altera.

ad intestina confluere & per alvum expurgari videmus, quod non nisi raptis in venas mesaraicas humoribus contingere potest. Tertia tandem *via*, & quam omnino Galenus ac Recentiores quoque ignorasse videntur, est ^a *Lobus exiguis* in cava Hepatis parte juxta Portas vocatas situs, qui in ipsam Omenti cavitatem totus reconditur, ab aliis Anatomicis nondum descriptus. Hic enim longe tenuiore membrana, quam reliquum hepar tegitur, ut omnino credibile sit, à levi injuria, facillime perrumpi. Accedit, quod & ipsa substantia mollissima sit, ut cuius patebit, qui parenchyma à venis liberare voluerit, cum vel levi affricatione digitorum discedat. Ut taceam in hoc loco complures venæ cavæ propagines, & ipsum venæ Portæ truncum esse situm, in quibus major serosi humoris copia, quam in aliis jecoris partibus contineri potest. Per lobum ergo hunc, aut partes ei conterminas, quæ tenui omenti portione circumsepuntur, in omenti cavitatem commodissime serosum humorem ex jecore erumpere pronunciamus.

Tertia, I.O. BVS Hepatis nemini antea descriptus.

Queritur autem, an quibus ita in omentum irruperit aqua, moriantur? deinde, an necessario moriantur? Contrarium enim hoc videtur Hippocrati lib. VI Aphorism. XIV: ubi, ἢ πὸ ὕδρωπι ἐχορδαίω, ἢ καὶ τὰς φλέβας ἐς τὴν κοιλίαν ὕδατος ῥυέν, λύσις. Hydropes, inquit, detento, si quæ in venis est, in ventrem aqua confluerit, solutio fit. Eandem sententiam repetit in Coacis prænotionibus, ut videatur omnino magni esse momenti. Sed dicatis, in nostro aphorismo per Ventrem, abdominis capacitatem; in laudato modò, alvum & intestina intelligi, ut adeo uterque sit verus. Aqua enim si ad alvum abeat, morbus solvitur: at si in Ventre remaneat, partium naturalium calorem debilitat primum, deinde exstinguit, unde mors sequitur. Non tamen necessario, sed ut plurimum; cum fieri possit, ut sponte naturæ aqua in ventre collecta per urinas aut alvum expurgetur. Hinc illud in Coacis prænotionibus oraculum: In aqua intercute incipiente, alvi profluvium aquosum oboriens citra cruditatem, morbum solvit. Cæterum ut judices, an aliqua salutis spes reliqua sit, præ cæteris urinas inspicere, quæ si pauca reddantur, sintque rubicundæ ac crassæ, & febris valida detineat, de ægro conclamatum esse dixeris.

An moriantur, quibus aqua in omentum irruperit, & an necessario.

Sed restat dubitatio, quomodo jecur ita repleti aqua queat, ut si aqua illa in omentum irrumpat, venter inde distendatur, & ægri moriantur? Videtur enim fieri non posse, ut tanta aquæ copia in jecore contineatur, quod triplo minus est abdominis cavitate. Sed vero jecur postquam aquam illam exoneravit, tum demum propter imbecillitatem & vasorum dilatationem nimiam factam & generat, & facile ex universo venoso genere suscipit novam materiam, quæ continuo deinceps in cavitatem imi ventris exstillat. Et hoc illud ipsum est, quod Hippocrates dicebat, si scilicet hydropico succedat alvi profluvium, ita ut aqua, quæ in venis est, ad alvum convertatur, morbi fit solutio. Quod enim reliquum est aquæ in abdomine contentæ, Natura sæpe dissipare ac discutere consuevit, præsertim si bona victus ratio & medicamenta accedant in auxilium.

CAPUT VII.

De Gula.



VM Ventriculus Gulæ sive Oesophago continetur, de utroque hoc libro agemus, quantumvis Gula in medio potius, quam infimo ventre sit sita. Pars ergo illa teres, quæ ab ore ad Ventriculum descendit, Græcis εἰσοφάγος dicitur, & proprie σίμαχος, ὁπὸ τῆς μήκους καὶ στενότητος, *Synonymia.* à longitudine & angustia sua, ut testatur Aristoteles ipse lib. I Histor. de anim. cap. XVII: ubi, ἐν τῷ δὲ, inquit, τῷ αὐχένι, ὅ, τὴν εἰσοφάγον καλεῖται.

Etymologia.

μῦθος ἐστίν, ἔχων τὴν ἐπαννυμίαν ὁπὸ τῆς μήκους καὶ τῆς στενότητος. Quem locum doctissimus Gaza sic interpretatur, Gula intra collum est, ab angustia & longitudine nuncupata. Cum ita potius vertendus esset; Intra collum οἰσφάγος vocatus est, cognomen habens à longitudine & angustia. Sed locus tamen ipse nihilominus obscurus manet, cum εἰσοφάγος ab antiquo potius verbo εἰέν φάγημα, h. e. ferendo intro quod esculentum est: at σίμαχος, quasi στενὸς καὶ μακρὸς dicatur. Ex quo fit, ut locum illum paulo aliter legendum censeam, præsertim cum capite XI dixit, σίμαχον intra collum asperamque arteriam situm esse. Vera ergo lectio fortassis hæc est: ἐν τῷ δὲ τῷ αὐχένι εἰσοφάγος καλεῖται ἐστίν, ὅ, τὴν καὶ σίμαχον, ἔχων τὴν ἐπαννυμίαν ὁπὸ τῆς μήκους.

Origo, & pro-
gressus.

Substantia.

Vena.

Arteria.

Nervi.

Glandula.

Vsus.

Actio.

μήκας & στενότητι. Intra collum œsophagus vocatus est, qui etiam stomachus à longitudine & angustia dicitur. Latini Gulam vocant, Arabes Meri & Vescet. Dixi autem hanc partem proprie Stomachum Græcis vocari, quod apud Latinos hæc vox pro Ventriculo quoque sumatur, ut cum Celsus inquit; Imbecilles stomacho, quales maxima pars literatorum, omnesque fere cupidi literarum sunt. Est autem pars organica, cujus initium à faucibus ad linguæ radicem, statimque inter asperam arteriam, cui subternitur, tum corpora vertebrarum colli & quatuor priorum thoracis, quibus insidet, recta descendit. At ubi ad quintam thoracis vertebra pervenit, trunco arteriæ magnæ descendenti cedens, nonnihil ad dextrum latus flectitur; deinde cum eadem ad nonam usque deductus, paululum à corpore vertebræ membranarum beneficio elevatur, arteriamque supergrediens, Diaphragmatis nervosum corpus à lævo latere pertransit, & circa undecimam Thoracis vertebra ventriculi sinistro orificio inseritur. Constat autem ex tribus membranis; quarum una, communis est; duæ, propriæ. Communis membrana proprias involvit & cooperit, quam nonnulli à Peritonæo, alii à ligamentis vertebrarum, quibus adhæret, deducunt. Propriarum prima, sive externa, carnosa & crassa est, transversis tantum fibris donata: altera & interna, membranosa, fibris rectis & tenuissimis constans, membranæ illi, quæ palatum, os, fauces & labia tegit continuata; ex quo fit, ut in labiis signa futuri vomitus appareant. Venas habet, tum à Cava, tum vena Portæ. A Cavæ quidem ramo sine pari, dum in Thorace adhuc est; à Portæ autem vena, ubi Ventriculo jungitur, sparsis versus superiora à coronario ramo furculis. Arteriæ ab Intercoastalibus & Cæliacæ ramo Coronario accedunt. Nervi autem insignes, à sexto pari, qui oblique securitatis gratia deferuntur, ut inquit Gal. lib. vi de Vsu part. cap. vi; & copiosi sunt, unde tam exactus circa superius ventriculi orificium sensus. Habet & glandulas: duas quidem in faucibus, gulæ & laryngi communes, quæ salivalem humorem, ne exsiccentur, præparant, & Latinis Tonsillæ vocantur: alias vero duas in medio stomachi ductu, à posteriore ipsius sede, qua is asperæ arteriæ in duos truncos divisæ subjicitur.

Vsus Oesophagi est, ut infundibuli loco serviat, per quod cibus ac potus in ore nonnihil confectus ad ventriculum transmittatur. Sed præter hunc & Actionem habet, cum cibum excipiat per dilatationem membranæ propriæ interioris, & exceptum detrudat in ventriculum per constrictionem externæ tunicæ propriæ & muscutorum, quos Pharyngis vocavimus, supraque libro quarto descripsimus.

C A P V T V I I I.


De Ventriculo.

Synonymia.
Figura.

Situs.

Magnitudo.

Nota.



ESOPHAGO Venter continuus est, qui Græcis γαστήρ, & κοιλία dicitur à cavitate: at Latinis Ventriculus, ad discrimen ventrium majorum. Hic figura utriculari pastorum tibiæ perquam similis est, cum oblongus sit & rotundus supra gulam; inferius duodenum connexum habens, quibus duas illas fistulas eleganter exprimit. A sinistris, & in fundo amplior paulo: at dextrorsum sensim attenuatur. Situs autem est in superiore infimi Ventris parte, inter primas lumborum vertebra & cartilaginem mucronatam, fundoque ad umbilicum usque, præsertim dum sedemus aut ambulamus, porrigitur: quod si cibo potuque repletus sit, ulterius etiam nonnihil descendit. Elatiore sui parte, qua superius orificium est, in sinistram partem paululum declinat: inferiore autem, in dextrum latus. Proxime ergo Diaphragmati subjacet, quod majore etiam parte contingit, unde admodum alimentis distentus, Diaphragmatis motum impediendo, Dyspnæam concitat. Anterius & à dextris, hepatis cavo tegitur; à lævis, Liene; posterius, Arteria magna, Venaque cava, & pancreas sita sunt, à quibus veluti foculis quibusdam incalescit. Quamobrem si hujusmodi viscera affecta sint, præsertim si scirrhus aut aliqua frigida intemperie laborent concoctionem necessario lædi, facile ex his colligitur. Magnitudo ipsius, etsi ab Hippocrate quinque palmarum longitudine definita sit, admodum tamen variat. Communiter foeminis, quam maribus minorem contigisse observavimus, quod propter uterum, ut commodius in gravidis distenderetur, evenire crediderim. Notavi etiam in Viri cadavere ventriculi amplitudinem quatuordecim

decim aquæ libras cepisse, & magnitudinem etiam in vivis ex oris longitudine desumi posse, cum grandiore habeant ventriculum, quibus os majus est. *Connectitur sinistro* Connexio. *orificio*, cum gula; *dextro*, cum intestino duodeno. *Fundo*, cum omenti parte superiore: *suma* vero, cum portione partis ejusdem inferiori. Substantia. Constat autem ex tribus membranis; quarum *prima*, communis est, à peritonæo enata ea parte, qua septum transversum circa superius orificium succingit. Rectas hæc habet fibras, & omnium quæ à peritonæo prodeunt, crassissima est. *Alterà*, quæ exterior propriarum, tota carnosæ est, transversis constans fibris, quibus paucae quædam, sed carnosæ oblique subjacent. *Tertia*, sive interior nervosa est, œsophagi, labiorum, & omnium quæ in ore sunt partium tunica continua, & triplici fibrarum genere mire intertexta: inter quas rectæ copiosiores sunt, & magis conspicuæ. Habet præterea *duo orificia* in elatissima sui regione: *unum*, Orificia duo. quod sinistrum dicitur, & dextro majus est, cui Oesophagus continuatur. Vocatur Græcis, καρδιά, Latinis quoque Cor (unde & dolores in ipso facti, καρδιαλγίαι & καρδιωγμὸι dicuntur) quod maximus inter cor & ipsum sit consensus, non quidem, ut vulgo creditur, ob vicinitatem, sed potius ob nervos, qui ex eodem ramo sexti paris in utrumque viscus disseminantur; unde fit, ut uno laborante, alterum similiter afficiatur. Constat hoc fibris carnosis orbicularibus, ut alimento intra ventriculum recepto, exacte claudatur, cum plurimum in coctione referat, ne fumus à cibis elevati & cum his calor dissipetur. *Alterum*, dextrum dicitur & inferius, quamvis non minus in elatissima quoque sede sit positum, quod Veteres, à quibus hæc appellatio fluxit, male crediderint in inferiore loco reponi. A Græcis πύλωρ dicitur, quasi Ianitor, quod cibis ex Ventriculo ad intestina viam aperiat. Huic præter transversas, quas habet, fibras, intrinsecus crassior spissiorque circulus circumjectus est, sphincteris musculi in modum, ut & claudi & aperiri queat. *Venas* complures habet, quæ tamen omnes à Portæ vena originem Veni. trahunt, & vel à Trunco vel Ramis, iisque Splenico aut Mesenterico. A Trunco quidem, Pyloricus ramus. A Splenico autem, Gastrica vena, à qua Coronaria nascitur, Gastroepiplois sinistra & Vas breve. A ramo Mesenterico antequam dividatur, Gastroepiplois dextra. *Arterias* habet ab arteriæ magnæ ramo Cæliaco, quæ singulas venas comitantur, Arteria. de quibus supra libro sexto dictum est. *Nervos* complures & insignes à sexto pari, qui Nervi. una cum œsophago Diaphragma transeuntes sese interfecant; & *dexter* quidem, sinistram & anteriorem: *sinister* vero, dextram & posteriorem ventriculi partem cingit; unde fit, ut exactissimo sensu orificium superius sit donatum. Voluit enim Natura, ut esset sedes appetitus animalis & defectum alimenti in corpore quam celerrime persentiret, cum deficiente in Venis naturali sanguinis copia, exhausti nonnihil in corporis nutritione, Ventriculus & potissimum ejus interior tunica constringatur, unde tractis nervis dolor ille, quem famem appellamus, nascitur. *Incedunt* autem tria hæc vasorum Vasorum progressus. genera inter tunicas ventriculi, & quidem communem & proprias, sicque extremis oscillis in internam propriam terminantur.

ACTIO Ventriculi, est ciborum in chylum conversio, quam Græci χύλωσιν appell- ACTIO. Chylus. *lant*. Est autem *Chylus* succus albus & mediocriter crassus, cremori hordei non absimilis, à Ventriculo ex alimentis per concoctionem elaboratus. Coctio autem hæc per calorem fit, nec tantum illum, qui substantiæ Ventriculi innatus est, aut à Corde indefinente fluxu suppeditatur: sed & quem circumstantes partes suo fotu suggerunt, cujusmodi sunt *in dextra parte* jecur, *in sinistra* lien, *superius* diaphragma, *inferius* intestina, *ante* omentum, *retro* arteriæ & venæ cavæ trunci. Calor autem hic non est nimius, ne adurat; sed moderatus & blandus, humiditatis cujusdam non expers, ut elixationi similis sit illa coctio. Vt autem quamplurimum ipse in se reciperet, nec tamen multum loci occuparet, *figuram* rotundam nactus est, utpote capacissimam; longam tamen, ut duo orificia contineret, quorum utrumque in elatissima regione est situm, ne si in fundo alterutrum fuisset, stimulum cibi pondere incoctum adhuc alimentum exegisset. *Magnitudo* autem tanta est, ut cibi una vice recipiat, quantum ad nutritionem est opus. Fecit etiam *substantiam* ex membrana, ut & extendi, dum cibum, præsertim in copia sumimus, & contrahi iterum possit, dum munere suo peracto exinanitur. Ne autem confestim elaboretur, cum coctioni certum debitumque tempus sit definitum, interiorem membranam omni fibrarum genere intertexuit, quibus constrictis, undique cibum

amplectatur & contineat. Contra ut perfecto absolutoque opere chylo liberaretur, exteriori transversas fibras largita est, quibus ad intestina protrudit. Vnde & duo orificia nactus est; unum, quo excipit; alterum, per quod expellit. Et illud quidem hoc amplius est, ut cibus leviter tantum à dentibus præparatus, neque satis bene comminutus, prompte tamen in Ventriculum transfret, ne helluonibus & famelicis facile in via hærendo suffocationis aut quod aliud periculum crearet; quod metuendum non erat, ut in inferiore fieret, per quod jam ille nisi coctus & elaboratus in chylum non transit. Venas etiam habet, ut nutriatur, cum non minus ac omnes aliæ partes sanguinem pro alimento habeat. Arterias, ut vivat; & Nervos, ut sentiat. Alios usus horum vasorum libris præcedentibus quarto & sexto exsequuti sumus, quos brevitatis studio nunc non repetemus.

Explicatio
aphorismi
54, sect. 7.

Sed enim cum hætenus complures Hippocratis aphorismos, qui citra historiam anatomicam intelligi non queunt, exposuerimus, quam rem ut utilem, sic quoque gratissimam studiosis futuram judicavimus, merito laboris pretium facturi nobis visi sumus, si huc difficillimi illius explicationem conjecerimus, quem nescio an quisquam adhuc ante nos recte intellexerit. Aphorismus est quinquagesimus quartus ultimæ sectionis, in quo ita pronunciavit Hippocrates; *ὁ χρόσις μετὰ τὸ φρενῶν ἢ τὸ γαστρὸς φλέγμα δύσκολόν ἐστι, ἢ ὀδιῶλον παρέχει, ἐκ ἔχον διέξοδον εἰς ὑδερῶν τὴν κοιλίαν, τὰ πλείοσι κατὰ τὰς φλέβας εἰς τὴν κύστιν τραπίντα, & φλέγμα ἴδιον, λύσις γίνετ' ἡ νόσος.* Quibus inter ventriculum & septum transversum pituita concluditur, doloremque infert, ad alterutram cavitationem exitum non habens, iis per venas ad vesicam conversa pituita, morbus solvitur. Controversia est quid per cavitationem illam intelligat, quam inter ventriculum & septum transversum conclusam ait. Marinus antiquus Medicus &

Quid per cavitationem intelligat Hippocrates, opinioniones Marini.

qui dudum ante Galeni tempora floruit, & aphorismos commentariis illustravit, statuit cavitationem hanc inter carnosam septi transversæ partem & peritonæum esse, quo septum inferiore sui parte tegitur. Negat enim fieri posse, ut inter ventriculum & Diaphragma humor concludatur, cum necessario defluat & in abdominis cavitationem effundatur. Sed impropria nimis hæc loquendi ratio foret, si pro peritonæo Ventriculum Hippocrates dixisset, qui alias ab omni verborum abusu mirifice abstinuit. Hanc cum

Galenus.

Galenus advertisset, aliud spatium ostendit, illud nempe, quod, ut ipse loquitur, infra septum transversum est, sed intra eam membranæ abdominis interioris partem, quæ ad epigastrium attinet. Sed cum & sic impropria quædam dicendi ratio foret, illam ego

Authoris.

merito cavitationem statuerim, quæ ad sinistrum orificium ventriculi sub Diaphragmate membranæ inclusa occurrit, in qua aquam, flatum, & pituitam coacervari sæpenumero observavimus. Viæ autem per quas Pituita ad hanc cavitationem pervenit, pori sunt & insensiles illi meatus membranarum ventriculi, per quos transsudat, cum totum corpus sit transpirabile. Quæ sane viæ pluribus à me excogitatæ parebunt, nostroque effectæ cerebro, cum nec ipse negem prima fronte vix credibile quid videri: at iis, qui in Naturæ operibus, tum eorum, qui ex morbis obierunt, dissectionibus diligenter versati sunt, nihil omnino quod mentem in admirationem possit trahere, digni æstimabitur. Quin imo hoc loco exoptem, uti omnes qui Medicinæ navant operam, hanc corporis transpirationem bene animo suo comprehendant, cum ex hac multarum gravissimarum quæstionum solutiones promptissime petantur. Cæterum abundat in Ventriculo pituita, vel ob destillationem à capite, vel propter crudos humores ex crassis cibis genitos; quo pacto memini à me curatum, qui ab esu anguillæ in hunc affectum incidit; & alium quendam, qui admodum huic malo opportunus erat, si quando crudos cibos vel degustaverat. Collecta autem sic pituita dolores concitat, quod sinistrum ventriculi orificium tum frigiditate pituitæ, tum flatibus inde abortis afficiatur. Dolor autem hic nonnunquam adeo exacerbari consuevit, ut ægri animi deliquio corripiantur. Tenetur autem conclusa, quod neque ad medii ventris cavitationem ob solidiorem diaphragmatis substantiam: neque ad imi, ob dictam membranam transsudare queat. Hos enim ventres per ὑδερῶν κοιλίαν intelligit, quamquam non desint, qui credant Hippocratem Thoracem & ventriculum denotasse; qui tamen errant, cum hos frequenter sic; & Thoracem quidem, τὴν ἄνω; at imum ventrem, τὴν κάτω appellitet. Accedit, quod expresse in hoc aphorismo Ventriculum γαστρὸς vocet. Quod si tandem inquirat, per quos ductus pituita hæc in vesicam transfluat; illi respondeo, Venas esse ex Hippocratis sententia:

intelligi



intelligi autem venam Cavam & Arteriam magnam, in cujus ramos illi cavitati vicinos attenuata à nostro calore pituita rapitur, & postea per emulgentes propagines in renes transmittitur, à quibus ad vesicam tandem derivatur, cum via sit eò rectissima. Quo loco nota, non solum divinissimo Hippocrati hanc de qua diximus, transpirationem corporum fuisse cognitissimam, ut ex diversis ipsius oraculis, præcipue libro de Alimento patet, sed & eandem hic ad usum revocatam, cum dicat pituitam hanc in venis ex illo spatio rapi, inde ad urinæ vias transmitti.

CAPUT IX.

De Intestinis.



Venter Gulæ Ventriculus, sic ventriculo continua sunt *Intestina*, quæ Græcis *έντερά* dicuntur, *ωστέ τὸ ἐντὸς εἶναι*, quod in intimis corporis partibus consistant. Fuere nonnulli, qui *χολάδας* dixerunt, quod bilem, *χολῶ* appellatam excipiant. Latini communiter *Intestina*, & nonnulli *Interanea* vocant, quæ tamen vox in latiore significatione usurpata quævis interiora viscera peritonæo inclusa denotat. Hinc phrasis illa apud Latinos vulgaris, qua *exenterare* dicunt animalia, cum interiora viscera eximuntur. Barbari *Chordas* nuncuparunt, quæ appellatio postea fidibus cessit, quæ ex intestinis fiunt & testudinibus obducuntur. Fuit tamen hæc vox & Græciæ olim familiaris, quod patet ex Athenæi lib. VII *Δειπνοσοφ.* ubi hædorum intestina *χόρδας ἐρών* appellat. *Sita* *ῥύκος* in infimo ventre, cujus amplitudinem fere universam occupant, & cum longissima esse debuerint, quo facilius caperentur, plurimis modis invicem sunt convoluta. *Connectuntur* autem beneficio mesenterii, cujus interventu, quemadmodum & omenti, dorso alligantur, cæterum ab ilium ossibus magna ex parte sustentata. *Initium* ipsorum, à dextro ventriculi orificio sive pyloro est, cum quo continuantur: at finis, in podice terminatur. *Figuram* nacta sunt teretem, quæ quibusdam locis deprimitur, aliis recta est, nonnullis in sinus implicita. *Longitudinem* autem tantam habent, ut quatuordecim fere ulnas Patavinas æquent, vel si mavis cum cæteris Anatomicis efferre, sumpta mensura à corporis proportionem, sexies longiora sint eo homine, cujus sunt intestina. *Craffiti*es tamen inæqualis est; cum alia, crassiora sint; alia, tenuiora. *Substantia*, Ventriculi substantiæ non absimilis, cum tribus constent tunicis; una, communi; & duabus, propriis. *Communis* quidem, mediate à Peritonæo derivatur: at immediate, in Duodeno & ea coli parte, quæ ventriculo adhæret, ab inferiore omenti membrana exoritur, in jejunum autem, ileo & reliqua coli parte, & crassis intestinis, à Mesenterii membranis. *Prima propriarum*, sive exterior, membranosa est: *secunda*, & interior, nervea; quamvis ob crustam, qua intrinsecus succingitur, & ex tertiæ coctionis excrementis ipsorum intestinorum enata est, carnosa videatur. Inter communem & proprias, quemadmodum & in Ventriculo, vasa discurrent, Venæ & Arteriæ Mesaraicæ vulgo nuncupatæ. *Oriuntur Venæ* à Vena portæ, tametsi non ab uno & eodem ramo ad singula dispergantur. *Ad intestinum* enim *Duodenum*, duodena mittitur; *ad Iejunum*, *Ileum*, *Cæcum* & *Coli dextram partem*, Dextra mesenterica: *ad sinistram autem Coli*, totumque *Rectum*, Hæmorrhoidalis: *ad mediam vero Coli partem*, quæ sub ventriculo transversim incedit, Epiplois postica. *Ad rectum* tamen *intestinum*, etiam à Cavæ ramo hypogastrico vena mittitur, quæ Hæmorrhoidalem externam constituit, de quibus omnibus supra libro quinto egimus. *Arteriæ*, partem à Cæliaco ramo, partim ab utraque Mesenterica oriuntur. *Ad Duodenum* quidem & *Iejuni initium*, propago à dextro Cæliacæ ramo mittitur: *ad Iejuni* autem reliquum, *Ileum*, *Cæcum* & *Coli partem dextram*, Mesenterica superior: *ad Coli vero partem sinistram* ac *Rectum intestinum*, Mesenterica inferior, quæ cum venis ad extremum podicem descendens, Hæmorrhoidalem arteriam constituit. Tandem *ad Coli partem mediam*, quæ Ventriculo subest, Epiplois postica vadit, quæ ab inferiore parte Arteriæ Splenicæ, quæ Cæliacæ sinister ramus est, enascitur. *Nervos* habent, à sexto nervorum pari: Et *Duodenum* quidem, exiguos à stomachicis, qui pylorum adeunt: *reliqua* quamplurimos, utrinque à ramo, qui costarum radicibus exporrigitur: *Recti* autem *finis* sive *Podex*, quatuor à quinta conjugatione ossis sacri.

Pinguedo. Hinc tam exactus intestinorum sensus, gravissimique dolores in colo & recto male affectis persentiuntur. *Foris pinguedinem* adnatum habent, quod diligenter notandum est contra Medicos complures, qui statuunt pinguedinem in dysenteriae initio ab intestinis abradi. Quam prorsus ineptam sententiam ineptius adhuc probare conantur ex intestinis animalium domesticorum, quæ mensis quotidie inferuntur, in quibus pinguedo internam superficiem occupat, ignari à Lanionibus intestina ad defaecandum commodius inverti. *Intrinscus* mucosa quadam substantia obducuntur, quæ pituita quædam est excrementitia, in prima coctione nata, qua sapientissimus Opifex intestina quasi invitravit, ut alvi fæces lubricitate promotæ ex corpore promptius depellantur. Hujus utilitas quanta sit, tum demum intelligimus, cum post diuturnas alvi fluxiones, in quibus pituita hæc una excreta est, ventris beneficium desideramus. Vt cumque autem intestinorum unus continuusque sit ductus, adeoque unum intestinum dici possit, quidquid ab infimo Ventriculi orificio ad extremum usque anum porrigitur; solent tamen complura numerari ob diversitatem, quæ occurrit circa substantiam, figuram, situm, magnitudinem, vasa, & officium. Ratione enim *substantiæ*, crassiora vel tenuiora dicuntur: à *figura*, alia recta, ut duodenum & rectum; alia, anfractuosa, ut Colon; item levia, aut aspera. Pro *situ*, vel mediam abdominis sedem occupant, ut tenuiora; vel lateralem, ut crassa. A *magnitudine*, quædam ampliora dicuntur, ut colon; quædam angustiora, ut cæcum. Alia longiora, ut ileum; alia breviora, ut duodenum. Ratione *vasorum* notatu digna est differentia. Quædam enim plura recipiunt, ut jejunum & ileum; quædam pauciora, ut duodenum & rectum. Ab *officio*, quædam chylo perficiendo & distribuendo dicata sunt, ut tenuia; quædam fæcibus colligendis & excernendis, ut crassa. Cæterum utcumque sit, recepta est hucusque ab Anatomicis divisio, petita ex diversitate *substantiæ*, adeoque intestina in tenuiora, λεπτὰ ἔντερα, ἀραιὰ ἔντερα, & in crassiora sive παχέα dividuntur. Numerantur autem tria tenuium, totidemque crassorum.

*TENUIA.
Primum.*

TENUIUM primum, ab Herophilo δωδεκαδάκτυλον, à nostris *Duodenum* dicitur, quod longitudine duodecim transversos digitos exæquet. *Oritur* hoc à dextro Ventriculi orificio sive pyloro, quo nomine à Galeno ἑκφυσίς dicitur: recta deinde sub ventriculo ad posteriora descendit, quousque intestina cætera in gyros & anfractus cum mesenterio involvi incipiunt, cum solum hoc cum mesenterio non connectatur.

Secundum.

Secundum tenuium, νήστυν sive *Iejunum* dictum, quod in cadaveribus semper fere vacuum reperiatur, ob vasorum multitudinem, & flavæ bilis vim acrem, quam ab hepate recipit adhuc puram. Hujus *principium* à dextris est sub colo, ubi duodenum desinit & intestina torqueri incipiunt; ac circa umbilicalem regionem, quam fere totam occupat, in orbes quamplurimos convolutum in ileum terminatur. Habet autem *Venas* & *Arterias* tum majores, tum frequentiores, quam cætera intestina, ut nihil omnino præterlabatur chyli, quin ad hepar quam celerrime traducatur. Est autem tanta harum copia, ut vel ex hac sola totius jejuni circumscriptionem Anatomici nobis designent. In hujus principium, *Meatus biliaris* inferitur, per quem ab hepate bilis evacuatur, quæ postea intestina ad expulsionem stimulat, ac una cum fæcibus extra corpus deturbatur. *Longitudo* ejus duodecim palmorum est, triumque digitorum: at latitudo digiti annularis transversæ. Cum autem duæ membranæ sint propriæ, ex quibus constat, interior externa longior est, quod *plicis* innumerabilibus sit corrugata, quæ transversim & orbiculariter intestinum cingunt, ut chylum præterlabentem morentur & æqualiter extendant.

Tertium.

Tertium tenuium, Græce λεπτόν dicitur, sive *Tenue*, κατ' ἐξοχλήν, à membranarum quam præ reliquis habet, tenuitate. Nonnulli & εἰλεόν vocant, & ab hoc Ileum morbum denominari statuunt, cum Hippocrates cæterique omnes elegantiores hoc nomine pro morbo utantur. Quin & Galenus expresse lib. 11 meth. med. cap. 11, nomen Ileos non à parte laborante, sed à symptomate deductum esse testatur, siquidem εἰλεός idem sit, quod circumvolvi. Latini horum errorem sequuti *Ileum* communiter appellant. *Initium* ducit, ubi minores paucioresque Venæ reperiuntur: at finit circa dextrum renem, ubi tum cæco, tum colo jungitur. Totum autem subter umbilicum, ad ilia utrinque & coxas situm est, omnium intestinorum *longissimum*, cum viginti & unum palmum exæquet. Cæterum ut longitudine reliqua superat, ita ab iisdem latitudine superatur, cum angustissimum sit, si cæcum excipias, & vix transversum digitum æquet. *Plicas* habet in

tunica

tunica interiore rariores & minores, quam jejunum, quæ circa finem sensim oblitterantur. Est autem *substantia* tenuium intestinorum eadem fere, ut diximus, quæ Ventriculi, cum constent ex tribus tunicis; *una*, *communi*, quæ à peritonæo nata est; & *duabus* propriis, *primum externa*, quæ interna tenuior est, & carnosior, transversis atque orbicularibus fibris, ut ego quidem reor, insignita, & paucis quibusdam rectis, ad transversarum tantum tutelam. Deinde *interna*, rectis partim, partim obliquis, paucioribus tamen rectis, quam crassorum intestinorum tunica donata.

*Substantia in-
testinorum te-
nuium.*

CRASSA deinde sequuntur, quæ Ileo intestino adnectuntur, ex quibus primum est *Cæcum*, *κακὸν* Græcis, & sic dictum, quod alter ejus terminus clausus sit & foramine careat, adeoque per idem foramen ingreditur chylus, exeatque. Hinc barbaris Orbum, & Monoculum vocatum fuit. *Figura* in homine, crassum ac teretem lumbricum in orbes convolutum æmulatur, cum tenue admodum sit, quo nomine & inter tenuia potius, quam crassa referendum videatur. Quia tamen quadrupedibus, simia inquam, cane, aliisque (in quibus prisci Anatomici exercebantur, qui primi partibus appellationes tribuere antequam humani corporis dissectiones aggressi sunt) crassius est tenuibus, vel quia ejus substantia in homine quoque paulo crassior est ea, ex qua tenuia intestina constant, propterea in crassorum numerum relatum fuit. *Majus* est in fœtu, quam adulto, si corporis proportionem inspicias; & in hoc longitudinem quatuor digitorum transversorum, at latitudinem pollicis habet. Mesenterio non adnectitur, ut cætera intestina, sed quibusdam quasi fibris in orbem convolutum, reni dextro mediante peritonæo adhæret. In homine sano semper inane est; reperi tamen in quodam cadavere Patavii Lumbricum rotundum continuïsse: in quadrupedibus contra, plenum semper est excrementis. Hoc simiæ majus habent, quam Homo; & illâ canes adhuc majus, sed longe maximum cuniculi, sciuri, & glires.

CRASSA.
Primum.

Secundum crassorum, *Colon* est; *κῶλον*, *ὡς* *τὸ* *κωλύειν*, à retardando dictum, quia scilicet in eo excrementa alvi remorentur. Absyrtus antiquus scriptor in Hippiatricis, *ὡς* *τὸ* *κυλίεσθαι ἐν ἐαυτῷ* derivat, quod in seipsum contorqueatur. Hippocrates lib. vi Epidem. *ἐν τέρει* appellat *κατ' ἐξοχὴν*, hoc est, simpliciter intestinum. Absyrtus etiam *μονέντερον*, quasi dicas, quod solum intestinum est. *Oritur* superius, ab ileo & cæco; & inferius, ad initium recti circa primam ossis sacri vertebra terminatur. Ortum enim statim per dextrum ilium ascendit, ac ubi ad hepar pervenit, flexum sub Ventriculi fundo transversim ad sinistrum ilium abit, in quo iterum viam flectens, deorsum usque ad ossis sacri initium excurrit. *Alligatur* autem primum in dextro latere reni dextro, ope membranæ externæ; deinde in medio ventriculi fundo; ac tandem in sinistro latere reni lævo. *Longitudo* ejus palmarum septem est, totidemque digitorum; at latitudo pugnum æquat. Est enim amplissimum, ut quidquid chyli inutilioris remansit, in se recipiat & aliquamdiu complectatur, ne Homo, animal sapientiæ studio Musisque dicatum, egerendis facibus continuo interpellatur. *Figuram* teretem servat, ut cætera intestina; inæqualiter tamen variis extuberantiis modo intumescit, modo subsidet, idque propter *Cellulas*, quas intus habet. Nascuntur hæ *Cellule* ex interiore tunica, in quas rugæ ipsius expansæ sunt, quæ à lateribus evidentius comparent: at quo viciniore sunt ipsi recto, eo magis oblitterantur, adeoque ipsum colon æqualius redditur. Ne autem cellule hæ dissolvantur, provida Natura *ligamento* quodam & vinculo prospexit, quod per hujus elatiorem & mediam sedem secundum intestini longitudinem excurrit, sed medii digiti latitudine est, quo rupto aut laxato protinus evanescunt. Sunt & *appendiculæ* quædam pingues, quæ adnascuntur ubi propius ab intestino recto abest, evidentissimæ in valde obesis. Habet & *Venas* & *Arterias*, quamvis pauciores & minores quam gracilia, delatas à ramis venæ Portæ & Arteriæ magnæ. *Nervos* autem à sexta conjugatione frequentes, unde tam exactus in ipso sensus est. Cæterum hoc loco minime prætereunda est *valvula*, à Recentioribus Anatomicis in exortu hujus intestini, ubi Ileo jungitur, inventa, membranosa, orbicularis, sursum spectans, unoque verbo, similis illis signiformibus, quæ in cordis sinibus continentur. Magnum profecto & egregium divinæ providentiæ specimen, cujus vestigia cum per totam hanc rerum universitatem summa solertia diffusa sint, in quibusdam rebus singulariter eminent. Quia enim in alvi excretionem, quæ per ventris compressionem fit, à musculis abdominis septoque transverso faeces in Colo-

Secundum.

Cellule.

Ligamentum coli.

valvula.

Oblitum io.

contentæ, in tenuiora intestina regurgitare poterant, & hinc vomitus stercoracei consequi, regressum illum Valvula hæc egregie coercet & impedit. Aperta enim tam exacte foramen illud, quod ileo coloque commune est, occludit, ut ne flatus quidem in ileum possit ascendere. Hanc valvulam si quis videre cupiat, rectum intestinum aqua repleat, & dependente Colo à manu suspendat. Aqua enim ubi ad valvulam pervenerit, consistet, nec ulterius ne vi quidem adaucta progredietur, nisi valvula illa prius rupta ipsi cesserit. Et hoc est, quod Galenus lib. xiiii meth. med. cap. xviii, observavit, quamvis causam ignoraverit, Clysteres per sedem infusas ad jejunum usque intestinum ascendere neutiquam posse. Quod tamen ipsum de sanis tantum, iisque quibus secundum naturam se habet Valvula intelligendum est, cum sæpenumero in dissectionibus à me observatum sit, Valvulam hanc laxiorem quibusdam à morbo fuisse, ita ut aqua vel aër inflatus per colon in ileum pertransierint. Rarius tamen id contingit, nec nisi præter naturam in iis, qui ileo & colicis doloribus vexantur, quibus interdum clysteres ad Ventriculum usque una cum excrementis sic ascendunt, ut vomitu reddantur. Et in huiusmodi casibus Valvulam hanc ruptam aut male affectam fuisse credendum est: vel muco pituitaque crassa ita oblitam (quod facilius mihi persuaserim) ut cæco ac colo quasi agglutinata aperiri haudquaquam potuerit. Atque hoc est quod idem Galenus lib. iiii de sympt. caus. notavit, aliquibus clysteres injectos sic ascendisse, ut vomitu rejecti sint, non secus ac fæces, quæ per lethales volvulos nonnunquam evomuntur. Illud autem notatu dignissimum est, tenuium intestinorum membranis propriis coli proprias esse crassiores & nervosiores, quantoque propius ab intestino recto absunt, eo magis crassescere; & interiorem tunicam transversis circularibusque fibris plurimis donari, paucis rectis, nec iis valde conspicuis, cum tenuium intestinorum tunica interior, obliquas habeat, paucas rectas: exterior vero, transversas.

Tertium.

Tertium & ultimum crassorum, Rectum est, Græcis ἀπὸ τοῦ ἀρχαίου dictum, quod à principio ad finem recta semper sine spiris aut protuberantiis procedat. Vocatur etiam ἀρχαίον, vel quasi ἀρχή, quod principium videatur omnium intestinorum, vel quia ἀρχαίον sit & Princeps, summam in nos potestatem gerens, cum cogat nos vel in maxime seriis negotiis onera, quibus premitur, deponere. Colo intestino magnitudine admodum cedit, cum nec ita amplum sit & longe brevius, utpote spithamæ longitudinem non superans. Substantia tamen eadem est quæ Coli, præterquam quod in extremitate musculum habeat orbicularem, quem σφιγκτηρ Hippocrates vocat, de quo libro quarto dictum est. Tunica autem paulo crassiores sunt & carnosiores; ex quo fit, ut vulneratum consolidetur, præter cæterorum naturam. Hæ plurimas transversas, & nonnullas rectas fibras, paucissimas obliquas obtinent. Venas etiam non tantum ut reliqua à Vena Portæ, sed etiam à Cava habet, quæ ex magno ramo iliaco prodeunt, & Hæmorrhoidales externas constituunt. Oritur statim à Colo, cui continuatur in summitate ossis sacri, & pertingit ad extremum coccygem, ubi anum constituit.

ACTIO.

ACTIO intestinorum triplex est, meo iudicio. Primus, chyli à Ventriculo transmissi uberius coctio; alter, ejusdem digestio; tertius, expulsio. Uterius quidem coctio, cum interna intestinorum tunica si quid in Ventriculo non bene elaboratum sit, in horum longo transitu perficiat, ut notat Galenus lib. iv de Usu part. cap. xvii & xviii: itemque introduct. cap. xi. Hunc usum quæcunque intestina præstant, cum benignissima Natura quam maxime sollicita fuerit, ut prima alimenti coctio quam perfectissima foret, quod sciret errores ejus in coctione secunda emendari neutiquam posse. Digestio autem, cum ex his succus qui in chylo est optimus, à venis & arteriis mesaraicis attrahatur, & ad hepar totumque venosum ac arteriosum genus distribuatur. Usus hic similiter omnibus competit, præcipue tamen tenuibus; ex quo fit, ut vasa & majora frequentioraque obtinuerint. Receptio tandem & expulsio eorum quæ inutilia sunt, potissimum crassorum est, quæ primum quidem receptaculi munere funguntur & retinent, ne continuis excretionibus Homo in rerum divinarum contemplatione interpelletur, mox ubi aut copia sua, aut qualitate molesta fiunt, excernunt, pelluntque.

Ad hæc præstanda maxime opportuna fuit Intestinorum naturalis constitutio. Nam quoad sedem, perquam commode in imo Ventre, & quidem inter Ventriculi inferius orificium extremumque podicem sita sunt, ut ab illo prompte suscipere, per hunc quæ
superfunt,

superfunt, detrudere possent: quidquid autem utile est, per venas mesaraicas & arterias rapi ad hepar, & ad arteriosum genus deduci queat. Ex his primum locum habet *Duodenum*, quod sub ventriculo ad posteriora reflectitur, ut lumborum vertebri adnectatur; minimeque flexuosum est, ne chyli ingressus præpediatur. *Iejunum* postea & *Ileum*, mediam regionem & proximam mesenterii centro occupant, ut ubique à centro æqualiter abessent, ex quo Venæ Portæ & Arteriæ magnæ truncus, à quo infinitas propagines distributas habent, emergit. *Colon* autem circa inania loca sive *xereânes*, & sub ventriculo situm est, undique tenuia ambiens, ut quia fæcibus primum continendis, mox excernendis destinatum erat, eo in loco jaceret, ubi tum à musculis oblique ascendentibus, tum à Diaphragmate commodius comprimeretur, & excretio fæcum voluntaria fieret. Laterales enim partes, dextram sinistramque oblique descendentes abdominis comprimunt; mediam, & quæ transversim sub ventriculo excurrit, ex superiore sui parte Diaphragma, ex inferiore tenuia intestina, quæ colon ambit. Cum autem Valvula impediatur, quo minus ad ileum regurgitent fæces, necessario per rectum intestinum, ubi nullum, quo quiescant locum invenerint, detruduntur. *Rectum*, eam potissimum sedem obtinuit, unde quam celerrime quæ excernenda sunt, expellere possit. Situm hunc ut perpetuo inter se servant, nec confundantur unquam, vicinis partibus *annectuntur*; primum quidem mesenterii beneficio, quod per hoc vasa mesaraica ad intestina deducantur, deinde & omenti, quod coli mediæ parti mesenterii loco inserviat. Ut autem una vice, quantum ad corporis nutritionem restaurandam sufficit, suscipere apta sint, *figuram* acceperunt cavam & quidem teretem, utpote quæ capacissima. Rursus ut acceptum alimentum debito tempore retineant, & æqualiter per omnia extendant, *longa* sunt; maxime tenuia, quibus id muneris peculiariter tributum est. Crassa autem, quod tantum inutile colligant, breviora & ampliora sunt facta. Hinc & tenuia interiorem tunicam plenam *rugis* obtinent, ut transeuntem chylum remorentur & intercipient: *crassa* autem, anfractus & *cellulas*; ne in unum forte locum fæces colligantur & vicinas partes comprimant, sed potius per cellulas dispersæ æqualitatem coli observarent. Cum enim ex ventriculo cibus descendit, intestina copia irritata protinus, quam fieri potest, à se conantur propellere, unde semper versus inferiora detrudunt. Ne ergo illapsus subito iterum excidat, rugis plicisque solers Opifex præcavit, quæ præterlabentem intercipient & æqualiter extendunt. *Substantia* autem membranæ est, ventriculi substantiæ non absimilis, tum quia extendi dum recipiunt, tum quia subsidere in se dum inaniuntur, debebant. Habent autem duas membranas proprias, ut actio retinendi vel expellendi rectius perficiatur. *Tenuium* quippe interna, obliquas habet; externa, transversas; quod horum potior actio retentio sit & distributio chyli: *crassiorum* vero interna, transversas; externa, obliquas & rectas; quod majore vi indigeant in fæcum expulsionem. Membranae autem hæ in illis tenuiores sunt, quod liquidiorum materiam mollioremque suscipiant: in his crassiores, quod siccam duramque. *Venis & Arteriis* donata, ut sanguinem pro nutritione, & spiritum pro vita continuo affluentem accipiant: tum etiam ut id, quod in chylo utilis succi est, ab iisdem arteriis exsugatur, teste Galeno lib. IV de Usu part. c. XVI: ubi inquit, arteriarum orificia ad intestina pertingentia modicum quiddam cibi assumere, plurimum autem Venas. *Nervos* habent, non tantum ob sensum, quo tum grata arripiant, tum noxia molestaque expellant: sed etiam motum. Est enim motus quidam obscurus intestinorum tenuium, quo chylum à supernis ad inferiores sedes promovent, quum in nostro arbitrio non sit illum, ut fæces crassorum, depellere. Hunc elegantius demonstrare quam in lumbricis terrestribus & hirudinibus non licet, dum in se contrahuntur: nec dari verius probare, quam in herniis illis maximis, in quibus universum aut maxima pars ilei in scrotum incidit. Quo enim detruderentur fæces, nisi hoc ipso modo; cum nihil sit, quod à se motum habeat, præter illum qui competit ratione prædominantis elementi. Et ex hoc motu rationem licet reddere Ileii sive Volvuli, in quo superior intestini pars inferiori involvitur, qui morbus proinde & solis tenuibus competit, quod crassa hoc motu careant.

De Mesenterio.

Etymologia.



Divisio.

Figura.

Magnitudo.

Substantia.

Vena.

Arteria.

Nervi.

Glandula.

Connexio.

Exortus.

Adeps.

DIXIMVS præcedenti capite Intestina Mesenterii beneficio quasi ligamento ac vinculo quodam invicem jungi : merito ergo utriusque historia connectenda est, ut eodem quasi loco eorum tractatio absolva-
 tur, quæ Natura invicem juncta esse voluit. **MESENTERIVM**, με-
 σεντέριον & μεσέντερον, à situ dicitur, quasi μέσον τῶν ἐντέρων, hoc est, *medium inter*
intestina. Cicero lib. III de Nat. Deorum, *Medium intestinum* vertit, non
 citra multorum iniquam reprehensionem. Veteres enim Romani non intestina tan-
 tum à nobis hodie sic dicta vocabant, sed quæcunque imi ventris viscera, & ea quæ
 supra Interanea nominari diximus. *Medium ergo intestinum* Tullius pro medio viscere
 dixit, quia mediam inter cætera sedem sit naçtum. Theodorus Gaza, Vir Græce La-
 tineque doctissimus, licentius paulo quam boni Interpretis est, passim *Lactes* apud Ari-
 stotelem transtulit, cum Lactes non mesenterium, sed proprie intestina tenuia mesen-
 terio annexa significet. Nonnulli μεσάραιον appellant, unde venæ mesaraicæ dictæ: at
 alii qui in duas partes dividunt, in eam nempe quæ intestina tenuia colligat, & eam
 quæ crassa, μεσάραιον proprie vocari statuunt partem eam quæ tenuium intestinorum
 vinculum est, quod sit μέσον τῶν ἀραιῶν, subintellige ἐντέρων, hoc est, *medium inter tenuia*
& angusta intestina: μεσώκωλον vero, quæ crassa continet, quasi μέσον τῶν κώλων. Posterioris
 mentionem Hippocrates lib. VI Epidem. iniecit, & Galenus IV aphor. VI. Palladius
 Sophista qui in eosdem libros commentatus est, per κῶλα Hippocratem intestina intel-
 ligere statuit, & sic mesocolon ab ipso mesenterium vocari. *Galenus* autem in lib. de
 dissect. Venar. & Arter. cap. IX, *mesenterium in tres partes dividit; in eam*, quæ tenuium
 intestinorum est, & media; *in dextram*, quæ coli dextram partem alligat; & *sinistram*,
 quæ lævam; ac prope sedem pertingens, rectum intestinum lumbis annectit. Et si
 enim unum videatur & continuum, ratione tamen gemini exortus & intestinorum, ad
 quæ abit, merito dividitur. *Figura* tam mesaræo, quam mesocolo plana est. Illud ta-
 men in plicas totum contractum est, & circulari ambitu cingitur: hoc, curvum & ob-
 longum secundum coli intestini processus. *Crassissimum* quoque est mesaræum: latitudi-
 ne, à centro ad peripheriam, spithamæ: longitudine autem & circumferentia, trium
 ulnarum. Errat enim Picolhomineus, qui ambitum horum æqualem censet longitu-
 dini intestinorum dum expansa extra corpus demonstrantur. *Membranas* habet duas,
 sibi invicem incumbentes & validas satis, inter quas vasa ad intestina, ut tuto & citra
 periculum incedant, excurrunt. *Venas* etiam obtinuit, *Mesaraicas* vulgo dictas, innume-
 ras, quæ cum arteriis & nervis Mesenterii centrum ingrediuntur, ac postea innume-
 ros in ramos dispersæ intestina adeunt, inter communem & proprias tunicas delatæ.
Oriuntur autem hæ à venæ Portæ ramis Mesentericis, dextro & sinistro. *Arterias* simi-
 liter duas, à Mesenterica duplici, superiore & inferiore propagatas, quæ eodem ac
Venæ modo distribuuntur & incedunt. *Nervi* pluribus surculis propagantur. Duo qui-
 dem, utrinque unus, ab iis oriuntur, qui à sexto pari costarum radicibus offeruntur:
 alii vero, à surculis prodeuntibus à nervis medullæ spinalis inter primam, secundam,
 tertiam, & quartam vertebra lumborum. Ne vero ruptioni opportuna forent vasa,
 arteriarum venarumque divaricationibus *glandulas* interjecit, quæ in magnitudine cum
 propaginibus suis proportionem servant. Maxima harum est ad mesenterii centrum,
 ubi prima fit vasorum distributio, qua scirrhus laborante totius corporis marcet, ob
 impeditam chyli transmissionem sequitur. *Connectitur* Mesaræum antè, intestinis
 tenuibus; postè, iis lumborum vertebri, à quibus nascitur suo centro. Mesocolo-
 n, in dextra parte dextro ileo; in sinistra lævo, musculoque primo fœmur flecten-
 tium, quem Hippocrates ψόας appellat; ante, Colo intestino & Recto utrinque. *Oritur*
 autem ex omnium Anatomicorum sententia, à ligamenti vertebrarum lumborum,
 quibus validissime alligatur, gemina quasi radice; una, majore, qua primæ; altera,
 minori, qua tertie adnascitur. Id intestinis omnibus & peritonæi membrana, renibus
 incumbente, ablata quam optime patebit. *Pinguedine* quamplurima suffusum est, quæ
 utramque

utramque membranam intercedit, sanguine ex vasis transudante, & membranarum respectiva frigiditate concreto.

V s v s *Mesenterii* verus præcipuusque est, vasa ad intestina excurrentia tuto deducere, & ab omni disruptionis periculo salva integraque præstare. Vt enim plantæ alimentum ex terra radicibus trahunt: sic animalia sanguine donata ex intestinis ope vasorum, quæ ne obnoxia forent tot discriminibus, ubi vel salit Homo, aut cibus plena intestina distenduntur, sagax Natura membranarum inclusas propagare voluit. Vasa hæc non tantum Venæ sunt, ut communis est opinio; sed & Arteriæ, ut Galenus clarissime lib. iv de Vsu part. ostendit, & nos quoque supra cum de arteriis mesentericis ageremus. Eadem tamen Venæ & nutrimentum rursus etiam afferunt, ut idem lib. i i i de facult. natur. cap. x i i i; & lib. iv de Vsu part. cap. x i x, docet, sicut Arteriæ spiritum. Cum enim, inquit, in venis, quæ multum spatium inter hepar & partes circa ventrem occupant, abundantia fuerit alimenti, sursum fertur in hepar: cum autem vacua sunt, & nutrirī avent, per easdem ipsas ex hepate rursus trahitur. Per easdem ergo venas simul & alimentum in hepar defertur, & rursus ab eo in ventriculum trahitur, sed non eodem tempore: quemadmodum alio tempore spiritum recipimus, alio rursus foras mittimus: ita alio tempore jecur ex ventre, alio venter ex jecore trahit. Vsum hunc adeo eximium ut opportune præstaret, figuram primo circularem largita est. Intestina enim, quæ annexa, longissima sunt, quibus ut mesenterii longitudo responderet, nec tamen propterea non in exiguo & angusto spatio containerentur, rotundum ambitum, qui capacissimus est, indepta fuere. Rursus ne distensio quoque eorundem impediretur, de qua diximus, dum se contrahunt ad chyli digestionem, plurimis plicis corrugavit. *Latitudinem* autem largita est spithamæ, ut venæ portæ truncus in mesenterium propagatus spatium justum haberet, in quo in alios atque alios minores ramulos discinderetur. *Substantia* autem ipsa summo consilio dura membranea est, tum quia ratione fibrarum, ubi opus est extendi contrahique in omnes dimensiones potest; tum quia levitate prædita, quo minus inclusa vasa comprimantur. Accedit, quod densitate vapores intercipiat, ne quid utilioris chyli temere ex mesaraicis vasis in ventris cavitationem exhalet, sed frigiditate potius membranarum in pinguedinem cogatur. Et hæc ipsa quoque *pinguedo*, cum media vasorum spatia expleat, non parum postea idem præpedit, nec minimum etiam momenti præviæ præparationi aspergit, innatum vasorum calorem fovendo & conservando. *Glandulis* vasorum divaricationes obsidentur, tum ne vasa comprimantur, si quando intestina & ventriculus alimentis distenduntur, sicque chyli transitus intercipiatur: tum quia sagax Natura non ignorabat, vasa suscipiendis noxiis perquam opportuna fore ubi in ramos diducuntur. Proinde ad mesenterii centrum, ubi prima vasorum distributio est, grandiusculam substruxit: cæteris vero justissima ratione pro magnitudine cujusque elargita fuit. Sunt nonnulli Recentiorum, qui & alium præter hos usum assignant, ut scilicet coctionem quæ in intestinis est, elixatione potius, quam assatione perficerent. Ad hanc enim maxime commodam glandularum naturam inquirunt, cum humiditatem copiosissimam ad se trahant, ex sententia magni illius Hippocratis, qui glandulas cœnoso humido pasci ac quasi nutrirī credebatur. Ex his ergo copiosis vaporibus elevatis & in spatia intestinorum media effusis, veluti in duplici vase cibi potiusque materia coquitur. Mihi tamen hic usus à Naturæ consilio nonnihil alienus videtur, quod sciam quamplurima esse animalia, quæ glandulis in mesenterio destituuntur; & ex iis etiam, quæ sua natura obtinent, nonnulla glandulis plena esse, ut quæ macilenta sunt: alia oppido quam exiguas habere, ut pingua, cum in his adeps vasorum divisiones defendat. Pinguedo ergo cum optimæ coctionis signum sit, coctioque hæc citra glandularum usum absolvatur, credibile omnino est, nihil ad hanc ab illis conferri. *Connectitur* autem merito anteriori intestinis, cum ad hæc deducat vasa, ex quibus chylus attrahatur: posterius, lumborum primæ & tertiæ vertebræ ligamenti validissimis, ne in violento corporis motu, qui in saltu præsertim fit aut cursu, à pondere cibo turgentium intestinorum detractum disrumpatur. *Ortum* autem à lumbis habet, quod tutius hinc longe, quam aliunde Venæ, Arteriæ, & Nervi in ipsum inferantur.

CAPVT XI.

De Pancreate.

Etymologia.

Figura.

Situs.

Membrana.

V S V S.

1.

2.

3.



PANCREAS, πάγκρεας & καλλίπρεας Græcis dictum, ^a omnium est nostri ^{a, s, G.} corporis glandularum maxima & rubicundissima, proptereaque carni molliori, à qua appellationem traxit, admodum similis. *Figuram*, ut reliquæ, ovalem non servat, sed informe ac laxum corpus est, tres aut quatuor digitos longum: in sinistra parte prope ^b lienem situm, cui superius ^{b, A.} ventriculus incumbit, inferius peritonæi membranæ, quibus valide adnectitur, subjacent. In medio ^c Splenicam venam ad lienem transeuntem, simul ^{c, B.} & ^d cæliacæ arteriæ ramum sinistrum, ac nervos sexti paris, qui ad ventriculum & Duodenum ^{d, C.} migrant, quemadmodum & meatum biliarium in se complectitur & suffulcit. *Membranam* quoque habet tenuem, à peritonæo profectam, qua investitur & veluti suspensum tenetur.

Hoc nonnulli dissectionum Professores pulvinaris cujusdam vices obire & ventriculo substerni credunt, ne repletus is duritie vertebrarum lædatur. Meo tamen judicio potior usus ille, qui glandulis quoque cæteris communis est, ut attendatur vasis, ne illa, cum incumbere alteri corpori minime possent, periculo ruptionis opportuna redderentur; uti neque compressionis, à ventriculo ciborum copia distento, quod solers Opifex facile hac carne præcavit, quæ neque tam mollis est, ut prementi cedat nimium; neque tam dura, ut obesse possit.

CAPVT XII.

De Hepate.

Etymologia.

Situs.

Connexio.

Figura.

Protuberantia

Lobus Hepatis.

Sinus.

Fissura.

Magnitudo.



QVOD Græci ἥπαρ dicunt ἀπὸ τῆς ἡπανίας τῆς ἄλλων τῶ σώματος μερίων, ab inopia cæterarum partium, cui succurrit; Latini lecur appellant, quasi juxta cor, aut viribus aut situ collocatum. Tam nobilem enim hanc partem omnes pæne Philosophi pariter & Medici æstimarunt, ut in ea animæ, quam naturalem vocarunt, sedem ac domicilium posuerint. Obtinuit tamen consuetudo, ut Græca vox communiter quoque usurparetur.

^e Positum est in infimi ventris dextro hypochondrio, totum sub costis demersum, tanquam in loco tutissimo, superius Diaphragma, inferius Ventriculum respiciens. *Connecitur* autem non uni conterminarum partium, sed *convexa* quidem ^f elatiore sui sede cum Diaphragmate, à quo transversus digiti intervallo distat, beneficio ligamenti membranei, lati, nervosi, ac impense validi, quod à peritonæo, qua septum inferiore sede succingit, enascitur & transversim per hepar ad posteriora excurrit. *Anteriore parte* duobus vinculis alligatur; uno quidem, cartilaginis ensiformi, quod robustissimum est, latum ac duplicatum, à membrana, qua hepar succingitur profectum: ^g altero, umbilico, estque Vena umbilicalis, quæ fœtu in lucem edito cavitatem suam amittit ac ligamenti officium subit. Sima ^{d, 1.} connecitur Mesenterio, *vena Porta*: Costis, *Cava*: at Omento, *lobo* illo exiguo, per quem aquam à Iecore in omentum transfundi supra statuimus. *Figuram* habet pæne rotundam, supra convexam, infra concavam. ^h *Convexa pars*, lævis est & æqualis: ^{i, C.} ^{j, s, A.} *cava*, quæ & ^{k, N.} ^{l, M.} *sima* dicitur, variis protuberantiis sinibusque exasperata. Inter *protuberantias* dignæ sunt notatæ ^{m, s, A.} ^{n, L.} duæ illæ exiguæ eminentiæ, in dextra parte circa ^o venæ portæ egressum locatæ, quas Galenus cum tota Asclepiadarum familia ^p πύλας sive *Portas* vocavit. Imprimis vero ^q *Lobus* ^r *exiguus*, cujus supra quoque mentionem fecimus, cum de Omento loqueremur. Hic molliore constat carne & tenuiore, quam reliquum hepar, membrana succinctus est, de quo sane à nemine quod sciam Anatomicorum hætenus quicquam memoriæ est proditum. Sunt & duo *sinus*; *alter*, à dextris insculptus, qui vesiculæ biliaris dimidium corpus excipit: *alter*, lævis, ut transeunti stomacho cedat. ^m *Fissura* tandem quædam ⁿ *an-* ^o *teriore* sede cernitur, per quam ^p *umbilicalis* vena egreditur, ^q *Δισσφαγή* Herophilo ^r *ap-* ^s *pellata*. *Magnitudo* jecoris tanta est, ut universum dextrum hypochondrium impleat, & nonnunquam extendat sese usque ad regionem umbilicalem. Cæterum plurimum pro sub-

pro subjectorum diversitate variat : observataque à me plerunque hæc fuit proportio, ut quibus magnum jecur est , iis quoque magnus sit Ventriculus , & contra. Obtinet autem Homo jecur omnium animalium maximum , proportionem sui corporis habita. Vidi enim sæpenumero tam vastam ejus molem , ut ad Lienis regionem validis ligamentis annecteretur diaphragmati. Ipsa autem magnitudo penes ætatem quoque multum variat : nam pueris maximum est , ut plus sanguinis conficiatur pro augmento corporis ; adultis, minus ; adhuc minus, senibus, ut sic juxta ætatem jecur paulatim decreseat. *Número unicum* est , neque ut in reliquis animalibus brutis in lobos divisum , sed integrum solidumque. *Substantiam* habet rubram ac mollem , concreto sanguini perquam similem , quæ ^a innumeris venarum Portæ & Cavæ radicibus circumjecta est , olim *παρέγχυμα* Erasistrato dicta. Tegitur hæc membrana tenuissima ac simplici , à ligamenti hepatis enata, quæ arctissime parenchymati jungitur. Quod si separetur alicubi , excidente è vasis aquosa materia & collecta inter ipsam & carnem , *ιδάνδες* Græcis appellatæ generantur , quibus ruptis effusaque in abdominis cavitatem aqua , Hydroscites nascitur. *Venas* habet tam à Cava quam Portæ vena , quod nulli , præter huic , visceri aut parti totius corporis contigit. Distribuantur ^b *propagines Cavæ* magna ex parte in convexa sede ; at ^c *portæ* , in sima ; sic tamen , ut utraq; per ^d anastomoses sive communia quædam oscula , de quibus superius libro quinto multa diximus , invicem committantur. Plures autem multo sunt venæ portæ furculi, quam cavæ, adeo ut, si definire numerum etiam libeat , triplo plures esse non male dicturi simus. Inter has, tenues quædam gracilesque propagines deducuntur , venis oppido quam similes , quæ cum Portæ radicibus similiter per anastomoses junctæ sensimque in majores collectæ , tandem in unum caudicem abeunt , per quem bilis ab hepate in vesiculam fellis depositur. ^e *Arteriæ* paucae sunt , à dextro Celiacæ ramo exortæ , quæ in simam hepatis partem , quo loco vena portæ egreditur , disseminantur. ^f *Nervi* duo sunt , iique exigui , à sexta conjugatione derivati , qui per ipsius tunicam , quæ cavam succingit , disperguntur. Horum alter , à ramo qui superius ventriculi orificium adit , transmittitur : alter , à ramo illo , qui radicibus costarum dextri lateris expanditur.

ACTIO *Iecoris est* , chyli à venis mesaraicis ex intestinis attracti & ad radices portæ in cavam partem delati coctionem in venis adjuvare , ut optimus & nutritioni corporis opportunissimus sanguis elaboretur. Nec enim crediderim veram esse eorum sententiam, qui statuunt chylum hunc ad hepar deductum, è portæ venis in ipsum parenchyma excidere , in quo perfectionem ac rubrum colorem indipiscatur , inde à Cavæ radicibus attrahi & per totum corpus diffundi. Nec enim unquam id reperire mihi in ullo animalium licuit , quæ propterea post pastum aperui , ut taceam absurdam hanc esse opinionem, & à Naturæ consuetudine alienissimam, quæ nullibi extra vasa sive chylum sive sanguinem , præterquam in corde , in quo caloris fontem constituit, & sinus ac cavitates peculiare propterea exstruxit , effundit. Venæ ergo sunt , quæ sanguinem coquunt & in se vim ac facultatem sanguificandi insitam habent , quod nec ipse quidem *Galenus* negare potuit, qui lib. i de Vsu part. cap. xvi , sanguinis generandi & in omnes partes ferendi gratia venas factas testatur. Et lib. iv de Vsu part. cap. xvi i , hanc facultatem ipsis tributam inquit , ne dum per eas fertur sanguis tempus ipsi alimento frustra pereat. Quin imo lib. de differ. morbor. cap. vi i , validissimo etiam argumento comprobatur, cum venarum affectus obstare inquit, quo minus sanguis utilis gignatur. Si ergo recte concludimus cerebrum rationis esse domicilium , quod eo læso & laborante mentem nostram minus valere cernimus , recte profecto & venas sanguinis officinam vocabimus, quod iis affectis protinus pravum ac deteriore sanguinem generari videamus. Coctionem tamen hanc plurimum adjuvat hepatis parenchyma , quod & Venas ipsas stabilis , ne concidant aut confundantur ; & calorem foyet , ne expiret vel dissipetur, tum de suo etiam nonnihil impertit. Atque ut exemplo illustrem quæ jam dico , non novi præclarius & quod parenchymatis usum rectius exprimat , quam ipse ventriculus , qui cum in se propriam habeat ac insitam facultatem convertendi alimentum in chylum , nihilominus citra circumstantium viscerum operam , ut testatur *Galenus* , probatque ex historia illius cui omentum exemptum fuit, chylum vel crudum vel certe semicoctum relinquit. Sic Venæ utcunque vim sanguinem generandi in se habeant ,

Numerus.

Substantia.

Vena.

Arteria.

Nervi.

Venas hepatis
sanguinem
conficere.Hepatis paren-
chyma quos
visus præstet.

Exemplum.

nisi tamen facultas quædam externa quoque ab hepatis calore accedat, illa quam primum dissolvitur & perit. Rursus ut eorundem viscerum affectus in ventriculi detrimentum concedunt, videmus enim Liene refrigerato aut scirrho affecto coaffici ventriculum; ita quoque hepatis parenchymate læso sanguificatio protinus læditur. Nam sive calida laboret intemperie, sive frigidam suscipiat, mirandum non est eandem venis è vestigio communicari, quæ ita ipsius parenchymati permixtæ sunt, ut vix quisquam Anatomicorum hæcenus fuerit, quin sibi persuaserit ideo ab hepate enasci. Non ergo venis tantum hepar auxilio est, sed & Ventriculo, cujus coctionem eodem quo diximus de venis pacto, auget servatque.

VSVS.

Quam commode autem huic actioni usibusque omnia inserviant, nunc breviter tradamus. Primum *in infimo ventre situm* est, ne ab aliis visceribus quæ alimenti elaborationi subveniunt, disparatum esset, maxime cum ex iis sit, quæ familiam in hoc genere ducunt. Situm autem est *in elatiore parte*, cum inferior ab intestinis impleatur, ut superflua primæ coctionis sine aliarum partium incommodo extra corpus quam citissime pellerentur. Accedit quod in medio trunci sic situm sit, ut æqualiter ad supernas infernasque partes sanguinem dispescat. Tenet autem *hypochondrium*, ut Ventriculus utrinque ab ipso & Liene foveatur: quia tamen Liene nobilius est, propterea & *dextrum* locum & nobiliorem occupavit; sub costis spuris reconditum, ut illis pro vallo objectis tutum se ab omnibus externis injuriis præstaret. *Connectitur* autem merito vicinis partibus, ut ubique alligetur, nec pondere suo moleque ruat. Et diaphragmati quidem, ne deorsum cadat: umbilico, ne ad superna rapiatur: cartilagini ensiformi, ne, dum extendimus dorsum, ad posteriora declinet: costis, ne nimium ad anticam partem, flexo corpore, excidat. *Figuram* autem variam habet, cum peculiarem non exigat, sed vel vicinis partibus ne incommodet, vel aliis ut accomodet, conformatum sit. Superior ergo pars convexa est, lævis ac æqualis, quo diaphragmati cedat, ejusque cavitati congruat: inferior sima, ut ventriculum amplectatur, qui cum sphaericus sit, rotundum ambitum accepit, ut ubique æqualiter tegat. Hinc factum est, ut omnibus animalibus eadem hepatis figura non sit, sed iis quibus Ventriculus est oblongus, jecur quoque oblongum contigerit; quibus rotundus, rotundum. Homini autem *maximum* obtigit, ut plus sanguinis reciperet, quo, si à corde discedas, omnium viscerum refertissimum esse scribit Arist. lib. 111 de part. anim. cap. 111, cum Homo ex omnibus sanguineis plurimo abundet, ne deficient spiritus in tot obeundis animæ functionibus, quas plures præ cæteris animalibus accepit. Et propterea *unicum* quoque est, cum numerum magnitudo compenset. *Substantia* autem, ut reliquorum viscerum, parenchymatis; quæ fit in primæ generationis, excidente è venis sanguine & concrecente. Venis enim, arteriisque undique intexitur, ut & aperta ipsa conserventur, nec concidant; & decente ordine, nec confundantur, quæ ratio communis est omnium parenchymatum. Decuit enim alicubi congeriem esse venarum, in qua potissimum concoctio celebraretur, maxime cum non una, sed gemina vena requirebatur, quod supra demonstravimus, quæ per anastomoses invicem conjungerentur. Venas autem cum nullibi tutas sciret sagax Natura, nisi ubi alicui solidiori corpori inniterentur, ideo carneam massam circumjecit, spatiaque omnia sic explevit, ut ab omni periculo tuta liberaque forent. Tegitur autem hæc substantia *membrana* tenuiore, quam lienis est, quod arteriarum copia tanta non esset, quæ cogeret diligentius vasa stipare. Præcavit enim Natura ubivis, ne quidquam inutile aut non necessarium conderet. *Venas* autem habet tum à Cava, tum Porta, ut ex portæ vena reciperet chyli tenuiorem partem Cava, ut complexi sumus in superioribus, libro quinto: Portæ autem vena crassior retineret, sicque postea sanguis defæcator vitales animalesque partes nutrirer; crassior vero, naturales. Hoc nomine *anastomoses* condidit, quæ viam transeunti chylo, aut sanguini elargiuntur. In medio autem ramorum portæ excurrunt tenues quædam venulæ, quæ postea in caudicem collectæ in fellis vesiculam desinunt, ut quidquid biliosi est in chylo, antequam ad Cavam transmittatur, in Porta exsugatur. Paucae sunt *Arteriæ*, eæque tantum in sima parte, cum ad convexam plurimum vitalium spirituum à corde per venam Cavam transferatur. *Nervos* habet, ne sensu omnino destituatur: sensus tamen hic obtusus admodum est, quod & exiles sint nervi, nec altius se penetrent.

Cæterum

Caterum cum de sanguinis generatione diversæ extent Authorum sententiæ, apud omnes tamen receptum sit, in iis potissimum venis, quæ per hepar disperguntur peragi, ansam nobis hic locupletissimam datam existimavimus, nostram de sanguinis generatione sententiam hoc loco brevibus explicandi. Alimenta ergo, sive solida sint sive liquida, primam quandam ac præviam præparationem in ore accipiunt per masticationem, quæ dentium opera fit. Hinc deglutita, ad ventriculum transmittuntur, qui undique ea circumamplectens ac debito tempore retinens in chylum, beneficio tum caloris innati, quem habet, tum viscerum adjacentium, præcipue autem hepatis & lienis, ut & omenti, convertit. Inde ubi quamoptime elaboratus est, levior redditur, à fundo assurgit, & superna petit, sicque pylorum stimulando, quò referatur efficit. Videmus enim excrementa alvi quoque, quò magis concocta sunt, eò leviora esse; graviora contra, quanto minus passa à nostro calore fuerint. Hoc ergo aperto, ventriculus ipse transversis fibris se stringens, ad intestina propellit, inque via, si qua portio minus exacte præparata fuerit, ulteriore coctione absolvitur. Intestina Chylum acceptum protinus copia ipsius irritata à se detrudere conantur, proindeque ad inferiora pellunt: at plicæ, quo minus totus elabatur impediunt, seu potius ut æqualiter extendatur efficiunt. Hinc Venæ & Arteriæ mesaraicæ quicquid utilis est materiæ hauriunt; illæ quidem, plus; hæ, minus: illæque, ad Hepar transferunt; hæ, ad Lienem. Tenuius enim est, quod arteriæ accipiunt; crassius, quod venæ. Caterum dum chylus ad hepar sic contendit, & jam ad venæ portæ divaricationem pervenit, Lien ingenita facultate per ramum Splenicum crassiores ac terrestriorem ejus partem ad se allicit, ut ad hepar, non nisi laudabiliores partes deferantur. In hoc itinere chylus aliquam præparationem suscipit, elaboratur autem ulterius, tum in hepate, tum liene. Nec tamen omnia vasa in jecore concoquunt, sed tantum venæ portæ, in qua si quid biliosi occurrat, protinus per meatus bilarios, partim per cysticum ad fellis vesiculam, partim per hepaticum subito ad jejunum intestinum, demandatur. Vbi perfectus est sanguis, ejus *tenuior pars* per anastomoses in Cavæ radices deponitur, & partim per truncum ascendentem, partim per descendentem abit. Per illum ad superiora & ad cor defertur, & quidem in dextrum ipsius ventriculum, in quo attenuatur, postea in venam arteriosam distribuitur, tum ad pulmonum nutritionem, tum ut per arteriam venalem ad sinistram cordis sinum abeat, in quo extremus colophon (ut ita dicam) imponitur, cum attenuetur ulterius & in sanguinem arteriosum vertatur, qui postea per Aortam pro vita singularum partium diffunditur. Per descendentem autem truncum venæ cavæ, ad reliquas omnes partes nutritioni non dicatas digeritur. *Crassa* contra, ad mesenterii nutritionem descendit. Illa pars, quæ ad Lienem abiit, ubi jam elaborata & confecta est, partim lienem ipsum, partim viscera omnia, ad quæ Splenica vena pertingit enutrit, puta ventriculum, omentum, & coli sinistram partem, ac rectum intestinum. Quia tamen pars quoque serosa, una cum chylo vecta est, quo per angustissimos quosque anastomosium meatus sanguis penetraret ad Cavam; ea autem nutritioni postea prorsus inutilis sit, ut & illa ex corpore quamprimum amandetur, per emulgentia vasa, tam venas, quam arterias à Renibus attrahitur, à sanguine separatur, & per carunculas papillares transcolatur in fistulas, in quarum pelvi collecta, sensim per canales ureterum in vesicam destillat.

CAPUT XIII.

De Vesicula biliaria.

IN hepatis cava parte, qua dextrum ventriculi latus amplectitur, sinum insculpi oblongum pro vesica biliaria, præcedenti capite diximus. De hac ergo cum nobis sit agendum, à nomine, nostro more, exordium petemus. Vocatur Græcis κύστις χολώβης & χολοδόχῃ, Latinis Vesica, aut folliculus felleus, quia conceptaculum sit, in quo biliosum venæ portæ excrementum colligitur. *Connectitur superiore* mediaque sui portione cum hepate, cui secundum latitudinem in sinu proprio innascitur: *inferiore* autem reliqua, extra substantiam jecoris libera propendente, ventriculi dextro lateri,

Etymologia.

Connexio.

Magnitudo. colloque intestino incumbens, sæpenumero utrumque flavitie tingit. Parva est, & vix duos longitudine transversos digitos æquat: variat tamen hæc magnitudo pro temperamento & copia bilis, qua impletur. Calidioribus enim majorem esse deprehendi, & in Dysentericis dissectis usque adeo grandem sæpe vidi, ut naturalem magnitudinem multis modis superaret. *Figura.* Formam refert subrotundam, à latiore basi in angustum apicem pyri instar desinens. *Substantia.* Duplici membrana constat; una, exterior, tenui, & communi, fibris omnibus destituta, sed nonnunquam pinguedine obducta. Hæc à jecoris tunica enata, dimidiam tantum partem succingit, eam scilicet, quæ extra jecoris sinum prominet. Altera membrana, propria, crassa validaque est, triplici fibrarum genere intertexta; ex quibus *extima*, transversæ sunt; *intima*, rectæ; *media*, inter utrasque, obliquæ, rectis longe pauciores. Interius *mucosa* quadam *substantia*, ab excrementis tertiæ coctionis enata obtenditur, quæ prohibet, quo minus à bilis acrimonia lædatur. Generat enim quævis membrana mucosum excrementum & viscidum, cujusmodi & pus esse solet, quod sive ulceribus seu vulnere adfecta conficit. Ipsa autem membrana inæqualem crassitiem nacta est, cum in fundo tenuior sit; in cervice, durior crassiorque. Habet & *Vasa* omnis generis: *Venas* quidem duas capillares, à venæ portæ trunco utrinque, antequam in ramos dividitur, enascentes, quas cysticas vocant. *Arterias* similiter duas impense graciles, à dextro Celiacæ arteriæ ramo, ejusque superiore sede, ubi hepatis cavum ingreditur, enatas, quæ eandem cum venis appellationem habent. *Nervum* tandem exilem & vix conspicuum, à sextæ conjugationis ramulo, qui jecoris tunicam perreptat. Inferuntur hæc vasa, primum in cervicem vesiculæ, deinde ad fundum in infinitos ramulos dispersæ propagantur.

Partes dissimilares vesiculæ felleæ. Dividitur vesicula fellis à dissectionum Professoribus trifariam, in fundum scilicet, cervicem, & meatus bilarios. ^a *Fundum* appellant illam partem, quæ latior est, & extra ^{a, 8 l. a} hepar prominet, membrana communi tecta. ^b *Cervicem*, strictiorem, quæ sensim in angustiore meatus definit, unde ^c cysticus meatus exstruitur, ubi Valvulæ tres bilis ^{b, b} regressum præpedientes, sitæ sunt. Has si videre cupias, expressam ex vesicula bilem ^{c, F} in meatus digitis reprime. nam circa Valvulas immobilem consistere advertes. *Meatus* tandem duo, ποροι χολοδόχοι dicti, *meatus* vel *pori bilarii* Latinis; quorum ^d *primus* est, ^{d, F} quem modo ex elongata Vesiculæ cervice pronasci diximus: ^e *alter*, ex hepate egreditur, ^{e, c} interdum uno, interdum gemino ramo, at statim coeunte in simplicem, qui inferiore omenti membrana suffultus, venæque substantiam mentitus descendit, ac cum primo meatu ^f coiens ^g *communem canalem* constituit: ulterius deinde progressus, in Jejunum ^{f, c} intestini principium ^h inseritur. Insertio autem hæc non recta est, cum oblique inter ^{g, c} utramque intestini tunicam duorum quasi transversorum pollicum longitudine deducatur, ^{h, i H} interiorem vero perforat. Vocatur prior meatus *cysticus*, alter *hepaticus*, uterque à parte unde originem trahit. Ille enim ex vesica, hic ex hepate bilem ad intestina purgat. Ut autem ad vesiculam ab hepate transferatur, innumeræ quædam exiles venulæ sunt, inter radices venæ portæ dispersæ, quæ postea collectæ sensim, in superiorem vesiculæ partem eam, quæ sinui hepatis adhæret, & ubi longus quidam ductus valvulæ oblongæ instar est, terminantur. Alter autem meatus similiter infinitis ramulis in hepate inter Cavæ radices excurrit, & postea in unum caudicem, undique omnibus propaginibus collectis, transit.

V S V S. *Vesicula fellea* est, dum sanguis in venæ portæ radicibus coquitur, quidquid calidi & sicci est in chylo, quod in alimentum commodum homini cedere nequit, ad se trahere, & postea ad intestina demandare, ut ipsa irritata acrimonia bilis, quidquid fæcum & inutilis excrementi reliquum est, è corpore depellant. Sapienter ergo sagax Natura hepati *adjunxit*, ne longius scilicet abesset ab officina, ubi excrementa, quorum receptaculum est, colliguntur. *Posuit* autem in cava regione, cum in hac sanguinis coctio celebretur, ut quam proxime scilicet à venæ portæ radicibus venulæ, quibus bilem allicit, abessent. *Figuram* etiam largita est rotundam, ut capacissima foret: sed cum globi modo adamussim sphærica non posset esse, ne scilicet à Colo subjecto aut Ventriculo cibus repleto premeretur, rotunditatem ipsius longitudine compensavit. Rursus ut eadem impleta extenderetur, & iterum inanita subsideret, *membraneam substantiam*, omnis generis fibris donatam, nacta est: at ne eadem à bilis acrimonia noxam subiret, *mucoso*

mucoso quodam ac viscido humore interiore parte oblita, quæ liberam innoxiamque præstat. Trahunt autem bilem exiles illæ venulæ, quæ in medio radicum portæ disperguntur, feruntque ad superiorem partem in canalem oblongum, ut sensim exstillet in cavitatem. *Valvulam* autem hic exprimit, ut si quando (quemadmodum sæpissime fit) vesicula obstruatur, totaque turgeat bile, nihil tamen ad hepar regurgitare queat. Quod si venarum oscula libere in cavitatem hiascent, impediri regressus neutiquam potuisset: at sic, dum in canalem hunc patent, folliculo pleno valvula comprimitur, sicque clauduntur. Trahit autem mea sententia, atque in hunc usum præter alterum meatum condita est, quando vel copiosa bilis in corpore abundat, aut recto tramite, repleto Ventriculo vel intestinis, expurgari nequit. Hinc rationem petas, cur famelicis promptius quam iis, qui alimentis plenum habent stomachum, Ventriculus bile scat. Vacuo enim stomacho in jejunum recto itinere fertur, & si biliosi sint, copiose refunditur, unde pyloro præter naturæ leges laxius patente, facili negotio aliquid Ventriculum subit. Ex eodem quoque fonte licebit respondere, cur quibus duris fæcibus colon intestinum turget, & dura sunt alvo, capitis doloribus sint opportuni. Non enim hi excitantur, quæ vulgo adfertur ratio, à fætidis vaporibus ad caput exhalantibus (nam quo duriora sunt ea excrementa, eò vaporis fætorisque magis expertia) sed quod pressa à colo vesicula fellea & immemor sui officii reddita, biliosum recrementum ex hepatis vasis in sanguinis generatione non elicit purgatque, unde retentum in venis & digestum per corpus, quamcumque partem imbecilliolem invenerit (solet autem esse ut plurimum caput) eam afficit & labefactat. Evacuatur autem absoluta sanguificatione, cum plena fere facta est, & jam universum id, quod utile erat in chylo, ex intestinis attractum fuit. Mittit autem ad intestina, & quidem per meatum cysticum, cujus initio *tres valvule* foris spectantes appositæ sunt, quò minus regrediatur. Et hic ipse meatus *in principium jejuni intestini insertus est*, quod intestinum hoc primum sit, in quo chylus parietibus adhæret, ob plicas, per quas chylus quasi distenditur, ut sæpe jam diximus. Quia autem frequentiores hoc, quam ileum habet plicas, tum majores etiam, ideo Natura sagacissima effecit, ut bilis sincera adhuc, nec chyli moderata temperie, jejunum acrius irritaret. Sapienter autem hoc excremento abusa est, cum *acrimonia* quidem sua stimulare intestina officii sui immemora posset: deinde *tenuitate* quas habet partium, pituitam quæ in gracilibus cumulat, incidere, detergere & expurgare: *siccitate* tandem, quo minus in intestinis putredines fiant, prohibere. *Alter meatus*, hepaticus dictus, qui in iis quoque semper animalibus reperitur, quæ Vesicula carent, eo trahit tempore, quo Ventriculus cibis destituitur, similiterque ad intestina per communem canalem subito deportat. Fit ut interdum meatus hi obstruantur, imprimis vero fellis Vesicula, ex quo deinceps bile non expurgata, plurima incommoda longo ordine se consequuntur. Nec tamen alterutro tantum obstructo, ut quidam ignari Anatomix blaterant, Icterus nascitur, qui protinus atque hunc viderint, vesicæ felleæ obstructiones crepant: sed aut utroque, aut communi canali, cum alter alterius officium mox subeat. Habet tandem *Venas*, ut alatur: *arterias*, ut vivat: *nervos*, ut sentiat. Est enim inepta explodendaque eorum opinio, qui bile sive nutrirsi sive delectari existimant. Ecce enim Natura, quæ nihil unquam frustra condidit, tanto artificio per universum vesiculae corpus tot exiles venulas deduxerit, sanguinemque largita fuerit, nisi & illas & hunc officio suo destinasset?

Vfius Vesiculae felleæ.

Vfius meatus hepatici.

CAPUT XIV.

De Liene.



LIEN, Græcis πλῆν dicitur, ἀπὸ τῆς πλῆν, quod trahere significat, quia, ut loquitur Aristoteles, lib. III de Part. animal. cap. VII, ἀντὶ τῆς ἐκ τῆς κοιλίας τῆς ἐνμάδας τῆς περιτοῆς, ex ventre superfluos humores ad se trahit. Latini græca voce sæpissime Splenem, sua Lienem vocant, quæ vox unde sit deducta, ab Authoribus non traditur. ^a *Situs* est in infimi ventris hypochondrio sinistro, è regione hepatis; sed paulo depressius, non tamen usque adeo, quin adhuc sub spuris costis contineatur, quod propterea notandum est, ne erremus

Etymologia.

Situs.

- ne erremus cum Medicis quibusdam, qui etiam in sanis lienem tactu deprehendi sibi aliisque temere persuadent. Est tamen *unus* tantum, quamvis præter naturam duplex quoque nonnunquam observatus sit. *Connectitur* elatiore quidem parte, diaphragmati; inferiore, renis sinistri membranæ externæ, utrinque exiguis gracilibusque membranis. *Sima parte*, primo superiori membranæ omenti, deinde ope vasorum Ventriculo: *convexa* vero, dorso. Hinc est, ut scirrhi laborantes de respirationis difficultate conquerantur, quod diaphragma mole lienis deorsum trahatur. Quin et si vincula hæc rumpantur, observatum à nonnullis est, herniam natam fuisse. *Magnitudinem* quod spectat, homini ex cæteris animalibus proportionem corporis maximus contigit, minor tamen est multo, quam hepar, ut qui longitudine quasi sex digitorum, latitudine trium, crassitie sit unius. Fit tamen ut in summam molem abeat, mireque intumescat, sæpeque ad abdominis usque medium porrigatur ex concitato affluxu humorum, quos facile ob carnis laxitatem admittit. Semper tamen minor majore melior est, nisi admodum parvitate peccet, quod & ipse annuit Aristoteles lib. 111 Histor. de animal. cap. xvi. Sic Laniones nostri ex viscerum parvitate, præsertim hepatis & lienis, carniū bonitatem dijudicant. Observavi autem eos, qui in palustribus habitant locis, majorem habere, quam qui sicca incolunt: & qui amplis sunt præditi venis, majorem, quam qui parvas habent. Exinde contingit, ut macilenti pinguioribus facilius in tumidos lienes incurrant.
- Figura.* ^a *Figura* ipsius est oblonga, linguæ bubulæ, secundum Hippocratem; suillo lieni, juxta Aristotelem, similis. Est ergo oblonga, Geometrarum & Euclidis *ἑτερόμυχες*, sive quadrilateram figuram, altera parte longiorem exprimens. hinc Splenia apud Antiquos dicebantur linteola oblongæ figuræ, quibus cerata aut emplastra oblinebantur; inde ad omnis generis linteola translatus, est & emplastra. hinc Martialis Spleniatum mentum vocat, quod splenio obvolutum. Sic enim libro decimo ait:
- Cur spleniato sæpe prodeam mento,
Albare pactus sana labra cerussa,
Phileni, queris? basiare te nolo.*
- Superficies.* *Superficiem* habet, unam anteriorem, qua costas respicit, & *gibba* dicitur; alteram^b interiorem, qua spectat ventriculum, & *conca*va vocatur. Vtraque lævis est & æqualis, nisi ubi linea recta, ^c *ῥαφὴ* dicta, in sima consistit, quo loci^d Splenica vasa lienem ingrediuntur. Rufus & Hippocrates aliam quoque divisionem habent. Summam enim partem, *Caput*: infimam, *Caudam* appellant. Quod si ab hac figura discedat, fit Triangularis nonnunquam, quandoque globosa; interdum variis extuberantiis exasperatur. Aliquando in capite est crassus; in cauda gracilis; interdum contra. Illum Hippocrates *lienem acclivem*; hunc *declivem* appellat, & mentionem injicit lib. vi Epidem. sect. 111, text. 33. *Substantia* ejus est *παρέχυμα*, sed laxum & spongiosum valde, ^e innumeris venarum arteriarumque propaginibus refertum; ex quo fit, ut ubi humorem imbibit, in maximam molem se tollat. Hæc^g *membrana* undique tegitur, quæ tenuis quidem est si in se consideres; at si contendas cum hepatis membrana, crassiuscula apparebit. Oritur ex membrana peritonæi, & lineæ rectæ lienis inseritur, totumque postea viscus succingit. Hanc observavimus non raro in senibus quibusdam in osseam naturam degenerasse.
- Color.* *Color* in embryone rubeus plerumque semper cernitur, si sana habeat viscera: in adultis ad nigredinem nonnihil declinat. Monstravimus tamen non semel in publico Theatro Patavii, Lienem satis magnum, Iecori rubedine non cessisse, ut propterea existimem, lienem nigriorem multo hepatis parenchymate, non bene sani hominis esse, utcunque magnitudinem naturalem non valde superet. Quod si præter naturam se habeat, humoris quem in se traxit colorem exprimit, & vel lividus, plumbeus, aut cinereus est.
- Vena.* *Vasa* habet omnis generis: & ^h *Venas* quidem, à ramo splenico, qui ubi ad ventriculum & omentum propagines plures disseminavit, totus postea in lienem absumitur, ⁱ *cavam* ipsius partem, ubi ^k *linea* recta est, ingressus. Vtcunque autem ramus ipse amplius est & insignis, ^l *rami* tamen primum quidem in parenchyma absorpti, in tenuissimas deinde & capillares fibras, easque innumeras degenerant. Antequam etiam ingrediatur, eximia quadam & insigni^m anastomosi cum arteria comite conjungitur. ⁿ *Arterias* habet à Celiacæ ramo sinistro, quæ quintuplo plures sunt, quam venæ; ut omnino credibile sit, in lienis tumoribus aliisque affectibus scirrhosis materiam copiosiore in arteriis, quam

quam venis contineri, & propterea per arterias quoque sæpius, quam venas evacuari. Quod & designat viæ brevitās, quam Natura semper in recrementorum expurgatione sequi solet, quæ per arterias potius, quam venas esse videtur. Sunt enim quatuor loci Per quas vias Lien expurgatur. per quos Lien expurgat humores prāvos, ut testatur Hippocrates, lib. iv de morbis. Os puta, nares, urinæ meatus, & podex, ad quas omnes, si primam exceperis, brevissima via per arterias, longa nimis est per venas. Ad *Ventriculum* enim, unde ad os postea demandatur transmissa materia, arteriæ copiosissimæ à splenico cæliacæ ramo abeunt, Gastrica præsertim, Gastroepiplois sinistra, & Vas breve arteriosum. Quamquam & per venas hic eadem brevitās sit, cognomines comitesque arteriarum; sed imprimis per vas breve dictum, de quo notatu digna est historia Cardinalis Cibonis apud Valverdam in Anatome, libro vi, cap. v. Exstinctus hic erat sanguinis per vomitum rejectione, cumque à Medicis aperto cadavere causa tanti fluxus inquireretur, compresso ventriculo viderunt Lienem turgescere; rursus hoc compresso, ad ventriculum copiosum sanguinem per vas breve effundi. Ad *nares*, in iis qui splenetici per hæmorrhagias sanantur, ut Bion apud Hippocratem in Epidem. lib. ii, sect. ii, text. 27, facilis via est ex arteria splenica in Cæliacam, ex hac in Aortam, à qua in caput certissimus est ductus. Per *urinas* similiter à cæliaca statim via ad emulgentes est, ex his per renes & ureteres ad vesicam. Vnde Hippocrates lib. de Internis affectibus, Lienosis diuretica jubet præscribere; & lib. de Affectu biliosis, qui magnum lienem habent, ac ideo pravi ac fædi coloris sunt, malignaque contrahunt ulcera, urinas vult subduci. Ad *podicem* per arterias & venas hæmorrhoidales æqua via est. *Nervi* tandem sunt exiles, à sexti paris ramo, qui in ipsius membranam exporriguntur; in substantiam autem non penetrant.

De Lienis actione plurimæ sunt dubitationes & controversiæ, quas nos brevitatis studio ne attingemus quidem. Plerique tamen statuunt, receptaculum esse humoris melancholici, qui in hepatis sanguificatione, tanquam crassum excrementum separatur (cum tenue per vesiculam bilis purgetur) & ab hepate ad lienem demandatur. Quam sententiam, ut omnino falsam demonstramus esse, singula verba accuratius considerabimus. Et *receptaculum* quidem *esse non potest*, cum nullam observet conditionem earum, quæ conceptaculis excrementorum propriæ sunt. Nec enim cavitatem habet, ut bilis vesicula, intestina, & cerebri ventriculi; nec humorem continet ejusmodi, cujus receptaculum esse dicitur, cum in sanis lien purissimo sanguine semper sca-teat; nec prope est ad locum, à quo excrementum haurire dicitur, sed potius è regione situm: nec tandem locus est, per quem commode extra corpus excrementum illud pellat, cum potius in suprema imi ventris regione, ubi nobilissimorum viscerum sedes est, sit locatum. *Qui* autem *humoris melancholici conceptaculum sit*, quod nullam cum ipso observet proportionem? Omnium enim consensu Melancholia in minima quantitate gignitur, & tamen lien vesicula fellis, cæterisque excrementorum receptaculis multo est major. *Quod si melancholia illa in hepate generetur*, qui sit ut non pariter statim ex hepate trahatur, ut fellis folliculus, aut per quas vias immediate ad lienem ducitur. Quod si per splenicum ramum dicatur ferri, quam absurdum id erit, Naturam non statim ad intestina deduxisse, sed prius ad lienem, ut in ipso conservetur, cum via utraque ejusdem sit brevitatis, & hoc incommodum præterea inde futurum sit, ut melancholicus hic humor omnem sanguinem splenicorum vasorum contamine. Quare omnino statuerim, verissimam esse Aristotelis sententiam, lib. iii de Partib. animal. cap. vii, hepar & lienem cibi concoctionem juvare, & lienem ipsum quasi jecur adulteratum esse. Hoc patet, quia conditiones omnes habet, quæ ad eam rem requiruntur: habet enim Venas & Arterias, habet angustissimos meatus, habet parenchyma; quas omnes Galenus diversis in locis tradit, & maxime necessarias ac quasi proprias esse testatur. Accedit, quod læso liene iidem morbi contingant, qui hepar affectum sequuntur. Est & ratio anatomica maximi momenti, quod cum cætera viscera, partesque bipartitæ sint, Natura quoque hepar bipartitum condere voluerit. Cum ergo hepar unum non suffecisset, siquidem optimum sanguinem respicias, Lienem condidit, qui alium elaboraret & minus laudabilem.

Differt enim hepatis sanguificatio duobus potissimum à lienis: *primo*, materia; *deinde*,

Hh

fine.

Hepatis sanguificatio duobus à Lienis sanguif. differt.

Lien non est receptaculum.

Nec humor melancholicum continet.

Nec melancholia in hepate generatur.

Aristotelis sententia probatur.

fine. *Materia* quidem, cum crassior sit & terrestrior chyli pars, ex qua sanguinem facit lien; tenuior & benignior, ex qua hepar. Antequam enim ad Iecur pervenire possit chylus, per mesentericas Venas attractus, quidquid in eo est crassius ac terrestrius, lien per splenicum ramum trahit, ibidemque beneficio caloris, tum qui in venis est, tum potissimum qui in arteriis, quarum maximam copiam hic esse diximus, in laudabilem & optimum, sed crassiorem paulo sanguinem transmutat. Existimo autem & quod à mesaraicis arteriis chyli attractum est ex intestinis (de qua re supra lib. VI ex Gal. diximus) ad lienem à ramo cæliaco sinistro, sive splenica arteria deduci, cum absurdum sit arterias illas, quæ copiosiores sunt venis in illo viscere, sic otiosas esse. *Fine* deinde differt, cum sanguis, qui ab hepate conficitur, tum pro corde, tum cæteris animalibus, vitalibusque partibus generetur. Elaboratus enim in hepate, partim ad cor abit per ascendentem venæ cavæ truncum, ut ex ipso fiat arteriosus sanguis: partim ad reliquas partes animales vitalesque, ut eas nutriat. Naturalibus enim omnibus solisque venæ portæ truncus & rami alimentum deferunt. Voluit enim Natura has partes crassiore sanguine nutriri, ut calor ipsarum esset validior; cum idem calor in crassiore substantia semper sit fortior. Accedit, quod & ipsa substantia harum partium crassior sit, quam cæterarum; ex quo conveniebat, ut simili sanguine nutrirentur, quemadmodum videmus Naturæ hunc esse ordinem, ut tenuiores partes, tenuiore alantur; crassiore, crassiores.

Vfus.

Nunc videamus quam bene omnia ad actionem hanc in liene conspirent. *Situm* habet in infimo ventre, ut in eodem cum cæteris nutritioni dicatis jaceret. In hypochondrio sinistro, ut hepar nobilius viscus nobiliorem locum teneret; è regione jecoris, quia est *οἷον νόθον ἥπαρ*, ut loquitur Aristoteles lib. III de Part. cap. VI, ut Hippocrates lib. VI Epidem. *ἥπαρ ἀρκερόν*: ut Plato in Timæo, *ἡπαρ ἐκμαχέιον*. Paulo tamen depressius, quia debet *ἀνίστασθαι*, & antequam chylus ad hepar perveniat, terrestriorem partem attrahere. Sub costis nothis reconditus, ut tutum haberet ab externis injuriis locum. *Unus* est, quia *ἐπιμφοπέζει*, ut loquitur Philosophus, cum hepate. *Connectitur* diversis partibus, ut ubique substernaculum habeat. Superius diaphragmati, ne decidat: inferius reni, ne corruat: posterius dorso, ne pronus: anterieus ventriculo, ne supinus fiat. *Magnitudo* homini maxima proportionem sui corporis, ut defæcari sanguis felicius queat à crassis humoribus, cum Homo animal sit sapientiæ studio addictum. At sanguis quo tenuior est & purior, eò sapientiores reddere dicitur Arist. lib. II de Part. anim. cap. II. *Figuram* autem cum Natura tribuat semper, quæ est convenientissima actioni cujusque, & loco ubi sita est: actio autem lienis peculiarem nullam requirat, benignissima parens hic solum locum respexit. Quia ergo dorsum erat concavum, merito pars posterior lienis, quæ illud respicit, convexa est: Ventriculus autem, quia est convexus, merito pars anterior, quæ eum intuetur, concava facta est. *Substantia* est *παρέγχυμα*, quia viscus est. Viscera autem omnia sunt *παρέγχυματᾶ*, quia omnium usus communis est, Venarum necessariam ad coctiones congeriem fulcire & fovere. Propterea & *membrana* tegitur; ut cætera viscera. Protegmine enim opus fuit, quo illæsa servantur: cum autem id densum requireretur & leve, non melius erat, quam membrana. Est autem crassior hepatis membrana, quod plures contineat arterias, quæ adeo protegmine firmiore indigent, tum quia laxior quoque ipsa est substantia. Vasa obtinuit eadem quæ cætera viscera, & ob easdem causas. *Venas & arterias*, ut materiam coctioni aptam deferrent & concoquerent: *Nervum*, ut membrana sensum habeat, & quia non ingreditur parenchyma, hinc fit, ut lien obtuso admodum sensu sit præditus. Neque enim dolet ipse, cum ægri de ejus doloribus conqueruntur: sed partes sunt adjacentes, quæ lege confortii ab ipso afficiuntur. Non negligenda tamen hic est *anastomosis* consideratio, siquidem cum crassus valde sit humor qui concoquendus est in liene, voluit Natura arterias jungere venis, ut quod attractum ab utroque esset, in commodum utriusque conjungeretur, sicque rectius coctio fieret, & obstructions præpedirentur.

CAPUT XV.

De Renibus, & his Succenturiatis glandulis, itemque canalibus
urinae transitum concedentibus.



RENES, Græcis νεφροὶ, ἀπὸ νεφείν, à mingendo dicti, quod serofus humor per hos in vesicam transcoletur. ^a Duo sunt numero, utrinque unus, nonnihil sub jecore & liene post intestina & ventriculum in lumbis, inter ultimam costarum spuriarum, tum ossa coxæ, quo loco corpus cingimus ad vestes constringendas, *siti*. Incumbunt autem sima sui parte musculorum, quos ψόας Hippocrates vocavit & primi sunt fœmur flectentes, capitibus, sub quibus maximi nervi reconduntur, quo nomine & νεφρομητῆρες dicti; unde fit ut calculo in renibus existente, stupor in ejus lateris crure persentiat. Atque his membranæ externæ beneficio connectuntur: sed dexter præter hæc cæco, sinister colo & lieni sibi incumbentibus. Inæqualis etiam utriusque positio est, cum lævus dextro elatior sit, non tamen dimidia sui parte. *Figura* phascolum tam exacte referunt, ut nesciam si quid sit in tota hac rerum universitate, quod sit similis. *Longitudo* enim latitudinem superat, crassities autem ubique æqualiter est depressa. ^b *Exterius* gibbi, quo nomine & gibbam faciem dicimus: ^c *interius* cavi: *superius* nonnihil, *quam inferne* latiores. *In gibba parte* æquales: *at cava*, ut hepar, inæquales, cum in hanc alia vasa ingrediantur, alia exeant. *Longitudine*, quinque transversos digitos; *latitudine*, tres; at crassitie, pollicem æquant. Dexter tamen sinistro semper major est.

Etymologia.
Numerus.
Situs.

Connexio.

Figura.

Magnitudo.

In his considerandæ sunt partes, tum externæ, tum internæ. *Externas* voco, membranas quibus vestiuntur, pinguedinem, glandulas quæ incumbunt, & vasa, quæ vel egrediuntur, ut ureteres; aut intrant, ut venæ & arteriæ emulgentes. *Internas*, substantiam ipsam, & hujus colorem, vasa, & carunculas.

PARTES.
Externæ.

MEMBRANA renum duplex est, una communis & externa, à peritonæo deducta, qua tota ejus substantia involvitur, & *Renis fascia* dicitur, à μεμβρανή, quod in ea veluti matrice renes contineantur, pro ligamento inserviens, qua diaphragmati & lumbis nectitur. ^d Altera propria est & interna, immediate parenchyma ambiens, à communi tunica vasorum renum ingredientium exorta ac validissime connata, ut vix separari nisi cum difficultate queat. Cingitur externa multa pinguedine, adeo ut renes ex visceribus maxime pingues sint, teste Aristotele, lib. III Histor. de animal. cap. XVI, & nonnunquam in obesis penitus sub adipe recondantur. Dexter tamen minus semper quam sinister; & utcunque vehementer pingues fuerint, aliquid semper mediis deest.

Membrana.

Pinguedo.

^e **GLANDULÆ** (quarum nostra tempestate primus mentionem fecit Bartholomæus Eustachius Sanctoseverinas, Medicus Romanus,) duæ sunt, utrinque una, elatiori renis parti supra pinguedinem incumbens, externæ ejusdem membranæ, sed imprimis septo transverso validissimæ adnexæ. *Figuram* habent semilunarem, & fere renibus similem (unde *Renis succenturiati* dicti) in aliis aliisque locis magis aut minus depressam: *substantia* tamen paulo laxior est. *Venas* habent & *arterias*, ^f ex mediis emulgentibus: ^g interdum tamen & à rehe vena transmittitur. *Nervos*, à plexu retiformi nervorum, quem costalis & stomachici aliquamulti furculi efformant. *Factæ* sunt, ut ego quidem arbitror, ad implendum vacuum, quod inter renes & diaphragma interstat, & ad fulcimentum Ventriculi eo loco, qui est supra Venas & Arterias emulgentes.

Glandula.

Figura.

Substantia.

Vasa.

Ufus.

VRETERES, ὑρετῆρες, ab officio dicti, ἀπὸ ὑρέειν, à mingendo, πῶροι φλεβικὸὶ, & meatus urinarii Latinis. Vasa enim duo sunt, teretia venarum instar, nisi quod alba sint (unde Celso *Venæ albæ*) crassiora ac nervosiora, utrinque unum. Hæc ^h ex renum sima parte ubi sinus exsculpti, ⁱ postquam interiorem ipsorum cavitatem succinxerunt, & tubulos octo aut decem effinxerunt (de quibus postea loquemur) egredientes ac per lumborum regionem vectæ (in qua mediante membrana à peritonæo delata, undique alligantur musculis ψόας dictis) in vesicam implantantur. Hinc est quod *duplici membrana* constant: una communi sive externa, à qua & venulas & arterias suscipiunt capillares, à partibus vicinis cum membrana profectas: altera propria sive interna, quæ priore candidior & venarum tunica durior, paucioribus obliquis fibris donata est. *Inseruntur* autem

VRETERES.
Substantia.

Ortus.

Progressus.

Membrana.

Inserio.

in posteriorem & humiliorem vesicæ partem, non procul à sphinctere musculo circa cervicem, inter duas membranas proprias delata, in cavitatem penetrantia. Insetio autem obliqua admodum est, qua solers Natura cavit, quominus aut in compressione ipsius, aut nimia ab urina distensione quicquam in Vreteres regurgitet, cum potius his ipsis meatus occludantur, ut videmus quotidie, dum à pueris vesicæ porcorum inflantur, ne flatum quidem exire. *Magnitudo* eorum tanta est, quantus progressus per lumbos, longi palmum, & latitudine paleæ. In iis tamen, qui nephriticis doloribus sunt obnoxii, dum calculus descendit ad intestini usque crassitiem dilatantur.

Magnitudo.

VASA.

Venæ.

Adiposæ.

Emulgentes.

Propago à Vena sine pari.

VENAS & ARTERIAS à vicinis partibus habent; sed NERVOS, à sexto pari & lumborum medulla, unde exquisitissimo sensu sunt prædita. Venas habent à Cava prodeuntes, ex quibus duæ *Adiposæ* dicuntur, quod in membranam anteriorem disseminantur, & tota adipe involvantur, quemadmodum & adipis materiam suppeditant. Harum ^a *dextra*, ab emulgente oritur: at ^b *sinistra*, à Cava. *Aliæ duæ* ^c *emulgentes* ab officio, amplissimæ, ex ipso trunco Cavæ descendente inter primam & secundam lumborum vertebrarum oriundæ, quæ transversim delatæ in ^d *simam* renum partem, in ^e *duos* prius deductæ ramos, inferuntur. In hac divisione membrana communi vasa hæc involvuntur, quæ præter pinguedinem, quam habere solent copiosam, ut plurimum glandulosas quibusdam corporibus fulciuntur. Ex his ^f *sinistra* paululum sublimius, ut ipse etiam ren lævus, sita est: at ^g *dextra* longior esse solet. *Valvulam* etiam intra se habent, quæ feri in Cavæ truncum regressum impedit. *Notatu quoque hoc loco dignissimum est*, à Vena sine pari (quàm *αζυγον* Græci appellant) furculum è thorace transmitti, per quem insignis fit thoracis cum rene sinistro ex Fallopii (qui primus hunc observavit) sententia consensus, cum & pus & aquam, aliasque materias in thorace collectas hujus rami beneficio per urinas expurgari crediderit, ut superius quoque libro sexto mentionem fecimus. Quamquam mihi alia videatur via, utrique lateri dextro & sinistro communior, nempe Arteria magna, per quam (rapto per ejus poros insensibiles pure) propinquiore via ad emulgentes arterias & renes deducitur. Atque ut hanc sententiam veriore esse mihi persuadeam, imprimis me movet quod videam, non iis tantum, quibus in sinistro latere, sed & in dextro pus colligitur, per urinas excerni, à quo tamen latere venæ ramulus nullus, vel eodem teste, descendit. Ergo via assignanda alia est, quæ utrique lateri sit communis, ut est quam præstant Arteriæ.

Arteria.

Arterias habet duas, utrinque unam, nomine, magnitudine, progressu, insertionem, & denique officio dictis Venis respondentes. Dicuntur enim ^h *Emulgentes*, & ex trunco Arteriæ magnæ enatæ insignes, transversim ad renes ⁱ *venis sociæ* abeunt, ad quas ubi devenere, in ^k *duos* ramos diducuntur; quorum alter, in superiorem; alter, inferiorem ^l *simæ* partis sedem implantantur.

Nervi.

Nervos utrinque, *partim* à sextæ conjugationis ramo stomachico unum, qui gracilis est & in renum membranam propriam disseminatur: *partim* ab iis, qui circa mesenterium egrediuntur, & in ipsam substantiam distribuuntur.

Interiores partes renum.

Color.

Substantia.

Emulgentium vasorum in renis substantiam digestio.

Inspiciamus nunc INTERIORES PARTES, inter quas occurrit *primum* ablata membrana utraque *Color* considerandus, qui rubicundissimus est: *deinde substantia*, seu parenchyma, quod Iecoris & Lienis parenchymate multo est durius, cordi nonnihil accedens densitate. In hoc plura occurrunt videnda; & *primum* quidem, ^m *Vasorum* Emulgentium per ipsam digestio, quæ ubi bipartita *simam* partem ingressa sunt, uterque ramus subito in quatuor aut quinque minores subdividitur, qui rursus in alios minores dirempti, tandem in capillares minimasque venulas resolvuntur, quæ variis modis per substantiam renum usque ad gibbam partem dispersæ, ad ⁿ *capita* caruncularum papillarum desinunt, in quæ serum transfundunt, ut ad ^o *Vreterum* tubulos distillet. Eodem modo ^p *Vreteres*, qui circa *simam* partem angustiores sunt, statim ac in renum cavitatem consistunt, ampliores fiunt & ^q *sinum* quendam membranæ effingunt, quem Anatomici *Pelvim* & *Infundibulum* appellant, qui postea in duas, quandoque in tres etiam partes, tanquam ramos quosdam dirimitur; quarum una, ad renis sedem elatiorem; altera, ad inferiorem tendit: utraque postea iterum in quatuor, vel (quod pluries evenit) in quinque subdividitur, quos ^r *Tubulos* & *fistulas Vreterum* vocamus, & octo sunt numero, aut decem. Non tamen, ut emulgentes, in capillares venulas

Vreterum tubuli. & Pelvis.

a, 5. 3. 4
dextro
peffum
b, u in
stro late
c, 9. v 2
8. 10. 1 B.
& 8. 1:
E. E.
d, 8. 1:
E. E.
e, c.
f, B. /
lateri.
g, B. 1:
sedu.

h, 8. 1:
C. C.
i, D. I.
k, d.
l, E. E.

m, hori
gressum
ma vid
10. 2. p. q.
sum dei
ibidem, 3.

n, 8. 1:
D. D.
o, C. 1:
p, E.

q, B.

r, C. C.

venulas scinduntur; sed æquali fere crassitie, nisi quod in progressu paululum late-
scunt, & ubi ad gibbam pæne partem pervenerint, in finem latum & rotundum termi-
nantur, ^a papillares carunculas in se recipientes, à quibus tanquam operculis eorum
extremitates obturantur.


Sunt autem *Caruncule* hæc exigua corpuscula carnosa, parenchymatè renum nonnihil
duriora, & papillis mammaram quam simillima, à quibus etiam *papillares caruncule* de-
nominantur. Pisi sunt magnitudine; superius latiusculæ, inferius convexæ; quæ si
dissecantur vulnere secundum longitudinem factò, levem *canaliculum*, capilli crassitie,
à summa parte ad infimam per medium habere videntur. *Sitæ* sunt in gibba fere renum
regione, & in ureterum (quibus etiam propterea numero respondent, ut adeo de-
cem sint) tubulos supremos dehiscunt.

Atque hæc Renum, partiumque eis adhærentium fabrica est; eorumque *actio*, quic-
quid serosi est & aquei in vasis, tam Venis quam Arteriis, ad se trahere, separare, trans-
colare, & per Ureteres ad Vesicam mittere, ut inde extra corpus pellatur. Cum enim ex
vena Portæ per angustissimos meatus anastomosium ad Cavam in hepate sanguis dedu-
cendus erat, ut ostendimus, quo tenuissimus tantum in Cavam deferretur, crassior au-
tem in portæ vena remaneret, pro nutritione partium alimenti coctioni inservientium;
& vero vel tenuissimus ægre transiret, Natura vehiculum addidit, quo nomine Hippo-
crates appellat, aquosum serum, quod ne postea, cum ineptum sit ad nutritionem, in
Cava & Aorta redundaret nimium, Renum beneficio expurgavit. Primum ergo ad se
trahunt renes, ut ostendit Galenus ex Hippocratis etiam sententia, lib. I de natur.
facult. cap. v, Venis non mittentibus, lib. II de Nat. fac. cap. I, lib. VI, de Locis malè
affect. cap. III, & lib. de ren. affect. cap. I, sed quo pacto fellis vesicula bilem allicit.
Attrahit autem non solum serum: sed una modicum sanguinem, qui postea in renibus
à sero separatur. Sanguis hic deinde in nutrimentum cedit parenchymati: at serum
à capillaribus venis emulgentium ad summitatem caruncularum deponitur, è quibus
postea, veluti lac è papilla, in tubulos ureteris exsudat, sensimque collectum in pel-
vim, quo loci omnes tubuli concurrunt, ubi guttula constiterint, per ureteres ad vesi-
cam destillat.

Merito ergo *duo facti sunt renes*, ob corporis æquilibratam; ne unus factus, aut in
medio, cum grandior necessario esset, reliqua viscera comprimeret: aut in latere cor-
poris, tolleretur æquabilitatem. *Iacent autem sub jecore & liene* eo loco, qui in trunco cor-
poris exacte quasi medius est, ut undique ad se quam commodissime traherent. Dex-
tro autem sinister superior est, ut ille jecori cedat, quod descendit demissius liene. Non
sunt autem penitus ex adverso, ne alter alterius actionem impediret. *Figuram* habent
phaseoli, ab interna parte, qua se respiciunt, sinuati; ab externa, qua dorsum spectant,
gibbi, ut illic quidem vasa tutius implantarentur; istic, loco, in quo siti, accommodaren-
tur. *Substantia* autem est dura, densa, ac compacta, tum uti vasa tenuissima rectius fulci-
ret: tum, ut prohiberet, quia intestinis, coloque præsertim subjacent, ne ipsis aut fæ-
cibus aut flatibus turgidis nimium comprimantur. Et quia tenuissimas venas arterias-
que recipiunt, quæque ad extremitates usque producuntur, hinc adeo fit, ut *duplici*
membrana tegantur.

CAPUT XVI.

De Vesica Urinaria.



VESICA urinaria, Græcis κύστις ἐποδέχουσα, ab officio suo dicitur. ^b *Sita* est in
imo ventre, sede extima, nempe in hypogastrio, in ea cavitate, quam
Pelvim vocari sæpe jam numero diximus. *Connectitur inferiore sui parte*
^c recto intestino, cui incumbit; ^d *superiore*, ossi pubis; at ^e *fundo* (me-
diante uracho) umbilico. Hinc eximium inter ipsam & hunc consen-
sum in quibusdam notavimus, qui grandiore vesicæ calculo labora-
bant, cum de gravi circa umbilicum dolore eoque continuo conquererentur, quem
non aliunde accidisse nobis persuasimus, quam ab uracho, à vesica ob calculum ex-
pansa aut detracta simul revulso; unde partes circa umbilicum sensu acriore præditæ,

Carunculae
papillares.
ACTIO.
Magnitudo.
Figura.

Canaliculus.

Situs.

ACTIO.

Nomen.
Situs.

Connectio.

Figura. simul vellicatae impendio quam molestum sensum perceperunt. *Figuram* habet ovalem, cum *superior pars* amplior sit: *inferior*, angustior, sicque pyrum exacte referat; ex quo ab Anatomicis in ^a *Corpus* & ^b *Cervicem* dividitur. Comprehendit sub se corpus ^c *Fundum*, quæ latior illa pars est, ex cujus centro ^d *Vrachus* pronascitur, & sursum vectus in umbilicum definit. *Substantia* autem constat *partim* membranæ, ut *Corpus*; *partim* carnosæ, ut *Cervix*, quæ vulnerata propterea coalescit, cum cætera vesicæ vulnera sint lethalia, ut testatur Gal. comm. ad Aphor. xvi lib. vi. *Membrana* autem triplex est, una communis, & duæ propriæ: illa, exterior est, à peritonæo deducta, qua conterminis partibus alligatur; hæ, interiores, quæ solidæ ac duræ, sed crassæ magis minusque prout distenduntur aut relaxantur. ^e *Prima*, quæ media est inter communem & propriam, crassiuscula est præ reliquis, ^f fibris rectis conspersa, quæ affluente sanguine admodum comparent, & à nobis supra inter musculos Vesicæ, autoritate Excellentissimi Aquapendentis relata; cujus officium statuimus, urinam è vesica se contrahendo expellere. *Alter*, quæ intima, lucida ac alba, exquisitissimi sensus, ut norunt, qui calculo vesicæ laborant, omni fibrarum genere donata. Intus crusta quadam mucosa, quæ tertiæ coctionis excrementum est, in ipsa vesica excretum obducitur. *Foramina* tria obtinet: *primum* est in cervice, per quod urina excernitur: *duo* alia in postica sede & inferiore, non longe ab ejus cervice, à se invicem duorum digitorum latitudine distantia, per quæ serum ex ureteribus instillat. Obliqua sunt admodum, ne urina in vesica collecta, regurgitare ad ureteres queat. Habet & ^g *musculum*, *Sphincterem* appellatum, qui ad ^h *cervicem* situs, cujus historiam supra libro quarto exsecuti sumus. ⁱ *Venas* etiam & ^k *Arterias* obtinet, *Hypogastricas* dictas, utrinque ad cervicis latera implantatas, quæ statim in duos ramos dividuntur; quorum *alter*, per vesicam; *alter*, per cervicem, & hinc in maribus per colem distribuitur. *Nervos* insignes, nec ut fellis vesica parvos, qui ^l *partim* ab illis sextæ conjugationis nervorum cerebri, qui per costarum radices exporriguntur: *partim* ab illis transmittuntur, qui postremi à spinali medulla ossis sacri originem trahunt.

Constituit autem solers Natura vesicam tanquam receptaculum & cisternam serosi humoris, qui à renibus allectus per ureteres transmittitur, & retinetur donec insigni ejus copia collecta pro nostro arbitrio depellatur. Sapienter ergo in imo ventre collocavit, ubi renes siti sunt, & quidem in infimo loco, ut destillantem humorem opportunius excipiat, & promptius circa corporis extrema hærens iterum ubi opus est, deponat. *Figuram* rotundam, ut quam plurimum caperet, ne homo urina assidue urgente à negotiis & rerum divinarum contemplatione averteretur. Ne tamen à vicinis partibus nimium forte premeretur, præsertim à fæcibus durioribus recti intestini dum alvus redditur, oblongior facta est, non exacte globosa. Quæ causa est, cur & sic, dum fæces detrudimus, urinam sæpe, fereque semper simul mittamus, quod scilicet vesica nonnihil una à fæcibus egredientibus comprimatur. *Substantia* autem opportunissima est, quæ & extendatur in molem, & iterum contrahatur, simul ab iis quæ recipiuntur, quia acria sunt, non facile offendatur, cum mucosa crusta ipsi intrinsecus obtendatur. Ut autem pro nostro arbitrio retineretur urina, *Sphincterem musculum* nata est, quo contracto aut in media sua figura relicto, ne guttula quidem exstillat: aperto autem effluit. Quia tamen & vi quadam expellere conveniebat, totum vesicæ corpus *prima propriarum membranarum* (quam supra musculum statuimus) cingit, qua contracta cum impetu exprimitur. In quod sane munus & transversos abdominis musculos, & imprimis pyramidales habet conspirantes, unde videmus urinam pro nostro arbitrio & in altum propelli posse. Iam ut nutriretur, *Venas* habet; & ut viveret, *Arterias*; utque sentiret quæ molesta sunt, sive acrimoniam urinæ, ne corrodat, sive copiam ejus præsertim ubi plena est, *Nervos* quoque accepit. Inferuntur autem hæc vasa ad Cervicem, quod locus is maxime tum commodus sit, tum validus ac carnosus, nec suspensa ipsa vasa incedere cogantur.

CAPVT XVII.

De partibus genitalibus in mare, & primum quidem de iis, quæ
seminis generationi inserviunt.



ARTES, quæ infimi ventris cavitate coërcentur, geminas esse, & alias quidem nutritioni dicatas, alias vero generationi inservire, ab initio hujus libri statim monuimus. Voluit enim benigna parens, ne Homo omnium conditarum rerum nobilissimus vitæ hujus usura commode (quantum licuit) duntaxat frueretur: sed &, quia fatalis tandem terminus ipsi impendit, ad æternitatem sese in nova sobole proveheret. Illas quam affabre exstruxerit, quamque ipsarum usus & actionis gratia situm, figuram, substantiam, ac magnitudinem tribuerit, non perfunctorie, opinor, explicuimus. Reliquum est proinde, ut & has nunc breviter persequamur, in quibus, si alicubi, magnum certe non solum providæ mentis, sed & mirabilis cujusdam sapientiæ testimonium reliquit. Sunt autem hæ partes, ut sexus, duplices, quod neque in uno, neque ab uno solo generari fœtum voluerit, sed unum quidem materiam exporrigere, alterum vero suscipere & fovere. Vir ergo ea organa accepit, quæ partim semen opportune generant, partim confectum in uterum prompte expellunt. Mulier contra, quæ à mare concipiunt, & in hominem efformant. Agemus nunc de Virilibus, quarum historiam primo, deinde actionem & usus, ut consuevimus, persequemur.

VASA ergo PRÆPARANTIA, à Galeno ἀγγεία ὑποσπαστικά dicta, dux sunt venæ, totidemque arteriæ, quæ idcirco à dissectionum Professoribus, Venæ, & Arteriæ præparantes vocantur, ex quibus arteriæ venis sunt ampliores. In his potissimum origo, progressus, & insertio observanda sunt. ^a Venarum enim dextra paulo sub emulgente è trunco descendente venæ Cavæ, non tamen à dextro ipsius latere, sed antica sede enascitur; & vel simplici initio, ut plerumque; vel gemino, ut non raro. Quandoque ab emulgente propaginem exiguum asciscit, id quod à Galeno quoque jamdiu observatum fuit. ^b Sinistra ex media & inferiore sede emulgentis lævi lateris oritur, quamquam & pluries visum sit, utramque venam exinde enatam. Contra ^c Arteriæ ex ipso trunco, sed longius & pane duorum transversorum digitorum intervallo sub emulgentibus, à priore parte egrediuntur. Cæterum oblique deorsum ad venas feruntur, quibus non procul ab exortu ope membranæ à peritonæo profectæ copulatæ, inde per lumborum regionem supra primum fœmur flectentium musculum, dextra à dextro latere, sinistra à sinistro super Vreteres vectæ excurrunt, in itinere tenues peritonæo surculos imperitantes. Cum primum autem ad processus ipsius pervenerint, cavitatem abdominis relinquunt, & comite nervo gracili à sexta conjugatione, tum Cremastere musculo in scrotum descendunt. Ingressi vero, variis subito ^d plexibus ita inter se coeunt & commiscuntur, ut corpus quoddam efficiant, pyramidis formam referens, plenum infinitis venis & arteriis, vario modo sibi per anastomoses mutuas implicitis, cujus basis in parastatas ad superiorem testis sedem implantatur. Vocatur plexus hic à nonnullis pampiniformis; ab aliis, corpus varicosum.

Ipsæ autem PARASTATÆ sic dictæ, ἀπὸ τῆς περιστάσεως τῆς ἑχέουσι, corpora sunt alba, & fere teretia, nonnihil tamen depressa. Oriuntur hæc à plexu vasorum præparatorum, testibus (unde Ἀνδιδυμίδες dictæ) incumbentia, quorum intimæ tunicæ illigantur, oblique posterius versus inferiora & testis fundum excurrunt, indeque in vas deferens, cum quo nonnihil reflectuntur, desinunt. Substantiam habent omnino testis instar glandulosam: durior tamen, sed nulla cavitate donatam, in quam ex testibus, quo loco junguntur, quamplurimæ tenuissimæ fibre notatu dignissimæ terminantur. Habet & tenuem quandam, qua succingitur, membranam, interiori testis tunicæ propriæ perquam similem.

TESTES vero, qui cum his junguntur, substantiam reliquis glandulis similem obtinent, albam, mollem & spongiosam, plurimis venulis & arteriis referatam, unde ab humorum affluxu nonnunquam in magnam molem abeunt. Horum superior pars caput testis dicitur, inferior fundus: illud, angustius est: hic, obtusior nonnihil,

Vasa præparantia.
2. Venæ & Arteriæ
Principium

Insertio.

Parastatæ.

Ortus.

Situs.

Insertio.

Substantia.

Fibræ.

Membrana.

Testes.

Substantia.

Partes.

Magnitudo.
Figura.

Musculus.

Tunica qua-
tuor.

1.

2.

3.

4.

Vasa.

Etymologia.

Vasa defe-
rentia.
Substantia.

Ortus.
Progressus.

Vesiculæ fe-
minales.

Humor olea-
ginosus.

Prostatæ, sive
glandulæ fe-
minales.

nonnihil, ampliorque. *Magnitudo & figura*, ovi columbini est, quod nomen à plerisque, sed præcipue Arabibus postea tributum fuit: non tamen æqualis utrique, sed perpetua quasi Naturæ lege sinistro majore. ^a *Musculum* quoque habent, quem *κρεμαστήρ* vocant, ab osse ilium enatum & capiti insertum, quem supra libro quarto in reliquorum historia complexi sumus. Involvuntur autem *tunicis*, quas quaternas statuimus, etsi varie inter se de numero earum disceptent Anatomici. Harum binæ ambos coërcent, reliquas uterque proprias habet: unde illæ *communes*, hæ *proprie* dicuntur.

¹ *Communium prima* atque externa, *ὄρχιον* vocatur, sive *bursa scroti*, quæ nihil est aliud, quam cutis cuticula tecta, & quia membranæ carnosæ sibi subjunctæ validissime adnectitur, ut quasi in unam videantur tunicam coire, fit ut quam promptissime contrahatur & rugosa fiat, præsertim si quando sanus homo in aëre frigidiore obambulet. In infima sede lineam habet secundum longitudinem excurrentem, qua in dextram sinistramque par-

tem dividitur, & futura vocatur. *Alteræ* & *interna*, quam Veteres *ἐρυθροειδῆ* vocarunt, quasi dicas rubicundam, à colore rubro quem habet à fibris carneis, quibus varie conspergitur. Ruffo *δαρδὺς* dicitur, hoc est, excoriabilis, quod ab aliis nullo negotio divellatur separeturque. Hæc à carnosâ membrana nascitur, quæ hîc quam alibi multo est tenuior subtiliorque: venis tamen arteriisque plurimis referta. *Propriarum tunicarum*

^b *prima*, *ἐλυθροειδὴς* nuncupatur, quod testem *εἶον ἐν ἐλύθρῳ*, tanquam in vagina contineat, unde & latina lingua opportune *vaginalem* dixeris. Paulus Ægineta *ἐλικασιδέα*, hoc est, *capreolarem* vocat, quod vasorum præparantium plexum in modum capreolorum hedeæ contortorum (quos Græci *ἐλικας* appellant) in se coërceat. Membrana est valida ac densa, abunde venis prædita, cujus extima superficies aspera est, ob fibras quibus cum Darto adhæret: interior, lævis; estque non alia, quam ipse processus peritonæi, quos

supra testes involvere diximus. ^c *Alteræ*, quæ hac aperta statim in conspectum se offert & proxime testes complectitur, alba est, crassa & valida, à præparantium vasorum tunica enata, quam Ruffus propterea *ὑμῶν αὐτῶν*, nostri *albugineam* appellant. *Vasa* habent

omnis generis, *Venas & Arterias* à præparantibus propagatas, quæ & in proprias tunicas disperguntur: at *Nervum* gracilem à sextæ conjugationis furculo costali, qui una cum

vasis & Cremastere musculo peritonæi cavitatem egreditur. Cæterum vocantur testes, vel quod virilitatis testimonium præbeant, cum ex his virum agnoscamus præ muliere: vel, quod nulli apud Romanos testari licuerit, nisi cui testes essent, & sexus foret masculini. Græcis *διδυμοί*, quasi *gemelli*, quod quemadmodum hi in utero uno nascuntur, sic isti in uno scroto semper gemini, modo naturæ ordinem respicias, continentur. Vocantur & *ὄρχις* & *ὄρχις*, itemque *κύαμοι*, *fabæ*, ex qua appellatione decantatum illud Pythagoræ præceptum enatum mihi persuadeo, *ἀπέχε κύαμων*, *Abstine à fabis*, hoc est, à Veneris illecebris, quanquam non desint doctissimi viri qui aliter explicent.

Parastatis autem, ut diximus, circa testis fundum inferiore sede continuantur ^d *VAS DEFERENTIA* dicta, & in glandulas prostates inseruntur, ideoque partim extra abdomen in scroto situm obtinent, partim in ipso imo ventre. Vasa sunt colore candida, *substantiâ* nervosa, perobscura quadam cavitate prædita, quo nomine *πύρις σπερματικὴς*, meatus seminales Herophilus vocavit. *Oriuntur* autem à parastatis inferiore sede, sursumque præparantibus vasis in peritonæi processibus connexa feruntur, quos ubi superarunt & jam abdominis amplitudinem ingressa sunt, reflectuntur & posteriorem vesicæ regionem petunt, inter quam & rectum intestinum incedunt, ^e donec iuxta cervicem nonnihil prius dilatata, mox unita in glandulas prostates utrinque terminentur.

Paulo tamen antequam dilatentur & coeant, lateribus ipsorum ^f *VESICULÆ* quædam adnascuntur, *SEMINALES* dictæ, insignes & magnæ, quas non rectius quam uvæ racemo, cum plures sibi adhæreant, comparaveris. Nec tamen aliarum instar singularem cavitatem insculptam obtinent, sed anfractuosa granorum mali punici cellulas ordine & figura eleganter æmulantur, plenæ humore oleaginoso & nonnihil flavo, qui per foramen proprium caruncula obturatum in urinarium meatum effundi solet, ut sequenti capite dicitur.

Ipsæ autem ^g *PROSTATÆ*, sive *Glandulæ seminales*, in quas deferentia vasa inseruntur, glandulosa sunt corpora, inter cervicem vesicæ & rectum intestinum sita.

^a Per

a, 8. 1. b.

b, 8. 1. D. E.

c, 8. 1. B. B.

d, 8. 1. & 8. 13. X.

e, vid. 16. 1.

f, 8. 1. fig. 1. D. & fig. 2. H.

g, 8. 1. fig. 1. E. & fig. 1. X.

^a Per harum medium incedit Vrethra, quæ urinæ juxta ac semini communem viam largitur: insertio tamen nulla comparet, nec manifestus ductus est, per quem ex glandulis in ipsam semen deponatur, sed cum membrana satis densa obvolvuntur prostata, ne quoniam spongiosæ sunt, semen sponte ab illis defluat; ea sede, qua communis ductus est, tenuior ratiore videtur, *poris plurimis pervia*, qui tempore coitus rarefacta membrana ab affluente calore aperiuntur aliquantulum & evidentes fiunt. Poros hos & meatus sæpe mihi sat commode videre contigit in iis, qui gonorrhæa admodum laborarunt, cum ipsis patentiores sint; cujus etiam mali propria sedes sunt ipsæ hæ glandulæ. Sed & in canibus juvenis quandoque deprehendi, quos una cum meis commilitonibus strangulavimus. Sæpe enim evenit, ut compressis nimium à diaphragmate intercepto spiritu visceribus, duroque stercore in recto intestino hærente, glandulis his pressis semen largius effuderint, sicque meatus hos apertos postea viderimus. *Substantia* dura est & spongiosa, *magnitudine* juglandis fere.

C A P V T X V I I I.

De iis partibus, quæ virilis seminis excretioni sunt dicatæ.

PLVRES partes sunt, quæ ad seminis generationem faciunt, à se distinctæ, ut nunc ostendimus: at una tantum, excretioni destinata esse dicitur, PENIS scilicet; quamquam revera & ipse simplex non sit, sed *PENIS* ex multis partim similaribus, partim dissimilis naturæ compositus, quæ tamen omnes affabre in hanc actionem conspirant. Hujus appellationes diversas libro primo cum externarum partium nomina traderemus, abunde recensuimus: nunc quem situm habeat, quam figuram, magnitudinem, & connexum persequemur.

In primis tamen monendum est, *Penis* vocabulum ut communiter sumitur, non totum id designare, quod nunc eo ipso intellectum volumus, cum *penis due sint partes*; una & quidem præcipua, quæ infra commissuram ossium pubis in perinæo sita est; altera, quæ ab elatiore eorundem ossium sede propendet, & vulgo penis dicitur. Illam, *σῆμα* Græci; hanc, *σῆμα* appellant. *Situs* est ad externam imi ventris partem, ad radices ossium pubis: *figura* exacte teres, nisi in superiore parte, quæ dorsum dicitur, latiusculus foret. *Longitudinem* habet in corpore ad Naturæ leges conformato & ætate iusta spithamæ, ubi erigitur: quanquam plurimum variet, pro familiæ & vitæ ratione. Vidimus enim familias, quæ hoc nomine melius pejusse audierunt: quantum autem frequens coitus ad augmentum accessionis faciat, quotidie illi advertunt, qui in Veneris prælia vel frequentiores vel alacriores descendunt. Ineptum autem illud est quod quidam produnt, futurum esse penem majorem si vasa umbilicalia non proxime ad umbilicum ligentur abscindanturque in recens natis, ob urachum, qui inter vasa umbilicalia continetur & vesicæ fundo adnectitur, unde putant retro penem cum vesica trahi. Id enim quomodo fiat, non satis animo meo apprehendere valeo.

Cæterum ipse penis ex compluribus constat partibus, quas commode in externas five continentes, & internas seu contentas dividemus. *Externæ* sunt, quatuor illa communia nostri corporis tegumenta, dummodo pinguedinem excipias, quæ hic nusquam est inveniri, ne penis erectioni incommodet, aut liquefacta indicibilem illam voluptatem interpellet. Cuticula ergo hic mediocris est: cutis crassiuscula, in flaccido penelaxa, in rigido tensa: membrana carnosâ nonnihil nervea. *Internæ partes* sunt plures, duo scilicet penis nervosa corpora, septum, canalis, glans, quatuor muscoli & vasa. *Constat enim ex* ^b *duobus corporibus*, oblongis, nervosis, ac duris ut ligamentum, non tamen ita densis ut illa, quæ partes inter se vinciunt. Hæc intus ^c raritatem habent spongiæ similem, atraque materia & veluti sanguine nigricante oppletam. Videntur enim ex innumeris arteriarum venarumque surculis quam tenuissimis inter se complicatis retia quædam efformari, quæ inter infinitas quasdam ^d fibras à nobis, quia seriatim septo nerveo attentæ sunt *Pectiniformes* dictas dispersa, & quasi intertextæ sunt. Per hanc substantiæ raritatem, ne spiritus diffusi confestim dissipentur & penis ante tempus flaccescat, Natura tunicis quibusdā membranosis, nerveis ac

^{2.}
Septum pel-
lucidum.

^{3.}
Canalis.

Ortus.

Foramina.
1.

^{2.} ^{3.}
Substantia.

^{4.}
Musculi.
Collaterales.

Inferiores.

^{5.}
Vasa.
Cutanea.
Profunda.

^{6.}
Glans penis.

Sensus.
Substantia.
Foramen.

Præputium.

Frænum.

ACTIO &
VSVS.

densissimis corpora hæc tanquam involucro quodam obduxit. In medio autem utriusque corpus aliud interjectum est, quod ^a *Septum pellucidum* vocamus, ac utrumque conjungit, & nerveum est atque candidum. Cæterum hæc duo corpora ab inferiore ossium pubis sede ubi crassiora sunt & teretia, oriuntur distincta à se mutuo, instar duorum cornuum literæ Pythagoricæ, ut urethræ inter utrumque locum medium concedant. Mox autem ut ad commissuram eorundem ossium pervenerint, interven-
tu modo dicti septi invicem conjunguntur, sicque unita usque ad glandem, cum qua priore sui parte junguntur, excurrunt. His subjicitur ^b *Canalis*, *ἐπίθεα* dictus, ejusdem cum corporibus substantiæ nervosæ, laxæ, densæ, ac mollis. Teres hic est & cavus, eandem à principio ad finem amplitudinem obtinens, unde & Celso *fistula urinaria* vocatur. *Incipit* autem à cervice ipsius vesicæ, à qua tamen non nascitur, nec continuatur, ut quidam volunt; sed conjungitur duntaxat, cum facile vesica cocta à canali recedat, sicque ad glandem usque porrigitur. Ad hujus initium tria sunt *foramina*; *unum*, in medio majus & amplius cæteris, quod ab ipso efformatur & cervici vesicæ adnectitur: *duo* minora ad latera utrinque angustiora, à ductu, qui à seminalibus vesiculis in canalem patet. Constat autem *substantia* ejus *ex duplici membrana*: *una interna*, qua & glans tegitur, ex membrana tenui penis nervos investiente pronata, quæ sensu perquam exquisito prædita est, ut seminis acrimoniam, præsertim qua parte inter glandulas prostates consistit, persentiat, voluptatemque excitet: *altera externa*, carnea & pluribus transversis fibris aspersa. ^c Musculos habent hæc corpora duos, quos libro quarto ^d *collaterales penis musculos* vocavimus, & breviores sunt ac crassiores cæteris. Hi à coxendicis appendice infra principium duorum corporum nervosorum enati & oblique ascendentes, non procul à principio iisdem inseruntur. ^e *Alios duos habet Canalis*, qui longiores sunt, at graciliores, ab ^f ani sphinctere prædeuntes, qui invicem internis ^g lateribus juncti, recto gradu sub canale excurrunt, & in medio longitudinis suæ ad latera ^h inseruntur. Hi musculi etsi carnei sunt, substantiam tamen habent plurimum cum penis substantia convenientem, cum eo erecto statim ad sua principia contrahantur, & cum eodem flaccescente remittantur. *Vasa* habet omnis generis; quorum ⁱ *alia cutanea* sunt, nec penis substantiam ingrediuntur; ^k *alia vero profunda*, & in intima corpora penetrant. *Venæ & Arteriæ cutaneæ*, à Pudenda descendunt, quæ ad radicem penis ingressa per latera dorsi excurrunt, & satis evidentes sunt. *Profundæ geminæ* ab Hypogastricis enatæ, ad bifurcatum penis exortum insertæ, quæ per penis longitudinem disseminantur. Imprimis vero insignes sunt Arteriæ, per totam penis substantiam mirifice dispersæ, ita ut dextra in sinistrum, & sinistra in dextrum diffundatur. ^l *Nervi* quoque duo magnitudine eximii sunt, ab ossis sacri medulla pronati, quorum alter cutaneus & minor: alter profundus est & insignior, sub ossibus pubis ad penis radicem per mediam bifurcationem ascendens, indeque ad musculos, totum corpus & glandem disseminatus. ^m *Glans*, ultima penis pars est, duobus nervosis corporibus priore sede obnata, quæ nonnihil ⁿ ambitu quoque excedit, cum coronæ modo circulo cingatur, antèrius tamen acuta est. Exquisitum hæc *sensum* habet, *substantiamque* spongiosam, ut penis, sed solidiorem; in medio *foramina* pertusa, & tenuissima membrana investita. Obtegatur autem cute à penis cute producta & reflexa, quam *ἡμὴν*, & *præputium* vocant, quæ ab Hebræis & Turcis olim hodieque refecatur, unde Recutiti & Apellæ dicuntur. Inferiore parte membranam vel vinculum, quod *χαλινόν*, frænum appellant, & cum summa glande ligatur.

Atque hæc omnium quæ ad generationem faciunt, viro concessarum partium structura est, quæ quam affabre sit facta, ex functionibus nunc videamus. Cum enim in generatione hominis requirebatur sexus, neque unus in se generare posset, ut demonstrat Aristoteles lib. 1 de Gener. anim. sed per venereum congressum in altero; Viro quidem elargita est provida in omnibus Natura, ut semen in uterum muliebrem exporrigeret. Cæterum cum id minime posset fieri, nisi semen prius confectum & elaboratum quam optime foret, proinde *duplices sunt eæ partes*, quas hæcenus persecuti sumus; & *aliæ* quidem, ad solam generationem extructæ; *aliæ* autem, ad excretionem. Videamus primum illas, quæ generationi incumbunt; ex quibus imprimis *Vasa* occurrunt *præparantia* dicta, quæ duæ sunt Venæ totidemque Arteriæ, à Cavæ & Aortæ trunco descendente

^a. D. D. 1

^b, 8. 15.
& 8. 16.
A. A.

^c, 7. 15.
d, G. G.

^e, F. F.
^f, L.
^g, b.

^h, c

ⁱ, vide 8.
^k, vide 8.
16. 5. C. J.

^l, D.

^m, 8. 16.
H.
ⁿ, L. L.

scendente pronata. Vasa hæc materiam seminis transferunt, quam Natura esse voluit sanguinem, quod hic animæ, quæ in semine erat collocanda, sedes maxime sit propria. Sanguinem autem hunc non quemvis esse conveniebat: sed quam optime elaboratum & perfectum: qui cum duplex esset in corpore, tam ille qui in Cava vehitur, quam qui in Aorta continetur, non ex Venæ portæ trunco sed ex his & quidem utraque canales deduxit, ut *venosus* quidem seminis (quod sic dicitur) crassamentum: *arteriosus* autem, spiritus suppeditaret. Semen enim Virile corporis nostri materia ex qua partes conformentur non est: sed sanguis maternus à semine virili attractus in uterum, tum semen muliebri in coitu effusum. Virile autem cum utroque mixtum, *calidum primum nativum* in singulis partibus, deinde in corde *influens* illud constituit. Quare ex spiritibus constat, qui cum citra crassiorem materiam in qua resideant prompte sane evanescerent, in corpore quodam maxime opportuno Natura firmavit. Hoc eleganti exemplo docuit summus Philosophorum Aristoteles, lib. 1 de Generatione animalium cap. 11, ubi illos τὸ σπέρμα τὸ ἐκ ψυχικῆς δόξης, *semen principii animæ*: hoc, τὸ ἐκ γονῆς σῶμα *seminis corpus* appellat, quod mox ἀλλύεσθαι inquit & πνευμαλίσθαι, *solvi ac in spiritum verti*. Quæ sane verba male à quibusdam intellecta occasionem dederunt doctissimum & quam optime de humana societate meritum virum acerbe ac contumeliose reprehendendi. Nec enim (ut ajunt ipsi) in inanes auras & vaporem dissolvi voluit, sicque evanescere ex utero: sed quia φύσιν habeat ὑγρὴν καὶ ὑδατώδη, *humidam & aqueam naturam*, ratione crassamenti ἀλλύεσθαι, *dissolvi*: ratione vero πνευμαλίσθαι, *spiritescere*, & quidem (ut eleganti exemplo verborum obscuritatem explicat) ὡς αἶμα εἰς οὐδὲν ἔπλυνε, τὸ πρὸς γάλα πωρρωθέν, *quemadmodum videmus coagulum lac cogens*. Solvitur enim & in omnes partes cum quibus commiscetur sic diffunditur, qualiter coagulum & fermentum absumi videmus, etsi revera commistum sit illud cum lacte, hoc cum pane, ut nequeas ullam particulam ostendere, quæ ex coagulo aut fermento sit effigurata: neque tamen etiam, quæ non coagulum aut fermenti aliquid habeat. Sic in embryone haudquaquam monstrare licuerit, quæ pars ex semine virili condita sit, cum neque vena, neque nervus, neque caro, nec cutis ex semine constet, sed universum dissolutum fuerit ac in spiritus versum, qui postea per totum corpus diffusi, ut sic cum ubique sit nullibi tamen monstrari digitis queat: & cum omnibus partibus insit, nullam tamen earum efformet. *Materia ergo seminis sanguis est*: sed sanguis purus & elaboratus, maximeque spiritibus refertus, cum semen ipsum non fere aliud quam spiritus sit, junctus modico humido in quo subsisteret. *Deduxit autem merito ex Arteria magna & vena cava vasa præparantia*, ex quibus arterias ampliores fecit venis, quia plus scilicet spirituum quam corporis seminalis requirebatur. *Venam tamen sinistram nequaquam ut dextram ex ipso truncoeductam voluit*; sed ex emulgente potius ramo, ejusque media sede, ne contra justitiæ leges quas tam sancte ubique ac religiose observat, hic temere peccaret. Expediebat enim ut utrumque vas æqualis esset longitudinis, adeoque præparatio seminis ab utroque æque fieret. Cum ergo truncus cavæ ad dextram nonnihil sedem necessario declinet, ut cedat Aortæ sinistram occupanti, futurum omnino erat ut si ex eodem loco prodiret sinistra è quo dextra nascitur, hac multo longior fieret. Sed & serum sanguini miscere in sinistro voluit, non quidem (ut plerique omnes censent) quo à sinistro teste generarentur fœminæ, à dextro mares; semen enim quod in coitu emittitur, in glandulis prostaticis est, & ex utraque effusum in canalem urinarium confunditur: verum ut acredine nonnihil semen profunderetur, qua voluptatem illam in coitu sive augeret seu perficeret. Quod si ex utraque emulgente duxisset, nimium feri semen infœcundasset. Ineptum autem est, quod ab aliis fere omnibus tradi videmus Anatomicis, cavisse Naturam prudenter hoc invento, ne arteriam magnam sinistra vena superequicaret, à cujus continuo motu ruptionis periculum præsentaneum imminerebat, cum videamus per universum fere corpus arterias venis substerni, nec unquam observemus ullam hoc nomine ruptam detritamve.

Cæterum hæc vasa merito longissima sunt, ut diligens quædam præcedat præparatio, quam facile in his fieri observabis si sanguinis duntaxat advertas albedinem, quam augeri cum itineris longitudine indubitata fidem oculorum æstimatio præstat. Hæc causa

*Parastatarum
usus investi-
gatur.*

*Testes in se
semen non
generant.*

*Testes neque
in alio semen
generant.*

*Parastatarum
verus usus.*

*Testium ve-
rus usus.*

quoque est, cur in tot plexus coeant, ut scilicet quemadmodum intestina cum longiora sint futura, in angustiore spatio promptius continerentur. Arteriæ autem longius sub emulgentibus quam Venæ oriuntur, ut breviores sint; quia spiritus præparatione tam exquisita ut sanguis, non indigebant. Coniunguntur quoque per anastomoses, ut Arteriæ quidem præparatos spiritus, Venæ autem sanguinem conferrent, & quædam exacta commixtio fieret antequam Parastatas materia seminalis ingrederetur. Inde ad has utriusque sanguinis mixtura transfunditur, & mea quoque sententiâ in his in semen perfectum propria vi elaboratur. Dico, in his elaborari; quod plenas semine non ego tantum sed & alii quam plures doctissimi Viri mecum invenerint; tum quia haud temere Naturam huc materiam seminis deposuisse, sed potius ut coqueretur, crediderim. Adde autem, vi propria; ut demonstrem me cum iis non facere, qui cum testes nunquam in se semen continere inveniant, adeoque officinam seminis non esse vel oculorum testimonio convincantur, irradiatione tamen in parastatis generare profitentur. Atque nunc antequam ulterius provehamur, ut omnia clariora sint quæ dici in hoc negotio possint, duo quidem imprimis mihi agenda videntur. Primo, demonstrandum quibus ex causis hanc facultatem tum generandi in se, tum in alio per irradiationem testibus derogem: deinde investiganda propria ipsorum actio, & si quid erit quod possit objici diluendum. Nec enim ita temere à Galeni opinione unquam discedendum aut aliorum Clarissimorum Virorum sententiis contradicendum putavi, nisi quoties causas habui admodum graves experientiamque ipsam contrariam viderem. Testes igitur in se non generant, quod materia seminis testes non ingrediatur, sed in parastatis remanet, ut & alii observarunt, inter quos imprimis doctissimos duos, Fallopium inquam & Fernelium nomino. Et quam ineptum foret hoc Naturæ consilium, quæ cum brevissima semper utatur ubicunque licet via nihilque frustra tentet, si materiam hanc à parastatis ad testes, iterumque ab his ad illas traduxisset, & in tam anxio itinere difficilique nihil à parastatis beneficii quæsisset. Taceo nunc in testibus semen nunquam, interdum serosum tantum humorem reperiri. Sed nec per irradiationem testes semen generant, cum hæc ope spirituum necessario accidat, quod præparatio seminis sit coctio; omnis autem coctio ope calidi spirituumque perficiatur. Spiritus autem cum in testibus non sint ut in fonte caloris, aliunde ergo ipsis accedunt, quemadmodum Cerebro à Corde: at certe quod testibus affluit non tanti est, ut aliis partibus possit suppeditari postea: ut nihil jam dicam neque arterias nec venas à testibus ad parastatas desinere, quæ vicem possint obire canalium per quos influant. Quod si objiciat quispiam, vicinæ beneficio irradiationem hanc fieri, id mihi quidem ex iis esse videbitur, quæ inter impossibilia referuntur, quæque à Naturæ institutis maxime aliena sunt, cum nullibi spiritus obtenuitatem suam nisi per crassiores fistulas traducat & communicet aliis partibus, ut videmus in arteriis & nervis contingere. Quod si à corde influat vis generandi seminis, quid opus est à testium arteriis spiritum advocare, cum parastatæ copiosioribus irrigentur arteriis, & per quas à corde rectissima via est, qua assiduo ac indefinenter spiritus influant. Nec vero peculiarem credendum est requiri hic calorem, qui semen confectum primum, deinde fœcundum reddat, qualem nonnulli vana certe opinione confinxerunt sibi, qui spiritus quosdam singulares in testibus generari statuere, diversos ab illo triplici spirituum genere quod vulgo statuitur, cum in nulla universi corporis coctione distinctum esse videamus genus: sed omnibus, ut ventriculo, hepati, lieni, mammillis, cæterisque à Corde influere. Quod si inde Ventriculus chylum, Hepar sanguinem, Mammillæ lac generant, id non ideo evenire putandum, quod à diverso calore influente coctio sit instituta: sed quia temperamentum illius partis diversum longe est ab aliarum temperie, quemadmodum neque in oculo alius animalis spiritus est ab eo qui ad aures transmittitur, etsi in illo videat, in hoc audiat: sed quia illa partis illius conformatio est, aliudque temperamentum. Calor enim non nisi solam coctionem efficit: at formam aliam atque aliam temperamentum partis materiæ concoquendæ inducit. Parastatæ ergo semen generant, & quidem in se atque à se, propria & insita facultate, ob temperamentum, quo præditæ sunt, coadjuvante tamen quamplurimum & excitante hoc ipsum calore à corde influente. Testes autem coctionem seminis secundo adjuvant, quatenus scilicet serum ad se trahunt digeruntque, illud inquam, quod necessario

necessario una cum sanguine ad parastatas vadit, ut per tenuissimos arteriarum venarumque plexus, tum anastomoses transeat. Si enim hoc consilio Natura ut diximus superius sanguini sero providit, ut in hepatis parenchymate ex radicibus Portæ ad Cavam traduceretur, in quo satis evidentes adhuc sunt anastomoses: multo profecto magis erat necessarium ut in his prospiceret, quæ ita angustæ sunt, ut omnino sensum omnem effugiant. At revera id fieri vel ipse nos sensus edocere potest, cum videamus in Testibus nonnunquam serosum humorem coacervari, & sinistrum testem multo majorem dextro reddi, quod scilicet per venam emulgentem lævi lateris serosior sanguis traducatur. Accedit, quod testis substantia glandulosa est, qua Natura per totum fere corpus ad serositates hujusmodi absumendas abusa est, vel ipsius magni Hippocratis testimonio. Et hoc nomine fibræ illæ tenues ad parastatas à testibus ea parte qua invicem cohærent digeruntur, ut per eas commode attrahant. Quod si quis hanc sententiam non omnino quidem à veritate alienam esse statuatur, at interim urgeatur vulgari illo dubio, quæ causâ sit, si testibus seminis generatio proprie non competat, ut iis tamen ablatis vel quocunque morbo causæ externæ & imprimis frigore læsis, animal semen aut non conficiat aut certe generet infœcundum. Illi ego respondeo, me sic nihil hac ratione urgeri ut haud videam quid facilius sit quam huic scrupulo satisfacere. Nec enim vel frigore testis afficitur, vel cultro dum castramus læditur, quin una afficiantur & lædantur ipsi adnatæ parastatæ, in quibus seminis officinam ponimus. Quod si jam illudere quis responsionem hanc voluerit dicatque infœcundum quoque futurum esse animal, si abscisso teste parastatæ relinquuntur, nec illi ego valde contrarius propterea fuero. Infœcundum enim merito erit, cum coctio perfecta in parastatis tum haudquaquam futura sit, quod serum illud superfluum non absumatur, à quo semen aquosum nimis efficitur. At inde non magis sequitur parastatis fœcunditatem seminis accedere à testibus: ac hepatis venis à liene vis sanguificandi, quod læso liene videamus sanguinis generationem in jecore corrumpi, cum crassior chyli pars non attrahatur. Videbimus tamen nihilominus hoc, materiam scilicet seminalem confici, quæ nonnunquam & Eunuchos quibus relictæ parastatæ ad venerem excitat & effunditur, quamvis ob dictam causam fœtum haudquaquam generet. Cæterum testes ne frigoris tempore plurimum paterentur, Natura *musculos* tribuit & complures *tunicas*, ut illi quidem contracti abdomini admoventur à quo foverentur: hæ autem, teherent. Hoc idem præstant & ipsæ *communes membranae*, quæ attactæ leviter à frigiditate protinus contrahuntur in rugas, quo nomine cuti tam valide Natura membranam carnosam fibris carneis conspersam junxit. *Siti* autem sunt *extra abdomen*, propter parastatas connexas: at hæ, ut longior esset via vasorum præparantium, sicque melius seminis materia præpararetur. Elaboratum hoc modo semen in parastatis per *deferentia vasa* ad glandulas transmittitur. *Vasa* hæc *per obscura cavitate prædita* sunt, quod semen facile cum totum sit spirituosum permeet: *nervæa* autem & *crassa tunica constant*, quod minus idem dissipetur. Hæ in glandulas *prostatas desinunt*, in quibus colligitur & tanquam in promptuario aservatur. Antequam autem eò perveniant, *Vesiculis* quibusdam *annectuntur*, quæ quod oleosum & pingue est in semine ad se attrahunt, à quibus postea sensim in communem urinæ seminisque ductum sive *urethram* per *foramen caruncula obturatum* elabatur, ut is continuo irrigetur nec urinæ acrimonia erodatur vel exsiccatus in se confidat. Idem fit, & potissimum coitus tempore, ubi compressis his una cum glandulis copiosius effunditur, ne seminis acior vis damni quid invehat, proptereaque hujus humoris defectu nonnunquam stranguriam nasci Galenus nobis auctor est. *Sunt autem complures*, ne si una duntaxat foret cum imperu efflueret; sic cum multæ sint, ex una in alteram paulatim derivatur. *Intus anfractus habet*, ut sensim ac sensim distribuant ad infimam, ex qua in meatum paulatim transmittitur: ne autem regurgitet, caruncula ductus ille obturatur. De *prostatis* postea dicturus sum, cum penis actionem investigabimus.

Est autem PENIS ACTIO erectio, cum à Natura conditus sit ut semen optime elaboratum in uterum transferat. Vterus hic cum in corporis cavitate necessario recondideretur, quo tutior foret ab externo frigore, ne seminis calor dum ipsum exporrigitur evanesceret, *canalem longum* Natura effecit, per quem ad uterum excurreret. Canalem hunc ut recondere in vaginam uteri Vir posset, durum esse conveniebat &


tensum : at si perpetuo talem servaret homo non minus molestum incommodumque illi foret , ac si manum perpetuo tensam erectamque secum circumferret. Proinde sic solers Opifex condidit , ut utrique sane tempori inserviret , & ubi opus fuit in coitu quam facile erigeretur , reliquo autem flaccidus à corpore dependeret. *Substantiam* ergo ipsi concessit , quæ facile tenditur ; & materiam , quæ admodum inflat. Talis substantia est corporum nervosorum & urinarii meatus , ex poroso nervo & fungoso constans , ad quam arteriosus sanguis & spiritus imaginatione venerea concepta copiosissime affluunt & tendunt. Id ipsum videmus venis nonnunquam contingere , ut spiritibus turgidulæ fiant calidiore tempore in manu , brachiove. Cæterum ut & quam citissime & maxima copia affluerent , calore prospexit , confricatione & sensu insigni glandis , quæ attrahunt spiritus & sanguinem : at ne facile dissiparentur , septo & tunica nervea undique munivit & prohibuit. Hoc nomine per universam penis substantiam omnis generis vasa sed imprimis arterias sparsit , quod ab his quidem maxime omnium tenderetur. Nec tamen corpora tantum nervosa dicta , sed & canalis ipse & simul musculi , quod ejusdem fere cum his substantiæ sint , inflantur. Ex quo fit ut *canalis* viam quidem aperiat : at *musculi collaterales* penem detineant , ut quam rectissimus staret , ne forte ad latus declinans meatum clauderet. Ne quoque idem pressus à corporibus nervosis subsideat , inferiores musculi inflati & proinde contracti deorsum trahentes ipsum impediunt. Sed & aliud insigne officium præstant quatenus breviores adeoque crassiores facti , dum omnia cætera sic tument prostratas glandulas comprimunt , sicque per angustissimos illos meatus & inconspicuos , in urethram granulatim semen (non secus ac argentum vivum in corio arcte conclusum solemus) exprimunt , adeoque summa coitus voluptas exoritur , quod membrana interior qua urethra investitur , præsertim ubi media inter glandulas incedit , acutissimi sensus sit & gratissimus quidam ac indicibilis pruritus excitetur. Rarefiunt enim tum pori illi angustissimi à calore affluente , patentioresque fiunt : quo autem angustiores sunt , eo major delectatio percipitur. Ex quo fit ut qui raro Veneri indulgent , majore perfruantur voluptate : qui sæpius , minore : sed interdum nec cogitantibus quidem effluat , ubi laxiores pori illi redduntur. Sic exclusum ex glandulis semen à meatu urinario contractis transversis extrema membranæ , ex qua constat , fibris propellitur.

Vbi voluptas
percipitur.

Dux ergo sunt partes , in quibus maxime voluptas percipitur in emissionem seminis, Urethra & præsertim illa ipsius pars quæ intercedit duas Prostatas ; in ipsa autem pugna , Glans penis. Hoc nomine reliqua penis corpora ambitu nonnihil excedit , & maxime circa Coronam , ut undique arctius ab uteri vagina & transversis ejus rugis constringatur. Acuta vero antè est ut ipsum internum osculum sese penetret. Ut enim uterus semen felicius & calens bene hauriat , glandem uterum ingredi conveniebat. Substantia spongiosa & solidiore quam corpora constat , ut quam plurimos spiritus susciperet , eoque diutius tensa maneret , cum ipsa & Hymenem perrumpere , & denique omnia agere debeat. Exquisiti sensus , ut tanto major hæc delectatio sit , quam Lucretius describens libro 1 , hominum Divumque (scdissime !) voluptatem appellat. Quamquam autem exquisitissimi sensus sit , mirabilis tamen in omnibus Natura præcavit , ut compressa aut trusa suavem quandam potius delectationem quam dolorem percipiat , quod ideo contigit ut dum in pugna comprimatur ob suavitatem potius incredibilis illius voluptatis assurgeret , quam ob dolorem subsideret. Reliquorum usus facile ex dictis quavis colliget.

C A P V T X I X.

De partibus genitalibus in fœminis , & primo quidem de Pudendo muliebri.



PVDEN.
DA.

NARRATIS partibus genitalibus Virorum , nunc Muliebres inspiciamus , quas commode in Pudenda , Vterum , & Testes , ipsisque annexa Vasa præparantia & deferentia dividemus. Dicuntur ^a Pudenda , Græcis αἰδοῖον γυναικῶν , quicquid nobis de obscœnis partibus citra dissectionem in oculos incurrit. Latinis antiquioribus Natura vocabantur , unde doctissimus Romanorum Varro , Nutrices , inquit , naturam , qua fœminæ sunt ,

Porcum

Porcum appellant. Obscœniore vocabulo *Cunnum* nonnulli dicunt : at qui student honestis auribus placere, *locos muliebres* nuncupant. Ex his primo omnium occurrit ^b pars illa ex qua pili primis adolescentiæ annis erumpunt, quam *pubem*, Græci *ἡβη* appellant; an- ^{Pubes.} nos autem ipsos quibus prodeunt, pubertatis. Vocatur & *κλῆς*, *πέχτην*; & à pilis *τεχέως*. Aristoteli *ἡπίσειον*, ἀπὸ τῆς ἡπίσεως, quod in congressu mutuo hæc pars præcipue concutitur. In hac, superior pars præ reliquis nonnihil eminentior est & pilosior, quam ideo *Veneris montem* appellant. Erumpunt autem pili circa decimumquartum annum, qui in ^{Veneris mons.} mulieribus quidem quam virginibus crispiores sunt. *Rima magna* quæ inter ^{Rima magna.} labra consistit, major est quam ^d foramen colli uteri seu cervicis, quæ virile membrum admittit, cum ab osse pubis incipiat & fere ad anum usque pertingat, ut inter hanc & istam perinæum transversæ digiti latitudinem vix excedat. Græcis *ρίσμα* vocatur sive *fissura*, ad ^{C. C.} cujus latera sunt ^e duo *labia*, *κρήμνα* Hippocrati dicta, quibus interiores pudendi partes ^{Labia.} clauduntur, non secus ut dentes & lingua labiis oris. Constant ex communi corporis integumento cute, quæ adipem non paucam & fungosam continet. Diductis his nonnihil ^f *ale* in conspectum prodeunt, quæ Græcis *πέρυρια*, quibusdam & *πτερυγώματα* dicun- ^{Alæ.} tur. Galeno *νόμφαι*, quod primæ sint quæ sponsum admittant, vel certe quod scaturienti urinarum fonti præesse videantur. Productiones enim sunt duæ, utrinque una, quæ ex molli & spongiosa carne, tum ex reduplicatione cutis ad latera externi cervicis osculi oriuntur & sub labiis tectæ ad commissuram ossium pubis ascendunt, junctæque ^g *Clitoridem* amplectuntur; unde quibus hæc magna est, iis & alæ majores esse solent. Figura & colore galli cristam æmulantur, unde *Crista* fortassis Juvenali Poëtæ, dum scribit,

Callidus & cristæ digitos impressit Aliptes,
Ad summum Domine femur, exclamare cœgit.

Hæ quoties collabuntur ad se invicem externum cervicis osculum exacte claudunt. In harum ergo apice ^h *Clitoris* est, caro quædam nervosa, dura, intus nigricante & spongiosa materia plena, similis omnino illi ex qua præcedenti capite duo nervosa penis corpora extrui diximus. Sed ut substantiam eandem cum virili pene obtinuit, ita quoque usum fere & figuram. Erigitur enim non secus ac penis una cum circumstantibus alis si quando lascive manibus tractatur, copioso spiritu influente; ac rursus hoc dissipato, flaccescit. Hoc nomine ab Albucase *tentigo*, ab Avicenna *virga*, à Laurentio *mentula muliebris* dicitur. Constat autem ex tribus corporibus, quorum ⁱ *duo lateralia*, à nonnullis ^{Partes ejus.} *ligamenta*, aliis *Crura* vocata, quod ipsis erecta inniti videatur, & ab ossis ischii tubere interno distincto principio enascantur: ^k *tertium* ac inter hæc medium è superiore parte commissuræ ossium pubis prodit, in cujus extremitate ^l *glans* est, à Veteribus *μύρτεν* dicta, ut puto ob similitudinem quæ ipsi est cum baccis myrti; quæ etiam ^m *tenuissima cute tegitur* tanquam præputio quodam, enata ex nympharum coitu. Huic nonnulli *musculos* quoque ascribunt. Vocatur à Græcis *κλειπερίς*, ab obscœno verbo *κλειπερίζειν*, quod hanc partem digitis petulanter fricare significat. Polluci lib. 11 *ἡπίδεξις*, qui definit *τὸ ἐν μέσῳ ῥίσματι σκαῖρον σαρκίον*, carunculam quæ in media muliebris pudendi fissura subsultat. Hæc interdum ad tantam magnitudinem intumescit, ut sæpe anatomix ignaris imponat, qui credunt mulieres in viros commigrasse, quod extra pudendum propendeat instar mentulæ virilis. Atque hoc quidem fœminarum genus eo sæpe infaniæ devenit, ut cum aliis mulieribus illicite coeat, in quas elegans est carmen Martialis ad Bascam,

Inter se geminos audet committere cunnos,
Mentiturque virum prodigiosa Venus.

Vocantur à Græcis antiquis *τεχέαιδες*, Latinis *fricatrices*, quas frequentissimas in Ægypto ^{Fricatrices.} & Africa Nautæ qui orientales plagas peragrati sunt, referunt reperiri. Cæterum doctissimus Hippocrates libro de Natura muliebri morbi cujusdam meminit, quem *κίονα* appellat, & Interpres vetus recte *Columnellam* traduxit: at cum ignoretur ab aliis hoc morbi genus, plures varias lectiones excogitarunt, plerique tamen legunt *κίονα*, inter quos præcipue familiam ducit Hieronymus Mercurialis, Vir sui seculi doctissimus. Ego nihil immutandum censeo cum videam duo esse morborum genera, quæ *κίον*, hoc est, ^{Columnella morbus.} columna appellari queant, deducta similitudine ab uvula in faucibus dependente. Primum est de qua nunc locuti sumus, Clitoridis prominètia & aucta præter naturam magnitudo

Post carunculas has & hymenem ^a rima occurrit sub vesicæ foramine rugosa, inter duas alas sub magna rima conclusa. Vocatur hæc *cervicis osculum*, Galeno *σίμα τερχήλις*, nonnunquam *externum orificium*. Per hoc primo in vaginam penis virilis ingreditur, quod in quibusdam præter naturam sed raro tamen imperforatum est, unde *ἀτεχία* dicuntur. Ultimo tandem loco, negligenda non sunt *duo ceca foramina*, quæ statim apparent diductis labiis, sed fere tantum in vivis, cum admodum parva sint, in quibus serofus quidam humor non parva quantitate prodit, qui maris pubem in coitu madefacit.

CAPUT XX.

De Utero.



UTERVS à figura utris vel utriculi, qua voce Plinius lib. XI, cap. XXXVI, quoque non inepte appellavit, dictus videtur. Hujus enim ritu cavus est & fœtum coërcet. Hippocrates & Galenus ut plurimum *ύτέρα* & *μήτρα*, aliqui etiam *ματρία* appellant, ex quo etiam sacris literis usitata phrasis nata est, *ἐν ματρί ἔχειν* pro eo quod nos dicimus *utero ferre* & *gravidam esse*. Latinis *matrix* dicitur. Vtunque autem unus continuusque ductus sit, à fundo usque ad pudenda, quia tamen diversæ in eo reperiuntur partes, ^b commode trifariam dividitur in *cervicem uteri*, *osculum*, & *fundum*. Dicitur ^d CERVIX tota illa pars, quæ virile membrum in coitu suscipit, unde & *vagina penis* quibusdam, quanquam communiter *collum* nominetur, quam appellationem & Græci retinuerunt, *αυχίνα* & *τερχήλις* ἢ *μητρίς* vocantes. Soranus Ephesius honestissimum vocabulum indidit, qui *κόλπον γυναικῆον* *sinum muliebrem* appellat. Est autem meatus teres, ab ^e externo orificio ad ^f internum uteri osculum pertinens. ^g *Situs* ergo est in imi ventris cavitate illa, quæ pelvis dicitur, inter ^h vesicam & ⁱ rectum intestinum, quibus membrana à peritonæo enata alligatur. Exstruitur autem ex *membrana duplici*, quam si per transversum feces, spongiosa quædam caro intercedit, similis omnino illi quæ in duobus nervosis penis corporibus reperitur. Hujus beneficio à libidine & in coitu à penis frictione erigitur ac intumescit, infinitis venarum arteriarumque furculis copiosam spirituum vim suggerentibus. Voluit enim sapientissimus Opifex ut penem undique amplexu suo comprimeret, quo suavior majorque sexus utriusque delectatio foret, eoque modo in coitu pro ratione penis nunc latior nunc angustior, modo brevior aut prolixior redderetur. Hoc nomine internam quoque tunicam frequentibus ^k *rugis transversis* & *orbicularibus* intertexuit, ut arctius retineant, quæ in *Virginibus* duriores sunt ac eminent; in *Vetulis* ac iis quæ sæpe *virum admisere*, sensim quasi pereunt. Ipsa autem cervix in juvenculis mollissima est; at iis quæ sæpe conceperunt indies fit durior. *Connectitur* cervix cum vicinis partibus: *anterius*, ^l cervici vesicæ urinariæ; & quia nonnihil latior est, etiam ossibus pubis ope membranarum à peritonæo prodeuntium: *posterius* ^m recto intestino, cui toto ductu incumbit. Hoc quoque *diligenter notandum*, Cervicem cum nec virilem penem suscipit nec menses fluunt, contortam esse & in se pluribus rugis concidere, ut internas partes ab externo aëre sive calido sive frigido defendat, quo nomine menstruo tempore mulieres, nisi sibi prospiciant, impense refrigerantur.

ⁿ Os Vteri, *τὸ σίμα* ἢ *μητρίς*, & Galeno interdum *Cervicis internum orificium*, foramen est quod oris modo dilatari & constringi potest. *Situs* est inter ^o cervicem & ^p fundum, ex cujus infima sede protuberat *corpus referens* quasi glandem obtusam perforatam transversa linea, quod tamen cum hiat exacte rotundum efficitur. Hoc perpetuo connivet: at *conceptionis tempore* primisque dum utero gerunt *mensibus* sic constringitur, ut ne angustissimum quidem admittat stylum: *in coitu* contra adeo dilatatur, ut penis glandem suscipiat, quem dum suaviter amplectitur multa voluptate utrumque sexum perfundit. *In partu* adeo extenditur, ut commodum egredienti utcunque magno fœtui aperiat viam, quam rem considerans Galenus se admirari quidem at intelligere non posse ingenue confitetur. Quod si forte inversum sit, induratum, exulceratum, cicatrice obductum aut nimis humidum, sterilitas sequitur. *Inversum* enim glandi virili non opponitur, ut semen recta injiciatur in uterum, unde refrigeratur, atque adeo infœcundum fit: *induratum*

Cervicis osculum.

Duo ceca foramina.

Uteri ætymologia.

CERVIX uteri. Appellatio.

Situs.

Ruga cervicis.

Connectio.

OS VTERI.

Situs.

Figura.

Connectio perpetua. Apertio eiusdem.

raturum vero non admittit glandem, nec ingressuro cedit: *exulceratum*, penis attactum refugit: *cicatrice si obductum sit*, obstruitur via semini: *humidum* vero, nimis laxatur, nec infusum semen retinet; nec bene clauditur. Sic quibus *nimio coitu laxatum* plus æquo apertum est, Hippocrate teste, lib. 1 de Morb. muliebr. non concipiunt. *Figura* ipsius si quando extra vulvam procidit aut invertitur, os tincæ piscis exacte refert. Ut enim illud, sic hoc oblongum est quando connivet.

UTERI tandem^a FUNDVS sequitur, qui proprie *uterus* dicitur, cum omnium partium uterum constituentium nobilissima sit, & in cujus actionem omnes reliquæ conspirant. Vocatur & *Matrix*, quod matris officio fungatur, generando & fovendo foetum. Hæc elatissima uteri pars est, in suprema dicti osculi regione *sita*: cujus *magnitudo* omnibus æqualis non est. *Virginibus* enim quantumvis adultis nucem juglandem non multo excedit: non item *Vetulis*, quia exsiccatae. *Mulieribus* autem & iis quæ virum expertæ sunt, præsertim si sæpius conceperint, amplior evadit: quemadmodum & iis quibus *meneses effluunt*, cum eo tempore venæ omnes sanguine turgeant. *Gravidis* contra in tantam assurgit molem, quanta pro commodo foetus habitaculo sufficiat. *Figura* cucurbitulæ Chirurgorum perquam similis, cum ex latiore fundo in angustum os coarctetur. Hanc tamen non semper servat, sed nonnihil in gravidis immutat, undique in rotundam sphaeram se conglobando, ex quo Galenus vesicæ urinariæ assimilabat. *Connecitur* fundus conterminis partibus, non tamen quavis sui sede, sed ad latera tantum; cum ante, retro, & supra se partem non habeat, cui adnascatur, sed liber sit, ut in coitu nunc ascendere ad superiora, nunc descendere versus inferiora queat.

Connexio.

Ligamenta superiora.

Uteri ascensus.

Uteri prolapsus.
Uteri inclinatio.
An uterus vere loco moveatur.

Hystericus affectus ut generatur.

Sunt autem *ligamenta* quatuor; ex quibus^b duo superiora sunt, lata ac membranosa, à peritonæo enata, quibus ossis ilium lateribus uterus alligatur. Laxa sunt & mollia, ut cum utero dum gravidus est, & extendi & iterum, dum subsidet postea à foetu liberatus, contrahi possint. Deducunt hæc^c vasa præparantia &^d deferentia utero, quemadmodum &^e testes continent: & quia lata admodum sunt, ab Aretæo vespertilionum alis fuere non inepte assimilata. Hæc ligamenta uteri fundum in suo loco detinent, ne à quavis causa inde dimoveatur; quemadmodum *videmus interdum ascendere*, & diaphragma ac hepar comprimendo suffocationis periculum inducere; nonnunquam prorsus *in sinum decidere*; interdum etiam una cum cervice, eaque inversa *extra pudendum propendere*; sæpe ad lumbos & coxas *declinare*. Neque vero dum uteri hunc fundum sic locum mutare dicimus, solum ipsum, sed uterum una cum testibus & vasis intelligimus. Et quamvis dubitatum sit à multis de hac re nostro seculo, quibus res visa fuit risu potius, quam fide digna: merito tamen ridendi illi ipsi sunt potius, ut qui neque in Anatomicis quicquam, neque in rerum Natura experientia habeant. Revera enim multiplicem loci mutationem, non tantum in iis, quæ utero non gerunt: sed & in ipsis gravidis sæpenumero animadverti, ut vel propterea censeam, non frustra doctissimum *Hippocratem*, in libro de Mulierum morbis, tam crebram huius morbi fecisse mentionem, tamque sollicitè symptomata ipsius omnia assignasse. Nec *Plato* certe, quem divinum vulgo appellant, uterum frustra appellat animal vagabundum ac generandi avidum, quod passim per corpus oberrat, meatus aëris intercludit, respirare non sinit, extremis denique vexat angustiiis, ac morbis omnibus premit. Male tamen propterea à Galeno, lib. VI de locis male affect. cap. V, reprehenditur, quasi animal quoddam statuerit; cum *Plato* eo loci per similitudinem loquatur, & cum de pene virili dixisset, animal esse veluti imperiosum, rationis expers, voluit idem de muliebri utero per comparisonem efferre. Uterus tamen per se non movetur; sed ab aliis trahitur, aut pellitur; idque fit, si præter modum distentus sit aqua vel mola aut (quod frequentissime evenit) copioso flatu: quoties Iecur nimium tumefactum ad sinistram partem protrudit, aut Lien ad dextram: intestina plena flatibus aut excrementis, antèius vel deorsum. *Hystericus* autem *affectus*, meo iudicio, sic generatur: inflatur uterus & ligamenta ipsius à copiosis flatibus, pluribus de causis excitatis, unde sursum trahitur, & hepar ac diaphragma premit, sicque respirationem intercipit. Non tamen ideo gravidæ uteri præfocationem patiuntur, aut quando mola uterus distenditur. Vergit enim tunc potius pondere suo deorsum aut ad posteriora, & sic tantum intestina premit. At flatibus repletus, ob levitatem ascendit,

a, 8. 1.
C. C. 3.
21. 6.
fig. 2.

b, 8. 1.
d. 8. 1.
O. & C.
X. X.

c, 8. 1.
d. Y.
e, V.

ascendit, inter intestina se insinuat, & ventriculum ac diaphragma petit. Et hoc est quod Hippocrates dicit, vacuos & leves uteros facilius mulieribus ascendere & os earum intorqueri. ^a *Ligamenta inferiora*, processus sunt nervei, teretes, ac cavi. ^b Oriuntur à lateribus fundi uteri prope ^c vasa deferentia, quæ contingunt, ad inguinaque descendunt per ^d productiones peritonæi (de quibus jam actum est) ac supra pubis os in latam ac nerveam exilitatem degenerant, cui Clitoris alligatur: reliqua pars usque ad genu postea in interni femoris membranam excurrit. Hujusmodi ligamenta in inguine infra supraque glandulis fulciuntur, ut propterea huc nonnullis, cum concava sint, excrementitios uteri humores transferre videantur. Ego quoque anno supra millesimum sexcentiesimum vigesimo, pridie Nonarum Februarii, fœminam Patavii aperui, quæ à nimio coitu mortua dicebatur, reperique ligamenta hæc, qua parte vicina sunt utero, plena semine fuisse.

Substantia uteri ex plurimis constat membranis, iisque nerveis, infinitos tubulos amplosque cuniculos constituentibus, quæ anfractuoso transitu invicem cohærent. Facile hi comparent in utero gravidæ, cum omnia distensa sunt: at in non prægnante, dum membranæ sunt corruptæ & contractæ, nec foramina hæc conspicua sunt, nec tubuli: ipsa quoque substantia dura est; ut in illa, mollis. Vtunque autem plures sint membranæ, omnes tamen à duabus tantum conteguntur; *una*, externa, quam à peritonæo deducunt anatomes periti; *altera* vero, interna. *Externa*, lubrica est ac lævis, nisi qua sede intrant vasa spermatica aut exeunt ligamenta; omnium tamen quæ à peritonæo oriuntur, crassissima. *Interna* vero, plena meatibus exiguis, maxime sub fundo ea sede, qua uterus tegit intestinum rectum. Meatus hi ubi mulier à menstruis purgationibus vacat, vix conspicui sunt: quo tempore vero laborat, evidentes fiunt: quippe cum per hos purgetur menstruus sanguis ex corpore. Hos Veteres venarum arteriarumque ora crediderunt, & quia in utero ovillo, tum etiam vaccino (quem propterea velim tyrones ante humani uteri dissectionem inspiciant) cavitatem habent instar acetabuli (est hoc mensuræ genus, quo acetum antiquitus vendebatur) idcirco *κευλιδόνας* appellaverunt, nec modo in prædictis quadrupedum uteris, sed etiam in muliebri. Cæterum fundi externa superficies superne ad latera obtusos duos emittit *processus*, qui in non gravidis prominentias illas nonnihil exprimunt, quæ in vitulis conspiciuntur, ubi primum cornua erumpunt, quos ideo Diocles *κεραίας*, Cornua uteri vocavit, sed in prægnante uteri forma in vesicæ figuram mutata pereunt.

^e *Cavitatem* habet si dissecetur unicam; in qua *nullæ* observantur *cellule*, quas quidam sibi finxerunt, decepti fortassis libro de anatome parva, qui male ad Galenum auctorem refertur, cum spurius sit: beneficio tamen ^f *lineæ*, futuram referentis secundum longitudinem in dextram sinistramque partem dividitur. Est autem exigua admodum hæc cavitas & vix vulgaris fabæ magnitudine, ut facile tota repleatur in coitu, cum etiam in quolibet seminis minimo formatrix vis universa lateat.

Habet tandem uterus ^g *Vasa* omnis generis, quæ exterius uterum ingrediuntur, & diligenter considerata sunt, ut rationem multorum affectuum liceat reddere, qui ob consensum uteri enascuntur. Sunt enim vasa insignia & frequentia, præsertim *Venæ*, quæ arteriis multo majores à Cava originem trahunt, ut cum universo corpore propterea uterus consortium habeat. Oriuntur hæc à duplici ramo ex utroque latere, *uno* præparantium vasorum, *altero* hypogastricæ. *Vena*, quæ à præparantibus oritur, à superioribus descendit, & per universum uterum dispergitur, maxime tamen per fundum, & cum utrinque implantetur, dextræ cum sinistris per anastomoses invicem copulantur. *Alter*, quæ à ramo hypogastrico mittitur, ab inferioribus ascendit, & partim per cervicem, partim per fundum disseminatur. Ex his quæ ab hypogastrico ramo prodeunt, majores sunt iis, quæ à præparantibus descendunt; utræque autem per ipsam substantiam uteri disperguntur, multis intus unitæ anastomosis. Per illas putant nonnulli menses fluere, cum forte gravidis prodeunt, quod credant ex uteri fundo nihil his egredi posse, persuasi auctoritate Hippocratis, qui os uteri gravidis clausum, lib. v, Aphor. LI, pronunciat. At illi mihi non recte intellexisse videntur, cum eo aphorismo sic inquit, *ἐκείσαι ἐν κότρῃ ἔχῃσι, τῶν τὸ σῆμα τῶν ὑστερῶν συμμέμικεν*, hoc est, ut ego vertendum censeo, quæ uterum ferunt, iis os uteri commixet; *συμμέμικεν* enim, non significat (ut ipsi

Arteria.
Nervi.

explicant) prorsus clausum esse, ut stylum ne minimum admittat: sed connivere, ut nos palpebris, cum dormimus. *Arterias* similiter duas habet à *præparantibus* arteriis & *hypogastricis* derivatas, ac eodem cum venis modo propagatas. *Nervos* quoque habet, *primum* à sexta conjugatione cerebri, qui uteri fundum accedunt, suntque exiles; alios *deinde* per cervicem disperfos, & humiliorem ejus sedem ac pudenda; plures & majores, ab ossis sacri nervorum paribus, quod hæ partes sensum exquisitiorem in coitu venero requirebant. Per hos nervos, qui sane exigui sunt, Anatomici sibi maximum cum cerebro consensum, præcipue in hysteris affectibus imaginantur. Ego vero ut non negem consentire per hos posse quamplurimum, ita certe non facile patiar persuaderi mihi, per Venas & Arterias non longe plus consortii obtinere. Vtunque enim hæc vasa in iis quæ prægnantes non sunt exilia videantur, ad eam tamen magnitudinem ac molem ab affluxu sanguinis postea excrescunt, ut interdum quoque digiti crassitiem in gravidis indepta meminerim me observasse. Hic ergo sanguis ad uterum fluens refluensque per arterias & venas, cerebrumque petens aut cor, horribilium accidentium author est, præsertim si qualitate maligna sit præditus, ut consuevit retentus aliquamdiu & corruptus in hysteris. Quam cerebrum autem & crassa tenuisque ipsius membrana venis & arteriis scateat, iisque amplissimis, nemo est qui ignoret.

C A P V T X X I.

De testibus, ipsisque annexis vasis præparantibus, deferentibus, & cæcis.

TESTES.
Differentia
testium viri-
lium & mu-
liebrium.
A Situ.



A Substantia.

A figura.

A tunicarum
numero.

A Magnitu-
dine.

ABENT & fœminæ testes, sed qui longe aliter in his sint constituti, ac in maribus. Nam quod ^a *situm* attinet, non ut Viris extra abdomen dependent, sed infimo Ventri inclusi sunt, & uteri lateribus ope ^b *li-* gamentorum superiorum; quæ laxa sunt ac membranosa, adnectuntur. In non prægnantibus supra fundum duorum digitorum latitudine remoti jacent; in gravidis, quæ ilium ossa sacro junguntur: quanto enim magis uterus extenditur, tanto inferiores ipsius fundo deprehenduntur. *Sub-* stantia mollior est, laxior ac humidior, & si à membrana separet, tota ex pluribus glandulis ac vesiculis coagmentata, quæ apertæ aqueum humorem aut fero lactis, sed paulo crassioris, similem in se continent. Sunt hæ vesiculæ vero aliis plures, aliis pauciores, nec uniformiter sibi junctæ. Hinc est quod observarim, vix certam esse ac unicam ipsis *figuram*, sed plurimum inter se pro subjectorum ratione differre. Depressi tamen omnes sunt & lati, non ovales, ut marium. *Simplici* etiam investuntur *membrana*, à peritonæo deducta: at virorum testes, quatuor integuntur. Magnitudine quoque admodum cedunt, & temperamento multis modis frigidiores sunt præditi.

VASA præ-
parantia.

Conveniunt tamen, quod vasis præparantibus & deferentibus utrique donentur, etsi & in his non leve occurrat discrimen. VASA enim PRÆPARANTIA, *utcum-* que numero non discrepant, cum duæ sint ^c *venæ*, duæ quoque ^d *arteriæ*: nec exortu, siqui- dem ^e *vena* dextra similiter ut in maribus à trunco Cavæ infra emulgentem; ^f *sinistra* è medio emulgente sui lateris; at utraque ^g *arteria* ab ipso trunco exoriatur: nec *progressu* denique. Hoc tamen peculiare obtinent, quod nec imi ventris cavitatem egrediuntur, nec antequam ad testes veniant, inter se commiscuntur, sed in duos ramos dividuntur, quorum *major* postea ligamento membraneo uteri suffultus, ad testem abit: *minor* in uteri fundum desinit, cum in Viris tota in parastatas absumantur. °

VASA DE-
FEREN-
TIA.

^h VASA DEFERENTIA à testium extremitate inferna oriuntur, duraque, candida ac nervea sunt, & per ligamentum uteri latum ac membranosum, quod superius ligamentum vocavimus, excurrunt, non tamen recta ut in Viris, sed flexuose, quod via brevior sit. *Amplitudinem* quoque eandem ubique, ut in his, non servant: sed circa testes lata admodum, inde ubi nonnihil recesserunt, angustiora fiunt, ac tandem circa uterum rursus latefcunt, in cujus cornua & capacitatem inferuntur. Parte autem aliqua in uteri cervicem implantari, quod Andr. Laurentius se invenisse gloriatur, nec nos unquam reperire potuimus, & aperte à Galeno negatur, qui libro *II* de Sem. cap. *III*, non modo, inquit, in nullo fœminei sexus animali hujusmodi meatus deferentes ad ve-
fica

a, 8. 1.
b, & 8.
N.
b, d. c.

c, 8. 1.
d, H.
e, G.
f, l.
g, H.

h, 8. 1.
20. Y.

ficæ cervicem inferi, sed ne ad cervicem quidem uteri pervenire. Quod si aliquando Laurentius invenit, lusum Naturæ fuisse credimus, nec inde quid universale astruendum, quomodo Natura tum in his nonnunquam locis, tum in præparantibus vasis & renibus, ac vena sine pari & aliis ludere consuevit.

Est & aliud vas, quod ^a CÆCVM, quia unicum tantum habet orificium; & à Fallopio inventore, qui Tubæ extremo orificio assimilavit, *Tuba Fallopiana* dicitur, non secus utero ac intestinum cæcum colo connexum. Hoc à cornibus fundi oritur, sursumque oblique è testium regione fertur, suffultum ligamento membraneo superiore uteri, sicque testes circumdat, nec tamen aut ab iis nascitur, aut ipsis ullo modo inseritur, quemadmodum nec vas apparet, quod huc à testibus perveniat. Pervium hoc est ab ortu suo circa fundum uteri: at in fine cæcum clausumque.

C A P V T X X I I.

Traditur actio & usus singularum partium, quæ ad genitalia mulierum referuntur.



QUEMADMODUM partes, quæ in Viro generationi famulantur, eo omnes conspirant, ut fœcundum beneque elaboratum semen opportune in uterum conjiciatur: ita quæ fœmineo sexui tributæ sunt, ad hominis procreationem omnes tanquam summum ultimumque scopum collimant. Sed ut illa actio non ita simplex est & unica, quin alias sub se comprehendat, cum semen neutiquam expelli possit, nisi prius generetur; nec generari, nisi materia aliunde accedat: sic ad hominis generationem, quæ fit in utero, complura concurrant necesse est, ut adeo solertissimus nostri corporis Architectus, non temere tot partes in sequiore sexu construxerit, quæ humanæ societatis propagationi inservirent. Primum namque ut generetur fœtus, seminis utriusque conceptio requiritur; deinde ejusdem conservatio; hinc opportuna maturatio; ac tandem in fœtum redacti exclusio. Recipi semen non potest, nisi injiciatur in uterum: injici autem nequit, nisi per coitum; qui ut fiat, rigiditas utriusque membri & insignis quædam voluptas requiritur, cum Homo omnium animalium sapientissimum ad fœditatem coitus, nisi maxima delectatione quasi compulsus, nunquam descenderet.

Sed videamus nunc quam sapienter omnes quas exposuimus partes, his actionibus inserviant. Primum enim se offert forinsecus *pudendum*, quod ex labiis, nymphis, carunculis myrtiformibus, & clitoride construitur: tum *cervix* & *osculum internum*, quæ omnia ad delectationem vel utriusque, vel certe alterutrius sexus mirifice faciunt. Hæ enim partes cum ex substantia quadam spongiosa effectæ sint, præcipueque *Cervix* & *Clitoris*, non secus ac penis, ita omnes in coitu eriguntur & intumescunt. *Labia* ergo, *nymphæ*, ac *myrtiformes caruncule*, dum inflantur valide penem amplectuntur & premunt, præsertim in juvenculis, unde Viro insignis voluptas accedit. *Clitoris* vero, cujus propria actio est erectio, fœminis præcipuum titillationis est instrumentum, unde lascivientibus indurari & prominere solet. Erecta autem sic pubi virili opponitur, à qua cum concutitur in coitu, uterum movet & semen quod paulo remotius est, in suis receptaculis excitat prolicitque. Inde rationem licet haud difficulter petere, quam propter situm circa pubis ossa obtineat & substantiam eandem cum pene, tum arterias venasque majores, quam sui corporis ratio exigebat: nervos quoque insigniores & frequentiores. *Cervix* autem & *internum osculum*, utrique sexui voluptatem confert, & illius quidem actio similiter erectio est; hujus, apertio. Erigi enim conveniebat, ut & prompte exciperet penem, cum in corrugatam recta via non penetrasset, & exceptum commode amplecteretur. Vndique ergo penem stringit, & secundum omnes ipsius dimensiones sese erigit, sicque *brevi* occurrit, *longo* cedit, *crasso* dilatatur, *tenui* constringitur. Natura enim ita omnibus penis differentiis consuluit, ut non opus sit sollicitè vaginam cultello æquam quærere, sed ubique Opificis beneficio inveniatur. Id quoque utilitatis hæc ratio attulit, ut dum flaccescit penis, cum eodem *cervix* hæc concidat, sicque uteri *osculum* dum extrahitur, non refrigeretur. Fit autem hæc erectio eodem modo, ut in pene, repletionem; quia tum substantia sic adaptata est, ut prompte spiritus

Actio partium genitalium, quæ sunt in fœminis.

Pudendum.

Cervix. Internum os.

excipiat copiosos, & arteriis tam copiosis ac grandibus referta, ut plurima materia suppeditetur. Os quoque *uteri internum dum inflatur* aperitur, ut glandem penis in se recipiat, quam stringendo, cum in Viro potissima sit voluptatis sedes, immensam delectationem exhibet. Sed & ipsis foeminis voluptatem affert, quod norunt nonnulli, qui certo quodam situ mulieris in coitu (quem aperire quamvis honestus sit, multis de causis hic nolumus) membrum ad uteri orificium intimius protrudunt, unde segnem uterum semenque proritant, qui coeundi modus dignissimus est ut ab iis observetur maritis, qui sobolis gratia matrimonium iniere, caeterum conjuges habent ad Venerem & seminis ejectionem tardiusculas. At enim haec partes ubi libidine non turgent, collapsae in se omnes resident prohibentque, quo minus aer externus ad uteri fundum penetret. Et *labia* quidem, rimam magnam: *nymphae*, externum uteri osculum claudunt: *cervix* autem in se concidit, & quemadmodum penis flaccidus rectitudinem non observat, sic ipsa flaccida incurvatur. *Osculum* autem & *ipsum internum*, praesertim dum conceperint, ita stringitur, ut vix specillum tenue primis gestationis mensibus admittat. Hoc officio & membrana ipsa fungitur, quam *hymenem* vocari diximus, quae in virginibus externo osculo à Natura praefixa est.

Atque haec sunt partes, quae seminis virilis ejectionem, penisque amplexum adjuvant: sunt & aliae, quae muliebris expulsionem inserviunt. At enim cum id prius ex sanguine & spiritibus vitalibus elaborandum fuerit in testibus, elaboratum deinde detinendum, donec opportuno tempore in uterum porrigeretur, à Venis & Arteriis praeparantibus idonea materia defertur ad testes, sed breviori longe ductu quam in Viris; quod minus coctionis requirebat, ut liquidius ipsum sit & frigidius. Antequam autem inserantur in testes, *capreolorum instar torquentur inter se*, quo longiora nonnihil fierent, quamvis & hoc ipso modo prudentissime seminis praeparationi Natura providit. Nam cum praeparantia vasa in duos diducantur ramos, quorum alter ad uterum tendit, alter ad testes: illeque tempore gestationis uteri aut mensium ad insignem magnitudinem excrescat, ne impetu quodam magnaue copia sanguis in testes irrueret, capreolaribus his vasorum praeparantium ductibus effecit, ut materia semini conficiendo destinata sensim & paulatim testem ingrederetur. Testes autem *una tantum* circumdedit *membrana*, quod extra corpus non propenderent, ut Viris; quibus contra externas injurias muniendi erant. *Deferentia* autem *vasa brevia sunt & lata*, ut cito ad uterum feratur, quod minus mobile sua natura videbatur. Comportatum in uterum semen retineri debuit, unde *interior superficies aspera* facta est, cui adhæreat semen, & osculum validissime statim à coitu concluditur.

Facta conceptione, foetus alimento pro nutritione & augmento egebat, unde magna *vasorum copia* uterum accedit, & *cotyledones* in uterum pertusi sunt, quibus cum placenta carnea vasa cohaerent. Vbi jam conceptus augendi tempus adest, nullum in utero obstaculum est, quo non possit in magnam molem excrescere, cum *ex membrana* constet, quae in immensum dilatari potest. Iam cum foetus ad maturitatem pervenerit, exitum sibi quaerens non difficulter invenit vias aptissimas admodum, latas & amplas, cum & cervix ex membrana constructa sit, quae mirifice dilatari potest. Ipsum autem *pudendum* ne sua angustia obstare posset, cum undique cute densa, & non valde dilatabili sit circumcirca in extremitatibus & labiis obvallata, fecit *multo grandius, quam est cervicis*, qui penem admittit, amplitudo, quam per fissuram claudi voluit labiis, ne frigidus aer ad uterum posset penetrare. Ipsi quin etiam uteri fundo *fibras* dedit omnis generis, ut in partu vel menstruis fluxionibus expelleret foetum vel sanguinem: in conceptione seminis vel retentione se constringeret. Reliquos usus & Galenus ac caeteri diligentissime persequuti sunt, & facillime à quovis possunt indagari, cum sapientissima Natura non ita obscura haec nostro intellectui esse voluerit, si quis animum saltem velit advertere.

CAPUT XXIII.

Exponit differentias, quæ in partibus genitalibus gravidæ, & ejus quæ utero non gerit, observantur.



VM partes generationi famulantes in iis, quæ utero gerunt, nonnihil immutentur, cujus cognitio non tantum mirifice animum delectat eorum, qui Naturæ opera sollicitè inquirunt: sed & ad Medicinam feliciter faciendam plurimum adfert auxilii; visum est nunc ea subjicere, quæ in plurium gravidarum dissectionibus sæpe à nobis sunt animadversa.

Ac in *pudendis* quidem nihil unquam reperi discriminis eo tempore, quo gerunt adhuc: cæterum ubi vel tempus pariendi instat aut abortus eveniat pluries notavi, pudendi labia à sanguine ad illas partes confluyente nonnihil tumefacta fuisse. Interdum supervenit inflammatio, ex qua mater cum fœtu non leve periculum tulere. Accidunt hi tumores Venis & Arteriis hypogastricis compressis, dum uterus sua mole ad inferiora ruit, unde sanguinis aliorumque, quibus abundant, humorum ad contermina loca affluxio excitatur. *Pudenda.*

Cervix quoque insigniter abbreviatur, ut haud difficile sit uteri os digito attingere, præsertim si pedibus gravidæ insistant. Vtero enim in omnem dimensionem aucto, nonnihil de longitudine cervicis demitur: premente etiam ob molem, cervix aliquantulum subsidere cogitur. Non inepte igitur à quibusdam dubitatum mihi videtur, sitne proficius nocuusve coitus, qui ultimis mensibus exercetur; cum prompte ob brevitate cervicis, ad interiora usque uteri penis penetret, præsertim aperto osculo, dum voluptuoso tangitur impulsu, unde discrimen est, ne rumpantur membranæ. Contra fœminæ plurimum commendant coitum, partumque (si frequentior sit extremis mensibus) facilitari asserunt, dilatari os cervicis, & lubricari semine, quod ipsæ præ omnibus unguentis & oleis emollientibus aut laxantibus velint adhibitum. Ego tamen, cum experientia probet esse proficuum, ut admittam: ita nihil temere agendum esse censeam, si mulier staturæ parvæ sit, primum gerat fœtum, dolores lumborum aliquoties passa fuerit, aut antea sine manifesta causa facile abortierit. *Cervix.*

Vteri os interius gravidis hiat, tantoque magis, quanto sunt partui viciniore, quidquid etiam alii crepent ex Hippocrate, cum ipsi (ut demonstravimus) nec rectè Hippocratem intelligant, neque experientiam, quæ Veterum scriptorum, in primis autem divini Hippocratis fidelissimus est interpret, consulant. Ego vero non tantum centies id tetigi, sed & obstetrices investigare docui, ut cognoscerent revera gravidæ essent mulieres, an molam tantum gererent, cum facile digito id explorare liceat. Docui quoque easdem, cum tempore partus maxime hiet, investigare, fœtusne versus terram capite sit convolutus, an proprium adhuc situm teneat, ex quo colligant jam jam instare partum, aut longius adhuc abesse. Vidi enim in hac re gravissimos fuisse sapius commissos errores, quod cum primum obstetrices os uteri hiare percepissent, gravidas fellæ imposuerint, & ad conatus parturientium adegerint. Quæ res quantum afferat incommodi, quivis peritior ex se prompte noverit, cum uteri osculum refrigeretur, maximeque si hyems sit, unde fœtus tenellus adhuc ab aëre non mediocriter læditur. Vteri autem osculum hoc cum hiet in gravidis, obturatur crassa & lenta materia, quam quidem ego semper statui esse seminalem. Servit hæc mucosa substantia, primo ut aërem externum ne ingrediatur in uterum impediatur, cum & substantia sua flatus generando, & frigore plurimum nocere possit: deinde, ut visciditate partus tempore, uteri finem & pudendum lubricet. *Os uteri.*

Cæterum ipse *uterus*, dum gerunt, plurimum variat. Nam *magnitudinem* quod spectat, in immensum semper crescit: neutiquam tamen semper æqualis est, sed ratione sexus & numeri ipsorum fœtuum, major vel minor observatur. Fœmineus enim, majorem reddit quam masculeus; & gemelli aut tergemini, quam fœtus singularis. *Figura* quoque non amplius cucurbitulæ medicæ, sed vesicæ potius, flatibus aut urina distentæ assimilatur: *situs* autem in medio est ut plurimum, nisi viscus aliquod auctum ex morbo, in alterutrum latus compellat. Vltimis tamen mensibus antè sic devolvitur, ut ipsum

ipsum peritonæum attingat, omento & intestinis cedentibus versus posteriora. Primis enim versus superiora adigit, & simul ventriculum ac eam coli intestini partem, quæ ventriculo subjacet premit; unde vomitus accidunt, & naturales facultates languent. Substantia autem & tunica uteri, statim ac concepit mulier, crassior fit ac mollior, ut falsum sit quod à nonnullis proditum est, quo magis distenditur, tanto fieri tenuiorem, cum postremis mensibus duorum pæne digitorum crassitiem, maxime circa superiorem fundi partem, cui placenta carnea adnectitur, adæquet. Constat enim uteri substantia ex pluribus nervaceis membranis, inter quas obliquo ductu procedunt Venæ & Arteriæ, exiguis ramulis sanguine repletis, sic ut substantia intumescat à repletis ejus spatiolis sanguine, quæ rursus corrugatur à partu brevi spatio, ut sedecim dierum intervallo ad naturalem fere magnitudinem redeat.

Vasa præparantia.

Vasa præparantia sunt multo majora, quam in non gravidis, cum per ea nutriatur infans. Minores tamen sunt Arteriæ, quam Venæ, quæ nonnunquam ad minimi digiti crassitiem elewantur.

Testes.

Testes & Vasa deferentia una cum cæcis, quod sciam, non mutantur.

Ligamenta.

Ligamenta autem uteri inferiora, sextuplo crassiora videntur, quam in non gravidis, ob sanguinem. Sinus horum ligamentorum implentur, non secus ac alterius uteri substantiæ, cum qua habent similitudinem, cum cava sint, sinuosa, membranosa & mollia.

FINIS LIBRI OCTAVI.



A D R I A -

A D R I A N I S P I G E L I I
B R V X E L L E N S I S ,
D E H V M A N I C O R P O R I S F A B R I C A ,
L I B E R N O N V S .

Qui medii ventris historiam complectitur.

C A P V T I .

De quatuor communibus medii ventris integumentis.



V E M A D M O D V M imus venter iis partibus ab immenso nostri corporis Architecto destinatus est, quarum beneficio non tantum calorem indefinenter effluentem : sed etiam seipsum in nova sobole Homo quam diutissime saluum integrumque præstaret : sic medium , de quo nunc dicturi sumus, iis dedicavit partibus, quæ idem calidum fovere, per corpus digere, ac si quando calor superet, circumfusi aëris frigidity attemperare queat. Venter hic inter supremum imumque *situs* est ; ab illo cervice , ab hoc diaphragmate separatus ; *anteriorius* osse pectoris & cartilaginibus : *ad latus* , costis ; *posteriorius* au-

MEDIUS
VENTER

tem , vertebris scapulisque circumseptus. Voluit enim prudens Natura ut medium obtineret locum , quo calidum illud omnia permeans vitæ perfundens, per universum corpus æqualiter distribueretur. *Figuram* nactus est ovalem, ante retroque nonnihil depressam ; cujus substantia, neque ossea tota facta est, neque carnea : sed partim osse constat, partim carne, ut & motu esset præditus, nec tamen mollitie in se concideret.

Situs.

Figura.

Substantia.

Cæterum cum plures coërceat partes , eas omnes opportune meo iudicio , similiter ut superius imi ventris , in duos dividemus ordines , continentium scilicet , contentarumque. Voco *continentes* , quæcunque exterius sunt , & reliquas includunt : hasque iterum communes, vel proprias facio ; cum nonnullæ cæteris quoque Ventribus, quædam huic tantum convenient. *Communium* sunt quatuor ; cuticula , cutis , pinguedo , membrana carnea , eadem qua recensuimus serie invicem incumbentes. At *proprium* plures numerantur , primumque mammæ utriusque sexus , quæ anteriorem sedem in pectore occupant ; deinde muscoli , quorum bene magnus est numerus , partim ante retroque , partim inter ipsas costas sitorum. Hinc membrana duplex ; quarum altera totum ventrem succingit , ut pleura ; altera bifariam dirimit , ut mediastinum : post hæc ossa, quæ vel anteriorius jacent, ut sternum, sive pectoris os, & duæ Claviculæ, utrinque una, in elatiore sede ; vel ad latera, ut duodecim costæ ; vel posteriorius , quemadmodum scapulæ & vertebræ. Tandem sunt cartilagines , quæ septem illas costas, quas veras vocari diximus , sterni adnectunt , & reliquas quinque spurias sive jungunt inter se, sive efformant. Cæterum *contentarum partium* duæ sunt duntaxat, Cor scilicet & Pulmo ; & *ad Cor* quidem *Capfula* pertinet, Pericardium dicta, quæ humorem quendam serosum continet : *ad Pulmones* autem , aspera arteria. De harum quibusdam antea diximus, puta de musculis, libro quarto : de ossibus , secundo : de cartilaginibus , tertio. De communibus quoque integumentis abunde quædam exsecuti sumus superiori libro : quamobrem cum nolimus fastidiosè hic ruminare eadem , non nisi quo pacto ratione ventrium differant, leviter attingemus.

Partes.

Continentes.

Communes.

Propria.

Cuticula ergo & *cutis* ab infimi ventris cuticula cuteque in eo differunt, quod sub alis & in quibusdam etiam paulo supra cordis scrobiculum , cui ventriculi superius orificium subjacet, pilosa est : dorsi autem cutis, durior multo ac densior, unde & pilis vacat ; sensum tamen habet acutissimum , tum ob nervos , qui eo frequentes appellant ex posterioribus nervorum dorsalis spinæ furculis ; tum ob musculos thoracem moventes subjectos, qui tendinosi, adeoque admodum sensibiles sunt.

Cuticula.
Cutis.

Pinguedo.

Pinguedo hic multo minore copia, quam in abdomine cernitur, quod nec opus fuerit ita defendere calorem, ut in imo Ventre viscerum, & plurimum impeditenti attulisset Thoracis continuo motui. Ipsa autem pinguedo cum alias alba sit, in thorace flavior nonnihil apparere solet, forte propter tenuiorem & calidiorem sanguinem, ex quo fit, & majorem concoquentem inibi calorem.

Carnosa membrana.

Cæterum *carnosa membrana* nihil peculiare obtinet, nisi quod circa colli anteriorem regionem carnosior esse videatur & muscoli naturam assumere, ubi quadratus ille musculus efformatur, qui detrahit buccas & labia.

CAPUT II.

De mammis utriusque sexus.

MAMMÆ.



AMMILLARVM externas partes, earumque appellationes libro primo copiose tradidimus, ut operæ pretium non videatur eas denuo hic repetere. Nunc quæ substantiam, figuram, magnitudinem, aliaque partibus organicis necessaria concernunt, breviter exsequemur, dum prius monuerimus, Mammæ utrique sexui communes quidem, at se-quiori tamen inprimis convenire, propriasque velut esse, cum in masculis similitudinis potius quandam rationem, quam ipsam rem videantur exprimere. Et hoc illud est, cur à Latinis nomine diminutivo in *Viris*, adeoque *mammilla* vocentur: in *mulieribus* autem, *mammæ*. His enim propter alendum nuper natum fœtum concessæ sunt; illis usum fere nullum, aut certe minimi admodum momenti præstant. Id tamen observatum est à nobis sæpius, si quibus viris paulo majores contingere, eosdem frigidiores sua natura fuisse, & adeo depili pectore, ut propterea mihi persuaferim, consilio certo id à summo Conditore obtigisse, qui hoc quasi tegumento calorem cordis exiguum fovere ac conservare voluit.

Mammilla virorum.

Insident autem *Viris* similiter ac *Mulieribus* pectorali humerum adducente musculo, numeroque duæ sunt; at non attolluntur, cum glandulis careant; nec lac generant, cum fœtum non alant. Quod si quid lacti simile interdum in ipsis visum est, ut testem habemus Arist. lib. I Hist. de animal. cap. XI I, id humor fuit albus & prorsus ad alendum inutilis. Constant ergo tantum ex cute, membrana carnosæ, papillis in centro, & pinguedine, quæ quoties prominent totam quasi magnitudinem ipsis largitur. At *fœminarum*, non ex his tantum conficiuntur, sed & ex vasis, & imprimis glandulis pluribus ac candidis, thoracis musculis adhærentibus, quibus omnibus in medio una superjecta est majuscula, in ipso quasi cæterarum centro, & sub ipsa papilla consistens. His innumera vasa intertexta sunt omnis generis, venæ inquam, arteriæ & nervi, circa quæ alia quædam consistunt veluti canales quidam, candida, & ab inferiore parte toto ambitu enata, quæ in mamillarum centro semper angustiora facta coeunt, in quibus lac confectum in glandulis ad usum asservatur. Vocamus hæc vasa *candidos lactis tubulos*, vel, si magis hæc appellatio alicui arrideat, *lactiferas venas*. Venæ autem ipsæ duplices sunt, externæ & internæ: *ille*, à ^a ramo axillari proficiscuntur, & ^b Thoracicæ superiores vocantur, quæ

Canales lactiferi. Vasa. Venæ.

Arteria.

cutem mammæ obtegentem, sub qua excurrunt, nutriunt: hæ, à ^c subclaviis, ut diximus libro quinto, & ^d Mammariæ vocantur; quæ recta ad latera sterni sive ossis pectoris utrinque una descendunt, & ubi ad mucronatam cartilaginem pervenerint, thoracem egrediuntur, deorsumque per rectorum musculorum internam faciem procedunt, donec fere ad umbilici regionem appulerunt, ubi pluribus ^e anastomosibus cum ^f epigastricis venis ibidem obviam factis uniuntur coeuntque. Oriuntur autem ^g Epigastricæ venæ ab ^h externo ramo Iliaco, rectaque per eosdem musculos ascendunt, & quia ab eodem ramo nascuntur à quo ⁱ hypogastricæ venæ, quæ ad cervicem uteri fundumque feruntur, fit ut in iis, quæ recentior enixæ sunt, in magnam attollantur molem & sæpe minimi digiti crassitiem adæquent. Arteriæ similiter ^k *mammariæ*, sunt à ramis ^l subclaviis eodem pacto enatæ & distributæ, quibus eadem quoque ratione ^m Epigastricæ arteriæ ascendentes circa umbilicum ⁿ osculis suis conjunguntur. Cæterum ubi venæ arteriæque hæc mammariæ in itinere versus inferiora ad intervallum quartæ quintæque costæ pervenerunt, per medium spatium intercartilagineum, propagines quasdam emittunt,

a, b, c, d, e, f, g, h, i, k, l, m, n.

emittunt, quæ per intercostales musculos penetrantes, in *viris* quidem in musculos pectori incumbentes; at in *feminis*, & in hos & similiter in mammarum glandulas infinitis furculis distribuuntur, diversosque veluti plexus efformant. *Nervos* quoque habent or-
 4, 7. 7. 2. tos à ^a quarto intercostali nervo ex thoracis medulla egresso, qui circa medium costæ musculum intercostalem perforans, in quatuor ramos divisus, postea in musculum pectoralem & per cutim disseminatur, crassiore ramo ^b papillam adeunte. Vasis his & glandulis *pinguedo copiosa* intertexta est ubivis, ut æqualitatem quandam mammis asper-
 5, 7. 7. 2. gat, unde quibus aut vi morbi ablata est aut vitio ætatis incrementis, iis flaccidæ mam-
 6, 7. 7. 2. mæ turpiter dependent. Ipsa autem glandulosa substantia interna parte membranæ carnosæ superjecta est, cujus beneficio musculo pectorali humerum adducenti adnectitur, extra vero à cute nonnihil crassiore tegitur. *Pinguedo.*

In medio ipsarum ^c mammarum foris tanquam in centro ^d *papilla* consistit, corpus *Papillæ.*
 1. 7. 7. 2. teres, substantia constans fungosa & rara, aliquammultis foraminulis priore parte per-
 2. 7. 7. 2. tusa, quæ à contactu affluente spiritu non secus ac penis virilis subito attollitur, mox iterum eo disperso flaccida subidet. Exquisitissimo autem sensu prædita est, cuteque obducta tenuiore, sed nonnihil rugosa, magisque aspera, quam in aliis mammarum partibus. Cæterum ipsæ mammæ in humano genere *situm suum* in pectore sive anteriore thoracis parte obtinent, cum cætera animantia rationis expertia vel in ventre, aut inter femora recondita habeant. Numero quoque duæ tantum sunt, & utrinque una, figura subrotunda, dimidiam sphaeram conficientia, in quorum centro velut axis quædam papilla non indecore prominet. Magnitudo autem nec ætati cuius, nec omni conditioni æqualis est. *Puellis* enim *antequam Veneris usui aptæ sunt*, præter papillas fere nihil apparet: ubi *pubescunt*, leviter attolluntur; cum vero *mensēs primum erumpunt*, ad duos fere transversos digitos excrescunt. Rursus *Virginibus jam viro aptis*, in eam elevantur magnitudinem, ut manu opportune contegant: *mulieribus* autem, *dum utero gerunt*, una cum utero & foetu augentur. *Quæ obesæ sunt*, iis quoque ob pinguedinem in maiorem molem, quam naturæ leges ferunt, elevantur.

Vsus mammarum maxime necessarius est, cum infanti postquam ex utero in lucem pro-
 1. 7. 7. 2. diit, commodum alimentum præparet suppeditetque. Perquam enim à Naturæ ad-
 2. 7. 7. 2. mirabili in aliis providentia alienum erat, si quem tot mensibus in utero per umbilicales venas materno sanguine, adeoque alimento concoctu minime difficili nutriisset, editum protinus ad solidos duxisset cibos, quos neque confecisset unquam, & tam gravi mutatione derepente facta graviter offensus fuisset. Quare haud dissimile ab illo præparavit, & ex eadem materia; sed multo, quia per os ad ventriculum gustatus sensu donatam partem deducendum erat, dulcius jucundiusque. Tale lac est, quod ex sanguine ab utero refluyente in mammis generatur, & omnes optimi alimenti conditiones obtinet, cum & palato arrideat, facile à ventriculo coquatur, & quam citissime ac optime nutriat. *Vsus.*

Videamus autem quanta solertia ipsa clementissima Parens usæ sit, & quam opportunam fabricam mammis ad hoc munus exsequendum largita fuerit. Primo, ex glandulosa *substantia* extruxit, qua nihil ad coctionem omnibus numeris absolutam magis idoneum est: nec tamen unam tantum glandulam esse voluit, sed plures, ut tanto perfectius in pluribus conficeretur; imo ne abscessu ex lactis concretione orto mox periculum esset non amplius fruendi beneficio istius mammæ. His intertexuit *vasa*, Venas & Arterias, quæ canales sunt materiam advehentes, & quidem non quamvis, sed sanguinem; nec undecunque, sed ab Utero, ut eodem prorsus nutriretur alimento, quo antea cum adhuc obscuris alvi carceribus includeretur. Sanguis hic non tantum venosus est, sed & arteriosus, quo nobilius sit ipsum alimentum & infanti à matre vita quasi spiritusque infunderentur. Sanguis autem hic ad mammas non solum sua sponte affluit, & quidem eo statim tempore, quo foetus jam plane absolutus est: sed multo copiosior postea, tum trahente suctu infante, tum pellente utero inutilem illam copiam, affluente adhuc semper aliquid etiam foetu edito ob consuetudinem. Postquam ergo venas omnes impleverit, à glandulis, per quas magno numero pluribusque plexibus sparsæ sunt, conficitur: confectus postea transfertur ad canales lactiferos, in quibus ad usum tanquam in penuario quodam asservatur.

Cæterum hi tubuli ad ipsum mammarum centrum defluunt, & in papillam, ex qua lac infans exsugit.

Papillarum
usu.

Vt ergo mammæ ad gignendum aptæ natæ sunt, ita P A P I L L Æ maxime idoneæ, ex quibus infans eliciat. Primo enim in medio consistunt ipsius mammæ, quo terminantur venæ lactiferæ, ut ex his subito exsugant. Corpus autem est teres, & nonnihil eminens, ut, quod manibus infans apprehendere premereque haud posset, labiis comprehenderet. Substantia fungosa, ut subito cum opus est erigatur, & sic canales, per quos lac promptius exeat, diducantur: rursus, ubi opus non sit, subsideat, iterumque concidant illi, ne, præsertim turgentibus aliquando mammis lactis copia, inutiliter aliquid de tam nobili alimento effluat. Hoc nomine etiam aliquammultis foraminulis pertusa est, quæ facile cum nutrices lac exprimunt, licebit cuivis aspicere. Cute autem tegitur rugosa, ut labia apprehendant melius; at ne hæc lædantur vicissim, quia tenera sunt, tenuior est multo, quam aliis in locis. Exquisitissimum autem sensum papillæ obtinent, & tractatæ labiis delectationem suaviorem foeminis afferunt, ut invitent nutrices ad porrigendas sæpius infantibus, ne, si dolore afficerentur, detrectarent; aut si carerent omni prorsus voluptate, invitæ & rarius sugendas darent. Occupant autem pectus in homine, ut dum infans lactat, foemina aspectu charæ sobolis, jucunditate quadam gaudioque incredibili perfunderetur, cum benigna Parens sic fere omnia instituerit, ut quæcunque tota hæc rerum universitas complectitur, in humanæ miseriæ solatium concedant. Adde & hoc, quod fortasse non postremum est, ut cum Homo animalium sapientissimum futurum esset, & propterea admodum careret omni rationis usu, unde intellectum nostrum summus Philosophorum rasæ tabulæ comparavit, cui nihil inscriptum sit, inscribi autem omnia possint: hac ratione cum osculis sermonem, cum sermone vero rationem mater foetui infunderet. Sunt quoque binæ, ne una aut minor, quam requirebat necessitas, foret: aut nimis magna existeret, sicque plurimum incommodaret. Cum autem duæ sint, utrique lateri unam affixit, ut æquilibritas corporis diligenter servaretur. Formæ subrotundæ, tum ut plus contineant, tum ut ornent decentius, & minus periculis obnoxia reddantur, cum eo loco alias præsertim prominentes collocatæ sint, qui sæpius tunditur alliditurque. Cætera quæ de mammis & papilla dici possint, tum de circulo papillæ circumjecto, ea omnia superius libro primo non perfunctorie complexi sumus.

C A P V T I I I.

De Pleura, sive costas succingente membrana.



Appellatio.

Substantia.

Vasa.

R I P L I C E M membranam in medio ventre reperiri est: unam, quæ costas investit, & pleura dicitur; alteram, quæ interstinguit thoracem, mediastinum vocata; tertiam, quæ cor includit, & pericardium appellatur. De his ordine nunc verba facturi sumus, sumpto initio à pleura, à qua & reliquæ originem ducunt. Dicitur Pleura, quæ vox Græca est, *πλευρά*, à *πλευρά*, à costis, quibus subtenditur, unde & *ἐμὴν πνεύματι* ab usu, quasi dicas *succingens membrana* nonnullis vocatur. Latine si Græcam appellationem velis exprimere, non inepte *costalem tunicam* dixeris. Est enim membrana, cum universam Thoracis cavitatem, tum imprimis costas obcingens, ex quo substantia ipsius subito patet, quæ aliarum membranarum instar dura est, alba, tenuis, denique peritonæi substantiæ admodum similis, nisi quod robore & crassitie nonnihil præstet. Est & ubique duplex, ex quibus illa pars crassior est, quæ thoracis cavitatem respicit: tenuior vero, costis alligatur. Inter utramque Vasa omnis generis excurrunt, ex quibus Venæ sunt duodecim utrinque, quæ partim ab ^a intercostali ramo elatiore derivantur, ut duæ superiores, partim à ^b venâ sine pari, ut decem inferiores. Totidem quoque sunt Arteriæ, quarum superiores quatuor ab ^c intercostali superiore costarum radicibus attensa nascuntur: ^d inferiores octo, à posteriore sede trunci descendenti arteriæ magnæ. Nervi similiter ^e duodecim sunt, & quidem anteriores rami, qui à spinali medulla, dum per thoracis vertebra fertur, prodeunt, cum posteriores in dorso incumbentes musculos digerantur. Vasa hæc ^f sub costis ea sede, qua peculiaris ipsorum gratia sinus exsculptus est, ^g æquali

æquali inter se spatio distinctæ distribuuntur : Venæ tamen & Arteriæ per totam costam non excurrunt , sed cum ossea parte terminantur : ne tamen intercostalia spatia vasis destituantur , eo à mammariis furculi secundum longitudinem seriatim enati digeruntur. Quia autem plurima hæc vasa sunt , propterea & frequens admodum membranæ hujus inflammatio nascitur , quæ à Medicis Pleuritidis nomen ab affecta parte accèpit. Neque tamen inter pleuram tantum & musculos intercostales, quos una cum costis pleura succingit , si quando inflammatio hæc in abscessum versa fuerit, pus ipsum coacervatur : sed pluries fere inter duplicaturam hujus membranæ , per quam vasa incedunt, & qua stabiliuntur.

Figuram ergo Thoracis quoque habet, hoc est, variam : *superius* , angustam nonnihil ; *inferius*, latam; latiore adhuc à lateribus; *foris*, gibbam ; *intus*, cavam. *Superficiem* autem *interiorem* lævem, ne pulmonibus asperitate incommodet : *exteriorem* asperam, ut validius alligetur. Illa etiam aquoso humore semper illita est, qui nascitur ex vaporibus elevatis à sanguine, & postea condensatis respectiva hujus membranæ frigiditate. Prodeunt tamen ab ipsa nervæ quædam fibræ, quibus pulmo pleuræ alligatur , quæ si nimis strictæ sint , cum pulmo libere moveri non possit , Dyspnœam perpetuam , eamque incurabilem infert. *Magnitudo* quoque thoracis internæ magnitudini respondet, quemadmodum peritonæum cavitati imi ventris. *Foramina* quoque sunt complura. *Superne* quidem, ut transitum largiatur venæ cavæ & arteriæ magnæ, tum gulæ, asperæ arteriæ, ac nervi sexti paris : *inferius* , quæ diaphragma tegit , terna , adeoque totidem ac ipsum diaphragma, habent, eodemque modo posita : unum, pro vena cava ; alterum , pro gula ; tertium , pro magna arteria. Cæterum ipsius *exortum* à meningibus cerebri spinalem medullam investientibus quamplurimi dissectionum proceres repetunt : hæ enim cum nervis in thorace deductæ & latebrentes, in pleuram degenerare videntur.

Ufus autem ipsius similis est usui peritonæi , ut scilicet tegat & alliget tum totum medium ventrem, tum viscera & vasa. Huic usui quomodo Natura solertissima satisfecerit, & quam opportunam substantiam, figuram, magnitudinemque concesserit, promptum erit cuivis per se videre , cum nihil facilius sit quam in laudes Naturæ excurrere , ut ille agebat de Hercule; cum iis immensa hæc rerum machina tota plena & perfusa sit.

C A P V T I V.

De Mediastino, sive membranæ cavitatem thoracis intersepientibus.



ALTERA membrana, quæ in medio ventre reperitur, ab illa jam dicta pronascitur. Cum enim primum pleura à nervis circa dorsi vertebra exorta est , ad sternum per latera contendit , indeque iterum ab hoc versus spinam per medium longitudinis thoracis ad principium redit. Ut ergo pleura medium ventrem totum intus succingebat : sic hæc secunda interstinguit , & in dextram sinistramque partem sive cavitatem dirimit.

Hinc nomen accepit , ut à Græcis *ὑπὸ διαφράτῳ* , membrana intersepiciens ; à Latinis autem, *Mediastinum* , quasi quod per medium stet , appellatur. Revera tamen membrana una non est ; sed duæ potius : nec quemadmodum pleura , ob duplicationem ; sed quia distinctæ duæ sunt , adeoque una dextra , altera sinistra. Sunt autem secundum longitudinem Vertebrarum dorsi contiguæ ; at circa sternum, pro ipsius latitudine , à se invicem distantes. Quod si ut sæpe accidit , circa hanc partem inflammatio oboriatur, eadem quæ in pleuritide, contingunt symptomata , & febris ac dolores acuti nascuntur & pungentes ægrum , non tamen in latere , ut in vera pleuritide ; sed in parte pectoris anteriore, qua sternum est. Hæc materia si suppuretur forte, perforatione facta in sterni vel spatio cartilagineo , facili negotio evacuatur. Sed & hoc loco iis, qui Chirurgiæ operam navant , notandum est , fieri posse ut vulnus in hac parte transversim factum, propter hanc cavitatem videatur profundissimum , imponatque Medicis, quod sæpe vidi , credentibus penetrare ad pulmonem , cum tamen in hanc duntaxat pertingat cavitatem. Quare caute hic agendum , accurateque videndum est , ne præcipiti prognostico sese artemque suam quisque prostituat. *Substantia* ergo Mediastini membranæa est, sed pleura tenuior molliorque ; cujus *superficies exterior*, qua pulmones spectat, lævis, multoque

Magnitudo.
Vasa.

Vfus.
1.

2.

3.

multoque interdum adipe circa vasa perfusa: *interior*, aspera propter fibras, quibus membranæ junguntur. *Magnitudo* autem ipsius tanta est, ut à jugulo usque ad diaphragma, & à vertebra ad os thoracis pertingat. *Venas* habet & *arterias* exiles, à mammariis & à vena sine pari. Præterea venam aliam, quam Mediastinam supra ideo vocavimus, quod in hanc membranam tota absumatur. Oritur hæc à subclavii rami inferiore sede, interdum etiam ex ipso trunco ascendente antequam ad jugulum dividatur; ac *modo* vena una est crassa satis, quæ secundum utriusque membranæ longitudinem cum nervo ad Diaphragma abeunte supra pericardium descendit, per mediastinum dispersa; *modo* propagines duæ, quæ per mediastinum deferuntur. *Nervi* quoque sunt Stomachici dicti, qui in duplicatura hac mediastini feruntur. *Vfus* ipsius est, ut non modo dextram thoracis cavitatem à sinistra dividat; sed & ut pericardium, in quo cor continetur, sursum suspensum detineat, ne vel ad spinam concidat, dum supini jacemus; vel anterius procumbat, dum versus terram flectimur; aut ad alterutrum latus provolvatur, dum dormientes ipsis innitimur. Præterea vasis quibusdam tutum iter præparat, prohibetque cum pulmones repleti multo aëre totam cavitatem replent, ne pars pulmonis dextra ad sinistram pertingat & premat, quod Natura hoc intersepimento facile cavit, quod non osseum nec cartilagineum factum est, sed membraneum, ut aliquo pacto cederet, nec duritie pulmones offenderet, si quando ultra consuetudinem pulmones extenderentur.

C A P V T V.

De Pericardio, & humore in ipso contento.

Synonyma.



IERTIA membrana est, quæ περικάρδιον dicitur, quod ἐν τῷ καρδίαν posita sit, hoc est, circa cor, unde & interdum περικάρδιον χλὼν à Græcis nominatur. Hippocrates vocat κελὼν, sive *vaginam*: at Aristoteles ὑδρὰ πικρὴν ὡδὴν ἢ παχὴν, *membranam pinguem & crassam*. Latini ut plurimum Græcam appellationem retinent, vocantes *pericardium*: alii quam optime *cordis involucrium*, *capsulam*, aut *indumentum* indigitant. Membrana enim est ampla, universum cor involvens, à Mediastino producta: vel potius, si primam inde originem repetas, à qua & ipsum Mediastinum nascitur, à pleura, cui parte anteriore & posteriore necitur: at inferius, diaphragmatis circulo nerveo tam valide, ut citra dilacerationem separari haudquaquam possit. Magis autem ad sinistrum latus spectat, quam ad dextrum; & ad priorem partem, quam posteriorem. *Substantiam* habet satis crassam, quæ commode distendi & dilatari potest, ex quo fit, ut ægri in cordis palpitatione vix sentiant dolorem, nisi forte tam valida sit, ut valide cor ad costas impingat. *Figuram* habet pyramidalem, cum superius latius sit, inferius angustius, sicque cordis quod complectitur in se figuram affabre exprimit. Distantia etiam, inter cor & pericardium æqualis est, adeoque ipsum pericardium majus, ut in suo motu naturali commode distenderetur, nec tamen in pericardium allideret. Tantum ergo intervallum inter cor & hoc ipsum intercedit, quantum requirebat commoda cordis dilatatio. Est autem continua omni sui parte, excepta basi, in qua quinque foramina ob vasa cordis obtinet: duo quidem, propter venæ Cavæ partim introitum, partim egressum: alia vero tria, ob venæ arteriosæ & arteriæ venosæ, tum Aortæ exitum.

Humor in
pericardio
contentus.

Differentia
huius humo-
ris.
A copia.

In hac membrana continetur aqua, quam Galenus lib. v de Locor. male affect. cap. 11, urinæ similem statuit; ea non tantum in mortuis reperitur, sed & in viventibus, quanquam in illis semper copiosior sit, & præsertim si diutius à morte aperiantur. Differt hæc aqua & copiâ, & à colore. *Copia* quidem, pro ratione ætatis, temperamenti, sexus, & morborum. Pueris enim uberior est, quam juvenibus; & iis qui temperamenti sunt valde humidi, quam qui sicco præditi: fœminis quoque ac maribus copiosior colligitur, & qui seroso admodum sanguine abundant. Hinc est quod observemus eos, qui ex obstructionibus viscerum, lienis, jecoris & mesenterii laborant, adeoque copiam aquosi humoris in venis coacervant, quia propter has ipsas obstructiones chyli tantum tenuior aquosiorque pars per mesaraicas venas ascendere queat, si quando

nimio

nimio animi affectu & potissimum mœrore afficiantur, Cordis palpitatione corripi, quod in his ad cor illico effundatur, sicque copiosum humorem hunc generet. *Quo ad colorem*, in sanis limpidissima est; in hydropicis, urinæ turbatæ similis; in quibusdam aliis, loturæ carniū similem vidimus.

Vsus pericardii est primo, ut Cor in loco naturali contineat, quoties vel supini vel proni *Vfus* jacemus, aut ad alterutrum latus volvitur, in qua re quam proficuum quoque sit mediastinum capite præcedente ostendimus. Colligit deinde & asservat in se hanc aquam *I.* five serosum humorem, qui multis nominibus utilissimus est. Cor enim nimio motu *2.* aestuans, refrigerat: exsiccatum, humectat & madefacit: asperum, lubricat: nudum, contra externas injurias munit & quasi loricat. Hinc est quod videamus eos, quibus absumpta est, in hæcticas febres ac tabes incidere, quod cor habitualement calore hac destitutum prompte suscipiat, & susceptum servet. Sed & digna memoratu videtur historia, quam refert Realdus Columbus de discipulo quodam suo Romæ mortuo, cui pericardium prorsus defuisse inventum est. Subinde is dum vivebat, in syncopen incidit, & subinde mortuo similis videbatur, ex qua & extremum tandem diem clausit. Cæterum de ipsius generatione diversæ admodum sunt authorum sententiæ. Quidam connatum à primordiis vitæ primoque natali statuunt, non secus ac aërem implantatum in auribus: sed quia tamen experientia comprobatum est, alio atque alio tempore plus aquæ contineri, aut minus, generari ipsam plures postea statuerunt. In vivis enim animantibus sectio docuit, modicum contineri humoris: at in iis, qui à cordis palpitacione vel mortui sunt, vel sæpe vivi infestati fuere, copiosorem inventum esse, quam naturalis quantitas requirebat. Non defuerunt autem qui ex potu generari crediderunt, transsudante ex Oesophago dum descendit, quæ opinio risu potius, quam refutatione digna mihi videtur. Eorum ergo sententia aut verissima, aut certe à vero non longe aliena videtur, qui arbitrantur aquam hanc ex vaporibus generari, elevatis ex sanguine & sero qui in venis arteriisque cordis continetur, & postea respectiva pericardii frigiditate condensatis. Sic videmus in iis etiam, qui inculpatissima fruuntur sanitate, peritonæi internam superficiem semper madere, pleuramque perpetuo humidam, non aliunde certe, quam ab istis vaporibus condensatis, cum solers Opifex præpedire sic conatus sit, quo minus membranæ, quod prompte alias fieret, exsiccarentur.

C A P V T V I.

De Corde, ejusque partibus externis.



OR, Latinis à Græco vocabulo καρδια dicitur: καρδια autem, vel quasi *Etymologia.* κρατία, ab imperio, ut voluit Chrysippus apud Gal. lib. 11 de Placit. Hippocr. & Plat. cap. v, quod habet in alias partes; vel certe quasi κραδια, per literarum transpositionem, καρδιαίνεω, quod vibrare significat, ac si perpetuo motu vibretur. Græci veteres & præcipue Poëtæ, excellentiæ gratia πλάγχυν, sive *viscus* appellarunt, unde Medea μεγάλησπλαγχυν dicta, cordata & magnanima: hinc elegantissimum verbum πλάγχυνίζεω, quo Græci summum cordolium denotant, quasi dicas, imo corde dolorem perferre. *Situm* est cor in medio ventre: *anterius*, sterno & in fœminis quoque mammis; *Situm.* *ad latera*, costis; *posterius*, scapula & vertebra munitum. Hujus ^a Basis secundum omnem locorum differentiam exacte medium locum obtinet: at ^b mucro sinistrorsum nonnihil & antorsum infra lævam papillam exporrigitur, cujus & motum in sinistro latere percipimus, unde nonnulli anatomix imperiti, totum cor in sinistro latere jacere crediderunt. In quadrupedibus contra non basis tantum, sed & mucro mediam sedem tenet. *Figuram* habet pyramidalem; quo fit ut nuci pineæ à priscis dissectionum proceribus fuerit assimilatum: sed hæc figura quadrupedum potius, quam hominis cordi convenit, quod illorum cor ex basi ampla & rotunda sensim in mucronem acuminatum terminetur; at hujus latius sit, & nonnihil depressum. Quamvis crediderim & cor in vivo homine rotundius esse, quam post mortem apparet; & rotunditatem illam amittere tantum, concidente ob mollitiem & ventriculorum magnitudinem ipsius carne. ^c *Externa* cordis *superficies* à basi usque ad mucronis summum lævis est & æqualis; præterquam in locis, *ubi adipe*

- Magnitudo.* ubi adipe perfunditur, aut ^a vasa discurrunt: *interior*, maxime inæqualis. Quoad *magnitudinem*, ratione corporis majus homini, quam cæterorum animalium ulli contigit, & in longitudine quidem sex transversos digitos æquat: in latitudine vero & altitudine, *Substantia.* quatuor. Totum autem *carneum* est, crassum, rubrum, ac densum: in mucrone tamen quam basi nonnihil spissius, fibrisque multis intertextum, quo nomine Hippocrates non *Cor non est musculus.* veritus est libro, quem de Corde inscripsit, musculum vocare. Plurimum tamen inter utrumque discriminis occurrit, ut haud sciam qua ratione defendi possit, si carnis colorem, densitatem, fibrarum diversitatem, ipsamque actionem respicias. *Color* enim in *Fibra.* musculorum carne multo rubicundior est, ipsaque caro mollior, quam in corde. *Fibræ* autem simplices, cum recta cunctæ à principio ad finem excurrant: at Cor ex omni fibrarum genere contextitur: nec loco inter se differunt, quemadmodum videmus in intestinis aliisque quibusdam partibus; in quibus transversæ fibræ exteriorem partem obtinent; rectæ & obliquæ, internam, aut contra: sed invicem inibi omnes implicitæ sunt ac confusæ. Iam si *actionem* spectes, musculorum actio contractio est ad suum principium, dependens à voluntatis nostræ imperio, adeoque delassatur ac fatigatur, si nimia sit: cordis contra substantia motum habet à naturæ instinctu insitum ac innatum, qui neque sisti à voluntate nostra neque concitari potest, & (res dictu mirabilis) indefinenter multorum annorum spatio sine ulla fatigatione aut noxa cietur. *Connexio.* *Connectitur* ope pericardii superius, mediastino; inferius, diaphragmati; per vasa autem, aliis partibus: cætera liberum est ubique, ut libero motu perpetuo agitetur.
- PARTES CORDIS.*
^{1.} *Disimilares.* Cæterum ut partes omnes inspiciamus, dividi cor potest in partes dissimilares & simplices. *Disimilare* duæ sunt; una, superior; altera, inferior: illa, ^b *Basis* dicitur, & *Caput* ^{b. 9. H.} *cordis*, estque lata & orbicularis, ex qua quatuor illa vasa, de quibus postea dicturi sumus, originem suam deducunt: hæc, ^c *Mucro* & *Apex* vocatur, estque acuminata. *Simi-* ^{c. 1.} *larium* aliæ sunt externæ, aliæ internæ. *Externæ*, Adeps, Membrana integens, Vasa omnis generis, & Auriculæ. *Internæ*, Ventriculi & Valvulæ.
- ^{2.} *Similares.* Incipiamus ab ^d *adipe*, quam circa cor inveniri negavit Philosophus, in Historia de ^{d. b.} animalibus: quæ tamen in homine copiosior quam brutis, maxime ad basin, ubi vasorum est egressus, invenitur. Quin imo cor nonnunquam adeo adipe involvitur, ut minus peritis anatomicis imposuerit, cor abfuisse: præsertim cum & ego ex dissectionibus observarim, animalia sanguinea quo pinguiora sunt, eo minus cor habere. Et hoc esse reor quod legimus in historiis, immolante C. Cæsare in tauri opimi extis cor abfuisse. Quis enim credat bovem excordem vixisse unquam, cum animalium sanguineorum principium cor sit, à quo omnia dependent? Et mihi certe ipsi superioribus annis obtigit, ut dum in theatro publico struthiocamelum dissecarem, cor tanta adipis quantitate oblitum invenirem, ut facile multis præsentibus fidem fecerit, cor huic avi defuisse.
- Membrana.* *Membrana*, qua obvolvitur, tenuis est, à subjecta carne, cui validissime adnascitur, inseparabilis. *Vasa.* *Vasa* habet omnis generis per suam substantiam dispersa, venas, arterias, & nervos. ^e *Vena*, à cavæ trunco ascendente oritur paulo antequam in dextrum ventriculum implantatur, & *Coronaria* dicitur, quod coronam antiquorum regum imitetur. Cingit enim undique basin, multosque ramos per exteriorem cordis superficiem in totam ejus substantiam ad mucronem usque dispergit, qui per sinistram partem frequentiores majoresque; rariores & exiliores ad dextram digeruntur. Huic ad exortum ne sanguis ad cavam refluat, *Valvula* apposita est, lunam dimidiatam referens. *Arteriam* modo unam habet modo duas, ab Aorta derivatas, ubi ad sinistram cordis ventriculum enascitur, statim in exortu, antequam pericardio excidat. Vocantur hæc arteriæ similiter *Coronariæ*, quod eodem cum vena modo basin cingant, & per longitudinem cordis, potissimum in sinistro latere, surculos transfundant. *Nervos*, à sexta cerebri conjugatione exiles habet, in basin juxta venam arteriosam disseminatos. Hos Picolhomineus vim ac facultatem motoriam præter sensum cordi suppeditare censuit, adeoque si derepente obstruantur lædanturve, mortem improvisam inferre. Ego tamen hæc falsa esse experientia didici, cum plurium animalium corda exempta è corpore, abscisso penitus nervo aliquamdiu commota fuisse observarim.
- Auricula.* Sunt tandem in basi cordis utrinque duæ partes veluti appendices, quas ^f *auriculas* ^{f. 9. H.} Veteres vocarunt: non tantum ut quidam voluerunt, à forma quam habent cum auribus

auribus canum communem : sed & à connexionē , cum cordi utrinque , ut capiti aures adnexæ , eodemque modo ab ipso dependeant. *Due* ergo sunt, una dextra, altera sinistra, ad officia eorum vasorum quæ cordi materiam invehunt , hoc est, ad Venæ cavæ & Arteriæ venalis. *Figuram* habent pyramidalem , sed vertice nonnihil acuto præditam : *superficie* autem sunt inæquali tam foris , quam intus ; oppletæ tamen & extensæ sanguine , foris æquales apparent. *Substantia* etiam utraque constat nervosa ex triplici fibrarum genere conflata , & tenui adeò ut cutis crassitiem haud multum superet. *Differunt* autem inter se *primo*, situ; quod dextra venæ cavæ ostiolo præjaceat, cum qua veluti commune corpus efficit ; sinistra , arteriæ venali : *deinde* magnitudine ; quod dextra sinistra altero tanto sit amplior : *tertio*, duritiæ ; quia sinistra durior pauloque carnosior sit & crassior. *Quarto* tandem, figura , læva acuminatiore magisque in latus exporrecta. Hæ motu perpetuo & indefinente juxta cum corde moventur , sed contrario. Dum enim cor dilatatur, ipsæ contrahuntur, & materias effundunt : dum constringitur illud, dilatantur & sese expandunt. Motum hunc doctissimus Hippocrates quoque observavit, qui libro de Corde , tota sua natura cor agitari scribit ; at aures privatim tum intumescere, tum flaccescere.

C A P V T V I I.

De Cordis partibus internis, Ventriculis inquam, & Valvulis.



CONTINET Cor omnium animalium cavitates , quas Hippocrates *κοίτης*, id est, *ventres* : Galenus & Aristoteles *κοιλίας*; Iulius Pollux *κόλπες*, sive *sinus* , Latini , *Ventriculos cordis* appellant. De horum *numero* magnalis est inter dissectionum Professores , cum Galenus cæterique Medici duos tantum agnoscant : at Peripatetici secuti Aristotelem, tres velint esse. Hic enim lib. III Historiæ de animal. cap. III , tres inveniri ventriculos in maximis animalibus ; duos in mediocribus ; at unum tantum in minimis tradidit. Quin & lib. I Historiæ de animal. cap. XVII , ordinem quoque & situm cujusque explicans, maximum quidem, in dextro latere; minimum, in sinistro; at medium magnitudine inter sinistrum & dextrum locatum scribit. Et ne quid desit tandem, lib. III de Part. animalium, cap. IV , laudat quoque hoc Naturæ institutum , & satius esse judicat trēs fuisse constitutos ventriculos , quam duos ; ut unus quidem commune sit utriusque principium, medium enim & impar principium est. Hunc ternarium cum Aristoteles mediocribus animalibus assignarit , non defuerunt quamplurimi qui in homine tres sinus conati sunt ostendere , quos cum ego minime unquam observare potuerim, nec vero Aristotelem ita temere erroris accusandum censeam : crediderim equidem inter maxima animalia, elephantos, rhinocerotem & balenas retulisse ; hominem autem, equum & bovem inter mediocria , quæ duos tantum habent. Nullibi enim, de hominis corde quod sciam, loquens, ternos in eo ventriculos statuit : at clarissimus locus est lib. IV de Generatione animalium, cap. ultimo, ubi hominem respectu elephantum *ἐλάφωνα* vocat & parvum : quo eodem sanè loco eandem illam divisionem animalium, qua in majora, mediocria, & minima dirimuntur, insinuat. Duo ergo sunt in humano corde ventriculi; *unus*, dexter; *alter*, sinister.

Differunt hi ventriculi *primo* *magnitudine* inter se ; cum dexter sinistro multo sit major , ut qui à basi ad mucronem usque pertingat, unde & ab Aristotele lib. I Historiæ de animal. cap. XVII , *κοιλία μέγιστη* , major, ille dicitur ; hic, *ἐλάφων* , minor. Deinde, *sanguine* ; cum *dexter* crassior paulo contineat , & , ut melius exprimam , venosum ; quæ causa est , cur Galenus *κοιλίαν φλεβώδην ἢ αἱματώδην* , *ventriculum venosum & sanguineum* appellet. *Sinister* contra spirituosum obtinet, omninoque talem, qualis per arterias in univrsum corpus digeritur. *Forma* quoque differunt ; cum si per transversum cor disseces, *dextrum* quidem figuram crescentis lunæ semicircularem exprimere invenias : *levum*, orbicularem. Septum enim quod utrumque ventriculum interjacet , qua dextrum finem respicit, gibbum est : qua lævum , cavitatem habet. Ex quo fit , ut figura dextri à basi cordis usque ad cavitatis finem semicircularis seruetur : sinistri vero cavitas orbicularis, paulatim instar conii à latiori basi in angustum tendens. *Quarto*, *sinister ventriculus*

Cordis Ventriculi.

Numerus.

An tres sint ventriculi cordis humani.

Differentia ventriculorum.
A magnitudine.
A sanguine.

A forma.

A situ.

A crassitie. in cordis medio exacte exsculptus esse videtur, si portionem illam, quæ dextrum constituit, auferas: *dexter* autem quodammodo à latere tantum appositus. *Quinto*, carne *sinister* triplo quam *dexter* crassiore constat, multoque solidiore ac compactiore.

Septum cordis. Dividuntur autem ventriculi hi ne sanguis uterque confundatur, pariete dextro sinistri ventriculi, quem *septum cordis* Anatomici vocarunt. Hoc propterea à dextris gibbum, à læva concavum est, & cum sinistro sinistri ventriculi pariete æqualis crassitie.

Interna facies ventriculorum. ^a Apertis ventriculis à basi ad mucronem sectione secundum longitudinem ducta, ^b *interna superficies* inæqualis admodum cernitur, multisque velut ^c cavernulis referta, quæ carni ejus imprimuntur cum in parietibus reliquis, tum in septo. Hos Galenus in septo pervias putat, sed obliquo tortuosoque ductu non recto, ut sanguis à dextro ventriculo in sinistrum sensim feratur, non cum impetu irruat. Ego cum doctissimo Vesalio sum, qui censuit, nullatenus penetrare. Cæterum ex ventriculis sinister inæqualior est, & foveis pluribus ac insignioribus refertus, quod etiam notavit magnus Hippocrates libro de Corde; *qui ambo*, inquit, *sinus interiore parte asperi sunt, veluti erosi aliquantulum: sed sinister magis, quam dexter.* Observare præterea licet carneas quasdam fibras in utroque ventriculo, teretes & graciles, à ventriculorum mucrone prodeuntes, quæ in membranas fibras desinunt, infernæ parti valvularum, de quibus jam dicemus, insertas. Hæ in dextro quinque vel sex quandoque: in sinistro tantum binæ, at crassiores ac solidiores occurrunt, quibus si quis nomen velit imponere, *Carunculas teretes cordis* vel *papillares* non male credo vocabit.

Vasa quatuor circa cordis basin consistentia. Porro hi duo ventriculi circa basin cordis in quatuor vasa desinunt; quorum duo sunt Venæ, totidemque Arteriæ. *Venæ*, in dextrum ventriculum: *Arteriæ*, in sinistrum terminantur, aut prodeunt. *Venarum prima*, ^d *Cava* dicitur, Aristoteli *magna*; quia omnium ^e venarum maxima est, quæ Galeno reliquisque Medicis à Iecore originem trahere videtur. Hujus orificium aortæ orificio triplo majus in totum dextrum ventriculum expanditur, exceptum primo à dextra auricula. *Altera Vena*, *Arterialis* vocatur, *vena* quidem (ut superius libro quinto complexi sumus) quod sanguinem crassiusculum pro nutritione pulmonibus deferat, cum sanguis in dextro cordis sinu contentus fibrosior sit: *arteria* autem, quia corpus arteriæ obtineat, hoc est, ex duriore membrana & duplici, ut alias arteriæ omnes, confecta. Hæc, vena cava longe minor, in duos divisa truncos ad pulmones tendit, dexterque in dextram, at sinister in lævam partem in ramos innumeros iterum dispersi disseminantur. *Arteriarum*, quæ ex sinistro ventriculo prodeunt, *prima* dicitur ^e *magna*, Aristoteli *ἀίση*. Hæc ex basis ipsius centro crassa membrana enascitur, & in duos divisa truncos, unum sursum, alterum deorsum mittit; unde illum truncum ascendentem, hunc descendentem vocavimus. ^f *Arteria venosa* altera est, *arteriæ* nomen ab officio obtinens; quia sanguinem scilicet spirituosum & vitalem pulmoni transportat: sed *vena*, ob tunicam simplicem venarum tunica similem. Hæc similiter bifariam divisa statim ab egressu è corde, alterum ramum in dextrum, alterum in sinistrum lobum digerit.

VALVULÆ. Ad horum vasorum orificia undecim membranæ reperiuntur, quas Hippocrates libro de Corde *pelliculas cordis* appellat: Galenus, lib. vi de Usu part. cap. xiv, *membranas* generali voce: Anatomici Recentiores *Valvulas* & *Ostiola*, ab usu. Videntur enim instar valvarum aut portæ aperiri aut claudi, ut materia affluens aut assumatur, aut interceptiatur. Sunt autem duplicis generis: *aliæ* enim ex ampla basi in obtusum mucronem desinunt, atque ubi clauduntur telorum triangularium eminentiis similes sunt, unde *trifidæ* aut *tricuspidæ* vocantur: *aliæ* iis similes, quæ in reliquis venis, præsertim artuum cernuntur, semilunæ aut Græcorum C similes, unde *semilunares* vel *sigmiformes* appellantur. Ille intro spectant, quod vasis intromittentibus appositæ sint, ut cito admittant materiam, sed non emittant: hæ, extra; & vasis educentibus appositæ. Trifidarum ergo tres, Venæ cavæ orificio; & duæ, Arteriæ venosæ appositæ: sigmiformium autem tres juxta arteriæ magnæ, quam venæ arteriosæ. Valvulæ hæ, sed imprimis trifidæ plurimis fibris & quasi filamentis, iisque fortibus ad septum cordis, maxime versus mucronem carunculis teretibus adnascuntur. Has omnes qui videre velit, ventriculos transversim incidat prope basin, cum omnes in situ egregie tunc sese monstrent.

CAPUT VIII.

De actione, & usu Cordis, partiumque ipsius.



VENAM propria cordis sit actio, & quæ soli competat, nemini meo judicio obscurum esse potest, cui unquam vivi alicujus animalis dissectioni interesse licuit. Vidit enim haud dubio cor indefinente quodam perpetuoque motu modo latius ampliusque fieri, modo rursus angustius strictiusque. Motus hic à Galeno lib. VI. de Placit. Hippoc. & Plat. itemque ab Aristotele libro de Respiratione, σφυγμὸς vel σφύξις dicitur, ἀπὸ τῆς σφύξεως, quod pulsare vel salire significat. Latini *Pulsus* appellant. Constatque hic motus duabus partibus; quarum altera, ἀσσελή dicitur, *dilatatio*: altera, συσπλή, *contractio*. Est autem *dilatatio cordis*, mucronis ipsius ad basim attractio, qua amplius ipsum fit, & siquidem longitudo comprimitur, sphaericum: *contractio* autem, ejusdem mucronis à basi discessus, à quo cor angustius redditur. Inter utramque hanc actionem necessario *quies* quædam quasi media intercedit, cum nulla res sit, quæ contrariis motibus citra hanc agitari possit, quod, ut summus Philosophorum demonstravit lib. VIII Physicor. text. 62 & 63, duobus simul oppositis motibus res illa agigaretur. Est igitur duplex; aut *interna*, quæ intercedit contractionem & dilatationem: aut *externa*, quæ inter dilatationem & constrictionem interjicitur. Perficiuntur hi motus & gemina quies beneficio fibrarum, quas diximus omnis generis cordi tributas esse. Cum ergo rectæ contrahuntur relaxatis transversis, cor dilatatur; cui quod de longitudine decedit, in latitudinem additur: ubi contrahuntur transversæ relaxatis rectis, constringitur; & quod demitur de latitudine, in longitudinem accedit. Quod si obliquæ contrahantur, in se coactum cor manet, & intermediam illam quietem inter dilatationem & constrictionem perficit. Cæterum cum duos esse cordis ventriculos dixerimus, dextrum scilicet & sinistrum, & hunc altero multo nobiliorem, merito ambigere videmur, uterque an vero hic tantum moveatur: & si uterque, an æqualiter, & an hujus motus illius motum sequatur. Huic dubitationi sic satisfaciendum esse censeo, utrumque pulsare, sed magis sinistrum quam dextrum, quod viva dissectione edocet: utrumque autem per se, quia in utroque principium hujus motus est, etsi in sinistro præstare videatur. Ipse tamen hic motus voluntarius non est, & qui ex nostro dependeat arbitrio, quemadmodum musculorum contractio, quam & sistere cum volumus & concitare possumus: sed naturalis prorsus est, qui absque voluntate & nobis nihil tale cogitantibus perficitur. Est ergo internum quoddam & naturale principium, unde pendet: quale autem sit, graviter Philosophi Medicique inter se certant. *Aristoteles* enim Peripateticorum princeps libro de Respiratione statuit, pulsus à fervore sanguinis fieri dum in spiritum convertitur, adeoque dilatari cum bullæ eleventur; rursus contrahi, dum subsidunt. Quæ sententia utcunque primum audita vero impense similis videatur, experientia tamen Anatomica falsissima deprehenditur, cum sæpe adverterim cor quorundam animalium extractum & discissum, omni quoque sanguine exhausto adhuc fortes validosque pulsus edidisse. Magis ergo mihi arridet *Galeni sententia*, statuentis à peculiari facultate cordi insita, profluente à forma ejusdem proficisci: quam ipsam à beneficio, quod universis nostri corporis partibus confert, vitalem; à munere autem, pulsificam appellavit.

V S V S *pulsus* commodè geminus statuitur: *unus*, qui cordi convenit quatenus pars est principalis, toti humanæ fabricæ inserviens; *alius*, qui cordi inservit quatenus privatam actionem habet. *Communis* ergo & *generalis usus* est, ut sanguis spirituosus per universum corpus indefinente motu diffundatur ac pellatur. Pellitur autem sanguis per *constrictionem*, dum cor angustius redditum contractis fibris transversis non secus exigit ea, quæ suis finibus continentur, ac nos manu farcimine pressa quicquid intus est, supra infraque pellimus. At enim cum sanguis hic digeri per corpus non posset, nisi prius in corde generaretur; nec generari, nisi prius materia suppeditaretur; præter contractionem etiam *dilatatio* maxime erat necessaria, cujus ope dum cor latius fit, & cavitatem ampliorem nanciscitur, vi vacui validissime venosum sanguinem è cavæ trunco

ACTIO
Cordis, Pulsus.

Partes pulsus.

Dilatatio.

Contractio.

Quies intermedia.

Unde motus
cordis;
Opinio
1.
Aristotelis.2.
Galeni.

Vfus.

1.
2.

Communis.

Constrictionem.

Dilatationem.

Quies.

Cur sanguis
ex corde pel-
lendus.1.
2.

Vita.

3.

Cur influente
calore opus
fuerit.Cur infuso ca-
lore opus fue-
rit.

Proprius.

Cur mucro
cordis in sini-
stro latere si-
tus.Refutantur
alii.

ad se trahit. Ipsa autem *quies* ad motum cordis per se non pertinet, nec quidquam efficit: sed tanquam id, quod contrarium motum consequitur, accedit, & id teste Gale-
no, lib. 1 de Cognit. puls. cap. x. Cæterum sanguis hic ex corde duplicis usus gratia
pelli debuit; *primo*, ne cum ad putredinem perquam aptus sit sui temperamenti culpa,
quod calidum humidumque est, quiescens prompte admodum putresceret: *deinde*, ad
partes alendas minime secederet; quæ causa est, ut supra quoque diximus, cur Natura
venis ubique arterias adjunxerit, nec à latere sed inferius posuerit, ut scilicet motu Ve-
narum sanguinem indefinenter propellerent: *tandem* maxime necessarius, ut vitam sin-
gulis partibus largiretur. Cum enim *Vita* nihil aliud sit, quam calidi in corpore perma-
nentia, & calidum hoc ipsum aut insitum sit aut influens: utrumque fane necessarium
esse facile patebit, si cogitaverimus omnes animæ, sed imprimis naturalis & vegetati-
væ actiones caloris beneficio obiri. Cum autem ea animalia præ aliis calore abundare
æquum sit, quæ aëris frigidi injuriis exposita erant (unde supra divisionem in sangui-
nea, & exsanguia attulimus) Homini profecto, qui omnium animalium calidissimum
maximeque sanguineum est, neque ut cætera bruta in latibulis alicubi latitare, sed quo-
cunque tempore aptum ad aëris quascumque injurias esse debebat, ut contemplationi
rerum divinarum singulis momentis & ubique locorum, ubi ea se diffusa undiquaque
offerunt, incumberet, præ reliquis influente calore erat opus, ne si per totum cor-
pus unus fuisset dispersus, facile à frigore victus exspirasset. Quod sane sic impeditum
quam sapientissime fuit, dum frigore extrinsecus accedente influens repercutitur, in-
tusque effervescens magis cum opus est, opportune externis partibus inde suggeri-
tur. Similiter calidis temporibus quid facilius erat, quam exsolvi & dissipari: at ita
interioribus adhærens omnes caloris ambientis ac dissipantis vires eludit, dummodo
(quia semper quod ad externas partes digeritur, in auras abit dissipatum) suo tem-
pore alimentis restituatur. Similiter infuso erat opus quam maxime, ut facile influens
ob affinitatem susciperetur. Cum ergo fonte quodam caloris necessario indigeret Na-
tura, Cor exstruxit, in quo calor sic abundat, ut qui in corde existimatur minimus
esse, in aliis partibus maximus sit: imo talis, ut si vivente adhuc homine in sinistrum
ventriculum demittatur digitus, fervens calor percipiatur; quod testata sunt historiæ
eorum, qui à carnifice vivi sunt dissecti. *Proprius usus ac privatus est*, ut sibi ipsi serviat,
respiratione scilicet pulmonum mediante, quæ similiter inspiratione & expiratione
constat. *Inspiratio* cordi necessaria est, ut aër attrahatur frigidus, qui sanguinem in cor-
de ferventem & calorem attemperet: *expirationis*, ut fuligines genitæ expellantur. *In dila-*
tatione ergo aër advenit; *in contractione*, fuligines pelluntur. Non tamen aër sua substan-
tia ingreditur, ut postea monstrabimus: sed refrigeratur tantum sanguis ab aëre, qui in
arteria venosa est, & sic vicissim infusus in cor eum frigefacit, qui in sinistro ventriculo
continetur.

Sed age, videamus quomodo fabrica cordis actionibus his & usibus satisfaciatur.
Primum ergo *situm est*, in medio ventre, ut ad utrumque reliquorum, supremum in-
quam & imum, tum ipsos quoque artus æqualiter sanguinem & cum hoc spiritus dif-
funderet. Ex quo fit, ut & *ipsa basis exacte medium* in hoc ipso teneat *secundum omnem loco-*
rum differentiam, sed imprimis juxta superiorem & imam: nam à dextra & sinistra, à
priori & posteriore parte, propterea potius remota æqualiter videbitur quo com-
modius sese dilatare possit, nec ullibi allidat, quod accideret prompte si ad alter-
utram declinaret. *Mucro autem nonnihil ad latus vergit in homine*, quia thoracem parte in-
ferna depressum habet & brevem: at brutis ad diaphragma, quod pectus acutum ob-
tineant & longius. Absque hoc ergo foret utriusque motus, cordis inquam & dia-
phragmatis se mutuo impediissent, quod Natura solers evitare cupiens mucronem in
latus nonnihil reposuit; *nec tamen in dextrum sed lævum collocavit* ob venam cavam, quæ
in thoracem per septi transversæ dextram partem ascendit. Sunt ergo nugæ, quas qui-
dam afferunt, factum hoc esse propterea ut sinistram partem calefaceret, quæ alias
frigidior est dextra. Quid enim quæso commodi à situ cordis quævis pars conseque-
tur, cum cor transmissione sanguinis spirituumque, non positu vel connexionem calorem
largiatur? *Figura oblonga est, sed superius latiuscula, adeoque pyramidalis; oblonga* quidem, quia
hac ratione attracto mucrone ad basim quam commodissime in sphaeram globatur,
& sic

& sic in dilatatione plurimum sanguinis trahit : rursus discedente mucrone ab eadem quam opportune stringitur. *Superius autem lata est nonnihil & ampla*, ut quatuor vasis partim ingredientibus, partim è corde emergentibus sedem præparet. *Majus autem cor est homini quam aliis animalibus*, quia homo omnium animalium maxime sanguineum est. Vt ergo hepar quoque maximum obtinuit, à quo confectus sanguis in venis portæ ad cor transmittitur : ita & jam cor ipsum merito maximum habet, quod copiam illius sanguinis suscipiat. *Substantia dura est ac densa*, ut spiritus qui calorem influentem constituunt, ne dissipentur conservet : quemadmodum arteriæ eadem de causa venis crassiores spissioresque sunt factæ. Cæterum cum fons sit caloris ac veluti cisterna quædam sanguinis, quem attenuat, merito *cavum* esse debuit. Sufficiebat autem huic muneris una cavitas, unde unum tantum ventriculum habere videmus pisces aliaque multa animalia : sed quia Homo pulmonibus præditus est atque respirat, dextrum sinistro summus Naturæ opifex adjecit. Et hoc est quod diximus, sinistrum scilicet sinum Cor totum constituere, adeoque & in ejus medio exacte exsculptum ; dextrum, tantum appendicem quandam esse. Voluit enim summus Parens ut Pulmo peculiari nutriretur sanguine ; non venoso, quod nimis esset crassus : neque arterioso, quia nimis tenuis : sed medio inter utrumque, adeoque tali, qui in dextro ventriculo nonnihil attenuatus foret. Decebat enim pulmones esse levissimos, & propterea ex tenui & rara carne constare, unde etiam sanguine diverso à sanguine quo aliæ partes nutriuntur ali conveniebat. Hoc quam verum sit non melius licebit intelligere, quam si experientiam me inuitatus consulas. In fœtu enim dum adhuc utero conclusus coëctetur, crasso & venoso sanguine nutritur, quemadmodum sequenti capite dicemus ; unde duplo gravior est, & quævis particula pulmonum aquæ injecta protinus submergitur, cum pulmo hominis adulti vel totus in summo natet. *Dexter ergo ventriculus* ea ratione conditus est, ut pulmonibus opportunum conficiat alimentum ; unde quæ pulmonibus carent, eadem & hoc destituuntur. *Sinister* autem, ut sit cisterna caloris sanguinisque, ex qua universo corpori suppeditetur. Ex his jam causas licebit reddere differentiarum utriusque. *Dexter* enim sinistro *major est*, quia plurimum sanguinis à pulmonibus digeritur ; tum quia sanguis admodum tenuis necessario est qui alit, & sic facile dissipatur ; tum quia pulmones ipsi in perpetuo sunt motu, & valde quoque à vicino corde incalescunt ; calor autem digerit dissipatque. *Continet quoque crassiorem sanguinem quam sinister*, quia ille nutrire debet ; hic vero in spiritus converti, qui, tenuissimi cum sint, materiam subtilem requirunt. *Sinister* in medio quasi corde exsculptus est, quia est cavitas primaria : at *dexter*, *appendix tantum*, unde lateri adhæret. Tandem ille & triplo fere crassior est, quia spirituosus sanguis facile dissiparetur, nisi optime munitus foret, quod in dextro non est verendum, qui crassiorem continet. Hæc ergo cum ita se habeant, merito *quatuor vasa circa cor conspiciuntur* ; duo circa dextrum sinum, & duo circa sinistrum, ut in utroque sint & inferentia & educentia. *Vena* quidem *cava*, ut materiam pro spirituosio sanguine suggereret : *Arteria* autem *magna*, ut eundem per totum corpus distribueret. Rursus *Vena arteriosa*, ut pulmonibus sanguinem : *Arteria venosa*, ut calorem & vitam suppeditaret. *Vena* autem *cava* & *arteriosa* junctæ sunt in dextro, ut prius in hoc pro pulmonibus sanguis elaboraretur : *arteria* vero *magna* & *venosa*, ut ex eodem optime præparatus per illam omnes partes, at per hanc ad pulmones dispesceretur. Sed & alia causa est, quia dum *vena arteriosa* nutrimentum pulmonibus suggerit, partem aliquam arteriæ venosæ per anastomoses quibus invicem junguntur, infundit ; sicque ex dextro ventriculo ad sinistrum sanguis, materia spirituum, in dilatatione transportatur. *Falsum enim est per septum quidquam exsudare*, cum illa foramina pervia non sint : in-

Pulmo nutritur peculiari sanguine.

An per septum sanguis distribuitur.

Valvula.

Elegans dubi-
tatio.

Auricula.

ligere, cum videamus non in septo tantum hæc comparere sed in universo corde, id quod mihi quidem magni argumenti loco est, alio quam dicunt ipsi sine creata esse. Est tandem & alius usus, cum circa bronchia asperæ arteriæ vasa hæc consistant, unde ipsis refrigeratis ab externo aëre attracto necessario & ipsa frigus concipiunt, ipseque sanguis in iis contentus, qui postea infusus in sinistrum ventriculum reliquum attemperat. Nec enim verum est, substantiam ipsius aëris cor accedere, cujus substantia cor non indigeat, & nec via ulla sit per quam ingrediatur: ut taceam maximam Naturæ imprudentiam, quæ cætera tam provide tantoque consilio omnia perfecit, si Cor vitæ fontem externi aëris injuriis tam temere objecisset, à quo tam sedulo omnes reliquas vel minimi quoque momenti partes defendit. Taceam quoque refrigerari satis ebullientem sanguinem ubi frigidus arteriæ venalis affunditur, cum videamus à levi halitu ebullientem in magno ahenò ad ignem aquam componi, dum carnes nostras coquimus. Vterque ergo ventriculus duo vasa continet; unum, quod infert; alterum, quod exportat: infert, dum cor dilatatur; exportat, dum constringitur. Cæterum quia futurum erat ut illatum modo subito reflueret, nisi impediretur; Natura sane ingeniosissimum quid commenta est, dum vasorum orificiis *membranulas* quasdam præfixit, quæ alternatim aperiuntur & clauduntur. *In dilatatione quidem aperiuntur omnes sive extenduntur*, adeoque *trifurcæ* veluti fissuras efficiunt inter se, per quas materia intromittitur: *signiformes* vero extrema suorum vasorum claudunt & sanguinem egressum remeare prohibent. *In contractione contra omnes clauduntur & laxantur*, sicque *trifurcæ* spatia illa & fissuras claudunt, ne quid regrediatur: *signiformes* vero flaccescunt, ut sanguis libere efferratur. Omnes namque eam conformationem adeptæ sunt, ut simul tensæ totum orificium exacte tegant & occludant. Ut autem quam optime tendantur & vim sanguinis irruentis sustineant fortius, plurimum *fibræ illæ à carunculis teretibus enatæ* juvant, quæ contrahuntur & valvulas resupinant. *Tres autem tantum sunt creatæ*, quia ut Galenus præclare philosophatur, pauciores adeoque majores neque tam exacte clausissent, neque tam celeriter: plures adeoque minores multo quidem citius & exactius, at imbecilliores fuissent. *Duæ tamen tantum arteriæ venosæ principio affixæ sunt*, ut non tantum per ipsam ingrederetur cor sanguis ille, qui per venam arteriosam à dextro ventriculo supeditatur: sed & semper aliquid vicissim ex sinistro ventriculo ad pulmones transmittatur, spatio aliquo relicto quod vitam ut reliquæ arteriæ ipsis offerret. Cæterum eleganter dubitari hoc loco potest, quæ causa sit quam propter Omnipotens illud Numen in dextro quidem ventriculo, venæ arteriosam substantiam crassamque membranam; at in sinistro, arteriæ venosam & simplicem tenuemque sit largitum. Nec enim temere, sed summo id fecisse videtur consilio, partim ut fœtui, partim ut adulto homini inserviret. Et *venæ quidem arteriosæ crassities fœtui* id utilitatis defert, ne sanguis spirituosior, qui ab arteria magna in venam arteriosam refunditur, quemadmodum nunc dicturi sumus, nimium dissipetur: *adulto autem & excluso ab utero*, ut quia tenuiorem sanguinem in dextro scilicet ventriculo elaboratum, quam venæ aliæ ferat, cujus pars una pulmonibus; altera, arteriæ venosæ offertur, ne in itinere longiore interim pereat profundaturque. Contra *arteriæ venosæ tunica simplex est*, ut fœtui venæ loco esset, & sanguis crassus per eam posset excidere, cum crassum sanguinem & venosum à cava accipiat, antequam dextrum cordis ventriculum ingreditur: *adulto autem*, ut, quia plurimo sanguine pulmo indiget, copiose is excideret, qui tamen non nimium ut in vena arteriosa dissipari potest, quin aliqua portio ad cor perveniat, cum brevior jam multo ad cor sit via. At enim *duobus vasis quæ materiam important, Auriculæ appositæ sunt*; ne sanguis quem majori conatu cor allicit quam expellit, maximâ vi in dilatatione irrueret, & sic vel cor totum periculose impleret, ne distendi amplius aut contrahi in se posset, ut videmus interdum vesicam urina nimis plenam; vel vasa ipsa rumpantur. Primo ergo in auriculis colliguntur materiæ, unde dum dilatatur cor ipsæ constringuntur, & sic modeste infundunt sanguinem. Merito autem *duæ sunt*, quia duo quoque vasa quæ intro ferunt. *Substantia constant nervosa*, ut possint dilatari magis minusve, ne attractionis impetu rumpantur. *Dextra autem major est sinistra*, quia & cava arteria venosa major est ampliorque. *Vasa tandem omnis generis habet*: Venas, ut nutriatur; Arterias, ut vivat; Nervos, ut sentiat. Et Vena quidem oritur à cavæ trunco antequam in ventriculum

triculum dehiscat, ut cor sanguine nutriatur crassiore, quia crassam habet & densam substantiam. *Vabrula* huic apposita, ne in contractione cordis sanguis regrediatur. *Adipis usus est*, ut humectet cor: at ne facile lique scat à calore ejusdem, non pinguedo sed vera adeps est.

C A P V T I X.

De unione vasorum cordis in fœtu, quæ in nato perit; ubi modus simul aperitur, quo non ipsa solum perditur, sed & vasa umbilicalia in editis cavitatem suam amittunt.



IN vasis quæ circa cordis basin sunt, discrimen quoddam occurrit, cum aliter se in fœtu quamdiu utero concluditur, aliter in homine jam nato habeant. Bina enim utrobique invicem junguntur, unum ex vasis dextri; alterum, ex sinistri ventriculi: & quidem vasa inferentia simul, & simul educentia. Illa, per anastomosis; hæc, per canalem proprium: utraque, priusquam cordis basin attingant. ^a Vena ergo cava cum ^b arteria venosa paulo quam in dextrum ventriculum hiet, eo scilicet loco quo vena coronalis pronascitur, per ^c foramen satis insigne necitur, cui ^d membrana quædam tenuis ac pel lucida ex parte arteriæ venosæ præfecta est, sola radice superius firmata. Contra, ^e Arteria magna cum ^f vena arteriosa per ^g canalem sive tubulum venosum necitur, qui à ^h trunco descendente Aortæ ea sede oritur, qua nervus recurrens sinistri lateris reflectitur, sicque oblique venam arterialem accedit, cui circa bifurcationem ⁱ inseritur. Vnio hæc in homine in lucem edito confestim aboletur, & membrana quidem ipsa primo statim triduo adnascitur, sicque foramen occluditur: tubulus autem, post paucos dies non secus ac Vasa umbilicalia primum cavitatem amittit, & in ligamentum abit, mox prorsus aliquammultis tamen annis, fereque tribus aut quatuor interjectis evanescit.

Vnio vasorum cordis in fœtu.

Vniones hæc vasorum pulmonum gratia conditæ sunt, quos in fœtu & crasso sanguine venoso nutriri, nec arterioso destitui conveniebat. *Crasso nutriri*, ut cum nondum cordi respirandi præstarent officium ad quod levitas ipsorum requirebatur, aspera arteria tenera adhuc & flexibilis ab eorum pondere comprimeretur, ne vacuum in ea esset quod aërem traheret, qui in utero concedi non poterat. Hinc & in fœtu pulmones graviores esse cernimus, & aquæ injectos quantulacunque portione non secus ac parenchyma cordis jecorisve subito mergi, cum adultorum animalium pulmones contra vel toti innatent. *Arterioso non destitui*, ne privarentur vita, qua carerent necessario, quod sanguis vitalis per umbilicales arterias attractus & hinc in truncum Aortæ delatus, cor haudquaquam subire posset, nec adeo ad pulmones deduci ob valvulas, quæ circa orificium arteriæ magnæ qua sede in cor hiat, sitæ foris spectant. Vasa ergo hæc sapiens Natura sic adaptare debuit, ut neuter sanguis ad cor appelleret: non venosus, ne in dextro ventriculo ut in editis attenuaretur: nec arteriosus, ne non ad pulmones deveniret. Ille ergo per venam umbilicalem attractus ad hepar, indeque per radices portæ refusus in cavam, cujus beneficio ad cor defertur, statim antequam id attingat, in arteriam venosam effusus pulmonibus subministratur. Hic contra attractus per arterias umbilicales, ubi prope orificium arteriæ magnæ constiterit, cum cor ingredi nequeat, per tubulum ad venam arteriosam, indeque ad pulmones defertur. Ex quo patet, cur in sinistro Ventriculo Arteria venæ substantiam nacta sit, nimirum ut sanguinem venosum distribuat, qui crassior cum sit, ut excidat tenuiorem membranam requirit: contra, in dextro. Vena vero arteriæ, ne cum deferat spirituosum sanguinem, si simplex esset tunica subito digereretur. Iungitur autem Vena cava cum arteria venosa foramine, quia sibi conterminæ sunt: Arteria vero magna cum Vena arteriosa tubulo sive canali, quia longius à se distant. At enim ne ex arteria venali refundi quidquam posset, membranâ foramen clauditur: rursus ne regurgitaret ex vena arteriali sanguis, canalis obliquitate prospectum est.

Vfus.

Cæterum qua ratione post editum fœtum tum anastomosis hæc oblitteretur, tum etiam vas ipsum pereat, nemo quod sciam hætenus aperuit. Hanc tamen princeps investigavit, & ad nos perscripsit Excellentissimus Vir, Hieronymus Teobaldus, Medicus

Venetus,

Modus quo uno hoc de perditur ex sententia Hieronymi Teobaldi.

Arteriarum
umbilicalium
in ligamen-
tum conver-
sio.

Venetus, quæ cum non minus elegans sit, ut ipse Medicorum est elegantissimus, quam ingeniosa & Anatomico homine digna, sic dignissimam merito statuimus, quæ non privatim tantum, sed & publice legatur, ut fidæ nostræ amicitia pluribus confirmatæ officiis, ob commune dissectionum studium, in quo Vir egregius egregia plurima invenit, grata memoria hic & ubique præstetur. Eadem autem opera ob argumenti vicinitatem ejusdem quoque de vasorum umbilicalium & urachi in funiculos permutatione sententiam proponemus. In prima ergo respiratione quæ subito partum excipit, duo evenire inquit, quibus fœtus adhuc utero inclusus minime assuetus fuit, pulmonum nempe ab aëre impletio & inanitio reciproca: deinde, Diaphragmatis ad inferna viscera depressio. Ab illa, hæc vasorum circa cor unio: ab hac, umbilicalium structura perit. Repletis enim ab aëre pulmonibus Vasa duo (Vena scilicet arterialis & Arteria venalis, quod arteria aspera jam extendatur, quæ antea in fœtu ob pondus pulmonum compressa subsidebat, cum bronchia ramosque ejus circumstent, ut dicitur sequenti capite) stringuntur, unde sanguis utriusque ad cordis sinus vi pellitur. At enim cum Venæ arteriosæ valvulæ ingressum ejus prohibeant: Arteriæ autem venosæ admittant (quod illæ foris, hæc intro spectent) fit ut sanguis hujus ad cor perpetuo motu trudatur. Cum autem Vena cava & ipsa more suo sanguinem ad arteriam venosam impellat, membranula à sanguine compressa valide, exacteque clausa (quæ ratio est cur in superiore parte adhæreat, in inferiore libera sit) omnem ingressum præpedit, ex quo fit ut sanguis hic postea qua data via ad dextrum cordis ventriculum secedat. Quia vero in constrictione cordis sanguis expellitur, evenit rursus ut per Venam arteriosam detrudatur, à qua digestus deinceps continuo ad Arteriam venosam, dum sanguis in hanc nunquam cessat irruere, perpetuoque etiam à cordis dilatatione ex ea attrahatur in sinistrum sinum, ipsa membranula fatigata assiduo ad suas oras affluxu tandem coalescit, sicque anastomosis hæc aboletur ac perit. Affluente ergo hac ut dixi ratione sanguine & petente sinistrum cordis Ventriculum in dilatatione, ubi cor constringitur per arteriam magnam iterum effunditur, unde cum deorsum à corde sanguis jam tendat arteriosus, nec ut ante (cum à matre suggereretur) sursum quidquam trahatur, in tubulum nullus effunditur. Sed nec ex Vena arteriosa quidquam in hunc secedit, cum uti diximus Natura id obliquitate ipsius prohibuerit, unde fit ut alimento omni tubulus hic destituatur, sicque primum in ligamentum coalescat, mox omni prorsus ut & vita carens computrescat, & ex putredine in auras abeat. Eadem compressio vasa umbilicalia in aliam substantiam transmutat: & Venam quidem in ligamentum, quod Iecur suspendit: Arterias vero & Vrachum, in funiculos. Cum enim ad Venam umbilicalem à matre sanguis amplius haud digeratur; à musculis autem abdominis, tum visceribus quoque ob diaphragmatis descensum compressis & ipsa prematur, nec ab hepate alimentum nanciscitur, sicque necessario cavitate amissa in ligamentum abit. Non tamen, ut obliquus vasorum cordis ductus evanescit, qua ejus substantiam à vicinis venis nutriri voluit Natura & incrassari, ut in ligamentum abiret, cum tantam compressionem quæ vita privare queat, haudquaquam patiatur. Arteriæ quoque umbilicales similiter comprimuntur, impleta vesica urinaria atque in latitudinem distensa, cum antea in fœtu in longitudinem porrigeretur, & eadem arteriæ dum animal accrescit in funiculos abeunt, quia elongantur & cum non una ubique augeantur, manent breviores. Vrachus quoque ob eandem distensionem quam facillime comprimitur, cujus orificium brevissimo temporis spatio sic perit, ut ne guttula urinæ perfluat.

Arteriarum
umbilicalium
in ligamentū
conversio.

Vrachi per-
mutatio.

C A P V T X.

De Pulmonibus, & eorum aspera Arteria.

Etymologia.

Synonyma.

Partes.



PULMO, quod alterum viscus est eorum quæ in medio ventre continentur, Græcis πνεύμων dicitur, ὡς τὸ πνέειν, à respirando, quod ipsius officium est. Avicenna cordis culcitram vocavit, quia cor ei tanquam pulvino incumbit. Vulgus cordis flabellum & ventilabrum appellat. Dividitur in duas^a partes, quarum altera dextrum,^b altera sinistrum thoracis latus^{a, b, d} occupat; in quorum medio cor situm, unde apud Veteres pluries propterea

pterea plurali numero *pulmones*, & apud Græcos quoque *πνεύμονας* vocari legimus. Sic Plautus in Curculo, Pulmones distrahuntur, cruciatur cor. Ab hoc *Pulmonarii* nomen acceperunt qui pulmonum inflammatione laborant, Græcis *πνευμονιστῆς* dicti. Horum utraque pars è regione quartæ thoracis vertebræ, *linea* per transversum nonnihil oblique ducta, in duas alias subdividitur, superiorem scilicet & inferiorem: interdum in tres, quas *lobos fibrasve pulmonum* appellant, & membraneis nexibus ita sibi adhærent, ut sectio hæc interdum vix compareat. Quod si duo duntaxat sint, superior lobus inferiore brevior est. *Figuram* habent ungulæ bubulæ, cum extrinsecus qua parte thoracis cavitatem respiciunt, gibbi sint: intrinsecus, cavi. Hippocrates tamen libro de Corporum dissectione, testudini animali nec inepte comparavit. *Magnitudo* tanta est, ut in viventibus cum inspirant, universam medii ventris cavitatem repleant; at dum expirant, flaccidi concidunt: non ita tamen opere magno ut in mortuis, cum semper aliquid aëris spiritusque in se retineant in vivis, nec omnis una regrediatur. *Connectuntur* superius ope asperæ arteriæ collo & dorso: *anterior*, sternum: *posterior*, vertebris, idque ope mediastini: *infra*, septo quibusdam nexibus (notatu dignissimum) à membrana qua tegitur pleura, qui si breviores sint, jam diximus, dissectionem incurabilem insequi. *Substantia* ipsa est *παρέγχυμα*, & caro (si adulti hominis sit) rosei coloris, mollis, spongiosa, admodumque levis, unde in aquam projecta supernatat. Contra *fœtus* pulmo, rubicundior est, durior & gravior, statimque submergitur ob sanguinem venosum quo nutritur in utero, deductum à cavâ ad arteriam venosam per anastomosis, ut monstravimus. *παρέγχυμα* hoc membrana cingitur à communi vasorum pulmonem ingredien- *Membrana* tium tunica enata, quæ tenuis, mollis & vehementer porosa est, ut mirum nulli videatur si ex thoracis cavitate materiam per hanc in asperam arteriam rapi exspuique postea videat. *Vasa* autem accepit omnis generis: *Venas* quidem, à vena arteriali ex dextro cordis ventriculo prodeunte: *Arterias* vero, ab arteria venosa è sinistro. Illa, nutrimentum; hæc, vitam affert; sed utraque in duos statim ac primum pulmonem attigere, ramos dividuntur, mox iterum in plures, donec tandem penitus in capillares furculos prope externam superficiem dissolvantur. De his supra sub finem libri sexti egimus, cum Venarum Arteriarumque historiæ colophonem impone- remus. *Nervum* quoque exiguum à sexta conjugatione nervorum cerebri habet, qui tamen ad membranam duntaxat accedit, à quo & obtusus ille sensus quem nactus est ipsi nascitur.

Est & ^a aliud vas nulli alteri visceri aut parti totius corporis præter pulmones commune, quod olim ab antiquissimis anatomiarum proceribus, *πνεύμων* dicebatur ab officio, *πνεύμων* τὸ τ' αἶμα πρῆν, quod aërem in respiratione attrahat, cum reliquas arterias hodie sic vocatas Venarum nomine complecterentur. At enim posteriores cum Galeno vocabulum *τερχῆα* addiderunt, vocantes *asperam* hanc arteriam ab inæquali sua substantia, ut à Venis pulsantibus distinguerent, quæ nunc Arteriæ simplici voce nuncupantur. Est autem *aspera arteria* ^b fistula oblonga, ex ^c cartilaginibus rotundis ^d membranisque invicem connexis efformata & semper-patula, quæ ex humiliore faucium sede incipiens gulæque incumbens in pulmones multiplici ramorum serie dispergitur. *Partes* videtur in duas partes; quarum ^e altera, elatissima est & *caput asperæ arteriæ* dicitur, Græcis *λάρυγξ*, *πνεύμων* τὸ λάρυγγος, quod gutture latius diducto vociferari significat. Nonnullis etiam improprie *φάρυγξ* vocatur, quemadmodum Aristoteles lib. 11 Historiæ de animal. cap. 111, sæpe confundit, cum propria acceptione fauces denotet, sive partem ante laryngem sitam. ^f Altera pars & inferior, *βρόγχος* vocatur, *πνεύμων* τὸ βρόγχος, quod Veteres potum ad pulmones per hanc ferri crederent. Latini *fistulam*, Barbari *cannam pulmonis* appellant; Lactantius, *spiritalium fistulam*.

Situs est LARYNX in collo & quidem in ipsius medio, cum unicus sit; *figuram* pen- *Larynx* ne teretem referens, nisi quod antè acute nonnihil extuberet; posterius autem, depressus subsidat. At enim cum organica pars sit, ex pluribus similaribus exstruitur, cartilaginibus inquam, musculis, membranis, vasis & glandulis, de quibus fere omnibus jam ante egimus, ut necessarium non sit plura de larynge hoc loco verba facere. Nam *cartilaginum historiam* tertius liber complexus est: *musculorum*, quartus; in quibus & obiter data occasione de *glottide ac laryngis rimula* locuti sumus. Quod *Vasa* spectat, *Vasa*

Glandulae.
1.

2.

Membranae.

Cartilaginee.

Truncus fistulae.

Divisio ejus.

ACTIO.

Respiratio.

Causa respirationis.

quæ sola reliqua fecimus, *Venas* à vena jugulari externa habet, & quidem ramo interiore qui os subit. *Arterias*, similiter à carotidis majore ramo & profundo, fauces accedente. *Nervos* autem, à sexta cerebri conjugatione *Recurrentes* dictos, de quibus supra libro septimo pluribus egimus. *Glandularum* autem duo sunt paria, quæ laryngi adjacent. *Primum* par Anatomici *Tonfillas*, Chirurgi *amygdalas*, Græci *μαζαλμα* & *αμυγδαλ* appellant, quæ ad elatiorem ipsius sedem & latera gargareonis circa linguæ radicem in ore collocantur utrinque, cujus communi quoque membrana integuntur, ut cerebri humiditatem suscipiant & in salivam convertant. *Aliæ duæ* ad laryngis humilem sedem sitæ sunt, thyroïdi seu scutiformi cartilagini incumbentes. Hæ cum in fœminis plerisque omnibus ob temperamenti sui humiditatem fere tumeant, fit ut collum teres & æquale his reddant. At in maribus præsertim qui sicciore sunt cum flaccescant, laryngis illam anteriorem extuberantiam monstrant, quam vulgus credulum *Adami pomum* appellat, fabulans protoplastæ nostro cum exterritus omnipotentis Dei voce peccati sui pœnitentia tangeretur, de pomo illo fatali nonnihil in faucibus adhæsisse.

FISTULA contra partim ex membranis, partim cartilaginibus constat. *Membrana* enim duplex est; *una exterior*, à pleura enata, eaque tenuis, cartilaginum vinculis per tinacissime connata; *altera interna*, à tunica palatum succingente profecta, densiore ac solidiore substantia constans, humore quodam unctuofo perfusa, fibrisque rectis prædita. Donata hæc sensu est exquisitissimo, ut minimum quodque in arteriam asperam illabens protinus persentiat, tussique ejiciat, ne obstructa alias fistula in præsentissimum vitæ discrimen animal conjiceretur. Est autem *tussis* vehementissima quædam efflatio, quæ animalibus naturalibusque instrumentis concurrentibus accidit, in qua plurimus aër celerrime ac concitatissime erumpit, ut id ex aspera arteria ejiciatur quod ipsius interiorem tunicam laceffit. *Cartilaginee* vero inter utramque hanc membranam consistunt, quarum quamplurimæ sunt, annuli figuram non tamen integri referentes, cum quarta parte & quidem posteriore sui sede deficient; quam tamen ipsam supplet membrana dura quæ ibi succingitur, quantumvis rotunditatem illam circuli in planam superficiem extendat. Vocantur hæ cartilaginee à figura sua *σχιμοειδής*, *sigmiformes*, cum C Græcorum referant, quod similiter rotundum quidem est, at circulum tamen integrum haudquaquam absolvit. *Fistula* ergo hæc cum statim sub cricoide sive annulari laryngis cartilagine initium ducat, recta descendit angustior semper facta, & posteriore sui sede membrana quadam œsophago adhærens, donec sub jugulo prope quartæ thoracis vertebræ corpus in duos dividatur ramos, dextrum & sinistrum, quorum uterque sui lateris pulmonem ingreditur. Ingressi autem subito in duos alios subdividuntur, & hi rursus in alios, donec tandem in minimos furculos ad externam usque superficiem pulmonum dispersos faceffant. Vocantur hi rami qui per ipsam substantiam excurrunt, pulmonis *βρόγχα*, quæ vox apud Latinos postea Medicos retenta fuit. Cæterum ut annulares cartilaginee trunci quo fistula magis deorsum fertur eo minores angustioresque fiunt; ita rami cum primum pulmones ingressi sunt, non amplius ex sigmiformibus annulis constant; sed ex integris, minoribus tamen & varias exprimentibus formas, rhombos inquam, quadrata & triangula, quæ propria membrana cohærent, ut quibus in locis arteriæ venalis & venæ arterialis propaginibus junguntur, membranei sint; cæteris vero in locis, cartilaginei. Locantur enim inter utriusque hujus vasis propagines, ita ut asperæ arteriæ rami in medio sint; anteriore sede arteria, posteriore vena. Interdum tamen varius observatur situs, & asperæ arteriæ rami cæteris vasis incumbunt aut subjacent.

ACTIO *pulmonum* est *respiratio*, cum nullum animal sit pulmonis expers quod respiret. Est autem *Respiratio*, *tractio emissioque aëris per asperam arteriam, ut fons & principium caloris refrigeretur*. Primaria ergo pars in pulmone asperæ arteriæ fistula est, Veteribus cisterna aëris propterea nuncupata: ipsa autem respiratio duobus perficitur motibus, inspiratione & expiratione. Inspiramus aërem, dum dilatatur pulmo & cum ipso arteria: expiramus, dum concidit rursus & aërem pellit. Dilatatio hæc & contractio pulmonum unde fiat, in dubium à multis revocatum est: ego tamen ab eorum semper fui partibus, qui non per se sed motu thoracis has fieri credidere, cum satis ex viva sectione nobis pateat, dilatato diaphragmate protinus thoracem & cum hoc pulmones

mones extendi. Sequitur enim fugam vacui pulmo, qua nihil in natura est ad trahendum fortius: at ne præsentis vitæ periculo in thoracis vulnere hæsitaret Homo, propterea fibris quoque Natura benignissima pleuræ quasi alligavit, ut nihilominus quamquam remissius si forte thorax læsus sit, trahatur. Ex his intelligitur motum pulmonum esse interdum naturalem tantum, interdum ex naturali animalique compositum, quemadmodum thoracis motus, à quo pendet, duplex est, ut supra lib. IV, cap. VIII ostendimus. *Naturalis* est simpliciter, cum libera est respiratio & à solo diaphragmate thorax movetur: composita est, cum violenta & thoracis muscoli intercostales concurrunt. Reliquos enim quos cæteri Anatomici addunt, ad respirationem nihil facere satis citato loco probatum fuit. Neque est quod quis objiciat diaphragmatis motum naturalem dici non posse, quod hoc musculus sit, cum sciamus sic vocari non tantum ipsum qui fit fibris, sed & qui musculis, si naturali modo fiat, hoc est præter nostræ voluntatis arbitrium. Comprimitur ergo pulmo compresso thorace, eodemque distento dilatatur, & non secus ac fabrorum folles, ne inane spatium maneat, aëre impletur: Inprimis tamen aspera arteria, cujus cartilagines à se mutuo nonnihil recedunt: membranæ autem quæ illas jungunt, in latitudinem expanduntur.

V s v s *respirationis* est, tueri attracto aëre calidum quod in suo fonte est, hoc est in corde. Cum autem calidum pluribus modis servari possit; *primum*, pabulo & materia in quam agit; *deinde*, ventilatione à frigido: *tandem*, excrementorum fumosorum evacuatione: non secus ac videmus externum nostrum ignem tribus his modis apud nos conservari (absque his enim si foret, in locum naturalem qui supra est, protinus avolare) *pabulo* quidem, per alimentum, cibum potumque servatur; *fuliginosorum excrementorum evacuatione*, per arterias ad quas deferuntur, & per poros exhalant reliquæ: *ventilatione à frigido*, per aërem externum conservatur. Non enim credendum est, aëris substantia transformata in spiritus vitales, tanquam pabulo calidum nostrum refici; cum videamus inspirato plurimo aëre, si cohibeatur, suffocari tamen animal: quod certe propterea fit, quia aëris substantiæ suscipiendæ gratia respiratio non sit instituta. Quin videmus plura quoque esse sanguinea animalia, ut pisces, quæ vitali spiritu prædita, aërem tamen non attrahunt. Accedit, quod à Naturæ providentia admodum foret alienum, si, cum reliquas partes omnes ab aëre tam solleter & studiose defenderit, ipsum caloris fontem cor, tam temere eidem objecisset. Sic enim protinus omnia ab aëre lædi cernimus, ut quamprimum aliqua pars interior ipsi exposita sit, actiones omnes naturales quæ ipsi famulantur, læsæ deprehendantur. Attrahit ergo aërem externum pulmo, ut qualitate sua frigida fruatur, quod nobis satis manifestum fit in calidioribus locis ubi violenter respiramus, quod cor quantumvis pulmones plurimum hauriant aëris, nihil adjumenti percipiat, cum non refrigeretur. Quia tamen nulla in re unquam prodiga Natura est, sed ut Oeconomus solers studiose omnia in usum revocare contendit, ne quid pereat quod quocunque modo animali poterat esse adjumenti, ut inspirationem aëris ad vitæ tutelam traduxit, ita expiratione ad melioris vitæ usum abusa est. Adhibet enim ad vocem, qua affectuum suorum promit reconditas vires, alterique significat. Ac uti *fistula* quidem asperæ arteriæ præcipuum erat instrumentum refectionis calidi innati, quod in corde est: ita *caput* ejusdem primarium organum vocis existit.

Sed jam videamus quomodo his actionibus satisfaciatur Pulmo. Primum *in thorace situs est*, ut & ori larynge esset vicinus, à quo haurit aërem & reddit: & deinde cordi suo corpore, cui in inspiratione servit: tum linguæ, quæ vocem postea in articulatum sermonem discriminat. *Divisus autem in duas partes*, ut in medio cor tegetur, & ut à se diductæ hæ partes violentius aërem attraherent. *Linea autem subdividuntur*, ob flexuram thoracis, cui sic sequaces redduntur. *Figura* peculiaris nulla est, sed talis quæ loco accommodata erat; unde *foris gibba*, *intus concava*, quod dorsum cavum erat, cor convexum. *Substantia* constat *spongiosa ac molli*, ut essent quam levissimi, unde dum fœtus adhuc uteri ergastulo concluditur, nec respirationis munere indiget, duriores sunt ac crassiores. Cæterum ut nutriatur & vivat nonnihilque sentiat, *omnis generis vasa accepit*; & *venam* quidem *non à porta vena*, quia hæc nutrit tantum eas partes, quæ sanguine admodum crasso indigebant, ut viscera nutritioni dicata; *neque à cava*, quia &

Vitus respirationis.
Calidum quot modis servatur.

Inspirationis usus.

Expirationis usus.

Quomodo ca-
lidum cordis
refrigeretur.

ille crassior erat, quam levitas substantiæ pulmonum admittebat; *sed à dextro cordis ventriculo*, in quo sanguis fit medius inter arteriosum & venosum, adeoque nec nimis tenuis nec crassus, sicque sanguine nutritur quali non alia pars corporis, quemadmodum & ipsum quoque parenchyma ab aliis variat. *Arteriam* autem à sinistro ventriculo. Est & alia causa maximi momenti, quamobrem à corde hæc vasa immediate deducta sint, nempe ut ex dextro ventriculo ad sinistram feratur sanguis, è vena arteriali in arteriam venosam effusus, sicque spirituosus ac nobilis ille sanguis qui per arterias deducitur, generetur. In ipso autem itinere, ne qua occasio benefaciendi animali Naturæ temere præterlabatur, refrigerat hunc, ut effusus in sinistram sinum calidum, quod in corde effervescit, temperetur: non secus ac nos ad ignem nostrum externum sæpe uno oculi ictu ebullientem cohibemus aquam, pauca frigida affusa. Atque hæc est illa refrigeratio calidi, cujus gratia respiratio instituta est, pulmonesque & totus thorax fabricatus. Attractus enim per arteriam asperam frigidus aër bronchia primum refrigerat; hæc quia medium tenent locum, utrinque adjacentia vasa; unde & sanguis protinus vicinitate frigidum concipit: effusus autem ad cor necessario effervescentem calorem cohibet. Hæc causa est, cur ubi junguntur invicem membranæ sint bronchia, ut scilicet frigus promptius penetret. *Arteria* autem *aspera non tota ex cartilagine constat*, quia dilatari haud potuisset: *neque ex membrana*, quia facile concidisset: ut ergo neutrum deficeret, cartilaginibus membranas intertexuit, non secus ac costas musculis intercostalibus in structura thoracis. *Larynx* autem *ex rima constat*, ut sonum ederet aër per angustum spatium trajiciens; cæterum hunc ut variis modis & pro suo quisque libitu formaret, cartilagines circumjecit. quibus præfecit musculos, qui pro nostro arbitrio modo claudunt aut aperiunt; modo dilatant aut constringunt, sicque amplum angustumve reddunt. At enim ne exsiccentur nimium hæc instrumenta, cum vox à sicco corpore ingrata fiat (quemadmodum fistulæ arte paratæ id edocent) glandulas adjecit, à quibus perpetuo moderate irrigarentur.

FINIS LIBRI NONI.



A D R I A

A D R I A N I S P I G E L I I
B R V X E L L E N S I S,
D E H V M A N I C O R P O R I S F A B R I C A.
L I B E R D E C I M V S,

Qui supremi ventris historiam continet.

C A P V T I.

De capillis, & quatuor communibus summi ventris integumentis.



X tribus Ventribus supremus restat, quem CAPVT vocamus, Cerebri & facultatis animalis adeoque sensus motusque domicilium. Hunc in summo corporis loco magnus nostri corporis Architectus collocatum voluit, quod sensuum organa contineat, quorum pleraque in sublimiore sede felicius suum munus exsequuntur. Oculi enim in alto siti tanquam ex specula quadam quæ distant intuentur & prospiciunt: Aures, vocem in sublime evolantem hauriunt; nec minus odores, quorum vis ignea summa quævis petit à Naribus opportunius in alto positis excipiuntur. Sed enim cum hic locus mi-

nus tutus sit, cui undique scilicet variorum discriminum vis plura intentat mala, & substantiam ei dedit, quæ resistere quibuscumque injuriis commode valeret; & figuram, quæ easdem declinare haud difficulter posset. Non enim carneum fecit, ut imum ventrem: neque carnes junxit ossibus, ut in medio: sed totum ex uno quanquam non continuo osse extruxit, cui formam adaptavit sphaeræ in modum rotundam, nonnihil tamen ad latera potissimum priore parte compressam.

De hoc ut verba nunc faciamus, primum singulas ipsius partes enumerabimus: deinde singulorum succinctam historiam persequemur. Cæterum omitemus quæ exteriores sunt, cum earum appellationes jam superius abunde complexi simus: de iis tantum agemus quæ internarum rationem observant, suntque ut in reliquis duobus ventribus, vel continentibus vel contentæ. Continentes vocantur, quarum complexu aliæ coercentur; suntque decem; partim communes, ut capilli & quatuor integumenta communia dicta; partim propriæ, ut pericranium, muscoli & ossa calvariæ, quæ externæ sunt: duæ membranæ, Meninges dictæ & Cerebrum ambientes, quæ omnes in calvariæ interna sede continentur. Contentæ primum duæ sunt, Cerebrum & Cerebellum; quibus tamen non inepte Spinalis medullæ principium, quod adhuc calvariæ terminis continetur, adjunxeris. Plures deinde aliæ quæ quinque sensuum sunt instrumenta, quanquam tactus sensorium non in capite solum coerceatur sed per universum corpus diffusum, latissime pateat. Ex his quarundam historia jam ante enarrata est, & quatuor quidem communium libro septimo, ut hic nihil supersit aliud quam discrimen quod occurrit ratione aliorum ventrium: propriarum, puta musculorum & cranii, partim in quarto, partim in secundo libro abunde satis enodata etiam fuit.

CAPILLI primum in conspectum se offerunt, totam posteriorem capitis partem quæ capillata propterea dicitur, contegentes. Horum substantia densa est, solida ac dura, secundum longitudinem fissilis; at in latitudine flexibilis. Habent hi pili tres partes; summam unam, quæ interdum finditur; mediam alteram, quæ flecti potest; tertiam tandem imam, alba quadam & mucosa substantia obsitam, quam pilorum radicem appellant, & cujus beneficio cuti pilus inhæret. Situs omnibus communis est, in postica capitis parte: at ductus tamen diversus, cum syncipitis capilli versus frontem; occipitis, ad dorsum; qui circa tempora sunt, versus aures vertantur; quorum ductuum centrum idemque causa in summa mediaque calvariæ sede locus ille est, qui Aristoteli κεφαλῆ, καὶ τὸ κεφάλαιον, quasi κεφαλή, quod crinibus densioribus ac reliquæ capitis partes regi &

Vertex.

Figura.

Magnitudo.
Materia.

Differentia.

A magnitudi-
dine.

A figura.

A colore.

A copia.

V S V S.

CVTICV-
LA.

velut abscondi videatur. Latinis autem proprietatem rei apta voce exprimentibus, ^a*Vertex* vocatur, quod circa eum capilli vertantur. Hic ergo communis terminus est quatuor calvariae partium, syncipitis inquam, quæ se usque ad frontem versus priora extendit; occipitis, quæ ad dorsum inclinatur; & temporum, quæ latera respiciunt. *Figuram* habent non uti creditur vulgo teretem: sed quod nuper inventi instrumenti optici beneficio (quod res quantumvis minutissimas evidenti magnitudine oculis offert) observare licuit, quadrangulam, in morem stipitem cauliumve quarundam plantarum. In nonnullis recti sunt, in aliis intorquentur & crispi fiunt. Cæterum in humano corpore *longissimi* sunt, qui nascuntur non quidem ut aliis placuisse video ex fuliginosis cerebri excrementis; sed ex sanguine potius attracto per radicem pili in reliquum truncum. Probari hoc ex iis potest, quæ analogia quadam pilis correspondent in aliis animalibus; qualia sunt in aquatiliis quidem genere squamæ, quæ per radices suas alimentum attrahunt: in volatilibus autem pennæ, in quibus, si quam extrahas junioribus, manifeste sanguinem advertas, qui pennas componat idemque alat. Eodem ergo modo & in pilosis animantibus ex sanguine à pilorum radice attracto & in propriam substantiam elaborato pilos generari mihi omnino persuasum habeo, quod una eademque in analogis ubique ratio à sapientissimo rerum Opifice accurate observata fuerit. Quæ causa certe est, ut consumpto cerebro quemadmodum Hippocrates lib. vi Epidem. loquitur, calvities sequatur, exhausta sanguinis debita copia, ejus scilicet à quo pili proveniunt, & quo cerebrum partesque circumstantes nutriuntur. Quod si *calidum* sit moderate, ut ferax esse solet humorum hæc temperies, sanguinem suppeditabit, unde læta ipsorum seges luxuriabit: contra si *frigidum* sit, & materia deficiet & egressus quoque intercipietur. Iam si *siccum* sit, quis dubitet raros futuros, & quam subito defluvio perituros? contra si *humidum* sit, densos, frequentes & in extremum usque senium perduratos.

Differunt tamen capilli in homine, penes ætatem, sexum, regionem, temperamentum, & habitum corporis. Ac *quoad magnitudinem*, brevissimi rarissimique sunt infantibus, prolixi mulieribus, breviores viris. Breves sunt Æthiopibus, longiores Scythis aliisque Septentrionem incolentibus populis. Qui humidiores sunt cerebro, longiores producant: qui sicciores, breviores. *Quoad figuram*, pueris nuper natis molliores ac simpliciores sunt, rectique: foeminis & qui frigidas humidasque plagas incolunt, ut Europæi, aut temperamentum simile sunt indepti, rectos alunt: calidi contra vel in calidis regionibus degentes, crispas, quemadmodum Æthiopes. *Quoad colorem*, humoris prædominantis color in capillis ubique cernitur, cum qualem humorem caro attraxerit, talem colorem pilus induat, ex Hippocrate lib. de Natura pueri. Pueri albos capillos plerumque aut modice flavos habent; juvenibus ad nigredinem vergunt; senibus & decrepitis cani fiunt. Viri & qui calidam siccamque regionem inhabitant aut temperamentum hujusmodi natura obtinere, nigris capillis teguntur. Nonnullis sunt pauciores, ut infantibus: aliis pauci, ut senibus, quibus decidunt; quod malum Calvities vocatur, oriturque in syncipite potius, quam alibi. Calvescunt autem celerius, quibus pili molles sunt, parvi, tenues, & qui calida cerebri temperie laborant, cum à bilis acrimonia pilorum radices his prompte erodantur.

Vsus capillorum *primarius* est, ut cutem; *secundarius*, ut cerebrum defendant ab injuriis vel foris vel intus subeuntibus. *Foris* quidem *incidunt* aër, pluviae, grandines: at *intrinsecus* vapores ex inferioribus partibus exhalantes negotium faceffunt. Aër pluribus nocere potest modis; *frigiditate*, cutis poros constipando, unde vaporum egressus inhibetur: *caliditate*, unde spiritus dissipantur, cerebrumque velut excoquitur: *humiditate*, partes internas laxando: *siccitate*, omnia adstringendo & innatam humiditatem absorbendo. His omnibus capilli caput contegendo quam aptissime subveniunt. *Pluvia* madefaciunt, *grandines* concutiunt: illas, capillorum densitas; has, ductus arcet. Densitas enim pluvias non admittit facile; at ductus, quod incidit grandinis statim deducit. Similiter autem & internorum vim hebetant. Vaporibus enim ab infernis partibus elevatis & summa capitis petentibus exitum largiuntur, viamque liberam atque apertam concedunt.

DE ^bCVTICVLA & ^cCVTE nihil est novi quod afferam & differens à reliqua, ^b nisi


nisi quod illa tenuior sit in capite; hæc, crassior. Non tamen per se, sed capillorum illam constipantium gratia, quæ tenuitas his diffluentibus in calvitie vel tactu percipitur. Eadem de causa & durior est alia cute ut Fallopius libro de vulneribus monet, & frigidior, indeque & siccis gaudet medicamentis & calidioribus, ne calor ejus exsolvatur. Aristoteles Philosophorum coryphæus, lib. 111 Histor. de animal. cap. xi, sensu cutim per se carere inquit, maximeque in capite id contingere. Rationem mox subjicit, quod inter cutim & os minime omnium caro sit interposita. Sed falsus videtur fuisse, cum liquido pateat sensu revera esse præditam, sed obtuso. Nec causa ejus rei hæc est, quod substrata carne careat, ut censuit Philosophus; nam & tibiæ priori parti cutis excarnis obducitur, nihilominus acuto sensu donata est: sed quia tum pauci nervi ad eam pertinent, tum quia partim ex sensibili, partim sensu destituta substantia constat. Sensum enim habet cutis; at carent eo, pilorum radices. *Venas* quoque obtinuit & *Arterias*; illæ, *Vas.* à jugulari externa; hæ, ab arteriæ carotidis exteriori ramo propagantur.

^a **PINGVEDO** circa occipitium observatur copiosior in obes, pauca aut nulla etiam in macilentis. In fronte quoque pauca licet, quædam tamen est; & præcipue in iis qui obesi sunt, imo omnibus quibus glabra obtigit nec rugis intricata, ut adolescentibus, pinguedo cuti subest, cum rugæ ob carnosam membranam fiant, quando pinguedine nulla interjecta immediate cuti substernitur, unde & macilentis frequentiores sunt majoresque.

^b **MEMBRANA CARNOsa** circa frontem, præterquam in obes, vicinissime adhæret, crassiorque est, & ^c musculos illos constituit qui vulgo fronti, à nobis autem super perciliis tribuuntur.

CAPUT II.

De Pericranio.



Sic ^a membrana carnosâ subito ac nullo intercedente corpore alia quædam ^e membrana invenitur, quam Græci à situ *περικράνιον*, subintelligunt *χλίνα*, & communiter quoque *περικράνιον* in neutro genere appellant, *ἡ δὲ τὸ περὶ τὸ κρανίον τένεα*, quod circa cranium sive calvariam tendatur.

Membrana est tenuis & alba, capitis ossa investiens, non tamen omnia sed frontis tantum, duo syncipitis & occipitii. *Frontis* quidem os, ad

oculorum usque orbitas: *syncipitis*, ad squammiformes conglutinationes: *occipitii*, ad primam usque vertebra. Temporum enim ossa nuda sunt, cum ad ea appellens musculos eam sedem occupantes (sunt autem attollens inferiorem maxillam) ascendat & externa obtegat, non tamen ad insertionem pertingat; sed circa jugalis ossis regionem terminatur. Hanc nonnulli duplicem faciunt, aliam dicentes esse quæ membranæ car-

nosæ, aliam quæ cranio nectitur: illam vere ^g pericranium dici, hanc ^h periostrium. Attendi enim omnibus ossibus membranam foris, quæ ab externis protegat & tueatur.

Mihi tamen *simplex tantum* semper visa est, etsi in ipsa dissectione geminam mentiatur naturam, id ipsi cum cæteris omnibus membranis quæ quantulamcunque crassitiem

nactæ sunt, commune obtinuisse. *Crassior* autem hæc est pluribus aliis, quæ in nostro corpore reperiuntur: sic tamen ut circa futuras seipsam quoque crassitie vincat. *Sensum*

habet acutissimum, ob primi secundique nervorum cervicis conjugia, quæ per occipitium sparguntur: tum ⁱ propaginem tertii paris cerebri, quæ foramina ossium frontis

egrediens ad cutem eidem obtensam proficiscitur. Hujus gratia prudenter Chirurgi admonent, pericranium pungendum haudquaquam esse; & in vulneribus capitis studiose

dum terebris cranium perforamus præcavendum, ne alicubi lædatur, sed si à subiecto osse removendum sit, incisione cultelli acuti unguibusque separetur. *Connectitur* enim

cum crassa cerebri membrana fibris quibusdam nerveis ad cranii interiora se penetrantibus, valideque sic hanc membranam & cum hac cerebrum suspendentes, ne in inordinatis corporis motibus nunc huc, nunc illuc propulsum alicubi cum præsentis vitæ

discrimine allidatur. Quamvis autem non ignorem aliis dissectionum Professoribus quasi omnibus contra fuisse visum atque ego statuo, cum credant emergere potius ex

intimioribus calvariæ adytis à crassa meninge, quæ pericranio originem communicat:

quo minus

Consensus in-
ter pericra-
rium & du-
ram membra-
nam.

quo minus tamen cum ipsis faciam diligentior pericranii in recenter natis infantibus inspectio mihi persuasit. Docuit enim me & hanc & istud circa ossium syncipitis commissuram anteriore sede committi quidem inter se valide : at ætate paulo post crescente discedere invicem, nec nisi nexibus fibrosis conjungi. Quidquid tamen sit, sive oriri à crassa membrana statuamus, sive neçti tantum, animadversione dignissimum est, maximum utriusque inter se consensum esse, & vel levem quamcumque hujus inflammationiunculam cerebro protinus communem fieri. Et hæc causa quoque una est ex præcipuis, cur vulnera & confusiones musculorum temporalium lethales habeantur. Nam ut relinquam jam Venarum & Arteriarum (sat insignium) copiam, à quibus sanguinis enorme impendet profluvium : ut etiam tendinem nerveum, ac si quis alius egregie validum ac robustum : acutus pericranii hunc investientis sensus dolore exacerbatus quam insigni vi ex vicinis partibus ad inflammationem sanguinem allicit ? unde pericranium consequutione quadam conterminarum partium facta tandem eandem duræ membranæ & quod hac integitur, cerebro impertit.

C A P V T I I I.

De duabus cerebrum obcingentibus membranis.



Synonymia.

Substantia.
Figura.
Magnitudo.

Numerus.

Appellatio.

Crassa mem-
brana.

Situa.

Connexio.

Superficies.

Foramina.

EX continentibus capitis partibus duæ adhuc supersunt, quarum historia enarranda ; membranæ inquam, in ipsa cranii cavitate interiore sitæ. Vocantur hæ à Galeno *μῆνινγες*, velut propria quadam appellatione nullique alteri membranæ communi : Hippocrates tamen libro de Carnibus sic late accepit, ut & venis & ventriculo, tum intestinis aliisque partibus voluerit tributam esse. A barbaris qui Arabum scholas sequuntur, *Matres* vocantur, vel quia ab his reliquæ corporis membranæ ortum suum derivant, quæ sententia multis visa est : vel quia materna quadam cura cerebri incolumitati prospiciant, continendo illud integrumque præstando. Sunt enim ut aliæ *membranæ* ex fibris cujusvis generis, tum propria substantia contextæ : *figura* ac *magnitudine* Cerebro, quod ambiunt ac circumamplectuntur, respondentes. Cum autem duæ sint numero exterior cranio subjecta, nonnihil major est ; interior, & cerebro contermina, minor angustiorque. Distat illa & à cranio & suo conjugæ : ab utroque quantum requirit intervallum distensio contractiove sinuum quos vehit, arteriarum ritu pulsantium. Illud in capitis vulneribus in quibus internæ partes detectæ sunt, comparebit : hoc, Galeni documento facili opera conspicias, pertusa exterior membrana levi foramine & insufflato calamo fistulave aëre. Vtriusque historiam nunc subnectemus, ubi prius monuerimus à substantia sua utramque nomen sortitam, & anteriorem quidem à Galeno passim *σκληρὰν* & *παχέαν*, *duram crassamque* : ab Hippocrate *παχυέριον*, vocabulo relationem quandam ad comparem exprimente dictam : internam *λεπλὴν* sive *tenuem*. Barbari *duram* *piamque matrem* appellant.

^a **C**RASSA ergo membrana crassiorem habet ac duriorē substantiam, non tantum si cum sua conjugæ conferas sed & reliquis universi corporis membranæ ; quæ causa fortasse est cur ab hac principium cæterarum plerique omnes Anatomici petierint. Immediate ^b cranio *substrata est*, cui validissime cum omnibus in locis tum præsertim circa futuras cohæret, per quas ut dixi ^c fibras quasdam ad exteriores cranii sedes educit, ut validissime alligetur. Sed & circa basin ejusdem ubivis, imprimis ubi processus acutos exigit os cuneiforme ; tum foraminibus cranium ipsum pertusum est, quorum orbibus firma connexione jungitur, si discedas à duobus tantum ossis cuneiformis sinibus, circa quos glandula pituitaria sita est. ^d Neçtitur & tenui membranæ & hujus interventu cerebro, beneficio vasorum quæ huic & illi largitur. ^e *Superficies externa vel superior* quæ cranium respicit, ^f inæqualis est & asperitate quadam donata ob fibras, quibus se conterminis partibus adstringit : *interna vel inferior*, æqualis, splendida, & humidior. *Foraminibus* pertusa est plurimis, sparsim seminatis ad vasorum ; sed in medio majusculo, ad infundibuli transitum : maximum omnium obtinuit, qua sede spinalis medulla dorso vertebrarum seriem ingreditur : quemadmodum & cribri instar perforata cernitur, ubi os spongiosum obtendit. Membrana hæc duobus in locis reflexa se reduplicat, sicque

a. 1. 1.
B. 8.

b. A.

c. 2. 8.
& 1. H.

d. 1. 1.
D.

e. 1. 2.
B. 1.

f. 1.

ficque *processus* duos exigit, quorum alter in elatiore capitis parte, alter in posteriore confidet: ille, superior; hic, posticus non immerito nominatur. Subjicitur ^a *superior* quem quasi deducit, ^b sinui tertio, de quo paulo post dicemus, sed cum per medium cerebri ad anteriora excurrat, bifariam idipsum in ^c dextram ^d sinistramque partem secat. Redditur autem in itinere angustior, & quo longius à principio suo profectus est in ^e apicem tenuiorem desinit, qui tandem in ^f processum superiorem ossis spongiosi quem Cristam galli vulgo vocari supra monuimus, alligatur. Hic quia apte satis falcem mesforiam exprimit, à Dissectoribus *Falx* vocatur. *Posterior* ergo sedes, quæ portioni duræ membranæ cerebellum obvelanti contigua est, *falcis basi*: at *prior* quæ Cristæ adnascitur, *mucroni* respondet. *Superna* & *convexa pars*, *dorsum*; *inferna* & *cava*, *aciem* mentitur. A posteriore autem sede in priora latus sensim falcis in morem stringitur & angustatur. ^g *Posterior* brevior at crassior, ^h cerebellum potissimum à ⁱ cerebro dividit. Ad superiorem processum nonnulli referunt, quod hemicrania nonnunquam caput tentet, cohibita scilicet vi dolorificæ causæ ab hoc intersepimento, quo minus utrumque latus occupet. At falluntur hi graviter, cum hemicrania non internas subeant capitis partes; sed foris temporales musculos obsideant, humoribus biliosis irruentibus.

In his duobus processibus quatuor quasi tubuli sive canales deducuntur, non ut reliqua cerebri aliarumque partium vasa ad amussim rotunda, sed latiora nonnihil, quos *Sinus* appellant. ^k Primi duo sive dexter & sinister, à situ lateris in quo consistunt sic appellati, ad latus foraminis primi ossis occipitii oriuntur & per posteriora ascendentes oblique ad se versi circa cerebelli apicem ^l coeunt atque angulum efficiunt, quem nonnulli resectionum studiosi Herophili *ληνὴν* sive *Torcular* fuisse arbitrantur. ^m In hos sub principium inseruntur Venæ jugularis internæ major & Arteriæ carotidis minor ramus per ⁿ secundum ac tertium occipitii foramina primo accumbentia, cranii amplitudinem subeuntes. Circa finem autem duos alios ex concursu suo educunt, quorum ^o alter sursum vadit, ^p alter deorsum labitur. Ille, tertius dicitur; hic, quartus. ^q *Tertius* longissimus omnium totam ^r superiorem sedem elatioris hujus membranæ processum perrepat, & cum eadem circa cristam finit. ^s Ab hoc sinu plures deinde propagines variatim sparguntur; *partim sursum*, ad cranii meditullium quod ipsius laminis intercluditur, tum pericranium membranam contendentes: *partim deorsum*, ad processum superiorem elabentes: *partim versus latera*, tum in crassæ membranæ tum tenuis sedes propagatæ. *Quartus* autem *sinus* è diverso brevissimus, inter cerebrum & cerebellum ad nates glandulamque pinealem recta fertur, in itinere furculos spargens, à superiore quidem parte unum, qui ad callosi corporis sedem sublimiorem vadit; ab inferiore alium, qui ad ventriculos secedit: ipse autem *truncus* juxta testes varie divisus glandulam pinealem petit, & bifariam scissus ventriculos anteriores subintrat, utrique ramum dispensans.

Sunt & alia vasa partim ^t à jugulari venâ interna ejusque ramo anteriore minoreque per crassæ membranæ latera propagata, cujus vestigia in syncipitis ossibus impressa egregie conspici supra jam dictum est, quo nomine & diligenter in cranii perforatione Chirurgis advertendum est, ne hic terebram nimis immergant, sed caute venarum sedes evitare discant. Est & ab arteriæ carotidis majore ramo soboles; tum exiles quædam per anteriorem sedem distributæ.

^u *TENVIS* *membrana*, *λεπτή μὲνιγξ*, ^x crassæ nullo intercedente corpore subjecta immediate cerebrum contingit tegitque, tenuior illâ ut appellatio ipsa fert, mollior & sensus exactioris. ^y Infinitas autem vasorum propagines à ^z crassa derivatas in se suscipit, iterumque cerebro dispensat: quæ ut tutius progrediantur & citra ruptionis periculum substantiam cerebri pervadant, usquequaque variis anfractibus hoc nomine cerebro incisis se insinuat, & ad intimiores partes transmittit. Ex quo clarum est graviter nonnullos hallucinari, qui Cerebrum inflammatione posse corripì negant, quod & Galenus olim agnovit scripsitque, & experientia ipsa sæpenumero evidenter ostendit. Ad aphorismum enim quinquagesimum ultimæ sectionis, in quo Hippocrates eos quibus cerebrum syderatum est tridui intervallo obire docet, gravem potius inflammationem, quam nativi caloris extinctionem (quam alias Sphacelus significat) intelligendam esse testatur. Rationem addit, quod ab hoc nulla salutis spes supersit, quam Hippocrates

A, 10. 2. 2.
& G. G. VI.
de & 6. 1.
T. T. in qua
totus con-
spicuous est.
b, L. L.
c, E. E.
d, F. F.
e, I.
f, 10. 7. 1.
D.

g, 10. 6. 1.
K. K.
h, I. I.
i, B. B.

k, 10. 6. 1.
O. & P.
itemque 10.
11. 1. M. O.
l, 10. 6. 1. S.
m, 10. 11. 1.
L.

n, 2. 1. 1. Z.
Z.

o, 10. 6. 1.
R. R. R.
p, Q. Q.
q, R. R. R.
r, T. T. T.
s, 10. 2. 1.
D. D. D.

t, 10. 7. 2.
C. D. E.

u, 10. 2. 1.
E. E. E.
x, A. A. A.
y, D. D. D.
z, C. C. C.

tamen promittit si hoc superaverint. ἐκείνοι δὲ σφακελίσθη ὁ ἐγκέφαλος, ἐν τρισὶν ἡμέραις σπύλλωνται ἢ καὶ πύργωσι, ὡς φέρεται, ὡς γὰρ γίνονται. Iam & nos ipsi per foramina cranii quæ terebris fiunt in capitis vulneribus, cerebrum cum dura membrana ita sublatum esse ut extra calvariam prominere sæpe vidimus: sedata mox inflammatione in suum locum rediisse. Quin & in apertis cadaveribus abscessus in ipsa Cerebri substantia repertos multorum gravissimorum authorum testimonio comprobatur.

C A P V T I V.

Cerebri, quatenus id in Veteri sectione se offert, historiam nectit.

CERE-
BRUM.
Etymologia.



CONTINENTES supremi ventris partes vidimus, reliquum nunc est, ut & contentas inspiciamus. Continetur in cranio *Cerebrum*, Græcis ἐγκέφαλος dictum, à situ suo, ὅτι ἐν τῇ κεφαλῇ τίθεται, quod in capite locetur.

Veteribus Philosophis quibus medulla esse credebatur, cum adjectione μυελὸς ἐγκεφαλίτης, medulla capitecontenta ad differentiam τῆς ῥαχίδος, ejus quæ dorso comprehenditur & spinalis medulla hodie nuncupatur.

Revera autem Cerebri substantia à medullari ossium plurimis in rebus distat, & id multis parasangis superat sive temperamentum intuearis, sive usum consideres. Calida enim hæc est, & ossium humectationi dicata: illa frigida, sensui motuique destinata. *Substantiam* ergo habet sui generis peculiarem ac propriam, & nulli alteri parti nisi spinali medullæ, quæ quasi oblongatum cerebrum est, communem. Hanc etsi haud accurate definire nobis liceat, quod mens nostra ad formarum inspectionem hebescat: nonnullis tamen accidentibus circumscribere conveniet, si dicamus crassam esse, viscidam, glutinosam, albam, ac mollem. *Magnitudo* autem tanta, ut homo in respectu sui corporis ex omnibus animalibus maximam cerebri copiam sit nactus, teste Aristotele lib. 1 Histor. de anim. & mares plus quam fœminæ, in qua re tamen haud subscribo. Id vero notandum est, quod tradit Fallopius lib. de Vulneribus se observasse in profundis capitis vulneribus, in plenilunio turgere cerebrum, subsidere decrescente Luna. Ex quo facile rationem licebit multorum petere, sed imprimis cur in lunæ obitu graviora eveniant incommoda ex ictu capitis, quod tunc temporis ob intervallum cranio duræque membranæ interjectum promptius venæ quævis abrumphantur. Quin & cur novilunii tempore epilepsiæ periodo quadam moveantur. Humores enim acres denegata humiditatis permixtione acredinem concipiunt, cerebrumque mox lacescunt, sed imprimis si melancholia peccet adusta aut atrabilis humor. *Figura* cranii formam æmulatur, adeoque rotundum est, sed circa basin aliquantulum depresso. *Superficies* autem habet inæqualem, & hoc duabus de causis: *Primo*, ob ^a anfractus & spiras intestinorum circumvolutionibus similes; *deinde* ob tubercula quæ per basin sparguntur, ex quibus quatuor priorem sedem circa frontem occupant, duo utrinque ad latera sita sunt in media basi, quinque circa occiput.

Divisio.

Dividitur ^b *Cerebrum* in tres partes, in ^c *Cerebrum* proprie sic dictum, ^d *Cerebellum*, & ^e principium spinalis medullæ. Varia enim Cerebri acceptio est, & modo ut jam sumpsimus, totum id insinuat quod cranii amplitudine comprehenditur, quomodo & Cerebri vulnera dicuntur, quæ quocunque loco inflicta sunt huic substantiæ: modo anteriorem & majorem ejus partem, ut sumpsit Aristoteles lib. 1 Histor. de anim. cum bipartitum esse inquit omnibus animalibus, ejusque postremæ parti adjunctum id quod *Cerebellum* vocatur. Differt autem à *Cerebello* substantia, colore, magnitudine, figura, & cavitatibus. *Substantia*, quia mollius est: *colore*, quia candidius: *magnitudine*, quia triplo amplius: *figura*, quia rotundum: *cavitatibus*, quia his plenum.

Discrimen
Cerebri, &
Cerebelli.

Duplex Cere-
bri secundi
ratio.

Cæterum antequam harum historiam enodandam suscipiamus, merito monendum est, duplicem esse sectionis Cerebri rationem: *unam*, à Galeno traditam & à pluribus quoque Recentiorum observatam, puta Vesalio, Fallopio, aliisque: aliam noviter opera Constantini Varolii inventam, qui & ipse plures mox assecutus indeptus. Inter utramque illud est discriminis, quod *antiqua* à superiore sede sectionis seriem auspicatur: *nova*, liberato cerebro ab ossibus omnibus, à basi initium ducat. Hanc & illam cum tenere plurimum intersit, quod sine antiqua Veterum Medicinæ Scriptorum, sed imprimis Galeni

Antiqua.
Nova.

Galenī lectio necessario obscura fiat : citra novam autem Veritas vix unquam pateat, de ntravis sermonem instituemus à Veteri initium petentes.

^a Cerebrum ergo ab ^b elatiore crassæ membranæ sive falciformi processu bifariam, in ^c dextram ^d sinistramque partem dividitur, quæ foris ^e spiris anfractibusque inæquales intestinorum sibi implicatorum situm haud inepte exprimunt. Secta hæc substantia cultello duplicem ostendit naturam; *aliam*, quæ continet & colore subcinericia est; *aliam*, quæ continetur & alba. Illam, *corticem* vulgo; hanc, *medullam* vocitant : illa, mollior est; hæc, dura. ^f Sublato autem mox processu qui sic medias sedes dirimit, ^g compressisque leviter ad latera his partibus in fundo divisionis ^h candida quædam substantia emergit, quam *Corpus callosum* *πυλοειδὲς σῶμα* appellant, quæ medulla cerebri est utramque partem committens.

Divisio cerebri.

Cerebri substantia duplex.

Corpus callosum.

ⁱ Abtruncatis autem his duabus partibus & intacto corpore, Cavitates duæ occurrunt, quas ^k *Ventriculos cerebri* *κειλίας ἔγκεφάλου* Galenus appellat, in utroque latere unus, qui vulgo *Anteriores*, ab aliis *superiores* dicuntur à situ, relato ad quartum qui his à tergo est; vel tertium, qui substat. Nam si studiosè rem tecum reputes, ad omnes locorum differentias mediam occupare sedem in cerebri corpore observabis. Rectius ergo dextrum sinistrumque dixeris, qui ^l septo quodam distinguuntur, quod superne calloso corpori, inferne fornici unitur. Laxa est substantia & rugosa; at explanata claræque luci vel ardenti candelæ exposita vitri in mòrem transparet, unde & nomen invenit, ut *septum lucidum* vel *speculum* dicatur. Cæterum ipsi ventriculi cum insigni sint amplitudine conspicui, priore posterioreve parte lateſcunt magis, & obtusa rotunditate se circulant; in medio contra, stringunt se & angustantur. Versus inferiora quoque declivitate quadam ad se versi, ad tertium ventriculum properant. Succinguntur autem interna parte *membrana* quadam tenuissima, quæ male à pluribus negata, ab infundibulo huc ascendente originem derivat, sensuque pollet exquisito. Inter hos ventriculos & fornicem ^m *plexus quidam* ex infinitis minimorum vasculorum complicationibus ope tenuis membranæ suffulcientis contexti reperiuntur. Vasa hæc primo quidem ex iis sunt, quæ à quarto sinu huc contendente offeruntur cum in tenuissimas propagines dissolvitur : deinde ex furculis quos arteriæ Carotidis major ramus digerit, & commiscuntur anastomosibus cuncti cum ramulis Vertebralis arteriæ. Vocantur hi *plexus* (duo enim sunt, utrinque unus) *χοροειδῆ πλέγματα* *Choroides* vel *Chorioformes*, assimilati *χορῶ* membranæ fœtum involventi in utero. ⁿ *Fornix* autem *καμάρον* dictus, à forma qua testudinis instar tertio ventriculo incumbit, sub calloso corpore cum quo substantiam habet similem situs est. Amplius hic & latus est, quæ posteriorem duorum ventriculorum sedem respicit, at mox paulatim angustatus in apicem tenuem definit, ut sic triangulum Isoſceles sive æquicrurum sed longioribus base cruribus referat. Superna sede se attollit & convexitate protuberat : inferna, cavus sinuatur.

Ventriculi anteriores.

Membrana ventriculos succingens.

Plexus Choroides.

Fornix.

^o *Tertius ventriculus* sequitur, quem si rectè intuearis profecto à dictorum natura impendio alienum esse fateberis : imo hercle concursum potius eorum quam peculiarem sinum dixeris. Vbi enim coeunt postica sede, cum paulo profundius, quam priore descendant, vallem quasi exstruunt. In hoc duo sunt *meatus*; ^p *unus anterior*, insignis, maximeque conspicuus, qui in cerebri substantia exsculptus ^q recta deorsum versus infundibulum fertur : ^r *alter*, in posteriora porrectus sic angustus ut Vesalius interdum reperiri negitet, sub ^s testibus & ^t natibus cerebri in quartum Ventriculum delabitur. Circa hunc rima quoque est, quam Columbus Vulvæ muliebri assimilat.

Tertius ventriculus.

Duo ipsius meatus. Anterior. Posterior.

Ex priore ergo ad infundibulum via patet. Est autem ^u *Infundibulum*, quæ & *Pelvis* quibusdam, cavitas quædam sub tertio Ventriculo ex membrana cerebri tenuiore composita, quæ sensim angustior reddita infundibulum, quo utimur ad transfundenda liquida in vasa strictioris orificii æmulatur. Definit autem in ^x glandulam quandam eadem tenui membrana obvelatam, quæ Galeno innominata mansit : cæterum nostris *Pituitaria* dicitur, quod credatur excipere pituitam destillantem à cerebri ventriculis. Sita est autem in ^y sinu ossis cuneiformis quadrato qui in sellæ medio exsculptus est, à quo quatuor alii excurrunt, partim versus ^z priora ad secundum foramen ejusdem ossis in oculi sedis radice positum; partim ad ^a posteriora ad inæquale & asperum foramen, quod ejusdem ossis quintum est. ^b Circa glandulam à lateribus dicti sinus plexus quidam

Infundibulum.

Glandula pituitaria.

Rete admirabile.

dam membranofus confistit, infinitis arteriarum furculis retis instar complicatarum exstructus, qui omnes originem habent ^a à majore carotidis arteriæ ramo, qui per foramen proprium in osse temporum insculptum cranii amplitudinem ingreditur. Vocatur hic plexus *Rete admirabile* Recentioribus: Galeno, *διμυοειδὲς πλέγμα*, hoc est, *plexus retiformis*. Figuram ejus non rectius animo committes quam si piscatorum retia quamplurima extensa & inter se confusa mente conceperis. Quanquam autem à doctissimo Vesalio negatum sit esse quale à Galeno descriptum reperimus, quem nec hominis cerebrum sed bovis; nec exacte vidisse, sed delusum visu profitetur: omnino tamen id statuendum est, in hominum quoque cerebris plexum hunc reperiri, quantumvis non negemus in vitulorum boumque capitibus multo majorem, adeoque & evidentiorē.

^b Circa secundum ac posterius foramen quā in quartum itur, corpora quædam occurrunt non admodum insignis magnitudinis, inter quæ primas meretur partes illud quod ab Anatomiae proceribus *κωνάριον* vocatur sive ^c *Glandula pinealis*, ducta appellatione tum à substantiæ tum figuræ ratione. *Substantia* enim glandulæ est nonnihil duriusculæ, & figuræ nuci pineæ aut turbinatæ similis, cujus apex sursum spectat, basis deorsum. Sita ergo est hæc glandula in principio canalis illius qui posteriorem ventriculum cum tertio conjungit, & prout cæteræ glandulæ omnes venarum divaricationibus tributæ sunt, sic hæc sinum quartum ad duos priores ventriculos contendentem sustinet ac suffulcit. Glandulæ pineali ex utraque tertii ventriculi parte contiguæ sunt particulae quatuor, rotundæ ac eminentes; ex quibus priores, ^d *Testes διδομοι*: posteriores, ^e *Nates & Clunes*, Græcis similiter *γλῆια* appellantur. Sunt autem portiones cerebri tenues & globosæ, imaginem eorum à quibus nomen acceperunt repræsentantes, quæ *meatum* ducunt ex tertio ventriculo in quartum patentem.

^f *Quartus* autem hic *Ventriculus* inter Cerebelli inferiorem partem & spinalem medullam superiorem situs est, omnium ventriculorum cerebri minimus, qui ad teretem figuram compositus sensim in acumen se stringit, unde & ab Herophilo scriptorio calamo comparatus fuisse æstimatur.

C A P V T V.

Cerebelli, ejusque partium juxta Veterum dissectionem, enarratio.

CEREBELLUM.
L.V.M.
Erymologia.
Situs.



Substantia.

Magnitudo.

Forma.

Color.

Partes.

Globi.

Processus.

Sinus.

CEREBELLUM altera ac posterior Cerebri pars est, à Græcis *παρεγκεφαλῆς* dictum, quod Cerebro velut appendix cohæreat. ^g *Situm* enim est à posteriore ipsius sede in occipitio, cui duarum membranarum interventu quibus involvitur, cohæret. *Differt* autem à Cerebro pluribus in rebus, idque haud leviter; substantia inquam, magnitudine, forma, cavitatibus, & colore. *Substantia* enim ejus qua spinali medullæ circa basin originem confert, durior multo est: & *magnitudo* vix tertiam partem conficiens: *forma* autem latiore, quam rotunda; tum *sinibus* nullis intus excavata; *colore* flava & cinerea. ^h *Constituitur* autem ex quatuor partibus, quarum ⁱ duæ laterales sunt, dextra & sinistra: ^k duæ mediæ, anterior & posterior. Illæ, rotundæ sunt sphaerarum in morem: hæ, teretes, & si simul contempleris, velut in orbem aguntur. Illas, *Globos cerebelli* haud incommode vocaveris: has, Veteres *Vermiformes processus*, *σκωληκηειδῆς διεφύσεις* dixerunt. Sunt autem apud eosdem celeberrimi; ex quibus alter anteriorem quarti ventriculi sedem, alter posteriorem apice suo respicit. Figuram enim habent vermium qui cariola ligna depascuntur, multipliciter orbiculati, ex altera parte latiores, altera strictiores. Strictâ ergo *sinum* respiciunt, qui inferiorem sedem cavat, & *cisterna* à nonnullis dicitur, estque elatior sedes quarti ventriculi, cum reliquam sedem tenuis membrana obvelet.

CAPUT VI.

Spinalis medulle, secundum Veterum placita, descriptio.

TERTIA pars Cerebri, ejus inquam substantiæ mollis & albæ, quæ toto cranii complexu coërcetur, *Spinalis est Medulla*, improprie sic hodieque dicta ob erroneam Veterum opinionem, quibus à medulla ossali nulla propemodum in re distare credebatur. Græcis ergo *μυελὸς ῥαχίδος* sed & *ὡσπερ* dicitur, sive *dorsalis*. Vtcunque vocetur, ejus appellatio ambiguitatis haud est expers, sed sepe ut apud Galenum & plerosque omnes Antiquos Anatomicos, illam substantiam denotat, quæ cranio veluti processus quidam cerebri oblongus per occipitii foramen primum & amplissimum egrediens in totam vertebrarum dorso seriem ad ossis usque coccygis sedem, cum itinere semper decrescens, labitur. Interdum ut ab iis usurpatur, qui falsitate priscae sectionis deprehensa & abolita novam substituerunt, pro ea tota sumitur cujus^a pars adhuc cranii terminis contenta ab Antiquis ignorata fuit. Medulla ergo spinalis commode situs ratione bifariam dividitur, si aliam quidem Cranio, aliam spina vertebrisque comprehensam dixeris. Quæ tamen vera ejus origo sit & quantulacunque illa portio, quam Cranium tegit, sequens enarrabit Caput: nunc enim sic ejus historiam persequi animus est, ut Antiquis illis Refectoribus perspecta erat.

Cæterum spinalis medulla ex Galeni sententia lib. VIII de Vsu part. cap. x, ex quarto cerebri ventriculo tanquam principio suo digreditur, cum cerebri non minus quam cerebelli sit quædam productio; at ubi jam ad amplum occipitii foramen pervenit, recto tramite per spinam fertur. Substantiam ergo & Cerebri nacta est, non tamen ut illa duplicem sed medullarem tantum: nec ita mollem sed duriusculam, ut adeo alba sit & compacta, quamquam nec sibi ipsi ubique similis, cum progrediendo semper indurescat. Est & gemina, divisa velut longa sectione in medio usque ad lumborum vertebrae, quam bipartitionem coctio tibi oculis subiciet facile, cum citra dilacerationem divellet. Sed & animo si velis hanc concipies, dum advertas causam quæ alterutrius lateris paralyfin impingit. Cingitur hæc membrana duplici, non secus ac Cerebrum unde oritur. Una, quæ immediate tangit à tenui meninge protensa, & sese inter utramque partem insinuans sola seorsim involvit. Per hanc vasa excurrunt, quæ vel nutritioni ipsius vel vitæ prospiciunt. Altera, quæ hanc obtendit & à crassa membrana proficiscitur. His duabus involucrum circumjicitur ex Galeni sententia, enatum à ligamento vertebrarum corpora jungente. Cæterum id observandum est, priores duas quæ à cerebri meningibus descendunt, nullo inter se, quemadmodum ubi adhuc in calvaria sunt, intervallo distingui, sed sese contingere. Figura teres est, sub principium amplior, sensimque in apicem, ubi nonnihil processit, attenuatur. Tota autem continua cum sit, circa finem tamen in plures funiculos ac quasi filamenta quædam caudæ equinæ speciem referentia dissolvitur. Educit autem similiter ac Cerebrum (quanquam hercle, ut dicturi sumus, ipsa potius sola ipsius portio superior) nervos, qui cum innumeri sint, ab Anatomicis tamen in numerum foraminum vertebrarum communium, per quæ ex spina egrediuntur, sunt digesti, ut adeo tot sint conjugationes quot vertebrarum foramina. Quo autem pacto hi nervi ingrediantur, & egressi distribuantur in singulas partes, abunde satis in superioribus videmur esse complexi.

SPINALIS
medulla.

Erythrodoria.

Hemiparalia.

Orbita.

Membrana.

Figura.

Funiculi.

Nervi.

CAPUT VII.

Cerebri eam diffecandi rationem, quam Recentiores invenerunt, primum proponit, mox partium ejus beneficio inventarum aut aliter comparentium historiam nectit.

Nova sectionis utilitas.



Differentia.

Caput quale requiratur.

Preparatio capitis ad sectionem.

IC ergo Cerebrum se ejusque partes, si Galeni Veterumque præceptis insistens sectionem aggressus fueris, habent: at si Recentiorum quorundam inventis placide acquiescens ab inferiore sede auspicaberis, & plures primo partes quam enumeravimus, & elegantius nonnullas ac aliter se oculis objicientes tam figura, quam magnitudine, situ, atque origine haud dubioprehendes. *Plures dico partes*, cum præter Vermiformes Cerebelli processus, & Pontem (sic ab inventero Varolio vocatum) intueri detur: *elegantius*, Infundibulum & glandulam pituitariam, tum rete admirabile. *Aliter se habentes, in figura* quidem, tertium & quartum ventriculum: *in magnitudine* autem, duos primos & anteriores dictos sinus: tum *in situ* nates & testes, nuncupata corpuscula: tandemque *origine* spinalem medullam, duo prima nervorum cerebri paria, tum quintum & octavum olfactui famulans. In his ergo discriminis utriusque sectionis cardo vertitur, quæ omnia fusiore nunc stylo persequemur, sectionis seriem una cum partium quæ se aliter ac in vulgari habent, natura describendo.

Ad hanc ergo administrationem Caput quam recentissime abtruncatum eligatur, cui si desit forte, Vitulinum aut Ovinum substitues, cum præter magnitudinem illorum corpusculorum quæ testes natesve dici commemoravimus, nullum se monstret discrimen ab humano. Quin si meum non detrectes consilium, etiam atque etiam in his te prius exercebis quam humani capitis sectionem aggredieris, quod in his pleraque evidentiore quadam magnitudine sensibus egregie se ingerant. Vtrumvis autem habeas, ossa primum solertissime separabis, id diligenter animadvertens ne qua parte subjectam crassam membranam violes, cum qua nervos opticos iisque appensos oculos in suis sedibus relinquere te velim. Cæterum ut id in expedito tibi sit, quanquam hercle citra laborem & difficultatem nequaquam transigi potest, primum omnium communibus illis tegumentis una cum musculis cranio instratis, tum maxilla inferiore ablatis, orbiculatam calvariae sectionem institues, serra qua Chirurgi nostri in abscindendis gangrana tabidis membranis utuntur, transversim in ipso nasi ossium medio injecta. Deduces autem mox per conterminum oculorum ambitum supra ossis jugalis sedem mediumque ossium temporalium ad occipitii inferiorem regionem, rursusque repetens per alterum latus principii tui terminum, sic circumcirca ferram promovebis. Inter ea temporis studiose caveas ne qua altius forte immergatur, neve membrana substrata ossi læsa operi tuo ignominiosam noxam impingas. Hac sectione rotunda expedita aliam auspicaberis in basi cranii transversim per mammillarium processuum apices. Inde injecto cultelli manubrio quanta poteris summa diligentia conaberis ossis hanc partem (quæ occipitii ossis pars est posterior) liberatam à reliquo à supposita membrana levare. Hoc enim ablato jam liquido tibi postica cerebri pars ipsumque adeo Cerebellum patebit. Reliqua autem ossa haud magno ingenio studioque deinceps separabis, dummodo laboris moræque nonnihil fueris patiens. Egregiam hic operam præstabit serra partim, partim & forfex excisoria, quibus nonnunquam & cultellum acutum addas, ubi os tenue occurret, qualia circa oculi orbitam se offerunt. Denudato sic ab inferiore sede cerebro quid promptius erit, quam & ab elatiore à cranio sejungere, cum injecto cultello & sursum deorsumque acto facili prorsus negotio à se disparentur?

Sectionis initium unde faciendum. Dura membrana. Sinus quatuor. Tertia membrana.

Cerebro hac ratione cum suis membranis è calvaria exempto *dura*^a primum *membrana*^a *substantia* consideranda erit, tum sinus inspiciendi; in quibus ad memoriam revocanda omnia, quæ de his paulo ante sunt tradita. Mox inverso cerebro basique sursum spectante^b crassam membranam decussatim interfecabis, ad latera portionibus repositis. Circa tamen nervos quicquid ejus est omne relinques, ne forte hi disrumpantur, eorumque postea ortus te subterfugiat. Eodem modo *tenuem* quoque auferes, cujus ope anterior

a. e. 10. ubi cerebrum membrana du involuta, inferi sede colliculi.
b. 9. A. A.

anterior spinalis medullæ pars cerebro, posterior cerebello connectitur. At enim hic plures tibi illico patebunt partes, ipsumque adeo ^a *Cerebrum* inferiore sui facie conspici-
cum, tum ^b *Cerebellum* cum vermiformibus processibus ac ipsa ^c *Spinalis medulla*. Præ-
ter hæc priore sede ^d *processus* cerebri duo quos *mammillares* vocant, tum ^e *oculi* à quibus
musculos cunctos removebis, ut à ^f solo optico nervo dependeant liberi. Inter hos
progreditur ^g *octavum par nervorum*, quod odorum receptioni dicatum est. Inde ^h *Arte-
rie carotidis ramus major* utrinque, & *rete admirabile* spectabis, in quorum medio ⁱ *glandula
pituitaria* cum ^k *infundibulo* suo est sita. Hinc ^l *secundum nervorum par* contemplaberis, &
^m *Vertebralem arteriam* quæ per transversos vertebrarum cervicis processus ascendens sub
ⁿ spinali medulla cum conjuge ^o unita ad anteriora capitis ^p excurrit, ac ^q iterum bifa-
riam divisa ^r *rete admirabile* cum carotide arteria efformat. His sic obiter lustratis ac-
curatius mox omnia rimanda sunt.

Partes Cere-
bri ablatis
membris
conspiciendæ.

Primum ergo investigandus verus spinalis medullæ ortus, qui sese haud difficulter in
conspectum proferet, reflexa eadem versus anteriora. Non enim in occipite ut alias
creditur, sed anteriore magis cerebri parte exoritur, efficta ex quatuor veluti radicibus,
quarum *anteriores duæ* majores sunt, & ea sede ex cerebro enascuntur, quæ circa Ven-
triculorum fere medium consistit; *duæ posteriores* minores, ex cerebelli inferiore parte
enatæ. Progredientibus autem versus posteriora illis, hæc occurrentes junguntur,
sicque spinalem medullam producant, ex qua ut uno sic vero principio omnes quot-
quot sunt corporis nervi emergunt. Circa truncos posteriores *processus* occurret non-
nullus, qui in veteri sectioni prorsus se nequaquam prodit, à Varolio *Pons Cerebelli* di-
ctus. Hic per transversum in anteriora & inferiora fertur, sicque spinalem medullam
amplexatur, ut scripsimus superius primum par gulam constringentium Oesophagi
principium amplecti.

Spinalis me-
dulla versus
ortum.

Pons Cere-
belli.

His indagatis exacte nervorum, quos vulgus ad Cerebrum refert, originem investi-
gare expedit. Primum enim *par* non ut inquit Prisci ex cerebri basis anteriore sede
oritur; sed ex radicum anteriorum spinalis medullæ superiore parte, qua ventriculo-
rum cavitatem respiciunt. Similiter *secundum* ex eodem fere loco, quod in suo exortu sic
unitur, ut angulum communem efficiat. *Quintum* ex ponte Cerebelli prodit, qui cum
Veteres fugerit, & hujus paris verum exordium latuisse eos necessum est. *Octavum* simi-
liter ad extrema cerebri latera ea sede, quæ supra auditus foramina est. *Cætera* vel ex
Vesalii quoque & Columbi mente à spinali medulla egrediuntur. Quis autem omnium
progressus sit, quæque distributio, supra libro septimo comprehendimus.

Nervi Cere-
bri dictorum
verus ortus.
Primi.

Secundi.

Quinti.

Octavi.

Nervorum principiis dimissis Cerebellum auferendum est, ut *quartus ventriculus* pa-
teat, qui inter ipsius basin & superiorem ac posticam partem spinalis medullæ ex eorum
concurso enatus reconditur, cum revera non sit aliud quam cavitas quædam teres ex
duobus sinibus semicircularibus efformatus. Superiorem ergo ejus portionem Cere-
bellum: inferiorem, Spinalis medulla confert: ac, si rem æqua metiaris æstimatione,
ventriculi nomine prorsus indignus est, cum in ipsa cerebri cerebellive substantia non
sit situs, neque primaria intentione à Natura exsculptus, sed ex corporum dispositione
necessario talis emergat.

Quartus ven-
triculus quid
sit.

Remoto deinde Spinalis medullæ principio, ablatis autem penitus nervis opticis una
cum demonstratis, corpuscula illa quatuor, *Nates*, *Testes*, & *Pinealis glandula*, non ta-
men ut vulgo in ipso Cerebri corpore sed extra tibi apparebunt, facilique agnosces
industria principia esse spinalis medullæ, ut in usu investigando sudorem haud mo-
veas. *Testes* enim portiones sunt radicum medullæ à Cerebro enascentis: *nates* autem
earum, quæ à Cerebello derivantur. *Foramen* deinde posterioris tertii ventriculi per
quod ad quartum viam esse tradiderunt, non aliud est quam intervallum quod ex
concurso quatuor horum corporum sphaericorum ob figuræ necessitatem sequitur &
formatur.

Nates.
Testes.
Pinealis glan-
dula.

Foramen po-
sterius tertii
ventriculi.

Tandem *Ventriculorum* cerebri inspectio restabit, qui ut pateant longa tibi & pro-
funda sectio in basi utrinque faciendæ erit, labraque sectionis ad latera conjiciendæ aut
distrahendæ. Sic manifesto comperies, quoad numerum duos tantum esse Ventriculos:
ratione magnitudinis, ampliores quam vulgo creditur: at *figura*, cerebri formam sequi.

Ventriculi
anteriori.

Quin si advertas majori industria unicum esse affirmabis, distinctum septo lucido. In
his con-

Septum lu-
cidum.

Plexus reti-
formis.

his considerabis plexus retiformes, qui ex membrana & vasis varie inter se complicatis, tum (quod diligenter notandum ex observatione Varolii) innumeris glandulis componuntur.

Dextra & si-
nistra cerebri
pars.
Callosum cor-
pus.

His visis invertendum cerebrum est & ejus superior pars diducenda, quæ falcis inter-ventu (est hic processus superior duræ membranæ) bifariam scinditur. Circa medium utriusque callosum corpus interjacet, quod utramque necit.

C A P V T V I I I .

De Actione & usu Cerebri.

Veteres meri-
to circa Cere-
bri actionem
hallucinatos
esse.



VM omnis quæ de rerum naturalium actione usuve instituitur disquisitionis principium vera sit ac perfecta ipsarum prævia inspectio, quod animus noster in causarum investigatione iis insistat & utatur notionibus, quas sensus mentis satellites obtulerunt; neminem esse statuo, quin tacita protinus vi quadam intelligat majores nostros utcunque summos & in Philosophia exercitatissimos Viros graviter in Cerebri usu hallucinatos esse, quod uti monstravimus plerasque omnes ipsius partes vel imperfecte vel false admodum ob ignotam veram dissecandi rationem cognoverint. Quamobrem & dum ad hanc nos disputationem componimus, ab eorum vestigiis merito discedendum erit, & Recentiorum potius sequenda inventa, quorum ingenio ut primum vera dissecandi Cerebrum ratio in lucem eruta est, ita & occasio data fuit accuratius subtiliusque plurima investigandi. Vtcunque autem necdum omnia sic clara reddita sunt, ut omnes superasse tenebras videantur: credendum tamen fore aliquando qui in hanc rem velut omnium præclarissimam animum diligentius intendentes, quæ nunc mentem nostram fugiunt, clara ac manifestiora reddant. Interim dicamus quæ in hac difficillima resectionum parte nostro sumus assequuti studio, exordium ab ipsa Actione desumentes.

Actio Cere-
bri.

Graves hic mox disceptationes inter Medicos Peripateticosque Philosophos se offerunt. Hi enim cordis refrigerandi gratia conditum, ex duce suo Aristotele lib. 11 de Partib. animal. cap. vii, probare conantur: illi, spirituum animalium generandorum nomine factum non instrenue profitentur. Ego etsi haud ignorem quam longe inter se distent summi hi Viri si primum eorum opiniones recitari audias; non tamen sic sententiis quam verbis à se mutuo mihi dissentire videntur. In eorum ergo concedo placitum, quibus creditur Galenum rem ipsam duntaxat; Aristotelem vero etiam modum indicasse. Ille enim spiritus animales ex vitalibus in cerebro elaborari statuit: hic, modum simul exprimit, quo generatio illa perficitur. Dum enim beneficio arteriarum carotidum tum jugularium venarum spiritus & sanguis in duræ cerebri membranæ sinus effunduntur, temperamento cerebri quod quam cordis frigidius est temperantur, aptique animalibus functionibus (sensu hæc motuque absolvuntur) fiunt. Manifeste id tibi licebit notare, ubi vel vino vel internis caussis cerebrum incaluerit, in quo subito nec mens sibi constat, errantque sensus ac motus labascunt. Nec tamen quod quibusdam visum est secundum substantiam quædam hic vitalium spirituum fit mutatio, quæ totam horum naturam evertat: sed temperamenti solius alteratio quædam perficitur. Quanquam certe credam quoad substantiam attenuationem quoque aliquam accedere, cum nudos magis liberosque ab omni concreta materia, atque vitales spiritus qui sanguini adhærent, usu experiamur. Caterum ipse Aristoteles utcunque à multis hic acerbe reprehendatur, qui obscuritatem ejus exprobrant, prudentissime tamen meo judicio egisse videtur, ut qui modum cum re breviter sic explicare contendit. Nec tamen ita obscuritatem ipse suis verbis vel ambiguitate vocum vel impropria quadam dicendi ratione affert, quam relinquit iis quibus legendi Aristotelem & intelligendi ratio non satis est perspecta. Nam cum loquendi formulas quas ipse habet, tum à nostris hominibus tum imprimis Galeno diversas acerbe nimis subito eludunt, næ illi faciunt ut omnia intelligendo nihil intelligant. Quam enim clarus sit ac quam præclaram sententiam de Cerebri actione protulerit, aperte satis ex laudato loco colligitur, lib. 11 de part. animal. cap. vii, in quo clarissime edocet Animæ nostræ officia muniaque omnia caloris beneficio obiri,

Aristotelis
defensio.

ficio obiri, adeoque & motum ac nutritionem calore absolvi. Calorem autem hunc cum in corde stabuletur ut in fonte, propterea & calidissimum ibi esse: sed cum in aliis aliisque tum partibus tum actionibus mediocritas quædam requiratur, momentum quo hanc assequitur, contrarium postulare. Necessario ergo pars aliqua (talis est Cerebrum) condenda erat, quæ calorem cordis ferventem, id est vitales spiritus temperaret, cujus ope reliquæ actiones ut motus ac sensus absolverentur. Ergo cum Cordis refrigerandi gratia Cerebrum conditum scribit, multa simul non minore elegantia quam brevitate explicat, usum primo, deinde modum, ac tertio materiam. *Usum* quidem, quia Cordis gratia factum: *Modum*, quia refrigerat: *Materiam*, sive subjectum, Calorem. Sed videamus quam apte etiam Galeno assentiat. Calorem inquit cordis refrigerari: at calor hic ubique animæ instrumentum ab eodem vocatur, & hoc ipsum Spiritus alibi dicuntur esse: qui ergo clarius Vitales Galeni spiritus indicasset, cum calorem cordis vocat? Sed & qui melius? cum sic causam illius refrigerationis simul includat, quod scilicet tam ferventem calorem actiones omnes haudquaquam perferant. Galenus tamen strictius hunc usum persequitur, dum sensus motusque gratia fieri id contendit: explicat enim quæ sint actiones illæ, quæ refrigerio cerebri indigent. Ex his concluditur, partibus omnibus sensu motuque præditis facultatem hanc spirituum animalium in Cerebro genitorum ope offerri, haud secus ac Vita ipsa eorum subsidio qui in corde residentes Vitales à Medicis propterea appellantur. Cæterum ut hi ipsi sua ipsorum substantia Arterias pervadunt, omnesque, ad quas transmittuntur, adeunt partes, sic & (superius libro VI, cap. I, id probatum est) animales spiritus nervorum penitissimas partes cum vitalibus sint tenuiores fulminis instar pervadunt, ac temporis momento penetrant. In vivo namque corpore partes quævis apertæ sunt ac raræ ob calorem à corde indefinenter suggestum & pervadentem omnia atque attenuantem, quæ postea ob frigiditatem concidunt mox in morte ac stringuntur. Cerebrum ergo canalibus quoque eget Nervis, non aliter atque Cor Arteriis, quibus idcirco abscissis aut interceptis omnium animalium functionum pernicies subsequitur.

Spiritus animalis in substantia nervos adest.

Intueamur nunc structuram Cerebri, ac videamus ut his actionibus satisfaciat. Primum *in cranio situm est*, ut quam vicinissimum esset sensuum instrumentis, à quibus sensibiles species offerendæ erant, cum Cerebro dignoscendi discernendique eas facultas sit tributa. At enim cum sensuum organa supremum requirant locum, isque à cranio occupetur, quemadmodum id sub principium hujus libri adstruximus, merito & Cerebro hic assignandus erat. *Figura* ergo & ipsa cranii est, quod peculiarem per se nullam requirat actionis suæ gratia, quanquam ut audiemus postea rotunda quam plurimum juvet accommodetque. Est autem *homini* inter cætera animalia *maximum*, quia maxime sanguineus est, adeoque & maxime calidum cor habet & refrigeratione majore indiget. *Substantia* vero ipsa *sui generis est ac peculiaris*, quod cum præcipuum generationis spirituum organum ipsa cerebri sit substantia, & vero hæc ab omnibus aliis diversa, hanc nulli communem esse decuerit. *Crassa* autem est, ne fluere: ne tamen vicissim nimis dura non reciperet specierum impressionem, *glutinosa ac viscida*. *Alba* autem, quia sanguinis expertus: & hoc, ut frigidior esset aliis omnibus corporis partibus, quo calore suo moderato vitalium spirituum calorem remitteret, ut videmus à calore mediocri plumbi eliquati æstum temperari. *Duplex* autem hæc substantia merito est, *partim mollior*, ut ea quæ Cerebro sic dicto strictius; *partim duriuscula*, ut quæ Cerebello competit. Molliores enim nervos & humidiores ut recte Varolius atque ingeniose asserit, Opticos sive Visui dicatos necesse erat, quod Visio mediante humido absolvatur: duriores adeoque siccos magis, Acusticos sive Auditui inservientes, quod quæ sonum apprehendunt organa aliquam ariditatem expostulent. Hinc adeo & illi ex Cerebro; at hi è contra ex Cerebello originem suam ducunt. Quia tamen haudquaquam conveniebat diversa omnimodo nervis qui omnes uni communi functioni deserviunt, principia constituere, ab utroque alia quædam substantia enascitur, quæ quia per Spinam se penetrat, *Spinalis medulla* cognominatur, tamen bene magna ipsius portio calvariæ amplitudine adhuc coercetur. Hæc omnium totius corporis nervorum unum ac commune principium est, quanquam ex gemino corpore ac geminam uti diximus originem capiat.

Usum cerebri.

Cæterum, cum hæc substantia sic mollis ac tenera infinitis opportuna fuisset periculis, nisi firmata aliquo corpore impetum omnem declinaret, *Membranis* eam solers Natura involvit, quas ipsas postea cum nec sic satis tuta in saltibus aliisque corporis violentis motibus foret, cranio quaquaverfum alligavit & quidem præsertim uti firmitus id esset, trajectis quibusdam fibris per suturarum compagines. Harum membranarum *duæ sunt*, ut altera quidem, dura scilicet, contineret nec rumperetur, unde crassior facta est: altera immediate tegetet, ne cerebrum pars mollis ac tenera diffunderet; ne tamen alicubi offenderet, mollis, tenuis, lævisque exstructa fuit. Sed & illa sinibus dicata crassitiem exposcebat: hæc ductus tantum exiliores per cerebrum spargit, per quod uti tutius ferantur comes ipsa varios *anfractus* in superiore ipsius superficie exsculpsit, quibus sese ubivis insinuat. In sinus autem sanguis arteriosus venosusque effunditur, qui mox confusus & Cerebro alimentum & spiritibus animalibus generandis materiam suppeditat. Quicquid enim crassi ac fibrosi in eo est, in nutrimentum cedit: at vitales spiritus exhalantes in Cerebri substantiam attenuatique, mox ac refrigerati fuerint in animales faceffunt, nervisque postea transmittuntur. *Sinus hi quatuor sunt*, ex quibus *primi duo* oblique ascendunt, cum à lateribus utrinque ipsos exstruentia vasa ascendant, quæ in communi sede coeunt: *reliqui* excurrunt partim versus superiora, ut *tertius*; partim ad inferiora, quemadmodum *quartus*. Cum autem quaquaverfum propagines multiplices disseminent, quam commodissime sane omnibus cerebri partibus prospectum fuit. Duo enim priores cerebri quidem posteriorem tantum at totam cerebelli substantiam nutriunt, spiritibusque perfundunt; tertius vero, superiorem; sed quartus, mediam ac inferiorem sedem. Alii rami Venarum Arteriarumque qui cranium subeunt, nec nutriunt cerebrum nec vitam largiuntur, quemadmodum neque horum quæ diximus propago ulla extra cerebrum ad alias partes defertur. Ad crassam enim membranam à minore jugulari vena, tum Carotidis majore ramo vasa accedunt.

Sinus.

Excrementa cerebri.

Ventriculos duos.

Cæterum ut in quavis nostri corporis coctione excrementa quædam separari necesse est, quæ tanquam inutilia primum colliguntur, mox detruduntur: sic eadem ratione in tertia concoctione cerebri, imprimis quia frigidior pars est, vel potius minus ac aliæ caloris particeps, coacervari plurima necessitate quadam colligitur. Sunt hæc crassa viscidaque (Mucum vulgus Medicorum appellat) quæ uti coacerventur alicubi sapiens Natura *Ventriculos duos* (revera enim duo tantum sunt) efformavit, è quibus postea per anteriorem tertii dicti ventriculi meatum, tum per pelvim sensim ad glandulam pituitariam transmittit, à qua ad inferiores inde partes stillando deducitur. Ac si moderate quidem recrementa hæc congerantur, oculis affluunt, pro musculis: tum nervis, pro eorundem principiis, ne in motibus partium quasi perpetuis exsiccentur, irrigandis: his enim muniis etli abusu quodam abhibeantur, maxime tamen necessaria videbantur. Iam si abundent, vel errore externo aut debilitate cerebri, ad spongiosi ossis sedem nonnunquam (frequentissime id adeo hyberno tempore frigoris gratia evenit) affluunt, ubi obstructions foraminulorum inferentia Gravedinem excitant. At enim cum promptum foret ut vel sua natura quæ viscida est, vel mora diuturniore in cerebro tenacior materia hæc reddita ventriculorum parietibus, tum inferioribus cerebri sedibus adhereret, sicque irremediabiles concitaret obstructions, provida in cunctis Parens plexus Choroides ex arteriis infinitis efformavit, quarum tum motu tum calore ac spiritu attenuata sensim deturbantur. Quia etiam excrementa haud unquam in suum concedunt locum, sed vel expultricis facultatis vi qua truantur, vel attractricis ut trahantur indigent, *Glandulis* iidem hi plexus pleni sunt, quarum substantia, vel magni illius Hippocratis testimonio, quocunque corporis loco inveniatur serosorum humorum expurgationi dicata est. Sunt autem arteriæ hæc glandulæque membranulæ tenuis, densæ tamen ope connexæ, ut à disruptionis periculo cui tenuitatis suæ gratia objectæ erant, vendicarentur. Quemadmodum autem à viscositate discrimen erat, ne obstructio oboriretur: sic ubi acridinem recrementa hæc suscipiunt, epilepsiæ vellicato nervorum principio quod circa spinalem medullam est, periculum imminet.

Reliquarum partium quæ in Cerebro sunt, usus ex dictis facile colliguntur, ut demonstratione prolixiore haud egeant, dum veram modo disseccandi rationem & noris probe

probe ac studiose sequaris. *Testes* enim & *Nates* portiones tantum esse radicum medullæ à cerebro tum cerebello enascentis, ipsa inspectio docebit: *foramen* autem *posterius tertii ventriculi* non aliud quam meatum ex horum globosorum corporum concursu enatum ipse conjicies. Vbi enim cumque quatuor sphaeræ sese contingunt, in medio intervallum quoddam spatiumque interjici nulli nec dubium est, nec obscurum. *Glandula pinealis* his adstans glandula est divaricationem sinus quarti sustinens, ac versus anteriora deducens. Ipse autem *quartus Ventriculus* & extra ipsam Cerebri substantiam consistit (unde nugæ sunt spiritus eum suscipere) & nihil est aliud, quam cavitas ex sinu Cerebelli & medullæ spinalis enatus. Ille, ob concursum processuum vermiformium fit; hic, ob unionem duorum truncorum. Ex necessitate ergo fabricæ horum corporum, non finis alicujus gratia qui quidem Cerebri actioni inserviat, conditus videtur.

Testes.
Nates.
Foramen posterius tertii ventriculi.

Glandula pinealis.

Quartus ventriculus.

C A P V T I X.

De oculo interno, sive visus instrumento.

IN capite Cerebrum si late hoc vocabulo utaris, tum sensuum instrumenta contineri ab initio hujus libri diximus. Cum ergo quantum præsens institutum requirebat abunde satis de illo verba fecerimus, reliquum videtur ut de his quoque sermonem exordiamur. Sed enim cum sensuum alii quidem interni dicantur, alii externi; illos Cerebro tanquam instrumento proprio uti apud omnes pæne pro confesso habetur; modum tamen ipsum nemo fortasse adhuc est qui aperuerit, cum fere sic evenire videamus, uti anima nostra licet infinitarum rerum cognitionis sit capax & in divinarum quoque scientiam penetret, seipsam tamen immersa his corporis vinculis intelligere neutiquam possit. Externorum vero sensuum domicilia quinque sunt, quod totidem reperiantur objecta, quæ sensibus obversantur; non tamen omnia in cranio collocata sunt, sed quatuor tantum, diffuso per totum corpus quinto quod Tactui debetur. Exordiemur ab *Oculo* qui visui dicatus est, cum & subtilissimo objecto gaudeat, & hanc mortalium vitam beatam ex omnibus quam maxime reddat, quo sine voluptas nulla, nulla jucunditas est, cum immensam hanc rerum pulchritudinem eum necesse sit fugere, qui visu destitutus perpetuis tenebris urgetur.

Sensus.

Dicitur autem *Oculus*, ὀφθαλμός Græcis, quasi ὀπίς οὐλόμῳ, sedes ac domicilium visus; & vel externus est, de quo libro primo actum fuit, vel internus. *Externus* dicitur, qui citra dissectionem conspicuus est; ad quem referuntur supercilia, palpebræ, tarfi, cilia, tum glandulæ & foramen lacrymale: *interior* contra, qui dissectionis beneficio innotescit. Conficitur hic ex musculis, adipe, vasis, tunicis & humoribus. De *musculis* libro quarto dictum est: de *adipe* pauca monenda sunt, si dicamus copiosum satis oculis apponi, interjectum inter musculos & vasa, qui servit ad eosdem irrigandos, ne in motu qui perpetuus quasi & continuus est, exsiccentur. *Vasa* omnis sunt generis: *Venæ*, à jugularibus ortæ: *Arteriæ*, à Carotidibus: *Nervorum* duplex genus, ^b unum sensum primario impertiens: ^c alterum, motum: illud, primum par & Opticum: hoc, secundum & motorium vocatur: cæterum utriusque historia libro septimo enarrata est. Restat ergo ut hic de solis tunicis humoribusque agamus.

Oculus.

Externus.

Internus.

Musculi.
Adips.

Vasa.

Nervi.

De *Tunicarum* numero magna lis est inter Anatomiarum procures, quam ipsam ut declinemus inspectioni potius quam authoritati insistamus, sed & hac divisione evitabimus. *Alias* enim dicimus tunicas quæ ipsum oculi globum efformant, pro humorum receptione: *alias*, quæ adnascuntur oculo, ut alligent vicinis partibus: *nonnullas* demum, quæ humores ipsos immediate cingunt, ne inter se confundantur. *Primi ordinis sunt*, quæ proprie oculorum tunicæ vocantur: *secundi*, quæ improprie: *terti*, quæ humorum membranæ appellari quam commodissime queant. *Primi ordinis*, ab optico nervo efformantur, qui ^d cum triplici constet substantia (conflatur enim ex duabus cerebri membranis dura tenuique, tum ipsa ejusdem molli natura) à se mutuo quod in nullo alio totius corporis nervo videre est separata, mox expansa & se conglobante, tres quoque sunt numero; ^e una, crassa, à dura; ^f altera, tenuior, à tenui; ^g ultima, mollis,

Tunica.

à cerebri ipsissima substantia producta. *Prima*, ^a Dura dicitur : *secunda*, ^b Vvea ; ^c *ter-*
tia, Retina vel Retiformis. *Secundi ordinis*, duæ sunt : *altera* enim à pericranio constitui-
 tur, & ^d Adnata vocatur ; *altera*, à tendinibus musculorum oculorum duræ tunicæ im-
 plantatis, & Innominata appellatur quasi incognita Veteribus nomen indepta haud fue-
 rit, cum tamen expressam ipsius mentionem Galenus, lib. x de Vsu part. cap. 11, fece-
 rit, ubi ad circulum, inquit, sexta quædam tunica extrinsecus prope accedit in duram
 tunicam inserta, in quam musculorum oculos moventium enervationes (id est, tendines)
 finiunt. Prior ergo ex his, orbitæ ; posterior, musculis oculum alligat. Humorum cum
 tres sint ut postea dicetur, Aqueus quidem nullam habet membranam, quæ ipsum
 coërceat : at Crystallinus & Vitreus membrana cinguntur, quas opportune Crystalli-
 nam, Vitreamque dicemus. ^e Dura ergo tunica, Græcis σκληρώδης dicta, omnium oculi
 membranarum substantia durissima crassissimaque est, situ extima, colore cinereo. Hanc
 nonnulli Arabes secuti in duas dividunt, posteriorem inquam, & priorem ; illi totius
 nomen tribuunt, hanc à substantiæ similitudine *Corneam* appellant. Pellucida enim est
 instar laminæ corneæ bovinæ, eundem etiam colorem refert : magnitudine tamen alte-
 ri usque adeo cedit, ut non ulterius se extendat quam crystallini humoris est ambitus.
 Rotunda ergo quoque velut ipse est, perque eam iridem & pupillam apertis oculis ex-
 trinsecus tanquam duas hasce partes cooperientem intuemur. Gibbam sedem antero-
 rem habet, at posticam concavam, densa, dura, æqualis ac tensa. ^f Vvea, ab optico
 nervo usque ad iridis ambitum sive Coronam sese expandit, ac totam eam oculi par-
 tem quam dura usque ad corneam cingit. Atra est in utraque sua facie, sic tamen ut
 in exteriori color hic facile à digitis detergatur, at in interiori inseparabilis sit. In bo-
 bus interior cærulea est, externa perpetuo nigricat. Hanc Herophilus folliculo uvæ ni-
 græ ex qua succus cum gigartis expressus est, haud inepte assimilavit, ῥαγοειδὴν vocans.
 Cum enim colore conveniant, foris quoque ut folliculus hic lævis est, intus asperius-
 cula, ante perforata, unde & aliis περιμύκη appellatur. Foramen hoc *Pupilla*, Græcis
 κόρη, & quia nigrum esse solet, *Nigrum oculi* quibusdam dicitur, ea sede exsculptum quæ
 centrum corneæ ambit. Est autem in homine, rotundum : in bove, ovale : in fele, fis-
 suræ instar oblongum, cui dilatatio ac constrictio pro ratione lucis vehementioris aut
 debilis ingressu vel recessu competit. Cæterum membranam hanc similiter ut duram
 in duas nonnulli auctoritatem sequentes Arabum divisere, quarum priori totius no-
 men tradidere, *Vream* vocantes : posteriorem χοροειδῆ, *Chorioformem* dixere, quod Cho-
 rii in modum plurimis venulis arteriolisque interna sui sede sit perfusa. At enim cum
 nullibi discrimen reperire sit, ne præter necessitatem immensam rerum nostri corporis
 copiam augeamus, unicam constituere satius est quam Vream appellare cum Hero-
 philo, quod commodissime nomen hoc inventum fuisse videatur, fas erit. *Retina* vel
Retiformis, ἀμφιβληστροειδής, quod figuram exprimat retis rotundi quod in aquam orbicu-
 lariter projicitur, & ἀμφιβληστρον vocatur, ὡς τὸ ἀμφιβάλλειν, quod *circumjicere* significat :
 Latini everriculum dicunt. Hæc à nervi optici medio & extremo mucosa & rubescens
 nonnihil ad crystallinum usque humorem cujus ambitum complectitur, sese extendit.
Adnata, ὑπὸ πτεφυκῶς, à pericranio originem suam ducit, quod ubi palpebram succinxerit,
 reflectitur & totum illum album oculi bulbum quem citra dissectionem in vivis intue-
 mur, usque ad corneæ circumferentiam contegit. *Innominata* autem à tendinibus mu-
 sculorum oculos moventium producit, qui sub adnata tunica progredientes in ean-
 dem prope iridem locum terminantur. *Crystallina*, quam & *Araneam* & ὑαχνοειδῆ Græ-
 ci vocant à tenuitate qua aranearum telas æmulatur, æqualis est, densa, lævis, ejus-
 dem & figuræ ac magnitudinis cujus est crystallinus humor quem succingit, non ta-
 men paris ubique crassitie. Anterior enim pars, quæ aqueum humorem respicit, sic
 tenuis est ut multis occasionem præbuerit dubitandi essetne crystallinus humor mem-
 brana involutus : posterior, crassiuscula videtur. *Vitrea*, ὑαλοειδής, humoris vitrei tuni-
 ca tenuissima, alba ac lævis est, quæ facile se prodit cum ea incisa quem continet humor
 effundatur.


^g Humorum interni oculi tres sunt, ^h Aqueus, ⁱ Crystallinus, ^k Vitreus, à rebus il-
 lis quibus quam simillimi sunt, suum nomen indepti & eodem quo recensuimus or-
 dine in oculo siti. *Aqueus* enim aquæ instar fluidus, nullaque interceptus tunica an-
 gustiis

gustis illis, quæ inter corneam uveæque foramen & crystallinum sunt, anteriore maxime sede intercluditur, quantitate quoque reliquis admodum cedens. Hunc sequitur *Crystallinus*, *κρυσταλλοειδής*, aranea contentus membrana, concretæ glaciei purissimæ æmulus, lenticularis potius quam exacte sphaericæ figuræ, quæ causâ est cur à Ruffo Ephesio *Lenticularis oculi pars* fuerit vocatus. *Vitreus* sive *ὕαλοειδής*, quod vitrum liquefactum colore, consistentia ac splendore exprimat, copiosissimus, à tergo crystallini quo quintuplo major situs, totumque fere oculi bulbum adimplens.

A C T I O *Oculi* nulli non manifesta est, nimirum *Visio*: at *Vsus* partium ipsius præcipui non rectius queunt explicari, quam Visionis ratione sedulo percepta. Ad hanc tria requiruntur; instrumentum, objectum, & quod utrumque intercedit medium. *Instrumentum* est *Oculus*; *Objectum*, res visibilis; *Medium*, aër illustratus & à re visibili maximeque ejus colore affectus. Aërem enim affici ab objecto visibili, immutarique pluribus experimentis nullo negotio probari potest. Candida namque induti veste si æstivo tempore ac sereno sub virente confideant arbore viridi colore à foliis veluti tingi videbuntur. Hæc aëris mutatio non quatenus aër est eidem accidit, non enim illustratus nihil hujusmodi patitur; sed quatenus diaphanus est ac perspicuus, & verbi gratia à solis radiis illustratus. Lux namque corporis colorem attingens coloratur; sensus autem formam citra materiam suscipit. Ob hanc ergo causam duabus ex partibus internus oculus exstruitur, ex diaphanis inquam & opacis. Diaphanæ sunt ex tunicis quidem, *Cornea*, *Aranea* ac *Vitrea*, omnesque humores: ceteræ membranæ, opacæ. Diaphanæ ergo partes anticam oculi sedem occupant, ut ab affecto aëre & ipsæ afficiantur, ab illuminato & ipsæ illuminentur: opacæ contra, in posteriore & à lateribus sitæ sunt, ut lumen melius clariusque per diaphana corpora penetret & splendet. Sic in profundo putei fundo si obscurissimus sit, meridianis horis stellæ comparebunt. Cæterum cum in omni organo pars una sit, cui potissimum actio refertur accepta, quæ & *primaria* propterea dicitur, in oculo quidem plerorumque fere omnium Anatomicorum consensu *humor Crystallinus* illa perhibetur. Ego vero in visione duas præcipue partes constituendas arbitror: unam, quæ lumen immutatum sentit; alteram, quæ recipit: illa, ni fallor retina est tunica; hæc, vitreus humor. Hic enim, quam crystallinus optico nervo multo est vicinior, ultimamque propterea & maximam suscipit refractionem. Merito ergo *Cornea gibba exterius est*, ut in oculum magna corpora aliæque res visibiles, etiam ex obliquo inciderent: *interius convexa*, ut humori aqueo (sub ea enim totus continetur) conveniens spatium tribueretur. Eundem ut retineret, neve aut diffunderet aut exhalaret, *densa* facta est; & ne perumperetur aut facile erosa damnum acciperet *tum* à fumo acribusque foris incidentibus, *tum* à lacrymis excidentibus, *dura* est exstructa. *Æqualis* ac *tensa*, ne species visibiles corrugatæ offerrentur: Diaphana vero, ut lux ad humores qui lucis in oculo refractiones efficiunt, transiret. Prima enim in aqueo fit cum cornea; secunda, in crystallino; tertia in vitreo. Fit namque visio per refractionem: refractione diversa corpora postulat, diversæque magnitudinis ac splendoris. Rursus inter opacas partes tunica *Dura* facta est, ad oculum in sua rotunditate conservandum. *Vrea*, nigra interius & exterius, ut aqueus crystallinusque humores obscurarentur impensius, sicque lux oculum subiens splenderet magis ac colligeretur: absque hoc enim foret, ad profundum locum non penetraret. *Foramen ureæ datum*, ut res visibiles admitteret: *Crystallina* ac *Vitrea*, ut suos humores terminent, ne diffuant.

C A P V T X.

De Aure interna, sive organo Auditus.



VDI TVS organum, *Auris* dicitur à vocibus hauriendis, quod ejus est officium. Hæc duplex est; una, externa; altera, interna; eadem sane ratione qua Oculum geminum diximus. **E X T E R N A**, Græcis diminutive *ᾠπρον* dicitur, quos Latini recte imitati *Auriculam* vocant: Interna, totius nomine gaudet ac verum præcipuumque auditus est organum. Appellationes illius partesque a libro primo persequuti sumus, hic figuram tradamus, quæ pæne ovalis si latitudinis circumferentiam spectes: sin altitudinis,

Cavitates. dinis, exterius ubi occipitium respicit, magna ex parte gibba; interius, tribus cavitatibus sinuata. *Prima*, intima est, ^a auditorium meatum constituens & ad tympani ^{a, 1, 3, b} usque membranam penetrans: *Secunda*, quæ hanc immediate ambit, latiuscula ac ^b Concha dicitur: *Tertia*, sub oris auriculæ reflexa totam fere ipsam circumit, & in- ^{b, c} nominata remansit. *Componitur* ^c superior auriculæ pars, ex cartilagine, cute tenui & mem- ^{c, a} brana carnosâ, per quarum externam superficiem quæ caput spectat, exiguæ venæ atque arteriolæ à venis jugularibus tum carotidibus arteriis ortæ excurrunt. ^d Inferior ^{d, b} pars (*Lobus dicta*) ex molli spongiosaque carne constat, cute oblecta citra membranam carnosam. Ipse autem *auditorius meatus*, partim cartilagineus est, ut foris; partim osseus, ut sede interna. Cæterum *Vsum* Auriculæ egregie nobis clarum reddunt quibus vel frigoris injuria periit vel gladio abscissa est, cum articulatam sonum nequam apprehendant, sed fluentis instar aquæ murmur duntaxat percipere sibi videntur. Percussus enim aer neque præparatus neque collectus prius à cavitatibus auriculæ in meatum auditorium compellitur. Ipsa autem auricula cartilaginea est, ut commodè omnibus externis resisteret, nec tamen in se mollitie concideret, quo pacto & aliæ partes extremæ è cartilagine, ut superius ^e libro tertio diximus, exstructæ ^{e, c, 1} fuerunt.

Interna. INTERNA auris in osse temporum consistit, sed ea ejus parte, quam ^f os petrosum ^{f, 2, S.S.} appellamus. Habet hæc cavernas tres, membranas, ossicula tria, musculos duos, & nervum. *De ossiculis*, ^g libro secundo actum est; *de musculis*, ^h quarto: *de nervo*, ⁱ septimo: ^{g, c, 1, 2, 3, 4, 5, 6, 7, 8, 9, 10, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, 67, 68, 69, 70, 71, 72, 73, 74, 75, 76, 77, 78, 79, 80, 81, 82, 83, 84, 85, 86, 87, 88, 89, 90, 91, 92, 93, 94, 95, 96, 97, 98, 99, 100} Cavernæ ergo & membranæ hic explicandæ erunt.

Cavernarum. *Prima.* Cavernarum ^k prima, Tympanum à nonnullis Recentioribus vocatur, quia tympano ^{k, 1, 2, 3, 4, 5, 6, 7, 8, 9, 10, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, 67, 68, 69, 70, 71, 72, 73, 74, 75, 76, 77, 78, 79, 80, 81, 82, 83, 84, 85, 86, 87, 88, 89, 90, 91, 92, 93, 94, 95, 96, 97, 98, 99, 100} bellico instrumento cum sua membrana impendio quam similis est. Hæc omnium maxima ossis petrosi principio insculpta ea sede est, quæ mammillaris processus radicem & sinum qui maxillæ inferioris capitulum suscipit, intercedit. Continet autem in se tum aërem illum quem implantatum Philosophi appellant, tum duo foramina, ^l unum ^{l, 1, 2, 3, 4, 5, 6, 7, 8, 9, 10, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, 67, 68, 69, 70, 71, 72, 73, 74, 75, 76, 77, 78, 79, 80, 81, 82, 83, 84, 85, 86, 87, 88, 89, 90, 91, 92, 93, 94, 95, 96, 97, 98, 99, 100} majusculum, per quod in secundam cavernam itur; ^m alterum minus, quod in tertiam tendit. ⁿ *Secunda*, Labyrinthus dicitur, & in ossis petrosi radice insculpta rotunda est, in ^{n, 1, 2, 3, 4, 5, 6, 7, 8, 9, 10, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, 67, 68, 69, 70, 71, 72, 73, 74, 75, 76, 77, 78, 79, 80, 81, 82, 83, 84, 85, 86, 87, 88, 89, 90, 91, 92, 93, 94, 95, 96, 97, 98, 99, 100} innumeros & anfractuosos meatus magna ex parte posterius ad mammillaris processus interiora tendentes definit. ^o *Tertia*, quam Cochleam appellant, omnium minima est, ^{o, 1} cochlearumque gyros perquam affabre exprimit, in anteriore sede processus petrosi sub primæ cavitatis tuberculo sita.

Membranarum. Membranarum complures sunt, pellucidæ ac araneæ telarum instar tenues, quæ priores duas cavernas, nonnullosque in labyrintho meatus investiunt. ^p Vna est præ ^{p, 1, 2, 3, 4, 5, 6, 7, 8, 9, 10, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, 67, 68, 69, 70, 71, 72, 73, 74, 75, 76, 77, 78, 79, 80, 81, 82, 83, 84, 85, 86, 87, 88, 89, 90, 91, 92, 93, 94, 95, 96, 97, 98, 99, 100} cæteris maxime nobilis à Barbaris *myrinx*, à Recentioribus quibusdam Tympani membrana vocata. Hæc rotunda est, cæteris crassior, ^q annulo illi osseo qui ^r tympano sive ^{q, 1, 2, 3, 4, 5, 6, 7, 8, 9, 10, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, 67, 68, 69, 70, 71, 72, 73, 74, 75, 76, 77, 78, 79, 80, 81, 82, 83, 84, 85, 86, 87, 88, 89, 90, 91, 92, 93, 94, 95, 96, 97, 98, 99, 100} primæ cavernæ circumjicitur, quaquaversum adnata, adeoque & veluti septum quoddam eam ipsam ab auditorio meatu separans. Post hanc in eadem caverna ^s tria ossicula ^{s, 1, 2, 3, 4, 5, 6, 7, 8, 9, 10, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, 67, 68, 69, 70, 71, 72, 73, 74, 75, 76, 77, 78, 79, 80, 81, 82, 83, 84, 85, 86, 87, 88, 89, 90, 91, 92, 93, 94, 95, 96, 97, 98, 99, 100} continentur, à figura Malleus, Incus, & Stapes dicta; *musculusque* exiguus, quem supra Internum auris internæ vocavimus.

Astio. Auditus sive actio auris ut Recentiores asserunt Anatomici, accidit cum sonus, qui solidorum corporum velociter percussorum qualitas sensibilis est, vicino aëri tanquam proprio subjecto impressa ad aurem internam & ejus præcipue membranam tympanum obcingentem per continuatum aërem defertur. Ingreditur enim hic aer commotus primam cavernulam, in qua implantatum illum aërem movet, quo commoto reliquus qui in aliis continetur cavernis agitur & ad nervum tandem pertingit, à quo tandem percipitur.

CAPUT XI.

De naso interno, sive olfactus instrumento.

INSTRUMENTUM Olfactus nonnulli, vulgi sententiam sequuti, nasus esse arbitrantur. Galenus modo anteriores cerebri ventriculos, modo processus mammillares autumat; quia tamen hæ partes concurrere ad olfaciendum videntur, dicamus Odoratus instrumentum ex duplici constare parte, externa nempe & interna. *Externa*, Nasus vulgo dicitur, & tribus ex ossibus constat, de quibus^a libro secundo actum est: ex cartilaginibus quinque, quarum historiam in^b tertio persequuti sumus: tum cute membranæque carnosæ, quarum tractatio sub generali continetur, quam^c libro octavo exhibuimus. Illius membranæ enarratio omissa adhuc est, quæ interius nasi foramina investit & acutissimum habet sensum, tenuis & rubicundi coloris. Hæc, quo cerebro vicinior sit, maximeque circa elatiorem nasi regionem, sensum acquirit exquisitiorem: mox vero cristosum os succingit ac foraminulis totidem quo ipsum pertunditur, per quæ mucosus humor gravedine presso capite exstillat vacuaturque.

Externus.

Ossa.
Cartilagines.
Membrana.
Cuta.

Cæterum internæ partes instrumenti olfactus sive nasi interni, os sunt cribrosum, crassa & exsanguis membrana obcrustatum ea sede, qua cerebrum respicit, tum processus mammillares. Ex^d cerebri enim anterioribus partibus duo veluti tubercula vaccarum mammis similia prominent, quæ ideo *mammillares* (ab aliquibus *papillares*) *cerebri processus* vocantur. His subjacet^e anterior pars (incumbens adeo ossi cristoso) octavi paris nervorum cerebri, per quos ad cerebrum deferri, apprehendi autem primum odores per processus mammillares credimus, cum os cribrosum ad odoratum primario non concurrat, sed tantum odoribus viam concedat.

Internus.

Os cribrosum.
Processus cerebri mammillares.

CAPUT XII.

De gustus, tactusque instrumentis.

GUSTUS tactusque instrumenta hic jungimus, quod Gustus, vel Aristotele teste cui omnes subscribunt, quædam tactus sit species. De neutro tamen multa dicenda sunt, quod omnium quoque confessione Gustus instrumentum sit Lingua, cujus historiam in^f libro quarto recensuimus, quanquam primaria pars tunica illa sit, qua obcingitur. Nervi deinde quas partim à quarta, partim septima conjugatione eorum qui à spinali medulla dum in cranio adhuc est oriuntur, accipit, superius quoque libro septimo sunt explicati. De tactus organo è diverso lites movent Dissectionum Professores innumeras, quia tamen certum est immediatum aliquod constituendum esse quod competat partibus tam diversis tactu præditis, Cuti, Membranæ, Nervo, Tendini, Carni, non melius possumus, quam si dicamus Carnem esse, non illam intelligentes quæ vulgo sic vocatur, sed quicquid fibris nerveis constipatur ac molle est. Sic facile infinitis nos subtrahemus disputationibus, quas Philosophi Medicique instituunt, modumque inveniemus qui sententiam utrorumque nectat.


GRATIAS TIBI DOMINE IESU.



INDEX LIBRORVM

DE

HVMANI CORPORIS FABRICA

A.			
	Bdomen, 7. 8. improprie pro imo ventre sumitur, <i>ibid.</i>	Anastomosis venæ mammariæ & epigastricæ, 109 & 266	tudine, <i>ibid.</i> progressu, <i>ibid.</i> situ, <i>ibid.</i> connexione, <i>ibi</i>
	Abdominis compressio, 110. quo fine instituta, <i>ibid.</i>	Anatomia quid, 164	Arteriarum substantia qualis, 139. 17 & 17
Abdominis musculi qui dicantur esse & quot, 108. nihil ad respirationem faciunt, 101. probatur, <i>ibid.</i>		Anchoriformis processus, 48	Arteriarum color, 1
Abdominis musculorum usus duplex, 110		And. Laurentii de implantatione vasorum deferentium in uterum sententia notatur, 260. ejusdem de peritonæi crassitie error, 214. ejusdem error circa musculos abdominis, 101	Arteriarum fibræ in interiore tunica transversæ, in exteriori rectæ & obliquæ, 172. & cur, <i>ibid.</i> & 17
Abdominis oblique descendentes musculi, 108. eorum vera origo, 101 & 108. usus & actio, 110		Aneurisma unde oriatur, 172	Arteriæ duplici membrana constant, 17
Abdominis oblique ascendentes musculi, 108. eorum actio & usus, 111		Animalia bruta in dorso pilosiora contra ac homo, & quæ ejus rei causa, 210	Arteriarum membranæ sensu carent, 17
Abdominis recti musculi, 108. eorum figura, <i>ibid.</i> intersectiones tres, 109. vasa, <i>ibid.</i> eorum actio & usus, 111. thoracem flectunt, 112		Animalia pilosiora sunt ratione regionis in qua degunt & cur, 210	Arteriarum sanguis tenuis, 17
Abdominis recti musculi quasi in vagina inclusi sunt, 113. duo habent principia & fines ex mente auctoris, <i>ibid.</i>		Animalia hyeme cur pinguescant magis, quam æstate, 211	Arteriarum sanguis in quibus differat sanguine venoso, 17
Abdominis transversi musculi, 109. eorum actio & usus, 114		Animalia quæ venas habent, habent & arterias & cur, 172	Arteriarum pulsus à corde influit, 17
Abdominis pyramidales musculi, 109. sunt distinctum par à rectis, <i>ibid.</i> non reperiuntur in omnibus, 110. & quando non reperiuntur, <i>ibid.</i> eorum actio & usus, 114		Animalia quædam sanguinea, alia vero exsanguia & cur, 166	Arteriarum & cordis pulsus fit simul, <i>ibi</i>
Acerabulum, 26		A'ν'περεων, 6	Arteriarum non eadem semper proportio, 17
Adeps, <i>vide</i> Pinguedo.		Α'ν'θρεωπινη, 202	Arteriæ semper sibi comites venas habent, 17
A'δενες venarum, 140		Α'ν'παδες, 282	Arteriæ corporis extima, ut venæ, non accedunt, 173. visi tribus quatuor in locis, 139 & 17
Α'δελφ' Α'λφωνοι quid sit, 207		Α'ν'πηναρ, 11	Arteriæ etiam in ossa penetrant, 17
Aër substantia sua non ingreditur cor, 278		Α'ν'πινύμιον, 12	Arteriarum spiritus non contaminantur, etsi recipiant humores excrementitios, 177 & 18
Aër non facit ad generationem spiritus vitalis, 283		Α'ν'πινύμιον, 11	Arteria aorta ejusdemque historia, 17
Æthiopes cur nigri, 205. capillos habebant breves, 210		Α'ν'ωγένος, 39	Arteria axillaris, 17
A'γείον, 139		Α'ν'ώχελον, 5	Arteriæ capillares, 173. coronariæ, 17
A'γεία παρ'ασυναστικά, 147		Anus, 9. ejus musculi, 115	cutaneæ, 173. carotides, 175. viliacæ, 17
A'γκών, 10. 58		A'ορτή dicta arteria, 174	Carotides arteriæ. encephalica, 17
Α'ιδούον γυναικῶν, 254		Α'πέχ' κνάμων quid denotarit apud Pythagoricos, 248	iliacæ, 17
Α'ίμα, 164		Apophysis, <i>vide</i> , Processus.	Arteriæ magnæ quæ dicantur, 173. m
Α'ιγυλωψ, 4		Apoplectici cur diaphragmatis motum resolutione totius corporis facta, liberum tamen aliquamdiu habeant, 195	dioces, <i>ibid.</i> minores, <i>ibid.</i> m
Α'καυθα, 48		Appendix ossium, 25	mæ, <i>ibi</i>
Α'κρόχειρ, 10. 11		Appendicum usus, 25	Arteria magna sive Aorta, 17
Α'κρόχειρον, 48		Aquapendens primus invenit valvulas venarum, 140	Arteriæ magnæ ortus ex corde, 174. d
Α'κρωμύλαι, 12		Aquapendens invenit muscolum alterum velicæ, 115	visio in truncum ascendentem & d
Ala, 6		Aquapendentis opinio de usu musculorum pyramidalium, 114	scendentem, <i>ibid.</i> quas partes ute
Alæ sub vulva, 10. 255		A'εχ'νοειδής oculi tunica, 300	que truncus alat, <i>ibi</i>
Alæ in dorso, 47		Areola, 7	Arteriæ magnæ truncus ascendens, 17
Alati quinam, 47		Άεζ'μο, 12	ejus situs notatu dignus, <i>ibi</i>
Alimentum quotuplex, 165		Aristotelis opinio circa usum cerebri laudatur, 296. à multis male non intellectus, reprehenditur, <i>ibid.</i>	Arteriæ magnæ truncus descendens, 17
Album oculi, 5		Aristoteles musculorum mentionem nulli facit sed carnes illos vocat, 79	hujus progressus, <i>ibi</i>
Alveoli dentium, 42		Aristotelis argumenta refutantur, quibus probare voluit Cor esse principium venarum, 143 & seqq.	Arteriæ mesentericæ, 179. trahunt chy
Alvus quibus natura fluentior, 20		Aristotelis aliquot locorum explicatio, <i>vide</i> explicatio loci Aristotelis.	lum ex Galeni sententia, 180. pu
Α'μαρυγαι, 3		Άεζ'μια, 5	gant quoque humores excrement
Amygdalæ quæ Chirurgis dicantur, 282		Άεζ'μωνία, 28	tios, <i>ibi</i>
Anastomosis venarum duplex, 147		A'επτεία unde dicatur, 6. 171 & 281	Arteriæ præparantes viri, 247. ex tru
Anastomosis venæ Portæ & Cavæ in jecore, 147. quem usum præstent, <i>ibid.</i>		Arteriæ etymologia, 171. homonymia, <i>ibid.</i> synonymia, <i>ibid.</i> definitio, <i>ibid.</i>	co enascuntur, <i>ibi</i>
Anastomosis arteriæ mammariæ & epigastricæ sub rectis abdominis musculis, 175		Arteria aspera, <i>vide</i> pulmonum aspera arteria.	Arteria splenica, 179. ejus usus mult
		Arteriæ actio, usus, & necessitas, 172	plex & notatu dignissimus, <i>ibi</i>
		Arteriarum differentia, 173. à magni	Arteriæ subclaviæ, 17
			Arteria venalis, 184. non ducit aërem
			pulmonibus ad cor, <i>ibid.</i> cur ven
			substantiam habeat, 27
			Α'εθ'ία τερχ'ία, 28
			A'εθ'ρον, 26. ambiguitas, <i>ibi</i>
			Α'εθ'ρον, 26. manus, 1
			Α'εθ'ρον, 26. articulus, 2
			Articulatio laxa quid requirat præ ali
			Articulus, 26. ambiguitas, <i>ibi</i>
			Articuli manus, 1
			Artus, 10. proportio & magnitudo, 2
			dextræ partis majores & cur, <i>ibid.</i>
			quibus causis proportio varietur, <i>ibi</i>
			su

sunt æquales in corpore proportiona-
to, *ibid.*
rtuum ossa, 32
σπῶμα, 7
Aspera arteria, *vide* pulmonum aspera
arteria.
Astragalus, *vide* Talus.
σεύον, os. 64
Arabilarii humores per quas vias ex-
purgentur, 180
Auditorius meatus, 302
Auditorius nervus, 191
Auditus ossicula, 37. eorum numerus,
ibid. substantia, *ibid.* magnitudo, *ibi.*
historia, *ibid.*
Auditus organum, 301
Aures & earum partium appellationes, 6
Aurium motus, 94. musculi, *ibid.*
Auris externa, 301. figura, *ibid.* cavi-
tates, 302. partes, *ibid.* usus, *ibid.*
Auris interna, 302. ejus cavitates, *ibid.*
meatus, *ibid.* membranæ, *ibid.*
Aurium pinnae, 6. lobi, *ibid.* fibræ, *ibid.*
helix, *ibid.* ἀνθήλιξ, *ibid.* conchæ, *ibid.*
hircus, *ibid.* τεύχον, ἀντίτευχον, *ibid.*
Auricula, 6. ejus cartilago, 70. mo-
tus, 94. musculi, *ibid.* *vide* etiam
Auris externa.
Auricula cordis, *vide*, cordis auriculæ.
Auctor non discedit à Galeni sententia
nisi victus oculorum inspectione, 252
Auctor septem linguas callet, 164
αὐλὴ, 6
αὐλὴ τῆς μήτρας, 257
αὐλὴ ἰσθμοῦ, 25
Aulla, 6
αὐλὴ vena, 154. *vide* vena αὐλὴ.

B.

βλαστόν, 9
Basilica vena, *vide* Vena basilica.
Biceps musculus, 119
Bilis usus, 239
βίλα, 4
βίλα, 5
βίλα, 8
Bachiale, 11
βῆχων, 10. 57
Bachium, 10. 57. duas habet signifi-
cationes, 10. ejus partes, *ibid.*
βῆμα, 2. etymon, *ibid.*
βῆμα, 282
βῆμα, 72. 281
Bacca, 5
Baccarum motus, 91. musculi, *ibid.*
Balsa virilis, 9

C.

Ceci nonnulli à vulnere frontis, alii à
subito oborta dysenteria visum rece-
pere, 189
Cecitas repentina quibusdam à sterna-
tamento nimio oborta, 189
Cecitatis cujusdam causa & curatio, 189
Caneus, 13. 64. ejus latera, 64
Calmus scriptorius in cerebro, 292
Calmus renum ubi generetur, 159. quæ
ejus materia, *ibid.*
Calmum cur duplex à natura factum, in-
fluens scilicet & innatum, 276. cur in
corde, ceu fonte influens stabulari
voluerit, *ibid.*
Calmum influens in corde ut refrigen-
tur, 284
Calmum quot modis conservetur, 283

Calidi nimis cur non pinguescant, 211
Calor cur in spiritu recumbat, 173
Calor unus idemque est, qui in ventricu-
lo chylum, in Hepate sanguinem, in
mammis lac generat, 252
Calvaria, *vide* Cranium.
Calvitiei causa, 286
Canna pulmonum, *vide* pulmonum
Canna.
Caput, *vide* Venter supremus.
Caput ossium, *vide* ossium caput, 26
Capitis ambiguitas, 2. etymologia, 2.
divisio, *ibid.*
Capitis ejusdemque partium externa-
rum appellationes, 1. ejus partes con-
tinentes & contentæ, 285
Capitis pili, 285. cuticula, 286. cu-
tis, *ibid.* pinguedo, 287. membrana
carnosa, *ibid.*
Capitis figura, 16. magnitudo, *ibid.*
proportio ad totum corpus, *ibid.*
Capitis motus primarius, 97. secunda-
rius, 98. ejusdem musculi, 97
Capilli, 2. 285. eorum substantia, par-
tes, situs, *ibid.* magnitudo, 286. ma-
teria, *ibid.* figura non teres sed qua-
drangula, *ibid.* differentia penes æta-
tem, sexum, regionem, temperamen-
tum & habitum corporis, *ibid.* u-
sus, *ibid.*
Caput longum, breve, latum, acumina-
tum, rotundum, unde, 16
Caput φεξόν unde, 16
Caput proportionatum, 16
Caput cur in postica parte solum pilo-
sum sit, 209
Cardinalis Cibonis obitus, 241
Carnium quatuor genera & quæ, 84
Carnis in musculus usus, *ibid.*
Caro simplex quid apud Galenum, *ibid.*
Caro fibrosa quo modo præcipua mu-
sculi pars dicatur esse, *ibid.*
Caro viscerum quomodo aliter appelle-
tur, *ibid.*
Caro maxime necessaria musculi pars,
ibid. non tamen in omnibus musculi
partibus eam reperire est, *ibid.*
Caro cum musculo confunditur apud
Hippocratem, 84
Caro immediatum tactus instrumentum
& quomodo, 209
Carotides arteriæ, 175. ligatæ somnum
inducunt, quod demonstravit Colum-
bus Pisis, teste Valverde, *ibid.*
Carpus, 11. 59. ejus figura, *ibid.* ossa
octo, *ibid.* connexio, *ibid.* motus, 121.
musculi, *ibid.*
Cartilago quid, 68. usus, *ibid.* diffe-
rentiæ, 69. quædam nulli parti con-
nexæ, quædam junctæ, *ibid.*
Cartilaginis similitudo cum osse, 68
Cartilagine palpebrarum quot, 70. na-
si, *ibid.* auriculæ, *ibid.* laryngis, 71.
asperæ arteriæ, *ibid.* thoracis, *ibid.*
infimi ventris, 72. supremi ventris, 70
Cartilago annularis, 71. arytenoides, *ibi.*
cricoides, *ibid.* ensiformis, 46. ejus
figura, *ibid.* cavitates, *ibi.* guttalis, 71.
mucronata, 46. ξιφοειδής, *ibid.* scu-
tiformis, 71. σιγμοειδής, 72. thyroi-
des, 71. trochlea, 70
Carunculæ myrtiformes pudendi mulie-
bris, 10. 256. earum situs & nume-
rus, *ibid.* usus, 261
Carunculæ papillares renum, 245
Cauda, 52
Caulis, 9

Cavum oculi, 4
Cavitas Hippocratis inter ventriculū &
septū transversum conclusa quæ, 226
Cephalica vena, *vide* vena cephalica.
Cerasum, 9
Centrum totius corporis ubi, 18
Cerebrum, 290. ejus etymologia, *ibid.*
substantia, *ibid.* magnitudo, *ibid.* fi-
gura, *ibid.* superficies, *ibid.*
Cerebri divisio, 290
Cerebri striatæ dicti divisio, 291
Cerebri & cerebelli discrimen, 290
Cerebri substantia duplex, Cineritia &
alba, 291
Cerebri membranæ, 288. earum syno-
nymia, *ibid.* substantia, *ibid.* figu-
ra, *ibi.* magnitudo, *ibi.* numerus, *ibi.*
Cerebri substantia sui est generis, 297
Cerebri membranæ cur factæ, 298
Cerebri membrana crassa, 288. ejus fi-
tus, *ibid.* connexio, *ibid.* superficies
utraque, *ibid.* foramina, *ibid.* pro-
cessus duo, 289. sinus quatuor, *ibid.*
Cerebri membrana tenuis, 289
Cerebri processus mamillares, 193. 303
Cerebri corpus callosum, 291
Cerebri cortex, *ibid.*
Cerebri medulla, *ibid.*
Cerebri ventriculi quot sint ex opinione
veterum, *ibid.*
Cerebri duo ventriculi anteriores, 291.
eorum situs, *ibid.*
Cerebri ventriculi revera duo tantū, 295.
& 298. quis eorum verus usus, 298
Cerebri ventriculus tertius, 291. ejus
foramina, *ibid.*
Cerebri ventriculus quartus, 292. quid
sit revera, 295
Cerebri septum lucidum, 291
Cerebri ventriculos succingens mem-
brana, *ibid.*
Cerebri infundibulum seu pelvis, *ibid.*
Cerebri calamus scriptorius, 292
Cerebri falx, 289. ejus fornix, 291
Cerebri glandula pituitaria, 291
Cerebri plexus choroides, *ibid.*
Cerebri rete admirabile, *ibid.*
Cerebri nates, 292. quid sint revera, 295
Cerebri testes, 292
Cerebri vulva, 291
Cerebri actio & usus, 296
Cerebri usum non bene noverunt vete-
res & cur, *ibid.*
Cerebri usus unde petendus, *ibid.*
Cerebrum an nutriatur sanguine, 165
Cerebrum in plenilunio turgit, decre-
scente vero luna subsidet, 290
Cerebrum an inflammetur, 289
Cerebrum cordis refrigerandi gratia
conditum, Aristoteles statuit & quam
bene, 296
Cerebrum spirituum animalium gene-
randorum gratia factum Galenus cen-
suit, *ibid.*
Cerebrum cur in cranio situm, 297
Cerebrum cur homini maximum, *ibid.*
Cerebrum secandi duplex ratio, antiqua
& nova, 290
Cerebrum secandi nova ratio, 294. quæ
inter ipsam & antiquam sit differen-
tia, *ibid.* ad eam quale caput refera-
tur, *ibid.*
Cerebellum, 292. ejus etymologia, *ibid.*
situs, *ibid.* substantia, *ibid.* magnitu-
do, *ibid.* figura, *ibid.* color, *ibid.*
partes, *ibid.* globi, *ibid.* processus
vermiformes, *ibid.* sinus, *ibid.*

Cerebelli pons,	295	Contractio musculorum quid sit,	80	Cristagalli quodnam os dicatur,	39
Cervix, 6. ejus motus quadruplex,	99.	Cor, 271. ejus etymologia, <i>ibi.</i> situs, <i>ibi.</i>		Crista pro alis vulvæ sumitur,	255
musculi, <i>ibid.</i> ossa, 31. verteb:æ,	49.	figura, <i>ibid.</i> superficies, <i>ibid.</i> magni-		Crus, 12. ejus divisio seu partes,	12. 61
pulmonum gratia condita,	49	tudo, 272. substantia, <i>ibid.</i> conne-		Cruris motus, 126. masculi,	<i>ibid.</i>
Cervicis processus,	25	xio,	<i>ibid.</i>	Cubiforme os,	65
Cerumina,	6	Cordis partes,	272	Cubitus, 10. 58. ejus ossa,	<i>ibid.</i>
χαλινόν,	9	Cor non est musculus,	<i>ibid.</i>	Cubiti motus, 119. musculi,	<i>ibid.</i>
χείλη,	5. 26	Cor quo ad basin exquisitè medium tho-		Cucullares musculi,	116
χείρ,	10	racis obtinet, 276. at non ratione mu-		Cuneiformia ossa, 65. eorum nume-	
χῆρ,	6	cronis, & cur? <i>ibid.</i>		rus, <i>ibid.</i> majus, <i>ibid.</i> minus, <i>ibid.</i>	
Chordæ,	227	Cordis adeps, 272. hujus usus,	279	medium,	<i>ibid.</i>
Chordapsus,	218	Cordis basis, 272. mucro, <i>ibi.</i> fibræ, <i>ibi.</i>		Cunus, 10. vox obscæna,	255
Chylus quid, 225. unde albus, 146. in-		Cordis sinus, 273. ventres,	<i>ibid.</i>	Cuticula, 202. ejus substantia, <i>ibid.</i> len-	
terdum ruber,	<i>ibid.</i>	Cordis membrana,	272	sus expers, <i>ibid.</i> causa materialis &	
Chylificatio absolvitur ope caloris ven-		Cordis vasa,	<i>ibid.</i>	efficiens, 203. connexio, <i>ibid.</i> usus, <i>ibi.</i>	
triculi, conterminarumque par-		Cordis auralæ, 272. earum nume-		Cutis, 202. ejus synonymia, <i>ibid.</i> sub-	
tium,	225	rus, 273. ut differant inter se, <i>ibid.</i>		stantia,	203
χύλωσις,	225	usus, 278. earum motus,	273	Cutis quomodo nervea dici queat, 203.	
Cibo concocto cur plus urinæ, quam		Cordis ventriculi, 273. eorum nume-		aliis crassior, aliis tenuior, idque pro	
nondum absoluta chylificatione red-		rus, an tres vel duo, <i>ibi.</i> differentia, <i>ibi.</i>		ratione sexus, ætatis, regionis, par-	
damus,	179	facies interior, 274. usus,	277	tium, &c. 203. varii coloris est, si-	
Cilia,	4	Cordis septum, 274. an sanguinem		militer penes ætatem, regionem, se-	
Claves olim ad similitudinem latino-		transmittat ex dextro ventriculo in si-		xum, temperamentum, 204. diversi	
rum longiusculi factæ,	45	nistrum,	277	est temperamenti, 205. sensu omnis	
Claviculæ in homine unde dictæ, 45. ea-		Cordis carunculæ,	274	prædita,	<i>ibid.</i>
rum figura, <i>ibid.</i> numerus, <i>ibid.</i> con-		Cordis involucrum,	270	Cutis superficies,	206
nexio, <i>ibid.</i> substantia, <i>ibid.</i> liga-		Cordis capsula,	<i>ibid.</i>	Cutis foramina, partim conspicua, par-	
menta, <i>ibid.</i> usus,	<i>ibid.</i>	Cordis culcitra, 280. ejus flabellum, <i>ibi.</i>		tim inconspicua,	<i>ibid.</i>
Claviculæ si frangantur juxta sternum		Cordis vasa quatuor ex basi erumpen-		Cutis tota in homine immobilis, 206.	
cur humerus subito cum scapula deci-		tia,	274	sola in fronte mobilis,	3
dat,	45. 107	Cordis valvulæ, 274. earum differen-		Cutis connexionem cum subjectis parti-	
Clitoris, 10. 255. ejus substantia, 255.		tiæ, <i>ibid.</i> usus,	278	bus non ubivis æqualem habet,	206
convenientia cum pene, 10. erigitur		Cordis expers animal an vivere queat,		Cutis ratione pilorum differens,	<i>ibid.</i>
in fœminis ut viris penis, 255. liga-		272		Cutis nervos nullos habet,	<i>ibid.</i>
menta, <i>ibid.</i> crura, <i>ibid.</i> glans, <i>ibid.</i>		Cordis facultas motrix an è cerebro per		Cutis paucas habet arterias,	<i>ibid.</i>
glandem tegens cutis, <i>ibid.</i> muscu-		nervos influat, ut censuit Picolhomi-		Cutis actio & usus,	207
li,	<i>ibid.</i>	neus,	<i>ibid.</i>	Cutis ab interna parte non exacte sentit	
Clitoris sæpe in magnitudinem eam in-		Cordis actio & pulsus, 275. vide pulsus.		nec inter calidum frigidumque distin-	
tumescit, ut minus peritis Anatomiz		Cordis scrobiculus,	46	guit,	209
mulieres in viros degenerasse credan-		Cor majus homini est, ac brutis, & qua-		Cutis an sit tactus organum, 208. in ho-	
tur,	255	re,	277	mine cur pilis interpellata, nec uti in	
Clunes,	9	Cordis figura pyramidalis quamobrem,		aliis animalibus continua,	209
Clysteres totum corpus purgare, si ex		276		Cutis raritas quomodo ventris constipa-	
medicamentis purgantibus compo-		Cordi pulsus innatus, arteriis influens,		tionem inducat,	208
nantur,	181	272		Cutis contractio quomodo ad cranium	
Clysteres in ægris quibusdam ventricu-		Cordis vasorum unio in fœtu qualis, 279.		incrementum faciat,	<i>ibid.</i>
lum ascendere posse,	230	quomodo pereat ex opinione Hiero-		Cutis temperamentum medium in om-	
Coarticulatio,	28	nymy Theobaldi,	<i>ibid.</i>	nibus qualitatū excessibus, & cur, 207	
Coitus an ultimis gestationis mensibus		Cordis consensus cum ventriculo,	192	Cutis sua temperie debilis, & cur, <i>ibid.</i>	
proficius necne,	263	Corium,	202	Cutis capitis crassa, 287. sensu revera	
Colatorium nasi,	3	Corona,	9	prædita, sed obtuso,	<i>ibid.</i>
Colli processus,	25	Corporis humani divisio, 1. figura, 13.		Cutis capitis cum crassissima sit, qui te-	
Coilum refertur ad caput rectius, quam		quam sit variabilis, 14. quantum re-		nuissima cuticula tegatur, 204. at sub	
thoracem,	6	ferat ipsam scire, <i>ibid.</i>		calce densa cuticula vestiatur, <i>ibid.</i>	
Collum & ipsius partium appellatio-		Corporis humani magnitudo, 14. quan-		Cutis quomodo iterū consolidetur, 203	
nes,	6	tum differat secundum ætatem, <i>ibid.</i>		Cysticæ gemellæ,	149
Colli figura, 16. longitudo, <i>ibid.</i> lati-		sexum, <i>ibid.</i> regiones & morbos, 15.			
tudo processus,	17	an sit minor hodie quam olim fuit, <i>ibi.</i>			
Colli verteb:æ si crassæ & reliquæ erunt		Corporis transpiratio diligenter omni-			
tales imo & reliqua ossa omnia,	17	bus addiscenda,	226		
Collum tenue, crassum,	<i>ibid.</i>	Corpus varicosum,	247		
Collum validum seu robustum robusti		Costæ thoracis, 53. earum numerus, <i>ibi.</i>			
corporis indicium est,	<i>ibid.</i>	divisio, <i>ibid.</i> substantia, <i>ibid.</i> carti-			
Colli oblongi homines pthisi sunt ob-		lagines, <i>ibi.</i> connexio, <i>ibi.</i> figura, 54.			
noxii,	49	magnitudo, 54. remulus, <i>ibid.</i> pal-			
Colon intestinum, vide intestinum Colon.		mulæ, <i>ibid.</i> usus,	<i>ibid.</i>		
Columbi error circa musculos abdomi-		Costæ legitimæ, 53. spurizæ,	<i>ibid.</i>		
nis,	101	Cotyledones uteri, 259. eorum usus, <i>ibi.</i>			
Columnella quid,	255	Coxa, 12. ambigue significat,	<i>ibid.</i>		
Concavum pedis,	13	Coxendix,	12		
Concha,	37	Cranium, 2. 31. ejus partes, 2. ejus			
Connivere, quid Hippoc. significet, 259		ossa,	31		
Consensus cordis & ventriculi unde, 192		Cranii usus, 32. substantia, <i>ibid.</i> crassi-			
Consensus uteri cum mammis unde fiat,		ties, 33. figura, <i>ibid.</i> superficies, <i>ibi.</i>			
109. 155. qualis sit,	161	laminæ,	<i>ibid.</i>		
Consensus inter pericranium & duram		Crassus quis dicatur,	14		
membranam,	288	Creas,	12		

D.

δάκτυλοι,	11
δαρπός,	248
Deflorare virginē phrasis unde nata,	256
Dens magnus Hippocratis,	50
Dentes eorumque appellationes, 5. 42.	
etymologia, 5. divisio,	<i>ibid.</i>
Dentium substantia,	42
Dentium figura, 42. non omnibus simi-	
lis,	<i>ibid.</i>
Dentes superiores differunt aliquatenus	
ab inferioribus,	44
Dentium cavitas, 42. non ubique est sed	
juxta radicem tantum, <i>ibid.</i> membra-	
na succingitur, <i>ibid.</i> differt ratione	
ætatis & dentium,	43
Dentium vasa,	<i>ibid.</i>
Dentium radices,	42
Dentium præsepiola,	<i>ibid.</i>
Den-	

Dentium alveoli, 42. dentibus figura & numero respondent, *ibi*. pereunt cum dentibus, *ibid*.
 Dentium articulatio est triplex, 42
 Dentium superficies, 43
 Dentium magnitudo, *ibid*.
 Dentium numerus, 43. non est idem omnibus & cur, 5. 43. cur differens apud auctores, 44. magnus laudatur à Physiognomis, *ibid*.
 Dentium usus, 44
 Dentium eruptio cur tot secum symptomata ferat, 43
 Dentes primas qualitates non item secundas sentiunt, 43. & cur, *ibid*.
 Dentes quomodo sentiant, *ibid*.
 Dentes incisores seu *πυλῆες*, 43. usus, *ibi*.
 Dentes canini seu *κυνόδοντες*, 43. figura eorum, *ibi*. munus, *ibi*. radices habent robustiores aliusque infixas, *ibi*.
 Dentes oculares qui, 43. quare illis evulsus oculi lædantur, *ibid*.
 Dentes molares, sive *μυλῖται*, 43. numerus eorum, *ibid*. figura, 44. radices quot habeant, *ibid*.
 Dentes sapientiæ, 44
Δέρις, 202
Δέρμα, *ibid*.
Δέρπον, 219
Δέρσιμα, 8. 103
 Diaphragmatis varia nomina, *ibid*.
 Diaphragmatis historia, 103. magnitudo, *ibi*. situs, *ibi*. figura, *ibi*. in omnibus duplex, *ibi*. productiones, *ibid*. circuli, *ibid*. vasa & foramina, *ibid*.
 Diaphragmatis motus duplex, 100. quomodo naturalis dici queat, *ibid*.
 Diaphragmatis motus cur integer maneat resolutio corpore. 195
Διάρρηξις, 103
 Diarthrosis ossium quatuorplex, 28
 Diarthrosis spuria, *ibid*.
Δίδυμοι, 9. 248
 Digiti manuum, 11. pedis, 13. eorumque nomina, 11 & 13
 Digitus magnus, minimus, auricularis, demonstratorius, index, medius, impudicus, obsecrator, annularis, medicus, 11
 Digitorum *φάλαγγες*, 11. eorum internodia, *ibid*.
 Digitorum manuum motus, 122. musculi, *ibid*.
 Digitorum manuum ossa quindecim, 60. *vide* ossa digitorum.
 Digitorum pedum motus, 131. musculi, *ibid*.
 Digitorum pedis ossa quatuordecim, 66. eorum substantia, *ibi*. internodia, *ibi*.
Διέρυφοι, 2
Διέρων, 95
Δικτυοειδὲς πλέγμα, 292
Διπλοὺς, 33
 Dissepium, 103
Δωδεκάδακτυλον ἑνπερὶον, 228
 Dolores circa os sacrum & pubem post partum difficile unde, 56
 Dolores circa dorsum & lumbos tempore febris & quum menses instant, 140
 Doloribus capitis quinam obnoxii, 239
 Dormientibus quo in latere decumbendum, 217
 Dorsum 7 & 48. ejus longitudo, 17
 Dorsum manus quid, 11
 Dorsum pedis, 13
 Duodenum intestinum, *vide* intestinum duodenum.

Dura mater, 288
 Dyspnæa perpetua ab arctis, quibus pleuræ pulmo alligatur fibris, interdum nascitur, 269
 E.
Εἰλεὶν, 228
ἐκτὸς ἀπὸ τοῦ qui dicantur, 15
ἐκινεῖσθαι membrana, 248
ἐκινεῖσθαι membrana, *ibid*.
 Emendatio loci 1 histor. anim. 16 Aristotelis, 223
 Enarthrosis, 28
ἐγκαταστῆναι, 4
ἐκκένωσις, 290
ἐνπερὶον, 227
 Ehippium, 38
ἐπιδέρμις, 202
ἐπιδέρμις, 255
ἐπιδιδυμίδες, 247
ἐπιγαστρὶον, 7. 8
 Epigastrii divisio in 3 regiones, 8
 Epiglottis, 72. figura, *ibid*. usus, *ibid*.
 Epilepsia periodus unde, 290
 Epilepsia præludium quomodo in palpebris, facieque quibusdam se offert, 190
ἐπιμυλῖς, 12
 Epiphysis, 25. qua ratione ossa adnata, *ibid*.
ἐπίσπασιν, 219
ἐπίσπασιν, 219
ἐπίσπασιν, 255
ἐπὶ πλῆθους, 6
ἐπὶ πλῆθους, 6
 Errhina in oculorum affectibus fugienda, & quamobrem, 189
 Error medicorum notatur, qui ægris de frigidityte conquerentibus frigidos humores causam statuunt, 209
ἐξέμειναι, 3
ἐξέμειναι, 8
 Explicatio loci Aristotelis, qui est 1 histor. anim. 16. 223. Alterius, qui habetur 3 hist. anim. 11. 209. itemque alius, 2 de part. anim. 6. 30. & tandem, 1 de generatione anim. 2. 251
 Explicatio loci Hippocratis 6 Epid. sect. 3. text. 1. 208. Alterius 6 Epid. sect. 6. 226. item ex Coacis prænotationibus, 177. item lib. de natur. mulier. 255. item lib. de aëre, locis & aquis, 138
 Explicatio aliquot Aphorismorum Hippocr. difficile, *vide* Hippocrates explicatur, &c.
 Exspiratio quid sit, 283. ejus usus, *ibid*.
 F.
 Fabæ quid, 9. 248
 Facies ejusque partes, 3. ejus divisio, 39
 Facultas animalis, 186
 Falx duræ cerebri membranæ, 289
 Fallopius inventor musculorum pyramidalium, 100
 Faucium musculi, 96. motus, *ibid*.
 Febris quartana gigantes interdum facit, 15
 Femen, 12
 Femur ejusque partium appellationes, 12. 61
 Femoris ambiguitas, 12. ejus os, 61
 Femoris motus, 126 musculi, *ibid*.
 Fibræ sanguinis, 139
 Fibræ meningis per cranii suturas trajec-tæ, 32

Fibræ venarum triplices, 139. singularum usus, *ibid*. quomodo videri possint, *ibid*.
 Fibræ pectiniformes in pene, 249
 Fibula, 63. ejus appendices, *ibid*. magnitudo, *ibid*. lineæ tres, *ibid*. ligamentum, *ibid*.
 Figura alicujus partis externa & media quid sit, 80. media totius corporis, *ibi*. media singularum partium, *ibid*.
 Fissura magna vulvæ, 10
 Fistula asperæ arteriæ, 72. figura, *ibid*. cartilagine, *ibid*. usus, *ibid*.
 Fistula lachrymalis, 4
 Fistula pulmonum, 282. *vide* Pulmonum fistula.
 Fistula urinaria, 240
 Fœcunditatis signa, 19
 Fœmina in humano genere minor matre, 15. & cur, *ibid*. in cæteris animalibus major & cur, *ibid*. crassior plerumque virgine, & cur, *ibid*.
 Folliculus felleus, 237
 Fonticuli brachii cur inter deltoideum & bicipitem musculus fiant, 157
 Foramen lachrymale, 4. in fœminis majus quam in viris, *ibid*.
 Fornix cerebri, 291
 Frænum penis, 250
 Fricatrices, 255
 Frigida cur noceant pectori, tussisque moveant, 174. item sanguinis profluvia excitent, *ibid*.
 Frigida potus cur gravia symptomata inducat, 174. quæ remedia sint, *ibid*.
 Frons, 3. unde dicta, *ibid*. frontis rugæ, *ibid*. frontis os, 35. musculi, 89
 Frontis nubes, 3
 Frontis cutis sola in homine mobilis est, *ibid*.

G.

Γαστρίον, 8. 219
 Galeni sententia de principio, fine & usu musculorum rectorum abdominis. 111
 Galenus venas statuit sanguificare, 143
 Galeni argumenta refutantur quibus probare voluit hepar principium venarum esse, 145
Γαστήρ, 7. 224. quandoque pro utero lumitur, 256
Γαστροκνήμιον, 12
 Gasterocnemius musculus, 129
 Gelasinum, 5
 Genæ unde dictæ, 5. cur rubeant in peripneumonia, *ibid*.
 Genarum motus, 91. musculi, *ibid*.
γῆρας, 5
γῆρας, 6
 Generationi dicatæ partes viri cur duplices, 250
 Genitales partes viriles, 9. 247. muliebres, 10
 Genitalia marium, 9. fœminarum, 10
 Genitalia gravidarum in quibus à non gravidarum partibus & quomodo differant, 263
 Genu, 12
 Germani Italici cur pilosiores, 210
 Gibber, 58
Γιγλυμῶς, 28
 Gingivæ, 5
 Glabella, 3
 Glandulæ vasorum divaricationi dicatæ, 140
 Glandulæ seminales, 248. earum substantia, 249. magnitudo, *ibid*.
 Qq 2 Gian-

- Glandularum feminalium tunica interior poris pervia innumeris, 249. quomodo hi pori deprehendantur, *ibi*.
 Glandula pituitaria cerebri, 291
 Glandulis Natura ad ferocitates absumendas per totum corpus usa est, 253
 Glans, 9
 Glans pinealis, 292
 γλάνη, 4. 26
 Glutæi musculi, 126
 γλῆπις, 9
 γνάθος, 5
 γήμφωσις, 29. 42. articulatio propria dentium, 29
 γόνυ, 12
 Gracilis quis dicatur, 14
 Gravedo unde oriatur, 39
 Gravidæ cur de alvi duritie conquerrantur, 218
 γράσις, 8
 Gula, 223. ejus synonymia, *ibi*. etymologia, *ibi*. origo & progressus, 224. membranæ tres, *ibi*. vasa, *ibi*. glandulæ, *ibi*. usus & actio, *ibi*.
 Gustus instrumenta, 303
 Gutta serena quomodo curetur, 189
 Gygantes ex morbo fiunt, 15
- H.
- Hæmorrhoides cæcæ vel apertæ, 150. internæ vel externæ, 152
 Hæmorrhoides diurnæ non claudendæ, 151. non inferunt necessario hydropem vel tabem sanatæ, sed ut plurimum tantum, *ibi*. non fiunt tantum à feculento sanguine sed & à bile & pituita, 152. nonnunquam insaniam inducunt, *ibi*. interdum dysenteriam, *ibi*.
 Hæmorrhoidales venæ, 149. vide venæ hæmorrhoid.
 Hæmorrhoidales arteriæ, 180
 Harmonia, 28. exquisita raro datur, 29
 Hemisphæricæ causa, 289
 Hepar, 234. ejus etymologia, *ibi*. situs, *ibi*. connexio, *ibi*. figura, *ibi*. protuberantiæ, *ibi*. lobus, *ibi*. finis, *ibi*. fissura, *ibi*. magnitudo, *ibi*. numerus, 235. substantia, *ibi*. vasa, *ibi*.
 Hepatis pars gibba, mollior parte cavæ, 148
 Hepatis lobi auctori sic dicti, 216
 Hepatis duo ligamenta, 234
 Hepatis portæ, 146
 Hepar excarne quid sit, 148. quo modo faciendum, *ibi*.
 Hepatis situs naturalis, 216. non naturalis, *ibi*. præternaturalis, 217
 Hepar aliquando in lævo hypochondrio situm, 217
 Hepar in thorace situm qua ratione veteres dixerunt, 1. 7
 Hepar cur in mortuis sub spuris cartilaginibus reconditum inveniatur, *ibi*.
 Hepar quibus magnum, iis magnus quoque ventriculus, 235
 Hepar quibus magnum, ii quoque voraces, 217
 Hepatis magnitudo pro ratione ætatis differens, 235. magnitudo præternaturalis, 217
 Hepar plures venæ Portæ ramos, quam cavæ obtinet, 235. iidem per anastomoses junguntur, & cur, 236
 Hepatis actio, 235. usus, 236
 Hepatis manus quid, 147
- Hepatis parenchyma quem usum præstet, 235
 Hepar cur homini maximum, 236
 Hepatis substantia cur parenchyma, *ibi*.
 Hepatis sanguificatio, 237. in quo differat à sanguificatione lienis, 241
 Hepar non sanguificat in suo parenchymate, 235
 Hepatis lobus per quem aqua hydropicorum in omentum interdum erumpit, 223. est ab Auctore primus inventus, *ibi*. in Hepatis inflammatione cur ægri in lævo latere nequeant decumbere, 217
 Hernia quomodo fiat, 215. qui herniæ magis sunt obnoxii, *ibi*. cur stantibus magis quam decumbentibus fiant, 218
 Herniæ causæ, 109
 Hieron. Theobaldi de perditione unionis vasorum cordis, quæ in foetu comparat, sententia elegantissima, 279. ejusdem de permutatione vasorum umbilicalium in ligamēta opinio, 280
 Hippocr. venam pro arteria posuit, 138. venarum principium nullum statuit, 142. carnem cum musculo confundit, 84
 Hippocrati libellus de glandulis falso ascribitur, 220
 Hippocrates explicatur, in Aph. 52. sect. 2. 14. in Aph. 14. sect. sext. 148. in Aph. 12. sect. sext. 151. in Aph. 37. 38. & 50. sect. sext. 161. in Aph. 24. sect. quint. 174. in Aph. 32. sectionis ejusdem, 187. in Aph. 55. sect. septim. 221. in Aph. 54. sect. ultimæ, 226. in Aph. 51. sect. quintæ, 259
 Homo cur prona sui parte pilosior sit quam supina, 209
 Homo cur caput parte posteriore pilosum habeat, *ibi*.
 Homines nostri an breviores staturæ sint, ac prisca, 15
 Humerus, 6. 10. 57
 Humeri motus, 117. musculi, *ibi*. os, 57
 Humerus luxatus quomodo restitui debeat, 47
 Humerus summus, 48
 Humor articularis, 29
 Humor oleaginosus vesicularium feminalium, 248 & 253. in coitu copiose effunditur, & qua de causa, 253
 Humor ossium, 29. aliquando deficit, *ibi*. aliquando abundat, *ibi*.
 Hydropicorum aqua per quas vias in omentum irrumpat, 222 & 223
 Hymen membrana, 10. 256. revera datur, *ibi*. cur interdum non reperiatur, *ibi*. in maturis virginibus, quam junioribus crassior, *ibi*. raro perforata, *ibi*. forma florem refert, *ibi*.
 Hystericus affectus quomodo generetur, 258
- I.
- Icterus non nascitur meatu cystico vesicæ bilariæ obstructo, sed aut utroque, aut certe commune, 239
 Iecur, vide Hepar.
 ἰγρὺς, 12
 Ileum, vide intestinum ileum.
 Ilia, 8
 Incus auditus ossiculum, 37. ejus caput, *ibi*. cavitas, *ibi*. crura, *ibi*.
 Index, 11
 Indi cranium habent crassissimum, 33
- Infantes cur non obesi, 211
 Infimus venter, & ipsius partes externæ harumque appellationes, 7. magnitudo, & à quibus causis varietur, 18
 Infimi ventris motus, 107. musculi, *ibi*.
 Infimi ventris viscerum situs, 8. 216
 Infimi ventris partium divisio, 202
 Infundibulum cerebri, 291
 Inguina, 8
 ἰνῖον, 2. ejus etymon, *ibi*.
 Inspirationis pulmonum usus, 283
 Intercostales musculi, 104. quot sint, *ibi*. eorum divisio, *ibi*.
 Intercostalia, 7
 Interfœmina, 12
 Internodia digitorum, 11
 Interossei musculi, 104
 Interscapulum, 48
 Interfectiones musculorum rectorum abdominis, 109
 Intestina, 227. eorum synonymia, *ibi*. situs, *ibi*. connexio, *ibi*. initium, *ibi*. magnitudo, *ibi*. substantia, *ibi*. vasa, *ibi*. numerus, 228. varia differentia, *ibi*.
 Intestinorum longitudo, 227
 Intestinorum substantia mucosa, 228
 Intestinorum crusta, 227
 Intestina interdum flavo colore tincta, 146
 Intestina foris pinguedinem adnatam habent, quod contra medicos quosdam notandum, 228
 Intestinorum variæ divisiones, *ibi*.
 Intestina tenuia & crassa quæ, *ibi*.
 Intestinorum actio, 230. usus, *ibi*.
 Intestinorum obscurus motus quis, 231. quomodo demonstrari queat, *ibi*.
 Intestinum duodenum, 228. ejus ortus, *ibi*. progressus, situs naturalis, 218
 Intestinum δωδεκαδάκτυλον, 228
 Intestinum jejunum, *ibi*. ejus principium, *ibi*. vasa, *ibi*. longitudo, *ibi*. plicæ, *ibi*. meatus bilarius, *ibi*. situs naturalis, 218. præternaturalis, *ibi*. à ventriculo cibus repleto comprimitur, *ibi*.
 Intestinum νῆσεν, 228
 Intestinum ileum, *ibi*. ejus initium, *ibi*. etymologia, *ibi*. plicæ, *ibi*. substantia, 229
 Ilei situs naturalis, 218. non naturalis, *ibi*. præternaturalis, *ibi*.
 Intestinum cæcum, 229. ejus figura, *ibi*. magnitudo, *ibi*. in sano semper inane, *ibi*. aliquando inventum verme plenum, *ibi*. situs præternaturalis, 218. in quodam suspenso cum ileo & colo herniam fecit, *ibi*.
 Intestinum monocolum, 229
 Intestinum colon, 229. ejus ortus, *ibi*. connexio, *ibi*. longitudo, *ibi*. figura, *ibi*. cellulæ, *ibi*. ligamentum, *ibi*. appendiculæ, *ibi*. vasa, *ibi*.
 Intestini coli valvula, 229. interdum læditur, ut adeo feces ascendere queant, ut & clysteres, 230
 Intestini coli situs naturalis, 218. in quodam suspenso fecit herniam, *ibi*.
 Intestinum colon in quibusdam longius, in aliis brevius, 218. mutat situm ventriculo pleno, *ibi*. ambulatibus & sedentibus magis descendit, quam decumbentibus, *ibi*. gravidis utero aucto ascendit, *ibi*. lateralibus partibus situm nequaquam mutat, *ibi*.
 Intestinum rectum, 230. magnitudo ejus, *ibi*. & vasa, *ibi*. vulneratum consolidatur, *ibi*.
 Intesti-

Intestina crassa cur tenuibus magis sint
obnoxia ulceribus, 218. & 179
Iris oculi, 4. ejus colores unde &
quot, *ibid.*
ἰσχυρὸν, 9
ἰσχυρὸν, 12
Itali Germanis cur minus pilosi, 210
ἰππεύς, 26
Iugulum, 6. 46

K.

Καλὴ κίχρα, 234
Καμάρων in cerebro, 291
Κάμπη, 13
Κανθὸν oculorum, 4
Καρδιά, 271. quid olim dicebatur,
8. & 46
Καρπὸς, 11
Καὶ ὠχρὰ, 5
Καὶ λυγρὰ, 9
Κενεῶνες, 8
Κερκίς, 58
Κεφαλή, 2
Κεφαλή & ὄσθ, 26
Κίων, 3. quis morbus apud Hippocr. 255
Κλαῖδες, 45
Κλειπὸς, 10
Κνήμη, 12. 62
Κόγχη, 31
Κοιλίαι vox ambigua, 2. 224
Κοιλίς, 4
Κοῖλον, *ibid.*
Κόλπον γυναικῶν, 257
Κόνδυλος, 11. 26
Κόρη, 4
Κόρυς, 2
Κορυφή, 2. 285
Κοτυλοδόνες, 259
Κοτύλη, 26
Κορώνη, 41
Κορύνιον, 2. 31
Κρεμαστήρες musculi, 115
Κρήμνα vulvæ, 10 & 255
Κροταφός, 2
Κρῖς, 255
Κύαμοι, 9. 248
Κύκλοι & περισσῶς, 5
Κύστις ἀροδόχου, 245
Κύστις χρολοδόχου, 237
Κύων, 9
Κῶλα, 1
Κωνάριον, 292

L.

Labia, 5. eorum motus, 92. muscu-
li, *ibid.*
Labia vulvæ, 10. 255
Labra, 5
Labra sinuum ossium, 26
Lacertosi quinam dicantur, 78
Lacertus, *ibid.*
Laetes, 232
λαγῶνες, 8
Lanugo, 6
λάρυγξ, 6. quid proprie significet, 281
Larynx, 281. ejus situs, *ibid.* vasa, *ibid.*
glandulæ, 282. cur ex rima consistet,
284
Laryngis cartilaginee quinque, 71
Laryngis motus, 96. musculi, *ibid.* of-
fa, 31
Latera, 7. eorum longitudo, 17
λαυκανία, 6
λειχανίς, 11
λεχνόν Herophili, 289
Leonis ossa medullam non continent, 30

Lien, 239. ejus situs, *ibi.* numerus, 240.
connexio, *ibid.* magnitudo, *ibid.* fi-
gura, *ibid.* superficies, *ibid.* substan-
tia, *ibid.* membrana, *ibi.* color, *ibid.*
vasa, *ibid.* actio, 241. usus, 242
Lienis situs naturalis, 217. non natura-
lis, *ibid.* præternaturalis, *ibid.*
Lienis magnitudo præternaturalis vigin-
ti quatuor libras pendentis, 217. 240
Lienis scirrhus ventriculum reddit im-
becillior, 217
Lienis futura, 240
Lienis caput & cauda quid Hippocr. 240
Lien acclivis & declivis quid eidem, *ibi.*
Lienis vasorum anastomosis diligenter
notanda, 242
Lien non dolet, *ibid.*
Lien ut attrahat crassum chylum, *ibid.*
Lien aliquando in dextro hypochondrio
situs, 217
Lien in sanis cur tactu non deprehenda-
tur, 240
Lien palpitare quandoque deprehendi-
tur, 179
Lienis viæ per quas expurgatur ad ven-
triculum, 241. aliæ ad nares, *ibid.* ad
urinas, *ibid.* ad podicem, *ibid.*
Lienosis cur diuretica ab Hippocr. præ-
scribantur, 241
Lienis usus ab Aristotele optime præpo-
situs, *ibid.*
Lien sanguinem purissimum generat, *ibi.*
Lien non potest esse receptaculum hu-
moris excrementitii, 241. multo mi-
nus melancholici, *ibid.*
Ligamentum quid, 72. ejus substantia,
usus, 73. differentia, *ibid.*
Ligamenta carent sensu, 73
Ligamentorum totius corporis histo-
ria, 74
Ligamentorum alia lata, alia teretia, 73.
alia membranæ, alia cartilaginea, *ibi.*
Ligamenta capituli, 74. thoraces, *ibid.*
limi ventris, *ibid.* artuum, 75
Ligamenta annularia manus, 75. pe-
dis, 77
Ligamentum transversale carpi, 123
Ligamentum ossium, 29
Linea candida abdominis, 108. seu fe-
milunaris, *ibid.*
Linea candida linguæ, 95
Linea mediana linguæ, *ibid.*
Lineæ manus, 11
Linea cerebri, *ibid.*
Linea menfalis, *ibid.*
Linea vitæ in manu, vitæ longitudinem
monstrat, 11
Linguae frenum, 74. motus, 95. mu-
sculi, *ibid.* linea candida, 95. media-
na, *ibid.*
Lingua cur in ardentibus febribus ni-
grescat causa vera, 174
Loculi muliebres quid, 255
Longus quis dicatur, 14
Lumbi, 8. 4
Lumborum motus, 114. musculi, *ibid.*
Lumborum ψόα, 9. pulpa, *ibid.* verte-
bræ quinque, 51
λύσωμα & τριχών, 2

M.

Macrocephali, 16
Malæ, 5. unde dictæ, *ibid.* cur rubeant
in peripneumoniis, *ibid.*
Malleolus internus, 12. 63. externus, *ibi.*
Malleoli male Tali à medicis dicuntur, 12

Malleus auditus ossiculum, 37. ejus ca-
pitulum, *ibid.* processus, *ibid.* inven-
tor, *ibid.*
Mammæ, 7
Mammarum magnitudo, 18. quomodo
variet, *ibid.* in nutrice consideran-
da, *ibid.*
Mammæ cum utero consensus infi-
gnis, unde? 109. 161
Mammæ puellis infantibus non appa-
rent: pubescentibus erumpunt: men-
sibus aptis attolluntur: gravidis intu-
mescunt; senioribus flaccescunt, 267
Mammillæ, 7
Mammillæ virorum, 266. ex quibus
constent, *ibid.* lac non habent, *ibid.*
Mammæ sceminarum, 266. ex quibus
partibus constent, *ibid.* earum cana-
les lactiferi, *ibid.* vasa, 267. magni-
tudo, *ibid.* usus, *ibid.*
Mammosæ sceminæ libidinosiores, 161
Mammillares cerebri processus, 193. 303
Manus & ejus partes, partiumque ap-
pellationes, 10. 57. ejus ambigui-
tas, 10
Manus extrema, 10. ejus divisio, 11.
ejus dorsum, *ibid.*
Manus lineæ, 11. monticuli, *ibid.* cæ-
fura, *ibid.* ἀγέλα, *ibid.*
Manns five carpi motus, 121. musculi, *ibi.*
Manus ossa, 32. 59
Mas an plures habeat costas quam fœ-
mina, 53
Masticatoria in oculorum affectibus ad-
hibenda, non errhina, 189
μαστοί, 7
μαχαλῖς, 6
Matrix, 257. 258
Maxilla inferior, 6. superior, 5. 39
Maxillæ inferioris os, 31. 41. homini
brevissimum & rotundum, *ibid.* ex
unico osse constat adultis, *ibid.* mo-
bile, durum, crassum, *ibid.*
Maxillæ inferioris motus, 93. muscu-
li, *ibid.* figura, 41. processus duo, *ibi.*
foramina duo, *ibi.* asperitates tres, 42.
cavitates, *ibid.*
Maxillæ superioris ossa, 31. 40. conne-
xio, 40. futuræ, *ibid.* substantia, 39
Meatus auditorius, 36
Meatus bilarius in jejunio, 228
Meatus urinarius, 9. 243
Mediastinum, *vide* membrana mediasti-
num.
Medius venter, 265. ejus cuticula, *ibid.*
cutis, *ibid.* pinguedo, 266. membra-
na carnosæ, *ibid.*
Medii ventris situs, 265. figura, *ibid.*
partes duplices continentes & con-
tentæ, *ibid.* musculi, 100
Medius venter calori influenti dica-
tus, 265
Medullam non esse ossium alimentum
probat, 30. quem usum præstet, *ibi.*
Medulla in capite contenta, 290
Medulla spinalis, 193. *vide* spinalis me-
dulla.
μήλα, 5
Melancholiæ hypochondriacæ sedes,
179
Membrana carnosæ, 213. cur carnosæ
dicatur esse, cum revera sit nervea, *ibi.*
in multis animalibus musculi munere
fungitur, *ibid.* in quibusdam locis in
homine carnosæ quoque est, *ibid.* in
recens natis rubra, *ibid.* sensu exqui-
sito prædita, *ibid.* horrores vellicata

excitat, <i>ibid.</i> ejus usus, <i>ibid.</i> non ita bene à pinguedine distinguitur, <i>ibid.</i>	Musculi definitio secundū Galenum, 79.	Musculi buccarum, 91
Membrana Mediaſtinum dicta, 269. ejus etymologia, <i>ibid.</i> substantia, <i>ibid.</i> superficies, <i>ibid.</i> magnitudo, 270. vasa, <i>ibid.</i> usus, <i>ibid.</i>	secundum Auctorem, 80	Musculi capitis, 97. eorum numerus, 98
Membrana pleura, 268. ejus appellationes, <i>ibid.</i> substantia, <i>ibid.</i> vasa, <i>ibid.</i> figura, <i>ibid.</i> superficies, <i>ibid.</i> magnitudo, <i>ibid.</i> foramina, <i>ibi.</i> exortus, <i>ibi.</i> usus, <i>ibid.</i>	Musculi divisio in principium, medium, & finem, 81	Musculi carpi, 121
Membrana Peritoneum, 213. <i>vide</i> Peritoneum.	Musculi principium seu caput, medium seu venter; finis seu cauda male vulgo definiuntur, 81. daturque alia eorum definitio, 82	Musculi cervicis, 99
Membranæ Matres, 288	Musculorum finis male <i>Σπυγώρως</i> , aut <i>πένων</i> , sive tendo dicitur, <i>ibid.</i>	Musculi cruris, 126
Membranæ Cerebri, <i>vide</i> Cerebri membranæ.	Musculorum partes dissimilares quæ, 81	Musculi cubiti, 119. <i>flectentes</i> , <i>ibid.</i>
Membrana <i>ἄρτης</i> , 248. <i>ἀρτὶς</i> , <i>ibid.</i> <i>ἐλυθρείδης</i> , <i>ibid.</i> <i>ἐλκθρείδης</i> , <i>ibid.</i>	Musculorum partes similes septem, 82, quædam ex his communes, quædam propriæ, <i>ibid.</i>	extendentes, 120
Membrana cerebri, ventriculos succingens, 291	Musculus motus animalis instrumentum, 79	Musculi Fallopiiani, 108
Membranæ viscerum imi ventris unde nascantur, 214. non ubique æqualis crassitie, sed crassiores, quorum viscerum arteriæ plures sunt, 215	Musculus pars dissimilaris, 79. quomodo pars similis interdum dicatur, <i>ibi.</i>	Musculi faucium, 96
Memoriæ sedes, 35	Musculi propria actio quæ, 80	Musculi femoris, 126. eorum numerus, <i>ibid.</i> situs, <i>ibid.</i>
<i>Μνήμης</i> , 288	Musculorum doctrina quam utilis & necessaria, 78	Musculi frontis, qui sint, 98. rectius superciliorum musculus dicendi, <i>ibid.</i> iis læsis palpebræ decidunt, 190
Mentes per quas venas fluant ex observatione Auctoris, 161. 259	Musculorum motus quatuor sunt, 80	Musculi genarum, 91
Mentes pudenda laxant, 161	Musculus unus interdum pluribus motibus est destinatus, 88	Musculi humeri, 117. numerus, <i>ibid.</i>
Mentula, 9. magna itemque parva cur improbetur, 19	Musculus tantum habet fibras rectas, 82	Musculi infimi ventris, <i>vide</i> Abdominis musculus.
Mentula muliebris, 255	Musculorum contractio quid denotet, 80	Musculi intercostales, 104. externi & interni, <i>ibid.</i> quot sint, <i>ibid.</i> cur quidam plures ac author ponant, <i>ibid.</i>
Mentum, 6	Musculi pars primaria est tendo, probatur, 83	Musculi <i>κρεμαστῆρες</i> , 115
<i>Μηρὸς</i> , 12. 61	Musculorum figuræ mediæ & extremæ, 80	Musculi labiorum, 92. eorum numerus, <i>ibid.</i>
<i>Μεσάραιον</i> , 232	Musculi quidam semper sunt in media figura, <i>ibid.</i>	Musculi laryngis, 96
<i>Μεσεντέριον</i> , <i>ibid.</i>	Musculorum constructio, 81	Musculi linguæ, 95. numerus, <i>ibid.</i>
Mesenterium, 232. à Gaza lactes vertitur, <i>ibid.</i> divisio, <i>ibid.</i> figura, <i>ibid.</i> magnitudo, <i>ibid.</i> substantia, <i>ibid.</i> vasa, <i>ibid.</i> glandulæ, <i>ibi.</i> connexio, <i>ibi.</i> exortus, <i>ibid.</i> adeps, <i>ibid.</i> usus, 233	Musculos excarnandi modus, 83	Musculi lumborum, 114. <i>flectentes</i> , <i>ibi.</i>
<i>Μεστέριον</i> , 232	Musculorum differentia ex tribus classibus petita, primo ex iis, qui totum musculi corpus respiciunt, 85. secundo, quæ dissimilares partes concernunt, 86. tertio quæ similes, 87	extendentes, <i>ibid.</i>
<i>Μεσμήριον</i> , 8	Musculorum variæ formæ, 78. 85	Musculi manus digitos <i>flectentes</i> , 122.
<i>Μεσφρεν</i> , 3	Musculorum quis maximus, 86. minimus, <i>ibid.</i> crassissimus, <i>ibid.</i>	extendentes, 124. oblique trahentes, 125
Metacarpus, 11. 59. ossa quatuor, <i>ibid.</i> figura, <i>ibid.</i> substantia, <i>ibid.</i> magnitudo, 60. appendices, <i>ibid.</i>	Musculorum numerus valde controversus, 86	Musculi maxillæ inferioris, 93. eorum numerus, <i>ibid.</i>
<i>Μετακάρδιον</i> , 11	Musculorum caput quot differentias habeat ratione substantiæ, 86. figuræ, <i>ibid.</i> magnitudinis, <i>ibid.</i> numeri, 87. situs, <i>ibid.</i>	Musculi nasi, 91. quatuor paria, <i>ibid.</i>
<i>Μεταπρεδόν</i> , 13	Musculorum venter quot differentias habeat, ratione substantiæ, 87. figuræ, <i>ibid.</i> magnitudinis, <i>ibid.</i> numeri, <i>ibid.</i> situs, <i>ibid.</i>	Musculi oculorum sex, 90. eorum situs, <i>ibid.</i>
Metatarsus, 13. 65. ejus ossa, <i>ibid.</i> horum magnitudo, <i>ibi.</i> appendices, <i>ibi.</i> connexio, <i>ibid.</i>	Musculorum finis quot differentias habeat ratione substantiæ, 87. figuræ, <i>ibid.</i> magnitudinis, <i>ibid.</i> numeri, <i>ibid.</i> situs, <i>ibid.</i>	Musculi offis hyoidis, 95
<i>Μετάρφρενον</i> , 7	Musculorum tendo quot discrimina faciat ratione figuræ, 87. magnitudinis, <i>ibid.</i> numeri, <i>ibid.</i>	Musculus palmaris, 122. ejus descriptio, <i>ibid.</i> ejus tendo, <i>ibid.</i> caro quadrata, <i>ibid.</i>
<i>Μελαυχένιον</i> , 48	Musculorum alii nervos habent, alii illis destituuntur, 81. 87	Musculi palpebrarum, 89
<i>Μήτρα</i> , 257	Musculorum doctrina quantas difficultates habeat, & quomodo tollendæ, 88	Musculi pedis, 129
<i>Μέτωπον</i> , 3	Musculorum divisio, <i>ibid.</i>	Musculi pedis digitos <i>flectentes</i> , 131.
Mola, 12. 62	Musculorum nomina & appellationes unde petendæ, <i>ibid.</i>	extendentes, 132. ad latera trahentes, <i>ibid.</i>
Mons Veneris, 255	Musculorum numerus immensus & incertus, 88. quomodo tamen facile addiscendus, <i>ibid.</i> & verus numerus inveniendus, <i>ibid.</i>	Musculi penis, 116. usus, <i>ibid.</i> numerus, <i>ibid.</i>
Monticuli manus, 11	Musculorum omnium totius corporis enumeratio seu catalogus, 133	Musculus plantaris, 131. ejus descriptio, <i>ibid.</i>
Morbi magnitudinem corporis immutare possunt, 15	Musculorum usus in genere multiplex, 80	Musculi pyramidales, 108. an distinctum par à rectis abdominis, 109
Motus duplex, naturalis & animalis, 79	Musculi Abdominis, <i>vide</i> Abdominis musculus.	Musculi radii, 120
Motus animalis musculi beneficio fit, <i>ibi.</i>	Musculus ani, 115. est duplex, <i>ibid.</i>	Musculi scapulæ, 116
Motus musculi non est ejusdem actio, sed effectus actionis, 80	Musculi auricularum, 94. aurium, <i>ibid.</i>	Musculi subclavii finis & principium, 107.
Motus sponaneus, 79		ejus usus verus, <i>ibid.</i>
Motus voluntarius quis dicatur, <i>ibi.</i> & 186		Musculi succenturiati, 109
Mucus quid, 298		Musculus <i>σφιγκτήρ</i> , 115
Mulier sanguinem vomenti erumpentibus mensibus cur solutio fiat, 182		Musculi tarſi, 129
Mulieres ad conceptionē ineptæ quæ, 19		Musculi testium, 115. numerus, <i>ibid.</i>
Mulieres quænam difficulter pariant, <i>ibi.</i>		Musculi thoracis qui vocentur, 100.
Musculus unde dictus, 78. an Aristoteles cognoverit, 79. Hippocrati cognitus, <i>ibid.</i> apud Aristotelem caro dictus, <i>ibid.</i>		quot sint revera, 102
		Musculi tibiæ, 128. numerus, situs, <i>ibi.</i>
		Musculus trochlearis, 91
		Musculus vesicæ, 115
		Musculus <i>ψόας</i> , 126
		<i>Μυκτήρ</i> , 3
		<i>Μύλη</i> , 12. 62
		<i>Μυζωτήρ</i> , 3
		Myrinx, 302
		<i>Μύρρον</i> quid Veteribus in pudendo muliebri dictum, 255
		<i>Μύς</i> , 78
		<i>Μύσαξ</i> , 6
		N.
		Nanos ex morbo fieri, 15
		Na-

Nares, 3. narium pinnae, <i>ibid.</i>	Nubes frontis, 3	Oculorum humores, 300. tres sunt, <i>ibid.</i>
Nasus & ejus partium appellationes, 3	Nutritio an fiat humoribus excrementitiis, 167	Aqueus, <i>ibid.</i> Crytallinus, 301. Vitreus, <i>ibid.</i>
Nasi divisio, <i>ibid.</i> ejus spina, <i>ibid.</i> globulus, <i>ibid.</i> dorsum, <i>ibid.</i> Columna, <i>ibid.</i> alæ, <i>ibid.</i> diaphragma, <i>ibid.</i>	Nutrix qualis eligenda, 18	Oculi actio & usus, 301
Nasus motus quot, 91. musculi, <i>ibid.</i>	Nymphæ, 10. 255	Oculi orbita quot constituantur ossibus, 41
Nasus internus, ejusque partes, 303	O.	Oculis semiapertis dormire in acutis morbis cur lethale, 190
Nasus externus, <i>ibid.</i> ejus partes, <i>ibid.</i> ejus membrana exquisitè sentit, <i>ibid.</i>	Obesi cur difficiliter respirent decumbentes, 216. cur infœcundi, 210	Oculorum affectus qua ratione curandi, 189
Nates, 9	Observationes in Auctore passim occurrentes: de immutatione magnitudinis hominum in Belgio, 16. de subcavo oculi, 4. de mentula longa, 19. de pudendo muliebri, <i>ibid.</i> de pedibus longis, 20. de humore articulari, 29. de lienis affectibus, 18. observ. in purgationibus præscribendis, 19. & 20. observ. de futuris cranii, 32. de trepanisatione, 35. observ. chirurg. circa dentium radices, 42. circa humeri luxati restitutionem, 47. observationes circa ossa pubis & os sacrum, 56. & 112. circa curationem unguium, 67. observ. chirurg. circa restitutionem ossium fracturæ & luxatorum, 80. observ. anatom. circa distinctionem musculorum, 88. obs. chirurg. circa frontis abscessum, 89. obs. anat. circa motum diaphragmatis in vivis, quo viscera pellit & attrahit, 101. obs. nova de insertione nervorum in musculos rectos, 109. observ. circa musculum palmarem, 122. circa tendinem magni calcis, 130. circa venas, 140. observ. anatom. circa intestina, 146. circa anastomoses venarum in hepate, 147. circa apertionem thoracis, 154. obs. practica circa calculi renum curationem, 160. circa sanguinis concrectionem, 169. circa vermes in venis, 170. observationes duæ circa arterias, 173. circa frigida potum, 174. circa clysteres purgantes, 181. circa dolores colicos, <i>ibid.</i> observ. practica circa oculorum affectus, 189. circa palpebras prolapsas, 190. circa veneno interfectos, 205. circa tumores internos qui frigidi apparent, 209. circa paracenetum, 218. circa Hepatis lobum tertium, 223. circa intestini coli valvulam, 230. circa sanguinis vomitum, 241. circa uteri ligamenta, 259. circa vulnera thoracis, 269. observ. chirurg. circa pericranium. 287	Oculus quo pacto extra orbitam possit procidere, nervo optico integro, <i>ibid.</i> Oculus uterque cur simul moveatur, 189 <i>ὁδόντες</i> , 5 <i>ὀπίσθιος</i> , 223 <i>ὀπίσθιος</i> , 10. 58
Naturalia, <i>ibid.</i>		Olfactus instrumenta, 303
Natura muliebris, 254		Omentum, 219. ejus etymologia, <i>ibid.</i> substantia, <i>ibid.</i> magnitudo, <i>ibid.</i> figura, <i>ibid.</i> connexio, <i>ibid.</i> membranae siue alæ duæ, 220. origo, <i>ibid.</i> vasa, <i>ibid.</i> usus, <i>ibid.</i>
Naturæ artificium in fabrica musculorum rectorum abdominalis, 113		Omentum homini sæpe pubis ossa attingit, 219
Naviculare os, 64. ejus pars convexa & concava, <i>ibid.</i> situs, <i>ibid.</i>		Omenti situs naturalis, 219. dum itamus, currimus, equitamus, descendit, <i>ibid.</i> quandoque superior membrana locum mutat, quandoque interior, <i>ibid.</i> obesis descendit ob pondus, <i>ibid.</i> obesum uteros comprimit, ut steriles fiant, <i>ibid.</i> intestinis flatibus repletis involvitur, <i>ibid.</i> in hernia descendit, <i>ibid.</i>
Necrosis unguium, 12		Omentum ex Galeni sententia conæctitur ventriculo, lieni & colo, 219. imo vero & hepati, <i>ibid.</i> & quomodo, <i>ibid.</i>
Necrosis, 243		Omentum quibus abscissum est, iis frustratur cibi concoctio, 220
Nervus, 185. ejus homonymia, <i>ibid.</i> propria significatio, <i>ibi.</i> definitio, <i>ibi.</i> substantia, <i>ibi.</i> membrana duplex, <i>ibi.</i> venulae exiles ipsum nutriendes, <i>ibid.</i>		Omentum concoctionem juvat, <i>ibid.</i>
Nervorum interior substantia medullaris, ubi conspicua, 186		Omenti ex Hippocr. sententia, usus improbatur, <i>ibid.</i>
Nervorum differentia, 187		Omentum cur homini quam brutis majus, <i>ibid.</i>
Nervorum alii molles, alii duri, <i>ibid.</i>		<i>ὀμῶν</i> , 6
Nervi omnes teretes, <i>ibid.</i>		<i>ὀμῶν ἀπὸ πύλου</i> , 7. 47
Nervorum exortus diversus, 188		<i>ὀμῶν</i> , 10
Nervorum primi, secundi, quinti, atque octavi paris verus ortus, 295		<i>ὀμῶν ἀπὸ πύλου</i> , unde dictus, 8
Nervorum doctrinæ utilitas, 185		<i>ὀμῶν</i> manus, 12. 66. pedis, 13. 66
Nervi quasi omnibus musculis insunt, 84		<i>ὀμῶν</i> , 4. 299
Nervus in muscoli aut principium, aut medium, nunquam in finem inferitur, 84. 101		<i>ὀμῶν</i> , 3. 26
Nervi in musculum insertio qualis, 84		Orbita oculi sex ossibus constituitur, 41
Nervi in musculum distributio qualis, <i>ibid.</i>		<i>ὀμῶν</i> , 9. 248
Nervi ex innumeris funiculis contexti, 186		<i>ὀμῶν</i> , 6
Nervi non sunt distincti in sensorios motoriosque, <i>ibid.</i>		Os, 21. unde dicatur, <i>ibid.</i> quid sit, <i>ibid.</i>
Nervi olfactorii, 193. cur inter nervorum paria non recenseantur, <i>ibid.</i>		Ossium cognitio quam utilis & necessaria, 21
Nervorum olfactoriorum verus ortus, <i>ibid.</i> & 295		Ossium doctrina fundamentum Anatomiae, <i>ibid.</i>
Nervorum aliqui tantum sensum ferunt, alii sensum & motum, 186		Os pars simplex & quomodo, 21 & 22
Nervorum plexus sexti paris, 191		Os quot usus præstet, <i>ibid.</i>
Nervorum paria triginta octo, 188. ex quibus octo cerebri dicta, <i>ibid.</i> septem medullæ cervicalis, <i>ibid.</i> & 193. duodecim dorsalis, 188. & 196. quinque lumborum, 188. & 197. sex ossis sacri, 188. & 198		Ossium differentia, 22. à temperamento, <i>ibid.</i> ab ætate, <i>ibid.</i> à sexu, <i>ibid.</i> à figura, 23. à meatibus, <i>ibid.</i> à superficie, <i>ibid.</i> à magnitudine, <i>ibid.</i> à numero, <i>ibid.</i> à situ, 24. à sensu, <i>ibid.</i> à tempore generationis, <i>ibid.</i>
Nervi cerebri qui dicantur, 188		Ossa virorum duriora foeminarum ossibus, 22
Nervi spinalis medullæ qui dicantur, <i>ibid.</i>		Ossa puerorum mollia, <i>ibid.</i>
Nervorum cerebri historia, <i>ibid.</i> verus ortus, 295. & 188		Ossa non omnia æque dura, <i>ibid.</i>
Nervus auditorius, 191		Ossa cur plura, non unum, 23. 26
Nervi brachiorum, 198. eorum plexus, <i>ibid.</i> ortus, <i>ibid.</i>		Ossium sit ne aliquod principium, quale venarum, 31. & quodnam sit, <i>ibid.</i>
Nervi crurum, 200		Ossa ex duabus constant partibus, præcipua & adnata, 25
Nervus fistularis, 9		Ossium compositio, 27. quotuplex, <i>ibi.</i> <i>ὀστέον</i> , & <i>κατὰ ἀξίον</i> , 28
Nervi optici revera perforati, 187. & 189		Ossium
Nervi recurrentes, 192. iis præcisus vox perit, & quamobrem, <i>ibid.</i>		
Nervum à corde ad digitum annulare mitti fabula, 11		
Necrosis quid significet, 185		
Neutra ossium articulatio, 28. quotuplex ea sit, <i>ibid.</i>		
Nigrum oculi, 300		
Nodi digitorum, 11		
Nodus gutturis, 6		
Necrosis, 7		
Nubeculae unguium, 12		
	Occiput, 2. ejus os, 35	
	Oculus & ejus partes, 4. & 299	
	Oculus internus, <i>ibi.</i> externus, 4. & 299	
	Oculorum motus, 90. musculi, <i>ibid.</i>	
	Oculi pars primaria, 301	
	Oculorum adeps, 299	
	Oculorum anguli, 4	
	Oculi cavum, <i>ibid.</i> subcavum, <i>ibid.</i>	
	Oculi subcavum, si intumuerit, quid significet, 4	
	Oculi pupilla, 300. ejus nigrum, <i>ibid.</i> album, 5	
	Oculorum vasa, 299	
	Oculorum tunica, 299. earum numerus apud anthores incertus, <i>ibid.</i> qui tamen facile cognoscatur, <i>ibid.</i>	
	Oculorum tunica dura, 300. Cornea, <i>ibi.</i> Vvea, <i>ibi.</i> Retina, <i>ibid.</i> Adnata, <i>ibid.</i>	
	Innominata, <i>ibid.</i> Crytallina, <i>ibid.</i>	
	Aranea, <i>ibid.</i> Vitrea, <i>ibid.</i>	

Osium nutrimentum quod,	29	Os ἰχθύνιον,	54	Os tibiae, 62. substantia, <i>ibid.</i> appen-	
Osium appendix seu ὀπίσθιος, 25. pro-		Os innominatum, 54. unde dictum, <i>ibid.</i>		dices duae, <i>ibid.</i> sinus, <i>ibid.</i> tubercu-	
cessus, <i>ibid.</i> sinus, <i>ibid.</i> capita, 26.		ex quibus ossibus componatur, <i>ibid.</i>		culum, <i>ibid.</i> cartilago, <i>ibid.</i> capitu-	
cervicis, 25. colla, <i>ibi.</i> τετραχίλοι, <i>ibi.</i>		differentia in utroque sexu, 55		lum laterale, <i>ibid.</i> foraminula, <i>ibid.</i> tu-	
κροτώνη, <i>ibid.</i>		Os jugale, 39. ejus partes, <i>ibid.</i> situs, <i>ib.</i>		berculum anterius, <i>ibid.</i> tres lineae, <i>ib.</i>	
Osium appendicum usus,	25	usus, <i>ibid.</i>		tria latera, <i>ibid.</i> spina, <i>ibid.</i> malleo-	
Osium omnium numerus, , 31. 32. ol-		Os λαγώνων,	54	lus,	63
sium capitis numerus, 32. ossium cra-		Os λαμβδοειδές,	44	Os verticis, <i>vide</i> os sincipitis.	
nii numerus, 31. cervicis, <i>ibid.</i> tho-		Os λιθοειδές,	36	Os ὑψιλοειδές,	44
racis, 31. 32. imi ventris, 32. ar-		Os malae, 40. ejus foramina,	41	Osculum externum uteri cervicis,	10
tuum, <i>ibid.</i>		Ossa manus utriusque, octuaginta qua-		ὄρχηστρος, membrana,	9 248
Officula tria auditui inservientia, 37.		tuor,	32	ὄσφύς,	8
quis inventor eorum, <i>ibid.</i> eorum		Ossa manus extremæ,	59	ὄστέον, 21. unde dicatur,	<i>ibid.</i>
substantia, <i>ibid.</i> magnitudo, <i>ibid.</i> pe-		Ossa maxillæ superioris sex, 40. <i>vide</i> ma-		Ostiola venarum,	140
riorstio carent, <i>ibid.</i> perfecta sunt in		xilla superior.		ὤπιον,	6
infanti,	24	Os maxillæ inferioris, <i>vide</i> Maxilla in-		ὀυδεπέρας,	28
Os Calcis, <i>vide</i> Calcaneus.		ferior.		ὀυλον,	6
Ossa carpi octo, 29. eorum substan-		Ossa metacarpi quatuor, 59. eorum		ὀυρήθρας,	9
tia, <i>ibid.</i> figura, <i>ibid.</i> connexio, <i>ibid.</i>		substantia, <i>ibid.</i> figura, <i>ibid.</i> magni-			
series, <i>ibid.</i>		tudo, 60. appendices, <i>ibid.</i>		P.	
Os coccygis, 52. ex pluribus officulis		Ossa metatarsi quinque, 65. eorum sub-		Palma,	11
componitur, <i>ibid.</i> ejus substantia, <i>ibi.</i>		stantia, <i>ibid.</i> magnitudo, <i>ibid.</i> appen-		Palmaris musculus, 122. <i>vide</i> musculus	
connexio, 53. in mulieribus extror-		dices, <i>ibid.</i> connexio, <i>ibid.</i>		palmaris.	
sus nonnihil vergit, <i>ibid.</i> figura, <i>ibid.</i>		Os multiforme,	38	Palmula costarum,	54
usus, <i>ibid.</i>		Os naviculare, <i>vide</i> Naviculare os.		Palpebræ, 4. unde dictæ,	<i>ibid.</i>
Os coxendicis, 55. ejus acetabulum, <i>ib.</i>		Os ξιφοειδές,	46	Palpebræ si in somno conniveant, mor-	
sinus, <i>ibid.</i> appendix, <i>ibid.</i> duo tu-		Os occipitis, 35. ejus figura, <i>ibid.</i> nu-		tem significant, at non semper,	4
bercula, <i>ibid.</i> situs, <i>ibid.</i>		merus, <i>ibid.</i> substantia, <i>ibid.</i> superfi-		Palpebrarum crepidines,	<i>ibid.</i>
Os cribriforme, 38. <i>vide</i> Os spongio-		cies, <i>ibid.</i> foramina quinque, 36. si-		Palpebrarum motus, 89. musculi, <i>ibid.</i>	
sum.		nus, 35. appendices, 36		Palpebra cum prolatur supercilii mu-	
Os cubiforme,	65	Os pectoris, 46. ex quot ossibus con-		sculo læso,	190
Os cubiti vel Ulna, 58. quid commune		stet, <i>ibid.</i> substantia ejus, <i>ibid.</i> figu-		Pancreas, 234. ejus substantia, <i>ibid.</i> fi-	
cum radio habeat, <i>ibid.</i> quid proprii		ra, <i>ibid.</i> usus, <i>ibid.</i>		gura, <i>ibid.</i> situs, <i>ibid.</i> membrana, <i>ibi.</i>	
habeat, <i>ibid.</i> ejus gibber, <i>ibid.</i> ejus		Ossa pedis utriusque octuaginta qua-		usus multiplex, <i>ibid.</i>	
sinus sigmoides, <i>ibid.</i> processus sinus		tuor,	32	Panniculus carnosus,	213
ejus, <i>ibid.</i> sinus lateralis, <i>ibid.</i> pro-		Ossa pedis extremi,	63	Papillæ, 7. 267. earum magnitudo, 18.	
cessus styloformis, <i>ibid.</i>		Os φαρύγγειον,	44	sensus exquisitus, <i>ibid.</i> usus, 268	
Os cuneiforme, 37. connexio, 38. sub-		Os petrosus,	36	παρεγκεφαλιον,	12
stantia, <i>ibid.</i> processus, <i>ibid.</i> sinus, <i>ib.</i>		Os πλύμερον,	38	Paralysis imperfecta quomodo inter-	
foramina, <i>ibid.</i> <i>vide</i> plura Ossa cunei-		Ossa pubis, 55. foramen eorum, <i>ibid.</i> li-		dum colicos dolores sequatur, 181	
formia.		tus, <i>ibid.</i> sinus, <i>ibid.</i> cavitas pelvis, <i>ib.</i>		παρήμεριον,	12
Ossa digitorum manus quindecim, 60.		an dehiscant in partu, 56. an move-		Parastatae, 247. eorum ortus, <i>ibid.</i> si-	
eorum substantia, <i>ibid.</i> figura, <i>ibid.</i>		antur, 102. 112. qualiter movean-		tus, <i>ibid.</i> insertio, <i>ibi.</i> substantia, <i>ibid.</i>	
magnitudo, <i>ibid.</i> appendices, <i>ibid.</i>		tur, 113		membrana, <i>ibid.</i> usus, 252	
Ossa digitorum pedis, 66. substantia, <i>ib.</i>		Os sacrum, 52. unde dictum, <i>ibid.</i> non		Parastatae semen elaborant, 252. & qui-	
internodia, <i>ibid.</i>		est unum, <i>ibid.</i> figura, <i>ibi.</i> foramina, <i>ib.</i>		dem vi propria, <i>ibid.</i>	
Os ensiforme,	46	processus vertebræ, <i>ibid.</i> an dehiscat		παρέγχυμα,	84
Os ἡμμοειδές,	38	in partu, <i>ibid.</i>		παρεγκεφαλις,	292
Os femoris, 61. ejus substantia, <i>ibid.</i> fi-		Ossa scapularum, 47. figura eorum, <i>ibid.</i>		παρίσθμια,	282
gura, <i>ibid.</i> connexio, <i>ibid.</i> appendi-		tria latera, <i>ibid.</i> dorsa, <i>ibid.</i> cavitat-		Partes omnes simul formantur,	142
ces duae, <i>ibid.</i> caput, <i>ibid.</i> processus		es, <i>ibid.</i> anguli tres, <i>ibid.</i> basis, <i>ibid.</i>		Partium externarum totius corporis ap-	
duo, <i>ibid.</i> rotatores, <i>ibid.</i> sinus, <i>ibid.</i>		costæ, <i>ibid.</i> connexio, <i>ibid.</i> substan-		pellationes, 1 & seqq.	
impressiones, <i>ibid.</i> linea aspera, <i>ibid.</i>		tia, <i>ibid.</i> processus tres, <i>ibid.</i> cer-		Partes genitales earumque appellatio-	
foramina, <i>ibid.</i>		vix, <i>ibid.</i> spina, <i>ibid.</i> usus, 48		nes,	9
Os frontis, 34. ejus figura, <i>ibid.</i> con-		Officula sesamoidea manuum, 60. situs		Partes genitales mulierum,	10
nexio, <i>ibid.</i> substantia, <i>ibid.</i> caver-		eorum, <i>ibid.</i> substantia, <i>ibid.</i> figu-		Partes genitales viriles, 9. earum divi-	
na, 35. foramina, <i>ib.</i> processus, <i>ibid.</i>		ra, <i>ibid.</i> numerus, <i>ibid.</i> connexio, <i>ib.</i>		sio, <i>ibid.</i> historia, 247	
Os frontis in pueris duplex, 35		usus, <i>ibid.</i>		Partium in infimo ventre situs,	8
Os humeri, 57. situs, <i>ibid.</i> substantia, <i>ib.</i>		Officula sesamoidea pedum,	66	Partes imi ventris quæ sint quas Vena	
figura, <i>ibid.</i> ejus appendix superior, <i>ib.</i>		Os σιαφοειδές,	64	Portæ, quasve cava nutrit, 214	
capita superiora & inferiora, <i>ibi.</i> ap-		Os sphænoïdes,	37	Partes similes rectius dicuntur confi-	
pendix inferior, 62. trochlea, <i>ibid.</i>		Os spongiosum, 38. ejus partes qua-		miles,	22
sinus duo, <i>ibid.</i> tubercula duo, <i>ibid.</i>		tuor, <i>ibid.</i> & partium usus, 39. præ-		Patella, 12. 62. ejus magnitudo, 62.	
foramina, <i>ibid.</i>		ter naturam expurgat cerebri excre-		usus, <i>ibid.</i> substantia, <i>ibid.</i> conne-	
Os hyoides, 44. unde dictum, <i>ibid.</i> ejus		menta, <i>ibid.</i>		xio, <i>ibid.</i>	
synonymia, <i>ibid.</i> est os multiplex, <i>ibid.</i>		Os στυγώδες,	39	Parvus quis dicatur,	14
quot ossibus constet, <i>ibid.</i> basis ossis		Ossa sincipitis, 35. eorum numerus, <i>ib.</i>		πῆχυς,	10. 58
hyoidis, <i>ibid.</i> cornua ossis hyoidis, <i>ib.</i>		figura, <i>ibid.</i> connexio, <i>ibid.</i> magni-		Pecten mulieris quid,	255
processus ejusdem, <i>ibi.</i> connexio, 45.		tudo, <i>ib.</i> superficies, <i>ib.</i> substantia, <i>ib.</i>		Pecten pedis,	65
usus, <i>ibid.</i>		Os tali,	64	Pectus, 7. ejus longitudo,	17
Os hyoidis similitudo cum osse inferio-		Ossa tarsi, 63. quænam habeant inter se		Pedes,	10
ris maxillæ, 44. latera ejus humilio-		communia, <i>ibid.</i> numerus, 64. figu-		Pedis extremi motus, 129. muscu-	
ra, <i>ibid.</i> latera ejus superiora, <i>ibid.</i>		ra, <i>ibid.</i> connexio,	65	li,	<i>ibid.</i>
Ossis hyoidis motus, 95. musculi, <i>ibid.</i>		Ossa temporum, 36. eorum figura, <i>ibid.</i>		Pedis planta,	65
Os ἱερὸν,	52	magnitudo, <i>ibid.</i> connexio, <i>ibid.</i> sub-		Pedis ossa,	32
Os ilium, 55. ejus spina, <i>ibid.</i> costa, <i>ibi.</i>		stantia, <i>ibid.</i> sinus duo, <i>ibid.</i> foramina		Pedis extremi ossa, <i>ibid.</i> & 63	
dorsum, <i>ibid.</i> connexio, <i>ib.</i> situs, <i>ibid.</i>		quinque, <i>ibid.</i> processus quatuor, 40		Pedis	

I N D E X.

R r Pulsus

Pulsus cordis actio,	275	Sanguinis definitio, <i>ibid.</i> color, <i>ibid.</i>	Semen acredine perfusum, cur,	251	
Pulsus ex dilatione, constrictione, & intermedia quiete constat,	<i>ibid.</i>	Sanguinis receptacula,	165	Senes an minores sint seipſis juvenibus,	14
Pulsus efficiens causa, <i>ibid.</i> usus,	<i>ibid.</i>	Sanguinis materia,	<i>ibid.</i> & 168	Septum pellucidum in pene,	250
Pupilla,	300	Sanguinis efficiens causa,	165	Septum transversum,	103
Purgationes corporum per clysteres, optimè aded institui posse,	181	Sanguinis causa finalis,	<i>ibid.</i>	Serrati majoris musculi usus ex opinione Auctoris,	102. 117
Pygmei an dentur,	15	Sanguinis fibræ,	139	Serrati postici quem usum habeant, ex Auctoris sententia,	102. 105
πύλαι Hepatis,	146	Sanguis aspectu quidem homogeneous, at revera heterogeneus,	167	Sesamoidea officula, 60. <i>vide</i> Officula sesamoidea.	
πύλωρ,	225	Sanguinis partes quot & quæ sint, <i>ibid.</i> quas causas habeant,	168	σάγοναι,	5
R.		Sanguinis differentia quæ sint, <i>ibid.</i>		Simia non habet nates,	9
Ράχης,	7	Sanguis taurinus an sit venenum,	169	Sinus muliebris,	257
ράχη quid Hippocrati significet,	221	Sanguis venæ Portæ crassior ac feculentior, <i>ibid.</i> & cur,	<i>ibid.</i>	Sinus ossium & eorum differentia, 25.	26
Radius, 58. quid commune cum ulna habeat, <i>ibid.</i> quid proprii,	<i>ibid.</i>	Sanguis vasorum partium extremarum rubicundior quam aliarum,	169	Sinus duræ cerebri membranæ,	289
Radii capitulum superius, 58. cervix, <i>ibid.</i> tuberculum, 59. capitulum inferius, <i>ibid.</i> sinus lateralis, <i>ibid.</i> connexio cum ulna, <i>ibid.</i> ligamentum longum,	<i>ibid.</i>	Sanguis qui ex manu evacuatur, cur pulchrior & rubicundior, quam qui è brachio,	158	Situs viscerum imi ventris,	8. 216
Radii motus, 120. musculi,	<i>ibid.</i>	Sanguis cur rubicundior per cucurbitulas, quam venæ sectionem educatur,	169	σκαφίον,	31
ράση,	28	Sanguinis ratione animalia duplicia,	165	σκελετόν,	26
ράση lienis,	240	Sanguis alimentum omnium partium, <i>ibi.</i>		σκέλεθ,	12
Rectum intestinum, <i>vide</i> intestinum rectum.		Sanguis ad prudentiam confert,	166	σφραγιστες ὀδόντες,	44
Regio umbilicalis,	8	Sanguis ossium alimentum,	30	σφαγή,	8. 46
Remulus costarum,	54	Sanguis per quas vias ad ossa perveniat,	<i>ibid.</i>	σφαίριον,	3
Renes, 243. numerus eorum, <i>ibid.</i> situs, <i>ibid.</i> connexio, <i>ibid.</i> figura, <i>ibid.</i> magnitudo, <i>ibid.</i> partes, <i>ibid.</i> membrana, <i>ibid.</i> pinguedo, <i>ibid.</i> vasa,	244	Sanguis an possit in venis putrescere,	169, & 170	σφραγιστες ὀδόντες, 37. <i>vide</i> Os cuneiforme.	
Renum fascia,	243	Sanguis cur ex corde pellendus,	276	Sphincter ani, 115. usus,	<i>ibid.</i>
Renes succenturiati, <i>ibid.</i> eorum historia,	<i>ibid.</i>	Sanguis venosus quomodo differat ab arterioso,	139	Sphincter musculus vesicæ, 115. ejus usus,	<i>ibid.</i> & 246
Renum carunculæ papillares,	245	Sanguinis arteriosi usus,	<i>ibid.</i>	σφυρίδος,	172. 175
Renum glandulæ, 243. earum figura, <i>ibid.</i> substantia, <i>ibid.</i> vasa, <i>ibid.</i> usus, <i>ibid.</i>	<i>ibid.</i>	Sanguinis venosi color, <i>ibid.</i> fibræ, <i>ibid.</i> crassities, <i>ibid.</i> usus,	<i>ibid.</i>	σφύρις,	275
Renum actio,	245	Sanguis quomodo perveniat ad partes,	141	σφραγ,	12
Renum usus,	<i>ibid.</i>	Sanguis trahitur à partibus non pellitur à venis, ex opinione auctoris,	<i>ibid.</i>	Spina dorsii, 7. 48. ossibus constat viginti quatuor,	48
Renes ad se ferum trahunt,	<i>ibid.</i>	Sanguis conficitur in venis ex Galeni & auctoris sententia,	143	Spina tibiæ,	62
Renum calculi ubi generentur,	159	Sanguinis ultima perfectio fit in dextro cordis ventriculo,	237	Spinalis medulla, 193. ejus etymologia, 193. homonymia, <i>ibi.</i> origo, <i>ibi.</i> membranæ, <i>ibid.</i> forma, <i>ibid.</i> nervi, <i>ibid.</i> usus,	194
Ren sinister dextro superior,	145	Sanguis menstruus, <i>vide</i> Menses.		Spinalis medullæ verus ortus,	295
Ren sinister cur dextro magis calculo obnoxius,	160	Sanguificationis historia,	237	Spiritus ex sanguinis αέρωσι fiunt,	173
Respiratio, 282. ejus causa, <i>ibid.</i> partes, <i>ibid.</i> usus,	283	Sanguificationem nec in corde, nec in jecore fieri ut queat probari,	143	Spiritus vitales qui dicantur, 172. non generantur ex aere, <i>ibid.</i> refrigerantur, & cur in cerebro, 296. attenuantur in cerebro,	<i>ibid.</i>
Respiratio duplex, libera & coacta, item naturalis & voluntaria,	100	Sanguificatio Hepatis, <i>vide</i> Hepatis sanguificatio.		Spiritus animales quomodo generentur, 296. ex qua materia,	<i>ibid.</i>
Respiratio fit sine abdominis musculorum ope & probatur,	101	Scapulæ, 7. 47. <i>vide</i> & Os scapularum.		Spiritus animales nervos in substantia pervadere probatur,	187
Rete,	219	Scapularum motus, 116. musculi, <i>ibid.</i>		Spiritus animalis quomodo in oculo videat, in aure audiat,	252
Rete mirabile etiam in homine invenitur,	176	Skeleton,	26	Spiritus proprii ad seminis virilis generationem non requiruntur,	<i>ibid.</i>
ρίζωνες,	12	ρίσμα vulvæ,	10. 255	σπλάγχνον,	271
Rima magna vulvæ muliebris,	10. 255	Scortum,	9	Splen <i>vide</i> Lien.	
ρίν, ρίς,	3	Scrobiculus cordis,	46	Splenia quid,	240
Rotatores femoris, 61. externus, <i>ibid.</i> internus,	<i>ibid.</i>	Scrotum,	9	Spleniatur mentum quid,	<i>ibid.</i>
Rotula,	12. 62	Seçtio thoracis ubi facienda,	154	Splenica arteria, <i>vide</i> Arteria splenica.	
Rugæ,	3	Sella turcica,	38	Splenica vena, <i>vide</i> vena splenica.	
ρύνια,	3	Semen virile corporis nostri materia non est,	251	σπληνιδες ὀδόντες,	38
ρωθωνες,	<i>ibid.</i>	Seminis materia sanguis, <i>ibid.</i> non tamen quivis sed perfectissimus, <i>ibid.</i> cur non ex vena Portæ ducatur, <i>ibid.</i> cur arteriosus,	<i>ibid.</i>	Spondyli,	48
S.		Semen virile non ab it in auras, ut quidam putant statuisse Aristotelem, 251. sed calidum influens ac innatum constituit,	<i>ibid.</i>	Stapes auditus officulum, 37. ejus capitulum, <i>ibid.</i> basis, <i>ibid.</i> titus, <i>ibid.</i>	
Sacrolumbi musculi, & eorum usus ex sententia auctoris,	102. 104. 105	Semen virile, quomodo dicatur Ἀγλύνεσθαι καὶ πνέματι δῶσθαι apud Aristotelem,	251	σέαρ,	21
Sacrum veteribus quid significarit,	52	Semen virile non asservatur in testibus sed proſtatis,	253	σήμα,	9. 249
Særum,	210	Semen per quas vias, & quomodo in Vrethram coitus tempore deducatur,	249	σεφάνη glandis,	9
Sævi & pinguedinis differentia,	<i>ibid.</i>			σεφάνη oculi,	8
σάχηνη,	219			Sterilitatis signa,	19
Salvatella, <i>vide</i> vena Salvatella.				Sternum, 7. <i>vide</i> Os pectoris.	
Sanguis & sanguen,	164			σήθ,	7
Sanguinis synonymia nulla, <i>ibid.</i> homonymia,	<i>ibid.</i>			Sternutatio nimia quomodo quibusdam repentinam cæcitatem attulerit,	189
				Stillicidium pro ventriculo cur satius sedentibus quam decumbentibus fiat,	218
				στόλιδες,	3
				στόμα,	5
				Sto-	

Stomachus Græcis quid, 224. apud Latinos pro ventriculo sumitur, *ibid.*
 Stupor cruris in calculo unde, 243
 Subclavii musculi usus ex Auctoris opinione, 102, 106
 Succinctum, 103
 Samen, 8
 Supercilia quid, 3. horum caput & cauda, *ibid.*
 Supercilia sinuum ossium, 26
 Supinatorius musculi, 120
 Supplicatoria ex helleboro albo, quomodo sæpe gravia symptomata inferant, 181
 Sura, 12
 Surdi nati cur etiam muti fiant, 191
 Sutura quid, 28, 33. ejus ambiguitas, 28. usus triplex, 32
 Sutura senibus abolentur, 33. & quæ prior ex ipsis, *ibid.*
 Suturae utrique sexui, & quidem numero pari sunt communes, *ibid.*
 Suturae quotuplices, *ibid.*
 Suturae in infantibus rectam lineam referunt, 33
 Suturae solis capitis ossibus competunt, *ibid.*
 Sutura coronalis, 33. sagittalis, *ibid.*
 Suturae lambdiformis, *ibid.*
 Suturae squamosæ, 34
 Sutarum quæ dicantur veræ, 33. & cur veræ dicantur, 34. quæ mendosæ, 33. quæ propriæ, *ibid.* quæ communes, *ibid.*
 Sutarum verarum historia, 33
 Sutarum mendosarum numerus, 34
 Sutarum Communium historia, *ibid.*
 συμμύεσθαι quid Hippocrati, 259
 Symphytis ossium, 27. quotuplex, *ibid.*
 συνάφῃσιν, 28. quotuplex, *ibid.*
 Synciput, 2. ejus etymon, *ibid.* ossa duo, 35
 συνδύσματος, 28
 συνδύσματος, 27
 συνέφους, 3
 συνένωσις, 28
 συννύμφησις, *ibid.* ab Authore inventa, 27
 συνχύνδωσις, 27
 συναρθεύσις, *ibid.*

T.

Tactus immediatum instrumentum caro, & quomodo, 209, 303
 Talus, 12. 64. ejus figura, *ibid.* tæx latera, *ibid.*
 Talum alia quoque animalia habent, 64
 Talus improprie de malleolis dicitur, 12
 Τάξις, 4
 Tarsus, 13. 63. ejus motus, 129. musculi, *ibid.* ossa, 64
 Temperamentum unde dijudicari queat, 2
 Tempora, *ibid.* unde dicta, *ibid.* ejus ossa, *ibid.*
 Tendo musculi quid sit, 82
 Tendo vox ambigua, 84
 Tendo pars similis, *ibid.*
 Tendo pars simplex & sui generis, *ibid.*
 Tendo per totum musculi corpus, & quidem secundum longitudinem diffunditur, *ibid.*
 Tendo divisus carne stipatur, *ibid.*
 Tendo contractioni maximè opportunus, 83
 Tendinis substantia, *ibid.*
 Tendinis temperies, *ibid.*
 Tendinis temperiem consequentia, *ibi.*

Tendinis materia, *ibid.*
 Tendo tantum secundum longitudinem musculi ducitur, 82
 Tendo non tantum in fine, sed & principio musculi reperitur, *ibid.*
 Tendo est primaria musculi pars, 83. probatur id quatuor rationibus, *ibid.*
 Tendo illa pars est per quam fit musculi contractio, 83
 Tendo modo unitus est modo divisus, 82. & cur, 83
 Tendo magnus ab Hippocrate ita dictus, 130
 Tentigo mulieris, 255
 Tergum, 7
 Testes, 9. unde dicantur Latinis, 248
 Testes viriles, 247. eorum substantia, *ibid.* partes, *ibid.* magnitudo, 248. figura, *ibid.* musculi, 115. & 248. tunicæ quatuor, 248
 Testes viriles nunquam semen in se continent, 252
 Testes viriles non generant semen, nec in se, neque in alio per irradiationem, 252. quibus argumentis id probari possit, *ibid.*
 Testes viriles non habent in se spiritus proprios, tanquam in fonte suo, 252
 Testes viriles non egent peculiari spiritu ad seminis generationem, *ibid.*
 Testibus virilibus ablatis, aut læsis, cur generandi vis pereat, cum testes semen non generent, 253
 Testium virilium verus usus ex Auctoris sententia, 252
 Testes viriles quomodo ad seminis generationem secundo conferant, *ibi.*
 Testes viriles serosum humorem continent, *ibid.* & 253
 Testis sinister cur dextro major, 253
 Testes muliebres, 260. differentia eorum cum testibus virilibus in situ, substantia, figura, tunicarum numero, magnitudine, *ibid.*
 Τίλη, 7
 Τέναρ, 11
 Thorax & ejus partium appellationes, 7
 Thoracis ambiguitas, *ibid.* etymologia, *ibid.* divisio, *ibid.*
 Thoracis figura, 17. magnitudo, *ibid.* unde sæpius immutetur, *ibid.*
 Thoracis motus primarius & secundarius, 100
 Thoracis motus sitne animalis an naturalis, *ibid.*
 Thoracis musculi, *ibid.* horum numerus, *ibid.*
 Thoracis ossa, 31. 53. vertebræ quot, 50
 Thorax cur ex carne & pluribus ossibus constet, 53
 Thorax imprudenter stringitur infantibus, 17
 Thoracem dilatantes constringentesque musculi qui sint, & quot, 102. Extendentes quot ex opinione aliorum, 104. ex Auctoris sententia unus tantum, 105. flectentes, 106. & 112. circumagentes, 106
 Tibia, & ejus partium appellationes, 12. 62. ejus ambiguitas, *ibi.* ejus ossa, 62. ejus spina, *ibid.*
 Tibiæ motus, 128. musculi, *ibid.*
 Timpora, 2
 τίτω, 7
 Tonsillæ, 282
 Torcular Herophili, 289
 Τράχηλος, 6

τράχηλος ἢ μετῆς, 257
 τράχηλος ἄσθ, seu ossium, 25
 Transpiratio corporis insensibilis, 207. omnibus diligenter observanda, 226
 τραπεζαί ὁδόνων, 44
 τρεῖς, 255
 τριχῶσις, *ibid.*
 τριχῶσις, 61
 Trochlea humeri, 57
 Trochlea oculi, 91. ejus musculus, *ibid.* inventor Fallopius, *ibid.*
 τριμῆς, 164
 Tuba Fallopii, 261
 Tunica costalis, 268
 Tunica prætensa, 213
 Tussis quid, 282
 τύλη, 9
 Tympanum auris, 302

V.

Valvula venarum, 140
 Vasorum natura, 139
 Vasorum tria sunt genera in corpore, *ibi.*
 Vas breve, *ibid.* ejus usus, 150
 Vas breve arteriosum, 179
 Vas breve venosum, 149
 Vasorum cordis in foetu unio, 279. quomodo postea pereat, *ibid.*
 Vasa cæca muliebria, 261
 Vasa deferentia viri, 248. eorum substantia, *ibid.* ortus, *ibid.* progressus, *ibid.*
 Vasa deferentia muliebria, 260. non implantantur in uteri cervicem, ut censuit Andr. Laurentius, *ibid.*
 Vasa emulgentia, 244
 Vasa preparantia virilia, 247
 Vasa preparantia muliebria, 260. in quo convenient cum virilibus & differant, *ibid.* qualia in gravidis sint, 264
 Vasa umbilicalia in editis cavitatem suam amittunt, 279
 Vbera, 7
 Vena, 138. ejus ambiguitas, *ibid.*
 Vena quid significet apud veteres, 138
 Venarum cognitio quam necessaria, 140
 Venarum divisio, *ibid.* definitio, 139
 Vena est vas, 139
 Venarum sanguis qualis, *ibid.* in quibus ab arteriarum sanguine differat, *ibid.*
 Venarum substantia est membranosa & simplex, 139. non tamen ubique, 140
 Venarum fibræ, 139. quot earum genera, *ibid.*
 Venæ sensu carent, *ibid.* non tamen ubique, 140
 Venarum figura, *ibid.*
 Venarum magnitudo quotuplex, 140
 Venarum numerus, *ibid.*
 Venarum situs, *ibid.*
 Venarum color, 139
 Venarum valvulae, 140. quis earum inventor primus, *ibid.*
 Venarum anastomoses, 147
 Venarum glandulae, 140
 Venarum actio & usus, 141
 Venarum differentia, *ibid.* à substantia, *ibid.* magnitudine, *ibi.* figura, *ibi.* sede, *ibid.* connexione, *ibid.* usu, 142
 Venarum connexio varia, 141
 Venæ comites ferè ubique arterias habent, *ibid.*
 Venarum distributio non eadem in omnibus, 153
 Venæ olim nervi dictæ, 185

- Venæ at pellant sanguinem ad partes, 141
 Venarum principium nullum ex Hippocratis sententia, 142. quomodo probari id possit, *ibid.*
 Venarum principium male ab Aristotel. cor positum, 143. male item jecur à Galeno, 145
 Venæ sunt quæ in hepate sanguificant, non parenchyma, 235. quomodo id probetur, *ibid.*
 Venarum cur duæ tantum sint factæ, 146
 Venarum electio in brachio dum secandæ sunt, non ita religiose observanda & cur, 158
 Venæ unicam tantum habent tuni-
 cam, 138
 Vena secunda dextri cordis ventriculi,
 cur arteriæ substantiam habeat, 278
 Venæ adiposæ, 159
 Venæ albæ Celso dictæ, 243
 Venæ arterialis historia, 184. ejus u-
 sus, *ibid.* cur arteriæ substantiam ha-
 beat, 278
 Venæ ἀσφυκτι, 138
 Vena azygos, sive sine pari, 154. 244.
 in ruminantibus gemina, 154. ejus
 ramus ad emulgentem sinistram abi-
 ens, 154. 244
 Vena basilica, 158. in dextro brachio
 hepatica dicitur, in sinistro splenica, *ib.*
 in duos ramos dividitur, *ibid.*
 Venæ capillares, 141
 Vena Cava quæ, 147. differentia inter
 hanc & Portæ, *ibid.* ejus historia, 153.
 usus, *ibid.*
 Venæ Cavæ descriptio sic tradenda est,
 ac si ex hepate oriatur, idque propter
 Auctores, 153
 Vena Cava ratione hepatis, duos veluti
 truncos constituit, *ibid.*
 Venæ Cavæ truncus ascendens, 153.
 hujus rami subclavii, 154. axilla-
 res, 155
 Venæ Cavæ truncus descendens, 159.
 hujus prima divisio in ramos ilia-
 cos, 160
 Vena Cephalica, 157. à Vesalio Hume-
 raria dicitur, *ibid.* cur sic dicatur, *ibid.*
 rami ejus, *ibid.*
 Vena Cephalica semper sine: at Basilica
 cum impetu secta sanguinem fundit, &
 quare, 157. 173
 Vena Cephalica manus, 158. magna
 cum utilitate in capitis dentiumque
 affectibus aperitur, *ibid.*
 Vena coronaria, 153
 Venæ cruales, 162
 Venæ cutaneæ quæ dicantur, 206. non
 habent sibi socias arterias, 142
 Vena deferens viri sinistra cur ex emul-
 gente oriatur, 251
 Venæ emulgentes, 159
 Venæ encephalicæ, 156
 Vena frontis, *ibid.* magna cum utilitate
 in insania aperitur, *ibid.*
 Venæ hæmorrhoidalis late dictæ, 149.
 proprie dictæ, 150
 Vena hæmorrhoidalis interna, 149. ex-
 terna, 161
 Vena hepatica, 158
 Vena ἡπατὶς, 147
 Vena hypogastrica, 161
 Vena jecoraria, 147
 Venæ jugulares, 156
 Vena κεφαλῆ, 147
 Vena lactea quæ dicatur, 147
 Venæ lumbares, 160
 Vena mediana, 157. ejus situs, *ibid.*
 Vena μεσάλη, 147
 Venæ mesaraicæ, 150
 Vena micans, 138. 171
 Venæ magnæ, 141. mediæ, *ibid.* mini-
 mæ, *ibid.*
 Vena nervosa, 172
 Venæ parvæ, 141
 Vena poplitea, 12. 162. celebris apud
 Medicos & cur, *ibid.* difficulter fe-
 cari potest, & cur, *ibid.* fonticulo in
 sura facto evacuatur, 163
 Vena Portæ quæ dicatur, 146. & un-
 de, *ibid.* quomodo apud Priscos vo-
 cetur, 147. est crassior cava, *ibid.* est
 minor cava, *ibid.* quas partes alat, *ibi.*
 ad quas partes distribuatur, 148
 Venæ Portæ divisio in radices, truncos
 ramos & furculos, *ibid.*
 Venæ Portæ radices, *ibid.*
 Venæ Portæ truncus, *ibid.*
 Venæ Portæ rami duo insignes, 149
 Venæ Portæ usus, 150
 Venæ Portæ cum Cava in hepate anasto-
 moses, 147
 Venæ Portæ & Cavæ differentia, *ibid.*
 Venæ præparantes viri, 247. dextra, *ibi.*
 sinistra, *ibid.*
 Venæ pulsatiles quæ Veteribus, 138
 Venæ pulsû carentes quæ eisdem, *ibid.*
 Vena salvatella, 158. in affectibus me-
 lancholicis admodum commendatur,
 & quâ possit prodesse ostenditur, *ibi.*
 Vena Saphæna, 162. male vocatur vena
 tali, *ibid.*
 Venæ sanguinariæ, 138
 Venæ spermaticæ, 160
 Venæ σφυκτι, 138
 Vena splenica, 149. quos ramos spar-
 gat, *ibid.*
 Vena στελεχια, 146
 Vena tali, 162
 Vena umbilicalis, 163. non est truncus
 peculiaris, sed ramus tantum venæ
 Portæ, 140
 Venter quid, 1. ejus ambiguitas, *ibid.*
 Ventres quot, 2
 Venter infimus, *vide* infimus venter.
 Venter medius, *vide* medius venter.
 Venter primus & superior. 2
 Venter supremus, 285. ejus situs, *ibid.*
 substantia, *ibid.* partes, *ibid.*
 Ventriculus, 224. ejus figura, *ibid.* fi-
 tus, *ibid.* annexio, *ibid.* magnitu-
 do, *ibid.* substantia, 225. orificia
 duo, *ibid.* vasa, *ibid.* actio, *ibid.*
 Ventriculi os ejusque situs, 8
 Ventriculi orificium superius Græcis
 καρδία, Latinis Cor dictum, 225
 Ventriculi situs naturalis, 217. non na-
 turalis, *ibid.* præternaturalis, 218
 Ventriculi & cordis consensus unde, 225
 Ventriculus ex vulnere Diaphragmatis
 in Thoracem ascendit, 218
 Vermes in venis interdum generari, 170
 Vertebra, 48. earum usus, *ibid.* nume-
 rus, *ibid.* communia quæ habent, *ibid.*
 proportio & magnitudo earum, *ibid.*
 Vertebrarum corpus, 48. hujus substan-
 tia, *ibid.*
 Vertebrarum processus triplices, 49
 Vertebrarum foramen proprium &
 commune, *ibid.*
 Vertebrarum connexio, *ibid.*
 Vertebrae cervicis, 49. interdum septem
 nonnunquam & octo sunt, *ibid.* quæ
 communia inter se habeant, *ibid.* quæ
 propria habeant, *ibid.*
 Vertebrarum Cervicis prima quid pro-
 prii habeat, 49
 Vertebrarum cervicis secunda quid pro-
 prii habeat, 50
 Vertebrarum cervicis quatuor secundæ
 subjacentes quid proprii habeant, *ibi.*
 Vertebrarum cervicis septima quid pro-
 prii habeat, *ibid.*
 Vertebra thoracis quot, 50. quid com-
 mune inter se habeant, *ibi.* quid pro-
 prii præ aliis vertebra, 51
 Vertebrae lumborum quinque, 51. quid
 commune inter se habeant, *ibid.*
 Vertex, 2. 286. in quibusdam geminus, 2
 Vescet, 224
 Vesicula biliaria, 237. ejus connexio, *ibi.*
 magnitudo, 238. figura, *ibid.* sub-
 stantia, *ibid.* substantia mucosa qua
 intus oblitur, *ibid.* vasa, *ibid.*
 Vesiculæ bilariæ partes dissimiles, fun-
 dus & cervix, 238. meatus bila-
 rii, *ibid.* communis canal, *ibid.*
 usus, *ibid.*
 Vesiculæ seminales, 248. earum humor
 oleagineus, *ibid.* utus, 253. cur plu-
 res sint factæ, nec una sola, *ibid.* cur
 anfractuosa, *ibid.*
 Vesica fellea. 237
 Vesica urinaria, 245. ejus synonymia, *ibi.*
 situs, *ibid.* & 219. connexio, 245.
 partes dissimiles, *ibi.* substantia, *ibi.*
 membranæ, *ibid.* foramina tria, *ibid.*
 muscoli, *ibid.* & 115. vasa, 245
 Vesicæ urinarie situs naturalis, 219. non
 naturalis, *ibid.*
 Vesicæ urinarie fundus, 246. cervix, *ibi.*
 corpus, *ibid.* ejus vulnera quænam le-
 thalia, *ibid.*
 Vesicæ foramen in pudendo mulie-
 bri, 256
 Via per quam colici dolores in paralytin
 & epilepsiam degenerant, 181. in ar-
 thritidem & contra commutantur, *ib.*
 Via per quam thoracis empyema & aqua
 evacuatur, ex Fallopii primum sen-
 tentia, deinde & Auctoris, 244. *vide*
 & 154. & 177
 Viæ per quas lien repurgatur, 241
 Via per quam humores pravi ad intestina
 deturbantur ex liene, 179
 Via per quam hydropicorum aquæ ex-
 purgantur ad intestina, *ibid.* & 148
 Via per quam potus per universum cor-
 pus subito penetrat, 179
 Via per quam pravi humores ex liene
 vomitu rejiciuntur, *ibid.*
 Via per quam atra bilis purgatur, 180
 Vibrissæ, 3
 Viçtus tenuis cur purgantibus assumptis
 præscribendus, 179
 Vinculum caninum, 9
 Virginibus cur sanguis in coitu effluat,
 256
 Vir pectus dorso pilosius habet, ut ven-
 trem ab umbilico ad usque peri-
 næum, 209
 Virilis bursa, 9
 Viscera omnia parenchymata habent, 241
 Viscerum imi ventris situs, 8. 216
 Viscerum imi ventris divisio, 216
 Viscerum obstructions quæ faciant in
 animi affectibus cordis palpitatio-
 nes, 270
 Viscerum parvitas signum bonarum car-
 nium lanionibus, 240
 Vilus

Vifus instrumentum, 301. objectum, *ib.*
medium, *ibid.*
Vita quid sit, 276
Vlcera crassorum intestinorum cur ulce-
ribus tenuiorū frequentiora, 179, 218
Vlna 10. *vide* Os cubiti.
Vmbilicus, 8. centrum imi ventris, imò
totius corporis, *ibid.* & 18
Vmbilicalis regio, 8
Vmbilicalis vena & arteria, quomodo
post editum foetum in ligamenta abe-
ant, ex opinione Hieronymi Teo-
baldi, 280
Vnctio supra umbilicalem regionem fa-
ctam quā purget, 181
Vngues, 12, 66. eorum partium appel-
lationes, 12
Vnguium radices, *ibid.* exortus, *ibid.*
puncta alba, *ibid.* nubeculæ, *ibid.*
Vngues non sunt cartilagines, 66. nec
ossa, *ibid.* sed partes sui generis, *ibid.*
augentur secundum omnes dimensio-
nes, *ibid.* nutriuntur, 165. & un-
de, *ibid.*
Vngues habent vasa omnis generis, 66.
sunt præditi sensu, 67
Vnguium substantia, 67. magnitudo, *ib.*
figura, *ibid.* numerus, *ibid.* con-
nexio, *ibid.* color, *ibid.* usus, *ibid.*
Vola, 11
Vocis organum primum, 283
Vomituri signa in labiis unde, 224
Vrachus, 216
Vreteres, 243. eorum substantia, *ibid.*
ortus, *ibid.* processus, *ibid.* membra-
næ, *ibid.* insertio, *ibid.* magnitudo, 244
Vreterum tubuli, *ibid.*
Vreterum pelvis, *ibid.*
Vrethra, 249. *vide* & penis canalis.
Vrethra per medium prostaticum in ex-
ortu incedit, 249
Vrethra feminis ac urinæ communis
via, *ibid.*

Vter, 7
Vterus, 257. ejus partes tres, Cervix,
osculum, & fundus, *ibid.*
Vterus propriè dictus, 258
Vteri substantia, 259
Vteri membranæ, *ibid.*
Vteri cotyledones, sive acetabula, *ibid.*
Vteri cornua, *ibid.*
Vteri collum, 257
Vteri cavitas, 259
Vteri cellulæ nullæ sunt, *ibid.*
Vteri futura, sive linea, *ibid.*
Vteri venæ, arteriæ & nervi, *ibid.*
Vteri situs naturalis, 219. non natura-
lis, *ibid.* præternaturalis, *ibid.*
Vteri ascensus, 258. descensus, *ibid.* in-
clinatio, *ibid.* an verè locum mutet,
ibid.
Vteri cervix, 257. ejus situs, *ibid.* sub-
stantia, *ibid.* rugæ interiores, *ibid.*
connexio, *ibid.* contorta est, ubi non
recipit penem virilem, *ibid.* usus, 261.
in gravidis insigniter abbreviatur, 263
Vteri os, 257
Vteri cervicis osculum externū, 10, 257.
internum, *ibid.* utriusque usus, 261
Vteri os internum, 257. ejus situs, *ibid.*
figura, *ibid.* conniventia, perpetua, *ibid.*
apertio in coitu & partu, *ibid.* con-
strictio conceptionis tempore, *ibid.*
Vteri os inversum, induratum, exulcera-
tum, cicatrice obductum aut nimis hu-
midum cur sterilitatem inducat, 257
Vteri os in gravidis connivet, non exactè
clauditur, ut alii censent, & quomodo
id deprehendatur, 263
Vteri fundus, 258. ejus synonymia, *ibid.*
situs, *ibid.* magnitudo, *ibid.* figura
naturalis, *ibid.* non naturalis dum ge-
stat, *ibid.* connexio, *ibid.* ligamenta
quatuor, *ibid.*
Vteri in gravidis magnitudo, 261. figu-
ra, *ibid.* situs, *ibid.* substantia, 264

Vteri ligamenta superiora, 258. uteri
ligamenta inferiora, 259. in muliere,
quæ ex coitu nimio mortua dicebatur,
plena semine reperta est, *ibid.* qualia
in gravidis sint, 264
Vteri os internum mensium tempore
hiat, 161. unde sciatur, *ibid.*
Vteri os internum gravidis hiat, tanto-
que magis, quanto sunt partui vici-
niores, 263. ut id sciatur, *ibid.* oc-
cluditur tamen crassa viscidaque ma-
teria, *ibid.*
Vtero ad medium coxæ procidente cur
convulsiones fiant, 182. item cur tunc
mensēs supprimuntur & dolor fiat in
imo ventre, & in laterum mollitudi-
ne, *ibid.*
Vteri & mammarum consensus non ra-
tione tantum venarum sed etiam ner-
vorum sexti paris fit, 161
Vteri consensus per arterias venasque
potius, quam nervos in hysterico fit
affectu, 260
Vulva & ejus partes, 10. *vide* Pudē-
dum muliebre.


Y.

ὕδατιδες, 235
ὕπναι, 3, 6
ὕπναι, 103
ὕπναι, 8
ὕπναι, 4
ὕπναι, 5
ὕπναι, 6
ὕπναι, 249
ὕπναι, 8
ὕπναι, 257

Z.

Ziphac, 214
Zirbus, 219





I V L I I C A S S E R I I
P L A C E N T I N I

Olim in Patavino Gymnasio Anatomix & Chirurgix
Professoris celeberrimi

T A B V L Æ
A N A T O M I C Æ
L X X V I I I ,

Cum supplemento XX Tabularum

D A N I E L I S B V C R E T I I

Vratislaviensis , Phil. & Med. Doct.

Qui & omnium Explicationes addidit.

ELENCHVS TABVLARVM,
Quæ opera
DANIELIS BVCRETII
Huic operi accesserunt.

DVÆ Tabule libri primi, quæ hominis nudi faciem utramque spectandam proponunt.

DECEM Tabule libri secundi, quæ ossium omnium delineationem exhibent.

PRIMA Tabula libri quarti, in qua figuris variis faciei muscoli demonstrantur.

TERTIA Tabula libri quinti, quæ tamen ex Vesalio petita, Venæ Cavae integræ, & ab omnibus partibus liberæ delineationem complectitur.


SECUNDA Tabula libri sexti, ab eodem Vesalio mutuata, Arteriam magnam cum suis ramis ac propaginibus ostendit.

TRES Tabule libri septimi indidem desumptæ, quæ omnium totius corporis nervorum designationem comprehendunt.

TABVLA singularis libri noni, quæ partes medii ventris coërcet.

TABVLA ultima ultimi libri, in qua visus auditusque organa delineantur.

BENEVOLO LECTORI.



ADRIANI Spigellii Viri Clarissimi quæ de humani corporis fabrica literis consignarat opera, cum primum mihi, Benevole Lector, præscripto testamenti traderentur, ut, qua lege ea reliquerat, collecta in lucem proferrem: commodum in Tabulas Anatomicas Iulii Casserii Placentini, ob egregiam in disseccando dexteritatem celeberrimi Authoris, nec, ut spero, sine Numine incidi. Has, cum multitudine primum nullis in hoc genere adhuc editis cedere: artificio autem singulari & elegantia sic omnes superare viderem, ut longo intervallo post se eas relinquerent, rem maxime Reip. literariæ utilem me præstiturum credebam, si una cum historia in publicum protraherem. At enim vix levi lustratis lumine, quantum tam egregio operi deesset, mox animadverto: jamque præmaturum magni Viri obitum, qui tam præclaram voluntatem nefande interceptit, amarior multo deflebam, quam modo suavius de tanti thesauri inventionem mihi gratulatus eram. Siccine enim tam eximium opus, sumptu incredibili, laboribus immensis, continuisque vigiliis partum, divino dehinc ingenio consummatum, vel æterna jam premetur ignominiose nocte, vel olim infelici manui sperata misere ad ruinam præda erit? Movere tamen plurimorum paulo post preces, apud quos scilicet hanc tam lamentabilem studiorum calamitatem deplorabam, ut si imperfecta quoque hæc forent, exstare tamen paterer, cum magnæ etiam rei, quantumcunque possederis, participem tantum fuisse, non minima certe gloria videatur. Suscepi hunc animum, qui & promptus ipse jam erat, excitatus exemplo quorundam summorum Virorum, quibus sciebam vitio nequaquam esse habitum, quod industriam suam singulari tantum argumento locarint: tum, quod sperarem, fore aliquando, si apud me premerem, ut ætate crescente, vel ipse in hac re aliquid, (tametsi haud ita promptum videbatur,) vel alii doctissimi Viri præstarent, neque adeo hoc

tam nobile opus tam miserabili fato sic impie exstingueretur. Interim multos de mea socordia, addo etiam fide mussitantes audio, negligere me rem tanti momenti, aut dolose suppressere, quæ mihi commissa forent: quorum querelas, etsi, (ut expetebat injustas,) dissimulare, taciteque habere & pati statueram, co tamen prorumpabant tandem, ut jam aperta vi nonnulli extorquere tentarent, consulerem utilitati publicæ, suo commodo, & de me conceptæ expectationi. Ego vero cum me hic in eas angustias conjectum viderem, ex quibus emergere, nisi quid experirer, difficile erat: jam serio mentem ad editionem componebam, cumque, miser animi, importunis aliorum votis ab instituto consilio, ut videbatur mihi, maturo satis; tum ab incepto, quod in commodius tempus rejeceram, me revocari, cruciarer; cogitare tamen cœpi, si quo pacto fieri posset, ut omnibus suis numeris absolutum hoc opus in publico compareret. Sane, si quid tentarem, innumeris difficultatibus, atque iis arduis plenum confore, haud imperite prospiciebam: laborem ad tanti momenti opus requiri improbum, sumptus imensos, longam temporis diuturnitatem, molestissimam denique diverforum artificum operam. Accedebat, evictis his omnibus, jam neque arrogantiae crimen apud cordatos Viros evitare me posse, si me sperarem doctissimi hominis, qui adfectum hoc dederat, conatibus paria facturum: neque temeritatis risum apud malevolos, si metuerem, ne quid deterius facerem. Speravi tamen nihil futurum mihi insuperabile, aut magnum, si Fortuna solum diffusa me facie respiceret, ut invenirem, qui meis conatibus egregiam operam præstaret. Laborem me elusurum facile alacri animo, atque industria: sumptus toleraturum, bonorum patrocinio: diuturnitatem temporis superaturum, constantia. Arrogantiam haudquaquam videri posse, quæ à metu præsentis ruinæ tam egregii operis nata erat juvandi quocunque modo bonum publicum voluntatem: minus vero temeritatem sapere, si præclarorum Virorum subsidium strenuum, citra quod agendum nihil decreveram, mihi comparassem. Nec defuit felix cæptis augurium, cum ecce eosdem adhuc in vivis reperio, qui ante plures annos in hoc ipso opere, Placentino operam tulissent, Edoardum inquam Fialettum Bononiensem, & Franciscum Vallesium Venetum: illum picto-

rum,

rum, hunc gryptarum suæ tempestatis, & in urbium Regina, Phœnices. Iam nihil tam difficile futurum ratus, quod animus spe læta incensus non ferret, aggressus sum arduum hoc negotium, promissis utriusque inflammatus magis, qui studium omne sic prolixè pollicebantur, ut quæ juvenili industria inchoata à se essent, senili iudicio perficerentur, & ostenderent, tot annorum curriculum à morte Placentini, non ignobili segnitie sibi tritum, sed magna artis accessione bene collocatum esse. Sic incitatus, supplevi quæ deesse videbantur, Tabulis, iisque magna ex parte novis, nec antehac visis, viginti, quarum Indicem, ut constare posset quid ab utroque factum, præfationi subijciemus. Cæterum ne augustius hoc opus in publico appareret, quam majore spectatorum utilitate tractaretur, & his, & illis, characteres insculpendos curavimus, quorum explicationem, ut promptius omnia succurrerent, è regione singulis adjecimus. In qua sane id cumprimis nobis fuit propositum, ut in ipsa subito cujusque libri fronte demonstraretur, quid præ aliorum Tabulis in nostris his præclare præstitum fuerit, quidve in ipsa inspectione, majoris sive fructus, seu delectationis gratia, diligentius, cum se haud prompte fortassis offerret cuivis, observandum. Præter hæc, cum adversum sit à nobis, Historiæ Spigelii hanc non infructuose jungi posse, in eo omne industriæ nostræ curriculum elaboratum est, nihil uti illic pæne doceretur, quin hic depictum demonstratumque foret, quæ res ut felicius expeteret, easdem semper appellationes imo etiam verba sæpe omnia religiose servavimus. De reliquo, præter absolutam perfectionem harum Tabularum, præter etiam incomparabilem elegantiam, & perspicuam magnitudinem, illud hic impendio navatum fuit, ut sectionis ordo quam fieri potuit ubivis accuratissime teneretur, quem (maxime profecto utilem ac necessarium) in aliis omnibus desideramus. Proprio ergo jam, suoque cuivis (ut dicitur) marte corporum dissectionibus licebit se committere, cum partium situs connexioque nulli jam possit ignota esse & obscura. Quod beneficium quantum sit, & quanti faciendum, Tu, æquissime Lector, grato agnosces animo, ac, unde profectum est, beatissimis manibus nostri Placentini, antiqua formula terram levem precaberis. Venetiis, Anno M D C XXVII.

LIBRI PRIMII TABVLÆ I EXPLICATIO.

P Ro demonstratione externarum humani corporis partium, duæ proponuntur nudi juvenis figuræ, ex quibus prior anteriorem faciem: altera, posteriorem ostendit.

FIGVRA I

A NTERIOREM humani corporis faciem exhibet.

- a n **FACIES.** προσωπον.
b Frons. μέτωπον, cujus cutis μετωπιδες.
c c Rugæ. ρυτίδες. αμαρυγαι.
d d Supercilia. ὀφρύες.
e Glabella. μεσσηριον.
f Nasus. ριν. μυκτις. μύκων.
g Oculi. ὀφθαλμοί. ὄμμα.
h Maxilla superior. Mala, ἢ ἄνω γένυς.
i Bucca. γνάθος.
k Labia. χείλεα.
l l Mystax. μύσταξ.
m Philtrum. φίλτρον.
n Maxilla inferior. Mentum. γένειον.
o Collum. τραχηλιδες. αυχην.
p Iugulum: λωκανία, λαυκανία.
q Scrobiculus cordis. Polluci σφαγή. Antiquis Medicis καρδία, aliis περικαρδιον, quasi præcordium. στήμα τ' ὀφθαλμῶν, id est, orificium ventriculi, cum id potius subternatur, unde & hanc partem in affectibus orificii superioris stomachi Medici inungunt.
p q r f **THORACIS** anterior pars, **PECTVS**, στήθος.
p q Sternum. στέρνον.
r r Mammæ, ad quarum sinistram, cordis epithemata à Medicis applicari solent. τίμαι generaliter voce, μασται in specie foeminarum mammæ dicuntur. In viris Mammillæ vocantur. In harum centro protuberans pars oblonga, Papilla, θηλή, & circa hanc sedes, Areola, φῶς, dicitur.
f f Latera. πλευραι.
t u 2 a **INFIMVS VENTER**, improprie Abdomen dictus. Aristoteli γαστήρ, & συνεκδοχικῶς, σπυγάριον.
t t Hypochondria, quorum dextrum in Hepatis; sinistrum in lienis affectibus inungi solet. τὰ ὑποχόνδρια.
u Epigastrium. σπυγάριον.
x Umbilicus, circa quem sedes, Regio Umbilicalis dicitur. τὰ περὶ τὸν ὀμφαλον.
y Sumen. Abdomen proprie dictum. ἥττον.
z z Iliæ. λαῖνες. κενεῶνες.
α Pubes. Πecten. ἥβη. σπύριον. κτεῖς.
β β Inguina. βρεχόνες, unde & glandulæ ibi sitæ, & earundem inflammationes Bubones Latinis Medicis dicuntur.
γ Scrotum. Scortum. Vulgò Marsupium, & Bursa virilis. ὄρχος.
δ Penis. Mentula. πέλος. καυλός. σῆμα. πέος.
ε τ **MANVS.** χεῖρ. Aristoteles & βραχίονα vocat, quem secuti Latini Brachium appellant.
ε Humerus. ὤμος.
ζ Locus ubi sunt fonticuli in brachio. estque inter Deltoideum, humerum attollentem musculum, tum bicipitem, sive primum cubiti flexorem, qui in utroque brachio, sub cute sua carnositate, prominentes perquam benè effigurati sunt. Eodem in loco Vena Cephalica transit.
η Flexura cubiti. αἰκῶν.
θ Cubiti protuberantia, ὠλέκρανον. Gibber quibusdam.
ι Cubitus. πῦχυς.
κ τ Manus extrema. vulgò χεῖρ. Hippocrati χεῖρ ἀκροῦ. Galeno ἀκρόχειρον.
κ Brachiale. Carpus. καρπός.
λ ο ξ Postbrachiale. Palma. Metacarpus. μετακάρπον.
λ Vola. θέναρ.
μ Dorsum manus. ἀντιθέναρ.
ν ξ ο Lineæ manus. ν, Vitæ lineam denotat. ξ, Cerebri.
ο, Mensalem.
ω Monticulus Veneris.
ρ σ τ υ φ Quinque digitus, οἱ δάκτυλοι. ρ, Pollex, vel magnus, ἀντίχειρ. σ, Index, δεικνύς. τ, Medius, Impudicus, & Obscenus, μέσος. υ, Annularis. παρήμερος, ἱατρικός. φ, Minimus, Auricularis. ἐλάχις.

- χ Femur. μηρὸς, in cujus parte anteriore, & media, quasi caractere insignivimus, cucurbitulæ solent applicari ad menses ciendos.
5 Locus, cui fonticuli inuri solent in interna femoris parte tribus digitis transversis supra patellam, estque spatium illud inter musculos extendentes & flectentes tibiæ, circa quod & Vena malleoli interni, sive saphæna, excurrit.
ψ Genu, γόνυ, ubi Patella jacet, Mola, & Rotula dicta. ὀπὲρ μυλῆς, μύλη.
ω Tibia, κνήμη, cujus hæc anterior pars, ἀντηκνήμιον dicitur Antetibiale.
ι Malleolus internus. male à Medicis Talus vocatus. circa hunc Saphæna suppressis menstruis aperitur.
2 Malleolus externus.
3 Pedium. πῆδον. πῆρα. Calcaneus, & πέρος. Tarsus.
4 Metapedium, μετὰπῆδον. Metatarsus, μετὰτάρσος.
5 Digitus. δάκτυλος.
6 Dorsum pedis. σῆθ' ὅς ποδός.
7 8, & c. Quinque digitus pedis. Magnus, magno proximus, medius, medio proximus, minimus.

C Vravimus hic depingendos omni diligentia musculos, qui sub cute protuberare videntur. Ex his A Mastoideos, flectentes caput, demonstrat. B, Claviculas. C, Humerum attollentem, Deltoideum. D, Primum cubitum flectentium, Bicipitem. E, Musculos rectos abdominis. F, Primum tibiæ flectentium, sive Fascialem. G G, Secundum tibiæ extendentium, Vastum internum. I I, Pedem extendentes, Gastrocnemios quorum venter Suram constituit.

FIGVRA II

O Culi externi partes omnes repræsentat, cum accuratè harum demonstrationem angustia primæ figuræ non ferret.

- a Supercilia. ὀφρύες.
b Superciliorum caput. ὀφρύων κεφαλὴ.
c Superciliorum cauda. ὀφρύων ἔσχα.
d d Palpebræ. βλέφαραι. ὀμματόφυλλα.
e Pili palpebrarum. βλεφαρίδες.
f Oculorum angulus major. ὁ ὀφθαλμῶν καυτὸς μέγας.
g Oculorum angulus minor. καυτὸς ἐλάττω.
h Foramen lacrymale.
i Cavum oculi. κοῖλον.
k Subcavum. ὑπόκοilon.
l Pupilla. κόρη, γλῆνη.
m Iris. ἱρις.
n Album oculi. τὸ λευκὸν ὁ ὀφθαλμῶς.

FIGVRA III

A Vrem externam, ejusque partes exprimit.

- a b Auricula, sive Auris externa. ὠτιον.
a Auriculæ superior pars. Pinna Gazæ.
b Auriculæ inferior pars. Fibra Gazæ, λόβος.
c Helix. ἑλιξ.
d Anthelix. ἀνθελίξ.
e Concha. κόγχη.
f Hircus. τράγος.
g Antitragus. ἀντιτράγος.
h Meatus auditorius. πύλος ἀκουστικός.

FIGVRA IV

N Asum, ejusque partes demonstrat.

- a Spina nasi. Dorsum. ὄσχος.
b Colatorium. Vertex nasi. ἡθμῖς.
c c Nares. ῥινία. ῥῶθνες.
d Columna. κίων.
e Alæ nasi. Narium pinnae. ὑπὶναι.
f Nasi globulus. σφαίριον.
g Vibrissæ, & Vibrissæ.



TABVLÆ II DILVCIDATIO.

Posteriorem humani corporis faciem repræsentat.

ab bcd	PARS capillata. τριχωτός.
a	Synciput. βρέγμα.
æ	Circa hanc partem fiunt fonticuli futuræ coronalis, qui locus investigatur, posito carpo dextræ manus ipsius ægri, cui inurendus est, in nasi globulum, & extensa manu versus synciput. Quo enim pertigerit apex medii digiti, censetur regio esse, in qua concurrunt sutura coronalis cum sagittali.
b b	Tempora. κροτάφοι.
c	Occiput. ἰνίον.
d	Vertex. κορυφή.
e k	PARS glabra. Facies. πρὸς ὤπον.
e	Frons. μέτωπον.
f	Oculus. ὀφθαλμός.
g	Nasus. ῥιν. μύξωτις.
h	Myrtax. μύσαξ.
i	Os. στόμα.
k	Mentum. γένειον.
l	Malæ. κύκλοι ἔξω πρὸς ὤπα.
m	Barba. πώγων.
n	Auricula. ὠτίον.
o	Cervix. τραχήλιος.
p	Humerus. ἑσπώρις.
q	Axilla, & Ala. μαχαλάη. In hac cavitas occurrit, quæ constituitur à tendinibus duorum musculorum humeri, antè quidem, Pectoralis dicti, postèrè autem, Anisclaptois.
r f t	THORACIS postèrè pars, Dorsum. νῶτον.
r f	Spina. ῥάχις.
t t	Scapulæ. ὠμοπλάται. Huic parti cucurbitulæ applicantur in capitis affectibus, pro revulsione.
u u	Laterales partes. πλάτεις.
x x	IN FIMI ventris postèrè pars, Lumbi, ὀσφύες. quibus remedia pro renum affectibus applicantur.
y	Nates. Clunes. γλῆλοι. γλῆλαι. ἰσρία.
z z	Fissura natiom. διχάλα. Circa hujus superiorem regionem, Os sacrum situm est, cui in morbis recti intestini cataplasmata, & unguenta apponi debent.
α	Podex. Anus. ubi est coccygis regio.
β	Humerus. ὤμων.
γ	Cubiti protuberantia. Gibber. ὠλέκρον.
δ	Cubitus. πήχυς.
ε η	Manus extrema. ἀκρόχειρ.
ε	Brachiale. Carpus. καρπός.
ζ	Postbrachiale. Metacarpus, μετὰ καρπὸν.
η	Digiti. δάκτυλοι.

θ z	Digitum internodia. φάλαγγες.
θ	κένδυλος.
ι	μετὰ κένδυλον.
κ	πρὸς κένδυλον.
λ	Femoris postèrè pars. quibusdam Femen.
μ	Femoris pars interna. ἡσυχμαίνον.
ν	Coxendix. ἰσχίον. huic regioni remedia contra dolores ischiaticos applicantur.
ξ	πληχάς. Perinæum, πείναιον. Locus quem aperiant Lithotomi pro extractione calculi vesicæ.
ο	Sura. γαστροκνήμιον.
π	Locus ubi fonticuli in sura inuruntur maximo cum fructu contra dolores Ischiaticos, de qua re plura lib. 5, in historia dicta sunt.
ρ	ἡσυχμαίνον.
σ	πρὸς κνήμιν.
τ τ	Poples. ἰχνη. hic sita est vena Poplitea, quam Antiqui magno cum successu in quibusdam morbis aperiebant.
υ	Malleolus internus.
φ	Malleolus externus.
χ	Calcaneus. πεδίον. Pedium. τάρσος. Tarsus, hunc præcipue infestant Perniones, morbus ex nimio frigore proveniens.
ψ	Metapodium. Metatarsus. μετὰ πεδίον. μετὰ τάρσος.
ω	Digitum. δάκτυλος.
ι	Planta pedis. ἡγίον ἔξω ποδός.
2	Dorsum pedis. ἡγίον ἔξω ποδός.

Ceterum & hanc Tabulam ex vivo nudoque corpore depingi curavimus, musculosque omnes, qui sub cute visû deprehendi possunt literis insignivimus. Demonstrantur ergo,

A A	Il, qui scapulæ dorsum occupant, & Superescapulares dicuntur, humeri ossis circumagitationi dicati.
B B B B	Dorsi longissimus, tum Sacrolumbus, Thoracem extendentes, & hic prominentes repræsentantur.
C C	Abducens humerum latissimus egregie ostenditur.
D D	Gasterocnemius externus musculus, qui primus est tarsus extensor, & suram constituit, eleganter conspicuus.
E E	Tendo ille insignis, qui ex concursu utriusque Gasterocnemii musculi, sive duorum tarsum tendentium conflatur. Est autem ille, quo fortissimum Trojanorum Hectorum Achilles circa Trojæ mœnia traxisse Homerus Poëtarum doctissimus testatur.
F F	Humerum attollens, Deltoides.
G	Primus cubitum flectentium Biceps, Italis Piscettus dictus.




LIBRI SECVNDI TABVLÆ I ET II EXPLICATIO.

TABVLÆ PRIMÆ ET SECVNDÆ.

D *Vabus Tabulis tota osium strues (quam Sceleton vulgò Anatomici vocant) hic exprimitur, ut mutuis omnium contextus, antequam singula demonstrantur, appareat. Ex his Prima, faciem anteriorem: Secunda, posteriorem proponit: ipsa autem lateralis facies propterea à nobis ommissa est, quòd nihil continere videatur magnoperè, quin vel ex his duabus, vel subsequis, à studioso Lektore, satis intelligi queat. Ceterum pro demonstratione utriusque, iidem ferè characteribus usi sumus, quanquam si quis alterutri peculiaris fuerit, facili negotio innotescat ex numero, quem post characterem in explicatione subijcimus.*

- Æ** 2 **C** Alvaria, Calva, Cranium, qua voce, etsi nonnulli totam capitis molem, quam colli vertebræ sustinent, intellectam velint, probatoribus tamen Authoribus eam duntaxat partem significare videtur, quæ superna sede Cerebrum regit, & ipsa vicissim capillis tecta est. Græci κεφάλιον vocant, quasi κέρον, quòd galeam militarem referat.
- a** 1 **O**s frontis. Coronale. τὸ πρὸ μέτωπον ὀστέον.
- b** 2 **O**ssa syncipitis, vel Verticis. βεγγυμαλὶον ὀστέον.
- c** 2 **O**s occipitis. Barbaris os proræ, memoriæ. τὸ κατ' ἰνίον, vel ἰνίς ὀστέον.
- d** **O**ssa temporum. τὰ κροτάφωα ὀστέα. à squammosa combinatione cum ossibus syncipitis, λεπτοειδῆ: sed à processu petroso, λιθροειδῆ, lapidea, & lapidosa cognominata.
- e** 2 **M**eatus aud. torius. πύλον ἀκουστικόν.
- f** 2 **P**rocessus mammillaris. μαστοειδής.
- g** 2 **F**oramina duo Verticis ossibus insculpta.
- h** 2 **S**utura sagittalis. ῥαφή ὀβελιαία.
- i** 2 **S**utura lambdiformis. α λ Græcorum majusculo, cuius formam exprimit, λαμβδοειδής: ab υ inverso, quod similiter refert, ὑψιλοειδής, & contractè ὕοειδής, dicta.
- k** 2 **S**utura squamiformis. λεπτοειδής περισκόπιον.
- l** 2 **O**s cuneiforme, non tam à figura sua, quam situ inter alia ossa medio, Græcis similiter σφηνοειδής dicitur, & cum partibus pluribus constet diversam exprimentibus formam, πλύμορφον quoque vocatur, Multiforme. Hujus duo processus hic sunt conspicui, primus, quem
- m** 2 **l**ateralem vocant, litera l notatus: alter quem vesperilionum alis assimilant, περιελγοειδής dictus, sive aliformis, caractere m insignitus.
- n** 1 **O**s jugale, conjugale. συζωγῶδες ὀστέον, ζύγωμα, ζυγωειδής, ζυγῶδες.
- o** 1 **O**rbis oculi.
- p** 1 **D**uo nasi ossa. ῥῖνός ὀστέον.
- q** 1 **M**axillæ superioris ossa, quorum duodecim sunt, quæ in sequentibus tabulis singula demonstrantur, cum tabulæ præsentis angustia accuratam delineationem non admittat. τὸ ἄνω γένυον ὀστέον.
- r** 1 **M**axilla inferior. ἡ κάτω γένυς.
- f** 1 **D**entes, ὀδόντες, quorum ut plurimum in utraque maxilla sedecim observantur, ex his quatuor medii & anteriores, Incisorii vocantur, ab usu: Anteriores, πρὸ-ῥεοί, à situ: Risorii, γελασίνοι, quòd ridentibus com-

- pareant. Duo incisoriibus utrinque proximi, Canini, κυνόδοντες, Oculares, ὀφθαλμικοί. Quinque utrinque his contermini, Molares, μύλαι, & μύλιται. Maxillares item, & à figura Meniales, Ciceroni Genuini. Duo extremi Molarium tardè crescunt, unde ὀψύγονοι.
- u x y** **S**pina dorsii, ἀκανθα, ἱερὸς σύελγξ, sacra fistula. Constituitur hæc ex 24 Vertebrais, (σπονδύλοις) quæ in posteriore sede acutum educunt processum, qui Spina dicitur, unde tota hæc pars nomen mutuavit. hæc iterum in alias partes dividitur, in septem cervicis vertebrais, quas elementis (t. u.) expressimus: duodecim thoracis, (u, x,) & quinque lumborum, (x, y.)
- y z** 2 **O**s sacrum, amplum. ἱερὸν, πλατύ.
- α** 2 **O**s coccygis. κόκκυξ, σπονδύλιον, os caudæ.
- β** 1 **O**s pectoris. sternum, στένον.
- γ** 1 **C**artilago mucronata, vel ensiformis. ξιφοειδής, χόνδρος.
- δ δ** 1 **C**laviculæ. κλεῖδες.
- ε** 1 **C**lavicularum pars teres propè jugulum.
- ζ** 1 **C**lavicularum pars lat. uscula propè humerum.
- ι, 2, 3, 4, 5, &c.** Duodecim thoracis costæ, πλῆθυσ, ex quibus superiores septem, Veræ dicuntur, & Legitimæ; inferiores quinque, Nothæ, Spuriæ, & Mendosæ. Constant ex parte ossæ, & cartilaginea: illa characteribus insignita est, hæc literis caret. Connexus autem utriusque lineola notatus est, quam in quinta costâ (η) litera significamus.
- θ. θ.** **S**capulæ. Lata scapularum ossa. ὠμοπλάται, ὀπρωτοὶ à situ. In prima figura cavitas ipsarum, sive interior pars. In secunda, dorsum, sive exterior, cernitur. Habent Scapulæ tres processus, ex quibus (ι) *Primus* est, brevis, qui humeri caput excipit: (κ) *Secundus*, & Superior dictus, item summus humerus, Græcis ἀκρωμιον, Hippocrati interdum ἀκρωμιον ὀστέον (λ) *Tertius*, sive inferior, à cognatione formæ, quam habet cum C Græcorum majusculo, σιγμοειδής, sigmiformis, ab aliis ab anchoræ figura ἀγκυροειδής, ancoriformis appellatus.
- μ ν ξ** **O**ssa innominata, ἀνόνομα Galeno dicta, quòd suo tempore nomine carerent, quanquam hac ipsa occasione nomen invenisse videntur. Homero in Iliade ἰγίς ὀστέον, Latinis Ilium ossa vocantur. Sunt autem illa duo, quæ sacri ossis lateribus committuntur, utrinquè unum, & in tres veluti sedes dividuntur ab Anatomicis, (etsi in adultis unum sit, & continuum,) quòd in pueris separata cartilaginibus inveniuntur. *Prima* caractere μ insignitur, & os ilium à quibusdam vocatur, λαγώνων, ἡ κενεώνων: cuius quidem cavitas in prima; dorsum, in secunda cernitur. *Secunda*, mediaque sedes, litera ν designata, os Coxendicis, vel Coxæ; Græcis ἰγίον, & ἀνόνομον, quibus vocabulis totum etiam os, ut diximus, venit. *Tertia*, anterior, quam monstrat ξ, Pubis, vel Pectinis os, τὸ ἥβης ὀστέον.
- ο** **A**ppendix circularis, totam superiorem ipsius regionem ambiens, quam aliqui Spinam ossis ilium appellant.
- π** 2 **A**cetabulum coxendicis, cui femoris caput committitur.
- ρ** **C**onnexio ossium innominatorum cum osse sacro.



σ τ	Duo tubercula ossis coxendicis, σ internum, τ externum denotat.	K K	Brachiale. Carpus. καρπός. hoc octo constat ossibus.
υ ι	Cavitas illa, quam dissectionum Professores Pelvim appellant, & cujus frequens admodum in historia anatomica fit mentio, quod in ea intestinorum magna pars, vesica, & uterus contineatur. Circumscribitur hæc à pluribus ossibus, antè quidem Pubi: postèriùs sacro, & coccygis: ad latus verò, ilium & coxendicis.	L L	Postbrachiale. Metacarpus, μετακάρπιον, hoc ex quatuor exstructum est ossibus.
A	Os humeri, & σπυειδοειδὲς interdum Humerus. βραχίων.	M M	Quinque digitorum ossa. πέντε δακτύλων ὀστέα, quæ singulis terna contingere.
B	Superius, & internum caput ossis humeri, quod rotundum est, & in sinum ossium scapularum inseritur.	N	Femoris os. τὸ μῦρ οὔρεν.
C	Superius, & externum caput humeri, quod gratia ligamentorum implantandorum creatum est.	O	Cervix femoris.
D	Caput interius infernæ ossis humeri appendicis, quod Trochlea dicitur, & Cubitum excipit.	P	Caput femoris superius, quod in Coxendicis acetabulum inseritur.
E	Exterius caput ejusdem appendicis, quod Radium suscipit.	Q Q	Duo femoris inferiora capita.
F G	Duo tubercula ossis humeri, Internum, F. Externum, G.	R S	Duo processus femoris, quorum alter R internus est, & minor: alter S. externus, & major.
H	Cubiti os, & quibusdam Cubitus simpliciter, rectius Vlna. Barbaris Focile majus brachii. πήχυς, ὠλένη, ποσπύχον.	T	1 Patella. Mola, μύλη, ὀπμιλλίς, ὀπμινατίς.
I	Radius. Barbaris Focile minus brachii. κερκίς, & ποσπύχον, à situ.	V	Tibiæ os. κνήμη.
		X	Fibulæ os. περόνη.
		Y	Talus. ἀσράγαλός, ἄσπις.
		Z	2 Calcaneus, Calx, Os calcis. πτέρνα.
		Γ	Os naviculare, naviforme, cymbiforme. σκαφοειδές.
		Δ Θ Λ Ξ	Hæc pedis pars ex quatuor constat ossibus, uno, cubiformi dicto, Δ, & tribus cuneiformibus, Θ, Λ, Ξ. Vocatur autem Tarsus, τάρσος, πεδίον.
		Σ	Metatarsus. μετατάρσος, μεταπεδίον. hæc quinque ossa continet.
		Φ Φ	Digitum pedis ossa quatuordecim.



LIBRI SECVNDI TABVLÆ III EXPOSITIO.

T Res seriatim modò sequentes Tabula, ea omnia, quàm datum est accuratissimè, demonstrant, quæ in Capitulis ossibus consideratione digna occurrunt. Imprimis verò præfens hæc, quæ duabus figuris, anteriorem & lateralem sedem exprimit, omnia penè calvaria propria ossa, frontis puta, syncipitis, occipitis, & temporum, tum maxilla etiam superioris exhibet: maximam quoque partem suturarum, quæ occurrunt. In quibus sanè demonstrandis, cum diuersæ sint species, eam adhibuimus methodum, ut veras quidem, elementis Latinis majusculis designaremus: Mendosas verò proprias, numeris Romanis; Communes autem, cyphris barbaris: Proprias tandem ossium maxillæ superioris, literis parvis. Sic enim unicuique facili erit internoscere, tum ad quam classem quævis suturarum pertineat, tum quota sit numero. Ceterum Characteres ascripti, utrique figuræ communes sunt: quòd si quis proprius erit, id numerus, post characterem in explicatione additus, indicabit.

- A A A **P** Rimæ verarum suturarum, Coronalis, quæ frontis os circumscribit.
 B Secunda verarum suturarum, Sagittalis.
 C Os frontis.
 D D Foramina duo frontis ossis propria, ad mediam supercillii sedem exsculpta, per quæ ramus primus tertiæ conjugationis nervorum Cerebri, ex orbita oculi in frontis, vel potius supercilliorum musculos, digeritur.
 E E Processus duo exteriores ossis frontis, sive majores.
 F F Processus duo interiores ossis frontis, sive minores.
 G G Ossa syncipitis, sive Verticis.
 H H Ossa temporum, utrinque singula.
 K L 2 Elatior, & circularis pars ossium temporum, qua ossium syncipitis exterioribus lateribus junguntur.
 M 2 Posterior pars ossium temporum, qua ossi occipitis futura tertia mendosa necitur.
 N 2 Processus mammillaris ossis temporum.
 O 2 Meatus auditorius.
 o 2 Processus styloides.
 P 2 Processus ossis temporum, qui jugale os constituit.
 P Q Os jugale.
 R R Primum os maxillæ superioris.
 S S Secundum os maxillæ superioris, in quo adverte foraminula in secunda figura diligenter expressa.
 T T Foramen hujus secundi ossis, satis amplum, in narium cavitatem rectè deorsum pertinens, cui glandula lacrymalis adjacet.

- V V Tertium os maxillæ superioris.
 X X Quartum os maxillæ superioris.
 Y Y Foramen primum hujus quarti ossis, per quod secundus ramus tertii nervorum cerebri paris, ex oculorum orbita in genas ad faciei musculos mittitur.
 Z Z Quintum os maxillæ superioris.
 I I Primum } par suturarum mendosarum.
 I I Secundum }
 i i Primum }
 2 2 Secundum } par suturarum communium.
 3 3 Tertium }
 4 4 Quartum }
 a a Primum }
 b b Secundum }
 c c Tertium } par suturarum propriarum maxillæ superioris.
 d d Quartum }
 e e Quintum }
 f Tertia pars ossis spongiosi, narium interseptum constituens.
 g g Quatuor dentes Incisores.
 h h Duo dentes Canini.
 i i i i Decem dentes molares, utrinque quinque.
 k k Foramen primum ossis cuneiformis, in intimo oculi orbitæ recessu elatissimum, orbiculare prorsus, per quod primum nervorum cerebri par, sive Opticum, cujus amplitudini exactè respondet, orbitam ex calvaria ingreditur.
 l l Foramen secundum ossis cuneiformis, dicto, triplò ferè amplius, per cujus humiliorem sedem, primò secundum nervorum cerebri par in orbitam procidit; deinde, tertium par eorundem: tertio, insignis quidam ramus arteriæ carotidis ad oculos secedens; tandem, pituita & humiditates aquosæ cerebri, in glandula pituitaria collectæ, unde lacrymæ fiunt. Per elatiorem autem regionem Vena ex oculi sede ad crassam cerebri membranam distribuitur.
 m m Foramen tertium ossis cuneiformis, per quod quarti paris nervorum ramus primus ad musculos temporales, & in ore latitantes transmittitur.
 n n Foramen quartum ossis ejusdem ad externam oculi sedem positum, omniumque in orbita faciliè maximum, rimam potius, quam foramen exprimens. Per hoc ramus quartus tertii, & primus quarti nervorum cerebri paris, in temporales musculos elabuntur, & pituita orbitam ingressa ad fauces descendit.

FIG. I.

TAB. III





FIG. II.



LIBRI SECVNDI

TABVLÆ IV EXPLICATIO.

In hac Tabula superior calvariae pars, ab inferiore (quam in subsequente demonstrabimus) serra ablata delineatur, ut utraque ejus facies, tam externa, quam interior conspiciatur, simulque illius levitas, hujus asperitas, sed imprimis suturae verae, & earum in utraque facie dispar ratio, adverti possint.

- A A **P** Rima verarum suturarum, Coronalis, quam vide, ut in externa facie, seu prima figura verae suturae imaginem exprimit, illius inquam, quae confutis filo pannis assimilatur; contra in interna, seu secunda figura, harmoniam potius, & lineam refert.
- B Secundi verarum suturarum, Sagittalis. Circa hanc foramina quaedam expressa sunt, quae in quibusdam craniis inveniuntur.
- C C Tertia verarum suturarum, Lambdiformis.
- D Os frontis.

- E E Offa sincipitis.
- F F Vestigia venarum jugularium crassam cerebri membranam perreptantium, quae interiorem ossium sincipitis faciem, nonnihil inaequalem & asperam reddunt.
- G Foramina duo, per quae ad ossium sincipitis medullam, inter duas laminas interceptam, venulae duae à cutaneis capitis venis, pro eorundem ossium nutritione, ingrediuntur.
- H 2 Interior calvariae lamina.
- I 2 Exterior calvariae lamina.
- K 2 Medulla utrique laminae inclusa.
- L 2 Caverna satis ampla in frontis osse, inter utramque laminam, ad nasi radicem consistens, interdum una, ut hoc loco: nonnunquam (& magna quidem ex parte) gemina, quae in narium amplitudinem pertinet.
- a 1 Linea anterior ossium sincipitis.
- b 1 Linea posterior ossium sincipitis.

FIG. I.

TAB. IV.





FIG. II.



LIBRI SECVNDI TABVLÆ V EXPLICATIO.

I *nferior calvariae pars, siue basis, à superiore, (quam antecedente Tabula expressimus) serra ablata hic ostenditur, ut utraque ejus facies conspicua fiat, & in prima quidem figura, imprimis interna: in altera, exterior.*

FIGVRA I.

- A P** Ars cavernæ ossis frontis tabula præcedente litera L insignitæ.
- B** Processus quidam ossis frontis, qui tertio crassæ cerebri membranæ sinui versus nares contendenti viam præbet.
- C** Foramen satis grande, per quod vena ad crassam cerebri membranam ex narium amplitudine ascendit.
- D** Processus ossis cribrosi, à forma cristæ galli, quam refert, Crista vocatus.
- E E** Os cribrosum, vel spongiosum infinitis foraminibus perforatum.
- F F** Protuberantiæ ossis frontis, superiorem orbitæ oculi sedem utrinque constituentes.
- G G** Processus interiores ossis cuneiformis, ex quibus G, G, anteriores: H, H, posteriores designant, qui simul omnes cum ephippium non inepte exprimant, Sellæ turcicæ nomen toti illi ossis parti imposuerunt. His crassa cerebri membrana firmissime adnascitur.
- H H**
- I** Sinus in sellæ medio incisus, glandulam pituitariam continens. Ab hoc sinu utrinque duo ductus derivantur, ex quibus priores duo K K ad secundum foramen ossis cuneiformis tendunt, sicque pituitam in oculi sedem deducunt, à qua postea ad nares, faucesque, per foramina literis T & n, tabula tertia designatis, pellitur. Posteriores duo L, L, ad foramen asperum, siue quintum ossis cuneiformis P, P, ad palatum potissimum porrigunt.
- K K**
- L L**
- M M** Foramen primum ossis cuneiformis, nervorum opticorum ingressui dicatum, & Tabula tertia litera K expressum.
- N N** Foramen secundum ejusdem ossis, secundo nervorum pari destinatum, & Tabula tertia caractere l notatum.
- n** Rima longa, quam efficit hoc foramen superiora petens.
- O** Foramen tertium ejusdem ossis, Tabula tertia litera m notatum.
- P P** Foramen quintum ossis cuneiformis, asperum & longum, per quod arteriæ carotidis ramus major in caput ascendit.
- Q Q** Foramen sextum ossis cuneiformis, ovalem figuram exprimens, quartum nervorum cerebri par transmittens.
- R R** Foramen septimum ejusdem ossis, exiguum, Venæ jugularis internæ ramo secundo & minori, viam præbens, cujus vestigia ossibus syncipitis impressa.
- S** Sinus cuneiformi ossi incisus, cui nervorum opticorum coitus innititur.
- T T** Vestigia venarum jugularium, per foramen litera R indicatum ascendentium.
- t t** Primum foramen ossis temporum, quod viam præbet nervo auditorio.
- X X** Processus petrosus ossium temporis.
- Y** Primum & maximum foramen ossis occipitii, per quod spinalis medulla elabitur.
- Z Z** Secundum & tertium ossis occipitii foramen, per quod Venæ jugularis internæ ramus major, & arteriæ carotidis minor intrant: egreditur autem sextum par nervorum cerebri.
- a a** Quartum & quintum foramen ossis occipitis, per quæ septimum par nervorum cerebri descendit.
- b b** Capita ossis occipitii, quibus cum prima cervicis vertebra necatur.
- c c** Medulla cranii.

d Additamentum ossis occipitii.

V V Designant quintam propriam, & mendosam futuram: nec literæ hic vicem gerunt, sed numerum quinarium exprimunt Romanorum caractere, ut monuimus tabula tertia.

FIGVRA II.

- a a** Sutura sexta propria maxillæ superioris.
- b** Sutura septima propria maxillæ superioris.
- A** Foramen secundum quarti ossis maxillæ superioris.
- B B** Foramen quartum ossis cuneiformis, tabula tertia n insignitum.
- C C** Cavitas, quam os jugale constituit, pro transitu tendinis musculi temporalis ad maxillæ inferioris insertionem.
- D D** Os jugale.
- E E** Ossis primi maxillæ superioris interna facies.
- F F** Sextum par ossium maxillæ superioris, palatum efformans.
- G G** Foramina in narium amplitudinem deliscentia.
- H** Septum narium.
- I** Septi narium inferior pars, vomerem referens.
- K K** Processus primus externus ossis cuneiformis, vespertilionum alas exprimens.
- L L** Processuum horum cavitas.
- M M** Processus secundus externus ossis cuneiformis, duos acuminatos vertices educens.
- c d** Duo apices hujus processus, quibus versus styloidem processum extuberat.
- N N** Foramen in priore figura literis Q Q notatum.
- n n** Foramen ibidem litera R, R, designatum.
- O O** Foramen ibidem caractere P, P, insignitum.
- P P** Asperitas ossis petrosi expressa.
- Q Q** Secundum ossis temporum foramen, per quod carotidis arteriæ major ramus oblique ad ossis cuneiformis foramen quintum fertur, indeque cerebri ventriculos subit.
- R R** Foramina occipitii antea litera Z, Z, ostensa.
- S S** Processus ossis temporum styloides.
- T T** Sinus primus ossium temporum, caput maxillæ inferioris excipiens.
- X** Additamentum ossis occipitii.
- Y Y** Duo capitula ossis occipitis.
- Z Z** Foramina in prima figura monstrata litera a, a.
- α α** Processus mammillares.
- β β** Sinus pro rectis muscibus caput extendentibus in occipitio exsculpti.
- γ γ** Sinus pro muscibus Spleniis & Cucullaribus incisi.
- δ δ** Quartum foramen ossis temporum.
- ε ε** Quintum foramen ossis temporum.
- I I** Sutarum communium primum par.
- I I I** Tertium par futurarum mendosarum.
- I V** Quartum par futurarum mendosarum.

APPENDIX.

F Oraminum, per quæ septem nervorum cerebri paria prodeunt ex cranio, catalogum hic subicere visum est, ut cuius facile pateant. Conspicua autem hæc sunt in prima figura.

Primum par, per foramen primum ossis cuneiformis, figura prima, litera M, M, insignitum, egreditur.

Secundum & Tertium, per ejusdem ossis secundum, litera N, N.

Quartum par, ejusdem ossis sextum, litera Q Q.

Quintum, per foramen primum ossium temporum, t t.

Sextum, per secundum & tertium occipitii foramen, Z Z.

Septimum, per quartum & quintum occipitis foramen, a a.

FIG. I.

TAB. V.





FIG. II.



LIBRI SECVNDI

TABVLÆ VI EXPLICATIO.

P *Proponit spectanda primaria calvariae ossa, à se invicem separata.*

FIGVRA I

Frontis ossis anteriorem & convexam partem repræsentat.

- A Ossis frontis convexa pars.
- a a a Suturam coronalem eleganter exprimit.
- B B Lamina quæ superiorem oculi orbitæ partem conficit.
- C Asperitas, cui nasi ossa agglutinantur.
- D Foramina per quæ ramus primus nervi tertiæ conjugationis cerebri in frontis musculum egreditur.
- E E Processus interiores ossis frontis.
- F F Processus exteriores ossis frontis.

FIGVRA II

Ossis frontis posteriorem partem, siue cavam ostendit.

- A A Ossis frontis concava pars.
- B B Sinus insculptus ossi frontis ea regione, qua sinus tertius membranæ crassæ cerebri descendit, ne comprimatur à duro osse.
- C Foramen, per quod vena ad crassam cerebri membranam, ex narium amplitudine ascendit.
- D Processus ossis cribrosi, Crista galli dictus.
- E E Os cribrosum, siue spongiosum.
- F F Processus exteriores & minores ossis frontis.
- G G Processus interiores & majores.
- H H Foramen optico nervo transitum præbens ad oculi orbitam.

FIGVRA III

Ossis syncipitis dextri lateris convexam superioremque partem monstrat.

- A Ipsa convexa pars ossis syncipitis designatur.
- a Anterior linea dimidiam partem suturæ coronalis constituens, qua ossi frontis committitur.
- b Posterior linea, mediam partem suturæ lambdiformis faciens, qua ossi occipitis jungitur.
- c Interna linea, futuram sagittalem conficiens, qua sibi ossa verticis invicem neantur.
- d Externa linea, qua temporalibus ossibus coarticulatur, squamiformem futuram constituens.
- e c Elegantissime à sculptore squamiformis combinatio expressa.

FIGVRA IV

Ossa syncipitis dextri lateris concavam partem, siue inferiorem ostendit.

- A Ossis syncipitis concava pars.
- a a Meditullium inter duas laminas interceptum.

- B B Principium vestigiorum, quæ jugulares venæ per crassam cerebri membranam dispersæ, relinquunt.
- b b b Rami horum vestigiorum.

FIGVRA V

Ossis occipitis exterior facies.

- A A Primum & secundum latum ossis occipitis.
- B B Tertium & quartum latum.
- C Quintum latum.
- D D Sinus superiores & insignes, qui sedem præstant musculis, tum iis, qui caput extendunt, tum his, qui scapulam dorso admovent.
- E E Sinus inferiores, pro musculis rectis caput extendentibus exsculpti.
- F F Capitula, quibus primæ cervicis vertebræ inarticulantur.
- G Foramen primum ossis occipitis, per quod spinalis medulla ex cranio descendit.
- H H Foramina pro septimo nervorum cerebri pari exsculpta.

FIGVRA VI.

Ossis occipitis interior facies.

- A B C Eadem designant, quæ in præcedente figurâ.
- D D Sinus transversus excipiens sinum primum & secundum crassæ cerebri membranæ.
- E E Sinus rectus, sinui tertio crassæ cerebri membranæ dicatus.
- F F Duo sinus rotundi superiores, duas cerebri prominentias excipientes: sub quibus inferiores, G, G, cerebelli prominentiis destinati.
- H H Duo capita litera F F præcedente figura ostensa.
- I Foramen primum ossis occipitis.
- a a Foramina pro septimo pari nervorum cerebri exsculpta.

FIGVRA VII

Ossis temporum dextri lateris exteriorem partem exprimit.

- H Ossis temporum exterior facies.
- I K L Pars superior, qua ossium, syncipitis exterioribus lateribus junguntur.
- M M Pars posterior, qua ossi occipitis futura tertia mendosa neantur.
- N Processus mammillaris.
- O Meatus auditorius.
- P Processus ossis temporum qui cum processu primi ossis maxillæ superioris os jugale constituit.

FIGVRA VIII

Ossis temporum dextri lateris interiorem, & concavam partem proponit.

- Q Pars concava ossis temporum.
- R R Combinatio squamiformis eleganter conspicua.
- S S Processus ossis temporum petrosus.
- T Foramen quod viam præbet nervo auditorio.

FIG.

I.




FIG.

II.

TAB. VI.



FIG.

III.




FIG.

IV.




FIG.

V.




FIG.

VI.





FIG. VII.



FIG.

VIII.



LIBRI SECUNDI

TABVLÆ VII EXPLICATIO.

FIGVRA I

- D**emonstrat tria auditui inservientia officula, primò jundta inter se, deinde verò seorsim, ut & nexum eorum, & magnitudinem ac figuram naturalem intuearis. His additus est annulus ossis à petroso osse integre separatus.
- A B C** Annulus ossis, cujus principium est A, finis, B, medium circulare C.
- D E F** Malleus primum officulum, cujus caput D, Processus major E, sed minor F est.
- G H I** Incus secundum officulum, cujus basis lata G est: Crus breve & crassum H: longius & tenuius I.
- K L L M** Stapes, cujus basis K est, duo crura L, L, Vertex, sive capitulum M.

FIGVRA II, III, & IV.

- M**axilla inferior tribus figuris ostenditur. Prima faciem anteriorem exhibet; Secunda, posteriorem; Tertia, lateralem.
- A A** Processus anterior, utroque dictus, cui tendo musculi temporalis inferitur.
- B B** Processus posterior, qui in sinum proprium temporum ossi insculptum suo capitulo inarticulatur.
- a a** Capitulum hoc, quo inarticulatur.
- b b** 3 4 Foramina duo in superficie interna ad dictorum processuum fundamenta exsculpta, per quæ ramus tertius quarti nervorum cerebri paris, comite vena & arteria, ad dentium cavitatem disseminandus ingreditur.
- c c** 2 4 Foramina per quæ vasa dicta maxillam rursus, distributa in humiliori labrum, & ejus loci musculos, egrediuntur.
- d d** 4 Asperitas prima ossis, unde incipiunt musculi labium inferius detrahentes.
- e e** 3 Asperitas secunda, cui inferitur tendo musculorum maxillam deprimentium, & unde alii linguæ musculi oriuntur.
- f f** 3 Asperitas tertia, unde oritur maxillæ abductor.
- g h i** Dentium triplex ordo notatur. g quatuor incisores denotat. h, duos caninos. i, decem molares.

FIGVRA V

- D**entes tam superioris maxilla, quam inferioris, evulsos à sua sede, alterius tamen duntaxat lateris, quod utriusque eadem sit ratio, demonstrat, ut radices cuius contemplari liceat, cum maxillis adhuc infixos, in præcedentibus tribus figuris, tum duabus prima tabula satis intueri datum fuerit.
- A A** Dextri lateris octo superiores dentes.
- B B** Ejusdem lateris octo inferiores.
- a b c** Dentium genera denotantur. a enim Incisores, b Caninos, c Molares ostendit.
- d d d** Radices dentium.
- D** Cavitatis dentis molaris dissecti, quæ membranula succingitur.
- D** Interior superficies dentis incisorii.
- E** Dens molaris, cujus mensuræ litera inscripta est.

FIGVRA VI, VII, & VIII.

- O**s hyoides proponitur tribus figuris. Prima anteriorem faciem exprimit, secunda posteriorem, tertia unâ minora latera & officula, quibus cum styloide processu jungitur.
- A B** Basis ossis hyoidis, sive primum os.
- a** 6 8 Tuberculum anterioris sedis.
- C** 6 8 Sinus superior transversus, & oblongus, qui primum par musculorum hyoidis, Attollens, excipit.
- b** Sinus inferior.
- D** 7 Concavitas basis ossis hyoidis.
- E F** Latera humiliora, sive Cornua ossis hyoidis, quæ secundum & tertium officulum constituunt.
- G G** Connexus cornuum cum basi.
- H H** Apex cornuum, qui laryngis scutiformi cartilagini alligatur.
- I K** 8 Latera superiora ossis hyoidis, inferioribus tenuiora, magisque teretia.
- L M N** Tria alia officula, superioribus lateribus utrinque ut plurimum commissa.

FIGVRA IX, & X.

- C**laviculas sinistras exprimit. Illa, superiorem ipsarum, & anteriorem partem: hac, inferiorem & posteriorem.
- A B** Pars teres & gibba.
- B C** Pars lata.
- D** Capitulum quod sterno articulatur.
- E** Capitulum quod superiori scapulæ processui, sive acromio, articulatur.

FIGVRA XI, & XII.

- O**s pectoris gemina figura exprimitur, ut utraque ejus facies, anterior & posterior cernatur, illa in priore, hac posteriore.
- A** 11 Primum os sterni, nonnihil in anteriore sede protuberans.

- a b** 11 Sedes utrinque ad hanc protuberantiam depresso.
- c** 12 Posterior sedes primi ossis utrunque cava.
- d** Sedes primi ossis, cui primæ costæ cartilago innascitur.
- e f** Sinus primi ossis, cui claviculæ capita inarticulantur.
- g** Sedes inter duos hos sinus Lunæ modo excavata.
- h** Connexio primi ossis cum secundo.
- h r** Secundum os pectoris.
- i** Communis primi, & secundi ossis sinus, cui secundæ costæ cartilago inferitur.
- k l m n o** Sinus secundi ossis, quibus cartilaginee tertiæ, quartæ, quintæ, sextæ, & septimæ costæ inarticulantur.
- p q r** His locis, in pueris secundi ossis distinctiones nonnunquam apparent, ac si secundum os ex tribus constaret.
- r f** Tertium os sterni.
- t** Cartilago mucronata tertio ossi adnata.

FIGVRA XIII, & XIV.

- S**capula sinistra duabus figuris proponitur, ut priore exterior ejus facies, posteriore interna conspiciatur.
- A B C D** Scapulæ processus primus. sed A B Scapulæ sinus est, cui humeri caput inarticulatur. C D Cervix.
- E F G** Basis scapulæ, sive primum latus.
- E E** Superior costa.
- G D** Inferior costa.
- E G** Duo scapulæ anguli. E superior, G inferior est.
- H** Appendix inferioris anguli cartilagineus.
- I I** 13 Spina scapulæ.
- L M** Summus humerus, & æquus.
- M** Sinus levis cui claviculæ caput committitur.
- N O P** Processus ancoriformis.
- O** Basis hujus processus.
- P** Vertex hujus processus.
- Q R** 13 Duo interscapulia, Q, superius est; R, inferius.
- S S S** 4 Tubercula instar obliquarum linearum, sinus constituentia, ac si à costarum convexis impressi forent.
- T T** 13 Asper sinus, unde interior cubitum extendentium musculus pronascitur.
- V V** 14 Protuberans inferioris costæ pars, ob quam X X insigniter cava cernitur.
- X X**

FIGVRA XV


- S**pinam universam ex latere ostendit, ut mutus omnium dorsi vertebrarum contextus appareat.
- 1, 2, 3, &c.** Hi numeri ostendunt quota quæque vertebra sit in spina.
- A B** Septem collum constituentes vertebræ.
- B C** Duodecim thoracis vertebræ.
- C D** Quinque lumborum vertebræ.
- D E** Sex sacri ossis vertebræ.
- E F** Quatuor ossis coccygis vertebræ.
- G** Corpus vertebrarum, in 4, 12, 23, vertebra notatum.
- H** Transversi processus, in iisdem insigniti.
- I** Obliqui ascendentes processus.
- K** Obliqui descendentes processus.
- L** Acuti processus.
- M** Foramen proprium vertebrarum.
- N** Foramen commune vertebrarum.
- O** Ligamentum cartilagineum, quo vertebræ colligantur.

FIGVRA XVI, & XVII

- T**horacis omnia ossa proponunt, exceptis claviculis, scapulisque: & prior quidem, priorem partem; posterior, posteriorem.
- A B** 6 Os pectoris, sive sternum.
- C** Cartilago ensiformis.
- 1, 2, 3, &c.** Costæ duodecim, ex quibus septem superiores legitimæ vocantur; inferiores quinque, spurie.
- D D D** Costarum pars ossea.
- E E E** 16 Pars cartilaginea, cujus connexio cum ossea parte virgula utrique literæ D, & E, interjecta denotatur.
- F** Connexio costarum cum sterno.
- G** 16 Articulatio costarum cum vertebrarum corpore.
- H** 17 Connexio cum transversis processibus vertebrarum, & 2.
- I I a b** 17 Vertebræ, quarum processus transversii a, a, posteriores, b, b.

FIGVRA XVIII

- C**osta una seorsim demonstratur.
- A** Capitulum quo costæ sterno committuntur.
- B** Capitulum rotundum, quo vertebrarum sinui infiguntur.
- C** Tuberculum, quo costæ sinui transversii vertebrarum processus inarticulantur.
- D E** Pars ossea, D, cartilaginea, E.
- F** Sinus oblongus & inferior, per quem vasa incedunt.



LIBRI SECUNDI


TABVLÆ VIII EXPLICATIO.

V *T* que de Vertebriis dici possunt una omnia tabula oculis subjiciantur; vertebrae cujus generis libet depingendas curavimus, & Cervicis quidem quatuor, unam verò Thoracis duntaxat, & lumborum. Qui enim unam ex his posterioribus viderit, omnes viderit: at in Cervice paulo aliter se habet, cum quatuor quasi diversa genera occurrant, primæ, secundæ, tertiæ & septimæ: nam quarta, quinta, & sexta cum tertiâ conveniunt. Caterum ne & in his quidquam desideretur, cujusvis tres figuras delineavimus, ex quibus prima faciem superiorem anterioremque continet: altera, superiorem posterioremque: tertiâ, inferiorem anterioremque demonstrat. Tres ergo primæ figuræ primam cervicis vertebrae ostendunt: Tres secundæ, secundam cervicis: Tres tertiæ, tertiâ cervicis: Tres quartæ, septimam cervicis: Tres quintæ, primam thoracis: Tres sextæ, primam lumborum. Literæ autem omnibus figuris communes ferè sunt; quod si qua habet proprias, numerus characteri additus faciliè id demonstrabit.

- A** Corpus vertebrarum ab anteriore parte ostendit; quod vide quomodo in prima cervicis vertebra tuberculum potius quoddam, ac corpus exprimat; præterea quomodo cervicis vertebrae non ita rotundum anteriore in sede, sed potius quadrangulum oblongum habeant, fecus ac thoracis & lumborum vertebrae.
- B** Corpus vertebrarum à posteriore parte.
- a** **I** **1** Sinus quadratus cartilagine tectus, in primæ cervicis vertebrae corporis posteriore facie occurrens, qui dentiformem secundæ vertebrae processum exigit.

- C** Superior corporis vertebrarum superficies, quam v. e. quo pacto in cervicis vertebra sinuata est, at circa extremitates in thoracis & lumborum vertebrae exberat.
- b b** **V, VI** Extuberantia superioris vertebrarum corporis superficie.
- D** Inferior corporis vertebrarum superficies.
- E** **II 1 3** Processus dentiformis secundæ vertebrae, cui anterior facies hic ostenditur.
- F** **II 2** Eiusdem processus facies posterior.
- G** Processus transversi, sive laterales vertebrarum, qui in Cervicis vertebra perforati sunt, foramine (**c**) per quod venæ & arteriæ Cervicales dictæ ad caput ascendunt: in thoracis vero, ac lumborum, vertebrae solius, in illis tamen, thoracis inquam novem superioribus sinum cartilagine in crustatum, cui costæ inferuntur, quasi affirmantur, habent.
- H** Processus obliqui vertebrarum ascendentes, qui sinuati sunt in prima Cervicis, & Lumborum vertebrae, reliquis omnibus capitulum leviter præminens obnunt.
- I** Processus obliqui descendentes, sinuati omnes, sed Lumborum vertebrae nonnihil protuberantes ut capitulum mentiantur.
- K** Processus posteriores, qui cum acuti sint Spinae dicuntur in solis tamen cervicis vertebrae, (excepta prima septima) bifidi sunt.
- L** **I** Processus posterior vertebrae primæ, qui cum acutus non sit, haud bene Spinae nomen meretur.
- M** Foramen proprium vertebrarum, per quod Spinalis medulla descendit.
- N** Foramina quædam exigua, quæ præsertim in lumborum vertebrae, ob earum porositatem, reperiuntur.

TAB. IX.



LIBER II TABVLÆ IX EXPLICATIO.

FIGVRA I, & II.

- O** *Sacrum proponunt, ut in prima quidem figura anterior ejus facies, & concava; in secunda autem, posterior, & gibba spectetur.*
- A A A** 1 Quinque ossis sacri vertebræ, in quibus nota, a, a, a, a, quæ foraminula sunt, ipsarum porositates demonstrantia.
- b b b** 1 Connexio vertebrarum, quæ levia quædam tantum lineæ rudimenta in adultioribus exprimunt.
- &c.**
- B** 2 Foramen proprium vertebrarum, per quod spinalis medulla descendit.
- C C** Processus obliqui superiores primæ vertebræ, quorum sinus hac litera insignitus, in secunda figura exprimitur.
- D D** 2 Connexus hic significatur, quo primi sacri ossis descendentes processus, cum ascendentibus secundi, quemadmodum in lumborum vertebris, committi inter se videntur.
- E E** 2 Processus posteriores.
- F F** Processus transversi omnes inter se uniti.
- G** 2 Corpus primæ vertebræ ossis sacri.
- 1, 2, 3, 4** Foramina in utraque facie, tam anteriore, quam posteriore, majora tamen nonnihil in illa, conspicua.
- H H I K L** 2 Literæ hæc ossis sacri in dextro latere, eam partem significant, quæ dextro ilium ossi necitur, pluribusque tam ex sinibus, quam tuberculis exstructa est. Ex hisce literis primum **H H**, sinum anteriorem & oblongum denotant: **I K** duos posteriores fere rotundos, quorum superior **I** est, **K** inferior. Anteriores à posticis interdividit tuberculum **L**, instar amplæ cujusdam lineæ prominens; at duos posteriores, tuberculum **M**. Superior sinus in elatiore sede nonnihil prominet, quam ideo caractere **N** insignivimus.
- O** 2 Suprema ossis coccygis vertebra, quam in secunda figura exprimendam curavimus, ut monstremus, quomodo dum ex quinque vertebris os sacrum constituitur, ipsa transversos processulos **c, c**, utrinque exigit, qui sursum educti **d, d**, processui quintæ sacri ossis, vertebræ posteriori bifidæ **e, e**, per cartilaginem **f** valide coalescunt, ubi foramen fit **g**, per quod textum par nervorum ossis sacri exit.

FIGVRA III, & IV.

- O** *S coccygis duabus figuris, eadem de causa atque os sacrum proponitur.*
- 1, 2, 3, 4** Officula quatuor ossis coccygis, ex quibus **1** supremum est situ, **4** infimum.
- A** Superior sedes summi officuli latior inferiore, quod & in reliquis cernitur.
- B** Inferior sedes superiore angustior.
- C** Sinus primæ vertebræ, quo inferior pars postremæ sacri ossis vertebræ excipitur.

FIGVRA V, VI, & VII.

- O** *Ssa innominata dextri lateris tribus figuris hic delineata proponuntur. Prima figura anteriorem sedem: Secunda, externam: Tertia, internam repræsentat.*
- 1, 2, 3** 5 6 Sinus coxendicis, in quo superius femoris caput recipitur.
- 1, 2, 3** Tres lineæ cartilagineæ, quibus tria ossa, Innominata dicta constituentia, connectuntur, quarum ordinem ascriptus numerus ostendit. **1** enim, primam indicat: **2**, secundam: **3**, tertiam. Has in sexta & septima figura exprimendas curavimus, non item in quinta, ut demonstremus simul quomodo in adultis eo usque aboleantur, ut ne vestigium quidem hujus cartilaginis reliquum fiat.
- 1 2 A A B** 7 Os ilium his lineis circumscriptum.
- 1, 3 M** 7 Os pubis his lineis circumscriptum.
- 2 3 Q L** 7 Os coxendicis.
- A A** Spina ossis ilium, quæ est appendix aspera ob muscutorum nexum.
- a** Linea, quæ spinam **A A**, & ilium os interstinguit.
- B** 7 Costa, sive cavitas ossis ilium.
- C** 5 6 Dorsum, sive pars gibba ossis ilium.
- D 1 D 2** 5 6 Tres asperæ lineæ dorso ossis ilium insculptæ, pro exortu trium muscutorum femur extendentium, quos Glutæos vocant. harum ordo numeris ascriptis indicatur.
- D 3**
- E E F** 7 Ea ossis ilium sedes notatur, quæ sacri ossis primi & secundi transversorum processuum tuberculis, sinibusque **H H I K L M N**, figura secunda depictis, & similiter alternatim his stipata, committitur. **E E** enim tuberculum est ob longum anterius: duo alia posteriora acuta **b, & c**. Hæc & illud sinus longus **F**, at ista, **b** inquam & **c**, sinus **d** interstingunt. Circa tamen superius **b**, sinus est alius **e**. Ex his **E E** quidem sinum **H H** subit. **b** vero **I, & c**, **K**, & **N**, ipsum **E**. Rursus sinus **F**, tuberculum **L** recipit, **d** vero **M**, & **c**, **N**.
- G** 5 6 Labra magni sinus coxendicis, quæ magis in posteriore parte, quam antica: & superiore, quam inferna conspiciuntur.
- H** 5 6 Hoc loco, qui sedes est, quæ sinus coxæ pubis ossa respicit, labra illa deficiunt.
- I** 5 6 Anterior pars sinus coxendicis, cartilagine denudatus.
- K** 7 Sinus ossis coxendicis, pro tertio femur circumagentium musculo insculptus.
- L** Appendix ossis coxendicis.
- f** Linea appendicem ab osse coxendicis interdividens.
- M** Linea aspera, & crassa, quæ pubis ossa invicem junguntur.

- N** Foramen ossium pubis.
- O** Sinus in pubis ossibus exsculptus, pro transitu vasorum cruraliorum.
- P Q** Tubercula duo ossis coxendicis. **P** externum est, **Q** internum.
- R** Sinus in superiore coxendicis ossis sede cælatus, femur flectentium primo & secundo viam præbens.

FIGVRA VIII, & IX.

- H** *Vmeri os dextri brachii duabus figuris depingitur: prima, anteriorem faciem: secunda, posteriorem monstrat. Ceterum hæc ossa, quæ sequenti omnia sic depingenda curavimus, ut simul appendices demonstraremus, quæ loci una cum reliquo osse junguntur, & in junioribus occurrere consueverunt.*
- A** Appendix superior ossis humeri.
- B B** Appendix inferior ossis humeri.
- a b** Capita duo superioris appendicis. **a** internum: **b** externum denotat.
- c d** Capitis externi duæ partes. **c** anterior: **d** posterior est.
- e** Sinus teres, qui externum caput in duas has partes dirimit, per transitu primi capitis Bicipitis musculi, sive primi cubiti flectentis, exsculptus.
- f** 8 Teres ossis humeri pars, sede anteriore demonstratur.
- g** 9 Lata ejusdem pars sede posteriore ostenditur.
- h** Pars ubi admodum humeri os latefcit.
- i i** Inferius & internum caput ossis humeri, pro articulatione Cubiti, quod Trochleam vocant.
- l m** Duo sinus trochleæ, *βαρυδὴς* dictæ, ex quibus **l** anterior est, **m** posterior. ille inferiorem, hic superiorem processum appendicis cubiti superioris recipit.
- n** 8 Inferius & externum caput humeri, cui radius committitur.
- o p** Duo tubercula humeri. **o** internum, **p** externum.
- q r** Duo sinus ad latera tuberculorum. **q** ad externum est, **r** ad internum.
- f** Foramina exigua insculpta, pro ligamentorum humeri cum scapula infertione.
- t** Foramen in medio longitudinis ossis humeri, pro vena ad intus ora penetrante, factum.

FIGVRA X, & XI.

- D** *Vo Cubiti ossa, Ulnam & Radius dextri brachii invicem juncta continent, ut connexio mutua utriusque cernatur: sic tamen, ut prior figura anteriorem partem, altera, posteriorem ostendat. Uterarum autem explicatio eadem est cum quatuor subsequenti figurarum enodatione.*

FIGVRA XII, & XIII.

- Ulna dextra anterior, & postica facies exprimitur.*
- A** Superior appendix ulnæ.
- a** Gibba pars ulnæ Hippocrati *ἀγκών*, Galeno *ἀλεξανδρῆς*.
- b** Sinus ulnæ, quem *σχιμοειδὴς* vocant sive signiformem.
- c d** Duo processus sinus **b**, ex his **c**, posterior: **d**, anterior dicitur.
- e** 12 Sinus quartam cubiti partem conficiens, qui minus radii capitulum excipit.
- f** Inferior ulnæ appendix. hæc cum osse reliquo jungitur.
- g** Processus styloides hujus appendicis.
- h** Acuta linea ulnæ.

FIGVRA XIV, & XV.

- Radius dextri posteriorem & anteriorem partem designant.*
- i** Cervix radii.
- l** Superior appendix radii.
- m** Sinus huic appendici insculptus.
- n** Pars ubi dicta appendix sinui ulnæ, quartam circuli partem conficienti inferitur.
- o** Tuberculum oblongum, aspero sinu donatum, cui tendo primæ cubiti flectentium, s. bicipitis, implantatur.
- p** Inferior radii appendix.
- q** Sinus in quo inferior ulnæ appendix recipitur.
- r** Linea aspera radii.

FIGVRA XVI, & XVII.

- Manus dextra parte externa & interna demonstratur.*
- A A** Carpi ossa octo, quorum ordinem ascripti numeri barbari ostendunt.
- 1 2 3 &c.**
- B B** Metacarpi ossa quatuor, quorum ordo adnotatis numeris majusculis Romanorum designatur.
- I I I &c.**
- C C** Digitorum ossa quindecim.
- a b c** Ossa pollicis. **a** primum. **b** secundum. **c** tertium.
- d e f** Ossa Indicis. **d** primum, **e** secundum, **f** tertium. Eodem modo reliquorum digitorum ossa numerentur.
- g h** Superficies ossium metacarpii. **g** externa & plana: **h** interna, & acuta est.
- i i i** Intervalsa ossium metacarpii, in quibus muscoli, interossei dicti, reconduntur.
- l m** Appendices ossium metacarpii, ex quibus superior capitulum, inferior sinum exigit.
- n o** Appendices ossium digitorum. **n** superior est, **o** inferior.
- t t** Ossium sesamoideorum situs.

FIGVRA XVIII, & XIX.

- O** *Ssum sesamoideorum facies anterior & posterior exhibetur conspicienda.*



LIBRI SECUNDI TABVLÆ X EXPLICATIO.

Ossa cruris universa præfens Tabula demonstrat. In his appendicum cum reliquo osse, ut in pueris apparet, coalitum diligenter exprimendum curavimus.

FIGVRA I, II, & III.

Femur sinistri lateris tribus figuris exprimitur, ut anterior ejus pars in prima, posterior in secunda, & lateralis tandem in tertia cernatur.

- A Cervix superioris femoris appendicis.
- B Caput femoris superius, coxendicis acetabulum subiens.
- C 2 Foramen in medio hujus capitis insculptum, cui ligamentum teres, ex coxæ acetabulo enatum, inseritur.
- D Trochanter, sive processus major, & externus.
- E 2 3 Trochanter, sive processus minor, & internus.
- a 2 Sinus in processu externo, parte interna excisus.
- 1, 2, 3, 4 Impressiones quatuor trochanterias, sive processus externi, quarum ordinem numeri assignati demonstrant.
- F 2 Linea aspera à prima impressione deorsum tendens.
- G H Duo inferiora femoris capita. G internum est, H externum.
- I K 2 Duo sinus inter femoris duo inferiora capita incisi, ex quibus I anterior est, patellam: K posterior, ligamentum teres, excipiens.
- b b Foramina circa appendicem inferiorem, pro ligamentorum validiore implantatione facta.
- c c Foramen in posteriore femoris sede insculptum, per quod vena ad ossis nutritionem transit.
- d d Aspera linea per posteriorem femoris regionem excurrent.
- e e e c Lineæ, quæ quatuor appendicum, duorum nempe capitum femoris, totidemque trochanterum coalitum ad reliquum os ostendit.

FIGVRA IV.

Tibiæ os sinistri lateris fibulæ junctum, anteriore parte representat, cujus literæ in sequentium duarum figurarum explicatione declarabuntur.

FIGVRA V, & VI.

Tibiæ os duabus figuris delineatur: illa, parte sua laterali interna; hac, posteriore.

- A Superior tibiæ ossis appendix.
- B B 4 6 Duo superioris tibiæ appendicis sinus, inferiora femoris capita excipientes.
- C 4 6 Tuberculum duobus his sinibus interjectum, cujus apici ligamentum teres ossis femoris implantatur.
- D 6 Capitulum quod superioris fibulæ appendicis sinum ingreditur.
- E E Foramina in utraque appendice ossis tibiæ.
- F 4 5 Tuberculum, in quod tendo inferitur, ex tendinibus secundi, tertii, ac quarti tibiam extendentium musculorum committitur.
- G 6 Foramen in posteriore sede occurrens, per quod vena ad ossis intimam admittitur.
- H Appendix inferior tibiæ.
- K K 4 Sinus geminus huic appendici insculptus.
- L Processus inferioris tibiæ appendicis, Malleolum internum constituens.
- M 6 Sinus ad externum latus inferiorem fibulæ appendicem admittens.
- N 6 Linea in posteriore tibiæ sede excurrent.
- 1, 2, 3 Tres tibiæ ossis lineæ, ex quibus totidem latera conficiuntur.
- I, II, III Tria latera ossis tibiæ.
- a Coalitum docet appendicis utriusque, ad reliquum os.

FIGVRA VII, & VIII.

Fibulam duabus figuris designavimus, ut anterior, posterioreque ejus facies conspicua fiat. Sed & appendices prout in pueris occurrunt exprimendas curavimus.

- M Superior fibulæ appendix.
- N Inferior fibulæ appendix, Malleolum externum constituens.
- O Reliqua fibulæ pars, utrique appendici interjecta.
- P Sinus qui capitulum tibiæ D suscipit.
- 1, 2, 3 Tres fibulæ lineæ.
- I, II, III Tria fibulæ latera.
- a Coalitus appendicum cum reliquo osse.

FIGVRA IX, & X.

Patellæ utraque facies hic effiguratur: anterior quidem, foraminibus plena, in nona; posterior autem, cartilagine levius succincta, in decima figura.

FIGVRA XI, & XII.

Pedis dextri ossium invicem junctorum, illa superiorem, hac inferiorem partem ostendit, ut mutua connexio cernatur.

- A A Tarsus, prima pedis pars.
- B B Metatarsus, secunda pedis pars.
- C C Digiti, tertia pedis pars.
- D D Pars innominata, sive quarta.
- E Calcis os, sive Calcaneus.
- F Astragalus, sive Talus.
- G Os naviculare.
- H Os cubiforme.
- I Os cuneiforme medium.
- K Os cuneiforme minus.
- L Os cuneiforme majus.
- 1 2 3 4 5 Ossa metatarsi.
- a b Duæ appendices ossium metatarsi. a, superiorem denotat: b, inferiorem.
- c c 12 Ossa sesamoidea in suo situ.

FIGVRA XIII, XIV, XV, & XVI.

Quatuor astragali dextri pedis latera representantur quatuor figuris, ita tamen ut reliqua duo etiam optime cernantur. Prima, superius latus: Secunda, inferius: Tertia, laterale externum: Quarta, internum.

- A B C Sex latera astragali, ex quibus A, superius est, B inferius, C, anterius. D, posterius. E, laterale internum. F, externum.
- a b 13 Duæ lineæ superioris lateris. a prior est. b posterior.
- c 13 Sinus lævis superiori lateri insculptus, in quem linea inferiorem tibiæ sinum bifariam secans inseritur.
- d d Cartilago, qua laterales partes obducuntur, quæ malleolum utrumque excipiunt.
- e e 15 16 Sinus asperi duarum lateralium partium, quibus ligamenta inferuntur, quæ duo ossa tibiæ talo colligant.
- f Cervix oblonga partis anterioris.
- g Capitulum huic cervici obnatum, quod à sinu ossis navicularis excipitur.
- h Sinus inter cervicem & superius latus occurrens.
- i 13 Sinus transversus per posterius latus excurrent.
- l 13 Sinus infernus posterioris lateris.
- m 14 Sinus inferioris lateris.
- n 14 Caput inferioris lateris.
- o 14 Sinus longus & profundus inferioris lateris, in quo mucosa substantia coacervatur.
- p 14 Sinus lævis capitis in latere inferiore insculptus admittens caput secundum calcanei.

FIGVRA XVII, XVIII, & XIX.

Tribus figuris dextri pedis calcaneus exprimitur. Prima superius latus, altera inferius, tertia internum representat.

- A B C Sex calcis latera. A superius est, B inferius, C anterius, D posterius, E internum, F externum.
- a Sinus in anteriore parte supremi lateris.
- b Caput primum in eadem parte ejusdem lateris, sinum m tali subiens.
- t Caput alterum sinum ejusdem tali p ingrediens.
- c Sinus supremi lateris in parte posteriore, qui ligamentum accipit à tibia talum constringens.
- d Sinuli in posteriore latere, in quos tendo primi, & secundi pedem extendentium infinguntur.
- e Anterior pars ubi cubiformi ossi coarticulatur.

FIGVRA XX, & XXI.

Naviculare os parte posteriore in illa, in hac anteriore depingitur.

- A Concavitas ossis navicularis, quam caput tali ingreditur.
- B Convexitas ejus, tribus sinibus distincta, quorum ordo numeris designatur.
- 1, 2, 3

FIGVRA XXII, & XXIII.

Cubiformis ossis superior & inferior pars effiguratur.

FIGVRA XXIV.

Ossis cuneiformis majoris formam declarat.

- a Sinus qui navicularis ossis processum internum suscipit.
- b Superius latus convexum.
- c Interius latus cavum.


FIGVRA XXV.

Ossis cuneiformis medii figuram complectitur.

- a b c Latera ejus. a Superna sedes quadrilatera. b interna est acuminata. c posterior. d interior.

FIGVRA XXVI.

Ossis cuneiformis minimi figura est, cujus literæ, ut præcedentis eadem latera denotant.



LIBRI QVARTI TABVLÆ I EXPLICATIO.

In his Tabulis omnes totius corporis Musculi delineati conspiciuntur. Observatum autem hoc unice est, ut singuli tam in sede sua naturali, quam in corpore habent, atque extra situm remoti demonstrentur, ex quo sit, ut non tantum externa ipsorum facies, sed interna quoque cernatur, & simul quis quemque ordine consequatur, innotescat. Est & hoc diligenter animadversum, ut eo ordine proponerentur, quo in Dissectionibus demonstrari debent. Tanto autem artificio omnia à Sculptore expressa sunt, ut cuius prima statim fronte appareat, quæ pars carnea sit, quæ tendinosa, quæ nervea, aut membranosa: imò quanta sit cujusque musculi crassities, aut gracilitas. Nos autem & ipsi, ne nostro deessemus muneri in explicatione, diligenter omnia ad Spigelii historiam retulimus, cujus sæpe propterea verba hic expressa invenies, ut nihil omnino sit ab ipso traditum, quin hic demonstretur. Imprimis verò magna industria principium, medium, & finem cujusque ostendimus.

FIGVRA I.

- F**rontis, Palpebrarum, Nasi, Buccarum, Labiorum, Maxilla inferioris, & Auriculæ musculos, eosque fere omnes in situ suo proponit.
- A** Frontis, (vel potius Supercilii) musculus, in suo situ.
- a a** Principium ipsius, circa elatiorem frontis partem, ubi capillorum finis est.
- b b** Finis ejusdem qui in supercilia implantatur.
- B C** Musculi palpebrarum, quos Claudentes Spigelius vocat, ex quibus **B** superior est, **C** inferior. illius principium **1** est, finis **2**, hujus **3**, insertio **4**.
- D** Primum par musculorum nasi, alas abducens, in suo situ.
- c d** Principium ejus ab osse maxillæ, (**c**) Finis circa nasi alam. (**d**)
- E** Secundum par musculorum nasi alas abducens, in situ.
- e f** Principium ejus acutum & carnosum circa nasi verticem, (**e**) Finis in ala. (**f**)
- F** Buccarum musculus secundus, Buccas contrahens, ab aliis Buccinator dictus, in situ suo.
- G** Primum par labiorum, sive Attollens labium superius, in sua naturali sede.
- g h** Principium dicti musculi, à primo superioris maxillæ osse, (**g**) Finis circa latera superioris labii. (**h**)
- H** Secundum par labiorum, Abducens, naturalem situm occupans.
- i k** Principium carnosum à cavitate malis subjecta, (**i**) Finis circa concursum utriusque labii. (**k**)
- I** Tertium par deprimens inferius labium, quod ab infima sede inferioris maxillæ pronatum, in labii inferioris medium inferitur, situm suum hic obtinens.
- K K** Quartum par, Labia constringens, situm suum occupans.
- L** Primus maxillæ inferioris musculus, Attollens, vel Temporalis dictus, sua membrana denudatus, ut fibræ carneæ conspiciantur, in situ.
- M** Principium hujus musculi semicirculare.
- N l m** Secundus maxillæ inferioris musculus, Deprimens, sive Biventer, extra situm, cujus tendo designatur caractere **N**. Ventres autem literis **l. m.** ex quibus **l** primus est, principium: **m** secundus, & finem constituens.
- O** Tertius maxillæ inferioris, Lateralis, extra situm.
- P P** Maxilla inferior a musculis, & carne denudata.
- n** Processus anterior maxillæ inferioris, in quem musculus ipsam Attollens, (**L**) inferitur.
- o** Processus ejusdem posterior, qui capitulum exigit, quod in sinum secundum offi temporum insculptum adaptatur.
- Q** Os jugale.
- R** Primum os maxillæ superioris.
- S** Primus auriculæ musculus, sive Attollens, in situ.
- T T T** Secundus auriculæ musculus, sive Detrahens, cujus triplex portio hic exprimitur.
- V** Auricula, sive Auris externa.

FIGVRA II.

- A** Vris interna primum, sive externum musculum, in suo situ demonstrat.
- A** Musculus externus internæ auris, ex substantia cutanea, & fibris tenuissimis constans.
- B** Tendo ipsius subtilissimus, in membranæ Tympanum dictæ, exteriorem partem, ejusque fere centrum insertus, ea sede, qua malleus intus membranæ adnectitur.
- C** Locus insertionis, ubi dicti mallei processus ostenditur.
- D** Membrana, Tympanum dicta abumbrata sic artificiosè, ut malleus per ipsam transperere videatur.
- E** Circulus osseus, offi petroso adhuc junctus.
- F** Processus mammillaris offis temporum.
- G H** Os temporum undique effractum: **G** tamen ejus sedem superiorem, **H** inferiorem monstrat.

FIGVRA III.

- A** Vris interna secundum, sive internum musculum, in suo situ representat.
- A** Auris internæ externus musculus, figura secunda monstratus, hic quoque integrè depictus cernitur.
- B** Auris internæ internus musculus inter os petrosum, & cuneiforme per proprium ductum in concham porrectus.
- C** Crus alterum incudis.
- D** Mallei processus.
- E** Circulus conchæ.

- F** Processus offis temporum petrosus.
- G H** Os temporum.

FIGVRA IV.

- P** Alpebrarum, Nasi, Labiorum, Maxilla inferioris, Offis hyoidis & Capitis musculos, tum obiter, Vena jugularis distributionem in caput, in suo situ ostendit.
- †** Musculus frontis in suo situ.
- A A** Musculi palpebras claudentes, in situ.
- Æ** Primum par nasi alas constringentium, in suo situ.
- B** Secundum par musculorum nasi alas abducens, in situ.
- C** Primum par labiorum, sive Attollens labium superius, similiter in situ.
- D** Secundum par labiorum, sive Abducens, situm suum obtineans.
- E** Tertium par deprimens inferius labium, in suo situ.
- F F** Quartum par labia constringens, in situ naturali conspicuum.
- G** Os jugale.
- H** Primus maxillæ inferioris musculus, Attollens, sive Temporalis in situ, sua membrana contextus.
- a a** Principium ipsius.
- I** Tertius maxillæ inferioris, Lateralis, in suo situ.
- b 1, b 2.** Principia ejus duo, quorum primum **b 1**, circa juncturam primi offis maxillæ cum quarto est: alterum **b 2**, ab osse jugali oritur.
- c c** Insertio ejus in amplitudinem offis maxillæ inferioris.
- K** Primum par musculorum capitis, sive Fleclens, Mastoideum, in situ.
- d d** Principium ejusdem à summo sterno, & ab elatiore sede claviculæ.
- e e** Insertio in mammillarem processum offis temporum.
- L L** Quartus musculus offis hyoidis, Coracoideus, cujus duplex venter his literis **L, L**, designatur, in sua sede naturali depictus.
- f** Tendo ejusdem in quem abit, ut cedat mastoideo sibi incumbenti.
- g h** Principium ejusdem ex superiore scapulæ costa juxta cervicem, & processum coracoideum **f**. Insertio in cornua hyoidis **g**.
- M** Musculi quidam Capitis indistincti adhuc, ceterum sedem naturalem occupantes.
- N** Musculi quidam Laryngis.
- O** Vena jugularis externa, ejusdemque progressus in caput.
- P** Buccarum musculus secundus, fig. 1, litera **F** monstratus.
- Q Q** Maxilla inferior a musculis denudata.
- R** Corpus glandulosum, quod Thymum vocant, vasorum divaricationi additum.

FIGVRA V.

- M** Vsculi oculorum una cum oculo in propria sede jacentes adumbrantur, quomodo in orbita adhuc indistincti conspectui se offerunt.
- A A A** Musculi.
- B B** Pinguedo musculis interposita.
- C** Oculi.

FIGVRA VI.

- M** Vsculi oculorum extra situm nonnihil elevati demonstrantur, ceterum principia adhuc inter se coherens.
- A** Secundus obliquorum oculi musculorum, sive Trochleæ musculus.
- a** Trochlea.
- B B B B** Quatuor alii musculi oculorum recti.
- C** Nervus opticus.
- D** Oculi.
- E** Palpebram attollens, aut aperiens musculus.
- b c** Principium ejus **b**, finis in palpebra **c**.

FIGVRA VII, & VIII.

- M** Vsculi oculorum omnes separati, & ex suo loco remoti ostenduntur, sed ita ut figura septima partem superiorem, Octava inferiorem exhibeat.
- A** Musculus rectus superior, sive Attollens.
- B** Musculus rectus inferior, sive Depressor.
- C** Musculus rectus internus, sive Adducens.
- D** Musculus rectus externus, sive Abducens.
- E** Musculus obliquus primus, sive Circumagens inferior.
- F** Musculus obliquus secundus, sive Circumagens superior, & Trochleæ musculus.
- G** Trochlea illa ab osse revulsa.
- a a a** Nervi motorii in musculos hos inserti.
- H** Nervus opticus.
- I** Oculi.

FIG. II.

FIG. I.

FIG. III.






FIG. VII.

FIG. VIII.








FIG. III.

FIG. V.

FIG. VI.



LIBRI QVARTI

TABVLÆ II EXPLICATIO.

FIGVRA I.

- M** *Vsculos quosdam Maxillæ inferioris, Ossis hyoidis, & Laryngis, partim in suo situ, partim extra locos proponit.*
- A A Cutis quæ sub mento erat, revoluta, ut subjecti muscoli cernantur.
- B B B B Secundus maxillæ inferioris musculus, Deprimens, biventer, in suo fere situ hic conspicuus.
- C C Tendo ipsius inter duos ventres medius, ubi membrana expressa est, quam veluti trochleam transit.
- D Ossis hyoidis primum os, sive basis.
- E E Primus musculus Ossis hyoidis, Attollens, Geniohyoideus, in suo situ.
- a a Principium ejus à mento, sed insertio circa D, & basin ossis hyoidis.
- F F b c Tertium par Ossis hyoidis, obliquè sursum trahens, sive Styloceratohyoideum, cujus principium b, in radice processus styloidis, finis c, in suo fere situ apparet.
- G G Secundum par Ossis hyoidis, Detrahens, sternohyoideum, extra situm.
- H H Quartum par Ossis hyoidis, Obliquè detrahens, Coracohyoideum, extra situm.
- I I Larynx, sive caput asperæ arteriæ: proprie tamen ipsa Thyroides tantum hic cernitur, sive ejus prima cartilago.
- K Corpus glandulosum ad Laryngem situm, quod Thyrium vocant.
- L Asperæ arteriæ fistula.
- M M Musculus, Thyroidis flexor Spigelio dictus, sive Hyothyroideus, cujus principium, quod ab ossis hyoidis inferiore parte oritur, abscissum est, finis autem literis d. d. notatur.
- d d
- N N Primus Thyroidem extendentium, Sternothyroideus, in situ. cujus principium circa Sternum, (e): Finis circa infernum latus Thyroidis. (f.)
- e f
- O O Secundus Thyroidem cartilaginem extendens, sive Cricothyroideus anticus, in situ.
- P P P Musculi aliquamulti, utrinque, caput & cervicem moventes, in suo situ, cæterum adhuc indistincti.

FIGVRA II.

- O** *Sfis hyoidis, & Linguae quosdam musculos in situ ostendit.*
- A Primus musculus ossis hyoidis, Attollens, præcedente figura notatus litteris E. E. in suo situ.
- BBB bb Os hyoides. Sed B Basin: b. b. Cornua denotant.
- C Quartus linguae musculus, Miloglossus, in situ.
- D Quintus Linguae musculus, Ceratoglossus, in situ.
- E Larynx, cujus tamen hic tantum Thyroides cartilago cernitur.
- F Secundus Thyroidem cartilaginem extendentium, sive Cricothyroideus anticus.
- G Asperæ arteriæ fistula.
- H H Musculi cervicis, & capitis motui destinati, adhuc indistincti, in situ.
- I I Sternum, sive Os pectoris.
- K K Claviculæ.
- L L L Costæ.
- MMM Musculi intercostales.

FIGVRA III.

- A** *Speram arteriam cum Larynge, Lingua, & Osse hyoidis exprimit, ut situ, & connexione eorum perspecta, quorundam musculorum ortus & insertiones facilius cognoscantur.*
- A Lingua, ad cujus radicem Os hyoides situm est.
- B B B Os hyoidis.
- C Musculus Hyothyroides, figura prima literis M. M. designatus, in situ.
- D D Cartilaginis scutiformis, sive Thyroidis anterior pars.
- E E Musculus Sternothyroideus, figura prima literis N. N. signatus.
- F Duo musculi, figura prima literis O. O. ostensi.
- G G G Musculus Oesophagi diversis fibris distinctus.

- H Portio Oesophagi.
- I I Asperæ arteriæ fistula.

FIGVRA IV.

- A** *Spera arteria nuda, ab omnibus musculis liberata, eadem de causa demonstratur.*
- A A B C Asperæ arteriæ caput, sive Larynx.
- A A Cartilago Thyroides, sive scutiformis.
- B Fissura Thyroidis cartilaginis.
- C C Processus ejus superiores, quibus cum osse hyoide jungitur.
- D Extuberantia cartilaginis Cricoidis, sive Annularis.
- E F F Os hyoides: sed E Basin, F. F. Cornua ejus demonstrant.
- G Vinculum ossi hyoidi epiglottidem annectens, ipsamque elevans, ac in situ tenens.
- H H Cricothyroideus anticus, in situ.
- I I Asperæ arteriæ fistula.
- a a a Cartilagines sigmoides hujus fistulæ.

FIGVRA V.

- P** *Posteriorem Laryngis faciem cum vicinis musculis representat.*
- A A Portio Pharyngis, sive principii Oesophagi resecti.
- B B Duo faucium musculi, ad superiora Oesophagum trahentes, extra situm.
- C C Duo alii faucium musculi, similiter Oesophagum sursum trahentes, extra situm.
- DDDD Revolutiones membranæ, quæ os hyoides cum cartilagine scutiformi jungit.
- E Cavitas quam hæc membrana efficit.
- F Epiglottis.
- G Cartilago Arytænoides, sive Guttalis.
- H H H Membranæ Laryngem involventis pars inferior integra.
- I I Asperæ arteriæ pars posterior.
- K Membrana, quæ partem posteriorem asperæ arteriæ claudit.

FIGVRA VI.

- M** *Vsculos Laryngis in posteriore parte sitos proponit.*
- A A A Os hyoides, cum tribus extuberantiis, quas processus orbiculares vocant.
- B Epiglottis.
- C C Cartilago Thyroides à parte posteriore cava.
- D D Extendens recta arytænoidem cartilaginem, sive Cricoarytænoides posticus, in suo situ.
- E Portio asperæ arteriæ.
- F F Arytænoidem par, sive Claudens rimulam, secundum in situ.

FIGVRA VII.

- M** *Vsculos Laryngis persequitur.*
- A Epiglottis in suo situ, à parte posteriore conspicua.
- B B B Os hyoides, cujus connexio cum processibus superioribus cartilaginis thyroidis (a. a.) satis expressa.
- D C Cartilago Arytænoides, sive Guttalis.
- D D Cricothyroidei postici, in suo situ.
- E Spina Cricoidis cartilaginis.
- F a a Thyroides cartilago, cujus processus superiores sunt a. a.
- G Asperæ arteriæ facies posterior.

FIGVRA VIII.

- O** *Mnes Laryngis musculos, qui proprii dicuntur, extra situm remotos exhibet.*
- A Posterior cricoidis cartilaginis facies lata, & crassa.
- B Eiusdem cartilaginis pars anterior, angustior & tenuior.
- C C a a Cartilago arytænoides cum duobus suis processibus, a. a. conspicua.
- DD Cricothyroidei antici extra situm.
- E E Cricoarytænoides laterales extra situm.
- F F Arytænoides extra situm.
- G G Cricoarytænoides postici extra situm.

FIG. I.

TAB. II.




FIG. II.



LIBRI QVARTI

TABVLÆ III EXPLICATIO.

P <i>Primum caput extendentium musculum in suo situ, duos item Serratos posticos, & totidem thoracem extendentes, Longissimum scilicet, & Sacrolumbum vocatos, proponit.</i>		g g g	Insertio ejus ferrata ad costarum inferiorum (7. 8. 9. 10. 11.) quatuor intervalla, quæ tamen rectius cernuntur in eodem extra locum moto (F)
A A BB	Musculi caput extendentes, quo pacto se visui offerunt in suo situ, nondum à se invicem distincti.	F	Serratus posticus inferior extra situm motus, cujus principium ff insertio ferrata, g g g g.
A A	Primum par caput extendentium, Triangulare dictum, quibusdam Splenium, in suo situ.	G	Tertius scapulam movens, Rhomboides dictus, extra situm.
a c	Primum hujus musculi latus, ab exortu usque ad tertiam colli vertebram pertingens.	h h	Principium ejus carnosum.
a b	Secundum latus, ab hoc loco ad occipitium pertinens.	i i	Finis ejusdem carnosus in totam Scapulæ basim (m m) insertus.
b c	Tertium latus ab occipitio ad exortum excurrent.	H H	Primus thoracem extendentium, Dorsi Longissimus dictus, in suo situ.
B B	Secundum par caput extendentium, primo subiectum, cujus elatissima pars nonnihil eminet.	I I	Idem in dextro latere totus conspicuus, quem & Tabula sequenti, litteris G H I insignitum intuearis.
C	Serratus posticus superior in suo situ, qui primo pari caput extendentium (A.) incumbit, ut in validis contractionibus ipsum cum cæteris caput moventibus contineat, ne fortè de suo loco exilient.	K K	Tertius thoracem extendentium, Sacrolumbus dictus, in suo situ.
d d	Principium ipsius membranofum ac tenue, à spinis vertebrarum trium inferiorum colli, & primæ thoracis exortum.	L M N	Idem in dextro latere artificio anatomico explicatus, ut ejus ansulæ (k l.) earundemque in costas insertio, conspiciantur.
e e e	Finis ejusdem serratus, tribus constans fibris, totidemque intervallis, quatuor superiorum costarum, (1. 2. 3. 4.) insertus.	L M	Ejus principium nonnihil ex suo loco remotum.
D	Idem Serratus posticus extra situm motus, ut interiorum ejus faciem contempleris.	k l	Ansulæ, ex quibus (K) interna est, & elatiori costæ sedi infigitur: (l.) externa, & inferiori regioni implantatur.
E	Serratus posticus inferior, in suo loco, Longissimo dorsi (H.) & Sacrolumbo (K K) quemadmodum & reliquis thoracem extendentibus, hic substralis, incumbens, ut eos similiter in violentis motibus contineat in loco.	N	Spina, sive appendix ossis ilium.
f f	Principium ejus membranofum, ex spinis vertebrarum duarum, aut trium inferiorum thoracis, enatum.	1 2 3 4 &c.	Duodecim costæ, quibus numeri sui ordinis ascripti sunt, ut ex quota quisque musculus oriatur, aut implantetur, facili negotio patere queat.
		O	Musculi quidam ossis ilium dorsum occupantes adhuc recti.
		P	Cutis à dorso separata, & detracta.
		Q	Scapulæ in suo situ jacens, dorsum,
		m m	Basim scapulæ.
		n	Costa inferior scapulæ.
		R	Scapulæ è suo situ motæ cavitas.

TAB. III.



LIBRI QVARTI

TABVLÆ IV ENODATIO.

<i>Secundum caput, & primum thoracem extendentium musculum in situ: Tertium verò thoracis tensorem Sacrolumbum, extra suum locum remotum, ostendit.</i>			
A	Primus caput extendentium triangularis, sive Splenius, in suo situ.	H I	Ejusdem finis, circa primam thoracis vertebram.
a b c	Tria ipsius latera: ex quibus a c primum latus est: a b secundum: b c. tertium.	K K K	Tertius thoracem extendentium, Sacrolumbus, extra situm, in quo elegantissimè ejus interna facies cum an- fulis, quas ad costas transmittit, conspicitur.
B	Idem musculus in dextro latere extra situm.	d d d	Ansulæ illæ repræsentantur.
C D E	Secundus caput extendentium primo (A) subjectus, Trigeminus, vel Complexus dictus, quod ita distincto triplici principio (c c D D E E) sit præditus, ut ex tribus musculis in unum coeuntibus conflatus esse videatur. Hæc principia ut ostenderentur, diversis litteris uti sumus.	L L L	Idem tertius thoracem extendentium in situ, ab externo latere primo, sive dorsi longissimo adjacens. Musculus hic principio suo per totam vertebrarum lumborum sedem cum primo, sive Dorsi longissimo sic commixtus est, ut unus esse prorsus omnibus videri queat. Locum autem ubi à se separantur, hac nota † designavimus.
C C	Primum ipsius principium ex transverso processu, quartæ & quintæ thoracis vertebræ enatum, quod in medium occipitium (Q) inseritur.	†	
D D	Secundum principium, à septimæ cervicis vertebræ spinæ enatum, cum priore ante insertionem coiens, & similiter in occipitium (Q) implantatum.	M	Scapulæ, à suis musculis liberæ, dorsum.
E E	Tertium, ex transversis processibus primæ secundæque thoracis vertebræ exortum, ad radicem processus mammillaris cum secundo junctum, occipitio (Q) alligatur.	e	Scapulæ spina.
F	Secundi caput extendentium musculi, sub primo latentis pars elatior, nonnihil eminens.	f	Summus humerus, sive acromion.
G H I	Primus thoracem extendentium, sive Dorsi longissimus, perbelle in suo situ utrinque conspicuus.	g h i	Basis scapulæ, sed & duo anguli, ex quibus g superior h inferior est.
G G	Principium ipsius, ex ossis sacri (R) spinæ summo, secundum ipsius longitudinem, & ex spinis quinque ver-	l m	Duæ costæ scapulæ, l superior, m inferior est.
		N	Musculi quidam humero dicati, scapulam occupantes.
		O O O	Costæ quædam inferiores.
		P P	Musculi intercostales.
		Q	Occipitium, cui caput extendentes musculi inserti.
		R	Ossis sacri, ejusque spinarum regio.
		S S	Adumbratur regio quinque spinarum vertebrarum lumborum (SS)
		T	Ossa ilium musculis adhuc tecta, sed cute (V) denudata
		V	Cutis, quæ ossa ilium, (T) infimamque dorsi sedem contegebat, detracta.

TAB. IV.



LIBRI QVARTI

TABVLÆ V EXPLICATIO.

O Stenos hætenus capitis musculos, ut in sua sede occurrunt, anatomico artificio nunc explicatos extra situm exhibet, simul nonnullos ipsi subiacentes demonstrare aggreditur. Primum quoque thoracem extendentium eodem pacto evolutum, distinctè proponit: secundum autem thoracis, & lumborum tensorem, in suo adhuc situ jacentes representat.

- A A Primum par caput extendentium, sive Triangulare, aut Splenium eleganter evolutum, ut ejus interna facies, & anfulæ, ex costis thoracis enatæ, conspiciantur.
- a a a Anfulæ illæ singulari artificio expressæ.
- B B Secundus caput extendentium, Trigeminus, in situ.
- C Idem extra situm.
- D D Primus cervicem extendentium in suo situ cernitur.
- E Tertius caput extendentium, sive Rectus major, in situ.
- F Circumagentium caput primus, sive Obliquorum superior, nonnihil in situ conspicuus.
- G Circumagentium caput secundus, sive Obliquus inferior, in sua sede.
- H H I Primus thoracem extendentium, sive Dorfi longissimus, extra situm, ubi interior ejus facies, & anfulæ (æ.æ.æ.) optimè exprimuntur.
- æ æ æ Idem totus extra situm, à suo principio dependens.
- K K Secundum par thoracem extendentium, semispinatum dictum, in suo situ.

- c c Principium horum musculorum ad infimam thoracis vertebra enatum.
- d Finis eorundem ad supremam, sive primam thoracis vertebra pertinens.
- e e e Duodecim thoracis vertebra.
- L M N Extensor lumborum, sive sacer, in suo situ.
- L M Ipsius principium.
- N N Finis ejusdem in ultima thoracis vertebra.
- O Scapula à musculis liberata.
- f Spinæ scapulæ.
- g Summus humerus, sive Acromium, quod vide ut incumbit ipsi ossi humeri.
- h Superior Scapulæ angulus.
- i Inferior Scapulæ angulus.
- P P Scapulam occupantes muscoli, qui humerum circumagunt.
- Q Q Musculi intercostales.
- 1 2 3 4 Costæ duodecim numeris sui ordinis designatæ, ut ex qua costa musculi oriantur conspicuum fiat.
- R R Flectentes lumbos Spigellii, aliis Quadrati dorfi vocati.
- l Principium ipsorum ab interiore sede spinæ ossis ilium.
- m Finis inferiori duodecimæ costæ regioni implantatus.
- S Occipitium, cui caput extendentes musculi inseruntur.
- T Os humeri à musculis suis denudatum.
- V Os ilium, cui musculi Glutæi nondum separati incumbunt.
- X Spina, sive appendix ossis ilium.

TAB. V.



LIBRI QVARTI

TABVLÆ VI EXPLICATIO.

C <i>Aput moventium musculorum qui restant, demonstratio absolvitur: Semispinatus autem dorsi, & Sacer lumborum tensor, in suo situ nonnihil explicatus exhibetur.</i>		K L M	Lumborum tensor, Sacer dictus, in suo situ nonnihil evolutus.
A	Secundus caput extendentium, extrà situm.	K L	Principium ejus, circa ossis sacri externam partem, ut ipsi spina cum ilium osse connascitur.
B B	Primus cervicem extendens in suo loco, nonnihil evolutus.	M	Ejusdem finis acutus, ad duodecimæ Thoracis vertebræ spinam.
a a a	Transversi processus vertebrarum thoracis, à quibus an- sulis quibusdam enascitur.	æ	Ansulæ quibus adnectitur vertebris lumborum.
C C	Tertium par caput extendentium (sive Recti majores) totum in suo situ conspicuum, cujus principium à spi- na secundæ vertebræ e, enascitur.	N N	Ossa ilium, à musculis sibi adnatis denudata.
D D	Quartum par caput extendentium (sive Recti minores) ex parte, in situ tamen suo, conspicuum, cujus prin- cipium à tuberculo posteriore primæ cervicis verte- bræ, spinæ aliarum analogo, f.	O O	Scapularum ossa similiter à suis musculis libera.
E E	Primum par caput circumagentium, sive Obliqui supe- riores, in situ.	P P	Flectentes Lumbos Spigeli; aliis, Quadrati dorsi.
F F	Secundum par caput circumagentium, sive Obliqui infe- riores, in situ.	c c	Origo eorum circa ossis ilium sedem elatiorem.
G H I	Secundus thoracem extendentium, sive Semispinatus, in suo situ.	d d	Insertio circa inferiorem duodecimæ costæ partem.
H	Ejus principium ab ultima thoracis vertebra enatum.	Q	Os sacrum.
I	Ejusdem finis, insertus primæ thoracis vertebræ.	R	Os coccygis.
b b b	Spinæ vertebrarum thoracis, quibus ansulis suis hic mu- sculus G. H. I. alligatur.	S S	Ligamentum primum os sacrum cum coxendice jun- gens.
		T T	Ossa coxendicis.
		V V	Ossa pubis.
		X X	Foramina ossium pubis.
		Y Y	Brachii ossa nuda à suis carnibus.
		Z Z	Crurum ossa similiter liberata à partibus adnexis.
		1,2, &c.	Duodecim costæ Thoracis.
		e	Spina secundæ cervicis vertebræ.
		f	Tuberculum posterius primæ cervicis vertebræ, spinæ a- liarum vertebrarum analogum.
		g	Connexio ossis sacri cum osse ilium.

TAB VI.



LIBRI QVARTI

TABVLÆ VII EXPLICATIO.

O <i>Mnibus, caput, thoracem, ac lumbos extendentibus musculis, finem imponit.</i>		b	Finis eorundem ad primam thoracis vertebram.
A A	Tertium par caput extendentium, (five Recti majores) extra situm dependens, ut quartum par huic subjacens (B B) integrum cernatur.	c c	Duodecim thoracis vertebrarum processus posteriores, five spinæ.
B B	Quartum par (five Recti minores) integrè in situ conspici.	G G	Lumborum tensor, Sacer cognominatus, extra situm nonnihil ductus.
C	Circumagentium caput primum par, five obliqui superiores, in situ.	d d	Ansulæ, quibus annectitur vertebris lumborum.
D D	Circumagentium caput secundum par, five Obliqui inferiores. Ex his dexter in situ totus cernitur, sinister extra situm.	H H	Ossa ilium.
E	Quidam capitis ac cervicis musculi dissecti, nec sat bene evoluti.	e e	Spina, five appendix ossis ilium.
F F	Secundum par thoracem extendentium, (five semispinati, non nihil extra situm moti, in quibus eleganter ansulæ (æ æ) exprimuntur.	I I	Ossa scapularum.
æ æ		L	Os sacrum.
a a	Principium horum musculorum ad infimam thoracis vertebram.	M	Os coccygis.
		N N	Ossa coxendicis.
		O	Ossa pubis.
		P P	Foramina ossium pubis.
		Q Q	Ligamentum, os sacrum coxendicis ossi conjungens.
		R R	Flectentes Lumbos, Spigellii.
		f f	Principium horum.
		g g	Finis eorundem.
		1 2 3 4	Duodecim costæ.
		&c.	



TAB. VIII.



LIBRI QVARTI

TABVLÆ IX DECLARATIO.

<p>O <i>Bligue descendente abdominis musculus, præcedente figura in suo situ exhibitum, præsens extra situm, & non nisi suo principio corpori adhaerentem, proponit, ut ejus interna facies conspiciatur. Præter hunc Oblique ascendente in dextro latere demonstrat, ejusque verum situm perbelle exprimit.</i></p>			
AAAA	Oblique descendente musculi, extra suum situm remoti, principium, in quo accurata elegantia plurium nervorum insertio (contra quorundam Authorum opiniones) ostenditur, & fibrarum obliquus ductus insinuat.		
B B B	Corpora costarum.		
1. 2. 3.	Nervi qui sub singulis costis in oblique descendente musculo distribuendi egrediuntur.		
4.			
C C C	Pars carnosæ, sive Venter oblique descendente musculi hic definit, incipit autem ejusdem tendo, sive finis membraneus.		
D	Foramen in tendine hujus musculi, per quod vasa spermatica in testes, & scrotum transmittuntur.		
E E	Musculus Oblique ascendens, in suo situ, cujus fibras ad superiora excurrentes sculptor quam optime insinuat.		
F F	Principium carnosum oblique ascendente musculo-		
			rum, ab offis illi spina, sive appendice, (G.G.) enatum.
		G G	Spina, sive appendix illa offis ilium, à cujus interna fede pars hujus musculi exoritur.
		a a	Fibræ oblique ascendente musculi sursum excurrentes.
		H H H	Linea semilunaris à Spigelio dicta, circa quam tendines obliquorum abdominis musculorum incipiunt.
		I I I I	Recti musculi, sub tendinibus musculi oblique ascendente transparentes. Hic tamen his characteribus ipsorum carnea pars potissimum insignita cernitur.
		b b b	Intersectiones musculorum rectorum, ex quibus duæ supra umbilicum N reperiuntur, una, infra.
		K K	Productiones peritonæi vasa spermatica involventes, & in scrotum (P.P.) descendentes.
		L L	Perforationes, ut prius in Descendente musculi tendine, sic hic in Ascendente, & Recti fine cernuntur, ad vasa spermaticorum egressum.
		M	Glandulæ inguinis hic omnino nudæ ac detectæ.
		N	Umbilicus.
		O O	Linea candida abdominis.
		P P	Scrotum.
		Q	Penis, sive Mentula.
		9. 10.	Inferiores quatuor costæ, ex quibus duæ infimæ finem
		11. 12.	obliquorum ascendente musculorum suscipiunt.



LIBRI QVARTI

TABVLÆ X ENODATIO.

R <i>Rectos & Pyramidales abdominis musculos, una cum oblique ascendentes, in suo proprio situ positos, ad vivum exprimit.</i>		H	Locus in quo Pyramidalium musculorum tendo (d) plerumque desinere, & in transversorum tendinem implantari consuevit.
A A	Cutis cum pinguedine hoc loco resecta & elevata.	II	Musculi Pyramidales.
B	Musculus pectoralis ex infima parte, sublata cute, in suo situ conspicuus.	c	Principium eorum, quod ab externo pubis osse oritur.
C	Extremitas pectoralis revoluta, ut recti muscoli, sub ipso latentis, summum principium rectius appareat.	d	Tendo musculorum pyramidalium.
DDDD	Recti abdominis muscoli, in suo situ, quorum carnosae moles potissimum his literis insignita est.	K K	Productiones peritonæi, cum vasis spermaticis, quæ in se continent, ad scrotum (Q. Q) descendentes.
a a b b	Duo extrema horum musculorum, ex quibus a inferius est: b, superius.	L L L L	Musculi oblique ascendentes, in suo situ conspicui.
E E E E	Intersectiones rectorum musculorum, ex quibus duæ supra, una infra Umbilicum (G) est.	M M	Tendinis oblique ascendentes ea pars, quæ rectum musculum integebat, hic ab eo separata, & retrorsum reflexa ostenditur.
F F F	Linca candida, in qua distantia musculorum rectorum inter se notanda, infra, quam supra Umbilicum, minor.	N N N	In sinistro ascendente musculo tendo hic amputatus est.
G	Umbilicus, in quem musculorum Pyramidalium tendo (d) huc usque interdum ascendens, inseritur.	O O	Spina ossis ilium, unde oblique ascendentes enascuntur.
		P P	Musculi intercostales.
		Q Q	Scrotum.
		R	Musculi quidam ilium ossibus instrati.
		S	Ossa pubis.
		8.9.10.	Quinque inferiores costæ.
		11. 12.	

TAB. X.



LIBRI QVARTI

TABVLÆ XI EXPOSITIO.

<p>A <i>Abdominis Oblique ascendentem, & Rectum dextri lateris musculum, extra suum locum remotos demonstrat, ut interna ipsorum facies nunc conspiciatur: simul Transversos ejusdem musculos, tum portionem peritonæi, ut in suo adhuc situ jacent, proponit.</i></p>		<p>N Exprimitur anastomosis illa notatu dignissima, quam vasa mammaria & epigastrica coeuntia hoc loco, invicem constituunt.</p>	
A A	Musculi oblique ascendentis in altum extra suam sedem sublatis interior facies carnosæ.	OOO	Ramuli harum venarum, quæ in subditas partes distribuuntur.
B B	Ejusdem musculi tendo, antequam ad rectos perveniat.	P P	Earundem arteriarum soboles eodem tendentes.
CC DD	Duplicatura tendinis modo dicti: cujus ea pars, quæ lateris DD , signata est, interiorem partem Recti musculi: ea verò, quæ CC pro signo habet, & revoluta est, exteriorem vestiebat.	QQQ	Musculus transversalis abdominis in utroque latere in situ conspicuus.
E E	Musculi pectoralis extremitas, una cum cute inversa.	R R R	Dextri transversalis extrema portio, supernè (R) adhuc carnosæ, infernè (R R) jam in tendinem mutata.
F	Cartilago ensiformis.	S S S	Peritonæi tunica, quam intestina his locis attollunt, & inæqualem reddunt.
G H	Vasa mammaria dicta, quæ à mammis sub sterno descendunt, & ad latera cartilaginis ensiformis egressa, per Rectos abdominis musculos excurrunt. G denotat venam; H verò arteriam.	T T	Musculi Pyramidales in suo utrinque situ.
I I I I	Rectus musculus in dextro latere è suo situ remotus, ut ejus interna facies conspiciatur.	b	Tendo musculorum pyramidalium.
KK KK	Rectus musculus sinistri lateris, situm suum adhuc tenens.	V	Designatur locus, circa quem ut plurimum tendo hic finitur, nonnunquam tamen, (quemadmodum & hic expressum id est,) ad umbilicum usque ascendit.
a	Interfectiones musculorum rectorum.	X	Umbilicus.
L M	Rami Iliaci, tum Venæ cavæ, tum Arteriæ aortæ, à quibus propagines duæ prodeunt, (quas epigastricas appellant) per Rectorum musculorum internam faciem ascendentes, quæ mammariis obviam progrediuntur, & sic invicem anastomosis (N) faciunt, L . arteria est, M vena.	Y Y	Spina, sive appendix ossis ilium.
		Z Z	Testiculi, scroto, & cæteris involucris exempti, à vasis spermaticis dependentes.
		c c	Foramina tendinum musculorum abdominis, per quæ vasa spermatica ad testes vadunt.
		d d	Productiones peritonæi vasa spermatica ad testes deducentes.
		e e e	Costæ thoracis.
		f f	Cutis ab infimi ventris sede abscissa, & dependens.


TAB XI.



TABVLÆ XII EXPOSITIO.

<p>T <i>Ranſverſorum abdominis muſculorum utramque faciem, tam eam quæ ſoris cernitur quàm quæ intus latet, in conſpectum proſert: magnam quoque Peritonæi partem proponit, & ea, quæ de rectis muſculis reliqua erant demonſtranda, abſolvit.</i></p>		<p>ceſſibus enato, exortum.</p>	
A A A	Rectorum muſculorum, inferiore ſuo extremo, C, à corpore dependentium, interior facies.	f f	Principium ejuſdem ſecundum, carnoſum, ab interioribus coſtarum notharum finibus educum.
B	Alter rectorum dimidia parte abſciſſus.	g g	Tendo ejuſdem peritonæo adnatus.
C	Recti muſculi inferius extremum, pubis oſſi adhuc adhærens, circa quod egregiè Vena & Arteria ex iliacis ramis in hos muſculos derivata, cernitur.	G G G	Nervi, quos Spinalis medulla tranſverſo muſculo imperit, hic quamoptimè expreſſi.
a b	Vaſa mammaria, quæ à pectore muſculis rectis tribuuntur. a Vena eſt: b Arteria.	HHH	Propagines Venæ & Arteriæ rectorum muſculorum, qua tranſverſo muſculo tranſmittuntur, hoc loco, ob illorum remotionem neceſſariò abſciſſæ.
c d	Vaſa epigaſtrica, à ramo iliaco orta. ex his c Venam: d Arteriam ſignificat.	IIII	Idem tranſverſus muſculus extra ſitum ad latus tenditur, ut interior ejus ſtructura pateat. in hoc ſimiliter nervi G G expreſſi ſunt.
D	Conjunctio Vaſorum à mammariis & ramis iliacis prodeuntium, quales in maribus ut plurimum ſemper eſſe conſuevit.	h h	Tendo ejuſdem muſculi tranſverſi extra ſitum locati.
E E E	Pyramidales muſculi abſciſſo tendine, à ſuo fine, ad ima reflexi, dependent.	K K K	Pars peritonæi, cui tranſverſalis hic muſculus immediatè adhæſit.
F F F F	Totus tranſverſalis muſculus in ſuo ſitu adhuc poſitus, cujus externa facies, & tranſverſæ fibræ admodum pulchrè videntur.	L	Vmbilicus.
e e	Principium ejus primum, nerveum ac membranofum, à ligamento è tranſverſis vertebrarum lumborum pro-	MMM	Reliquiæ lineæ candidæ, in quam tendines utriuſque lateris muſculorum concurrentes, uniti inferebantur.
		NNN	Coſtæ.
		OOO	Muſculi intercoſtales.
		PPP	Segmentum partium coſtas integumentum.
		Q	Spina oſſis ilium.
		R	Muſculi quidam oſſibus ilium adnati, indiſtinctè conſpicui.
		S	Os pectoris, ſive ſternum.
		T	Cutis, à partibus ſubjacentibus liberata, & à corpore dependens.

TAB. XII.




LIBRI QVARTI

TABVLÆ XIII DECLARATIO.

D <i>laphragma in suo situ proponitur, tum ossa, ac musculi, qui exemptis Visceribus, & intestinis, in imo ventre sub aspectum venire solent, simul omnes depicti ostenduntur.</i>		I	Vnio duorum processuum G.G., & insertio in lumborum vertebrae.
A α β	Ostenditur connexio Diaphragmatis. Anteriùs enim alligatur cartilagini ensiformi A: à lateribus, costarum spuriarum extremis, & toti duodecimæ costæ, α: posterius, undecimæ dorsi vertebræ. β	K K	Vasa phrenica, per diaphragma ab arteria magna, & vena cava dispersa.
α		L	Nervi à spinali medulla cervicis per diaphragma disseminati.
β		M M	Primum par musculorum fœmur flectentium, quos Lumbales Anatomici vocant, Hippocrates ψόας.
B B	Circulus nerveus, qui Diaphragmatis principium est.	b c	Principium horum b. Finis, c.
a a	Fibræ ad circumferentiam excurrentes.	N N	Flectentes lumbos Spigeli, aliis Quadrati dorsi vocati.
C C	Circulus carneus diaphragmatis, qui circumcirca thoraci adnascitur.	d d	Principium eorum à spina (S) ossis ilium, (P)
D	Centrum Diaphragmatis.	e c	Finis eorumdem inferiori duodecimæ costæ sedi implantatus.
E	Foramen dextrum, per quod Vena cava ascendit.	O O	Os sacrum cum suis Vertebrae.
F	Foramen sinistrum, dextro majus & posterius, quod Oesophago cum duobus nervis ad ventriculum descendentem, transitum præbet.	P P	Costa, sive interna cavitas ossium ilium.
G G	Processus duo diaphragmatis carnosus, hinc inde ad vertebrarum corpora inserti, per quorum medium arteria magna, & vena sine pari excurrunt.	Q Q	Ossa coxendicis, quibus caput fœmoris infernè connectitur.
H	Arteriæ magnæ truncus.	R	Ossa pubis, non omnino à cute libera.
		S S	Spina, sive appendix ossium ilii.
		T	Cavitas illa, ab Anatomis Pelvis dicta, in qua vesica & uterus sedem suam habent.
		V V	Lumbi.

TAB. XIII.



LIBRI QVARTI

TABVLÆ XIV EXPLICATIO.

		<i>Prima hæc est Tabula earum, quæ musculos ad Artus pertinentes demonstrant. Exhibet autem aliquot, sed imprimis primum, secundum, & tertium Scapulæ musculum.</i>	
A A A	Primus scapulæ musculus, Cucullaris dictus, in suo situ:	g	Hujus musculi principium nondum evolutum.
a b c d	a. b. primum ipsius latus est in occipitio, transversum: b. d. secundum, per spinam repens, adnatum omnibus colli, & octo superiorum thoracis spinis: a. c. tertium, quod per summum humerum descendit: c. d. quartum latus.	h	Ejusdem tendo, qui in superiorem scapulæ angulum (o) definit.
æ æ	Fibræ, ex quibus æ rectas, æ æ obliquas denotat, partim ascendentes, partim descendentes.	D D	Tertius musculus scapulæ, Rhomboides dictus, cujus hic omnes partes, præter principium, apparent, quod tamen decima septima tabula distinctè patebit.
B B	Hujus musculi socius, in dextro latere extra situm positus, ut ejus interior facies compareat. In hoc notandus est Venter, his iisdem (B. B.) literis notatus, qui compluribus diversis fibris constat.	E F F	Musculi quidam humeri, scapulæ incumbentes, hic indistinctè ostenduntur. E super scapularis superior: FF, inferior dicitur.
e e e	Membranosum ipsius principium quam optime ostenditur.	GGG G	Tertius humeri musculus abducens, sive Latissimus, & Aniscliptor vocatus, in situ suo positus, maximeque secundum principium & ventrem conspicuus.
f	Tendo, & finis hujus musculi, qui in scapulam inseritur.	H H	Cutis, quæ dorsum tegebat, dependens.
C	Secundus scapulæ musculus, Levator dictus, à Spigelio patientiæ musculus. Hujus hic ventrem & insertionem nota: in decima septima verò figura (A) capita sigillatim è vertebra enata conspicies.	I	Musculi quidam caput extendentes, adhuc indistincti.
		L	Scapulæ spina.
		M	Pars spinæ scapulæ ea, quæ supra humerum fertur, & Acromion, vel summus humerus dicitur.
		N	Basis scapulæ.
		O P	Duo basis scapulæ anguli, ex quibus O superior est, P inferior.
		Q	Musculi primi cubitum extendentis, nonnulla portio.
		R R	Portio musculi tertii humerum abducentis, à primo scapulæ musculo. A. A. A. non tecta.

TAB. XIV.



LIBRI QVARTI

TABVLÆ XV EXPLICATIO.

Q <i>uartum scapulæ, & duos priores humeri musculos continet.</i>		L	Primum caput hujus musculi, adhuc in suo canali delitescens.
A	Quartus scapulæ musculus, Abducens, in suo situ.	f g	Ligamentum, quod osseo isti humeri canali obductum erat, ad primi capitis tutelam, in longum hic discissum, ut ipsum principium in canali positum cernatur.
æ æ	Principium ipsius à secunda, tertia, quarta, & quinta costa.	M	Venter Bicipitis cubiti musculi, hoc loco eminens.
æ	Tendo ejusdem, qui juxta processum ancoriformem scapulæ implantatur.	N N N	Alii cubiti musculi hoc loco detecti, omnes tamen in suo situ jacentes, sequentibus figuris explicandi.
B	Primus humeri musculus, Adducens, sive Pectoralis, in suo situ existens.	O	Dimidium claviculæ, qua parte latior est.
a b c	Fibræ ipsius diversæ, ex quibus a, ascendentes: b descendentes: & c, transversas, a tribus veluti principiis exortas, demonstrat.	P P P P	Costæ veræ ea parte, qua in cartilagine singulæ desinunt, conspicuæ.
C	Dimidium scapulæ, à qua pectoralis musculus parte superiore exoritur.	Q Q	Duo Recti abdominis musculi in suo situ.
D D	Sterni extremitates, à quibus idem parte inferiore ortum trahit.	† † † †	Intersectiones nervosæ rectorum. Sed nota expressas hic esse quatuor, ut solent inveniri quandoque in iis, quibus est longus venter, cum alias tres tantum esse soleant.
d	Tendo ejusdem musculi, quem vide, ut inter Deltoidem (F F F) & Bicipitem (V) implantatur.	R	Pars sinistri musculi Recti abdominis, elevata & reflexa, quæ primo humeri musculo incubuerat.
E E	Idem musculus extra situm, tendine suo humero adhærens.	S S S	Musculi intercostales.
F F F	Secundus humeri musculus attollens, Deltoides, & Deltiformis dictus, qui hic in situ suo conspicitur.	T T	Humeri os denudatum.
e	Tendo ejusdem ossis humeri (T) medio, insertus.	h	Sedes ea ossis humeri, circa quam musculi, ipsius motibus rectis dicati, inseruntur.
G	Claviculæ anterior pars, ad quam hic musculus non pervenit.	V	Primus cubitum flectentium, Biceps, (in sinistro latere literis L. M. demonstratus,) nonnihil extra suum situm positus, repræsentatur.
H H	Idem musculus, sed extra situm, in quo notandæ sunt fibræ carneæ his literis designatæ.	i l	Geminum ipsius caput i, primum est: l, secundum.
I	Tendo hujus musculi brevis, sed rotundus.	m	Finis ejusdem tendineus.
K	Vena, Cephalica dicta, per has partes descendens, ob quam inter hunc secundum humeri musculum, & primum cubiti, fonticuli à Medicis inuruntur.	X	Secundus cubitum flectentium, Brachæus dictus, in sua sede.
L M	Primus cubitum flectentium, Biceps dictus, in suo situ.	n	Principium ejus circa ossis humeri sedem (h,) in quam tendines musculorum humeri desinunt.
		Y	Primi cubitum extendentium nonnulla portio.
		Z	Secundi cubitum extendentium quædam portio.
		o	Vmbilicus.



LIBRI QVARTI

TABVLÆ XVI ENODATIO.

T <i>Ertium humeri musculum, sive abducentem & latissimum ostendit: obiter tamen eleganter, primum par Scapulæ, Cucullare dictum, in suo situ demonstratur.</i>		F Tendo ipse humerum petens, jam jam ipsi inferendus.	
AAAB Primus scapulæ musculus Cucullaris, in suo situ utrinque eleganter expressus.		GGG Musculi quidam humorum circumagentes à scapula oriundi.	
B Ejusdem musculi in scapulam tendinosa insertio.		HHH Cutis à tergo & pectore excoriata, dependens.	
a b c Triplices hujus musculi fibræ, ex quibus a descendentes: b transversæ, c ascendentes denotat.		I Musculi nonnulli cruris hic ex parte denudati.	
C C D Tertius humeri musculus, abducens, sive Latissimus, qui hic in situ suo oppido quam bene effiguratus cernitur.		K Spina ossis ilium.	
C C Principium hujus musculi.		L Occipitium.	
D Locus ubi tendo ipsius exoritur.		MNO Scapulæ basis.	
E E E Pinnæ ejusdem, quibus cum oblique descendente abdominis musculo jungitur.		M Angulus scapulæ superior.	
		O Angulus scapulæ inferior.	
		P Quartus scapulæ musculus extra situm dependens.	
		Q Musculi quidam capitis motui inservientes, adhuc indistincti.	
		R Cutis collum integens.	



LIBRI QVARTI TABVLÆ XVII DECLARATIO.

<p>Continet quartum, quintum, & sextum humeri musculus. Item secundum, & tertium scapulæ paulò explicatius, quàm Tabulæ superiores, tum eum, cujus inventionem Placentinus sibi tribuebat, & octavum humeri faciebat.</p>		<p>qui postea magis magisque ad medium usque ventrem crassescit : inde verò sensim gracilescens, acuto item fine in ligamentum, quo humeri caput obvolutum est, definit. Hic in sinistro latere (a) in suo situ est : at in dextro (b) extra situm remotus.</p>	
A	Secundus scapulæ musculus, Levator dictus, è situ proprio remotus, & à scapula, cui inferitur, abscissus, ut ejus principium evidentius compareat.	b	Caput dextri humeri.
1 2 3 4	Principia quatuor hujus musculi.	H	Scapula dextra, à qua omnes musculi remoti sunt, nuda comparct.
B B	Tertius scapulæ musculus, Rhomboides, utrinque in suo situ totus conspicuus.	I I	Spina Scapulæ.
CCCC	Spinæ vertebrarum, à quibus Rhomboides oritur. Sunt autem tres inferiorum colli, totidemque superiorum thoracis.	K K	Summus humerus.
D D	Basis scapulæ in quam idem inferitur.	c	Superior scapulæ angulus.
E	Quartus humeri musculus, Rotundus, extra situm quidem, sed utrinque adhuc suis partibus hærens, cujus principium æ.	d	Inferior scapulæ angulus.
æ	Quintus humeri musculus, sive Superescapularis superior, in situ.	e	Quintus humeri musculus extra situm.
F	Sextus humeri musculus, sive Superescapularis inferior, similiter in situ.	L	Sextus humeri musculus extra situm.
G	Musculus peculiaris, à nemine adhuc annotatus, cujus inventionem Placentinus sibi tribuebat, octavum humeri musculum constituens. Est autem totus carnosus, principio acuto, ex infimo scapulæ angulo enascens,	M	Tertius humeri musculus abducens, extra situm.
a		NN	Ipsius principium latissimum membranofum.
		O O	Pinnæ quibus hic musculus cum musculo abdominis oblique descendente jungitur.
		P	Finis, sive tendo ejusdem musculi, qui humero inferitur.
		Q	Musculi quidam humero circumpositi.
		R R	Musculi caput extendentes, in situ adhuc indistincti.
		S S	Primus cubitum extendentium nonnihil extra situm.
		T	Os humeri.
		V	Cutis à dorso detracta.
		X X	Membrana musculorum dorsum contegentium crassiuscula nonnihil.
		Y Y	Clavicula, quæ summo humero c anne&itur.
		Z	

TAB. XVII.




LIBRI QVARTI

TABVLÆ XVIII DILVCIDATIO.

C *U*mplures, ac diversos musculos Tabula hæc demonstrat. Septimum inquam humeri, Subscapularem dictum, quintum scapulæ, sive Serratum majorem, Subclavium, & Intercostales.

- A B Costa inferior scapulæ, à thorace & costis nonnihil elevata, ut musculus in cavitate scapularum latens, conspicitur.
- C C Septimus humeri musculus, Subscapularis, totam scapulæ cavitationem, quæ costas respicit, adimplens.
- D D Quintus scapulæ musculus, Serratus major vocatus, in quo fibræ ipsius (a. a. a. a. a.) ad similitudinem dentium serræ pectinatim stipati, à quibus etiam cognomen invenit, diligenter observandæ.
- a a a a a
- b b Scapulæ basis interior, cui serratus major inseritur.
- E Quartus Scapulæ Adducens, sive Serratus minor, extralatum conspicuus.

- F Musculus Subclavius.
- c d Hujus principium c, in prima costa est; d, finis in clavicula.
- G Clavicula.
- HHHH Costarum partes ossæ.
- I. 2. Numeri costarum ordinem edocentes, ut à quibus serratus major exoriatur, statim clarum fiat. Inscriptus autem in ipsam intersectionem, ubi ossæ costarum pars H.H. cum cartilaginea I. I. jungitur.
- I I I I Costarum partes cartilagineæ.
- KKKK Musculi intercostales externi.
- L Cutis à thorace separata dependens.
- MM Sternum, sive os pectoris.
- N Musculi cubitum flectentes, adhuc in suo situ, indistincti proponuntur.
- O Summus humerus, cujus cum Clavicula G articulatione notanda.



TABVLÆ XIX EXPLANATIO.

<i>Quatuor cubiti musculos, tum cum, cujus inventionem Placentinus sibi vendicabat, nonum humeri constituens, continet.</i>	
A A	Partes cutis quæ thoracem tegebant.
B B B	Costæ.
a a a	Musculi intercostales.
C C	Os pectoris live Sternum.
D D	Claviculæ.
E E	Nervi à collo ad brachium descendentes, hoc loco abscissi sunt.
F	Processus ancoriformis scapulæ, à quo primus cubitum flectentium, Biceps vocatus, nascitur.
b	Summus humerus.
c	Sinus scapulæ, humeri caput excipiens, à cujus elatiore supercilio primum, primi cubitum flectentium, (G) caput (H) nascitur.
G	Primus cubitum flectentium sinistri lateris, Biceps appellatus, quod gemino distincto capite, sive principio à scapula prodeat, in suo situ conspicuus.
H	Primum principium, sive caput Bicipitis, tendineum ac teres, quod à superiore acetabuli scapulæ supercilio enatum, fissuram in humeri osse, ejus gratia exsculptam, transit.
d d	Vide ut eleganter hoc loco sculptor ligamenta articuli humeri, & potissimum initium primi hujus capitis, (H) sub ipsis descendens, & nonnihil transparens, inter duos hos characteres medio intervallo expresserit.
e e	Duo labia discissi illius ligamenti, quod ad tutelam hujus principii, fissuræ ossis humeri, sive canali, aditum erat.
I	Alterum caput Bicipitis, priore latius, partim ex carne, partim ex tendine constans, à processu ancoriformi (F) ortum.
K	Concursus duorum capitum, ubi ventrem Bicipitis (G) efformant.
f	Tendo musculi Bicipitis, qui ab imperitis Chirurgis in Venæ sectione sæpè periculosè vulneratur.
L	Interior secundi cubitum flectentium musculi extremitas, nonnihil eminens.
M M	Principia internorum cubiti musculorū, ex parte detecta.
N	Portio carnosæ, cujus mentio à Spigelio in historia Bicipitis facta est: quam Placentinus hujus Tabulæ auctor, pro peculiari musculo habuit, nonumque humeri constituit, Perforatum appellans. Voluit enim oriri hunc ab scapulæ processu ancoriformi (F) & juxta Deltoidis tendinem, & in humerum internum circa medium implantari. Principium (g) ipsi esse nervosum & breve, ventrem (N) oblongum, satisque corpulentum: tendinem denique (h) validum & robustum. Cæterum ejus venter (N) perforatus est, pro transitu nervi (O) qui ad cubiti musculos distribuuntur, largiendo. Musculus hic in utroque latere littera N insignitus invenitur, sed in dextro latere distinctè cernitur, at extra situm: in sinistro autem, qualiter se in dissectionibus, antequam separatus est, offerre consuevit.
g	
h	
O	Nervus per dicti musculi ventrem transiens.
P	Primus cubitum flectentium, Biceps musculus, ex suo loco in dextro brachio in sublime nonnihil elevatus.
i l	Geminum ipsius principium, sive caput, i primum est, l secundum.
m	Ejusdem tendo nervosus.
Q	Propago nervi quam musculus hic ad motum accepit.
R	Secundus cubitum flectentium, Brachialis, in suo situ.
n	Principium ejus carnosum latumque ab ossis humeri ea sede, cui humerum recto motu cientes musculi implantantur, hoc Tabula XV, littera h notatum invenies.
o	Tendo ejusdem in ulnæ ac radii partem (qua ambo colligantur) anteriorem, & articuli ligamentum, definens.
S S	Primus cubitum extendentium musculus, deorsum ab humero dependens.
p q	Duo ipsius principia, sive capita, illud nerveum, hoc carnosum est.
r	Ejusdem tendo nerveus in posteriorum processum cubiti, sive olecranon (u) implantatus, sede interna.
T	Secundus cubitum extendentium, in suo situ.
f	Principium ejus nervosum à cervicis humeri sede posteriore.
t	Finis ejusdem in olecrani externam sedem definens.
u	Processus cubiti posterior, olecranon dictus.
V	Quartus scapulæ musculus, Serratus minor, extra situm.
X	Portio tertii musculi humerum moventium, quem Abducentem ac Latissimum diximus, hoc loco ad humerum tendens.
Z	Quintus scapulæ musculus, Serratus major vocatus, cui musculus abdominis obliquè descendens serratim committitur, principio suo nonnihil conspicuus.



LIBRI QVARTI

TABVLÆ XX EXPLICATIO.

Quatuor cubiti musculos, quos præcedens Tabula demonstravit, præfens majori paulum forma depictos, exhibet. Sunt autem omnes extrà situm nonnihil moti, ut eorum origines, & insertiones rectius cernantur.

FIGVRA I.

- A A Scapula dextra ab omni carne libera, haud benè à pictore expressa.
 B Acromion, sive summus humerus.
 C Processus scapulæ ancoriformis.
 a Ligamentum rotundum, quod unum processum cum altero ligat.
 D D D Os humeri, à musculis liberum ac nudum.
 E Caput humeri superius.
 F Caput humeri inferius.
 G H I Primus cubitum flectentium, Biceps, extrà suum locum nonnihil remotus.
 G Primum ejus caput, ab elatiore sede acetabuli scapulæ enatum.
 H Alterum caput ejusdem musculi, à processu ancoriformi exortum.
 I Ejusdem Bicipitis venter carnosus.
 K Tendo ejusdem crassus, teres, ac nerveus.
 L Tuberculum oblongū sub capite superiore radii, in quod hic tendo Bicipitis inferitur.
 M N O Secundus cubitum flectentium musculus, Brachizus dictus, in situ.
 M Principium hujus musculi.
 N Venter ejusdem.
 O Tendo latus ac carnosus, quo in ligamentum articuli, & cubiti radiique appendicem, anteriore sede hic musculus implantatur.
 P P Musculus, qui à Placentino inventus est, & pro nono humeri numeratus, cujus historiam in explicatione præcedentis Tabulæ complexi sumus.

- Q Q Q Nervus, qui hunc musculum transiens, in reliquos distribuitur.
 R R S S Primus cubitum extendens musculus, gemino constans principio, nonnihil extrà sedem naturalem locatus.
 R R Duo ipsius principia.
 S S Ejusdem geminus venter.
 T T Ossis cubiti superior pars, inferiore abscissa.
 V V Radii dimidia & superior pars.
 X Ligamentum os cubiti radio connectens, & musculos cubitum occupantes externos ab internis separans.

FIGVRA II.

- A A Os scapulæ nudum ab omnibus musculis.
 B Caput humeri superius.
 C Cervix scapulæ.
 D Acromion, seu summus humerus.
 E Primus cubitum flectentium, sive Biceps, extrà situm à suis capitibus dependens.
 F F Primus cubitum extendentium.
 G Humeri os.
 H H Ulnæ superior pars inferiore abscissa.
 I Radii superior pars.
 K Ligamentum ulnam radio connectens.
 L Flectentium cubitum secundus, extra sedem, & superiore parte abscissus.

FIGVRA III.

- A B C Musculus à Placentino positus, pro nono humeri numeratus, hic privatim conspicitur.
 A Ejus caput carnosum.
 B Foramen, seu fissura, in hujus musculi ventre, nervis brachii transitum concedens.
 C Tendo teres & nerveus ejusdem.


FIG. I.



FIG. II.



FIG. III.



LIBRI QVARTI

TABVLÆ XXI DECLARATIO.

<p><i>Sequuntur nunc octo tabulæ, in quibus omnes muscoli, qui tam in cubito quàm summa manu locum habent, adumbrantur. In his diligenter animaduersum est, ut quo ordine se consequuntur in dissectione, perspiciatur: tum etiam, ut in suo quisque situ, & extra sese offerat, ut non tantum externa ipsius facies, sed interna quoque cernatur. Proponuntur autem primum illi, qui internam cubiti sedem occupant.</i></p>		NOOO	Repræsentantur duæ partes in vola, quæ tendine lato non integuntur, quarum illa (N) minimo: hæc, (O.O.O.) maximo digito subjacet.
<p><i>Prima figura, ostendit duos carpum flectentes, & palmare vocatum musculum. Secunda, eosdem carpi musculos repræsentat, sed inprimis, cuius gratia potissimum facta est, latum illum tendinem in vola manus, quomodo is interdum carens musculo, à ligamento annulari oritur. In his, elementis utrique figuræ communibus usi sumus, ut discrimen utriusque cuiusvis nullo negotio innotesceret.</i></p>		OOOO	Flectentes pollicem, ex quibus O flectens primum pollicis internodium (I) est: reliqui, flectentes secundum. O. 1. quidem primus, ab osse metacarpii indicem sustinente exortus. O. 2. verò, secundus, ex osse metacarpii medium digitum: O. 3. Tertius, ex osse metacarpii annularem iustinente pronatus.
A		P	Est caro illa quadrata, sive musculus ille parvus, qui ad externum latus lati tendinis inseritur, ut ipsum cum manus aperitur, extendat, cuius finis est c.
B B B		c	
		QQ	Flexor secundi digitorum internodii, qui in prima figura leviter conspicitur: at in secunda integer in suo situ, usque ad annulare ligamentum (F) apparet, quia Palmaris, (D.E.) ipsi incumbens, deest.
C		d	Principium huius musculi ab interno humeri tuberculo (C) enatum.
D		e e	Tendo ejus bivaricatus primum, mox in plures discissus.
a		R R	Flexor carpi interior, in suo situ. Hic est ille musculus, qui cubito pulvinaris loco est, & cui, dum scribimus, innitimur.
E		f	Principium ejus ex carnea nerveaque substantia mixtum, ab interno humeri tuberculo (C) prodiens.
F		g h	Finis ejusdem, partim carneus, g. partim nerveus, h.
† †		i	Insertio huius finis in carpi os quartum primi ordinis.
b		SS	Flexor carpi exterior, in situ.
G G G G		l	Principium ejus ab eodem interno humeri tuberculo enatum.
H I K L		m	Finis ejusdem nerveus ac teres, qui à carpo liberatus, in radicem ossis metacarpii, indicem sustinentis, inseritur.
M		T T	Fines musculorum, qui ab humero ad cubitum descendunt.
		V V	Extensor carpi exterior in suo situ quoquo pacto apparet.
		X	Secundus, sive teres radii pronator.
		n	Principium ipsius ab humeri interiore tuberculo.
		Y	Tertium pollicis internodium flectentis nonnulla portio hic conspicua.
		Z	Flexoris tertii digitorum internodii portio quædam hic inter alios musculos eminens.
		I. II. III.	Pollicis internodia, primum I. secundum II. tertium III.

FIG. II.





FIG. I.



LIBRI QVARTI

TABVLÆ XXII DILVCIDATIO.

Tabula hæc duas continet figuras, quæ partim quidem musculos, quos præcedens in situ monstrat, extrâ locum positos habent; partim etiam novos quosdam, prioribus subiectos, in conspectum proferunt; imprimis vero sex illos digitorum flexioni dicatos, representant.



FIGVRA I.

- A A Sinistri brachii abscissi, cum cubito & manu, effigies.
 B Internum humeri tuberculum, à quo omnes musculi longi internam cubiti partem occupantes, enascuntur.
 C C C Palmaris musculus extrâ suum situm elevatus, ut ejus interna facies inspiciatur.
 D D D D Flexor secundi digitorum internodii totus ferè detectus, in suo situ apparet, nisi quod annulare ligamentum I. adhuc ipsi incumbit.
 E E E E Quatuor rotundi tendines hujus musculi, qui usque ad primum digitorum os detecti sunt, in suo situ conspicui.
 F F F F Flectentes primum digitorum internodium, Lumbricales dicti, in suo situ.
 G G G G Quatuor tendines flectentes tertium digitorum internodium, sub tendinibus musculi secundum os flectentis locati.
 H Parvus ille musculus, lati tendinis palmaris musculi (C) externo lateri adnatus, hic ab ipso resectus est, & extrâ situm locatus: hæret tamen adhuc ligamento volæ manus (a,) à quo originem ducit.
 a Ligamentum volæ manus, tendines digitorum hoc loco firmans.
 I Ligamentum annulare internum carpi.
 K K Carpi flexor internus, in situ suo integer conspicuus.
 b Principium ipsius circa humeri tuberculum interius.
 c d Finis ejusdem, partim nerveus, c. partim carneus, d.
 L L Carpi flexor externus, pari modo in vero situ totus apparet.
 e Principium ipsius circa humeri tuberculum interius.
 f f Tendo ejusdem musculi.
 M Tendo flexoris tertii pollicis internodii adhuc latentis.
 N Portio flectentis tertium digitorum internodium, sub flexore secundi ossis eorundem (D D D) eminentis.
 O g Secundus, sive teres radii pronator, cujus principium g est.
 p p Musculi pollicem flectentes, nondum explicati.
 Q Musculus parvum digitum abducens, ex parte conspicuus.

- R Musculus pollicem abducens.
 S S Carpum extendens exterior.

FIGVRA II.

- A A Sinistri brachii pars.
 Æ Internum humeri tuberculum.
 B B Flexor secundi digitorum internodii, è situ suo nonnihil levatus, amoto planè ligamento annulari.
 a a a a Quatuor carnosæ partes hujus musculi in quas dividitur, quæ totidem tendines faciunt.
 b b b b Delignantur illi quatuor tendines.
 C C C C Locus ubi quatuor hi tendines, in secunda ossa desinunt, & fissuras habent (c c c c) per quas transcunt quatuor tendines flectentis tertium digitorum articulum.
 c c c c
 D Tendinosa pars flectentis tertium digitorum internodium, in suo situ, flexori secundi eorundem internodii (B B) substrata.
 E E E E Tendines quatuor hujus musculi à se mutuo sejuncti, ad tertium internodium, (e) cui inseruntur, properantes. Signatur hic quoque locus, ubi ex ipsis nascuntur quatuor primum internodium flectentes Lumbricales dicti (d d d d)
 d d d d Exprimuntur illi quatuor Lumbricales.
 F F Carpum flectens exterior aliquomodo extrâ suam sedem motus, propter elevationem flexoris secundi digitorum internodii (B B.)
 G G Carpum flectens interior, similiter extrâ locum nonnihil, superna sui parte, qua humero proximus est, locatus.
 c Principium ejus ab interno humeri tuberculo.
 f g Finis ejus, partim carnosus f. partim nerveus g. in quartum os carpi, primi ordinis insertus.
 H H Magna pars musculi illius, qui tertium pollicis articulum flectit.
 I Secundus, sive teres radii pronator,
 h Ejus principium ab humeri interno tuberculo Æ.
 K Musculi pollicis primum internodium flectentes.
 L Abductor minimi digiti.
 M Rima in flexore secundi internodii propè ejus principium, quod geminatum quasi caput constituit.
 N Pollicem abducens in suo situ.
 O Carpi extensor exterior, in situ.
 i 2 3 Tria digitorum internodia, quorum ordinem ascriptus numerus indicat.



LIBRI QVARTI

TABVLÆ XXIII EXPLANATIO.

P Rima figura musculum, qui tertium digitorum internodium flectit, tum quatuor primum articulum curvantes, quos lumbricales appellant, & à membrana ipsius nascuntur, nonnihil in natura sede positos, continet. **SECVNDA** duos radium in primum agentes quoquo pacto demonstrat, & eos, qui in prima figura ostensi sunt, extra situm elevat.

FIGVRA I.

- A A A** Brachium sinistrum.
B Internum humeri tuberculum, à quo omnes musculi longi internam cubiti partem tenentes prodeunt.
C C C Flexor secundum digitorum internodii, à principio suo resectus, & elevatus, ut ei subjectus tertii eorundem ossis flexor **D D**, appareat.
D D Tertii internodii flexor, sub dicto latens, & ipse parum loco motus maximeque in vola manus ejus tendines, ut quatuor lumbricalium musculorum origines, quæ ab ipsis ducuntur, evidentius cernantur.
a a a a Quatuor carnosæ partes, in quas dividitur hic musculus.
E E E E Quatuor tendines ejusdem musculi, extra suum situm.
F F F F Flectentes primum internodium Lumbricales dicti, ab illis tendinibus orti, extra situm nonnihil diducti.
b b b b Principium horum musculorum deductum à membranis, quæ quatuor tertium digitorum internodium flectentis tendines involvunt.
G G Flectens tertium pollicis internodium, extra situm nonnihil remotus.
c Tendo ejus in tertium internodium, interna parte insertus.
H Portio brevis radii extra musculos prominens.
I Primus radii pronator, Quadratus dictus, in suo situ.
K Secundus radii pronator in suo situ.
d Principium ejus ab interno humeri tuberculo.
e Finis ejusdem carneus, in medium longitudinis radii desinens.
L L Ossa carpi indistinctè apparent.
M Ossis cubiti pars pauca, ex qua Quadratus radii pronator enascitur.
N Exterior, vel superior pars radii, in quam secundus radii pronator, Quadratus inseritur.
O Primus secundum pollicis articulum flectens in suo situ.
P Primi pollicis internodii flexor primus.
Q Pollicem abducens in suo situ.

FIGVRA II.

- A A** Sinistrum brachium.

- B** Internum humeri tuberculum.
C C C Quatuor tendines musculi, qui flectit secundum digitorum internodium, prope insertionem abscissi.
a a a a In his eleganter fissuræ expressæ sunt, per quas transeunt tendines flexoris tertium digitorum internodium.
D D Flexor tertii digitorum internodii, ab ortu suo planè abscissus & detractus ad superiora, ne subjacentium partium inspectionem impediat.
E E E E Quatuor tendines hujus musculi prope illum locum, ubi quatuor lumbricalibus musculis **F F F F** originem largiuntur, resecti.
F F F F Quatuor Lumbricales musculi, primum articulum digitorum flectentes, & ipsi extra situm elevati.
G G G Sex musculi illorum octo, qui oblique digitos movent, & Interossei vocantur, in tribus interstitiis, quatuor ossium metacarpii **I I I I** positi, primis digitorum ossibus implantati, in suo situ conspicui.
H Vnus ex octo musculis interosseis, minimum digitum abducens, in suo situ.
b Alius ex hisce octo musculis, qui internum latus primi ossis metacarpii occupat, indicem abducens.
I I I I Quatuor ossa metacarpii aliqua ex parte apparentia.
K K Minimum digitum abducens in suo situ.
L L Secundum pollicis internodium flectens extra situm.
M M Tertium pollicis internodium flectens extra situm.
N N Exterior carpi flexor leviter ex suo situ remotus.
c Principium ipsius circa internum humeri tuberculum, **B**.
d Locus, ubi in tendinem teretem, & nerveum degenerat.
e Ostendit, quomodo hic tendo, à carpo liberatus, ejusque sedem internam prætergressus, & latior nonnihil redditus, in radicem ossis metacarpii, quod indici subternitur, implantatur.
O Interior carpi flexor undiquaque conspicuus, licet parum extra naturalem situm ab osse cubiti distet.
f Principium ejus ab interno humeri tuberculo. **B**.
g h Finis teres ferè ejusdem, partim carneus, partim nerveus, quarto ossi carpi, primi ordinis **h** insertus.
p Secundus sive teres radium pronans musculus.
i Principium ejus ab interno humeri tuberculo. **B**.
l Finis ejusdem carneus in medium longitudinis radii **R R** implantatus.
Q Q Os cubiti ferè totum detectum.
R R Radii os nudum.
S S Ligamentum radium cubito jungens, & externos in cubito sitos musculos ab internis dirimens.
T Primus, sive Quadratus radii pronator, hujus principium **m m** est, ab osse cubiti **Q Q** finis **n n**, in radio **R R**.
mm nn Musculi primum pollicis internodium flectentes nondum adhuc distincti, in suo loco.
V Musculi primum pollicis internodium flectentes nondum adhuc distincti, in suo loco.
X Pollicem abducens in suo situ.

FIG. II.




FIG. I.

TAB. XXIII.



LIBRI QVARTI

TABVLÆ XXIV EXPLICATIO.

P R I M A figura, duos radium in pronum agentes musculos, plene in conspectum offert, quemadmodum & membraneum illud ligamentum, quod cubiti os radio connectit. S E C V N D A, initium facit demonstrationis eorum, qui externam cubiti sedem occupant, primo, & secundo digitorum flexori, & ligamento annulari imprimis dicata.



FIGVRA I.

- A A Brachium.
 B Internum humeri tuberculum.
 C C Secundus radii pronator teres, integer in suo situ hic conspicuus.
 a Principium ipsius, ab interioris humeri tuberculi (B) radice, & ab interno latere ossis cubiti, qua humero jungitur.
 b Finis ejusdem, sive insertio paulo ante medium longitudinis radii (H H.)
 D D D Carpi flexor & extensor internus extra situm, ut utriusque interna pars, qua ossi cubiti incumbebant, conspicia-
 tur.
 E Carpi os quartum, in quod carpi flexor internus desinit.
 F F Os cubiti detectum.
 G Externus carpi flexor extra situm, in quo vide quomodo
 c c ipse tendo c c teres ac nerveus, super vectus carpum
 T, in os metacarpii primum Q. Indicem sustinens im-
 plantatur. (d.)
 d
 H H Os radii denudatum ex inferiore parte.
 I Ligamentum membraneum, cubitum radio conjungens,
 & cubiti vocatos musculos externos, ab internis di-
 stinguens.
 K Primus radium pronans, Quadratus, hoc loco plene in
 suo situ cernitur.
 e e Principium hujus ab ossis cubiti F F inferiore & interna
 sede enatum.
 f f Finis ejusdem in radii H H inferiorem & internam par-
 tem membraneus desinens.
 L Musculi quidam pollicem flectentes, adhuc in suo situ,
 sed non distincti.
 M M Secundum pollicis internodium flectentes, extra situm.
 N N N Interossei musculi, hoc est, ii qui inter ossa metacarpii
 latent.
 O Alius ex hisce, indicem abducens.
 P Musculus minimum digitum abducens.

- Q R S Triâ metacarpii ossa denudata ab incumbentibus muscu-
 lis tendinibusve, ex quibus, Q, Indicem, R, Medium,
 S, Annularem digitum sustinet.
 T Carpus interna manus parte conspicuus.
 V V Carpum extendens exterior, in suo situ.

FIGVRA II.

- A Brachium sinistrum exhibet, sed contraria, quam in pri-
 ma figura ratione situm, nempe in pronum, ut musculi
 exteriores cubiti rectius appareant.
 Æ Internum humeri tuberculum.
 B Externum humeri tuberculum, à quo ferè omnes exter-
 ni cubiti musculi originem suam ducunt: quemadmo-
 dum, ut diximus, interni ab interno nascuntur.
 C Processus cubiti, qui ἀλέκτραον dicitur.
 D D Primus digitorum extensor, qui in secundum & tertium
 os, quatuor, præter pollicem, digitorum, inseritur in
 suo situ totus conspicuus.
 a Principium hujus ab externo humeri tuberculo B.
 b b b Divisio ejus in tres partes carnosas.
 E Externum carpi annulare ligamentum, sub quo, veluti
 quadam fornice, omnes externi cubiti musculi ad ma-
 num progrediuntur.
 F F F Tres hujus tendines, ad totidem digitos festinantes, qui
 in suo adhuc situ locati cernuntur. Antequam tamen ad
 hos appellant, vide quomodo circa carpum O, liga-
 mentum ipsius annulare externum E pertranseant.
 G G G G Monstrant quatuor portiones, totidem tendinum, qui à
 Lumbricalibus orti, in exteriori sede digitorum, inse-
 runtur.
 H Pollicem adducens in suo situ.
 K Pollex, sive magnus digitus.
 1 2 3 4 Quatuor præter pollicem digiti reliqui. 1 Index est,
 2 Medius, 3 Annularis, 4 Minimus.
 I. II. III. Primum, secundum & tertium digitorum internodium.
 L M Duo carpum extendentes musculi, quorum ille L inter-
 nus, hic M externus est.
 N N Secundus digitorum extensor in situ.
 c d Monstrat quomodo hic cum primo quoad principium
 (ut c) & ventrem (ut d) confundatur.
 e Tendo ejusdem musculi.
 O Carpus.
 P P Carpum flectens interior in suo situ.



TAB. XXIV.

TABVLÆ XXV DECLARATIO.

H Acc tabula tres figuras continet, quibus muscoli & tendines, qui in vola, aut extrema manus interna regione occurrunt, representantur. *PRIMA* in suo situ ipsos ostendit. *ALTERA*, quosdam in situ, quosdam extra situm exhibet. *TERTIA* ferè omnes ex suo loco remotos.

FIGVRA I.

- A A Extremitas cubiti abscissi.
 Æ Pollicem abducens in suo situ.
 B Pollicis primum articulum flectentes, in suo situ.
 C C Abducens minimum digitum, in suo situ.
 D D Portio tendinis muscoli tertium pollicis articulum flectentis.
 E Extremitas tendinis externi carpum flectentis.
 e e e e Tendines flectentis secunda digitorum internodia.
 F F F F Flectentes primum digitorum internodium, sive muscoli Lumbricales, à tendinibus dicti tertium digitorum articulum flectentis, exorti, in suo hic situ integri monstrantur.
 f f f f Principia horum musculorum.
 g g g g Tendines eorundem in primum digitorum internodium inserti.
 G G G G Quatuor tendines flectentis tertium digitorum articulum.
 H I L Ossa metacarpii digitos sustinentia, H Indicem, I Medium, L Annularem.

FIGVRA II.

- A Pollicem abducens musculus, extra situm remotus.
 B B B Musculi interni minimum digitum abducentes, qui lateri externo ultimi ossis metacarpii adhærent, quorum duo subiecti in situ sunt, unus vero, sive tertius, extra situm.

- C Quidam muscoli pollicem flectentes in suo situ indistincti adhuc jacentes.
 D D D D Quatuor lumbricales musculi.
 a a a a Tendines horum, in primum digitorum internodium desinentes.
 e Tendo externi carpum flectentis musculi.
 F F Tendo pollicis tertium articulum flectentis musculi.
 G G G G Tendines tertium digitorum internodium flectentis, ubi eleganter expressum est, quo pacto fissuras, (b b b b) tendinum flectentis secundum os, sive perforati musculi, pertranseunt.
 H H H H Quatuor tendines secundum digitorum articulum flectentis musculi, sive perforati.
 1 2 3 Tria digitorum internodia in indice & annulari signata, ut subito pateat cui quisque tendinum implantatus sit.

FIGVRA III.

- A Pollicem abducens musculus à subiectis aliquantulum separatus.
 B B Finis tendinis interni carpum flectentis musculi.
 C Tendines quatuor tertium digitorum articulum flectentis, à musculosa sua carne, dissecti, & adhuc uniti, eleganter conspicui.
 D D D D Extremitates tendinum horum, à sua portione superiore, quam ad literas (d d d d) videre est, dissectorum.
 E E E E Tendines Perforati musculi dissecti, & sursum elevati, quò elegantius eorum foramen (æ æ æ æ) conspiciatur.
 æ
 F F F F Quatuor Lumbricales musculi à tendinibus (c) producti.
 a a a a Principium musculorum lumbricalium.
 b b b b Ipsorum tendines, primis digitorum internodiis (I I I I) inserti.
 G Tendo musculi tertium pollicis articulum flectentis.
 H Musculi quidam pollicem flectentes, in suo situ adhuc indistincti apparent.
 I II III Prima digitorum internodia à tendinibus liberata, quorum externæ sedi tendines Lumbricalium musculorum b b b b inseruntur.

FIG. I.




FIG. II.





FIG. III.



LIBRI QVARTI

TABVLÆ XXVI DILVCIDATIO.

T *Res similiter figuras complectitur, quibus inprimis Lumbricales, & Interossei musculi, tum ipsa digitorum ossa proponuntur.*

FIGVRA I.

- A Pars cubiti abscissi.
 Æ Carpus.
 B Primum pollicis internodium flectens in suo adhuc situ.
 a Primum pollicis internodium abducens.
 C Primus secundi pollicis internodii flexor, extra situm.
 D D Secundus, & tertius, secundum pollicis articulum flectentes.
 E E Duo minimi digiti abductores, quorum alter in suo situ, alter à fine extra situm pendet.
 F Primus ex octo musculis interosseis, qui primi ossis metacarpii I interno lateri adhæret, & indicem abducit, in suo situ.
 G G G Tres alii musculi ex illis octo, indicem, medium, & annularem digitum abducentes.
 H H H Reliqui interossei, qui dictos digitos adducunt omnes in suo situ conspicui, excepto illo, qui adducit parvum digitum, qui dimidius tantum cernitur.
 b b b Tendines musculorum interosseorum.
 I K L M Quatuor ossa metacarpi, inter quæ prædicti musculi locantur, superioribus suis extremitatibus apparentia. Ex his I Indicem, K Medium, L Annularem, M. Minimum digitum sustinet.
 1 2 3 Tria digitorum internodia, quorum ordinem ascripti numeri edocent.

FIGVRA II.

- A Extremitas cubiti inferior.

- a Carpus.
 B Primus pollicis articulum abducens in situ suo, nondum separatus.
 b Primum pollicis internodium flectens.
 c Portio ligamenti annularis carpi ex quo dictus musculus enascitur.
 C Secundum pollicis os flectentes, extra situm nonnihil remoti.
 D Abducens minimum digitum in suo situ.
 E E E E Musculi quidam interossei.
 F F F F Quatuor tendines tertium digitorum os flectentis musculi amputati ea sede, qua musculus respiciebant.
 G G G G Idem tendines eo loco abscissi, ubi ad digitos tendebant, relicta illorum ea solum portione, ex qua quatuor parvi musculi Lumbricales dicti, emergunt.
 H H H H Quatuor illi musculi Lumbricales dicti.
 I I I I Horum musculorum tendines ad externam digitorum faciem pergentes.
 1 2 3 Idem quod in præcedenti figura significant.
 K L M N Ossa quatuor metacarpi.

FIGVRA III.

- A Cubiti pars abscissa.
 B Pollicem abducens extra situm.
 C C C C Quatuor ossa metacarpii nuda à musculis & tendinibus.
 D D D D 1 2 3 Digiti & eorum tria internodia.
 E E E E Quatuor musculi interossei, quatuor digitos abducentes, hoc loco sursum extra suum situm, quorum insertio in prima internodia notanda.
 F F F F Reliqui quatuor abducentes, similiter extra situm remoti.
 G G G G Carpi ossa indistinctè apparent.

TAB. XXVI.

FIG. I.




FIG. II.




FIG. III.



LIBRI QVARTI

TABVLÆ XXVII EXPLANATIO.

FIGVRA I.

- N** *Omnes digitorum musculos in cubito jacentes demonstrat.*
- A Tuberculum externum ossis humeri, à quo omnes ferè externi cubiti muscoli enascuntur.
- B Olecranon.
- C C Digitorum extensor primus, è suo loco motus.
- a a Interior ejus tendinosa pars, quæ quatuor tendines committatur, & ne à se mutuo abeant, prohibet.
- D D Digitorum extensor secundus, in suo situ perfectè hic cernitur, nisi quòd ejus tendo ad extremum parvi digiti denudatus non est.
- E Extendentium carpum exterior, sua tantum origine hic conspicuus, in suo situ.
- F Indicem abducens.
- G Pollicis extensor primus in suo situ.
- H Pollicis extensor secundus in suo situ.
- I Radius.
- K Cubiti os.
- L Vnus ex octo musculis internis interosseis, ut vocant, metacarpii ossi, quod indici præest, appensus.
- MMM Metacarpii ossa.
- N Tendo flectentis tertium pollicis internodium.
- O Radium supinans brevis.

FIGVRA II.

- Duos carpi tensores demonstrat.*
- A Externum humeri tuberculum.
- B B Extendentium carpum exterior in suo situ.
- a Principium ipsius in acie illa ossea, quæ in humero est supra tuberculum exterius.
- b Finis ejusdem tendineus, qui in duos mox dividitur, quorum alter interior c c est: exterior d d.
- C C Extendentium carpum interior, utrinque quidem suis insertionibus adhærens, sed aliquantulum in medio elevatus, ut cubiti os videatur.
- e Principium ipsius à tuberculo humeri externo A.
- f f Finis ejusdem tendineus.
- D Secundus, sive brevis radii supinator.
- E E Os cubiti.
- g Inferior ossis cubiti appendix.
- h Styloides cubiti ossis processus.
- F F Os radii.
- G G Ligamentum membraneum cubitum radio jungens, & externos musculos ab internis distinguens.
- H Primus pollicis extensor extra situm.
- I Secundus pollicis extensor extra situm.
- K Carpus.
- L Os metacarpii quod indici subtenditur.
- M Os metacarpii medio digito substratum.
- N Os metacarpii minimum digitum sustinens.
- O Pollicem adducens musculus.

FIG. II.




FIG. I.

TAB. XXVII.



LIBRI QVARTI

TABVLÆ XXVIII EXPLICATIO.

Duos Radii Supinatores musculos demonstrat.

FIGVRA I.

Situm duorum radii supinatorum edocet.

- A Olecranium.
- B Externum humeri tuberculum.
- C Primus radii supinator, sive longus.
- a Principium ipsius ab externi humeri tuberculi acie.
- b Tendo ejusdem appendici radii d alligatus.
- D Secundus radii supinator, sive brevis.
- c Insertio ejus in radium E.
- E Radius.
- d Radii appendix inferior, cujus interiori sedi, tendo primi radium supinantis inseritur.
- F Cubitus, sive Vlna.
- G G Ligamentum musculos distinguens.
- H Carpum extendens interior, extra situm.
- e Ipsius principium.
- f g Tendo ejusdem in ossis metacarpii, quod minimo digito subtenditur, superiorem partem g delinens.
- I K K Carpum extendens exterior, extra situm.
- I Ipsius principium.
- K K h h Duo quasi ventres hujus musculi, qui totidem tendines (h h) producant.
- L L L L Quatuor ossa metacarpii.
- M Carpus.

FIGVRA II.

Supinatorem brevem integrum demonstrat.

- A Externum humeri tuberculum.
- Æ Pars inferior humeri abscissa.
- B Internum tuberculum humeri.
- C Olecranium.
- D Primus radii supinator, sive longus extra situm.
- a Principium ipsius.

- b b Tendo ejusdem, radii F inferiori appendici e alligatus.
- E Secundus radii supinator, sive brevis, perfecte cernitur in suo situ.
- c Principium ipsius à posteriore cubiti processu carnosum.
- d Tendo ejusdem qui in radii fere medium implantatur.
- F Radius.
- e Appendix inferior radii.
- G Cubiti os.
- H H Ligamentum distinguens externos musculos ab internis.
- I Arteriæ, quæ ægris tangitur portio hic relicta est.
- K K K K Quatuor ossa metacarpii.
- L Carpus.

FIGVRA III.

Secundum sive brevem radii supinatorem extra sedem, & ossa omnibus musculis remotis nuda demonstrat.

- A Externum tuberculum humeri, osse jam penitus denudato, conspicuum.
- Æ Portio humeri inferior abscissa.
- B a b Radius à musculis liberatus. Hujus appendices duæ sunt: superior a : inferior b.
- C c d Cubiti os similiter denudatum. Hujus appendicum superior c est, inferior d.
- D Radii supinator brevis extra situm.
- E Ligamentum cubiti internos musculos ab externis distinguens.
- F Portio arteriæ subcutaneæ, quæ à Medicis tangitur.
- G Pollicis ossa nuda.
- H H H H Ossa metacarpii penitus jam denudata.
- I I I Interstitia ossium metacarpii, in quibus sex ex octo illis musculis interosseis apparent, membrana tamen obvelati.
- K K K K Prima ossa quatuor digitorum.
- L L L L Secunda ossa.
- M M M M Tertia & ultima ossa quatuor digitorum.
- N Carpus.

FIG. III.

FIG. I.

FIG. II. TAB. XXIX.



LIBRI QVARTI

TABVLÆ XXIX DECLARATIO.

<p>P <i>Primum femur extendentium musculus, sive Glutæum majorem, primo in sua sede, deinde extra situm demonstrat, ut utraque ipsius facies perfectè cernatur. Præter hunc secundum extendentium, & primum circumagentium femur ostendit.</i></p>		<p>gustatus, in quo considera insignes fibrarum hiatus, & quasi strias.</p>	
A A	Est dorsi pars circa lumbos cute adhuc tecta.	K K	Tendinosa substantia hujus primi musculi magno rotatori adnata.
B B B B	Cutis cum adipe hic à subditis partibus ablata & inverfa.	L L	Secundus femur extendentium musculus, sive Glutæus medius, in suo situ.
C C C	Primus femur extendentium musculus, Glutæus magnus vocatus, in suo situ.	e e	Principium hujus musculi carnosum, latum, ac semicirculare.
D D	Spina ossis ilium, à cujus circumferentia (a a) superior pars principii hujus primi musculi pronascitur.	M	Circumagentium femur primus: sive Iliacus ex ernus, & Pyriformis, in suo situ.
a a		f	Principium ipsius à tribus humilioribus ossis sacri vertebri.
E E	Os sacrum nondum detectum, à cujus latere, altera pars hujus musculi (a b) exoritur.	g	Tendo ipsius teres, qui in majoris rotatoris quartam impressionem definit.
a b		N	Tuberculum ossis coxæ, à quo aliquot musculi tibiæ (R R R) prodeunt, ut suo loco dicetur.
F	Os coccygis, à cujus latere similiter (b c) infima pars primi musculi prodit.	O	Rotundum ligamentum ab osse sacro ad hoc tuberculum protensum.
b c		P	Insignis nervus, qui ex lumborum & ossis sacri medulla huc delabitur, & in totum crus disseminatur.
G	Magnus rotator, quem supervehitur, & cui adhæret hic primus femoris musculus.	Q Q	Tertius femur circumagentium, Marsupialis dictus, in suo situ, quem nervus ille ac ligamentum prætergrediuntur.
d	Tendo hujus musculi validus ac latus.	R R R	Tertius, quartus, & quintus tibiæ flectentes, parum distinctè adhuc apparentes.
H I K	Musculus hic primus extra situm.		
H H H	Crassum & carnosum primi musculi principium, in quo hoc loco asperitates quædam videntur fibrarum ejus, quæ ossibus adnatæ erant.		
I I I	Venter hujus musculi, crassus quoque, sed paulatim an-		

TAB. XXIX.



LIBRI QVARTI

TABVLÆ XXX DILVCIDATIO.

<i>Secundum & tertium femur extendentium, itemque primum & tertium circumagentium exhibet.</i>		H	Primus femur circumagentium, Pyriformis dictus, in situ.
A A A	Spina, sive superior semicircularis extremitas ossis ilium.	I	Ossis sacri inferior pars, à qua exoritur.
B B	Secundus femur extendentium musculus, in suo situ.	b	Tendo ipsius teres, qui majoris rotatoris quartæ impressioni inseritur.
C	Magnus rotator, in quem hic musculus inseritur.	K	Idem extra situm.
D E F	Musculus hic extra suum situm dependens.	L	Ejus principium asperum quoque, ut ab ossè, cui connatum erat, resectum est.
DDD	Principium ejus, & asperitates, quæ in ipso conspiciuntur, inde ortæ, quod magna difficultate ab ossè, ut cui validissimè annectitur, separatur.	M	Tendo ejus longiusculus ac teres.
E E	Ipsius venter carnosus.	N	Foramen quod hic musculus obtegebat.
F	Tendo, qui in majorem rota vena inseritur.	O	Circumagentium femur tertius, seu Marsupialis, in situ.
G G	Tertius femur extendentium musculus, sive Glutæus minimus, integer in suo situ, cui secundus & primus instrati erant, conspicuus.	P	Ligamentum, quod externum ossis ilii tuberculum cum ossè sacro conjungit.
a a	Principium hujus musculi à posteriore, & inferiore sede dorfi ossis ilium.	QQ	Tuberculum ossis ilium, à quo tres tibiæ flectentes musculi prodeunt.
		R R	Duo ex illis musculis tibiæ ab illo tuberculo orti.
		S	Os coccygis à cute jam nudatum.

TAB. XXX.



TABVLÆ XXXI EXPLANATIO.

- P** *Primum, secundum, & quartum femur flectentium, (præter cæteros) potissimum ostendit.*
- AA** Duæ infimæ Thoracis vertebræ.
- BB** Duodecima costa utrinque suæ vertebræ adhuc adnexa.
- CCCC** Quinque vertebræ lumborum.
- aa** Flectentes lumbos musculi, sive Quadrati, in suo situ.
- DD** Primus femur flectentium, *ψάα*, sive Lumbalis, in suo situ hic conspicuus.
- bb** Principium hujus musculi è vertebris duabus **AA** thoracis, & tribus **CCC** lumborum, enatum.
- E** Tendo ejusdem musculi carnosam substantiam affiscens, sui & nervorum, (**F**), qui sub ipso è spina egrediuntur, tutelæ gratia: hic in minoris rotatoris superiorem partem desinit.
- FF** Nervi insignes, qui hoc loco unà cum tendine ipsius super ossa pubis abdomen egressi, in crus distribui incipiunt.
- GGG** Idem musculus aliqua ex parte à vertebrarum corpore, à quo oritur, separatus, & extrà situm positus. Quo loco duo notanda sunt; primum, asperitates (**cc**) quæ signa sunt cohærentiæ hujus musculi cum Vertebris: deinde insignes nervorum propagines, (**dd**) quæ eundem ingrediuntur.
- H** Ossa pubis, quæ hic musculus supergreditur.
- III** Secundus femur flectentium, sive Iliacus internus, in suo situ, totam ossium ilium cavitatem (**NN**) adimplens.
- KK** Spina, sive appendix ossis ilium, à qua hic secundus musculus oritur.
- e** Tendo ipsius, qui in minoris rotatoris humiliorem sedem inferitur.
- LL** Idem musculus extrà situm, ut carnosam ejus substantiam observes.
- MMM** Principium ipsius carnosum ac semicirculare, quod in dextra parte asperum apparet, quodd citrà incisionem ab osse removeri non possit.
- NN** Costa, sive cavitas interna ossis ilium, quam hic musculus totam replet.
- O** Quartus femur flectentium musculus in situ.
- P** Idem musculus extrà situm.
- Q** Principium præfati musculi latiusculum.
- R** Secundus tibiæ extendens.
- S** Tendinis primi, sive membranosi, tibiæ extendentis portiones dissectæ, quæ anteriorem cruris sedem totam investiant.
- T** Primus tibiæ flectentium in suo situ, Fascialis dictus, tertia ab hac tabula melius conspiciendus.

TAB. XXXI.



TABVLÆ XXXII EXPLICATIO.

<i>Tertium femur flectentium proponit.</i>			
AAAA	Tertius femur flectentium, Triceps dictus, in suo situ.	M	Parvus rotator, quem tertius femur flectentium amplectitur.
B	Ejus principium.	N	Magnus rotator, ab omnibus, qui in ipsum inserti erant musculis, denudatus.
CCC	Cohærentia hujus musculi cum osse femoris, secundum asperam illam lineam, quæ in posteriore ejus parte in longum eminet.	OO	Quintus tibiæ flectentium, Biceps, extrà locum à crure dependens.
DDD	Idem musculus, femori quidem secundum totam longitudinem posteriorem adhuc adnatus, sed extrorsum flexus.	P	Carnosa illa moles, quæ secundum ipsius principium ab Anatomicis statuitur, & ipsi, postquam ultrà femoris medium descendit, interna parte adnascitur.
E	Principium ipsius ab osse coxendicis resectum.	QQ	Internum caput inferioris femoris appendicis.
FG	Divisio tendinis hujus musculi, & fissura quasi, per quam feruntur vasa, Venæ, inquam, & arteriæ crurales.	RR	Externum ejus appendicis caput.
H	Secundus femur circumagentium, aliis Obturator externus dictus, adhuc in suo situ.	SSS	Principia musculorum pedi dicatorum, remota cute, detecta.
I	Idem musculus extrà situm absecto principio.	TT	Dorsum ossium innominatorum, à Glutæis musculis sibi adnatis prorsus liberatum.
K	Ejusdem tendo, qui angustior factus, in sinum magni rotatoris inseritur.	V	Ossa pubis.
L	Primus femur circumagentium extrà situm.	XX	Foramina ossium pubis, à musculis femoris Obturatoribus dictis, occupata.



TABVLÆ XXXIII DECLARATIO.

<i>Quartum femur flectentium, tùm secundum, tertium, ac quartum circumagentium ostendit; tres item posteriores tibiam flectentes representat.</i>	
AAAA	Quartus femur flectentium in suo situ. In hoc varias licet observare fibras, sic quidem distinctè, ut citra negotium in plures musculos separari possit.
B	Ossis pubis pars anterior, ex qua musculus hic originem ducit.
CC	Secundus femur circumagentium, quem Obturatorem externum vocant, quod ab exteriori parte foraminis ossium pubis enascatur, hic in suo transverso situ conspicitur.
DDE	Tertius femur circumagentium, quem Obturatorem internum nonnulli, & Marsupialem appellant, hoc loco in suo situ apparet.
DD	Caput ipsius latum, & semicirculare.
E	Quatuor tendines musculi marsupialis uniti, qui in marsupio carneo (FF) reconditi sunt.
FF	Marsupium illud carneum in suo adhuc situ, unà cum contento tendine, nonnihil dissectum, ut tendinis in ipsum ingressus pateat.
GG	Idem musculus Marsupialis dictus extrà situm, in quo carnosam ipsius substantiam & principii asperitatem observare licet.
H	Marsupium carneum & ipsum extrà situm remotum, ut exactius sese conspiciendum præbeat.
I	Quartus femur circumagentium in suo situ.
K	Tertius tibiam flectentium, Seminervosus dictus, in situ.
L	Quartus tibiam flectentium, Semimeinbraneus vocatus, in situ.
M	Quintus tibiam flectentium, sive Biceps, in suo situ.
N	Appendix ossis coxendicis, à qua tres isti musculi tibiam originem suam habent.
O	Tertius tibiam flectentium extrà situm.
P	Principium ejus nerveum, teres, & longum.
Q	Ejusdem musculi tendo nerveus, qui ad anteriora tibiam reflexus, sub genu terminatur.
R	Quartus tibiam flectentium extrà situm.
S	Hujus musculi caput nerveum.
T	Tendo ejusdem latiusculus, in latus internum tibiam antèrius insertus.
V	Quintus tibiam flectentium, Biceps, extrà situm.
X	Iptius principium, quod primò acutum est, sed mox carnosius redditur.
Y	Ostenditur substantia tendinea hujus principii in facie interna.
Z	Carnea moles, quæ paulò quàm medium longitudinis ipsius femoris superavit, musculo huic accedit, & pro altero capite habetur, unde & Biceps à nonnullis dissectionum professoribus dicitur.
aab	Tertius femur extendentium extrà suum situm.
aaa	Hujus musculi asperum principium.
bb	Ejusdem musculi finis, sive tendo lividus.
c	Primus femur circumagentium extrà situm.
d	Foramen, quod ab hoc musculo obturatur.
e	Poples.
ff	Ossa ilium.
gg	Ossa coxendicis.
h	Os sacrum.
i	Os coccygis.
ll	Ligamentum, os sacrum coxendicis ossi utrinq; alligans.
mmm	Tertius femur flectentium, Triceps, in suo situ.
nn	Femur.
o	Rotator major.
p	Coxendicis acetabulum.
qq	Primi pedem extendentium, sive Gasterocnemii externi peritio, cujus duo capita rr eleganter comparent.
rr	Capita duo primi pedem extendentium musculi.

TAB. XXXIII



TABVLÆ XXXIV DILVCIDATIO.


- D** *Elineantur primus, & secundus tibiā flectentium, & primus eandem extendentium, musculi.*
- AA** Primus tibiā flectentium musculus in suo situ, hic obliquo ductu ab externis, ad interiores femoris partes excurrit, in quo progressu æqualem ubivis latitudinem observat, ut non inepte à nonnullis fasciæ comparatus fuerit, & propterea Fascialis quoque dictus.
- B** Anterior pars spinæ, sive appendicis ossis ilium, à quo musculi hujus principium carnosum & nerveū oritur.
- C** Locus in anteriore tibia, ubi tendine suo nervoso ac lato implantatur.
- DD** Idem musculus extrā situm.
- EE** Ossis ilii costa, sive cavitas interna.
- FF** Secundus tibiā flectentiū musculus, Gracilis dictus, in suo situ, qui recta per femoris interiora carneus decurrit.
- G** Commissura ossium pubis, propè quam hic musculus nerveo & amplo principio enascitur.
- H** Locus designatur in quem hic musculus infrā tendinem primi tibiā flectentium inseritur.
- IKL** Idem musculus extrā situm.
- I** Ejusdem principium nervosum & latum, ab osse pubis, unde nascitur, separatum.
- K** Ejusden venter rotundus.
- L** Ejusdem finis & tendo subrotundus.
- MMOO** Primus tibiā extendentium, sive Membranofus, & latius tendinis.
- MM** Principium & medium primi tibiā extendentium, partim carnosum intus, partim nervosum exterius.
- NN** Spina ossis ilium, à cujus ferè medio, hujus musculi principium emanat.
- OOOO** Tendo latissimus & fortis, aliquomodo extrā situm. Propè genu enim ab insertione liberatus est, ut reliqui musculi quos omnes ferè involvit, detegerentur.
- P** Portio pauca tendinis hujus musculi relicta, ut sectionis vestigium appareret.
- QRS** Idem musculus primus tibiā extendentium extrā situm, à tendine suo dependens.
- Q** Principium ejusdem musculi.
- R** Ejusdem venter brevis, sed crassiusculus.
- SSS** Insignis tendo hujus musculi, in quo fibras rectas elegantissimè à sculptore expressas diligenter adverte.
- T** Locus infra genu, ubi hic musculus in tibiā & fibulam inseritur.
- VV** Tertius femur flectentium, utrinque in suo situ existens.
- X** Secundus femur circumagentium in situ.
- Y** Quartus femur flectentium principio suo extrā situm remotus.
- Z** Idem musculus in situ.
- a a a** Secundus tibiā extendentium, in situ, sequenti tabula elegantius conspiciendus.
- b b** Quartus tibiā extendentiū, circa suum finem conspicuus.
- c** Caput superius femoris.

TAB XXXIV



TABVLÆ XXXV EXPLICATIO.

<i>Secundum, tertium, & quartum tibiā extendentes musclos continet.</i>			
A A	Secundus tibiā extendentium, sive Rectus, in suo situ, cujus venter carnosus & teres hoc loco inspicitur.	K K	Locus est, per quem secundus tibiā extendentium descendit, ubi duo Vasti, externus & internus, sive tertius & quartus tibiā extendentes, connati sunt, plumbeo colore comparent.
B	Tuberculum internum ossis ilium, à quo hic musculus originem habet.	L L L	Quartus tibiā extendentium in suo situ, cujus ingentem molē, à qua Vasti interni nomen accepit, contemplare.
C	Tendo hujus musculi robustus & nerveus.	M M	Principium hujus musculi, partim à cervice femoris, partim à magno rotatore prodiens.
D E F	Idem secundus tibiā extendentium extrā suum situm, partim carnosus, partim nerveus.	N	Ipsius tendo membranosus.
D	Principium ejus acutum & nerveum.	O	Cervix femoris.
E E	Medium ipsius carneum.	P	Magnus rotator.
F	Tendo ejusdem robustus, qui hoc loci sequentium duorum tendinibus miscetur, & patellam circumamplectitur.	Q Q Q Q	Tertius femur flectentium, in suo utrinque situ.
G G G G	Tertius tibiā extendentium, Vastus externus vocatus, in suo situ.	R R	Costa, sive cavitas ossis ilium.
H	Principium hujus musculi, quod à radice majoris rotatoris, quem amplectitur, enascitur.	S	Secundus femur circumagentium.
I	Tendo ejusdem membranosus, qui unā cum secundi, & quarti tibiā extendentium tendinibus patellam primū involvit, postea in tibiæ tuberculum antèrius inseritur.	T T T T	Corpora vertebrarum lumborum.
		V V V V	Cartilaginee Vertebrarum corporibus interjectæ.
		X X X X	Transversi processus vertebrarum lumborum utrinque prominentes.
		Y	Commisura ossium pubis.
		Z	Cavitas, quam Anatomici Pelvim appellant.
		a	Patella, genu præfixa.
		b b	Anterior tibiæ sedes, Anticnemium dicta.
		c	Caput superius femoris.



TABVLÆ XXXVI EXPLANATIO.

T <i>Ertium, & quartum tibiā extendentes musculos diligentius examinat.</i>		M	Substantia hujus musculi tendinosa & livida.
AAA	Corpora Vertebrarum lumborum.	NN	Quartus tibiā extendentium, sive Vastus internus, in suo situ.
BBBBB	Transversi vertebrarum processus.	O	Adverte hic locum, ex quo originem hic musculus ducit, & quā validē femori adhæreat.
CCC	Cartilagines, quæ singulis vertebrarum corporibus interpositæ sunt ligamentorum vices obeuntes.	PP	Tertius femur flectentium utrinque ex aliqua parte conspicuus.
DD	Costa, sive interna ossium ilii cavitas.	QQ	Secundus femur circumagentium hic obscurè cernitur.
E	Commisura ossium pubis.	RR	Quartus tibiā extendentium, à suo socio, tertio puta musculo, & ab ipso osse, remotus.
FF	Caput femoris, quod coxendicis ossi committitur.	SS	Principium ipsius, quod à cervice femoris, & magno rotatore enatum est, hoc loco resectum cernitur.
GG	Cervix ossis femoris.	TT	Pars lateralis hujus musculi, qua in longum cum tertio tibiā extendentium coaluerat.
HH	Magnus femoris rotator.	VV	Os femoris, cui immediatè adhærent tertius & quartus tibiā extendentes musculi.
I	Tertius tibiā extendentium, sive Vastus externus, suo principio ab osse femoris ex parte separatus, quemadmodum & à quarto in longum scissus, & ad exteriora flexus.	XX	Tertius tibiā extendens, cujus tendinosa; & livida substantia eleganter hic à sculptore expressa est.
K	Ejus principium, quod magnum rotatorem ambiebat, ossi adnatum, unde asperitates in abscissione factæ.	Y	Carnosum principium ejusdem tertii musculi, quod rotatori magno circumcirca adnatum erat.
LLL	Incisio in iis partibus hujus musculi, ubi is cum quarto tibiā extendentium coaluerat.		

TAB. XXXVI.



LIBRI QVARTI

TABVLÆ XXXVII DECLARATIO.

<i>Quæ restant ad exquisitam secundi, tertii, & quarti tibiæ extendentium cognitionem, pertexit.</i>		Q	Principium hujus musculi, magno rotatori & femoris cervici circumcirca adnatum.
AAAA	Lumborum vertebræ.	RR	Venter ejusdem musculi, interiore sui parte, qua ossi femoris incumberebat, conspicuus. In hoc observa asperitates, quæ in sectione relictæ sunt, quod validè ipse femori adnascatur.
BBB	Cartilagine vertebrarum ossibus interpositæ.	S	Tendo secundi tibiæ extendentium musculi.
C	Commisura ossium pubis.	TT	Tertii femur flectentium magna pars hic cernitur.
DD	Cavitas interna, sive costa ossium ilium.	V	Secundus femur circumagentium extra situm.
EEE	Transversi vertebrarum processus.	XXXX	Tertius femur flectentium integer in naturali suo situ hic conspicuus.
FF	Caput femoris, quod cum coxendicis acetabulo committitur.	Y	Ejusdem tendo in internum femoris tuberculum insertus.
GG	Cervix femoris.	Z	Foramen in hoc tendine, per quod venæ & arteriæ crurales transeunt.
HH	Magnus rotator.	aa	Secundus tibiæ extendentiū deorsum à tendine pendens.
IIII	Duo femoris ossa in antica sui parte à musculis denudata.	bb	Tertius tibiæ extendentium deorsum quoque pendens.
K	Internum caput inferioris femoris appendicis detectum.	cc	Quartus tibiæ extendentium similiter dependens.
L	Externum hujus appendicis caput.	dd	Divisio tendinis hujus quarti musculi, cujus una pars in fibulam, altera in tibiæ inseritur.
M	Tertius tibiæ extendentium musculus extra situm interna parte conspicuus.	eee	Concursus tendinum horum trium musculorum prope patellam.
N	Hujus principium à rotatore magno, magna ex parte ablatum.	f	Foramen ossium pubis.
OO	Sectionis in ea parte facta, ubi quarto tibiæ extendentium adnatum erat.	g	Cavitas, quam Dissectionum Professores Pelvim appellant.
PP	Ejusdem sectionis vestigium in quarto conspicuum.		
QRR	Quartus tibiæ extendentium musculus, extra suum situm nonnihil elevatus, ut interna ejus pars conspiciatur.		

TAB XXXVII.



LIBRI QVARTI

TABVLÆ XXXVIII DILVCIDATIO.

FIGVRA I.

Primum pedem extendentium demonstrat.

- A A A Tertii, quarti, & quinti tibiæ flectentium musculorum fines.
 B Genu posterior pars, quam Poplitem vocant.
 C C C C Cutis à tibiæ posteriore parte unà cum pinguedine separata.
 D E F G Primus pedem extendentium musculus, sive Gasterocnemius externus Spigelii, in suo situ.
 H I D Primum principium hujus musculi, quod ab interno femoris tuberculo originem ducit.
 E Alterum ejusdem principium ab externo femoris tuberculo pronatum.
 F Coitus horum duorum principiorum in unum ventrem.
 G G Venter insigniter carnosus hujus musculi, suram constituens.
 H Initium tendinis circa medium longitudinis tibiæ, qui descendens sensim fit angustior.
 I Notatur quo pacto secundum principium, in tendinem, paulò superiore, quàm primum, loco, degeneret.
 K Finis, sive insertio hujus tendinis in calcaneum.

FIGVRA II.

Oblique Tibiam moventem, & secundum pedem extendentium, tum Plantarem musculum exhibet.


- A Genu ab interno latere conspicuum.
 B Portio quarti tibiæ extendentium musculi.

- C D E Tertius, quartus, & quintus tibiæ flectentium musculi propè poplitem unà cum toto femore abscissi.
 F Flexura genu, Poples vocata.
 G H Suppopliteus, sive obliquè tibiæ moventium musculus in suo situ.
 G Principium hujus musculi, quod latum ac nerveum, ab externo femoris capite, vel (ut aliis placet) à ligamento articuli genu posteriore, exoritur.
 H Finis ejusdem musculi, in posteriorem & internam superioris tibiæ appendicis partem desinens.
 I K K Musculus, cujus latus tendo mediæ plantæ subnascitur, Plantaris propterea cognominatus.
 I Caput hujus musculi à tubere femoris externo enatum.
 K K K Tendo rotundus hujus musculi, obliquè ab externis in calcanei internum latus descendens.
 L M M N Secundus pedem extendentium musculus, sive Gasterocnemius internus (Spigelio sic dictus) in suo situ.
 L Caput hujus musculi nerveum validumque.
 M M Venter insigniter latus, à prædicto capite pendens.
 N Tendo hujus musculi, omnium qui in corpore sunt, fortissimus. hic ad medium tibiæ sensim angustatur, mixtusque cum primi pedem extendentium tendine, (Q) in calcem implantatur.
 O O P Q Q Primus pedem extendentium musculus, extrà locum hic prostratus jacet.
 O O Duo principia hujus musculi à se divulsa.
 P Designatur locus ubi duo hæc capita mutuo coeunt.
 Q Q R Tendo ejusdem musculi, cujus in calcanei posterius latus insertionem R denotat.
 S S Duo ossicula sesamoidea, quæ principiis duobus hujus musculi præfixa sunt, ad eludendum impetum duorum inferiorum femoris capitum.

FIG. I.

TAB XXXVIII.

FIG. II



LIBRI QVARTI

TABVLÆ XXXIX EXPLICATIO.

FIGVRA I.

Vtrumque pedem flectentium, & secundum digitorum internodium extendentem, in suo situ ostendit.

- A Genu latus internum.
 B Externum femoris tuberculum.
 C C Primus flectentium pedem, siue Tibiæus anticus, perfectè in suo situ cernitur.
 a Principium ipsius.
 b b Tendo ejusdem.
 D E Fibulæ appendices. D superior est, E inferior.
 F G Tibiæ appendix utraque. F superior est, G inferior.
 H H Secundus flectentium pedem, aliis Peronæus secundus dictus.
 c Principium hujus musculi à fibula D E.
 h h i Ejusdem tendo h h, cujus insertio in os tarfi parvum digitum sustinens, caractere i notatur.
 I I Extendens tertium digitorum internodium extra locum.
 K Quatuor tendines hujus musculi, ligamento adhuc con-
 vincti.
 L Extendens secundum digitorum internodium, à liga-
 mento transverso enatus, in situ.
 MMM Quatuor tendines hujus musculi.
 N N Pollicis extensor extra situm.
 O Ejus finis duplici tendine hoc loco conspicuus, cum in-
 terdum unicum tantum habeat.
 P Calcaneus.
 Q Dorsum pedis.
 R Flexura pedis, siue Tarsus.

FIGVRA II.

Oblique pedem moventium primum in situ representat.

- A Interius tuberculum femoris.
 B Exterius tuberculum femoris.
 C c c Os tibiæ, cujus superiorem appendicem C denotat.
 D d d Fibula, cujus superior appendix D litera signatur.
 E E Oblique pedem moventium primus, siue adducens pe-


dem, Tibiæus posticus quorundam.

- e Principium ipsius carnosum, à Tibia fibulaque.
 f Tendo ejusdem musculi teres, cujus insertio f.
 G G Secundus flectentium pedem extra situm.
 H Ejus tendo, & locus ubi inseritur.
 I Internus Malleolus.
 K Externus Malleolus.
 L Calcaneus.
 M Musculus interosseus pollicem adducens extra situm.
 N O Duo musculi interossei.
 P Transversalis musculus Placentini, de quo postea plura,
 in suo situ.
 Q Musculus interosseus minimum digitum abducens.
 R Ligamentum latum ac transversum tibiam fibulamque
 connectens.

FIGVRA III.

*Ostenfos musculos in hac tabula in situ, extra seum
 removet.*

- A Externum latus genu.
 B b b Fibula, cujus appendix superior litera B notatur.
 C C C Tibiæ os.
 D D Ligamentum fibulam tibiæ jungens, & externos muscu-
 los ab internis distinguens.
 E Externus malleolus.
 F F Secundus flectentium pedem, siue Semifibuleus Spigelii
 extra situm.
 G G Primus flectentium pedem extra situm.
 H Extendens secundum digitorum internodium cum qua-
 tuor suis tendinibus, (a a a a) extra situm positus cer-
 nitur.
 I I I I Interossei decem musculi, quodammodo in externa pedis
 parte inter ossa pedii comparentes.
 K K K K Ossa pedii.
 L L L L Radices digitorum, in quas Interossei musculi inserun-
 tur.
 M Dorsum pedis.
 N Flexura pedis.



LIBRI QVARTI

TABVLÆ XL EXPLANATIO.

FIGVRA I.

Primum oblique pedem moventium musculum in suo fere situ continet.

- A A** Duo capita inferiora femoris.
B B B Tibiæ os.
C C C Fibula à musculis libera.
D D D Oblique pedem moventium, sive adducens, totus carnosus, usque ad internum ferè malleolum, hic non amplius in suo integro situ conspicuus.
E Tendo teres, quem hic musculus educit, & in pedem anteriorem inserit.
F Pars inferior ligamenti lati, tibiæ fibulæ necentis, quod musculos in tibiâ jacentes in anteriores & posteriores dirimit.
G Processus ossis tibiæ, qui internum malleolum constituit.
H Calcaneus.
I I I Flectentium pedem secundus.
K Hujus tendo teres juxta medium longitudinis fibulæ incipiens, in os tarli parvum digitum sustinens insertus.
M Vnus ex interosseiis musculis, pollicem ad interna ducens, in suo situ.
N Pollicem flectens extra situm.
O Vnus ex interosseiis musculis.
P Transversalis Placentini musculus, cujus historiam postea tabula ultima trademus, in suo situ.
Q Alius ex interosseiis musculis, in suo situ, minimum digitum abducens.
R R T T Musculi lumbricales extra situm.
R R R Portio carnosà à qua lumbricales musculi enascuntur, extra plantam pedis, ubi situs ejus erat, tracta.
S S S S Quatuor tendines tertium digitorum internodium flectentis musculi, à quibus lumbricales oriuntur, hic abscissi sunt.
T T T T Quatuor musculorum lumbricalium tendines.
V Oblique pedem moventium secundus, extra situm.
X Planta pedis.

FIGVRA II.

Secundum oblique pedem moventium, & tertium digitorum internodium, ac pollicem extendentes, ostendit.

- A** Externum latus genu in pede dextro.
B C D Oblique pedem moventium secundus, Spigelio Fibuleus, aliis Peroneus primus vocatus, in suo situ conspicuus.
B Principium ejus validum nerveumque à superiore fibulæ appendice (V) prodiens.
C d Venter ejusdem teres, carnosus, externa parte (C) lividus, interna (d) rubicundus.
D D Ejusdem tendo circa medium longitudinis fibulæ enatus.
E E Secundus flectentium pedem, aliis Peroneus secundus dictus, Spigelio Semitibuleus.
F Tendo ejus teres, qui ad fibulæ posteriora reflexus, sub externo malleolo in os tarli parvum digitum sustinens inseritur.
G Extendens tertium digitorum internodium parte inferiore conspicuus.
H H H H Tendines quatuor ejusdem in digitos distributi.
I Quintus tendo ejusdem musculi, nonnunquam ad pollicem amandatus.
K K K K Membraneum quoddam ligamentum quatuor hos tendines conviciens.
L Pollicem extendens nondum ex omni parte detectus.
a Principium ipsius à medio fibulæ.
b Tendo ejusdem.
M N O Primus flectentium pedem, sive Tibiæ anticus aliorum.
M Principium ejus acutum & nerveum, antè tibiæ fibulæque superioribus appendicibus enatum.
N Venter ipsius carneus.
O Tendo ejusdem rotundus, qui nonnihil oblique inferius anticnemium supervectus, prope pedis articulum, in internum latus ossis pedii, quod pollicis ossi præponitur, implantatur.
P Ligamentum transversum, sive annulare pedis.
Q Calcaneus.
R Malleolus externus.
S Extendens secundum digitorum internodium, magna ex parte adhuc tendinibus tectus.
T V Appendices superiores, T quidem Tibiæ, V autem Fibulæ.
X Ligamenti lati tibiæ fibulæ alligantis nonnulla portio.



LIBRI QVARTI

TABVLÆ XLI DECLARATIO.

FIGVRA I.


T *Ertii digitorum internodii, tum pollicis flexores in suo situ ostendit.*

- Æ Portio infima femoris relicta adhuc, reliqua vero superiore abscissa.
 A Genu interna sui parte.
 B Internum femoris caput.
 C Externum femoris caput.
 D Tibiæ os.
 E Fibulæ dimidia pars nuda à musculis, cujus superiorem appendicem E superius designat.
 F G Suppopliteus musculus, sive Oblique tibiam movens extra suum situm.
 F Principium hujus latum & membranosum.
 G Finis ejusdem carnosus in interna parte ossis tibiæ.
 g g Locus in quo situs erat hic musculus.
 H Tertium digitorum pedis internodium flectens.
 I In hac parte quæ media est longitudinis tibiæ, incipit hic musculus tendinosus fieri.
 K Tendo exquisitus hujus musculi in situ.
 L L Adducens pedem, sive Oblique pedem ad interiora movens, nondum totus conspicuus.
 M Pollicis flexor.
 N Initium teretis tendinis prope malleolum internum, ubi oblique sub malleolum, eodem, quo flexor tertii internodii munitus ligamento, ad tertium pollicis articulum progreditur.
 O Pollicem adducens in suo situ.
 P P Secundus pedem extendentium musculus, sive Gasteronemius internus Spigeli extra situm.
 Q Plantaris musculus extra situm quoque hic in terram prostratus jacet.
 R R R Longissimus & rotundus tendo hujus musculi.
 S Calcaneus, in quem hi duo musculi implantantur.

FIGVRA II.

E *Osdem musculos: sed una primum oblique pedem moventium demonstrat.*

- Æ Femoris, abscissa superiore, infima pars adhuc relicta.
 A A Duo inferiora femoris capita.
 B B B Os tibiæ.
 C C Fibula.
 D E E Tertium digitorum pedis internodium flectens musculus.
 D Acutum principium hujus musculi quod à tibia exoritur.
 E E E Gracilis & carnosus venter ejusdem musculi, levatus aliquatenus, ut adducens pedem, quem tegebat, in apertum veniat.
 F F Tendo vnicus ejusdem musculi, qui propè internum malleolum (N) ad plantam pedis descendit, ubi t in quatuor alios tendines G G G G dirimitur, qui in tertium internodium, a a a a per fissuras secundum articulum flectentis, transeunt, illigantur.
 G G G G Quatuor illi tendines ex uno hujus musculi tendine orti, una cum musculis lumbricalibus ad interiora pedis vecti.
 H Carnea illa portio, quæ à calcaneo enata, una cum quatuor prædictis tendinibus musculos lumbricales constituit.
 I I Pollicis flexor in suo situ totus cernitur.
 K K Tendo teres pollicem flectentis, qui partim in primum pedii os, partim in ultimum pollicis internodium implantatur.
 L L Adducens pedem, sive Oblique pedem ad interiora movens, in suo situ totus videtur. Hic observa, quomodo ab utroque osse, tibia & fibula, oritur, interque ipsa supra ligamentum, musculos distinguens, ad internum malleolum usque carnosus descendat.
 M Tendo teres, quem hic musculus producit.
 N Malleolus internus.
 O Calcaneus.
 P Minimum pedis digitum abducens extra situm.
 Q Secundum digitorum internodium flectens, extra situm.
 R Pollicem adducens extra situm.
 a a a a Tertium internodium digitorum pedis.



LIBRI QVARTI

TABVLÆ XLII DILVCIDATIO.

FIGVRA I.

Latus musculi Plantaris tendinem demonstrat.

- A A Tibiæ portio in summo pede relicta.
 B Internus malleolus.
 C C Calcaneus.
 DDDD Tendo latus, qui à calcanei inferna magisque interna parte prodit, & progrediendo semper fit latior, atque in singulos digitos (a a a a) inseritur, in suo situ.
 a a a a
 E E Pollicem adducens ab interna parte calcis exortus, & primo ossi pedii, quod pollicem sustinet, adhærens, in suo situ.
 F F Minimum digitum abducens, musculus ab externa parte calcis enatus, & ultimo pedii ossi, cui minimus digitus superstat, cohærens, in suo situ.
 G G Duo ex decem interosseis musculis, minimum digitum extendentes, in situ.
 H H Duo alii musculi ex his, pollicem extendentes.

FIGVRA II.

Flexorem secundi digitorum internodii, pollicem adducentem, & minimi abductorem continet.

- A A Calcaneus.
 Æ Tibiæ infima portio abscissa.
 B B B B Tendo latus Plantaris musculi, extra situm.
 C C C Flexor secundi digitorum internodii, sive Perforatus, ex calcis anteriore latere prodiens, in suo situ.
 D D D Quatuor teretes tendines ab hoc musculo enati, qui ad singulorum quatuor digitorum articulos secundos abeunt, & in fine perforantur (a a a,) omnes in proprio situ locali.
 a a a a
 E e Pollicem adducens in suo situ, cujus principium e est.
 F F Tendo ejusdem musculi, qui in primum os pollicis latere interno inseritur.
 G G Minimum pedis digitum abducens, à calce ad parvum digitum proficiscens.
 H H Tendo hujus musculi teres, in externum latus primi internodii minimi digiti insertus.
 I I Duo ex decem interosseis musculis externum latus ultimi ossis pedii occupantes.
 K K K K Quatuor primum digitorum internodium flectentes, Lumbricales dicti, à quatuor tendinibus tertium digitorum internodium flectentis enati, in suo situ.
 L L L L Quatuor tendines tertium digitorum articulum flectentis, sive Perforantis.
 M M Portio tendinis, quam pollicis flexor mittit.




1 2 3 Tria digitorum internodia, quorum ordo ab adscripto numero indicatur.

FIGVRA III.

Quatuor primi digitorum internodii flexores, Lumbricales dictos, ostendit.

- Æ Tibia prope articulum abscissa.
 A A Calcaneus.
 B Tendo musculi tertium digitorum articulum flectentis abscissus ea parte qua adhuc unitus est.
 C Tendo pollicem flectentis musculi.
 D D D Carnea portio, quæ à calcaneo exoritur, rectisque fibris ad divisuram tendinis tertium digitorum articulum flectentis, accedit, ibique principis quatuor musculorum lumbricalium implantatur.
 E E E Quatuor tendines tertium digitorum articulum flectentis musculi, teretes, in suo situ denudati usque ad tertium os, in cujus medium aliquomodo dilatati desinunt.
 F F F F Musculi quatuor Lumbricales, primum internodium flectentes à tendine musculi tertium digitorum os flectentis, & à portione illa carnea à calcaneo enata, oriundi.
 G G G G Musculorum lumbricalium tendines, qui in interstitiis digitorum ipsos conscendunt, & per eorum dorsum excurrunt.
 H H Duo ex decem interosseis musculis, externum latus ultimi ossis metatarsi occupantes, in situ.
 I I Minimum pedis digitum abducens è suo situ remotus.
 K K Principium hujus musculi, quod ossi calcis adnatum erat, latum, nervosum, & asperum.
 L Vnus tendo hujus musculi, qui in os metatarsi minimum digitum sustinens, inseritur.
 M M Alter tendo ejusdem musculi, in parvi digiti externum latus desinens.
 N Flexor secundi digitorum internodii sive Perforatus, extra situm.
 O Principium hujus musculi nerveum & acutum.
 P P P P Quatuor tendines ejusdem musculi teretes, in fine perforati.
 Q Q Pollicem adducens extra locum positus, sed suo adhuc tendine pollicis cohærens.
 R R Duo musculi ex illis decem interosseis pollicem flectentes.
 S Ossi metatarsi minimum digitum sustinentis nonnulla portio.
 1 2 3 Idem quod in præcedente figura significant.

TAB. XLII.



TABVLÆ XLIII EXPLICATIO.

Oblíquos digitorum motores, siue Interosseos musculos, & Transversalem pedis à Placentino inventum proponit. PRIMA figura in situ eos spectandos exhibet: SECUNDA, extra situm pedis ossibus sibi adhuc connexis. TERTIA similiter à sede naturali remotos, sed & ossibus quibus adnascuntur à reliquo pede abscissis.

FIGVRA I.

- A Calcaneus.
 a Infima pars tibiæ abscissa propè articulum.
 B Ligamentum robustum à calcaneo ad os pedii pertingens.
 C Duo interossei musculi ad indicem pertingentes.
 D Musculus ex interosseis una cum sequente ad pollicem pertingens.
 E Musculus ex decem interosseis cum præcedente pollicis insertus in suo situ.
 F G Duo alii musculi interossei externum latus ultimi ossis pedii tenentes, ad parvum digitum pertinentes.
 H H H H Reliqui musculi interossei, in suo adhuc situ.
 I K L Musculum hunc princeps laboriosissimus Anatomicus D. Iulius Casserius Placentinus invenit, id officii ipsi assignans, ut digitum magnum ad parvum ducens, cavum efficeret pedem. Ex hoc duplicem utilitatem nasci credidit, ut & in inæqualibus locis, & similiter in planis ejus beneficio commodissimè ambulemus. In inæqualibus quidem, cum ipso se contrahente quasi apprehensio quædam fiat, quemadmodum certè observamus, dum per saxosa loca incedimus, pedem à nobis contrahi, ut tutior fiat & faciliior gressus. In planis verò etiam non agens, pedi instar ligamenti est, prohibens ne digiti à se invicem nimis abducantur. Oritur autem hic musculus à ligamento articuli primi minimi, (nonnunquam etiam annularis) digiti, mox carnosus factus, transversim defertur, & supervectus primos digitorum articulos, in primum pollicis articulum nonnihil parte interna inseritur. Caput habet nerveum ac latiusculum; Ventrem mediocriter crassum: Tendinem brevem & latum. Hic musculus à Spigelio non est descriptus, si quis tamen referre in album musculorum

pedis cupiat, facilè ex hac descriptione poterit. Cæterum ipse Inventor ab obliquo progressu Transversalem nominabat.



- I Principium hujus transversalis musculi ex ligamento primi articuli minimi digiti emergens.
 K Venter mediocriter crassus.
 L Finis latus, & brevis, pollicis primo articulo parte interna insertus.
 M Carnea portio à calce duobus acutis initiis, ad constituendos quatuor musculos lumbricales, enata, extra situm hic cernitur.
 N Extremitas tendinis tertium internodium flexentis musculi abscissa, ut videatur quo pacto unà cum carne prædicta Lumbricales musculos efficiat.
 O Musculi quatuor Lumbricales, sibi invicem adhuc juncti.
 P P P P Tendines quatuor musculorum lumbricalium.

FIGVRA II.

- A Os calcis.
 a Infima pars tibiæ abscissa propè articulum.
 B Ligamentum illud à calce ad pedem abiens.
 C C C C C Quinque musculi interossei, qui digitos adducunt, siue ad interiora pedis oblique movent. Oriuntur ab ossis pedii inferiore parte, & in primum os digiti sui quisque sede interiore illigatur.
 D D D D D Quinque cæteri interossei musculi, digitos abducentes, siue oblique ad exteriora trahentes.
 E Transversalis musculus pedis Placentini, extra situm.
 F F F F F Quatuor ossa pedii à musculis libera, & denudata.

FIGVRA III.

- A B C Ostenduntur primi articuli digitorum, quibus interossei musculi inferuntur. A, pollicis est: B, indicis: C, medii:
 D E D, annularis: E, minimi.
 F F F F F Quinque interossei musculi digitos ad interiora adducentes suis tendinibus extra situm pendentes.
 G G G G G Reliqui quinque musculi interossei digitos abducentes similiter extra situm ab ossibus pendentes.
 H Transversalis Placentini, & ipse suo tendine adhuc pollicis articulo annexus pendulus conspicitur.



TABVLÆ LIBRI QVINTI, EARVMQVE EXPLANATIO.

TABVLÆ I EXPLICATIO.

T *Abula hæc, sublato Ventriculo; & intestinis una cum omento ex naturali loco remotis, venæ portæ, & ramorum Arteriæ magnæ ipsam comitantium per inferum ventrem, distributionem proponit.*

- A A** Fundus Ventriculi ad Thoracem sublatus.
B B B Intestina extrâ naturalem situm posita.
C Omentum, ea parte qua dorso necitur.
D D D Omentum, qua parte intestina tegebat dependens.
E Hepatis pars gibba prominens.
F Hepatis pars cava, quæ pylorum tegebat.
G Ventriculi orificium inferius, seu Pylorus.
H Duodenum intestinum pyloro continuum.
h Porus bilarius, à vesica fellis sub hepate latente ductus, & duodeno infertus.
I I I Mesenterium intestinis cohærens, cum divaricatione venarum mesaraicarum.
K Truncus Venæ portæ ex Hepatis cava parte emergens.
L L Ramus sinister Venæ portæ, Splénica Vena dictus, qui ad Lienem tendit.
M Ramus dexter, Mesenterica Vena dictus, qui in Mesenterium digeritur.

- N** Gastrica major, à superiore splenicæ sede enata.
O O Venæ portæ, & Arteriæ magnæ rami Gastrici, fundum Ventriculi perreptantes, & undiquaque propagines diffundentes.
P P Rami Vasorum à splénica vena derivati, & per Ventriculum sparsi.
Q Sima Lienis superficies, & vasorum in eam insertio.
a b Divisio venæ splenicæ (L L) propè simam lienis (Q) in duos ramos, unum, (a) superiorem, alterum, (b) inferiorem.
R Vas breve à superiore ramo (a) derivatum, ubi Splénica vena (L L) lienem (E) ingreditur.
SS Truncus arteriæ magnæ, comes trunci Venæ portæ.
T Ramus Splénicus arteriæ magnæ.
V Rami ab arteria splénica ad Ventriculum digesti.
X Ipsius in Lienem ingressus.
Y Arteria Mesenterica, ad Mesenterium propagata.

Cæterum brachium sinistrum fascia veluti ad Venæ sectionem ligatum exprimendum hic curavimus, (cùm antea tale non esset) ut demonstraremus, quomodo valvulæ eo sic constructæ apparere soleant, quod in historia, lib. 5. cap. 1. Spigelius innuit. Has signo † insignivimus.

TAB. I



LIBRI QVINTI

TABVLÆ II DECLARATIO.

<p><i>Præfens Tabula in eum finem facta est, ut Vena portæ ramus, qui Colon intestinum adit, potissimum conspiciatur.</i></p>		E	Arteriæ Cæliacæ pars, Venæ comes.
		F	Nervi septimi paris, quod in Mesenterio reliquum est, filamenta sua spargit.
AAA	Omentum.	GGGG	Intestinorum tenuium gyri.
BB	Colon intestinum.	H	Coli intestini principium.
C	Ligamentum coli.	I	Intestinum cæcum.
D	Venæ portæ ramus, per totum colon derivatus.	LL	Arteriæ umbilicales.
		M	Vrachus.

TAB. II.




TABVLÆ III DILVCIDATIO.

Venæ Cavæ integræ, & ab omnibus partibus liberæ, delineationem exhibet. In hac Truncos, & insigniores Ramos majusculis literis insignivimus: Propagines vero, minusculis, & ubi hæc defecerunt, cyphris barbaris.

- AD TRUNCVS ASCENDENS Venæ Cavæ, cujus initium circa A, quod regionem designat, qua secur in hujus figuræ proportionem consisteret: finis circa D. Indivisus enim à convexa hepatis parte, circa quam spargit ramulos *aaa* usque ad jugulum progreditur, propagines tamen nonnullas, & quidē tres spargit. Ex his *Prima* est *aa* Vena Phrenica dicta, quæ utrinque in Diaphragma, & ipsi obnatum pericardium, tum mediastinum digeritur. *Alteræ*, Vena Coronaria, *bb*, quæ coronæ modo cordis basin amplectitur, ad mucronē furculis plurimis dispersis. *Tertia*, Vena Azygos, sive Conjugis expers, *cc*, quæ à Cavæ dextro latere supra cor, circa quintā thoracis vertebram prodiens, juxta dextrum vertebrarum latus ad secundam ferē lumborum usque descendit.
- ddd* Hujus propagines decem sunt, *ddd* costarum totidem intervallis offeis oblatæ, quæ Intercostrales inferiores vocantur.
- B** Demonstrat, quomodo truncus AD, propter cordis situm dextrorsum incurvetur.
- C** Cavæ Venæ orificium in dextrum cordis ventriculum pertinens.
- DEE Trunci ascendentes circa jugulū in duos ramos EE, quos Subclavias venas appellant, divisio. Ex his plures nascuntur propagines, aliæ quidem ab inferiore, aliæ à superiore sede prodeuntes.
- Ex inferiore sede* quinque enascuntur. *Prima*, Intercostralis superior dicitur, *e* & ad trium superiorū costarum intervalla furculos duos *ff* spargit. *Secunda*, Mammaria, *g*, quæ sub sternō descendens ad abdominis rectos usque; musculos, cum epigastrica ascendente *9* per anastomosis *10* jungitur, costarum verarum cartilagineis intervallis, ut & mediastino, & musculis pectori instratis furculos largiens. *Tertia*, Mediastina *h*, in mediastinum disseminatur. *Quarta*, Vertebralis, *i*, per foramina transversis vertebrarum cervicis processibus insculpta ascendit, musculis vertebris instratis furculos digerens. *Quinta*, Cervicalis, *l* in musculos cervicis inferiora, & thoracis summa occupantes, digesta.
- Ex superiore sede* tres prodeunt. *Prima*, *m* Iugularis interna, quæ ubi graciles furculos, faucibus, & auris regioni transiit ramo exteriori, interno Carotidi arteriæ semper commissa, propè Calvariā in duos ramos (Encephalicos Spigelii) dividitur, ex quibus *posterior* & *major*, *n* per occipitiū foramen secundū calvariā ingressus, in membranæ crassæ sinum primum, *1*, & secundum, *2*, inferitur, *oo*. *Anterior* verò, & *minor*, *p* per cuneiformis ossis foramen septimum ingressus per latera crassæ membranæ dispergitur. *Secunda*, *q* Iugularis externa, per colli latera ascendens, juxta aures *r* in duos ramos distribuitur, quorum *alter* *Profundus*, *s* variè in laryngis, & ossis hyoidis musculos, tum linguam, palatum, narium cavitatem, ac demum in cranium tribus propaginibus disseminatur, ex quibus illa, quæ ex oculi sede anteriore per cuneiformis foramen secundum transit, *t* optimè hic expressa est. *Alter* *subcutaneus*, *u*, primum in faciei musculos & cutim anteriore ramo *x* dispescitur, qui circa nasi verticem cum conjuge suo coit, & Frontis venam *y* constituit: deinde aliū posteriorem promit, qui partim secundum tempora sursum repit, *z*, partim post aures ad occipitis cutim fertur, *a*. *Tertia*, Cervicalis superior, *β*, in posteriores cervicem occupantes musculos propagatur.
- 1* Tres sunt sinus crassæ cerebri membranæ, *1*, primum, sive dextrum denotat: *2*, secundum, sive sinistrum, *3*, tertium. Hujus pars posterior, quæ occipitio propinquior, adumbrata cernitur: anterior, quæ fronti adstat, lucida est. Ab hoc multæ venulæ, quas ductus vocant, ad latera utrinque exporriguntur.
- F** Axillaris venæ nomen subclavia hic induit, & in duos ramos dividitur, Cephalicum G, & Basilicum I. Ante divisionem tamen duos furculos spargit, *primum*, Scapularum internam dictum, *γ*, *alterum*, Scapularem

- δ* externam, *δ*. Sed & Basilica I, antequam brachium ingreditur, duos propagat, *unum*, Thoracicam superiorem dictum, *ε*, qui per internam musculi pectoralis faciem, & in fœminis, per mammas, digeritur: *alterum*, Thoracicam inferiorem, *ζ*, qui Anisclaptoem adit, secundum thoracis latus descendens.
- G** *Vena Cephalica*, quæ antequam dividatur, furculum *η* in deltoidem, & alium *θ*, in cubiti musculos, amandat.
- Vbi* Cephalica ad articulum cubiti pervenit, ad externum humeri tuber in tres ramos secatur. *H*. *Primus*, *ι*, sive profundus, & medius ad musculos ab eodem tubere enatos abit. *Secundus*, *κ*, sive Interior, ad Medianam, *λ*, constituendam proficiscitur. *Tertius*, *μ*, sive Exterior, oblique *ν*, per radium ad brachium externum fertur, & ubi oblique sic semper repens, ad carpi radicem venerit, cum basilicæ ramulo *τ* jungitur, & Salvatellam constituit.
- I** *Vena Basilica*, quæ à dextris Hepatica, à sinistris Lienaris dicitur. Hæc ante divisionem furculum *ο* in capita musculorum cubiti digerit: deinde alium *π* insignem, qui oblique delatus, musculis ab externo humeri tuberculo ortis furculos largitur.
- K** Divisio Basilicæ K in duos ramos, *unum* Profundum: *alterum*, subcutaneum. *Profundus* L, ubi ad cubiti flexuram pervenit, in duos dividitur, M, quorum alter ad radium. Radius dictus N, alter ad cubitum, Cubiteus, *O*, ad manū accedit. *Subcutaneus* P, juxta humeri tuber internum dividitur Q, in *interiorem* R, qui cum interiore Cephalicæ ramo *κ*, *Medianam* λ conficit, quæ similiter in duos dividitur ramos, quorum exterior *ε* Cephalica manus à quibusdam dicitur, & ad pollicē abit: interior *σ* ad indicem, & medium. *Exterior*, *ς*, carpum pertens, versus digitum minimum Cephalicæ exteriori juxta *τ*, jungitur.
- †** Valvulæ, quæ in artuum venis inveniuntur eleganter hic, veluti transparentes, exsculptæ.
- TRUNCVS DESCENDENS Cavæ, qui circa regionem hepatis incipit, T, & quintam lumborum vertebram finit, V. Hujus furculi quatuor sunt: *Primus* *υ*, Adiposa, ad membranam renum digesta. *Secundus*, *φ*, Emulgens, ad renem secedens. *Tertius*, Præparans vas, quorum dextrum *χ* ex trunco T, V: sinistrum *ψ*, ex sinistra emulgente oritur: utrumque postea in testes, *ω*, secedens. *Quartus*, Lumbares tres, 4, 4, 4.
- VX** B. furcatio trunci descendens V, in duos *Iliacos* X. X. quorum uterque rursus in alios duos dividitur, *Interiorem*, Y, & *Exteriorem* Z. Ante tamen hanc divisionem duæ promuntur, Muscula lumbalis, *5*, & Sacra, *6*.
- Y** *Interior Iliaca* antequam extrā peritonæum vadat, duas promit propagines, *primam*, Glutæam, *7*, & *secundam* Hypogastricam, *8*. Reliquum eis in femoris internam partem peritonæum transiens absimitur.
- Z** *Exterior Iliaca* similiter ante egressum tres, *primam* Epigastricam, *9*, in epigastrii & Rectos abdominis musculos spargit, ubi per anastomosis *10*, junguntur. *Alteram*, Pudendam, *11*, in pudenda. *Tertiam*, Coxalem, *12*, circa coxendicem occupantes musculos.
- Hic exterior Iliaca peritonæo superato crux ingreditur, & *Cruralis Truncus*, Γ, vocari incipit, indivisus usque ad duo inferiora femoris capita. Porrigit autem quatuor propagines antè divisionem. *Prima*, *13*, Saphæna est, quæ per cruris interiora sub cute ad summos digitos perreptat. *Alteræ*, *14*, Ischia in cutim ossis coxendicis sparsa. *Tertia*, *15*, Muscula, tibiam extendentibus transmittitur. *Quarta*, *16*, Poplitea, in suram digeritur.
- 13 17** *Saphæna* quatuor furculos & ipsa spargit. *Primus*, *17*, in superiorem cutem internæ femoris regionis. *Secundus*, *18*, circa medium femoris. *Tertius*, *19*, in genu. *Quartus*, *20*, ad tibiam mediū antrorsum, & retrorsum ducitur.
- Δ** Divisio trunci cruralis propè duo capita femoris inferiora, in ramum interiorem Θ, & exteriorem Λ.
- Θ 21** Interior gasterocnemis musculis ramulos largitur, *21*, deinde sub malleolo interno ad Pollicem descendit, *22*.
- 22** Exterior Λ statim in duos ramos scinditur, internum Ξ, & externum Π. Ille in suræ musculos totus absimitur: hic juxta fibulam progreditur, per externam & posteriorem tibie partem.

TAB. III.




TABVLÆ LIBRI SEXTI, EARVMQVE EXPLANATIO.

TABVLÆ I EXPLICATIO.


P <i>Propagines Arteriæ magnæ, Venam Cavam, & Portæ, per infimum ventrem comitantes, aliquantulum demonstrat.</i>			
A A	Hepatis pars cava, ex qua vena Portæ egreditur.	a b	Mesenterici rami divisio in dextrum, & sinistrum notatur.
B	Vesicula fellis.	N	Arteriæ magnæ ramus Cæliacus, qui hic in dextrum & sinistrum subdividitur.
C	Cervix vesiculæ bilariæ, qua parte ductus bilarios excipit.	O c d	Dexter ramus bifurcatus, cujus una pars in Vesiculam fellis, (c) altera in hepatis cavum inseritur (d)
D	Ductus bilarius ad duodenum intestinum tendens.	P	Sinister ramus, arteria Splenica dictus, qui in lienem implantatur.
E	Pars glandulosa intestini duodeni, in quam potus bilarius se ingerit.	Q	Lienis pars sima, in quam rami Splenici, tam Venæ Portæ, quam Arteriæ Cæliacæ inseruntur.
FFFF	Intestinorum extra situm collocatorum varii gyri.	R	Venæ & Arteriæ Splenicæ rami Gastrici dicti, hic à Ventriculo seposito, abscissi.
G G G	Mesenterium cum propagatione vasorum, & intertextu glandularum.	S	Earundem ramus, qui ad intestinum rectum fertur, & Hæmorrhoides constituit.
H	Venæ portæ truncus ex cava hepatis prodiens.	T	Vena emulgens sinistra.
I I	Venæ cavæ truncus descendens.	V	Arteria emulgens sinistra.
K K	Arteriæ magnæ truncus descendens.	X	Pars sima renis sinistri, cui vasa emulgentia inseruntur.
L	Venæ Portæ ramus sinister, sive Splenicus, ad Lienem tendens.	Y	Arteria mesenterica.
M	Venæ Portæ ramus dexter, sive Mesentericus, ad Mesenterium progrediens.	Z	Vena spermatica sinistra.

TAB. I



TABVLÆ II EXPLICATIO.

A <i>Arteria magnæ integra & ab omnibus partibus liberæ delineationem complectitur.</i>	
A	Arteriæ magnæ, quo ex sinistro cordis ventriculo erumpit, amplum initium: mox autem ac enata est, & antequam pericardio adhuc excidat, duas <i>Coronarias</i> , <i>a, a</i> , basin cordis coronæ modo cingentes educit.
B	Pericardio verò mox superato, <i>dividitur B in duos truncos</i> , quorum alter <i>Ascendens</i> , <i>C</i> , alter <i>Descendens</i> , <i>Q</i> .
C	ASCENDENS TRUNCVS C , quamprimum
D D	in duas <i>subclavias arterias</i> <i>D, D</i> , dividitur: quarum utraque, ubi primam costam attingere, plures propagines spargit, <i>partim ex elatiore, partim humiliore sede</i> .
b	<i>Ex inferiore sede</i> prodit <i>Intercostalis superior b</i> , quatuor superiorum costarum intervallis singulas soboles communicans.
c	<i>Ex superiore sede</i> tres. <i>Prima</i> , <i>Vertebralis, c</i> , per transversos cervicis vertebrarum processus ad calvariam usque prorrepens. <i>Secunda</i> , <i>Mammaria, d</i> , quæ substerno descendens, ad umbilici usque sedem excurrit, & furculos in verarum costarum cartilaginum intervalla digerit, atque hinc in musculos pectori instratos, circa umbilicum tandem per anastomosis, <i>x</i> , epigastricæ, <i>i</i> adscendenti conjungitur. <i>Tertia</i> , <i>Cervicalis, e</i> , musculis in cervicis regione positis ad occipitium usque propagatur.
E	Ramis his eduçtis <i>alam adit</i> , & <i>axillaris</i> nomen circa <i>E</i> induit, sicque in brachium diffunditur. Ante tamen quam ingrediatur, furculos nonnullos ex utraque sede educit. Et <i>ex inferiore</i> quidem tres, quorum <i>primus, f</i> , <i>Scapularis interna</i> dicitur, quod in musculos scapulæ cavam sedem integentes absumatur. <i>Secundus, g</i> , <i>Thoracica superior</i> , in musculos anteriorem thoracis sedem occupantes, dispersus. <i>Tertius, h</i> , <i>Thoracica inferior</i> , quæ secundum Thoracis latera descendens, in <i>Aniscalptorem humerum</i> abducentem musculum, inseritur. Inter <i>g</i> & <i>h</i> ramulus occurrit, eorum unus, qui hic in <i>alæ glandulas</i> disseminantur. <i>Ex elatiore parte</i> erumpit una, <i>i</i> , quæ <i>Scapularis externa</i> dicitur, in musculos scapulæ externam sedem tenentes, digesta.
F F	Hoc loco <i>Axillaris</i> nomen mutat, & <i>Brachialis truncus</i> dicitur, usque ad <i>G</i> indivisus, duos spargens furculos <i>l</i> , & <i>m</i> , in musculos humeri ostegentes posteriore sede; aliosque duos <i>n, n</i> , utrinque unum circa cubiti flexuram.
G	<i>Bipartitio Brachialis arteriæ</i> sub cubiti flexura, in ramum exteriorem, <i>H</i> , & interiorem <i>I</i> .
H	<i>Exterior ramus</i> hujus bipartitionis, sive <i>Radiens</i> , recta secundum radium ad carpum excurrens, ramumque digerens, <i>o</i> , in musculos sitos inter os pollicis primum, & metacarpii indicem sustinentis: alios deinde tres <i>p, p, p</i> , qui in primos exteriores digitos disperguntur.
I	<i>Interior ramus</i> , sive <i>Cubiteus</i> , secundum cubiti os incedens, in duos tandem interiores digitos gemino ramo absorbetur.
L	<i>Ascendentis trunci</i> reliqua portio, quæ juxta superiorem sterni partem in duos ramos <i>M, M</i> , <i>Arterias Carotides</i> dictos, scinditur. hi recta sursum secundum colli latera tendunt, ac ubi ad fauces pervenerunt, in duos ramos circa <i>N</i> dividuntur, quorum <i>alter</i> externus est, <i>O</i> , <i>alter</i> , internus <i>P</i> .
O	<i>Externa carotis</i> , ad buccas & faciei musculos soboles propagat <i>t</i> , at circa aurem, in duos ramos secatur, <i>anteriorem, q</i> , qui per tempora fertur, & posteriorem, <i>r</i> , secundum auris posteriora sub cute disseminatus.
P	<i>Interna carotis</i> , calvariam petens, juxta cujus basin in duos ramos distribuitur, quorum <i>alter</i> , & <i>minor, s</i> , qui duræ membranæ sinum lateralem subit, hic qua in calvariam mergitur, abscissus est: <i>alter & major, t</i> , per foramen
proprium in osse temporum exsculptum cranium subit, cujus distributio, tab. <i>xx. lib. 10.</i> tradetur.	
Q	DESCENDENS magnæ ARTERIÆ TRUNCVS , deorsum ad dorsi vertebrae explicatus. Ab hoc plures ante divisionem <i>R</i> sparguntur soboles, quas ordine nunc recitabimus. Primum ergo sunt <i>Intercostales inferiores, u, u</i> , ad octo costarum inferiorum intervalla digestæ, à quibus propagines medullæ spinali, musculis dorso & thoraci adnatis, offeruntur. hinc progrediens truncus alias duas digerit <i>Arterias Phrenicas, x, x</i> , dictas, quod in Diaphragma distribuantur. hanc sequitur <i>Cæliaca</i> , quæ omissa est hic, præcedenti tabula ostensa, ne characterû copia delineationem magnæ Arteriæ penitus corrumpere. Inde <i>Mesenterica superior, y</i> , in Jejunum & Ilium intestinum, tum eam Coli regionem, quæ à Cavo hepatis ad dextrum usque renem pertingit, expansa. <i>Emulgentes arteriæ, z, z</i> , ad renes propagatæ. hinc <i>Spermatice, a</i> , ad testes abeuntes, sub quibus <i>Mesenterica inferior, ß</i> in Coli sinistram partem, rectumque intestinum secedens, Hemorrhoidales arterias constituens. Tandem <i>Lumbares, γ γ γ</i> , quæ geniculatim lumborum vertebrae accedunt, in peritonæum, & musculos vertebris adnatos distributæ.
R	Eduçtis his ramis circa quintam lumborum vertebrae Truncus dividitur in duos ramos, <i>S, S</i> , <i>Iliacos</i> dictos, quorum uterque rursus in alios duos dirimitur, <i>Internam T</i> , & <i>Externam, V</i> . Ante tamen hanc divisionem in ipsa trunci bifurcatione enascitur <i>sacra, δ</i> , in sacri ossis foramina ad medullam ejus digesta.
S S	<i>Interior Iliaca</i> duas propagines educit antequam peritonæo excidat, <i>ab exteriori sede Glutæam, ε</i> , in natium musculos digestam: <i>ab interiori, Hypogastricam ζ</i> , in vesicam, penemque, & in mulieribus quoque in uteri fundum: Inde descendit, <i>arterias umbilicales, η, η</i> , juxta <i>A ortæ</i> longitudinem sursum tendentes educens, Reliquum sub <i>θ</i> , portionem ab externa Iliaca asciscens, per pubis ossis foramen in crus delabatur, suo termino cum musculo, crurali interiore, <i>ν</i> , circa <i>ο</i> coiens.
T	<i>Exterior Iliaca</i> similiter ante egressum duas producit. <i>Prima</i> , est <i>Epigastrica, ι</i> , in epigastrii, & rectos abdominis musculos digesta, ubi cum mammaria descendente <i>d</i> , per anastomosis <i>x</i> jungitur. <i>Alter</i> , <i>Pudenda λ</i> , ad pudenda abit.
U	Hoc loco exterior Iliaca, peritonæo superato, Crus ingreditur, ac <i>Cruralis Truncus</i> vocari incipit, qui plures furculos propagat. <i>Primus</i> est, <i>Muscula cruralis exterior, μ</i> , in musculos propagatus, anteriorem ossis femoris sedem amplexantes. <i>Secundus</i> , <i>Muscula cruralis interior, ν</i> , per tertium femur flectentem, & eos qui internam femoris sedem occupant, digestus, cujus extrema cum extremis Iliacæ interioris circa <i>ο</i> coeunt. <i>Tertius</i> , <i>Poplitea, π</i> , in musculos posteriorem femoris sedem occupantes, excurrens. <i>Quartus</i> , <i>Suralis arteria, ε, ε</i> , quæ gemina est, eo loci eduçta, ubi truncus cruralis inter duo inferiora femoris capita reconditur, utrinque in genu articuli, & capita duo musculi primi pedem extendentis protensa.
V	In poplite hic consistit magna arteria, ubi in ramos inæquales dirimitur.
W	Surculus ab externo latere eduçtus, & fibulæ inter abducentem pedem, & secundum tarsum flectentium exporrectus.
X	Truncus per tibiæ posteriora descendens.
Y	Ramus ex posteriore sede trunci enatus, sed sublimior.
Z	Ramus ex posteriore sede trunci enatus, inferior.
aa	Trunci reliqua portio per tibiæ descendens, quæ maleolo interno ramulum <i>φ</i> offert.
bb	Divisio trunci <i>χ</i> in ramum <i>interiorem ψ</i> , ad interiores tres digitos: & <i>exteriorem, ω</i> ad exteriores tres propagatum.



TABVLÆ LIBRI SEPTIMI, EARVMQVE EXPLANATIO.


TABVLÆ I EXPLICATIO.

Nervorum à Cerebri medulla, dum adhuc calvaria continetur, enata octo paria, cum suis ramis, & propaginibus: Cerebrum item, ac Cerebellum, in dextro tamen omnia hac latere expressa, complectitur. Septimi autem sextique conjugorum sinistri nervi hic quoque delineati sunt, propter variam sexti paris in utroque latere seriem.

- A B Cerebrum A. Cerebellum B.
C Processus cerebri, quos Mammillares vocant.
D Dorsalis medulla, cranii amplitudinem egressura, sed hic abtruncata.
1 Primum par nervorum Cerebri, five Nervus Opticus, qui in oculi tunicas expanditur.
2 Secundum par nervorum Cerebri, ad palpebrarum & oculi musculos, sed quatuor tantum, quatuor ramis digestus.
3 Tertium par nervorum Cerebri, quod Vesalius tertii paris nervorum minorem & graciliorem ac duriorum radicem facit. Hoc quatuor spargit a ramos. *Primus*, b, obliquorum oculi superiori, inde per foramen ossis frontis supra oculi orbitam excidens, ad musculos superciliis (five frontis aliorum) distribuitur. *Secundus*, c, per quarti maxillæ superioris ossis foramen in faciei musculos. *Tertius*, d, in narium tunicam intexitur. *Quartus*, e, temporali musculo inseritur.
4 Quartum nervorum cerebri par, quod Vesalius tertii paris majorem crassiorumve radicem constituit. Hujus rami tres sunt. *Primus*, f, qui contortus capreoli vitis instar, in temporalem musculum inseritur, & duos à quinto pari, f, ramos, n & o notatos admittens, in maxillam inferiorem attollentem, & buccarum musculos inseritur. *Secundus*, g, superiorum molarium dentium gingivis, ipsisque adeo dentibus furculos seriatim distribuit. *Tertius*, h, in maxillam inferiorem prorepens, & dentibus furculos iii ordinatim communicans, postea ramo, k, in labium inferius inseritur. Reliquum quod est hujus nervi, l, in linguæ tunicam dissolvitur.
5 m Quintum nervorum cerebri par, cujus portio litera m insignita, in auris membranulam diffunditur. At n anterior & superior ramus est: o, posterior & inferior: uterque autem cum quarti paris ramo f coit.
6 6 Sextum par nervorum cerebri, cujus utrorumque nervorum series hic exprimitur. Ex his sinister nervus est, qui sub quinto pari, signatus t, delabatur: dexter, qui propè Cerebellum B consistit. Describemus primo dextrum, deinde quid sinister peculiare habeat enarrabimus.


- p A DEXTRO ergo primo furculus p, ad cervicis musculos spargitur, deinde alius q, ad Laryngem. Inde in duos ramos dividitur E, unum exteriorem F, alterum interiorem, G.
r r Exterior, statim furculos r r ad musculos à sterno & claviculis enatos mittit, inde mox alios spargit f f, qui Recurrentem dexteri lateris nervum t efficiunt, mox in sui lateris musculos, laryngi inservientes, multis ramulis u, diffusus. hinc sub jugulo oblique descendens F, in pulmonis tunicam furculos x digerit, aliosque in pericardium y, ulterius autem delapsus, in duos ramos scinditur z, qui nervum stomachicum dextrum constituunt, in plurimas propagines α α postea diffusi.
G Interior ramus secundum radices vertebrarum descendit, Costalis propterea dictus. Singulis hic ramus intercostalibus nervis ramulum largitur, β β inde diaphragma perforans usque ad os sacrum abit, ubi ternas profert propagines. *Prima* est H, quæ in tres iterum digesta, *primam* educit γ, in inferiorem omenti membranam sparsam. *Secundam* δ, intestino duodeno & jejuni principio communicante: *Tertiam* ε, in dextram ventericuli sedem excurrentem. Reliqua pars ζ ad pericardii cavam partem proficitur. *Secunda* I, in dextrum renem abit. *Tertia*, K, in dextram mesenterii regionem, & hujus sedis intestina frequenti febole diffunditur. Reliquum hujus rami η, in vesicæ dextram sedem implicatur.
6 t SINISTER sexti paris nervus, cujus exterior ramus L, ubi aliquamultos ramos ad similitudinem dextri propagaverit, circa θ quosdam furculos educit, Recurrentem nervum ι conficientes, qui dextri in morem progreditur. Reliquum κ descendit, & ad dextrum τ, oblique se inclinans, in superioris ventericuli orificii dextram partem concedit. reliquum λ, in hepatis cavum absumentur.
M Interior ramus superato diaphragmate in tres propagines solvitur. *Prima* μ, transversum ad lienem abit, ramo ν: in itinere autem hoc, duos furculos educit, unum ο, qui in omenti membranam inferiorem, & coli intestini partem ipsi atteniam, digeritur: alterum, π, in Ventericuli fundum, superioremque omenti membranam. *Secunda* ρ, in sinistram mesenterii sedem, ejusque loci intestina excurrit. *Tertia* σ sinistrum renem accedit. Quod reliquum est τ, in Vesicæ sinistrum latus, & uteri fundum inseritur.
7 Septimum par nervorum cerebri. hoc cum sexto pari communi membrana involvitur, & ubi ad linguæ radicem pervenit, in omnes ejus musculos furculos υ υ digerit.
8 Octavum par Spigelii, nervos olfactorios constituens.

TAB. I.



TABVLÆ II & III DILVCIDATIO.

<p>Cerebri medullæ, dum per spinam fertur, nervorum trīginta paria duabus tabulis, præsentī inquam & subsequa, exprimuntur. His, utrique communes characteres inscripsimus, quanquam & plerosque proprios, quibus tabulæ numerum confestim subiecimus. Prima autem spinæ vertebra, & inde prodeuntes nervos anteriore facie complectitur: secunda, posteriore exhibet.</p>			
1 2 & c.	usque ad 7 septem cervicis vertebra.	y 2	elatiorem regionem, ut, y: partim humiliorem, z, qui in
8. usque	ad 19. Duodecim cervicis vertebra.	z 2	fœminis mammas quoque adcut: deinde alios in
20. usq;	ad 24. Quinque lumborum vertebra.	α 2	capita obliqui descendunt abdominis, α, & in hu-
25. usq;	ad 30. Sex sacri ossis ossa. His iisdem numeris & spinalis medullæ paria indicantur.	β 2 γ 2	meri abducentem β. alius papillam adit γ. Posterior δ.
A 2 3	Spinalis medullæ, qua primum ea vertebra ingreditur, sedes. Primum par cervicis, cujus anterior propago B. posterior C.	δ 3	Primus nervus brachium accedens, qui in exte næ brachii
1. 2 B C		ε 2	sedis cutem dispergitur.
2. 2 D	Secundum par, cujus anterior propago D. posterior E. ab hoc duo rami oriuntur, alter tenuis, litera E signatus: alter	ζ 2 η 2	Secundus brachium petens, cujus primæ duæ propagines, η, η,
E 3	crassus, F, qui cum tertii paris ramo, M, circa G com-	θ 2	ad duo bicipitis capita abeunt: deinde cum tertio nervo
E 3 F 3	miscetur. Series autem ejus ad verticis & occipitii cu-	λ x 2	coit, furculo θ: tertio propaginem longiori fertradium
G	tem litera H designatur.	μ v 2	pronatori, θ. Circa flexuram autem in duos ramos di-
H		ο ω 2	viditur, externum, ι, & internum. ι. Ille, ι, secundum
3. 2 I 2	Tertium par cervicis, cujus ramus anterior, I, in quatuor di-	ρ 2	radium descendens, ad externam secundi pollicis in-
K 2	viditur propagines. Prima, K, musculus cervicem flecten-	σ 2	ternodii sedem inseritur, λ, hic, x, in duos ramos mox
L	tibus inscribitur. Secunda, L, cum furculo quarti pa-	τ 2	subdividitur, anteriorem, μ, & posteriorem, ν. hic, ν, i-
M 2	ris, Q, commiscetur. Tertia, M, Posterioris secundi	υ 2	terum in cubiti regione finditur in anteriorem ο, & in-
N	paris propagini crassiori, F, nectitur. Quarta, N. in-	φ 2	teriolem ω.
O 3	feritur musculus, qui transversis vertebrarum processi-	χ 2	Tertius brachium subiens nervus, ρ, antequam brachium at-
4. 2 P 3	bus committuntur. Posterior ramus, O.	ψ 3	tingit, furculum spargit inter pectoralem & deltoideum
Q 2	Quartum par cervicis, cujus ramus anterior, P, in tres findi-	ω	σ, mox ubi brachium ingressus, in secundam cubitum
R 2 S 2	tur propagines. Prima, Q, quæ cum tertii propagine	Γ Δ Θ	flectentem alium, τ, digerit. Inde descendens à secun-
T 3	secunda, L, coit. Secunda, R, in transversalem cervi-	Λ Π	do nervo ramum accipit υ, ubi flexuram superavit in
5. 2 V 2	cis abit. Tertia, S, Posterior, T.	Ξ	plurimos musculos digeritur, φ, tandem circa volam
X 2	Quintum par cervicis, cujus ramus anterior, V, qui aliquot	Σ Φ Ψ	manus in tres ramos dividitur, χ.
Y	furculos educit. Primus, cervicis flexores adit, inter V,	Ω 3 I	Quartus brachium ingrediens nervus, omnium brachium
a 2	& numerum 6, in secunda figura conspicuus. Secundus,	32 2	petentium maximus, in secunda figura literis insigni-
b 2	X nervi diaphragmatis maximam portionem consti-	33	tus non est, sed in tertia tantum, ne secunda literis ni-
c 2	tuit. Tertius, Y, Deltoideum adit, cujus propago est,	34 35	miuni oblitteraretur. Hic subito ac brachium invasit,
d 2	a, quæ cutem, deltoideum & bicipitem integram acc-	36 2	furculos exiguos, ω, in cubitum extendentes porrigit:
e 3	edit. Quartus, b, ad scapulæ cervicem in duos scindi-	37 38	inde alium in cutem internam sursum & deorsum, Γ, &
6. 2 f. 2.	tur ramos: unus, c, in deltoideum intrat, qua parte è cla-	20 21	alium in humiliorem sedem, Δ, aliumque, Θ, qui ad
g 2	vicula oritur: alter, d, eidem implantatur, loco quo à	39 2	carpum ulque progreditur. Inde juxta flexuram in
h 2	scapulæ spina nascitur. Posterior ramus, e.	40 2	duos dividitur ramos, externum, Δ, & internum, Π. Il-
i 2	Sextum par cervicis, cujus ramus anterior, f, qui ubi furcu-	41 2	le, Δ, circa transversum ligamentum iterum bifariam
l 3	lum, g, propagavit, qui cum quarto quintoque pari,	42 3	dividitur, Ξ. hic, Π, secundum longitudinem cubiti
7. 2 m 2	S, & X, nervum diaphragmatis constituit, cum duo-	Σ Φ Ψ	porrectus, soboles plures educit, primam, Σg, secun-
8. 2 o 2	bus sequentibus jungitur, h, sicque nervum diaphra-	Ω 3 I	dam, Φ, tertiam, Ψ. In progressu deinde aliam Ω. Re-
p 2 q 2	gmatis, i, efformat, ut adeo ex tribus sic ipse ena-	32 2	liquum quod est, in carpum finit, 31.
r 3	scatur furculis, S, X, & g. Posterior l.	33	Quintus brachium invadens, qui circa humeri internum
9. 2 r 2	n. 3. Septimum par cervicis, cujus ramus anterior, m: po-	34 35	tuber, ad tertii similitudinem disseminatur: Hujus fur-
u 2	steriorn: Primum par thoracis, cujus anterior ramus, o,	36 2	culus primus, 33, secundus, 34, tertius, 35.
x 3	qui cum septimo pari cervicis, & secundo thoracis u-	37 38	Sextus brachii nervus, qui sub cute incedit, ipsi multos im-
10 11	nitur, p, sparsa sobole, q, per superiorem primæ costæ	20 21	perticiens furculos, 37, 37, 37, cujus finis est 28.
	sedem. Posterior, r.	22, 23, 24, 2.	Quinque paria nervorum lumbalium, 20, pri-
	usque ad 19 inclusivè. 2 Nervorum paria, à nono ad vi-	25 26	mus est: 21, secundus: 22, tertius: 23, quartus: 24,
	gesimum usque, quibus eadem pænè propaginum, & po-	43 2	quintus.
	tissimum ad costarum intervalla est series. Horum an-	44 2	Ramus quidam à primo pari lumbali, 20, inchoans, &
	teriores soboles (fig. 2) in musculos anteriorem thora-	45 2	cum arteria præparante ad testem plerumque descen-
	cis sedem occupantes sparguntur, partimque in eorum		dens.
			Series nervorum per abdominis musculos: ab his rami,
			41, ad abducentem humerum abeunt.
			Posteriore rami nervorum lumbalium.
			27, 28, 29, 30, 2. Sex paria nervorum ossis sacri. Ex his 25,
			primum est: 26, secundum: 27, tertium: 28, quartum:
			29, quintum: 30, sextum.
			Surculus ab anteriore ramo primi sacri ossis internæ i-
			lium ossis, internæ ilium ossis sedi, ipsisque adeo ab-
			dominis musculus ab ilium osse prodeuntibus, expor-
			rectus: alius deinde à posteriore ilium ossis dorsum
			occupantibus, expansus.
			Spinalis medullæ terminus, absque conjuge, & indivisus
			prociens.



LIBRI SEPTIMI.

- 46 2 *Primus cruris subiens nervus.* Enascitur hic ubi tertius lum-
 47 48 2 borum cum quarto coit 47. Hujus ramus 48, cutem
 49 2 accedit, at 49, musculis exteriorem femoris sedem oc-
 cupantibus implicatur.
- 50 51 2 *Secundus cruris nervus,* cujus propago insignis 51 cum sa-
 52 2 phena ad pedem extremum eadem serie excurrit, ubi-
 53 54 2 que circa 52 definit. Interim insignem alium surculum
 55 2 genu sedi profert 53, at reliquum trunci, 54, femoris
 profundiora subit, & ramulum 55, facile primum,
 elargitur.
- 56 57 2 *Tertius cruris nervus,* cujus soboles 57 Obturatores muscu-
 58 59 2 los adit: & alter 58, cutem: reliqua portio 59, in al-
 60 2 to permanet, musculis implicata, cujus soboles præci-
 pua est 60, quæ in tibiam flectentem secundum ac ter-
 tium inseritur.
- 61 2 *Quartus,* idemque omnium crassissimus cruris nervus, cu-
 62 2 jus primus ramus est 62, qui in cutem natium inseritur:
 63 2 alter 63, in musculorum à coxendicis appendice enata
 64 2 capita digeritur: tertius 64, qui quinto tibiam flecten-
 65 2 ti tribuitur aliique 65, in gasterocnemium externum
 musculum, & plantarem euntes. Circa autem femoris
 66 2 capita inferiora, in duos ramos dividitur 66, exterior-
 67 2 rem scilicet 67, & interiorem 72.
- 68 2 *Exterior ramus,* cujus soboles 68, cuti subtenditur, externam

- 69 2 tibiam sedem, externumque pedis latus investienti. At
 70 2 ramus ipse 69, fibulam cum tibiae osse connexum petit:
 71 2 educens surculum alium 70, anteriorem tibiae sedem
 sub cute implicantem: reliquum ejus 71, secundum fi-
 bulam porrigitur.
- 72 73 2 *Interior ramus,* cujus soboles 73, internam tibiae sedem
 versus suram, & internum pedis latus sub cute peram-
 74 2 bulat: alia deinde 74, in cutem spargitur, suræ potissi-
 75 75 2 mum obductam. Alia item 75, 75, quæ in anteriora
 tibiae secedit, per ligamentum fibulam tibiae ossi com-
 mittens postea in superiori pedis sede absimitur. Po-
 76 2 strema 76 quæ inter gasterocnemium internum & ex-
 77 2 ternum excurrit. Reliquum trunci secundum interio-
 rem malleolum pedis humiliora petit, singulorum di-
 gitorum humiliori sedi binos surculos distribuens.

TAB. III FIG. II, & III.

HÆ due figure nervos brachii crurisque ampliore,
 quam secunda tabula forma delineatas exhibent, ut
 accuratius in his omnia demonstrari queant. Ceterum
 utuntur communibus characteribus, eademque earundem
 explicatione.

FIG. III.




FIG. I.





FIG. II.




TABVLÆ LIBRI OCTAVI, EARVMQVE EXPLANATIO.

Proponuntur in his Tabulis omnes infimi Ventris partes, eo ordine, quo in Dissectionibus occurrunt conspiciendæ, ut quilibet ex ipsis suo Marte & industria Anatomiam administrare, & universam imi Ventris historiam queat addiscere. In his peculiariter observatum est, ut non tantum exterior singularum partium facies, quod ab aliis Anatomicis factum est: sed etiam intimiores particule omnes apertæ demonstrantur.

TABVLÆ I EXPLICATIO.

Q uatuor universalia nostri corporis tegumenta, Cuticulam, Cutim veram, Pinguedinem, & Membranam carnosam, quæ in abdominis regione potissimum ab Anatomicis demonstrari solent, ostendit.		F F F F	Distributio quorundam ramorum Venæ cavæ per pinguedinem.
A	Cuticulæ portio, ea sui parte, qua subditæ cuti adhærebat, repræsentatur.	G G	Copiosæ glandulæ hoc loco in inguine utrinque sitæ, quarum inflammationes à Medicis Bubones dicuntur, & frequentissimæ sunt in Peste, ac Lue venerea.
B B C	Cutis à cuticula, & pinguedine separata.	H H H	Lineæ albæ (sic vocatæ) locus naturalis, quæ abdomen in dextram, & sinistram partem dirimit.
B B B	Cutis facies interior, quæ pinguedinem respicit.	I	Umbilicus, abdominis & universi corporis centrum.
C	Cutis facies exterior, cui cuticula adnata erat, in qua pori conspiciuntur.	K K K	Membrana muscutorum abdominis propria.
D	Membrana carnosæ, quæ licet sub pinguedine situm suum habeat, hic tamen suprâ cutem reflexa, extra pinguedinem picta est.	L L L	Muscutorum rectorum intersectiones nerveæ, quæ hic sub tendinibus muscutorum obliquorum adhuc tectæ, & involutæ sunt, ita tamen artificiosè adumbratæ, ut transparenere videantur.
E E E E	Pinguedo in suo adhuc relicta situ, ut demonstretur, quomodo per totam abdominis regionem protendatur.	M M M M	Nervi, quos cutis ex intimioribus partibus huc venientes sensus gratia accipit, in ipsa dissectione satis conspiciui.
		N N N	Cutis cum membrana carnosâ extrorsum revoluta, ut prædictorum nervorum in ipsam ingressus cernatur.

TAB I.



TABVLÆ II DECLARATIO.

R Emotis quatuor tegumentis communibus, quinque musculorum abdominis paria in conspectum se proferunt, quæ propterea benignus Lector huc, ex quarto libro, transferre potest, cum nobiseo magis pertinere videbantur. His Peritonæum proximè subjacet, quod præsens tabula unà cum naturali sub ipso reconditorum Viscerum situ, quæ ob tenuitatem ipsius nonnihil transparent, representat.

- AAAA Quatuor communia tegumenta decussatim dissecta, & ab imo ventre in vicinas partes diducta.
 BBBB Musculi abdominis, eodem modo dissecti, & ex suo loco ad conterminas partes remoti.
 CC Os pectoris, quod Sternum communiter dicitur.
 D Cartilago enliformis, cui peritonæum adnectitur.
 EEEE Peritonæum universam imi ventris cavitatem obvelans, & ambiens, quod eleganti ingeniosoque artificio à grypta punctis lineisque alternatim se excipientibus sic expressum est, ut subiecta viscera transparenere videantur.
 FF Hepatis, sub peritonæo naturalem adhuc situm habentis, adumbratio.
 a Fissura in quam Vena umbilicalis L inseritur.
 GG Ventriculi, quantum ob incumbens Hepar videre licet, obscura effigies.
 HH Lienis, in sinistro hypochondrio siti imago.
 IIII Intestinorum multiplices anfractus, obscurè hic apparentes.

- K Umbilicus.
 L Vena umbilicalis, quæ, ut exactius cerneretur, à peritonæi involucri liberata exhibetur.
 MM Arteriæ duæ umbilicales.
 N Vrachus, in medio arteriarum, à vesicæ fundo ad umbilicum ascendens.
 OO Venæ portæ propagines, quarum rami sursum & deorsum, partim ad Ventriculi fundum, partim ad Omentum distribuuntur, sub peritonæo transparentes.
 PP Processus peritonæi in quibus vasa præparantia continentur, tum cremasteres musculi, qui ad testes in scrotum descendunt. Hi si laxentur, aut rumpantur, Herniam inducunt, descendente omento aut intestino, vel ad inguina, aut scrotum, unde diversæ herniarum differentia nascuntur.
 QQ Testium musculi, Cremasteres, sive Suspensores dicti, ex quibus dexter in suo fere situ cernitur, sinister verò separatus dependet.
 RR Testes scroto exuti.
 S Os pubis.
 T Penis.
 V Exortus Venæ epigastricæ, quæ per Rectos abdominis musculos ad Umbilicum ascendit.
 X Arteria epigastrica dictæ Venæ comes.
 Y Venæ epigastricæ propago quædam.
 Z Arteriæ epigastricæ propago quædam.



TABVLÆ III DILVCIDATIO.

<i>Abatis omnibus imi ventris tegumentis, tam communibus, quàm propriis, Omentum, & viscera in ipso contenta, in conspectum proferuntur.</i>			
AAAA	Peritonæi decussatim scæti, & ad vicinas partes remoti, quatuor portiones, in quibus interiorem ejus faciem glabram ac lævem videre est.	GG	Lienis pars sima, extrorsum nonnihil mota, ut Omentum cum ipsa connexio rectius conspiciatur.
B	Cartilago ensiformis.	H	Vmbilicus à peritonæo liberatus.
CC	Iecoris gibba pars.	II	Vena Vmbilicalis, quomodo ab umbilico sursum obliquum tendens Hepatis rimam in sima parte ingreditur.
DD	Fundus Ventriculi, per quem multi Venæ portæ rami disperguntur: cæterum omento annexus.	KK	Arteriæ duæ umbilicales, ab umbilico sub vesicæ lateribus descendentes.
EEE	Coli intestini ea pars quæ sub Ventriculi fundo sita est, & sub Omento, cui alligatur, hic eminet.	L	Vrachus, à Vesicæ fundo ad Vmbilicum ascendens.
FFFF	Omentum ad Vesicam usque protensum, in quo numerosissimæ Venæ, tum connexio cum Ventriculi fundo, Lienisque & Hepatis cava parte observanda.	M	Vesicæ urinarie fundus.
		N	Os pubis ablata cute hic conspiciuntur.
		O	Penis cum scroto, à corpore dependens.
		PP	Pars intestinorum ab omento nuda.
		Q	Glandulæ inguinales eleganter conspiciuntur.
		RR	Portiones cutis, quæ abdomen integebat, reflexæ.



LIBRI OCTAVI

TABVLÆ IV DILVCIDATIO.

Omentum, cum Ventriculo, & Colo intestino, quibus adnectitur, duabus hæc Tabula figuris demonstrat. *P R I M A*, anteriorem Omenti partem, quemadmodum in corpore occurrit dissecantibus delineat: *A L T E R A*, inverso Ventriculo, & Colo, posteriorem partem conspiciendam exhibet.

*Elementorum utrique figura communium
Expositio.*

- | | |
|-------|---|
| A A A | Ventriculus, cum suis vasis eleganter conspicuus. |
| B | Superius Ventriculi orificium, ab œsophago abscissum, & filo, Anatomicorum more, constrictum. |
| C | Inferni orificii sive Pylori sedes. |
| D D D | Fundus Ventriculi, ex quo superior Omenti membrana nascitur. |
| E | Ductus bilarii in duodenum intestinum insertio. |
| F | Duodenum intestinum Ventriculo adhuc continuum, cæterum à jejunio resectum. |
| G | Nervorum stomachicorum soboles per ventriculum sparsæ. |


Reliqua elementa prima figure.

- | | |
|-------|---|
| I I I | Venæ portæ rami in secunda figura distinctius cernendi. |
| K K K | Coli intestini ea pars, quæ sub Ventriculo sita, Omenti membranæ inferiori ortum largitur. |
| L L L | Ligamentum illud in Coli elatiore regione situm, quod impedit quo minus ejusdem cellulæ dissolvantur. |
| M M M | Omenti membrana inferior, quæ à Colo intestino oritur. |
| N N | Omenti membrana superior, quæ à fundo Ventriculi nascitur. |
| O O | Venæ portæ rami, per Omenti membranam inferiorem excurrentes. |
| | Pinguedo Omenti magno artificio à sculptore expressa. |

Reliqua elementa secunda figure.

- | | |
|-------|--|
| H | Venæ portæ ramus, qui Coronalis vulgò dicitur. |
| I I | Gastrica Vena major, Ventriculi fundum perreptans, à ramo Splenico enata. |
| K K | Gastrica Arteria major, dictæ Venæ socia, à Cæliaco ramo exorta. |
| L L L | Colon intestinum sub Omento eminens. |
| M M M | Omenti membrana superior, in qua frequentiores multò, quàm in inferiore venæ observandæ. |

TAB. IV.



LIBRI OCTAVI

TABVLÆ V EXPLICATIO.

T Abula hæc omnia, quæ circa intestina notatu digna occurrunt, complectitur.

FIGVRA I.

I Ntestinorum situm, & cum vicinis partibus connexionem demonstrat.

- A A Ventriculus.
- B B B B Hepatis pars cava.
- C Veliculæ biliaræ corpus, in hepatis cavo existens.
- D Venæ cavæ truncus, ex hepatis gibba sede emergens.
- E Venæ portæ truncus, ex hepatis limbo originem ducens.
- F Arteria Hepati & Velicæ biliaræ ab Aortæ ramo Cæliaco concessa.
- G Nervulus in hepatis tunicam à sexta nervorum cerebri conjugatione disseminatus.
- H Pori bilarii in jejuni intestini principium insertio.
- I Duodenum intestinum è dextro ventriculi orificio enatum.
- K Jejuni intestini initium,
- L Ejusdem progressus.
- M M M Ileon intestinum.
- N Locus ubi Ileon in Cæcum & Colon definit.
- O Intestinum Cæcum ad dextri renis regionem constitutum.
- P P P P Intestinum Colon in naturali situ conspicuum.
- Q Rectum intestinum, & ipsum naturalem situm observans.
- R Musculus Sphincter, extremitatem recti intestini, quæ Podex dicitur, circulariter amplexans.
- S S Duo alii musculi, in rectum intestinum, ad id retrahendum inserti, unde Ani levatores vocati.
- T Anus, seu Podex.
- V Vena umbilicalis.

FIGVRA II.

P ortionem tenuium intestinorum ostendit, ut vasorum in ea insertio conspiciatur.

- A A A Portio intestini tenuis, mesenterio adhuc cohærens.
- B B B Portio mesenterii, in qua præter membranosam substantiam Pinguedo, Glandulæ, & Vasa expressa.
- C Venarum Mesaraicarum soboles.
- D Arteriæ mesentericæ propago.
- E Nervulus ad intestina transmissus.

FIGVRA III.

E Andem intestini portionem exhibet, sed exteriore, seu communi tunica alicubi sublata, ut interior in conspectum veniat, & vasa mesaraica nuda videantur.

- A A Intestini, quæ adhuc integra est, portio.
- B B Intestini portio, in qua communis, & externa tunica, à propriis, & internis tunicis divisa & elevata est, ut vasorum excursus, & internarum tunicarum substantia cernatur.
- C C C Media intestinorum tunica, sive propriarum exterior, communi sublata, nuda hic conspicitur.
- D E F Vasa mesenterica, D. Vena est, E. Arteria, F. Nervus.

FIGVRA IV.

I Ntestinorum tunicam intimam, & propriarum secundam, quæ in tertia figura nondum comparebat, oculis subjicit, ut ejus rugæ circulares literis A A A notatæ observentur.

FIGVRA V.

E Andem intestini tunicam intimam, sed à parte interiore ostendit, neque intestino, ut in quarta figura inflato, sed secundum longitudinem dissecto, & explicato. Plica quoque literis A A A signantur.

FIGVRA VI.

Coli intestini initium inflatum demonstrat.

- A Finis Ileii intestini.
- B Initium Cæci.
- C C Coli intestini principium.
- D Venæ portæ ramus quidam ad Colon, & Cæcum pertinens.

FIGVRA VII.

E Andem Coli partem, sed inversam, ostendit, ut Valvula, quæ in principio est, conspiciatur.

- A Ileii intestini finis.
- B Valvula circularis, cujus cava pars, Coloni: convexa, Ileon respicit.
- C Cæcum intestinum.
- D D Colon intestinum.

FIGVRA VIII.

E Andem intestinorum partem exhibet, sed discissam, ut cavitatem internam conspiciens, Valvulam rectius intuearis.

- A Ileii finis interna superficies.
- B Valvula ad finem Ileii, & Coli principium sita.
- C Cæcum intestinum.
- D D Coli intestini dissecti interior facies.

FIGVRA IX.

I Ntestina crassiora in suo situ, majori paulò forma, quam prima figura, representat.

- A Ileii intestini extremitas.
- B Cæcum intestinum.
- C C C Colon intestinum.
- D Intestinum rectum.
- E Vnus ex musculis anum elevantibus.
- F Sphincter.
- G Anus.

FIG. V.



TAB. V.

FIG. VI.




FIG. VII.




FIG. III.




FIG. I.




FIG. II.




FIG. II.




FIG. IX.




FIG. IV.




LIBRI OCTAVI

TABVLÆ VI EXPLICATIO.


		M	<i>Mesenterium adhuc integrum, sed extra situm non-nihil diductum, monstrat.</i>		
A A A	Omenti membrana inferior, una cum Colo, ex quo nascitur, è propria & nativa sede versus superiora tracta.	F F F		senterii membranas, & pinguedinem disseminata conspiciuntur.	
B B B	Coli pars, quæ post ventriculum latebat, supra hypochondria hic tracta est, ut Mesenterium inspiciatur.	GGGG		Venæ, Arteriæ, & Nervi, mesenterii membrana adhuc involuti, & pinguedini immerfi, ut nonnihil eorum à centro ad circumferentiam progressus cernatur.	
C C C	Ligamentum illud Coli intestini, quod cellulas, quò minus dissolvantur, in suo situ continet.	H		Intestina, tam tenuia, quàm crassa, promiscuè hic à mesenterio dependentia.	
DDDD	Integrum adhuc, sed in diversas partes diductum Mesenterium.	II		Vesicæ urinariæ fundus.	
E E E	Glandulæ, & corpora glandosa, quæ hinc inde inter me-	K		Arteriæ umbilicales.	
				L	Vrachus.
				L	Vmbilicus.

TAB VI.



TABVLÆ VII DILVCIDATIO.

<i>V</i> <i>Asa Mesenterii, & Glandulas à membranis ac pinguedine liberatas complectitur.</i>		K K	Arteria Cæliaca, quæ venam portæ comitatur.
A A A	Hepatis convexa pars.	L	Venæ portæ soboles Cystica, ad Vesiculam fellis digesta.
B B B	Hepatis cava pars.	M	Venæ portæ ramus Splenicus, ad Lienem abiens.
C C C	Lien in sua sede locatus.	N	Arteriæ Cæliacæ ramus Splenicus, dictæ venæ comes.
D	Duodenum intestinum à Ventriculo, & Iejuno ablatum, ac dextro hypochondrio impositum.	O O	Nervus sexti paris una cum vena & arteria mesaraica, in mesenterium disseminandus.
E	Vesica fellis ex cavo hepatis adhuc suspensa.	P b	Venæ portæ ramus Mesentericus, cujus insertio in Mesenterium, litera b notata est.
F	Meatus bilarius, ex jecore prodiens, quem Spigelius Hepaticum vocat.	P P P	Dicti rami, & arteriarum mesentericarum, à superiore membrana, & pinguedine liberatarum, distributio.
G	Meatus bilarius, ex fellis vesicula prodiens, quem Spigelius Cysticum appellat, & cum priori jungitur, (a) canalem communem constituens, (a H) qui in duodenum cessat.	Q Q Q	Mesenterii membrana inferior, in qua glandulæ hinc inde disseminatæ conspiciuntur. Hujus principium à dorso est circa literam c.
a		c	
a		R R R	Intestina mesenterii membranæ adhærent, ut vasorum in ea terminatio observetur.
H	Canalis communis in duodenum intestinum insertio.	S	Iejuni intestini principium.
I I	Venæ portæ truncus.	T	Glandulæ hinc inde per mesenterium dispersæ.



LIBRI OCTAVI

TABVLÆ VIII EXPLICATIO.

Ea, quæ circa jecur observanda sunt, proponit.

FIGVRA I.

H *Hepar integrum exhibet, ut quæ foris in ipso notanda veniunt, conspiciantur.*



- A A A Hepar in sima parte, sua tunica vestitum, & omnino illatum ostendit.
 B Vena portæ, & ejus ex sima hepatis sede egressus.
 C C Duo trunci venæ cavæ, quæ juxta gibbam hepatis partem conspiciuntur.
 D Venæ umbilicalis ex hepate egressus.
 E E Vesica fellis in sima hepatis parte sita.
 a Fundus est Vesicæ felleæ qui extra hepar prominere.
 b Cervix Vesicæ felleæ, in cujus parte interna tres Valvulæ sitæ, quæ bilis regressum impediunt.
 F Ductus bilarius, Cysticus dictus, quem Vesicula hæc ad intestina producit.
 G Alter ductus bilarius, Hepaticus vocatus; cujus rami per hepatis cava dispersi, & in hunc caudicem collecti, ex hepate hic prodeunt, & priori uniuntur, (c) sicque communem canalem constituunt, (c d)
 c d
 H Arteria, quæ à ramo Cæliaco ad sima hepatis pervenit.
 I I Ramus hujus arteriæ, qui hepar ingreditur.
 K K Alius ejusdem arteriæ ramus, qui ad vesicam felleam abit, & Cystica arteria dicitur.
 L Nervus sexti paris cerebri, ad hepar delatus.
 M Lobus exiguus, tenui ac subtili membrana cinctus, qui in omentum exporrigitur, & per quem hepar aqua plenum interdum evacuatur.

N Eminentia hepatis, ab Antiquis Portæ dictæ, unde & Vena B circa illas emergens, Portæ vena vocatur.

FIGVRA II.

H *Hepar ex carne, sive à parenchymate suo liberatum ostendit, ut vasa ipsius, & ductus bilarii, sive, ut summatim dicam, omnia quæ in Hepate absconditi latent, evidenter oculis subjiciantur.*

- A A Venæ Cavæ portio.
 B B Truncus Venæ Portæ, ex hepate egredientis.
 C C Vesicula fellis.
 a Cervix vesiculæ fellis abscissa.
 D D Vena umbilicalis in ramum venæ portæ desinens.
 E E E Venæ portæ ramos demonstrat, qui cum Cavæ ramis per anastomosis junguntur.
 E e E e Eos Venæ portæ ramos ostendunt, qui ad Cavæ ramos non accedunt.
 F F F Ramos Venæ cavæ designant, qui cum Portæ ramis junguntur.
 F f F f Ejusdem Cavæ ramos eos exhibet, qui ad Portæ venam non appellant.
 G G Anastomoses ramorum venæ cavæ, portæque, à nemine adhuc bene demonstratas, perbelle conspiciendas exhibet.
 H H Venæ capillares dictæ, quod capillorum tenuitatem præ se ferant. Ex his sensim versus internam hepatis regionem ab ambitu exporrectis quinque insignes rami E E E E E circa truncum B B consistentes, qui & ex ipsis conficitur, nascuntur.



TABVLÆ IX EXPLICATIO.

Ea, quæ ad Lienem spectant, omnia ostendit.

FIGVRA I.

Lienis parenchyma integrum adhuc, in naturali magnitudine exhibet.

- A A A Sima lienis pars, in qua vasorum ingressus notari debet.
 a a a Linea recta, futura dicta, circa quam vasa ingrediuntur.
 B B Venæ portæ ramus Splenicus ad lienem accedens.
 b Divisio ejusdem rami Splenici in superiorem & inferiorem ramum, ante ingressum.
 C C Arteriæ Celiacæ ramus Splenicus, tortuosè ad Lienem abiens.
 D Anastomosis quædam arteriæ, & venæ Splenicæ, ante ingressum utriusque in Lienem facta, ab aliis Anatomicis nunquam depicta.
 E Venæ Splenicæ ramus Hemorrhoidalis, quomodo nonnunquam ex ipso Splenicæ trunco enascitur.
 F F Arteriæ quædam in pancreas descendentes.
 G G Pancreas.
 H Alius ramus venæ splenicæ.

FIGVRA II.

Portionem Lienis sua tunica exutam ostendit, ut pori & laxitas parenchymatis ipsius conspiciantur.

- A A Parenchyma Lienis detectum, suæ substantiæ porositatem monstrans.

- B B Pars parenchymatis sua adhuc tunica vestita.
 C C Portio Tunicæ Lienis à parenchymate liberatæ.

FIGVRA III.

Discissa per medium lienis portione, ostenditur ad verus nonnullos vasa per ejus substantiam distribui.

- A A A Lienis portio per medium scissa, in qua melius etiam parenchymatis fungositas apparet.
 B B B Transversim discissarum articularum patentes oræ, (venæ enim ob tenuitatem tunicarum coincidunt) quarum obiter multitudinem quoque observes.

FIGVRA IV.

Demonstrantur Venæ, & Arteria per Lienem sparsæ, & à parenchymate denudatæ.

- A Vena Splenica jam jam lienis parenchyma ingressura.
 B Arteria Splenica similiter parenchyma subiens.
 C Vtriusque anastomosis antequam parenchyma egrediantur maximè conspicua.
 D D D Venæ, & Arteriæ in infinitos furculos dispersæ, qui omnes per lienis parenchyma feruntur.
 E E Divisio Venæ & Arteriæ ante ingressum in duos ramos, superiorem & inferiorem.
 F F F Vasa tenuissima capillorum in morem, in quæ rami majores tandem circa parenchymatis ambitum disseminantur, quæ propterea ab Anatomicis vasa capillaria dicuntur.

TAB. IX.

FIG. IV.




FIG. I.




FIG. II.





FIG. III.



LIBRI OCTAVI

TABVLÆ X EXPLICATIO.

R Enem humanum, partim integrum, partim discissum exhibet, ut ejus tam forma externa, quam vasa, ac partes interiores inspiciantur.

FIGVRA I.

Renum formam externam, & emulgentia vasa exhibet.

- A A Portio trunci Venæ cavæ descendens.
- a a Portio trunci Arteriæ magnæ descendens.
- b Foramen arteriæ Cæliacæ, quæ hic abscissa est.
- B B Venæ emulgentes.
- c Divisio venæ emulgentis in duos ramos antequam renes ingreditur.
- C C Arteriæ emulgentes.
- d Distributio arteriæ emulgentis in duos ramos.
- D D D Gibba renum pars.
- E E Sima renum pars.
- F Vena ad corpusculum reni incumbens distributa.
- G G Vreteres.

FIGVRA II.

V Aforum emulgentium ingressum in sima Renum, & Vreteris egressum demonstrat.

- A Renis pars nondum læsa.
- B B Interior renis tunica separata.
- C Pelvis, quæ ex concursu tubulorum ureteris, in sinu renum extruitur.
- D D D Tubuli, sive canales ureteris.
- E Vena emulgens.
- F Arteria emulgens.

FIGVRA III.

P Rogressum eorundem emulgentium vasorum sima renis parte per longitudinem fissa, ostendit.

- A A A Labra interna incisione à se invicem divisa.
- B Pelvis Vreteris.

- C Vena emulgens, quæ jam in plures ramos divisa ad gibba renis tendit, in tres ramos divisa. a.
- D b Arteria emulgens, Venæ comes, multifariam divisa. b. tum extra locum remoti, ut ei subjacens vena cernatur liberius.

FIGVRA IV.

Vreteris ex sima renis parte exortum adumbrat.

- AAAA Reni sima discissa, & explicata repræsentat.
- B Pelvis ureteris in renum substantia efformatus.
- C C C Tubuli, seu Canales carunculas papillares undique amplectentes, hoc loco de industria divisi, ut carunculæ ipsæ rectius conspiciantur.
- D D D Carunculæ papillares, quæ urinam in ureteres transcolant.
- E Portio ureteris sima renum egredientis.

FIGVRA V.

R Ene aperto, Vreteris tubuli, non ut antea, secundum longitudinem, sed potius transversim discissi proponuntur, ut quomodo carunculas undique circumamplectantur, ostendatur.

- A A A Discissi renis interiores partes.
- B B B Vreterum, quæ carunculas ambiunt, oræ relictæ proponuntur.
- D D D D Carunculæ, quas undique ureteres circumamplectuntur.

FIGVRA VI.

R En per gibbi sui longitudinem scissus est, divisis una carunculis, & ureterum tubulis usque ad sinum.

- A A A Renis in gibba parte divisio.
- B B B Carunculæ per medium sectæ.
- C C C Tubuli, sive Canales Vreteris, aperti.
- D Vulnus in ipsum usque sinum penetrans.

TAB X.

FIG I




FIG. IV.




FIG. III.




FIG. V.



FIG. VI.





FIG. II.



LIBRI OCTAVI

TABVLÆ XI DILVCIDATIO.

I *Instrumenta urinaria, cum Genitalibus Viri partibus integris, & in suo situ relictis, ostendit.*

A A A Hepatis summa pars.
 B Vesica fellea.
 C Ductus biliaris ab intestinis resectus, & sursum reflexus.
 D Vena Cystica dicta, bilis vesiculam nutrens.
 E Arteria, partim in hepar, partim in dictam vesiculam distributa.
 F Vena umbilicalis sursum è suo loco revoluta.
 G G Venæ cavæ truncus descendens.
 H H Arteriæ magnæ truncus descendens.
 I I Venæ emulgentes.
 K K Renes, in utroque latere conspicui.
 L Arteria emulgens contra post venam locata.
 M Corpusculum reni incumbens, quod Renem succenturiarii vocant.
 N Propago ex vena emulgente in illud corpusculum distributa.
 O O Vreteres ex summa renum parte ad vesicam descendentes.
 P Vesicæ urinariæ fundus.


Q Q Vreterum ad latera vesicæ descensus.
 R Vrachi è fundo vesicæ enascentis, portio.
 S Rectum intestinum qua parte cum Colo intestino jungitur, abscissum, & filo constrictum.
 T T Venæ præparantes, quarum dextra ex trunco, sinistra ex vena emulgente nascitur.
 V Arteriarum præparantium, è trunco Arteriæ magnæ origo.
 X X Venarum, & arteriarum præparantium, ubi corpora pyramidalia constituunt, unio.
 Y Y Testes duobus communibus tegumentis exuti.
 Z Z Vasa deferentia dicta, quæ à testibus ad abdomen ascendant.
 a Penis, à sua, qua tegitur, cute liberatus, & à corpore dependens.
 b b Scrotum quod testes tegebat.
 c c Ilia.
 d d Lumbi, per quos ureteres, & vasa præparantia descendunt.
 e Ossa pubis.

TABVLÆ XII EXPLICATIO.

E *Adem Instrumenta urinaria cum genitalibus Viri partibus, sed extrà situm naturalem nonnihil remota, ostendit.*

- A Hepar in suo situ.
 B Vesica fellis in cavo hepatis sita.
 C Vena umbilicalis in propriam hepatis rimam inserta, hic sursum retracta videtur.
 DD Renes, ad quos utrinque vasa emulgentia feruntur.
 EE Venæ cavæ truncus descendens.
 FF Arteriæ magnæ, sive Aortæ truncus descendens.
 G Hoc loco Arteria magna, quæ antè subjacebat, Venam cavam ascendit, & in duos ramos Iliacos dividitur.
 HH Venæ emulgentes ad renes porrectæ, quarum sinistra longior, & superior est.
 I Arteria emulgens sinistra.
 K Corpusculum reni incumbens, quod Renem succenturiatum vocant.
 k Vena, ab emulgente ad hoc corpusculum transmissa.
 LL Vreteres à renibus ad vesicam descendentes.
 MM Vasa præparantia, è quibus Vena sinistra ab emulgente, dextra verò ab ipso Cavæ trunco oritur, licet aliquan-

- do sinistra, & ab emulgente, & ab ipso trunco simul derivetur, quod hic expressum est.
 N Intestinum rectum à Colo abscissum, & filo constrictum.
 O Vesicæ fundus.
 P Vrachi in Vesicæ fundum implantatio.
 QQ Sphincter musculus vesicæ cervicem ambiens, & urinæ effluxum prohibens.
 R Vrethra, sive canalis urinarius, à Vesica ad penem delatus.
 S Penis.
 T Glans penis.
 VV Duo collaterales penis musculi, sive Penem erigentes.
 XX Duo inferiores penis musculi, Vrethram dilatantes.
 YY Arteriarum, & Venarum præparantium infinitæ anastomoses, rete referentes, ubi eæ, quæ sunt in parte dextra, magis explicate cernuntur.
 ZZ Testiculi utrinque à corpore dependentes.
 a a Vasa deferentia. *seu parastatæ*
 b Musculus Cremaster, sive Suspensorius, hoc loco è suo situ remotus.
 c c Ossa pubis.
 dd Offis ilium cavitas, intestinorum sedes.
 e e Lumbi, per quos Vreteres, & Vasa SpermatICA descendunt.



TABVLÆ XIII EXPLANATIO.

E Adem instrumenta urinaria cum viri Genitalibus, sed è corpore extracta continet, ut horum cum illis connexio, & potissimum testium substantia monstretur.

FIGVRA I.

Vrinariorum vasorum connexionem proponit.

- A A Portio trunci Venæ cavæ propè hepar, & ilia resecti.
 B B Portio trunci Aortæ descendens similiter resecti.
 C C Gibba pars renum.
 D D Sima pars renum.
 E E Venæ emulgentes.
 F F Arteriæ emulgentes.
 G G Corpuscula reni incumbens, sive Renes succenturiati.
 H H Vena adiposa, quæ emulgentis propago est, in illa corpuscula definens.
 I Arteriola bifida, ex arteria emulgente idem corpusculum dextrum ingrediens.
 K Vena quæ interdum ex rene in prædictum corpusculum mittitur.
 L L Vreteres.
 M M M Vesicæ rotundum corpus ita positum, ac si fundo suo prominere. Detracta autem membrana communi, prima ipsius propria hic expressa est, quam Spigelius pro musculo habet, Detrusorem urinæ appellans. In hac diligenter notandæ sunt fibræ a a rectæ per ipsum corpus excurrentes.
 a a
 N Cervix vesicæ.
 O O Sphincter, cervici vesicæ circumdatus.
 P Recti intestini superior & Colo vicina pars, post vesicam eminens.
 Q Penis.
 R R Duo muscoli penis, qui Vrethram dilatant, sive Penis inferiores muscoli extra situm.
 S S Duo alii muscoli penis, qui ipsum erigunt, sive Penis laterales muscoli extra situm.
 T T Vasa præparantia.
 V V Testes, in suis propriis tunicis adhuc involuti.
 X X Vasa deferentia.

FIGVRA II.

T Estis tunica elythroides ab uno latere detracta est, ut intima, quæ substantiam ejus immediate comprehendit, (Albugineam vocant) cernatur.

- A Vasis præparantis pars.
 B Vasis deferentis pars.
 C C Testis, intima adhuc & albuginea tunica vestitus.
 D D Tunica elythroides à teste sublata.

FIGVRA III.

Testis ab erythroide in totum liberatus.

- A Vasorum præparantium portio.
 B Vasis deferentis, quod testi adhærebat, portio.
 C C Corpus testis interna propria tunica, sive Albuginea, adhuc investitum.

FIGVRA IV.


T Estis propria substantia, remotis omnibus tunicis, tam propriis, quam communibus, ostenditur, simulque vasorum præparantium prope testem implicatio demonstratur.

- A A Testis substantia glandulosa.
 B B Albuginea tunica, quæ immediate testem involvebat.
 C C C Venæ, & Arteriæ præparantis implicatio, & varia anastomosis juxta ipsarum in testem ingressum, conspicua.
 D Vas deferens.

FIGVRA V.

D Emonstratur vasorum præparantium in testium substantiam distributio, simulque implicatio vasorum deferentium hederæ in modum.

- A A Testium substantia glandulosa.
 B B Tunica testium albuginea.
 C C C Venæ & Arteriæ Spermaticæ in testes derivatæ.
 D D Vas deferens capreolorum vitium instar intortum.
 E Venæ, & Arteriæ Spermaticæ.




TABVLÆ XIV DILVCIDATIO.

E *Asdem partes, quas præcedens, exemptas è corpore, sed
inversas demonstrat.*

AA	Truncus Venæ cavæ.
BB	Arteriæ magnæ truncus.
CC	Venæ emulgentes.
DD	Arteriæ emulgentes.
EEFE	Renes.
FF	Rami vasorum emulgentium derivati in corpuscula reni- bus incumbentia.
GG	Vreteres.
HHH	Vesicæ corpus.
I	Vrethra, sive Canalis urinarius.
KK	Duo nervosa penis corpora, quæ cum Vrethra penem constituunt.
L	Præputium.

M	Glans penis.
N	Foramen urethræ, per quod urina, & semen excernitur.
OO	Rectum intestinum.
P	Recti intestini foramen, quod Anus, seu Podex dicitur.
Q	Sphincterani.
RR	Duo muscoli recti, rectum intestinum intrò retrahentes, sive Ani levatores.
SS	Musculi duo, qui dilatant Vrethram, sive Penis inferiores musculi extra situm.
TT	Alii duo penem erigentes, sive Penis collaterales muscoli extra situm.
VV	Vasa præparantia.
XXX	Exquisita demonstratio anastomoseon, & implicationum vasorum præparantium usque ad testem.
YY	Testis corpus.
ZZ	Vasa deferentia, sive Ejaculatoria.



TABVLÆ XV DECLARATIO.

C *Adaver ossi sacro innititur, femora verò sursum di-
ducta habet, ut penis & ani partes in suo situ conspi-
ciantur.*

- A A** Partes circa nates.
B B Pubis regio.
C Penis in naturali suo situ, sed cute nudatus, ut omnes ejus
partes videri queant.
D D Duo nervosa corpora unà cum urethra penem constitu-
entia.
E Vrethra, seu meatus urinarius.
F F Duo muscoli urethram dilatantes, sive Inferiores penis
musculi.

- a** Principium eorum ab ani sphinctere I.
b b Latus utriusque internum, quo mutuò se tangunt.
c Finis ad medii canalis latus insertus.
G G Duo alii muscoli penem erigentes, sive Collaterales penis
musculi.
d d Principium eorum abscissum à coxendicis appendice.
e Finis circa exortum penis insertus.
H Anus, sive Podex.
I Anum constringens musculus, sive Sphincter.
K K Duo muscoli rectum intestinum sursum trahentes, sive Ani
levatores.



LIBRI OCTAVI

TABVLÆ XVI DILVCIDATIO.

Ostenduntur in hac Tabula omnia quæ ad penem pertinent.

FIGVRA I.

V *Esicam una cum pene è corpore exemptam exhibet, ut absconditæ ejus partes videantur.*

- A A Vesicæ posterior facies, intestinum rectum respiciens.
- B B Vreteres in parte postica, & prope cervicem vesicæ inserti.
- C C Vasorum deferentium portio.
- D D Vesiculæ seminales, granorum mali punici cellulas ordine & figura imitantes, in quas prædicta vasa deferentia, postquam ad posteriorem vesicæ partem pervenerunt, degenerant.
- E E Prostata glandulosa urinario meatui vel rectius cervici ipsius Vesicæ incumbentes.
- F F Vrethra, seu, Canalis urinarius.
- G G Duo muscoli penem erigentes.
- H H Glans penis.
- I I Vrethræ finis in apice glandis.
- K K Præputium.
- L L Duo corpora nervosa penem constituentia.

FIGVRA II.

Easdem partes quas prima, sed paulò explicatius, ostendit.

- A A Vesicæ facies posterior.
- B B B Vesicæ discissæ interna facies.
- C C Vreterum portio circa insertionem conspicua.
- D D Vesicæ seminales à membranis omnibus in sinistro latere denudatæ.
- E E Membrana, quæ immediate vesiculas investiebat.
- F F Vas deferens sinistrum, hoc loco integrum.
- G G Idem vas hoc loco apertum, ut interna ejus cavitas appareat.
- H H Vesiculæ seminales dextri lateris non amplius integræ, sed per longum dissectæ.
- I I Cervix vesicæ, & urethræ initium.
- K K Prostatarum glandulosa, qui urethræ impositi erant, hoc loco facta est incisio, & labra postea incisionis leviter diducta, ut urethra subtus appareat.
- L L Duo penis nervosa corpora.
- M M Glans.
- N N Præputium.

FIGVRA III.

P *rostatas glandulos, & his adnexas vesiculas seminales complectitur.*

- A Prostatarum ea pars, quæ urethræ erat circumposita.
- B Vesiculæ seminales discissæ.
- C C Vesiculæ eadem adhuc integræ, sed omnibus nudatæ tegumentis.

FIGVRA IV.

P *enis à tegumentis communibus liberatus, ibique abscessus, ubi extra corpus propendere incipit.*

- A A Dextri nervosi corporis nervosa substantia, transversim abscessa.
- B B Spongiosa ejusdem corporis substantia, internam illius cavitatem replens.
- C C Vrethræ discissæ portio subtus apparens.
- D D D Dorsum penis.
- E E E Vena per idem dorsum excurrent.
- F F Arteria, utrinque una, hoc loco dividitur, & altera sui parte, per externam penis longitudinem dispergitur; altera, interiora, & spongiosam substantiam pervadit.
- G G G Nervi partim quoque extra, partim intus in penem distributi.
- H H Glans penis.
- I I Corona glandis.

FIGVRA V.

N *ervosum corpus Penis secundum longitudinem dissectum ostendit, ut interioris arteriæ, & nervi progressus innotescat.*

- A A A Dorsum penis, vel superior ejus pars.
- B B B Corporis nervosi, in longum dissecti interna pars.
- C C Arteria extra corpus nervosum adhuc existens, sed mox subintratura.
- D D Nervus in penis partes internas mox distribuendus.
- E E Ingressus arteriæ in spongiosam, & internam nervosi corporis substantiam.
- F F Nervi ingressus.
- G G Arteriæ per substantiam spongiosam distributio.

FIGVRA VI.

Vrethra situm in pene edocet.


- A A A Vrethræ dissectæ interior superficies.
- B B Pars urethræ quæ glandem perforat.
- C C C Glans.
- D D D Duo penis nervosa corpora.

FIGVRA VII.

C *orpus nervosum dissectum exhibet, ex quo spongiosa substantia ablata est, ut & septum, & pectiniformes fibræ conspiciantur.*

- AAAA Interna pars nervosi corporis, à qua omnis spongiosa substantia detracta est.
- B Nervus hoc ipsum corpus ingrediens.
- C C C Arteria nervi comes.
- D D D Septum pellucidum, eique attensæ pectiniformes fibræ, quæ utrumque nervosum corpus intercedunt.
- E E E Rami arteriæ, qui ex hoc corpore nervoso in alterum transeant per septum.

TAB. XVI.



LIBRI OCTAVI

TABVLÆ XVII EXPLICATIO.

V Ariis figuris genitales fæminarum partes repræsentat. Tribus quidem primis præcipuè externas, siue Pudendum: duabus sequentibus, Cervicem; ultima, Os internum, & Fundum.

FIGVRA I.

V Esicam, & uterum, cum pudendo à reliquo corpore detracta ostendit, in suo tamen omnia situ adhuc collocata.

- A A A Pubes, & in ea enati pili.
 B Clitoris integra in suo situ.
 C C C Labia vulvæ nonnihil diducta, ut subjacentes partes detegantur.
 D D Alæ, seu pterygomata & Nymphæ similiter à se divulsæ.
 E Foramen cervicis vesicæ, quæ hoc loco in pudendum inseritur.
 F Externum cervicis osculum.
 G Anus, siue Podex.
 H H Vesicæ facies anterior.
 I Fundus Vteri.
 K K Partes cutaneæ circa anum.

FIGVRA II.

C ontinet crura cadaveris propè nates abscessa, & dissecta pudendi labia, ut Clitoridis structura innotescat.

- A A Os pubis detectum.
 B B Labra pudendi supernè, dissecta, ut Clitoridis situs monstratur.
 C Pars Clytoridis extrema, penis glandem referens.
 D Membrana veluti præputium hanc partem contegens.
 E Corpus Clitoridis.
 F F Duo corpora nervosa, quibus veluti cruribus, Clitoris innititur.
 G Externum cervicis osculum.

FIGVRA III.

P aulo explicatius omnes Clitoridis partes, quàm præcedens, exhibet.

- H H Literæ idem hic denotant, quod in præcedenti figura. H, H, verò præter cætera, Venas, Arterias, & Nervos, qui ad Clitoridem propagantur, demonstrant.

FIGVRA IV.

V Terum, cum Pudendo conspiciendum exhibet: sic tamen, ut illius tantum partes externæ, hujus internæ videantur.

- A A Pubes, & in ipsa enati pili.
 B Clitoris.
 C C Alæ, seu Nymphæ.
 D Foramen cervicis vesicæ.
 E Externum cervicis uteri osculum.
 F F Cervicis totius externa facies.
 G Regio in qua consistit internum uteri osculum.
 H H Fundi uteri exterior superficies.

FIGVRA V.

C ervicem uteri secundum longitudinem apertam, oculis subjicit.

- AAAA Cervix uteri in longum dissecta, cujus sectionis labra extorsum reflectuntur, ut rugæ interioris membranæ conspiciantur.
 B Os uteri internum adhuc integrum.
 C C Fundus uteri integer.
 D D Labra pudendi.
 E E Alæ, seu Nymphæ.

FIGVRA VI.

V Teri secundum longitudinem dissecti orificium internum, & fundum exhibet, ut ejus interna facies conspiciatur.

- A A Orificium Vteri discissum.
 B Crassities substantiæ uteri propè hoc orificium, cujus ope admiranda illa dilatatio & constrictio perficitur.
 C C Linea, siue futura, quæ uteri fundum in dextram & sinistram partem dirimit.
 D DD Fundi uteri interna pars nullis distincta cellulis.
 E E Ingressus & finis valorum deferentium.
 F FFF Sectio per uteri substantiam in longum facta, ut ejus crassities obiter notetur.
 a a Rima, eique respondens tuperculum ad id facta, ut orificium uteri accuratius claudatur.
 bbbbbb Striæ quædam, & transversæ rugæ eidem usui dicatæ.

FIG. I.





FIG. VI.



TAB. XVII.

FIG.

IV.




FIG.

V.




FIG. II.





FIG. III.



LIBRI OCTAVI

TABVLÆ XVIII EXPLICATIO.

- P** *Artes muliebres generationi inservientes in suo situ representat, earundemque à Virilibus differentias declarat.*
- | | |
|---|---|
| <p>A A Hepatis pars gibba.
 B Hepatis pars lîma, seu cava.
 C Pancreas ad thoracem sublatum.
 D Lienis pars gibba.
 E Vena umbilicalis in rimam hepatis inserta.
 F Vesica fellis sub cavo hepatis sita.
 G Duodenum intestinum à Ventriculo, & Iejuno abscissum, ac sursum ad thoracem tractum.
 H Porus bilarius, à Vesicula fellis ad duodenum deductus.
 I I Venæ cavæ truncus descendens, & ejus divaricationes.
 K K Arteriæ magnæ, sive Aortæ truncus descendens.
 L L Venæ emulgentes, à Cava ad renes protensæ, quarum dextra brevior est.
 M M Renes, in quos Vasa emulgentia implantantur.
 N Reni incumbens corpusculum, quod Ren succenturiatus vocari solet.
 O Vena exigua ab emulgente ad illud corpusculum porrecta.
 P P Vreteres ex sîma renum parte, ad Vesicam utrinque descendentes.
 Q Vesicæ urinariæ fundus.</p> | <p>R Vrachi in fundum vesicæ insertio.
 S Intestinum rectum ea parte abscissum, qua cum Colo jungebatur.
 T T Venæ præparantes, quarum dextera, à trunco: sinistra, ab emulgente nascitur. Hæ in via in duos dividuntur ramos, quorum qui major est ad testes, minor ad uterum fertur, hic tamen incuria quadam non sunt expressi.
 V Arteriæ præparantes, ex trunco Aortæ deductæ, quæ similiter ut Venæ, quarum sunt comites, dividuntur, & distribuuntur.
 X Venæ cavæ, & Arteriæ magnæ divaricatio. ubi arteria venam supergreditur.
 Y Y Arteriæ umbilicales, quæ lateribus vesicæ adhærebant.
 Z Uteri fundus.
 a a Testes muliebres.
 b Vasa deferentia, à testibus ad uteri cornua transmissa.
 c c Duo cæca seminis vasa.
 d d Duo superiora uteri ligamenta, vesperilionum alis assimilata.
 e e Duo inferiora uteri ligamenta rotunda, ab inferiore parte, qua clitoridi inferuntur, abscissa.
 f f Cavitas ossium ilium, quæ in sæminis amplior, quàm in viris est.
 g g Lumbi, per quos Vreteres & Vasa spermatica descendunt.</p> |
|---|---|



LIBRI OCTAVI

TABVLÆ XIX EXPLICATIO.

- G** *Enitalia feminarum naturali loco posita continet, nisi quod uterus aliquantulum extra foveam ossium ilium foras tractus, pubi incumbit.*
- A A** Hepar, in suo naturali situ positum.
B Vesica fellis.
C C Meatus bilarii, ex hepate bilem in vesiculam convehentes.
D Meatus bilarius, per quem vesicula bilem in intestina exonerat.
E E Venæ cavæ truncus descendens.
F F Arteriæ magnæ truncus descendens.
G G Venæ emulgentes.
H Arteria emulgens dextera, post venam obscurè apparet.
I I Renes.
K K Vreteres.
L Dextra vasa præparantia, quæ utraque ex suis truncis oriuntur.
M Sinistra vasa præparantia, ex quibus Vena ex emulgente, Arteria ex trunco descendit.
N N Testes, in quos dicta vasa præparantia inseruntur.
- O O** Ligamentum uteri superius, nonnihil corrugatum.
P P Vasa cæca, quæ Fallopius Tubas uteri nominat.
Q Uteri fundus è loco naturali remotus.
R Rectum intestinum abscissum.
S Vesicæ fundus extra suum locum versus anteriora sepositus.
T T Duo inferiora uteri ligamenta, quæ alias in clitoridem desinunt, hic propè finem abscissa, deorsum pendent.
V V Arteriæ umbilicales.
X X Ossa ilium.
Y Y Vasa deferentia, à testibus in uterum inserta.
Z Vrachus.
a a Venæ iliacæ.
b b Arteriæ iliacæ.
c c Venæ, & Arteriæ epigastricæ, quæ ab iliacis oriuntur, & per rectos abdominis musculos ascendentes, cum mammariis per anastomoses junguntur, hoc loco amputatæ.
d d Venarum Arteriarumque frequens anastomosis, in utero tandem desinens. Eadem in sinistro quoque latere conspicua est, sed Author in dextro solum demonstravit.




LIBRI OCTAVI

TABVLÆ XX EXPLICATIO.

- E** *Asdem partes, quas præcedentes duæ, sed extrâ corpus, & paulo explicatius, proponit.*
- AA** Portio trunci Venæ cavæ descendantis.
- BB** Portio trunci Arteriæ magnæ descendantis.
- CC** Venæ emulgentes, ex quibus dextra brevior est.
- DD** Arteriæ emulgentes.
- EEE** Renes, quorum naturalis magnitudo hic ferè expressa.
- FF** Corpuscula illa renibus incumbentia, quæ Renes succenturiatos appellant.
- a** Venula, quæ præter emulgentem, ad dextrum renem ire, in hoc cadavere inventa fuit, in aliis deesse solet.
- G** Vena præparans dextra, ex ipso trunco venæ Cavæ prodiens.
- H** Arteria præparans sinistra, è trunco emergens.
- I** Vena præparans sinistra, ex sui lateris emulgente pronata.
- b** Venæ hujus propago, Aortam ingrediens.
- K** Arteria præparans dextra, ex anteriore suo trunco enata.
- LL** Duo Vreteres à renibus ad vesicam descendentes.
- MM** Rami iliaci vena cavæ.
- NN** Rami iliaci Arteriæ magnæ.

- OO** Arteriæ umbilicales.
- PP** Dextra Vena, & Arteria epigastrica, quæ ab iliacis oriuntur, & per rectos abdominis musculos ascendunt, ubi cum mammariis per anastomosen junguntur, hoc loco abscissæ.
- Q** Rectum intestinum, abscissum, & filo constrictum.
- RR** Vesicæ fundus versus inferiora reflexus.
- S** Portiuncula Vrachii in vesicæ fundo relicta, ut ejus exortus conspiciatur.
- T** Vteri fundus, è loco naturali remotus, & reflexus, ut ejus cum intestino recta connexio cernatur.
- VV** Testes.
- XX** Duo superiora & membranosa uteri ligamenta.
- YY** Vasa deferentia.
- ZZ** Vasa cæca, à Fallopio Vteri Tubæ cognominata.
- cc** Duo inferiora & rotunda uteri ligamenta.
- ddd** Anastomoses arteriarum, & Venarum hypogastricarum, quæ hic exactè apparent, in sinistro quidem latere, in suo adhuc loco relictis vasis: in dextro verò, nonnihil è loco remotis, utrobique tamen eorum in uterum ingressus conspicue cernitur.

TAB XX



LIBRI OCTAVI

TABVLÆ XXI EXPLICATIO.

FIGVRA I.

*V*terum extra corpus positum, cum annexis testibus, vasis deferentibus, & vesica urinaria exhibet.



- A Vteri fundus.
- B B Inferiora, & rotunda uteri ligamenta, hoc loco abscissa.
- C Regio, in qua uteri internum orificiū situm suum obtinet.
- D Testis dexter, membrana sua adhuc investitus.
- E E Vasa deferentia ad uteri cornua à testibus porrecta.
- F Superius, & membranofum uteri ligamentum, vasa deferentia testibus alligans.
- G Membrana testis dextri ab ipsa substantia separata.
- H Glandulosa testis sinistri substantia eleganter conspicua.
- I I Vteri collum, seu Cervix, vulgo Vagina dicta, quæ à pudendo externo ad os interius uteri protenditur.
- K Intestinum rectum abscissum.
- L L Cutis una cum pinguedine ab osse pubis detracta.
- M M Ligamentum, seu membrana uterum cum Vesica jungens.
- N Corpus vesicæ, omni fibrarum genere donatum, & ad inferiora reflexum, ut uterus, quo cumnectitur, videatur.
- O Vrachii portio.
- P Vreteres in vesicæ posteriorem sedem prope cervicem desinentes.

FIGVRA II.

*V*terum, cum suis Vasis & Testibus annexis, demonstrat.

- A Vesica urinaria, ad inferiora revoluta, ut uterus, qui subjacet, conspiciatur.
- B B Vreterum in vesicam insertio.
- C C Cervix uteri, sive Vagina, in quam plurima vasa disseminantur.
- D Vteri fundus utrinque obscure protuberans.
- E E Duo inferiora, & rotunda uteri ligamenta abscissa.
- F F Vas cæcum ab utero ortum, hoc loco ligamento superiori & lato adhuc annexum ostenditur.
- G G Idem vas in sinistro latere à ligamento lato separatum.
- H H Vasa deferentia, utriusque lateris à testibus ad uteri fundum desinentia.
- I I Superius & membranofum uteri ligamentum, per quod complura vasa à præparantibus orta, disseminantur.
- K Vasa præparantia dextra, in substantiam testis digesta, nondum à ligamento membranoso liberata.
- L Vasa præparantia sinistra, à ligamento membranoso liberata, ut eorum in testem insertio conspiciatur.
- M M Testium corpus, quorum dexter membrana sua tectus, sinister omnino nudus ostenditur.
- N N N Venæ, & Arteriæ, quæ multis anastomosibus in cervicem & fundum Vteri desinunt, expurgationi menstruorum, & nutritioni fœtus famulantes.
- O O Nervi, per uteri corpus disseminati, qui partim à Spinali medulla, partim à sexta cerebri conjugatione oriuntur.

TAB. XXI.



TABVLÆ VNICÆ LIB. NONI

D I L V C I D A T I O.

Persequitur partes medio ventri dicatas.

FIGVRA I.

Cor, & Pulmones, tum Venarum, Arteriarumque ex Cipro egressum, ac Nervorum recurrentium circa has reflexionem demonstrat.

- A Caput asperæ arteriæ, sive Larynx, cujus prima cartilago, sive scutiformis, hic prominet.
- BB Processus superiores cartilaginis scutiformis.
- C Fissura cartilaginis scutiformis.
- DD Cricothyroidei antici in suo situ.
- EE Fistula asperæ arteriæ, ex cartilaginibus, & membranibus eas colligantibus, exstructa.
- FG Cor in suo situ, ac forma pyramidalis depictum, per cujus superficiem externam levem Vena Coronaria a a disseminatur, pinguedine copiosa b obfita. Cæterum hic iisdem elementis sedes utriusque Ventriculi simul indicatur. nam F, dextro: G, autem, sinistro inscriptum est.
- HH Cordis basis, ex qua, velut ex fonte quodam, quadrigemina vasorum soboles emergit.
- I Apex, sive mucro Cordis.
- K Auriculæ cordis dextræ nonnulla portio expressa.
- LM Venæ cavæ truncus ascendens. L autem, illam partem designat, quæ in Cor hiat, orificio admodum amplo: M verò, quæ ad superiora excurrit.
- NOO Arteriæ magnæ truncus ascendens, qui mox in duos subclavios ramos O O dividitur, ex quibus postea propagantur Carotides arteriæ PP, quæ versus caput abeunt.
- Q Arteriæ magnæ truncus descendens, à postica pulmonum parte ad anticam retracta, ut sinistri recurrentis nervi TT, circa eum reflexio demonstretur.
- R Arteria venosa in pulmonum substantiam propagata.
- ST Nervi duo recurrentes, utrinque, à sexta cerebri conjugatione oriundi. Horum dexter SS, circa dextram subclaviam arteriam O, tanquam trochleam, reflectitur (†) indeque versus superiora (unde & nomen obtinuit) recurrit, V.
- V Sinister contra TT, circa arteriæ magnæ truncum descendentem Q, reflectitur, (†) & similiter ascendit X.
- Y Ramus à dextro recurrente nervo SS, ad Diaphragma tendens.
- Z Ramus à sinistro nervo recurrente TT, ad Ventriculi orificium concedens.
- cd Palmonis substantia, in suos lobos divisa, innumeris venularum propaginibus per externam superficiem sparsis, repleta. Demonstrantur autem his literis duæ ipsius partes, & dextra quidem caractere c, sinistra verò, elemento d.

FIGVRA II, III, &c.

Figura sequentes usque ad duodecimam omnes, cartilaginum laryngis demonstrationi sunt dicatæ. Ex his SECUNDA & TERTIA in situ suo, sive Laryngem ipsam integram, & illesam, representat: reliquæ, separatim singulas exhibent. QUARTA quidem, & QUINTA cartilaginem Thyroidem, sive scutiformem. SEXTA & SEPTIMA, Cricoidem & Arytænoides simul junctas. OCTAVA & NONA Cricoidem solam separatam ab Arytænoidibus. DECIMA & DUODECIMA, Arytænoides. Cum ergo singula duplici figura exprimantur, prior quidem semper anteriorem; posterior autem posticam

faciem ostendit. Vsi autem sumus communibus in omnibus literis.

- ABCD Asperæ arteriæ caput, sive Larynx.
- AA Thyroides sive scutiformis cartilago.
- B Fissura Thyroidis.
- CCDD Processus thyroididis cartilaginis, ex quibus CC superiores demonstrat: DD. inferiores.
- E Cricoides sive Annularis cartilago.
- F Cricoidis cartilaginis pars anterior, gibba, semicircularis, ac tenuis.
- G Eiusdem pars posterior, lata, plana, ac major.
- HH Linea aspera. Spina innominatæ cartilaginis Galeno dicta.
- II Duæ arytænoides cartilagines, sive Guttæ.
- LM Processus earum, superiores quidē L, inferiores autem M.
- N Epiglottis.
- OO Fistula asperæ arteriæ.
- PP Cartilagines fistulæ.
- Q Pars membranæ fistulæ.
- R SS Os hyoides in suo situ. Sed R ipsam basin: SS autem, cornua ejus demonstrant.
- TT Connexio cornuum ossis hyoidis SS cum processibus superioribus CC cartilaginis thyroididis AA.
- VV Cricothyroidei antici muscoli in suo situ.

FIGVRA XII.

Cordis dextrum ventriculum, secundum ejusdem longitudinem incisum, una cum Valvulis sigmiformibus, demonstrat.

- AAA A Labra incisionis factæ secundum ventriculi longitudinem. His literis quidquid interjectum est, interiorem ventriculi dextri superficiem exhibet.
- BB Basis cordis.
- C Mucro cordis.
- D Cavernulæ, quæ in superficie cordis interna occurrunt.
- E Protuberantiæ carneæ.
- FFF Valvulæ tres sigmiformes, Venæ arteriosæ orificio præpositæ, foris spectantes.

FIGVRA XIII.


Venæ Cavæ, & Arteriæ Venosæ, in fœtu nondum edito, anastomosis in membranula testam ostendit.

- A Cor, à posteriore sui sede, qua vertebra respicit, depictum.
- BB Venæ Cavæ truncus, qua cordi conterminus est.
- C Auricula cordis dextra.
- D Arteriæ magnæ truncus ascendens.
- E Ab hoc enata subclavia arteria.
- F Arteriæ magnæ truncus descendens.
- G Arteria Venosa.
- H Anastomosis, prout in vena cava apparet.
- I Membranula anastomosis huic præfixa, & valvulæ instar occludens.

FIGVRA XIV.

Arteriæ magnæ, & Venæ arteriosæ in fœtu unio, per tubulum facta.

- A Cor.
- B Pulmo.
- C Arteria magna ex corde emergens.
- DD Arteriæ magnæ truncus descendens.
- E Vena arteriosa.
- F Venæ arteriosæ ingressus in pulmones.
- G Tubulus, cujus beneficio hæc unio fit.
- HH Rami quidam arteriæ magnæ abscissi.



TABVLÆ LIBRI DECIMI,

EARVMQVE EXPLANATIO.

In his Tabulis ea omnia ostenduntur, quæ in capite cerni possunt, sed imprimis Cerebrum, cujus duplex demonstrandi ratio proponitur, quarum altera antiqua est, quam Galenus, ceterique Græci, ac inter Recentiores, Vesalius, & Fallopius secuti sunt: altera nova, & nostro primum seculo à Constantino Varolio, diligentissimo Anatomico anno 1570 inventa, & postea aliquam multis epistolis proposita. Vtraque singulari artificio & industria exhibetur, cum omnes partes eo ordine in conspectum proferantur, quo se mutuo sectionis serie consequuntur, adeo, ut his diligenter inspectis, suo quisque Marte ac studio anatomiam Capitis administrare valeat, singulasque sectiones & cultrorum ductus nullo negotio addiscere.

TABVLÆ I DECLARATIO.

FIGVRA I.

Dissectis decussatim cuticula, & cute, externe primum capitis partes demonstrantur.

- AAA Cutis cum cuticula, ac radicibus pilorum, à membrana carnosa detracta.
 B Cutis vera, cui pili adhuc inhærent.
 C Cuticula à cute separata.
 DDD Membrana carnosa, per cujus substantiam plures venulæ excurrunt.
 EEE Musculus supercilium attollens, (vulgò Frontis musculus dictus,) hic extrà suum locum situs, in quem tres nervi inseruntur. (123.)
 123
 FFF Pinguedo per cranium expansa.
 G Pericranium perioftio adhuc incumbens, in suo naturali situ cernitur.
 a Idem pericranium à perioftio separatum, ac inversum.
 H Perioftium suprà cranium expansum, inque naturali situ conspicuum.
 b Idem perioftium à cranio divulsum, ac inversum.
 III Cranium, sive Os capitis, dictis omnibus partibus subjacens.
 K Sutura coronalis, per anteriorem cranii partem transversim excurrens.
 LL Sutura sagittalis, per capitis longitudinem decurrens.
 MMM Musculus temporalis pericranio adhuc tectus.

FIGVRA II.

Adempta orbiculatim serra tanta calvaria parte, quantum auferri solet, eorum, quæ in cranii cavitate conti-

nentur, videndorum gratia, interne partes conspiciendæ exhibentur, sed imprimis Membrana crassa, tanquam quæ proxime cranio subjacet.

- AAA Vestigia resecti cranii, partiumque ipsum integumentum.
 BBB Membranæ crassæ dextra pars, in qua venæ hinc inde dispersæ observantur.
 C Primus truncus harum venarum per os cuneiforme ascendens.
 D Alter truncus sub osse in diversas partes ramulos suos expandens.
 E Propago quædam venarum illarum, quæ adhuc sub osse latitant. Cæterum hi trunci omnes à secundo ramo, sive anteriore encephalico, qui ab interiore ramo Internæ jugularis nascitur, & per cuneiformis ossis foramen septimum calvariam ingreditur, originem ducunt: suntque illi ipsi, quorum vestigia superius, tabula 4, fig. 2 libri secundi, in cranii interiore facie, litera FF, insignivimus.
 FFF Denotatur locus, ubi sinus tertius membranæ crassæ excurrit, & cerebrum in dextram sinistramque partem secatur.
 ggg Aspera quædam vestigia fibrarum, quæ hoc loco è crassa membrana enata, per suturam sagittalem ad pericranei constitutionem, egrediebantur.
 HHH Vestigia fibrarum, quæ similiter, sed coronalem suturam transeuntes, cranio exciderant.
 II Divisio cerebelli à cerebro, quæ fit mediante membrana crassa. Vbi similiter vestigia apparent aspera fibrarum, quæ per suturam lambdiformem cranium egrediuntur.

TAB. I.

FIG. I.





FIG. II.



LIBRI DECIMI

TABVLÆ II DILVCIDATIO.

FIGVRA I.

D *Dissecta decussatim membrana crassa, remotaque ad latera, tenuis, ipsi proximè subjacens, conspectui offertur.*

- A A A Membranæ crassæ decussatim dissectæ portiones tres à capite dependentes, ubi ejus interior superficies cernitur, & venulæ minutissimæ per ipsam dispersæ, notatæ literis b b b.
- B B Vestigium resecti cranii.
- C C C Sinus tertius membranæ crassæ, cerebrum in dextram sinistramque partem dirimens.
- D D D Vasa ex hoc sinu deducta, & per superficiem tenuis membranæ disseminata, unde postea ad cerebri substantiam digeruntur.
- E E E E Membrana tenuis cerebrum uniuersum immediate ambiens, & tegens. In hac notabis primum vasa, mirifico quodam ordine, juxta seriem anfractuum cerebri excurrentia: deinde & ductum ipsius membranæ secundum illas circumvolutiones.
- F F F F Anfractus cerebri sub membrana tenui nonnihil apparentes.
- G G G G Sinus spirarum, seu circumvolutionum cerebri, nondum satis evidentes.

FIGVRA II.

R *Emota utraque cerebri membrana, tam crassa, quam tenui, cerebrum ipsum conspiciendum exhibetur: tum processus membranæ crassæ, qui Falx dicitur, nonnihil è suo loco naturali elevatus ostenditur.*

- A A A Membrana tenuis à cerebro separata, & inversa, ut interna ipsius facies, per quam venulæ in omnes cerebri anfractus copiosissimè excurrunt, conspiciatur.
- a a a a Propagines exilium venarum ex cerebri anfractibus erumpentium, per tenuem membranam sparsæ.
- b b b Venulæ exiles digestæ per tenuem membranam.
- BBBBB Portiones membranæ tenuis, quæ inter spiras serpentes, spiras undique investiant.
- CCCC Anfractus cerebri, sive Spiræ, intestinorum ritu contortæ, atque ex loco naturali remotæ.
- D D D Spatium inter dextram, & sinistram cerebri partem, in qua Falx reconditur.
- E E Dextra cerebri pars.
- F F Sinistra cerebri pars.
- G G Processus membranæ crassæ superior, Falx dictus, copiosis venulis refertus, & inter dextram, sinistramque cerebri partem situs, quæ ex loco naturali hic elevatus cernitur.
- H H H Superior falcis pars, per quam sinus tertius crassæ membranæ excurrit.
- I Extremitas falcis acuta, quæ ossi cristofo adnectitur.
- L L L Sinus tertius crassæ membranæ cerebri, falciformi processui superstratus.

TAB. II.

FIG. I





FIG. II.



TABVLÆ III EXPLICATIO.

FIGVRA I.

D *Iducto leviter digitis ad latera, Cerebro, utraque membrana, qua tegebatur, denudato, remota etiam ex loco proprio Falce, corpus callosum & ductus per ipsum ad tenuem membranam ascendentes, demonstrantur.*

- A A Membrana crassa ab hoc Capite, tanquam novo, ad latera revoluta.
 B Cutis dependens.
 CCCC Cerebrum adhuc tenui membrana tectum, sed divisum, & separatum à se.
 D D Cerebri pars dextra.
 E E Cerebri pars sinistra.
 F F F F Cerebri dextra, & sinistra pars antea juncta, nunc utrinque leviter digitis ad latera revoluta, ut tum ipsum corpus callosum, G, G, tum ductus H, H, per callosum corpus excurrentes, rectius compareant.
 G G Corpus callosum cerebri.
 H H Ductus, utrinque per callosi corporis substantiam disseminati, quorum soboles ad latera tenuis membranæ dictas partes integrentis transmittuntur. hi à quarto sinu oriuntur.
 I I I Falx, sive processus superior membranæ crassæ, qui spatium inter dextram sinistramque cerebri partem occupabat, è loco suo naturali elevatus cernitur, in qua venulæ, per ipsius substantiam dispersæ, observentur.
 K K K Sinus tertius membranæ crassæ in superiore falcis parte positus.
 L L Asperitas falcis, per quam annecti solet lateribus tenuis membranæ.
 M M Revolutio ad latera particulæ cujusdam falcis, ut duplicationem illam membranæ crassæ, & sinum in ea contentum facile quis animo assequatur.

N Extremitas falcis acuta, processui ossis spongiosi cristam galli referenti adnexa.

FIGVRA II.

A *Blata, alta & transversa sectione, magna portione cerebri, intimiores partes, ipsique admodum Ventriculi nunc ostenduntur.*

- A A A Cerebri secti per medium pars dextra.
 B B B Eiusdem cerebri pars sinistra.
 a a a Puncta rubra quæ apparere solent in cerebri administratione, nihilque sunt aliud, quam sanguis, ex venulis per cerebrum digestis & dissectis, exstillans.
 C C C Linea est per medietatem corporis callosi arte ducta, ut vestigium divisionis illius cerebri in dextram sinistramque partem exprimat.
 D D Dexter cerebri Ventriculi latera, parum digitis revoluta.
 E E Sinistri Ventriculi latera, à se nonnihil diducta.
 F F Duo trunci exigui venularum illarum, quas in præcedente figura (signatas literis H, H,) per callosum corpus expandi, & in tenuem membranam dispergi diximus.
 G G H H Duo superiores cerebri Ventriculi, dexter & sinister, nondum perfecte aperti, oblique tamen anfractuosi semicirculares ac tenui membrana obtecti, in sequentibus Tabulis rectius conspiciendi.
 I Plexus choroides, dextrum cerebri ventriculum percurrentes.
 K K Venulæ graciles, à vasis plexum choroidem constituentibus deductæ, in sinistro ventriculo nonnihil evidentiores.
 L Plexus choroides sinistrum ventriculum percurrentes.
 M Portiuncula falcis, versus posteriora retracta.

TAB. III.

FIG. I.



FIG. II.



TABVLÆ IV EXPLICATIO.

FIGVRA I.

A Ltiore adhuc sectione facta, & ventriculorum labris nonnihil ad latera diductis, corpus callosum, & sub-
tus speculum, plexusque choroides, videndi exhibentur.

- A A A Cerebri per medium secti pars dextera.
B B B Eiusdem cerebri pars sinistra.
C C C Linea arte ducta per corpus callosum, ut vestigium appa-
reat divisionis cerebri.
D D Callosum corpus ad sinistram partem nonnihil vi ductum,
ut speculum, ventriculum dextrum à sinistro separans,
aptius demonstratur.
E Portio speculi, quæ superius calloso corpori, inferius for-
nici adnectitur.
F F Latera utriusque Ventriculi, à propria cerebri substantia,
qua tegebantur, dissecti.
G G G Fundus, sive inferior ventriculorum cerebri pars, in quo
venulæ, à vasis plexum choroidem constituentibus,
comparent.
H H Plexus Choroides, ex venis & arteriis conflatus.
I I Portio quædam fornix, quæ in sequenti figura exactius
conspicietur.
K Portio falcis, ad posteriora reflexa, variis plexibus cor-
rugata.

FIGVRA II.

D Issecto calloso corpore, & versus posteriora retracto,
plexus choroides integri, simulque ipsorum in cavi-
tatem parvum ingressus demonstratur: Fornix etiam, &

sub fornix divisione in loco tenebroso vasa transeuntia,
ostenduntur.

- A A Corpus callosum versus posteriora reflexum, ut fornix,
subjectæque partes cernantur.
B B Ventriculi cerebri, sublatis nunc omnibus ipsis incum-
bentibus partibus integrè, quoad fundum conspiciui.
C C C Fornix, non tam Trianguli, quàm duorum cornuum for-
mam, aut, (cui rectius comparaveris,) Y, literam py-
thagoricam referens.
D D Plexus Choroides utriusque ventriculi eleganter hic
conspiciui.
E E Cavitates rotundæ, quas ad inferiora tendentes, plexus
Choroides ingrediuntur.
F F Rami venularum, quæ per superiorem callosi corporis
superficiem expansæ, Tabula tertia, figura prima, sub
literarum H H, signo monstratæ sunt, hoc loco à cor-
pore calloso ad anteriora retractæ: calloso dein cor-
pore ad posteriora reflexo, cernuntur, ut earum ex in-
ternis partibus ortus conspiciatur. Egressæ enim ex
hac cavitate ad superiora ascendunt, & ad postero-
rem partem tendentes, in corpore calloso (ut diximus)
suos hinc inde ramulos spargunt, qui duobus in locis,
interventu venæ, per anastomosin, uti literæ aaa per-
bellè ostendunt, junguntur.
G G G Vas à quarto crassæ membranæ sinu prodiens, ac sub for-
nice in tenebroso hoc loco in tertium ventriculum
admodum implexè descendens, quod in sequentibus
multo melius patebit.
H Hæc fissura locum ad os cristosum, nec non Spongoides
pertinentem, ope cujus excrementa cerebri eò de-
fluentia evacuari Placentinus credebat, designat.
IIIIII Puncta sanguinis ex venulis cerebri exstillantis clarissimè
patent.

TAB. IV.

FIG. II.





FIG. I.



TABVLÆ V EXPLICATIO.

FIGVRA I.

Separato nunc prorsus calloso corpore, & ejus loco elevata fornice versus posteriora vasa, quæ sub fornice latebant, tum ventriculi tertii situs, ac meatus ab ipso re-
cta ad pelvim tendens, demonstratur, plexus quoque cho-
roides expansi ostenduntur.

- AAAA Vtriusque Ventriculi, tam dextri, quam sinistri fundus, & latera.
B B B Fornicis substantia versus posteriora sublevata, sub qua tamen propter plexum choroidem explicatum, nondum exacte tertius ventriculus conspicitur.
C D Plexus choroides expansi, in posteriore sui parte lunarem figuram obtinentes, in anteriore apicem, quo ferme ad foramen anterius tertii ventriculi desinunt.
E Vas in duos ramulos divisum, de quo figura secunda Tabulæ quartæ, litera G G dictum est, ad tertium ventriculum implicate admodum contendere, tum plexibus choroidis sese insinuans, tum ramulos per substantiam utriusque superioris ventriculi dispergens.
F Foramen, seu meatus profundus tertii ventriculi, ex tenui membrana factus, initio amplo sensim in canalem angustato, quod hic facile videre licet, revolutis particulis tegentibus ad latera.
G G Extremitates plexus choroidis.

FIGVRA II.

Elevato nunc etiam plexu choroide ad superiora, Ventriculus tertius ostenditur. Remota autem membra-

na, quæ contenta tegebat, uterque ipsius meatus, tam primus, quam posterior, & corpuscula quæ circumposita sunt, ut glandula pinealis, nates, testes, aptissime demonstrantur.

- AAAA Ventriculorum dextri, & sinistri fundus.
B B Eorundem latera, sive Parietes.
CCCC Rimæ, sive Canales leviter in substantia eorundem ventriculorum exsculpti, ut etiam in aliis figuris apparet, & ad meatum anteriorem tertii ventriculi deducti.
D Sub hoc corpore extuberante Vulva sita est.
E Meatus anterior tertii ventriculi, in quem excrementa cerebri recepta, ad glandulam pituitariam transmittuntur.
F F Rima, sive tertius Ventriculus cum duobus suis meatibus, quibus ab anteriore & posteriore parte terminatur.
G Meatus, seu foramen posterius, quod ano simile dicitur, & sub natibus ad quartum ventriculum abit.
H H Eminentiæ duæ superiores ejusdem cum cerebro substantiæ, sola linea distinctæ, à forma Nates dictæ.
II Inferiores extuberantiæ ob proximam glandulam, quæ peni à nonnullis comparata, Testes nominatæ.
K Glandula pinealis, substantia dura constans, membrana tenui tecta, & dicti foraminis principio apposita.
L L Plexus choroides ad superiora reflexi.
M Falx ad posteriora revoluta.
N N His angulis acutis figuræ lunaris, sive semicircularis, quod anteriores ventriculi in parte posteriore vergunt, clarissime patet.

TAB. V.

FIG. I.





FIG. II.



TABVLÆ VI EXPLANATIO.

FIGVRA I.

R Emota posteriore cerebri parte, membrana crassa cerebellum involvens, & Torcular vocatum comparet, quo per medium dissecto, & membranæ ad latera revolutis, interior quatuor sinuum facies conspicienda exhibetur.

- A A Os cranii, in quo meditullium optimè comparet.
 æ æ Spatium, quod inter cranium & duram matrem est, ostenditur.
 B B B B Reliquum substantiæ cerebri profunda sectione sublata.
 C C Fundus dextri & sinistri Ventriculi, copiosis venarum propaginibus confusus.
 D Tertius ventriculus, ad latera paululum deductus.
 E Foramen anterius tertii ventriculi ad pelvim, sive infundibulum descendens.
 F F Plexus choroides, sive retiformes, leviter extra sedem suam remoti, & expansi.
 G G Principium plexuum retiformium.
 H H Finis eorundem plexuum.
 I I Portio cerebelli detecta.
 K K Processus posterior crassæ cerebri membranæ, cerebrum à cerebello dividens.
 L L Membranæ quarti sinus aperti, ad latera convolutæ.
 M M Membranæ primi sinus aperti, ad latera positæ.
 N N Membranæ secundi sinus dissecti, revolutæ.
 O O Primus crassæ membranæ sinus.
 P P Secundus crassæ membranæ sinus.
 Q Q Quartus crassæ membranæ sinus, in quo innumera propemodum foraminula visuntur.
 R R R Tertius sinus in superiore falcis regione positus, à crassa membrana, cui adnectebatur ad litteram A, resectus.
 a a a a a Denotantur orificia vasorum, quæ ex tertio sinu in tenuem membranam propagantur, supra Tab. II, figura prima, literis D D D D D notata.
 S Principium, vel concursus quatuor dictorum sinuum, Torcular Herophilo, ex opinione quorundam, dictum.
 T T T Processus falciformis à cerebri substantia undiquaque denudatus, & extra situm positus, ut totus exacte cernatur.

- b b b Vasa minuta per falcis substantiam dispersa.
 V Cuspis processus falciformis acuta, & nonnihil incurvata, ab osse cristiformi nunc separata.
 XXXX Membranæ tertii sinus aperti revolutæ, ut ejus interior facies appareat.

FIGVRA II.

A Blata crassa membrana cerebellum involvente, ipsius Cerebelli substantia ostenditur: & rima, sive ventriculo tertio ad latera diducto, cavitas ejus, & in ipso contenta Vulva cum foramine anteriore apparet.

- A A A A Os cranii.
 B Meditullium cranii.
 C C C Spatium, quod inter cranium & crassam membranam est.
 D Eminencia quædam cranii dextram sinistramque cerebelli partem dirimens.
 E E E Crassæ membranæ portio, quæ cerebellum investit, ad posteriora retracta.
 F F Cerebelli substantia, per cujus superficiem externam plures venulæ sparguntur, (a a,) & lineæ excurrunt (c.c.)
 a a c c Clunes nonnihil è loco suo motæ.
 G G Clunes nonnihil è loco suo motæ.
 H H Testes, similiter ad superiora ut clunes elevati, & divisi.
 I Glandula pinealis testibus contigua.
 K K Plexuum retiformium ingressus.
 L Foramen, seu meatus posterior Ventriculi tertii, toties jam demonstratus.
 M Cavitas, quæ ventriculo tertio diducto cernitur.
 N Corpus figuram pudendi muliebris exprimens, Vulva propterea dictum, ad cujus anteriorem partem foramen anterius tertii ventriculi patet.
 O O O Ventriculorum dextri, & sinistri fundus.
 P P P P Latera, seu parietes eorundem.
 Q Q Plexus choroides studio extra ventriculos commoti.
 R R R R Cerebrum, cujus superior, & posterior pars cerebello incumbens, ablata est.

FIG. I.

TAB. VI.





FIG. II.



TABVLÆ VII EXPLICATIO.

FIGVRA I.

V Traque cerebri parte, tam dextra quam sinistra à se diducta, non tantum juxta latera, sed etiam quo ad anteriorem partem, Os cristosum, ad quod corpus falciforme annecti diximus, exacte apparet. Testibus autem, ac natibus per medium divisis, atque à se distensis, meatus ille, qui sub ipsis ex tertio ventriculo in quartum abit, cernitur. Facta etiam profundiore sectione, vulva à se diducta videtur, meatusque ille, qui in pelvim descendit, & prope quem exortus nervorum opticorum consistit.

- AA Cerebri portio dextra & sinistra, à se diducta, & nonnihil extra cranium levata.
 BB Portio dextræ atque anterioris cerebri partis paululum revoluti, ut cristiforme os D in conspectum prodeat.
 CC aa Pars cranii, anteriorem illam cerebri portionem BB sustinens.
 D Os cristiforme, in cujus verticem apex corporis falciformis definit.
 E Cerebri magna portio dissecta, ut calvaria CC cum osse cristoso D appareat.
 FFFF Vestigium illius sectionis, qua tota illa cerebri pars, quæ cerebellum tegebat, ablata fuit.
 Gbbb Meditullium cranii inter duas laminas (bbb) conclusum.
 HH Calvariæ interna facies, cui cerebellum incumbit.
 II Cerebelli pars posterior in naturali situ locata, & multis venarum furculis conspersa.
 KK Cerebelli pars antica, ad superiora elevata.
 L Nervorum opticorum exortus.
 M Meatus primus tertii ventriculi, qui ad pelvim descendit, dilatatus.
 NN Vulva ad latera diducta.
 O Hic foramen, sive meatus tertii ventriculi, qui Anus dicebatur, situs erat, at nunc dissectus cernitur.
 PP Testes studio aperti, ut principium quarti ventriculi detegeretur.

- QQ Nates divisi, ut ductus, qui sub ipsis latebat, conspiceretur.
 R Ductus posterior tertii ventriculi, in quartum tendens, apertus.
 S Vestigia fundi dextri & sinistri ventriculi cerebri.

FIGVRA II.

C Apud novum undique à cranio, carne, & crassa membrana separatum, atque in faciem positum, ut naturalis Cerebelli, tam situs, quam connexio cum cerebro, & spinali medulla, compareat. Simul etiam spinalis medulle in vertebra processus ostenditur, qui tamē cum tenui quadam membranula sit tectus, non adeo aperte exprimi potuit.

- AA Caro musculorum à vertebra divulsa, ac separata.
 B Vertebra prima cervicis nondum à sua carne liberata.
 CCC Calvariæ resectæ vestigia.
 DDD Crassa membrana, tam à cerebro, quam à cerebello undique separata.
 EEE Cerebellum, per cujus superficiem innumeræ venulæ discurrent.
 F Portio processus vermiformis anterioris.
 GG Membranula quædam, velaminis instar spinalem medullam, & cerebelli portionem, à quo ortum ducit, contegens.
 HH Nervi ex spina prodeuntes.
 I Portio medullæ spinalis sub cerebello egrediens, multis cum nervulis exiguis à se propagatis, sub membrana consistens.
 K Corpus primæ colli vertebræ.
 LL Foramen vertebrarum colli, per quod spinalis medulla ex cranio ad dorsum transit.
 MM Cerebrum cerebello adhuc annexum, & membrana tenui tectum.
 NN Divisio cerebri satis evidens.

FIG. I.

TAB. VII.





FIG. II



TABVLÆ VIII DILVCIDATIO.

FIGVRA I.

Demonstrantur ea, quæ sub membranula illa, in præcedenti proxima figura spinæ medullam tegente, latebant. Exempto enim cerebro, & capite in facie collocato, tum ad anteriora cerebello tracto, etiam spinalis medulla ex vertebra tracta est, quæ hic jam apertè sua membranula quasi excoriata videtur, ipsa membranula ad latera tracta. Exortus etiam trium parium nervorum ex ejus principio adhuc obscure apparentes conspiciuntur.

- AA Vestigia resecti cranii.
- B Prima cervicis vertebra, sua carne adhuc stipata.
- CC Cerebelli duæ portiones laterales, tenui membrana tectæ, per quorum substantiam venulæ excurrunt.
- D Cerebelli media pars vermiformes processus constituens.
- E Cerebelli portio.
- FF Membranula spinalis medullæ ad latera tracta.
- GG Spinalis medullæ substantia detecta.
- H Quarti ventriculi cerebri pars maxima in principio spinalis medullæ exsculpta, calami, quo scribimus, mucronem referens.
- IKL Quintum, (II) Sextum (KK) & Septimum, (LL) nervorum par.
- MM Crassa membrana cerebri inferiorem calvariæ regionem tegens.
- NN Aures.

FIGVRA II.

Cerebello, & Cerebro ad anteriora cum spinali medulla revolutis, Vasa, ex quibus Rete mirabile contextitur, tum Infundibulum, unà cum Glandula pituitaria cernitur.

- AA Vestigia resecti cranii.
- BB Cerebellum, cum vasis per ipsius substantiam perreptantibus, ad anteriora revolutum.
- CC Cerebri adhuc integri inferior portio similiter revoluta.
- D Spinalis medulla cerebello adhærens, cum suis arteriolis, & venulis, ad anteriora tracta.
- E Portio arteriarum Vertebraliū, in utroque fine bifurcata, ex qua arteriolæ illæ oriuntur, quæ per spinalis medullæ substantiam excurrunt, ac cum carotidis arteriæ ramo majore rete mirabile constituunt.
- FF Portio retis mirabilis, ex dicta arteria conflati, & ruditer delineati.
- GGGG Tenuis cerebri membrana extensa.
- H Infundibulum ex tenui membrana, cerebri substantia undique separata, constitutum.
- I Pars inferior, & teres infundibuli.
- K Eminentia hæc obscure glandulæ pituitariæ formam refert, in quam infundibulum definit.
- LL Nervorum à spinali medulla resectorum portiones in prima hujus tabulæ figura, spinali medullæ adhuc adhærentes, obscure delineatæ.
- M Prima cervicis vertebra à sua carne nondū omnino libera.
- NN Aures.

FIGVRA III.

Dicta cerebri portione, in secunda figura expressa, tum cerebello cum spinali medulla ex cranio exempta, cerebri cum cerebello, itemque cerebelli cum spinali medulla connexio separatim ostenditur, in cujus principio jam exacte, ac integre quartus Ventriculus exprimitur.

- AA Cerebelli dextra, & sinistra pars, plurimis venulis perfusa.
- B Vermiformis cerebelli processus ad anteriorem partem retractus: cum quartum ventriculum tegere soleat.
- C Ventriculus quartus in spinali medulla D, exsculptus.
- DD Spinalis medulla.
- EE Cerebri portio cerebello adhærens.

FIGVRA IV.

Cerebellum hic à spinali medulla, & cerebro separatū, sigillatim ponitur, duæ tamen portiunculæ spinalis medullæ cum glandula pineali relinquuntur, ut, qua sui parte illi adnectantur, demonstretur.

- AA Cerebelli substantia dura, transversis lineis interstincta.
- B Vermiformis processus.
- C Glandula pinealis.

- DD Portiones spinalis medullæ, quibus cerebello in posteriore sui parte, ubi quartus ventriculus situm habet, adnectitur.

FIGVRA V.

Hac figura separatio cerebelli à spinali medulla exprimitur.

- AA Duæ partes cerebelli latiores.
- B Processus vermiformis.
- CC Vestigium albicans spinalis medullæ à cerebello separatæ. hic enim Cerebellum spinali medullæ conjungebatur.

FIGVRA VI.

Cerebellum altera sui parte dissectum proponitur, ut ejus substantia interna conspiciatur.

- AA Cerebelli substantia externa.
- B Cerebelli substantia interna dissecta, ejusque substantia albicans.
- CC Vermiformis processus annexus cerebello, hic separatus.

FIGVRA VII.

Sectio per medium cerebello, substantia ipsius interior alba, litera A, ostenditur.

FIGVRA VIII.

Eodem Cerebello secto, ipsius interna substantia accuratius depingitur.

- AA Interna cerebelli & albicans substantia.
- BBB Eiusdem livida substantia, albæ substantiæ productiones in se continens.

FIGVRA IX.

Spinalis medullæ principium separatim locatum, ut ipsius Vera figura exprimat.

- AA Membranula spinalem medullam tegens, hic ad latera diducta.
- BB Spinalis medullæ, quæ contineri solet in cranio, portio.
- CC Duæ ipsius portiones, quibus cerebello adhærere solet.

FIGVRA X.

Eadem spinalis medulla proponitur, sed resectis portionibus illis quibus cerebello adhæret, itemque membranula. Inversa quoque est, ut ductus ille posterior, qui ex tertio ventriculo in quartum, sub natibus, testibus, & pineali glandula tendit, ex hac parte, diducto quarto ventriculo, conspiciatur.

- AAA Spinalis medullæ substantia.
- B Quartus ventriculus non exacte expressus.
- C Ductus tertii ventriculi in quartum.
- D Glandula pinealis.
- E Rudis natium, & testium in spinali medulla sitorum, delineatio.


FIGVRA XI.

Hæc figura, si quis recte secum perpendat, ad secundam figuram sextæ Tabulæ pertinet. Ostenditur enim Cerebellum, & Cerebri substantiæ portio, in qua tertius Ventriculus in omnes dimensiones diductus, cum utroque suo foramine tam anteriore, quod ad pelvim, quam posteriore, quod ad quartum ventriculum tendit, exprimitur.

- AA Cerebellum.
- BBB Cerebri substantia.
- C Ventriculus cerebri tertius.
- D Foramen posterius ventriculi tertii ad quartum tendens.
- E Glandula pinealis.
- FF Natium & testium locus.
- G Mcatus anterior ventriculi tertii ad glandulam pituitariam descendens.
- H Glandula pituitaria.
- II Principium nervorum opticorum.
- K Infundibuli pars.

FIGVRA XII, & XIII.

Prior figura Nervorum opticorum portionem AA, cum infundibuli parte, B, & glandula pituitaria C. Posterior, Vermiformem cerebelli processum monstrat.



TABVLÆ IX DECLARATIO.

FIGVRA I.

Cerebri, ejusque partium delineatione ex communi Anatomiconum sententia proposita, fabricam ejusdem, inuersa, ut vocant, sectione, & noua, exprimere Placentinus sequentibus Tabulis voluit. Cerebrum ergo in hac figura ab omnibus undique ossibus liberatum, ceterum crassa adhuc membrana contectum, inuersum proponitur.

- AAAA Dura membrana, venulis conspersa quamplurimis, undique cerebrum & cerebellum inuestiens.
 B Spinalis medulla crassa membrana contecta.
 CC Cerebellum crassa membrana tectum ac circumscriptum, aptissime hic comparens.
 D Glandula pituitaria, crassa membrana adhuc inuestita.
 EE Ramus major arteriæ carotidis.
 FF Duo oculi.
 GGG Musculi oculorum, in suo situ jacentes.
 HH Musculis his interposita pinguedo.
 II Hic parum excisa crassa membrana, Cerebrum, K K, & nervi olfactorii (I, I,) apparent.
 K K Portio quædam cerebri conspicua.

FIGVRA II.

Idem Cerebrum in eodem situ relictum exhibetur: membrana autem crassa decussatim secta, & ad latera reuoluta, quale tum ipsum appareat tenui adhuc meninge inuestitum, tum quæ ejus partes cernantur, proponitur.

- AAAA Crassa cerebri membrana decussatim secta, & ad latera diducta.
 BBBB Cerebri substantia, tenui adhuc meninge tecta.
 CC Divisio cerebri in sinistram & dextram partem admodum conspicua.
 DD Cerebellum tenui membrana adhuc tectum.

- EEE Spinalis medulla, tenui membrana adhuc inuestita. Quo loco diligenter advertendum est, quanto artificio, & quàm præclara industria sculptor punctulis quibusdam tenuem membranam expresserit, ut transparere subjacentia corpora magna quadam intuitum animi jucunditate videantur.
 FFF Venulæ per cerebellum ejusque membranam digestæ.
 GG Ramus major interioris arteriæ Carotidis, Rete mirabile efficiens.
 HH a Interior hujus rami G, surculus, de quo tab. sequenti plura. Enascitur autem circa a, a.
 I Glandula pituitaria.
 KKL Ortus nervorum oculos moventium, sive secundi paris nervorum cerebri. Ex his dexter circa L, in musculos oculi inferitur: sinister circa b, abscissus est.
 b
 MM Principium nervorum opticonum, sive primi paris nervorum cerebri.
 NN Quintum par nervorum cerebri.
 OO Sextum par nervorum Cerebri.
 P Portio infundibuli, sive pelvis.
 QQ Organa olfactus, sive Octavum par nervorum cerebri.
 RR Nervi optici, sive primum par nervorum cerebri, à terminis musculis liberum.
 S Musculus palpebram attollens.
 T Trochlea, sive cartilago trochlearis, musculi superioris oculum circumvolventis.
 V Musculus ille cum trochlea T conspicuus.
 XXXX Alii quatuor musculi oculum moventes, ac tendinibus suis, ut & prior V, in oculi corneam tunicâ desinentes.
 YY Oculi circularem figuram obtinentes, quorum dexter à musculis separatus est.
 ZZ c Vertebrales arteriæ, quarum conjunctio circa c, progressus usque ad d, ubi in duos ramos iterum dividuntur, e, e. Sed harum demonstratio perfectior in sequenti Tabula, ubi literis R, R, insignitæ sunt, dabitur.
 ff Processus cerebri mammillares dicti.

TAB. IX.

FIG. I.





FIG. II.




LIBRI DECIMI

TABVLÆ X EXPLICATIO.

<p>Cerebro in eodem situ relicto, eadem sane quæ præcedens figura representat, expressius tamen, nonnulla etiam singularia addit. Exactius quidem ostendit Spinalis medullam detectam, & liberatam à sua membranula cum omnibus quæ sub ea continebantur, infundibulo, inquam, glandula pituitaria, arteriis, & nervis. Nova autem demonstrat, tum excisa portiuncula cerebri in dextra parte, tum eadem ad superiora revoluta in sinistra, ut est Rete mirabile, & ejus cum plexu choroide connexus.</p>			
AAAA	Cerebri substantia tenui membrana tecta.	d d	que in plures arteriolas d d per tenuem cerebri membranam dispersas, absumitur. Secundus, exterior, e, reflexus, in cerebri priores ventriculos abit, divisus prius
B B	Cerebellum.	e	in multos furculos ff, qui cum furculis arteriæ Cervicalis h h uniuntur, i i.
C	Portiuncula Cerebri, quæ Rete mirabile L L contegebat in dextro latere ad superiora revoluta.	f f	
a a	Vestigium portionis Cerebri, in dextra parte excisæ.	L L	Rete, mirabile dictum, ab hoc arteriarum carotidum ramo constitutum.
D D	Spinalis medulla detecta jam & libera à sua membranula, in qua arteriola per ipsius superficiem excurrentes advertendæ.	M	Anterior tertii ventriculi pars vulvam referens, ad quæ foramen ad pelvim ex tertio ventriculo tendens, situm est.
E E	Nervorum opticorum, seu primi nervorum cerebri paris, portiones.	N	Pelvis in glandulam defineus.
F F	Octavum par nervorum cerebri, sive Organa olfactus.	O	Glandula pituitaria.
G G	Nervorum oculos moventium, seu secundi paris, portiones.	P P	Portio plexus choroidis, in quam ramulus unus Retis mirabilis definit, & ipsi connectitur.
H H	Nervorum quinti paris portiones.	Q Q	Tubercula quædam (ut ita dicam) Cerebri, quæ plerisque Anatomicis Processus mammillares dicuntur.
I I	Nervorum sexti paris portiones.	R R	Cervicales arteriæ ab aliis, à Spigelio Vertebrales dictæ, quod per vertebrarum colli transversorum processuum foramina ascendant, hoc loco à suo principio abscissæ. Hæ ubi ad cranium ferè pervenerunt, per primum occipitis magnum foramen una iugrediuntur, moxque sub spinalis medullæ, quod in ipso est, principio, D D, uniuntur S, sicque sub media cerebri basi versus anteriora recta excurrunt: at ubi jam sellam ossis cuneiformis glandulæ pituitariæ dicatam, attigerunt, circa T, in duos ramos dividuntur, dextrum & sinistrum, g g, qui in furculos infinitos h h dirempti, cum arteriæ carotidis interioris furculis ff, uniti i i, plexum choroidem P P constituunt.
K K	Ramus major interioris Carotidis arteriæ, qui sub dicta Cerebri portiuncula C latebat, utrinque conspicuus.	S	
b	Ab hoc duo alii nascuntur: primus, interior b, qui cum suo conjuge alterius lateris b, unitur prope c, postea-	T	
b c		g g h h	
		i i i	

TAB. X.



LIBRI DECIMI

TABVLÆ XI EXPLICATIO.

FIGVRA I.

C Apite in facie collocato, posteriorem ipsius partem exprimit, ut videlicet venarum jugularium concursum, ac earundem in sinus crassæ membranæ desinentes terminos, demonstrat. Eo nomine omnes quatuor sinus apertos, sanguinisque in ipsis concretionum grumum representat. Adhuc ut venarum jugularium in calvariam ingressum ostendat, & vertebra partem, quam superior vena jugularis ramus superequitat, & ejusdem in sinistra parte per calvaria ossis foramen introitum, inferioris quin etiam venæ ad processum styloidem situm commonstrat.

- A A Vestigia cranii Cerebrum cingentis.
- B Processus styloides in sinistra parte expressus.
- C C Cerebrum crassa membrana adhuc tectum.
- D D Cerebellum crassa membrana adhuc tectum.
- E Spinalis medullæ portiuncula exigua.
- F Portio calvaria in sinistra saltem parte relicta, ut Venæ jugularis & arteriæ carotidis in cranium per ipsam ingressus conspiciatur.
- G G Portio Vertebra eadem de causa relicta.
- H H H Portiones Venæ jugularis & arteriæ carotidis in dextra, sinistraque parte.
- K Conjunctio utriusque vasis, venæ inquam & arteriæ in sinistra parte saltem assignata; at hic in dextra, demptis ossibus admodum diligenter expressa.
- L Facta jam ad literam K horum valorum conjunctione, facto etiam aliquo circa cerebellum progressu, hic in sinus crassæ membranæ Vasa illa desinunt.
- M Sinus primus, sive Dexter crassæ membranæ.
- N Grumus sanguinis in dicto sinu relictus.

- O Secundus, sive sinister sinus crassæ membranæ.
- P Tertius, sive Superior sinus crassæ membranæ in falce constitutus.
- Q Quartus, sive Inferior crassæ membranæ sinus.
- RRRR Area in medio harum literarum sita, Torcular Anatomicis dicitur.
- S S Arteriarum Carotidum sursum ascendentium portiones.
- T T Palatum cum dentibus.
- V Columella.
- X X Cavitas ad columellam sita.
- Y Y Foramina in narium amplitudinem ex palato desinentia.

FIGVRA II.

C Apite undique ab ossibus liberato, Cerebelloque à posteriore, & naturali sua sede ad anteriora retracto, anteriore vero parte elevata, dictorum sinuum in tenuem membranam propagines demonstrantur, sinistraque cerebri parte resecta, ventriculus sinister, ex dictis anterioribus, spectandus offertur.

- A A a a Cerebellum ad anteriora detractum, cujus partes laterales & globosæ literis A A insigniuntur: at media, & Vermiformes processus, a a.
- B B Pars cerebri tenui membrana tecti.
- C Pars cerebri glabra, vestigium resectæ suæ portionis obtinens.
- D D Ventriculus sinister, in quo plexus choroides continetur.
- E E E Tria corpuscula, Nates, Testes, & Glandula pinealis.
- FFFFF Membrana crassa Cerebri vario modo secundum propagines sinuum ipsius incisa, & ad latera, ut sinus evidentiores sint, revoluta.
- G Vasa per cerebrum excurrentia.

TAB. XI.

FIG. I.





FIG. II



TABVLÆ XII DILVCIDATIO.

Visus auditusque organa, siue Oculum, Auresque internam conspiciendam proponit.

FIGVRA I.

Membranarum, tum Humorū oculi orthographiam, quemadmodum Optici loquuntur, siue, ut clarius nos dicamus, delineationem linearem, qua sectis ipsis per longum se offert, exhibet.

- A A Nervus opticus ad oculum contendens, in quo triplex ipsius substantia, quantum fieri potuit, accuratissime parte inferna expressa est, a, a, enim duram membranam foris cingentem ostendit: b, b, tenuem: c, c, substantiam medullarem à cerebri substantia pronatam.
- B B d d Dura oculi tunica, ex dura nervi optici membrana a, a, circa d, d, enata.
- C Cornua tunica, quæ pars est anterior Duræ membranæ B, B.
- DD e e Vvea tunica, ex tenui nervi optici membrana bb, juxta e, e, producta.
- E Foramen uveæ tunicæ, quod anteriore sede est, pupillam constituens.
- F f Retiformis tunica, ex medullari nervi optici substantia exorta, quemadmodum id prope f cernere est.
- G Adnata oculi tunica, oculum orbitæ alligans.
- H I K Sedes trium oculi humorum. H, Aquei est: I, Crystallini: K, Vitrei.

FIGVRA II.

Dvæ tunicæ facies exterior cum portione nervi optici exhibetur.

Explicatio literarum eadem est cum literis figuræ præcedentis, accuratius tamen hic, quomodo crassa optici nervi membrana in Duram oculi tunicam degeneret: simul quoque duram percurrentia Vasa demonstrantur.

FIGVRA III.

Dvæ tunica per transversum sectæ posteriorem partem continet, ut interna ipsius superficies, cum portione nervi optici, a quo oritur, conspiciatur.

- A Duræ tunicæ facies exterior.
- B Eiusdem facies interior.
- C Nervi optici portio.
- D Locus ubi in duram tunicam exteriore sua membrana abit.

FIGVRA IV.

Vvæ tunica, cum portione nervi optici, facies exterior.

- A A Nervus opticus, cujus tenuis membrana hic, dempta duriore, conspicua est, ut, quo pacto in uveam tunicam degeneret, videatur.
- B Medullaris nervi optici substantia.
- C Foramen, quod pupillam constituit.

FIGVRA V.

Vveæ tunica interior superficies.

- A Nervi optici tenuis membrana.
- B B Vveæ tunicæ interna facies.
- C Pupilla.

FIGVRA VI.

Crystallinum humorem ex latere conspiciendum præbet.

FIGVRA VII.

Crystallinum, vitreumque humorem monstrat, ut quo pacto ille ab hoc contineatur, pateat.

FIGVRA VIII.

Membranam tympani, siue primæ cavitati obtensam, in suo situ, effracto nonnihil meatu auditorio, cum vicinis ossium temporum partibus, ostendit.

- A Tympani membrana.
- B Mearus auditorius, isque, ut tympani membrana cerneatur, effractus.
- C Sedes ossis petrosi, in qua secunda, & tertia caverna latent.
- D Pars appendicis styloidis.
- E Processus mammillaris ossium temporum.
- F F Inferior cranii sedes.
- G G Superior cranii sedes.

FIGVRA IX.

Ablata membrana tympani, ipsum tympanum, siue prima caverna, cum circulo osseo, ac tribus ossiculis auditui dicatis demonstratur.

- A Os temporum.
- B Processus ejus os jugale efformans.
- C Circulus osseus, cui tympani membrana alligatur.
- D E F Ossicula tria auditus, quorum exactior demonstratio libro secundo, tabula septima proposita.
- G Prima caverna, siue Tympanum.

FIGVRA X.

Effracto petroso osse, foramina ex prima caverna in reliquas duas penetrantia ostenduntur.

- A Foramen ad secundam cavernam, siue labyrinthum, tendens.
- B Foramen ad tertiam cavernam, siue Cochleam, abiens.
- C Processus mammillaris ossium temporum.
- D Interior effracti processus mammillaris cavernosa facies.
- E Cavitas sat ampla in mammillarem processum penetrans.
- F Processus ossium temporum os jugale constituens.

FIGVRA XI.

Dvas cavernas, secundam inquam, ac tertiam, rupto petroso osse exhibet.

- A Labyrinthus, in quo duo duntaxat foramina ostendi poterunt.
- B Cochlea, cujus tortuositatem hic observa.

FIG. I.




FIG. II.




FIG. III.



FIG. IV.




FIG. V.




FIG. VI.



FIG. VII.



FIG. VIII.




FIG. IX.



FIG. X.




FIG. XI.



ADRIANI SPIGELII
BRUXELLENSIS

D E

F O R M A T O

F O E T V

Liber Singularis.

INDEX CAPITVM HVIVS LIBRI.

CAP. I. De divifione partium fœtus ,	Pag. 1
II. De partibus externis propriis feu fecundinis ,	ibid.
III. De Placenta, & cotyledonibus ,	ibid.
IV. De membranis fœtum involventibus, & primo de chorio ,	3
V. De allantoide ,	4
VI. De amnio membrana ,	5
VII. De fudore in amnio contento ,	6
VIII. De cutis fordibus ,	ibid.
IX. De umbilico, feu vasis umbilicalibus ,	7
X. De præcifione umbilici ,	9
XI. De partibus internis propriis , ac primum de vasis umbilicalibus ,	11
XII. De ftructura vaforum thoracis in fœtu ,	14
XIII. De excrementis fœtus internis ,	15
XIV. De partibus communibus , earumque divifione ,	18
XV. De cute ,	ibid.
XVI. De mammillis ,	19
XVII. De oculis ,	ibid.
XVIII. De cæteris partibus compofitis internis ,	ibid.
XIX. De oflibus ,	21
XX. De partus tempore, modo & caufa ,	27

A D R I A N I S P I G E L I I
A D L I B R O S D E
F O R M A T O F O E T V

Præfatio.



Vi humani foetus Anatomen hæcenus <sup>Utilitas
libri.</sup> administrarunt, aut de eodem commentarios posteris in lucem protulerunt, tantum eas fere partes, quarum beneficio foetus in utero augetur atque nutritur, quæque à partu majore iam reddito homine oblitterantur aut vix amplius comparent, examinandas sibi proposuerunt; cum tamen aliæ sint in foetu partes, ex quibus ejus corpus componitur, plurimæ, quæ si quo tempore ex utero egreditur foetus, cum illis partibus, quæ in perfectis hominibus, natuque grandioribus visuntur, comparentur, multum discriminis habere cernuntur, quæque in tanta varietate morborum, quibus infantes & pueri obnoxii sunt, in tanto variarum corporis actionum discrimine, quod in primis ætatibus annisque teneris observare licet, non minus deberent inspicere, quam quæ illico post nativitatem ob usus vel actionis interitum auferuntur & oblitterantur. Bonus Agricola bonusque colonus non solum quomodo tritici granum prima germina radicesque tenellas ad sui nutritionem, postquam terræ injectum est, edat, scire cupit, aut quomodo & quando ad spicas proveniat; verum etiam ut à primo germine in terra mutetur, ut producat calamos, antequam spicas proferat, ad irrigandos commodo tempore agros, siccitates comparandas, nebulas arcendas, quo frumentum habitius & copiosius futuræ messi alat ac nutriat: sic egregii & prudentis medici est, ac naturalis scientiæ cupidi, præter illas partes, quibus foetui alimentum à matre suppeditatur, etiam alias diligentius intueri, quæ aliter se habent ac in perfecto homine natuque grandiore videntur, &
nos

Quid agendum in hoc libro.

Ordo.

nos ad necessariam cognitionem infantis naturæ perquam admirabilis deducere possunt, ut homines in hac tenella ætate constitutos à consuetis morbis quam maxime fieri potest tueamur, sanumque corpus atque decorum alamus juventuti. Quocirca omnes fœtus partes considerabimus. Primo autem eas, per quas fœtus in utero augetur atque nutritur. Secundo illas, per quas jam ex utero in lucem mature egressi, infantis & pueri naturam induit, ut plurimarum mutationum causam, quibus in primis ætatibus homo variat pene omnes corporis actiones, pernoscere queamus. Quoad ordinem sciendum est, me potius elegisse eum, quem nonnulli Anatomici observarunt, licet minus philosophiæ legibus consentaneum, quam eum qui à Clarissimo Viro Fabricio ab Aquapendente fuit observatus. Hic enim & fœtus & alterius cujuslibet organi humani corporis particulas singulas simpliciores per dissectionem examinans, figuram prius, connexionem, situm, numerum, & alia in partibus indaganda in conspectum profert, deinde artificiosa ratione ac methodo actiones totius organi declarans, mox usum singularum organi partium, deinde connexionis, figuræ, situs, ac numeri causas subjungit. Sic Arist. in Hist. de Animalibus, naturam, quomodo se in animalibus habeat, enarravit; deinde in cæteris libris de Partibus, motu ac generatione animalium, causas eorum, quæ seorsim in historiis enarrata sunt, diligenter & artificiose recensuit. At nos præsupponentes actionem fœtus in utero esse nutritionem & augmentum, ex utero vero egressi perfectionem hominis, enarratis partium singularum historiis, statim de actione, earum & usu verba faciemus: sperantes sic brevitati & legentium utilitati & memoriæ consulturos nos melius.

A D R I A-

ADRIANI SPIGELII
BRUXELLENSIS,

DE

FORMATO FOETV

LIBER SINGVLARIS.

CAPVT I.

De partium in fœtu diuisione.



Artes igitur in fœtu inspiciendæ, aliæ propriæ sunt, aliæ communes. Voco partes fœtui proprias, quarum beneficio fœtus actio in utero exercetur, quæque post partum vel evanescent, vel auferuntur, vel nullius sunt usus amplius. Communes vero dico, quas post partum infans habet, & quæ neuti-
quam abolentur; sed grandiores fiunt crescente corpore, vel mutantur in substantia & qualitate. Rursus propriæ fœtus partes, aliæ externæ sunt, hoc est, extra fœtus corpus conspicuæ; aliæ, internæ, seu intra corpus positæ. Inter externas numerantur, carnea quædam moles (quam recentiores placenta vocant) vasa, membranæ, & excrementa: inter internas, vasa & excrementa tantum. Communes autem partes, tum internas, tum externas, in tertia parte considerabimus.

Diuisio partium fœtus.

Extra fœtum quæ partes, & quæ intra.

CAPVT II.

De partibus externis propriis, seu secundinis.



Taque ab externis partibus propriis exorfi, dicimus illis quatuor enumeratis commune nomen à Græcis Latinisque datum fuisse: etenim Græci eas appellant τὰ δώδεκα ἔντεα; Latini ad eorum imitationem secundas & secundinas; quod in partu primo quidem fœtus, deinde vero hæ omnes partes excludantur, tanquam secunda vice. Dicuntur quoque à veteribus χῶρον & χῶρημα, quod sint instar spatii & alvei, quo fœtus in utero concluditur: verum de hac voce plura, ubi de chorio membrana egero.

Synonyma partium externarum.

CAPVT III.

De placenta, & cotyledonibus.

Tab. iv.



Carnea hæc moles ab Hippocrate lib. de Nat. pueri caro simpliciter nominatur, à recentioribus anatomicis placenta; quod, postquam in lucem fœtus prodiit, umbilico annexa id edulii genus referat, quod vulgus placenta vocat. Obstetricibus nonnullis hodie quoque dicitur secundina, quod hæc caro umbilico annexa & chorio, secundarum maximam partem constituat. Constat etiam apud Gal. lib. 11 de sem. veteres quosdam cotyledonas seu acetabula appellasse, visumque nonnullis posterioribus fuit, apud Arist. lib. 11 de Gen. animal. nil aliud per cotyledonas intelligi: ubi inquit animalia utrinque dentata, quæ loco unius magnæ venæ per uterum dispersæ multas venulas habent ac frequentes, etiam habere in utero vocatas cotyledonas, parte convexa ad uterum, cava vero fœtum versus positas; has ubi fœtus accrescit atque perficitur, minores reddi; obliterari vero, ubi jam perfectus est fœtus, atque in ea, veluti mamma, reponi alimentum à natura sanguineum pro fœtu, & hoc alimentum paulatim ex multis collectum quasi tuberculum, vel φλεγμασίαν evadere, & sic fieri corpus

AA

acetabu-

acetabulorum. Sed ex hoc Arist. loco non intelligo cotyledonas cum appellasse hanc carnem vel eas carunculas, quas in ovillo fœtu & vaccino observare semper licet, quasque Galenus agnovit indignas cotyledonis nomine, dum eas lib. xv de Vsu partium cap. xv, nominat carnes viscosas, veluti pinguedinem quandam; sed capita extrema venarum uteri, per quæ fœtus in utero alimentum sanguineum capere solet, mulieribusque singulis mensibus sanguis expurgari consuevit: hæc enim vasorum oscula intumescunt ubi fœtus in utero alimentum capere incipit, augescente fœtu augentur, maturescendo vero paulatim abolentur; quod huic carneæ moli non ita accidit, neque enim evanescit, cum insigni hac mole carnea substantia trahatur ex utero post partum una cum secundinis. Et quamquam in ovillo fœtu hæc eadem caro cavitationem aliquam habere videatur, qua fœtum respicit, convexam vero qua utero connectitur; attamen in aliis animalibus gravidis hæc carnis hujus figura non ita apparet; vaccinus enim fœtus adhæret utero carunculis multis, quæ fungos figurant (quos sponzolos vulgus hic Patavii vocat) quæ non habent partem concavam quemadmodum ea, quæ cotyledonis nomine digna sunt. Nam *κοιλεδῶνας* Græci nuncuparunt cuiusdam mensuræ generis insigni cavitate prædito similes, quod & cotylam & *ὀξύσαφον* nominabant, Romani acetabulum, ut herbam in calidarum regionum muris nascentem, quam Romæ umbilicum Veneris vocant; similiter coxendicis cavitationem in humanis ossibus, cui caput fœmoris inseritur; præterea cavitates quasdam in polyporum cirrhis seu brachiis, quibus validissime corpus quodcumque obvium amplexantur ac sugunt. His igitur cum vasorum uteri oscilla maxime similia sint, in quibusdam domesticis quadrupedibus, ut ove, vacca, capra, quas antiquos & priores Anatomicos prius quam mulierem inspexisse credibile est, quod ad cibum quotidie mactarentur, idcirco cotyledones & acetabula vasorum uteri oscilla appellata sunt licenter etiam in muliebri utero, etsi in hoc ora vasorum nullam cavitationem habeant; etenim interna uteri superficies in non gravidis mulieribus lævis & lubrica est, præterquam quo tempore menses fluunt, vel fœtum continet & alere incipit, siquidem tunc asperior & inæqualior ea sit parte, qua utero carnea hæc substantia adhærescit, & hanc inæqualitatem tunc constituunt ora vasorum uteri, cum sanguine turgeant. Quocirca de capitibus vasorum uteri, non de carnea substantia, & Arist. loc. cit. & Hippoc. Aphor. xlv, lib. v, sunt intelligendi, si aliquando cotyledonum uteri mentionem faciunt. Etenim Hipp. de mulieribus gravidis inquit: *Quæcumque mediocri corporis habitu prædita secundo aut tertio mense sine causa manifesta abortiunt, iis acetabula uteri plena mucoris sunt, neque præ pondere fœtum continere possunt, sed abrumpuntur.* Docens enim Hipp. causam, ob quam mulieres mediocri habitus secundo vel tertio mense absque febre, erysipelate, casu, percussione, saltu, vel alia evidenti causa abortiunt, ait id contingere propter fines venarum in uteri interna superficie infarctas vel obstructas pituitosa materia, quibus finibus cum valide annecti nequeant extremitates venarum per placentam dispersarum, evenit ut pondere suo fœtus facile fines vasorum umbilicalium à suis cotyledonibus abrumpat, atque una prohibetur, ne copia & qualitate conveniens alimentum fœtui suppeditetur, præsertim grandiori, unde necesse est fieri abortum. Porro caro hujus placentæ lienis parenchymati prorsus similis esse videtur, mollis, rubra, ac nonnihil ad nigredinem vergens, innumeris ^a referta venis & arteriis, quæ postea per chorii substantiam disseminatæ ^b ramos grandiores constituunt, & in ^c umbilicalem venam & arteriam migrant; harum venularum ^d finibus fundo uteri firmissima & ^e inæquali basi annectitur placenta, fœtusque à matre sibi sumit alimentum sanguineum; sed an arteriolarum oscula cum uteri arteriolarum osculis jungantur, uti scripsit Gal. lib. de formato fœtu & alii post eum celebres Anatomici, ab Arantio insigni olim Bononiæ Anatomico negatum est. Censet enim hic, findi tantum per placentam in minutissima filamenta: cui viro ego quoque assentior, sed de hoc plura cum de vasis umbilicalibus agam. Probabo enim sanguinem vitalem & spiritum nequaquam fœtui à matre largiri; monstraboque postea usum harum arteriolarum. Annectitur autem hæc caro, seu adnascitur internæ uteri superficiei & primæ membranæ seu primo involucro, quod dronum appellant nonnulli; neque ubique, sed modo in dextro, modo in sinistro latere, & in utroque magis posterius, quam anterieus: unde animadvertendum, an fœtui masculo hæreat in dextro,

Cotyledonum
nomen, va-
sorum uteri
osculis tribu-
tum est licen-
ter.

Qualis pla-
centæ caro.

Auctoris opi-
nio de conjun-
ctione vaso-
rum fœtus
cum utero.

a, T. v. fig.
1. B. VII. Q
b, T. VII.
N. O.
c, T. VII. P
d, T. v. fig.
2. C.
e, B.


dextro, fœminæ in sinistro latere, juxta Hippoc. sententiam Aphor. XLVII, lib. v, ubi ait, *fœtus, mares quidem in dextris, fœminas in sinistris magis gestari*. Cæterum in usu hujus placenta non convenio cum Arantio: assignat enim huic insignem actionem depurandi sanguinem, qui ad fœtum fertur; quæ sane actio tam longe ab hac carne abesse mihi videtur, quam hic egregius vir à veritate. Duæ enim sunt rationes, quæ maxime contra hanc opinionem pugnant: & prima est, quod si actionem depurandi sanguinem hæc caro obtinuisset, cum tria à sanguine soleant plerumque segregari, bilis scilicet, pituita, atque serosus humor; quærendum est ab ipso, quemnam humorem putet ex tribus placenta evacuare; an, quia maxime videatur continere melancholicos humores, & substantia hujus parenchymati lienis similis sit, ut superius dixi, melancholicam? at hæc in liene fœtus segregatur. An bilem, aut serosum humorem? at ille in folliculo fellis in fœtu depuratur; hic vero, in renibus. Secunda ratio est, si sanguis crassus & fæculentus proprietate substantiæ segregaretur, esset utique necesse, ut in omnibus animalibus, quorum fœtus hanc carnem habent, hæc caro ejusdem esset coloris & substantiæ, cujus est ipse lien; sed in ovillo fœtu hæc substantia multo est liene candidior, viscosior & pinguior. Idcirco alium coactus sum invenire usum, adhibita prius distinctione nominis carnis, qua intelligimus totam massam carneam, prout est ex venis, arteriis, & carne parenchymate constituta, vel parenchyma tantum, hoc est, carnem illam, quæ interjacet venulas & arteriolas; dicimus itaque late sumpto carnis nomine, naturam eam in humano fœtu & aliorum quorundam animalium fabricasse ad firmiorem fœtus annexum cum utero; parenchyma vero seu carnem, quæ interjacet vasa, ad commodiorem annexum, tutelam, & divisionem vasorum; itaque verus usus est, ut sit radix fœtus, per quam sumat à matre alimentum, sitque tutum conceptaculum & veluti mesenterium alterum fœtus, quod à matrice tanquam terra trahit alimentum. Dicere tamen posset aliquis, equinus fœtus caret hac carne, & tamen firmiter annectitur utero; respondeo alium esse uterum humanum, quam equinum, caprinum, vel ovillum. Nam interna hujus superficies non multis vasorum finibus in unum locum congregatis, ut muliebris, caprillus, ovillus, & equinus præditus est; sed grandiores per uterum dispersas & rariores habet venas; prout igitur vasa in diversis animalium uteris interius sunt constituta, ita etiam extremitates vasorum umbilicalium fœtus erant constituendæ, vel simpliciores & majores & sine carnis auxilio annectendæ, vel in multiplices ramulos findendæ & carnis ope cum utero copulandæ. Quoniam igitur uterus muliebris multis vasorum finibus præditus est interius, annectitur fœtus humanus utero mediante hac placenta, cujus quidem tantum venarum extremitates internæ uteri superficiei alligantur; parenchyma vero multifidas extremitates venarum & arteriarum fulcet, fovet atque tuetur: quin etiam præstat, ut venulæ recta suis omnibus finibus vasorum uteri jungantur, ut recta ferri sanguis ad fœtum ab utero semper queat: alioquin si vasorum extremitates hac substantia carnea caruissent, in se ipsas concidissent, augescenteque & utero & fœtu periculum fuisset, ne tam exigui fines vasorum dilacerarentur.

Arantii opinio de usu placenta proponitur, & rejicitur.

Auctoris opinio de usu placenta.

CAPUT IV.

De membranis fœtum involventibus, & primo de Chorion.



Equuntur membranæ fœtum involventes: quarum duæ, fœtum totum involvunt, ut chorion & amnion; una vero, partem fœtus tantum tegere videtur, ut allantoides. Post carnem^a chorion membrana conspicitur, quam Latini recentiores secundinam passim interpretantur. Sane apud Hipp. lib. de morbis mulierum, & aliis in locis per chorion nil aliud quam τὸ ὕπερον seu secundina intelligitur: postquam enim Hippoc. docuisset, quomodo mulier & à secundina deinceps liberari possit, & quid patiatur ubi non statim à partu exierit, subjungit; *Si mulieri chorion in utero relictum fuerit, hoc sic contingit. Si per vim ruptus fuerit umbilicus, aut per imperitiam ejus quæ umbilicum secatur, prius quam chorion ex utero exierit, sectus fuerit uterus sursum retrahit ὕπερον*, id est, secundinam, utpote lubricam & madentem, eamque artissime complectitur. Idem Hippoc. jubet Aph. XLIX, lib. v, *Ad secundinam*

Chorii nomen
dupliciter ac-
cipitur.

Cur mem-
brana hæc
chorion vo-
cetur.

Qualis chorii
substantia.

Vetus usus
Chorii.

deturbandas, sternutatorio appposito, nares & os comprimere; ὕστερον vocabulo usus. Et in epidemi-
cis lib. 11, sect. v, χῶμα καὶ ἄλγισιν, sive purgationem fieri sternutatorio naribus appposito di-
cit. Ex quibus patet, χῶμα & ὕστερον unum idemque esse, ac duplici significatione accipi
apud scriptores: una, pro secundis proprie dictis, hoc est, omnibus partibus externis
fœtus; altera vero, & propria, pro una ex tribus membranis, quam nunc examinandam
suscepimus. Apud Arist. lib. 11 de Gen. cap. vii, à membranis & secundis videtur distin-
cta vox chorii, dum chorion & ὑμῶνες dicit inter fœtum & uterum positam esse; quasi per
chorion intelligere velit massam carneam annexam cum sua membrana chorion pro-
prie dicta, multisque venis & arteriis prædita: per membranas vero allantoidem &
amnion tunicas exangues, & ideo membranarum nomine dignas. Dicitur autem cho-
rion hæc prima membrana, quoniam teste Hippoc. per ipsam nutrimentum & sanguis
χῶμα, id est, permeat ad fœtum; vel uti putat Stephanus Atheniensis in commento su-
per lib. Gal. ad Glauconem, quia ad modum chori venæ & arteriæ in hac membrana
congregentur; vel etiam, ut cæteris placuit Anatomicis, quod sit chorion, hoc est, exi-
guus locus, quo fœtus concluditur. Est autem chorion membrana crassa, alba, multis
venarum & arteriarum ramis in placentam desinentibus in minimos surculos insignita;
parte qua fœtum respicit^a interna, lubrica ac lævis; qua vero uterum spectat, & placen-
tæ carnes annectitur, ^b inæqualior. Vfus hujus membranæ est, ut non modo fœtum un-
dequaque tegat ac velet; sed etiam ut radices venarum & arteriarum, seu fines vasorum
umbilicalium tuto excipiat ac liget; & propterea crassam & duplicem eam fecit sum-
mus rerum Opifex. Est etiam externa parte inæqualis, ut placentæ firmiter connasce-
retur & adhereret; internâ, lævis & lubrica, ne à subjectis membranis tenuissimis
separata, sua asperitate quidpiam damni iis adferret. Tribuunt nonnulli alium chorio
usum, qui allantoidem in fœtu humano reperiri negant, nempe urinam pueri supra am-
nion continendi, hoc est, inter id spatium, quod est inter chorion & amnion: Scribit
enim Rufus Ephesius per urachum meatum urinæ similem humorem transfundi.


a, T. v. fig.
1. A.
b, T. v. fig.
1. B.

C A P V T V.

De allantoides.

Cur allantois
vocetur hæc
membrana.

An reperiatur
in humano
fœtu.



Rufi Ephesi
opinio de allan-
toide.

Authoris opi-
nio de allan-
toide.

Allantois, chorio subjecta membrana, nomen suum apud Græcos ac-
cepit, quod ἀλλάντω imitetur sua figura: nam hac voce Veteres tum
farciminis quoddam genus, quod lucanicas vocat Apitius; tum intesti-
num nominabant. De hac autem membrana primo quæritur, an in hu-
mano fœtu reperiatur? etenim negant contra Gal. & alios veteres do-
ctissimi atque in anatomicis dissectionibus exercitatissimi viri, qui eam
tantum in ovillo, vel vaccino, vel caprino fœtu observasse se dicunt; putant idcirco ve-
teres anatomicos horum animalium fœtum pro humano nobis depinxisse. Et merito
quispiam poterit conjicere, veteres caprinum vel ovillum, vel vaccinum, vel hujus ge-
neris alterius animalis descripsisse, cum Theophilus in lib. de humani corporis fabrica,
capite xix, docere unumquemque volens partes, quæ ad fœtum spectant, & tres ejus
tunicas, jubet dissecandam artificiose capram gravidam, & eam inspiciendam. Sic
Aëtius tetrabib. iv, ferm. iv, inquit; Si quis diligentius speculari ea, quæ ad fœtum per-
tinent voluerit, capram aut vaccam, aut cervam dissecare poterit. Horum igitur opi-
nio uti nova est, digna certe, quæ ad examen revocetur, præsertim cum ad eam com-
probandam nuper invenerim insignem Rufi Ephesii auctoritatem. Hic enim Gal. anti-
quior & ab eodem aliquoties cum laude citatus, lib. 1 de partium appellationibus, capi-
te ultimo scribens de fœtus humani partibus, & maxime de membranis, chorii & am-
nii tantum meminit, & autopsia sua declarat, urinæ similem humorem in chorion trans-
fundi, nulla facta allantoidis mentione. Reliqui porro omnes, qui hætenus floruerunt,
allantoidem humano fœtui assignant, aut veterum opiniones aut celebrium auctori-
tates secuti. Hac in tanta virorum clarorum dissensione displicet me arbitrum factum
esse, qui minime ut illi in anatomicis dissectionibus consenuerim: tamen his ductus
rationibus censeo, allantoidem in humano fœtu reperiri. Prima, in humano fœtu tanta
est hujus membranæ necessitas, quanta in fœtibus aliorum quadrupedum: non enim
decebat

decebat tantum naturam urinam à sudoribus segregare, ac in proprio loco, quod est inter chorion & amnion collocare; sed & propria tunica tanquam conceptaculo continere, ne inter spatium quod est inter chorion & amnion satis amplum, per ambitum fœtus, quemadmodum sudor, fluctuaret huc & illuc in omnem partem, præsertim cum exiguae urinae tam amplum & spatiosum locum dare, non videatur conveniens naturæ. Altera ratio est, quod Andreas Vesalius concivis meus in commentariis anatomicis vesicam quandam nobis depinxit in humano fœtu intestino similem, ex quo farcimina fiunt, inter chorion & amnion positam, qua urina fœtus in utero coasservatur. Quod spectat igitur ad solutiones contrariarum rationum, & ad eam primo, quæ dicunt allantoidem in dissectionibus non reperiri; admonendi sunt, se eam reperturos, si à placenta prius in gravida muliere dissectionem auspicentur eo modo, quo ipse Vesalius; aliter certe propter membranæ summam tenuitatem abrumpi statim hanc membranam levissimo negotio contingit. Rufi autem Ephesii auctoritas quamquam apud me magni sit momenti; tamen tanti non est, ut Gal. auctoritati in hac re sit anteponenda, etsi enim Gal. nunquam gravidam secuerit, quod esset ejus temporibus lege vetitum humana corpora dissecare; tamen multos insignes anatomicos, qui homines secuerant, ut Herophilum secutus, quæ ipse ex anatome simiarum & aliorum quadrupedum non est assecutus, ex aliis fide dignis in suos retulit commentarios: sæpe etiam optimis rationibus ac demonstrationibus ductus, quæ ipse in dissectionibus humani corporis inspicere non potuit, credidit, atque aliorum diligentia fidem præsupposuit, quemadmodum & in eo quod allantois in humano fœtu reperiretur. Veteres ovillum vel caprinum fœtum plerumque descripserunt, non quod mulierem gravidam nunquam inspexerint; sed quod eam secandi non facilis erat occasio, quodque prisci Anatomici antequam fœtum humanum secuissent, in ovillo sese prius exercuerint, ejusque membranæ ea indiderint nomina, quæ ipsis convenire videbantur; unde factum est, ut allantois membrana nomen suum acceperit à farcimini vel intestini, ex quo farcimina fiebant, figura. Si enim allantois ovilla infletur, plane lucanica farcimina imitatur; at humani fœtus allantois, vesicam potius oblongam, quam farcimen vel oblongum intestinum refert: ut hac de causa lapsus Vesalius crediderit non huic vesicæ, sed chorio cum carnea placenta inverso, sic ut eam undique complectatur, allantoidis nomen assignandum. Est autem allantois, membrana tenuissima, alba & mollis, in homine veluti in ovillo fœtu exiguis admodum venis & arteriis ad nutrimentum prædita, inter chorion & amnion media, ea tantum parte tota conclusa, qua placenta cooperitur. Connecitur cum meatu uracho dicto, per quem & vesica urinam suscipit: hujusque munus est, urinam fœtus à sudore separatam conservare.

*Modes inven-
tendi allan-
toidem in hu-
mano fœtu.*

*Qualis sub-
stantia allan-
toidis.*

*Situs & usus
allantoidis.*

CAPUT VI.

De amnio membrana.

z. T. III. D.



Ultima^a tunica dicitur ab Empedocle & cæteris posterioribus Græcis ἀμνιὸς & ἀμνίον, quasi ἀμνιὸς ὀπλὴ, id est, *optima membrana*, per metaphoram transposita una littera. Interpretes apud Gal. amiculum interpretantur, cum Grammaticis plerisque ἀμνιὸς ab ἀμνίον nomen traxisse videatur, quod agnum sonat, quasi diceret agninam membranam; vel quod ut hæcenus multis visum est, mollis & candida sit instar agni; vel uti ego interpretor, quod primi Anatomici, agninum fœtum spectantes priusquam humanum, agno proximam hanc membranam viderint, ac ipsum agnum per eam translucens, sic ut nulla membrana circumdatus esse videatur. Dicitur & à nonnullis conceptus armatura, & fœtus vestis; ab Arabibus, *abigas*. Est autem substantia hujus lævis, alba, mollis, tenuis,^b translucens, pauculis iisque exiguis venis & arteriis nutrita, totum fœtum undiquaque vestiens, chorioque tantum connata: facta non tantum ad tutelam fœtus, more aliarum membrandarum; sed ut aquam clariorem urinam atque ab ea separatam recipiat, quæ aqua nil aliud est, quam sudor, quem dum in utero hæret fœtus, continuo per cutis spiracula admodum patula cutimque tenellam ob sanguinem, quo alitur, copioso sero abundantem large suppeditat. Hac illa mem-

*Cur membra-
na hac am-
nios vocetur.*

*Qualis sit ejus
substantia.*

*Situs & usus
amnios.*

Vnde orta
mulierum
superstitio de
amnio.

brana est, cum qua si forte contingat ut fœtus humanus prodeat in lucem, maxime circa caput vel aliam partem velatus, si mas sit, galea vocatur & *helm* à Germanis obstetricibus; si fœmina, vitta, indusium, seu camisia, ut Itali loquuntur. Putant vero fœtum cum capite hoc involucro vestito genitum, mira facturum, fortuna prospera in vita usurum, si eam comederit vel secum portarit, ab armorum injuriis tutum ubique fore: addita non ignobili superstitione vel potius insigni mendacio, ut si forte ab obstetricibus clanculum auferatur, magnis infortuniis obnoxium futurum & miserrimam vitam ducturum; quod, quam sit ridiculum credere, ipsa anatome declarat. Sed quemadmodum nulla fabula, nulla superstitio, nullumque mendacium adest, quod non prius ex alicujus rei veritate originem traxit; sic etiam puto nonnullos olim existimasse velatos aliqua in parte pueros hac membranâ longe magis miseram vitam traducturos, quam qui more cæterorum sine hoc velamine pariuntur: & recte quidem: nam infantes cum amnio circa caput natos, puto sic nasci, vel propter robur membranæ, quam idcirco infans, dum præparat egressum ex utero, perumpere commode & undique non potest; vel propter fœtus imbecillitatem, qui se ab hoc involucro expedire probe non valeat. Novi aliquando Matronam in Belgio & novercæ meæ propinquam, quæ omnes filios & filias cum galea & vitta pepererat, singularique cura ac diligentia membranas asservarat, ne ab obstetricibus auferrentur, sua omni prole numquam pubertatis annum attingente, quod admodum debiles nascerentur, orbatam.

C A P V T VII.

De sudore in amnio contento.

Sudoris usus.




Orro aqua illa clara atque limpida, quæ copiosa undique fœtus corpus circumfluit, ac secundum, post urinam in allantoidem contentam, excrementum est, inter externas fœtus partes proprias, non spernendos habet usus. Huic enim fœtus in utero innatans, non levior fit matri, utpote quæ & fœtum & aquam gestare debet, sed minus ponderis præbet acetabulis, quibus fœtus placenta annectitur, dum is suspensus est. Deinde, in movendo se & facilius movetur, & vertitur facilius ad os uteri, in tempore partus cum capite, quod alioquin ad fundum uteri versum habet fœtus. Tertio facilius fœtui ex membranis exitus præbetur amplo spatio à corpore semotis, & humore, quem continent, lubricis. Quarto, ante partum, jam ruptis membranis, à fluente hoc humore per os & cervicem uteri cuncta loca irrigantur ac lubrica fiunt, ad facilitandum exitum fœtus ex utero. Cæterum sudorem ab urina segregatum voluit natura, non permixtum, ne cuti tenellæ aliquod damnum urinæ acrimonia inferret.

Urina cur à
sudore separata.

C A P V T VIII.

De cutis sordibus.

Sordes quid.




Ost urinam & sudorem, sordes apparent cuti corporis inhærentes: suntque tertium & ultimum excrementum, glutinosum crassumque, quod per cutis poros una cum sudoribus educum, tamquam magis terrestre cuti adhærescit: ita quoque cernimus, nobis sudantibus crassiore excremento cuticulam obliniri, deinde ab indusiis lineis abstergi. Putant recentiores usum hujus excrementi esse, ut hujus obcrustatione cutis ab acrimonia, quam sudor circumfluens longo tempore sibi nonnihil acquisivit, vindicetur. Sed mihi adhuc succurrit alius longe excellentior; ut scilicet vitales spiritus poris cutis nonnihil oclusis ab hoc glutine conserventur, ne diffluant à magno calore, quem cogitur fœtus in utero sustinere; neve sanguis qui in partibus exterioribus tenuior est, dimanet ichorosus, propter poros fœtus multo patentiores iis, qui jam nati sunt.

Recentiorum
opinio de usu
sordium.

Auctoris opinio
de eorumdem usu.

CAPV T IX.

De umbilico seu vasis umbilicalibus.



Vnc inter partes externas agendum restat de iis vasis, quæ Umbilicalia appellantur. Horum autem nomine intelligo id totum, quod ex ^a media abdominis parte egressum, ^b intestini formam adipiscitur; neque aliud est, quam quatuor vasorum, ^c duarum scilicet arteriarum, ^d unius venæ & ^e urachi ^f connexus, per ^g membranam à ^h chorio delatam atque in formam funiculi ex multis funibus, vel cereæ candelæ ex multis parvis candelis contortus. Qui quia intestini effigiem refert, à multis obstetricibus intestinum apud varios populos nominatur. Hippocrates, eoque posteriores Aristoteles & Galenus proprio nomine hanc partem fœtus, umbilicum appellant. Arist. lib. II de generatione animalium, cum dixisset, nonnulla animalia recta in uterum umbilicum tamquam radicem dimittere, addit; ἐστὶ δὲ ἐμφαλὸν ἐν κελύφῃ φλέβες, est autem umbilicus in putamine contenta *vena*, ut Gaza interpretatur. Per venas intelligit, & venas communes dictas, & arterias; per putamen seu κελύφῃ, tegumentum membranofum, quod alibi κελύφῃ δερματὶνόν nominavit. Hæc obiter dicere volui, ut sciatur, umbilici vocem æquivocam esse, & capi modo pro hoc intestino ex vasis quatuor constante; modo vero, & communiter pro medii abdominis ea cavitate, quæ post partum à reciso vel sponte prolapso umbilico relinquitur in nobis per totum vitæ spatium. Apparent autem in umbilico ex intervallis maculæ quædam nigræ, veluti murium stercora continentes, quæ fiunt à vena una cum arteriis & uracho contorta ac circumvoluta; modoque exterius sanguine atro, quem continet, transparente per membranam; modo à reliquis duobus vasis occultata. Longus est tres circiter spithamas plus minusve, & crassus digitum fere, quando maturus est fœtus. Et quoad situm, à placenta incipiens per mediam frontem paulatim pergit, circumflectendo se ad occiput; inde rursus oblique reductus ad sinistram cervicis & juguli partem, deorsum super pectus progreditur, donec in mediam abdominis partem inseratur. Nam ex furculis venarum & arteriarum, per placentam dispersis in chorio membrana fiunt majores rami, qui tandem in truncum coeuntes, in duas arterias exiguas, sed unam magnam venam & amplam, per totum umbilicum capreolorum in morem convoluti progrediuntur, una cum uracho ab allantoide orto, donec abdomen pertingant. Porro substantia venarum, & arteriarum prorsus similis est venis & arteriis per totum corpus fœtus dispersis. Vrachi vero substantia non est similis poris ureteribus, sed membranosa est parte ea qua ex vesica intrat in umbilicum, ubi paulo post trium circiter digitorum transversorum longitudine supra abdomen egressus finitur, & obliteratur in medio umbilici. Ex quo patet non esse verum, umbilicum ex uracho constare, & umbilici humani tria tantum esse vasa, duas arterias & unam venam; urachum vero poris ureteribus, per quos urina è renibus in vesicam colatur, similem esse. Herodotus, vel Auctor illius libri, qui Introductorius inscribitur in operibus Gal. cap. XI, nervum ad compositionem umbilici concurrere putat, his verbis, interprete Andernaco: Ex venis uteri, quæ secundas implicant, binæ aliæ prodeuntes *venæ*, ab arteriis ibidem sitis binæ arteriæ, & à nervis unus nervus, mutuo in unum congressa meatum, ἕρπον appellatum, absolvunt, qui infantis umbilico inseritur, ex quo & enascitur & suspensus est; ab umbilico autem *venæ* ad jecoris portam sanguinem ita fœtibus transmittunt. Arteriæ vero juxta vesicam crassiori arteriæ, nervus hic spina inseritur. Hæc ille. Ex quibus colligere licet, non modo ex nervo umbilicum componi externum, sed etiam ἕρπον ab eodem umbilicum hunc appellari. Cæterum quod umbilicus nervum habeat, probari etiam ratione potest, ex Veterum & Recentiorum monumentis desumpta: videntur enim omnes Anatomici sensisse umbilicum sensu præditum esse. Aëtius enim ad amputandum umbilicum recens nati magis laudat scalpellum acutum, quam aliam materiam arundineam vel vitream, ne atteratur umbilici pars puero annexa: deinde vetat cuminum præciso umbilico inspergere propter acrimoniam, contra veterum nonnullorum consuetudinem, quasi umbilicum sentire putaret. Inter recentiores Pareus & alii, qui curam infantis recens nati præscripserunt, præfecto umbilico imponunt oleum vel rosa-

Quæ partes
umbilicem
constituunt.

Umbilici vox
æquivoca.

Umbilici ma-
cula nigra
unde.

Longitudo
umbilici &
crassities
quantia.
Situs.

Qualis vaso-
rum umbili-
calium sub-
stantia.

Umbilicum
habere ner-
vum proba-
tur.

a, T. IV. H.
b, T. VI. A.
c, T. VII. F.
d, T. VII. E.
e, T. VII. G.
f, T. VII. H.
g, T. VII. I.
h, T. VII. L.

vel rosaceum, vel amygdalinum cum panno lineo, ad sedationem doloris. Contra Gal. aliter sentit lib. vi de Decr. Hipp. & Plat. cap. vi. Scribit idem nullum apparere nervum ex utero in secundas provenire, neque in ipsis secundis, neque in umbilico, aut de foris intro subire, aut de interiori sede extra prominere, quod nulla omnino necessitas fuerit, ut origo nervorum concepti fœtus, veluti venarum & arteriarum, matri conjungeretur. Et revera nullus nervus in umbilico aut secundinis apparet; sed in urachi medio nervulus candidissimus ab interna vesicæ membrana ortus (de quo forte in lib. Introductorio facta est mentio) invenitur: veruntamen etsi nervi aliquam formam induat interna urachi pars, nervus non est; cum neque ullam communionem connexionemque cum nervo habeat, neque ullo modo in spinalem medullam, sed in fundum vesicæ inferatur: sed hæc nervo similis urachi pars, nil aliud est, quam pars urachi interna, quæ ubi fœtus jam ex utero egressus est, contrahitur veluti in nerveum funiculum, nullo per medium foramine præditum. Sed quod hæc pars non sentiat, patet; quoniam & umbilicus non sentit. At neque erat conveniens, ut sentiret. Primo, quia dum properat ad exitum fœtus, & post partum ab umbilico dependens huc & illuc movetur, varie in hac circumagitatione distrahitur, contorquetur ac distenditur umbilicus. Itaque si sentiret, doleret ob solutionem continui: si doleret, neutiquam ex matris utero exire tentaret; sed quiesceret potius propter dolorem, quem sibi alias parit ex distorsione umbilici. Quocirca erat necesse, ut matri quidem in partu magnus dolor esset; fœtui vero, nullus aut saltem quam fieri poterat minimus. Exemplum habemus in iis, quæ ex ovo generantur. Omnia enim, putamine rupto, exeunt ex ovo absque dolore: at mater, quæ ovum enititur, percipit dolores. Secundo probatur umbilicum non sentire, quod ab amputato umbilico observatum sit infantes non vagiisse; imo ego aliquoties vidi puellas post partum optime se habentes dum præscinderetur umbilicus, neque post etiam per quadrantem horæ, non solum non plorasse, sed nec os quidem aperuisse. Vana igitur & inepta hætenus medicorum est cautio, qua ad præcidendum umbilicum eligunt ferrum potius, quam vel arundinem, vel lignum præacutum, vel aliud quidpiam ad secandum aptum, & à præciso umbilico selecta quædam medicamenta imponi ad sedandos cruciatus jubent; cum certe si hæc pars urachi nervosa non sentiat, cæteras profecto ex quibus umbilicus constat, nullo modo sensum habere putandum sit, non venam, non arteriam, non etiam membranam, quæ illas involvit, cum hæc à chorio deducatur, quod quam sit sensus expers, notant mulieres, quibus cum à partu secundæ extrahantur, nullus cruciatus excitatur. Quærit in problematibus Arist. cur homini magnus sit umbilicus (loquens de ea cavitate, quæ est vestigium in media abdominis parte resecti hujus umbilici) cæteris vero animalibus exiguus & non valde manifestus: putatque hoc contingere, quoniam umbilicus in cæteris animalibus in directum tendat, & cum diu in utero maneant, umbilicus interprete Gaza areseat ἀνέσθαινον; homo vero imperfectus prodeat cum humido & ἀνὰ μύρον (sanguinolento male Gaza) exanguis umbilico: sed vera ratio ex umbilici anatome capitur. Est enim multo major, proportionem considerata corporis humani fœtus, quam cæterorum animantium, propter amplitudinem vasorum.

Umbilicus
non habet
nervum.

Vana medico-
rum cautio
dum supra
umbilicum
sectum medi-
camenta im-
ponunt.

Cur magnus
homini umbi-
licus.

Ufus umbilici
multiplex.

Cur longus sit
umbilicus.

Inferio um-
bilici.

Ufus hujus umbilici est multiplex: etenim per umbilicum fœtus nutritur, atque suspenditur, ut in omnem partem movere se queat; & urinam in allantoidem rejicit ex vesica. Convenit huic tanta longitudo ad commodiorem motum in utero, egressumque ex utero: etenim si breviorum umbilicum homini natura creasset una cum fœtu placenta & membranæ exire debuissent, quod partus facilitati obstetisset; nunc vero tam longum umbilicum natura fecit, ut prius fœtus totus exire possit absque secundis, quæ etiam alia de causa debebant post egressum fœtus utero annecti, ne repentina dilaceratione vel abstractione oscula venarum placentæ magnam copiam sanguinis funderent, cum vitæ infantis discrimine: & propterea tam longus est umbilicus, ut puer ex utero egressus nihilominus adhuc ipsi adhærere queat. Confert etiam hæc longitudo ad commodam educationem secundarum, in qua profecto insignis prudentia requiritur in obstetricibus. Inferitur autem umbilicus in inferiorem partem totius corporis, hoc est in ^a medium abdominis: non enim decebat puerum ex æquilibrio ab umbilico dependere, sed superiores partes, ubi caput est & thorax, ponderosiores habere ab una parte; pedes

a. T. II. C.
III. D. IV.
G.

Partus natu-
ralis fit in ca-
pit.

Circ vasa in
umbilico com-
torqueantur.

Vana supersti-
tio de nodis
umbilici.

pedes vero & mediam partem reliquam ventris ab altera, ut ex umbilico suspensus par-
tibus superioribus tempore partus in caput versus uteri orificium facillime volveretur :
nam partus naturalis tam homini, quam cæteris animantibus fit in caput. ^a Contor-
quentur autem in umbilico vasa in modum aciæ vel chordæ ex funibus binis vel pluri-
bus constantis : non quia tanto longiora, & longiori mora sanguis præparatior ad fœ-
tum prodiret, ut somniant Anatomici ; sed quia umbilicus erat circumducendus à par-
te dextra ad sinistram per frontem circa collum, donec ad abdomen perveniret, in qua
circumvolutione si recta procederent umbilici vasa, profecto compressa nimium fuif-
sent, nec pertransire commode per arterias vitalis spiritus & calor, per venas sanguis,
per urachum urina potuisset, quod per hanc vasorum tortuositatem mirabiliter evita-
vit natura. Adfert hæc tortuositas aliud quoque commodum in secando umbilico, ne
illico sanguis fluere possit à præsectione umbilici cum vitæ discrimine. Circumducitur
umbilicus à sinistro tempore in dextrum per mediam frontem, ut caput totumque fœ-
tum commode sustineat. Quod si forte fortuna in partu ab hoc umbilico per superio-
rem capitis partem, secundum naturæ leges non bene expediat se fœtus, sed umbilicus
descendat, non solum periculosus & perdifficilis matri partus succedit, ut notavit etiam
Hippocrates lib. de Septim. partu ; sed etiam laqueatus prodit in lucem infans, & sic
existimatur puerum miseram vitam traducturum, imo quorundam etiam experientia
edoctorum judicio, laqueo periturum. Nodos præterea seu rugas putant nonnulli an-
notandas in umbilico, dicunt enim mulieres multos deinceps parituras si umbilicus in-
fantis, quem primo enixa est multos nodos ostenderit, eosque longo intervallo sejun-
ctos per longa intervalla partus prædicere ; addentes mendacio mendacium, rufos no-
dos masculos, albos vero fœmellas promittere ; sterilemque futuram in posterum mu-
lierem, si fœtum peperit umbilico connexum sine nodis. Quorum vanitas satis decla-
ratur iis fœtibus, qui jam provectis ætate mulieribus ultimo pariuntur : nam & horum
umbilici quandoque magis, quam priores sunt nodosi.

C A P V T X.

De præcisione umbilici.



Qua obser-
va in sectione
umbilici.

Tempus secar-
di umbilicum.

Quomodo se-
cunda exi-
mantur.

Hipp. modus
in excindendis
secundis.

Vic de umbilico tractationi necesse est subjungam, quanta prudentia
peritiaque in secando à partu umbilico requiratur, quoniam in hoc
obstetricum ars fere præcipua versatur, & nil utilius aut curiosius hoc
loco dici queat. Obstetrix ut prudenter secet umbilicum observare de-
bet, tempus, locum, modum, tum quæ post sectionem peragenda sunt.
Tempus est, cum infans ex utero egressus est, vel cum secundinis, vel
absque iisdem. Hodie solum ex utero egresso relictis adhuc secundis statim præsecari
solet umbilicus ; at si fœtus bene valeat ac robustus sit, quo facilius & felicius partus
alter sequatur, melius erit ante illius præcisionem tentare, num secundæ paulatim se-
quantur. Nam notatum est aliquoties, nasutis vetulis postquam umbilicum secuerant,
casu reliquam ejus partem, quæ secundis adhuc in utero adhærentibus annexa est, è ma-
nu excidisse, moxque in uterum retractam in mortis periculum maximum puerperas
conjecisse. Danda igitur est diligenter opera, ut ante umbilici sectionem secundæ quo-
que ex utero eximantur hoc pacto ; sternutatorio medicamento naribus prius indito,
nares & os constringenda, tum obstetrix manu sinistra abdomen superne deorsum
comprimendo, dextraque umbilicum trahendo secundas ex utero eximat. Sed in utro-
que servandus modus, ne violenter fiat : ex violentia enim periculum instat, ne ab-
rumpatur in utero umbilicus cum periculo puerperæ : nam abrumpitur facile, cum ex
partibus admodum tenellis constet. Docet hunc trahendi modum, quem paucae obste-
trices vel norunt, vel observant, optime Hippocrates lib. de superfætatione, dum in-
quit : Si secundæ non facile exciderint finendæ sunt maxime ad fœtum appendere, ut paulatim absque
ulla violentia trahantur. Mulierem in sella perforata collocabis, & fœtum super utrem humore tepido
plenum impones, ut mucrone tenuissimo compunctus uter sensim concidat, & una fœtum & quæ ab eo
dependent involucria deorsum trahat. Hæc Hippocrates. Quod si fœtui mature ex utero ex-
eunti propter imbecillitatem vel ægritudinem vitæ periculum immineat, statim egresso

B B

umbilicus .

*Locus ad am-
putandum
umbilicum
aptus.*

*Vana supersti-
tio in ampu-
tando umbi-
lico.*

*Modus ampu-
tandi umbili-
cum.*

*Qualis deliga-
tio sit facienda
ante umbilici
præcisionem.*

*Præfecto um-
bilico quid im-
ponendum.*

*Cur soli homi-
ni ante ampu-
tationem lige-
tur umbilicus.*

umbilicus præcidendus est : secundis vero , ut excidant, deinceps prospiciendum veluti à peritis præcipitur , ad coxam nimirum alligato umbilico cum filo. Locus autem ubi amputandus est umbilicus , sine ullo sexus discrimine is statuitur ab Aëtio lib. iv, cap. 111, aliisque Veteribus , ubi quatuor circiter digitos ab abdomine infantis emer- sit. Sed ne quidpiam à mulierculis & barbaris absque superstitione perageretur , sexus discrimen inventum est. Putant enim vulgo obstetrices longiorem partem umbilici præfecti masculis relinquendam esse , ut longam ipsis pubertatis annis mentulam alant ; foeminis vero brevior , ut angustum pudendum forment , & verecundiores sint ac minus audaces : quasi vero ejusmodi pars umbilici , quæ quarto , quinto vel septimo die sponte sua decidit infra vinculum , aliquid posset ad immutandos animi mores , vel membri alicujus conformationem & augmentum ; sed necesse est hanc rideam opinio- nem. Nam si in mulierum potestate esset , prima umbilici cura pudenda majora vel minora effingere , profecto parturientes de obstetricibus jure merito conqueri debe- rent , quod in prima nativitate iis magnam umbilici partem non reliquerint , ut fœtus citius ex utero exire possit.

Ad modum perite secandi umbilicum requiruntur , deligatio , instrumentum , & ali- qua ante deligationem peragenda. Prius enim quam præscindatur , si puer debilis sit , aut pene mortuus edatur , sinistra manu tenendus est umbilicus , & sanguis qui è cor- pore fœtus per venam umbilicalem refluere solet , & spiritus vitales qui per arterias um- bilici è corpore fœtus effluere nituntur , reprimendi sunt paulatim rursus in corpus : sic enim statim infans , qui modo exanguis deficiebat , recreatur vitæque restituitur. Sin vero robustus sit infans qui prodit , statim sinistra manu apprehendendus est umbilicus ; tum protinus deligandus , ne sanguis è corpore infantis in umbilicum repat. Pro deli- gatione locus tutior , est spatium quod distat duorum vel trium digitorum transversorum latitudine ab abdomine , seu principio exitus umbilici à corpore infantis. Nam si proxime umbilico ligetur , periculum est , ne trahantur in consensum partes abdomi- nis sentientes , & sic dolor excitetur , qui inscia matre vel nutrice causam præbere so- let assidui ploratus. Ultra vero terminum , quem præscripsimus ligare nil vetat , cum umbilicus non sentiat , & tota hæc pars , quæ à præcisione relinquitur , paucis ab ortu diebus sponte decidat. Deligatio facienda est quam fortissima , duplicato & triplicato filo serico , vel è lino aut cannabe confecto , reiteratis etiam nodis , ne vinculum solva- tur vel relaxetur ; tum demum supra vinculum unius vel alterius digiti transversi spatio erit amputandus ; alioquin si prope ligamentum amputetur , metuendum est , ne sol- vatur vinculum antequam sua sponte umbilicus emoriatur & à corpore decidat , & sic sanguine vitalique spiritu effuso ex arteriis , infans statim commoriatur. Cæterum quo instrumento amputes , an scilicet cultro , an forfice , an arundine , vitro , vel alia materia , nil interest , cum non sentiat. A secto umbilico denique imponendum est gossipium , qua parte vulnus est , pannisque lineis involvendus , ne sua frigiditate ventri obsit , do- nec sponte deciderit. Quærere quispiam posset , cur homini ante sectionem umbilicus ligetur ; cæteris vero animalibus , quæ omnia umbilicum cum suis secundinis post par- tum statim devorare solent , minime ; neque his fere ullum videatur sequi incommo- dum effusionis vel sanguinis vel spirituum vitalium. Hujus quæsitæ duplex est apud me ratio ; & prima , quoniam in umbilico hominis vasa sunt majora & ampliora , præcipue vena , quæ unica est , perque ea vasa & sanguis & spiritus facilius fluere possunt. Deinde animalia dum dentibus abscindunt , à fœtu proxime abdomini eum auferunt , sic ut nulla pars de umbilico extet ; postea lambendo reducunt cutem umbilici exortui circumfu- sam supra extremitates vasorum umbilicalium , postea hæc cutis his vasorum finibus connata & supernata nodulum tantum in quibusdam quadrupedibus efficit , pro vesti- gio umbilici , in aliis parvum signum , in nonnullis etiam haud conspicuum. Hinc pa- tet vera ratio , cur homini umbilicus magnus sit , cæteris vero animalibus exiguus vel nullus ; alia prorsus ab ea , quam attulit nobis Aristoteles in problematibus. Et sic qui- dem ars circa sectionem umbilici ab obstetricibus exerceri debet.

CAPVT XI.

De partibus internis propriis, ac primum de Vasis umbilicalibus.



Actenus partes fœtus externas proprias examinavimus, nunc autem internarum propriarumque explicationem aggredi superest. Hæ duæ tantum sunt, vasa scilicet, & excrementa. Valorum alia, in abdomine & ventre inferiore continentur, ut umbilicalia; alia vero, in thorace, ut ramus exiguus, quo vena cava cum arteria venosa conjungitur, & arteria magna cum vena arteriosa. Umbilicalia vasa ea dicuntur,

*Umbilicalia
vasa que.*

quæ per umbilicum ex chorio transgressa in ventris partes internas inferuntur. Suntque tot numero, quot in umbilico inveniri diximus: etenim vasa ista quatuor, quæ per umbilicum unita progrediuntur, ubi abdomen intrarunt, finduntur singula, ac à se invicem diffociantur, & diversa loca suis finibus adeunt, quibus terminantur. Vena enim peritonæo subtus per ejus membranam annexa, paulatim sursum in jecoris partem, quæ leviter in duas veluti alias divisa est atque homini propria, quamque nonnulli Ana-

*Vena umbili-
calis inferio.*

*a, T.VII.D.
VIII. E.
VIII. C.*

tomici^a rimam jecoris vocant, ascendit; inde in cavam jecoris ulterius penetrando, ubi caudex seu truncus portæ à jecore surgit, bipartitur, ac in quemdam venæ portæ ramum inferitur. Sic in canibus & aliis quadrupedibus cernimus venam hanc umbilicalem, cum venæ portæ præcipuo trunco per mesenterium disperfo, cumque cavæ quodam ramo ad mesenterii centrum conjungi. Similiter arteriæ umbilicales abdomen ingressæ, & peritonæo annexæ una cum uracho deorsum pergunt: postea vero à se invicem disjunctæ ad uteri ac vesicæ latera feruntur, & in^b ramos arteriæ magnæ iliacos ad crura descendentes inferuntur ea parte, qua per pubis ossium foramina transire inci-

*Arteria um-
bilicalis in-
ferio.*

b, T.VII.F.

*c, T.VII.G.
VIII. K.
VIII. d.*

piunt. Urachus autem intermedius, peritonæo annexus, in^c fundum vesicæ terminatur. Omnia hæc vasa umbilicalia interna, statim ac in lucem venit fœtus, in funiculos abeunt, ob usus eorum maximi abolitionem. Etenim vena umbilicalis, destinata suscipiendo à matre sanguineo alimento, segregata carnea placenta, per cujus substantiam illud in venam umbilicalem per chorion & umbilicum ducitur, inutilis est. Similiter ablatis venis arteriæ umbilicales inutiles sunt. Urachus quoque, qui à natura factus est, ut per eum ex vesica urina in allantoidem transfluat, non amplius ex vesica suscipit urinam; cum allantoides privatus seorsim excrementum vesicæ per aliam viam, nempe per pudendum excernatur. Neque enim est, quod refutem doctorum quorundam nuper inventum, qui putant fœtum, dum est in utero, per pudendum mingere, propterea quod urachum solidum nec ullo foramine præditum conspici dicant; cum monstrare debuissent viam, per quam fœtus, ubi minxerit urinam à sudoribus separatam, in allantoidem, vel spatium quod est inter chorion & amnion, transmittit; & rationem reddere, ob quam in cæteris quadrupedibus urina segregetur, cum & eadem mingere per pudendum poterant. Porro umbilicalis vena pertingit ad jecoris portam in cavam vel ramum cavæ, quod sanguis, qui fœtui à matre pro nutritione dabatur, alia egebat elaboratione, quam ea, quam à matre acceperat; & ut tenellæ partes commodius & citius nutrentur, erant segregandi serosi humores à renibus, biliosi à fellis folliculo, melancholici à liene. Vnde clarum est, non bene hætenus Anatomicos censuisse matris sanguine dulcissimo purissimoque fœtum uti pro alimento. Melius autem Galenum lib. I de Sympt. caus. cap. VII, opinatum, sanguine æque puro & impuro nutriri fœtum; sed tenellum, sanguine puriore ali; grandiore jam, puro atque impuro. Dixi superius arterias umbilicales ablatis venis umbilicalibus inutiles esse; nunc autem neces-

*Fœtus in ute-
ro non min-
git.*

*Uterum &
recentiorum
opinio de usu
arteriarum
umbilicalium
proponitur.
Hipp. auctori-
tates de usu
arteriarum
umbilicalium.*

se est, ut quibus rationibus à Veterum & recentiorum omnium sententia, qua putarunt per umbilicales arterias vitalem spiritum à matre fœtui subministrari, discedere movear, exactius ac dilucidius declarem; si prius hujus antiquæ opinionis rationes protulerim. Nam Hippocrates, sive auctor de natura pueri, dum inquit, fœtum per umbilicum spirare, & alimentum augmentumque capere; nil aliud intelligere videtur, quam quod per venas sanguis ad nutritionem, per arterias vero umbilicales (quas etiam sub communi venarum nomine complexus est) spiritus à matre ad cordis refrigerium & alimentum vitalis caloris traducatur. Et paulo post in eodem libro, cum duplicem in

Gal. auctori-
tates de usu
arteriarum
umbilicalium.

semine ex quo formatur foetus, statuat spiritum, internum seu connatum & ingenitum, externumque, quo ingenitus nutritur; ac externum dicat esse aërem, qui per umbilicum attrahitur, frigidior paulo quam is, qui est internus; per aërem non intelligit eum, quem nos inspirando attrahimus, quippe qui ad foetum tam crudus veluti à nobis pulmonibus hauritur, pervenire non potest; sed à corde matris elaboratum, & per arterias matris ad uterum comportatum, & hinc per umbilicum in omnes partes foetus fufum. Gal. vero paulo clarius pluribus in locis usum arteriarum umbilicalium significavit, cum dicat spiritum ad vitam per has foetui dari, & quemadmodum per venas umbilicales sanguinem, sic per arterias non spiritum modo, sed etiam una cum eo subtiliorem & calidiorem quam is, qui in venis est, sanguinem accipere à matre, atque ex hoc omnium calidissimum viscus fabricari, nempe cor.

Prima ratio
pro Gal. de
usu arteria-
rum umbili-
calium.

Præter has auctoritates non desunt quoque validissimæ rationes ad hoc probandum. Prima autem est: Si spiritus vitalis non procederet à matre ad cor foetus, frustra factæ essent arteriæ umbilicales, & earum conjunctio per anastomosim cum arteriis uteri: sed frustra non sunt factæ arteriæ umbilicales, & earum anastomosis cum arteriis uteri; ergo vitalis spiritus procedit à matre ad foetum. Major probatur, quoniam ad nutriendum foetum vena est sufficiens, & ideo cum non haberent usum ferendi spiritum vitalem, essent superflua: minor patet è naturæ legibus, quæ sicuti in necessariis non deficit, ita in supervacaneis non abundat. Secunda ratio. Cuicumque parti non suppe-

Secunda ra-
tio.

ditatur materia ad conficiendos spiritus vitales, in ea vitalis spiritus generari non potest: sed cordi foetus non suppeditatur materia pro generando spiritu vitali; ergo spiritus vitalis in corde foetus generari non potest, & per consequens, à matre procedit. Major probatur: in corpore animato aut in animali, in quo non fit respiratio externi aëris, in eorum corde vitalis spiritus generari non potest; sed in foetu in utero existente non fit respiratio externi aëris; ergo vitalis spiritus generari in eo non potest: Major est manifesta; nam aër externus in animali quod non respirat, ad cordis sinistrum ventriculum pervenire non potest per venosam arteriam, ut sic cum calore & sanguine permixtus fiat vitalis spiritus. Tertia ratio. Si vitalis spiritus non procederet à matre, foetus ante debitum tempus pariendi ex utero exemptus adhuc vivere posset; sed vivere non

Tertia ratio.

potest, cum statim moriatur; ergo vitalis spiritus procedit à matre ad cor foetus. Quar-

Quarta ratio.

ta ratio. Si in corde foetus generaretur spiritus vitalis, arteriis & venis umbilicalibus vinculo constrictis, cor foetus pulsi non destitueretur: sed arteriis & venis vinculo constrictis cor foetus pulsu destituitur; ergo in corde foetus non generatur spiritus vitalis, & sic eum à matre provenire sequitur. Ego vero contra, vitales spiritus per arterias nequaquam à matre ad foetus vitam transfundi existimo; sed potius à corde foetus ad propriarum partium externarum vitam, arteriis his immitti credo; quod multis argumentis probatur. Primo, si à matre vitalis spiritus cordi foetus suggereretur per arterias umbilici, cor foetus non pulsaret, quia non generaretur in suo corde spiritus vitalis. At cor foetus pulsare, & Galeni & Aristotelis, lib. de Spiritu, auctoritate convincitur, sensibusque demonstratur. Et profecto majorem propositionem usque adeo veram esse fatentur Anatomici, ut insignis inter eos Andreas Laurentius assumptionem negarit; sed legat Galenum lib. 1 de semine, cap. viii, ubi expresse dicit cor foetus, quod arteriæ permeant, ob nimiam caliditatem quasi flammam quandam, assidue non moveri, sed mutua reciprocatione. Vnde sequitur vitalem spiritum in corde foetus fieri, eoque vivere omnes foetus corporis partes, nequaquam vitam foetui à matre traduci.

Auctoris opi-
nio de usu ar-
teriarum um-
bilicalium
argumentis
probatur.
Primum ar-
gumentum.

Secundum ar-
gumentum.

Secundo. Vnde procedit vitalis facultas, inde quoque procedit spiritus vitalis: sed à corde foetus procedit vitalis facultas, quæ foetum gubernat; ergo vitalis spiritus à corde foetus procedit. Major est manifesta; causa enim proxima posita, effectus sequitur. Minor probatur Galeni auctoritate dicentis lib. xv de Usu part. cap. iv, quod foetibus ex semine, non ex vulva facultatum ipsos gubernantium origo sit. Vitalis ergo facultas cordi foetus innata est ex semine, non à vulva, hoc est, à matre in ipsum missa, statimque ac formatus est foetus insunt omnibus partibus facultates corpus foetus gubernantes. Tercio. Si à matre vitalis spiritus procederet per arterias umbilicales, arteriis quæ ad umbilicum sunt vinculo constrictis, omnes quæ in chorio sunt arteriæ pulsu non destituerentur, sed tantum, quæ in cor foetus ingrediuntur: sed omnes, quæ in chorio

Tertium ar-
gumentum.

chorio sunt, pulsū destituuntur, corde nihilominus pulsante, ut ex lib. vi de Placit. Hipp. & Plat. cap. vi, apud Gal. habetur; ergo vitalis spiritus non procedit à matre per arterias umbilici. Quarto. Si à matre vitalis spiritus cordi fœtus suppeditaretur per arterias umbilici, aliis quoque animalibus idem accideret, quæ arterias umbilicales habent. Sed aliis animalibus idem non accidit: dum enim ex ovo generatur pullus, vitam non accipit à matre; sed à semine per incubationem formantur omnia pulli membra, statimque cor, quod palpitat, & vitales spiritus in se genitos non modo per corpus pulli diffundit, sed etiam per partes externas, nempe umbilicum: ergo vitalis spiritus fœtus cordi non suppeditatur à matre. Quinto. Si à matre vitalis spiritus procederet per arterias umbilici ad fœtum, mortua matre non posset fieri partus Cæsareus, neque diutius fœtus quam mater vivere. Sed mortua matre fit partus cæsareus, & diutius quam mater vivit fœtus; ergo vitalis spiritus non procedit à matre per arterias ad cor fœtus. Minor probatur tum experientia, tum auctoritate. Experientia: quia nonnulli post matris obitum extracti supervixerunt. Auctoritate deinde Plinii lib. vii Natural. hist. cap. ix, cujus verba sunt hæc: *Auspiciatius enecata parente gignuntur: sicuti Scipio Africanus prior natus, primusque Cæsarum à cæso matris utero dictus.* Qua de causa & cæsones appellati. Simili modo natus Manlius, qui Carthaginem cum exercitu intravit. Ego etiam aliquoties ostendi publice fœtum agninum à matris utero extractum per semihoram vivere. Denique favet nobis auctoritas Aristotelis, qui tantum ad alendum fœtum in utero factum esse umbilicum scribit lib. ii de Generatione animalium, cap. iv. Alibi etiam dicit, alimentum fœtui contingere per umbilicum eodem modo, quo plantis per radices: venas autem umbilici esse tanquam radices, per quas alimentum haurit fœtus. Neque alibi fecit unquam mentionem spiritus, qui per umbilicum ad vitam fœtui à matre datur. Reliquum est, ut ad argumenta pro Galeno adducta respondeam. Et ad primum dico; Iulium Cæsarem Arantium negasse hanc arteriarum umbilicalium cum uteri arteriis conjunctionem, à Galeno propositam. At licet hoc concedatur, tamen non sequitur necessario, quod hac de causa sit facta, ut spiritus vitalis à matre fœtui communicetur, cum ad firmiorem annexum fœtus cum utero hanc arteriarum conjunctionem facere natura potuerit, & ut vitalis spiritus à corde fœtus elaboratus, melius à matris vitali spiritu foveretur, tamquam debilior; utque calore ad partes placentæ extimæ sanguinem crassum per angustas venulas attractum impelleret, attenuaret, & ad fœtum per umbilicum ferret. Ad secundum argumentum accedo. Cuicumque parti non suppeditatur materia ad spiritum vitalem generandum, in ea quoque non potest elaborari. Sed cordi non suppeditatur spiritus vitalis materia. Falsum hoc; quia suppeditatur per venam umbilicalem sanguis, qui sufficit ad spirituum vitalium generationem. Præterea probatio majoris propositionis, ubi non fit respiratio, ibi quoque non fit spiritus vitalis, falsa esse arguitur exemplo eorum animalium, quæ non respirant. Nam dum in ovo pullus generatur, cordis officio ac munere gubernatur, & perficitur mediante sui cordis calore & spiritu, eoque donec partes vitales ita habeat perfectas, ut externo aëre frui queat, vel debeat. Arist. quoque lib. de Respirat. cap. vi, negat internum ignem spiritu ali, illiusque alimenti gratia fieri respirationem; & respiranti quidem, tamquam super ignem accensum, fomitem adjici; alito autem igne, fieri expirationem. Etenim, inquit, oportebat in aliis animalibus hoc idem accidere, aut huic quid simile: nam omnia habent caliditatem vitalem; pisces tamen aquam trahunt, non aërem. Ad tertium. Porro vivere fœtum extra uterum exemptum non posse, partim verum est, partim falsum: verum est, quia non vivit diu, sicuti homo mature editus: falsum vero, quia diutius vivit, quam posset si à matre vitam per arterias continuo transmissam haberet. Nam abortivos per horas nonnullas vivere observatum est: & sex, septem, atque octo menses in utero portatos fœtus, quos matres maturius ob aliquem errorem externum erant enixæ, per septimanas aliquot adhibito conveniente fotu & alimento, vitales fuisse. Deinde aliam ob causam accidere potest, ut fœtus à matrice exemptus vivere nequeat, quam ob vitalis spiritus matris privationem: privatur enim ab utero separatus materno calore, qui fœtus omnem calorem in corde auget, sustinet, ac sua qualitate fovet. Vnde fœtus dicitur à fovendo, non aliter quam is qui incubitu ovorum à volucribus matribus editur.

Quartum argumentum.

Quintum argumentum.

Responsio ad argumenta pro Gal. adducta. Ad primum.

Responsio ad secundum.

Ad tertium.

Fœtus unde dicitur.

Responsio ad
quartum.

Verus arte-
riarum um-
bilicalium
usus secun-
dum mentem
Auctoris.

Cur unica sit
umbilicalis
vena, & dua
sint arteria.

Cur arteria
umbilicales
non oriuntur
prope cor.

Quamquam enim pullus in ovo grandior sit, corque ejus vitalem spiritum & calorem generet, perque corporis omnia membra diffundat; tamen nisi blando matris ac tepido calore foveatur, propter cordis & vitalis ejus caloris imbecillitatem, & pororum corporis laxitatem statim rigens emoritur. Quamobrem ne rigeant foetus, maxime nuper nati, videmus matres frequenter apprimendo pectori eos fovere: pullos gallinarum sub alis matris quo teneriores sunt, eo frequentius se condere, materno tepore corpusculum conservantes. Ad quartum. Quod vincto umbilico cor foetus pulsu destituatur, fit quia deest alimentum cordi, nempe sanguis, qui per venam umbilicalem copiosissime in dextrum cordis sinum fluit per venam cavam, ut ex eo nutriatur & vitales spiritus toti corpori conficiat. Ut igitur concludamus, credendum est contra omnium anatomicorum hactenus receptam sententiam, arterias has umbilicales factas esse, ut spiritus vitales à corde foetus transmitti possint ad externas partes foetus, nempe secundas, ad calorem vitalem illis partibus tribuendum, quo motum sanguinis per venam umbilicalem à matre in jecur foetus transfluentis acceleret, ac prohibeat attenuando, ne illis concre scat, sed debitum alimentum promptius ad minimas quasque externarum partium particulas nutriendas pervadat. Cæterum duas arterias umbilicales natura fecit, easque angustas; unam vero venam satis amplam. Decebat enim copiosum & crassum alimentum, qualis est sanguis, per amplum locum unite pertransire; tenuis vero sanguis & spiritus calidi per exiguos & angustos canales pertransire satis poterant. Sed & sollicita fuit de commodo & facili transitu sanguinis à matre ad foetum, ut duabus arteriis venam amplecti voluerit, nullusque per chorion esset ramus, cui non arteriarum aliquis ramulus comes esset. Terminantur arteriæ umbilicales in arterias ad crura descendentes; vel si mavis dicere, ex iis oriuntur; non autem ex corde vel prope cor ex arteria magna, ut vena umbilicalis prope jecur ex vena portæ. Non quidem ex corde, quod partes externæ foetus vitali spiritu bene præparato ac elaborato egebant, qui talis maxime in arteriis remotioribus à corde solet contineri. Neque prope cor ex arteria magna hos ramos prodire tutum erat, quod pertransire debuissent mesenterium & intestina, quæ cibo flatibusque onusta pulsus harum arteriarum poterant intercipere. Nec denique decebat duos ramos unitos semper prodire ex unico loco, cum unus ramus sufficere videbatur, siquidem ex arteria magna originem is traxisset; sed potius duos ramos prodire ex duobus locis distantibus.

C A P V T X I I.

De structura vasorum Thoracis in foetu.

Vasa thoracis
in foetu quo-
modo consti-
tuta.



Cur pulmones
factus copioso
sanguine nu-
triantur.

Usus diversa
constitutionis
vasorum in
foetu secun-
dum Aucto-
rem.

Equuntur nunc vasa in thorace contenta circa cor, longe aliter constituta, quam in nobis aliquandiu natis. Etenim vena cava cum arteria venali conjungitur, & arteria magna cum vena arteriali; sed diversa ratione. Nam vena cava cum arteria venosa contigua rotundo ac satis magno foramine, membrana itidem tenui & nonnihil pellucida sociatur: at arteria magna, quia paululum distabat à vena arteriali, vase arterioso tanquam novo ductu & canali, cum vena arteriali conjungitur oblique: quod in natis aliquandiu & perfectis hominibus non amplius conspicitur, non sine miraculo; exsiccato nempe hoc novo ductu, atque evanescente foramine, tanquam in natis jam non amplius necessariis. Quippe cum pulmones foetus in utero nondum cordi inservirent ad refrigerium caloris per aërem externum, erat necesse illos copioso sanguine nutrir; cum vero hunc sanguinem cor copiose per venam arterialem subministrare non posset, eum per foramen amplum ex vena cava in arteriam venalem refundit, occluso nonnihil foramine tenui membrana, ne quippiam quod intrasset statim à vicino motu cordis coactum fuisset regredi: deinde, ut edito jam in lucem foetu hoc foramen facilius obturaretur, membrana tenui paulatim crassiore facta, & acquirente corpus arteriæ venalis, similiter arteriam magnam cum vena arteriali per vasculum exiguum conjunxit, ut copiose sanguinem & spiritum vitalem pulmonibus largiretur per venam arterialem. Quia vero pulmonum substantia non amplius in jam natis copioso & crasso sanguine nutriebatur, propterea non adhuc opus fuit à partu, ut abundanter cor iis vitalem

vitalem spiritum & sanguinem impartiretur. Imo cum pulmones in natis aëri excipiendo destinatos propterea leves esse oporteret ac substantia rariore, voluit natura à partu horum vasorum usum & structuram transmutare, & per venam arterialem sanguinem paulo tenuiorem, quam qui in vena cava continetur (utpote nonnihil attenuatum in dextro cordis ventriculo) pulmonibus nutriendis præbere: per arteriam vero venalem, modicum spiritus vitalis è sinistro sinu cordis pulmonibus ad vitam impartiri.

Pulmones in natis leves.

Ex his igitur patet, explodendam esse Anatomicorum sententiam de usu propaginis, qua arteria magna cum vena arteriosa communionem habet. Putant enim per hunc ductum cor refrigerari, atque matre præberi sanguinem vitalem pulmonibus & cordi fœtus, propterea quod cum per arterias umbilicales, longo ductu, per arteriam magnam in cor spiritus vitalis transire non poterat, ob ostiola circa basim cordis initio magnæ arteriæ posita, ab his repulsus vitalis spiritus per hunc ductum in venam arterialem & dextrum cordis sinum pulmonesque permeare cogatur. Sed quod fœtus nequiquam vitalem spiritum à matre hauriat, jam videor supra satis probasse. Ratio autem cur in hanc erroneam opinionem lapsi sint omnes, qui usque adhuc fuerunt Anatomici, fuit administratio Anatomica fœtus formati; siquidem in hac viderunt prius eas partes, quibus utero fœtus annectitur, & ex hac venas & arterias umbilicales fœtus abdomen penetrare, unde sane probabiliter admodum & sanguinem & vitalem spiritum à matre in fœtum transire sibi persuaserunt, atque ex hoc fundamento in assignandis usibus horum vasorum erraverunt. Observavi quoque in corde & aliud, nondum ab aliis animadversum, nempe utrumque cordis ventriculum habere parietem æqualis crassitudinis, cum in adultis sinister habeat crassiores parietem dextro.

Anatomicorum sententia de usu diversæ constitutionis vasorum in fœtu rejecta.

Vnde orta Anatomicorum sententia de usu arteriarum umbilicalium.

Observatio nova.

CAPUT XIII.

De excrementis fœtus internis.



Excrementa hæc duorum sunt generum; alia, solida; alia vero, liquida: illa, in intestinis crassioribus; hæc vero, in tenuibus & ventriculo conspiciuntur. Solida ac dura in crassis intestinis, Latinis papaver & papaverculum dicuntur, Græcis *μηκάνιον*. Suntque viridia, vel (ut Arist. describit) valde nigra ac picea, & calore sanguinea. Liquidiora vero in ventriculo, magis viscida & alba: in intestinis, viscida & pallida; atque ad flavedinem magis crassitiemque vergentia, quo propinquius intestinis crassis in ileo consistunt; magis vero albida, quo viciniora sunt ventriculo. Notandum etiam est, quod intestinum jejunum, quod in nobis est fere vacuum, in fœtu est excrementis plenum. Excernit hæc omnia excrementa infans recens natus, vel statim à partu, vel ad summum intra unum diem naturalem; & prius papaverculum excernit, deinde vero reliqua, quæ in intestinis & ventriculo continentur. Sed multo plura excernere ait Arist. quam corporis magnitudo postulat. Veteres quidam, cum viderent post partum infantem hæc excrementa excernere una cum reliquiis urinæ in vesica relictis, crediderunt puerum in utero matris sugere & per os alimentum capere, nescientes undenam hæc excrementa provenirent. Recentiores omnes, & inter hos Andreas Laurentius, putant impuriore & crassioris sanguinis recrementa esse, quæ per splenicum & mesentericum ramum à liene in intestina amandantur, ibique diutina mora & calore exsiccantur. Alii vero, à toto corpore per venas mesaraicas in intestina fluere credunt. Ego autem, quamquam à liene & toto corpore amandari posse per venas mesenterii in intestina, non negem; tamen existimo non esse expurgationem ejusmodi sanguinis crassioris, qualis dum adhuc in utero est fœtus & bene valet, in venis continetur, & qualem natura semper conatur facere vel convenientem vel necessariam; quandoquidem sic ad sanguinis illius per venas expurgationem ora vasorum non sine noxa fœtus aperiri deberent, & multo commodius excrementa illa crassa cum tenuibus possent magna ex parte per patulos poros cutis expelli. Ideo potius dico, hæc excrementa crassa, nempe papaver, generari à liquidioribus in stomacho & intestinis tenuibus contentis, quæ partim sunt pituitosa, ut in ventriculo; partim biliosa & pituitosa, ut in intestino jejunio & ileo. Fluit autem hæc biliosa materia ex folliculo felle, cujus porus in intestinum duodenum

Fœtus excrementa quomodo excernit.



Fœtus statim natus multa excrementa excernit.

Cur veteres crediderunt fœtum in utero per os nutrir.

Recentiorum opinio de generatione excrementorum fœtus.

Auctoris opinio de generatione excrementorum fœtus.

Caput fœtus
in utero ex-
purgatur.

Hipp. auctori-
tas de purga-
tione capitis
fœtus in ute-
ro.

Ufus interno-
rum excre-
mentorum
fœtus.

Puer post cr-
itum cur tot
excrementa
excernat.

duodenum inseritur, ut in natu grandioribus apertissime conspici licet: pituitosa vero à ventriculo, sed maxime à capite, quod neque per nares, neque per os, occlusis omnibus his meatibus in utero, expurgari potest; hinc necesse est, ut per œsophagum in ventriculum illa dilabatur. Agnovit hanc capitis expurgationem ex Veteribus & recentioribus, quod equidem sciam, nullus, præter Hippocratem vel eum Auctorem, qui de morbo sacro librum conscripsit in operibus Hippocratis. Probans enim is in eo libro, epilepsiam fieri fœtu adhuc in utero existente, inquit; *Purgatur enim & florescit cerebrum, veluti etiam aliæ partes, priusquam in lucem edantur. In hac autem purgatione, si quidem probe ac moderate purgatum fuerit, & neque plus, neque minus quam oportet defluxerit, hic fœtus sanissimum caput habebit. Si autem amplior colliquatio à toto cerebro facta fuerit, morbosum caput augescens fœtus habebit, & sonitu plenum, & neque solem, neque frigus tolerabit. Si vero ab una aliqua parte colliquatio contigerit, aut ab oculo, aut ab aure, aut vena aliqua simul gracilis facta fuerit, ille sic afficitur, qualiter sane colliquatio contigerit: si vero colliquatio non contingat, sed in cerebro spissetur ac cogatur, sic necesse est fœtus pituitosos esse. Et quibuscumque quidem pueris existentibus erumpunt ulcera in caput, & in aures, ac in reliquum corpus, & qui salviosi fiunt ac mucosi, hi ipsi progressu ætatis facillime degunt: hic enim ab it purgatur pituita, quam in utero purgari oportebat, & qui sic purgati fuerint, comitali sive sacro morbo fere non apprehenduntur. Qui vero mundi sunt, & neque ulcus ullum, neque mucus, neque saliva ulla prodit, neque in uteris purgationem fecerunt, talibus periculum imminet, ut ab hoc morbo corripiantur.* Hæc Hippocrates. Igitur pituita à capite deturbata in ventriculum, & conjuncta cum tenui ea, quæ in ventriculo fuit genita, indeque in modum chyli semicocti ad intestina descendens cum bile permiscetur; in qua miscella quidquid utile est vel aptum alendo fœtui, id omne per venas mesaraicas rapitur in jecur, ut ex eo sanguis fiat; quidquid vero inutile, per intestina tenuia præterlabens in crassa relegatur, paulatimque exsiccatum, quo intestinis crassis vicinior fit, eò crassius redditur, magisque durum ac viride, sic ut jam tanquam excrementum in intestinis crassis consistens prorsus durum reddatur, & ex viridi atrum; qui color ater hisce excrementis inditur, non quod sanguis sit crassus & ater, qui in intestina fluit (ut hætenus crediderunt Anatomici) sed quia bilis flava permista cum pituita, crassioribus excrementis longa mora in corpore infantis conclusa, à calore uratur & exsicceatur: tum quia hæc bilis flava à calore exusta, viridis reddatur & prassina initio minus, deinde magis, posteaque exsiccata & combusta, nigra evadat. Idcirco excrementa tenuia, quæ in intestino jejuno continentur, magis sunt flava; viridia vero & crassiora, quæ in ileo; nigra vero, quæ in colo & recto. Atque interea dum in utero est fœtus hæc excrementa non spernendum habent usum. Nam prohibent, ne sibi invicem adhærescant intestina, vel in se ipsa concidant, quod evenisset, si ea omni humore vacua esse voluisset Natura; sic igitur patula manent; & apta excipiendo cibo, postquam in lucem prodiit fœtus. Sed à liquidioribus excrementis aliud quoque præstatur. Nam à pituita quæ in ventriculo est, exercetur concoctrix licet languida ventriculi facultas, ut hanc in substantiam commutet, non quidem chylum vocatam, sed chylo analogam; quæ postea cum bile mista per intestina tenuia simul meat, ut ea parte liquidior ac dulcior, quæ sanguini conficiendo idonea est, per venas mesaraicas ad jecur rapta, in alimentum cedat. Sic neque ventriculum, neque intestina, neque venas mesaraicas à suo munere, dum in utero est fœtus, ociari videmus; sed naturam jam à primordiis conceptus assuescere unumquodque membrum cernimus ad nutritionem vel augmentum, aliasve actiones in fœtu ad quas singulum propriæ actioni destinatum est. Patet ex his optime causa, cur puer statim à partu, vel spatio vigintiquatuor horarum, excrementa varii coloris excernat, & prius nigra, picea ac dura; deinde vero, flava; postea liquida, & magis lactea. Non enim à lacte, quod puer sugit, excrementa albicantia, & flavedine permista excernuntur (ut putant multi,) sed quia talia in intestinis fœtus concludebantur. Observatione dignum est, quod notavit Aristoteles lib. vii Hist. de Animal. cap. x, plura excernere infantem recens natum, quam magnitudo corporis, vel proportio requirere videatur, hoc est, uti ego interpretor, quam intestina capere possunt. Hoc fit, quia puero in lucem prodeunte multa pituita à capite dilabatur, multaque excrementa biliosa ad intestina propelluntur, concitatis in venis sanguinis humoribus, & expulsis per venas mesaraicas in intestina per modum criseos: quo motu non solum natura excernit

superflua

superflua ad suscipiendum alimentum, sed patulas quoque reddit venas mesaraicas, ut per eas deinceps melius & copiosius trahatur alimentum ex intestinis in venas ad jecur. Hic non possum non mirari obstetricum, ne dicam medicorum negligentiam, qua hæc commemorata in ventriculo & intestinis puerorum recenter natorum excrementa expurganda putant vel pomo cum melle hausto, ut hic Patavii & in aliis Italiae locis; vel syrupo rosaceo ex rosis pallidis laxativo, ut in Gallia; vel alio quopiam laxante ac detergente medicamento, ut in aliis locis. Negligunt enim summam Naturæ providentiam, quæ in tam necessaria re nascenti consulit puero sola medicina, à matris papillis hausta & gratiore ac tutiore multo, quam quæ ab obstetrice solet præberi. Nam colostrum (lac est quod in uberibus puerperæ primis diebus à partu generatur) si statim natus sugat infans, commodius & sine ulla noxa ab hisce excrementis purgabitur. Alimentum enim est medicamentosum, quod Natura ad eum finem produxit, ut modice nutriendo leviter pro infantis imbecillitate purget per aliquot dies. Si enim nos præbemus medicamentum, vel nimis debile, vel nimis validum esse potest; at Natura dat, quod viribus convenit. Præterea nos semel, aut bis illud exhibere possumus; at Natura largitur quod per plures dies dari potest, & usque ad perfectam corporis evacuationem, paulatim interim in lacte illo imminuens vim purgandi, & adaugens vim alendi. Nam falso hæctenus æstimatum est ab omnibus, hoc primum lac puerperæ colostratos, quod dicitur, reddere infantes, iisque in ventriculo spissari ac coagulari, admistumque cum prædictis illis excrementis corrumpi, & suscitare vapores ad caput ascendentes & pravorum symptomatum auctores; nullius esse nutrimenti vel pravi, quod eas omnes notas non habeat, quas bono lacti Auctores adscribunt, nimirum non sit laudabilis consistentiæ, calore album, odore suave, sapore dulce; sed contra potius crassum, flavum, sapore minus suave, aspectu virosum; adeoque ad evitanda omnia ista incommoda non primis diebus hoc primum lac puerperæ dandum; cum videamus quotidie alios pueros illud sugentes, nihil damni accipere; sed alvo blande mota purgari ab iis excrementis, quæ non expurgata tempestive revera causæ sunt malorum innocenti lacti temere adscriptorum; cumque sciamus Naturam nihil in nobis generasse, quod non cedat in nostrum usum. Quocirca monendæ sunt obstetrices atque puerperæ, ne in posterum aut catulis colostrum projiciant tanquam inutile & noxium; aut à mulierculis & aliis puellis tamdiu exfugi curent, donec melius lac ad nutrimentum pueri procedat, cum hoc primum lac sit ad totius corporis purgationem utilius omnibus aliis, quæ possunt præberi; pueroque non conveniat statim lac, quod optime nutrit, dare, antequam colostro per aliquot dies sit purgatus. Quod si contingat à partus primis diebus infantem non bene purgari (quod hic frequentissime solet in Italia evenire, propterea quia matres, cum non lactent suos fœtus, nutrices accersant, quæ jam per quatuor vel plures menses lactarunt, neque ut oportebat recens à partu lac sive colostrum infanti præbere queant) plerumque accidit, valetudinarios magis educari, & in febres longas facilius, aut convulsiones, aut abscessus incidere tum magnos, tum adeo interdum frequentes, ut uno curato alius atque alius oboriat: nam quo lac est vetustius, eo fit magis diureticon, & magis nutriens & minus purgans, ita ut alvum infantis adstrictam reddat. Itaque ut hoc caveatur, accersitus ad tales infantes interrogare soleo, qualis sit nutrix, quæ primum lactaverit; & alvum infans lubricam servet, necne? nam si ab initio usus fuerit nutrice, quæ jam ante per medium annum, vel duos, tresve menses lactaverit, & alvo sit dura, etiamsi sana sit femina, jubeo tamen illam mutari, & eligi aliam, quæ recens lac habeat: vel si talis non fuerit ad manus, purganda nutrix, atque etiam infans frequenter cum cassia lacti commista.

*Infantes post
ortum non
sunt medica-
mentis pur-
gandi.*

*Colostrum
quid.*


*Primum puer-
peræ lac in-
fantibus dan-
dum.*

*Nota boni lac-
tis.*

*Infantibus
medicina à
matris uberi-
bus sumenda.*

*Quibus mor-
bis obnoxii
infantes qui
non purgan-
tur.*

CAPUT XIV.

*De partibus communibus, earumque divisione.**Partium communium divisio.*

Artibus fœtus propriis diligenter consideratis succedunt communes inspiciendæ, hoc est, eæ, quas fœtus cum homine perfectiore vel natu grandiore communes quidem habet, sed tamen aliter conformatas. Harum aliæ externæ sunt, & vel similes, ut cutis; vel compositæ, ut oculus, mammillæ: aliæ internæ, atque etiam eæ vel simplices, ut ossa, cartilagine, membranæ ossibus annexæ; vel compositæ, ut jecur, cor, pulmo, intestinum cæcum, cerebrum, renes, vesica.

CAPUT XV.

*De Cute.**Cutis fœtus ab adultorum cute diversa.**Cur tenuis in fœtu cutis.**Morbi puerorum.**Quomodo intertrigines curanda.*

Vtis inter externas primo inspicienda est, quod sit colore quam in perfectis rubicundior, substantia rarior, poris laxioribus, & tactu mollior. Etenim cuticula cuti superposita tenuissima est, & simplex; at in perfectis natuque grandioribus longe crassior, ut aliquando duplici tunica constare videatur, propter crassorum excrementorum copiam, quæ per poros cutis exhalant, & frigus ambientis, quo ejusdem pori constringuntur. At cutis fœtus laxior, rarior, ac rubicundior, tenuiorque est, quia continuo madore calido seu sudoribus tepentibus in utero proluitur undique, perque raros ejus poros sanguis copiosus ac rubicundior ad extremitates pororum permeare potest. Decebat autem ejusmodi cutem fœtui dare, ut corpus, quod excrementa primæ, secundæ, & tertiæ coctionis generat, viasque eas habet interclusas, per quas hæc in nobis jam natis expurgari solent, in utero per cutis meatus & tenue & crassum excrementum è corpore amandaret. Ob talem cutis in fœtu constitutionem infantia propriis quibusdam morbis corripitur, ut aliquando aphthis, hoc est oris ulceribus à lacte acri vel materia biliosa tenellam cutem oris erodente pronatis: quorum ulcerum mentionem fecit Hippocrates in Aphor. xxiv, lib. iiii. Sed sæpissime intertriginibus, quorum mirum est Hippocratem in Aphorismis mentionem non fecisse. Oriuntur autem intertrigines modo in inguinibus & plicis femorum, modo sub axillis, modo in cervice & collo, rarius aliis in locis, quando Natura copiam materiæ biliosæ, quam per aliam viam, nempe per urinam & alvum expellere commode non potest, ad glandulas sub axillis vel inguine transmittit, vel ad collum ducit, ubi ob cutis tenuitatem facile per poros laxiores expellit, non sine cuticulæ ablatione primum, deinde etiam ulcere, si negligenter infans à nutrice regatur. Veteres qui de regimine infantis scripserunt, atque etiam recentiores, siccis pulvisculis & adstringentibus eas curare suadent, nulla adhibita cautela, quæ mihi videtur summopere necessaria in infante educando ad sanitatem. Cum enim scirem Naturam per motum criseos hujusmodi intertriginem moliri, expulsa materia ad partem minus nobilem, aliter quidem ego eas curavi, & curare docui nutrices, scilicet ut in posterum intertriginibus obortis non statim mederi conarentur siccis adstringentibus & repellentibus medicamentis, sed sinerent manare ichorem per paucos dies, donec cessare fluxio materiæ ichorosæ incipiat, intereaque prohiberent, ne nimio dolore infantes vexarentur, ac nimia acrimonia & longo tempore ulcera profunda fierent, imposito tantum cerato ex oleo & cera simplici, vel ablutione frequenti aquæ tepidæ, vel linteis subtilibus madefactis in oleo lini & impositis; quibus effeci, ut infantes neque epilepsia, neque convulsione, neque febribus acutissimis, neque ullis aliis gravioribus morbis fuerint unquam correpti.

CAPUT XVI.

De Mammillis.



Mammillæ quoque non sine ratione inspiciendæ sunt tam in masculeo, quam fœmineo fœtu: non enim figura, aut duritie, vel magnitudine differunt; sed venis, quas patentiores habent; & virtute singulari, qua tertio vel quarto die, postquam sugere incœperunt infantes, fundere lac videntur, quod hætenus à doctissimis naturæ indagatoribus observatum non est, vel neglectum. Forte propterea, quod non in omnibus infantibus id appareat, sed tantum in iis, qui admodum obesi sunt & sanguinei; cæteris vero macilentioribus, vel nihil vel paucum ex uberibus manet. At obesitas in tanta copia fluit, ut pressæ papillæ non secus atque nutricum procul ejaculentur ipsum lac, ac quotiescumque conglobatum est vel coagulatum, in apostema tendat. Iure igitur inquirendum, qua vi id contingat, an à mammis lac generandi virtutem habentibus; an lac jam recenter suctum ad mammasillico, & per quos ductus fluat; & in quem finem Natura lac in hac ætate generet. Sane æstimandum est, ipsum illud lac quod recenter à matre aut nutrice suctum, & nondum venarum ac hepatis beneficio valde alteratum est & mutatum in sanguinem, ne copia sua aggraves naturales facultates, tum per insensibiles meatus, quibus universum corpus, maxime infantis recens nati propter laxitatem & raritatem partium, perspirabile est, tum per venas patentiores in mammillas propulsum fluere, ut sic aliqua copia nutrimenti pauciore indigens corpus liberetur. Mammillas vero vim generandi lac non habere; quoniam omnium infantium mammillis hæc vis innata esse deberet, videamus tamen macilentioribus nullum in iis lac generari, quod sanguine & nutrimento non abundant.

Mammilla-
rum in fœtu
inspectio ne-
cessaria.

Cur fœtus lac
in mammis
habeat.

CAPUT XVII.

De Oculis.



De oculis infantum recens natorum quæritur, an distincte videant à partu? quemadmodum constat nonnulla animalia distinctissime cernere, veluti agnum. Quod autem statim à partu videant, possumus experimento cognoscere: si enim infanti nuper nato ostendatur lumen, videbimus eum oculos in illud intendere, & quoquo versum movetur lumen, eo oculos quoque movere. Signum satis manifestum, quod videat infans. Sed unum altero distinctiorem visum habere credendum est, propter oculorum variantem temperiem: omnes vero confusæ ac veluti per nebulam cuncta intueri, quod imagines non bene discernantur, propter humiditatem nimiam cerebri; nec bene recipiantur à pupilla, propter summam oculorum & præcipue corneæ ac aliarum pupillam constituentium partium humiditatem; quæ cum paulatim accrescente ætate mutetur ad temperamentum siccius, vel oculo perfecto magis proprium, in causâ est, cur toties in infantia oculorum colores mutantur, & ex nigris flavi & cæsi fiant.

Infantes nu-
per natos cer-
nere.

Cur infantes
distincte vide-
re non possint.

Cur in infan-
tia sæpe oculo-
rum colores
mutentur.

CAPUT XVIII.

De cæteris partibus compositis internis.



Inter internas partes, compositæ prius occurrunt; atque inter has, omnia fere viscera, & cerebrum cum intestino cæco. Quarum quædam magnitudine sola differunt, ut jecur, cor, & intestinum cæcum: quædam figura, ut renes: nonnulla utroque modo, ut cerebrum, quod proportionem corporis fœtus majus est, quam in adultis, & duos ventriculos priores patentiores habet. Cæterum quemadmodum Natura tres partes principes, cor, jecur, cerebrum majores fecit in fœtu, quam proportionem corporis adultorum; sic etiam voluit esse magis sollicita de jecore, quam de aliis par-

Partes princi-
pes in fœtu
magis.

tibus. Quippe tam magnum jecur fœtui dare voluit, ut utrumque hypochondrion sua mole occuparet. Nec immerito; quoniam non modo partes totum corpus gubernantes validas habere decebat, sed robustissimam ac validissimam, maximamque eam partem, per quam conveniebat & cerebro & cordi, totique corpori alimentum præbere, idque longe celerius & copiosius quam in adultis, propter celerrimum & maxime admirabile augmentum, quod non solum natura in fœtu adhuc in utero contento machinatur, sed & in infante statim ex utero egresso. Videmus enim primum natum infantem in tantam molem statim excrefcere & augeri, ut paucorum mensium spatio fiat duplo grandior; quod non contingit in natu majoribus, minus in adultis. Imo unusquisque observare potest pueros, quo ortui sunt viciniore ætate, eo singulis annis grandiores evadere, ita quidem ut non solum quinto, sicut Arist. observavit lib. 1 de Gen. anim. cap. xviii, sed jam tertio anno plerique dimidium virilis staturæ suæ sint adepti; ultra pueritiam vero progressos non ita valde, uti antea excrefcere.

Cerebrum & cor cur minoræ jecore.

Cur pueri muco abundant.

Capitis magnitudo quam habeat usum.

Pulmones fœtus rubicundi & ponderosi.

Cerebrum autem & cor jecore minora sunt, quod iisdem jecur materiam quoque subministrare debeat copiosissimam, non ad augmentum nutrimentumque tantum, verum etiam ad animales vitalesque spiritus generandos. Sed & cerebrum corde est majus, comparatis utriusque partis magnitudinibus cum iis, quæ sunt in adultis; non quod fœtus copiosioribus spiritibus egeat, quam homo perfectior, sed quod cerebrum ex parte spermatica maxime confletur, cujus copia in prima conformatione fœtus erat maxima, & hæc pars spermatica ad ampliandum se non multum admodum egeat alimento sanguineo. Habet præterea cerebrum ventriculos duos priores qua parte nasum spectant ita patulos, ut ad foramina ethmoidea pervii sint, proculdubio ad purgandum cerebrum à pituitoso excremento per nares commodius, quod in humido cerebro copiosissime in infantibus & pueris generatur: & inde nobis innotescit ratio, cur nares infantium & puerorum plurimo semper muco stillent usque ad octo vel decem annos, raro autem plures. Nam & in plurimis pueris, aliarum vero ætatum paucis, ventriculi cerebri versus nares ita sunt patuli. Patet etiam quod aliqui non facile purgentur per nares cum jam adoleverint, esse rationem posse, quod nimis clausos habeant hosce meatus. Datum est etiam à Natura fœtui, propter cerebri magnitudinem caput magnum: hæcque magnitudo peculiarem usum obtinet ad faciliorem exitum fœtus ex utero. Nam cum hominis, veluti cæterorum animalium partus naturalis fiat in caput, decebat hominem grande caput habere, ut ejus pondere, dum sudoribus vel aquæ innatat in utero & se ad partum præparat & circumvolvitur, hæc pars prius cæteris ima peteret & ad collum cervicis uterinæ provolveretur; deinde egresso capite & amplissima pro cæteris partibus reddita via, reliquum corpus facilius sequeretur. Aliis autem animalibus plurimis non contingit caput tam magnum quam homini, dum utero geruntur, quod ea non ut homines conglobati in utero gestentur & capite ad fundum matricis sito & remoto ab uteri cervice; sed quod eorum caput prope uteri os positum sit, nec situs eorum ante partum, ut in homine transmutetur.

Pulmones rubicundi & ponderosi in fœtu sunt, propter alimentum, sanguinem nimis mirum crassum & copiosum, quem à vena cava per foramen in venali arteria ad nutriendos pulmones fundi diximus: in adultis vero leves & subalbidi, quod occæcato horum vasorum foramine, paucus ac tenuis sanguis ad pulmones permeet, admirabili naturæ providentia, quæ quo tempore quiescebant pulmones ab officio spiritum æremve externum hauriendi, nutriri eos copiosiore & crasso alimento voluit; ubi vero jam ad respirationem destinati sunt in natis, ut faciliior esset dilatatio, atque contractio pulmonum substantiam gravem & densam in leviolem paulatim transmutavit, & alimentum levius ac spirituosius ob eandem causam ipsis subministrari voluit. Hanc igitur ob causam substantia pulmonum fœtus gravis, densa, rubraque, in levem, raram, atque subalbidam natis jam transmutatur. Atque hic mirari nos summo opere cum Galeno oportet Naturam, quod, cum nos venam vel arteriam aliquam magnam præcisam aut majori in parte amputatam nunquam aut vix ullis medicamentis glutinare possimus, quod sint spermaticæ partes; illa tamen trium vel quatuor dierum spatio foramen, quod in vena cava & arteria venosa est, ita glutinet, ut primis quidem annis nihil, præterquam membrana; perfecto vero homine, ne vestigium quidem compareat. Sed

reat. Sed arteriæ portionem, quæ arteriam magnam cum arteriali vena conjungit, ita obliteret, ut cum cæteræ partes nato homini augeantur & crescant, illam prius quidem in funiculos mutet, deinde & hos quoque ne adesse quidem sinat.

Renibus quoque fœtus peculiaris figura est, quam Bartholomæus Eustachius glandulosam, & instar pineæ nucis ex pluribus glandulis conglobatam recte observavit. Sic & vesica duplo major in fœtu apparet, quam in adultis: in quibus contraria ratione ventriculus triplo minor. Erat enim necesse, ut quæ pars copiosam humiditatem recipere debebat, amplius quoque spatium, in quo contineretur, haberet. Cum autem fœtus nil per os humidi, quo ventriculum impleret, acciperet; copiam autem serosi humoris per venas umbilicales una cum sanguine hauriret, eratque necesse hanc per renes in vesicam & allantoidem deturbare, ideo voluit longe ampliorem vesicam stomacho esse.

Renum figura qualis.

Vesica major ventriculo in fœtu.

Inter intestina nullum aliud dissimile in fœtu à natu majoribus reperitur nisi cæcum, est enim longe grandius quam in adultis, & eadem materia, quæ in ileo continetur, repletum, ac idcirco circumplexans initium intestini coli. Et ratio magnitudinis est, quoniam fœtus in utero conglobatus jacet & pronus, fere more quadrupedum & avium, quæ propterea cæcum intestinum amplum & longum adepta sunt, ut chylus vel cibus, qui in intestinis tenuibus est, contineatur.

Intestinum cæcum in fœtu cur magnum.

C A P V T X I X.

De Ossibus.



Os autem recens nati quantopere ab adultorum ossibus varient, tum demum cognoscimus, cum ea cum adulti sceletio comparamus, & per singula membra. A capite igitur incipiamus, cujus ossa non modo figura, ac numero, & substantia, sed etiam connexione ab adultorum ossibus variant. Quippe connectuntur sibi mutuo fere cuncta, & ubique laxa quadam harmonia, quæ in adultis futura est; atque in quibusdam locis extrema ossium se nullo modo tangunt, ut in adultis per futuram, sed mediante membrana sibi adhærent, ut in basi & vertice capitis apertissime licet cernere. Quo enim loco futura coronalis cum sagittali in adultis concurrunt, ossis vice membrana quædam videtur forma triangulari, ob quam in infantibus recens natis motum cerebri super verticem percipimus, & oculis, & ad tactum: ideo hic locus à nonnullis palpitans vertex dictus est; ab Arist. ὁ στέον ὑπερσφύνης, id est, os ultimo genitum, non enim antequam loqui puer incipit, hic locus osseus prorsus evadit. In Gallia vulgo dicitur la fontanelle. Notandus diligenter hic locus ab iis qui medicam praxim exercent, quod quando infantes malo quodam corripuntur, quod syriacis veteres dixere, Latini fiderationem, quæ nil aliud est quam insignis cerebri & meningum fervor cum febre continua ardenti, ad tantam caliditatem & siccitatem cerebrum perveniat, ut teste Moschione ejusmodi occipitium (ita enim appellat sinciput) concavum fiat. Nam cum in infantia sinciput non sit osseum, sed membranofum, non mirum est, quod ab insigni siccitate contractum cavitatem monstret.

Capitis ossa in fœtu quomodo conjunguntur.

Os ultimo genitum.

Sed ad ossa pergamus, ex quibus sese nobis offert frontis os non unicum, ut in adultis, sed in duas partes fissum, dextram nimirum & sinistram, quæ sibi invicem annexuntur per rimam seu harmoniam, quæ à media parte futuræ coronalis, qua cum sagittali jungitur incipiens recta per longitudinem faciei pergit ad narium radicem, qua frontis os terminatur. Sed & ulterius per nasi medium transiens ad extremitatem maxillæ superioris, ossa hujus maxillæ dividit in dextram & sinistram partem, & tandem inferiorem quoque maxillam partitur in duas partes; quæ quidem harmonia vel fissura, tendente ad pubertatem homine, ita paulatim obliteratur, ut in adulto cranio non amplius compareat. Ossia autem sincipitis integra cernuntur, sed juxta verticem, ubi membrana triangularis est, nonnihil abbreviata. In hisce ossibus nempe frontis & sincipitis, cum in adultis sanguine extra venas inter pericranium & duram meningem ex contusione vel lapsu fluente, celebris sit chirurgia, qua, trepano dicto instrumento, perforatur cranium, ut sanguini ex propriis conceptaculis fluxu detur exitus, notare

Frontis os duplex in nuper natis.

*Infantes tre-
pido tractari
non debent.*

debent Chirurgi, ne vel infantibus vel pueris tale remedii genus adhibeant: periculo-
sum enim est, propter ossium tenuitatem; nec necessarium, quoniam Natura sangui-
nem extra venas effusum inter cranium & duram matrem (nisi copia summopere ab-
undet) per laxa spatia, quæ ossium coagmentationibus intercedunt, & ossium cranii
rimas ac meatus, porosque patulos cutis facile discutiat; quodque ex lapsu difficillime
patiantur infantes vasorum ruptionem, propter cerebri & ossium molliciem, quæ ictui
facile cedit.

*Occipitis os
quadruplex
in infante.*

Os occipitis, quod in adulto unicum est, in infante nuper nato & fœtu ex quatuor
partibus constat, quarum pars maxima triangularis est; ubi enim lambdoides sutura in
adultis fines habet duorum veluti crurum, & additamenta incipiunt futuræ lambdoi-
dis, rima quadam per transversum ab una cruris futuræ hujus extremitate ad alteram,
eaque admodum laxa circumscribitur, & à reliquis tribus ossibus segregatur, quorum
duo capitula occipitii continent, quæ *κεφαλὰς* Galenus appellavit, quibusque primæ cer-
vicis vertebræ annectuntur; tertium vero, seu quarta pars occipitis est, quæ veluti ad-
ditamentum sphænoidi ossi annectitur. Hæc occipitis ossis in infantibus in multas par-
tes divisio efficit, ut crescente homine atque unico facto osse occipitis, ut plurimum
tamen in plerisque subjectis ex pluribus quam uno osse os occipitis constare videamus,
& futuram lambdoidem plurimum variare, ita ut consueto termino relicto, interdum
per os occipitis excurrat, & peculiaribus futuris in nonnullas partes occipitis quoque
os dirimat, ac si ex pluribus quam uno osse constaret. Eadem hæc ossium in infantibus
constitutio satis manifestat causam, ob quam pueri post partum per aliquot menses ca-
put erigere nequeant, etiamsi habeant omnes illos musculos, quibus caput flectitur
& extenditur, ac circumagitur: omnes namque hi muscoli annectuntur ossibus, quæ
nondum sunt firmata.

*Cur sutura
lambdoides
sit varia.*

*Pueri statim
nati cur caput
erigere neque-
ant.*

*Ossa tempo-
rum divisa in
infante.*

Ossa temporum in duas partes divisa sunt: major pars processum illum continet,
qui alteram partem ossis jugalis constituit, & squamosis futuris vel conglutinationibus,
ossibus utrinque sphænoidi & sincipitis committuntur. Ideoque squamosum os ea pars
dicitur, & separatur per harmoniam ab osse petroso, quæ minor est pars ossium tem-
porum. Vbi quoque observandum est, intra calvariam os squamosum processum ha-
bere, quem temporum quartum nonnulli ex ordine enumerant, facile, imo tantum
cultri acie à suo osse, cui adhæret, separabilem, cujus divisionis rudimentum etiam in
adultis sæpe apparet. Cæterum minor pars ossis temporum, quod petrosum appella-
ri diximus, meatum habet auditorium in fœtu prorsus cartilagineum, osseum circulum
intus habentem, cui tympanum alligatur; insuper & ossicula, stapedem, malleum &
incudem, siccissima, ac duritie & magnitudine pari, ut in adultis; verum mammillari
processu atque styloide prorsus destituitur.

*Os ethmoides
cartilagineum.*

*Os sphænoides
quadruplex.*

Os ethmoides cartilagineum quoque est, cujus medium, quod cristatum est, prius
osseum fieri à curiosis Anatomicis fuit observatum. Præclara quoque est hæc observatio,
quam Fallopius de sphænoide osse fœtus scribit, quæ ab aliis Anatomicis omissa est.
Constare namque dicit hoc os ex quatuor partibus, atque eas sensim brevi ita connasci,
ut post septimum ab ortu mensem vix distincte appareant. Prima pars hujus ossis est,
quæ sellam equinam dictam continet: secunda pars, quæ primæ copiosa cartilagine co-
pulatur, ea est, cui visorii nervi simul copulati primo adhærent, atque disjuncti, dum
oculos petunt, foramina inurunt; quæque alas geminas possidet, dextram & sinistram
rimam efficientes, quæ maxime in intima oculi cavitate apparent, & transitum secun-
dæ nervorum conjugationi, dum oculos petunt, atque aliquot aliis tertiæ, quartæ at-
que octavæ propaginibus ministrant. In hac secunda parte (ut ait Fallopius) in pueris
quamvis spongiosa sit, nulla adest cavitas aut sinus usque ad integrum annum; in adul-
tis vero geminus reperitur & satis amplus, qui post primum exactum annum fieri in-
cipit, & pro ossium incremento magnus aut parvus adest. Hic sinus vestitur tenuissima
quadam membrana aut pellicula, veluti vestiuntur etiam cavitates geminæ, quæ in osse
frontis & malis contentæ sunt, quæque pariter in nuper natorum calvariis non repe-
riuntur; sed interea dum adolescunt ossa, fiunt. In hac eadem parte, qua respicit pa-
latum, quidam clavus seu palus osseus inest, cui affigitur os satis longum & latum, in
ortu cartilagineum, vomeri vel cultro potius in aratro vomer præeunti simile, quod
(ab aliquot

(ab aliquot Anatomicis neglectum) magnam operam in distinguenda narium cavitate dextra & sinistra præstat. Tertia & quarta pars, continet processus alatos, dextra dextrum, sinistra sinistrum, & quidquid inter illam rimam oblongam in oculorum cavitate positum, atque ossa temporum continetur. In dictis partibus etiam sunt illa foramina, per quæ minor propago quinti paris nervorum defertur ad temporum musculos, item major portio tertii paris, & totum quartum par, & ramuli arteriæ soporalis per membranam duram distribuendi feruntur. Colligantur sibi invicem hæ partes cartilagine, quæ in os evadens unicum os efficit, quod à formæ varietate à Græcis merito *πρόσφορον* appellatum fuit.

In palato tres reperiuntur futuræ. Præter enim illam communem in adultis, qua dextra palati pars à sinistra dividitur, duæ sunt aliæ in utraque parte, quæ ad utrumque caninum dentem, à medio termino sexti ossis maxillæ superioris procedunt; ut hac ratione palatum ex sex ossibus constitutum esse videatur.

Maxillam inferiorem duas partes continere, seu duo ossa propter harmoniam, quæ in infantibus per ejus maxillæ medium excurrit, jam dictum est.

Dentes autem, ut unicuique notum est, in infantibus desunt, & post ortum generantur. In cavitatibus enim utriusque maxillæ infantis reperiuntur folliculi quidam membranosi, in quibus materiam quamdam mucosam cernere licet, quæ paulatim indurata auctiorque reddita foras egreditur, & folliculum gingivæque perforans evadit candida squama, instar favi tenuis, & excavata. Bartholomæus Eustachius in lib. de dentibus observavit, hanc cavitatem ad septennium, & plures etiam annos insigniter amplam perdurare, albo quodam humore refertam, qui procedente tempore durior factus, ossis naturam suscipit, & totam fere cavitatem opplet; & deinde fieri putat, ut dentes in adultis duplici substantia (quemadmodum arbores cortice & medulla) constare videantur; externa nempe, tersa, densa & alba instar marmoris, atque interna subobscura & nigricante. Dentis inferior pars in maxillis infantum recondita, etsi mollis appareat, durior tamen est ea parte, quæ extra gingivas prorumpit, cui tantum in puncto adhærens facile trahitur & educitur: folliculus vero in perfecto dente veluti glutine præsepiolis ac gingivis dentem alligat.

Tanta igitur capitis infantum ab adultorum capitibus dissimilitudo causam nobis reddit, ob quam in infantia & pueritia toties facies humana mutatur; caput modo oblongum, modo rotundum cernatur; modo depressum, modo acuminatum, præcipue in nonnullis quando dentes eruperint; cur item in adultis apud varios populos variæ capitis figuræ cernantur, prout tenella hæc infantum capita à nutricibus varie gubernantur. Nam Belgis & Parisiensibus capita sunt oblonga, quoniam in cunis pueros super alterutrum tempus dormire matres sinunt, & capita ad frigus depellendum constringunt nonnullis tegumentis, quæ baginas vocant. Germani compresso capite donantur ac lato, quod matres in cunis puerulos locent super dorsum, ac manibus, citra sæpe fasciarum usum, lateribus cuniarum alligent, ne in quatiendo è cunis excidant. In eruptione porro dentium peculiaris ordo à Natura servatur, ne omnes illico emergant, aut molares ante caninos aut incisores. Non enim conveniebat dentes omnes simul prodire, quod cum membranam perforent sensu præditam, nimis magnos dolores, inflammationes, ac totius corporis perturbationes, febresque intolerabiles excitassent, quodque non oportebat cibum solidum statim, ac uno eodemque tempore tenero lacti assuetum puerum assumere; sed paulatim cibo solidiori assuescere conveniebat, & propterea prius incisores, deinde molares produci voluit Natura, quod usu in mandendo cibum solidiorem incisores præcedant molares. Prioribus enim dentibus apprehendimus ac incidimus; deinde cum buccis & lingua ad latera in ore cibum præhensum ac incisum protrudimus molaribus, ut eum in minimas partes confringant. Sed & in superiori maxilla ut plurimum in infantibus dentes prius erumpunt, raro in inferiori; quia papillis uberum superior maxilla magis atteritur ac proritatur, quam inferior: gingivis autem attritis facilius dentes erumpere argumento est dens lupi vel apri, vel corallum vel aliud quippiam durum, quod pueris à collo suspenditur dentientibus, ut in manu teneant & ori admoveant, quo atterant gingivas, & sic facilius ac accelerent dentium ortum. Arist. in Hist. de animal. scribit lac nutricum calidius citius dentes procreare:

*In palato or-
fantia tres
futuræ.*

*Maxilla infe-
rior duplex.*

*Dentes infan-
ti desunt.*

*Quomodo
dentes gene-
rantur.*

*Dentes dupli-
ci constant
substantia.*

*Facies huma-
na cur toties
primis annis
mutetur.*

*Cur varia
sint capitis
figura.*

*Dentes cur si-
mul omnes
non oriuntur.*

*Prius superio-
res dentes cur
nascentur.*

*Lac calidius
citius dentes
generat.*

Quamdiu
pueri solo lacte
nutriendi.

Observatio
notanda.

Os hyoides
quale.

Cur pueri post
ortum non lo-
quantur.

Vertebra ex
pluribus ossi-
bus constans.

Et spina ca-
rent.

Pueri cur post
sint in poste-
riorem par-
tem se flectere.

Scapulae qua-
les in infan-
tes.

Sternum qua-
le.

Pueri carent
articulis.

Cur pueri post
ortum ambu-
lare non pos-
sint.

procreare: cujus rei duplex succurrit ratio. Prima. Quod alimentum hoc, quo calidius est, eo citius per omnes corporis partes penetrando, alit partes solidas, hoc est, ossa & dentes. Secunda. Quod cum infans lactat, calidum lac calfacit gingivas, & laxat membranas, sub quibus dentes latent. Cæterum ex hac dentium procreatione, quæ & paulatim fit & ex ordine, docemur solo lacte pascendos esse pueros, usquequo dentes anteriores producant, nec citius ablaetandos, quam omnes prodixerint, ac prout multi dentes prodeunt, pro eo pueris solidiora alimenta esse præbenda. Quocirca lubet summam obstetricum & nutricum stultitiam reprehendere, quæ paucis post ortum non dicam mensibus, sed etiam diebus, una cum lacte panem vino maceratum vel panatellam infantibus præbent, cum sic plurimas in tenello corpore generent cruditates, morbosque pariant sæpe perdifficiles, sæpissime funestos. Novi olim Bononiæ Typographi uxorem, quæ cum multos filios feliciter pareret, omnes incaute occidebat, quod cibum solidiorem, nempe panem cum vino maceratum suis infantibus nimis cito præberet, meminique cunctos hydrope cachexia, magnisque lienibus consumptos ante biennium fuisse. Quamobrem curandum est, ut filii solo lacte usque ad tempus dentitionis nutrantur, quantum fieri potest primis mensibus. Hoc enim alimentum quam citissime per totum corpus distribuitur, ac teneras quasque partes nutrit, ossa perficit, firmat, augetque velociter pro naturæ decreto primis mensibus.

Prosequamur deinceps differentiam reliquorum ossium capiti subjectorum. Os hyoides osseam basim habet, cornua vero sunt cartilaginea; quia basi hyoidis firmatur lingua ad deglutitionem, quæ in lactando pueris erat maxime necessaria; cornibus vero vocis modulatio perficitur, quam antequam solidiora vel ossea evadant, formare recens natus homo nequit.

Vertebræ omnes non sunt unicum os, ut in adultis; sed singulæ ex pluribus ossibus constant. Observavit aliquando Fallopius, primam vertebra collis ex quinque partibus constare; reliquæ omnes vertebrae tum cervicis, tum dorso & lumborum usque ad os coccygis, in tres partes divisæ sunt, præter cervicis secundam, quæ cum odontoide epiphysi in quatuor portiones divisæ est. In cæteris namque pars prima est vertebrae corpus, reliquæ duæ continent foramina in lateribus, & processus cartilagineos. Carent autem omnes processu, quem spinam vocant Anatomici; unde fit, ut dum infans est homo vel puellus, in posteriorem partem mirabiliter flecti possit, ita ut occiput calcaneo tangere queat. Quocirca non sunt mirandi funambulorum, agyrtarum & circumforaneorum monstrifici flexus in omnem partem, saltusque formidabiles. Hi enim scientes hanc infantium dorso constitutionem, à teneris assuescunt facile flectere in omnem partem tenellos puerorum artus absque dolore, sed maxime ad posteriorem, qua consuetudine vertebrarum iste processus paulatim succrescit decurtatus vel obtusus acumine suo recto aut caput versus tendente.

Scapularum ossa processum ancyroidem cartilagineum habent, oraque basis cartilaginea, & angulum inferiorem basis multo majori quam in adultis cartilagine prædium. Superior quoque scapulae processus appendice sua caret, quæ cum sensim succrescat in pueris, ex plurimis ossiculis cartilaginis interventu coalescentibus conformatur, ut Vesalius annotavit.

Sternum os ex multis constat ossibus à se invicem separatis: maximum os id est, quod primarum costarum cartilaginibus est vicinius; minus huic est subjectum; deinceps reliqua, quo magis xyphoidi cartilagini sunt viciniora, eo minora existunt. Ejusmodi ossa in pueris usque ad septem annos divisæ sunt, paulatimque grandescunt & solida fiunt, sed prius ea, quæ nunc sunt majora; deinde, minora.

Artus denique, nempe brachia & crura, articulis, extremitatibus seu appendicibus ossium carent & destituuntur, manifestius autem humerus, cubitus, manus articuli, coxæ, femoris, genus seu tibiæ, & pedis: obscurius vero, quod exiguas habent appendices, metacarpi cum ossibus carpi & pedii, seu tarso cum ossibus metatarsi: & ossa digitorum, quod careant appendicibus laxa compagine, eaque membranosa hærent. Hinc patet causa cur pueri non statim ab ortu saltent, vel ambulent, vel repant in terram sicuti agni, vituli, vel catuli. Cunctis enim his animalibus articuli & ossa conformata sunt, antequam in lucem prodeant; at homo ossa cuncta imperfecta obtinet dum nascitur,

nascitur, nulloque modo articulate prodit. Carpi & tarfi ossa omnino cartilaginea sunt, præter oscalcis, in cuius medio quid ossei apparet. Octavum carpi os ultimum omnium osseam acquirit substantiam, quod os Galenus ἀνώρυμον appellavit, idest, innominatum; Celso vero, os coxæ dicitur. Constat autem ex tribus ossibus, nempe osse ilium, coxendicis & pubis; cum tamen in adultis unicum sit os, cognosciturque inde causa, ob quam hoc os, quod in adultis unicum est, ab Anatomicis in tres partes (propriis jam dictis nominibus nobilitatas) dividatur. Non enim in infantibus & fœtu tantum, sed etiam in pueris usque ad septem annos ejusmodi os in tres partes separari potest: at in infante amplioribus intervallis, quam in puero distinguuntur. Iam satis ni fallor explicavi hanc ossium infantium & fœtuum imperfectam constructionem; cui triplex subjungenda est ratio; una, situs fœtus in utero; altera, partus facilitas; tertia, hominis imperfectio. Dico primum, situm in utero causam esse, ob quam in fœtu humano ossa imperfecta à summo rerum opifice creata sunt. Nam aliter in utero humanus fœtus situs est, quam cæterorum animalium. Horum namque fœtus capite semper uteri orificium, per quod exituri sunt spectant, nec aliter situm mutant: at homo in matris utero contra capite ab uteri orificio aversus spectatur, & octavo mense, vel paucis diebus ante partum situm mutat capite deorsum ad uteri orificium declinans, quæ quidem mutatio situs non poterat fieri, nisi cum maximo dolore matris, ruptione membranarum chorii, & vitæ discrimine, si ossibus perfectis homo esset in utero. Præterea cum animalia expansa in utero sint, propter uteri oblongam formam, & ampla cornua; homo vero in unum suis articulis conglobatus, ob rotundam uteri internam capacitatem, non poterat in globum flecti totum corpus, nec in omnem partem se movere in utero, si ossa articulis, uti in adultis, donata fuissent. Iam quoque & partus facilitas commoditasque fecit hanc ossium imperfectiorem. Nam cum in partu exire oporteret per angustum uteri foramen tanta moles, & caput ejus prius prodire, id ex pluribus ossibus conformavit, laxis futuris & membranosis nexibus sibi invicem adhærentibus, ut hac ratione totum caput, quod amplissima pars est, in fastigium & oblongam formam comprimi posset ad faciliorem exitum. Idcirco erat quoque necessarium, ut neque humeri articuli, neque coxæ perfecti essent. Nam humerorum & articulorum coxæ latitudo commodiori partui, propter latas eminentias, prorsus restitissent. Tertia causa cur ossa in puero sint imperfecta jam dixi, quod sit hominis imperfectio. Posset tamen aliquis me redarguere, cum à magnis naturæ indagatoribus statutum sit, Naturam nil magis expetere, quam cujusque rei perfectionem. Dico tamen imperfectiorem cæteris animalibus Deum hominem creasse, ut omnium fieret perfectissimus, quod & in nostro sexu observare licet. Nam mas inter homines ut fœminâ fieret perfectior sapientiâ, & omnibus membris fortior, à fœmina imperfectiori in tenella ætate, in loquendo expeditius, in gignendo semen citius, & alias corporis actiones peragendo vincitur. Sic homo, ut omnium animalium fieret perfectissimum, nascitur imperfectus. Ambulandi enim &prehendendi quippiam manu impotens est, præter ejulatum nullam vocem edit; & cum multa animalia statim nata herbam comedant, vel fœnum, vel grana tritici & milii, ut volucres: homo præter lac nil assumere, nil deglutire potest. At oportebat hominem ita nasci, ut esset rationis omniumque disciplinarum capax & aptus ad docendum: ideoque matris industriâ loquendi & ambulandi promptitudo, & paulatim ipsa ratio infunduntur; deinde crescente ingenio sapientiæ, artes & scientiæ variæ à præceptoribus hauriuntur, quæ cuncta non fuissent tam egregie consecuta, si sine auxilio illico, more animalium, post partum ambulare potuisset. Propterea unicuique observare licet, infantes quo frequentius eos matres alloquuntur, eo citius & expeditius loqui incipere, & quo sapius cum pluribus hominibus versantur, aut eos loquentes audiunt, eo & mores eorum varios & loquendi modos facilius addiscere. Itaque ad educandos infantes diligenter præcipiunt sapientes viri, ut nutrices eligantur non taciturnæ vel stultæ, vel pravorum morum; sed quæ expedite prudenterque loquantur, & bonis moribus sint præditæ.

Os innominatum infantis triplex.

Cui puerorum ossa non perfectiuntur in utero.

Secunda causa.

Tertia causa.

Fœmina mare perfectior nascitur.

Cur fasciandi tenelli infantes.

Porro propter hanc eandem ossium dissolutam connexionem & imperfectiorem, consuetudo invaluit in omni terrarum regione, præterquam Scytharum Nomadum, ut scribit Hipp. Infantes statim natos fasciis ligandi per annum unum vel alterum; non

*Cur multi
claudicent.*

*Quando am-
bulationi in-
fantes assue-
faciendi.*

*Quomodo in-
fantes in cu-
nis locandi.*

*Celeritas am-
bulandi in
pueris à debi-
litate prove-
nit.*

*Ferream cin-
gulum in pue-
ris herniosis
malum.*


*Quomodo ge-
nerentur ossa
in freto post
oriam.*

tantum, ne lata fiant corpora & fluida, veluti Nomadum, quos Tartaros hodie vo-
cant; verum etiam, ut ossa paulatim corroborentur, & ipsis articuli adnascantur. At
quod in fasciando infantes obstetricum & nutricum non modica requiratur peritia, ne
vel pedes ligent fasciis, vel brachia contorqueant, ut vaci & valgi cruribus imposterum
evadant, brachiisque mutili, vel claudi cruribus, docet hæc Anatome; quæ etiam simi-
liter demonstrat sæpe evenire, ut claudicent imposterum quando ante debitam ossium
consolidationem matres vel nutrices, ut se ab onere gestandi pueros quam citissime
liberent, post sex vel septem menses docent infantes ambulare vel pedibus se firmare.
Propterea si mater vel nutrix scire cupiat tempus, quo ambulatio docenda est, triplici
modo hoc docebo. Primò, si ea parte cranii, qua caput apertum esse solet, ac sola
membrana loco ossis velatum videtur, percipiatur cerebrum vix amplius pulsare. Si-
gnum enim est, sincipitis hoc os, quod omnium ultimo generatur, jam natum esse,
ideoque etiam reliqua ossa cum suis articulis jam esse firmata satis ad principium am-
bulationis. Secundò, si fasciis exutus infans, pedibus insistere potest. Tertiò, si cum
post tres quatuorve menses manus à fasciis liberantur, infantes brachia & manus bene
moveant, & firmiter manu teneant. Semper enim contingit, ut quo tempore brachio-
rum ossa perficiuntur, etiam perficiantur & crurum & aliorum, nisi aliquo fortassis na-
turæ impedimento aliquod os à prima conformatione debiliter sit formatum. Nam
apud Forestum legi aliquando infantem natum brachio uno exosse, altero vero osse
prædito, atque hunc admotis plagulis, & fasciis constrictis, ut in fracturis fieri solet, sa-
nitati restitutum, admirantibus cunctis medicis & chirurgis, qui hanc curationem au-
dierant vel viderant, quod os generaretur, ubi numquam erat conspectum. Nescie-
bant autem isti in cunctis nuper natis puerulis quædam plus ossis in membris ac perfe-
ctius, quædam vero minus habere, cunctisque fere apophyses & articulos deesse, qui
deinceps ætate succrescere ac indurari consueverunt. Rursus ex hac ossium conforma-
tione quomodo infantes fasciis ligati sint in cunis collocandi docetur. Non enim in la-
tus, ut adulti vel pueri, sed dorso incumbere sinendi sunt; capite nonnihil elevato, ut è
naribus & ore pituita profluat; quod ut fiat commodius, nonnulli caput leviter in alter-
utrum latus declinant. Cæterum quoniam constat ex his, quæ diximus, infirmas par-
tes infantium infirmas satis edere actiones respectu adultorum, ut oculum infirmum
infirmam visionem; quærere quispiam merito potest, quamobrem, cum ossa puero-
rum minus robusta sint, nihilominus citius celeriusque ambulent, quam viri. Videtur
enim celeritas motus ad demonstrandum cujusque partis robur conferre, & propterea
dicendum crura esse robustiora puerorum, quam adultorum; quod Anatomix repu-
gnat. Ad hanc dubitationem dico, celeritatem ambulandi in pueris procedere à debi-
litate crurum. Cum enim ambulatio fiat unius cruris translatione & alterius pedis fir-
matione, propter ossium vero & articulorum imbecillitatem non bene firmari pes pos-
sit tamdiu, donec alter sensim transferatur, fit ut pes alter qui transfertur pedi fir-
mato cogatur quam citissime auxiliari, quod nequeat diutius totum corporis pondus
sustinere; idcirco homo, quo ætate fit provectior, eo tardiore gradu procedit, ad sua
munera obeunda; quo vero infantia aut pueritia vicinior, eo celeriori cursu suas res
peragit. Est etiam notabilis omnino ossis coxendicis vel ejus articuli imperfectio iis,
qui ad infantes vel herniosos puerulos accersuntur, ne vel ferreos cingulos, quibus
omentum vel intestinum in scrotum prolapsum & in suum locum repositum prohibere
solemus ne denuo ex abdomine prolabatur in scrotum, illis, neve cingulos duos, eosque
fortiter strictos nondum septimum annum attingentibus præscribant: metuendum
enim est ne à duro & constricto sub cingulo ita coarctata hæc ossa reddantur in suo au-
gmento, ut propter horum ossium angustiam inferius corpus indecorum evadat. Quæ-
rat autem quispiam ultimo loco, quomodo ossa seu eorum extremitates, quæ deside-
rantur in infantibus paulatim perficiantur, vel succrescant. Nonnulli existimarunt eam,
quæ ossa ossibus annectit, membranam in os verti, & antequam in os vertatur in non-
nullis partibus verti in cartilaginem, quod falsum est. Si enim ex membrana duriore fa-
cta os fieret, proculdubio non pars aliqua membranæ, sed tota simul mutaretur in du-
riorem substantiam, nempe cartilaginem prius, cujus natura media est inter os & duram
membranam, quod non ita apparet. Nam ossium omnium eadem generatio non est:
etenim

etenim processus inferni femoris tibiæ & fibulæ; & cubiti duo, qui trochlea obvolvuntur, prius toti gignuntur cartilaginei, antequam offci evadant: alia vero ossa perfectionem suarum extremitatum acquirunt per appositionem, ut superius vidimus in capite, ubi fit concursus futuræ coronalis & sagittalis membranofus. Non enim illico membrana in os tota mutatur, uti hætenus existimarunt Anatomici, sed paulatim materia alimentalis, quæ in os vertitur apponitur ossium sincipitis & frontis extremitatibus tamdiu, donec omnes fines per futuræ medium cocant, eo pene modo, quo glacies concrefcit in aquæ superficie. Fiunt namque prius tenuia veluti stamina seu filamenta circa oras fluvii vel vasis aquam continentis, deinde his alia glacies accrescit, & sic tandem aquæ tota superficies congelascit. In calcis osse quamvis in superficie cartilagineum appareat, antequam ex membrana os fiat, in medio tamen natura aliquod osseum jacet fundamentum, ex quo per appositionem calcis os paulatim grandescens conformatur.

Auctoris opinio de generatione ossium.

C A P V T X X.

De Partus tempore, modo, & causa.

AD formati fœtus exactiorem cognitionem scire etiam necesse plurimis videtur partus tempus, modum, & causam; quibus ego quoque non reclamabo, præsertim cum videam hanc disputationem non tantum medicinæ studiosis utilem fore, sed etiam legum peritis. Cum enim legibus eorum imperatoriis recte sit, propter summam Hippocratis nostri auctoritatem sancitum, septimo mense natos fœtus vitales esse legitimosque censeri debere, non secus atque eos, qui octavo, nono, decimoque mense nascuntur: tum noscere quoque debent etiam ultra prænominatos menses, nempe undecimo, duodecimo, decimotertio, ac decimoquarto legitime nasci posse, Vlpianumque reprehendendum, qui post decimum mensem editum nullum ad legitimam hæreditatem admisit. Nam ut ea præteream, quæ à Veteribus recentioribusque adducuntur, olim novi hominem, qui tabellarium agebat in Belgio, litterasque ferebat ex Zelandia in Bataviam, Urbis Medioburgensis testimonio publico omnibus commonstrasse, se sexti mensis initio editum, corpore exiguum ac viribus ita debilem & ossibus infirmum, ut mater coacta fuerit per tres menses in sinu ac inter ubera gossipio circumductum ad frigora fovere, donec robur acquisiverat, quo posset fasciis circumligari, erat autem hic homo dimidius pumilio quadraginta annorum. Atque nuper, ne ab externis repetam exempla, neve historias recitem, quibus Schenckius probavit duodecimo, decimotertio, decimoquarto, & decimoquinto mense gestari posse, in manu scriptis observationibus legi, Bellocatum hic Patavii excellentissimum medicum aliquoties enarrasse discipulis suis in lectionibus, sororem eruditissimi viri Buccellæ Patavini per menses sexdecim uterum gestasse, & cum molam omnes eam in utero habere suspicarentur, peperisse filium optime formatum. Cum igitur tam varium incertumque sit pariendi tempus, inquirenda causa, quam videntur hætenus omnes docti viri vel omisisse, vel fatis jejune obscureve investigasse ac tradidisse. Etenim existimarunt nonnulli, quod homo non haberet ad coitum designatum tempus, multiplici victus ratione uteretur, phantasie quoque & pathematum variis alterationibus obnoxius esset omni hora, & propterea incerto tempore pareret. Sed hæc omnes causæ nimis sunt remotæ; quæro ego aliquam proximior. Hæc nulla alia esse potest, quam maturatio & perfectio fœtus, quæ fit in utero incerto tempore & variis interdum mensibus, ob facultates corpus fœtus gubernantes vel debiliores, vel robustiores. Facultas autem debilis vel robusta fit vel per se, ex semine nempe, cui inhæret tamquam suo principio; vel debilis validave fit ex accidenti, nempe apti alimenti penuria, ob quam nequeunt ossa firmari, & corroborari spiritales animalesque partes, adeo ut debito tempore, cum jam in lucem prodire debebat fœtus, neque flectere movereque se in utero, neque lac sugere, aut spiritum ore naribusque ducere queat. Contingit autem hæc penuria alimenti vel matris vitio, nempe morbo, inedia, aliave causa externa; vel fœtus ægritudine, quam sibi à pravo matris alimento, vel copioso nimium acquisivit. Nam plurimis quoque morbis in utero matris fœtum corripit, & Veterum auctoritate didicimus, & nuper fœtum

Vlpianus reprehendendus.

Fœtus sexto mense natus vitalis.

Mulier quæ per sexdecim menses uterum gestavit.

Nonnullorum opinio de incerto tempore partus.

Auctoris opinio de incerto partus tempore.

Fœtus morbo in utero variis laborare potest.

dissectione experti sumus. Quod si in nobis jam natis videamus sæpe ægrum corpusculum parum, interdum vero nil augeri, præsertim si diuturno malo fuerit conflictatum, nisi vires recolligat; nonne similiter nobis licebit opinari, fœtui ob morbum posse differri maturationis suæ tempus & exitus ex utero, usquequo debitam, confirmatis facultatibus particulas quasque corporis gubernantibus, perfectionem acquisiverit. Videmus eos, quibus corporis potentiæ robustiores sunt, citius quoque perfici ac nasci; septimoque mense natos fœtus plerumque mares esse, raro fœminas, aut minus vitales. Præterea cernere licet in pomiferis aut alterius generis arboribus, non omnes eos fructus, qui uno eodemque tempore florebant veris initio, illico cunctos simul maturescere ac decidere; sed aliquot vel solis calore privatos, vel ventis aquilonaribus expositos, vel grandine & nebula læsos, vel facultate attrahendi & concoquendi sibi alimentum languidos diu adhuc arboribus post alios hære, donec maturentur. Quocirca existimandum est, maturationis tarditatem vel celeritatem partum accelerare vel tardare: causamque quod fœtus in lucem prodeat, non esse ejus magnitudinem, aut inopiam alimenti, Vt veteres nonnulli somniarunt; sed ipsam perfectionem, seu maturationem fœtus, quæ præsertim circa partes spirituales & naturales talis est, ut in lucem prodiens naribus & ore spiritum trahere, & lac ex matris uberibus sugere queat. Nam videmus multas matres sæpe minimos fœtus parere, & tamen magnum incrementum corporis crescente ætate acquirere; aliquando maximos fœtus parere & gemellos; deinde post partum, & gemellos, & parvos, & magnos fœtus solo lacte, quod in uberibus generatur nutrire, non dicam per mensem unum vel alterum, sed etiam per annum fere integrum: quod non contingeret si mulier pareret vel fœtus ex utero exiret ob magnitudinem corporis, & penuriam alimenti. Nam ille sanguis, qui fluit tanta copia post partum ad ubera, nonne ad uterum fluere quoque poterat ad nutriendum amplius fœtum? Porro qui superius causam incerti partus hominum retulerunt in coitus incerta tempora, varias victus rationes, phantasias, & varios animi affectus, hac opinione decepti sunt, quod putarent alia animalia quadrupeda, vivipara, & quæ unum vel alterum tantum pariunt fœtum, ut equam, elephantem, vaccam, asinam, certo tempore parere, equam uno, elephantem secundo anno, atque hoc esse præfinitum ipsis tempus pariendi; quod falsum esse ratio & auctoritates ostendunt. Etenim tarditatis & celeritatis partus eandem causam hæc animalia habere possunt cum homine communem. Ideoque Absyrtus Veterinarius præstantissimus etsi equam undecim mensium curriculo decemque dierum uterum gerere scribat; Varro tamen lib. de Re rustica inquit, duodecimo mense, die decimo nasci; quæ post id tempus nascuntur, fere inutilia & vitiosa existere. Sic Aristoteles elephantem biennio uterum gerere scripsit. At Strabo, Diodorus Siculus, Arrianus in Indicis menses ut minimum sexdecim, ut plurimum octodecim.

F I N I S.



AMITAT IN DAT

OTTA

I V L I I C A S S E R I I

P L A C E N T I N I

D E

F O R M A T O F O E T V

T A B V L Æ,

Earumque Explanatio.

T A B V L Æ P R I M Æ
E X P L A N A T I O.

Figura hæc mulieris gravidæ uterum, communibus tegumentis ablatis, ostendit.

AAAA. *Tegumenta communia in abdomine decussatim dissecta, & foras projecta.*

BBB. *Vterus gravidæ, qui tunc temporis multum à membranosa natura degenerat, & spongiosam quamdam substantiam induit.*

CC. *Vasa per uterum totum disseminata.*

DD. *Intestina, quæ utero intumescenti nonnihil cedunt.*

Tab. I



T A B V L Æ S E C V N D Æ
E X P L A N A T I O.

HÆc Tabula secunda foeminæ parturientis uterum offert,
& foetum exitum molientem sub tunicis chorio & amnio de-
monstrat.

AAAA. *Membrana uteri foras reflexa.*

BBB. *Chorion tunica foetui propria exterius, sub qua foetus hic
obscurè apparet.*

CC. *Foetus prout ad exitum disponitur sub chorio.*

Tab. II



T A B V L Æ T E R T I Æ
E X P L I C A T I O.

Tertia tabula, dissectis tunicis uteri & chorio, puellum in eodem situ, amnio adhuc involutum, ostendit.

A A. *Cutis exterior abdominis.*

B B B. *Vteri dissecti membrana.*

C C C C. *Membrana exterior fœtum involvens dissecta, quæ
Chorion dicitur.*

D D D. *Puellus amnio involutus exitum parans.*

Tab. III.



T A B V L Æ Q V A R T Æ

E X P L A N A T I O.

Q Varta tabula ostendit puellum nudum, tunicis omnibus, tam propriis, quàm communibus divis. *is.*

AA. *Chorii dissecti portiones à suo loco remotæ.*

B. *Amnii portio.*

CC. *Vteri dissecti membrana.*

DD. *Placenta, seu hepar uterinum, mole quadam carnea & pluribus vasis donata, per quæ infans nutrimentum capit.*

E. *Divaricatio vasorum, quæ hic unum vinculum constituunt ad umbilicalia vasa contegenda.*

FF. *Vinculum, per quod vasa umbilicalia à placenta ad umbilicum feruntur.*

GG. *Puelli perfecti & partui proximi situs in utero.*

H. *Insertio vasorum umbilicalium in ipsum umbilicum.*

Tab. III.



T A B V L Æ Q V I N T Æ

E X P L I C A T I O.

T Abulæ quintæ figura prima continet chorii internam faciem, quâ foetum respicit, unâ cum amnio tunica.

AAAA. *Chorion, hoc est, exterior foetum involvens tunica, in modum crucis divisa, usque ad carneam suam placentam; est autem hac ejus superficies, quæ foetum respicit.*

BBB. *Carnea placenta ipsa interiori quoque sui parte, ubi rami vasorum umbilicalium magno numero conspiciuntur, & ubi vasa umbilicalia ipsa emergunt.*

CCC. *Rami vasorum umbilicalium per placentam errantes.*

DDD. *Vasa umbilicalia sua membrana inclusa.*

EEE. *Altera membrana interior, amnios vocata.*

Figura secunda repræsentat idem chorion extrinsecus, quâ uterum respicit.

AAAA. *Membranea pars chorii, ad carnem crucis modo itidem incisa.*

BBBB. *Placenta carnea, qua parte utero connascitur: & observetur obiter ejus inequalitatem.*

CC. *Vasorum umbilicalium extrema radices, quæ cum uteri vasis unitæ foetui alimentum advehunt.*

DDD. *Funiculus vasorum umbilicalium, ex opposita interna parte chorii, unde pronascitur eminens.*

Tab. V

Fig. I.





Fig. II.



T A B V L Æ S E X T Æ
E X P L A N A T I O.

T Abula Sexta exhibet hæc umbilicalia vasa à chorii placenta liberata.

AAAA. *Vasorum umbilicalium chorda, suo adhuc involucro, quod intestinum vocatur, excepta.*

B. *Initium divisionis vasorum umbilicalium in chorii carnem.*

CC. *Venæ umbilicalis prima, sed insignis ramificatio.*

DDDD. *Horum ramorum venæ umbilicalis anastomasis inter sese.*

EE. *Progressus reliqui trunci venæ umbilicalis.*

FFFFFF. *Insigniores rami venæ umbilicalis.*

GG. *Truncus arteriarum umbilicalium.*

HHHHH. *Rami arteriarum umbilicalium.*

IIII. *Conjunctio venarum, & arteriarum umbilicalium.*

KKKKK. *Vasa umbilicalia in minutissima filamenta divisa, & à carnea placenta liberata.*

Tab VI



T A B V L Æ S E P T I M Æ

E X P L I C A T I O .

TAbula hæc septima vasa umbilicalia, & membranas, five involucra foetus explicat.

- A A A A. *Abdominis muscoli, & peritonæum, ipsaque cutis crucis modo dissecta, & retrorsum flexa.*
 B. *Hepar foetus gibba sua parte prominens.*
 C. *Vesica urinaria.*
 D. *Rima seu fissura hepatis, in quam vena umbilicalis ingreditur.*
 E. *Vena umbilicalis ipsa.*
 FF. *Due arterie umbilicales deorsum ad iliacas arterias tendentes.*
 G. *Vrachus ex vesicæ fundo prodiens.*
 H. *Vasa umbilicalia extra corpus foetus existentia quomodo conjuncta sint.*
 I. *Membrana, quæ vasa umbilicalia extra ventrem involvit.*
 K K K K. *Intestina foetus.*
 L L L. *Vasa umbilicalia à chorio ad foetum extensa, & in modum funis longa, ac intorta.*
 M. *Locus ubi rami vasorum umbilicalium in truncos collecti primum sunt.*
 N N N N. *Ramus venæ umbilicalis per carnosam placentam chorii sparsus.*
 O O O O. *Ramus arteriæ umbilicalis.*
 P P P P. *Conjunctio ipsius venæ & arteriæ umbilicalis per placentam disseminata.*
 Q Q Q Q. *Extrema ora venarum, & arteriarum umbilicalium desinentium in circumferentiam placentæ chorii.*
 R R R. *Chorium.*
 a a a a. *Umbra, quam quatuor vasa umbilicalia in altum elevata in subjectis partibus efficiunt.*

Tab. VII




T A B V L Æ O C T A V Æ

E X P L A N A T I O.

IN hac octava tabula videtur foetus foemineus, cujus abdomine pariter discisso uterus, diductusque cruribus & vulva, hymen apparet.

- AAAA. *Cutis, musculi abdominis, & peritonæum crucis modo dissecta, & reflexa.*
- B. *Cartilago Ensiformis.*
- C. *Vena umbilicalis abscissa.*
- DD. *Gibba pars hepatis.*
- E. *Rima, in quam umbilicalis vena se ingerit.*
- FFFF. *Intestina.*
- G. *Uteri fundus.*
- H. *Uteri cervix.*
- I. *Vesica.*
- K. *Vrachus.*
- L. *Umbilicus.*
- MM. *Ligamenta superiora uteri coxis annexa.*
- NN. *Arteriae duæ umbilicales ab umbilico resectæ.*
- O. *Clitoris.*
- PP. *Labra pudendi.*
- Q. *Hymen membrana transverse vulvam occupans, in medio perforata.*
- RR. *Alæ seu pterygomata.*
- S. *Foramen hymenis, per quod menstrua in adultis fluunt.*

Tab. VIII.



T A B V L Æ N O N Æ

E X P L A N A T I O.

T Abula hæc nona continet muliebria omnia genitalia in foetu.

AAAA. *Totum abdomen, hoc est quatuor tegumenta communia unà cum musculis abdominis, & peritoneo crucis modo discissum, reflexumque.*

B. *Vena umbilicalis.*

CC. *Rima hepatis quam vena umbilicalis ingreditur.*

DD. *Sima pars hepatis.*

E. *Rima ad sima hepatis usque pertingens.*

F. *Vesica fellis.*

G. *Dexter ren.*

H. *Ren sinister.*

III. *Utriusque renis ureteres.*

KK. *Vena emulgens sinistra.*

LL. *Diviso vena emulgentis ante ingressum.*

MM. *Dua venule, dextra emulgentis vena vicem in hoc corpore gerentes.*

N. *Arteria spermatica dextra.*

O. *Vena spermatica dextra.*

QQQ. *Truncus vena cava.*

RRR. *Truncus arteria aorta.*

SS. *Arteria iliaca à quibus oriuntur arteria umbilicales.*

T. *Alius ramus arteria aorta.*

V. *Ramus arteria iliaca ad uterum pergens.*

XXX. *Arteria umbilicales.*

YY. *Arteria spermatica sinistra.*

Z. *Uterus.*

* *Vena sinistra spermatica cum arteria se jungens, & ad sinistrum testem descendens.*

a a. *Duo testes.*

b. *Cervix uteri.*

cc. *Ligamenta uteri.*

d. *Vesica, & ex ea prodiens urachus.*

f. *Rectum intestinum.*

gg. *Gibba pars hepatis.*

Tab. VIII



In hâc Figurâ diductis cruribus pudenda muliebria cum H Y M E N E depinguntur.

A. *Clitoris.*

B B. *Labra pudendi.*

C C. *Alæ, sive Nymphae.*

D. *Orificium Vrethrae.*

E F F H. *Carunculae myrtiformes quatuor, pudoris sinum, sive externum cervicis uteri orificium angustantes, & membranosis fibris colligatae Hymenem constituentes.*


E. *Caruncularum summa & bifida Vrethrae orificium occludens.*

G. *Hymenis foramen, expurgandis menstruis exitum præbens.*

H. *Caruncularum infima fissum pudoris sinum ad orbicularem virginalis claustrum formam contrahens.*

I. *Anus.*

K. *Perineum.*



I N D E X R E R V M D E F O R M A T O F O E T V.

<p>A.</p> <p>Allantoidem in humano foetu reperiri probatur, 5 Allantoidis humanæ figura qualis, <i>ibid.</i> Allantoidis ovilis figura, <i>ibid.</i> Allantoidis situs & usus qualis, <i>ibid.</i> Allantoidis substantia, <i>ibid.</i> A^llantois farciminis genus, 4 Allantois quæ membrana, <i>ibid.</i> Allantois unde nomen acceperit, <i>ibid.</i> An reperiarur in humano foetu, 4 Auctoris opinio de allantoides, quod scilicet reperiarur in humano foetu, 4 Amnii situs & usus, 5 Amnii substantia qualis, <i>ibid.</i> Amnii varia nomina, <i>ibid.</i> Amnios membrana unde dicta, <i>ibid.</i> Amnios quæ membrana, <i>ibid.</i> Mulierum superstitio de amnio unde orta, 6 Aphorismi cujusdam explicatio, 2 Arist. sententia de arteriarum umbilicalium usu, 12 & seq. Arteriæ umbilicalis insertio, 11 Arteriæ umbilic. cur prope cor non oriantur, 14 Arteriarum umbilicalium usus ex Gal. mente argumentis probatur, 12 Arteriarum umbilicalium usus ex mente auctoris contra alios omnes anatomicos multis argumentis probatur, <i>ibid.</i> Arteriarum umbilicalium usus ex mente auctoris proponitur, 14</p>	<p>G.</p> <p>Gal. argumenta de usu arteriarum umbilicalium refutata, 13 Galen. auctoritates de usu arteriarum umbilicalium, 12</p> <p>H.</p> <p>Herodoti sententia de partibus umbilicem constituentibus, 7 Hipp. auctoritates de usu arteriarum umbilicalium, 11 Hipp. loci de chorio explicantur, 31 Hipp. modus in eximendis fecundis, 9 Hippocr. sententia de purgatione capitis foetus in utero, 16</p> <p>I.</p> <p>Incertum est omnibus animalibus pariendi tempus, 28 Infantes cur statim nati caput erigere nequeant, 22 Infantes cur trepano tractari non debeant, <i>ibid.</i> Infantes post ortum cur non anibulent ut agni & vituli, 24 Infantes quando ambulationi assuefaciendi, 26 Infantes quomodo in cunis locandi, <i>ibid.</i> Infantes solo lacte usque ad tempus dentitionis nutriendi, 24 Infantes statim post ortum medicamentis non sunt purgandi, 17 Infantium medicina unde sumenda, <i>ibid.</i> In infantia cur sæpe oculorum colores mutantur, 19 Intervia uteri superficies in non gravidis lævis & lubrica est, si menses non fluunt, 2 Interrigines quomodo curandæ, 18 Intestinum cæcum in foetu cur magnum, 21</p>	<p>Partes principes in foetu magnæ & cur, 19 Partium communium divisio, 18 Partium externarum foetus enumeratio, 1 Partium externarum synonyma, <i>ibid.</i> Partium foetus divisio, <i>ibid.</i> Partus naturalis quomodo fiat, 9 Partus temporis incertitudo ex quibus proveniat causis ex mente aliquorum, 27 Ex mente auctoris, <i>ibid.</i> Placenta cui annectatur, 2 Placentæ caro qualis, <i>ibid.</i> Placentæ usus secundum Arantium proponitur, & rejicitur, <i>ibid.</i> Ex mente auctoris, <i>ibid.</i> Pueri carent articulis, 24 Pueri cur celeriter ambulent, 26 Pueri cur fasciandi, <i>ibid.</i> Pueri cur plurimum mæco abundant, 20 Pueri cur possint in posteriorem partem se flectere, 24 Pueri cur statim post ortum non loquantur, <i>ibid.</i> Pulmones foetus cur sanguine copioso nutrantur, 14 Pulmones in foetu cur ponderosi, & in natis leves, 20</p>
<p>C.</p> <p>Capitis cur variæ sint figuræ, 23 Capitis foetus magnitudo quem habeat usum, 20 Capitis ossa in foetu quomodo conjungantur, 21 Caput foetus in utero expurgatur, 16 Chorii nomen dupliciter accipitur, 4 Chorii qualis substantia, <i>ibid.</i> Chorii verus & falsus proponitur usus, <i>ibid.</i> Chorion quæ membrana, <i>ibid.</i> Chorion totum ambit foetum, <i>ibid.</i> Clandicatio mulierum unde, 26 Colostrum pueris dandum, 17 Colostrum quid, <i>ibid.</i> Conjunctio vasorum foetus cum utero ex mente auct., 2 Cotyledonum nomen vasorum uteri oscillis tributum est licenter, <i>ibid.</i> Cotyledonum vox apud Græcos æquivoca, <i>ibid.</i> Cutis foetus ab adultorum cute diversa, 18 Cutis in foetu cur tenuis, <i>ibid.</i></p>	<p>L.</p> <p>Lac calidius citius dentes generat, 23, & 24 Lambdoides futura cur locum sæpe mutet, 22 Loci Aristot. & Hipp. de cotyledonibus explicantur, 2 Locus ad amputandum umbilicem aptus, 10</p> <p>M.</p> <p>Mammæ foetus cur lac habeant, 19 Mammillarum in foetu inspectio necessaria, <i>ibid.</i> Maxilla inferior duplex, 23 Meatus auditorius in foetu cartilagineus, 22 Modus amputandi umbilicem, 10 Modus inveniendi allantoidem in humano foetu, 5 Morbis quibus pueri qui non purgantur sunt obnoxii, 17 Mulier quæ per sexdecim menses uterum gestavit, 27</p>	<p>Q.</p> <p>Quæ observanda in sectione umbilici, 9 Quamdiu pueri solo lacte nutriendi, 24 Quomodo ligandus umbilicus & ubi, 10</p> <p>R.</p> <p>Renum foetus figura, 21 Rusi Ephesii opinio de allantoides, 4</p> <p>S.</p> <p>Scapulæ quales in infante, 24 Secundæ quomodo ex utero eximendæ, 9 Sordium foetus usus ex mente aliquorum, 6 Ex mente auctoris, <i>ibid.</i> Sternum in infante quale, 24 Sudor in foetu cur ab urina separetur, 6 Sudoris varii usus, <i>ibid.</i></p>
<p>D.</p> <p>Dentes cur simul omnes non oriantur, 23 Dentes duplici constant substantia, <i>ibid.</i> Dentes infanti defunt, <i>ibid.</i> Dentes quomodo generentur, <i>ibid.</i> Dentes superiores cur prius nascantur, <i>ibid.</i></p> <p>E.</p> <p>Equis foetus quomodo utero annectatur absque placenta, 3 Excrementa foetus crassa cur atra, 16 Excrementa foetus quomodo generentur ex mente auctoris, 15 Excrementa foetus quomodo vocentur à Græcis & Latinis, <i>ibid.</i> Excrementorum foetus internorum usus, 16</p>	<p>N.</p> <p>Nervum ad umbilici compositionem concurrere probatur, 7 Nervus ad umbilici compositionem non concurrat ex Gal. mente, 8 Nota boni lactis, 17 Nutrices quales eligendæ, 25</p> <p>O.</p> <p>Ossa in pueris quomodo post ortum generantur ex auctoris sententia, 26 Ex auctoris sententia, 27 Ossa puerorum cur in utero non perficiantur sicuti ceterorum animalium, 25 Ossa temporum divisa in infante, 22 Os sphenoides quadruplex, <i>ibid.</i> Os ultimè genitum, 21 Ovillus foetus quomodo utero adhæreat, 2</p>	<p>T.</p> <p>Tempus docendi pueros ambulare, 26 Tempus secandi umbilicem, 9</p> <p>V.</p> <p>Vaccinus foetus quomodo utero adhæreat, 2 Vana medicorum cautio in secando umbilico, 8 Vana superstitio de nodis umbilici, 9 Vana superstitio in amputando umbilico, 10 Vasa thoracis in foetu quomodo constituta, 14 Vasorum umbilicalium qualis substantia, 7 Venæ umbilicalis insertio, 11 Vertebrae ex pluribus ossibus constant, 24 Vertebrae puerorum ex pluribus ossibus constant & spina carent, <i>ibid.</i> Vesica major ventriculo in foetu, 21 Veteres cur crediderunt foetum in utero per os alimentum capere, 15 Veterum & recentiorum opinio de arteriarum umbilicalium usu proponitur, 11 Vlpianus cur reprehendendus, 27 Umbilicalia vasa cur orto foetu in funiculos abeant, 11 Umbilicalia vasa quæ, <i>ibid.</i> Umbilicalis vena cur unica, & duæ arteriæ, 10 Umbilici longitudo & crassities quanta, 7 Umbilici situs, <i>ibid.</i> Umbilici vox æquivoca, <i>ibid.</i> Umbilicem non habere nervum probatur, 8 Umbilicus cur in inferiorem abdominis partem inferatur, <i>ibid.</i> Umbilicus cur longus, <i>ibid.</i> Unde orta Anatomicorum sententia de usu arteriarum umbilicalium, 15 Vrachi insertio, 11 Vtus diversæ constitutionis vasorum thoracis in foetu secundum alios anatomicos, 15 Ex mente auctoris, 14 Vtus umbilici multiplex, 8 Vterque cordis ventriculus in pueris habet partem æqualis crassitudinis, in adultis sinister est major, 15</p>
<p>F.</p> <p>Facies humana cur toties primis annis mutetur, 23 Ferrem cingulum in pueris herniosis cur administrare non conveniat, 26 Fœmina mare perfectior nascitur, 19 Foetus cur aliquando laqueatus nascatur, 9 Foetus cur statim natus distincte videre non possit, 19 Foetus in utero non mingit, 11 Foetus sanguine æque puro ac impuro nutritur, <i>ibid.</i> Foetus sexto mense natus vitalis, 27 Foetus statim natus cur tot excrementa excernat, 16 Foetus variis in utero morbis laborare potest, 27 Frontis os duplex in nuper natis, 21</p>	<p>P.</p> <p>Partes foetus internæ propriæ quæ, 11 Partes foetus propriæ quæ dicendæ, & quæ communes, 1</p>	

T R A C T A T V S
eorum, qui post S P I G E L I V M
A N A T O M I A M
I N V E N T O A L I Q V O
Majoris usus adauxerunt.

G A S P A R I S A S E L L I I Itali.

G V I L E L M I H A R V E I I Angli.

I O H A N N I S W A L Æ I Belgæ.

Recenfente

I O H A N N E A N T O N I D E
V A N D E R L I N D E N

Medicinæ Profeflore.

THE PART
OF THE
LAW OF THE

OF THE
OF THE

OF THE

OF THE

OF THE

G A S P A R I S A S E L L I I

C R E M O N E N S I S,

D E

L A C T I B V S;

S I V E

L A C T E I S V E N I S

quarto vaforum mesaraicorum genere.

D I S S E R T A T I O:

Qua sententiæ Anatomicæ multæ vel perperam receptæ
convelluntur, vel parum perceptæ illustrantur.

Ex recensione

IOHANNIS ANTONIDÆ van der LINDEN
Med. Prof.

L E C T O R I S. M.



Nexhausti sunt Naturæ thesauri, & recondita adeo Conditoris humani corporis est sapientia, ut licet tanti viri, studio incredibili, tandiu naturam ejus inquisiverint, omnem tamen necdum invenerint: quin multa majoribus ingustata subinde atas detegit, & plura adhuc ventura adinvenienda restant. Hinc GASPAR ASELLIVS Anatomica cathedra in Ticinensi Academia olim Professor publicus, præter alia rara & singularia secando indies corpora, à se observata, novum hæctenus incompertum venarum Mesaraicarum genus, quas lacteas appellavit, primus Anno CIO IOC XXII sibi notavit & aliis patefecit. Verum quæ super illas, dum viveret adhuc, in commentarios retulit idem ipse, ad Alexandrum Tadinum, & Senatorem Septalium, viros Medicos illustres & Physicos de Collegio Nobil. Mediol. morte auctoris, pervenerunt: qui etiam eadem publicis typis descripta Italiæ nuper exhibuerunt. Galenus de Difficul. Resp. lib. II, cap. I, justum & decens præmium eorum, qui quodcunque tandem in vita bonum invenerunt, esse ait, ut inventa ipsorum non occultentur, neque hominibus sint ignota: quare ut aliis quoque novum hoc inventum appareat, hunc de Venis lacteis tractatum omni fide ac diligentia revisum, & à multis quibus scatebat in citatorum præcipue falsa annotatione, commissis σφαλμάτων restitutum, nostris dare constitui, & quidem ea forma, qua spectatissimum Adriani Spigeli opus Anatomicum expressum est: ut qui ei operi adungere voluerit, nihil amplius ad ejus perfectionem desideret. Hoc meum studium probis Anatomis studiosis tam Philosophis quam Medicis non ingratum fore confido: quo interea utere benigne Lector, donec quæ de Venenis acri studio & admirabili judicio, idem Asellius congescit, in primis verò Observationes ejus Chirurgicæ prodeant. Vale.

G A S P A R I S A S E L L I
C R E M O N E N S I S

I N

DISSERTATIONEM
DE LACTIBVS,

S I V E

V E N I S L A C T E I S,
P R Æ F A T I O.

In qua I. *Quæstionis de chyli vasis utilitas.* II. *Difficultas.* III. *Scriptionis argumentum & causa.* IV. *Summa capita proponuntur.*



Nter multas Scholarum Anatomicarum controversias necdum aut explicatas satis, aut plane perceptas, illa mihi semper & gravis & perquam digna scitu visa est, qua viæ perquiruntur, per quas secretus à ventre & intestinis cibus, veluti è promptuaria cella ad Iecoris, quas vocant, portas, tanquam ad communem, ut loquitur Gal. coctionis officinam comportatur. Nec id temere, opinor.

I Primum, ea hujus quæstionis indoles est, ea vis, ut, quantum illius nos fugerit præterieritque, tantundem nescire nos oporteat tum in nutritionis universo negotio, qua una animantium vita continetur, iisdem, quibus illa, terminis circumscripta; tum ignorare, de naturæ omni, in fabrica nostri corporis, arte, consilio, providentia, quæ ut nullibi magis quam in minimis tota est, ita infimam hanc animæ vim ac potestatem incredibili plane præter cæteras instrumentorum quæ apparatu, quæ numero instruxit. Neque id satis. Multæ & magnæ quæstiones aliæ, quadam sive societatis, sive artis communione ac serie colligatæ inter sese ac nexæ, ita ab hujus notitia aptæ sunt ac pendent, nullum ut sine ea rectum explicatum inveniant. Quo succo alatur venter, quo intestina: ab his solis, an ab illo etiam communiter traducendus ad hepar succus hauriatur: arteriarum, quæ per Mesenterium & intestina magna copia & pari prope cum venis numero incedunt, quis sit usus, quæ conditio ac ratio: quod munus ac officium Lienis: Venæ unde primam sui originem sumant, quem numerum faciant; tum sanguinem contineant solum, an etiam procreent, quod αἷμα τοπιεῖν vocant: quanta in disceptatione dissidentium inter se ac discrepantium medicorum versantur? At nihil de his omnibus constituere recte aut definire est, nisi hac ipsa, qua de agimus, quæstione constituta prius ac definita.

II Certat cum hac tam multiplici utilitate,

quæstionis ejusdem difficultas & obscuritas. Nec facile enim aliam reperias, quæ aut majori laboret opinionum varietate, aut acrioribus contentionibus agitetur. Prope quot capita totidem sententiæ sunt. Et si enim de hoc facile inter omnes convenit, per vasa, quæ crebra multaue toto Mesenterii corpore sunt intertexta, trajici, quem dicimus, ad hepar succum; quæ tamen sint ea vasa; & hæc, solum hoc negotium agant, in nullo altero dedita; an aliud præterea munus fungantur expleantque: tum, si alteri præterea vacant, uno ne eodemque tempore, an ejus intermissione ac intervallo, facta quadam veluti reciprocatione utrique vacent? denique, quod maxime rem totam & causam continet, quo modo, qua descriptionis lege ac ordine, quo proposito fine id agant, quod agunt: hæc omnia tanta in ambiguitate versantur, tam perplexe, tam dubia & suspensa oratione à vulgatis Anatomicis explicantur, ut uni omnium, hac quidem in re, verissime illud Galeni usurpare posse videantur, λαθεῖν μηδὲν, καὶ κεραιῶν καλῶς.

Accedit huc maximum illud incommodum, quod, ut quisque ad veritatem accedit propius, ita insanire maxime & vaticinari ab iis creditur, qui rei omnis medicæ ad se censuram olim jam, fama nominis & existimationis, revocarunt. Sic non modo τὸ δοκεῖν, ut dicebat Simonides, τὴν ἀλήθειαν βιάζεται, id est, auctoritate obruitur veritas: sed etiam via ipsa perveniendi ad eam præcluditur, & ire cogimur ritu precorum, qua itur, non qua eundum est. Hæc omnes causæ facile persuaferunt, minime mihi perituram operam, si quam in rei hujus tam multum ac sæpe quæsitæ, necdum exquisitæ perquisitionem per investigationemque conferrem; &, quo minus ingenio possum, subsidio mihi diligentiam compararem, Ita igitur feci, & in eo totis viribus elaboravi, quæ literis super ea re magnis ab ingeniis fuere prodita evolvi, accurate & sedendo, quod ajunt, expendi, cum summis viris, quotiescunque fuit occasio, sententiam meam contuli; denique, quod rei caput est, quodque unum opus, unum studium Anatomici esse Galenus voluit, Autopsiam in consilium adhibui, ut, de ejusdem Galeni hortatu, propriis oculis, non libris crederem, hoc est, oculata fide, seu manibus potius assequerer, quod quærerem. Favet tandem

a 4 us. part.
cap. I. c. 1.

Arist. 2 de
Anima. & l.
de Respir. c. 7.

Plin. Nat.
hist. l. 11, c. 2.

d 2. de pla.
cap. 4.

e 1. Ana.
ad anat. cap. 2.
t 2. us. part. 3.

dem Fortuna coëptis, & post multos magnosque labores, cum jam prope difficultati cederem, desponderemque, præter spem, & tantum non aliud agenti vias eas objecit, hoc est, quartum Vasorum Mesaraicorum genus, quod omnem ad hoc ævi superiorum Anatomicorum effugit diligentiam ac industriam, aperuit.

III De hoc Vasorum genere agere in præsentia, eorum historiam, fabricam, usum, & alia, si quæ observavi, ponere in medio mihi propositum est. Nulla alia id causa, quam ut, quantum in me est, ipse quoque & juvem Anatomes studiosos, & per majorum vestigia incedens communis scientiæ fines pro virili propagationem proferamque, quo major ac major semper accepta ista ab ejus parentibus hæreditas ad posteros transeat: simul, quoad fieri potest ^a τὴν αὐτοδιδασκίον ἀπαιδεύτης τὴ φύσιν σοφίας, per se doctam indocta natura sapientiam hac quoque in parte asseram atque illustrem, quod facere nihil aliud est, vel Galeno ^b teste, quam verissimum hymnum conditori ac molitori rerum Deo optimo, sapientissimo, potentissimo canere.

Hæc duo, an, quemadmodum sequutum me esse certe scio, ita affectus etiam sim, alii viderint. Nec enim unquam inducar, ut pompam muneris meo ipse addam, qui illud aperte & vere profiteor, nec laudis studio, nec gratiæ spe quicquam scripsisse: quarum alteram jam olim contempsit; alteram ne sperem quidem, hoc sane ævo, quo facile Omnes inveniunt jam inventa; plerique quorum ipsis in mentem non venerit, ea non tam judicant, quam carpunt aut in invidiam, vel, si ita libet, calumniam vocant. Quæ tamen nequam ita accipi velim, tanquam deprecandæ calumniæ aut invidiæ à me dicta, quain tantum abest ut pertimescam, ut gavisurus etiam sim magnopere, si communi cum bonis & doctis ævi omnis ac memoriæ sive fortuna, sive fato frui mihi liceat. Nullus unquam liber, inquit Plato, calumniæ vim effugit. Et rectissime Cicero, vitari non posse ne reprehendamus, nisi nihil scribendo. Est autem profecto angustii & abjecti & humilis animi, quæ facere debeas, quæque recte & ordine facere scias, in iis nescio quem cujus reprehensivunculæ metum, aut publicæ utilitati aut officio prævertere. Nec vero Hæctori laudi illud datum fuit,

Αἰδέομαι τρώας ἢ τρώαδας ἐλκεσιπέπλους
Trojanos veneror & Trojanum syrma trahentes;

aut quod idem solebat,
Πολυδάμας μοι πρῶτος ἐλεγχέτω ἀναήσει.
Polydamas mihi primus probro ducet.

Multo verius, rectius, generosius istud, quod apud Horatium Stoicus Damasippus.

Invidiam placare paras virtute relicta?
Contemnere miser. Vitanda est improba Siren
Desidia, aut quicquid vita meliore parasti,
Ponendum æquo animo.

Ita est. Invidiam ac Calumniam is demum vincit maxime, qui contemnit maxime. Sed hæc ἐν παρόδῳ. De re ipsa & dissertatione nostra.

IV Ea ne vel nullis, vel incertis limitibus feratur, erunt illius duo omnino capita; quorum altero ea considerabuntur examinabunturque, quæ de vasis Mesaraicis ab ipsa infantia Anatomes ad hoc ætatis comperta in literas ab aliis relata sunt:

alterum ea habebit, quæcunque ad novum Vasorum, quod diximus, genus & inobservatum hæctenus, explicandum stabiliendumque pertinebunt. His enim duobus veram omnem & legitimam approbandarum novarum sententiarum contineri rationem, jam olim Aristoteles & verbo docuit & exemplo ostendit. Iam utrumque horum, pro re nata, minutius iterum ac minutius in progressu concidetur, ne quicquam vel minimum prætereatur. Ita enim, præter obscuritatem, novitas quoque rei videtur postulare, & tanquam jure quodam suo exposcere. Quippe in re tali nulla diligentia aut supervacua esse potest, aut minuta videri debet. Sed pedem ad rem ipsam faciamus. Nam illa, quæ dixi, minutiora opportunius rei series, ac consequens ipsa tractatio, quam hæc, quæ forte processit jam longius ac debuit Præfatio, dixerit.

C A P. I.

Considerantur, quæ toti Mesenterio communia. I. Nomen. Notati Cicero, & Macrobius. μεσάριον quid, & unde sic dictum? μεσέλημα. II. Figura. III. Situs. IV. Origo. Hippocrates enarratus. Lumborum & Mesenterii consensus. Αἴτημα quid Galeno. V. Connexus. VI. Magnitudo. Πlica Mesenterii. VII. Divisio. Hippocr. præter Galeni mentem explicatus. Item Avicenna, Theophilus, Fallopius. VIII. Compositio. Omento, & tenui cerebri meningi quomodo simile Mesenterium?

DE Vasis Mesaraicis acturo, nullo modo prætereundum Mesenterium est. Quippe id illis non nomen modo largitur, sed firmamenti quoque ἐδραιῶς ^a vicem præstat, quo sustentitur: & pro ponte est, quo ^b allevata tuto à jecinore ad intestina & vicissim commeant. Quare nos quoque iis, quæ de ipso nota vulgo sunt & litteris consignata, perpendendis primum locum dabimus.

I. Mesenterium igitur, si Galeno ^c credimus, à situ ita dictum est, quia ἐν μέσῳ τῶν ἐντέρων, id est, in medio intestinorum positum est. Vnde ^d Cicero, & eum secutus ^e Macrobius parum recte medium ^f intestinum vertisse creduntur: rectius alii medianum seu medium intestinorum reddidisse. Gaza apud Aristotelem ^g passim Latres transtulit. Qua de re suo loco dicemus uberius. Alio nomine μεσάριον dicitur, ex eodem ^h Galeno, à propria ejus substantia, vel quia, ubi vasa, quæ per ipsum incedunt, & cum his intestina in orbem complectitur, ibi rarius est: vel rectius ⁱ à raritate media corporum glandosorum, quæ in eo cernuntur. Ruffus ^j, & Hefychius ^k dictum volunt eadem fere ratione, qua Mesenterium, quia scilicet in medio est ventris & intestinorum. Ventrem enim, inquiunt, & intestina veteres ἀρχιλῶ sive ἀραιὰν appellarunt. Alii ^l ex eo nomen positum dicunt, quod medium attollatur inter vasa, quæ ad intestina. Videntur idem Veteres μεσέλημα quoque appellasse, si modo certa est lectio apud ^m Galenum, μεσέλημα δὲ ἢ μεσεντέριον ἔλεγον. de qua re videri potest, si quis ita volet, ⁿ Foësius.

II. Figura est circulari, plana, in plicas contracta; circa primum exortum angusta; in medio, ampliore; in lateribus, potissimum sinistro, ubi ad rectum descendit, oblonga.

III. De

a 5. in 6. Ep.
2. 15. us. p. 7.

b 7. us. part.
c. 14. & 3. us.
part. 10.

a 4. us. part.
20. H
b 11. agog.
c. 11.

c 6. Anat. 6.

d 2. de Nat.
Deor.
e in Somn.
Scip. c. 6. circ.
ca fin.

f 4. de part. 4.
g 1. Hist. 16.

g 6. Anat. 6.

h Sylvius 3.
I sag. 5.
i lib. de part.
hominis.
k in suo Lexico in dict.
de an.

l Theophil.
Protospath.
lib. 2. c. 10.

m l. Exeges.
lit. M.

n in notis ad
6. Epid. ad l.
de eff. nat. c.
in Oecon.
Hipp.

III. De Situ liquet ex iis, quæ de nomine jam dicta sunt.

IV. Originem ejus Hippocrates^a deducit ex nervis à dorso in ventrem, id est (ut Galenus^b interpretatur) ex una lumborum vertebra post diaphragma posita, quo loci ventriculus est.

Accuratius rem totam explicavit^c Fallopius, qui docet à duplici principio oriri, altero & superiori circa primam, altero & inferiori circa tertiam lumborum vertebra, ad duos illos, quos describit idem copiose, nervosos plexus: idque à peritonæo (à quo etiam Galenus ipsum^d deducit) productis ab eo membraneis fibris, quæ paulatim in duas Mesenterii membranas abeant. Atque hæc causa creditur magni illius lumborum & intestinorum consensus. Fibras illas membraneas, vel certe primum Mesenterii exortum Gal.^e ἀρχήμα

vocare videtur, quod alii *vinculum*, alii *appendiculam* vertunt. Hippocrates nervos simpliciter appellat, quod, ut Gal.^f ait, quæcunque ex ossibus orta exanguia corpora, ea νεύρα πωδεπικά, veteribus medicis appellare mos fuit, ut sic ea à nervis, voluntarii motus principiis, appellationis modo fecernerent.

V. Connecitur ex Galeno^g non solum cum subjecta illi spina, & iis, quæ ad illam, de quibus jam diximus: sed etiam cum intestinis & vasis, quæ ad intestina feruntur, ac præterea cum aliis omnibus circumfusis corporibus.

VI. Magnitudo, si ad intestinorum longitudinem compares, quæ colligat, nimis quam parva videatur. Cum enim intestina duodecim aut quatuordecim ulnarum longitudinem æquent, ipsum vix ulnæ mensura est. Fit autem, ut tam parvum cum sit, nihilominus facile tantæ longitudinis intestina comprehendat, propter plicas illas, similes iis, quas in indusiis vulgo ninfas vocant, quibus obliquatur, reduplicaturque. Quæ nequaquam frustra à natura factæ, sed eum in finem, ut tam prolixam intestinorum longitudinem, non difficulter, exigua, si cum illis conferas, abdominis capacitas includeret, caperetque.

VII. Numero etsi unum & continuum est, Galeno etiam: tamen ab eodemmet Galeno^h, ratione venarum & arteriarum, quæ per illud excurrunt partim ad tenuia, partim ad crassa intestina pertinentes, distinguitur in id, quod gracilia intestina inter se committit, & appellatione generica Mesenterium dicitur: & in aliud, quod crassa complectitur, & peculiari nomine μεσέκωλον

appellatur. Quin idem Galenus^k triplex facit, eadem causa & ratione; unum, quod ad dextram situm, primarum est coli partium; aliud, quod est * τὴν λεπτήν, tenuium intestinorum medium; tertium, quod prope sedem pertingit, in sinistra situm: ex quibus duo priora arterias accipiant, à magna illa, quæ per dorsum procedit, in tertium exigua quædam inferatur de imis partibus, quæ propter renes à magna arteria, in jugis & ipsa nascitur. Hæc Galenus. Qua tamen in re, ut nihil dissimulem, quod ad Hippocratem attinet, equidem puto, eum loco à Galeno citato κῶλα non gracilia modo, sed omnia intestina, & quod hinc consequitur, μεσέκωλον generatim, non secus ac Mesenterium intelligere. Sic enim lib. de corporum resect. passim accipit, & lib. de nat. ossium quoque usurpat, cum inquit, κῶλα (pudendo errore vulgo κῶλα

vertunt artus) homo habet, quam canis majora. Ex μεσέκωλοις autem pendent. Quod inde etiam redditur credibilis, quia eodem libro, quod hic μεσέκωλον, idem Mesenterium paulo post nominat. Avicenna duplex ipse quoque Mesenterium, quod appellat Mirach, constituit, Sed profecto non tam Mesenterium ibi dividit, quam ipsum & Pancreas confundit, sicut alii quoque, inter quos Theophilus^m Protospatharius, & ipse Fallopius, ⁿ qui Pancreas maximam esse Mesenterii glandulam dicit. Primum enim Avicennæ Mirach nihil aliud esse quam pancreas, tum ex situ, quem ei tribuit, tum tota cætera descriptione cuius vel perfunctorie locum illum legenti notissimum esse potest. Ita quæcunque de illo dicit, Pancreati ad amissum conveniunt.

VIII. Componitur Mesenterium præcipue & propria ratione ex membranis, glandulis, & adipe. Vnde Arist.^o Ex membrana, inquit, latiore & pinguedine constat, sub pinguedine glandulas etiam complexus: secundo loco, & ratione velut populari, ex vasis præterea, quæ per ipsum feruntur potius, quam ut ad ejus substantiam (saltem omnia) pertineant. Atque horum vasorum inprimis respectu, à Gal.^q substantia Mesenterii Omenti substantiæ similis dicitur, quippe quod ipsum quoque ex eisdem compositum existit, etsi ea substantiæ similitudo, propter adipis copiam, qui omentum infarcit, in animalibus præsertim pinguioribus, minus est ad sensum manifesta. Eadem causa ab eodem Gal.^r tenui menyngi regenti & stabilienti cerebrum assimilatur, quod, sic uti hoc ex multis arteriis & venis sibi propinquis, ac præterea tenui membrana inter has interjecta conflatum est; ita menyngis illa ex similibus omnibus, & tantum non geminis, constitutionis suæ habet modum.

C A P. II.

Explicantur propriæ Mesenterii partes singillatim, I. Membranæ. Cur duæ? Sectione quemadmodum duas deprehendas? Cui usui? Auctor libri de utilitate respir. expositus. Riolanus rejectus. II. Adeps. Ejus generatio. In pennatis peculiari usus. III. Glandulæ. Earum numerus, magnitudo, divisio, usus. Marinus & Galenus idem sentiunt. Auctor libri de utilit. respir. laudatus. Varolii Hippocratis explicatio obiter notata. Fallopius & Archangelus reprehensi. A scirrhus glandularum atrophie.

Inter Mesenterii partes proprias primum locum absque dubio tenent ejus membranæ.

I. Hæ, duæ sunt; firma utraque^a ac densa ad robur, quo illis multo opus erat. unde fere duplex peritonæum, id quod etiam est, mesenterium appellatur. Galenus^b simplex esse ait, qua vasis & intestinis in orbem obtenditur (potes addere, ubi adeps medius intercedit;) qua vero in medio interjacet istorum, non amplius tunicæ usum, sed copulæ seu ligamenti præbens, duplex. Quo loco^c etiam accurate docet, quo modo duplicitas hæc (ut ita loquar) & simplicitas sectione & sensu ipso deprehendi possit. Est autem modus iste, ut acuto scalpello pars cujuscunque intestinorum anfractus, maxime gibba ita incidatur, ut exterior tunica dividatur, interiori illa, & inde utrinque usque ad partem simam excorietur. In canibus, qua vasa me-

a L. de off. &
4. in 6. Ep. 7.
b ibid. 4. in
6. Epid.

c lib. obser.
Anat. quæ de
Mesenterio.

d 4. us. part.
20.

e 4. in 6.
Epid. 7. & 6.
Anatom. 6.
f 4. in 6.
Epid. 7.

g us. part. 2.

h 4. in 6.
Epid. 7.
i ibidem.

k lib. de diff.
ven. & Ar.
cap. 9.
* Perperam
in vulgaris le-
gitur πωτων.

l 1. 3. tr. 4.
cap. de Me-
senterio. Mir. &
13. 3. 1. c. 1.

m l. 1. c. 10.

n in inst. A-
nat. c. pro-
prio.

o 1. Hist. 16.

p Gal. 4. us.
part. 6. ult.

q 6. Anat. 6.

r ibidem.

s 8. us. part.
c. 8.

a 5. us. part. 2.

b 6. Anat. 6.
& 4. us. part.
20.

c 6. Anat. 6.

menterium non admittit, ita connatae sunt hae duae membranae, ac si una tantum essent. Causa: quia in illis adipe fere destituitur. In homine & ceteris animalibus, incumbunt sibi manifestius ob rationem contrariam. Causa dupliciter est, ut dividi possit, & sic vasa mesaraica ac intestina circulo amplecti.

a 4. us. part. 20.

b 1. sag. c. 11. 6. Anat. 6. c. 4. us. part. 20.

Vsus duplex à Galeno^b constituitur. Primus, ut intestina sua natura longissima colligant, colligentque mutuo, in orbem comprehendendo tegan, lumborum vertebriis affirment, contineant eorum anfractus, ne, quod facile alias esset, vel temere implicentur inter se, vel deorsum pondere suo procidant. Alter, vasa mesaraica dicta sibi intexta & à se circumdata stabilire, fulcireque, ut sic sublevata tanquam ponte tuto ad intestina trahant. siquidem, absque hac custodia esset, in tam longo itinere, quale est inter principium eorum & finem, saepius vel implecterentur mutuo, vel saliente aut impingente aut pulsato animali compimerentur, concuterenturque. Addit duabus his utilitatibus aliam auctor lib. c. de util. respir. ex Aristotele. Vult enim vicem radicum obtinere sugentium ab intestinis veluti à terra nutrimentum. Ceterum hic usus ad venas potius chyli exsuccatrices, quae per mesenterii membranas ad intestina progrediuntur, quam ad ipsum mesenterium pertinet, quemadmodum ipse pulcherrime Aristoteles^d rem declarat. Recentior quidam, ubi impugnat divisionem mesenterii in Mesaraicum & Mesocolon, negat colligari à Mesenterio omnia intestina, aitque nullam ejus partem crassis adherere. Quem ego vehementer miror, quia id ratione dicere potuerit. Quis enim non videt Colon à dextro saltem ac sinistro latere (nam fundo ventriculi omenti beneficio neci non ignoro) à mesenterio manifeste contineri? Sed & recto quoque inferiori sede perspicue adnascitur.

c Spur. fol. 65. lit. E.

d 4. de part. anim. c. 4. e Riolan. junior anat. l. 2. Anthropog. c. 15.

II. Adeps intermedia vasorum spacia infarcit. Is ex sanguine pingui, elabente è vasis & membranarum densitate^f retento ac coercito, in eum usum concrevit, ut earum partium calorem foveat, & ad chyli qualemunque preparationem (de qua in loco dicetur) adjumentum praestet. In pennatis etiam usum glandularum supplet, quod propter levitatem, quae illis ad volatum necessaria erat, glandulae iis non convenirent.

f Galen. 1. de Temper. c. 9.

III. Glandulae in Adipem insunt complures, exiles fere, eoque^g vulgo ignotae, quas Gal. ex Marini, h imo ex propria etiamⁱ sententia duplices facit; densas alias & siccas, quae vasorum divisionibus appositae propriae glandulae dicantur: alias raras ac humidas, in quas sua & propria vasa finiant, glandosa corpora verius quam glandulae, & illis prioribus, quippe quas ex abundantiore solum providentia natura fabricavit, longe praestantiores.

g 3. de alim. facult. c. 6. h 2. de jem. 6. i 14. Meth. 11.

Vsus posteriorum est, ut pituitosum quendam humorem gignendo, madore suo intestina proluant, quo ipsorum concoctio elixatione, id est calido ac humido, ut debet, perficiatur. Priorum munus eò spectat, ut divisionibus vasorum & praecipue venarum, quas infinitas propemodum esse oportuit, sint pro firmamento & veluti solo ac sustentaculo, seu, ut tanquam cunei vasis^k incumbant. Nam cum plurima eorum sublimia atque

k 1. de anat. vivorum. l 4. us. p. 20.

erecta (Gal. verba^m sunt) ad hepar porrigantur in iud. longe à principio suo dissita, facile, absque carnisformis hujus corporis munimento esset, aut disrumperentur illa, aut alio violento symptomate afficerentur, perverterenturque, cum, qua dividuntur vasa & veluti dirimuntur, ibi injuriis maxime sintⁿ opportuna. Servant hae glandulae, si magnitudinem spectes, fere cum distributis ex illis vasorum propaginibus proportionem, ita, ut quemadmodum hae, sic illae quoque alibi majores sint, alibi minores. Quin una per insignis ad mesenterii centrum cernitur, quod ibi^o prima sit & maxima vasorum divaricatio.

Auctor lib. c. de util. respir. sane non ineruditus, quisquis est, praeter jam dictos, alium etiam usum glandulis his tribuit. Vult ille, ut in ceteris omnibus partibus corporis, ita hic quoque fovendo calori esse, ut ejus trahentis beneficio facilius ita succus cibi ab intestinis ad hepar traducatur. Hipp. lib. p. de glandulis in eum praecipue usum censet conditas, ut depascantur absorbeantque luxuriantem in intestinis humiditatem, quam ipse τράδον vocat, Varolius excrementum^q explicat oleosum primae coctionis, quae fit in ventriculo & intestinis. Quam sententiam nolo nunc examinare, dicturus in loco quid hac in re sentiam. Illud noto, praeter hos omnes usus, ei quoque peculiariter videri glandulas has destinatas, ut impediant, ne constriuantur vasorum ductus ab intestinis, à pro no decubitu, ab abdominis compressu, & sic succi, qui per illa fertur, distributionem reddant liberiores. Atque hinc fieri videmus, cum scirrhum patiuntur hae glandulae, atrophiam inde consequi, cujus rei exempla reperire est apud Schenckium, & alios. Atque hunc usum non injuria Fallopius^r magnificavit. qui tamen perperam, sicut & Archangelus, usum quem Galenus illis tribuit, impugnat unico argumento, quod non in omni divisione & diductione venarum glandulae compareant. Quod sane levissimum videtur, & retorqueri in ipsos nullo negotio potest. Quærere enim licet eodem modo, cur non in omnibus locis, ubi compressionis est periculum, cui prohibendae solum datas ipsi contendunt, glandulae vasis objaceant.

o Spur. f. 63. lit. H.

p num. 3. ex edit. Marinelli.

q lib. 3. Anatom. c. 2.

r in observ.

s observ. Anatom. de Mesenterio fol. 99. t 1. 2. lect. 13.

C A P. III.

Ad enarrationem Vasorum Mesaraicorum aggressio. Quot ea vulgo? Primo de venis explicatum. Earum. I. Orig. Refutati, qui eam ab intestinis ducunt. Radices non sunt principium arboris. De venis non trajicientibus ad hepar Galenus accurate explicatus, defensus à Vesalii, Parai, &c. calumniis. Puteus & Cuneus frustra sunt. II. Insectio in intestina, & ejus modus. Masse error de venis duodeni. item auctoris lib. de anat. vivorum de venis ventriculi. Jejunum vulneratum cur lethale. Venas Mesaraicas male Galenus radicibus comparat. Non sugunt. Avicenna, & ple- rorumque recentiorum gravis error. III. Progressus. Galenus excusatus. Pancreatis usus. Intestinum duodenum cur rectum?

Vasa Mesaraica Galenus, & omnes post eum Anatomici pariter & Medici, genere triplicia faciunt, venas, arterias, & nervos. Sed duo priora praecipua eis sunt. Id quod nec Aristoteles^a igno-

a 6. Anat. 6. c. 5. us. part. 1. c. 2.

^a 1. *hist. animal.* 16. ^b 2. *de part.* 3. ^c 4. *de part.* 4. ^d 1. *de off. natur.* 3. ^e 3. *cod. Foëf.* ^f 2. *Epid.* 4. ^g 2. *lib. 2. de ph. venis.* ^h 2. ⁱ 2. ^j 2. ^k 2. ^l 2. ^m 2. ⁿ 2. ^o 2. ^p 2. ^q 2. ^r 2. ^s 2. ^t 2. ^u 2. ^v 2. ^w 2. ^x 2. ^y 2. ^z 2. ^{aa} 2. ^{ab} 2. ^{ac} 2. ^{ad} 2. ^{ae} 2. ^{af} 2. ^{ag} 2. ^{ah} 2. ^{ai} 2. ^{aj} 2. ^{ak} 2. ^{al} 2. ^{am} 2. ^{an} 2. ^{ao} 2. ^{ap} 2. ^{aq} 2. ^{ar} 2. ^{as} 2. ^{at} 2. ^{au} 2. ^{av} 2. ^{aw} 2. ^{ax} 2. ^{ay} 2. ^{az} 2. ^{ba} 2. ^{bb} 2. ^{bc} 2. ^{bd} 2. ^{be} 2. ^{bf} 2. ^{bg} 2. ^{bh} 2. ^{bi} 2. ^{bj} 2. ^{bk} 2. ^{bl} 2. ^{bm} 2. ^{bn} 2. ^{bo} 2. ^{bp} 2. ^{bq} 2. ^{br} 2. ^{bs} 2. ^{bt} 2. ^{bu} 2. ^{bv} 2. ^{bw} 2. ^{bx} 2. ^{by} 2. ^{bz} 2. ^{ca} 2. ^{cb} 2. ^{cc} 2. ^{cd} 2. ^{ce} 2. ^{cf} 2. ^{cg} 2. ^{ch} 2. ^{ci} 2. ^{cj} 2. ^{ck} 2. ^{cl} 2. ^{cm} 2. ^{cn} 2. ^{co} 2. ^{cp} 2. ^{cq} 2. ^{cr} 2. ^{cs} 2. ^{ct} 2. ^{cu} 2. ^{cv} 2. ^{cw} 2. ^{cx} 2. ^{cy} 2. ^{cz} 2. ^{da} 2. ^{db} 2. ^{dc} 2. ^{dd} 2. ^{de} 2. ^{df} 2. ^{dg} 2. ^{dh} 2. ^{di} 2. ^{dj} 2. ^{dk} 2. ^{dl} 2. ^{dm} 2. ^{dn} 2. ^{do} 2. ^{dp} 2. ^{dq} 2. ^{dr} 2. ^{ds} 2. ^{dt} 2. ^{du} 2. ^{dv} 2. ^{dw} 2. ^{dx} 2. ^{dy} 2. ^{dz} 2. ^{ea} 2. ^{eb} 2. ^{ec} 2. ^{ed} 2. ^{ee} 2. ^{ef} 2. ^{eg} 2. ^{eh} 2. ^{ei} 2. ^{ej} 2. ^{ek} 2. ^{el} 2. ^{em} 2. ^{en} 2. ^{eo} 2. ^{ep} 2. ^{eq} 2. ^{er} 2. ^{es} 2. ^{et} 2. ^{eu} 2. ^{ev} 2. ^{ew} 2. ^{ex} 2. ^{ey} 2. ^{ez} 2. ^{fa} 2. ^{fb} 2. ^{fc} 2. ^{fd} 2. ^{fe} 2. ^{ff} 2. ^{fg} 2. ^{fh} 2. ^{fi} 2. ^{fj} 2. ^{fk} 2. ^{fl} 2. ^{fm} 2. ^{fn} 2. ^{fo} 2. ^{fp} 2. ^{fq} 2. ^{fr} 2. ^{fs} 2. ^{ft} 2. ^{fu} 2. ^{fv} 2. ^{fw} 2. ^{fx} 2. ^{fy} 2. ^{fz} 2. ^{ga} 2. ^{gb} 2. ^{gc} 2. ^{gd} 2. ^{ge} 2. ^{gf} 2. ^{gg} 2. ^{gh} 2. ^{gi} 2. ^{gj} 2. ^{gk} 2. ^{gl} 2. ^{gm} 2. ^{gn} 2. ^{go} 2. ^{gp} 2. ^{gq} 2. ^{gr} 2. ^{gs} 2. ^{gt} 2. ^{gu} 2. ^{gv} 2. ^{gw} 2. ^{gx} 2. ^{gy} 2. ^{gz} 2. ^{ha} 2. ^{hb} 2. ^{hc} 2. ^{hd} 2. ^{he} 2. ^{hf} 2. ^{hg} 2. ^{hh} 2. ^{hi} 2. ^{hj} 2. ^{hk} 2. ^{hl} 2. ^{hm} 2. ^{hn} 2. ^{ho} 2. ^{hp} 2. ^{hq} 2. ^{hr} 2. ^{hs} 2. ^{ht} 2. ^{hu} 2. ^{hv} 2. ^{hw} 2. ^{hx} 2. ^{hy} 2. ^{hz} 2. ^{ia} 2. ^{ib} 2. ^{ic} 2. ^{id} 2. ^{ie} 2. ^{if} 2. ^{ig} 2. ^{ih} 2. ⁱⁱ 2. ^{ij} 2. ^{ik} 2. ^{il} 2. ^{im} 2. ⁱⁿ 2. ^{io} 2. ^{ip} 2. ^{iq} 2. ^{ir} 2. ^{is} 2. ^{it} 2. ^{iu} 2. ^{iv} 2. ^{iw} 2. ^{ix} 2. ^{iy} 2. ^{iz} 2. ^{ja} 2. ^{jb} 2. ^{jc} 2. ^{jd} 2. ^{je} 2. ^{jf} 2. ^{jj} 2. ^{kg} 2. ^{kh} 2. ^{ki} 2. ^{kj} 2. ^{kl} 2. ^{km} 2. ^{kn} 2. ^{ko} 2. ^{kp} 2. ^{kq} 2. ^{kr} 2. ^{ks} 2. ^{kt} 2. ^{ku} 2. ^{kv} 2. ^{kw} 2. ^{kx} 2. ^{ky} 2. ^{kz} 2. ^{la} 2. ^{lb} 2. ^{lc} 2. ^{ld} 2. ^{le} 2. ^{lf} 2. ^{lg} 2. ^{lh} 2. ^{li} 2. ^{lj} 2. ^{lk} 2. ^{ll} 2. ^{lm} 2. ^{ln} 2. ^{lo} 2. ^{lp} 2. ^{lq} 2. ^{lr} 2. ^{ls} 2. ^{lt} 2. ^{lu} 2. ^{lv} 2. ^{lw} 2. ^{lx} 2. ^{ly} 2. ^{lz} 2. ^{ma} 2. ^{mb} 2. ^{mc} 2. ^{md} 2. ^{me} 2. ^{mf} 2. ^{mg} 2. ^{mh} 2. ^{mi} 2. ^{mj} 2. ^{mk} 2. ^{ml} 2. ^{mm} 2. ^{mn} 2. ^{mo} 2. ^{mp} 2. ^{mq} 2. ^{mr} 2. ^{ms} 2. ^{mt} 2. ^{mu} 2. ^{mv} 2. ^{mw} 2. ^{mx} 2. ^{my} 2. ^{mz} 2. ^{na} 2. ^{nb} 2. ^{nc} 2. nd 2. ^{ne} 2. ^{nf} 2. ^{ng} 2. ^{nh} 2. ⁿⁱ 2. ^{nj} 2. ^{nk} 2. ^{nl} 2. ^{nm} 2. ⁿⁿ 2. ^{no} 2. ^{np} 2. ^{nq} 2. ^{nr} 2. ^{ns} 2. ^{nt} 2. ^{nu} 2. ^{nv} 2. ^{nw} 2. ^{nx} 2. ^{ny} 2. ^{nz} 2. ^{oa} 2. ^{ob} 2. ^{oc} 2. ^{od} 2. ^{oe} 2. ^{of} 2. ^{og} 2. ^{oh} 2. ^{oi} 2. ^{oj} 2. ^{ok} 2. ^{ol} 2. ^{om} 2. ^{on} 2. ^{oo} 2. ^{op} 2. ^{oq} 2. ^{or} 2. ^{os} 2. ^{ot} 2. ^{ou} 2. ^{ov} 2. ^{ow} 2. ^{ox} 2. ^{oy} 2. ^{oz} 2. ^{pa} 2. ^{pb} 2. ^{pc} 2. ^{pd} 2. ^{pe} 2. ^{pf} 2. ^{pg} 2. ^{ph} 2. ^{pi} 2. ^{pj} 2. ^{pk} 2. ^{pl} 2. ^{pm} 2. ^{pn} 2. ^{po} 2. ^{pp} 2. ^{pq} 2. ^{pr} 2. ^{ps} 2. ^{pt} 2. ^{pu} 2. ^{pv} 2. ^{pw} 2. ^{px} 2. ^{py} 2. ^{pz} 2. ^{qa} 2. ^{qb} 2. ^{qc} 2. ^{qd} 2. ^{qe} 2. ^{qf} 2. ^{qg} 2. ^{qh} 2. ^{qi} 2. ^{qj} 2. ^{qk} 2. ^{ql} 2. ^{qm} 2. ^{qn} 2. ^{qo} 2. ^{qp} 2. ^{qq} 2. ^{qr} 2. ^{qs} 2. ^{qt} 2. ^{qu} 2. ^{qv} 2. ^{qw} 2. ^{qx} 2. ^{qy} 2. ^{qz} 2. ^{ra} 2. ^{rb} 2. ^{rc} 2. rd 2. ^{re} 2. ^{rf} 2. ^{rg} 2. ^{rh} 2. ^{ri} 2. ^{rj} 2. ^{rk} 2. ^{rl} 2. ^{rm} 2. ^{rn} 2. ^{ro} 2. ^{rp} 2. ^{rq} 2. ^{rr} 2. ^{rs} 2. ^{rt} 2. ^{ru} 2. ^{rv} 2. ^{rw} 2. ^{rx} 2. ^{ry} 2. ^{rz} 2. ^{sa} 2. ^{sb} 2. ^{sc} 2. ^{sd} 2. ^{se} 2. ^{sf} 2. ^{sg} 2. ^{sh} 2. ^{si} 2. ^{sj} 2. ^{sk} 2. ^{sl} 2. sm 2. ^{sn} 2. ^{so} 2. ^{sp} 2. ^{sq} 2. ^{sr} 2. ^{ss} 2. st 2. ^{su} 2. ^{sv} 2. ^{sw} 2. ^{sx} 2. ^{sy} 2. ^{sz} 2. ^{ta} 2. ^{tb} 2. ^{tc} 2. ^{td} 2. ^{te} 2. ^{tf} 2. ^{tg} 2. th 2. ^{ti} 2. ^{tj} 2. ^{tk} 2. ^{tl} 2. tm 2. ^{tn} 2. ^{to} 2. ^{tp} 2. ^{tq} 2. ^{tr} 2. ^{ts} 2. ^{tt} 2. ^{tu} 2. ^{tv} 2. ^{tw} 2. ^{tx} 2. ^{ty} 2. ^{tz} 2. ^{ua} 2. ^{ub} 2. ^{uc} 2. ^{ud} 2. ^{ue} 2. ^{uf} 2. ^{ug} 2. ^{uh} 2. ^{ui} 2. ^{uj} 2. ^{uk} 2. ^{ul} 2. ^{um} 2. ^{un} 2. ^{uo} 2. ^{up} 2. ^{uq} 2. ^{ur} 2. ^{us} 2. ^{ut} 2. ^{uu} 2. ^{uv} 2. ^{uw} 2. ^{ux} 2. ^{uy} 2. ^{uz} 2. ^{va} 2. ^{vb} 2. ^{vc} 2. ^{vd} 2. ^{ve} 2. ^{vf} 2. ^{vg} 2. ^{vh} 2. ^{vi} 2. ^{vj} 2. ^{vk} 2. ^{vl} 2. ^{vm} 2. ^{vn} 2. ^{vo} 2. ^{vp} 2. ^{vq} 2. ^{vr} 2. ^{vs} 2. ^{vt} 2. ^{vu} 2. ^{vv} 2. ^{vw} 2. ^{vx} 2. ^{vy} 2. ^{vz} 2. ^{wa} 2. ^{wb} 2. ^{wc} 2. ^{wd} 2. ^{we} 2. ^{wf} 2. ^{wg} 2. ^{wh} 2. ^{wi} 2. ^{wj} 2. ^{wk} 2. ^{wl} 2. ^{wm} 2. ^{wn} 2. ^{wo} 2. ^{wp} 2. ^{wq} 2. ^{wr} 2. ^{ws} 2. ^{wt} 2. ^{wu} 2. ^{wv} 2. ^{ww} 2. ^{wx} 2. ^{wy} 2. ^{wz} 2. ^{xa} 2. ^{xb} 2. ^{xc} 2. ^{xd} 2. ^{xe} 2. ^{xf} 2. ^{xg} 2. ^{xh} 2. ^{xi} 2. ^{xj} 2. ^{xk} 2. ^{xl} 2. ^{xm} 2. ^{xn} 2. ^{xo} 2. ^{xp} 2. ^{xq} 2. ^{xr} 2. ^{xs} 2. ^{xt} 2. ^{xu} 2. ^{xv} 2. ^{xw} 2. ^{xx} 2. ^{xy} 2. ^{xz} 2. ^{ya} 2. ^{yb} 2. ^{yc} 2. ^{yd} 2. ^{ye} 2. ^{yf} 2. ^{yg} 2. ^{yh} 2. ^{yi} 2. ^{yj} 2. ^{yk} 2. ^{yl} 2. ^{ym} 2. ^{yn} 2. ^{yo} 2. ^{yp} 2. ^{yq} 2. ^{yr} 2. ^{ys} 2. ^{yt} 2. ^{yu} 2. ^{yv} 2. ^{yw} 2. ^{yx} 2. ^{yy} 2. ^{yz} 2. ^{za} 2. ^{zb} 2. ^{zc} 2. ^{zd} 2. ^{ze} 2. ^{zf} 2. ^{zg} 2. ^{zh} 2. ^{zi} 2. ^{zj} 2. ^{zk} 2. ^{zl} 2. ^{zm} 2. ^{zn} 2. ^{zo} 2. ^{zp} 2. ^{zq} 2. ^{zr} 2. ^{zs} 2. ^{zt} 2. ^{zu} 2. ^{zv} 2. ^{zw} 2. ^{zx} 2. ^{zy} 2. ^{zz} 2.

non autem ab hepate non prognasce. Id quod ex Græco textu clarissimum est. Duplices enim ibi Gal. mesenterii venas proponit ex Herophili sententia, quam ne ipse quidem improbat; alias, quæ tantum deferunt materiam ab hepate; alias quæ & deferunt, & referunt. In illis simpliciter ab hepate ad mesenterium progressum considerat. Vnde finiri dicit in glandulas μή περιαισμέναις εἰς τὸ ἥπαρ id est, non trajicientes iterum ad hepar. In aliis pro duplici usu, duplicem etiam progressum perpendit, & illum scilicet ab hepate ad intestina, & vicissim. Vnde eas ait non simpliciter φέρεσθαι, sed ἀναφέρεσθαι, id est, rursus ferri ad hepar. Quæ annotare diligentius placuit, quod hoc in loco mirifice & inutiliter Puteus, & Cuneus se torquent, & quod dicitur fluctus in simpulo movent.

11. Inseruntur omnes meseraicæ, id est, quæ per mesenterium incedunt, in intestina, si unum duodenum excipias, quod à ramo ipso, antequam dividatur in mesenterium, sæpe etiam ex trunco adeo venas accipit, secundum ejus longitudinem excurrentes. Qua in re erravit Massa, qui ei Mesaraicas, sed paucas tribuit. Ac in jejunum quidem, ileon, cæcum, & coli partem dextram Mesenterica dextra: in reliquam vero coli regionem, & in rectum, sinistra absumitur. Plurimis vero inter omnia intestina scater jejunum. Vnde solum aliquando nominatur, cum de venis propagatis per intestina agitur. Atque hæc multitudo venarum in jejunum, præter nervosam ejus substantiam, potissima causa est, cur vulneratum curationem non admittat. Auctor lib. de Anatomia vivorum, mesaraicas etiam in ventriculum inferi pronunciauit, manifesto errore, si mesaraicas, ut debet, pro illis sumit, quæ per Mesaraion feruntur. Nullam enim ab iis ad ventrem ferri, sensus judicio certum est. Quin nec à Mesenterico ramo, præter unam, ad eum mittitur: quæ quod ipsi cum omento communis est, Gastro Hepiploica; a situ vero, dextra dicitur.

De modo infertionis Gal. ἀνασπινδου dicit cum intestinis, id est oscillis suis hiare in intestina, idque in ipsam anfractuum eorum cavitatem, modo hirudinibus simili, spongiosis, & obliquis capitulis, ut auctor lib. de Compag. membrorum loquitur, eaque causa cum radicibus arborum comparat. Ego, ut facile concedo aperiri ad intestinorum tunicas, imo etiam ad cavitates (quomodo enim, ut nihil interim dicam de alentis succi in intestina distributione transpositioneque, quem plerique negant, nisi laxatis venarum oscillis, ullo modo posse induci, quomodo inquam aliter ita conferimus totius corporis noxii humores in illa, foras inde exigendi, deponerentur?) ita illud plane & simpliciter inficior hirudinum instar habere, aut radicem locum obtinere, qui ramis similes esse experientia deprehendo, Galenoque scio omnis deceptionis causam fuisse, quod exuccioni chyli deputatas crediderit, ut ostendam infra fusius. Interim mirari libet Avicennam, & eum sequutos, Laurentium, Archangelum, Columbum, Riolanum, alios, qui, cum nobiscum ipsi quoque radices esse negent, suctioni tamen nihilominus eas destinant. Magis etiam miror Bauhinum, qui commento antiquo Iacobi de Partibus, & Zerbii simul & radices & ramos posse dici autumat;

1. Venæ ergo Mesaraicæ, quas Medianas nonnulli appellant, prope innumeræ sunt. Originem eis esse ab hepate, tanquam à principio distributionis venarum, ut Gal. loquitur, seu ut Hippocr. radicationis,ρίζασεως (si modo aliud est hoc principium ab eo, quod γένεσις generationis dicunt, qua de re alibi συνήκω) ne Aristoteles quidem negaverit, autopsiam sequutus. Omnes siquidem, vel sensu ipso teste, deducuntur ab ejus venæ, quæ ex hepatis inferiori cavitate emergit, & quam omnis Asclepiadarum familia τὴν πύλας id est ad portas venam appellat, humiliore ramo, qui & mesentericus ideo dictus est. Vnde fit etiam Gal. auctore, ut hepatis cava phlegmone obfesso, protinus etiam ipse laborent, & quæcunque osculis earum incidunt, vim suam jecori ostendant. Quidam ab intestinis earum originis principium arcessunt. Quorum sententiam eo argumento Carpus probat, quia radicum vices obtineant. Principium autem arboris, radices dicimus. Addunt alii, vias esse ab intestinis ad hepar directas, & inde igitur, hoc est, ab intestinis principium earum esse ducendum. perperam. Vt enim recte dici possint viæ ab intestinis ad portas (quod tamen suo loco contra esse ostendam) ne sic tamen originis illarum principium recte intestinis dederis. Nec enim potest esse idem venarum principium & finis, eo modo, quo principium viæ. De radicibus quod ponunt, falsum & inane est. Nihil minus radices quam principium arboris sunt, sed tum radicem, tum ramorum principium sive truncus ipse est, sive verius id, quod inter truncum, & radicem medium Gal. jecori, Aristoteles cordi vult esse analogum. Semen enim simul ac germinascit, eodem ex principio & radices deorsum jactat, & truncum cum ramis suis sursum porrigit. Vesalius, & eum secuti Paræus, Salomon, Albertus, & alii insinulant Gal. quasi voluerit etiam à cava venas Mesaraicas quasdam derivari. Eo quod alicubi loci, à magna vena sub ventriculo ducta, inter cæteras, mesenterio quoque distribui venas scriptum reliquit. & alio loco venas quasdam eidem mesenterio tribuit, nutritioni tantum destinatas, & ad hepar non trajicientes, sed in glandulas finientes, quarum ipsarum etiam mentio habetur lib. de semine. Sed turpiter lapsus, an deceptus? est Vesalius. Galenus primo loco magnam venam, nequaquam cavam, sed portam intelligit, ut ipse se alibi declarat, quam magnam vocat, (μεγάλην) ad discrimen cavæ, quæ illi maxima est (μεγίστη). Secundo vero loco cum Herophilo, id tantum vult, venas illas ad hepar succum non trajicere,

ilicales
per
disper-
santurum
ramis & ex
his prognatis
furculis com-
parantur, à
Galeno 6. de
plac. 6. eo
quod ex hepa-
te emergentis
Vena umbili-
calis, veluti
trunci, & de-
scribitur
sint: Rursus
easdem aptius
radicibus con-
ferri ait, quia
extremitati-
bus suis ali-
mentum ex
utero allici-
ant, & ad je-
cur deferant.
Potiori jure
neque inani
judicio, qui
venas mesarai-
cas & dis-
tributioni
chymi, & si-
mul intestino-
rum nutritio-
ni intervere
sentiant, eas
hinc efficit
respectu ra-
mus, illius ve-
ro radicibus
similes dicit.
a de diff. ve-
nar. c. 1.
b 6. de re
Anat. 1.
c lect. 13. l. 2.
d 4. Anat.
9. 5.
e 4. us. p. 20.
f 6. Anat.
adon 6. lsa-
gog 11.
g 5. us. part. 2.

h 4. us. part.
13.

mat; ramos, si originem ab hepate; radices, si opus spectes. * Inanissimam enim esse hanc distinctionem, perspicue similitudo arboris docet, qua passim hac in re Galenus^a & Hippocrates uti consueverunt. Columbus^b civis meus singulis suam valvulam apponit, qua intestinis committantur, quem totis viribus oppugnant Archangelus^c, Laurentius^d, & alii. Ego quam recte, quam non recte id fecerit, mox in loco reddam.

III. Progressum Mesaraicarum Gal.^e sic describit: Plurima venarum oscula ad quodque intestinum penetrant, veluti arboris cujusdam extremi ac tenues fines. Has vero ut in arboribus radices, exiguas in crassiores & majores sensim natura eò usque colligit, dum in unum ramum, & denique in unum omnes truncum, venam scilicet quæ ad portas est hepatis, coeant, à qua etiam tum quæ ad ventriculum, tum quæ ad splenem feruntur, prognascuntur. Et similia aliis quoque^f locis habentur, ubi notandum est, Galenum eorum progressum ab intestinis ad hepar, hoc est, à fine ad principium prosequi, non contra. Sed parum refert. Eadem enim est, ut Aristoteles dicere solebat, via Athenis Thebas, & Thebis Athenas. Porro ramus ille, in quem omnes coalescunt, ex eodem Galeno ad Pancreas est. Ibi enim ut docet^g, principium est omnium vasorum mesaraicorum divisionis. Ob quam divisionem, ut commode & sine periculo fieret, duo, inquit, solertissime natura machinata est; primum, quod pancreas illis venis tum sub-
j. ravit, tum in orbem circumposuit; alterum, quod intestinum duodenum non in anfractus reflexit, sed rectum fecit: illud, ut divisiones fulciret, quod maxime patientur vasa, ubi divisa in plura & minora abeunt; hoc, ut justum spacium iis ac progressum suppeditaret, quod involucria, quæ non parvas faciunt angustias, impedivissent. Cur autem unierit eas ad portas, cum rursus dividere oportuerit in hepate, ejus rei causa videri potest apud Galenum ipsum^h. Clara enim est & longiori explicatione non eget.

C A P. IV.

Agitur de venarum Mesaraicarum actionibus, & usibus. Ii tres Galeno, & vulgo Medicorum, ἀνάδοσις, αἱμάτωσις, ἀλάδοσις. Ex iis duo primi rejecti, tertio alius & novus additus ex ipso Galeno. Galenus nullibi dixit ἀνάδοσιν & ἀλάδοσιν fieri eodem tempore. Laurentius Hippocratem non recte cepit.

QVod præcipue quavis in parte spectatur, id ejus est actio, in quam omnis ejus molitio apparatusque conspirent necesse est. Ea causa de venarum Mesaraicarum actione seorsum & suo ac proprio capite agere nobis visum. Id quod in arteriis etiam servabimus.

Actionem hanc sive usum (nec enim hic accuratius libet hæc distinguere) triplicem omnino Galenus, & cum eo plerique omnes, venis Mesaraicis assignant. Primus & præcipuus, est ἀνάδοσις, sive Chyli, postquam is ab intestinis directus, & ab aridioribus recrementis secretus est, ad hepar traductio, unde illas manus hepatis idem Galenus appellat, & alibi bajulis comparat, ^b qui in Civitatibus, repurgatum in cella penaria frumentum ad communem aliquam Civitatis officinam deferunt, coquendum ibi & utile ad nutriendum futurum; passim vero,

ut jam supra diximus, arborum radicibus assimilat: quod Aristoteles quoque facit. Cæterum hunc usum nec omnibus mesaraicis tribuit, nec solis. Non omnibus. quia, ut jam supra diximus, quasdam earum negat ad hepar referri, illas scilicet quæ in glandulas desinunt. Non solis. quia etiam ventriculi venas eodem officio vult^d fungi. Id quod Hippocrates quoque sensisse videtur lib. de Carnibus, ubi sic loquitur: Vena, quæ per ventrem & intestina feruntur, in quibus cibi & potus conservantur, ubi incaluerint, id quod est tenuissimum & humidissimum attrahunt.

Alter usus est præparatio Chyli, & in sanguinem mutatio, de quo ista idem Galenus^e habet. Vena non deducunt solum nutrimentum ex ventriculo, sed attrahunt simul, ac hepati præparant, modo, quo ipsum, simillimo, quippe quæ natura ipsi sunt assimilēs, & ex eo germen ducunt, &c. Et alio^f loco. Quapropter & venis, inquit, quæ ad ventriculum & universa intestina pertinent, inest facultas quædam sanguinis effectrix, quæ succum, qui ex cibis distribuitur venis, in sanguinem mutare naturale est, prius etiam quam ad hepar is perveniat. Et similia plane leguntur in volumine de Plac. Hipp. & Platonis^g. Idem sentiunt auctor Isagoges^h, & auctor lib. de Compag. membrorumⁱ.

Tertius usus, est ἀλάδοσις, id est, distributio sanguinis ab hepate ad mesenterium, ventrem & intestina, eorum nutritioni. Hanc ἀλάδοσιν ajunt vulgo fieri velle Galenum^k partim, & id plerunque diverso ab ἀνάδόσεως chyli tempore, cum scilicet vacuæ chylo venæ sunt, & nutrirī avent: partim, sed rarius, eodem quoque: adeoque qui id negant ignaros vocari ab illo, ut aliorum naturæ operum, ita roboris in attrahendo instrumentorum nutritione egentium. Dixi^l vulgo. Nam ex verbis, quæ adducunt, Admirantur nonnulli, &c. nihil tale, imo contrarium convincitur. Atque priorem modum præter auctorem lib. m de Anatom. vivorum, qui venas mesaraicas determinatis horis & aperire sua orificia, & claudere affirmat, etiam Hippocratesⁿ (si modo is est auctor librorum de morbis) agnoscere videtur, cum sic ait: Postquam cibi & potus in ventrem inciderint, fruitur corpus de ventre, & una cum fontibus impletur. Ibi vero alvus vacuatur, rursus humor retro ab ipsa redditur, quemadmodum susceperat, veluti ex aliis ad unum vasculum; & quæ sequuntur.

Ex his vero tribus usibus, ego non nisi ultimum agnosco, qui, ut dicam in quarto vasorum genere, primo usui longe alias venas servire autopsia ipsa didicerim. Illo vero sublato, ruit etiam secundus usus. Quomodo enim chylum præparabunt, id est rudi, ut Galenus amat loqui, sanguinis specie imbuent venæ mesaraicæ, quem non continent? ut omittam interim quærere, an venis aliqua αἱμάτωσις, id est, sanguificatio, ut vocant, competat, de qua re ipsa quoque agam postmodum. Porro illi ultimo usui adjungo alium^o, qui est humorum è toto corpore per eas venas protrusio atque expurgatio, sive illa sponte naturæ fiat, sive vi & opera medicamentorum procuretur. Atque hoc est, cur inter loca conferentia intestina ab Hippocrate^p numerantur. Addunt alium alii, ex^q, Hippocrate ut inquit, qui est deferre ad intestina calorem & spiritum, quem^r Laurentius tum vitalem, tum naturalem intelligit. Cæterum puto ego, hunc

a 5. de loc. af.
c. 7.
b 4. us. part. 2.

c 4. de part.
anatom. 2.

d 4. us. part.
12. 5. de loc.
aff. 7. 6. de pla-
cit 8. de ana-
tom. quæ u
stomacho.

e 4. us. part. 2.

f 4. us. part.
12. F.

g l. 2. c. 3. 7.

h c. 11.
i Spur. fol.
59. il.

k 3. Facul.
nat 13. initio
4. us. part. 19.

l Laur. Anat.
l. 4. q. 10.

m Spur. fol.
57. lit. E.

n l. 4. de mor-
bis.

o ex 3. natur.
facult. 13.
initio.

p 1. ad 2. c.
q lib. de ali-
mento.
r l. 4. de nat.
c. 2.

hunc usum cum venis Hippocrates tribuit, venis pro arteriis, ut solet more priscae medicinae, abusum. Et hæc de venis mesaraicis, superest de arteriis videamus.

C A P. V.

De arteriis mesaraicis. Earum I. Nomen. Cur ἑξα-
τα Erasistrato. II. Situs. Numerus. Magnitudo.
Aristotelis hic error. III. Origo. IV. Insetio. Ga-
lenus in hac explicanda omnibus recentioribus accura-
tior. Aristotelis hic quoque allucinatio. V. Progres-
sus. Arteriarum quam venarum principium obscurius.

A Rterias Mesaraicas Erasistratus ἑξατάς, id est, extremas appellavit; comparando illas, ut Gal.^b explicat ad eas, quæ insunt Epigastrio. Nec enim ut litu, ita continuitate & exortu proximæ sunt, sed longissimo originis intervallo se contin-
gunt, exemplo tangentium se aliquando in arboribus foliorum, quæ ex diversissimis ramis exoriantur.

II. Adjacent fere venis, iis comites, earumque numerum æquant.

Aristoteles^d longe minores esse vult, quam venas, perangustas & fibris nervorum proximas, cavas tamen. Putat enim aortam ita semper progrediendo extenuari & in angustum redigi, ut tandem in extremis partibus ex toto nervi naturam accipiat. Quæ sententia alibi à nobis considerata est.

III. Origo iis omnibus ab arteria magna, quæ spinæ incumbit, hoc est, à trunco arteriæ magnæ, quæ per inferiorem ventrem, venæ portæ attigua defertur, ex illo ejus ramo, qui mesentericus à recentioribus dicitur, & in superiorem ac inferiorem dividitur.

IV. Insetio nihil diversi habet à venis. Inferuntur enim non secus ac illæ in concavam anfractuam intestinorum partem, totamque longitudinem eorum omnium, excepto duodeno & jejuni principio, in quæ à coeliaco ramo vocato arteriæ intestinales dictæ mittuntur. Recentiores Anatomici à ramo mesenterico superiori arterias in Iejunum, Ileum, & Colon quæ ad dextrum renem situm est, deducunt: inferiorem, potissimum in coli sinistram partem, tum in rectum intestinum absumi ajunt. Sed haud scio an rectius diligentiusque Galenus qui totam arteriæ, quæ venæ portæ contigua est, distributionem accuratissime simul ac brevissime his verbis^f exsequitur. Arteria magna deorsum procedens, ex una statim radice bifariam deducta, ventriculo quidem & hepati & lienī alteram partem; cateram vero, intestinis distribuit per duo mesenteria, tum id, quod ad dextram situm primarium est coli partium, tum id, quod est λεπτόν, id est, tenuium intestinorum medium. Nam tertium Mesenterium, quod prope sedem pertingit, in sinistra situm, nullam inde assumit arteriam, sed de imis partibus quædam in ipsum exigua inseritur, quæ post venas à magna arteria in jugis nascitur. Interdum statim ab initio duplex apparet, & è duobus jugibus alteram, hoc est, altiore in ventriculum & lienem; alteram, hoc est, humiliorem in jecur & mesenteria dispergit. Vbi obiter rursus notandus error Aristotelis, & qui sicut etiam auctor lib. de respir. utilitate^h observavit, negat ab aorta arteriam ullam ad hepar pervenire. Nec satisfaciunt, qui aut de hepatis gibba parte solummodo locutum

ajunt, aut id tantum velle affirmant, non transire per hepar arteriam, sicut transit vena. Simpliciter enim, Nulla, inquit, ab aorta ad hepar vena pervenit.

V. Progressum istarum arteriarum recte idem Galenus venarum progressui comparat, & vult eodem modo ut illas, ex tenuissimis & minimis in majores semper ac majores coire, donec in unum omnes principium conveniant. Illud tantum discriminis adfert, quod venarum principium facile comperitur, quippe quæ ad jecoris portas in unam omnes colligantur; arteriarum non ita facile, quia magis exangues & crassiori tunica principium habent contiguum exangui corpori, à quo mesenterium est cum intestinis aptum, quodque mesenterii ἀρτηρία vocant, id est, suspensorium, vinculi naturam habens. Est autem principium illud ad dorsum. Dividenda, inquit idem Gal. in Mesaraum arteria, principium divisionis suæ habet medio loco inter ventriculum ac intestina, & incumbit spinæ subjacentibus vertebrae, tum quia vena portæ ibi dividitur, venis autem natura, ubicunque nihil prohibet, adjungit arterias; tum quia ad jecur ab hac ipsa arteria produci ramum oportuit.

C A P. VI.

In actiones arteriarum & usus inquiritur. An chyli quippiam in se alliciant. Galeni & Hippocratis in eam rem sententia expensa, & in medio relicta. Auctor lib. de utilitate respirationis, & Varolius accurate confutati. Sanguis per quas vias è dextro cordis sinu in sinistram subeat. Cæci ductus in corpore.

DE actione & usu arteriarum Mesaraicarum in eo plerique omnes consentiunt, datas intestinis & mesenterio non magis, ut vitali calore frigoris eorum nativi vim temperent foveantque, quam ut assiduo suo motu, ceu verbere ventilando illa & irrigando salutari spiritu, à putredine & corruptione, cui inprimis tanquam receptacula quædam superfluatorum & emissaria sunt obnoxia, vindicent.

Sed præter hunc usum videtur etiam velle Galenus chyli aliquid ex intestinis exhaurire trahendo, eo tempore, quo satiatus ventriculus quod reliquum habet, in ipsa exonerat. Id vero ex eo demonstrare conatur, quod omne dilatatum necessario trahatur à vicinis, arteriæ autem perpetuo dilatentur & constringantur.

Cæterum ostendit, id quod trahunt esse primo permodicum omnino, & cujus vix sit habenda ratio: secundo, exquisitissime confectum & levissimum.

Posterioris rationem hanc adfert, quia tractus hic non formæ aut qualitatis sit similitudine, cujusmodi aut ad nutritionem aut oblectationem refertur trahentis, sed successione ad vacuum, quæ necessitate quadam nititur, cum, ut dictum est, dilatio ejus sit causa. At in ejusmodi tractu semper id primo, quod levissimum est, sequitur, exemplo siphonis trahentis de aqua, cui permixtum sabulum. Is enim semper, inquit, aquam prius quam sabulum ad se rapit. Prioris causam istam statuit, quod necessario cum dilatantur arteriæ, ante implentur levioribus, hoc est, iis, quæ trahunt à corde & ex venis.

Longe ulterius, quam Galenus, progressus est hac in re Auctor^b lib. de utilit. respir. qui perti-

Bb

naciter

a l. An sanguis in arter. c. 5.
b ibid.

c 6. Anat. 5. us. part. 2.

d 3. Hist. de anat. 4.

V. Bauhini. heatri. 16.

de dissect. mar. c. 9.

h Hist. 4.
i l. ibid. 18.
j Spur. fol. E.

i 4. us. p. 10.

k 6. Anat. admin. 6.

l 5. us. p. 1.

a 4. us. p. 17.
b 3. fac. nat. 14. & 15.

b Spur. fol. 64 & 65. circa fin.

naciter contendit, attrahere succum sibi cor, non solum à cava hepatis, sed etiam ab intestinis per medias has arterias, frivolo plane argumento, quia arteriæ hæc mesenterio continentur, & hepar tamen non transeant. Atque hujus suæ sententiæ fundum & auctorem facit Aristotelem. Nec sine justa causa fortassis. Quippe non solum lib. de spiritu^a, qui inter Aristotelicos ambiguae auctoritatis est, disertè ita loquitur: *Ad intestina & ventrem venæ & arteriæ committuntur, quas par est alimentum attrahere à venis in carnes mox distribuendum*: sed loco etiam minime dubio^b, tam venas, quas ab aorta sive minore, quam quas à magna, id est, cava in mesenterium deducit, nullo discrimine radices facit, quibus à ventre ad venas cibus deferatur. Quam sententiam prope jam inter mortuam nostro ævo non revocare modo, omnibus ingenii viribus, sed magno quoque cumulo magnaque accessione augere conatus est Anatomicus alioqui ingeniosissimus, Constantius Varolius^c, qui præcipuum arteriarum istarum munus esse contendit, portionem chyli purissimam exugere ex intestinis, & procreando inde subtiliori & arterioso sanguini ad cor comportare. Nititur his argumentis.

Primum, Nulla alia via pervenire in sinistrum ventriculum, sanguinis hujus officinam, materia gignendo illi sanguini potest, cum nullus in illum à dextro pateat aditus. Secundo, Duæ arteriæ umbilicales in foetu aortam ingrediuntur, quæ sanguinem arterialem comportant ad cor infantis. At in nato, quemadmodum chylus sanguini materno, ita arteriæ mesaraicæ respondent umbilicalibus. Denique, Frustra esset absque hoc usu tanta arteriarum copia frigidis partibus concessa. Poterat his addere ex Gal. experimentum Erasistrati^d, qui in hoëdis lactentibus refertas lacte arterias imi ventris conspexisse sæpius, testatur.

Ego hac in re, ut non difficulter dederim, quod præter Galenum^e Hippocrati quoque visum est, successione ad vacuum concedere tantillum chyli in arterias, ob allatas à Galeno rationes: ita eas ex instituto trahere chylum & corrivare in cor, id vero nullo modo dandum puto. Quis enim unquam credat subtilissimum sanguinem ex rudi, crudo & incocto chylo posse existere? Quis etiam non videat repugnare è diametro ingressui in cor chyli, valvulas principio aortæ affixas, quæ viam omnem reciprocā ab arteria in cor præcludunt? Quæ utraque ratio nequaquam aut recens aut mea est, sed tum ipsius Hippocr.^f, qui naturam ideo valvas magnæ arteriæ applicuisse scripsit, ne impurum alimentum, quo arteriæ circumfluunt, in cor veheretur, quod purissimo sanguine nutriri oportebat. Quod si illud quærat quispiam, si nec nutriantur eo, quod sic trahunt arteriæ, nec in cor ipsum deferant, quo illud concedat? facile ei Galenus^g responderit, arterias, quemadmodum, cum dilatantur, trahunt quod vicinum est sibi, ita dum constriunguntur, vicissim quod sic traxere, expellere. Quam responsionem, præter alia, vel aër in pulmonem per stata diastoles & systoles intervalla inductus vicissim & redditus, nec absurdo fortassis, nec levissimo indicio confirmet.

Argumenta Varolii leviora sunt, quam ut negocium facessere cuiquam merito debeant. Per

vias inconspicuas & cæcas multa alia, eaque non minus, quam hoc, quo de agimus, miranda moliri naturam, tum exemplis plurimis Galenus^h ostendit, tum Hippocratesⁱ auctoritate, cui totum corpus nostrum *συνανθῶν* est *ἡ ἐμπανθῶν*, docemur. Quid igitur prohibet tales quoque è dextro cordis sinu in sinistrum per septum ejus cum Galeno ob eas, quas adducit^k rationes, statuere. Accedit, quod istæ viæ etsi in mortuis, ut aliæ plurimæ, parum cernuntur, quod in his, ut Galenus ibidem ait, omnia sunt perfrigerata & densata; in vivis tamen, quis præstabit, aut nullas eas esse, aut non manifestas ac patentes? Sed fac esse etiam, nulla sint hæc Gal. in septo cordis foramina, neque sic tamen deerit fortassis alia & commodior via sanguini venoso à dextro in sinistrum ventriculum traducendo? Mihi sane nequaquam absurdum videtur, cum sanguinem, qui per venam arteriosam in pulmones è dextro cordis sinu effunditur, ibi assiduo eorum verberare extenuatum cum aëre, altera vitalis spiritus materia, in ventriculum sinistrum relabi. quā viam forte nec Galenus ignoravit. Sed hæc examinare fusius non est hujus loci.

Quæ de umbilicalibus arteriis adferuntur, ea nihil prorsus aut veri aut sani habent, & qua affirmantur facilitate, eadem negantur. Nec enim materni sanguinis ullam rationem habere chylus potest, quem concedere in sanguinem demum oportet; nec mesaraicæ arteriæ umbilicalibus ullo modo aut succedunt aut respondent. Quomodo enim succedant sibi respondeantve tam diversi succi, quales sunt chylus & maternus spiritus, ad tam diversum locum, quales sunt pulmo & cordis sinus, delatrices arteriæ? Nam, ut semel rem dicam, ad cordis ventres (quos plane in foetu ociosos esse, & nec pulsare per se, nec ullos spiritus aut sanguinem progignere ostendam, Deo volente, alibi fuse) nihil prorsus per arteriam aortam, cui continuæ sunt umbilicales, defertur; sed ad pulmones tantum, fabricato eam in rem à natura de industria canali, qui arteriam magnam cum vena arteriosa committit, ne quippiam, quod pulmonibus debebatur, in ventriculos cordis effundatur, ut præclare nos jam olim Galenus^l docuit.

Arteriarum vero illa copia, quæ ultimi argumenti loco erat, cur opus habuerint intestina, jam supra in communi earum usu declaratum est.

De Erasistrati observatione dicam mox loco aptiore. Nunc id satis est nosse, deceptum eum, non arterias, habuisse pro arteriis.

C A P. VII.

Pauca de Nervis Mesaraicis. Eorum Numerus. Magnitudo. Progressus. Insertio. Principium quæ originis, quæ divisionis. Vfus. Laudatus Fallopius. Fernellius reprehensus. Arteriis cur contigui isti nervi.

DE Nervis Mesaraicis pauca dicenda sunt. Quare hoc capite omni eorum negotio defungemur. Multos eos esse, & venis, præcipue autem arteriis adjacere membranæ modo dilatatos, autopsia docet. Sed & exiguos esse, præter Galeni^a auctoritatem, eadem autopsia perspicue ostendit. Constat præterea non secus ac venas & arterias custodiæ causa, inter duas mesenterii tunicas, in intestina quinque propagari (nam duodenum,

^a c. 4 alius 5.

^b 4. de part. c. 4.

^c l. 3. sue Anatom. c. 4.

^d lib. An sanguis c. 5 & 7. Anat. 16. in fin.

^e l. de corde.

^f lib. jam citato.

^g 3. Fac. Nat. 13. in fine, & de usu puls. c. 4 & 5.

^h 7. aph. 54. i lib. de alimento.

^k 3. Fac. nat. 15. & 6. us. part. 17.

^l 6. us. p. 20. & 21. & 15. us. part. 6.

^a 6. Anat. adm. 6. 5. us. part. 2. & 10.

denum, si quos habet, à nervis habet oris ventriculi inferioris) & singulos singulis revolutionibus inferi.

Principium in iis duplex considerari potest, aliud divisionis, aliud originis. De illo Galenus^b, & recte, idem sortitos esse cum principio arteriarum & venarum mesaraicarum. *Causa*, inquit, *quia nulum ab illo habebat locum aptiorem alium nervus, unde germen, quod ad hepar erat propagandum, tutius emitteretur*, De isto aliquid disputationis est. Galenus simpliciter à sexto nervorum pari deducit. Vesalius^d, & cum eo Paræus^e, ac alii plures, paulo distinctius ab iis sexti paris derivant, qui à cervice orti costarum radicibus exporriguntur. Sed recte advertit Fallopius^f, & ab illis & aliis præterea ejusdem sexti paris, qua ad diaphragma, qua ad ventriculi os superius pertinentibus, auctis tamen in progressu cum ab aliis, tum à lumborum nervis, propagari atque profeminari.

Vfus eorum quatenus Mesenterio & intestinis inseruntur, unus & communis est, animale, hoc est, sentientem vim à cerebro manantem iis com-

municare. Qua egere illa & præsertim intestina, quicquid alii dicant, si non exquisita, at multiplice certe, satis illud ostendit, quod excretioni non sæcum modo, sed etiam totius corporis expurgationi destinata, eo officio fungi nullo modo possent destituta sensus ope atque adminiculo. Et hoc facit, quo minus Fernelio^g assentiar, putanti mesenterii inflammationes sine magno dolore consistere, cum solo gravitatis & ponderis aliquo sensu. Profecto enim tanta copia nervorum, qualis ibi est, tam obtusum sensum minime admittit. Qui à lumbis adjunguntur, ii, præter hunc usum particularem, illum quoque præbent, ut lumborum partes eorum beneficio quæ molestia afficiunt sentientes, irritata expultrice ea in intestina ablegent ac tempestive deponant. Arteriis vero contiguos esse eos natura voluit, ut sic contactu earum redditus calidiores melius illam, quam diximus, vim frigidis & exanguibus partibus communicarent. Atque de tribus Mesaraicarum vasorum generibus vulgo notis, eorumque consideratione hætenus.

P A R S S E C V N D A,

D E

Q V A R T O E T N O V O V A S O R V M

M E S A R A I C O R V M G E N E R E.

C A P. V I I I.

Dicendorum propositio, & ordo. Antecepta rei informatio, quæ Ciceroni?



Ræter tria illa vasorum genera Mesenterium peragrantium, quæ ad recensum jam duximus excussimusque, reliquum aliud est genus quartum, novum ac ignotum hætenus, & à me primo (quod relegata omni ambitione dixerim) ab hinc fere triennium, hoc est anno adeo c i c c x x i i casu magis (ut verum fatear) quam consilio aut data in id peculiari opera observatum. De hoc, pro eo, ac ab initio constituimus, agendum nobis in præsens est. Ageatur autem quam fieri potest accurate & diligenter, quod & inventi novitas postulat, & vi cogit, quæ novis comitari semper amat, rei ipsius difficultas. Quæ tota ut simul fiat quam planissima, simul via ac ordine procedat, quem ego rerum tractandarum animam usurpare atque appellare soleo, præmittam primum tanquam omnium, quæ disputabuntur deinceps sedem, seminarium ac fundamentum, inventionis illorum historiam, tum modice ea attingam, quæ ad absolutam eorundem perceptionem explicatamque scientiam, & ut Stoicorum verbo utar, comprehensionem oportet habere præcognita & veluti præscita, quod genus *περίγινωσκιν* Aristoteles^a, aut *πρόληψιν* dicere consuevit, Cicero^b anteceptam, sive anticipatam animo rei informationem reddidit. Demum ad illa veniam, quæ Anatomicæ contemplationis con-

siderationisque, sua ac propria rem totam continent, definiunt, & ad scientiam cognitionemque adducunt.

HISTORIA VASORVM CHYLI.

C A P. I X.

Historia primæ vasorum istorum inventionis cum fide narrata. Obiter multa notata ad illa recte sectione perquirendum.

Q V o d igitur ad historiam attinet, res hunc in modum acta est. Canem ad diem Iulii x x i i, ejusdem anni bene habitum, beneque pastum incidendum vivum sumpseram, amicorum quorundam rogatu, quibus recurrentes nervos videre forte placuerat. Ea nervorum demonstratione perfunctus cum essem, visum est eodem in cane eadem opera diaphragmatis quoque motum observare. Hoc dum conor, & eam in rem abdomen aperio, intestinaque cum ventriculo collecta in unum deorsum manu impello, plurimos repente, eosque tenuissimos candidissimosque, ceu funiculos per omne mesenterium & intestina insuavis propemodum propaginibus dispersos conspicio. Eos primo aspectu, nervos esse ratus, non magnopere moratus sum. Sed mox falsum me cognovi, dum nervos, qui ad intestina pertinent, distinctos à funiculis illis & longe diversos esse, ac seorsim præterea ferri animadverti. Quare rei novitate percussus, hæsi aliquandiu tacitus, cum menti varia occurrerent, quæ inter anatomicos versantur, de venis mesaraicis & eorum officio, plenæ non

Ioan. Costam.

Alexander
Tadinus &
Senator Se-
ptalius.

litium minus, quam verborum controversiæ. Et forte fortuna congruerat, ut paucis ante diebus, quendam de hoc argumento proprie scriptum, à Ioanne Costæo libellum evolverem. Vt me col- legi experiundi causa, adaucto acutissimo scalpello unum ex illis, & maiorem funiculum pertundo. Vix bene ferieram, & confestim liquorem album lactis aut cremoris instar profilire video. Quo vi- so, cum tenere lætitiā non possem, conversus ad eos, qui aderant, ALEXANDRUM TADI- NUM & SENATOREM SEPTALIUM imprimis, utrumque de amplissimo Medicorum Ordinis Col- legio, & cum hæc scriberem tuendæ publicæ sa- nitati Præfectum, εὐρηκα, inquam cum Archime- de, & simul ad rei tam insolitæ tam jucundum spectaculum invito ejus novitate ipsos quoque commotos. Verum eo diu frui non licuit. Expi- ravit mox inter hæc canis, & una (dictū mirum) omnis illa tot vasorum series congeriesque defe- cta candore suo, defecta succo, inter manus ipsas nostras ac pene inter oculos ita evanuit, vix ut ve- stigia sui relinqueret. Ea re permotus, rem iterata sectione experiri statui. Conquisitus ergo canis alius in diem posterum, & nulla interposita mora die eodem apertus. Porro minime ut spes, ita suc- cessus fuit. Nullum prorsus vel minimum album vasculum, quantacunque etiam diligentia perqui- renti, in conspectum sese dabat. Et jam abjici ani- mo ceperam, ac cogitare apud me, ne, quæ in ca- ne illo primo se obtulissent mihi, ex illis essent, quæ raro spectari in Anatome solebat Galenus no- ster dicere. Verum in memoriam revocans sic- cum & impastum fuisse canem, quem secandum arripueram, suspicatusque quod res erat, ne inte- stinorum inanitas, causa fuisset vasorum oblitera- tionis, etiam tertio rem periclitari volui, alio rur- sus in id comparato cane. Is sectus est ad diem vigesimum sextum, hora circiter sexta postquam cibus illi adhibitus affatim fuerat, & dum ultro fa- tietas caperet. Nihil fefellit expectatio. Omnia quæ primus luculenter & adamussim exhibuit, nisi quod citius etiam, quam in illo ac vivo dum, & candor vasorum obsolevit, & ipsa obscurata sunt. Confirmatus gemino hoc experimento, & nihil amplius de re ipsa ambigens, totum me dedi ad perquirendam eam, percipiendamque accuratius. In quam curam ita incubui, nulla ut temere heb- domada, certe nullus mensis abierit sine viva una aut altera sectione. Nec vero in canibus tantum, in brutis plurimis aliis factum periculum, in feli- bus, in agnis, qua lactentibus adhuc, qua herbam jam pascentibus. In vaccis præterea & porcis, ali-isque veritas exquisita. Quin equus etiam huic uni reiemptus & vivus exenteratus. Hominem vivum, quod tamen Erasistratus olim & Herophi- lus non timere, non incidi (fateor) nec incidam, qui nefas & piandum morte cum Celso existimo, præsidem salutis humanæ artem, pestem alicui, eamque atrocissimam inferre. Ita nihilominus, id- que pro certo statuo, quæ in tot brutis visa mihi sunt, iis fieri nullo modo posse, unus & solus ho- mo ut deficiatur. Quis enim unquam credat in re tam necessaria plus de bestiis, quam hominibus na- turam, communem omnium parentem, laborasse; & illis matrem, nobis novercam fuisse? In iis, quæ incidere licuit, nunquam spes mihi imposuit. In

V. Celsum in
Proemio Ar-
tis Med.

cunctis recte antea pastis & convenienti à pastu hora apertis perpetuo vasa ista inveni, si non in mesenterio aut intestinis, at in pancreate saltem, & qua venæ portæ illa sociantur. Clarissime au- tem semper in iis mesenterii conspexi, quæ adeps nullus obfarcit, qualia canum sunt, & felium & agnorum, atque equorum etiam. Nam in cæteris, quæ adipe circumfluunt, sapius illo, ut sub quo fere delitescunt, divulso tantisper distractoque, dum compareant, opus est. Tam in his vero, quam in reliquis, quæ præterea digna memoria alia, ut fit, ex aliis usu ac tractatione observata mihi sunt, ea suis in locis posterius reddentur. Hic enim bre- vem solummodo inventionis istorum vasorum hi- storiam dare libuit, quam verissimam esse testes dare locupletissimos possum, & vero do quotquot secanti adfuere. Adfuere autem plures semper, ac sapius viri graves cumprimis, & cum cæteræ om- nis eruditionis commendatione ac gloria, tum Medicinæ laude præstantes. Inter eos, quod glo- riari liceat, cujus solum nudumque nomen ut ad veram omnem laudem, ita ad fidem omnem ab- unde esse potest, LUDOVICUS SEPTALIUS, Medicorum ævi nostri absque controversia Prin- ceptus: & quem libenter ei jungo, ANDREAS TRE- VISIUS, Serenissimæ Infantis Archiater, nominis fama & doctrinæ abundantia nulli clarissimorum Medicorum secundus. Nunquam autem non ad- fuit, quem paulo ante nominavi, & nunc honoris causa iterum nomino, SENATOR SEPTALIUS, non paternis magis quam suis artibus clarior. Cui accessit postea in pari assiduitate ac animadversio- ne QUIRINUS CNOGLERUS AUSTRIUS, domesticus meus multis mihi nominibus carissi- mus, & nulli per Italiam celebriorum in literis & omni scientiarum genere virorum ignotus.

In quib. bra-
viissime per-
spicuum hoc
vasorum ge-
nus.Ludovicus
Septalius.Senator Se-
ptalius.Quirinus
Cnoglerus
Austrius.

PRÆNOSCENDA DE HIS VASIS.

C A P. X.

Prænoscenda ad absolutam horum vasorum perceptionem. Ea duo esse in re presenti, non plura. Notionem nomi- nis, & eorum ὑπαρξιν. Πρεγνώσεως ad rerum scien- tiam necessitas. Πρέληψις non est vox Epicuro pro- pria. τὸ ὄν potestate est tota scientia.

Purimum passim Aristoteles τῇ προγνώσει sive τῇ προλήψει (nec enim, ut Cicero^a putat, primo Epicuro hoc nominis debemus) idque merito suo tribuit. Et si enim nullam scientiæ partem per se illa facit, nec in ejus nomen venit, tantam vim tamen habet & tanti momenti est, ut cum omnis ab illa ceu à fonte scientia manet, tum sine illa nulla, ne inchoata quidem & rudis possit existere. Πᾶσι διδασκαλία καὶ πᾶσι μάθησις ἀναλογικὴ ἐκ προὔπαρξος γίνεται γνώσεως, Omnis doctrina & omnis di- sciplina dianoetica fit ex antecedente cognitione, ait Ari- stoteles^b. Quin Cicero^c longius etiam provectus, Sine ea (προλήψει) inquit, nec intelligi quicquam, nec queri, nec disputari potest. Hæc vero tanta cum sit ejus necessitas, tanta vis ac potestas, ne nobis qui- dem in re ista novorum vasorum, quæ veluti ma- teria ad cognoscendum nobis proponuntur, insu- per habenda est.

Verfabitur hæc in duobus tota, in explicanda evolvendæque nominis ipsorum notione, tum mon- stranda

a 1. de Nat.
Deor.b 1. Postor.
t. I.
c 1. de Nat.
Deor.

stranda testificandaque τῇ ὑπαρχῇ, quam existentiam melioris nos vocis inopia cogit appellare. Et si enim præter rem & materiam scientiæ subjectam (τὸ ὑπαρκέμενον ἡμῶν,) ea quoque quæ illi attribuuntur (τὰ παύει) & principia præterea, quorum vi & efficientia hæc de illo concluduntur (τὰ ἀξιόματ᾽) prænotiæ necesse est, tamen posteriora duo, quod nihil habeant in re præsentī nostra vel præcipuum, vel indigens propriæ animadversionis, ea malumus παραρῶν & præterire cum Aristotele, & cogitatione ac animo sumere, quam verbo & voce ponere, hoc est, frustra in nobis notis & per vulgatis tempus conterere.

Duo autem solum de primo prænotanda proponimus, quod præter summam, quam habent necessitatem, & præcipuam, quam adferunt utilitatem, omnis de re quacunque scientiæ subjecta prænotio, duobus illis absoluitur & continetur. Ita Aristoteles^b, *In omni re, quæ ad cognoscendum subjicitur, & quod sit* (ἵππ' ἐστὶ, seu ut alibi ἐστὶ) & *quid significet* (τὸ σημαίνει, seu τὸ ἐστὶ τὸ λεγόμενον) *præcipere animo & anticipare oportet*; quorum illud ad τὴν ὑπαρχῇ, hoc ad nominis notionem refertur. Iam Plato^c Cratylo, *verba de re nova, & sensibus antehac incomperta facturum, ne ferendum quidem censuit, nisi prius & esse eam doceret, & suo ac certo nomine appellaret. Nec Galenus noster dissentit, furere eos dicere solitus, qui aut nominis omīssa notatione, aut non firmiter præcepto τῷ ὅτι ἐστὶ, ad reliquum cognitionis ordinem aggredi auderent. Nec injuria id. Nam & à nominis notionē non parum sæpe in rei ipsius notitiam provehimur: & τὸ ὅτι omnis cognitionis primum, ac principium^d est; hoc est, ut placet principibus Philosophorum totum ipsum^e potestate; vel dimidium saltem totius, aut etiam plus^f dimidio. Sed rem ipsam videamus, ab informatione seu appellatione nominis exoriri.*

C A P. X I.

Data his vasis sua nomina. Eadem explicata, & stabilita consensu qua veterum, qua recentiorum. Novis rebus nova nomina quot modis poni possint. Vena alba Celsi. Vena lactea Arabum. Rhafis rejectus. Vena verbum bonis & antiquis auctoribus latissime patet. Ejus etymon. Lactes vox in rebus diversissimis usurpata ævo qua prisco, qua nostro. In eam rem compluscula adnotata. Plinii vulgata lectio defensa contra Dalechampium. Persio, & Horatio lux. Luporum lactes apud Lampridium. Ex Hippocrate Probi locus declaratus. Lactium Etymon non unum. Cicero obiter correctus. Scaliger laudatus. Gaza præter morem suum à Plinio dissidet.

NOvis rebus nova ponere nomina & licuit semper, & vero plane necessarium est. Id vero cum fieri posset modis inprimis tribus^a, ut aut ipsi nova inauditaque condamus; aut ea ex jam conditis, quæ nativæ^b Cicero vocat, transferamus reperiamusve derivatu, flexu, adjunctione; aut denique à re simili mutuemur. Postremus modus quod nobis ponere aliqua, ut cum Quintiliano^c loquar, quod prisca illi ac rudes homines fecerunt, non perinde fas est, absque omni controversia, cum melior est cæteris, tum securior. Hunc igitur sequutus ego vasa hæc aut lacteas, sive al-

bas venas, aut lactes etiam appellare soleo, nihil impediturus interim, si quis commodius nomen invenerit.

Appello venas albas, & lacteas. Si enim Celfo^d Vreteres, hoc est, urinæ vasa, sive quod non ru-berent, nigricarentve ut venæ cæteræ, sive quod succum albo proximum veherent venas albas appellare licuit; si Arabibus, si auctori^e de Anat. vivorum, venam, quam vulgo ad portam dicunt, in qua ne vestigium quidem ullius alboris unquam cernitur, lacteam venam vocare concessum fuit, eo solum, quod sibi persuaderent, lacteum succum e ventriculo allicere; non video, cur nostris his, quæ & verissime albescent sive candent potius & succum continent per omnia lacti simillimum, impertire hoc nomen nequeamus? Nequaquam enim Rhafis^f assentior, qui à venarum genere ac appellatione omnes rejicit ac excludit, quæ aut sanguine non circumfluunt, aut de Iecoris gibbo originem non capiunt. A substantia, structura, compositione, non ab eo quod continet, cujusque partis ratio petenda est. At hæc in nostris his venis omnia cum venis cæteris ita similia sunt, ut eadem possis dicere, si per seipsas spectes sine succo, quem gerunt inclusum. Ut taceam interim, quod non secus ac illæ, motu, quo attollunt se subinde & submitunt arteriæ, sunt destitutæ. Non ea religio veteres in usu hujus nominis habuit, Hippocratem^g, Platonem^h, Aristotelemⁱ, qui venarum vocabulo arterias etiam ipsas complecti sunt ausi: non item alios notæ optimæ auctores, qui & venam genitalem^j dixere, & venas^k arborum, venas aquæ, auri, argenti, venas denique ingenii^l, venas cujusque generis hominum, ætatis, ordinis, & quas non? Adde quod nec ἔτυμον^m huic significationi repugnat. Ex eo quippe dictam venam Grammatici volunt, quod quippiam per eam veniat, sive quod viaⁿ quædam sit, per quam aliquid comseat. Græci^o φλέβα vocant ἀπὸ τῆς φλεβῆν, quod est redundare re aliqua, seu plenum esse. Nec enim quicquam horum est, quod non in nostras quoque apte cadat & conveniat.

Lactium non idem est apud veteres & recentiores significatum. Veteres dupliciter fere usurpant. Plerique & majoris nominis auctores, pro intestinis gracilibus capiunt. Sic Plinius^p, *A ventriculo lactes in homine & ove, per quas labitur chylus, in cæteris ile.* Quo loco, ut obiter id notem, dupliciter errat Dalechampius^q, & quod idem esse lactes ac pantes contendit (qua in re panticum, etsi diverso à Dalechampsio modo, Scaliger quoque ipse falsus est, vix alias aut falli solitus, aut fallere) & quod è textu Pliniano expungit tanquam glossema, verba illa *in homine & ove*. Sic Plautus^r, sic Titinius^s Plauto antiquior agninas lactes dixerunt: & de homine idem Plautus^t, *Venio laxis lactibus*: ac Pomponius^u, *Oro te Basse per lactes tuas.* Glossæ veteres, Lactes λεπτά έντερα τῆς ἐχέφω, id est, *tenuia intestina hædorum*. Neque aliud Persius^v voluit, cum lactes unctas, id est, pingues dixit. Quo respexerit & Horatius fortassis^w illo versu,

Et canis à corio nunquam absterrebitur uncto.

Nam corium, δέγμα Græce, capi pro omni corpore membraneo, satis ex^x Aristotele mihi acceptum est, qui venarum tunicam hac ipsa causa coreaceam appellavit.

Sunt alii veterum, qui audaciore significato, sed tamen nostris quoque temporibus plerisque linguis familiari, pro eo succo accipiunt, quem per similem lacti in piscium marium ventriculis cernimus, quemque genitalem succum seu rorem appellare possumus, imo debemus. In hunc sensum apud Lampridium^a Luporum (ineptiunt hîc, qui Lupos quadrupedes somniant, λάβρακας intelligit, quos nos Varolos dicimus) & apud^b eundem, ac præterea apud^c Suetonium Murænarum lactes legimus, quo loci sermo illi est de Vitellii patina, patinarum maxima omnium quot fuerunt unquam, sunt, aut erunt, ut ille ait. Addit his duobus significatis^d Hermolaus, usurpari interdum eisdem veteribus pro locis, *quæ sub umbilico sunt in lateribus puberæ, delicata adeo, ut ferre plagam nequeant.* Atque hujus rei Probum laudat auctorem. Sed ego apud Probum locum istum adhuc quæro. Quod si est etiam, nihil tamen me movet, qui jam olim ex Hippocrate^e didici, eam esse gracilium intestinorum conditionem, ut omnis in illis *ἀσχεπὴ* sit *θανάσιδος*, id est, lethalis. Hæc igitur Probus intellexerit, pro ipsis, loco, quo jacent, per Metonymiam, descripto.

Iam recentiores multo etiam magis sunt in re hac Lactium, quam veteres varii. Alii Mesenterium esse Lactes volunt; quorum princeps Gaza est, qui ubicunque apud Arist.^f *μεσεντέριον* legitur, Lactes interpretatur. Columbus sic^g appellat, quod Græcis *πάγκρεας* est, sive *καλκήρεας*. Carolus^h Stephanus glandulas, quæ passim Mesenterium interstinguunt, hoc nomine afficit. Quiⁱ idem tamen, & cum eo^k Carpus, vulgares Mesaraicas ita nominari volunt, & sunt fortassis, qui alia quoque omnia sentiant.

Nos in ista tot significationum varietate ita censemus inter cætera, ad nullam rem aptius nomen hoc, quam ad venas nostras accommodari. Quid mirum autem, cum infinitæ sint res, ut ait Aristoteles^l, finita vero nomina, si unum nomen ad plura significanda transferatur? Cur vero ita sentiam, duo inprimis faciunt, Etymon, id est, notatio hujus nominis, quam Etymologiam quoque & interpretationem usurpamus; Cicero verbiloquium vocat (quod male vulgo veriloquium legunt.) Deinde veterum in appellandis hoc verbo intestinis gracilibus institutum, consilium atque ratio.

De Etymo. Volunt alii à labendo sic dictas, quod per eas chylus labatur, quæ notio vocis Plinio^m videtur placuisse. Alii à lacte deducunt, cuius similitudinem gerant in candore, mollitie & pinguitudine. Quidam, & meo sensu rectissime, ab exoleto verbo lacio, quod idem est ac allicio, derivant. Nulla harum est interpretationum, quæ in nostras istas venas non adamussim quadret ac expetat. Nam verissime, ut suo loco constabit, chylus per eas labitur; verissime idem ex intestinis ab iis lacitur, hoc est, sorbetur exhauriturque; denique, non lac ipsum magis simile lacti est, quam liquor, qui in illis cernitur. Iam veteres quis non facile existimet notissimo loquendi modo usos, quo quod continet, pro eo quod continetur, vulgo usurpamus, non alia causa magis donasse hoc nomine intestina gracilia, quam quod conferta illa lactescentibus istis venis, ignotis sibi, viderent in agnis præsertim & hœdis, per quorum intestina

ea copia ac ubertate conspiciuntur fusæ ac propagatæ, ut tota non nisi ex lactei cujusdam roris velut aspergine consistere videantur. Vnde non leviter meo quidem animo, etsi alio quam nos sensu, maximus & admirabilissimusⁿ Scaliger primum in agnitis positum hoc nomen suspicatur, & inde ad hominem opinione quadam similitudinis, ut solet, traductum. De recentioribus non est quod multum laboremus. Nihil nostræ sententiæ officunt, & facile adigi ad concordiam possunt. Qui enim vulgares Mesaraicas Lactes appellant, etsi non ferendum errant errorem, ut dicetur suo & proprio loco ac tempore, hoc ipso tamen pro nobis sunt. Nimirum enim ideo sic vocandas putant, quod allicere in sese ab intestinis chylum sibi persuadent. At qui eo ipso ostendunt, in nostras venas, quæ vere id muneris obeunt, & non in alias hoc nomen quam apte cadat & conveniat. Columbo vero ac Stephano facile largiemur, dici Lactes posse quæ illi volunt hætenus, si qua nos veteres diximus, eadem dicendi figura se ipsi quoque uti fateantur. Nam & glandulæ Mesenterii, & inprimis Pancreas, adeo Lactibus nostris scatent, ut vel levissimo tractatu compressuque digitorum magnam in vivis animalibus lactei liquoris copiam velut imbrem profundant. Atque eadem interpretationis benignitate Gaza quoque attolli potest; cum lactibus nostris Mesenterium nihilo quam Pancreas minus, fors magis etiam abundet. Quamquam ille fortassis non debuit à Plinio suo hic discedere, quem sibi in aliis veluti Cynosuram, quam sequeretur, constituerat. Nam quod Hermolaus in ejus excusationem adfert, Metonymia abusum continentis pro eo, quod continetur, nihil est. Nec enim in Mesenterio, sed à Mesenterio intestina continentur. Sed de nomine tantum est.

C A P. XII.

Quæsitum de vasorum nostrorum existentia. Primum, vere sint nec ne? Esse, monstratum fide sensus, & conclusum ratione. Sensuum veritas & evidentia præ omni ratione est. In eam rem Aristotelis & Galeni testimonia. Anatomicus non nisi oculis suis credere debet.

Post explanatam enodatamque rationem nominis, restat ea videamus, quæ ad τὸ εἶναι sive ad τὸ ὑπαρξαι, id est, existentiam attinent. De ea perquirenda nobis duo sunt. Primum, *Vere ne detur, & constet in re quantum hoc vasorum genus?* Alterum, *Si detur, vetus inventum sit, an novum?* Diversa hæc sunt, & genere à se disjuncta. Nec enim aut ex illo hoc efficitur, ut scilicet, si sint, etiam nota antiquioribus Medicis fuerint: aut vicissim ex hoc illud concluditur, ut non sint, si fuerint ignota.

Primum horum minime difficilem habet explicatum, & abunde jam Historiæ fide probatum^{*} est. Sensu enim eget, ut Aristoteles^a loquitur, qui id negat, & haud scio an poena etiam. Docet oculorum fides atque consuetudo plurimas (Vide fig. 1, 2, 3, B.) per omnem Mesenterii, abusque centro ejus, regionem, dispergi ramulos candentium vasorum, inde in intestina deferri, ad ipsa scindi in propagines pene infinitas, his propaginibus undique intestina ambiri ac comprehendi. Docet eadem manifeste distingui, dispararique à vasorum reliquo-

^a in Helio-
gabalo.

^b ibid.

^c in vita
Vitellii.

^d notis ad
Plin. II. c. 37.

^e 6. aph. 18.

^f 1. Hist. 16.

^g Hist. 4. 4.

de part. 4.

^h 1. II. Anat.

c. 6.

ⁱ 1. I. Anat.

8.

^j 1. 2. c. 7.

^k Com. 8. in
Mundin.

^l 1. Sophist.

c. 1.

^m II. Nat.

hist. c. 3.

lactes per quas
labitur cibum.

ⁿ apud Arist.
in 1. Hist. 16.

^{*} sup. c. 9.

^a 1. Top. 9.

: 25. 17. 3.
: fine.

Lioret.
b.†

8 Physf

3. de gener.

4 Simp. 18.

2. Simp. I.

9 de pl I.E.

de moris

$$\begin{aligned} &+ \text{Simp. 8.} \\ &\therefore \text{Simp. 1.} \end{aligned}$$

2. п.м. б.м.

a sect. 2. c. 4.
lib : ex 6.

b 1 m. p. c. 3.

d in ed. Ser.
rari com. 3
fol 78. in Fi-
cini f 179.
adud Galen.
com. in Ti-
mæo 16.

e apud Ser.
727 fol. 80.

3 f 4. de part. 4.

- 8 2. de Dec.
Decr.

Quæsitum alterum, Novum inventum sint, necne? Recte vidisse veteres alia chylo, alia sanguini deberi vasa; illa tamen ignorasse. Erasistratum novisse, nec agnovisse. Hippocrates, Plato, Aristoteles, Stoici, Herophilus, ipse Galenus, varie illustrati, & explicati. Item Pollux, Rhafis, quidam recentiores.

MAjoris operæ & negotii videri potest, de quo secundo loco quæsitum est. Quis enim facile credat tam expositam sensui rem, tam obviam, ita omnibus ante hunc diem, tanquam sepulta in tenebris esset, latuisse? Acedit, quod in hoc genere, & in hoc negotio ac pulvere nostro nihil frequentius, quam pessimo more & exemplo, novare de veteribus. Quod utinam paucioribus, quam expedit exemplis testatum posset fieri. Hæc tamen nihil moratus, ita breviter de re

ad partes easdem jecoris vicissim confluat, & in cavam venam confundatur: postremas denique, ipsam venam cavam, per quam ad cor perlatus idem sanguis in totum corpus ei nutriendo dividatur. Vbi notandum illud inprimis est, priores illas vias ne venarum quidem nomine eos dignatos.

a 4. n. p. 19.

b lib. de diff. sect. vultu.

c. 5.

c com. de an.

Iam Herophilus^a antiquus medicus, (& cui tantum Gal.^b in Anatome tribuit, ut ad exquisitissimam ejus cognitionem pervenisse dicat; quemque Tertullianus^c, ut hominis naturam cognosceret, septingenta cadavera incidisse scriptum reliquit,) duplex in Mesenterio venarum genus, ut supra etiam diximus, constituit, alias tendentes versus jecoris portas, cujus manus sint; alias proprias intestinis ipsis alendis, haud quaquam ad hepar trajicientes, sed in glandulosa quædam corpora finientes.

d 4. n. p. 19.

e in Onem.

f 1. ad Al-
manfor. c. de
venis & hep.

g l. 2. c. 10.
h fol. 129. &
177.

i l. 2. Anat.
k libello pre-
prio.

l 4. Anat. q. 5.
m 1. part. 4.
class. 3. art. 5.

Cum quo è recentiorum numero multis, Vaso, Paræo, aliis, ac forte Galeno ipsi convenit. Quin affirmat idem Galenus^d, suo quoque tempore non defuisse qui mirarentur, si audirent per quas venas prius distributio ad hepar facta esset, per easdem rursus benignum sanguinem recurrere. Atque ad hos omnes aggregari possunt, quotquot vulgatas Mesaraicas soli ducendo comportandoque ad hepar chylo dicatas contendunt. E quorum numero inter Græcos Pollux est^e, qui Mesenterium definit *ὁ μέγα το σπλὴν ἀναπέμποντα εἰς τὸ ἥπαρ*, id est, *membranam cibum transmittentem ad hepar*: inter Arabes Rhafis^f, qui ea ipsa causa, ne venas quidem esse concedit, sed canales tantum nominat: inter recentiores Theophilus Protospatharius^g, Stephanus^h, Benedictusⁱ, & alii plures apud Costæum^k, Laurentium^l, Mercatum^m.

Iam vero, quod secundo loco dixi, neminem horum agnovisse vera chyli vasa, hoc est, venas nostras, id multo facilius etiam ad probandum est. Constat liquidem ex iis quæ dicta sunt, plerosque eorum à vasis communibus illa sua derivare. Hippocratem à vena cava, Aristotelem ab eadem & præterea ab aorta: Herophilum, Rhafin, & qui cum eo sunt, ab ea, quæ ad portas dicitur; alios ut Stoicos, etsi sui generis ductus, sive vias constituere videntur, quales tamen sint, aut quæ iis origo, ne verbo quidem attingere. Quo ita explicato, ruat necesse est eorum opinio, qui saltem Rhafi non ignota fuisse existimant, eo quod à venarum numero illas, quæ chylo operantur, excluderit. Certissimum enim est, quas à venarum genere rejecit, eas non alias fuisse, quam quæ ad portas veteribus fuerunt indigitatæ. Quæ Rhafis sententia præter alia, hoc vel maximo urgetur incommodo, quod semel constituto, soli chylo ferendo vacare portæ venas, nullo modo doceri potest, quibus venis intestinorum & aliorum, quæ iis vicina sunt, viscerum nutritioni succurratur, cum à cava nullas prorsus pertinere ad illa vincat autopsia. Quæ autem de Lactea Arabum vena quidam adferunt, scire licet, neque illam à portæ venis aliam fuisse ab ipsis habitam, qui Lacteam non alia causa dixere, quam quod, falsa quadam veri opinione, lacteum è ventriculo ac intestinis ad se pellicere succum sunt arbitrati.

Denique nec minus verum illud est, quod addidi, visa quibusdam eorum fuisse, nec tamen cognita. Erasistratum enim & ejus affectas intelligo,

quem vidisse nostras venas, & suis ostendisse, ex duobus Galeni locis manifestum mihi est; quorum alter libro an sanguisⁿ, alter inde. Anatom. adm.ⁿ c. 5. legitur. Ex utroque enim liquet, ad probandum solum Spiritum in arteriis attineri, confluere autem post sanguinem vel aliam naturam quamcunque, experimento hoc Anatomico usum esse, quod in hædis nuper lactatis, si venter iunior & interior membrana dividantur, initio simul scilicet ac nudatum mesenterium fuerit, arteriæ *ἀποειδέσθαι*, id est, *aeræ*, mox plenæ lacte conspiciantur. Vidit igitur omnino Lactea hæc vasa, nec agnovit tamen, quippe quæ pro arteriis, deceptus veri quadam inani similitudine, habuerit. Ex quibus omnibus satis opinor patet, ignorata fuisse hæc vasa, quæ primi invenisse profiteamur.

o lib. 7. c. ult.
in fin.

C A P. XIV.

Ex occasione quaestiuiculae duæ. Prima: Quæ causam tamdiu latuerint? Triplicem videri. Excusati veteres, non Galenus, qui videtur nosse omnino debuisse. Secunda: Cur ita repente obliterentur & exoleant. Post plures causas allatas, res in medio relicta.

Videri jam poterat ad exitum Prænotionis omne negotium perductum, nisi velut in limite occurrerent, quæ sisterent adhuc & morarentur. Quærent enim plerique, *Qui fieri tandem potuerit, ut tamdiu latuerit vasorum istud genus, veteribus præsertim; eo usque in sectionibus deductis, nihil ut ad diligentiam nobis fecisse reliqui videantur?* Hæc quaestio omnino amolienda est, cum præsertim comitem aliam trahat longe obscurissimam & maxime arduam, *Quonam modo tam repente vasa illa exoleant & obliterentur.*

1. Igitur ignorationis veterum causam si quis petat, eam ego puto non difficulter ex Aristotele^a posse colligi, bonorum omnium nobis auctore, ut de Hippocrate dicebat Galenus. Hic enim perquirens, cur venarum ratio, natura & origo ita philosophorum veterum cognitionem fugisset? causam inter cæteras reddit, quod in jugulatis animalibus examen earum instituerint. *In his enim, inquit, quod effuso sanguine languescant & collabantur, natura principaliorum venarum abolita, pleraque occultari & obscurari necesse est.* Quare ipse in strangulatis potius perpendendas explorandasque præcipit. Simile quid nos dicere possumus, evenisse illis, de quibus agimus, ignorationem hanc, quod non in vivis, sed demortuis animalibus anatomes suas instituerint, in quibus has venas experientia docet ita confestim vanescere, ut omnem aspectum etiam attentissimum fallant atque effugiant. Potest etiam fieri ut viva secuerint, sed non suo tempore aut scilicet absoluta jam perfectaue, aut nedum tentata inchoataue chyli distributione atque ad hepar appulsu. Forte illud quoque iis imposuerit, quod me quoque primo intuitu induxit, quod nervorum implicationes arbitrati sunt, quæ erant Lactium. Quæ causa (aut ego vehementer decipior) recentiorum quibusdam fraudi fuit, qui nescio miram quam in Mesenterio ac intestinis congeriem, & tantum non infinitatem plurimorum eorumque insignium nervorum vidisse autumant; cum Galenus^b vix exiguos, imo plane exiguos eis tribuat.

b 6. Anat.

Ac pro aliis quidem hæc dici possunt. De Galeno

leno autem quid cogitem, prorsus ignoro. Qui enim sectiones vivas amplius sexcentas dederit, ut ipse quidem gloriatur, & plurima animalia à partu tam sæpe inciderit, ei fieri ne possit putandum est, ut nunquam sese venæ illæ in conspectum dederint? ut nunquam eas obvias habuerit, imo nunquam pervestigarit, cum præsertim exquirendæ totius rei maximam illi causam Erasistratus, de quo supra, præbuisset? Contra quem ita frigide ille^b disputat ac perplexe, ut judicare vix possis, quid ajat negere, & detne illi quod in experimentum sumit, an abnuat? Certe quidem nihil adfert, quo merito illum convincat. Id quod facile viderit, quicumque locum illum totum sedendo, quod ajunt, perlegerit expenderitque. In promptu enim est, & à quolibet inspicere potest. At facillima ei palma erat futura, si exploratæ ipsi venæ illæ fuissent, quas perperam arteriarum in loco Erasistratus habuerat.

II. Cur vero in mortuis, aut morientibus etiam, ita repente exhausto, qui in eis est, succo oblitterentur venæ istæ, ac sensum exolescentes destituant, quemadmodum supra in exemplo canis dixi? Id in iis, qui fato suo aut vi morbi pereunt, non magnopere fortassis mirandum sit, quod in illis constet gestiones omnes functionesque nutrientis animæ, quæ naturales medicis dicuntur, & inter quas nec minima illa chyli est confectio ac distributio, exoleatæ jacent, & cum ipsis veluti emoriuntur. At cur idem iis quoque usu veniat, qui vel sectione viva citra morbum, vel alias violente occumbunt, ejus rei rationem malim ab alio quovis discere, quam ipse temere quicquam tam obscura in re decernere. Est enim, ut de rebus cæteris plerisque, ita de hac longe verissimum illud Cottæ apud Ciceronem^d, multo esse facilius dicere quid non sentias, aut quare falsum sit quippiam, quam quid sentias, aut quare verum aliquid putes. I. Suspensus sum aliquando eo istud evenire, quod lacteo illo humore in auras mox abeunte sui tenuitate, dissipatoque concidant, collabanturque perexiles venulæ, & ita sensum frustrentur. Quam in sententiam ideo veneram, quod legisse apud Galenum^e memineram, roris tenuissimi instar rapi in Mesaraicas, quidquid esset in omni chylo subtilissimum. Sed coegit me res ipsa mutare sententiam. Cum enim periclitandi gratia, perrupta cultello una ex majoribus illis venis, liquorem, qui inde promanarat, in cochleare collegissem, animadverti non horas modo, sed diem etiam solito cum candore durasse. II. Quare alio animum divisi, & cogitare cœpi, ne ideo forsitan id fieret, quod, qui in venis illis stabulatur succus, is ad hepar mox diriperetur, tractu illius valido, sive etiam impulsu venarum, tum violento præterea motu, quo tunc animal agitur, novus vero alius nullus in locum ejus reponeretur, & sic venis perexiguus periret, quod videndas antea præstitisset. III. Alius quidam, nec indoctus & mihi peramicus existimavit simile quid esse hic ei, quod pulmonibus quoque videmus usu venire. Nam & illos, quo ad vita steterit, plurimo sanguine circumfluere; mortuo animali, omni repente defici, vanescente illo, velut in spongia, in visceris raritatibus. Etenim & Mesenterium, inquiebat ille, rarissimæ texturæ est (unde Mesaræi quoque nomen Galeno auctore invenit)

& glandulæ, quæ plurimæ in eo cernuntur, facile possunt diditum in venas succum in sese combibere, quo illæ privatæ, necessario se sui tenuitate sensui subducant.

Quas sententias proponere volui, non quod probarem omnino, sed ut sic, dato veluti signo aut posita in medio palma, quod ajunt, meliores aliorum elicerem,

„—functus vice cotis, acutum

„Reddere quæ ferrum valet, exfors ipsa secandi.

Horat. in Arte.

Sed de prænoscentis ad horum vasorum Anatomicam perceptionem, quæ dicenda erant, hunc habeant terminum.

ANATOMIE HORVM VASORVM.

C A P. X V.

Transitum ad ea, quæ Anatomies propria. Quid ea nobis? Tribus eam rebus absolvi. Quarum prima historia partis. Quæ quatuor quavis in parte perpendit. Aristoteles in his omnibus Galeno ὁμολογῶ.

Ultima nos ad se vocat laboris nostri pars, sed præcipua & longe maxima, vasorum nostrorum Anatomie. Intellico autem Anatomem, non quod nomen prima ipsa sui notione præfert, artificiosam partium corporis nostri sectionem: sed illud, cui præcipue significando Sapientum consilio, traductum paululum immutatumque à nativo suo significato, positum datumque est; habitum puta, seu scientiam, si ita mavis, quæ sectione adjuncta quicquid proprie inest in quaque parte, eamque complet & absolvit, via ac ratione perquirat, aperit, explicat. Sunt ea, quæ in parte quavis ita spectantur, tria omnino, etsi paucis plane aut, si verum amamus, nemini adhuc observata satis & perspecta. Ex his primum *structura* est, qua condita pars quæque seu fabricata conspicitur: eam Galenus sectionem^a, Aristoteles^b Historiam, Cicero^c partis descriptionem appellat: alterum, *actio* seu *functio*, *gestio*ve, quam ea ex se promittit: postremum *usus*, quem ad rite obeundum affert. Horum enim trium notitia Galenus^d omnem, ut ipse loquitur, naturæ membri ἐμπειρίαν peritiam definit. Nec in omni Aristotelis de animalibus tam varia & multiplici disputatione, quicquam reperire est, quod non ad horum trium aliquod referatur. Videamus breviter in re nostra præsentis singula, & ante omnia Historiam.

Huic enim principem esse præ reliquis locum, idem Galenus^e ex eo docet, quod vel *functionem* ipsa ostendit, vel *rationationes* ad ejus inventionem exhibet. Et idem quoque Aristoteles^f sentit, cujus hæc sunt: *Præcedere oportere, si methodo tractande sint partes animalium, historiam singularum. Hinc enim patere quibus de rebus, & ex quibus effici demonstrationes debeant. Et alibi^g: Debere Physicum, non secus ac Astronomum, primum ea intueri, quæ apparent in animalium genere, partesque singulas explorare; deinde vero quamobrem ita hæc sint, causas reddere. Explicat autem Historia ex eodem Galeno^h naturam membri. Natura autem intelligitur, cum hæc quatuor perspecta fuerint, id est, Substantia partisⁱ (quam & substantiæ proprietatem^j appellat;) Temperies ejusdem; Quæ temperiem consequuntur; Quæ accidunt^k, id est, Conformatio, Magnitudo, Nu-*

C c

merus,

a 3. Fac.
Nat. 4.

b 7. Anat.
anim. c. ult.

c sup. 6.9.

d 3. de Nat.
Deor.

e 3. Fac.
Nat. 13.

a 2. ad Glau.
l. 1. de loc.
aff. 1.
b lib. de hist.
anim.
c 1. de Nat.
Deor.
d ubi supra.

e lib. hist. de
anim. c. e par-
tib. anim.
de gener.

f 1. de loc. 1.
8. Anat.
adm. 1.
g 1. Hist. 6.

h 1. de par. 1.

i 1. ad Glau.
1.
k 9 Anat.
adm. 1. 1. de
loc. 1.
l 4. is. par. 12.
6. de placit. 8.
1. Fac. Nat. 6.
3. de Sympt.
caus. 1.
m 1. is. p. 9.

merus, & Situs. Quæ omnia nos quoque singillatim in his venis nostris perpendemus.

L A C T I V M,

seu

V E N A R V M L A C T E A R V M

Historia, sive Fabrica & Structura.

C A P. XVI.

Perpenditur horum vasorum Substantia: Sunt è genere venarum. Sunt partes compositæ & dissimilares, non similes & simplices. De Galeni & Aristotelis hac in re sententia cum cura inquisitum. Tuschii, Sylvii, Fallopii explosa. Partes componentes venam tres, Membrana, Fibra, Caro. Aristoteles iterum explicatus. notatus Capivaccius. rursus Fallopius, & cum eo Vesalius.

Substantia horum vasorum absque controversia venæ est, seu venosa, ut Anatomici loqui malunt (tab. 1, 2, 3, B. 4.N.) Cum venis enim & structuram & cætera, unum succum si demas qui per eas perlabitur, habere eadem jam supra diximus. Illud hîc quæstionem habet diu jactatam illam quidem, nunquam tamen satis explicatam. Substantia ista simplex sit & uniusmodi tota; an composita & diversis è partibus concreta? Ego posterius amplector, qui diu jam (nihil moratus quædam Galeni in contrarium^a loca, quibus non ex suo, sed veterum sensu agere eum perspicue ostendit loquendi modus & forma, qua plerisque eorum utitur, Similares dicuntur, similes appellantur, &c.) omnem venam, ut alibi docui pluribus, dissimilarem eodem cum Galeno statuo. Qui primum compositis manifeste annumerat, & partes etiam quæ componunt^b, recenset. Deinde organa corporis humani passim^c appellat; imo & organicas partes (ne quis argutari cum Fuchio, Sylvio possit aliud esse ὄργανον, aliud ὀργανικὸν μέρος.) Sunt autem opposita & adversa plane parti similari, & simplici non magis composita^d, quam ὄργανον^e, ac ὀργανικὸν^f μέρος^g: & ex Aristotele^h, omne ὀργανικὸν etiam dissimilare est ac compositum, & vicissim. Quod totidem verbis quoad compositionem etiam Galenusⁱ affirmat. Tertio ea illis tribuit, quæ non possunt tribui, nisi parti dissimilari ac compositæ^k; cujusmodi sunt, edere perfectam functionem^l; tentari per se morbis in compositione, figura, meatibus^m: tenere suam figuram & magnitudinem etiam extra omnem compositionemⁿ.

Quibus addi potest coronidis loco, ratio nunquam soluta, nunquam solvenda, & quam effugere conati sunt^o multi nullus effugit. Non qualibet pars venæ est venæ nomine ac definitione. Ergo dissimilari pars venæ est & composita. Hæc enim ipsissima est dissimilari partis apud Aristotelem^p, & Galenum^q definitio. Nam quod post omnes respondet Fallopius^r, esse quamlibet partem venæ venam, si venam sumas pro substantia venosa, ex qua formatur organum, non si pro organo ex eo formato, id est, sanguinis conceptaculo, id vero vanissimum commentum est, neque hujus fieri debet ἡ δακτύλων ἀποκρότημα^s, digitorum crepitus.

Primum hæc ipsa substantia & natura venæ est, esse organum distribuendi^t sanguinis, vel esse san-

guinis conceptaculum^u. Deinde substantia, ex qua conflatur vena organum, nequaquam vena est, sed venæ materia. Quomodo igitur dicitur, pars ejus quælibet vena? Sed nimirum faciendum, quod Chirurgo Fallopio fuit, ut in desperato ulcere tegeret linteo, quæ sanare non posset.

Porro, cum partes dissimilares dupliciter ita dicantur ex Aristotele^v, vel causa solius figuræ, etsi una sola constent parte similari (quo modo alibi idem Aristoteles^w figuram securis ait ipsam esse securis substantiam;) vel præterea ratione substantiæ ex pluribus similaribus conditæ. Venæ nostræ, ut & cæteræ, utroque modo dissimilares sunt. Nam & figura sua ac propria sunt præditæ, quod nemo negat; & præterea ex pluribus similaribus conflata^x habentur Anatomes, hoc est, ipsius sensus testimonio. Sunt autem partes istæ venam componentes tres omnino^y; fibræ, membranae, & super istas caro.

Membrana una iis & simplex est, qualis reliquis^z etiam venis ad arteriarum discrimen. Vna dico, si eam spectes, quæ ipsis peculiaris est ac propria. Nam qua extra hepar feruntur per Mesenterium ad intestina, aliam insuper ab eodem Mesenterio sibi adsciscunt, non secus ac Mesaraicæ^a vulgaritæ. Atque huc Aristoteles opinor respexit^b, cum venam dixit membrana & cute constare; intellecta membranæ nomine exteriori hac, cutis, interiori & propria. Sed & Galenus^c notat Anatomicos veteres interiorem & peculiarem membranam venæ tunicam propriè, exteriorem hanc & quæ istam ambit, membranam simpliciter nuncupasse. Capivaccius^d existimat adsciticiam hanc membranam Galenum spectasse, cum partem dissimilarem venam appellavit. Qua in re quantum ratio illum fugerit, & quam longe à Galeni mente abierit ex jam dictis planum est.

Fibras intelligimus, non quales in animalium quorundam sanguine reperiuntur, quas Aristoteles^e describit, & post eum Galenus^f etiam proponit: sed quas in genere substantiæ partium similarium idem Galenus^g connumerat, ex semine primum constitutas. Has venis omnibus negare videtur Fallopius^h, & ei, quod mireris, suffragatur tandem Vesaliusⁱ, is qui in magno suo opere non solum eas descripsit quam accuratissime, sed etiam pictura expressit. Quorum rationes ad recensum ducemus, cum agemus de venarum nostrarum usu. Eo enim pertinent. Nos ut in cæteris venis omnibus cum^j Galeno, ita in his quoque agnoscimus; easque omnium generum, rectas, transversas, obliquas, omnes in una illa venæ propria tunica, perquam tenui licet & subtili collocatas, seu ut Galenus^k loquitur, araneosis quibusdam extensionibus aptas inter se & nexas, ita tamen, ut rectis & transversis obliquæ sint pauciores.

Caro fibris circumjecta est, & tunica seu membranæ adnascitur, quæque inter illa sunt spacia, implet & infarcit^l. Est autem caro hæc ex eo carnis genere, quod innominatum Galenus^m dicit, & è quo singularum particularum substantiæ moles completur, quæ & perire & regigni potest.

C A P.

^a 6. de plac. 2.
ⁱ Fac. Nat. 6.
^{da} dif. mor. 3.

^b de inaq. in-
temp. c. 2. 10.
Meth. 11.
^c de dif. mor.
4. 2. usq. 19.
16. usq. 1. 1.
Meth. 6.
^d 4. usq. par.
16. 17.
^e 8. de plac. 4.
^f 1. de elem. 9.
^g de dif. mor.
bor. 3. de opt.
constitut. 2. 8.
de plac. 4.
^h 2. de part. 2.
ⁱ de dif. mor.
6. 2.
^k ibid. c. 3.
^l 4.
^m 1. Meth. 6.
de dif. mor. 7.
ⁿ de differ.
morb. 4.
^o de differ.
morb. 3.

^p Cardan. 1.
contra. Fuch.
in sua Meth.
Et in com. de
dif. mor.
Fallopi. lib. de
part. similar.
ol. 124.
^q 1. Hist. 1.
^r 1. de Anat.
circo. Spur. f.
36. 1. Meth.
6. 8. de plac.
c. 4.
^s ubi supra.

^t Gal. 1. usq.
16. de differ.
morb. 7.

^u Aristot. 3.
Hist. 19. 3. d
part. 5.

^v 2. de par.

^w 2. de anim
1. 8.

^x Gal. 10.
Meth. ult.

^y 2. de inaq. in
temp. c. 2. 2.
de Temper. 3
10. Meth. ult.

^z 6. usq. part.
11.

^a 7. Anat. 5

^b 3. Hist. 3.

^c 6. Ana. 11

^d Meth. Anat.
f. 61. in 4.

^e 3. Hist. 6.
2. de part. 4.
^f libr. Quon
animi mores
7. 2. de elem.
2.
^g 1. de Semi-
ne 10.
^h lib. obser-
vat. fol. 78.
ⁱ In exami-
ne observ.
Fallopii.

^j 3. Fac.
Nat. 11.

^k 10. Meth.
ult.

^l Gal. 10.
Meth. ult.
^m ibid.

C A P. XVII.

Explicata Temperies, & quæ eam consequuntur. Ioubertus obiter perstrictus. Galenus explicatus.

IN explicanda venarum nostrarum Temperie nihil est cur multi simus. Absque dubio frigida sunt (docet id earum color, de quo mox: docet expers sanguinis omnis natura, & præter ac ante hæc omnia, prima ex semine constitutio. Quippe frigida pars omnis *περμαλκή*, quicquid turbet Ioubertus, & qui ab eo sunt. Qua de re alibi Deo præsentem) & quidem venis vulgatis frigidiores; quod illarum contactu sanguinis, qui chylo citra controversiam calidior est, incalescunt, & tantum non ad medium temperamenti statum ^a veniunt. Id quod Galenus ^b sibi voluit, cum venam cute calidiorē dixit, quem locum frustra vexant, quibus id unum propositum, ne quicquam sani unquam Galenus dixisse videatur. Sunt etiam sicca, sed hæc tamen, ut quanto, teste Galeno ^c, venæ vulgaræ arteriis, tanto prope venis ipsis sicca sint minus. Si tamen inter se comparentur partes, ex quibus componuntur, membrana, fibra, & caro, frigidiores duæ priores, calidior caro censenda fuerit.

Consequitur hanc Temperiem primum albor, qui etiam remoto ab eis succo, major est quam in venis cæteris. Sunt enim venæ omnes exanguæ & albæ, quemadmodum cunctæ partes, quibus ex semine est origo. Sequitur item materiæ naturæque tenuitas ac subtilitas ubique insignis illa quidem, sed in hepatis ipso viscere multo etiam insignior. Comitantur præterea teneritas, levitas, raritas hæc tamen, ut quanto vena portæ, cava, tanto venis mesaraicis; quæ à porta communiter dicta derivantur, laxiores, rariores, leviores videantur. Nec plura hic observare est, & horum ipsorum pleraque ad ea, quæ accidunt, referri quoque possunt.

C A P. XVIII.

Ex iis, quæ accidunt examinata I. Conformatio.

II. Magnitudo: *etsi minores portæ ramis, apparent tamen plenius.* III. Numerus. *Valvula in his vasis. Pro Columbo adversus Archangelum strenue propugnatum, cum cautione tamen addita.*

IN iis, quæ accidunt cuique parti, prima occurrit Conformatio, quæ in Figura, Asperitate & Lævitate, demum in Cavis & Meatibus cernitur.

I. Figura venæ hæ nostræ tereti sunt & oblonga (*tab. 1, 2, 3, 4,*) communi ipsis cum venis cæteris & arteriis etiam.

Sunt præterea Lævæ in extima superficie præsertim. Nam interior ob fibrarum, quem diximus, implexum textumque ad inæquabilitatem quandam & tanquam asperitatem accedere videtur non contemnendo usu, ut suo loco aperiemus.

Cavæ quoque sunt & meatus suos habent atque canales in fistulæ modum (cum qua non inepte comparari possunt,) etsi perangustos, præcipue qua ad intestina pertinent & per hepar incedunt. In his illud admiratione dignum, quod pluribus valvulis sive ostioliis interstincti sunt sive intercisi, quas ego valvulas sæpius vanescente jam

chylo, instar minutissimorum veluti marsupiorum, aut concretarum guttularum stillarumve dependere ex illis, non modo qua committuntur intestinis, sed etiam in reliquo ductu animadverti. Quæ res facit, ut quas extrema ora unicuique mesaraicarum alterius & vulgati generis, qua in intestina finiunt, Columbus ^a apposuit, rejiciendas temere nequaquam existimem: hac tamen inter utrasque constituta dissimilitudine & differentia, ut illarum Columbi foris intro ferantur, nostræ contra intus foras spectent. In qua sententia eo confirmor magis, quo acrius illas & validius oppugnari ab Archangelo ^b intelligo. Ait enim ille. In punctum venæ illæ desinunt. Puncto autem, quæ valvula adfigi potest? Addit, si dentur hæc valvula, fore ut nec sanguis ad alenda intestina egredi e venis illis possit, nec depurgari per illas, & depleri noxiis humoribus corpus. Tandem, cur non sunt, inquit, additæ venis etiam partium singularum, ne semel haustum alimentum remeet ab illis & refundatur? Nihil prorsus, si quid ego modo judico, hæc argumenta conficiunt. Folia farfari, ait ille. Primum, quæro ego ex Archangelo, si in punctum finiunt illæ venæ, quomodo cavæ sunt? quomodo chylum accipiunt? Si hæc possunt, imo si hæc habent, quid impedit habere etiam valvulam? Quod secundo loco contradicit, Columbum quidem recte premit, qui & ferre ab intestinis venas illas, & ad eadem deferre existimat. Nobis nihil negotii exhibet, qui solum posterius illis tribuimus. Sic enim recte simul sanguis & humoris recrementa transponi per eas in intestina possunt, & valvula tamen foris intro spectante arceri, ne regrediantur aut regurgitent. Nec tertia ratio melior est, deterior etiam, & *ἀσύγκλωστοι καὶ ἀσπληνῆς, male coherencia nectit*. Primum enim quis certiores nos fecit illarum partium venulis valvulas nullas adesse? Quin tu Archangele, gallinæ fili albæ, cui obire plusquam lynceis oculis, quæcunque vis quavis hora licet, id protinus nos doces. Deinde scit natura, etsi à nullo docta & artificiose tamen ambulans, quibus locis opus sit appositis valvulis, quibus non. Denique per fidem tuam, quid iis Archangele tibi usus est, qui partes omnes nutriti vis τῇ *ἡσυχίᾳ*. Possent dici plura. Sed *εὐήτης ὁ πρὸς εὐήθειαν τὸ λόγον λῶν ἐξείλετο*, stultum est stultas opiniones admovendum agitare. & vere Galenus ^d, *τὰ ἐχράτως ἡλίθια καὶ φρονεῖν μᾶλλον, ἢ ἐλέγχεσθαι προσήκει*, extreme stolidum contemnere magis, quam refutare expedit.

II. Quoad quantitatem perpetuæ & sibi continentes sunt omnes, nihil usquam abjunctum in iis aut dejectum. Nempe omnes partes sunt trunci unius, non secus ac venæ alteræ & etiam arteriæ, ut jam olim Aristoteles ^e advertit. Magnitudinem tamen æqualem non habent, aliis majoribus, aliis minoribus (*tab. 2, 3, B, 4, N,*) ut solet. Si tamen cum iis compares, quæ à porta, sive truncum, sive ramos spectes, non parum ab illis magnitudine vincuntur.

Illud observabile, quod etsi minores, in intestinis tamen longe plenius, quam illæ apparent (*ibid. G, H.*) Quod ego puto in chyli sive copiam, qua turgent, sive potius candorem referendum. Est enim candidi sive albi inprimis, visum commovere ac percutere. Copiam autem illam simul cum candore sæpe observavi plurimum augeri, utrin-

^a Anat. 1. 6. c. 1.

^b Anat. 13. 1.

^a Galen. 1. de Temper. ult. ^b ibid.

^c 5. Meth. 7. 1. de Temp. 9.

^c Arist. 3. de part. 2.

^d 1. de art. 9.

^e 2. de part. 9.

que intestinis, dum chylo adhuc tument, sursum deorsum compressis. Duplo enim fere quam antea & majores sic & candidiores cernebantur.

III. Ut vero magnitudine facile superantur à vulgatis, ita vicissim numero non parum illas excedunt, adeo ut prope altero tanto plures videantur. Quippe non solum eas comitantur, ubicunque sunt: sed pluribus locis, ubi illarum nulla cernitur, spatiis intermediis (*tab. 1, 2, 3, B.*) ipsæ nihilominus, & copiosis surculis veluti fruticant.

C A P. XIX.

Dictum distincte de harum venarum situ (συγγεσσι.) Considerata illarum tum Positio (ἵεσις,) tum communio cum partibus cæteris (κοινωνία.) In hac seorsum. Origo, Finis, Insertio, Progressus. An poris forata? Videri. Non tamen ἀνασφύσσει cum arteriis. Principium jecori, an Pancreati debeant? An venæ sint sui generis? Iugis jejuni intestini inanitatis vera causa. Galenus hic refutatus, & ex occasione Fallopius. Crusta intestinorum. Ventriculus his venis caret.

^a de diff. morb. 4. 1.
de loc. m.
aff. 1.
^b 2. de Nat. Deor.
c lib. 8.
d 4. Noct.
Attic. 1.

Itus nomine (συγγεσσις Græce) duo Galenus ^a complectitur: ἵεσιν, quam cum Cicerone ^b positionem, seu positum cum Celso ^c (Gellius ^d posituram dicere ausus est;) & κοινωνίαν, quam communionem seu communitatem reddere possumus.

Positionem simpliciter si spectes, in ventre inferiori (quemadmodum ipsa quoque quæ à portis jecoris nomen invenit) venæ istæ sitæ sunt, ita ut nullibi illas extra eum, sicuti nec eas, quæ à porta proficiscuntur, sit invenire. Sin compares ad Mesaraicas vulgares, sic quemadmodum arteriæ magis quam illæ ^e, quod majoris sint momenti; ita, eadem causa, istæ magis quam vasa nostra in profundo sunt abditæ. Vnde non paucis locis videntur transcendere vulgatas, & super illas incedere, (*tab. 1, 2, 3, B.*) An vero quod de vulgatis Galenus ^f, jungi eas per poros, quos vocant, arteriis, ut spiritu ab iis augeantur, id in has quoque nostras conveniat, ejus nihil adhuc observavi. Putem tamen, saltem qua junctim cum arteriis ferri videntur, eorum participes, aut potius non experes, quod rei natura postulare illos videatur. Occultas autem illas ἀνασφύσεις cum arteriis, quas idem Galenus ^g suis venis tribuit, & quorum beneficio fieri ait, ut ab illis in has sanguis transmutatur, ac ultro citroque commeet, in nostris non agnosco, solo albo humore semper confertis.

^f de dissect. venar. c. 2.

^g 16. us. par. 11. & 12.

Communio tria comprehendit, principium, finem, & intermedium utrinque ab illo ad hunc progressum. Cum triplici enim partium genere intercedere communio & consociatio parti cuilibet potest; cum iis, à quibus ducit originem; cum iis, in quas finit; cum iis, per quas progreditur.

De Origine horum vasorum (intelligo autem semper originem seu dispensationis, seu eam quam Hippocrates de alim. appellat radicationis, ριζώσεως) nihil quod firmiter adhuc dicam, habeo, nisi illud generatim, ibi necessario esse hoc originis principium, ubi truncus sit, sive earum stipes aut caudex. At hic ubi sit loci, mihi adhuc incompertum est, etsi ut comperire possem nihil non haftenus feci. Possit quis non inepte fortassis à Pancreate earum originem petere, quod ibi in unum

omnes coire, indeque tum deorsum, tum sursum ad hepar porrigi appareant (*tab. 1, & 2, C.*) Maxima sane glandula est Pancreas; & colore istis venis, haut absimili. Tum venæ ipsæ hæ, nescio quid ibi habent præcipui propriique, miris anfractibus, gyris, flexibus toto ejus corpore intextæ, & quibusdam veluti sive cancellis sive reticulis, ut in transfennis solet, aliæ in alias impeditæ ac implicatæ, quemadmodum plenius mox dicetur. Adde, quod majoris momenti est, duos ramos, interdum plures, qui ab illo seorsum ad ipsum usque hepatis fissum ascendunt (*tab. 2, M, N.*) in nullum unum, qui mihi quidem cognitus adhuc sit, coalescentes. In contrarium tamen facit, quod omnino videntur in jecoris gratiam extitisse; cujus manus sunt, ut de suis Mesaraicis Galenus ^h dicebat; cui denique materiam subministrant ab eo in omne corpus dividendam, non secus ac in foetu vena umbilicalis, quam constat plane jecoris esse germen & propaginem. Sed hæc in medio relinquuntur.

^h 5. de loc. 7.

Faciliori negotio, ni fallor, illud expediri potest, quo quaeritur; An, posito, originem à jecore ducere, sui generis venæ sint an portæ quædam ἀποφύσεις sive ἐκφύσεις, ad eum modum, quo umbilicalis ex veriori sententia. Omnino enim rectius est prius, sui generis esse venas. Nam & cum porta, utrinque latera ejus stipantes, à Pancreate ad hepatis sima usque diversæ semper & distinctæ ab ejus trunco incedunt (*tab. 3, & 4, M, N.*) & inde in hepar receptæ, per ejus carnes, nullo prorsus cum eadem porta commercio, nulla confusione, dissipantur absumunturque (*tab. 4, N, O.*) ut in equi jocinore non obscure observare memini.

Finis horum vasorum ibi est, ubi & insertio. Inferuntur in omnia intestina, etiam duodenum, ad discrimen vulgarum, nulla interim penitus ex eis vel minima ad ventriculum delata. Plurimæ in gracilia insistant, præsertim in jejunum, quod hila sive hiram Varronem ⁱ dixisse existimant. Quæ præter succi in eo tenuitatem, nondum (ut in fluxus sui principio) spissati satis coactique, una & vera causa est, cur id vacuum semper cibo & inane diffecantibus offeratur. Nam quam aliam ^k proponunt, jecoris viciniam, ea quem locum habere possit, nullus video. Ut enim loco vicinum ei jecur sit, nihil tamen ab eo, ut nec à cæteris intestinis nisi per Mesenterium & quæ in eo sunt, Lactes potest accipere. At hæ, si non longiori, pari utique ac gracilium cæterorum tractu dissitæ sunt ab hepate & remotæ. Quid quod æque aut magis etiam propinquum est hepati duodenum, in quo tamen inanitas illa nequaquam cernitur. Qui vero ^l acumen quoque & acrimoniam affluentis in intestini ejus tunicam bilis, incitantem ad ea excernenda, quæ in ipsum illabuntur, pro causa advocant, minus etiam ferendi sunt. Nec enim unquam, nisi perfecta prorsus chyli distributione, cum scilicet depellendæ detergendæque cibi reliquæ sunt, in intestina bilis excidit, dum incorrupta sanitate corpus est, nec à statu suo motum. In quo hic perpetuus est ordo, ut primum percoquatur in chylum cibus, mox dividatur in hepar, ibi vertat in sanguinem secretus ab excrementis, demum sanguis per universum corpus didatur, & in suum locum excrementa quæque decedant.

ⁱ 4. de lingu. Latina.

^k Gal. 5. us. part. 3.

^l Gal. ibid.

Atque

Atque hæc ipsa ratio eadem opera Fallopii
^{a observ.} * quoque & Archangeli ^{b lect. 20. l. 2.} commentum evertit, qui
 volunt bilem ab hepate per declivem ac pro-
 prium ductum ad jejunum depelli quidem, etiam
 cum chylo adhuc operantur intestina, sed aditu
 prohibitam, occluso scilicet à chylo meatu, qui in
 jejunum pertusus est, ad vesiculam biliariam, quasi
 refutatam se referre. Sabini quod volunt, somni-
 ant. Liber vero præterea quærere ex ipsis, cum
 nulla valvula ad porum biliarium (χολοδοχον) ob-
 stet, & jejunum semper inane sit, quemadmodum
 in vesiculam potius repellatur, quam in intestinum
 se proluat, & chylum colore, & quod pejus est,
 viru suo inquinat ac contaminet? Cur item in fœ-
 tu, qui nunquam edit; cur in iis, qui perierunt ine-
 dia, in quorum intestinis nihil est, quod bilem re-
 trumat, vesicula tamen turgens bile cernatur? Cer-
 te hæc jugulum petunt huic somnio, & quidem
 sine missione. Sed de iis fusius agere non est hu-
 jus loci.

Modus insertionis is ipse est, quem Galenus suis
 Mesaraicis deceptus dedit. Hæ enim illæ sunt ve-
 ræ venæ, quæ ad intestina instar hirudinum hiant,
 spongiosis capitulis, quæ radicum vicem obti-
 nent & in ipsam intestinorum capacitatem sese pe-
 netrant. Et si, ut nihil dissimulem, multis locis ex-
 pandi quoque per ipsa apparent. Desinunt vero
 in crustam, qua interior intestinorum gracilium
 tunica oblitur, rugosam & villosam serico non dis-
 similem, cui ex tertiæ coctionis excrementis pro-
 creationis suæ origo est, quæque primum exco-
 riata in dysenteria ex alvo excidit, ut jam aliis est
 observatum.

Progressus earum, quantum mihi cognoscere
 datum fuit hætenus, hic est. Ab intestinis (hunc
 enim progressum sumo, ut mihi notiosem) per
 Mesenterium (tab. 1, 2,) obliquo ductu inter duas
 ejus tunicas, partim seorsum à vasis reliquis, par-
 tim cum illis una, modo recto ductu, modo ea-
 dem transcendentibus & veluti decussantes, per plu-
 res glandulas ad direptus ramorum præsertim
 collocatas, in Pancreas usque perferuntur. In Pan-
 create varie cancellorum (tab. 1, & 2, L,) in mo-
 dum, vel si ita mavis, specie retium aut capreolo-
 rum implexæ sibi mutuo & corpore confusæ, in
 plurimos eosque inexplicabiles gyros anfractus-
 que hac illac, fere ut in labyrinthis aut mæandris
 intorquentur. Ab eo rursus majoribus jam ramis
 per portæ latera, quam quibusdam locis corollæ
 instar, sive annuli incingunt (tab. 3, R,) ambiunt-
 que, missis quandoque etiam ad cavam propagi-
 nibus (tab. 3, M,) in jecoris cava subeunt. Inde il-
 latæ in hepar ipsum, & discissæ in minutissimas fi-
 bras, veluti quædam capillamenta (tab. 4, M, O,) in
 ejus carnem quaquaversum tamdiu dispergun-
 tur disseminanturque, dum prorsus obliterentur.
 Atque hæc quidem historia & descriptio harum
 partium est.

LACTIVM SEV VENARVM Lactearum Actio.

C A P. X X.

*Actio partis antecedit usum. Quid ea nobis in re præsen-
 ti? Quotuplex? Agendum de ea Anatomico quam
 diligentissime, & cur?*

Sequitur Historiam seu Structuram ^{a 2. usq. p. 7.} Actio, ^{b 6. usq. p. 12.} Vsum vero præcedit. ^{2. Anat. 2.} Vt enim sine Historia
 Actionem cognoscere non est; ita nec Vsum sine
 Actione. Ejus naturam, vim, varietatem defi-
 niendo dividendoque aperire atque explanare,
 nec fert instituti nostri ratio, & res est longior diffi-
 ciliorque, quam ut paucis tota transigi possit. Egi-
 mus de re utilissima & haud scio, an unquam satis
 explicata, alibi. Nunc id dicere sufficit. Actio-
 nem partis intelligere nos cum Galeno ^{c 2. usq. p. 7.} κίνησιν δεχ-
 σιν, ^{d 6. de plac. 1.} motionem efficientem, id est, efficienter à par-
 te ipsa profectam, non ab alio: (id enim vere age-
 re dicitur, quod ex se ipsa, motum ^{e 1. de loc. 3.} obtinet) cæ-
 terum non id solum, sed cum hoc addito, ut sit
 naturæ conjuncta, quod vulgo dicunt esse secun-
 dum naturam. Quæ enim talis non est, ut immo-
 deratus arteriarum motus, quem pulsus vocant,
 vitiosus crurum incessus, & similia, affectio magis
 quam actio censenda est. De hac diligenter cum-
 primis agendum nobis. Vt enim recte Galenus
^{f 6. de plac. 1.} in essentiam cujuslibet instrumenti deducimur, non tam
^{g 8. de plac. 1.} ex fabrica, quam ex actione. Et sine actione, inquit
 Aristoteles ^{h 6. Meth. 7.}, nulla pars recte definitur. Vnde quæ
 actione privata est pars, nisi ^{i 1. Pol. 1.} ὁμωνύμως <sup>k de util. ra-
 sp. c. 1.</sup> pars non
 appellatur. Iam cum duplex actio ^{l 9. x. 2. 2.} partium sit,
 una communis omnibus, quæ & principalis dicitur,
 & prima, & per se actio, Nutritio puta, qua
 sibi ipsi pars quæque ^{m 1. Meth. 6.} consulit, familiaria attra-
 hendo adjiciendoque, aliena pellendo & abjicien-
 do: altera propria ^{n 9. x. 2. 2.} instrumentorum, quam se-
 cundariam vocant & consequentem, quasi quæ
 ad illam primam accedat, ad totius utilitatem
 comparata; nobis utique, qui venas has in instru-
 mentorum numero collocaverimus, utraque exa-
 minanda est.

C A P. X X I.

*De actione Lactium communi, quæ Nutritio est. Non ali-
 eas chylo, sed sanguine. Galeni in declaranda nutritio-
 ne ventriculi & intestinorum mira inconstantia, &
 quæ frustra excusatur. Recentiores, qui chylo volunt ali-
 cum suis rationibus explosi. Nutritio perfecta, imper-
 fecta, ἀπόλαυσις, Satura quid? Massa, & Archangeli
 notati. Magni cujusdam Anatomici novum in-
 ventum examinatum. Qui sanguis alit, qui non? quis
 ille, qui ultimum alimentum Aristoteli? Molestia fa-
 mis, cur mox ab ingesto cibo desinat? Ventriculus quo-
 modo sibi laboret, quomodo partibus aliis.*

Ali Lactes sive Lactes nostras, quæ prima est
 & communis omnium partium functio, nemo
 opinor in dubium revocaverit, oculorum fidem ac
 veritatem secutus.

Vivunt nimirum, vigentque vasa omnia anima-
 lis naturæ. Quod autem vivit, id omne etiam ali-
 tur, imo quia alitur, ideo vivit nunquam, nisi ala-
 tur, victurum, ut rectissime negaverit Aristote-
 les ^{4.}

a de respir.
c 17.

les^a, quicquam à nutritione vitam interesse, aut si quid intersit, illud totum non in re magis, quam in verbo & cogitatione seu ἐν τῷ λόγῳ esse positum. Hoc igitur cum certum ratumque sit, nec controversiam habet ullam, nec eget disputatione longiori: quemadmodum nec illud, alias præterea omnes functiones edere, quæ nutritioni continentes ac continuæ nec separari ab illa possunt, & naturam ejus omnem absolvent; cujusmodi sunt alimentum in sese prolicere; idem arcere, & continere; quod ejus purum probumque est, sibi adjungere; quod huic diversum ac contrarium prius discernere, mox etiam excernere.

Illud in quæstione esse potest. *Quod sit istud, quod alantur, cibumne, seu, ut vulgo loqui amant, chylus, an sanguis, an utrumque?* Si enim verum habet, ventriculum & intestina, quod in coquendo chylo digerendoque occupantur, chylo quoque naturæ lege atque ordine semper, sanguine vero non nisi per longiores inedia ali atque educari; eadem utique harum partium ratio fuerit, ut quæ ipsæ quoque chyli procurationi sunt addictæ. At enim chylo, quo diximus modo, nutriri ventriculum & intestina, ita certum acceptumque est Galeno, ut prodigio videri simile queat, esse qui aliter pronunciare audeant. Pluribus locis^b, & quidem totidem verbis, id affirmat. Nec momentum habet, quod regerunt quidam & contra disputant, nequaquam quod nos, sed id tantum velle Galenum, ἀπολάυειν, id est, voluptatis quendam levem nec duraturum fructum ex chylo capere, quod, inquit, verus interpret *voluptari* interpretatus est, Archangelus^c imperfecte, Massa^d secundo nutriti. ἀδὲν ὄντες, nihil sanum. Fracta vitra, & somniorum interpretamenta.

b de atra bile
c. 7. G. 4. 14.
p. 19. 3. Fac.
Nat. 13. init.

c lect. 16. l. 2.
d Ann. c. 14.

Primum quæro, quemadmodum appellant imperfectam nutritionem & secundariam, an ut passim dicimus esse puerum imperfectum hominem; & rei magnitudinem, figuram, intervallum, alia his similia, secundo loco seu ut ipsi, secundo videntibus nobis percipi. At sic nihil minus quam quæ volunt, effecerint, ut scilicet vere & proprie nutritio non sit illa ex chylo Galenica ἀπολάυσις. Quin vera maxime & germana prorsus ita fuerit, non secus quam & puer verus est ac germanus homo; & vere ac proprie rei magnitudo & cætera, quæ diximus, aspectu oculorum accipiuntur. At enim non hoc inquit, volumus, quod tu infimulas; aliud est, quod intelligimus. Quin mittunt igitur ænigmata & humane, hoc est, plane & aperte loquuntur, nosque participes faciunt suæ sapientiæ? Quo (malum!) griphi & scrupi in re clara? Non omnes Hortensii sumus, aut sphingem domi habemus, & inique injurius est, ait ille^e, qui suæ intelligentiæ interpretari alios æquum censet.

e Plautum.

Iam de ἀπολάυσις quæ jactant, *Cui non notus Hyllus?* Et si enim voluptas interdum, seu voluptaria oblectatio, subiecta notio huic verbo est, non minus tamen & sæpius nutritionem, eamque veram & perfectam significat, Medicis præsertim & Philosophis, in his Hippocrati, Aristoteli, Theophrasto, Alexandro & aliis. Quorum in hanc rem testimonia & auctoritates quamvis magno numero & vero adferri possent, si id operæ sit precium. Non est. Abunde ipse, quid velit sibi Galenus aperit nobis, si nostri modo juris, nec opinionibus

mancipati sumus, qui ea omnia isti ex chylo ἀπολάυσις tribuit, quæ nisi in exactam & absolutam omnibus numeris nutritionem convenire nullo modo possunt. Ait, *saturari ventriculum chylo*^f. Ait, *Sua ipsius causa cibum suscipere*^g, ut eo tum fruatur, tum suppleat, quod sibi deficit. Ait, *Constringi ad cibos ventrem*^h, ut accommodatum sibi ex iis alimentum eliciat. Ait, *trahere & retinere, ut ejus, quod in qualitate conveniens consentiensque sibi est, aliquam partem capiat*. Ait, *quod in cibo optimum est, id halitus specie paulatim in sese allicere, sugendo in tunicas suas reponere*^k, iis adjungere, agglutinare, denique adsimilare^l. Nihil potuit clarius, nihil explicatius. Non urgeo verba toties inculcata iterataque, *nutrimenti, alimenti, ejus quod in qualitate conveniens est*, quæ ut extorqueri nulla ratione possint, torqueri tamen possunt. Illud petere libet à Medicis istis ἀπολάυσις, nutritionem qui tandem definiant? Nulla re alia puto, si Galenum modo suum audire volent, quam vel ejus^m, quod nutrit ad id quod nutritur assimilatione: vel ejus quod evacuaturⁿ, repletionem. Illius enim ista sunt. At utrumque horum, ut perspicuum ex dictis est, τῇ ἀπολάυσις idem tribuit, & quod repleatur per eam, quod decessit parti, & quod simile eidem reddat, quod ex chylo accessit. Peto amplius *Saturari* quid esse putent? Idem ait Galenus^o, quod apponi & affigi. Recte. Iam vero appositio & quæ huic naturæ lege semper comitatur, sive affixio sive agglutinatio quid sunt? Naturæ opera, respondet idem Galenus^p, assimilationi proxima, hoc est ejusmodi, quæ perpetuo cum ordine & modo natura agit, excipit ea, quæ^q genuina est nutritioni, assimilatio. At enim apponi chylum ventriculo & intestinis, affigi item & agglutinari pertendit Galenus. Quidni igitur assimiletur quoque? & si hoc, quidni nutriat? Rursus igitur vera & perfecta nutritio erit ἀπολάυσις.

Ita brevi & evidenter de Galeni sententia, simul tota nutritionis ventriculi & intestinorum conclusa res atque ratio est; simul patet, nihil in ἀπολάυσις voce aut argutiæ aut effugii esse loci.

Quid tu igitur, inquiet aliquis, ita sentis? Ego vero alia omnia, & hac sententia nihil esse vanius, nihil levius. An ergo ad Aristotelem abeo & Galenum ut clamant illi, prodo? Ne id quidem. (Et si quæ proditio esse potest, duos armatos cum videas^{*}, si ad fortiorem confugas?) Galenum hac quoque de re sumo judicem, ad ipsum provoco, sed ut anus illa à Rege^r Philippo, à dormiente ad vigilantem, hoc est, rectius alibi, ut solet, nec parum sæpe, & ad rationis præscriptum cum Aristotele philosophantem. Cum eo doceo, ut ceteras omnes partes, ita ventriculum quoque & intestina, & quod consequens his est, *Lactæas nostras non nisi sanguine ali, educari, sustentari*. Si enim aliter est, & si chylo naturæ perpetuo instituto ventriculus & intestina aluntur, quid est ô Galene (liceat enim mihi tuis te verbis convenire, & tanquam in re præsentit tecum agere) quid est, inquam, quod alibi Aristotelem^s laudas, qui sanguinem^t dixerit verum communeque ultimum partium omnium alimentum, & totius corporis^u materiam? quid quod ipse toties, sine ulla exceptione repetis, & ferri describique in omnes animalis partes ex jecore^x sanguinem, & ex eo sic descripto divisoque, suum & proprium nutrimentum^y singulis accedere? quod hepar principium

f 3. Fac. Nat.
7. 12. 13. 6.
de plac. 8. 2.
aph. 18.
g 4. de tuen
da ult.
h 6. de plac.
i 3. Fac. nat.

k 3. Fac. nat.
7. 11.
l ibi. 7. 13.

m 1. Fac. nat.
12. 3. de Tem.
per. 1. in fin.
n 1. aphor. 14.
4. Simpl. 10.

o 3. Fac. nat.
13.

p 1. Fac. nat.
11. in fin.

q Gal. ibid.

* Petron. Satyr.

r Plut. in ejus
vita & in
apophthegm.

s lib. Quod
animi mores.
c. 7.
t 2. de gener.
anim. c. 4.
u 3. de p. 5.
x 1. Fac. nat.
1. 1. ult. 3. de
symp. caus. 1.
4. ult. part. 13.
y 2. de plac. 8.
8. de plac. 4.
9. x. 1. 1. de
curat. per
sang. miss.

nutri-

a 5. de loc. 1. *nutrientis facultatis^a constituitur?* quod sanguinis transmutationem eam, quæ simpliciter optima est, ipsam partium animalis nutritionem^b definit? quod è sanguine animalis omnes partes^c & conditas primitus doces, & idem non negas, quod dicit^d Philosophus, iisdem aliis, quibus compagis nostræ prima origo debetur? Rursus si ali chylus ulla partium potest, quo ista pertinent tua, nihil nutrire posse, ne vinum quidem, etsi id, ut nutriat minimam omnium mutationem desiderat, nisi^e in ventriculo & jecore moram traxerit, nisi omnes, quæ in medio sunt mutationes^f transferat? non ex iis, quæ devorantur, sed ex iis, quæ confecta subactaque in ventre, in jecore mutata in sanguinem sunt, alimentum toti corpori^g suppeditari? Cur denique, ut ad rem nostram veniamus propius, nutrimentum, quod in ventre est, non nutrimentum, nec veluti nutrimentum, sed futurum modo nutrimentum, si concoquatur, cum Hippocrate^h pronuncias, hoc est, ut tu explicas, ⁱ maxime omnium æquivoce, & non re, sed nomine nutrimentum. Quid ista sibi volunt? ^k Fit post cibi sumptionem, ut & venæ simul ad cibos se convertant, & ventriculus ex iis, quantum prius per venas est exhaustum, in se ipsum trahat? Non enim hic manifeste ali sanguine ventriculum, & quidem perpetuo fateris? Nam & trahere ais ex venis (at quid trahat nisi sanguinem?) & fieri hoc postquam exuccatus est à venis chylus, sine ulla temporis aut necessitatis majoris præscriptione. Possent adferri docendæ huic rei ex Galeno multo plura, nisi ipsa hæc, quæ allata sunt, & multa jam essent, & satis superque quid sentiendum de Lactearum nostrarum nutritione ostenderent. Si enim chylus ali nulla protus corporis pars potest, ne illæ quidem, quæ naturæ veluti cognatione quadam jungi cum ipso videntur, dispensationi ejus procurationique præfectæ, ventriculus scilicet ac intestina; cur solas Lactearum, quæ neutiquam dispari cum ventre & intestinis tenentur servitutis lege, succus ille pascat, nulli parti reficiendæ reparandæque comparatus? Sanguine igitur ipsæ quoque alentur. Id quod præter dicta magis etiam venæ docent, quas junctas iis videmus, non solum, qua reliquis valis attiguæ sunt, sed etiam qua seorsim progrediuntur, etsi has exiles admodum, & prope capillares. (tab. 1, & 2, B, C. Est autem id quoque unum ex Galeni placitis^l, ad quam venæ pertineant partem, ei necessario pro nutrimento sanguinem esse.

Hæc vero omnia cum ita sint, nihil moror; miror potius recentioris cujusdam & maximi viri^m nuperam cogitationem, quam tanquam novum & præclarum inventum, tanta ille copia verborum, tanto apparatu proponit, ut non quod in faba pueri, sed Batti Sylphium putes reperisse, ea scilicet re frigida, exanguia, tenuia, à natura procreata intestina, ut pauculo iis esset opus chylus, quo alerentur, ne multo maxima ejus portio, si carnosæ essent, si calida crassaque, hepatis & cetero corporis usui subduceretur, intercepta ab iis, & in suam rem conversa. Est enim profecto hoc quoque novitium commentum unum ex multis, quæ vulgo hodie jactantur, de quibus usurpare illudⁿ Comici possis;

Qui utuntur vino vetere Sapientes puto,
Et qui libenter veteres spectant fabulas.
Nam nunc novæ, quæ prodeunt, Comædiæ
Multo sunt nequiores, quam nummi novi.

Atque de nutritione Lactium res dictum in mo-

dum habet. Quomodo autem Galenus purgari inconstantia, & manifesta contradictione vindicari possit, alii viderint, quibus Galenus τὰ πάντα omnia est, idemque ἀναμάρτη^o & labi nescius; quique, quicquid ille dicit id Delphis sibi responsum putant.

Οἱ γὰρ Φέρτεροι εἰσὶ νόστον τε κρῖναι τε,

Namque melius illi intelligunt & judicant.

Mihi ut ingenue fatear, aqua hic hæret. Quare ea de re καὶ Φημι ἃ ἀπόΦημι, & οὐκ ἔχω τὴν Φῶν, & ἀπο & nego, & quod dicam non habeo. Ego nihil scio, nisi nescio. Et certe non hac itat aut cadit Galeni existimatio. Quod enim adferri à quibusdam solet, velle quidem Galenum omnes partes nutriri sanguine, sed non solo omnes, ἀπερὶ δὲ οὐδὲν ἰμπερι- nens est, & τῇ ὑποθέσει δαλεῦν μόνον, hypothesi infervit tantum. Non enim id solum dicit, nutriri omnes partes sanguine; sed alia quoque & hoc imprimis^p, nihil nutrire posse, quod non per omnia coctionis instrumenta provecitum, excrementa omnia abjecerit ac deposuerit. Quod Galeni pronunciatum mirari subit, qui venire in mentem potuerit principi Anatomicorum nostri ævi, ut negare^q auderet? eo solo argumento, quod nec ipse sanguis excrementis suis vacet, & tamen nutriat. Nihil potest dici levius, nihil dilutius. Nec enim unquam, aut qui vere alit sanguis, hoc est, qui parti jam inolefscens speciem ejus & naturam induit, excrementis ullis permixtus est; aut qui permixtus est, id est, qui vel in venis adhuc coercetur, vel alendæ parti circumfunditur, vere alit. Atque hoc est, quod istum alimentum nomine Hippocrates & Galenus^r non audent afficere, sed veluti alimentum aut futurum alimentum appellant; illum vero Aristoteles^s ultimum alimentum nuncupat. Quæ qui minus intellexerunt, multis se salebris implicuere, quas complanare alibi conati sumus.

Verum hic error hujus viri alteri geminus est, quo ventriculum ali non sanguine, sed chylus conatus est efficere. Ita enim colligit. Fit chylus à tota ventriculi substantia. Ergo totam quoque nutrit. Hoc enim si placet, efficiam id quoque, ut nec cerebri, nec cor alantur sanguine. Ejus enim vestigiis, hoc modo rationem concludam. Fiunt vitales & animales spiritus à tota cordis & cerebri substantia. Spiritibus ergo cor & cerebrum aluntur, non sanguine. Simile in testibus, simile in utero audebo. Denique permitte semel mihi hanc concludendi licentiam, non minorem in agris nutritionis, quam olim in Arcadiæ aper Erymanthus stragem dederim.

Nec illæ ejus rationes meliores sunt, quamvis cum aliis ipsi^t communes. Prima. Ignobiliora sunt carne ventriculus & intestina. Chylus igitur debent ali. Non puto tam ignobilem ventriculum. Fac tamen esse. Quid fiet cartilaginibus, membranis, & ossibus? Imo, quid utrique vesicæ, omento, utero, aliis? Cur illa quoque nutriri chylus non oportebit?

Altera quæ tamen, ne quid dissimulem, Averroës^u quoque est. Cessat fames statim à cibo assumpto: Chylus igitur nutritur venter. Quid enim hic proposito consequens, quid consentaneum? Definit à cibo oblato famis molestia confestim, necdum tantillo chyli genito. Quomodo igitur ventre nutriendo famem chylus sedat, qui nondum est? Non ergo, quia nutritur mox à cibo venter, eo fames eximitur

o. 3. de Temper. 2. 1. Fac. nat. 11.

p. Aquapend. de Ventriculo l. 63.

q. Hipp. lib. de alim. Gal. 1. Fac. nat. 11. &c. r. 2. de geni. anim. 4.

t. Vega, & recentioribus quibusdam aliis.

u. 2. Collige: 69.

eximitur aut depellitur; sed ideo oblitescit tantisper, & veluti placatur mitigaturve, quia alio diltractus ille & operi incumbens suo, non sentit succum, famis causam. Quod non ineleganter quidam, etsi obscurius & sine apposita causa, dixerunt cessare famem animale, non naturalem.

a 2. *aph. 4c.*

Quid autem mirandum si, cum dolor dolorem^a, genere sibi similem, obscuret; voluptas, eaque major, dolorem sibi contrarium, eumque minorem extinguat? cum ita comparatum natura videamus, ut quemadmodum omnis detractio voluptatis consecutionem adfert doloris; ita omnis successio voluptatis, adferat amotionem doloris.

b 3. *Fac. nat.*
13.

Tertia, quæ tamen Galeni^b quoque putatur. *Nisi chylo alatur venter, efficitur agere illum ratione & consilio. Nec enim sibi laborabit, aut feret, sed aliis partibus.* Hic quoque plumbeo pugione pugnat. Multum abest, ut hoc efficiatur. Laborat aliis partibus publice, & Naturæ consilio, quæ provida cum sit utilitatum opportunitatumque omnium, incredibiliter hoc, ut cætera, quo scilicet totius necessitatibus ita consuleretur, est fabricata. Laborat sibi privatim & consilio suo, dum voluptati studet, quam ex ingesti cibi commercio & mutua tanquam cognatione percipere sentit.

Atque hoc est admirabile illud *μυχάνημα* seu *σφισμὶς* potius (qua licet indocta, nihil tamen est callidius) Naturæ, quo in deliniendis & velut inescandis per illecebras & nescio quæ lenocinia partibus illa utitur, quas alienis parere, quam suis usibus maluit, quibus detractis aut è rerum natura exemptis, nec stirpium genus ullum, nec animalium stare queat. Sed diu jam longior sum in explicanda Lactium hac communi actione, quam volui. Ad propriam venire tempus est.

C A P. X X I I.

De Propria Lactearum actione. Eam esse distributionem chyli ad jecur. Hanc componi ex tractu & pulsu. Qualis uterque motus, & quæ utriusque causæ principes, instrumentales? Διάδοσις & ἀνάδοσις quid differant? Trahentium duplex genus, item pellenitium. Tractum, qui fiat successione ad vacuum, nullum esse. Calor an instrumentum tractus? Hippocrates, auctor Finitio-num Medicarum, alii, explicati. Avicenna laudatus. Δοκίμιον & quidam obiter perstrictus.

Actio propria venarum nostrarum absque omni dubitatione chyli distributio est, & quidem distributio ad jecur. Quæ ut notat Galenus^a, ἀνάδοσις quibusdam dicitur, ad discrimen ejus distributionis, qua in totum sanguis describitur, quam iidem *Διάδοσιν* nominare malunt. *Est distributio.* Quidni? Vasa enim sunt. Omnia autem vasa^b distributionis instrumenta sunt. Sic venæ sanguinem distribuunt^c; arteriæ sanguinem^d cum spiritu vitali permixtum; nervi animale^e spiritum. *Est distributio chyli ad jecur.* Docet hoc sensus, qui chylo scatere deprehendit, & ad jecur recta ferri. Docet ratio, quod, ubi chylus nullus conficitur, ut in foetu, ibi hæ venæ non cernuntur, quia ociantur. Sed quid est hæc distributio? Nihil aliud, quam compositus ex tractu^f & pulsu motus. Trahere venas has ostendit earum cum intestinis commissio. Nec id minus ex valvulis, quæ affixæ iis sunt, perspicuum est.

a 1. *Fac. nat.*

6.

b 4. *us. p. 17.*c 1. *us. p. 16.*4. *us. part. 17.*de *diff. mor. 7.*Hip. de *locis in hom.*d 6. de *plac. 8.*e de *diff. nat.*

nerv. c. 8. 7. de

plac. 3. 5. 11.

p. 9. 7. 11. part.

14.

f 2. *Fac. nat.*

7.

Hiare enim ad intestina hirudinum more, ac esse radicum instar, jam diximus. Et hoc Galenus suis tribuit, quas falso ille deducendo chylo præfecerat. Quin Hippocrates^b omnem distributionem simpliciter tractu fieri docuit. Sed & pellere, sive transmittere, ex eodem Galeno^c intelligere est. Et vincit idem ratio, quod absque omni controversia chylus ille redundat in iis, ac superfluit. Est autem iste genius cujusque partis, ea vis, nihil redundans, nihil supervacuum unquam ut toleret^k, sed quantum conniti viribus ac robore potest, spernat à sese, & amolitur, & pellat. Nec obstat dictis, quod intestina pellere dicuntur in Mesaraicas^l, & jecur per eas trahere, iisque tanquam manibus^m uti. Quid enim prohibet, quominus simul omnia ista consistant? Exemplo juxta & argumento œsophagus esse potest, quem trahere & pellere, quis negare audeat, nisi idem sensum quoque neget? Et tamen non ipse minus ventriculi, quam jecoris Mesaraicæ venæ, manus appellatur, depulsumque à lingua accipere in se succum dicitur. Atque hinc illud Galeniⁿ est, *ventriculi expressionem* (tu adde intestinorum) *distributioni chyli principium præstare, reliquum progressum, tum venarum contractionem, tum partis, ad quam mittitur, tractum perficere.* Quocirca recte, meo animo, Iacobus de Partibus^o quadruplicem ex Avicenna motum ponit, quo chylus ad jecur promoveatur, impulsione intestinorum, tractum Mesaraicarum, impulsu earundem, & tractum hepatis.

g 1. *ag. c. 10.*4. *us. p. 2.*h lib. de *car.*

nib. & apud

Gal. 1. *Fac.*

nar. 1

i 2. *Fac. nat.*7. 4. de *tuena*in *fin.*k 3. *Fac. nat.*

11. 12.

l 6. de *loc. 3.*6. de *plac. 8.*m 5. de *loc. 7.*n 2. *Fac. nat.*

tur. 7.

o 1. 1. *doctr.*5. *sum. 5. 1.*p 7. *Phys.*

1. 10.

Porro cum duplex sit apud Aristotelem^p trahentium omnium & pellenitium genus; unum, quod motum trahit, aut pellit; aliud, quod immotum & quiescens; sane si sensus testimonio standum sit, posterioris utique generis tractus hic & pulsus, nostrarum venarum videri poterit. Sin ratio quoque in partem vocetur, consulaturque è structura earum deprompta, forte nec prior, etsi nobis perobscurus, denegandus iis fuerit, de qua re mox in usu dicturus sum.

Quomodo autem & à qua causa fiunt duo motus isti? De tractu antiqua est controversia, & multis ultro citroque rationibus agitata. Ut omit-tam Epicuri sententiam (quam apud Galenum^q, & apud Lucretium^r, etsi à Galeno discrepantem aliquantulum, legere unusquisque per se potest) Galenus, cum duplicem tractum statuisset^s, alium qui successione ad id quod vacuatur, alium qui qualitatibus, ut ipse loquitur convenientia fieret; cumque graviter Erasistratum reprehendisset, qui priore digestionem alimenti perpetrari contendere, ipse posteriorem amplectitur. Rectissime. Etsi in eo non parum peccat, aut certe valde populariter loquitur, cum successione ad id quod vacuatur, cum scilicet, ut quidque cesserit aliud illico subsequitur, tractus speciem putat constitui. Nam profecto, si verum quærimus, & rem totam limamus subtilius, atque ad libellam philosophicam exigimus, tantum abest, ut id, quod succedit ei quod vacuatum inanitumve est, trahi possit dici, ut ne cogitari quidem facile id queat. Quis enim aut vacuum trahere sine irrisu affirmet, aut, ab hoc si discedat, aliam hujus tractus causam manifesta sine vanitate comminiscatur? Verum non est nostrum ista *κτ' μίτον* hic prosequi, quæ vel ad finem spectant, quem propositum sibi habet id, quod trahit;

q 1. *Fac. nat.*

14.

r lib. de *Nat.*

tura 6.

s 3. *Fac. nat.*

14. & 15.

trahit; vel certe dotes quædam sunt seu conditiones in eo, quod trahitur, quibus aut tracturo se commendet, aut ad agendum necessitate quadam compellat.

Efficientem enim seu conficientem tractus nostri causam quærimus. De qua, ut breve faciam & præcidam, ita sentio, duplicem esse, principem aliam, seu principalem; aliam, ut instrumentum. Illa facultas est, ut fuisse Galenus toto primo libro de Facultatibus Naturalibus demonstrat. Instrumentum fibræ sunt rectæ, quibus venas has cum cæteris intertexti superius jam diximus. His vero si quis ex Galeno^a calorem quoque adscribere, & veluti succenturiare voluerit, tum insitum ipsarum venarum, tum circumstantium partium, id me non illibente fecerit. Video enim nec Hippocratem^b ab ea sententia esse alienum, qui *venas postquam incaluerint, è ventre quod tenuissimum est trahere* jam olim scriptum reliquit. Cum quo auctor quoque Finit. medicarum^c consentit, dum digestionem definit *alimenti in totum corpus attractionem, quam naturalis calor molitur*. Auctor item libri de Utilitate respirationis^d, qui glandulas per Mesenterium sparsas, in causis caloris succum ab intestinis trahentis connumerat. Quin ipsum hepar ideo trahere vult, quia calidum sit & spongiosum. Quod vero de tractu dictum est, idem suo quodam modo, de pulsu dicendum fuerit. Nam & hic, ut à principe causa, ab vi expultrice peragitur; ut ab instrumento, à fibris transversis.

Erat mihi animus quædam adjicere his, veluti coronidem, de posteriore tractus genere, qui sit quiescente, quod trahit. Negat enim hunc dari Neophytus quidam è Mexico *δοκησις* coque nomine erroris dicam Aristoteli impingit. Verum & longior necessario, quam pro instituto, erat disputatio & paucis absolvi non poterat homo ex eorum genere, qui cum primos^e se esse omnium rerum velint, nec sint, & tamen non omnium scientiarum modo, sed jurium quoque & morum dictaturam ad sese revocent, alios præ se omnes & ipsum adeo Aristotelem esse fœnum oportere putant. Quare satius visum est, integram rem servare, & alibi suis ex virtutibus philosophum tam capitalem ornare, qui etiam pro eo, qui est in ipso, sale, ipsam hanc Lactearum nostrarum inventionis laudem, si qua est modo, in se & socienos suos transmutare est conatus, semper alienus, nunquam suus, & in hac ipsa in Aristotelem de tractu inventiva Plagiarius.

C A P. XXIII.

Remota dua objectiones. Costæ, & Laurentii rationes in nos nullæ. Chylus an sanguis crassior? Cur tot venæ rubræ ad intestina? Non semper verum, quæ frigida & exanguia pauco egere alimento. Intestina cur multo egeant? Totius per illa expurgatio. Renibus cur amplissima venæ?

Non minor est virtus, quam querere parta tueri, ait Poëta^a. Plane ita est. Non diligentius investiganda veritas est, quam defendenda, cum investigaris, contra hominum ingenia, calliditatem, argutias. Id hoc capite facere visum est, & removere argumenta, si quæ negotium facebant. Ea duo sunt, quibus quidem momenti aliquid insit,

aut ponderis. Nam quibus aliis Costæ^b, & Laurentius^c, in eos pugnant, qui diversas in Mesaræo venas chylo, diversas sanguini ducendo tribuunt (quod nos quoque facimus, dicimus, licet longe, ac illi, aliter) ea sponte & ipsa sui vanitate, ex jam dictis ruunt; nec dicta fuissent ab ipsis unquam, si, ut ille ait, aut sensu cum labore aliquo uti voluissent, aut temperare potuissent sine fide sensuum incassum rationes acervare. Nam vel explorato falsa sumunt, cujusmodi ista sunt, *sensum nullum inter Mesaræicas discrimen facere; omnes similes, exortu, colore, contentis*: vel ea, quæ ipsa in quæstione & controversia versantur, quale istud est, *omnes eadem lege ac conditione teneri, iisdem operibus perfungi*. Alia ita frivola sunt & inania, & *ἀσυνλόγητα & ἀνὰ λόγον*, rationis ac consequentia expertia, ut, opera sit abuti, dare operam iis refellendis.

Ergo omitto, & ad illa venio, quæ dixi majoris roboris, & saltem cum specie aliqua argumenti. Eorum primum hoc est. *Tenuissima & angustissima sunt hæ venæ, ut vincit sensus. Chylus sanguine etiam crassior est. Quomodo igitur recte aut recipitur in eas, aut per eas permanabit?* Alterum. *Venæ Mesaræicæ vulgatæ sive rubræ, plurimæ sunt ad intestina & tantum non infinitæ. At quo tanta copia venarum & sanguinis, nutriendis corporibus frigidis & exanguibus? Alius igitur præterea earum sit usus oportet. At quis ille, nisi chyli transpositio & transductio ad jecur?* Firmatur hæc ratio. *Venæ hæc plures in gracilibus numerantur intestinis, quam in crassis. At contra fieri oportebat, si nutritionis illis provincia foret delegata. Quis enim nescit pluri alimento egere, eodem in genere, quæ sunt majora, pleniora, pinguiora, quam quæ varia his & diversa?*

Ad primum in proclivi est responsio. Quidquid sit de chyli crassitie, de qua non disputo (nam alii^d sanguine tenuiorem faciunt, quia minus inquirunt est, quam ille excoctus. Crassescit autem omne, quod coquitur. Galenus^e contra, *Nihil, ait, ex ventre & intestinis in arterias, ut ex venis, subit. Quomodo enim ex tam crasso gravique nutrimento quippiam in se, cujus habenda sit ratio, illæ transferrent?*) Quicquid sit, inquam, de hac crassitie, nihil ea distributionem impedire potest. Ita enim ab aquoso cibi vehiculo diluitur, in eam rem à natura comparato, ut vel arctiores venas subire posse videatur, si opus sit. Taceo, quod hoc argumenti genus, non nos magis quam eos urget, qui objiciunt, & inverti ac retorqueri nullo negotio potest. Nec enim venæ, per quas ipsi chylum derivant, nostris sunt patentiores, arctiores etiam fortassis & angustiores, ad intestina certe.

Magis premere argumentum alterum videtur. Verum huic quoque responderi, & multimodis potest. Primum, non est ea multitudo istarum venarum, quam videri isti volunt, si longissima intestinorum corpora perpendas: sed usu venit hic, quod iis solet, ut docent Astrologi, qui in Cœlum uno aspectu & quasi prætereuntes suspiciunt. Innumeræ enim his stellæ videntur, quæ tamen, si distinctis oculorum obtutibus obeantur, mille numerum non multum excedunt. Secundo, compensa multitudinem cum tenuitate & parvitate. Capillares enim propemodum omnes sunt, & minimum sanguinis includunt. Tertio non est perpetuum, ut si exangue sit quippiam & frigidum, idem quoque statim paucas venas habeat & exi-

D d guo

^b libell. de usu venarum Me.
^c 4. Hist. Anat. q. 5.
^d Zerbini, & Casp. f. 145.
^e 3. Fac. nat. 14. in fin.

^a 3. Enc. nat.
^b 3.

^c lib. de car.
^d 1.

^e 1. sagog. fol.
^f 4. F.

^g Spur. fol.
^h 3. H.

ⁱ Tarentium
^j mulo.

^k videtur.

a libell. de car-
nib. circ. init.
4. de morb.

b 4. in 6.
Epid. 20.

c lib. 1. epist.
penult.

d 2. aphor. 7.

e 3. Fac. nat.
13. de atra
bile c. 7.
f 16. usq.
e. ult.

g 3. Fac. nat.
13.

quo nutrimento egeat. Cerebrum in argumen-
tum inspicere. Metropolis frigidi est, si Hippocrati
credimus, & tamen non venis modo plurimis sca-
tet, quæ à jugularibus in illud subeunt, qua inter-
nis, qua externis: sed sinubus etiam sanguinis, tan-
quam aquæductibus quatuor ingentibus irrigatur.
De frigidiore vero ventriculo quis nescit tritum il-
lud & pervulgatum, plus multo appetere cibi sem-
per, quam possit peragere? Nihil frigidis istis je-
juniosius. Fames illis mater est. Quin & aqua
vorax, ait Hippocrates^b. Cur? nisi quia refrige-
rat. Et novi ego aquæ potorem non ignobilem,
qui facile duos capos uno prandio conficeret, nec
sine pulmento, inficio, casei quadra, & locum ta-
men relinqueret, ubi reliquiarum reliquias recon-
deret. Quid multa? Nemo habuit majorem eden-
di experientiam. Et an non hoc illud est, quod
Horatius^c asserit,

*Nulla placere diu, neque vivere carmina possunt,
Quæ scribuntur aquæ potoribus.*

Non alit poëticos spiritus plenus venter. Quar-
to, copioso alimento præter partes reliquas opus
intestinis est, quod ad excernendum influentis bi-
lis acrimonia continuo proritantur tenuia præfer-
tim, quæ & primam vim ejus excipiunt, & sui te-
nuitate gravius etiam ab eo quam crassa feriuntur.
Sane tam difficili cum humore non minimum de-
fluere alentis & utilis succi est credibile, & opus
ergo esse alium subinde ac alium suffici in locum
ejus, & reponi. Quæ affatim & celeriter evacuan-
tur, dicebat Hippocrates^d, affatim quoque & ce-
lenter oportet reficere. Denique non nutritioni
solum, sed expurgationi etiam corpori destinata
venæ illæ sunt. Is vero usus, quam non parvas
venas aut paucas requirat præclare Galenus in
exemplo renum^f ostendit, ad quas maximas in-
quit, venas perducere, non quod multo alimento illi ege-
ant, sed quod seroso recremento purgando à corpore vacare
illos oportebat. Suppleverit igitur hic quoque Na-
tura magnitudinem multitudine. Atque hæc cau-
sa inter cæteras, quas dedi, familiam fortassis du-
cat. Quod autem contra adferunt aliqui, purga-
tionem illam per inferiora maxime intestina obiri,
& ideo illis potius quam tenuibus venarum ista-
rum copiam dandam fuisse, si data expurgationis
causa fuissent, id malim docere illos, quam ita nu-
de affirmare. Galenus quidem^g nihil tale excipit,
loco, quo eum usum proponit & suadet, præter
sensus testimonium; omnis ratio, multo propiore
via per tenuia protrudi quod molestiam toti creat.

C A P. XXIV.

*Lactea an chylum præparent jecori, & quo id modo?
Galenus & Fernelius reprehensi. Præparare non est
præformare, seu conferre quippiam formæ futuræ. Sen-
sus Lactearum.*

Nondum ad exitum suum venit de propria
Lactearum actione disputatio, nec diu tamen
nos tenebit. Quæritur præter chyli distributionem, alio-
ne munere sive opere teneantur? Quæstionis hujus in
causa Galenus^a est, & qui ab eo sunt. Volunt hi om-
nes, quas chylo ipsi præficiunt Mesaraicas, prælu-
dere veluti jecori, hoc est, quem dispensant suc-
cum, eundem præterea præparare & tanquam præ-
solere ad sanguinis futuram formam ac speciem.

a 4. usq. part.
2. & 12. de
plac. 8.

An ergo nostra idem præstant? Res paucissimis ab-
solvi potest. Si præparare, intelligas ita afficere
chylum, qua infusa vi, qua partium vicinarum au-
xilium, ut aptior semper ac aptior fiat ad sanguinis
formam induendam in jecore, non video cur id
muneris denegari eis debeat? Est enim, ut recte
Galenus^b animadvertit, nihil quicquam in corpore no-
stro ociosum aut immobile: sed mobilia omnia, & varium
expeditumque opus efficientia, cum decenti structura, non
secus ac Vulcani instrumenta apud Homerum. Sin illud
velis, quod Galenus dicit, præparare modo jecori^c si-
millimo: mutare in sanguinem priusquam^d ad hepar per-
veniat: vel ut Fernelius, conferre rudimentum san-
guinis, quale per dissectiones in rubris venis, quæ ante he-
par sunt, deprehendatur; equidem, loquor libere, si-
gmentum id puto. Docuit me sensus evidenter,
nihil in colore mutatum chylum ad hepar usque
per venas istas perferri: ibi demum antequam sci-
licet in ipsum excidat, modo subpallidum, modo
subrufum conspici. Id in equo & in vacca præ-
gnante mihi notavi.

b 4. usq. part. 2.

c ibid. 4. usq.
part. 2.
d 4. usq. part.
12.
e 6. Phys. 2.

Sed profecto nec hoc sonuit unquam præpara-
tionis nomen, quod isti pertendunt: nec vis ejus
& potestas eam ullo pacto trahit necessitatem,
quam isti somniant. Præparantes artes Aristote-
les^f, & Galenus^g statuunt: & nos omnes novi-
mus Coriariam Sutoria, Ferrariam fabrilis mate-
riam præstruere. An igitur illa, calcei rudem for-
mam corio, hæc securis verbi gratia ferro impo-
nit? Nihil minus. Illud modo præstant, ut in eas
materias figuræ illæ facilius ab propriis artificibus
induci queant. Sed est hæc tota res multo in ipso
humano corpore manifestior. Præparat cibum ven-
triculo gula, & chyli tamen nihil unquam vel le-
viter simile in illa reperias. Præparant vasa semi-
nalia semen testibus: quis unquam in iis, antequam
cum testibus committantur, vestigium aliquod se-
minis conspexit? Præparat dexter cordis ventri-
culus sanguinem sinistro, in vitalem ibi spiritum
exornandum, nec tamen vitalis spiritus speciem
ullam aut imaginem, aut rudimentum illi unquam
imprimit. Atque idem est, ne sim longior, de plexu
choroide, qui in anterioribus cerebri ventriculis.

f 1. Ethic. 1.
g de const.
artis c. 2.

Quomodo autem fiat hæc præparatio, & qui-
bus causis atque auxiliis, ex iis, quæ de usu dictu-
rus sum, fiet perspicuum. ubi & de venarum, quam
singunt αιματωρ, id est, conficiendi sanguinis vi
ac potestate. Illud hic obiter observo, cum præ-
parare succum hepatis venæ nostræ dicuntur, non
id illas agere in hepatis gratiam. ratione enim sic
& consilio ducerentur. Sed primo & per se sui
oblectamenti causa, tum necessitate quadam, qua
fit, ut cum duo corpora congregiuntur, unum in
aliud non possit non agendo vim suam exercere.

Refertur ad actionem partis etiam Sensus, de
quo ipso quoque ambigi potest, insit necne venis
nostris? Non multis verbis opus est. Quod de
aliis venis Galenus^h, idem de his cense, per se &
natura sua sensus omnino esse expertes, sive fran-
gere velis, sive urere, sive incidere, sive laqueo excipe-
re. Quod si sentire aliquando dicuntur, aut etiam
sentire videntur, id non aliterⁱ profecto, quam
aut membranæ, quam sibi aliunde adsciscunt, ope
aut beneficio adjuncti proxime nervi consequun-
tur. Id quod nec Aristoteli^k latuit, qui & ipse,
Nervus, inquit, ignem non patitur, cum vena patitur.

h 16. usq. part.
12. 2. de sy-
caus. 5.

i 5. usq. part.
16. usq. part.
2. de plac. 4.

k 3. Hist. 5.

L A-

LACTIVM SEV VENARVM

Lactearum Vfus.

C A P. XXV.

Explicatio usus Lactearum bipartita. Partis usus alius qua pars, alius qua pars cognita, Galeni librorum de usu partium duo summa capita. Actio, & usus partium, est εὐφύιας norma, ac regula. Disciplinarum inter se nexus, & connexus.

Restat ut declarata actione Lactearum, aggre-
diamur ad explicationem illarum usus. Erit hæc omnis bipartita. Exponetur primum ad fungendum recte atque ordine munus suum, quemadmodum affectæ sint, seu quam opportune probeque comparatæ & compositæ, qui est usus
part. 9. "partis proprie & simpliciter. Tum docebitur, quantum earundem inventio, cognitio & explicatio ad rem omnem medicam & philosophicam momentum habeat, & utrique quantum lucis adferat, qui usus ipse quoque partis est, sed cognitæ à nobis ac perceptæ; quique ni fallor, Vtilitas rectius, quam usus dicitur.

Vtrumque Galeni adeo imitatione fiet, qui ipse quoque in de usu Partium, cum sexdecim totis libris, Vfus omnes singulorum membrorum, edendis actionibus destinatos fuisset prosequutus quam exactissime ultimo tandem^b, quantum doctrina ista usuum ad rationem omnem explicationemque naturæ ad ethologiam, ad medicam *2. de libris, 3.* *περί τῶν ἀνθρώπων, ὑγιαίνειν* conferret, demonstrandum sibi, explanandumque putavit. Sapienter, ut sæpe solet. Est enim certe non parti modo cuique suos quidam usus proprius, quem, ceu *κεῖται* ut fusc doctæque idem Galenus^c actione metimur, non secus ac membri ipsam *εὐφύιας* (quod quam ad actionem est appositum maxime, tam maxime suos omnes numeros obtinet;) sed habet ipsa quoque cognitio, ut rerum cæterarum, ita partium humani corporis suas utilitates, qua scilicet vel ad actionem aliquam necessariam humanis usibus illa refertur, vel in aliarum & aliarum rerum cognitionem vicissim nos inducit, non in eadem modo disciplina, sed sæpe in diversis & toto genere à se abjunctis.

Cicero pro archia. Habent siquidem hoc omnes artes^d, & scientiæ, ut, tanquam in catena articuli, nexæ inter se aptæque, communibus quibusdam vinculis jungan-
2. de libris. tur, & quasi cognatione quadam inter se contineantur. Quod adeo verum est, ut, si Ciceroni credimus^e, ne virtutis quidem philosophia, etsi in alio plane ac dissimili genere, absque naturæ consideratione contemplationeque ad vitam beate & cum ratione degendam aut sufficere sibi possit, aut satis suam dignitatem tueri. Sed utrumque ipsum usum explicemus.

C A P. XXVI.

Vfus partis ab actione, quibus differat? Galenus à contradictione vindicatus. Vfus qui, qua actione, præstantior? Actionis perfectio duo in parte requirit, non plura. Partium organi actionem edentis quadruplex varietas. Partes singule Lactearum, quemadmodum

ad actionem conspirent, Fibre, Caro Membrane. De venarum fibræ confutata Fallopii opinio.

ANtequam de primo Lactearum usu decernamus, quem usum diximus proprie & simpliciter, statuenda nobis differentia est, qua ab actione ille sejungitur. Ea Galeno^a auctore in hoc posita est, quod ille partibus adest semper, etiam ociosis & cessantibus: hæc, nisi negociosis & agentibus nunquam. Recte. Est enim nihil aliud usus, quam quod vulgo *εὐχρηστία*^b appellatur, id est, ad utendum quædam aptitudo: actio autem semper *κίνησις* est *δραστηριότης*, id est, efficiens motio, modo, quo supra jam explicatum est. Oritur vero ex hac alia differentia, quæ est, quod idem usus, etsi parte, in qua inest, non secus quam actio ipsa, natura & dignitate prior est, ut præclare Galenus contra Epicurum^c, & Asclepiadem disputat, actione tamen his omnibus modis est posterior. Quomodo enim posterior ea non sit, in quam totus refertur: cujus inprimis gratia membris à natura est datus atque ingentus: qua tanquam regula & norma^d, omnis cum illius, tum partis ipsius perfectio judicatur?

Quod si quando Galenus dixit^e, tempore quidem, seu ut ipse loquitur, *τῇ γενέσει* posteriorem actione; dignitate vero priorem, præstantioremque Vsum illum, nihil id nobis officit. Nequaquam enim cum hæc ita dixit, intellexit usum, de quo nos hic agimus, qui ad actionem comparatur; sed actionis ipsius finem, id est, usum, qui ab actione partis toti corpori accedit. Et merito actioni suæ huuc usum anteposit, non ea solum causa, quia in eum actio, ut in finem fertur, eoque indepto cessat (est autem finis natura sua iis semper, quæ fiunt ejus gratia, præstabilior:) sed illa etiam, quod latius ipse multo, quam ista patet, & ad plura pertinet, non unam partem, sed universum corpus complexus.

Hoc vero ita explicato constitutoque, actionis perfectione partis omnem cum usum tum *εὐφύιας* judicari æstimarique: & repetito præterea ex jam dictis propriam & præcipuam Lactearum functionem in chyli versari distributione, minime difficile, opinor, fuerit, de omni earum tum usu, tum *εὐφύια* pronunciare. Nimirum duo, non plura, actionis omnis perfectio in debito illi membro requirit; alterum, ut singulæ ejus particulæ; alterum, ut quæ in eo & in illis insunt omnia ad colendum efficiendumque munus suum, tanquam collatis in commune viribus conspirent ac consentiant.

His enim ceu limitibus rem hanc totam jam olim Galenus^f, natura duce definivit; & illud præterea, partem cui adsunt ista, ea esse absolute perfectioneque; ut si vel tantillum ejus aut perimere aut commutate conere, totam ipsam tollas aut pervertas. An igitur habent ista omnia Lactæ nostræ? Habent vero, nec id cuiquam obscurum esse potest aut dubium, quisquis diligentius aliquando de iis consideraverit. At de illis quidem, quæ insunt in ipsis, mox videbimus; de partium vero singularum è quibus conditæ constant, concentu, consensione, concordia, qua, ut continuata quadam cognatione conspiciunt in suam functionem, inde æstimari poterit.

a 4. us p. 10.
4 us. part. 12.
7 us. part. 12.
de dif. mor. 6.

Partium organi, inquit Galenus^a, unam & certam ex se actionem promentis, aliæ sunt in ipsa actionis causa (partes principes has alibi vocat:) aliæ ita se habent, ut sine iis non fiat actio: aliæ faciunt, ut earum ope melius fiat: aliæ denique ad harum omnium spectant conservationem. Nulla harum, quod mireris in tanta paucitate (tres enim omnino sunt) Lacteis nostris deest. Vis causam distributionis principem? Ecce tibi fibras rectas, & transversas. Vis alias? en fibras obliquas, Carnem, Membranas.

De fibris non me fugit, quod etiam supra monui, eas venis Vesalium omnino negare: Fallopi-
pium, etsi admittit (quamvis ægre id quoque,) nihil tamen prorsus eorum quæ nos, iis tribuere. Sed rectas transversasque his venis nostris, ut & aliis, principis partis in vicem esse, facile ratio vincit. Nam nec partem ullam aliam similem illis reperire in corpore est; quæ una est & præcipua principis partis^b prerogativa. Et jam ante ostensum est, rectas tractui, transversas pulsui præesse. At enim tractu & pulsu omne, quantum est, distributionis munus perficitur. Accedit Galeni^c auctoritas, qui commune id ait *naturalibus omnibus instrumentis*, ut non nisi fibrarum ministerio beneficioque moveant: tum arteriis, quarum (quod quidem hanc ad rem pertinet) eadem plane est quæ venarum ratio, perspicue fibras, quibus transmittant, attribuit^d.

b 4 us. part. 12.
c 3. Fac. nat.
8. 5. us. p. 11.
14 us. p. ult.
d 6 us. p. 13.

Quibus omnibus fit, ut facile seorsim à Fallopio sentiam. Quid enim contra ille? Vult ad solam *δυσάθειαν* datas venis, ne rumpantur à violentis sanguinis occursibus, extenta illarum ope in omnes partes venæ tunica. Trahere autem, aut pellere duplici argumento negat. Altero à *structura eorum* petito. Quia ita, inquit, latent in membrana, ut potestate potius, quam actu inesse videantur; tum ita intertextæ sunt & in sese mutuo implicatæ innexæque, ut moveri nullo modo possint. Altero à *sensu*. Quia nec contractio in illis, nec dilatatio cernitur. At cerni debebat, si traherent pellerentque, exemplo gulæ, uteri, aliorum. Atque ex his illud tandem concludit, tractum illum earum & pulsum, quia fiat illis quietis, nonnisi æquivoce ita dici posse. Nolo hic illud negare, ad *δυσάθειαν* etiam facere. Illud ajo, quas contra tractum pulsumque istarum fibrarum adfert rationes, minime mihi videri militare. Etenim fibræ istæ, etsi non ita conspicuæ sunt, tamen conspiciuntur, & vere ac reipsa sunt, nequaquam potestate tantum. Id quod fateri ipse Fallopius cogitur, modo constare sibi velit. Quomodo enim earum ope extendi membrana potest, si non sunt? Illud de motu sensui conspicuo *μηδὲν πρὸς ἑπὶ*, nihil ad *rhombum*. Non omnium fibrarum, sed carnosarum tantum, quales in gula sunt, ut ipse fatetur Fallopius, proprium est manifesto & perspicuo cum motu trahere aut pellere. Nec de textura quod dicit, quidquam cogit. Cordis quoque fibræ varie & multipliciter intertextæ sunt, an ideo moveri earum opera cor definit? Iam quod eum tractum, qui fit parte non mota, ex Averrhoë, ut inquit, æquivoce tantum tractum esse affirmat, in eo, ut nihil hic dicam aliud, aperte Aristoteli contradicit, cujus hæc sunt^e, *τὸ δὲ ἔδεν Ἀφέρει, κινούμεν & ἑλκον*, ἢ μένον ἑλκειν. Cum fit tractus,

e 7. Phys.
2. 10.

nihil refert, quiescat id, quod trahit, an moveatur. Atque de fibris rectis simul ac transversis ita res est. Quid de fibris obliquis, de carne, membranis? Illarum quoque singulæ, quod suum est, agunt.

Fibræ obliquæ ad meliorem distributionem faciunt. Vetant præcipitare chylum ad jecur, dum contendunt se vicissim & explicant. Eadem ejusdem præparationi serviunt, qualem quidem explicavimus. Nam inter moras castigatur. Privatam quoque partis coctionem promovent, cum elabi non sinunt, quod semel suæ nutritioni, suisque necessitatibus illa seposuit.

Caro fibrarum spaciis interfusa, vice causæ est sine qua non. Quippe explens, quæ inter illas inanitates; tum ipsas jungens ac uniens simul, spacium eis præbet contrahendi se, laxandique; simul contractioni opitulatur, quam disjunctæ à sese & divulsæ, quomodo recte obirent? Eidem præparatio chyli debetur, & prope tota. Nam & carnis cujusque partis proprium est coquere, quod in ea est: & fibris ac membranis ipsa calore præstat, ut jam ostendimus.

Membrana, quæ venis propria est, tutelæ inprimis ac custodiæ comparata est, non carnis modo & fibrarum, sed & coerciti conclusivæ intra illas succi. Id quoque adfert commodum, omnibus membranis commune, ut cum distendi promte, & rursus contrahi apta nata sit, sine periculo nunc minorem, nunc multo majorem chyli copiam admittat, prout res scilicet & usus ac necessitas postulant. Membrana ascititia & exterior, qua vestitæ extra jecur venæ istæ sunt, ad custodiam ipsa quoque refertur. Data ideo est, sicut venis cæteris quoque^f ut longo illo quod est ab hepate ad intestina itinere tuto eas deducat, fulciat & cum Mesenterio ac vicinis partibus colliget. Eo quoque prodest, quod sensum eis præbet, quo extra hepatis constitutis, non minimum ad provisum propulsumque noxiorum ac molestorum illis erat opus.

f 7. Anat. 5.

C A P. XXVII.

Ex iis, quæ insunt, Temperies quid Lactearum actioni accommodet? quid item, quæ consequuntur, albor, levitas, tenuitas, & raritas tunicarum, fibrarum durities? Temperies frigida & sicca robur parti & constantiam inprimis tribuit. Albor materia necessitatem sequitur. fors etiam levitas.

Non satis est, ut diximus, si partium organi singularum suas quæque ad promovendam illius actionem vires intendat ac conferat: oportet hoc amplius, ut ea quoque, quæ in parte qualibet insunt, Temperies puta, Quæ consequuntur, Quæ accidunt, mutuas eandem in rem operas tradant. Hæc enim illa sunt, inquit Galenus^a, per quæ & agit pars quælibet quod debet, & præstat quæ agenti sunt ex usu. Et ista igitur nobis videntur.

a 1. us. p. 9.

Ac in Temperie quidem non est, quod diu immoremur. Sive enim ipsamet facultas illa est, sive facultatis primum & proximum instrumentum, quantam ad omnem actionem vim habeat, ignorari nullo modo potest. Per Temperiem, inquit idem Galenus^b, quæ propria substantia est cujusque partis, magna ex parte organum quodvis suam actionem nancisci

b 1. us. p. ibid.

nancisci invenies, si ratione & suis ponderibus rem examines. Et sane frigiditas & siccitas, ut cujus proprium est contendere^a partes, adducere & in unum cogere, tum iisdem præstare stabilitatem^b ac firmitudinem, non potest non plurimum præter cætera, & fibrarum augere robur & ad omnem actionis constantiam proficere. Scitum illud est, plus posse vires junctas & unitas. Sed refertur imprimis ad privatam nutritionem ejus vis, quæ actio est, ut ostendimus, singulis partibus communis. Temperies enim illa est, ait Galenus^c, qua pars quælibet tum familiaria sibi allicit, complectitur, coquit: tum aliena à se segregat atque expellit.

Inter ea, quæ consequuntur, eminent & præcipuam animadversionem requirunt, Tenuitas & Raritas, quæ in tunicis istarum venarum cernitur, qua in jecur se inferunt potissimum, sed & extra jecur. Vtrobique usum præbent non contemnendum. In hepate in causa sunt, ut & citius in ipsum & pluribus modis chylus transmutatur, quem usum Galenus^d suis quoque Mesaraicis tribuit, etsi falso. Extra jecur id præstant, ut facilius ejus beneficio in corpora ipsis substrata, quicquid inest chylo cœnosæ humiditatis, ut Hippocrates^e loquitur, deponatur, & sic quod reliquum ejus est purius defæcatiusque ad hepar perveniat.

Non eadem in cæteris hujus generis dignitas, & explicatus habent faciliores.

Fibrarum illa mediocris durities, quæ frigida & sicca parti, & ex lenta materia condita affidet tantum non necessario, quem habeat usum notius est quam ut pluribus dici debeat.

Album earum, sive ut Plautus albitudo, ut Varro, albor, nihil habet ad usum peculiare. Nempe materiæ, ex qua condita primum venæ istæ sunt, id est, seminis necessitatem sequitur, ut in cæteris omnibus partibus, quibus origo ex illo est.

Simile de lævitate est, si Galenus^f modo fides est. Et ipsa enim materiæ comitatur, ubi æqualiter scilicet percocta à natura fuerit, ita ut nulla pars ejus effugerit vim ac facultatem. Si tamen ex his quoque usum omnino velis, non decuit per lævia viscera intestina & jecur venas nisi læves & æquabiles undique perducere.

C A P. XXVIII.

Quæ accidunt Lacteis, quos ex se usus in actionis commodum promant? I. Figura. II. Asperitas. III. Cavitas, & Meatus. IV. Valvula in meatibus. V. Angustia. VI. Continuitas. VII. Numerus, & Magnitudo. VIII. Situs. IX. Insertio. X. Modus insertionis. XI. Crusta quæ in intestinis. XII. Adeps. XIII. Glandula, quæ in Mesenterio. Hippocrati lux. τὸ πλεονάζειν quid? Fallopii meatus oleaginosi. Bolus, seu buccia dulcis.

AD partis integritatem, plenamque & perfectam absolutionem non necessaria minus sunt Quæ illi accidunt, & communi Compositionis nomine à Medicis comprehenduntur, quam aut ipsa Temperies aut quæ Temperiem consequuntur. Nimirum non per illa, quam per hæc secius aut agunt partes id ipsum, quod agere aptæ natæ sunt, aut ad suos & necessarios usus opportunitatesque instruuntur. Organum apprehensionis manus sunt. Qui actionem tam insignem, tam homini neces-

sariam & tantum non propriam moliantur? Per conformationem, respondent, post Hippocratem^a, Aristoteles^b, & Galenus^c. Nisi sic divisa esset in digitos, nisi digiti ita distincti articulis, ita sibi invicem oppositi, nil complecteretur, nil teneret. Chylum, ut ad rem nostram veniamus, distribuunt Lactæ. Quemadmodum peragitur distributio ista? A fibris per Temperiem suam; sed ne vacillet quid aut claudicet titubetve, præter cætera, imo supra cætera, præstante suos usus & tanquam operas reliqua totius venæ compositione. Et hos ergo Vfus explicare oportet, qui soli adhuc ex iis supersunt, quos proprie & simpliciter partis Vfus diximus. Fiet id hoc capite & ordine ipso illo, quem supra^d proponendis, quæ Lacteis accidunt, in Historia tenuimus. Nam quot sint, & qualia, quam varia item & multiplicia, satis jam ibi dictum declaratumque est.

I. Figuram habent Lactæ teretem & oblongam, quia ad remotam partem distribui succum, quem vehunt, oportebat. Est enim supra cæteras omnes ejusmodi distributioni figura hæc accommodatissima^e, qua & ideo Vasorum reliqua omnia genera, arteriæ puta, venæ & nervi sunt donata.

II. De Lævitate, quæ in extrema tunica, jam egimus. Inæqualitas vero illa & veluti asperitas interior ad chyli moram non nihil facit, & per eam ad meliorem quandam, qualiscunque ea sit, præparationem. Quo enim quid moram trahit in parte diutius, eo coquitur ab ea rectius & felicius, ut illud non male huc poetæ conveniat,

Habent parvæ commoda magna moræ.

III. Cavis suis & veluti meatibus destitutæ si essent, ne distributio quidem chyli ulla esset. Hinc fieri adeo videmus, ut occlusis obstructisque his ceu canaliculis, aboleatur quoque continuo ac pereat ipsa distributio. Et recte Galenus^f, ἀνεύδοσις *venæ functio est, non qua corpus illa est, sed qua meatum habet.* Præcipuus hic usus est. Sed cum aliis excipit, nec ipse levis, quod in iis meatibus tanquam ἐν φυλακῇ, id est, in custodia chylus non continetur modo, sed incorruptus etiam ac integer præstatatur conservaturque. Vt enim extra venas effusus sanguis in quamcunque partem, uno excepto corde, concrevit mox putrescitque; ita chylo quoque usu venit, si ex vasis suis alio, quam in hepar excidat. Scilicet vim quandam, nec mediocrem habet locus conservandi, quod collocatum in eo est, ut docet Philosophus^g.

IV. Valvularum, quas obditas meatibus intus foras diximus, unus idemque hic, qui cæteris omnibus in partibus, quibus adsident illæ, usus est; impedire scilicet, ne quod semel haustum est materiæ, inani atque irritò labore remeet vicissim ac restagnet in partem, unde haustum est. Id quod adeo exacte hîc præstant, ut nec digitorum compressu nec alio nisu ullo retro cogere unquam semel conceptum in iis liquorem etsi varie id conatus potuerim.

V. Perangustæ sunt in hepate & ad intestina. Vtrobique, ut quam fieri potest in minutissimas partes divisus distractusque chylus, illinc trahatur, hîc alteretur commodius minima quaque sui parte à vi hepatis contactus^h.

VI. Continuæ sunt omnes, & partes unius, seorsim nulla usquam, quod, ut recte Aristoteles^k de

^a 3. Simpl. de terra Samia, & passim.
^b 9. Meth. 17. H.

^c 1. Fac. nat. 63.

^d 6. us. p. 10.

^e lib. de glandulis.

^f 1. de presag. expul. 6. 4.

^g Gal. 2. pro. gen. 21.

^a Hipp. c. 9 in pte 1. 20.
^b Arist. 4. Part. 10.
^c Gal. 1. us. p. 5. 9. 10.

^d sup. c. 18.

^e de differ. morb. 3.

^f de differ. morb. 7.

^g Arist. 3. Hist. 19.

^h 4. Phys. t. 15.

ⁱ 1. Gal. 4. us. par. 17. Avic. cen. 1. 1. doct. 4. c. 2.
^k 2. de p. 9.

venis animadvertit, nisi suæ origini continuæ tenderent succum, quem vehunt, conservare illæsum inviolatumque nequaquam possent. Quippe profluens ab origine calor is demum est, qui fovens tutansque succum facit, ne aut concreascit inutiliter, aut etiam putrescat.

VII. Plurimæ sunt, & fusæ per omnia intestina, eæque parvæ; non una aliqua & ampla. Primum, ne crassæ & inutiles chyli partes simul cum inutilibus temere in eas subeant. Deinde, ne quid succi utilis eas præterlabatur, & si quid illius unum eorum aut alterum ordinem subterfugiat, id comprehendatur in aliis. Tum, ut citissime quidem^b, quemadmodum oportebat, non tamen confertim & tumultuarie fiat distributio. Denique, ut ne continuo cibo ingerendo^c vacare cogamur. quod si esset, hominem *ἀμύπν & ineptum* faceret, raptim & abunde quod ingestum ejus est, per viam amplam exhausto. Numero Mesaraicas vulgares multum ac multum superant. Non injuria. Plus multo chyli ad totius providentiam jecori, quam sanguinis intestinis in privatam nutritionem debetur. Plurimæ ad gracilia, pauciores aut fere nullæ ad crassa pertinent. Id quoque recte. Illa nempe, distributioni; ista, excretioni inprimis serviunt. Illa, succi alibilis; ista, sæcum & purgamentorum inutilium sunt receptacula.

VIII. Locum imo in ventre obtinuerunt. Culinæ enim corporis & nutrimenti officinæ, cujus ibi sedes est, famulari eas oportebat, bajulorum^d instar, qui triticum ex agris ad communem aliquem urbis locum seu furnum coquendum ibi, mitigandumque in panem deferunt.

Quod venis & arteriis minus in abdito sitæ, & magis in propatulo sunt, id vasorum illorum dignitati tributum est^e. Vt enim, necessitate nihil fortassis, ita dignitate minime parum illis utrisque concedunt, sive succum spectes, quem dispensant; sive munus etiam officii, quod per se & prima ratione in solius jecoris gratiam comparatum videtur. Consuevit autem natura semper quod dignius est, ei de tutiori quoque ac digniori loco providere^f.

IX. Inferuntur in intestina omnes, nulla in ventriculum, nec minima quidem. Ratio. Quia, ut recte Galenus^g, etsi sibi parum in hac re constans (nam ventriculo quoque suas Mesaraicas alibi addicit, etsi pauciores) digestionis organum est ventriculus, non distributionis. Fieri nullo modo poterat, cum agant necessitate naturæ quicquid agunt, quin crudum & rudem adhuc chylum, si ad ventrem etiam pertinerent, direptum ex eo ad hepar traducerent, non sine ingenti œconomix totius corporis confusione, & irreparabili coctionum succedentium detrimento, quarum nulli reintegrare datur quod peccavit quæ præcessit.

X. Ad intestina nisi hiarent oscillis suis hirudinum instar, sicut diximus, nec trahere possent ad se chylum; & promiscue pellentibus in ea intestinis, non chylus magis, quam quæ mixta ipsi sunt recrementa atque reliquæ confecti cibi ad hepar per ipsas concederent, nunquam ibi sanguinis specie recte exornanda. Quod probe Galenus vidit, & ideo suis quoque Mesaraicis eum, quem vere nostris damus, insertionis modum adscripsit, ut supra laudatis ipsius in eam rem locis docuimus.

XI. A Crusta oblinente gracilia intestina, in quam finiunt, duplex commodum illis accedit. Primum, vicem tanquam operimenti exhibet oscillis earum ad interiorum intestinum capacitatem hiantibus, ne oblitteratis illis occæcativæ à sordibus chyli aut pereat distributio abolescatque, aut frustretur saltem ac interpelletur. Deinde, veluti pro filtro est, per quod sensim & ceu guttatim chylus ad eadem oscilla, fugendus ab iis, appellit sese atque insinuat.

XII. Adeps, præterquam quod usum præbet ceu mollis strati, cui incumbant, calorem quoque earum fovet, quo sic ejus ope tum tractio ipsa, tum præparatio felicius absolvatur.

XIII. Ad eandem caloris rem Glandulæ quoque faciunt, ut jam olim observatum auctori libri de utilitate respirationis^h. Præstant eadem istis venis illos quoque usus, quos præstare cæteris Mesaraicis vasis diximus ex communi sententia; qui erant, instar propugnaculi firmare eas, qua dividuntur & in divortia varie abeunt; mox fulcire in reliquo progressu ac tuto deducere. Qui usus earum ut non sunt contemnendi, ita meo judicio maximus & Pancreatis præcipue (si tamen hoc non principii magis, quam simplicis glandulæ subit vicem, de quo supra dubitavimus) ille est, quem facile candor illarum insignis & substantiæ ipse modus arguunt, coenosiores, crudiores & pinguiorem chyli partem in sese corrivare ac combibere (modo non dissimili, quo in foetu jecur seu placenta uteri nuncupata, quod in materno sanguine sæculentum est exhaurit in sese & absorbet,) quo sic quod restat illius purius liquidiusque ad hepar, in sanguinis ibi formam induendum, subeat & permaneat. Atque hoc omnino illud esse mihi persuadeo, quod Hippocratesⁱ dixit, *ὅτι πλεματώδεια, ἐκείνη ἡ ἀδένες*. Hoc enim *πλεματώδεις* nihil aliud mihi est, quam chyli illa, quam dixi coenosior & impurior portio. Quos enim Fallopius^k ponit in sima hepatis meatus, qui in Glandulas & Pancreas inde porrecti, oleaginosum quandam succum flavum & subamarum in illas eructent deponantque, mihi videre nondum contigit. Et quod de succi amarore dicitur, id satis Pancreatis caro convincit falsi, ita palato grata, ut inde vulgo etiam nomen invenerit, Dulcis boli, seu Dulcis buccæ, ut quidem Carpus annotavit.

C A P. X X I X.

De Vsis, qui ex Lactearum cognitione Medico & Philosopho accedunt. Eorum præ prioribus dignitas. Duplices esse; alios communes utrique, alios Medico magis proprios. Illi Physiologici appellati. Ex iis primus explicatus. Sublata gravissima controversia de officio Mesaraicarum. Octo omnes de illo sententia falsi convictæ. Vena hermaphrodita. Iacobus de Partibus, Zerbis, Carpus, Massa, Laurentius, alii, varie notati, aut confutati.

QVos hæcenus recensuimus Lactearum Vsus, ex eorum numero omnes sunt, quos simpliciter ac proprie esse usus diximus, qui in Actionem scilicet referuntur toti corpori utilem ac necessariam. Superest de iis videre, qui ex earum cognitione, ut Galenus loquitur, Philosophis & Medicis accedunt. Qui etsi in secundum locum ac ordinem

^a Gal. 4. us. p. 17. Auctor lib. de anat. vivor. quæ de intestinis.

^b Galibud.

^c ibi. & c. 18.

^d 4. us. p. 2.

^e 16. us. p. 11.

^f Gal. 1. us. p. 17. 2. us. part. 3.

^g 4. us. part. 1. & 17.

^h Spur. f. 63.

ⁱ lib. de glandulis.

^k de venis observ. 3.

ordinem conjecti à nobis sunt, nihil tamen videri debent primis illis, si ratione modo rem scrutari placeat, inferiores; superiores etiam fortassis & præstantiores. Galenus quidem certe ita hujus generis Vfus magnificat, ut cum^a perfectissimæ Theologiæ principia contineri iis dicat; tum solis naturæ totius comparari scientiam affirmet. Quin idem eorundem explicationem cum $\epsilon\pi\omega\delta\dot{\omega}$ ^b comparat, qui ante Deotum aras à stantibus concinitur: alibi vero etiam^c hymnis ipsis sacris præfert, & majori dignam attentione ait, quam^d omnia Eleusiniarum aut Samothraciorum sacrorum mysteria. Quicquid sit, non est opus vino vendibili suspensa hedera. Ipsi, quanti sint, facile per se loquentur. Nos eos, cum multi plane sint nec eodem omnes referantur, ad duo summa sive capita sive genera redigemus, ut alii sint Philosopho cum Medico magis communes: alii huic quam illi magis proprii. Adferemus ex utroque genere aliquos, qui scilicet in mentem nobis venient, è multis paucos: (nam omnes quis possit?) à prioribus adeo capto initio, quos Physiologicos tantisper appellabimus, dum vocis aptioris nobis copia suppetit. Ex his

PRIMVS facile iste est; quod illa per eam controversia & nullo prope negotio tollitur, qua illud tam sæpe multumque quæsitum hætenus est, *Chyli ad jecur, & vicissim, sanguinis à jecore ad loca chyli distributio, per quas vias obeatur*; seu ut alii proponunt, *Per easdem venas Mesaraicas tum nutritio, tum distributio sit, an aliæ nutritioni aptæ & constitutæ sint, aliæ distributioni*. Nihil est amplius, quod ambigere nos sinat, inventis semel & constitutis Lacteis. Patet luce clarius, alias ducendo sanguini, alias ac toto genere ab istis diversas vehendo chylo allegatas. Patet item, quoties opus est posse & chylum nihil impediendo sanguine, & hunc vicissim nihil obstante illo, quo oportet tuto ac certo itinere commeari. Hic vero Vfus sive utilitas quanta sit & quantum habeat ad rem medicam & philosophicam momentum, docere potest inprimis ipsa quæstionis istius difficultas; tum sententiarum varietas, qua laborat ut difficultatis semper, ita vanitatis ac falsitatis prope semper index ac argumentum: denique, ac clarissime omnium, incommoda & difficultates, quibus maximis & plurimis urgentur, qui secus sentiunt. Ac de difficultate quidem hujus quæstionis quid attinet plura dicere? Tam ardua, tam obscura & lubrica, maximis etiam ingenii visa est, ut nec sensu satis, nec ratione quid statuendum esset, pervideri aut dispici posse professi ingenue complures fuerint. Varietas sententiarum tanta est, nulla ut in omni medicina majori in contentione versetur. Octo, aut pluribus etiam opinionibus agitur.

Sunt qui per solas ventriculi^f venas perferri ad hepar chylum velint; per Mesaraicas nutriri tantum intestina. Contra alii utrasque utrique muneri destinant^g, in numero solum facto discrimine. Plerique de solis Mesaraicis disceptant, (vulgatas semper intellige) quorum quatuor factiones sunt. Volunt alii solum chylum^h vehere: alii, & hunc & sanguinem præterea, sed divisim veluti & partitis inter se operis, ita ut diversæ sint quædam huic, quædam isti perferendo delegatæ. Rursus alii contenduntⁱ, utroque pariter omnes officio

fungi, sed diversis temporibus & descriptis intervallis, nunc in uno, nunc in altero deditas: alii contra, una & eadem omnes conditione frui, idque nulla vicissitudine temporum, una eademque simul humorum congressione. Nec istis inter se satis convenit, dum quidam^k, præcipue & primo loco deferendo chylo, secundo loco & minus sanguini operam dare pugnant. Denique, ne quid desit ad ineptiarum cumulum, reperias, qui in dubium vocent, eodemne ductu^l promiscue feratur humor uterque, an secundum latus suum quisque, quasi dimidium loci, iuncto ceu foedere, cum altero pactus.

Iam difficultates, quibus conflantur hæ omnes sententiæ, quantæ sunt, quam inexplicabiles? Omitto illam de ventriculi venis opinionem, de qua mox suo loco. Quæ circa Mesaraicas versantur, inprimis quotquot sunt apertissime sensui adversantur, qui soli nutritioni destinatas ita perspicue arguit vincitque, ut ne Fernellius quidem inficiari id ausus fuerit. *Sensus, inquit, docet soli nutritioni delegatas, sive succum species, quem intra se coercent, sive ipsam in intestina insertionem*. Naturæ quoque faciunt injuriam, cujus dignitatem magis quocunque Erasistrato eunt imminutum. Quid enim alienius ab ejus artificio, solertia, providentia, quam una eademque particula ad functiones duas, tam inter se diffitas, tam repugnantes sibi & nullo aptas ordine, tanta cum rerum perturbatione abuti? Natura, inquit Aristoteles^m Naturæ genius, uno non nisi ad unum utitur, & nunquam quicquam tale facit, quale Delphicus gladius est.

Nec vero minus per se singulæ laborant. Qui solum chylum vehere contendunt, nunquam explicabunt, per quas alias sive vias sive venas indigentia intestinorum subveniatur. Qui præter chylum sanguinem quoque ferre asseverant, sed alias eas atque alias, ecquod dant discrimen inter illas, ut ita esse credamus? Nam differre oportere, ut nullo alio aut colore certe, & contentis quis non intelligit? Atque idem incommodum eos quoque manet nihilo minus, qui utrunque omnes facere autumant, sed tempore alio atque alio. Nam quod ajunt dilutiorem in iis sanguinem videri, nihil est, imo falsum est. Nullus prope aliis in venis aut crassior apparet aut nigrior.

At maximis omnibus difficultatibus obruuntur, qui quarta in opinione sunt. Coguntur hi dare (quod & dant ultro nonnulli) nulla tractus, nulla coctionis, nulla nutritus omnis certa esse aut definita aut rata tempora. Quod quid aliud est, quam potissimum, idemque primum naturæ munus, quo continetur animantium omnium salus, sine quo non est vitam vivere, nulla lege stata aut præscripto regi, nullum modum, nullum ordinem tenere; omnia casu, omnia vi ac impetu, & atomorum tanquam incursione geri atque administrari; tum vero insatiabili, sacraque & obscœna fame perpetuo partes omnes attineri absumique, hoc est in morbo continenter & sine intermissione, tanquam in Bulimo aut Diabete jacere? Coguntur dare, easdem venas ad eadem intestina relatas, simul radices esse, simul ramos: ramos, qua ferunt ad illa; radices, qua ab iisdem sugunt. Coguntur dare, quamque venarum istarum partem simul trahere, simul pellere: pellere ad hepar, trahere

a 17. us. part. 1. c. 2.

b ibid. c. 2.

c 7. us. p. 15.

d ibid. c. 14.

e Fernell. 6. Physic. Mercur. l. 1. p. 4. class. 3. art. 8.

f apud Costeum libell. proprio.

g Gal. 4. us. part. 8.

h Rhafis 1. ad Almanfor. capite de venis & hepate. i Vide Laurent. 4. Hist. q. 5. Mercur. ubi supra.

k Jacob. de partib. ad 1. 1. Avic. doct. 5 sum. 1. c. 1. Massa Anat. c. 14. l Zerbini ex Conciliatore diff. 47.

m 1. Polit. 1.

n Laurent. 4 Hist. q. 5.

trahere ab intestinis. Coguntur dare, eadem earundem venarum oscilla simul dilatari laxarique simul contrahi ac adstringi: illud, dum sanguinem deponunt & veluti vomunt in intestina; hoc, dum chylum ab iis exsorbent & hauriunt. Denique, cum in eo nobis omnes assentiant, fibrarum opus totum distributionis opus perfici, coguntur illud quoque dare, rectas omnes fibras, quæ tractui serviunt, trahi rapique simul & semel non in diversa modo, sed plane etiam in contraria.

a in 1. 1. A-
vic. doct. 4.
sum. 1. c. 1.

Quod argumentum ita Iacobum^a de Partibus, Zerbum, Carpum, alios torfit adflixitque ac perculit, ut comminisci hermaphroditas nescio quas & androgynas in istis venis fibras, sine certo principio, sine capite (puto etiam sine cauda) coacti fuerint, quibus ut sanguisugis promiscue utrinque ad omnem tractum facultas, quæ præsidet, abuteretur. Cujus commentum absurditas, puto, in causa fuit, cur hoc argumentum à Laurentio etiam propositum, sine tamen omni responsione, prudenti, ut opinor, silentio præteritum fuerit. Scilicet religiosiora sunt sacra tacita.

C A P. X X X.

Vsus Physiologicus secundus. Exploditur vis αἱμασπινητική venarum extra jecur. Galenus hic sibi non consentit. Recentiores nare dissecli, omnia miscent, omnia movent, nihil promouent. Ibra venarum carneæ rubraque. Mercati somnium. Alia ejus ἄτοπα. Pituita in venis quomodo in sanguinem faceßat? Muslum in dolio, qua se vi ad perfectionem vini promoveat?

Sequitur secunda utilitas, quæ ad eam controversiam pertinet, qua de venarum extra jecur αἱμασπινητική, id est, sanguinis confectrice vi disceptatur, tam incertam illam, dubiam & impeditam, ut ne Galenus quidem ipse satis ea in re sibi constiterit. Qui cum passim venis istis eam, de qua agimus, vim concessisset^a, tandem doctus meliora (puto ab Æsculapio suo, qui dormienti quoties libitum est, adstitit, & somnia pituita quam purgatissima misit) erroris eos arguit manifesti^b qui ita sentirent.

a 1. us. par. c.
16. 4. us. par.
17. 14. us. par.
c. 10. 2. Fac.
nat. 9. 3. de
Temper. 2. de
diff. mor. 7.
b 6. de plac. 8.

c Columb. 1. 6.
Vesal. 5. c. 1.
Argentarius.
d Iouber.
parod. 4. de-
cad. 1.

e Vide Lau-
rentium.

f Iuvenal.
Sat. 3.

Quæ res, & Galeni inconstantia in diversissimas sententias & contrarias adeo posteros distraxit, aliis vim omnem ejusmodi^c remouentibus à venis: aliis omnem^d tribuentibus, & quidem solis: cæteris dividendibus veluti sententiam, & ut Iupiter ille Homericus, partem negantibus, partem dantibus. Ajunt hi, vi & natura sua nihil tale potesse venas, posse adjutas hepatis in eas influxu. Quem influxum ita varie rursus interpretantur, facile ut videas omnia movere & nihil promovere, aut, quod est verius, omnia dicere, & nihil dicere. Quid enim varium magis, imo varum, dum alii, quod influit vim & facultatem esse pertendunt: cæteri nequaquam, sed instrumentum tantum, calorem scilicet, cujus ea vis sit, ut quamcunque succi in venis partem proxime contingat, eam, quasi virgula divina, aptam confestim reddat, ad formam sanguinis induendum; eidemque ruborem indat, qui primus est, inquit, actus caloris in dulci & alba materia. Scilicet ut quondam^f,

Grex totus in agris,
Tuius scabie cadit, & porrigine porci,
Tuaque livorem conspecta ducit ab una.

Quæ sententia Mercati est^g, qui ut nihil absurdi prætermittat, nescio quas præterea nulli visas unquam, nulli videndas, nisi cui ipse oculos suos utendos dederit, carneas in venis fibras comminiscitur, quarum rubro colore ita præafficiatur prætingaturque idem succus, ut nullo negotio calefactus in sanguinem vertat: & ob quas fieri, inquit, dum coquantur in venis humores, ut rubrum in urinis sedimentum appareat. Prætereo de sanguine dicere in his genito, quem nonnullis eorum sanguinis rudimentum magis, quam sanguinem, seu, ut Epicurus diceret, quasi sanguinem: nonnullis, sanguinem quidem, sed imperfectum: cæteris, absolutum expletumque omnibus suis numeris & plane sanguinem appellare placet.

Dirimunt totam controversiam venæ nostræ, & secundum eos pronunciant, qui sunt à parte negante. Quippe docemur autopsia, vulgatis quidem Mesaraicis abunde sanguinis esse, sed ab hepate immixti: in venis chyli, ne volam quidem ejus aut vestigium extare, quæ tamen præcipuo fundamento erant adversæ sententiæ. Vnde idem Mercatus, Ineptum, inquit, est dubitare, in fine venis sanguinis vis effectrix & signum ignorantia. Clarum id in Mesaraicis, quæ affluunt sanguine. Quam inaniter quis non videt? Imo Mercate, ut servem illud vetus,

λέγεις αἱμαίον τ' λέγεις πείθοντά σε,

hoc est, ut pro verbis repenam verba, par pari, Ægri syncipitis & cucurbitam quærentis signum est, quod Mesaraicæ vulgatæ sanguine affluunt, ex eo concludere illas αἱμασπινητικὴν, sanguificare. Nec vero illud te juvare potest, quod Galenum alicubi dixisse adfers, pituitam in sanguinem verum faceßere iis in venis, quæ à cava perducuntur. Nihil hic subsidii est, & in caducum parietem inclinas. Per pituitam, crudioris sanguinis partem ille intelligit. Quomodo autem is in sanguinem perfectum migret istis in venis, idem explicavit clarissime & docuit, non venarum id ope, sed caloris in sanguine insiti evenire, qui ubique in melius promoveat illud, cui insidet. Id quod egregie exemplo musti in vase bullientis declaravit^h, non vasis be-

h 4. us. par. 3

C A P. X X X I.

Vsus Physiologicus tertius. αἱμάτωσις in jecore ubi fiat, & quomodo. Opiniones quinque. Quatuor aliorum ea de re opiniones nihili. Lacteis nulla cum venis hepatis cæteris communio. Fissum jecoris.

Non minus, quam de venarum extra jecur αἱμάτωσις, sanguificatione de ea, quæ perpetratur in ipso jecore, vulgo litium & altercationis est. Vt consulto eos præteream, qui hepatis omnem plane αἱμάτωσιν sanguificationem adimunt (nec enim est hujus loci talis executio) adhuc quinque minimum inter opiniones, tanquam totidem inter scopulos jactamur, etsi credere possumus, tantum non ad scopulos imus.

Prima

Prima est, fieri sanguinem^a in venis hepatis folis, à yī innata illis atque ingenita. Quid hepar in- quies? Nihil magnum aut memorabile, & tamen aliquid. credo ne prorsus nihil sit & intestabile. Affunditur venis, ut stabiliat eas: ut veret coale- scere & in se mutuo confidere; ut calore suo vim earum αἰμασπινῶν, sanguificatricem promoveat.

Secunda, absolvi^b in jecoris simis, quod jecoris fissum vocant, in quæ e portæ ramis excidat chy- lus, venis nihil ad eam penitus aut operæ aut vi- rium conferentibus.

Tertia,^c perfici in portæ radicibus, non vi ipsis insita, sed accersita ab hepatis carne; perfectum, omnem in ejusdem hepatis carnem, nutriendæ illi deponi; inde, quod nutritioni superest, pelli & in cavæ radices abripi.

Quarta, absolvi^d quidem in portæ radicibus, ut vult prior opinio, subeunte in eas per tenuissimas venarum tunicas vi, à carne hepatis derivata: cæ- terum absolutum nequaquam omnem, sed par- tem solum ejus, quanta scilicet alendæ sat est, ef- fundi in carnem, reliquum recta per anastomoses transsumi in radices cavæ.

Quinta, naturam^e, & qualitates cæteras san- guinis à venis; ruborem ab hepatis carne, in quam efferatur, trahere, idque momento.

Ex his quoque tot opinionum scopulis venæ no- stræ nos expediunt. Nam pro secunda pronun- ciant, quantum quidem mihi oculorum argumen- to & conjectura deprehendere adhuc licuit. Per carnem enim hepatis dispergi, in eam desinere obliterarique usque animadverti, nulla interim no- tata deprehensaque cum vasis ejus cæteris com- munionem muneris aut societatis. Quod si ita est, quis non videt, in ipsam carnem hepatis exonerari chylum, elaborandum ibi in sanguinis formam at- que speciem, inde crassiorē ejus partem in ra- mos portæ, subtiliorem utilioremque in cavæ ra- dices excipi. Sed hæc clariora tempus faciet, & à nobis ipsis fufius alibi explicantur.

C A P. XXXII.

Vfus Physiologicus quartus. Stabilita Galeni de Lienis of- ficio sententia. Varolii nova, & antiqua Aristoteli- corum refutata. Lien nihil prorsus trahere è venis chyli potest. De Lacteis nulla ad eum pertinent.

Quartam cognitionis Lactearum nostrarum uti- litatem eam statuo vel maximam, quod de Lienis munere atque officio ejus ope ac beneficio explorato, scire aliquid nobis & judicare licet. Cujus rei ignoratio volumina jam nobis peperit, & pariet, nisi amicum aliquod fidus in tempore nos respiciat. Scribendum enim hodie est, & hoc tan- tum. Sed de re. Galeni constans^a sententia est ἀντισπόμεναι, id est, respondere ex adverso Ve- sicæ felleæ, & ut illa tenuem ac igneam, quam bi- lem, ita hunc crassam & terrestrem sanguinis par- tem, quam melancholiam vocant, ab hepate in sese rapere, eandem mitigare in alimentum sui, & quod ejus edomari non potest, per constituta ei rei vasa abjicere.

Huic ejus sententiæ duæ ex adverso sunt. *Alte- ra*, quæ de officio quidem Lienis nihil mutat, id solum negat, ab hepate allicere succum, quem conficiat. Illud siquidem contendit, antequam ad

hepar perveniat chylus, segregatam jam à venis ejus per Splenicum ramum melancholicam ejus portionem, ad Lienem perferri, qui non alia quam hac causa infra jecur locatus sit, qua in unum Me- saraicæ coeunt ac congregiuntur. Hæc sententia recentior est, & Varolium^b habet auctorem. *Al- tera*, socium hepati dat ad sanguinem conficien- dum, aut certe vicarium subdit, eaque re ferri ad ipsum non minus quam ad hepar chylum per Me- saraicas autumat. Antiquior hæc est, sed quam multi recentiores aut sequuntur, aut saltem dam- nare non audent. Putantur in ea Plato & Aristo- teles fuisse, quorum ille^c, Lienem ἐκμαγῆν, id est, expressam hepatis imaginem, ut quidem ver- tit Ficinus (nam Galenus aliter;) hic^d, ἀντισπόμεναι, id est, hepati opposi- tum & velut aduterinum seu spurium hepar dixit: nec id tantum, sed vapores etiam vagantes diver- tere, attrahere ex ventriculo & concoquere, ut qui sanguineus sit. Quin Hippocrates quoque & Galenus authores laudantur, nec sine causa for- tasse. Hippocrates^e quidem certe *hepate affecto*, inquit, *Lien elaborat sanguinem*. Apud Galenum^f hæc leguntur, *Lien attrahit chylum à stomacho & in- testinis, ut hepar*. Taceo Alexandrum^g, Aretæum^h, & alios.

Vtramque sententiam falsi damnant venæ no- stræ veræ chyli distributrices, & Galeni stabiliunt. Nulla enim vel minima de illis ad splenem perti- net, à qua chyli aliquam partem possit capere. Quod autem Archangelus commentus est, per vas venosum è ventriculo chylum rapere Lienem, vi- derit ipse, qui neganti hoc Averrhoiⁱ & ejus ratio- nibus satisfaciat.

C A P. XXXIII.

Vfus Physiologicus quintus. Refelluntur, qui putant è ventriculo quoque chylum exsugere per Mesaraicas. Pro- strata per morbos vires quo modo tam celeriter ab as- sumpto cibo reficiantur? Cur ἐκκαθαρνίζονται: tam cito reddant per urinas quæ bibere. Lactearum ne minima ad ventriculum.

Succedit quinta utilitas. Ea ad quandam de chylo, qui in ventriculo adhuc est, discepta- tiunculam refertur. Tenet communis omnium opinio, ejus quoque nonnihil ad hepar recta abri- pi. Ac videtur id præter Galeni^a, & Hippocra- tis^b auctoritates, quas supra dedimus, experimen- tis quoque firmari. Videmus quotidie ægros pro- stratos morbi vi exhaustosque, ab assumpto cibo tantum non momento vires recipere. Sed & ple- rique τὴν καθαρνίζομεναι, id est eorum, qui immodico sese potu proluunt sive mergunt potius ἀπολυμα- νήρες δαίαν, amphorarum tempestates ac barathra ocysime quod biberunt^c, idque paulo minus to- tum per urinas reddunt. At utrobique profecto longe propiore & compendiaria magis via opus est dividendis in venas, quæ ingesta fuere, quam sit ea, quæ per intestinorum & Mesaraicarum tan- tum tractum, & tot ambages ad hepar usque cir- cumagitur. Addunt his quidam multo per ven- triculum rectius tutiusque deduci chylum, quam per intestina, quæ perpetua bile infestantur, hu- more chyli benignitati inimicissimo & maxime adverso:

Ee

Hujus

lonber. Pa-
lox. 4. de-
1.1.

Columbus
1.6. Vesal.
1.5.6.7.

Archanch-
1.17.1.2.

Baughin. 1.
1.6. 6.44.
1.10. de
1.10. item
1.10.

Cassius.
1.9.2.

b 3. Ana. 1.5.

c in Temo,
& apud Gal.
1.10. p. 7.
d 3. de part.
4. 7.

e 1.4. de mor-
bu.

f lib. de us.
respir.
g 2. probl. 7.
h 2. de sign.
& causis
chronicorum.

i com. ad 3.
de part. 10.

a 4. us. p. 8. 3.
Fac. nat. 13.
b lib. de car-
nibus.

c 4. us. part.
13. A.

1.1. us. p. 15.
1.1. p. 6. 7.
1.1. de art.
1.1.2. Fac.
1.1.9. 3. Fac.
1.1.13.

Hujus quoque opinionis figmentum delent venæ nostræ, quas & chylum trajicere ad hepar constat, & ventriculo tamen ne unica quidem vel minima sui propagine misceri.

Quæ in experimentum adducta sunt, nihil dicta labefactant aut veritatem infirmant. Nequaquam, ut ægris vires mox à cibo redeant, præcipitato eo ad hepar, & inde ad partes cæteras opus est. Vaporum id beneficio fit, qui excitati ab ingesto cibo instaurant, reficiunt ac recreant spiritus, quibus animantium vita tenetur & viget vegetque, ac confirmatur corpus. Illius vero tam celeris eorum quæ bibuntur, ad urinæ vias præterlapsus longe aliæ sunt, quam quæ adfertur ab iis, causæ, quas diligenter Galenus^a exequitur: convenientia scilicet qualitatis, humorum tenuitas, vasorum laxitas ac amplitudo, robur trahentis facultatis; quibus conspirantibus, nulla tam longa esse via potest, quæ non facile acceleretur. Quod ita esse satis illud ostendit, quod in quibus alia ista sunt, ii nec per urinas semper quæ bibere, & sæpe longo post tempore profundunt. De bilis in intestina prolapsu, quod satis sit supra dictum est. Hinc repetantur. Mihi non placet τωπολογεῖν, id est, actum agere.

Occidit miseros crambe repetita magistros.

C A P. XXXIV.

Usus Physiologicus sextus, cum aliis quibusdam. De venarum generibus, & numero nondum recte constitutum esse. Lactæas nostras vere esse portæ venas, non illas alias. VII. Famis causam non videri suctum venarum à ventre. VIII. ἀνατομώσεις venarum in hepate, si modo sunt aliquæ, non eum usum præbere, quem vulgo volunt. IX. Cavitas cur nulla in jecore.

Esto jam *Sexta utilitas*, ad σκέμμα & commentum illud Anatomicum spectans, quo de venarum numero, ortu, nominibus constituitur. Aristoteles^a unicam venam numerat, quam magnam vocat, & cujus primum ortum à corde repetit. Medici duas agnoscunt, quas è jecore dispensant; quarum alteram, cavam nominant; alteram, portæ.

Planum faciunt nostræ, nec numerum venarum recte adhuc initum vulgo, quarum tertium genus ipsæ sunt: & dari venas, quibus nulla prorsus intercedat cum corde societas conjunctiove, præter illam, quæ ut cum principio, cum partibus omnibus illis est communis.

Illud præterea docent, quam portæ vulgo usurpamus, quamvis tueri id nomen possit, si primum ejus spectemus è fisso jecoris inter duos veluti sulcos progressum, quos πύλας, id est, portas vocavit Hippocrates^b et si non primus, & alibi^c ὡρερχορυσάσεις, si munus tamen æstimetur, cui destinata illa est, & à quo præcipue peti nominis ratio solet, nequaquam amplius eo recte appellari. Si enim verum est, quod ex Hippocratis & Asclepiadarum omnium sententia, nos monet Galenus^d, non alia re portæ venæ hoc nomen obvenisse, quam quod, ut bajuli perpurgatum in promptuario frumentum in communem Civitatis officinam percoquendum mitificandumque deferunt; ita ipsa per propagines suas Mesaraicas directum ab alvo & intestinis secretumque à recrementis crassioribus alimentum ad hepar, locum coctionis

totius animalis communem comportat, quis est omnium qui ignorare possit, quanto in nostras rectius, quam in ullas alias nominis istius notio conveniat?

VII. De fame passim ita philosophantur, ut ejus causam statuant^e suctum venarum à ventre, qui veluti pro terra sit animalibus. Monent hæ venæ nostræ, nequaquam ita simpliciter & promiscue dici id posse. Si enim venas intelligimus illas exsuscando chylo delegatas (ut videntur intelligere qui eam, quam diximus, rationem famis ineunt, dum terræ ventriculum comparant,) scire licet, cum nullæ prorsus earum ad ventriculum pertineant, nullo modo posse suctum earum poni in famis causis. Sin accipimus alias illas, quas dispersas per omnem ventriculi regionem, à porta ex splenico maxime ramo videmus, amplius quærendum & per otium considerandum, venæ quæ nutritioni & sanguinis ad ventrem traductioni dicatæ solum videntur, quemadmodum vel fugi ab aliis (ut ita loquar) vel ipsæ fugere à ventriculo recte dici possint.

VIII. Qui ingenio uti volet, is occasionem nactus venas istas fortean de anastomosi quoque illa venarum per hepar, quam pingunt quidam an fingunt? aliquid conjiciat. Ut enim dentur, quod tamen per obscurum & incertum est, negatque Galenus^f, at certe non eum usum præstiterint, quem populariter iis assignant, ut eorum commercio, excocto in radicibus portæ chylo, ad cavam aditus aperiatur.

IX. Poterit idem nec difficulter fortassis causam sive reddere, sive venari saltem ac indagare, cur nulla in hepate sit, ut in corde & ventriculo cavitas. Quæ res non parum tum Galenum^g ipsum, tum post ipsum Iacobum de Partibus^h, Carpumⁱ, Archangelum^k, Laurentium^l, alios exercuit & sollicitos habuit. Atque usus doctrinæ de Lacteis Medico cum Philosopho communes, quod adhuc sciam, hunc habent numerum. Sequuntur qui sunt Medico, quam Philosopho magis proprii.

C A P. XXXV.

De Usibus Medico magis propriis. Qui sint ii? Complura novorum morborum genera has venas nobis aperire. Chylosum fluxum, quem vocant, non fieri nisi harum venarum vitio. Easdem in causa esse Atrophie totius, quæ ab insessis Scirrhis Mesenterii glandulis. De Melancholia hypochondriaca, & intermittentibus febribus quedam. Conclusio operis.

VSus Medico magis quam Philosopho proprios, eos intelligo, qui ad Pathologiam & reliquam τέχνην Medicam magis attinent. Nam nec isti nullum utilitatis fructum præbet ista istarum venarum cognitio, quam imprimis novis Partium morbis augent quorum nihilo minus, quam aliorum & causæ perquirendæ sunt, & habenda in promptu ac numerato signa, & instituenda curatio. Cui enim dubium esse potest, si dentur istæ venæ, quin ut in cæteris, ita in illis quoque omnem Intemperiei, tum solutæ unitatis genus, locum suum habeant: & præter ista, etiam quæ in Compositione insunt vitia, illa præsertim, quæ ad Figuram, & canales plus justo sive laxatos patefactosque, sive adstrictos clausosque referuntur.

Sed

^a 3. Fac. nat. 13. in fin.

^a 1. Hist. 16. 2. part. 9. & 3. part. 9.

^b 4. us. p. 2. ^c fragm. libri de Anatome.

^d 4. us. p. 2.

^e Galen. 1. de symp. caus. 7.

^f 4. us. p. 13.

^g 4. us. p. 13.

^h in 1. 1. A. vic. doct. 5. sum. 1. c. 2. ⁱ fol. 142. ^k Lect. 17. lib. 2. ^l Laurent. 4. exerc. 4. 6. c. 19.

Sed hæc communiora sunt. illa singularia & præcipua, quod causas nobis aperiunt, corporis affectuum non parum multorum vel ignoratas habet, vel certe non plane satis & explore cognitas ac perceptas.

De chyloso five albo, ut vocant, intestinorum fluxu quam varie disputetur apud Medicorum filios, quis est cui lateat? Nihil dubitationis res habet, si has venas semel videas. Certum & constitutum esse debet, cum is vitio venarum incidit loc. aff. 7. chylum sugentium, ut est apud Galenum^a, five vitium illud intemperies sit trahendi vim exolvens, five angustia viam intercipient, non nisi istarum venarum vitio incidere, præsertim cum medium canalem angustia occupat, unde vi perruptis valvulis & dilatatis, patefactisque oscillis in intestina (quod fieri quandoque minime est incredibile,) chylus refunditur. Secus, quemadmodum è Mesaraicis vulgatis rubro perpetuo succo interfusus possit albus purusque chylus in intestina excidere, ne suspicione quidem attingere possum.

Non dissimilis ratio illius Atrophie est, in qua sentire cibum moles corporis vetatur, ob infestas Scirrhus Mesenterii glandulas, arctatis inde stipatisque vasis, quibus illæ objacent; cujus exempla apud Altimarum, Schenkium, & alios legere est. Non nisi adstrictione compressuque Lactearum nostrarum incidere putanda est. Hæ enim solæ sunt, per quas utilis & necessaria toti corpori materia perlabitur, cujusque intercluso commeatu

necessario id defectum cibo, confectum penuria extabescit. Cæteris Mesaraicis si quid tale accidat, cum ad privatum solum intestinorum commodum comparatæ illæ sint, par profecto est, ut sola quoque intestina incommodum inde accipiant contrahantque.

De intermittentibus febribus, quarum sedem in Mesaræo non ignobiles Scriptores collocant: de Melancholia itidem, quam Hypochondriacam vocant & *φυσώδη* flatulentam, an hæc quoque mala comitari affectis his venis possint, quærendum aliis relinquo; quemadmodum alia multa, quæ dici de iis quærique posse præclare intelligo. Non omnia aurora statim prima sua luce distinguit; & vetus verbum est, *Plus oculos videre, quam oculum*. Multa quotidie sua volenti cuique observatio subjiciet: nec mihi sane aut quærendi labor, aut proficiendi cura deerit in posterum.

Nunc quidem ista habui, quæ & afferri in communem fructum, & proferri in lucem aspectumque posse putavi. Quæ si viris bonis & doctis (his scribimus) non improbata omnino fuerint, magno id in lucro deputabo: sin, istud ipsum quoque in rem meam vertet. Discam meliora, errasse admonitus. Quod quam facile fieri à me potuerit, in re præsertim nova, non sum nescius. Homo sum, humani à me nihil alienum puto^b. Nihil humanius, quam labi errare, falli: nihil inhumanius, quam errores fovere, excusare, tueri.

^b Terentius
Heautontimor.

F I N I S.



Index Capitum de Venis Lacteis.

- CAP. I. Considerantur, quæ toti Mesenterio communia. Nomen, &c. Pag. iij
- II. Explicantur propriæ Mesenterii partes singillatim, Membrana, &c. v
- III. Ad enarrationem Vasorum Mesaraicarum aggressio. Quot ea vulgo? Primo de venis explicatum. Earum Origo, &c. vj
- IV. Agitur de venarum Mesaraicarum actionibus, & usibus. Ii tres Galeno, & vulgo Medicorum, ἀνάδοσις, αἰμάτωσις, Ἀγέδοσις. Ex iis duo primi rejecti, tertio alius & novus additus ex ipso Galeno. Galenus nulli dixit ἀνάδοσιν & Ἀγέδοσιν fieri eodem tempore. Laurentius Hippocratem non recte cepit, viij
- V. De arteriis Mesaraicis. Earum Nomen, &c. viij
- VI. In actiones arteriarum & usus inquiritur. An Chyli quippiam in se alliciant. Galeni & Hippocratis in eam rem sententia expensa, & in medio relicta. Auctor lib. de utilitate respirationis, & Varolius accurate confutati. Sanguis per quas vias è dextro cordis sinu in sinistrum subeat. Cæci ductus in corpore, ibid.
- VII. Pauca de Nervis Mesaraicis. Eorum Numerus. Magnitudo. Progressus. Insertio. Principium qua originis, qua divisionis. Vfus. Laudatus Fallopius. Fernellius reprehensus. Arteris cur contigui isti nervi, x
- VIII. Dicendorum propositio, & ordo. Antecepta rei informatio, quæ Cicero? xj
- IX. Historia primæ vasorum istorum inventionis cum fide narrata. Obiter multa notata ad illa recte sectione perquirendum, ibid.
- X. Prænoscenda ad absolutam horum vasorum perceptionem. Ea duo esse in re præsentia, non plura. Notionem nominis, & eorum ὑπαρξιν. Πηγῶσις ad rerum scientiam necessitas. Περίληψις non est vox Epicuro propria. τὸ ὅλιν potestate est tota scientia. xij
- XI. Data his vasis sua nomina. Eadem explicata, & stabilita consensu qua veterum, qua recentiorum. Novis rebus nova nomina quot modis poni possint. Venæ albe Celsi. Venæ lacteæ Arabum. Rhasis rejectus. Venæ verbum bonis & antiquis auctoribus latissime patet. Ejus etymon. Lactes vox in rebus diversissimis usurpata ævo qua præfco, qua nostro. In eam rem compluscula adnotata. Plinii vulgata lectio defensa contra Dalechampium. Persio, & Horatio lux. Luporum lactes apud Lampri-dium. Ex Hippocrate Probi locus declaratus. Lactium Etymon non unum. Cicero obiter correctus. Scaliger laudatus. Gaza præter morem suum à Plinio dissidet, xij
- XII. Quæsitum de vasorum nostrorum existentia. Primum, verè sint nec ne? Esse, monstratum fide sensus, & conclusum ratione. Sensuum veritas & evidentia præ omni ratione est. In eam rem Aristotelis & Galeni testimonia. Anatomicus non nisi oculis suis credere debet. xiiij
- XIII. Quæsitum alicuius, Novum inventum sint, nec ne? Recte vidisse veteres alia chylo, alia sanguini deberi vasa; illa tamen ignorasse. Erasistratum novisse, nec agnovisse. Hippocrates, Plato, Aristoteles, Stoici, Herophilus, ipse Galenus, variè illustrati, & explicati. Item Pollux, Rhasis, quidam recentiores, xv
- XIV. Ex occasione quæstionculæ duæ. Prima: Quæ causa ut tamdiu latuerint? Triplicem videri. Excusati veteres, non Galenus, qui videtur nosse omnino debuisse. Secunda: Cur ita repente obliterentur & exole-scant. Post plures causas allatas, res in medio relicta, xvj
- XV. Transitum ad ea, quæ Anatomes propria. Quid ea nobis? Tribus eam rebus absolvi. Quarum prima historia partis. Quæ quatuor quavis in parte perpendit. Aristoteles in his omnibus Galeno ὁμολογῶν, xvij
- XVI. Perpenditur horum vasorum substantia. Sunt è genere venarum. Sunt partes compositæ & dissimilares, non similes & simplices. De Ga-lenis & Aristotelis hac in re sententia cum cura inquisitum. Fuchsi, Syl-vii, Fallopii explosa. Partes componentes venam tres, Membrana, Fi-bra, Caro. Aristoteles iterum explicatus. notatus Capiuvaccius. rursus Fallopius, & cum eo Vesalius, xvij
- XVII. Explicata Temperies, & quæ eam consequuntur. Ioubertus obiter perstrictus. Galenus explicatus, xviii
- XVIII. Ex iis, quæ accidunt examinata. Conformatio, &c. ibid.
- XIX. Distinctum distictè de harum venarum situ (ὁντόειδ.) Considerata illarum tum Positio (ἑστis), tum communio cum partibus cæteris (ἁνω-via.) In hac seorsum. Origo, Finis, Insertio, Progressus. An poris foratæ? Videri. Non tamen ἀνασπῶντες cum arteriis. Principium le-cori, an Pancreati debeant? An venæ sint sui generis? Iugis jejuni inte-stini inanitatis vera causa. Galenus hic refutatus, & ex occasione Fallopius. Crusta intestinorum. Ventriculus his venis caret, xx
- XX. Actio partis antecedit usum. Quid ea nobis in re præsentia? Quot-plex? Agendum de ea Anatomico quam diligentissime, & cur? xxj

- XXI. De actione Lactium communi, quæ Nutritio est. Non aliæ eas chylo sed sanguine, Galeni in declaranda nutritione ventriculi & intestinorum mira inconstantia, & quæ frustra excusatur. Recentiores, qui chylo volunt ali, cum suis rationibus explosi. Nutritio perfectio, imperfecta, ἀνάδοσις, Satura quid? Massa, & Archangelus notati. Magni cuiusdam Anatomici novum inventum examinatum. Qui sanguis alar, qui non? quis ille, qui ultimum alimentum Aristoteli? Molestia famis, cur mox ab ingesto cibo desinat? Ventriculus quomodo sibi laboret, quomodo parti-bus aliis, ibid.
- XXII. De propria Lactearum actione. Eam esse distributionem chyli ad Jecur. Hanc componi ex tractu & pulsu. Qualis uterque motus, & quæ utriusque cause principes, instrumentales? Ἀγέδοσις & ἀνάδοσις quia differant? Trahentium duplex genus, item pellentium. Tractum, qui sui successione ad vacuum, nullum esse. Calor an instrumentum tractus? Hippocrates, auctor Finitionum Medicarum, alii, explicati. Avicenna laudatus. Δοκῆσις & quidam obiter perstrictus, xxiij
- XXIII. Remota duæ objectiones. Costæ, & Laurentii rationes in nos nullæ. Chylus an sanguis crassior? Cur tot venæ rubræ ad intestina? Non semper verum, quæ frigida & exanguia pauco egere alimento. Intestina cur multo egeant? Totius per illa expurgatio. Renibus cur amplissima venæ? xxv
- XXIV. Lactæ an chylum præparent jecori, & quo id modo? Galenus & Fernellius reprehensi. Præparare non est præformare, seu conferre quip-piam formæ futuræ. Sensus Lactearum. xxvj
- XXV. Explicatio usus Lactearum bipartita. Partis usus alius qua pars, alius qua pars cognita. Galeni librorum de usu partium duo summa capi-ta. Actio, & usus partium, est ἐκ φύσεως norma, ac regula. Disciplina-rum inter se nexus, & connexus. xxvij
- XXVI. Vfus partis ab actione, quibus differat? Galenus à contradictione vindicatus. Vfus qui, qua actione, præstantur? Actionis perfectio duè in parte requirit, non plura. Partium organi actionem edentis quadru-plex varietas. Partes singulæ Lactearum, quemadmodum ad actionem conspirent, Fibra, Caro, Membrana. De venarum fibris confutata Fal-lopii opinio. ibid.
- XXVII. Ex iis, quæ insunt, Temperies quid Lactearum actioni accom-modat? quid item, quæ consequuntur, albor, levitas, tenuitas, & rarita-tunicarum, fibrarum durities? Temperies frigida & sicca robur parti & constantiam, imprimis tribuit. Albor materiæ necessitatem sequitur. for-etiam levitas. xxvii
- XXVIII. Quæ accidunt Lacteis, quos ex se usus in actionis commodum promant? Figura, &c. xxviii
- XXIX. De Vfibis, qui ex Lactearum cognitione Medico & Philosophi accedunt. Eorum præ prioribus dignitas. Duplices esse; alios commune. utrique, alios Medico magis proprios. Ili Physiologici appellati. Ex ii primus explicatus. Sublata gravissima controversia de officio Mesaraica-rum. Octo omnes de illo sententiæ falsi convictæ. Venæ hermaphrodite, Iacobus de Partibus, Zerbus, Carpus, Massa, Laurentius, alii, variè no-tati, aut confutati. xxx
- XXX. Vfus Physiologicus secundus Exploditur vis αἰματωρῆς in ve-narum extra jecur, &c. xxxi
- XXXI. Vfus Physiologicus tertius. αἰμάτωσις in jecore ubi fiat, & quo-modo. Opiniones quinque. Quatuor aliorum ea de re opiniones nihili Lacteis nulla cum venis hepatis cæteris communio. Fissum jecoris. ibid
- XXXII. Vfus Physiologicus quartus. Stabilita Galeni de Lienis officii sententia. Varolii nova, & antiqua Aristotelicorum refutata. Lien nihil prorsus trahere è venis chyli potest. De Lacteis nullæ ad eum perti-nent. xxxii
- XXXIII. Vfus Physiologicus quintus. Refelluntur, qui putant è ven-triculo quoque chylum exsugere per Mesaraicas. Prostratæ per morbos vire. quo modo tam celeriter ab assumpto cibo reficiantur? Cur οἱ καὶ ὡς ὁμο-μενοι tam cito reddant per urinas quæ bibere. Lactearum ne minima ad ventriculum. ibid
- XXXIV. Vfus Physiologicus sextus, cum aliis quibusdam. De venarum generibus, & numero nondum rectè constitutum esse. Lacteas nostras ver-esse portæ venas, non illas alias. vii. Famis causam non videri suum venarum à ventre. viii. ἀνασπῶντες venarum in hepate, si modo sunt aliqua, non eum usum præbere, quem vulgo volunt. ix. Cavitas cu-nulla in jecore. xxxiii
- XXXV. De Vfibis Medico magis propriis. Qui sint ii? Complura no-vorum morborum genera has venas nobis aperire. Chylorum fluxum, quæ vocant, non fieri nisi harum venarum vitio. Easdem in causâ esse Atropho-totius, quæ ab incessis Scirrho Mesenterii glandulis. De Melancholia hy-pochondriaca, & intermittentibus febribus quædam. Conclusio operis, ibi

G A S P A R I S A S E L L I I

C R E M O N E N S I S,

T A B V L Æ

Dē Venis lacteis.


L E C T O R I S.

Differtationi Gasparis Asellii de Venis Lacteis, figuras quatuor, formis æneis elegantioribus expressas, subjunximus; quibus author earum Originem, Progressum, & Insertionem repræsentare conatus est, ut Venæ illæ aliquatenus legentium, Anatomicorum præsertim, oculis exponerentur, & certius cognoscerentur. Vale & utere.

T A B V L A P R I M A


Ventriculum, Intestina & Mesenterium, cum Vasis Mesaraicis quatuor generum per illa hinc inde distributis, exhibet.

- A. *Vena Mesaraica vulgata, Porta rami, cum Arteriis mesaraicis.*
- B. *Vena Lactæ discurrentes per mesenterium ad intestina.*
- C. *Mesenterii portionem: una etiam Nervorum Mesaraicorum per eam distributionem signat.*
- D. *Ventriculi fundus.*
- E. *Inferius Ventriculi orificium πύλωρⓈ vocatum.*
- F. *Intestinum duodenum.*
- G. *Iejunum intestinum.*
- H. *Ileum intestinum.*
- I. *Vena & arteria fundum ventriculi perreptans.*
- K. *Omenti pars.*
- L. *παγκρέαⓈ portiuncula: in quam Vena lactea, inter se implexa insinuantur, formâ capreolorum.*




T A B V L Æ S E C V N D Æ
E X P L I C A T I O.

- A. *Vena Mesaraica vulgata cum Arteriis.*
- B. *Vena Lactea.*
- C. *Mesenterium.*
- G. *Iejunum intestinum.*
- H. *Ileum intestinum.*
- L. *Implicatio Lactearum in pancreate.*
- M. *Ramus Venæ cavæ.*
- N. *Progressus Lactearum ex Pancreate ad Hepar.*
- O. *Hepatis fibræ.*
- P. *Vesica fellis.*
- Q. *Pars quedam carnosæ, glandulosæ & adiposæ, canibus peculiaris.*




T A B V L Æ T E R T I Æ
E X P L I C A T I O.

- A. *Venæ & Arteriæ Mesaraicæ.*
- B. *Lactææ venæ.*
- C. *Mesenterium.*
- G. *Intestinum jejunum.*
- H. *Ileum intestinum.*
- M. *Vena cava.*
- N. *Lactea juxta Cavam ascendens ad Hepar.*
- N. † *Eadem Lactea ad venam Portæ propagata, eamque coronans.*
- O. *Hepatis fibræ.*
- P. *Vesica fellis.*
- R. *Vena Portæ.*
- S. *Colon intestinum.*
- T. *Origo Mesenterii.*



T A B V L Æ Q V A R T Æ
E X P O S I T I O.

- M. *Vena Porta.*
N. *Lactearum in Hepar insertio.*
O. *Hepar.*
P. *Vesicula felle.*
V. *Ductus Cholodochus ad intestina.*





G V I L I E L M I H A R V E I
A N G L I

E X E R C I T A T I O
A N A T O M I C A,

D E

M O T V C O R D I S
E T S A N G V I N I S
I N A N I M A L I B V S.

Ex recensione

I O H A N N I S A N T O N I D Æ
van der L I N D E N, Med. Prof.

Francofurti prodijt Harveij Exercitatio .4. 1628. V. Zach. Sylvij Praef.

Serenissimo & Iuictissimo

C A R O L O,
MAGNÆ BRITANNIÆ,
Franciæ & Hybernæ Regi,
Fidei Defensori.



Serenissime REX,

COR animalium, fundamentum est vitæ, princeps omnium, Microcosmi Sol, à quo omnis vegetatio dependet, vigor omnis & robur emanat. Rex pariter regnorum suorum fundamentum, & Microcosmi sui Sol, Reipublicæ Cor est, à quo omnis emanat potestas, omnis gratia provenit. Quæ de motu cordis hîc scripta sunt, Majestati tuæ (uti hujus seculi mos est) offerre eo magis ausus sum, quod ad hominis exemplum humana pene omnia, & ad cordis, Regis plurima. Regi itaque non inutilis cordis sui notitia, tanquam actionum divinum Exemplarium: (sic parvis componere magna solebant.) Poteris saltem Regum optime, in fastigio rerum humanarum positus, una opera & humani corporis principium & Regiæ simul potestatis Tuæ effigiem contemplari. Suscipe itaque, humilime precor, Serenissime Rex, usitata benignitate & clementia de corde nova hæc, qui ipse novus splendor hujus seculi, & totum vere cor es, princeps virtute abundans, ac gratia; cui acceptum jure merito referimus, quicquid nostra Anglia boni, quicquid vita nostra jucundi, habet.

Augustissima Majestatis Tuæ

devotissimus servus

GVILIELMVS HARVEVS.

Excellentissimo & Ornatissimo Viro D.

D. A R G E N T,

Collegii Medicorum Londinensium Præsidi Amico
 suo singulari cæterisque Doctissimis Medi-
 cis Collegis suis amantissimis.

S. P. D.



MEam de motu & usu cordis, & circuitu sanguinis sententiam E. D. D. antea sæpius in prælectionibus meis Anatomicis aperui novam. Sed jam per novem & amplius annos multis ocularibus demonstrationibus in conspectu vestro confirmatam, rationibus & argumentis illustratam, & ab objectionibus doctissimorum & peritissimorum Anatomicorum liberatam, toties ab omnibus desideratam, à quibusdam efflagitatam, in lucem & conspectum omnium hoc libello produximus. Quem nisi vobis transmissum E. D. D. minus sperarem prodire posse integrum & tutum; cum pene omnium illarum observationum, ex quibus aut veritatem colligo, aut errores redarguo, è vobis plurimos & fide dignos appellare possum testes; qui dissectiones meas vidistis, & ocularibus demonstrationibus eorum, quæ hic ad sensum palam assevero, assistere candide & astipulari consuevistis. Et cum, contra receptam viam, per tot secula annorum ab innumeris, iisque clarissimis doctissimisque viris tritam & illustratam, sanguinem iter novum metiri suum & revolvere solus iste liber affirmaret; ne arroganter nimis factum videretur, si libellum istum, per aliquot abhinc retro annos alioquin perfectum, vel in publicum exire vel transfretare permisisssem, summopere verebar; nisi prius vobis proposuisssem, & per autopsiam confirmasssem, vestris dubiis & objectionibus respondiesssem, & Præsidis ornatissimi censuram in favorem accepiesssem. Persuassissimum veruntamen habui, quod si coram vobis nostroque Collegio tot tantisque viris doctissimis nobilitato, propositum sustinere potuerim, ab aliis tum demum minus pertimescendum fore, & jam illud, quod mihi à vobis, ob amorem veritatis, contigit unicum solatium, ab omnibus aliis, qui similiter sint philosophati, non minus esse sperandum. Philosophi enim veri, qui amore veritatis & sapientiæ flagrant, nunquam se tam *οφθς*, sapientia plenos reperiunt, aut suo sensu abundant, quin veritati, à quocunque & quandocunque venerit, locum dent. Nec tam angusti animi ut credant quamvis artem aut scientiam adeo omnibus numeris absolutam & perfectam à veteribus traditam, ut aliorum industria,

& diligentia nihil sit reliquum: cum profiteantur plurimi, maximam partem eorum quæ scimus, eorum quæ ignoramus minimam esse, nec ita traditionibus & præceptis quorumcunque addicti, inservire se patiuntur Philosophi, & libertatem perdunt, ne oculis propriis fidem adhibeant, nec ita in verba jurant antiquitatis magistræ, ut veritatem amicam in apertis relinquunt, & in conspectu omnium deferant. Sed sicut credulos & vanos, omnia prima facie admittere & credere, ita manifesta sensui non videre, & Luce meridiana diem non agnoscere, stupidos & intensatos pariter existimant. Et non minus poëtarum fabulas, & vulgi deliramenta, quam Scepticorum epochen in via philosophica declinare docent. Omnes item studiosi, boni, honestique, nunquam ita passionibus indignationis, invidiæ, obrui mentem sinunt, quo minus audiant æquo animo quæ pro veritate proferantur, aut rem vere demonstratam intelligant. nec turpe putant mutare sententiam si veritas suadet & aperta demonstratio: nec errores, licet antiquissimos deferere arbitrantur inhonestum. Cum optime norint quod humanum sit errare, decipi, & quod casu multa reperta esse contingat quæ discere quivis à quovis possit, à juvene senex, à stulto intelligens.

Verum isto tractatu, Collegæ Amantissimi, in authorum & scriptorum Anatomicorum nominibus, operibus & sententiis recensendis, exagitan- dis memoriam meam, & lucubrationes, multam- que lectionem & magnum volumen ostentare no- lebam. Tum quod non ex libris, sed ex dissectioni- bus, non ex placitis Philosophorum, sed fabrica na- turæ discere & docere Anatomem profitear. Tum quod neque è veteribus quemquam debito hono- re defraudare, neque è posterioribus quemquam irritari æquum censeam, aut moliar. Neque cum iis qui in Anatomicis antecelluerunt, & me docu- runt, manus conferere, aut dimicari honestum pu- tem. Accedit, quod nec falsitatis crimen, in quem- piam veritatis studiosum mea sponte inurere vel- lem, nec quenquam erroris labe insimulare. Sed solam veritatem sector, & omnem tum *ο* peram, tum oleum ed contuli, ut aliquid bonis gratum, doctis commodum, & rei litterariæ utile in me- dium proferre possim. Valete Domini D. Excel- lentis, & Anatomico vestro favete

GVILIELMO HARVEO.

Quo demonstratur, quæ hætenus scripta sunt de motu
& usu cordis & arteriarum, minus firma esse.



DE cordis arteriarumque motu, pulsu, actione, usu, & utilitatibus cogitanti operæpretium est, quæ prius ab aliis mandata sunt literis evolvere, quæ vulgo jactata & tradita animadvertere, ut quæ recte dicta confirmantur: quæ falsa, dissectione anatomica, multiplici experientia, diligenti, & accurata observatione emendantur.

Pene omnes huc usque Anatomici, Medici, & Philosophi supponunt cum Galeno, eundem usum esse pulsus, quem respirationis, & una re tantum differre, quod ille ab animali, hæc à vitali facultate emanet: reliquis, vel quod ad utilitatem, vel quod ad motus modum spectat, similiter se habentibus; unde affirmant (ut Hieron. Fabr. ab Aquapendente libro suo de respiratione nuperrime edito) quod quoniam non sufficit pulsus cordis & arteriarum ad eventandum & refrigerandum; ideo à Natura pulmones circa cor fabricatos esse. Hinc patet quod quæcunque dixerint priores de Systole & Diasole, de motu cordis & arteriarum, hæc omnia ad pulmones respicientes eos tradidisse.

Cum vero aliter se habeat motus & constitutio cordis, quam pulmonum; aliter arteriarum, quam pectoris, alios exinde usus & utilitates exoriri verisimile est, differreque plurimam cordis & similiter Arteriarum pulsus & usus, à pectoris & pulmonum. Si enim iisdem usibus inserviant pulsus ac respiratio, & in Diasole introsument aërem in cavitates suas arteriæ (uti vulgo dicunt,) & in Systole per eosdem poros carnis & cutis fuligines emittant, nec non medio tempore inter Systolem & Diasolem aërem contineant; & quovis tempore aut aërem, aut spiritus, aut fuligines. Quid itaque respondeant Galeno, qui librum scripsit, Natura sanguinem contineri in arteriis, & nihil præter sanguinem, nimirum neque spiritus, neque aërem, sicut ab experimentis & rationibus in eodem libro facile colligere licet. Et si in Diasole replentur arteriæ ab aëre introsumpto in majori pulsu, majori subeunte aëris copia: ergo magno existente pulsu, si totum corpus in balneum immergeris vel aquæ vel olei, necesse est pulsum statim aut minorem esse, aut tardiozem multo; cum per corpus ambientis balnei aërem intra arterias permeare difficilius sit, si non impossibile. Similiter, cum omnes arteriæ tam profundæ, quam cutaneæ, eodem tempore & pari velocitate distendantur; quomodo poterit aër tam libere & celeriter per cutem, carnem, habitumque corporis in profundum pertransire, quam per cuticulam solam. Et quomodo Embryonum arteriæ forinsecus in cavitates suas aërem per ventrem maternum, & per corpus uteri attrahant? Vel quomodo Phocæ, Balenæ, Delphines, cetaceum omne genus & pisces omnes in profundo maris arteriarum suarum Diasole & Systole per immensam aquæ massam celeri pulsu aërem introsument & emittunt? Dicere vero quod aërem implantatum in aqua absorbeant, & in aquam fuligines suas reddant, figmento haud absimile. Et si in Systole arteriæ per poros carnis & cutis fuligines è cavitatibus illorum expellunt, cur non

item spiritus? quos dicunt etiam in illis contineri, cum spiritus multo tenuiores fuliginibus sint. Et si cum in Systole, tum in Diasole aërem arteriæ accipiunt & reddunt, uti pulmones in respiratione; cur non & hoc faciunt inflicto per arteriotomiam vulnere? Secta trachæa per vulnus aërem ingredi & regredi, duobus contrariis motibus, palam est. Secta vero arteria statim uno continuo motu sanguinem vi protrudi, & non aërem vel ingredi vel regredi, manifestum est. Si pulsus arteriarum partes corporis refrigerant & eventant, uti pulmones ipsum cor; quomodo dicunt vulgo arterias à corde in partes singulas vitalem sanguinem differre referissimum spiritibus vitalibus? qui partium calorem foveant, sopitum suscitent, & quasi absumptum resarciant, & quomodo (si ligaveris arterias) statim partes non modo torpent, frigent, & quasi pallidæ cernuntur, sed & ali tandem desinunt, quod secundum Galenum contingit, quia calore, qui per omnes partes superne à corde confluerat, privatae sint: cum hinc pateat arterias magis calorem partibus deferre, quam refrigerium & eventationem. Præterea, quomodo Diasole simul spiritus à corde attrahantur ad calefaciendas partes, simulque ab externo refrigerium? Amplius tametsi iisdem usibus pulmones, arterias, & cor inservire aliqui affirmant, tamen cor spirituum officinam esse, & arterias spiritus continere, transmittere etiam dicunt: Pulmones autem spiritus facere aut retinere, contra Columbi opinionem negant. Quin & cum Galeno, quod sanguis contineatur in arteriis, & non spiritus, contra Erasistratum asseverant. Videntur ista opiniones ita inter se pugnare & sese invicem refellere, ut omnes non immerito sint suspectæ. Sanguinem in arteriis contineri, & arterias solum sanguinem deferre tum experimento Galeni, tum in arteriotomia, tum in vulnerebus, manifestum est, quoniam una arteria dissecta, quod etiam Galenus affirmat plurimis in locis, unius semihoræ spatio totam massam sanguinis ab universo corpore magna & impetuosa profusione exhauritur. Experimentum Galeni tale est. Si, inquit, lib. quod sang. cont. in arter. funiculo arteriam utrinque ligaveris & medio rescisso, secundum longitudinem, quod inter duas ligaturas in arteriis comprehensum erit, nihil præter sanguinem esse reperies. Et sic probat, sanguinem solum continere. Vnde etiam similiter nobis ratiocinari licet: Si eundem sanguinem, qui venis similiter ligatis & rescissis inest, inveneris in arteriis (quem in mortuis & aliis animalibus sæpius ego expertus sum) eadem ratione similiter concludere nos possumus, arterias eundem sanguinem, quem venæ, & nihil præter eundem sanguinem continere. Aliqui dum dissolvere difficultatem tentant, spirituosum & arteriosum esse sanguinem affirmantes, tacite concedunt, arteriarum munus esse sanguinem à corde in universum corpus deferre, & repletas sanguine arterias esse. Spirituosus enim sanguis, non minus sanguis est. Etiam sanguis prout sanguis, & qui in venis fluit, cum spiritibus imbui nemo negat. Quod si, qui in arteriis est, sanguis uberiori spirituum copia turgeat, tamen existimandum est hos spiritus à sanguine inseparabiles esse, sicut illi in venis, & quod sanguis & spiritus unum corpus constituent (ut serum & butyrum in lacte, aut calor in aqua calida)

calida) quo corpore replentur arteriæ & cujus corporis distributionem à corde arteriæ præstant, & hoc corpus nihil aliud, quam sanguis est. Si vero hunc sanguinem in arteriis, è corde per arteriarum Diastolem attrahi dicunt, videntur astruere, quod arteriæ sua distensione sanguine isto repleantur, & non aëre ambiente, uti prius. Nam si etiam aëre ab ambiente repleti dicant, quomodo & quando recipient è corde sanguinem? Si in Systole id fiat, continget impossibile; repleti arterias, cum contrahantur, vel repleti & non distendi. Sin autem in Diastole, in duos usus contrarios, & sanguinem & aërem, & calorem & frigus simul recipient; quod est improbable. Amplius cum affirmant, simul Diastolem cordis & arteriarum esse, & simul Systolem, alterum est inconveniens. Quomodo enim cum simul distenduntur duo corpora sic invicem connata, alterum ab altero attrahat, vel cum simul contrahuntur, alterum ab altero recipiat aliquid? Insuper forsitan impossibile est, aliquid posse aliud corpus ita in seipsum attrahere ut distendatur, cum distendi sit pati, nisi ut spongia prius vi ab externis constricta, dum redeat ad constitutionem suam naturalem. Tale autem aliquid in arteriis posse esse, difficile est fingere. Sed arterias distendi, quia replentur, ut sacculi & utres, atque non repleti, quia distenduntur ut folles, facile & aperte demonstrare me posse, & palam antehac demonstrasse existimo. Attamen libr. quod sang. cont. in arter. Galeni experimentum in contrarium sic se habet. Arteriam nudatam secundum longitudinem incidit, calamusque vel concavam perviam fistulam immittit, quo & sanguis exilire non possit, & vulnus obturetur. Quoad usque (inquit) sic se habet, arteria tota pulsabit: cum primum vero obductum filum super arteriam, & fistulam in laqueum contrahens arteriæ tunicas calamo obstrinxeris, non amplius arteriam ultra laqueum palpitare videbis. Nec ego feci experimentum Galeni, nec recte posse fieri vivo corpore ob impetuosum sanguinis ex arteriis eruptionem puto, nec obturabit sine ligatura vulnus fistula; & per fistulam cavitatem ulterius proficere sanguinem non dubito; tamen hoc experimento & probare videtur Galenus facultatem pulsificam per tunicas arteriarum, à corde manare, & quod arteriæ dum distendantur, ab illa facultate pulsifica repleantur, quia distenduntur ut folles, non distendantur, quia replentur, ut utres. Sed & in arteriotomia & vulneribus contrarium manifestum est: sanguis enim saliendo ab arteriis profunditur cum impetu, modo longius, modo propius vicissim proficundo, & salius semper est in arteriæ Diastole & non in Systole. Quo clare apparet, impulsu sanguinis arteriam distendi. Ipsa enim dum distenditur, non potest sanguinem tanta vi projicere potius, aërem in se per vulnus attrahere deberet, secundum ea, quæ vulgo de arteriarum usu jactata sunt. Nec crassities tunicarum arteriæ nobis imponat, facultatem pulsificam provenire à corde per ipsas tunicas. Nam quibusdam animalibus arteriæ à venis nihil differunt, & extremis partibus hominis & parvis disseminationibus arteriarum, quales in cerebro, manu, &c. nemo per tunicas, arterias à venis poterit distinguere: eadem enim utrisque tunica. In aneurismate præterea ex incisa vel exesa arteria genito, eadem omnino pulsatio cum reliquis arteriis, & tamen non habet tunicam arteriæ. Hoc mecum doctissimus Riolanus lib. VII attestatur. Neque eundem usum pulsus ac respirationis quis existimet, quod iisdem causis quibus respiratio, crebriores, majores, celeriores fieri cernat, vel uti cursu, ira, balneo, aut quovis calfaciente, ut dicit Galenus. Nam non solum illud experimentum est in contra-

rium (quod solvere Galenus nititur) cum ab immodica repletionem pulsus existant majores, respirationes minores; sed & in pueris pulsus frequentes, cum respiratio interim rara. Similiter in timore & curis & anxietate animi, imo aliquibus in febribus pulsus celeres, frequentes; respirationes vero tardiores. Hec & hujusmodi incommoda positas opiniones de pulsu & usu arteriarum consequuntur: non minus forsitan etiam ea, quæ de usu & pulsu cordis affirmantur, difficultatibus plurimis & inextricabilibus implexa sunt. Cor affirmant vulgo fontem & officinam vitalis spiritus esse, quibus vitam singulis partibus largiatur; & tamen negant dextrum ventriculum spiritus facere, sed præbere duntaxat alimentum pulmonibus, unde dicunt piscibus deesse dextrum ventriculum cordis, & omnino omnibus deesse quibus non sunt pulmones: & quod dexter ventriculus cordis, pulmonum gratia sit.

I. Cur, quæso, cum eadem pene constitutio sit utriusque ventriculi, eadem fabrica fibrarum, lacertulorum, valvularum, vasorum, auricularum, & eodem uterque in dissectionibus refarciatur sanguine, similiter nigricante, similiter grumescente; cur, inquam, cum eadem sit utriusque actio, motus pulsus, variis eos usibus tam differentibus existimemus destinatos fuisse? Si valvule tricuspidales tres sub dextri ventriculi ingressu impedimento sint sanguinis regressui in venam cavam; & si semilunares tres illæ in orificio arteriosæ venæ ut sanguinis regressum impedirent factæ sint; cur, cum similiter se habeant, sinistro ventriculo similiter sanguinis tum egressui, tum regressui impediendo factas esse negemus?

II. Et cum magnitudine, forma, situ, omnino eodem pene modo sinistro se habeant ventriculo, quo in dextro, cur dicunt hic spiritum egressui & regressui impedimento esse, in dextro vero sanguinis? Idem organon simile non videtur sanguinis, & spirituum motus similiter impedire apte posse.

III. Et cum meatus & vasa sibi invicem respondeant magnitudine, videlicet vena arteriosa & arteria venosa; cur unum privato usui destinatur, videlicet alendis pulmonibus, alterum publico?

IV. Et quomodo probabile est, uti notavit Realdus Columbus, tanto sanguine opus esse ad nutritionem pulmonum, cum hoc vas, vena videlicet arteriosa, exuperet magnitudine utrumque ramum distributionis venæ cavæ descendenti cruralem?

V. Et, quæso, cum pulmones tam prope sint, & vas tam amplum existat, & ipsi continuo motu agitentur, quid est quod dextri ventriculi pulsu opus sit? & quid est quod Natura, gratia alendorum pulmonum, alterum ventriculum cordi adungere necesse habeat?

VI. Cum dicunt sinistrum ventriculum è pulmonibus & dextro cordis sinu materiam attrahere ad spiritus condendos, aërem videlicet & sanguinem, & pariter in aortam spirituosum sanguinem distribuere, & hinc fuligines, videlicet retro per arteriam venalem remitti in pulmones, illinc spiritus in aortam: quid est quod separationem facit, & quomodo huc illuc spiritus fuligines citra permissionem aut confusionem commeant? Si tricuspidales mitrales non impediunt egressum fuliginum ad pulmones, quomodo impediunt aëris? Et quomodo semilunares prohibebunt regressum spirituum, subsequente Diastole cordis, ab aorta? Et omnino, quomodo dicunt per arteriam venalem spirituosum sanguinem distribui è ventriculo sinistro in pulmones, nec interim impediunt tricuspidales cum affirmarint aërem per idem vas à pulmonibus in ventriculum sinistrum ingredi, cujus regressui tricuspidales illæ

ille valvula impedimento esse voluerunt. Deus bone! Quomodo tricuspidēs impediunt aëris egressum, & non sanguinis?

VII. Amplius, cum venam arteriosam, vas amplum, magnum cum tunica arterie factum, non nisi privato & uni usui, videlicet alendis pulmonibus destinarent; cur arteriam venalem vix pari magnitudine cum tunica vena molli & laxa, pluribus usibus, tribus vel quatuor videlicet fabrefactam asseverant? Volunt enim per ipsam aërem è pulmonibus in sinistrum ventriculum permeare: volunt similiter è corde in pulmones fuligines per ipsam remeare: volunt spirituosum sanguinis portionem à corde per ipsam in pulmones ad ipsos refocillandos distribui.

VIII. Si fuligines & aërem à corde illas, ad cor hunc per eundem tubulum volunt transmitti; tam contrariis motibus & usibus unum vas & unam viam fabricare Natura solita non est, nec videre uspiam contigit.

IX. Si fuligines & aërem hac via permeare & remeare contendunt, ut per Bronchia pulmonum, quare exsecta vel incisa arteria venosa, neque aërem, neque fuligines reperire in dissectione possumus, & unde semper refertam crasso sanguine arteriam venosam istam videmus, & nunquam aërem cum in pulmonibus & aërem remanentem cernimus?

X. Si quis experimentum Galeni faceret, & cani adhuc viventi tracheam incideret, & foliis pulmones aëre impleret per vim, & disentos ligaret fortiter; idem mox dissecto pectore multam aëris copiam in pulmonibus usque ad extimam illorum tunicam invenerit, sed neque in arteria venosa, neque in sinistro ventriculo cordis quidquam. Si aërem è pulmonibus in cane vivente aut cor attraheret, aut pulmones transmitterent, multo magis hoc experimento id facere deberent. Imo in administratione Anatomica inflatis cadaveris pulmonibus, etiam aërem statim huc ingredi, si ulli essent meatus, quis dubitaret? Tam magni vero faciunt hunc usum arterie venosae, videlicet ad aërem è pulmonibus cordi deferendum, ut Hier. Fabr. ab Aquapendente huius vasis causa pulmones factos fuisse, & hanc esse principalem pulmonum particulam contendat.

XI. Sed amabo, si aëri deferendo arteria venosa condita sit, cur ejus constitutio est vene?

XII. Fistulis potius opus esset Naturae & quidem quales Bronchia sunt annularibus, ut semper pateant & neque concidant, & ut omnino vacuae sanguine permaneant, ne humor aëris transitum impediat, uti manifestum est, quando pulmones pituita Bronchiis vel infarctis vel paululum admissa laborant, sibilo & strepitu oborto dum respiramus.

Minus toleranda illa opinio, quae cum duplicem materiam, aëream & sanguineam necessariam esse ad spiritus vitales efficiendos supponit, sanguinem per mediastrini cordis cacos porositates de dextro in sinistrum ventriculum transudare, aërem per magnum vas Arteriam venosam è pulmonibus attrahi contendit, & proinde in septo cordis porositates plures esse producendo sanguini accommodatas. Sed, me hercule! porositates nullae sunt, neque demonstrari possunt.

Septi enim cordis substantia densior & compactior est quavis altera corporis particula, exceptis ossibus & nervis. Sed si adessent foramina, quomodo (cum simul uterque ventriculus distenditur & dilatatur) alterum ab altero quidpiam, aut sinistrum sanguinem è dextro exhaurire possibile est? Et cur non potius dextrum spiritus ex sinistro, quam sinistrum sanguinem è dextro ventriculo per eadem foramina evocare crediderim? At mirum & incongruum certe, sanguinem per cacos obscurosque ductus, & aerem per patentissimos eodem instanti commodius attrahi. Et cur quæso pro sanguinis transitu in sinistrum ventriculum ad cæcas & invisibiles porositates incertas obscurasque confugiunt, quando adest per arteriam venosam tam patens iter? mirum mihi certe est, quod per cordis septum crassum, durum, densum, compactissimum viam facere vel fingere potius maluerunt, quam per patens vas venosum, aut etiam per pulmonum substantiam raram, laxam, molliissimam, spongiosam. Præterea si per septi substantiam sanguis permeare potuisset, aut è ventriculis imbibi, quid opus esset vena & arterie coronalis ramulis ad ipsius septi nutritionem divaricatis? Quod notatu dignissimum, si in sætu (quando omnia rariora, molliora) Natura coacta fuit per foramen ovale sanguinem in sinistrum ventriculum è vena cava per arteriam venosam traducere; quomodo verisimile possit esse quod in adulto per cordis septum jam densius ætate factum tam commode nulloque negotio transfundat?

Andreas Laurentius lib. IX, cap. XI, Quæstione XII, autoritate Galeni de loc. affect. lib. VI, cap. VII, & experientia Hollerii fultus, asserit & probat è cavitate pectoris serositates & pus Empyricorum in arteriam venosam absorptum per sinistrum ventriculum cordis, & per arterias cum urina vel cum facibus alvi posse expelli: recenset quinetiam in confirmationem casum cujusdam Melancholici, qui sæpius deliquium animi passus a paroxysmo liberatus fuit emissionem urinae turbidae, foetide, acris; quo genere morbi tandem confectus, dissecto cadavere talis substantia, qualem mingebat, neque in vesica, neque in renibus uspiam apparebat, sed in cordis sinistro ventriculo & cavitate pectoris plurima: unde gloriatur se horum affectuum talem prædixisse causam. Ego autem non possum non mirari, cum ipse materiam heterogeneam posse eodem tractu evacuari divinarat & prædicaverat; quod iisdem viis sanguinem è pulmonibus in sinistrum ventriculum secundum naturam deduci convenienter cernere aut asseverare non potuit aut noluit.

Itaque ex his & huiusmodi plurimis patet, quam ea quæ dicta antehac à prioribus de motu & usu cordis & arteriarum, aut inconvenientia, aut obscura, aut impossibilia diligentius consideranti appareant: utile proinde admodum erit paulo penitus rem introspicere, arteriarum & cordis motus non solum in homine, sed & aliis universis animalibus cor habentibus contemplari: quinetiam vivorum dissectione frequenti multaque autopsia veritatem discernere & investigare.

G V I L I E L M I H A R V E I
A N G L I
D E M O T V
C O R D I S E T S A N G V I N I S
I N A N I M A L I B V S,
Exercitatio anatomica.

C A P. I.

Causa, quibus ad scribendum Author permotus fuerit.



Vm multis vivorum dissectionibus (uti ad manum dabantur) animum ad observandum primum appuli, quo cordis motus usum & utilitates in animalibus per autopsiam, & non per libros aliorumque scripta invenirem: Rem arduam plane & difficultatibus ita plenam continuo reperi, ut cum Fracastorio motum cordis soli Deo cognitum esse pene opinarer. Nec enim quomodo Systole aut Diastole fieret, nec quando aut ubi dilatatio & constrictio existeret, recte potui internoscere, propter celeritatem scilicet motus qui in multis animalibus nictu oculi, quasi trajecto fulgure, se in conspectum exhibuit & subtraxit illico, ita ut modo hinc Systolen, illinc Diastolen, modo è contra; modo varios, modo confusos fieri motus me existimarem cernere: unde animus mihi fluctuabat, nec quid vel ipse statuerem, vel aliis crederem habebam, & motum cordis esse qualis Euripi fluxus & refluxus Aristoteli, Andream Laurentium scripsisse non mirabar.

Tandem majori indies & disquisitione & diligentia usus, multa frequenter & varia animalia viva intropiciendo, multis observationibus collatis, & rem attigisse, & ex hoc labyrintho me extricatum evasisse, simulque motum & usum cordis & arteriarum, quæ desiderabam, comperta habere me existimabam. Ex quo non solum privatim amicis, sed etiam publice in prælectionibus meis anatomicis, Academico more, proponere meam in hac re sententiam non verebar.

Quæ cum aliis, uti fit, placeret, aliis minus: hi convellere, calumniari & vitio vertere coeperunt, quod à præceptis & fide omnium Anatomicorum discesserim: illi rem novam cum inquisitu dignam, tum maxime utilem fore confirmantes, plenius sibi explicari poscebant. Tandem amicorum precibus, ut omnes meorum laborum participes fierent, partim etiam aliorum permotus invidia, qui dicta mea iniquo animo accipientes & minus intelligentes, me publice traducere conabantur, ut omnes de me & de re ipsa iudicium ferant, hæc typis mandare publice coactus fui. Sed & eo libentius, quod Hieronymus Fabr. ab Aquapendente cum singulas pene animalium particulas accurate & docte peculiari tractatu delineaverat,

solum cor intactum reliquit. Denique ut si quid reipub. literariæ ex opera mea utile & commodum hac in parte accederet, forsan recte fecisse me constaret, nec alii omnino inertem me vixisse viderent. Et quod Senex ait in Comœdia,

Nunquam quisquam ita bene subducta ratione ad vitam fuit,

Quin res, atas, usus aliquid apportet novi;

Aliquid admoneat, ut illa quæ te scire credas, nescias:

Et quæ tibi putaris prima, in experiundo repudies;

illud forsan in cordis motu eveniat nunc, aut alii hinc saltem, hac data via & foeliciores freti ingenii, rei rectius gerendæ & melius inquirendæ occasionem capient.

C A P. II.

Ex vivorum dissectione, qualis sit Cordis motus.

Primum itaque in Cordibus omnium adhuc viventium animalium, aperto pectore & dissecta capsula, quæ cor immediate circumcludit, observare licet, Cor aliquando moveri, aliquando quiescere, & esse tempus in quo movetur, & in quo motu destituitur.

Hæc manifestiora in cordibus frigidorum animalium, ut bufone, serpentibus, ranis, cochleis, gammaris, crustatis, conchis, squillis, & pisciculis omnibus. Fiunt etiam omnia manifestiora in cordibus aliorum, ut canis, porci, si eo usque attente observaveris, quoad emori cor & languidius moveri, & quasi extinguere incipiat: tum etenim tardiores & rariores ipsius motus fieri, & longiores quietes cernere aperte & clare poteris, & motus qualis sit, & quomodo fiat, commodius intueri & dijudicare licet. In quiete, ut in morte cor laxum, flaccidum, enervatum, inclinatum quasi jacet.

In motu & eo, quo movetur, tempore tria præcæteris animadvertenda.

1. Quod erigitur cor & in mucronem se sursum elevat, sic ut illo tempore ferire pectus, & foris sentiri pulsatio possit.

II. Vndique contrahi, magis vero secundum latera, ita ut minoris magnitudinis, & longiusculum, & collectum appareat. Cor angustæ exemptum & super tabulam aut manum positum hoc facit manifestum. Æque etiam apparet in corde pisciculorum, & illis frigidioribus animalibus, quibus cor coniforme aut longiusculum est.

III. Comprehensum manu cor eo quo movetur tempore, duriusculum fieri; à tentione autem illa

illa durities est, quemadmodum si quis lacertos in cubito manu comprehendat, dum movent digitos, illos tendi & magis renitentes fieri percipiet.

iv. Notandum insuper in piscibus & frigidioribus sanguineis animalibus, ut serpentibus, ranis, &c. illo tempore, quo movetur cor, albidioris coloris esse; cum quiescit à motu, coloris sanguinei saturum cerni.

Ex his mihi videbatur manifestum, Motum cordis esse tensionem quandam ex omni parte & secundum ductum omnium fibrarum, & constrictionem undique, quoniam erigi, vigorari, minorari, & durescere in omni motu videtur; ipsiusque motum esse, qualem musculorum, dum contractio fit secundum ductum partium nervosarum & fibrarum; muscoli enim cum moventur & in actu sunt, vigorantur, tenduntur, ex mollibus duri fiunt, attolluntur, incrassantur; similiter quoque Cor.

Ex quibus observatis rationi consentaneum est, Cor eo, quo movetur tempore, & undique stringitur & secundum parietes incrassescit, secundum ventriculos coarctari & contentum sanguinem protrudere. Quod ex quarta observatione satis patet, cum in ipsa tensione sua, propterea quod sanguinem in se prius contentum exprimens albescat; & denuo in laxatione & quiete, subingrediente de novo sanguine in ventriculum, redeat color purpureus & sanguineus cordi. Verum nemo amplius dubitare poterit, cum usque in ventriculi cavitatem inflicto vulnere, singulis motibus sive pulsationibus cordis in ipsa tensione proflire cum impetu foras contentum sanguinem viderit.

Simul itaque hæc & eodem tempore contingunt, tensio cordis, mucronis erectio, pulsus, qui forinfecus sentitur ex allisione ejus ad pectus, parietum incrassatio & contenti sanguinis protrusio cum impetu à constrictione ventriculorum.

Hinc contrarium vulgariter receptis opinionibus apparet, cum eo tempore, quo cor pectus ferit & pulsus foris sentitur, una cor distendi secundum ventriculos & repleri sanguine putetur; quam contra rem se habere intelligas, videlicet cor dum contrahitur, inaniri. Vnde qui motus vulgo cordis Diastole existimatur, revera Systole est. Et similiter motus proprius cordis, Diastole non est, sed Systole; neque in Diastole vigoratur cor, sed in Systole; tum enim tenditur, movetur, vigoratur.

Neque omnino admittendum illud (tamet si magni Vesalii adducto exemplo confirmatum) de vimineo circulo ex multis juncis pyramidatim junctis, cor secundum fibras rectas tantum moveri, & sic dum apex ad basin appropinquat, latera in orbem distendi, & cavitates dilatari, & ventriculos cucurbitulæ formam acquirere, & sanguinem introsumere; nam secundum omnem quem habet ductum fibrarum cor eodem tempore tenditur, stringitur, & potius incrassantur & dilatantur parietes & substantia, quam ventriculi; & dum tenduntur fibræ à cono ab basin, & cor una ad basin trahunt, non in orbem latera cordis inclinant, sed potius contrarium, uti omnis fibra in circulari positione dum contrahitur versus rectitudinem. Et sicut omnes musculorum fibræ dum contrahuntur, & in longitudine abbreviantur, ita

secundum latera distenduntur, & eodem modo quo in musculorum ventribus incrassantur. Adde, quod non solum in motu cordis per directionem & incrassationem parietum contingit ventriculos coarctari; sed ulterius eo quod fibræ illæ sive lacertuli, in quibus solum fibræ rectæ (in pariete enim omnes fibræ sunt circulares) ab Aristotele Nervi dictæ, quæ varie in ventriculis cordis majorum animalium, dum una contrahuntur admirabili apparatu, omnia interiora latera veluti laqueo invicem compelluntur ad contentum sanguinem majori robore expellendum.

Neque verum est similiter quod vulgo creditur, cor ullo suo motu aut distensione sanguinem in ventriculis attrahere, dum enim movetur & tenditur, expellit; dum laxatur & concidit, recipit sanguinem eo modo, quo postea patebit.

C A P. III.

Arteriarum motus qualis ex vivorum dissectione.

VLterius in cordis motu observanda veniunt hæc, quæ ad arteriarum motus & pulsationes spectant.

i. Eo tempore quo cordis fit tentio, contractio, percussio pectoris, & omnino Systole, Arteriæ dilatantur; pulsum edunt, & in sua sunt Diastole. Similiter eo tempore quo dexter ventriculus contrahitur, & protrudit contentum sanguinem, vena arteriosa pulsat & dilatatur simul cum reliquis arteriis corporis.

ii. Quando sinister ventriculus cessat moveri pulsare & contrahi, cessat pulsus arteriarum; imo quando languidius tenditur, pulsus in arteriis vix perceptibilis; & similiter cessante dextro, in vena arteriosa.

iii. Item secta quavis arteria vel perforata in ipsa tensione ventriculi sinistri propellitur foras sanguis ex vulnere cum impetu. Similiter secta vena arteriosa eodem tempore, quo dexter ventriculus tenditur & contrahitur, exinde cum impetu sanguinem proflire videbis.

Similiter etiam in piscibus secta fistula, quæ è corde in branchias ducit, quo tempore cor tendi & contrahi videbis, eo una etiam sanguinem exinde pertrudi cum impetu.

Similiter denique cum in omni arteriotomia sanguis profliendo exeat modo longius, modo propius, saltum fieri in arteriarum Diastole & quo tempore cor pectus ferit, comperies: atque hoc nimirum eo tempore quo cor tendi & contrahi apparet, & in sua esse Systole erectione, unaque sanguis expellitur eodem motu.

Ex his videtur manifestum contra communia dogmata, quod arteriarum Diastole sit eo tempore, quo cordis Systole: & arterias repleri & distendi propter sanguinis à constrictione ventriculorum cordis immissionem & intrusionem. Quin etiam distendi arterias, quia replentur ut utres aut vesica; non repleri, quia distenduntur ut folles. Et eadem de causa universi corporis arteriæ pulsan, videlicet à tensione sinistri cordis ventriculi; sicut vena arteriosa, à dextri.

Denique arteriarum pulsum fieri ab impulsu sanguinis è ventriculo sinistro; eodem pacto, quo cum quis in chirothecam inflat, omnes digitos simul

mul & una distendi videt, & pulsus æmulari. Et enim secundum cordis tentiorem pariter pulsus sunt majores, vehementiores, frequentes, celeres, rhytmum & quantitatem & ordinem servantes. Nec est expectandum, ut propter motum sanguinis tempus inter constrictionem cordis & arteriarum (præcipue magis distantium) dilatationem intercedat, ne fiant simul, cum eodem modo se habeat, ut in inflatione chirothecæ aut vesicæ; quod per plenum (ut per tympanum & in longis lignis) ictus & motus simul sunt in utroque extremo, & quod Aristoteles lib. III *Hist. de Anim. cap. IX*, & lib. *de respir. cap. XV*: *Palpitat intra venas (arterias intelligit) sanguis omnium animalium, pulsusque simul undique movetur, sic pulsat vena omnes & simul invicem, propterea quod pendunt omnes à corde; movet autem semper, quare & ille semper & simul invicem quando movet.* Notandum obiter cum Galeno, à veteribus Philosophis venas pro arteriis appellatas fuisse.

Accidit aliquando me vidisse & præ manibus habuisse casum quendam, qui mihi hanc veritatem apertissime confirmabat. Habuit quidam tumorem ingentem pulsanter, Aneurisma dictum, in dextra parte juguli prope descensum arteriæ subclaviæ in axillas, ab ipsius arteriæ exesione prognatum. Is summum indies incrementum capessabat propter immissionem sanguinis ab arteria, singulis pulsationibus distendentis, quod secto post mortem cadavere deprehensum erat. In illo pulsus ejusdem brachii exilis admodum erat, eo quod major sanguinis portio in tumorem divertebatur & influxus in brachium interceptus fuit.

Quare, sive per compressionem, sive per infarctum vel interceptionem, ubicunque sanguinis motus per arterias præpeditur, ibi posteriores arteriæ minus pulsat; cum pulsus arteriarum, nil nisi impulsus sit sanguinis in arterias.

C A P. I V.

Motus cordis & auricularum qualis ex virorum dissectione.

PRæter hæc circa motum cordis observanda sunt, quæ ad auricularum usum spectant.

Quod Gaspar Bauhinus lib. II, cap. XXI, & Ioannes Riolanus lib. VII, cap. I, viri doctissimi & Anatomici peritissimi observarunt & admovent, quod si in viva sectione alicujus animalis cordis motum studiose observes, quatuor motus loco & tempore distinctos aspicias: quorum duo sunt proprii auricularum, ventriculorum duo. Pace tantorum virorum, quatuor sunt motus, loco, non verò tempore distincti. Simul enim ambæ auriculæ movent, & simul ambo ventriculi, ut quatuor loco distincti sint motus, duobus tantum temporibus, atque hoc se habent modo.

Duo sunt quasi eodem tempore motus, unus auricularum, alter ipsorum ventriculorum: nec enim simul omnino fiunt; sed præcedit motus auricularum, & subsequitur cordis; & motus ab auriculis incipere & in ventriculos progredi videtur. Cum jam languidiora omnia emoriente corde fiunt, & in piscibus & in frigidioribus sanguineis animalibus inter hos duos motus tempus aliquod quietis intercedit, & cor quasi suscitatum motui

respondere videtur, aliquando citius, aliquando tardius; ac tandem ad mortem inclinans cessat motu suo respondere, & quasi capite duntaxat leviter annuit, & obscure adeo movetur, ut potius motus signum præbere pulsanti auriculæ videatur. Sic prius definit cor pulsare, quam auriculæ, ut auriculæ supervivere dicantur; & primus omnium definit pulsare sinister ventriculus; deinde ejus auricula, demum dexter ventriculus; ultimo, quod etiam notavit Galenus, reliquis omnibus cessantibus & mortuis pulsat usque dextra auricula, uti ultimo in dextra auricula vita remanere videatur. Et dum sensim emoritur cor, videre licet post duas vel tres pulsationes auricularum, aliquando quasi expergefactum cor respondere, & unum pulsus lente & ægre peragere & moliri.

Sed & præcipue notandum, quod, postquam cessavit cor pulsare, adhuc auricula pulsante, digito super ventriculum cordis posito singulæ pulsationes percipiuntur in ventriculis, eodem plane modo, quo ventriculorum pulsationes in arteriis sentiri antea diximus, à sanguinis impulsu nimirum distentione facta. Et hoc tempore, pulsante solum auricula, si forfice cordis mucronem absecueris, exinde singulis auriculæ pulsationibus sanguinem effluere conspicias: ut hinc pateat, quomodo in ventriculos sanguis ingreditur, non attractione aut distentione cordis, sed ex pulsu auricularum immixtus.

Notandum est, ubique omnes, quas voco & in auriculis & in corde pulsationes, contractiones esse: & plane primo contrahi auriculas videbis, & in consequentia, cor ipsum. Auriculæ enim dum moventur & pulsat, albidiores fiunt; præsertim ubi paucò sanguine replentur. Replentur autem tanquam promptuarium & lacuna sanguinis, declinante sponte sanguine, & venarum motu compresso ad centrum. Quin etiam in finibus & extremitatibus ipsarum hæc albedo à contractione fieri vel maxime apparet.

In piscibus & ranis, & similibus, quæ unum ventriculum habent cordis & pro auricula vesicam quandam in basi cordis positam & refertissimam sanguine, videbis hanc vesicam primo contrahi, & subsequi postea cordis contractionem apertissime.

At vero etiam quæ his contrario modo se habent à me observata ascribere huc visum est. Cor anguillæ, & quorundam piscium, & animalium etiam exemptum sine auriculis pulsat. Immo si in frustra dissecueris, partes ejus divisas separatim sese contrahere & laxare videbis ita, ut in his post cessationem motus auricularum, cordis corpus pulsus faciat & palpitet. Sed an hoc proprium vivacioribus animalibus, quorum radicale humidum glutinosum magis aut pingue & lentum est, & non ita facile dissolubile? Quod etiam apparet in carne anguillarum, quæ post excoriationem, exenterationem & in frustra dissectionem, motum retinet.

In columba certe experimento facto, postquam cor desierat omnino moveri, & nunc etiam auriculæ motum reliquerant, per aliquod spacium digitum saliva madefactum & calidum cordi superimpositum detinui; quo fomento quasi vires & vitam postliminio recuperasset, cor & ejus auricula

cula moveri & sese contrahere atque laxare, & quasi ab orco revocari videbantur.

Sed & præter hæc aliquoties à me observatum fuit, postquam cor ipsum & ejus auricula etiam dextra à pulsatione, quasi mortis articulo quiescebant, in ipso sanguine qui in dextra auricula continetur, obscurum motum & inundationem ac palpitationem quandam manifesto superfuisse, tamdiu scilicet, quam calore & spiritu imbui videretur.

Tale quiddam evidentissime in prima animalis generatione intra septem dies ab incubatione, in ovo Gallinaceo cernitur. Inest primum ante omnia gutta sanguinis, quæ palpitat, quod etiam annotavit Aristoteles; ex qua, incremento facto & pullo aliqua ex parte formato, fiunt cordis auriculæ, quibus pulsanibus perpetuo inest vita: cum postea corpus delineari intermissis aliquot diebus inceperit, tum etiam cordis corpus procreatur, & per aliquod tempus albidum apparet & exangue, ut reliquum corpus, nec pulsum edit, nec motum. Quin etiam in foetu humano vidi, circa principium tertii mensis similiter cor formatum, sed albidum & exangue; cujus tamen auriculis sanguis inerat uberrimus & purpureus. Sed enim in ovo, jam adaucto & conformato foetu, simul & cor adaugeri, & ventriculos habere, quibus sanguinem tunc recipere & transmittere occepit.

Ita ut si penitus introspicere quis velit, non solum cor esse primum vivens & ultimum moriens dixerit, sed auriculas & quæ in serpentibus, piscibus & hujusmodi animalibus pars pro auricula est, & prius quam cor ipsum vivere, & post etiam emori.

Imo an prius adhuc ipse sanguis vel spiritus habeat in se obscuram palpitationem, quam post mortem retinere mihi visus est; & an cum palpitatione vitam incipere dicendum sit, dubitare contingit, quandoquidem & sperma animalium omnium (ut notavit Aristoteles) & spiritus prolificus palpitando exit, velut animal quoddam. Ita Natura in morte, quasi decursione facta, reducem (ut Aristoteles de motu animalium cap. viii) agit motu retrogrado à calce ad carceres, & eo unde proruit sese recipit: & cum animalis generatio ex non animali procedat in animal, tanquam ex non ente in ens, iidem retro gradibus corruptio ex ente revolvitur in non ens, unde quod in animalibus ultimo fit, deficit primum; & quod primo, ultimum.

Observavi quoque in omnibus pene animalibus cor vere inesse, & non solum, ut Aristoteles dicit, in majoribus & sanguineis, sed in minoribus, exanguibus, crustatis & testaceis quibusdam, ut limacibus, cochleis, conchis, astacis, gammaris, squillis, multisque aliis; imo vespis & crabronibus & muscis (ope perspicilli ad res minimas discernendas) in summitate illius particulæ quæ cauda dicitur, & vidi pulsans cor, & aliis videndum exhibui.

In exanguibus vero Cor lente admodum, rarissime ictibus pulsatur, & sicuti in aliis jam moribundis contingit, tarde sese contrahit, ut facile in cochleis est cernere. Quorum cor deprehendes in fundo illius orificii in latere dextro, quod se aperire & claudere eventationis causa videtur, & unde salivam expuit, sectione facta in summitatem juxta partem jecori analogam.

Sed notandum & illud, quod hyeme & frigidioribus tempestatibus exanguia aliqua (qualis est Cochlea) nihil pulsans habent, sed vitam magis plantæ agere videntur, ut etiam reliqua quæ Zoophyta sive plantanimalia ideo dicuntur.

Notandum insuper in omnibus animalibus ubi cor inest, ibi etiam auriculas esse vel auriculis aliquid analogum: Et ubicunque cor duplici ventriculo donatur, ibi duas semper adstare auriculas, non contra. Sed si in ovo pulli conformationem advertas, primum inest, ut dixi, tantum vesicula, vel auricula, vel gutta sanguinis pulsans, postea incremento facto absolvitur cor. Ita quibusdam animalibus (quasi ulteriorem perfectionem non adipiscentibus) pulsans vesicula quædam instar puncti cujusdam rubri vel albi duntaxat inest, quasi principium vitæ; uti apibus, vespis, cochleis, squillis, gammaris, &c.

Est hic apud nos minima squilla (quæ Anglice dicitur a Shrimp, Belgice een Garneel) in mari & Thamesi capi solita, corpore prorsus pellucido; hanc aquæ impositam sæpius præbui spectandam amicissimis quibusdam meis, ut cordis illius animalculi motus liquidissime perspiceremus, dum exteriores illius corporis partes visui nihil officerent, quo minus cordis palpitationem quasi per fenestram intueremur.

In ovo gallinaceo, post quatuor vel quinque dies ab incubatione, primum rudimentum pulli instar nubeculæ videndum exhibui, nimirum ovo, cui cortex adimebatur, in aquam limpidam tepidamque immisso, in cujus nubeculæ medio punctum sanguineum palpitans tam exiguum erat, ut in contractione dispareret & visum aufugeret; in laxatione instar summitatis acus appareret rubicundum; ita ut inter ipsum videri & non videri, quasi inter esse & non esse, palpitationem & vitæ principium ageret.

C A P. V.

Cordis motus actio, & functio.

EGO vero ex his tandem & hujusmodi observationibus repertum iri confido, motum cordis ad hunc modum fieri.

Primum sese contrahit auricula, & in illa contractione sanguinem contentum (quo abundat tanquam venarum caput, & sanguinis promptuarium & cisterna) in ventriculum cordis conjicit, quo repleto cor sese erigit, continuo omnes nervos tendit, contrahit ventriculos, & pulsum facit, quo pulsu immissum ab auricula sanguinem continenter protrudit in arterias, dexter ventriculus in pulmones per vas illud, quod vena arteriosa nominatur, sed re vera & constitutione & officio & in omnibus arteria est: sinister ventriculus in aortam, & per arterias in universum corpus.

Isti duo motus, auricularum unus, alter ventriculorum, ita per consecutionem fiunt, servata quasi harmonia & rhythmo, ut ambo simul fiant & unicus tantum motus appareat, præsertim in calidioribus animalibus, dum illa celeri agitantur motu. Nec alia ratione id fit, quam cum in machinis una rota aliam movente, omnes simul movere videantur; & in mechanico illo artificio, quod sclopetis adaptant, ubi compressione alicujus ligulæ cadit

cadit flex , percutit chalybem & propellit , ignis elicitur , qui in pulverem cadit , igitur pulvis , interius prorepat , disploditur , evolat globulus , metam penetrat , & omnes isti motus propter celeritatem quasi in nictu oculi simul fieri apparent. Sic etiam in deglutitione , radice linguæ elevatione & oris compressione cibus vel potus in fauces deturbatur , larynx à musculis suis & epiglottide clauditur , elevatur & aperitur , summitas gulæ à musculis suis haud aliter quam faccus ad implendum attollitur , & ad recipiendum dilatatur , & cibus vel potus acceptum transversis musculis deprimat , & longioribus attrahit : & tamen omnes isti motus à diversis & contradistinctis organis facti , cum harmonia & ordine dum fiunt , unum efficere motum videntur & actionem unam , quam deglutitionem vocamus.

Sic contingit plane in motione & actione Cordis , quæ deglutitio quædam est & transfusio sanguinis è venis in arterias. Et si quis (dum hæc habuerit in animo) cordis motum diligenter in viva dissectione animadverterit , videbit non solum , quod dixi , cor sese erigere , & motum unum fieri cum auriculis continuum , sed inundationem quandam , & lateralem inclinationem obscuram secundum ductum ventriculi dextri , & quasi sese leviter contorquere , & hoc opus peragere. Et quemadmodum cernere licet , cum equus potat & aquam deglutit , singulis gulæ tractibus absorberi aquam & in ventriculum demitti , qui motus sonitum facit & pulsus quendam auscultantibus & tangentibus exhibet ; ita dum istis cordis motibus fit portio sanguinis è venis in arterias transductio , pulsus fieri & exaudiri in pectore contingit.

Motus itaque cordis omnino ad hunc se habet modum , & una actio cordis est , ipsa sanguinis transfusio & in extrema usque mediantibus arteriis propulsio ; ut pulsus , quem nos sentimus in arteriis , nil nisi sanguinis à corde impulsus sit.

An vero cor sanguini præter transpositionem & motum localem , & distributionem aliquid aliud addat , sive calorem , sive spiritum , sive perfectionem , posterius inquirendum & ex aliis observationibus colligendum. Hoc in præsentia sufficiat , satis ostensum esse in pulsu cordis sanguinem transfundi , & deduci è venis in arterias per cordis ventriculos , & distribui in universum corpus.

Sed & hoc omnes aliquo modo concedunt , & ex cordis fabrica & valvularum artificio , positione , & usu colligunt. Verum tanquam in loco obscuro titubantes cæcutire videntur , & varia , subcontraria & non conhärentia componunt , & ex conjectura plurima pronunciant , ut ante demonstratum est.

Causa maxima hac in parte hæsitandi & errandi una fuisse mihi videtur , cordis cum pulmone in homine contextus : cum venam ibi arteriosam in pulmones obliterari , & similiter arteriam venosam conspexissent , unde aut quomodo dexter ventriculus in corpus distribueret sanguinem , aut sinister è vena cava exhauriret , obscurum admodum illis erat. Hoc attestantur Galeni , contra Erasistratum de venarum origine & usu & sanguinis coctione invehenti verba lib. vi de Plac. Hipp. & Plat. cap. vi : *Respondebitis* , inquit , *ita esse effectum , ut in jecore sanguis præparetur , atque inde in cor defera-*

tur , ibi postea reliquam propriæ formæ perfectionem absolutam accepturus. Quod profecto ratione vacare non videtur. Nullum enim perfectum & magnum opus repente una aggressionem fieri , totamque suam expolitionem ab uno instrumento acquirere potest. Quod si ita est , ostendite nobis vas aliud , quod è corde sanguinem absolute perfectum educat , atque ipsum ut arteria spiritum , in totum corpus dispenset. Ecce opinionem rationabilem non approbasse & reliquisse Galenum , quia præterquam quod viam transitus non videbat , vas reperire non poterat , quod in totum corpus è Corde sanguinem dispenset.

Si quis vero ibidem pro Erasistrato , vel pro illa & nunc nostra opinione (ipsius confessione Galeni) alias rationi consentanea institisset , & arteriam magnam sanguinem è corde in universum corpus dispensantem digito commonstrasset ; quid divinus ille vir ingeniosissimus & doctissimus responsurus fuisset , miror. Si arteriam spiritus dispensare & non sanguinem diceret , profecto Erasistratum refelleret satis , qui in arteriis spiritus duntaxat contineri arbitrabatur ; sed sibi ipsi contradiceret interea , & id esse turpiter negaret , quod libro proprio acriter esse contenderat contra eundem Erasistratum : & multis & validis argumentis comprobaverat , & experimentis demonstraverat , nimirum sanguinem contineri in arteriis natura , & non spiritum.

Sin vero divinus vir (uti facit eodem loco sæpius) concederet , omnes arterias corporis à magna arteria oriri , & hanc à corde : quin etiam in ipsis omnibus sanguinem natura contineri & deferri , & valvulas illas tres sigmoides officio aortæ appositæ regressum sanguinis in cor prohibere professus , & quod has Natura nequaquam præstantissimo visceri apposuisset , nisi maximum aliquod ministerium fuissent exhibituræ. Si , inquam , hæc omnia & his ipsissimis verbis concederet Pater Medicorum , uti facit recitato libro , quomodo negare possit arteriam magnam istiusmodi vas esse , quod sanguinem (jam absolutam suam perfectionem adeptum) è corde in universum corpus dispenset , non video. An adhuc forsan hæsitaret , ut omnes in hunc usque diem post ipsum , quod propter contextum , ut dixi , cordis cum pulmone non videat vias , per quas sanguis è venis in arterias transferri possit.

Quod dubium etiam anatomicos (dum semper in dissectionibus inveniunt arteriam venosam & sinistrum ventriculum cordis repletos sanguine , eoque crasso , grumescente , atro) non mediocriter perturbat cum sanguinem è dextro ventriculo in sinistrum per septum cordis transsudare coacti sint affirmare. Sed hanc viam antea refutavi. Iam ideo via paranda est & aperienda , qua inventa nulla amplius sit difficultas , quæ quempiam , credo , inhibeat , quo minus quæ ante proposui de pulsu cordis & arteriarum , de transfusione sanguinis è venis in arterias , & de dispensatione in universum corpus per arterias concedere & agnoscere facile possit.

C A P. VI.

Quibus viis sanguis è vena Cava in arterias , vel è dextro ventriculo cordis in sinistrum deferatur.

CUm errandi occasionem præbuisse probabile sit , quam in homine vident , ut dixi , cordis

cum pulmone connexionem : in hoc peccant , qui dum de partibus animalium (uti vulgo omnes Anatomici faciunt) pronunciare , & demonstrare aut cognoscere volunt , unum tantum hominem , eumque mortuum introspiciunt , & sic tanquam , qui una reipub. forma perspecta disciplinam politicam componere , aut unius agri naturam cognoscentes agriculturam se scire opinantur ; nihilo plus agunt , quam si ex una particulari propositione de universali per syllogismum concludere niterentur.

Veruntamen , si in dissectione animalium æque versati essent ac in humani cadaveris anatome exercitati , res hæc , quæ omnes perplexos retinet , indubie palam absque omni difficultate mea sententia elucesceret.

In piscibus , in quibus unus tantum ventriculus cordis (ut non habentibus pulmones) res primum satis manifesta est , vesicam enim sanguinis in basi Cordis positam , auriculæ nimirum analogam , sanguinem in cor immittere , quem cor denuo per arteriam vel fistulam arteriæ analogam aperte transmittere tum visu , tum secta arteria (exinde sanguine singula pulsatione cordis profiliente) oculis palam confirmari posse constat.

Idem etiam deinde in omnibus animalibus , in quibus unus duntaxat ventriculus vel quasi unus est , non difficile est cernere , ut in bufone , rana , serpentibus , lacertis , quæ etsi pulmones aliquo modo habere dicuntur , ut quæ vocem habent (de quorum pulmonum artificio admirando & cæteris ejusmodi permultas apud me observationes habeo , quæ non sunt hujus loci ;) tamen ex autopsia eodem modo in illis è venis in arterias sanguinem pulsu cordis traductum esse palam est , & via patens , aperta , manifesta , nulla difficultas , nullus hæsitandi locus. In his enim perinde se res habet atque in homine ; in quo si septum cordis perforatum aut ademptum esset , aut unus ex utrisque fieret ventriculus , nemo credo dubitabit , qua via sanguis è venis in arterias transire possit.

Cum vero major numerus animalium non habentium pulmones sit , quam habentium ; & similiter major numerus sit unum tantum ventriculum cordis , quam habentium duos , proclive est statuere in animalibus *ἓν τὸ πλὺν* , ut plurimum & in universum sanguinem aperta via è venis in arterias per cordis sinum transmitti.

Consideravi autem mecum , quod etiam in embryonum eorum quæ pulmones habent , sectione apertissime constat , in foetu vasa cordis quatuor (videlicet venam cavam , venam arteriosam , arteriam venalem , & Aortam sive arteriam magnam) alio modo uniri , quam in adulto , id quod omnes Anatomici norunt satis.

Primus contactus & unio venæ cavæ cum arteria venosa (quæ sit priusquam cava in dextrum ventriculum cordis se aperit , aut venam coronalem emittit , paululum supra egressum ab hepate) anastomosin lateralem exhibet , hoc est , foramen amplum patens , ovali figura , pertusum è cava in arteriam illam pervium , ita ut per illud foramen tanquam per unum vas sanguis è vena cava in arteriam venosam & auriculam cordis sinistram usque in ventriculum sinistram liberrime & copiosissime dimanare possit. Insuper in illo foramine ovali è

regione , quæ arteriam venosam respicit , operculi instar inmembrana tenuis dura est , foramine major , quæ postea in adultis operiens hoc foramen & coalescens undique istud foramen omnino obstruit & prope obliterat. Hæc inquam membrana sic constituta est , ut dum laxè in se concidit , facile ad pulmones & cor via resupinetur , & sanguini à cava affluenti cedat quidem , at ne rursus in cavam refluat , impediatur ; ut liceat existimare in embryone sanguinem continuo debere per hoc foramen transire è vena cava in arteriam venosam , & inde in auriculam sinistram cordis ; at postquam ingressus fuerit , remeare nunquam posse.

Altera unio venæ arteriosæ fit , postquam vena illa è dextro ventriculo egressa in duos dividitur ramos ; estque velut e duobus dictis tertius truncus & quasi canalis arteriosus , ab hinc in arteriam magnam oblique ductus & perforatus : ut in dissectione Embryonum quasi duæ aortæ , vel radices arteriæ magnæ è corde exorientes duæ appareant.

Canalis hic in adultis similiter sensim attenuatur , tabescit , & penitus tandem , ut vena umbilicalis , exiccatur & aboletur.

Iste canalis arteriosus nullam membranam in se habet , sanguinis motum hinc vel illinc impediens. Sunt enim in orificio illius venæ arteriosæ (cujus iste canalis , uti dixi , propago est) valvulae sigmoides tres , quæ intus foras spectant , & sanguini è dextro ventriculo hac via in magnam arteriam fluenti cedunt facile ; remeare vero contra ab arteria aut pulmonibus in dextrum ventriculum volenti ad amissim clausæ omnino impedimento sunt. Ut hic etiam arbitrari consentaneum sit , in Embryone dum cor sese contrahit , continuo sanguinem è dextro ventriculo hac via in arteriam magnam invehit.

Quod vulgo dicitur , has duas uniones tam magnas , patentes & apertas , nutriendorum pulmonum causa factas fuisse tantum , & in adultis (cum jam pulmones propter ipsorum calorem & motum copiosius nutrimentum desiderant) aboleri & consolidari , commentum improbabile est & male cohærens. Et similiter quod dicunt , cor in embryone feriari & nihil agere , nec moveri , ideoque Naturam hos transitus facere alendorum pulmonum causa coactam fuisse , falsum est : cum in ovo cui gallina incubuit , & in Embryonibus recenter ex utero exectis autopsia pateat , æque cor moveri atque in adultis , neque naturam ulla tali necessitate urgeri. Cui motui non solum hi oculi sæpe testes , sed & Aristoteles ipse lib. de Spir. cap. III ; *Pulsus* , inquit , *per initia statim in constitutione cordis emergit , quod & in sectione virorum , & pulli formatione ex ovo deprehenditur.* Quin & observamus has vias (tam in hominum genere , quam in cæteris animalibus) non solum apertas & patentes esse usque ad tempus partus , uti annotarunt Anatomici ; sed etiam permultos post menses , imo in aliquibus per aliquot annos , ne dicam toto vitæ curriculo , veluti in anserè , beccagine , & avibus plurimis , & animalibus , præsertim in minoribus. Quæ res imposuit forsan Leon. Botallo se novum transitum sanguini de vena cava in sinistrum ventriculum cordis invenisse glorianti : & fateor me quoque , cum in mure majori jam adulto hoc primum ipse reperi , tale quid statim existimasse.

Ex

Ex quibus intelligitur in Embryone humano, quin & in aliis, in quibus istæ uniones non abolerentur, idem ipsum accidere, ut cor suo motu per patentissimas vias sanguinem è vena cava in arteriam magnam apertissime traducat, per utriusque ventriculi ductum. Dexter siquidem sanguinem ab auricula recipiens, inde per venam arteriosam & propaginem suam (canalem arteriosam dictam) in magnam arteriam propellit. Sinister similiter eodem tempore mediante auriculæ motu recipit sanguinem in illam sinistram auriculam diductum per foramen ovale è vena cava, & tentione sua & constrictione per radicem aortæ in magnam item arteriam simul impellit.

Ita in Embryonibus dum interea pulmones otiantur, & nullam actionem aut motum habent, quasi nulli forent, natura duobus ventriculis cordis quasi uno utitur ad sanguinem transmittendum. Et similis est conditio Embryonum pulmones habentium, dum adhuc pulmonibus non utuntur, ac est eorum animalium, quæ pulmones non habent.

Itaque tam clare in his etiam elucescit veritas, quod cor suo pulsu sanguinem è vena cava in arteriam magnam traducat & transfundat, perque tam patentes & apertas vias, ac si in homine, quod dixi, ambo ventriculi, eorum septo adempto, adinvicem pervii essent facti. Cum itaque majori ex parte animalibus, & omnibus quodam tempore patentissimæ istæ extent viæ, quæ transmissioni sanguinis per cor inserviunt, restat ut illud perquiramus, Cur in quibusdam animalibus (ut in homine) iisque calidioribus & adultis per pulmonum substantiam illud fieri non existimemus, quod in embryone natura per eas vias illo tempore quo pulmonum nullus erat usus antea effecit, quas ob defectum transitus per pulmones coacta videbatur facere: aut Cur melius sit (natura enim semper quod est melius facit) in adolescentibus naturam transitui sanguinis omnino occlusisse vias patentes illas, quibus antea in embryone & foetu usa fuerat, & in omnibus aliis animalibus utitur, nec alias ullas pro illo sanguinis transitu aperuisse, & sic omnino potius hunc impedivisse.

Ita jam eo res cessit, ut iis, qui in homine quærunt vias, per quas sanguis è vena cava in sinistrum ventriculum & arteriam venosam permeat, magis operæ pretium esset, & recte magis facere viderentur, si ex dissectione animalium veritatem investigare vellent, quo causam inquirant, cur in majoribus & perfectioribus animalibus, iisque adultis natura sanguinem transcolari per pulmonum parenchyma potius voluerit, quam, ut in cæteris omnibus, per patentissimas vias; cum nullam aliam viam & transitum excogitari posse intelligerent: si ve hoc sit quod majora & perfectiora animalia sint calidiora, & cum sint adulta, eorum calor magis, ut ita dicam, igniatur & ad suffocationem sit proclivior; ideoque tranare & trajici per pulmones, ut inspirato aëre contemperetur, & ab ebullitione & suffocatione vindicetur: si ve quid aliud tale. Sed hæc determinare & rationem omnem reddere, nihil aliud agere est, quam propter quid pulmones facti sunt, speculari. Atque de his horumque usu & motu, & de eventatione omni, & aëris necessitate & usu, & cæteris hujusmodi; deque variis organis & differentibus hujus causa in ani-

malibus factis, tametsi multa quamplurimis observationibus à me deprehensa sint; tamen, ne nimium à proposito de motu & usu cordis hoc loco aberrando aliud agere, & stationem relinquendo rem interturbare & subterfugere videar, hæc proprio tractatui convenientius exponenda relinquam. Et quæ restant, ut ad propositum scopum revertar, confirmare pergam.

Contendo autem in perfectioribus nimirum & calidioribus animalibus, iisque adultis (ut in homine) sanguinem è dextro ventriculo cordis per venam arteriosam in pulmones, & inde per arteriam venosam in sinistram auriculam, & subinde in ventriculum cordis sinistrum permeare. Et primum posse hoc fieri, deinde ita factum esse nunc probatum eo.

C A P. VII.

Sanguinem de dextro ventriculo cordis per pulmonum parenchyma permeare in arteriam venosam, & sinistrum ventriculum.

Fieri autem hoc posse, & nihil esse, quo minus fiat, satis constat, cum quomodo aqua per terræ substantiam permeans rivulos & fontes procreet, consideramus; aut quomodo per cutem sudores, vel per renum parenchyma urinæ fluant, speculamur. Animadvertite in iis, qui Aquis Spadensibus vel de la Madonna (ut ajunt) in agro Patavino, vel aliis acidulis aut vitriolatis utuntur, vel qui ad congios ingurgitant potum, quemadmodum una aut altera hora post per vesicam emingant totum; cum tamen debeat ista copia aliquantulum in concoctione immorari; debeat per jecur (ut singulis diebus bis ingesti alimenti succum omnes contentur facere,) debeat per venas, per renum parenchyma, per ureteres in vesicam profluere.

Quos itaque audio tanquam impossibile & nullo modo credibile negantes, posse sanguinem, imo totam massam sanguineam, per pulmonum substantiam æque, ac succus alimentalis per jecur permeare? Quod genus hominum (cum Poëta loquor) ubi volunt, concedunt facile posse; ubi nolunt, nullo modo: hic ubi opus est verentur; ubi nihil opus, ibi non verentur affirmare.

Iecoris parenchyma densius multo est, & similiter renum: pulmonum, rarioris multo texturæ, & si renibus & jecori conferatur, spongiosæ.

In jecore nullum impellens, nulla vis cogens; in pulmone ex pulsu dextri ventriculi cordis impingitur sanguis, cujus impulsu distendi vasa & porositates pulmonum necesse est. Præterea pulmones in respirando elevantur & concidunt, quo motu necesse est, ut porositates & vasa aperiantur & claudantur, ut in spongiis contingit, & in omnibus particulis habentibus constitutionem spongiosam, quando constringuntur & rursus dilatantur. Contra jecur quiescit, nec ita dilatari & constringi visum est.

Denique, si nemo est, qui non asseret per jecur totum ingestorum succum in venam cavam tam in homine, quam in bove aliisque maximis animalibus pertransire posse; & hoc propterea affirmare coacti sint, quod cum nulla alia extet via, tamen pertransiisse aliqua nutrimentum & permeasse in

venas fit necesse, quandoquidem fiat nutritio: Cur non iisdem argumentis de transitu sanguinis in adultis his per pulmones, fidem similem habent, & cum Columbo peritissimo doctissimoque Anatomico idem asserunt & credunt, ex amplitudine & fabrica vasorum pulmonum, & eo, quod arteria venosa & similiter ventriculus repleti sint semper sanguine, quem è venis huc venisse necesse est, cum nulla alia sit quam per pulmones semita, ut & ille & nos ex ante dictis & autopsia, aliisque argumentis palam esse existimamus.

Sed quando aliqui sunt, qui nil nisi adductis auctoritatibus admittunt; iidem ex ipsius etiam Galeni verbis hanc veritatem confirmari posse sciunt; scilicet non solum posse sanguinem è vena arteriosa in arteriam venosam, & inde in sinistrum ventriculum cordis, & postea in arterias transmitti; sed etiam ex continuo pulsu cordis & pulmonum motu inter respirandum hoc fieri.

Sunt in orificio venæ arteriosæ, valvulæ tres sigmoides sive semilunares, quæ omnino sanguinem in illam venam arteriosam immissum non sinunt remeare in cor. Id quod norunt. Harum valvularum necessitatem & usum Galenus lib. vi de Usu part. cap. x, his verbis explicans, *In toto est, inquit, mutua anastomosis atque oscillorum apertio arteriis simul cum venis, transsumuntque ex sese pariter sanguinem & spiritum per invisibiles quasdam atque angustas plane vias. Quod si os ipsum vena arteriosa iidem semper patuisset, nullamque natura invenisset machinam, quæ claudere ipsum, cum est tempestivum, ac rursus aperire queat, fieri nunquam potuisset, ut per invisibilia atque exigua oscilla, sanguis (contracto thorace) in arterias transumeretur. Neque enim similiter omnis ex quovis attrahitur, neque emittitur. Sed quemadmodum quod leve est, facilius eo, quod gravius dilatatis instrumentis attrahitur, iisdem autem contractis exprimitur: ita & per latam viam celerius aliquid, quam per angustam trahitur ac rursus emittitur. Cum autem thorax contrahitur, pulse atque intro compressæ undique fortiter quæ in pulmone sunt venosæ arteriæ, exprimunt quidem quam celerrime, qui in ipsis est, spiritum; transsumunt autem per subtilia illa oscilla sanguinis portionem aliquam; quod nunquam accidisset profecto, si sanguis per maximum os (cujusmodi est vena arteriosa ad cor) retro remeare potuisset. Nunc vero reditu per os magnum intercluso, dum comprimitur undique, destillat quidpiam in arterias per exigua illa orificia. Et paulo post sequente capitulo: Quanto thorax contendit vehementius sanguinem elidens, tanto membranæ (videlicet valvulæ sigmoides) exactius os ipsum occludunt, & nihil remeare sinunt. Quod & eodem capitulo decimo paulo ante: Nisi valvulæ essent, triplex sequeretur incommodum; ut sanguis ipse frustra longum hoc curriculum subinde emetatur, in diastolis quidem pulmonis adfluens, & quæ in ipso sunt, venas omnes refarciens; in Systolis vero, quasi æstus quidam maritimus, instar Euripi motum identidem huc atque illuc reciprocans, qui haudquaquam sanguini conveniat: at hoc quidem videri forte possit exiguum. Quod vero interim ipsius quoque respirationis utilitatem labefaciet, id vero non amplius pro parvo est habendum, &c. Et paulo post: Atque etiam tertium secutum fuisset incommodum haudquaquam contemnendum, cum sanguis retro in expirationibus remigrasset, nisi Opifex noster membranarum epiphysin fuisset fabricatus. Vnde concludit cap. undecimo. Communis autem ipsarum om-*

nium, videlicet valvularum est usus, ut materias retro remigrare prohibeant: utrarumque vero proprius, educentium quidem è corde materias, ne amplius ad ipsum remeent; inducentium vero, ne amplius ex ipso effluant: non enim volebat natura vano labore cor fatigari, neque in eam partem aliquando emittere, unde trahere præstiterat, neque rursus ex illa identidem ducere, ad quam mittere erat necesse. Sed sunt quatuor omnino orificia, bina in utroque ventriculo, alterum quidem inducens, alterum vero educens, &c. Et paulo post: Porro, cum vas alterum, quod tunica simplici constat in cor insigatur: alterum vero quod duplici, ex ipso producat, communem utrique locum, [videlicet ventriculum dextrum: ita Galenus intelligit, & ego eadem ratione similiter sinistrum ventriculum cordis] quasi cisternam quandam parari necesse fuit, ad quam pertinentibus utrisque, per alterum quidem trahatur sanguis, per reliquum vero emittatur.

Quod argumentum Galenus pro transitu sanguinis per dextrum ventriculum de vena cava in pulmones adducit, eodem nobis rectius pro transitu sanguinis è venis per cor in arterias, mutatis tantum terminis uti liceat. Ex Galeni igitur, viri divini, patris Medicorum, locis & verbis clare apparet, sanguinem per pulmones è vena arteriosa in arteriæ venosæ ramulos permeare, tum propter pulsum cordis, tum propter pulmonum & thoracis motum. Quinetiam cor continue in ventriculos quasi cisternam recipere & emittere sanguinem, & hujus rei causa valvularum genera quatuor, duo inductioni, emissioni sanguinis duo inservire; ne aut sanguis Euripi in morem inconvenienter agitur, huc, illuc, aut retro remearet, unde trahere præstiterat, & ex illa reflueret parte, ad quam mittere erat necesse. Et sic cor vano labore fatigaretur, & pulmonum respiratio præpediretur. Denique clare apparet assertio nostra, continue & continenter sanguinem per pulmonum porositates permeare è dextro in ventriculum sinistrum, è vena cava in arteriam magnam. Nam cum continuo è dextro ventriculo immittatur sanguis in pulmones per venam arteriosam, & similiter continue è pulmonibus in sinistrum attrahatur, quod ex dictis & valvularum positione patet; quin pertranseat continue fieri non potest.

Et itidem cum semper & continue ingrediatur sanguis in cordis ventriculum dextrum, & egrediatur continue è sinistro, quod similiter & ratione & sensu patet; quin continuo pertranseat sanguis è vena cava in Aortam impossibile est.

Illud igitur, quod in animalibus majori ex parte & plane omnibus donec adolescant, per patentissimas fieri vias ex dissectione manifestum est; illud inquam in adultis his per pulmonum cæcas porositates & vasorum eorum oscilla æque fieri tam ex Galeni verbis, quam ex ante dictis manifestum est. Vnde apparet, quod quanquam unus ventriculus cordis, videlicet sinister sufficiens esset sanguinis dispensationi per corpus & educationi è vena cava, quemadmodum etiam fit in omnibus quæ pulmonibus carent; natura tamen cum voluerit sanguinem ipsum per pulmones transcolari, dextrum ventriculum superaddere coacta fuerit, cuius pulsu per ipsos pulmones è vena cava in sinistri ventriculi locum sanguis compelleretur. Et hoc modo dextrum ventriculum pulmonum causa factum

Vide Hofmanni doctrinam Comm. tarium supra Galeni lib. 6 de usu part. Quem librum postquam hæc à me scripta essent vidi.

factum esse & ob translationem sanguinis, non ob nutritionem duntaxat, dicendum est. Quandoquidem tanto proventu annonæ atque cum pulsu subministrato, & tanto puriori & spirituosiori (utpote immediate à ventriculis cordis subvecto) indigere alimento pulmones magis, quam aut cerebri purissima substantia, aut oculorum splendidissima & divina constitutio, aut ipsius cordis caro (quæ rectius per arteriam coronalem nutritur,) inconueniens omnino est existimare.

C A P. V I I I.

De copia sanguinis transcurrentis per cor è venis in arterias, & de circulari motu sanguinis.

HVc usque de transfusione sanguinis è venis in arterias, & de viis, per quas pertranseat, & quomodo ex pulsu cordis transmittatur ac dispensetur: de quibus forsitan sunt aliqui, qui antea aut Galeni autoritate, aut Columbi, aliorumve rationibus adducti assentiri se dicant mihi. Nunc vero de copia & proventu istius pertranscurrentis sanguinis, quæ restant (licet valde digna consideratu) cum dixerò, adeo nova videbuntur & inaudita, ut non solum ex invidia quorundam metuam malum mihi; sed verear, ne habeam inimicos omnes homines. Tantum consuetudo aut semel imbibita doctrina, altisque defixa radicibus, quasi altera natura apud omnes valet, & antiquitatis veneranda suspicio plerosque cogit nova velut nulla putare. Vt cumque jam jacta est alea, spes mea in amore veritatis & doctorum animorum candore.

Sane postquam tum ex vivorum experimenti causa dissectione, & arteriarum apertione, disquisitione multimoda; tum ex ventriculorum cordis & vasorum ingredientium & egredientium symmetria & magnitudine, quam natura, nihil faciens frustra, his vasis proportionatam frustra non fecit; tum ex concinno & diligenti valvularum & fibrarum artificio, reliquaque cordis fabrica; tum ex aliis multis sæpius mecum & serio considerassem & animo diutius evolvissem, quanta scilicet esset copia transmissi sanguinis, & quam brevi tempore ea transmitteretur, nec tamen suppeditari illam ab ingesti alimenti succo posse animadverterem, quin venas inanitas & omnino exhaustas, arterias vero nimia sanguinis intrusionem disruptas haberemus, nisi sanguis aliquo ex arteriis denuo in venas remearet, & ad cordis dextrum ventriculum regrederetur: Cœpi egomet mecum cogitare, an motionem quandam quasi in circulo haberet; quam postea veram esse reperi, & sanguinem è corde per arterias in habitum corporis & omnes partes protrudi & impelli à sinistri cordis ventriculi pulsu; quemadmodum in pulmones per venam arteriosam à dextri: & rursus per venas in venam cavam, & usque ad auriculam dextram remeare, quemadmodum ex pulmonibus per arteriam dictam venosam ad sinistram ventriculum, ut ante dictum est.

Quem motum, circularem eo pacto nominare liceat, quo Aristoteles aërem & pluviam circularem superiorum motum æmulari dixit. Terra enim madida à sole calefacta evaporat, vapores sursum elati condensantur, condensati in pluvias rursus descendunt & terram madefaciunt, atque hoc pa-

cto fiunt hic generationes, & similiter tempestatum ac meteororum ortus, à solis circulari motu, accessu & recessu.

Sic verisimiliter contingit in corpore, motu sanguinis partes omnes sanguine calidiori perfectio, vaporoso, spiritoso &, ut ita dicam, alimentativo nutriri, foveri, vegetari: contra in partibus sanguinem refrigerari, coagulari & quasi effoetum reddi, unde ad principium, videlicet Cor, tanquam ad fontem sive ad lares corporis, perfectionis recuperandæ causa revertitur; ibi calore naturali, potenti, fervido, tanquam vitæ thesauro, denuo colliquatur, spiritibus &, ut ita dicam, balsamo prægnans inde rursus dispensatur, & hæc omnia à motu & pulsu cordis dependere.

Ita cor, principium vitæ & sol microcosmi, ut proportionabiliter sol, Cor mundi appellari mereatur, cujus virtute & pulsu sanguis movetur, perficitur, vegetatur, & à corruptione & grumefactione vindicatur; suumque officium nutriendo, fovendo, vegetando toti corpori præstat. Lar iste familiaris, fundamentum vitæ, author omnium; sed de his convenientius, cum de hujusmodi motus causa finali speculabimur.

Hinc cum venæ sint viæ quædam & vasa deferentia sanguinem, duplex est genus ipsarum, Cava & Aorta, non ratione lateris (ut Aristoteles,) sed officio; & non, ut vulgo, constitutione (cum in multis animalibus, ut dixi, in tunica crassitie vena ab arteria non differat,) sed munere & usu distincta. Vena & arteria ambæ à veteribus venæ non immerito dictæ sunt, ut Galenus annotavit; eo quod hæc, videlicet arteria, vas est deferens sanguinem è corde in habitum corporis; illa, sanguinem ab habitu rursus in cor; hæc, via à corde; illa usque ad cor; illa, continet sanguinem crudiores, effoetum & nutritioni jam redditum inidoneum; hæc, coctum, perfectum, alimentarium.

C A P. I X.

Esse sanguinis circuitum ex primo supposito confirmato.

Sed ne verba dare nos dicat quispiam, & assertiones speciosas tantum facere sine fundamento, & non iusta de causa innovare: tria confirmanda veniunt, quibus positis, necessario hanc sequi veritatem & rem palam esse arbitror.

Primum, continue & continenter sanguinem è vena cava in arterias in tanta copia transmitti, pulsu cordis, ut ab assumptis suppeditari non possit, & adeo ut tota massa brevi tempore illinc pertranseat.

Secundum, continue æquabiliter & continenter sanguinem in quodcunque membrum & partem pulsu arteriarum impelli & ingredi majori copia multo, quam nutritioni sufficiens sit, vel tota massa suppeditare possit.

Tertium, ab unoquoque membro ipsas venas hunc sanguinem perpetuo retroducere ad cordis locum.

His positis, sanguinem circumire, revolvì, propelli & remeare à corde in extremitates, & inde in cor rursus, & sic quasi circularem motum peragere, manifestum puto fore.

Supponamus (vel cogitatione vel experimento) sinistram ventriculum in dilatatione, quum repletus

tus est, continere sanguinis uncias duas, tres, quatuor: ego in mortuo reperi ultra duas.

Supponamus similiter, quanto minus in ipsa contractione redditur vel quantum sese contrahit cor, tanto ejus ventriculum minorem capacitatem habere in ipsa contractione vel contractionibus, adeoque partem aliquam sanguinis in arteriam magnam protrudi: (protrudere enim aliquid semper & ante demonstratum est cap. 111, & omnes in Systole fatentur, ex fabrica valvularum persuasi.) Verisimili autem conjectura ponere licet, in arteriam immitti partem vel quartam vel quintam vel sextam, & minimum octavam.

Quod si jam in homine protrudi singulis cordis pulsibus supponamus unciam semis vel drachmas tres aut unam tantum sanguinis, quæ propter impedimentum valvularum in cor remeare non possit; cor autem una semihora plusquam mille pulsus faciat, imo in aliquibus & aliquando duo, tria, vel quatuor millia, si eos multiplices per drachmas, videbis una semihora tria vel duo drachmarum millia, vel uncias quingentas, aut talem aliquam proportionatam quantitatem sanguinis per cor in arterias transfundi, majori certe semper copia quam in universo corpore contingat reperiri. Similiter in ove aut cane quod pertransit, esto ad scrupulum unum in una cordis contractione, tum una semihora mille scrupulos vel circa libras tres & semis sanguinis pertransire oportebit; cum tamen in eo corpore plerumque non contineatur plus quatuor libris sanguinis, uti in ove expertus sum.

Ita pene, supputatione facta secundum minimum quod conjectare possumus transmissi sanguinis, & enumeratis pulsationibus, videbitur totam quantitatem massæ sanguineæ pertransire è venis in arterias per cor, & similiter per pulmones.

Sed esto, quod non una semihora, sed una hora vel die uno, id fiat, nihilominus manifestum facit, plus sanguinis per cor ejus pulsu transmitti continue, quam vel ingestum alimentum possit suppeditare, vel in venis simul contineri.

Nec est dicendum, quod cor in sua contractione aliquando protrudat, aliquando non, vel quasi nihil & imaginarium quid. Hoc enim ante confirmatum est, & præterea sensui contrarium est & rationi. Si enim dilatato corde repleti necesse est ventriculos sanguine; contracto rursus necesse est protrudere semper, & quidem non parum, cum & ductus non parvi & contractio non parva sit. In quavis autem proportionem, videlicet subtripla, subsextupla vel suboctupla, similiter proportio sanguinis exclusi debet se habere ad ante contentum & in dilatatione replentem; uti se habet capacitas contracti ventriculi ad illam, quæ est dilatati. Et sicuti eum in dilatatione non contingit repleti nihilo vel imaginario: ita in contractione nunquam nihil vel imaginarium expellit, sed semper aliquid secundum proportionem contractionis. Quare concludendum, si uno pulsu in homine, vel ove, vel bove, cor emittit drachmam unam, & mille sunt pulsus in una semihora, contingit eodem tempore libras decem & uncias quinque transmissas esse: si uno pulsu drachmas duas, libras viginti & uncias decem: si semiunciam, libras quadraginta unam & uncias octo: si unciam, libras octoginta tres & uncias quatuor contingit,

inquam, in una semihora transfusas esse è venis in arterias.

Sed quantum in unoquoque protrudatur singulis pulsationibus, & quando plus aut quando minus, & qua de causa, accuratius post hæc ex multis observationibus à me forsan palam fiet.

Interim hoc scio, & omnes admonitos velim, quod aliquando uberiore copia pertranseat sanguis, aliquando minore; & sanguinis circuitus quandoque citius, quandoque tardius peragatur, secundum temperamentum, ætatem, causas externas & internas, res naturales & non naturales, somnum, quietem, victum, exercitia, animi pathemata, & similia.

Verumenimvero cum per pulmones & cor vel minima copia transit sanguis, longe uberiori adhuc proventu in arterias & totum corpus diducitur, quam ab alimentorum ingestione aut omnino suppeditari possibile sit, nisi regressu per circuitum facto.

Hoc etiam palam fit sensu, vivorum dissectionem intuentibus, non solum si aperta magna arteria, sed (quod confirmat Galenus in ipso homine) quævis vel minima arteria dissecta fuerit, unius pene semihoræ spatio totam sanguinis massam è toto corpore, tam venis quam arteriis exhaustam fore.

Similiter laniones omnibus hoc satis attestari possunt, quando rescissis arteriis jugularibus in mactando bove, minus unius horæ quadrante totam sanguinis massam exhaustiunt, & vasa omnia inania reddunt. In membrorum excisione tumorumque ex larga sanguinis profusione idem comperimus aliquando brevi contingere.

Nec perstringit hujus argumenti vim, quod per venas effluere in jugulatione & membrorum excisione æque, si non magis, quam per arterias dicat quispiam, cum contra se res habet. Venæ enim, quia subsidunt, quia in ipsis nulla vis cogens foras sanguinem, & quia impedimento valvularum positio est (ut postea patebit,) parum admodum reddunt: arteriæ vero impetu impulsam sanguinem foras largius, impetuosius, tanquam cum siphone ejectum profundunt. Sed experiunda res est, omissa vena & incisa jugulari in ove vel cane; & quanto impetu, quanta protrusione, quam cito omnem sanguinem è toto corpore, tam venis, quam arteriis contingat inaniri admirabile videbitur. Arterias autem nullibi sanguinem è venis recipere, nisi transmissione facta per cor, ex ante dictis patet. Quod si ligando Aortam ad radicem cordis, & aperiendo jugularem vel aliam arteriam, solum arterias inaniri & venas repleti conspexeris, non potes amplius dubitare.

Hinc causam aperte videbis, cur in Anatome tantum sanguinis reperiatur in venis, parum vero in arteriis; cur itidem multum in dextro ventriculo, parum in sinistro; quæ res antiquis dubitandi occasionem forsan præbuit, & existimandi, spiritus solos in illis cavitatibus contineri quamdiu vita superstes animali fuerit. Illius autem causa forsan est, quod è venis in arterias nullibi datur transitus, nisi per cor ipsum & per pulmones. Cum vero expiraverunt & pulmones moveri desierunt, è venæ arteriosæ ramulis in arteriam venosam, & inde in sinistrum ventriculum cordis sanguis permeare prohi-

prohibetur, uti in Embryone ante notatum est prohiberi ob defectum motus pulmonum, oscilla & porositates coecas & invisibiles eorum aperientis claudentisque. Cum vero una cum pulmonibus cor non desinat moveri, sed postea pulsare & supervivere pergat; contingit sinistrum ventriculum & arterias emittere in venas ad habitum corporis sanguinem, & per pulmones non recipere, & proinde quasi inanitas inveniri.

Sed hoc etiam in rem nostram non parum facit fidei, cum hujus nulla alia causa, nisi quam nos ex nostra suppositione afferimus, adduci possit.

Præterea hinc patet, quo magis aut vehementius arteriæ pulsant, eo citius in omni sanguinis hæmorrhagia inanitum iri corpus.

Hinc etiam in omni Lipothymia, omni timore, & hujusmodi, quando cor languidius & infirmius, nullo impetu pulsat, omnem contingit hæmorrhagiam sedari & cohiberi.

Hinc etiam est, quod corpore mortuo, postquam cor cessavit pulsare, non poteris vel è jugularibus vel cruralibus venis aut arteriis apertis ullo conatu massæ sanguineæ ultra partem mediam elicere. Nec lanio, si bovi, postquam ejus caput percussit, & attonitum reddidit, jugulum prius non secuerit, quam cor pulsare desierit, totum sanguinem exhaustire ab eo poterit.

Denique hinc de Anastomosi venarum & articularum, ubi & quomodo sit, & qua de causa, nemo hactenus recte quidquam dixisse licet suspicari. ego in illa disquisitione jam sum.

C A P. X.

Primum suppositum de copia pertranscuntis sanguinis è venis in arterias, & esse sanguinis circuitum ab objectionibus vindicatur, & experimentis ulterius confirmatur.

HActenus primum suppositum confirmatum est, sive res ad calculum revocetur, sive ad experimenta & autopsiam referatur; videlicet, quod sanguis pertranseat in arterias majori copia continue, quam ab alimento suppeditari possit, ita ut tota massa brevi spatio illac pertranseunte, necesse sit, ut circuitus fiat & sanguis regrediatur.

Verum si quis hic dicat, quod magna copia possit pertransire & non sit necesse circuitum fieri, quoniam ab assumptis refarciri queat, & exemplo esse lactis in mammis proventum: vacca enim una die lactis congios tres, vel quatuor, vel septem, vel plures reddit; mulier itidem duas vel tres heminas, infantem unum duosve lactans singulis diebus præbet, quas ab assumptis restitui manifestum est. Respondendum, quod cor tantundem vel amplius una hora vel altera, computatione facta, remittere constet.

Sin vero nondum persuasus instet, usque dicendo, quod licet dissecta arteria, quasi data & aperta via, præter naturam contingat sanguinem cum impetu effundi; non tamen propterea integro corpore & non dato exitu, & arteriis plenis vel secundum naturam constitutis, tantam copiam tam brevi spatio pertransire debere, ut regressum fieri sit necesse. Respondendum, quod ex ante dicta computatione, subducta ratione, apparet, quantum cor repletum ulterius continet in sua dilata-

tione quam in constrictione, tantundem, majori ex parte, singulis pulsationibus emitti, & proinde in tanta copia pertransire integro corpore & secundum naturam constituto.

Sed in serpentibus & piscibus quibusdam, ligando venas per aliquod spatium infra cor, videbis spatium inter ligaturam & cor valde cito inaniri, ita ut regredi sanguinem (nisi autopsiam neget) asserere necesse habeas. Posterius etiam idem clare patebit in secundi suppositi confirmatione.

Hæc omnia uno exemplo confirmantes concludamus, quo fidem oculis propriis adhibere unusquisque possit, si anguem vivum dissecuerit, videbit plus quam per integram horam cor placide, distincte, pulsare & sese tanquam vermem in constrictione (cum oblongum sit) secundum longitudinem contrahere & propellere, in Systole albidiori colore esse, contra in Diastole, & reliqua pene omnia; quibus evidenter hanc veritatem confirmatum iri diximus: hic enim omnia longiora & distinctiora magis sunt. Sed hoc peculiariter & luce clarius meridiana experiri licet. Vena cava partem inferiorem cordis subingreditur, exit arteria parte superiori; jam comprehensa vena cava vel tenaculis vel digito & pollice, sanguinisque cursu intercepto, per aliquod spatium infra cor, videbis exinde statim pene inaniri illam partem intra digitos & cor, sanguine exhausto à cordis pulsu, simul cor albidiori multo colore esse, etiam in dilatatione sua, & ob defectum sanguinis minus esse, & languidius tandem pulsare, sic ut emori denique videatur. Contra statim soluta vena, color & magnitudo redeunt cordi; postea si relinquas venam, & arterias similiter per aliquam distantiam à corde ligaveris vel compresseris, videbis contra illas turgere in parte comprehensa vehementer, & cor ultra modum distendi, purpureum colorem contrahere usque ad livorem, & tandem opprimi sanguine, sic ut suffocatum iri credas: soluto vero vinculo rursus ad naturalem constitutionem in colore, magnitudine & pulsu redire.

Ecce jam, duo sunt genera mortis; extinctio ob defectum, & suffocatio ob copiam. hic ad oculos utriusque exemplum habere licet, & dictam veritatem autopsia in corde confirmare.

C A P. XI.

Secundum suppositum confirmatur.

Secundum confirmandum à nobis quo clarius sintuentibus appareat, annotanda sunt experimenta quædam, ex quibus pateat sanguinem in quodcunque membrum per arterias ingredi, & per venas remeare; & arterias, vasa esse deferentia sanguinem à corde; at venas, vasa & vias esse regrediendi sanguinis ad cor. Præterea in membris & extremitatibus sanguinem vel per anastomosi immediate, vel mediate per carnis porositates, vel utroque modo transire ab arteriis in venas: ut inde in circuitu moveri illum hinc illuc, huc iterum illinc, hoc est è centro in extrema & ab extremis rursus ad centrum manifestum fiat.

Quin etiam, computatione facta, similiter manifestum inde erit de copia, quæ neque ab assumptis

possit suppeditari, neque ad nutritionem necessario requiratur.

Simul etiam de ligaturis liquebit, quare attrahant, & quod neque calore, neque dolore, neque vi vacui, neque ulla antehac cognita causa id præstent; quam insuper commoditatem & usum afferre possint in medicina; & quomodo hæmorrhagiam supprimant aut provocent; & qua de causa gangrænas & mortificationes membrorum inducant, & sic in castratione animalium quorundam, & tumorum carnosorum & verrucarum exemptio-
ne usui sint.

Enimvero quia nemo horum omnium causas & rationes recte affecutus fuit, hinc fieri solet, quod omnes fere ex antiquorum sententia in morbis curandis proponant quidem & consulant ligaturas, pauci vero recte earum administratione in curationibus suis aliquid adjumenti afferant.

Ligatura autem alia stricta est, alia mediocris.

Strictam ligaturam dico, cum ita arcte undique constringitur membrum fascia vel laqueo, ut ultra ipsam ligaturam nullibi arteriæ pulsare percipiantur. Tali utimur in membrorum excisione, fluxui sanguinis prospicientes; & tali etiam utuntur in castratione animalium, & tumorum ablatione; qua ligatura affluxu alimenti & caloris omnino intercepto, tabescere & emori testiculos atque ingentes sarcosæ, & postea decidere videmus.

Mediocre vero ligaturam voco, quæ undique membrum comprimit, sed citra dolorem & sic, ut ultra ligaturam aliquantulum arteriam pulsare sinat; qualis in attractione & sanguinis missione usui est: nam licet supra cubitum fiat ligatura, tamen arterias in carpo aliquantulum pulsare tactu percipies, si recte in phlebotomia fiat ligatura.

Iam experimentum fiat in brachio hominis, vel adhibita fascia, quali in sanguinis missione utuntur, vel ipsius manus fortiore comprehensione. Fiet autem illud commodius in macilento corpore & cui venæ sunt ampliores, & quando calefacto corpore calent extrema, & major quantitas sanguinis in extremitatibus erit, & pulsus vehementiores: omnia enim tunc evidentiora apparebunt.

Facta itaque stricta ligatura quam arcte fieri potest, ut quis eam ferat tamen, observare licebit primum ultra ligaturam manum versus non pulsare in carpo vel uspiam arteriam.

Deinde, immediate supra ligaturam incipere arteriam altius suam Diastolem habere, & magis altiusque & vehementius pulsare, & prope ipsam ligaturam æstu quasi quodam intumescere, acsi fluxum interceptum & transitum inhibitu percurrere & referare conaretur: magisque arteriam, quam par sit, ibi repletam apparere. Denique, manum colorem suum & constitutionem retinere; solum tractu temporis refrigerari aliquantulum, sed nihil interim attrahi in eam.

Postquam per aliquod spatium permanfit ista ligatura, derepente paululum solvatur in mediocre, quali ut dixi in sanguinis missione utuntur, & observabis manum totam statim colorari & distendi, & ejus venas tumidas & varicosas fieri; & spatio decem vel duodecim pulsationum illius arteriæ, multo sanguine impulsæ atque impactæ refertissimam manum cernes, & ab illa ligatura mediocri multam copiam sanguinis affatim attractam

esse absque dolore, vel calore, vel fuga vacui, vel ulla alia antehac commemorata causa.

Quod si vero quis diligenter in ipso illius solutionis momento prope ligaturam digitum ad arteriam jam pulsantem applicaverit, quasi subtus præterlabentem sanguinem sentiet.

Ipsæ porro, cujus in brachio fit experimentum, à solutione ligaturæ strictæ in mediocre, plane calorem & sanguinem pulsu ingredientem, quasi semoto obstaculo, illico sentiet, & aliquid secundum ductum arteriarum, tanquam confestim inflatum & sparsim per manum transmissum percipiet, & continuo calefieri manum & distendi.

Quemadmodum autem in stricta ligatura, arteriæ supra ligaturam distenduntur & pulsant, non infra: ita hac mediocri contra, venæ infra ligaturam turgent & renitentes fiunt; supra vero nequaquam & arteriæ minores redduntur. Imo, si venas tumidas non valde fortiter compresseris, vix supra ligaturam aut sanguinem diffundi aut venas distendi conspicias.

Ita ex his cuivis diligentius observanti facile est noscere, sanguinem ingredi per arterias. Etenim in stricta earum ligatura nihil attrahitur, manus colorem servat, nihil influit, neque fit distensio: ipsis vero paululum solutis usque ad mediocre ligaturam, vi pulsus affatim sanguinem intus trudi, manumque tumidam fieri manifestum est. Nam cum arteriæ pulsant, ut in mediocri ligatura, sanguis profluit in manum: cum vero non, ut in stricta, nequaquam, nisi supra ligaturam. Cum interim venis compressis nihil per ipsas influere possit: cujus hoc est signum, quod infra ligaturam tumidiores multo sint, quam supra, & quam dempta ligatura soleant esse; & quod compressæ nihil superioribus suggerant: ita ut, ligaturam impedire regressum sanguinis per venas ad superiora, easque infra ligaturam tumidas facere & servare, clare pateat.

Arteriæ vero justa de causa, non obstante mediocri ligatura, vi & impulsu cordis ab internis corporis partibus foras ultra ligaturam sanguinem trudent. Atque ista est differentia strictæ ligaturæ à mediocri, quod ista non solum transitum sanguinis in venis, sed in arteriis quoque intercipiat: hæc, vim pulficam, quo minus ultra ligaturam se exporrigat & ad extimas corporis partes propellat, sanguinem non impediatur.

Adeo ut sic ratiocinari liceat: cum in mediocri ligatura venas turgidas & distentas esse, & manum plurimo sanguine impleri videmus, unde fit hoc? Sane oportet aut per venas, aut per arterias, aut per cæcas porositates infra ligaturam sanguinem advenire. E venis, non potest; per cæcos ductus, minus; ergo per arterias, secundum quod dictum, necesse est. Per venas influere non posse, patet; cum non exprimi retro sanguinem contingat supra ligaturam, nisi quando ea prorsus ablata subito omnes venæ detumescere & sese in superiores partes exonerare, manus dealbari, ac sursum omnis qui collectus erat & tumor & sanguis affatim evanescere conspiciuntur.

Amplius sentiet ipse, cui ita post multum spatium ligatus carpus aut brachium & manus tumidæ pauloque frigidiore inde redditæ fuerint, sentiet, inquam, à solutione mediocris ligaturæ frigidum

dum quid sursum usque ad cubitum vel axillas obrepere, una scilicet cum revertente sanguine. Quem ego frigidi sanguinis, post missionem ejus & solutum vinculum, recursum ad cor usque, in causa fuisse lipothymiae arbitror, quam etiam robustis aliquando supervenire vidimus, maxime à solutione ligaturae; quod vulgo fieri dicunt à conversione sanguinis.

Præterea, cum statim à solutione strictae ligaturae in mediocrem per immissionem sanguinis in arterias, continuo venas intumescere videmus infra ligaturam comprehensas, non autem arterias; signum est, sanguinem ab arteriis in venas, & non contra permeare; & vel anastomosin vasorum dari, vel porositates carnis & partium solidarum pervias sanguini esse. Item signum est, venas plurimas inter sese communicare, quod in ligatura mediocri supra cubitum facta multae attolluntur simul & turgent: ex una autem venula scalpello exitu sanguini dato, omnes statim detumescunt & in illam unam sese exonerantes subsidunt simul pene omnes.

Hinc unusquisque potest causas attractionis, quæ fit per ligaturas, & forsan omnis fluxionis cognoscere. Nam quemadmodum in manu per istam, quam dico mediocrem ligaturam compressis venis sanguis exire non potest: ita cum per arterias vi cordis impingitur, non potens exire, necesse est ut inde pars repleatur & distendatur.

Alias enim qui fieri potest? Calor & dolor & vis vacui attrahunt quidem, sed ut impleatur tantum pars, non ut distendatur aut tumefiat ultra naturalem constitutionem, & ob infarctum & arcte impactum vi sanguinem tam violenter, tam subito opprimatur, ut caro continui solutionem pati & vasa dirumpi cernantur. Hoc enim aut calore, aut dolore, aut vi vacui fieri posse, nunquam credibile aut demonstrabile est.

Insuper à ligatura contingit attractionem fieri, absque omni dolore, calore aut ulla vi vacui. Quod si à dolore aliquo accideret sanguinem attrahi, quo modo ad cubitum, ligato brachio, infra ligaturam intumescunt & manus & digiti & venae varicosae? cum propter ligaturae compressionem eo pervenire sanguis per venas non possit: & quare supra ligaturam in cubito neque tumoris aut repletionis signum, neque venarum turgescientiae, neque omnino attractionis aut affluxus vestigium apparet?

Sed attractionis infra ligaturam, & tumefactionis ultra naturae modum in manu & digitis, hæc causa manifesta; nempe, quod sanguis cum impetu & affatim ingrediatur, exire vero nequeat. An illa vero omnis tumoris causa (ut est apud Avicennam) & omnis redundantiae opprimentis in parte? Omnino; quia viæ ingressus apertae, egressus clausae, unde impleri & in tumorem attolli necesse est.

An hinc etiam contingit in tuberculis inflammatoriis, quod quousque tumor incrementum capessit, & non est in ultimo statu, sentiatur eo loci pulsus plenus, præsertim in calidioribus tumoribus in quibus incrementum derepente fieri solet? sed hæc posterioris disquisitionis sunt. An etiam hinc contingit, quod in me ipso casu expertus sum? Ego è curru delapsus aliquando fronte per-

cutiebar eo loci, quo arteriae ramulus à temporibus prorepat; statim ab ipsa percussione, spatio fere viginti pulsationum tumorem ovi magnitudine, absque vel calore vel multo dolore, passus sum; sane propter arteriae vicinitatem, in locum contusum sanguis affatim magis & velocius impingebatur.

Hinc vero apparet, qua de causa in phlebectomia, quando longius profilire & majori impetu exire sanguinem volumus, supra sectionem ligemus, non infra. Quod si per venas inde efflueret tanta copia à partibus superioribus, ligatura illa non modo non adjuvaret, sed impediret. Vnde infra sectionem fieri ligaturam debere, quo sanguis inhibitus uberius exeat, verisimilius est, si ex partibus superioribus eo per venas descendens per venas emanet: sed cum aliunde per arterias impellatur in venas inferiores, in quibus regressus per ligaturam præpeditur, venae turgent & distentae ipsum majori impetu per orificium elidere & longius ejicere possunt; soluta vero ligatura, viaque regressus aperta, ecce non amplius nisi guttatim decedit, & quod omnes norunt, si vel vinculum solveris in administranda phlebectomia, vel infra ligaveris, vel stricta nimis ligatura membrum constrinxeris, tum sanguis absque impetu exit; quia scilicet via ingressus & influxus sanguinis per arterias intercepta est. Modice ergo stricta ligatura arteriarum, egressus liberior datur per venas, quam ligatura soluta.

C A P. X I I.

Esse sanguinis circuitum ex secundo supposito confirmato.

Hæc cum ita sint, constat confirmatum iri etiam illud, quod antea dicebam, nimirum per cor continuo sanguinem transire. Videmus enim ab arteriis sanguinem in venas dimanare, non è venis in arterias. Videmus insuper, vel pene totam massam sanguinis exhauriri posse ab ipso brachio, idque una vena cuticulari scalpello aperta, si fiat ligatura decens. Videmus præterea, ita impetuose & affatim effundi, ut non solum qui ante sectionem in brachio infra ligaturam comprehensus erat sanguis, sed & omnis ex toto brachio & toto corpore, tam arteriis quam venis, brevi & cito evacuetur.

Quare confiteri necesse est primo, vi & impetu suppeditari, & vi impingi infra ligaturam: vi enim & impulsu exit; ergo & cordis pulsu & robore: vis enim & impulsio sanguinis solum à corde est.

Deinde, à corde provenire hunc fluxum, & per cor transitu facto è venis magnis hac effluere, similiter confiteri necesse est, cum infra ligaturam per arterias ingrediatur, non per venas; & arteriae nusquam sanguinem è venis recipiant, nisi è sinistro ventriculo cordis.

Neque omnino aliter ex una vena, facta supra ligatura, tanta copia exhauriri ullo modo posset, præsertim tam impetuose & affatim, tamque facile, tam subito, nisi à corde, vi & impulsu ejus consecutio fiat hoc dicto modo.

Et si hæc ita sint, hinc præterea de copia computationem facere, & de circulari motu sanguinis argumentari apertissime possumus. Si etenim in phlebectomia quis sanguinem eo quo solet pro-

rumpere effusionis impetu, per semihoram profluere sineret, nulli dubium, quin maxima illius parte exhausta, lipothymia & syncope adventarent, & non solum arteriæ, sed & venæ magnæ pene inanitæ forent. Transire ergo rationabile est, semihoræ illo spatio tantundem è vena magna per cor in aortam.

Uterius, si quot unciz sanguinis per unum brachium perfluant, vel quot in viginti vel triginta pulsationibus infra mediocrem ligaturam truantur, supputares; daret profecto occasionem cogitandi, quantum per aliud brachium interea, quantum per utrumque crus, per collum utrinque, per alias item omnes arterias & venas corporis pertranseat; quibus omnibus interim fluxus, qui per pulmones & cordis ventriculos fit, novum continuo sanguinem suggerere debet, & id quidem è venis: necessarium ergo est, circuitum fieri; cum nec suppeditari ab assumptis possit, & longe plus sit, quam partium nutritioni congruens erat.

Amplius observandum, quod in administranda phlebotomia quandoque contingat hanc veritatem confirmari. Nam brachium quanquam recte ligaveris, & scalpello debito modo venam secueris, aptatis orificiis & omnibus rite administratis; tamen si timor, vel lipopsychia animi pathemate aut quavis alia causa adveniat, & cor languidius pulset, nullo modo sanguis exhibit, nisi guttatim: præsertim si ligatura strictior paulo facta sit. Ratio est, quia compressam arteriam languidior pulsus & impellens vis infirmior recludere, & sanguinem infra ligaturam trudere non valet: imo per pulmones deducere aut è venis in arterias copiose transferre, enervatum & languidum cor non potest. Sic eodem modo & eisdem de causis contingit mulierum menstrua, & omnem hæmorrhagiam sedari. Ex contrariis etiam hoc patet; quoniam redintegrato animo, amoto metu, cum ad se redeunt, jam adaucto robore pulsificante, arterias statim vehementius pulsare etiam in parte ligata, & in carpo moveri, & sanguinem per orificium longius profilire ac continuo ductu videbis.

C A P. X I I I.

Tertium suppositum confirmatur, & ex eo, esse sanguinis circuitum.

HActenus de copia pertranseuntis sanguinis per cor & pulmones in centro corporis, & similiter ab arteriis in venas in habitu ejus. Restat, ut explicemus, quomodo per venas ab extremitatibus retro ad cor sanguis remeet, & quomodo venæ sint vasa deferentia solum sanguinem ab extremitatibus ad centrum: quo facto, tria illa proposita fundamenta pro circuitu sanguinis, fore aperta, vera, stabilia & ad fidem illi faciendam sufficientia existimamus.

Hoc autem ex valvulis, quæ in ipsis venarum cavitatibus reperiuntur, earumque usu, & oculari- bus experimentis, satis erit apertum.

Clarissimus Hieronymus Fabr. ab Aquapendente, peritissimus Anatomicus & venerabilis senex, vel ut voluit Doctiss. Riolanus, Iac. Sylvius primus in venis membraneas valvulas delineavit figura sigmoides, vel semilunares portiunculas tuni- cæ interioris venarum eminentes tenuissimas. Sitæ

sunt distantibus in locis & vario modo in variis hominibus, ad venæ latera connatæ, & sursum versus venarum radices spectantes, & ambæ (ut plurimum enim duæ) sunt usque in mediam capacitatem venæ se invicem respicientes atque contingentes, sequentium cornibus præcedentium convexæ medio alternatim semper respicientibus, in extremitatibus ita cohærere ac copulari aptæ, ut si quid è radice venarum in ramos vel è majoribus in minores permeare velit, omnino impedian- tur.





Harum valvularum verum usum Inventor non est affecutus, nec alii addiderunt. Non est enim, ne pondere deorsum sanguis in inferiora totus ruat: in jugularibus namque deorsum spectant & sanguinem sursum ferri prohibent. Quin nec ubique sursum spectant, sed semper versus radices venarum & ubique versus cordis locum. Ego, ut alii etiam, aliquando in emulgentibus reperi, & in ramis mesenterii versus venam cavam & portam spectantes. Adde insuper, quod in arteriis nullæ sunt. Notare etiam licet, quod canes & boves habent valvulas omnes in divisione cruralium venarum ad principium ossis sacri, vel in ramis illis prope coxendicem, in quibus nil tale timendum propter pronitatem corporis.

Nec, uti quidam ajunt, propter metum Apoplexiæ sunt in jugularibus valvulæ; quia materia in somno potius per arterias soporales influere in caput apta est.

Nec etiam, ut sanguis in divaricationibus sistatur, atque in ramos exiles, nec totus in magis apertos & capaces irrueret: positæ enim sunt ubi nullæ divaricationes, licet frequentiores conspici fa- teor circa divaricationes.

Nec denique, ut motus sanguinis à centro corporis retardetur solum: tarde enim satis sua spon- te è majoribus in minores ramulos intrudi, è massa & fonte separari, aut è locis calidioribus in frigidiora migrare, verisimile est. Sed omnino valvulæ factæ sunt, ne vel à venis magnis in minores moveretur sanguis, & sic illas dilaceraret aut varicosas efficeret; vel à centro corporis in extrema sed ut potius ab extremitatibus ad centrum progrederetur; ita enim huic motui valvulæ tenues facile occluduntur, contrarium motum omnino supprimentes. Vnde & sic positæ & ordinatæ sunt, ut quidquid per cornua superiorum minus transitu prohibetur, sed quasi per rimas elabatur, illud convexitas subsequenter transversim posita excipiat & sistat, ne ulterius transeat.

Ego illud sæpissime in dissectione venarum expertus sum, si à radice venarum initio facto versus exiles earumdem ramos specillum immitterem quanto possem artificio, ob impedimentum valvularum longius impellere non potuisse: contra vero, si è ramulis radicem versus, facillime. Pluribus enim in locis valvulæ binæ ad invicem ita positæ, & aptatæ sunt, ut cum eleventur, ad amissim in media venæ cavitare cohæreant & extremitatibus convexis invicem uniantur tam prope, ut neque visu cernere, neque satis explorare rimulam aut coitum liceat. Contra vero forinsecus intro immisso stylo cedunt, & (valvarum in morem, quibus fluminum cursus inhibetur,) facillime reclinantur, ut motum sanguinis à corde & vena cava profectum intercipient, & ad amissim pluribus in locis



locis elevatione clausæ inhibeant omnino & supprimant. Adeo ut neque sursum ad caput, neque deorsum ad pedes, aut latera brachii sanguinem à corde moveri sinant; ita enim sunt constitutæ, ut omni motui sanguinis, qui à majoribus venis auspiciatus in minores desinere velit, adversentur & obstant: ei vero, qui à venis exilibus incipiens in majores desinit, obsecundent liberamque & patentem viam expediant.

Sed quo veritas hæc apertius clucescat, ligetur homini brachium supra cubitum, tanquam ad mittendum sanguinem, A A; per intervalla apparebunt præcipue in rusticis & varicosis, tanquam nodi quidam & tubercula B, C, D, D, E, F, non solum ubi est divaricatio E, F, sed etiam ubi nulla C, D, D: isti autem nodi à valvulis fiunt. Hoc modo apparentibus valvularum nodis in exteriori parte manus vel cubiti, si pollice vel digito venam comprimendo sanguinem, de nodo sive valvula O, submoveris; versus H [fig. 2,] videbis, inhibentibus omnino valvulis inferioribus alium subsequi non posse, & venæ portionem H, O, infra tuberculum O & digitum detractum H, obliteratam; attamen supra tuberculum vel valvulam O, satis distentam O, G. Immo si ita submoto sanguine versus H, venam inanitam pressione digiti H, retinueris, & altera manu valvulæ O, [3, fig.] partem superiorem distentam deorsum compresferis in K, nulla vi cogi aut impelli sanguinem trans valvulam O, videbis; sed quanto majori conatu hoc feceris, tanto magis ad valvulam vel tuberculum O, venam turgentem distendi videbis, & tamen inferius vacuum esse H, O.

Hoc cum pluribus in locis experiri quis possit, apparet valvularum officium in venis idem esse cum sigmoidarum illarum trium, quæ in orificio aortæ & venæ arteriosæ fabrefactæ sunt, videlicet: ut ad amissum claudantur, ne retro sanguinem transeuntem remeare sinant.

Præterea ligato brachio uti prius in A A, & venis turgentibus, si infra tuberculum aliquod sive valvulam venam firmaveris per aliquod spatium in L, [4 fig.] & postea sanguinem sursum supra valvulam N, digito M, compuleris, vacuum illam partem venæ quæ est inter L, & M, permanere videbis, nec retro sanguinem per valvulam regredi posse, ut est H, O, [2 fig.] ablato vero digito H, rursus repleti ab inferioribus, & esse ut D, C, [1 fig.] Atque hinc rursus ab inferioribus ad superiora & ad cor sanguinem moveri in venis, & non contrario modo, plane constat. Et licet aliquibus in locis (ubi aut unica tantum valvula est, aut plures, si adsint, non satis exacte clauduntur) transitus sanguinis à centro ad extrema non videatur prorsus impediri; tamen ut plurimum ita, ut retuli, accidit; vel saltem quod alicubi negligentius fieri visum est, illud ex subsequentium in ordine valvularum vel frequentia vel diligentia vel alio modo compensari apparet, adeo ut venarum viæ patentēs & apertæ sint regredienti sanguini ad cor, progredienti vero à corde omnino occlusæ.

Porro, liga ut prius brachium & venis turgentibus, nodisque sive valvulis apparentibus, infra aliquam valvulam in loco ubi subsequentem invenieris, pollice venam firma ita, ut nihil à manu

sursum sanguinis progrediatur, deinde digito sanguinem ab illa venæ portione sursum supra valvulam L, N, exprime eo quo ante dictum est, modo, & ablato iterum digito L, sine rursus repleti ab inferioribus D, C, & rursus appresso pollice identidem sursum exprime sanguinem L, N, & H, O, idemque milies in brevi tempore repete, ac postmodum hoc quod singulis à compressione laxationibus supra valvulam sursum ivit, quantum fuerit, supputa, facta multiplicatione per numerum millenarium reperies tantum sanguinis hoc modo per unius duntaxat venæ partem in non longo tempore transmissum esse, ut de circuitu sanguinis, ab ejus celeri motu, te persuasissimum putes.

Sed ne hoc experimento naturæ vim afferri dicas, in longe distantibus valvulis idem fac & observa quam cito ablato pollice quaque celeriter sanguis sursum percurrat, & venam ab inferiori parte repleat, neque dubito, quin satis pro explorato hoc, quod dixi, sis habiturus.

C A P. XIV.

Conclusio demonstrationis de sanguinis circuitu.

IAm denique nostram de circuitu sanguinis sententiam ferre, & omnibus proponere liceat.

Cum hæc confirmata sint omnia & rationibus & ocularibus experimentis; nimirum, sanguinem per pulmones & cor pulsu ventriculorum ejus pertransire, in universum corpus impelli atque immitti, ibi in venas & porositates carnis irrepere, per ipsas iterum venas undique de circumferentia ad centrum ab exiguis venis in majores remeare, illinc in venam cavam, & ad auriculam cordis tandem venire, tanta quidem copia, tanto fluxu ac refluxu hinc per arterias illuc & illinc per venas huc retro, ut ab assumptis suppeditari non possit, quin multo uberiori proventu quam requirit nutritio: cum, inquam, hæc omnia confirmata sint, necessario concludendum est, circulari quodam motu ac circuitu in animalibus sanguinem agitari, & esse in perpetuo motu; quin ad hoc esse actionem sive functionem cordis, quam pulsu peragit; denique motus & pulsus cordis causam omnino unam esse.

C A P. XV.

Sanguinis circuitus rationibus verisimilibus confirmatus.

Sed hoc etiam subjungere non abs re fuerit, secundum communes quasdam ratiocinationes ista ita se habere & conveniens esse & necessarium. Primum cum mors, secundum Aristotelem lib. de respirat. & lib. 11, ac 111 de Part. anim. & alibi, sit corruptio propter calidi defectum, & ventia omnia calida, morientia frigida existant, oportet caloris locum aliquem & originem esse, quasi lares focumque, in quo naturæ fomites & primordia ignis nativi contineantur & conserventur, à quo calor & vita in omnes partes tanquam ab origine profluant, alimentum adveniat, concoctio denique & nutritio, & omnis vegetatio dependeat.

Hunc autem locum cor esse, & hoc principium vitæ,

vitæ, & eo etiam quo dictum est modo, neminem velim dubitare.

Sanguini itaque motu opus est, atque tali, ut ad cor rursus revertatur: nam in externas corporis partes amandatus longe à suo fonte, immotus coagularetur, ut Aristoteles testatur lib. 11 de Part. anim. tum à frigore extremorum & ambientis, tum spiritibus, uti in mortuis, destitutus. Calorem autem & spiritus motu generari & conservari videmus, ut quiete evanescere. Quare ne istud sanguini accideret, necesse fuit, ut semper iterum à fonte & origine tam calorem quam spiritus, & omnino præservationem suam repeteret, & revertendo redintegraret.

Videmus quemadmodum à frigore exteriori extremitates aliquando algeant, nasus & manus & genæ quasi mortuorum livida appareant, sanguis in ipsis (qualis cadaverum locis pronis solet decumbere) livore consistat, & membra adeo torpida & ægre mobilia evadant, ut vitam pene amisisse videantur. Nullo modo profecto rursus (præsertim tam cito) calorem, colorem & vitam recuperarent, nisi novo ab origine affluxu & appulsu caloris foverentur. Attrahere enim quomodo possunt, quibus calor & vita pene extincta sunt aut quibus meatus condensati & gelato sanguine repleti? quomodo adveniens admittent alimentum & sanguinem? nisi contentum dimiserint, & nisi omnino cor sit, tale principium, in quo cæteris refrigeratis remaneat vita & calor, ut Aristoteles lib. de respirat. cap. 11 ait, & unde novo per arterias transmissio sanguine calido ac spiritibus imbuta quod frigefactum & effœtum est refocilletur omnesque adeo particulae calorem languidum & vitalem fomitem pene extinctum reparent.

Atque hinc est, quod cæteris omnibus partibus vita restitui, & sanitas recuperari, corde illæso, possit. Corde vero vel refrigerato, vel vitio gravi aliquo affecto, totum animal pati & corrumpi necesse sit; quia videlicet principium corrumpitur & patitur, & nihil sit, ut Aristoteles lib. 11 de Partib. animal. dicit quod aut ipsi aut cæteris, quæ ab ipso pendent, præbere auxilium possit. Et hinc obiter forsan ratio petatur, cur à mœrore, amore, invidia, curis & huiusmodi, tabes & extenuatio contingant, aut cacochymia & proventus cruditas, quæ & morbos plurimos inducant & homines conficiant. Omne namque animi pathema, quod cum dolore, gaudio, spe, aut anxietate humanas mentes exagitat, ad cor usque pertingens & inibi mutationem à naturali constitutione in temperie & pulsu & reliquis faciens, si in principio totum alimentum inquinet, & vires infirmet, minime mirum videri debet, quod varia genera morborum incurabilium in membris & corpore subinde procreet; quandoquidem totum corpus in illo casu, vitiato alimento, inopia calidi nativi laborat.

Præter hæc, cum alimento vivant omnia animalia interius concocto, necesse est concoctionem perfectam esse & distributionem, & proinde locum & conceptaculum adesse, ubi perficiatur alimentum & unde derivetur in singula membra. Hic autem locus, cor est; utpote quod solum ex omnibus partibus non solum in vena & arteria co-

ronali, privato usui; sed potissimum in cavitatibus suis, auriculis scilicet & ventriculis, tanquam in cisternis & promptuario, publico usui sanguinem contineat: cum interim reliquæ omnes partes sui ipsius tantum causa & privato usui & in vasis duntaxat sanguinem habeant. Tum etiam quod solum cor ita situm & constitutum sit, ut pulsu suo in omnes partes secundum justitiam & proportionem cavitatum arteriarum, unicuique particulae inservientium, æqualiter dispensare sanguinem, distribuere, & indigentibus quasi è thesauro & fonte largiri queat.

Amplius, ad hanc distributionem & motum sanguinis, impetu & violenta quadam impulsione opus est; qualem cor præstat facile; tum quia sanguis sponte sua versus illud quasi principium (instar partis ad totum, vel guttæ aquæ sparsæ super tabulam ad massam) facile concentratur & coit, vel uti celerrime alias à frigore, timore, horrore & huiusmodi causis aliis solet: tum quia è venis capillaribus in minores surculos & inde in majores ramos exprimitur motu membrorum & musculorum compressione, proclivis est magis & pronus sanguis, ut è circumferentia moveatur in centrum, quam è contrario, etiamsi nullæ valvulae impedimento forent; unde ut principium relinquat, & loca stricta frigidioraque adeat, & contra spontaneum moveatur, tum violentia opus habet sanguis, tum impulsione, qualem cor solum eo, quo dictum est modo, præstare potest.

C A P. X V I.

Sanguinis circuitus ex consequentibus probatus.

SVnt insuper problemata nonnulla, quæ ex hac veritate supposita tanquam consequentia depromta, ad fidem veluti à posteriore faciendam non sunt inutilia; & quæ, cum alias multa ambiguitate & obscuritate involuta videantur, hinc & rationem & causas assignari facile patiantur.

Cur, quod in contagione videmus, in ictu venenato, & serpentum aut canis rabidi morsu, in lue venerea, & huiusmodi aliis, illæsa particula contacta tamen totum habitum contingit vitari? Sic enim lues venerea, illæsis aliquando genitalibus quibus contrahitur, primo omnium vel scapularum vel capitis dolore, aliisve symptomatibus sese prodere solet: & vulnere facto à morsu canis rabidi, jam curato, febrem tamen, aut reliqua horrenda symptomata supervenisse experti sumus. An, quia in particulam impressum contagium una cum revertente sanguine ad cor fertur; & inde rediens totum corpus postea inquinat? Posse fieri paroxysmo hinc patet: In tertianæ febris morbilica causa principio cor petens, circa cor & pulmones immoratur, & anhelosos, suspiriosos, ignavos facit; nempe quia principium vitale aggravatur & sanguis in pulmones impingitur, incrassatur, nec transit (hoc ego ex sectione illorum, qui in principio accessionis mortui sunt, expertus loquor) unde semper pulsus frequentes & parvi, & quandoque inordinati sunt; adaucto vero calore, materia attenuata, viis apertis, & transitu facto incallescere incipit universum corpus, pulsus majores ac vehementiores redduntur, & fit paroxysmus febrilis: scilicet tunc, cum calor præternaturalis

accensus in corde, inde in totum corpus per arterias diffunditur, una cum materia morbifica; quæ eo modo à natura exsuperatur ac dissolvitur.

Cur etiam exterius applicata medicamenta vires intro exercent suas, ac si intro sumpta essent? Nam constat Colocynthidem & Aloë, ventrem solvere; Cantharides, urinas movere; Allium, plantis pedum alligatum sputa expectorare: & cordialia corroborare, & hujus generis infinita alia fieri. An quia venæ per orificia sua ab exterius admotis absorbent aliquid & intro cum sanguine deferunt, eodem modo, quo illæ in mesenterio ex intestinis chylum exugunt & ad jecur una cum sanguine apportant. Non irrationabile forsitan est hoc dicere. In mesenterio etenim sanguis per arterias celiacas, mesentericam superiorem & inferiorem ingressus, ad intestina progreditur; à quibus una cum chylo in venas attracto per illarum venarum frequentissimas ramificationes in portam jecoris revertitur, & per ipsum in venam cavam. Sic contingit, ut sanguis in his venis eodem sit imbutus & colore & consistentia eadem qua in reliquis, contra quam plures opinantur. Neque sic duos contrarios motus in omni capillari earum propagine, chyli nempe sursum & sanguinis deorsum inconvenienter fieri, necesse est improbabiliter existimare. Sed an non summa naturæ providentia hoc fit? si enim chylus cum sanguine, crudus cum concocto, æquis portionibus confunderetur, non concoctio, transmutatio & sanguificatio exinde proveniret, sed magis (cum invicem activa & passiva sint) ex alterutrorum unione mistio & medium quid, ut in perfusione vini cum aqua & oxycrato. Iam vero quando cum sanguine præterlabente multo exigua portio chyli & nulla quasi notabili proportionem miscetur, sanguis naturam suam servat, nihilo secus quam si (quod ait Aristoteles) unam guttam aquæ adjeceris vini dolio, aut è contra, totum non mistum erit, sed vel vinum vel aqua. In venis certe mesaraicis dissectis non chymus, non chylus & sanguis, aut separati, aut confusi reperiuntur, sed idem qui in reliquis venis & colore & consistentia sanguis ad sensum apparet. In quo tamen quia chyli quiddam inconcoctum (licet insensibiliter) inest, natura jecur apposuit, in cujus mæandris moras trahat & plenior transmutationem acquirat, ne præmature crudum ad cor perveniens vitæ principium obruat. Hinc in Embryone pene nullum usum jecoris esse probat vena umbilicalis jecur manifeste integra pertransiens & foramen vel anastomosis per quam cum vena portæ jecoris jungitur, ut sanguis regrediens ab intestinis foetus, non per jecur, sed in dictam umbilicalem transiens una cum materno sanguine & revertente a placenta uteri cor petat. Vnde etiam in prima foetus conformatione jecur posterius fingitur. Nos in foetu humano observavimus perfecte delineata omnia membra, imo genitalia distincta, nondum tamen jecoris posita pene rudimenta. Et sane quousque membra (uti & cor ipsum in initio) omnia alba apparent, & præterquam in venis nihil uspiam ruboris continetur, nihil præter rudem & quasi extravenati sanguinis collectionem loco jecoris vidēbis, quam contusionem potius quandam vel ruptam venam existimares. In ovo duo quasi vasa umbilicalia inve-

niuntur: unum, ab albumine integrum pertransiens jecur & ad cor recta tendens; alterum, à luteo in venam portæ desinens. Etenim in ovo pullus primum ex albumine tantum formatur & nutritur, à luteo vero post perfectionem & exclusionem: nam intra intestina in ventre pulli contentum post multos dies ab exclusione luteum reperitur, respondetque luteum nutrimento lactis cæterorum animalium.

Sed hæc convenientius in observationibus, ubi hujus generis problemata plurima proponi possunt de tempore conformationis & principatu membrorum: uti cur hoc prius factum aut perfectum sit, illud vero posterius: cur unum supra aliud & quod principatum gerat, & quænam particula alterius causa sit?

De Corde itidem plurima; uti cur primum (Arist. lib. 111 de part. animal.) consistat, & habere videatur in se vitam, motum & sensum, antequam quidquam reliqui corporis perfectum sit?

Et similiter de sanguine, quare antea omnia? & qualiter principium vitæ & animalis habeat, & moveri atque huc illuc impelli desideret? & an ejus causa cor factum videatur?

Eodem modo in pulsum speculatione, cur nempe lethales aut salutares sint, quæve causas singula eorum genera habeant, quid & quare hoc illudve significant aut præfagiant? In Crisibus quoque & expurgationibus naturæ, in nutritione & præsertim in distributione alimenti, uti & in omni fluxione; quin denique in omni parte medicinæ, Physiologica, Pathologica, Semeiotica, Therapeutica, cum quot problemata determinari possint ex hac data veritate & luce, quot dubia solvi, quot obscura dilucidari, animo mecum reputo, campum invenio spatiosissimum, in quo longius excurrere & adeo late expatiari queam, ut non solum in volumen excresceret præter institutum meum, hoc opus; sed mihi forsitan vita ipsa ad finem faciendum deficeret.

In præsentiarum igitur solummodo ea, quæ in administranda Anatome circa fabricam cordis & arteriarum comparent, ad suos usus & causas veras referre enitar. Nam sicuti plurima ubique, quo etiam me convertam, reperiuntur, quæ ex hac veritate lucem recipiunt, & hanc vicissim illustriorem reddunt, ita istam omnino anatomicis argumentis firmatam & exornatam præ cæteris volo.

Est unum, quod licet inter observationes nostras de lienis usu locum habere deberet, tamen hic quoque obiter annotare non erit impertinens. A Ramo splenico in pancreas deducto, parte superiore, oriuntur venæ coronalis, postica, gastrica, & gastro-epiploica; quæ omnes plurimis surculis & ramificationibus disseminantur in ventriculum, veluti mesaraicæ in intestina: similiter à parte inferiore illius rami splenici deorsum in colon & longanionem usque deducitur vena Hæmorrhoidalis. Per has venas utrinque sanguis regrediens & succum crudiorē, hinc à ventriculo aqueum & tenuem nondum perfectam Chilificatione; illinc crassum & terrestriorem, tanquam è fecibus acceptum secum reportans, in hoc ramo splenico contrariorum permixtione convenienter attemperatur, & naturæ beneficio (quæ ambos hos succos propter contrarias indispositiones difficilioris

cilioris coctionis, permiscet invicem & multa copia calidioris sanguinis à liene uberrime per multiplices arterias scaturientis perfundit) præparatus magis ad jecoris portas adducitur; adeo & defectus utrorumque extremorum tali venarum fabrica abunde suppleatur & compensetur.

C A P. XVII.

Confirmatur sanguinis motus & circuitus ex apparentibus in Corde, & iis, quæ ex dissectione Anatomica patent.

COr non in omnibus animalibus invenio distinctam esse & separatam particulam. Quædam enim cor non habent, ut Zoophyta sive plant-animalia, & animalia quæ sunt frigidiora, exiguæ corpulentia, mollioris texturæ, similis cujusdam constitutionis, ut erucarum genus & lumbricorum, & quæ ex putredine oriuntur, neque servant speciem. His cor non est, quod non habeant opus impulsore, quo alimentum in extrema deferatur. Corpus enim connatum & unum absque membris indistinctum obtinent, sic ut contractione & relaxatione totius corporis intro sumant & expellant, moveant & removeant alimentum. Plant-animalia dicta, ut ostrea, mytuli, spongiæ, & Zoophytorum genera omnia, cor non habent, quia pro corde toto corpore utuntur, & quasi totum cor, hujusmodi animalia sunt.

In plurimis & pene omnibus insectorum generibus, propter corpulentia exiguitatem discernere singula recte non possumus; attamen in apibus, muscis, crabronibus, & hujusmodi licet aliquando ope perspicilli, pulsans quiddam intueri; uti & in pediculis; in quibus insuper transitus alimenti per intestina (cum translucidum sit animal) quasi maculam nigram cernere clare poteris multiplicantis illius specilli ope: sed in exanguibus & frigidioribus quibusdam, ut cochleis, conchis, squillis, crustatis, & similibus omnibus inest pulsans particula, quasi vesicula quædam vel auricula sine corde; sed quæ rarius se contrahat & pulsus suum edat, & quem non nisi æstate aut calidiori tempestate discernere liceat.

In his vero ita se habet ista particula, quia impulsu aliquo opus est ad alimenti distributionem propter partium organicarum varietatem aut densitatem substantia; sed ob frigiditatem rarius fiunt pulsationes, & quandoque non omnino, prout conveniens illis est, quæ dubiæ sunt naturæ; ita ut quandoque vivere, quandoque emori videantur, & quandoque vitam animalis agere, quandoque plantæ. Quod etiam insectis videtur contingere, cum hyeme latent & quasi mortua occultantur, vel plantæ vitam tantummodo agant. Sed an idem etiam quibusdam sanguineis animalibus accidat, ut ranis, testudinibus, serpentibus, hirundinibus, non injuria dubitare licet.

In animalibus autem majoribus, calidioribus, utpote sanguineis impulsu alimenti, & cum vi forsitan majori, opus est: proinde piscibus, serpentibus, lacertulis, testudinibus, ranis & hujusmodi aliis, tum auricula, tum cordis ventriculus unus datus est. Vnde & verissimum illud Aristotelis lib. 111 de Part. animal. quod nullum sanguineum animal careat corde, quo impulsore validiore &

robustiore non uti ab auricula agitetur solum alimentum, sed longius & celerius insuper protrudatur.

Ideo in adhuc majoribus, calidioribus & perfectioribus animalibus, utpote plurimo ferventiori & spirituosio sanguine abundantibus, quo alimentum celerius fortiusque, & impetu majore propter corporis magnitudinem aut habitus densitatem, protrudatur magis robustum cor & carnosius desideratur.

Insuper, quia perfectioribus animalibus perfectiori opus est alimento & uberiori calore nativo, ut alimentum melius concoqueretur & plenam perfectionem nancisceretur, pulmones illa & alterum cordis ventriculum, qui per ipsos pulmones alimentum trumat, habere conveniebat.

Sic quibuscumque insunt pulmones, illis duo simul ventriculi cordis sunt, dexter & sinister: & cuicumque dexter, ei sinister quoque inest; non è contra, cui sinister, ei dexter quoque. Sinistrum vero ventriculum voco usum, non situ distinctum, videlicet eum, qui sanguinem in totum corpus diffundat, non in pulmones solum. Hinc sinister ventriculus per se cor efficere videtur, & in medio situs, scrobiculis altioribus ita insculptus & majori diligentia fabricatus est, ut cor sinistri ventriculi gratia factum videatur, & dexter ventriculus quasi famulari sinistro, utpote qui nec ad conum ejus pertingat, & tenuiori triplo pariete sit, & quasi articulationem quandam (ut Aristoteles loquitur) supra sinistrum habeat: majori interim capacitatem sit, tanquam qui non solum sinistro materiam, sed & pulmonibus alimentum præbeat.

Notandum vero, quod in Embryone aliter ista se habeant, & non tanta differentia sit ventriculorum, sed tanquam in nuce nuclei gemelli, æqualiter pene se habent, & dextri conus ad sinistri summitatem pertingit, ut cor in his tanquam duplici apice in cono sit. Atque hæc idcirco quia in his, dum sanguis non transit per pulmones, utique tamen de dextro cordis sinu in sinistrum, ambo hi per foramen ovale & transitum arteriosum, ut dictum est, idem officium traducendi sanguinem è vena cava in arteriam magnam pariter præstant, & in universum corpus impellunt æqualiter: unde æqualis constitutio. Cum vero pulmones usui esse, & uniones dictas occludi tempestivum est, tum hæc differentia ventriculorum incipit in robore & reliquis exerere, & dexter duntaxat per pulmones, sinister per totum corpus impellit.

Ultra hæc etiam in corde lacertuli ut ita dicam, sive carnosæ virgulæ & fibrosi nexus plurimi (quos Aristot. lib. de respirat. & lib. 111 de part. anim. nervos vocat) reperiuntur, qui partim separatim diverso modo tenduntur, partim in parietibus & mediastino, altis factis scrobiculis, sulcatim reconditi tanquam muscoli quidam parvi contrahuntur. Sunt autem ad robustiorem & validiorem impulsus sanguinis, & constrictionem cordis quasi succenturiati, & superadditi cordi ad ulteriorem expulsionem sanguinis auxiliares, ut cordi undiquaque se contrahenti (tanquam in navi summi diligens & artificiosus apparatus) in sanguine plenius & validius è ventriculis expellendo undique adjumento forent.

Hoc autem ex eo manifestum est, quod in quibusdam animalibus sint, in quibusdam minime; & omnibus quibus sunt; illis plures & fortiores sunt in sinistro, quam dextro; quibusdam itidem animalibus in sinistro sunt, in dextro vero nequaquam. In hominibus autem plures in sinistro, quam dextro ventriculo; & plures in ventriculis, quam auriculis; imo aliquibus in auriculis quasi nulli reperiuntur: in Torosis quoque & musculosis agrestibus corporibus, & durioris habitus, plures; in tenellis vero & foeminis, pauciores.

In quibus animalibus ventriculi cordis intus leves, omnino absque fibris, lacertulis, neque scrobiculis fissi sunt, ut in avibus minoribus pene omnibus, serpentibus, ranis, testudinibus, & hujusmodi; perdice etiam, gallina, & piscium maxima parte: in his neque nervi sive fibræ dictæ, neque valvulae tricuspidales in ventriculis reperiuntur. In quibusdam animalibus dexter ventriculus intus levissimus est, sinister vero fibrosus illos nexus habet, ut in anser, Cygno, & avibus gravioribus. In his eadem est ratio, quæ in omnibus. Nam cum spongiosi & rari & molles sunt pulmones, ad protrusionem sanguinis per ipsos vim tantam non desiderant, ac proinde in dextro ventriculo aut non sunt illæ fibræ, aut pauciores infirmioresque, neque ita carnosæ, aut musculos æmulantes. Sinistro vero sunt & robustiores, & plures, & carnosiores, & musculosi; quia sinister ventriculus majori robore & vi opus habet, quod per universum corpus longius sanguinem prosequi debuerit.

Et hinc etiam sinister ventriculus medium cordis locum occupat, & triplo crassiori pariete & robustiore est quam dexter. Hinc inter omnia animalia non tantum, sed & inter homines similiter, quanto quolibet densiori, duriori, & solidiori habitu corporis est, & quanto magis carnosæ lacertosæque habent extrema membra, & magis à corde distantia: tanto fibrosum magis & crassum, robustum, & musculosum habent cor. Idque manifestum est, & necessarium. Quanto contra rariori textura & molliori sunt habitu, & corpulentia minore; tanto flaccidius, mollius, & intus minus aut omnino non fibrosum & enervatum cor gerunt.

Valvularum similiter signiformium & tricuspidum usum considera: quarum istæ ideo factæ sunt, ne semel immixtus sanguis in cordis ventriculos regeratur. Hæ in orificio arteriosæ venæ & aortæ constitutæ dum sursum elevantur & invicem conjunguntur triquetram lineam, qualis ab hircinorum morfu relinquitur, effingunt, quo arctius obseratæ, sanguinis refluxum arceant promptius.

Tricuspidales in introitu à vena cava & arteria venosa janitores sunt, ne cum maxime impellitur sanguis, retrolabatur; & ea de causa non insunt omnibus animalibus, ut dixi; neque quibus insunt, eadem naturæ solertia factæ apparent, sed in aliis exactius, in aliis remissius & negligentius, ut claudantur pro majori vel minori impulsione à ventriculorum contractione facta. Ideo in sinistro ventriculo, uti ad majorem impulsione diligentior occlusio fiat, duo tantum sunt instar mitræ, ut exactissime claudantur & longe in conum per medium pertingant: (quæ res imposuit forsan Aristoteli, ut hunc ventriculum duplicem, sectio-

ne per transversum facta, existimaret.) Similiter profecto, ne retro in arteriam venosam labatur sanguis, & exinde robur sinistri ventriculi exolvatur in propellendo eo per universum corpus; ideo valvulae istæ mitrales inole & robore, & exacta clausura, illas in dextro positas exuperant. Hinc etiam necessario nullum cor sine ventriculo conspicitur, cum lacunar & fons & promptuarium esse sanguinis debeat. Idem vero in cerebro non semper contingit. Avium enim genera pene omnia nullum habent in cerebro ventriculum, ut patet in anser & cygno, quorum cerebrum cerebro cuniculi pene magnitudine æquatur. Cuniculi autem ventriculos licet in cerebro habeant, anser tamen non habet. Similiter ubicunque cordis ventriculus unus, ibi una auricula appendet, flaccida, cuticularis, intus cava, sanguine referta; ubi duo ventriculi, duæ similiter auriculæ. Contra vero auricula duntaxat inest aliquibus animalibus (non autem cordis ventriculus;) vel saltem vesica auriculæ analogæ; vel vena ipsa, in loco dilatata, pulsus facit; ut videtur in crabronibus, & apibus, & aliis insectis, quæ non solum pulsus habere, sed & respirationem in illa parte quam caudam nominant, (unde ipsam elongare, & contrahere contingit modo frequentius, modo rarius, prout anhelosi magis videntur, & aëre magis indigere;) experimentis quibusdam me posse demonstrare arbitror. Sed de his in tractatu de respiratione.

Auriculas similiter pulsare, apertum est; quin & sese contrahere, ut ante dixi, & sanguinem in ventriculos conjicere. Vnde, ubicunque est ventriculus, auricula necessaria est; non solum, quod vulgo creditur, ut sit sanguinis receptaculum & promptuarium (quid enim opus est pulsatione ad retinendum?) sed sanguinis motores primi sunt auriculæ, præsertim dextra, primum vivens, ultimum moriens, ut ante dictum est, ideoque necessaria, ut scilicet sanguinem in ventriculum subserpens infundat. Qui ventriculus continuo (se ipsum contrahendo) jam ante in motu existentem sanguinem commodius elidit, & violentius propellit, ut cum ludis pila, à reverberatione percussa fortius & longius, quam simpliciter projecta impellitur. Quin etiam, contra vulgarem opinionem, quia neque cor, neque aliud quidquam seipsum distendere sic potest, ut in se ipsum attrahere sua diastole quicquam possit, nisi ut spongia vi prius compressa, dum redit ad constitutionem suam. Sed omnem motum localem in animalibus primum fieri, & principium summissee constat à contractione alicujus particulæ: ideo à contractione auricularum conjicitur sanguis in ventriculos, ut ante patefeci, & inde à contractione ventriculorum projicitur & transfertur.

Quæ veritas de motu locali, & quod immediatum organum motivum in omni motu omnium animalium, in quo spiritus motivus (ut Arist. dicit *libro de spiritu & alibi*) primo inest, sit contractile, & à contrahere, quemadmodum *νεύρον* à *νέω*, nuto dicatur: & quod Aristoteles musculos cognoverit, & non perperam omnem motuum in animalibus retulerit ad nervos sive ad contractile, & proinde illos lacertulos in corde nervos appellavit, si de motivis organis animalium, & de musculorum fabrica

fabrica ex observationibus nostris quandoque demonstrare liceret, palam arbitror foret.

Quin ut institutum prosequamur, de auricularum usu ad ventriculos implendos, ut ante demonstratum est, sanguine, notandum; quod, quo magis densum compactumque cor est & pariete crassiore, eo auriculæ nervosiores & magis musculosæ sunt ad impellendum & implendum. In quibus contrarium est, in iis tanquam vesica sanguinea, & membrana continens sanguinem, apparet; ut in piscibus. In his enim tenuissima & adeo ampla est vesica, quæ auriculæ loco est, ut super ipsam cor innatare videatur. At in quibus carnosior paulo illa vesica est, perbelle pulmones æmulari & ementiri videtur; ut cyprino, barbo, tinea, & aliis.

In aliquibus hominibus, torosis videlicet & durioris habitus dextram auriculam ita robustam, & cum lacertulis & vario fibrarum contextu interius affabre concinnatam reperi, ut aliorum ventriculis robore videretur æquipollere, & mirabar sane, quod tanta in hominibus diversis differentia esset.

Sed notandum, quod in foetu auriculæ longe majores sint, quam pro proportionem; quia insunt antequam cor fiat, aut suam functionem præstet (ut ante demonstratum est,) & cordis ibi quasi officium faciunt. Sed quæ in formatione foetus observavi & antea retuli, & Aristoteles in ovo confirmat, maximam huic rei fidem & lucem afferunt.

Interea dum foetus, quasi vermiculus mollis &, ut dicitur, in lacte est, inest solum punctum sanguineum, sive vesicula pulsans, & quasi umbilicalis venæ portio, in principio vel basi dilatata: postea, cum foetus delineatus jam, corpulentiam quandam duriorē habere incipit, ista vesica carnosior & robustior facta, in auriculas (mutata constitutione) transit, super quas cordis corpus pullulare incipit, nondum ullum officium faciens publicum: formato vero foetu, cum jam distincta ossa à carnibus sunt, & perfectum est animal, & motum habere sentitur; tum cor quoque, intus pulsans habetur, &, ut dixi, utroque ventriculo sanguinem è vena cava in arteriam transfundit.

Sic natura perfecta & divina, nihil faciens frustra, nec cuiquam animali cor dedit, ubi non erat opus, neque prius, quam esset ejus usus, fecit; sed iidem gradibus in formatione cujuscunque animalis, transeundo per omnium animalium constitutiones ut ita dicam, ovum, vermem, foetum, perfectionem in singulis acquirit. Verum hæc alibi in foetus formatione, multis observationibus confirmanda sunt.

Denique non immerito Hippocrates in lib. de Corde, ipsum cor musculus nuncupavit; cum eadem actio, idem officium sit, videlicet seipsum contrahere, aliud movere, nempe contentum sanguinem.

Insuper ex fibrarum constitutione motivaque fabrica, ut in musculis ipsis, cordis actionem & usum licet cernere. Omnes Anatomici cum Galeno annotarunt, cordis corpus vario fibrarum ductu, videlicet recto, transverso, obliquo fabrefactum esse. At in corde elixo aliter se habere deprehenditur fibrarum structura. Omnes enim fibræ in parietibus & septo circulares sunt, quales

in sphinctere: illæ vero, quæ in lacertulis, secundum longitudinem obliquæ sunt & porrectæ. Sic fit, dum omnes fibræ simul contractæ sunt, ut contingat & conum ad basin à lacertulis adductum & parietes in orbe circumclusos, & cor undique contractum esse, & ventriculos coarctari; & proinde, cum ipsius actio sit contractio, existimandum est, functionem ejus esse, sanguinem in arterias protrudere.

Nec minus Aristoteli de principatu cordis assentiendum; an à cerebro motum & sensum accipiat; an à jecore sanguinem; an sit principium venarum, & sanguinis, & hujusmodi: cum, qui ipsum redarguere conantur, illud principale argumentum omittunt, aut non intelligunt, quod cor nempe primum subsistens sit, & habeat in se sanguinem, vitam, sensum, motum, antequam aut cerebri aut jecur facta erant, vel plane distincta apparuerant, vel saltem ullam functionem edere potuerant. Et, suis propriis organis ad motum fabricatis, cor, tanquam animal quoddam internum, diutius vivit. Quo primum facto, ab ipso postea fieri, nutriri, conservari, perfici totum animal, tanquam hujus opus & domicilium, natura voluit: adeo ut cor tanquam in republica princeps sit, penes quem primum & summum imperium ubique gubernandi est. A quo, tanquam ab origine in animali, & à fundamento omnis potestas derivetur & dependeat.

At amplius circa arterias plurima similiter veritatem hanc illustrant & confirmant. Cur arteria venosa non pullat, cum numeretur inter arterias? aut cur in vena arteriosa pulsus sentitur? quia pulsus sanguinis arteriarum impulsio est.

Cur arteriæ in suæ tunicæ crassitie & robore tantum à venis differunt? quia sustinent impetum impellentis cordis, & prorumpentis sanguinis.

Hinc, cum natura perfecta nihil faciat frustra & in omnibus sufficiens sit, quanto arteriæ propinquiores cordi sunt, tanto magis à venis in constitutione differunt, & robustiores sunt, & ligamentosæ magis; in ultimis vero disseminationibus ipsarum, ut manu, pede, cerebro, mesenterio, spermaticis, ita constitutione similes sunt, ut oculari tunicarum inspectione alterum ab altero internoscere difficile sit. Hoc autem justis de causis sic se habet. Nam quo longius arteriæ distant à corde, eo minore multo vi, ab ictu cordis per multum spacium refracto, percelluntur. Adde, quod cordis impulsus, cum in omnibus arteriarum truncis & ramulis sufficiens sanguini esse debuerit, ad divisiones singulas, quasi partitus imminuitur. Adeo ut ultimæ divisiones capillares, arteriosæ videantur venæ non solum constitutione, sed & officio, cum sensibilem pulsum aut nullum, aut non semper edunt, & nisi, cum pulsat cor vehementius, aut arteriola in quavis particula dilatatur, aut aperta magis sit. Inde fit, ut in dentibus quandoque & tuberculis, quandoque in digitis sentire pulsum, quandoque non possimus. Unde pueros, quibus pulsus semper sunt celeres & frequentes, hoc uno signo febricitare certo observavi; & similiter in tenellis & delicatulis, ex compressionem digitorum, quando febris in vigore esset, facile pulsu digitorum percipere potui.

Ex altera parte, quando cor languidius pulsat,

non

non solum non in digitis, sed nec in carpo, aut temporibus pulsus sentiri potest; ut in lipothymia, hysterice symptomatibus, asphyxia, & debilioribus morituris.

Hic ne decipiantur, monendi Chirurghi, quod in amputatione membrorum & tumorum carnosorum excisione, & vulneribus, sanguis cum vi profiliens semper exit ab arteria, non autem semper cum saltu; quia exiles arteriæ non pulsant, præsertim si ligatura compressæ fuerint.

Præterea, cur vena arteriosa non solum arteriæ constitutionem & tunicam habeat, sed cur tam multum in crassitie tunici non differat à venis, quam aorta, ratio eadem; majorem à sinistro ventriculo impulsam sustinet aorta, quam illa à dextro: & tanto molliori tunicarum constitutione, quam aorta est, quanto dexter ventriculus cordis & pariete & carne sinistro infirmior; & quantum pulmones in textura & mollitie ab habitu corporis & carnis recedunt, tantum differt venæ arteriosæ tunica ab illa quæ aortæ. Et semper hæc omnia ubique proportionem servant. Sic & in hominibus: quanto magis torosi, musculosi, & durioris sunt habitus, & cor robustum, crassum, densum, & fibrosum magis; tanto & auriculas & arterias proportionabiliter in omnibus respondentēs crassitie & robore habent.

Hinc, quibus animalibus leves ventriculi cordis intus sunt, absque villis, aut valvulis, & pariete tenuiore, ut piscibus, avibus, serpentibus, & quam plurimis generibus animalium; in illis arteriæ parum aut nihil à venis differunt in tunicarum crassitie.

Amplius, cur pulmones tam ampla habent vasa, venam & arteriam, ut truncus arteriæ venosæ excedat utrosque ramos, crurales & jugulares? Et, cur adeo referti sint sanguine, ut per experientiam & autopsiam scimus (monitu Aristotelis, non decepti inspectione eorum quos dissectis detraimus animalibus, quorum sanguis totus effluerat;) causa est, quia in pulmonibus & corde promptuarium, fons & thesaurus sanguinis, & officina perfectionis est.

Cur similiter arteriam venosam & sinistram ventriculum abundare videmus (in Anatomica dissectione) tanta copia sanguinis, & ejusdem quidem, quo dexter ventriculus & vena arteriosa replentur, similiter nigricantis & grumescantis? Quoniam illinc huc continenter peragrat pulmones sanguis.

Cur denique vena arteriosa dicta vulgo, constitutionem arteriæ; arteria venosa, venæ habet? Quia revera, & officio & constitutione & omnibus illa, arteria; hæc, vena est; contra quam vulgo creditur.

Et, cur vena arteriosa tam amplum habet orificium? Quia plus multo defert quam alendis pulmonibus sit necessarium.

Hæc omnia phænomena inter diffecandum observanda, & plurima alia, si recte perpensa fuerint, ante dictam veritatem videntur luculenter illustrare & plane confirmare, simulque vulgaribus opinionibus adversari: cum quam ob causam ita constituta sint & facta hæc omnia, difficile cuiquam admodum sit, (nisi quo nos modo) explicare.

FINIS.

INDEX CAPITVM

Exercitationis Anatomiciæ, de Motu cordis & sanguinis.

CAP. I. Cause, quibus ad scribendum Author permotus fuerit,	Pag. XLIII
II. Ex vivorum dissectione, qualis sit Cordis motus, ibid.	
III. Arteriarum motus qualis ex vivorum dissectione,	XLIV
IV. Motus cordis & auricularum qualis ex vivorum dissectione,	XLV
V. Cordis motus actio, & functio,	XLVI
VI. Quibus viis sanguis è vena Cava in arterias, vel è dextro ventriculo cordis in sinistram deferatur,	XLVII
VII. Sanguinem de dextro ventriculo cordis pulmonum parenchyma permeare in arteriam venosam, & sinistram ventriculum,	XLIX
VIII. De copia sanguinis transeuntis per cor è venis in arterias, & de circulari motu sanguinis,	LI
IX. Esse sanguinis circuitum ex primo supposito confirmato,	LI

X. Primum suppositum de copia pertranseuntis sanguinis è venis in arterias, & esse sanguinis circuitum ab objectionibus, vindicatur, & experimentis ulterius confirmatur,	LIII
XI. Secundum suppositum confirmatur,	LIII
XII. Esse sanguinis circuitum ex secundo supposito confirmato,	LV
XIII. Tertium suppositum confirmatur, & ex eo, esse sanguinis circuitum,	LIV
XIV. Conclusio demonstrationis de sanguinis circuitu,	LVI
XV. Sanguinis circuitus, rationibus verisimilibus confirmatus,	LVIII
XVI. Sanguinis circuitus ex consequentibus probatus,	LIX
XVII. Confirmatur sanguinis motus & circuitus ex apparentibus in Corde, & iis, quæ ex dissectione Anatomica patent,	LXI

I O H A N N I S W A L Æ I

Med. Doct. & Profess. in Academ.

Batava Leydenfi,

E P I S T O L Æ D V Æ :

D E

M O T V C H Y L I,

E T

S A N G V I N I S.

A D

T H O M A M B A R T H O L I N V M,

C A S P. F I L I V M.

Editio præcedentibus auctior.


ARISTOTELES 3 de Hist. Animal. cap. 2.

περὶ τῶν αἱμάτων καὶ τῶν φλεβῶν τὸ πρότερον εἰρηκέντων πινὲς οὐκ ἀληθῶς λέγασιν. αἶπον
 ἢ τὴν ἀγνοίαν, τὸ δυοδεώρητον αἰμάτων. ἐν μὲν γὰρ τοῖς πεθνεῶσι τῶν ζώων, ἀδηλόν ἡ φύσις
 τῶν κυρωμάτων φλεβῶν, διὰ τὸ συμπύκναι αὐτὸς ἐξιδέναι τῶν αἱμάτων, μάλιστα πάντας.
 ἐκ τούτων γὰρ ἐκχέεται ἀθρόον, ὥσπερ ἐξ ἀγγείων. καθ' αὐτὸ γὰρ ἔδεν ἔχει αἷμα πλεονέκον
 ἐλίγον ἐν τῇ καρδίᾳ. ἀλλὰ τὸ πᾶν ἐστὶν ἐν τῇ φλεβῇ. ἐν ἣ τῶν ζώων ἀδυνάτον εἶναι
 θεάσασθαι πῶς ἔχουσιν. ἐντὸς γὰρ ἡ φύσις αἰμάτων. ὥςθι οἱ μὲν ἐν πεθνεῶσι καὶ διηρημένοις
 τοῖς ζώοις θεωροῦντες πᾶς μεγίστην δόξαν ἐθεώρουσαν. οἱ ἢ ἐν τοῖς λελεπυσμένοις σφό-
 δρα ἀνθρώποις, ἐκ τῆς τότε ἐξώθεν φαινομένης πᾶς δόξης τῶν φλεβῶν διώρουν.

EPISTOLA PRIMA
DE
MOTU CHYLI
ET
SANGVINIS:
AD

THOMAM BARTHOLINVM,
GASP. FILIVM.

Parisijs.



Xercuit ab omni ævo Rei-
publicæ & Sacrorum An-
tistites de primatu conten-
tio : sed nullo seculo Lite-
rati ambitiosius quam ho-
die conati sunt præ reli-
quis eruditi videri. Et quo
id impetrent non verentur
plurimi in auxilium calum-

nias aliasque peiores artes vocare. Nemo edere
in publicum, nemo communicare amico scriptum
potest, quod egregium quibusdam videbitur, qui
non statim obrectatorem inveniat, qui eum pun-
gat, scindat, laceret crudelissime. Nihil aliud au-
tem suis curis, suis laboribus quam invidiam & ani-
mi ægritudinem quærere extrema dementia est.

Hæ, fateor, impediverunt me causæ quominus
crebræ tuæ petitioni potuerim satisfacere; simul
& quod ea non libenter definitio quæ longa anno-
rum experientia aut probare non potuit, aut non
potuit satis limitare. Tu tamen rogare non desi-
stis, & ego pudore suffundor semper negare. Ne-
cessitatem quasi quoque mihi imposuit vir qui-
dam doctus, ut meam de motu sanguinis sententiam
aliis debeam aperire. Theses enim quasdam de
motu sanguinis me Præsides disputatas, etiam si
Defendens vere in iis profiteatur suas esse, ut meas
tamen aggressus est vellicare. Quamvis autem
pudere illum juvenem illarum thesium non de-
beat: nolim tamen aliena, etiam meo præsidio de-
fensa, pro meis æstimari. Nec ei rationes in ob-
scuro sunt, qui meam in disputando libertatem,
aut Academia nostræ consuetudinem noverit.

Quare nunc meam de motu sanguinis opinio-
nem habe.

Sanguis qui è dissectis majoribus arteriis exilit ca-
lidior, tenuior, rarior, & floridiori colore est, quam
is qui è dissectis fluit venis: non ideo tamen di-
xerim sanguinem arteriosum à venoso tota for-
ma differre: id enim habere sanguis arteriosus
præ venoso potest, quod ille recens quasi à foco
caleat, majorique spirituum copia abundet; ut
ebulliens lac à refrigerato eadem ratione videmus
discrepare. Et certe sanguis arteriosus qualitates
eas non aliunde quam à majori calore & spirituum
copia habere videtur: qui enim in minoribus ar-

teriis à foco jam remotior est, animadvertitur mi-
nus à venoso differre. Et ubi è majoribus arteriis,
imo è vivi animalis corde sanguinem accepimus,
& ex eodem animali sumimus è venis, sivismus-
que refrigerari utrumque & concrefcere, nun-
quam potuimus in illis differentiam observare. Ut
non aliud appareat quam sanguinem arteriosum,
ejusdem generis cum venoso esse.

Venosum sanguinem duorum esse generum pau-
ciores volunt, alium qui in vena cava, alium qui
in vena portæ continetur. Sed nec in his, sive re-
ceptaculis suis inclusi, sive ex iis effusi sunt, ullum
licet discrimen animadvertere: idem prorsus ra-
tionem dictare mox videbimus.

Præter hos alius quoque concipi sanguis potest,
qui è chylo in hepate confectus, ulteriorem per-
fectionem in corde non accepit: qualis is naturæ
sit scire non possumus; cum, ut mox audiemus, in
vena cava illi sanguini sit permixtus qui ulteriorem
aliquam perfectionem in corde acquisivit. Et pa-
rum nostra interest ejus naturam cognovisse, quem
ad breve prorsus tempus talem tantum perdurare
videbimus. Ut unus tantum sanguinis motus sit no-
bis inquirendus.

Moveri autem sanguis posset, vel in ea arterie ve-
næ parte in qua continetur, vel ex ea parte in aliam.

Sanguis in una arterie venæ parte naturaliter sur-
sum deorsum, ut ebulliens aqua, non conspicitur
moveri; nec in vase receptus, nec in vivo calen-
teque corpore dimissus, nec in ipsa arteria si ea
utrimque ligata intermedio superiorique loco dis-
secetur. Imo discisso à nobis sæpius vivi cordis
mucrone, cordeque erecto, calere sanguis depre-
hensus est, nunquam ebullire.

Moveri autem sanguinem ab una arterie venæ
parte in aliam res oppido manifesta est. nam in ex-
tremis venis sanguis continetur, qui cum ibi
genitus non sit, eo debet pervenisse. Et manifesto
satis in vivis ex vena cava in cor sanguis fluit, & è
corde in Aortam effluit.

Quo autem totus ille sanguinis motus nobis
possit innotescere, ab ipso fonte videtur arces-
sendus.

Solidum cibum in vivis canibus sæpiissime con-
speximus cum in ventriculo ordinem, quo assum-
ptus est, observare: nisi nimio potu distentus ven-
tricular

Est enim unius
generis esse.

Non moveri
sanguinem in
deorsum in
vasis:

Sed moveri
ab una vasis
parte, in
aliam:

Qui motus ut
cognoscatur
facilius in-
quirendus in
chyli motu.

Cibus primo
assumptus pri-
mum locum
in ventriculo
occupat.

Scribendi oc-
casio.

Quia sanguis
siquidem move-
tur?

trculus fluctuare cibum, & eum ordinem permittat immutari.

Eum arte completitur ventriculus.

Quem recepit cibum ventriculus, etiam si duarum tantum unciarum sit, manifesto undique completitur; non absimili ratione ac plicatas crumenas globulum videmus continere. simul & coarctatur superius inferiusque orificium: quod facto in vicinia foramine, immisso minimo digito, stilo ve, promptum est explorare. Inferius tamen orificium dum deprehenditur plane occlusum, concidisse potius quam esse constrictum videtur, quod minima pressione ventriculi chylum sinat transfluere. Non raro quoque debilius ventriculus, orificiaque ab illa naturali constrictione deficiunt, & tum solent laxiora sentiri.

Eum humectat ventriculi humor.

Retentus in ventriculo cibus, totus à cibi, potus, salivæque liquore permadescit: nec ita multo post porosus & plane spongiosus conspicitur: quandoquidem, ut vero simile est, is liquor aliquid substantiæ cibi elicit & imbibit.

Incidit humor acidus.

Paulo post in minima inciditur & quasi discerpitur frustilla, & tenuis & crassior cibus, imo in canibus ipsæ ovarum testæ: quod sine dubio ab humore quodam acido contingit, qui vim dissolvendi habet. Ita experimur ventriculum cibi mole aut crassitie gravatum assumpto aceto, succo citri, oleo sulphuris aut vitrioli, levamen sentire. Neque id quisquam in salivam aut bilem in ventriculum regurgitantem referet, qui in calida saliva, bileve bubula, aliquot horis panem macerari viderit, & ab iis tamen non comminui: in centenis quoque & pluribus canibus, quos hanc ob causam vivos secavimus, invenimus tantum in duobus bilem in ventriculum confluisse, quorum unus in ediam passus erat per triduum, & in ejus ventriculo, mirandum visu, biliosa spuma erat ita densa, ita bullans, qualem in lixivio lavantibus lotricibus videmus innatare.

E liene.

Acidum autem illum humorem conjectamur ex liene in ventriculum venire, quod non alia pars acida in corpore nostro sentiat, quodque deglutito cocto liene & præsertim suillo, gravitas quoque ventriculi à copia & crassitie cibi emendetur.

Postea commutatur in cremorem.

Ita cibus liquori per minima commixtus, tractu temporis consistentiam tenuioris cremoris hordei coctione adipiscitur: quam ubi accepit, tum deum cibus ad intestina protruditur.

Aliis citius, aliis tardius.

Verum enimvero hanc in ventriculo commutationem æque cito omnis cibus non accipit; peragitur ea breviori mora de die, in paucis cibo, in tenui, beneve masticato; longius tempus exposcit noctu, magna copia, crassus cibus, magnis frustis deglutitus: adeo ut dentibus bene comminutus in cremorem mutari incipiat, quando is etiamnum solidus est qui frustis majoribus est devoratus.

Et quam cito aut tarde concoquatur distribuaturque.

Lac jusculeque de die, horæ spatio aut citius suam perfectionem accipiunt, & nisi aliud impediatur tum quoque distribuuntur; quod vel urinæ emictio ab iis assumptis, sine ulla sectione, evidenter ostendit: tardius olera. Panis ratione concoctionis medium videtur substantiæ modum habere, videre autem est eum prima hora cum dimidia immutari quam minimum, sequenti hora rarum & prorsus madidæ spongiæ similem fieri, ea elapsa in minima di-

vidi frustilla, & potui permixtum totum liquidum apparere, mox maxime concoqui, ac tandem quod è pane concoctum est, inter quartam quintamque ab assumptione horam per pylorum à ventriculo ad intestina propelli. Remanere vero aliquid à pane reliquum & illud sensim debitam perfectionem accipere, ut & si quis alius cibus cum pane forte ingestus sit, qui eo concoctu sit difficilior: quos hoc animadvertimus ordine concoqui, primum legumina, inde pisces, mox carnes, & eas demum intra sextam septimamque horam perfici & excerni: Bubulam intra septimam & octavam: etiamnum tardius earum partes membranofas, & ovarum testas; ossa in tertium usque diem mansisse in ventriculo & interea facta esse cartilaginea vidimus.

Imo in horummet ciborum partibus magna sæpe varietas conspicitur, ut è pane carneque etiam si integræ in ventriculo videantur, aliquid tamen licet exigua copia prima quandoque hora ad venas lacteas distribuatur. Adeo ut quidquid concoctum est, alterius concoctionem neutiquam expectet, nec ab incocto quoque remoretur, sed quamprimum excidat & ad intestina transferatur, imo raro, etiam si ante horas sedecim canis comedit, ventriculus cibo plane vacuus reperitur.

Hæc autem observare nobis promptum fuit in canibus, quos, vario post assumptum cibum tempore, vivos secavimus.

In intestinis chylus colore cineritius est, nec nisi raro à bilis flavedine tingitur: ab ipso autem jam duodeno incipit Asellii venas lacteas ingredi, nec is ingressus in ullis cessat intestinis, quamdiu aliquid in intestinis chyli reperitur, ut rectum ipsum intestinum venis lacteis donatum sit, quæ ab affluxu chyli non raro conspiciuntur candicare. Et ne arbitrari possemus eum lacteum succum aliunde quam ex intestinis venire, venas has lacteas, corpori intestinorum insertas ligavimus, & animadvertimus à cavitate intestinorum ad ligaturam repleri evidenter & intumescere, a ligatura vero mesenterium versus depleri & concidere.

Nunquam autem chylus adversus est venam ullam in ventriculi corpore, nec ullam mesaraicam intrare; ut nec sanguis ligatura venæ portæ, cujus ratio postea constabit, in venis mesaraicis immensum adauctus unquam visus est lacteas venas ingredi. Vt non aliud appareat, quam naturam venas lacteas deferendo tantum chylo, venas ventriculi & mesaraicas deferendo tantum sanguini destinavisse.

Chylus in venis lacteis semper candidus est, etiam si ex chylo cineritio in intestinis, aut bilis tinctura flavo devenerit.

Per has venas lacteas chylus sursum vergit, quod id modo, res non satis expedita est. Id nobis videtur maxime verosimile, quod in magnis macilentisque canibus venaticis animadvertimus, venarum lactearum quasdam ab intestinis uno & continuato ductu in ramum mesentericum, quasdam in ipsam portæ venam, in cava hepatis quasdam, paucissimas quandoque in venam cavam prope emulgentes desinere. Ea enim animalia glandulam in Mesenterii principio unicam non habent, quam Asellius pancreas appellavit, & harum venarum ductum solet obscurare, sed ibi minoribus, ut plu-

Integre an per partes?

Concoctus distribuitur per intestina & per venas lacteas.

Figuram venarum lactearum vide pag. xviii.

Non per venas mesaraicas.

Semper candidus.

Uno & continuato lacteum ductu.

ut plurimum quinque, glandulis sunt donatæ, quæ manifesto intervallo à se invicem sejunctæ, per id intervallum quibusdam venis lacteis liberum transitum largiuntur. Sed cum supra has glandulas pauciores venarum lactearum rami, quarum & quædam majores, quam infra sint; crediderim prope eas glandulas, venas lacteas in ramos dividi, & eas ut alibi in corpore vasorum divaricationi inservire.

Aliquando quoque venæ lacteæ nobis monstratæ fuere quæ lienem ingrederentur, sed cum præsentibus ipsis indicibus eas examinarem accuratius, nervos esse comperimus.

Per lacteas has venas delatus chylus permiscetur sanguini in mesenterico ramo, in portæ vena, in ipsoque hepate: quocunque enim loco ligentur venæ lacteæ semper intumescunt, quia impediuntur his partibus chylum transmittere, ac soluta ligatura eum illis partibus manifesto infundunt.

Rami venæ portæ in hepate, quamvis variis in locis annectantur ramis venæ cavæ, nullibi tamen in ramum majorem venæ cavæ aperiuntur, sed minimi venæ portæ rami in minimos venæ cavæ ramos chylum hunc sanguini mistum transfundunt, ut inflato excarni hepate aquæ innatante animadvertere facillimum est. Idem reliquo chylo sanguini mixto accidere postea demum manifestum evadet.

E ramulis venæ cavæ in hepate, sanguis omnium judicio ipsi trunco venæ cavæ infunditur: & manifesto ea supra hepar in vivis ligata ab influente sanguine intumescit. Ex vena cava cordis ventriculū dextrum ingreditur, ligataque alterutra venæ cavæ parte quæ supra infrave cor sita est observavimus aliquoties, præsertim in anguilla, eam citissime versus cor inaniri. quod & observavit *Harvejus* libelli sui cap. 10.

E dextro cordis ventriculo, manifesto satis venam arteriosam intrat, & per eam in pulmones fertur. Aliquid quoque sanguinis è dextro cordis ventriculo, per septum intermedium in sinistram ventriculū transfluere non ausim asserere, cum alibi apertas vias, hic nullas inveniam. Refert *Petrus Gassendus*, vir diffusæ eruditionis & candidus, Exercitat. in Fluddan. Philosoph. part. 3, cap. 17, vidisse se *Payanum* ostendentem septum cordis intermedium per varios mæandros, flexuososque quasi cuniculos pervium esse: eosque posse inveniri, si stilo in foveam aliquam leviter immisso, eum sursum deorsum & ad latera patientissime contorqueas & ulteriorem aditum semper explores, usque dum ejus extremum invenias. Et revera id non raro succedere sumus experti; sed observavimus simul eas vias, eos mæandros nequaquam à natura factos esse; sed à stilo aut cuspe cultri fieri, dum factam viam aperimus aut ulteriorem quaerimus: caro enim cordis ita tenera simul & consistens est, ut minimo rei perforantis actu statim disrumpatur & cavitatem relinquat; adeo ut & latera cordis ita potuerimus pervia invenire.

Ingressum per venam arteriosam in pulmones sanguinem per arteriam venosam ad sinistram cordis ventriculū redire hinc colligimus, quod ligato prope pericardium in pulmone vivo arteriæ venosæ majori ramo vidimus eum versus pulmonis ambitum indurari & in tumorem attolli, ea par-

te inanità & concidente qua cor spectabat, solutæque ligaturâ sanguinem ad sinistram cordis ventriculū moveri: idque facillimum est in cuniculis observare. Hic autem sanguis cum aliunde venire non possit, ex vena arteriosa huc debet defluere.

Leonardus Botallus, vir doctissimus, in fine libelli de Catharro invenisse se aliam viam arbitratur, qua è dextro in sinistram ventriculū perpetuo sanguis eat. *Paulo supra Coronalem*, inquit, *fatis conspicuum reperi ductum juxta auriculam dextram, qui statim in sinistram aurem recto tramite fertur.*

Hic ductus nisi progressus sit venæ cavæ ad arteriam venosam, quem foramen ovale appellamus, aut alius ductus quem aliquando in ovillo corde reperimus calami triticei magnitudine ex una auricula obliquo ductu ad aliam vadere; nisi inquam aliquis horum sit, difficile est quis fuerit divinare.

Iam autem id foramen ovale ubique quidem æqualiter non occluditur, & sæpe in medio accrescens membranula tenuissima & pellucida est, minimoque stili actu facile disrumpitur, rarissime tamen in adultis ulla ratione apertum invenitur. Et transfluens per arteriam venosam è pulmone sanguis membranam illi foramini præpositam affigit, ut etiam quando connata non est diffculter aliquid illac possit transire.

Obliquus vero ille ductus nobis in ovillo corde visus, alte sæpe auriculæ substantiam penetrat, sed rarenter prorsus ad alteram auriculam fertur. Putamusque eum auriculæ ad nutritionem datum esse, quæ ramos non solet à Coronaria accipere.

Ex iis vero quæ raro accidunt, nihil eorum concludendum est quæ perpetuo debent evenire: in Cordis quippe fabrica non raro ludit natura. Ita in bovini cordis septo intermedio superna parte, secundum cordis longitudinem aliquando sinum invenimus, ad sinistram ventriculū circa mucronem patulum, qui longitudine amplitudineque digitum indicem æquabat. Cui similem videre *Aristoteles* potuit, cum. 3 de Part. cap. 4, asseruit majora animalia tres in corde ventriculos habere. Nam maxima animalia duos tantum ventriculos habent, ut in dissecto balæne foetu animadvertimus.

Adeo ut videatur sanguis, non alia via ordinatim quam per pulmones ad sinistram cordis ventriculū vadere.

Ita ad sinistram cordis ventriculū delatus sanguis, inde ad arteriam aorsam, mediocres, minimasque arteriolas pergit. iis enim vivis ligatis mirum in modum versus cor intumescunt, & extrema versus concidunt, ac apertâ ligaturâ manifesto sanguinem ad ulteriora dimittunt.

Sanguis è minoribus arteriis potest venas intrare: arteriæ enim quibusdam osculis in venas pervia sunt. Et quo esse certi possemus per ea oscula sanguinem posse transire, venam & arteriam in demortui canis pede liberavimus ab iis, quæ earum solent visum impedire, inanivimusque venam cruralem majorem & eam in iliis ligavimus, ne illac aliquid sanguinis deflueret. in genu vero ligavimus venam hanc simul & vicinam arteriam. tum digitis sanguinem in arteriis iliicis ad genu usque adegimus, atque ita inanivimus cruralem arteriam, vena vero cruralis visa est manifesto repleti. cumque in venam superne inferneque liga-

Non ad lienem,

Sed ad hepar.

Ex hepate in venam cava-

Ex vena cava,

Ex dextro cordis ventriculo in venam arteriosam,

Non per foramen ovale,

Indeque in cor, arteriam aorsam, reliquasque arteriolas.

Ex arteriis sanguis per communia oscula,

In vena arteria, in arteria,

tam, ex ejus ramulis nisi perparum devenire posset, ea vero multum impleretur deplereturque prorsus arteria. Colligebamus eum sanguinem quo impleretur vena per oscula ex arteriis inanitis esse depulsum.

Veteribus cognita.

Eam vero opinionem novam non esse ipse Galenus de us. pulsus cap. 5 ostendit. *Arteriarum venarumque Synastomoses sensum nostrum effugiunt: unde si ipsis seu parum constantibus merito fidem abroges, per alia certe quæ veteribus sunt prodita eos esse credas, neque in postremis ex hac rei evidentia, si quis namque accepto animali quovis ex iis quibus ample manifestæque venæ & arteriæ sunt, veluti bove, sue, asino, equo, ove, urso, simia, pardali, homine ipso, vel similibus aliquo, magnas multasque illi arterias vulneret, universum animalis sanguinem per eas exhauriet. hujus rei periculum subinde fecimus, & cum semper vacuatas cum arteriis venas deprehendissemus, verum esse dogma de communibus arteriarum & venarum osculis, & communi de una in alteram transitu nobis persuasimus. Imo recepta communisque opinio est, sanguinem arteriosum naturaliter minimas venulas intrare, quo partes arterioso venosoque sanguine nutriantur.*

Venas ingrediuntur.

Et revera sanguinem ex arteriis per ea oscula naturaliter in viventibus venas ingredi, hæc indicia luculenter attestantur.

Qui in vivis dissectionibus ad eam copiam attendit quæ per arterias partibus venisque communicatur, haud facile ab animo suo impetrabit, eam omnem à partibus nutritione consumi: præsertim si attenderit sanguinem arteriosum satis crassum esse, nec quarta parte esse venoso rariorem, ut sæpius animadvertimus ubi refrigerari utrumque si-

Vi docet copia missi sanguinis ad partes.

vimus & concreescere. Vnde merito cum Harvejo colligi potest communicatum ab arteriis, venis partibusque sanguinem magna ex parte ad majores venas remeare.

Deinde ubi venam in brachio ligato secamus, si venæ tumentis partem foramini propinquam quæ versus manum est pollice comprinas, aut similem superiori ligaturam brachio prope vulnus versus manum injicias, nihil sanguinis videbis effluxurum; unde videtur colligendum eum à manu venire, qui per factum vulnus exilit. Et cum is sanguis venæ sectione sæpe ad libras educatur, tantumque in inferiori venarum brachii parte contineri non possit, is eo debet ex arteriis venisse, quæ ligatura supra sectam venam occlusæ non sunt, ut integer earum pulsus ostendit.

Compresso vena infra foramen in venasectione.

Sed quo id nobis ad oculum liqueret, aliquoties in vivis canibus etiam majoribus, venam & arteriam amplam in inguine ab iis liberavimus quæ earum visum impediabant; quod facile fieri potest, nisi musculis substernantur: venam autem illam filo ligavimus, animadvertimusque eam venæ partem quæ cavam spectaret concidere & inaniri, reliquam vero pedem versus admodum intumescere, adeo ut præ plenitudine durior ipsa arteria videretur; at solutâ ligaturâ sanguinem mox sursum moveri, & venæ duritiem ac plenitudinem admodum imminui. Ligatâ vero arteriâ intumescere mirum in modum eam partem quæ Aortæ vicinior esset, concidere remotiorem: nec venam tum ligatam evidenter intumescere. Idque sæpius factum accidere semper eodem modo.

Ligatura vena in vivis.




FIG V.

F I G V R Æ E X P L I C A T I O.

- A. Crus canis dextrum.
 B. Crus canis sinistrum.
 C, D. Ligatura subjecta arteriæ & venæ, qua femur firmiter constringitur, expressa in dextro crure, ne literarum linearumque confusio in sinistro crure spectatorem posset turbare.
 E. Arteria cruralis.
 F. Vena cruralis.
 G. Filum quo constricta est vena & est elevata.
 H. Acus, cui filum est trajectum.
 I. Venæ pars superior & detumescens.
 K. Venæ pars inferior à ligatura intumescens.
 L. Guttæ sanguinis, quæ, è superiori parte venæ vulnerata, sensim destillant.
 M. Rivulus sanguinis qui inferiori venæ parte vulnerata continuo exilit.

Dissectio venæ in crure,

Ne tamen ullus nobis superesse scrupulus posset & animadverteremus simul quid intus in vena ageretur, denudatam ita venam & arteriam elevavimus nonnihil, & sub iis firmiter ipsum crus ligavimus, ne per aliam quam eam quam elevavimus venam sursum aut deorsum moveri sanguis posset. Tum demum filo suspensam & simul occlusam venam, ut hac figura expressimus, supra filum & infra filum aperuimus levi vulnere. Statim autem ex ea venæ parte quæ à corde remotior esset sanguis rivulose, copiose, & impetu effluxit. Illa vero pars venæ quæ à filo cor spectaret paucas tantum guttas destillantes dedit. Vnde nobis videbatur evidens sanguinem non deorsum è venis majoribus, sed sursum è venis minoribus ad majores devenire. præsertim cum injecta alia ligatura eidem venæ, remotius à corde, è vulnere è quo ita impetuose exilierat nihil amplius videremus sanguinis effluere. Arbitrabamur enim eas guttas quæ è vulnere cordi viciniore laberentur, provenire posse è sanguine quem cum vulneraretur vena contineret forte, aut quem ex minori ramo venæ cruralis supra filum sito continenter acciperet; verum hæc causa mox clarior evadet.

Inanitas venarum apparentium in crure.

Vide figuram pag. viij.

Obvium est idem sine ulla sectione in iis experiri, qui conspicuas admodum venas brachii habent. In quibus si uno digito venam prope manum occludas, altera manu sanguinem sursum adigas, tota videbitur vena inanita: quæ mox replebitur simulac inferiorem venæ partem à digito liberares, non si superiorem; ut *Harvejus* quoque observavit libelli sui cap. 13. Superior enim sanguis ad majores venas vadit, & descensum remoratur valvula quæ nihil facile delabi permittit, nisi eo usque vena dilatata sit ut inter eam valvulasque majusculum spatium relinquatur.

Cum itaque à manibus pedibusque sanguis veniat, manus autem pedesque sanguinem novum non generent, quem toti corpori debeant suppeditare, nobis non sit dubium quin ex arteriis ibi sanguis continuo & naturaliter venas ingrediatur, & ex minoribus venis ad majores eat.

Neque vereor arteriosum sanguinem, simplici venarum tunica contineri non posse, quem video in arteriis minimis, & in aneurismate contineri, ubi arteriæ unicam tantum tunicam habent. Quod

vero propinquiores cordi arteriæ duplicem tunicam acceperint, fieri potuit ne impetu effluentis è corde sanguinis arteria laxaretur; ut eam laxari à valido palpitantis cordis motu videmus.

Sed an non quoque ut ex arteriis ita ex maximis venis sanguis ad minores venas fluit? Id videri possit venæsectio indicare quæ revulsione gratia instituitur: secta enim vena brachii in pleuritide, is revelli sanguis videtur, qui è vena cava in azygon, ex azygo pleuram influebat. Sed nullum indicium est ita sanguinem revelli; potest enim secta brachii basilicæ, sanguis trahi ex arteriis brachii, brachii arteriæ trahunt ex axillari, axillaris ex aorta, per cujus intercostales ramulos in pleuram, non vero per azygi ramulos fluxerat, ut mox videbimus. Et certe nisi in pleuritide sanguis per arterias reveleretur, ratio nulla esset quare ad revellendum venam affecti lateris potius, quam dextram secemus: cum azygos à dextro venæ cavæ latere oriatur, & ut fiat venæsectio καὶ ἰζὺν eo latere secanda vena esset, secundum quod latus sanguis in affectam partem fluit.

Non autem sanguis è majoribus venis ad minores venit.

Id non indicat revulsoria venæsectio.

Sed quid? an non ligatis quibusdam partibus, & sæpe brachio in iis quibus id fistula excavatur, brachium quodammodo emacrescit, quod ligata venâ ad inferiores brachii partes debite nequeat sanguis descendere? Non est necessarium. potest enim id fieri quod ligata sit arteria. Et revera ita fieri hoc indicio est, quod non raro arteria in eo brachio cui fontanella inest, languidius minusque quam in sano pulsare comperiat, iahibito aliquo modo per ligaturam sanguinis spirituumque influxu. Forsan tamen posset & pars aliqua emaciari, ligata tantum vena; quod natura copiose novum sanguinem per arteriam in partem infundere non possit, qui per venas libere nequit remeare. Et quamvis copiam tum sanguinis arteriæ & venæ contineant, forsân is minus aptus quo partes bene nutriantur; verum id postea constabit.

Nec brachii à ligatura emaciatio.

Manifestum tamen est in varicosis sanguinem è vena cava ad majores, à majoribus ad minores venas descendere. Id enim in varice femoris, pedis, & hæmorrhoidibus obvium est videre. Verum ille motus sanguinis potest præter naturam contingere, quod debilitatæ venæ sanguinem sursum non mittant, sed colligant; & quod humores sua gravitate

Nec Varices.

vitae motui naturali sursum renitantur & descendunt, unde in inferioribus venis cumulati, accedente semper ex arteriis novo sanguine; earum dilatationem & varicem faciant. Ita fontes artificiales circa ea loca è quibus ascendunt, rimas potissimum agere observamus, tandem à gravitate aquae divulsi: quæ tamen ex natura fontium sursum deberet ascendere. Et omnino vero similis est hac ratione varicem fieri; quia humores in varicosis, quando ad motum in exercitio impetum habent, majorem venæ dilatationem non faciunt, sed ubi ab exercitio quievêre; quod minori motui humores obniti possint & gravitate sua descendere.

Sed è minoribus venis ad venam cavam,

E vena cava iterum in cor:

Adeo ut hæc indicia non sint, sanguinem è majoribus venis in minores, sed ea ipsa potius indicare sanguinem ex arteriis venas intrare, & è minoribus venis ad majores ipsamque venam cavam deferri.

Ex vena cava jam ante diximus sanguinem dextrum cordis ventriculum ingredi. Sed quid? isne sanguis qui jam antea è vena cava cor intraverat, & è corde in arterias erat effusus indeque redierat in venas, an is iterum cor ingreditur? an vero is solummodo qui de novo in hepate genitus venam cavam primum ingreditur, nec unquam cor transgressus est? Certe uterque.

Etiã: is sanguis qui cor semel transgressus est.

Facile enim id fieri potuit, cum uterque cordi æque sit vicinus; & fieri debuit, cum qui rediit ex arteriis ad cavam, copiosior sit quam qui omnis in nutritionem venæ cavæ consumatur, & is ad minores non feratur venas. Omnino id fieri indicio est, quod ligata vena cava prope cor, non parum tantum, sed admodum inanitur, omnemque quem habet sanguinem, non aliquem tantum, cordi tribuit.

Quia alimentum non tantum sanguinis suppeditant quantum cor transiit:

Cor quoque videtur plus sanguinis in arteriam Aortam infundere, quam ei suppeditare hepar saltem non in aliquot dierum inedia possit. In pluribus enim sumus experti cor unâ horâ plures quam ter mille pulsus edere. Cor autem quandiu non est plane languidum, singulis pulsibus aliquid expellit: ligatâ enim prope cor arteriâ aortâ, inter cor ligaturamque superius aperuimus arteriam, vidimusque per foramen singulis pulsibus aliquid exire; nisi ubi prorsus cor languesceret, tum ternis quaternisque demum pulsibus aliquid effluere: quod tam parum è corde pelleretur quod nonnisi cumulatam sursum posset moveri & per superius arteriæ foramen exire.

Abscidimus quoque cordi mucronem, & corde erecto animadvertimus, etiamsi ventriculi pleni non essent, singulis pulsibus aliquid effundi; quod & cap. 2 notat *Harvejus*. Imo & per medium discisso corde singulis pulsibus aliquid effluere prius non desit quam vel emoreretur animal, vel superiori parte concreveret sanguis & quasi pelliculam faceret, ut non amplius illac posset effluere. Et certe aliquid semper exire pulsu è corde debuit, cum in eo semper cor fiat angustius, ut postea constabit.

Singulis scilicet pulsibus fero semina-

Quantum autem id sit quod singulis pulsibus è corde exit, definire non possumus. hoc testari possumus, è corde cuniculi singulis pulsibus semidrachmam sanguinis effluxisse, è corde majori canis aquatici semiunciam: putamus tamen dum vivum diffecatur animal plus quam in sano effundi.

Et si quis conjectura ex iis quæ vidimus definiri velit, quantum in homine sano putemus exire, iis non adversabimur, qui è corde singulis pulsibus in homine in aortam, semiunciam effundi asserent.

Sed fingamus tantum scrupulum esse, cum cor 3000 unâ horâ pulsus & plures edat, singulis horis plus quam decem sanguinis libræ cor transibunt, quantum non comedimus, nec hepar potest cordi suppeditare.

Adeo ut omnino necesse sit, eum qui semel cor transiit sanguinem, iterum in cor fluere, & ex eo in arterias redire. Atque ita motum quandam sanguinis esse quasi in orbem, à vena cava in cor, è corde in arterias, ex arteriis in venas, à quibus iterum in cor & arterias deferatur.

Adeo ut motus sanguinis sit in orbem.

Equidem ego satis mirari nequeo tot retroactis seculis, hunc sanguinis motum incognitum fuisse, cum ejus varia, nec levia indicia apud veteres inveniam.

Hic sanguinis motus non fuit incognitus veteribus.

In volumine operum Hippocraticorum Autor lib. 1 de victus ratione, tres calori nostro & humori circuitus tribuit, quibus introrsum extrorsumque à variis partibus moventur.

Hippocrati, Edit. Foellii pag. 344.

Hippocrates in medio libelli de ossium natura. *Vene, sub quibus & arterias complectitur, per corpus inquit diffuse spiritum, fluxionem & motum exhibent, ab una multis propagines emittentes. Hæc autem una unde exordium sumat, & ubi desinat non satis mihi compertum est. Circulo enim facto principium non invenias.* quem circulum eum potissimum in distributione humorum intelligere, examinanti locum patebit.

Pag. 277.

Vt & in fine libri de Natura humana. *Crasse venæ sibi mutuo alimentum subministrant, interne externis, vicissimque externe internis.*

Pag. 229.

Et manifestius Autor lib. de Alimento. *Omnium quæ nutriunt, unum est principium, unusque omnium finis, idemque finis & principium.* quare mox hæc subjungit *ἐς τῆς αἵμας τῶ φη ἔς ὀνυχας ἔς τὴν ἐχάτην ἀρτηρίαν ἐνδοθεν ἀφικνέεται. ἔξωθεν τῶ φη ἐκ τῆς ἐχάτης ἀρτηρίας, ἐνδοθεν ἀφικνέεται. ἔξωθεν μία, ἔξωθεν μία, ἔξωθεν πάντα. Alimentum in pilos, in ungues, & in extimam superficiem ab internis partibus pervenit; ab externis partibus alimentum, ab externa superficie, ad intima pervenit: confluxio una, conspiratio una, consentientia omnia.*

Ab hac quoque opinione non alienus videtur *Diogenes Apolloniata* fuisse, apud Aristotelem 3 histor. animal. cap. 2. *Crassissimus sanguis à partibus carnisiformibus exugitur, qui vero redundat in hæc loca, venas scilicet majores, tenuis, calidus & spumosus fit.*

Diogeni Apolloniata.

Imo quæ à Platone de sanguine in *Timæo* traduntur, melius huic opinioni, quam communi conveniunt.

Platoni.

Ipse *Aristoteles* non difficulter in hanc pertrahi opinionem posset. Ita enim ille lib. de Somno cap. 3. *Non omnis impotentia sentiendi somnus est, sed ea solum quam divaporatio committit alimenti, quod enim rarefactum est, quadantenus attolli, deinde regredi & reflueré instar Euripi necesse est: nam animantis cujusque calidum in sublime natura fertur, at ubi eo loci subvectum est, mox universum reciprocatur ac descendit.*

Aristoteli.

Qui hos consecuti sunt scriptores, non satis sanguinis motum excoluisse, imo hunc obscurasse suspicio est, quod ea quæ præcedentes suis venis, hoc est venis & arteriis adscriberent, hi venis, ut arteriis opponuntur iverint attributum. Et cum

Galenus

Galenus Medicorum summus, omnibus restituendis in integrum non sufficeret. Posterioresque Græci, ut & Arabes & Latini, nimis presse eum sequerentur aut describerent, inde suspicamur hunc sanguinis motum in hoc usque seculum delituisse:

Quo vir incomparabilis *Paulus Servita Venetus* valvularum in venis fabricam observavit accuratius, quam magnus *Anatomicus Fabricius* ab *Aquapendente* postea edidit, & ex ea valvularum constitutione aliisque experimentis hunc sanguinis motum deduxit, egregioque scripto asseruit, quod etiamnum intelligo apud Venetos asseruari. Ab hoc *Servita* edoctus vir doctissimus *Guilielmus Harveyus* sanguinis hunc motum accuratius indagavit, inventis auxit, probavit firmiter, & suo divulgavit nomine.

Hæc inventio, hoc fatum hujus sanguinis motus fuit.

Nos vero quæramus jam porro an per omnes venas arteriasque ita sanguis fluat, an in quibusdam aliis alium insuper motum habeat? De qua re ut nobis certo constaret, ad motum sanguinis in pluribus vivorum venis arteriisque attendimus, & invenimus, præter id quod jam de arteriis & venis brachii crurumque diximus, sanguinem per arterias spermaticas ad testes; per venas à testibus ad emulgentem sinistram aut venam cavam in dextris moveri: per arterias mesentericas ad intestina; per venas ad ramum mesentericum: per arterias coeliacas ad lienem; per ramum venæ portæ splenicum continuo ad hepar: per ramos arteriæ coeliacæ, qui sequentibus venis respondent, ad ventriculum & omentum; per venas gastricas & Epiploicas ad ramum splenicum: vasa breviter arteriosa & venosa, arteriæ coeliacæ venæque splenicæ ramulos esse, qui ubi ad locum inter ventriculum lienemque medium devenere, in duos dividantur furculos, quorum unus ventriculum, alius lienem adeat: per hunc arteriæ furculum ad lienem, per furculum ventriculi ad ventriculum vadere; per furculos vero venosos ad truncum vasis brevis à ventriculo & à liene moveri: per arterias emulgentes ad renes; per venas emulgentes ad venam cavam: per arteriam cordis coronalem in venam; ex vena cordis coronali in venam cavam: per arterias intercostales in pleuram; è pleura per venas in azygon, & inde in venam cavam. Invenimus autem id venarum arteriarumque in vivis ligatura; quæ intumescere ea parte quæ spectabat partes à quibus fluxum fieri diximus, reliqua non detumescere tantum, sed & concidere. Cavimus autem sedulo ne cum vena arteriam ligaremus, quod alias intumescens cor versus arteriam impositam sibi venam attolleret, atque ita appareret quasi vena ab utraque ligaturæ parte amplius repletur.

In capite autem & collo vidimus, idque in vivo ansere facillime & gallina, ligatam jugularem intumescere à capite ligaturam versus, à ligatura vero ad cavam inaniri. ut & ibi manifestum sit sanguinem à capite per venas ad cor redire. Sed quomodo ad jugulares venas veniat definire non possumus, cum ob cranii durtiem vivum accurate descindere cerebrum non licuerit, quin animal interea expiraret: credibile tamen est per arterias carotides & cervicales ad quatuor cerebri sinus fluere, eæ enim ad illos sinus usque perviæ sunt.

Retulerunt quippe mihi viri Doctissimi *Fr. Sylvius*, & *Fr. van der Schagen* retracta illa fibrosa substantia, quæ non raro concreta in venis arteriisque cadaverum invenitur, eam ubi in carotide arteria retraheretur, motum aliquem usque in tertium cerebri sinum ostendisse: & certe cum è sinibus per jugulares sanguis ad cor refluat, non possunt cum aliunde sinus quam ex arteriis accipere. An autem arteriæ immediate eum in sinus infundant, an vero in ramulos quæ à sinibus oriuntur, non ita obvium est videre; quia arteriæ ab illis ramulis difficulter distingui possunt, cum in cerebro unicam tantum tunicam quoque arteriæ habeant: crediderim tamen arterias in ramulos sinuum sanguinem infundere potius quam in ipsos sinus, quod observem ea vasa quæ sinibus inseruntur circa sinus esse maxima, ut solent rami esse in exortu.

Ita quidem in adultis; in foetu vero paulo alia videtur esse circulatio, quam ita fieri concipimus. Ex utero materno sanguis, non arterias umbilicales ingreditur, quæ ex observatione *Arantii* utero non junguntur; sed venam umbilicalem intrat, à qua in hepar, venam cavam & dextrum cordis ventriculum; cor enim in foetu etiam imperfectum pulsat. E dextro ventriculo, in venam arteriosam; sed cum pulmones non respirent, ideoque nec parentes fiant, affatim nequeunt sanguinem recipere & ad arteriam venosam dimittere; quare è vena arteriosa per peculiarem ductum in aortam vadit, & quoque per peculiare venæ cavæ foramen, arteriam venosam ingressus, auriculæ cordis sinistræ, ejusque sinistro ventriculo infunditur. E sinistro cordis ventriculo, non aliter ac is è vena arteriosa, arteriam aortam ingreditur: ut in foetu natura duobus ventriculis pro uno utatur, ne in foetu qui copiosi, non intensi caloris nec siccus esse debebat, his sanguis excoctus adureretur, pulmonum refrigerio & ventilatione destitutus. Ex arteria aorta sanguis ad arterias umbilicales vadit; iis enim ligatis pars quæ foetum spectat pulsat & intumescit: reliqua versus uterum pulsu destituitur. Ex arteriis umbilicalibus ad Placentam; ubi arteriæ venis, manifestis anastomosibus, junguntur, & per eas anastomoses sanguis venam ingressus, toto memorato jam ductu iterum defertur.

Hæc vasa sunt per quæ sanguis & à corde & ad cor fluit. A vase autem arteriarum in venas duplici ratione venit; Primo facillime & frequentissime per Anastomoses quibus arteriæ venis junguntur, quæ Anastomoses magnæ quandoque sunt & in majoribus vasis, ut circa lienem, in vesica, in utero, in uterino hepate. Similem quoque Anastomosis accuratissimus *Beslerus*, arteriæ aortæ in venam cavam abdominis annotat, sed nec in humano, nec in Brutorum corpore unquam nobis datum est eam invenire. Quare neque omnes in extremitatibus tantum corporis sunt, sed & in locis intermediis: unde videmus amputatis membris, in mutilo tamen sanguinis illum motum ex arteriis in venas fieri. Secundo & sanguis ex arteriis per ipsam videtur posse carnem in venas redire: videmus enim sectâ venâ usque dum mutetur color, inflammationes detumescere, quod extravasatus sanguis è carne trahatur. verum hac via sanguinis transitum esse parciorem rarioremque existimaverim.


Etiam in fetu.

Per peculiarem ductum.

Transit autem ex Arteriis in Venas.

Per Anastomoses.

Rarius per carnes.



F I G V R Æ E X P L I C A T I O.

- A, A, A, A. *Abdomen Canis apertum.*
 B, B. *Diaphragma.*
 C, C, C, C. *Omentum versus thoracem inversum, quo interiores partes magis visui expositæ forent.*
 D, D, D. *Lobi tres hepatis nonnihil dextrorsum moti.*
 E, E, E. *Portiuncula pancreatis discissi, quo sequentia vasa venirent in conspectum.*
 F. *Ren sinister suo involucro tectus.*
 G. *Pars summa Lienis superior, una cum adjacente pinguedine.*
 H. *Media lienis pars, circa quam vasa inferuntur.*
 I. *Infima lienis pars.*
 K, K, K, K. *Intestina deorsum mota, quo vasa sequentia in propatulo forent.*
 L, L, L, L. *Mesenterium.*
 M, M. *Arteria splenica.*
 N. *Pars venæ splenicæ trunco venæ portæ annexa, à ligatura detumescens.*
 O, O, O. *Portio venæ splenicæ & ejus tres rami inde orti, qui lieni inferuntur, & à ligatura admodum intumescunt.*
 P, P. *Arteria mesenterica sinistra.*
 Q. *Portio venæ mesentericæ sinistræ, trunco venæ portæ proxima, à ligatura detumescens.*
 R. *Inferior pars venæ mesentericæ sinistræ jam in ramos dividenda, à ligatura intumescens.*
 S, S, S. *Venæ mesentericæ ideo pleniores & magis tumidæ, quia vena mesenterica ligata est.*
 T, T, T, T. *Reliquæ mesentericæ, quæ non ita tumidæ, quia earum truncus non est ligatus.*

Vt jam esse planum arbitrer quis sanguinis motus sit, & per quas is vias fiat: sequitur nunc inquirendum qualis is sit & quomodo peragatur.

Sanguinis illum motum à corde in arterias, ab arteriis in venas, à venis ad cor esse continuum observavimus, nec ullo momento eum desinere aut interrumpi. Et certe cum is fiat, ut mox videbimus, quia cor accipit & transmittit, cumque is cordis motus continuo toto vitæ cursu perduret, sanguinis ille motus non potest, nisi secundum naturam, continuus esse.

Celer quoque sanguinis motus est; ligata enim & compressa arteria venave, quamprimum admodum intumescit & in duritiem attollitur: eaque à compressione aut ligatura liberata citissime conspicitur sanguis moveri.

Quam cito autem sanguis circuitum suum à corde, iterum ad cor absolvat, præcise definire non possumus. Citius quidem animadvertitur per Anastomosis cordi vicinam quam per remotam fieri; nec admodum illi refragaremur qui maximum circuitum & per extremitates, assereret breviori tempore quam horæ quadrante peragi; celerissime enim sanguis vadit. Attamen non ita defertur celeriter, ut eum secta arteria venave videmus exilire, quod is in tenui liberoque moveatur aëre, in corpore vero vas suum attollere, & anteriorem sanguinem propellere cogatur. quare dissectam arteriam præsertim minus remotam à cor-

de, citius inaniri videmus, quam cor novum possit sanguinem suppeditare.

Sed hoc si verum sit, quare singulis horæ quadrantibus febres non redeunt, cum futurus paroxysmus videatur, cum corrupta materia ad cor venit? nunc autem aliæ quotidie, aliæ tertio, aliæ quarto demum die redeunt. Equidem non negaverim id posse contingere, ut corrupta materia ad cor accedente paroxysmus eveniat, ut ejus exemplum habet *Harvejus* libelli sui cap. 16. Non putem tamen id necessarium esse: potest enim è foco aut decidere portiuncula aut elevari fuligo, cor petere & febrim accendere. quomodo videntur pleræque febres ab inflammatione partium oriri, quæ aperta vomica, evacuato pure desinunt. Et ut tales symptomaticæ febres, ita & quædam fieri intermittentes febres possunt, à materia vel in vasis vel extra vasa conclusa, quæ per putredinem vel quotidie vel tertio vel quarto die, in patula vasa regurgitans aut effumans, paroxysmum faciat.

In continuis fateor, quarum materia in vasis majoribus hære putatur, difficilius est causam dicere quare singulis circuitibus paroxysmus non fiat. videmur tamen eandem dare posse, quam vulgo dant causam, quare continuæ, non continenter æquales videantur; quod etiamsi materia cordi satis propinqua sit, tamen citius paroxysmum non faciat, quam certum putredinis acquisiverit gradum

Nec aliud indicant paroxysmi febrium intermittensium.

Aut continuæ.

dum: & eum paroxysmum tamdiu durare, usque dum putrida ea materia sit evacuata quæ cor tangit, aut ei suos fumos mittit. Verum non arbitrer quemquam ob causam quare paroxysmi febriles certis diebus redeant, quæ prorsus & abstrusa & ignota est, motum sanguinis velle negare satis celerem esse, qui est manifestus.

Illic motus quoque est celerior:

Non eisdem vehementia in arteriis & venis;

Eisdem tamen celeritatibus:

Sed maioris celeritatis pulsante corde.

Præter celeritatem, sanguis in motu & vehementiam habet, quæ ex iis apparet quæ diximus de duritie & tensione quam arteriæ & venæ ligatæ acquirunt: nihil enim à tenui liquidaque materia in summam duritiem tendi potest, præsertim sursum, nisi vehementer in id impellatur retineaturve. sed ea motus vehementia maxima est prope cor, à quo sensim fit minor, adeo ut extremæ arteriolæ non pulsant nisi major solito sanguinis impulsus accidat, ut id in febribus fieri observamus. Quare & videntur venæ non pulsare, quod is impulsus etiam minor sit in iis, quam in minimis arteriis; & quod venæ Anastomosi arteriis junctæ, ubi ab iis abeunt in plures se ramulos quam arteriæ dividant; ubi enim in plura brachia, flumina ducuntur, motus ille impetus imminuitur. Quare ubi quædam venæ occluduntur brachia, vel à re comprimente, ut in quibusdam tumoribus, vel ab aliquo obturante ut in varicosis gravitate sua relabente sanguine, animadvertitur denuo impetus ille, & venæ pulsare conspiciuntur: plerasque enim palpitantes in partibus, à flatibus provenire creditas, nihil aliud quam venarum pulsationes esse, in venis transparentibus per cutim non raro nobis licuit observare.

Quia autem motus vehementior in arteriis quam in venis est, videtur prima fronte in arteriis quoque celerior, quam in venis esse. non aliter ac homines, equi, aliaque animalia quæ magno se conatu movent, male sæpe videntur plus promoveri. Etenim per arterias protrusus sanguis non omnis potest Anastomoses transire, quod è lato in angustum veniat, unde accumulatur in arteriis, eæ dilatantur, in qua dilatatione aliquantulum persistunt. quare dimidio dilatationis totoque quietis tempore, perparum ille impetus ad motus celeritatem facit. qui motus interea expeditior per venas est, quod ex angusto in latum & per plures vias peragatur. Ratio autem hic dicat in hoc sanguinis motu celeritatem utrobique æqualem esse debere, nisi quantum hepar cordi sanguinis novi è chylo suppeditat, arteriæve nutriti partibus largiuntur, aut alias tandem cor humore destituendum. Quod & ipsum sensus confirmat, toties enim pulsat vena cava, toto illo tractu ab hepate in jugulum, ideoque in cor propellit, quoties animadvertitur arteria pulsare & ideo è corde admittere. sed de illo mox plura dicemus.

In ipsis tamen arteriis, sanguis celerius movetur, quando cor propellit; à qua celeritate sensim deficit, quando cor quiescere incipit & postea dilatatur. Imo & in ipsis venis motus sanguinis pulsante corde vehementior est & celerior, quod ut in vivorum sectione observavimus, ita id & animadvertimus aliquoties, quando in brachio vena secaretur, in quo à ligatura non admodum distenderentur venæ. Iam dictæ quoque venarum palpitantes non videntur aliunde procedere,

quam quod à relabente sanguine, aliove modo artatis venis, cum sanguis impetu protrusus transire non possit, is venam attollat, quæ concidat iterum quando is impetus imminuitur, aut vena transfluente sanguini liberiores largitur transitum.

Non arbitrer autem sanguinem qui per arterias v. g. crurales ad crurales venas delatus est semel, eum continuo iis viis deferri, sed eum ubi ad cor rediit, ei qui ex aliis venit partibus permisceri, atque ita promiscue partibus distribui: sic enim melius nutrirī partes poterunt, si semper novum sanguinem habeant, è quo elicere possint, quod illis maxime ad nutrimentum & robur facit. ita melius crescunt plantæ, quæ in eodem & immoto solo semper non feruntur.

Hæc tota ratio est, qua sanguis movetur. Et quoque, cum sanguini permitti sint, qua moventur vitales spiritus.

Animalium spirituum motum sæpe conati sumus indagare, sed non potuimus eum alibi observare quam in musculis, qui videbantur ab iis in latum profundumque distendi, & dissecti tremere & palpitare. Nervi enim ligati à ligatura nec tument, nec distenduntur, & discissi non alium motum exhibent, quam quod in se contrahantur. Ligare autem nervos sexti paris qui per thoracem libere vagantur res perquam facilis existit.

Motus vero Chyli per venas lacteas manifestissimus est. Non est autem ut sanguinis continuus, cum non semper suppetat chylus. Quando autem ex intestinis per lacteas venas vagatur, celerius ipso sanguine incedit, & ligatæ venæ intumescunt citissime. Quam ob causam nec diu in vivis dissectis apparent, nec in cadaveribus inveniuntur; nisi qualis is sit, quando aliquod obstaculum chyli motui fuit objectum. Quod vero ligatæ non intumescant in duritiem, signum esse videtur, non ita vehementem chyli motum ut sanguinis esse: forsitan quod cum per minus spatium moveri chylus deberet, non is in motu impetus requireretur.

Sed jam tempus est ut in horum motuum causas & primum sanguinis inquiramus.

Quidquid sit, vel insita virtute ita movebitur sanguis, vel aliquo motu qui advectionem, tractionem, pulsionem sit referendus. Propria virtute eo modo moveri sanguinem, nec in sanguine in pelvim recepto, nec in corpus effuso, observamus, quem esse momento corruptum durum est asserere: nec in ulla alia re inanimata talem spontaneum motum licet videre. Quod autem Harvejus cap. 4 annotat, se quiescente auricula, motum in ea sanguinis deprehendisse; id & nos quoque, ut & in quiescente corde sensimus, sed simul eum motum in auricula inditum sanguini à vena cava fuisse, in corde ab auricula, ut statim videbimus.

Vehi hic sanguinem à spiritibus nullo potest indicio comprobari: & si levitate sua sursum sanguinem veherent, quem hic deorsum quoque moveri & ad latera videmus.

Quare reliquum est ut vel trahatur sanguis, vel pellatur.

Protrudi sanguinem viri quidam ingenio præclari arbitrantur, quod calore cordis immensum rarefscens, majorem locum exposcat, ideoque eum cor dilatare & attollere; cumque nec in dilatato corde contineri queat, in venam arteriosam arteriamque aortam

Una sanguis portio non eadem semper via vadit.

Cum sanguis ne moventur vitales spiritus.

Animalium spirituum motus per nervos obiectari non potest.

Sed facile chyli motus per venas lacteas

Causa autem qua hic movetur sanguis,

Non est via quedam insita:

Nec vehitur sanguis à spiritibus:

Nec effunditur sanguis ob solam rarefactionem.

aortam tali effundi impetu, ut omnes distendat arterias & faciat pulsare. Sux autem opinionis hoc argumentum adferunt, quod cor anguillæ alteriusve animalis, ubi pulsare desinit, si à substrato calefiat igne denuo pulsus edere conspiciatur. Sed an is pulsus fieri non posset, quod spiritus à calore vegetior factus, melius ei causæ possit inservire quæ in corde pulsus facit? non aliter ac calefactis in vivorum sectione intestinis musculisque, in quibus tamen nulla ebullitio est, restitui motus videtur. Omnino enim levis tantum quædam rarefactio à tepore quodam in corde est, nulla ebullitio, aut diffusio subita. Et revera ob rarefactionem sanguinem e corde non exilire in validis sæpe canibus conspeximus, quorum cor discisso mucrone, cum ob effluxum sanguinis dimidia parte non repletur, id erectum, à rarefactione repletum non fuit. Sed accedente constrictione, portio illa sanguinis quæ in corde reliqua erat, ultra quatuor pedes fuit ejecta, ut in magna frequentia nos & vicini conspurcaremur. Unde evidens est, sanguinem à parte propelli.

Propellitur autem quod ita mutatus sanguis cordi illisque partibus sit molestus. Si enim cor integrum, aut ejus vivi dissectique mucro, aliave major particula, cultello acidulave pungatur, quoties pungitur, toties se quasi naturali motu commovebit, etiamsi jam aliquamdiu omnem amisisse motum videatur.

Pelli autem à vena cava sanguinem in dextram cordis auriculam manifesto vivis dissectis animalibus conspeximus: in omni enim cordis motu à vena cava primum motus initium est. quod cum dubitarem an non fieret, quia cava auriculæ cordique connexa esset, cor & auriculam rescuimus prorsus in canibus vivis à vena cava, & animadvertimus etiam tum venam cavam pulsare minimum, & singulis vicibus aliquid sanguinis effundere. Quare & plerumque circa cor vena cava carneas quasdam fibras accepit, quas alibi in vena cava haud invenias: ex autem admodum conspicuæ in hominis, bovis, canis cava possunt videri. Motus autem ille venæ cavæ prope cor evidentissimus est, ut plurimum tamen eum quoque in vivis canibus observavimus toto illo ductu ab hepate & à jugulo in cor usque.

Auricula dextra quem accepit sanguinem tensione quadam & constrictione in dextrum cordis ventriculum pellit: nam & in auricula motus constrictionis momento prior, quam in corde est. Et dextro cordis ventriculo ad auriculam usque discisso, manifesto apparuit singulis constrictionibus aliquid ex auricula in cor propelli, quod & notat *Harvejus* cap. 4.

Ita quidem pulsione præcipue sanguis ad dextrum cordis ventriculum venit. sed an non quoque & in auriculam & in dextrum ventriculum trahitur? Ita arbitramur: parte enim ejus sanguinis quem accipiunt interius ali debent: quod autem alere debet, trahi debet, quo pars eum sanguinem accipiat qui illi est utilissimus; pulsione enim etiam inutile amandatur; ut optime *Galenus*, ut solet omnia, deducit libris 1, 2, 3 de nat. fac. Tractio autem hæc non tantum est vicini sanguinis, sed etiam remotioris, ut omnes partes vim eam habent, ne cito alimento destituantur.

Sed an non quoque cor quia dilatatur trahit, metu vacui, ut solemus appellare? Non est verosimile, quia in ejus dilatatione nullus metus vacui esse potest, ut mox fiet evidentius.

Vt sanguis ad dextrum cordis ventriculum ita quoque ad sinistrum venit, nisi quod impulsione sanguinis concidente pulmone, ex arteria venosa in sinistram auriculam non tam validam quam è vena cava potuerimus observare; aliqua tamen manifesto est. Impulsio autem in utramque auriculam & in cordis utrumque ventriculum eodem momento accidit: nisi in moribundis, in quibus aliquando observavimus non eodem tempore utramque auriculam, aut utrumque ventriculum pulsare.

Vbi autem ita sanguis in ventriculos cordis pellitur, cor nullum oculis manifestum motum habet, sed imposito cordi digito aliquid intrare in cor sentimus & cor plenius fieri: quod & observavit *Harvejus* cap. 4. Imo septuagies, aliquando centies pulsasse auriculam observavimus, antequam cordis sequeretur motus.

Vt jam habeamus quomodo sanguis in cor moveatur. Videndum nunc quomodo moveatur in arterias. In Arterias sanguis pulsione movetur: facto enim in arteria foramine dum cor se constringeret, exire sanguinem vidimus; ita & discissa à corde aorta aut vena arteriosa cum cor constringeretur sanguinem effundi; discisso cordis mucrone eoque erecto expelli sanguinem & e corde exilire; discisso corde medio transversim in systole sanguinem expelli, nec unquam in diastole exivisse vidimus. Quod autem quidam in vivis dissectis se in dilatatione vidisse exire sanguinem asserunt, in eo fuisse illos falsos arbitror, quod dilatationem eam esse existimaverint, quæ revera est constriction: quod insignis ille Anatomicus *Columbus* quoque notavit, lib. 14 de re Anatomica.

Etenim in motu cordis, oportet ejus constrictionem, quietem, & dilatationem exacte distinguere. In constrictione cordis sive systole, mucro cordis accedit ad basin, ideoque nonnihil elatior fit. Et in iis animalibus quibus aorta non basi cordis, sed versus medium nonnihil inseritur, ut in cuniculis, anguillis & similibus, basis quoque cordis accedit ad mucronem. Latera autem cordis quæ costas dextras sinistrasque spectant propius ad se mutuo veniunt, adeo ut si alterutro lateri mucronem abscideris ut appendeat, in constrictione ad integrum latus, & quasi in locum suum redibit. Latus autem cordis quod sternum spectat attollitur, & quidem præcipue circa basin: atque ita totum cor undiquaque tenditur. Eaque pars vicina basi sublata, maxime videtur pectus ferire & quem sentimus pulsus facere; quamvis & mucro possit, quod magnus ille Anatomicus *Riolanus* quoque observavit, lib. 6 suæ Anthropol. cap. 12.

Eum autem cordis motum quem jam descripsimus, revera constrictionem esse, quo nobis certo constaret, cordi aliquando abscidimus mucronem, aliquando transversim dissecuimus per medium; & manifesto vidimus cum eum quem diximus motum ederet, ventriculorum cavitatem minorem fieri, & imposito cordi digito, ventriculos ad digitum sensimus constringi. Eum autem quem jam diximus motum cor exterius ostendere dum

Eadem causa
motus in sinis-
trum ventri-
culum est.

Constringitur
utrobique eo-
dem momen-
to.

E corde in ar-
terias sanguis
pellitur, non
cor constringi-
tur.

Ratio constric-
tionis cordis.

Sed pellitur à
vena Cava in
auriculam,

Ex auricula
in cor.

Trahitur ta-
men quoque.

constringitur, interius quoque ostendit; nisi quod in septo intermedio nullus motus videatur: forsan ne si septum ad sinistrum ventriculum constringendum, sinistrum cordis accessisset latus, dextram ventriculi cavitatem reliquisset maiorem.

Qua sit ope
stratum.

Hæc cordis tensio constrictioque est, qua sanguis è cordis ventriculis in arteriosam venam & aortam pellitur. Ea autem ubi languida est, fit ope tantum fibrarum quibus caro cordis donatur; sed ad validiorem, majores illæ fibræ concurrunt quæ in ventriculis cordis visuntur, ut sæpe dissectis cordis ventriculis in vivis observavimus.

Fibræ autem illæ in ventriculis, & in ipsa cordis substantia manifesto constrictionem faciunt, quia in latum undique distenduntur, quare in longitudinem abbreviantur; non aliter ac musculosæ omnes nostri corporis partes ita motum absolvunt. quare ubi cibum masticare volumus tumere & indurescere musculus temporalem sentimus. Hoc tumore cavitas quoque ventriculorum cordis redditur angustior. Et quidem tumor ille carnis majorumque fibrarum à basi incipit, & sensim usque ad mucronem pergit. Quem ob motum si *Maximus Medicorum* in initio lib. de corde, cor quoque musculus validum appellavit, eleganter sane, ejus motus rationem explicavit.

A constrictio-
ne cor ad na-
turalem sta-
tum redit,

Vbi in arterias sanguinem sua constrictione cor expulit, cor ad naturalem statum redit. Mucro enim recedit à basi, ut quoque basis à mucrone in iis animalibus quæ egressum in arteriam aortam in basi non habent: dextrum vero sinistrumque cordis latus versus costas se extendit, & quod sternum respicit latus concidit, ibi maxime ubi orificio aortæ respondet. atque tum totum cor quiescit ac laxum & molle sentitur.

Nisi autem superius illud latus concideret prorsus, hoc ad naturalem statum reditu cor dilataretur: ut corde dissecto tangere & videre facillimum est. Verum id superius latus concidere debuit, ne præcedenti constrictione cor inanitum, vacuum pateretur. Vbi vero è vena cava, arteriaque venosa novus sanguis in cor propellitur, & qui in eo continetur sanguis à calore rarefcit, tum superius latus assurgit: & reliqua latera, ut jam diximus, manent extensa. Atque ita tum cor in sua dilatatione est; nec aliam totius cordis dilatationem præter hanc est observare.

Atque tum
cor dilatatur.

In particulis vivi cordis dissectis è corpore exemptis, non alia quoque dilatatio est quam à constrictione remissio. Equidem in illis particulis ubi constrictio desit reliqua quandoque videtur quædam palpitatio, sed ea alterius generis motus est à spiritu in carne contento & quærente exitum; qualis & non raro in musculis integris aut dissectis mox ab obitu in dissectis animalibus potest videri.

Adeo ut dilatatio cordis & constrictio eadem ratione ut reliquarum partium accadat, ventriculi, intestinorum, vesicæ, uteri, quæ ab eo quod illis immittitur extenduntur, quod ubi expulere ad naturalem statum redeunt.

Hunc autem cordis motum non melius possumus observare, quam in iis animalibus quæ unicuique tantum cordis ventriculum habent, aut si habeant geminum quando incipiunt animalia languere. alias ubi ea animalia valida sunt ob celeri-

tatem motus, eum agnoscere difficile est; simul & quod duo ventriculi illos motus geminos exhibeant; quodque conus dextri ventriculi, cum minus altus sinistro sit, ubi retrahitur ad basin obliquum motum faciat.

Sed redeamus in viam, videamusque porro quomodo sanguis ex arteriis cordi vicinis, per totius corporis arterias dispergatur? Illud manifesto fit impulsu: ligata enim quavis arteria, ad ligaturam intumescit valde & tenditur in summam duritiem.

E majoribus
in minores ar-
terias sangui-
pellitur.

Sanguinis tamen gravitas ejus motum deorsum promovet, unde cor propinquius capiti, quam pedibus esse situm videtur.

Trahi quoque in omnes arterias sanguinem verosimile est, quo illæ illisque vicinæ partes convenienti sanguine nutriantur.

Trahitur ta-
men quoque.

Sed dilatatione trahere arterias nulla videtur esse necessitas: solo enim impulsu sanguis propelli potest, & arteriæ possunt pulsare: disrumpita quippe arteria & facta in carne aneurismate, aneurisma in carne, eadem ratione ut arteriæ, pulsare sentitur; in quo manifesto caro sanguinem dilatatione non attrahit, sed in eam sanguis pellitur. Quale miserandum exemplum nuper in Experientissimo viro *D. Iohanne Elemanno* vidimus, cui disrumpita arteriâ aneurisma quartam thoracis partem occupaverat. Quale & observavit *Riolanus* lib. 6 Anthrop. cap. 12. Et revera ab impulsu sanguinis arteriarum pulsus fieri, pulsus undosus, vermiculans, formicans videntur ostendere, alique non pauci qui motum sanguinis in arteria evidenter imitantur.

Non necessa-
rio arteria di-
latatione.

Equidem verum est, in *Galen*i libello an sanguis in arter. contineatur verbis ultimis asseri, intrusa arteriis cannula, arteriaque supra cannulam ligata, ultra ligaturam arteriam non pulsare, etiamsi sanguis per cannulam pelli possit. Sed mutilum cum esse locum mihi suspicio est, quod ea ratione qua ibi describitur, succedere rarissime & difficillime operatio possit: libera enim arteria præscribitur ibi secanda, è qua dissecta nemo non novit quanta vis sanguinis exiliat, adeo ut vel moriatur animal, vel præ languore nullæ arteriæ, vel saltem non remotiores queant pulsare.

Nec aliud in-
dicat *Galen*i
Experimen-
tum.

Sed locus integer sit, & ut ibi jam describitur operatio successerit, fieri potuit ut languente prorsus animali ob sanguinis effluxum, citra cannulam pulsus sentiretur, quod cannula intrusa arteriam reddens angustiore ex parte sanguinem sisteret, ut facile sanguis replere arteriam posset & attollere. Ita non raro vidimus arterias quæ vel languidum vel nullum exhibebant pulsus, manifestum edidisse quando non ita remote à corde comprimerentur. Ultra vero cannulam à *Galen*o pulsus non fuit animadversus, quod per cannulam arteriâ multo angustiore minus sanguinis arteriæ reciperent. Et tale quid facile potuisse contingere in cuniculo animadvertimus, cujus aortæ, ea utrimque ligata, cannulam intrusimus, sed quod soluta ligatura animal emoreretur, operæ pretium non videbatur supra cannulam arteriam ligare, visi tamen nobis fumus aliquem usque ad cannulam pulsus sentire, nullum vero potuimus supra aut ultra cannulam.

Nec præterea id experimentum nobis unquam luc-

successit, quod haud facile sit commodam arteriam invenire. Et ea ubi oblata debiteque dissecta sit, ocyssime tamen animal aut hæmorrhagia aut, quod mirum est, convulsione moriatur.

Vt non aliud appareat quam impulsus sanguinem arterias posse permeare, & ab eo quoque arterias posse distendi. Nec aliam videri ad arteriarum pulsum causam arcessendam, cum ab his peragi pulsus possit.

Solet tamen sæpissime natura plura auxilia ad operationes suas instituendas advocare, quam vobis quidem necessaria videantur, qui non semper ejus possumus secreta rimari. Ita & hic quædam à Galeno indicia observata sunt, præter eam dilatationem quam arteriæ ab impulsu sanguinis habent, eas quoque propriam dilatationem moliri. Omnes arterias nostri corporis & in sanis & in vivis dissectis eodem momento pulsare: Nihil autem quod in distans movetur eodem momento ubique esse potest; quare nec eodem momento ubique distentionem facere. Intestina dum flatu Anatomi replent & coqui, vicina parte prius quam remota distendi conspiciuntur. Verum equidem est, arterias non inanes, ut intestina, sed ex parte sanguine plenas dilatari: cum tamen qui è corde venit sanguis propellere vicinum debeat & is iterum vicinum, atque ita porro usque dum ubi vis repleantur arteriæ & distendantur, non videtur, etiamsi è lato in angustum fiat, hoc uno momento peragi posse. non aliter ac videmus à pueris viginti lapides serie, majores primum collocatos, primo celeriter disiecto, reliquos omnes uno momento non cadere.

Quare suspicandum videtur, arteriarum diastolen & ab impulsu sanguinis & à propria dilatatione fieri: & utrumque ad movendum sanguinem operas conferre.

Hinc quoque apparet impulsus illum sanguinis tantum à corde fieri, nec unam arteriarum partem in aliam pellere: nam quæ pars constrictione propellit, ea eodem momento nequit dilatari, omnes autem eodem momento dilatantur.

Atque ita quidem sanguis movetur per arterias; Ex arteriis autem in venas, è venis minoribus in majores, ipsamque venam cavam, sanguis quoque impulsu movetur. Quavis enim in vivis ligata vena, versus cor concidit, repletur vero ea parte, quæ à corde remotior est.

Ea autem pulsio ad cor, à quavis videtur venæ parte contingere; ligata quippe vel compressa in brachio vivo vena, non tantum remotiori à corde parte tenditur, sed & in reliqua quæ cordi vicinior est concidit & inanitur; quam viciniorem si quoque liges, & ea ultra ligaturam distenderetur & intumesceret. Pulsio autem illa contingit fibris quibus venæ constituuntur.

Arbitramur tamen quoque venas trahere, ne sine delectu sanguinem accipiant, sed id allicere queant quod sibi est utilissimum, pulsione tamen magis videntur sanguinem quam tractione accipere, quod ligatæ venæ mirum in modum tendantur.

In vena cava sanguinis quoddam penarium est, in quo sanguis in futuros usus recondatur, quando copiosior est quam qui cordi omnis debeat suppeditari.

Atque hæc omnes causæ motus naturalis sangui-

nis sunt. Quibus causæ motus chyli non sunt ab similes: etenim fibris suis se constriugens ventriculus, quidquid chyli concoctum est exprimit. Et ea pressione aperire quoque simul pylorum videtur: non enim spontaneus ullus in pyloro motus, qualis in ventriculo aut intestinis, videtur.

In intestinis chylus longam moram non trahit, sed quamprimum fibrarum transversarum constrictione propellitur: dum autem multæ & quæ se mutuo consequuntur fibræ simul agunt, premitur chylus nec totus potest deorsum elabi, unde pressi chyli aliquid venas lacteas ingreditur: ne tamen chylus nimis cito ad anum defluat, inferioris transversæ fibræ constrictione sistitur, atque ita inferne superneque conclusus compressusque, per rugosam intestini tunicam ad venas lacteas quasi per colatorium premitur. Hæc autem fibrarum transversarum constrictione, in omnibus intestinis tenuibus omnibusque crassis, certa serie, per intervalla, contingit.

Per venas lacteas chylum in venas portæ, in hepate, quandoque quoque venam cavam pulsu moveri, ligatura ostendit.

Vero quoque simile est, ex intestinis lacteisque chylum attrahi, celerius enim ex iis movetur, quam intestina venæve lacteæ pellere videantur & promoveri.

Chylus in ramo mesenterico, vena portæ, vena cava sanguini permixtus, ab ea movetur causa, quam diximus ibi sanguinem moveri.

Per peculiare autem venas potius quam per mesaraicas sanguinem continentem defertur chylus, quod mesaraicæ sanguinem admissuræ, aperiri osculis in intestina debuissent, per quæ facile sanguis in intestina fuisset elapsus. nec ei incommodo poterat vis tractrix obviam venire, quæ multo hic obscurior, multo imbecillior expultrice est.

Vt hic chyli motus, ita quoque sanguinis quasi in orbem motus suos usus, suas commoditates habebit. quarum hæc videntur præcipuæ.

Quod continuo illo per cor transitu, continuo quoque sanguis calefiat, & dum alius paucies, alius pluries cor transivit, omnis qualitatis sanguis in venis inveniatur: qui dum ad singulas partes deferretur, & omnem suum thesaurum natura illis exponit & offert, melius calefieri, & accipere id alimentum possint, quod maxime ad earum nutrimentum & robur facit.

Sed & is motus non minimum confert, ut sanguis in integritate sua servetur. nam

Vitium capiunt, ni moveantur aquæ.

quod & in sanguine esse verissimum, quotidie obstructis vasis licet observare.

Contribuit quoque ad sanguinis perfectionem, dum continuo motu rarefcit & attenuatur. Verum præcipue ad ejus perfectionem facit, quod sanguis modo attenuatur, incalescit & rarefcit in corde, modo iterum condensatur & quasi concrescit in corporis habitu. Nulla enim pars in corpore corde calidior, nulla minus calida corporis habitu sentitur. Vnde quædam quasi circulatio contingit, non ab similibus quæ Chymici suos spiritus tenuissimos reddunt & perfectissimos. qui enim à calore attenuatus est sanguis, ubi à frigore condensatur, in ea potest tenuitate persistere, nec ad pristinam crassitiem redit: à qua tenuitate ad ma-

FIG V-

Ita quoque pulsi chyli movetur à ventriculo.

Per intestina.

Per venas lacteas.

Et quoque trahitur.

Quare non per venas mesaraicas?

Motus sanguinis continetur in usum partium.

Et ut conservetur.

Vt perficiatur sanguis.

Indicia tamen sunt dilatationem arteriarum ad motum conferre. De us. puls. cap. 5. an sang. in arter. cap. 8.


Pulsio autem hic tantum à corde fit.

Ex arteriis in venas, è venis minoribus in majores.

Pellitur;

A quavis vena particula,

Et trahitur.



FIGVRÆ EXPLICATIO.

- A. *Vena mesaraica vulgata, porta rami, cum arteriis mesaraicis.*
 B. *Vena Lactea discurrentes per mesenterium ad intestina.*
 C. *Mesenterii portionem: una etiam nervorum mesaraicorum per eam distributionem signat.*
 D. *Ventriculi fundus.*
 E. *Inferius ventriculi orificium πύλω & vocatum.*
 F. *Intestinum duodenum.*
 G. *Iejunum intestinum.*
 H. *Ileum intestinum.*
 I. *Vena & arteria fundum ventriculi perreptans.*
 K. *Omenti pars.*
 L. *Glandula in mesenterii principio, quam Asellius Pancreas appellat, in qua rami venarum lactearum non tam multi sunt, ut hic designantur.*
 M. *Vena lactea in ipsis intestinis à ligatura intumescens.*
 N. *Vena Lactea in mesenterio à ligatura tumida.*
 O. *Valvula in venis Lacteis.*
 P. *Constrictio intestini superna.*
 Q. *Constrictio intestini inferna: quibus constrictionibus chylus in venas lacteas exprimitur.*

jorem tractu temporis calore pervenit, in qua à frigore condensatus denuo conservatur, atque ita tandem ad generationem vitalium spirituum aptissimus evadit.

Hunc ob finem sanguis in orbem movetur; sed an non is præterea alicubi alium motum habet? E minimis Arteriis sanguis recta in carnem defertur, ut humorem innominatum, rorem, gluten, cambium constituat: nec remeat unde venit; ne transfluens per carnem sanguis, humores hos agglutinari partibus impedivisset & assimilari.

Fluit hic autem quandoque præcipue, quod ex arteriis in carnem pellatur: Et non raro quoque præcipua causa movens attractio est: Etenim non sine tractione ossa ad sui nutritionem crassiorrem accipere humoris partem possent, & reliquam tenuiorem humoris partem ad sui nutritionem ineptam in vasis relinquere.

Sunt quoque qui arbitrantur sanguinem è corde delatum retrorsum cedere & per arterias denuo ad cor redire. Quod illis ideo videtur statuendum, ut causa dari mechanica possit, qua cordis in orificio arteriarum valvula, decidant & occludantur. Nos equidem præclarum semper Erasistrati institutum æstimavimus, omnia quæ in corpore nostro contingunt Mechanice explicare, sed divinam sapientiam sua metiri temerarium judicamus. Eas vero machinas esse statuendas quas evidens ratio & potissimum sensus ostendant. Hic contra sensus observant à corde non ad cor per arterias sanguinem moveri; & in raro languidoque pulsu non ultimo arteriam qua cordinectitur, ut fieri deberet, sed primo intumescere. Valvulas quoque à remeante sanguine non occludi, hoc videmur indicium habere, quod si arteria duobus digitis à corde ligetur, & ea inter ligaturam valvulasque ita aperiatur ut libere exire sanguis possit, quare nec cedere retrorsum, nec remeare; valvulae tamen aliquoties bene constrin-

gantur, cor ordinate moveatur, & non nisi in sua constrictione sanguinem effundat. Quamobrem si ulla hic nobis eligenda esset machinatio communem admitteremus opinionem, quæ ut cordis ita & occlusionem valvularum, contractione fibrarum fieri afferit. Ea quippe fibrarum in corde contractio passim obvia in conspectum prodit.

Alia vero ratione sanguinem naturaliter recta moveri per venas à corde, per arterias cor versus, nullum equidem habemus indicium. In gaudio quidem humores extrorsum vergunt; sed id potest per arterias tantum contingere. Et in tristitia humores possunt introrsum per venas tantum moveri: & omnino debent, quod cum pulsus non cesset in hoc affectu, pulsu autem continuo aliquid per arterias extrorsum eat, difficillime posset aliquid per arterias introrsum & ad cor moveri.

Præter naturam tamen humores alium quam quem nunc descripsimus motum habent, dum humores levitate sua, vel alio impetu sursum vergunt, vel gravitate sua deorsum descendunt, ut in varicosis est manifestum. Occlusa quoque ea via qua solebant moveri, aliam querere coguntur. Ita in Anate aliquoties in vasis pectoris variegatum sanguinem vidimus subcandidum alium, alium rubentem, qui contracta arteria ad cor & à corde movebatur secundum arteria latius diversum: is tamen motus non diu duravit, nec eo motu unquam sanguis cor ingressus est.

Atque his, præstantissime Bartholine, me tibi arbitror de motu sanguinis respondisse. In quem inquisivi scrupulosius, quo melius humorum naturam & eorum defluxum cognoscerem: à quo humorum fluxu innumeri morbi oriuntur. Credidi quoque me posse exactius intelligere quomodo bonus malusve sanguis generaretur, si cognita mihi ea partes essent à quibus transiens humor immutaretur. Putavi quoque me melius judicatu-

Sanguis qui ad nutriendas partes deferretur non movetur in orbem.

Nec alius sanguinis motus, quo occluduntur cordis valvulae.

Nec in animi affectibus.

Sed præter naturam alius est.

rum, quomodo plurimi morbi curari debeant, si cognitum haberem cujus venæ incisio has illasve potius evacuet partes, & quas pertransire partes remedium debeat antequam ad affectam partem queat pervenire? Occurrebantque innumera per totam medicinam diffusa; pulsum doctrina, februm, inflammationum, obstructionumque generatio & cura, aliaque ob quæ desideravi hunc sanguinis motum cognitum habere.

Experimenta autem quibus in hanc opinionem veni, ita evidentia sunt, ut non dubitem asserere Medicos doctos cordatosque impofterum hunc sanguinis motum esse admissuros: in causis tamen nonnullis huius motus quibusdamque circumstantiis non eum possum consensum polliceri: quot-

quot enim homines sumus, iudicii quadam disparitate facile in diversas sententias imus.

De fide autem experimentorum dubitare *Bartholine* non potes qui eorum non parvam partem ipse vidisti: adfuerunt autem sæpissime Medicinæ Doctores doctissimi tibi non ignoti *Franciscus Sylvius*, *Ioannes van Horn*, *Abasverus Schmitnerus* in dissectionibus accuratissimi; & viri solidæ eruditionis *Franciscus van der Schagen*, & *Antonius Vockestaert*: nec adfuere tantum, verum ad facienda experimenta & manum & consilia contulere, quibus hoc nomine plurimum debeo. His vale, ornatissime *Bartholine*, & me ama. Dabam Lugduni Batavorum, x Kalendarum Octobris Anno c l o l o c x l.

A L T E R A E P I S T O L A

D E

M O T V S A N G V I N I S,

A D E V N D E M.



A Scriptorum fortuna est, ut etiam cum nolunt porro scribere cogantur: & Adversariis suis respondere, nisi aut sibi, aut causæ quam agunt, malint deesse. Mihi certe plane aliis intento *Vir quidam Doctus* hæc voluit extorquere. Quas enim antea vellicaverat Theses de motu sanguinis, hisce diebus peculiari scripto conatus est refutare. In eo scripto non pauca ingeniosa sunt & docta: verum id in auctore desidero quod in *Albutio Rhetore* Veteres, qui de omni causa dicere cupiebat, non quidquid debebat dici, sed quidquid poterat. Eum quoque sanguinis motum qui in vivorum animalium dissectionibus evidens est, nunquam conatus est observare: prorsus quasi certius res animo concipi, quam oculis posset videri. Verum hæc aliaque Thesium auctori *Rogero Drake* curanda relinquo, nunc apud *Londinenses* Medicinæ Doctores acuti ingenii & solidæ eruditionis: Ego ea tantum sectaturus sum, quæ motui sanguinis in orbem obfutura videbuntur. Et primo quidnam hic nos doceat venæsectio, de qua digna considerata *Vir Doctus* annotavit.

Venam secaturus Chirurgus vinculum brachio injicit quo vena in tumorem attollatur. In tumorem attollitur vena, non quæ citra ligaturam cordi propinqua, sed quæ ultra ligaturam à corde est remota. Ejus autem tumoris causa, non est dolor, quo vinculo constricta pars afficitur: dolor enim sæpe exiguus aut fere nullus est in parte quæ ligatur. Et vellicatione, combustioneve acriori dolore affectum brachium, minus plærumque tumentes venas, quam à simplici ligatura, habet.

Neque verosimilius est venas intumescere à ligatura, quod per venas ad ligaturam angustiores, copiosior sanguis & celerius ab hepate feratur; ut circa pontes alibive arctata flumina rapidius labuntur. Fluminis enim defluens aqua circa angu-

stum locum collecta evidenter in tumorem attollitur, à quo decidens celerius vadit. Ligato vero brachio contrarium evenit; non enim hepatis propinquo venæ à quibus sanguis veniret, sed ab hepate remotiores magis distenduntur.

Quare reliquum est, venas ultra ligaturam tumere, quod sanguinis à minoribus venis ad cor redeuntis motus ligatura sistatur, ibique collectus venam distendat. Sed quo hac de re esse denuo certus possem, in vivis animalibus ramum jugularem cruralemque filo constrinxi arctissime, ut nihil sanguinis transflueret; aperui autem eam venæ partem quæ à corde remotior esset, & sanguinem copiose, celeriter & vehementer effudit. Mox vinculum laxavi & venam dissecai per medium, parsque ejus à corde remotior sursum è corpore extracta, continuo & celeriter sanguinem dedit: interea dum venæ pars cordi propinquior; nonnihil elevata ne præ dolore se concutiens animal facile exprimeret sanguinem; primo parum, mox nihil sanguinis largiretur. Vnde mihi videbatur evidens è venis remotioribus sanguinem ad cordi propinquo venire, nec è majoribus ad minores; nisi forte data via aliquid vicini sanguinis elaboretur. Tantundem in venæ sectione brachii unusquisque facile potest experiri: si enim sanguinem qui supra ligaturam est sursum digito adigat, ut vena inanita videatur, non minus tamen sanguinem infra ligaturam videbit effluere; qui per ramum superiorem jam inanitum non potuit venire.

Sed si ita vena à sanguine distenditur, qui à minoribus venis ad cor movetur, Quomodo à ligatura potest arteria distendi, quam distentam non pauci præstantes Medici referunt fuisse pro vena dissectam? Sane à ligatura non intumescit arteria, nisi qua cor respicit, remotiori vero parte concidit aliquantum & imminuitur, ut in vivorum dissectionibus centies & amplius sum expertus. A ligatura autem remotiorem distendi arteriam non plane

Iterata scriptio-
pionis occasio.

Objectionum
solutio.

In venæsectione
Venam à
ligatura tumere.

non præ dolore;

non à contractio-
ne venæ;

Sed quod sanguinis motus sistatur.

Neque à ligatura intumescere arteriam Galenus 6. Meth. cap

plane authores voluisse arbitror, verum id tantum intendisse, ubi vena non apparet quæ secunda est, tactu explorandum locum esse, ubi ea possit latere; & è fovea, motu tumoreque sanguinis eum inveniendum: tactu autem invento apparente tumore, non statim judicandum ibi venam subesse; posse enim subesse arteriam quæ nimia ligatura pulsum amiserit, quæque ob tunicarum crassitiem non plane concidens, tumorem & quasi inflationem mentiatur.

Verum insuper si à sanguine ad cor redeunte intumescit vena, cur vinculo ut supra ita quoque infra secandam venam injecto, vena tamen intumescit & dissecta sanguinem fundit? qui sanguis ex inferioribus objecto vinculo non videtur posse venire. Verum enimvero id non semper accidit, sed aliquando tantum; quando certo intervallo brachium ligatur. atque tum eum sanguinem venæ majores, loco intra duas ligaturas medio, è minoribus venis accipiunt, quæ minores venæ eum è minoribus habent arteriis, quæ Anastomosi minoribus venis junguntur. Revera autem illum sanguinem qui intra duas ligaturas effluit, Anastomosi ex arteriis venire, id indicio est, quod is majori impetu & calidior effluat, ac facilius citiusque ad ejus effluxum Lipothymia sequatur. Atque hac ligatura uti soleo ubi spirituosum ferventemque sanguinem esse in vitio indicia habeo, jubeoque Chirurgum illas Anastomoses ligatura quærere: supra enim Anastomosin injecta sistit sanguinis motum; infra vero non remoratur eum, sed calidior sanguis ad ægri tactum exilit.

Seçta vena sanguineque effluente quando sanguis minus copiose quam antea, aut ab initio non satis confertim fluit, ligaturam laxamus quo sanguis uberius effluat. Laxari autem non videtur ligatura quo sanguis per venas ab hepate veniat. Etiam si enim nihil aut minimum sanguinis supra ligaturam, imo fovea aliqua in vena appareat, promoveri tamen laxatione vinculi sanguinis effluxus videbitur, qui ex inani vena non potest venisse. Verum potest laxato vinculo melius sanguis per arterias descendere & ex iis venas intrare; quod arteriæ à ligatura compressæ, laxatione vinculi liberiores evadant. Arterias autem ligato brachio sæpe non satis liberas ligati testabuntur, qui arteriæ sæpe pulsum ad ligaturam persentiscunt, quem sensum compressa adfert arteria ubi ad carnem allidit. Et Medicus si exploret, sæpe minorem pulsum in ligato brachio quam in libero persentiet. Testarique possum, me aliquoties cum vinculum laxaretur digitum carpo applicuisse, & animadvertisse, ubi à laxatione vinculi sanguis copiosior efflueret, pulsum factum esse majorem.

At si is sanguis qui secta vena effluit, ex arteriis in venas veniat, quomodo is potest copiosus educi? omnes enim arteriæ pulsant æqualiter, quare & videntur eadem mensura sanguinem venis largiri: si autem reliquæ arteriæ tantum suis venis, quantum arteriæ brachii tribuunt & educitur, an non cito cor omni sanguine destitueretur? nullum certe periculum est. tam cito enim diximus sanguinem ad cor venire, quam ab eo pellitur.

Non arbitrer tamen sanguinem æqualiter omnes venas intrare, etiam si æqualiter arteriæ pulsare videantur: in locum enim vacuum facilius fluit

celeriusque omnis liquor, in quo nihil est quod adigere debet & propellere. Et insuper hic ab evacuatis venis sanguis, magis quam à repletis trahitur.

E vena autem secta cubiti copiosior sanguis, quam è manu fluit, quod omnis ille sanguis qui per omnes anastomoses cubiti manusque ad venas venit, per venas cubiti debeat redire; per manus autem venas parcius, & is tantum qui per Anastomoses manus venit.

E vulnerata quidem arteria, sanguis continuo effluit etiam si non ligetur. Verum id accidit quod sanguis per arterias vehementius, quam per venas feratur: qua vehementia arteriam replet, tunicam attollit & distendit, & ea si aperta sit necessario impetu elabitur.

E secta vena ubi satis sanguinis effluxit, eum sistimus sublato vinculo, quod via pristina jam libera iterum queat sanguis deferri. Sin vero accidat ut collecto circa ligaturam sanguini nimis copioso, venæ celerem nequeant transitum largiri; aut ita vulnus amplum inflictum sit, ut illac qua conclusus antea deferebatur sanguis, jam recta queat elabi, nonnunquam laxato vinculo sanguis rivulose effertur.

Quem ut sistant plane nostri Chirurgi hodie non raro, paulo infra vulnus venam comprimunt atque ita sanguinem sistunt; ne si supra vulnus comprimant, statim in vulnere retentus sanguis concreascet & venæ consolidationem remoretur. Hac autem ratione sisti posse sanguinem qui negant, nescio ubi illi debeant fidem mereri, qui in re obvia nobis audent imponere. Cum autem is sanguis inferiori parte compressa sistatur, liquet sane eum ex inferioribus venisse.

Sin vero contingat, non in venæsectione quidem, sed alio infortunio, venam vulnerari ut sanguis sisti nequeat, vena transversim discinditur: unde, cum non amplius ut antea tendatur vena, sursum & deorsum discissæ partes in carnem trahuntur, à qua carne comprimuntur occludunturque venæ oscula, idque tanto facilius quod per vicinas venas tensas patulasque moveri sanguis his occlusis possit. quare & eam ob causam discissa minori arteria transversim, hæmorrhagia aut inflammatio non succedit.

Quæ cum ita sint, omnibus arbitror liquere ea quæ in venæsectione accidunt, aut comprobare circularem sanguinis motum, aut ei saltem non refragari.

Sed cum alia quoque nobis objiciantur, excutienda & ea sunt. Et quidem quod sanguinem per venas non ex arteriis, sed proxime ab hepate venire eo comprobant, quod partes quædam sanguinem accipiant, & ab affluxu sanguinis tumores patiantur quæ arterias non habent, inter quas pleuram numerant. Verum non sequitur si partes arterias non habent, earum venas sanguinem ab hepate, non vero alibi ab arteriis accepisse. ut enim diximus sanguinem ex arteriis mesentericis coeliacisque venas mesentericas splenicisque intrare per quas in hepar ferantur: ita & aliæ venæ accipere sanguinem ab arteriis possent, quem in partem ab arteriis remotiorem possent deferre. Nulla tamen corporis pars justæ molis est, in qua Anatomici conspicuas arterias non & vere agnos-

Et copiosior è
brachio, quam
è manu?

Quare ex ar-
teria vulnera-
ta non ligata
effluat.

Laxata liga-
tura a sanguine
sistitur, non
nunquam
fluit, & qua-
re?

Sistitur au-
tem inferiori
imposito ven-
æ digito.

Discissa quo-
que per me-
dium vena,
& quare?

Sanguinem
partes nullæ
per venas ac-
cipiunt hepate
excepta.

Sed duabus
ligaturis intum-
escere quo-
que venas, &
quare?

Quare in ve-
næsectione la-
xetur ligatu-
ra?

Quare copio-
sus educi san-
guis possit?

scant. Et infinitæ adhuc illos latuere, quod minimæ arteriæ per carnes dispersæ unicam tantum tunicam ut venæ habeant. Imo in ipso hepate, tot rami arteriæ coeliacæ sunt, quot sunt rami venæ portæ, & totidem quoque sunt rami ductus cholidochi. quæ omnia hæcenus ab Anatomicis pro venis portæ habitæ sunt, quod communi tunica tria illa vasorum genera in hepate includantur. Saltem nemo pleuræ arterias denegabit qui vivi animalis thoracem unquam vidit aperiri; solet enim dum diffecatur is, è pleuræ arteriis sanguis exilire.

Ligatum Brachium quare aliquando in immensam molem, aliquando non intumescat?

Porro probant ex arteriis sanguinem venas non intrare, quod ligato brachio ita tamen ut pulsent arteriæ; infra ligaturam brachium in immensam molem non distendatur; in eam autem molem videtur distendi debere, si ob ligaturam nihil ad majores venas possit refluere, & singulis constrictionibus aliquid in venas inferiores arteriæ propellant: quales arteriæ constrictiones plures una hora quam ter mille obeuntur. Verum enimvero fieri potest in illam molem brachium ligatum non intumescere, quod venæ prorsus non sint occlusæ, & sub ligatura per aliquos cuniculos latebrasve sanguis ad majores venas possit remeare: ut fascia repellente constrictam admodum partem ad plures menses annosve nutrirî tamen à transfluente sanguine videmus. fieri quoque potest tam parum sanguinis per arterias ligati brachii impelli, quod non nisi longiori tempore id admodum queat distendere. is enim tantum impellitur sanguis, distentis à plenitudine venis, qui in arteriis à ligatura usque ad manum est: qui enim supra ligaturam est per anastomoses liberas melius potest venas intrare. imo fieri posset cum distentæ venæ non amplius sanguinem in se pelli ab arteriis permittant, fisti arteriarum pulsus aut sanguinem sursum regurgitare & per anastomoses supra ligaturam venas intrare: quale quid nos in Anate vidisse retulimus. Nisi aliquid horum eveniat, à ligatura intumescet prorsus brachium, & calidi innati à copia impulsî sanguinis suffocatio sequetur. Sæpe enim mihi aliisque supra carpum brachium ligavi, & vidi venas semper distendi, intumescere aliquantulum carnem & rubere, Arterias sæpissime, non tamen semper, sensim minorem pulsus edidisse, imo & aliquando intermisisse; mox ligatæ manus rubrum colorem in lividum mutatum esse; quare ilico ligaturam dissolvi, exterritus hoc exemplo. Rustico cuidam vulnerato in brachio interno circa cubitum, cum pagi Chirurgus sistere sanguinem non posset, brachium circa vulnus artissimo vinculo constrinxit, unde secuta est ingens inflammatio inferioris brachii, & is tumor, ut pro digitorum nodis altæ foveæ conspicerentur, intraque octodecim horas inferioris brachii gangræna & Sphacelus. quod Ewaldo Screvelio Maximo Medico & me præsentē, ab Expertissimo Chirurgo Christiano Regio fuit amputatum.

Quomodo & quare venosus sanguis ab arterioso differat?

Objiciunt præterea, si venosus sanguis ex arteriis venit, quomodo arteriosus sanguis plurimum potest à venoso differre? Verum sciendum est eum minus à venoso discrepare quam plerique arbitrantur, qui ex impetu exilientis arteriosi sanguinis copiam in eo spirituum & summam raritatem colligunt: cum is saltus ab impetu veniat quo

cor sanguinem per arterias propellit. Ultra ligaturam quippe aperta arteria sanguis tantum guttatim emittitur. Ea autem quæ inter hos est differentia, potest & debet à majori minorive calore & spirituum copia provenire, prout magis minusve à foco & corde est remotus. multum enim differt sanguis prope cor ab eo qui in minimis arteriis invenitur, quem possis difficulter ab eo qui in minimis venis est distinguere. Et minores venæ rariorem calidioremque sanguinem quam majores habent: quod unusquisque facile in venæsectione pedis manusque potest experiri. Imo si duplici ligatura venæsectione, ut jam diximus, instituitur, calidior quam simplici exhibit.

E minoribus autem venis, ad majores sanguinem non ire probare menstruis conantur, quæ illorum judicio integro mense in venis circa uterum colliguntur; & si ab utero in caput ferantur, ea venam cavam & cor putant non transire. Verum communis & vera opinio est, circa tempus consueti effluxus, menstrua demum ad uterum moveri, à quo humorum motu lumborum laterisque dolores eo tempore fere oriuntur. Et compertum habeo, si circa tempus menstrui fluxus cordis arteriarumque pulsus major fieri possit, menstrua melius promoveri, quod per arterias vehementius sanguis in uterum pellatur. Potest tamen contingere, menstrua colligi & ea obstructionem in utero facere, neque tum ad majores venas impedito eo motu sanguinem redire: verum id præter naturam est.

Vbi autem menstrua ex utero in caput feruntur, incommoda non est via, per venam cavam, cor & aortæ arteriæ ramum ascendentem. Et revera ea per cor ire, videntur palpitaciones levesque lipothymia indicare, quæ suppressa solent menstrua comitari.

Sed an non videri debet periculosum futurum, si omnis qui in corpore nostro pravus humor semper cor penetrare & transire debeat. Verum sciendum est, ita corpus nostrum conditum, ut nobis sanis sit commodissimum, non ut nobis ægrotantibus. Deinde & humor qui ab obstructione putrescit & pessimus est huc non venit, quod obstructa via impediatur. Neque cor ita imbecillum est, ut ab humore pravo, qui longas ibi moras non trahit, statim corrumpatur: observarunt enim magni illi viri *Galenus*, *Hollerius*, *Laurentius* pus empycorum aliosque acres & foetidos humores critice & sine gravibus symptomatibus, per sinistram cordis ventriculum transire. Et id non raro quoque in commodum ægri accidit, quibus pravus ille humor per cor transiens, cordis vi sæpe domatur.

Cætera quæ objiciunt hujus motus causas tantum spectant, aut quasdam *circumstantias*, in quibus solet liberior esse dissensus. Videamus tamen & ea breviter an, aliquod pondus habeant, quo nostram sententiam queant onerare.

Sanguinem asserunt singulis constrictionibus nec semiunciis, nec drachmis, nec scrupulis ex humano corde propelli, tribus de causis: Primo quod sanguis is nimis spirituosus sit. Verum jam ostendimus minus eum esse spirituosum quam vulgo solent arbitrari. Secundo quod valvulæ cordis exiles tantum rimas agant, moxque iterum occludantur.

Quod

Pag. lxxxiiij

Menstrua circa uterum quomodo colligantur?

Quomodo ex utero ferantur in caput?

Quomodo novis humores cor transeunt, non magis incommoda adferant.

6. loc. aff. cap. 7.
4. aph. coar. lib. 6. sect. 2.
lib. 9. Anat. cap. II. quæst. 12.

Objectiones adversus circumstantias.

Nihil impedit quominus semina sanguinis à corde pellantur.

Quod experientia quoque non consentit. refecta enim arteria à corde magni satis sanguinis radii è corde emittuntur. Tertio quod arteria nimis plenæ sint quam, quæ sanguinis queant semiunciam, drachmam aut scrupulum admittere. Verum id nimis inconsiderate est assertum; nam constringente se corde omnes totius corporis arteria dilatantur, idque undique, ut non raro tactu deprehendi, dum nudatam arteriam digitis continerem. Quis jam dicat omnes totius corporis arterias dilatatas, præter eum quem habuerunt sanguinem, insuper ejus scrupulum, drachmam, imo semiunciam non admittere?

Negant quoque in foetu è vena cava per vasa cordis unita sanguinem arteriam aortam intrare, indeque ex arteriis umbilicalibus ingredi venam umbilicalem & per eam ad cor remeare: quod insigne secuturum absurdum putent, unicam venam sanguinem maternum vehere, & simul tantum sanguinis quantum duæ advexerant umbilicales arteria. Quasi vero nunquam flumina uno alveo tantum aquæ transmittant, quantum plura potuerunt brachia advehere. Et hic vena umbilicalis ubi unica est multo major est arteria. Sæpe unica tantum est arteria, aut geminae sunt venæ; ut venis arteria quam proxime respondeant. In Brutis, inquit Fallopius insignis Anatomicus, *geminae semper sunt vena atque geminae arteria, quæ usque ad umbilicum cum uracho perveniunt, venaque statim antequam abdomen ingrediatur in unam coeunt, quæ ad portas jecinoris pertingit, ut in ovibus, capris ac vaccis omnibus quorum fatus secui observavi. Sin autem de humano fatu loquuntur, assero me aliquando geminas arterias umbilicales non vidisse, sed unam tantum arteriam atque unicam venam, una cum uracho ad umbilicum ascendentes: ubi iterum arteria in duas scinditur, quæ postea ad ossis sacri latera permeant.* Revera autem illam vasorum cordis unionem in foetu factam esse, ut illac sanguis è vena cava in aortam transeat, videntur nobis animalia aquatica Anas, Anser, aliaque docere; quæ quod sæpe sub aqua respirare & dilatare pulmonem nequeant, quare nec illac sanguinem admittere, eas vasorum cordis uniones adulta quoque habent. quod & notat *Harvejus* cap. 6.

Negant quoque frequentes venarum arteriarumque anastomoses, alias è fluxione congestioneque tumores non orituros. Quasi vero flumina etiam si ostium habeant, si plus aquæ deferant, vicinos agros nequeant inundare; nec hic sanguis extravasatus, quod concreseat, potest facile in vasa redire. Fiunt præterea tumores quod obstructione sæpe ulterior sanguini occludatur transitus; quodque calore doloreque in carnem trahatur.

Illi autem tumores huic sanguinis motui in orbem potius favere videntur, quod à frigore, con-tusione, omnique viæ constrictione accidant, quodque aqua vitæ similive medicamento sæpe humor in tumoribus redditus fluxilior, hoc motu sanguinis in venas rapiatur; tumorque citius quam repulsione, revulsione, concoctione, dissipatione ve plane percuretur.

De *Causa motus sanguinis* aliunde quoque nobis difficultates obveniunt; & cum negaverimus ita subito vehementerque ex naturæ instituto rarefieri in corde sanguinem, qui movere cor, totius corporis sanguinem, & ipsas arterias possit; viri

magni hujus opinionis principes, eo se id probaturos arbitrantur, *quod dum frigemus, omnes venæ nostri corporis contrahantur & vix appareant, cum autem postea incalescimus adeo turgescant, ut sanguis in his contentus decuplo plus spatii quam prius occupare videatur.*

Equidem ego ita existimo atque ita animum induco meum, cum tam sedulo jam aliquoties, hanc sanguinis rarefactionem persuadere publice sint conati; & vivorum animalium corda disse-cuerint, inspexerint, nec ausi hactenus fuerint asserere eam se rarefactionem sanguinis in corde sensisse; eos revera talem sanguinis rarefactionem in corde animadvertere non potuisse, qualem hic volunt constituere: qualem revera non esse, ei qui parum vivorum sectioni assuetus est, videre per quam promptum fuerit. Quamobrem licet probari posset eam rarefactionem sanguinis quandoque præter naturam contingere, non tamen causa motus secundum naturam cordis, sanguinis, arteriarumque in eam ideo deberet conferri.

Sed nec satis certum videtur in eo quod proponunt exemplo ob rarefactionem sanguinem decuplo plus spatii quam antea occupare. Etenim an non facile exurgere ille exteriorum venarum tumor posset, quod cum antea præ frigore contractæ venæ angustatæque forent, non multum recipere sanguinis possent, quare nec tumere: quo frigore postea, simul & constrictione sublata; laxatisque à calore venis, multum illæ admittere sanguinis possent, qui in eas à corde pellitur, atque ita tumida apparere. Hanc non minimam tumoris venarum causam esse videntur nos febricitantes docere, qui si brachia exponant frigori, haud ita tumescentes venas habent, sin vero stragulis arceant frigus valde tumidas, qui tumor si à rarefactione esset, utrobique propemodum esse æqualis deberet, cum in his rarefactio sanguinis ab interna causa proficiscatur.

Nec id quoque esse indubitatum arbitramur, ubi frigemus primo, & postea incalescimus, ut venas exteriores ita & interiores tumere. Ingens enim suspicio est, partes interiores minus quam antea caloris sanguinisque possidere, quod à quo antea non lædebantur frigore, ubi ita incalvimus assumpto frigido potu mirum in modum debilitentur. Sane ut interiores venæ sæpe sanguinis penarium sunt in quo sanguis in futuros usus recondatur, ita & id penarium esse exteriores venæ possunt, atque tum turgentes apparere.

Hi ipsi cum animadvertent quod id illorum sententiæ vehementer officere, quod in constrictione manifesto effundi sanguinem asseruimus; non illam esse cordis constrictionem, sed esse dilatationem asserunt: nos vero specie quadam delusos esse, quod in nostra constrictione, in basi tantum constrictione sit, at circa mucronem vera dilatatio; quod commentum cum viderent alii subsistere non posse, ne & illi causam deferere viderentur, excogitarunt in cavitate quidem integri ventriculi constrictionem esse, sed in foveis meatibusque laterum, præsertim in canibus, esse extensionem quandam & veram dilatationem.

Sed certe non conspicitur superior pars cordis dilatari quando inferior constringitur; nisi ubi moriente animali, ab impulsu sanguinis motus cordis undosus existit. Nec alia dilatatio constric-

in fœtu quoque nihil impedit Sanguinis motum in orbem esse.

ingens enim tumor esse.

si tumores venarum arteriarumque anastomoses non possunt tumorem curare.

ingens enim tumor esse.

Sed constrictione cordis supra infraque in arteriis pellitur. Pag. lxxviii

ctiove fovearum, alia cavitatis ventriculorum potest observari. Aft tantum progressivus quidam motus in majori corde animadvertitur quod dilatatio constrictiove evidenter à basi incipiat & sensim ad mucronem pergat, quamvis totus momento ferre peragatur. Et quo mihi plane constaret interius quoque cor undiquaque constringi, præciso utriusque ventriculi mucrone, vivo canis cuniculique cordi pollicem indicemque digitum inferui; sensique manifesto cordis latera digitos ad cordis septum æque in medio, mucrone, ac basi premere: foveas autem, ad sensum in majoribus animalibus, non majores sed minores fieri. Mox autem remittente constrictione latera cordis supra infra & in medio laxari, foveasque evidenter majores persentiri. In septo autem ipso nullus motus sentitur, nisi quod à spiritibus quærentibus exitum quædam quasi palpitatio videatur. Vbi vero motus sinistri ventriculi in moribundis definit, septum dextri ventriculi motum sequitur.

Non in dilatatione, etiam si quandoque in ea sanguis exeat.

In dilatatione tamen cordis, non in constrictione naturaliter effundi sanguinem volunt, quod in vivorum vulnerato corde in dilatatione exire sanguis conspiciatur. Et hoc quandoque verum est; sed quod inde colligunt sensus ipsi attestantur verum non esse. Vel enim canis aliudve animal capite thoraceque elevato, demisso ventre, constituitur, atque ita cordi infligitur vulnus: in eo jam, cum sanguis qui per venam cavam, arteriamque venosam cor intrat, altior quovis cordis vulnere sit, is simul ac intravit, quod in dilatationis initio est, non pulsu cordis, sed solummodo sua gravitate effluit, quare nec ulla vi ut in arteriarum contingit pulsu in distans propellitur. Sin vero, ut fieri æquum est, canis supinus, capite ventree in eodem collocetur plano, & vulneratum cor digitis erigatur, quamdiu cordi aliquod robur adest, sanguinem quem accepit citius constrictione in distans ejicit, quam cor totum repletum sit aut dilatatum. ubi vero cordis deficit robur, & nonnisi raro aut prorsus non se constringit, quia robustiores sunt auriculæ, & eo tempore etiamnum pulsant, quo cor plane defecit. sanguis ab auriculis propulsus intrat cor, accumulatur, & quando majori copia ingressus est quam quæ corde contineri queat, exit è vulnere; non impetu quodam ut ad pulsum efficiendum foret necesse, sed leni motu & stillando. Vt sensus nullum validum motum sanguinis nisi in cordis constrictione queat animadvertere.

Per venas autem sanguinem ad cor tantum volunt redire, quod impulsus ad partes sanguis, ut aqua cornu infusa, regurgitet sursum, atque ita ad cor referatur. verum jam indicia dedi aut trahi aut à singulis venarum partibus sanguinem propelli: præter quæ & hæc habeo; quod exempto è corpore corde, motus tamen sanguinis, isque satis celer in venis videatur. Et si vena ulla, etiam lactea, duobus locis ligetur, laxata ea sola ligatura quæ cordi propinquior est, dum partes adhuc calent, semper chylus ad hepar, sanguis ad cor movebitur: qui nec à corde per arterias, nec ab intestinis per lacteas, objecto potuit obice propelli: nec fluiditate sua potius sursum quam deorsum moveretur.

Sed absolvamus reliqua quæ priores objiciunt: putant si ita rapide sanguis moveretur, venas & arterias commode non posse nutriri. At canis sitim sedare potest è Nilo bibens & fugiens; hic autem partes ad rivum morantur: & quidquid è sanguine traxere in suam substantiam recondunt, ne à transfluxu humoris eluatur.

Sanguini quoque non putant hunc motum plane utilem esse. Eum enim, quia calore nativo abundat, respiratione transpirationeque ventilatur, satis posse conservari. Amplius tamen eum ventilari certum est si celeriter moveatur, minimæque etiam ejus particulæ eo motu agitentur. ita Lacustris aqua etiam si moveatur leniter & superna parte flabellum admittat, corrumpitur tamen; interea dum undique agitata flumina manere saluberrimaprehenduntur.

Hæc ea sunt Præstantissime Bartholine, quæ prioribus adjicienda esse videbantur, quo satisfaceret illis qui novam recipere opinionem non possunt, in qua obscuritatis aliquid aut difficultatis observant: quibus sæpe nec animus nec tempus est penitus in eam exactiusque inquirendi. Verum meo judicio neganda non sunt manifesta, etiam si solvere non possemus quæ sunt difficilia.

De verbis autem cavillisse cum nemine unquam libuit altercari. Plurima egregiaque sunt quibus illud impendi tempus possit; quod & sæpe non suppetit necessariis. Quærenti quoque derisorii scientiam ipsa sese abscondit, sed studioso veritatis obviam venit & se præbet conspiciendam. Vale Doctissime Bartholine. ex Academia Batava Leydenfi, Kalend. Decembris. C I O I O C X L.

Et à Singulis venarum partibus pulsum ad cor redire. Pag. lxxix.

Hoc motu vena & Arteria possunt nutriri.

Et Sanguis melius ventilari.

I N D E X


I N

O P V S C V L A

tomo primo adjecta.

A primam, B columnam secundam notat.

A.



Actio in parte præcipuum, & cur, viij. a
 Anatomico quam necessaria consideratu, xxj. b
 usum antecedit, *ibid.*
 quid ea, & quotuplex, *ibid.* & viij. b
 est *κατήρεον*, & usus partium, & membri *ὀφύας*, quæ usu prior, quæ posterior, ejus perfectio duo in parte requirit, xxvij. b
 Adeps Mesenterii, ejus generatio, usus communis, in pennatis, vj. a
Αιμάτωσις Mesaraicarum, viij. b
 Albor partis nihil habet ad usum peculiare, xxvij. a, in fine.
 sequitur materiæ necessitatem, *ibid.*
 Alexander, xxxij. b, in fine.
 Alexander Tadinus, xij. a
Ανάδοσις Mesaraicarum, viij. a
 quid differat à *Διάδοσις*, xxij. a
 Anatome quid, xvij. b
 quot in parte quaque consideret, *ibid.*
 Anatomicum oportet credere propriis oculis, xv. a
 Andreas Trevisius, xij. b
 Aneurisma circa jugulum, & quid in eo notatum, xlv. a
 Anguillæ cor pulsat sine auriculis, xlv. b
Απλάωσις quid? xxij. b
 est Galeno verissima nutritio, *ibid.*
 Appositio, & agglutinatio Galeno quid? xxij. b
 Aquapendentis novum inventum, ejus rationes pro ventriculi è chylo nutritione nullæ, malè negat nil nutrire, nisi per omnia coctionum instrumenta provectum, xxij. a
 Aquæ potiores edaces, xxvj. a
 Archangelus malè Gal. impugnat, vj. b
 notatus, vij. b, xxij. a, xxxij. b, xxxij. b
 refutatus, xvij. b, xxj. a
 Aretæus, xxxij. b, in fine.
 Aristoteles declaratus, xij. b, xvj. b, xvij. b, xxij. b
 ejus error, viij. a, x, a
 quantum sensibus tribuat, xv. a
 novit alia vasa chylo deberi, alia sanguini, xv. b
 venas perquiri jubet in strangulationis, xvj. b
 Galeao *ὁμόφυλον*, xvij. b
 quid sentiat de officio lienis, xxxij. b
 de venarum numero & origine, xxxij. a
 Aristotelicorum de officio Lienis opinio, xxxij. b
Αρτηρία Mesenterii Galeno quid? v. a
 Arteria aorta ad cor ligata & jugulari incisa, arteriæ inaniantur, venis repletis, liij. b

secta cur sanguis cum impetu exeat, xliij. b
 venosa cur venaveteribus, liij. b
 Arteriæ dilatantur corde contracto, xliij. b
 in cadaveribus cur parum, venæ multum sanguinis habeant, liij. b
 sanguinem deferunt à corde, liij. b
 Veteribus venæ vocatæ, xlv. a
 Arteriarum Mesaraicarum nomen, situs, magnitudo, numerus, origo, insertio in intestina, cur *ἐκέρχεται* Erasistrato, viij. a
 earum progressus, principium obcurius quam venarum, & cur. actio & usus, viij. b
 cur tam multæ in intestinis, viij. b, x, b
 de iis Erasistrati error, *ibid.*
 cur iis contigui nervi, x, b, xj. b
 an chyli aliquid in se alliciant, viij. b
 non comportant chylum ad cor & venas, x. a
 non respondent arteriis umbilicalibus, x. b
 per fibras transmittunt, xxvij. a
 Arteriarum pulsus est ab impulso sanguine, xliij. b
 Atrophia à scirrho glandularum Mesenterii, vj. b, xxxv. a
 Auctor Isagoges, viij. b
 Finit. Medicarum, xxv. a
 Lib. de us. respir. laudatus, xxv. a
 explicatus, vj. a
 refutatus, viij. b, in fine. xxxij. b
 Lib. de Anatome vivorum notat. viij. b
 Lib. de compag. membr. viij. b
 Avenroes, xxvij. a, xxxij. b
 refutatus, xxij. b
 Avicenna notatus, v. b, vij. b
 laudatus, xxxij. b
 Auriculæ ante cor vivunt & post moriuntur, xlvj. a
 cur in foetu majores, lxiii. a, b
 in ovo unde fiant, xlvj. a
 sunt promptuarium sanguinis. xlv. b
 Auricularum cordis varia constitutio, lxij. a
 motus qualis, xlv. a
 cordis motum præcedit, *ibid.*
 Auriculas habent aut quid iis analogum quæcumque cor, xlvj. b
 Auriculis moveri cessantibus manet in sanguine motus & qualis, lxvj. a

B.

Bauhinus notatus, vij. b
 excusatus, *ibid.*
 Benedictus, xvj. a
 Bilis affluentia nihil facit ad jejuni inanitatem, xx. b
 bilis in jejunium vacuatio quomodo fiat contra Fallopiam, & Archangelum, xxj. a
 Bolus, seu buccæ dulcis, xxx. b

C.

CAlor an instrumentum tractus, xxv. a
 quomodo attrahat, lv. a
 Canum Mesenterium, vj. b, in fine.
 Capivaccius notatus, xvij. b
 Caro innominata, xvij. b, in fine.
 Carolus Stephanus, xliij. a, b, xvj. a
 Carpus, vij. a, xliij. a, xxv. b, xxxij. a, xxxij. b
 Cava ab aorta munere & usu distinguitur, liij. b
 Celsus laudatus, xij. a
 ejus venæ albæ, xliij. b
 Cerebrum frigidi Metropolis, plurimis venis scatet, xxvj. a
 non semper ventriculos habet, lxij. b
 Chyli motus cur inquirendus, lxvij. b
 Chylus roris tenuissimi instar rapitur in Mesaraicas, xvij. a
 quadruplici motu ab intestinis ad hepar promovetur, xxij. b
 an sanguine crassior? xxv. b
 ex vasis suis excidens alio quam in hepar corrumpitur, xxvij. b
 nihil ejus à ventriculo ad hepar concedit, xxxij. b
 Chyli motus per venas lacteas facile observatur, lxvj. b
 quomodo fiat, lxvij. b
 Cibus assumptus primum locum in ventriculo occupat, lxvij. b
 eum quomodo ventriculus concoquat, lxvij. a
 quomodo coctus distribuatur, lxvij. b
 & ad quas partes, lxvij. a
 Cicero notatus, iij. b, xj. b
 explicatus, xj. a, in fine. xv. b, in fine.
 correctus, xliij. a
 laudatus, xij. b, xliij. a, xvj. a, xxvj. a
 Cæci ductus in corpore nostro, x, a, in fine.
 Columbus notatus, vij. b, in fine. xliij. a, b
 ejus valvulæ in Mesaraicis, viij. a
 defensus contra Archangelum, xvij. b
 Constantius Varolius, V. Varolius.
 Contagium cur parte contacta illæsa totum habitum inficiat, lvij. b
 Continuitas venis quid præstet, xxvij. b
 in fine.
 Costæus laudatus, xij. a, xvj. a
 improbat, xxv. b
 Cor columbæ moribundum saliba resuscitatum, xlv. b
 contrahitur undique sed magis secundum latera, xliij. b
 contractum duriusculum fit, xliij. b
 peccus ferit, *ibid.*
 sanguinem protrudit coarctatione ventriculorum, xliij. a, lxvij. b
 non vero attrahit, *ibid.*
 ex sanguine lentissime pulsatur, xlvj. a
 in frigidioribus, cum moveretur, albidius fit, cum quiescit rubicundius, xliij. a, liij. b
 moveri & quiescere per vices unde pateat,

I N D E X.

pateat, xliij.b
 officina sanguinis, lj.b
 quomodo non lædatur, ex tranfitu
 noxii humoris, lxxx.i.j.b
 omnia animalia habent, xlvj.a
 quare constringatur, lxxvij.b
 fol microcosmi, *ibid.*b
 folum pars princeps, lxij.b
 vitæ & caloris fons, lvij.b
 Cor cochlearum quæ reperiatur, xlvj.a
 Corde nullum animal fanguineum caret, lxj.a
 pulsare cessante totus fanguis nequit
 exhauriri, liij.a
 Cordis fibræ omnis generis sunt, lxij.a.b
 variæ intertextæ, xxvij, a. in fine.
 rectæ ab Arist. nervi vocantur. xliij.b
 & cur, lxj.b
 motui non convenit exemplum Vesa-
 lii de vimineo circulo, xlvij.a
 motum quæ simul ordine consequan-
 tur, *ibid.*
 motus proprius systole, xlvij.a
 qualis ex vivorum dissectione, xlv.a
 quomodo fiat, xlvj.b
 tensio quædam est, xliij.a
 deglutitio quædam est, xlvij.a
 valvularum ufus, lxij.a
 Cor in foetu ociosum est, x.b
 minime ociosum est, xlvij.b
 Crufta intestina oblinens, xxx.b
 Culina corporis imus venter, xxx.a
 Cuneus non intellexit Gal. vij.b

D.

Dalechampii in Plinio error, xliij.b
 Deglutitio quomodo fiat, xlvij.a
 Diadosin Mesaraicarum, viij.b
 Distributio actio composita ex tractu, &
 pulsu, xxiiij.a. in fine.
 Disciplinarum inter se nexus, xxvij.a
 Dolor quomodo attrahat, lv.a
 Δοκίμιον quidam obiter perstrictus, xxv.a
 Dulcis bolus seu dulcis buccæ, xxx.b
 Duricies fibrarum cui ufui, xxviij.a

E.

Eufinia sacra, xxxj.a
 in Embryone constitutio vasorum
 cordis quæ, xlvij.b
 jecoris ufus cur nullus, lx.a
 pulmones otiantur, xlix.a
 ventriculi duo quasi unus sunt, *ibid.*
 Epicurus, xxxij.b
 non est primus auctor vocis *εργα-
 ψεως*, xij.b
 tractus causam quam statuatur, xxiiij.b
 Erasistrati error de arteriis Mesaraicis,
 x.b
 de alimenti digestionem, xxiiij.b
 cur *εργαται* appellat arterias Mesarai-
 cas, viij.a
 incidit homines vivos, xij.a
 in fine vidit lacteas venas, sed non a-
 gnovit, xvj.b
 Exanguia hieme nihil, quod pulset, ha-
 bent, xlvj.b
 Exanguium cor lentissime pulsat, *ibid.*a

F.

Fames cur statim à cibo cesset, xxiiij.b
 in fine.
 an fuctus ejus causa, xxxiiij.b

Fallopianus laudatus, v, a. xj.a
 malè Galenum impugnatur, vj.b
 refutatus, xvij, a. xxj, a. xxvij, a.
 xxx.b
 Febres intermittentes an à Lacteis affe-
 ctis, xxxv.b
 Febres quare certis temporibus redeant
 aut exacerbentur, lxxv.b
 Fernellius, xxxj.b
 reprehensus, xj, b. xxvj.b
 Fibræ in sanguine animalium, partes si-
 milares è semine, xvij.b
 in fine quæ triplicis generis, *ibid.*
 rectæ trahunt, transversæ pellunt,
 xxvij, a. b
 eas malè negat venis Vesalius, malè ad
 solam *δυσπείθειαν* datas affirmat
 Fallopius, earum beneficio om-
 nia instrumenta naturalia movent,
 xxvij.a
 carnosæ solæ cum manifesto motu tra-
 hunt & pellunt, *ibid.*
 Fissum jecoris, xxxiiij.a
 Foesius laudatus, iij, b. in fine
 Foramen ovale in vena cava ubi & quan-
 do reperiatur, xlvij.a
 Frigida omnia an paucò egeant alimen-
 to, xxv, b. in fine.
 Frigidus ventriculus plurimum appetit
 cibi, xxvj.a
 Fuchsius improbat, xvij.a

G.

Galenus notatus, v, a. vij, b. xj, a.
 xxxiiij, a. xxv, a. xxvj, b.
 excusatus, viij.a
 correctus, v.a
 explicatus, à contradictione vindica-
 tus, vij, a. x, a. xvij, a. xxij, b. xxij, b.
 xxvij, b
 defensio à calumnia Vesalii, &c. vij, a
 laudatus, viij.a
 perperam citatus, viij.b
 quantum sensibus tribuat, xv.a
 indiligens fuit in perquirendis vasis
 chyli, xvij.a
 frigidè disputat contra Erasistratum,
ibid.
 venam omnem statuit dissimilarem,
 xvij.a
 malè Mesaraicas vulgares radicibus
 comparat, & sugere dicit, vij.b
 ejus inconstantia in explicanda nutri-
 tione ventriculi, & intestinorum in-
 excusabilis, xxij, a. & *seqq.*
 aut peccat, aut valde populariter lo-
 quitur de speciebus tractus, xxiiij.b
 in fine.
 non rectè sensit de præparatione chyli
 in Mesaraicis, xxvij, a. & *seq.*
 ejus librorum de usu partium duo
 summa capita, xxvij, a. in fine.
 non sibi constat de vi venarum *αίμα-
 τισι*, xxxij, a. in fine.
 ejus sententia de lienis officio sola ve-
 ra, xxxiiij.a
 vix explicat cur nulla in hepate cavi-
 tas, xxxiiij.b
 Gaza, iij.b
 temerè à Plinio discedit, xliij, a. b
 Glandulæ Mesenterii duplices, utrum-
 que usus, proportio cum vasis, vj, a
 an foveant calorem vasorum, an ab-
 sorbeant humiditatem intestino-
 rum, impediunt ne constringantur
 vasorum ductus, patiuntur scir-

rhum, vj.b
 cœnosiores chyli partem absorbent,
 xxx.b
 Glossæ veteres, xliij, b. in fine.

H.

Hæmorrhagia, à timore cur sede-
 tur, liij.a
 Hepatis vicinia nihil facit ad jejuni ina-
 nitatem, xx.b
 Hepatis *αίμάτωσις*, xxxiiij.a
 cur in eo nulla, ut in corde cavitas,
 xxxiiij.b
 Hermolaus Barbarus, xliij, a. b
 Herophilus explicatus, viij.a
 ejus laus, xvj.a
 Hesiychius, iij.b
 Hippocrates explicatus, v, a. vij, b. x, a.
 xxiiij, b. xxv, a.
 vult Mesaraicas trahere à ventriculo,
 vult fieri per eandem anadosin, &
 diadosin diversis temporibus, viij.b
 tribuit alia vasa chylo, alia sangui-
 ni, xv.b
 lienem hepatis dat vicarium, xxxiiij.b
 de vena portæ, xxxiiij.a
 Historiæ in Anatome primus locus de-
 betur, xvij.b
 explicat naturam membri, *ibid.*
 Hominem incidere nefas, xij.a
 etsi veterum quidam fecere, *ibid.*
 Horatius, xvij.b
 explicatus, xliij, b. xxvj, a

I.

Iacobus de Partibus notatus, vij, b
 in fine, xxxij, a
 laudatus, xxxiiij, b. xxxiiij, b
 Iecur in foetu otatur, lx, a
 & posterius gignitur, *ibid.*
 Intestinum duodenum correctum, viij.a
 Intestinum jejunum cur semper inane,
 xx.b
 ejus vulnera cur lethalia, vij.b
 Intestinorum crufta, xxj.a
 eorum & lumborum sympathia, v, a
 an alantur chylo, xxij, b. & *seqq.*
 cur multo alimento egeant, xxvj.a
 per ea totum expurgatur, *ibid.*
 gracilia veteribus Lactes dicta, xliij.b
 & cur, xliij.b
 Iohan. Costæus V. Costæus.
 Ioubertus notatus, xvij, a
 Iuvenalis, xxxij, a. in fine.

K.

K^ωωνιστὶς qui, xxxiiij.b
 cur tam cito reddant per urinas
 quæ bibere, *ibid.*

L.

Lactes, seu Lactæ venæ quartum, &
 ignotum adhuc vasorum Mesarai-
 corum genus, xj.a
 an verè dentur? xliij.b
 an novum inventum? xv, a
 quando inventæ, & quomodo, xj, b.
 xliij.a
 in quibus brutis clarissimæ, in quibus
 minus, xliij.b
 quot de iis explicanda, xj.b
 prænoscentia, xliij.a
 cur his nominibus appellatæ, xliij, b.
 xliij.b
 Lactium

I N D E X.

Lactium variaz significationes apud veteres, xliij. b.
 apud recentiores, xliij. a.
 cur latuerint veteribus, xvj. b.
 cur tam cito exolefcent in animalibus mortuis, xvij. a.
 vivis cum fecantur, *ibid.*
 an jungantur arteriis per poros, xx. a.
 per anastomoses, *ibid.*
 earum etymon, xliij. a.
 substantia, xvij. a.
 sunt de genere venarum, sunt partes dissimilares, *ibid.*
 temperies, xviii. a.
 temperiem consequentia, albor, tenuitas, &c. *ibid.*
 conformatio in figura, levitate, asperitate, cavis, meatibus, *ibid.*
 valvulae, *ibid.*
 magnitudo, numerus, positio, xviii. b.
 gyri, & plexus in Pancreate, xxj. a.
 communio cum aliis partibus, quoad originem, finem, & insertionem in intestina, xx. a.
 progressum ad hepar, *ibid.*
 à Pancreate an ab hepate oriuntur? xx. a.
 sui generis venae sint, an portae rami? ad ventriculum non pertingunt, xxxiiij. a. xxij. b.
 neque ad Lienem, xx. b. xxxiiij. a. xxxiiij. b.
 earundem actiones, communis, quae nutritio, xxj. b. in fine. & seqq.
 non aluntur chylo, xxij. b.
 propria quae est *ἀνάλωσις*, i. distributio chyli ad hepar, xxvj. b.
 sensus, *ibid.*
 usus, quos praebent distribuendo chylo, singulae, earum partes, xxvij. b.
 fibrae, xxvij. a.
 caro, *ibid.*
 membranae, *ibid.*
 temperies, *ibid.*
 temperiem consequentia tenuitas, raritas, xxviii. a.
 quae accidunt: figura, levitas, & asperitas, cava & meatus, xxviii. a. & b.
 valvulae, angustia, continuitas, multitudo, & parvitas, situs, *ibid.* & seqq.
 insertionis modus, crusta intestina oblinens quid iis praestet, item adipis in Mesenterio copia, glandulae, xxx. a. & b.
 usus quos praebet earum cognitio Medicis, & Philosophis, xxx. b.
 physiologici, xxxj. a. & seqq.
 pathologici, & Therapeutici, xxxiiij. b.
 Lactibus nulla cum venis hepatis ceteris communio, xxxiiij. a.
 desinunt in hepatis carnem, *ibid.*
 sunt verè venae portae, xxxiiij. a.
 complura novorum morborum genera aperiunt, xxxv. a.
 sunt in causa chylosi fluxus, item atrophiae totius, fortè etiam quarundam febrium intermittentium, & melanch. Hypochondriacae, *ibid.*
 Laurentius notatus, vij. b. viij. b. in fine. xxv. b. xxxiiij. b.
 ejus rationes contra chylo proprias venas nullae, xxv. b.
 Leon. Borallus circa transitum sanguinis è cava in sinistrum ventriculum quomodo falsus, xlvij. b.
 Levitas in parte materiae comitatur, xxviii. a.

Lienis officium, xxxiiij. a.
 Ligatura cur attrahat, liij. a.
 quomodo attrahat, lv. a.
 quotuplex, liij. a.
 Lipothymia à sanguinis missione quam causam habeat, lv. a.
 cur fluentem sanguinem sistat, lvj. a.
 Lucretius, xxiiij. b.
 Ludovici Septalii vera laus, xij. b.
 Lumborum, & intestinorum sympathia, v. a.
 Lupi Lampridio, & Suetonio qui, xliij. a.
 Luporum lactes. *ibid.*

M.

Macrobins notatus, liij. b.
 Manus actionem suam obeant per conformationem, xxviii. a. & seqq.
 Massae error de venis duodeni, vij. b.
 de nutritione ventris & intestinorum, xxij. a.
 Meatus Fallopii in glandulas, & Pancreas, xxx. b.
 Medicamenta foris applicata quomodo intus vires exserant, lx. a.
 Melancholia hypochondriaca an à Laeteis affectis? xxxv. b.
 Membri naturae cognitio in quibus posita, xvij. b.
 Membranae Mesenterii cur duae, & ut duae sectione deprehendantur, v. b. & seqq.
 Menstrua circa uterum quomodo colligantur, lxxxiiij. b.
 quomodo ex utero in caput ferantur, *ibid.*
 Mercatus, xvj. a.
 ejus commentum circa venarum *ἀντιστοιχίαν*, xxxij. b.
 de fibris carnis venarum, *ibid.*
 Mesenterium, liij. b.
 Melaraicae, V. Venae Mesaraicae.
 Mesenterium, ejus nomina, figura, situs, origo, liij. b. & seqq.
 connexus, magnitudo, numerus, v. a.
 compositio, partes propriae, v. b. & seqq.
 non propriae, vij. b. & seqq.
 usus, v. b. & seqq.
 est Gal. triplex, vij. a.
 omento simile, v. a. b.
 item tenui cerebri menyngi, *ibid.*
 Μεσεντερία, liij. b.
 Μεσεντερίων, v. a.
 Mors quid, lvij. b.
 ejus genera, extinctio & suffocatio, liij. b.
 Murænarum lactes, xliij. a.
 Mustum qua se vi in dolio ad vini perfectionem promoveat, xxxij. b.

N.

Natura una non nisi ad unum utitur, xxxj. b.
 ejusdem *σφισμα* seu *μυχανημα* admirandum, xxiiij. a.
 Nervi qui Hippocrati, & veteribus, v. a.
 Nervorum Mesaraicorum numerus, situs, magnitudo, x. b.
 progressus, insertio, principium eorum, divisionis, originis, usus ratione, intestinorum: lumborum arteriis cur contigui, xj. a. & seqq.
 de eorum magnitudine error recentiorum, xvj. b.

Nominis notio quam necessaria, rei notitiam parit, xij. b. & seqq.
 Nomina nova novis rebus quot modis ponantur, xliij. a.
 Nutrimentum verè, & non verè, xxij. b.
 Nutritio imperfecta, & secundaria Massae, & Archangeli explosa, xxij. a.
 Nutritio vera, & perfecta quid Galeno, xxij. b.
 Nutrit nihil nisi quod provectum per omnia nutritionis instrumenta, xxij. b.

O.

ὅτι ἐν ἐσὶ, principium scientiae, xliij. a.
 totum potestate, *ibid.*
 Objectiones contra Lacteas chyli distributrices remotae, xxv. a. & seqq.
 Ovo gutta palpitans ante omnia inest, xlvj. a.

P.

Pancreas insignis glandula, vij. b. xx. b.
 cur Mesaraicis vasibus substratum, viij. a. xxj. a.
 Πάγκρεας & κατὰ ἰστέρας, xliij. a.
 videri originem lactearum, xx. a.
 Paræus notatus, vij. a. xj. a. xvj. a.
 Pars similis Galeno & Aristoteli quid? xvij. a.
 in parte quot spectanda, xvij. b.
 ejus natura quibus constet, *ibid.*
 Pars dissimilis dupliciter dicitur, xvij. b.
 ad partis integritatem eorum, quae accidunt necessitas, xxviii. a.
 Partium organi actionem edentis quadruplex varietas, xxviii. a.
 in parte ad perfectam actionem edendam quot requirantur, *ibid.*
 Persius explicatus, xliij. b. in fine.
 Pellentium duplex genus, xxiiij. b.
 Pituita qua vi in sanguinem in venis facessat, xxxij. b.
 in Piscium marium ventriculis succus, Lactes veteribus, xliij. a.
 Plant-animalia cor non habent & cur. lxj. a.
 Plato, xliij. a.
 tribuit alia vasa chylo, alia sanguini, xv. b.
 lienem vicarium dat hepati, xxxiiij. b.
 Plautus explicatus, xliij. b. in fine.
 Plinii vulgata lectio defensa, xliij. b.
 Plicae Mesenterii cui usui, v. a.
 Pollux, xvj. a.
 Pomponius explicatus, xliij. b.
 Prænotio de lactibus, xliij. a.
 Prænotio de subjecto in duobus constitit, xliij. a.
 Preparare non est conferre aliquid futuræ formæ, xxvj. b.
 Probi locus explicatus ex Hippocrate, xliij. a.
 Πρόβιον Aristoteli quid, xj. a.
 ejus necessitas, xij. b. & seqq.
 Πρόβιον quid, xj. b.
 non est vox Epicuro propria, *ibid.*
 Pulli rudimentum primum quale, xlvj. b.
 Pulmones plurimo sanguine in vivis circumfluunt, xvij. a.
 vasa ampla cur habeant, lxiij. b.
 Pulsatione non opus ad retinendum, lxiij. b.
 Pul;

Pulsus arteriarum quid, xlvij. a. xlix. a
circa ejus naturam inquirendam cur
erretur, *ibid.*
per initia statim cordis adest, xlvij. b
lactearum, & ejus causæ principes,
instrumentales, xxiiij. b. & *seq.*
Pateus non intellexit Galenum, vij. b

Q.

Questio de officio Mesaraicarum
gravissima, xxxj. a
ejus difficultas, b
sententiarum in ea varietas : quæ
omnes falsæ, & absurdis plurimis
urgentur, *ibid.* & *seq.*
Quæstio de lienis officio, xxxij. a.
& *seq.*
Quæstio de venarum vi *αἰματωρὶν*, in
ea Galeni inconstantia, xxxij. a
recentiorum digladiationes, vera sen-
tentia negans, b
Quæstio de *αἰματώσ* Hepatis, de ea
quatuor sententiæ rejectæ, xxxij. a
Quintilianus, xij. a
Quirinus Cnoglerus, xij. b

R.

Radices non sunt principium arbo-
ris, vij. a
Ranæ ventriculum unum in corde ha-
bent & pro auricula vesicam, xlv. b
Renibus cur amplissimæ venæ, xxvj. a
Rhasis rejectus, xij. b
explicatus, xvj. a
Riolanus notatus, vj. a. vij. b
Ruffius Ephesus, iij. b

S.

Sacra Samothracia, xxxj. a
Salomon Albertus notatus, vij. a
Sanguinem non moveri sursum & deor-
sum in vasis, sed à parte una in aliam,
lxvij. b
transcolari per pulmones cur volue-
rit natura, xlix. a
quomodo probetur, xlix. b. l. a
transire ab arteriis in venas veteribus
notum, lxx. a
quomodo probetur, *ibid.* b
non venire è majoribus venis in mi-
nores, lxxj. b
sed è minoribus in majores, lxxij. a
pellitur ex arteriis majoribus in mi-
nores, lxxvij. b
Sanguinis motus circularis è quibus con-
stet, lj. l. iij. b
qualis sit, lj. a. lxxv. a. lxxvj. a
quomodo in foetu fiat, lxxij. b. lxxxv. a
per quas vias fiat, liij. b. lvj. lxxij. a
portio una non eadem semper via va-
dit, lxxvj. b
responsio ad contraria argumenta,
liij. a. b. lxxij. b. lxxxij. & *seq.*
quam causam habeat, lxxvj. b. & *seq.*
lxxxv. b
quos usus & in quibus habeat, lx. b.
lxxxvj. a. b
veteribus cognitus, lxxij. b
pulsio à corde fit, lxxvij. a
saltus in vulnere unde, xliij. b
transmissi in circulatione per cor
quanta copia, lj. b. lvj. a. lxxij. a.
lxxxij. b.

quantitas in ove, lij. a
Sanguis per quas vias è dextro cordis si-
nu in sinistrum corrivetur, x. b. lxxvij. a
Sanguis qui alat, qui non, xxij. b
qui Aristot. ultimum alimentum, *ibid.*
Sanguis in Mesaraicis niger, & crassus,
xxxj. b
Sanguis in jecore ubi fiat, & quomodo,
xxxij. a
Sanguis in ventriculos auricularum pul-
su immittitur, xlv. b
in auriculam à cava impellitur, lxxvij. a
ab arteria non semper cum saltu, sed
cum vi exit, lxiiij. a
an sua sponte palpitet, xlvj. a
omnis unius generis est, lxxvj. b
quibus viis è vena cava in arterias fe-
ratur, xlvij. b. lxxvij. a. b
quis moveatur, lxvij. a
& quis non in orbem, lxxxj. a
ubi fiat, lxxvij. a
venosus ab arterioso cur differat,
lxxxij. a

Saturari quid Galeno, xxij. b
Scaliger F. præter solitum errat, xij. b
Scaliger pater admirabilissimus, xiiij. b
Scurrus glandularum Mesenterii, vj. b.
xxxv. a.
Senator Septalius, xij. a. b
Sensuum veritas, & evidentia, xv. a
spiritus palpitando exit, xlvj. a
vitalis cum sanguine movetur, lxxvj. b
Spirituum animalium motus per nervos
inobservabilis, lxxvj. b
Stoici tribuerunt alia vasa chylo, alia
sanguini, xv. b
Suetonius explicatus, xliij. a
Sylvius laudatus, iij. b
notatus, xvij. a

T.

Tabes quomodo ab animi affectibus
fiat, lviiij. a
Temperies quid? xxvij. b
per eam magna ex parte quodvis or-
ganum suam operationem nanci-
scitur : est illa, qua pars quælibet
familiaria allicit, retinet, coquit,
ibid.
Temperiem quæ consequantur, xxvij. b
Tertiana cur in accessione anhelosos fa-
ciat, lviiij. b
Tertullianus, xvj. a
Theophilus Protospatharius, iij. b. xvj. a
Titinnius explicatus, xij. b
Tractus lactearum qualis, & ejus causæ
principes, instrumentales, xxv. a
Tractus Galeno duplex, xxiiij. b
Tractus successionem ad vacuum nullus,
ibid.
Tractus instrumentum, an calor? *ibid.*
Tractum qui fit parte non mota non esse
tractum, falsum, xxvij. a
Trahentium duplex genus, xliij. b
Tubercula inflammatoria unde pul-
sent, lv. a
Tumor ex contusione unde, lv. b

V.

Valvulæ venarum Mesaraicarum,
xviiij. b
Valvularum cordis quis usus, l. a. b
in venis situs & usus, lvj. b

Varolius refutatus, x. a & *seq.* xxxij. b
Vasæus, xvj. a
Vasa alia chylo deberi, alia sanguini non
ignorarunt veteres, xv. b
quæ tamen essent ignorarunt, xvj. a
Vasa Mesenterii non sunt de ejus sub-
stantia, v. b
sunt vulgo triplicia, vj. b
principium eorum divisionis, viij. a
eorum genus novum, & quartum,
xj. a. v. lactes.
Vega notatus, xxij. b
Venæ varia significata, xij. b
etymon apud Latinos, Græcos, *ibid.*
Venas veteres, quas hodie arterias, ap-
pellant, xlv. a
Vena arteriosa cur vena dicta & facta,
lj. b. lxxij. a
pulsat contracto dextro cordis ven-
triculo, xliij. b
Vena magna, maxima, Gal. quæ, vij. a
Venæ non trajicientes ad hepar Hero-
phili & Galeni, vij. a
Venarum judicium eget sensu, non de-
monstratione, xv. a
Venam componentes partes : membra-
næ, fibræ, xvij. b
caro, *ibid.*
Venæ non sentiunt per se, xxvj. b
Venæ extra jecur non sanguificant,
xxxij. a
Venarum numerus non rectè adhuc con-
stitutus, xxxiiij. a
Venæ quibus nulla cum corde societas,
ibid.
Venæ sanguinem ferunt ad cor. liij. b
Vena secunda unde tumeat, lxxxij. a.
lxxxij. a.
Venarum in hepate anastomoses,
xxxiiij. b
Vena portæ vulgè vix verè portæ vena.
ejus nomen non à primo Hippocrate.
xxxiiij. a
Venæ hermaphroditæ, & androgynæ
Zerbi, & Carpi, xxxij. a
Vena Lactea Arabum, xij. b. xvj. a
Venæ albæ, seu Lactææ, v. Lactes,
Venæ Mesaraicæ vulgatæ sive rubræ.
earum origo. cum hepate sympathia,
vij. a
insertio in intestina. modus insertio-
nis, vij. b
progressus, principium, viij. a
actio vulgè triplex, sed malè. cur
Galeno radices. cur manus he-
patis, cur comparatæ bajulis, viij. a.
& *seq.*
non oriuntur ab intestinis, nulla ea-
rum à cava, vij. a
non sunt radices, nullo modo sugunt
ab intestinis, vij. b
habent suas valvulas, viij. a. & xviiij. b
nullæ perveniunt ad solum ventricu-
lum, vij. b
non distribuunt chylum ad hepar. non
sanguificant, viij. b
vehunt solum sanguinem, xxxj. a.
& *seq.*
cur tam multæ ad intestina, xxv. b
faciunt ad expurgationem totius. non
deferunt ad intestina spiritum vi-
talem, viij. b
Venæsectio infra ligaturam cur facien-
da, lv. b
in Venæsectione cur laxetur ligatura,
lxxxij. a
Ven-

I N D E X.

Ventriculo sinistro moveri cessante cessant arteriæ, xliiij.b	Veteres ante Galenum Medici excusati, xvj.b. & seq.	Vsus partis propriè quid, xxvij.b
Ventriculus dexter sinistri gratia factus, lxj.b	Vinum cur tam celeriter reficiat prostratas vires, xxxiiij.b	Vsus, & actio partis quo differant, <i>ibid.</i>
Ventriculus non alitur chylo, xxj.b	Vita à nutritione quid differat, xxij.a	Vsus qui actione prior, qui non, <i>ibid.</i>
an ignobilior carne, xxiiij.b	à palpitatione incipit, xlvj.a. lxiiij.a.	Vsus omnis partis duplex: unus quàm pars est, alter quàm cognita est: uterque quo judicetur, xxvij.a
quomodo sibi laboret, quomodo aliis partibus, xxxiiij.a	Vnio venæ cavæ cum arteria venosa, itemque aortæ & venæ arteriosæ ubi & quando fiat, xlvij.a.b	posteriorum quanta dignitas, xxvij.b
ex eo trahunt Mesaraicæ Hippocrati & Galeno, viij.b	quomodo obliteretur, <i>ibid.</i> a	Vulneri ex canis rabidi morsu cur superveniat curato febris, lviiij.b
sed malè. cum nihil ex eo chyli sugatur, xxxiiij.b	sæpe permanet tota vita, & in quibus, <i>ibid.</i> b	
Vesalius notatus, vij.a. xj.a	pulmonum gratia neutiquam facta, <i>ibid.</i> b	Z.
Vesicula pulsans principium fœtus, lxiiij.a	Voluptari quid, <i>ibid.</i>	Zerbus notatus, vij.b. in fine. xxxij.a

F I N I S.




A D R I A N I
S P I G E L I I

B R V X E L L E N S I S

O P E R V M


Quæ extant omnium

T O M V S I I.



A M S T E R D A M I,
Apud IOHANNEM BLAEV,
C I O I O C X L V.

THE
PUBLISHED
BY
J. H. & C. O. L.



THE
PUBLISHED
BY
J. H. & C. O. L.

ADRIANI SPIGELII
BRUXELLENSIS

D E

SEMITERTIANA

Libri Quatuor.

ADRIANVS SPIGELIVS
LECTORI S. P.



ETSI mihi in Patavino Gymnasio duplex onus, Anatomen scilicet & Chirurgiam docendi impositum esse sciam; atque jam in hoc me pluribus annis ita exercuerim, ut (si standum est amicorum judicio) jam tempus esse videretur scriptis publicis aliquod signum profectus meorum studiorum Reipub. Litterariæ ostendere: tamen longe alia mihi mens fuit cum hos de Semitertiana libros exordirer, & nunc ante alios, quos de Anatomicis & Chirurgicis rebus sum exorsus pertexerem. Nam cum de his multa à Veteribus ac recentioribus exarata esse, atque adhuc indies exarari conspiciam, de ista vero febre nil aliud hætenus sit conscriptum, quod juniorum Medicorum mentem ad ejus paulo meliorem quam tradita est, notitiam & curationem posset illustrare; operæpretium me facturum putavi, si à studiis Anatomicis & Chirurgicis diverterem, & hos quatuor de Semitertiana libros prius publicarem. Scio hoc opus esse, quod potius eos, qui in Gymnasiis jam diu Practicam vocatam Medicinæ partem profitentur, conscribere deceret. Sed quoniam omnes ubique nil aliud suis auditoribus de hac febre prælegant, atque hætenus prælegerint, quam eam ex tertiana intermittente, & quotidiana continua, vel tertiana continua, & quotidiana intermittente conflata esse; & ideo causas, signa, curationem utriusque febris simplicis in ea misceri, non potui manum à calamo continere, quin ego quid de hujus febris natura, ac curatione sentiam, pluribus observationibus edoctus eos commonefacerem: certo sic sperans, me aliquem ex tot, tantisque viris cui publica salus, ac valetudo curæ, ac cordi est, ad hæc meas animadversiones curiose perlegendas, & opiniones diligenter examinandas, aliasque meliores edendas pro publico bono stimulaturum.

Non est vero quod quis suspicetur hanc febrem novam esse, aut usque adeo raram, ut in sexcentis febricitantibus vix conspiciatur; vel inauditam, cum fortassis nomen Semitertianæ ad aures ejus nondum venerit; aut pro levi aliquo malo habendam esse. Nam Hippocrates & Galenus in suis libris hujus mentionem fecerunt. Ejus quoque meminere P. Ægineta, Aëtius, Alexander Trallianus, Arabum princeps Avicenna, & nonnulli recentiorum, qui seculo novissimo barbari dicebantur. Agathini libri, qui de hac febre Galeno adhuc vivente extabant temporis injuria perierunt. Galenus ipse hanc Romæ frequentem fuisse commemorat, & in eo Mauritaniæ tractu, qui est prope littus Mediterranei Maris. Frequens etiam nunc iisdem in locis, & in Germania, Pannonia, finitimisque regionibus. Sed, bone Deus, quænam est civitas, quod oppidum, quis ager, quæ regio terræ continentis Serenissimi Senatus Vene-

tiarum Dominio subjectæ, quæ nunc ultra decennium quasi patriam hanc febrem non sentiat? Si isti Senatores, qui ob res domi forisque præclare gestas in hac Vrbe maxime cari fuerunt, reviviscerent, & hæc mea scripta legere possent atque intelligere, profecto magna eorum pars jurejurando affirmaret, se non alio morbo ex hac vita sublato fuisse, ut præteream Populi non minimam partem. Cum Gradisca munitissimum oppidum à Venetis obsideretur, cumque in Istriam exercitus duceretur, instar pestis hæc febris magnam hominum multitudinem oppressit, quorum eos, qui ex Patavina, Vicentina & Veronensi ditioe in castra proficiscebantur, præcipue interiisse ipsi vidimus. Ante biennium, cum à Venetorum S.C.^o. (quod præest sanitati publicæ) nec non à Magno Hetruriæ Duce, & Genuensi Republ. lege caveretur, ne quæ naves cum mercibus Algeria, Tunetoque Africæ (in qua incredibilis mortalium multitudo peribat) in Italiam venientes in portibus suis reciperentur, contagiosa & maligna Semitertiana fuit, quæ iis veræ pestis suspicionem fecerat.

Quamobrem si nomen febris Semitertianæ ad tuas aures nondum venerit, quæso, non quia raro conspiciatur, sed quia raro de ea inter Medicinæ Professores sermo habeatur, & ideo raro ab iis cognoscatur, id evenisse putes. Nam vix audeo dicere, quam pauci ubique locorum, in quibus celebres Medici esse videbantur, deprehendantur qui hanc febrem vel nominatenus cognitam habeant. Cum ante multos annos Italiam ad stirpium & rerum naturalium perfectiorem cognitionem acquirendam peragrarem, cumque annis superioribus apud Germanos, Pannonos, Sarmatasque Medicinam facerem, & præteritis annis jussu Serenissimi Principis excellentissimi Senatus Veneti ad docendum Patavium revocarer, notavi ipse quam multos nobiles in arte medica viros hæc febris ubique deceperit, & adhuc indies decipiat, quod eam à duplici tertiana ab ipsis vocata non discernere. Probabo hoc novissimo exemplo Principis piæ recordationis Antonii Priuli. Hunc enim, cum ante biennium febre tertiana prius correptus, mox à Venæsectione in duplicem tertianam incidisse diceretur, ex signis relatis ab iis, quibus valetudo ejus curæ erat, non alia febre quam Semitertiana laborasse cognovi. Quod si tunc temporis ante venæsectionem prædicta fuisset (ut commodè conjectari licebat ex prægressa tertianæ specie) ejus febris natura & motus, nunquam ab empiricis tantopere in hac splendidissima persona administrata venæsectio damnata fuisset.

Ecce benevole Lector quas habuerim causas scriptionis meæ. In qua si nova multa & à communi sensu aliena offenderis, scire te velim, nihil calumniandi animo, aut obtrectandi, sed de re medica & qui cum hac febre aliquando conflictabuntur bene merendi omnia dicta scriptaque esse. Quæ ut multis commodò esse cupio, ita te valere.

INDEX CAPITVM

Quæ hisce Libris de

SEMITERTIANA

Continentur.

LIBRO I

Nomen, Definitio, Genera, Differentiæ,
& Causæ internæ continentur.

- CAP. I. Synonyma & eorum ratio, Pag. 1
 II. De veterum & juniorum definitione, ib.
 III. De generibus Semitertianæ. Quæ propria
 & impropria, 2
 IV. De differentiis propriarum, ibid.
 V. Quæ sit Semitertiana Hippocratis, 3
 VI. De quatuor propriarum semitertianarum
 differentiis; & primum de iis, quæ ab
 essentia desumuntur, 4
 VII. De differentiis, quæ à magnitudine, 5
 VIII. De differentiis ab accidentibus, ibid.
 IX. De differentiis à more, & aliis, ibid.
 X. De causa proxima Semitertianæ, ibid.
 XI. De humorum putrescentium in hac febre
 variis mixtionibus, & quamam illæ, 6
 XII. De numero locorum, in quo humores pu-
 trescunt; an unus sit an plures, ibid.
 XIII. De locis putredinis intra & extra vasa,
 quid sibi velint, 7
 XIV. An putredo sit in vasis, an extravasa, &
 in quibus, 8
 XV. Intermittentium febrium putredines in
 vasis majoribus minoribusque consti-
 tisse, exemplis declaratur, 9
 XVI. A continuis febribus sublatorum històrie
 duæ memorabiles; & eorum dissectio
 quem putredinis locum monstrarint, 10
 XVII. Semitertiana propria an sit symptomati-
 ca, an primaria, & cur eam primariam
 scriptores fecerint, 12
 XVIII. Intermittentem febrem dari symptomati-
 cam, 13
 XIX. De causis antecedentibus (humoribus
 nempe) & putredinem efficientibus, 14

LIBER II

Causas externas, signa Diagnostica, &
Prognostica prosequitur.

- I. De Aere calido, humido, & inequali, 15

- II. Viētus ratio apud Moravos Pannonique
 producens Semitertianam epidemicam.
 Quæ sit, quæ sporadicam gignat, 16
 III. De signis diagnosticis universalibus, 17
 IV. De signis vera semitertianæ primi ordinis
 Galeni, 18
 V. De Typo semitertianæ secundi ordinis Ga-
 leni, & magni hemitritæi barbarorum,
 ibid.
 VI. De Typo semitertianæ minoris. Locus Ga-
 leni correctus, 19
 VII. De Semitertianæ exquisitæ Galeni Typo, 20
 VIII. De signis hemitritæi spurii primi ordinis
 Galeni, & quibus signis duplex tertiana
 ab hemitritæa spuria distinguatur, 21
 IX. De Typo compositæ semitertianæ cum ter-
 tiana, 22
 X. De prognosticis, quæ futuram semitertia-
 nam præagire possunt, ibid.
 XI. Tabidi an hac febre corripiantur. Tabidi
 vox variæ significationis, auctoris sen-
 tentia, 23
 XII. Omnem semitertianam propriam periculo-
 sam esse. Locus Hippocratis illustratus,
 24
 XIII. Verum brevis, an longa sit hæc febris, 25
 XIV. De crisi hujus febris, commutatione so-
 lutioneque per alios morbos, 25
 XV. De longitudinis & brevitatis febris, com-
 mutationis in alios morbos, & speciei fu-
 turæ criseos præcognitione, 27
 XVI. De signis per quæ morituros ægros plerum-
 que prævidere licet, 28
 XVII. De semitertianæ pestilentis Cornelii Gem-
 mæ symptomatibus, & prognosticis, 29

LIBER III

Curationis maximam partem absolvit.

- I. Hactenus neglectam hujus febris exactio-
 rem curationem, eam ratione moris, &
 motus febris differre, 31
 II. De venæ sectione, an hæc in omni specie
 semitertianæ adhiberi debeat, ibid.
 III. De

I N D E X C A P I T V M.

III. De loco <i>venæ</i> sectionis ,	33
IV. De quantitate sanguinis evacuandi ,	34
V. Quo tempore <i>vena</i> sit secanda ,	ibid.
VI. De Scarificationibus, cucurbitulis, frictio- nibus ,	35
VII. De Purgatione ,	36
VIII. De pulvere Comitæ de Harwick, & anti- monio præparato ,	37
IX. De Vomitoriis ,	39
X. De Clysteribus ,	ibid.
XI. De Alterantibus, de obstruentibus, putre- dini & malignitati resistentibus inter- nis ,	ibid.
XII. De externis remediis ,	40
XIII. De Periaptis ,	41
XIV. De malignæ semitertianæ internis externif- que remediis ,	ibid.
XV. De Pestilentem semitertianam curandi me- thodo per medicamenta interna & ex- terna ,	42
XVI. In Declinatione semitertianarum, Crisi, aut commutatione quid à medico præstari debeat ,	43

L I B E R I V

Victus rationem, curationem sympto-
matum huic feбри magis commu-

nium, recidivarum & commutatio-
num in alios morbos complectitur.

I. Aer qualis apud ægros eligendus parandus- que & quæ victus ratio instituenda in benigna febre ,	44
II. De victus ratione pro maligna & pesti- lenti ,	46
III. De curatione symptomatum & morborum, quæ frequentius huic feбри superveniunt, vel implicantur, vel post semitertianam comparent, & primum ad capitis dolo- rem ,	47
IV. Ad sitim ,	ibid.
V. Ad linguam asperam ,	ibid.
VI. Pro nausea & cibi fastidio ,	48
VII. Ad lumborum dolores ,	ibid.
VIII. Ad vigilias ,	ibid.
IX. Ad Lethargum ,	ibid.
X. Ad Phrenitidem ,	49
XI. Pro Vertigine, Epilepsia, Apoplexia ,	ibid.
XII. Ad alvi fluxum & Dysenteriam ,	50
XIII. De colicis doloribus ,	ibid.
XIV. De spurio dolore colico ,	56
XV. De Recidivis ,	57
Observatio Antonii Sabadini ,	59
Adriani Spigeli ad eam responsio ,	60

A D R I A-

ADRIANI SPIGELII
BRUXELLENSIS

DE

SEMITERTIANA,

LIBER PRIMVS;

Nomen, definitionem, genera, differentias, &
causas internas continens.

C A P. I.

Synonyma, & eorum ratio.



X febribus maxime nobilem nunc eligo considerandam curandamque, scilicet eam, quam Græci *ἡμι-τερσιαν*; Latini recentiores, Semitertianam appellant. Invenio in Plinii Valeriani libro *III*, cap. *II*, scriptum hoc: *Potio ad Hemitritæum,*

seve ad Leviscos. Alioquin ante hunc priscos Latinos non indidisse huic febrī nomen proprie Latini, testatur Poeta medicus Quintus Serenus Sammonicus his versibus:

*Mortiferum magis est, quod Græcis Hemitritæum
Vulgatur verbis: hoc nostra dicere lingua
Non potuere ulli, puto, nec voluere parentes.*

De nomine
huius febris.
unde dicatur
horrida,
unde semi-
tertiana.

Appellatur quoque à Galeno *Φεμιάδης πορείης*, id est, *febris horrida*; non quod cum horrore incipiat (nam hoc aliis multis accidit febribus quandoque intermittentibus, aliquando etiam continuis) sed quod alternis diebus magna accessionis pars horrores assumat. Dicitur autem semitertiana (si Agathino credimus, quem scribit Galenus de vocis huius origine & causa integrum librum olim, conscripisse) quod relata ad tertianam non secus atque huic per triduum Semitertianæ accessiones accedant. Nonnulli, teste eodem Galeno libro *de typis*, cap. *IV*, ajunt ita nominatam fuisse quemadmodum semicirculum & semiglobum, ipsam tertiani circuitus dimidio minorem esse asserentes. Alii vero putant, Semitertianam dici, quo pacto hemiolion, id est, sesquialterum numerum, quasi diceret sesquitertianam. Nam quemadmodum tertianæ paroxysmus per duodecim horas durat, sic semitertianam ajunt duodecim horas tertianæ in se complecti, & præter has alias quoque, quibus perdurat paroxysmus, nempe dimidium tempus tertianæ, quod est sex horarum. Ita ut tota Semitertiana se extendat ad octodecim scilicet horas. Thessalus Semitertianam dicit dictam fuisse ex eo, quod sit dimidio major, quam tertiana extensa. Galenus, quem sequor, lib. *II de Febribus*, cap. *XII*, sic appellatam arbitratur, quod dimidiam partem tertianæ, & alteram dimidiam quotidianæ retineat. Sic dici semiasinum cum ad ejus compositionem pro altera parte asinus, pro altera equus conveniant: & semideum, quando dimidia parte deus

monstratur, altera vero hominis forma. Et profecto vulgus Semihominem nuncupat picturam, quæ dimidia parte & maxime superiore hominem æmulatur; altera vero, scilicet inferiore, piscem.

Quæ cum ita sint, interrogare aliquis hic me posset, *cur hac febris non fuerit potius dicta semiquotidiana, quam semitertiana*, præsertim cum tertiana, quæ cum quotidiana conjungitur, per triduum tantum semel conspiciatur invadere, quotidiana vero singulis diebus? Huic respondemus. Quia tertiana commixta quotidianæ longe sit non tantum Medico, sed etiam astantibus ob symptomatum vehementiam & febris ejusdem tertianæ in pluribus aliis ægris frequentiam manifestior ac notior; cum quotidiana minus sit frequens in aliis ægrotantibus, & sæpe in Semitertianæ initio latere videatur, ita ut ægroti haud se febricitare putent eo die, quo videntur à tertiana liberi, sed levi quadam lassitudine pressi ad domesticas res obeundas de lecto surgant, vel ad publica officia exercenda extra domum vagentur. Quotiesque frequentius tertiana intermittens in hac febre prius hominem adoriatur, quam quotidiana, quæ sæpe post primum, secundum aut tertium paroxysmum tertianæ subsequi paulatim solet, rarius ilico cum ipsa tertiana eodem die invadere. Idcirco credo aliquem ex peritioribus antiquis medicis prius fuisse deceptum, qui nondum id febris genus animadvertisset, & initio hanc febrem simplicem tertianam putasse, ac mox subodorata fraude quotidianæ subsequenti, semitertianam nominasse. Hæc de nominum huius febris origine & causis dicta sint satis.

Cur non
fuerit dicta
semiquoti-
diana.

C A P. II.

De Veterum, & Juniorum definitione.

Admirabitur fortassis quispiam, cur tot hominum sententiæ de ratione vocis Semitertianæ fuerint. Verum is facile omnem admirationem remoturus est, si perceperit quid per Semitertianam veteres & recentiores intellexerint, non satis constare. Nam ut à Græcis incipiam, Agathinus, teste Galeno *Loco citato*, eam tertianæ speciem, quam Galenus productam & extensam nominavit (quæ ultra octodecim horas prorogatur, & aliquando vigintiquatuor horas, interdum triginta sex, pluresve perdurat) Semitertianam vocavit ipsam inter intermittentes febres collocans. Archigenes quoque eodem in genere, intermittentium scilicet, eam

Cur tot de
hac febre sint
sententiæ.

xvii.
xxiv.
xxxv.

A

cet, eam

cet, eam posuit, & ad tertianam ac quotidianam transtulit. Thessalus febrem, quæ dimidio sit major quam tertiana extensa, in modum quotidiani circuitus, ut sit horarum vigintiquatuor. Galenus continuam febrem facit, eam nempe quæ ex duabus febribus, tertiana scilicet & quotidiana, alterutra intermittente vel continua copulatis constat. Si Latinos audiamus, Celsumque præcipue, hic videtur proximus esse sententiæ Agathini, dum sic scribit *lib. III, cap. VIII*: *At ubi id genus tertianæ est, quod Hemitritæum Medici appellant: quibus paucis interpositis subjungit; porrigiturque febris inter horas vigintiquatuor & triginta sex.* Statuitque paulo post in ea veram remissionem. Recentiorum præctici quidam, barbari dicti, febrem ex continua & intermittente compositam, Semitertianam nuncupant.

Gordonius, quia compositiones harum febrium possunt esse multæ, ait omnes reduci posse ad tres species, tanquam ad magis notas. Prima, ex quotidiana continua & tertiana intermittente: secunda, ex tertiana continua & quotidiana intermittente: tertia, ex quartana continua & tertiana intermittente constans. Ex quibus patet, quorundam Semitertianam simplicem esse febrem, nempe unam ex intermittentibus tertianis: nonnullorum vero compositam, eamque continuam.

C A P. III.

De Generibus Semitertianæ, quæ propriæ aut improprie.

Ed quoniam ad clariorem doctrinam prius determinare convenit, quid nos in hisce libris per Semitertianam intelligamus, tanquam de re magis quam de nomine solliciti, dicemus primum, Semitertianæ vocabulum duplicem significationem in se continere; laxam scilicet, & strictam. Laxa videtur posse febrium & intermittentium & continuarum species aliquas complecti: stricta vero, febrem continuam compositam ex quotidiana & tertiana. Ergo in laxa significatione sumens, Semitertianam duplicem statuo; impropriam, & propriam seu veram. Impropria, aut intermittens est, ut tertiana producta, quæ Semitertiana Agathini & Celsi appellanda est: aut continua, ut quando febris tertiana intermittens, cum quartana continua permiscetur, quæ vocatur Barbarorum major Hemitritæus, aut Semitertiana majoris famæ: aut quando tertiana intermittens vel continua cum febre symptomatrica, pleuritide scilicet, peripneumonia, hepatitide, splenitide, phrenitide, aut quacumque alia; quæ ab inflammatione alterius cunjunctis visceris orta sit, componitur. Propria Semitertiana, est febris composita ex tertiana & quotidiana, de qua potissimum nunc agere institui.

C A P. IV.

De differentiis propriæ.

Am à duplici fonte diductas plures differentias propriæ Semitertianæ proponamus: nempe ab iis tertianæ & quotidianæ speciebus, quæ huic inesse dicuntur; & ab iis, quæ eidem superveniunt. Etenim tertiana quæ cum quotidiana componitur, modo intermittens est, modo continua: &

rursus quotidiana quæ cum tertiana commiscetur, alia est continua, alia intermittens. Si tertiana intermittens cum quotidiana continua conjungatur; Galeni vera Semitertiana dicenda est, & primi ordinis. Nam *libro de Febribus* sic ait: *Hemitritæus dimidiam sui ipsius partem habet tertianam, alteram autem dimidiam quotidianam continuam.* Pariter si tertiana continua cum quotidiana intermittente conjungatur, Semitertiana quoque Galeni appellanda: sed secundi ordinis, ad alterius distinctionem. Nam eodem libro sic scribit: *Vna igitur sola adhuc mixtio relinquitur ex quotidiana intermittente & biliosa continua, quæ & ipsa potest continuam simul atque horridam febrem efficere.* Quod si febris occurrat tertiæ compositionis, in qua tertiana continua cum quotidiana continua permiscetur, nequaquam hæc à Galeno inter Semitertianas collocabitur, dum sic scribit *Loco citato*: *Non tamen ex duabus continuis, quarum altera biliosa, altera pituitosa sit, potest Hemitritæus consisterere.* Adjungit causam: *Quoniam, inquit, hæc commixtio febrem horridam & quæ multas habeat reduplicaciones non facit.* Placuit tamen nonnullis recentioribus hanc majorem Hemitritæum appellare, & spuriam Galeni Semitertianam: cum tamen Galenus Hemitritæi spuriae nomen ei, quod equidem sciam, nullibi adscribat; sed spuriam Hemitritæam appellet, in qua humor pituitosus prævalet copia bilioso; vel biliosus, pituitoso.

Est & quarta compositio quædam duarum harum febrium, quotidianæ scilicet & tertianæ intermittentium, quam etiam recentiores, Galeni spuriam Semitertianam perperam appellarunt cognomento minorem. Nam Semitertiana à Galeno hæc nunquam vocatur, propterea quod omnem Semitertianam inter febres continuas ponere voluerit, hæc vero sit intermittens. Nisi velimus dicere Galenum, quando scribit *libro de typis*, intermittentem Semitertianam aliquando reperiri, hanc intelligere intermittentium duarum febrium tertianæ & quotidianæ compositionem, quod tamen ejus doctrinæ secundo de febribus traditæ repugnare videtur: *Non igitur, ait, hæc febris Hemitritæus erit, siquidem ex numero continuarum Hemitritæus existat.* Quod si etiam in utroque genere (scilicet continuarum & intermittentium) Hemitritæus collocetur, non hæc tantum, sed multæ aliæ febres Hemitritææ vocabuntur. Ego vero ut clarior doctrina procedat, hanc appellabo parvam Hemitritæum. Nam & hæc non secus ac vera Galeni, horrores inducere potest periodicos, eoque quotidie. Tertiæ vero compositionis febrem, magnam Hemitritæum appellabimus. Quapropter ex quatuor duarum febrium tertianæ scilicet & quotidianæ copulationibus quatuor species Semitertianæ propriæ nascuntur. Prima, vera Galeni primi ordinis. Secunda, vera ejusdem secundi ordinis. Tertia, magnus Hemitritæus Barbarorum. Quarta, parva à nobis nuncupata, quam videor posse commodè ex Galeno *lib. II de Febr. cap. VII*, Archigenis Hemitritæum appellare. Invenio apud Hippocratem febris cujusdam factam mentionem, quam *τελειοφύλω* appellat, id est, tertianæ naturam referentem. Galenus sic febrem continuam appellat, quæ tertio quoque die invalescit. Hippocrates quidem Ionicus, teste Erotiano in *Onomastico*, inquit, *τελειοφύλῳ tertianas appellari, euphonia causa*: Philonides vero Siculus febres, quæ continuæ sunt, in ordinationem ostendentes:

ostendentes : indicare vero inordinationem in sinceritate, facta intermissione proprium est tertianæ. Recte quidem indicantes inordinationem, non habentes autem sincerum medium intervallum, ita nominavit. Quandoquidem multam similitudinem habent ad tertianam. Sunt autem febres, quæ appellantur πυρεὶ ἡμίτερται, id est, Semitertianæ parvæ.

C A P. V.

Quæ sit Semitertiana Hippocratis.

Q Væritur jam dudum à Scriptoribus, quænam sit febris illa, quam Hippocrates Hemitritæum appellavit, cujus plurimis in locis, at præcipue in libris Epidemiorum, mentionem fecit. Sitne continua an intermittens, an utriusque naturæ particeps dubitatur. Sane autor libri, qui *Introduçtorius* inscribitur, & Herodotus putatur, Semitertianam modo inter continuas, modo inter intermittentes posuit; secutus fortassis duo Hippocratis loca, in quorum altero pro intermittente videtur haberi; in altero vero, pro continua. Prioris hæc sunt verba lib. I. *Epidemiorum*: *Inter febres quedam continuæ sunt; quedam interdum tenent, nocte intermittunt: nonnullæ Semitertianæ sunt, tertianæ, quartanæ, quintanæ, septimanæ, nonanæ.* His verbis Semitertiana una cum intermittentibus numerari videtur. Ut propter hanc causam non mirum sit, Archigenem & Agathinum hanc pro febre intermittente accepisse. Rursus tamen eodem libro hæc scripta extant, quæ sunt posterioris loci verba: *Erant vero eorum plerisque passionibus ejusmodi, febres horridæ, continuæ, acutæ; omnino quidem non intermittentes. Modus vero erat Hemitritæus.* Supra quem locum commentans Galenus scribit, Hippocratem appellare *Hemitritæum horridum, atque continuum, quem facit tertiana, quotidiana continua permixta.* Idcirco lib. de differ. febr. II, invehitur in Archigenem, quod naturam hujus febris non recte affecutus, intermittentem esse scripserit. Et Agathinum quoque miratur, quod tertianam productam, Semitertianam appellaverit, & non extensam tertianam, ut quotidianam & quartanam febres, quas idem extensas vocabat. Ego vero, qui apud Hippocratem continuam febrem fuisse judico genus febris omnes quatuor præscriptas species continens, quid adferam pro mea opinione, & pro Galeno defendendo ad eum Hippocratis citatum locum, quo Semitertianam in catalogo intermittentium recensuit? Sane nil aliud, quam quod non expresse ibi Hippocrates febrem esse intermittentem dicat, cum ipsam ponat ante intermittendum species, quas enumerat, *tertianam* videlicet, *quartanam, quintanam, septimanam, & nonanam, & statim post continuas, quæ noctu intermittunt, interdum tenent.* Quod si quis sit, qui hic aut alibi Hippocratem habere pro intermittente nihilominus asserat, id ei concedemus, modo intellexerit bifariam veteres usos fuisse continui & intermittētis nomine. Nam *continuas*, inquit Galenus in commento supra hunc locum Hippocratis, *vocant febres quandoque non omnes, quæ ad integritatem non desinunt, sed solas præcipue illas, quæ omni carent usque ad judicium mutatione.* Ita *intermittentes interdum appellant illas solas, quæ in integritatem finiunt: interdum eas, quæ non finiunt in integritatem, sed insignes faciunt mutationes singularum accessuum, in initium, incrementum,*

vigorem, & remissionem. At Medici quidam juniores, quæ nullam magnam mutationem habent πυρεῖς, non continuas; ceterum continentes (πυρεῖς) nominant. Continuas autem has solas, quæ non veniunt ad integritatem, & intermittunt singulis accessibus. Has vocant antiqui interim continuas, interim intermittentes. Nam sunt certe inter continuas & desinentes in integritatem mediæ. Proinde recte ubi cum synochis conferuntur, intermittentes appellantur; cum ad integritatem venientibus, continuæ. Hoc loco differentiam febrium Hippocrates scribens, aliquas esse earum continuas dicit: & sunt quidem in utroque continui significato continuæ multiæ. Hactenus Galenus. Iam obtrudes mihi fortassis Galeni librum de typis, in quo hæc leguntur: *Est autem non semper continua, verum & intermittens reperitur Semitertiana febris.* Ecce igitur quomodo hic dicit, intermittentem reperiri, cum eam ubique scribat ex mente Hippocratis esse continuam. In uno loco, quod affirmavit, id in altero negare videtur. Docti viri incidentes in hunc locum proxime citatum, negant propter contrariam hanc sententiam, hunc librum esse Galeni, qui de typis inscribitur. Sed scire hos convenit, propositionem istam, *non semper continuam esse Semitertianam*, Galeni doctrinæ non reclamare, quæ passim apud eum de continuitate hujus febris reperitur in variis libris, nec etiam nostræ opinioni, si diligenter perpendatur. Nam Galenus in libro isto de typis loquitur aut ex mente sua & aliorum simul; aut ex propria tantum. Si loquitur ex mente sua & aliorum simul, verissimum est quod dixit, continuam esse, nempe veram suam primi & secundi ordinis. Si vero ex propria hæc scribat, aliter sunt exponenda Galeni verba, quam prima facie accipiuntur. Vult enim docere Galenus, suam veram Semitertianam non semper esse continuam, totius nempe morbi temporibus omnibus. Nam in principio & declinatione potest esse intermittens; in augmento atque in statu semper continua. Exemplum producam juvenis, qui circa finem autumnii tertiana cum horrore correptus sit; secundo die ab omni febre immunis exstat; tertio rursus tertiana horrida eumprehendat; quarto lene frigus extremarum partium in fine tertianæ antecedentis, initium quotidiani cujusdam circuitus per octodecim aut viginti horas perdurantis: tum iterum redeunte tertio paroxysmo tertianæ post viginti quatuor horas, simul quoque cum ipsa quotidiana paroxysmus confundatur, & uterque simul per horas viginti duas perduret, aut tertiana paulo citius abeat quotidiana. Inde sequentibus diebus augescente utraque febre prolixior jam fiat utriusque paroxysmus, & ubi vigorem superarit breviores paulatim rursus fiant paroxysmi quotidianæ. Quis hanc non dicet Semitertianam, & quatenus quotidie in initio & fine ad infébricitationem perveniebant febris quotidiana tertianaque, intermittentem statui oportere; quatenus vero in augmento & statu prolongatorum paroxysmorum quotidianæ unus ingrediebatur alterum, continuam recte dici. Iam & alternis diebus contingere potest, ut intermittat aliquo tempore morbi, maxime vero initio vel fine: ut si tertiana cum quotidiana vigintiquinque seu vigintifex horas perdurante simul invadat: altero vero die anticipet quotidianæ circuitus per duas, tres vel quatuor horas. Sed etiam parvus Hemitritæus, etsi ex duabus intermittentibus

Obediō.
Iste etiam
Semitertiana
nas inter-
mittentes.

bus febribus componatur tertiana & quotidiana, tamen ut plurimum ad continuitatem pervenire animadvertitur, aliquo totius morbi tempore per anticipationem paroxysmorum quotidianæ & tardio- rem regressum tertianæ, vel hujus productionem. Hanc continuitatem si Galenus considerasset, omnino parvam Semitertianam ex Semitertianarum numero non expulisset, cum & hæc horrores inducat. Igitur ut ad institutum sermonem redeamus, recte & vere hæc scripsit in libro de typis Galenus: Ἐστὶ δὲ ὁ πᾶντοῦ σιωχῆς, ἀλλὰ καὶ ἀλλεί-
πων ἐν ἐσχέσει: quod sic sonat ad verbum, *Est autem non omni tempore continua, sed etiam (aliquo scilicet tempore) intermittens reperitur.* Quod adhuc apertius declarat in commentario in primum Epidemiorum. Cum enim prius dixisset Hippocratem ibi numerare diversas species febrium; eas scilicet, quæ ad integritatem veniunt clare, intermittentes proprie dictas, & alias quæ remittunt, continuas; subjungit: *Tertiana & quartana clare ad integritatem veniunt. At ex Semitertianis quedam utraque incedunt via: quedam altera tantum, earum quæ ad integritatem non veniunt.* Patet igitur Galenum libro de typis verum dixisse, intermittentem Semitertianam aliquando fieri, esse tamen continuam.

Tex. 2.

C A P. V I.

De quatuor Propriarum Semitertianarum differentiis: & primum, de iis quæ ab essentia desumuntur.

Quatuor jam enumeratæ Semitertianæ species videntur potissimum essentia, magnitudine, accidentibus, more, causa proxima, & denique compositionis variæ, duarum febrium tertianæ & quotidianæ modo differre. Nam singulæ vel sunt exquisitæ, vel non exquisitæ; vel magnæ, vel parvæ, aut inter has mediæ; vel hoc, aut illo symptomate conjunctæ; vel benignæ, vel malignæ: biliosæ, pituitosæ, exquisitæ, confusæ, complicatæ. Appello nunc exquisitas, quando singularum specierum febres, ex quibus componuntur Semitertianæ, in causis, signis, & idea exacte & perfecte naturam suam observant. Exempli gratia, Semitertiana primi ordinis Galeni, exquisita à me nominatur, quando tertiana exquisita quotidianæ continuæ exquisitæ permiscetur. Non exquisita, quando tertiana simplex intermittens vel producta quotidianæ continuæ non exquisitæ copulatur: Aut quando tertianæ spuria productæve quotidiana continua exquisita copulatur. Sic quoque ea, quæ est secundi ordinis Galeni, erit exquisita, quando exquisita tertiana continua exquisitæ quotidianæ intermittenti immiscetur. Non exquisita, quando alterutra febrium, aut utraque spuria existunt.

Exquisita.

Non exquisita.

Idem de parva Hemitritæo, & magna dico. Sed Galenus & quotquot ejus doctrinam sequuntur, exquisitam Semitertianam appellant eam, quæ ex quotidiana continua & tertiana intermittente componitur, & pari copia humores putrefactos, ex quibus oritur, habet. Sic etiam Fernellius exquisitam Semitertianam vocat, in qua tertianæ continuæ quotidiana intermittens jungitur.

An revera dari possit febris Semitertiana primi ordinis exquisita.

Movere hic aliquis dubium posset, *an revera distincte dari queat febris Semitertiana primi ordinis Ga-*

leni exquisita; propterea quod tertiana permixta quotidianæ continuæ, exquisitæ tertianæ naturam prorsus obscurat. Ut propter hanc causam Galenus tantum voluerit eam appellare Semitertianam exquisitam, quæ ex simplici tertiana & continua quotidiana componitur. Ad hoc dico, quod quotidianæ continuæ exquisita tertiana intermittens implicari potest. Nam apud Galenum lib. de Crisib. habemus exemplum mulieris Semitertiana correptæ, una cum alia exquisita tertiana. Forestus, lib. v. *Observationum medicinalium, Observ. xviii*, alterius mulieris admodum biliosæ narrat similem historiam. Si itaque in Semitertiana contingere potest, ut ei jungatur tertiana exquisita; cur non etiam potest jungi tertiana exquisita quotidianæ continuæ? Nec hoc reclamatur doctrinæ Galeni, quando determinat exquisitam Semitertianam ex tertiana intermittente & quotidiana continua componi: quia tertiana intermittens potest esse exquisita magis, & minus. Sed illud hic adjungendum, quod Galeni & recentiorum Semitertianæ exquisitæ accidere possit, ut tertiana intermittens sit spuria, & quotidiana sit spuria, & ex duabus febribus spuris una Semitertiana exquisita resultet. Quia in hac sit utriusque humoris, ex quibus oritur Semitertiana, æqualis copiarum concursus: quod nostræ Semitertianæ primi ordinis Galeni non contingit.

Amplius adhuc dubitari potest, *an detur febris continua periodica exquisita, nec ne*; propterea quod ejus nulla sit facta mentio apud veteres, ut aliarum intermittentium, ob earum continuitatem. Neque enim febris continua una, altera videtur esse magis aut minus continua. Quod si ita est, Hemitritæa magna à me nominata non recte dicitur exquisita, & non exquisita. Huic objectioni occurrit, si dicamus naturas febrium continuarum periodicarum, longe esse intermittentium naturis obscuriores: & ideo nullam esse factam à veteribus mentionem febris quotidianæ vel tertianæ continuæ legitimæ & illegitimæ, vel exquisitæ & non exquisitæ. Si quis tamen velit curiosius animo concipere typos & formas febrium intermittentium, poterit etiam ex iis continuas quotidianas, & tertianas & quartanas exquisitas pernoscere. Nam quotidiana continua alia est per superingressum paroxysmorum, ut dicunt practici, alia vero simpliciter continua existit. Illa non exquisita dicitur quotidiana continua; hæc vero dicitur magis exquisita, quo lentius ad vigorem ejus exacerbatio perducitur, ut quotidiana intermittens. Sic tertiana continua non exquisita existit, quæ spuria productæ longissimæ intermittentis horas excedit, aut quæ antequam vera est quies, tertio die anticipando per tres, quatuor, pluresve horas continuatur, ob novum ingressum paroxysmi incipientis cum frigore vel horrore. Sic & quæ exquisita est continua, præterquam quod tertio quoque die exacerbetur sine rigore, horrore vel frigore, cito ad vigorem adscendit, & tarde declinat, nulla integritate post se ullo tempore relicta. Hæc quam aptiori loco inter signa essent recensenda, tamen ad probandum & clarius docendum exquisitas & non exquisitas febres continuas periodicas dari, hoc loco ea proferre coactus fui.

An detur febris continua periodica exquisita.

C A P. VII.

De Differentiis, quæ à magnitudine.

Cæterum quod ad quatuor Semitertianarum magnitudines spectat, illæ hic à me considerantur in singulis generibus ratione magnitudinis periodorum, hoc est, brevitatis & longitudinis, majoris vel minoris acuminis. Galenus libro de Typis tradens differentias, quæ à magnitudine in hac febre desumuntur, hæc ait: *Habet autem tres in magnitudine differentias: nam una, parva; altera, media; tertia, magna Semitertiana est. Parva igitur est, quæ circa vigintiquatuor horas vertitur: media, quæ circa triginta sex: magna, quæ circa quadraginta octo, quæ profecto continuæ febris proxima est.* Quæ si de Agathini Semitertiana, ut ex sequentibus verbis apparet, dicta sint, verissima esse comperiemus. Nam febris tertiana extensa, alia brevis est, alia media, alia longa. Brevis ad vigintiquatuor horas se extendere potest; media, triginta sex: quæ vero ultra has horas prolongatur, usque ad quadraginta octo, longa dicitur. Ita ut omnes hæ differentiæ amplam quandam latitudinem singulæ adhuc in se contineant. Nam parva etiam dicitur, quæ ultra octodecim horas prorogatur, & infra viginti quatuor horas perdurat; ut quæ vigesima hora terminatur: sic & media, quæ ultra viginti quatuor horas, non tamen ultra triginta sex se extendit: longa vero, quæ omnibus horis terminatur, quæ intercidunt intra horam trigessimam septimam & quadragessimam octavam. At de veris Galeni Semitertianis, quod continuæ sint, hæc vera esse nequeunt. Hæc enim scribit lib. I Epidemiorum, com. III, text. v: *Atqui sane qui ajunt, si horas quatuor & viginti quis febre facit, mediam cum Semitertianam habere, in numero habent talem febrem intermittentium.* Sic etiam qui mediam & parvam à magna distare horarum numero ferunt, studentes utraque ad integritatem deducere, ab Hippocratis sensu discedunt, dum in febribus intermittentibus ponunt Semitertianam. Nisi velimus dicere, nomen Semitertianæ loco è de Typis citato à Galeno accipi abusive pro ea tertiana, quæ quotidianæ permiscetur, & Galenum metiri magnitudinem Semitertianæ à tertianæ magnitudine cum quotidiana conjunctæ. Ita eveniet ut parva, quam circa vigintiquatuor horas hominem torquere statuit, duodecim horas in latitudine, quemadmodum etiam aliæ duæ, complectatur. Siquidem tertianam exquisitam, quæ ad duodecim horas se extendit; & simplicem, quæ ad octodecim; & extensam parvam, quæ ad vigintiquatuor horas prolongatur, comprehendere potest. Ita parva Semitertiana erit Galeno, quæ febrem habet quotidianam continuam cum exquisita, simplici, parva, extensa tertiana conjunctam: Media vero, quæ cum media extensa: Magna demum, quæ cum longa extensa copulatur. Hanc videor ex Galeno eodem libro nominare posse Semitertianam extensam, cum τὴν παρατεταμένην ἡμετέραν τύπιν protense Semitertianæ mentionem faciat. Verum Galenus, post citata ex libro de typis (quem mendosum aut non integrum esse suspicor) verba, examinans opinionem eorum, & præcipue Agathini, qui nominis Semitertianæ causam referre conati sunt facta comparatione ad tertianam, prorumpit in hoc

quæsitum: *Utrum igitur horis an intervallis Semitertiana signabitur?* Respondet: *Secundum quidem Agathini opinionem, nec horis, nec intervallis. Hæc enim utraque adscriptam habent magnitudinem (ἀνὰ πόσους ὥρας ἢ ἀνὰ μέτρα).* Riccius vertit: *utraque enim hæc haudquaquam præscriptam magnitudinem habent.* Legendum forte: aut horis, aut intervallis. *Hæc enim utraque adscriptam magnitudinem habent.* Semitertiana vero indefinitam habet in latitudine horisque subsequenter constitutionem.

C A P. VIII.

De Differentiis ab accidentibus.

Ab iis quæ superveniunt quatuor Semitertianæ speciebus, aut eas concomitantur, simplex Semitertiana, vel composita cognominatur. Nam si nullus morbus, nullumve symptoma ei adsit, quod formæ simplici prædictarum quatuor Semitertianarum non convenit; simplex est cognominanda: è contrario vero, composita; ut si Semitertianæ alia febris tertiana vel quartana implicetur. Si pestis adfuerit, pestilens Semitertiana proprie appellatur. Si strangulationes ab utero; quales Hippocrates observavit lib. VII Epid. in uxore Apomoti, præter cardialgias & vomitus circa accessiones: si colici dolores aut dorfi, viscerum inflammationes, tabes, & alia ejus generis plura quæ in secundo libro recensentur, fuerint conjuncta, maligna.

C A P. IX.

De Differentiis à more & aliis.

Maligna Semitertiana non est cum pestilenti confundenda. Habet enim hæc, præter ordinariam Semitertianæ putredinem, quoddam pestis venenum, & inexplicabile ejus seminarium. Illa vero, prava & malignos quosdam mores, ortos ab excellenti quadam putredine. Rursus maligna alia contagiosa est; qualis annis superioribus magnam Italiæ partem invasit: alia vero, sine contagio. Differt etiam contagiosa à pestilenti. In hac enim, vera pestis signa cernuntur; in illa, nequaquam. Quamquam non me lateat quosdam contagiosam, epidemiam, & pestilentem confuisse. Porro biliosam & pituitosam appellarunt scriptores, in qua alteruter humor putrefactus exsuperat. Exquisitam etiam, quæ ex pari humorum portione conflatur, quocunque in loco consistat. Confusam & complicatam appello, ex Galeni libro II de Crisibus, cap. VII, quando causæ & formæ febrium quotidianæ & tertianæ prorsus aut confunduntur, aut complicantur. Complicationem hanc fieri ait quadrupliciter: Ex tertiana quotidianæ commixta: vel ea, quæ quotidie accessionem habet continuæ illi, quæ per tertium continua est: vel tertiana ei, quæ singulis diebus accessionem facit: vel quotidiana ei, quæ per tertium continua est.

C A P. X.

De causa proxima Semitertianæ.

DVplex statuitur humor putredinem habens, causa proxima Semitertianæ propriæ: bilis nempe excrementitia & pituita. Inter Barbaros quidam

dam practici duas quasdam improprias Semitertianas, quatuor propriis enumeratis adjungentes (ut eam, quæ ex tertiana continua & quartana intermittente constat; & alteram, quæ ex quartana continua & tertiana intermittente) melancholicum humorem aut atrabilem putrefactum prædictis duobus humoribus addunt. Ita ut in universum trium humorum varia permixtio omnem Semitertianæ speciem constituat, tum propriæ, tum improprie, simplicis atque compositæ.

Simplex omnis Semitertiana duos humores ex tribus jam dictis pro causa sua proxima agnoscere dicitur: composita vero interdum duos, veluti cum febre tertianæ exquisitæ Semitertiana vera adjungitur: aut tres, ut quando eidem Semitertianæ quartana se adjunxit. Galenus causam docens suarum Semitertianarum, nempe primi & secundi ordinis, pituitam cum bile permixtam esse asserit. Sic enim in *lib. de Febris* inquit: *Si pituita putrescens, ex qua febre illam, quæ singulis diebus accessionem facit, accendi dicebamus, misceatur amara bilis humori, ex quo tertiana gignitur febris, duplex jam causa ac dispositio conjungetur. Alter siquidem humor affert quotidie accessionem: alter vero, tertio quoque die.* Permiscetur autem hi humores variis proportionibus. Si pituitæ ac bilis æqualis fiat temperatura, ita ut ambæ sint æquipotentes, Semitertiana non modo exquisita Galeni, sed & aliarum specierum excitatur. Si vero flava bilis parva portione exsuperet pituitam, aut hæc bilem, simplices Semitertianæ exsurgent, aut non exquisitæ. Si vero multum alteruter humor abundarit, spuria pituitosæ vel biliosæ cognominatæ provenient, tantoque à natura simplicis recedent, quanto humoris alterutrius copia vincere videbitur. Similem quoque bilis ac melancholiæ putrescentis, comixtæque proportionem per te ipsum excogitare poteris, ad causam proximam Semitertianarum improprium cognoscendam. Verum quod ad quatuor Semitertianarum propriarum causas proximas attinet, tantum loco differre putantur, in quo consistunt.

C A P. XI.

De Humorum putrescentium in hac febre variis mixtionibus, & quenam illæ.

Mixtionis humorum due species.

Sed de hoc antequam ulterius quidquam proferam, prius curiosius indaganda humorum jam dictorum permixtio est; qualis nempe ea sit in nostro corpore. Et primum hic scire convenit, mixtionis humorum duas esse species: unam, in qua confunduntur non secus atque elementa aut vinum, dum aquæ infunditur: ita bilis & pituita in tertiana & quotidiana spuris permisceri sibi invicem putantur; alteram, in qua non confunduntur, sed tantum conjunguntur partes cum partibus, quam Galenus *lib. 11 de Crisibus, cap. 19*, complicationem videtur nominasse. Talis permixtio bilis & pituitæ solet in dysenteria notari, cum pituitæ partes in excretis apparent, quibus bilis circumfunditur. Existimo ego ex Galeni placitis recte asseri posse, in omni Semitertiana propria utrumque humorem permixtum utraque mixtione posse putrescere; siquidem Semitertiana ex spuria quotidiana continua & tertiana producta constet. Nam in quo-

tidiana spuria, bilis minor portio cum majori pituitæ portione suis in locis confunditur. Et in tertiana spuria pituitæ minor portio cum majori bilis quantitate. Sed antequam confundantur simul, quod fieri arbitror à nostro calore, primum per portiones implicari necesse est. Non enim uno eodemque loco uterque humor generatur: sed in diversis genitus, ex iis in unum vel plures confluere potest, atque hic utroque modo commisceri. Cæterum in impropriis Semitertianis aliter evenit. Humores enim sive sint unus, ut bilis; sive plures, ut pituita, simul aliquando implicantur; sed sæpius separati disjunctique consistunt. Is enim humor, qui peripneumoniam facit aut hepatitis aut aliquam aliam visceris cujuscumque inflammationem, quotidie noctu magis accenditur; interdum, minus.

C A P. XII.

De numero locorum in quibus humores putrescunt, an unus sit; an plures.

Verum de locis, in quibus putrescunt humores, quot numero sint & quinam, dicendum est. Nam aut unus esse potest locus, aut plures, ut duo, vel tres. Quod unus esse possit, duo nobis persuadere queunt; natura hujus febris, & causa. Nam natura febris videtur esse simplex, quamvis singulis diebus suas habeat accessiones in modum duarum febrium. Simplex febris simplicem & unicum habet locum, qui conservat focum putredinis. Ita veteres febribus intermittentibus simplicibus unum locum adscripserunt; continuis pariter alterum his proprium. Quod autem simplex sit, probatur ex duorum mixtione, alioquin duæ jam essent febres, & non unica. Imo talis tantumque est febris utriusque, ex quibus Semitertiana fit, mixtio, ut in Semitertiana primi ordinis Galeni ea, quæ tertio quoque die tertianam intermittentem æmulatur, cum quotidiana sæpe prorsus confundatur: & rigores, horrores, aut frigus uno eodemque tempore in totum permixti compareant. Galenus *lib. 11 de differ. Februm, cap. vii*, cum dixisset, Semitertianam esse mixtam febrem ex tertiana & quotidiana; & ideo horrorem inferre rigore, qui tertianæ solet esse magis proprius, minorem; & frigore, quod quotidianæ initio monstratur, majorem, hæc addit: *Non abs re huic febrim nomen Hemitritici inditum est. Nam ex quotidiana continua & tertiana intermittente tota ejus natura confusa dimidiam partem utraque ex dictis febribus retinet. Et postea eodem libro, cap. viii*, subjungit causam confusionis: *Idcirco, inquit, tertiana quidem cum quotidiana continua confusa facit Hemitriticum, cum neque utraque continua, neque utraque intermittens ejusmodi queat febrem generare. Ideoque in 11 de Crisibus Hemitriticum ponit mixtam febrem ex biliosa & pituitosa, non jam invicem complicatis, sed per se totas confusis.* Causa quoque febris unum esse locum arguit, nempe mixtio duorum humorum aut plurium, quæ auctoritate Galeni convincitur, & sensibus demonstratur. Etenim in *lib. de differ. Februm* hæc scribit: *Si pituita putrescens, ex qua febre illam quæ singulis diebus accessionem facit, accendi dicebamus, misceatur amara bilis humori, ex quo tertiana gignitur febris, duplex jam causa ac dispositio conjungetur. Alter siquidem humor*

Quod unus sit locus.

humor adfert quotidie accessionem; alter vero, tertio quoque die. Videmus præterea quotidie in patientibus hanc febrem per vomitum, per secessum, bilem & pituitam sibi invicem confusas excerni; & sudores, quos habent præpingues ac viscidos, eorundem humorum confusionem satis declarare. Quin & in urinis sæpe talis quædam permixtio utriusque humoris animadvertitur. Nam crassæ sunt ac coloratæ, bullis & spuma coronam solam cingentibus, interdum & totam superficiem urinæ tegentibus, quæ, postquam mixta est, non evanescent, nec diffiliunt: ut in urinis biliosis, quæ in tertianis mingi consueverunt; sed permanent interdum in plures dies ob pituitæ visciditatem, per serum & bilem commixtæ etiam intra venas. Ratione igitur mixtionis factæ vel confusæ, vel per minutas partes ex duobus humoribus una massa, unumve corpus constitueretur, quod unum locum, non bina, putrescens habere necesse est. Quapropter his adductis rationibus unum locum putrescentis materia assignare oportebit in Semitertiana.

Quod duo loci sint.

Rursus quod duo sint, pariter probari potest ex iisdem rationum fontibus, scilicet ex natura Semitertianæ, & causa proxima. Vtræque enim duplices censentur. Nam duæ febres implicitæ sibi invicem, ut loquuntur, & quæ in diversis horis incipiunt, diversisque desinunt (tales sunt, quæ in Semitertiana videntur) suas habent essentias singulæ, seorsimque consistunt, tamen accessio- num partes quædam eodem tempore concurrant. Fiunt hæ, inquit Fernelius lib. iv Pathol. cap. xv, ex diversis humoribus non eodem loco positæ, sed quorum suæ cujusque sedes, sua essentia. Itaque secundum doctorum opinionem bina putredinis loca in Semitertiana statuenda: unus, in quo consistit pituita putrescens; alter, in quo biliosus humor.

Potest & hæc opinio aliter defendi, negando scilicet superius allatam mixtionem humorum, aut confusionem. Nam sæpe contingunt quod & nos ipsi vidimus, bilis sinceræ vomitus in Semitertianis, & pariter dejectiones pituitæ purioris, & quæ nullam bilis permixtionem arguebant. sæpe etiam accidit fieri diversas plane excretiones, & modo quidem bilis ante pituitam per vomitus & secessus biliosos; modo rursus pituitosas ante biliosas; quæ indicare manifeste poterant, ex uno loco bilem, ex altero pituitam separatim profluxisse.

liquando lo-
m unum
e, aliquando
res.

Revera in hac dubia concertatione, media quædam via est procedendum, ita ut aliquando unus, aliquando plures statuatur. Si materia ex bile ac pituita confusa putrescit, potest quidem ea pluribus in sedibus consistere, sed tamen ut plurimum uno in loco consistit. Si vero complicantur humores, possunt in uno loco consistentes putrescere, si generalia loca consideremus, ut intra vel extra vasa; si vero particularia, plura quam unum habebunt loca. Extat super hac difficultate omnium ut arbitror, quæ in febribus proponi possunt difficillima Galeni sententia, quæ à mea haud multum discrepare videtur. Nam libro ix de Crisibus hæc ait: Quandoque vero aliqua ex intermittentium genere, cum continua difficillimam & vix explorabilem facit mixtionem. Nam sicuti febres, ita & patientia loca mixtionem recipiunt, vel quia differentia membra propria singula febrem accendunt, ut exempli gratia, lien & jecur: vel quia dispositio mixta; veluti inflammatio

cum erysipellate, aut erysipelas cum inflammatione miscetur. Verum quoniam supra diximus Semitertianæ putredinem uno in loco consistere, quod confusa sit plerumque ejus essentia & materia, adversariorum quibusdam rationibus potioribus hæc respondemus. Quod si diversis temporibus singularum febrium, ut quotidianæ & tertianæ typus observetur, id dico de potentia putrescentis materiæ procedere, non semper locorum diversorum, in quibus separati humores singuli à se invicem continentur, ut postea adhuc clarius demonstrabitur. Et quamvis per vomitus & secessus aliquando compareant excreti humores sinceri, & separatim singuli, non tamen inde recte infertur, hos uno in loco consistere non posse. Quoniam prius confusi concoquuntur a natura, deinde à se invicem segregantur, quemadmodum in nonnullis abscessibus contingere videmus. Etenim in initio generationis eorum apparet ex confusis in venis humoribus fieri in eos fluxionem, deinde paulatim ubi aliquo in loco & spacio constiterunt, à calore nativo segregari ac propriis sedibus circumscribi. Sic in tunicatis abscessibus vidi & bilem & serosos humores segregatos à pituita in candidos calculos duris ossibus similes concreta, eique circumfluxisse undiquaque. Hi autem abscessus prius à suppuratione originem traxerant, in qua omnes prædicti humores erant confusi. Eodem igitur modo contingit confusos humores segregari à natura, ubi concoctionem aliquam putrescentes passi prius fuerint. Sed & alio adhuc modo contingere potest in initio Semitertianæ, ut singuli seorsim à corpore expellantur: quando scilicet undique à toto corpore in unam partem confluunt antequam confundantur. Ita vidimus à capite destillantem pituitam in ventriculum, pituitosum in hac febre vomitum produxisse. Et rursus à quibusdam venis ad jecur detrusa bile, in alvum aut ventriculum confluxisse antequam putresceret. Quamobrem cum modo unus locus putredinis statuatur, modo plures, quinam hi sint determinandum jam est.

C A P. X I I I.

De Locis putredinis intra & extra vasa,
quid sibi velint.

Cum in febribus putridis, quæ primario hominem affigunt, duo putredinis loca generalia à Medicis celebrentur; unus, quem vocant intra vasa; alter, quem extra vasa; prius veniunt exponendæ hæc notiones, quid sibi velint, antequam locum putredinis Semitertianæ indicemus.

Appellant igitur locum intra vasa, cavitatem nempe, quæ continetur in venis & arteriis, in quibus sanguis naturalis & vitalis spiritus alendis omnibus corporis partibus fluit & refluit.

Differunt hæc vasa magnitudine primum; deinde, loco; tertio, connexionem. Magnitudo enim ipsis varia; quia vel magna sunt vasa, vel media, vel parva. Magna, ut truncus venæ cavæ, & ejus quæ circa portas est, ramus splenicus & mesentericus dictus, venæ emulgentes; item jugulares internæ; arteriæ magnæ truncus, carotides; emulgentes arteriæ, truncus arteriæ venalis, & venæ arterialis: utriusque venæ, & arteriæ rami iliaci, & subclavii. Media vero sunt, in quæ rami iliaci & subclavii

Quid locus
intra vasa.

Vasorum dif-
ferentia se-
cundum ma-
gnitudinem.

subclavii se dividunt, majores rami ad brachia & crura transeunt, vena jugularis externa; rami majores venæ cavæ per substantiam jecoris transeunt; item arteriæ venalis & venæ arterialis, qui per substantiam pulmonum disperguntur. Parva vero vasa in habitu corporis ubique consistunt, & per substantiam viscerum jecoris, lienis, intestinorum, mesenterii, pulmonum, renum, uterique, ac pudendorum, & habitus corporis exteriores partes disseminantur.

Secundum loca.

Loco variant quoque. Nam sunt quædam cordi proxima, ut quæ in thorace continentur majora vasa arteriarum & venarum; item truncus venæ cavæ & arteriæ magnæ descendantium, cum suis ramis iliaticis & emulgentibus; vena circa portas, & si qui sunt alii rami ab his producti.

Connexio nem.

Connexio quoque eorum diversa est consideranda, quatenus ad hujus febris causas cognoscendas conducere potest. Quia vel vasa sunt cordi continua (in quo necessario accendi debet calor præter naturam, qui in febribus à putredinis loco suscitatur) ita ut in ejus ventriculos se amplo foramine inferant; ut majores rami omnes jam nominati, qui in thorace & abdomine contenti sunt. Alii vero non sic connectuntur, ut in abdomine vena, quæ circa portas jecoris sita est, omnesque ejus propagines; aspera arteria in thorace, omnesque ejus rami per pulmonum substantiam disseminati. Hæc igitur sunt vasa, in quibus putredinalis materia solet contineri.

Locus putredinis, extra vasa quædam.

Locus vero, qui jam extra vasa dicitur, duplex est: unus, à practicis statuitur in habitu corporis; alter vero, in utroque ventre; nempe thorace, & abdomine. Qui in habitu corporis est, multiplex esse potest; caro, tendo, cutis, membranæ, nervi; & si quæ sint aliæ partes similes, quæ venæ, & arteriæ non sunt. Huc refer spacia intermedia musculorum & aliarum partium. In utroque ventre sunt extra vasa, parenchyma viscerum, membranæ, pinguedo, præterea cavitates naturales, ut quæ in capsula cordis est, & inter pulmones & pleuram, in præcordiis, sed præcipue in ventriculo, intestinis, folliculo fellis, vesica, atque matrice in feminis: non naturales, ut vesicularum, quæ in jecoris cava & gibba parte superficiali inter substantiam & membranam à fluxu humoris generari solent. His adjuget totam abdominis cavitatem, quæ est inter peritonæum & viscera. Nonnulli, tractantes de febribus, per intra vasa intelligunt majora, quæ inter alas & inguina excurrunt; per extra vasa, extra eadem majora: nonnulli per intra vasa, omnia intelligunt; per extra ea, quæ jam commemoravi. Quid igitur sit extra vasa, & intra ea, satis explicatum est.

C A P. XIV.

An putredo sit in vasis, an extra vasa: & in quibus.

Sed an in utroque explicatorum locorum, an in alterutro Semitertiana consistat, jam declarandum est. Secundum quidem Galenum uterque locus esset huic assignandus, sed non omnibus propriæ Semitertianæ generibus. Nam in primi ordinis sui dicit Galenus, pituitam intra vasa, bilem vero extra ea in habitu corporis computrescere. Et in secundi ordinis, bilem intra vasa, pituitam

extra ea. In majori vero nostro Hemitritæo, pituitam & bilem intra vasa: in minori, utrumque humorem extra vasa. Quia febrium intermittentium materiam extra vasa consistere ac ferri; continuarum intra vasa, semper docuerit. Hæc autem genera Semitertianarum aut ex continua & intermittente, ut duo priora primi & secundi ordinis; aut ex duabus continuis, ut major; aut duabus intermittentibus, ut minor componuntur. Similiter ex Galeni doctrina improprie Semitertianæ duplicem fomitem putredinis habebunt, unum quidem extra vasa in habitu corporis, alterum vero in aliqua parte inflammata, ut pulmonibus, pleura, jecore, splene, cerebro, aut aliquo alio viscere, quæ symptomaticam antiquorum suscitare consuevit. Inter recentiores Doctissimus Fernelius, cum statuat omnium febrium intermittentium sedem & originem esse in prima corporis regione extra vasa circum præcordia, circum ventriculum, diaphragma, jecoris cava, lienem, pancreas, omentum, mesenterium; continuas vero primarias in vasis majoribus, quæ inter alas & inguina excurrunt, opinatur in Hemitritæo (per quem intelligit duo prima genera Galeni) focum putredinis esse extra venas in prima regione: inde humoris putrefacti portionem penetrare in venas majores; majorem, quam possit dissolvere per urinas aut sudores (quemadmodum in intermittentibus) sic soluta ex parte accessione manere adhuc febrilem quamdam inæqualitatem. Sed potius ex ejus jactis fundamentis esset opinandum, duo prima Semitertianæ genera in vasis, & extra focum putredinis habere duplicem. In majori Semitertiana, in vasis majoribus: in minori seu quarto, eo in loco, in quo intermittentium febrium originem posuit. Cornelius Gemma, eruditione & experientia nemini recentiorum Medicorum secundus, cum credidit intermittentes in venis; continuas vero primarias etiam pestilentes in arteriis collocari, symptomaticas seu secundarias in ipsis visceribus inflammatis & spaciis inanibus, ad quæ jecur, venarum, arteriarumque ductus & oscula recta positione pertingunt, putredinis halitum ita continue ad cor transmittunt, concludit Hemitritæi pestilentis, quam exacte describit, præcipuam partem in arteriis, ac sinistri ventriculi cordis vicinia latuisse, etsi alium quendam seu præcedentem fomitem sui subinde, ex venis atque aliunde suscepit. Verum si ejus opinionem ad quatuor nostras Semitertianæ species accommodare voluerimus, dicemus, duo prima Galeni in venis & arteriis consistere; majorem vero seu tertiam, in arteriis tantum; quartam vero seu minorem Hemitritæum, solummodo in venis.

Ex qua sententia sequetur, omnes Semitertianas in vasis, non extra vasa putredinem suam habere, cui conclusioni & ego quoque assentior. Nam quotiescunque mecum reputo, quæ in curationibus febrium putridarum, tam intermittentium, quam continuarum; quæ in dissectionibus mortuorum ab iisdem febribus, præsertim à Semitertiana, observavi; toties nil aliud potui agnoscere, quam febrium intermittentium & continuarum periodicarum putredines semper in vasis constitisse, raro extra vasa; & ideo Semitertianæ fomitem in vasis, sed ut plurimum minoribus me semperprehendisse. Erant enim in dissectionibus cadaveribus

Omnes Semitertiana ubi suam habeant putredinem.

veribus inflammationes ex sanguine bilioso & pituitoso factæ circa jecoris cavam partem, in ventriculo, intestinis tam crassis quam tenuibus, mesenterio, omento, liene; & sæpius in una partium commemoratarum, aut pluribus; aliquando etiam in omnibus, quæ celeris mortis causæ erant, superveniente gangræna vel sphacelo alicui loco (etiam si quandoque exiguus esset) partium prædictarum. Iam qui à me curati fuere (si non alvi fluxus insignis præveniebat, aut locus inflammationis non esset admodum sensibilis, ut jecoris, lienis, pancreatis, mesenterii, omenti, intestinorum) dolores in ventre immanes, continui, certis plerumque horis se exacerbantes, vel intermittentes aliquamdiu eos affligebant, quod ex inflammationibus ventriculi & intestinorum ortos fuisse ex facto abscessu, sanie pureque, aut bile saniosa, & concocta per secessum vel vomitum redditis, certo sciebam.

C A P. XV.

Intermittentium febrium putredinem in vasis majoribus minoribusque constituisse, exemplis declaratur.

EXemplis (quæ inter plurima potiora elegi) illustriora nunc reddantur, quæ dixi; & primum quidem intermittentium febrium causam proximam me in vasis majoribus minoribusqueprehendisse: deinde continuas, quæ singulis diebus exacerbantur, in visceribus inflammatis sedem habuisse. Igitur à duplici tertiana juvenis quidam Germanus legum studiosus jam inde à sex mensibus oppressus, altera decem horas perdurante, altera citius finiente, nullum non, sed frustra præsidii genus expertus erat, præter venæ sectionem. Quam ob causam cum me accersiri jussisset primo ac secundo die febris natura diligenter perlustrata, utrique hypochondrio manus admovi, nec ullum tumorem notatu dignum tactu potui animadvertere. Tertio die à venæ jecorariæ dextri brachii sectione, qua septem vel octo uncias sanguinis educebantur ante paroxysmum aliquot horis, una febris tertiana, quæ nempe eodem die expectabatur, ægrum dereliquit. Quæ vero adhuc relinquebatur simplex tertiana, binis paroxysmis subsequenter æque validis ægrum molestavit. Post quos cum eodem ipso die, quo expectabatur paroxysmus, horis ante ejus initium septem, venam internam sinistri brachii aperiri jussissem, & sex adhuc uncias sanguinis educere, levissimus paroxysmus supervenit, nec alius post hunc amplius comparuit. Quo igitur loco materiam duplicis hujus tertianæ fuisse existimabimus, ex quo tam prompte potuerit per sanguinis missionem evacuari, aut de suo loco commoveri? Sane non in alio, quam in vasis. Quanquam enim totum corpus sit transpirabile, id tamen tam brevi tempore efficere non potuisset, ut biliosa extra vasa collecta, per sanguinis missionem intra vasa raperentur. Neque est, quod quispiam dicat, id forte contigisse, ut utraque febris à venæ sectione evanuerit, quod in fine morbi eæ fuerint adhibitæ, & sponte, sine ullo remedio, plures morbi sic abire soleant. Neque enim mensem septimum ingressi eramus, neque adhuc bona signa concoctionis in

urinis comparuerant, quæ concoxisse naturam humorem febrilem indicarent.

Anno millesimo sexcentesimo vigesimo famulus cujusdam nobilis Helvetii, ex gravi dysenteria per quatuordecim dies perdurante, cum febre quotidie circa vespertinam exacerbante, in Semitertianam spuriam primi ordinis Galeni (quam duplicem tertianam continuam spuriam Medicorum vulgus appellat) una cum lethargo primum lapsus est: deinde cessante lethargo intermittens febris evasit, tumorque in jecore dolorosus ad tactum comparuit, nil proficientibus iis remediis, quæ interius ad obstructions hujus visceris tollendas præberi solent, & blande ventrem laxare. Quadragesimo die, etsi cum urinis meliorem concoctionem, quam antea, monstrantibus, febris cessaret, vires nihilominus, præsertim animales collabi cœperunt. Etenim ad motum erat æger imbecillis. Tum rursus levis alteratio circa vespertinam cum miti & obscura sub noctem mentis alienatione conspiciebantur; nec quidquam corpus cibo reficiebatur. Sapor in ore valde dulcis, & carnis fastidium aderant. Die quadragesimo quinto duplex tertiana sincerior rediit cum vomitu bilioso, qui antea non erat visus, & nausea in fine paroxysmorum quæ matutinis horis affligebant. Quinquagesimo rursus simplex tertiana facta est, quæ post binos paroxysmos evanuit. Sexagesimo nihilominus, ut prævideram, mortuus est. Diffecui cadaver, non tantum ut fomitem hujus febris inspicere, quem in venis jecoris atque meseraicis consistere semper eram arbitratus; sed ut causam quoque perscrutarer, ob quam per quinque dies ante obitum ab omni febre immunis visus sit, quantum ex æquali & tardo pulsu, sanorum pulsibus quam simillimo, urinis optimi coloris & substantiæ laudabilis, blando calore ac temperato interno externoque potui colligere. Inventa in eo est interna ventriculi tunica levi erysipelate inflammatorio affecta, jecoris ampla moles respectu maciei totius corporis sanguine sic vacua in venis majoribus, ut cum in magna frustra divideretur, vix aliqua sanguinis portio effatu digna ex ejus majoribus venæ cavæ & portæ propaginibus exiret. Ipse quoque truncus venæ cavæ, & quæ ad portas sita est, valde modicum sanguinem continebant. Sic & pulmones totumque corpus exangue videbantur. Venæ meseraicæ, & quæ ad ventriculum tendebant, atque omentum crasso nigroque sanguine refertæ erant. Omentum jam extenuatum, & præter membranas venasque nil omnino pinguedinis habebat, imo semiputrefactum erat ab inflammatione erysipelacea, seu phlogosi insigni, quæ in omnibus venæ portæ minoribus ramis sanguine contento adfuit. Pancreas obduruerat. Vesica fellea crassum humorem pituitosum cum atrabile permixtum continebat. Obstructus ejus ductus, qua vesica ad duodenum transibat. Omnes illi exigui meatus & ramuli, qui per substantiam jecoris à vesica fellea disperguntur, & per quos à jecore bilis in vesicam felleam permeat, pariter obstructi erant.

Ex hac historia constare unicuique potest, febre hanc duplicem tertianam, & simplicem quoque in venis portæ quæ per jecoris substantiam, mesenterium, omentum, & ventriculum disper-

guntur, præcipuum suum fomitem habuisse: cum nulla alia esset pars, nullus alius locus, nulla cavitates extra venas, quæ biliosum humorem & pituitosum in se continerent: Ventriculus esset à bile vacuus, aut saltem interiore sua tunica levi erysipellate affectus. Ante obitum octo diebus, cum altera tertiana cessaret, vomitum meræ bilis passus fuit per biduum. Quod contigisse arbitror ab erysipellate ventriculi interno, fluxa in ejus internam tunicam bile à jecore per ramum venæ portæ gasterepiloicum à recentioribus anatomicis appellatum, cum eam bilem natura per fellis folliculum expurgare non posset. Iecur enim copiosa bile refertum fuisse propter ramorum folliculi fellis & pori fellei obstructions arbitror, uti & alias venas majores minoresque per corporis interiora disseminatas. Sed hujus bilis colorem in vasis deprehendi non posse, quod flavus color quando cum atro vel rubro (cujus est sanguis in vasis contentus) permiscetur, comparere nequeat. Quod vero quinque diebus ante obitum sine febre fuerit, factum arbitror ob sanguinis in venis & spirituum vitalium penuriam. Nam in his calor nativus maxime viget, à quo putredinalis calor suum habet fomentum, non secus atque à solis calore is, qui in plantis est, aut etiam in nobis conservatur. Et hæc quoque est ratio, cur sæpe videamus oppressos febre pestilenti aut maligna antequam moriantur, pulsus habere ordinatiores & quasi à febre integros deprehendi, mente, qua alias erant alienati, magis constare & veluti ad se redire. Nam ob sanguinis & caloris penuriam in venis & arteriis, spiritus calore præter naturam non accenduntur.

Locus quartana.

De quartanæ loco quid dicemus? cum sanguinis missio è salvatella sinistræ manus multos ab ea liberarit. Hujus rei testes non ignobiles esse possunt Galeatius, Valescus Tarantanus, Cardanus, & alii. Galenus *lib. 111 de Anatomicis administrationibus*, hujus venæ sectionem in lienis tumore commendavit (dummodo sinamus sanguinem fluere, quousque sponte sistatur) in quo quartanam consistere omnibus Galeni assensu notum est. Cæterum cum iatumescit lien, non caro lienis, quæ parenchyma dicitur, in majorem molem excrescit; sed venæ & arteriæ, quarum innumerabiles per hoc viscus propagines disperguntur, adimplentur & distenduntur. Vnde ejus præter rationem naturalis magnitudinis maxima in nonnullis moles cernitur. Quod & aliis quoque partibus molli substantia donatis, & venis atque arteriis quamplurimis accidere quoque videmus, ut testibus. Nam sanguine plurimo interdum adeo distenduntur vasa, ut tam parvas partes ad capitis infantis nuper nati magnitudinem excrevisse viderim.

Historia.

Flideus de Paduanis insignis præterito seculo practicus in nosocomio Bononiensi cadaver secuit mortui à diuturna quartana. In hujus corde, venis, omnibusque membris inventa sunt frustra magna, longa, alba, puitosa.

Historia.

Lubet quoque hic commemorare, quod in uxore mercatoris Olmusensis Andreæ Hieronymi ipse vidi. Multis annis hæc podagra detinebatur, quæ tandem omnes artus totius corporis invaserat, specie universalis arthritidis cum febre

continua: & jam per quinquennium continuo in lecto detinebatur. Podagra hæc à bile, pituita, ferroso humore plurimo etiam cum portione melancholiæ generabatur. Horum humorum fluxio quotidie vel alternis diebus, vel quarto quoquo die aliquem articulum corporis invadebat. Hanc igitur mulierem cum ad statum talem trium mensium curatione reduxissem, ut quotidie de die surgeret, & in sedili se collocans marito (pecuniam emundis vendendisque mercibus distribuendo) opitularetur, rarisque in articulos fluxionibus tentaretur, & iis ita levibus, ut non amplius decumberet, circa finem æstatis ex meo consilio post exactam totius corporis purgationem falsæ chinæque decoctum alteratum cum cichoraceis, & nostræ antidotus podagricæ bolode glutita assumpsit, provocatis quotidie tempore convenienti sudoribus. Decimoctavo hujus curationis die, ex mulierculæ cujusdam persuasione, aliquot cerasa acida comedit, & cum alioquin circa ventriculum optime haberet, in quartanam simplicem eo die lapsa est, ob quam feliciter jam inchoatam curationem non ausa fuit absolvere. Hac febre per aliquot septimanas perdurante, ab omni fluxione articulari libera fuit: at redeunte in pedes fluxione quartana cessavit. Sic quatuor mensium spacio, quo quartanæ tres recidivæ à me fuerunt notatæ, antequam in totum ab his liberaretur, quæ paucis, nempe tribus aut quatuor paroxysmis constabant, iis diebus, quibus à febre quartana libera videbatur, supervenerunt dolores in aliquo articulorum, maxime vero in genu & pedis sinistri; hisque rursus cessantibus quartana invadebat. Qui extra vasa locum quartanæ in hac muliere statuere volunt, quæso mihi indicent causam, cur tacito à partibus externis ad internas, & ab internis ad externas transmigare potuerit. Scio quidem totum corpus esse transpirabile & porulis multis transmeabile, imo spongiosum undiquaque, ut humor qui extra vasa est, intra ea rapi queat, ac rursus ex iis foras ad quævis alia loca propelli, maxime si aliquo modo tenuis sit, qualis erat in hac quartanaria. Scio præterea, in distributione chyli materiam per exiguos meatus intestinorum in venas & arterias melferaicas deferri, ac hinc per totum corpus distribui. Sed tamen humorem, qui in articulos decubuit (partes valde frigidas) & eos præsertim, qui sunt à corde remotiores & extra vasa circa ligamenta, non censeo tam repente posse in vasa recipi, deinde ad interna viscera penetrare, ac extra vasa profundi; & iis iterum repelli in vasa & ad articulos extra vasa deponi: sed in ipsis vasis circa articulos depositum recurrere in vasa alicujus visceris aut plurium sub abdomine contentorum (quorum tamen nullus ad tactum mihi humor comparuit) & ad tempus inibi conservari, hinc rursus cum impetu naturæ ad externa loca protrudi existimo.

C A P. XVI.

A continuis febribus sublatorum historiae due memorabiles, & eorum dissectio, quem putredinis locum monstrarint.

Cæterum neminem eorum, qui quotidiana febre intermittente obiisset, dissectui; sed plures,

plures, qui febre quotidie sese exacerbante, præcipue circa vesperam aut statim post meridiem, in modum duplicis tertianæ continuæ vel semitertianæ, perierunt. In his putredinem non in venis majoribus quæ inter alas & inguina excurrunt, sed in inflammato alicujus primæ regionis viscere vel alia aliqua recondita parte, inflammatione paulo minori, quam ut dolore ab ægro, vel tactu hypochondriorum à Medico & ægroto nosceretur.

Historia.

Nobilis juvenis Belga, Dominus de Vilers Comitatus Hoochstratensis Cubicularius, cum prius in dysenteriam & febrem continuam lapsus esset, quæ quotidie circa vesperam cum levi frigore crescebat (duplicem tertianam tum Medici appellabant, per superingressum paroxysmorum; ego vero Semitertianam spuriam primi ordinis Galeni; erat enim altero die major accessio cum horrore; altero minor cum frigore pene eadem hora) post octiduum, à febre & dysenteria liberatus est, optimis urinis colore & substantia ac hypostasi alba, levi & æquali per tres dies subsequen- tibus. Undecima rediit febris continua, non sine suspitione alicujus malignitatis. Nam pulsus eam longe mitiorem (cum essent minus celeres, frequentes & inæquales, quam antea) ostendebant, & lingua nihilominus erat arida, sitis & delirium obscura aderant; parvæque de ventre, quando manum abdomini apprimebam vehementius, querelæ. Quarto à recidiva die rursus per tres dies integer à febre fuit. Vnde recidiva comparuit, qua cum neque mente constaret, neque multum febreret, lingua nihilominus arida existente cum urina sanorum simili, tetano correptus rigidus ac gelidus, ut mortuus nulla respiratione conspicua ab astantibus accensis prius cereis, electo in mensam deferretur. Ego cubiculum ingressus cum ex valido pulsu, quem adhuc mane tetigeram, & virium paulatino lapsu, febrisque lento motu mihi persuadere non possem, ægrum mortuum, manum carpo non sine cachinno muliercularum adstantium admovi, pulsum vix perceptibilem notavi, jussique ut rursus in lectum deferretur, pannis lineis calefactis frictiones extremis partibus adhiberentur.

Ab his post tres horas reviviscere cœpit. postero die cavens sibi, ne ab intestato moreretur, tabellionem vocavit, dieque subsequenti, qui, si recte memini, vigesimus fuit, vitam cum morte commutavit. In dissecto cadavere reperta sunt intestina tenuia inflammata, ileum qua colo & cæco adhærebat, sphacelatum. Pulmones quidem male affecti, sed citra inflammationem aut putredinem, unde horum pravam dispositionem, quæ frigida & humida videbatur (à qua temporis tractu phthisici & cachectici evadunt, corrupta substantia pulmonum) nequaquam mortis causam esse conjeci (cum simili pulmonum malo laborantes ad quatuordecim & plures annos sine febricula vitam protraxisse conspexerim, inspectis post mortem eorum cadaveribus, qui ab alia febre acuta perierant) sed solam inflammationem, quæ intestina à morbi initio occupaverat. Vnde hi circuitus, hæ recidivæ. Vel quia materia inflammationis non commovebatur, nisi quando per intervalla emittebat putridos vapores per arterias ad cor: vel quia partes principes per intervalla commotæ à

materia, quam continebant, ad intestina protrudebant, & recidivas tales, quales commemoravi, procreabant.

Similis fere anno millesimo sexcentesimo vigesimo casus contigit in generoso adolescente Philippo Barone Sancti Germani Gallo ac Domini Plesfæi ex filia nepote. Is enim temperamenti calidi & humidi annum suæ ætatis decimum septimum ingressus, quinto Maji, cum antea, dum integra valetudine se frui putaret, siti quadam continua premeretur, & suspiciosus esset, de febre continua levi cum capitis dolore in itinere, quo Mantua Patavium tendebat, questus est. Febris primum continens visa est. Sed quarto die periodos habere cœpit, naturamque duplicis tertianæ spuriam induere. Circa horam vigesimam primam, id est, tribus ante vesperam quotidie accendebatur, prægressa levi quadam partium extremarum refrigeratione, quæ alternis diebus erat major, non sine aliquo interdum horrore, Semitertianæ spurix præscriptæ in præcedenti historia modo. Statum accessionis protraxit in quartam, quintam, interdum etiam sextam noctis horam. In fine undecimæ hæc febris per quinque vel sex horas prorsus intermisit. Idem contigit decimatertia. Decima quarta in totum liber à febre usque ad decimam septimam, qua recidivam passus est, valido & longo circa vigesimam horam invadente paroxysmo cum frigore per quatuor horas perdurante, ac febrili calore validissimo tota nocte perseverante. Die vigesima facies cadaverosa, pulsus fuere languidi, urinae subjugales, inconcoctæ, lingua arida, nigricans. De nullo ventris dolore conquestus est. Tamen de eo singulari studio sæpius à me fuit interrogatus. Animadvertēbam enim clysteres injectos nil facis educere, sed meram clysteris materiam sine excrementis prout injecta erat statim vel modico post injectionem tempore exire. *quod mihi signum inflammationis intestinorum in ejusmodi febribus solet esse frequentissimum.* Ab his mentis alienatio die vigesimoquarto successit. Vigesimo septimo, ingruente magno paroxysmo, exspiravit. Dissectum à me cadaver fuit, ut embammatibus condiretur. In eo tenuia intestina inflammata vidimus, præsertim tunica eorum interiore. Ilei portionem magnam versus colon prorsus sphacelatam. Interior intestinorum tenuium tunica, qua parte extremitates venarum meseraicarum terminabantur, duris quibusdam excrescentiis carneis, flavo colore ac fusco præditis, pluribus in locis per brevissima intervalla dimidiæ aut paulo amplius spithamæ laboravit, majoribus excrescentiis in ilco, minoribus in jejuno. Iecoris cavæ partis portio inflammata fuit. Vesica fellis loco bilis aquam limpidam, claram cum exigua portione muci & alterius materiæ, quæ luteum ovi coctum ac nonnihil cum mucoso humore dissolutum referebat, copiose continuit. Porus fellis, qui ex vesica ad intestinum duodenum perducitur, duorum digitorum transversorum longitudine, statim à vesica fellea usque adeo obstructus fuit, ut in solidum corpus conglutinatus videretur, nec apicem specilli tenuissimi admitteret. Ab hoc obstructo ductu meatus reliquus felleus apertus, satis ampla cavitate in duodenum intestinum transivit, & ab hoc recto satis tramite in cavam jecoris partem, perque ejusdem substantiam

Alia historia.

tiam multis ramulis ac furculis cavis & obstructio-
ne omni vacuis transivit. Hinc certa conjectura
mihi constitit, bilem non in vesicam felleam à je-
core, sed in hosceramulos ac furculos à natura ad
intestinum duodenum detrusam fuisse: & ob præ-
clusum ejus ad vesicam felleam iter (in qua tan-
quam in penu ad tempus conservari bilis solet) fa-
ctum esse, ut, cum bona valetudine frui se putaret,
ea in jecore ac venis diuturniorem moram traxe-
rit, & sic ultra modum calefactæ atræ bilis natu-
ram induerit, aut per ramos mesentericos ad jeju-
num & ileum intestina diverterit, eorum internam
tunicam prius leviter exulcerarit: inde ex eorum
ulceribus carunculæ excreverint, viscosæ ob hu-
miditatem pituitosam, quales cotyledonibus ovilli
foetus adhærere consueverunt, sed paulo rubicun-
diores & ut mihi apparebant primo intuitu, non
expertes cancrôsæ malignitatis. Patet hinc etiam
causa debilitatis tenuium intestinorum, ob quam
facile fluxiones suscipere potuerint, quæ inflam-
mationes erysipelatosas & gangrænas ac sphace-
los procreant: cur quoque tempore sanitatis fere
semper bibendi quidam appetitus adfuerit. Nem-
pe ob levem phlogosim, quam in jecore ob reten-
tum biliosum excrementum, & in tenuibus inte-
stinis circa hæc carunculas semper adfuisse pu-
tandum est. Pulmones quoque haud erant natura-
lis coloris ubique, sed in locis quibusdam inflam-
mati, & costis utroque in latere annexi. Cerebri
ventriculi aqua limpida pleni, ut & initium spina-
lis medullæ; tum cerebri superficies, exteriores-
que anfractus pia meninge vestiti ac secti eandem
aquam plurimis in locis continebant. Cæterum
nulla neque in cerebro, neque in ejus meningi-
bus inflammatio notata est. Vena cava & arteria
magna sanguine sic erant vacuæ (quanquam ultra
viginti uncias sanguinis ex variis partibus tempore
curationis haud memini educas) ut cum cadaver
difficarem, non fuerit opus filo venam cavam &
portæ truncum dum exenterarentur, intercipere,
quemadmodum in aliis cadaveribus fieri solet, in
quibus metuimus ne sanguis ex prædictis majori-
bus vasis effluens reliquas abdominis partes inquie-
ret. Vnde satis liquet, febris Semitertianæ vel du-
plicis tertianæ continuæ per superingressum pa-
roxysmorum, ut Scholæ loquuntur, causam in
utroque ægroto non fuisse putrefactum sanguinem
in vasis majoribus, aut bilem putrefactam in iis-
dem, cum admodum modicus & vix ad vitam ne-
cessarius in iis contineretur, sed inflammationem
in intestinis & cava jecoris parte; cujus humor
cum esset sanguis biliosus & pituitosus, sua putre-
factione effecit motum, quo singulis diebus alter-
nisque validiori periodo accenderetur.

C A P. XVII.

*Semitertiana propria an sit symptomatice, an
primaria, & cur eam primariam
scriptores fecerint.*

Obiectio.

QVapropter cum eas febres, intermittentem
scilicet & continuam, ex quibus Semitertian-
nam componi dixi, in vasis putredinem habere
compertum sit, sequitur & ipsam Semitertianam
in iisdem putredine in suam habere. Quispiam ta-
men contra hanc sententiam non leve argumen-

tum objicere hoc potest. *Si febres, ex quibus Semi-
tertiana componitur, symptomatice sint, sequitur & ipsam
esse symptomatice non primariam, & per consequens pu-
tredinem ejus non consistere in vasis.* Quod autem
tertiana & ea, quæ quotidie accenditur, sympto-
maticæ sint, probatur ex eo, quod ab alicujus
membri inflammatione suscitata fuisse videantur,
ut patet ex dissectione cadaverum propositorum.
Nam si symptomatice sint quæ ab inflammatio-
ne membranarum cerebri aut costas succingentis,
pulmonum, jecoris, lienis, aut partis alicujus ex-
ternæ internæve vulneratæ, quæ à bubone & an-
thraxe accenduntur; cur non etiam symptomati-
cæ dicuntur quæ ab inflammatione intestinorum,
mesenterii, mesocoli, omenti, ventriculo origi-
nem habent? Sed & ab ipsa Semitertiana mortui
& aperti non alium fomitem febris ostenderunt,
quam dictarum partium in abdomine contenta-
rum inflammationem. Hanc autem non fuisse sim-
plicem aliquam phlogosim suscitata ab obstru-
ctionibus harum partium, sed veram inflammatio-
nem probant abscessus, gangrænæ, sphaceli in vi-
vis & mortuis ab hac febre conspecti. *Responsio.*
deo, vasorum & febrium symptomatarum no-
mine nos multa intelligere posse.

Per vasa enim aliquando tantum ea capimus, *Quid per va-
sa intelliga-
tur.*
quæ majora sunt & inter alas & inguina excur-
runt. In qua significatione multi acceperunt, quan-
do ajunt febres continuas primarias in vasis con-
sistere. Aliquando capimus vasa tam majora quam
minora cujuscunque partis indeterminatæ, & hu-
jus aut illius visceris. In hac significatione nos ca-
pimus vasorum nomen, quando dicimus Semi-
tertianæ putredinem esse in vasis. Nam etiam si
partis alicujus inflammatione accendatur, hujus
tamen partis venæ scilicet & arteriæ humorem,
ex quo Semitertianam suscitari dicebamus, con-
tinent putrefactum; cujus etiam si portio aliqua
sit, quæ effundatur extra vasa, & quandoque sic
abscessum pariat, illa tamen portio febrem non
accendit, sed quæ in extremis vasis partium cavi-
tatem præternaturalem (quam sibi, velut in abs-
cessibus fieri solet, portio ista humoris putrefacti
paravit) circumambientium contineri consuevit
putridos vapores per arterias, quæ semper patent
& venas ad cor mittunt, si quando continuo iste
humor putrefactus accendatur.

Per febrem symptomatice aliquando intelli-
gunt Medici febrem, quæ extra vasa in proprio
aliquo & præternaturali spacio solet contineri, ex
quo accenso accenduntur venæ & arteriæ qua-
dam continuatione, absque eo quod putridus va-
por ad cor permeet. Verbi gratia; contusio in-
signis in capite facta sit, ob quam spacio non modi-
co, præternaturali tamen, concluditur sanguis ex-
tra vasa ob earum contusionem effusus, qui prius
grumescat, mox putrescat & ad suppurationem
tendat. Ex hujus putredine contingit, continuatio-
ne quadam venarum & arteriarum, accendi fe-
brem, quæ vere est symptomatice; quia in vasis
non consistit. *Rursus* aliquando accipitur febris sym-
ptomatice pro non modo hac, sed etiam ea quæ
putridos vapores ad cor mittit per vasa, suscitatos
à partis cujuscunque inflammatione vel putredine &
corruptela substantiæ, vel insigni aliqua obstructio-
ne facta in vasis. *Aliquando* capitur febris sympto-
matica

matica pro omni febre, quæ extra vasa majora putrefactum humorem continet. Quandoque rursus pro ea febre, quæ fieri solet ab inflammatione viscerum & partium earum, quarum curationem nobis veteres proposuere; ut est quæ comitatur phrenitidem, anginam, pleuritidem, peripneumoniam, nephritidem, hoc est jecoris, lienis, & renum notabiles & per sua declarata signa maxime conspicuas inflammationes.

In hac significatione nos capimus febrem symptomaticam, quando supra dicebamus Semitertianam impropriam constare ex febre symptomatica quæ quotidie exacerbatur, & tertiana intermittente. Quapropter valet, quod putant consequens; si est febris symptomatica, ergo putredo non est in vasis, nempe si in prima significatione accipiat febris symptomaticæ nomen. Sed in aliis significationibus falsum est.

Illud quoque hic non est omittendum, quod si diligenter consideraverimus ex quibus locis & per quas vias talis humor fluat, qui facit inflammationem membrorum ex qua Semitertianam suscitari dicebamus, non alias inveniemus, quam vasa majora; interdum & ea, quæ per carnes corporis disperguntur, quando ab iis humores deferuntur ad vasa majora, quæ inter alas & inguina excurrunt. Contingit autem in his aliquando, priusquam depellatur ad membra inflammandæ, non levem putredinem suscitari, aliquando sine putredine in partem determinatam decumbere ac inibi putrescere. Quatenus igitur & in majoribus vasis putrescit & in minoribus, eatenus iis qui symptomaticam nominant eam febrem, quæ in minoribus vasis putredinem tantum habent partis alicujus determinatæ, ancipitis erit generis Semitertiana. Sed appelletne quis Semitertianam primariam an symptomaticam parum laboro, dummodo constet ejus putredinem in vasis omenti, mesenterii, ventriculi, intestinorum, & aliarum ejus partium inflammationum me deprehendisse. Veteres autem atque recentiores plures Medicos hanc inter puras primarias retulisse censo, quod nulla manifesta signa erysipelatis conspicerent, aut inflammationis alicujus membri, ex quo symptomaticam febrem provenire putabant. Neque enim adsunt signa pleuritidis, anginæ, vel peripneumonix, phrenitidis, hepatidis, splenitidis, nephritidis, aut ejus febris quæ vesicæ vel uteri inflammationem concomitari consuevit. Signa vero inflammationum eorum membrorum, quæ in Semitertiana observata fuere, plerumque omni tempore obscura sunt, sed maxime morbi initio: quod contingit vel quia putridus humor prius in vasis majoribus continetur, & inde ad minora partium determinatarum fluit; vel ob parvam partis inflammationem, & spacio exiguo in parte affecta circumscriptam; Verbi gratia, cum jecoris, ventriculi, intestinorum tantum portiuncula aliqua inflammatur, ob partis affectæ obscurum sensum, ut pancreatis, mesenterii, mesocoli, omenti, cavæ jecoris partis & lienis: aut propter abdita & profunda loca, in quibus partes inflammatae reconduntur, ob quæ ad tactum nullus tumor comparet: aut quia mens patientis ægrotat; unde aliqua in parte dolorem, quem alias mente constantes percipere deberent,

non sentit: aut denique quod, cum in hac febre statis periodis exacerbationes fiant; & quotidie & alternis diebus, omnes autores hæcenus existimaverint eas suscitari non posse à partis alicujus inflammatione, maxime vero intermittentem tertianam vel quotidianam.

C A P. XVIII.

Intermittentem febrem dari symptomaticam.

TAle enim axioma nunc receptum est ab omni Medicorum schola; *Symptomatica febris omnis in continuarum est genere, neque ulla unquam visa est intermittens.* In hac sententia, si per symptomaticam febrem intelligerent tantum eam, quæ in phrenitide, angina, pleuritide, peripneumonia, magnis jecoris lienisque inflammationibus conspicitur, non invenirem quod reprehenderem, sed quoniam multi horum etiam eas intelligunt, quæ ab obstructionibus & putredinibus partium, & quavis partis alicujus inflammatione fiunt, nequeo subscribere eorum sententiæ.

In Marcelli Donati historiis mirabilibus lib. v, cap. iv, legi, Iacobum Hebræum percussum vulnere transversali in musculum temporalem incidente; septima die supervenientibus rigoribus, usque ad quadragesimum quintum diem riguisse, & quotidie fere semper sudasse alternatim rigoribus succedentibus sudoribus. Fuisse hanc intermittentem febrem à vulnere factam, patet per aphorismum Hippocratis quando scribit lib. iv, aph. lxxii, *Quibus in febribus quotidie rigores sunt, quotidie febres solvuntur.* Non ipsi observavimus intermittentem febrem in ischiade alternis diebus invadentem; & quæ ex obstructionibus viscerum oriuntur tertianæ longæ & quartanæ, tertianæque duplices, quid aliud sunt quam eorum symptomaticæ.

Desid. Iacotius in comm. ad Coacas prænotiones Hippocratis, scribit se in puellæ dissecto cadavere, quæ in levem quandam febrem inciderat, tertianæ intermittenti haud dissimilem, sine dolore ventris, in ventre abscessum perruptum, à quo obituras præviderat, invenisse, magna puris quantitate circa uterum reperta, quæ ad superiores usque partes redundabat, cum intestinorum colore subnigro. Et uno anno observavit in febre tertiana, cum rigore non ita ordinato, exortam suppurationem in imo ventre, cujus nullum signum memoratu dignum præcesserat: unde subito effuso pure supra intestina, aut intestinis ipsis ad sphacelismum perductis, improvisa mors secuta est, cum rigore, sudore frigido, animi deliquio, dolore ventris, & inflatione.

Ex corruptione & putredine pulmonum quotidianos circuitus notavi, non tantum continuos, sed etiam intermittentes. Hippocrates lib. v. Coacar. Prænot. Sect. ii, aph. lxxiii, hæc docet: *οἱ δὲ ἐμπύησιν πυρετοὶ ἀελεῖντες, ἐφιδρῶντες οἱ πολλοὶ εἰσι.* Ob suppurationem febres intermittentes pleræque sudorificæ sunt. Quod verissimum esse in praxi, quæ circa bubones venereos hac tempestate quotidie occurrunt, discere unusquisque potest. Etenim apparent sæpissime ex his ortæ febres intermittentes quotidie cum horrore vel frigore invadentes, ac cum sudore perfecte interminantes.

C A P. XIX.

De causis antecedentibus (humoribus nempe)
& putredinem efficientibus.

INter antecedentes causas duæ præcipuæ sunt recensendæ, videlicet humores biliosi ac pituitosi, ut plurimum copia peccantes, aliquando etiam qualitate, qua aptæ redduntur ad suscipiendas tales putredines, quæ typum Semitertianarum efficiunt; & ea, quæ putredinis est opifex primarius, quam alii obstructionem, aut constrictionem meatuum cutis; alii vero viscerum interiorum obstructiones esse volunt. Humores biliosi & pituitosi in venis & arteriis omnibus per totum corpus disseminatis possunt contineri, at sæpe in aliquibus, & iis præcipue, quæ inter alas & inguina excurrunt, majoribus. Cum tanta est horum humorum copia, ut in omnibus vasis consistant, febre Semitertiana instant, maxima eorum portio ad interiores partes, ut ad ventriculum & cavitates intestinorum, aut alias his circumstantes protruditur per vasa majora, quæ inter alas & inguina posita sunt. Quod si minor sit copia, & quæ tantum in hisce jam dictis vasis consistit, in aliquam aut plures earum, quæ à propaginibus venæ portæ nutriuntur, decumbit, antequam putrescat, aut cum jam incepit putrescere.

Vbi hæc materia generetur.

Generantur hi humores biliosi & pituitosi in vasis majoribus, ac quandoque etiam minoribus, partium determinatarum, cerebri; jecoris, lienis; ventriculi & intestinorum cavitatibus. Quando intemperie calida frigidave laborant, aut nimio ac pravo cibo aggravantur, aliæque ad hanc inducendam intemperiem causæ concurrant. Iam & obstructiones viscerum, ut jecoris, producunt copiam bilis excrementitiæ, quoties non habet liberum exitum in vesiculam felleam, & inde per porum suum proprium in intestina. Quod si & is comprimatur porus à nimio cibo, aut aliis adjacentibus partibus induratis, ut colo intestino; contingit in venis plurimam bilem coacervari, nisi per ramos venæ portæ in intestina tenuia prorumpat per biliosum alvi fluxum. Hæc ratio est, cur qui obstructionibus laborant viscerum, hinc febri sint magis obnoxii.

An bonum corporis habitum per contagium invadere queat talis febris.

Oportune hic aliquis quærere potest, an bonum corporis habitum per contagium invadere queat talis febris. Cum enim in hoc massa sanguinea sit nulla cacochymia inquinata, videtur ab hac febre immunis esse talis habitus. Respondeo contagiosas Hemitritæas aliquando etiam invasisse optimum corporis habitum, sed tunc sanguinem putredinis contagio converti in talem cacochymiam, quæ apta est producere Semitertianas biliosas. Tempore pestis sæpe conspicitur totus sanguis optimi habitus conversus in bilem flavam, viridem, atram. Eorum qui à vipera demorsi sunt sanguis bilefcit. Argumento sunt excretiones biliosæ, quæ compa-

Nota.

rent iis, qui superstites manent per alvi fluxum, interdum etiam per sudores. Hoc tamen omnibus, ut arbitrör, in confesso est, Semitertianam primo & citius invadere ac gravius qui cacochymiam in vasis foveant biliosam & pituitosam, quam qui ea carent. Novi mulierem viginti quatuor annorum, calidi ac humidi temperamenti, cum subdominio pituitæ diminutis mensibus, cancro insigni laborantem in clunc dextro, progenito ex steatomate ab imperito chirurgo male inciso, dum in domo decumberet, in qua omnes maligna Hemitritæa & plurimi ejus familiæ lethali afficiebantur, ab eadem febre immunem non fuisse, etiamsi per ulcus quotidie multa sanguinis copia & sanies proflueret. Existimasset unusquisque haud fieri posse ut ob tantam humorum pravorum quotidianam evacuationem putredo in vasis aut aliquo viscere generaretur, apta ad Hemitritæum producendum. Et tamen hæc misere per tres menses easdem recidivas & mutationes febrium passa est, quas aliæ ejusdem domus, quæ superstites mansere. Id tantum beneficii excretio humorum pravorum quotidiana per cancrum causavit, quod malignitatis signa obscuriora videbantur.

*Causa antecedens
dona posterior*

Sed de priori causa antecedente hæc satis, venio nunc ad posteriorem, quæ duplex est apud autores: cutis meatuum nempe constriction vel obstructio, & viscerum obstructio vel eorum meatuum constriction. Interdum utraque hæc concurrit, interdum alterutra. Nam perspiratione corporis impedita, si id cacochymum fuerit, humores in vasis accenduntur atque putrescunt. Imo qui Galenum sequi se asserunt, omnium putridarum febrium putredinem prægredi, ac cum ipsa permanere ajunt retentionem transpirabilium & vaporosorum excrementorum per cutis poros, quæ fit vel quando densatur cutis ab intrinsecis & extrinsecis, vel quando obstruuntur à viscidis humoribus. Dixi ab intrinsecis densari ac contrahi, quando acris aliqua materia vel alterius qualitatis naturæ molesta stimulat ad excretionem à valida vi expultrice partium externarum & ad partes internas, & præcipue ventriculum ac intestina protruditur. Ita videmus temporibus æstivis purgantia medicamenta & fluxus alvi spontaneos, sudores inhibere, cutisque poros ac totius corporis habitum constringere. Inter viscera, quorum quoque meatus constringuntur in hac febre, solent à me præcipue numerari intestina & ventriculus in suis cavitatibus: quando pituita astringente aut frigida interna eorum tunica oblitur, vel cibis adstringentibus refrigerantur. Vasa meseraica & ea, quæ per jecur & lienem & pancreas transeunt, tum angustantur ob easdem causas, tum obstruuntur; maxime vero fellis porus ad intestinum duodenum transiens, & ejusdem meatus per jecur dispersi. Obstruuntur quoque omnes hi ductus à crassis & pituitosis humoribus.

FINIS LIBRI PRIMII.

A D R I.

D E


S E M I T E R T I A N A ,

L I B E R S E C V N D V S .

Causas externas, signa diagnostica & prognostica
prosequitur.

C A P . I .

De aëre calido humido, & inæquali.



Vanquam omnes morbo-
rum causæ, quæ externæ
vocantur, concurrere ad
generationem hujus febris
queant, duæ tamen sunt
præcipuæ, quæ hanc pro-
creant: aer scilicet, & vi-
tus ratio. Aer, de quo prius

sermonem instituo, debet
esse calidus & humidus, atque inæqualis. Galenus
Hemitritæam febrem Romæ frequentem esse scri-
bit, & in Æthiopia, totoque littore tractuque ter-
ræ, ubi calum est calidius cum adventitia humiditate.
Videtur aliquibus his verbis innuere cælum debere
prius esse calidum, deinde supervenire ei oportere
humiditatem, & sic aërem calidum & humidum fa-
ctum hanc febrem progignere.

Ego per cæli caliditatem non existimo eum in-
telligere insignes calores & continuatos, quos
squalores nonnulli appellant, quia tales non sunt
semper Romæ, nec in aliis multis frigidis regioni-
bus, in quibus hic morbus est frequens, Austria,
Pannonia, Moravia, & hisce finitimis tractibus, in
quibus veris initio, sole nondum æstuante, talem
febrem epidemicam incepisse vidimus, & magis
vernæ temporibus, quam æstivis (quibus tamen
sol est calidior) continuasse. Et sane calores in-
signes non solent esse cum multa humiditate, qua
aer præditus esse debet, conjuncti.

Per adventitiam humiditatem meo quidem judicio
Galenus non intelligit aliam, quam quæ accersitur
à natura climatis cæli. Qualis est, quæ à ventis non
naturalibus in aliquam provinciam pellitur, vel
à vaporibus à terrâ elevatis suscitatur, concurren-
tibus ejus anni constellationibus ad istius humidi-
tatis proventum. Romæ, ratione climatis, debe-
ret esse temperatus aer, in Æthiopia calidus &
siccus; & tamen cælum Romanum æstate & au-
tumno nebulosum est. Narrant nostri navigatores,
in insula Divi Thomæ, quæ sub linea æquinoctia-
li sita est, atque in Guineæ Africanæ regno, ubi
Æthiopum maxima pars habitat, multis vapo-
ribus à mari per solem attractis, quo tempore sol
meridianus verticem tangit, cælum nubilosum esse
& valde pluviosum, nec ventosum: inde febres
continuas ipsis esse familiares, quæ alternis diebus
validiores sunt, & ut plurimum per viginti dies

perdurant: advenasque nautas ejusmodi febribus
(quas per signa ab aliis mercatoribus relata puto
Semitertianas esse) ut plurimum perire. In Au-
stria, Moravia, Pannonia, locisque his proximis,
mane & vesperi vapores à terra elewantur, qui si
non à ventis mane abigerentur, usque ad tertiam
diei partem commorarentur, & præter naturam
aërem humectarent in perniciem incolarum maxi-
mam. Siquidem sol, validis regnantibus ventis,
aërem æstivum (qui valde calidus in iis locis non
est) contemperantibus, non potest matutinis suis
radiis derepente vapores & nebulas discutere. Ita-
que si quando contingit ventos in hisce regioni-
bus, aliquo anno præter morem ejus regionis file-
re aliquandiu, tunc etiam accidit frequens & po-
pularis Semitertianarum invasio. Hinc natum est
apud eos, qui Austriam incolunt, proverbium:
Austria, ventosa; si non ventosa, venenosa.

In medio veris & in fine pluvias per quadraginta
dies & amplius perseverantes Semitertianas popu-
lares in omnibus fere regionibus, tam temperatis,
ut Italia, quam frigidioribus, ut Austria, Mora-
via, Istria, Styria, & aliis attulisse observavi statim
in principio æstatis. Anno millesimo sexcentesimo
vigesimo primo, ab æquinoctio verno usque ad
principium æstatis pluvie continuæ erant Patavii,
Vicentiæ, Veronæ, Venetiis, aliisque urbibus hisce
propinquis. In agro Patavino cum pluvie ultra
mensē perdurassent, adeo frequentes Semiter-
tiane visæ sunt, ut nullam sinceram tertianam ob-
servare mihi in centum agris licuerit. Omnes, quæ
exactæ Semitertianæ signa non habebant, obscu-
rioribus notis ejusdem spurie quodammodo inva-
debant. Et quo magis hæ pluvie perseverabant,
eo etiam maligniores hæ febres fiebant, & magis
contagiosæ atque lethales. Venetiis tamen eo tem-
pore, quo Patavii grassari incipiebant, non con-
spiciebantur (cum tamen hæ duæ urbes haud pro-
cul à se invicem distent) sed cum veris finis insta-
ret. Nam urbs Patavina non procul à montibus
sita est. Vnde non tantum pluviiis continuis ejus
aër, sed etiam à nive in montibus liquefacta, intu-
mentibus extra alveum fluminibus & agros inun-
dantibus, duplicata humiditate inquinabatur;
quod Venetiis non contigit. Nam pluvie etsi hic
quoque frequentes essent, non tamen poterant
aerem multum humectare, quod pluvie cadentes
in civitatem in mare defluebant, & per æstus ma-
ris abluebantur ac deferebantur. Tandem coepe-
runt etiam Venetiis serius comparere, ob nebulas
à ventis

*Febres Semi-
tertianæ An-
no 1621 in
Italia frequen-
tes.*

*causa ex ære
calido febris
ut quæ.*

*causam cali-
ditatis hic
alligatur.*

*vid per ad-
ventitiam hu-
miditatem.*

à ventis istis à continenti propulsas. Verum pauciores, quam Patavii, Semitertianæ vigeant, & citius cessant.

Hinc patet causa, cur omnium citissime & frequentissime huic febri obnoxii sint, qui in vallibus habitant & prope magna flumina, & quæ frequenter loca plana & pascua vicina inundant, & circa magnos lacus ac piscinas ædes suas habent: contra qui in collibus ac montibus degunt, magis ab hac febre sint tuti, aut serius minusque maligne ac populariter ea molestantur. Hoc in Austria, Moravia, Pannonia, finitimisque regionibus verissimum esse comperi. Nam maxima harum regionum pars montosa est, aut collibus aspera; pagi & urbes pleræque in vallibus aut planitiis inter montes sitis constructæ sunt; quo aquis, quibus indigent ad vitam commodiorem, abundant, & à ventis, qui iis validissimi sunt & asperrimi hyemalibus mensibus, tuti sint. Ideo aeris frequens adest vere & æstate humiditas. Vere quidem, quod è pluviis & nivibus liquefactis, quæ solent esse multæ, terra supra quam casas ædificant, plurimam humiditatem absorbeat. Æstate vero, quia ab hac humiditate plurimæ vesperi ac mane excitantur nebulae; quæ propter montes, si à meridie sint, neque à sole; si vero à septentrione & ortu, neque à ventis commode possunt discuti. Autumno vero minus ab hac febre in iis locis ægri molestantur, quia frigus in istis regionibus cum pruinis cito oritur, quæ refrigerant & exsiccant adventitiam aeris humiditatem.

Hippocrates *lib. 1 Epidem. sect. 11*, scribit in Thaso autumno & sub hyemem Semitertianas plurimis incolis factas ex tali anni constitutione: *Ante autumnum*, inquit, *tempestates non tempestivæ, sed repente aquilonis & austrinis multis humidæ, & præruptes. Huiusmodi vero durabant usque ad pleiada & sub pleiade. Hyems autem aquilonia: aqua multæ, largæ, magna: nives. Plerumque mixta aëri serenitas: & hæc quidem fiebant omnia: frigora vero non admodum intempestiva. Iam vero post brumale solstitium: & quando favonius spirare incipit, posterior hyems magna erat, aquilonia multa. Nives & aqua assidue, multæ, cælum procellosum ac nubilum. Hæc autem durabant, & non remittebant usque ad æquinoctium. Ver autem frigidum, aquilonium, aquosum, nubilum. Aestas non valde æstiosa fiebat. Etesia assidue spirarunt. Mox circa arcturum in aquilonis aquæ valde multæ.* Hæc sunt Hippocratis verba, quibus etiam docere videtur anni præscriptam constitutionem humidam quidem fuisse, sed frigidiorē, quam regioni de more solito competeat. Hoc addere adhuc libuit ut, quod supra dixi, confirmarem auctoritate Hippocratis, ad aeris constitutionem, quæ Semitertianas facit, non requiri magnum æstum, sed insignem humiditatem. Dixi etiam aerem inæqualem conferre ad huius febris procreationem, non quidem omni tempore, sed in fine veris, & æstate cum aer incaluit; si enim tunc fiant frequentes tempestates, ut modo sit calor, modo frigus; modo venti aquilonares, modo austrini; modo sudum sit cælum, modo ventosum & nubilum, quemadmodum in Austria, Moravia & Pannonia cum ibi per quadriennium proxim exercerem vidi (plurimum quotidie è lecto surgens mane, dubitans, qua veste me eo die indui oporteret) aperiuntur ab æstu pori cutis, &

Qualis aer ad procreationem huius febris requiratur.

rursus derepente à frigore condensantur ac obstruuntur. Autumno in calidioribus regionibus similis inæqualitas etiam hanc febrem inducit. Vidi qui in cavernas montium & cellas vinarias frigidæ æstatis tempore ingressi, atque vinum frigidum bibentes nonnihilque in hoc frigido aëre moram trahentes in hanc febrem inciderunt.

C A P. I I.

Victus ratio apud Moravos, & Pannonos, producens Semitertianam epidemicam. Qualis sit quæ sporadicam gignat.

Quantum quoque victus ratio conferat ad hanc febrem generandam, lubet in tironum gratiam edocere, productis in medium iis, quæ ego in praxi mea dum inter Pannonas & Moravos versarer, observavi. Non enim qui nimio potu vini aut cerevisiæ aut aquæ utebantur, huic febri erant magis obnoxii, sed qui valde frigido & glacie vel nive vel in profundis puteis plurimum refrigerato. Etenim frequens ejus usus in Pannonia apud eos, qui in humidis & uliginosis locis habitant. Cellas namque vinarias plerumque profundas non habent. Idcirco coguntur tepidum potum æstivis diebus assumere, vel glacie vel nive refrigeratum. Accidit inde caput eorum fieri destillationibus obnoxium in pectus, ventriculum, intestina, aliasque corporis partes; quod ex levi tussi, vocis raucedine, sanguinis profluvio è naribus, dolore dorsii, lumborum, scapularum, urina maxime spumosa conjicere mihi licuit. Quamobrem veracissimus redditur apud eos aphorismus *xxiv lib. v Hippocratis*, qui inquit: *Frigida, qualis nix & glacies, pectori inimica, tussis morient, sanguinis profluvia & destillationes.* Habent quoque iidem populi aquas crudas non leves nec facile penetrantes ad vesicam. Quia sunt stagnantes, palustres, puteales, ut plurimum à nivibus genitæ. Fluviales eorum aquæ & fontanæ æstivis diebus & autumno ac hyeme ibi optimæ quidem sunt; at ubi ver instat, pessimæ, ob nives liquefactas. Ex his plurimus eorum potus, qui sunt tenuioris fortunæ: qui vero ditiores, coquunt sibi cerevisiam ex tritico magis, quam ex alio frumenti genere, dulcem & nullius vinosi saporis cum bene defæcata fuerit; ideo vix diureticam, sed crudam. Nam cerevisiarii coctores diligentem ejus cocturam negligunt, majoris quæstus gratia. Quapropter hæc bibita in præcordiis æstuat, & copiam pituitæ in iisdem partibus congregat. Vnde plurimi sanitati suæ consulentes ad aquas crudas & cerevisiam digerendas, alii esu sibi prudenter mane consulunt, præcipue Pannonos. At Moravi aquam vitæ modicam mane bibunt qui ditiores sunt ad præcavendas cruditates. Quas tamen ex pravo suo vitæ genere magis adaugent. Nam à potu aquæ vitæ multi cerevisia sese implent in tabernis, matutinas horas in iis consumentes. Deinde post prandium vino se inebriant, quod in Moravia tractuque Pannonico ei vicino & aliis locis plerisque crudum est, ventriculo & intestinis noxium. Nam hæc regiones frigidæ sunt, tardeque in iis vites florent æstate, ac citius pruina & frigora autumnii temporibus subintrant. Propterea uvæ quotannis raro ad perfectam maturitatem perveniunt. Iam & vinum quod uno anno maturit,

De signis diagnosticis universalibus.

ruerit, solent permiscere cum bimo, trimo, quadrimo, aut plurium annorum, quod nisi longo tractu temporis suam austeritatem amittit. Inde contingit ipsis caput impleri, nervos, articulos & intestina lædi destilationibus, doloribus colicis, podagricis, apoplexia, epilepsia, obstructionibus viscerum, & reliquis morbis qui à cruditatibus bileque originem habent, affici.

Iam vero cibos spectemus & reliquas res non naturales, quibus fruuntur. Ipsorum flumina & piscinæ, quibus abundant in vallibus, magnam piscium copiam suppeditant. Itaque piscium esus ipsis familiaris conditorum cum aromatibus. Vescuntur etiam copiose fructibus, pyris, pomis, prunis, sub finem æstatis melopepone nimis maturo, omnibus glacie ac nive refrigeratis superbibentes, hi quidem aquam, illi vero cerevisiam, ditiores vinum. Æstate media multum ipsos delectat cucumerum in aceto maceratorum usus: quo nullum cibum vidi ad Hemitritæas generandas perfectiorem, si aquam vel cerevisiam superbiberint. Qui crapulæ indulgent & copioso cibo utuntur, variis eduliis ventrem replent, permiscences (ut cum Horatio loquar) conchyliis turdis.

Somno maxima pars hominum longiori utitur & plurimo, ac præter ambulationes exercitia pauca habent cujuscumque sexus & ætatis homines. Minus præterea mingunt, quam ratio copiosi potus eorum requirit. Nec tamen alvum propterea lubricam habent. His igitur de causis in prædictis regionibus Semitertianæ non epidemiæ tantum frequenter visuntur, sed & prorsus endemiæ existunt. At in aliis regionibus ubi hæ febres sporadicæ sunt, nascuntur ob pravam & inconsuetam victus rationem, ob quam pituitæ & bilis copia in corporibus accumulatur. Animadverti itaque iis, qui ex servitute in libertatem redacti sunt, aut ex paupertate ad divitias pervenerunt, derepente harum febrium periculum impendere. Veluti sunt qui ex monachis fiunt abbates, aut clerici qui episcopatum accipiunt; mercatores ex longinquis regionibus divites facti ac domum reversi & otiosam vitam degentes; qui veneri plurimum indulgentes bene comedunt aut bibunt vel statim à venere, vel ante venerem, ut noviter nupti, sponsi & sponsæ, & pauperes, qui ducunt uxorem divitem, aut pauperes mulieres, quæ cum divitibus maritantur. Nam ex venere intempestiva & nimia ante vel post cibum varium & copiosum multa pituita ex chylo nimis crudo, & bilis ex supercalefactis vasis in corpore generantur.

Animus quoque eorum à curis liberior longiori somno & frequentiori indulget. Eo tamen nec cibibus nec potus propter varietatem digeruntur, sed congeritur quotidie aliquid ad cumulum cruditatum & excrementorum in vasis consistentium. Notavi biliosos natura & ad febrem tertianam proclives, debilibus visceribus præditos, & qui facile incurrunt in horum obstructiones, si mutaverint vitam in otium & crapulam, eduliis frigidis & humidis crassique succi, ut laganis, utriis, & ex pasta factis eduliis, placentis ex lacte, caseo, betis & aromatibus utantur, in Semitertianam facile incurrere.

Signa communia pathognomonica nulla in Semitertianæ, quæ propriæ & improprie competunt, insunt. Omnia enim quæ simpliciter Semitertianæ adscribuntur à Scriptoribus, propriæ conveniunt. In hac enim videre licet alternis diebus febrem magis urgere. Hinc Hippocrates lib. 1. Epidem. loquens de febribus in Thalo regnantibus prima tempestate; *Modus, inquit, erat Semitertianus; uno die leviores, altero gravius iterum invadentes.*

Sed cum multæ sint febres compositæ, quæ alternis diebus sunt majores, nempe tertiana continua, duplex tertiana, tum intermittens, tum continua, & Semitertiana; quærendum modo est, quibusnam notis hanc ultimam a cæteris distinguemus. Sæpe à continua tertiana per rigorem, aut frigus, aut horrorem distinguitur, quæ in continua abiunt. A duplici tertiana longitudine paroxysmorum & typo quotidianæ permixtæ. A continua conclusa duplici, frigore, horrore, & rigore: continua vero per superingressum paroxysmorum, invasionis modo, quo duplex hæc continua tertiana breve habet initium & augmentum, statum & declinationem longam. At in Hemitritæa longa productio augmenti & status, ac declinatio brevior.

Hoc per exempla declaro. Anno millesimo sexcentesimo primo circa initium mensis Augusti, & in fine mensis præcedentis, cum frequentes tempestates oborirentur, & venti frigidi matutinis præsertim temporibus spirarent, Patavium & circumvicinas civitates, pagos, oppidaque invasit epidemica febris, quæ duplex tertiana continua per superingressum paroxysmorum, spuria à Medicis vocabatur. Febris prægresso ut plurimum catharrò incipiebat, eratque biliosa cum sub dominio pituitæ. Cum insigni horrore ac frigore uno die invadebat; perseverabatque ad octo vel novem horas, antequam ad statum veniret: post quem quibusdam sudores oboriebantur crassi & pingues primo, deinde tenuiores. Vomitus in augmento pituitosi, deinde biliosi conspiciebantur. Post sudores febris non intermittebat, quanquam esset longe remissior cum pulsu molli & debili, atque ita perseverabat parumper ad integritatem proxime accedens, donec alius horror, aliudque frigus partium extremarum superveniret altero die minoris afflictionis, quem minor calor febrilis excepit plurimis horis paulatim incrementum accipiens sine vomitibus. Quis dicet hanc febrem revera duplicem tertianam esse; & non potius spuriam Semitertianam, præsertim cum nulla essent accidentia alterius tertianæ eo die, quo minor febris comparebat; nullus vomitus; sed tantum dolor quidam ac morsus circa ventriculum? Sed præter hoc unum signum, quod ex inæqualitate magnitudinis paroxysmorum sumitur ex Hippocrate, aliud signum universale non habemus. Nam quod ad continuitatem hujus febris attinet, quam ipsi adscripsit Galenus ex sententia Hippocratis, de ea in præcedenti libro fuit secundum meam opinionem determinatum.

Semitertiana quomodo à tertiana continua & duplici tertiana distinguenda.

Historia.

C A P. I V.

De Signis Veræ Semitertianæ primi ordinis
Galenii.

QVapropter ad signa specierum propriæ Semitertianæ, & impropriæ nunc excurramus.

Vera Semitertiana primi ordinis Galenii signa habet tertianæ simplicis cum quotidianæ continuæ signis permixta. Ut propterea in libro de typis dicat Galenus: *Quæcunque autem omnia tertianum (typum) insequuntur, eadem Semitertiano contingunt. Nam & ejusdem generis ambo sunt participes: quippe qui accessio- num & remissionum repetitiones per triduum faciant.*

Quomodo
a simplici
tertiana di-
stinguitur.
I.

Proprium tamen hoc signum addere oportet, quo a simplici tertianæ accessione distinguere possumus Semitertianæ accessionem: nempe *accessio- num productionem*, & quæ ut plurimum in hac fit per reduplicationem, quam Græci ἐπαναδύωσι vocant. Nam antequam una febris ad vigorem venit (sive ea prius fuerit tertiana, quæ invaserit, sive quotidiana) altera febris novo paroxysmo affligere incipit alternis diebus. Non tamen semper, etiam si accessio sit producta, teste Galeno, fit hæc paroxysmorum reduplicatio. Nam fieri potest, ut tertianæ paroxysmus cum quotidianæ paroxysmo ita inter se confundantur, ut alternis diebus invadant una eademque hora. Accessionem tamen produci tunc etiam oportet, etsi tertiana simplex commixta esset, quod quotidianæ accessio longa esse consueverit.

II. Aliud quoque signum est: nempe perfrigeratio, cum qua solent sapissime (ut loquar & hic secundum Galenum) venire accessiones.

III. Antiquissimi quidam codices addunt tertium signum, pulsus nempe maxime debiles.

At hoc abesse potest ab hac febre in principio morbi, vel cum nullam habet prorsus malignitatem: adest tamen persæpe, ne dicam semper, in augmento & statu.

IV. Quantum signum ibidem Galenus huic febri assignat, nempe horrorem in accessionibus diutissime agros affligentem, ut propterea febres horridicæ appellentur. Nam per totam accessionem producitur symptoma horroris; vel propter inæqualem ascensum, vel ob reduplicationem. Nam si brevibus intervallis horrores diu repetant, tunc producuntur propter inæqualem ascensum febrilis caloris. Si vero per longa intervalla horæ nempe unius vel alterius, fit per reduplicationem, quas ternas plerumque, aut quaternas in Semitertianis febribus adesse scribit Galenus, quod & nos ipsi vidimus. Libro autem de Crisibus II, accessionem horridam Semitertianæ exquisitæ propriam attribuit singulis diebus, sed uno majorem, altero sequenti minorem. Et lib. de morb. Tempor. horridum insultum, omnes principii peculiare notas habentem, præter rigorem, ei adscribit, declarans se hisce verbis: *Etenim vehemens horror, vel initium aliquod rigoris, vel parvus rigor esse videri potest. At exactum rigorem, qualis in tertianis quartanisque est, hujusmodi febris non accipit.* Iam ponamus pro tironibus exemplum in juvene viginti quinque annorum bilioso, qui autumnii initio ex melonum & aliorum fructuum esu immoderato, glacie vel nive refrigeratum superbibendo vinum, tempore æsta-

tis, quo tempestates frequentes erant & venti modo austrini, modo boreales, in febrem lapsus est, invadentem primo die cum horrore hora prima post ortum solis, cum pulsu & calore valde inæqualibus, qui calor ubi ad statum venit hora nona, jam per corpus expansus iterum ad interiora contrahatur, & pulsus fiant tardiores, rariores, minores, & partes extremæ nonnihil refrigerentur: æstuante vero thorace ac ventre, denuo alius horror repetat, quem sequatur post horam unam, vel alteram anxietas, nausea, bilis & pituitæ vomitus, deinde tota nocte male se habeat. Circa vero primam sequentis diei, vix oborto madore, alius horror, sed minor rursus ingruat, cum partium extremarum refrigeratione & pulsus contractione, atque sic tertio die duplicis febris fiat accessio horridica, unius quidem mane, alterius vero circa vespem. Et sic quarto die subsequente mane una tantum accessio repetat: talesque alternatim sequentibus diebus paroxysmi compareant, nonne hic febris Hemitritæ exquisitæ Galenii typus monstrabitur? Nam alternis diebus cum horrore invadit tertiana simplex, singulis vero cum frigore aut levissimo horrore quotidiana. Decipiat tamen hic nos non oportet, quod aliquando contingat tertianæ & quotidianæ horrores inter se confundi cum uno eodemque tempore invadant. Tunc per brevissima intervalla horror repetit & diutius tenet uno die, quam altero: utroque tamen eadem hora invadit, nisi singulis diebus anticipet, vel postponat. Siquidem tunc altero die apparebunt horrores per longiora intervalla, & paulatim tertianam, quæ commiscetur quotidianæ, vel tardare sua accessione, vel citius quotidiana eadem die invadere. Apparebit in tertianæ accessione, præter rigorem & horrorem nausea cum cordis morfu primis accessionibus, si per plures circuitus repetent, si per pauciores duos vel tres uno eodemque die, loco nausæ vomitus biliosus atque pituitosus, & alia, quæ tertianis circuitibus propria. His distingues hanc Semitertianam à duplici tertiana, in qua etiam altero die solent manifestari eadem signa, quanquam remissiora, rarissimeque eadem hora in principio paroxysmorum.

Quomodo
a duplici
tertiana.

Cæterum interrogare hic aliquis posset, quomodo quotidianæ continuæ paroxysmus in Semitertiana exquisita cum horrore invadat, cum continua quotidiana sine extremarum partium frigore invadere soleat, intermittens cum frigiditate? Ad hoc respondeo, *quotidianam continuam non esse illam quam nonnulli recentiorum conclusam vocant, sed productam intermittentem.* Supervenire autem alteram quotidianam fini alterius, antequam in integritatem desinat, & propter confusionem bilis pituitæque fieri horrorem.

Questio.

C A P. V.

De Typo Semitertianæ secundi ordinis Galenii, & magni Hemitritæ Barbarorum.

QVæ secundi ordinis Semitertiana dicitur Galenii, singulis diebus paribus cum frigiditate accessiones habet, vel cum horrore; quæ modo accidunt eodem tempore semper, modo tardius singulis diebus, modo citius, quas appellant practici anticipantes, ut illas postponentes acces-

siones,

ſiones, ſequuntur has calor mitis paulatim increſcens, remittens quidem, nunquam tamen intermittens, cum ſiti fere nulla, pulſu parvo molli non valde celeri in ſtatu acceſſionum. Tertio vero quoque die exacerbatur vehementer ſine horrore novo aut repetito, aut tam diu, quam in primi ordinis Semitertiana perdurante, ſed breviori & mitiori: cum quibuſdam tamen ſignis tertianam ſimplicem concomitantibus; ut inſigni calore & acri, ſiti intenſa, vigiliis, inquietudine, urina rubra; quibus adſunt mentis alienatio, aut furor: ita ut acutiſſime diebus imparibus æger ægrotare videatur. Evadit hæc, tempore præſertim peſtilentiæ, Magnus Hemitritæus, quoties horrores ac frigora partium extremarum acceſſiones relinquunt. Sed ſine his febris utraque, tum quotidiana, tum tertiana exacerbentur atque remittant quotidie; alternis vero diebus acutiſſima fiat acceſſio.

Notanda.
I.

Notandum autem hic pro tironibus, in Semitertiana ſecundi ordinis Galeni quotidianam cum tertiana continua implicitam primis diebus cum frigore invadere, deinceps augeſcente febre ſupervenire horrores. Et rurfus vice verſa aliquando primis diebus horrere, poſtea frigere ægros: quod humorum mutationi penes naturam, multitudinem & locum adſcribere poſſumus.

II.

Alterum quoque animadvertendum, quod maxime juniores Medicos decipit, & etiam quandoque ætate provectos, in Semitertianis duobus Galeni prius oriri febrem quotidianam, deinde poſt tres, quatuor plureſve dies tertianam ſupervenire. Rurfus aliquando prius tertianam invadere, deinde ſecundo aut tertio paroxyſmo paulatim per obſcuros paroxyſmos ſe inſinuare quotidianam: atque inde poſtmodum naſci, ut commemorata hæc ſigna non uno eodemque tempore compareant. aliquando duas hæc febres uno eodemque tempore diſtincte, vel confuſe. Hinc patet ratio, cur hodierni Medici in prognofi frequentiffime decipiantur, & ægri interdum ſe vel non febricitare putent morbi initio, vel levem febrem ſentiant. Quod etiam Galenus ſua tempeſtate notavit, inquiens: *Sane alias à primo die conſtituitur, alias à ſecundo & tertio incipit. Vnde maxima deceptionis cauſa Medicis oritur, ob ejuſmodi invaſionem.*

Nam quibus hodie quotidiana febris ante tertianam per tres quatuorve aut plures febres præceſſit: hi levem quandam laſſitudinem ac ſitim ſentientes, & capitis dolorem, nauſeam aut cibi faſtidium, febricitare ſe non putant, cum neque rigor, neque horror, neque inſignis aliqua refrigeratio extremarum partium quotidie ægros moleſtet. Vbi vero ſupervenit febris tertiana cum horrore, jam tum ſe febricitare putantes, Medicorum auxilia quærent: qui ægri ſi iter confece- rint cum quotidiana prægreſſa, aut aliquo viſcere antea fuerint invalidi, maxime pulmonis, ita ut ad tabem inclinarint, ut plurimum facta tranſmutatione in febrem malignam moriuntur. Similiter ſi febris tertiana prius hominem prehendam uno vel altero paroxyſmo; intermittat autem perfecte, omni periculo ſe vacuum æger arbitrabitur: deinde quarto die leviter ſitiat, pulſus ſit paulo frequentior & inæqualior, quam erat tempore integritatis, caput non omnino liberum à dolore aut gravitate, non tamen ipſum ſurgere prohibeat, quod febris

& hæc & alia accidentia in principio ſint obſcura; tractu vero temporis repetentibus paroxyſmis validioribus, jam Semitertiana ſe prodit interdum, præter mentem nec ſine admiratione celebrium Medicorum. Ita ut nonnulli Hippocratem mendacii coarguerint, exiſtimantem febrem tertianam periculo vacare. Itaque qui hujus febris naturam & typum probe noſcere cupit, eum oportet in minoris Semitertianæ ſignis dignoſcendis plurimum operæ ſtudiique ponere.

C A P. VI.

De Typo Semitertianæ minoris. Locus Galeni correctus.

Hujus ut plurimum talis typus eſſe ſolet. Primo die febris corripit cum horrore, nauſea vel anxietate circa ventriculum, ſed ſine vomitu. Vbi hæc febris per ſeptem vel plures horas perduravit, ſudor ſequitur; poſt quem videtur quaſi integer à febre laborans, cum nulla videatur notatu digna inæqualitas in pulſu, aut calor præter naturam. Tertio die rurfus invadit tertiana cum horrore, & majori nauſea anxietateque, vel dolore circa ventriculum, diutius perſeberat anticipando acceſſionem; deinde, prolongato paroxyſmo, ſudore finitur; ſic ut reliquo tempore, qui diem quartum continet & integer eſſe deberet, pulſum paulo frequentiore conſervet (oportet autem hic jam eſſe in pulſu ægroti exercitatum tironem, ut ſciat qualis ei eſſe deberet, tum qualis etiam fuerit, dum eſſet ſanus. Mulieribus enim plerumque, & qui in hypochondriis antiquatas obſtructiones habent, pulſus ſunt viris & integrum ventrem habentibus frequentiores & minus æquales: deſt tamen iſtis ſemper calor præter naturam) & non nihil inæqualem, ſi quis bene perpendat circa præcordia leviffimum calorem præter naturam, qui leviffime videtur ſequenti die poſt meridiem exacerbari. Atque hoc tempore æger neque appetit potum, neque eum reſpuit. Quinto die, qui tertius eſt paroxyſmus tertianæ, omnia vehementiora comparent, anticipant horrores, longior inæqualitas, caloris cum vomitu pituitæ & bilis, & tunc adhuc magis producta ſit febris, quam ſecundo paroxyſmo; ita ut quæ febris primo paroxyſmo, intra ſpacium duodecim horarum, videbatur terminare ſuum paroxyſmum cum ſudore, nunc ulterius vagata paulatim ſexdecim, viginti aut triginta horas perduret & amplius, præſertim cum jam confundatur cum tertiana. Manet enim febricula poſt ſudorem, quæ deinde ſexto die manifeſtioribus notis ſe indicat. Nam circa vesp̄eram leve frigus extremas partes occupat, & interdum etiam levis horror, poſt quem ſenſim in multam noctem calor ſentitur cum levi ſomno aliquantulum perturbato, & levi ſitu. Et ſic paulatim utraq; febres invaleſcunt, donec tertiana deſinat, & per aliquot dies quotidiana reſtet.

Sed cum ſupra mentio facta ſit productionis acceſſionum in Semitertiano circuitu, notandus eſt locus apud Galenum libro de Typis, cap. 111; ubi dicit, *quotidianum typum longam acceſſionem habere, atque extenſum Semitertianum.* Quaſi vellet dicere, Semitertianam quandam eſſe extenſam, aliam vero non extenſam, & hanc non habere acceſſio-

num productiones, quales alibi Semitertianæ simplici adscriptæ. Existimo tamen ego, codicem eo in loco esse mendosum, ubi sic scribit de Typis: *Secundi vero, qui longam accessionem habent, & parvam remissionem, qualis est quotidianus & extensus Semitertianus.* Vel expungenda mihi videtur vocula, *extensus*; vel tertianus pro Semitertianus, in Græco codice legendum. Subjungit causam suæ propositionis. *Hic enim solus* (nempe typus extensus tertianus aut Semitertianus) ἐξηλλαγμένον, id est, *immutatus ab antiquis nominatus est.*

C A P. I I.

De Semitertianæ exquisitæ Galeni typo.

Q Vanquam omnes propriæ Semitertianæ species, exquisitæ & non exquisitæ dici queant, & ideo omnium signa nobis essent proponenda ad exactiorem doctrinam, tamen ne confusionem mentis ac memoriæ tironi parerent, volui tantum in primi ordinis Galeni exquisita & spuria tironem exercere. Inde enim cætera aliarum specierum signa facile innotescunt.

Typus exquisitæ Semitertianæ primi ordinis Galeni optime apud hunc autorem declaratur lib. II de Febribus cap. VII, in adolescente, his verbis: *Mane quidem, inquit, in prima hora rigorem pati cepit exquisitæ tertianæ familiarem, aderantque alia omnia ejusdem febris indicia usque ad horam sextam, & repentinus vomitus biliosus & multus, & pauci sudores, inter quos statim homo contraxit se atque horruit, & subinde incipiente annotatione pulsus erat parvus, inæqualis; deinde usque ad horam undecimam, cum paulatim adhuc succenderetur, plura quidem signa habebat annotationis propria, paucis tamen intermixtis augmenti indiciis. Hinc vero usque ad quartam noctis horam febris certissime intendebatur: deinde quantum sensu percipi poterat, usque ad sextam noctis horam in eadem magnitudine persistebat: mox jam manifeste declinabat usque ad dici sequentis horam quartam: in hac enim jam & contrabebatur, & annotationis signa ostendebantur frigidioribus factis extremis ejus partibus, parvoque existente pulsu & jam ad vespertas usque intendebatur paulatim, neque horrorem, neque inæqualitatem aliquam præ se ferens: deinde rursus in summo consistebat circa quintam noctis horam: sexta vero manifestissime cepit remitti.*

Quod igitur tertio die hora secunda quotidianam annunciationem expectare oportebat, in ambiguo non erat. Non tamen, utrum tertiana eandem horam esset servatura, an non, satis constabat. Hora igitur secunda accessio supervenit horrida, quæ celerius ea quæ in primo & secundo die quotidianæ continuæ facta erat, invalescens usque ad horam quintam, aliud rursus post quintam horam fecit initium, in quo aderant omnia similia iis, quæ in secunda hora contigerant, accidentia. Hinc vero rursus promptius invalescens usque ad horam octavam, denuo in eadem horruit: ac paulo post rursus accrescens accessio expedite accendebatur, adeo ut hora noctis quarta jam ad summum pervenerit. Et quid aliud hoc erat, subdit Galenus, quam accessio exquisiti Hemitritæi duabus eadem hora invadentibus febribus? Quoniam quotidiana duabus horis celerius, tertiana autem totidem tardius accedebat.

Adeo ut quicumque facultatem haberet febrium figuras agnoscendi, tertiana ac quotidiana continue accidentia in

unum confusa, manifeste deprehenderet. Nam cum tertiana insultum rigor comitaretur, quotidiana autem sine rigore invaderet, mixta ex utraque febris horrorem continuo afferebat, rem quidem rigore minorem, majorem autem refrigeratione; tantoque hac ipsa majorem, quantum à rigore magnitudine superatur: adeo ut cum ab utroque extremo æqua distet proportionem, horror medius inter ambo, rigorem scilicet & frigefactionem collocetur: quod quidem maxime fieri consuevit cum extremitates confundantur. Hæc Galenus, qui interpositis nonnullis de etymo Hemitritæi, pergit narrare reliquum historiæ commemorati adolescentis, Hemitritæo laborantis. In adolescente igitur, inquit, quem nostra narratio supposuit, cum tertia die ejusmodi accessio facta esset, quia in unum tempus conveniebant ambarum febrium invasions, quoniam quotidiana quidem duabus horis semper preveniebat, tertiana autem differebat, die quarta accessio sole oriente invasit, formam exquisitam pituitosæ febris præ se ferens. Erat autem secundum proportionis similitudinem quinta ab ipsa accessio circa decimam noctis horam principium factura, quoniam duabus super horis celerius invaserit: biliosæ autem febris accessio tertia ab initio, die quinto, hora quarta erat invasura: adeo ut inter duarum febrium initia, sex horarum spacium intercederet: quod & factum est. Nam circa quartam noctis horam decimam invadente accessione, qua febris pituitosæ servabat imaginem, atque hoc modo usque ad quartam quintæ diei horam progrediente, ubi febris biliosæ mediocrem rigorem secum adferens eidem conjuncta fuit, mixtam subinde formam gerens accessio, biliosæ scilicet febris & pituitosæ, sequenti nocte circa horam octavam pituitosæ febris incipiens exquisita, ac sola totam diem subsequentem ordine sextam occupavit: deinde cum media nocte declinasset, aliud subinde eodem modo fecit initium: deinde cum reliquam dimidiam noctis partem usque ad meridiem dici septimæ obtinuisse, postmodum jam veluti declinabat. At eandem excepit tertiana, quæ cum rigore invasit, quemadmodum exquisita tertiana invadere consuevit; atque cum alia omnia secum eodem modo certissima adferret indicia, vomitus bilis invexit, atque alvi excrementa biliosa, & urinas optimas, ac cum jam advesperasset, breves quosdam veluti sudores: adeo ut quicumque febrium species didicisset, ei aperte indicaretur eam remitti ac declinare, neque ultra unam aliam periodum, aut ad summum duas debere protendi: nam & in ea declinatione erat quies admirabilis, qualis ante visa non fuerat, donec ad quartam noctis horam perventum est. In illa etenim febris pituitosa, quæ quotidie quidem accessionem, sed duabus anticipabat horis, invasit: cumque totam noctem occupasset, ac totum deinceps diem, rursus in secunda hora noctis octavæ aliud fecit initium: cumque eandem pariter noctem totam occupasset, sequenti die quæ nona erat, declinavit. Eodem vero die circa horam octavam, quoniam duabus horis tardius invaderebat, futura erat tertiana febris accessio: sed tunc hora nona supervenit, hoc ipso etiam se declinare significans. Sole autem occidente ei se associavit febris pituitosa, more suo anticipando. Et cum noctem illam obtinuisse, diemque sequentem, hora decima diei decimæ iterum invasit, deinde die undecima rursus hora octavæ exquisita permanens pituitosa: deinde prima noctis hora tertiana febris, quæ quatuor tardaverat horis, horrida accessio facta est. Deinde sexta noctis hora alvus biliosa excrevit: ac quidem per universum corpus veluti sudores exhalant, per quos tota declinatio fere ad infrebricitationem pervenit: neque jam in ambiguo erat, quin tota febris tertiana omnino desisset:

Historia.

desisset: pituitosa autem sola remanserat, quæ & ipsa jam remitti incipiebat. Hac igitur ratione die duodecima non amplius anticipavit accessio duabus, ut antea consueverat, horis, sed hora septima invasit: neque die decima tertia sexta supervenit hora. Sed illa etiam septima hora invasit, quietem effatu dignam ac declinationem ostendens. Quartadecima vero die eadem declinatio melior admodum successit, ac hora nona accessio facta est: in urinis autem erant insignia concoctionis indicia, solutionem ægritudinis in die decretorio succedente futuram præmonstrantia. Hæc est tota adolescentis Hemitritæo exquisito laborantis historia:

C A P. VIII.

De Signis Hemitritæi Spurii primi ordinis Galeni.

Quibus signis duplex tertiana ab Hemitritæa spuria distinguatur.

IAm signa Semitertianæ spurie primi ordinis penduntur; & an ea febris, quæ vulgo hic in Italia dicitur tertiana duplex continua per superingressum paroxysmorum, non sit ad notas & illegitimas Semitertianas referenda. Non exquisita habet signa tertianæ exquisitæ, cum quotidiana spuria; vel quotidianæ exquisitæ typum cum tertiana producta; vel quotidianæ spurie & tertianæ spurie, quæ spuria recte vocatur. Galenus & posteriores ejus affectu hosce typos nobis expresse non declararunt, præsupponentes eos aut ex typo Semitertianæ exquisitæ jam proposito facile perdisci (facta inter eum & alios spuriarum comparatione) vel per signa, quæ redundantiam pituitæ vel bilis indicant satis spuriarum Semitertianarum signa declarari. Ajunt enim, quando pituita cum bile non habet æquabilem mixtionem, tunc appellari spuriam Semitertianam; sive bilis magis abundet, sive pituita superet bilem. Quod idem esse videtur, ac si dicerent, modo tertianam vel quotidianam magis esse legitimam, modo minus: & utramque aliquando spuriam. Nam existente bile minus meraca, tertianam productam generari asserunt: quotidianam vero spuriam, quoties multa bilis pituitæ permiscetur, locis tamen putredinis discrepare, ut alia in venis sit, alia extra venas, quæ putrescit. Ex quo conficitur eas febres, quas nunc duplices tertianas appellant per superingressum paroxysmorum, esse magna ex parte Hemitritæas spurias; item & alias, quæ sunt conclusæ, & uno die sunt leviores, altero vero graviores. Igitur videndum est, quibus signis nos distinguere debeamus duplicem tertianam, tum eam, quæ continua est per superingressum paroxysmorum ab Hemitritæa spuria Galeni primi ordinis.

quotidiana
omodo à
plici tertiana
distinguen-

Profecto quotidianam à duplici tertiana distinguere solemus typis quibus discrepant, manifeste in principio morbi, manifestissime vero in fine, quando solvuntur. Nam primo quotidiana una febre eademque hora quotidie invadit, si non anticipet aut postponat, cum accidentibus quotidianæ plurimis & magis propriis, & quotidie fit major augesciente febre; ubi vero ad statum pervenit, ipsa quoque consistit quotidie, nec uno die major quam altero invadit; in declinatione vero quotidie fit minor & paroxysmos habet breviores, levioribus accidentibus concomitantibus, donec solvatur. At tertiana duplex quotidie neque una

hora invadit, neque æqualiter in augmento paroxysmi utriusque augetur, sed una magis & citius altera ad statum morbi properat cum accidentibus tertianæ magis propriis; & quæ initior fuit aut prior, prius solvitur ac declinat, altera graviore ac difficiliore adhuc perdurante tanquam simplici tertiana.

Ponamus pro exemplo presbyterum, quem invisimus anno superiori in fine ætatis prope æquinoctium. Hunc febris primo die, qui erat lunæ, invasit hora una post meridiem (quæ in Italia est decimanona) cum calore, deinde circa vespeream hora vigesima quarta, horror eumprehendit per mediam horam durans, postea vomuit invalescente paroxysmo bilem & pituitam; hora octava noctis (seu quatuor horis ante exortum solis subsequenteris diei (qui fuit Martis) febris fuit in statu, deinde circa vespeream subsequentem in summa declinatione, ita ut pulsus fuerit æqualis secundum longitudinem, & ordinatus, paulo tamen celerior quam esse debebat, si prorsus ad naturalem statum reductus fuisset: die igitur Martis ejusque nocte sequente ad naturalem statum rediit. Circa meridiem tertiæ diei, qui Mercurii fuit, calor anticipavit per duas horas, & horror quoque citius invasit, nempe hora decima septima: quarta vero hora noctis subsequentis, remissa febre, iterum rigor invasit, deinde subsecuti vomitus aliaque febris tertianæ signa, quæ tota nocte illa cruciarunt ægrum usque in diem Iovis quo plurimum remisit in quarti diei initium excurrere antequam desinebat. Rursus in fine quarti anticipando per tres horas invasit horror hora duodecima mane dici Veneris invalescente paroxysmo. Quis hanc febrem pro duplici jam tertiana non habebit? Vocet alius duas tertianas, unam productam, alteram simplicem, non laboro, dummodo febris progressum & finem animadverterit. Igitur anticipans hic paroxysmus etsi minori cum horrore invaderet, calor tamen erat major, febrisque accidentia graviora solito præterquam capitis dolor, perdurabat per totam diem, & antequam desineret ad integritatem, hora sexta noctis rigor iterum comparuit major, cum vomitu levi, majori calore ac in diem sabbathi sequentem, (nempe quintæ diei, quæ ab initio morbi computatur,) excurrente antequam intermitteret. Die solis hora una ante auroram rediit febris sine horrore, sed cum insigni fervore. Deinde hora circiter nona noctis, iterum riguit æger, validiore subsequente paroxysmo, quam prægressa nocte. Perduravit hic per totum diem sequentem lunæ, in qua circa vespeream octavam diem à morbi initio eramus ingressi. Die Martis mane leviter incaluit, perduravitque calor usque ad vespeream, qua nonum diem ingressi eramus. Noctu subsequente hujus diei, nullum initium alterius paroxysmi visum est. Sed mane die Mercurii circa exortum solis parum riguit, plurimo calore subsequente in multam noctem. Die Iovis mane, quo adhuc eramus in decima aut (si quorundam calculationes sequi voluerimus, qui viginti tres horas tantum pro die medicinali numerare volunt) initio undecimæ morbi totius, calor novus invasit, sed levior quam qui matutinis horis diei Martis: is circa vespeream prorsus cessavit, ut æger à febre integer videretur. Die Veneris horis duabus post

Historia.

bus post exortum solis (fuit hæc hora decima quarta) incalescere cœpit lente; & post meridiem febris fuit validissima, quæ ad noctem mediam ægrum cruciavit. In summa declinatione horum paroxysmorum nulli unquam sudores comparuerunt, sed levis quidam mador circa collum & caput. Die sabbathi cum ibi jam effemus mane exiguus calor febrilis paucis horis animadversus. Die solis hora decima quinta, calor insignis incepit sine rigore, perduravitque usque ad noctem mediam, qua intermisit. In fine diei decimæ sextæ (qui erat lunæ) mane sine febre. Die Martis antequam ingrederemur decimam quartam, hora decimæ septimæ febrilis calor minor, quam die solis apparuit, ac se in mediam usque noctem protraxit. Die Mercurii caruit omni febrili calore. Die Iovis calor rursus invasit circa decimam & nonam horam, sed minor quam die Martis. Hæc febris deinceps alternis diebus invadens usque ad vigesimum quartum morbi diem permansit (singulis paroxysmis notabiliter declinans,) quo tandem disparuit. Die vigesima septima à morbi initio, rediit febris cum horrore, circa vigesimam primam horam. Die sequenti iterum invasit hora vigesimatertia, cum partium extremarum levi frigore & minori ac breviori calore subsequente, perque novem horas perduravit. Tertia die à recidiva (quæ fuit trigesima ab initio morbi) horror invasit cum febre per undecim horas perdurante. Die huic proxime sequenti, rursus febricitavit eo modo & eadem hora, quo secunda à recidiva die. Atque sic alternis diebus quotidie febrem patiens unam, quæ vere erat intermittens, modo major modo minor paroxysmus comparebat. Qui in statu recidivæ erant longiores, in declinatione breviores. Evanuerunt tandem oborto alvi profluvio post quadragesimum diem à recidiva, à morbi vero initio post sexagesimum septimum diem.

C A P. I X.

De Typo Compositæ Semitertianæ cum tertiana.

Semitertianæ exquisitæ cum alia tertiana compositæ typus nobis declaratur à Galeno lib. 11 de Crisib; cap. 19, per historiam mulierculæ, his verbis. Nuper igitur (inquit) quadam muliercula in paribus diebus horridam accessionem habebat, Semitertianæ exquisitæ propriam: in imparibus vero, mane alteram quandam ea, quæ præcesserat, longe minorem: ut altero die Semitertianæ febris accessio super accessionem advenire videretur; quod in tali febre fieri consuevit. Circa octavam vero horam diei altera invadebat accessio cum rigore vehementi, omnia exquisitæ tertianæ febris indicia adferens. Iam vero hæc confracta sudoribus & bilis vomitibus hora tertia noctis, mox extendebatur ad diei paræ horam secundam. Et cum jam infrebricitationi appropinquaret, rursus horrida atque inæqualis illa accessio succedebat, quam in paribus diebus fieri diximus: Deinde per totam diem maligne compressa, ac deinceps adaucta, vix occidente sole ad statum perveniebat, ac declinare incipiebat hora quarta noctis. Deinde mane rursus super abundantes reliquias additum augmentum non valde inæquale, usque ad octavam horam intendebatur. Et cum jam manifeste statum febris obtinere videretur, jam febrem hanc febris exquisitæ tertianæ accessio altera suscipiebat. Hanc nos febrem statim die secunda ex com-

Historia,

plicatione Semitertianæ febris atque tertianæ factam novimus: longe vero certiores tertius dies præbuit cognitionem. Atque in spem venimus, alterum circuitum qui erat tertianæ febris, cito finem habiturum: alterum in longius tempus debere protendi, quod etiam contigit. Et tunc aperte visum est, in reliqua parte ægritudinis solam superesse Semitertianam: quæ principium quidem totius circuitus in pari die faciebat; in die vero impari superacendebatur. Tales quidem missiones (nempe febrium) non est uniuscujusque dignoscere.

C A P. X.

De Prognosticis, quæ futuram Semitertianam præfagire possunt.

Quæ Semitertianam minantur signa, desumuntur præcipue ex quinque fontibus; nempe anni constitutionibus, regionibus, ætate, sexu, dispositione corporis, aut morbo præsentente. Nam anni tempora inæqualia hanc maxime producant: Ver, æstas, autumnus, pluviosa & austrina, intervenientibus frigidis ventis, aut post tempestates frequentes vel grandines plurimum refrigerato aëre. Anni quoque constitutio pestilens, vel aër miasmatis pestilentibus inquinatus, frequentiam hujus febris præfagire solent. Nam quo tempore pestis regnat, hæc febris in omni terrarum regione, in qua pestis est, frequentissima esse cernitur.

A paucis tamen Medicis solet animadverti ob duas causas: prima est, quod antequam per tres aut quatuor paroxysmos innotescat in ipso augmento, in principio morbi ægri sæpe moriuntur. Secunda est, quod magis in peste urgeat necessitas pellendi malignitatem pestilentem, seu ipsam pestem, & sic omni fere tempore nutriendi, quam considerandi, qua hora plurimum remittat febris, ut ea protinus cibis porrigatur.

Regio quoque, in qua hæc febris endemia est aut frequenter versatur, animadvertenda, ut Roma, Africa totus tractus, quem mare mediterraneum & Oceanus alluunt: Pannonia, Austria, Moravia, Croatia, Styria, Illirium, Istria. Germani Rhæni accolæ, & Belgæ minus hoc malum sentiunt: nisi quo anno dysenteria contagiosa grassantur, quæ plerunque ante finem ætatis & in principio autumnus conspiciuntur. Nam apud hos, præcipue Belgas, magnæ temporum mutationes non fiunt. Lana & pellibus se vestiunt usque ad initium ætatis, quibus contra vernam aëris inæqualitatem sese satis tumentur. Cibis, quibus hyeme quotidie vescuntur, ex rapis, naps, pastinaca, carotis seu duaco tum nigro, tum flavo Theophrasti, se magnopere per urinas purgant. Anno millesimo sexcentesimo septimo, quo Patavii medicinam exercebam, ex vere continuis pluviis tentato, & prima ætatis parte reliqua, & autumnus subsequens plus quam media parte calidis & siccis, Hemitritæas prædiximus & vidimus. Eisdem ob tales aëris & temporum constitutiones, annus millesimus sexcentessimus decimus quintus apportavit & prædixit multis Germaniæ regionibus non modo vere & æstate, sed etiam autumnus initio, quod esset solito calidius & humidius. In Moravia tunc temporis eramus, & tam frequentes in ea vidimus, ut adultorum, qui in vallibus & circa aquas habitabant, tam

Fontes, ex quibus sumuntur hujus febris signa.

Cur hæc febris à paucis Medicis animadvertatur.

Qui populi huic febre magis minusque obnoxii.

Et quo tempore.

tam virorum quam mulierum mediam partem invaderent, mense septembri & initio octobris. Eodem anno verno tempore veræ hemitritæ, majores & malignæ cum rubris maculis culicum moribus similibus, sed latioribus dense per totum corpus dispersis antea advenerant, integros pagos & oppida invadentes, ac nemini fere adultorum parcentes, ex quibus omnes pene post decimumquartum diem superstites mansere. Quapropter ad rectam prognosin hujus febris constituendam, oportet diligenter regionum climata considerare, ac conferre cum iis anni constitutionibus, quæ ipsi convenire solent. Repetantur ex Hippocrate ac memoriæ mandentur constitutiones anni, quæ in Thaso observatæ sunt, in prima & secunda sectione epidemiorum, harum febrium feraces.

Actas quoque, & sexus in hac prognosi considerandi. Nam pueri rarius his premuntur, viri & juvenes frequentius, quam mulieres. Maxime etiam prædicimus hæc futuras ex dispositione corporum, & morbis prægressis desinentibus die pari & non critico, ac sine signis coctionis, vel præsentibus; ut febribus tertianis productis simplicibus, & compositis ex duplici tertiana producta. Quemadmodum etiam ex spuris quotidianis: nonnunquam ex specie quadam tertianæ, quam octo vel pauciores horas ante rigorem præcedit quidam calor febrilis secundo vel tertio paroxysmo, qui paulatim exacerbat, augeturque subsequenter paroxysmis tertianæ.

C A P. XI.

Tabidi an hac febre corripiantur. Tabidi vox varie significationis: auctoris sententia.

MEmini Hippocratem nos docuisse lib. I Epidem. Tabidos, & quicumque ex aliis longis morbis agrotant, ex hac maxime agrotare. Id confirmatur ex eodem sect. I ejusd. lib. ubi anno maxime austrino in Thaso contigisse hæc narrat: Solus enim, inquit, & maximus ex his, qui tum vigeant (morbis) tabidus morbus multos occidit. Erant autem plurimis ipsorum affectiones ejusmodi: febres horride, continuæ, acutæ, in totum non intermittentes: modus autem erat Semitertianus. Ego, qui annos jam viginti quinque & amplius medicinam variis in locis feci, haud memini me unquam vidisse tabidos, qui ea Semitertiana laborarint, quam nobis descripsit Galenus. Nec puto eam unquam à Galeno visam tabidis supervenire. Quapropter anceps hic in suo commentario I I I ad lib. I Epid. Galenus timide ac diffidenter hæc ait; At nullam in iis, quæ ad integritatem evadunt Semitertianam vocare Hippocratem ostensum. An vero eam unam, quam proprie ego vocare consuevi horrificas repetitiones facientem; an etiam eam, quæ absque his sit, dignum est attentione. Si enim tabidis & aliter diu agrotantibus solet accidere hæc febris, fortassis etiam si horrore careat vocabimus eam Semitertianam, si die secundo iterum invadat. Sed quod dixi, quando de vocabulo questio est, nil interfit, si cui potissimum tribuat febre nomen Semitertianæ Hippocrates, non plane teneamus. Ego profecto semper fere animadverti tabidos febribus corripi, & perire tandem eisdem, quæ singulis diebus invadunt in modum quotidianæ continuæ; cui si superveniret ter-

tiana, esset jam Semitertiana quodammodo Galeni dicenda ratione modi invadendi, nequaquam tamen causarum ratione, & maximæ putredinis loci. Nam quotidiana tabidorum, symptomatrica Galeni sequacium, me judice erit febris non primaria. Quamobrem aliter, quam Galenus locum Hippocratis citatum interpretari mihi certum est. Imprimis ad illustrandam Hippocratis veritatem stabiliendamque scire interest in quam significatione nomen *Tabidos*, quod tabidos vertimus, accipiat. Deinde quinam sint illi longi morbi, quibus Semitertiana supervenire est solita. Sane *Tabidos*, teste Galeno, dicebantur veteribus Medicis, qui morbo tabifico, quem etiam *Phlegma* vocant, sunt opportuni: quales sunt, quibus caput facile repletur & ob id destillationibus in thoracem valde sunt obnoxii; item qui angusto sunt thorace atque restricto, ut à tergo in modum alarum scapulæ promineant. Hos Græci *Πτερυγιδες* vocant, id est, *alatos*. Contingit autem aliquando utramque dispositionem tabificam reperiri in Semitertianam habentibus (& tunc facillime contabescunt) interdum alterutram tantum. Nam fluxiones, quas caput ad pulmones mittit, temporis tractu ita labefactant pulmones, ut in iis vas quam facillime rumpatur, tum ob pulmonum substantiam labefactatam, tum ob tussis frequentem motum, qua conatur natura quod in pulmones lapsum est expellere; in his vero qui alati sunt restrictoque thorace præditi, nequeunt quod influxum est in thoracem pulmonesve expellere, aut valde difficulter. Sed & alio modo fit tabes quam per destillationem: quando scilicet pulmones vitium contraxerunt ex vase rupto, aut quando eorum substantia corrumpitur à fluxione alicujus humoris ab aliquo viscere in pulmones, ut jecore, liene, aliusve, quæ difficillime cognoscitur. Ideo hujus notitiam signaque Medici præteritis videntur aut saltem non observasse, quos ego per sexdecim & viginti annos vixisse aliquando notavi sine tussi molesta, facie florida & præpingui, aut certe quadrato corpore, nec nisi dissecto cadavere substantiam pulmonum corruptam cognovi.

Cæterum hic prætereundum non est, quod Galenus lib. I Epid. Com. I I, tradit, Hippocratem solere etiam tabidos nominare, quorum quocunque modo extenuantur & tabescunt corpora, nedum eos, quibus ob pulmonum exulcerationem totum liquefit corpus.

Cum igitur tot significationibus accipiat tabidi vox, videndum est an de omnibus, qui multipliciter dicuntur tabidi, hæc propositio Hippocratis vera sit. Deinde si de omnibus, cur id contingat.

Certe quæ ego in hac febre animadverti, Hippocraticæ veritati sunt consentanea. Etenim eos rarissime Semitertiana laborare conspexi qui firmis sunt visceribus: sed eos, qui destillationibus laborant, jecur habent obstructum aut lienem aut mesenterium, pulmones male affectos, per longa intervalla colicis doloribus infestantur, frequentius cæteris ab hoc malo prehendi. Nullius eorum, qui à Semitertiana perierant, cadaver memini me inspecisse, in quo pulmones & jecur non male habebant, vel una cum his caput, lien, renes, mesenterium, intestina magna ex parte inflammata, & in aliqua parte

parte gangrenata erant, præsertim quo loco ileon colo conjungitur. Observavi præterea eos, qui validis erant visceribus & corpore eufarco, ab hac febre incidisse in maciem corporis, obstructiones insignes viscerum, à quibus non poterant peritiorum Medicorum diligentia, nisi tractu temporis liberari. Itaque ex hac febre macilenti evadabant, aut maligne decumbabant. Quocirca non est à veritate alienum quod Hippocrates adjunxit, eos scilicet qui aliis morbis longis detinentur, hac (quanquam ὅτι τέτω alio sensu accipi queat, ut infra dicam) præcipue ægrotare; verbi gratia, lentis febribus ab obstructione viscerum pronatis & mensium suppressione in foeminis. Tales igitur ægrotantes ac tabidi facile in hanc febrem incurrun; quod viscera in his labefactata, præcipue naturalia, cibum nec bene concoquant, nec in probum sanguinem convertant, nec horum copiosa excrementa commode segregent. Ita copia pituitosi & biliosi humoris redundantibus venis contingit horum humorum putrefactio, qualis ad hanc febrem requiritur.

C A P. XII.

*Omnem Semitertianam propriam periculosam esse.
Locus Hippocratis illustratus.*

Cunctas Semitertianas proprias, *que continuæ sunt*, periculosas esse satis constare unicuique arbitror. De intermittentibus autem dubitari potest, an vacent periculo, nec ne. Nam videtur omne vitæ discrimen nobis abstulisse Hippocrates, tum in libro aphorismorum quarto, tum in Coacis pranotionibus, ubi asserit, febres continuas, quæ tertio die accrescunt, periculosas esse, intermittentes vero periculo carere. Ego tamen & ipsas intermittentes periculosas esse semper adstantibus ægrisque confidenter prædixi, propter earum tum transmutationem in continuas, malignas, recidivas, & alias periculosas; tum diuturna, acuta, & prava accidentia, quæ, ut in Semitertianis continuis omni tempore morbi, sic hisce in augmento, statu, ac aliquando etiam declinatione existimata supervenire consueverunt. Nam, teste Galeno lib. de typis, non os ventriculi solummodo ac nervosus partes, & summam mediâ attingit (Semitertiana,) sed & veterinosas cataphoras, vigilasque cum delirio, & synoposas diaphoreses insert. Linguam præterea valide exsiccant, & animi defectionem efficit vehementer, quæ in profundo sunt commovens. Observavit etiam Hippocrates, libro I Epid. sect. III, accidere Semitertianæ morbos acutos, & longos; ex illis periculosissimam fieri, ex his maxime molestam, nec sine periculo, quando sic scribit. Εἰν δὲ τῶ ἡμιτελείῳ καλεμένῳ Συμπύρῳ μὲν ἡ ὀξεία νοσήματα γίνονται, ἡ ἐπὶ τῷ λοιπῶν ἔτι θανάτουδεσφύ. ἀτὰρ ἡ φθινώδεις ἡ ὅσιν ἀλλὰ μακρότερον νοσήματα νοσέουσι, ὅτι τέτω μάλιστα νοσέουσι. Quæ sic interpretor: In febre, quæ Semitertiana appellatur, accidit quidem acutos morbos fieri, & talis est omnium maxime lethalis. Sed & tabidi & qui aliis longioribus morbis laborant ex hac (vel post hanc, in utraque enim significatione ὅτι τέτω à Græcis scriptoribus capi video, & debent hæc duæ voculæ sine distinctione conjungi cum νοσέουσι ὅτι τέτω, postea distingui) maxime ægrotant. Quasi vellet dicere, non carent periculo qui in

longos morbos & tabem incidunt ex hac febre, sive jam intermiserit, sive soluta sit per transmutationem in tales morbos longos.

Sed quod spectat nunc ad sententiam Hippocratis libro IV, Aph. XLIII, quæ contradicere nostræ opinioni videtur, ea sic habet: *Quæcumque febres non intermittentes tertio die validiores redduntur, periculosa existunt*: (quidam scribunt codices μάλλον ὀπικινδυνεῖ, id est, magis periculosa) *quomodo-cunque autem intermiserint, periculum abesse significat*. Ista sententia valde est ambigua: quia in varios sensus torqueri potest, & diversis distinctionibus scripta, alios sensus profert. Nam modo quo citavimus scripta, potest intelligi de omni febre continua primaria, quæ tertio die crescit, & ut continentes quoque includat: vel de periodicis tantum continuis duabus, vel de aliqua harum tantummodo. Nam synochus putrida & non putrida epacnastica tertio etiam die increscunt, & quarto plerunque magis, quam tertio, & nonnunquam quinto plus, quam quarto, si septimo fieri homotonos incœperit. Periodicæ continuæ, quæ tertio die increscunt, duæ sunt; τελαιφύης ab Hippocrate appellata, quæ secundum Galenum proprie dicitur febris tertiana continua; & Semitertiana: cui, si quis velit, poterit quoque eam adungere, quæ ex duplici tertiana admodum producta componitur. Ita ut anticipando suis paroxysmis etiam hæc febris continua fiat. Omnes hæc periculosas statuunt autores. Sed & alteram invenio in Hippocratis codicibus hujus aphorismi distinctionem, præter jam communem propositam, quæ maxime consideranda est in vulgari textu, ubi invenio commate distinctum: sic enim scriptum est; οἱ πυρετοὶ, ὅτεσσι μὴ διαλείπνεις διὰ τέλης, ἰσχυρότεροι γίνονται, ὀπικινδυνεῖ, id est, *Quæ febres non intermittentes tertio die, validiores fiunt periculosa*. Libro VII, aphor. IXXI, hoc modo legitur: οἱ πυρετοὶ, οἱ μὴ διαλείπνεις, ὡς ἰσχυρότεροι διὰ τέλης γίνονται ὀπικινδυνεῖ. id est: *febres non intermittentes si validiores fiant tertio die periculosa*. Hanc scripturam nos sequentes putamus, Hippocratem per febres intermittentes non intelligere febres omnes continuas; nam hæc periculosas esse non per se docere videtur: sed, ut dicit I Epidem. quia sunt acutissimi & maximi ac gravissimi morbi, & maxime lethales in continua febre. Ineptus igitur apparet hic aphorismus si ita intelligeretur, ut febres continuæ sint periculosa, quæ tertio die fiunt fortiores: quasi vero quæ secundo aut quarto fiunt fortiores, periculosa non sint. Aut si Galeni scripturam eligamus, illæ his magis sint periculosa, quod falsum est. Nam quæ secundo die aut quarto fortiores fiunt, paribus diebus judicantur æque vel ad salutem vel ad mortem: quæ vero tertio, imparibus. Iam Semitertianam febrem non omnem fieri fortiolem diebus imparibus, & tertio die præsertim, patet ex ea specie, quæ prius à quotidiana incœpit primo die, secundo vero tertianam sibi habet comitem. Itaque statuo Hippocratem per febres non intermittentes intelligere febres, quæ per duos vel plures dies perdurant, ut sunt diariæ plurium dierum, & synochæ, quæ tertio die declinare jam incipiunt aut factæ sunt homotonæ, istæ non sunt periculosa si tertio die intermittant, hoc est, vel in

totum

totum ad infebrecitationem deveniat, vel remittant, vel permaneant in eodem statu eadem febres non intermittentes: his enim modis si remiserint, periculo vacant. De perfectis enim & proprie dictis intermittentibus nequit hic aphorismus esse verus, etiam ex doctrina Galeni. Nam producta tertiana simplex & duplex, intermittentes sunt, nihilominus periculosa; & febris quotidiana non vacat periculo. Quartanas in nonnullis regionibus periculosas esse vidi, ut in Moravia sapissime in hydropem transmutatas: quod aeris, aquarum & victus rationis vitio dandum arbitror. Tertianas à superveniente syncope mortem nonnullis intulisse (raro tamen) observavimus. Porro propter clariorem citati aphorismi expositionem, addendum per fortiores febres significari eas, quarum calor sit validior aut paroxysmus vehementior, quam prior: etiam si alii morbi acuti non supervenerint. Per tertium diem intelligit non omnes illos dies impares totius temporis morbi, sed tantum primum imparem ab initio morbi. Quamobrem statuit Hippocrates, non omnes febres continuas periculosas esse: sed eas, quæ invalescunt tertio die. Remittentes vero tertio die ut plurimum, aut prorsus intermittentes, sine periculo esse.

CAP. XIII.

Utrum brevis, an longa sit hæc febris.

Galenus libro de Typis Semitertianam non modo inter acutos, sed etiam inter longos morbos esse connumerandam ex libris Epidemiorum Hippocratis statuit: quando Hippocrates docet, præ cæteris maxime lethalem esse, cum in hac morbi eveniunt acuti; tabidos & longis aliis morbis detentos hac præcipue ægrotare. Avicennas auctor est, aliquando hanc febrem extendi usque ad septem menses. Quod tanti viri testimonium sæpe consideravi, quomodo verum esse posset. Nam videtur quoquo pacto humanam intelligentiam superare, Semitertianam febrem, quæ continua est, omnibus suis typis & circuitibus usque in septimum mensem extendi posse, cum vires hominum non videantur esse ferendo tam longum & gravem morbum. Etenim quamvis tertiana, quæ in Semitertiana concurret, cum quotidiana aliquando in multos menses perseverarit; quotidiana tamen continua per tantum temporis spacium nunquam perseverat, uti nec tertiana continua, nec quotidiana intermittens, nisi aliqua duplex tertiana valde spuria adfuerit, & à plurima pituita pronata, aut eadem infarcta in aliqua parte, in qua concoctio materiæ febrilis difficulter procedit: qualis ea esse solet, quam nonnulli symptomaticam ex obstructionibus viscerum appellant. Itaque censendum quoque est, Semitertianæ huic longæ, si fuerit primi vel secundi ordinis Galeni, non fuisse adjunctos morbos acutos, qui admodum vires prostertere potuerint; aut sane intermittentem ex continua factam fuisse: quæ, quo tempore æger vacabat à febre, quotidie præbere potuerit tempus restaurandi vires ægri.

Sic illa matrona (quam narrat in Epistolis Medicinalibus Balduinus Ronsæus, sexagenariam tertiana febre annis triginta detentam fuisse) tam mi-

tertiana laboravit, ut tempore paroxysmi singula munia obire & exequi potuerit, de tertio in tertium certa hora horrere leviter inciperet, cum quadam pauculatione, quam post tres horas levius excipiebat sudor, cum non admodum acri calore. Sed & ad septem menses Semitertiana se extendere potest, & ulterius computatis una recidivis vel commutationibus in alias febres, quæ utraque in hac frequentissimæ esse solent: quemadmodum quartanæ in unum vel alterum annum sic porriguntur, ut non semper quartanæ maneat: sed modo hæc intermittit integre per plures dies, quandoque septimanas; modo ubi per hæc tempora in alias febres sese transformavit, repetitiones facit pluribus, propriisque circuitibus reliquo tempore, donec prorsus desinat.

CAP. XIV.

De crisi hujus febris, commutatione, solutioneque per alios morbos.

Raro ejusmodi febris crisi perfecta solvitur intra quatuordecim aut viginti dies, nisi si primi vel secundi ordinis Galeni fuerit, & ea valde exquisita, quæ raro conspicitur: spuria vero quasi semper. Hæc ratio est longitudinis, imperfectæ criseos, commutationis in alios morbos, & recidivarum. Crassa enim materia & frigida longiori indiget mora, ut concoquatur in venis. Observavi plerumque ab initio febris, computatis recidivis, & febrium commutationibus esse primum terminum solutionis diem quadragesimum raro, deinde hoc frequentius sexagesimum, frequentissime octuagesimum, raro centesimum, & centesimum vigesimum, ac ultra.

Modi, quibus perfecte solent judicari Semitertianæ, sunt fluxus alvi, enormes dysentericæ, interdum & colici dolores morbum abbreviant, si sint cum signis concoctionis & facili tolerantia: si abfuerint, in vitæ discrimine versari ægrum dicendum est. Modos autem, quibus imperfecte judicantur, & veluti per recidivas & alios morbos solvuntur longo temporis tractu, & quales illi sint, jam per historias ostendam.

Primum animadverti Semitertianam in simplicibus, ex quibus composita est, febres continuas vel intermittentes transmutari plerumque intra viginti circiter dies: deinde paucorum dierum intervallo eam febrem, quæ desierat, sive quotidiana fuerit sive tertiana, intermittens aut continua, rediisse per aliquot dies: iterumque ægrum deseruisse per justum statutumque intervallum; factis sic tribus aut quatuor recidivarum circuitibus, nec desinente alterutra febre.

Cum anno millesimo sexcentesimo decimo-octavo Semitertiana minori ipse correptus essem mense septembri, post quartum paroxysmum tertiana liberatus fui: decimo quarto die etiam ab altera, quæ quotidiana videbatur spuria, prorsus immunis: vigesimo iterum correptus sum febre, quæ singulis diebus invadebat, cum horrore per tres dies continuos circa vesperam, ut illa quæ primo die accessit, levissimos horrores haberet, post extremarum partium frigus per aliquot horas perseverans: quæ vero sequebatur postero die manifestos horrores monstraret Semitertianæ magis proprios t

prios: quæ tertio die invadebat iisdem horis vespertinis, iterum typum primi diei observabat. Tum post hos tres paroxysmos, per tres dies omnino à febre immunis videbar: inde eadem febrium repetitiones animadvertiebantur, quæ toties suos circuitus fecere, ut jam ad sexagesimum diem ab initio morbi me perduxerint priusquam prorsus sanus essem. Et nisi medicamentis blande purgantibus atque obstructions tollentibus, alvum laxam quotidie tenendo valetudini consuluissem, proculdubio ad octuagesimum se extendissent, vel usque ad centesimum vigesimum, ut aliis temporibus.

História.

Sic anno millesimo sexcentesimo decimoquinto, mense Augusti, in Moravia uno eodemque die minori Semitertiana corripiebantur plurimi incolæ, quorum omnium fere tertiana, cum ad quatuordecim pervenisset paroxysmos, desit; quotidiana continua quodam catarrho concomitata superstita cum satis laudabili enæoremate, subsequente alvi fluxu modico. Hæc quoque paulo post in tantum remittebat, ut periti Medici judicassent jam à febre liberatos ægros: quin Medicis valedicentes, ut sani degebant. Post dies circiter quatuordecim duplex tertiana intermittens eos invadebat, tenebatque per quadraginta dies, quibus tandem una tertiana post alteram, consueti suo more, paulatim evanescebat. Totum autem morbi tempus fuit octuaginta dierum.

Aliis à simili Semitertiana febres lentæ quotidie invalescentes circa vespertinam statutis horis cum frigore partium extremarum supervenerunt, cum magnis obstructionibus viscerum, jecoris præsertim, lienis, mesenterii, pancreatis ob abundantem pituitam à capite ad hæc partes (ut signa quædam ostendebant) dilabentem. Neque tamen hæc febres lentæ quotidianæ erant simplices, sed spuria causa & typo. Nam portio bilis pituitæ putrescente erat permixta; & una febris diebus paribus tardius (hora scilicet quarta) invadebat; altera diebus imparibus hora tertia, quarum status in singulis paroxysmis matutinis temporibus prius non elucescebat, ut propterea tertianæ duplicis productæ naturam haud sapere mihi videretur. Quippe quæ longam habet declinationem, & breviora tempora principii, augmenti & status. Igitur ex jam dictis spuris quotidianis, nonnullis quartanæ contigerunt, iis scilicet qui sese non bene in victus ratione gesserant: sed statim redeunte appetitu, plurimo cibo famem, quæ erat plerisque falsa, pellere conabantur. Cæterum pauci ex hac Semitertiana è vita discesserunt: ii tamen qui infirmis, antequam ea corripiebantur, visceribus erant, & senes & capite imbecillo præditi moriebantur, succedentibus apoplexia vel lethargo. Nonnulli quoque circa quadragesimum diem fiebant ex levissima apoplexia, & quæ per quadrantem horæ aut mediam perseverabat (plane quomodo ii, qui animo linquunt & ad se redeunt) cum stertore tamen paralytici, quibus motus artuum, præcipue brachiorum & crurum difficilis reddebatur, superstita sensu. Hæc paralytis à paucis Medicis cognoscebatur. Omnes autem existimabant, hanc ambulandi, corpus erigendi & apprehendendi, crurum & manuum impotentiam (erat enim ut plurimum universalis) à virium imbecillitate produ-

ctam, & propterea ægris copioso alimento, contra meam sententiam subveniendum esse.

Albertus tunc temporis Baro à Wallestein ex *História.* Semitertiana die vigesimo in quotidianam spuriam, quæ duplex tertiana ab aliis vocabatur, incidit. Ex hac die vigesimoquarto levis apoplexia, quæ per medium quadrantem horæ cum vix perdurasset (à Medicis adstantibus prorsus syncope, vel animi grave deliquium putabatur: aderat enim stertor) paralytis facta est; quam primo die tantum debilitas ambulandi subsecuta est. Inde cum propter famem supervenientem post apoplexiam, & consilium Medicorum, qui eum à ciborum & virium vitalium inopia debilitatum tantum credebant, plus comederet & biberet quam valetudini acquirendæ conveniebat, concoctioni scilicet crudorum humorum à febre relictorum, paucis diebus omni ambulandi potentia ablata, brachiorum erigendi & manus ori admovendi, dorsum flectendi & erigendi sese, ac erecte sedendi, caput & cervicem attollendi, in lecto decumbere coactus fuit.

Omnes enim nervi qui à spinali medulla originem habent, ab humore seroso à capite dilabente per magnum foramen ossis occipitis, circa quam partem dolebat, erant valde relaxati. Post quatuor dies, nisi mea opera usus fuisset fortioris apoplexiæ recidivam proculdubio incurrisset, à qua mortem effugere non potuisset. Verum cum ex meo consilio mutasset victus rationem (permanente adhuc prius lenta quadam febricula, circa vespertinam cum frigore partium se exacerbante ex viscerum obstructionibus dependente, & capitis destillationibus in varias subjectas partes, per paroxysmos veluti quasdam recidivas redeunte,) intra dies septendecim, octuagesimo nempe curatus fuit superveniente colico dolore eoque critico, quem ex consuetudine talis crisis illius regionis & anni multo antea prædixeram.

Sed & in aliis regionibus ut Belgio & Italia, quando Epidemicæ grassantur Semitertianæ (ut contigit anno millesimo sexcentesimo decimo-septimo, & vigesimo ac vigesimo primo) colici dolores post longam quotidianam spuriam aut duplicem tertianam spuriam vulgo vocatam, relictam ex Semitertiana, cum eos multo tempore antea prædixissem non sine plurium admiratione, solverunt morbum. Vsu enim longo edoctus sum dolores hosce colicos post duplicem tertianam vel quotidianam spurias relictas sequi, quod febres præcedentes hos aut concomitantes orirentur ab abscessu plerumque consistente in pancreate, mesenterio vel cava jecoris, atque inde jam aliquo modo concocta materia ad tenuia vel crassa intestina depellerentur. Contingere hæc vidimus aliquando quadragesimo die, nonnullis sexagesimo, plurimis octuagesimo. Interdum colicorum dolorum loco, perpurgato diligenter corpore & præcedentibus signis concoctionis in urinis cum laudabili hypostasi, diarrhææ accidunt per intervalla repetentes & per paucos dies continuantes, nec ægros delassantes, subsequentibus aut præcedentibus sudoribus copiosis, urinis copiosissimis, tenuibus, albis, aquosis. Si dolores colici multo tempore ante criseos tempus comparebant, abscessum in colo aut circa ipsum denunciabant. His per alvum pus aut sanies cum diarrhæa tempore criseos

criseos excernebatur. Nonnullis purulenta materia per urinas excreta in hoc morbo pro pituita & crudo humore habebatur; non sine falsa prognosi, qua afferebant morbi jam per longum tempus perdurantis longius tempus, cum finis ejus instaret. Sed hos antea graves lumborum dolores ac colici spurii, quos appello cum Fernelio, diu vexaverant. Quibus sine dolore colico febris Semitertiana aut quotidiana ex hac relicta paulatim sine aliqua manifesta excretionem discutiebatur sponte post diem quadragesimum, sexagesimum, vel octuagesimum aut ulterius, & plurimo cibo utebantur propter restitutam appetentiam, hos vidi semper plurimum à cibo & potu lætos, ac febribus frequentibus ob obstructiones relictas in prima corporis regione obnoxios fuisse, hypochondriacos & melancholicos evasisse, si non in periti alicujus Medici manus incidissent. Itaque sæpe meis auditoribus inculcare soleo, me nullam noscere febrem plurimum recidivarum, plurimum ac magis variorum morborum feracem, quam Semitertianam.

Illud quoque observandum in hac febre, quod Hippocrates scriptum reliquit *lib. 1 Epidem.* omni morbo ac febre evenire: quod nempe quibusdam ægris incipiens floret & viget maxime, infestatque gravius: circa judicium vero, & in judicio imminuitur. Nonnullis molliter incipit & submisit, sed crescit indies, & exacerbatur: sub judicium vero & in judicio abunde elucet. Quibusdam etiam leviter incipiens augetur & exacerbatur; & simul atque aliquandiu viguerit ad judicium, & sub judicium rursus se remittit.

C A P. XV.

De Longitudinis & brevitatis febris, commutationis in alios morbos, & speciei futurae criseos præcognitione.

Medicum imprimis prævidere ac prædicere oportet, an longa an brevis futura sit hæc febris, & quæ in ea commutationes ac crises expectandæ sint. Ea quæ præcesserunt, quæ consequuntur, quæque adsunt nobis ista significabunt. Invasionis modus, regio, anni tempus, cæli & æris constitutio perpendenda sunt. Nam si lente febris hæc procedat ad statum; nec tertianæ & quotidianæ uno eodemque tempore simul invadant, tussis aliquandiu molestaverit modice irritans & sitim extinguens, sine sputo persistat; urinæ sint disperso enæoremate vel nubecula, quæ initio morbi magis videbantur compactæ, aut modo laudabilem habeant hypostasim, modo rursus enæorema tantum vel compactum vel dispersum, aut aliter tarde fiat laudabilis, longa febris futura est.

Si febris sine signis concoctionis ægrum reliquerit & valida aliqua evacuatione per abscessum vel sudores & urinas copiosissimas, aut notabile sanguinis profluvium, pro certo recidiva est expectanda, aut commutatio in alium morbum. Et si mors non præveniat, quadragesimo, sexagesimo, ut plurimum octuagesimo, raro centesimo vigesimo, vel ultra finem suum habent recidivæ, aut morbi commutatio, etiam si ægri foras progrediantur, & ut sani vivere videantur. Nam & ipsæ commutationes plerumque suas recidivas etiam faciunt, ut quotidiana vel duplex tertianæ, colicos

dolores, abscessus circa articulos, ut parotides, & qui circa viscera fieri consueverunt.

In Æthiopia & Africa aliisque calidioribus regionibus judicantur Semitertianæ septimo vel undecimo, vel commutantur in alios morbos, quemadmodum etiam anni temporibus pestilentibus, & vere ac æstatis initio in adolescente, juvenili, ac viridi ætate. In frigidioribus regionibus paulo tardius, præsertim si anni tempora valde inæqualia fuerint. Et pluviosa, frigida, tempestatibus frequentibus lacerata, autumnus instet, & senilis ætas.

Conducet hic etiam considerare species Semitertianæ. Nam Hemitritæa major brevis est: cæteræ ut plurimum si ad mortem, breves; si ad salutem tendant, longissimæ, si recidivas & commutationes earum temporibus includere voluerimus: alias intra viginti dies veluti aliæ acutæ simplicifque febres ut plurimum terminantur.

Conjectari etiam oportet earum commutationes futuras & species criseos. Vernis temporibus plerumque in quotidianam aut duplicem tertianam spuriam transire, si fluxus alvi insignis, aut copiosissimi sudores critici aut scabies non præveniant, & si nulla malignitas & pestilens aeris qualitas regnet. Si vero hæc adsint, maculæ, petechiæ dictæ, exanthemata, parotides expectandæ. Ætate dyentericæ veniunt, & quartanæ, si autumnus instet, duplex tertiana vel quotidiana frequenter recidivans, quæ tandem sæpe in dolores colicos abit circa autumnum & hyemem, eoque magis quo annus qui præcessit austrinus frigidus ac humidus fuerit, in temperatis regionibus, ut in Lombardia. Si vina quæ eo anno maturaverunt, omnibus in locis, tam planis quam montosis, consuetam maturitatem adepta non fuerunt, inde plurimos ægros conjecturandum est austera vina bibisse, & intestina ac ventriculum præter morem refrigerasse. In Moravia corporibus diu vexatis post Semitertianam à duplici tertiana & quotidiana spuriiis, magnis lienibus & obstructionibus jecoris aut mesenterii ac pancreatis, frequentissime superveniunt critici dolores colici. Quæ cuncta fiunt ob inæqualitatem materiæ putrescentis ac putrefactæ, transeuntis de una parte ad alteram per venas & arterias à valida vi expultrice naturæ & partium recipientium imbecillitate. Hæc profecto Moravorum intestinis inest maxima ob aquas crudas, vina cruda, & vitum nimis intestina refrigerantem. Colicos dolores futuros sæpe prædixi ex medicamentis calidioribus purgantibus assumptis, ut pilulis cochii & quæ aloen aut colocynthidem recipiunt, nil purgantibus aut minus, quam virtus medicamenti requirebat; qui tamen antea dum sani essent optime purgabantur ex lenioribus quibusdam purgantibus medicamentis & refrigerantibus melius hos ægros, quam fortiter purgantibus. Ex alvo admodum pigra, nausea, inappetentia, ciborum vomitu, aut gravitate à cibo ac molestia quadam (quam percipiunt maxime inter respirandum) metiente cingulum, quo ægri sibi præcordia & ventriculum per transversum constringi sentiunt; ab ardore quem inter mingendum sentiunt; vel urina rubra, crocea, biliosa, oris amarore, siti, inappetentia, vigiliis, arteriarum pulsû, febre continua quotidie se exacerbante, veluti quotidiana spuria. Hæc enim

Prædictio ex regionibus, aetatibus, & anni temporibus.

Ex speciei Semitertianæ.

Sua febris l. a.

R. dicitur, V. commutatio in alium morbum.

enim mala præcedunt, & invalescunt cum instant dolores colici, & permanent una cum aliis sæpissime per aliquot dies, si autumnus jam adsit, ut in curatione explicabimus.

Duplicem tertianam vel quotidianam continuam seu intermittentem, quæ ex Semitertiana relicta est, terminaturam per diarrhoeas, & copiosas urinas, cognoscitur ex præsentibus signis concoctionis in urinis, hypochondriorum murmure, & lumborum dolore superveniente juxta Aphorismum LXXIII, lib. IV Hippocratis: *Quibus hypochondria suspensa murmurant, lumborum dolore superveniente, iis alvi humectantur, si non flatus erumpant aut* (legendum forte, &) *urina copia prodeat: hæc autem in febribus.*

C A P. XVI.

De Signis, per quæ plerumque morituros ægros prævidere licet.

ATque hæc de commutatione in alios morbos & crisi in Semitertiana, ex qua plerumque supervitantes evadunt homines, dicta sufficiant: modo sequitur, ut de iis agamus, per quæ præscire consuevimus magna ex parte ægros morituros. Hippocrates lib. I *Epidem.* Semitertianam præ cæteris lethalem esse dicit, in qua morbi eveniunt acuti, & recte. Nam cum ipsa febris sola per se apta sit magnopere vires deicere, tum multo magis prosternuntur, cum morbi superveniunt acuti, quorum magna pars per se periculosa est, quidam etiam maxime lethales: quales sunt apoplexia, paroxysmus epilepticus, catechos forte Aetii; & alius quidam morbus in Germania & Pannonia frequens, quem Austriaci, Moravi, ac Styri *timorem* appellant, inter apoplexiam & epilepsiam quodammodo ambigens. Cadunt enim velut apoplectici sine sensu, non tamen motu privantur, neque tamen convelluntur ut epileptici: aliquando stertunt, nec tamen discusso morbo paralytim alicujus partis incurrunt. Porro præter hos morbos acutos, superveniunt lethargus, convulsio universalis totius corporis, sed maxime tetanus, & motus quidam convulsi, in brachiis conspicui, quando carpo admotis digitis explorant pulsus; præterea marasmus, strangulationes ab utero, angina, in qua difficillime deglutiunt ægri, ob calidissimos vapores à præcordiis ascendentes, ad caput asperæ arteriæ & œsophagi principium ac faucium. Nonnunquam & propter inflammationem, quæ in arteria magna est & vena cava, accenditur œsophagus, & interior ejus tunica ita obdurefcit, ut ægri strangulentur, aut cum cibum deglutire nequeant, sola inedia à vita discedant, quæ metuenda est, ubi lingua perquam arida evasit & aspera, veluti in ardente febre. Diurni sunt quoque morbi, qui si Semitertianæ superveniant aut illis hæc incidat, funesti sunt, ut hydrops, cachexia, aut tabes. Quibus pulmonum substantia labefactata est, & obstructions insignes in mesenterio, jecore, liene, pancreate, & colo; raro ab hac febre liberantur, præsertim si Semitertiana secundi ordinis Galeni fuerit: quod si transmutationem fecerit in alias febres longas, ut quotidianas, tertianas duplices, abscessus circa ventrem, colicos dolores, hydroperem, dysenteriam, cachexiam, plerumque per-

eunt. Dysenteria cum hac febre incipiens periculosa quidem est; sed tamen non valde lethalis. Nam per hanc plurima febrilis materiæ copia, etiam si cruda sit, expurgari consuevit, quæ initio morbi allevat ægrum, etiam si concoctionis notæ nullæ fuerint prægressæ. Quod si vires ilico prosternantur, funesti valde, præsertim si una peticulæ initio morbi aut exanthemata comparuerint. Nam si sistere voluerimus dysenteriam, augemus febrem: si sinamus eam fluere, ab inanitione vires nimium prosternuntur. Dysenteria quæ critice supervenit, etiam si imperfecta sit crisis, laudabilis. Idem dico de diarrhœa, in qua corrupti & foetidi humores excernuntur: & de colicis doloribus, sive statim cum febre, sive paulo post eam supervenerint. Maxime si tres affectus in eo qui insignes viscerum obstructions habet, & cui superveniunt vomitus, convulsio, singultus, mortem præfagiunt. Si initio variolarum superveniat Semitertiana, aut eæ hanc invadant, spes in angusto est.

Juvenem quendam strenuissimum Danum, ex *Historia* Ranzoviorum familia curavi, qui cum una cum hac febre in variolas incidisset, in tribus recidivis hujus febris tres variolarum recidivas passus est ante parotidas. Cæteris, cum post variolarum expulsionem & febrem synocham comparuisset, lethalis Semitertiana fuit, quod totalis variolarum expulsio prohiberetur ad partes externas ab internis.

A lumborum dolore initio huic febre conjuncto una cum febre sese exacerbante, pestilens febris aut maligna plerumque expectatur; præsertim si talis sit anni constitutio, in qua pestis aut febres malignæ populariter grassantur. Horum multi anno millesimo sexcentesimo primo, verno tempore in petechias inciderunt septimo vel undecimo, quandoque etiam decimo quarto, & mortui sunt undecimo, decimo quarto, decimosextimo, & vigesimo cum delirio & aliis morbis acutis. In horum cadaveribus apertis inflammationes, gangrænæ, corruptiones in intestinis, ventriculo, reliquisque visceribus omnibus, aut harum aliquibus, ut mesenterio, omento, jecore, liene, visæ sunt: Quin & pulmonum una, vel altera fibra, etiam si sine tussi decubuissent. Proveniunt hi dolores lumborum à putredine insigni, inflammatione, & cacochymia biliosorum humorum in vena cava & arteria magna, quæ per dorsum & lumbos perreptant, consistentium.

Decipi autem hic nos non oportet, si dolor lumborum ab aliqua causa evidenti nascatur. Ut à menstruorum profluvio vel instante vel jam fluente, gonorrhœa magna, calculo, aliave renum dispositione: vel si quis in lumbos ceciderit, vel ictus acceperit. Nam tunc hi dolores non à febre oriuntur, sed à propria causa. Hocque illud est, quod nos docere voluit Hippocrates lib. *Coacar. prenot.* quando sic scribit: *Lumborum dolor sine causa manifesta sæpe impetens, maligni morbi signum est.* Nuper nupti, aut alias plurimum Veneri incumbentes, & qui multum celeriterque equitarunt sicque magnum iter brevi confecerunt, si in Semitertianam incidant & una statim in dolores lumborum, temporibus quibus febres malignæ grassantur, in eas plerumque & ipsi incurrunt.

Cæteris

Lumborum dolores in febribus videtur.

Cæteris vero temporibus, quibus febres malignæ vel pestilentes non comparent, prædicere oportet hos præ aliis pejus se habituros ac periculosius ægrotaturos. Horum nonnullos observavi, etsi viginti jam dies superassent, aut primum impetum morbi, quo malignitatis & petechiarum signa elucescere consueverunt, in recidivis ægre salvatos, quosdam in longos morbos incidisse, ac longas & difficiles crises habuisse. Nonnullos etiam in prima recidiva, aut secunda, aut tertia, aut quarta, aut ea, quæ post sexagesimum diem comparebat, derepente mortuos. Itaque quod ab Hippocrate scriptum legi in Coac. prænot. *ex dorsi dolore ægritudinis principia difficilia sunt*, in hac febre frequentissime verum esse deprehendi.

C A P. XVII.

De Semitertianæ Pestilentis Cornelii Gemmæ symptomatibus, & prognosticis.

ANno millesimo quingentesimo septuagesimo secundo, tertio, & quarto Epidemica febris pestilens Belgium invasit, quam, quod ad Galeni Hemitritæam proxime accederet, pestilentem cognominavit Cornelius Gemma; ego vero malignam. Nam vix unum vel alterum se vidisse scribit tunc temporis, qui omnibus signis absolutam Galeni Hemitritæam patiebantur. Hujus igitur accidentia, quæ omni fere morbi tempore contigerunt in plurimis ægris, & prognostica, non inutile fore judicavi, hic ex eodem autore adjungere. Sic enim scribit: Incipiebant febres cum gravissimo dolore capitis, & somnolentia propter effervescentis spiritus, vaporis, exhalationisque crassitiem ex subiecta materie, quæ assidue à corde per arterias sursum ad cerebrum exundabat. Aderant & communia cætera, ingens præcordiorum dolor, sitis, inflatio spiritus frequens, suspiria luctuosa, jactatio corporis, extrema lassitudo, frequentes vomitus circa initia, sæpe & ventris per inferna excretio turbulenta, in omnibus & bilis exuperantis summa malignitas, & pituitæ lentor apparuit. Multis à primo assultu destillationes gravissima in nares, in stomachum, in metaphrenum, crura aut brachia perfluebant, cum dolore spinæ intolerabili. Plerisque statim sudores rari, subfrigidi, sine dierum lege, aut ordine promanantes, qui in perfrigerationem exitiosam cum stertore, ut plurimum desinebant. Sæpe cum illis pustula variæ, & exanthemata in variis partibus occurrebant, nunc cum tumoribus, nunc cum vesicis atque ampullis; nunc denique cum excoriatione totius, pro acrimonia vehementia, & putredinis modo. Multis insomnia fere continua post nonum, undecimum, decimumquartum diem, in somnum dierum plurimum terminabantur, quibus & curationis spes multo major affulserat: præsertim ubi sudor universalis accesserat: contra, quam aliis quorum vigilia transiebant in coma lethargicum, aut cataphoram, aut cataleptim. Multis parva quedam initia, & valde tranquilla, exiguum latentis veneni suspicionem de se dabant. Verum illicet à quarto, aut septimo die in phlogosim maximam evadebant, cum delirio, alias continuo, alias interrupto. Quibus à principio vehementia major, his fere minus periculi fuit. Qui vehementius purgabantur, mortui sunt plurimi ante crisin. Quibus aures obsurdescebant, etiam in melius progrediebantur: foras enim vertebatur morbus, ac vel sudoribus copiosis, vel superveniente lotio crassiore sunt restituti. Quos sudor non judicabat, longa

illis impressio febris, quid hecicum olens cum cachexiæ vestigio, permanebat. Qui magis diebus imparibus agitabantur, iis & magna ex parte funesta catastrophe fuit. Moriebantur, quibus & sanguinis boni profluvia ante septimum diem. Nam symptomatrica erat excretio, non natura providentia, aut gubernaculis fulta. Peribant & illi, quibus quartum inter & nonum diem sudores subfrigidi, aut pustula parvæ, & nigra nunc foras erumperent subito, nunc ab oculis oblitescerent. Sequebantur hæc è vestigio magna deliria, tremores manuum, pedum, pulsus convulsoris cum jactatione corporis, & summa inquietudine, lingua tremula, urinae & alvi incontinentia, tandem ex sudore continuo perfrigerati, ac rigidi spiritum exhalabant. Urina ut plurimum inter initia tenues, minimum tinctæ, sed sensim ex pallido in rufum, inde in sanguineum, passum, aut atrum penitus mutabantur: neque ullum curatum memini, nisi prius in illis cum plurimis bilis & pituitæ portionibus crassissimum venerit sedimentum, instar puris aut facis: etsi plerisque anticipans ventris profluvium hanc urinae speciem interceptit. Morituri sæpenumero cum atro admodum circulo, contenta urinae consimilia, atque ex iisdem spirans teterrimus factor. Multa erant in hoc morbi genere propemodum prodigiosa: quæque divinum illud Hippocratis in una mistura totius forma inclusum, & abditum tenerent. Quam ultimam propositionem, paucis interpositis, probat his verbis: Primum est, quod etiam nono die præterito, ac decimoquarto morbi vehementia perduraret sæpe usque in vigesimum, vel vigesimumseptimum diem. Cum enim raro conveniant simul & graviter affligere, & diu persistere, idcirco compositam fuisse materiem, & modo mirabili fermentatam, facile colligebam: videlicet igneas quasdam putredinis partes in profundo positas, quæ sensim urentes sub multo tamen glutinoso, & aquo delitescerent. Erat aliud ejusdem propemodum argumenti, illa nimirum frequens somni, insomni, avocæ, delirii alterata vicissitudo, confusa interdum, qualis in sopore vigili à Galeno est exarata. His adde, quod plurimis vigore præterito, tamen & morbi sit aucta malitia, ut, quasi devorato bove, tamen in cauda deficerent. Hæc autem simul constare posse Galenus ostendit libro de morbi temporibus, restincto quidem incendio secundum extensionem, sed intus grassante putredinis virulentia cum obstructionis materie, tum summa jactura virium: ut quam excoquere plene non potuit, propter malitiam facultas imbecillior non absolvat, imo vel aggredi in posterum vereatur: & quos totius mali ferocia minime sustulit, diuturnitas paroxysmi, & repetitio crebra confecerint.

Sed quid ex eo repetam singulares historias, quibus incredibilia ægris supervenisse narrat, propter peculiare cujusque subjecti temperamentum? In lingua multorum tantam animadvertit asperitatem, ut in fissuris aridis vasta profunditate dehisceret, & cum sanie hæc etiam sanguinem stillarent. In aliis inflammata rursus ac valde tumens, in nonnullis hiulcam, squameam, instar nigricantis corticis, item prassinam quandoque ob bilis pressinæ & ifatoidis copiam incredibilem. Vidit quoque linguarum tunicas abscedere; ut abstergendis sordibus & pelliculis, spacio horarum viginti-quatuor, vix cochlearia septem vel octo sufficerent. Quæ quantitas nequaquam diminuebatur tractu temporis, sed detractis aliis indies aliæ subnascebantur cum suffocationis periculo. Et hæc illis scribit potissimum contigisse, qui à vino abstinebant. Mulierem quoque idem Gemma invisit, cui in pellicula

culas crassas & glutinosas non solum lingua, sed & oesophagus universus cum ventriculo, tandem & intestinorum tunicae computruerunt. *Hæc, inquit, inter initia sitiens maximopere vinum austrium & rubrum hauserat in uno die prope ad quantitatem librarum sex, unde sic illi guttur incanduit, ut nec liquidiores cibos transmittere nedum medicamenta potuerit. Obiit illa miserrimo fato damnans humana presidia multumque impatiens, quod ne potui quidem accipiendo in acerbissima siti viam aut instrumentum commodum reperirent. Urina huic alba semper inter calores maximos totius corporis, in qua tamen odor gravis & pisculentus indices augebatur, unaque fluebant primo fursures quædam, inde pellicula, & postremo pus manifestum, villis, festucis & tunicis variis intertextum. Aderant singultus, ructus assidui, cum tanta doloris acrimonia circa præcordia, ut tanquam parturiens miserrime clamitaret. Sed post deliria parva ventris torsio supervenit, ac primum fatida, virulenta per sedem copia incredibili profluxerunt, inde & sanguis per os, & per posticam cum dolore punctili vehementi, à qua ita per acerbissimos cruciatus extincta est paulo post vigesimum diem.*

In Urinis etiam quorundam hæc scribit se observasse post septimam diem, primo ramenta quædam crassiora tum carnea, tum membranosa successively, postea fursurea, demum veluti in atomos comminuta quædam corpuscula, prout putridus calor accensus in carneas aut solidas partes se insinuaverat.

Vidit etiam in quatuor aut quinque, quibus post diuturna deliria velut pus exactum in urinis magna copia subsideret. (Quod & ego sæpe, ne dicam semel, me observasse memini) principio rufum, deinde carminatum, & sanguinolentum; postea album, leve & æquale. Ita, ut variis humoris rudimenta, in locum suum tendentia, pro alimenti specie relucere. Erat autem plerisque subatrum in fundo, seorsim livescens, atque ita sensim candidius atque tenuius, Sedimenti crassioris medio coronam æmulante, in cuius medio vacuum cum esset, transparebat uri-

na, sine sedimento purulento. Cum talibus urinis scribit ægros plene judicatos. Memini me quoque invisisse generosum Baronem Hauvitium quendam Moravum Semitertiana correptum, jacentem sine pulsu perceptibili per quatuor dies per similes urinas judicatum fuisse. Anno millesimo sexcentesimo primo mulier paupercula quadraginta circiter annorum per maculas nigras, satis magnas in universo corpore dispersas, judicata fuit, cum jam domo egressa sua munia exerceret, perque plateas obambulans sine noxa huc & illuc Patavii cursitaret. Mercatori autem Cornelii Gemmæ pustulæ nigræ per totum corpus ante septimum oriebantur; iis delitescentibus delirium accidit, superveniente circa undecimam ventris profluvio, qui deinde sanguinis atrii purulenti foetidi magna copia per os reddita expiravit. Iudicatos etiam quosdam vidi per sudores copiosissimos & per multos dies perdurantes, & scabiem erumpentem per totam cutim, quorum qui unguentis scabiem pelle conabantur, recidivam passi sunt vel Semitertianæ, vel quotidianæ spuria.

Adjungendum hic quoque ex eodem Gemma, *Historia*, quod de matrona sibi narratum scribit, tantam scilicet putredinem circa cerebrum & ejus meninges in dissecta hujus calvaria post diuturnos & vehementissimos capitis dolores notatam fuisse, ut vermiculorum & cimum copia incredibilis conspecta sit. Hæc pro pleniori hujus febris cognitione ex Cornelio Gemma, doctissimo suæ tempestatis Medico, recensere tironi volui, ut sciret plerisque signis, quæ ad ejus cognitionem & prognosim superius enarravi, apparentibus, etiamsi varii ac diversi affectus pro corporis cujusque idiosyncratia, diverso ac vario cæli & anni temporum & regionis statu compareant, & alios morbos mentiri videantur, plurimum tum ad febris naturam judicandam, & ejus futurum exitum prædicandum, confidendum esse.

FINIS LIBRI SECUNDI.



ADRIANI SPIGELII
BRUXELLENSIS

DE

SEMITERTIANA

LIBER TERTIVS.

Curationis maximam partem absolvit.

C A P. I.

Haftenus neglectam hujus febris exactiorem curationem; quam ratione moris & motus febris differre scribit.



Vm igitur hæc febris olim usque adeo frequens fuerit, & hodie quoque talis sit (siquidem quibusdam regionibus endemia & fuit & est, nonnullis epidemia ob anni temporumque mutationes assignatas, sparsim vero per totum mundum

nullis non anni temporibus, sed maxime ætate, autumno ac vere ob immoderatam victus rationem conspicitur) cum deinde tam periculosa sit, funesta aliquando, sæpe contagiosa, ut non secus ac ipsa pestis multa hominum millia invadat prosterneatque; cumque etiam Medicorum prognostica tam frequenter illuferit hætenus, & ipsam plane non cognoscentibus etiam nunc illudat, mirum est, neque Galenum in *libris Methodi*, & de arte curandi ad *Glauconem*, neque quenquam ex aliis veteribus qui extant, multo minus ex recentioribus ullam ejus curationem tradidisse. Et credo equidem hanc fuisse causam, quod à plerisque neglecta, à paucis visa & cognita fuerit. Sed non satis est, cum compositam hanc dicat esse Galenus, & ideo mixti in ea sint humores, bilis nempe & pituita, compositas ac mixtas ponere indicationes curativas, quales nempe utrique humori conveniunt in tertiana & quotidiana. Verum mehercule opus est diligentius remedia perpendere (per quæ contrariis propositis indicationibus satisfacere debemus) qualia illa sint: quæque longo usu & experientia probata sunt peculiariter huic febri profuisse, tum qua quantitate, mixtura, quoque tempore adhiberi debeant. Et quanquam tria remedium (communia etiam aliis morbis) genera in hac febre sint præscribenda, chirurgica, pharmaceutica ac diætetica: tamen sine distinctione moris & motus hujus febris recte ea adhiberi non possunt. Convenit enim prius Medico considerare an Semitertiana, quæ curanda proponitur, benigna sit, vel maligna & pestilens.

non nec Galenus nec quisquam ex veteribus de hujus febris curatione egerunt.

C A P. II.

De Venæsectione, an hæc in omni specie Semitertianæ adhiberi debeat.

Equidem venæsectionem in omni tertiana commendavit Celsus. Per venæsectionem more veterum intelligit eam, in qua ad minus libra una sanguinis extrahebatur. Sed primo an in omni benigna, maligna & pestilenti adhibenda sit; deinde, qua quantitate; tertio, quo tempore sanguis in utraque extrahi debeat, diligenti indiget perscrutatione.

Quod in nulla harum recte adhibeatur, commodissime sic probari potest. *In quibus morbis adest copia pituitosæ materiæ vel in vasis, vel extra vasa, non convenit venæ sectio:* Nam si ad libram & amplius sanguis evacuaturs vena cubiti, refrigeratur corpus, calor nativus & vires labefactantur, quæ sunt summopere conservandæ: in benigna, quia plerunque est morbus qui vel ex acuto degenerat in chronicos morbos, vel acutis morbis accidentibus valde prosteruntur ægri: in maligna & pestilenti, quia ilico in hac vires deficere consueverunt. Quod autem in *Semitertiana tam benigna, quam maligna & pestilenti* secundum Galenum sit copia pituitosorum humorum, non opus est aliis demonstrationibus, quam eorum locorum quos in præcedentibus duobus libris citavimus.

Quod in nulla benigna maligna febre vena sit secanda.

Rursus contra, quod in omni Semitertiana adhiberi debeat, his rationibus concluditur. *In omni morbo* (ajunt peritiores Medici) *vena secanda, qui magnus est. At hæc febris siue sit benigna siue maligna & pestilens, talis est.* Magnus enim est morbus benigna, ratione sui generis, causæ & symptomatum. Nam aut prima regio, ventriculus, intestina, jecur, partesque circumvicinæ, aut majora vasa gravem humorum biliosorum & pituitosorum putredinem in se continent, ut Galenus tradit; vel, ut ego observavi, aliquando unum vel plura commemoratorum viscerum, & una cum his pulmones quoque, interdum & cerebrum inflammationem patiuntur: quibus omnibus supervenire plerunque consuevit aliquis acutus morbus, aut aliud grave symptoma ut litis, vigiliæ, inappetentia, dolores, quibus vires magnopere convelluntur. Sed & maligna, præter hæc omnia pravam in se continet humorum venenatamque qualitatem, ob quam solam magnus morbus Semitertiana dici meretur. Quapropter perpensis diligenter omnibus hisce rationibus, Celsi consilium in omnibus quatuor generibus Semitertianæ optimum esse

Quod in omni Semitertiana sit secanda.

reor:

In quibus speciebus huius febris non conveniat vena sectio.

reor : at in eorum speciebus omnibus istud non fequor. Nam in ea quæ est primi & secundi ordinis Galeni, præterea in majori Hemitritæo & Agathini, quando sunt spuria pituitosa, venæ sectio non convenit. Etenim secta in cubito vena, evacuat sanguis tenuior & à putredine liberior, crassiore, crudiore ac putrido permanente in ventribus & præcordiis, seu vasis majoribus. Et quamquam ratione caloris febrilis aliquod refrigerium expectare queamus ab hac sanguinis evacuatione, tamen in ejusmodi febre non tam urget calor febrilis, quam crudi humoris concoctio. Morbi præterea valde acuti & symptomata his spuriis & pituitosis febribus non valde accidunt, quæ venæ sectionem postulant. Imbecillitas præterea ventriculi, difficilis ciborum concoctio, animi ob utraque deliquia venæ sectionem prohibent.

In quibus conveniat.

Quamobrem in Semitertianarum quatuor generibus exquisitis, & spuriis biliosis constantibus viribus & abundante sanguine simplici vel bilioso laudanda venæ sectio, ut in iis, quorum facies est rubicunda, non pallida, venæ amplæ, urina rubra. Nam hæc vel abundantiam sanguinis declarant, vel summum ejus fervorem. Quibus præterea venæ sunt amplæ, in his spes est per venam sectam nos posse evacuare etiam aliquid humoris putridi, qui in vasis majoribus continetur. Sed & ratione morborum acutorum, & symptomatum, ut doloris capitis, & lumborum, apoplexiæ, epilepsiæ, convulsionis à plenitudine, lethargi, angina, peripneumonix, volvuli, & aliorum id generis hoc præsidium convenit, quod plerunque vel à summo fervore, vel ab inflammatione partium originem habeant.

An in Semitertiana secundi ordinis Galeni vena sectio sit vitanda.

Fortassis quispiam putaverit venæ sectionem etiam vitandam esse in ea, quæ est secundi ordinis Galeni, & in quarta specie, quæ est Agathini, seu minor Semitertiana. Propterea quod hæc pituitam (loquor nunc secundum Galenum) cum habeant in ventriculo & primis venis meseraicis, periculum sit, ne crudi & putridi humores à vena secta in majora vasa rapiantur, & sic fiat major Hemitritæus omnium maxime periculosus, vel augeantur obstructions in visceribus. Testatur enim Galenus lib. v de Sanit. tuenda, evacuatis venis à misso sanguine facile esse ut attrahatur cruda illa pituita, quæ per alias venas distributa in visceribus, & in universo corporis habitu plures validioresque excitet obstructions. Ideo videmus quoque Libro de Arte curandi ad Glauconem, nec alibi, factam mentionem venæ sectionis in curatione quotidianæ.

Responsio.

Sed ad hanc objectionem respondemus, distinguendum esse tempus sanitatis, in quo aliquis præservari cupit à morbis impendentibus ab eo, in quo jam facti morbi, & præcipue febris habentis putredinem in vasis, & plerunque cum viscerum inflammatione. In illo enim (prima regione crudo & pituitoso humore repleta) metuendum est, ne sanguine misso ex cubito rapiatur humor crudus in venas majores & viscera, atque sic obstructions vel augeat vel pariat nondum factas. Nam tunc carnes totius corporis sanæ, robore attractricis facultatis pollent (qua plurimum sanguinis contenti in vasis consumitur) unde evacuato sanguine & attrahentibus carnibus duplex sit in

vasis evacuatio, naturalis videlicet & artificialis, ob quas crudi humores è ventriculo ac prima regione facile possunt ratione vacui in vasis & attractricis in carnibus robore rapi in viscera & vasa majora. At in hoc tempore, quo febre præsupposita premitur homo, id non est metuendum : quia carnes parum attrahunt, interdum etiam nil, si multa & magna putredo consistat in vasis majoribus vel prima regione corporis. Nam robore attractricis facultatis languent propter febrilem intemperiem, aut prorsus privantur ; ut in iis, qui lethali vel pestilenti Semitertiana laborant, propter insignem copiam putridorum humorum biliosorum & pituitosorum, aut eorum putredinem, quam continent in vasis, vel ut nonnullis placet extra vasa. Quod enim pro alimento iis non convenit, quomodo id attrahent ut cedat in alimentum ? Quapropter quotiescunque quis venæ sectionem instituit præservationis gratia, recte à perito cavetur ne ea fiat antequam ventriculus & prima regio cibum concoxerint, aut maximam pituitæ partem digesserint. Sed quod si aliquando contingeret quempiam insigni plethora abundare, & crudis etiam in ventriculo humoribus, huic profecto non differrem minime febricitanti etiam sanguinem ex brachio demere : diminuta enim ex parte plethora calor nativus partium antea oppressus melius concoquet, nec rapietur crudus humor ad vasa majora à primis venis. Quia in plethorico corpore carnes plurimo alimento sunt satiata. Itaque vel non attrahunt, vel debiliter. Adde quod plurimum sanguinis in venis continetur, unde petere alimentum queant, vasa & præcipue venæ nimia copia sanguinis liberatæ melius retinent, & sanguinem contentum constringunt.

In maligna & pestilenti Semitertiana video doctis quibusdam viris suspectam venæ sectionem. Cornelius Gemma scribit in pestilenti sua Hemitritæa observatum fuisse mortuos plures, quibus venæ sectio adhibita fuit, quam quibus omissa. Et Galenus libro de boni & mali succi cibis scribit ; nunquam vel raro ausos fuisse Medicos sanguinem detrudere in peste, quæ Romam suo tempore invaserat, etiamsi initio morbi essent vocati. Sic etiam nostris temporibus plurimis in locis timent sanguinis missionem in illa contagiosa Semitertiana, in qua peticulæ expectantur aut metuuntur, aut jam comparent : ut anno millesimo sexcentesimo vigesimo primo & secundo Patavii ac Venetiis vidimus. Ratio, cur hoc auxilium fugiant, hæc est. Quod in ejusmodi febre vires statim concidunt ; quarum conservatio omnibus modis est in hac curatione procuranda. Sed & illud in his maxime dignum notatu animadverti, corpora ægrotantium Semitertiana maligna, multo antea tempore disponi ad altam quandam putredinem, quæ jam invasit viscera clandestino gradu, antequam signis suæ febris se in conspectum proderet. Quod si jam prodierit febris, etiamsi vires constent & nulla adsint præsentis malignitatis signa, qualia sunt à vulgatis practicis commemorata, pulsus parvus, debilis, inæqualis, maxime urinæ confusæ ac turbidæ, peticulares maculæ incipientes ; tamen vix venæ sectioni ullus amplius est locus, ut ea putredini resistatur eventilando scilicet vel evacuando aliquam

An in maligna & pestilenti Semitertiana vena sectio sit vitanda.

aliquam portionem materiae putridae una cum bono sanguine. Nam tota, quae postmodum latius serpit, evacuari per venam sectam nequit. Quare ut venae sectionem, ad praecavendam Semitertianam malignam, optimam in pluribus iudico, quo tempore periculum est ne in aliqua domo vel familia in plures contagione sua serpat; sic in jam facta (nisi plethora quoque opprimantur vires) tutius omittitur, praesertim si initio febris malignitatis ea signa jam se monstraverint, quae ego tanquam verae malignitatis prodroma recensui. Quod si valde obscura sint, tunc eam non soleo adhibere, nisi prae habito prognostico futurae malignitatis. Sic tam magnum remedium, quod in tam multis febribus indies experimur esse salutiferum, profanari non sino.

historia.

Memorabilis exempli, cujus in fine primi libri à me facta fuit mentio, recordatio hoc in loco non est praetereunda, mulieris nempe pauperulae viginti quatuor annorum, temperamenti calidi & humidi, cancerum habentis circa posteriorem femoris partem qua clunes desinunt. Cum enim haec incidisset in talem affectum ex male inciso & aperto steatomate, ut aliis videbatur, aut atheromate, ut mihi persuasi; ad eum abscindendum radicitus cum suo peciolo mediocriter crasso (cum neque musculus, neque nervis affixus esset) eam sum cohortatus, oportuno tempore veris, post universalem corporis purgationem. Ulcus erat tam latum ac profundum & crassum, excrescentia carnea cancrosa, admodum dolorosa, ex fundo suppullante, & indies quando ejus portio abscindebatur renascente compositum, ut pileum meum neque ingredi posset; nec eo integrum cum suo lato pediculo capi. Pruinæ seu recoctæ similis materia magnaue ejus frusta quotidie ex ulcere premendo eximebantur una cum sanguine, cujus quotidie plures unciae, saepe ad mediam libram per idem ulcus effluebat. Et quamvis hoc sanguinis profluvium per plures menses ita continuasset, nihilo tamen fecius à Semitertiana primi ordinis Galeni fervari non potuit, cum in eadem domo omnes eadem antea inficerentur. Hoc tantum vidi, ipsam per sanguinis & humorum evacuationem, quae fiebat per cancerum, consecutam fuisse, quod Semitertiana in hac maligna & funesta, ut in aliis ejusdem familiae non fuerit. Diuturna tamen & haec fuit, & plane cum iisdem recidivis (cum quibus alii, qui malignam erant passi) per tres menses vivebat. Hanc historiam pluribus hic repetendam duxi, ut ex spontanea sanguinis evacuatione, quantum venae sectioni in curanda praeservandaque Semitertiana sittribuendum pateret. Quod si in bello vel ob annonae caritatem & pravam victus rationem, atque aërem admodum pravam multos milites contingat à tali febre invadi, nulli horum venae sectio instituenda est. Idem etiam in pestilenti Semitertiana faciendum moneo; & magis in hac ab ea abstinendum propter acumen morbi & subitaneam, quae instat, virium prostrationem, quam in maligna. Patet igitur, neque in omni Semitertiana venae sectionem adhibendam esse, neque in omni omittendam; deinde in quibus conveniat, vel non.

neque in omni Semitertiana venam esse cavendam, neque in omni mittendam.

Sed quoniam ab initio argumenta eorum attulerimus, qui in omni Semitertiana venae sectionem vel necessariam vel noxiam sunt arbitrati;

nos autem quosdam posuerimus in quibus eam laudavimus, quosdam in quibus eam vituperavimus, tempus est respondere eorum argumentis, qui eam negant in iis, in quibus venae sectionem laudavimus, ut in Semitertiana primi ordinis Galeni.

Dicent enim in hac febre virtutem quoque prosterne oportere, & pituitae in vasis putrefactae maturationem concoctionemque prorogari vel impediri; quod sanguis, in quo calor nativus consistit, evacuetur, aërque extraneus frigidior intret in venas per vasorum, quae fit in venae sectione, apertionem.

Obiectio.

Verum ad propositum argumentum respondeo, putrefactam pituitam in vasis accendi, quod vias ubique vel magna ex parte interclusas habeat; eam deinde dum putrescit permisceri cum sanguine in vasis: quatenus igitur materia quae putrescit, ventilatur per venae sectionem, & copia ejus cum sanguinis copia demitur, quae poterat quoquo modo suffocare calorem, concoctionis opificem, eatenus in omni Semitertiana primi ordinis Galeni benigna convenit venae sectio, aliter non.

Responsio.

Rursus ad aliud argumentum, quo probatur in omni Semitertiana sanguinis missionem convenire, quia scilicet magnus sit morbus, dico; falsam esse hanc propositionem in pluribus morbis magnis, qui frigidi sunt, & cum virium jactura, venenosa qualitate, inopia sanguinis & alimenti. Sed iterum instabit aliquis, Celsum in omni Semitertiana proposuisse venae sectionem, si vires ferant, nulla habita mentione plethorae, ergo etiam in aliis Semitertianae speciebus licebit venam secare, praeterquam in jam commemoratis. Dico, Celsum per Semitertianam omnes eas species intellexisse, quas recensui venae sectionem admittere; pituitosas Semitertianas exclusisse, quia in his vires non ferant.

Interrogabit me nunc aliquis tiro, unde ego cognoscam, num vires ferant, nec ne?

Unde constat, num vires ferant venae sectionem.

Respondeo, non semper ex pulsu resistenti & forti, ut vulgus medentium de fortitudine virium judicat, sed etiam ex tempore, quo conjicimus naturam indigere ad totum morbi cursum totamque historiam, usque ad materiae debitam concoctionem absolvendam. Hoc igitur tempus quoniam in Semitertianis pituitosis longissimum esse consueverit, & vires quae paulatim debilitatae sunt à morbi longitudine, paulatim non modo restaurari debeant, sed etiam difficulter restaurari queant, quod à quotidiani cibi debili ac difficili concoctione sanguinis novus difficulter regeneretur in venis, sufficienter tibi indicabit una cum pulsu virium tolerantiam.

C A P. III.

De loco venae sectionis.

Quamquam in principio hujus libri differentes de venae sectione communem loquendi morem ac veterum servantes, eam intelligamus, quae in brachii adhibetur venae jecoraria seu communi; tamen scire etiam & hoc convenit, nos aliquando feliciter aliis in partibus in hac febre, in qua venae sectio convenit, administrasse. Nam in magna plethora, dolore insigni lumborum & capitis, & mentis

& mentis alienatione, venam pedis saphenam aperuimus, libra una sanguinis exempta prius, priusquam brachii venam aperiremus. Eligatur plerumque dextrum latus tum in brachio tum crure, nisi aliquis alius morbus sit, qui sinistram evacuare possit. *Vasa enim dextro lateri majora sunt & major copia sanguinis, quam sinistro.* In pestilenti Semitertiana si bubones in inguine apparuerint, vena pedis saphena pertundatur: si sub alis, jecoraria aut media, vel manus salvatella.

C A P. I V.

De quantitate sanguinis evacuandi.

Veteres quoties proponunt sanguinis missionem ut dixi, toties intelligunt ad libram usque & amplius, non ea minus sanguinem evacuandum esse; quod existimarent sanguinis minorem quantitatem plethoram tollere non posse, nec ullam revulsionem vel derivationem in magnis vasis prope ex minori quantitate sanguinis dempta sequi. Sed nostris temporibus unciatim demitur sanguis, præcipue in hac febre. Nam Curtius & Rondeletius quantitatem tantum trium unciarum præscribunt, quæ profecto nimis parva est & nulla ratione proficua. Nam si magno morbo magnitudine æquale remedium convenit, certe magnum remedium non est venæ sectio, in qua tam paucus sanguis demitur. Deinde neque quantum requiritur de morbi materia, tantum tollitur, ut æger aliquantulum levetur. Idcirco nonnulli hodie docti viri veterum vestigia secuti, recte sanciverunt evacuandi quantitatem *ex morbi magnitudine & virium robore* metiendam esse. Satiùs igitur erit venæ sectionem omittere, quam tam paucum sanguinem profundere. Fortassis quispiam pauci sanguinis evacuationem utilem esse inveniet in viribus languidioribus, ratione ventilationis quæ fit per venam sectam. Existimare enim aliquis posset, cum in visceribus & magnis vasis plerumque nascantur putredines, quia corpus non bene perspirat nec ventiletur, per venæ sectionem in parva quantitate ventilari, ac tanquam aperto aliquo spiraculo putredinis causæ opitulari, occluso intus aëre & spiritu putrido nonnihil ex foramine venæ expirante, & simul per id vulnus refrigerato aut mutato ab aëre externo. Verum si standum est quotidianæ experientiæ, quæ in abundantia sanguinis ejusmodi auxilio nil aperte profecit, existimo nimis exiguam hanc esse ventilationem, ut aliquod evidens auxilium inde sperari possit: nisi repetitis vicibus quotidie aut alternis diebus ad aperta rursus vena finantur duæ vel tres unciae sanguinis effluere, ut in Hispania fieri consuevit, & sic mediocris aliqua quantitas repetitis vicibus eximatur, quæ ad libram vel ultra accedat, pro magnitudine plethoræ corporis & venarum. Qui quidem modus detractionis sanguinis convenit in iis, qui facile exolvuntur, raræ texturæ sunt, ore ventriculi superiore biliosi, & frequenter animo delinquentes ex levioribus causis. Hi enim repentinas evacuationes gravius aliis ferre consueverunt.

Verum ulterius quæritur, an in evacuatione sanguinis ad libram ex utroque brachio libræ pars dimidia aut paulo plus effundatur fructuosius, quam si ex dextro, quem plerumque eligimus, partitis

vicibus, vel unica vice libra demeretur. Respondeo, quod non, nisi aliquod symptoma in sinistro latere premat, ut hemicrania. si enim non notabilis aliqua quantitas sanguinis ex uno loco effundatur, vasa majora, quæ inter alas & inguina excurrunt, neque evacuari aliquantisper, neque refrigerari ventilarique sufficienter possunt. Nam dum sanguis evacuat ad quatuor, quinque vel sex uncias ex brachii venis commemoratis, in locum sanguinis qui effluit, succedit alius ex vicinis venæ sectæ venis minoribus & majoribus per musculos & habitum corporis dispersis, ita ut non recto tramite vena sola, quæ trunco est vicinior evacuetur. Evidens ejus rei argumentum est, quod externarum partium inflammationes & præcavimus, ut frequenter in vulneribus contingit, & curamus, ut in anthrace, per venæ sectionem. Itaque indiget majori copia ut sanguis evacuetur, quam ea, quæ solet in toto illo spacio contineri, quod est inter venam aliquam brachii & truncum venæ cavæ.

C A P. V.

Quo tempore vena sit secanda.

Tempus accommodatum venæ sectioni nobis Celsus proposuit, dum inquit, in omni Semitertiana venam esse *initio* secandam. Per initium hic non intelligimus primum tempus, quo aliquis incipit febricitantem invadere, neque principium paroxysmi febrilis; sed quod primum est tempus totius morbi, præcedens augmentum, aut hoc ipsum initium & augmentum simul, de quo intellexit Hippocrates *lib. 11, aphor. 221*, quando inquit: *In principio si quid videatur movendum, move; cum vero consistunt ac vigent, melius est quietem adhibere.* Hic enim Hippocrates morborum tempora, quæ sex alias Galenus recensuit *libro proprio*, tria tantum videtur complexus, principium, statum seu vigorem, & declinationem quam adjungo ex prædictorum temporum relatione. De hoc ultimo non facit mentionem Hippocrates, quia in eo non adhibebantur remedia.

Cæterum hic notandum, *tempus sectionis venæ illud esse melius, quod vicinius est proprie dicto principio febris*, quam augmento: neque modo in venæ sectione brachii, sed & aliarum evacuationum, & præcipue purgationis eligendum: quia tunc hisce remediis putredini incipienti feliciter resistatur, viresque ad validas evacuationes sufficiant. Raro tamen vocantur in principio hujus febris Medici: quia id occultatur, præsertim cum quotidiana prius quam tertiana hominem adoriatur: vel quia ægri plerumque initio Medicorum auxilia recusant, maxime quando levi quadam lassitudine se oppressos sentiant, aut aliqua levi febricula sine ullis gravibus accidentibus laborare, sperantes sic omne malum sponte sine ope Medicorum abiturum. Vnde postmodum alius non levis error committi in prognostico solet, nempe quod nos lateant veri dies decretorii & judicatorii, & intercedentes aliquoties pro criticis & judicatoriis habeantur, atque sic ea signa, quæ in hisce contingunt, bona pro malis, & mala pro bonis censeantur. Vt plurimum tamen in omni Semitertiana primi & secundi ordinis Galeni, & minori Agathini soleo initium statuere & primum morbi diem, non quo

Vnde quantitas sanguinis extrahendi metienda.

Quæstio.

quo æger decumbere incœperit, sed quo rigore aut horrore vel frigore cœpit manifeste moleſtari: in magna Hemitritæa ſtatim quum decumbere incœpit. Nam in hac vires ilico præſertim animales proſternuntur, ita ut æger recta incedere vix queat. Quapropter primo die venæ ſectio inſtituenda eſt, aut ſaltem iis diebus, qui huic ſunt propiores: ea hora, qua vel plurimum remiſſa eſt febris vel intermiſit, ſitque ad minus quinque aut ſex paroxyſmis ante novum paroxyſmi inſultum, quo die quotidiana ſola affligit atque remiſit. In Semitertiana benigna ſexto die, quo ſumus in augmento ſecare venam in brachio poſſimus; in maligna ultra quartum ſecare vix audeo; in peſtilenti tertium tranſire non ſino. Nam in peſte, qui poſt primum diem ſecant venam, ſi non aliquod grave ſymptoma vel morbus, ut carbunculus appareat, vel bubo ſub axillis vel inguine, vel parotidis; raro ſecatur vena feliciter in brachio ſeu pede.

C A P. VI.

De Scarificationibus, Cucurbitulis, Friktionibus.

Scarificationes in cruribus & dorſo factæ loſcum obtinent venæ ſectionis in adultis, in iis nempe, in quibus hanc adhibere non poſſumus; propter ætatem, ut eſt puerilis, ſenilis; ſexum, ut muliebris; tempus morbi, ut quando vocati ſumus in augmento & non procul à vigore; morem & naturam febris, ut quando maligna eſt aut peſtilens; vires denique debiles. Quibus jam initio ſecta vena fuit & circa augmenti finem vel medium, & ſpes eſt materiam ad cutim corporis tractam iri, Scarificationes erunt fructuoſæ, educiſis quatuor, quinque vel ſex unciiſ ſanguinis per adhibitas poſt ſcarificationes cucurbitulas. In pueris, omiſſa venæ ſectione, in principio morbi hoc remedium convenit. Si Scarificationes paulo profundiores ſint, quam nunc eſt communis uſus in Germania, tum ſingulare hoc eſſe remedium expertus ſum. Quippe cum per id majora vaſa, vena ſcilicet cava & arteria magna evacuentur per vaſa, quæ ab hiſce oriuntur, intercoſtalia dicta, quorum rami recta ad ſpinæ dorſi latera tranſeuntes ſub cute dorſi diſperguntur. Galenus libro de Cucurbitulis & Scarificatione, *dum peſtilentia vehementer Aſiam invaſiſſet, multoſque perdidiciſſet, meque, ait, etiam morbus attigiſſet, ſecunda morbi die remiſſione febris facta crus ſcarificavi, duasque fere ſanguinis libras detraxi, hacque de cauſa periculum evitaſi.* Itaque hunc & ego ſecutus iſdem Scarificationibus cruribus adhibitis feliciffime uti incipio, in maligna Semitertiana; neque modo in adultis, ſed etiam in pueris, nec in viris tantum, ſed & in mulieribus, præſertim quibus per ætatem & morbos menſes non fluunt amplius, aut non in ea copia, qua convenit. Laudoque hoc præſidii genus, venæ ſectioni præponens, quod capitis morbis valde acutis, Semitertiana maligna laborantes, moleſtentur; & dolor dorſi plurimum ab eo remittatur; ſenſibiliter ea, quæ in magna vena & arteria continentur evacuant (ſine manifeſta & effatu digna aliqua ſpirituum vitalium effuſione, etiamſi in majori quantitate, quam ſi ex vena aliqua brachii

vel cruris eſſet extrahenda, evacuetur) & à corde ad remotiores partes, nempe crura detrahens. Quapropter cum in peſtilenti & maligna febre per hoc remedium non ſit metuenda ulla vitalium & naturalium facultatum labefactatio, multis modis præfero id venæ ſectioni. Sed in benigna Semitertiana venæ ſectionem præfero ſcarificationibus crurum in adultis, in quibus adeſt indicatio ſanguinem evacuandi, quia in hac etiamſi ſpiritus vitalis effluat, non tantus eſt metus, ne vires debilitentur, cum tales initio morbi à benigniori febre reſarciri non prohibeatur. In pueris Arabes & Ægyptii Medici acuto morbo oppreſſis crura ſcarificant pro venæ ſectione, vel ſanguinis evacuatione per cucurbitulas cum ſcarificatione dorſo adhibitas. Facienda autem eſt ſcarificatio non *κατὰ πλῆγην*, ut vulgus Chirurgorum hoc tempore aſſuevit, id eſt, percutiendo aut pertundendo, ſed ut vult Apollonius *κατὰ σπέρμην*, id eſt, trahendo, ut minus ſic, vel nil fere doleat. Quod fieri conſuevit ſcalpello pectorali, vel cultro utrinque aciem habente, vel novacula qua utuntur tonſores ad radendos capillos.

Locus autem ſcarificationum cruris duplex eſt, *Locus Scarificationis cruris duplex.* ſcilicet & malleoli. Galenus per crurum ſcarificationem eam, quæ eſt malleolorum, videtur accipere, vel ſaltem alteri prætuliffe. Hunc locum etiam Ægyptii eligunt, ut eſt apud Proſperum Alpinum *libro de Medicina Aegyptiorum.*

Tempus autem huius remedii, etiamſi quod *Tempus.* principio morbi eſt, viciniuſ ſit eligendum (ut in venæ ſectione) tamen & in augmento, cum capitis morbi acuti ſuperveniunt, dolores, vigilæ, phrenitides, ſurditates, aurium dolores, vel etiam peticulæ jam apparent, tutius adhibentur, viribus mediocribus, quam venæ ſectio. Scarificationes tres vel quatuor æquidistantes ſunt faciendæ & profundæ, ut cutim penetrent, ſecundum longitudinem. Aquæ deinde calidæ imponendum eſt crus ſcarificatum, ut optime & ſine dolore ſanguis evacuetur ſive cucurbitulis.

Cucurbitulæ quoque ſine ſcarificatione & cum eadem, utiliter adhibentur revulſionis & derivationis gratia, cruribus circa malleolos & ſuras, femori & ſcapulis & brachiis, & ventri, pro diverſitate ſymptomatum & ſpecie Semitertianæ. Conferunt enim magis in febre maligna, in qua dolores dorſi comparent inſignes aut peticulæ, in dorſo & cruribus adhibita; & quibus adeſt cataphora, vel lethargus, vel apoplexia, phrenitis, dolorque capitis ingens, quam brachiis.

Sanguifugas in pueris nonnulli ſolent adhibere *Sanguifuga.* venis cubitorum pro venæ ſectione, & venis ſedabilibus in adultis poſt univerſalem evacuationem totius corporis per ſanguinis miſſionem & purgationem, quas & ego in iis, qui hæmorrhoidas habent aut venas hæmorrhoidales admodum latas, approbo: in aliis omnibus non probo; quia etiamſi poſt caſum jam ſanguine repletarum ſanguifugarum, cucurbitulis ſanguinem evacuare queamus, aut vapore aquæ calidæ ad notabilem quantitatem educere, ea non evacuet venas majores, ſed minores tantum.

C A P. VII.

De Purgatione.

Purgationes initio hujus febris quæ bilem & pituitam purgent necessarias esse, nemo amplius in dubium revocare debet, etiamsi tunc temporis cruda sint omnia, & scripserit Hippocrates lib. II, aphor. XXII, *concocta esse medicanda, non cruda*. Refert enim plurimum scire quales tempore Hippocratis sint institutæ purgationes, & quales hoc tempore instituuntur, tum qualibus in hac febre utendum esse ducam. Veteres enim, præsertim tempore Hippocratis, validissimis utebantur, ut; *helleboro, colocynthide, grano gnidio, scammonio, elaterio*, quod Cnidia scholæ sectatores usurpabant. Galenus enim in exegeſi vocum Hippocraticarum, elaterium exponit medicamentum non solum ex agreſti cucumere factum, sed etiam omne quod deorsum per ventrem purgat. His igitur & similibus valide purgantibus, sed peculiari & obsoleto quodam modo permixtis & exhibitis utebantur, quæ etiamsi in parva quantitate dabantur, corpus nihilominus commovebant, & à concoctione naturam avocabant, quod ex crudioribus urinis, quæ postero die mingebantur, ex alvi excrementis durioribus subsequenter facile animadvertabant.

Quare recte scripsit Hippocrates lib. I, Aphor. XXIV: *In acutis affectibus raro etiam in principis medicamentis purgantibus uti oportere, atque hoc agere diligenti prius facta præmeditatione*. Si enim materiam febrilem turgere observabant, hoc est, petulanti quodam veluti motu huc vel illuc concitari, timentes ne ad aliquam partem principem rueret, eam ilico purgabant sine mora, si talis erat morbus, qui septimo die suam historiam esset absoluturus. Vnde libro quarto apud Hippocratem extat aphorismus decimus talis: *Pharmacum purgans præbere oportet in valde acutis eadem ipsa die, si turget. Tardare enim in talibus malum*. At in iis morbis, qui simpliciter acuti sunt, ante quartum diem, quando decimo quarto aut undecimo crisis est expectanda, dandum purgans; si vigesimo aut decimo septimo, etiam post quartum, nempe quinto vel sexto. Igitur cum Semitertiana peracuta futura sit; quæ raro observatur alio quam pestis tempore aut cum eam morbus aliquis peracutus ab initio concomitetur, non dandum erit medicamentum purgans secundum doctrinam Hippocratis, nisi eodem ipso aut saltem ad summum secundo die, cum vero acuta & decimo quarto sit terminatura, nunquam præterito quarto dabitur, nec post sextum vel septimum si vigesimo.

Sed & illud quoque adjungendum, veteres istos nunquam venæ sectionem instituisse, aut perquam raro in talibus morbis (quod tam magnis evacuationibus vires ægrorum raro pares invenirent) solo clyſtere contenti. Sed nostro seculo multum ab eorum curandi modo jure optimo discessimus. Nam postquam blandiora pharmaca à posterioribus Græcis & Arabum schola in medicinam inventa sunt, ut *caſſia, mel roſatum ſolutivum, ſyrupus ex infuſione ſtorum violarum & roſarum, manna, folia ſene, rhabarbarum, agaricus* in parva quantitate, & adhuc ex Indiis nova quotidie exportentur, quæ sine ex-

agitatione corporis humores peccantes ex primis viis expurgant, non multum commoventes sanguinem & humores in venis aut habitu corporis consistentes, non ad amuſſim obſervatis Hippocratis regulis ſecamus venam in hoc morbo, ut in aliis febribus, & præbemus purgans medicamentum (quod qui volunt ſervare doctrinam veterum rectius leniens appellant,) in peracutis & acutis morbis etiam in augmento, hoc est, etiam poſt quartam vel ſeptimam tutiſſime. Et ego teſtari poſſum me animadvertiſſe in remediis hiſce purgantibus, multis ſymptomata & morbos acutos me præcaviſſe, nec ullo modo interturbatam criſim, etiamsi die decretorio porrigerentur & repetitis vicibus ante vigorem morbi, imo etiam in vigore vice clyſteris in modica quantitate functa fuſiſſe. Longeque tutius arbitror nos iis uti in omni Semitertiana, quam aliquo veterum valido medicamento omiſſa venæ ſectione, aut hac præmiſſa, & omiſſo pharmaco, quod illi tenuius ægros nutriebant, & ideo vires à validis hiſ ambobus evacuantibus citius languſcentes hoc ſuſtentare non poterant, nos vero paulo plenius. Quidquid enim à cibis ingeſtis excrementi in tenuibus inteſtiniſ quotidie colligitur, aut à majoribus vaſis ad primam regionem depellitur & inde ad inteſtina, in futuram obſtructionem, id evacuaſmus tutiſſime per ea, quæ jam recenſuiſmus, ſive illa ſit concocta (nam etiam in morbi principio aliquid de putrefacta jam materia concoquitur, quod ad has partes ſolet plerumque deponi, etiamsi plus putreſcat quam concoquatur) ſive cruda materia & in parvis viſcerum vaſis & vel extra vaſa majora minoraque conſiſtat. Fit hæc cum multa pituita à capite deſtillans per œſophagum, internam inteſtinorum tunicam obruſtat, & ſic obſtructiones viſcerum doloreſque colicos & alios morbos parit. Et cum multa quoque bilis à viſtu parco pravoque ab omni corporis parte ad jecur, lienem & meſenterium, inde ſi viæ ſint patulæ ad ventriculum, inteſtina tum tenuia tum colon deſertur. Uſus quotidianus me docuit *rhabarbarum, ſenam, agaricum* atque *aloenſocotorinam* initio omniſ hujus febris datam plurimum profuiſſe, caſtigata refrigerantibus & viſcera deobſtruentibus commiſta, ut *cichorio, gramine, ſoncho, borragine, hieracio, chondrilla, endivia, ſero caprino, hordei decocto*, additis *capillo veneris, cuſcuta, agrimonia, betonica* in pituitoſa magis Semitertiana. Sed & *ſcordium* in ea, quæ malignitatis & peſtis aliquod præluſium præmonſtrabant, addebam, & *carduum benediſtum* & *ebur*: quanquam & hæc ipſa medicamenta purgantia per ſe putredini magnopere reſiſtant & peſtilenti quoque lui.

Ruſticos, qui altos Moraviæ montes incolunt, vidi in hac febre & in quotidiana tertianaque duplici non alio ſibi remedio mederi quam *agarico*, quod inter venenorum antidota ponit Dioſcorides & apud eos copioſe provenit in trunco laricis arboris altiſſimæ, & optimæ notæ. Nam Moravia Sarmatiæ vicina eſt, in cujus regione quæ Agaria dicitur & quaſi ſub eodem climate (ſi fides veteribus Geographis habenda eſt) quo Moravia ſita eſt, optimum naſci ſcribit Dioſcorides. Mandunt autem hoc ibi ruſtici, atque inde per ſe unius aut alterius drachmæ pondere devorant. Hæc volui hic recen-

Quando purgationes exhibenda.

Vbi optimum naſcitur agaricum.

Agaricum
non esse in
substantia
venenum.

hic recensere, ne mihi contradicant aut irascantur amplius illi, qui agarico in substantia dato timorem Medicis & maxime tironibus incutere solent, docentes agaricum in substantia venenum esse. Nam per alvum non subductam tremorem & resolutionem induxisse, aliis vero suffocationem perhibent. Agaricum sane Aëtius posuit inter ea, quæ homini ob commoditatem in usum veniunt, aliquando vero pericula inducunt. Sed de agarico malo hæc intelligenda sunt, nequaquam de agarico bono, quod tantum abest ut inducat paralysem vel tremorem, ut potius ea mala hoc ipso in substantia dato sub forma pilularum (correcto tamen, ne ventriculum subverteret) felicissime in iis locis curaverim. Sed nunquam utor solo agarico & in substantia in Semitertiana, verum permixto cum aliquo prædictorum, maxime vero cum *foliis sene*, & fere semper in diluto. In ea, quæ primi ordinis est atque secundi Galeni tali forma præscribo.

*R. foliorum cichorei, sonchi, borraginis, capilli veneris, agrimonie singulorum pugillum semis: radicum graminis drachmam unam: pruna damascena duo: uvularum passularum drachmas duas. Bulliant in aque sufficienti quantitate ad uncias quatuor: colature infunde per noctem foliorum sene drachmas quatuor, agarici trochiscati drachmam unam, vel scrupulos quatuor, florum cordialium pugillum unum; expressioni adde manna electæ unciam unam, vel syrupi aut mellis rosati solutivi uncias duas vel unam, pro pituitæ bilisve abundantia. Datur hæc potio (quæ non excedere debet uncias tres aut ad summum quatuor) in die minoris afflictionis summo mane vel quatuor horis ante prandium in declinatione febris quotidianæ. Additur huic manna, vel syrupus rosatus solutivus, ut non diu (quemadmodum alias solet) medicamentum in ventre commoretur. Hoc post venæ sectionem porrigo semel, & repeto paucis interpositis diebus in benigna Semitertiana, antequam ad vigorem perveniat febris vel ad summum augmentum. In maligna semel tantum porrigo, additis iis quæ superius commemoravimus. In pestilenti, si non primo statim die aut secundo pro symptomatum vehementia permixta portione antidoti nostri, vel theriacæ, vel mithridaticæ confectionis, vel diafordinio Fracastorei, ab eo abstineo usque dum evicta fuerit magna ex parte pestilens lues in minori quantitate, & pro virium robore. Quod si bolum petat loco potionis. *R. pulpæ prunorum damasenorum unciam semis, pulveris foliorum sene drachmam unam, agarici trochiscati drachmam semis, croci grana duo, spica indica grana tria, manna electæ drachmas duas; (agaricus trochiscatus præparari debet cum aqua vitæ, ut postea docebimus) adde scrupulum unum theriacæ vel mithridatii, vel alterius antidoti tempore pestis: aut loco hujus, diacatholicon uncia præscribatur, cui adde nostræ antidotis, aut specierum de hyacintho portionem, nempe drachmam dimidiam aut duos scrupulos. Quod si spurix Semitertianæ fuerint, quæ ad prædicta genera reducuntur, in pituitosiore dare soleo floris castiæ unciam unam, cum drachma una specierum hieræ simplicis in bolo aut hieræ simplicis drachmam unam & mediam cum syrupo rosato vel melle rosato solutivo factis bolis, super quos æger bibat cyathum aquæ frigidæ, vel seri caprini libram unam post horam ab assumpto bolo. Pilulæ nobiles, quarum**

Bolis.

Pilulæ.

apud me maximus est usus in hac Semitertianæ specie pro iis, qui pilulas malunt & caput aggravatum sentiunt ac tussunt. *R. rhabbarbari electi, foliorum sene Alexandrinæ viridum, aloes Socotorinæ, agarici trochiscati cum aqua vitæ ana scrupulum unum & medium, spica indica, schœnanthiana grana sex, cum aqua vitæ secundo destillatæ. fiat massa duriuscula, ita ut egre in pilulas formari queat: quæ deinde ex massa formata, oleoque communi leviter in superficie obliæ, ut folia auri adherere possint, deaurentur & in vitro bene obturato serventur ad usum; dosis est drachma una, ex qua quinque tantum pilulas conficere soleo. Vbi jam purgare cœperint, vel transactis tribus horis post earum assumptionem jusculum cichoreo, endivia, Soncho alteratum do superbibendum, ut suspectus earum calor refrenetur, meliusque procedat operatio. In biliosiori Semitertiana sola infusione foliorum sene utor in sero caprino alterato cum cichorea: vel syrupo rosato solutivo & mellis rosati solutivi ana uncias duabus; manna electæ uncia una, cum decocto florum & fructuum, vel tamarindorum in sero caprino. Vel conficio bolum ex castia adjecto pulvere foliorum sene, & florum violarum cum granis quatuor spicae indicæ. In omni autem Semitertiana pestilenti primo die aut secundo purgandum cum antidotis, prout sunt acutæ. Quod si vero acutissima fuerit, omisso purgante & quasi neglecta Semitertiana, statim pestilens qualitas cum sudoriferis antidotis expugnanda: deinde purgandum.*

C A P. VIII.

De pulvere Comitæ de Harwick; & Antimonio præparato.

Pulvis Cornuachmij

Invexit nuperrime in medicinam chymicorum schola pulveres duos purgantes, quorum alterum appellant pulverem Comitæ de Harwick, alterum vero antimonium præparatum.

Comitæ prædicti pulvis componitur ex optimi scammonii crassiusculi triti, & super chartam bibulam tenuiter & equaliter expansi & liquati per suffumigium factum cum sulfure ignitis carbonibus injecto, cavendo ne comburatur, drachmis novem & antimonii duabus, nitri ad albedinem calcinati drachmis sex, cremoris tartari, quem cristallinum appellant, drachmis tribus. Variatur ab hisce Medicis chymicis horum ingredientium medicamentorum proportio, pro humorum & temperamentorum varietate. Quibus enim plus bilis inest in corpore, plus indunt scammonii; quibus vero plus melancholiæ & pituitæ, plus antimonii & cremoris tartari.

Pulvis Comitæ de Harwick. 1.

Adultis dantur ab octo vel decem granis scammonii usque ad octodecim & viginti grana, pro virium robore; antimonii præparati modo prædicto, à granis sex usque ad quatuordecim vel sexdecim, cremoris tartari à granis duobus usque ad sex & ultra. Datur hic pulvis initio paroxysmorum semel, bis, ter & sæpius, donec febris desinat, in omni ætate, anni tempore, sexu, gravidis, molestatis vomitu, & alvi fluxu crudaque materia existente, prægressa vel penitus omiſſa venæ sectione. Facile assumitur & sine nausea, & citam tutamque curationem peragere historiis eorum, qui quotidiana, tertiana & vera & notha, nec non & febribus continuis laborarunt, ab internis inflammationibus, pluribus docuerunt. Hoc remedium

Ejus dosi.

Tempus

& ego quoque his de causis in Semitertiana expertus sum, quantum valeat; nam præterquam quod sine molestia sumitur, scammoniumque probasi habeat, medicamentum etsi calefaciens & propterea inflammans ac mordicans, incidens tamen, detergens, aperiens, discutiens, bilemque & pituitam expurgans.

Vires scam-
monii.

Idcirco ingreditur pleraque purgantia, quibus Alexander Trallianus familiariter usus est ad febres intermittentes variis rebus permixtum, ut in *rhodomelite* purgante, quo utitur cum *agarico* in tertianis & quartanis spuris, & sine *agarico* in legitimis iisdem febribus; præterea in *halatio medicamento*, quo utitur in quotidianis. Præparat quoque medicamentum ex *malis cydoneis assatis fermentoque oblitis cum scammonio* pro febribus quartanis, quæ à bile excitantur, etiam in iis qui generosam purgationem ferre nequeunt, ut pueris & mulieribus.

Nitri.

Nitrum præterea cum *antimonio calcinato* permixtum est, propter summam attenuandi, discutiendi, detergendi ac resistendi putredini humorum in primis viis facultatem, & quia non mediocriter etiam obstructionibus succurrit, & calorem scammonii plurimum obtundit. Vt propter hanc causam multis chymicorum visum fuerit, nitrum refrigerandi vi pollere, cum interius etiam per os detur febre ardente correptis, præterea applicetur externis inflammationibus, quas aliquando nitri decocto cum quibusdam aliis, maximas viginquatuor horarum spacio sublatas me vidisse memini.

Antimonii
calcinati.

Antimonium autem calcinatum non propter combustionem, veneficam vim ciendi vomitum solum perdidit, sed etiam ob scammonium & cremorem tartari. Nam memini me ante annos octodecim, cum arcanis perscrutandis desiderio flagrare, assumpsisse, facta prius exploratione à granis paucis & ascendendo ad plura, antimonii crudi grana viginctiocto cum drachmis duabus mannæ electæ, duodecim sedes vehementes habuisse biliosas & atrabiles non mediocriter ventriculo labefactato, absque eo quod ullam nauseam vel proclivitatem ad vomitum perceperim. Hoc itaque medicamentum datur initio febrium & in augmento, atque in statu in periodicis paulo ante paroxysmum. In Semitertianis id ita sum expertus duobus uno eodemque tempore simul ea oppressis, quo anno epidemicæ florebant. Dedi alteri quidem medicamentum Comitæ, alteri vero aliud ex blande purgantibus supra descriptis: atque animadverti Semitertianas nihilominus recidivantes & ejusdem criseos utramque octuagesimo die fuisse, nempe facta concoctione, alteri quidem, cui datum erat medicamentum Comitæ, supervenisse fluxum alvi blandum post sudores & urinas copiosas antea excretas; alteri vero, factis eodem quo alteri tempore paroxysmis, dolore colico, quem eodem pulvere quam brevissimo tempore sustulimus. Ex quo deinceps, ut in aliis quoque febribus didici tutius esse methodo à me præscripta curationem peragere expectata crisi & concoctione materiæ morbificæ, quam validioribus medicamentis corpus commovere, quod etsi in intermittentibus febribus bonum sit remedium, & in aliis quibusdam

morbis à me valde probatum, in febre tamen continua si indicia spectemus facilis tolerantia, suspectum esse debeat, quod concoctionem materiæ perturbet potius, quam juvet.

Quod si initio febris turgeant humores, hoc est, huc & illuc ferantur, furiose minantes aliquod grave malum, ut epilepsiam, apoplexiam, dolores colicos, phrenitidem, dolores de uno loco ferantur ad alterum veluti ad os ventriculi & intestina aut articulos, laudo hunc pulverem præ cæteris medicamentis, ut statim detur sine ulla humorum præparatione, vel expectatis signis concoctionis. Et quanquam in exhibitione hujus medicamenti observetur tempus paroxysmi initio proximum, sive sit die majoris afflictionis sive minoris, hoc tamen nos ab ejus usu perterrire non debet. Multa enim docet ratio, quæ experientia clarorum virorum coarguit, cujus indicium cum valde sit difficile propter morborum varia tempora quæ fiunt artis & naturæ beneficio, multa opus est diligentia, ne nos in experimentis ista fallant. Notavi & hoc, multa remedia quorum vires hæctenus fuerunt reconditæ, pervertere regulas medicinæ veterum; quæ tamen firmæ sunt atque solidæ in iis, quæ à veteribus usurpabantur. Porrexì hunc pulverem febri maligna affectis, quæ primis diebus spuria Semitertiana videbatur, & animadverti malignitatem me neque cum Comitæ pulvere superare potuisse, etiamsi initio morbi dederam, nullis neque in pulsu neque in urinis malignitatis signis apparentibus, præterquam dorso dolore.

Pulvis Comitæ de Har-
wick quand
maxime sit
usurpandus.

Tirones igitur practicos monitos volo, ut veterum prius medendi normam sequantur, deinde ubi in hac sese aliquandiu exercuerint, etiam nova remedia & quadam meliora cum fiducia usurpent. Sufficit prius purgans aliquod lene medicamentum & venæ sectionem adhibere, deinde victu conveniente uti. Hac methodo experti evadent in eventis morborum: & historiam cujusque affectus optime sic perdiscerent, præcognoscentesque cujusque novi remedii veram experientiam melius acquirerent, & occasionem nanciscerentur bene de quaque febre prædicendi: quod ab iis qui sunt empirici uti prorsus negligitur, sic prorsus nescitur, & calumniis ac ignominia vulgi se magis obnoxios reddunt.

Admonitio.

Qui ad Afros novissimis temporibus navigarunt, narrant in Guineæ regno empiricorum chirurgorum experimentis, qui ex Belgio una cum mercatorum navibus istuc appulerunt, certis anni temporibus febres quasdam grassari tertianæ modo invadentes horridas, peracutas plurimos incolas ex iis mori quarto, septimo, nono, undecimo, decimoquarto, solo usu vitri antimonii à morte vindicatos fuisse, si ilico quam horrore corripiebantur, antimonium sic præparatum porrigeretur. Sed nec hoc remedium consulo ut omnibus sic indiscretim adhibeatur. Etenim quemadmodum in febribus acutis paulo pleniori victu minus peccatur, sic etiam in hisce febribus paulo leviori medicamento securior medela est, quam in paulo validiori. Ex decem enim sufficit novem curasse cum ejusmodi medicamentis, & unum præcipitasse ad perpetuam Medici & Artis ignominiam.

C A P. I X.

De Vomitoriis.

In quibus febribus vomitus utilis in-
stituitur.

DE ea purgatione quæ fit per vomitum, in hac febre ita censeo. In benigna aliquando utiliter institui; in maligna, raro; in pestilenti, nunquam. Nam in peste ventriculus plerumque debilis & spontaneis vomitionibus obnoxius magis ab iis debilitatur, ut syncope & animi defectiones à vomitu non cessent: sed ab eo totius corporis vires posternantur, etiamsi copiam multorum corruptorum humorum educant. Quia ab eo humores indies magis magisque putrescunt, pestifero veneno intus nihilominus permanente. Quapropter in his Semitertianis prudentis Medici est ventriculum jam nauseantem corroborare, ne quod dandum est ad expellendam vim pestiferam, vomitu statim quam est assumptum rejiciatur. Cæterum in benignis vomitoria variare debent pro specie Semitertianæ. Nam in primi ordinis Galeni & Agathini seu minori Semitertiana aqua tepida vel jus carnis non salitum cum oxymelite potest propinari.

Vomitorium.

Dedi aliquando decocti raphani uncias quatuor cum oxymelitis uncia una, olei amygdalarum dulcium unciis duabus. Interdum in iis qui facile vomunt, sola aqua tepida copiose hausta sufficit: vel frigida, si valde siticulosus sit eger & linguam aridam habeat, ut in ea quæ est tertii ordinis. In ea vero, quæ est secundi ordinis Semitertiana flores vel semina geniste in pulverem reducta cum jure vel melicrato tepido præbere oportet, adultis à drachma una & media ad drachmas duas & mediam. Vel accipere drachmam seminis geniste, quæ quadrato stipite affurgit, & ei addere sex vel octo grana radicum hellebori albi. Datur cum jure saccharo albo dulcorato. Cavere tamen oportet ab omni vomitorio in iis, qui nauseant & ad vomitum inclinant, propter dolores colicos. Magis enim ab hoc offenduntur quam juvantur, etiamsi bilem & pituitam vomant: quod inflammatio intestinorum aliquando & ventriculum in consensum trahat, fiatque sic à vomitu, rapta ad aliam quoque partem biliosam materia erysipelas in interiori ventriculi tunica, quæ ægrum plerumque occidit. Ego autem rarissime vomitoriis usus sum, etiamsi ægri precibus aliquando à me ea extorquere viderentur. Quod humores qui in prima regione oberrant, fere semper per purgantia propolita & clysteres convenientes sine ulla corporis commotione ex suis locis extraxerim.

Quando vomitum situm da.

A cibo autem dandum erit vomitorium, quod præberi debet modicum, die majoris afflictionis, nempe quo tertiana intermittens invadit, & statim initio ejus paroxyfmi. Melius enim tunc, quam aliis temporibus, commoventur humores biliosi & pituitosi, & minus etiam molesta tunc fit vomitio.

C A P. X.

De Clysteribus.

Cæterum clysteribus in hoc morbo plurimum fidendum. Colum enim intestinum multa pituitæ copia adimpletur, & interiori tunica obcrustatur; ob quam non modo graves fiunt obstru-

ctiones, sed & majores putredines, & difficiliores concoctiones tum ciborum (ventriculo, cui colon annectitur per omenti portionem, & subjacet, plurimum refrigerato) tum etiam materiæ febrilis in vasis putrefactæ. Incumbit enim ventriculus venæ cavæ; ramosque ab arteria magna suscipit, ut & colon intestinum. Propter quam causam in omni febre, in qua putredo est in vasis majoribus, non refrigerare tantum hæc vasa per clysteres, sed etiam putredini eorum resistere, & materiam expurgare poterimus.

Sint autem clysteres initio purgantes leniter, & detergentes iis diebus, quibus non datur per os medicamentum purgans. Deinde paulatim aucto morbo & ad vigorem accedente, minus purgantes, magis vero emollientes & detergentes. In minori vel Agathini Semitertiana & duabus prioribus primi & secundi ordinis Galeni minus acutis, talis clyster præscribatur: *℞ foliorum malvæ, mercurialis, parietariæ, lactucæ, chrysosolachani* (vulgo spinachiani vocant, & atriplicem hortensem herbarii, nobile remedium ad lumborum dolores) *florum chamæmeli, meliloti ana Manipulum semis. Radicum althææ unciam mediam: seminis cymini, fœniculi* (si tormenta adsint ventris) *singulorum drachmam unam: centaurei minoris pugillum unum, urvarum passularum unciam unam; Bulliant in aqua communi ad libram unam. Colaturæ adde mellis dispumati uncias tres, electuarii lenitivi unciam unam. Misce pro clystere tepide injiciendo.* Circa vigorem morbi electuarium lenitivum dematur, & addatur major quantitas mellis dispumati, vel ejus loco sacchari rubei uncie tres. In peracuta Semitertiana & admodum biliosa: *℞ furfurum tritici manipulum unum & medium, foliorum lactucæ, cichorei, malvæ, mercurialis ana Manipulum unum. Bulliant ad libram unam. Colaturæ adde mellis rosati solutivi uncias quinque, olei violacei uncias tres, salis nitri drachmam semis. Misce pro clystere tepide injiciendo.* Circa statum solo hydro-melite venter est eluendus cum oleo & sale, ut veteres in omni febre continua acuta solebant; vel decocto furfurum, aut juris carnis, vel hordei, cui immiscentur olei communis & sacchari rubei singulorum uncie tres, salis communis vel nitri drachma media.

Quales clysteres usurpandi.

Enema.

Aliud ad febrem peracutam & biliosam.

Suppositoriis communibus ex melle cocto & sale torrefactis hic parum præstamus. Hic in supervenientibus lethargicis vel epilepticis affectionibus usus sum in iis, qui clysteres nullo modo admittere voluerunt, suppositoio sequentis descriptionis. *℞ Hieræ simplicis drachmam unam, salis gemmæ scrupulum unum, mellis quantum satis est, fiant suppositoria duo filo appenso.*

C A P. X I.

De Alterantibus, Deobstruentibus, Putredini & malignitati resistentibus internis.

INterea dum vacamus ab evacuantibus, & maxime à purgationibus, concoctio materiæ febrilis est expectanda in benignis febribus: quæ procuranda adjuvandaque est peculiaribus remediis internis & externis, quæ alterant & obstru-ctiones tollunt, putredinique resistunt, quanto-pere fieri potest.

Et quanquam in omni febre refrigerandum humectandumque esse doceamur, in hac tamen febre non nisi diligenter examinata ejus specie hoc præstandum.

Quomodo & in quibus febribus refrigerantia & humectantia sunt usurpanda.

præstandum. Vbi enim pituitosa fuerit, moderate refrigerantibus & incidentibus ac detergentibus est utendum. Veteres utebantur oxymelite diluto, quo & ego aliquando utor, alterato tamen cichorio, betonica, radice petroselinii. Vel dari potest jusculum alteratum iisdem herbis addito soncho, data prius ante portionem uncia una syrupi acetosi simplicis, vel oxymelitis simplicis, cui interdum aliquot guttulas optimi aceti addo. Si non satis acetosum appareat oxymel, ut solet apud nonnullos pharmacopolas, qui carent bono aceto ex optimo vino facto.

Potio.

Portionum dos.

Vel & aque cardui benedicti, & cichorei, betonica singularum unciam unam & mediam; syrupi de duabus radicibus unciam unam; olei vitrioli guttas duas, vel quantam sufficit ad acorem. Misce. Portiones hæc non debent excedere uncias quatuor. Sed si juscula alterata vel decoctiones herbarum loco aquarum stillatitiarum porrigantur, debent esse herbis potentia. Nam à nimio potu humectatur præter modum ventriculus, impletur caput, & soporosi affectus, si adfuerint, graviores evadunt, ægrius à viscerum calore distribuitur in venas, ac opus suum in pituitosam materiam exercet. In horum medicamentorum penuria milites in Pannonia antidotum circumferre jubebam, cujus drachmam unam dissolutam cum modico aceto & cum decocti cichorei uncias tribus vel quatuor porrigebam.

Antidotus Castrensis auctoris.

Antidoti castrensis à me vocati hæc est descriptio: & cardui benedicti, verbenæ, cichorei, pulegii, betonica, chamædryos, melissæ, absinthii, centaurei minoris singulorum manipulum medium. Seminis acetosæ, portulacæ, violæ purpureæ, ana drachmas duas. Seminis cumini, fœniculi, carvi, ana drachmam unam. Salis natri præparati scrupulos quatuor. Corticum mali citri exteriorum flavorum exsiccatorum drachmam mediam. Fiat omnium pulvis, & cum melle despumato in forma opiata fiat electuarium.

Serum caprinum vel alterius animalis depuratum, vel destillatum per balneum animadverti hic plurimum obesse, præsertim cum soporiferæ affectiones adsunt vel expectantur.

Julepus.

In biliosa præscribere soleo sequens julepium: & syrupi acetosi simplicis, acetositis citri ana unciam mediam. aque cichorei, endiviæ, cardui benedicti ana uncias duas. Vel hujus loco detur jusculum pulli non salitum alteratum cum cichoreo, soncho, endiviæ, carduo benedicto, addita drachma una cremoris tartari. Si æger valde sitiat, dabitur commode serum caprinum depuratum cum oxymelite vel acido citri ad libras duas vel tres. aut aqua hordei recenter facta cum guttulis aliquot spiritus vitrioli ad convenientem aciditatem, quousque bilis fervor retusus sit, & calor aliquantulum quieverit. Quod si non admodum magna sitis adsit, fiet julepium ex aquarum stillatitiarum endiviæ, cichorei, sonchi, cardui benedicti ana uncias quatuor, cum drachma una specierum aromatici rosati, & oxysachari uncias duabus, colatis omnibus per manicam Hippocratis simul ut sit potus instar clareti, de quo septem vel octo uncias præberi possunt in vigore paroxysmi tertianæ & quotidianæ. In pauperioribus veterum utor remediis jucundissimis oxymelite magis & minus diluto, prout adest copia pituitæ vel bilis, dando libram mediam in vigore febris & principio declinationis. His obstructions viscerum quando adsunt, & pororum cutis aperiuntur: ut jusculis alteratis & julepiis præscriptis non indi-

Claveium.

geamus. Aliquando solo jusculo, cui drachma una florum chamomeli pulverati inaspera fuit, usus sum fructuose. Nam teste Galeno flores chamomeli omnem febrem tollunt præterquam eam, quæ ab inflammatione oritur, cui tamen non parum prodesse scimus.

Florum chamomeli præstantia.

Mitiores Semitertianas & quæ diuturnæ videbantur, decocto falsæ parillæ & radicis chinæ, immutato paulatim paroxysmo in nobilioribus personis post purgationes convenientes sustulimus. & radicis chinæ unciam mediam, falsæ parillæ unciam unam, aquæ libras quatuor; bulliant in vase duplici per quatuor horas lento igne addendo in fine radicis dentis leonis unciam mediam, aliquando modicum carnis addebam, & alternis diebus novum parabatur; bibebat de eo omni tempore. Dabam hoc decoctum hora una ante paroxysmum ad sudores sine violentia provocandos, stragulis cooperto ægro.

Decoctum chinæ & falsæ parillæ.

Potio ad Hemitritæum Plinii Valeriani recipit Croci denarios duos, nardi duos, absinthii pontici duos, enula tres. Quæ omnia cribrabis: & cum opus fuerit, dabis cochlear dimidium cum aqua calida. In talibus igitur persistendum, quousque totius morbi tempus apparuerit, quod vigorem appellamus, adjunctis etiam externis remediis ejusdem scopi.

Potio Plinii Valeriani. Lib. 3, c. 2.

CAP. XII.

De Externis remediis.

Jecori fomenta atque unctiones & cataplasmata decernantur. In pituitosiori Semitertiana; & succi cichorei libram unam & mediam, absinthii libram mediam, aceti rosati uncias duas. Misce pro fomento spongiis adhibendo.

Fomentum hepatis.

Vnguentum sit tale: & specierum aromatici rosati drachmam unam; olei rosati completi novies loti in aqua absinthii cum modico aceto uncias tres, cera alba parum. Misce pro linimento.

Vnguentum.

Cataplasma, recipit aque cichorei partem unam, vini rubri austeri partem semis. Misce ad ignem, & adde pulveris florum chamomeli, absinthii ana unciam semis, olei rosati uncias tres, aceti rosati unciam unam & mediam. Misce pro cataplasmate.

Cataplasma.

In biliosa, fomento, quod constat ex aqua vel succo endiviæ vel cichorei permixto cum modico aceto, & succo absinthii, unguento santalino vel rosato Mesues correcto cum drachma una olei de absinthio, præfero cataplasmata. Quia nec cito exsiccantur & humectant, concoquunt, digerunt, refrigerantque plurimum, ita ut nunquam meminerim me ejusmodi remedium jecori in hac febre, ut in alia quacunque biliosa applicuisse, cui non statim postero aut tertio ad summum die evidens auxilium attulerit, siti imminuta, & urinis redditis jam flavioribus. Ut loco balneorum, quorum jam in febribus usus obsolevit, hæc cataplasmata à me felicissime substituantur.

Horum unum, quod familiarius est, Recipit farina hordei libram unam, furfurum medianorum tritici uncias tres, aque endiviæ & cichorei stillati ana quantum sufficit: ad ignem misce, & adde pulveris rosarum rubearum unciam unam & mediam, absinthii unciam mediam, natri pulverati drachmam mediam: olei rosati completi uncias tres. Misce f. s. a. Cataplasma.

Cataplasma ad febres biliosas.

Obstructions meatuum cutis, frequentissimi putredinum fomites, quæ semper adesse consueverunt ob crassum lentumque humorem & ambientis

bientis refrigerationem, aperiendæ sunt, sordes cutis summæ detergentibus, attrahentibus ex alto, & attenuantibus eluendæ; ut his libera fiat totius corporis transpiratio, cessetque putredo vel paulatim deficiat. Igitur madefiat cutis totius corporis panno lineo madefacto cum sequenti aqua.

℞ tartari vini albi pulverati & exsiccati libram mediam, nitri pulverati & ad ignem exsiccati uncias tres. M. & ponantur in olla munda ad ignem, & cum charta accensa inflammetur, ut totum comburatur in nigros carbones, superinfunde aquæ fontanæ vel fluvialis vel pluriæ libras duas, coletur per manicam Hippocratis vel filtratam. Postea abluantur sordes cum panno lineo madefacto in aqua tepida, & fiat talis unctio. ℞ trochiscorum florum chamæmeli, vel florum chamæmeli pulveratorum quantum sufficit, dissolve cum oleo chamæmelino communi, vel parato eo modo, quo subjungam, ut fiat linimentum, quo totum corpus erit inungendum.

Trochisci chamæmelini parantur in hunc modum. Flores chamæmeli soli sine foliis aut stipite cum oleo chamæmelino facto cum olei amygdalini dulcis modico in mortario tam diu contunduntur, donec passilli formari queant bene subacti, qui ad usum in vitreo vase sunt servandi. Olei chamæmelini hæc est descriptio. *℞ florum chamæmeli libram mediam, olei chamæmelini officinarum communis libram unam, aquæ supra præscriptæ ex nitro & tartaro combusto uncias duas. coquuntur in diplomate ad consumptionem aquæ: deinde oleum cum torculari fortiter expressum servatur ad usum. Eligendi sunt flores chamæmeli, qui passim in Belgio crescunt. nam qui in Italia nascuntur, minoribus polent viribus. Post unctionem totius corporis modice cooperiendus est æger, ut sudores moveantur; quod si hi non moveantur, nil refert. Exhalat nihilominus per meatus cutis aura putrida: quod si sudor moveatur, procurandum ut quam plurimum fudet, auctis etiam cooperimentis aut stragulis, cavendo ne suffocetur.*

Plinius Valerianus, libro tertio Hemitritæo depellendo hæc scribit. *Ranulas parvas virides capies, & aperto ventre virvarum harundine intestina auferes ac propicies: illas vero mittes in stagnatum novum & friges. Quibus sublatis mittes in oleum & ceram, & facies ceratum molle: Et ab auribus usque ad pedis ungulas triduo perunges, & non lavet, sanus erit. Quia vulnera exeunt per corpus, à quibus cito liberabitur. Hoc oleum expertus sum in Hemitritæis benignis recidivantibus nil opis attulisse. Fortassis malignis & pestilentibus conveniet, in quibus est intentio humores ex alto ad corporis superficiem evocandi, ut cum jam peticulæ vel maculæ aliæ comparere incipiunt. Nam cutim rubicundam & dolentem facit hæc unctio, ut erysipelate affecta esse videatur primo statim die: quod si quis in hac unctione per triduum perseveret, inducuntur pustulæ & ulcuscula majora minorave prout oleum ranarum viribus potentius est redditum, & prout pluribus aut paucioribus ranis oleum frixum est. Sed existimo hoc oleum, si quid tam miraculose in hac febre operetur, id facere potius beneficio facultatis diureticæ, quam rana viridis parva habet, quam calamitam appellant veteres, quam virtute, qua ex alto humores evocat.*

Qua etiam ratione videmus vesicantia ex cantharidibus, aut allio domestico confuso nonnullis plurimum profuisse, urinis copiosioribus productis.

Nam quod attrahendo humores ex alto id præstent in tanta humorum copia & putredine, verisimile non est, cum parva portio horum humorum educi per vesicantia queat, nec nisi iis, qui in exilioribus venis cuti & carni proximis vagantur.

Q. Serenus Sammonicus de Hemitritæi remediis ita inter alia cecinit:

Nonnulli memorant adipem prodesse leonis;

Adeps Leonis.

Existimo peruncto eo corpore toto, cum digerendi & emolliendi cutem, attenuandique humores virtute polleat, & scirrhis tumoribus sit aptissimus. Profecto Plinius leonis adipem cum rosaceo quotidianis febribus mederi scribit. Ejus loco oleum vulpinum, vel adeps vulpinus substitui potest, vel canis rubri.

C A P. X I I I.

De Periapitis.

INvenio & à veteribus in curatione hujus febris non fuisse omissa periapta. Psellus in eo libro quem de Lapidum viribus inscripsit, tradit adamantem suspensum Semitertianas febres extinguere. Memini cum essem in Austria, incidisse me in maxime illustrem virum Gondacherum à Liechtenstein, qui mihi narravit se, cum esset natura & temperamento prorsus melancholicus & capite admodum calido, ac ad maniam propenso, non potuisse longo tempore somnum capere sine infomniis turbulentis perpetuis, solo adamante auro incluso sinistroque brachio supra cubitum, quo loco fonticuli hisce temporibus inuruntur, alligato in forma armillæ, ita ut adamas tangeret semper nudam carnem ab hisce molestiis plurimum liberatum. Erat adamas planus & latus duorum vix granorum pondere.

Idem ad febres arcendas, quibus alias erat valde obnoxius, præcipue tertianas collo quoque suspensum gerebat lapidem lazuli: nec interea dum hoc portaret, se à febre affectum asserebat. Smaragdus teste Alberto Magno collo suspensus sanat Hemitritæum. Q. Serenus tale habet:

*Coralium atque crocum corio connectito felis,
Nec dubites illis virides miscere Smaragdos,
Talia languentis conducent vincula collo,
Lethalesque abigent, miranda potentia, morbos.*

Qua autem ratione contingat, ut periapta vires suas in nobis exercent contra captum vulgi in Epistolis Anatomicis claris & amplis rationibus docui. Et in commentariis in Pselli libellum de viribus lapidum lingua Italica conscriptis.

Sed an ea omnia, quæ à scriptoribus periaptis attribuuntur vera sint, accuratissima in singulis indigeret observatione. Nos ea tantum, quæ scimus, sic docuimus, quomodo contingant, ut sapientis animus facile possit acquiescere.

C A P. X I V.

De Malignæ Semitertianæ internis externisque remediis.

HÆc quæ jam recensuimus, benignæ Semitertianæ conveniunt. Quod si maligna sit aut expectetur, eadem conveniunt, & quæ altiori putredini & contagiosæ resistunt. Ideo julapiis & jusculis alteratis uncia una aquæ cordialis miscenda erit.

Pulvis.

Boli.

Pulvis pur-
gans.

Pulvis.

Alius pro
pauperibus.Fomentum
cordiale.

da erit. Peculiariter *scordii modicum aceto incoquatur, vel aqua cum qua oxymel, vel aqua mulsa paranda est. Dentur aquæ cordiales ante cibum hora una, aut pulvis de hyacintho, vel si initio lumbrici adsint & alvus fluida. & cornu cervi usti preparati cum aqua scorzonere, terra sigillata ana scrupulos duos, margaritarum preparatarum drachmam mediam, specierum de gemmis frigidis scrupulum unum. M. cum syrupo de corticibus citri, si pituitosa fuerit; sin biliosa cum syrupo ex acido citri, & fiant boli numero quatuor. Capiat duos singulis vicibus, hora una ante cibum.*

Si alvus adstricta est; & cornu cervinum ustum, cerallinam, rhabarbarum paribus portionibus, præbendum ad drachmam unam cum aqua graininis. Etiam paulo ante paroxysmum in omni febre malignitatis futuræ notas præ se ferente consuevi dare. & terra sigillata Toccajensis, vel sigillata orientalis, vel Silesiaca, cornu cervi usti tenuissime triti ana drachmam unam, salis absinthii scrupulos duos, pulveris trochiscorum caphura drachmam mediam, Misce pro tribus dosibus, dentur singule cum aqua cardui benedicti unciis tribus vel quatuor. Datur à me pauperibus in pituitosiori Semitertiana pulvis baccarum hederæ ad drachmam unam, cum nitri granis sex, trochiscorum caphura granis tribus, ex unciis tribus aquæ cardui benedicti, vel calendule, vel endivie.

Cordialibus exterius præmuniendum cor fomento, quod habet aquæ rosarum stillatitiæ, borraginis, melissæ ana uncias tres; specierum cordialium temperatarum drachmam unam, croci grana quinque, aceti vel vini albi optimi unciam unam, Misce & cum panno coccineo foveatur tepide.

C A P. X V.

De Pestilentem Semitertianam curandi methodo per medicamenta interna, & externa.

TEmpore pestis febre ingruente cum horrore, ilico Hemitritæam suspicaberis, non expectato tertio die statim antidotis est expugnanda lues pestilens, postea tractanda ut benigna.

Omissa igitur venæ sectione, si corpus non fuerit valde plethoricum, & magna pravorum humorum saburra lateat in primis regionibus, cassiæ vel electuarii lenitivi, aut alterius purgantis supra nominati uncia una cum antidoti nostri vel alterius drachma media porrigatur. Sin indigere venæ sectione videbitur propter corporis plethoram, nullo apparente pestis characterismo, eodem ipso die cum vires constent sanguis detrahatur ex brachio; si characterismus pestis adfuerit, ut carbo, vel tumor sub alis, & circa pectus, collum, caputve, ex eodem etiam: si vero in inguinibus, saphena incidenda ejusdem lateris; & si maculæ vel exanthemata per cutim corporis effloruerint in principio, quod rarius contingit, ab ea desistendum.

Cæterum si non appareant necessitatis purgandi aut venam secandi signa, ilico antidota sunt præbenda, & in iis perseverandum, quousque pestem huic febre adjunctam evicerimus. Neque hic per varia antidota vagandum: sed quæ jam experientia confirmata sunt huic febre plurimum profuisse, ut theriacam, mithridatium, diascordium Fracastorii magnopere laudo, variis modis castigata pro intensiori & remissiori calore.

Diascordium
Fracastorii.

Diascordium Fracastorii recipit cinnamomi, cassiæ

lignæ, ana unciam mediam: scordii unciam unam, dictamni Creticæ, tormentillæ, bisfortæ, galbani, gummi arabici ana unciam mediam; opii drachmam unam & mediam; styracis drachmas quatuor & mediam, acetosæ (malim semen quam herbam) drachmam unam & mediam: gentianæ unciam unam & mediam: boli armenie, terra sigillata singulorum tantundem: piperis longi, zingiberis ana drachmas duas: mellis albi destillati libras duas & mediam, vini aromatici libram mediam, sacchari rosati libram unam. Misce.

Cornelius Gemma in Hemitritæo pestilenti, quam scribit præcessisse veram pestilentiam, satis frequenter se usum scribit diascordio, cujus compositio instar theriacæ ex variis & contrariis invicem fermentatis constat. Habet, inquit, pro basi *scordium* (omissis simplicium ponderibus, quæ quilibet peritus artifex pro suo ingenio adicere poterit ex ejus verbis sequentibus) inde *dictamnium Cretensem*, *absinthium ponticum*, *epithymum*, cum *rosis Alexandrinis*: habet & *semina plantaginis*, *nucleos pini*, *melonum*, *lactucæ*, *papaveris albi*, *erratici*, *cucumeris*, *cucurbitæ*; ac paulatim in minori proportionem, *radicum gentianæ*, *angelicæ*, *zedoariæ*, *pseudodictamni*, *nucis myrsicæ*, *macis*, *croci*, *piperis albi*, *myrrhæ*, *cinnamomi*, *corallinæ*, *rhabarbari*, *xyloaloes*, *gummi belzoini*, *maslichis*, *boli armenie*, *camforæ* prope partes æquales: cum aliis odoratis & inodoris, ut musco, osse de corde cervi, & similibus paucis, quæ mira proprietate vitalem spiritum atque animale recreant, omnibus exceptis saccharo & vino adeoque digestis in formam opiatum. Mirum in modum ea confectio venenis, vermium corruptele, & morbis pestilentibus reluctatur: sudores atque urinas extemplo provocat, vires confractas citius expectatione redintegrat.

Opiatum
Cornelii
Gemma.

Frequenter usu venit, ut ægri purgationes & antidota statim quam assumpta sunt vel paulo post revomant. In hoc casu prædicta cum succo limonium aut granati acidi, aut aceto rursus porrigenda repetendaque, donec retineant; si non retinerint, exigua spes salutis superest.

Nunquam me fefellit antidotus mea, cujus drachmam dedi cum aceti uncia media dissolutam additis unciis tribus aquæ endiviæ vel cardui benedicti: tantumque eo profeci, ut non modo semper prima vice retinuerint ægri, sed etiam nauseantem ventriculum eo corroborarint, & inappetentiam ciborum abegerint, sudoribus venenum ad cutim propulсарint.

Compositio ejus est talis. & *scordii drachmas duas, polii montani, pulegii, dictamni Cretici, verbenæ, prassii albi, origani, calamenthæ, hyperici, centaurei minoris, stachados, chamædryos, cardui benedicti, chamæpitios, spicæ nardi ana drachmam unam: Seminis anisi, cymini, carvi, petroselini, fœniculi, cardui benedicti, citri, dauci, sileris montani, oxalidis, rutæ, ocimi, hormini, thlaspi, baccarum lauri, hederæ, juniperi, seminis pæoniae maris ana scrupulos duos: radicum aristolochiæ rotundæ, imperatoriæ, gentianæ, dictamni albæ, asari, valerianæ ana drachmam mediam; radicum angelicæ, petasitidis ana drachmam unam: florum calendulæ, verbasci uniuersalis, caryophylli altilis, betonicæ ana drachmam mediam: Zingiberis, nucis muscatæ, caryophyllorum, piperis, croci ana scrupulos duos: lachrymæ cervi (si haberi potest) drachmam mediam. Cinnamomi electi, myrrhæ, castorei, styracis, calamitæ ana drachmam unam & mediam: mellis boni quantum satis est, ut fiat Opiatum.*

Antidotum
auctoris.

Aqua

Aqua pro peste
se & hemi-
critica pesti-
lenti.

Aqua pro peste & Hemitritæa pestilenti valde experta in nosocomio Viennensi extra portas, quod Lazaretum vocant, anno millesimo sexcentesimo decimo tertio, & hoc prioribus cum essem Viennæ. & baccarum juniperi viridis, foliorum rutæ ana manipulos duos: theriacæ Venetæ, angelicæ ana drachmas decem: radicum pimpinellæ drachmas quindecim: boli armenicæ, radicis levisnici, valerianæ, aristolochiæ rotundæ ana drachmas quinque: Myrrhæ, castorei, galangæ, camforæ, nucis vomicæ ana drachmas duas & mediam: Croci drachmam unam. Quæ contundenda sunt, contundantur & incidantur, & in optimi aceti vini albi libra una, aquæ vitæ libra media infundantur omnia, permixta in phiala vitrea bene obturato ejus orificio. Et in aqua fervida per quatuor horas pone, ne multum bulliat, mox in alio vitro transfusa servantur ad usum.

decoctum
illa.

Magnum auxilium falsæ decocto deprehendi propria experientia, optimis rationibus ad eam allectus, priusquam in locum Cornelii Gemmæ incidissem, in quo magnis laudibus hoc remedium effert iisdem prope rationibus, quibus & ego permotus. Testimonium ejus notatu dignum hic adscribam. Dicit (inquit) non potest, quam multos curaverim, uno decocto zarsæparillæ, si quando in diploide vel vase duplici pararetur: sic enim spiritiosa illius substantia non exhalat, sed per reflexus continuos, cum potius totius corpore denuo permiscetur: atque tum contra pestiferos morbos sive venena validius profliganda, tum pro principiis nostrorum corporum refovendis mirabilem concipit analogiam. Nam quidquid alii statuunt de caliditate nimia clamitantes, equidem vel in ardentissimis febribus, naturis oppido biliosis, ventre purgato paululum, ac statim à crisco primo rudimento, plus centies usus fui: ac rationalem viam successus ubique felicitas consecuta est. Nec aliud habui rationis fundamentum quam Galeni methodum in exploranda simplicium facultate, quæ ita sæpe composita à natura dicit, ut nomen simplicium præ nostris compositis ac polychrestis omnibus aspernentur. Videbam in illa radice saporem primo subdulcem, atque decoctum etiam pingue quiddam recrementitium, & calori humido consentaneum: sequitur hunc amaritudo leviuscula sensim sese aperiens tum abstergendis vasibus atque visceribus opportuna. Postremo tentandi diutius etiam alte demersa tenuitas explicatur, calor non urens, neque salsus & mordax, sed subtilis volucer, ut in recessus abditißimos partium solidarum possit vel momento temporis pervagari. Quamobrem quia morbus compositæ rationis, hæc paulatim concoqui, roborari, illa velit secerni, abstergi, disploidi, discuti, aperiri, usque ad minutissimas corporum partes: quia rursus conservandæ virtutis prima ubique est indicatio, quod hæc per se Medicus curationem quasi ex accidente perficiat: idcirco me aberrare non posse fidebam, si hoc insigni divorum munere tanquam Iovis ipsius manibus hydram immanißimam oppugnarem. Quod certo sciam in hoc uno medicamento & nutriendi quandam vim inesse mirabilem, & facultatis deleteriæ vindicem, obstructioni ac putredinis curatricem. Imo, ut verbo dicam, insunt ad vitæ custodiam principii utriusque semina non obscuri: alterum, quod in solidis partibus substantiam humidi primogenii possit reficere: alterum quod cum spiritu calorem æthereum restaurare, quanquam dubio procul non omnibus aque conveniat in eadem specie morbi, quin quantitatis, ordinis, aliarumque rerum ratio sit una in calculum adhibenda. In multis etenim adjunxi majorem partem radicis plantaginis, eringii, asparagi, caryophyllatæ; in aliis lignum aloes, cinnamomum aut aliud quidquam. Imo sub-

inde decoctis cæteris partem duntaxat ipsius zarsæ, quo velut additis aliis, quod reliquum foret, celerius multo vel in corporis penetrare vel in externam circumferentiam permearet. Sed ego falsæ, ut dixi, decoctum cum cicchoraccis alteratum do in simplici Hemitritæa cum china. sed ante potum ejus præmitto antidota, reliquamque curationem evicta malignitate cum hoc decocto absolvo. Pauperibus in falsæ defectu decoctum radicis graminis porrigi potest.

Externis quoque remediis pugnandum est adversus pestem, ut oleo scorpionum Matthioli, ungendo pulsantes arterias circa tempora, collum, carpos manuum, circa umbilicum & mucronatam cartilagineam, & circa cor eadem inunctio facienda, applicandusque pannus coccineus madefactus vino non valde potenti, vel aceto aqua rosarum camforata destillato. Quod si ad manus ea non sit, tum olei scorpionum communis uncia cum drachmis duabus mithridatis vel theriacæ Andromachi erit permiscenda.

Oleum Scorpionis.

C A P. XVI.

In Declinatione Semitertianarum, crisi, commutatione quid à Medico præstari debeat.

Sed ad benignam Semitertianam revertamur, quæ debet esse tanquam norma & regula aliarum, ubi ea in vigore constiterit videndum est, an crism morbus sit habiturus & qualem; deinde quam commutationem sit factura cum eo natura in alium morbum, an recidivam facturum sit, nec ne, an sponte solvetur. Hæc omnia commode ut prævideri queant, à me in præcedenti libro sunt quam plenissime explicata.

In crisi perfecta quæ rarissima est, nil tentandum, in imperfecta adjuvandus naturæ conatus, atque per quas vias natura ducit humorem morbificum cum aliquo levamine aut facili tolerantia per eas etiam ducere oportet & promovere. Per urinas; diureticis; per alvum, blandis dejectoriis; per sudores, sudoriferis; per abscessus; maturantibus. Atque hoc tempore maxima & præcipua indicatio est concoctionem naturæ una adjuvandi: quoniam cum paulatim & veluti per partes concoquat, id quod concoxit, etiam separat & excernit. Quod vero adhuc crudum est, retinet.

Sed quærat hic aliquis, an quod excernit natura ante perfectam crism & absolutam, non possit concoctioni relictæ adhuc materiæ obesse? Dicebat Hippocrates lib. vi Epidem. sect. 11: Quæ concoqui oportet, conclusa esse oportere. Itaque requiri hic videtur indicatio potius laxas partes, per quas natura excernit humores concoctos, adstringendi, ut melius concoquat. Quare non videbitur opus in crisi imperfecta dejectoriis, sudorificis, diureticis, sed concoctioni toti incumbendum.

Quæritur.

Respondeo, hic signa concoctionis esse inspicienda in urinis, & alvi excrementis; quæ si fuerint laudabilia, atque superare signa cruditatis longæ, adjuvandus erit naturæ excreticis conatus. Si vero tantum leve appareat signum concoctionis ac veluti ejus initium, concoctioni erit incumbendum. Morborum, in quos ex hac febre est transitus, natura debet esse Medico quam diligentissime perspecta; eorum, qui communiore sunt curationem in sequentis libri fine trademus.


Respondet.

A D R I A N I S P I G E L I I
B R V X E L L E N S I S
D E
S E M I T E R T I A N A
L I B E R Q V A R T V S.

Victus rationem, curationem Symptomatum huic febrī
communium magis, Recidivarum, & Commu-
tationum in alios morbos complectitur.

C A P. I.

*Aër qualis apud ægros eligendus parandusque, &
quæ victus ratio instituenda in
benigna febre.*



On parvam & infrequentem hæc febris præbet occasionem ægris errandi in victu. Nam circa statum quando natura aggre- ditur concoctionem mate- riæ febrilis, sæpe mitescit vel intermittit, & sic ægrum jam debilitatum à prægressis paroxysmis fames denuo adoritur. Itaque victus ratio diligentissime insti- tuenda est. Vñus enim quotidianus docuit eos, qui in victu deliquissent, aut extinctos cum hac febre, aut in lethales morbos lapsos fuisse: aut longiores quam oportebat tempore, aut fre- quentius & gravius passos recidivas, interturba- ta scilicet natura in concoctione materiæ mor- bificæ, & advocata ad concoctionem ciborum; aut denique valetudinarios permanisse, & ad in- tegram sanitatem nullo vitæ tempore ob insupe- rabiles visceris alicujus obstructions potuisse per- duci.

*Qualis aër
eligendus.*

Aër igitur eligatur siccus, in calore temperatus. Qui enim frigidus est, qualis indicatur ratione ca- loris febrilis, catarrhum biliosorum & pituitoso- rum humorum movet, partes extremas refrigerat, calorem & humores ad interiora viscera pellit, cu- tis obstructions adaugens. Hæc ratio est, cur Se- mitertianæ æstivæ brevioris sint solutionis, quam vernæ vel autumnales & hyemales. Si vero deliria inces- serint aut magnæ vigiliæ, & summa linguæ ariditas, aërem alterare oportet *viridibus foliis vi- tium, silicis, & nymphæ*; frequenti suffumigio fa- cto cum *aqua rosacea*, aut guttatim instillata prope lectum ægroti super palam ferream ignitam, aut regulam candefactam. Si vero soporosus aliquis affectus ægrum affligerit, *acetum caryophyllatum & rutæ folia* parvæ ollæ mundæ indere oportet, & eam modicis carbonibus aut calidis cineribus prope lectum ponere, ut ferveat & sic exhalet paulatim.

*Potus ordina-
rius.*

Pro potu in Semitertiana, quæ æquales fere por- tiones bilis & pituitæ habeat sive intra, sive extra vasa. & *uvæ passularum uncias duas: hordei pugil- um unum, seminis anisi drachmam unam, aquæ fluvialis*

aut fontanæ libras sex, in phiala vitrea latiori orificio bulliant lento igne, quousque percoctum sit hordeum, & crepuerit: ablato ab igne, ubi refrigerari inceperit, adde cinnamomi crassiuscule concisi drachmam unam & semis: sicut infusa quousque refrigerato decocto accesserit color aliquantulum rubicundus. Qui fieri solet quoties cinna- momi vis & odor ab aqua jam sit attractus. Servetur frigido loco sine colatura pro potu ordinario: & alternis diebus nova fiat decoctio, præsertim æstivo tempore, quo facile accescit, vel corrumpitur.

In ventriculo relaxato & fluxu alvi dabitur lo- Alim.
co præscripti, talis potus. & *medulle panis domestici (crusta enim solet empyreuma redolere) uncias duas, ra- suræ eboris, rasuræ cornu cervi crudi ana drachmam unam. Bulliant in aquæ sufficienti quantitate ad horam, coletur per manicam Hippocratis, & aromatizetur cum drachma una specierum diarrhodonis abbatis, vel aromatici rosati (prout videbitur major vel minor copia pituitæ) ut fiat veluti claretum, quod vinum rubellum appel- lamus.*

Conveniunt etiam in benigna, pro varia humo- rum abundantia, *hydrosaccharum aqua multa cum mo- dico cinnamomo aromatizatum; syrupus acetosus, oxymel, diluta omnia cum aqua fontana vel fluviali, adjecto aceti momento ad gratiorem saporem, vel spiritus vitrioli quantum ad acidum saporem satis est. Aliquando & fur- furum decocto ista diluo, & addo drachmam unam salis prunellæ chymicorum ad tres potus libras.*

Destillatum longum hic Patavii appellatum, Destillatur
quod fit ex jure carnis per balneum destillato, non longum cui
convenit hic pro potu ordinario. Nam quamvis hic non con-
veniat.
eo non tantum ventriculus offendatur, quantum ab aqua cocta, quæ hic vitanda est, aut aqua hor- dei simplici; non juvatur tamen, quia non incidat crassos in ventriculo & intestinis humores, nisi pa- rum seminis anisi in ipso maceretur.

Melius est dare quod pauperioribus præscribo, Jus carnis
longum.
jus carnis longum appellatum, hoc est, cum multa aqua præparatum & alteratum cum incidentibus & refrigerantibus. & *carnis pulli vel gallinæ vel vituli libram unam, aquæ communis libras decem, bulliant lento igne ad consumptionem medietatis, addendo in fine radi- cum graminis, dentis leonis, petroselinæ ana unciam me- diam, ablata diligenter pinguedine, ubi refrigeratum fue- rit, præbetur pro potu. Convenit & serum lactis cum multa acetosa coctum.*

Vinum in totum interdicatur, quod caput re- pleat & viscera inflammet. Pituitosis tamen & de- bilibus valde id concedo austerum & linguam mordicans,

*Vinum enim
quibus no-
conveniat.*

Mordicans, cujus vivacitas multam communis aquæ dilutionem tolerat, quale est quod ex uvis parum maturis in fine æstatis Patavii confici solet. Concedatur in fine prandii & coenæ cum aqua communi: vel *endivie dilutum vel borraginis, per balneum destillatæ; dulcoretur cum modico saccharo offam panis in hoc tinctam* ægro præbendo.

Cerevisia
quibus con-
cedenda.

Cerevisiam, quæ pro ordinario potu in septentrionalibus regionibus usurpatur, iis, qui eam bibere consueverunt, defæcatam tenuemque concedo, & quæ tractu temporis vinosum saporem acquisiverit, si modice bibatur. Nam cum omnibus huic potui assuetis id fere sit moris, ut ad satietatem bibant, si sitim extinguere velint, tum in hac febre id vitandum est. Etenim in ventriculo fluctuat, & non facile ad renes transit.

Quæ cerevi-
sia vitanda.

Crassa autem cerevisia, quod *caput non secus ac vinum repleat*, & ventriculo gravis sit difficiliusque distribuatur, vitanda est. Defæcatam & cum multa aqua dilutam præferrem tamen paulo salubriori potui ac minus grato & consueto, juxta sententiam Hippocratis *aphor. xxxiix, lib. ii: Paulo deterior cibus & potus, suavior tamen, minus suavis est præferendus.*

Cibus.

Cibus quoque sit refrigerans, humectans, detergens, attenuans, incidens, facilis nutritionis ac boni succi, pro acumine febris ac tempore; modo tenuior, modo paulo plenior, hoc est, plus, aut minus nutriens. Nam si acuta Semitertiana sit futura, tenuis porrigendus est. Si vero longa, plenior. Tenuis erit, exempli gratia, cremor hordei simplex in aqua cocti, sorbitionem veteres appellant; cremor triticeus, avenaceus, vel factus ex farre, panis in aqua coctus cum modico butyro vel oleo ut sorberi possit, addita emulsione seminum melonum. Hæc in temperatis & calidis regionibus conveniunt; in frigidioribus, panis in tenui cerevisia coquitur cum modico butyro, & sorbetur. Quod si minus tenuis esse debeat, prædicta omnia sunt juri, loco aquæ, incoquenda. Præstat autem cremorem hordei, tritici, vel farris cocti in aqua cum modico saccharo dulcorare, & ei aspergere pauculum cinnamomi pulverizati. Vbi vero in jure carnis coquitur cremor, abstinendum à saccharo, quod etiamsi magis detergere videatur, minus tamen concoquitur, diutiusque moram in ventriculo trahens bilescit, & multis propter ingratitudinem movet etiam nauseam. Iam & paulo plenior erit cibus, si cremor aut panis coctus crassiori pulvis forma coquatur. Tempus etiam febris qualitatem cibi indicabit. Nam quo magis vergit febris ad vigorem, eo magis de cibo detrahendum est, juxta doctrinam Hippocratis *aphor. viii, lib. i: Quando morbus in suo vigore constiterit, tunc victu tenuissimo utendum est.* Utinam hæc sententia aureis litteris majusculis fronti cujusque hac febre ægrotantis inscripta esset, ut à quovis nostræ tempestatis Medico primo intuitu, quando ad ægrum introducit, posset perlegi & in mentem revocari. Non enim non possum in omnes prope modum, qui hodie medicinam exercent stomachari, tantum à veteri arte eos discessisse, ut tenuiorem in principio febris, in statu vero plenior

Error com-
munis Medi-
corum in ciba-
tione ægro-
rum.

rem porrigant, carnes vitulinas, consummata caponum, contusa pullorum, panatellas in optimo jure & cum ovis sorbilibus permixtas, ut adhuc ma-

gis nutrant, quo auram vulgi sequantur & mulierularum preces putantium eo magis esse nutriendum, quo magis ægri se lassitudine oppressos sentiunt. Ego autem tales sive attantes fuerint, seu ipsimet ægri, condocere soleo cibum plenior tunc esse morbo gravem, hunc augere ac prolongare, viresque diminui potius quam augeri, contra à tenuiori sustentari eas commodius, morbo levem esse, & cum abbreviare. Nam non solum avocatur natura per cibum pleniorē à concoctione materiæ morbificæ, ut dicebat Galenus, verum etiam à valde nutrientibus & durioribus cibis commemoratis in languidissimo ventriculo sit eorum difficillima concoctio, imo potius sequitur eorum corruptio. Languet enim ventriculus à putridis vaporibus, qui in venis & arteriis, atque etiam intestinis præcipue colo, quando pituita & bile putrescentibus refertum est, suscitantur; & ab intemperie, præcipue calida, partium ventriculo circumstantium jecoris, lienis & intestini coli depravatur ejus chylicatio. Et quia carnes concoctum & chylicatum cibum non facile attrahunt per venas meseraicas in habitum corporis (attractrix enim earum facultas, ut & aliæ naturales, vitiantur & languent propter febrilem calorem & putredinem) ideo diutius si commorantur cibi in ventriculo aut intestinis corrumpuntur; si citius quam naturaliter consueverunt, rapiantur à carnibus, cruditates omni in parte augentur. His igitur de causis *quo magis morbus accedit ad vigorem, eo minus nutriens & facilius concoctionis cibus est porrigendus.* Celsus quoque magnopere necessarium esse scribit, non dare cibum, nisi in ea remissione, quæ vera est, & ubi ea venit protinus dare, subjungens, *plurimos sub alterutro curantis errore subito mori.*

Quæ quanquam de tertiana producta, quam eum Semitertianam appellasse diximus, intelligenda sint, hic tamen locum dant quærendi, an cum hæc febris, quam nos Semitertianam appellamus, uno die gravius affligat, altero levius, quotidie cibus porrigi debeat; an vero tantum, quo levius ægrum affligit & horis quo vel intermisit, vel remisit. Dico ego, quotidie cibum porrigendum esse, sed quo die quotidiana sola, bis; quo vero tertiana, semel tantum porrigendum esse in remissione, quæ sex horis ante principium accessionis quotidianæ alterius levioris diei expectatur, præsertim si pituitosa Semitertiana fuerit. Quandoquidem crudi & pituitosi humores, sive in ventriculo & intestinis consistant, sive in venis aut quacunque alia parte, si nondum putrescant, concoquantur à natura, & in alimentum quoquo pacto cedant. Sed si assuetus sit æger sæpius in die cibum capere cum sanitate frueretur, Semitertiana biliosa detineatur, regio frigida sit, sitiat admodum in fine vigoris paroxysmi, si utriusque febris nempe tertianæ & quotidianæ paroxysmorum initia duabus tribusve horis à se invicem distent, & ideo vigor quoque utriusque fere in easdem horas incidant, bis dare licebit, observatione adhibita, ut tenuior cibus porrigatur die graviori; leviori vero paulo plenior.

Quando Se-
mitertiana
laborantes
sine cibandi

Sed quot vicibus ægri in die sint cibandi, indicabunt non modo febris species & consuetudo, verum etiam ætas, natura ægrorum, anni tempus

Quot vicibus
ægrum die sint
cibandi.

& regio, & ipse cibus, quo delectatur æger. Nam si hic parum nutriet, sæpius offeratur, quam si multum: tenuior enim citius pleniore concoquitur. Hæc igitur quoque in definienda cibi quantitate sunt consideranda. Nam pueris & adolescentibus, quorum corpora crescunt, plus dare oportet, & etiam bis in graviore die: senibus semel sufficit, & minus quam proportio magnitudinis corporis postulat. Qui famem facilius tolerant, semel in die graviore cibentur. Qui statura longiori sunt & graciles, crura habent longa, bis cibentur, sed pauciore cibo pro singula vice; breviori statura præditis & quadrato corpore, semel & copiosius; quod in illis celerius cibus & excrementa ad alvum transeant, & minor sit ventriculus, in his contra. Hyeme & vere atque etiam autumnii parte, quæ hyemem attingit, plus & sæpius porrigatur omni morbi tempore, quam æstate. Si regio sit, quæ multum digerat, ut septentrionalis aliqua, maxime Belgii & Germaniæ tractus prope Oceanum, & Scythia, quæ est maxime vorax, plus quam in aliis regionibus cibi porrigatur, & bis in die graviore. Esse quoque Africæ cælum Celsus commemorat, *sub quo nullo die æger abstinere recte videtur*. Contra in Ægypto & Asiæ multis partibus famem homines facilius tolerant; sic ut in ea regione quatruiduanam illam famem, quam olim febricitantibus initio Medici præscribebant, facile tolerare potuerint. Asperorum & altorum montium incolæ magis voraces sunt iis qui in planitie habitant. Ergo & illis bis cibus die graviore offerendus & copiosior, his semel tantum & copia minori.

Sit igitur pro exemplo Semitertiana acuta laborans, vigintiocto annorum, temperamenti parumper calidi & humidi, Patavii in patria civitate decumbens, famem facile tolerans. Huic in die graviore semel porrigam cremorem hordei unciarum octo vel decem pondere, aut alium ex cibis commemoratis. Quod si non facile possit famem tolerare, bisque propterea fuisset cibandus, singula quaque vice uncias sex præberem cremoris hordei, aut liquidioris panatellæ, deinde interpositis horis quinque eandem dosim liquidioris die graviore, crassioris die leviori.

Quibus horis
sint cibandi.

Horæ autem, quibus quotidie sunt ægri cibandi, eligendæ sunt, quibus videbitur univrsum corpus æqualiter esse dispositum, ut nullius (utor Galeni verbis lib. de Priſana, cap. vi) aut frigoris, aut caloris rationem inter se corporis partes dissentiant; id est, quando jam declinare febris incipit. Contingit aliquando in hac febre, ut pedes magis caleant toto reliquo corpore, idque in declinatione, quando natura pellit calidiores fuligines ad partes externas. Igitur etiam si tunc corpus inæqualem calorem conceperit, à cibo non est abstinendum, dum animadverterimus talem ejus febris esse peculiarem declinationem.

De somno.

In somno notandum, ut in principio paroxysmi ægrotus ab eo abſtineat, procurandumque ut is in declinatione febris obrepat, quæ in hac febre post mediam noctem plerunque contingit. Quod si nullo tempore somnum capere possit, præterquam initio paroxysmorum, & cum facile toleret, finendus est æger ut tunc dormiat.

Opiata in hac
febre esse vir-
tanda.

Nunquam in hac febre ad soporifera, quæ opium conti-

nent, veniendum est, ubi spacio vigintiquatuor horarum una vel altera hora dormire animadvertitur. Morbo enim ad judicationem tendente expectandus est longissimus somnus. Quo tempore quidquid somni naturæ antea detractum est, hoc ita refarcit ut præ nimio somno lethargici evasisse videantur.

C A P. I I.

De Viçtus ratione pro maligna & pestilenti.

Alis igitur viçtus ratio, qualem recensui, in benigna Semitertiana instituenda est. Quod si pestilens fuerit, multum mutanda; si vero maligna, media via erit procedendum. Igitur aer cubiculi, priusquam æger in eum deferatur, exsiccandus est, igne in medio cubiculi accenso, & constructo ex lignis odoriferis cypressi, juniperi, lauri, qui non tumum, ut plerique faciunt, sed copiosam flammam edat. Deinde olla aceto plena eodem loco carbonibus ignitis superponenda, cui folia pulegii, rorismarini, rutæ, origani, radices angelicæ, & petasitidis indita sint. Acetum, in quo pulegium & radix angelicæ macerata sint per noctem sæpius naribus, spongia eo imbuta vel linteo trito, admoveere oportet. Vngere mentum & narium foramina antidoto nostro vel alio, cui modicum acetum permixtum sit. Sed & barbam si vir sit, eodem inungere optimum erit, quo expiret aliquid in circumstantem aërem, qui postmodum ab egroto per os attrahitur. Aut vino malvatico aquæ rosarum tertia pars addatur, & stillatim cadat super lapidem molarem ignitum aut silicem.

Pastilli seu trochisci pro suffumigio paucis carbonibus ignitis injiciendi, ut paulatim consumantur, nec valde comburantur. *℞ ladani purissimi drachmam unam, styracis calamitæ, benzoin ana drachmas duas; myrrhæ electæ, ligni aloes ana drachmam unam & mediam, pulveris corticum mali citrii, caryophyllorum, cinnamomi electi ana drachmam mediam; gummi Arabici dissoluti cum aquæ rosarum modico quantum est satis, fiant trochisci parvi, adde ambari & moschi dissoluti in eadem aqua granum unum.* Pauperiores utantur baccis juniperi in ignem projectis.

Trochisci pro
suffumigio.

Potus sit syrupus acetosus simplex, aut hydrosaccharum aromatizatum speciebus cordialibus temperatis, vel de gemmis frigidis, vel de hyacintho. & aquarum endiviæ, scorzonæ, cardui benedicti ana libram mediam: aquæ fluvialis, in qua drachma una cornu cervini & eboris macerata sint, libræ quatuor, julepi rosati uncias quatuor, succi limonum uncias duas vel tres pro gustu. Misce. Si pituitæ aliqua pars prævaleat, syrupus de corticibus citri uncia una vel altera addatur, aut syrupus de mentha. Si deest succus limonum, substituatur pauperibus septentrionalibus succus berberis, vinum cerasorum acidorum, succus acetosæ depuratus. Si phrenitides aut insignes aliquorum viscerum inflammationes non adsint, dandum est vinum aquæ endiviæ, vel cardui benedicti, circii, fragariæ, echii, scorzonæ dilutum, addito modico succo limonum, aut mali citrii aut arancii. Nam ab his orificium ventriculi roboratur, & vapores, ne ad caput ascendant, à partibus infernis prohibentur. Si potens valde fuerit vinum & subdulce, quod ægris nauseam movet & subvertit ventriculum, succi acidi præscriptorum aliquid addatur. Si vero austerum ac debile, ab hoc abſtineatur.

Potui.

abstineatur. Cerevisia tenuis etiam pauperioribus concedi potest, calefacta tamen, & in qua baccæ juniperi aut aliquot semina cymina leviter ebullierint. Dabitur calida vel refrigerata cum modico succo limonum. Cavere tamen oportet ab omni potu glacie aut nive refrigerato vel perquam gelido, quod partes spirituales eo non parum offendantur. Procurandumque etiam ne sitim ægri valde tolerant: quia vires ejus tolerantia labefactantur. Sic & modus habendus est, ne etiam nimium bibatur, quod posset cruditates augere, nec à valore confici.

Cibus.

Cibus quoque hic debet esse plenior, quam in benigna Semitertiana: & pestilens adhuc paulo plenior, quam maligna postulat: Quapropter summo opere cavendum Medicis, ne in pestilenti Semitertiana victus rationem instituant, prout in aphorismis præcepit Hippocrates. Bis & ter quaterve in die dandus est cibus, minorique singulis vicibus quantitate, sic ut non oneret naturam & vires conserventur, quæ in hoc morbo derepente concidere consueverunt. Atque non solum in declinatione paroxysmorum, sed etiam in principio paroxysmi si syncope vel animi defectio ægrum affligat aut lipothymia, porrigantur sorbitiones ex jure pulli cum acetosæ succo; vel pulvere seminis ejusdem, aut cremor ptisanæ cum manus christi perlato dulcoratum, aut ovum sorbile cum panis frustulo præbendum in vino aqua acetosæ diluto intincto: aut lactuca & acetosa coctis in jure carnis cum modico omphacio & petroselino. Præstat tamen semper in initio paroxysmi tenuiori uti victu, ut sorbitionibus jam dictis; in declinationibus, paulo pleniori, ut solidiori cibo, confusis caponum cum omphacio aut succo mali arancii. Carnes quoque concedendæ sunt caponum, perdicum, vituli, pipionum, turdorum cocta cum capparibus aceto conditis dictis Genuensibus, vel floribus mali citrii & arancii, vel fructibus eorum omnibus in aceto prius maceratis. Dari etiam possunt carnes assæ, si æger mandere poterit, vituli, caponum, perdicum, turdorum, & aliarum avicularum montanarum. In statu capiat juris glaciati tria vel quatuor cochlearia facti ex pedibus vituli in aqua coctis, vel carne vitulina & capone cum vini albi modico, cum corticibus & palpa mali citri aut eorum floribus aceto maceratis, coctis omnibus usque quo tabescant, addito sub finem aceti momento, & saccharo perlato, ac cornu cervino usto. Consummata etiam laudamus caponum & carnis vitulinæ. Ius expressum ex carne castrati semiaffata, ut in Galliis fieri consuevit cum succo mali granati acidi vel arancii.

C A P. III.

De Curatione symptomatum & morborum, quæ frequentius huic febri superveniunt, vel implicantur; vel post Semitertianam comparent.

Symptomata varia morbosque acutos ac diuturnos huic febri supervenire aut subsequi, aut cum ea nasci plurima in secundo libro recensuimus, quorum quædam rarius comparent, quod sæpius, ne dicam frequentissime conspiciuntur, ut capitis dolor, sitis, lingua arida, nausea cibi, fastidium, lumborum dolor, phrenitides, vigiliæ, lethargi,

vertigo, epilepsiæ quædam species, timor Germanis dicta, alvi fluxus, dysenteria, colici dolores, recidivæ, & mutationes in febrem duplicem, tertianam, quotidianam, quartanam, abscessus. Horum pene omnium quanquam exacta satis curatio videatur à recentioribus tradita, tamen peculiariora remedia, quibus ad ea tanquam arcanis hæctenus felicissime usus sum, operæ pretium duxi in gratiam tyronis hic adjungere.

Primum ad capitis dolorem, præter cucurbitulas cruribus aut scapulis cum scarificationibus adhibitas, confert etiam balneum vesperi pedibus administratum, in quo sequentia incoquenda sunt. *foliorum ruta, verbenæ, salviæ, florum* (si desint) *foliorum sambuci ana manipulum unum; florum chamæmeli, meliloti ana Manipulum medium; salis uncias duas, fursurum iriici manipulos duos. Misce.* Fronti cum stuppa cannabina diligenter baculo contusa, ut fiat mollior, adhibendum oxyrhodium. *olei violacei unciam unam, aquæ rosarum unciam unam & mediam, aceti rosati vel sambucini unciam unam, albumen ovi unum, pulveris caryophyllorum, majoranæ ana drachmam mediam, verbenæ scrupulos duos. Misce.* adhibeatur tepidum hyeme, æstate frigidum toti fronti, sic ut & tempora late obsideat. Adde interdum soleo nucleos persicorum tres vel quatuor, vel malorum armeniacorum diligenter confusorum cum suo rubro exteriori cortice ad majorem discussionem. Pauperibus folia mali persicæ fronti fructuose applicui contusa.

De dolore capiti.

Loto pedum.

Oxyrhodium: fronti applicandum.

C A P. IV.

Ad sitim.

Pro siti extinguenda os aqua non valde frigida sæpe colluatur. Plurimum ad hanc facit cataplasma ex farina hordei, succo cichorei, oleo rosato, quod supra descripsimus; utroque hypochondrio late adhibitum. *Ossa prunorum damascenorum coctorum* in ore detenta, & ipsa pruna comesta: *pulpa citri aut arancii acidi pulvere sacchari canti asperso, macerata in aqua rosarum vel endiviæ.*

Cataplasma.

Hemitritæo depellendo trochiscus apud Plinium Valerianum libro tertio; Et ad febricitates ut non sentiant ardorem stomachi & febres, & ad solis ardorem nimium: *Recipe succi glycyrrizæ* (quo recentior, eo melior) *drachmas sex; seminis cucumeris hortensis quatuor; tragacanthi duas, quæ teres singillatim, & permiscebis cum albo ovorum, & facies cataplasia.* Hæc deglutita quoque ad sitim maxime faciunt, etli tantum in ore detineantur.

Cap. 2. Trochisci Pl. Valeriani.

C A P. V.

Ad linguam asperam.

Linguam asperam, etiam si fauces & guttur aliquo modo inflammata sint, ita curabis. *mulaginis seminum psyllii & cydoneorum extracta cum aqua violarum in qua glycyrrizæ portio per horam macerata sit uncias duas, eo tingatur pannus lineus, & superponatur linguae, postquam abluta est cum aqua hordei, in cujus singulis libris salis nitri drachma una ebullierit, prius addita una vel altera gutta olei tartari.* Dedi aliquando propinandum drachmam unam seminis psyllii orientalis ex aqua communis vel portulacæ unctis tribus; maximeque profuit, quando suspicio erat

erat

erat oesophagi internam tunicam eodem vitio quo lingua laborare, ex quo anginae lethales oriuntur tractis in consensum propter asperitatem & insignem siccitatem oesophagi, musculis laryngis, nec ullo apparente in faucibus tumore.

Gargarisma. Huic etiam succurrere soleo aqua hordei & ghyrrizae adjecto diamoreni pro gargarismate. Aliud, quod fissuras linguae & ulcuscula etiam sanat si saepe in die repetatur. *Astacos fluviatiles*, quos gambaros vulgus appellat, urcios duodecim contere in sufficienti aqua endiviae, cui tertia pars aquae papaveris erratici permixta sit in mortario marmoreo, & cum expresso succo aeger se gargarizet, & non modicum ejus deglutiat, tum butyro recenti novies loti in aqua communi linguam ungat, quae priusquam gargarizet, à pituita & immunditie abluta sit, & purgata cum peniculo facta ex panno laneo molli peruncto melle rosato colato aut aqua rosarum, in qua sacchari cantuunciam media, & drachma una aluminis dissoluta sint. Aliud. Spongiam mollem novam & lapillis diligenter purgatam, decocto radicum althaeae in aqua portulacae madefacere oportet, addita quinta parte olei de seminibus cucurbitae, vel communis, vel amygdalarum dulcium recentis novies loti in aqua communi, & eam spongiam ori aegrotantis indere, jubereque ut per os respiret quantum fieri potest. Nam per foramina spongiae, & à lateribus aeris nonnihil ingreditur, quod ad interiora penetrat, humectans & refrigerans. Aliquando mucilagine seminum cydoneorum & psyllii madefacta usus sum.

C A P. VI.

Pro nausea, & cibi fastidio.

AD insignem nauseam & cibi fastidium, quo aegri quemvis cibum aspernantur, raro fallit antidotus nostra drachmae mediae vel unius pondere cum aceti optimi drachmis duabus & uncis duabus aqua cardui benedicti. Pauperioribus etiam succurrit jusculum carnis cum mentha vel pulegio alteratum addito succo berberis, vel granati acidi, aut mali citrii. Nimiis etiam vomitus si affligat, sive bilis sit, sive pituitae aut cibi, ut quidquid in ventriculum illapsum sit, statim vel paulo postquam assumptum est, revomatur, conveniunt praeter jam dicta, fomenta & cataplasmata ventriculo adhibita, ut est emplastrum de crusta panis in officinis nobile.

Fomentum.

& corticum granatorum, mali citrii vel arancii ana unciam semis, florum rosarum rubearum, foliorum absinthii, menthae, pulegii, florum chamemeli ana manipulum unum. Bulliant in vini rubri austeri libris sex ad consumptionem medietatis, colatura servetur pro fomento spongiis calide adhibendo prope mucronatam cartilaginem, & infra.

C A P. VII.

Ad Lumborum dolores.

Lumborum dolori succurrit lac muliebre vel alterius animalis recens multum & lumbis inspersum vel inunctum. vel in ejus defectu oleum commune, vel amygdalarum dulcium, vel butyrum recens novies lotum in aqua communi.

Linimentum egregium.

Linimentum egregium: & mucilaginis seminis psyllii & cydoneorum extracta cum aqua rosarum ana unciam unam: olei violacei novies loti in aqua nymphaeae unciam

unam & mediam, butyri recentis novies loti in aqua communi uncias duas, cerae albæ parum. Misce pro linimento.

Plurimum etiam confert oleum recens expressum de seminibus cucurbitae. Linimenta & inunctiones adhibenda sunt initio febris, aut cum maculae petechiales nondum comparent; aliter clysteribus refrigerantibus, detergentibus, blandis, duriore existente alvo, succurrendum.

& florum chamemeli, meliloti ana manipulum unum; Enema. foliorum parietariae, endiviae, violariae ana manipulum semis; foliorum papaveris rhæadis pugillum medium; hordei pugillum unum. Bulliat primum hordeum ad crepaturam, deinde herbae & flores adjiciantur, in fine colatura adde mellis rosati solutivi uncias quinque. Misce pro clystere tepide injiciendo. Supra vero dorsum pellem agniam vel caninam novissime detractam, vel alterius quadrupedis domestici, qua parte carni adhæsit lumbis & dorso superligare oportet per unum vel alterum diem, donec foetere incipiat, & eandem si dolor non cessarit renovare. Siquidem hoc remedium insignem habet digerendi facultatem & per poros portionem malignae materiae evocandi. Facit etiam ad idem oleum amygdalarum dulcium cum chamomelino permixtum, gutta una adjecta olei tartari, & modico sale nitri.

C A P. VIII.

Ad vigilias.

Vigiliae quoque saepe molestae sunt biliosae Semitertianis, quibus succurrunt cucurbitulae extremis partibus, ut suris & femoribus adhibita: item balnea & lavacra pro iisdem partibus.

& florum chamemeli, rosarum rubearum, nymphaeae Lorio pedum. singulorum manipulum unum & medium; foliorum lactucae, violariae, malvae ana manipulum unum. Capita papaveris albi duo. Misce incisis incidendis & bulliant in sufficienti quantitate aquae, quo ad media crura balneum perveniat, quod tepidum sit. Addere ei interdum licet lixivii mediocris sarmentorum vitium partem octavam.

Vnguentum temporibus & fronti adhibendum Vnguentum. cum stuppa cannabina. & unguenti populei unciam unam, olei violacei unciam mediam. Misce. Oleum etiam amygdalarum dulcium novies lotum in aqua florum violarum locis supradictis illitum plurimum probo: & emulsionem hora una vel altera post coenam, quae & amygdalarum dulcium excorticatarum uncias duas, Emulsio. quatuor seminum frigidorum majorum ana drachmas duas, seminis lactucae, papaveris albi ana drachmas duas. Misce, & in mortario contusa cum aqua hordei vel lactucae uncis sex, fiat emulsio, quae saccharo perlato vel cantuviolato dulcoretur ad libitum aegrotantis: seminis acetosae drachmam unam & mediam adjungo, si malignitatis sit suspicio, cum aqua cardui benedicti & scorzonerae facta emulsione.

C A P. IX.

Ad Lethargum.

Lethargicis injiciatur clyster acrior, & qui pituitam ex crassis intestinis educat, qualis erit qui ex hydromelite conficitur, cum drachma una specierum hierae & salis nitri altera drachma. Vel suppositorium ex melle, sale & speciebus hierae. Oxyrrhodinum confert, quod capitis dolori supra proposui, vel

Enema.

Suppositorium. Oxyrrhodinum.

vel. \mathcal{R} olei rosati unciam, aceti unciam unam & mediam, pulveris foliorum ruta drachmam mediam, pulveris ireos, majorana, cornu cervini usti ana scrupulum unum, cum mucilagine radicum althææ, Misce. Adhibeatur naribus ruta cum aceto contusa, & euforbii modicum, capilli humani, aut cornu hircini rasura comburatur, & naribus adhibeatur.

Sinapismus.

Plantis pedum talis sinapismus alligetur. \mathcal{R} radicem raphani rustici, si haberi potes (marinum herbarii quidam cognominant) vel ejus loco raphani alterius fortis diligenter in mortario lapideo tusi vel derasi uncias duas, fermenti secalini, quod melius est triticeo, uncias quatuor; seminis sinapios unciam unam & mediam, pulveris foliorum ruta drachmas duas, Misce. f. Cataplasma.

Vesicatoria.

Vesicatoria cruribus tantum, vel una etiam brachiis adhibita, plurimum commendo. Fiant ea ex allii contusis in forma cataplasmatum, & superimpositis: quod securius est eo, quod ex cantharidibus conficitur. Nam in hac febre, tendente ad exitium morbo, sæpe urina supprimitur, maxime quando præcesserunt insignes lumborum dolores vel hypogastrii, quod ἰντρον Hippocrates appellavit. Itaque tunc usus cantharidum mihi solet esse suspectus. Optimum quoque vesicatorium est & blandum, ceratum factum ex succo & pulvere flammulæ bovis, quod in molli cute præditis solet sufficere. In durioribus octava pars pulveris cantharidum additur.

C A P. X.

Ad Phrenitidem.

Cataplasma.

Convenit phrenitidi lac muliebre cum oleo rosato permixtum, initio morbi duplici petacio adhibendum fronti, & sæpe renovandum derasis capillis usque ad sinciput. Hydroleo lana succida vel sponsia imbuta applicanda: vel cataplasma ex pane, oleo rosato & aqua: conferuntque ea omnia, quæ ad vigilias præscribi consueverunt. At in augmento statumque phrenitidis derasis capillis toti capiti utiliter adhibui cataplasma, quod apparentibus jam peticulis ad sanam mentem ipsos vigintiquatuor horarum spacio reduxit. valet quoque ad lethargum, in quem sæpe phrenitis permutari consuevit. Et è contra ex lethargo phrenitis aliquando expectatur. Quapropter non mirum esse debet, si à veteribus nonnulla remedia probentur in lethargo, quæ phreniticis conferre etiam peculiariter scripserunt.

Cataplasma.

Cataplasmatum descriptio. \mathcal{R} farine hordei libram mediam; farine fabarum uncias tres; fursurum tritici tenuium unciam unam & mediam; pulveris florum chamameli unciam mediam, pulveris florum stachados, foliorum salvia, ruta, majorana, ana drachmas duas: seminis cymini pulverati drachmam unam; olei rosati uncias duas, succi lactucæ uncias tres, oxymellis simplicis quantum sufficit. Misce pro cataplasmate. Imponatur tepidum ac spacio viginti quatuor horarum non renovetur, ut sic acius evadat medicamentum & ex alto humores evocet ac digerat. Atque ne refrigeretur cataplasma, & ne à phreniticis avellatur à capite, fasciis, quas caneros veteres appellant, cum octo capitibus scissis, prohibendum est, & superponenda super cataplasma stappa canabina calida, ne refrigeretur; si hyems fuerit, superliganda in duplici linteo & æquali crassitie ac mole.

Iuvat etiam plurimum in hoc casu pellis de recter mactato quadrupede detracta: vena frontis recta incisa; vel sanguifugæ naribus inditæ.

Vesicatoria quæ hæcenus Medicis familiaria sunt, hic non laudo, quia nimios dolores excitandi vigilias conservant, quæ quantopere fieri potest, sunt evitandæ & profligandæ. Animadverti etiam humores: iis magis accendi, quam à capite revelli.

Sed & illud neminem latere velim, plerumque lethargum & phrenitidem ab inflammatione viscerum non modo foveri, sed etiam dependere: & cum biliosa diarrhæa in hac febre phrenitidem per triginta quinque dies continuos durasse. Itaque dum hæc externa adhibentur, juvabit plurimum cataplasma adhibuisse toti ventri phrenitici, quale pro jecoris refrigeratione præscriptum; & si alvus nil reddat, eam eluere cum decocto hordei & fursurum in jure carnis, additis mellis violacei solutivi uncis quinque, olei violacei uncis duabus aut tribus, salisque momento.

Enema.

Sed si lethargicus fuerit, apponatur ventri pellis novissime detracta de mactato animali, vel cataplasma quod sequitur. \mathcal{R} medulle panis maceratæ in aqua communi libram unam, pulveris absinthii, majorana, salvia, mentha, ana unciam semis; olei rosati uncias duas & mediam; seminis carvi pulverati drachmam unam; vini rubri austeri quantum sufficit, ut fiat cataplasma.

Cataplasma.

C A P. XI.

Pro Vertigine, Epilepsia, Apoplexia.

Vertiginem maxime illi patiuntur, quibus plurimi putrefacti humores pituitosique in intestinorum cavitate, ventriculo vasisque continentur. Patiuntur eam dum caput erigere volunt, & toti surgere aut deambulare. His nil est conducibilis, quam clysteribus frequentibus, & blandis tutisque purgationibus, quales antea præscriptimus per epicrasin humores expurgare, aliquando per vomitum, sæpius per secessum: ita paulatim hæc affectio abire consuevit, quod & ægris & astantibus prædicendum est, ne ubi illico cessare vertiginem non conspexerint, præcipitare Medicum cogant in majora & minus tuta remedia, maxime ea quæ ad vertiginem à quibusdam antiquis scriptoribus commendantur, & quam maxime mutare ea, quæ ad febrem hanc præscriptimus.

Contra vertiginem.

Epilepsia aut apoplexia si supervenerint, earum recidivæ sunt præcavendæ. Peculiariter confert repetita purgatio ex infusis foliorum senæ drachmis duabus, agarici drachma una; spice, schœnanthi ana granis quatuor, in aquæ cerasorum nigrorum dulcium per balneum destillatæ uncis quatuor, addendo expressioni uncias duas manna electæ.

Contra Epilepsiam & Apoplexiam.

Tempore paroxysmi applicari possunt multa, quæ ad hoc facere dicuntur. Cornu cervini usti tenuissime in mortario triti drachmæ duæ cum aqua præonia vel cerasorum nigrorum præbeantur, vel pulvis sanguinis canis aut hepatis lupi, aut splenis pulli equini pari mensura cum iisdem aquis.

Appellant autem hic Patavii equorum pastores spieuzam, hoc est, splenem pulli equorum noviter nati mukum, quem in ore pullus continet, dum egreditur ex utero matris. Hunc, nisi illico ori

Mukum in ore pulli equini jam jam nati continetur.

inferant manum vel digitos & extrahant, statim deglutit pullus. Quare summa diligentia & cura est opus, ut habeatur: siccatur in umbra & in pulverem teritur. Sunt qui ei alia medicamenta & aromata admiscunt, qualia ad morbum caducum valere ajunt scriptores practici. Hujus loco liches equorum in pulverem redacti substituantur.

Scio vertiginem, epilepsiam, apoplexiam à variis causis oboriri posse, & harum magnam partem una cum febris Semitertianæ causis implicari, ad quæ præscripta remedia non semper conferunt. Quoniam tamen plerunque ab iis causis oriantur, quibus hæc remedia plurimum succurrunt, idcirco ea præscribere hoc in loco non sum gravatus, ut unicuique magis tanquam experta in promptu essent, donec accidentium causæ melius sint Medico diligenti perspectæ. tunc si alia sit causa per se subsistens, ea talibus remediis est profliganda, qualia à doctis practicis proponuntur.

C A P. XII.

Ad alvi fluxum & Dysenteriam.

Alvi fluxus & dysenteria blande & cum summa prudentia sunt tractandæ. Prohibendæ enim ne aut nimium fluant, & sic vires debilitentur, aut brevi adstringantur. Periculosum namque. Quibus natura ad tabem vergit, ut angusto thorace præditi, & graciliores, & prædurus est lien vel jecur, citius fitti debent. Et his majore cum diligentia initio procurare, ne cum impetu quodam validiore fluxu oborto vires ilico dejiciantur. Dantur igitur *serum destillatum ad libram unam cum unciiis duabus aquæ fragariæ, vel unciiis tribus emulsionis seminum melonum factæ cum aqua hordei*: juscula alterata cum *plantagine, cichoreo, soncho, pilosella, quatuor seminibus frigidis, aquæ beatæ virginis thermalis libræ due cum succi cichorei unciiis duabus in primo cyatho*, & alia ejus generis. Multi tanquam ab orco resuscitantur *decocto falsæ parille alterato cum quinquesolio aut fragaria*: datum pro ordinario potu quantum æger velit. Multis quoque profuit jus carnis alteratum cum radice alceæ, vel floribus conyzæ minoris. Considerandum præterea, an pestilens seu malignus & contagiosus sit fluxus aut dysenteria, nec ne. Nam talis in hac febre tempore autumnii integros magnosque exercitus militum depopulare nonnunquam consuevit ob fructus, quos comedunt plurimos, & carnes recentiter macetatas. Iis magnum adjutorium est *recentis theriacæ drachma una cum cerevisia calida propinata*, aut jure alterato cum *cichoreo, plantagine, carduo benedicto*: vel *bolus*, qui *terre sigillatæ, cornu cervini usti singulorum drachmam unam: seminis plantaginis scrupulos duos, specierum de hyacintho drachmam mediam, vel lapidis bezoar grana decem, cum succo cichorei aut conserva rosarum, fiant boli pro quatuor vicibus sumendi mane & vespere media hora vel paulo plus ante jus alteratum*:

Boli.

Perquirendus est etiam æger, an ei os amarescat, nec ne. Nam quibus in ore amaritudo est, iis purgatio blanda instituenda. Ut *sero caprino depurato cum syrupi rosarum solutivi unciiis duabus in primo cyatho, vel aquæ beatæ virginis libræ duabus*, in quibus *pulpæ tamarindorum uncia media* dissoluta sit.

Si adstantium aut amicorum precibus aut aliis necessitatibus, quæ protinus ventrem sistendum esse persuadent, ad miraculum usque tibi satisfaciet placenta quæ fit ex *pulveris florum conyzæ drachma una cum ovo integro* hoc est, albo & luteo ejus diligenter contusis & in sartagine frixis cum butyro vel oleo olivarum. Datur hæc ad comedendum tribus diebus continuis mane jejuno ventriculo horis quatuor ante prandium.

Venter (ut externa remedia quoque attingam) ungendus *oleo rosato omphacino completo, vel oleo cydoneorum & mastichino*. Placenta ex *ovis ventri* applicetur. *ova integra, id est, cum albumine & luteo diligenter contusa numero sex; pulveris conyzæ medietas vel minoris* (flores eligo magis, quam folia) *drachmas duas. Misce & cum oleo olivarum vel mastichino in sartagine igni admota fiat placenta*, quæ linteo raro ac tenui involuta late per totum abdomen & calide applicetur, fascia prohibendo ne decidat. Vel omentum castrati superponatur in oleo rosato & mastichino tepidis, in quo prius *flores conyzæ* ebullierint, blande ne comburatur calefactum.

Et quoniam dysenterias tenemus præcedere vel concomitari solet omnibus modis, ut is mitigetur & sedetur, erit studendum. *Lactē igitur recentem multo cum modico saccharo* postquam bis terve alvus est abluta, suffumigium ano extrinsecus adhibendum, quale est quod sequitur. *pulveris menthæ drachmam semis; rosarum rubearum, florum verbasci, mastichis, olibani ana scrupulum unum; macis vel nucis muschatæ scrupulum medium cum resina therebinthina, fiant trochisci pro suffumigiis*. Pauperibus quoque ex sola resina pini, vel therebinthina, rasura cypressi vel laricis, vel nucis pineæ cortice fiat suffumigium.

Suffumigium contra tenesmum.

Fomentum quoque cum spongiis madefactis in decocto calido sequenti adhibendum supra os sacrum exterius, ita ut ad anum perveniant spongiæ madefactæ & ipsam cooperiant. *foliorum burse pastoris, foliorum & florum thapsi barbati singulorum manipulos duos, florum rosarum rubearum manipulum semis, corticum nucis pineæ unciam mediam. Vini rubri mediocris & austri libras sex, bulliant ad horam lento igne, & colentur pro fomento*.

Fomentum.

C A P. XIII.

De Colicis doloribus.

IN prioribus libris dictum est colicos dolores præ cæteris morbis hanc febrem maxime concomitari, vel subsequi: imo quoties aliqua crisis expectanda est, hocce præ cæteris criscos modos esse magis expectandos.

Per colicos dolores intelligo eos, qui non tantum tenuia (quos post Hippocratem coeperunt proprie ileum & dolores iliacos appellare) sed & crassa intestina (quos colicos proprie nominant) obsidere consueverunt, & quos utrosque Hippocrates semper uno nomine proprio, scilicet ilei nobilitavit in suis aphorismis. Neque tamen omnes intestinorum dolores tam tenuium quam crassiorum, sed eos præcipue quos Dioscorides magis proprio nomine dignatus est appellare colicos paroxysmos, id est, dolores intestinorum periodicos. Nam ab aliis doloribus intestinorum hi differre videntur, quod illi magis continui sint, quousque vel à natura superentur, vel

naturam

Quod per dolores colicos hic intelligendum.

naturam superent: hi vero redeant per paroxysmos magis, ut aliquando animadverterim ægrotos, qui in imperitos Medicos inciderant, vel malam victus & medicamentorum rationem erant secuti, per biennium ab hac febre soluta colicis paroxysmis molestatos fuisse, quorum plurimi circa vespere exacerbabantur quotidie, veluti quotidianarii cum febre continua quotidie se exacerbante vel invadente post intermissionem febris, tanquam novo paroxysmo. Sic & quidam alternis diebus exacerbabantur aut invadebant tanquam tertiani, alii plurium dierum intervallo. Et rursus vidimus eos, qui per plurium dierum intervallo repetentes, multos dies continuos ægros misere affligebant, circa vespere nonnihil acius molestantes, mane vero nonnihil remittentes, deinde per octo, decem aut plures dies prorsus intermittentes.

torum dolorum causa.

Oriuntur hi à composita plerunque phlogosi vel inflammatione intestinorum. Hanc nobis apertissime demonstrarunt cadaverum dissectiones. In omnibus enim quotquot unquam aperire potui, veram inflammationem conspeximus, quæ modo ileon vel jejuni intestini partem aliquam, modo vero colon tantum, sæpius cum incipit eam quæ intestinum colon cum ileo necit partem obfedit. Vidi etiam quibus omnia & ventriculus erant inflammata una cum omento & mesenterio. Vidi aliquando & mesenterium tantum inflammatum cum levi tenuium intestinorum inflammatione. Multos qui moriebantur ab his doloribus, gangræna harum partium aut sphacelo mortuos: quæ modo exiguum intestini jejuni vel ilei colive partem, modo magnam tenebant. Et plerunque quoties una cum doloribus colicis (qui Medicos plurimos & nobiles in arte in principio latent propterea, quia sub specie alterius morbi plerunque habeantur, aut clandestino quasi ac blando introitu eos decipiant) Semitertiana invadit cum dolore lumborum, animadverti hanc magis præ cæteris malignam & lethalem fuisse, periisseque ex ea homines propter gangrænam intestinorum, & aliquando etiam ventriculi maculis quibusdam lividis in eo deprehensis, ac si ab hauſto veneno facti fuissent, comparentibus etiam peticulis vel ante vel post mortem, vel insignibus maculis aut vibicibus lividis in dorſo, quales & pestis tempore observantur, maxime quando anthraces internum aliquod viscus, sed intestina præcipue obſeſſerant. Dixi causam horum dolorum esse inflammationem compositam, non simplicem, tum ratione essentiae, tum ratione causæ. Est enim inflammatio erysipelacea, vel erysipelas inflammatorium, quod à bile prædominante sanguinem crassum & pituitosum originem habet. Non nego tamen, quod ab erysipelate simplici aliquando oriri possint. Nam in dissectis cadaveribus aliquando intestinorum & ventriculi interiorem tunicam, quæ villos continet, florido quodam plus quam decet rubore coloratam vidimus, nequaquam aliis intestinorum tunicis eo colore infectis, sed naturalem colorem reservantibus, & meram bilem viridem flavamque per vomitum & fecesum excretam fuisse ante mortem. Erysipelas autem ut in externis partibus summam cutim obſidet, sic in internis viscerum superficiem internam

vel externam. Deponit autem natura ad intestina ejusmodi humores propter validam vim expultricem, stimulatam à copia biliosorum & pituitosorum humorum aliquando coctorum (ut quando dolores colici sunt critici, quales inclinante febre Semitertiana aut ex hac nata quartana, duplici tertiana, aut quotidiana solent comparere quo tempore sunt abituræ) vel adhuc crudorum, quales in initio vel augmento Semitertianæ oboriuntur.

Propellit autem expultrix facultas ad intestina magis, quam ad alias corporis partes convenientes, propter tres causas. Prima, quia agre per habitum corporis & cutis poros tales humores depellere potest, quia etiam si biliosi in venis sint, & plurimi quoque pituitosi humores; tamen pituitosi iis permixti suo lentore & visciditate cutis poros obstruunt, adde, quod æstate etiam ab aëre externo plurimum ac repente refrigerato tales pororum cutis obstructions multum augeantur. Indicium hujus rei non minimum est, quod balnea quæ meatus cutis referando destinata sunt, non mediocriter tales colicos juvare soleant. Quod temporibus frigidis, ut hyeme & autumno maxime ingruant, aut ægros crudelius affligant. Quod denique adhibitis externis medicamentis refrigerantibus, adstringentibus & repellentibus dolores articulorum inflammatorii & podagrici præcipue oboriuntur.

Cur facultas expultrix ad intestina magis, quam ad alias partes corporis propellat.

I.

Secunda causa est propellens ad intestina naturæ, quod per urinas peccantem materiam expellere nequeat. Renes enim tantam humorum copiam secernere ac suscipere non possunt. Nam sæpe intemperie calida laborant renes ob consensum inflammationis, quem habent maxime si colon fuerit inflammatum. Sed & pori ureteres aliquando inflammantur & accenduntur propter intestina tenuia, quæ ipsis incumbunt, inflammata. Substantia deinde renum cum pituitoso biliosoque sanguine nutriatur, papillares carunculas, per quas transit urina, infarcit. His igitur de causis, cum renum facultates naturales langueant, non mirum est, si aliquando contingat ab hisce doloribus urinæ suppressiones excitari, per quas nil à renibus in vesicam colat, quod cathetere immisso in vesicam, & nil urinæ per eam exeunte certo scivimus.

II.

Tertia causa est, quod intestina sint veluti naturalis cloaca, per quam pituitam & bilem natura commodissime solet detrudere. Iam & hæc facilius humores in colico laborantibus suscipiunt, quod calore naturali plurimum sint labefactata, qui hosce humores copiosos nequit digerere, neque concoquere, ut antea solebat, multo minus per fluxum vel diarrhæam expellere, humorque calidus defluens non statim apertam inveniat viam, ut in cavitatem intestinorum depellatur. Vbi enim ad interiores tunicas pervenit, eas magis contractas & obstructas deprehendit, & sic biliosus humor cum pituita permixtus in substantia intestinorum manet conclusus, unde putrefit una cum portione sanguinis & inflammatur.

III.

Argumentum hujus rei certissimum est dysenteria vel alvi fluxus; qui si superveniat dolori colico, eum solvit. Si vero dysenteriae aut alvi fluxus in Semitertiana aliquando intempestive curati fuerint, in hunc dolorem colicum transmutetur.

Unde constringuntur intestinum interiore tunicæ &c.

Porro constringuntur intestinum interiores tunicæ, & obturantur oscula venarum meseraicarum, ac labefactatur eorum calor natus, partim à causis internis, partim à causis externis. A causis internis, ut à copia pituitosorum & biliosorum humorum, à pontica horum qualitate, crassitie, & lentore, quæ plerunque sunt ejus pituitæ, quæ interiorem intestinum cavitatem implet, & interiori eorum tunicæ superficiem oblinitur valideque adhæret. A causis externis, ut cibis & potu stiptico & pontico, vino austero vel acido ut pergolano Patavinorum, vel alio crudo & ex uvis immaturis factis, fructibusque acerbis. His igitur si quispiam diu & continuo utatur, solet in hunc affectum facile incidere. Idcirco apud Pictones Gallorum & plerosque Germanos apud quos vina non plane maturescunt, hic morbus est frequentior quam apud alios calidiorum regionum. Biliosa materia in venis generatur ut & pituitosa, quanquam maxima hujus pars à capite destillet in intestina, ea scilicet quæ internam intestinum superficiem obcrustat. Quamobrem illi, qui destillationibus & obstructionibus mesenterii laborant ac folliculi fellis, magis quam alii colicis doloribus infestantur. Incidi in non paucos, eosque in hac arte peritissimos viros, qui exiguum hujus morbi cognitionem, ne dicam nullam ab initio cum ingruebant mihi habuisse videbantur. Horum enim maxima pars in muliebri sexu pro uterinis affectibus habuerunt: in virili vero pro dolore ventriculi (quia multis nausea & vomitus supervenerant) aut dolore nephritico, quoniam in lumborum alterutro & maxime dextro dolore insignem ægri percipiebant. Hos ad ejus cognitionem nunc signis paucis ut ducam, tempus est, desumptis potissimum à loco & excrementis.

Horum dolorum signa.

Nam modo infra umbilicum, modo supra vel circum ipsum, vel à lateribus tantum versus ilia & lumbos tantum dolor percipitur, modo vero per totum ventrem: ut plurimum autem dolent lumbi utrinque, aut eorum alteruter, sed frequentius dexter, qui dolor se postmodum extendit ad anteriorem regionem ventris supra umbilicum ut plurimum, & circa ventriculi regionem per transversum veluti cingulum cingens & coarctans partem ventris, quæ utroque hypochondrio subest. Quia colon, quod hoc loco est positum per transversum sub ventriculo, fere semper afficiatur, ut ideo colicus potius quam iliacus aut chordapsus dici mereatur. Præter hæc advertendum, quod excrementa per alvum aut non reddantur, aut ægre admodum. Siquidem à primo clystere (si à natura prius non sint sponte fæces ex alvo ante eum exclusæ) prompte fæces exeunt. At si secunda vice post aliquot horarum intervallum, alius communis injiciatur, nil redditur præterquam clyster cum pauca pituita, quam à tunica interiore coli intestini abrasit vel deterfit. Si vero clyster purgantia, quæ convenient, receperit, evacuabit quidem bilem & pituitam, & dolores vel cessabunt vel evadent mitiores, plerunque tamen aut redibunt aut exacerbabuntur.

Recidivæ signum satis certum capere soleo ex molestia quadam seu pondere, quod tamen sine dolore percipiunt ægri, & circa lumbos & per transversam ventris supra umbilicum regionem in-

fra mucronatam cartilagine. Et major fit hæc gravitas ab assumpto cibo: quia tunc ventriculus distentus à cibo & potu colon intestinum magis premat. His accedit (si æger debitam potus quantitatem observavit) urina rubra, acris à bilis portione per renes una cum urina pertranseunte: quæ interdum tantum ardorem inter mingendum excitat, ut ægri videantur calculo renum magis, quam colico dolore laborare, correspondente huic opinioni dolore alterutrius lumborum, vomituque biliosorum & pituitosorum humorum. Præter hæc sentitur ab ægris oris amaror, sitis, inappetentia, vigiliæ, articularum pulsus, interdum & præcordiorum calor cum febre continua plerunque quotidianæ spuria & aliquando duplicis tertianæ nothæ typum observante, quæ nisi præcaveantur, ad tabem ægros & mortem aliquando deducunt, nisi per maturum abscessum materia ad alvum deturbetur. Nonnullis epilepsiæ, catoches, apoplexiæ, motus convulsivæ falsæ paralyseos præcedere, sæpissime subsequi consueverunt, eæ nempe in quibus motus aufertur illæso sensu manuum, pedum, brachiorum crurumque, & aliquando alterutrius totiusque lateris. Vidi qui præter oculos & labia oris nil aliud movere potuerunt. In Moravia, Austria, Styria, Carinthia, Pannonia aliisque Germaniæ frigidioribus locis id mali genus post colicos dolores expectatur. Similiter & apud Pictones Gallorum, sed in calidioribus regionibus raro admodum, etiam si Romæ tempore Pauli Æginetæ populatim grassaretur pestilenti modo.

Aliquod tamen obscurum paralyseos prædictæ vestigium in me ipso & aliis ante quinque annos à colicis doloribus Patavii sum expertus, quando epidemii hic erant & vicinis urbibus. Neque enim ambulandi potentia nobis erat prorsus sublata, sed summa quædam difficultas, quæ ægri cruribus insistere & ea transferre tanquam majori pondere prædita percipiebatur. Hanc multi tunc temporis in cognitione hujus morbi hallucinantes cibo & potu copiosiore frustra tollere conabantur.

Oritur hæc paralytis (omitto quidquid alii hac de re opinati sint) ex bile ex intestinis per arterias ad nervos repente translata, sed quomodo hoc contingat, & per quas arterias, in *epistolis Anatomicis* ex professo docebo.

Nunc ad curationem me confero, quæ debet esse & prudens & diligens. Nam hæc modo longa, modo brevis futura est pro humorum varietate, virium caloris nativi intestinumque robore & modo curandi. Sed & periculosus est morbus quocunque tempore superveniat, & graves ac periculosas ac diuturnas post se aliquando relinquit repetitiones, nisi radicitus extirpetur. Vidi qui multis remediis frustra tentatis per triennium in lecto continuo decubuerint, multos per medium annum, quosdam etiam per vigintiquatuor annos & amplius, cum pro alio morbo curarentur, toto vitæ tempore ex Semitertiana in colicum dolorem transmutata, vel una cum hac incipiente etiam si à febre curati essent, singulis fere mensibus vel annis colicis doloribus miserrime molestatos, quando vina austera & pontica bibissent. Et quanquam aliquibus octuagesimo die à Semitertianæ initio, cum qua dolor colicus invaserat, abscessus in colo

Causa paralyseos hæc doloribus supervenientis.

Horum dolorum prognostica.

colo intestino vel mesenterio oborti fuissent, per quos hic morbus perfecte solutus credebatur; tamen colicas repetitiones per mensium intervalla & annorum plerumque supervenisse animadvertimus.

Indicationes
curativa.

In curatione talibus indicationibus imprimis est satisfaciendum. Si magni sunt dolores, prius mitigandi peculiaribus remediis, materia inflammationis est evacuanda, repellentibus, digerentibus, purgantibus per alvum, acris & pontica obtundenda, crassa attenuanda, viscida ac lenta incidenda ac detergenda, prohibendaque, ne amplius talis generetur, & quaecunque in corporis venis existit similiter educenda est, derivantibus per urinas, revellentibus per cutis totius corporis meatus, ne amplius ad centrum corporis confluant. Sic enim fit, ut hic dolor non facile redeat, aut si redierit, minor quotidie evadat. Si in abscessum inflammatio terminatura sit (ut plerumque in admodum extenuatis ab hoc malo aut diu vexatis) expectari debet quadragesimo die ab initio ejus curatio, quam jam praescribam, raro octuagesimo, vel si una cum Veris duorum priorum ordinum Galeni Semitertianis oborta sit die octuagesimo.

Curatio.

Quoties igitur mitigandus est dolor, toties videndum an una cum Semitertiana inceperit, & jam sumus in principio accersiti, vel multo post id, tendente ad judicationem vel transmutationem febre. Nam si vires constant & corpus aliquo modo sanguine abundet, initio sanguis ex brachio detrahendus, curcubitulae scarificatae & non scarificatae artubus adhibendae, ne major fiat ad intestina humorum fluxus, deinde curcubita magna super umbilicum affigenda est. Quod si vero tendente ad judicationem tertiana supervenerit, dolor mitigandus omitta venae sectione, solis cucurbitulis extremis partibus, & una supra umbilicum adhibitis contenti esse debemus, reliquaque adjutoria interna & externa administranda, quae ex pharmacia desumuntur.

osua.

Uius.

ius.

vis.

da.

ca.

Plurimos juvit omni tempore potus, qui & olei amygdalarum dulcium uncias tres; melle calabrinæ uncias duas, vel syrupi rosarum solutivi uncias tres, juris pulli, in quo flores chamameli ebullierint unciam unam, vel quantum sufficit ad mannā dissolvendam. Nobilis etiam medicina est, oleum olivarum, quod per multos dies & menses supra infusionem rosarum solutivarum stetit, cum jure vel decocto mercurialis & radicum althææ. Alvum enim per plures dies lubricat & lenit dolores. Sed quia multis ægris solet adesse vomitus vel nausea, ob quam praescripta remedia in ventriculo continere non facile possunt, ideo aliud praescribere consuevi, quod habet decocti florum chamameli cum jure carnis vel tenui cerevisia uncias quatuor, specierum diacymini drachmam unam & mediam, butyri recentis uncias duas. Misce & bibat calide & repetat horis febris convenientibus, quousque plurimum sit mitigatus. Cornu cerviustum in tenuissimum pulverem tere, nec aqua rosarum, ut fieri solet, abluatur, dentur hujus drachmæ duæ cum decocto fenugraci, aut aqua cardui benedicti. & pulveris stercoris lupini albi in vepribus reperti (eligendum præ cæteris, in quo ossa animalis devorati ad huc integra continentur) unciam mediam, mellis quantum sufficit, fiant pilule scrupuli unius pondere. capiat duas vel tres singulis vicibus longe à pastu, mane & vesperi. Canis

quoque albi (ossa tantummodo comedentis) stercus eodem modo sumptum optimum est adjutorium.

Et intestinum colon lupi mirabilem edit operationem, si una cum suo stercore exsicceatur, in camino suspendatur ut fumo paulatim indurescat; deinde ablato stercore intestina in pulverem redacta drachmæ unius pondere propinentur e jure carnis.

Intestinarum
Lupinorum
preparatio.

Pulvis ad colicam noster. & seminis cymini, carvi, salis nitri ana partes aequales, Misce. datur drachma e jure carnis.

Pulvis antho-
ru peculiaris.

Opiata colica nostra, & baccarum juniperi seminum, baccarum hederæ drachmas tres; seminum ammeos, carvi, cymini ana drachmas duas: seminis erysimi drachmam unam & mediam; myrrhæ drachmam unam; castorei semi-drachmam, vel hujus loco testiculorum equinorum exsiccatorum drachmam unam; salis nitri, cornu cervi usli tenuissime triti ana drachmam unam & mediam: cineris marinarum erinaceorum uslorum drachmas duas, opii drachmam semis, cum melle despumato fiat opiata. Dosis drachmæ duæ, vel una cum dimidia. Et quamquam pleraque horum calidiora sint, quam ut febricitanti, aut internis inflammationibus tentato convenire videantur, tamen sciendum est, non hisce nos uti oportere, nisi cum admodum urgent dolores, ut iis magis mitigandis sit incumbendum quam febre propellendæ, quæ plerumque solet ab intestinarum inflammatione non mediocriter foveri. Eligenda ex his magis temperata, si Semitertiana biliosa fuerit; sin vero pituitosa, calidiora præferuntur.

Opiata gust-
dem.

Aliquis fortassis posset existimare, his remediis augeri inflammationem, qui eorum caliditatem tantum intuentur. Sed hi scire debent, quædam dirigendo & discutiendo plurimum inflammationibus opitulari, & calidos humores ad articulos vel ambitum corporis propellere, quædam per urinas eos derivare; quod cum hætenus Medicorum plerosque latuerit, in causa fuit ut existimarent mirabilem jam quorundam commemoratorum vim experti ad profligandos vel mitigandos colicos hosce dolores, occulta & imperscrutabili proprietate id peragere.

Obiectio.

Cæterum si dolores sint tolerabiles, qui Semitertianam comitem habent, aut jam mitigati sint, solis clysteribus & externis medicamentis ventri adhibitis curationem absolvo.

Clyster ad colicam mihi familiaris in Semitertiana pituitosa. & hordei pugillum unum, urarum pasularum unciam mediam; caricæ pingues duas, pruna quatuor, seminis lini & fenugraci ana unciam mediam: seminis carthami contusi ana drachmas sex; cymini drachmam unam: florum chamameli, meliloti ana manipulum unum. Bulliant in aquæ sufficienti quantitate ad libram unam, pro unica tantum ebullitione, in fine adde agarici drachmam unam, foliorum senæ unciam mediam, colaturæ adde mellis rosati solutivi uncias quinque, salis nitri scrupulum unum. Misce pro clystere tepide injiciendo, ut diu detineat.

Enema.

Clyster alius in Semitertiana biliosa. & radicum althææ unciam mediam, foliorum malvæ, parietariæ, mercurialis, violariæ, florum chamameli ana manipulum unum; seminis lini & fenugraci ana drachmas duas, bulliant ad libram unam in sero lactis; colaturæ dissolve diacatholon unciam mediam, mellis rosati solutivi uncias quatuor; olei violacei uncias tres, stercoris canis albi ossa comedentis

comedentis subtilissime pulverati drachmas duas. Misce pro clystere. Interdum injeci in magnis inflammationibus clysterem ex unciis octo vel decem olei rosati completi & decocti fœnugræci libram mediam cum salis nitri drachma una. Sine ullis purgantibus ac detergentibus; interdum ex puro oleo, aut qui ex lacte & saccharo rubeo paratur cum butyro recenti & albo græco. Et hi clysteres quo diutius in ventre continentur, eo cum majori fœnore reddunt excrementa.

Externa.
Cataplasma.

Exterius applicandum toti ventri calidum cataplasma ex pane macerato in lacte recenter multo, cum oleo rosato, atque in suo calore per horas viginti-quatuor est conservandum: vel fiat cataplasma ex farina seminis lini in decocto radicum althææ cum butyro recenti, addito pulvere cymini & oleo rosato. Quæ præsentente biliosa febre sunt adhibenda. Sæpe vidi ab his applicatis alvum lubricam redditam fuisse humoresque concoctos à natura exclusos. In simplici Semitertiana & pituitosiore fomentum præstantissimum, quod & lumbis dolentibus adhibetur. R. florum chamemeli, meliloti, foliorum trifolii aut hujus loco florum fœni ana manipulum unum, fursurum tritici manipulos tres; seminis lini & fœnugræci ana unciam unam; seminis carvi, cymini, ana unciam mediam. Misce. ponantur in facculis ex tenui linteo factis filo interfuendis & ea magnitudine, qua ventrem & lumbos tegere queant, hi in cerevisia calefacta vel decocto radicum, althææ, foliorum malvæ & florum chamemeli calido exprimendi, & ut singulis horæ quadrantibus quando refrigerati sunt, mutari queant quatuor habeantur aut ad minus duo, si venter tantum solus sine lumbis venit fovendus. Quibusdam nimis graves hi facculi videntur, ideo loco horum spongiis fovendus est locus in decocto calido herbarum omnium, quæ facculos ingrediebantur, expressis aut madefactis.

Ol. Cyclaminis præparatio.

Potest etiam fieri fomentum cum lana succida oleo rosato & vino simul calefactis & mixtis. Vngatur deinde venter oleo cyclaminis, quod hunc in modum parare soleo, valet etiam plurimum ad sedandos dolores pleuriticorum. R. florum cyclaminis recentium libras quatuor; olei communis libras duas: bulliant per horas tres in olla munda, donec comburantur florum duæ libræ, sic oleum nigrum apparebit inde forti facta expressione, alia florum libra in eodem oleo per tres horas coquatur, & postea facta forti expressione, oleo residuo iterum tertio una libra florum sic incoquatur, expressum tandem servetur ad usum. Tota regio umbilicalis hoc oleo perungatur supposita charta cærulea bibula. Valet & oleum carvi arte chymica destillatum, ita ut leviter umbilicus & partes ei vicinæ inungantur.

Intestinum lupi instar cinguli circumligatum ventri, nobile est remedium. Atque hæc omnia præsentente Semitertiana possunt adhiberi ad dolores mitigandos.

Quod si post Semitertianam relictæ fuerint colici paroxysmi, qui ægrum multo tempore torserunt aut torquent, ii quidem qui adhuc recentes sunt, plerunque citius solvuntur: qui vero jam aliquandiu hominem per intervalla affligerunt, & ad maciem ac tabem deduxerunt, debilitatis jam viribus & paralyfi præsentente, tardius & magno labore tolluntur: interdum vero lethales sunt & neutiquam curandi. Nam bilis jam crassifaccta ægre medicamentis & præparatur & expurgatur.

Et vires difficulter convenienti cibo recreantur: quia calor nativus viscerum inservientium nutritioni languet, & qui concoctus est propter mesenterii obstructions, quæ tabidis jam ad marasimum diductis adesse consueverunt, propter abscessus induratos circa venas & arterias mesenterias hæret. Verum comperi in hujus colici curatione majorem difficultatem curandi, quam quo tempore Semitertianæ esset conjunctus. Nam tunc ratione febris optima instituitur victus ratio, etiam ad hunc pellendum, refrigerans scilicet & humectans, attenuans, incidens atque detergens. Sed in hoc ejusmodi victus solet ægris & multis astantibus, imo plerisque etiam Medicis esse suspectus, credentibus dolores esse ventriculi imbecillis à prægresso tenuiori cibo, & refrigerati ab aquæ copia hausta in Semitertiana. Quare persuadent Medicis ut vinum concedant & cibos calidos aromatibus conditos, & quia debiliores sunt, plenior longe quam antea victum, sive quotidiana jam facta sit, aut alia quævis febris lenta quotidie se circa vesperam exacerbans, qualis hunc dolorem colicum solet sæpe concomitari; sive duplex tertiana facta sit, seu quartana, quam post annum & amplius critice plerunque solvi per colicos dolores sæpissime vidimus, (cum tamen aliæ quartanæ, quæ per se oriuntur aut ex duplici quartana per alios modos plerunque solvantur) unde postmodum contingit hos ægros non sanari, sed diu marcore paulatim consumptos à vita discedere. Purgantia medicamenta dissuasi, & quod si forte præbeantur quæ sunt optima, quia tamen interdum possibile est colici doloris recidivas prohibere, & quia ignorant motus esse colicos, ut & tertio quoque die & quarto, & singulis diebus sole occidente gravius affligant, putant statim astantes Medico curativas indicationes mutandas esse. His molestiis & veræ curationis impedimentis obviam ivi solis prædictionibus. Nam & colicos futuros multo antea tempore cum prædixissemus, & jam præsententes quem typum servarent, etiam si optima quæque ex arte & usu essent à me præscripta ad morbum expellendum, me eum typum non posse vincere, effecturum tamen, ut quotidie evadant minores paroxysmi, aut si tertio quoque die exacerbarentur, facturum me ut mitiores quam antea alternis diebus fiant, aut cum recidivæ plurium dierum erant expectandæ mitiores fore recidivas, non modo mihi magnam fidem apud ægros peperit, sed in neminem incidi qui meis remediis ac methodo curandi apud maxime barbaras nationes non diligenter servarent, & tandem spacio quadraginta dierum ab omni recidiva liberaretur, quem curaturum me speraveram.

Præscribebam prius victum talem, aquam hordei magistrali pro potu. In prandio panem jure carnis madefactum cum modica carne vitulina elixa, vel caponis, gallinæ, pipionis. Cum hac lactucam coquebam, interdum pruna damascena. Vesperis cremoris hordei libram mediam cum modico saccharo & pulvillo cinnamomi, addebam aliquando duas uncias emulsionis seminum melonum factæ cum aqua hordei magistrali, & hunc declinante febre noctu porrigebam. Quod si esset brevis ejus paroxysmus addebam ovum sorbile. Si parva febris & symptomatica à colica indispositione, coquebam ovum sorbile in aqua

Potus ordinarius.
Cibus.

aqua & cum panis modico comedendum dabam. Interdum duo ova forbilia in aqua fervida rupta coquebantur quousque albumen esset coctum molli permanente vitello, hæc cum pane modico & eodem jure, in quo ova erant cocta addito butyro recenti ægro porrigebam. Si quando colici paroxysmi ingruerant, eos mitigabam externis & internis præfidiis jam supra enumeratis, ubi mitiores videbantur purgabam corpus per epicrasim alternis diebus aut quarto quoque die *dieprunon solutio*, *electuario* è succo rosarum, *diacatholon*, si in bolo medicamentum volebant. Si vero potum expetebant uno ex iis medicamentis, quæ *agaricum* & *sennam* recipiunt, quæ libro superiori ad purgandos Semitertianarios scripsi.

Vt autem unà à doloribus colicis quantopere fieri poterat, præservarentur, aut quando hi vitari non poterant, mitiores brevioresque redderentur, & sine tabe ac paralyfi abirent præ cæteris hunc potum commendabam. *pruna damascena duo, uvarum passularum drachmas tres, radicum polypodii unciam semis, herbarum agrimonie, capilli veneris, fumarie, cichorei, sonchi, dentis leonis, buglossæ singulorum pugillum medium, seminis carthami contusi unciam unam, bulliant ad uncias quatuor, colaturæ infunde per noctem foliorum sennæ drachmas tres, agarici trochiscati in petia ligati drachmam unam vel scrupulos quatuor, florum cordialium pugillum unum, foliorum malvæ (ad tormina mitiganda, quæ folia sennæ excitant) pugillum unum, croci (ingreditur & hoc ipsum omne medicamentum, quod sedat dolorem) grana duo, fiat expressio, eique adde mellis rosati solutivi uncias duas, mannæ unciam unam, ut citius descendat. Dabam aliquando & hunc potum sine manna vel syrupo rosato mane; sed vesperi horis duabus ante coenam injici curabam clysterem ex herbis emollientibus & anodynis, in quarum decocto sub finem, quod reliquum erat ex apozemate laxativo præscripto, injicere jubebam & fieri unicam levem ebullitionem, ut quidquid esset residui purgantis in *agarico* & *senna* clysteri communicaretur, & sic crassos humores ad colon lapsos, si forte & ob vim debilem assumpti mane purgantis apozematis de suo loco non moverentur & per alvum excluderentur, commode educeret. Quod si aderat metus futuræ alicujus paralyseos, pulveris *castorei drachmam unam* addebam. Diebus autem intermediis, quibus non fumebat hoc aut ei simile aliquod purgans medicamentum, dabam duas uncias *syrupi diascereos* ex descriptione Andernaci, aut jusculum pulli non salitum alteratum cum omnibus herbis apozema purgantibus, ac laxantibus & eorum correctivis. Mirabiliter multos juvit *pulveris eleosof drachma una* & media, vel duæ cum jure alterato propinando summo mane. Dedi etiam cum maximo fructu *pulverem Comitæ de Harwich*; cujus dimidia drachma adultis semel tantum porrecta sex horis ante prandium vel ante coenam horis quatuor aliquando repetita cum jure prunorum vel carnis simplicis recidivas in totum profligavit, plerunque sic mitigavit ut minores & rariores postmodum reverterentur, levique negotio eodem vel alio pulvere in totum tollerentur.*

Ab *hiera simplici* vel *diacolocynthidos* abstinendum semper, quod animadverti *ab aloë humores accendi & dolores exacerbari*: Maxime quando in colo in-

testino præcipuus est dolor. Venas enim ejus intestini dilatando novum humorum affluxum procreat.

Cætera quoque multa purgantia medicamenta valida, quæ colocynthidem (nisi magna pituitæ copia intestinorum internam cavitatem aut vasa meseraica obsederit) vel *helleborum* vel *scammonium* non castigatum ut in pulvere eleosof, vel Comitæ de Harwich, hic valde suspecta esse debent, quod ad locum, affectum à toto corpore trahant humores, & sic magis intestina inflamment, ideoque longe molestius purgent, & ægrius quam blande purgantia attractos humores educant. Multos novi in Germania & Pannonia, qui ex præscripto familiarium Medicorum assumebant valde purgantia medicamenta, & ut medicamenta probe suo officioungerentur, in duplici ut appellant, imo quandoque triplici dosi; hos tandem ego accersitus non sine omnium qui tunc aderant admiratione simplici commemorato apozemate vel diaprimum solutivo cum manna copiosissime purgabam. Atque ex hoc cognoscebam, imo non falso prædicebam multos dolores colicos instantes nisi præcaveantur, vel eos antea fuisse. Quod si aliquando contingat propter penuriam lenientium & blandorum purgantium ad fortiora nos cogi, præmunienda sunt prius die antecedenti exterius fomentis, cataplasmatibus commemoratis refrigerantibus, humectantibus & anodynis ac concoquentibus intestina, & ordinaria dosi, hoc est, simplici medicamenta præscribenda sunt. Sic enim & hæc fortia longe melius & tutius opus suum absolvent. Aut balneis prius corpus præparetur ex aqua fluminis calefacta & alterata radice *althææ*, *foliis malvæ*, *parietariæ*, *violariæ*, *floribus chamæmeli* & *meliloti*, loti præterea *sylvestris*, *medicæ*, *trifolii pratensis*, *floribus sani* qui in stabulis equorum solent reperiri, aut in alveo in quo ponitur fœnum quod equi comedunt aut boves.

Hæc eadem balnea quotiescunque sæviunt dolores colici, magno sunt auxilio, uti & illud quod ex mero oleo paratur, & aliud quod ex aqua fluminis fit calefacta candefactis igne silicibus, quæ omnia ad dolores præcavendos iis diebus, quibus sumit juscula alterata vel vacat à purgationibus solent adhiberi, intermittente vel inclinante febris si adsit (dummodo vacet à Semitertiana) paroxysmo horis duabus ante cibum. In Labro vel Semiscupio debet per horam desidere, quod in se tantum aquæ vel etiam olei contineat, quantum ad mammas usque sedenti potest pervenire. Perpurgato corpore sic ut maxima pravorum humorum copiaeducta esse videatur, etiam dolorum ac recidivarum metus quasi in totum sublatis sint, intestina ne facile iterum ejusmodi fluxiones suscipiant, corroborari debent. Conferet in hunc finem potus aquæ Tetutianæ in agro Pistoriensi aut aliæ aquæ thermæ sulphuræ & nitrosæ, quæ per alvum magnâ ex parte ducuntur; in Germania præstantissimæ sunt acidulæ, maxime quæ prope Francofurtum ad Mœnum scaturiunt, & illas in Gallia, quæ sunt prope Aquas mortis præstantissimas deprehendi. Apud Bigerones ut audio, & Nivernenses, Puguenses, Causenses & in Perinæis montibus tales extant.

Rupispozæi fontes maxime pro hoc malo commendantur,

Circa cætera
valida pur-
gantia.

Balnea.

Aquæ ther-
males.

Macro-
syringæ.
Sennæ & alia.

Purgantia.

Potus.

Enema.

Species hiera
& hic vitan-

mendantur. Singularum aquarum modum peculiarem per os assumendi petere oportet à Medicis, qui prope ea loca habitant, & hisce aquis frequenter utuntur.

Vfus aquæ Tetutianæ.

Ego in Italia aquam Tetutianam hoc ordine propinare consuevi ad hunc affectum. Primo die duas hujus aquæ libras porrigo parum calefactæ, secundo duas libras cum dimidia, tertio tres, quarto mediam adhuc libram addo, quinto aliam dimidiam. Sic quando ad quatuor aut ad summum quinque libras pervenerim (nunquam enim hanc dosim transcendendi) paulatim iterum diminuo quotidie dosim, quousque ad duas libras perveni, tum ab ejus usu desisto; qui ad decem vel duodecim ad summum dies perdurare consuevit.

Quod si ad tres septimanas aut sexdecim dies continuare potum hujus aquæ expedierit, tunc quando ad summam dosim perventum, in ea persistendum per quatuor vel quinque dies, & sic rursus paulatim declinata quotidie dosi finem facere.

Primo die præbeo simplicem: quod si non moveat alvum, postero die vel tertio, & sic alternis diebus continuando in primo cyatho dissolvo *unciam unam mannæ vel mellis rosati solutivi uncias duas*: ut enim fiat dejectoria, magis laudo quam ut per urinas transeat, venas enim ac jecur accendere consuevit. Tota aquæ quantitas quotidie summo mane ebibenda est quinque horis ante prandium & una hora inter bibendum absumenda. Itaque ubi æger surrexit ac lavit sese, obambulabit parum, mox sumet primum cyathum, qui mediam plus minus libram capiat, & ubi hæc descenderit rursus paulatim obambulando, ut ventriculum pertranseat, alium cyathum haurire debet, & sic horam, nec plus nec minus in præscripta aquæ quantitate ut dixi consumere.

Modus usurpandi acidulas in Germania.

Aquas acidulas in Germania alio modo præbent Medici. Nam ab uno tantum cyatho incipiunt, & paulatim quotidie uno cyatho augentes aquæ ebibendæ quantitatem ad quindecim & viginti cyathos ascendunt, inde rursus descendunt, quotidie unum cyathum diminuentes donec ad unum pervenerint, tum desistunt; atque sic dies triginta & quadraginta infumunt in potu acidularum. Quod si forte in primis diebus observarint, quando ad aliquam dosim aquæ ebibendæ notabilem pervenerint, neque per alvum neque per urinas aquam transire, paulatim diminuentes dosim uno cyatho desistunt, nullo medicamento neque dejectorio neque diuretico adjuvantes aquæ transitum vel per alvum vel per urinas. Effet tamen longe conducibilis, ut statim à notabili aliqua quantitate inciperent, scilicet una libra vel altera, & sic citius curationem absolverent, efficientes aquam modo dejectoriam cum *mannæ una vel altera uncia*, vel duabus *syrupi rosati solutivi*, vel media uncia *electuarii lenitivi* factæ bolo & deglutito sine nebulis media hora antequam primum aquæ thermalis cyathum hauriat, modo diureticam immiscendo primo cyatho uncias duas *emulsionis seminum melonum factæ cum aqua fragariæ*. Aquæ enim hæc etsi per venas transeunt, eas tamen non calefaciunt, sed potius refrigerant præcalefactas ac roborant.

Post potum aquarum thermalium balneis esse utendum.

Ab aquarum thermalium potu utendum est balneis aquarum thermalium ut in Patavino agro

D. Petri & Aponensium, vel Luti thermalibus ventri admotis per horam quotidie semel aut bis in die horis tribus ante prandium & coenam.

Commendo hic Luta D. Petri in agro Patavino, vel Montis Ortoni, vel Borbonensium in Gallia, D. Sebastiani in Pannonia. Debent hæc Luta esse modice calefacta vel à sole vel ab igne, vel proprio calore sulphureo loci unde extrahuntur. Absterfo ventre cum aqua thermalis à luto detracto unctio fieri debet *oleo vulpino* toti ventri superligata stuppa cannabina. Eodem etiam oleo membra paralytica inungantur.

C A P. XIV.

De spurio dolore Colico.

Dolor colicus spurius interdum ex Semitertia-na tendente ad judicationem nonnunquam provenit. Diciturque spurius, *quoniam neque in venis meseraicis intestinorum, neque in substantia, multo minus in cavitate, sed in partibus intestinis vicinis, aut circumstante cavitate doloris causam habeat*; fallatque Medicos, quod eo fere modo ac ordine ægrum cruciet ac eo loco, quo dolores colici veri circa ventrem.

Vnde dicitur spurium.

Sed tamen differre nonnihil mihi loco inter se verus & spurius dolor colicus videntur. Nam spurius infra umbilicum inferiorem abdominis partem vel imum ventrem occupat; verus autem eam, quæ supra & circa umbilicum est, aut totum ventrem. Continuis hic spurius mihi semper comparuit, sed circa vesperam crudelius ægrum affligens, & quandoque alternis diebus, uno levius altero gravius. Quartanas non secus ac quotidianas & tertianas diurnas ex Semitertia-na productas hoc malo finisse certis circuitibus, parique accessionum ordine.

Quomodo à vero differat.

Materia biliosa acris fervida non expers (ut opinor) alicujus pontici, & ut plurimum purulenta est causa proxima hujus affectus. Hæc quo loco consistat, scire perquam difficile est. Quod enim neque in intestinorum cavitate, neque in earum venis meseraicis consistat aut substantia, indicat curatio, quia neque per clysteres, neque per medicamenta purgantia vel alterius generis per os assumpta mitigari unquam possunt. Iam diu opinatus fui intra peritonæum & musculos abdominis, vel intra tendines obliquorum descendentium & quatuor corporis integumenta his substrata consistere, sed quoniam neque fomentis, neque emplastris, aut inunctionibus ad colicos dolores & alios mitigandos accommodatis leniri animadvertēbam, & circa locum vesicæ dolores (qui neque ad tactum exacerbabantur, neque tumorem supra suum locum monstrabant) plerunque consistere, eam interdum sic affligere ut difficulter reddatur urina, stranguriam aliquando obortam, purulentæque materiæ per urinas excretionem per multos dies perseverantem, postquam dolor terminabatur, non potui alium materiæ locum invenire quam cavitatis abdominis illam partem, quæ est prope vesicam, hoc est, inter peritonæum & vesicam atque intestina vesicæ adjacentia.

Materia se- det.

Confirmavit hanc meam opinionem nuperri-me casus cujusdam juvenis civis Patavini vulnerati sclopeto circa spinam mediæ lumborum vertebræ, & exeunte globo post transversos processus vertebræ

Historia.

vertebræ ruptos trium digitorum spacio à latere umbilici per ventrem: quo loco cum consisteret sub communibus quatuor integumentis, à me excisus fuit. Transactis viginti diebus cum per vulneris foramen posterius magna puris copia exiret quotidie, per antierius vero nil prorsus ex abdomine exiret, collecta materiæ purulentæ portio circa omentum ad vesicam descendit & dolores colicos spurios excitavit, qui reddito plurimo pure per vesicam una cum urina modo cessabant, modo mitiores evadebant, & interdum urinarium meatum dolore inter mingendum insigni affligebant. Quapropter exitimandum etiam est in febre Semitertiana vel aliis ab hac ortis, & quæ ejusmodi dolores colicos spurios faciunt, abscessus aliquos in abditis locis latentes ut in omento vel mesenterio tandem perruptos deponere materiam purulentam in abdominis cavitatem, & sic eam paulatim subsidere versus ossa pubis inumque ventrem.

Quomodo
materia ista
transiit in
vesicam.

Et quoniam quærit exitum per partes sensiles, quales sunt vesica, & intestina, idcirco illorum locorum continui solutionem solvi, transmeareque per poros substantiæ vesicæ in ejus cavitatem potius, quam per ramos iliacos, propterea quod hi undique pinguedine & membranis sunt plurimum tectæ.

Curatio.

Curatio hujus doloris est colici veri curatione difficilior & plerunque longior. Nam omnia fere externa internaue remedia, quæ ad colicos præscripsimus, spernit; & quadragesimo die plerunque sponte solutam vidi per purulentas mictiones, non admodum congrua observata victus ratione, præterquam abstinentia vini. Comedebant enim pisces loco carnis, quam ob febris Semitertianæ & aliarum diuturnitatem abhorrebant. Erant tamen pisces facilis digestionis, ut Lucius, Cyprinus, & Mulus. Prodest hic venæ sectio in talo, aut scarificatio, cucurbitulæ utrique cruri adhibitæ sine etiam scarificatione. Nam quævis hæc remedia chirurgica materiam non evacuent, quæ inter peritonæum & intestina vesicamque continetur, tamen urinæ difficultatibus & phlogosi vesicæ ac partium circumstantium, ob quam dolores graviores fiunt, plurimum opitulantur. Quidam ex consilio barbitonforis in Germania balneo aquæ fluvialis, in qua *florum chamæmeli & crescionis* (nasturcium aquaticum vocant) aliquot manipuli antea incocti erant hunc affectum sustulit. Omnia quæ per os assumuntur diuretica, non purgantia esse debent (nisi forte propter insignem corporis adhuc relictam cacochymiam, *pulvere Comitæ de Harwich*, vel *speciebus elefcof* uti luberet) quod materiam per intestina ægre, per vesicam facilius detrudat natura, quæ in hoc opere est adjuvanda. Quapropter laudo juscula alterata cum *vincaper-vinca, perichlymeno, fragaria, agrimonia, pimpinella, equisetio, nastartio aquatico*. Præbeatur in jure pulli gallinæei seminis *erysimi pulverati drachma*, aut cum *syrupo de duabus radicibus*, & *malvæ* vel *capillo veneris* fiat electuarium. Inungatur imus venter *oleo vulpino*, cui *olei cymini per chymiam destillati aliquot guttæ sint admixtæ*, vel tertia pars *olei de scorpionibus*. Prodest & *oleum de scorpionibus* per se, & quod *ex cyclaminis fit floribus*. Sacculus præterea ventri adhibitus ex *sæle, fursuribus, milio, lini semine cum semine*

carvi calefactis, & cataplasma ex parietariæ & nasturii foliis cum cæpa cocta, addito modico oleo chamæmelino vel de scorpionibus.

C A P. X V.

De Recidivis.

Quantopere recidivæ sint in Semitertiana metuendæ, si non fiat in aliam febrem vel morbum transmutatio, secundo libro diximus, in hujus fine subnectemus modum, quo sint à Medico tractandæ, si prius de causis nonnulla fuero præfatus. Omnes enim fere in ea versantur opinione, recidivas fieri à generatione novæ materiæ morbificæ, quod falsum est. Nam illi qui non præbuerunt occasionem per externas & internas causas generandi materiam novam, ut per errores in victu, nihilominus in recidivas incidunt, quamvis hæc sint minores quam illæ, quæ post errores in victu vel alias causas externas succedunt.

Vnde fiant
recidivæ.

Quapropter censendum est has provenire à relictæ crudæ vel non integræ concoctæ, sed ex parte tantum causa morbificæ: verissimumque esse aphorismum Hippocratis, in quo inquit, *quæ relinquuntur in morbis nempe cruda recidivas facere*. Sed quomodo hæc generentur per proprietatem materiæ morbificæ non concoctæ, quæ singulis annis pro cæli constitutione & varietate temporum anni variare sic solent, ut modo ter invadant, modo bis, modo quater & sæpius; modo per paucos paroxysmos, modo per longos, aliquando per quotidianas, sæpe per duplices tertianas, id apto exemplo declarabo per bubones venereos, tanquam affectus externos, quos sæpe hoc tempore hic videmus ortos ex sanguine, bile & pituita. In his enim difficilis est suppuratio. Itaque primis sex aut septem diebus febrem accersunt cum horrore vel frigore. Dein hæc indies invalescit una cum inflammationem concomitantibus signis & accidentibus, postmodum his decrecentibus diminuitur & intermittit integre ac perfecte. Inde rursus febris invalescit cum signis suppurationis jam secunda vice à natura tentatæ, tum iterum secundo & febris & inflammationis accidentia abeunt; manent tamen duresces & tumor in inguine tanquam materia morbifica relictæ. Itaque & tertio & quarto quasi quasdam paroxysmos natura aggreditur inceptam suppurationem, quam tandem si vincat ad suppurationem perducit; si vero succumbat, transmutatur materia abscessus qui expectabatur in aliam materiam & alium tumorem, vel evanescit atque discutitur. Eodem plane modo contingit etiam in Semitertiana, ut materia febris certis periodis in vasis vel visceribus contenta nullos de se producat vapores putridos, qui cor molestant & accendant, rursus alio tempore eos producat, deinde delitescat, donec iterum novus calor ex putredine suscitetur, qui irritet naturam ad expulsionem vel concoctionem per affluxum sanguinis & bilis. Ideo concoctæ jam materia in Semitertiana nullæ recidivæ sunt expectandæ; veluti pure facto nulla febris recidiva est metuenda in abscessibus inguinum difficulter ad suppurationem venientibus, sive sit pus expulsus, sive adhuc in proprio spacio conclusum.

Quamobrem ut ad recidivarum curationem

H

veniam,

Curatio.

Potus.

veniam, diebus quibus æger vacat à febre, victus ratio convenit sanorum similis, ita tamen ut à vino abstineat, & ejus loco aqua hordei magistrali fruatur: aut in fine cibi offam è vino maturo sumat, modicum vini superbibendo.

Cibus.

Cibus sit facilis digestionis & boni nutrimenti, attenuans, detergens, & qui quam minimum calefaciat.

Solent ægri statim à febre cum liberati esse videntur insigni fame premi. Itaque curandum est ne nimio potu aut cibo se impleant, à quo postmodum & inappetentia procedat & virium prostratio, quæ propter futuras recidivas hic conservandæ, imo augendæ sunt.

Alvus alternis diebus clystere eluatur purgante, & ex iis composito quæ ad dolores colicos proposuimus, ut sic iis prospiciamus in tempore, & insignes viscerum obstructions atque apostemata interna quantum fieri potest præcaveamus. Vbi

jam febris rediit, rursus ad præscripta huic febri remedia erit redeundum, ita tamen ut diligenter advertatur, an nonnihil à pristina natura Semitertiana decesserit, nec ne: Nam prout magis vel minus recessit, pro eo & victus ratio & alia præsidia pharmaceutica erunt mutanda.

Si mitis facta est, & sit Semitertiana quarti generis intermittens, vel duplex tertiana spuria, non admodum acutis morbis vel symptomatibus comitata, nil æque prodesse animadverti, quam decoctum falsæ & chinæ cum cichorio alteratum, & datum quotidie ante accessiones. Stragulis prius ægro superpositis, ut si fieri potest sine ulla violentia sudor promoveatur: qui si non primis diebus, saltem sequentibus paulatim prodire consuevit, alternis diebus injecto clystere. Sic sensim digeritur febris Semitertianæ aut quartanæ, tertianæquæ duplicis vel simplicis diurnæ, quotidianæve ex hac genitæ diuturna & molestissima recidiva.

FINIS LIBRI QVARTI.



Ad Perillustrem & Excellentissimum

D. ADRIANVM SPIGELIVM,
in Patavino gymnasio Professore Anatomicum
Chirurgumque primarium,

ANTONII SABADINI

Observatio Medica.



Everendissimus Pater D. Flavius à Padua Abbas meritisissimus S. Mariæ Prataleæ, temperamenti calidi & humidi, corporis quadrati, pulchroque colore dotatus, magnæ suæ vitæ parte delicata victas ratione usus, vinisque vinosioribus ac meracioribus summopere deditus, nunc suæ ætatis quinquagesimum sextum agens annum, die septima Octobris extra monasterium animi oblectandi gratia cum sese contulisset, hora diei vigesima prima quadam membrorum frigoris sensatione correptus de febre dubitans sine cæna decubuit: quatuor post horas calor febrilis invasit, qui ad sextam horam noctis usque manifeste perduravit: noctis reliquo satis commode quievit. Surgente sole curru Prataleam venit, tota die liber à febre: in prandio usus est panatella & ovo sorbili, & vini oligophori modico. Simili cibo cænam gessit. Tertia die hora decima quinta, iterum frigore, sed potius ut dicebat, tremore hypochondriorum correptus, bilem citrinam tenuem evomuit, pulsus concentratus cum anxietate lumborum, ac crurum dolore acerrimo, symptomata usu epicerausticorum, & accedente paroxysmi statu remiserunt hora vigesima prima, qua hora jus alteratum cichorei, borraginis, endiviæ, acetosæ, feminum citri bibit, accedente declinatione hora noctis secunda cænavit panatellam cum emulsione seminum melonum & ptisanam hordeaceam, & parum juris alterati destillati: nocte quievit. Quarta die accepit medicamentum ex syrupo rosati solutivi uncias tribus, mellis rosati solutivi, mannæ electæ ana uncia una, decoctionis cichorei, endiviæ, acetosæ, feminum citri quantum sufficit. Multas sedes habuit biliosas, flavas, spumosas, graveolentes. Sine febre tota quarta fuit iisdem alimentis nutritus: noctem inquietam transegit: ante diem accepit jus alteratum cum ovi vitello. Morbi quinta die hora decima quinta invasit iterum febris iisdem ac intensioribus symptomatis, quæ minime topicis cedentia ad vigesimam primam perdurarunt; jus solitum accepit, & tertia noctis hora cænavit. Nox quieta fuit. Sexta morbi die curru accessit monasterium S. Iustine de Padua; & cum aliquantulum in cubili requievisset, sine ullo lesionis sensu ex itinere; Perillustri & Excellentissimus D. D. Eques Antonius Niger accessit, qui pulsum tangens intermittentem esse febrem affirmavit.

Quotidie ab epoto leniente habuit sedes biliosas: eadem die hora decimasexta salvatella dextræ manus scicta fuit; sanguinisque uncias quatuor circiter extraximus: ad vesperam usque bene habuit, qua hora Excellentissimi D. D. Niger, Sylvaticus, Sala, pulsum aliquantulum celerem invenerunt. Noctem quietam habuit. Septima die hora

decimasexta accessio invasit iisdem symptomatis, gravioribusque: maxime vero lumborum dolor urgebat, & anxietas. Excellentissimi presentes vomitoria propinarunt ex oleo amygdalarum dulcium, aqua cordiali, & syrupo acetoso simplici; non evomuit: in accessione surrexit ad alvum exonerandam, correptus est symptomate convulsivo oculorum ac manuum: vi deportatus in lectum mortuus est: urinæ semper tenues cum suspensis divulsis fuerunt. Secto cadavere, quod multa pinguedine referum erat, ventriculus & orificium inferius inflammatione atrii coloris in tunica interiori laborabat: cordis ventriculus dexter multo sanguine melancholico repletus (mortis immediata meo iudicio causa) lienis tota substantia (mirabile ac novum visu) fusa liquataque in sua tunica tanquam in vesica continebatur, venæ arteriæque omnino deperditæ: ramus vero splenicus multo limoso ac tetro sanguine plenus: reliquæ vero partes, quas quidem vidi, omnino suam naturam servabant: jecur incolume cum colore, tum substantia: cystis fellis parum mutata in magnitudine; sed parvi id momenti.

Hæc sunt, quæ mihi dicenda erant, ut voluntati tuæ satisfacerem. Quæ si non eo ordine ac methodo declarata fuere, ut res postulat, indulge tantillum juvenili meæ ætati ac ingenii tenuitati. Quod si autem ejusmodi historiam unquam alias tibi videre aut diligentius considerare contigerit, rogo te atque obsecro, ut infra scripta dubia mihi enodes, cum summopere mentem meam agitent.

Primum. Quare intermittens tertiana febris quarta accessione hominem jugulet, cum Hippocrates lib. IV, Aphor. XLII contrarium doceat.

Secundum. Quomodo possit dari febris tertiana sine jecoris affectione, quod directe repugnat doctrinæ Galeni lib. I ad Glauconem.

Tertium. Cur potius in tanta affectione lienis non sit orta quartana, quam tertiana; cum Galenus eodem libro hoc idem asserat.

Quartum. Vnde lien receperit illam colliquationem. Circa quod mea opinio est, quia jecur optimo temperamento erat constitutum: & fortem expultricem habebat; cujus indicium erant multæ urinæ, albæ, tenues, quæ erant partes tenues vini: pars autem crassa ab ipso jecore transmittebatur ad lienem, qua ibi immorante sua vinositate, ac calore fusionem hanc humorum & totius substantiæ produxit. Mihi summopere gratum erit ex te scire horum dubiorum explanationem. Et si aliquid aliud à me quod possim, cupis, impera & inserviam tuis commodis libenter. Vale & me tui amantissimum ac observantissimum discipulum semper habe.

Die decima octava Mensis Octobris, anno millesimo sexcentesimo vigesimo primo. Prataleæ.

Dubia.
I.

II.

III.

IV.

ANTONIO SABADINO

suo, medico Excellenti

ADRIANVS SPIGELIVS

S. P. D.



Maximas tibi gratias ago, mi Sabadine, quod nulla interposita mora historiam Reverendissimi Abbatis Pratalex Flavii Patavini ad me miseris. Metuendum enim erat, ne si in aliud tempus prorogasses, scribere ea quæ tibi mihiq; maxime notatu digna videbantur propter occupationes varias è mente exciderent. In fine historię quatuor quæ sita mihi proposuisti. Singulis eo ordine, quo proponis, respondebo tibi, si prius de morbi natura, quo hic Reverendissimus Pater extinctus est, quid ipse sentiam aperuerim.

Nam tertianam dicis esse simplicem; ego vero unam ex compositis Galeni, quam ipse quidem Hemitritæam vocat; ego vero in *libro de Semitertiana* Hemitritæam primi ordinis Galeni, ad differentiam alterius apud eundem Galenum, quæ est secundi ordinis. Barbari Hemitritæam minoris famæ hanc vocant, constantem nempe ex continua quotidiana & tertiana intermittente. Hanc spuriam, nempe biliosam fuisse arbitror, atque malignam seu pestilentem. Quod enim non fuerit tertiana simplex, patet ex typo ejus, quem hæc febris habuit. Neque enim invasit cum rigore, neque integre paroxysmus terminatus fuit cum sudore, neque diebus paribus omnino à febre liber fuit, ut quarta & sexta: at secunda tantum liberum à febre ponis. Quod vero fuerit Semitertiana primi ordinis Galeni, significare tibi possunt notæ tertianæ intermittētis, quæ solent ei adesse, quæ cum quotidiana vel continua, vel intermittente implicari consuevit: imprimis horror, quem ego intelligo per hæc tua verba, quæ scribis, *primo die paroxysmi hora vigesima prima quadam membrorum frigoris sensatione correptus de febre dubitans, sine cæna decubuit: quatuor post horas calor febrilis invasit.* Sane in secundo paroxysmo hunc horrorem statuis & majorem. *Tertia die, inquis, hora decimaquinta iterum frigore, sed potius ut dicebat tremore hypochondriorum correptus bilem citrinam tenuem evomuit.* Et rursus quinta die narras eandem febrem invasisse tertio majoribus symptomatibus præscriptis, & aliis: & septima die eadem hora quartum paroxysmum supervenisse longe adhuc sævioribus accidentibus. Frigoris enim nomine hic abusus es pro horrore, ut & nos aliquando solemus vulgi sermonem sequentes. Sed cum frigore quotidiana invadit, non tertiana. Iam vero cum nullius quoque sudoris in fine paroxysmi seu declinatione mentionem facias, quid aliud videris confirmare, quam hanc tertianam esse ex earum genere, quæ aut præagire solent Hemitritæam, aut esse præsentem. Et enim duo hic abs te notari velim. Primum est, quod in hac febre Hemitritæa modo habetur tertiana, quæ cum sudoribus declinat; sed tamen ad

integritatem non transit, si continua ipsi adfuerit, & id primis tantum paroxysmis; modo vero ne vestigium ullum sudoris monstrat ullo tempore declinationis, nisi forte ultimis paroxysmis aliquando, cum est abitura, quod raro contingit & nisi iis annis, in quibus anni tempora servant naturalem suam constitutionem; quia ut plurimum recidivas faciunt aut imperfectas crises, mutationem in alios morbos graves aut febres. Sudores enim critici, qui in simplicis tertianæ singulis paroxysmis comparent, in Hemitritæa neque tam copiosi sunt, neque adeo tenues, ut in simplici tertiana, sed viscidiores, crassiores, interdum & graveolentes, præcipue in primis paroxysmis comparent: sunt deinde & in minori copia, quam in simplici tertiana, tardiusque prodeuntes, nec semper per totum corpus. Pectus enim & caput tantum sudore madefacta non semel vidimus; interdum & ventrem; artus vero nequaquam. Aliquando tantum caput, quod longum morbum & periculosum (etsi nulla symptomata prava adfuerint initio Hemitritæi) propter varias recidivas & morbi hujus in alios graves & periculosos transmutationem denunciat. Porro sudoris in hac febre, aut nullius, aut tardi, aut viscidi, & per totum corpus, vel non diffusæ causa est quotidianæ instantis præsentisve putredo, cujus calor præter naturam omnem conatum naturæ aut prorsus impedit, aut debiliorem reddit.

Alterum deinde nota, nempe *ad constituendam Hemitritæam non semper tertianam & quotidianam uno eodemque die ac hora invadere. Sed aliquando tertianam prius invadere non modo horis, sed etiam diebus, quæ maxima est deceptionis Medicorum causa. Et rursus vice versa quotidianam aliquando nonnullis horis, quandoque etiam aliquot diebus tertianam præcedere.* Illud tibi notum arbitror cum in plurimis tibi hoc anno observare licuerit, uti & in præsentī casu: hoc vero si nunquam adhuc occurrerit, sæpe observabis, cum ubi nunc es, diutius eris permanens, aut in populosa aliqua civitate praxim exercitaturus. In hac enim nobiles statim ab initiis morborum Medicos accersunt, in quo hæc ad unguem observantur: pauperes vero non nisi ab augmento aut in statu morbi, quo fit ut in nosocomio Patavino S. Francisci in quo diligentissimi adstantis ægrotorum officio aliquandiu cum honore functus es, etiamsi pauperes plurimos inviseres, id tibi non comparuerit.

Cæterum ne ab instituto latius recedamus, jam tempus est ut & quotidianam huic tertianæ fuisse adjunctam tibi ostendam. Pares dies inquietiores eam arguunt, quarta nempe & sexta circa vespæram: ais enim quarta die *noctem turbulentam transiegit, & sexta pulsum inequaliter celerem inventum circa vespæram*, nempe quo tempore erat in medio augmento aut ad statum vergebat, occulto antea principio

principio quotidianæ existente. Quippe quod tardi motus est, & multis admodum in febribus curandis exercitatis integritatem mentitur; quam per hæc verba etiam intelligere mihi videris *sine febre tota quarta fuit. Et morbi quinta die post febris tertianæ paroxysmum, tertia, inquis, noctis hora cœnavit: nox quieta fuit. sexta morbi die curru accessit monasterium S. Iustine de Padua, & cum aliquantulum in cubili quietis accepisset sine ullo lesionis sensu ex itinere Perillustri & Excellentissimus Eques D. D. Antonius Niger accessit, qui pulsus tangens intermittentem esse febrem affirmavit.* Similiter cum in sexta ponis pulsus celerem circa vesperam, nullamque inæqualitatis aut ordinis pulsus facis mentionem, opinor quod non adessent omnino vel non adeo manifeste perciperentur veluti solent in pulsus tertianæ. Nam & illud quoque te scire velim, lentarum febrium & occultarum pulsus nos sæpe decipere, maxime vero quotidianæ in Hemitritææ principiis & remissionibus; interdum quoque in intermissionibus futuræ recidivæ, cum vel maligna fuit, vel expectatur, vel jam facta est. Recorderis tunc Celsi dictum: *Pulsui venarum credimus fallacissimæ rei.* Plurimi sunt hoc tempore nobiles doctrina viri, qui in febre pulsus inæqualitatem semper quærunt, quæ ex putredine scilicet ortum habet: ubi vero pulsus celerem, & frequentem deprehenderunt tantum, ibi febrem adesse negant. Ego vero adversus eos in omni tempore paroxysmi febris periodicæ pulsus inæqualitatem non puto requiri. Aliquando enim in declinatione & principii prima parte febris quotidianæ celerem tantum pulsus & frequentem deprehendi ob lentum febris motum.

Non omnem
febrem esse
cum pulsus
inæquali.

Hæc mea sententiâ cum à communi tot ac tantorum Medicorum doctrina abhorreat, maximæ quidem sed tamen utilissimæ controversiæ inter me & alios Medicos coram ægris occasionem dedit, negantibus illis febrem in iis, in quibus ego eam adesse affirmarem. Nec potui doctos holce viros aliis rationibus in meam sententiam trahere, quam signis, quæ à siti, linguæ ariditate, urinis rubicundis, calore præcordiorum & pectoris desumebantur; quorum modo omnia, modo quædam comparebant. Cunctis tamen aderat calor præter naturam, qui admota manu pectori & abdomini, atque arteriæ circa carpum percipiebatur. Nam in omni febre necessario requiritur calor is, qui præter naturam dicitur. Itaque ex his concludimus aliam febrem periodicam diebus paribus clanculum irreplisse: & quod hæc fuerit quotidiana inde probatur, quia sane alia tertiana intermittens vel continua non fuerit. Typus enim utriusque huic febri defuit. Nam debebat veluti alia cum rigore invadere, vel horrore & nausea, vel bilis vomitu, aut quoque monstrare in principio aliquod insigne acumen, celerem motum, linguæ ariditatem, qualem in febre tertiana intermittente habere solemus, aut manifestam continuitatem & exacerbationem sine rigore, cum siti, urinis rubicundis, pulsibus frequentibus, celeribus, inæqualibus manifestissime, & difficili tolerantia ægri, si tertiana continua fuisset. Restat igitur, ut quotidianam continuam fuisse dicamus, eamque per superingressum paroxysmorum: cujus quidem principium in die pari per pulsus contractionem & partium

externarum levissimum frigus curiosus quispiam, qui de ea prius dubitasset, observare potuisset, at die impari in hoc ægro nequaquam, quod typus quotidianus & tertianus simul quodammodo confusi eodem fere tempore concurrerent. Et quamquam nocte subsequente tertianæ paroxysmum quietius degebat, quam noctibus parium dierum, non tamen ideo dicendum est, cum à febre quotidiana liberum fuisse, quia hæc non molestat ægrum gravibus accidentibus omni tempore, sed aliquando certis diebus, cum quid bonum aut malum præfigire solet, ut hic quarta & sexta.

Porro superius statui Hemitritæam nostram fuisse spuriam Galeni ordinis primi, hoc est, biliosam. Quia non possum ponere hanc fuisse exquisitam, quod in hac diebus paribus horrores manifesti non comparuerint, neque imparibus horrores majores & reduplicantes, quam paribus, qui Hemitritææ exquisitæ semper adsunt. Quia in nostra Hemitritæa horrida tantum fuit die impari. Sed & illa ex pari utriusque humoris bilis nempe & pituitæ putrescentis permixtione genita esse dicitur à Galeno: hæc vero majorem partem bilis continebat, quod ex iis, quæ per vomitum & alvum excreta fuere, manifestari potest. Animadverti Hemitritæam primi ordinis Galeni exquisitam in spuriam transmutatam fuisse biliosam vel pituitosam: & ea, quæ erat spuria, in exquisitam; sæpe in duplices tertianas, aliquando in quotidianam, tum hanc rursus, ubi tertiana intermittens quieverat, in duplicem tertianam. Cujus mutationis causas, si ex Galeni placitis elicere voluerimus, non sunt rejiciendæ in alias, quam in humores, qui modo copia, modo qualitate variant. Nam sæpe contingit, ut prius à biliosis humoribus sese natura exoneret. Est enim hic humor & ratione tenuis substantiæ, qua solet esse præditus magis fluxilis, quam pituita; & ratione fervoris atque acrimonie magis naturam ad expellendum provocat. Unde cum pituita crassior remaneat, fit Hemitritæa magis pituitosa, quæ vel in quotidianam spuriam vel in tertianam spuriam degenerat. Quod si vero plurima pituita prius evacuetur, quam bilis portio putrescens requirit, transmutatio fieri solet ex Hemitritæa exquisita in biliosam vel duplicem tertianam. Hæc dico, ne statim sic arguas. *Hæc Hemitritæa, quam vocas, aliquando in quibusdam habuit signa duplicis tertianæ intermittentis post aliquot dies, vel Hemitritææ exquisitæ: Ergo & nunc talis est dicenda.* Nam hæc propositio non est vera ob dictas causas, quia ego non nego, quod si Reverendissimus Abbas superstes mansisset, hanc febrem non transmutari potuisse in duplicem tertianam vel Hemitritæam exquisitam, vel quotidianam. Sed dico nunc non aliam esse, quam quæ jam à me descripta est.

Addidi huic Hemitritææ malignitatem, dum ipsam malignam quoque dixerim. Fuit enim signum à te animadversum, dolor nempe lumborum & dorsi insignis in primo tertianæ paroxysmo, in secundo insignior; in tertio & quarto usque adeo sævus, ut nullis remediis quibus mitigari prius videbatur, cedere postmodum voluerit. Hoc in hac febre & in duplici tertiana continua, & in spuria quotidiana longa experientia edoctus, tum plerunque in initio harum febrium malignitatem præ-

Hanc febrem
fuisse malignam.

fragire soleo vel jam adesse dicere. Fallere tamen te non oportet is, cui dolores lumborum familiares sunt, ob destillationem arthriticalem, lapidem in renibus, colicum dolorem, hæmorrhoides & menses instantes si femina laboret. Appello autem hic ego febrem malignam non eam modo, quæ cum urina turbida, crassa, alba, pulsu celeri, frequenti, inordinato & debilissimo nobis plerumque se prodit, sed & quæ talis futura est, & alia quæ jam sine hisce signis ex improvise hominem jugulat, non secus ac si aliquis venenum hausisset, quod vim habet mortem subitanam inferendi, veluti in febre pestilenti. Et profecto hujus febris malignæ signa in dissecto cadavere habuisti, dum in interiori tunica ventriculi insignem inflammationem, & cum aliqua gangræna te vidisse scribas per hæc verba: *Seeto cadavere quod multa pinguedine refertum erat, ventriculus & orificium inferius inflammatione atrii coloris in tunica interiori laborabat.* Sed quoniam multi, qui de venenis scripserunt, inter signa universalia, quæ sublatum veneno ægrum demonstrant, ponunt viscerum dissecti cadaveris erosiones & insignes putredines, pessimorumque succorum collectiones, quæ in hujus ægri dissecto cadavere visa sunt, ut ventriculi inflammatio cum gangræna, & tanta lienis putredo, ut totam ejus substantiam liquarit, commovere aliquem posset ad credendum veneficio sublatum potius ægrum, quam febre, atque id datum, dum febre corripereetur five illa Semitertiana dicatur, five tertiana simplex. Verum hic omnem veneficii suspicionem facile submovebit, quando reputare secum diligentius voluerit Reverendissimum Abbatem antequam ægrotaret, bono quidem habitu prima specie præditum fuisse, (scribis enim, eum temperamentum calidum & humidum habuisse, corpus quadratum & pulchri coloris) sed non sanorum more educatum, verum vixisse cum magna suæ vitæ parte delitiosa victus ratione, vinisque vinosioribus & meracioribus summo opere deditum, per quæ humores ac succi sic putrescere in corporibus admodum plethoricis consueverunt, ut veneni naturam induant. Iam vero toto morbi tempore nulla conspecta sunt symptomata, quæ indicare consueverunt speciem alicujus veneni erodentis & putrefacientis, ut arsenici citrini, realgaris, sublimati & præcipitati mercurii, thoræ, napelli & aliorum ejus generis, quando ea quantitate præbentur, ut spacio trium vel quatuor dierum hominem jugulent, neque enim æstuatio fortis cum magna siti, neque tussis sicca vel humida, neque inflammationes linguæ & labiorum, nec dolor fortis ac ulcera oris, palati, œsophagi, ventriculi, intestinorum comparuerunt, & insignis cum ardore abdominis cruciatis. Neque post mortem corpus nigricans varium ac diffuens, aut tumidum, aut putredinem molestam olens deprehensum fuit. Ita ut omnia symptomata, quæ comparuerunt in hac febre cum signis Hemitritææ malignæ, qualis eo tempore toto fere anno maxime vero vere & autumnopertotam fere Italiam est grassata populatim, commodissime congruant. Quamobrem cum statuerimus febrem ex qua Reverendissimus Abbas obiit, non fuisse Tertianam simplicem, sed Hemitritæam primi ordinis Galeni spuriam malignam, patet ad primum quæsitum quod falsa nititur hypothesi

non esse respondendum, nisi fortassis ex jam à me præmonstratis mutare velis quæsitum tuum, & tale statuere videlicet, cur hæc febris Hemitritæa septima die hominem jugularit, sine prægressis pravis signis in die quarto, qui est index septimi. Respondeo, quod si id verum esset, neutiquam esset mirum in pestilenti malignave febre. Nam sæpe & quarta tempore pestis exstinguit multos, nullis apparentibus signis momentaneis alicujus malæ criseos futuræ in diebus præteritis, cum tamen tunc temporis malignissimæ febres deberent sævissimis accidentibus ratione sui acuminis id præmonstrare. Neque tamen ideo Hippocrates, quando scribit in Prognosticis; *Malignissimas febres, & quæ signis horrendissimis sunt quarto die aut prius occidere, mitissimas vero & signis securissimis firmatas quarto die aut prius desinere*, nostræ observationi contrariatur. Non enim negat fieri posse, ut aliquis quarto die à febre moriatur sine signis horrendissimis, imo neque in septimo. Raro tamen id contingit, & quando contingit, malignissimi moris indicium est. Sed in Reverendissimi Abbatis febre periculosa, qualis est Hemitritæa (est enim hæc continua, & tertio quoque die invasit validior) præcesserunt signa malignitatis in die impari & majoris afflictionis, anxietas, lumborum dolor & crurum acerrimus, quæ alternis diebus una cum tertiana crudeliter invadebant, sævioraque comparabant, quo magis ad statum & judicationem febris properabat. Nonne hæc signa sufficiebant ad magnum & repentinum, quod imminebat, periculum prævidendum? Vide, quid scribat Hippocrates in Coac. Prænot. *Ex dorso dolore aegritudinis principia difficilia sunt.* Et rursus: *Quibus lumborum dolor adest, hi male habent.* Et tertio: *Lumborum dolor sine causa manifesta sæpe impetens maligni morbi signum est.* Lege librum Rhasis Arabis inscriptum de constitutione pestilenti, qui ex Arabica in Græcam Linguam translatus est, in eo hæc scripta habentur cap. iv: τὰ δὲ σημεῖα τῆς λοιμικῆς καὶ τῆς ἐνδοχρῆστος (lego ἐνδοχρῆστος, ut interpres) τὰ ἐν αὐτῷ ἐμφαίνοντα τὸ παροξυσμὸν, εἰσὶ ταῦτα. Προηγείται τῶν δύο εἰδῶν τῶν τῆς νόσου, πῶς καὶ πῶς, ἐδωὴ νῶτα. Κνήστις ῥίνος, πύα ἐν τῷ ὕπνῳ. ταῦτα τὰ ἰδία σημεῖα τῶν νόσων, καὶ μάλλον, ἢ τὰ νῶτα ἐδωὴ μὲν τῆς πυρετοῦ, id est. *Signa morbi pestilentis & incendii, quæ evidenter monstrant paroxysmum, sunt hæc. Precedunt duas species hujus morbi febris continua, dolor dorso, pruritus narium, sputa in somno. Hæc propria sunt harum signa, magisque dorso dolor cum febre.* Hic per pestilentem morbum Autor etiam malignas intellexit febres, & pestilentes; per dorso dolorem, & dorso proprie dicti & lumborum. Fiunt autem ut plurimum in febribus ejusmodi dolores ab insigni incendio & putredine consistente in vasis majoribus quæ inter alas & inguina excurrunt; aliquando etiam à ventriculo, liene renibusque inflammatis. Nam hæ partes supra lumbos positæ sunt. Observavi plurimis convulsiones post eos ortas, aut una cum iis. *Lumborum dolor in ventriculo os dolente cum excreatione violenta habet quid convulsorium*, inquit Hippocrates in Coacis Prænotionibus. At convulsio in febre Hemitritæa periculosissima, ut in hoc casu monstravit eventus. In hac enim secundum Hippocratem lib. i. *Epidem. contingit & acutos morbos fieri, & est hæc præ cæteris (nempe febribus) maxime lethalis, cum ei superveniunt.*

Signa malignitatis.

Sed

Sed & illud inter prava signa reputare oportebat, quartæ diei noctem inquietam. Cæpit enim die decretorio fieri febris continua, quæ antea videbatur intermittens. Neque enim ea nox gravis fuit, ut solet aliquando, quia febris tertianæ paroxysmum præcessit: sed quia continua evasit, alioquin omnibus aliis noctibus, quæ præcesserunt febrem, inquietudines comparuissent. Earum tamen neque secundæ diei noctu, neque sextæ ulla à te fuit facta mentio. *Die sexta*, inquis, *noctem quietam habuit*. Fuit igitur hæc febris periculosa, tum ratione suæ naturæ, tum ratione symptomatum acutorum lethalis, quæ celeriores in hoc subiecto mortem induxit, quam in aliis. Scis enim Athleticorum, hoc est, plethoricorum habitus periculosos esse, & pingues citius mori, quam graciles ex Hippocratis sententiis, qui non de naturali morte tantum, sed etiam, imo magis de ea, quæ à morbis contingit (rara namque altera conspiciatur) proculdubio intelligendus est. Die autem impari obiit: quia is erat dies gravior, quo Semitertiana invadebat, & omnia symptomata erant faviora; morbi quoque acuti tunc maxime premebant. Die vero septimo obiit; quia criticus est & ratione febris continuæ & ratione tertianæ. Quartus enim tunc hujus paroxysmus invaluit.

Secundum vero quæsitum videtur commodius cadere posse in casum propositum. Hemitritæa enim febris tertianam intermittentem habuit. Itaque quæritur jure merito, cur Hemitritæa febris detur sine jecoris affectione. Ad hoc dico, me in libris de Semitertiana satis diffuse ostendisse, intermittentium febrium putredinis modo in vasis, modo extra vasa consistere, inque aliis partibus & trunco venæ cavæ magnæque arteriæ; neque locos periodos facere intermittentes, aut continuos rationibus ab experientia remediorum & dissectione cadaverum diductis pluribus probavi. Iis hæc etiam addo: *bilem non semper in jecore, sed venis quoque generari*, nec aliter in jecore, quam quod venas contineat. In iis enim sanguinis officinam multis rationibus alias posuimus. Iam & in ventriculo bilem generari porraceam, & eam, quæ glasti colorem refert, hoc est, extra jecur & vasa, notius est quam ut multa probatione indigeat. Ego in longa & simplici tertiana (quæ rarius est) & in duplici (quæ est frequentior) intermittentibus lienes magnos animadverti istarum febrium fomitem suscepisse: cum prius materia fuisset vel in jecore, vel in vena cava & arteria magna, ut propterea tibi jam cesset ista admiratio, quam super jecore pulchro & nullatenus affecto in tertiana suscepisti, vel Hemitritæa, qua obiit Reverendissimus pater. Si quidem in hoc & in vasis majoribus, vena nempe cava & arteria magna, liene & ventriculo putrescentem bilem constituisse arbitror. Sed evenire quoque potest, ut jecur copiosam bilem flavam in suis venis & arteriis continuerit in hoc subiecto. Verum quia rubedo sanguinis & jecoris occultat flavidinem copiosæ bilis, ejus copiam non potuisset oculis in jecore magno & pulchro animadverti.

Quæres nunc fortassis ex me, quam periodorum causam statuam? Ad materiæ proprietatem reduco, à qua neque Aristoteles, neque post eum viri politioris litteraturæ distrahi potuerunt, quotidianis multarum rerum exemplis commoti. Nam

quod spacio vigintiquatuor horarum muscæ ex vinnaceis nascantur, non pituitosæ aut biliosæ materiæ adscribendum, sed proprietati seminis in vinnaceis esistenti, cui hoc peculiare est, ut singulis diebus ad ea animalia producenda moveatur. Quod ex semine humano nonò mense ut plurimum ex utero homo proveniat, non quarto vel quinto, proprium est ejus materiæ. Sic cur hic fructus mense Septembri singulis annis maturescat, ille vero mense Augusti, alius mense Junii, per subtiles quasdam rationes inquirere ridiculum est: cum id arcanum naturæ sit, & omni humana intellectione non capiatur. Nam motus materiæ & humorum quemadmodum in animalium generatione, quæ per sexum generantur, aut ex putredine nascuntur, aut ex vermibus fiunt, imperscrutabilem habent causam proximam & veram, ita & humorum, qui in febribus periodos faciunt, & dierum decretoriorum. Similis enim est motus materiæ febrilis & materiæ generationis animalium. Quod considerans Aristot. lib. v. *Hist. de animal.* tractans de generatione eorum, sic inquit: *αἱ δὲ μεταβολαὶ γίνονται τοῖς πλείστοις καὶ τελέημερον ἢ τετραήμερον, ὥσπερ καὶ αἱ τῶν νύκτων συμβαίνειναι κρίσεις. id est, mutationes fiunt plurimis tertio, aut quarto die, quemadmodum in morbis quoque crises contingunt.* Porro notandum hic tibi, materiam quæ per circuitus sua putredine movet febres, sive bilis, sive pituita, seu melancholia sit nominanda, aut apta sit generare circuitus quotidianos, tertianos, quartanos, singulis annis non semper una eademque putredine putrescere (cujus naturam secundum motum noscimus) sed penes anni tempora & tempestates & cæli præteritas ac præsentis constitutiones plurimum variare. Nam si ver, hyems, æstas, autumnus naturalem suum cursum in quaque regione observarint, proculdubio (nisi ægri aliquo modo propter victus rationem eam mutarint) unaquæque febris simplex suam circuitus naturam observabit. Quod si vero nonnihil anni tempora mutata sint pro analogia magnæ vel parvæ mutationis putredines singulorum humorum quotannis variabunt; sic ut tertianas quotidianasque producant non exactas, & omnibus notis suo naturali ac proprio typo correspondentes. Sic uno anno vidi tertianas omnes anticipantes suis paroxysmis indicia dedisse abitura febris; quæ postponebant, difficiliorem habuisse crism, cum tamen ut plurimum contra videamus contingere. Rursus annos observavi, in quibus tertianarum erat circuitus sine horrore vel rigore vel frigore. Anno millesimo sexcentesimo quinto omnes tertianæ productæ videbantur. Anno millesimo sexcentesimo vigesimo circa finem Julii omnes tertianæ & duplices productæ fuere. Harum una citius altera abibat. Iam & exanthemata in tertianis annis quibusdam à me visa, & syncope & cardialgiæ frequentes, quæ aliis annis plerunque absunt. Anno millesimo sexcentesimo vigesimo secundo omnes quartanæ, quas vidi ex Hemitritæa ortas, quadruplicem quartanam monstrarunt loco simplicis vel duplicis ut aliis annis. Imo tantum in nobis faciunt anni constitutiones, ut quandoque novæ febres comparere videantur. Quapropter si medendi artem in posterum cum laude profiteri & exercere cupis, singulis annis hortor ut cæli constitutionem & mutationes temporum diligenter

Causa motus
materiæ fe-
brilis.

essensio ad
vissum se-
midum.
ur Hemitri-
a detur sine
jocoris affe-
ctione.

ubi ge-
neratur.

Quærit in
libro de
febris
causis.

Y'is consuetu-
dine autem

ter observes non ex astrologorum ephemeridibus vel ex eorum in Calendariis prædictionibus, sed autopsia; deinde in ægris febricitantibus notes, ex quibus in quæ fiant mutationes: ita revera discas & prævidebis, quod ex sexcentis Medicis nullus ingenio industria & arte potuit, & apud ipsos & ægros plurimum autoritatis tibi indies comparabis, probeque discas in una bile pro varietate annorum aliam atque aliam putredinem ex circuituum commutationibus & accidentibus consistere.

*Responsio ad
quæsitum ter-
tium.*

Sed ut ad institutum redeam, & tertio tuo quæsito satisfaciam, scire nostra interest in liene quoque ejusmodi bilem constituisse, depositam prius à vasis majoribus (nempe trunco venæ cavæ & arteriæ magnæ) nec non à jecore hic factam æruginosam, prassinam ex parte, & sua acrimonia lienis vasa exedisse: copia vero dirupisse, ac sibi proprium spacium fecisse, sicque extra venas & arterias prolapsam sanguinem putrefactum fuisse, inde tertianam potius, quam quartanam ortam. Quamobrem non eam inficias, quartanam aliquando à bile progenitam exemplo criseos quartanæ, in qua meri humores biliosi per alvum reddebantur. Hanc autem bilem non potuisse sensibus animadverti, nisi quis forte eam gustare voluisset. Nigredo enim sanguinis omnem alium humoris colorem obliterat & occultat, præsertim bilis flavæ & æruginosæ.

*Quartanam
nominem
quam fieri ex
bile.*

Vt propter hanc causam in arteria magna & vena cava existimem multos humores contineri, qui tamen conspici propter sanguinis ruborem nequeant. Quoniam autem ramuli, qui ad nutriendum ventriculum à splene originem habent, vel à splenico ramo ad ventriculum commodissime bilem, quam lien continebat, deponere potuerit: ideo contigit, ut ventriculus atrii coloris inflammationem in interiori tunica conceperit maximam & convulsivam & mortis causam.

Ex his præmissis facile erit ultimo quæsito respondere; videlicet, quod Lien colliquationem acceperit ab insigni putredine, quo sanguis extra vasa existens statim capit laborare. qui non potuit esse in majori copia, ut solet in aliis, in quibus præter modum lienes distenduntur sine disruptione vasorum: quia in iis non est tanta acrimonia, quanta in hoc humore bilioso fuit; & majus spacium in aliis, quam in hoc. Obæsis enim viscera, quæ in abdomine continentur, præcipue lien parvo temporis, spacio in insignem molem augeri nequeunt. Est enim laxa ejus substantia, mollis & plena venis arteriisque, ob quas facile patiuntur à compressionem vicinarum aliarum partium. Hæc mihi succurrebant, mihi Sabbadine, quæ tuis quæsitis in tanta temporis angustia respondere mihi visa sunt. Vale. Patavii.

*Vnde Lien
colliquatio-
nem acceperit.*

F I N I S.



A D R I A N I S P I G E L I I

B R V X E L L E N S I S

D E

A R T H R I T I D E,

L I B E R S I N G V L A R I S.

ARTHRITIDE,

LIBER SINGULARIS

Articulus
quid.



Synonyma.

Definitio.

Arthritis im-
proprie dicta.

Idem.

DE Articulorum dolore acturi, principio monendum per articulum intelligi debere Articulationem sive Conjunctionem duorum ossium per *ἀρθρώσιν* vel *συνάρθρωσιν*. Per *ἀρθρώσιν* facta articulatio, motum edit manifestum; ut in humero, coxendice, cubito, genu, aliisque. Per *συνάρθρωσιν* quæ fit articulatio, motum habet obscurum; ut in carpi & metacarpi ossibus. Circa has articulationes dolor factus, *ἀρθρίτις* Græcis appellatur; Latinis, morbus seu dolor articularis; Barbaris, arthetica passio, & gutta, quod guttatim destillatio seu fluxus in hoc malo fiat. Alioquin articulus, quem Græci *ἄρθρον* vocant, omnem significare speciem articulationis constat apud Galenum libro de Ossibus; ubi omnia articulationum genera recenset. Non ideo tamen si quis circa futuram capitis aliquando doleat, vel circa dentes, ea parte, qua maxillis junguntur, dolor articularis dicendus est. Dicitur etiam morbus hic juncturarum, stricte sumpto morbi nomine pro dolore. Nam luxatio alioqui morbus etiam est articulorum vel juncturarum, sed in situ.

Est autem *ἀρθρίτις* vera, dolor partium articulorum, ex intervallis per defluxionem humoris accedens. Per articulorum autem partes, non tantum intelligo extremitates utriusque ossis, quæ mutuo conjunguntur; aut ligamentum, quod conjungit interius, & in articulo tum coxendicis tum humeri rotundum est & sensus expers: sed omnes eas partes, quæ exterius has ossium extremitates amplectuntur, ut sibi invicem conjungantur melius; nempe ligamenta externa, periostium, membranas, tendines musculorum, musculos ambientes nervos, ipsasque musculorum extremitates. Hæ enim cunctæ in dolore articulari maxime patiuntur. Dixi in definitione, ex intervallis per defluxionem humoris dolorem arthritidis accedere, excludens una cum Galeno eum dolorem articulare, qui fit à siccitate, cujus fecit mentionem Hipp. lib. I I I, Aphor. XVI. Hic enim improprie arthritidis appellatur. Dixi, defluxionem fieri per intervalla; quod in omni arthritide est necessarium, quæ jam confirmata est. Quod si vero quispiam podagra corripiatur, & intervallo nullo redeat dolor, tamen dicenda est arthritidis, nisi ex intervallo provideatur.

Differentiæ doloris articularis statuuntur variæ. A materia dolore causante, dicitur arthritidis biliosa, pituitosa, sanguinea, melancholica, mixta. A qualitate venenata huic materiæ implexa, dicitur arthritidis Gallica. Sed communis differentia

sumitur ex articulis variis, quos hic morbus solet affligere: sic quæ pedes exercet, podagra dicitur; quæ manus, chiragra; quæ articulum coxendicis, ischias; quæ genu, gonagra; cæteros articulos si quando dolor infestat, nomine caret, & communi arthritidis appellatione gaudet. Cæterum sub quo affectu præter naturam arthritidis teneri possit, non est multis verbis investigandum curiosius, cum dolorem esse dicamus, qui est de genere symptomatum: at si respiciamus affectum dolorem facientem, hoc est tumorem ex distensione partium articulorum per humorum defluxum factum, morbum esse dicemus, nempe tumorem oedematosum, vel ut plurimum, inflammationem improprie dictam.

Causa conjuncta ab Auctoribus recensetur varia: quidam aut nudam intemperiem, aut etiam ventositatem statuunt, ut Guainerius & Gradus: Græci, Latini & Arabes, humores. Atque ex his iterum Recentiores quidam unicum statuunt; ut Fernelius, frigidum & pituitosum, vel ferofum ac tenuem, qualis tempore frigido è cerebro per nares solet effluere. Cæteri una cum Græcis plures humores accusant; & vel quatuor simplices, bilem, pituitam, melancholiam, & sanguinem, quibus etiam posset addi ferofus humor; vel mixtos ex his. Siccitatem aliquando generare ischiadem, testis est Hippocrates. Cur igitur non potest eadem generare alias arthritidis species? Partes enim similes similibus morbis sunt obnoxia. Verum Alexander Trallianus cum ait, non solum ob materiæ influxum in articulos fluxiones fieri, sed etiam propter nudam qualitatem calidam vel frigidam, & ad hæc siccitatem vel humiditatem subinde fluxiones concitare, videtur existimare, articulorum seu partis affectæ intemperiem non esse causam proximam doloris arthritidis vel solutionis continui, sed tantum concausam, quæ faciat debiles articulos. In omni enim fluxione necesse est partis imbecillitatem adesse, & humoris abundantiam. Sed & partium imbecillitas non à sola dependere intemperie mihi videtur, sed ex amplitudine vasorum, venarum scilicet & arteriarum, & laxitate partium circa articulos. Quæ vitia vel ab ortu genita sunt in nobis, & tum fit arthritidis hæreditaria, accedente humorum copia; vel postea fiunt, à causis evidentibus laxantibus & emollientibus vincula & articulorum membranas, ut sunt confusiones, balnea, Venus, & vinum immoderatum, illudque in balneo vel statim post potum, quemadmodum in Germania fieri solet. Porro humor hic, qui est causa continens, non consistit in eo spatio seu ea cavitate, quam constituunt ossium duo extrema quando sibi invicem conjunguntur,

Sub quo affectu præter naturam.

Causa conjuncta.

Intemperies aut causa proxima arthritidis.

Imbecillitas articularum.

Hæreditaria arthritidis.

*Sedes humoris
in arthritide.*

*A capite ut
fiat fluxio in
articulos.*

*A jecore ut
fiat fluxio.*

*Ex suppressio-
ne alicujus
evacuationis
orta podagra.*

guntur, quemadmodum multi hactenus somnia-
runt; sed fere semper in membranis, tendinibus
ac vinculis externis, à perioestio originem suam ha-
bentibus, ossium extrema ac musculorum tendi-
nes nec tentibus. Idque cognoscitur manifeste sic
se habere ex nodosa podagra & chiragra, in qua
tophus seu humor jam in calculum concretus
aperta ruptave cute, plerunque eruitur è digito-
rum articulis, externo vinculo, ut scribit Ferneli-
us, integro atque illaeso. Præterea, si materia in
cavitatem internam articuli flueret, nullus vel ad-
modum obtusus excitaretur dolor, quod hoc
vinculum nec tens interius ossium duo extrema
ex osse oriatur, nullumque sensum habeat; & ideo,
quia cum ossis cartilagine connascitur, *χονδροσυν-
δεσμος* nomen apud Græcos accepit. Sed unde &
per quas vias humor hic dilabatur in has articulo-
rum partes, ex veterum & recentiorum scriptis
cognoscere perquam est difficile. Nonnulli enim
à capite fluxionem fieri putant; alii, ab hepate; nos
vero, ab utroque. Eorum qui à capite fluxionem
fieri asserunt, unus ab internis capitis partibus,
ipsoque cerebro per spinalem medullam, vel in-
fundibulum, vel ossa vertebrarum, vel per me-
diam spinalis medullæ substantiam & sic per ner-
vos in articulos derivari censet; alter vero, à ca-
pitis externis partibus & extra calvariam positis,
atque per summa corporis sub cute deorsum de-
currere in articulos; & hæc postrema opinio fuit
Fernelii, non infirmis fulta rationibus, sumptis ab
iis signis, quæ solent arthritidem præcedere. Præ-
cedunt enim capitis gravitas, somnolentia, dolor
externus, & qui contactu, præsertim inversis ca-
pillis exacuitur; tumor in capite oedematofus, in-
terdum ut cera mollis, cuti præsertim ad occipi-
tium subjectus, cutis densa nec calvæ propius ad-
hærens: aitque idcirco idem Fernelius, ejusmodi
suum humorem pituitosum, tenuem & serosum
sub cute capitis densa cumulari ac repere per ve-
nas jugulares externas à partibus infernis. Qui ve-
ro ab hepate fluere materiam dicunt per venas in
articulos, his rationibus nituntur. Quod crises
fiant in febribus continuis per articulum dolo-
res; quod in arthritide frequenter conspiciantur
inflammationes circa articulos, quod fieri non pos-
set, si à capite juxta Fernelium flueret humor in-
tra pericranium & cutem. Non enim potest se-
mel extra venas consistens, venas rursus intrare.
His addo alias, quod videmus per hæmorrhoidum
ac mensium purgationes restrictas, podagras &
articulares morbos tum viris tum mulieribus eve-
nire. Dicebat enim Hippocrates lib. vi, Aphor.
xxix, Mulier podagra non laborat, nisi eam men-
strua defecerint. Videmus ortas nonnullas poda-
gras à sanguine & bile, cessare vel præservari ve-
næsectione. Sed mea opinio est, tum à capite tum
à jecore fieri posse fluxionem. Et à capite qui-
dem, per venas & arterias; raro per locum sub cu-
te, ut putat Fernelius; nunquam vero per foramen
vel medullæ, quo spiritus continetur (paralysis
namque fieret in defluxione) vel nuchæ, supra
membranam extimam spinalis medullæ in nervos
transudare, & per eos in tendines musculorum de-
fluere. Nam humor intra calvæ & supra menin-
gen non fluctuat, expurgarique is si adesset, posset
per nares, ut omnis humor qui in cerebro conti-

netur, per nares & palatum pellitur à natura com-
modius. Fernelius cum docet sub cute capitis con-
gestum humorem tenuem deorsum ad articulos
currere per summa cutis, nullo argumento id mihi
videtur probasse, nisi fortassis per laxitatem nostræ
cutis, & dolorem quem ægri percipiunt ætate
profecti in frigidis regionibus & jam antea arthri-
tidem perpeffi (crassiore reddita materia ac tar-
diore ad motum) è cervice vel per humeros in cu-
bitos & manus, vel per dorsum in coxendices, ge-
nua pedesque sensum devolvi, sensu interdum tri-
goris oborto, quo corpus omne perhorrescit. Sed
quia in multis arthriticis hic dolor non semper
observatur, etiam si diu eo cum morbo conflictati
fuerint, & materia dilabens crassior facta sit, cre-
dendum est materiam non in omni arthritide, si
quando ea à capite defluit per humeros vel dor-
sum in subjectos articulos, repere per summa cuti
subjecta vel summa cutis ipsius, sed per venas &
arterias jugulares non solum externas, sed etiam
internas (per quas ab infernis partibus, jecore præ-
sertim, ferebatur humor in capitis externas in-
ternasque partes, nempe cerebrum) remeare in
venam cavam & arteriam magnam, vel ejus ma-
gnos ramos sub jugulo constitutos, atque sic in
articulos devolvi: quod nullus sanæ mentis nega-
bit, qui modo intellexerit per ampla hæc vasa in
vivo corpore repentinum ac facilem fieri fluxum
ac refluxum humoris; quique observavit, ante
universalem totius corporis vacationem, ab ex-
ternis remediis manui vel pedi applicatis mate-
riam refluxisse ad partes nobiles & febres conti-
nuas excitasse; multosque celebres insuper in arte
medica viros, qui podagram secundum commu-
nem medicorum opinionem periculo vacare te-
mere pronunciaverant, eventu mendaces fecisse.
Neque etiam est credendum, humorem hunc te-
nuem & frigidum Fernelii, initio levioris arthri-
tidis mole tam exigua in manus pedesve aut eo-
rum unum digitum tantum illabentem, vel usque
adeo esse frigidum, ut digeri à Natura non possit
citius, quam in pedes à capite per tam longum
spatium descendat; veleam esse per summa cor-
poris cutis laxitatem, quæ tam celeri motui &
concoctioni vel digestionis materiæ per poros re-
pugnanti conveniat. Qui enim hunc simplicem
ac frigidum semper esse contendunt ex sensu cum
descendit à capite frigoris oborto, quo totum
corpus perhorrescit, non videntur observasse, ma-
teriam calidam sæpe sensum frigoris inducere,
cum sensiles partes tangit. Si erysipelas instet in
pede vel alia parte, antequam per febrem calida
& biliosa materia expellatur ad partes, corpus
perhorrescit, vel frigore aut rigore premitur; fe-
bresque tertianæ, quæ à bile stimulante partes sen-
siles, originem habent, initio suæ accessionis cum
horrore, rigore, ac frigore invadunt. Porro ne-
gandum non est, non per venas modo materiam
ad caput repere in arthriticis; sed etiam ab aliis in-
fernis partibus in ventre contentis, ventriculo
nempe intestinisque, vaporibus suscitatis caput
repleri, pituitosamque materiam per palatum à ca-
pite dilabi in ventriculum, mox in venas meseraï-
cas rapi, ac in jecur & venam cavam protrudi una
cum aliis humoribus, ac sic quoque per aliam
viam, quam per arterias & venas labi à capite in
articulos.

*Contra Ferneli-
um.*

*Podagra peri-
culo non va-
cat.*

*Frigus ex ca-
lida materia
quomodo ori-
atur.*

articulos. Sed hæc via non est usque adeo conveniens tam celeri motui, qualis interdum in humore arthriticorum turgente solet animadverti. Cæterum eæ rationes, quibus Fernelius probat caput esse arthritidis semper originem, probant hoc tantum, quod in arthritide caput quoque offendatur, quod & in febribus lædi sæpe cernimus, ex capitis gravitate, somnolentia, dolore; non tamen propterea dicimus febrem à capite oriri: sed illud vel per consensum affectarum aliarum partium infernarum lædi; vel propter plethoram & pravorum humorum copiam. Hac enim oppressa natura tentat omnem viam, per quam exonerare se potest, eos per venas ad caput, renes, alvum, cutis spiracula pellendo. Quare concludimus raro aliam, quam quæ fit per venas & arterias à capite vel jecore fieri fluxionem in articulos, quod etiam sensu commode demonstratur. Videmus enim, antequam fit dolor in articulis, venas in membris, ad quæ futura est fluxio, nempe in manu vel pede, distendi amplioresque reddi; quo signo semper podagrici cognoscere solent instare dolores: ita ut Fernelius non recte senserit, à dolore quem jam in articulo excitavit humor qui influxit, trahi materiam inflammationis postea vel alterius tumoris, qui fere semper compareret, causam. Nam si hoc ita est, cur venæ ante dolorem tument ac turgent, si expectandus est dolor à materia extra venas existente? Nunc autem quærat quispiam, quid sit cur, si humor per venas fluat in articulos à capite & jecore, non statim in omnibus arthriticis in extremos articulos ruat, vel in eo spatio consistat ac hæreat, quod est inter articulum & articulum. Nam dum fluit, verbi gratia, in brachium, prius in humeri articulo consistit per aliquot dies, vel in cubiti articulo, non in spatio quod est inter unum & alterum articulum. Atque ubi per aliquot dies ibi hæserit, si non sponte vel à medicamentis digeratur, tum demum ad inferiores partes transit. Res hæc à nemine, quod equidem sciam, satis considerata, majori indiget inquisitione. Fernelius, in articulorum naturam, causam retulit. Ait enim, decursum fluxionis fieri in solis articulis, ibique materiam subsistere & hære propterea quod illi compacti sint densique: non item in mediis regionibus, quod amplæ sint & laxæ; intelligens amplitudinem & laxitatem meatuum cutis, quæ circa articulos minor est, quam in intervallo medio inter duos articulos. Ego vero existimo, quod cum per magnas vias fluat materia hinc & inde in minores ramos, tamquam per fluvios in rivis à natura pellatur, quorum extremitates in articulis terminantur: in his, cum propter arctos meatus & frigidam partis naturam nequeat domari atque evinci vel dissipatione per halitus & poros, vel alia coctione, in angustioribus quam per quos transit, cancellis coercita dolores in partibus sensu exquisito præditis pariens, quæret refluxum per eosdem ramos, per quos in articulos intravit, in majores venas, per quas deinceps ulterius in inferiores articulos per ramos minores nutritioni inferiorum articulorum inservientes protruditur.

Causæ antecedentes sunt duæ præcipuæ, copia humorum commemoratorum in venis tam capitibus, quam aliarum partium existentium, & artuum

imbecillitas; quibus addit Rhafes tertiam, robur scilicet partis expellentis excrementa, nempe jecoris atque capitis. Alterutra enim, vel ut plurimum ambæ hæ partes principes in omni arthritide præbent humores, tamquam fontes totius mali, quibus aliquando associata cernitur ventriculi imbecillitas, orta ex humidissima, aliquando etiam frigida intemperie. Caput humidissimum copiosa gignit excrementa, & si una frigidum sit, pituitosa, dulcia, aquosa: sin calidum, pituitosa, salsa, acria, præsertim si jecoris caliditas cooperetur. Iecur præterea plerumque impense calidum est, quod non modo copiosos vapores ex ventriculi concoctione in cibis cerebro suppeditat; sed & ipsum vel sanguinem copiosum, vel atrabiles ac falsos humores generat, ac in venas defert. Externæ autem causæ sunt omnes eæ, quæ plethoram & cacochymiam venis inferunt, partiumque principum intemperiem fovent, quæque imbecillitatem articulorum generant, ut sunt vita ociosa vel cum paucis laboribus & exercitiis; nimia ciborum nec cuique temperamento convenientium repletio; potus vinorum generosorum multus, præsertim in jejunio; Venus, balnea: his addentur concitatiores motus, ambulationes, equitationes, præsertim statim à cibo, insueta frigida potio, animi affectus omnes, prolapsus, contusio, luxatio, & si quæ sunt aliæ, quæ partem debilitant. Retenta excrementa, quæ vel per menses, ut mulieribus; vel per hæmorrhoidas, vel sanguinis profluvium è naribus expurgari consueverunt, nonnulli inter internas causas connumerant. Sed ex causis externis, vinum & Venus principem locum obtinent. Atque ideo Poëtæ Græci podagram Bacchi & Veneris filiam esse finxerunt. Hippocrates libro vi, Aph. xxviii & xxx ait, Eunuchos podagra non laborare, neque pueros ante usum Veneris. Nam Venere non modo corpus laxum redditur, & artus debiliores, sed omnia vasa fiunt ampliora. Et licet eunuchi podagra laborasse dicantur, id contingit ex intemperantia vitæ aliisque causis externis. Sic Seneca in epistolis invehitur in mulieres, quod propter luxum, Hippocratem mendacem fecerint. Sed omnibus illis, quas cognovi, mulieribus podagra laborantibus, etsi menses fluxerint, diminute tamen fluebant. Extat apud me quæstio non inelegans, cur podagrici generent podagricos. Communis medicorum schola respondet cum Hipp. & Gal. quod patrum semen sit vitiatum in partium imbecillitatem generando. Excernitur namque auctore Hipp. semen genitale ab omnibus corporis partibus, à sanis sanum, à morbofis morbosum. Horum tamen ratione, quamvis antiqua, non plane mens mea quiescit. Probatio enim, qua demonstratur semen esse prorsus vitiatum, neganda. Non enim semen defluit ab omnibus corporis partibus, à sanis sanum, à morbidis morbosum. Nam à testiculis, in quibus elaboratur, dimandatur in parastatas, & coitus tempore excernitur; à testiculis vero attrahitur materia seminis & spiritus à vasis magnis, arteria scilicet magna & vena cava, per quas sanguis & spiritus vitalis funduntur in omnes corporis partes; non vero mittitur à partibus & tantum ab istis vasis recipitur & asservatur donec per coitum excernatur. Quocirca quod podagrici

Caput & jecur fontes arthritidis.

Causæ externæ.

Podagra Bacchi & Veneris filia.

Cur podagrici generent podagricos.

Quomodo semen generetur.

generent podagricos fit, quod materia sanguinis in podagricis fit podagrica; quemadmodum & spiritus, qui in arteriis continetur, scilicet vitiatum à pravitate humorum in massa sanguinea existentium, ex qua spiritus vitalis elaboratur, & corporis omnes partes alimentum capiunt.

Signa diagnostica.

Signa vero diagnostica satis patent ex definitione. Nam adest dolor circa articulos, modo acris, modo mitior cum pondere & gravitate membri, modo pungens, modo magis obtusus, modo profundus, modo in superficie, aliquando absque tumore, sæpius cum tumore simplici vel mixto, prout est natura humoris, qui ad articulum confluit, vel simplex vel mixta. Hinc apparent tumores inflammatorii, œdematosi, erysipelatodes, duriores, molliores, flatulenti, & ex his compositi atque permixti. Qualis vero sit causa conjuncta, an humor, an simplex intemperies, manifestabunt quoque sua signa. Nam humorem esse indicabunt tumores in articulis, tum colores tumorum, atque dolorum species; juvantia item & lædencia. At qualisnam sit, simplexne an commixtus humor, qui in articulum influxit, non modo ex his, sed etiam ex causis internis, eorumque signis fiet manifestum, ad quas cognoscendas inspicere oportet causas externas, & inter hæc imprimis victus rationem quæ præcessit, anni tempus, aeris constitutionem, ætatem, habitum corporis, intemperiem partium principum.

Signa arthritidis sanguinea.

Si igitur sanguis arthritidem causet ob copiam, pars affecta tumorem habet ingentem circa cutem, & venæ tument, calor in parte tumida est moderatus, cum insigni rubore, pulsus percipitur profundus, dolor extensus, veluti in aliis inflammationibus parique pondere pars gravatur. Ea quæ forinsecus applicantur, sive valde calida sint seu frigida, lædunt (quamquam sint aliqui, qui à refrigerantibus juvari scribant) ægrique assiduo exacerbationem sentiunt; & quidam per circuitus irritatione vexantur. Urinæ eorum fulvæ sunt, substantia mediocres, cum hypostasi vel nubecula vel contento albo, ætas temperamentumque corporis & partium principum, vernum tempus, regio temperata apta generationi copiosi sanguinis, præcessit victus ratio, quæ boni fuit succi, maxime alentis & sanguinis copiam generantis. His nonnulli addunt alia signa, sudores nempe modicos in facie, in fronte vel capite; gravitatem, somnolentiam, quandam perturbationem in sensibus, intellectu & cogitatione, corporis lassitudinem sine labore præcedente, & si quæ sunt alia, quæ indicant plethoram sanguineam.

Signa biliosa arthritidis.

Quod si à bile fiat, nullus secundum Trallianum tumor in parte affecta est conspicuus, cutis color subruber spectatur, qualis in erysipelate, calor ac dolor acris, sine pondere vel gravitate membri: articulus dolens læditur à calidis, juvatur à frigidis applicatis, sive sint actu talia, sive in potentia, exacerbationes animadvertuntur de tertio die in tertium; febris in ipsa accessione succedit valida, cum siti & insigni rigore; urinæ conspiciuntur flavæ & subfulvæ, splendentes, substantiæ tenuioris, acrimoniæ participes. Victus ratio præcessit, quæ bilem generare abundanter potuit, ex acribus & attenuantibus cibis falsisque, animi affectiones, iræ, vigiliæ, mœrores, curæ, fatigationes, ætas juve-

nilis adest cum temperamento corporis calido & sicco; æstivum tempus, & calida regio.

Quod si à pituita oriatur, tumor apparebit circa articulum œdematosus, hoc est, colore subalbido aquæ inter cutem similis conspicietur, & cavus ad digitorum compressionem, ac laxus; dolor aliquando fortis, aliquando mitior, quotidiana exacerbatio notatur, quæ omnia paulatim irruunt & augentur, & per plures horas durant, brevemque intercapedinem habent, immo nec unquam integre remittunt, tardiorque fit fluxio, unde tumor paulatim augetur: calidis ægri juvantur, læduntur à frigidis: adest senilis ætas, temperamentum frigidum & humidum, & talis aer, tempus hyemale, percipitur aliquando frigoris sensus. Victus ratio præcessit refrigerans & humectans, balnea à cibo, vita ociosa ac deses, urinæ crassissimæ, aliquando perturbatæ in iis reperiuntur.

Quod si vero ab atra bile contingat arthritidis, tumores conspiciuntur duriores & nigro colore præditi, frigoris sensum quandoque habentes, & afficiuntur in profundo corpora, veluti atterantur & scalpantur; redit circuitus exacerbationum de quarto in quartum, mediocres magnitudine & impetu: adest ætas consistentis ætatis & inclinantis ad senectutem, temperies corporis calida & sicca, aeris constitutio, regio, tempus autumnale; edulia quæ copiam bilis atræ generare potuerunt, vel ipsam melancholiam; lassitudines immodicæ; urinæ tenues initio & aquosæ, postea vero atriores quam naturales requirunt, modice crassæ, cum contentis ad fuscum colorem vergentibus, aliquando vero mixtum, subcruentum & fuscum, ut Paulus & Aetius ajunt.

Sed raro à simplici humore fit arthritidis, plerumque à mixto oritur, & præcipue à bile & pituita, & tunc nonnullis ea vocatur pituita falsa, cujus indicia sunt mixta, scilicet tumor œdematosus cum calore & rubore, acrimonia in cutis superficie, urinæ variæ, modo aquosæ & tenues, modo crassæ & turbidæ. Similiter si causa arthritidis sit commixtio aliorum humorum, tunc quoque mixta apparent signa. Verum diligenter animadvertendum est, quod quandoque hæc signa nos possint decipere, quod etiam ab aliis notatum video. Nam in permixtis humoribus color membri, & caliditas nos decipiunt. Si enim bilis cum pituita permisceatur in articulo, tunc ad circumferentiam facile bilis fertur, & idcirco in cute rubedo cum flavedine & calore cernitur. Ex quibus non est existimandum, dolorem articulorum cum hisce signis erysipelatis vel inflammationis, fieri tantum à bile. Sic etiam contra contingit, ut si bilis interiorius dolorem efficiat, & pars affecta exterius cernatur vel aeris vel medicamento exterius frigidi applicati vi, alba vel livida, non propterea mera pituita erit arthritidis causa: uti, si cum sola pituita dolorem efficit, articulus vero à medicamento calido applicato, vel aeris caliditate, vel alia extrinseca causa rubet, atque calet exterius, non recte dicetur pituitam esse bile permixtam. Humor præterea, inquit Guainerius, existens in profundo membri, membri superficiem plerumque non mutat: & sic membri color tunc nullum tibi indicium daret. Contingit, inquit idem, ut humor frigidus ad juncturas defluat dolorem intensum faciens, cujus

Signa pituita arthritidis.

Arthritidis ab atra bile orta signa.

Arthritidis raro à simplici humore oritur.

Signa bilis & pituita mixta.

Deceptio in signis.

Error in topi-
cis applicandi-
dis.

cujus causa febris fiat, causabitur insomneitas, pul-
sus velox erit, & urina tincta, dolori succurrere
intendens, sanguinem, & spiritum in multa quali-
tate ad locum illum mandabit, qua ex causa locus
iste rubet tunc atque calet: quæ omnia calidæ
materiæ sunt signa, etsi frigida sit in causa. De
colore igitur membri, caliditate seu frigiditate,
nisi perseveret, confidendum non erit. Occurrunt
enim sæpe plurima, quæ tam caloris seu frigidita-
tis, quam caliditatis membri causæ esse possunt,
contra tamen materiæ peccantis naturam. Cum
igitur signa talia fallacia sæpe sint, ad alia dicta
recurrendum erit. Alius autem in applicandis lo-
calibus error sæpe contingit. Nam hora paroxys-
mi interdum applicari frigida consueverunt, quæ
aliquaqualiter stupefaciendo dolorem remittunt, ma-
teria tamen frigida existente, quam hujus de cau-
sa pro tunc forsitan calidam judicamus. Contingit
interdum, quod materia calida existat & pau-
ca, & ex applicatione calidorum materia ista pau-
ca resolvatur, & sedetur dolor, ex quo ad pauca
respicientes, materiam istam fuisse frigidam facile
judicemus: hinc ergo patet, quod in casu no-
stro ex juvantibus & lædentibus esset per se judi-
cium fallax. Ne igitur hos in errores tam hora pa-
roxysmi quam quietis incidas, particularia quæ su-
pra te docui, diligenter perscrutare, & super quem
humorem plura concurrunt, eum in causa fore ju-
dica. Hæc ille.

Arthritidis
gallica signa.

Arthritis vero gallica fit, cum partium excre-
menta sensim colliguntur, sine defluxione admo-
dum manifesta; & cognoscitur, quod fiat sine tu-
more, sed cum dolore totius periostii: dolet ca-
put, vel sternon, vel omoplatæ, etsi nullum adsit
ulcus manifestum vel intra vel extra cutem, quod
nonnullos decepisse scribunt autores. Patiuntur
hanc pituitosi, statim post bubones venereos non
suppuratos, sed percussos vel propter intempe-
stive adhibita remedia, vel usum vini statim à su-
doribus: multumque exsiccantibus juvantur. De
nocte & temporum mutationibus exacerbatur vel
excitatur, maxime flante austro, & modico lecti
calore. Signa vero arthritidis ex simplici intem-
perie ortæ, vel ex flatibus, sunt apud Guainerium
& Valescum de Taranta.

Arthritis à
siccitate.

Ita etiam Petrus Salius Diversus lib. de Affect.
part. cap. xviii, cum per nomen arthritidis intel-
ligat omnem articulorum impeditum motum &
dolorem, arthritidem à siccitate (quam nos pseu-
doarthritidem nominabimus) oriri putavit aucto-
ritate Hipp. lib. de internis affect. qui, ubi coxen-
dicum dolorem à bile generari affirmavit, pariter
eundem dolorem à siccitate articuli generari te-
staturus est: per siccitatem non intelligens intem-
periem siccam partium solidarum articulum ipsum
constituentium, videlicet ossium, ligamentorum
& tendinum, sed consumptionem ejus glutinosæ
humiditatis, qua naturaliter nutritur, & ad faci-
liorem motum subungitur articulus ipse. Talem
humorem continue natura articulis subministrat,
ne exsiccati ad motum inepti reddantur. Cum
autem (inquit Salius) contigerit humiditatem hanc
aliqua ex causa, quæcunque ea extiterit, exsicca-
ri, tunc articuli motus impeditur, difficultasque in
motu ac dolor una succedit. Hujusmodi affectum,
si in coxæ articulo fiat, vocat libro citato Hippo-

crates ischiadem coxendicumve dolorem, perin-
de ac vocet eos, qui à fluente generantur materia.
Quem eundem affectum ego non in solo coxæ,
sed in quocunque alio articulo gigni posse anim-
adverti, hincque fieri alteram arthritidis differen-
tiam notavi, si per arthritidem omnem articulo-
rum dolorem & impeditum motum intellexerim-
us. Consumpta enim ea humiditate, quæ ex na-
turæ præscripto articulos subungit & humectat,
coguntur ac in unum compinguntur articuli: un-
de ad motum inepti ac impotentes redditi, dolore
ex quocunque levissimo motu cruciantur. Tales
articulorum dolores in constitutionibus sicciori-
bus Hippocrates lib. iiii, Aph. xvi, fieri monebat.
Quoniam ut docebat Galenus, in ejusdem apho-
rismi commentatione, immodicæ aëris siccitates
articulorum humiditatem consumentes, eos ad
motum difficiles ac impotentes reddunt, dolorem-
que hinc nonnunquam invehunt. An autem tales
affectus vere sub nomine arthritidis comprehen-
dantur, visus est negasse ibidem Galenus; cum ta-
men rem indeterminatam reliquerit: qui cum de
nominibus parum sollicitus fuerit, ideo hanc par-
tem, quæ circa nomen arthritidis, & non circa
ejus essentiam versatur, neglexit. Si autem nos
per arthritidem morbum in articulis à materia
fluente factum intellexerimus, tales dolores ac ar-
ticulorum impedimenta sub nomine arthritidis
non erunt recensendi. Si vero omnem articulorum
impeditum motum ac dolorem pro arthritide ac-
cipiamus, hi proculdubio arthritidis nomine vo-
candi erunt. Quam sententiam Hippocrates lib.
cit. de affect. internis clare admisit, pariter coxen-
dicum dolorem hunc ac eum, qui à materia arti-
culos occupante causatur, appellans. Qui dolor
à sola humiditatis naturalis articulorum consum-
ptione, non à sicca partium solidarum, ut jam di-
ctum est, ipsum articulum constituentium intem-
perie dependet: quoniam quodocunque illa na-
turalis humiditas abundaverit præsensque sit, non
adeo insigniter exsiccare poterunt partes articuli
solidiores, ut hinc impeditus motus aut dolor suc-
cedere queat: deficiente tamen hac humiditate
ac supra modum exsiccata, nonnunquam etiam
communicatur hæc exsiccatio partibus ipsis soli-
dis: & hoc potissimum, cum à causa externa &
valida ortum ea habuerit: hincque admodum ex-
siccatis supra articulum tendonibus & partibus
nervosis, in hac affectione consueverunt aliquan-
do, ut notavit Hippocrates, succedere convulsio-
nes, quas quandoque sequuntur & febres, quæ
ratione doloris & cruciatus accenduntur. Hæc de
nomine & essentia hujus affectus habet Salius:
nunc causas recensens, inquit: Quæcunque humi-
ditatem articulorum naturalem resiccare & con-
sumere apta sunt, ea omnia talem coxendicum
dolorem, talemve arthritidem causare poterunt.
Vnde & diurnum ac vehemens exercitium sub so-
le factum, ut habet Hippocrates lib. de affect. in-
tern. & siccitates aëris immodicæ, ut habet li-
bro iiii, Aphor. xvi, possunt esse eorundem cau-
sæ: pariter & victus exsiccans hoc idem causare
poterit; quoniam hinc consumptis humiditatibus
internis, etiam illæ, quæ ad articulos naturaliter
defluere solent, multoties consumuntur: cujus ra-
tione, ut recitat Hippocrates vi Epid. sect. iv,
qui

qui in *Æno* leguminibus (quoniam talis victus est exsicicans) vescebantur, infirma habebant crura: & qui orobos (quoniam hi leguminibus sicciores sunt) comedebant, genuum dolores patiebantur. Quod idem & longæ & diuturnæ ægritudines, quæ corpus exsiccare aptæ sunt, agere poterunt; unde videmus aliquando convalescentes, qui ex huiusmodi morbis liberati fuere, male incedere, ad omnemque motum ineptos esse: qui si etiam coguntur deambulare, non levem articulorum præsentiant dolorem, qui deficiente ipsorum articulorum naturali humore succedere consuevit.

Harum omnium causarum signa ex se patent. Nam omnes hæ causæ sunt præcedentes, quæ vel ex ægrotantis relatione, vel ex sola Medici inspectione nullo negotio comprehendi possunt. An autem sicuti ab externis ita ab internis causis possit talis affectio procreari, si quis quæreret, dixerim hoc pro possibili admittendum esse, cum huius humiditatis pariter ac cuiuscumque alterius partis nil sit, quod exsiccationem impossibilem reddat: hoc tamen non ita experimento comprobatum est. Quare pro huius affectionis cognitione sufficiant ea, quæ de exterioribus causis exposuimus. De quibus hoc advertatur, quod ex omnibus molestior ea est affectio, quæ à vehementi & diuturna exercitatione sub sole facta occasionem habuit. In hac enim dolores sunt multo quam in cæteris sæviores, ac æstuosi una cum caloris sensu existunt, sæpiusque his superveniunt febres, aliquando & convulsiones. Quare quod ad prognosticum, hæc erit cæteris difficilior & periculosior: reliquæ autem non ita sævæ sunt, & minori cum discrimine affligunt ægrotantes, ac minori cum labore ab his iidem liberantur. Quæ omnes affectiones quomodo præsentem cognoscendæ sint, superfluum esset enarrare, cum ex sola articulorum resiccatione & compactione, omni tumore absente, ac ex sola inspectione prudenti medico patere possint.

Signa prognostica.

Signa prognostica arthritidis veræ sunt alia, quæ morbum præfagiunt, alia quæ curabilem vel incurabilem indicant. Præfagiunt artuum debilitas ex parentum semine contracta, si intemperantia vitæ adjuncta sit, & aliæ causæ internæ atque externæ. Mulieres podagra non laborant, nisi cum menstrua defecerunt, vel sint admodum diminuta, & ipsæ in victu intemperantes. Sic puer non laborat podagra, nisi ante usum Veneris: & eunuchus podagra non laborat, teste Hippocrate Aph. xxviii, xix, xxx, sect. vi, quod ita tamen intelligendum est, si factus sit eunuchus, cum adhuc puer esset. Nam si cuiquam secuntur testes, qui podagricus est, & intemperanter vivit, eum non credo posse à podagra liberari. Rustici in Italia raro hunc morbum sentiunt, neque servi; in Germania aliquando. Quibus podagrici dolores instant, iis vere & autumnus magna ex parte moventur: quoniam eo tempore redundantium humorum major copia & commotio. Sed nonnullis tanta est intemperantia vitæ, vel motionis humorum celeritas, & partium summa debilitas, ut non tantum semel aut bis in anno, sed ter quaterve aut pluries iis molestantur. Imo observati sunt aliqui menstruis fluxionibus toto vitæ tempore cruciari. Quibus vero jam instat podagra, iis ut plurimum hoc peculiariter præcedit, quod non sudent vel mingant, ut solebant. Dixit

Rustici raro podagra laborant.

Quæ podagra accessionem præcedunt.

Hippocrates Aph. xlix, sect. vi: Quibuscunque morbi podagrici fiunt, iis sedata in quadraginta diebus inflammatione finiunt, modo (addit Gal. in Commento) medicus in curatione nil deliquerit, & ægri sint obedientes. Sed sciendum est podagras pro natura humorum eas facientium citius vel tardius finiri. Nam ex bile vel sanguine ortæ citius, quam quæ ex pituita fiunt, terminantur. Imo ex bile si oriantur intra septem vel quatuordecim dies, si modicæ sint, solvuntur, ut idcirco Hippoc. aphorismus mihi videatur esse intelligendus de ultimo termino. Eum videlicet esse quadagesimum diem, nec ulterius protendi, ex quacunque etiam materia podagra oriatur: ita tamen ut non neget intra hos dies multos à podagra liberari. Ego tamen usu medendi cognovi, eos, quos podagra insignis semel aut bis in anno invadebat, ex pituita & bile orta, non facile ante quadagesimum diem fluxionibus liberari, etsi purgantia & venæ sectio ad inhibendam fluxionem essent adhibita. Vel enim de lecto (ubi dolor videbatur plurimum mitigatus) surgentes & obambulantes, aërique exponentes se, iterum in eadem parte affecta radicabantur, vel aliis novis fluxionibus & doloribus capiebantur. Quare nonnullis podagricis consulo, ne citius aëri se exponant, vel ad solitum cibum redeant, etiam si omnis dolor evanuerit, antequam attigerint quadagesimum diem, vel nullus frequentior pulsus amplius animadvertatur: aut febricula levissima, ex qua sum solitus fluxiones prædicere, præsertim si una cum urinâ spumæa corona supernatare videatur. Imo moneo ut omnes podagrici in principio per quadraginta dies, etiam si levis podagra sit, curationem instituant, ne radix mali in corpore relinquatur. Ajunt nonnulli practici, in biliosa arthritide si multum se repleat, interficit, habetque suas periodos, & non inducit spasmodum. Urina crassa alba copiosa eam quandoque judicat: febris superveniens cum crisi, vel hæmorrhoidum fluxus, vel varices. Interdum febres continuæ in arthritidem terminantur. Vnde Avicennas: senes huic malo apti, & longas ægritudines habentes, & convalescentes inaleque se gubernantes. Chiragram citius reliquis desinere, non semper verum est. An podagra curari possit certatur sententia vulgi contra medicos. Sed dico quod quibus intemperantia sanatur, iis quoque podagram facile sanari, modo ex qua materia seu causa oriatur, probe cognitum sit ab eo, qui tales curat ægros. Et ideo inquit Trallianus contra eos, qui hunc morbum statuunt incurabilem: Vbi differentiæ recte cognoscuntur, faciles sunt curatu omnes istæ affectiones. Notæ sunt plurium historiae, qui vel temerario vel fortuito ac levi medicamento liberati esse dicuntur. Narrant auctores, cælo duntaxat mutato in quibusdam desuisse podagram. Marcus Agrippa pedum gravi morbo conflictatus (loquor cum Plinio) cum dolorem eum perpeti nequiret, dummodo illo dolore careret, volebat potius usu pedum sensuque omni carere. Demersis itaque in acetum calidum cruribus, ab eo morbo evasit. Quidam neglecto vino, annuo aquæ potu usi, eo cruciatu toto vitæ spatio liberati sunt. Tutam enim valetudinem permittit saluberrimus aquæ haustus. Vini potus largior in Creta, annorum intervallo (nam vina gypso & calce concinant)

Qui morbi in arthritidem terminantur.

An podagra sanari possit.

Podagrici multi sanati.

nant) etiam validissimos homines advenas articu-
lari morbo corripuit: qui exinde manibus pedi-
busque distortis nodosisque, neque calces induere,
neque manibus quid tenere potuerunt. Sed aliud
exemplum subtexemus, ne podagrici desperatione
valetudinis remedia negligant. Sextus Pompe-
jus Prætorii viri pater, Hispaniæ citerioris Prin-
ceps, cum hordeis suis ventilandis præsideret, cor-
reptus dolore podagræ, misit in triticum sese su-
per genua; levatusque siccatis pedibus mirabilem
in modum, hoc postea remedio usus est. Vis tan-
ta est, ut cados plenos siccet. Hæc Plinius lib. xx,
cap. xxv. Cæterum cæ podagræ, quæ jam inci-
piunt omnes facile curantur, si modo purgentur
diligenter per quadraginta dies cum debita victus
ratione, ut omni cacochymia corpus liberetur.
Alioqui relictis in levi podagra cacochymia reli-
quiis, ubi ægri se sentiunt paululum à doloribus li-
beros, denuo ad intemperatam vitam redeunt, at-
que ideo nunquam liberantur: quia quo magis ac-
cumulantur humores pravi, eo sæpius eos natura
cogitur expellere ad articulos; quo fit, ut primum
quidem singulis duobus aut tribus annis, deinde
annuatim, mox bis in anno, tandemque sæpius ar-
ticularibus morbis crucientur. Ea vero arthritidis,
quæ multos annos invasit ægros, difficulter cura-
tur; multoque magis, si ex mixtis humoribus fiat.
Imo in senibus mitior quidem reddi potest; curari
vero nunquam, si per multos annos antea oppres-
serit. Ovidius illo versu,

Solvere nodosam nescit medicina podagram,

Tum sibi tum aliis etiam hodie persuadet curabi-
lem non esse arthritidem, quæ nodis circa arti-
culos facta insignis est. Quod tamen falsum est:
Vidi enim nodosam podagram in ætate juvenili, &
consistente curatam. Trallianus notat electua-
rium, quo podagricorum nodi intra annum sunt
soluti. In senibus verum tamen est ob plures ra-
tiones nodosa in podagram non admittere perfe-
ctam curationem. Concludam igitur cum Hipp.
qui in secundo Prorrhæti. hæc ait: Qui aut senes
sunt, aut (legerem, &) circa articulos callos ha-
bent, aut ærumnose vivunt alvo adstricta, hi om-
nes sanari non possunt humana arte, quantum ego
novi. Sanant quidem hos optime dysenteria, si
sucefferint; sed & aliæ eliquationes valde pro-
sunt, quæ ad internos locos repunt. Qui vero ju-
venis est, necdum super articulos ex callo tubercu-
la habet, & accurate vivit, & laboris amans est,
& alvum bonam habet, ad obediendum medica-
menti, hic sane medicum prudentem nactus, sa-
nus fieri poterit.

Duplex in arthritide proponitur curatio, una
præservativa, altera curativa sic dicta. In illa sco-
pi sunt cacochymiam & plethoram auferre, &
prohibere ne amplius hæc generentur, partium
principum intemperiem corrigendo: præterea
articulos laxos ac debiles corroborare, & partes
per quas fluit humor, angustas reddere & astrin-
gere: in hac vero, præter dictos scopos, fluentes
etiam humores revellere, derivare, interciperi
oportet, jamque fluxos in articulos evacuare; do-
loresque item, si admodum urgeant, mitigare. In
summa, eadem sunt in arthritidis curatione inten-
tiones, quæ in quatuor tumoribus præter naturam.
Inter præsidia, quæ sunt chirurgica, venæ sectio

principem obtinet locum, non solum ratione ple-
thoræ, quæ semper non adest, sed ratione doloris.
Neque est quod Paulum sequamur, qui ait, jam
sæpius ejusmodi arthriticis fluxionibus conflicta-
tos, plus noxæ quam auxilii ex sanguinis detrac-
tione sensisse, præsertim si sint corpore frigido
& debiles. Nam omni arthritidi in primis acces-
sionibus semper venæ sectio confert: in aliis vero
pituitosis, præsertim jam aliquoties fluxione ten-
tatis, non item. Verum locus, in quo administra-
ri debet, variat prout varia est species arthritidis,
vel locus affectus diversus. Si enim universalis est
per omnes corporis articulos, brachii vena media
secanda: si vero pedes laborant, similiter in bra-
chio mittere sanguinem convenit ejus lateris, cu-
jus pes afficitur. Hoc enim melius est, quam ve-
nam poplitis oppositi lateris, secundum aliquos
Galenī autoritate ductos, aperire. Illa namque
humores fluentes intercipiuntur & revelluntur;
hac tantum derivantur, quemadmodum alibi ple-
nius demonstrabimus contra vulgare medicorum
receptam opinionem. Non enim habent ean-
dem vasorum rectitudinem, ut putant illi, cum lo-
co affecto pes sinister atque dexter. Frictiones
quoque hic conveniunt in parte ejusdem lateris,
opposita nempe superiori, ut avertant & à pedibus
revellant fluxionem; sintque lenes, si quando par-
vis evacuationibus opus habeamus. Quin & cu-
cubitulæ hic erunt admodum necessariae, si ca-
put huic malo consentiat. Eæ scapulis affigantur
cum scarificatione, si corpus sanguine abundet;
vel parti oppositæ, si revellenda sit fluxio. Si vero
in coxendice dolor est, vena ejusdem pedis saphe-
na aperienda: si in humero, ejusdem brachii ma-
nus vena, vel cubiti. Si dextra manus laborat, ex
sinistra vena trahatur. Si in genu sit morbus, pe-
dis ejusdem vena aperiiri potest, postquam in cu-
bito secta sit vena ejusdem lateris, & omni ple-
thoræ suspicio abfuerit. Nam in ischiade dextri
lateris, vena poplitis secanda est secundum Gale-
num, cur non potest in gonagra pedis vena ape-
riri, fluxa jam materia? at si fluere incipiat, prius
in cubito expediet venam tundere, deinde vero
in pede, ut revellamus & intercipiamus priori ve-
næ sectione, derivemus & evacuemus per poste-
riorem.

Cauteria seu fonticuli à multis in hoc affectu
commendantur: & si caput una laboret, brachio
sinistro infigantur; cruris vero internæ parti, vel
supra genu vel infra, si jecoris adsit caliditas. In
utroque loco commode ponitur, si à pituita & bile
oriatur, ut plerumque solet, & jam sæpius homi-
nem iuaserit: In dolore coxendicis, vel ischiade,
cruris ejusdem lateris externæ parti infra genu
inuritur. Multi supra articulum fonticulo facto,
ac aliquandiu detento aperto, sanitatem pristinam
sunt adepti. Admoto etiam iis caustico parti in-
ternæ poplitis, qui gonagra molestabantur, ab acri
fluxione liberati sunt, evacuata per ulcus ea mate-
ria. Quo fit, ut non incommode vesicatoria his
partibus adhibeantur. Trallianus ad podagram
idem commendat: ubi initio, inquit, videris pedes
inflammari, allium levigatum quotidie ipsis indu-
cito, non solvens donec fuerint exulcerati: dein-
de urinæ pueri impubis, quam calculis marinis
candentibus accenderis, omnia injicito, & utitor;
postea

postea si absinthio pedes obducas, adeo efficax est, ut non amplius podagra infestet.

Lenientia.

Purgationes erunt instituendæ pro peccantis humoris varietate. Si enim arthritidis biliosa sit, bilem purgantia erunt danda, prægresso leniente vel ex flore cassiæ aut pulpæ tamarindorum; vel ex syrupo rosarum laxativo cum foliis senæ, vel solutivo cum rosis pallidis infusis, permixta manna. In purgatione humorum biliosorum advertunt practici, permiscenda esse medicamentis bilem purgantibus ea, quæ & pituitam educunt. Quod tamen non video esse necessarium, cum omnia fere, quæ purgant bilem, debiliter quoque purgent pituitam. Ita præparatis prius humoribus per tres dies hoc julepo; Rec. syr. de violis unc. j. aquæ cichorei, endiviæ, sonchi, vel lactucæ ana unc. iij.

Præparantia.

Misce pro tribus dosibus. Potest cum prædictarum herbarum decocto etiam præberi decoctum tamarindorum & sebesten. Vel detur per tres dies, singulo mane jusculum alteratum cichorio, endivia, lactuca, solatro, portulaca, soncho, dente leonis, cucurbita, prunorum, sebesten. Paschasius notat, in dolore magno absque syrupis & coctione evacuandam esse bilem, quamvis non sit turgida proprie. Nam quemadmodum, inquit, in vehementissimo dolore narcotica sunt necessaria, quæ dolorem curant causam non auferendo: ita coacte vacuandus est humor dolorem pariens vehementem sine concoctione, quia est majus auxilium nocumento. Alioquin Aëtio visum est, non esse prius evacuandum, quam acrimonia humoris humectata sit & contemperata. Purgentur deinde electuario è succo rosarum cum lenitivo vel diacatholicon; vel si potio esse debet; Rec. Rhabarb. electi drachm. ij, spicæ scrup. v, fiat infusio in aquæ cichorei vel endiviæ unc. iij, colat. adde syr. ros. sol. unc. ij, elect. diacathol. succo ros. ana drachm. jfs. M. F. potio. Vel fiant pilulæ ex elect. è succo ros. drachm. ij, rhabarb. electi.

Purgantia.

In forma solidiorum an conveniant biliosa arthritidi.

drachm. jfs. cum syr. ros. sol. q. s. Sed hic oritur quæstio, an in solidiori forma convenient medicamenta in arthritide biliosa? item, an arthritidis requirat medicamenta purgantia è longinquis partibus? Quod pilulæ in purganda arthritide magis convenient, videntur probare illi, qui existimant in arthritide omni, quando damus medicamenta purgantia, ea præscribenda esse, quæ ex longinquis partibus trahunt, cujusmodi sunt, scammonium, turpethum, hermodactylus. Nam quæ in solidiori forma dantur medicamenta, ex longinquis partibus generosius trahunt, quam quæ liquida sunt. Hinc præscribunt pilulas aureas, quæ multum scammonii recipiunt, vel pil. ex hermodactyl. minor. drach. j, vel scrup. iij; vel elect. è succo rosarum, ut nos fecimus. Contra vero formam pilularum hic minus convenire ajunt respectu materiæ peccantis, nempe bilis, quæ liquidius purgatur quam solidis; deducta enim aliqua bilis sincerioris quantitate ad ventrem magis torquet ægros sua acrimonia & siccitate, unde requirit purgantia, quæ etiam humida sint & actu & potestate, quantum fieri potest. Huic difficultati respondeo, quod oportet distinguere arthritidem, si conjunctum habeat symptoma doloris acerbissimi; tunc oportet post leniens & leviter purgans primas regiones, dare aliud medicamentum, quod

ex articulis vel longinquis partibus educat. Vbi vero non est magnus dolor, qui etiam externis leniter placandus est, prius validioribus erit opus, sive in potione, sive in pilulis. Sed si in forma solida capiendæ sint medicamenta, post unam vel alteram horam aliquid juris alterati cichoreo, endivia, lactuca, cucurbita superbibi potest. Extat in biliosæ arthritidis magnis doloribus nobile purgans, quod dicitur Hermodactylata, cujus variæ sunt descriptiones, sed hæc egregia, qua Fallopius testatur dolores gallicos optime leniri. Datur à nonnullis in omni genere arthritidis, statim initio ad sistendam fluxionem à drachm. j, ad drachm. jfs. summo mane è jure carnis pingui; & hæc est ejus descriptio: Rec. Hermodactyl. turpethi ana drachm. iij, dacrydii drachm. jfs. zingiberis drachm. j, mastichis drachm. fs. sacchari drachm. vj, M. fiat pulvis. Ejusdem farinæ est caryocostinum Bayri, sic dictum, quod caryophyllos & costum recipiat: Rec. Hermodactylorum alborum, à corticibus diligenter purgatorum, dacrydii ana drach. ij, costi, cumini, zingiberis, caryophyllorum, ana drach. j, contusa cribrentur, & cum syrupo facto ex melle & vino simul coctis, fiat Opiata. Datur à drach. ij, ad unc. fs. aut drachm. vj, cum nebulis, aut vino albo non potenti & austero, summo mane. Admiserunt auctores hermodactylis cuminum, mastichem, zingiber, aliaque similia, quoniam teste Tralliano lib. xi, § de Antid. quæ somno dolorem levant, efficiunt, ne ii, qui hermodactylis utuntur, crebrius fluxione, ut alioqui contingit, irritentur. Alii etiam euphorbium admiscuerunt, arbitrati hermodactylos refrigeratorium quippiam habere & narcoticum; alii id negant ob insignem eorum virtutem purgandi: sed falsum esse arbitratur Trallianus. Omnibus enim, inquit, qui biberunt evenit, ut eo die stomachus cibis qui offeruntur, non oblectetur. Idonea igitur sunt, quæ cumino, zingibere & pipere participant, & malitix ipsius, qua stomachum offendit, resistunt; sed nullum adeo, ut aloë ipsi adjecta opitulari potest. Observandum est præterea quod ego facio semper, ut cum præservari debent ab arthritide ægroti, in purgationibus non utamur iis, in quibus ingreditur hermodactylus. Non enim opus est educere humores ex iis partibus, in quas adhuc nil decidit (nisi antiqua & nodosa sit arthritidis, quæ per frequentes accessiones suos habet dolorum recursus) & ideo sumus contenti iis, quæ venas & caput, si consentit, purgant post leves primarum viarum purgationes. Aliqui hic tempore accessionis abstinere volunt à præscriptis validioribus medicamentis, & non nisi levioribus esse faciendam purgationem, vel validioribus in minori quantitate, & recte. Nam fortes purgationes humorum copiam insignem à partibus ignobilioribus & externis trahunt ad partes nobiliores & internas. Vnde contigit aliquando nonnullos ab insigni purgante in febrem ardentem malignam incidisse atque funestam, mirantibus amicis in morbo periculum, in quo nullum alias solet esse. Idcirco in arthritide biliosa caute est purgandum, & (ut nonnulli recte monent) tempore accessionis instantis oportet necessario lenissimo medicamento ad constringendum dato, ut triphera persica, quæ lenissime evacuat citra agitationem humorum, uti, ne magis irritetur

Hermodactylata descriptio.

Caryocostini descriptio.

Purgatio in accessione periculosa.

irritetur defluxio. Atque eo etiam assevero me plurimos blandis medicamentis sæpe repetitis & temperatis, vel non multum calefacientibus curasse feliciter, quos jam defluxio in pedes & alias partes detinuerat, ut cum proba victus ratione uterentur, non amplius malum redierit. Nec mirum: non enim eum humorem, qui jam in articulos defluerat, per purgantia tollere curavi. Etenim natura sua sponte, levioribus medicamentis paulatim ab onere & multitudine pravorum humorum, qui sunt in venis & prima corporis regione allevata, insurgit ad expulsionem reliquorum sua vi expultrice, quam paulatim per omnem corporis viam extrudere molitur; per sudores scilicet & halitus factos per cutis poros, per quos etiam discutitur materia in articulos fluxa; per urinas, unde videmus eos, qui à suo paroxysmo incipiunt convalescere, copiosius mingere quam consueverant, ubi vero morbus incipit, minus quam potius requirit; per intestina in quæ maxima humorum pars per venas iterum depellitur, quæ si multa sit & confertim fluat, alvi sequitur fluxus: si vero modice confluit, non sequitur, sed à medicamento facile depellitur; & ideo non sunt semper vel singulis diebus præbendæ purgationes, etiam si sit corpus cacochymum, ut in omni arthritide fere esse solet; sed singulis fere quatuor diebus vel pluribus, ut denuo biliosa ac etiam pituitosa materia, ex aliis corporis partibus ad ventrem confluent per venas, prius iterum colligatur in prima regione corporis. Quod autem natura vini quandam singularem semper habeat expellendi pituitam & biliosa excrementa per alvum ex omnibus corporis partibus, probatur exemplo infantium recens natorum, qui cum nondum quidquam comederint, copiosissima excrementa pituitosa, biliosa atque adusta, in ventre dum adhuc essent in utero matris collecta, ab omnibus corporis partibus per duos vel plures dies expellunt. Quod si autem arthritidis fuerit sanguinea, eadem illi purgatio decernenda, quæ biliosæ. Sanguis enim inflammatur & in bilem vertitur, serumque redditur acrius, si in corpore præter naturam copiosius contineatur. Itaque bilem & serum purgantia erunt danda. Pro pituitosæ vero arthritidis purgatione, vomitus, si ægri constitutio ad eum apta sit, in primis decernendus est, per longa intervalla, modo à cibo, modo à stomacho vacuo; sint autem vomitoria blanda & tutiora, ut oxymel, prius sine, deinde cum raphano, post cœnam allium sumptum, & parvo intervallo aquam calidam post sumptam vomitum facere, auctor est Octavius Horatianus. Nam in ventriculum à valido medicamento pituitosus humor attractus, periculum inducere potest. Si valentius quæramus proderit oxymel cum jure carnis pinguis vituli vel pulli non saliti, addito oleo amygdalarum dulcium vel decocto hordei cum butyro recenti. Forestus laudat magis vomitum in ischiatica, quam in chiragra, propter diversionem magis convenientem. Aëtius etiam in biliosa arthritide vomitum præscripsit, ex aqua tepida cum aceti exiguo, vel syr. acetoso permixto. Dabuntur pilulæ ex hiera cum agarico, vel aloephagina, & de agarico, vel assajeret, cum infusione agarici in oxymelite, aut melle rosaceo solutivo & decocto betonice & polypodii. Nam agari-

cum, teste Plinio, facit ad articulorum dolores, si cum aceto mulso pari pondere sumatur. Alibi namque etiam scribit, oxymel sumptum simpliciter credi articulorum morbo conflictatis prodesse. Extenuentur & detergantur per quatuor vel quinque dies humores melle rosaceo colato, vel oxymelite, syrupo è betonica, è stachade (ante perfectam purgationem à diureticis semper abstinendo, quod notent quidam, calculo renum & vesicæ affectos ex usu longo diureticorum ex arthriticis ægros evadere) cum decocto betonice, florum rorismarini, salvia, ivæ, stachados, ligni guajaci & aliis eorundem, aromatizatis cum pulveris diarrhodon abbatis drachm. ss. pro singula dosi. Postea eadem purgantia repetantur; vel capiat pil. imperialium scrup. iij. vel elect. diacnicu drach. iij, vel pilularum foetidarum & arthriticarum vel sine quibus drach. j. Si fuerit melancholica arthritidis, confert pro leniente dare elect. lenitivum & diacathol. cum trochisc. de violis sine scammonio. Si atra bilis fuerit, decocto epithymi, fol. fenæ, polypod. florum cordialium, fumariæ, lupulorum, cum syrupo rosaceo solutivo. Præparatio fiat cum syr. è fumaria, scolopendria, è succo buglossæ, vel violarum cum decocto fumariæ, boraginis, ceterach, lupulorum, polypodii, melissæ. Purgatio fiat cum elect. diacatholon, & confectioe Hamech, vel diaphanicon. Vel fiat potio, quæ Rec. Herb. fumariæ ceterach, capilli veneris, melissæ, florum cordialium ana manip. ss. glycyrrhizæ, polypodii, uvarum passul. ana unc. v, coquantur in aquæ suff. quant. ad unc. v, addendo in fine epithymi unc. ss. vel drach. iij, decocto per cribrum colato addantur cassiæ fistulæ, vel mannæ calabrinæ unc. v, confect. Hamech, diaphenicon ana drach. i. ss. syrapi violacei sol. unc. j, M. pro potu, capiat in aurora. Deinde alternis diebus, quia hic humor est rebellis, detur decoctum epithymi ad drach. ij, in sero caprino cum drach. ij cort. myrobalanorum indorum infusorum in sero caprino per duodecim horas. Vel singulis diebus, per septem dies, capiat decoctum hellebori nigri præparati ad drach. j, in sero caprini cum floribus violarum & buglossæ alterati, libra una. Ultimo dentur pilulæ Indæ, & arthriticæ, ana scrup. ij. Sed raro contingit ab atra bile arthritidis, plerumque ex mixtis humoribus originem trahit, & propterea mixtæ debent esse in purgantibus perscribendis intentiones, hoc est, danda erunt medicamenta purgantia, quæ & bilem flavam, & atram, & pituitam purgent simul.

Purgato corpore, partium principum intemperies corrigatur ea ratione, qua in eorum morbis à practicis est traditum. Nonnulli statim veniunt ad ea, quæ nervos & articulos roborant, internis remediis; externis vero pugnant cum parte affecta, ejus dolorem mitigando, & debilitatem corroborando: sic statim, facta purgatione, accedunt ad usum resinæ therebinthinæ, quæ nervos mundat, alvum solvit, jecur, lienem, renes, pulmones, & intestina abstergit: dant mane singulis septimanis facta concoctione drachm. ss. cum aqua ivæ lotam, hybernis temporibus præcipue. Fernelius, si humorum, inquit, reliquiæ sumendis digerendæ, dissipandæque videbuntur, in id apta erunt simplicia, quæ ad cerebri affectus supra attulimus;

Lenientia in melancholica arthritide.

Præparantia.

Purgantia.

Corroborantia.

purgatio in sanguinea.

vomitiva in pituitosa.

quandoquidem nervorum eadem atque cerebri est ratio. Proprie vero, & particulariter ad artuum dolores hæc commendantur; helenii radix, & iridis, chamæpytis, verbascula duo, calamenthæ, acori radix, centaurium minus, hermodactylus in apozemata aliasve compositiones aptandus. Herba chamædryas, inquit Innominatus, in pulverem tenuissimum redacta cum aqua calida paregoricum est. Dosis sit drach. ss. vel j. Dioscorides chamædryos decoctum, betonicam herbam in vino amomi aut androsaces, aut mel decoctum cum aqua, succum è centaurio minore, arthriticis assumpta subvenire dicit. Iuvare item & esum viperæ, de quo & infra dicemus. Extant apud Alexandrum Trallianum, & Plinium Valerianum antidota, quibus in totum quempiam liberari promittunt: ea mane quinque vel sex horis ante cibum debent assumi per annum, cum optimo vitæ regimine. Sed in causa calida nil magis puto convenire, experientia edoctus, quam pulverem foliorum cichorii sylvestris, mense Majo collectarum & in umbra exiccatarum: ejus datur drach. j, vel scrup. ij, cum jure carnis pulli non saliti, mane quatuor horis ante prandium, & vespere cum vadit dormitum, vel absque coena, vel cum coena parca: hoc vidi in biliosa podagra incipientes jam fluxiones ita cessasse, ut mitior paroxysmus redierit, & breviori tempore durarit, duobus vel tribus diebus continuis assumpto. Verum in causa frigida, vel mixta ex frigidis & calidis humoribus, conducent summopere antidota prædictorum auctorum, diacoralium Tralliani, Theriaca Andromachi, & Mitridatium, tum etiam antidotus alexipharmaca contra luem gallicam Fernelii; de quibus drach. j, per autumnum & hyemem sumere satis est, superbibendo mane unc. iiij, vel v, aquæ communis tepidæ. Antidotus podagrica nostra, Rec. Trochisc. de vipera, fol. centaurii minoris, chamæpytis, betonicæ in umbra cum charta siccatarum, ana unc. j, chamædryos unc. ij, rad. gentianæ, aristolochiæ rotundæ, pæoniæ, bardanæ, ana unc. j, baccarum lauri, myrrhæ, rhabbari electi, spicæ nardi, ana unc. ss. caryophyllorum drach. ij. In pulverem cuncta redacta ferventur in vitreo bene clauso, vel cum melle despumato fiat electuarium ad formam opiata: dosis in pulvere scrup. j, opiata drachma una, superbibendo aquam tepidam. Hastulæ regiæ radicem drach. j, pondere potam dolores podagræ sanare Plinius auctor est. Quidam ossium humanorum cinerem, vel alterius animalis quadrupedis à drach. j, ad drachm. ij, dant secundum Rhafem ex aqua communi. Guainerius insuper jubet chiragricum sumere ossa manus; podagricum, pedum, ex syrupo convenienti. Valet & pulvis stomachi vulturis, vel pulmonis vulpis, sæpe bibitus ex syrupo de iva, vel cichorea. Verum mihi inprimis placet statim à purgatione non tantum pro curatione paroxysmorum, sed etiam pro præservatione impostherum decoctum falsæ, chinæ, atque ligni guajaci, alteratum cum iis, quæ & roborant partes internas, & humorum peccantium reliquias (quæ recidivas facere consueverunt) tollant digerendo per sudores, ac per victum exsiccando intemperiem quoque partium corrigant. Idcirco si bilis abundans arthritidis causa est, decoctum chinæ opitulabi-

Cichorii sylvestris folia.

Antidotus podagrica nostra.

China decoctum.

tur, alteratum cum cichorea, endivia, plantagine, foncho, quibus nil eorum indendum est, quod vel nervos vel articulos roborare dicatur: quod ea suo calore impediunt jecoris refrigerationem, quæ in hoc casu procuranda est, ad prohibendum materiæ biliosæ regenerationem. Imo multi curati sunt solo cichorio vel dente leonis, vel foncho; datis eorum per quadraginta dies succis ex jure pulli non salito, vel concisis herbis, & ad spissitudinem pultis coctis, ac comestis pro jentaculo summo mane: quibus mire jecur ab obstructionibus & intemperie liberatum vidimus. Externis præfidiis dum sumitur simile aliquod decoctum in præservationis cura, erunt articuli iis corroborandi, quæ mox recensentur. Capere decoctum poterit per triginta dies cum victu neque admodum exsiccante, neque multum humectante, neque valde tenui. Comedat carnes vitulinas, vel gallinarum & caponum assas, panem bene coctum.

Vitæ ratio.

Quod si autem doloris necessitas, vel initio paroxysmi dum purgatur corpus, vel post purgationem dum capitur decoctum chinæ sudorificum, topicis eum mitigari postulet, fomentum cum pannis lineis sæpe sæpius renovatis imbutisque ac madidis lacte vaccino recens multo maxime proderit. Fuerunt etiam podagrici, qui capram in cubiculum adductam supra dolentem partem emulgeri jusserunt cum magno levamine. Possunt & alia lacti permisceri in eundem usum; ut farina hordei, panis medulla, oleum violaceum, rosaceum, lumbricorum, unguentum populeum, ut fiat cataplasma: quod fiet validius, si lactucæ, sempervivi, portulacæ, cichorii, solatri folia, vel sola coquantur, vel lacti permisceantur, una cum mucilagibus sem. psyllii, althææ, cydoneorum, extractis cum aqua rosarum, vel solatri, vel plantaginis: quæ mucilagine quoque per se solæ conveniunt illitæ. Sed cum admodum refrigerantibus caute progrediendum; itidemque notandum, ut quando lac cataplasmatibus inditur ad sedandum dolorem, parum vel nihil (si fieri potest) coquatur, ne pars serosa, quæ vim habere dicitur anodynâ, evanescat, vel lac fiat coctione acrius, & caseosa atque emplastica, quæ relinquitur, sua adstrictione magis noceat. Forestus, solo lactis cremore oblinendo partes affectas, dolorem intensissimum mirum in modum sedavit. Idemque refert Simonem quendam Leidanum, lenticulam palustrem & flores chamomeli decoxisse in lacte, addendo parum farinæ hordei in fine in modum cataplasmatibus, & apposuisse ad sedandum dolorem cum maximo miraculo, in progressu vero plus farinæ hordei addidisse. Vtor quoque interdum Fernelii fomento ad podagræ chiragræque dolores, præscripto ex aquis stillatitiis rosarum, plantaginis, solatri cum aceti quadrante, quod reprimat fluxiones, & collectam materiam quodammodo discutit. Plinius, radicem cucumeris podagricis decoquit in aceto pro præsentaneo remedio: item ramenta corticis cucurbitæ recentis ad podagram refrigerandam. Opitulatur etiam frequenti experimento ovi luteum cum oleo violaceo subactum, vel aquis stillaticiis prædictarum herbarum, aut earundem succis: præterea pulpa cassiæ fistulæ cum succo solatri vel aqua, juxta Avicen-

Topica.

Avicennam, æstate frigide cum pannis lineis, hyeme tepide applicetur. Dicitur & aqua ranarum stillatitia, & oleum mirabiliter hic prodesse, tum experientia quorundam, tum Plinii auctoritate; qui lib. xxxi scribit oleum articularibus morbis utilissimum esse, in quo decocta est rana & ipsius intestina. Plinius Valerianus muscum, qui in aqua nascitur, tritum & impositum commendat, & limum aquaticum cum oleo subactum. Apud Moravos Olmutienses nobile nuper hoc experimentum didici pro sedandis illico doloribus podagricorum. Rec. herbam barbicapram, quæ alias dicitur ulmaria apud vulgum & Brunsfelsio Primon; ea cum suis radicibus floribusque destilletur, & in aqua hac panni linei madefacti imponatur podagricis, vel cum penna illinatur articulo dolenti, juvabit plurimum, nec citra rationem. Cum enim adstringere dicatur & refrigerare; articulo- rum calidis fluxionibus reprimendis & sistendis plurimum conducere potest. Sutor quidam Viennæ natura biliosus, podagra circa magnum pedis pollicem atrociter corripitur, multis remediis frustra tentatis, tandem omni dolore liberatur cataplasmate sæpius de die renovato ex stercore vac- cino recenti in sartagine cum butyro frixo, quo postea & alios ab immanibus doloribus sanavit. Dioscorides in Euporist. sive parabilibus, stercus bubulum calens imponit podagræ; & stercus caprinum tritum cum axungia & veteri caprillo adipe. Expertus fui fel piscis cyprini inunctum pro- fuisse podagricis. Sed communiter in omni fere arthritide à quacunque causa oriatur, soleo felici- ter uti (si quando potest applicari) cataplasmate ex vino & panis medulla facto. Si sit causa calida vinum rubrum capio, cui addo oleum rosaceum: si frigida vel mixta, vinum album cum pulvere flo- rum chamæmeli, furfuribus bene tritis & oleo ro- faceo. Hoc autem cataplasma ex pane & vino non modo omnem fluxionem repellit, sed & in- fluxum humorem non mediocriter digerit: imo instante paroxysmo, si manibus vel pedibus appli- cetur, prohibet chiragricam vel podagricam flu- xionem, quamdiu adhibetur parti debilitatæ, ut in multis experti sumus, tum præcipue in Princi- pe de Liechtenstain anno 1613. Barbari quidam, emplastrum ex scordio in aceto cocto, vel mixto cum aqua, omnibus podagricis conferre scribunt. Notandum omnia ea, quæ podagricis in causa ca- lida applicantur, ad tollendos vel mitigandos do- lores, æstate frigida, hyeme tepida esse adhi- benda.

narcotica.

Dolores autem intolerabiles, nec prædictis re- mediis mitigati, narcotica requirunt, cum ea ta- men cautela, ut simultaque sint mitiores redditi statim à narcoticis abstineatur, quæ etiam in exi- gua dosi erunt præscribenda. Longior enim eorum usus & in majori quam consuevit copia constri- ngendo humorem influxum, ac in tophos vertens, motus articularum perdifficiles parit & tardos longo tempore, & sensum obtusum; unde ablato calore, calefacientibus erunt partes fovendæ, ro- borandæ ac siccandæ. Igitur narcotica in tali ca- taplasmate poterunt adhiberi: Rec. far. hordei unc. iiij, medullæ panis tritici unc. ij, lactis q. s. ad ignem parvum misce, donec coeat ad consisten- tiam mellis, cui adde olei rosacei unc. j, vitellos

ovorum iij, opii scrup. j, cui & drachma seminis hyoscyami addi potest, & scrup. fs. castorei, ad corrigendum opium, præsertim si aliquis humor pituitosus permixtus esse videatur. Rondeletius crocum imponderet: quia ubi opium vel hyo- scyamus vel mandragora ingreditur medicamen- ta, croco corrigit. Paschasius hoc cataplasma lau- dat in doloribus intolerabilibus à causa calida: Rec. far. hordei sine furfure, medullæ panis ana p. j, fol. hyoscyami, malvæ, violarum, ana M. j, florum chamæmeli, corticis papaveris albi, ana p. j, ex his decoctis fiat cataplasma, addendo oleo- rum lumbricorum, & papaveris, ana unc. j, opii & croci, ana drach. fs. quod cataplasma super fo- lia lactucæ, supposito panno lineo distendatur, & forinsecus imponantur super cataplasma folia be- tæ. Post usum horum narcoticorum vel anody- norum refrigerantium calidis fomentis, ut deco- cto pulegii, salviæ, origani, calaminthæ, centau- rei minoris & similibus in aqua vel vino, loci do- lentes irrigentur ac corroborentur, ne frigiditas nimia adhibitorum quidquam noceat. Porro ar- thritis, quæ est à sanguine iisdem anodynis tracta- tur quibus ea, quæ à bile fit, nisi quod in hac, quæ à sanguine fit, refrigerare conveniat cum minus humectantibus & relaxantibus. Vnde eligenda sunt, quæ exterius applicantur, refrigerantia, cum iis quæ nonnihil exsiccent & adstringant, & mo- dice quoque discutiant. Parietaria in aqua vel po- sca cocta foveantur pedes. Nam hujus herbæ de- coctum teste Appulejo mire sanat podagram, si pedes eo foveantur. Conducet etiam cataplasma ex lacte, pane & oleo rosaceo omphacino cum succo sempervivi. Vel Rec. far. hordei, fabarum, ana unc. iij, coquantur in vino & aqua ad consi- stentiam cataplasmatum lævigati, addendo in fi- ne olei rosacei unc. ij, pulv. foliorum parietariæ drach. ij, Misce. Coquitur & aliud cataplasma ex medulla panis in posca cum oleo rosaceo & pulv. florum chamæmeli. Omnis etiam generis inflam- mationi conducit medulla panis aquæ frigidæ im- merfa, & cum oleo communi subacta in formam cataplasmatum. Emplastrum expertum apud Plin- nium Valerianum extat, quod semper nobiscum ferre possimus; Rec. cerussæ & spuinae argenti ana unc. iij, ceræ puniceæ unc. sex, axungia por- cinæ veteris colatæ lib. i, cerussam vero & spu- nam in thebaico mortario tamdiu teras donec in pulverem redigas, ceram autem & axungiam sol- ves, & pulverem totum paulatim admiscebis, & levato cacabo immittes manum, & agitabis repi- dum donec omnia solvantur, & sic in patellam fundes, ut congelet, ferventurque munde, & cum opus fuerit maxalatum cum oleo rosaceo impo- natur.

Neque interea dum fluit materia, supra partem dolentem applicanda sunt repercutientia & valde constringentia, præsertim in augmento doloris & inflammationis. Etenim augentur his dolores, tum quia prohibent aliquam materiæ per poros cutis expirationem, tum quia coarctant & constri- ngunt articularum partes sensitivas & vasa. Con- venient hæc constringentia (quæ repercussiva bar- baris dicuntur) initio inflammationis paulo supra articulum posita, ut si in pedes fluxio fiat, supra articulum pedis in media tibia; si genu articulus

Paschasii ta-
cataplasma.Anodyna in
sanguinea ar-
thritide.Plinii Vale-
rianus empla-
strum.

Repellentia.

Ulmaria aqua
stillatitia.

dolere incipiat, in femore. His enim locis trium vel quatuor digitorum transversorum latitudine pannus lineus unguento constrictivo, vel cataplasmate, vel linimento imbutus circumcirca imponitur. Pulvis constrictivus albumine ovi & aceto exceptus circumducitur. Vel cataplasma ex fructibus loti arboris (guajacum Patavinum dictæ apud Herbarios) nondum maturis, pyris sylvestribus, malis cotoneis, sorbis, cornis aut eorundem succis, exceptis pulvere myrtillorum, balaustringum, sumach, radices bistortæ, additis bolo armenia vel sanguine draconis, farina fabarum & lentium, acacia, hypocisthide, portione aceti & olei rosacei omphacini, myrtillorum, cotoneorum, ne nimium & statim arefcat cataplasma. Item Rec. boli armenia orientalis unc. j, ss. lithargyri argentei unc. ss. succi mali granati acidi vel cydoneorum, aceti, olei rosacei omphacini, ana q. s. M. fiat linimentum forma nutriti. Caterum ubi materia non amplius influit, sed quæ influxit crassior facta fuerit, concoquens ac digerens cataplasma imponendum est, cum refrigerantibus castigatum. Tale est, quod Rec. rad. althææ & malvæ ana unc. ij, parietariæ, violariæ, malvæ, florum violarum, meliloti, ana m. j, coctis in aqua & contusis adde farinæ hordei unc. iij, farinæ sem. lini & fœnigræci ana unc. j, ss. vitellos ovorum ij, olei rosacei & chamæmelini ana unc. j, ss. M. fiat cataplasma. Post cuius usum apponi potest diachylum simplex, vel diapalma emplastrum cum oleo amygdalarum dulcium vel liliorum alborum mollicatum. Alexander Trallianus articulis statim, inflammatione rentari incipientibus, cataplasma inducit, quod ex cortice mali punici & rhœ obsoniorum diligenter in vino coctis, addita polenta & sempervivo parat. Ad ejus imitationem ex Galeno Bayerus mirabile esse dicit hoc cataplasma, quod. Rec. corticum mali granati M. ij, coquantur in vino ad molliitudinem; postea Rec. fol. sempervivi, cymarum rubi ana M. j, confusa cribrentur & adde far. hordei non maturi M. j, cum sufficienti quantitate vini prædictæ decoctionis fiat cataplasma coctis omnibus parum: imponatur articulis æstate, frigide; hyeme, tepide. Aucta inflammatione fovet Trallianus cerembrocho dicto fomento, quod constat ex sapæ partibus duabus, rosacei una, & ceræ modico, ut fomentum crassius efficiatur, quod exceptum lanis succidis imponitur hyeme, tepide; æstate, frigide. At si in profundo fuerit inflammatio nitri paululum & olei dulcis, loco rosacei, sapæ admiscet. Quod si dolor adhuc remanserit cataplasma imponit factum ex foliis brassicæ coctis lævigatisque diligenter, quibus fæx aceti, ovorum lutea duo, & rosacei paululum adjicitur.

Tralliani cataplasma.

Bayeri cataplasma.

Tralliani externa medicamenta.

Pituitosa arthritidis remedia externa & interna.

Decoctum falsæ & guajaci.

In pituitosa arthritide post universalia convenit decoctum falsæ & ligni Guajacini, prout vel magis vel minus est calefaciendum, & arthritidis est sincerior. Nec est inconueniens decoctum radices bardanæ, cum incidat, discutiatur, sudoriferum sit, & urinas moveat. Applicatam enim foris radicem tritam podagricis succurrere, dolores sedando, testis est Dioscorides. Refert Forestus, Vastellium Pensionarium Mechliniensem cum in lecto decumberet ex doloribus articularum, ut nulla membra movere posset, bibisse cerevisiam, in qua radix

lappæ incocta erat; qua epota, cum nullis remediis à medicis curari posset, plurimum minxit lotium album instar lactis, & à doloribus liberatus fuit. Rondeletius dicit se multos vindicasse ab hoc morbo, vel potione aquæ, quibus per defluxionem fiebat, & frequenti vomitu, vel purgatione per alvum. Puto aquæ potum in causa pituitosa sinceriore nullo pacto convenire, quod concoctioni ejus resistat, quæ in hoc malo est perquam necessaria: nisi calor nativus satis vigeat, qui eam concoquat ac per se digerat, interea dum corpus ab excrementis vacuum tenetur, quod fortassis fecit Rondeletius frequenti facto vomitu cum aqua tepida. Idem autor ad corpus humidum exsiccandum dat drachm. j. hujus pulveris sequentis, hora matutina: Rec. cineris priapi tauri & cranii hominis, ana drach. iij, galangæ drach. j, facchari canti drach. iij, M. deinde revertitur ad pilulas purgantes ex agarici trochiscati & rhabarbari ana drach. ij, rad. aristolochiæ & quinquefolii, ana scrup. j, galangæ, caryophyllorum, spicæ nardi, ana scrup. ss. malaxentur cum succo brassicæ vel rosarum, & fiant pilulæ; de quibus capiat semel in hebdomada drachmam semis, vel singulis diebus pilulas duas. At instante paroxysmo abstinendum à medicamentis purgantibus, sobria victus ratione præscripta & quiete. Imo antequam instet paroxysmus per aliquot dies, nempe octo vel decem, non esset à ratione alienum tenuem victus rationem instituire, & postea sic purgare. Quod vero spectat ad externa præsidia, si materia jam fluere ad aliquam partem incipiat, defendere eam oportet defensivo supra articulum, in quem fluxura est, appposito, & cataplasma statim inducendum est pedibus vel manibus confectum ex pane vinique & lixivii modico cum portiuncula salis, ut si quæ materia levis irrepsit, exsicceatur, discutiatur, prohibeaturque ne alia influat. Quod si vero jam fluxerit in partem, multis anodynis veluti in causa calida non censeo esse opus, quod podagra à causa frigida non usque adeo doleat. Sæpe arthriticis à pituita contingit, ut oedemata post dolores sedatos remaneant, quæ optime discutiuntur fomento ex sale torrefacto sæpe renovato, quod non finit in tophum materiam concrecere, uti Trallianus observavit: vel potest fieri sacculus ex sale torrefacto, milio & furfuribus, quo calido locus affectus sæpe foveatur. At si ex bile & pituita permixta sit arthritis, anodyna sint ex calidis & frigidis temperata. In podagricis doloribus, cum calore aut frigore præter naturam, Fallopius utitur hoc emplastro, quo valde dolorem sedari scribit: Rec. olei rosacei, chamæmelini, anethini, & lumbricorum, ana unc. ij, furfurum, pulv. florum chamæmeli, farinæ hordei, ana M. ij, œsypi unc. j. ss. aceti unc. j. sapæ unc. x, M. & coque in sartagine ad formam emplastri, quo calido locus foveatur, postea illinitur flore cassiæ. Valent etiam quorundam testimoniis hermodactyli pulverati & cum farina hordei & vitellis ovorum in massam redacti, quæ massa extensa super lineum pannum loco patienti calida applicetur, per modum emplastri. Ægineta & Trallianus thymum, origanum, saturejam, & calamintham in aceto acerrimo decoquunt probe, quo aceto adhuc calido affectas partes non modo semel aut iterum,

Rondeletii pulvis.

Emplastrum Fallopii.

iterum, sed sæpius & frequenter super infundunt & foveant, fatenturque permultos sanatos perfectè fuisse, quibus non modo à pituita, sed etiam à bile erat podagra infesta. At Elidæus de Padoanis, ut ex ms. didici, in causa frigida vel mixtis humoribus biliosis & pituitosis laudat oleum myrrhæ. Ad podagram & omnem tumorem nervorum, herbæ plantaginis folia trita & cum salis modico imposita, optime facere certum est quorundam experimentis. Ad omnem speciem podagræ aut guttæ; suffumigium cum foliis urticæ vivæ ab aliquibus celebratur. Herbam betonicam decoctam ad tertias, & aquam potui datam, ac peræque illam tritam & impositam, mirifice dolores tollere notatum invenio inter experimentatores. Quantum valeant caules rubei, foliis suis ad ignem calefactis & impositis apud Forestum legitur, qui recitat nonnullos his sæpe renovatis, dolores non modo tolli vel leniri, sed & eisdem humores resolvi. Oblinunt nonnulli folia prius butyro recenti & ita applicant, alii simpliciter sine ullis unguentis. Idem Forestus hoc unguento plurimos ab arthriticis doloribus liberatos recenset. Rec. stipites duos sambuci decem vel duodecim digitorum, à quibus extrahatur pulpa interior seu medulla intus latens, demum impleantur rursus crasso sale, & luto utrinque foramina sigillentur, ne sal excidat, postea in regula ignita sæpius circumvolvendo comburatur, & fiat pulvis, cui addatur olei lavendulæ & rosacei tantum, quod sufficiat & coëat in unguentum, quo loca affecta perungantur. Emplastrum præterea laudat Lucæ medici Delphenensis in arthritide ab omni causa, quamquam in frigida magis convenire videatur. Hoc Rec. ficuum seu caricarum pinguium quantum volueris; contundantur & cum semine sinapios confuso, pane albissimo trito & cocto, atque radice lepidii Germanice *pfeffer Kraut*, & axungia porcina, concinnetur emplastrum. Trallianus scribit se quendam novisse, solo sinapi in frigidorum humorum defluxionibus, dum maxime urgerent, accessiones feliciter dolore liberasse. Admiscerat ei frequenter caricæ, & cum aceto in emplastrum formabat. Sed in usu (ad quem aliquando pervenire nos cogit pertinacia dolorum, qui interdum immutari nequeunt, nisi aliquod acrius ipsis admoveas) ejusmodi acrium ut sunt sinapi, euphorbium, cantharides, allium, & alia quibus ad phænigmos utimur, observandum, ut cum mollientibus permisceantur, ne tenui humore attracto quod crassius est in articulis relinquatur & impingatur, nimiumque exassentur humores à potenti siccandi & calefaciendi virtute. Dioscorides in Parabilibus, ad podagram commendat sambuci folia cum caulibus trita, additis marrubio & adipe. Experimentum regii cujusdam chirurgi, inquit Mizaldus, adversus chiragras & podagras: Habe manipulum arthemisiæ, defervefacito in oleo dulci olivarum, donec decreseat ad tertias, & eo dolentem locum inunge, senties brevi tempore dolorem sedari. Qui plura cupit, ea apud insignes practicos reperiet fere innumera: apud Dioscoridem & Herbarios non pauca. Sedatis jam doloribus reliquiæ humorum sunt resolvendæ, ne in totum paulatim, præsertim ex iteratis fluxionibus, con- crescant. Inter ea remedia, quæ supra podagræ &

arthritidi convenire inter anodyna recensuimus, non pauca leviter discutiunt mixtasque habent vires, tum humorum reliquias dissipandi & exsiccandi, tum dolores mitigandi, ut alio non sit opus. At ex iis anodynis, quibus partes affectæ refrigerantur, ad arcendas inflammationes & ardorem humorum compescendum; vel quæ leniunt, temperant atque foveant calorem, sine humorum aliqua insigni discussione pro humorum reliquiis absumendis, inter leviora conveniunt olea liliorum alborum, chamæmelinum, vulpinum, cui addi potest, ut fiat validius, modicum aquæ vitæ: vel oleum irinum, rutaceum, lumbricorum, cum guttis aliquot spiritus terebinthinæ resinæ in causa frigidiori. Valebit etiam unguentum anseris à Guainerio descriptum, adeps viperinus, oleum viperinum, quod fit ex libra una olei antiquissimi, cui incoquitur vipera una cum rutæ manip. i, hoc pars affecta illinatur. Sanat integre & est remedium Aboaly. Ex cinere cyclaminis cum aceto & melle factum emplastrum, dicitur esse mirabile: item ammoniacum cum fæce vini vel cinere caulium. Stercus caprarum cum hordei farina & oxymelite in forma cataplasmatismatis impositum, discutit egregie, & dissolvit etiam incipientes nodos. Cinis sarmentitius aut ex brassica cum axungia & oleo convenienter illiuitur. Nam oedemata discutit, & articulorum nodis, contusionibus ac doloribus mire prodest. Experimentum Plateri & aliorum: Rec. limacias ex cochleis demptas xxv, granorum ebulli recentium, vel loco eorum mivæ & salis ana q.s. in vase mundo vel vitro subtus pertuso primum ponantur limaces, tum grana ebulli cum sale, & repetatur, donec totum fuerit impositum; hoc in loco obscuro vel cella vinaria suspendens vas suppones, quod excipiat liquorem; qui supra pannos lineos distentus podagræ apponitur in declinatione, tophum non sinit succrescere, & extrahit brevi ex alto humorem multum. Laudatur etiam oleum guajaci, præsertim in lue gallica, arthritidem pariente. Ceratum quod semper ad usus servetur; Rec. ammoniaci in aceto dissoluti unc. fs. cineris caulium rubeorum, stipitum sambuci, ana drach. j, sulfuris drach. fs. salis scrup. j, olei chamæmelini, liliorum alborum, ana unc. j, ceræ flavæ unc. j fs. M. f. ceratum. Quod si quid remanserit, inquit Mercatus in articulis impactum, antequam ad incurabilem duritiem perveniat, utendum diachalcitide à principio, cum modico sævo caprillo, vel oleo è cucurbita, vel postea solo, quo magis resolvat.

Ad corroborandos articulos confert imprimis usus vinaceorum, tempore vindemiarum per dies triginta: item balneum in musto, dum adhuc fervet. Arnoldus de Villa nova & Leonellus Faventinus commendant epithema ex filato cannabino seu stuppa in lixivio decocta. Plinius radicem cannabis in aqua coctam, podagras & articulos contractos mollire scribit. Balneum nostrum, quo reliquiæ humorum ex articulis auferuntur, luxatiquæ ex fluxionibus & ligamentorum relaxatione restituantur, Rec. lixivii mediocris sarmentorum vitium vel ossium humanorum vel aliorum animalium quadrupedum in cinerem combustorum, vini rubei chalybeati, herbarum ivæ, chamedryos, absinthii, salviæ, centaurei minoris, florum roris- marini,

*Discutiuntia
miliora.*

*Oleum vi-
perinum.*

*Oleum Gua-
jaci.*

*Articulos co-
roborantia.*

*Balneum Au-
stori.*

*refsi un-
guentum.*

marini, rosarum rubrarum, chamæmeli ana M. ss. furfurum tritici M. j, bulliant cuncta in vino parum, deinde cum lixivio permisceantur, pro balneo pedum & manuum: genu vero & humerus spongiis in calido balneo madefactis foveri poterunt, vel filtra (ubi minor est quantitas decocti pro balneo) in prædicto decocto sint expressa articulis alligari etiam post balneum, vel sine balneo. Hoc pacto etiam administratam veterem urinam humanam mirabiliter profuisse vidimus absque balneo, solo fomento, etiam adhuc persistentibus insignibus doloribus, fortassis ex consilio quorundam barbarorum, qui scribunt: In urina hominis patientis, vel alterius hominis valde senis calefacta intingatur pannus albus non coloratus, & loco dolenti calidus applicetur. Possunt in calida podagra in lixivio coqui plantaginis & rubi folia, cortices granati, balauſtium, absinthium, sal & nitrum, folia myrti cum vino rubro, & salicis cortices. Post hoc ungi locus poterit oleo lentisci & myrtino, rosaceo, omphacino in calidioribus, vel vulpino & mastichino cum salis modica quantitate; vel si causa sit frigida, Rec. olei è lateribus, vulpini ana unc. ij, olei mastichini unc. ss. M. pro linimento. Nonnulli decocto simili, quod pro balneo descripsimus, supra lapidem molarem vel pyritem, vel ferri scoriam candentem insperſo vaporem excitant, & partibus affectis suffumigium parant; quod pannis circumquaque obvolutis ne quid exspiret, tamdiu applicant, donec parti affectæ sudorem moveant. Atque ego in capitaneo Ieremia, postquam sudasset per viginti dies, cum decocto ligni guajaci & salsæ, plurimum profuisse vidi. Nam cum in fine curationis à balneo, quod pedibus nimis calido adhibuerat, iterum nova fluxio in pollicem majorem sinistri pedis influxisset circa vespere, articulum ubi rubebat, igne uſsi, appposito statim emplastro diapalma appellato; & cum crederem crustam decessuram & per ulcus materiam paulatim exituram, nullum factum, nec ulla crusta ab uſsione decessit, sed tertio die tumor pollicis evanuit & crusta, quæ exuſta erat, sicca permansit, ut statim quo vellet potuerit incedere; quod proculdubio contigit ab istis sudoribus, quos excitaveramus vaporibus decocti roris-marini, salviæ, betonicæ, absinthii, centaurii minoris, & florum chamæmeli cum vino & lixivio facti. Dederam autem hora una mane, antequam assumeret decoctum sudoriferum, per multos dies meam antidotum, qua destillationes etiam sistentantur. Sed & simplex partium lotio, cum sale & vino plurimam fert opem. Item luta naturalia ex balneis, qualia sunt apud Patavinos D. Petri & D. Bartholomæi post ædes, & D. Helenæ. Possunt etiam balnea parari ex thermis, quales in Italia & aliis plurimis regionibus scaturiunt, ut thermæ S. Philippi, quæ dicuntur esse aluminosæ: in villa Corosona prope Lucam, quæ sulfureæ, aluminosæ & nitrosæ esse perhibentur: prope Pisas circa montem S. Iuliani, quæ aluminosæ & sulfureæ: & aliæ in Germania & Pannonia, de quibus consule auctores, qui de hisce naturalibus balneis scripsere. Possunt etiam ad horum naturæ imitationem fieri artificialia ex sale nitro, alumine, sulfure, vel bitumine. Verum in horum balneorum usu hodie maximus error, & præsertim in Germa-

nia committitur. Etenim jam mos invaluit, quia nonnulli ægri viderunt quosdam à fluxionibus capitis & catarrhis liberatos, articulos ex parte corroboratos, corpus à serosis & biliosis humoribus exoneratum, quod cognoscunt ex cutis rubore, qui solet per aliquot dies in usu balnei comparere cum pruritu sæpe molesto, ut quivis fere podagricus & arthriticus statim nulla facta corporis præparatione vel levi purgatione adhibita, balnea naturalia & artificialia ingrediatur. Quæ sane pessima est consuetudo. Nam etsi corpus ab aliqua humorum serosorum quantitate liberatum esse videatur, & partes corroboratæ; tamen cum partium principum intemperies non auferatur, ab horum balneorum tali usu obstructions viscerum, & præcipue mesenterii & pancreatis non referentur, articulorum venæ laxiores reddantur à tepido balneorum calore, hinc contingit ut paulo post usum balneorum brevi intervallo arthritici frequentius & ad plures partes fluxionibus tententur, sævioraque symptomata redeant, regeneratis denuo aliis humoribus sese commiscentibus cum iis, qui adhuc à balneo in venis erant relictæ. Quocirca in arthritide universalis, quæ paulatim ex longo tempore repetentibus sæpius & invalescentibus fluxionibus originem habuit, à prædictis balneis abstinendum suadeo, quod partium principum languor vix unquam hisce restitui queat, nec etiam aliis internis auxiliis: neque etiam in arthritide biliosa tentandum puto ejusmodi præsidium, quod corpus, sanguinem, articulos & jecur maxime accendat: neque post purgationem solam & simplicem, quod reliquæ pravorum humorum non semper balneis evacuentur totæ; sed in arthritide, quæ unam vel alteram tantum partem invasit, ut pedes vel manus vel extremos artus, vel fere universalis est sed non antiqua, conflata ex mixtis humoribus, prædominante pituita cum multo sero, facta diligenti totius corporis purgatione, evacuatis per sudorifica & diuretica vi antidotorum maxima humorum saburra, ne quispiam ad articulos adhuc facile confluat, corroboratisque visceribus & obstructione liberatis, balneis præscriptis commode utendum esse moneo. His conditionibus Aëtius & alii, quando arthriticis balnea commendarunt, præscribi voluerunt. Ludovicus Mercatus solvi quovis balneo humores, & effeminari articulos laxioresque reddi putat, quantumvis resolutoria aut adstringente vi polleant. Quippe plus prævalere dicit aquæ humiditatem & teporem aut calorem, ad humorum fusionem & articulorum laxitatem, quam possit aquæ aut mineralis, aut cujusvis alterius medicamenti vis ad resolvendum. Quod sane falsum est, monstratque Mercatum balneis naturalibus raro usum; forte quod in Hispania raræ sint thermæ. Existunt enim nonnulla naturalia, quæ constant ex commemoratis mineris, quæ potenter exsiccant & resolvunt, præsertim si sulfureos habeant vapores permixtos, vel naphtham, vel bitumen & nitrum. Nam & hydropicos hisce à ventris & corporis mole liberatos frequenter vidimus spatio quadraginta dierum, cum probo victu præscripto. Hoc anno c1515c xiv, Illustris Dominus Philippus Comes ad Rhenum arthriticus & multis capitis fluxionibus obnoxius, & Iohannes de Molart

Consilii

Luta naturalia.

Balnea artificialia.

Error Germanorum in balneis.

Contra Mercatum.

Historia.

Alvi proflu-
vium ex bal-
neo.

Consilii militaris apud Cæsarem Præses podagricus, cum balneis cujusdam chymici artificialibus ex sale, alumine, spiritu sulfuris & nitro uti vel-
lent, spatio triginta dierum bis terve usu balnei in alvi profluvium prolapsi sunt, quo multa biliosa & pituitosa reddebant. Nam etsi his venæ à tepore & humiditate balnei ampliores & patentiores redderentur, vis tamen aluminis constringendo cutem & articulos & habitum corporis carnosum, ita fluentes humores compescebat in venis, ut ab habitu corporis ad ventrem eos, si qui à calore balnei in venis funderentur, coegerit & diarrhæam excitavit, cum tamen corpus antea satis congruenter à me esset purgatum. Sic & alius quidam cum à balneis & lutis ita corroboraretur penes articulos, antequam partium principum imbecillitati esset prospectum, post aliquot septimanas accumulata nova materia, incidit in lethalem febrem. Nam cum non amplius illa materia ad corroboratos nimium articulos æque ac ad imbecilles antea fluere posset, pedes puta & manus, ad interiora regressa partes nobiles invasit, febrisque continuæ atque lethalis causam præbuit. Possunt igitur optime exterius balneis medicatis adstringi & corroborari artus, & in iisdem superflui humores exsiccati ac discuti. Ad arthritidem calidam balneum aquæ dulcis laudarunt Trallianus, & alii docti viri post universalia. Illo tamen articuli non videntur corroborari, cum potius laxentur, sed tantum intemperies jecoris corrigi, & sanguis in venis refrigerari. Idcirco Galenus lib. 11 Meth. med. cap. xx, balneum ejusmodi arthriticis maxime adversum infert. Nam cum prius dixisset in febribus, imbecilla existente parte principe, balneum aquæ dulcis esse majoris detrimenti & periculi, subdit: Quod si, præterquam quod nulla pars princeps imbecilla sit, etiam inferioris notæ partium aliqua sit invalida, veluti podagrici pedes, & iis qui articulari vitio laborant, universi corporis articuli, maxima salutis pars ægro comparabitur ex balneo ipsis infirmis partibus, quæ supervacua sunt excipientibus. Assolent enim nonnunquam & citra balneum supervacanea in partes infirmas confluere, à balneo vero magis, ut pote succis ipsis per id liquatis, tum viis per quas meent patefactis. Ambo enim hæc ex moderato calore proveniant necesse est. Hæc Galenus. Ego tamen existimo ex parte articulos balneo aquæ dulcis corroborari posse, quandoquidem ex calidis fluxionibus frequentibus contrahunt in se artus intemperiem calidam, ob quam fiunt imbecilles, & facile non modo recipiunt, sed etiam attrahunt humores in corpore mobiles. Hæc intemperies corrigi aquæ dulcis balneo potest; præterea venarum laxitas eadem constringi, si eo modo administretur, quo nos in podagricis docuit Trallianus his verbis: Balnea dulcis aquæ his conducunt; atque ea quæ vesperi adhibentur magis quam matutina. Nam post cibum maximam vim ad calidorum intemperiem corrigendam obtinent, præsertim in gracilibus, siccioribus & acrioribus corporibus. Nam in ejusmodi si quotidie balnea adhibeas non eis nocebis, sed plurimum etiam adjuvabis. At priusquam æger in calidum balnei aërem ingressurus sit, confert ei pedes aqua frigida prius irrigare. Vbi vero medium domum balnei ingressus fuerit,

Balneum
quæ dulcis
ro calida ar-
thritide.

M u admi-
nij ndi bal-
ne Tralliani.

deinde modice sudaverit, situla tepidæ ei superfundentur, atque ita totum corpus hydrelæo perungi oportet. Porro balnei aërem temperatum esse convenit, similiter & lavacri solium. Post unctionem, ex transitu statim in calidæ solium æger ingreditur. Quod si etiam frigidam aquam influere contingat, pedes scaturigini submittat, priusquam in ipsum descendat. Egressurus rursus e thermis descendere omnino in frigidæ solium debet: & si æstas fuerit & oblectetur, in ea natet; vestimentis autem indutus pedibus iterum aqua frigida injiciatur. Reversus à balneo in domum æger non statim bibit vinum, præsertim merum; sed ptisanæ cremorem aut tepidam aquam prius assumat. In medio autem prandii si æstas fuerit, aquam frigidam; sin aut hyems, temperatam bibat. At si hoc balneo non satis corroborati esse videantur articuli, validiora poterunt adstringentia & refrigerantia adhiberi, emplastrum diacalcitheos cum aceto rosaceo, succus acaciæ cum posca, lycium cum croco.

Quod si nodos & tophos materia podagræ fecerit, ut solet contingere (si quando diu & frequenter fluxione tentati sint artus) vel per se sponte à victu nimio, crassos & crudos humores generante; vel à mala curatione, nempe adhibitis magis quam decet refrigerantibus & narcoticis, aut validis discutientibus tenui humore exhalante, crasso & terrestri relicto in articulis atque impacto; aut præaffatis humoribus à validis exsiccantibus & acribus, sine admittance eorum quæ emolliunt, his quoque tam internis quam externis remediis erit succurrendum. Ad rectam autem horum curationem, plurimum scire interest à quam materia oriantur. Nam si pituitosa sit, ut plerunque est, erit excalefaciendum & attenuandum. Pro internis horum remediis proponuntur à Tralliano antidota, inter quæ duo hæc mihi maxime arrident, quod consistunt ex iis medicamentis, quæ haberi possunt: primi descriptio talis est: Rec. centaurei unc. v, chamædryos, hyperici, ana unc. ix, aristolochiæ rotundæ, gentianæ, petroselinii, agarici, phy dulcis, mei ana unc. iij, spicæ nardi unc. j, excipito melle, datoque ex aqua tepida. Alterius antidoti descriptio, quod datur ad annum similiter, præterquam quod callos in articulis concretos summe discutit, medetur etiam articulorum, capitis, stomachi, oculorum, jecoris & renum dolori, urinæque difficultati, eodem Tralliano teste, qui ipsum dat mense Ianuario diebus quinque alternatim, Febuario, Martio, Aprili diebus quinque alternatim, Julio uno die, Augusto uno die, Septembri uno die, Octobri duobus diebus alternis, Novembri duobus diebus alternis, Decembri quatuor diebus alternis. Abstinentum est mero, carne suilla, bubula, leporina; Item brassica & sinapi & crudis omnigenis oleis, hydrogaro. Et bene concoquat æger, qui medicamentum assumet, pedes aqua calida lavet & oleo inungat, lactis potione abstineat. Rec. rhapontici, agarici, ana unc. ij, phy unc. iij, petroselinii macedonici, & meu ana unc. iij, gentianæ, hyperici ana unc. vj, aristolochiæ unc. vij, centaurei unc. viij, chamædryos unc. ix, dantur viris scrupuli duo; mulieribus, unus. Novit quendam Trallianus cum tophos habere incepisset;

Tophi unde,
& quomodo
tollendi.

Tralliani an-
tidota.

Modus exhi-
bendi Trallia-
ni antido-
tum.

decocto chamæpyteos & origani assumpto prohibuisse, ne alii nascerentur. Huc refer ea etiam antidota podagrica quæ superius recensuimus. Porro externa remedia sint, si nondum nodi articulorum plane gypseam aut lapideam materiam contineant, ammoniacum cum modico aceti dissolutum, vel hoc emplastrum, Rec. olei olivarum veteris unc. ij, lythargyri aurei præparati in tenuissimum pollinem (vel lapidis pyritis præparati secundum Dioscoridem) gagatis (cui inest vis emolliendi & discutiendi, unde & podagricis medicaminibus & acopis additur, teste Dioscoride) & adipis decoctionis pernæ vetustæ, ana unc. j, additur unc. fs. aceti, ubi fluxiones calidæ nodos molestare solent, coquitur in emplastrum: proderit & oleum viperinum, & lacertæ viridis, & adipis earundem præsertim vetustiores. vel, Rec. diachyli simplicis unc. j, ammoniaci, galbani, bdellii, sagapeni, ana drach. j, olei irini, liliorum alborum, ana unc. fs. pulv. ireos unc. j, M. cogatur denuo in ceratum. Validius, quod emollit & discutit cataplasma pro duris tophis. Rec. rad. bryoniæ, cucumeris agrestis, iridis, sigilli Mariæ crudæ, ana unc. ij, rad. althææ, & liliorum alborum sub calidis cineribus coctarum, ana num. iij, sem. urticæ, sinapios, nasturtii, ana unc. j, tritacum adipe anserino, & oleo amygdalarum dulcium q. s. fiat cataplasma; imponatur, factò prius fomento cum decocto althææ, malvæ, florum chamæmeli & meliloti. Ceratum excellentissimum tophos articulorum dissolvens adeo, ut neque an oborti fuerint adhuc appareat. Rec. aphronitri unc. viij, therebinthinæ unc. xij, ceræ unc. xv, olei veteris unc. xxj, lixivii, quo pilarii utuntur pro lanis succidis abluendis, quod etiam nonnulli Græci protofæcton vocant, unc. vj. Hoc jubet uti Trallianus ut præstantissimo. At celeberrimum est, & à multis hodie probatum quod ex caseo veteri à Galeno conficitur. Rec. casei veteris & acris unc. iij, vel quantum libet; intingatur in juris carnis suillæ salsæ sufficienti quantitate; mox in mortariis subactum pistillo, tophis imponitur. Nam cute sponte disrumpita absque sectione articulos citra noxam quotidie lapidibus liberans reficit. Alii postea ad Galeni imitationem pedes suum salitos in aqua decoquunt in mucilaginem, cui postea admiscunt casei antiqui partes duas, nasturtii pulverati partem unam, & sic emplastrum conficiunt, quo innumeros à se curatos esse testantur. Podagricorum tophis ac nervorum seu tendinum distortionibus hæc facile parabilia præscripsit Dioscorides: ammoniacum cum arida pice impostum, bdellium jejuni saliva emollitum, cannabissylvestris imposita, styrax saliva emollitus, sesamum in forma cataplasmatism adhibitum. Æque efficax est hoc ceratum, quod ex tabaco conficitur, & citrinum appellatur: Rec. succi tabaci, seu herbæ reginæ unc. iij, ceræ citrinæ novissimæ unc. ij, resinæ pini unc. fs. resinæ terebinthinæ unc. j, olei myrtini q. s. M. fiat ceratum molle. Huic addantur luta emollientia & resolventia quorundam balneorum naturalium ut D. Petri & D. Bartholomæi in agro Patavino; quibus mane atque vespere singulis vicibus per horam vel amplius calide foveantur articuli, mox aqua thermali abluuntur & imponuntur cerata & emplastra præ-

scripta, magis & minus resolventia & emollientia, uti requireret indicatio. Nonnulli hic validius statuunt suffumigium ex lapide molari, quod scirrhis nodis commode adhibetur. Prius pars nodosa fricatur donec sudor appareat, deinde inungitur hoc unguento; Rec. olei amygdalarum dulcium unc. ij, adipis gallinæ, anatis, olei chamæmelini, ana unc. j, medullæ cruris bovis, resinæ pini, ana unc. fs. ceræ flavæ drach. v, dissoluta ad ignem fiat unguentum. Bis hæc unctio quotidie repetatur (uno intermedio ad unguentum & fricandum destinato) donec durities adfuerit. In hoc casu reperio etiam pretiosum hoc cataplasma, quod præter nodos podagricorum etiam luis venereæ duras & scirrhasas collectiones discutit. Rec. stercoreis caprini pulverati, farinæ hordei, singulorum partes æquales, aceti acerrimi & aquæ ana q. s. ut possit fluere; deinde supra pannum lineum distendatur, & alligetur parti nodosæ tam calidæ quam potest sufferri uno die, altero vero quiescat ab ejus impositione; ungatur tantum aliquo emolliente, & nonnihil resolvente, ut adipe anserino, vel præscripto unguento: nec debet hoc cataplasma renovari quo die imponitur, nisi nimium siccescat. Quod si vero gypsea materia, aut instar lapidis dura, vel terræ cimoliæ similis (qualem in nosocomio Delpheni notavit Forestus, & ego Olmutii ex articulis digitorum manus cujusdam pauperis effluxisse, qua pingebat & inscribebat parietibus) ex nodis podagricorum exeat & ulcerati evaserint; imponatur donec sponte claudatur ulcus nec amplius talis materia emânet, diachylum simplex prius cum adipe anserino emollitum, deinde sine adipe; tripharmacum, vel citrinum ex tabaco. At si nodi & tophi à nimia exustione humoris melancholici vel biliosi nati sint, vel vi acrium medicamentorum plusquam decebat calefacientium & siccantium: à cibo siccante & calefaciente, præscriptis antidotis, aliisque omnibus, quæ corpus & humores siccant abstinendum est: mediocriter calefacientibus & humectantibus lapidescens materia diffundenda dissolvendaque. Igitur foveatur locus decocto malvæ, althææ, florum chamæmeli & meliloti, capitis castrati; postea lana succida imponatur. Emollit plurimum & calefacit admodum convenienter quod in ventriculo castrati jamjam mactati reperitur, & præsertim nutriti herbis appropriatis, si eo adhuc calente per aliquot dies partes foveantur. Victus ratio non modo ratione materiæ, sed etiam temporis remissionis dolorum pro præservatione, & tempore paroxysmi variat. Nam podagræ à causa calida sitis & fames non admodum laudantur, dum urgent dolores; quod hisce & partes & sanguis inflammatur, evadatque acrior & biliosior, biliosique famem non valde tolerant, ut in arthriticis à pituita, vel mixtis humoribus biliosis cum multa pituita. Tempore igitur dolorum à bilioso humore natorum detur pituitana hordeacea, vel farina aut panis coctus in aqua cum modico butyri recentis vel juris carnis non valde nutrientis, vel cum semine melonum, vel lacte amygdalarum dulcium; quali modo & oryza coqui potest in aqua pluvia ut in pultem prorsus abeat, & sic condiri cum aliquo ex præscriptis, vel cum sacchari modico. Carnes in prandio assumat, vel earum contusum:

imo

Cataplasma
pro duris to-
phis.

Cataplasma
Galeni.

Cerati citrini
descriptio.

Viginti

imò sæpe abstinere à carnibus multum conducit arthriticis, præsertim sanguineis. Frequens enim comestio carniū generat podagram dixit Rhasen. duodecimo Continentis: ratio est quod plus alimenti accumulatur in corpore nostro quam partes nutriendæ requirunt, & præcipue articuli, qui in provectiori ætate, ut & juventute, non attrahunt tantum alimenti, quantum in adolescentia & pueritia: in quibus ætatibus articuli non solum nutriebantur, sed & augebantur ac firmiores solidioresque evadebant: quod cum non amplius contingat in juvenibus ac viris & ætate provectioribus, inde fit ut alimentum superabundet ex nimis nutrientibus cibis, & inde in excrementa pravosque humores vel crudos commutetur. Nonnulli tempore paroxysmi concesserunt ciceres à cortice liberatos & lentes. Dantur commode carnes cum boragine, buglossa, beta, lactuca, vel potius endivia, soncho, cichorea coctæ & omphacio: etiam spinachia, malva, portulaca cum modicis uvis passis, & butyro recenter factō: hoc enim minus calefacit. Potus sit aqua pluvia vel fluminis in qua panis calidus lotus est vel maceratus, vel pars cruris bovis sine carne & medulla cocta, vel hordei decoctum cum uvis passis & cinnamomo, vel aqua saccharata: sitim enim sedat, & per urinas in multis facile transit. Vnde præscribitur & aqua coriandri. Hoc claretum etiam commendō: Rec. hordei mundi M. j. prunorum damascenorum num. xx, granorum berberis, si subacidum potum velit, unc. iiij, aquæ pluviae vel fluminis lib. x. bul. ad consumptionem tertiæ partis; amotis ab igne & adhuc calentibus adde cinnamomi crassiuscule incisi unc. ss. sacchari albi lib. ss. cola per manicam Hippocratis. Atque hæc omnia in declinatione nonnihil immutanda, ut paulo plenior sit victus: sed vino omnino interdicitur. Averroes dimittendum esse vinum monet quousque integre sanetur: quam sententiam nonnulli putant intelligendam esse quo tempore urget dolor: alii vero non tantum quo urget, sed quo debet præservari. Sane Ægineta scribit plurimos sanitatem consecutos, qui prorsus à vino abstinebant: horum alios per morbi initia liberatos; alios in posterum rariis, & minori cum dolore accessiones percepisse. Quod si autem paroxysmus abierit, victus ratio nihilominus proba est instituenda, quæ generationi materiæ calidæ, & partium principum imbecillitati opponitur, qualis est refrigerans atque humectans jam præscripta, sed paulo plenior, præsertim si æger non cogatur decumbere, sed propter vitæ institutum mediocriter se exercere queat vel debeat. Igitur in prandio ex carnibus comedat castrati, vituli aut capræ lactantis, bovis, & maxime ejus ventrem. Novi quosdam, inquit Trallianus, qui cum fluxione copiosissima & valde acri laboraret, tunc maxime carnibus bubulis adjutos fuisse. Dicebant enim non amplius se continue aut vehementer pedibus dolere, quemadmodum cum victu tenui uterentur: esse autem pedes bubulos aut ventres magis quam decoctum. Porro erat hic ætate florida, & calidior temperamento. Alibi tamen Hippocrates jecur bubula carne incalescere scripsit. Avicennæ laudantur phasiani, attagenes, perdices, gallinæ cohortales non pingues admodum, meru-

læ, turdi: pisces saxatiles carnis albæ atque friabilis in aqua cocti, cum paucō oleo, & paucis acribus seminibus: item testudinis, ranæ aut viperæ caro, qua comesta novi quendam dolore coxendicis liberatum, qui extractum ejus per circulationem destillatum assumpserat. Nam per cutim materiam ex alto pellit & discutit cum sudoribus. Porro coquitur cum oleo, vino, salis exiguo & anetho; sicque præparatam puto in omni arthritide convenire. Cochleæ latæ potæ tollere dicuntur articulorum dolores, ut Plinius autor est. Ostracoderma, ut pectines, chamæ, dactyli, ungues, ostrea concedi interdum poterunt: myaces articulari utilissimi sunt, ut refert Plinius. Carnes testudinum coquuntur, eodem autore, in aquæ congio sale modice addito, ita decoctarum ad tertias partes succus articularios morbos sentientibus bibitur: ejusdem decollatæ sanguine pedes fricantur. Hordei farina in aqua cocta, vel tritici, vel ptisana, vel puls avenacea cum modico butyro recenti, vel jure carnis bubulæ; & ova tremula commoda sunt. Inter legumina concessit Trallianus fabas virides & siccas leviter fervefactas: item faseolum Alexandrinum, quod puto nunc esse hareomam Caramaniorum & dora dictum, peregrinum apud nos; feritur aliquando in Italia. Hoc enim inter omnia legumina quæ novi, minus inflat, & est melioris nutrimenti; à cæteris abstinendum: fructum pomaceum bene maturum admodum dulcem, inquit Trallianus, offerre consulo circa horam secundam vel tertiam; præsertim persica aut rhodacina, aut uvam duram, & non adstringentem, damascena, mala dulcia, citria purgata & excorticata probe; quibus addo mala vinosi saporis sub cineribus cocta, & cytonea. Pyrum vero, malum punicum aliaque omnia raro aut nequaquam offerre jubet. Arthriticis noxia, nuges juglandes, aut pineæ, aut amygdalæ, aut placentæ. Ex bellariis castaneas potissimum assumere voluit Trallianus. Acetum quoque in omni cibo pro condimento nocet, quod nervis, tendinibus, & stomachi tunicæ sit maxime inimicum. uno aut altero cibo in prandio & cœna æger sit contentus. Varietas enim eduliorum repletionis omnisque ferre fluxionis mater est. Brassicam edentes, teste Plinio, liberati à podagra inveniuntur. Si æger præscriptis pro potu uti noluerit, nec vino abstinere, bibat loram, aut vinum tenue oligophorum, facile per urinas transiens, quale in planis locis natum in Italia, & arenosis colligitur mense Julii & Augusti ex uvis æstivis bene maturis; in frigidiori regione ex uvis maturis montanis exprimitur mustum, cui tertia pars aquæ fluminis, à nonnullis chalybeata permiscetur, imponitur in cadis donec bullierit per mensem, deinde obturatur orificium, ne quid exspiret, & sic servatur ad annum. Alii vinum graminis extollunt: potest graminis radice debita quantitas aquæ incoqui, quæ cum vino solet ante ebullitionem permisceri. Cur Trallianus absinthites vinum his præscripserit equidem non assequor, cum calfaciat magis, & caput gravet, & inducere somnum videatur, si cum cibo sumatur. Fortassis eo fluxiones sisti autumat, quod biliosa detrahat, quæ stomacho & alvo inhæserunt, urinam cieat, crapulam in potu præsumptum arceat, ut de absinthio scripsit Dioscorides. Porro nil

Fructus arthriticis concedendi.

Quæ arthriticis noxia.

victus ratio in arthritide utilis.

*Vitæ vario
in pituitosa.*

pejus in hoc morbo quam bibere inter prandium, & cœnam jejuno stomacho, & præcipue si vinum sit, quod æger bibit. Hoc enim vehementer movet fluxiones & irritat nervos jecurque & sanguinem calefacit. Sic & statim bibere in prandio vel cœna non confert valetudini, sed octo vel decem bolos præsumpsisse de cibo melius est. Post cœnam etiam bibere vetitum volo, ac multum quoque bibere. Arthritici à sanguine hac eadem victus ratione sunt tractandi, sed paulo tenuiori & minus nutriente; dandaque omnia quæ minus sanguinis generant. At si pituita arthritidem causet, confert hic victus adhuc tenuior, & cibi ac potus interdum abstinencia. Corporibus enim carnes humidas habentibus famem adhibere convenit: famemes enim, inquit Hippocrates, corpora siccant. Quamobrem ubi doloribus vel fluxionibus torquentur, semel in die comedant, parum bibentes in prandio, vel si tantum abstinere à cibo nequeant, incidentia, attenuantia, calefacientia & siccantia offerantur, & quæ non multum alunt. Eadem etiam intermediis temporibus quando à doloribus vacat æger pro præfervatione porrigenda paulo pleniore victu; quæ multum nutriunt bis in die offerantur neque multa. Convenit his imprimis oryzæ succus in aqua coctæ cum saccharo & cinnamomo asperso; vel ex jure carnis porrigatur cum petroselino alterato. Carnes commemoratæ sint potius assæ quam elixæ, pisces saxatiles similiter; sed elixari quandoque poterunt cum petroselino, anetho, fœniculo, hyssopo, satireja, majorana, serpillio, pulegio. Vvæ passæ & cappares in aceto mulso conceduntur. A pomis, pyris, prunis, persicis, cæterisque ejusmodi fructus abstinere. Aëtius etiam juglandes & pistachia concessit. Vinum aliquando bibat tenue, fulvum, maturum atque vetus, sed parce attingat. De cætero potus sit aqua cocta cum aniso, fœniculo, uvis passis, radice acori, cinnamomo; vel cerevisia tenuis, in qua baccæ lauri vel juniperi, vel radix lappæ vel uvæ passæ, dum adhuc recens esset, una bullierint. Extollitur hic multum aqua mulsa. Nam Mesues affectus frigidos cerebri, nervorum & articulorum juvare ait, loco vini potum tussim humidam, puris & pituitæ crassæ expectorationem promovere, lavare, tergere, purgare viscera, atque intestina & meatus urinarios, colicis prodesse, ac calculum in viis urinæ prohibere ne hereat aut generetur. Quamobrem & Plinius, mulsum dari solere veteribus articulari morbo laborantibus, memoriæ prodidit. Venere in omni arthritide abstinendum est, at in calida quam maxime & statim à cibo; hanc ante cibum moderata corporis exercitatio juvat, fatigatio summopere lædit, quod à lassitudinibus corpus & articuli imprimis incallescant. Vehementiora exercitia & corporis motus cum levi lassitudine iis, qui frigidis fluxionibus tentantur, jure concedantur. Caveat sibi etiam æger à forti frictione, caligis & calceis angustis, ligaturis fortibus, æquitatione forti & vigiliis su-

perfluis, somno denique post prandium. Roborant articulos, præsertim pedum, caligæ integræ strictæ ex panno infecto cocco baphica seu Kermes, cum quo etiam dormiat si velit.

Pro pseudoarthritidis curatione duabus satisfaciendum est indicationibus, nempe humectandi artus exsiccatos, & regenerandi naturalem eorum humiditatem. Pro his consequendis conducet (omissis in totum purgationibus, & præsertim acerbis & vehementibus, ob nimiam eorum exsiccan- di vim, quæ articulis nocere possunt) interius victum medicamentosum, exterius balnea, fomenta, emplastra, unguenta adhibere. Victus præscribatur, qualem biliosæ arthritidi præscripsimus; plenior tamen & minus refrigerantem siccantemque. Sint omnia, quæ mensis apponuntur boni succi, facili concoctionis, nec multas superfluitates in corpore gignentia, qualia sunt, carnes hœdi, vituli lactentis, cappones & pulli gallinacei pinguiusculi, eorumque pedes; carnes suillæ recentes stomachis robustis, elixæ potius omnes quam assæ; ova recentia sorbilia tremula, ptisana ex hordeo, spelta seu zea, avena, farre, oryza cum jure carniū prædictarum; caseus recens, lac recenter mulctum & potum. Potus sit vinum tenue, maturum, subdulce, & oligophorum. Balneum aquæ dulcis alteratum radicibus althææ, & malvæ, capite castrati, pedibusque ejus & vituli: ingredia- tur æger quotidie ad minus semel. Exeuntem, & si sit ambulandi impotens, ducere tamen oportet, ut exerceantur leniter articuli, & sic ad ipsos humiditas attrahatur; cavere tunc oportet, ne aër vel calidior sit, in quo æger versatur, vel frigidior, sed tepidus. Calor enim eosdem ex poros laxando, ipsumque illum qui affluit humorem attenuando discutit & absomit. Frigus vero articulos constringendo in ipsos humorem, quem postulamus, illabi non sinit, & tendines musculorum rigidos facit, qui ad articulos confluunt: unde ad motum sit æger ineptior. Hæc etiam ut præcaveantur consulimus, ut æger à balneo oleis actu calidis circa articulos inungatur, quale est amygdalarum dulcium, chamæmelinum, mastichinum, narcissinum, olivarum dulce, & lumbricorum: à cæteris resolventibus abstinere. Adhiberi etiam articulis poterit emplastrum ex eisdem oleis confectum cum medulla cervina, vitulina, exungia suilla recenti & butyro quam recentissimo, additis mucilaginis lini, althææ & fœnigræci & cera flava novissima: præsertim si convelli patientes se circa laborantes articulos perceperint. Tunc mulsam præbere satis est, & vino interdicere. Vbicumque à balneo abstinerint (inquit Petrus Salius) fomenta ex eisdem rebus, nempe ex quibus fit balneum, parata in usum habeant: in quorum administratione hoc animadvertant adstantes, ut antequam caro detumescat, vel hominem è balneo educant, vel fomenta removeant; alias in his administrandis, succedente humoris attracti resolutione, restauratio deperditæ humiditatis non esset speranda.

*Pseudoarthri-
tis curatione.*

ADRIANI SPIGELII

BRUXELLENSIS

DE

LVMBRICO LATO,

LIBER.

INDEX CAPITVM

D E

L V M B R I C O L A T O .

CAP. I.	<i>Quid Vermis,</i>	87
II.	<i>Quid Lumbricus, Ε'λμινς, γηρόν,</i>	87
III.	<i>Quid Lumbricus rotundus, latus seu planus, στρογγύλον, πλατὺ,</i>	88
IV.	<i>Propria Lati Lumbrici nomina,</i>	88
V.	<i>Figura & Descriptio Lumbrici Lati,</i>	89
VI.	<i>Quid Vermis Cucurbitinus Arabum, Tænia degener Auctoris,</i>	92
VII.	<i>An Lumbricus Latus sit Animal,</i>	93
VIII.	<i>De ejus generatione & materia,</i>	94
IX.	<i>Pituita quomodo transeat in lumbricum latum, & quenam hujus prima forma,</i>	95
X.	<i>Plures uno non nasci : nec bis in homine nasci notatum,</i>	97
XI.	<i>Locus generationis, utrum crassum sit, an tenue intestinum,</i>	97
XII.	<i>Qua ætate generetur in humano ventre,</i>	98
XIII.	<i>An pariat,</i>	99
XIV.	<i>Quamdiu vivat,</i>	99
XV.	<i>Signa ejus Diagnostica,</i>	100
XVI.	<i>Prognostica ejus signa,</i>	103
XVII.	<i>Quenam sit ejus curandi ratio,</i>	104


DE

LUMBRICOLATO,

LIBER.

C A P. I.

Quid Vermis.



Voniam ad hujus animalis plenior, quam hactenus à Medicis, atque Philosophis tradita est, notitiam & varia ejus synonyma intelligenda plurimum proderit, prius cognoscere, quid Vermis, Lumbricus, ἔλμινξ, ἡρέων, antiquis signi-

ficient, statui hujus libri initio, loco proœmii, harum vocum significationes diversas tradendo, latius quam Medico fortassis convenire multis videbitur, exspatiari. Parvorum igitur animalium sanguine carentium, quæ ἔνπμα Græcis, Latinis Insecta dicuntur, genera plures continent species quam enumerari possint propriis nominibus. Ideoque obscuro aut nullo nomine designantur aliqua, quæ à Grammaticis non sine ratione σκώληκες, & σκωλήκια, id est, Vermes, & Vermiculi vocantur.

Etenim omnem vermem insectum esse, atque omne fere insectum vermem, patet ex eo, quod vix ullum insectum est, quod non vermis aut sit, aut certe fuerit. Nam appello proprie vermem insectum oblongum, & pedibus carens, quod aut species est perfecti animalis ac destinati ut ex eo nil aliud generetur, ut lumbricus, hirudo; aut principium est insecti pedati, sive sponte more plantarum provenientis, ut culicis; seu per sexum generati, ut apes; sive utroque modo, ut muscæ. Aristoteles Hist. de animalib. lib. v, cap. xix, omnia insecta, aut ex animalibus, aut sponte provenire scribit. Quæ ex animalibus procreantur, omnia à verme oriri manifestum est. Nam omnia insecta, ait Philosophus, quæ pariunt à coitu, vermem faciunt, excepto quodam genere papilionum, quod parit quiddam semini cnici simile, intus humorem continens. Sed etiam ex hoc semine nasci videtur eruca, quæ nil aliud est, quam vermis, eodem teste. Qui bombycum erucas, filum sericum nentes aluerunt, experti sunt, ex semine, quod papilioes pepererunt, eas quoque prodire, deinde in chrysalida mutari, atque ex hac fieri papilionem. Iam & eorum, quæ sponte proveniunt, ortus primordia, modo sunt sensibus nostris manifesta (nam in minutissimis animalibus propter corporis exiguitatem interdum latent) si diligenter examinaverimus, rarissime sane, quæ ex verme producta non fuerint, reperiemus. Recte igitur Veteres Græci obscura insectorum nomina, quibus proprias quasdam species significabant, vermem dixerunt, & exposuerunt, nomine scilicet omnia insecta complectente.

C A P. II.

Quid Lumbricus, ἔλμινξ, ἡρέων.

Sequitur Lumbricus, cujus appellatio latius apud Latinos, quam apud Græcos patere videtur. Illi enim per lumbricos intelligunt non tantum vermes, qui in animalium ventre generantur, sed etiam qui ex terra ipsa oriuntur: nam terrenos vermes, quos Græci ἔρρεα τῆς γῆς, id est, intestina terre, lumbricos terrestres sive terrenos nominant: Hi vero per ἔλμινξ (quod Latini veteres, proprio magis nomine carentes, passim lumbricum, paulo latius quam deberent, interpretantur) vermes tantum in animalium intestinis, seu ventre nascentes designarunt. Sic Aristoteles lib. v Historiarum tria genera ἔλμινθων enumerans, loquitur de lumbricis in excrementis animalium, adhuc intra eorum corpus contentis, enatis. Et lib. vii Histor. quando inquit, ἔλμινθαι sub cane ballero, atque villoni innasce; locutus est de ventris lumbrico. Et lib. ix Hist. Canes, ait, tritici herbam comedere, ἔταν ἔλμινθῶν, id est, cum lumbricis intestinorum laborant. Sed & ante Aristotelem Hippocrates nunquam per ἔλμινθα aliud intellexit. Recte igitur utrosque secutus Galenus, lib. i de Locis male affectis, ubi recenset nonnullos morbos, ex quorum cognitione devenimus ad certam notitiam loci affecti, scripsit ἔλμινθας in solis intestinis nasci. Ergo eorum, qui vim Græci hujus vocabuli non satis sunt affecuti, vana mihi videtur disceptatio, qua contra hunc Galeni locum probare conantur, lumbricos in aliis corporis partibus, præterquam in intestinis nasci. Porro cum tria recensentur lumbricorum, seu ἔλμινθων genera, teres nempe, latum, & quod ascaris appellatur; notandum est strictim apud Latinos Lumbricum, & ἔλμινθα simpliciter apud Græcos, capi quoque pro uno ex prædictis generibus, scil. pro tereti, seu rotundo, quod huic, ut cæteris generibus, nullum nomen proprium donatum fuerit, frequentiusque cæteris in animalium, hominis præcipue, ventre conspiciatur. Nam latus lumbricus habet sua nomina, quæ paulo infra recensentur; & tertium genus dicitur ascaris. Ita Hippocrates lib. i Epidem. non aliam lumbrici in ventre geniti speciem intellexit, quam teretem, sive rotundum, dum inquit, cuidam δὲ τὸ κατὰ τὴν ἐρεθισμῶ ὑγρὰ πικρὰ χύδα μὲν ἔλμινγῶν, id est, irritata alvo, liquida, turbida cum lumbricis exivisse; sic & alibi: sed in libro de Crisibus recensens bonæ Criseos signa ait, commodum esse ἔλμινθας seu lumbricos exire, morbo ad judicationem tendente. Quod & lib. ii Prognost. & in Coacis prænotionibus de lumbricis rotundis scribit. Et clarus agricola Constantinus Cæsar, agens de nasturtii

Plena sit tractatio.

σκώληκες.

Vermis est insectum, & omnia.

Quid vermis.

Insecta omnia vermem faciunt.

Eruca.

Bombyces.

Lumbrici terrestres.

Explicatum Galenus.

Tria lumbricorum genera.

Lumbrici vocati pro tereti ascaris.

Hippocrates ad Epidem.

Item Constantinus Cæsar.

de nasturtii femine *μήνθας ἢ ταινίας ἐξάγει*, id est, *cum mentha*, & *vino potum lumbricos & teneas pellit*: distincte per lumbricos, teretes intelligens, tanquam nomine proprio destitutos: per tæneas, latos. Similiter & τὸ *θηρίον* apud Hippocratem, & Dioscoridem pro ventris lumbrico sumitur. Nonnulli τὰ *θηρία* interaneorum animalia, & ventris animalia interpretari maluerunt; sive quod sic etiam lumbricos vocent, sive quod una cum his quæcunque alia animalia, in intestinis generentur, puta lacertas, scarabæos, & cætera his similia (hæc enim in ventre hominis aliquando nasci, testantur autores non ignobiles) quæ forma corporis, ac specie, à tribus lumbricorum generibus jam dictis variare cernuntur, ac nomine proprio carere. Sic Arist. *lib. v. Histor.* videtur τὰ *θηρία* animalcula appellasse, quibus non erant indita propria nomina; aut quæ figura, specie atque natura essent insolentia & inaudita. Ait enim quod in Cypri ærariis fornacibus gignantur *θηρία ἐν τῷ πυρὶ τῶν μεγάλων μύων μικρὸν τι μείζονα ὑπὸ πτερῶν*, id est, interprete Gaza, *bestiole pennate paulo muscis grandibus majores*. Sic & Ælianus araneam *θηρίον* appellavit. Quidam etiam τὸν ἵππιν inter *θηρία* enumerat. Et Suidas ex quodam scriptore de Pheretima regina dicit, eam obiisse κακῆς *θηρίοις*, quæ Lucretius *lib. v.* sæva vermina dixit in cadaveribus orta; alii pediculos; nonnulli ventris sæva animantia. * Cæterum *θηρία* veteres Medici lumbricos ventris appellare voluerunt, quod interdum hi, dum in ventre diutius commorantur, aut maximi evadant, aut ferinos induant mores, ac malignam & venenatam qualitatem, qua non cedunt venenatis bestiis, quæ veteres quoque *θηρία* nuncuparunt. Nam & abdomen perforasse aliquando legimus, & interanea exedisse non semel observavimus, taliaque symptomata excitasse, quæ Medicorum animos in suspicionem traherent veneni dati. Quid igitur sit vermis, lumbricus, ἑλμινξ vel ἑλμινς, *θηρίον*, satis videmur, quantum ad præsens institutum pertinet, explicasse.

* Quoniam Herodotus *lib. iv.* Pheretimam, Cyrenes reginam tradit, corrofam fuisse τῶν ὄλκων: Et Plutarchus in Artaxerxe dicit: ὄλκας καὶ σκωληκεὶς ὑπὸ φρενὸς καὶ σπινθύνῃ ἐκ τῆς περὶ πλάτης ἀναλυσσι: docti viri existimant, ὄλκας, & σκωληκεὶς esse synonyma. Certe apud Homerum ὄλκας sunt tantum vermes, qui peculiariter in cadaveribus, vulneribus, aut ulceribus nasci solent; ita dicti ὄλκας τὸ ἐλκῶν, quod significat volvo. Et in hac eadem significatione puto sumpsisse Herodotum quoque & Plutarchum, ac inde non satis tutam eorum versionem, qui ὄλκας interaneorum vermes, & ventris animalia, nempe lumbricos interpretari ausi sunt.

C A P. III.

Quid Lumbricus rotundus, latus seu planus, προγγύλον, πλατύν.

Nunc quid *κηρία* & *ταινία* sit apud Græcos, esset indicandum, tanquam ad institutum libri proprie spectans, nisi prius meminisse oporteret, Lumbricorum ventris ab Aristotele tria genera recenseri, *προγγύλων, πλατύνων, & ἀσκαρίδων*, id est, secundum Theodorum Gazam, *latum, teres, & quod ascaridum appellatum est*. Sic & à cæteris posterioribus Medicis Græcis. A Latinis, ut Celso, tantum duo, teres scilicet, & latum. Similiter & ab Hippocrate duo tantum putantur recenseri, teres scilicet, & ascaridum. Ita, quemadmodum hic latum, sic Celsus ascarida præteriisse videtur.

Nam in genuinis libris Hippocratis nulla lati vermis unquam facta est mentio; cum ea, quæ sunt in libro de morbis, etsi lectione maxime digna, neutiquam vero Hippocrati attribuenda videantur. Putaverit fortassis aliquis, Celsum per genus lumbricorum teres, non modo commune id genus pueris frequentissimum intellexisse, sed etiam ascarida; utrumque enim teres est, videnturque magnitudine inter se differre, si figuram eorum spectemus. Nam illi majores, qui sæpe visuntur, terrenis vermibus sunt prorsus similes; hi vero tineis, in lana pulverulenta, aut serico humido, quando nondum ex festucis aut filamentis domum sibi pararunt, recenter genitis. Idcirco ab horum similitudine Itali Veterinarii tarmas vocant vermes teneas sive ascaridas, quæ in recto equorum intestino gignuntur. Absyrus antiquus Hippiater, *περεδονας*, id est, *tineas* appellat. Non ideo mirum etiam lumbricos teretes ventris tineas à Plinio & posterioribus appellatos, quanquam in quibusdam locis apud eundem Plinium pro tinea, lumbricum latum intelligentem, proculdubio legendum sit tænia, ut ex sequentibus patebit, Porro cum ob figuræ varietatem species lumbricorum constituantur, diligenti consideratione indiget, quid *προγγύλον* & *πλατύν* proprie appellemus, ut inde nonnullorum interpretum manifestissimi errores elucescant, quibus ducta maxima pars literatorum, pro plano lumbrico cucurbitinum sumpserunt, longitudine aliquando lato parem, nequaquam latitudine & planitie. Profecto per *προγγύλον*, nil aliud puto intelligi debere, quam *teres*, hoc est *longum* & in latitudine rotundum, veluti virga: id enim ad unguem significat. Quamquam Gaza & reliqui *rotundum* vertunt, Grammaticos & Rhetores secuti, qui diversa pro iisdem sæpe sumunt. Per *πλατύν* vero, *planum*, id est, cujus superficies per lineam rectam describitur. Quamobrem mirum fortassis curiosioribus videbitur, Celsum elegantissimum Latinorum Medicorum, τὸ *πλατύν, latum* interpretatum fuisse. Nam etsi ἑλμινς *πλατύν* triplo aliquando, imo sextuplo latior videatur tereti, ita ut ob hoc lati vermis agnomen merito sibi adsciscat; tamen tanta est ejus longitudo, ut proportionem sumpta longitudinis, & latitudinis, teres lumbricus multo adhuc sit latior & crassior. Pisces, quos Aristoteles *πλαταίς* nominat, Plinius & alii planos sunt interpretati, etiam si magna ex parte tam fere lati sint, quam longi. Germani plerisque oceani accolæ, priscum Græcorum nomen adhuc servare videntur, dum passeres marinos, & alios pisces his similes planos, plateifas vocant. Rectius igitur licebit *πλαταίαν ἑλμιντα* planum lumbricum interpretari, in designanda lumbricorum specie: quamvis simpliciter eadem vox pro lato quandoque sumatur. Ut cum *πλαταίαν ὁδόν*, latam viam dicimus; Latinis, plateam.

C A P. IV.

Propria Lati Lumbrici nomina: ταινία, κηρία. Tænia, Fascia.

Iam ad propria lati lumbrici nomina accedamus, quæ præcipue à figura animalis ipsi imposita sunt. Etenim quod fasciis sit similis, *ταινίαν* ταινία Græci,

θηρίον quid.

Σæva vermina.

Cur ventris lumbrici θηρία dicantur.

ὄλκας.

Vermem latum ignoravit Hippocrates.

Tarma Italianum.

Absyrus tineas.

προγγύλον quid.


Licentiosa Theod. Gaza versio.

πλατύν quid.

Pisces plani dicti, qui lati possunt.

Platiffæ Germanorum.

*Figura hæc ponatur inter
pag. 88 et 89.*



Græci, & Latini *taniam* appellare voluerunt. Nam Plato in Symposio ait: *πῶν δ' αὖτε τὸν ἰσθμὸν ἢ ἐρεῖα ἢ λίνυα τανίαν λέγουσι*, id est, *omnem autem angustam telam textilem ex lino vel lana, fasciam dicunt, seu taniam*. Invenio in Onomastico Erotiani in Hippocratem, lumbricos latos præcipue nominari *κηρίαι*, dum inquit; *κηρίαι κυρίως λέγονται αὐτὰ παλαιοὶ ἐλμύντες*, id est, *Cerie proprie dicuntur lati lumbrici*. Anutius Fœsius valde arbitrarium putat, an apud Hippocratem Erotianus legerit *κηρία* pro *κηρίαι*. Apud Suidam, & Hesychium leguntur *κηρία* & *κηρίαι* (quæ vox usitatissima est in Novo Testamento) & *κηρία*, à *κείρω*, quod significat tundo, pro fasciis, loris, ac tæniis. Suidas *κηρίαν*, *ἐξ ὧν ἐξ ἐχθρῶν παρασκευάζονται, ἢ δεσμεύονται τὰς κλῆνας*, id est, *speciem cinguli ex juncis facti, similem loro, quo lecti vincebantur*, exponit. * Qui medicorum Arabum scripta in Latinam linguam transtulerunt, pro latis vermibus cucurbitinos posuerunt, sicque vocarunt eos, quod dicantur ægri iis laborantes, veluti cucurbitæ semina per inferiorem ventrem una cum excrementis reddere: vel quod taniam constare existimarint ex multis vermibus semen cucurbitæ referentibus. Germanis dicitur proprie *Wasser-Kalb* id est, *vitulus aquaticus* (solet enim in multa humiditate degere) cum lumbricum rotundum proprio nomine vocent *Sporkworm*.

* In Glossario veteri lumbricus exponitur *κηρία*, forte *κηρίς*, quod Grammaticis est, *κηρίς ποικιλῶς*, id est, *lorum varium*.

C A P. V.

Figura 5 Descriptio Lumbrici Lati.

Sed figuram hujus animalis nobis satis perspicue indicarunt veteres ipso solo nomine *taniæ*, quod ei commodissime imposuerunt. Siquidem albas lineas fascias, quibus infantes communiter involvuntur in Italia, & aliis plerisque Europæ regionibus, plurimis lineis per transversum æquali intervallo insignitis, ex filo gossypii vel lini crassioris intexto constantibus ob mollitiem & firmiterem deligationem, tam exacte refert, ut existimem veteres nomen magis proprium huic imponere non potuisse. Hippocrates, ut in hujus vermibus descriptione pergamus, *lib. iv de Morbis*, eum esse ait, veluti *ἐρεῖα ἢ ἰσθμὸν λευκόν*, id est, *album ramentum intestinorum*, nempe alba ab intestino abrafa tunica; quibus verbis formam & colorem satis aperte designavit. Non enim per intestini ramentum intellexit eam mucosam substantiam, quæ aliquoties in diarrhæa biliosa ab intestinis, propter acrimoniam humorum præterfluentium, abraditur; t aut quam coqui, qui farcimina parant, in abluendis intestinis solent diligenter detergere; neque etiam alteram, quæ in sæva dysenteria ab interna propria intestinorum membrana vi humoris, aut acrioris medicamenti avelli, & per alvum excerni consuevit. Hæc enim ex multis parvis ramentis est conflata, & ut clare loquar, ramenta sunt, non ramentum; sed voluit significare unicum intestini ramentum interioris tunicæ intestini, idque tenue, non valde latum, nedum longum ad

cubitos, ut sunt intestina, & secundum eorum longitudinem cum suis transversis plicis detractum. Etenim ex veteribus Hippocrates, seu auctor *lib. iv de morbis*, admirabilem longitudinem huic animali adscripsit, dum ait, *partem ab hoc verme abrumpi, aliquando duorum, trium, aut plurium cubitorum, quæ per alvum redditur*. Galenus, seu autor ejus libri, qui inter Galeni libros hodie circumfertur, & Introductio seu Medicus inscribitur, (aliis Herodoti esse existimatur) nonnullos horum vermium tam longos esse dicit, ut in totum exporrigantur intestinum. Idem Alexander Trallianus confirmavit in Epistola de lumbricis. Scribit enim ad tantam magnitudinem eos pervenire, ut universo intestino coextendantur: quin etiam constare, quandoque excretos fuisse, qui sexdecim pedum longitudinem prope æquarent. Idem autor referens historiam mulieris, quæ ab assumpto purgativo, ex Hiera facto lumbricum ejecit, qui putabatur duodecim cubitos & plures in longitudine habere, latum vermem proculdubio intellexit. Plinius ait, *taniam* in homine nasci triginta pedes longam, & amplius. Ex recentioribus Rondeletius, eum tantum duorum cubitorum, quem uxor militis cujusdam in castris Perpinianis excreverat, animadvertisse se testatur. Nemo, quantum equidem ex scriptis clarorum virorum & multorum fide dignorum relatione potui meminisse, hoc breviorum unquam notavit, qui ex hominis ventre prodiisset. Nam qui ulnam tantum longum se vidisse scribunt, latitudine paulo majori quam semiunguis, integrum non viderunt, sed tantum ejus frustum. Quanquam verisimile est, in admodum tenello, nec diu nato, breviori eum corpore præditum esse; aut ubi in animalibus homine minoribus, ut canibus, oritur: quemadmodum longiorem, ubi in equis, bobus, & aliis id generis majoribus quadrupedibus, quæ hac eadem molestia sæpe tentantur. Amatus Lusitanus integrum vidit quatuor cubitorum longitudine. Fœlix Plateus, quadraginta pedum. Thaddæus Dunus in cujusdam uxore juvene, quæ in agro Tigurino habitabat, unam partem ejectam quinque ulnarum, & alteram, quæ viginti superabat, in neutra caput & caudam adfuisse: quod adhuc magno est argumento relictam hujus vermibus portionem alicujus notabilis longitudinis, quæ tandem in dysenteriam & hydropem conjecit mulierem, & paulatim ad interitum deduxit. Porro ratione tantæ longitudinis exigua latitudinis portio ab auctoribus traditur more fasciarum. Semiunguem exiguum latus erat, quem supra diximus Amatam Lusitanum vidisse quatuor ulnarum longitudine; minimi vero digiti, quem Thaddæum. Hæc latitudinis proportio diligenter à Medicis notanda est, ut, cum ægri frustulatim excernere plerumque soleant hoc animal, conjicere possint, quam longum adhuc in corpore sit relictum, & quam valido ad expellendum opus sit medicamento. Petrus Paulus Pereda in scholiis ad Methodum Michaëlis Paschasii refert, se adeo magnam fasciam vidisse, ut fere ulnæ longitudinem attingeret; adeo cavam, ut totam manum includeret. Vbi quid per cavum intelligat, non assequor. Nam si latam esse velit usque adeo, ut, lateribus utrisque nonnihil incurvatis in circulum, tantam cavitatem fecerit, quæ

Lib. Introductio
Hippias Gale-
ni.

Alia animalia,
quæ præter
homines
vermes ha-
bent.

Ex latitudine
longitudo pro-
portionalis
Medico nota-
ganda.

Cavum Pa-
schasii non in-
tellectum.

M

totam

+ De qua constat Hippocratem mentionem fecisse *lib. vii, aph. xix*, veluti *ἐρεῖα* ea vocans: quando dicit. Et quibus dejectiones si stare permiseris, & non moveris, veluti *ἐρεῖα* (strigmenta vertunt) substi-
stunt, & si pauca sint, paucus est morbus, &c.

*Vermis latus
non est mon-
strum.*

*Articuli ver-
mis.*

*Plinius expli-
catur.*

*Caput Ver-
mis.*

*Rostrum acu-
tum.*

*Integrā lum-
brici lati effi-
giem cum ac-
curatissima
ejus descriptio-
ne primus nu-
per nobis ex-
hibuit Vir
vere Magnus
& nobis ami-
cissimus D.
Nicolaus Tul-
pius, Amstel-
redamensis
Reip. Ex-Scab-
binus & Se-
nator, Medi-
cus & Ana-
tomicus nulli
secundus, in
aureis obser-
vationibus
lib. 11, cap.
XLII.
Alimentum.*

*Lumbrici te-
retes perfo-
rant intestina
& umbili-
cum.*

*Corpus lati
lumbrici qua-
le.*

totam manum complecti potuerit; profecto in-
credibilis fuerit hoc animal longitudinis, utpote
quod ratione tantæ latitudinis, quæ palmam ad
minus æquavit, plusquam ad trecentos pedes se
extenderit, cum hoc animal neutiquam monstrum
sit, (et si rarius cæteris lumbricis in nobis genere-
tur) sed suis omnibus membris, & debita propor-
tione, tam longitudinis, quam latitudinis absolu-
tum, & numero articulorum, qui sunt incisuræ.
Sed quomodo tam longum latumque animal in
intestinis spacium habere possit, non potest huma-
na intellectione capi. Ut propterea apud Plinium,
ubi scribit, intra hominem tæniæ tricenum pedum
aliquando, & plurium longitudine nasci, proculdu-
bio recentiores multi mendose legerint trecentum,
hoc est, tricentenum pro tricenum, id est, trigin-
ta. Cæterum quale sit huic vermi caput, non ex-
tat apud antiquorum aliquem, juniores diversa
proferunt. Nam Amatus Lusitanus verrucosum
vidit, ex quo corpus latum procedebat. Ronde-
letius oblongum, parvum, oculis destitutum. Ga-
bulinus videtur id rostrum acutum à figura nomi-
nasse, quam rostro acus piscis comparavit. Fore-
stus lib. xxvi, cap. xxxvi, in quodam adolescen-
tulo vidit in mucronem, tanquam subulam desin-
se. A multis vulgo creditur, caput esse exiguum,
cum paucis quibusdam pedibus, more araneorum.
Ego autem, quanquam nunquam caput videre
potuerim, non levi ratione conjicio, huic esse par-
vum in acutum desinens, & rostratum, ut aliis est
lumbricis; quod modo exerere solent, modo con-
trahere ad libitum atque recondere, veluti lima-
ces cornua, & alia multa animalia linguam, muscæ
epiboscidem. Etenim eodem cibo alitur augefcit-
que, quo cæteri lumbrici. Nam omnes præpara-
tum quoddam alimentum liquidum, veluti chylum
jam confectum, (nam aliquid aliud, quod egeat
vel oris, vel linguæ, vel dentium præparatione,
aut ventriculi concoctione) fugendo hac parte
capiunt, quod proprio verbo Græci vocant ἐκχυ-
λίζεν. Hanc partem (quam seu linguam, seu prin-
cipium, seu caput appellare libet, parum refert)
nonnulla infecta, quæ pedibus carent, aculeatam
habent, ut hirudo; aut admodum mucronatam,
ut solida corpora queant perforare, veluti lum-
brici terreni, & iis similes in ventre nati, qui tere-
tes dicuntur, quos aliquando intestina perforasse
legimus, & per umbilicum prodiisse; per angusta
venarum mesaraicarum orificia perrupisse in ra-
mos venæ portæ mesentericos, inde in venam
portæ transisse, ibique constitisse, & transitum
alimenti impedivisse, ipsi vidimus. * At ne latius
digrediantur, nostrum lumbricum latum molli-
orem hanc partem anteriorem obtinere ex eo con-
jicere possumus, quod molestissimas punctiones,
quales ægri à lumbricis rotundis aliquando in ven-
tre patiuntur, non percipere se dicant ii, qui lato
laborant. Igitur ab ejusmodi capite puto statim
corpus plani vermis prodire, prius quidem latius

& crassius, atque si ad aliquam insignem longitu-
dinem accreverit, à lateribus crispum, mox an-
gustius, tenuius, paucioribus, & minoribus late-
rum crispitudinibus, donec paulatim in caudam
desinat angustam, & tenuem nullis amplius lateri-
bus crispatam. Quandoquidem duas partes lon-
gas ab hoc verme abruptas videre nobis contigit,
quas præter alias breviores Maria uxor Casparis
Helveti (qui cum ipse Germanus esset inclytam
Germanicam nationem mercede Patavii hospitio
excipiebat) duabus vicibus, nec eodem tempore
excreverat. Harum una, quæ prius ex ano pro-
pendens ab ejus sorore (quæ putabat primo esse
lumbricum teretem) extrahebatur manibus, mox
insignis longitudinis pertæsa unguibus dilacera-
batur, quinque cubitorum longitudinem supera-
bat, finem vermis seu caudæ partem continens,
cui extrema caudæ particula unum, vel alterum
adhuc pedem longa deerat, fortassis antea ab
ægra inscia sponte abrupta. Hoc integrum fru-
stum, qua parte à verme recenter abruptum, di-
gitum minimum latum erat, ad caudam paulatim
vergens angustius evadebat. Erat ejus substantia
per totum mollis, densa, exanguis, alba, membra-
næ intestinorum similis. Qui colore eam flavo,
& ad subcineritium tendente depingunt, iis con-
specta est nondum à sordibus & excrementis blu-
ta, vel jam in corpore mortua aliquandiu detenta.
Casparus Wolfius albam quidem & ipsam com-
memoravit, sed nigris maculis distinctam. At no-
stram vidimus prorsus candidam, lineis, seu inci-
suris, more insectorum, quibusdam (quas spiras
dixerunt nonnulli, quod harum beneficio multis
voluminibus sese hic vermis, quasi in circulos
contrahat) æqualiter à se invicem distantibus, per
transversum præditam, in quarum spatio interme-
dio habebat quædam, veluti internodia, lenticu-
læ figura, quæ à nonnullis vermes cucurbitini,
quod cucurbitæ semina referre ipsis visa sunt,
quando abruptuntur singula, sunt nuncupati.
Thaddæus Dunus squamas, & adhuc rectius geni-
cula, à nodorum in herbarum caule similitudine,
appellavit. Hæc, ubi alimento sunt repleta, co-
lorem fuscum, & nigras veluti maculas, aliquan-
do præbent: sed omni humore vacua, prorsus
alba sunt, & ipsa parum elevata, & veluti ex dua-
bus membranis conflata, inter quas alimentum
pro nutrienda tota ejus vermis parte, quæ incisur-
as interjacet, continetur. Nec uspiam substantia
vermis crassior, quam in hisce nodis, & tamen vix
superant crassam cerebri membranam, quam du-
ram matrem vocant anatomici; aut communis
animalis, ut porci aut ovis vesicam, suâ crassitie:
hi paulatim versus caudam progressi quanto erant
caudæ extremo viciniore, tanto minores evade-
bant; ut tandem in caudæ extremitatibus oblite-
rantur, unde intervalla quoque incisurarum
semper minora & obscuriora cernebantur. Late-
ra ubique in hac parte erant æqualia, & plana. At
in altero frusto, quod post annum eadem mulier
ejecit, octo pedes longo, crassum digitum lato,
nodi majores, crassiores, rariores incisuræ, latera
notabiliter crispa erant. Rondeletius scribit suum,
quem vidit, fuisse à lateribus ferratum. Carolus Clu-
sius, in scholiis suis ad Monardum, lib. 111 de simpl.
ex novo orbe delatis de verbena, refert Lucam
Farellum

*Corporis sub-
stantia.*

Color.

Spiræ lumbrici.

Genicula.

*Latera ferr-
ata, seu crisp.*

* Nam anno millesimo sexcentesimo primo, cum Patavii pro publica
anatomie jecur, quod excarne vocant, præpararem cujusdam mulieris
consistentis ætatis, quæ in nosocomio prope ædes Divi Francisci mayo-
ris mortua, ad tantam maciem erat redacta, ut præter cutim, & ossa,
vix quippiam compareret carnis, quod ossa contereret, quatuor lum-
bricos teretes spithamæ nuius longitudine in ipso trunco venæ portæ se
insinuas, ac toti corpori alimenti aditum, & viam obstruxisse, Viro
Excellentissimo Hieronymo Fabricio Aquapendente, præceptori nostro
monstravimus, qui eos postero die in publico Theatro anatomico om-
nibus medicinarum doctoribus, & studiosis pro miraculo aspiciendos pro-
posuit.

OBSERVATIO RARA.

Monstrum fuisse, uti Auctor asseverat, non latum lumbricum vermem illum quem excretum à rustico Wierus se vidisse refert lib. IV de Praestig. Demon. cap. XVI, ne cui dubium sit, operispretium facturum me existimo, si adjiciam raram historiam de isti similibus vermibus, una cum iconibus eorumdem ad vivum delineatis, quos videre contigit Patri meo p. m. D. Antonio Antonide Vander Linden, Enchusano primum, deinde Amstelredamensi Medico experientissimo. Eam sic refert.

Anno CIOIOCXI, Enchusa puerulus quatuor annorum cum per duos integros annos admodum languidus fuisset, & toto eo tempore de ventris (qui & tumidus semper durusque erat) doloribus punctionibusque nunc acerbioribus, nunc remissioribus conquestus esset, ac sepe tenuem atque atram materiam magnis cum torminibus copiose admodum per sedem evacuasset, tandem XVIIII Iunii cum similis coloris & consistentiae excrementis tres insigniter monstrosos vermes (quorum ad vivum formam delineatam adjuncta tabula, & coloribus insuper expressam a se rezeq exhibet) magno cum streatu, presente matre in matulam, cui infidebat, deposuit. Inde mox ventris dolores evanuerunt, ejusdemque tumor admodum imminutus est. Mater filiolum ab olla subleicans, inque fecibus hæc monstra videns, quia horret ollam attingere, pannum cannabinum, quali tergendis & mundandis pavimenti nostrates ancilla utuntur, non procul inde ex clavo pendentem dum adferre properat & olla superinjicere, interea horum vermium unus ex olla ora propendens in terram delabatur, & per cloacæ foramen celeriter proserpens evasit, diligenterque mox extra domum quasitus inventus non fuit. Ego ob rei novitatem advocatus, postque horam adveniens, atque rem totam ex pueruli matre intelligens, injectum olla pannum tollo, bacilloque feces atras & teterrimum fetorem spirantes moveo, ac conspecta monstra inde aufero, non sine admiratione dicens adstantibus non monstra, multo minus vermes esse, sed juniorum anatum rostra cum annexis asperis arteriis, eaque haud dubie à quopiam in ollam antea injecta. Sed aliter se rem habere mox tum probabilibus rationibus mater, tum motus ipse certo docuit, quo se adhuc, horrendi isti vermes presentibus variis spectatoribus moverunt, nunc se contrahentes, nunc iterum extendentes.

Porro prima figura utriusque vermis dorsum seu partem superiorem ostendit. In hoc autem verme desiderabatur oblonga ac tenuis cauda; quod forte ea in validiore & molestiore excretionem lacerata & abrupta in fecibus immersa manserit.

Altera figura utriusque vermis non tantum ventrem seu inferiorem partem; sed & præter integram caudam inter duos ab utroque latere appendentes longiusculos & anatinis non admodum absimiles pedes, foramen insuper oblongum & hians, inque circumferentia hirsutum oris instar, oculis exponit.

CAP. VI.

Quid Vermis Cucurbitinus Arabum, Tania degener Auctoris.

Sed haud monstrosa atque insolens videtur ea vermium series, quam Cornelius Gemma Frius, olim Medicus Lovaniensis, Vir solide doctus, duodecim aut tredecim pedes longam, catenatim sibi adhærentium, ac seminum cucurbitæ, seu cucumeris speciem præbentium eo in libro nobis

M a depinxit,

Cornelii Gemma
ma Vermium
Longa series

Farellum crispum quoque produxisse. Et profecto hic vermis eget crispis lateribus, maxime parte sui corporis latissima, nec procul ab ore, quod in flexuosis intestinorum voluminibus degenti tam longo & plano animali, flexuosos ac veluti in orbes aut semicirculos, factos motus in omne latus natura debuerit accommodare, qui in tam plano corpore ad primum & supinum facile, ad latera vero plana absque eorum extremitatibus corporis, & frequentibus nodis, seu dearticulationibus, peragi nequibant. Igitur si quando in hac corporis parte, qua crispa habet latera, unum latus in spiras se convolvit ac torquet, oppositum beneficio crispæ suæ substantiæ cedit, æqualisque redditur suis extremis in distensione. Atque hinc patet causa tam admirabilium flexuum, ut in glomi, ex filo convoluti speciem se quandoque formet, ubi medicamentorum vi ex ventre hominis totus propellitur. Cæterum incisuras in aliis vermibus rubro colore aliquando notatas fuisse accepimus. Pronum quid sit, atque supinum, non facile est in eo animadvertere, cum utrinque, dum aquæ innatat expansus, aut in saxum planum, asseremve projicitur, sibi similis sit: at si baculo ex aqua expansus in sublime attollatur, videntur tantum latera ab una parte finibus suis contrahi, ac veluti in se mutuo coire, apparetque tunc teres. In hac figura compositus esse videtur, quem Weckerus, in muliere quadam triginta quinque annorum in valle Gregoriana observavit, quam ait lumbricum octodecim pedes longum, una cum foedissimis excrementis ejecisse per alvum, tenuem, non valde inanem, non adamussim teretem, crassitudinis lumbrici terrestris. Sed hæc figura, ut aliquoties expertus sum, perit, si in aquam lumbricus demittatur, & planam tunc ad modum fasciæ recipit. Fortassis in hoc verme describendo, videbor fuisse paulo prolixior & curiosior, quam res postulat, sed non sine fructu. Accurate enim per lumbricum latum Hippocratem, & alios veteres, nil aliud intellexisse, quam vermem in intestinis genitum, planum, angustum, plurium cubitorum, figura fasciæ, substantiæ intestinorum similis, commonstrare sum conatus. Scholiastes Hollerii scribit, puellam quandam Parisiis, quæ in taberna ad portas Divi Iacobi decumbebat, album vermem latum, palmo majorem, satis crassum, rejecisse per nares, nulla tussis, nullo vomitu præcedente. Per quem vermem non intellexit nostram tæniam, de qua sermonem habemus, sed alterius generis, ad teretes potius lumbricos reducendum, perquam rarum, quod natura solet in corpore, ex materia idonea, pro materiæ, & agentis causæ varietate, producere. Sic neque Forestus lib. XXI observ. xxxv, ubi infantem duorum fere annorum commemorat, plusquam centum vermes per alvum dejecisse, non longiores medio digito, & latiores depressoioresque rotundis, alios (ut quidem ex eorum brevitate licet conjicere) intellexit. Neque is lumbricus, latus dicendus est, quem scribit Wierus ex rustico expulsum, sibi visum octo pedes longum & digitum unum, rictu oris & capite anatis. Figura enim plana fasciæ non adscripta, & propterea in monstrorum catalogo reponendus.

Eorum Vires.

Convolutio
hujus vermis.


Observatio
Weckeri.

Descriptio figuræ
in aqua.

Descriptio ad
requiem emens
cloris semina.

Descriptio ver-
is latus
infigitur.

in Vieri.



Antonii Benivenii.

Equini Vermes cucurbitini.

Iconem Auctoris unde mutatus.

Cingulum, Tania dicitur.

Autoris opinio de longa vermium serie.

Cucurbitinus Vermis cum fascia non confundendus.

Tania degeneris antiqui Græci non meminimus.

depinxit, qui de occultis naturæ characteris in-
scribitur. Etenim similem Antonius Benivenius
in suis medicinalibus observationibus videtur an-
notasse, ubi ait, se vidisse aliquando seriem ver-
mium quatuor cubitorum longitudinem exceden-
tem, quæ unicum corpus, & unum vermem refe-
rebat, ex multis sibi invicem mordicus inhæren-
tibus connexum. Et, quia equi fere omnes morbos
pati dicuntur, quos homo, prætereundum hic non
est, quod Musa Brasavolus in pullis equinis Her-
culis Ducis Ferrariæ mortuis ob iugentem ver-
mium copiam, quæ in singulorum ventriculis con-
tinebatur, observavit; nempe hos vermes fuisse
colore, partim rubicundos, partim subnigros, fi-
gura feminis cucurbitæ. Ego quoque pictorem
Germanum ante aliquot annos Patavii conveni, ut
hoc frustum veræ fasciæ, quod hic depingi cura-
vi, delinearet, is mihi retulit sororem suam Au-
gustæ Vindelicorum similes figura, quales Gem-
ma depinxit, excrevisse, quorum iconem, quam
mihi erat pollicitus, derepente Patavio avocatus
ad Magnum Hetruriæ Ducem, relinquere non
potuit. Picturam igitur Gemmæ nostræ iconi ad-
iunximus, propterea quod multis visa sit fascia, seu
tænia veterum; quamvis ex multis vermibus, se-
mini cucurbitæ similibus constare nonnulli sint
arbitrati, quidam etiam partus ejus esse. Si-
quidem Arnoldus Villanovanus cucurbitinos ho-
sce vermes appellans, opinari aliquos refert, in
ventre tæniæ, quam cingulum vocant, generari.
Quin proba & fide digna Matrona, inquit Monar-
des, nuper in magno quopiam verme, quem ejus
avia ægrota dejecerat, se vidisse multos vermicu-
los cucurbitæ seminibus similes asseveravit. Ve-
rum mea fert opinio, tam longam seriem vermium
in ventre. Tæniæ consistere non posse, uti mox
probabo à forma corporis: neque ex multis ver-
mibus, ut somniant autores, sibi invicem adhæ-
rentibus catenatim, conflata; sed ex multis no-
dis, veluti articulis, semen cucumeris referenti-
bus, unum vermem esse compositum, qui, quod
non habeat fasciæ aliquam similitudinem, non de-
bet pro veterum lato lumbrico sumi, etsi longitu-
dine par ei aliquando esse videatur, sed pro suæ
speciei lumbrico, quem Arabes fortassis cucurbi-
tinum vermem, à figura ejus articulorum, appel-
lare voluerunt: quamvis Franciscus Pedemon-
tanus latos & cucurbitinos, ex Rabbi Moyfis, &
aliis Arabum interpretibus, pro ejusdem generis
lumbricis nominat. Ego nihilominus fasciam po-
tius, seu tæniam degenerem nominabo. De hac
apud antiquos Græcos fateor ingenue me nullam
reperisse factam mentionem; ut propterea ali-
quando fuerim in ea opinione, fasciam nostram
quandoque in ventre se volvere posse in speciem
talis vermis, qualem ex Cornelio Gemma hic se-
cundo loco depingi curavi.

C A P. VII.

An Lumbricus Latus sit Animal.

Sed quia perobscura atque cognitu perquam
difficilis est tam longi corporis generatio & vi-
ta, nonnulli dubitare cœperunt, an id esset anima-
tum, quod veteres latum lumbricum nominant.
Non defuerunt in arte medica nobiles Viri, qui id

animal esse negarunt; atque tantum substantiam
esse rudem, & membranofam, quæ quandam ver-
mium delineationem, & quasi inchoatam, non
absolutam speciem præ se ferre videatur, esse vo-
luerunt. Idque etiam veterum testimonio putant se
probare, quos ajunt dixisse, substantiam quandam
esse adnatam ipsis intestinis, quæ animalis formam
repræsentat quodammodo. Ego nil quidquam tale
ex veterum scriptis unquam elicere potui; ut pro-
pterea admirer, tam sapientes viros de iis dubitasse,
de quibus neutiquam erat ambigendum, ac
veterum fere omnium testimoniis, alicujus forte
obscurum locum anteposuisse. Peræque idem iis
contigit, quod olim Sorano, qui dracunculi ge-
nus, quod lumbricis simile animalculum in regio-
nibus Indiæ supra Ægyptum in musculosis homi-
num partibus, brachiis scilicet & femoribus tibiis-
que, in pueris etiam in lateribus sub cute consistit,
manifesteque movetur, negavit animal esse; ve-
rum tantum nervi alicujus concretionem, qui opi-
nionem solum ducat, quod moveatur. Nam quem-
admodum hic Soranus nunquam mihi visus est vi-
disse dracunculum, quod in Græcia malum hoc
sit insolens; aut si forte Indi hoc affecti in Græ-
ciam transfrent, non curiose inspexisse, ut nos nu-
perime in carduele avicula; aut fide dignis rela-
toribus non credidisse, propter summam rei novi-
tatem; eodem plane modo existimandum est, ejus
novæ opinionis inventores de lato lumbrico, aut
nunquam, aut sane negligenter lumbrici lati cor-
pus, & figuram intuitos; nec antiquorum testimo-
niis ullam fidem habuisse. Etenim si lumbricus la-
tus non est animal, cur Hippocrates, Aristoteles,
Galenus, & alii posteriores, lumbricum nomina-
runt? Respondebisne fortassis, quod striis & se-
ctionibus hæc membrana prædita sit instar ver-
mium, non quod animalis vitam habeat? At per-
vetustus Auctor lib. iv de Morbis *ἡνέρον* vocat, dum
dicit *ὅς ἔχει τὸ πρὸ τοῦ ἡνέρον*, id est, ut communis inter-
pres vertit, *qui habet hoc animalculum*. Aristoteles
etiam pro animali agnovit, dum eum in lib. v Hist.
de Animal. cap. xix, inter insecta recensuit, quæ
sponte oriuntur & pariunt. Plinius, de insectis lo-
quens, quæ nascuntur in homine, tæniarum men-
tionem facit, quos alii posteriores Græci & Latini
scriptores secuti sunt. Hippocrates, seu libri
quarti de morbis auctor, sensum & motum ipsi pe-
culiarem assignavit; dum ait, totum animal in pilæ
modum se componere à præassumptis medica-
mentis bene præparato homine. Et paulo ante,
quibusdam, inquit, *iter facientibus, aut laborantibus, &*
ventriculo calefcente, deorsum descendit, ipsisque promi-
net ex podice inflatus, hocque facit, & de podice refeca-
tur, aut retrocedit. Profecto non retrocederet, si sen-
su motuque careret. Certe primam partem hujus
vermis à me depictam, soror ægræ (ut multorum
omittam nomina, qui ipsum vivum excretum fuisse
viderunt) cum ex ano extraheret, adhuc lum-
brico adhærentem digitis avulsit à reliquo cor-
pore, & in aquam projecit, moventemque se in
gyrum ad modum coronæ aut cinguli se vidisse
mihi narravit, brevique temporis spacio exanima-
tum, reliquam partem, quæ adhuc ex ano pro-
pendebat, denuo in ventre regressam. Atque ego
asseverare possum, me apud ægram hanc aliquo-
ties auribus percepisse, instar piscis in aqua se volu-

Non esse ex
antiquis pro-
batur.
Mercurialis
notatur.

Dracunculus
animal.

Carduelis
Dracunculus
laborans.

Esse animal
ab auctoritate
probatum.

Lumbr. Latus
sponte nasci-
tur.

A sensu &
motu.

*A strepitum
quem edit.*

tantis, strepitum facientem in abdomine: quin etiam manu abdomini imposita sensisse motum, tanquam foetus in utero conclusi. Et cum videam, formam corporis, partium, articularumque seu sectionum esse motui aptissimam, ut paulo superius monstravi: nec tam longi corporis, ac destinata figura praediti, fieri posse generationem atque conservationem per annos in ventre humano, absque vitali calore & spiritu; nil aliud concludendum censeo, quam lumbricum latum, animal esse, & ex eorum genere, quod sponte generatur more quarundam plantarum; quia nullo sexu distinguatur, & in ventre animalium, in quem nunquam antea aliunde erat ingressus, sponte proveniat.

*Generatio
eius equevo-
ca.*

C A P. V I I I.

*De ejus generatione, & primum de materia,
ex qua nascatur.*

Nunc, quomodo hæc spontanea fiat generatio, investigandum est. Ad hanc materiam, loci, atque causæ formalis indicatio est necessaria. Materiam duplicem apud Scriptores invenio: nempe propriam ex Aëtio atque Ægineta, & communem. Appellatur enim communis, ex qua & alii vermes in intestinis produuntur. Hæc autem alimentum esse dicitur, aut excrementum. Etenim Polybus & Galenus alimentum statuunt: ille quidem lac, & sanguinem; dum foetus adhuc in utero existenti innascitur; hic vero, egresso ex utero, cibum. Aristoteles autem in excrementis adhuc intra animantem contentis tam latum lumbricum, quam aliorum lumbricorum species nasci docuit. Cæteri vero docti Medici ex pituitosa materia, viscida, & cruda, chylove, quod eo nutriatur, vivatque in iis partibus, per quas chylus labitur, aut ex utraque quadam materia conflata. Solus Aëtius, si quorundam, haud infimæ famæ virorum sequi volumus opinionem, lumbrici lati propriam materiam dicere videtur intestinorum interiorem tunicam propriam, ubi sic inquit: *Est autem latus lumbricus si ita dicere libeat, permutatio pelliculæ intrinsecus tenuia intestina ambientis in corpus quoddam vivum, quod continuos stomachi morsus inserit.* Quibus verbis non videtur velle Aëtius interiorem intestinorum tenuium tunicam in animal vivum mutari: sed definire lumbricum latum, aut describere per formam & substantiam sui corporis, docens nempe tam esse similem intestinorum tenuium tunicæ internæ primo aspectu, ut quis eam conversam in animal esse diceret, si liceret per rationem. Quis enim sibi somniabit internam intestinorum tunicam in animal posse converti, cum sit pars nostri corporis spermatica? quis deinde hominem absque ea vivere? quomodo abscedere ab intestinis tam longæ fasciæ, quæ interdum omnium intestinorum longitudinem vincere sunt observatæ, absque intolerabili & lethali dolore, sibi quis persuadebit? cum videamus in torminibus intestinorum, abraço tantummodo muco ab intestinis vi mordacis materiæ, acerbissimos cruciatus excitari. Quare explodentes tam indignam omni hominum fide opinionem, revertamur ad eos, qui materiam cum cæteris ventris lumbricis communem statuunt, ut tandem ex ea aliqua propria investi-

*Materia du-
plex.
Communis.*

*Alimentum
qui statuunt.*

*Excremen-
tum qui.*

*Crudam &
pituitosam
materiam
qui.*

*Tunica inte-
rior intestino-
rum, non po-
test in animal
mutari.*

getur. Imprimis autem videndum est, quid Polybus seu autor lib. i v de Morbis per sanguinem & lac in pus conversum intelligere voluerit; quidque Aristoteles per excrementa intra animantem contenta. Etenim Polybus docens, quomodo foetus adhuc in utero matris existenti, lumbricus latus innascatur, ita ait: *ἐπὶ τῷ γήρῳ πρὸς καυσώδεις δὲ τὸ γάλακτι καὶ τὸ αἷμα συνεπιμένει, καὶ παρὰ τὸν γλῶττιον, ἀπὸ γλυκέος ἐόντος ζῶον ἀποφύεται αὐτόθι γίνονται ἢ καὶ προγύλαι ἑλμινθες αὐτὰς πέρι τῶν αὐτῶν.* quæ sic vulgaris interpres: *ubi ex lacte & sanguine computrescente, ac redundante, utpote quod dulce est, pus factum fuerit fervidum, animal istuc generatur. Nascuntur autem & rotundi lumbrici istuc eodem modo.* Sed cum lumbrici in intestinis generentur, quomodo sanguis & lac ed devenit, si ore foetus non trahat sanguinem, neque lac, dum in utero matris concluditur? Duplex responsio. Vel enim dicendum est, ejus libri autorem credidisse unà cum vetustioribus philosophis & medicis, foetum in utero matris fugere, & ore alimentum capere, cum viderent excrementum, quod statim aut paucas post horas à partu ejicit infans, atrum quidem primo, mox piceum & sanguineum (ut scribit Aristoteles) deinde lacteum; vel quod magis crediderim, existimasse in trimestribus & quadrimestribus gravidis, & iis quæ ultra hoc tempus uterum gerunt, eum sanguinem, qui solet ad mammas fluere ac in lac quodammodo converti, iterum à mammis, tanquam quid dulcius, regredi ad uterum pro alimento foetus magis conveniente, ab utero deinde trahi per venas umbilici in jecur. Idem enim autor libro de natura pueri, qui falso Hippocrati adscribitur, facto foetu auctiore, sic scribit: *ἐλκεῖ γὰρ δὲ τὸ αἷμα ἐς ἐαυτὸ τὸ γλυκύτατον, αἷμα ἢ καὶ δὲ τὸ γάλακτι ἐπαυροῦσθαι ὀλίγον, id est, Trahit enim quod dulcissimum est à sanguine ad sese, simulque etiam lacte modice fruitur.* Sic igitur ubi sanguis ad jecur pervenit cum imperfecto lacte, ex mente Polybi, in stomachum, & intestina per venæ portæ ramos fluit, ibique in pus aut faniem convertitur. Etenim in foetu, tam hominis, quam alterius animalis quadrupedis, apparent intestina referta materia alba, glutinosa, puri simili, non quidem ei, quod ex ulcere aut vulnere manans, omnibus conditionibus laudabile existit; sed cui flava materia, & ichorosa modico sanguini interdum permixta est. Verum quod hæc sit excrementum ex pituitoso humore & bilioso à capite & jecore, aliisque corporis partibus detrusum in suam sentinam, quæ venter est inferior, in libro de formato foetu pluribus demonstrabimus. Hoc igitur erit illud pus, quod una cum stercore videtur Aristoteles appellasse excrementum intra animal contentum, ex quo fieri lumbricos volebat. Insecta, quæ sponte proveniunt, inquit, *τὰ δὲ ἐν τοῖς ζώων, τὰ δὲ ἐν τοῖς περιπλάσμασι, καὶ τῶν τὰ μὲν ἐκ κεχωρισμένων, τὰ δὲ ἐν τοῖς ζώοις, οἷον αἱ καλὰ μύραι ἑλμινθες, id est, alia in animalium pilis, alia in excrementis: & horum alia in excretis, alia in animalibus, veluti qui lumbrici appellantur.* Neque enim (cum duplex sit excrementum apud Philosophum, humidum nempe, quod in vesica solet contineri, & urina dicitur, & siccum, quod in ventre) existimandum est, eum per excrementa intellexisse urinam, & illa, quæ in intestinis crassis continentur, & stercus

*Sanguis &
lac quid Po-
lybo.*

*Problema
enodatur.*

*Factum lac
fugere.*

*Autor lib. de
nat. pueri no-
tatus.*

*Aristoteles
explicatum.*

*Excremen-
tum duplex
Arist.
Urina.*

Stercus.

& stercus dicitur, atque interdum absolute excrementum à Medicis, ut videntur docti Viri intellexisse, & imprimis Hieronymus Mercurialis; sed excrementi nomine id solum omne complexum fuisse, quod ἐν κοιλίᾳ τῆ κοίτης, in ventre inferiore, hoc est, in intestinis tam tenuibus quam crassis reservatur à natura ad excernendum; sive à cibis ingestis ibi relictum sit, tanquam inutile pro alimento; seu à corporis præcipuis partibus, capite scilicet, & jecore eò delapsum. Quamobrem etiamsi alimento excrementum sit contrarium, non tamen Polybo (qui librum de morbis dicitur scripsisse) Aristoteles contradixit, quod ille ex sanguine & lacte generari lumbricum diceret; hic ex excrementis in animali adhuc contentis. Neque etiam Galenus Aristoteli, quod ex cibis lumbricos nasci diceret; nec alii, qui ex chylosa materia statuerunt. Omnia enim hæc, ut fiant lumbrici, in excrementa mutantur necesse est. Verum quemadmodum ea, quæ sponte generantur, materiam aliquam determinatam & propriam habent, veluti testacea, quæ ἰσπρακάδῃ Græcis dicuntur, in limo sponte fiunt, sed tamen pro limi differentia, specie diversa (nam in cœnoso, dicebat Philosophus, ostrea; in arenoso conchæ, chamæ, solenes, pectines proveniunt) sic etiam cum ex intestinorum excrementis nascantur lumbrici, pro excrementorum differentia, variare lumbricorum species oportet, ita ut aliud sit excrementum quod latum, aliud quod rotundum, & ascarida progignat. Id jam ratione investigandum est in excrementorum generibus, quod aut simplex est, aut compositum. Simplex, ut pituita, mucus, seu crudus humor, bilis, melancholia, aqua, stercus, & quicquid in alimentum verti nequit. Compositum, quod ex hisce, vel omnibus simplicibus, vel quibusdam, est permixtum. Oribasius inter veteres scriptor egregius lib. I I I, aph. xxx, latos, ex pituitoso; ascaridas, ex nigra bile & melancholico humore; teretes, ex bilioso fieri scribit. Montanus inter recentiores, ex omnibus humoribus omnes nasci lumbricos putavit, quod variis coloribus, modo flavo, modo nigro, modo albo, & rubro colore insignitos conspexisset. At Galenus ex cruda, & Paulus Ægineta ejus interpretes, ex pituitosa, crassa, crudaque materia, omnibus lumbricis originem esse, expresse tradit; non ex calida, acri aut atrabiliari. Hæ enim, inquit, cum etiam nutrimenti naturam transgressæ sint, ad lumbricorum generationem ineptæ existunt, imo vice versa etiam corrumpendi ipsos vim habent biliosæ maxime superfluitates. Si quando una cum lumbricis excreta fuerit flava bilis deorsum, aut per vomitus, illos quidem in intestinis esse scito, biliosum autem humorem, aut circa os ventris, aut alia quadam parte constitisse. Hujus sententiam reliqui omnes posteriores Græci & antiquiores Latini secuti sunt. Nam Alexander Trallianus in epistola de Lumbricis, Celsus, Plinius, Columella in libris de re rustica, ex pituitosa vel cruda materia nasci omnes lumbricos commemorarunt. Quid igitur pro Oribasii defendenda sententia adferemus, utpote qui hunc Pauli Æginetæ locum optime animadvertit, cum fuerit eo posterior? Certe nil aliud, quam quod Oribasius per bilem flavam & atram, non intellexerit sucros eos hu-

Aristotelis & Polybi consensum.

Item Galeni.

Materia propria.

Oribasii opinio.

Montani.

Galenus & aliorum.

Oribasius explicatur.

mores excrementitios, sed permixtos cum aliis, nempe crudo & pituitoso, quem quia biliosus humores superabant, potius biliosos, quam pituitosos voluit appellare. Etenim nullus Medicorum dubitabit, ex viscida, & glutinosa materia corporari vermem, quacunque in corporis parte nascatur. Hanc, si quis adhuc in intestinis existentem, crudum humorem, aut pituitosum voluerit appellare, parum interest, dummodo intelligat, pro ratione mixtionis, diversorum humorum, loci proprii, ac caloris, species lumbricorum diversas generari: ut si pituita cum multa materia terrestri & stercorea in intestino recto sit, accedente calore idoneo, ascaridas produci: sicut plurima bile in intestinis tenuibus cum pituita, lumbricos teretes. Nam in eorum corporum dissectione, qui febre maligna obierant, plurima bile referta intestina una cum multis lumbricis teretibus notavimus, qui bile repleti, tanquam eo nutrimento, vivebant. Lumbricum latum cuncti autores ex pituita lenta & viscida formari testantur, sed aliis humoribus impermixta.

C A P. I X.

Pituita quomodo transeat in lumbricum latum, & quenam hujus prima forma?

IAm quomodo tam longum animal formetur ex hujusmodi materia, dicendum est. Id fit opera caloris insiti, qui suscitatur de potentia materiæ, quam in actum deducit, ubi propriam & peculiarem quandam putredinem in ventre acquisivit ex obstructionibus, ob quas non potest à natura nostra hæc materia evinci, ut mutetur, vel in alimentum corporibus nostris idoneum, vel in tale excrementum, quod ilico cum aliis alvi superfluitatibus excerni possit breviori tempore, quam in animal transformari queat. Etenim formatur prius ab innato calore & spiritu, quam vitam animalis adipiscatur: quod uti teretibus & ascaridibus brevi temporis spatio, nempe viginti quatuor horarum, aut paulo plurium (veluti ex ægrorum historiis alias didici) fieri solet: ita in lumbrico lato longius tempus desiderari, ex tarditate motus, quo præditus est, corporisque longitudine, conjicio. Sed qualem figuram, aut corporis delineationem hic calor materiæ imprimat, aut qua forma sit vermis, antequam animetur, investigare perquam difficile est. Lumbricos rotundos percepimus aliquando in vitulis nasci, facta prius delineatione pituitæ longa, & tenui, instar fidium crassiorum testudinis, quæ postea, ubi vitam acceperit, surgens alimentum, crassior evadit & amplior. Actarius de lumbricis teretibus scribens, priusquam, inquit, in animal prebe formati fuerint, atque à se invicem se juncti, non secus quam tenuium funiculorum quidam globi excernuntur. Ex cujus verbis unusquisque potest animo concipere, ex pituitosa materia quando lumbricus teres generatur, nescio quid conglobatum, veluti ex tenui filo, prius formari, quam animal sit. Sed figuratio materiæ, seu prima ejus delineatio, ad tam longi animalis generationem, à nullis, quod equidem sciam, scriptoribus vel oculis conspecta, vel diligenti ratione investigata. Ut gratia longitudinis lumbrici, de longitudine ejus corporis, communis sit facta Medicorum senten-

Lumbricorum teretium & ascaridum circa generatio.

Lumbrici vitulorum.

sententia, eam fieri vel per materiæ appositionem, vel propter materiæ copiam. Nam Franciscus Valeriola lib. 1, *Observ. ix*, ingeniosissime hæc scribit: *Quomodo autem ad tantam longitudinem protensa fuerit & ut genita, haud difficile fuerit perquirere, si quis vermium generationem reliquorumve insectorum, aut etiam fetus in utero sibi proponat contemplandam. Nam quemadmodum ex calida genitura in loco calido constituta, ipsa quidem inflatur, atque inflata pelliculam sibi induit: (circumtenditur enim, quod forinsecus circum ipsum est, continuumque evadit, utpote viscosum existens) & quemadmodum in pane, dum torretur, tenue quiddam pellicule specie in superficie abscedit ac extat: (calescens enim panis & inflatus attollitur: qua parte vero inflatur, illic pellicule species excitatur, & consistit) ad hunc sane modum existimandum est, pituitam in intestinis copiosam quidem existentem, & calorem & ipsam quoque concepisse, tum merito loci, tum etiam à calore putredinali excalescentem: (erat enim in homine) (Petro Rationo Vinitore, in quo se latum vermem, quem solummodo membranam appellat, observasse scribit) calor febrilis multus ex humorum intus, putredine enatus, unde febris continens gignebatur) calefactus vero is humor, & sequax existens, à calore agente, & partes continuante, in membranæ formam abiit: & qua parte humor is magis incaluit, ea parte pelliculam induxit, ut in pane, quæ crusta nominatur: ac proinde effectum est, ut à calore humidum evaporante atque exsiccante, superinducta quedam pellicula tenuis huic humori fuerit, quæ speciem membranæ longæ instar coriacei præbuerit. Quod vero striis & laciniis membrana ea ficta foret, id inæqualitati subjæctæ materiæ, & loci est merito adscribendum; quod non ex aquo complanatus esset humor, ex quo membrana à calore efformante effingebatur, inde striæ illæ (ut arbitrandum quidem est) oriebantur: vel etiam, quod cum matrem hanc vermium propriam esse dixerimus, delineationem quandam, & rudem vermium quasi inchoatam, non absolutam speciem referre ea membrana videbatur, striatam gerens formam: striati namque vermes revera sunt. Hæc illæ. Quibus verbis etsi malo eorum, qui ejus membranam vermiformem nequaquam animal esse putant, fundamento innixus est, videtur tamen tam ingeniose & recte generationem ejus membranæ proposuisse, ut multi, qui eandem membranam animal, & lumbricum latum veterum esse arbitrantur, eodem plane modo lumbricum latum generari, possent credere; nempe primo mutata copiosa pituita in membranam vermiformem magnitudinis & formæ talis, qualis ipse vermis jam perfectus cernitur, deinde animata. Verum equidem opinor longe aliter hanc rem sese habere. Etenim quemadmodum arbores magnæ ex parvo semine initium habent: ita quoque magna animalia, ex parva mole ortus sui primordium sumere, demonstratur ex singulis, quæ per sexum generant. Et in iis, qui sponte nascuntur, idem est observandum: nempe ex perquam exiguo corpore formari animal, quod cum deforis alimentum capere incipit, prægrande evadit. Non aliter videtur natura posse hunc latum lumbricum producere. Etenim ad tam longi corporis conformationem, antequam vivat, non modo requiritur copia tenacis pituitæ, quæ aliquando in intestinis cumulari solet, sed etiam locus opportunus, in quo secundum longitudinem distenta paulatim, quo pacto docet Va-*

leriola, tunica obducetur. At talem in intestinis nullum invenio. Nam excrementa acria, vel duriora, quæ præterlabuntur, partem jam compositæ ad animalis formationem materiæ (cum adhuc tenui pellicula induta sit) abrumperent, cum idem faciant in animali jam perfecto. Siquidem lumbrico lato per longitudinem intestinorum extenso, sæpe videntur particulæ ejus à corpore avelli, atque abscedere, interdum uniùs spithamæ, vel pedis, interdum plurium cubitorum longitudine. Est præterea lumbrici longitudo interdum multo major ipsis intestinis. Et hæc sola ratio sufficiat ad probandum, vanum esse arbitrari, pituitam per longitudinem intestinorum duci ratione tenacitatis & lentoris; & propter inæqualitatem, tum loci, tum materiæ, multis incisuris articulari; & magnitudinem, qua ipsum animal perfectum cernitur, antequam animetur, jam habere. Hinc etiam potest intelligi, minus esse probabilem Medicorum opinionem, qui hætenus materiæ pituitosæ copiam requiri ad generationem vermis scripserunt; cum à parvo verme jam perfecto, capiente deforis alimentum, proferatur corpus in tantam longitudinem supra ei assignatam. Atque hunc vermiculum per longitudinem intestinorum productum figurari, priusquam vitam nanciscatur, olim non credebam, sed in spiras veluti compositum, ac conglobatum, & quemadmodum in ovo foetum, levi membranula obducta à calore innato. Ea enim mihi tuitior videbatur generatio, quod minori spatio corpus contineretur, imbecille adhuc & externis injuriis præterlabentium excrementorum minus obnoxium. Ad hoc persuadebar exemplo animalium longorum & pedibus carentium; quorum foetus in ovo, priusquam nascatur, circularim & arcuatim jacet, ut serpentum, & erucarum. Dracunculus obscuri motus vermis, quem in carduelis aviculæ coxa, sub cute natum semel conspexi ante paucos annos, pedalis longitudinis, mediocris chordæ testudinis crassitie, forma prorsus nervuli, hac fere figura positus erat. Itaque quemadmodum hic non antecutem perumpit, & foras prodit, quam veram perfectionem, quæ in tardo motu existit, acquisiverit: si etiam latum lumbricum involutum, in spirasve contractum, in membrana prius nasci, mox vitalem factum, vinculis natalibus solvere, membranam perumpere, tum intestino secundum longitudinem se annectere, atque sic adhærere, ad tutius capiendum alimentum, illudque esse, quod scribit Arist. lib. v Hist. de Animal. cap. xix, ἡ δὲ πλάτεια περισπένδυκε μόνω τῷ ἐντέρω, id est, *latus autem soli adhæret intestino*, hoc est, internæ intestinorum superficiei, vel tunicæ soli; ac si diceret, reliquas duas lumbricorum species, nempe teretem & ascarida, non adhærere intestino, sed vagari in intestinorum cavitate, ac permisceri cum excrementis & cibo. Sic igitur quondam sentiebam. Verum cum considerassem accuratius planam corporis figuram, etsi longam, non requirere tantam circumvolutionem, aut compositionem in spiras, ut quæ teres est, atque longa, quod illa distenta per longitudinem intestinorum valde exiguum spacium occupet: imo in muco, quo interna intestinorum superficies incrustatur, tutissime sic sita vitæ primordia capere posset, coepi dubitare de hac

Panis confectio.

Alia opinio rejicitur.

Prior Auctoris sententia tuitior.

Dracunculus in carduele observatus.

Alia Auctoris sententia.

Observatio
Lanionum.

de hac mea sententia. Tandem Lanios Germanos adii, quibus aliquando in intestinis boum solet lumbricus latus occurrere. Hi retulerunt, se circa initia ætatis, vel medio veris tempore, quo generationis primordia ducere ajunt, exiguum aliquando per longitudinem intestinorum distentum, & firmiter iis annexum conspexisse. Patet igitur apud Aristotelem illud verbum *πρὸς πένθος* significantius accipi posse pro eo, quod dicimus, *adnatum est*.

C A P. X.

Plures uno non nasci: nec bis in homine nasci notatum.

ITaque cum à parvo principio, & parva corporis mole hunc lumbricum originem capere asseruerimus, oritur duplex problema; primum non inelegans, nempe; cur non gignantur plures uno, cum lumbrici teretes & ascarides plurimi generentur in ventre animantium; & id docere etiam videtur Actuarius *lib. 1 Meth. med. cap. xxxi*, qui Julio Alexandrino interprete, inquit, *Porro tania una lata in intestino gignitur*. Alterum deinde problema est, cur semel expulsus vix alius renascatur? neque enim ullus unquam visus est latus lumbricum excrevisse integrum, & post hunc rursus alios in ventre ejus natos: alii vero lumbrici brevi dierum numero, nempe ad summum trium vel quatuor denuo nasci in multis ægris videantur. Respondeo ad primum: naturam ea animalia, quæ grandia procreavit, pauca numero producere voluisse; quæ vero parva, plura. Quadrupedum enim maxima singulos pariunt foetus, ut bos, elephas, asinus, equus: parva multos pariunt, ut sunt canis, felis, mus. Inter aquatilia cete uniparum est. Arbores, quæ magnos, respectu suæ magnitudinis, faciunt fructus, paucos producunt, quod fit propter alimentum, quod multis magnis fructibus suppeditari commode non potest. Hac eadem ratione natura videtur tantum unicum vermem latus generasse in ventre. Neque enim ex parvo principio propter alimenti inopiam, loci angustias, & corporis humani imbecillitatem, ad tantam magnitudinem vermis, tanquam ad suam perfectionem ultimam, & veram unquam pervenire potuisset, si eodem tempore plures numero procreasset. Apud Forestum tamen, inquires, in medicis observationibus legi, quendam adolescentem, ultra duodecim vermes latus, admodum longos, rejecisse, qui non alios intelligit, quam eos, de quibus jam agis, cum eorum signa in excrementis comparuerint certissima. Sed ego, ut tibi respondeam, censeo, omnes, quotquot sunt, qui scripserunt se latus vermes plures, quam unum, ab ægro expulsos conspexisse cum veris signis lumbrici lati antiquorum, partes tantum unius lumbrici, pedem circiter longas, aut unum vel alterum cubitum, aut plures ab integro vermis corpore abruptas vidisse, nequaquam tot integros lumbricos. Quod si, per communem aliorum observationem, quispiam revera plures integros in nostro corpore genitos animadvertit, necesse est, eos de communi longitudine plurimum degenerasse, & propter alimenti indigentiam expulsos fuisse, antequam perfectam magnitudinem

acquisivissent. Sic arbores quædam magnorum fructuum feraces, si plures quam ex consuetudine naturæ ferant fructus, minores proferunt. Ad secundum problema dico, uno semel expulso, alios non renasci, quia cum rarius sit hujus vermis generatio, adhuc multo erit rarius, rursus post hujus speciei vermem semel expulsum alium posse oriri. Non tamen nego, quod similis aliqua putredo in corpore generari denuo posset, & eandem vermis speciem secundo producere.

C A P. XI.

Locus generationis utrum crassum sit, an tenue intestinum.

QUoniam igitur à parva mole initium generationis habet in intestinis, atque intestinorum duo sint genera, crassum & tenue, quæret quispiam ulterius, in utro horum generetur? Galenus nullibi (quantum equidem memoria teneo) certum aliquem generationis locum in intestinis, vel crassis, vel tenuibus ausus est assignare, cum tamen aliis lumbricis proprium indicarit. Nam in comment. aphor. xxvi, lib. 111, in parte inferiori crassi intestini, maxime ascarides provenire scribit, in superioribus intestinis, teretes. De lato autem subdit tantum eum esse *omnium longissimum, & sæpe per omnia extendi intestina*: quasi vero dicat, se nescire, utrum in aliquo proprio intestino, ut cæteri, generentur; an vero omnia intestina, tam crassa, quam tenuia simul, sint proprius generationis lati lumbrici locus, cum sæpe per omnia intestina extendi videatur. Alexander Trallianus in epistola de lumbricis hæc eadem videtur opinatus, cum eadem, quæ Galenus, repetat. At Aëtius audacter in tenuibus præsertim ortus sui initia trahere docuit *lib. ix, cap. xl*. Reliqui omnes posteriores docti medici, quos nominatim recensere superfluum censeo, unanimiter in crassis, præcipue vero in colo. Atque ita mihi sentire videntur, qui colon intestinum multis valvulis seu cellulis, copiosa pituita refertis, præditum sit; quodque locus sit longe capacior intestinis tenuibus, tam magno animali generando. Sed quoniam jam satis videor probasse, non requiri magnam illam pituitæ copiam ad hujus animalis generationem, quam hæcenus omnes putarunt; neque locum amplum, quod à parva corporis mole primordia ducat; etiam colon intestinum esse locum incommodum, tum quod humore aqueo & copioso careat (semper enim repletur excrementis siccioribus) tum quod procul absit à chylo, quo simul ac natus est nutritur, & in tam vastam longitudinem brevi tempore se extendit, cogor sequi opinionem perdocti Aëtii. Hippocrates, foetui adhuc in utero matris esistenti latus lumbricum innasci, scripsit. At cum crassa foetus intestina crassis & duris excrementis distendantur; tenuia vero liquidissimis abundant; non video ullum commodiorem, quam in tenuibus generandi locum. Accidit autem tum temporis, ut tenui pituita à capite distillante in ventriculum, & ad chyli quandam formam à ventriculi concoctrice facultate redactam, nutriatur tandiu, donec ex utero egressus foetus lac sugere incipiat; tunc enim lacte gaudet; si non una cum excrementis intestinorum, & cor-

Aëtii opinio de loco proprio generationis lumbrici lati.

Approbat Auctor Aetii sententiam.

Duplex Problema.

Responsio ad primum.

poris totius purgatione, quæ fit blande laxantibus medicamentis, atque colostri * lactatione primis quatuor diebus, cum in lucem editus est, è ventre infantis expellatur.

Papaverculum.

Colostrum.

Infantes colostrati.

Lac bonum.

* Miror enim, quantopere possim, obstetricum omnium, atque etiam Medicorum à priscis temporibus in hac usque tempora confirmaram opinionem, qua prima illa excrementa, quæ in intestinis, & ventriculo infantis recenter nati continentur (papaverculum vocant, Græci μικρόν) statim, antequam præbeatur lac infanti, expurganda putant, vel potius cum melle hausto, ut hic Paravii, & in aliis Italiae locis; vel syrupo rosarum ex rosis pallidis laxativo, ut in Galliis; vel alio quopiam laxante, detergente, ac leniter purgante medicamento, ut in aliis regionibus. Nesciunt, vel potius dicam, negligunt summam naturæ providentiam, quæ in tam necessaria re nascenti consuluit pueri, sola medicina à matris papillis hansta, & gratiore, ac tutiore multo, quam quæ ab obstetricibus solet præberi. Nam colostrum (lac est, quod in uberibus puerperæ primis diebus à partu generatur) si statim natus sugat infans, commodius & sine ulla noxa ab hisce excrementis purgabitur. Alimentum enim est medicamentosum, quod natura ad eum finem produxit, ut inodice nutriendo, leviter pro infantis imbecillitate purget per aliquot dies. Præbent illi medicamentum aut nimis debile, aut nimis validum; at natura hoc dat, quod naturæ ac viribus convenit. Præbent illi, quod semel tantum, aut bis dare licet; at natura, quod per plures dies dari potest ad corporis evacuationem perfectiorem, elargitur. Præbent illi, quod nil nutrire potest in tam tenello corpore; at natura, quod simul mediocriter nutrit, & quantum primis diebus est satis. Nam falso hæcenus existimatum est ab omnibus, non esse prius dandum hoc lac primum puerperæ, quod colostratos dicitur reddere infantes, hoc est, in ventriculo spissari, & coagulari, admixtum cum prædictis ventris excrementis, corrumpi, suscitare vapores ad caput ascendentes, pravorum symptomatum autores, nullius esse nutrimenti, vel pravi, quod omnes eas notas non habeat, quas bono lacti autores adscribunt; nimirum non sit laudabilis consistentiæ, colore album, odore suave, sapore dulce; sed contra potius crassum, flavum, sapore minus suave, aspectu virosus; cum videamus quotidie, nil damni alios pueros & infantes hoc primum lac sugentes pati, sed ipsos purgare, & alvum movere, cumque sciamus naturam, nil in nobis generasse, quod non cedat in nostrum usum. Quocirca monendæ sunt obstetrices, atque puerperæ, ne in posterum à catulis colostrum prius exugiant, tanquam inutile, & noxium, vel à puellis, & aliis mulierculis, vel per vitreas cucurbitas, in eum finem factas, extrahi faciant, donec bonum lac ad nutrimentum pueri prodeat, cum hoc primum lac sit ad totius corporis purgationem utilius omnibus aliis, quæ possunt præberi, pueroque conveniat non statim lac, quod optime nutrit, dare, antequam per aliquot dies colostro sit purgatus.

C A P. XII.

Qua ætate generetur in humano Ventre.

An homini
conoscatur
Lumbricus
latus.

Hippocratis mentio me nunc trahit ad diligentius inquirendum, qua ætate potissimum generetur. In libro enim quarto de morbis manifeste docere videtur, primum in adultis non nasci hunc lumbricum, sed semper in foetu adhuc in utero existente, & sic una cum homine oriri; interdum, etiam, nisi expellatur tempestive, cum eodem mori. Verba ejus hæc sunt: Νῦν ὃ ἐρέω περὶ ἐλμίνθων τῶν πλατειῶν. γίνονται γὰρ Φήμι ἐν τῷ παιδίῳ ἐν τῇσι μήτρησιν ἔοντι. ἔχοντες ἐστὶν ἐπὶ τῇ ἀπαξ ἐκ τῶν μητρίων ἐξέλθῃ χρόνῳ τῇ κέτρῳ ἐν τῇ κοιλίῃ ποσῶν, ὥστε σαπίσης καὶ χρονοσίσης, ζῶν παρῆναι ἐν αὐτῇ, ὃ, π ποσῶν μεγέθῃ γίνονται. ἀποπαύει γὰρ αἰετὶ ἔωλον κέτρῳ ἀνὰ πύσας ἡμέρας, καὶ μέλλῃ ὑγιαίνειν ὁ αἰσθροπῶν. γίνονται δὲ ἀνὰ τοὺς ζῶν, ἔσθῃ καὶ πολλῶν ἡμερῶν, καὶ ἀποπαύει ὁ αἰσθροπῶν. πολλὰ γὰρ γίνονται ἐν τῇσι μήτρησιν ἔοντι τῷ παιδίῳ. Quæ sic vetus interpret: Nunc autem de lumbricis latis dicam. Affero enim ipsos in puero, dum adhuc in utero est, nasci. Postquam enim semel ex utero egressus est, non tanto tempore stercus in alvo manet, ut ejus diuturnitate & putrefactione, tanta magnitudinis animal generari possit. Excernit enim semper externum stercus per omnes dies, si sanus homo esse debet. Tale vero animal nasci non posset, etsi multis diebus homo stercus non egeret. Multa enim nascuntur, dum puer in utero est. Petrus Salius Diverfus, vir doctissimus, in commento hujus libri putat autorem voluisse his verbis probare, latum lumbricum foetui adhuc in utero matris existenti innasci, non tamen etiam negare in adultis generari posse, cum subjungat etiam innasci in ventribus jam ex utero egresso-

rum. Εἴπῃ τὰ παιδιά γέννηται ψωμίζουσιν αὐτὸ αἱ γυναῖκες τὰ αὐτὰ φάρμακα, ὥστε αὐτὸς κέτρῳ ἐξέλθῃ ἐκ τῆς μήτρῃς, καὶ μὴ ξυκαυθῇ, καὶ αἶμα τὸ ἔντερον εὐρωθῇ ἐπὶ τῇ ψωμίσῳ. πολλὰ δὲ τῶν παιδίων καὶ στρογγύλας καὶ πλατείας ἐλμίνθας ἀπεπάτησαν αἶμα τῇ κέτρῳ τῇ πρώτῃ. καὶ ὃ μὴ ἀποπαύσῃ, γίνονται καὶ ἐν τῇσι γάστρεσι καὶ αἱ μὲν στρογγύλαι πίκλιν, αἱ δὲ πλατεῖαι ἐκ ἐπὶ, καὶ οἱ φασὶ πίκλιν αὐτάς. id est, Postquam in lucem editi sunt pueri, mulieres ipsæ in cibo offerunt medicamenta, quo stercus ex intestino exeat, & non comburatur, & simul ut intestinum dilatetur, cum cibum obtulerint. Multi sane pueri, & rotundos, & latos lumbricos una cum primo stercore excernunt. Si vero non excreverint, sunt etiam, insuperque nascuntur in ventribus. Et rotundi quidem pariunt, lati vero non amplius, etiamsi quidam ipsos parere dicant.

At ego tum ex vi argumentorum, tum ex ordine dicendi, in tam obscuro loco, nil aliud conjicio, quam quod autor ejus libri cupiat inferre, in natis jam lumbricum latum innasci non posse, quod singulis diebus alvi excrementa deponant, nec tale animal oriri queat, nisi homo stercus per multos dies in intestinis conclusum detineat (id foetui adhuc in utero concluso contingit) & quod à recens natis puerulis ejusmodi vermes ab alvo prodire visum sit. Verba autem illa, quæ addit, καὶ ὃ μὴ ἀποπαύσῃ, γίνονται καὶ ἐν τῇσι γάστρεσι: non videtur satis fideliter transfuisse interpretes, quæ ad verbum ita sonant: Si vero non excreverint, sunt etiam in ventribus. Atqui illud vocabulum γίνονται, dupliciter accipere possumus; vel pro eo, quod omnes interpretes sequuntur, sunt; vel pro eo, quod dicimus, nascuntur, vel versantur; ac si diceret: si non expellantur lumbrici statim post foetum in lucem editum, versantur in ventre; & sic concordare videtur sensus, qui sequitur, cum non excretos rotundos dicat parere, latum vero interdum consensescere. Sic γίνονται vocabulum accipiunt aliquando, cum ἐν additur; ut γίνονται ἐν τῇ τῷ, in hac re versari; γίνονται ἐν αὐτῷ, ad se reverti, vel redire. Verum potius mihi persuadeo, illud γίνονται, non intelligi de quovis lumbrico, sed tantum de rotundo, quem voluit in ventre nasci posse, etiam post partum; si γίνονται vertere velimus, sunt, vel nascuntur. Cæterum quoniam hunc antiquum scriptorem multa probabilia quidem, sed minus vera, differere in eo libro animadverti; non multum elaborabo ad hunc locum magis elucidandum, cum sufficiat unumquemque per obscuritatem ejus loci tantum admonuisse, ipsamque veritatem ostendisse. Neque enim verum est, foetum tantum hunc vermem generare, sed & adultum hominem. Raro enim in pueris is animadvertitur; sæpius in iis, qui juvenilem aut consistentem ætatem agunt. Nec deest hujus rei aliqua ratio. Cum enim in intestinis tenuibus & angustis natura destinaisset tam magnum animal progignere, erat etiam opus, ut locus esset ejus animalis perfectionem adepti capax, in quo degeret. At is non ita idoneus est in parvulis, uti in adultis: imo propter hanc dictam causam sum ejus sententiæ, in pueris, si quando animadvertitur, nunquam ad vastam illam magnitudinem pervenisse. Cum enim plerumque degat in ileo intestino, non procul à colo conglobatus in pilam, usque adeo se distendit, ut intestini quam tenuissima membrana eo loci reddatur, atque rumpatur potius, necetque ægrum, priusquam

Elicitur sensus Hippocratis.

γίνονται quid.

Locus obscurus Hippocratis.

Parvuli pueri
lumbricorum
latum non
habent.

Experientia
obstetricum:

Et Lanio-
num.

priusquam perfectam aliquam magnitudinem acquirat. Ad octo cubitorum longitudinem Hercules Saxonia, in puero se notasse scribit. Porro quod Auctor libri quarti de morbis, seu Hippocrates narret recenter natos pueros aliquando excrevisse rotundos lumbricos & latos, volui sedulo apud obstetrices inquirere, an illud unquam tum in Germania, tum in Italia ab ipsis fuerit observatum; quæ id prorsus negarunt. Laniones & macellarii (quos hac de causa aliquando allocutus sum) in vitulis nunquam latum lumbricum conspexerunt, sed in adultis jam & grandibus bobus.

C A P. XIII.

An Pariat?

Hippocr. &
Aristot. con-
traria opinio.

Non parit as-
sertum Hipp.

tem aliis as-
sertum argu-
entis.

lumbricus
suis sexum
non habet.

DE partu etiam non conveniunt inter se scriptores. Nam Aristoteles lib. v Hist. de animalib. cap. xix, parere scribit cucumeris semini quid simile; *ἡ ποτὶς δὲ οὐκ ἔστιν ὡς σπέρμα*, inquit. Miror tam diligentem Philosophum, qui omnes libros autorum, qui ante ipsum extiterunt, diligenter perlustravit, non incidisse in eum autoris libri quarti de morbis locum, ubi ex professo negat latum lumbricum parere; tum etiam alios magis admiror, qui eum lumbricum cucurbitinum quem ex Cornelio Gemma depingi curavimus, partum similiter lumbrici lati censuerunt. Verba autoris libri quarti de morbis hic placet adjicere ex communi versione. *Et rotundi quidem pariunt, lati vero non amplius, etiamsi quidam ipsos parere dicant: neque enim ab uno animalitot pulli generari possunt; neque ea est loci in intestino capacitas, ut partus educare queant. Augescente autem puero, augetur etiam lumbricus in intestino ab his, quæ in ventriculum ingesta sunt, & æqualis fit intestino, quibusdam in pubertate, quibusdam posterius, quibusdam paulo prius. Et postquam intestino adæquatus est, similiter augetur, & quanto major factus fuerit, una cum stercore excernitur de intestino recto, & excidit veluti cucumeris semen, sæpe vero etiam major. Et paucis interpositis subiungit iterum: Signa vero quod non pariat, sed ita habeat, velut ego dico, hæc sunt. Si quis curet hominem, latum lumbricum habentem, & medicamentum dederit, aut potionem, siquidem fuerit homo bene preparatus, totus rotundus factus ad pile figuram exit, & homo sanus evadit. Si vero ad medicinam hæreat, recta pars de lumbrico abruptur, longitudine duorum aut trium cubitorum, aut etiam longe amplior: & ubi abruptus fuerit, per multum tempus signa cum stercore non prodeunt: postea vero auferunt. Atque hæc argumenta sunt, quod lumbricus latus non parit, sed abruptur.* Hæc ille. Cujus sententiam, quæ partum negat, non modo approbo, sed adhuc aliis argumentis, ab eo non tactis, stabilio. Etenim quæ infecta pariunt, aut sui simile animal pariunt, ut aranea, vel cicada, vel araneam, vel cicadam: aut genus diversum, ut musca vermiculos. Sed neutrum horum parere lumbricum latum, ex eo manifestum est, quod unicum tantum in singulis animalibus natura procreari voluerit. Plures si ex illo prodiissent, incremento suo, quod cito perficitur, restitissent. Deest quin etiam locus in hoc ipso verme, qui in cæteris uterus est, quo suos foetus inclusos habent usque ad partum. Idcirco sexu haudquaquam distinguitur, tum quia ex putri provenit, ex quo dicebat Aristoteles nullum

animal natum generat sibi simile, tum quia unicum semper generatur. Quod videtur etiam Actuarius lib. i Meth. med. cap. xxi, animadvertisse, inquit, interprete Alexandrino: *Porro tinea una lata in intestinis gignitur, cum lentus & leviter calidus humor, internæ intestinorum superficiei illinitur.* Sed nec aliud generat à se diversum, veluti musca vermiculum, sic hoc quippiam cucumeris semen referens, propter easdem causas.

C A P. XIV.

Quamdiu Vivat.

Quispiam fortassis existimaverit hunc vermem esse brevis ævi. Nam in leuciscis, circa ætatis principia generari incipit, veluti nobis aliquoties ipsi piscatores retulerunt, autumno ad justam magnitudinem pervenit, hyeme rursus consumitur. Indicium hujus rei esse ajunt, quod nec veris initio, nec hyeme, venter eorum tumeat; sed ætate prius attolli incipiat; autumno vero in tantam molem excrecat, ut ab emptoribus, quibus ob hunc tumorem vermem latum in ventre latere notum est, omnino rejiciatur. Deinde cum par ortus atque exitus sit ratio (quod enim cito fit, cito quoque perit) utique necesse videtur esse (cum hic vermis brevi tempore & generetur, & in magnam molem excrecat) etiam cito putrescere & interire. Præterea cum lumbricus latus infectum sit, & infecta omnia brevem vitam habeant, quod, teste Aristotele, exanguia sint, & ideo humida, aquosa, frigidaque, necessarium est arbitrari, brevi quoque lumbricum latum interire. Nam, teste Philosopho lib. de long. & brev. vitæ cap. iv, humidum aquosum facile corrumpitur; frigidum, facile congelatur. Imo trium, aut quatuor annorum ætatem non excedere posse, ex eo potest argui, quod vermes brevioris sint vitæ inter infecta, quia imperfectiora sunt. Aristoteles loc. cit. & ex eo Plinius lib. x, cap. xx, vitam apum (quæ vermibus sunt perfectiores) longissimam esse dixit, non modo respectu aliorum insectorum, sed etiam cæterorum exanguium: & tamen Aristoteles lib. v Hist. de Animal. cap. xxi, sex vel septem annorum curriculo eam confici docuit. Verum donemus etiam Cardano, qui in libris de varietate rerum se observasse scribit, robustiores apes ad duodecimum annum pervenire posse; tamen ipsi vidimus (quod neutiquam ex rerum naturæ summis miraculis expungendum est) lumbricum latum apum hanc ætatem superare in uxore Helvetii; quæ etiam nunc quotannis fere ab esu acetarii, quod mixtas herbas plures recipit, veris initio frustum unius vel alterius ulæ longitudine, excernit. Et profecto autor libri quarti de morbis videtur nos docuisse, vitam hujus lumbrici ad hominis ætatem pervenire, cum ait: *si non sponte exeat, vel expellatur medicamentis, una cum homine confenscere.* Nam quemadmodum, hunc adhuc in utero matris iuitum sui ortus capere, hic sibi autor persuaserat, ita etiam tractu temporis, facto homine grandiore, per ætates aggrandescere, ac sic una cum homine accedere usque ad ultimam senectutem, videtur inferre per illud verbum *ἐν γυμνασίου*, quo utitur. Sed Petrus Salius, cum hoc doctissimo huic viro, & ejus libri com-

Observatio
piscatoria.

Lumbricus
latus brevis
vitæ.

Aperitur
vita.

Consensus
hominis.

Senectus naturalis.

Ἐπιτομή αἰσθητικῆς.

Cur in homine diutissime vivat.

Ratio secunda.

Ratio tertia.

Ratio quarta.

mentatori absurdum videretur, existimavit hanc esse ejus auctoris mentem, nempe lumbricum latum consensescere cum ægro, qui per varios morbos ei supervenientes, debilitatis jam antea viribus, solet cito conficere senium. Quasi vero senectus sit illud vitæ extremum, quod vi morbi maturius, quam lege naturæ infertur. Idcirco ego per illud *Ἐπιτομή αἰσθητικῆς*, puto intelligi conficere senium lumbrici proprium, certis annis, temporibusque à natura ei circumscriptum, quod in hominis ventre paulatim contrahit. Habet enim & suas ætates hoc animal, quibus oritur, augetur, viget atque declinat. Ultimum ejus tempus est senectus. Variat autem longitudo vitæ penes animalia, in quorum ventribus generatur. Nam quæ breviorē homine vitam obtinent, in iis minus diu quoque vivere certum est. Ita fit, ut paucis annis canes ab hoc verme molestantur: Leucisci vero, & alii pisces pauci paucioribus mensibus; quam quibus annus completur. Sed cum in homine diutius, quam ullo aliorum insectorum, aut animalium exanguium genere, animadversus sit vivere, posset aliquis sapientiæ studiosus, hujus rei admirandæ causas à me jure merito perquirere. Eas ego quatuor statuo. Prima, quia videtur hoc animal inter omnia exanguia maxime dearticulatum. Etenim constat ex innumeris articulis: quia singula internodia, sectionesque singulæ correspondent articulis aliorum animalium. Aristoteles sect. x, probl. xlvi, inquirens causam, cur illi, qui *castram* (quam lineam vitæ Chiromantæ appellant) per totam obtinent manum, longioris vitæ sint. An quoniam, inquit, brevioris vitæ sunt, quæ inarticulata sunt, ut aquatilia? Quod si quæ inarticulata sunt, brevioris vitæ sint, manifestum est contra se habere, quæ articulata sunt. Secunda ratio potest etiam duci ex eodem Aristotele. Nam in libro de longitudine & brevitate vitæ, cap. v, ait; *ex angue animal, quia humidum est & aquosum, brevioris esse vitæ, quam sanguineum, nisi magnitudine sui corporis resistat*. Id in hoc verme facile observatur. Cum enim longissimus sit, tuetur se ab externis injuriis, ne facile vel corrumpatur, vel congeletur. Nam ubi quid noxæ in intestinis percipit, statim se in glomum componit, caput & partem principem, à qua vita ejus præcipue dependet, in medio corporis ponens, quod est veluti longissima cauda corporis reliquum, ei circumglomerat, ut sic nil damni capiti, aut partibus principibus inferri queat. Inde accidit, ut sæpe videamus partes exteriores injurias corruptionis & congelationis suscipere, & sic per vices abrumpi, eas vero, quæ capiti sunt viciniore, ipsum denique caput ultimo emori atque consumi. Ad hoc igitur conducunt tot articulationes & incisuræ: quia etiam si particulatim abrumpatur, non tamen illico patitur pars præcipua, in qua vita maxime sustentatur. Tertia ratio est, quod dulci & pingui humore, quo nostra corpora maxime præ cæteris animalibus nutriuntur, abunde alatur. His adjuuge quartam, quod hoc animal, etiam si frigidum sit, non facile congelari queat, cum à viscerum nostrorum calore interno quotidie foveatur.

Quapropter quod simile semini cucumeris expellitur, id nequaquam partus est; sed particula, quæ à verme abrumpitur: cujus pars, quæ ad latera est tenuior, moram aliquam trahens in corpore, & jam emortua, vel semimortua, tanquam facilior ad suscipiendam corruptionem putrescit: quæ vero in medio est, veluti nodus, atque spira, membranaceis lateribus jam ablatis à putredine, figura seminis cucumeris, crassior & vivacior existit, & postquam abrumpitur à verme, diutius conservatur, remanente adhuc integra sua forma, postquam ex ventre expulsus est. Et hoc est proprium signum, quo hunc vermem in ventre nostro latere deprehendimus. Cætera vero fere communia sunt cum iis, quæ teretes lumbricos manifestant, quanquam inter hæc differentia quædam posset constitui. Ægro namque lato lumbrico laboranti non valde accidunt epilepsiæ, apoplexiæ, deliria, vigiliæ, febres insignes & acutæ; ut ei, qui terete molestatur, nisi alia mala accesserint: aut æger præter latum, teretem quoque in ventre habeat, quod rarissime puto contingere posse, cum hujus generatio pellat aliquo modo rotundos. Alioquin febris, vel nulla, vel sane perexigua, lato lumbrico laborantem infestat. At si quæ signa sunt cum teretum signis communia, ea tamen distinctione aliqua carere non videntur. Nam si forte epilepsiæ in lato lumbrico laborantibus occurrant, vel animi defectio, aut syncope, id contingere potest, vel à validis medicamentis, quæ illico ægrotanti non præparato dantur ad occidendum & expellendum vermem. Is enim variis flexionibus ac motibus, in intestinis modo se extendens, modo se contorquens, tuetur sese contra sibi lethalia venena, intestina divellit, & colicos dolores excitando facit syncopas, epilepsias, & alia perquam gravia mala, quo fit, ut ante hæc, motus instar fluctuantis in aqua piscis, in ventre ab ægris percipiatur. Teretes lumbrici dolorem ventris pungitivum excitant, latus magis divellit, & lacerat intestina: idque contingit propter motum diversum, quia teretes robustiores, ac breviores, duriores flectendo, vel anteriorem, vel posteriorem partem semicirculariter, pungunt; præsertim si quid sit, quod ipsos molestat: Latus vero debilius & tardior motu, propter corporis longitudinem particulam distendit; nec ita repente, ut teretes, sed paulatim vires acquirens, piscis in aqua fluctuantis instar murmurat, siquidem sæpe nimio humore aquoso solet circumfluere, qui, facto verme debiliore, solet interdum cum portiuncula vermis per ventris fluxum prodire. In febribus acutis sæpe observantur teretes, & lati perquam raro; sed febris, ut plurimum lenta, hoc ægrotantes affligit cum pulsu parvo, sæpe valde inæquali, præsertim si corpus vehementer moveatur. Paulus Ægineta, si Latino ejus interpreti fidimus, *pulsus inæqualitatem cum inæqualitate* inter lati lumbrici signa numerat. Sed Græcis *ἀδυναμία μετ' ἀνωμαλίας*, est impotentia cum inæqualitate: quod non est de pulsu intelligendum; sed potius de imbecillitate corporis inæquali (ut opinor) in qua semper quidem

Proprium signum.

Communia signa.

Teretes lumbrici pungunt intestina; lati divellunt.

Lati lumbrici tardior motu.

ἀδυναμία μετ' ἀνωμαλίας ἀπὸ τῆς ἁγίας.

Alia lectio
apud Aetium.

quidem corpus debile est, sed modo plus, modo minus. Qui Aëtii librum nonum Græcum habent, legunt in ipso ἀδυναμία καὶ βραδύτης, id est, imbecillitatem corporis cum segnitie, & revera ita est. Nam imbecilles, & ad motum pigriores evadunt: quia corpus ægre nutritur, & prout vel magis vel minus nutritur, pro eo vel magis vel minus robusti sunt, & ambulare possunt. Et quanquam teretes gracile corpus reddere queant; tamen etiam in obesitas, & bene alioquin constitutis corporibus sine febre conspiciuntur. At latus semper gracile corpus reddit, nec illico, sed paulatim grandescere verme, post duos aut tres menses. Neque est, quod quispiam reclamet libro autoris quarto de morbis, ubi ait: ὅς ἐχει τὸ πρὸ τοῦ θηλέος ἐν μὲν τῷ ζυμπαλῇ ζέοντα δεινὴν κατὰ τὰ ἀνθρώπου, id est, qui hanc bestiolam habent, in toto quidem tempore eis nil admodum grave contingit. Cum enim præsupponeret falsum, jam ab ortus nostri primordiis, usquequo adoleverit homo, paulatim secundum corporis incrementum augeri; & hac hypothese observaret, adultos hoc verme laborantes non valde in tenera ætate de hoc conquestos, similique aliquo symptomate, quale pati solent natu grandes, concludebat hunc vermem multo tempore posse latere in nostro ventre, absque eo, quod tales molestias adferret, quales sub signis jam dictis & dicendis comprehendo. Certe verum hoc est, ea signa non sese manifestare statim ac vermis est genitus, vel quando adhuc parvus existit. Imo tunc fieri non potest, ut notis ullis mediocriter probabilibus se prodant, nisi aut mutarit locum versus stomachum, propter aliquam insolitam inediam, datumve medicamentum, vel cibum; aut alia de causa vel tormina exciter, vel per intestinum rectum pars prodeat, vel in valde pueris, in quibus propter loci angustiam nequit diu latere, ob augmenti celeritatem. Concludendum igitur, parvum lumbricum latum non valde magnam molestiam ægris exhibere, si naturalem locum, qui est intestinum tenue, & præcipue ileum, non mutarit. Magnum vero omnes eas molestias inducere manifestissime, quas hoc loco commemoro; etiam si sic obscuriora sint signa in iis, qui inter parvum & magnum habent mediocrem. Bartholomæus Carrichterus tradit, lato lumbrico obnoxios, subinde lactis & papaveris esu affici, alias minus quietos futuros. Verum inter alia signa non infimum locum obtinet fames canina sæpe, interdum etiam dejecta appetentia. Et quanquam utrumque possit etiam in teretibus lumbricis, quando abundant, notari; tamen in his ut plurimum, inappetentia adest, raro insignis aliqua fames. At in lumbrico lato sæpius fames ægrum fatigat, quam prostratus appetitus. Quamobrem Aëtius famem assiduam refert ad signa lumbrici lati, & morsum stomachi. Quod enim vivificatum est, inquit, in intestinis, ubi recens exhibitum cibum consumpsit, post etiam solida corpora arrodit. Et auctor libri quarti de morbis hæc dicit: ὅταν ἰσχυρὸς ὁ ἄνθρωπος, ἀσθενῇ, καὶ ἀναστῇ ἐκ τοῦ ὕπνου, καὶ ἀναστῇ ἐκ τοῦ ὕπνου, καὶ ἀναστῇ ἐκ τοῦ ὕπνου, id est, quandoque sputa ori influunt, ubi ad hepar affluit, quandoque non. Quibusdam etiam vocem intercipit, si fortiter ad hepar irruat, & valde multa sputa ex ore fluunt; paulo autem post sedantur, & tormen multum in ventriculo aliis atque aliis oboritur. Sed hæc ab au-

Quando lum-
brici lati se
prodant.

Fames canina
in hoc affectu.

tore relata signa apparent tantum quibusdam temporibus, & verme plurimum aucto: quibus subnectam duas historias memorabiles. Mulier illa Germana, quæ Patavii anno millesimo sexcentesimo septimo, mense Decembri, puerum optime sanum edidit, erat partus satis difficilis, non tam quod primipara esset, quam quod foetum contineret habitiohem. Quo tempore utrum gerebat, bene se habuit, cuncta edulia libenter assumebat, sine nausea, sine ullo ciborum fastidio, somno erat naturali, alacri motu domestica negotia obibat: at postquam peperit, coepit vinum fastidire, aquæ potui plurimum indulgere, noctu esse sine naturali quiete, pigrescere ad omnem motum; aliquando febrili calore corripitur, noctu capite dolere cum gravitate ac pondere; torsiones in ventre sentire, interdum per totum abdomen, sæpe circa umbilicum, aliquando in dextro, nonnunquam in sinistro latere. Inde transacta quinque mensibus macilenta evasit, oculis lucentibus, & facie, corporeque floridum adhuc colorem observante; mox frequentior, quam antea febris, singulis diebus interdum invaluit, aliquando tertio, quarto, quinto, raro pluribus, qua de causa decumbere in lecto sæpe cogebatur; ac tum præter obscurum motum in ventre, & tumorem, & levita tormina per totum abdomen, nil aliud mali sentiebat; imo se gravidam esse quatuor mensibus putabat. Denique sequentis anni mense Augusto, qui erat octavus à partu, hora dimidia post coenam, in qua lactucam cum oleo & aceto assumpserat, rigore insigni, subsequente febre, corripitur, cum maximis ventris doloribus. Pro iis mitigandis, cum sibi disrumpi ac lacerari ventrem metueret, manibus utrumque latus abdominis comprimebat, ortosque dolores putabat propter menses, qui instabant, & soliti erant à partu statutis temporibus larga satis copia fluere ob sanguinis abundantiam, quanquam semper puerum lactaret. Sed alvi profluvio oborto, quo plurima aquosa biliosaque rejiciebat, ex ano propulsum est lati vermis frustum. Soror ægræ, quæ jam animo deficere incipiebat, ignara quid esset rei, quod propenderet, manu frustum apprehendit, & extrahit ipsum quinque cubitorum longitudine, metuensque ne intestini partem, cujus substantiam referebat extraheret, unguibus divellit vermem, cujus pars, quæ adhuc extra propendebat, in ventrem irrepsit, avulsam vero alteram partem in saxum projecit, in spiras multas se contorquentem; postea adhuc vivam baculo elevans, in aquam protrudit, in qua in coronam se componens statim moritur. Maritus rei novitate ductus, illico me accersiri jubet. Ut ad ægram veni, percunctatus sum, quidnam antea esset perpeffa. Illa præter jam commemorata, narrat se ante tres annos, adhuc virginem Augustæ Vindelicorum pessime valuisse, vermes rotundos sæpissime per inferiora reddidisse, ventris doloribus aliquando molestatam, rigore & febre subsequente; potu aquæ frigidæ, vel oxygalæ, vel alterius lactis acidi, ipsisque acidis rebus magnopere delectatam: raro carnes, aut vinum appetivisse: assuetam se à teneris carnes, & obsonia comedere absque pane: sororem suam majorem natu, dum esset adhuc virgo septendecim annorum, graviter ex eodem hoc lumbrico lato labo-

Historia dua.
Prima maxi-
me notabilis.

rasse per biennium; tandem emaciatam, & veluti hydrope afeite laborantem, frustatim cum sævis ventris cruciatibus, lumbricum latum excrevisse: viro tandem nuptam integra valetudine fuisse, sed sterilem permanisse. Id quoque subjunxit peculiare, se jam noctu magis aggravari; minus ventre dolere, dum prona decumbit, quam dum jacet supina. In latus alterutrum si declinaverit, mediocriter affligi; sed pejus si in dextrum, quam si in sinistrum latus se vertat, non sine gravi pondere: quo cum gravida etiam premeretur, id à foetu modo huc, modo illuc se devolvende in decubitus mutatione evenire sibi persuadebat. His relatis, quæ deinceps passura foret, curiosius animadvertere statui. Igitur fluentibus postero die mensibus satis copiose, febricula alternis diebus, maxime circa noctem, per paucos dies eam corripuit: frequentes dolores divellentes, raro pungentes, in sinistra abdominis parte magis præsentiebant, qui ad dorsum pertingebant, & omnem sedendi potestatem tollebant: quotidie, vel alternis diebus vel pluribus intercedentibus, aquosa multa per alvum reddebantur; quæ ani pruritus & ardorem faciebant. Atque hæc alvi perturbatio magna expectabatur, ubi rigor, horror, vel levis aliqua febricula præcesserat, cum insignibus ventris torsionibus, ac motibus, sonitum caudæ quatientis aquam piscis, ac natantis, edentibus, vel vesicæ aqua & vento repletæ, ac fortiter commotæ. Eratque hic sonus usque adeo manifestus, ut ex longinquo facillime perciperetur. A quocunque cibo ac potu circa ventrem doloribus plerumque cruciabatur; seu aquam seu vinum biberet; seu carnes, ova, fructusve, quibus impense delectabatur, comederet; sed præcipue ab eo cucumerum genere, quod Melopepones vocamus, abstinendum sibi esse usus docuerat, propter maximos cruciatibus, quos excitabant. Ventris tumor aliquando hydropicam dicebat; verum inconstans, modo major, modo minor, quandoque nullus. Caligines etiam aliquando circa oculos, & capitis vertigines, frequentissimus aurium tinnitus; lassitudo corporis continua laboranti, aut stanti; in lecto vero jacenti vix ulla percipiebatur; sitis nunquam intermittebat, qua aquam potius, quam vinum expetebat; & horum plurima noctu magis quam interdiu eveniebant. Lac quoque in tantum defecit, ut puerum coacta fuisset ab lactare, nisi convenientibus remediis, quæ vermis vires & ferociam frangebant, paucis diebus à me fuisset revocatum. His quoque factum est, ut debiliior vermis redderetur, tumore ventris sublato, validior ægra viribus, post biennium iterum conciperet. Quo tempore ipsam invisi, nunquam observavi, quod in excrementis semen cucurbitæ referret exquisitè, sed semper frustum vermis, quod ad me in pelvi aqua repleta per ancillam deferri aliquando curabam, ut studiosis Medicinæ demonstrarem. Quocirca cum autor libri quarti de morbis, atque alii scriptores antiqui scribant, ægros tænia laborantes, excernere una cum alvi excrementis alias atque alias, veluti cucumeris semen, non intelligunt, quod quid separatim exeat, quod unicum tantum semen ex cucumeris fructu exemptum recte referat; seu quod frustulum vermis abruptum aliquando una cum excrementis prodeat;

Explicatur
enunciatum
Hippocrati-
cum.

Cucumeris se-
mini similia
quæ in lum-
brico lato.

in cujus medio sunt quidam veluti articuli lata membrana inclusi, qui singuli unico femini cucumeris, aut plures pluribus ejus feminibus per longum aut transversum incisus satis apte possunt comparari. Similis enim eorum forma est, & ordinis dispositio. Quoniam autem superius diximus, hanc feminam sibi persuasisse, se esse gravidam, non est prætereundum, quod in simili morbo accidit cuidam virgini Austriacæ, ex illustri familia ortæ. Hæc enim cum per multos menses ventre tumeret, mensesque ipsi non amplius fluere, aliquos cibos fastidiret, nonnullos appetere cum fame quadam insolita, gravida putabatur. Amici atque parentes ægræ suspecta pudicitia percussi (nam à Medicis, quos in consilium coegerant, & obstetricibus multis rationibus gravida ducebatur) ejus curationem neglexerunt, quo accidit, ut tandem emaciata moreretur. Post obitum inspecto cadavere, plurima aqua in intestinis, una cum tænia reperta est, quæ mortis causæ extiterant. Inquirendum nunc est, cur ab hoc verme corpus omnibus emacietur, quamplurimis ingens fames, atque sitis superveniant, & quibusdam mulieribus lac in uberibus possit deficere. Videntur omnes docti viri veterum autoritate, & probabilibus satis rationibus asserere, hæc evenire propter vermis edacitatem. Cum enim tam longus sit, multum quoque eum comedere necesse videtur. Apparet etiam idem iis quoque accidere, quibus copia lumbricorum teretum in ventre est, quasi à multitudine corporis & ciborum, alimentum absumeretur. Veruntamen longe aliter sentio. Quandoquidem Aristoteles lib. 1 v de Partibus animalium cap. v, esse omnia insecta ὀλιγότροφα, id est, paucio alimento nutriri scribit; non tantum quod parva sint, quantum quod frigida. Nam quod calidum est, inquit, eget alimento, quod & cito concoquit: quod vero frigidum est, sine cibo vivere potest. Sic puto ἄτροφον esse interpretandum: aut sane tam paucio cibo indigere, ut nullo egere videatur. Nec est hic, quod quis magnitudinem corporis opponat. Nam longissimum esse hunc vermem fatemur, sed tamen exiguum propter corporis planitiem, nec tantæ molis, ut possitimenti (quod interdum plus assumitur, quam corporis ægri magnitudo requirit) absumere maximam partem. Quamobrem ad alias horum symptomatum indagandas causas impulsus, tres potissimas deprehendi: Vna est cibi assumpti corruptio quædam, ob quam non attrahitur à natura, quantum requiritur; Altera, cibi jam ex parte concocti difficilis distributio; Tertia motus animalis in intestinis. Corruptitur autem pars cibi, antequam in chylum à ventriculo convertatur; pars jam in chylum conversa non prompte à jecore attrahitur. Quæ jam in intestinis diutius hærens quam deberet, putrescit propter obstructions, quos parit animal in intestinis oberrans. Nam officina venarum mesaraicarum obferat; deinde in globum se torquens, in parte ilei intestini, quæ proxima est intestino colo, impedit transitum excrementi, relictæ à chylolo, quod jam è tenuibus intestinis exitum ad erasam quærit. Auget quoque ciborum ingestorum corruptionem substantia ipsius vermis, qua falsum excitat appetitum multarum rerum, & facile corruptibilium, ut fructuum, potusque aquæ. Hinc fit, ut cum

Historia se-
cunda.

Nota gravide
falsa signa.

Macies unde
lato lumbrici
laboranti &
alia sympto-
mata.

Aliorum cau-
sa.

Insecta paucio
alimento in-
digere.

ἄτροφον quid
Philosopho.

Vera causa
Auctoris enu-
merantur.
Prima.

Secunda.

Tertia.

ut cum aqua, humidusque cibus non habeant exitum per urinas, in intestinis obstructa oberrent, excitentque hydropicorum ventres; qui postea, cum vermibus ad inferna descendit, maxima sui parte per intestina expassa, alvique profluvio oborto, concidant. Quapropter perdoctus Aëtius, reliquis lumbrici lati commemoratis signis, addit peculiariter, cibos assumptos celeriter in excrementa mutari. Motus quoque animalis emaciat corpus. Actiones enim naturales intestinorum interturbantur, deinde totum corpus, ut auxilietur parti laboranti; & ut, quod præter naturam est, expellat à circumferentia ad centrum, humores ac sanguinem movet, ut inde corpus vix possit nutriri. Ergo si quis ad Galeni (qui libro de Theriaca ad Pilonem scribit, *latum vermem extenuare corpus, quod omne nutrimentum ipse devoret*) & aliorum doctorum, tum antiquorum, tum recentiorum tuendam opinionem dicat, hunc vermem alimentum devorare & consumere, non quod ipse comedat, vel intra corpus assumat, sed corrumpat, per me quidem licet, dummodo ipsam rem intelligat.

C A P. XVI.

Prognostica ejus signa.

Præiusquam ad curationem descendam, jure merito quæri potest, an curatio sit perquam necessaria? Videtur enim Autor libri quarti de morbis eam tanquam non magnopere necessariam ponere, quo loco scribit; *habenti lumbricum latum toto tempore nil admodum grave contingere, & si non curetur, sua sponte non exire, mortem tamen non inferre, sed consenescere*. Verum cum his pugnant curationes variæ, quæ ab antiquis & recentioribus magna sollicitudine, magnoque studio sunt nobis traditæ: quoniam, morbis incurabilibus temporis tractu vitam ægri abbreviare, gravissimaque symptomata supervenire, usu didicissent. Nam ut ea præteream, quæ supra commemoravi, nonne cujusdam uxor apud Thaddæum Dunum, multis ad lumbricum pellendum remediis frustra curata, dysenteria primum correpta, mox hydropica facta interiit? Annon illa nobilis virgo Austriaca, cujus paulo ante à me facta fuit mentio, ex eodem hoc morbo, nempe hydrope, è vita migrasse visa est? Propterea Avicennas de latis lumbricis prædixit, si non expellantur, sed in ventre remaneant, majoresque fiant, cæteris omnibus lumbricis esse deteriores. Cornelius Celsus quoque latos teretibus pejores esse ait: contra quam multi ex recentioribus sunt opinati. Itaque ut huic dissensionem meam interponam sententiam, puto, & auctorem libri quarti de morbis vera dixisse: nempe eum, qui habet lumbricum latum, toto corpore quo habet, non valde graviter premi, nec ejus neglectam curationem mortem inducere, si simpliciter dicta accipiantur. Ægrotis enim contingere potest, ut commemorata gravia mala nulla accendant, si modo illis tollatur occasio lumbricum natura satis mitem, & motus tardioris, ac moris placidi, depravandi pravis moribus, atque malignis motibus, & majore forte putredine, ob quæ tormina, dysenteria, dolores colici, syncope, epilepsia, & longæ his pejora mala possunt

excitari. Occasio autem talis nascitur à causis externis præcipue; interdum etiam ab internis. Nam si æger multum delinquat; aut in nimia quiete, aut motu, & exercitiis vehementibus; victu pravo, aut copioso, aut ipsi lumbrico valde contrario; medicamentis, aut longa curatione, viribus ægri debilitatis frustra ad lumbricum pellendum tentata: aut si in ventre nostro, atque venis humor aliquis generetur, vitæ vermis insidians, tunc aut nimium supercalefactus, aut plus quam decet refrigeratus, multa mala eaque funesta inducere potest: at per se tamen non inducit, quamvis ratione sui ortus ex putredine venenosus esse videatur, & ratione suæ magnitudinis consideratæ ad capacitatem, & longitudinem intestinorum, sit dicendus *ἡγετον*, hoc est, fera parva. Veruntamen quamvis per se ægrotum non occidat, ratione tamen eorum, quæ ei superveniunt, præsertim diu laboranti, factoque verme grandiore, pernecessaria est ejus curatio. Quinetiam morbi, qui sua natura satis mites sunt, atque securi, ut febres intermittentes, tertianæ, quartanæ, si incendant, periculosi evadunt; quod æger, qui modo sanus & robustus erat ante febres, vires magnopere fractas, in eis, vel post eas facile cibo, potuque resarcire queat, & sic ad integram sanitatem redire. At qui lato lumbrico laborat; neque quo die febris, neque quo tempore prorsus abiit, vires facile resumere potest, quales ante febrem fuerant, etsi imbecilles: quippe cum magna pars cibi potusque in ventre ægri corrumpatur potius, quam ut concoquatur, aut in sanguinem, viribus corporis conservandis, restaurandisque idoneum, converti queat. His de causis recte scripsit autor libri quarti de morbis, laborantem lato lumbrico, *ubi debilis factus fuerit, vix revalescere*. Siquidem contingat aliquando, ut convalescat, si à perito Medico iusto modo curetur, tamen maxime difficilis est ejus curatio. Nam si difficilis est in ægro, ab aliis morbis virtutes corporis infirmantibus adhuc immuni, longe erit difficillima, viribus ab aliis multis jam fractis, ac curationi, quæ longa esse tunc consuevit, vix paribus. Sed quam arduum sit latum lumbricum curare, nobis eleganter insinuare videtur fabula Hippys Rhegini scriptoris apud Ælium de muliere hoc verme laborante. De ejus curatione, inquit, cum Medici etiam peritissimi desperassent, Epidaurum delata diis ab hoc malo, ut liberaretur, supplicabat. Absente Aesculapio, ministri eam eo in loco, ubi Deus mederi supplicibus solebat, quiescere parum jusserunt, deinde capite ejus resecto, unus eorum manu immissa in ventrem, lumbricum feram sane ingentem exemit. Caput vero in suum locum, & pristinam harmoniam conantur restituere, idque præstare non possunt. Interim Deus revertitur, illisque increpatis, quod rem supra artem & vim humanam aggressi fuissent, ipse divino & ineffabili modo, & caput suo corpori, & mulierem restituit. Itaque ex hac eadem fabula patet, longe difficiliorem esse curationem lati lumbrici, quam teretis; nec à veritate abhorre, quod scripsit Celsus, latos esse teretibus pejores. Nam quanquam & hi malignissimi sint, ut intestina, vesicam, stomachum perforant, & sic mortem inducant; rari tamen sunt, & monstrosi quid habent. Cæteros, qui communiores sunt, ut plurimum longe facilius expelli posse, imo sæpiissime & vivos,

& mortuos,

Lumbricus
latus quomodo
ad alimentum
devoret.

Verum sit
curatio lum-
brici latus.

Pericula ex
lumbrici lati
curatione ne-
glecta.

Autoris con-
silio.

Difficiliter
curatur.

Lati lumbrici
difficilior
quam teretis
curatio.

Sponte ali-
quando exit
lumbricus la-
tus.

Vomitum quā-
doque rejici-
tur.

Cerasas gentes
affligit.

Senectus ejus
non cognoscen-
da.

Metatides.

& mortuos, sponte sua exire per alvum, usus quo-
tidianus abunde docet: contra difficillime pelli
ex intestinis lumbricum latum, quod intestinorum
internæ tunicæ firmiter adhæreat, eorumque sua
longitudine anfractuosis ductibus implicetur, ita
ut non, nisi bene præparatus, cum fortibus medi-
camentis expelli queat. Porro an hic lumbricus,
si non curetur, haud unquam sponte sua exeat,
sed consenescat cum homine, ut scribit autor libri
quarti de morbis, dubitari potest. Nam quando-
que integrum evomuisse æger visus est, aliquando
eundem per alvum reddidisse, nullo adhibito me-
dicamento, quod hunc expelleret. Observarunt
piscatores in piscibus latum lumbricum habenti-
bus, hunc ex ventre eorum sponte exire, fierique
tunc eos maxime pingues. Imo idem Autor libri
quarti de morbis, frustulatim eum exire narrat, &
quibusdam iter facientibus, aut laborantibus, &
ventriculo (καλίης) calefcente ad anum descende-
re, ipsisque prominere ex podice inflatum, & inde
refecari, aut retro cedere. Hæc quanquam vera
sint, non tamen huic antiquo autori adversantur.
Sponte enim sua non est exire dicendus, qui ali-
unde per accidens cogitur exire, nempe vel à cau-
sa interna, humore intus generato, lumbrico maxi-
me infesto; vel externa, cibo, potu, exercitiis,
aëre, lumbrico contrariis. Quæ vel omnia, vel
singula tantum in nobis possunt, ut quædam gen-
tes hoc malo careant, quædam ob ea frequenter
eodem molestantur. Etenim Theophrastus quar-
to historiæ plantarum, interprete Gaza, hæc in-
quit, lumbricum (latum intelligo, cum de eo proxime
mentio facta fuerit) gentium nonnullis natura inef-
se percipitur. Habent enim omni quasi ex parte Aegyptii,
Arabes, Armenii, Syri, Cilices; è diverso Thracibus, ac
Phrygiis nullo pacto innasci narrant. Inter Græcos The-
banis, scilicet versari in gymnasiis solitis, & ad summam
Bæotii innasci lumbricum novimus; Atheniensibus nullo
pacto. * Atque idem in piscibus duobus leucisco
(quem in Moravia Germani appellant Weißfisch/
hoc est, piscem album) & altero, quem Plösch
appellant, Piscatores notarunt. Quia in piscinis
aquam claram habentibus, vel quibus recens aqua
continuo affluit, non admodum ali taniosos pi-
sces affirmant: contra in stagnis, & lacu limoso
crassa aqua, & turbida referto, ad quam haud fa-
cile recens aqua affluere, nec quæ diu stetit, ef-
fluere potest, perpetuo his piscibus abundare, ma-
xime circa autumnum. Talis aqua apud Mora-
vos in lacu Coblicensi est. Sed ad institutum red-
eamus. Habere autem hunc lumbricum suas æta-
tes jam diximus. Ultima ejus, quæ senectus est,
per sua signa à cæteris distinguenda, ne forte cu-
rationem aggrediamur non amplius necessariam.
Signa igitur hæc perpendantur: si non multis tor-
minibus, nec aliis gravioribus symptomatis ægra
afficiatur: si partes unius aut alterius pedis, nec

* Hanc Gazæ versionem, si Græca in medium proferantur, non queo,
quantum optarem, probare, quod minus fida ingenia ad longe diversa,
quam Philosophus docet, credenda transtulerit. Ita enim ait: ἡ δὲ ἐλμὴς
σύμφυτον εὐνοίᾳ ἐβνέσθαι. ἔχοντες γὰρ ὡς ἐπὶ πᾶσι Αἰγύπτιοι, Ἀραβῶτες, Ἀρμενῖοι,
Μεταλίδες, Σύροι, Κιλικῖες. Θρακῖες δὲ καὶ ἔχοντες, ὅθεν Φρύγες, τῶν δὲ Ἑλλήνων
Θηβαῖοι τε, οἱ καὶ τὰ γυμνάσια, καὶ ὅλως Βοιωτοί. Ἀθηναῖοι δὲ οὐκ. Quæ ita
sonant. Lumbricus res est connata quibusdam gentibus. Habent enim ipsum
us plurimum Aegyptii, Arabes, Armenii, Metatides (vox, quæ ignoratur
quid sit, aut quos populos intelligat, suspicionem doctus semper dabit,
depravatum hic esse codicem Theophrasti, ideoque Gaza, in sua ver-
sione omisit, & Heinsius etiam idcirco ex codice suo Lugduni Batavo-
rum impressio expunxit) Syri, Cilices: Thracæ vero non habent, neque
Phryges. At inter Græcos Thebanii, qui in gymnasiis versantur, & totaliter
Bæotii; Athenienses vero non.

plurium longitudine à verme per longa intervalla
abrumpanitur. Sic in Helvetii uxore vidimus, ven-
trem primo plurimum intumuisse, & tum secundo
quoque, ac tertio mense, aut paulo pluribus frustra
variæ longitudinis per alvum reddidisse: ultimo
nunc, sublato abdominis tumore, breve frustum,
quod vix pedem aut ulnam longitudine excede-
bat, excrevisse.

C A P. XVII.

Quenam sit ejus Curandi ratio.

Diligenter mihi perpendenti curationum di-
versa genera, quæ à multis autoribus hinc in-
de sparsis decerpfi, duò nobiliora occurrunt, quo-
rum primum proponit tantum unicam indicatio-
nem, expellendi scilicet lumbricum, tanquam rem
toto genere præter naturam, & in eum finem præ-
bet valide purgantia, quorum vi eum expellere
conatur, siue vivus sit, siue mortuus, ut sunt, anti-
monium præparatum, pulvis ex argento vivo præ-
cipitatus, colocynthis, scammonium, helleborus,
grana ricini, præsertim quæ ex America deferun-
tur, radix esulæ, euphorbium, calcanthum, ejus-
que oleum in ea quantitate haustum, qua vomitum
movere queat. Secundum vero duplicem
indicationem postulat, præparandi nempe & ex-
pellendi. Primum Empiricorum, secundum Do-
gmaticorum inventum est. Illud non sine pericu-
lo, hoc securius peragitur. Quia illius medica-
menta cum valida sint, ægrotantem in vitæ discrimen
adducunt, propter maleficam suam, quam
obtinent, facultatem, nimiam vim purgandi, vires
ægri debiles, feras motiones lumbrici ab ejusmo-
di medicamentis productas. Hinc gravia & per-
timescenda symptomata, syncope, epilepsia, ileo-
si, & colici dolores, aliaque ejus generis. Refert
Schenchius in observationibus suis lib. 111, observ.
ccviii, quendam suum Pharmacopœum arcis
excubitori vitrioli drachmam unam exhibuisse,
atque eo immensæ longitudinis lumbricum latum
expulisse, non sine sævissimis torminibus & sym-
ptomatibus, quæ eundem prope ad mortem ad-
eegerunt. Idcirco sapientiores secundum curatio-
nis genus magis laudarunt. Sed & hujus sectato-
res in duplicem curandi viam ivisse mihi viden-
tur. Nam alii prius præparandum esse, ante-
quam expellatur, volunt; alii simul uno eodem-
que tempore, & præparandum, & expellen-
dum esse contendunt. Appellant autem præpa-
rationem*, eam dispositionem, quæ vermi in-
fertur medicamentis ad faciliorem exclusionem,
quæ fit, vel cum occiditur prorsus, vel ita viri-
bus orbatur, ut fiat tanquam semimortuus, & ita
in ventre se componat, ut totus in glomum cir-
cumvolutus, in intestinis positus, nulli eorum parti
aliqua sui corporis particula adhæreat. Nam qui
prius ipsum esse præparandum, antequam pella-
tur, monent, veterum autoritate, præsertim au-
toris libri quarti de morbis, Celsi, Galenique ma-
xime, se tuentur. Nam autor libri quarti de mor-
bis ad perfectam curationem lumbrici lati præ-
parationem proponit, ita scribens: Si quis curet ho-
minem latum lumbricum habentem, & medicamentum
dederit aut potionem, siquidem fuerit homo bene præpa-
ratus, totus rotundus factus ad pilæ figuram exit, &
homo

Duo curatio-
num genera.

Prima indi-
cationes.

Secunda indi-
cationes.

Valida medi-
camenta su-
specta.

Secundum cu-
rationis genu-
tius.

Præparatio
quid in cura-
tione lumbrici
lati.

Eam esse ne-
cessariam au-
toritate veterum
probat.

Item rationibus.

homo sanus evadit. Adduntur etiam rationes. Lumbrici enim vivi nequeunt expelli commode ex intestinis, quod iis obhæreant: imo etsi medicamenti impetu deorsum ferantur in alvum, redeant tamen in loca superiora, unde erant detrusi. Ipse quoque testari possum visam à me partem lumbrici lati dimidii cubiti longitudine extra anum proponentem, cum nondum esset à verme separata, iterum in ventrem irrepsisse. At vero qui præparandum simul & expellendum esse ducunt, contra affirmant, multorum usu comprobatum, majorem noxam ægris, tum pueris, tum adultis inferri, cum lumbrici prius occiduntur: deinde eam curandi rationem breviorē esse, quæ utrique scopo uno tempore satisfacit; secutos eam veteres & juniores. Siquidem apud hos extant plurima medicamenta composita ad lumbricum latum, in quorum descriptionibus tum ea, quæ ipsum occidunt, ut falsa, acria, amara: tum quæ expurgant, ut scammonium, colocynthis, aloe, helleborus, reperiuntur. Verum enimvero, ut meam interponam in hac dissensione opinionem; scire polterioris sententiæ sectatores debent, in lumbricis teretibus & latis curandis, experientiam demonstrasse, quo tempore eorum cædes, inedia præcipue, præparabatur ante expulsionem, sæva tormina, gravissimos, ac maxime malignos morbos, aliquando eos per se excitasse; inprimis vero teretes monstrosos, aculeatique capitis intestina perforasse, & per cutem egressos fuisse, Trallianus auctor est: at medicamenti, peculiariter ad eos interficiendos destinatis, tutissime præparari, antequam expurgentur. Sed & illud latere neminem debet, teretes simul enecari, & expelli brevissimo tempore posse; latos vero non ita. Longiori enim mora ad eos enecandos opus est; nisi quis velit minus tutam eorum aggredi curationem validissimis remediis. Etenim teretes facilius occiduntur & educuntur levioribus remediis, quam lati. Nam illi parvi sunt, & sub rotundo corpore, minusque dearticulato, non ita adhærent valide intestinis, sicque præterlabentium medicamento- rum injuriis in intestinis facile obnoxii sunt, imbecillioresque redditus non difficulter devolvuntur in alvum; at lati, quia longissimi sunt, & plano corpore, plurimisque incisuris præditi, internæ intestinorum tunicæ validissime adhærent, & sub mucosa eorum interna superficie sese occultantes, levioris medicamenti transeuntis vim facile perferunt. Ita fit, ut difficiliter interficiantur. Sed & validioribus ob jam allatas causas interfici debent; quæ si cum iis, quæ expurgant, medicamenti permisceantur, imbecilliora solent evadere; quod vis purgatrix unius medicamenti, alterius facultatem occidendi lumbricum adepti, non sinat diu in ventre permanere. Sed dicet aliquis; nonne in medicorum historiis relatum est, sine ulla lumbrici lati præparatione pilulis diaturbith cum rhabarbaro appellatis, & aggregativis; item ex hiera Ruffi, foliis senæ in aceto maceratis, nonnullos ab hoc verme liberatos fuisse? Nonne Heurnius narrat, potionem ex graciola, quæ purgat, latum lumbricum se expulisse una cum aquis? Nonne Manardes lib. III de Simpl. ex novo orbe delat. cap. de Verbena scribit, ex consilio nobilis cujusdam matronæ ex Peru redeuntis, cuidam singulis diebus

mane verbenæ, ignobilis adhuc herbæ ad occidendos lumbricos, succum saccharo permixtum præbuisse, ac præter multos vermes teretes, unum longissimum instar cinguli rejecisse? Respondeo: aliquando contingere, ut vel à victus ratione, vel alia causa interna nobis abdita elanguescat lumbricus latus, ac sic præparetur, ut levioribus medicamenti possit & occidi simul, & expelli: nihilominus manet, præparationem præcedere oportere, antequam excludatur. Quod spectat ad Verbenæ succum, cum ego nobilissimum esse duco ad occidendos vermes, tum teretes, tum latos, & si veteres hanc ei vim nullam adscripserint, propterea quod amarus sit, eumque malignitati humorum, & putredini, morsibusque venenatorum serpentum resistere, sciamus. Quapropter quod Galenus de omni curatione dixit, in hujus vermis curatione à me concluditur; *præstare nempe, ut serius & tutius curetur, quam ut spe citioris curationis æger manifesto periculo exponatur.* Sed cum præparatio duplex sit, una perfecta, altera imperfecta (perfectam nomino, in qua vermis totus sponte sine magnis torminibus, aut cum levi medicamento purgante excernitur: imperfectam vero, in qua frustatim excluditur, & per longa intervalla) eo semper medicus collinare debet, ut perfectam præparationem instituat. Sic enim quam citissime sanus evadet, qui eo malo detinetur. Ex imperfecta præparatione, longa, & fastidiosa metuenda est curatio. Contingit hæc imperfecta præparatio, cum non plane enecatus est medicamentis, sed imbecillis redditus quiescit in ventre, nullis motibus, aut aliis molestiis vexans amplius ægros, à propinato tamen medicamento purgante non exit totus, sed tantum pars, à reliquo corpore unius aut alterius, aut plurium cubitorum divulsa. * Et quanquam, ut in universum dixerim, omnem lumbricum occidant acria, amara, acida, quorum magnus est numerus; tamen nonnulla peculiariter comperta sunt, ad latum lumbricum occidendum, longe cæteris magis pollere. Ea nunc enumerabo, & ab iis, quæ omni ætati, sexuique, sive febrem habeat, seu ea careat, tuto adhiberi possunt primum exorsus, ad ea veniam, tum simplicia, tum composita, quæ non febricitantibus magis sunt idonea. In priori autem classe principem locum mihi filix obtinere videtur, tum mas, tum foemina, quæ *ἡλύπρις* dicitur Dioscoridi, & Theophrasto; Tralliano vero *ἡλυπρίων*. Hujus radicis adhuc recentis aqua per balneum distillata, & saccharo dulcorata dari potest pueris; aut pulveris ejus drachma dimidia semel, aut bis in die, cum lacte nutricis ipsis adhuc lactantibus: quibus tamen innasci lumbricum latum, non memini à quoquam observatum, præterquam ab Autore libri quarti de morbis. Sed natu grandioribus drachma una, vel paulo plus cum syrupo de floribus persicorum, aut rosato solutivo, si alvum valde attritam habeant: aut, si lubrica sit, cum aqua polygoni, graminis, aut plantaginis sufficiet. Illud perpetuo observandum, ut alvo existente lubrica, vitentur laxantia; ne nimium cito exeat medica-

O

mentum,

* De hac imperfecta præparatione mentionem facit autor libri quarti de morbis, ita scribens: Si vero (Lumbricus latus) ad medicinam hereat (Græcus codex habet, *ἂν ὅς τις φαρμακείῳ ἵσταται*, id est, uti opinor, si ingredietur in medicamentum purgans (utpote non mortuus, aut totus conglobatus) recta pars de lumbrico abrumptur, longitudo duorum, aut trium cubitorum, aut etiam longe amplior.

Verbena.

Ad eas objectiones responsio.

Succus Verbenæ.

Lente procedendum.

Præparatio duplex.

Perfecta.

Imperfecta.

Lumbricos quæ occidant.

Filix.

Diversas medicamentorum facundiam aseres.

In alvo lubrica laxantia vitanda.

Præparatio quibus rationibus neglecta.

Lumbricos occidendi medicamenta.

Sententia propria.

Diversas occidendi teretem & latum lumbricum.

Injectiones.

aciola.

*Filix suspecta
in feminis.
Auctoritas
Theophrasti.*

*Dioscoridis,
Plinii, Gale-
ni.*

*Auctoris ex-
perientia.*

Panus filiginus.

Morus.

*Malus puni-
ca.*

*Cornu cervi-
num.*

mentum, quod vermem occidit, sed adstringentia ei potius permisceantur. Adultis jam tres quatuorve drachmæ ex aqua galegæ, quæ ruta capraria dicitur, propinabuntur; vel ex hydromelite, aut melicrato, more veterum. Scio multis usum radicis utriusque filicis esse suspectum in muliebri sexu; propterea quod scribat Theophrastus, filicem foeminam gravidæ mulieri datam facere abortum, non gravidam in totum sterilem reddere; idemque confirmatum à Dioscoride. Plinius quoque ait *lib. xxvii, cap. v*, neutram (hoc est, neque marem, neque foeminam) dandam mulieribus: quoniam gravidis abortum, cæteris sterilitatem faciat. Sane Galenus, partum vivum enecare, & mortuum ejicere, credidit, quod amara sit radix, paululum habens astrictionis. * Ego in gravidis ejus vim nunquam sum expertus. At hoc testari possum, uxorem Helvetii, cum utramque radicem singulis diebus in pulvere, per plures dies, horis matutinis sumpsisset, nihilo tamen secius tres liberos adhuc postea peperisse. Quod si aut spem conceptus utraque radix adimeret, aut abortire cogeret gravidas, male ageretur cum illis populis, qui panem ex ea conficiunt, ut, teste Dalechampio, Nortmanniæ Abricates. Nullus igitur sexus à tam salutaris radicis usu prohibeatur, cui vis quædam est indita cito, si velis, ac etiam paulatim lumbricum occidendi, etiam in febricitantibus, & uterum gerentibus, sine ullis torminibus aut novis accidentibus illico ferociam vermis compescendi. Imo si quæ jam laborantem symptomata molestant, ea, vel abigere, vel plurimum lenire potest. Ita uxor illa Helvetii, cum multis cruciatibus per intervalla afficeretur circa abdomen, febribusque intermittentibus, ordinatis, & inordinatis, modo alvum haberet astrictam, modo ultra modum fluidam, ab unius drachmæ farinæ filicis exhibitione, neglecta omni conveniente victus ratione, doloribus, & febribus liberari cœpit, ventremque naturaliter deponere. Lac quoque ei, quod per octiduum mammillis erat subtractum (nutriebat enim infantem masculum) ita rediit ad ubera, ut per aliquot menses commode rursus lactare potuerit. Ad hanc quoque classem reducere possumus corticem radicis arboris Mori, quæ leni sua amaritudine latum lumbricum interficit, purgatoria vero facultate, qua pollet, ipsum ejicit. Decoquitur in aqua, ut Dioscorides auctor est, & hoc ejus decoctum propinatur. Mali punici decoctum quoque idem præstat. Plinius *radicem decoctam succum emittere*, ait, *qui teneas necati vitætoriat pondere; & malum ipsum contusum ex tribus heminis vini decoctum ad heminam*. Celsus radicula- rum hujus arboris manipulum in aquæ tribus sextariis decoquit, donec tertia pars supersit: adjicit ei nitri paululum, & jejuno propinat. Itaque hoc genus remedii iis commode dabitur, quibus alvus lubrica est; ex Mori vero cortice, quibus valde astricta. In altero Dioscoridis libro de facile parabilibus, inter latos lumbricos pellentia, cornu cervinum cum melle delinctum proponitur, quod omnes lumbricos occidere (etsi amarum non sit) ex aliorum scriptis didici. Plinius; *Tinearum genera pellit cervini cornu cinis, potus*. Detur igitur duarum

vel trium drachmarum pondere, infantibus vero unius drachmæ. Cum enim ad lumbricum latum occidendum requirantur fortiora remedia, augendum est mitiorum pondus. Aëtius: *Terræ intestina pota numero quinque, aut septem cum passio urinam cient, & omne genus lumbricorum ejiciunt*. Eodem modo pota, aut quocunque velis, latum lumbricum expellunt, aut cum oxymelite. Accidit aliquando, ut enumeratorum adsit inopia: in quo casu non abhorreo ab argento vivo, cum pane calido à plumbagine loto. Id enim scrupuli unius, aut drachmæ dimidiæ pondere vermibus affectis pueris felicissime præbuimus ex jure carnis simplici, vel alio conveniente liquore; & pilulis ex aloë lota in succo rosarum aliquando sex grana permiscui. Tutius tamen integrum datur per os, quam permixtum electuariis, & pulveribus, quia citius per ventrem transit, quod in hoc remedii genere procurandum est. Sunt qui terram Melitensem ad occidendum latum lumbricum celebrent, & terram Cimoliam. Iis autem, qui sine febre sunt, costus ex aqua calida detur drachmarum duarum pondere; item cedria, cardamomum, nasturcium, scordium ex aceto, vel oxymelite, chameleonis albi radix ex vino austero, acetabuli mensura. Trallianus iis, qui lato lumbrico laborant, proponit herbam quandam, quam ipse *ἐλμινθορόπαιον* vocat, ob singularem ejus in occidendis lumbricis virtutem: interpretes lumbricariam vertunt; forte tinearia Marcelli, & Scribonii Largi. * Juniores eam corallinam esse autumant, musci marini speciem frequentem in maris Ligustici littoribus, sic dictam, quod coralli radicibus adnascatur. Et revera etiam nunc in Græcia magni usus est, ad omnis generis lumbricos occidendos: Nam per plateas, & vicos hanc herbam, in pulverem redactam venditant, *χαλιδόπαιον* appellant, corrupta voce, quasi *χαλιδόπαιον* vellent dicere. Vnde à circulatoribus, & circumforaneis tanquam magnum secretum transfertur per totam Europam. Hujus pulveris adultis drachma una in jure sufficit, aut in vino hausta ad teretes necandos: Latos vero duplicatum pondus occidet: quin & ejus decoctum potest præberi, atque in hujus penuria absynthium marinum latifolium & feriphium. Sed & magni quoque usus esse hic notavi aquas salsas, nitrosas, sulfureas; & quæ chalcanti mineram habent, ut acidulæ purgantes. His solis per multos dies haustis mane ad aliquot libras, prægressa totius corporis purgatione, latum lumbricum sublatum novimus. Talis aqua est Tetutiana, quæ in agro est Pistoriensi, & prope castellum novum, Graffignana dicta: in Germania Eggerana, Sualbacensis: in Boheinia Carolina: in quarum penuria aqua salsa arte facta, vel marina potest præberi, etsi ventriculo nonnihil molesta esse consueverit. Hæc enim blande purgat, & pituitam, cui maxime adhæret hic vermis, ab intestinorum interna superficie absterget, salsedine vero ipsum interficit. Lixivium cum oleo ad eundem finem forbeat hemina mensurâ, & ut mi-

Mercurium.

*Terræ Meli-
tensis & Ci-
molis.*

*Lumbricaria
Corallina.*

*Aque ther-
males.*

Aqua salsa.

*Stachas citri-
na.*

* Theophrastus ramentum filicis radicem succo γλυκύστυφον dicit, hoc est, dulcem cum astrictione.

* Nisi quis tineariam eorum putet herbam, quam stæchadem citrinam vulgus herbariorum vocat. Eam enim circa solstitium æstivum, & præcipue in festo die S. Iohannis à verulis rhizotomis summo studio in Herruria colligi vidi ad occidendos lumbricos puerorum magno successu. Propterea puto, ibidem communi sermone tignamicam dici quasi tineariam. Andreas tamen Cæsalpius tignamicam derivat à thymia- ma, ob odoris suavitatem.

Theriac.

Antidotus
Lumbricaria
autotus.

Clysteres.

Oleum & sal
infectis inani-
ca.
Suppositoria.Externa re-
media.

Unguenta.

Cataplasma-
ta.Oleum scor-
pionum.Cataplasma
validum.

nus nauseam moveat, succum mali arantii, aut citrii instillare convenit. Galenus theriacam mirabiliter extollit, quæ drachmæ pondere mane per plures dies datur cum aceto: & melius erit in adultis scyllinum ei permiscere. Antidotus Lumbricaria: Recipe foliorum Corallinæ, verbenæ, scordei, pulegii, origani ana Manipulum sem. radicem dictamni albi, filicis, angelicæ, gentianæ, singulorum drachmas duas; corticem radicem arboris mori drachmam unam & semis; feminis sinapios, cardamomi, nasturcii, singulorum drachmam unam; piperis drachmam semis, croci scrupulum dimidium: fiat omnium pulvis, & cum melle despumato commisceantur cuncta in formam opiata; cui potes, si velis, addere olei vitrioli scrupulum medium. Datur mane per plures dies jejuno stomacho, adultis drachmæ unius & dimidiæ pondere. Clysteres quamvis ad occidendos lumbricos proponantur ab exercitatissimis Medicis ex decocto centaurei minoris, absynthii, scordei, abrotoni, tenaceti, fantonici, colocynthidis, radicem dictamni albi, bistortæ, tormentillæ, addito oleo, & melle rosato solutivo: tamen ego hosce non possum non summopere damnare in lumbrico lato: Quia ab hoc clysteris genere, ubi noxam lumbricus perceperit, statim ad superiora vergit versus stomachum, & dolores, ac tormina per frequentiora intervalla ægro parat. Præstat igitur loco horum uti iis clysteribus, qui potius à superioribus partibus, & tenuibus intestinis ad colum lumbricum alliciunt, quo sit exitui vicinior. Parentur igitur ex lacte cum saccharo, aut melle, vel hydromelite; ex jure carnis non salito cum butyro; cavendo ab oleo & sale, quæ omni infecto sunt inimica. Pueris conducet ano indere glandem lacte & melle imbuto gossypio factam, & iisdem podicem intro forisque illinere. Quin & infantibus fieri ex diapenidio glans potest, atque supponi. Externa quoque auxilia ad occidendum hanc feram non sunt omittenda, ut unctiones, & emplastra, cerota, quæ umbilici regioni imponuntur, quæ Græci ἐπιουδάλια nominant. In tenera ætate fiat unctio, si febris urget, ex cornu cervino pulverisato, atque cum oleo rosato permixto, vel oleo amygdalarum amararum. Si vero desit febris, cataplasma imponatur ex foliis mali persicæ, absynthii, farina lupinorum, & pulvere corallinæ, exceptis decocto calaminthe, vel pulegii, addito pulvere cornu cervini, & oleo amygdalarum amararum, vel de nucleis persicorum: vel laneus pannus madefiat aceto rosato, cui pulvis inspergatur, qui accipit aloes drachmam unam, myrrhæ, croci, garyophyllorum, radicem dictamni albi, corallinæ, singulorum scrupulos duos, misce. Idem quoque præstabit oleum scorpionum descriptionis Mathioli, quo umbilici regio, & stomachi, tempora, jugulum, & pulsus inungantur. Cataplasma pro adultis validum. Recipe farinæ lupinorum uncias tres, succi foliorum persicæ mali quantum satis est: misce ad ignem ut redigatur ad mellis consistentiam; deinde insperge pulveris costi, radicem dictamni albi, corallinæ, foliorum fabinæ, singulorum drachmas duas; feminis melanthii drachmam unam, & mediam; fellis taurini drachmas duas; olei ex nucleis mali Armenii expressi, & aceti fortissimi, utrius-

que quantum sufficit pro conficiendo cataplasma. Nicolaus Myrepsus unguentis ad lumbricos occidendos aliquando argenti vivi portiunculam immiscuit, quod mihi non improbat, si quando validissimis externis remediis indigemus, etsi id sit inusitatum nostris temporibus. Oleum potens egregium, quo umbilici partes circumstantes, & ventriculi orificium perunguntur. Recipe olei ex nucleis persicorum malorum expressi, vel ex amaris amygdalis uncias sex; radicem dictamni albi, corallinæ, costi, foliorum fabinæ crasso modo pulverisatorum, singulorum drachmam unam & mediam; lumbricorum terrestrium numero octo; olei de seminibus colocynthidis unciam mediam; stent permixta diebus canicularibus in sole, ut maceantur; deinde fiat fortis expressio: cui, quo fiat potentius, addere soleo olei petrolei drachmas duas, vel tres. Nam bitumen, cujus species est petroleum, brevissimo tempore lumbricos interficit. Ad hunc eundem scopum occidendi lumbricum victus ratio plurimum conducit. Hæc variare penes medicamenta, quibus occidendus est, apud scriptores videtur. Nam qui filicis radice id præstare cupiunt, iis præcipitur ab antiquis carnis abstinencia, & plurimus allii esus per triduum. Scribonius Largus adjungit huic veteratum caseum mollem: licet tamen, eodem autore, & sine alio pridie incenato dare filicem. * Sunt qui ab inedia metuunt convulsiones, torminaque, nec non cruciatus colicos. Itaque ut hæc caveant in utroque lumbrico, tereti nempe, & lato excludendo, tribus primis diebus lac purum præbent sine pane, vel alio obsonio, postea allia ex aceto. Cornelius Celsus quoque ægrum jubet, antequam decoctum tenuium radicularum mali punici bibat jejunus, pridie multum allium comedere, & inde vomere. Sic & alias antidotos, & medicamenta præscripta, allii & aliorum acrium, si febris absit, maximeque eorum, quæ deinceps enumerabo, esus præcedere commodè potest. Noces juglandes quoque plurimæ cum pane, & sale comedantur: quod si sal fuerit theriacum, adhuc magis conducet: item raphanus cum sale, & quo acrior fuerit, eo melior judicatur: talis est, qui nigrum habet corticem, & in nonnullis Germaniæ locis Hispanus cognominatur: & qui ibidem marinus dicitur, herbariis vulgo rusticanus, frequens condimentum in jusculis carniū apud septentrionales incolas. Conducit & sinapi in aceto maceratum, deinde tritum, Gallis & Belgis frequens in cibis, mostardam vocant: brassica semicocta cum multo oleo, sale & pipere. Vidi, qui senecione feliciter cocta cum oleo frixo & sale, ut solent coqui spinachiæ folia, usi sunt. Porrigatur etiam acetarium ex melissæ, pimpinellæ, pulegii, menthæ, portulacæ, erucæ foliis. Pisces encrasycholi, vel alterius generis muria conditi; & ova taricha cum oleo, & aceto, & pipere: loco aceti mali arancii acidi, vel limonis succo uti licebit. Nicolaus Myrepsus principem quendam mirabiliter laudasse, ait, olivas albas ex arboribus decerptas vigintiquinque, vel triginta coctas.

O 2

His

* Verba ejus adscribo: Ad timeas necandas, & occidendas, per triduum allium plurimum edat, & veteratum caseum mollem: secundum hoc filicis Macedonica consusa arida, & cribrata pondere denariorum octo cum melle quantum ipse voluerit, componas. Post horas quatuor detur ei aloes, & summones singulorum rictoriarum pondus ex aqua mulsa cyathis quatuor, quoniam caperit dehorgere, aqua calida supponatur. Licet & sine oleo (legendum procul dubio sine alio) pridie incenato dare utraque medicamenta.

Argentum
vivum.

Oleum potens.

Petroleum.

Diac.

Allium.

Raphanus
Hispanicus.

Mostarda.

Pisces.

Alimenta
medicamen-
tosa.Oleum Can-
nabinum.Et Juglan-
dium.

Cannabis.

Melimela.

Cannabis.

His enim comestis à jejuno, quatuor aut quinque diebus continuis, brevi feram, hoc est, lumbricum latum ejici. Atque hæc omnia non minus alimenta sunt, quam medicamenta; quod non modo corpus nostrum nutriant, sed etiam ipsum alterando lumbricum quoque interimant. Hoc præstant, quod vel amara sint, vel acria, vel salsa, vel acetosa manifestis qualitatibus. At occulta, cannabis semen, melimela, & melones; quæ alioquin cum potius dulcia sint, lumbrico lato nutriendo aptissima videntur. Nisi quis dicere voluerit, horum succo usque adeo lumbricum latum delectari, ut præ alimenti copia debilis redditus, aut enecatus, excludatur. Itaque puerulis, quibus acria, amara, & salsa non placent, lac ex cannabis semine præbeatur jejunis. Adultis ejus oleo condiri possunt ciborum varia genera. Nam qui ex Illyrico tractu in Pannoniæ, Moraviæ, ac Poloniæ confinia sese transtulerunt, Turcarum tyrannidem fugientes, in penuria olei olivarum, hoc utuntur frequentissime, & præsertim jejuniis sacris diebus, nullo incommodo; pro eo nonnulli Galliæ incolæ ex nucibus juglandibus oleum expressum usurpant, quod etiam in hoc morbo commendatur. Porro ne quis iis, quæ jam de oleo cannabino dixi, fidem derøget, Nicolaus Myrepsus semine cannabis, tanquam experto & probato utitur ad lumbricos. Ipsum enim aridum, rufum & cribratum aquæ sufficienti immiscet, ut glutinis crassitudinem nanciscatur, perque pannum purum expressum præbet adultis cyathi mensura. * Dioscorides inquit, melimela saporis mellei *μηλα ἐκλυδάσειν*, animalia expellere, quod Plinius in eorum viribus recensendis præterit. Sunt, qui hæc poma S. Iohannis esse putent, quæ æstatis initio, aut ante solstitium æstivum in Italia maturescere consueverunt. Melopeponi quoque, quod dulcis sit fructus, ne tiquam hanc vim ascripsissem; nisi ab eorum esu frustra hujus vermis dejecta fuisse non semel animadvertissem, & postea apud Avicennam Fen. xvi r,

* Nonnullos aurigas, cum per Pannoniam inferiorem iter facerem æstivis temporibus, ut à muscarum, tabanorum, & asilorum injuriis, equos suos ruerentur, vidi, cannabis herba manipulatim sumpta, equos suos per dorsum, & alias partes externas fricuisse, idque ipsis mirabiliter profuisse. Idem equites & viatores absinthio lumbricis occidendis idoneo præstare conantur, sub clitellis etiam hac herba posita, cum minori tamen fructu.

cap. vi, legissem, melones inter remedia pro ascaradibus interficiendis, & educendis propria. Debent autem hi fructus arte, nempe nive & glacie refrigerari, vel in profundo putei, ut mos est in Italia, detineri. Quæ enim maxime frigida sunt, ea lumbrico lato multum inimica existunt. Cæterum à frumentaceis pultibus æger abstineat, utatur pane autopyro, aut domestico cum multis tenuibus furfuribus subacto, & bene fermentato. Potus esse potest vinum absynthites, aut hyssopites, aut aliud, quod sit oligophorum maturum, nec dulce: quod si generosum id fuerit, decocto radicum graminis diluatur. Magis autem hisce convenire potest, præsertim febricitantibus, oxymeli vel oxyfaccharum dilutius, vel decoctum coriandri & cornu cervini; aut pomacium vinum factum ex melimelis, defecatum, quo plurimum hypochondriaci solent recreari, & commodius ab obstructionibus liberari. Aërem nonnulli alterari volunt allii suffumigio, alii vero sulfuris, quod ægris nimium grave esse consuevit. Exercitia quoque moderata conducunt. Siquidem autor libri quarti de morbis tradit lumbricum *quibusdam iter facientibus, & laborantibus, & ventriculo calefcente*, deorsum demigrare. Iam medicamentis, & alimentis occiso verme, aut plurimum sic infirmato, ut intestinis nequeat amplius adhærere, & si plerunque sponte deturbetur, ac decidat, unaque exeat cum excrementis, præstat tamen dare operam, ut quam citissime, dato aliquo leni, aut purgante medicamento, expellatur. Pueris & infantibus satis est, mel, aut syrupus florum mali persicæ, vel rosarum solutivus, & manna; vel cassia cum rabarbaro, & infusione agarici: adultis electuarium Diasebesten cum Diagrydio, vel electuarium ex hiera, vel pilulæ Ruffi. Ad quid enim illa valida purgantia, quæ colocynthidem, euphorbium, elaterium, helleborum nigrum, & scammonium recipiunt, nisi quis forte parum adhuc spirantem lumbricum occidere velit, & simul ejicere. Celsus & Scribonius Largus post medicamenta aut potiones purgatorias, *ubi desurgere cupit æger, ad exonerandum alvum, pelvim aqua calida plenam supponere jubent, ut in ea desideat.*

Frigida ini-
mica Lumbrico.

Aër.

Suffumigia.

F I N I S.



A D R I A N I S P I G E L I I

B R V X E L L E N S I S

I S A G O G E S

I N R E M H E R B A R I A M

L I B R I D V O.

INDEX CAPITVM

Quæ in duobus

I S A G O G E S

Libris continentur.

LIBRI PRIM I,

In quo agitur de forma Plantarum,

CAP. I. Quæ in Planta potissimum inquirenda, discenda- que,	Pag. 113
II. Unde forma cognoscatur,	ibid.
III. Partium divisio, Similares quæ,	ibid.
IV. Dissimilares partes communes quot & quæ,	114
V. Partes dissimilares communes non omnibus plantis in esse,	ibid.
VI. Dissimilariarum partium communium in alias partes dissectio,	115
VII. De propriis stirpium partibus,	116
VIII. Partium differentie ex Theophrasto,	117
IX. Radicum differentia,	ibid.
X. Caulium differentia,	118
XI. Differentia foliorum,	ibid.
XII. Florum differentia,	119
XIII. Fructuum ac seminum differentia,	120
XIV. De quatuor summis Plantarum generibus. Quid Arbor, Frutex, Φεύζαρον, Herba,	ibid.
XV. De aliis quibusdam generibus, quæ summis sub- sunt,	121
XVI. De Orchide, Satyrio, Palma Christi,	ibid.
XVII. De Trifolio,	122
XVIII. De Pentaphyllo sive quinque folio,	ibid.
XIX. De Herbis intybaceis, Chondrilla, Hieracio,	ibid.
XX. De Brassica,	123
XXI. De Iunco,	ibid.
XXII. De Equiseto,	ibid.
XXIII. De Lino & linaria,	ibid.
XXIV. De Vrtica,	ibid.
XXV. De Verbasco,	124
XXVI. De Gramine, Frumento, Milio, Panico,	ibid.
XXVII. De Tithymalo,	ibid.
XXVIII. De Violis,	125
XXIX. De Caryophyllis,	ibid.
XXX. De Lilio,	ibid.
XXXI. De Narcisso,	ibid.
XXXII. De Iride,	126
XXXIII. De Ranunculo,	ibid.
XXXIV. De Anemone,	127
XXXV. De Hyacintho,	ibid.
XXXVI. De Scabiosa,	ibid.
XXXVII. De Iacea,	128
XXXVIII. De Hyperico,	ibid.
XXXIX. De Malva,	ibid.
XL. De Papavere,	ibid.
XLI. De Geranio,	ibid.
XLII. De Lithospermo,	129
XLIII. De Thlaspi,	ibid.
XLIV. De Antirrino,	ibid.
XLV. De Cucumere,	ibid.

XLVI. De Legumine,	ibid.
XLVII. Arborum divisio. De Quercu seu Glandiferis. Quid Nux, Malum, Acinus, Bacca,	ibid.
XLVIII. De Nuciferis & Coniferis,	130
XLIX. De Pomiferis & Bacciferis,	ibid.
L. De Acanaceis & Carduis,	131
LI. De Sempervivo,	ibid.
LII. De Heliotropio,	ibid.
LIII. De Aconito,	ibid.
LIV. De Cistho,	132
LV. Plantas imperfectas post perfectas esse discendas; & perfectarum primum florentes,	ibid.
LVI. Frequentem inspectionem ad formam specierum memoria tradendam esse necessariam,	ibid.
LVII. Plantas depingendi, delineandique ratio,	133
LVIII. Hortos hyemales conficiendi ratio,	ibid.

LIBRI SECVNDI,

In quo agitur de usu & facultatibus Plantarum; de-
que earum perfecta cognitione.

I. Usus herbarum multiplex. Facultas in humano corpore duplex. Quid Alimentum. Quid Medicamentum,	Pag. 134
II. Primæ plantarum facultates quot & quæ, ac de earum gradibus,	ibid.
III. De secundis facultatibus,	135
IV. De tertiis facultatibus,	ibid.
V. De occulta plantarum qualitate seu proprietate,	137
VI. De modo facultates Plantarum indagandi,	138
VII. De saporum differentiis,	ibid.
VIII. Odorum differentia,	ibid.
IX. Quomodo sapores manifestas qualitates indicent,	139
X. Secundarum tertiarumque facultatum investiga- tio,	140
XI. Ex odoribus facultates obscurius cognosci,	ibid.
XII. Odorum virtutes,	142
XIII. Occultarum facultatum dignotionem fieri per ex- perientiam, & quomodo hæc fiat,	ibid.
XIV. De Alimentis. Nullam plantam non esse medica- mentum,	143
XV. Alimentorum differentia,	ibid.
XVI. Alimentorum inventrices, ratio & experientia,	144
XVII. Exacta hujus Philosophiæ notitia qui acquirenda. Auctores veteres & recentiores qui de ea scri- psere,	145
XVIII. Florilegium quid; ejus conficiendi modus & ordo,	147
XIX. Tituli quales; quo ordine in locis florilegii scri- bendi,	148

I L L V S T R I S S I M Æ
NATIONI GERMANICÆ

Iuris Medicinæque studiosissimæ

A D R I A N V S S P I G E L I V S S.



ILLUSTRES, NOBILISSIMI, DOCTISSIMIQUE VIRI,

Sæpe multumque apud me cogitavi, quid esset, cur in tanta rei Herbariæ operam dantium multitudine, tam pauci, quantum proficere, aut deberent, aut vellent, tantum proficerent. Magno enim hujus scientiæ desiderio multos, non modo Sapientiæ, artisque Medicæ studiosos, quibus est ea perquam necessaria; sed etiam Iurisprudentiæ, & aliarum artium atque scientiarum cultores, quibus utilis & jucunda, teneri, & vos & ego peramplum testimonium præbere possumus. Nam vos quidem magnum numerum optimorum doctissimorumque juvenum publicos celeberrimæ hujus Academiæ hortos, cum Vere patent, quotannis frequentare vidistis: ego vero non minorem ad Pisanos ac Bononienses, in quibus Herbarum cognoscendarum gratia superioribus annis sum versatus, accedere animadverti. Tandem comperi non unam esse hujusce rei causam. Sunt enim qui hortos ingressi studium discendi tantæ Stirpium varietatis, & tam multiplicis intuitu deponant, nescientes undenam initium studii petere debeant. Reperiuntur qui Stirpem fortuito obviam eruant, ejusve ramum decerpant, conspectam mox abjiciant, tantum memoriæ fidentes suæ, ut unica inspectione inhæsuram firmiter animo Plantæ formam existiment; cum tamen nulla in re magis illa labatur, plusque iteratus aspectus valeat. Alios videmus, aut folia Plantarum tantum, aut apices ramorum ac furculos, aut flores, aut aliam denique partem decerpere, mox libris imponere renovandæ memoriæ causa, ignorantes cunctas cujusque speciei Plantarum partes considerandas, cognoscendasque. Quinetiam non desunt, qui Herbarum nomina & formas tantummodo discant, prorsus vero negligent earum vires, quæ ad Stirpium cognitionem maxime spectant. His causis ut obviam irem, in gratiam eorum qui rem Plantariam facili via & modo, breviorique tempore, & minori quam hætenus labore discere cupiunt, scripseram superioribus annis Institutionum duos libros, & veterum more amico legendos tradideram, ut majore fiducia in posteritatis commodum publicarentur. Cæterum cum hi una cum amico in alias migrassent terras, frequens me cum illis, qui Herbas discere studebant, consuetudo; frequens amicorum hortatus; frequens de modo, ac facili via eas cognoscendi interrogatio, disputatioque inter familiares meos, atque etiam vestros Medicinæ studiosissimos excitavit, ac impulit ad earum Institutionum compendium scribendum, quod summa & præcipua rerum in illis traditarum capita clare breviterque solummodo complecteretur. Nam in Institutionum libris multas quæstiones antiquas novasque solvebam, animadversiones notabam tum circa Plantarum formas, & vires, cæteraque accidentia, tum circa autores qui de iis quippiam scripsere, quas consulto hic omitto. Onerat enim discantes quæstionum, & multarum rerum discendarum turba, non instruit. Quo fit, ut admirari non satis possim doctissimos quosdam viros, & in re Herbaria exercitissimos, libros suos, quibus introducerent juvenes ad hanc scientiam, plenos contraversiis, sæpe parum utilibus edidisse. Porro quidquid utilitatis ac fructus ex hoc libro studiosus lector percipiet, id vobis viri Illustres atque Doctissimi debebit, in quorum gratiam hæc meas lucubrationes incœpi, ad finem perduxi, atque in lucem edidi. Et enim hoc & amplius jamdiu debere me vobis existimavi, cum ut pro vestra summa in me benevolentia, promptissimoque me promovendi, ac cœptis meis laboribus favendi studio, quod satis annis præteritis declarastis, cum me valetudinis vestræ curam gerere voluistis, vobis gratiam aliquam referrem; tum, ut non modo eos, qui inter vos Medi-

cinæ

cinæ studiosissimi sunt, sed etiam cæteros, qui generis nobilitate, virtutum omnium splendore, linguarum, Iurisprudentiæ, artiumque omnium ac disciplinarum notitia, plusquam ulla alia Natio (absit invidia dicto) vere Illustres sunt, ad hoc studium utilissimum jucundissimumque invitarem. Sed quid ego? an sponte currentibus addam calcaria? quasi vero nesciam vos ad peregrinas hæc terras, & à patrio solo longe diffitas eo animo accessisse, ut aliquid dignum majoribus vestris faceretis, & Nobilissimorum parentum vestrorum vestigia sequeremini; quorum nullus non sapientissime prudentissimeque dominium suum aut rempub. cum summa rei militaris (ut fortissimos equites decet) & aliarum bonarum artium atque scientiarum peritia, ita regit, ita gubernat, ut cunctis aliis aliarum Nationum magnatibus exemplo in imperio suo pacis bellicque tempore esse possit. Hortatur veritas me plura de his dicere, dissuadent pudor & verecundia ulterius in vestras laudes prorumpere; ne ubi vestra celeberrima præconia, partem mihi eorum attribuere (qui & ipse Germanus sum) aut turpe adulantis studium consecrari, aut invidiam multorum accendere videar. Illud tamen non prætereundum putavi, patres ac majores vestros, si Principes fuerint, si alterius cujuscunque conditionis eminentioris, tam rei Plantariæ fuisse, atque etiamnum esse studiosos, quam olim veteres reges atque heroes, Gentius, Lysimachus, Teucer, Attalus, Achilles, Salomon, Euax, Mithridates, Cyrus, Diocletianus Imperator, & alii quos narrant imperiis dominiisque sese abdicasse, ut majorem diligentiam hortis excolendis adhiberent propriisque manibus semina jacerent gauderetque terra vomere laureato, & triumphali aratore. Vixit paucis abhinc annis Fridericus invictissimus Romanorum Imperator, qui quo tempore Germanis præfuit, ita se rei Plantariæ tradidit, ut tam bene formas, quam quispiam alius ex optimorum Medicorum numero, cum quibus sæpe de viribus disputare consueverat, cognosceret. Hunc Maximilianus secundus ejus abnepos hoc in studio superasset, nisi mors immatura prævenisset, non sine summo reipubl. litterariæ detrimento. Horum quoque exemplo patres vestri nobilissimi heroes, & variarum scientiarum cultores eximii, non modo in urbibus, sed etiam ruri amœnissimos, & variis peregrinisque floribus, fructibus, coloribus, odoribusque perornatos colunt hortos, ut ad eos negotiis domini, reipubl. studiorumque expeditis se conferant, animumque laboribus & curis fractum restituant, & si quando contigerit, mœstum consolentur. Nam in his verum solatium, præsentaneum doloris remedium, ut alias omittam utilitates omnibus notissimas. Quamobrem cum non minorem esse in vobis animi propensionem, & amorem in rei Herbariæ studium, quam in majoribus vestris, à quibus id dimanavit, certo mihi persuadeam, non potui non grati mei erga vos animi hoc symbolum vobis offerre, quamquam exiguum, cum majus hoc tempore per vires non liceret. Id vestra benevolentia & humanitate fretus, vos æqui bonique consulturos sat scio. Deus Opt. Max. cœpta studia & peregrinationes vestras bene fortunet, faxitque ut sani & incolumes in terram patriam redeatis. Valete.

P R Æ F A T I O.



Scientiarum omnium atque artium studia, nemo est qui nesciat, esse difficillima. Ut enim prægrandes nitidissimique uniones non nisi in maris imo inveniuntur: sic latent præsertim in naturæ sinu pulcherrimæ artes, & magno labore, contentioneque ingenii eruendæ sunt. Cæterum, qui in primo alicujus earum tradendæ vestibulo, multis rationibus illam imprimis arduam & difficilem persuadent, ut ipsi sapere plus cæteris videantur; tyrones profecto deterrent, & quasi aditu prohibent. In quo mihi imitari videntur ineptos piscatores, qui ut artem, quam profitentur, laboris periculique plenam esse indicent, quos ejus discendæ studio incensos vident, eos deducunt in altum cum maximis mare tempestatibus jactatur; atque ita imprudentes ardorem illum restinguunt. Imitanda potius Phocarum solertia est, qui factus in sicco editos sensim deducunt ad mare, ut salsam degustent; mox eos reducunt, atque id sæpius faciendo vitæ in mari degendæ paulatim assuefaciunt. Ad eundem modum, qui artium studia qualibet difficilia sectantur, iis primo tenera, ut ita dicam, proponenda sunt elementa, quibus imbuti tantum roboris ac duramenti acquirant, quantum ad omnes, quæ sese illis objecturæ sunt, difficultates superandas est satis. Hæc mihi frequenter animo versanti, Isagogen hanc in rem Herbariam duobus libris comprehensam scribendi consilium incidit. Cum enim Philosophiæ partium nulla sit difficilior, quam ea quæ Plantarum naturam complectitur, ob incredibilem formarum, virium & aliorum accidentium varietatem, operæpretium me facturum putavi, si coactis in unum facilibus magisque necessariis universalibus præceptis, ex quotidianis meis observationibus depromptis, compendiarium tyronibus ad hanc scientiam viam patefacere. Quod quam recte præstiterim, alii judicabunt, & res ipsa planum faciet, quam statim aggredior.

A D R I A-

A D R I A N I S P I G E L I I
B R V X E L L E N S I S
I S A G O G E S
I N R E M H E R B A R I A M
L I B E R P R I M V S.

De forma Plantarum.

C A P. I.

Quæ in Planta potissimum inquirenda discendaque.



SCIRE inprimis convenit, duo in Plantis potissimum inquirenda discendaque; formam nimirum, & virtutem seu usum. Nam noscere, ubi, quando, quomodo nascantur; quamdiu vigeant, floreat, germinent, & cætera quæ ad generationem pertinent, ad exactam tantum hujus scientiæ cognitionem confert. Sed enim ad eos, qui prima fundamenta cupiunt, hic meus sermo est, quorum mentes confundit potius earum rerum tractatio. Adde quod multæ quotidie facileque addiscuntur, ubi quis formam Plantarum usumque noverit; multæ quoque diligentissimis naturæ indagatoribus relinquendæ, qui omnem ætatem in hac scientia consumere cupiunt; idcirco quæ forma atque usus cognosci possit, hic solummodo indagandum docendumque censui.

C A P. II.

Vnde forma cognoscatur.

Forma

qua.

CVM formam Plantæ dico, non eam intelligo, quæ omnibus Plantis inest mente contemplabilis, quam animam vegetativam appellant Philosophi; sed figuram seu faciem tam internam quam externam corporis, cui hæc anima vegetativa inhæret. Eam esse cuique Plantarum speciei propriam, oculis cernimus. Ideo tot sunt earum differentiæ, quot formæ diversitates, quæ è partium varietatibus innumeris dimanant. Partes igitur Plantarum nobis primum enumerandæ, earumque differentiæ considerandæ sunt.

C A P. III.

Partium divisio. Similares quæ.

Partes similes communes.

PARTIUM aliæ similes sunt, aliæ dissimiles. Vtræque rursus tum communes, tum propriæ. Voco similes, quæ in alias partes simpliciores se dividi nequeunt: Dissimiles, quæ ex similaribus constant. Partes similes communes sunt, quæ fere semper omnium Plantarum partibus dissimilaribus insunt. Propriæ vero quæ quarundam tantum. Inter communes censentur caro, nervus, vena, membrana sive cutis, adde etiam his humorem. Nam sanguinem Aristoteles inter animalis

partes recensuit. Caro est solida pars, quæ in omnem dimensionem dividi potest, ut terra. Talis in pluribus fructibus sub tegmine seu cute conspicitur, ut Pyris, Pomis, Prunis. Nervus est protensum illud continuumque, ac cæteris partibus magis solidum, quod à carne & vena facile dissociatur, ac finditur secundum longitudinem. Dicitur autem nervus, non quod ad movendum sit à natura datus, ut animantibus; sed potius ad quietem ac consistentiam, roburque. Hic in quibusdam partibus intus conspicitur, ut in caudice Palmæ atque Abietis; in nonnullis extat, ut in Plantaginis foliis, in quibus costa à nonnullis vocatur. Theophrastus nervum *ἴνα* nuncupavit, id est, fibram; in cuius definitione quid sibi velint hæc verba, ἀπαρτίζον ἢ ἡ ἀβλαστον ἔχον φλέβας me nescire ingenue fateor. Vena autem dicitur, quod oblongum est & cavum, humorem in se continens, qui Plantis alimento est. Ejus vero cavitas aut meatus, etsi non facile conspici potest propter exiguitatem, tamen ratione comprehenditur certissima. Siquidem multæ Plantæ si incidantur, humorem emittunt aut lacti similem, ut Tithymallorum genera; aut aquei coloris, ut Vitis; aut lutei, ut Chelidonium majus: aut alterius, ut multa alia. Fibris venas assimilavit Theophrastus, sed grandiores crassioresque ait esse, & in se ramos spargentes, quos in foliis plurium Stirpium apertissime videre est. Humor autem, qui in Venis atque tota Planta continetur, proprio nomine caret, quales in animalibus sanguineis sanguis existit. Menestor in cunctis stirpibus simplicibus simpliciter *ὀπὸν* appellavit, id est, succum: alii in quibusdam succum; in aliis vero, lachrymam: quæ tamen puto discreta esse extrahendi tantum modo, non materiæ differentia. Liquor, qui ex contusa herba exprimitur aut elicitur, succus vocatur; qui vero incisione dimanat, lachryma. In quibusdam Plantis propria sunt his indita nomina. Nam in Papavere, qui è capitibus incisis emanat humor, opium nuncupatur: qui ex reliquis partibus, præcipue caule & foliis tuis exprimitur; meconium. In Lasepitiō, laser Latinis dicitur, Græcis κατ' ἐξοχῶ, ὀπὸς, quod tam contundendo, quam incidendo liquor eximeretur. Cutem inter communes partes similes recensere non est à ratione alienum: ea enim vestiuntur caules, rami, folia, fructus; interdum etiam radices. Voco autem cutem tegumentum harum partium membranofum ac tenue. Propriæ partes similes duæ sunt; os & catilago. Proprias autem eas appello, quæ nonnullis tantum Plantarum partibus dissimilaribus insunt:

Caro quid.

Nervus.

Vena.

Humor plantarum.

Succus & lachryma quid differant.

Cutis.

Partes similes propriæ.

P

os vero

Os. os vero durum illud ac solidum, in fructibus quibusdam carne tectum, & in se semen continens: tale in Cerasis, Amygdalis, Prunis (quo nomine Mala Perfica, & Præcocia etiam comprehendimus) cernitur. In Pomis, Pyris, Cucumeribus, ac cæteris ejusmodi cartilago est: tegumentum scilicet osse mollius, membrana & cute durius; sed æque pellucidum & tenue.

Cartilago.

C A P. IV.

Disimilares partes communes quot, & quæ.

Disimilares partes communes sunt sex: radix, caulis, ramus, folia, flos, semen. Radix non à forma, sed ab usu describitur, definiturque: quod usus illi singularis sit, forma vero summopere variet. Ideo Theophrastus lib. I Hist. cap. I, radicem ait esse id, quo alimentum attrahitur; caulem vero, id quod supra terram simplex assurgens alimentum à radice attractum defert; caudex hic in Arborum genere dici consuevit ramum, in quem caulis dividitur; qui ramus postea in surculos spargitur multiplices. Semen vero est foetus, & quasi totius Plantæ compendium. Sed quid Flos, atque Folium? Hoc diu multumque quæsi, nec quidquam iuveni, quo mihi vobisque satisfaciam. Nonnulli inter recentiores doctissimi Viri existimarunt frondes Arboribus à natura datas esse, ut calorem defendant ac fructum ne arefcat, conseruent: folia vero ad decorem potius & ornamentum, quam ad tutelam stipitum, florum, fructuum, & ramorum; nam & hi stipitem defendunt, qua de causa brachia à Columella in Arboribus appellantur. Addunt hujus opinionis causas, dum inquirunt. Stipitis tegumentum esse corticem: quasdam etiam Plantas neque florem, neque fructum edere, cum tamen habeant folia; nonnullas prius flores quam folia emittere, ut Amygdalos; qui frigidissima tempestate florere solent, qua tegumentis magis ad boream à fructibus, & ramis arcendum ipsis esset opus: denique in quam plurimis flores extra folia prominere, qui alioqui ad tutelam externorum deberent esse intra folia reconditi. Cæterum veteres illi sapientissimi Viri contra censuerunt, scilicet folia esse tegumenta stipitis, floris, fructus, atque ramorum. Ut igitur antiquatam hanc opinionem defendam, meamque subnectam, novis his rationibus prius respondendum duxi. Dico igitur, tametsi stipitis tegumentum cortex est, hic tamen cortex alio egebat tegumento. Sic cutis capitis & multarum aliarum partium pilis tegitur. Itaque ut quadrupedes animantes, pilos; aves, pennas; cervi, cornua amittunt; ita pleraque Plantarum genera foliis singulis annis spoliuntur. Omnium enim quæ in Plantarum genere spectantur, dicebat Theophrastus Histor. lib. I, similitudo petenda est ab iis, quæ animantibus insunt quoad fieri potest. Foliatas autem Stirpibus, quibus denegati sunt à natura flores fructusque, folia insunt ad ramorum & stipitis tutelam. Quod si vero aliquæ sint, quæ prius florem, quam folia producant; earum flores foliati sunt ad fructus defensionem, atque etiam tam brevi pediculo, ut eo carere videantur; quo fit ut flores in hisce Stirpibus non sint externis injuriis multum obnoxii. nam qua parte è ramis emergunt, ramo

*Radix quid.
Caulis.*

Caudex.

Ramus.

Semen.

Flos & Folium quid.

J. Caesar Scalliger.

suo defenduntur: altera vero parte qua vento sunt patuli, fructus defendunt primordium quantum fieri potest. Illud autem perpetuo in memoria tenendum est, fructiferas Stirpes cunctas partes communes producere fructus gratia. Idcirco flores in quamplurimis prominent extra folia. Qua enim parte flos est, fructus adhuc tenellus conservatur; qua autem pediculus emergit, folia & ramus fructum defendunt ab externis injuriis. Hæc autem plus præbent tutelæ fructui, quam flores; quod hac parte sit pediculus, qui & floris est & fructus principium. His credo abunde novis alatis rationibus adversariorum satisfactum, quæ etiam latius alibi oppugnabuntur, explicabunturque. Concludamus ergo folia ad flores, fructus, stipitesque tuendos necessaria fuisse, non in omnibus quidem Plantis ad omnes has partes; sed in quibusdam ad stipites & ramos tantum; in nonnullis ad fructus, & in quibusdam ad flores; in plurimis ad omnes. Flores Stirpibus dati sunt non ob fructum vel semen. Nam Ficui fructus est sine flore; & Iridi atque Iesmino flos sine fructu, nonnullisque Narcissi generibus. Ideo censendum in fructiferis, florem si ferant, fructum aliqua defendere parte. Sterilibus vero quæ admodum paucae sunt, florem idem forte esse cum fructu; ut Thymo, cujus flore sato, ut nonnullis placet, nascitur Thymus; quamquam minutissimum ei semen adscripserit Theophrastus lib. IV de causis Plant. cap. V. In Iesmino quid flos faciat adhuc me latet.

Folia ad quid plantis data.

C A P. V.

Partes disimilares communes non omnibus plantis inesse.

Hæ quas enumeravi partes, cunctis Stirpibus communes sunt: non tamen omnes omnibus. Sed quibus omnes insunt, cæ perfectæ à nobis Plantæ appellantur, ut Pyrus, Prunus, Malus, Foeniculum, & alia his similia quamplurima, quæ sex primas atque præcipuas habent partes. Quibus vero desunt aliquæ, imperfectæ dicuntur; quæ quidem Plantarum perfectio & imperfectio, late admodum patet. Nam quanto quæpiam Planta pauciores partes habet, tanto imperfectior censeretur debet: quantoque plures, eo perfectior. Etenim quibusdam unam tantum natura ademit, ut Ficui florem, Iesmino fructum, Scorpio & Iunipero folium (nisi quis horum aculeos, pro foliis accipiat aculeatis) Tritico, Allio, Narcissi aliisque quamplurimis bulbosis ramum: aliis, quæ à radice statim ramos producant, caulem, qui una cum ramis etiam Chamæleonis cuidam generi denegatus est, quod inde acaulon nominatur. Quæ vero radice destituuntur, cæterasque partes aut omnes aut aliquas habeant, exceptis iis, quæ aliis Plantis innascuntur, ut Visco, Epithymo & Cassutha & aliis id generis, quæ alterius radice fruuntur, nullam novimus: nec reperiri posse opinamur propterea, quod nequeant hæ partes nutriri sine ea quæ è terra attrahat alimentum, atque id ipsum concoquat. Aristoteles lib. II de part. animal. accipere Plantas à tellure præparatum nutrimentum (καὲρ-ρομένω τροφῇ) scribit: in radice vero excoqui, ut in ventre animalium. Idcirco præceptorem secutus Theophrastus lib. I de caus. Plant. cap. XV I, ventri

Planta perfecta.

Imperfecta.

Nulla absque radice.

ventri radicem assimilavit; & supra in radicis definitione, oris ei officinum videtur assignasse. Externæ namque radicis partes attrahunt; internæ & cauli magis vicinæ, concoquunt. Cæterum cuncta animalia sive sanguine prædita sint, sive eodem careant, os ventremque habere dicat par ratio, confirmat maximus Philosophorum magister. Dioscoridi, qui lib. 1, cap. xi, tradit Malabathrum folium esse sui generis, quod Indicæ gignunt paludes, innatans aquis, sine radice, nullam adhibeo fidem. Plantæ enim omnes à terra priusquam aquis innatare possint, originem capiunt. Sic Lens palustris etiam oritur, in cuius averfa parte, qua fundum spectat, dum aquis innatat, radices apertissime cernuntur. Eas mirum est hæcenus à nullis fuisse animadversas. Porro quædam stirpes duabus aut pluribus partibus destituuntur; ut Filix, quæ flore & semine caret. Phyllitis & Scolopendrium nil præter folia & radicem obtinent. Sunt & quæ unicam tantum partem habent, ut Tubera terræ, quæ nil aliud sunt quam radices. Quidquid enim sub terra latitat radix proculdubio est. Quare commodissime hæc scripsit Theophrastus lib. 1 Hist. plant. cap. 11, *In totum, inquit, Planta res varia est, atque multiplex, inque universum de ea referre difficile. Indicium vero, quod nihil penitus est, quod commune accipi possit cunctis Plantis conveniens, ut animalibus os, venter, & alia proportionem eadem, alia quodam alio modo. Neque enim radicem, neque caulem, neque ramum, neque germen, neque folium, neque florem, neque fructum omnes Plantæ habere videntur. Quæ autem radice carent apud Theophrastum, præter eas quæ aliis Plantis innascuntur, nullæ sunt.*

C A P. V I.

Dissimilariū partium communium in alias partes dissectio.

Communes has dissimilares voco partes, non quod omnibus communes omnes; sed quod harum aliquam saltem, si non omnes, cunctis Plantis inesse oporteat. Hæc rursus aliis constant particulis similaribus, aut dissimilaribus, propriis aut magis communibus, externis aut internis. Radix exterius corticem habet, qui etiam aliis partibus dissimilaribus, & communibus, nempe cauli, ramo, semini, aut fructui adhæret. Constat cortex ex carne & nervo; ut in Cichorio, Petroselino, & omnibus Plantis, quarum cortex à radicis interiore parte separatur. Inter externas partes dissimilares etiam fibræ recensendæ. Sic enim appellantur exigui ramuli & capillares, quibus tanquam manibus terram amplectitur radix, eique adhæret, & idoneum alimentum trahit. Hæc in Narcisso, cæpa, cunctisque quas novi bulbis subtus conspiciuntur; in cæteris vero, à latere. Oblongæ vero radices & παρὰ πλάτος paucioribus fibris, & interdum nullis præditæ sunt. Firmatur namque radix longitudine sua, terræque satis firmiter adnectitur, nec opus est tot adjumentis, quot iis quæ breviores aut rotundiores undique existunt. Bulbi autem non facile telluri inhærere poterant, nec aptum succum sugere, nisi subtus iis natura fibris providisset, quibus terræ illos alligavit, ut recto caule Stirps enascatur. Interna vero radicis

pars communior, medulla est; quæ interdum sola est caro; interdum carne præditi nervi; ut in iis in quibus durior cortice, lignosiorque medulla evadit. Vocarunt nonnulli medullam, quod medium occuparet locum, cor, ἐγκέφαλον, ἀπλάγχρον, ψυχὴ, hoc est, cerebrum, viscus (quo cor intelligere eos putandum est) animam; quasi vero animæ, hoc est, augendi, nutriendi, gignendique principium in hac parte crederent consistere; quod in plerisque verum esse comprehendimus, non tamen in omnibus. Caulis autem & ramus, cortice etiam & medulla constat. Hæc in caudice matrix & lignum nuncupatur. Folia ex tribus similaribus constant partibus, vena, nervo, carne. His quemadmodum floribus quoque ac fructibus seu seminibus, pediculus adnascitur, qui etiam stylus dicitur, & à Columella petiolus; hoc flos, fructus, folium Plantis adnectuntur. Multis foliis petioli sunt quoque denegati, ut omnibus Graminibus, Orchidibus, Narcissis, atque iis, quibus folia sunt Gladioli, ut Canacoro, Iridi, multisque aliis. Haud ita in floribus fructibusque contingit. His enim non desunt petioli, quamquam in multis deesse videantur ob brevitatem, ubi aut fructus aut flos arcte adnascuntur aliis partibus. In plurimis quoque Plantis longitudo tanta est pediculorum, ut magno satis interstitio fructus & flos à ramis distent pendeantque: quibus ideo aptius nomen pendiculi, quam pediculi. In iis vero quæ unicum tantum producant florem, pediculus incipit ubi caulis desinit, cuius finis foliorum privatione cognoscitur, ut in Hemerocallide monantho, Lilionarcisso, quem Tulipanum vocant. Sed quid de Colchico dicemus atque Narcissis, de Dente leonis, aliisque id genus, quibus unicus flos, aut plures in summo statim à radice emergentis caulis nudi à foliis. Neceffe est floris pediculum in his esse, quem caulem nominant; aut naturam una uti caule pro pediculo. Magis fortassis in dubium vocari res potest de Chamæleone albo. Nam huic nullum caulem adscripsit Dioscorides lib. 111, cap. x, ergo neque pediculus aderit, cum tamen sine horum altero nutriri flos ejus non possit. Sane conspiciatur caulis modicum aut pediculi, aut horum quippiam ἀνάλογον; utro enim modo appellare lubeat non multum contendam. Idcirco mihi persuadeo Dioscoridem non voluisse id caulem appellare, quod non supra terram emereret, ut caulis consuevit. Sic Aristoteles aves quasdam apodas vocavit, non quod prorsus pedibus careant; sed quod eos tam longos non habeant, ut possint more cæterarum avium ingredi altioribus à terra cruribus, & (ut uno verbo dicam) κατὰ πῶδες sint, hoc est, male pedatæ. De florum partibus, & primum de communioribus nunc dicamus, quarum investigatio difficilis est. Etenim major in iis varietas, quam in ulla alia parte præcipua. Sine fructu tamen aliquo non estis hinc dimittendi. Florum partes aliæ sunt externæ, aliæ internæ. Externæ duæ: pediculus, de quo jam egimus; & calix, è pediculo statim emergens, & ut plurimum in foliola se dividens, florem aut folium, aut florum foliorum principia excipiens, ut in Rosa, in Tragopogo, in quo magnus est, conspiciere potestis. Hic calix multis floribus contingit. Si fuerit cavus nec in tot foliola divisus, theca appellari

Matrix. Lignum. Folium partem.

Matrix.

Lignum. Folium partem.

Stylus, & petiolus.

Chamæleonis albus caulis.

Aves apodas.

Florum partes communes externæ.

Calix florum.

Theca.

Malabathrum.

Lens palustris radicem habet.

Tubera nil nisi radices.

Radix cortice.

Fibrae radicis partes dissimilares.

Umbilicus
fructuum.Partes inter-
nae.

Folia florum.

Stamina.

Umbilicus flo-
rum.Fructus partes
internae.Siliquae.
Spicae.
Echini.

congrue potest, ut in Viola mariana. In iis fructibus, qui post flores prodeunt, calix umbilicum constituit, qui est contra regionem pediculi, ut in Malis, Pyris, Rosis. Narcissis vero denegatus calix, aliisque non paucis. Internae vero partes, quae ipsum florem proprie dictum constituunt, tres sunt praecipuae; folia, stamina, stylus; quae etsi non omnibus floribus insunt, magnae tamen eorum parti. Paucis floribus denegata sunt à natura folia, ut Cypresso humili, quam Abrotonon foeminam vocant (appello autem folia partem latam & planam ac renuem instar communium foliorum) pluribus stamina, plurimis stylus. Sunt autem stamina in floris medio, quod umbilicus appellatur, partes oblongae, tenues, veluti capillamenta, interdum paulo crassiores, paululum prominentes in summitate, apicibus frequenter praeditae, quae stylum, partem similiter oblongam, sed paulo crassiorem atque è centro umbilici emergentem ambiunt; ut in Lilio. In Rosae floribus staminula, flosculos aurei coloris appellavit Palladius; Plinius luteos apices. Fructus autem atque seminis partes externas recensuimus, pediculum nimirum & corticem, qui interdum nihil aliud est, quam membrana. Nolim nesciatis, semina ea parte, qua Plantis adherent, cuncta sua principia habere, indeque nasci primum radicem. Hoc in Faba est eo loco quo *δισυρ*, id est, bivalva apparet: ideo Aristoteles *ὀμμα*, id est, oculum appellavit hanc partem; quidam quoque umbilicum; quod sane nomen in cunctis seminibus huic parti accommodari recte potest. In umbilico namque animalium sanguineorum vitae ac generationis principium quodammodo consistere videtur. Fructus partes internae, praeter semina quae continent, quaeque fructus etiam appellantur, variae quoque sunt. Quippe cortice interdum vestitur ac tegitur caro, mox semen; ut in Nucibus, quarum operimentum lignosum pulpam continet, quae propria tunica à duricie corticis defenditur. Nucem enim non fructum amplius, sed semen voco; quod cum suo cortice seminari debeat. Fructum qui quatuor tegumentis semen includat nullum adhuc novimus. Tribus tegitur Pomum, binis gigarta in acinis uvarum, item Prunum, Malum Persicum, & alia id generis plurima. Vno cuncta quorum semina vesiculis continentur, ut Colyteae, Cythisi, & aliorum; aut vasculis, ut Aquilegiae, Nicocianae. Omnia quae semen ambiunt, *περικάρπια* Græcis dicuntur, sive tres sint diversae partes sive una; ea in Leguminibus, siliquae; in Frumentis, spicae; in Castaneis, echini dicuntur.

C A P. VII.

De propriis Stirpium partibus.

Pimpinella
granula.

Adnascentia.

HAbent Stirpes etiam proprias quasdam partes in partibus dissimilaribus praecipuis. In radice Pimpinella quaedam in Polonia granula rubra gerit, quibus lanæ purpureo colore inficiuntur. Radix Lilii, teste Plinio, quinquagenos saepe remittit bulbos, sed hi *παρὰφύδες* dicuntur, adnascentia & appendices. hae in Astragalo durae sunt, nigrae, cornu soliditate, sibi invicem adherentes, ut tradit Dioscorides. Pilos in radice habet Polygonatum, Chrysocome, Polypodium eo-

dem teste; capitula Oenanthe. Constat quamplurimum bulbosarum Plantarum radix ex variis tunicis, ac multis tanquam membranis circumdantibus carnem, quae cortices apparent. Oblonga radix & *ραφανώδης*, ut Pastinacae, Raphani, & aliorum similibus in tres dividuntur partes, caput scilicet, corpus, & caudam. Caput est, è quo caulis assurgit; corpus radice medium, quod & venter appellari potest: cauda vero posterior radice pars in quam paulatim attenuatur. In caule vero & ramis ea parte, qua folia è caule emergunt; (ala appellatur) nodi quidam emergunt, in Dentariae quodam genere, & Lilio rubente, quod ideo bulbosum vocant. Fungus quem Agaricum nominant; Abietis caudici adnascitur. E ramis, extremisque Plantarum, scandentium praesertim partibus capreoli oriuntur; qui sunt cauliculi intorti, quibus Vitis, Pisum, Bryonia, & alia legumina involvunt sese, aliisque Plantis, aut propinquis stipitibus se implicant. Hos Cicero & Columella claviculas vocarunt; Plinius viticulas & crines, Græci *ἐλικας* à tortuositate. In vite Coelius Aurelianus annulos Vitis nuncupavit. Fert Cynorrhodon seu Rosa sylvestris, in ramis spongas quasdam, hyeme ubi folia deciderunt maxime conspicuas, exterius pilis obductas, interius duro ligno carver-nulis pleno, in quibus hyeme latitant vermiculi, qui aestatis tempore in cantharides mutantur. Nec desunt foliis suae, quae interdum in quibusdam Stirpibus nascuntur. Invenitur in quercuum foliis Galla, quam Iul. Caesar Scaliger in salvia quoque se observasse scribit; quod potius vitio mihi evenisse videtur. Producit Ledum Alpinum alterum à Clusio descriptum, quippiam in foliis, quod praese fert gallarum vicem. In quibusdam arboribus pro flore nucamentum est, veluti in Picea, Pino, Corylo. Cachrys pilula est, quae Latino caret nomine, urendi vim habens in medicina. Hanc Arborès aliquot, ut Quercus, Abies, Larix, Pinus, Tilia, Nux, Juglans, Platanusque praeter proprium fructum pariunt hyeme durantem, postquam folia cecidere. Sed in Pino Inglandeque saepius, quam in aliis Arboribus conspicitur. Continet hæc pilula, ut autor est Plinius lib. xvi, cap. vii, nucleum Pineis similem. Is crescit hyeme, deceditque vere cum pilula aperitur. Quercus rursus praeter Gallam, cachrym & glandem, alia quaedam producit; ut nonnulla Mororum fructibus similia, aridiora tamen & duriora, plerumque tauri caput imitantia, quibus fructus inest nucleis Olivæ similis. Nascuntur in eo & pilulae nucibus haud absimiles, intus habentes floccos molles, lucernarum luminibus aptos. Fert & aliam inutilem pilulam Quercus cum capillo, verno tamen tempore melligini succi, ut Plinii verbis utar. Gignunt & alarum ejus pilulas, corpori non pediculo adherentes, candicantes umbilicis: cætera nigra varietate dispersas: media cocci colorem habent: apertis amara inanitas est. Aliquando & pumices gignit, nec non è foliis convolutas pilulas: & in folio rubente aquosos nucleos candicantes & translucidos, quamdiu molles sunt, in quibus & culices nascuntur. Maturescunt in modum gallæ. Hæc omnia Plinius lib. xvi, cap. vii, Robori adscribit Quercus speciei, quam perperam *δρὺν* à Græcis appellatam putavit, cum Græci hac voce omnia

Radix oblonga
partes.

Caput.

Corpus.

Cauda.

Ala.

Nodi.

Dentaria nodosa.

Agaricum.

Capreoli.

Cynorrhodi
spongia.Cantharides
unde.

Cachrys.

omnia Quercuum genera complexi sint. Sed multa eorum, quæ in Quercubus nascuntur, morbum potius quam naturam harum Arborum generare puto; quod raro appareant in singulis Quercus specierum individuis. Nam partes propriæ omnibus specierum individuis aut plurimis eorum adesse debent, si nihil externorum prohibeat; ut terra, locus, aër, aut quippiam ejusmodi. Sic Ilex coccigera præter glandem granum quoddam leve & puniceum producit, quod *κέκλον* Græci simpliciter vocarunt, nostri hoc tempore granum tinctorum; quia ut nonnullis placet in hoc grano vermiculus nascitur, cujus insignis copia colligitur, vino irroratur, mox contunditur ad sericas tingendas vestes preciosissima & incomparabili purpura, quam chermesinam vocant. Ea tamen arbor in frigidis regionibus granum haud producit, quamquam in Hispania semper, ubi paululum adulta esse cœpit. Porro Lanis copiosis abundat fructus Rosæ, Rhododendri, & aliorum quorundam. In Plantis aliquot villositas seu lanugo conspicitur postquam flores deciderunt, sub qua semina continentur; ut in Cicerbita, Chondrilla, Erigero, Carduisque plurimis: hæc *πάππος* communiter Græcis dicitur à canicie: item *γίρρεον* Arato & Nicandro, *γέρων* Athenæo, *χαίτη* Theocrito, id est, coma. Sunt & quædam in omnibus partibus præcipuis, una radice excepta; aut aliqua tantum reliquarum partium præcipuarum, ut pili & spina, quæ & aculeus dicitur. Cæterum pili ubi densi sunt & incani, hirsutiem aut lanuginem efficiunt, ut in Æthiopide. Pilosella rariores in foliis pilos habet, in caule Papaver erraticum. De spinis plura mox, ubi Spinosarum Plantarum differentias prosequemur.

C A P. VIII.

Partium differentia ex Theophrasto.

SEquitur ut partium omnium differentias breviter perstringamus: ex iis enim tota in generibus ac speciebus Plantarum differentia elucescet. Ad has indagandas quænam principia primum proponat Theophrastus lib. Histor. I, cap. I, audiamus: *Partium vero differentia*, inquit, *ut formula rem complectar, tribus fere in rebus consistunt. Aut enim in eo, quod quædam habent, quædam non habent, ut folia, fructus: aut quod non similia, neque paria habent: aut tertio, quod non similiter habent.* Ego supra monstravi partes omnes communes non omnibus Plantis inesse, excepta radice. Quid vero magnus Philosophus per similes partes intelligat, statim declarat; dum ait, partium dissimilitudinem, figura, colore, densitate, raritate, asperitate, lævitate, reliquisque passionibus innotescere; præterea differentiis omnibus saporum. Pares autem partes vocavit, quæ nullam habent disparitatem aut in excessu, aut in defectu multitudinis magnitudinisque. Porro non similiter habere dicit, quæ positione ac serie dissident, datque exempla: *fructus*, inquit, *interprete Theodoro Gaza, quædam sub foliis, quædam supra folia gerunt: ipsarumque arborum, aliæ in cacumine ferunt, aliæ à latere, aliæ in caudice, ut Morus Aegyptia quæ Sycomorus appellatur: quædam fructum pariunt subter terram, ut Arachidna, & quod Vinum Aegyptii vocant: quædam (πέδιλον) pediculum ha-*

bent, quædam eo carent. Hoc idem de floribus dicendum: quippe cum aliis circa ipsum nascantur, aliis secus. In summa positionis ratio in his & foliis & germinibus accipi debet. Ordine præterea nonnulla differre videntur. Quibusdam enim rami inordinati, ut Quercui; aliis certo ordine ab utroque latere dispositi, ut Abieti: quibusdam grandiores rami pares numero, aliis impares, ut quæ tres à caudice grandiores ramos producant. Ex his itaque partium differentiis singularum Stirpium forma innotescit.

C A P. IX.

Radicum Differentie.

VERum quia hæc fortassis Tyroni non satis fuerint perspecta, non erit abs re diffusius de iisdem differere, & mentem Theophrasti latius aperire, monstratis præcipuarum partium differentiis in singulis. Ordiamur à radice tanquam à principio. Figura igitur radicum est oblonga, rotunda, & vel omni ex parte instar pilæ, vel aliqua: recta, curva, obliqua, ut Ficus; intorta, compressa aliqua parte, ut Cyclaminis. Sunt quædam radices externarum rerum formis assimilatae; ut fructui Pyri, Apii; unde ipsi nomen. Dioscorides Asphodeli radicem Glandis effigiem imitari scribit; Cyperi vero & Anemones in incultis nascentis, Olivam æmulari: Polypodii, cirrhos seu brachia polyporum: Orchidum, testiculos. Colore autem discrepant, quod aliæ unum habent, puta album, nigrum, luteum, purpureum, aut alium; aliæ plures, vel in una, vel in pluribus partibus. Nam quædam cortice aut rubræ sunt, aut nigræ, cum earum medulla alba sit, ut Caryotæ. Densæ vero radices appellantur, aut quæ multas radices habent, sibi invicem cohærentes, ut Gramen vulgare; sicut contra raræ, quæ pauciores & valde disjunctas: aut quarum substantia rara est, aut densa; hoc est facile aut difficulter divisibilis. Sunt & quædam molles, ut Smyrni: duræ & solidæ, ut Centaurii majoris: cavæ, ut Pistolochiæ; friabiles, lentæ; asperæ, læves; æquales, inæquales, & tuberosæ, ut Tuberum. Geniculatæ dicuntur, quæ nodis protuberantibus modico intervallo distinguuntur, ut Iridis, Acori. Intervallo conclusam partem vertebra appellat, quarum altera alterius cavitatem sæpe subit. Sed differentia quæ à tactili qualitate desumuntur, magna ex parte exteriori radicum parti accommodantur, nequaquam totis radicibus. Differunt odore & sapore: omnes enim horum in iis reperire est differentias, excepto falso ut voluit Theophrastus. Dulcis tamen & amarus sapor in plerisque dominantur. Aliquando cortex alium habet odorem aut saporem, alium medulla; quod tam in caule & ramo, quam in radice animadvertitur. Quin & dispares numero radices sunt. Nam aliæ plures, aliæ pauciores habent: numerosas Alarum, Hemionitis, Veratrum album, Gramen vulgare: unam, Aloe; duas, Testiculorum multa genera, Gladiolus; duas aut tres, Mandragora fœmina; tres aut quatuor, Circea teste Dioscoride: quinque aut sex, Gramen Parnassi, Alcea: unam in superiori parte, plures in inferiore, ut Chelidonium majus. Quoad magnitudinem, grandem Capparis, Mandragora. Cucumis sylvestris, Bryonia possident: exiguum,

Ordo partium.

Radicum differentia, A figura.

A colore.

A qualitate tactili.

Geniculata.

Vertebra.

Ab odore & sapore.

A numero.

A magnitudine.

Κέκλον.

Lanugo.

πάππος.

Partium similitudo.

Pares partes hæ.

A positione.

Centaureum minus : tenuem & gracilem, Asarum, Gramen, Aristolochia clematidis. Positiones fortassis non omnibus radicibus eadem, si terram spectes. Etenim quædam totæ terra occultantur; quædam ex parte qua caulis emergit extra terram eminent, ut Raphani quoddam genus. Quæ vero totæ terra teguntur; aut alte se in terram defigunt, aut tantum terræ superficiem occupant. Omnibus tamen radicibus proprium est terræ inhærere, aut alteri rei, quæ proportionem telluri respondet. Idcirco dicebat Theophrastus, positionis rationem in floribus, fructibus, germinibus, foliisque tantum accipi, non in radice, uti nec in caule ramisque; quod caulis semper radici inhærere debeat, rami autem cauli.

C A P. X.

*Caulium differentie.**A figura.*

Caulium quoque à figura desumuntur differentie. Nam alii recti, obliqui, & per terram sparsi, aut ad cœlum se attollentes; alii intorti, & quodammodo in spiram convoluti: alii rotundi, quibus maxima pars Plantarum donata est, omnes Frutices, Arboreæque, multaque Herbarum genera: alii plani, hoc est, angulosi; qui aut sunt duorum angulorum, ut Narcissi; aut trium, ut Cyperi; aut quatuor, ut Marrubii, cunctarumque Herbarum quæ in caule non geniculato bina è regione promunt folia sibi invicem opposita; mox post modicum intervallum alia duo paulo superius, aut inferius ex illis orientia lateribus, quæ à prædictis duobus nuda relinquebantur. Quo fit ut non sine eleganti spectaculo, si quis caulem ramumve foliatum decerpserit, & ab uno fine recta oculis collinantibus alium respiciat, in crucis modum divisa folia cernat; ut in Cruciata Dodonæi & aliorum. Sunt & aliis caules pentagoni, aliis hexagoni; ut *Lyfimachia* purpureæ trifoliæ, quæ in agro Patavino nascitur. A colore, alii unius, rubri, viridis, albi, nigri, aut alterius; quidam duobus tribusve coloribus maculati: nonnulli incani, & molli lanugine obsiti, ut *Lychnidis* coronariæ. Cæterum qui prorsus esset atro colore, nondum mihi in Herbarum genere conspectus est. Caulis autem color proprie cortici debetur: quoniam quo corticem aut tegumentum exterius donatum colore videmus, eum toti cauli fallaci loquendi brevitate tribuimus. Alium pars caulis interna, alium externa colorem habet. Sub viridi cortice nigra aut alba sæpe latitat medulla. Sic asperos, læves, striatosque caules Herbarii dixere, quorum cortices & tegumenta visu aut tactu talia apparent exterius. Dicuntur & alii nodosi, ut *Arundinis*; geniculati, ut *Caryophylli*, *Saponariæ* quam *Cruciatam* vocant: molles, teneri, pingues, quorum substantia lenta est, facile frangitur, digitisque teritur: solidi, densi, rari, ut *Arborum*; cavi ut *Sambuci*, *Arundinis*, quorum internæ caulis parti inest cavitas. Sapor autem & odor alius inest externæ caulium parti, alius internæ. Cinamomi cortex acri ac suavi gustu suavissimum odorem spirat; matrix vero odore saporeque prorsus carere videtur. Numerosos caules producit *Solanum* furiosum, quippe quod decem aut duodecim emit tit teste Dioscoride: senos, septenosque ex una

Lyfimachia trifolia purpurea.
A colore.

A tactili qualitate.

A sapore & odore.

A numero.

radice, Secale; tres aut quatuor, *Alica*; singularem Arboreæ. *Oreoselinum*, & alia infinita. Sunt & caules aliis grandes, aut parvi; aliis crassi, aut tennes; aliis longi aut breves. Quæ omnes differentie & ramis adscribuntur. Triangulos tamen ramos non memini me observasse. Illud his addendum, unico quæ sit ramo nullam reperiri Stirpem: duobus ad minimum prædita esse debet, in quos caulis se dividit. Quocirca miror nonnullos Græcos *Artemisiam* ramosam *μονόκλωνον* appellasse, atque recentiores quosdam, hos fortassis imitatos, idem epitheton quibusdam Herbis apposuisse. Sed Græci illi rami appellationem in caulem transtulisse mihi videntur.

C A P. XI.

Foliorum differentie.

Folia teretia sunt Sempervivo vermiculari; aliis plana: aliis triangula, ut *Scammonio* teste Dioscoride; aliis quadrangula: aliis rotunda, ut *Cappari*, *Cylichtho*, *Cotyledoni*; aliis subrotunda, ut *Anagallidi*: in extremis oris angulosa, ut *Hederæ* novellæ antequam fructum ferat, item *Tussilagini*, mucronata, *Gramini*, *Iridi*, *Gladiolo*: recta, incurva, gibbosa, ut *Hyacintho*, *Auriculæ* muris alteri *Dioscoridis*; concava, *Umbilico* *Veneris*, *Dipsaco*, quæ sinu suo aquam imbresque suscipiunt, ac etiam continent. Incisorum foliorum alia profundas incisuras habent, ut *Papaver erraticum*, *Raphanus*, *Staphisagria*, *Verbenaca*, *Coronopus*; alia tantum in superficie seu per ambitum; & horum alia serrata sunt, ut *Vrticæ*; alia crenata, quorum incisuræ nequaquam ferræ modo denticulatæ sunt, sed obtusiori mucrone præditæ. Inest etiam divisuris multitudo & paucitas, nonnullisque certus earum numerus, ut *Panaci* *Herculeo*, cujus folia quinque divisiones habent. Color aliis unus, ruber, albus, niger, luteus, viridis; aut duplex triplexque, ut generi *Bliti*, quod tricolor appellant, à triplici colorum varietate, quæ in foliis annotatur (nonnulli hoc *Plinii Sophoniam* volunt) color item aliis unus idemque est prona supinaque parte, aliis diversus. Voco foliorum planorum pronam eam partem, qua cœlum spectant, supinam vero, qua terram aspiciunt. Rubi folia supina parte incana sunt, prona vero viridia. *Lamium* verum *Plinii*, quod rustici Bononienses *Milzatellam* vocant, prona parte in medio foliorum maculam habet longam per longitudinem. Candida incanaque folia plerumque ob lanuginem densam, qua pubent, candida sunt, ut *Marrubii*, *Lychnidis*, & *Verbasci*: cæteræ partes quæ lanugini subsunt, virides. Appellantur etiam folia rara, solida, densa, quæ densam, raram, solidam aut spongiosam habent substantiam: fistulosa, quibus inest cavitas, ut *Cæpæ*. Cribri modo multis foraminibus perforata sunt *Hyperici* folia, item *Othonnæ*, ut auctor est Dioscorides. Nec desunt tenera, ut *Chelidonio*; pingua, ut *Acantho*; dura, ut *Oxylapatho*, *Graminibus* nonnullis; aspera, ut *Cucumeri* sylvestri, *Symphyto* majori: inferiori tantum parte seu supina aspera, ut *Aspleno*; lævia & glabra, ut *Acantho*, *Mandragoræ*; crispa, ut *Brassicis* nonnullis, atque *Ocymis*. His adde varios sapes odoresque, quorum nonnulli tantum in superficie habitant,

A magnitudine.

A figura.

Ab incisura.

A colore.

Sophoniam.

Pars prona & supina quæ.

Lamium verum Plinii.

A raritate & densitate.

A sapore & odore.

C A P. X I I.

Florum differentie.

habitant, ut ex iis foliis, quæ trita odore spolian-
tur, conjicere licet; quidam in parte interna tan-
tum sunt, ut quæ non nisi fricta manibus odorem
spirant, aperte satis commonstrant; quidam per
omnes foliorum partes sparguntur, ut ex iis foliis
constat, quæ trita odorem haud amittunt, & an-
tequam terantur eundem exhalant. Numero pro-
fecto plurimum variant. Quibusdam certus con-
stitutus est foliorum numerus, aliis incertus. Vnum
Vnifolio; duo Ophridi; tria nonnullis Tulipanis;
& aliis quibusdam Herbarum generibus; quatuor
Herbæ Paridi, & Tetraphyllo: plura aliis multis.
Incerto foliorum numero præditarum aliæ rara
habent, hoc est, pauca; aliæ admodum foliosa, ut
Thymus, Asparagus. Cernuntur & grandia in
Brassica, Petasitide; parva vero in multis aliis:
crassa in Telephio, Sempervivo, Aloë: tenuia, lon-
ga, lata, angusta in compluribus. Nec vero satis
est in his differentiis conquiescere; quin & ordo
diligenter observandus venit, ac series qua singula
enascantur. Magna namque Plantarum pars alia
à principio profert folia; alia dum augetur; alia
dum viget, quæ cunctis præscriptis differentiis va-
riare solent. Exemplum sit in Aniso. Primo, fo-
lium post duo illa, quæ omnibus è semine primum
oriuntur, rotundum fere profert ex uno peciolo,
quod est per ambitum in summo ferratum: ap-
pello autem summum seu extremum in folio, quod
à peciolo aut alia parte cui adhæret, longissime
abest. Secundo, tria ex uno peciolo, quorum fo-
lium extremum simile primo est; alia autem duo,
quæ à lateribus pecioli dependent sibi invicem op-
posita paulo angustiora, & conifere figura, aut
triangula, in extremo itidem serrata. Tertio, tria
alia prædictis similia; sed alterutro foliorum sibi
è regione in pecioli extremitate oppositorum, pau-
lulum in extremo ab uno latere depresso quadran-
guli fere figura: quarto tria rursus in extremo ser-
rata ex uno peciolo dependentia: quorum ulti-
mum quatuor divisiones habet, in summo duas,
duas rursus alias superioribus altiores ab utroque
latere: reliqua duo sibi invicem opposita leves in
summo fissuras habent. Ita paulatim reliqua inci-
duntur, ut tandem ultima umbellæ vicina in to-
tum forma à prioribus sint diversa. Quare, ut ve-
rum dicam, in nulla alia parte major, quam in fo-
liis varietas. In iis positiones quoque diligenter
considerandæ. Quædam tantum è radice, ut Nar-
cisso; alia ex caule & ramis, alia ex omnibus par-
tibus oriuntur. In caule quadrato bina semper fo-
lia sibi invicem ex adverso opposita (ideoque ala-
ta dicuntur) modico intervallo distantia ab aliis
binis, alia duo latera quam priora occupantibus
videre licet: item quatuor ex quatuor lateribus
orientia, ut in Cruciata Dodonæi, & Erythrodano,
quod Rubiam tinctorum vocant. Tria vero aut
quinque aut plura reperietis nunquam. Quibus
tria semper ex uno peciolo sunt folia, iis unum in
extremo hæret, reliqua duo à latere sibi mutuo
adversa sunt, ut in Trifoliis videre licet. Sunt quæ
& quinque & septem ex uno peciolo dependen-
tia habent, ut Pentaphyllum, & Heptaphyllum.

FLoris nomine supra, tam externas quam inter-
nas partes intelleximus, quemadmodum & alii
Authores. Quare hic in eodem significato acci-
piemus. Quoniam autem interna pars floris præ-
cipua, folia sunt, eorum differentia hic tradendæ
veniunt, omittis aliis aliarum partium. Foliorum
alia cava sunt, expansa, recta; alia repanda & in-
flexa, ut Iridis: quædam fere rotunda, ut Pericly-
meni teste Dioscoride; in orbem circumacta, ut
Smilacis lævis. Cavorum figura cum animatis &
inanimatis comparatur. Campanas imitatur fo-
lium floris Smilacis lævis, & Convolvuli cœrulei,
quem Nil Avicennæ esse perhibent: unde ei &
nomen Campanæ ceruleæ impositum. Digitalis
inde appellationem habet, quod floris folium di-
gitalis (hoc est munimenti digiti, quo mulieres
quæ acu victum quærunt, digitum inter suendum
munire solent, ut sine læsione impellere acum
queant) speciem exhibeat. Faciem mustelæ & ri-
ctum quadantenus exprimunt Galiopidis florum
folia, unde Herbæ nomen. Antirrhini quoddam
genus Os leonis nuncupatum fuit, quod ori leonis
hianti simile esset. Leguminum & aliorum quorun-
dam flores Papilionacei nominantur, quod papi-
lionem volantem quodammodo æmulentur. Nam
duplici horum flores folio constant; quorum alte-
rum inferiorem siliquæ tegit carinam, alterum su-
pra ejus dorsum protenditur, ab utroque latere
paululum se reflectens, alarum modo. Incidun-
tur pari modo & florum folia, ut ramorum & cau-
lium in extremo; nonnunquam autem à latere.
Colorum maxima in his differentia; nec tot spe-
cies colorum, quot in his spectantur, pictoribus
cognitæ. Cum enim omnes species colligere ex
floribus vellem, pictoresque optimos adirem, qui
cunctas exprimerent, nullum unquam qui id præ-
staret, invenire potui. Ita natura in hisce supera-
vit humanum ingenium. Observantur & in foliis
densitas, raritas, aspricies, mollicies, lævitas, striæ,
sapores odoresque omnes, par & impar numerus,
certusque & incertus. Vnum folium Smilaci da-
tum est; duo, floribus papilionaceis: tria, qua-
tuor, quinque, sex, septem, octo, & plura cæteris
multis. Magna item aliis floribus folia, aliis parva,
angusta, lata, longa, brevia, tenuia, crassa. In flo-
re autem animadvertenda præcipue numerus, &
positio, atque ordo. Multis enim tantum unus;
aliis duo; nonnullis tres, aut quatuor, aut quinque,
aut sex solummodo; quæ plures his edunt, nun-
quam certum tenent numerum. Nascuntur alii ex
radice, alii è caulis, aut ramorum latere, aut ca-
cumine; semperque fere ex alis foliorum si è late-
re (sic enim appello partem eam, qua folia cum
caule & ramis articulantur conjungunturque) nisi
in caulis ramive fastigio, plures simul flores con-
gesti sint sine foliis. Prodeunt multi flores in ca-
cumine congesti, aut spicæ in modum, ut Laven-
dulæ, quæ à spicatis floribus Spica dicitur; aut co-
ni figura, aut thyrsi, aut verticilli, aut racemi, aut
umbellæ, unde Plantæ umbelliferæ appellantur,
veluti Fœniculum; aut pilæ in modum rotundi,
unde Globulariæ; aut alterius forma, qua etiam
fructus

Flos quid.

A figura.

Campana.

Digitalis.

Oris leonis.

Papilionum.

A colore.

A talibus
lucis & a...A magni-
tudine.

A positione.

Planta um-
bellifera.

Globularia.

fructus spectantur. Marrubii flores, & aliarum quarundam similia, in rotæ speciem caules ambiunt.

C A P. X I I I.

Fructuum, ac seminum differentie.

Fruetus quid. Ræcorum nonnulli, præsertim Dioscorides & Galenus καρπῆ, id est, fructus appellatione semen etiam complexi sunt: alioqui fructus nomine dicitur id, quod semen continet pericarpio coniectum: Seminis autem appellatione proprie, quod satum Stirpem producit; quod interdum natura pericarpio caret, ut in Milio solis. Si autem quidam fructus pericarpium habeant, pericarpio spoliari debent ut seminentur, alioqui nil producent. Theophrastus ubi carne & semine fructum constare dixit, videtur innuere pericarpium ex carne constitutum, ut in Pomis, Pyris, Nucibus. Nos autem pericarpium nomine omne seminis involucrum significamus, sive membranofum id sit, ut in vesicis Vlmi, Staphylodendri; sive carneum, ut in aliis multis. Seminum & fructuum eadem fere quæ superiorum differentie. A figura fructus alii plani, depressi aliqua ex parte, aut undique: rotundi, recti, incurvati, trianguli, quadranguli, pentagoni, & plurium angulorum. A colore, candidi, pallidi, lutei, virides, uigri, purpurei, & ejusmodi; sed colores ad exterioris tegumenti partem referri debent, à quo colore sæpe discrepant intus contentæ partes, puta caro, aut pulpa. A tactili qualitate, molles, duri, solidi, rari, læves, asperi, tenacique contactu vestibus inhærentes, ut Lappæ; striati, cavi, ut Arbuti. Odores saporesque omnes in fructibus deprehenduntur, imo etiam falsus. Nam quanquam Plantis falsum saporem denegavit admirandus Theophrastus lib. VI de causis Plant. c. XIV, genus tamen Pyrorum Cariæ memorat, lanugine tam falsa obductum, ut nisi aqua abluatur, edi nequeat. Potest in putamine fructus esse falsedo, ut Ciceris; nequaquam in seminis pulpa: destrueret namque facultatem generandi. Est & Stirpibus certus incertusque fructuum numerus, ubi pauci sunt. Vnicus flos unicum producit fructum: interdum unum, interdum plura semina. A magnitudine, alii prægrandes dici debent, ut Nux Indica; alii parvi, longi, ut siliquæ in Leguminibus, spica in Frumento; breves, crassi, tenues in aliis. Fructus aut semina, similiter ut flores sita sunt sub foliis, & super folia, ut in Hypoglosso. Addit præterea Theophrastus sub terra nonnulla fructus facere, ut Arachidnam. Aliud sane hic, quam in definitione καρπῆ, per fructum intelligit, scilicet radices, quæ in nonnullis telluri mandantur seminum modo, & Plantam suam producant, ut Pappas Indorum, cujus radix ab Indis in cibo usurpatur. Radices ergo has fructus appellavit Philosophus, quod instar seminis, im habeant generandi, quodque esui aptæ sint. Græci ἀκάρες Arborea vocarunt, non quæ prorsus fructum ferrent nullum, sed quæ esui ineptum, quasi id tantum fructus appellatione dignum sit, quo fruimur in mensis. Restaret, ut quam πολύχεν (utar verbo Theophrasti) partium partes formam haberent, declararem ad exactiorem doctrinam, nisi multa ad hanc necessaria

cum prioribus breviter significassemus: reliqua vero facile à quovis indagari queant, qui ea, quæ jam diximus, attente perlegerit; Plantasque diligenter inspexerit.

C A P. X I V.

De quatuor summis Plantarum generibus. Quid Arbor, Frutex, Φρύγανον, Herba.

Igitur ex tot partium innumeris differentiis, innumeræ emanant Plantarum formæ, quæ singulas species constituunt. Quemadmodum autem polemarchi magnum agmen & confusum exercitum in certas classes distribuunt, singulisque classibus suos ductores præficiunt: & has rursus in centurionatus, quibus centuriones præfunt, qui singulis imperant militibus: ita etiam in tanta specierum multitudine faciendum est, ut ad quædam genera reducantur, ne in iis examinandis confundatur erretque intellectus, plurimumque memoria labatur. Idcirco prisca illi sapientes Plantarum omnium quatuor summa maximaque genera constituit, Arborem scilicet, Fruticem, Φρύγανον, Herbam. Arbor est id, quod singulari à radice stipite assurgit, qui caudex vocatur, & in multos postea ramos majores, quos ἀκρόμωνα & ὄζες Græci vocant finditur: deinde in ramusculos multiplices, quos iidem κλάδεις, Latini surculos appellant; quodque non facile dissolvi potest. Sic enim mihi interpretanda hæc Theophrasti verba videntur, μονοτέλεχες, πολύκλαδον, ὄζωτον, & ὅτε εὐαπέλυσον, quæ Gaza non satis bene sic vertit: caudice simplici, ramosum, nodosum, furculosum, haut facile dissolubile. Frutex à doctis viris nominatur, quod à radice plures emittit stipites, qui postea singuli in multos ramos sparguntur, ut Paliurus, Rubus. Φρύγανον Theodorus Gaza, non tamen contemnendo vocabulo, Suffruticem vertit apud Theophrastum, interdum Φρυγανώδη virgulta. Libro de causis Plantarum Φρύγανον transtulit ignaria. Usurpantur enim ad construendum focum; unde existimo latinos Cremia vocasse, à cremando scilicet, τῷ φρύγανον. Φρύγανον nobis videtur descripsisse Theophrastus Hist. lib. I, cap. V, Φρύγανον ἢ τὸ ἀπὸ ῥίζης ἢ πολυτέλεχες, καὶ πολύκλαδον, οἷον βότρυς, παλίεργον: quæ sic Theodorus, Frutex quod ab radice caudice multiplici, ramosumque se attollit, ut Rubus, Paliurus. Quare aut locus Philosophi mendosus, aut interpretes ἡμίονον legit pro Φρύγανον, aut Φρύγανον interpretatus est Fruticem, cum videret in Theophrasto ἡμίονον definitionem desiderari: quod miror à tam doctis & oculatis viris ita oscitanter fuisse omissum. Effecit vero hæc Gazæ versio, ut magis recentiores de Φρυγανῶν definitione, quam de Fruticis altercarentur, qui putarunt hanc esse apud Theophrastum Fruticis definitionem. Ruelius haud bene Φρύγανον ait esse Herbam fruticantem, quæ ramulis compluribus surculisque lignosis scatet, sed minutis constat foliis, ut sint veluti Fruticum rudimenta. Doctissimus Julius Cæsar Scaliger exerc. cxxxix, Cremium vult esse, quod unicum stipitem illico à radice emittit post bina illa folia, quæ in cunctis Plantis illico è seminis pulpa produnt: ab Arbore differre magnitudine, si quidem multo minus Cremium Arbore est; aliquod etiam annuo

Arbor quid.

Rami.

Ramusculi.

Surculi.

Frutex.

Φρύγανον.

Suffrutex.

Cremium.

annuo interitu, ut Agrimonia, & multa alia unicaulia quæ intereunt. Item differre à Frutice stipitis unitate: ab Herba, quod hæc post duo illa folia illico è semine enata, alia insuper producat, & procedente tempore etiam stipites in quibusdam aut singularis, aut multiplex, in quibusdam vero nullus. Andreas Cæsalpinus Suffruticem ab Herba vivendi tempore distinguit. Plures enim annos Suffruticem vivere putat, aut radice tantum ut Ferulacea & Acanacea, quorum caules singulis annis pereunt: aut etiam caule, ut Ruta, Sampluchus. Herbas autem proprie appellari scribit, quæ postquam semen perfecerunt moriuntur ex toto, quas nos Plantas annuas appellare solemus, ut Fruges & Olera plurima. Nescio igitur in quod genus bulbosas multas retulerit, nempe Hyacinthum, Narcissum, & alias, quarum radix perennat, & tamen sub Herbis à Theophrasto recensentur; ex quo & illud discimus, Cremium lignosum esse, ut Fruticem atque Arborem, quam idcirco ægrè dissolubilem esse scribit. Cæterum Scaligeri definitio ingeniosa sane est, & distincta satis dignaque tanto viro, quam etiam nos tenebimus. Eam tamen nego esse ex Theophrasti sententia uti ipse opinatur. Nam Philosophus paulo post Herbarum definitionem, subiungit hæc verba; τῶντε γὰρ φρυγανῶδων καὶ λαχανῶδων ἐνία μονοετέλη, ἢ οἷον δένδρον φύσιν ἔχοντα γίνεται, καθάπερ ῥαφανὸς (non ῥαφανὶς ut legitur in vulgatis codicibus) πύρρον. ὅθεν καὶ καλεῖται πνεὺς τὰ τοιαῦτα δένδρολάχανα. Quæ sic Gazæ vertenda erant. Cremiorum (non virgultorum) atque Olerum quedam unicaulia sunt, & quasi Arboris naturam habent: ut Brassica (non radix) Ruta. Quamobrem nonnulli hæc δένδρολάχανα appellarunt, quasi Oleriarbores diceret. Ex quibus verbis patet non esse perpetuo in Cremio unicum caulem, sed tantum in quibusdam, ut & Herbis. Definitioni quoque quam Herbarum statuit, non plane Philosophus assentiri videtur. Hic namque Herbarum definit, quod à radice folia fert antequam caulem edat; ille vero Herbarum & caule carere, & caulem habere dixit. Omitto alias rationes, quas ex multis locis Philosophi, contra Cremii Herbarumque ejus definitionem adducere possem. Quæ etiam ad contentiosos magis, quam ad veritatis amatores pertinere videri possint; illud tamen adferunt commodi, quod intelligimus in re ancipiti & valde confusa aliquid certi statuendum esse ei, qui aliquam scientiam tradere vult posteris, ne doctrina patiatur. Approbemus itaque has Scaligeri definitiones; non quod cum Philosopho & aliis antiquis conveniant: sed quia quam plurimas sub se contineant species natura distinctissimas, quæ non possunt sub suo genere collocatæ inter se confundi, & quasi in alienas classes commigrare. Nam omnes comprehendere sub quatuor his generibus non possumus: quod natura agat per multa media, de quibus dubitare aliquis potest, ad quæ genera referri recte queant. Hac de causa commodissime annotavit Theophrastus, definitiones suas accipiendas esse non pro exquisitis, quemadmodum etiam divisiones. Quid? Sub quo genere ponam Fungos fateor me ignorare. Arborem ne, an Cremium? Neutrum esse potest; caret enim ramis, facileque dissolvitur. Nec Frutex, quia unicum edit caulem. Nec Herba, quia

foliis caret. Denique nullum horum, quia radix ipsi denegata ab ipso Theophrasto. Et Tubera quid aliud sunt, quam radices? Idcirco ἄγρια Græci vocarunt, quod nullam umbram faciant aut foliis, aut stipite. Quare videmur recte quintum genus statuere posse, quod Tubera Fungosque sub se comprehendat.

C A P. X V.

De aliis quibusdam generibus, quæ summis subsunt.

Sub his continetur magna aliorum generum Turba, quorum multa una aut altera nota significantur vobis. De his cum non sit satis exacte à recentioribus quidquam tractatum, operæ pretium est plura verba facere. Quoniam horum notitia multum vos juvabit, ad faciliorem multarum specierum cognitionem, si quando Herbarum cognoscendarum causa, hortos aliave loca accesseritis. Horum notæ designantur monstranturque primo in odore, saporeque aliquo peculiari & proprio. Sic Nasturtium, Sinapi, Piper, Eruca, Mentha, Myrrhis, Libanotis, Absinthium, Ambrosia, aliæque Herbarum & Cremia, ex odore à nobis cognoscuntur. Nam cunctas Herbas, quæ exempli gratia vulgaris Nasturtii odorem saporemque habent, inter Nasturtii genera recte collocari possunt, etiam si partium forma à vulgari Nasturtio multum varient. Quod Herbarum nostri Nasturtium Indicum appellant, nil cum Nasturtio vulgari simile habet præter odorem & saporem. Secundo à virtute singulari, ut Consolidida, Saxifragia & ejusmodi. Inter Herbas, quæcunque vulnera glutinant, Consolididæ dici possunt; quæ calculos minuunt, Saxifragiæ, etiam si non parum forma inter se discrepent species, sufficit ut in virtute conveniant ad horum generum nomen acquirendum. Hæc ratio est cur tot species Saxifragiæ & Consolididæ à recentioribus sint recensitæ. Percipiuntur & tertio quædam genera ex aliis accidentibus variis. Sed quæ quarto à partis alicujus nempe radice, foliorum, floris, ac fructus forma spinisque, ut Acanacea, desumuntur, deinceps enumeranda examinandaque veniunt; quod hæc & multa sint & difficiliora, magisque in formis Plantarum nos instruant. Ex radice igitur Orchides, Palma Christi, etiam alia perquam pauca cognoscuntur: ex foliis Vnitolium, Bifolium, Trifolium, Quinquefolium, Chondrilla, Linaria, & alia: ex flore, Iacea, Scabiosa, Ranunculus, Anemone, Iris, Narcissus, Hyacinthus, Lilium, & alia multa: ex fructu ut Arborum magna pars præcipue mitium ac domesticarum, Geranium, Papaver & cætera, quorum deinceps notæ exactius commonstrabuntur.

C A P. X V I.

De Orchide, Satyrio, Palma Christi.

Cunctæ Herbarum quæ bulbosas binas, aut ternas habent radices instar testiculorum, semen humanum quodammodo redolentes, Orchides censentur, vulgo Satyria: quamquam proprie Satyrium sit, quod ternas habet radices Orchidum radicibus similes; nam quæ sursum erigitur virilis membri

Tubera

Generum nota

Odore & sapore.

A virtute singulari.

A partis alicujus forma.

Q

membri forma, duas alias inferius ex eodem initio more testiculorum dependentes. Cum his eadem esset Palma Christi, nisi radices latiores essent ac depressæ magis, & in tres, quatuor, aut quinque partes in extremitatibus divisæ instar digitorum manus. Ideo Palmam Christi nominarunt.

C A P. X V I I.

De Trifolio.

Trifolia.

Cytisi qui.

Loti.

NVlla vox pluribus Plantis communior quam Trifolii; qua non modo Herbarum varia genera, sed etiam Arborum ac Fruticum completimur; quod cuncta ea Trifolia sint, quæ semper terna folia tantum proferunt in unius pediculi extremitate; duo à latere sibi invicem opposita, atque tertium in extremo, quemadmodum in vulgari Herba, quæ Trifolium appellatur, conspicimus. Inter Arbores est Laburnum & Anagyris, quæ à Laburno fœdo odore præcipue differt. Inter Frutices Cytisus, sub quo & Acaciam alteram Matthioli comprehendo. Genistæ quædam species flexibilibus ramis à Cytiso differt: hujus enim rami caulesque lignosi sunt. Adeo vero tria hæc folia Cytiso propria sunt, ut cunctos Frutices, etiam si ad Arboris naturam quodammodo accedant, tribus foliis uno pediculo in hærentibus præditos, Cytisos appellent Herbarii, à quibus multæ eorum species describuntur. Inter Cremia & Herbas multo plura comperietis genera; quæ fere cuncta hic recensere, non omittis cujusque magis propriis partibus. Trifolium vulgare, quod pratense vocant, floris edit aut albos, aut purpureos, aut luteos, aut alterius coloris, in summo caule in brevem veluti spicam coagmentatos: deinde semen rotundum in parvis siliquis. Quod autem in agro Salamantico Clusius observavit, petiolos ex alarum sinibus prodeuntes habebat, quibus flores coagmentati sustinebantur purpurei, & his succedebant membranei folliculi semen exiguum continentes. A dictis Trifoliis præcipue odore differt, quod Bituminosum vocant & Asphaltites, quia bituminis odorem spiraret, alii Menianthes. Loti duo recensentur genera apud Dioscoridem, hortense & sylvestre. Hortensis nullam nobis notam significavit; imo ne Trifolium quidem esse scribit: unde multi Lotos etiam plurium foliorum quam trium nobis monstrant. Constat tamen Lotum hortensem inter Trifolia poni debere ex eo, quod Loto sylvestri folia Trifolii pratensis appinxit, sed semine Fœnugræci, minore tamen, gustuque medicato. Melilotus, Sertula Campana Latinis dicitur, quod antiquitus coronas & fæta ex hac facerent, optimaque in Campania nasceretur. Dicitur autem Melilotus, quia folia sunt mellei coloris, qualia & in Trifolio quodam odore Fœnugræci observavi. Folia autem Meliloti odoris boni sunt, quo præcipue (quantum ex Veteribus colligere licet) à Loto sylvestri differt. Addunt huic semina gustus medicati. Pro Lotis multæ Trifoliorum species hodie circumferuntur, quæ cum aliis Trifoliis confunduntur, adeo ut cuncta quæ præter tria illa folia vulgaris Trifolii foliis similia ab extremo pediculi dependentia, alia bina cauli aut ramis sine petiolo annexa & sibi invicem opposita ac quasi alata habent, inter quæ pe-

tiolus trium foliorum enascitur, Loti censeantur. Medica, ut author est Dioscorides, Trifolio pratensi omni in parte similis est, præterquam in fructu, quem lentis magnitudine promit, sed contortum, ut Siliqua (κεράσιον). Ex qua descriptione nonnulli, qui κεράσιον apud Dioscoridem corniculum interpretari cupiunt, nobis pro Medica proponunt varias Trifolii species, quarum fructus aut lunæ in modum incurvati sunt, aut instar testæ cochleæ corniculorumve intorti. Fœnugræcum siliquis suis oblongis se prodit, corniculis similibus, in extremitate acuminatis, sed maxime odore gravi, quo & tota Herba prædita est. Ononis quoque inter odorata Trifolia numeranda, similis Fœnugræco, sed lignosior fruticosiorque. Ejus enim folia odorata sunt, tum illius, cujus rami aculeos gerunt, tum alterius quæ prorsus spinis caret. Flos utrique papilionaceus, semenque in siliquis Viciæ similibus. Reperitur & hujus generis in montibus Senensibus, quod capreolos, ut Vicia, gerit sine spinis, odore jucundissimo, qui diu in Planta exsiccata servatur. Lagopus Græcis atque Latinis aliquibus Trifolium humile appellatur. Huic caulis rectus, ac in cacuminibus ramulorum spica lanuginosa hirsutave, pedem leporis imitans, unde Lagopi nomen: in ea semen continetur. Reliqua vero Trifoliorum genera ad alia quædam referri possunt, quorum notitia aut à flore, aut à fructu petenda est, ut Anemones species, Fragaria, Tribulus quidam, ac inter legumina Cicer quoddam sylvestre, tum Phaseolus, & si quæ sunt alia.

C A P. X V I I I.

De Pentaphyllo, sive Quinquefolio.

INter Arbores Staphylodendron, inter Frutices paucissima ab uno pediculo quinque folia semper dependentia habent. In Herbarum genere nonnulla quæ Pentaphylla & Quinque folia dicuntur. Horum flores quinque foliis diversi coloris, raro pluribus constituuntur. Tormentillam nonnulli cum Quinquefoliis confundunt. Distat tamen numero foliorum florum, & foliorum Herbæ. Flos enim ex quatuor foliis constat luteis: folia in uno pediculo ut plurimum septem.

C A P. X I X.

De Herbis Intybaceis, Chondrilla, Hieracio.

INtybaceæ Herbæ omnes inter Olera recenseri debent. κίχων appellat Theophrastus Hist. lib. VII, cap. VII, propter similitudinem foliorum quam habent cum Intybo. Eorum multa sunt genera: Seris quam nunc Cichorium dicunt, Chondrilla, Sonchus, Lactuca, Hieracium, & alia quædam nomine tantum cognita apud Theophrastum, & Plinium. Priora autem non satis exacte à veteribus descripta, quod antiquis illis temporibus plusquam satis essent nota. In errore versantur recentiores Herbarii, qui nobis multas Chondrillas ob oculos proponunt flore luteo; cum tamen similem Cichorio, hoc est, cœruleum Chondrillæ adscripserit Dioscorides, quemadmodum etiam & caulem & folia. Vnde nonnulli Sylvestris Cichorii speciem arbitrabantur. Distat tantum ab Intybo, quod folia, flos & caulis, semen-

Medica.

Fœnugræcum.

Ononis.

Ononis Senensis.

Lagopus.

Staphylodendron.

Tormentilla.

Chondrilla.

Cichorium.

que graciliora tenuioraque sint; & in ramis gummi mastichi simillimum edat, cujus granum concretum *χόνδρον* Græci dicunt; hincque Chondrillæ vox. Nec minor eorum est error, qui nobis multas Cichorii species luteis præditas floribus enumerant, si vulgare Cichorium verum sit veterum, ut hæcenus omnes arbitramur. Harum pleraque ad Hieracia & Lactucas referendas censeo, & ad alia quædam Intybaceorum genera, quorum nomina extant apud Theophrastum & Plinium. Hieracia duo descripsit Dioscorides lib. x i i i, cap. lxx, magnum & parvum. Vtrique folia Sonchi, flores lutei: magno, flores tales in oblongis capitulis; parvo, flores in orbem circinati. Constant Intybaceorum flores ex multis foliis, sæpe in extremitatibus serratis, luteis aut lacteis, raro rubris. Vnam enim Hieracii speciem purpureo flore novi.

C A P. X X.

De Brassica.

Brassica Monosperma.

Soldanella.

Brafficæ multas species faciunt veteres atque recentiores. Omnes folio sunt carnosio, pingui, crispo, aut lævi, aut laciniato & inciso, aut sine divisionibus, nigro aut albo, aut rubro, aut viridi, multum succi in se continente. Flos iis luteus aut albus, quatuor foliis constans: semen in filiquis. Brassicæ marinæ speciei Penæ Monospermos dictæ, quod singulæ filiquæ unicum tantum semen contineant, flos è sex foliis constituitur. Quæ autem vulgo Soldanella dicitur, nequaquam ad Brassicas referenda. Flore & folio herbæ atque floris, Convolvulus; virtute vero, Scammonium est.

C A P. X X I.

De Iunco.

Scirpi.

Iuncus triangularis.

Iuncus flori-dus.

Squinanthum.

Notissima herba est Iuncus; prope paludes frequens, quanquam arenosa aridaque etiam loca non careant Iunco. Proprie Iuncos appellamus, quorum folia & caules scirpi nunc vocantur à multis, qui à radice oriuntur teretes, glabri & sine nodis; interdum etiam angulosi, intus cavi, medulla molli & alba pleni, aut spongiosi, denique flexiles. Cæsalpinus vocat Iuncos caules enodes flexilesque, negatque folia à caulibus differre. Nos folia censemus, ubi fructum aut florem in caule nondum gerunt; ubi gerunt, caules. Cæterum angulosos interdum hos caules aut folia dixi. Nam hujus generis triangularis in fossis Patavinis mihi comparuit. Sunt inter veteres, qui Cyperum etiam Iuncum appellarunt, quod caulem edat Iunco vulgari similem, intus cavum, medullosum, foris sine nodis ac foliis. Teres hic est in Cypero, quem Iuncum floridum appellat Matthiolus; angulosus in Cyperis, quos Dioscorides & Plinius describere. Reperitur enim frequenter triangulari caule, raro quadrangulo, qui Iuncus quadratus à Celso nominatur. Folia Cypero angusta, plana, glabra, & Porro similia, quibus maxime à vulgari Iunco distinguitur. Squinanthum autem officinarum, Græci quoque *χρίνον* & *χρίνον ἀρωματικόν* nominant: Latini Iuncum odoratum, Celsus Iuncum rotundum, ut à Iunco vulgari & Cypero

qui triangularis ut plurimum est, distingueretur. Raro ad nos hæc Herba adfertur integræ cum caule ex Arabia. Vidi caulem ejus rotundum, foliis alternatim obsitum, in quorum alis flores continebantur, folia Gramini similia, cujus potius est species. Et sane adhuc me latet, cur Iuncum peregrinam hanc Herbam dixerint, cum neque caulem, neque folia Iunci habeat. Parum à Cypero differret Typha (folia enim similia, enodis caulis rotundusque, & in summo flos, aut fructus) ni durus caulis & lignosus esset instar Arundinis, & flos seu fructus tornatæ clavæ similis.

C A P. X X I I.

De Equiset.

Iunco subjungatur Equisetum forma parum dissimili: *ἰσάριον* Græci vocant, Latini Equisetum, & Caudam equinam, quam Herba hæc altius accrescens dependentibus comis refert. Caule & folio est Iunco, id est, rotundo, geniculato, & in se infarcto. Vt breviter dicam, ni folia aut ramos (utroque modo dici possunt partes in quas caulis Equiseti se dividit) proferret, Iuncus geniculatus merito appellari posset.

C A P. X X I I I.

De Lino, & Linaria.

Lini & Linariæ genera folia & flores produnt; cunctis enim oblonga, angusta, acuminata in caule. Linaria à foliorum similitudine quam cum Lino habet, nomen accepit. Distinguuntur flore & fructu. In Lino sive sylvestre sit, sive sativum, flos ex quinque foliis constat cœrulei coloris aut albidus, aut rubescens, aut luteus: Linariæ vero flores figura varii. Vulgaris, quam Osirim nuncupat Dioscorides, flores edit luteos à fronte latiusculos, clausosque, os ranæ imitantes: cauda angusta est, inflexa, ut Consolidæ regalis; foliis Lini, qualia etiam in Esula minori conspiciuntur. Herbarii primum nascentem Esulam à Linaria vulgari distinguunt, quod ex Esulæ caule aut foliis lac emanet; è Linaria minime. Hoc ait tritus verficulus:

Esula lactescit, sine lacte Linaria crescit.

Cæterum quasdam proposuerunt nostri Neoterici Linarias, quarum folia non sunt Lino similia, sed flores vulgari Linariæ tantum, ut Linaria odorata, & Linaria Valentina Clusii.

C A P. X X I V.

De Vrtica.

Menthæ similia sunt Vrticæ folia, hoc est lata, in acutum desinentia, undique serrata. Natura urendi se prodit, distinguiturque à Mentha, quod hæc non urat, & odorata sit. Plinius à foliorum forma Vrticam Herculanæam nominavit, quæ odorata est. Ego hanc inter Calamentha ponendam puto, si non tactu simul cum odore mordeat. Vrticæ valde similis Herba est, quam mortuam Vrticam nominant, quia tactui innoxia est. Ejus duo genera, unum Lamium vocant; quod hujus flores cucullo larvatam faciem quadantenus repræsentent: alterum foetidum, quod Vrticam

Q 2

foetidam

Galeopsis.

foetidam dicunt, & Galeopsum, quia galei, id est, mustelæ faciem & rictum quodammodo flores referant.

C A P. XXV.

De Verbasco.

Thapsus
barbatum.

Blattaria.

Phlomis.

Herba Para-
lysis.

EX folio & flore maxime inter cæteras Herbas cognoscitur Verbasco, quod Græci φλόμιν vocant. Vulgare Verbasco, hoc est, Thapsus barbatum (à cujus foliorum aut florum similitudine multa Herbarum genera Verbasci nomen adæpta sunt) folia habet lanuginosa, candida, aut virentia, aut subrubra lataque: florem fert patulum, unico folio constantem in quinque partes dissecto, qui levi motu decidit, album, aut luteum, aut etiam rubrum. Flores tales producit etiam Blattaria, quæ ideo sæpe fallit pro Verbasco, id est, Thapso barbato, accepta; quocirca & hæc inter Verbasca venit collocanda. Cætera vero genera quæ hoc flore carent, à foliorum similitudine, quam cum Verbasco vulgari gerunt, à recentioribus Herbariis Verbasci appellationem sortiuntur; ut quod Silvestre vocat Matthiolus, Salviæ folio, sed incano, densa lanugine obsito, veluti Verbasco, inter Cremia reponendum potius quam inter Frutices: Scaliger inter Herbas collocavit. Florem fert in verticillis crassum in caule per intervalla dispositis, ut Marrubium. Hic luteus est aut aureus, fistulæ modo concavus, cujus pars postrema in duo veluti labia dehiscit, ligulamque è rictu promit. Phlomis recensentur tres à Dioscoride, admodum mutila descriptione; Verbascula interpretantur. Scio φλομίδα non esse diminutivum ἔ φλόμιν, sed φλομίδιον. Credo à foliorum hirsutie Phlomis appellari. Florum formam non adscripsit Dioscorides; ideoque plura proponuntur Phlomidum genera à Neotericis, quam deberent. Sunt qui prima duo Phlomidum genera haud esse foliis hirsutis tradant, sed tantum tertium, quod Lychnitim cognominant, propterea quod hoc aptum solummodo esse scribat ad ellychnia. Idcirco primum Phlomidum genera censent eam Herbam, quæ Paralytica, & Arthetica vulgo dicitur, cujus multæ sunt species. Omnes fere in caulis nudi vertice flores in umbellæ modum ferme congestos luteos, aut albos, aut rubros in quinque folia dissectos, aut ex uno folio quinque incisuris prædito constantes, è caliculis denticulatis producant. Verum non vident Dioscoridem his folia tribuisse hirsuta, quæ in nostra Paralyti desiderantur. Sunt enim aut lævia, aut crispata Lactucæ modo; hinc Lactuca sylvestris in hac regione vocatur.

C A P. XXVI.

De Gramine, Frumento, Milio, Panico.

Gramen Par-
nassium.

INter Herbas quæ radicem fibratam habent bulbo carentem, longoque & angusto sunt folio, duo præcipua genera memorantur; Gramen scilicet, & Frumentum. Quæcunque autem calamus, caulemve duriorē lignosiorēve producant, Cremia rectius appellari possent quam Herbæ, quod cremari queant. Gramen unum, quod Parnassium vocant, quoniam in Parnasso monte

oriatur, sola forma & foliis imprimis, quæ Hederaea sunt, differt à cæteris omnibus Graminum speciebus, quorum multiplex est in spica aliisque partibus differentia. Aliquando centum Graminum species numeravi, nec pauciores alii, qui ante me scripsere; quanquam inter has quædam existant, quæ neutiquam inter Gramina constitui debent. Dicitur Gramen à germinando, quod cito multumque germinet; à Græcis πῶα, qua voce etiam quamcunque herbam intelligunt. Frumenti autem tria sunt genera; Triticum, Milium, Panicum. Triticum rursus quatuor complectitur genera; Triticum proprie dictum, quod πυρὸν & σῖτον Græci vocant, Hordeum, Secale, quod multi Siliginem volunt, Avena, quibus & quintum addere possumus, nempe Oryzam. Hæc σιτώδη & σιτηρὰ vocat Theophrastus, quod semina horum Tritici vulgaris semini similia quodammodo sint, hoc est, oblonga & per medium secundum longitudinem leviter divisa: Gaza Frumentacea, sed haud scio an rectius Triticea? Nam etsi Frumentum sæpe pro Tritico sumatur apud Latinos scriptores; communiter tamen per Frumentum intelligunt una cum Triticeis, alia quædam Frugum genera, ut Milium, Panicum, & si quæ sunt cætera ex quibus panes confici solent σιτηρὰ dicta Dioscoridi, lib. II, cap. CVIII. Columella, atque etiam Plinius inter Frumenta, Panicum Miliumque reposuerunt. E gluma facile excutitur Triticum, cujus granum lævi est cortice; Hordeum vero asperiore, utpote qui ipsa gluma tegatur, in cujus fastigio arista eminet. Idem cum Hordeo videri posset Oryza, ni rotundius illi esset semen ac ovi veluti figura, asperiorique & striata gluma præditi. Secale granum est oblongum prædictis nigrius atque strigosius, nec glumis tectum. Oblongum pari modo quin etiam Avenæ est; sed glumis opertum, & superiori parte exiguis pilis hirsutum. Semen rotundum, parvum, tenui tunica lutea vestitum promit Milium. Nec Panicum valde dissimile, nisi quod granum hirsutius est, splendentibusque luteis folliculis opertum. Qui vero quantum spica aliisque partibus hæc genera differant, scire cupiunt, scriptores adeant. Mihi nunc satis est summatim ac generatim generum eorundem differentias assignasse, ut sciant eis tantum præcipue à Graminum generibus distinguui.

C A P. XXVII.

De Tithymalo.

Tithymalus Lactaria auctore Plinio, & Lactuca caprina nominatur, quod capræ ea innoxie vescantur. Lactaria & Lactuca dicitur, quod lacteo succo turgeat, qui profluere aut emanare conspicitur detractis foliis, aut caulis parte. Hujus multa sunt genera, Characias, id est, Vallaris, sic dictus quia vallis septisque muniendis aptus sit, aut quod plerunque his in locis proveniat: Myrsinites, quia folia Myrti habet: Paralius, id est, Marinus; Helioscopius, Cyparissias, Dendroides, Platyphyllos, Esula quam Pythyusam vocant, Lathyrus, quæ Cataputia minor dicitur, Peplus, Apios. Ad hæc variæ Tithymalorum species reducuntur. Cunctis diversæ radices, item caules, folia, flores, fructusque.

πῶα.
Frumenti ge-
nera.Tritici gene-
ra.Tritici vulga-
ris semen:
Hordei:

Oryza:

Secalis:

Avena:

Milii:
Panici.

fructusque. In eo conveniunt, quod caules in summo spargantur in ramulos junceos ad minus ternos, quibus alia quam in caule folia adnascuntur, rotundiora scilicet, & ab utroque latere bina, quæ in nonnullis generibus à se invicem separata sunt; in plurimis sibi usque adeo adnata, ut labrum, aut pelvim aut calicem oblongum, vel oblongum acetabulum imitari videantur, per quod juncei rami transeunt (veluti in Perfoliata) qui flores continent summo fructui insidentes. Hanc ramorum seriem Dioscorides lib. IV, cap. CLXVIII, comam appellavit. Rizotomi hodie umbellam, quod umbellæ in modum hi ramuli dividantur.

C A P. XXVIII.

De Violis.

Multis Herbis ac Cremiis, iisque nihil inter se similibus, Violæ nomen inditum à veteribus; qui fortassis hoc nomine pulchros flores, prius cæteris vere apparentes significarunt. Nam ἰὼν (sic Græci Violam vocant) ὁπὸ τῆς ἰένας dictum volunt; quoniam prius cæteris floribus veris tempore proveniat. ἰὼν μέλαν & μελάνιον, Latinis Viola nigra & Martia, quod Martio mense floreat, vulgo cognita herba est, non modo frequens in Pharmacopœorum officinis, qui ejus flore quinque foliis constante, utuntur ad conficiendos syropos violaceos; sed etiam in olitorum hortis. Flori huic peculiaris color, quem Virgilius & Theophrastus admodum licenter nigrum, Dioscorides purpureum dixere; à cujus similitudine color Ianthinus, hoc est, Violaceus nomen accepit. Quod vero Græci Leucoium appellant, hoc est, Violam albam (à foliorum ut quidam putant canitie, non à florum colore, qui aut albus est, aut purpureus, aut luteus (& ut nonnullis placet, etiam cœruleus, qualis tamen nondum mihi conspectus) Cremium est; caule scilicet lignoso, recto, rotundo, ramofo; foliis oblongis, ut plurimum candidis & incanis Verbasci modo; floribus odoratis ex quatuor foliis constantibus, candidis, purpureis aut luteis; hinc siliquis oblongis, angustis, in quibus semen depressum continetur. Vulgus Violam vocat, quæ flore est luteo; Plinio & Gallis, Viola lutea; Arabibus & officinis, Keyri. Radicem habet lignosam, fibratam. Aliud ab his Leucoium Theophrasti, quod bulbosum cognominant, quia huic radix bulbosa sit, è qua bina aut terna folia oblonga & angusta prodeunt; deinde caulis, atque in ejus summitate flos unus aut alter, è vaginula suo pediculo propendens, albus, sex constans foliis, tribus externis & duobus internis, in cujus medio stamina cum luteis apicibus, Campanellas vulgus vocat. Apud Longobardos ultimis Februarii diebus florere incipit. Hæc Herba est, uti & illa quoque quam Violam matronalem, Damascenam, & marinam appellant: alii Hesperida, quod noctu aut circa vesperam flos magis oleat; Fuchsius Leucoium. Nam flos illi fere Leucoii, quod Cremium est, nec non & fructus: folia per ambitum subnigra, leviter crenata Drabæ modo. Huic affinis est ea quam Violam latifoliam, alio nomine Bulbonacam, & Lunariam raphanitim vocant: item quam Lunariam odoratam & regiam, & Græcam. Vtrique folia lata sunt; sed Bulbonacæ aspe-

riora Raphani modo & crenata; Græcæ vero molliora, & per ambitum ferrata. Vtrique flos quoque Leucoii quadrifolius, purpureus, aut subcœruleus: sed fructus latus, foliaceus, fereque rotundus. Adscribunt & Violæ nomen recentiores Medio Dioscoridis, quam Marianam Violam vocant aliqui; & Calathianæ seu Campanulæ, quam autumnalem Galli, nec non quibusdam Caryophyllis, quos Violas barbata Dalechampius.

C A P. XXIX.

De Caryophyllis.

Caryophyllorum appellatio à florum forma est; siquidem flos apertus una cum calyce, caryophylli fructum, qui ex India defertur, plane refert. Calices ejus sunt longi, teretes, glabri, fere semper orbiculo superiore denticulati, ex quibus flores pulcherrimi Caryophyllorum fructuum sæpe odore, quinque aut sex foliolis constantes ubi simplices sunt, colore perquam variis, per extremas oras fimbriatis. Ab hujus floris quadam similitudine Flos Africanus Caryophylli nomen accepit. Luteus hic est, & jucundo odore caputque gravante, foliis communi Caryophyllo dissimilibus, ad Tanaceti folia accedentibus potius; unde Tanacetum Africanum appellavi.

Flos Africanus.

C A P. XXX.

De Lilio.

Lilium, quod Græci κέλευρον & λείρεον, flos vulgaris est; ideo neque hunc, uti neque herbam descripsit Dioscorides. Ejus nomine multa herbarum genera designantur, quibus flores pulchri atque odore suaves; ut Lilium convallium, Narcissus, & ejusmodi. Proprie tamen Lilium est Herbariis, cui radix bulbosa, caulis rectus & foliatus, in cujus summo flores varii nunc hujus nunc illius coloris, ex sex foliis constantes, quorum labia magna ex parte reflexa sunt; stamina iis sex plerumque in medio, atque in umbilico stilus. Liliorum genera (præter rubrum & album, quæ vulgaria,) sunt Hemerocalles, Martagon, Lilium Persicum, Corona Imperialis & Tulepanum. Quorum omnium differentias apud Herbarios studiosi perquirant. Lillii quoque florem fert ea Herba, quam Lobelius, & alii non contemnendo vocabulo novo Liliasthodelum dixerunt. Radice enim Asphodeli est & foliis; caule sine foliis, aut si sint, exiguis sane, qua in re differt à Lilio.

Liliasthodelum.

C A P. XXXI.

De Narcisso.

Narcisso nomen est à vi stupefaciendi, quam Græci νάρκωσις vocant, ut testatur Plutarchus lib. I, Sympot. his verbis: Narcissum nominarunt, quia nervos hebetet, & torpidas gravitates efficiat. Idcirco Sophocles ipsum vetus magnorum Deorum, hoc est subterraneorum coronamentum appellavit. Theophrastus, nec non Dioscorides autores sunt Narcissum etiam Lilium dici. Plinius quoque dum lib. XXI, cap. I de Narcisso & Liliis simul agit, sub Liliis comprehendisse visus est. Narcissorum unum genus purpureum

Narcissum Lilium dici.

pureum statuit; alterum flore candido, & calice purpureo. Virgilius Ecloga v purpureum Narcissum (ut puto) nominat, non quod undique sit purpureus: sed quia medium floris (quod calicem video Plinium appellasse) purpureum cernatur. Idem Plinius paulo post unum genus purpureo flore recenset, alterum herbaceo; quod tamen si de colore floris intelligat, falsum est. Non enim flori color herbaceus, sed albus; in medio vero aut croceus, aut purpureus, aut albus totus. Herbaceum caulem adscripsit Narcisso Theophrastus lib. Hist. vi, cap. vi, his verbis: τὸ δὲ καυλὸν ἄφυλλον μὲν, πῶδ' ἔχει ἄκρ' τὸ ἄνθος: id est, *caulem quidem sine foliis habet, sed herbaceum, florem in cacumine*. Videtur autem Plinius legisse πῶδες ᾗ, & sic ad florem non ad caulem herbaceum retulisse. Narcissum ait Dioscorides folia Porro similia habere, sed tenuia, multoque minora & angustiora: caulem vacuum, sine foliis, palmo majorem, in quo flos albus, intus croceus, in quibusdam purpureus: radicem intus albam, rotundam, bulbosam: semen veluti in tunica nigrum, oblongum. Recentiores multos nobis Narcissos depinxere, veros scilicet, & falsos. Veros voco, qui descriptionem Dioscoridis in flore admittunt: falsos vero, qui ab ea dissident. Verorum foliati sunt flores omnes sex foliis constantes, aut pluribus; albis omnibus, excepto quodam genere quod nuper ex Oriente ad nos delatum est; in medio autem floris calix seu acetabulum, quod aut luteum aut croceum; aut luteum in fundo, croceum aut purpureum in oris; aut totum aureum, albumve. Id Ovidius eleganter, dum mutationem Narcissi adolescentis in hunc florem describit, expressit his versibus:

*Nusquam corpus erat, croceum pro corpore florem
Inveniunt, foliis medium cingentibus albis.*

Quibusdam in medio protuberantia flava, quæ rotunda est, & vel integra (calicem plenum vocat Clusius lib. xi Hist. cap. xiii, in Narcisso pleno flore) vel in plures partes divisa à foliis in medio ex ea pullulantibus, ut in Narcisso Polyantho conspicitur. Insunt & quibusdam, qui calicem in medio habent, staminula in medio calicis: quibusdam folia, & alia quædam, quæ diligens communis Narcissi inspector observare poterit, & quantum aliis quoque in partibus differant, unde peculiaris sibi cognomina sumunt. Cæterum falsorum Narcissorum plurimæ sunt species, quæ inter se variis partibus differunt. Dodonæus Narcissum montanum appellat, cui radix & folia, caulisque Narcissi; atque etiam floris folia vulgaris Narcissi quæ calicem ambiunt, ni flava essent; calix vero tam grandis, ut ex eo floris dimidium constitutum esse videatur, atque in nonnullis ejus speciebus flos universus ex hoc calice constare. Sunt qui levi conjectura Narcissum Montanum Theophrasti putent: Clusius recte Pseudonarcissum: quamquam dubio non caret an non Pseudonarcissus ejus vulgaris verus quoque Narcissus dici debeat. Ajunt enim hujus generis unum esse, quod floris sex illa folia alba obtineat, calicem vero luteum. Nos proprium his Pseudonarcissis nomen dedimus Campanæ peregrinæ; vulgus in Italia Trombam Sorianam, hoc est, Tubam Syriacam, dicit à calicis figura. Quod autem nonnulli docti viri Leucoium bulbosum Theophrasti

appellavere, ad Narcissos quidam retulerunt, cum etiam & hanc nollent sui generis Plantam constituere. Narcissus certe non est; quoniam in medio floris nullum acetabulum aut caliculus; sed stamina seu ligulæ ut plurimum croceæ, una cum stilo in medio, quæ sex alba folia ambiunt. Miror inter Narcissos relatum cum florem, quem vulgus peregrino vocabulo Tulipanum & Dulipanum vocat, cum præter bulbum nil cum Narcisso commune habeat. Inter Lili genera supra rectius videor collocasse.

*Tulipanum
Lili genus.*

C A P. XXXII.

De Iride.

Iridis flos sex folia habet: tria deorsum reflexa arcus modo, tria vero sursum contra se mutuo reflexa, quæ magnitudine, colore, odoreque variant. In vulgari ut plurimum color cœruleus seu arcus cœlestis, unde Iridis nomen accepit. Ab hujus similitudine variæ Plantæ Iridis nomen mutuata sunt, quas in latifolias & angustifolias dividit Clusius lib. xi Hist. cap. xiv. Omnibus autem à radice sunt folia gladii similitudine. Flos Iridis Tripolitanae folia magna versus caulem inflexa habet, & alia tria minora alata, ligulam flavam tegentia, bifida, ut novem foliis flos constare videatur. Chamæiridis flores odorati sunt, ex cœruleo, aliquando ex purpureo violacei, ex novem foliis conflati. Lobelius Iridem raram nominat flore tribus tantum foliis repandis constante peregrina elegantia striatis, obscure violaceis. Xyris, quam Dioscorides Irin sylvestrem vocavit, vulgus Spatulam foetidam, facile à reliquis Iridis speciebus dignoscitur ex flore & foliis, quæ à radice nascuntur. Floris enim surrecta folia, atque in ejus umbilico puniceum quid: folia vero herbæ recoctam olent, unde & Recoctaria in quibusdam Italiæ locis dicta est.

Iris Tripolitana.

Chamæiris.

Xyris.

Recoctaria.

C A P. XXXIII.

De Ranunculo.

Cognoscuntur & ex flore Ranunculi genera. Hujus color aut niveus est, aut aureus teste Dioscoride, qui, uti neque ex aliis Plinius, quidquam de forma floris præterea annotavit. Nostri Herbarii diligentiores in imponendis nominibus, omnes Herbas, quibus communium Ranunculum floribus similes in caule micant flores, Ranunculos nominarunt. Constant quinque foliis aureis ut plurimum, interdum lacteis, expansis (quæ cultura & mangonio, tum etiam sponte multiplicari affirmant) in medio multis luteis aut albis staminulis, brevibus, iisque sæpe cum apicibus. Reliqua vero genera, quæ proponunt alii, nequaquam Ranunculum sunt, sed aut Anemones, aut alterius. Ranunculum Græci βατεράριον appellant, quod vulgares illæ species prope fossas, & in locis humidis nascantur, ubi ranæ degere solent, ac se sub hac herba occultare. Plinius ait lib. xxv, cap. xiii, Strumeam à suis Herbariis vocari, quoniam strumis & panis medeatur; vel etiam, quod strumosa radice interdum conspiciatur. Ego in monte quodam Bononiensi Ranunculum

Strumena.

*Plinii locus
animadvertendus.*

*Narcissi veri
qui auctori.*

Pseudonarcissi.

*Narcissus
montanus
Theophr.*

Campana peregrina.

Ranunculus
radice Scro-
phularia.

culum passim nascentem vidiradice Scrophula-
riæ, & folio floreque communis Ranunculi.

C A P. XXXIV.

De Anemone.

QVoniam autem Ranunculo tam valde affinis
est Anemone, ut multi hanc cum eo confun-
dant, non erit inutile discrimina utriusque osten-
dere. Flos Anemones nisi radiis solaribus illustre-
tur, aut vento perflatur, non aperitur; unde ipsi
nomen. Nam ventus Græcis ἀνέμος. Est præterea
& in floris colore differentia, & foliorum numero.
Quoad colorem, Anemonæ color aut est puni-
ceus, aut purpureus, raro albus aut lacteus: Ra-
nunculo autem luteus fere semper, aliquando al-
bus. Nam licet Ranunculum primum flore pur-
pureo interdum esse scripserit Dioscorides: is ta-
men hæcenus à nullis rizotomis conspectus est.
Plantam quidem Syriacam nobis depictam osten-
dit Leonardus Rauwolfius, quam ad Anemonem
retulit. Flos ei ex quinque foliis, modo luteis,
modo purpureis, alias rubris. Sakaick appellant
Arabes. Forte hoc primum Ranunculi genus Dio-
scoridis; quod foliis coriandri constat, sed latioribus,
subalbidis, pinguibus, flore luteo, interdum
purpureo. Verum quia non addit descriptionem
hic Auctor, difficulter quid certi conjectura as-
sequi possum: icon satis descriptioni Dioscoridis
respondet. Lacteo autem flore quartum genus
Ranunculi donat Dioscorides. Quod ad foliorum
numerum, ut dixi, Ranunculis omnibus in flore
quinque folia, exceptis iis qui multiplici foliorum
serie constant: Anemones autem flos raro quin-
que habet folia; & si quinque, ea semper vel pu-
nicea, vel purpurea, nunquam alba: qui vero sex,
septem, octo aut plura, omnibus coloribus etiam
albo variat. Nam quem Ranunculum nemorensem
appellarunt nonnulli flore albo, Anemones
est species, cum ejus flos nunquam à me quinque;
sed sæpius sex, interdum pluribus foliis conspec-
tus sit. Sunt, inquit Dioscorides lib. 11, cap. cxv,
qui ab Anemone sylvestri Argemonem, & Papaver quod
Rhæjam dicunt, propter colorum cognationem in floribus,
distinguere non possunt. Verum Papaveris & Argemo-
nes color minus puniceus spectatur, & utrumque tardius
flore. Quin & Argemone croceum succum, gustu ad-
modum acrem reddit: Rhæjas vero candidiorem, &
acrem. Præterea Argemonæ & Rhæjadi capitula sylve-
stris Papaveris similia sunt: sed Argemonæ superne cras-
siusculum; Rhæjadi angustius. Anemones genera ne-
que succum emittunt, neque capite donata sunt, sed veluti
Asparagi cacumine. Hæc ille. Plinius lib. 21, cap.
21, Anemonem Phænion dici tradit, forte à
splendore. Sed apud eum potius legerem Phœ-
nicium: quoniam inter notha Dioscoridis legitur
Anemonem Phœniceum dici, scilicet à colore,
Qualem quæ lento celant sub cortice grana
Punica ferre solent.

Vt canit Ovidius lib. 2 Metamorphoseôn.

C A P. XXXV.

De Hyacintho.

Dioscorides Hyacinthum suum sic describit.
Radicem & folia habet Bulbi, caulem dodrantalem,

levem, minimo digito tenuiorem, viridem; comam in-
cumbentem florum colore ad purpuram accedente (sic
περὶ οὐραίων interpretor) plenam, incurvam. Quæ
perfecto descriptio non videtur convenire cum
Hyacinthis, qui nobis ab Herbariis junioribus pro
Hyacinthis Dioscoridis obtruduntur: siquidem
color omnibus inest cœruleus: nisi forte ideam sint
περὶ οὐραίων & cœruleum, quemadmodum multis
visum fuit, neutiquam, ut credo, Dioscoridi.
Hic enim in primo statim libro cap. 1, de Iridis
agens coloribus, purpureum à cœruleo distinxit.
Verum cum variare coloribus hosce juniorum
Hyacinthos videamus, nonnullique tradant pur-
pureos quoque reperiri; laudanda potius erit eo-
rum sententia, qui nobis pro vero Dioscoridis
monstrant eam Hyacinthi speciem, quæ purpu-
rascentes etiam flores habet præter cœruleos:
oppugnanda vero eorum, qui quasvis Plantas qui-
bus bulbosa radix est, folia oblonga, caulis nudus
floribus cœruleis plurimis onustus, figura comæ,
pro Hyacintho Dioscoridis commonstrant. Cum
autem bulbosis Plantis omnibus folia oblonga sint,
& radice statim producta, caulis ut plurimum nu-
dus; sequitur Iuniorum Hyacinthum flore tantum
à cæteris bulbaceis differre. Ideoque nomen Hy-
acinthi quidam etiam indidere peregrinæ plantæ,
cui pro bulbo tuber & caulis foliatus, Hyacin-
thum Indicum appellant. In flore autem respi-
ciunt multitudinem florum cauli supremo instar
comæ adhærentem, & colorem in iis cœruleum,
etsi florum forma variet. Quibusdam enim unico
folio constantes concavosque adscribunt, oblon-
gos, rotundos, in latus se expandentes, per oras
incisos in sex lacinias, quæ reflectuntur extre-
mis oris: quibusdam vero ex quinque aut sex fo-
liolis congestos, quos stellatos vocant ubi sese
explicant. Omnes hi diversi partibus, figura, co-
lore. Lobelius quandam speciem Hyacinthum
comosum album vocavit, cum tamen ejus flos
nunquam cœruleus aut purpureus visus sit. Nam
quem comosum cœruleum ostendit, alia est Hy-
acinthi species, cujus flos in aliis multis, quam co-
lore à prædicta variat. Sed illi forte id nominis
dedit à florum in caule congerie, quæ comam
Hyacinthi quodammodo imitari videtur. Quare
cum recentiores tot nobis depinxerint Hyacin-
thos, Dioscorides tantum unum descripserit,
Theophrastus nullam de eo mentionem fecerit,
nisi quod inter vernos flores connumerarit, in Sa-
tivumque & Sylvestrem distinxerit, opus fuit no-
stram sententiam de Hyacintho haud vobis sup-
primere.

C A P. XXXVI.

De Scabiosa.

Scabiosæ proprium est in capitulo florem ha-
bere expansum, ex multis floribus parvis con-
stantem, qui singuli caliculis membranaceis con-
tinentur. Caliculi hi deciditibus floribus optime
conspiciuntur, auctique femine sustinentur hirsu-
to; quod postquam aucti sunt una cum caliculis
decidit. Capitulum in vulgari Scabiosa, nonnul-
lisque aliis, ex floribus quinque foliolis constitutis
congestum est. Degenerat à Scabiosis paululum
ea Planta quam Clusius Scabiosam Pannonicam
majorem

Hyacinthum
Indicum.

Hyacinthum
stellatum.

Scabiosa Pan-
nonica Clusii.

Ranunculi
primum genus
Diosc.

Ranunculus
nemorensis
albus.

Argemone.
Papaver
Rhæjas.

Dioscorides
peritellus.

majorem sive septimam nominat. Huic non flores (ut scribit) extremis ramulis insident in caput compacti; quibus deciduis capitula illa subrotunda fiunt, ac veluti squamosa, continentque longiuscula semina, angulosa, colorem fuscum maturitate acquirentia. In Scabiosæ quoque, quam æstivalem vocat, summis ramis nascuntur squamosa capitula, subcæruleis flosculis plena, ut & aliis quibusdam generibus, de quibus dubitari potest an Scabiosæ censeri debeant.

C A P. XXXVII.

De Iacea.

Videor recentiores Herbarios Iaceas cum Scabiosis confudisse: ideo explicandum est quid intersit. Ex Iacæ vulgaris flore, atque capite antequam florem edat, cognoscetis omnia Iacearum genera. Iacæ vulgaris flos in unico capite unicus est multorum foliorum è puniceo purpurascens, non multi conglobati, ut in Scabiosa. Caput præterea Iacæ ex multis squamulis compactum, exterius maxime, antequam florem edat; quod neutiquam in Scabiosa contingit. Quare cuncta ea Herbarum genera, quibus capitulum exiguis laminulis est compactum Iacæ nigræ modo, & unicus flos in vertice capituli, Iacæ sunt. Excipio ea genera quæ aliqua in parte spinosa sunt, aut in ipso capitulo, veluti Carduus stellatus, quem Calcitrapam vocant. Centaurium majus, Cyanus, Serratula, & quam Stoebe Salamanticam Clusius vocavit Iacæ sunt: tum etiam quam Dalechampsius Scabiosam montanam nominavit. Hujus Authoris Iacea montana, Iacea non est; sed alterius aut sui generis Planta. Cyani flores quinque foliis, aut pluribus, per ambitum divisim laciniatisque constant. In nomine est Cyani color, inquit Plinius lib. XXI, cap. VIII, ut qui honorem nomenque dederit cœruleo: & sane colore à cæteris Iaceis distare videtur magis, quam alia florum differentia. Inter Iaceas Serratula ex foliis innotescit. Nam huic serrata sunt folia, ut & Centaurio. Quare aut eam Centaurium minus: aut majus Centaurium Serratulam majorem jure appellare poterimus. Stoebe autem, quam Salamanticam Clusius nuncupavit, flores è caliculis, aut capitibus squammosis edit villosos, atque purpureos. Quid sit Stoebe veterum, adhuc me latet: Theophrastus fruticem facit. Omnibus Iaceis semen oblongum, molli lanugine obsitum.

C A P. XXXVIII.

De Hyperico.

Hyperici quatuor sunt genera, vulgare quod Perforata dicitur, quia folia multis foraminulis pertusa habet, quæ in sole obversis foliis facile conspiciuntur; Ascyron, Androsæmon, & Coris. Omnibus flos ex plurimis foliis constans, colore aureo, qui ubi digitis conteritur, succum sanguineum reddit, aut rubicundum. Fructus hirsutus, in acutum desineus, fulvi coloris, præterquam in Androsæmo, quod Sicilianam nunc vocant. Nam huic capitula rotunda, crassiora, quam Hyperici, lævia & rubentia, quæ siccata nigrescunt. Omnibus insunt fructibus semina mi-

nuta, nigra, quæ trita odorem reddunt resinaceum.

C A P. XXXIX.

De Malva.

Malvarum tria genera: Malva communiter ^{Malva} proprieque dicta, quæ Græcis *μαλάχη*; Althæa, quæ & Ibisus vocatur, & quam ex sylvestri ^{Althæa} Malvarum genere statuunt Dioscorides & Theophrastus; & Alcea, quam Itali Malvam sylvestrem, ^{Alcea} Hispani Malvam Hungaricam dixerunt. Malvæ vulgari flos ut plurimum purpureus, aut puniceus, aut pallidus, aut albus, ex quinque constans foliis Rosæ sylvestris modo; fructus cui semina includuntur orbicularis, depressusque casei in formam, hinc caseolos ejus fructus appellant Belgæ. Tales flores fructusque Alcea atque Althæa habent, unde ipsis Malvæ etiam nomen: cæterum foliis fere inter se differunt. In Althæa molliora sunt, quam in Malva & Alcea, nec laciniata, in Alcea admodum fissæ atque alte incisa Verbenacæ similia: Malvæ quædam divisa, quædam non: sed cuncta fere rotunda.

C A P. XL.

De Papavere.

Papaver magis ex fructu, quam ex flore cognoscitur. A fructus discrimine duo genera: unum rotundo, quem caput vocant; alterum longo & angusto, quem cornu, seu corniculum; quia instar cornu nonnihil incurvatur. Inde huic generi nomen Papaveris cornuti, seu corniculati. Proprium horum fructibus omnibus asteriscum, seu stellam in vertice, aut apice habere, quæ in Corniculati Papaveris fructu obscurior est, quam in Capitato. In omnibus semen parvum minutumque. Capitati autem flos antequam dehiscat rotundo capite continetur: foliatus est quatuor, aut pluribus foliis, modo albis, modo dilute rubentibus, aliquando purpureis, aut valde rubris. Papaveris capitati unum genus depingunt nobis Pena & Lobelius, unico folio constantem florem gerens, ut Malva quædam hortensis. Corniculati Papaveris flos quatuor constat foliis, luteis aut rubris. Ficus Infernalis, quæ nonnullis Papaver spinosum dicitur, à spinis quibus caulis, folia, & fructus horrent, ad neutrum prædictorum generum exacte referri potest. Est enim ipsi fructus oblongus, pentagonus, non tamen angustus & inflexus, ut cornu speciem præ se ferat, nec ita rotundus ut caput æmuletur. sed quia in vertice illi asteriscus more aliorum Papaverum, recte Papaveris spinosi nomen ei inditum. Flos senis rubris constat foliis.

C A P. XLI.

De Geranio.

Geranium Græci, & hos secuti Latini, dicunt omnem illam Herbam, cujus fructus capitulus gruum una cum rostellis similes sunt. Vnde ei appellatio. *Γέρανιον* namque Græci vocant gruem, avem nempe longo rostro. Dioscorides duorum tantum generum meminit. Recentiores Herbarii plurima

Carduus stellatus.
Calcitrapa.
Centaurium majus.
Cyanus.
Serratula.
Stoebe Salamantica, &c.

Androsæmon.

Ficus Infernalis.
Papaver spinosum.

plurima describere, quæ variis partibus differunt inter se, sed folio præcipue.

C A P. XLII.

De Lithospermo.

Lithospermum à lapidei seminis duritie nomen habet; dicitur à Latinis hodie Milium solis. Semina omnium generum candore rotunditateque Margaritas referunt, suntque durissima.

C A P. XLIII.

De Thlaspi.

Thlaspios quoque genera fructus forma monstrat. Hic planus est, compressusque ac foliaceus, latus, per medium quodammodo divisus, & quasi diffractus; indeque Thlaspi dicitur. *Θλάσσει* enim contundere, & infringere significat. Variat hic fructus in diversis speciebus. Quibusdam namque unicus est, sed linea quadam & interstitio divisus, ut utroque latere semen contineat: & hic, vel suprema parte, qua petiolo adhæret, atque opposita ejusdem extrema rotundus fere, ut in multis contingit: vel extrema parte depressus triangulum effingens, aut cordis figuram, ut in Bursa Pastoria. Nonnullis bini fructus instar clypei rotundissimi, in quibus singulis unicum semen, tam arcte ab utroque latere petiolo adhærentes, ut unus quasi videantur. Ideo Herbarii Thlaspi fecerunt cognomento Clypeatum.

C A P. XLIV.

De Antirrhino.

Antirrhinum sive Cynocephalis Apuleji simile naribus vituli semen, teste Dioscoride lib. iv, cap. cxxxiv, profert. Verum quoniam aliquot Herbarum semina obtinent, quæ prout sunt caliculis aut fructui inciusa, faciem vituli quodammodo exprimunt; idcirco recentiores rei Herbariæ scriptores aliquot Antirrhini species notarunt, fereque omnes folio Lini, quale eis Plinius videtur attribuisse.

C A P. XLV.

De Cucumere.

Cucumerum quatuor genera, Cucurbita, Pepo, Cucumis simpliciter dictus, & Anguria ignota antiquis, quam Romæ Mauritana voce Batecam vocant. Quæ forma omnes hi fructus differant difficile est judicare, etiamsi quotidie iis vescamur. Imponit nobis naturæ eorum tanta varietas, qua luxuriant. Idcirco & Græcos nobis sapientiores nomina omnium, propter summam formæ cognitionem confusionemque, confudisse video. Euthydemus, ut est apud Athenæum, lib. i Deipnosoph. Cucurbitam Indicam Cucumerem appellavit. Menodorus duplicem proposuit Cucurbitam; unam Indicam, quæ *σκύα*, id est, *Cucumis* dicitur; alteram quæ *καλοκωύση*, id est, *Cucurbita*. In Helleſponto longas vocarunt *σκύας*, id est, *Cucumeres*; rotundas, *Cucurbitas*. Cucumerem tortum dixit Virgilius lib. iv Georgicorum, & aibi in ventrem excrescere, quod competit Cucur-

bitis Herbariorum recentium. Instrumentum illud, quo Chirurghi corpori affixo, cum scarificatu sanguinem exsugunt, cucurbitulam Latini voce diminutiva appellant; Græci tamen *σκύα*, qua Cucumerem indicare solent. Pepones quoque è genere Cucumerum esse ex Plinii verbis lib. xix discere licet, qui ait Cucumeres cum magnitudine excessere, Pepones vocari. A Græcis id, a quibus pleraque accepisse videtur. Hi enim non simpliciter Peponem, sed *σκυπέπωνα*, id est, *Cucumeripeponem*. Fructus omnium cartilagineo operitur tegmine, colore, asperitate, lavore, tuberculis, aliisque accidentibus multum differens. Post tegumentum sequitur caro aut mollior, aut durior, colore flavo scilicet, albo, pallido, aut rubro, sapore vario: mox semina cartilagine obvoluta, quæ in pluribus in fungosa quadam mollique substantia, aut facile à prædicta carne separabili continentur; in quibusdam etiam tam arcte carni innata sunt, ut non nisi cultello evelli possint, ut in Anguria. Omnium herba aut scandit, ubi vicina adminicula nacta fuerit, aut serpit humi, capreolis suis obvia quæque amplexans, & numerosis propaginibus. Folia omnium rotunda, sæpe aspera, interdum sinuata, Flos in postremo fructus.

C A P. XLVI.

De Legumine.

Legumen & Legumentum dicitur à legendo, teste Varrone: quoniam id non secatur, sed legitur vellendo. Græci *εσπερον* vocant; Theophrastus *χέρδον*. Leguminum non pauca sunt genera, Pisum nempe, Faba, Cicer, Lupinus, Orobus, Lathyrus, Phaseolus, Lens, Vicia, & Orbanche: quorum omnium discrimina non sufficit hic in fructu annotare, ut inde cujusque generis differentia statim innotescat: sed & in foliis, ramis, cauleque, & aliis partibus hæc quoque observanda veniunt. Fructus omnium, siliqua: longa & teres, ut Piso, Fabæque; compressa, ut Lupino, Lathyro, Phaseolo; angusta, ut Viciæ; lata, ut Lenti; rotunda fere, ut Ciceri. Animadvertere tamen oportet esse nonnullas Leguminum species, quarum siliquæ à communioribus eorum generibus variant. Flos omnium Papilionaceus.

C A P. XLVII.

Arborum divisio. De Quercu seu Glandiferis:
Quid Nux, Malum, Acinus, Bacca.

Faciunt in Arboribus fructuum differentia summa quædam genera, ut Glandifera, Nucifera, Conifera, Pomifera, Baccifera. De quarum Arborum notis breviter jam differemus, sumpto principio à Glandiferis. Has Plinius una voce negat posse comprehendi in Latino sermone. Recentiores Quercus omnes vocant, Græcos imitati, qui *δρύας*: quanquam prisca illi Græci hoc nomine cunctas alias Arbores fructiferas intelligebant, ut etiam quoscunque fructus edules in ramorum fastigiis hærentes. Dicuntur etiam *βαλανοειδής*, quia Glandem ferunt, quam Græci *βαλανον* indignant. Eorum genera sunt, Quercus simpliciter dicta, Robur, Cerrus, Suber, Ilex: ad quæ neque Fagus, neque Castanea proprie spectant. Non enim

R

corum

Quercus.

Quercus.

Robur.
Cerrus.
Suber.
Ilex.
Fagus.
Castanea.

Bursa Pastoria.

Thlaspi Clypeatum.

eorum fructus glans appellari proprie potest, quod crustaceo undique vasculo tegatur aut hispido, ut Fagi; aut echinato, ut Castaneæ, quod tria aut quatuor semina continet. glans autem cortice constat crustoso unicum tantum semen continente: cujus pars posterior quæ Arborei adhæret proxime, calice cooperitur, parte superiore nuda. Multæ hujus fructus differentie in magnitudine, figura, colore, sapore medullæ, calicis asperitate, lævitate, crassitie, densitate, amplitudine, aliisque accidentibus, quæ non satis est ad proposita genera distinguenda agnovisse; nisi aliarum partium, sed præcipue foliorum, nota sint discrimina. Alia folium monstrant sinuatum, ut Robur, Quercus, sed maxime omnium Cerrus; alia non sinuatum, præsertim si adultæ sint Arbores (nam juvenulæ illæ interdum sinuata producant folia, ut Suber & Ilex) Ilicis unum genus spinosum, alterum sine spinis. Illud Aquifolium vocant, in cujus peculiari specie granum tinctorium nascitur: hoc simpliciter Ilicem. Negat Plinius glandes inter Poma numerari posse, quorum genera sunt Nux, Malum, Bacca, Acini. Nonnulli veterum Geoponicorum Pomum cum Malo haud idem esse existimarunt; sed Pomi nomen Nuces atque Mala concludere. Nucem namque dicunt omne Pomum, quod foris duro tegitur cortice, intus vero continet, quod est esui; id nucleus vocatur quasi Nuci inclusum. Malum vero id esse putant Pomi genus, quod foris habet esui aptum, intus vero durum: ab his Acinos, & Baccas parvitate differre; Baccas appellari qui sparsim Arboribus Fruticibusque atque etiam Herbis adnascuntur rotundiores fructus: Acinos vero racematim dependentes baccas. Sed quia hæc præcepta non sunt perpetua; (Malum namque Punicum exterius non est edendo, verum interiores ejus acini) multaque in nostris agris quotidie inveniuntur, quæ nequiquam ab antiquis cognita & observata fuere; multa quoque ex peregrinis advecta terris has leges destruant: idcirco exactiori opus est horum fructuum divisione, quæ etiam novos complectatur. Non enim tam pertinaciter veterum nominibus addicti esse debemus, ut studiosos ab utiliori rerum materia distrahamus, ad inutiles de nominibus contentiones.

Ego facilioris doctrinæ gratia, Pomi vocabulo omnes fructus rotundiores comprehendo tum majores, tum minores. Horum alii durum quid atque osseum habent, alii eo carent. Qui autem habent, aut id habent exterius tanquam pro cortice, & tegumento, quo semina, & nuclei conteguntur & esui apti, & non apti, ut Nuces Pineæ, quas Poma Cybeles Martialis XIII Epigramm. appellavit; aut habent interius, & id vel carne molli atque eduli exterius vestitum, ut Pruna; vel dura circumdatum, & esui inepta, ut Nuces Iuglandes. Quicumque osseum id unicum continent, aut osseo aut lignoso cortice teguntur, Nuces à nobis appellantur. Quatenus enim ipsis os in medio est nucleum amplectens, Nuces sunt. Qui vero osse prorsus carent, Mala & Poma dicimus generis scilicet privo nomine. Horum quædam tegumento sunt haud esui apto; ut Malum Punicum: quædam tota mandi possunt, ut Mala simpliciter dicta, Pira, Ficus. Baccas inter Poma Plinius numeravit, quæ ab acinis distant sicuti diximus. Inter has

multæ quæ exterius Nuces sunt, ut Avellana; aliæ interius, ut Oliva, Cerasa; aliæ nullo modo. Nam osseum loco semina dura seu γυαργ. continent, ut Juniperi, cum cæteræ partes sint mollis caro, & ut plurimum edendo. Acinos grana etiam vocant, ut in Malo punico; propterea Granatum dicunt.

C A P. XLVIII.

De Nuciferis, & Coniferis.

Necum autem proprie dictarum cortex, alius. *Nuci.* ex compactili lignosarum squamarum struce componitur: hæ Nuces Coni vocantur, & Coni. *Coni.* naria à recentioribus Græcis: alius bivalvis, & in basi calice donatus; ut Avellanæ, quæ glans esset ni duro & osseo cortice concluderetur. Cæterum Conum vocare priores fructus veteres voluere, quod coni figuram æmulentur, hoc est, à lata & circulari basi in mucronem desinant. Talem fructum ferentes Arbores Coniferæ appellantur, ut *Conifera Arbores.* Pinus, Picea, Abies, Larix. Mirum & Cedrum inter eas recenseri, cum nequaquam præscriptam figuræ legem observet. Nam Cedri fructui figura ovalis est. Sed quia & hi fructus squamis duris exterius compingi cernebantur more cæterorum Conorum, merito inter Conos relati sunt. Omnibus his longa, & angustissima sunt folia; quorum quædam in extremitate pungentia sunt, ut Pini; quædam obtusa, ut aliarum: quædam teretia, ut Cypressi; quædam plana, ut Abietis. Quæ vero Nuces intra tegumentum continent, aliis tenue id tegumentum est, & sine carne; ut Pistachiis: aliis carnosum, quod aut durum est, ut Iuglandi & Amygdalæ; aut molle suaveque gustui, ut quæ Mali nomine apud scriptores veniunt: quorum quæ rimam, & fissuram per medium secundum longitudinem habent exterius, Pruna vocantur. Prunorum tria genera: Mala Persica & Armeniaca, & Pruna simpliciter dicta. Scholiastes Nicandri in Alexipharmacis, os in Nuce Persica κόρυς appellari scribit.

C A P. XLIX.

De Pomiferis, & Bacciferis.

Pomorum scilicet osse carentium sunt hæc fere genera; Ficus, Mala, Pira, Citria, Cydonia, Punica; quæ omnia quantum inter se differant, quia unicuique satis sunt cognita, diligentius examen hic haud requirunt. Baccarum autem differentie fere sunt eadem quæ Pomorum; præterquam quod parvæ Nuces, quæ exterius osseo tegumento constant, nequaquam dicuntur Baccæ, sed Nuces semper: quæ vero os intus continent Baccæ appellari possunt, ut Cerasa. Multa sunt Bacciferarum Arborum Fruticumque genera, ut Juniperus, Sabina, Zizyphus, Myrtus, Oliva, Laurus, Cerasus, & alia. Singulorum horum generum propriores notæ ex aliis quoque, quam ex fructu, partibus sunt petendæ. Illud non oscitanter suppressendum, domesticas mitesque Arbores ex fructu; agrestes ex fructu & ex aliis partibus cognosci.

C A P. L.

De Acanaceis, & Carduis.

Acanus.

Theophrastus
emendatus.Carduus ful-
lonius non est
Carduus.

DE spinosis aculeatisve Herbis Cremitisque sequitur ut agamus. Ajunt Iuniores Acanacea vocare Theophrastum, quorum conceptus, & id cui flos infidet, aut etiam fructus, spina vel spinaceum quippiam est; sive corundem folia, & caulis spinosa sunt, sive spinis careant. Id an verum sit videamus. Theophrastus lib. vi Histor. Acanum inter *Φυλλάκων* commemorat, id est, ea quæ folio sunt aculeato, aut spinoso. Ergo Acanacea folium necessario aculeatum habere debent. Cinaræ, & Acanthus vulgaris (quem Brancam ursinam vocant, quia hujus folia anteriores urforum pedes referunt) & alia quædam quæ non habent folia spinosa, nequaquam inter Acanacea referenda, sed Acanthode, id est, spinosa. Ideo sic apud Theophrastum legendum moneo, ut etiam legisse videtur doctissimus interpret Theodorus Gaza: *τὸ Φυλλάκων τὸ πλεῖστον ἔστιν ὡς εἰπὼν ἀκανῶδες* (non *ἀκανθῶδες* ut in vulgatis legitur codicibus) *πυχάνη. λέγω δὲ ἀκανῶδες, ὅτι τὸ κύημα, καὶ ἐν ᾧ τὸ ἀνθὸς ἢ ὁ καρπὸς, ἀκανθῶς ἢ ἀκανθῶδες* (non *ἀκανθῶς ἢ ἀκανθῶδες*) *πάντων ἐστὶ.* quæ fideliter sic transulit Theodorus: *tilorum vero quæ folio constant aculeato genus, ut sic loquar, magna ex parte Acanaceum est: Acanaceum, inquam, quoniam conceptus, & id cui flos inheret, aut etiam fructus, spina vel spinaceum quidquam sit.* Hoc in loco dat Philosophus rationem, cur ea quæ spinoso sunt folio Acanacea sint magna ex parte; scilicet, quia aut id in quo fructus aut flos consistit spinosum est; aut quia etiam fructus spinosus; præsupponens Acanum præter spinosa folia habere, aut fructum, aut caput in quo flos est, spinosa. Distant ab Acanaceis Cardui. Horum enim folia, & aculeata sunt, & non aculeata, ut Cinaræ vulgaris, & Cardui stellati, & Cardui folstitialis. Conveniunt in eo, quod aut fructus, aut id cui flos infidet sine aculeis nunquam sit. Cinaræ vulgaris species, quæ nullos aculeos habet, Carduus dicitur à similitudine quam gerit cum aliis Carduis aculeatis. Aculeo namque tantummodo distat. Cardui cuncta genera caput gerunt concavum, quod ex squamis exterius apparet quasi compositum, spinosum, cujus in summitate flos ex plurimis foliolis longis, & angustis congestus oritur, qui postea in pappos evolat. Qui Labrum veneris Carduum fullonium nominarunt, Gallorum & Hetruscorum vulgaria nomina secuti sunt. Non autem est Carduus, cui caput echinatum & aculeis veluti resupinatum, è cujus ambitu flos semenque. Carduorum genera sunt, Scolymus seu Cactos quem Cinaræ aculeatam vocant, etiamque Carduum simpliciter, Acanthium, Leucographis, Leucacantha, Onopyxus, Carduus Aræophyllos Dalechampii, Onopordum, Polyacantha, multaque alia spinosa, quorum nomina, quoniam cum obscuris delineationibus extant apud veteres, recentiores Herbarii diversis Carduis, aliisque spinosis Herbis, haud secure accommodaverunt.

C A P. L I.

De Sempervivo.

Sunt & quæ à perenni vita nomen acceperunt; ut Sempervivum quod Græcis *Αἰζων*. Duplex differentia in folio. Aliud enim plano est, aliud oblongo ac instar vermiculi teretis: unde Vermiculare Sempervivum hoc appellarunt. Vtrisque aliæ insunt differentiae tum in foliis, tum in floribus ac fructibus, quæ peculiares species inter hæc duo genera constituunt; plurimæ fragiles, omnesque succo plenæ.

C A P. L I I.

De Heliotropio.

Heliotropii nomen multis Plantis adscribere possumus, quarum aut folium, aut flos cum sole circumagitur. Sed proprie Heliotropium nominari debet illa Herba, quæ aliquando obvia fit iis in via, qua Patavio ad Montes Euganeos proficiscuntur. Foliis est Ocymii, sed hirsutis candidisque, ramulis à radice ternis quaternisque cum multis alis, cacuminibus plenis flore albo incurvo, veluti scorpionis cauda.

C A P. L I I I.

De Aconito.

Aconiti venenorum omnium celerrimi duo summa genera: unum Pardalianches, sic dictum, quia pardalos pantherasque illico occidat; alterum Lycoctenum & Cynoctenum, quod Lupos canesque, & alia quadrupedia necet. Hujus postremi tria alia genera: unum, quo utuntur venatores; & duo reliqua, quibus utuntur medici. Pardalianchen tradit Dioscorides lib. iv, cap. lxxiv, folia tria aut quatuor Cyclamino aut Cucumeri similia, sed minora habere, subasperaque, caulem dodrantalem, radicem scorpionis caudæ similem. Theophrastus scorpionis, non scorpionis caudæ similem facit; neuter autem de flore, aut fructu quidquam, quasi non adessent. Recentiores multas Lycoctoni species nobis proponunt, radice, foliis, floribusque paululum variantes (Doronica vocant), quorum radix caudæ scorpionis faciem, aut id generis crustatorum animalium, quod Græci cammarum, nos squillam, & gamburum. Hanc scio à quodam Tyrolensi venatore usurpatam ad colicos dolores, quibus frequentissime cruciabatur, sed nonnisi inventam in rupicapra ventriculo. Ejus enim, ajebat, magnas partes deglutire hoc animal, nec radicem in parvas partes dentibus molere, quod ruminantium hoc sit genus; itaque facile in ventre reperiri quasi semicoctam. Quam vero Thoram Valdenles Alpium incolæ dicunt, nequaquam est Aconitum Pardalianches. Neque enim radix *σχορπιόειδος*. Aconiti Lycoctoni duo prima genera non descripsit Dioscorides, sed tertium quod Ponticum vocat, nisi suspectus sit locus. Folia Platani dat Pontico, magis incisa, longiora, nigriora; caulem Filicis, cubiti altitudine; pediculum glabrum; semen in siliquis; radices cirrorum squillarum similes, nigras. In quibusdam codicibus hæc descriptio invenitur,

Pardalian-
ches.

Doronicum.

Thora.

& nulla sit mentio trium generum Aconiti commemoratorum, sed Aconito Lycoctono simpliciter adscribitur. Hæc causa cur recentiores Herbarii in vero inveniundo Lycoctono negligentiores multas Herbas, quibus folia sunt Platani, sed altius incisa, aut rotundiuscula, plures divisa in partes, pro Aconitis Lycoctonis nobis obtrudant, quarum nulla radicem habet cammaro similem. Sic nomine interdum nos deterrent à multarum Herbarum salutaribus usibus, imponuntque exitium, in quibus nulla noxa, imo magnum humano generi auxilium in adversa valetudine. Aconiti Lycoctoni speciem autumant Napellum, sic appellatum à Napi figura, quam radix ejus refert. Nam folia aliarum Lycoctoni specierum habet, quæ sane valde perniciofa sunt. A doctissimo Cæsare Scaligero in Commentariis librorum Aristoteli attributorum de Plantis, satis probatum est non esse Aconitum.

Napellus.

C A P. L I V.

De Cistho.

Cisthus Frutex est. Ejus duo sunt summa genera. Ladaniferum, & quod non fert ladanum. Illud Cisthus Ledum, hoc simpliciter Cisthus vocatur. Folia utrique oblonga, aut rotunda; flos Rosæ sylvestris ex quinque foliolis constans, varii coloris, cum suis staminulis in medio; fructus vero trigonus aut pentagonus, in quo semen minutum Papaveris aut Hyoscyami. Sed de cæteris generibus quæ pluribus, quam una, aut altera nota cognoscuntur authores consulendi, atque ii qui in hac scientia versati satis sunt. Nam omnia examinare atque describere hic non est animus, sed his tantum vobis aditum facere ad magnam Stirpium multitudinem brevi temporis spacio cognoscendam.

C A P. L V.

Plantas imperfectas post perfectas esse discendas; & perfectarum primum florentes.

His prægustatis cum aliquo in re Herbaria mediocriter versato, montes, valles, pascua, horti, aliaque loca, in quibus Plantarum variarum copia suppetit, adeunda. Nec vero protinus Planta quæque obvia eruenda est aut decerpenda; sed ea quæ flores semenque fert, prius intuenda, diligenterque ejus singulæ partium formæ contemplandæ quoad fieri potest. Perfectæ enim Plantæ prius quam imperfectæ, quarum minor multo est numerus, discendæ sunt. Dum autem florent Plantæ perfectæ, sunt pulcherrimæ, & in sua perfectione: ideoque tum innotescunt, magisque earum forma à cæteris distinguitur: tum sub quo genere quæque quam videris recenseri possit perspicitur. Maxima enim (ut è supradictis colligere potestis) genera fructu, & flore nobis designantur. Præterea sæpe occurrit, ut quæpiam species peculiare quid in parte aliqua obtineat, quo vobis à plurimis aliis distinguatur, quodque facile in memoria reservetur. Omnium namque partium formas in memoria habere non possumus. Memoria nimis labili & inconstanti à natura donati su-

mus. A comite & hujus rei perito præceptore duo postulo, ut, quantum fieri potest, mediam speciem summorum quorundam generum vobis ostendat, doceatque maxime ex qua parte cognoscatur. Appello autem speciem mediam, ex cujus similitudine genus quoddam constituitur, & sub cujus nomine multæ aliæ constituuntur similes. Verbi gratia: vulgare Gramen medium est inter cuncta Graminum genera, quæ à foliorum præcipue similitudine cum hoc Gramine, Graminis nomen adepta sunt. Hæc ratio est cur magnam Plantarum partem, quæ una aut altera nota genus peculiare constituunt, ea qua licuit brevitate prosecuti sumus. Vbi autem Plantas inspexeritis, interrogandus præceptor de nomine; qui quod magis est in quotidiano sermone, aut generis ejus cum specifica differentia indicabit, tum quæ nota in eo genere sit præcipua. Haud etiam erit abs re alias ejusdem generis species inquirere si ad manus sunt, quemadmodum in publicis hortis esse solent. Sic generis idea firmitus menti inhærebit. Alterum etiam à præceptore præstandum est, ut cum quem non magno rem Herbariam addiscendi studio teneri videt, in iis cognoscendis tantum detineat, quarum communis est usus ad vitam conservandam morbosque depellendos: ne quidquid ab eo susceptum erat laboris, sine fructu sit: ei vero qui ardentem huic studio incumbere videtur, & has, & alias quarum nondum cognitus est usus, commonstret. Quoniam autem omnibus Stirpibus sua sunt tempora, in quibus maxima earum pars formam mutare consueverunt; aliaque ipsis sit dum primum è terra erumpunt, alia dum augentur, alia dum vigent, danda est diligenter opera, ut quas florentes vigentesque inspexistis, etiam cum augentur, primumque è terra erumpunt contempleri. Cum his ubi perfectarum magnam partem noveritis per summa quædam genera, ad imperfectas, quarum pauca sunt genera, discendas vos accingite.

Nomina Plantarum.

C A P. L V I.

Frequentem inspectionem ad formam specierum memoriæ tradendam esse necessariam.

Cæterum scire oportet tot specierum formas facilius sensibus externis percipi atque apprehendi, quam memoria conservari. Sedula igitur frequentique ad hoc (ut ad aliarum rerum sensibilibus cognitionem) opus est inspectione. Sæpe etiam contingit, ut in Plantis partium multiplicium omnes particulæ uno intuitu non possint à nobis observari ad totius speciei formam apprehendendam, nisi repetita inspectio eas nobis monstraverit, quæ aliarum, quæ priori intuitu percipiuntur, memoriam renovet, confirmetque. In huuc itaque finem invisenda sæpius adeundaque loca, in quibus nascuntur Plantæ, quas semel aut bis vidistis. Quoniam autem contingit ut veris, æstatis, autumnique tempore propter multa incommoda; hyemis vero, quia omnes Stirpes fere perire, id præstare non possitis, ideo Hortos hyemales, (sic voco libros, in quibus Plantæ siccæ agglutinatæ chartis conservantur) inspicere debetis. Adeundi quin etiam eorum libri, qui nobis hæc Stirpes breviter, ac diligenter descripserunt, depinxe-

pinxeruntque, quos postea recensebo ubi de rei Herbariæ authoribus egero.

C A P. L V I I.

Plantas depingendi, delineandique ratio.

QUOD si vero Authores procul sint, modum quo Plantarum effigiem chartis imprimatis, aut in charta depingatis, etiam si artem pingendi non noveritis, vobis communicabo. Afferem politum, & glabrum lævemque atramento Typographorum leviter, & superficietenus illinite, pilulis manubriatis, quas mazzas vocant Typographi. Afferi huic Plantam, aut viridem, aut siccam, quam vultis integram, si parva sit; aut ramum ejusdem, si tota major sit quam charta cui imprimenda est capere possit, supersternite: mox chartam superponite, ac desuper satis fortiter fricate, donec atramento Planta imbuta sit. Ablata ab asfere, chartæ cui effigies imprimenda, imponatur, aliaque superimposita manibus linteisque fricetur, donec videatur satis ad effigiem chartæ imprimendam.

C A P. L V I I I.

Hortos Hyemales consiciendi ratio.

VERUM laudandus magis is est labor, qui ad Hortos Hyemales consiciendos suscipitur. Minor enim atque utilior. Quippe plura, quam in picturis monstrantur quæ ad formam spectant, nempe color, aliaque nonnulla, quæ tam exacte non possunt priori modo depingi. Præterea prior labor in Plantis grandibus, asperis, & spinosis ac valde duris sæpe frustra fit. Modus autem chartis Stirpes agglutinandi talis esto. Planta quam vultis, aut ejus ramus viridis cum flore, foliis, atque semine, si haberi potest, perfecta que sit Planta, inter chartæ candidæ duo folia ponantur. Nam ignobilior charta, & quæ perfluit, quanquam ab omnibus hætenus recipitur ad hunc usum, nequaquam apta censetur, quod experientia à me probatum est, inter hanc positas Stirpes difficulter ficcari, sæpeque situ & squallore obsitas marcescere. Ponenda autem ea quæ dixi folia in crasso & plurium paginarum libro, qui respondeat magnitudini foliorum imponendorum. Libro huic superponatur pondus, quo tanquam torculari paulatim Planta comprimatur. Cavendum autem

est ab ingenti pondere, prius quam Plantæ magna aquosioris humoris pars consumpta sit. Ideo paulatim aggravandum pondus; primumque levius sit, donec flaccescant Plantæ (quod æstatis tempore trium aut quatuor horarum spatio evenire solet) & postea gravius; tandem gravissimum ubi parum humoris adhuc in se habuerint, ac jam fere siccæ fuerint. Illud etiam curæ esse debet, ut singulis diebus eas inspiciatis ac revolvatis, & plicas, si quas videritis explicetis, floresque & folia ita accommodetis, ut ab utroque latere aspici possint, chartamque mutetis donec prorsus sicca evaserit. Sicca erit loco sicco conservanda inter chartam, donec plurima sic exsiccata sint, operæque pretium fuerit agglutinandi laborem suscipere. Tum sic agitote. Penicilla variæ magnitudinis (Plantæ enim magnis foliis præditæ majora desiderant; parvis, minora) imbuetis hoc glutine infra scripto, quo oblinetis eam Plantæ faciem quæ chartæ adhærere debet. Componitur hoc gluten ex taurocollæ pellucidæ, quam collam Tedscham, hoc est gluten Germanicum vulgus Patavii vocat, uncia una quæ in aceti acerrimi uncis sex maceratur per noctem; deinde igni apponitur lento, ut liquefiat. Amoto ab igne ubi paululum refriguit, adduntur aloes hepaticæ drachma semis, pulveris caryophyllorum scrupulus unus; miscenturque. Plantam igitur agglutinandam chartæ ignobiliori supersternite, ac glutine oblinite, deinde auferte, chartæque candidæ imponite, & alio superposito folio, sudario aut linteo fortiter fricate & æqualiter, ut undique chartæ adhæreat: tum ipsam inter duo folia, alio libro concludite superincumbente bono pondere, donec siccetur gluten (quod post unam aut alteram sit horam) mox auferte. Sciendum autem & illud hîc est, non cum omnibus Stirpibus sic agendum esse. Nam quædam sunt, quæ facile ficcari nequeunt, propter succi aquosi ubertatem, ut Sempervivi, Telephii, & aliorum quorundam genera. Etenim marcescunt, putrefiunt, perduntque folia, aut ea alterius coloris, quam naturalis erat, valdeque corrugata servant. Has igitur virides agglutinare satius est; prius tamen inter duo folia strata in librum ponere, comprimereque leviter levi pondere, donec flaccescant, plicam, formamque sumpserint, ut recte agglutinari possint. Hoc modo & alias quasque virides in montibus agglutinavi, solique, aut alio loco calido exposui, ut sic exsiccarentur, feliciterque successit hic labor.

Agglutinandi ratio.

Gluten ad hoc.

Planta quomodo ficcanda.

F I N I S P R I M I L I B R I.

A D R I A N I S P I G E L I I
B R V X E L L E N S I S
I S A G O G E S
I N R E M H E R B A R I A M
L I B E R S E C V N D V S.

De usu, & facultatibus Plantarum.

C A P. I.

Vsus Herbarum multiplex. Facultas in humano corpore duplex. Quid alimentum. Quid medicamentum.



Facultas Stirpium, cujus gratia earum forma præcipue inquiritur, varia est atque multiplex, tum in animatis, tum in anima carentibus. Hinc evenit, quod variae artes, imo fere omnes, earum vires ad suos usus quotidie experiantur.

Præcipue tamen atque maxime in nostri gratiam à natura comparatae videntur, ut cuncta alia, quæ sublunari hoc globo comprehenduntur, stellæque etiam ipsæ, quanquam à nobis sint remotissimæ. Ipse namque Philosophorum magister lib. 11 Physic. hominem quodammodo omnium quæ existunt, finem statuit, atque omnia propter eum condita. Humanum autem corpus Plantæ nutrire debent, ut vitam sustineant; aut alterare, ut morbos depellant. Inde alimentum, hinc medicamentum. Alimentum enim dicere convenit, quod assimilatum & appositum nutriti substantiam auget & conservat: medicamentum vero, quidquid corpus nostrum sua qualitate alterat. Ex quibus patet duas facultates pro humano corpore in Stirpibus reperiri, scilicet nutriendi & alterandi. Eæ insunt toti Stirpi, vel parti ejus; aut simplices, aut mixtæ. Faciunt autem simplices ut Planta simpliciter alimentum dicatur, vel medicamentum. Mixtæ vero alimentum medicamentosum constituunt; tale est Lactuca, Portulaca, quæ refrigerant & nutriunt; vinum, quod calefacit & nutrit. Vtraque sane multum excessu defectuque differunt. Quædam enim plus nutriunt, quam alterant, ut Triticum, quæ proprie alimenta medicamentosa appellantur; quædam vero plus alterant, quam nutriunt, & ideo medicamenta alimentosa dici deberent. Nullum autem alimentum novimus, quod non aliquam vim alterandi aut per se, aut per relationem obtineat. Quæcunque temperata sunt, in homine eucrato nihil alterabunt; sed in eo, qui intemperie aliqua affectus est in toto corpore, aut aliqua ejus parte. Per se autem cunctæ Plantæ alterare debent, quod nulla reperitur, quæ omnibus elementorum qualitatibus æqualiter mistis constet. Medicamentum autem

omne non prorsus alimento contrarium est: sed quoddam contrarium prorsus, quod venenum est, omnibus qualitatibus totaque ut vocant, substantia, & occulta proprietate nobis infestum: aliquod tantum diversum à medicamento, id scilicet, quod manifesta alterat qualitate.

C A P. II.

Præ Plantarum Facultates quot & quæ, ac de earum gradibus.

Qvippe medicamenta, vel manifesta alterant qualitate, vel occulta quam vocant totam substantiam. Qualitas manifesta triplex est, prima, secunda, & tertia. Prima rursus duplex; simplex una, altera vero composita. Vnde duplex resultat prima facultas in medicamento, scilicet calefaciendi simpliciter (nulla alia comitante) aut refrigerandi, aut siccandi, aut humectandi: vel calefaciendi & siccandi, vel refrigerandi humectandique, vel calefaciendi & humectandi, vel refrigerandi & siccandi. Hæc facultas prima ut etiam secunda, de qua mox dicemus, intentione remissioneque rursus differunt. Idcirco quatuor classes seu ordines finxere prisca, quibus exacte intentionem remissionemque facultatum distinguere. Quod enim parum, hoc est non evidenter, sed aliqua demonstratione per rationem inventa calefacit, aut refrigerat, aut humectat, aut siccant, id primo gradu calidum, frigidum, humidum, siccumve dicunt: quod vero mediocriter id præstat, tale esse dicunt in secundo gradu: quod autem valenter his qualitatibus agit, id intemperatum censent tertio gradu: quod denique valentissime, id quarti ordinis statuunt. Exempli gratia; calida in primo gradu sunt, Lini semen, Brassica, Amygdala dulcia, Althæa: in secundo, Arthemisia, Capparis. Chamæpytis, Crocus, Melissophyllum: in tertio, Abrotonum, Cinamomum, quod est Cassia lignea electa, Dictamnus, Calamentha, Caryophyllum; in quarto, quæ tam insigni caliditate sunt ut crustam urendo partibus inducant, escharotica vocantur; qualia sunt, Flammula, Euphorbium, Costus, Cœpa, Lepidium, quod Piperitum vocant. Refrigerant primo gradu Hordeum, Atriplex, Gramen, Rosa, Viola martia. Secundo Acanthia, Cucumis, Lens palustris, Rhus obsoniorum, Plantago: tertio Portulaca, Alter cum flore albo, Cicuta, & succus Citrii Mali acidus: quarto quæ extinguunt calorem nativum, quorum nulla exempla succurrunt. Cicuta enim, opium, Hyoscyamus,

*Facultatum
primarum ac
secundarum
gradus.*

Calida quæ.

Escharotica.

Frigida quæ.

Alimentum.

Medicamentum.

Humida quæ. mus, & si quæ sunt alia quæ stupefaciendi vi pol-
lent, nequaquam manifesta qualitate stupefaciunt,
sed occulta, uti alibi comprobabimus. Hume-
stant in prima classe Buglossum, Glycyrrhiza,
Malva, Saccharum, Helxine: in secunda Attriplex,
Cucumis, Viola martia: tertia Lactuca & Cucumerum succi. Humidum autem & siccum
Sicca quæ. in quarto nullum censetur, quod sint passibiles
qualitates, quæ summa vi operari nequeunt sine
insigni calore aut frigore. Cæterum siccant primo
ordine Brassica, Chamæmelum, Fœniculum: se-
cundo Balauſtium, Bursa pastoria, Plantago: Ter-
tio Asarum, Absinthium, Calamentha, Ruta hor-
tensis, Aloë. Singulæ autem hæ classes in princi-
pium, medium, finemque dividuntur: Exempli
gratia, in principio primi gradus calidum dicitur,
quod temperato est maxime vicinum in activis
duabus qualitatibus, nempe calore & frigore, sed
calore tamen paululum superante: quod vero in
medio primi gradus calidum est, id simpliciter tale
dicitur: In fine autem calidum, quod vicinius est
principio secundi gradus.

C A P. III.

De secundis Facultatibus.

*Emolliendi
vis unde.* *Indurandi
unde.* *Levigandi
unde.* *Exasperandi
unde.* *Humida quæ.* *Sicca quæ.*
Secundæ autem facultates sunt quæ ex primis
dimanant; unde secundæ nuncupantur. Nam
prout varia est principum, hoc est primarum qua-
litarum inter se mistio, pro eo, & variæ qualitates
secundæ suboriuntur, quæ sunt mollicies, duri-
ties; raritas, densitas; asperitas, lævitas; crassities,
tenuitas; tensio, laxitas. Ab his denominantur fa-
cultates secundæ, puta rarefaciendi, densandi,
aperiendi, attenuandi, attrahendi, discutiendi, re-
pellendi, adurendi, extergendi, obfarcendi, & vis
emplastica. A primis autem sic oriuntur. Nam
moderatus calor in aërea seu mediocri materia
cum humiditate & siccitate copulatus, si non ex-
cedat secundum ordinem, dura emollit, fundit,
colliquat, hoc est frigoris vi concreta. Caliditas
autem vehemens cum siccitate insigni indurat
mollia, tensasque ab humore & flatibus partes re-
laxat. Exhaust enim omnem humorem, relicta
parte terrena, veluti sol, qui lutum indurat. Quod
si vero siccitati calor modicus in tenui substantia
conjugatur, crassam materiam attenuabit, inci-
det atque dissolvit, corporisque cutem rarefaciet,
porosque apertiores reddet; ut per eos com-
mode diffari vapores possint: quemadmodum è
contrario moderata frigiditas cum crassa terrena-
que substantia, tenues humores incrassat, indurat
ac densat cutem constipatque poros, nihil evapo-
rare finit. Vbi vero frigidum quippiam est, quod
pariter tenuem habet essentiam, attenuabit qui-
dem, sed minus valide quam calidum. Quodcun-
que autem inæqualem partium superficiem & ex-
asperatam, planam lævemque facit (ut Traga-
canthæ gummi, Glycyrrhizæ radix, nuclei Pinci,
semen Malvæ, & cætera quæ exasperatas fau-
ces, tracheamque arteriam leniunt) humidum
esse debet, ac in calido frigidoque moderatum
cum mediocri materia coherere. Exasperant, hoc
est partes summa facie inæquales reddunt, quæ-
cunque insigni siccitate ac modico calore in ma-
teria mediocri, partium substantiam detergendo

nimum corradunt ac divellunt; ut Colocynthis,
Centaurium minus, Aristolochia, & si quæ sunt
alia valde amara fallaque. Siccitas insignis, si etiam
cum frigore conjungatur, exasperat partem, non
auferendo quippiam de substantia, sed contrin-
gendo, ut in austeris, & acerbis, quæ fauces lin-
guamque valde exasperant. Sic etiam levigans,
λεψαίνων Græci vocant, lævem reddit partium su-
perficiem, tum quod corrasam substantiam æqua-
biliter restaurat ac implet: tum etiam quod frigo-
ris ac siccitatis vi contractam eam & exasperatam
laxat, lubricat, & quasi distendit.

C A P. IV.

De Tertiis Facultatibus.

*Tertia cur di-
citur.* *Pus movendi
facilitas unde.* *Urinam ciendi
unde.* *Urinam tam
frigida diure-
tica quam ca-
lida.* *Menses movent
unde.*
Tertiæ vero medicamentorum facultates ori-
untur ex primis atque secundis vario modo
junctis. Tales sunt pus movendi; urinam ciendi;
menses provocandi; lac & semen generandi, vel
minuendi, vel augendi, vel extinguendi; dolorem
sedandi; carnem generandi; glutinandi; cicatri-
cem inducendi, quibus adde quæ ad ornatum spe-
ctare videntur. Dicuntur autem tertiæ, quod non
modo ex primis secundisque oriantur, sed pecu-
liares partes morbosque respiciant. Quippe quæ
pus movent, ad abscessus pertinent, aut ad san-
guinem corruptum putridumque in aliquam par-
tem decumbentem, qui in pus verti debet. Hanc
facultatem ἐκπυρρῆσις Græci dixerunt, ajuntque
vel à moderato blandoque calore, & ei qui nobis
insitus est, simili oriri, qui hunc corruptum humo-
rem, in substantiam minus naturæ molestam com-
mutat; vel à vi emplastica, quæ humiditate mode-
ratoque calore poros cutis obstitando, spiritum
atque calorem parti insitum prohibet ne dissi-
petur diffuseturque: unde calor magis auctus, hujus-
modi humorem blandiorem reddit, atque con-
coquit; vel etiam à vi emolliendi cum moderato
calore, ut in Ladano, Bdellio & similibus. Quæ
urinam cient, diuretica vocant, attenuando cras-
sos humores atque incidendo, serofos ac tenuio-
res separant & ad renes deducunt. Ea si una insi-
gniter incidant, simulque abstergeant, arenulas
deturbabunt secumque ducent, calculosque dis-
solvunt; sin vero neque calefaciant, siccant tamen
valde, calculos in lapidis ac silicis duriem con-
cretos comminuent; ut Limonium succus acidus,
radix Oxalidis, Bardanæ, Graminis. Non est hic
inutillissima consideratio, utrum tam frigida diure-
tica, quam calida? Videntur non esse æque diure-
tica. Nam caloris est fundere, liquare, partesque
heterogeneas segregare, homogeneas congrega-
re: unde Galenus negat sanguinem absque calido
fundi & segregari. Nihilò secius multa contra re-
censentur urinam moventia frigida; ut quatuor
semina frigida majora, fructus Halicacabi, & alia.
Quare puto, ut responderi possit, vel recurren-
dum hic esse ad eas substantiæ diversas partes,
quas sæpe inculcavit Galenus, plurimumque medi-
camentorum exemplo declaravit: vel dicendum
frigida non quidem fundere sanguinem & serofos
humores separare à crassis, sed tantum attenuan-
do præparare, ut facilius per venas ad renes deve-
niant, qui postea sua proprietate tenues humores
allicere solent. Menses autem movent cuncta,
quæ

quæ in secundo ac tertio recessu calefaciunt, incidunt, attenuant. Ea nisi ora venarum aperirent, atque parum siccarent, haud differrent à diureticis. Magnam enim habent cum iis affinitatem, quæ calida sunt, & urinam cient. Horum valentiora conceptus secundasque pellunt atque evocant. Lac gignere ajunt quæ sanguinem procreant copiosum & probum, eumque moderata incidendi facultate ad mammas deducunt. Idcirco calida esse statuunt ac tenuium partium: differre tamen ab iis, quæ menstrua ducunt, ac urinam cient, quod hæc multum calefaciant, illa vero moderate: utrisque multum siccantia sint adversa. Profecto si ex sanguine lac fiat, dubio procul sanguinem quæ producant lac generabunt, & quæ bonum sanguinem, bonum etiam lac, quæ vero primum hoc est biliosum, pituitosum aut melancholicum sanguinem, tale quoque lac gignent, nisi tanta insit pravitas (quæ multiplex esse potest) ut præpediat lactis generationem. Ergo non est necesse, ut semper probum sanguinem producant, quæ lac generant, neque cuncta esse calida oportet, cum plurima sint frigida, quæ sanguinem faciunt. Sunt & nonnullæ Herbæ tum calidæ, tum frigidæ, quæ parum sanguinis ac nutrimenti suppeditant, & tamen lactis copiam subministrant, ut Lactuca, Brassica, & Vincapervinca, quæ in aqua aut jure carnis cocta lac in mammis extinctum revocat, etsi nil aut parum nutriat. Quærimus ergo, qua vi hæc medicamenta operentur? An partium tenuitate ac virtute incidendi? Nullo modo. Quæ enim incidendi vis Lactucæ & Brassicæ? Quare aliam inveniamus viam, quæ nos in hanc ducat cognitionem, necesse est: nulla vero occurrit melior quam ea, per quam sanguis ad mammas pervadit. Quod duplici modo contingere potest: impulsu scilicet, & attractione. Impulsu, ut in mensibus suppressis contingit. Dicebat enim Hippocrates Sect. v, aph. xxxix, *Si mulier, quæ gravida non est, neque peperit, lac habet, huic menstrua defecerunt*. Propellitur enim à natura sanguis, qui per loca uteri expurgari consueverat, ad mammas. Attractione, ut cum peculiari vi marmæ attrahunt sanguinem. Hæc vero attractrix mammarum vis interdum sola operatur, ut quando in juvene muliere non admodum sanguine plena lac fit copiosum; interdum cum impulsu, vel validiore, vel debili; ut quando in muliere sanguine abundante, cui menses fluunt, aut non fluunt, lac tamen gignitur. Simili certe modo & Herbarum vis operatur. Quædam Menses supprimunt, ac proinde aliorum protrudunt, ad mammas nempe si mulier peperit, & attractrix mammarum facultas non prorsus langueat: quædam vero excitant & augent attractricem atque concoctricem mammarum facultatem, quam ob causam copiosus sanguis ad mammas perfertur, & in lac convertitur; ut Lactuca, Brassica, & Vincapervinca, quæ proprietate substantiæ hæc præstare potius dixerim, quam manifesta qualitate. Neque enim omnes tertiæ facultates, ut hæcenus multi opinati sunt, ducere possumus ad primas atque secundas, tanquam ad causas. Quædam enim Herbæ attractricem renum testiumque facultatem augent, per quam urina copiosa prolicitur è venis, semenque copiosum generatur, quæ peculiari quadam, ut

sic dixerim id faciunt proprietate; unde eam ad quartas potius, quam ad tertiæ facultates reducendam censeo. Quare, ut concludamus; quæ lac gignunt, alia suppeditant materiam, hoc est, sanguinem; alia excitant attractricem concoctricemque facultatem mammarum, ut quæ recensuimus; & hæc proprie lac gignentia dicuntur. Eadem lactis extinguendi, aut imminuendi est ratio. Evenit enim ut lac extinguatur (præter alias manifestas causas) etiam propter Plantarum virtutem aliquam, quæ attractricem mammarum facultatem consopit. Imminuitur lac à paucis sanguine: huc faciunt, quæ valide siccant, aut pauci sunt nutrimenti, item quæ menses provocant largius quam deberent. Nec alio etiam modo semen augetur, aut extinguitur. Copiosum enim semen ex copioso sanguine gignitur, adjuvante attractrice & concoctrice testium facultate. Semen enim augent, tum quæ boni succi sunt, multumque nutriunt (sive calida sint mediocriter, sive parum frigida) & magis pingui substantia, quam quæ lac generant; tum quæ excitant aut augent testium facultates peculiari natura. Non est necesse, quod hæcenus magna pars Literatorum putarunt, flatulenta esse quæ semen augent, propterea quod seminis substantia sit spiritibus plena. Etenim gignuntur spiritus, qui insunt semini, non à flatibus, sed à sanguine repleto vitalibus naturalibusque spiritibus, qui per vasa, venas scilicet & arterias præparantes (*πρὸς φλεβικὰς* appellat Aristoteles, hoc est, *ductus venales*) ad testes deducitur, & à testium innato calore atque spiritu elaboratur. Fortassis flatus conferent ad penis erectionem, præsertim si calorem secum habeant insignem. Expultricem testium & vasorum assistentium penisque facultatem proritant acrida & salsa, semenque reddunt foecundius, quod superfluas hujus humiditates exsiccent. Ideo salem pecoribus obijciunt pastores. Ad coitum namque proniora & magis etiam foecunda redduntur teste Plutarcho Quæst. nat. iii, symp. iv, quæst. x, qui & canes salsamento esu celerius concipere ait: & naves, quibus sal vehitur, plures alere mures, quod frequentius coeant. Dolor cum variis de causis oriatur varia habet præsidia. Proprie tamen dolorem sedare dicuntur, quæ permanente causa dolorem levant, quæ idcirco paregorica & anodyna Græcis dicuntur. Talia sunt quæ in tenui essentia consistente blando calore nostrum fovant, eique quadam familiaritate adblandiuntur, causamque doloris mitigant vel molliendo, laxandoque ac digerendo; ut Althæa, Malva, oleumque maturum: vel discutiendo mediocri calore, ut Fœnugracum. Sedant etiam dolorem, quæ sua frigiditate stuporem inducunt, *ναρκωτικά* Græci hæc vocant, quibus inesse proprietatem peculiarem præter frigiditatem existimo. *Σαρκοπλάτω*, hoc est, carnem generandi facultatem habent, quæ mediocriter si neque mordacitate detergent ulcerum sordes, siccantque ichores atque serofos humores, qui carnis generationem præpedire solent. Hoc enim modo adjuvatur natura, ad quam vere spectat carnem producere. Carnem generantes Plantæ substantiam obtinent mediocrem, nec secundum siccitatis caliditatisque ordinem attingunt, alioqui carnem consumerent, suntque admodum paucæ, quæ

Semen augentia & exstinguentia.

An quæ semen augent, debeant flatulenta esse.

Anodyna.

Narcotica.

Carnem generantia.

Glutinantia
vulnera.

quæ hac virtute donantur. Multæ vero recentia vulnera glutinare possunt: imo ausim credere ex tribus plantis unam semper hac vi pollere. Quippe cum montes Pisanos atque Bononienſes peragrarem habitu rustico, ne agricolæ me cognoscerent, ac latrones deprædarentur, multa de Plantarum viribus colonos sedulo percunctatus (quorum quæ nova erant incognitaque hæcenus Herbariis, & à pluribus confirmata, in librum observationum redegeram, quem in posteritatis commodum publicare decreveram, nisi quidam mihi eum noctu in itinere abstulisset) depreheudi tertiam & amplius Plantarum partem, quarum vires adhuc incognitas scripseram ex rusticorum relatu (erant autem plures quadringentis) ad recentia vulnera valere. Nec deest ratio: siquidem eæ Plantæ, quæ in montibus nascuntur, magna ex parte siccant & adstringunt. Ea autem quæ glutinant crassarum partium esse debent simulque siccare, & adstringere in secundo gradu, sive calida sint, sive frigida. Glutinantia eadem essent cum cicatricem inducentibus, ni major in his siccitas & adstrictio requireretur. Voco autem cicatricem inducentia, quæ carnis genitæ superficiem indurant, ac in callum vertunt, cutique quam simillimam reddunt. Hæc fere sunt tertiæ facultates medicamentorum, inter quæ & aliæ recenseri possunt, quemadmodum quæ ad ornatum spectare videntur, quarum pleræque à secundis dependent, ut quæ detergendo, pilos, faciem, cicatricem, dentesque dealbant, & quæ erodendo pilos extirpant. Aliæ vero quæ occulta proprietate operantur ad quartas reducendæ sunt.

C A P. V.

De occulta Plantarum qualitate, seu proprietate.

DE occultis nunc dicamus qualitatibus, quæ à tota substantia dimanant. Occultæ dicuntur, quod earum effectuum ratio à manifestis elementorum qualitatibus deduci non potest. Has admiramur, ac pro secretis occultisque proprietatibus habemus, cum nequitiam hæc causæ nobis summo etiam studio & diligentia perquisitæ innotescant. Quæ per has agunt Plantæ, earum aliæ evacuant, aliæ alterant. Evacuunt rursus aliæ per se, aliæ per accidens è toto corpore aut aliqua ejus parte peculiare quiddam, sive id humor sit biliosus, melancholicus, pituitosus, serosusve: sive res quædam præter naturam, veluti spiculum, aut telum corpori infixum, ut radix Arundinis & Aristolochiæ rotundæ. Quæ è toto fere corpore evacuant humores, purgare dicuntur. Purgant aliæ per vomitum, ut Helleborus albus & Asarum: aliæ per alvi dejectionem, ut Helleborus niger, Scammonium, Rhabarbarum. Evacuunt per se ex peculiari aliqua parte, veluti ex cerebro, per os, ut quæ ad apophlegmatismos; aut per nares ut quæ ad errhina medicamenta præscribuntur. Epithymum Atticum atrabilem humorem è ventriculo purgare Galenus lib. de Theriaca ad Pisonem tradidit. Aristolochiæ atque Cyclaminis radix ex utero per cervicem supervacuum humorem educit. Quæ vero per accidens evacuant, id præstant quia attractricem partium quarundam facultatem augment, ut nonnulla diuretica, renum;

Evacuantia
proprietate oc-
cultæ.

Purgantis.

& quædam quæ lac generant, mammarum; & semen augentia, testium. Alterant occulta proprietate, quæ nos repente interimunt, aut parti alicui tota substantia noxam aliquam gravem cito adferunt: quæ vi pollent veneni cuncta proprie dicta: quibus contrariantur alexipharmaca & antidota. Venenorum nullum toti nocet corpori, sed tantum partibus, aut uni, aut pluribus; quippe humanum corpus ex contrariis diversisque tum temperamento, tum tota substantia constat partibus. Quod autem præsentaneam adfert mortem, principem aliquam partem illico invadit, ac opprimit, aut lædit, veluti ex signis mox assumpto veneno apparentibus diligens observator animadvertet. Cerebrum & nervos petunt Opium, Mandragora, Stramonium, Solanum nigrum, Papaver corniculatum, & pleraque alia, quæ convulsione strangulant. Thapsia partibus spiritalibus, ac naturalibus, tam si extra applicetur, quam si intus sumatur vim infert. Nam Thapsia si Plinio credimus fœdientibus nocet. Si minima aspirat aura, intumescunt corpora, faciemque invadunt ignes facri, ob id cerato prius illinunt. Fungorum genera strangulatu interitum inducunt, quod spiritus vitales cordis opprimant. Argumento est cordis palpitatio, atque etiam animi deliquium quod sequitur, quando quis diu putridos, & venenatos quosdam Fungos odoratus fuerit. Contraria venenis sunt antidota, eadem latente proprietate venenis resistentia, quam ob causam alexipharmaca dicuntur. Pharmaci namque nomen sæpe à Latinis Græcisque scriptoribus pro veneno accipitur. Ex his quædam intus sumpta venena (quæ non modo Plantæ sed metalla, animaliaque esse possunt) totius substantiæ dissidio obtundunt, & immutant; ut semen Citrii mali, Melissa, Ruta capraria, quæ etiam pestilentes morbos depellunt, & alta quadam putredine oppressos spiritus vitales recreant; quædam vero externis venenis resistunt, aut gladio inflictis, aut ab aliquo venenato animali illatis, ut Malva crabronum vesparumque, nec non Phalangii ictus sanat; Alysson & Pimpinella rabidi canis morsus. Inter Alexipharmaca & venena media quodammodo sunt, quæ eadem substantiæ proprietate, aut occulta virtute certis tantum partibus humani corporis, nocumentum aut damnum afferunt, aut commodum & utilitatem; verbi gratia, Salvia & Betonica cerebro sunt magis dicata, quam aliis partibus; Buglossum & Mellissophyllum cordi; Agrimonia jecori; Asplenium lieni; Absinthium stomacho. Vnde & Plantæ, sicuti & alia quævis medicamenta, quæ aut ab animalibus, aut à fossilibus sumuntur, à jecore quod juvant hepaticæ dicuntur; à cerebro, aut capite, cephalicæ; à splene, splenicæ; à corde, cardiacæ; ab oculis, ophthalmicæ; à dentibus, odonticæ; ab articulis, arthriticæ, & sic deinceps à cæteris partibus. Cæterum de hac vi Plantarum certis membris destinata, aliqua ratio à partium quas petit constitutionibus & temperamento dari potest: ideoque nonnulli ad tertias manifestas facultates has referre voluerunt. Verum obscura prorsus & imbecillis est hæc ratio, qua non omnino potest curiosus animus quiescere.

Alterantia.

Venena.

Thapsia.

Fungi.

Alexipharmaca.

C A P. V I.

De modo facultates Plantarum indagandi.

DVo sunt quæ nos in harum virtutum dignotionem deducunt; scilicet usus seu experientia, & ratio. Sed ratio difficilis est; experientia periculosa. Sæpe multa persuadet ratio, quæ usus redarguit; multaque usus adinvenit, quæ neutiquam ratio investigare potuit. Ad exactam tamen facultatum indagationem utroque opus est. Occultarum autem facultatum, & quæ tota substantia agere dicuntur, experientia inventrix est ac judicatrix: reliquarum autem, quæ à tribus manifestis qualitatibus dependent, ratio ipsa; quæ desumitur à saporibus & odoribus, qui cuique Stirpi insunt. His juniores addidere figuras, ex quibus cujusque Plantæ facultatem, non modo manifestam, sed etiam occultam cognosci asseverant; quæ de causa libros Phytognomonicos scripsit insignes præ aliis Ioh. Bapt. Porta Neapolitanus, quibus docentur facultates Stirpium, à formæ externæ contemplatione; verbi gratia, Scrophulariam mederi scrophulis, quia radices producat quibus adhærent radiculæ rotundæ quasi pilulæ, quæ scrophulas in collo nascentes imitari videntur; sic Heliotropium minus ad morsus scorpionis valere, quia in summo Herbæ flos nascitur, in modum scorpionis se incurvante. Verum quam frivola atque futile sit horum doctrina, facile iis patet, qui rationes considerare ac investigare cupiunt. Qualitatum autem manifestarum nullus certior index est, quam sapor; quod per contactum linguæ fiat. Tactu autem Galenus in lib. de temperamentis certissime temperamenta indicari demonstravit.

C A P. V I I.

De Saporum Differentiis.

CVm tot sint saporum differentiæ, quot elementorum mistiones; singulis Plantis proprios suos inesse sapores dicendum est. Hos propter infinitum Stirpium numerum recensere non possumus propriis nominibus, nec aliter explicare, quam si summatim saporum differentias cunctis Plantis communes declaremus. Sapores alii simplices sunt, alii compositi seu misti. Simples sunt septem; austerus, qui adstringens ab effectu dicitur, quemadmodum & acerbus, acidus, acer, salus, amarus, dulcis: qui quidem omnes intensione atque remissione adhuc differunt, veluti exemplis declarabitur. Est autem austerus sapor, qui linguam & os mediocriter constringit, inde levem inducens asperitatem. Hic in immaturis fructibus facile percipitur, nempe Piris, Prunis, Mespilis, & reliquis, quæ quo magis ad maturitatem vergunt, eo minus austeritatis obtinent, sed plus dulcedinis. Huic affinis est acerbus; verum magis priori linguam & palatum coarctans, atque exasperans. Talis est in Malicorio, Sumacho, Galla & Cypressi nucibus, atque aliis, quæ magis minusque acerba conspiciuntur. Acidus autem sapor gustum penetrat, & sua tenuitate ferit sine caloris sensu. Tali acetum est præditum atque etiam succus Mali Citrii, item Oxalidis & Oxylapathi. Acris vero, qui Græcis *δερμύς* dicitur, palatum & linguam acri-

monia & mordacitate compungit ac ferit cum calore, qui interdum tam est insignis, ut partes oris adurat. Hic in Pipere, Pyrethro, Allio atque Nasturtio, item Clematide altera Dioscoridis, aliisque observatur. Salsus vero linguam cum modico calore valenter siccando contrahit atque corradit. Hic notatur in sale & nitro; sed moderate in Crithmi illo genere, quod Fœniculum marinum vulgo appellant. Porro amarus sapor insuavis est ac tristis, linguam corradens divellensque, qualis est in Aloë, Absynthio, Centaurio minori, Colocynthide, & aliis. Dulcis vero sapor duplex est: unus enim proprie dulcis dicitur amaro oppositus, qui gustum voluptate afficit, in melle, saccharo, Polypodio, Glycyrrhiza conspicuus; alter vero qui nulla qualitate ex prædictis omnibus qualitatibus saporum, linguam afficit, ideoque Græcis *ἀμιγρὸς* dicitur, insipidus nostris, hoc est prædictis saporibus privatus. Nonnulli ex celeberrimis viris, duos hos sapores tantum intensione & remissione differre arbitrantur: intendi enim dulcedinem in melle & aliis dulcibus proprie dictis; remitti vero in insipidis. Cæterum insipidus sapor alius lentore linguam oblnit, qui unctuosus, oleosus & pinguis à Theophrasto lib. vi de causis plant. appellatur. Hunc considerabitis in Pysyllii muco, Althæa, oleo simplici, & Amygdalarum dulcium: alius nullo lentore palatum imbuat, quali prædita sunt Cucumis, Blitum, & Olerum pleraque, sed aqua imprimis; unde nonnulli hunc aquosum saporem nuncuparunt. Cæterum ex prædictis simplicibus sapores misti componuntur, qui omnibus fere Plantis insunt. Raro simplex sapor solus percipitur sine alio sapore comite; & si prædominans nomen sibi adsciscit; verbi gratia: mel quidem dulce dicitur quanquam etiam acre sit, quod plus dulcedinis quam acridinis obtineat. Quia autem variis sapores simplices miscentur modis, peculi-

C A P. V I I I.

Odorum differentiæ.

Similiter à varietate misionis dependent odorum differentiæ, hoc est tum simplices, tum compositi, qui cuique Stirpi peculiare sunt. Nam

Sapores simplices.

Austerus.

Acerbus.

Acidus.

Acris.

Salsus.

Amarus.

Dulcis.

Insipidus.

Aquosus.

Misti sapores.

sine mixtione non potest fieri, aut sapor, aut odor. His namque privantur, quæ nullam mixtionem recipiunt, ut aër, ignis, aqua. Simples tot statuisse videtur Aristoteles lib. 11 de Anima, quot sapores. *Est autem, inquit, ut sapor hic quidem dulcis, ille vero amarus; sic & odores sunt. Sed alia quidem habent proportionaliter odorem & saporem. Dico autem dulcem odorem, & dulcem saporem: alia vero contra. Similiter autem & acer, & austerus, & acutus, & pinguis est odor. Sed sicut diximus propterea, quod non multum manifesti sunt odores, sicut sapores, ab his sumpta sunt nomina secundum similitudinem rerum. Dulcis enim à Croco, & melle; acer autem à Thymo, & ejusmodi. Eodem autem modo, & in aliis.* Idipsum quoque credit Theophrastus, qui septem odores, colores, saporesque statuit: verum non omnes odores appellationibus, quibus sapores reddi, quamquam non prohibeat quo minus hæc invicem conjungantur; ut utrumque alterum quodammodo consequatur. Cæterum communiora odorum genera, quorum apud autores frequens fit mentio, hæc fere sunt: suavis seu jucundus odor, gravis vel graveolens, acer, acutus, asper, dilutus, virosus, teter, putridus, & inodorus: quæ ad tria summa genera reduci possunt, ad suavem & gravem odorem, & ad inodorum ab odoris privatione sic dictum. Etenim odoratus percipit privationem, ut visus tenebras. Est autem suavis odor, qui odoratum nostrum oblectat ac juvat, ut dulcis sapor gustum. Cuncta hoc odore prædita Græci εὐδμία & εὐωδία nuncuparunt, hoc est bene olentia, ut Myrrhin, Acorum, Cinnamomum, Nucem myristicam, & mali citrii corticem atque folium. Quæ gravem spirant κακὸς οὖμα & δυσωδία, hoc est male olentia, quibus odoratus noster læditur ac tristatur, ut gustus amaro. Tali donatur assa foetida, & Spatula foetida, quam nonnulli Recoctariam nominarunt, quod folia ejus contrita recoctam odore videantur, cum tamen gravius spirent.

C A P. I X.

Quomodo sapores manifestas qualitates indicent.

VT recte Plantarum vires cognoscantur ex saporibus, non modo saporum qualitates, quæ gustui se offerunt considerandæ veniunt: sed etiam materiæ quibus inhærent singulæ. Quia ut qualitates gustabiles, id est, sapores, qualitatum primarum; ita materiæ indices sunt secundarum. Simples sapores simplices etiam facultates primas manifestant: tum passivas tum activas: quatuor caliditatem, acris nimirum, amarus, salus, dulcis proprie dictus; quatuor frigiditatem, acidus, acerbus, austerus, insipidus; pinguis temperiem temperatam. At vero misti, mistas etiam facultates denotant, quæ aut sunt contrariarum qualitatum nunciæ, ut in Glycyrrhizæ & Polypodii radicibus, dulcis denotat caliditatem, austerus autem & acerbus sapor frigiditatem (idem in aceto est quod acre sit, atque acidum:) aut ejusdem fere naturæ, ut dulcis & amarus; vel acer & amarus; vel salus cum aliquo prædictorum calidorum, indicant caliditatem: sic austerus cum acido aut acerbo si misceatur, frigiditatem. Gradus ex iisdem saporibus cognoscetis, prout intensiores hi aut remissiores fuerint. Prout enim quid intensius est, aut ama-

rum, aut acre, aut alterius saporis, pro eo etiam erit aut calidius, aut frigidius. Verum scire ad hoc imprimis confert, non omnes sapores calidos eundem gradum denotare, si aut intensius aut remissius lingua ab eis afficiatur, nec etiam frigidos eodem pacto. Nam sapor dulcis proprie dictus nunquam indicat excessum caloris primi gradus, idcirco nonnulli statuunt hunc temperatum. Quidquid vero acre est si linguam vehementer mordicet, ut etiam urat vesiculasque excitet, quantum caliditatis ordinem attingit, ut Piper, Euphorbium, Sinapi, Lepidium; item quæ colliquant, & putrefaciunt, ut Thapsica, Chamælaea, quas ne gustare quidem propter summam acrimoniam possumus. Quod autem linguam modico fervore imbuit, id secundo gradu calidum esse dicimus, quod vero vehementius id præstat tertio; quemadmodum etiam quod parum linguam urit, paucaque acrimonia stimulat, primo ordine calidum esse censendum est. Amaritudo autem atque falsedo secundum caliditatis gradum ad summum arguit, amaraque & falsa omnia quæ nulli alteri saporis conjunguntur, sine vehementi calore operantur. Nam sal quem Chymici nostri ex quacunque re eliciunt, præterquam quod arte paretur etiam acrimoniam particeps est, ut cinis: unde fit, ut hic impense calefaciat, & pro cauteriis usurpetur. Acida autem cuncta secundum frigiditatis gradum haud superant, quanquam sint summe acida. Nam aciditas sine modico calore, aut mutante ex calido in frigidum, aut mutato ex frigido in calidum fieri non potest. Vinum enim si calore suo depauperetur acetum fit, fructusque maturi plurimi austeri aut acerbi prius, mox à calore semicocti acidi redduntur, deinde dulces fiunt ubi plus caloris acquisiverint. Probatur idem ex acidis ructibus, qui non fiunt à ventriculo bene cibos concoquente, aut nihil prorsus alterante, sed tantum ab imbecilliori concoctione alimentorum. A calore ergo fit acida qualitas; sed superatur à frigore, hincque est quod acida summos frigiditatis gradus attingere non possint. Acerba & austera similiter frigida sunt ad summum in secundo gradu: nec ad tertium quantumve pervenire possunt nisi socium sibi habeant aliquem alium saporis frigidum; ut in Sempervivo majori. Insipida autem tertium gradum attingunt in Portulaca, & quibusdam aliis valde paucis, plerumque vero infra subsistunt. Quartum vero frigiditatis ordinem qui indicet, saporem nullum novi, atque (si verum fateri licet) quod quarto sit ordine frigidum nondum observavi, quanquam dari non negem. Nam quæ soporem inducunt, atque stuporem, Græcis νάρκητις dicta, frigida quidem statui debent, nequaquam tamen in quarto ordine. Opium autem, Mandragora, Solanum somniferum, & alia quæ somnum conciliant, non solum frigiditate hoc efficiunt, sed peculiari quadam virtute cerebro destituta, quæ à tota substantia dependent, uti aptiori loco probabimus. Soporifera enim cuncta suavi quadam evaporatione ad cerebrum ascendente sive per nares, sive per os, sive per carotidas venas & arterias, sive per gulam, quam stomachum vocant, somnum movent. De opio tanta est inter recentiores dissensio, ut inter peritissimos medicos non desint, qui id calidum assevereant. Sane quar-

Acidum non fit sine modico calore.

Insipida possunt esse frigida in tertio gradu.

Narcotica frigida non sunt in quarto gradu.

Op. vi.

Sapores calidi frigidique.

Gradus remissionis ut cognoscantur.

tum nulla ratione attingere frigiditatis gradum potest, cum mediocriter amarum sit; quantum namque habet amaroris, tantum caliditatis. Cæterum (ut ad rem redeamus) pinguis cuncta calore ac frigore temperata sunt: raroque pinguis sapor simplex subsistit, sed plerunque mistus cum aliis, qui postea & qualitates activas, atque eorundem gradus denotant. Passivæ autem qualitates, ut humiditas, siccitas, saporum ope etiam cognoscuntur. Exsiccant enim acris, amarus, falsus, austerus, acerbus, atque acidus sapor: humectant dulcis, insipidus, ac pinguis. Ad summum siccitatis ordinem perveniunt acria, si valde acria existant: ut Ruta sylvestris Dioscoridis, quæ copiose in Montibus Pisanis nascitur, Allium, Sinapi, Nasturtium, & alia, quæ nonnulli quarto ordine siccare tradunt, quod siccandi vis adaugeatur ab insigni calore. Nam adstringentia, hoc est austera, & acerbata; ut Sumach, galla, balauftium, quæ potenter siccant, tertium siccitatis gradum nunquam superant. Refringitur enim eorum siccandi vis à frigore: frigidum autem nullum quod quarto gradu sit siccum novimus: nihilque existimamus summe siccare posse, quod non habeat sibi sociam aliquam ex activis qualitatibus. Amara omnia ad summum secundo gradu siccant, item falsa, nisi sibi admistum habeant aliquem adstringentem saporem. Acida vero minus omnium siccant, videnturque temperata in passivis. Humectant dulcia tantum primo ordine propter calorem. Insipida vero & aquea, secundo atque etiam tertio.

C A P. X.

Secundarum, tertiarumque facultatum investigatio.

Dixi qualitatum gustabilium materias indices esse secundarum qualitatum, non quidem per se, sed quatenus cum primis elementorum qualitativis conjunguntur. Ex utrisque enim saporibus emanant. Materia quibus gustabiles qualitates inhaerent triplex est, tenuis, mediocris, crassa. E tenui prodeunt saporibus, acer, acidus, pinguis; è mediocri, falsus, austerus, dulcis; è crassa, amarus, acerbus, insipidus. Si igitur cum tenui materia calor ac siccitas conjungantur, acer sapor excitatur. Calor hic aut vehemens est, aut mediocris, hoc est, infra tertium ordinem. Quod si vehemens fuerit ac tertium caliditatis gradum excedat, aut uret, papulasque faciet, ut in Sinapi, Pyrethro; aut vesiculas, ut in Flammula Iovis, Lepidio; aut colliquabit & putrefaciet, ut in Thapsia. Vbi vero calor est moderatus, crassos humores attenuat, meatus aperit ac penetrat si per os sumatur: sin vero exterius corpori applicetur, rarefacit cutem, humoresque ex alto evocat & resolvit. Tenui autem materiae, si siccitas frigiditasque copuletur, acidus fiet sapor. Idcirco acida similiter atque acria crassos humores attenuant, incidunt, penetrantque in altum, si intus sumantur; at foris imposita non dissolvunt, sed cohibent fluxiones; vehementiusque multo, quam quæ adstringunt. Temperies caloris atque frigoris cum modica humiditate in tenui aut aërea materia consistens pinguem saporibus producit. Idcirco cuncta pinguis vim habent laxandi, molliendi, atque

humectandi. Calor & siccitas in mediocri materia consistentes falsum saporibus proferunt. Voco autem mediocrem materiam, quæ ex terrena cum aquea permixta conflatur. Nam cum calor externus partes aqueas cum terrenis permixtas exsiccat, falsus sapor inducitur. Ita fit ut vi polleat mediocriter penetrandi, incidendi, atque sua abrasione expurgandi, siccandique valde tenues humores; & à putredine conservandi. Frigiditas in mediocri materia, austrium saporibus efficit; ideo adstringit quoque, & fluxiones moderate repellit, cohibet, ac contrahit, quæ non tam refrigerando, quam materiae mediocritate præstat. Dulcia vero cuncta è mediocri materia emanant, in qua calor obscurus consistit. Idcirco differunt à pingui sapore præditis, quod in pingui sapore non exuperat calor, aut frigus; sed utriusque temperies existit, materiaque magis tenuis, quam in dulcibus. Quamobrem dulcia minus, quam pinguis relaxant, sed magis exasperata leniunt: anodyna præterea sunt sua mediocritate materiae temperamentique, maturant, concoquunt, & pus movent. Calor præassians, atque exsiccans materiam terream amarum saporibus gignit: cui idcirco facultas detergendi, meatus expurgandi non sine calore mediocri. Nam calor ubi pervadit, ac penetrat, crassam materiam terrenamque secum abducit; quæ cuncta sibi obvia abradit, deterget, atque expurgat: & quo amarius medicamentum est, eo valentius hæc efficit ac præstat: Absinthium moderate; vehementius Aloë, Aristolochia Centauriumque: vehementissime Colocynthis, utpote quæ intus sumpta intestina exulcerat, multaque ceu ramenta deducit ac dysenteriam efficit. Omnibus vero intus sumptis vis infarctus exolvendi: at ulceribus admoti fordes eorum expurgandi magna vis inest. Quia etiam siccitate insigni superfluos humores auferunt ac veluti absorbent & mirabiliter putredini resistunt. Terrena autem materia, cui frigidum & siccum inhaerent, acerbis saporibus parens est: qua de causa fluentium humorum impetum cohibet. Frigiditate enim & siccitate adstringit, densat, & coarctat. Hinc vulnera etiam cicatrice obducit, & humores incrassat propter terream substantiam. Humiditas autem exuperante modico frigore in crassa materia, insipidum facit: inde ei vis inest emplastica, meatus omnes intus & foris infarciendi, obstruendi, exasperata leniendi, ac soluta glutinandi. Distat insipidum à dulci, materia & temperamento. Crassior & crudior materia insipida est, quam dulci, & obscura frigiditas: calor vero obscurus, dulci.

C A P. XI.

Ex odoribus facultates obscurius cognosci.

Minus certo ab odoribus nobis virtutes Plantarum monstrantur. Sunt enim odores non ita manifesti sicut saporibus teste Arist. lib. 11 de Anima. magisque nos fallere sensus odoratus potest, quam gustus. Nam gustus fit per linguæ contactum sine ullo medio; odoratus vero mediante aëre, qui sæpe facile nobis haud animadvertentibus alteratur ab aliis rebus, quam ab iis quæ odorari cupimus. Præterea inodora nullam nobis manifestam indicant qualitatem calidam vel frigidam, quemad-

Sapores passivorum qualitatum indicant.

Falsus sapor unde.

Austrium sapor unde.

Dulcis sapor unde.

A pingui quid differat.

Amarus sapor unde.

Materia, quibus saporibus inhaerent, triplex.

Calor & siccitas cum tenui materia. Acer sapor unde.

Frigiditas & siccitas in tenui materia. Acidus sapor.

Pinguis sapor unde.

Acerbus sapor unde.

Insipidus sapor unde.

Inodora nullam indicant manifestam qualitatem.

*Amarum an
odoratum.*

quemadmodum insipida frigidam, sed tantum crassam essentiam. Plantæ magna ex parte sapore suo peculiari præditæ sunt, quo gustum nostrum afficiunt: at pauciores multo sunt quæ odorem aliquem habent. Carent odore quæcunque insipidæ sunt. Austerae item, acerbæ, atque etiam falsæ, & amaræ. Crassa enim atque terrea eorum essentia est, ac propterea exhalare non potest. Ideoque non est à ratione alienum quod scripsit Galenus lib. iv de Simpl. med. facult. amarum nati-
quam odoratum esse. Nam quod dixit Theophrastus lib. vi de Caus. plant. amarum grati odoris primordium quodammodo existere, de exquisita amaro intelligi non potest ob dictam causam; ideo non omisit adverbium prope; sed de misto cum alio sapore, qui in tenuiori essentia consistat. Acris enim sapor plerumque cum amaro conjungitur. Exemplo nobis sunt cortex Mali Citrii, Myrrha, & alia innumera: sed in aliis magis in aliis minus acrimonia ab amaritudine vincitur. Multa præterea sunt odorata quæ non sunt amara, ut omnia fere aromata: quædam autem summe amara, quæ aut nullum, aut admodum exiguum odorem edunt; ut Colocynthis, Centaurium, Aloë. Est & alia causa eaque maxima cur non tam certo de temperamentis, atque facultatibus Plantarum ex odoribus uti ex saporibus, judicare queamus; inæqualitas scilicet substantiæ, quæ ex pluribus partibus diversis constat: exemplum Galenus, lib. iv de Simpl. ad eam declarandam in Rosa proposuit: *Quæ, inquit, non ea modo ratione dissimilans est, quæ pars quidem ejus continet, pars vero continetur: continens quidem durum & terreum, quod continetur succus est humidus: imo & succi ipsius tria sunt excrementa, quemadmodum supra necessarium esse demonstratum est; unum terreum, quale est in urinis fex; alterum æreum, quod ipsum quoque vini flori proportionem respondet: tertium aqueum, quod in omnibus bullitionem efficere corruptionemque diximus, ubi nimirum nequē devictum neque plane alteratum ebullitionis tempore fuerit. Sane hujus excrementi gratia quidam succos non nisi coctos reponunt, alii in sole ferventi præficcato: nam terrei ærei-que gratia non admodum corrumpendos metunt, cum ea & separari videant, egreque corruptibilem sortita substantiam: quandoquidem temperamentum nata sunt siccum. Ceterum in Rosa natura aliud gustantibus acerbum est, quod terreum ut sit, & crassum, frigidumque necesse est: aliud vero amarum, quod tenue est & calidum, & tertium in his aqueum, necessario quidem frigidum, sed in tenuitatis crassitudinisque oppositione quadamtenus summorum medium; cujus mixtura neque ipsum illud adstringens, neque ipsum amarum summe est tale, quale dicitur. qualitates enim omnes exolvit aquæ admixtio. Ipsam itaque hoc aqueum elaboratum extenuatumque, atque excalefactum quodammodo videtur, ac proinde facile in vaporem solvi, & hac ratione rosam tum odoratam esse, tum celerrime resiccare. Atque hæc omnia de ea ex gustu conspicias; at per odorem haud æque. Quippe cum non æque omnes ejus partes evaporent, nec perinde sensum moveant. In gustu autem omnes similiter gustabilium corporum particule in linguam incidunt, sensumque movent pro sua natura singule. Quare certum tutumque non est de tota medicamentorum facultate ex odore conjicere. Hæc Galenus, qui citatis verbis partium diversitates per artificium, nempe coctionem, destillationem, & similia demonstravit: nos vero etiam*

per naturæ opus, scilicet per partes diversas communes & proprias, & communium particulas tum similes, tum dissimiles, quæ singulæ peculi-
res, ut plurimum, vires fortiuntur. Si enim alicujus totius Plantæ facultates consideremus, interdum per omnes Plantæ partes communes eadem est, sed minoris majorisve ratione differens in singulis; ut in Fœniculo, Petroselino, & aliis quibusdam vis calefaciendi, incidendi, attenuandi in omnibus partibus communibus quidem inest, sed magis in semine: interdum uni parti alia facultas, alia alteri, eaque aut contraria, aut diversa, ut flori Iesinini cor suo odore recreandi; Rosæ vis purgandi, cum nulla harum facultatum in folio aut alia parte appareat, imo potius contraria cernatur, scilicet alvum sistendi. Hederæ flos trium digitorum carptu aquam inter cutem emendat, teste Dioscoride, cum tamen frondibus insit vis adstrictoria. Illud præcipue notandum est, Plantarum partes quæ temperamentis conveniunt similibus, nempe calidis, aut frigidis, humidis aut siccis, non tamen in gradibus, singulas peculiaribus præditas esse dotibus. Exempla nobis sunt plurima in Pharmacopœorum officinis, in quibus propterea non omnes Plantæ, quæ usurpantur quotidie, totæ servantur, sed ut plurimum partes aliquæ, nempe radix, semen, folia, flos, quod iis inest privata & occulta quædam qualitas, aut insignis facultas manifesta, quæ à temperamentis dependet. Iam vero partium communium partes sive similes sint, sive dissimiles, virtutibus variant, ut exempli gratia in fructibus, mali Citrii cortex calefacit, pulpa refrigerat, semen mediani quandam temperiem sortitur. Verum quærat aliquis: quo cuncta quæ odorem habent temperamento prædita sint? Respondeo odorem à nobis distinguere in bonum, hoc est jucundum, & injucundum seu malum: ille odor κατ' ἐξοχῶν, hoc est per excellentiam, hic foetor dicitur; cunctaque illo odore fragrantia odorata; hoc vero foetida & graveolentia. Cuncta odorata calida esse & sicca, sive suaviter oleant, sive acrem gravemque spirent odorem, antiqui sapientes, atque neoterici probaverunt. Theophrastus lib. vi de causis plant. cap. xxiv, ait odorem per coctionem acquiri, quod odorata evaporent, evaporatio autem omnis à calore fiat. Cum ergo coctio sine calore fieri non possit, accidit ut in fervidis locis plures odoratæ Plantæ nascantur quam in frigidis: aromata in Arabia, Syria, Indiaque plurima: in septentrionali plaga præter Iridem, & Acorum, nullum: Acorum in Lithuania paludibus copiosissimum: Iris ubique fere in locis montosis, sed in Illyrio optima, quæ temperata est regio. Consistit & coctio in siccitate. Siccitas, inquit idem Philosophus lib. vi de caus. plant. cap. xxxi, odori convenientior est, & omnia odorata eo potius vergunt. Argumento est, quod odoratiora locis siccis magis proveniant, exhausto scilicet humore aqueo excoctoque reliquo melius: item quod quædam tantum siccata olent, quæ viridia nil aut valde parum: ut calamus Aromaticus, Cinamonum; quædam plus olent siccata, ut Iris. Quod si aliqua viridia plus olent, quam siccata, id fit propter summam essentia tenuitatem, in qua odor consistit, quæ cito & facile exhalat. Prætereo quod dixit Theophrastus,

*Odorata quæ
temperamentis
suo prædita.*

Rosa cur trita
nullum odo-
rem spirat.

Fœtida quo
temperamen-
to donata.

amarum grati odoris esse quodammodo primordium omniaque fere odorata amara esse: at amarum calidum siccumque esse probatum est. Quamobrem cuncta odorata calida siccaque esse oportet. Sed quid de Rosis, violis ac cæteris dicemus, quorum flores suavem jucundumque cum exhalent odorem nihilominus frigida censentur? Respondeo partes esse in florum etiam foliis diversas, calidas scilicet ac frigidas; plures vero frigidas, atque hac ratione flores hos frigidos censer: calidas vero partes exhalare propter earum tenuitatem, quæ sunt in superficie foliorum, hoc est proximæ aëri. Hujus rei argumentum est, quod isti flores triti nullum odorem spirant. Permiscuntur enim plurimæ partes crassæ ac frigidæ cum calidis ac tenuibus in contritione; & has partes calidas ac tenues paucas esse docet nos suavis atque exilis florum odor. Verum pleraque odorata in Stirpium genere partes calidas & siccas aut intus tantum obtinent, ut ea quæ non nisi trita odoratum ferunt: nam exterius terrena crassæ ac frigida vestiuntur essentia, quæ exhalationem odoris partium internarum prohibet. aut per totam Plantam, aut aliquam ejus partem, hoc est tam intus quam foris, ut omnia quæ trita, & non trita odorem reddunt. Atque hæc de odoratorum temperamentis dicta sint. Quam autem qualitatem fœtidæ monstrant stirpes, non satis ab antiquis ac recentioribus declaratum est. Videtur autem fœtor non à calore & siccitate generari, ut odor proprie dictus. Nam multa fœtida frigida sunt, ut Cicuta, Hyoscyamus, quanquam plura calida: invenio præterea apud Aristotelem in problematis Sect. xii, multa odore malo prædita veluti excrementa animalium à cruditate provenire, quæ fr: à caloris naturalis inopia: existimo tamen fœtorem cum sit odoris species, à calido similiter & sicco dependere. Fœtida namque nobis sunt, quæ cæteris animalibus multis odorata, & contra odorata quæ multis fœtida. Etenim Scarabæos pilularios, quos Græci καὶ τῆρας vocant, odore Rosæ exanimari apud veterum plurimos scriptores satis constat. Fœtor vero in Plantis frigidis, in alia parte præterquam frigida consistit. Fœtida autem inconcocta esse falsum est. Nam Spatula fœtida, Cicuta, Hyoscyamus non minus cocta sunt à suo naturali calore, quam Cinnamomum & Nux myristica. Verum quia ex illis non spirat odor nostræ naturæ familiaris & amica, ex his vero jucunda, idcirco illa nobis fœtere, hæc vero olere videntur. Sed cujusnam erunt temperamenti, quæ putridum odorem edunt, qui species esse fœtidi videtur? Hunc à nimio humore & caloris sui extinctione generari, indicio sunt fructus & Herbæ putrefactæ, quæ multum humoris in se continent, quare frigida humidaque putrida censer debent. Respondeo nos hic de naturali cujusque Plantæ odore & temperamento agere, non de eo, qui est præter naturam. Nunc ex odoribus vires prosequamur.

C A P. XII.

Odorum virtutes.

A Limentis ac sanitatis gratia nobis jucundos ac bonos odores natura suppeditavit. Quæcun-

que enim nobis bene olere videntur, ea aut cedunt in nutrimentum, aut medicamentum; male vero olentia tantum in medicamentum. nullum namque fœtidum gustare audemus. Conjunxit rerum opifex bonos saporos cum bonis odoribus in iis Plantis, quæ in cibum cedunt, quæque aliquem odorem spirant, non tamen cum bonis odoribus bonos saporos. Multa enim odorata amara sunt. Quæ in medicamentum cedunt, tantum spiritus cordis ac cerebri recreant atque reficiunt: quæ vero in alimentum, & solidas partes & spiritus. Recte Sophocles in fabula Cretenses dicta, Venerem Deam, quæ voluptas significatur, unguento perfusam fingit, & in speculo se aspicientem: Palladem vero, quæ mens est, prudentia, virtusque, oleo perungi & exerceri: innuens sensus in capite positos odoribus demulceri. Quod etiam Alexis dixit apud Athenæum lib. xv Deipnosoph. ἡ μέγιστος ὁδὸς ἐγκεφάλῳ χρηστὴ ποιεῖν, *maxima, inquit, sanitatis pars est, odores cerebro bonos facere.* Apud veteres quoque in usu fuit pectus suaviter olente unguento inungi, quod in pectore cor lateret, ejusque spiritus suavitate odoris refocillarentur. Sane in odore res plane divina, si priscorum credamus ceremoniis. Deos enim odoribus placare studebant, atque eosdem à cælo evocare, & nostris temporibus prisca consuetudine in sacris domibus suffitus fiunt. Consopitam enim & languidam mentem excitant. Fœtor vero omnis ut cerebro nocet mentemque perturbat, ita cordis spiritus lædit, animumque prostermit. Peculiaris vis fœtidis ad uteri suffocationes si naribus adhibeantur; odoratis, si infernis partibus applicentur.

Odores juvant cerebrum.

Pectus unguento cur perfunderent veteres.

C A P. XIII.

Occultarum facultatum dignotionem fieri per experientiam, & quomodo hæc fiat.

N Vllus sapor aut odor nobis manifestat occultas proprietates, sed solus usus & experientia quæ facta est in pluribus ob unum aut alterum effectum fortuito semel aut bis observatum. Nuper cum rusticus acetarium suæ pararet familiæ, flores Thlaspios umbelliferi, quod Creticum vocant, plures miscuit cum Lactuca & aliis Herbis ex quibus acetarium parabat. Noctu omnes qui comederant, morsu circa ventriculi orificium correpti sunt, plures vomebant; omnes noctem insomnem traduxerunt, putabantque se venenum hausisse. Hinc suspicor, aut vomitum hoc Thlaspios genus excitare, aut deleteriam aliquam habere facultatem, quæ facta semel atque iterum in aliis experimento innotescet. Multæ enim ejusdem rei memoriæ, unius experientiæ vim efficiunt dicebat Aristoteles lib. i Metaph. Ita investigatur proprietas occulta: manifesta autem qualitas tum ratione, tum etiam experientia, quæ tamen aliqua indiget methodo, ut recte fiat, alioqui maxime fallit rationem. Observandus morbus, causa morbi, & symptoma, tum ægri natura tam communis, quæ temperamenta respicit, quam propria, quæ idiopathias latentes. Etiam anni constitutio animadvertenda, regio, & aliæ indicationes quas Galenus recensuit. Per morbum intelligo non ἄλγεσιν seu essentiam, sed morbi tempora; hoc est principium, augmentum, statum, & declinationem.

Thlaspi cretici flores quid efficiamus.

Manifestatione & experientia innotescit.

Nuper

*Quartana
quo tempore
plerumque
soluitur.*

Nuper quidam quartanarius cum veris tempore, una aut altera hora antequam quartana corripere solitus erat, Lactucam comedisset ac Brassicam, nec febris unquam postea rediret, putavit se à Lactuca & Brassica sanatum. Verum hæc febris concocta paulatim materia veris tempore tanquam critico sponte solvitur. Itaque imprudenter aliis duobus quartana laborantibus consuluit, ut eandem cœnam fumerent, quibus multo gravior ab hoc assumpto cibo facta est accessio, alterique duplex quartana supervenit. Sic alius inflammatione circa talum laborans, quæ jam erat in declinatione, Sempervivum adhibuit, solvebatur morbus. Ideoque putavit cunctis inflammationibus recte adhiberi posse. Quare cum alteri in brachio inflammatione laboranti, cataplasma ex Sempervivo applicuisset, gangrænam induxit. Inest etiam singulis hominibus peculiaris natura; cujus manifestæ causæ latent, quæ diligenter etiam venit observanda. Rosæ odorem, quo plerique mortalium recreari solent, non potuit sufficere Oliverius Caraffa Cardinalis. Patri meo Fabis laxabatur alvus, quæ tamen cæteris eam duram reddunt. Vidi quendam Aloës magna frustra devorasse sine noxa, sine purgatione ulla, aut minima alvi lubricatione. Debet igitur unius ejusdemque rei observatio fieri in pluribus quæ experta censetur. Hæc non potest ab idiotis atque plebeis hominibus (qui multa se interdum expertes fuisse jactitant) recte cognosci, utpote qui simile atque diversum sæpe idem statuunt; sed tantum à Medicæ artis peritissimis, qui hæc quæ proposui, cuncta animadvertunt acri judicio ac summa diligentia, ut idem à diverso distinguant.

C A P. XIV.

De alimentis. Nullam Plantam non esse medicamentum.

TRanseamus ad alimentorum potentiam: de qua nobis primum dicendum fuisset, quod magis alimenta nobis, quam medicamenta sint necessaria (nam alimentis, neque in secunda, neque in adversa valetudine carere possumus, medicamentis vero dum valemus;) nisi medicamentorum multa essent, quæ nil nutriunt; alimentorum vero nulla, quæ non alterent. Quod multis rationibus monstrari potest, sed ea potissimum, quod nulla reperiatur Planta, nulliusque Plantæ pars, quæ ex omnibus qualitatibus elementorum æqualiter mistis constituatur. Nullum enim mistum in rerum natura tam exacte medio temperamento quod confletur reperiri ajunt Philosophi, sed id tantum esse mente contemplabile, quemadmodum etiam quod proprie alimentum vocamus. Etenim quæ medii sunt temperamenti, ut à Galeno lib. I de Alim. cap. I, docemur, nullaque vincendi qualitate sunt prædita, ea solum sunt alimenta, non etiam medicamenta. Hæc ratio est, quod qui bene valentes, uno eodemque cibo semper utuntur, tandem in morbos incidunt, citius alii, alii tardius, prout minor aut major est cibo intemperies. Itaque inventi sunt varii, diversique cibos condiendi ac præparandi modi, ut scilicet intemperies corrigi possit. Nec deest causa cur nullum alimentum sine aliqua exuperante elemen-

torum qualitate natura nobis comparaverit. Humanum enim corpus nullum est, quod plane medii sit temperamenti; sed semper aut calidius est, aut frigidius, aut humidius, aut siccus; idque vel ab ortu, vel ab ætate, locorum aerisque commutatione. Quare necesse erat tot temperamentorum commutationibus obnoxium genus humanum, intemperatis nutriri alimentis, si quam fieri potest diutissime permanere in hac vita debet. Intemperata enim naturæ modico contraria gaudent usu.

C A P. XV.

Alimentorum differentie.

INsunt igitur duæ Plantis nos alentibus facultates; una nutriens proprie & simpliciter dicta; alia alterans, de qua jam egimus satis copiose. Quibus inest facultas nutriens, alimenta appellantur, quorum differentie facile patebunt, ubi prius qua ratione ac serie cuncta, quæ à nobis assumuntur pro nutrimento, alterentur commutenturque, ut tandem assimilentur, breviter declaravero. Alimenta aut liquida sunt cum assumuntur per os, aut solida: illa levi in ore egent præparatione aut nulla, ideoque statim nulla facta in ore mora per stomachum labuntur: hæc vero præparari masticatione debent. Ea fit præcipue per proprium oris calorem & salivam quæ ex stomacho, aliisque ori vicinis partibus suppeditatur, seseque cum cibo permiscet, ut liquidior evadat, facilius deglutitur, temperiem quandam cum ventriculo ineat familiarem atque amicam, substantiamque chylo ventriculi similem fere efficiat, quæ à ventriculo facillime in chylum convertatur. Ventriculi siquidem officium est, cibum per os ingestum in chylum commutare. Hic postea chylus, hoc est tenuior alimentorum succus, cremori hordei similis factus, per venas meseraicas, relictis crassis excrementis in intestinis quæ per alvum deturbantur, in jecur delatus, in sanguinem convertitur, deinde per venam cavam in universum corpus distribuitur, singulis particulis idoneum suppeditans alimentum proprie dictum, ubi ab his assimilatur atque agglutinatur. Cæterum qui de alimentorum scribere facultatibus, aliter sumentes nomen alimenti, non id tantum alimentum vocarunt, quod jam nutrit; sed quod nutrire nos potest, hoc est quod cunctas quas diximus mutationes subire debet, antequam substantiam naturæ nostræ familiarem, deperditæque similem præbeat. Hac ratione, & Plantæ aut totæ, aut aliquæ earum partes alimenta censentur. Horum multæ sunt differentie, sumptæ partim à nutriendi, partim ab ea, quæ cum hac conjungitur, alterandi facultate. Nutriunt alia cito, alia tarde, alia multum, alia parum, alia bene, alia male. Sunt & quæ mediocriter hæc cuncta præstent, quorum natura ac vis media est inter hæc duo extrema. Quæ vero ori ingrata aut grata, facile aut difficulter corrumpuntur, & excernuntur, aut aliud quid simile præstant, propter alterantem & medicamentosam, quam continent facultatem, hæc operantur: siquidem ori grata sunt propter saporem, quem nos suavem, Græci ἡδύ nuncupare consueverunt, sive is sit dulcis, ut in Amygdalis, sive cum eo permista aciditas,

Alimenta assumpta quomodo in corpore alterentur.

Alimenti nomen quid denotet.

Alimentorum differentia.

aciditas, ut in malis quibusdam atque aliis fructibus. Similiter ori ingrata sunt, quæ haud suavem habent saporem, sive sit falsus, sive amarus, sive austerus, qui prædominatur cæteris saporibus. Omnes autem alterare ex multis rationibus colligere quisque potest, quas cum de medicamentorum per rationem investigandi facultate ageremus, sæpe recensuimus. Ventriculo quæ jucunda sunt aut noxia, privato quoque id præstant temperamento, quod aut amicitiam conciliat, aut odium. Alimenta autem facile, aut difficulter in putredinem verti, ac per alvum excerni, ab intemperie provenit. Quæ enim facile putrescunt ac corrumpuntur, humida sunt cuncta, ut Cucurbitæ, Persica, & bona pars fugacium fructuum; sicca vero difficulter. Sic quoque facile aut difficulter per alvum transeunt ob nimiam humiditatem, aut siccitatem. Quæ enim adstringunt, tarde: quæ laxant aut abstergent, cito permeant, ut Ficus. Porro illud curiosius, non tamen sine fructu indagandum: an quæ male nos nutriunt, hoc est, prævum suppeditant succum, κακόνχυμα Græci vocant: alimenta dici debeant? Si enim quod bonum est nobis, nostræque naturæ familiarem & gratum succum suppeditat, alimentum appellandum est, ut videtur; erit quod pravum & malum suggerit humorem, neutiquam appellandum alimentum, sed potius medicamentum, quod pravitas hæc dependet ab intemperie. Respondeo alimentum dupliciter à scriptoribus accipi: simpliciter pro eo quod nobis bonum succum præbere potest: vel cum additione vocis pravum, non pro eo quod nil nos nutrire potest; sed quod præter exiguum bonum succum multum pravi in se continet humoris, qui una cum bono per venas in universum corpus distribuitur; præsertim quando partes corporis ex aliqua inedia exinanitæ nutrimentum tam valida vi & tam celeriter attrahunt, ut nequeat natura partes nutrimenti noxias secernere ab innoxiiis, ac per loca consueta è corpore deturbare. Pravi succi appellari solent melancholici, biliosi, putridi: crudi vero & frigidi, pituitosi. Sequitur, ut quæ prædictæ alimentorum differentiarum in Plantis atque aliis nos nutrientibus jungantur commisceanturque, nunc indicemus. Quæ cito nutriunt, ea parum præbentimenti: non tamen quæ tarde ea multum, sed quæ multum ea tarde. Haud enim verum est, cuncta ea quæ tarde nutriunt, multum nos nutrire; nec quæ parum, cito; sed quædam. Triticum multum nutrit, & tarde: nam tarde à ventriculo concoquitur. Quæ autem boni pravique sunt succi, quædam cito, quædam tarde alunt. Sed boni succi cuncta & multum & parum alere possunt; pravi vero neutiquam, sed parum tantum ea alere necesse est; atque aut cito, ut Persica; aut tarde, ut Lentesc. Eorum autem quæ mediocriter, hæc cuncta præstant, quædam mediocriter & nutriunt, & in corpore antequam nutrant, mediocri temporis spacio commorantur, sive mediocriter pravi succi sint participes, sive prorsus eo careant. Sunt quæ mediocriter alunt, & aut tarde, aut cito: quæ vero mediocrem in corpore moram trahunt, antequam assimilentur partibus, alia cito, alia tarde nutriunt, venasque corporis pervadunt. Vario etiam modo junguntur cum his facultates, quæ

dependent ab intemperie, & præsertim eæ quarum mentionem fecimus, quæ cunctis alimentis inesse solent. Eorum quæ ori grata sunt, quædam facile, nonnulla difficulter concoquuntur, aut corrumpuntur aut descendunt, & cito aut tarde, parum aut multum alunt. Quæ cito & facile concoquuntur, cito & facile etiam alunt, & contra quæ tarde ac difficulter. Sic & quæ cito in ventriculo concoquuntur, cito etiam descendunt, & per intestina dilabuntur. Id quod etiam videtur affirmasse Hippocrates dum inquit lib. 11, Aph. xviii. *Eorum quæ confestim, & velociter nutriunt celeres sunt excretiones.* Nam loquitur non tantum de secunda & tertia concoctione, sed etiam de prima.

C A P. XVI.

Alimentorum inventrices, ratio & experientia.

Sunt sicuti medicamentorum, ita & alimentorum inventrices, ratio & experientia. Fallax tamen & multo minus certa in his est ratio, quæ à sapore, & odore desumitur, quam in medicamentis, si solam spectetis nutrientem facultatem. Extant apud Galenum lib. 1 de alim. Dioclis verba, sola experientia alimentorum facultates nobis cognitæ esse arbitrantis, non ex indicationibus, quæ à temperamento & à saporibus sumuntur. Cæterum si Diocles nutrientem potentiam in alimentis tantum considerasset, haud prorsus à veritate aberrasset. Nam à multis Sapientibus probatum est, animantium generi cibum esse familiarem substantiæ proprietate, quæ sola experientia indicatur. Ajunt tamen dulcia cuncta nos nutrire. Id si ita est, indicabit etiam sapor vim nutriendi, non tantum alterandi. Per dulcia autem nonnulli intelligunt cuncta, quæ gustui placent, indeque putant ductum proverbium, *Quod bene sapit, bene nutrit*: ego præter illa etiam dulcia proprie dicta. Sine his enim nil palato arridet. Salsa, acrida, amara, & si quæ sunt alio sapore prædita, qui alimentis inesse potest, si modum excedant, ori insuavia redduntur, & quod in ipsis dulce est, destruant, aut præpediunt ne nutriat. Quare censendum est, non modo dulcia esse omnia, quæ nos nutriunt, sed & alimenta cuncta dulcia. Existimaverit autem aliquis falsam hanc esse universalem propositionem, propterea quod inter medicamenta nonnulla sunt, quæ nil nutriunt, dulcia. Hic sane condocere facienda est, id non ob aliam causam contingere, quam ob partium diversitates. Insunt enim, & illis partes, quæ nos nutriunt, & aliæ quæ medicamentorum continent potentiam; quæ quia in his insignis est, impedit in illis nutrientem facultatem, ut nil operetur in nobis. Hujus rei manifesta sumatur demonstratio ab exemplis. Ari radix cruda, neque mandi potest, neque nutrire, propter ejus summam acrimoniam, cocta vero præbet alimentum. Huic necesse est adjungam memorabilem naturam ejus Plantæ, quam Hiuccam vocant Indi occidentales, quamque fide digni ac multi scriptores, qui eas terras peragrarunt, & viderunt & scripserunt. Folium huic Herbarum Canabis, vel ut aliis placet Sambuci, radix humani femoris crassitudine. Hanc tradunt redigi in pulvem cotium attritu, deinde ex ea per colum

*Alimenta
κακόνχυμα
an nutriant.*

*Alimenti du-
plex acceptio.*

*Pravi ac cru-
di succi qui.*

*Dulcia nos
nutrire.*

*Alimenta
cuncta dulcia.*

*Ari radix nu-
trit.*

*Hiucca vene-
nosum ali-
mentum.*

lum extrahi succum valde lethalem, nulloque invento ad eum adhuc remedio: reliquum vero radicis exponi soli, ut exsicceetur; mox ficcatum in farinam moli, quæ aqua subacta in panes formetur, Cassavi ab ipsis appellatos: servari hos per duos annos ad usum familiarem sine noxa. Ex quibus patet non mirum esse quod refert Theophrastus, nonnullas radices dulces venenosas esse; tum etiam quod narrant alii scriptores, nonnullos veneno educatos ac nutritos. Nutriebantur enim non veneno, sed venenato, cujus partes nutritivæ alimentum corpori subministrant, ubi proprietate naturæ venena nil operantur in quibusdam, aut ubi antequam assumantur ab omni venenosa qualitate purgantur. Nec desunt in rerum natura Herbæ, quibus totis innoxie vescimur, cum tamen earum succus cum vitæ periculo assumatur. Alii succus potus hominem non modo turbat, sed etiam interficit, & Cæpæ si largius potetur, ob insignem caliditatem, & acrimoniam mentem turbat, & stomacho mirum in modum nocet. Igitur nutriendi vis in Stirpibus innotescit ex sapore dulci, quem supra ponebamus modici caloris esse indicem. At quantum quodque alimentum nutriat, & an cunctanter, an velociter, ex substantiæ consistentia clarum evadet. Tenuis namque haud tam multum quam crassa & viscida nutrit, neque tam tarde, quoniam permeat facilius ac velocius per venas ad ultimas corporis partes. Quod vero pertinet ad alterandi facultatem, quæ alimentis inest, eam ex iis indiciis explorabimus, quæ supra recensuimus. Prava & difficilis concoctionis alimenta ab effectu deprehenduntur. Qui enim prava capiunt alimenta, his nidorulentus aut alius gravis ructus accidit, aliis mordicatio: nonnullis utrumque: quibusdam flatibus distenditur venter, & flatu per os excluditur, aut instar plumbi aut lapidis, aut luti ipsorum ventri incumbere videtur, qui & durus etiam est, acensus, & quasi inflatus. Cæterum hi effectus multas ob causas accidere possunt: ob intemperiem alimenti, & partis in qua fit concoctio, nempe ventriculi: & ob lentorem atque crassitiem substantiæ, ob naturalem quandam proprietatem *ἰδιοσυμπερασίαν* Græcis appellatam. Quippe quæ valde frigida sunt, lenta & crassa, calorem stomachi imminuunt, extinguuntque; hinc ægre descendunt, difficillimeque concoquuntur. Nimis calida nimium etiam calorem augent, quo fit, ut prave concoquantur. Proprietas cujusque ventriculi spectanda: quin etiam, an à communi desciscat. Inventi enim sunt, qui facilius ac celerius Fabam Lentescque, quam ova concoquerent. Quidam propter prava humores, quos in ventriculo coacervarunt, aut alium ob affectum præter naturam, quæ facilis sunt concoctionis aut digestionis, prave & difficulter concoxerunt. Idcirco qui notitiam facultatum omnium, quæ alimentis insunt adipisci velit, eum diligenti experientia niti oportet in tali corpore facta, quale est id quod maxime sanum existit, præcognitis prius saporum odorumque naturis, qui Plantis maxime insunt, tum consistentia, quæ aut lenta, aut friabilis, aut crassa, aut tenuis, laxa, ut levis, gravisque esse solet. Hæc enim omnia, aut docet Galenus lib. 1. de alim. ad ipsarum inventionem adeo conferunt, ut cum in peregrinam re-

gionem perveneritis, si quid esculenti nunquam vobis conspecti occurrerit, permultas sitis occasiones atque adjumenta ad ejus facultatem cognoscendam habituri.

C A P. XVII.

Exacta hujus Philosophiæ notitia qui acquirenda. Autores veteres, & recentiores, qui de ea scripserunt.

His præcognitis, qui totum se huic Philosophiæ tradere cupit, & ad exactam ejus, quantum fieri potest, cognitionem devenire, cum veterum & recentiorum lectioni, qui ex professo quippiam ad rem Herbariam spectans edidit, aut ea de re obiter quippiam in suis commentarios retulere, diligenter incumbere oportet. Adeat inprimis veteres Græcos atque Latinos, Theophrastum, Dioscoridem, Plinium, Galenum, Apuleium, Æginetam, Oribasium, Æmilium Macrum, atque etiam Arabes, Avicennam, Serapionem, Mesuem, Rhafem. Libri Theophrasti (qui discipulus fuit Aristotelis) de Historia Plantarum novem, cum decimi principio; & sex alii de causis earundem, Græce admodum leguntur mutili ac depravati injuria temporum. Idcirco lectore iudefesso indigent, & in Græca lingua non mediocriter exercitato. Hos Latio donavit Theodorus Gaza Theffalonicensis, eo tempore, quo jam Græci autores negligebantur. Is homo multis præditus literis, reique Medicæ, atque utriusque linguæ peritissimus fuit. Quia autem in multa depravata incidit loca, dum hos libros Latinos faceret, quædam omittere in versione, nonnulla ea, quæ sibi videbantur optima, conjectura restituere coactus fuit. Et quoniam non de verbo ad verbum transferre, sed mentem Philosophi exprimere summa eloquentia studuit, sæpe aliud quam autor, tradidit: aliquoties usque adeo Latinæ linguæ studiosus & amator fuit, ut maternam linguam ei postposuerit. Etenim Latinam novis oculis, & ut plurimum non necessariis, ad Græcarum vocum imitationem augere semper studuit: verbi gratia, *ἐλατήριον* Agitatorium vertit, cum Plinius & alii Græco utantur nomine. Interdum quoque variat in vocum versione: *Ἀνθήριον* Albucum reddit atque etiam *Ἀσφένδεον*, cum diversæ sint Herbæ. Sic *ἐλάττω* plerumque Abietem, aliquando Pinum interpretatur: & *πίπυν* Abietem, Laricem, sæpe Piceam. Solani quodcumque sit genus appellat Vesicarias, cum maxime inter se differant. *κύνδρον* perperam cum Plinio interpretatur Gladiolum. Et plura alia diligens lector notare poterit, qui propterea parum huic interpreti fidat sine Græco codice. Sensus ejus quoque interdum cum Theophrasto non convenit, quod hanc scientiam haud satis intelligeret, quæ ante eum per multa secula, ejusque tempore jacuit. In Historiam Theophrasti aliquid in posteritatis commoda molimur. In libros de causis Julius Cæsar Scaliger inter doctissimos doctissimus nostro seculo commentatus est iis, qui Græcæ linguæ atque Latinæ peritiores sunt. Mentem Philosophi optime explanavit, loca quamplurima mutila feliciter restituit, nec pauciora melius quam Gaza interpretatur, quem sæpe at-

Autores veteres de re herbaria.

Theophrastus.

Theophrasti interpretes Theod. Gaza.

Ind. Cæs. Scaliger.

Veneno quomodo aliqui nutriti.

Prava & difficilia quomodo deprehenduntur.

*Arist. lib. duo
de Plantis.*

Dioscorides.

*Hermolaus
Barbarus.*

*Marcellus
Virgilius.*

Ioannes Ruellius.

*Petr. Andr.
Matthiolus.*

*Melchior
Guilandinus.*

C. Plinius.

*Stephanus
Aquaëus.*

Iacobus Dalechampius.

Galenus.

Paulus Ægineta.

*Oribasius.
L. Apulejus.*

*Æm. Macer.
Arabes.*

Averroës.

que optima ratione castigavit. Aristoteli adscripti libri duo de Plantis ab eodem Iul. Cæsare Scaligero explicati sunt. In iis multa non contemnenda, quædam quoque improbanda, quæ ut diligenti studio semper, ita sæpe nimis curiose atque subtiliter à Scaligero animadvertuntur. Pedacii Dioscoridis Anazarbei, qui miles atque Medicus sub Antonio & Cleopatra vixit, de Medica materia novem extant libri, quorum quinque prioribus Stirpium, quæ suo tempore magis in usu erant, facultates præcipue absolvit breviter ac summo studio, non omisis earum descriptionibus, quæ non ita ubique occurrebant. Quæ autem erant vulgaris notitiæ non descripsit; unde factum est, ut eas quarum vires nobis monstravit, adhuc ignoremus. Dioscoridem primum Latine reddidit doctissimus Hermolaus Barbarus addito etiam collatorio, quo autorem hunc multum illustravit. Post eum Marcellus Virgilius pari industria & eruditione, adjectis etiam commentariis elegantissimis: tandem Ioannes Ruellius, cujus versio nunc omnium fere manibus teritur. Scripsere in eisdem libros commentaria plures alii, sed copiosissima Petrus Andreas Matthiolus Senensis, appositis quam plurimarum Stirpium iconibus, tam veteribus descriptarum, quam à recentioribus & seipso usurpatarum ad varios affectus humani corporis. Hic castigandis aliorum erroribus ita se totum tradidit, ut proprios, quos plures commisit, quorum magna pars à Melchiore Guilandino viro eruditissimo, nec parum in hac Philosophia versato, quatuor epistolis animadvertuntur, propemodum neglexerit. Cajus Plinius secundus in Historia mundi sedecim libris, à duodecimo scilicet usque ad vigesimum septimum, descriptiones, locos, usus, virtutes, & reliqua accidentia Plantarum, quarum apud autores, qui ante eum floruerunt, ac suo quoque tempore extiterunt, facta est mentio, tam breviter perstrinxit, ut sæpe propter sententiæ ac phrasæ brevitatem non intelligeretur, nisi autores præsertim Theophrastus & Dioscorides, ex quibus pleraque transcripsit, consulerentur. Correxerunt hunc atque elucidarunt Hermolaus Barbarus in Castigationibus, Stephanus Aquaëus in Commentariis, & alii celeberrimi viri: sed in primis nostro tempore Iacobus Dalechampius auxilio veterum codicum manuscriptorum, atque collatione autorum antiquorum, quibus Plinius usus est. Galenus undecim composuit libros de simplicibus medicamentis, in quibus pleraque de Stirpium facultatibus primis, secundis, & tertiis generaliter agit, ex secundis primas investigando. In his nil fere quod non apud Dioscoridem inveniat, imo quædam omittuntur necessaria. Hos Galeni libros Paulus Ægineta in compendium rededit. Secundum ordinem Alphabeti Plantarum facultates atque descriptiones à Dioscoride in sua Collecta transtulit Oribasius. Lucius Apulejus Madaurensis librum edidit de virtutibus Herbarum; item Æmilius Macer Veronensis versibus hexametris. Plurimum quoque Arabes hanc scientiam locupletarunt, Rhases, Serapion, Mesues, Avicennas, & alii ignobiliores, qui præterquam, quod Græcis cognitæ Herbas in suos libros retulere, novas etiam quam plurimas describere, ac earundem vires tradidere. Averroës in quinto colligit

insigniorum Stirpium facultates secundum Galenum ordine Alphabetico prosequitur. Inter recentiores summo studio ac diligentia de natura stirpium tres libros amplissimos publicavit Ioannes Ruellius, in quibus accurate cuncta ex variis scriptoribus, Latinis præsertim ac Græcis, qui ante ipsum fuere, collegit. Nam præmissis communibus quibusdam præceptis & animadversionibus ad formam, vitam, generationem, culturam, & alia accidentia pertinentibus, mox ad particularem cujusque speciei tractationem devenit. Hac tempestate etiam floruit Hieronymus Tragus, atque ejus æmulus Leonardus Fuchsius, excellentes ambo viri, qui libros posteris de eadem materia reliquere adjectis iconibus. Sed Fuchsius magna ex parte descriptiones viresque suarum Stirpium ex veteribus mutuatus est in tomo primo; nam alterum figuris depictis, ac nomenclaturis tantum illustrat: Tragus autem magnum Plantarum numerum in Germania fere nascentium paulo ante Fuchsiū edidit, quarum formam, ac loca, generationem, vires cum veteribus cognitæ, tum propria, & aliorum nempe rusticorum, & muliercularum experientia inventas, examinavit atque indicavit. Hoc mortalibus utilissimum studium in hoc doctissimo viro nunquam satis laudare possum. Vtinam hoc omnes qui post & ante ipsum, amplexi fuissent. Etenim si nostro tempore tantum studii collocarent Herbarii in examinandis Plantarum novarum, quarum picturas nobis offerunt, viribus, quantum in describendis earum formis ac generationibus ponunt, profecto melius valetudini humanæ consuleretur. Ideo montes aliaque loca visenda sunt habitu rustico, quo facilius cum colonis ineatur gratia ac societas, obvii quique consulendi, montium incolæ adeundi, ut usus & facultates aliquæ earum Herbarum, quarum descriptiones nuper à doctis viris traditæ sunt, cognoscantur, etsi quæ ab uno prius indicata sunt atque à pluribus postea confirmata, in observationum libro sunt annotanda. Sed ad rem redeamus. Fuchsiū atque Tragum secutus est Matthiolus, qui Dioscoridem commentariis illustravit; icones etiam non modo elegantiores, sed & plures, quam priores novarum Plantarum apposuit, quarum non præterit antea incognitas quasdam vires. Scripsit Rembertus Dodonæus post hunc Historiam Plantarum elegantissimam triginta libris conclusam una cum imaginibus, in quibus novas nonnullas quoque videre licet. His alias adjecit Matthias Lobelius in suo Herbario, quod etiam cum imaginibus edidit: item Petrus Pena, qui una cum Lobelio adversaria cum iconibus divulgavit. Carolus Clusius Atrebas hoc tempore plusquam ullus alius huic studio deditus novas Stirpes plurimas, quas in Pannonia, Austria, Hispania summa diligentia & cura observavit, pictas aliquot libris divulgavit, quos annis ab hinc pauculis in magnum volumen congeffit, quod pluribus novarum Plantarum descriptionibus & picturis locupletavit. In eodem volumine de Fungis curiosissimum tractatum videre licet; itemque Plantarum omnium in monte Veronensi celeberrimo, quem Baldum vocant, nascentium catalogum, quem Ioannes Pona Pharmacopæus Veronensis in Stirpium cognitione versatissimus composuit. Idem Clusius hoc anno

*Io. Ruellii de
natura stir-
pium libri.*

*Hieronymus
Tragus.*

Dodonæus.

Lobelius.

P. Pena.

*Carolus Clu-
sius.*

anno libros decem exoticorum in lucem protulit, in quibus de Plantis peregrinis, atque Indicis plurima. Hic etiam aliquot autores aliena lingua præterquam Latina conscriptos ad hoc studium utilissimos in Latinam linguam vertit; Christophorum Acoſtam, Nicolaum Monardum, & Garcia ab Horto, qui Proregis Indiæ Medicus fuit, duos libros de simplicibus apud Indos nascentibus, quos in Epitomen contraxit, ex Hispanico idiomate.

Christophorus
à Coſta.
Nicolaus Mo-
nardus.
Garcia ab
Horto.

Pet. Bellonius.

Petri etiam Bellonii, qui de Arboribus Coniferis librum conscripſit, pulcherrimas observationes & Gallicis Latinas fecit. Libros sedecim de Plantis Andreas Cæſalpinus Aretinus, Medicus & Philosophus in Italia suo tempore celeberrimus, nuper luci dedit. Nomina Plantis, quas descripſit, ut plurimum indidit Hetrusca, iisque libenter pro Latinis usus est. Idcirco difficilis paululum iis est, qui Stirpium vestigandarum causa non videre Hetruscos agros; nec alios, qui Herbarios cum iconibus multisque nomenclaturis ediderunt, prius inspexerunt. Descripſit hic propriis verbis singulas species diligentissime: mox an eæ veteribus cognitæ sint ostendit: demum si quippiam iis sit virium, haud ita prioribus scriptoribus cognitum, subnectit. Universalis Plantarum Historia, quam certo scio Iacobum Dalechampium inchoasse, ac imperfectam nobis reliquisse, cæteris, qui ante hanc editi sunt, Herbariis anteferenda sane est, etiam si imperfecta sit. Nam duo magna ejus volumina, plurimis scatent erroribus, quos Typographi, atque ii, qui hanc transcribendam & imprimendam dederunt, commiserunt. Notantur hi singulari libello, quem de erroribus Historiæ Plantarum generalis inscripſit Casparus Bauhinus. Imagines magna ex parte huic Historiæ inseruntur earum Stirpium, quæ describuntur, in quibus multæ antea incognitæ, tum nostrates, tum peregrinæ ex India utraque delatæ. Confert hic doctissimus autor diligentissime antiquos scriptores inter se, ac multa eorum loca depravata majori quam alii judicio, ac multo feliciter restituit. Tandem Iacobus Tabernæmontanus, qui Tragi discipulus fuit, in hac scientia pari qua priores industria consequit. Ejus nuper liber est typis traditus, in quo præter nomenclaturas Latinas ac Germanicas, & picturas, nil aliud continetur. Ostenduntur hoc libro plures Plantæ depictæ, quam in ullo alio prædictorum autorum: desiderantur descriptiones, & vires; quas audio eum lingua Germanica conscripſisse. Hi sunt præcipui scriptores tam veteres quam recentiores, qui de re Herbaria volumina reliquere, quos præ cæteris legeudos judicavi. Tractavit de universali Stirpium natura Ioannes Costæus Laudensis. Aloysius Anguillara, qui ante Guilandinum horti Patavini præfectus fuit, placita sua compendiose, & magno cum judicio conscripta, in lucem protulit, sed Italiam tantum. Extant de hac Philosophia aliorum quorundam eruditissimorum scripta, ut Ioannis Thalii, Ioachimi Camerarii, Fabii Columnæ, Prosperi Alpini, qui de Ægyptiacis Plantis librum edidit, sed omnes nominare supervacaneum arbitror, cum qui omnes scire desiderent, Philosophos ac Medicos, qui Bibliothecam Medicam ac Philosophicam typis mandarent, consulere queant. His adjungantur scriptores varii, Poætæ, Historici, Oratores,

Andr. Cæſal-
pinus.

Dalechampii
historia Plan-
tarum.

Caspar. Bau-
hinus.

Iac. Taber-
namontanus.

Ioannes Co-
stæus.
Aloysius An-
guillara.

tam veteres, quam juniores, qui obiter mentionem Plantarum sæpe facientes, quippiam de viribus aut natura earundem addere solent; sed maxime, qui de compositione medicamentorum scribere, inspicendi sunt, item qui curationes affectuum corporis humani; qui de re culinaria, & cibaria, inter quos Apicium & Athenæum inprimis commendando: item qui de Agricultura, quam tractarunt Varro, Cato, Lucius Moderatus, Columella, Palladius, & alii; qui de Hippiaſtria, & similibus; denique qui miscellanea, adeundi. Quare si quis hos omnes autores diligenter attenteque legerit, ac singula annotanda in suo Florilegio propriis locis seu capitibus posuerit, quo facilius memoriæ inhæreant, aut promptius, si quando lubet, cunctæ autorum sententiæ reperiantur, is vere excellens in hoc studio evadet. Ad exquisitè perfectam Plantarum cognitionem nullum perveniet, quantumvis laboriosum, humanum ingenium. Infinita nimis earum varietas, in forma, usu, & cæteris accidentibus: semper novi aliquid afferre videmus fluvios, paludes, mare, montes, campos, valles, arenam, parietes, saxa, prata, vineas, sylvas, inculta, & ut breviter, Europam, Asiam, Africam, Indiæque. Itaque si ulla medicinæ in parte magis Hippocratis sententiæ veritas eluceſcit, Vita brevis, ars longa; sane in hac maxime, quæ ad Medicinam inprimis pertinet. Nolim tamen in scientia Herbaria, quemquam deterreat rerum discendarum multitudo. Quisquis in ea tantum proficiat, quantum ad suam scientiam excolendam & exornandam necessarium est, nisi quis se totum huic studio tradere velit. Medicis hæc Galenus: *Medicus ut omnium Stirpium, si fieri potest, peritiam habeat consulo; sin minus, plurimum saltem, quibus frequenter utimur, sunt autem ipsarum genera, vel si sic ea nominare velis, differentia hæc, Arbores, Frutices, Herbe, Spina, &c.*

C A P. XVIII.

Florilegium quid; ejus conficiendi modus, & ordo.

Quoniam autem Florilegii facta est mentio (sic enim soleo libros appellare, quos alii collectanea, nonnulli locos communes, quibus inscribuntur cuncta notatu digna, quæ ad rem hanc spectant, sive ab autoribus, sive ex aliorum observatione, ea didiceritis; ut facilius tantarum rerum multitudo & varietas observata in memoria habeantur, si quando de re quapiam disputandum est) operæ precium existimavi modum atque ordinem locos communes componendi vobis præscribere, qui jam paululum hanc scientiam degustastis, atque eadem inescati estis. Nam prorsus rudibus hæc erunt inutilia, quæ nunc dicam de Florilegio. Libros chartaceos sex, aut septem, aut octo pluresve capite (prout vultis titulos extendere, ac diffusius observanda adnotare) ex viginti quinque foliis constantes; quinterniones vulgus chartariorum vocat. Ex iis fiat volumen, cujus foliorum paginæ facies, tam dextra, quam sinistra, duabus per longitudinem intersecetur lineis, quibus medium faciei intercludatur, & tria loca diversa ejusdem magnitudinis constituentur in utraque paginæ facie. Inscribentur supra in fronte singulis locis sui tituli, qui tres erunt, relicto tergo paginæ omnis inscriptionis vacuo, donec frons

scriptis observationibus repleta sit. Tunc enim, & tergo eadem inscriptiones inscribendæ suis locis, & nova charta, si opus, addenda. Volumen hoc in tres partes dividatur: prima contineat, quæ de Plantis in genere dicuntur; altera singulas Plantarum species complectatur: tertia quæstiones, quas tamen etiam poterimus, si lubet, prædictarum duarum partium locis inferere, ad quos pertinere magis videbuntur. In his tribus prius agendum historice, mox Philosophice, ut causæ omnium quæ in historia enarrantur, doceantur: sic discretissimus Theophrastus historiam à causis separavit. Hunc autem ordinem in primis laudare debeo, eo quod si aliquis Commentarios de hac materia exactissimos scribendi desiderio teneatur, statim paucis mutatis, eadem serie cuncta, quæ annotavit, describere ac in libros congerere facillime possit. Hinc quoque perdifficiles quæstiones, quæ multorum autorum indigent testimoniis, quæque diligens examen requirunt, eodem ordine sunt tractandæ: ne dicendorum serie in prioribus libris (in quibus breviter opinio de similibus controversiis animadvertenda) interrupta, lectoris mentem à proposita re avertant, ac in morosissimam lectionem deducant. A forma Plantarum in tribus partibus semper incipiendum est; deinde ad accidentia deveniendum, quo nomine generationes, affectiones, loca, vitæ, ususque comprehenduntur. Forma enim accidente nobis notior, à notioribus nobis in hac Philosophia procedere oportet.

C A P. XIX.

Tituli quales; quo ordine in locis Florilegii scribendi.

Tituli vero primæ partis Florilegii tales fere sint, eoque, quo hic leguntur, ordine disponantur. Quid sit res, aut Philosophia Plantaria: ejus antiquitas, dignitas, præstantia, utilitas. Inventores, & in quot partes hæc Philosophia dividatur. Scriptores rei Plantariæ, Græci, Latini, Arabes, & alterius idiomatis. Subjectum ejus, & quid sit Planta. Ejus differentiæ unde sumantur: quantum ab animali differat. De partibus Plantæ propriis, communibus, earum definitione. Partium simularium differentiæ formales, & accidentales. Partium dissimularium communium differentiæ, & earum partes aliæ. Partium propriarum communium dissimularium differentiæ. Plantarum divisio in summa quædam genera. Quid Arbos, Frutex, Herba, Olus, Frumentum, Legumen, & ejusmodi. De Plantæ actione, & ejus facultatibus. Plantarum generatio quot fiat modis; quæ sponte, quæ è semine. Terra, locus, tempus anni, sydera quid conferant ad generationem. Terrarum locorumque differentiæ. Semen quomodo terræ mandandum, & quando. Quamdiu semen duret ut terræ mandari possit. Quo die è semine quæque Planta erumpat. Quæ partes primum è semine prodeant, & qua serie omnes nascantur. De Plantarum augmento, & perfectione. De fructuum maturitate. De alimento, & excremento. De succo, lachryma, gummi, eorumque differentiis. Plantæ, quæ aliis innascuntur Plantis. De Vita, & quæ longioris, ac brevioris. Terra, locus, tempus, anni sydera ad vitam quid conducant. De annuis Plan-

tis, & perpetuis. Partes quæ diutius in vita perdurent. De radice perpetuis. De caule, & ramis perpetuis. Quæ nunquam perdunt folia, flores, fructus. Abortus; Monstra. Plantarum mutatio in alias species. Partium mutatio, foliorum, florum, & aliarum partium. Contractio, apertio & similia. Odores Plantarum quot: & quæ odorata, quæ inodora. De saporibus, & eorum differentiis. Quæ saporem habeant, quæ non, & qualem: Item paucis Plantis eundem saporem per omnes partes diffundi, ut & odorem. Sympathia, & antipathia. Morbi intrinseci, & extrinseci, communes, proprii. Animalia quæ in Plantis generentur. Quæ aliunde genita noxam Plantis afferant. De interitu totius Plantæ, & partis alicujus. De cultura. Quæ sine cultura vivere nequeant: Item quid sint agrestes, & mites Plantæ. Arandi tempora. De fossione. De Rigatione. De Stercoratione. De Translatione, & reliquis similibus culturæ operibus. Insitio, inoculatio. Instrumenta ad culturam. Remedia ad morbos. Vfus Plantarum in homine, & primum de alimentis, de medicamentis. Facultates earumque diguotio. Plantæ quæ totæ, quo tempore ad usum colligendæ, & quomodo servandæ: tempus, & modus colligendi ac servandi earum partes: ad quæ, & alia pharmacopœorum & unguentariarum opera pertinent, quæ quisque in plura capita dividere poterit, uti etiam usum in brutis, atque inanimatis. Materies quæ fabris, quæque igni conficiendo idonea: ubi etiam de cadenda materie. Tam enim varius est Stirpium usus, atque multiplex, tam varia usus consideratio, ut paucis verbis, ac summatim percurri nequeat. Quod si vero quispiam in reipub. literariæ commodum libros de re Herbaria exactissime conscribere velit, atque ideo quoque de causis agere eorum, quæ in historiis dicta sunt, eum oportet sub iisdem titulis causas annotare, easque postea eodem fere ordine singulari libro recensere, quod parvo cum labore facere poterit. Secunda autem pars particulares cujusque stirpis tractabit historias, ac causas: hoc est formam; tempus, quo seminetur, nascatur, augeatur, floreat; locum, quo gignatur; culturam, usum, & si quæ sunt alia, quæ non cunctis Plantis communia sunt, ea animadvertet, & eorumdem rationes, si pervestigari possunt, subnectet. Ideo singuli locorum tituli singulas Plantarum species contineant, quarum multa extat apud veteres & recentiores memoria. Tres, quatuor aut quinque species, quarum natura non admodum adhuc celebrata est, sub uno titulo comprehendat: aut uno generico nomine, omnes species quæ sub eo continentur. Verbi gratia, non opus est singulares, ac proprios facere titulos de Fago, de Robore, de Subere, de Illice, sed uno nomine, nimirum Quercus, omnes intelligere, ac significare. alioqui cum sit immensa, & incredibilis stirpium multitudo, secunda hæc pars Florilegii in magnam nimis molem excresceret. Pauca admodum sunt Plantæ, quæ non ad aliquod genus reducuntur, seu nomen habeant, sive eodem careant. Cæterum cum ordo, & ad doctrinam exactius tradendam, & ad memoriam plurimum conducat; qualis ille in hac secunda parte, quæ tam innumerabilem Stirpium copiam amplectitur constituendus sit, ut facile tituli

Ordo librorum scribendorum de re herbaria.

tituli reperiantur, docendum est. Video multos qui libros de Plantis particularibus in publicum protulere (talis namque tenendus est ordo, qualis in libris componendis observatur) elementorum, hoc est literarum ordinem, quem alphabeticum appellant, dilexisse, Plantis, quarum nominum elementum primum A est, prius positis. Alii à totius stirpis formæ differentiis ordinem sumentes in quatuor summa genera eas dividunt, Arborem, Fruticem, Subfruticem, Herbam; progrediunturque à perfectioribus, & notioribus ad imperfecta, & minus nota. Sunt autem perfectiores, notiores nobilioresque Arbores Fruticibus, Frutices Cremiis, Cremia Herbis. Nam hæc omnium imperfectissimæ, utpote, quarum magna pars, aut floribus, aut fructibus, aut foliis, aut caule destituatur. Verum quam sit confusus, qui à literarum serie sumitur ordo, norunt ii, qui multa sæpe privatis quibusdam speciebus indita nomina non ignorant: qui Plantas admodum natura dissimiles conjungi hac ratione vident: qui nil fere penitus, præter nominum communium elementa sic memoriæ tradi non nesciunt: qui denique à Philosophiæ præceptis abhorre hunc ordinem omnino conspiciunt. Laudandi sane sunt, qui à summis generibus ordinem sumunt; quod nullus ordo pulchrior, ac pro memoria fructuosior sit, quam qui à forma desumitur. Summa hæc genera in plures species communiores distinguuntur, donec ad infimas, atque individua perveniatur. Theophrastus quoque hunc ordinem servavit: si quidem prius de Arboribus, mox de Fruticibus, deinde de Cremiis, tandem de Herbis in Historia tractat: singulaque hæc genera in *ἡμέρα*, i. mitia, & *ἀγρία*, i. agrestia partitus est: semperque de mitibus, vel si mavis, hortensibus primum veluti magis notis, mox de agrestibus, tanquam minus notis. Vocat mitia, quæ à nobis coluntur, ac nostra opera mansuefiunt cicuranturque: agrestia vero, quæ sponte sine ulla cultura proveniunt, nec facile aut unquam cicurari possunt. Falsum enim est in aliquot Stirpibus, quod

putant Hippocrates & Plato, Plantas omnes natura agrestes cultu *ἐφρμερῶδες*, id est, mansuescere, ut ex Pirastro, Olea sylvestri, & reliquis discere licet. In animalibus idem accidere autor est Aristoteles, qui in historia animalium, & libro Problematum scribit, esse nonnullas feras, quæ nulla ratione mansuefieri possunt; ut leonem, pantheram. Porro cum Aristoteles divisionem animalium in mansuetam & fera improbarit, quoniam *ἐφρμερῶδες* formalem differentiam non designat, similis Plantarum divisio haud multum laudanda. Magis autem per placet Andreæ Cæsalpini partitio, qui à fructuum varietate horum generum divisionem secundam sumpsit. Est enim fructus pars omnium reliquarum nobilissima, notissima, ipsa denique Plantæ perfectio, & ob quam magna ex parte quasi à natura conditæ Stirpes videntur. Pulcherrimus sane hic ordo, multumque cum Philosophiæ legibus consentiens. Sed & à radicum differentiis non minus utilis ordo colligi potest, quam à fructuum. Etenim docebit Plantæ partem, cujus contemplatio sæpe ab hujus studii amatoribus prætermittitur, quam quia non ita ut reliquæ partes sub conspectum cadat, sed terra occultetur, ea ratione fructu ignobiliorem censent, minusque notam nobis. Prius tamen nota nobis radix esse debet, quam cæteræ partes, quod sit omnium Stirpium principium, nec ulla pars communior omnibus. Verum quia de fructuum & radicum differentiis satis superque dictum est, non erit opus ea repetere, ut titulos hujus secundæ partis Florilegii recenseamus, cum ex iis quivis in hoc studio paululum versatus hos accipere poterit. Quod si vero cuipiam novos titulos condere, difficultatem pariat, is libros Cæsalpini, quorum nunc facilis est occasio, perlegat, atque ex ejus ordine titulos tot quot velit deducat. Peregrinæ autem plantæ quarum pars aliqua, qua magis utimur, tantum cognita est, singulari sunt titulo complectendæ, ne, qui prædictum ordinem rumpere nolit, has negliger omittat.

F I N I S S E C V N D I L I B R I .



E P I S T O L Æ

Q V Æ D A M.

E P I S T O L A I,

An Animal sine corde vivere possit?

Ad Perillustrem Virum,

D. G V I L E L M V M S O H I E R V M,

Amicum suum.



N cœna nudiusquartus nobiscum ita locutus es mi Sohie: Quæ ista est tam diligens eruditorum virorum commemoratio? quæ digna vel Ciceronis commentariis historia, ut bovem sine corde vixisse narrent? Subjunxi ego quod inferre volebas, potestne bos excors vivere? Proh hominum fidem! Potestne, inquam, bos excors vivere? Adferat quisque quod velit, immolante Cajo Cæsare in tauri opimi extis cor non fuisse; adjungat etiam in iis animalibus, quæ exanguia sunt, cor non inveniri: nunquam tamen mihi persuadebit cor ulli animalium quod sanguinem habet, unquam defuisse. Magna, inquires, Caji Cæsaris auctoritas, magnumque testimonium. Dic igitur sodes, inquis, quo avolavit? quis id, dum bos mactaretur, abstulit? quis, dum immolaretur, eripuit aut arte furatus est? an larium aut deorum aliquis, quos ipse Imperator tunc temporis coluit, id ipsum eripuit? aut cor aliquo morbo consumptum ante mactationem opinari licebit? Nullo modo, inquam; sed copiosa pinguedine sua in tauri visceribus ita fuisse occultatum, ut omnino exta immolanti Cæsari, non autem diligenter velut Anatomico perscrutanti, non comparuerit: præsertim cum animalia sanguinea quo pinguiora sunt, eo quoque minus hoc viscus habeant. Neque id tibi mirum videri debet, cor in pinguibus animalibus latere posse: Annis enim superioribus, plurimis in Theatro Anatomico monstravi, cor struthiocameli tanta pinguedine oblitum, ut facile Anatomæ minus perito Imperatori fidem facere potuisset etiam huic avi cor defuisse. Tanta enim est ad vitam animalium sanguineorum cordis necessitas, ut Peripateticorum Princeps etiam iis quæ sanguine carent, eordi proportionem respondentem partem assignavit. Cor esse in omnibus, quæ id habent, quod ultimo moriatur, experientia quotidiana monstrat, & in omni animali corde vulnerato profunde vel ablato mortem illico consequi. Quapropter ut mundum sine sole constituere naturæ non licet: sic animal, quod sanguineum est, sine corde formari non potest. Quod clarius cognoscas, si mecum actionem pro-

priam cordis, quam aliquando in publica anatome auditoribus proposui, tecum repetes. Vale, Patavii, xviii Iunii cico dcc xxii.

E P I S T O L A I I,

An cor Germanici Cæsaris cremari non potuerit, & cur Morbo cardiaco & veneno interempti signa.

A D E V M D E M.



Voties Vitas Cæsarum perlegis, quas Cajsus Suetonius edidit, toties scribis te admirari ea, quæ scripsit de Cæsaris Germanici morte, scilicet ejus cor (cum corpus de more Veterum post obitum cremaretur) comburi non potuisse. Ego profecto, ut verum farear, sæpius de veritate hujus historiæ dubitavi, cum viderem cor non ex aliis constare partibus, quam iis, quæ cremari possunt; carnibus nempe, venis, arteriis, membranis, & pinguedine. Sed cum ego quoque in alios gravissimos auctores incidissem, Cajum Plinium, qui lib. xi, cap. xxxvii Naturalis historiæ, cor Germanici Cæsaris cremari non potuisse testatus est: & in Iacobum Thuanum nostri temporis nobilem historicum referentem in bello, quod Helvetii inter sese gesserunt pro religionum mutatione, Tigurinis victis, Zuinglium quendam fortiter pugnatem in primis ordinibus occubuisse: religioni, ut ipse ait, tributam à Tigurinis & qui cum illis stabant, quod cadavere flammis ab hostibus tradito cor exuri non potuerit: ad causam aliquam, quam petis, potius confugere fui coactus, præsertim cum veterum nonnulli & recentiorum exposulasse eam, & invenisse viderentur. Etenim Plinius ad duas causas videtur retulisse, quod cor Germanici Cæsaris cremari non potuerit. Nempe vel ad morbum, vel ad venenum. Negatur, inquit, cremari posse iis qui cardiaco morbo obierint. Negatur & veneno interemptis. Certe extat Oratio Vitellii, qua reum Pisonem ejus sceleris coarguit, hoc usus argumento: palamque testatus non potuisse ob venenum cor Germanici Cæsaris cremari. Contra genere morbi defensus est Piso. Recentiores nonnulli id cordium proprietati adscripserunt, cum constet, in quibusdam corporibus humanis partem esse quamdam, in quam nil ignis possit: sicuti de majori dextri pedis articulo Pyrrhi Epirotarum regis memoriæ est proditum, qui corpore rogo de more absumpto una cremari non potuit. Ego vero hic operapretium duco istas

Plinii

Plinii causas curiosius explicare, & indagare an morbus cardiacus aut venenum ignis vim in corde tollere possit, aut ejus substantiam mutare. Sane prius est explicanda oratio, ut ea debeat intelligi. Equidem existimo temporis tractu horum virorum corda cremari potuisse, sed longe diutius quam alias solet igni restitisse, ac sic superstitiose id fuisse animadversum, aut hyperbolice à nostris majoribus enarratum. Ita quoque de Salamandra creditum fuit, canente Q. Sereno Sammonico,

Seu Salamandra potens nullisque obnoxia flammis.

At Aristoteles Salamandram per ignem ingredi non ex visu, sed ex auditu prodidit; ut & Dioscorides: proculdubio quod ceteris animalibus magis igni resisteret. Imo si tantum ignis apponas, aut carbonum accensorum, quantum satis est ad comburendam & enecandam lacertam communem, vel grandiore serpentem, videbimus ei vix quidquam noxæ accidere, sed ignem potius extingui: sed si plures carbones accensi addantur, fiatque magna flamma, etiam Salamandram comburi. Hoc quotidie observare unicuique est commodum. Idcirco Galenus lib. iv de compos. medicam. secundum loca, cinerem Salamandræ præscribit in medicamentis: & lib. de simp. medicam. facult. Salamandram combustam. Sunt itaque de corde incombustibili, ut de Salamandra hyperbolicè scripta. Quapropter inquirendum, quomodo cardiaco morbo & veneno potuerit cor Cæsaris Germanici diutius quam alia corda igni resistere. Ego existimo copiam sanguinis, præcipue viscida, lenti, mucosique & crudi id posse efficere quotiescunque nimio opplentur sinus cordis tam dexter quam sinister. Nam si inspicias modum quo cadavera cremantur, id plane reddetur probabilius. Etenim quando primum omnes partes uruntur, externæ prius cremantur, inde internæ. Itaque si plenum id sanguine sit præfertim viscido, mirum esse non debet quod diu igni resistat. Inde patet causa, cur à morbo cardiaco mortuorum cor non tam cito, quam aliorum comburatur; in eo enim morbo sanguis externas partes relinquens ad interiora repit, & maxime ad cor. Quod facile eo probatur, quia exteriores partes in eo frigeant, interiores caleant; pulsus quoque iis sint parvi & vermiculantes, & priusquam adveniat passio etiam intercepti. Præ copia enim sanguinis in sinibus cordis contenti cum non possit cor commode systoles & diastoles motu cieri, contingit suffocari ægros, repenteque mori, nisi ipsis sanguinis missione succurratur. Notæ sunt historiæ ab hoc affectu mortuorum, quem cardiacam syncopen nonnulli appellaverunt, in quibus venæ cavæ & arteriæ magnæ truncus sanguine concreto plenus fuit, qui alias in mortuis concrecere non solet. Ex iis enim incisis oblonga sanguinis coagulati pars unita extrahebatur. Porro fuit hic sanguis ad cor & cordi vicinas partes, vel quia impellitur aut à frigidis assumptis, aquæ videlicet frigidæ potu (à quo non pauci post valida exercitia vel aliunde calefacto corpore de repente sunt extincti) aut ab exterius admotis, ut quando menstruata mulier balneum aquæ frigidæ æstatis tempore ingreditur. Congelatur vero in vasis, vel quia crassus est, viscidus, lentus,

melancholicus; vel quia sit supra modum refrigeratus ab internis & externis. Venena quoque id faciunt; ut ob hanc causam non fuerit à ratione alienum, quod de Pisone suspicabantur, eum Cæsarem Germanicum veneno sustulisse, contingit enim id quoties spiritus & sanguis in arteriis & venis refrigerantur, & ingens ejus copia vas utrumque implet. His igitur de causis fieri potuit, quod cor nonnullorum difficulter potuerit cremari. Istis etiam adjungam signa, per quæ medicus cognoscere poterit an qui mortuus est à sanguine concreto in venis, propter venenum sit mortuus, an propter morbum. Venenum quod cito hominem de medio tollit, profundum somnum inducit; hoc ingravescente excitatur quidem æger, non relevatur: sed tarde ad mortem properat. Quod si venenum ad tempus fuerit datum, paulatim conglobabitur & coalescet sanguis, & cum omnia vasa non obstruat, quædam propter acquisitam acrimoniam aperiet, ut propterea concretus sanguis è naribus prodeat, aliquando etiam ab ano extrahatur. Hi tamen, ut bene animadvertit Petr. Salius Diversus lib. de Affect. partic. cap. iv, liquato hoc sanguine & proprio calore resoluti moriuntur. At quæ à cardiaca syncope communiter mors supervenit, longe alio modo accidit. Vale.

EPISTOLA III,

De

Incerto tempore Partus

Ad Inclytos Germanos in Gymnasio Patavino LL. Studiosos.



Inter eos sermones, qui in convivii Nobilium, & Iuris Medicinæque peritorum hominum adferri solent, animadverti sæpius quæsitum dubitatumque, an Mulier præter septimum, octavum, nonum, ac decimum menses, alios habeat, quibus legitime foetus humanus in lucem prodire possit? Vtilisque omnibus, ac gravis, imo & perdifficilis vis hæc quæstio semper fuit. Nam si præter nominatos menses non sint alii, recte erit legibus imperatoris sancitum, septimo mense natos post patris obitum, vel octavo, nono, atque decimo, legitimos tantum censerì debere bonorum paternorum hæredes; cæteros vero spurios & exheredes: An etiam spatio duodecim, tredecim, quatuordecim, quindecim mensium uterum ferre mulierem posse dicamus, reprehendendus tum Vlpianus, qui post decimum mensem editum nullum ad hæreditatem admisit; tum alii qui, si forte contingat à primo nuptiarum die, sexto mense nasci infantem, oppugnant pudicitiam honestarum virginum & viduarum; renunciant iis repudium, quas firmiter credunt ante primum mariti congressum ex alio concepisse. Sed & perobscura cunctis apparet hæc quæstio, tum propter summam philosophorum & medicorum contradicentium sibi auctoritatem, tum propter mulierum & obstetricum Historias haud satis approbatæ fidei, causarumque

*Quæstio nulli-
ta.*

varii

varii temporis partus incomprehensibilem naturam. Ego autem cum longe aliter de pariendi tempore sentiam, atqui illi, qui hactenus quippiam de eo publicis scriptis sensisse videntur, statui, unica hac Epistola meam opinionem, vestrum quorundam iussui parens, perscribere.

Partus tempus duplex:
Naturale:

Locus Hipp.

Imprimis autem scire convenit partus tempus, aliud esse naturale, aliud præter naturam, antequam utriusque temporis causa proponatur. Partus tempus naturale illud appello, quod solet à mulieribus ut plurimum observari, quale est, quod terminum habet à septimo mense usque ad decimum, forte etiam undecimum. Nam Arist. Hist. de animal. lib. vii, cap. xv, ait, nonnullas mulieres undecimum mensem attingere. Per menses intelligendi sunt ii, quibus lunæ cursus complentur. Sed non est necesse, ut exacti hi omnes cursus compleantur, veluti Paulus vester lib. iv sent. tit. ix putabat, quando dicit *natum septimo mense pleno ad ius trium liberorum acquirendum prodesse matri*. Sufficit enim interdum, ut hosce mensium partus attingant, vel ingrediantur. Ita Hippocrates in lib. de septimestri partu inquit: *Septimestres autem nascuntur diebus centum, & octoginta duobus & dimidio & insuper accedente diei particula. Si enim primi mensis dies quindecim supputaveris, deinde quinque mensium dies centum quadraginta septem ac dimidium. In undesexaginta enim diebus quam proxime duo menses perficiuntur. His igitur sic habentibus, ad septimum, mensem supersunt dies plusquam viginti, & est tota summa dimidii anni una cum aliquantula diei parte ad partem accedente*. Neque computare oportet primum mensem conceptionis integrum, sed mutilum, aut dimidium pro integro quandoque. Statuatur enim mulier, quæ (exempli gratia) uno die, vel altero, ante plenilunium conceperit, hujus quindecim, vel sexdecim dies mensis lunaris, qui sequuntur usque ad novilunium, pro integro mense sunt reputandi; ita ut primus mensis sit quindecim, vel sexdecim dierum; reliqui vero quinque, qui sequuntur in septimestri partu, pleni esse debent viginti novem dierum cum dimidio. Septimus rursus ut sit integer atque plenus non est necesse: dummodo excedat quindecim vel sexdecim dies; aut, ut loquar secundum Hippocratem, viginti dies habeat, qui computati cum diebus quindecim, vel sexdecim primi mensis, quo facta est conceptio, efficiunt integrum mensem qui sextus est pauculis diebus superabundantibus, septimi mensis initium constituentibus, quibus septimestris fit partus. Quod erat nobis clarius explicandum, ne incideremus in eorum opinionem, qui putabant sufficere pro septimestri partu; ut primus mensis conceptionis esset trium vel quatuor dierum; & septimus rursus unius, alterius aut plurium dierum, quibus fit partus. Exempli gratia: Conceptus sit aliquis penultimo Martii, qui in lucem edatur primis diebus Septembris, hunc illi septimo mense natum arbitrabantur, & sic quinquemestrem natum, prout loquuntur nostræ foeminæ exactis quinque mensibus secundum usum nostri Calendarii cum pauculis diebus reliquis; vel, ut clarius adhuc loquar, c l x die natum septimestrem esse concludebant: quoniam ab eo attinguntur primus mensis pauculis diebus ultimis, & postremus, qui ipsis appellatur septimus suo initio, quinque

mensibus intermediis solaribus, aut lunaribus integris.

Tempus autem præter naturam illud statuo, quod ante septimum, vel post undecimum mensem solet nonnunquam, etsi raro, contingere. In hoc præcoces partus, qui ante septimum fiunt, ab abortu distinguendi sunt; quoniam & hi iisdem temporibus evenire putantur. Abortus est immaturo foetus exclusio, partus vero maturi. Maturitatem foetus non illam intelligo, quæ angustis circumscripta terminis, foetus humani summam illam perfectionem continet, quam in foetu maxime sano, & naturali tempore excluso videmus; sed quæ latioribus terminis contenta id habet perfectionis, quod sufficit, ut foetus in lucem editus supervivere per plures dies, vel menses, vel annos queat; etiam si prodierit in lucem non integre conformatus, sine unguibus, sine pilis, sine palpebris, aut labris, aut auribus nondum disjunctis; sive firmatis, vel in quibusdam partibus vix inchoatis offibus; quali imperfectione solent laborare illi, qui ante septimum mensem, & in septimo pariuntur. Sic rursus abortus non inodo secundo, tertio, quarto, quinto & sexto mensibus accidit; sed etiam septimo, octavo, nono, atque decimo contingere queunt; ita tamen, ut illi abortus sint secundum naturam, hi vero præter naturam. Nam qui foetus naturali tempore erat excludendus, hic quoque naturali tempore poterat esse abortus ante septimum mensem: qui vero non naturali tempore partum expectabat ultra undecimum mensem; hunc etiam existimo abortum posse appellari in septimo, vel octavo, vel nono, vel decimo mense si excludatur. Porro quod quinto, vel sexto mense à conceptu partus eveniant vitales, docent historiæ non ignobiles clarorum virorum, qui paulo ante nostra tempora floruerunt. Hieronymus Montuus Henrici xxi, Galliarum Regis Pincernam novit, qui cum quinto mense natus esset, nihilominus ad floridam ætatem pervenit. Cardanus uxorem Petri Sormani, qui Mediolani vinum Creticum vendebat, ostendisse sibi scribit filiam Claram nomine, quæ centum & sexaginta octo diebus post abortum masculi quadrimestris Venetiis prodierat in lucem. Ferdinandus Mena scribit haud absurdum videri debere, si quinquemestris partus vitalis editus sit apud Valentinus. Apud Madriti incolas nonnullos observatum sensit ex pudica matre, honestissimamque vivendi rationem observante natum esse quinquemestrem. Franciscus Vallesius quinquemestrem puellam refert suo tempore duodecimum ætatis annum ingressam fuisse. Sed existimo hosce quinquemestres natos fuisse omnibus mensibus quinque plenius, ita ut in sextum mensem ex peracta nostra supputatione incidere potuerint. Sic Avicennas refert libro nono de Nat. Animal. capite ultimo, sexto mense natum bene vixisse. Verum præter similes historias, quas ex aliis autoribus, & viris atque mulieribus approbata fidei adferre possum, succurrit mihi, cum essem adolescens, me novisse tabellarium quendam, qui erat dimidius pumilio, quadraginta annorum, magno capite, literasque ferebat ex Zelandia in Bataviam. Hic urbis Medioburgensis testimonio publico omnibus monstrabat se sexti mensis initio editum, corpore exiguum,

Præter naturam.

Præcoci partus ab abortu quomodo distinguendi.

Maturitas foetus quæ.

Abortus naturalis & præter naturam.

Quinquemestris exemplum.

Sextimestris exemplum.

Quæ quomodo
non contradi-
cant Arist.

Undecime-
strum & ul-
teriorum ex-
empla.

Annus vete-
rum quatuor.

exiguum, & viribus ita debilem, atque ossibus in-
firmum, ut mater coacta fuerit gossypio circum-
ductum ad frigora fovere, donec robur acquisi-
verit, quo posset fasciis circumligari. Neque hæc
omnes historiæ contradicunt autoritati Aristote-
lis, qui lib. vii Histor. de Animal. cap. iv, scri-
ptum reliquit, foetum qui maturius quam septi-
mo mense prodit, nullo pacto vitalem esse. Cum
enim id rarissime contingat in tanta hominum mul-
titudine, nasci nempe hominem sexto mense, nun-
quam contingere Philosophus dixit, aut sane non
naturaliter, sed ex accidenti. Similiter post un-
decimum mensem natos vitales fuisse multorum
quoque & veterum, & recentiorum narrationi-
bus comprobatur. Autor ejus libri, qui Historia
philosophica inscribitur, & inter Galeni libros
spurius circumfertur: *Timæus*, inquit, *duodecim*
mensibus partum gestari credidit: novem tamen eos in-
terdum existimari, interdum & septem, quia non sem-
per statim à conceptione menstrua supprimantur. Nec
videtur ab hac sententia Homerus abhorruisse in
Odyssææ undecimi hisce carminibus, quibus Ne-
ptunus Nympham alloquitur à se compressam.

Χαίρε γύναι Φιλότηι, περιωλεμένης δ' ἐν αὐτῇ
Τέξεις ἀγλαὰ τέκνα,
Λέτаре mulier concubitu, circumactō enim anno
Paries pulchros filios.

Vbi Eulathius περιωλεμένης δ' ἐν αὐτῇ interpre-
tatur συμπεληρημένης, id est, anno exactō, aut com-
pleto. Sed Phavorinus Philosophus apud Agel-
lium vult significari affectō anno, non confectō: vel
annum Homeri temporibus non fuisse duodecim
mensium, ut nunc; sed decem, ut olim apud Ro-
manos Romuli tempore: & apud Æolas quoque
constat priscis temporibus annum fuisse decem
mensium, Homerumque Poëtam in Æolide na-
tum. Verum duodecimo mense naturaliter ho-
minem nasci, quemadmodum opinatur Timæus,
id solus partus frequentissimus, qui observatur in
multis regionibus à primis nuptiarum diebus, sa-
tis redarguit. Nam semper fere cadit in nonum
ac decimum mensem, & præcipue in Belgio, ubi
mulieres videntur multis aliis plurimarum regio-
num foecunditate antecellere. Sed quod præter
naturam accidere quoque possit, ut foetus prodeat
maturus in lucem mense duodecimo, etsi nullum
adhuc habeam exemplum, non negabo. Quia ul-
tra duodecimum mensem decimotertio, decimo-
quarto, decimoquinto, prorogari aliquando par-
tum, tum veteres, tum recentiores nobis narra-
runt. Lex apud Britannos adhuc viget (quæ eo-
rum monstrat cautam bonitatem non incautam,
veluti nuper quidam spectatæ eruditionis existi-
mavit) ut maritus jubeatur prolem agnoscere,
hæredemque habere anno post aut amplius na-
tam, quam ipse ultimo ab uxore discesserit. Plin-
ius lib. vii, cap. v, *Massurius*, inquit, *autor est*
L. Papirium Prætorem secundo hærede lege agente bono-
rum possessionem contra eum dedisse, cum mater partum
se xiiii mensibus diceret tulisse, quoniam nullum cer-
tum tempus pariendi statutum videretur. Cardanus
quoque patrem suum decimotertio mense natum
scripsit. Avicenna, ut videre est lib. ix de Animal.
narrat, fide dignam mulierem decimoquarto men-
se peperisse foetum cum dentibus, & bene super-
vixisse. Ego quoque in manuscripto codice, qui

apud me extat, legi Bellocatum hic Patavii ex-
cellentissimum medicum aliquoties in publicis le-
ctionibus narrasse discipulis suis, sororem erudi-
tissimi Viri Buccellæ Patavini per sexdecim men-
ses uterum tulisse, & cum omnes eam molam con-
cepisse existimarent, peperisse filium optime for-
matum. Omitto monstrosiores partus viginti trium
mensium, & duorum, imo etiam quatuor anno-
rum, quorum mentionem fecit Hieronymus Mer-
curialis in consiliis. Neque etiam hæc reclamant
Aristoteli, quando dicit, *qui diuturniore tempore*
quam undecimo mense nasci videntur, latere putantur:
latet enim mulieres horum conceptus initium, si cum
ante inflatus fuerit uterus, ut sæpe accidit, post coierint,
atque conceperint. Hoc enim principium esse sui conceptus
existimant, quod simile indicium attulit. Quæ qui-
dem Philosophum non ex sua sententia, sed ex
aliorum potius experimentis dixisse in verbis cita-
tis manifeste apparet. Desumptus enim est hic lo-
cus Arist. ex libro de septimestri partu, quem alii
ad Hippocratem, alii ad Polybum autorem refe-
runt. In eo enim hæc leguntur: *Ceterum quæ lon-*
gius, quam decem mensium tempus uterum gestare sibi
visæ sunt (nam hoc sæpe jam audivi) ille ipse hoc modo,
quem dicturus sum, deceptæ sunt. Quum uteri spiritum
acceperint in seipsos, à ventre flatum exhibente elevan-
tur ac intumescunt, contingit enim hoc, videntur sane
mulieres tunc concepisse: præterea si menses non proce-
dentes congregati fuerint in utero, & diutius manserint,
semper profluunt in uteros, aliquando una cum flatu à
ventre, aliquando etiam calescentes, & sane tunc quoque
in utero habere mulieres sibi videntur, nimirum mensi-
bus non prodeuntibus, & uteris elevatis. Deinde aliquan-
do menses sua sponte erumpunt, aut aliis supervenienti-
bus à corpore ad uteros, & priores protrudentibus, & fla-
tus egreditur: & multis jam statim post mensium pur-
gationem uteri hiant, & ad pudendum vertuntur, &
tunc viris permixta ad se genituram concipiunt eadem
die, aut omnino in paucis. Existimant autem in experta
harum rerum ac rationum etiam illo tempore se in utero
habuisse, quando menses non prodibant ipsis, & uteri erant
elevati ac tumentes. Verum profecto decipere ute-
rus inflatus potuit mulieres ignaras signorum ve-
rorum conceptionis; at gaaras non facile. Nam
præter mensium suppressionem & ventris tumo-
rem, adsunt adhuc alia signa conceptionis in ute-
ro, rigor à coitu, pudendorumque siccitas, & co-
arctatio, nausea, ciborumque fastidium. Quod
si contingat, ut conceptionem aliquando præce-
dat tumor uteri à flatibus, & mensstruis purgatio-
nibus suppressis, hic tamen tumor solet evanesce-
re rursus, antequam concipiat mulier. Cautiores
enim foeminae animadvertunt ventrem detume-
scere, & menses corruptos, qui in utero conclusi
detinebantur, expurgari, & flatus prodire: Dein-
de vel quinquagesimo, vel sexagesimo, vel septua-
gesimo, vel octuagesimo die saltum foetus, qui
primus est ejus motus, quando vitam accipit. Et
differt hic motus à motu uteri flatu aliove humo-
re corrupto distenti; quod ille motus est instar
cancri incipientis moveri, ut referunt foeminae
suis pedibus veluti se distendentis, non tamen mo-
ventis se de loco ad locum; at hic uteri motus est
veluti sublatio atque depressio, si in loco perman-
eat, vel de sinistro in dextrum, vel in contrarium
transitus. Quamobrem prudenter Parisienses, ut

Quomodo
etiam hæc non
repugnant
Arist.

Motus facies
qui differt à
motu flatus.

*Menstruorum
naturalis de-
fectus quan-
do.*

testatur Gotofredus, viduæ approbarunt partum decimiquarti mensis, propterea quod hæc apud mariti qui obierat propinquos, & hæredes vixisset, diligenter ab horum uxoribus custodita, quæ idcirco de intacta ejus pudicitia post partum testimonium præbere erant coactæ. Nec debet ejusmodi res nobis admodum nova & incredibilis videri, cum in aliis quibusdam rebus simile quid contingere videamus. Desinunt enim plurimis foeminis menstrua circa quadragesimum annum; nonnullis, si hoc tempus excefferint, circa quadragesimum quintum usque ad quinquagesimum. Ultra hoc tempus nullam foeminam posse protrahere menstruas purgationes, præter omnes medicos testatur quoque Aristoteles. Nihilominus tamen Nicolaus Massa animadvertit mulierem Venetam circiter sexaginta annos natam ex septuagenario sene concepisse puellam manibus & pedibus destitutam. Tacebo Saram, & Elisabetham, quæ anno ætatis septuagesimoquinto conceperunt, ut sacræ literæ attestantur. Sic juvenula quædam in Belgio ex octuagenario concepit, cum tamen mares post sexagesimum, vel ad summum septuagesimum annum non extendere generandi vim credantur. Iam & in seminis generatione, & annis pubertatis quanta varietas? Fuerunt virgines, quæ decimo, atque adeo nono concipere potuerint. Nonnullis (quod in Germaniæ quibusdam regionibus frequens est ob otiosam & sedentariam vitam, præsertim apud Nobiles) anno decimoseptimo, decimooctavo, decimonono, aliquando vigesimo fluere prius menses cœperunt. Nascitur homo sine dentibus, cum eos sexto, vel septimo mense edere soleat ab ortu; tamen cum dentibus natos fuisse, & apud Romanos Dentatorum cognomen adeptos, in veterum monumentis legimus. Sexcenta sunt ejusmodi in rerum natura, si quis omnia enumerare vellet, in quibus reperiemus tempora amplis terminis circumscripta. Sed jam ad incerti temporis partus causam veniamus, seu naturale illud sit, seu præternaturam.

*Incerti partus
temporis cau-
sa ex sensen-
tia aliorum.*

aliorum.

Nonnulli inter eruditos existimarunt, quod homo ad coitum non haberet certum tempus, multiplici victus ratione uteretur, phantasie, & variis animi perturbationibus obnoxius esset omni hora atque tempore, propterea incerto tempore parere. Verum hæ causæ nimis mihi videntur remtæ; quæro ego aliquam propiorem. Hæc nulla alia meo judicio esse potest, quam maturatio & perfectio foetus, quæ fit in incerto tempore, & variis mensibus ob facultates corpus foetus gubernantes, vel debiliores, vel robustiores. Facultas autem debilis, vel robusta fit, aut ex semine, cui inhæret tanquam in suo principio; aut ex accidenti, apti scilicet alimenti penuria, ob quam nequeunt ossa firmari, corroborarique adeo spiritales, naturalesque partes, ut debito tempore, cum in lucem prodire debet foetus, neque flectere movereque se in utero, neque lac sugere, ore ac naribus spiritum ducere queat, & sic nutriri atque augeri. Quod autem in semine insit facultas citius, aut tardius maturandi foetum, si uterus bene se habuerit, ex eo manifestum est, quod illi foetus, seu masculi sint seu foemineis, qui maturius solent se movere in utero, maturius quoque in lucem proferri

consueverint. Motus enim primus nonnullis trigesimoquinto die evenit; aliis ut plurimum quadragesimo, quinquagesimo, & longe tardius. Et quid est, quod vetat aliquem primum motum non citius, quam quarto, vel quinto mense edere, quando ea vis erat in semine, & propterea quoque nasci secundum communem circuitum duodecimo, vel decimoquinto mense. Nam Hippocrates lib. 11 Epidem. dicebat: *quidquid in septuaginta movetur, in triplicitate perficitur*. Hanc periodum annuens lib. de alimento hunc in modum loquitur. *Adfigurationem, soles trigintaquinque; ad motum, septuaginta; ad perfectionem, ducenti & decem. Alii tradunt; ad formam, quadraginta quinque; ad motum septuaginta sex; ad exitum, ducenti & decem. Alii sic; ad formam, quinquaginta; ad primum saltum, centum; ad perfectionem, trecenti. Alii sic; ad discriminationem, quadraginta; ad transitum, octuaginta; ad elapsum, centum & quadraginta*. Sed recte subjungit: *Non est, & est*. quasi vellet dicere hæce periodos sæpe variare pro seminis natura & aliorum accidentium viribus. Quadragesimo die conceptum masculi foetus multarum mulierum experimentis discimus primum se movere, foeminei vero septuagesimo; nihilo tamen secius & foemineum aliquando quadragesimo die moveri cœpisse in mulieribus animadverti. Cæterum penuria alimenti, quæ corporis foetus debilitat facultates, contingit vel matris vitio, nempe morbo aliave causa externa; vel foetus ægritudine, quam sibi ex pravo matris alimento, vel copioso nimium acquisivit. Nam plurimis quoque morbis foetus in utero matris corripui posse, & veterum autoritate didicimus, & foetuum dissectione scimus. Memini me ante triennium Olmutii (quod Moraviæ provinciæ est Metropolis) accersitum ad mulierem hydropicam, & quotidianis vertiginibus oppressam, gravidam tamen; quæ, cum prius ex certis signis, & obstetricum censura se gravidam esse crederet, nono mense præterito, nec alioquin subsequente partu, imo nullo saltu foetus, aut motu in utero percepto, & aqua ex matrice quotidie effluente, dubitare cœpit non modo de vita foetus, sed etiam de conceptione. Ego post quædam conceptionis signa, quæ supra recensui, eam mihi narrantem se exactis circiter sex septimanis astaci fluvialis (quem gambarum vulgus hic vocat) motum in dextro latere in utero animadvertisse, parituram dixi masculum, uti conjiciebam, sed debilem: ac nunc propter debilitatem aut non moveri foetum in utero; aut debiliter moveri: motum ejus debilem jam non commode ab ea posse sentiri, propter aquam in abdomine circa matricem circumfluentem, quæ motum foetus, uteri ad partes sensibiles circumstantes non sineret pertingere; suspicarique me tardiozem hunc fore partum, quod foetus & debilis esset, & pravo alimento nutriretur, atque idcirco serius maturefceret. Nec fuit inanis hæc mea conjectura. Nam quadragesima tertia septimana, postquam per quadraginta dies continuos magna aquæ copia per uterum exiisset, masculus foetus in lucem prodiit. Quod si in nobis jam natis conspiciamus ægrum corpusculum parum, interdum vero nil nutriri, nisi vires recolligat: nonne similiter idem quoque nobis licebit opinari, foetui ob morbum posse differri maturationis

*Fœtus in ute-
ro multis
morbis obno-
xius.*

*hæc
hæc
tempus
necesse*

tionis suæ tempus, & exitus ex utero, usquequo debitam, confirmatis facultatibus particulas quasque corporis gubernantibus, perfectionem acquisierit? Videmus eos, quibus corporis potentia robustiores sunt, citius quoque perfici ac nasci. Septimo mense natos foetus plerumque mares esse, foeminas raro minusque vitales. In pomiferis aut alterius generis arboribus cernimus non omnes eos fructus, quorum uno eodemque tempore flores veris initio arbor proferebat, simul maturescere ac decidere: sed aliquos vel solis calore privatos, vel ventis aquilonaribus expositos, vel grandine, aut nebula laesos, vel facultate attrahendi, & concoquendi sibi alimentum languidos, diu adhuc arboribus, postquam alii deciderunt, inhærere, donec maturentur. Quocirca existimandum est, maturitatis foetus celeritatem vel tarditatem partum accelerare, vel tardare: causamque, quod foetus in lucem prodeat, non esse ejus magnitudinem aut inopiam alimenti, ut veteres nonnulli somniarunt, sed ipsam foetus maturitatem, seu talem perfectionem, qualis requiritur, ut editus in lucem ore alimentum, naribus spiritum capere queat. Nam videmus multas matres minimos foetus parere, & tamen hosce magnum incrementum corporis crescente ætate acquirere: aliquando rursus maximos foetus in lucem proferre, atque etiam gemellos: deinde post partum & gemellos, parvos magnosque foetus solo lacte, quod in uberibus generatur, nutrire, non dicam per mensem unum vel alterum, sed per annum plusquam dimidium, quod alioquin fieri neutiquam posset, si mulier pareret, vel foetus ex utero exiret ob magnitudinem suam, vel alimenti inopiam. Etenim qui sanguis fluit post partum tanta copia ad ubera, nonne ad uterum quoque fluere poterat pro nutriendo diutius foetu? Porro qui superius causam incerti temporis partus retulerunt in coitus incerta tempora, varias victus rationes, phantasias, & diversos animi affectus, hac sua opinione decepti sunt, quod existimarint cætera animalia statuto tempore parere, equam uno anno, elephantem secundo, & sic unum omnibus esse præfinitum pariendi tempus; quod falsum esse & ratio & auctoritates ostendunt. Etenim alia animalia pleraque observatum est hætenus habere eandem causam

incerti temporis pariendi, cum homine communem. Ideoque Absyrtus Veterinarius præstantissimus, etsi equam undecim mensium curriculo, decemque dierum uterum gerere scribat; Varro tamen libris de Re Rustica inquit: *quæ post id tempus nascuntur, fere inutilia & vitiosa existere*. Sic Aristoteles elephantem biennio uterum gerere tradidit; at Strabo, Diodorus Siculus, Arrianus in Indicis, menses ut minimum sedecim, ut plurimum octodecim. Eadem varietas & in canibus observatur. Nam constat ex Aristotele, canum alias quarta, alias quinta, alias sexta anni parte uterum gestare, eosque qui maturius in lucem prodierant, catellos pluribus diebus cæcos permanisse; qui vero diutius in utero commorabantur, oculos post partum aperuisse: id etiam nunc à venatoribus, qui diversas canum species gubernant, in ejusdem speciei canibus notatum est. Sed & nostræ foeminae, quæ custodiunt gallinas, quandoque ova animadverterunt, post omnes alios pullos exclusos, quæ pullum ab incubatu continebant ita immaturum, ut adhuc quinque, sex & plurium dierum incubatu indigerent. Nec est, quod quispiam hoc evenire ex inæquali ovorum incubitu suspicetur. Nam Iacobitæ, quæ prope Cairum & Alexandriam habitant, hypocaustra habent, in quorum fornacibus multa ovorum millia uno eodemque tempore tepido calore, & æquali suscitato, cum boum stercoribus siccis accensis, & lini stipitibus mensibus Martii, Aprilis, & Maji excluduntur; hique notant priores pullos prodire vigesimo primo die; sed deinceps alios secundo post hos dies nasci; alios rursus tertio, quarto, nonnullos etiam quinto, & tardius posse, si curiosius indagarent. Hic quoque in Italia, & ubique locorum observare licet ea semina, quæ erucas producunt, filum sericum nentes, etiamsi omnia duorum vel trium dierum spatium fuerint ex alvo papilionum exclusa, proferre nonnunquam suos vermiculos quam tardissime, scilicet post mensem à primis natis. Quamobrem si cætera animalia bonorum possessionem, imo etiam regnorum hæreditatem hætenus, ut homines adiissent, incerti quoque partus eorum tempora in hunc usque diem haud nos latuissent. Hæc habui, quæ de muliebri partus tempore scriberem.

Ova in fornacibus exclusa.

In animalibus pariendi tempus minus commune.

F I N I S.



I N D E X T O M I S E C V N D I,

In reliqua SPIGELII opera.

A.



- Bies, 116. ejus caudici fungus adnascitur, *ibid.*
 Abortus duplex; naturalis & præter naturā, 152
 Absinthio depelli muscas & tabanos equis noxios, 108
 Absinthites vinum, *ibid.*
 Acacia altera Matthioli Cythisi species, 122
 de Acanaccis, 131
 Acanthium est carduus, 131
 Acanus, 131
 Acerba inodora, 141
 Acerbus sapor, 138. unde, 140. cum amaro miscetur, 138. frigiditatem indicat, 140
 Acer sapor, 138. unde, 140. plerumque cum amaro jungitur, 141. caliditatem arguit, 140.
 Acetarium ad occidendum lumbricum latum, 107
 Acetum contrarias habet facultates, 139
 Acidulas in Germania usurpandi modus, 56
 Acidus sapor quis, 138. unde fiat, 139. frigiditatem indicat, 140
 Acinus quid, 130. Pomi genus, *ibid.*
 Aconiti genera, 131
 Aconitum lycoctonum, *ibid.*
 Acorus ubi nascatur, 141. ejus radix geniculata, 117
 Acria & salsa excitant expultricem testium & vasorum assistentium facultatem, 136
 Acris sapor, 138
 Acris & dulcis sapor in Myrrhide, 138
 Actuarii unicum lumbricum latum nasci ait, 99
 Adamantis vires contra insomnia turbulenta, 41
 Adeps leoninus, 41
 Aegyptii habent lumbricum latum, 104
 Aelianus notatus, 88
 Aemilius Macer, 146
 Aetas quæ requiratur in generatione lumbrici lati, 98
 Aetates quatuor ejusdem lumbrici, 104
 Aëtii opinio de materia lumbrici lati, 94.
 de loco generationis ejusdem, 97
 Aëtio quid ἀδυναμία μετὰ βραδύτητι, 101
 Agaricum non esse in substantia venenum, 37
 Ἀγρια φύσις quæ Theophrasto, 149
 Agitatorium, ἐλαττέριον Gazæ, 145
 Ἀκρίμων quid, 120
 Ala in plantis quid, 116
 Albucum, ἀνθήραρον & ἀσφόδελλον Gazæ, 145
 Alcea, 128
 Alexipharmaca, 137
 Alimenta omnia dulcia, 144. καὶ ὅλα
 an nutrant, 144. medicamentosa omnia, 143. quomodo in corpore nostro mutantur, 143
 Alimenti nomen quid denotet, 143. duplex acceptio, 144
 Alimento paucō nutriuntur insecta, 102
 Alimentorum differentia, 143. inventrices ratio & experientia, 144
 Alimentum cur & quomodo à lumbrico lato devoretur & absumatur, 102. 103
 Alimentum materia lumbrici lati quibusdam statuitur, 94
 Alimentum plantarum ubi coquatur, 114
 Alimentum quid, 134. de eo multa, 143
 Allii esus per triduum contra lumbricum latum, 107. suffumigio aer alterandus, 108. succus, venenum, 145
 Aloe inodora fere, 141
 Aloisius Anguillara, 147
 Alterantia occulta proprietate, 137
 Althæa, 128
 Alvi profluvio ejectus lumbricus latus, 101
 Amara calida & sicca, 140. inodora, 140, 141
 Amarus sapor quis, 138. quomodo gignatur, 140. caliditatem indicat, 141. odoris grati primordium, 142. ejus potestas, 140
 Amygdala, 130
 Amygdali quando floreat, 114
 Anagyris differt à Laburno, 122
 Andreas Cæsalpinus, 121. ejus ordo in libris de stirpibus, 147
 Androsæmon Hyperici species, 128
 Anemone à ranunculo quā differat, 127. ejus radix, 117
 Anguria, 129
 Animal sine corde an possit vivere, 150
 Animalia ex sanguine brevioris vitæ, 99. magna ex parva mole nascuntur, 96. magna pauca numero proferunt, parva plura, 97. magnis an lumbricus latus annumerandus, 93. quænam lumbricum latum habeant, 89
 Animalibus plantæ comparandæ, 114. eorum ventri radix plantarum similis, 115. in iis tempus pariendi minime certum, 155
 Anisi folia, 119
 Anni constitutionis vis, 63
 Annorum trium vel quatuor ætatem excedere lumbricum latum non posse quā probetur, 99
 Annus veterum quantus, 153
 Anodyna quæ, 136. in sanguinea arthritide, 77
 Anthirrinum, 129
 Antidota Tralliani ad arthritidem, 181
 Antidotus Auctoris ad podagram, 76. Auctoris ad semitertianam, 42. lumbricaria, 107
 Antimonium præparatum, 104. calcinati vires, 38
 Apes robustiores ad duodecimum annum perveniunt, 99. ex verme proveniunt, 87. vita earum inter exanguia longissima, 99
 Apicius de re cibaria scripsit, 147
 Apii radix, 117
 Apios species Tithymali, 124
 Apoplexiæ non valde accidunt lato lumbrico laboranti, 100
 Appendices stirpium, 116
 Apulejus, 146
 Aqua ad aperiendos meatus cutis & absitergendas sordes, 41. ad pestem, & hemitritæam pestilentem, 43. plurima in intestinis reperta una cum tænia, 102
 Aquæ Carolinæ, 106. Eggeranæ, *ibid.* Graffignanæ, *ibid.* Sualbacenses, *ibid.* Tetutianæ, 56, 106
 Aquæ potui indulgent qui lumbricum latum habent, 101
 Aquarum thermalium vis in lumbrico lato expellendo & occidendo, 106. salis item ad eundem usum, *ibid.*
 Aquifolium, 130
 Aquosus sapor, 138
 Arabes lumbricum latum habent, 104. qui de re herbaria scripserint, 146
 Aranea Ἰνέλιον Æliano, 88
 Arborea ἀκαρποὶ, 120. cacthrin producentes, 116. frondes cur habeant, 114. fruticibus perfectiores, 149. magnæ ex parvo semine. 96. magnos fructus ferentes, 97. mites ex fructu cognoscuntur, 130
 Arborum divisio, 129. earum brachia, 114
 Argemone, 127
 Argentum vivum, 107. additur unguentis ad lumbricos occidendos, *ibid.*
 Ari radix cocta alimentum est, 144
 Aristolochiæ radix uterum purgat, 115. insecta, quæ pariunt, vermem à coitu facere asserit, 87. latum lumbricum animal dixit, 93
 Aristoteli ἀτροφον quid, 102. contraria sententia in lib. 14 de Morbis, 99. excrementum duplex, 94
 Aristotelis libri duo de Plantis, 146. locus explicatus, 96. opinio de saporum differentiis, 139. sententiæ de septimestribus & quinquemestribus & undecimestribus exempla opposita, 152, 153
 Armenii populi lumbricum latum habent, 104
 Artemisia cur μονόκλων dicta, 118
 Artes pulcherrimæ unionibus similes, 112. omnium studia difficilima, *ibid.*
 Arthriticis quæ noxia, 83. ab Arthritide qui sint immunes, 72
 in Arthritide qui morbi terminentur, 72
 Arthritis quid, 67. ejus synonymia, & definitio, *ibid.* improprie dicta, *ibid.* à siccitate quomodo fiat, 71. à simplici humore raro oritur, 70
 Articulis innumeris constat lumbricus latus, 100
 Articulus quid, 67. an ab internis causis exsiccari possit, 72. imbecillitas à quibus causis proveniat, 67
 Ascarides cito generantur, 95. nascuntur in intestini crassi parte inferiore, 97. in intestino cæco equorum geniti, 88. plures gignuntur, 97. tertium genus lumbricorū, 88. à Celso omissum, *ibid.*
 Ascyron hyperici genus, 128
 Asinus fœtus singulos parit, 97
 Asphodeli

I N D E X.

Asphodeli radix, 117
 Alstringens sapor quis, 138
 Athenæus, 146
 Athenienses lumbrico lato carent, 104
 Ἀτρεφον quid Aristoteli, 102
 Avenæ semen quale, 124
 Averrhoes, 146
 Aves apodes quæ, 114
 Avicennæ prognosticum de lumbricis, 103

Aurium tinnitus mulieri lumbrico lato laboranti, 102
 Auster inodora, 141
 Auster sapor quis, 138. quæ genere-
 tur, 140. cum acerbo numquam mi-
 scetur, 138
 Autores veteres de re herbaria, 145
 Autumno ad justam magnitudinem per-
 venit lumbricus latus in leuciscis, 199

B.

Bacca, 130
 Bacciferæ plantæ, *ibid.*
 Baycri cataplasma ad arthritidem, 78
 Βαλανίτις, 129
 Balnea artificialia, & naturalia pro ar-
 thritide, 80. quomodo administrari
 debeant, 81
 Balneum alvi profluvium quomodo
 causare possit, 81. aquæ dulcis pro
 calida arthritide, 81. Auctoris pro
 arthriticis, 79. in usu ejus Germano-
 rum error, 80
 Bateca, 129
 Bilis ubi generetur, 63. ex ea teretes
 lumbrici, 95
 Bitumen brevissimo tempore lumbricos
 interficit, 107
 Blattaria, verbasum est, 124
 Blitum tricolor, 118
 Bœotis innasci lumbricum, 104
 Bombycum erucæ, 87. papiliones, *ibid.*
 Bos singulos parit foetus, 97. interdum
 latum lumbricum habet, *ibid.*
 Brassica acris & amara, 138. lac gi-
 gnit, 136. ejus filia, 119. μόνοςπερμύ-
 Penæ, *ibid.*
 Bulbi cur fibras subtus habeant, 115
 Bulbonaca, 125
 Bursa pastoria, 129

C.

Cachrys pilula, 116
 Cactos, 131
 Cæpæ succus potus venenum est,
 Cæsalpinilibri de Plantis, 147. opinio de
 herbæ & cremii significatione, 121
 Calamus aromaticus siccatus tantum
 olet, 141
 Calida in primo gradu, 134. in secun-
 do, *ibid.* tertio, *ibi.* quarto, *ibid.* urinam
 an magis cieant, quam frigida, 135
 Caliditatem indicantes sapor, 139
 Calidos sapor non omnes denotare
 eundem caliditatis gradum, *ibid.*
 Calidum indiget alimento, 102
 Calyx florum, 115
 Calor cum tenui materia, 140
 Calore fit concoctio, 141
 Calor innatus & spiritus format ex pi-
 tuita animal, 95
 Campana peregrina, 126. cæruleæ flos, 119
 Canes paucis annis lumbrico lato labo-
 rant, 100
 Cannabis semen, 108. herba ad muscas

& tabanos aquis infestos, *ibid.*
 Cantharides ex cynorrhodi spongia, 116
 Capparis radix grandis, 117
 Capricoli in plantis quid, 116
 Caput & jecur fontes arthritidis, 69
 Caput lumbrici lati ultimo mori, 100.
 caudam primo confumi, *ibid.*
 Caput papaveris, 128. radices, 116
 Cardamomum ad tæniam occidendam, 106
 Cardiaci morbi efficacia in alterandis
 cordibus ad resistendum igni, 151
 Carduorum genera, 131
 Carduus aræophyllos, 131
 Carduus fullonius, 131. stellatus, 128
 Carnem generantia, 136
 Carnes & obsonia absque pane mulier
 lato lumbrico laborans comedebat &
 quando, 110
 Carnis abstinentia quando imperanda,
 107. jus longum, 144
 Carolus Clusius, 146
 Caro pars plantæ similis, 114
 Cartilago, 117
 Caryocostini electuarii descriptio, 74
 Caryophyllorum genera, 125
 Caseus veteratus mollis, 107
 Cassavi, panes indici, 145
 Castanea non est quercus, 129
 Cataplasma anodynum Paschasi, 77.
 contra lumbricum latum, 107. Galeni
 ex caseo, 82. pro tophis articulo-
 rum, *ibid.*
 Cataputia minor, 124
 Cato, 147
 Cauda radices, 116
 Caudex arborum caulis, 114
 Cauli quadrato qualis ordo foliorum, 119
 Caulis quid, 114. interdum floris pedi-
 culus, 115
 Caulium differentia, 118
 Causa conjuncta arthritidis, 67
 Causæ antecedentes ejusdem, 69. exter-
 na, *ibid.*
 Cauteria in arthritide, 73
 Cedria occidit lumbricum latum, 106
 Celsi prognosticum de lumbricis latis, 103
 Celsus duo tantum lumbricorum genera
 enumerat, 88
 Centaurii majoris radix dura, 117. mi-
 noris exigua, 118
 Centaurium jacea est, 128
 Ceratum excellentissimum ad tophos, 82
 Cerebrum dicitur plantarum medulla
 nonnullis, 115. juvatur odoribus,
 Cerevisia quænam vitanda, 45
 Cerrhus, 129
 Chalcanthum, ejusque oleum, 104. pe-
 riculosum si propellendo lumbrico la-
 to exhibeatur, *ibid.*
 Chamæiris, 126
 Chamæleon albus an habeat pediculum
 caulemve, 115. ejus radix, 106
 Chamæmeli florum præparatio, 40
 Chelidonii majoris succus, 113. radix, 117
 Χέρδελ, 129
 Chermesina purpura, 117
 Chinæ decoctum in arthritide, 76. in
 semitertiana, 40
 Chondrillæ etymon, 122. & Cichorei
 discrimin, 122
 Χόνδρος, 123
 Christophorus à Costa, 147
 in Chrysalida mutari bombycum erucas,
 87

ad Chyli quandam formam reducitur
 pituita à capite destillans in fœtu, 97
 ex Chylo constare lumbricum latum, 95
 Cibi quando in excrementa celeriter
 mutantur, 103
 Cicer legumen, 129
 Cichorei & chondrillæ discrimin, 122
 Cicuta non est quarto gradu frigida, 134
 Cilices habent lumbricum latum, 104
 Cingulum pro tænia accipitur, 93
 Cinamomum siccatum tantum olet, 141.
 ejus cortex & matrix, 118
 Cinara est carduus, 131
 Claviculæ, 116
 Clysters quales in lumbrici lati curatio-
 ne dammentur, 107
 Colici doloris in semitertianis febribus
 causæ, 51. signa, 52. curatio, 53
 Colicos dolores facit lumbricus latus,
 103. teres etiam, 100. curatio eorum,
 107
 Colicus dolor unde spurii nomen ha-
 beat, 56. ejus causa, *ibid.* materia &
 quomodo illa transeat in vesicam, 57.
 ejus curatio, *ibid.* species hieræ cur in
 iis vitandæ, 55. itemque cætera pur-
 gantia, *ibid.*
 Colo intestino innasci lumbricum la-
 tum qui medici senserint, 97
 Colocynthis, 140, 141. pellit lumbricum
 latum, 104
 Color radicum, 117, 118. foliorum, 118.
 foliorum florum, 119. seminum & fru-
 ctuum, 120. violaceus, 125
 Colostrati infantes qui, 98
 Colostrum purgat infantes nuper natos,
 98
 Columella, 146
 Concoctio omnis à calore,
 Concoctio difficilia quomodo deprehen-
 dantur, 145
 Coni & conaria quid, 130
 Coniferæ arbores, *ibid.*
 Consolidæ quæ herbæ, 121
 Constantinus Cæsar notatus, 87
 Convolvuli seu simlacis flos, 119
 Convulsioni quomodo providendū, 107
 Corallina juniorum, 106. unde sic dicta,
 106
 Cor dicitur plantarum medulla, 115
 Cor Germanici Cæs. an cremari non po-
 tuerit, 150. minus semper est in pin-
 guibus, *ibid.*
 Coris hyperici genus, 128
 Cornu cervinum cum melle linctum tæ-
 nias pellit, 106
 Cornu papaveris, 128
 Corona imperialis Lili genus, 125
 Corporis pigrities signum lumbrici lati,
 101
 Corpus gracile fit lumbrico lato labo-
 rantibus, 101
 Corpus radices, 116
 Corroborantia articulos, 75, 79
 Cortice quænam partes vestiantur, 115
 Costa plantaginis, 113
 Costus ex aqua calida ad occidendum
 lumbricum latum, 106
 Cremium quid, 120. herba perfectius,
 149. significatio ex mente Cæsalpini,
 121
 Crines, 116
 Crudi succi qui, 144
 Cucumeri-pepo, 129
 Cucumeris semini similia parit lumbrici
 latus, 99
 Cucumerum genera, 129
 X
 Cucur-

Cucurbita,	129
Cucurbitinus vermis Arabum, 89, 91. dicitur latiarticulus esse, 90. pro lato quibus sumtus,	88
Cucurbitulæ in arthritide,	73
Culis principium vermis,	87
Curatio arthritidis, 73. lumbrici lati difficilis, 103. necessaria, 103. ejus duo genera,	104
Cutis five membrana plantarum,	113
Cyanus jaceæ species est,	128
Cyclaminis radix, 117. uterum purgat,	137
Cyperii genera, 123. radix,	117
Cythii genera,	132
Cythifus inter frutices,	122

D.

Δ Ενδραλόχανον quid,	121
Deliria quibus non valde accidant,	100
Dentaria nodosa,	116
Diascordium Fracastorii,	42
Differentia arthritidis, 67. inter signa latilumbrici & teretis,	100
Digitalis flos,	119
Dioclis verba citata,	144
Dioscorides cur chamæleonem album ἀκανλον vocarit, 115. ejus libri, 146. ejus Malabathrum sine radice esse falsum putat auctor,	115
Discutientia in arthritide,	79
Diuretica,	135
Dolores sedandi potestatem qui tollant, 102. sedantia.	102
Dononicum,	131
Dracunculus Æginetæ est animal, 93. in carduelis coxa inventus,	96
Dryopteris dulcaberba,	138
Δρύς,	116, 129
Dulces quasdam radices venenosas esse,	145
Dulcia nutriunt nos, 144. caliditatem indicant,	139
Dulcis sapor, 138. unde, 140. cum acerbobo miscetur, 138. non indicat excessum caloris primi gradus, 139. ejus cum pingui discrimen,	140

E.

E Lephas singulos parit foetus,	97
Ελικες,	116
Ελμινθας in solis intestinis nasci,	87
Ελμινθεόπανον quid,	106
Ελμινθς quid,	87
Emolliendi vis unde,	135
Emplastrum Fallopii anodynum,	78
Ενπυμα quid Græcis,	87
Epilepsiæ non valde accidunt lato lumbrico laboranti,	100
Epithymi Attici vis,	137
Επιμφάλια medicamenta,	107
Equia singulos foetus parit,	97
Equi laborant lumbrico lato, 89. eorum vermes cucurbitini, 93. quomodo illos defendant Pannonæ a muscis & tabanis,	108
Equiterum,	126
Error in topicis arthritidi applicandis, 71	71
Eruca vermis est, 87. ejus foetus in semine potius qualis,	96
Eschoratica,	134
Elula species Tithymali, 124. à Linaria quomodo distinguatur, 123. radix ejus ad lumbricum latum valet,	104

Evacuante occulta proprietate,	137
Evacuatio aliqua suppressa podagram causat,	68
Εύλαι & σκωλήκια non sunt synonyma, 88	88
Εύοσμα & εύωδη,	139
Euphorbium ad lumbricum latum,	104
Exanguia brevis vitæ,	99
Exasperantia quæ,	135
Excrementum Aristoteli duplex, 94. materia lumbrici lati,	ibid.
Exercitia moderata,	108
Experientia facienda in sano corpore, monstrat alterantes facultates, 142. & nutrientes, 144. & occultas qualitates, 143. quomodo fiat, 142. Auctoris in radice filicis,	106
Ex speciebus semitertianæ prædictio, 27	27
Externa remedia pro lumbrico lato occidendo,	107

F.

F Aba legumen, 129. laxavit patris alvum, 143. facilius aliqui quam ova concoquunt,	145
Fabius Columna,	1. 7
Facultas expultrix cur ad intestina potius, quam alio humores propellat, 51	51
Facultas plantis duplex est, 134, 135. prima quæ, 134. secunda, 135. tertia, ibid.	134, 135
Facultatis alterantis primæ secundæque gradus,	134
Facultatis plantarum indagandæ ratio,	137
Fagus,	129
Fanes canina signum vermislati, 101. cur hoc laborantibus illa superveniat,	102
Febre semitertiana laborantibus cur & quibus conveniat vinum, 44. tertiana laborantes quando cibandi, & quoties in die, 45. & quibus horis, 46. opiata vitare debent, 46. & species hieræ,	55
Febrem nullam, five sit benigna, five maligna, requirere venæsectionem, 31. omnem non esse cum pulsu inæquali, 61. quartanam nonnumquam fieri ex bile, 64. semitertianam omnem requirere venæsectionem,	31
Febres insignes non valde accidunt ægrotanti ex lumbrico lato, 100. intermittentes quando periculosa, 103	103
Febres semitertianæ exquisitæ & non exquisitæ, 4. intermittentes quoque esse, 3. propriæ & improprie, 2. spurie, 2. ubi putredinem suam omnes habeant,	8
Febres semitertianas anno c1010c31 in Italia fuisse frequentes,	15
Febres Φθινώδεις,	23
Febribus semitertianis aer qualis conveniat, 44. destillatum longum cur non conveniat,	44
Febriticantibus & lato lumbrico laborantibus qualia medicamenta conveniant,	105
Febrilis materiæ motus unde fiat,	63
Febri semitertianæ quinam populi magis minusque obnoxii, & quo tempore, 22. & quænam ætates & sexus, 23	23
Febri continua periodica exquisita an dari possit,	4
Febri longæ signa,	27
Febri qualis mulieri lumbrico lato laboranti,	101
Febri quotidiana quomodo à duplici	

tertiana distinguatur,	21
Febris semitertiana an bonum corporis habitum invadere possit, 14. an sit symptomatice vel primaria, 12. cur à paucis medicis animadvertatur, 22. cur detur sine jecoris affectione, 63. vera primi ordinis, 2. secundi ordinis, 2. unde habeat nomen, 1. unde horrida dicatur,	1
Febris semitertiana quomodo distinguatur, à tertiana continua, 17. à tertiana simplici, 18. à tertiana duplici,	18
Febris semitertiana clysteres quales potestulet, 39. Purgationes quando petat, 36. quænam requiratur venæsectionem, 32. & seqq. quantum sanguinis extrahendum, 34. sanguisugæ an, & quando concedat, 34. scarificationes an ubi, & quando adhiberi permittat,	34
Febris semitertianæ quatuor species,	2
Febris semitertianæ causa antecedens posterior, 14. causæ externæ quæ & quot, 15. crises & judicationis modi, 25. curatio cur nec à Galeno nec alio quopiam è veteribus fuerit tradita, 31. materia ubi generetur, 14. ejus motus unde fiat, 63. minoris typus, 19. paroxysmus quamdiu duret, 1. prædictio ex regionibus, ætatibus & anni temporibus, 27. secundi ordinis Gal. & magni hemitritæ barbarorum typus, & quæ in eo notanda, 18. signa ex quibus fontibus sumenda,	22
Febrium quartanarum locus, 10. semitertianarum longe durantium signa,	27
Fernelius notatus,	68, 69
Fibra quid Theophrasto, 113. illi venæ assimilata in plantis,	113
Ficui fructus sine flore,	114
Ficus infernalis,	128
Ficus fructus cito per alvum transit, 144. radix,	117
Figura caulium, 118. foliorum, 118. foliorum florum, 119. radicum, 117. seminum & fructuum,	120
è Figura vires plantarum non cognosci,	138
Filicis laus & virtus, 105. an sit suspecta mulieribus, 106. radicem dulcem habet cum adstrictione, 106. in ejus assumptione quæ diætæ sit servanda, 107	107
Filix flore & semine caret,	115
Flatulenta non augent semen,	136
Florentes plantæ inspiciendæ prius, 132. ex Flore quæ herbæ cognoscantur, 121	121
Flores non ob fructum dari stirpibus, 114	114
Florilegium quid, ejusque conficiendi modus, 147. tituli,	148
Floris stamina, stilus, folia, umbilicus, 116. ejus nomine quid denotetur, 119	119
Florum differentia, 119. papilionacei, 119. partes, 115. partes diversæ in foliis, 142. pediculi interdum caules, 115. usus in plantis,	132
Flos Aphricanus,	125
Fluxio à capite & jecore quomodo fiat,	68
Fluxionis imminens signa,	69
Fœniculum totum calefacit,	141
Fœnumgræcum trifolium est,	122
Fœtus motus quomodo differat à flatu, 153. multis in utero morbis obnoxius,	154
Forestis unguentum pro arthritide,	79
Fœtida ad uteri suffocationem,	142
Fœtida	

I N D E X.

Fœtida cujus temperamentis,	142
Fœtus maturitas quæ, 152. in utero lac fugit & quomodo, 94. an ei innascatur lumbricus latus,	98
Folia ad quid plantis data, 114. ex quibus partibus consent, 115. eorum differentiæ, 118. partes propriæ, 116	
Folia florum quæ, 116. eorum differen- tiæ,	119
ex Foliis quæ plantarum genera cogno- scantur,	121
Forma plantæ quid Auctori, 113. cuique plantarum speciei propria, <i>ibid.</i> ea pri- mum discenda, <i>ibid.</i> læpius inspicien- da, 132. ejus diversitas à partium va- rietatibus,	113
Frigida in primo, secundo, tertio gra- du, 134. valde inimica lumbricis, 104	
Frigiditas & siccitas in tenui materia, 140	
Frigiditate indicantes sapores, 139	
Frigidū aquosum facile congelatur, 99. nullum in quarto gradu cognitum au- tori,	134
Frigus à calida materia quomodo oria- tur,	68
Fructum quæ ferant sine flore, 114	
Fructus nomen quid significet, 120. dif- ferentiæ, 120. partes, 116. umbilicus,	116
ex Fructu quæ stirpes cognoscantur, 121	
Frumentacea,	124
Frumenti genera,	<i>ibid.</i>
Frutex quid,	120
Frutices trifolii,	122
de Fungis Clusii liber,	
Fungorum venenum,	137
Fungus abietis, 116. quintum plantarum genus,	121

G.

G alenus liber introductorius citatus, 89. explicatus, 87. de simplicibus,	146
Galenus cum Theophrasto conciliatus, latum lumbricum pro animali agno- vit,	93
Galeopsidis flores, 124. florum folia, 119	
Galla in foliis quercus & salviæ, 116. in Ledo alpino Clusii,	116
Garcias ab Horto,	147
Gaspar Bauhinus,	<i>ibid.</i>
Generatio lumbrici lati qualis,	94
Geranii genera,	128
Germanorum Platiſſi,	88
Γῆς ἐν πρῶτῳ,	87
Γίζαρτα quid,	130
Γίψεως quid,	98
Glandifera arbores,	129
Glans qualis fructus,	130
Gluten ad glutinandas plantas in florile- gio,	133
Glutinantia,	137
Glycyrrhizæ contrariæ facultates, 139	
Gratus temperamentorum in plantis ut cognoscantur,	<i>ibid.</i>
Gramen unde dicatur, 124. ejus species, <i>ibid.</i>	
Graminis vulgaris radix,	117
Grammaticis quid σκώληκες & σκωλήκια,	87
Granum tinctorum,	117
Gratiolæ herbæ vis,	105
Gravidæ falsa signa, 101, 102	
Gravidis an noceat filix,	106

H.

H ederæ floris vires,	141
Heliotropium,	131
Helleborus pro lumbrico lato,	104
Hemitritæus, <i>vide</i> Febris semitertiana.	
Hemerocallis,	125
ad Hepar ascendit lumbricus latus, 101	
Herba paralyſis,	124
Herba, quid,	120, 121
Herbarum usus multiplex,	134
Hermodylatæ descriptio,	74
Hermodyli quando usurpandi in ar- thriticis,	<i>ibid.</i>
Hermolaus Barbarus,	146
Helperis,	125
Hieracii genera,	123
Hieracium flore purpureo,	<i>ibid.</i>
Hieronymus Tragus,	146
Hippocrates citatus, 87, 152. explica- tus, 98. duo lumbricorum genera no- vit, 88. quid intelligat per ramentum intestini, 89. latum lumbricum animal dixit,	93
Hipocratis opinio falsa,	149
Historiæ memorabiles, 80, 91, 101	
Hirudo aculeatum os habet, 90. vermis est,	87
Hiuccæ indicæ plantæ vis memorabilis, <i>ibid.</i>	144
in Homine nasci lumbricum latum & quando, 98. diutissime is vivit, 100	
ad Hominis ætatem an perveniat lum- bricus latus,	99
Homo omnium finis,	134
Hordei semen,	124
Horti hyemales quomodo parandi, 133	
Humectantes sapores.	
Humectantia in quibus febribus & quo- modo sint usurpanda,	39
Humida, quæ, 135. facile putrescunt, 144	
Humidum aquosum facile corrumpitur, <i>ibid.</i>	99
Humor plantarum,	113
Humore dulci & pingui ali lumbricum latum,	100
Humorum mixtionis duæ species, 6. pu- trescentium in febribus loci plures an unus,	6, 7
Hyacinthi genera,	127
Hyacinthus comosus albus, 127. indi- cus,	<i>ibid.</i>
Hydropica facta mulier à lumbrico la- to,	103
Hydropici ventres cur fiant à lumbrico lato,	<i>ibid.</i>
Hyeme consumitur lumbricus latus in leucisco,	99
Hyoscyamus non est frigidus quarto gra- du,	134
Hyperici genera,	128
Hyssopites vinum,	108

I.

I acea genera,	128
Iacea montana Dalechampii non est jacea,	<i>ibid.</i>
Iacobus Dalechampius,	146
Iacobus Tabernæmontanus,	147
Ibiscus,	123
Ιδιουργησις,	145
Iesmini flos,	114
Ileum intestinum est locus generationis lumbrici lati, 101. in eo etiam ple- rumque degit,	98

Ilex coccigera,	117
Ilex quercus genus,	129
Inappetentia lumbricis teretibus labo- ranti accedit,	101
Indicationes curativæ & præservativæ arthritidis,	73
Indurantia medicamenta,	138
Inodora nullam qualitatem manifestam indicant,	140
Insecta brevem vitam habent, 99. pauco alimento indigent, 102. ex animalibus sui generis procreata vermem faciunt, 87. sanguine carent, <i>ibid.</i> vermes di- cuntur, & cur, <i>ibid.</i> quædam pariunt sui simile animal,	99
Insectorum obscura nomina veteres ver- mem exposuerunt,	87
Inspida possunt esse frigida in tertio gradu,	139
Inspidus sapor, 138. unde,	140
Intemperies causa proxima arthritidis, <i>ibid.</i>	67
Intestina divelluntur à lumbrico lato, <i>ibid.</i>	100
in Intestinis tenuibus generari lumbrici- cum latum,	97
Intestinatorum genera duo, 97. interior tunica an in lumbricum converti queat, 94. lupinorum præparatio ad semitertianam, 53. ramentum quid Hippocrati,	89
Intybaceæ herbæ,	122
Ioachimus Camerarius,	147
Iohannes Costæus, 147. Ruellius, 146. Thalius,	147
Iridis genera, 126. radix geniculata, 117. radix siccata plus olet quam viridis, 141. tripolitanæ flos,	126
Iridi fructus sine flore,	114
Iris ubi nascatur,	110
Iuglans cæchrin fert,	116
Iulius Cæsar Scaliger,	145
Iuncus, 123. floridus Matthioli est cy- perus rotundus auctori, 123. odora- tus, <i>ibid.</i> triangularis,	<i>ibid.</i>
Ius carnis longum,	44

K.

Κ άκωδμα,	139
Κακώχυμα,	114
Κάνθαρος, quid,	142
Κάπρον,	130
Κείρα Arabum,	125
Κείρα & Κείρα,	89
Κλάδον quid,	120
Κόκκον,	117
Κολοκύνθη,	129

L.

L acertæ in intestinis genitæ,	88
Lac gignentes herbæ, Polybo quid, 94. ex mammillis subtrahit lumbricus latus, & cur, 102. filicis usu redditur mammillis quod erat subtractum, 106. in utero matris fugitur à fœtu, 94. pu- rum quibus præberi debet, 107. pur- gans infantes nuper natos,	98
Lactariæ herbæ,	124
ex Lacte clyster,	107
Lactis boni indicia, 98. ejus esu affici la- borantes lumbrico lato,	101
Lactuca cum oleo & aceto utilis, <i>ibid.</i> lac in mammis profert, sylvestris, 124	
Lævigandi vis unde,	135
Lagopus trifolium dicitur,	122
Lanium, 123. verum Plinii,	118

Lanionum observatio de lumbrico lato, 97
 Lapidus Lazuli vires contra febres semitertianas, 41
 Lascr, 113
 Lassitudo corporis continua cui, 102
 Lathyrus, 129
 Ledum alpinum Clusii gallam fert, 116
 Leguminum genera, 129
 Lenientia in arthritide biliosa, 74. in melancholica, 75
 Lens legumen, 129
 Lentis palustris radices, 115
 Leonardus Tuccius, 146
 Leucacantha, est carduus, 131
 Leucisci quamdiu lato lubrico laborent, 100. quando hic in illis generetur, 99
 Leucographis, est carduus, 131
 Leucoji descriptio, 125
 Leucorum bulbosum Theophrasti, 125, 126. Fuchii, 125
 Lien unde accipiat colliquationem, 64
 Lignum est medulla caudicis, 115
 Lilia (phodelus, 125
 Lili genera, 125. radix bulbifera, 116
 Lilium Perficum, *ibid.* rubens bulbosum, 116
 Lini & linariae genera, 123
 Lithospermon, 129
 Lixivium cum oleo datur contra lumbricos, 106
 Locus intra venas quis, 7
 Locus putredinis extra vasa quotuplex, 8
 Loti genera, 122
 Lucretii sava vermina, 88
 Lumborum dolores in febribus unde fiant, 28
 Lumbrici lati articuli, 90. caput, *ibid.* corpus, *ibid.* descriptio, 89. longitudo, *ibid.*
 Lumbrici teretis figura cum ex pituita in animal transit, 95. generatio, 95
 Lumbrici teretes quatuor in trunco vena portae inventi, 90. una cum primo stercore excernuntur à pueris, 98. terreni, 87. aculeatum os habent, 90. vox late sumta, 87
 Lumbricorum tria genera, 87
 Lumbricos occidentia medicamenta, 105
 Lumbricum latum una cum primo stercore excernunt pueri, 98
 Lumbricus animalium exaguium maxime dearticulatum, 100. in animalium intestinis nascitur, 87. vermes terrenos significat, 87. vermis est, *ibid.*
 Lumbricus latus an sit animal, 93. cur difficulter congeletur, 100. aut moveatur, 101. cur non facile curetur, 105. pilulis ex diatriba cum rhabarbaro, itemque ex hiera Ruffi ejectus, 105. rotundus vel planus; 88. sponte provenit, 93. unicus nascitur, 97
 Lumbricus teres dicitur aliquando *ἐλμυξ*, 87. in tenuibus intestinis generatur, 97. intestina perforat, 90
 Lunaria laphanites, 125. regia, *ibid.*
 Lupinus, 129
 Luta naturalia pro arthriticis, 80
 Lycostomum aconitum, 131
 Lysimachia purpurea trifolia, 118

M.

Macies lumbrico lato laboranti unde, 102
 Malabathrum non est sine radice, 115

Μαλάχη, 128
 Mali punici decoctum, 106. radiculæ, *ibid.*
 Malvarum genera, 128
 Malum granatum, 130. pomi genus, *ibid.*
 punicum, *ibid.*
 Mandragora, 117
 Marcellus Virgilius, 146
 Marrubii flores, 120
 Martagon lilii genus, 125
 Materia lumbricorum duplex, 94. propria lumbrici lati, 95. saporum, 139. 140.
 Matrix ligni, 115
 Matthias l'Obelius, 146
 Maturitas foetus quæ, 152
 Meconium, 98. 113
 Medica, 122
 Medicamenta suspecta in lumbrici latitudo, 104
 Medicamentum quid, 134
 Medici qui requirunt pituitæ copiam in generatione lumbrici lati, 96
 Medicorum communis error in cibatione ægrotorum, 45
 Medium Dioscoridis viola dicta, 125
 Medulla in caudice lignum & matrix dicitur, 115. radice pars interna, *ibid.*
 Mel acre est ac dulce, 138
 ex Melancholia ascarides gigni secundum Oribasium, 95
 Melchior Guilandinus, 146
 Melilotus, 122
 Melmela, 108
 Melones, *ibid.*
 Melopepones cruciatus excitant, 102
 Memoria nostra labilis, 132. in ea servanda Plantarum formæ, 133
 Menses quomodo moveantur, 135. quando naturaliter subsistant, 154. subtrahit lumbricus latus, 102
 Mentha, 123
 Mercatus notatus, 80
 Mercurius præcipitatus, 104
 Metatides populi ignoti, *ibid.*
 Milii semen quale, 126
 Milium folis, 129
 Milzattilla, 118
 Monstrosi vermes, 91
 Moraviae lacus Coblicensis, 104
 Morbi mites & securi quando periculosi evadunt, 103. qui in arthritidem terminentur, 72
 Mori arboris radix, 106. cortex radice ejus purgat, *ibid.*
 Mostarda Gallorum & Belgarum, 107
 Motus lumbrici lati emaciat corpus, 103
 Muci in ore pulli equini jamjam nati utilitas ad febres semitertianas, 49
 Mufcæ principium, vermis, 87
 ad Mufcas equorum abigendas quæ valeant, 108
 Musci marini species corallina est, 106
 Myrrhis acris & dulcis sapor, 138

N.

Napellus, 132
 Narcissi genera, 125
 Narcissus lilium vocatus, *ibid.* montanus Theophrasti, 126
 Narcissus nonnullis flos sine fructu, 114
 Narcotica, 127. 136. non sunt frigida in quarto gradu, 139. quæ in doloribus articularum administrari possint, 77
 Nasturtium, 106. 121. indicum, *ibid.*
 Nervus plantarum, 113

Nicolaus Monardes, 147
 Nitri vires in febribus, 38
 Nodi in dentariæ quodam genere, 116
 Nomina plantarum quæ & quando disceda, 132
 Noces juglandes, 107
 Nuciferae arbores, 130
 Nux pomi genus, *ibid.*

O.

Occultæ proprietates, 137. earum dignotio, 142
 Oculi lucentes in lumbricum latum habentibus, 101
 Oculus fabæ, 116
 Odorata cujus temperamenti, 141. multa non sunt amara, *ibid.*
 ex Odore quæ stirpium genera cognoscantur, 121
 Odores foliorum, 118. radicum, 117. incertius facultates plantarum indicare quam sapor, 140. juvant cerebrum, 142
 ex Odoribus quæ plantarum genera cognoscantur, 121
 Odorum differentia, virtutes, 142
 Oleum Autoris ad lumbricos occidendos, 107. Cannabinum, 108. Chamæmelinum Autoris, 41. ex cyclamine quomodo præparetur, 54. Guajaci, 79. Nucum juglandium, 108. omni infecto inimicum, 107. Petroleū, *ibid.*
 Scorpionis, 43. Viperinum in arthritide, 79
 Olivæ albæ, 107
 Ομυα fabæ quid Aristoteli, 116
 Ononis, 122
 Onopordus est carduus, 131
 Onopyxus item, *ibid.*
 Opiata Cornelii Gemmæ, 42
 Opium, 113. ejus vis, 139. non est frigidum quarto gradu.
 Οπός, 113
 Orchides, 117. 121
 Ordo librorum scribendorum de re herbaria, 148
 Ore multum spuunt lumbrico lato laborantes, 101
 Ori animalium radicem assimilavit Theophr., 115
 Oribasius citatus, 146. explicatus, 95
 Orobanche legumen, 129
 Orobus, *ibid.*
 Oryzæ semen, 124
 Ostridis flores, 123
 Os pars similis, 113. 114
 Οσσελον, 129
 Ova in fornacibus exclusa, 155. taricha, 107
 Oxylaccarum vel Oxymeli, 108

P.

Palladius, 147
 Palma Christi ab orchide differt, 122
 Palmæ caudex intus continet nervum, 113
 Pancreatii radix, 138
 Panici semen, 124
 Panis autopryos, 106. confectio, 96. ex filicis radice, 106
 Papaverculum, 98
 Papaver corniculatum, rhæas, 127. spinosum, 128
 Papaveris esu qui afficiantur, 101
 Papaverum genera, 128
 Papi-

Papilionis genus parit semini cnici quid simile, 87
Pappas indorum, 120
Πάπας, 117
Paralytis causæ in febris semitertiana, 52
Παραλυτικές, 116
Pardalianches, 131
Partes dissimilares communes, 114. 115. similes, 113
Partibus humani corporis certis destinata plantæ,
Partium differentia, 117. dissimilium enumeratio, 114. enumeratio, *ibid.* propriarum enumeratio, 116. varietas diversas plantarum formas constituit, 113
Partus tempus duplex, 152. incertum, 151. ejus causæ, 154
Partus præcoces ab abortu quomodo distinguendi, 152
Partus vermis lati, 99
Paulus Ægineta,
Pectus unguento veteres cur perungerent, 142
Pediculus floris & fructus principium, 114
Pentaphyllum, 122
Peplus, 124
Pepo, 129
Perfectæ plantæ quæ, 114. quando descendæ, 132
Perfoliata, 128
Περφόλιτα, 116. 120
Pericula ex neglecta curatione lumbrici lati, 103
Petiolus foliorum, 115
Petroselinum, 141
Petrus Andreas Matthiolus, 146
Petrus Bellonius, 147
Petrus Pena, 146
Phaseolus, 129
Pheretima Cyrenes regina, 88
Philosophia herbaria difficilis, 112
Phlomidæ, 124
Phocærum solertia, 112
Φόκαρον quid, 120
Phryges carent lumbrico, 104
Phyllitis, 115
Pilæ figura exit lumbricus latus, 99
Pilosas radices quæ habeant, 116
Pilosellæ pili in foliis, 117
Pilulis diaturbith cum rhabbarbo expulsi lumbricus latus, 105. ex hiera Ruffi idem eiectus, *ibid.*
Pimpinellæ Polonicæ granula, 116
Pinguis sapor unde, 140
Pinus, 130. cachrin producit, 116
Piscatores ineptos qui imitentur, 112
Piscatorum observatio circa leuciscos, 99
Pisces encrasicholi, 107. plani *παλιέες* Græcis cur non potius lati dicti, 88. tæniostubi, 104
Piscis aquam cauda quotientis sonitum excitat in ventre lumbricus latus, 102
Pistachia, 130
Pistolochiæ radix cava, 117
Pisum, 129
Pituita magna copia non requiritur ad generationem lumbrici lati, 97. qualis declinatio ad lumbricos producidos, 95
Pituita à capite destillans ad quamdam chyli formam in foetu reducitur, 97. quomodo transeat in lumbricum latum, 95
Pituitosæ arthritidis externa & interna medicamenta, 78

ex Pituitosa materia omnes lumbricos nasci, 95. latos præcipue, 94. 95
Plantaginis nervus costa dicitur, 113
Plantæ aliis plantis innascentes, 114
Perfectæ quæ auctori, *ibid.* perfectæ ante imperfectas descendæ, quomodo siccandæ, 133. umbelliferæ, 119
Planta res varia est ac multiplex, 115
Plantam nullam non esse medicamentum, 143
Plantarum agglutinandarum ratio, 133
depingendarum ratio, 133. differentietot, quot formæ diversitates, 113. exactæ cognitioni quæ conferant, *ibid.* naturæ cognitu difficiles, 112
in Plantis quæ primum discenda, 113
Platonis opinio quæ falsa, 149
Πλάτων quid, 88
Plinii Valeriani emplastrum pro arthritide, 77. potio ad arthritidem, 40
Plinii libri de Stirpibus, 146
Plinius animadversus, 126. correctus, 127. lapsus, 116
Πόα quid proprie, 124
Podagra cur Bacchi & Veneris filia fingatur, 69. periculo non vacat, 68.
Podagrici cur generent podagricos, 69. multi sanati, 72
Polyacantha est carduus, 131
Polypodio inesse contrarias facultates, 139
Pomacium vinum, 108
Poma Cybeles, 130. S. Iohannis, 108
Pomiferæ arbores, 130
Pomo cum melle hausto purgatur infans. 98
Pomorum genera, 130
Pomum quid Autori,
Positio florum, 119. foliorum, *ibid.* fructuum, 120. radicum, 118
Potio Plinii Valeriani ad arthritidem, 40
Præparantia in biliosa arthritide, 74. in melancholica, 75
Præparatio ante curationem lumbrici latit necessaria est, 104. objectiones contra eam, 105. qualis esse debeat, 104
Prava & concoctu difficilia quomodo deprehendantur, 145
Pravi succi qui, 144
Primæ facultates, 134
Prosper Alpinus, 147
Προσπεφυκε Aristoteli quid, 96
Prunorum genera tria, 130
in Pueris raro lumbricus latus, 98
Pulsus in lato lumbrico laborantibus qualis, 100
Pulvis Comitæ de Harwick & ejus dosis, 37. quando maxime sit usurpandus, 38. peculiaris Autoris ad arthritidem, 53
Pumices gignit quercus, 116
à Purgante medicamento non exit totus lumbricus latus, 105
Purgantia in biliosa arthritide, 74. in forma solida an convenient biliosæ arthritidi, 74. in melancholica arthritide, 75. in sanguinea, 75. quæ sint, 137
Purgatio in accessione arthritidis periculosa, 74
Purgat mori radices cortex, 106
Puri similis materia in intestinis foetus, 94
Pus movendi facultas, 135
Putredinis locus extra vasa quotuplex, 8
Putrescentia facile, humida sunt, 144
ex Putri nata animalia non generant sibi simile, 99

Q.

Quæ arthriticis noxia, 83
Qualis aer ad semitertianæ generationem requiratur, 16
Qualitates manifestas indicantes sapores, 139. ratio & experientia notificant, 142. occultæ, quæ, 137. earum investigatio quomodo fiat, 142
Quartana à lactuca & brassica sanari visla, 143. quo tempore plerumque solvatur, *ibid.* in lumbricum latum habentibus periculosa, 103
Quercus cachrin producit, 116. folia gallam ferunt, *ibid.* genera, 129. multa generat ob morbum, 117
Qui morbi in arthritidem terminentur, 72
Qui sint ab arthritide immunes, 72
Quinquemestrium puerorum exempla, 152

R.

Radices bulbosæ, 116. dulces quædam venenosæ, geniculatæ, 117. pilosæ, 116
Radices omnibus plantis inesse, 114
ex Radicibus quæ herbæ cognoscantur, 121
Radicibus quibusdam fructus nomenclari, 120
Radicum differentia, 117. fibræ, 115. partes externæ attrahunt, internæ concoquunt, 115
Radix quid, 114. corticem exterius habet, 115. prius nota esse debet quam aliæ partes, 149. ventri & ori animalium similis, 115
Ramorum differentia, 118
Ramus quid, 114
Ranarum viridium vires, 41
Ranunculi primum genus Dioscoridis, 127. ab Anemone differunt, 127
Ranunculum genera, 126
Ranunculus nemorensis albus, 127. radice scrofulariæ, *ibid.*
Raphani radix, 118
Ραφανώδες radices, 116
Raphanus marinus, 107. hispanicus, *ibid.*
Ratio inventrix alimentorum, & medicamentorum.
Recidivæ unde fiant, 57. quomodo curentur, *ibid.*
Recoctaria, 126. 139
Refrigerantia & humectantia quomodo & in quibus febribus sint usurpanda, 39
Rembertus Dodonæus, 146
Repellentia in arthritide quomodo applicanda, 77
Ricini grana pro lumbrico lato, 104
Robur,
Rondeletii pulvis pro arthriticis, 78
Rosæ floris temperamentum, flosculi aurei, 116. odorem quis non sustineat, 143. odore moriuntur scarabæi, 142. sylvestris (spongia, 116. trita cur odorem non spirent, 142
Ruelli opinio Cremio, 120
in Rupicapræ ventre inveniri radicem Doronici, 131
Rusci radices sapor, 138
Rustici raro laborant podagra, 72
Ruta capraria, 137. sylvestris Dioscoridis, 140

X.

Sal

S.

Sal Chymicorum, 139. omni insecto inimicum, 107
 Salem cur pecoribus objiciant pastores, 141
 Salsa inodora, 141
 Salsus sapor, 140. caliditatem indicat, *ibid.* quibus plantis inlit, 120. unde fiat, 140
 ex Sanguine & lacte quomodo fieri possit lumbricus latus, 94
 Sanguis Aristoteli pars animalis, 113
 in Sano corpore facienda experientia, 145
 ex Sapore & odore quæ stirpium genera cognoscantur, 121
 Sapores boni cum bonis odoribus, 142. calidi frigidique, 139. mixti, 138. qualitatum activarum certissimi indices, 139. etiam passivarum, 140. suaves qui, 143
 Saporum differentia, 140. materia, quibus singuli inhaerent, *ibid.*
 Sarsæ parillæ decoctum in semitertiana, 40, 41
 Satyria, 121
 Saxifragiæ, *ibid.*
 Scabiosæ genera, 127
 Scabiosa montana Dalechampii jacea non est, 128. Pannonica Clusii, 127
 Scaligeri opinio de Cremio, 120. de usu florum ac foliorum, 114
 Scammonii vires, 38
 Scammonium pellit lumbricum latum, 104
 Scarabæi in intestinis geniti, 88. odore rosæ moriuntur, 142
 Σχολιπρόβειον corallina est, 106
 Scientiæ, & artes quomodo tironibus tradendæ, 112
 Scientia plantarum quæ exacte cognoscenda, 113
 Scientiarum omnium studia difficilima, 112
 Scirpi junicorum, 123
 Scolymus, 131
 Scordium, 138. ex aceto, 106
 Scorpionū oleum ex descriptione Matthioli, 107. Moribus quæ conducant, 138
 Scrophularia, *ibid.*
 Secale, 124
 Secundæ facultates medicamentorum, & earum investigatio, 140
 Sedes humoris in arthritide, 68
 Semen augentia, & extinguentia, 136. augentia an flatulenta, *ibid.* plantarum quid, 114
 in Semine principium ex quo radix ubi, 116
 Seminis generatio, 69
 Seminum differentia, 120. umbilicus, 116
 Semitertiana, *vide*, Febris semitertiana.
 Sempervivi genera, 131. majoris sapor, 139. usus ad inflammationes, 143
 Senecionis facultas, 107
 Senectus lumbrici lati, 100. quomodo ea cognoscatur, 104
 Senæ foliis in aceto maceratis expulsus lumbricus latus, 105
 Serpentis fœtus in ovo positio, 96
 Serratula jacea est, 128
 Sextimestrium puerorum exempla, 152
 Sexu non distinguitur lumbricus latus, 99
 Siccæ plantæ quæ magis oleant viridibus, 141

Sicca in primo, secundo & tertio gradu, 135
 Siccitas cum tenui materia, 140
 Siccitatem indicantes sapes, *ibid.*
 Siciliana, 128
 Sideritis tertia Dioscoridis, 138
 Signa accessionem in arthritide venturam indicantia, 72. arthritidis atrabilialis, biliosæ, pituitosæ, sanguineæ, 70. arthritidis quomodo fallant, 70. arthritidis Gallicæ, 71. causæ conjunctæ arthritidis, 70. diagnostica arthritidis, 70. lumbrici lati communia, 100. prognostica arthritidis, 72. propria lumbrici lati, 100. recidivæ in alium morbum, 27
 Σίκυα, 129
 Σικυωπέπων, *ibid.*
 Similares & dissimilares partes, 113
 Sitis qualis in muliere habente lumbricum latum, 102
 Smaragdi vires contra febres semitertianas, 41
 Smyrniæ radix mollis, 117
 Solanum manicum cerebrum petit, 123
 Soldanella non est brassica, 123
 Sophonia Plinii, 118
 Soranus dracunculum animal esse negavit, 93
 Spatula fœtida, 139
 Spiræ lumbrici lati, 90
 Spoel-worm Germanorum, 89
 Spongia rosæ sylvestris, 116
 Spontaneus lati lumbrici exitus à corpore, 104
 Stamina floris, 116
 Stephanus Aqueus, 146
 Stœbe Salamantica Clusii non est jacea, 128
 Stœchas citrina herbariorum, 106
 Stramonium, 137
 Στρέβυλον quid, 88
 Strumea Plinii, 126
 Stylus floris, 116. foliorum, 115
 Suber quercus genus, 129
 Succu pravi qui, 144
 Suffrutex quid, 120
 Suffumigium contra tenesmum, 50
 Sulphuris suffumigium aër alterandus pro lumbrico lato laborantibus, 108
 Suppositoria ad educendum lumbricum latum, 107
 Surculus ramorum, 114
 Syncopas facit lumbricus teres, 100
 Syri habent lumbricum latum, 104
 Syrupus è floribus persicorum, 108. rosarum laxativus purgat infantes, *ibid.*

T.

ad **T**Abanos equis infestos quæ conducant, 108
 Tanacetum Aphricanum auctoris, 125
 à Tactili qualitate differentia radicum, 117. caulium, 118
 Tactus temperamenti certissimus index, 138
 Tænia lumbrici lati nomen proprium, 88
 degener auctoris, 91
 Ταυνία, 88
 Tarma Italis veterinariis, *ibid.*
 Temperamentorum gradus ut cognoscantur, 139
 Τεπεδόνες Absyrti, 88
 Terræ intestina valent ad omne genus lumbricorum, 106
 Terra Cimolia & Melitenis, *ibid.*

Tertiæ plantarum facultates alterantes, 135
 Tertiarum facultatum investigatio, 140
 Tertiana in lumbrico lato laborante non valde tuta, 103
 Thapsiæ vis, 137
 Thebanis non est lumbricus, 104
 Theca florum, 115
 Θελαπτερις, 105
 Theodorus Gaza Theophrasti interpres, 145
 Theophrasti historia plantarum, 145. de saporibus opinio, locus emendatus, 121, 128, 131. obscurus animadversus, 113. locus de populis lumbricum habentibus, 104
 Theophrastus animadversus, 106. cum Galeno conciliatus, 141. filicem gravidæ mulieri negavit, 106 quas differentias attribuat partibus plantarum, 117
 Θελα cur dicantur ventris lumbrici, 88
 Θελα, *ibid.*
 Theriacæ laus ad occidendos lumbricos, 107
 Thlaspi clypeatum, 129. Cretici flores quid efficiant, 142. genera, 129
 Thora non est Aconitum, 131
 Thraces carent lumbrico, 104
 Thymum minutum semen ferre, 114
 Tignamica Hetruscorum, 106
 Tinearum Marcelli & Scribonii Largi, *ibi.*
 Tineis similis Ascaris, 88
 Tithymalorum genera, 113, 124
 Topica quæ in arthritide sint administranda, 76
 Tormen in ventriculo lumbricum latum habentis, 101. quomodo huic provideatur, 107
 Tormentilla, 122
 Tralliani antidota ad arthritidem, 81. cataplasma, 78. externa medicamenta, 81
 Trifolii folia, 119. pratensis flores & fructus, 122
 Trifoliorum genera, *ibid.*
 Trifolium bituminosum, *ibid.* Salamanticum Clusii, *ibid.*
 Tritici genera, 124. vulgaris semen quale, 124
 Triticum multum nutrit, 144
 Trochisci chamæmelini, 41. Plinii Valeriani, 47
 Tubera terræ nil aliud quam radices, 115
 Tulipan lili genus, 125, 126
 Typha, 123

V.

Valeriolæ de generatione lati lumbrici sententia, 96
 Varro, 147
 Vasorum differentia secundum magnitudinem, 7. secundum loca & connectionem, 8
 Vena plantarum pars similis, 113. fibris assimilata, 113
 Vena in arthritide secunda, 73
 Venarum mesaraicarum orificia obstruit lumbricus latus, 102
 Venenis aliquos educatos esse, 145
 Venenorum vis, 137. in alterandis cordibus, ut igni resistent, 151. nullum toti corpori, omnia partibus tantum, uni aut pluribus nocent, *ibid.*
 Venenosa nonnulla dulcia, 145
 in Ventre quid perpessa mulier à lumbrico lato, 101
 Ventri

I N D E X.

Ventri animalium similis radix plantarum, 115
 Ventriculi officium, 143
 Verbasci genera, 124
 Verbenæ vis, 105
 Veris initio leuciscorum venter non tumet, 99
 Vermes brevioris sunt vitæ, & cur 99. in animalium ventre nascentes lumbrici dicuntur, 87
 Vermina sæva Lucretii, 88
 Vermiculus grani tinctorii, 117
 Vermis cucurbitinus Arabum quis, 91
 Vermis Autori quid, 87. Grammaticis quid, *ibid.* omne insectum quodammodo complectitur, *ibid.*
 Vesicantia an administranda in arthritide, 73
 Vicia legumen, 129
 Vitæ ratio extra accessionem in arthritide servanda, 83. in arthritide biliosa, 76. in arthritide pituitosa, 84. in curatione lumbrici lati, 107
 Vigilæ non valde accidunt ægrotanti ex lumbrico lato, 100
 Vincæ pervincæ vis, 136
 Vini fastidium à lumbrico lato, 101
 Vinosus sapor, 138

Vinum quale præscribendum qui lumbrico lato laborant, 108
 Viola autumnalis Gallorum, 125. barbara Dalechampii, 125. latifolia, *ibid.*
 lutea, *ibid.* mariana, *ibid.* martiæ flores frigidi, matronalis, *ibid.*
 Violæ, *ibid.*
 Vires an ad venæ sectionem sufficientes sint quomodo cognoscendum, 33
 Virgilius cur Narcissum purpureum dixerit, 126
 Viridia quædam cur magis oleant quam siccata, 141
 Vmariæ vires in sedandis doloribus articulorum, 77
 Vitæ brevioris sunt animalia minus dearticulata, 100
 Vitam longam habet lumbricus latus, 99. & cur, 100
 Viticulæ, 116
 Vitis annuli, *ibid.*
 Umbilici regioni quæ medicamenta imponenda contra lumbr. latum, 107
 Umbilici veneris folia concava, 118
 Umbilicus floris, 116. fructus, *ibid.* feminis, *ibid.*
 Undecimestrium exempla, 153
 Unguenta quæ convenient, in curatione

lumbrici lati, 107. iis argentum vivum non admiscendum, *ibid.*
 Unguento cur pectus perfunderent antiqui, 142
 Unionibus similes scientiæ, 112
 Vocis interceptio a lumbrico lato, 101
 Vomitoria in pituitosa arthritide, 75. quibus sumenda, 39. quibus vitanda, *ibid.*
 Vomitu aliquando rejicitur lumbricus latus, 104
 Vomitus in quibus febribus utiliter intituatur, 39
 Vrinam ciendi facultas unde, 115
 Urtica mortua, 123
 Usus herbarum multiplex, 134
 Uterus lumbrico lato deest, 99
 Wasserka. b Germanis quid, 89

X.

Ξυζαγγελίον quid Hippocrati, 100
 Xyridis flos, 126
 Ξυζαγγελίον Hippocrati quid, 89

Z.

Zinglii cujusdam cor cremari non potuit, 150

F I N I S.



